





SEMINARI  
(CULENBURGENSIS)  
S. J.





4108

BRITISH MUSEUM

GEOMAGNETIC

39-A

Rb 523102

A-330

010







BIBLIOTHECA COLLEGI  
NEOMAGENSIS S. J.

AD CONCILIA  
VENETO-LABBEANA  
SUPPLEMENTUM.



AMSTELÆDAMI  
MUSEI HISTORICO-NATURALIS

AD CONCILIA  
VENETO-LABRIANA  
SUPPLEMENTUM



SANCTORUM  
CONCILIORUM  
E I  
DECRETORUM  
COLLECTIO NOVA,

SEU

COLLECTIONIS CONCILIORUM  
A PP. PHILIPPO LABBEO, & GABRIELE COSSARTIO

*Soc. Jesu Presbyteris*

PRIMUM VULGATÆ,  
DEIN EMENDATIONIS, ET AMPLIORIS  
OPERA NICOLAI COLETI SACERDOTIS  
VENETIIS RECUSÆ  
SUPPLEMENTUM,

*In quo additamenta, variantes lectiones, emendationes  
ad Concilia Veneto-Labbeana;*

NOVA ITIDEM CONCILIA, AC DECRETA PERMULTA EXHIBENTUR.

*Omnia ex editis & M. SS. codicibus undique quæsitis Græcis Latinisque, collegit, digessit, additisque  
præfationibus, notis, dissertationibus historicis, criticis, chronologicis, dogmaticis illustravit*

JOANNES DOMINICUS MANSI  
LUCENSIS

*Clericus Regularis Congregationis Matris Dei.*

TOMUS QUARTUS

Ab anno MCCCCXV. ad annum MCCCCXXXVII.



LUCÆ MDCCL.

Ex Typographia Josephi Salani, & Vincenzii Junctinii.  
SUPERIORUM FACULTATE.







# SYLLABUS

## EORUM, QUÆ IN QUARTO CONCILIORUM

### TOMO CONTINENTUR.

ANNO  
CHRISTI  
1415.

**A**D Constantiense oecum-  
enicum concilium Addi-  
tio. col. 1. 2.  
Acta reliqua in causa Joannis  
Parvi. *ibid.*  
Epistola Caroli VI. Francorum  
regis ad deputatos a Synodo.  
*ibid.*  
Judicium deputatorum concilii.  
*ibid.*  
Schedula sententiæ producta per  
D. C. Cameracensem. 11. 12.  
Schedula alia ejusdem. 13.  
Libellus ex parte ducis Burgun-  
diæ oblati synodo Constanti-  
ensi. 14.  
Requête D. Symonis de Teramo  
&c. 15.  
Appellatio Gersonitarum. 17.  
Cedula episcopi Atrebatensis. 18.  
Instrumentum oppositionis contra  
Symonem de Teramo. 19.  
Conclusiones nationis Gallicanæ  
circa petitiones Jo. Gersonis &  
episcopi Atrebatensis. 23.  
Instrumentum appellationis Pro-  
curatoris ducis Burgundiæ. 34.  
Instrumentum nationis Picardiæ. 35.  
Schedula Deputatorum universi-  
tatis Parisiensis. 38.  
Epistola Sigismundi imperatoris ad  
Synodum. 42.  
Sententia in Synodo Constantiensi  
lata. 46.  
Cedula Concordiæ in causa IX. af-  
fectionum per patriarcham An-  
tiocenum recepta. 47.  
Cedula alia. 48.  
Declaratio trium cardinalium ju-  
dicum &c. 49.  
Appellatio ducis Burgundiæ. 50.  
Sententia nationis Germanicæ. 54.  
Cedula tradita per Ardicinum. 54.  
Deliberatio ambassiatoris regis Da-  
ciæ. *ibid.*  
Protestationes domini Burgundiæ.  
55.  
Conclusiones cardinalis Camera-  
centis. 60.  
Cedula exhibita per magistrum  
Joannem Campani procurato-  
rem Regium. 60.  
Memoriale Joannis Gersonii exhi-  
bitum in concilio Constantiensi  
in causa propositionum Jo. Par-  
vi. 61. 62.  
Appellatio interjecta per Con-  
radum Ludeking substitutam pro-  
curatoris domini regis Franco-  
rum. 64.  
Apostoli super appellatione. 66.

ANNO  
CHRISTI  
1415.

Cedula supplicationis. 66.  
Instantiæ ambassiatorum ducis Bur-  
gundiæ. 67.  
Constitutio Carolina in concilio  
Constantiensi admittitur & con-  
firmata. 68.  
Sigismundi imperatoris Diploma  
pro decernenda executione Car-  
olinæ. 68. 69.  
Bulla papæ Johannis XXIII. cum  
archiepiscopi Cant. certificato-  
rio pro concilio Constantiensi.  
74.  
Additio ad Sessionem VI. concilii.  
77.  
Admonitio collectoris. *ibid.*  
Additio ad Sessionem IX. 78.  
Additio ad Sessionem XIV. 79.  
Epistola concilii ad Viterbienses.  
80.  
Admonitio Collectoris ad Sessionem  
XV. 81.  
Additio ad Sessionem XXXVII.  
81. 82.  
Ad Sessionem XLI. ad electionem  
Martini V. pertinentia quædam.  
84.  
Narratio de forma et modo ejus  
electionis. 84. 85.  
Epistola Balthassaris Cosac, qui  
fuerat Joannes papa XXIII. isti-  
us nominis, ad Petrum de Lu-  
na dictum Benedictum XIII. ex  
Baluzio, & ex M. S. Codice Lu-  
centi, ex quo variantes, *hic pri-  
mum eduntur.* 88. 89.  
Epistola Martini Papæ V. ad Ren-  
tium de Columna, ex MS. co-  
dice Lucensi, *hic primum edi-  
tur.* 93. 94.  
Ejusdem Literæ ad magistrum &  
populum Viterbiensem. 94.  
Epistola collegii cardinalium ad  
universitatem Coloniensem. 96.  
Instrumentum Studii Heydelber-  
genis. 98.  
Additio ad Sessionem XLIII. 100.  
Bulla Martini papæ V. in conci-  
lio Constantiensi, forte, lata,  
qua concessæ exemptiones tem-  
pore schismatis tolluntur, ex  
MS. Codice ab R. P. Josepho  
Bergantini Ord. Serv. B. M. V.  
*hic primum editur.* 100.  
Præmonitio collectoris. 100.  
Brevis notitia codicis MS. qui va-  
rios sermones in concilio Con-  
stantiensi habitos complectitur,  
ex Schelornio. 102.  
Excerpta quædam orationum, quas  
in concilio viri quidam docti &  
reli-



ANNO CHRISTI 1415.		ANNO CHRISTI	
	A religiosi habuerunt. 104.		Oratio Petri de Alliaco card. Ca-
	Appendix documentorum ad concilium Constantiense pertinentium juxta seriem chronologicam. 109.	1417.	merac, de officio imperatoris, papæ, reliquorumque membro-
	Cedula affixa ad valvas palatii episcopalis Constantiensis. 109.	1423.	rum conc. Constantiensis. 146.
	Propositiones XII. quas proposuit cancellarius Parisiensis in Concilio &c. 112.		MARTINUS PAPA V. 158.
	Commissio facta auctoritate concilii generalis D. archiepiscopo Cantuar. 114.	1431.	Ticini concilium generale inchoatum; ac tandem Basileam indictum. 158.
	Epistola nuntiorum concilii Constantiensis ad Petrum de Luna. 115.		EUGENIUS PAPA IV. 159.
	Epistola Jacobi Turonensis archiepiscopi ad concilium Constantiense. 116.		Basileense concilium Oecumenicum, ex parte reprobatum, anno 1431. coeptum, & anno 1446. absolutum. 159.
	Epistola Sigismundi regis Romanorum ad idem concilium 117.		Historia concilii ex documentis hic datis contexta. 160.
	Epistola Sigismundi imperatoris ad Ludovicum Bavarie ducem. 118.		Documenta ad concilium Basileense spectantia. 202.
	Synodi Constantiensis literæ ad nobiles ab Hamzburg. 119.		Documenta anni 1431. <i>ibid.</i>
	Literæ concilii ad Viterbientes. 122.		Inchoatio sacri concilii Basileensis. <i>ibid.</i>
	Epistola Raymundi abbatis Cluniacensis ad concilium Constantiense. 123.		Processus verbalis de inchoatione concilii Basileensis. 204.
	Copia Literæ Alfonso regis Aragonum misit &c. 124.		Tenor litterarum D. Legati. 207.
	Epistola Prioris majoris, & conventus Cluniacensis ad clerum Gallicanum in concilio Constantiensi existentem. 125.		Tenor Cedula. 209.
	Epistola universitatis Colonienfis ad concilium Constant. de Joanne de Prussia suspecto de heresi. 126.		Ritus in habendis Sessionibus concilii Basileensis servati. 211.
	Alia ejusdem ad Theodoricum de Monasterio, & Johannem de Monte, ejusdem argumenti. 127.		Literæ Sigismundi regis Romanorum. 213.
	Alia ejusdem argumenti. 128.		Literæ alia ejusdem. 215.
	Archiepiscopi, & episcoporum Sueciæ supplicatio ad patres concilii Constant. pro canonizatione Nicolai episcopi Lincolniensis, Brynolfi episc. Scarenfis, & Ingridis monialis. 129.		Littera missa a Bohemis ad Christifideles. 216.
	Martini papæ V. Bulla episcopis, Alloeni, & Verionensi, ut inquirant de vita, & miraculis eorundem. 131.		Litteræ convocationis ejusdem concilii ex parte Eugenii papæ IV. seu ejus locum tenentis ad Reginaldum de Carnoto Remensem archiep. 219.
	Rev. P. Bremond Ord. Prædicatorum Gen. Magistrum in eam Bullam notæ. 135. 136.		Litteræ missæ capitulo Remensi per Reginaldum Remens. archiep. & Franciæ cancellarium. 221.
	Epistola Oratorum universitatis Colonienfis ad concilium, de modo providendi ad Beneficia. <i>ibid.</i>		Epistola concilii Basileensis ad Carolum regem Francorum. 222.
	Responsio ad præcedentem epistolam. 137.		Alia ejusdem ad universos Christi- colas Franciæ. 224.
	Avifamentum. 138.		Alia ejusdem ad episcopos Germaniæ. 225.
	Epistola universitatis Colonienfis ad præcedentes responsiva. 139.		Ad Abbates &c. Dioecesis Basileensis. 227.
	Consultatio theologorum de propositionibus erroneis circa materiam unionis. 140.	1432.	Ad regem Poloniæ. 227. 228.
			Ad religiosos Prutenos. 229.
			Ad Fredericum ducem Austriæ. 230.
			Epistola Sigismundi imperatoris ad ducem Burgundiæ. 231.
			Epist. Eugenii papæ IV. ad Petrum archiepiscop. Januensem. 232.
			Epistola archiepiscopi Strigoniensis & aliorum Hungariæ prælatorum ad concilium. 233.
			Documenta anni. 1432. 238.
			Copia quarundam præsentiarum litterarum apostolic. super dissolutione concilii &c. 238.
			Littera missa imperatori per concilium 240.
			Epistola Sigismundi Romanorum regis ad concilium. 241.
			Copia Appellationis interjectæ &c. 242.
			Epi-



ANNO CHRISTI 1432.	Epistola concilii Basileensis ad episcopum Noviomensem . . . 245.
	Epistola Sigismundi regis Romanorum ad concilium Basileense . . . 246.
	Epistola ducis Mediolanensis ad concilium Basileense . . . 248.
	Epistola Sigismundi regis Romanorum ad concilium . . . 249.
	Epistola ducis Mediolanensis ad idem . . . 250.
	IV. Littera regis Roman. ad idem . . . 251.
	Epistola Amedei ducis Sabaudie ad idem . . . 253.
	Epistola Philippi Ducis Burgundie ad idem . . . 254.
	Propositio facta per episcop. Laufanensem coram Papa ex parte ejusdem concilii . . . 255.
	Littera missa consulibus civitatis Augustenis . . . 262.
	Epistola concilii Basileensis ad Bohemos . . . 263.
	V. Littera regis romanorum missa concilio Basileensi . . . 264.
	VI. Littera ejusdem ad idem 265.
	Ambasiata ejusdem per suos oratores coram Eugenio IV. proposita &c. . . 268.
	Copia instructionum missarum nuntiis concilii existentibus in Nuremberga . . . 279.
	VII. Littera ejusdem ad idem. 281.
	Articuli propositi per D. Papam D. Regi Romanorum . . . 283.
	Finalis mens et conclusio majestatis regie super propositis oratorum apostolicorum . . . 285.
	Littera missa per concilium universitatibus . . . 286.
	Epistola Philippi ducis Burgundie ad concilium . . . 287.
	IX. Littera imperatoris &c. 288.
	Epistola Frederici ducis Saxonie ad concilium . . . 290.
	Littera S. Concilii responsalis littere superscripte . . . 291.
	Epistola Eugenii PP. IV. ad Sigismundum regem Romanorum . . . 292.
	Instructiones date D. Petro Poin-teri super agendis Basileæ pro parte Oratorum Papæ . . . 293.
	Epistola Johannis ducis Bethfordie ad concil. Basileense, 294.
	Epistola Petri Belvacensis, & aliorum ad idem . . . 296.
	Epistola conservatorum et capitulum regionum urbis Romæ ad Sigismundum regem Romanorum . . . 298.
	Hujus ad eosdem . . . 301.
	Epistola universitatis Viennensis in Austria ad concilium . . . 303.
	Littera S. Concilii ad omnes Christianos &c. . . 304.
	Instrumentum publicum de responsis factis a D. Papa oratoribus Sigismundi regis Romanorum . . . 306.

ANNO CHRISTI 1432.	Littera D. imperatoris . . . 311.
	Compositio facta inter ambassiatores concilii Basile. & nuncios Bohemorum in oppido Egræ &c. . . 311.
	Instrumentum executionis, citationis, & monitionis contra D. papam, & DD. cardinales &c. . . 313.
	Epistola Dominici cardinalis ad conc. Basile. . . 314.
	Epistola Katarinæ reginæ Aragonum, & Siciliæ ad conc. Basile. . . 315.
	Epistola regis Navarræ ad idem conc. . . 316.
	Revocatio facta per Fr. Guillelmum Joffeaume . . . 317.
	Ordinatio concilii super ea revocatione . . . 318.
	Littera concilii ad universos archiepiscopos . . . 318.
	Epistola D. episcopi Cæsaraugustani ad conc. Basile. . . 320.
	Epistola Philippi ducis Burgundie ad S. concil. . . 321.
	Copia Litteræ directæ concilio per D. episcop. Dunelmensem. 322.
	Copia litteræ archiep. Eboracensis . . . 323.
	Copia protestationis factæ per ambassiatores D. papæ in civitate Constantiensis super factis concilii Basileensis . . . 324.
	Declaratio salvi conductus concilii, missi oratoribus D. papæ existentibus in Constantia . . . 326.
	Epistola Sigismundi regis Romanorum ad conc. Basile. . . 326.
	Transcriptum missum per imperatorem, in quo inferuntur duæ bullæ papales, & una cedula, concernentes concilium Basileense . . . 328.
	Epistola Humfredi ducis Gloucestræ ad conc. . . 332.
	Epistola Sigismundi regis Rom. ad idem conc. . . 333.
	Littera patens convocationis prælatorum regni Franciæ . . . 334.
	Littera inquisitoris Fr. Petri Fabri ordinis Minorum ad conc. Basile. . . 335.
	Epistola Syndici & consilii Avinionensis ad conc. Basile. . . 336.
	Epistola Sigismundi regis Rom. ad Patres ejusdem concilii . . . 338.
	Epistola Caroli VII. Francorum regis ad idem conc. . . 339.
	Capitula oblata Carolo Francorum Regi per oratores ejusdem concilii . . . 340.
	Responsio regia . . . 342.
	Epistola Georgii de Trismolla ad idem concilium . . . 343.
	Epistola Philippi ducis Burgundie ad idem conc. . . 344.
	Epistola Jo. Ebracensis, & Jo. de Mulbruno ad Julianum legatum concilii Basileensis prædem . . . 345.



ANNO  
CHRIST.  
1432.

Salvus conductus Marchionis Brandeburgensis, & Jo. ducis Bavarie concessus Bohemis. 348.  
Epistola Sigismundi regis Rom. ad Wilhelmum comitem Palatinum Rheni &c. 349.  
Ejusdem ad patres concilii Basileensis. 351.  
Propositio ambasiatorum universitatis Colonienfis. 352.  
Litteræ Alphonsi regis Aragonum creantis Bernardum Serra procuratorem suum generalem ad ad conc. Basil. 354.  
Epistola Alphonsi regis Aragon. ad idem conc. 355.  
Alia ejusdem ad idem conc. 356.  
Epistola electorum imperii ad idem. 359.  
Adolphi ducis Juliacenfis ad idem. 360.  
Epistola concilii Basileensis ad consules civitatis Argentinensis. 360.  
Epistola Ludovici comitis Palatini Rh. ni ad idem conc. 362.  
Sigismundi regis Rom. ad concilium. 363.  
Littera missa per concilium Basil. cardinalibus in curia Romana existentibus. 364.  
Littera D. Alberti ducis Austrie. 366.  
Propositio D. episcopi Nivernensis, ambasiatoris D. ducis Burgundie facta in conc. Basil. 367.  
Propositio facta per D. eleemosynarium regis Aragon. in conc. Basil. 371.  
Secunda propositio D. episcopi Nivernensis contra dicta per vicarium Moguntinum &c. 376.  
Facultas imponendi subsidium caritativum. 382.  
Littera modificationis super eodem. 383.  
Memoriale oratorum regis Rom. ad D. papam. 384.  
Epistola Conradi archiep. Mogunt. ad concilium Basil. 385.  
Theoderici archiep. Colonienfis ad idem. 387.  
Propositio facta per vicarium Moguntinum in conc. Basil. nomine electorum Imperii. 388.  
Item de eadem materia super præsentatione litterarum. 393.  
Mandatum D. regis Rom. ad ducem Bavarie ad concordandum cum Bohemis. 395.  
Copia Litteræ missæ universis regibus per D. imperatorem pro conc. Basil. 399.  
Copia litteræ quam ostendant populis capitanei armorum, eruta e MS. cod. Flor. ab Ab. Laur. Mehus, *bic primum editur.* 400.  
Quod in concilio procedendum sit per nationes & non per deputationes &c. ex eodem cod. MS. *bic primum editur.* 401.  
Epistola nunciorum concilii Basileensis missa Pragenfis ex MS. Cod. Florent. ab eodem, *bic primum editur.* 407.  
Littera scripta per concilium Regi Francie ex eodem MS. Cod. *bic primum editur.* 408.  
De electione civitatis, ubi concilium debet celebrari ex eodem MS. Cod. *bic primum editur.* 409.  
Instructiones ambasiatorum euntium ad D. papam ex parte conc. Basil. ex eodem cod. MS. *bic primum editur.* 410.  
Documenta anni 1433. 421.  
Epistola Philippi ducis Burgundie ad conc. Basil. 422.  
Littera regis Rom. mittentis Patribus litteras magistri G. ordinis Teutonicorum, de confederatione Bohemorum, & Regis Polonorum. 423.  
Copia litteræ superscriptis litteris incluse. 424.  
Modus vivendi in concilio. 425.  
Mandatum ambasiatorum regni Bohemie, & Marchionatus Moraviae. 429.  
Mandatum universitatis Pragenfis exhibitum per Bohemos. 430.  
Articuli dogmatizati in Bohemia, propositi per D. Legatum &c. 432.  
Cedula data per magistrum Petrum Anglicum &c. 434.  
Collatio, seu præsentatio Bohemorum facta coram D. Legato per magistrum Jo. de Rockozana. 434.  
Alia collatio per eundem. 436.  
Positio ejusdem coram Patribus concilii pro parte Bohemorum proposita. 443.  
Tertius articulus Bohemorum, propositus in conc. per D. Ulricum &c. 483.  
Positio de communione eucharistie facta per magistrum Johannem de Ragusio Ord. Prædicat. contra M. Jo. de Rokasana oratorem Bohemorum. 516.  
Replica contra positionem M. Agidii Carlieri, facta per D. Nicolaum oratorem Bohemorum pro secundo articulo eorum, 517.  
Prælatio in responsum pro veritate, ad replicas pro II. articulo Bohemorum, qui est de poenitentia peccatorum publicorum 570. 571.  
Responsum ad replicas D. Nicolai Taboritæ super punitione peccatorum publicorum, facta per M. Agidium Carlieri decanum Camerac. a concilio propter hoc deputatum. 573.  
Replica D. Ulrici contra dicta magistri Kalcisem Ord. Prædicat. facta. 643.  
Pulchra positio pro temporalitate, & jurisdictione ecclesie, & defen-

ANNO  
CHRIST.  
1432.

1433.

liensis missa Pragenfis ex MS. Cod. Florent. ab eodem, *bic primum editur.* 407.  
Littera scripta per concilium Regi Francie ex eodem MS. Cod. *bic primum editur.* 408.  
De electione civitatis, ubi concilium debet celebrari ex eodem MS. Cod. *bic primum editur.* 409.  
Instructiones ambasiatorum euntium ad D. papam ex parte conc. Basil. ex eodem cod. MS. *bic primum editur.* 410.  
Documenta anni 1433. 421.  
Epistola Philippi ducis Burgundie ad conc. Basil. 422.  
Littera regis Rom. mittentis Patribus litteras magistri G. ordinis Teutonicorum, de confederatione Bohemorum, & Regis Polonorum. 423.  
Copia litteræ superscriptis litteris incluse. 424.  
Modus vivendi in concilio. 425.  
Mandatum ambasiatorum regni Bohemie, & Marchionatus Moraviae. 429.  
Mandatum universitatis Pragenfis exhibitum per Bohemos. 430.  
Articuli dogmatizati in Bohemia, propositi per D. Legatum &c. 432.  
Cedula data per magistrum Petrum Anglicum &c. 434.  
Collatio, seu præsentatio Bohemorum facta coram D. Legato per magistrum Jo. de Rockozana. 434.  
Alia collatio per eundem. 436.  
Positio ejusdem coram Patribus concilii pro parte Bohemorum proposita. 443.  
Tertius articulus Bohemorum, propositus in conc. per D. Ulricum &c. 483.  
Positio de communione eucharistie facta per magistrum Johannem de Ragusio Ord. Prædicat. contra M. Jo. de Rokasana oratorem Bohemorum. 516.  
Replica contra positionem M. Agidii Carlieri, facta per D. Nicolaum oratorem Bohemorum pro secundo articulo eorum, 517.  
Prælatio in responsum pro veritate, ad replicas pro II. articulo Bohemorum, qui est de poenitentia peccatorum publicorum 570. 571.  
Responsum ad replicas D. Nicolai Taboritæ super punitione peccatorum publicorum, facta per M. Agidium Carlieri decanum Camerac. a concilio propter hoc deputatum. 573.  
Replica D. Ulrici contra dicta magistri Kalcisem Ord. Prædicat. facta. 643.  
Pulchra positio pro temporalitate, & jurisdictione ecclesie, & defen-



ANNO  
CHRISTI  
1433.

senſio ejuſdem Jo. Polemar, au-  
ditoris cardinalis S. Angeli Le-  
gati. 663.  
Epiſtola conſulium & civium Tre-  
virenſium ad conc. Baſil. 674.  
Quæ imperator fecit ad promo-  
tionem ejuſdem Conc. 677.  
Quæ idem paſſus eſt propter adhe-  
ſionem concilii. 678.  
Littera miſſa per concilium Ro-  
manorum Regi. 679.  
Epiſtola Sigifmundi regis Rom. ad  
Conc. Baſil. 680.  
Ejuſdem alia ad idem. 681.  
Ejuſdem alia ad idem. 682.  
Bulla miſſa per D. Papam regi  
Rom. 683.  
Littera miſſa imperatori per concilium. 683.  
Epiſtola Roderici de villa Andrado  
comitis ad conc. Baſil. 685.  
Propoſitio facta per M. Jo. de Mel  
la ambafſiatorem papæ in eo  
dem conc. 685.  
Propoſitio facta per abbatem S.  
Mariæ de Moniacis ambafſiato-  
rem papæ in eodem conc. ſeu  
oratio D. Nicolai abbatis &c.  
689.  
Epiſtola Eugenii IV. ad congre-  
gatos in civitate Baſilienſi. 698.  
Ejuſdem memoriale darum ſuis ad  
conc. Baſil. oratoribus. 699.  
Facultas data per D. papam ſuis  
oratoribus &c. 701.  
Alia Facultas. 701.  
Alia facultas. 703.  
Reſponſio facta oratoribus papæ  
per promotores concilii. 704.  
Litteræ decani, & canonic. Tre-  
virenſium ad concilium. 717.  
Littera miſſa concilio Baſil. in fa-  
vorem ducis Litvvania per no-  
biles terrarum Ruſſiæ &c. 721.  
Epiſtola Jacobæ duciſſæ Bava-  
riæ ad conc. Baſil. 722.  
Ludovici regis, Calabriæ & An-  
degaviæ ducis ad idem. 724.  
Pacta inita & firmata inter Eu-  
genium papam IV. & Sigifmundum  
regem Romanorum. 725.  
Littera miſſa concilio per regem  
Rom. ſuper coronatione ſua.  
727.  
Epiſtola Magiſtri G. Ord. B. M.  
Theutonicorum ad idem conc.  
728.  
Epiſtola Philippi ducis Burgund.  
ad idem. 729.  
Ulrici electi Trevirenſis ad idem.  
730.  
Confirmatio conventionis cujuſdam  
inter comitem Palatinum Rhe-  
ni, & Conrad. Ratiſp. Epiſc.  
731.  
Epiſtola Eugenii IV. Jo. de Mel  
la, Jo. archiep. Tarentino, Tho-  
mæ epiſc. Tragurienſi, & aliis.  
734.  
Litteræ legationis Cardinalis S.

Concil. Supplem. Tom. IV.

ANNO  
CHRISTI  
1433.

Angeli 735.  
Epiſtola Eugenii IV. ad congre-  
gatos in conc. Baſil. 736.  
Mandatum ducis Burgund. 738.  
Epiſtola Syndici & concilii civi-  
tatis Avenionenſis ad conc. Ba-  
ſil. 739.  
Mandatum Joannis de Tuſignano  
epiſcopi Ferrarienſis, ex Auto-  
grapho Ferrarienſi, ab D. Ca-  
non. Joſeph Antenore Scalabri-  
ni nunc primum datur. 742.  
Baſileenſis concilii Facultas data  
eidem epiſcopo, ex eodem Au-  
tographo &c. 743.  
Epiſtola Joannis regis Portuga-  
liæ ad idem conc. 745.  
Solemnis Traſtatus Fr. Jo. de Tur-  
recremata Ord. Prædicatorum  
in favorem Eugenii IV. contra  
decreta Conc. Conſtant. &c. &  
contra geſta in conc. Baſil. ad-  
verſus Eugenium; ex MS. Co-  
dice Lucenſi, hic primum editur.  
746.  
Johannis de Polemar relatio eorum  
quæ habuit in commiſſis ex par-  
te concilii &c. 789.  
Reſponſio illorum de Praga ad præ-  
miſſa. 792.  
Propoſitio facta per Procopium  
Raſum nomine Thaboritarum.  
795.  
Reſponſio ad præmiſſa M. Egidiï  
Carlerii. 795.  
Votum M. Jo. de Turrecremata  
ſuper Avifamento, quod papa  
debeat jurare ſervare Decreta  
de conciliis Generalibus confir-  
mandis, & electionibus confir-  
mandis, alias cadet a jure Pa-  
patus &c. ex MS. Codice Lu-  
cenſi, hic primum editur. 799.  
Littera imperatoris ſignificantis, ſe  
imperatoriam ſuſcepiſſe coro-  
nam, novofque ad conc. mitte-  
re oratores. 806.  
Epiſtola M. G. Ord. B. M. Theu-  
tonicorum ad conc. Baſil. 807.  
Rationes allegatæ per ambafſiato-  
res electorum imperii pro jure  
ſuo in factio ſedium: & Reſpon-  
ſio epiſc. Nivernenſis ambafſia-  
toris ducis Burgundiæ. 809.  
Ordinatio concilii ſuper contro-  
verſia ratione ſedium &c. 813.  
Littera Patens regis Scotorum ad  
abbatem de Dourdrana. 813.  
Exhortatio ad concilium, ambaf-  
ſiatorum papæ. 814.  
Capitula adviſata, pro concordia  
papæ ad conc. ſuper differentiis  
&c. 816.  
Miſſiva miſſa oratoribus Germani-  
cæ nationis a rege Angliæ, ex  
MS. cod. Florent. abs. D. Laurentio  
Mehus, hic primum editur.  
817.  
Tres modi traſtandi concordiam  
inter D. Eugenium, & conc.

\* \* Ba-



ANNO CHRISTI 1433.	<p>Basil. ex eodem codice . <i>bic primum eduntur</i> . 818.</p> <p>Littera missa sacro concilio per clerum Altissiodorensem &amp;c. 821.</p> <p>Epistola Erici regis Danie ad conc. Basil. 824.</p> <p>Litteræ, seu Bulla decreti, quod omnis causæ, quæ tractantur in concilio Basileensi revertantur ad curiam Romanam præter tres, videlicet ad reformationem morum, ad extirpationem hæresis, &amp; ad pacem ponendam inter Principes. 826.</p> <p>Epistola ducis Mediolanensis ad conc. Basil. 827.</p> <p>Epistola Boleslai ducis Lithuanie ad conc. Basil. 829.</p> <p>Universitatis Parisiensis ad idem. 831.</p> <p>Sigismundi imperatoris ad idem. 834.</p> <p>Reginæ Johanne Siciliæ &amp;c. ad idem. 835.</p> <p>Eugenii IV. ad regem Angliæ. 836.</p> <p>Littera credentialem Bohemorum. 837.</p> <p>Articuli oblati concilio ex parte regni Bohemiæ, &amp; Marchionatus Moraviæ. 838.</p> <p>Littera credentialem D. Imperatoris. 840.</p> <p>Littera missa concilio per Carolum regem Francorum. 841.</p> <p>Aliud mandatum ducis Burgundiæ. 842.</p> <p>Epistola electorum Rom. Imperii ad conc. Basil. 844.</p> <p>Epistola credentialem ducis Sabaudie ad conc. Basil. 846.</p> <p>Sigismundi imperatoris ad idem. 847.</p> <p>Episcoporum de Armeniæ ad idem. 848.</p> <p>Petitiõ oblata per Ambassiatores ducum Burgundiæ, &amp; Sabaudie. 850.</p> <p>Disputatio inter card. S. Angeli, &amp; archiepiscopum Spalensem oratorem Eugenii. 851. 866. 872.</p> <p>Responsio Spalensis. 863. 871.</p> <p>Verba Francisci de capitibus Litterarum ambassiatoris Venetorum. 872.</p> <p>Verba D. Imperatoris. 873.</p> <p>Cedula oblata pro parte Imperatoris &amp;c. 874.</p> <p>Epistola Philippi ducis Burgundiæ ad conc. 876.</p> <p>Epistola Pragensium ad nuncios concilii Basileensis, Ratissone existentes. 877.</p> <p>Copia cedulæ inclusæ. 878.</p> <p>Copia Litterarum imperatoris Græcorum ad conc. 879.</p> <p>Propositio facta per D. Legatum in conc. Basil. ambaxiatoribus Græcorum. 880.</p> <p>Responsio præfatorum ambaxiatorum concilio facta. 889.</p>	ANNO CHRISTI 1433.	<p>Propositio D. Abbatis Conchenfis ambaxiatoris concilii ad Venetos. 896.</p> <p>Responsio ducis ad eam propositionem. 902.</p> <p>Intentio concilii super quatuor articulis disputatis cum Bohemis, &amp; horum promissio. 903.</p> <p>Collectoris Præmoniti in sequentem apologiam Joannis de Turrecremata protuendis revelationibus S. Birgittæ, ad obtrahentibus quibusdam ad concilium Basileense delatis; quæ ex MS. codice Lucensi <i>bic primum editur</i>. 910.</p> <p>Defensiones quorundam articulorum rubrorum revelationum S. Birgittæ, factæ in concilio Basileensi per magistrum Joannem de Turrecremata &amp;c. 911. 912. &amp;c.</p> <p>Jo. Dominici Mansi adnotatio in articulum XLI. 950.</p> <p>Concilium D. Joannis de Millis de Brissia, advocati consistorialis, super decreto <i>Frequens</i>, editum in concil. Constant. ex MS. codic. Felini in Bibliot. Canonice. Maj. Ecclesiæ Lucensis <i>bic primum editur</i> 1035. 1036.</p> <p>(<i>Iste vix alius est, ut puto, a Joanne de M. illa, quem ab Eugenio pontifice missum Basileam venisse legatum scripsi in historia, documentis concilii Basileensis præmissa pag. 171.</i>)</p> <p>Documenta anni 1434.</p> <p>Littera credentialem Bohemorum. 1042.</p> <p>Responsio concilii ad eandem. 1044.</p> <p>Littera contra Mendicantes affectantes &amp;c. 1045.</p> <p>Copia ejusdem bullæ papæ super remissione causæ ecclesiæ Magdeburgensis ad concilium. 1046.</p> <p>Litteræ capituli Bajocensis ad concilium. 1048.</p> <p>Epistola Magistri civium &amp; consulum Pilznensium ad concilium. 1049.</p> <p>Littera M. Johannis de Polemar auditoris, &amp; ambassiatoris concilii versus Bohemiam. 1050.</p> <p>Littera Sigismundi imperatoris ad conc. 1051.</p> <p>Copia Litterarum inclusarum in epistola imperatoris. 1051.</p> <p>Epistola Caroli VII. regis Francorum ad concilium. 1052.</p> <p>Littera imperatoris concernens factam cardinalis Rothomagensis &amp; capituli Baubergensis. 1053.</p> <p>Littera ambassiatoris concilii, qui in Græcia remanserat. 1056.</p> <p>Epistola Henrici regis Angliæ ad concilium. 1057.</p> <p>Epistola prælatorum &amp; capitulorum Trajectensium ad concilium.</p>
--------------------------	--	--------------------------	---



ANNO  
CHR. STI  
1434.

lium. 1060.  
 Littera concilii ad imperatorem. 1064.  
 Supplicatio oblata in singulis deputationibus per dominos generales Prædicatorum, Carmelitarum, Augustinianum, ac Vicarium Minorum &c. 1066.  
 Epistola Eugenii papæ IV. ad concilium. 1068.  
 Epistola ducis Mediolanensis ad concilium. 1069.  
 Littera papæ ad suos oratores & præfidentes concilio. 1070.  
 Copia litterarum ad D. Legatum ex parte cuiusdam provincialis Saxonum. 1071.  
 Epistola capituli Albiensis ad concilium. 1072.  
 Littera consulum civitatis Albiensis ad concilium. 1073.  
 Littera D. Eugenii papæ ad S. concilium super facto ecclesiæ S. Audoeni Rothomagensis & Trajectensis. 1075.  
 Epistola Frederici Landgravii Thuringiæ ad concilium. 1077.  
 Ejusdem alia ad idem. 1078.  
 Littera imperatoris ad concilium super causa D. Rothomag. & aliis &c. 1080.  
 Ejusdem alia super materia Græcorum. 1081.  
 Litteræ ducis Britannię ad concilium. 1082.  
 Littera imperatoris Rom. ad imperat. Græcor. super reductione ecclesiæ orientalis. 1083.  
 D. ducis Britannię ad concilium. 1084.  
 D. papæ ad conc. super materia Græcorum. 1086.  
 Littera M. Simonis Freron oratoris concilii apud D. papam super facto Græcorum. 1087.  
 Littera Isaac episcopi Ierosolymitani super materia unionis Græcorum ad D. Papam. 1088.  
 Epistola provisorum, & decanorum foraneorum diocesis Trajectensis ad conc. 1089.  
 Epistola Johannis ducis Britannię ad concilium. 1092.  
 Avistamenta dominorum deputatorum in facto pecuniarum rependiendarum pro adventu Græcorum ad concilium. 1094.  
 Bulla papæ de assensu præstito in materia Græcorum. 1096.  
 Littera D. cardinalis de Urbinis super materia Græcorum. 1098.  
 Littera quorundam canonicorum Albiensium ad concilium. 1100.  
 Epistola Caroli VII. regis Francorum ad concilium. 1102.  
 Epistola episcoporum provincię Narbonensis ad concilium. 1103.  
 Petitiones S. D. Imperatoris &c. 1105.  
 Epistola Johannis Armeniaci co-

ANNO.  
CHRISTI  
1434.

missis ad concilium. 1109.  
 Epistola Burgimagistrorum & consulum Leodensis civitatis ad concilium. 1110.  
 Copia litteræ D. Christophori Garani &c. 1112.  
 Copia litteræ ambassiatorum Græcorum transeuntium ad SS. D. N. papam &c. 1113.  
 Copia procuratorii D. ducis Burgundiæ pro pace regni Franciæ. 1114.  
 Epistola Amedei ducis Sabaudiæ ad concilium. 1115.  
 1435. Documenta anni 1435.  
 Epistola Philippi ducis Burgundiæ ad concilium. 1115.  
 Littera S. D. imperatoris ad concilium mittentis Conradum de Wimpberg tractaturum de rebus Bohemicis. 1117.  
 Epistola capituli, & canonicorum ecclesiæ Tridentinæ ad concilium. 1118.  
 Littera D. ducis Britannię &c. 1119.  
 Littera communitatis Leodiensis ad concilium. 1120.  
 Littera D. ducis Sabaudiæ adversus Ludovicum de Palude Episcop. Avenion. 1122.  
 Copia litteræ interclusæ. 1123.  
 Littera comitis Armaniaci ad concilium. 1124.  
 Protestatio facta per inclitam nationem Germanicam super materia indulgentiarum in facto Græcorum. 1126.  
 Littera alia ejusdem D. ducis &c. 1127.  
 Bulla legationis cardinalium S. Crucis, & S. Petri ad vincula. 1128.  
 Bulla Eugenii papæ IV. ad concilii præfides. 1129.  
 Copia litteræ regis Jacobi &c. 1130.  
 Bulla papæ ad concilium super reductione Græcorum. 1132.  
 Alia bulla patens D. N. Papæ, in qua inferuntur capitula concordata cum Græcis &c. 1133.  
 Littera D. ducis Barrensis ad concilium idem Basileense. 1136.  
 Epistola Caroli regis Francorum ad idem. 1137.  
 Epistola cardinalium S. Crucis, & S. Petri ad idem. 1138.  
 Epistola oratorum concilii Basileensis ad imperatorem ad concilium Basileense &c. 1139.  
 Petri Fuxensis cardinalis epistola continens concilii Basileensis litteras pro habendis informationibus de vita & sanctitate ac miraculis Petri de Luxemburgo. 1141.  
 Tenor litteræ ducis Glocestrię. 1142.  
 Responsiones datæ ad mandatum



ANNO  
CHRISTI  
1435.

excel. ac christianic. Henrici regis Angliæ &c. Magistris Johanni Pulcripatris, & Stephano de Novaria ambassiatoribus ad eundem a S. Concilio Basileensi destinatis. 1143.  
Responsio ad prædicta. 1143.  
Littera credentialis ambassiatorum papæ, venientium ad concilium &c. 1145.  
Littera credentialis collegii DD. cardinalium. 1145.  
Litteræ ambassiatorum S. concilii, qui iverunt ad Græciam. 1145.  
Bulla per quam mandantur moneri domini archiepiscopus Tarentinus & episcopus Paduanus prædentes D. papæ. 1147.  
Monitio contra prædentes papæ, pro revocatione cujusdam protestationis per eos factæ. 1148.  
Inquisitio de potestate papæ. 1151.  
Alia propositio coram S. pontifice in materia unionis Græcorum. 1158.  
Propositio facta coram S. pontifice per ambassiatores S. concilii Basileensis &c. 1163.  
Instrumentum requisitionis papæ super observatione decretorum. 1168.  
Responsio facta per R. D. Legatum oratoribus D. papæ, &c. 1169.  
Copia litteræ missæ regi Angliæ pro parte D. cardinalis de Cypro, & oratorum concilii in Attrebatu existentium. 1175.  
Copia litteræ missæ cardinali Angliæ &c. 1176.  
Copia Litteræ D. ducis Burgundiae, missæ regi Angliæ. 1176.  
Orationes factæ pro parte regis Franciæ, & missæ in Angliam per legatos &c. S. concilii, & SS. D. N. papæ, & D. ducis Burgundiæ &c. 1177.  
Bulla, per quam S. concilium mandat D. archiep. Lugdun. Primate Galliarum Pallium D. archiepiscop. Rothomag. impendi. 1181.  
Copia litteræ regis Angliæ ad D. cardinalem de Cypro. 1182.  
Bulla contra appellantes a concilio. 1182.  
Copia litteræ D. ducis Burgundiæ ad D. cardinalem de Cypro. 1184.  
Copia sententiæ latæ in causa ecclesiæ Trevirensis. 1185.  
Sententia lata pro electo Albienis &c. 1185.  
Sententia lata in causa ecclesiæ Lausanensis. 1187.  
Promissio Oratorum S. Concilii Basileensis super correctione, proemii decreti facti pro reductione Græcorum. 1188.  
Forma Salvi conductus. 1190.

ANNO  
CHRISTI  
1435.

Littera credentialis oratorum S. Concilii transmissorum ad Imperatorem CPolim &c. 1191.  
Regratiatio D. Legati super pace Franciæ. 1191.  
Bulla convocationis Prælatorum. 1194.  
Ambrosii Camaldulensis oratio coram Sigismundo Cæsare &c. 1195.  
Littera D. ducis Britanniae ad concilium. 1201.  
Repetitiones quædam cardinalis Johannis de Turrecremata, cum esset in minoribus constitutus Basileæ super quibusdam Propositionibus *Augustini de Roma*, ex M. S. Codice Lucensi, *hic primum eduntur.* 1203, 1204.  
1436. Documenta Anni 1436.  
Avifamenta pro facto Græcorum. 1259, 1260.  
Monitio ad reges & principes &c. 1270.  
Propositio D. Jo. abbatis de Buzazio oratoris D. ducis Britanniae. 1274.  
Protestatio facta per nationem Gallicanam in concilio Basileensi. 1280.  
Epistola prælatorum &c. Nationis Germanicæ ad archiep. Mogunt. 1286.  
Protestatio facta per præditem Papæ &c. 1286.  
Avifamenta concernentia monitorium D. Papæ, cum conditionibus &c. 1289.  
Tenor litterarum apostolicarum. &c. 1291.  
Monitium contra D. Eugenium. 1292.  
Concillii Basileensis epistola ad capitulum Trecentis ecclesiæ &c. 1298.  
Tractatus factus contra Avifamentum quoddam Basilentium, quod non liceat appellare a concilio ad papam, auctore Joanne de Turrecremata S. T. M. Ordinis Prædicatorum, ex MS. Codice Lucensi, *hic primum editur.* 1299, 1300.  
Epistola concilii ad legatos suos in Bohemiam directos. 1321.  
Oratio Aeneæ Silvii, habita Basileæ &c. ex MS. Codice Lucensi, *hic primum editur.* 1322.  
Anonymi cardinalis consultatio, num concilium papæ superius habendum sit, ex MS. Codice Florentino a Cl. Laurentio Mehus *hic primum editur.* 1342.  
1437. Documenta Anni 1437.  
Cedula decretata per sacrum concilium circa expeditionem Legatorum in Græciam. 1357.  
Sermo D. Nicolai Siculi archiep. Panormitani habitus in concilio Basileensi &c. ex MS. Codice



ANNO  
CHRISTI  
1437.

Lucensi, *hic primum editur.*  
1352.  
*Appendix Collectoris ad eundem*  
*Sermonem.* 1416.  
Ejusdem de suprema papæ autho-  
ritate supra concilium, ex quo-  
dam ejus consilio in M. S. co-  
dice Lucensi servato, Fragmentum.  
1418.  
Excerptum ex opere inscripto:  
De S. Pontificis & universalis  
Concilii, nesnon de imperato-

ANNO  
CHRISTI  
1437.

riæ majestatis origine & pote-  
state, auctore Petro de Mon-  
te, ex MS. Codice Lucensi.  
1420.  
Felini Sandei Lucensis episcopi ad-  
notationes quædam in hoc Ex-  
cerptum Petri de Monte, *nunc*  
*primum editæ.* 1433.  
Ex Dialogo Ænæ Silvii, de Con-  
stantini donatione Fragmentum,  
*nunc primum datur.* 1435.



## COLLECTORIS AD LECTORES

## M O N I T U M.

Cum Basileensis concilii acta typis excudenda tradebam, plura me ad eundem pertinentia scopum expectare a se iussit V. Cl. Laurentius Mehus, ea-que se mature traditurum, ut suo infererentur loco spondebat; sed cum literariis distractus curis ad conditum tempus fidem liberare suam nequiverit, festinantque typi, ea omnia ad appendicem in fine concilii rejicere coactus fuit. Ea de re monitos Lectores meos volui, ut in spem certam magnæ rerum anecdotarum frugis colligendæ sese erigant; interim vero ea habeant & fruantur, quæ ego hinc inde nec sane pauca nec proletaria hic dedi.



# AD CONSTANTIENSE CONCILIUM OECUMENICUM

Anno 1415.

## ADDITIO.

ACTA RELIQUA IN CAUSA JOANNIS PARVI.

### EPISTOLA

Caroli VI. Francorum regis

Ad deputatos a synodo.

Discretis viris commissariis super materiis fidei a sacrosancta generali synodo deputatis, nostris caris vinctis \*

\* Forte amicis.

Extat cum reliquis inter opera Gerlon. edit. Dupin. to. V. pag. 497.



AROLUS, Dei gratia, Francorum rex, discretis viris commissariis super materiis fidei a sacrosancta generali synodo deputatis nostris caris amicis, salutem, & hæretes extirpare.

nignum, & fidem præstare plenariam. Et si qua velitis, quæ possumus, ea nobis significare curetis conpletur \*. Datum Parisius, nona januarii.

\* Verbum corruptum

### JUDICIUM

Deputatorum Concilii,

Quo sententia episcopi Parisiensis, & Inquisitoris, adversus librum Joannis Parvi cassatur.

In Nomine Domini. Amen.

Vestras discretionones comprobamus, quod D missos nostros oratores ad universalis ecclesie sanctum concilium benigne nostris inagendis excepistis, illam præmaxime Dei, & in qua vivimus fidei, nostramque causam propositionis defuncti Joannis Parvi, dudum per dilectum, & fidelem consiliarium nostrum G... episc. Parisiensem & fratrem Joannem Polet, hæreticæ pravitate eo tunc in regno nostro inquisitorem, celebri convocato concilio, catholice condemnatæ, quam nos, & carissima filia nostra Parisiensis universitas advocavimus; et per nostras regni nostri civitates, litteris nostris publicari mandavimus; vestras discretionones in zelum fidei requirentes, quatenus causam ipsam, quam velut propriam defendere volumus, et volumus, nec deserere valeamus indefensam, salvo Dei, et nostræ regis majestati honore; nostrosque oratores, et nuncios in eorum defensione, quantum fidei fervor in nobis est, justitiæ favoribus amplecti velitis recommissos: et in hac re nostris eisdem oratoribus, quibus per dilectum nostrum nuncium, & oratorem magistrum Guillelmum Monardi, licentiatum in decretis, nostram significari fecimus voluntatem, auditum be-

PRidem Dominus Balthasar Coffa, tunc lb. p. 3000 Johannes Papa XXIII. quamdam commissionis, vice supplicationis cedulam nobis Jordano, miseratione divina episcopo Albanensi, sanctæ Romanæ ecclesiæ cardinali, per certum apostolicæ sedis curforem præsentari fecit, quam reverenter, ut decuit, suscepimus, hujusmodi sub tenore.

Beatissime Pater.

„Dudum accepta occasione super qua-  
„dam asserta propositione per quemdam  
„magistrum Joannem Parvi, sacre Theo-  
„logiæ professorem, Parisius, ut dicitur sa-  
„da, qui \* devotus sanctitatis vestræ si-  
„lius Joannes Burgundiæ dux prætenditur  
„advocatus, reverendus pater dominus Ge-  
„rardus, episcopus Parisiensis, & quidam  
„Joan-

\* locus corruptus.



ANNO  
CHRISTI  
1415.

ANNO  
CHRISTI  
1415.

Joannes Poleti, præfentus hereticæ pravi-  
tatis in regno Franciæ inquisitor, ad quo-  
rundam æmulorum prosecutionem ma-  
litosam, dictam propositionem, tanquam  
ut asserbat, a sana doctrina fidei catho-  
licæ deviantem, & libros in quibus scri-  
pta dicebatur, comburi &c. ut dicitur  
sententialiter mandaverunt. A quibus om-  
nibus idem dominus dux, tanquam ve-  
rus fidei christianæ zelator catholicus,  
in quantum præmissa eum, ejusque sta-  
tum, honorem, atque fidem concernere  
poterant, etiam pro suæ bonæ famæ,  
suique christiani nominis conservatione,  
ad sanctitatem vestram, & sanctam se-  
dem Apostolicam appellavit. Dignetur  
igitur eadem sanctitas causam, & causas  
appellationis, & appellationem hujusmo-  
di, ac etiam principalis nullitatis, ini-  
quitate, & injustitiæ dictæ præsentis sen-  
tentie, ac etiam processum \* in præ-  
missis factorum, & habitorum, una cum  
dependentibus, emergentibus, & conne-  
xis, tam conjunctim, quam distinctim alicui  
præfato probo viro in curia Romana re-  
sidenti committere audiendas, deciden-  
das, & sine debito determinandas, cum  
potestate citandi episcopum, & inquisi-  
torem prædictos, & omnes alios, qui sua  
interesse crediderint, in curia Romana,  
& extra: ac etiam eis, & aliis quibus to-  
tiens quotiens opus erit inhibendi, sub  
poenis formidabilibus; non obstante quod  
alias causa, & causæ hujusmodi non sint  
in dicta curia legitime devolutæ, vel al-  
ias finiendæ; & cum potestate etiam præ-  
missa omnia, & singula, per edictum pu-  
blicum in Romana curia & alibi, si opus  
fuerit, & ad aliqua loca non patuerit tu-  
tus accessus, exequendi, & ex officio pro-  
cedendi &c. & cum potestate restituendi  
ad prosequendam hujusmodi appellatio-  
nem cum toto suo effectu, non obstante  
lapsu primi fatalis \* infra quod propter  
turbationes; quæ fuerunt in regno Fran-  
ciæ; & quædam alia, commode prosequi  
non valuit. Juribus, sileo, constitutioni-  
bus apostolicis, & aliis contrariis non  
obstantibus quibuscunque.

\* verbum  
forjan  
nunc inas-  
tatum.

In fine vero dictæ commissionis, sive sup-  
plicationis cedulæ, scripta erant de alterius  
manu littera, litteræ superioris litteræ ipsius  
cedulæ prorsus & omnino dissimili, & di-  
versa hæc verba videlicet.

De mandato domini nostræ papæ; au-  
diant reverendissimi patres domini cardina-  
les de Urbinis, Aquilegensis, & Flo-  
rentinus. Citent etiam per edictum, in-  
hibeant, & restituant, & procedant ut  
petitur, & deputent promotorem ad cau-  
sam &c. & quilibet eorum procedere  
valeat citra conclusionem & sententiam  
diffinitivam.

Cujus quidem commissionis seu supplica-  
tionis cedulæ rigore nos Jordanus episcopus  
& cardinalis, iudex & commissarius prædi-  
ctus de dictorum dominorum Aquilegensis,  
& Florentini cardinalium nostrorum colle-  
garum in hac parte mandato expresso &  
voluntate in solidum; etiam virtute com-  
missionis procedentes, ac citatione, inhibi-

tionem, & compulsoria per nos ad providi-  
A & circumspici viri magistri Petri Couchon,  
præfati illustrissimi principis domini Johan-  
nis ducis Burgundiæ principalis, in ipsa no-  
bis facta & præsentata commissione, prin-  
cipaliter nominati, per providum virum ma-  
gistrum Johannem de Monteleonis ipsius do-  
mini ducis principalem procuratorem con-  
stitutum substituti procuratoris instantiam,  
prout de ipsorum constitutionis & substitu-  
tionis mandatis idem magister Petrus Cau-  
chon coram nobis legitime edocuit, contra  
venerabilem patrem dominum Gerardum e-  
piscopum Parisiensem, & fratrem Johannem  
Poleti inquisitorem ex adverso principales,  
etiam in eadem nobis facta commissione prin-  
cipaliter nominatos, omnesque alios & sin-  
B gulos sua interesse credentes communiter  
vel divisim; etiam peremptorie decretis &  
concessione, & jurisdictione nostra legitime  
perpetuata præfatus Balthasar Cossa cita-  
tione, inhibitione & compulsoria hujusmo-  
di, ut præfatur, decretis nondum execu-  
tioni mandatis, sult per sacrosanctum gene-  
rale Constantiense Concilium, universalem  
ecclesiam representans, omni dignitate,  
etiam papali privatus, & destitutus.

Deinde vero ad dicti magistri Petri pro-  
curatoris præfati domini ducis principalis  
instantiam, contra præfatos dominos Gerar-  
dum, & fratrem Johannem Poleti ex adver-  
so principales, & alios sua interesse creden-  
tes alias citationem & inhibitionem de no-  
vo extra Romanam curiam, & ad partes  
concessimus, & decrevimus, ac per nostras  
certi tenoris litteras contra eosdem dominum  
Gerardum episcopum, & Johannem Poleti  
inquisitorem prædictos, aliosque omnes & sin-  
C gulos sua interesse credentes, eosque citari  
fecimus, & mandavimus, quatenus certo  
peremptorio, & competenti termino, in  
eadem secunda citatione expresso, compa-  
rerent coram nobis, vel alio forsan inter-  
rim, loco nostri, surrogando iudice, &  
commissario, per se, vel per procuratores  
suos idoneos, ad causam, & causas hujus-  
modi sufficienter instructos, cum omnibus ju-  
ribus, & munimentis, causam, & causas  
hujusmodi tangentibus, præfato illustrissimo  
principi domino Johanni duci, principali,  
ejusve legitimo procuratori pro eo; de &  
super omnibus, & singulis in ipsa commisso-  
ne contentis de iustitia responduri; ac in  
causa, & causis hujusmodi processum, &  
procedi visuri, aliasque dicturi, facturi, au-  
dituri, allegaturi, & receptum quod iustum  
foret, & ordo distaret rationis; cum certi-  
ficatione, quod sive in dicto citationis ter-  
mino comparerent, sive non, nos nihilomi-  
nus, vel surrogatus iudex prædictus, ad om-  
nia, & singula præmissa, & alias, prout  
juris foret, procederemus, seu procederet  
dictorum citatorum absentia, seu contuma-  
cia non obstante, prout in dictis nostris ci-  
tatoriis, & inhibitoriis sigillo nostro sigil-  
latis, ac in forma solita, & consueti expe-  
ditis plenius continebatur.

Quibus quidem nostris secundariis litteris  
in partibus, ut moris est, etiam in personis  
domini episcopi, & fratris Johannis inquisi-  
toris prædictorum, & alias debite exequu-  
tis,

ANNO  
CHRISTI  
1415.

tis, & de ipsis partibus; una cum earum exequutionibus reportatis, & coram nobis per providum virum Magistrum Joannem de Montejustino, in curia Romana, & etiam præfati domini ducis principalis procuratorem, prout de suæ procuracionis mandato, etiam coram nobis legitime edoctum extitit, ac nomine procuratorio ejusdem domini ducis judicialiter, & in scriptis reproductis.

Nos tunc, Jordanus episcopus, & cardinalis, ac iudex, & commissarius prædictus, de dictorum dominorum Aquilegensis, & Florentini cardinalium, nostrorum collegarum, in hac parte, mandato expresso, & voluntate, in solidum ac etiam virtute commissionis inter partes prædictas rite, & legitime ad ulteriora procedentes, ad præfati magistri Joannis de Montejustino procuratoris instantiam, eosdem, dominum episcopum, & fratrem Johannem, ex adverso principales, omnesque alios & singulos, sua interesse credentes, & eorum procuratores, si qui essent in curia Romana pro eisdem, ad dicendum vel opponendum quicquid verbo, vel in scriptis contra hujusmodi commissionem, citationem, & exemptiones supradictas dicere, sive opponere volebant, ad certum terminum preceptorium per audientiam publicam literarum contradictarum Romanæ curiæ, fecimus, & mandavimus.

In quo quidem termino comparuit in iudicio coram nobis dictus magister Johannes de Montejustino procurator, quo supra nomine, & dictam citationem audientię in eadem audientia debite executam repræsentavit factō, & in scriptis, citatorumque in eadem contentorum, non comparentium, contumaciam accusavit, ipsosque contumaces per nos reputari petendo.

Et tunc discretus vir magister Johan. Martineri, dictorum Gerardi episc. & fratris Johannis Poleti inquisitoris, ex adverso, principalium procurator, ibidem præfens, quoddam instrumentum procuracionis publicum, quamvis limitatum, coram nobis produxit, ac in jurisdictionem nostram nullatenus, utd<sup>o</sup> asseruit, consensiens: nihilominus contra commissionem, citationem, & exequutionem supradictas, verbo duntaxat, excepit; protestans excipere factō, & in scriptis suis, loco & tempore congruis: & ob hoc copiam productorum nomine procuratorio petiit, quam eidem fieri decrevimus, atque tradi volumus per hujusmodi præsentis causæ notarium, & scribam infra scriptum.

Subsequenter vero, comparente in iudicio coram nobis præfato magistro Johanne de Montejustino procuratore, & quemdam libellum, sive summariam petitionem factō, & in scripturis producente, cujus tenor sequitur & est talis.

Coram vobis Reverendissimis in Christo patribus dominis S. R. E. cardinalibus, videlicet dominis Jordano episcopo Albanensi, de Urbinis; Antonio Aquilegensis, et Franciscio Florentinensi, vulgariter nuncupatis iudicibus et commissariis a Sede Apostolica ac partibus infra scriptis cum potestate quod quilibet vestrum valeat &c. specialiter deputatis, proponit in iure procurator et procu-

Concilior. Supplem. Tom. IV.

ANNO  
CHRISTI  
1415.

A ratorio nomine illustrissimi principis domini Johannis ducis Burgundiæ, comitis Flandriæ, Arthesii &c. Quod licet condemnatio, seu determinatio opinionum in fide insurgentium ad solam sedem Apostolicam spectet; nihilominus tamen quidam dominus Gerardus præfatus episcopus Parisiensis, et frater Johannes Poleti pro inquisitore hæreticæ pravitatis in regno Franciæ tunc se gerens, falcem suam in messim alienam mittentes, ac iudicium ad eos minime pertinentes temere usurpantes, nullisque autoritate, jurisdictione, aut alia sufficienti potestate suffulti, non vocatis neque citatis legitime illis, quorum intererat, ac nullo processu iuridico super hoc factō, nec aliquo juris ordine observato, sed penitus prætermisso, quasdam præfensas sententias in quibus præfatum dominum ducem nominarunt, nulliter et perperam protulerunt, et quas assertiones quasdam novem numero truncatas et confictas, et quandam propositionem, quas falso quondam magistro Johanni Parvi adscripserunt, tanquam justificationem dicti domini ducis per eundem, ut dicebant propositas, velut in fide et moribus erroneas etc. temere et de facto damnare præsumpserunt; necnon quosdam chartabellos, quos propositionem magistri Johannis Parvi pro justificatione domini ducis factam appellarunt; licet falso, igne cremandos decreverunt, cremarique iusserunt, et de facto dictas præfensas sententias vilissime et ignominiose exequendo fecerunt publice concremari, inhibueruntque; et alia nefanda plura attentarunt, quæ in suis præfensis sententiis dicuntur contineri, et quæ alias facti immanitas patentius demonstrat.

Cum igitur præfati domini ducis, qui in eisdem præfensis sententiis et processibus per expressum nominatur, et qui ab eisdem et inde subsecutis, salva eorum nullitate, tam pro se, quam pro sibi adherentibus, & aliis, quorum interesse poterat, appellavit; licet obstante hujusmodi nullitate non esset appellare necesse, valde interfit, quod præfens sententiæ & processus hujusmodi ac præmissa omnia & singula & alia inde secutæ nullæ, nulli, & nulla declarentur, vobisque reverendissimis in Christo patribus ac dominis commissariis prædictis nullitas præmissorum omnium cum omnibus dependentibus, incidentibus, emergentibus & connexis tam conjunctim quam divisim, per olim Joannem papam commissis extiterit.

Ea propter petit dictus procurator, nomine quo supra, per vos reverendissimos patres dominos cardinales & commissarios ante dictos, per vestram sententiam & ordinationem pronuntiari, decerni, et declarari præfensos processus, sententias, condemnationes, cremationes, inhibitiones, et executiones prædictas, et prædictas, ac omnia inde secuta, fuisse et esse nullos, nullas, & nulla, invalidos et invalidas, cassos, cassas et cassas, ac nullius fuisse, et existere roboris nec momenti, eosque, eas et ea subiacuisse et subjacere vicio nullitatis, et quatenus de facto processerunt per modum nullitatis cassandos, irritandos, et annullandos, cassandas, irritandas, et annullandas, cassandas,



ANNO  
CHRISTI  
1415.

7

annullanda, et irritanda fore; et per vos cassari, irritari, et annullari: ipsosque per Gerardum et fratrem Johan. Poleti inquisitor. prædictos & eorum quemlibet in solidum expensis in hujusmodi causa, occasione præmissorum, pro parte dicti domini ducis tam in partibus quam coram vobis, & alibi factis, de quibus, & de faciendis in \* antea solemniter protestatur condemnandos fore & condemnari; & super præmissis tam conjunctim quam divisim & alias, prout convenit, & decet justitiam ministrari, vestrum, in quibus potest, & debet, benignum officium, implorando.

Et protestatur dictus procurator, quod præmissa possit corrigere, emendare &c. & quod per ea, quæ prædixit, & in posterum quomodolibet in hujusmodi causa dicturus est, non intendit se ad onus superflue prolationis alligare, seu astringere; sed solum dumtaxat ad ea, quæ sufficiunt, seu sufficere possunt ad intentionem suam præfatique domini ducis & aliorum, quorum interest consequendam. Et ultra protestatur, quod per præmissa, & alia quæcumque dicta, & dicenda nihil intendit ad intentionem adversariorum, seu alicujus eorum confiteri; sed potius dissiteri, & negare, prout dissitetur & negat.

Nos tunc ad ipsius magistri Johannis de Montejustino procuratoris instantiam, dictum magistrum Joannem Martineti procuratorem prædictum per certum sedis Apostolicæ cursorem, & nihilominus præfatos dominos episcopum, et inquisitorem per audientiam \* literarum contradictarum ad dicendum, et opponendum quicquid verbo vel in scriptis contra hujusmodi libellum seu petitionem summariam dicere, seu opponere volebant, ad certum terminum peremptorium et competentem citari mandavimus atque fecimus.

Quo termino adveniente comparuit in judicio coram nobis præfatus magister Johannes de Montejustino procurator, et citationem audientie in eadem debite executam reproduxit, dictorumque citatorum in eadem contentorum non comparentium, ac etiam dicti magistri Johannis Martineti, ibidem præfatis, nihil contra dictum libellum, sive petitionem summariam verbo vel in scriptis dicentium, vel nec opponentium, contumaciam accusavit, ipsosque contumaces per nos reputari instantè postulavit.

Nos tunc dominum episcopum, et inquisitorem prædictos absentes, et etiam dictum magistrum Joannem Martineti ibidem præsentem, nihil tamen contra dictum libellum opponentes, nec excipientes, reputavimus, justitia exigente, contumaces.

Et nihilominus, quia dictus magister de Montejustino assererebat se de quibusdam litteris, sive instrumentis, quæ, ut dicebat, venerabilis, et circumspexit vir, Magister Joannes de Gerslono, cancellarius ecclesiæ Parisiensis, coram iudicibus in causa fidei, seu assertionum prædictarum per sacrum Concilium Constantiense deputatis judicialiter produxerat, et quæ penes notarios in eadem causa assertionum scribentes, vel alterum eorum esse debebant, indigere.

Nos, Jordanus cardinalis prædictus, eosdem notarios, et quemlibet eorum, instan-

te dicto magistro Joanne de Montejustino, ad portandum, et exhibendum coram nobis instrumenta, seu litteras hujusmodi, primo simpliciter, et deinde ad idem secundo, sub poena, ad certum peremptorium, et competentem terminum citari, et compelli, per certum sedis apostolicæ cursorem, viva voce fecimus, et mandavimus.

In quo quidem, et secundo termino, discretus vir magister Conradus de Velden, secretarius præfati domini cardinalis Florentini, alter notariorum, in prædicta causa assertionum, et scribarum, ad hæc de mandato nostro citatus, et compulsus, duas litteras, unam sigillis episcopi, et inquisitoris prædictorum, et aliam sigillo serenissimi principis domini regis Francorum sigillatas; in quibus quidem litteris quædam sententiæ per episcopum et inquisitorem, super condemnatione novem assertionum, et propositionis prædictarum Parisius late continebantur, & etiam narrabantur, exhibuit & produxit: asserens idem magister Conradus, illas coram dictis dominis iudicibus in causa dictarum assertionum deputatis per præfatum magistrum Johan. de Gerslono productas existisse.

Post quam quidem exhibitionem dictarum duarum litterarum, per eundem magistrum Conradum, ut præmittitur, coram nobis factam, præfatus magister Johannes de Montejustino, ibidem præfatus, dictas duas litteras judicialiter coram nobis reproduxit, in quantum faciebant pro interesse præfati domini ducis consequentiam, et non alias, nec alio modo: petens nihilominus idem de Montejustino sigilla, & signa in eisdem litteris appolita, et appensa, per dictum magistrum Joannem Martineti ex adverso procuratorem, & quosdam alios testes, quos tunc produxit, recognosci.

Quæ signa, & sigilla tunc per eosdem, Martineti, & alium testem, recepto ab eis per nos primitus juramento, quod dicerent veritatem, recognita extiterunt.

Deinde vero, instante dicto magistro Johanne de Montejustino, nos præfatus magister Johanni Martineti, ex adverso procuratori, assignavimus; nec non eosdem dominos episcopum, et inquisitorem, per audientiam contradictarum, ad dicendum, opponendum, et excipiendum, si, et quicquid verbo in scriptis dicere, opponere, vel excipere vellent contra dictas duas litteras, ut profertur exhibitas, et productas, ad certum et peremptorium terminum per audientiam contradictarum citari mandavimus, et fecimus.

Quo termino adveniente, nos, ad instantiam præfati magistri Johannis de Montejustino, coram nobis in judicio comparentis, et citationem proxime dictam in audientia contradictarum legitime executam reproducentis, ac etiam dominorum episcopi, et inquisitoris prædictorum, nec non dicti magistri Johannis Martineti eorum procuratoris prædicti non comparentium; nec quicquam verbo vel in scriptis contra dictas duas litteras dicentium, opponentium, vel excipientium contumaciam accusantis, reputavimus, prout fuerunt, contumaces.

Consequenter autem, productis pro parte dicti domini ducis certis aliis instrumen-

ANNO  
CHRISTI  
1415.

\* ut

\* f. audientiam  
aut auditionem.

tis,

ANNO  
CHRIST  
1415.

\* forte  
consiliis

tis, ac etiā illis, et omnibus actis causæ  
meritis, visis, & intellectis; illisque etiā  
in plurim dominorum cardinalium, ac præ-  
latorum, & aliorum jurisperitorum; nec  
non etiā in rota cum auditoribus ejusdem  
diversis, & iteratis consilium \* per nos, &  
nostros collegas prædictos habitis, positis,  
& plenius recensitis.

Tandem nos Jordanus, cardinalis de Ur-  
 sinis judex & commissarius, una cum, ac  
 de voluntate, & mandato dictorum cardi-  
 norum Aquilegensis, & Florentini cardina-  
 lium nostrorum, in hac parte collegiarum  
 predictorum, ipsique volentibus, & con-  
 sentientibus, ad præfati magistri Johannis  
 de Montejustino procuratoris instantiam,  
 eundem magistrum Johannem Martineti ad  
 concludendum, & concludi videndum, vel  
 dicendum causam, si quam haberet, ratio-  
 nabilem quare concludi non debeat, alle-  
 gandum; nec non audiendum per nos, &  
 collegas nostros predictos ferri, & in scri-  
 ptis promulgari sententiam, & ad audi-  
 dum super hoc voluntatem nostram, & col-  
 legiarum nostrorum predictorum ad certos  
 diem, & horam inferius annotatos, per cer-  
 tum apostolicæ sedis curiorem: nec non domi-  
 nos Gerardum episc. et fratrem Johan. Polet-  
 i inquisitorem, predicti ipsius magistri Johan-  
 Martineti partes antedictas, etiam ad ipsius  
 magistri Johannis de Montejustino procurat.  
 instantiam ad actus, et terminos prenotatos  
 ad diem, et horam inferius etiam descriptos;  
 per audientiam publicam litterarum contra-  
 dictarum Romanæ curiæ citari fecimus, &  
 mandavimus: quos etiam diem, & horam  
 eidem magistrò Johanni de Montejustino pro-  
 curat. instanti, et petenti ad idem, et eosdem  
 actus statuimus, et diximus præsumendum.

Quibus, diebus et horis advenientibus, comparentibus in iudicio coram nobis magistro Johanne de Montejuftino, ex una; et Johanne Martineti procuratoribus prædictis, nominibus procuratoribus, quibus supra partis ex altera; Idem magister Johannes de Montejuftino procurator, dictam citationem audientie contradicitarum in eodem debite executam, factam, et in scriptis repræsentavit, dominorumque episcopi, et inquisitoris dictorum, et aliorum citatorum, in eodem contentorum non comparentium, nec aliquid rationabile allegantium, præfato magistro Johanne Martineti ex adverso procuratore fempere præfente et audiente, contumaciam accusavit, ipsoque contumaces reputari, et in eorum contumaciam, una cum eo concludi, et pro concludo haberi per nos inconstanter postulatavit, quantumcumque in eo fuit, concludit in eadem.

Nos tunc, una cum dicto magistro Johanne de Montejustino procuratore concordentibus, et secum concludi petente in hac causa præfatis dominis cardinalibus, nostris in hac parte collegis, præsentibus, volentibus, mandantibus et consentientibus, ut præfetur, duximus concludendum, et concludimus, habuimusque et haberi volumus pro concluso in eadem.

Et nihilominus præfato magistro Johanne de Montejustino procuratore instante, et sententiam ferri petente; nos Jordanus cardinalis de Urbinis prædictus, una cum

A præfatis dominis Aquilegensis, et Florentino cardinalibus, iudicibus, et commissariis, nostrisque in hac parte collegis, ac etiam ipsi nostri collegæ, & eorum quilibet, una nobiscum in domo habitationis nostre existentes, pro tribunali sedentes; ac de nostris, ac etiam de dictorum dominorum Aquilegensis, & Florentini cardinalium, iudicum, & commissariorum, nostrorumque in hac parte collegarum voluntate, & mandato; nec non de jurisperitorum consilio, præhabita cum eisdem, ut proferatur, matura deliberatione, & sufficienti, ad nostram sententiam & ordinationem procedendam, in huiusmodi causa duximus procedendum & processimus; eamque per ea, que vidimus & cognovimus, ac de præfatis cognoscimus & videmus, pro præfato domino duce Burgundia, ad instantiam, & petitionem dicti magistri Johannis de Monrejustino procuratoris, & contra dominos Gerardum episcopum, & Johannem Poleti inquisitorem, prædictos, in scriptis tulimus, & per præfatos proferimus, in hunc qui sequitur modum.

De iurisperitorum consilio per hanc no-  
stram sententiam, & ordinationem, quam fe-  
rimus scriptis; pronuntiamus, decernimus,  
& declaramus prætenso processu, senten-  
tias, condemnationes, cremationes, inhibi-  
tiones, & executiones prædidos & prædi-  
ctas, ac omnia inde secuta, fuisse, & esse  
C nullas, & nulla, invalidos, invalidas, &  
invalida, casos, cassas, & cassa, ac nullus  
fuisse, nec existere roboris, nec momenti,  
eisque, eas, & ea subiacuisse, & subjacere  
totius nullitatis: & quatenus de facto pro-  
cesserint, per modum nullitatis, cassandos,  
irritandos & annullandos, cassandas, irri-  
tandas, & annullandas, cassanda, irritan-  
da, & annullanda fore; cassamus, irrita-  
mus, & annullamus: condemnationem ex-  
pensis in huiusmodi causa coram nobis  
legitime factarum, ex causa omittentes.

Leſta, lata, & in ſcriptis promulgata  
fuit hæc noſtra ſententia per nos Jordani  
epiſcopum, nec non dominos Aquilegienſem,  
D & Florentinum cardinales, judices, & com-  
militarios prædictos per organum tamen no-  
ſtrum, atque vocem.

Contantie, provincie Maguntine, sacrosancta synodo universalem ecclesiam repræsentante, ibidem in Spiritu Sancto legitime congregata, in domo habitationis nostræ, in vespertis, nobis inibi, una cum præfatis dominis Aquilegensis, & Florentino cardinalibus synodici collegii ad jura reddendum, pro tribunali sedentibus, & prædictæ sententiæ ibidem suis propriis manibus, et nobis una cum eis subscribentibus.

Sub anno à Nativitate domini MCCCC-  
XVI. indictione nona, die vero mercurii,  
E quinta decima mensis januarii, sede Apосто-  
lica pastore carente.

In quorum omnium & singulorum fidem  
& testimonium præmissorum præsentis litte-  
ras, live prefens publicum instrumentum,  
hujusmodi nostram sententiam & ordinatio-  
nem in se continentes, live continens, ex  
inde fieri & per Antonium notarium pub-  
licum, nostrumque & hujusmodi causæ com-  
muni nobis scribam infra scriptum subscribi,  
& publicari mandavimus, nostrique una cum  
præ-

ANNO  
CHR·SUI  
1415.



ANNO  
CHR. 511  
1415.

II

CONSTANT. OECUMEN. CONC.

12

ANNO  
CHRISTI  
1415.

præfatorum dominorum Aquilegiensis, & florentini cardinalium nostrorum, ut præfertur, collegarum, sigillorum appensione, iussimus communiri; præsentibus ibidem honorabilibus & circumspèctis viris, dominis Stephano de Cechano priore urbis, Salvato de Pirteto apostolicarum, & Cyno de Lombardis de Pilis sacre poenitentiariæ litterarum scriptoribus, & Johanne Baers notario publico, cum pluribus aliis testibus ad præmissa vocatis specialiter, & rogatis.

Et ego Antonius Dominici de Prato, Clericus Pistoriensis diocesis, publicus apostolica, & imperiali auctoritate notarius, ac reverendissimorum dominorum cardinalium de Urinis, Aquilegiensis, & Florentini, iudicum & commissariorum præfatorum, & huiusmodi coram eis scriba; quia prædictæ sententiæ prolationi, omnibusque aliis & singulis præmissis, dum sic, ut præmittitur, per præfatos dominos cardinales iudices & commissarios, & coram eis fierent & agerentur, una cum prænominatis testibus præfens interfui, eaque omnia & singula sic fieri vidi, & audiui; ideoque hoc præfens publicum instrumentum per alium, me aliis occupato negotiis, fideliter scriptum ex inde confeci, subscripsi, publicavi, & in hanc publicam formam redegi, signoque, & nomine meis solitis, & consuetis, una cum appensione sigillorum præfatorum dominorum cardinalium, iudicum, & commissariorum signavi, rogatus, & requisitus, in fidem & testimonium omnium, & singulorum præmissorum.

SCHEDULA SENTENTIÆ

*Producta per D. C. Cameracensem, in præfata dominorum iudicum in causis fidei, die sabbati VIII. febr. anno XVI.*

Ib. p. 309.

**R**ecogitans hæc sacrosancta synodus Constantiensis, se divino munere congregatam esse, ad procurandum totis conatibus, ea quæ ad pacem, nedum spiritualem, sed temporalem respiciunt; quod utique fieri nequit, nisi vera fides, quæ per dilectionem operatur, inviolata subsistat: sentiens præterea, quod in christianissimo Franciæ regno divisiones plurimæ subortæ erant, quæ domino miserente, & ad concordiam clementissimi regis animum, cum suis principibus, & baronibus inclinante conquiescunt; unde congaudet in domino hæc sancta Synodus, & gratias agens, congratulatur actoribus talis pacis, conservatoribusque fidelibus.

Ipsa nihilominus eadem Synodus satagens, exemplo boni medici, tollere radicitus occasionem divisionum huiusmodi, ne deinceps nimia facilitate repullulerent, & attendens, quod durantibus his divisionibus, fuerunt super materis quarundam affectionum, nunc per quosdam publicatarum, verbo vel scripto, nunc per alios reprobatarum, contentiones variæ perlatae etiam ad sanctam sedem apostolicam; deinde ad hanc Synodum Constantensem; super quibus, quoniam fidei moraliumque præceptorum veritatem directe concernunt, si non apponeretur finis debi-

tus, non est dubium spiritualem inde tranquillitatem, ac temporalem posse turbari.

Qua in re, præhabitis deliberationibus maturis, & recepto communi consensu partium hic existentium, declarat hæc sacrosancta Synodus, decernit, & diffinit, propter præmissas, & alias rationes, ad ea faciendum moventes, quod IX. assertiones judicialiter coram communitariis super omnibus causis fidei etiam denunciatae, non sunt dogmatizandæ, sustinendæ, vel asserendæ; & ita dogmatizatores ipsarum omnium, & singularum cum propositione in qua contineri dicuntur, prohibet, & reprobatur deinceps fieri, sub poenis a sacris canonibus institutis; sed sunt reprobandæ: & ita prohibet, & reprobatur, tanquam falsas, & scandalosas, non intendens iuri alicujus personæ, vel honori præjudicare, seu quomolibet \* derogare; cum nullus particularis assertor, seu defensor eandem coram hac Synodo fuerit judicialiter accusatus.

Prohibet insuper propter certas rationes dogmatizationem deinceps fieri cujusdam propositionis, quæ diversis, & variis exemplaribus inventa est & inscripta, sub nomine, defuncti magistri Joannis Parvi: super qua propositione illiusceps Jo. Dux Burgundiæ protestationes multas publice fecit, quatum unam hac direxit per litteras sigillo suo, & signo proprio manuali roboratam, continentem inter cætera talem verborum formam.

„ Considerent, rogo, circumspèctiones vestrae, quod licet immeritis, de domo Franciæ originem duxi, quæ, Dei gratia, monitis hæretice pravitate contaminata nullis, quam fuisse legitur. Patre non solum catholico, verum ferventissimo zelatore fidei progenitus, & ardentissimo prosequutore unionis ecclesiæ, filio regis Franciæ, non theologus, non eruditus subtilitatibus fidei; sed firmiter credens, & confitens simpliciter quæ nobis per Christum, per Apostolos, & per sanctam matrem ecclesiam tradita sunt; utpote christianus princeps, miles & laicus, paratus non solum credere, quæ sancta mater decreverit ecclesia; sed etiam rueri, & defendere manu militari, usque ad effusionem proprii sanguinis, & meos subditos ad ea credenda, & defendenda compellere, si sit opus.

*Sequitur.*

„ Me vestra Synodus sacratissima catholicum teneat, vestris distinctionibus factis, & fiendis cæterorumque sacrorum Conciliorum huiusmodi adhaerentem, non valentem quicquam sustinere, quod sit erroneum, vel contrarium sanæ doctrinæ, seu fidei orthodoxæ, & si per approbationem præmissam sic generaliter factam scilicet de propositione magistri Joannis Parvi, veniat, & intelligatur aliquid approbatum, quod per sanctam matrem ecclesiam decerneretur contrarium veritati fidei orthodoxæ, vel sanæ doctrinæ; vestro cœtui sanctissimo notifico, me nunquam intellexisse, se, voluisse, vel velle talia approbare, & ea

ANNO CHRISTI 1415. „ & ea supplice pro non dictis vel appro-  
batis per vos haberi, quæ corrigenda dis-  
finitionibus vestris submitto.

Qua protestatione, & humili submissione pensatis, decrevit hæc eadem sancta Synodus, eundem illustrem principem ducem Burgundiæ habendum esse in hac parte catholicum; cum huic diffinitioni in materia IX. assertionum præmissarum eum sentire speramus.

Declarat insuper eadem Synodus, quod a nulla sententia Parisius, vel alibi lata, concernente prædictam propositionem magistri Joannis Parvi, vult eundem illustrem ducem teneri, vel ligari; cum nec aliqua, sicut fertur, lata fuerit contra personam ejusdem ducis judicialis sententia.

Denique commonet, & hortatur hæc sacra synodus præfatum ducem, quatenus ipsi, sicut generosum decet, & christianum principem nullis prave suasionis stimulis moveatur, occasione præteritorum gestorum, vel dictorum in iis fidei materiis, ad exercendum contra personam quamcumque rancoris vel odii fomitem: sed in Christi charitate, quæ non irritatur, & congaudet utilitati \* 1. Cor. XIII. 6. sint omnia pacifica, sicut omnes ad unum pacis æternæ finem nitimur pervenire.

*Sequitur quedam parva \* prima inedita per dominum cardinalem Cameracensem ambassiatoribus domini ducis Burgundiæ per \* concordia &c.*

Hæc sancta Synodus declarat, quod per præmissam condemnationem novem propositionum, vel etiam per condemnationem nuper factam de illa propositione: *Quicumque tyrannus &c.* eadem synodus non intendebat, nec intendit juri alicujus personæ, seu famæ ipsius, vel honori præjudicare, seu quomodolibet particulariter derogare, cum nullus particularis assertor seu defensor earundem, coram dicta Synodo fuerit judicialiter accusatus.

*Producta & exhibitæ per dominum Cameracensem die sabbati VIII. februarii, coram dominis commissariis, & lecta publice per... suum secretarium: super qua dominus Cameracensis petiit instrumentum, præsentibus &c.*

## LIBELLUS

Ex parte Ducis Burgundiæ oblati Synodo Constantiensis;

Sive

*Requesita exhibita, & lecta coram commissariis &c. & de ea petita sunt instrumenta, die XVIII. Febr. post prandium, in Aula Palatii Anno XVI.*

Reverendissimis patribus, dominis iudicibus in causis fidei per hoc sacrum Concilium deputatis, pro parte illustrissimi principis ducis Burgundiæ, humiliter de sequentibus supplicatur.

Et primo, cum quædam novem assertiones per aliquos, zelum fidei non habentes, confictæ, & quondam magistro Johanni Parvi malitiose, & falso impostæ fuerint, in læsionem memoriæ ejusdem magistri Johannis Parvi; ac etiam in præfati domini ducis scandalum, & iacturam; & per quemdam magistrum Jo. Gerson, quamvis calumniose denunciata in præfenti Concilio extiterint: petunt, & instanter requirunt ambassiatores, & procuratores præfati domini ducis per V. R. P. eundem de Gerssono declarari, & pronuciari a dicta denunciatione calumniose destitutis, prout alias pluries extitit petitum per eosdem.

Secundo, cum in causa dictarum novem præfatarum assertionum, iuste & rationaliter decreveritis, & fueritis interlocuti, præfatum dominum Ducem habuisse, & habere interesse, ipsumque ad illud admiseritis, a quibus minime fuit appellatum: petunt iidem ambassiatores, & procuratores, quod super petitis in libello, pro parte ipsius domini ducis coram vobis oblato, velitis, juxta formam, & conclusionem ejusdem, iustitiam ministrare.

Tertio etiam, quia dictæ novem præfatae assertiones, quarum occasione præfatus dominus dux multipliciter sine causa in suis fama, nomine, & honore præclarissimis læsus fuit, atque tactus, post publicam, & plenissimam apparitionem materiæ earum, pro & contra, de mandato V. R. P. factam, fuerunt traditæ magistrorum, licentiariorum, & bachaliorum in theologia formarum examini, qui medio juramento per eos in manibus vestris, seu per vos, vel deputatorum præfatis, super eisdem assertionibus suas opiniones, etiam juxta ordinationem vestram, tradiderunt.

Ea propter supplicant ambassiatores, & procuratores prædicti, pro quanto præfatum eorum dominum, modo præfatis tangunt, aut tangere possunt; quatenus absque ulteriori mora opiniones prædictas, illis tamen rejectis, quæ merito sunt repellendæ, nec non omnia aditata in processu præfatarum IX. assertionum hujusmodi fideliter hujus sacri Concilii nationibus referre, illaque in scriptis redigi, & etiam signis, & subscriptione.

ANNO CHRISTI 1415.

Th. p. 511.

\* forte deest C. dula

\* forte pro



ANNO  
CHRISTII  
1415.

ptionibus plurium notariorum communiri facere dignemini; ut sic, iis mediantibus, præfens sacrum Concilium, iustitia mediantem, judicet, & terminet, si prædictæ assertiones sint iudicio fidei reprobandæ, vel ne, aut alias diffiniat id quod ius, & iustitia suadebunt.

Has autem petitiones, & requestas pluries factas, & nunc repetitas, petunt ambassiatores, & procuratores prædicti in actis causæ inferi, & de iis sibi fieri publica instrumenta, unum, vel plura, ad futuram rei memoriam.

### REQUÆSTA

*Domini Symonis de Teramo advocati &c.*

*Exhibita coram dominis commissariis in causa fidei die XVIII. mensis febr. anno domini MCCCC. XVI.*

**R**everendissimi in Christo patres, & domini. Quemadmodum vestræ dominationes audiverunt, venerabilem & circumspectum virum, magistrum Guillelmum Momardi, nuncium, & oratorem christianissimi principis, domini Caroli Francorum regis illustrissimi, suam credentiam prudentem exposuisse.

Ego Symon de Teramo hujus causæ, pro parte promotionis ejusdem, per eandem vestras dominationes deputatus, atque sacri Consistorii apostolicæ sedis advocatus, non recedendo, sed potius inhærendo jam dictis, et expositis per præfatum magistrum Guillelmum Momardi requiro, postulo, & humiliter peto, ut supradictum D. Guillelmum Momardi nuncium & oratorem regium, & alios in Romana curia procuratores ejusdem domini regis, pro interesse præfati christianissimi Francorum regis antedicti admittere eisque, & mihi promotori causæ hujusmodi copiam processus in hujusmodi fidei causa agitati decernere, & communicare velitis; & protestor, quod ante decretum hujusmodi processus, ad ulteriora in ipsa causa procedere minime debeatis.

Item, quod præfatus magister Guillelmus, & alii præfati Christianissimi regis procuratores, & ambassiatores, & præcipue in materia existentes, ad hujusmodi causam, & ejus prosecutionem admittantur; eo quod prædictus dominus Francorum rex suum singulare prætendit interesse, & sui regni; præsertim ex hoc, quod ipsæ novem assertiones ex propositione Joannis Parvi, pro justificatione præfata nefandissimæ necis inclytæ recordationis domini Ludovici quondam Ducis Aurelianensis, dilectissimi & unici fratris regis Francorum antedicti, infideliter & scandalose composita, extractæ sint.

Item, ne ipse Christianissimus rex de errore argui possit, ex quo assertiones illas tanquam erroneas subprimi, aboleri, & cassari, et ut a fide et moribus devias denunciari in suo regno jussit et fecit.

Item, ne pervertatur fidelitas in subditis regni sui versus superiores et dominos.

Item, ne pervertatur debita politia, et civile regimen in regno fuo.

**A** Item ne scandala in ejusdem regno essent, quæ, ex dictis propositionibus, seu assertionibus, si non damnarentur; possent in ejus regno contingere, et evenire; et ex aliis pluribus, quæ in facto, ex quo ius resultat, cum expediet, deducuntur.

Et protestor, quod ad actus aliquos non procedatis in hac causa, nisi ad illos; nisi ipsis nunciis et procuratoribus dicti domini regis primitus evocatis, et solemniter requisitiis.

Item, simili modo requiro, supplico et peto, quatenus, reverendissimi patres, consideretis statum, conditionem et qualitatem personarum, a quibus votum in hac causa suscipitur.

**B** Item, quod illis consideratis, deliberationes et opiniones magistrorum in theologia, et aliorum in ipsa causa fidei vota sua deliberantium et dantium, et nomina eorundem publicare, atque in publico legi facere velitis; ut numeri ad numerum, zeli ad zelum, ac rationum ad rationem, suppositum ad supposita calculis præhabitis, supra dictæ necis fundamento, ex qua ortæ sunt, attento, possimus ad veram earundem devenire condemnationem. Et protestor, quod aliis, ordine, modo, seu forma, ad decisionem relationum, seu aliam dispositionem in hac causa faciendam minime procedatur.

**C** Præterea vos, reverendissimum patrem, et dominum cardinalem Cameracensem requiro, hortor, et quantum instantius possum deprecor, ut attentam vestram præcellenti et glorificata scientia, efficaciter, velut unus iudicum inter ceteros non minimus, per olim Joannem Papam XXIII. & hoc sacrum concilium generale deputatus estis, velitis honorem & onus assumere, præfatas assertiones, & earum errorem examinandi, una cum præfatis dominis meis commissariis hic præsentibus; illumque errorem, una cum ante dictis referendi, & condemnandi, quatenus commissio vobis omnibus facta patitur, & ut tenemini, veritatem fidei summo opere defendere, quacumque excusatione remota: cum præfata suspicionis causæ, pro parte ducis Burgundiæ & suorum procuratorum confictæ fuerunt, & sunt salva conscientium reverentia, falsæ, insufficientes, & minus legitime, prout easdem intuenti parer. Vosque, reverendissimos patres & dominos, supra dicti domini Cameracensis collegæ, & conjudices, sub omnipotentis districto iudicio, obtestor & requiro, ut eundem dominum cardinalem Cameracensem vestrum collegam ad audiendum, discurandum, & judicandum, ut unum ex vobis admittatis, & ex nunc admittere velitis, & quod alias, ipso absente, contempto, vel irrequisito minime procedere debeatis; protestans alias de contemptu ejusdem, & nullitate processus.

De & super quibus &c. peto a vobis notariis publicis & tabellionibus substantibus personarum testimonio confici publicum instrumentum.

Symo de Teramo

Advocatus, ut supra.

Item, protestor quod non procedatur cum personis suspectis. Nomina autem vestrorum col-

ANNO  
CHRISTII  
1415.

ANNO  
CHRISTI  
1415.

collegarum, quos suspectos habeo, sunt videlicet, dominus cardinalis de Urfinis, Dominus abbas Clarevallis, & magister Ursinius Taillevande.

Reiecta fuit hæc cedula præcedens, & contra eam datæ exceptiones generales, die XXI. februarii: & postea & in continenti fuit porrecta quedam supplicatio tria puncta continens, quæ habetur per tria folia ante; de qua fuerunt petita instrumenta: & nihilominus quod infererentur in actis causæ, & præter notarios iudicum, fuit petitum instrumentum a magistris Joanne Pilon, et Guidone procuratore episcopi Bajocensis.

#### APPELLATIO GERSOITARUM

*A commissariis in causis fidei.*

ib. p. 519.

**A**Nno MCCC. XVI. indictione nona, se de apostolica vacante pastore, die jovis, XIX. mensis martii, inter quintam et sextam horas, post meridiem. In palatio episcopali Constantiensi coram dominis iudicibus in causis fidei deputatis; illis tunc in loco eorum solito pro tribunali sedentibus: fuit judicialiter interposita præfens appellatio per Symonem de Teramo, tanquam advocatum ambasiatorum regis christianissimi Franciæ, videlicet Johannis de Gersonno, Jordani Morini, P. Pulchrinepotis, et fratris de Versailles, ibidem præsentium, manualiter per dictum Symonem judicialiter dictis commissariis tradita, dicentem, protestantem, et appellantem, prout in cedula continetur, petens instrumentum etc. Præsentibus Andrea Bernardi. P. Salomonis, sacre paginæ professoribus, et nobis Conrado de Velden, P. Picardi, et Jo. Baers, notariis et scribis in causis fidei, ac pluribus aliis testibus etc.

Licet vos, reverendissimi patres, et domini, domini iudices, et commissarii ad extirpandum hæreses et errores quoscunque, fidei contrarios, ac sacrosanctæ generali Constantiensi Synodo specialiter deputati, certas requestas, tam pro parte Christianissimi, ac illustrissimi domini Caroli Francorum regis, per suos oratores, ambasiatores et nuncios, quam pro parte magistrorum Symonis de Theramo, Henrici de Piro, hujus causæ pro parte promotionis atque faceri consistorii apostolicæ sedis advocati, ac promotoris, a sacro concilio prædicto deputatis factas, recipere et admittere debuissetis. Ex quibus quidem requestis et aliis in iudicio, eorum dominationibus vestris productis, et exhibitis; constitit et constat præfatum Christianissimum Francorum regem, in causa hujusmodi suum singulare prætereendere interesse; certis de causis et requestis eisdem, per dominum Symonem advocatum prædictum factis, contentis coram vestris dominationibus productis, et exhibitis; et aliis loco et tempore, si opus fuerit, latius declarandis: de quo solemniter protestati fuerunt oratores, ambasiatores, et nuncii, atque advocatus, et promotor ante dicti, et adhuc protestantur. Nihilominus requestas ipsas per eosdem dominos supra scriptos factas, et ambasiatores ejusdem domini regis

*Concilior. Supplem. Tom. IV.*

**A**d causam ipsam admittere et recipere non curastis; quin imo id saltem tacite recusastis, ad alias deliberationes, et tractatus in hac causa per vos habitos, et actus alios deveniendo, sive deveniri decernendo; in ipsius christianissimi Francorum regis, regni que sui, et regnicolarum, totiusque christianæ religionis ambasiatorumque, oratorum, et nunciorum, advocatique, et promotoris prædictorum præjudicium non modicum, et gravamen. Ea propter ambasiatores, et oratores, et nuncii, advocatus, et promotor prædicti, sentiens se, et dictum Christianissimum Francorum regem ex præmissis gravatos et oppressos, fortiusque in posterum gravari, et opprimi dubitantes; a vobis omnibus et singulis vestraque audientia totali, ac non admissione præfati Christianissimi Francorum regis, pro suo interesse, et supplicationibus hujusmodi, et iustitiæ recusatone, et aliis gravaminibus ex actis causæ hujusmodi colligibilibus, ad sacrosanctum generale concilium Constantiense, a quo vos estis deputati, et sanctam sedem apostolicam, in his scriptis provocant et appellant: ac apostolos primo, secundo, tertio, instantem, instantem, et iustissime, per vos sibi dari petunt. Et protestantur quod præmissa possint corrigere: quodque ad aliquos actus non procedatis, hujusmodi

**B**ussissimo Francorum rege, aut ejus legitimo procuratore, sive ambasiatoribus, oratoribus, et nunciis prædictis \*..... Protestantur etiam quod, hujusmodi appellatione pendente, nihil innovetur. De, et super quibus omnibus et singulis, prædicti ambasiatores, oratores, et nuncii, advocatus, et promotor prædicti petunt sibi fieri et conscribi publicum seu publica instrumenta, unum vel plura.

\* Nota  
quod hic  
deficit u-  
nam ver-  
bum; &  
ita in ori-  
ginali.

#### CEDULA

*Episcopi Aircatenfis.*

*Ne Christianissimi regis nomine, negotium Joannis Parvi prosequantur.*

XXIII. mensis martii, habita in natione Gallicana. Anno XVI.

**C**edula Aircatenfis in natione Gallicana XXIII. mensis martii, nominibus quibus supra, per magistrum Jo. lecta notariis \* \* \* \* \* Drest ali. ejusdem nationis præfente dicto Givardi magistro Symone, & supra qua petiti sibi fieri instrumentum a notariis; specialiter a magistro Jo. Givardi prædicto, & Jo. Baers.

ib. p. 521.

Cum magister Symon de Teramo, nescio quo ductus spiritu, intendat gloriam singularem Christianissimi regis Francorum maculare, eo quod nescitur, ut ex ejus verbis apparet, eundem dominum regem trahere in causam fidei, secundum communem modum loquendi quorundam; et in qua, ut dicitur, tractatur materia hæresis: vel sub suæ majestatis colore, quærit processum fidei impedire, quæ quantum sunt scandalosa et vituperabilia Christianissimæ domui Franciæ clare vident eidem bene et fideliter servien-

B  
tes



ANNO  
CHRISTI  
1415.

tes, et eam sinceriter diligentes.

Quapropter nos ambasciatores illustrissimi principis domini ducis Burgundiae, suae sincerissimae fidelitati, quam habet, ad praefatum Christianissimum regem dominum nostrum superiorem inhaerentes, & ego in speciali, M. episcopus Atrebatensis, fidelis & juratus consiliarius ejusdem domini regis; requirimus, quatenus dictus magister Symon sufficiens ad hoc mandatam exhibere compellatur, aut manifeste dicat, qui sunt illi qui posuerunt haec verba in ore suo, cum non vellet confessor eorumdem reputari: & consequenter requirimus, & requiro, nominibus quibus supra, omnes regnicolas dicti regni Franciae, ut defensionem honoris praefati domini nostri regis viriliter assurgentes, nobiscum assistant ad prosecutionem validam faciendam super reparatione honoris dicti domini regis, jam laesi per dictum de Teramo. Contra quem protestamur, quod, nisi aliud mandatam ostenderit, & adinventor praedictorum non immerito debeat reputari. Singulariter vero procuratorem ejusdem domini nostri regis requirimus, & requiro de praemissis.

Notarii sunt, Jo. Givardi, & Baers, ad faciendum instrumentum specialiter, cum omnibus aliis ibidem praesentibus & requisitis.

#### INSTRUMENTUM

#### Oppositionis

Contra Symonem de Teramo.

Anno XVI.

In nomine Domini Amen.

**P**ER hoc publicum instrumentum cunctis notum sit & pateat evidenter, quod anno a Nativitate Domini, MCCCCXVI. indictione IX. & die martis XXIV. mensis martii, hora septima post mediam noctem, apostolica sede vacante; & sacro sancto generali concilio ecclesiam universalem representante, in civitate Constantiensis, provinciae Moguntinae, residente convocata praecleara & insigni natione Gallicana, de mandato reverendi in Christo patris & domini, domini Johannis miseratione divina, episcopi Gebennensis, tunc ejusdem Gallicanae nationis praesidentis; & in magno refectorio domini fratrum praedicatorum Constantiae, ut est moris, solemniter congregata, pro nonnullis punctis, & articulis sacrum concilium, & ipsam nationem concernentibus deliberandis, pertractandis, & concludendis; & postea per ipsum concilium expediendis. In qua quidem congregatione interfuerunt reverendi in Christo patres, domini domini Johannes patriarcha Constantinopolitanus, Aenienensis, Tholonensis episcopi, & alii episcopi, abbates, ac egregii, & famosi domini, & magistri sacrae Theologiae professores, utriusque juris, & in altero ipsorum iurum doctores, & licentiat, in artibus, & medicina magistri, bachelarii, & alii notabiles viri circumscripti, in grandi numero. Post aliqua proposita & deliberata in eadem natione, praefatus reverendus pa-

ter dominus praesidens posuit in deliberatione ejusdem nationis, quod domini reverendissimi iudices & commissarii, in omnibus causis fidei per hoc sacrum concilium deputati, petierant, & requisiverant, in favorem fidei, ut melius, ac magis mature, & deliberate procedere valerent in dictis causis fidei, quod dicta inclyta natio Gallicana, quae viris literatis & scientificis clarere dignoscitur eligeret, daret & deputaret decem notabiles viros, magistros, & doctores, tam prelatos quam alios, pro assistendo, & consulendo, ac audiendo, & viuendo cum ipsis dominis iudicibus processibus & causis materiam fidei concernentes.

**Q**uo quidem articulo sic in deliberatione nationis posito; et egregio legum doctore, D. Symone de Teramo, avvocato consistoriali curiae Romanae, ipsam nationem intrante, & coram dicto domino praesidente dictae nationis, ac nostrum notarium infra scriptum praesentia, personaliter constituto, venerabiles & circumscripti viri, magistri Johannes de Gersionno, Jordanus Morini, Guillelmus Pulchrinepotis, & frater Petrus de Versailles, Christianissimi principis domini nostri regis Francorum nuncii & ambasciatores ibidem tunc praesentes; per organum tamen dicti magistri Guillelmi Pulchrinepotis, sacrae paginae professoris, nomine ambasciatorio dicti domini regis petierunt, & requisiverunt, quatenus dictus dominus Symon de Teramo audiretur super certis per eum proponendis, antequam super hujusmodi articulo de dictis decem personis eligendis procederetur, vel deliberaretur.

Et tunc reverendus in Christo pater & dominus, dominus M. Atrebatensis Episcopus, illustrissimus principis domini ducis Burgundiae ambasciator, hujus petitioni factae, & audientiae se opponendo dixit, quod casu quo dictus dominus Symon advocatus vellet aliquid, nomine dicti Christianissimi regis Francorum proponere, & loqui de quodam processu pendente coram dictis dominis commissariis, tam super nullitate sententiae episcopi Parisiensis, quam etiam super novem assertionibus hujusmodi, niteretur & vellet periculose involvere, prout alias, nomine dicti domini regis, in ipsius suique honoris, nominis gloriosi, & regni Christianissimi grave scandalum, periculum, & iacturam, tam coram dictis dominis iudicibus, quam in hac natione insigni proposuerat, & involvere n'ius fuerat, sine mandato, vel advocacione quibuscumque; ipse dominus Atrebatensis episcopus, nomine ambasciatorio praedicto, & tanquam dicti domini nostri regis consiliarius juratus se omnino opposuit, quod dictus dominus Symon, non audiretur, nisi prius doceret de mandato, super hoc a dicto domino rege sibi facto, vel alia advocacione sufficienti, de quibus nondum docuerat; licet pro parte dicti domini ducis super hoc fuisset requisitus.

**Q**ua oppositione dicti episcopi Atrebatensis non obstant, dictus dominus Symon advocatus, instanter, & iterato, requiruntibus dicti domini nostri regis ambasciatoribus, concessa sibi per dictum dominum praesidentem, de consensu majoris partis nationis,

ANNO  
CHRISTI  
1415.

ANNO  
CHRISTI  
1415.

nis, audientia & factio silentio in eadem natione, quamplura, & diversa, super materia dictarum novem assertionum, & nullitatis sententiae dicti domini episcopi, ibidem vocatus, & requisitus per ambassiatores regis, tanquam advocatus, pro defensione huiusmodi causae per dominos iudices; & commissarios causarum fidei specialiter deputatus, eleganter proposuit; narrando inter alia qualiter dicti domini ambassiatores christianissimi regis Francorum, se coram dictis dominis commissariis causarum fidei petierunt admitti ad defensionem causae dictarum novem assertionum, pro interesse dicti domini regis; & alias requisitas fecerunt, quas iidem domini iudices, & commissarii minime admittere curaverunt, imo denegaverunt, saltem tacite.

Quapropter ipsi domini ambassiatores ab ipsis dominis iudicibus appellaverunt: propter quam quidem appellationem dicebat nihil fore innovandum, cum eorum iurisdicatio & iudicium esset suspensum; nec ad electionem decem personarum praedictarum, ad petitionem dictorum dominorum iudicum, minime fore procedendum.

Veruntamen dixit, in casu quo ipsa venerabilis natio ad electionem dictarum personarum procedere vellet, supplicavit quatenus eligerent personas tales quae partibus non suspectae essent, quae potestatem haberent corrigendi minus bene gestas per dictos dominos commissarios in causis fidei; & etiam cognoscendi de causa suspicionis contra nonnullos ex dictis dominis iudicibus, quos ibidem dixit se non velle nominare, & plura alia dixit, & proposuit; ac etiam duas parvas papyri cedulas legi fecit, quas penes notarios nationis dimittere noluit, licet ad hoc, ut copia de eisdem haberetur per dictum dominum Atrebatensem super hoc fuisset instant requisitus.

Ad quae quidem proposita, tam dictus dominus Atrebatensis episcopus, quam etiam dominus Arduicinus de Novaria, advocatus, pro parte dicti domini ducis multum notabiliter, & eleganter responderunt. Et inter alia dictus dominus episcopus Atrebatensis ostendit quamplura pericula & inconvenientia, quae sequi possent, si dictus dominus noster rex christianissimus involveretur in materia & processibus fidei, maxime ad sustinendum unam partem, vel alteram, in materia fidei dubia: quia cum litium eventus dubii sint, & dictus dominus noster rex cadere, & deficere posset de consequendo intentum, & partem suam obtinendo, quod esset in maximum scandalum dicti domini regis, & regni Francorum, ac totius domus regiae, suique nominis gloriosi, & christianissimi: quodque ob minorem \* Petrus de Luna, & sui complices, alias nisi sunt imponere maculam in regno, & domo Franciae; & nomen illud gloriosum delere; & sic nimirum, si hoc in praesenti Concilio, ubi quamplures variae nationes existunt, & aliae non multum benivolae ad ipsum regem, & regnum, formaliter in casum & eventum praedictos, ita facere conarentur. Quapropter instant requisivit dictum dominum praesidentem, ut ad electionem dictarum decem

Concilio. Supplem. Tom. IV.

ANNO  
CHRISTI  
1415.

A personarum procederet; & quatenus compelleret dictum dominum Symonem, ad dicendum de sufficienti mandato; vel quod faceret se super eum ibidem propositum advocari. Et super hoc exhibuit quondam Papyri cedulam tenoris subsequens.

„Cum magister Symon de Teramo, nescio quo ductus spiritu, intendat gloriam singularem christianissimi regis Francorum maculare; eo quod nititur, ut ex eius verbis appareat, eundem dominum regem trahere in causam fidei, secundum communem modum loquendi, & in qua, ut dicitur, tractatur materia haereticis: vel sub suae maiestatis colore, querit processum fidei impedire: quae quantum sunt scandalosa & vituperabilia christianissimae domus Franciae, clarescent eidem bene & fideliter servientes, & illam sincere diligentes.

„Quapropter nos ambassiatores illustrissimi principis, domini ducis Burgundiae, suae sincerissimae fidelitati, quam habet ad praefatum Christianissimum regem dominum nostrum superiorem inherentes; & ego in speciali M. episcopus Atrebatensis fidelis, & juratus consiliarius ejusdem domini regis, requirimus, quatenus praedictus magister Symon sufficiens ad hoc mandatum exhibere compellatur; aut manifeste dicat qui sunt illi qui posuerunt haec verba in ore suo, cum non vellet eorumdem author reputari: & consequenter requirimus, & requiro, nominibus quibus supra, omnes regni, colas dicti regni Franciae, ut defensionis honoris praefati nostri regis viriliter assurgentes, nobiscum assistant ad prosecutionem validam faciendam super repARATIONE honoris dicti domini regis jam lesi: si & nisi aliud mandatum ostenderit, confictor & adinventor praedictorum non immerito debet reputari. Singulariter vero procuratorem ejusdem domini nostri regis requirimus, & requiro de praemissis.

Qua quidem cedula sic exhibitae & dictae natione per me Joannem Givardi, ipsius nationis notarium publice, & alta voce lecta, etiam audiente dicto magistro Symone de Teramo, ac copia ejusdem per dicti domini nostri regis ambassiatores petita, & per dominum praesidentem concessa & decreta; praebatur dominus Atrebatensis episcopus, & honorabilis vir dominus Petrus Cauchon, Vicedominus Remensis, nomine ambassatorio dicti domini ducis Burgundiae, petierunt sibi, ad omnem futurum eventum, tam super exhibitione, et lectura cedulae huiusmodi, quam super omnibus aliis et singulis praemissis; tam per nos notarios publicos infra-scriptos, quam per quoscunque alios notarios in eadem natione tunc praesentes, fieri sibi et tradi publicum instrumentum, et publica instrumenta unum vel plura; totam ipsam nationem in testimonium praemissorum omnium, et singulorum, invocando.

Acta fuerunt haec sub anno, indictione, mense, die, hora, et loco praedictis: praesentibus reverendis in Christo patribus, dominis Joanne patriarcha Constantinopolitano, Ogerio episcopo Augustensi, Jo. abba-

B 2

te

\* locus  
corruptus



te Cisterciensi, magistris Jo. Ademare, Nicolao de Gonneffa, et fratre Joanne de Rocha, ordinis fratrum minorum sacre theologie professoribus, et nonnullis aliis dominis episcopis, abbatibus, magistris, et doctoribus, ac aliis notabilibus personis diversorum statuum, graduum, et ordinum in magno et grandi numero et multitudine copiosa, testibus ad premissa vocatis specialiter, et rogatis.

Et quia ego Johannes Baers clericus Morinensis diocesis, publicus apostolica, et imperiali autoritate notarius, premissis omnibus et singulis, dum sic, ut premittitur et subscripta sunt, agerentur, et fierent, una cum prænominatis testibus supra, et notariis publicis infra scriptis, præsens interfui, eaque sic vidi fieri, et audivi, ac in notam recepi. Idcirco huic publico presenti instrumento, manu aliena fideliter scripto, propria manu me subscripsi, et signum meum publicum hic apposui consuetum, rogatus & requisitus in testimonium veritatis omnium premissorum.

Et ego Johannes Riviani, canonicus Antiodorensis, publicus apostolica autoritate notarius, premissis omnibus, & singulis, dum sic, ut premittitur, agerentur, dicerentur, & fierent, una cum prænominatis dominis testibus, ac notariis publicis, supra & infra scriptis, præsens interfui, eaque sic fieri vidi, & audivi, ac in notam recepi. Ideo hoc præsens publicum instrumentum manu aliena fideliter scriptum, propria manu subscripsi, & signo meo publico consueto signavi, in fidem & testimonium veritatis omnium, & singulorum premissorum, requisitus, et rogatus.

Et me Pasquerio de Vallibus, clericus Amblianis oriundo, publico apostolica, et imperiali autoritatibus notario, qui premissis omnibus et singulis, dum sic, ut premittitur, fierent, & agerentur, una cum testibus prænominatis, et notariis supra scriptis præsens interfui, eaque omnia & singula sic fieri vidi, et audivi. Ideo huic presenti publico instrumento manu aliena fideliter scripto, signum meum, me hic propria manu subscribendo, apposui consuetum, in testimonium veritatis omnium & singulorum premissorum; requisitus.

## CONCLUSIONES

Nationis Gallicanæ  
Circum petitiones Joannis Gersonis &  
episcopi Atrabatenfis.

In nomine Domini. Amen.

1h. p. 518.

PER hoc publicum instrumentum cunctis notum sit, et pateat evidenter, quod anno a Nativitate Domini MCCCXVI. indictione nona. Die vero jovis, vigesima sexta martii ante meridiem: apostolica sede vacante, et sacro sancto generali concilio, ecclesiam universalem representante, in civitate Constantiensis, provincia Moguntina residente: convocata præclara et insigni natione Gallicana, de mandato reverendi in Christo patris, et domini domini Johannis,

miseratione divina episcopi Gebennensis, tunc ejusdem Gallicanæ nationis presidentis, et in magno refectorio domus fratrum Prædicatorum Constantiensium, ut est moris solemniter congregata, pro nonnullis punctis, et articulis illa die deliberandis et concludendis et expediendis: in qua quidem congregatione interfuerunt reverendi in Christo patres, et domini, domini Johannes Patriarcha Constantinopolitanus, Aniciensis, Tholonensis episcopi, et alii episcopi abbates, ac egregii et famosi domini magistri, sacre theologie professores utriusque juris, seu in altero ipsorum jurium doctores et licentiatii, in artibus et medicina magistri, bachalarii, et alii notabiles et viri circumspæti, in grandi numero.

Petitæque deliberatione suppositorum ejusdem nationis, super articulo, die martis ultimo erit præterita eidem nationi proposito: an scilicet, dominis judicibus, et commissariis, in causis fidei deputatis petentibus, et requirentibus in favorem fidei, hæc natio insignis, quæ viris litteratis abundare et clarere dignoscitur, dare debeat decem notabiles doctores, magistros, tam prælatos, et quos, qui eisdem assistere et consulere habeant, super certis dubiis in processu fidei occurrentibus.

Venerabiles et circumspæti viri magistri Johannes de Gersonno, Jordanus Morini, G. Pulchrinepotis, et frater Petrus de Versailles, ibidem pro, et nomine ambasciatorum Christianissimi regis Francorum, per organum tamen domini magistri Guillelmi Pulchrinepotis, sacre theologie professoris, instantè requisiverunt dictum dominum presidentem, quatenus antequam ulterius ad deliberandum super hujusmodi articulo stantè \* legeretur quedam parva papyri cedula: quod sibi concessum exiit, et lecta fuit publice, alta voce, in eadem natione, sub forma quæ sequitur.

forte infir-  
Acient

Ista cum omni instantia petunt, et requirunt ambasciatores Christianissimi regis Franciæ, inclytæ nationis Gallicanæ.

Primo. Quod natio det deputatos, qui nobis assistant in prosecutione causæ fidei, sicut rex in suis litteris requirit, cum pars adversa nullos deputatos voluerit recipere, pro tractanda concordia, juxta deliberationem nationis, quando litteræ regiæ fuerunt præsentatæ ipsi nationi.

Item. Cum appellaverimus ab istis iudicibus fidei, nec eos reputemus iudices nostros; requirimus quod, si dantur deputati, quod non dantur ad conferendum cum eis in materia nostra; sed dantur ad examinandas requestas nostras sæpe factas in iudicio fidei, an sint iustæ, vel non: et etiam ad videndum causas nostræ appellationis a præfatis iudicibus, et recusationis quorundam.

Item. Cum ista materia sit grandis et ardua tangens honorem fidei, regis, et regni sui, convocentur specialiter prælati hujus nationis, et maxime regni Franciæ, tam episcopi, quam cardinales.

Item. Quod si deputentur aliqui in prædicta materia; cum multi sint nobis suspecti in ista natione, quod prius dantur nobis nomina, antequam procedatur ad aliquam aliam

ANNO  
CHRISTI  
1415.

actum in ista materia, ut ipsos possint repellere, si causam habeamus suspicionis.

Istas requestas dominus prædens, prædictæ nationis Gallicanæ, nomine ambassiatorum requiritur instanter adimpleri, tamquam iustas et rationabiles. Et in casu quod aliter feceritis, protestamur de appellando etc.

Post cujus quidam cedula lecturam reverendus in Christo Dominus Atrebatensis episcopus, pro, & nomine ambassiatorum illustrissimi principis domini ducis Burgundiæ, petita per eum copia dictæ cedule, & sibi concessio, pro quanto tangere, vel concernere posset dictum dominum suam ducem, ad ipsam cedulam respondendo: dixit, quod quia primus articulus supra dictæ cedule loquitur de parte adversa sine expresse alicujus personæ, petit quatenus dictus magister Guillelmus Pulcrinopotis, & alii sui ambassiatores prædicti, hujusmodi partem adversam quam prætendunt in dicta cedula, experiment, & per expressum nominarent & declararent; cum ambassiatores ipsius domini ducis non habeant aliquam causam controversiæ, aut litis, contra quoscumque ambassiatores; & præferim contra ambassiatores Christianissimi regis nostri Francorum, sive sint veri ambassiatores, sive prætenti, prout asseruit dictus dominus Atrebatensis episcopus. subiungendo quod prout sibi videbatur, quod dominis iudicibus in causis fidei postulantis, & requiruntibus consilium, nullo modo sine periculo suspicionis sinistræ posset denegari; & quod circa hoc ipsa natio insignis diligenter & attente habebat advertere & attendere.

Et tunc præfatus magister Johannes de Gersono, incipiendo loqui, dixit se velle exprimere causam, quare ipse, sui in hac parte adherentes erant male contenti de prædictis dominis iudicibus in causis fidei & processu eorum: ex eo videlicet quod novem assertiones, de quibus coram ipsis contenditur jam, a decem mensibus elapsis, denuntiatae fuerunt coram ipsis, simpliciter, & nude; nondum tamen potuerant obtinere quod magistris & bachallari in theologia haberent disputationem & collationem mutuas inter se super eisdem assertionibus, ut se invicem intelligere valerent: sed nonnulli magistrorum, in uno angulo; & alii, in alio angulo, super hujusmodi materia scripserunt, quod dixit omnino fore absurdum.

Ad quæ & alia, per dictum magistrum Johannem de Gersono proposita respondendo dixit venerabilis & circumspectus vir, magister Petrus Cauchon ambassiator dicti domini ducis Burgundiæ, quod propterea nihil deberet latere ipsam nationem, & hoc sacrum concilium, imo totum deberet fieri manifestum, & omnibus publicari; quia cum hic processus & materia fidei, & sic ab omnibus approbati, vel reprobari decet: quare petit quod processus dominorum iudicum prædictorum, actaque, aditae, & gesta per eos, circa hujusmodi materiam assertionum singulis nationibus, & toti concilio referrentur, & publicarentur, ut si qui defectus reperti fuerint, corrigi valeant, & deinde iustitia fieri & ministrari per hoc sacrum concilium.

\* f. 16.

ANNO  
CHRISTI  
1415.

Et quia etiam in eodem articulo primo sicbat mentio, quod deputati fuissent nonnulli per ipsam nationem, quos, ut asseritur a nonnullis, ambassiatores dicti domini ducis recusaverant recipere; iidem domini ducis ambassiatores ad hoc respondendo dixerunt, quod nunquam ipsa natio super hoc aliquos deputaverat; nec ipsi etiam unquam pacem veram, vel tractatores ejusdem recusaverant, nec subterfugere voluerunt; immo antequam materia hujusmodi assertioem inchoaretur, sæpius insisterunt, quod de eadem taceretur, & superfederetur propter scandalum, quod inde evenire dubitabant, prout evenit.

Et tunc præfatus magister Jordanus Morini asserendo, quod habeat instruire ipsam nationem de veritate, dixit quod quando literæ per dominum nostrum regem, ultimatè ipsi nationi scriptæ, super eo quod ipsa natio se adjungeret huic processui, præsentatæ eidem nationi fuerunt, & per omnes tunc in eadem natione congregatos clamatum fuisset, quod erat laborandum pro pace, reverendissimus in Christo pater dominus Turonensis archiepiscopus, tunc ejusdem nationis prædens, plures tradidit deputatos, quos ipsi domini nostri regis ambassiatores acceptarunt; licet ipsius domini ducis ambassiatores, ut dixit, ipsos totaliter recusaverant, dicentes quod solum erant tres in natione hujusmodi, quos ipsi vellent acceptare.

Ad quod respondendo dixit præfatus magister Petrus Cauchon hoc omnino carere veritate, & ut ipsi nationi de contrario constaret, dixit, quod ipse nomine ambassiatori domini sui ducis ad finem petitem per dominos iudices & commissarios causarum fidei, erat paratus nominare & tradere triginta sex personas de notabilioribus ejusdem nationis, qui numerus longe distat a tribus, ex quibus ipsa natio decem personas, quas vellet, consequenter eligere posset ad sui beneplacitum.

Quibus & aliis diversis hinc inde altercatibus, prælibatus dominus prædens ambas partes requisivit, quatenus nationem exirent; ut ipsa natio, in eorum absentia, quietius valeret super hinc inde dictis, & propositis deliberare. Cui quidem requestæ partes prædictæ tandem obtemperaverunt, & ipsam nationem exiverunt.

Post quarum egressum, præfatus dominus prædens vota singulorum in eadem natione existentium requisivit, & scrutatus est: an scilicet decem personæ notabiles, & quæ, essent deputandæ, ad assistendum & consulendum dictis dominis iudicibus in causis fidei. Et tandem, singulis votis exquisitis, & in scriptis redactis, ipsoque domino præidente laborante ad eliciendum conclusionem ex eisdem votis, intraverunt eandem nationem.

Primo honorabilis vir, magister Johannes de Montejustino, procurator dicti ducis, et consequenter prælibati domini, Atrebatensis episcopus, et magister Petrus Cauchon, adherentes ad eorum notitiam devenisse quod ipse dominus prædens alias, et aliter concludere voluit, quam petitio, seu questio in deliberatione ejusdem nationis posita habuit, et continebat, et ex eadem concludi posset, aut



ANNO  
CHRISTI  
1415.

aut deberet: unde in hac parte reputabant se gravatos. Quapropter, nomine dicti domini ducis Burgundiæ, in quantum hujusmodi conclusio ipsum tangere posset, conclusioni hujusmodi se opposuerunt, protestantes de gravamine, et de recurrendo ad remedia juris.

Et tunc prefatus dominus præfatus dixit quod non intendebat alias nec aliter concludere, quam esset positum in deliberatione: et ut plenius super conclusione hujusmodi deliberare valeret, ipsam conclusionem distulit facere usque ad diem crastinum.

Super quibus omnibus et singulis, prælibati domini ducis ambassiatores petierunt sibi, ad omnem futurum eventum, et finem debitum, a nobis notariis infra scriptis confici, atque tradi publicum instrumentum, et publica instrumenta, unum vel plura.

Acta fuerunt hæc sub an. inductione, mense, die et loco prædictis, præsentibus ibidem præfatis reverendis in Christo patribus, dominis Johanne patriarcha Constantinopolitano, Ancienſi et Tholonensi episcopis, Johanne abbate Cisterciensi, Johanne Ademare, Nicolao de Honniffa, \* et fratre Johanne de Rocha ordinis fratrum minorum, in sacra pagina magistris, ac alia multitudine dominorum prælatorum, doctorum, magistrorum, licentiariorum, bachalliariorum, et aliarum personarum, diversorum statuum, graduum, et ordinum, et testibus ad præmissa vocatis specialiter et rogatis.

Deinde vero, die veneris sequenti, videlicet XXVII. prædicti mensis Martii, ante meridiem, convocata prædicta insigni natione Gallicana et solemniter congregata, modo et loco prædictis; postquam præfatus dominus præfatus quamplures articulos tunc expediendos, in deliberatione ejusdem nationis posuisset, et expediri fecisset: tandem legi fecit publice quandam papyri cedulam, conclusionem super hesternâ deliberatione, continentem sub forma quæ sequitur.

Quia \* iudices dicti generaliter in materiis fidei deputati per concilium, petierunt sibi dari per nationem Gallicanam decem deputatos, super certis dictas materias fidei tangentibus, eisdem explicandis; fuit die XXVI. martii per præfidentem nationis prædictæ positum in deliberatione, an deberent prædicti deputari, et eis dari, et qui. Unde super primo, videlicet, an deberent deputari; fuerunt audita vota singulorum, ut moris est. Ex quibus votis, seu majori parte ipsorum concluditur ut sequitur.

Primo. Quod dentur deputati, qui in materiis, de quibus videtur esse contentio, coram prædictis iudicibus, inter ambassiatores illustrissimi principis ducis Burgundiæ, habeant pro parte tractare pacem, et concordiam cum potestate, casu quo pacem et concordiam facere non possent, requirendi prædictos iudices et nationes alias, quod prædictæ materiæ suspendantur usque ad electionem futuri summi pontificis, saltem usque ad Concilium unitum cum obedientia dudum domini Petri de Luna.

In aliis autem materiis fidei, concluditur quod dentur deputati, ut petitur. Fuit

etiam visum quamplurimis quod super hoc esset per nationem scribendum prædicto christianiſſimo regi, et illustrissimo principi duci Burgundiæ.

Qua quidem conclusione sic lecta, prælibati domini ducis Burgundiæ ambassiatores, per organum tamen dicti magistri Petri Cauchon, vicedomini Remensis, proponendo dixerunt, quod pro quanto dicta deliberatio faciebat ad bonum pacis, bene placebat eisdem: sed in quantum erat dilativa, et impeditiva justitiæ dicto domino duci ministrandæ, stando semper in protestationibus die hesternâ, per eosdem ambassiatores factis, se opponebant, et protestabantur adhuc de habendo recursum ad remedia juris.

Consequenter præfatus dominus Atrebatensis episcopus, nomine etiam ambassiatorio dicti domini ducis, multum eleganter, et prolixè in effectum frequentia, \* quæ in quadam cedula super hoc per eum confecta, et nobis notariis infra scriptis postea tradita effectualiter continebantur, et continentur: videlicet quod hujusmodi deliberatio, seu conclusio, erat peregrina, et omnino aliena a dicta petitione, quæ per dictum dominum præfidentem, in deliberatione nationis fuerit posita, et pro qua solum ipse, et alii sui ambassiatores ad rogatum ipsius domini præfidentis, die hesternâ, exierant de natione, una cum illis qui se dicunt ambassiatores dicti domini nostri regis Francorum, ut liberior natio deliberaret, prout deliberavit; et sic per consequens, dicta natio deliberaverat super alia materia, quam super illa quæ posita in deliberatione, in ipsorum amonitionum præsentia, ipsis domini ducis ambassiatoribus non vocatis, nec auditis; imo spretis, in præjudicium grande ipsius domini ducis, et justitiæ, suæ, pro quanto causa novem assertionum dictum dominum ducem concernit.

Quare dictus dominus præfatus, concludendo pro cedula ibidem lecta, \* superius scripta continetur, dictum dominum suum ducem gravabat. Et ideo, non recedendo etiam a protestationibus heri per eum, et nunc per dictum magistrum Petrum Cauchon nomine ambassiatorio factis, dictæ deliberationi et conclusioni, se eodem nomine, opponebat, cum protestationibus prædictis de recurrendo ad remedia juris.

Præterea quia in deliberatione prædicta dicitur, inter partes, petit ut idem dominus præfatus vellet exponere hujusmodi verba; cum contra quoque ambassiatores quorumlibet principum non reputabant se habere partem, nec ipsos esse partes contra eos in quacunque causa, præsertim illos qui dicunt se esse ambassiatores christianiſſimi Francorum regis, quodque talis modus concludendi, & loquendi, erat magis discordiæ nutritivus, quam pacis.

Item, dixit quod videtur multum mirabile, quod cum dictæ novem assertiones per eum qui eas denuntiavit, tam in regno Franciæ quam in Concilio, dicantur esse erroneæ in fide, & bonis moribus, ut asseruit pluries, & adhuc asserit dictus denunciator; & quod tam in regno Franciæ,

\* f. Gonnesfia

\* quia domini iudices & commissarii in materiis fidei deputati.

\* f. deest protulit aut dixit

\* f. addendum: prout

ANNO  
CHRISTI  
1415.

occasione istarum hæresum, quæ in dicto regno ortum habuerunt, plures hæreses, errores subortæ sunt et creverunt; et cum christianissimus dominus noster Francorum rex velit omnes hæreses a regno suo exterminari: quomodo aliquis, præsertim de dicto regno, præsumere, dicere, vel concludere præsumat, quod earumdem assertionum iudicium et determinatio ad futurum summum pontificem reservetur? Tum primo, quia nescitur quando erit summus pontifex: et dum erit etiam plura agere habebit, et circa multa alia grandia ipsum versari oportebit. Tum etiam, si Concilium generale, quod est et dicitur fons et origo iustitiæ, æquitatis et scientiæ, timeat super iis diffinire; quomodo summus pontifex non timebit? Tum etiam, si modo non diffiniat Concilium generale; nunquid dicitur, aut dici poterit, quod ignorantia aut timor servilis potestatis mundanæ, aut aliquis alius respectus inordinatus, quibus humanum iudicium perverti confuevit, apud dictum Concilium liberavit? \* quod pro nephas est dicere, aut cogitare. Tum insuper, quia isto tempore medio, populi remanebant in errore, tam ecclesiastici, quam reges, et principes, eo quod istæ assertiones fuerunt in regno Franciæ prædicatæ et declaratæ, et in præsentī Concilio publicatæ et denuntiatae tanquam erroneæ in fide, et moribus: unde mota et præposita est, in præsentī Concilio, et solemniter disputata questio hæc: utrum hæ novem assertiones iudicio fidei sint reprobandæ?

\* Illud  
verbum  
videtur  
corruptum

\* videtur  
deliberari  
credere

Cum igitur, teste beato Augustino, tam hæreticum sit aliquid fide \* quod non est fides, aut quod est non credere; quam hæreticum est negare, vel abstrahere a fide quod fide credendum est: et ergo quia hæ novem assertiones, si sint veræ aut probabiles, et oppositum earum teneatur pro fide; ecce errorem manifestum in populo Dei.

Si vero sint reprobandæ, tamquam erroneæ, et teneantur tanquam veræ, aut probabiles; ecce errorem ex alia parte. Et sic est inducere errorem, quocunque dato, et per Concilium generale, in religione christiana, per suspensionem supra dictam.

Item dixit: Considerandum quam maxime, et advertendum, quod scandalum ex hoc insurgit dicto regno Franciæ christianissimo, et huic præclarissime nationi; quia ille qui denunciavit, est de regno Franciæ, et de natione ista; et petiit pluries, una cum complicitibus suis, dictas novem assertiones confestim condemnari, tam per dictos dominos commissarios, quam per hoc sacrum Concilium, ad honorem, et exaltationem fidei, ut dicebat, et morum, regis et regni prædictorum, et ante examen earundem assertionum. Nunc autem, examine facto, et datis deliberationibus dominis commissariis prædictis, venerabilium doctorum, magistrorum et bachalliariorum in sacra pagina, qui nolent aliud loqui quam quod veritas sacræ scripturæ suaderet, et qui nolent se damnare pro quocunque vivente; modo ipse idem denunciator, et sui complices, instant pro deliberatione prædicta, et

ipsam requirunt; quibus hæc insignis natio minus debite assentire videtur. Ex quo apparet evidenter, quod hæc natio, quæ totis viribus debet laborare ut regni nostri infamia tolleretur; nititur, et laborat ut in sordibus remanens, gloria ipsius hæresibus maculetur; ad quæ natio hæc venerabilis multum debet attendere, et etiam ad regnum Bohemiæ, et ad alia circa hæc attendenda.

Item dicit, quod in hoc ista natio faciat injuriam dictis dominis doctoribus, magistris, et bachallariis, quod \* est inquirere et declarare doctrinaliter catholicam veritatem, quos consuluit semper sancta Romana ecclesia in quæstionibus de fide motis declarandis.

\* forte  
quorum

Item dixit, quod maior nota scandalī gravioris infertur huic præclaræ nationi ex dicta deliberatione et conclusione; quia inde sic denegare iudiciis in causis fidei consilium, a peritis in iure divino pariter et humano quærentibus; non caret omnimode scrupulo fautorio hereticæ pravitatis; sed per dictas conclusionem et deliberationem denegatur, cum non respondeatur ad petiitum eorumdem. Igitur &c. Et sic scandalum quod ex publicatione dictarum assertionum ortum est, & per totum orbem divulgatum, non tollitur, sed nutritur, & augetur per prædicta.

Item. Ad hoc quod dicitur in huiusmodi conclusione, quod deputandi habebant tractare de pace, dixit quod mirabile videtur; cum tractare inter aliquos, sit secundum veram estimationem de aliquo dubio inter \* judicare, & unusquisque bene iudicat de iis quæ novit, & horum bonus iudex sit. Necessè est autem, ad huiusmodi tractatum pacis, quod tractatores plenam habeant notitiam de materia discordiæ inter partes.

\* desiderari  
videtur  
plurimum

Si igitur aliqui ambassiatores, aut alii dicunt se esse partes in huiusmodi causa fidei, necessè est quod huiusmodi tractatores plenam habeant notitiam de processu & deliberationibus doctorum magistrorum, & bachalliariorum prædictorum, factis in dicta causa, ut, comperta veritate, melius iudicent secundum æquitatem. Et cum tale iudicium debeat per hoc sacrum Concilium approbari, quæ approbatio non debet fieri de ignoto, aut ignorato; necessè est ad dictum tractatum, quod dictus processus, & dictæ deliberationes doctorum, magistrorum, & bachalliariorum prædictorum palam fiant, & publicentur omnibus nationibus huius sacri Concilii. Et insuper, quod omnes tangit, ab omnibus debet approbari, & nihil sit quod plus omnes tangit, quam ipsa fides catholica; & hic dicitur esse processus fidei; sequitur quod ut approbetur de dicto processu illud est fide approbandum, dictus processus debet fieri omnibus manifestus, quia nunquam incognita sacrum concilium approbaret.

Ex quibus omnibus, dictus dominus Atrebatensis episcopus inferendo conclusit, quod relatio est facienda palam & publice de dicto processu & deliberationibus doctorum, magistrorum, & bachalliariorum prædictorum, in hoc sacro Concilio, & in sessione publica, vel quatuor nationibus, cum col-



ANNO  
CHRIST  
1415.

legio dominorum cardinalium simul congregatis: quod fieri petiit & requiivit dictus dominus Atrebatensis episcopus, pro, & nomine ambassiatorum dicti domini ducis Burgundiae, propter reverentiam Dei, exaltationem fidei, honorem huius sacri Concilii, & propter conservationem illibatam praesentiae & titularum singularium christianissimae domus, religiosissimae ecclesiae, & regni devotissimi Franciae; ut discordiae per nonnullos in dicto regno suscitatae, sub colore dictarum novem assertionum per eos malitiose confictarum, & innocentibus scienter impostarum, brevius & clarius terminentur, & finiantur.

His dictis & propositis, praefatus dominus praesidens, nulla data super praemissis responsione, & ceteri alii in dicto loco congregati a dicto loco recesserunt. Et tunc praefatus dominus Atrebatensis episcopus, nomine quo supra, ad omnem futurum eventum petiit sibi super praemissis omnibus & singulis a nobis notariis infra scriptis & singulis aliis notariis, & rebellionibus, pro tunc ibidem praesentibus, sibi fieri, atque tradi publicum instrumentum seu publica instrumenta, unum vel plura, & tot, quot sibi fuerint necessaria, omnes & singulos in eadem natione tunc existentes in testimonium praemissorum omnium, & singulorum invocando.

Ad ea fuerunt haec sub anno, indictione, C mense, diebus, & horis praedictis, praesentibus ibidem reverendis in Christo patribus, ac dominis Tholonensi, & Augustini episcopis, Johanne abbate Cisterciensis, necnon venerabilibus & circumspiciendis viris magistris Johanne Balduino in sacra pagina, Johanne Rippart in decretis magistris, almae universitatis Parisiensis ambassiatoribus, Joanne Ademare, Nicolao de Gonsellia & fratre Joanne de Rocha Ordinis fratrum minorum sacrae theologiae professoribus, ac alia multitudine dominorum praetorum, doctorum, magistrorum, bachalliariorum & aliarum personarum diversorum status, graduum, & ordinum testibus ad praemissa vocatis specialiter & rogatis.

Et qua ego Johannes Baers clericus diocesis Morinensis publica, apostolica, & imperiali auctoritate notarius praemissis omnibus & singulis dum sic, ut praemittitur, proponerentur, allegarentur, narrarentur, explicarentur, agerentur, dicerentur, & fierent, una cum dominis & testibus supra & notariis publicis infra scriptis praesens fui, eaque, prout scripta sunt, sic vidi & audiavi proponi, allegari, narrari, dici, replicari, ac fieri; ac in notam recepi. Idcirco huic praesenti publico instrumento super inde confecto, aliena manu fideliter scripto, me aliis negotiis legitime praepedito, propria manu una cum notariis publicis infra scriptis me subscripsi, & signum meum publicum hic apposui solitum, rogatus & requisitus in testimonium veritatis omnium & singulorum praemissorum.

Et ego Jo. Riviani canonicus Antistodensis, publicus apostolica auctoritate notarius, praemissis omnibus & singulis, dum sic, ut praemittitur, proponerentur, narra-

rentur, allegarentur, replicarentur, agerentur, dicerentur & fierent, una cum dominis testibus, ac notariis publicis supra & infra scriptis, praesens fui; eaque sicut supra sunt scripta, sic vidi, & audiavi proponi, allegari, narrari, dici, replicari, & fieri, ac in notam recepi. Ideo huic praesenti publico instrumento manu aliena fideliter scripto, manu propria, una cum aliis notariis publicis supra, & infra scriptis, me subscripsi, signumque meum publicum consuetum apposui in veritatis testimonium praemissorum, requisitus & rogatus.

Et me Paquierio de Vallibus clerico de Ambianis oriundo, bachallario in decretis, publico, apostolica, & imperiali auctoritate notarius, qui praemissis omnibus & singulis, dum sic ut supra scribuntur, fierent dicerentur, & agerentur, una cum testibus, & notariis publicis supra scriptis praesens interfui; eaque omnia, & singula sic fieri vidi, & audiavi ac in notam sumpsi. Ideo huic publico instrumento exinde confecto manu aliena fideliter scripto signum meum, me hic propria manu scribendo apposui consuetum, in testimonium veritatis omnium & singulorum praemissorum, requisitus et rogatus.

*Hec appellatio fuit interposita XV. mensis aprilis, per dominum Symonem de Theramo, pro Ger-  
jono.*

*Anno XVI.*

Quoniam a vobis, reverendissimis patribus, et dominis, dominis iudicibus et commissariis in causis fidei, et errorum in fide et moribus, a sacro sancta generali Constatiensi Synodo specialiter deputatis, nuper, videlicet die sabbati undecima praesentis mensis aprilis, hora completorii, vel quasi, ejusdem diei, in loco solito congregatis, in causa coram vobis, super quadam propositione quondam magistri Johannis Parvi, seu novem assertionum exinde extractarum, virtute et auctoritate dictae deputationis, ut dicitur, introducta; oratores, et ambassiatores christianissimi principis domini regis Francorum, videlicet magistri, Johannes de Gersono cancellarius Parisiensis, Jordanus Morini, Guillelmus Pulcrinepotis, et Petrus de Versailles magistri in theologia, ac Symon de Theramo dicti domini regis advocatus, et per vos dominos commissarios pro huiusmodi causae prosecutione advocatus specialiter deputatus, cum omni instantia petierunt praefatum christianissimum, et illustrissimum principem comitem Carolum Francorum regem, seu se ipsos oratores, ipsius procuratores, ad haec sufficienti potestate ibidem edocta et exhibita fulticos, ejus nomine, pro suo interesse legitime, ad causam ipsam, in statu et terminis quibus erat admitti, et ipsum dominum regem, seu oratores, et procuratores admissos audiri, tam in facto, quam in jure; licet etiam ipsi petierint, et diligenter insisterint, et fuerint protestati, quod antequam admitterentur, et postquam admissi essent, audirentur plene, et debite, tam in jure, quam in facto; an-

1b. p. 532

ANNO  
CHRIST  
1415.

ANNO  
CHRISTI  
1415.ANNO  
CHRISTI  
1415.\*forte desit  
ex

tequam ad actum aliquem in causa ipsa procederetis, prout de jure non debebatis: licet etiam usque nunc pro parte ipsius domini regis, vel alicujus alterius se in causa ipsa partem constituentis, causa ipsa instruita non fuerit, nec defensa: licet etiam, pro parte prefati christianissimi regis, oblatum et protestatum fuerit, quod post ejus admissionem, causam instruere, defendere, et talia media deducere obtulerint, per quæ de iustitia et veritate causæ, et deductorum in eadem, clare poteratis, et possetis instrui, et informari: et licet specialiter et expresse, pro parte dicti christianissimi regis, fuerit protestatum, quod ad publicationem votorum et consiliorum redditorum per nonnullos, quidam in sacra pagina magistri, in causa ista, pro votis, et consiliis, ad decisionem requisiti, non veniretur, et eadem vota, seu consilia non publicarentur, \* causis et rationibus infrascriptis.

Primo. Quia ex hoc præjudicium non modicum prefato domino regi ad causam venientem, circa ipsius causæ prosecutionem, gerebatur.

Secundo. Quia consilia ex quibus sententia ferenda, aut decisiones causarum ferenda veniunt, publicanda ad partis instantiam non sunt; sed illud fieri est a jure, optima ratione, inhibitorium.

Tertio. Quia talia in facto proponi, ipsius domini regis nomine, poterant, et offerebantur: quibus visis, et attentis, magistri qui consilium dederant, iterum consulendi fuerant, et consulti consilia reformassent; quod nunc, post publicationem votorum, non sine suspitione repeti poterit, et præcipue cum eis facultas paruit cum partibus colloquendi.

Quarto. Quia scandala ex illa publicatione multa et plurima sequi poterant.

Quinto. Quia illorum publicatio, est comminatio qualis sit futura sententia ferenda.

Sexto. Quia saltem fieri non debuit modo et forma quibus facta fuit: debuit enim ipsa, non partibus, sed peritis in jure divinis, et humano fieri, ad effectum conferendi, et examinandi rationes, et causas; consulendi zelum, gradum, et auctoritatem consultorum, sicut est moris et juris, prout fuerat, et tunc fuit a vestris reverendissimis paternitatibus instantur petitem.

Septimo. Quia per ipsam publicationem patet ipsam admissionem prefati domini regis captiosam fuisse. Quid est enim aliquem ad causam admittere, et admissum, antequam ad ulteriora procedatur, non audire? Nam, nedum ipse christianissimus rex; sed quilibet vilis persona, nedum in causa fidei, qua nulla major; sed in qualibet alia etiam materia, post aliquem ad causam admissum, antequam ad ulteriora procedatur, illi termini, et dilationes legitime dantur, infra quos etc. quas admissus possit, et debeat, si qua proponere, vel producere, vel allegare intendat, et velit: et licet pro parte dicti domini regis oblatum fuerit predicta et alia, que ad ostendendum dictam publicationem, fieri non debere, et alia ad justificationem prefentis appellationis facien-

Conciliorum Supplem. Tom. IV.

tia, velle coram vobis, quatenus expediret, ostendere vel docere: nihilominus vos, reverendissimi patres, prædictis omnibus et singulis minime attentis, neque consideratis; die et hora, ibidem, in hujusmodi causam ardua et gravi, nimis præcipitanter, et ferventer, ad ulteriora, ex abrupto, procedentes, præsentia vota, atque consilia, in scriptis redacta, certorum doctorum, sive magistrorum ad hoc, ut dicitur, requisitorum in dicta causa, occasione dictarum propositionis, et assertionum habita; et forsitan super falso casu citra veritatem in esse posito scrutata, ad importunam quorundam assertorum domini ducis Burgundie oratorum, et procuratorum instantiam, ut dicitur, publicatis, et publicari fecistis, et mandastis; et eorum copiam eisdem oratoribus, et procuratoribus dicti ducis decrevistis; licet de facto contra omnem æquitatem, et juris rationem, præmissa, et singula, pro parte prefati illustrissimi principis domini regis proposita, et oblata, saltem tacite repellendo; juri, æquitati, et honori prefati christianissimi regis minime deferendo, oratoribusque, seu procuratoribus prædictis causam, et occasionem subornationis, aut alias malignandi.

Idcirco Conradus Ludeking procurator, et procuratorio nomine prefati illustrissimi domini regis, ad hoc per prefatos ipsius procuratores substitutos, sentiens ipsum dominum regem, et se, nomine procuratorio ejusdem, per dictam præsentiam publicationem, ex qua quam plurima scandala verisimiliter possent exoriri, et alia contra juris et rationis debitum, et in præjudicium dicti illustrissimi regis resultant, multiplicitè gravatos, et dubitans de gravaminibus subsecuturis; a dicta præsentia publicatione, ac aliis gravaminibus ex præmissis, et actis præsentis causæ, coram vobis habitis quomodolibet colligibus, sentiens ipsum dominum regem Apostolicam et dictum Concilium Generale provocat et appellat et apostolos petit, primo, secundo, et tertio; ac instantè, et instantius, et instantissime sibi dari et concedi.

#### INSTRUMENTUM APPELLATIONIS

Procuratoris ducis Burgundie, a juribus etc. in causis fidei,

Et quod regem Francorum admiserunt, ad causam novem assertionum etc. de qua appellacione fuit usus idem procurator certis de causis, ex deliberatione consilii ejusdem domini super hoc præhabita.

In nomine domini Amen.

Per hoc præsens publicum instrumentum cunctis pateat evidenter, quod anno a nativitate domini MCCCCXVI. indictione nona, die vero martis, vigesima prima mensis aprilis, videlicet ante tertiam, et post secundam horæ ejusdem diei post meridiem publicationem, apostolica sede pastore carente, in nostrum notarium publicorum, et testium

ib. p. 542.

C in.



ANNO  
CHRISTI  
1415.

35

infracriptorum, ad hæc specialiter vocato-  
rum præsentia personaliter constitutus ve-  
nerabilis et circumspèctus vir, magister Jo-  
hannes de Montejustino, in curia Romana,  
et ut asseruit, illustrissimi principis domini  
Joannis ducis Burgundiæ procurator; ac ejus  
procuratorio nomine, et ad opus omnium  
illorum quorum interest, seu interesse po-  
terit quomodolibet in futurum, videlicet in  
supra magna domus episcopalis Constantien-  
sis, in qua reverendissimi reverendique, ac ve-  
nerabiles et circumspècti patres, domini ju-  
dices in causis fidei per sacrum generale Con-  
stantiense Concilium deputati, soliti sunt  
suam audientiam in dictis causis tenere; et  
præsertim in causa novem assertionum, in  
eodem Concilio, per venerabilem virum ma-  
gistrum Jo. de Gersfiono, ut idem procura-  
tor assererat, denunciatarum, tenere et da-  
re consueverunt.

Qui quidem magister Johan. de Monteju-  
stino, procurator, nominibus, et ad opus  
quidam supra, ad fines effectus, ut dicebat,  
meliores et utiliores quibus poterat, petiit  
a discreto viro Clemente Grossi, dictæ sedis  
Apostolicæ cursore, ibidem existente; ip-  
sumque interrogavit, si sciebat ubi erant di-  
cti domini judices et deputati; et si debe-  
bant, vel crederet quod deberent hodie suam  
tenere in dicta causa novem assertionum,  
vel alias in causis fidei audientiam.

Qui quidem Clemens cursor eidem procu-  
ratori respondendo dixit, quod præfati do-  
mini judices illuc non erant, et quod suam  
audientiam in causis prædictis, ut firmiter  
credebat, dicta die non tenerent.

Et tunc dictus magister Joannes, procu-  
ratorio nomine et ad opus quo supra, dixit  
et exposuit, quod si iidem domini judices,  
et deputati essent ibidem præsentibus, ab eis,  
a nonnullis gravaminibus præfato domina  
duci ac sibi, nomine quo supra per eosdem  
dominos judices, ut asseruit, in causa dicta-  
rum novem assertionum factis et illatis, li-  
bentius provocaret et appellaret: et cum  
eorum præsentiam pro tunc non haberet,  
nec commode habere posset; idcirco idem  
magister Joannes de Montejustino, nomine,  
et ad opus quibus supra, coram nobis no-  
tariis infracriptis, tanquam coram auten-  
ticiis et publicis personis, ac in testium in-  
fracriptorum præsentia, a præfatis domi-  
nis judicibus, et a gravaminibus, in qua-  
dam papyri cedula, quam tunc tenebat,  
expressatis, declaratis, et specificatis, ad  
præfatum sacrum generale Concilium Con-  
stantiense, et sanctam Sedem Apostolicam,  
in scriptis provocavit et appellavit: ac Apo-  
stolos semel, secundo et tertio, sæpe, sæpius,  
et instanter, saltem testimoniales, a nobis  
notariis publicis sibi dari petiit, et etiam re-  
quisivit; protestans de dicta appellatione sua  
eisdem dominis judicibus, et aliis quibus  
opus esset intimanda, et ea loco et tempo-  
re debitis proseguenda etc. prout et quem-  
admodum in eadem appellationis cedula no-  
bis notariis infracriptis exhibita et tradita,  
ac in nostris manibus reposita latius conti-  
netur.

„Cujus cedulæ tenor sequitur in hæc  
verba.

Proponit appellando procurator, & nomine  
A procuratorio Illustrissimi principis domini Jo-  
hannis ducis Burgundiæ.

ANNO  
CHRISTI  
1415.

Comme au cayer cy joint.

INSTRUMENTUM

Nationis Picardiæ,

Quo se Concilii generalis judicio statum  
iri decernit.

Noverint universi, et singuli præsens pu-  
blicum instrumentum inspecturi, quod anno  
ejusdem domini MCCCCXVI. indictione no-  
na, die vero sexta mensis maii, sancta sede  
Apostolica vacante, in congregatione ge-  
nerali venerabilis nationis Picardiæ, in al-  
ma matre universitate Parisiensi, apud san-  
ctum Julianum Parisius, ipsa die, hora quasi  
decima ante meridiem, sollemniter celebra-  
ta; nobisque notariis publicis, et testibus  
infracriptis præsentibus, Venerabilis, et di-  
cretus vir, Hugo Mainpin, magister in  
artibus, procurator ejusdem nationis, et in  
ipsa congregatione tunc præsidens, seriatim  
exposuit, et retulit, quod nuper venerandæ  
circumspectionis, et magnæ scientiæ vir ma-  
gister Guillelmus de Valle, rector ejusdem  
matris universitatis, per organum venerabi-  
lis et discreti viri, magistri Roberti de  
Bressy, et nonnullorum aliorum magistro-  
rum, eundem procuratorem nationis Picar-  
diæ, pro, et nomine ejusdem nationis re-  
quisierat, quatenus ipse procurator, seu ipsa  
natio sigillare, seu sigillari facere, et procu-  
rare veller, sigillo nationis prædictæ, quas-  
dam litteras sacrosanctæ Synodo Generali  
Constantiensi, ex parte ejusdem matris uni-  
versitatis, ad requestam, et exhortationem  
serenissimi principis domini nostri Francorum  
regis, ut dicitur, mittendas, et dirigendas,  
super materia revocationis ejusdam senten-  
tiæ per eandem sacrosanctam Synodum, seu  
dominos commissarios ejusdem, nuper latæ,  
contra processum dudum factum Parisius, et  
deductum per reverendum in Christo pa-  
trem, et dominum, dominum Parisiensem  
episcopum, in condemnatione nonnullarum  
assertionum, contentarum, seu comprehen-  
sarum, ut dicebatur, in quadam propositione  
olim per defunctum magistrum Joannem  
Parvi facta: et se aliis nationibus, et facul-  
tibus ejusdem universitatis, et intentioni  
earum in hac parte consentiendo, expedi-  
tioni, sigillationi, et missioni hujusmodi li-  
terarum conformare. Ea propter dictam na-  
tionem Picardiæ, ad consulendum super iis,  
convocari fecerat, et ea ibi exposuerat.

Quæ quidem natio sollemniter, ut præse-  
tur, congregata, post maturam, et diutur-  
nam, de, et super præmissis factam per e-  
am, et habitam deliberationem, per orga-  
num ejusdem domini procuratoris, conclu-  
serat, et concludebat, ac pro conclusu ha-  
beri volebat, et vult, illa quæ sequuntur.  
Videlicet, quod quemadmodum ipsa natio  
Picardiæ in materia prædicta, seu de ipsa  
materia tractanda, decidenda, et diffinienda,  
et tam quoad processum prædictum per  
cum.

ANNO  
CHRISTI  
1415.ANNO  
CHRISTI  
1415.

eundem dominum episcopum Parisiensem factum, quam quoad assertiones praedictas, dictae sacrosanctae Synodo, ad quam pertinet ultimare sententialiter diffinire, in iis quae fidem catholicam concernunt, se retulerat: ita omnino se referebat, et refert, supplicans humiliter eadem natio omnibus Christifidelibus, tam in sacro Concilio, quam alibi existentibus, quatenus ipsi in materia praetacta, et caeteris fidem huiusmodi tangentibus, Deum solum prae oculis habendo, favore quocumque particulari, vel illicito sublato, sinceritatem fidei orthodoxae servando, consulere dignentur.

Item, et quod dicta natio literas huiusmodi praedictae sacrosanctae Synodo mittendas, ut praemittitur, exhortantes eandem Synodum, ut dicitur, de revocando huiusmodi sententiam contra dictum processum latum, non vult, nec intendit, sui sigilli appensione, seu appositione munire, seu muniri facere, nec eas approbare. Imo, si aliquid in contrarium post diem hodiernum contigerit fieri, vel attentari, videlicet sigillum dictae nationis ab arca communi, in qua concludi, et reponi solitum est, vi, metu, violentia, vel alias extrahendo, aut clavigeros ad dictam arcam aperiendam, seu clavem ejusdem arcae tradendam compellendo; illud ex nunc, in quantum potest, et debet, decernit irritum, et inane, ac de mente sua non existere, nec extitisse: reputans ex nunc, pro illa vice, dicta natio, prout reputat nullum suum sigillum fore, vel esse, in casu praedicto, ac nulla efficacia, vel momento subsistere, et nullam fidem sibi adhiberi debere, ipsum ex nunc, pro illa vice revocat, cassat, et adnullat: volens supradicta natio, prout vult, ut dicebat, praedicta puncta, sic per eam conclusa, firmiter, irrevocabiliter tenere in perpetuum, et observare, et in eodem proposito, ac voluntate, quoad hoc permanere.

De, et super quibus praemissis omnibus, et singulis, praefatus dominus procurator supradictae nationis, pro, et nomine ipsius, petit, et requirit a nobis notariis publicis subscripitis, sibi fieri, atque tradi publicum instrumentum, seu publica instrumenta, unum vel plura.

Acta fuerunt haec ubi supra sub anno, indictione, mense, die, et hora praedictis: praesentibus ad haec venerabilibus, et discretis viris, magistris Joanne Yonis, licentiatum in theologia, Ingeranno la Sentre, Nicolao Midy, Joanne de Novavilla, Symonem Bante, in theologia etiam bachallariis. Rogerio Bette, Nicolao Amici, Joanne Cantoris, Balduino Andreae, Joanne Goye in artibus magistris: et domino Joanne Amanitis, presbytero, praelibatae nationis Picardiae bedello, cum pluribus testibus ad praemissa vocatis specialiter, et rogatis.

Et ego Jacobus Maret clericus Lingonensis dioecesis, magister in artibus, publicus apostolica, et imperiali auctoritate notarius; quia praemissis omnibus, et singulis, dum sic, ut supra, scriberentur, agerentur, & dicerentur, & fierent; una cum notario suo, & testibus superscriptis praesens fui, eaque sic fieri vidi, & audiui. Idcirco huic

Concilior. Supplem. Tom. IV.

A praesenti publico instrumento inde confecto, manu aliena fideliter scripto, me aliis negotiis legitime praepedito, signum meum publicum et consuetum, requisitus, hic me subscribendo apposui, in testimonium veritatis omnium, & singulorum.

Et ego Aegidius Massardi, Atrebatensis dioecesis, bacallarius in jure canonico, publicus, apostolica, & imperiali auctoritate, ac curiae conservationis privilegiorum venerabilis universitatis Audii Parisiensis notarius juratus; quia praemissis omnibus, & singulis, dum sic, ut praemittitur, agerentur, dicerentur, & fierent, una cum notario, & testibus superscriptis, praesens interfui, eaque sic fieri vidi, & audiui. Idcirco huic praesenti publico instrumento, manu aliena fideliter scripto, me aliis negotiis legitime praepedito, signum meum hic, me propria manu subscribendo, solitum, una cum signo, & subscriptione dicti notarii publici, requisitus apposui, in testimonium praemissorum.

S C E D U L A

Exhibita in Concilio  
A Deputatis universitatis Parisiensis.

A Nno a Nativitate Domini, millesimo ib. p. 580.  
XIII. secundum computationem ecclesiae Gallicanae, die Jovis prima mensis februarii. Parisius in camera episcopi Parisiensis, in Concilio XII. Deputatorum super materia fidei, dictus Parisiensis episcopus cum dictis duodecim deputatis, magistrum Jordanum Morini, Joannem Dulcimenillo, & magistrum Joannem Dacheri, & magistrum Petrum de Nogento, si posset interesse cum aliis tribus, deputaverunt ad quaestionem magistri Joannis Parvi principaliter intentam mitigandam, & mutandam, in \**forfan* de modo terminorum singularium, in terminis communes et appellativos; et fuit instans sabbati, de mane, assignata istis tribus deputatis, ad referendum XXII. \**forfan*, deputatis praedictis, qualiter ipsam conclusionem mitigaverunt in modum terminorum, seu in terminis, ut supra, ad videndum si bene fuerunt mitigati, et ordinati per dictos tres, vel quatuor deputatos; & ad videndum quid, & qualiter, & quomodo sit procedendum ulterius in ista materia.

Adveniente autem dicta die sabbati; in concilio duodecim deputatorum in materia fidei, dicti tres deputati praesentaverunt, et exhibuerunt quandam cedulam continentem novem assertiones etc. extractas, seu illatas, ut dicebant a propositione magistri Johannis Parvi, ad mitigationem & modificationem terminorum singularium quae dictae prop. Jo. Parvi in terminis communes, seu appellativos. Dictaque cedula lecta, et audita dictus episcopus assignavit eisdem deputatis diem martis inde sequentis, ad advandandum, et deliberandum, si praedicta cedula erat in bona forma, et ad ulterius procedendum in materia ista etc. Et distributis cedulis pluribus magistris, et bachallariis in theologia, nonnullis aliis famosiorebus contemptis, praeterea facultate decretorum, et contradicente natione Picardiae, receptis cedulis cum deliberatione praedictorum, quibus

C 2

bus



ANNO  
CHRISTI  
1415.

bus missæ fuerant XIX. ejusdem mensis februarii: XXIII. sequenti episcopus, et inquisitor prædicti, dictas novem assertiones condemnarunt, duas sententias eadem die ferendo, quas sustinere jurarunt, et defendere illi theologi, qui, ut dicunt, pro parte regis, et universitatis venerunt ad Concilium generale; alias non venissent ad stipendia decimarum impositæ.

Eadem die episcopus Silvanectensis, et magister Joannes de Templis dixerunt, quod universitas Parisiensis tangebatur: idcirco episcopus Atrēbatenſis dixit verba sequentia.

*Expositio ultimæ clausulæ.*

Quod ultima verba cedule exhibitæ non intelligebantur de veris ambassiatoribus sive nunciis almae, et præclarissimæ universitatis Parisiensis, qui gratiose se habuerunt, et laboraverunt circa pacem, et qui venerunt ad proprios sumptus quidem; sed intelligebantur de magistris Johanne de Gersſono, Jordano Morini, et Petro de Versailles, qui coram commissariis in causis fidei deputatis, et etiam in causa appellationis a prætenſa sententia episcopi Parisiensis, allegaverunt se esse nuncios et ambassiatores dictæ almae universitatis, nullo contradicente et sub ejus membra multa petierunt in præjudicium defensionis, appellationis supradictæ.

*Secunda*

*Exhibita XXVI. maii per unum Theutonicum locutum &c.*

lb. p. 589.

Ne vos, reverendissimi patres, ac cæteri domini Commissarii in causis fidei per hoc sacrum Concilium deputati, ignorantiam de clarissimo interesse regis Franciæ christianissimi in materia novem assertionum valeatis prætere, sub pallio, vel colore, quia pure & nude, absque cujuscumque nominis expressione, judicialiter vobis denunciatae fuerunt; placeat attendere, quæ sequuntur.

Primo et principaliter, quomodo propositio magistri Joannis Parvi, justificativa mortis nefandissimæ, in personam bonæ memoriæ, Ludovici ducis quondam Aurelianensis, fratris unici regis prædicti perpetratae ad mandatum domini Burgundiæ, sicut clare, et notorie probabitur, fuit producta per dominos ambassiatores ipsius domini regis, coram toto Concilio generali plenissime congregato, & in plurium vestrum præsentis, a quo, prout scitis, & præfertur, commissi, deputatique estis, et etiam nonnulla alia producta fuerunt, quæ ad præmissa ostendenda plurimum conferre videntur.

Item, qualiter pluries, et coram vobis pro tribunali sedentibus per dominum Symonem de Teramo, ipsius domini regis, ac etiam officii promotionis in causis fidei per vestras reverendas paternitates deputatum, advocatum, & nonnullos alios, dictum, propositum, et judicialiter allegatum fuit prædictas novem assertiones fuisse verissime extractas de prædicta propositione Parvi, sicut etiam per instrumentum autenticum vobis a longo tempore citra per dominum Cancellarium Parisiensem in iudicio porrectum, potuit apparere.

Quod si dicatur de ipso instrumento vos non curasse, cum producens illud partem se

in hac materia minime facere fuerit solemniter protestatus; attendatur super quo alio potuit fundari interesse domini Burgundiæ, nisi super sententia domini episcopi Parisiensis, quia scilicet in eadem ipse dominus Burgundiæ nominabatur, & ad veritatem solum recitative; quæ sententia per eundem dominum cancellarium tunc, protestationibus præmissis, producta est.

Item ad clarius ostendendum interesse dicti domini regis, constat, prout facile probare ex quadruplici radice.

Primo quia dictus D. Aurelianensis erat frater suus, qui, per quos, & quomodo fuit interfectus non latere debet unum ex vobis, quia genere propinquus alicujus interficientium.

Secundo, quia dominus rex pro tunc, & antea fuerit in possessione pacificæ, & libera regni Franciæ, prout adhuc est de præſenti, in cujus regni sui notabiliore, & præminentiori civitate perpetratum fuit dictum facinus, & postmodum publicata ipsa sceleratissima propositio Parvi, super dicti criminis justificatione, ipso domino rege in sua eadem civitate Parisiensi existente; preta, ut videtur, & usurpata sua regali auctoritate, sicut ex hujusmodi novem assertionum, & certius ex totius propositionis easdem continentis inspectione potest faciliter deduci: quia dicitur expresse: *absque*

*C* quocumque mandato, vel præcepto, per insidias, adulationes, cautelas, & exploratorias; non obstante quocumque juramento &c.

Tertio, quia dictus dominus rex sententias condemnationis dictæ propositionis Parvi, et novem assertionum in eadem consentarum approbavit, et per suas patentes litteras, quorum similes sunt penes vos, publicari fecit, et mandavit per totum regnum suum, fecitque causam istam condemnationis, causam suam propriam, tanquam justam, et catholicam.

Quarto, quia ipse tanquam bonus catholicus, & christianus, & præſertim in materia extirpationis errorum in regno suo publicatorum, & dogmatizatorum; imo etiam quælibet infirma persona potest intervenire, & prætere interesse in materia fidei, & errorum, in ipsius fidei favorem, ante sententiam ferendam in eadem; & inter cæteros mundi terrenos principes, idem rex non sine causa christianissimus appellatur.

Item satis constare potuit per instructiones magistrorum Jordani Morini & G. Pulcrinopetis &c.

Item, per litteras clausas regis Franciæ prædicti vobis transmissas &c.

Item per litteras clausas ejusdem regis ambassiatoribus missas, quæ sunt penes vos.

Item per procuratorium suum regium.

Item, per litteras universitatis Parisiensis super hac materia novissime vobis præsentatas.

Item per litteras repetitis vicibus directas Concilio generali, & singulis nationibus, a dicto domino rege, & aliis.

Item, per libellum pro parte domini Burgundiæ productum coram vobis, ex quo, si bene perpendatur, elici facile est, dictam materiam, seu causam, tangere ipsum dominum.

ANNO  
CHRISTI  
1415.

minum regem. Et ne ad absolutionem aliqujus procedatur, videretur quod magistri essent consulendi super octo prætenfis veritatibus in eodem libello contentis, cum super earum dogmatizatione plurimi litterati teneant scandalum in fide nostra exoriri non modicum.

Et quia per dictum libellum satis constat, magistrum Johannem Parvi fecisse Parisius in publico, unam propositionem, quod ex officio possitis, imo forsan deberetis compellere, & interrogare illos qui eundem libellum produxerunt, super qua materia, & ad quam conclusionem dicta propositio facta fuit.

Quare placeat vestris reverendissimis paternitatibus diligenter advertere, an propter præmissa omnia, & multa alla, quæ ex parte regis coram Concilio hoc sacrosancto proposita fuerunt, & coram vobis potuissent proponi; si post ipsius domini regis admissionem, antequam processissetis ad aliquem actum, prout fieri debuerat de jure, ipse dominus rex fuisset auditus, sicut petiitum fuerat, dictus dominus rex habeat clariorius interesse, quam dominus Burgundiæ qui

\* forsan &

\* forsan  
commen-  
data

A cœlorum, & universæ conditor creaturæ, qui sapientia fundavit terram, & formavit cœlos prudentia, omnia solus ordinans, cœlestia & terrestria ineffabili providentia moderatur; dum universitatis pulchritudinem, perficiens & decorans cuncta in trescalati \* partitus est ordine \* ac certis & imperfectis limitibus stabilivit, ut singula quæque locum teneant, sortita decenter.

Ad instar namque superiorum ordinum, inferiorem in ecclesia militanti disposuit hierarchiam, distinguens varietate mirabili, & congrua (a) universa; discretis inter cetera describens gradibus dominationes, principatus, & potestates, ad regimen universi appendit quidem tribus digitis molem terræ, cuncta disponens, in numero, pondere, & mensura, & conservans in omnibus speciem, ordinem, atque modum. Librat etiam in pondere montes, Deus, erigit humiles in sublimi vertice dignitatum, & colles in statera culminis inferioris appendit, ut ponat in pondere iudicium, & iustitiam in mensura, & ut superiorum præcepta, prohibitiones, atque consilia inferioribus annuant, & nubes rore congregatæ subjectos complicant & sæcundant imbre gratiæ, & humore pluvie salutaris: Et quia membra Christi decenti ordine in corpore mystico sunt distincta, filii obedientiæ patribus obsequuntur, ut & patres sedula custodia invigilent pro subiectis; sicque vicaria sibi ope subserviant, suscepi ministerii officium salubriter adimplendo. Sicut enim organici corporis compositio mirabilis & decora, operante sapientia plasmatoris, ex diversa, & congrua partium & membrorum conjunctione confurgit, singulis eorumdem, propriis officiis deputatis, ut pacis unaqueque locum teneat, sortita decenter.

Sic, eodem opifice disponente militantis ecclesiæ sua fabrica velut unus corpus ex multiplici fidelium collectione, quasi partium aggregatione perficitur & solide stabilitur, diversis diversorum ministeriorum officiis congrue assignatis, ut ex multiplici solitudine obsequentium, hæc structura concorditer fulciatur, nec dissolvatur compago, sed salubrius in se unita virtus gubernetur.

Summopere igitur occurrendum est, ut non crescant jurgia, sed juxta magistratam bonorum omnium caritatem, quæ nihil sapit extraneum, nihil asperum, nil confusum; imo propria virtute nutrit concordiam, dissociata conjungit, inter domesticos fidei, quos non oportet litigare, pax & unanimitas conservetur. Equum quippe est, ut qui spiritu Dei aguntur, nulla seditione mentium, nulla voluntate contraria dividantur; ne inde discordia sumat initium, unde pacis foedera debent continua suscipere incrementa.

Quæsumus igitur, ut essent inter vos similitudines contentiosæ; imo etiam in negotiis mendicantium superfedere libeat, ne divisaque \* unitas, & illibata concordia, salva reformatione, conservetur: quoniam minima in talibus neglecta principia, periculose crescere, & in grandia solent ampliari pericula.

Ille nempe, mille modorum nocendi artifices

\* locus  
corruptus  
\* forte ordines

(a) forte  
congrue

\* locus  
corruptus

EPISTOLA

Sigismundi imperatoris

Ad Synodum.

Acta in Sessione 3. mensis junii

Anno XVI.

1b. p. 593.

Sacro sanctæ Synodo Generali Constantiensis in Spiritu sancto congregatæ, universalem ecclesiam representanti; ejusdem ecclesiæ filius devotus, & advocatus, Sigismundus, Dei gratia Romanorum rex semper Augustus, ac Hungariæ, Dalmatiæ, &c. rex: reverentiam filialem, spiritumque consilii in eo qui omnem edocet veritatem, & pacem quæ superat omnem sensum.

Sacrosancta Synodus.

Summus equidem orbis õpifex, fabricator



ANNO  
CHRISTI  
1415.

43

sex, qui a principio in veritate non stetit, hujus unitatis celeberrimæ structuram mirabilem non sustinens patienter, ventum misit, ut communiter asseritur, a regione deserti, machinans evertere unitatis fundamentum; sed speramus quod domus unitatis supra firmam petram mirabiliter constituta, pari non potest omnino ruinam, sed crescit in templum sanctum in domino.

Cæterum licet sera videri potest, sed non improbanda discretio in quocunque negotio, rerum experientia sanis suadente consilium imitari, & post causæ iacturam, ad suavitatis converti remedia, quæ prius fuerant eligenda: circumspici siquidem conditionis humanæ, cum in iis etiam quæ in prospectu concutientis hebetudinis raro vitare possit errorem, faciliter a vero, dum deviat, in longam procedens aciem, incerta æstimat de futuris: ideoque cum quis in id quod utiliter declinasset, opinione fallente, deducitur, pœnitet eum ad id quod damnose postposuerat, quantumlibet non redire: ordinata siquidem recte principia, sub timore Dei, & vehiculo directæ justitiæ, solent prosperis clarere successibus, & exitus foritri felices. Aditus quidem aperitur ad gratiam, cum a via rectitudinis non erratur; & qui firmamento virtutis innititur, procedit utiliter, regnatque securus.

Hoc profecto principibus ecclesiasticis & secularibus, & præidentibus potissime convenit, ut sensus ab inimicis ad gerenda negotia præbeant, consequantur ex minimis quod fieri deceat in arduitate majorum; sicque suorum processuum maturis respectibus initia muniat, quod reddatur illorum prosecutio laudabilis ad futura.

Sane, audito quod processus & sententiæ per venerabilem episcopum Parisiensem, associato sibi & assumpto inquisitore hæreticæ pravitatis, ad quos ordinaria & attributa divinum auctoritatibus spectat extirpare errores & vitia, & in agro domini sibi commissio plantare virtutes; contra quandam positionem erroneam, imo & damnatam, quam quondam magister Joannes Parvi impudenter asserere & sustinere præsumpsit, formati & latæ; quos & quas præclarissima universitas studii Parisiensis, quæ non consuevit errores dogmatizare, per suas literas approbavit, per nonnullos in Constantia commissarios, & iudices in hac parte se prætendentes, & non attendentes, quod hoc solum plectendo, vel ignoscendo, bene agitur, & vita hominis corrigatur, irritati & irritate fuerit.

Nonne plurimi, & maxime simplices & incauti ex hoc scandalizati, ad sua desideria festinantes, & accervantes sibi magistros auribus prurientes, a veritate deviant; & maxime in regno Francorum, tanto liberius debacchantur, quanto sibi licite permissum, in dominos animadvertere non formidant. & sicut ille quondam Joannes Hus, articulos damnatos contra ecclesiasticos & spirituales viros dogmatizando, ut aures secularium mulceret, etiam seculares ipsos consequenter, & latenter pestifere includebat: sic & iste quondam Joannes Parvi contra seculares potestates arguens, ecclesiasticos

simul contagiose & damnabiliter involvebat, qui habentes caudas quasi vulpeculæ colligatas, ille alibi, & iste messes in regno Francorum comburere inceperunt; quasdam seditiones, damna, dispendia, & mala non facile numeranda, quæ exinde in Francia subsecuta fuisse oculata fide conspeximus, limpide & luculenter manifestant et amare deplangunt.

Quis ergo fidelis ab auditu tantæ perfidiæ non horrescat? Quis tot abominationes abominari non valebit? Quis malitiam compefcere poterit, quin aimetur inferior in superiore?

Nonne scriptura a potestatibus secularibus; regibus upote et principibus, et non a quibusvis inferioribus materiam gladium, ad malefactorum vindictam, et laudem bonorum bajulari testatur.

O curas hominum! O quantum est in rebus inane! O inanis gloria! O terreni honoris inexplēbiles fames! O ambitio ceca! O humanorum cordium, animarum subversio! Complacentia humana, ut divina offendatur Majestas!

Unde putatis, obrepit hæc pestis; unde invaluit hæc execranda præsumptio? Dum exinde crimina remanent incorrecta, delinquentium ausus excrevit, peccandi consuetudo quasi pro lege tenetur; dum talis error contagiosus & periculosus principibus, maxime præfato carissimo fratri nostro Carolo regi Francorum, & ejus regno perniciosus, ut liquet ex fremitu nationum, & rerum magistra experientia docet, temere defenditur.

Nonne verbum juris est, quia: *Error cui non resistitur, approbatur*; & veritas cum minime defendatur, opprimitur? negligere quippe, cum possis perturbare perverlos, nihil aliud est quam fovere; nec caret scrupulo societatis occultæ, qui manifesto facinori desinit obviare.

Quid vero putatis in iis agi? Quid per talia machinamenta queri? Ad quid pertales insidias anhelari, nisi ut deterior cujuslibet regis & principis in hac parte censeatur conditio, & status vitæ, & in esse conservatio infecurior, & minus tuta reddatur, quam cuiuspiam rustici vel villani?

Attendant universi, si perspicaciter advertant, quam periculose per exemplares alveos, etiam ad regiones alias error iste derivetur: nisi occurratur in tempore, vicinis initat incendium, igne proximos parietes consumente. O quam cauta, quam consultata vis est, in aliena potius domo vires reprimere exardescens incendii, quam extinguendum illud in propria expectare.

Attendant itaque cuncti, attendant, & intenta discussione revolvant, quomodo erroribus vires ex moræ diuturnitate fumentibus, sero medicinæ remedia præparantur. Quomodo jam professionis Christianæ catholici principes, qui prælucent nitore sidereo in orthodoxæ fidei firmamento, sunt nihilominus in fulcimentum ipsius, velut, columnarum stabilium fortitudo in virtute Dei.

Igitur ad decorem fidei, institutæ censetur a Domino personæ potentia præditæ, ab illiutri profapia, præpollentes in regnis, seu locis

ANNO  
CHRISTI  
1415.

ANNO locis suæ ditionis; vel vico etiam modico  
CHRISTI tuti erunt, cum ponitur in eorum gloria.  
1415. macula, & eadem fides.... patitur; dum  
infidelium, maxime subditorum ausus ad no-  
cendum aperitur.

Nonne fidelis antiquitas, velut præmi-  
nentibus titulis, ex eo specialiter intitulat,  
quod principes ipsi, & reges catholici, ec-  
clesias & personas ecclesiasticas, bona, &  
libertates earum, suæ clypeo potentiæ pro-  
texerunt, & immensitatem solam in suis mu-  
nificentiis erga illas pro mensura ponentes,  
multis eas libertatibus & liberalitatibus do-  
taverunt & ampliaverunt.

Quo circa sacram vestram consecrationem  
obsecramus pro viscera misericordiae Dei no-  
stri, quatenus pro tollendis scandalo & pe-  
riculis, quæ imminet, pronunciationem  
contra prædictum episcopum Parisiensem,  
& ejus sententias & processus, ut præter-  
tur, factam cassare, & annullare, remque  
hujusmodi, proinde ac si dicta pronuncia-  
tio in contrarium facta non fuisset, in in-  
tegrum restaurando, reponere dignemini.

Novit enim vestra sanctitas perspicacius,  
quod inscrutabilis superni concilii magnitudo,  
cujus nemo consiliarius extitit, cujus  
providentia in sui dispositione non fallitur,  
ad sponsum suum, universalem ecclesiae mun-  
imentum utriusque gladii potestatem, ponti-  
ficalem & regiam instruit dignitatem; vo-  
lens ut ipsorum officiosa diversitas nulla  
sibi adversitate dissentiat; sed alterius adjuta  
suffragiis, & utriusque mutuis foris favori-  
bus, in defensione iustitiæ, debita executione  
ipsius concordi voto concordantes, opus  
iustitiæ operentur, fructumque producant,  
pacem mundo pariendo, fovendo concordi-  
am, & unitatem nutriendo, unam potes-  
tatem, scilicet quæ foveret filios; aliam,  
quæ adversarios expugnet: unam, quæ  
subditorum vitam verbo instrueret, & exem-  
plo; aliam, quæ impiorum maxillas in fre-  
no cohiberet, & chamo, ne pacem eccles-  
iæ & christianitatis perturbarent: unam,  
quæ inimicos diligeret, & pro persecuto-  
ribus etiam exoraret; aliam, quæ ad vin-  
dicandam malefactorum, & laudem bonorum  
materiam gladium exerceret, & armis  
quietem ecclesiasticam tueretur.

Expedi igitur, ut spiritualis auctoritas,  
& secularis potestas suæ causam institutio-  
nis attendentes, concurrant ad ecclesiae, &  
fidei defensionem in unum, & utraque al-  
teri suffragetur; ut quos a malo ecclesi-  
astica censura, vel disciplina non revocat;  
brachium seculare compescat: & eos qui,  
de feritate propria confidentes, gladium  
materiam non timent, spiritualis ultio sub-  
sequatur.

Datum Parisius, XX. die martii, regno-  
rum nostrorum Hungariæ &c. anno vigesi-  
mo nono, romanorum electionis sexto, co-  
nationis vero secundo.

*Ad mandatum domini regis*

Joannes. Præpositus de Strigonio  
Vicecancellarius.

*Præsentata & lecta in congregatione ge-  
nerali sacri generalis Concilii Constantiensis  
in ecclesia majori Constantiensis, die mer-  
curii, tertia mensis junii, hora octava post me-  
diam noctem. Anno Domini millesimo qua-  
dringentesimo decimo sexto.*

„Originalis littera, de qua præfens co-  
„pia fuit extracta, & collatione facta cum  
„dicto originali, dictam præsentem copiam  
„manu mea propria signavi. Ego Jo. Guiar-  
„di, sacri Constantiensis Concilii prædicti  
„pro natione Gallicana notarius.

#### SENTENTIA

*In Synodo Constantiensis lata.*

Sancta Constantiensis Synodus.

*Ad futuram rei memoriam.*

AD pacem Universalis ecclesiae submo-  
vendae schismata, hæc sancta ge-  
neralis Synodus congregata, eadem in lin-  
guis ecclesiae\*, præsertim insignibus, ope-  
rari desiderat, ne partium dissidia, totius  
myfici corporis ecclesiae pacem, & tran-  
quillitatem, cum ex partibus universum con-  
ficeretur impediatur, aut perturbentur.

Cum itaque in eadem sancta synodo &  
coram certis generalibus iudicibus in causis  
fidei, ab eadem synodo deputatis, super no-  
ve propositionibus, quæ dicuntur in regno  
Franciæ publice assertæ & publicatæ, &  
quarum tenor inferius est insertus, ac su-  
per illarum veritate, vel falsitate, & aliis  
qualitatibus, tam in modum appellationis,  
quam alias, orta sit materia questionis, ex  
qua scandala, discordiæ, & inimicitiae, pe-  
ricula, & turbationes possent, & jam pro-  
pe videntur oriri: eadem sancta synodus,  
præmissis cupiens obviare, omnes & singu-  
las, tam principalem, quam appellationem,  
tam a reverendo patre Jordano episcopo  
Albanensi, ac dilectissimis ecclesiae filiis An-  
thonio, tituli sanctæ Sufannæ presbytero;  
& Francisco, sanctorum Cosmæ, & Damiani  
diacono, sanctæ Romanæ ecclesiae cardina-  
libus, olim a sede Apostolica, in ma-  
teria hujusmodi, & illius occasione, iudici-  
bus deputatis; quam etiam a prædictis iu-  
dicibus in causis & negotiis fidei ab eadem  
sancta Synodo generaliter deputatis, om-  
nemque processum & iudicium pendentem,  
& pendens super præmissis, & illorum oc-  
casione, apud eandem sanctam Synodum,  
vel quoscumque iudices ab ea deputatos;  
nec non processus & sententias diffinitivas,  
& interlocutorias, ac omnem illorum, &  
illarum effectum; ex certis & iustis causis,  
usque ad electionem summi pontificis, & il-  
lius inthronizationem differt, & suspendit;  
atque ad summi pontificis iudicium, & de-  
terminationem, in generali Concilio, vel  
extra remittit: decernens, ac statuens, quod  
super

ANNO  
CHRISTI  
1415.

Ib. p. 60r.

\* forsan  
ecclesiis



ANNO  
CHRISTI  
1415.

ANNO  
CHRISTI  
1415.

super dictarum appellationum prosecutione, et finitione, usque ad quadraginta annos tempus fatale, neque ulla curat præscriptio: & ne ex illarum novem propositionum assertionem, dogmatizationem, prædicationem, vel publicationem, scandala, pericula, seu discordiæ oriantur, eadem sancta Synodus omnem assertionem, dogmatizationem, & publicationem illarum, donec super illas per summum pontificem fuerit iudicatum, aut alias ordinatum, reprobat, & prohibet.

Verum quia per dictos generales iudices in causis, & negotiis fidei, per eandem Synodum generaliter deputatos, super dictis novem propositionibus, & earum veritate, vel falsitate, ac aliis qualitatibus, nonnullorum doctorum, & magistrorum opiniones variae sunt habitæ, & in scriptis redactæ, atque partibus negotium huiusmodi prosecutionibus publicatæ; ne illorum opinionum occasione errores in mentibus hominum imprimantur; & ne inde oriantur scandala, & discordiæ suscitentur; eadem sancta Synodus decernit, & declarat dictas opiniones, & earum publicationem, nullius auctoritatis, aut fidei existere, quantum ad veritatem, vel falsitatem, aut alias qualitates dictarum propositionum, neque dictarum opinionum, seu illarum publicationis vigore, vel auctoritate, quid a quoquam, super illarum propositionum veritate, vel falsitate, aut aliis qualitatibus, esse credendum, tenendum, dogmatizandum, vel alias publicandum.

Verum quia in processu Parisiensis episcopi, atque inquisitoris hereticæ pravitatis in regno Franciæ, a quorum sententia ad sedem Apostolicam extitit appellatum, de illustri principe Joanne duce Burgundiæ aliqua mentio habita est; eadem sancta Synodus declarat, & decernit, quod præfatorum episcopi, & inquisitoris sententia, ex illo processu, & super dictis novem propositionibus lata, dictum illustrem principem, qui ad causam & processum huiusmodi vocatus non existit, minime comprehendit, aut afficit; sed quantum ad eundem ducem attinet, proinde habeatur ac si lecta non fuisset. Tenor vero dictarum assertionum talis est &c.

CEDULA CONCORDIÆ

In causa IX. assertionum

Per patriarcham Antiochenum recepta,

XIII. mensis julii

Quia visis propositis, petitis, responsis, productis, & aliis coram iudicibus a nobis deputatis in causa fidei novem assertionum infra-scriptarum, tam ex officio inquisitionis, denunciante dilecto præfatæ ecclesiæ filio Johanne de Gersonno sacre theologiæ professore, ecclesiæ Parisiensis cancellario; quam ad instantiam christianissimæ ecclesiæ filii, Caroli regis Francorum, seu ambasciatorum & procuratorum suorum, ejus nomine, & mandato, officium dictæ inquisitionis, in favorem fidei promovendum,

ex una: ac dilecti ecclesiæ filii Johannis ducis Burgundiæ illustri, seu ambasciatorum & procuratorum suorum, ejus nomine, ac mandato, partibus ex altera; habitaque plena, & matura deliberatione, super eisdem cum doctoribus, & magistris utriusque juris, divini & humani, in multitudine copiosa; non constat nobis præfatum Johannem ducem Burgundiæ dictarum assertionum fuisse, nec esse assertorem, factorem, nec aliter defensorem; constatque nobis, fidei dignorum testimonio, ipsum sub fide & obedientia ecclesiæ sacrosanctæ vixisse, & vivere velle, sicut bonus & illustres sui progenitores, in omnibus quæ ad salutem animarum pertinent, vivere consueverunt.

Ea propter, per hanc nostram sententiam definitivam, quam ferimus in hiis scriptis, pronunciamus, decernimus, & declaramus præfatum Johannem ducem Burgundiæ illustrem, ab omni impetitione denunciatoris præfati, & cujuscumque promotoris causarum fidei, & aliarum partium prædictarum, quoad causam dictarum assertionum, absolvendum fore, & absolvimus; perpetuumque silentium dictis denunciatori, & promotori, & per illorum ministerium quibuscunque inquisitoribus, seu iudicibus fidei imponendum fore, & imponimus; tenorem dictarum assertionum præsentibus, sub forma quæ sequitur inferendo, & inferantur.

Composita fuit hæc cedula sequens, die XXII. mensis julii, in horto exteriori domus nostræ.

C'est de L'Evesque d'Arras.

Sancta Synodus &c. cum super novem assertionibus per iudices in causis fidei ab eadem sancta Synodo deputatos habita fuerit matura deliberatio cum doctoribus & magistris utriusque juris, divini & humani, in multitudine copiosa, veritatemque earum, diu examinari mandaverit, & tandem, eisdem discussis plene & diligenter, comperit dictas assertiones non esse hæreticas. Verum quia in ipsarum reprobatione, aut approbatione, contradictione, seu dogmatizatione, impugnatione, vel defensione, possent occasionaliter scandala contingere in futurum; eadem sancta Synodus quibuscumque scandalis viam præcludere satagens, & intendens, dictarum assertionum approbationem, seu reprobationem, contradictionem, aut dogmatizationem, impugnationem, aut defensionem strictius inhibet & defendit. Eos autem qui secus fecerint, animadversione canonica decernit puniendos.

ANNO  
CHRISTI  
1415.

## DECLARATIO

*Trium cardinalium iudicium, super sententia ab ipsis lata,*

*Tradita per dominum cardinalem de Chalanco, circa horam vespere-  
rum 26. iunii.*

Ib. p. 606. **U**niversis Christi fidelibus præsentibus litteras inspecturis.

Jordanus episcopus Albanensis, Antho-  
nius tituli sanctæ Susepne presbyteri; Fran-  
ciscus sanctorum Cosmæ, & Damiani dia-  
conus sanctæ Romanæ ecclesiæ cardina-  
les; dudum auctoritate apostolica iudices deputati in quibusdam appellationum  
causis, pro parte illustris principis domini  
Joannis ducis Burgundiæ interjectis a qua-  
dam sententia, per reverendum in Christo  
patrem, episcopum Parisiensem, & inquisi-  
torem hæreticæ pravitatis in regno Franciæ  
super novem assertionibus, & quadam pro-  
positione, quas publice asseruisse, & pro-  
posuisse dicebatur quidam magister Joannes  
Parvi; quarum assertionum tenor inferius  
est insertus, per dictorum episcopi, & in-  
quisitoris præfatam sententiam reprobatur...  
\* salutem in domino.

\* locus  
corruptus

Intelleximus a nonnullis, quod cum nos  
in causis appellationum hujusmodi proceden-  
tes pronunciaverimus episcopi Parisiensis,  
& inquisitoris prædictorum processus & sen-  
tentiam nullos ac nullam fuisse; nonnulli,  
nostram sententiam prædictam non recte in-  
tellegentes existimant, asserunt, & publi-  
cant, nos dictas novem assertiones, & pro-  
positionem approbasse, atque veras esse ju-  
dicasse; propter quod in nonnullis parti-  
bus scandala, ac pericula dicuntur posse  
oriri.

Nos igitur ad omnium conscientias ser-  
vandas obviandumque scandalis hujusmodi,  
omnibus attestamus & volumus esse notum,  
nos de veritate vel falsitate, approbatio-  
ne, vel reprobatione assertionum, & pro-  
positionis hujusmodi nihil omnino judicasse;  
nihilque de veritate, vel falsitate, appro-  
batione, vel reprobatione illarum ad no-  
stram prædictam sententiam pertinere: quin-  
immo super veritate vel falsitate, appro-  
batione, vel reprobatione illarum integrum,  
& illarum manere iudicium pendens adhuc  
in sacro Concilio Constantiensi, vel coram  
iudicibus super hoc deputatis ab illo.

Sed ex eo prædictos processus, & sen-  
tentiæ episcopi & inquisitoris præfatorum  
nullos, ac nullam fuisse pronunciamus; quod  
nobis visum fuit ad episcopum Parisiensem  
non pertinere de fidei questionibus judi-  
care, nec illas determinare; sed illarum ju-  
diciæ & determinationem soli sedi apostoli-  
cæ, vel generali concilio pertinere: &  
etiam quatenus præfatum illustrem prin-  
cipem ducem Burgundiæ tangere poterat ad  
causam, & sententiam hujusmodi episcopi  
& inquisitoris, quia dictus princeps non fue-  
rat evocatus.

Quod autem dicitur a quibusdam, ad epi-  
scopum Parisiensem, de questionibus hujus-  
modi. *Supplem. Tom. IV.*

ANNO  
CHRISTI  
1415.

**A** modi judicare, vel determinare, de privi-  
legio, vel consuetudine pertinere, non fuit  
propositum; nec ullus pro dictis episcopo  
& inquisitore ad defensionem causæ compa-  
ruit coram nobis; verum, a præfata nostra  
sententia, pro parte episcopi, & inquisi-  
toris, prædictorum extitit appellatum: cu-  
jus appellationis causa pendet, in qua par-  
tes poterunt uti defensionibus, & iuribus suis,  
dictaque nostræ sententiæ effectus fuit  
& est per præfatam appellationem sus-  
pensus.

Hæc autem ad manifestandam rerum ge-  
strarum in præmissis per nos veritatem, om-  
nibus volumus esse nota, & per has no-  
stras literas fideliter attestamus; quas per  
nostrum infra scriptum \* in publicam formam  
redegimus mandavimus, & sigillorum nostro-  
rum fecimus appensione †  
Datum & actum Constantiæ

\* *Supple*  
Notarium.  
\* *Supple* Mu-  
niri.

## APPELLATIO DUCIS BURGUNDIÆ

**P**roponit appellando procurator & no-  
mine procuratorio illustrissimi principis  
domini Johannis ducis Burgundiæ, tam ad  
opus ejusdem domini ducis, quam & aliorum  
quorum interest, intererit, aut quomodolibet  
interesse poterit in futurum, etiam ad  
conservationem honoris & christianissimi no-  
minis, gloriosique tituli domini Francorum  
regis & sui regni, dicens, quod licet vos, re-  
verendissimi, reverendique & circumspici  
patres in causis fidei per sacrum præfens  
Constantiense Concilium deputati, coram  
quibus quedam præfens novem assertiones  
per quemdam Johannem de Gersifonno, quam-  
vis calumniose, non zelo utique fidei, sed  
perfidia & insiditio pessimo, prout cuilibet  
etiam idiotæ notum est, dehuentiæ fue-  
runt, debuissetis dictum de Gersifonno, qui  
consensus calumniose, a dicta sua denuncia-  
tione cum rubore se retraxit; calumniato-  
rem & calumniose destitisse \* ac etiam cau-  
sam ipsam quantum ad interesse præfati do-  
mini ducis, ad quod ipsum in causa ipsa  
asserit, cum in eis nominaretur;  
& sub qualitatibus sibi & quondam magistro  
Johanni Parvi ascriberentur, tam rationa-  
biliter audivistis, quantum vobis erit fini-  
re, seu finiri facere; nec non etiam de-  
buissetis juxta & secundum opiniones &  
dicta majoris partis catholicorum & fide-  
lium, magistrorum licentiariorum, & ba-  
challiariorum formatorum in theologia, in  
præsenti concilio existentium, qui super dictis  
assertionibus, si videlicet essent fidei judi-  
cio reprobandæ, vel non, de mandato V.  
R. P. etiam ad instantiam infestam prædicti  
de Gersifonno & asserti promotoris, per vos  
in eadem, post desistentiam calumniosam di-  
cti de Gersifonno causa deputati, sua vota,  
medio juramento, dederunt; causam ipsam  
principalem novem assertionum, quæ per no-  
vem menses & ultra fuerunt coram V. R.  
P. agitæ, relatione præmissa in nationi-  
bus, de veritate eorum, quæ coram vobis  
in dicta causa gesta fuerant, quantum in  
vobis erat, expedire facere, & causam ean-  
dem facere terminari, vosque etiam, ad im-  
portunam instantiam dicti Gersifon & alio-  
rum,

Ib. p. 640.

\* locus  
corruptus

D



ANNO  
CHRISTI  
1415.

rum, qui pro ambaffiatoribus, advocatis, & procuratoribus ejusdem domini regis fe gerunt, vel alias, non debueritis præfatum christianiffimum principem Francorum regem; in dicta caufa novem aſſertionum crude & nude, nulla relatione habita ad perſonam ipſius domini regis, aut alterius cujuſcumque perſonæ mortuæ, vel viventis denunciatarum, in qua, ex officio, poſtquam dictus Gerſon calumnioſe deſiſtit, per viam inquisitionis proceſſiſtis, involvere, nec perſmittere involvi; ac etiam eosdem præſentos ambaffiatores, advocatos & procuratores in eadem caufa, attentio ejus ſtatu, non debueritis pro intereſſe per vos præſentis, de quo etiam non conſtat, dicti domini regis admittere; præſertim eo modo, quo ſe petierunt admitti; neque etiam cauſam ipſam tam principalem, quam etiam dicti intereſſe domini ducis quoquo modo retardare, aut etiam ad alium modum procedendi iterum tranſire; imo potius debuiſſetis honori & nomini regis majestatis Francorum conſultius conſulendo, eosdem ambaffiatores, advocatos & procuratores tanquam ambaffiatis, procuratoribus & officiis ſibi, ut dicebant, commiſſis, abutentes, ac metas ſuorum præſentorum mandatorum, etiamſi non eſſent, prout ſunt, invalida, excedentes, & eundem christianiffimum regem, honori ſuo non parcendo, nitentes, præter, ut firmiſſime creditur, ejus ſulque boni & recti conſilii ſcitum & voluntatem, periculoſe in factis fidei involvere & illaqueare penitus, & omnino repellere.

Et præſertim poſt deſiſſionem votorum præſentorum magiſtrorum, licentiariorum, & bachalliariorum formatorum in theologia, ex quibus luce clarius liquet, pauciſſimis diſcrepantibus, dictas novem aſſertiones nullo modo eſſe fidei judicio reprobandas, prout & notorium eſt admodo toti mundo. \*

\* hæc non  
habentur  
in exem-  
plari in-  
ſerſto in  
actis dicti  
21. apr.

Nihilominus tamen vos, reverendiſſimi, reverendique & circumſpecti patres, nuper, nondum ſunt decem dies elapſi, prætextu cujuſdam procuratorii per dictum Gerſon, alioſque pro ambaffiatoribus, advocatis & procuratoribus ipſius domini regis Francorum ſe gerentes, ut dicitur, nomine ipſius regis coram vobis produçti, non data copia parti dicti domini ducis, licet petita, nec dato termino ad opponendum contra ipſum procuratorem; ad cauſam tamen iſtam, ſi bene videatur, minime ſe extendens, & alias, ut ſatis eſt veriſimile, ad importunam inſtantiam dicti Gerſon & aliorum producentium, præter voluntatem & ſcitum ejusdem domini regis, ſubrepti & obrepti ipſum ſereniſſimum dominum regem in perſonam dictorum Gerſon & aliorum quærentium regem ipſum, & cauſam ipſam involvere pro intereſſe præſentis domini regis; qui tamen nunquam fuit in cauſa, nec in toto proceſſu nominatus, ut dicitur, ſi & in quantum de jure deberet admitti, admiſſiſtis, ſic & aliter regem ipſum ſereniſſimum in dicta cauſa fidei periculoſe, ad præſentationem Gerſon & aliorum importunam inſtantiam involvendo, ſeu involvi periculoſe permittendo, & cauſam intereſſe,

præſati domini ducis & expeditionem cauſæ principalis dictarum novem aſſertionum, earumque expeditionem, per præſentis concilium ad veſtram relationem, & alias fiendam retardando, ac juſtitiam ſæpius & pluries iteratis vicibus, tam verbo, quam ſcriptis, pro parte dicti domini ducis, & aliorum quorum intereſt & intereſſe poteſt, perſentam, ſeu repetitam, tam tacite quam expreſſe denegando, quæ veriſimile eſt verge-re poſſe in ſcandalum fidei, nec non Franciæ regni, ac etiam ludibrium hujus ſacri concilii, & Chriſti fidelium, ſcire deſiderantium, quid in factis dictarum aſſertionum ſit fide tenendum, & quid reſpondendum, quamvis indebite & injuſte, veſtrum omnium, & ſingularum reverentis, & honoribus ſemper ſalvis.

Cum igitur ex præmiſſis omnibus & ſingularibus præſentis dominus dux fuerit per vos nimium gravatus & oppreſſus, fortioſque in poſterum gravari & opprimi dubitet, idcirco, non recedendo ab iis, quæ ad publicationem votorum dictorum magiſtrorum juſte & rationabiliter ordinatiſtis, procurator & nomine procuratorio præſati illuſtriſſimi principis, domini ducis Burgundiæ, pro quanto tangitur, & ad opus & honorem ejus, quibus ſupra a vobis & veſtra audientia totali, dictisque permiſſione & admiſſione, in- volutione, retardatione, & juſtitia denegatione prædictis aliſque etiam gravaminibus ex actis cauſæ colligibilibus, per vos & quemlibet veſtrum tam conjunctim quam di- viſim factis, ſendis, & interſi comminatis, ac veriſimiliter inferendis, ad præſentum ſacrum Conſtantienſe concilium, & ſanctam ſedem apoſtolicam, ſalva adorum in præmiſſis & agendorum nullitate, in iis ſcriptis provocat & appellat, & apoſtoloſ petit per vos ſibi dari & concedi, ſemel, ſecundo, tertio, ſæpe, ſæpius, & inſtanter, de quibus per vos notarium & notarios hic præſentes conjunctim & diſivim petit ſibi dari & fieri publicum inſtrumentum, unum & plura, ſi ſit opus, teſtes advocando hic aſtantes, & de ipſius intimatione, & debita proſecutione ſendis infra tempus juris & alias proteſtando.

Poſt cujuſ quidem appellationis interpoſitionem & cedulæ prædictæ appellationis traditionem, & in noſtrorum notariorum inſcripturam manibus reſpoſitionem, idem magiſter Johannes, procuratorio nomine, & ad opus quibus ſupra, iterum petit, & inſtanter requiſivit apoſtoloſ per nos ſibi, dum tales quales ſibi dare poſſemus, ſaltem teſtimoniales, quos nos, in quantum, de jure potuiſmus, dedimus, & conceſſimus teſtimoniales. De quibus omnibus præſentis magiſter Johannes de Montejuſtino, nomine, & ad opus quibus ſupra petit a nobis notariis ſibi dari & fieri publicum inſtrumentum, & publica inſtrumenta tot & quot neceſſaria forent & opportuna.

Acta fuerunt hæc Conſtantie provinciæ Moguntinæ anno, indiſtione, menſe, die, & hora quibus ſupra. Præſentibus ad hæc venerabilibus & diſcretis viris domino Laurentio de Vallibus, preſbytero canonico Laudunenſi, & Johanne Reborgelli, cleri-

ANNO  
CHRISTI  
1415.

ANNO  
CHRISTI  
1415.

co, notar. publico, cum pluribus aliis testibus, ad præmissa vocatis specialiter, & rogatis.

Et me Milone quoque Leti clerico Lingonensis diocesis, publico, auctoritatibus apostolica & imperiali, ac curiæ cameræ apostolicæ notario, qui præmissis omnibus & singulis, dum sic, ut præmittitur, agerentur, dicerentur, & fierent una cum prænominatis testibus ac magistro Johanne Viviani, notario subscripto præsens fui, eaque sic fieri vidi & audiui, ac in notam cum dicto notario sumpsi, de qua hoc præsens publicum instrumentum manu aliena \* propria, subscribendo cum eodem notario redegei signoque meo præcedenti consueto, una cum ipsius magistri Johannis notarii signo & subscriptione signavi, in fidem & testimonium omnium præmissorum requisitus & rogatus.

Er ego Johannes Viviani canonicus Antistodorensis publicus apostolica auctoritate notarius præmissis & singulis, dum sic, ut præmittitur agerentur & fierent, una cum prænominatis testibus & notario publico superscripto, præsens fui, eaque sic fieri vidi & audiui; ideo huic præsentis publico instrumento, aliena manu fideliter scripto signum meum consuetum apposui, me manu propria subscribendo in testimonium veritatis præmissorum requisitus & rogatus.

Ne igitur dicta causa propter hujusmodi recusationem, & dictæ contrariæ partis importunas instantias & favores in expeditione impediatur, & plus debito protrahatur, immortalisque efficiatur, dignetur dicta paternitas vestra in locum dictorum Venetiarum & Placentini cardinalium, præfato domino cardinali Veronensi duos alios dictæ sanctæ Romanæ ecclesiæ cardinales adungere, & ipsis committere & mandare, ut una cum præfato domino cardinali Veronensi, dictam causam, in eodem statu in quo erat ante hujusmodi remissionem audiant, cognoscant, decident, & sine debito terminent, juxta formam dictæ commissionis, ipsique dominis Venetiarum, Placentino & Veronensi cardinalibus similiter antedictam remissionem factam cum omnibus & singulis suis emergentibus, incidentibus, dependentibus, & connexis.

Audiat idem R. P. dominus cardinalis Veronensis & procedat solus cum consilio & consensu auditorum & duarum partium eorumdem, nisi concordant partes de dominis cardinalibus surrogandis. \*

\* quædam  
hic desiderantur

# SENTENTIA NATIONIS GERMANICÆ

In causa novem assertionum

Recepta per familiarem domini patriarchæ Antiocheni die VI. mensis augusti.

Die mercurii, XXIX. julii anno &c. conclusum fuit in natione Germanica, quod materia novem assertionum pendens coram iudicibus in causis fidei deputatis advocetur ab eisdem ad concilium sine relatione, & expedietur concilium sine suspensione.

1b. p. 646.

Humbertus Fabri.

Notarius dictæ nationis Germanicæ de mandato nationis scripti.

Tradita per dominum Bathoniensem die XXI. augusti.

Placuit nationi Germanicæ, quod causa novem assertionum cum omnibus suis dependentibus a dominis iudicibus fidei advocetur ad sacrum concilium sine ulteriori dilatione, & sine publica relatione; verumtamen pro honestate dictorum dominorum iudicum poterit fieri relatio privata coram præsentibus & deputatis nationum extra locum sessionis, sic tamen, quod illa relatio non sit scandalosa, aut præjudicialis, quasi dispositiva ad ferendam sententiam, cum causa nondum sit sufficienter instructa.

Humbertus Fabri

Notarius nationis Germanicæ prædictæ de mandato dominorum præsentium & deputatorum.

Arælicinus tradidit domino Rigenfi xxviii. augusti.

Placet quod domini iudices &c. remittant causam ad concilium constructum absque relatione publica, ne in hujusmodi relatione contingat altercationes fieri; sed loco publicæ relationis dicti domini iudices faciant relationem coram præsentibus & deputatis nationum, & in scriptis eam tradant, ut possit deliberari quid ulterius sit sciendum. Quæ quidem relatio illam vim habeat, quam haberet relatio publice facta.

Fuit præscripta cedula tradita Rigenfi, Bathoniensi, Sacrisberienfi ad melius informandum suas nationes quod essent \* prout patet per duas præcedentes cedulas.

\* locus  
corruptus

Deliberatio ambassiatoris regis Daciæ de ordine minorum.

Episcopus Sleveicensis sive Slewicensis de ordine minorum.

Ego Joannes episcopus Sleveicensis, sacre theologiæ professor & ambassiator regis Daciæ ad generale sacrum concilium. Sub protestationibus in universitate Parisiensi pluries

D 2

ries



ANNO  
CHRISTI  
1415.

ries & in singulis actibus meis, ibidem per me factis, quas & quamlibet earum hic habeo pro repetitis, duabus conclusionibus positis in deliberatione novem assertionum traditarum doctoribus in theologia de ordinibus mendicantium, quarum prima est: Nulla dictarum novem assertionum debet fidei iudicio reprobati. Secunda conclusio: Quamlibet illarum non fore iudicio fidei reprobendam debet eodem iudicio declarari.

Adhæreo etiam per iuramentum, juxta intellectus mei intelligentiam, approbo, & confirmo & monet \* me Joab, qui interfecit Absalonem, volentem committere per fas, & nefas crimen læsæ majestatis in regem suum libidine dominandi, & patricidium in proprium genitorem; & hoc non fecit dictus Joab ad mandatum dicti regis, imo contra mandatum; & tamen ex hoc & per hoc debitum fidelitatis non dimisit; imo debitum fidelitatis commisit.

Item monet \* me ad hoc illa, quam sacra scriptura multiplici benedictione extollit, liberatrix gentis suæ Judith, quæ multiplici simulatione interfecit Olofernem, hostem publicum non simulatum.

Item tertio Moyses qui interfecit Ægyptum rixantem cum singula persona, & pro singulari facta non vergentem in reipublicæ & boni communis exterminium; & non videtur quod hujusmodi tres actus, sic vel debito fidelitatis vel zelo paternarum legum vel dilectione proximi facti, multum per facram scripturam reprehendantur; imo potius commendantur, & laudantur, & eorum laudatores ex hoc nollent alicujus hæresis macula respersi, nec esse de hæresi suspecti.

*Protestationes domini Burgundiæ, receptæ XIII. septembris anno XVI.*

In nomine domini nostri Jesu Christi.  
Amen.

Noverint universi, præsentis scripti paginam, seu præsens publicum instrumentum inspecturi, quod anno ejusdem domini millesimo quadringentesimo decimo sexto, indictione nona, die vero XVIII. mensis augusti, sede apostolica pastore carente, nobis notariis publicis & testibus præsentibus infrascriptis, personaliter existens serenissimus princeps & dominus, dominus Johannes, dux Burgundiæ, comes Flandriæ, Arthesii, & Burgundiæ palatinus, dominus de Salinis, & de Machinia; ex ejus certa scientia, etque juribus; viis, & modis melioribus quibus potuit, protestatus fuit, & protestationes fecit, ut sequitur, & in quodam rotulo papyreo plenius continetur, cujus tenor talis est.

Primo, quia idem princeps illustrissimus alias protestatus se semper velle imitari sacrasissimas, & orthodoxas suorum prædecessorum, scilicet dominorum regaliū de sanguine liliato, christianissimo, semitas; hoc idem iterato protestatur, & fatetur, se velle profiteri, & tenere inviolabiliter, adhærendo, tanquam veris catholicis, sententiæ fidei, & ecclesiæ sacrosantiæ, & eam vult fovere, tueri, & defendere, & in ea

dem permanere, & perseverare, quandiu altissimus vitam sibi contulerit in humanis.

Item, protestatur, sicut & alias protestatus est, quod in ipsa fide catholica, & sub ipsa vult vivere, & mori; ipsam excolere, protegere etiam omnes & singulos suos fideles, amicos, parentes, alligatos & subditos, ad hoc ipsum, totis viribus, exhortando eosdem, ac etiam, si quando foret opportunum & necesse, quantum in eo erit, compellendo.

Item protestatur, sicut alias protestatus est, quod de mente sua nunquam fuit, est, aut erit, dare favorem, aut assensum quibuscumque propositionibus, seu assertionibus, atque conclusionibus propositis, aut in posterum, per quemcumque, seu quoscumque proponendis, quæ venirent directe, aut indirecte, contra determinationem fidei sacrosantiæ, aut doctrinæ ecclesiasticæ sanctorum doctorum ab ecclesiâ probatorum, ceterorumque catholice doctentium.

Item, protestatur, sicut alias, quod circa ea, quæ jam logo temporis spatio in sancto universali concilio Constantiensi, & Parisiensi practicata, publicata, & proclamata fuerunt per episcopum Parisiensem, & ejus procuratores, suo nomine, & magistrum Johannem de Gerssono, suosque complices, contra ipsum principem ineluctissimum, idem se submitit, & semper vult submittere ordinationi, declarationi & determinationi sanctæ Matris ecclesiæ, & sedis Apostolicæ, offertque se, prout alias se obtulit, stare juri, casu quo aliqui voluerint ipsum impetere super facto fidei, aut sanctæ catholicæ doctrinæ, contra ipsum proponendo aliqua, quæ ejus sinceritati, fidelitati, honori & famæ derogare possent.

Et quia post prædictas protestationes, processus quidam fuit inter ipsum principem illustrissimum, parte una; & episcopum Parisiensem & inquisitorem, qui tunc erat, parte altera; occasione cujusdam præsentis sententiæ per ipsos episcopum & inquisitorem, in iacturam fidei, & principis præfati opprobrium lata: qui quidem processus cum maturo & diuturno examine doctorum plurium, dominorumque de Rota, in præsentia judicum fidei, terminatus sententialiter extitit contra ipsos episcopum, & inquisitorem, per tres dominos cardinales ad hoc deputatos per sacrum Concilium.

Nihilominus prosecutores sententiæ dicti episcopi, tanquam veritatis, & præfati principis adversarii, a dicta sententia appellaverunt. Post quam quidem appellationem, via juris rejecta & neglecta, viam facti assumentes, procuraverunt literas, epistolas & libellos, nunc ex parte regis Franciæ christianissimi, nunc ex parte regis Romanorum, nunc ex parte universitatis Parisiensis postulantes importune dictam sententiam revocari; & ex consequenti inferentes injuriam, opprobria & contumelias contra præfatos dominos cardinales commissarios; totum ipsum universale concilium & prænotatum principem, adiacentes insuper minas & terrores contra omnes & singulos, præcipue de regno Franciæ & in eodem beneficiatos, qui suæ infantiæ non dederunt assen-

ANNO  
CHRISTI  
1415.

\* forsau,  
mouet

\* f. movet,  
& sic ubique

1b, p. 664.

ANNO  
CHRISTI  
1415.

sistentiam, consilium, auxilium, & favorem, organo magistri Joannis de Gerssonno in hac verba, aut similia in sententia, die Jovis, nono Julii apud Constantiam, in sessione publica nationis Gallicanæ præsenso regis nomine, prorumpentes.

Quicumque sibi, & suis collegis assistentiam non darent eo ipso poenam criminis læsæ majestatis incurrerent. Subjungentes præterea, quod de mente regis erat sententiam præfatam episcopi Parisiensis defendere, sustinere, & tueri velle per totum regnum suum & Delphinatum, poenam ignis, ferri, gladii, exilii & totius exterminii incurrendo omnibus & singulis in contrarium venientibus; & consequenter dicebant super iis literas, ex parte regni suo parlamento, & per totum suum regnum, super executione poenarum faciendâ, jamque destinatas; quemadmodum apparet per incarcerationem magistri Nicolai Canache doctoris in theologia, & magistri Joannis de Villa-nova doctoris in decretis ob causam prædictam punitorum, quemadmodum faciendum asserunt de cæteris iis similibus.

Præmissis itaque, nec non & veritatibus aliis similibus diligenter attentis, protestatur illustrissimus princeps sæpe dictus in modum qui sequitur.

Primo, quod non intendit discedere a determinatione sanctæ sedis apostolicæ, quæ in hac materia habuit consultationem & deliberationem doctorum catholicorum de quatuor nationibus sufficienter congregatorum, & dominorum de Rota apostolica; immo eam tenet & approbat, tanquam sententiam catholicam.

Secundo protestatur se velle stare sententiæ per dominos cardinales commissarios legitime & canonicè lætæ.

Item protestatur quod in futurum stare, vult juri, & judicio sanctæ sedis apostolicæ, quandiu libertas omnibus & singulis fuerit concessa & data dicendi & scribendi, & publice quidquid jus & ratio eis suadebunt, secluso omni timore, & favore, odio & rancore, quibus ipsa libertas & verum judicium impediti solent.

Item protestatur in casu quo via facti locum haberet per terrores, minas, seu alias quovis modo, aut libertas & justum judicium paterentur detrimentum in loco tam solemnî, taliter quod via juris sibi totaliter secluderetur, idem dominus cum remediis juris & justitiæ procurabit sibi, tempore & loco opportunis, justitiâ ministrari, modo & forma melioribus, quibus Deus sibi contulerit.

Item protestatur, quod si via facti taliter suam impediret justitiâ, quod sui ambasciatores audientiam non haberent, idem dominus eosdem ex nunc prout ex tunc revocat, & eorum auctoritatem adnullat, requirens nihilominus, ut de jure est, quod salvi & incolumes sibi remittantur.

Item quia illi qui de præsentî se gerunt pro universitate Parisiensis, & ab anno citra se gesserunt, per suas multiplices literas & epistolas & favent & faverunt sententiæ episcopi Parisiensis, jam damnatæ, partem se constituendo in hac materia contra præfa-

tum dominum, protestatur idem dominus se nolle per se, vel suos ambasciatores recipere opinionem ipsorum, nec ipsam esse admittendam plusquam illam episcopi Parisiensis. cum ipse cum eo, & ipse cum eis pro parte adversa ipsius domini debeant reputari. Et aliunde, cum illi iidem & in odium ipsius domini ducis, jamque expulerint & expelli procuraverint ab ipsa universitate fere totam nationem Picardiæ, præcipue quoad magistros notabiliores; arcamque ipsius nationis frangi procuraverint, violenter sigilla sua auferendo, sicut habetur ex publico instrumento; & ex consequenti de facultate decretorum, & cæteris nationibus & facultatibus quamplures de notabilioribus doctoribus & magistris expelli fecerint, eo quia in suas opiniones & sententiam dicti episcopi consensum non dederant, sed potius eas deadvoverant, & ipsum magistrum Joannem de Gerssonno, quantum in eis erat, suamque protestationem revocaverunt. Acta insuper illorum, libellos & epistolas nomine universitatis composita sigillare noluerint; ipsa potius fore discutienda per sacrum concilium judicantes, prout ex pluribus publicis instrumentis clarius patet. Quæ omnia ostendunt præfatos, universitatem representantes, facere partem formaliter pro dicto episcopo contra memoratum principem. Quare protestatur idem quod prius.

Item, prænominati universitatem regentes adherentes dicto episcopo Parisiensis, una cum ipso possent forsan in posterum nonnullorum malignantium suavis in materia hujus processus novitates varias Introdúcere & cautelas, per quas id quod in lite pendet pateretur tenere dispendium.

Protestatur idem princeps hujusmodi novitatibus, seu cautelis quibuscumque per aliquem vel aliquos quacumque auctoritate fungentes nolle adherere, tanquam juri & rationi contrariis.

Item protestatur, quod si dicti episcopus & universitatem regentes, pars adversa ipsius principis, in talibus novitatibus procurarent per quamcumque auctoritatem, ecclesiasticam aut secularem, opiniones aliquorum doctorum catholicorum infirmari, adnullari, aut repelli, seu cum plures essent numero, ad minorem numerum redigi, atque congregationes quascumque seu conciliola particularia alibi, quam in loco generalis concilii fieri, eo quia hujusmodi congregationes seu conciliola vix suspicione carent; quia interdum in talibus sunt collusiones, impressiones, violentiæ & cætera, quæ libertati adversantur, sicut manifeste apparet ex iis, quæ Parisius contigerunt, ut præfertur.

Si denique contingeret libellos, cartulas, epistolas aut codicillos alicubi scribi, ad libitum ipsius partis adversæ, in præjudicium, & iacturam processus juridice inchoati, atque libertatis, quæ in materia tanta præcipuum debet locum habere. Hæc omnia, & iis similia, tanquam rationi & juri dissimilia, protestatur sæpe dictus princeps, ex nunc & in posterum, nolle admittere; quinimo ipsos omnes talia procurantes & promoventes, eorumque complices & eisdem favent-

ANNO  
CHRISTI  
1415.



faventes, tenet, & habet in fide suspectos, & eosdem suos adversarios & capitales inimicos suspicatur, jurisque calumniatores & pravaricatores, quibus nulla fides adhibenda est, æstimat reputandos & reputat æstimandos.

Item, & postremo, protestatur sæpe nominatus illustrissimus princeps se velle semper stare juri & iudicio, juxta modum & formam processus in facie universalis ecclesiæ formati, inchoati & hucusque inluminati nihil volens immutari aut innovari quod ipsius processus formam & decretum sacri concilii variet, conturbet, aut aliquammodo vitiet & immutet. Rogaturque & petit omnia & singula fieri in libertate, seclusis omnibus, ex quibus violentia, timor, metus & terror possunt verisimiliter confluere & inferri cuicumque.

De quibus siquidem protestationibus per illustrissimum principem, dominum ducem Burgundiæ præfatum, sic, ut præmittitur, factis, omnibusque & singulis superius descriptis, ipse dominus dux petit sibi fieri per nos notarios infra scriptos publicum instrumentum unum vel plura.

Acta fuerunt hæc in villa Insulensi Tornacensis diocesis, præsentibus reverendis in Christo patribus ac dominis, dominis Tornacensis, & Bethlehemitano episcopis, nec non illustri principi, Philippo comite S. Pauli, ac dominis Joanne de Luxemburcho, Joanne domino de Fosseux, Rollando de Flandria, Guillemo domino de Bonieres & gubernatore Atrebatensi, Carolo de Lens, & Roberto de Mailly, ipsius domini ducis consiliariis, cabellanis; & magistris Eustacio de Altrio, Joanne de Mailly, Marco de Fozas, Toussiano Baujardi, Remundo de Burgundia, Joanne Guerini, & Joanne de Vellerv ejusdem domini ducis consiliariis, ac Gaissudo Mauvoivre, in artibus & medicina magistro, testibus cum pluribus aliis, ad præmia vocatis specialiter & rogatis.

Verum quia ego Jacobus Ysambardi clericus Metensis, publicus apostolica & imperiali auctoritatibus notarius, in legibus bachallarius, præmissis omnibus & singulis, dum sic, ut supra scribuntur, per eundem illustrissimum principem, dominum meum ducem Burgundiæ fierent & agerentur, una cum prænominatis testibus ac notariis infra scriptis, præsens interfui; idcirco exinde confectio præsentis publico instrumenti, alterius manu fideliter scripto, præmissa publicando, signum meum una cum signis & subscriptionibus notariorum infra scriptorum, apposui consuevi; hic me subscribens manu propria, requisitus in testimonium præmissorum & rogatus.

Et ego Simon Gangnardi, presbyter Carnotensis diocesis bachallarius in decretis, publicus apostolica & imperiali auctoritatibus notarius, protestationibus, ac omnibus aliis & singulis præmissis, dum sic, ut præmittitur, per sæpe dictum illustrissimum dominum principem, ducem Burgundiæ, agerentur, & fierent, una cum venerabilibus notariis, necnon testibus supra & infra scriptis præsens interfui; itaque per alium fideliter scripta, etiam cum eisdem notariis publicavi

& in hanc publicam formam redegi, signoque meo publico signavi, requisitus & rogatus, in fidem & testimonium omnium & singulorum præmissorum.

Et quia ego Johannes de Pleffeyo, clericus Parisienus, publicus apostolica & imperiali auctoritatibus, notarius, præmissis omnibus & singulis, dum sic, ut supra scribuntur, per eundem illustrissimum principem, dominum meum, dominum ducem Burgundiæ fierent & agerentur, una cum prænominatis testibus & notariis præscriptis, præsens interfui; ideo exinde confectio huic præsentis publico instrumenti, manu alterius fideliter scripto, præmissa publicando, signum meum una cum signis & subscriptionibus notariorum prædictorum apposui consuevi, hic me scribens manu propria requisitus & rogatus in testimonium.

*Conclusiones cardinalis Cameracensis  
traditæ anno XVI.*

Dicere quod condemnare propositionem, magistri Johannis Parvi, vel novem propositiones, quæ dicuntur ex eadem propositione in hoc sacro concilio fuisse denunciata, sit facere novum articulum fidei; est falsum, erroneum, & in fide & moribus scandalosum, & his quæ in hoc sacro concilio prædicata sunt manifeste contrarium.

Et ideo in quantum in isto errore fundata esset adnullatio sententiæ episcopi Parisiensis & inquisitoris; ego ad honorem fidei catholicæ, hujus sacri concilii & christianissimi regis Franciæ; ac universitatis Parisiensis, & præsertim theologicæ facultatis, offero me probare dictam conclusionem, & publicè defendere.

Addendo, quod non oportet ad errorum condemnationem errorum assertores evocare; maxime ubi agitur de reprobatione errorum notorie scandalosorum.

Anno XVI.

Cedula

*Exhibita per magistrum Joannem Campani,  
procuratorem regium, nomine regis reformatorio VI. octobris. Et similis in  
forma per Jo. Gersson tradita  
fuit in collegio dominorum  
cardinalium, V. octobris cum novem  
assertionibus  
& postillis*

attendatur &c.

CUM causæ fidei, præsertim in concilio generali, sint inter omnes, imo super omnes alias causas pertractandæ summarie & de plano, sine dilatione, & sine strepitu & figura iudicii. Cum præterea debeat in hujusmodi causis fieri prius inquisitio de qualitate doctrinæ, & interesse fidei, quam de quocunque interesse personali; sic prius sciendum est, an doctrina sit vera, vel falsa, quam absolvat dogmatizans, vel damnetur: placeat ordinare quod sit modus

Ib. p. 676.

ANNO  
CHRISTI  
1415.

ANNO  
CHRISTI  
1415.

51  
dus deinceps teneatur etiam in materia novem assertionum, & propositionis, a quibus sunt extractæ, sicut in hoc concilio in causis fidei est hæcenus laudabiliter observatum, quod videlicet evocata prius causa ipsa cum omnibus dependentiis a dominis commissariis, quorum aliqui per suos modos procedendi prolongaverunt, & intricaverunt hanc materiam per spatium quinque mensium, cum multis vexationibus, expensis, gravaminibus, propter quæ appellatum est ab eis.

Fiat examinatio summaria, & de plano per nationes, & sacrum collegium, si talis doctrina sit vera, vel falsa; sana, vel scandalosa: alioquin scandalifabitur concilium, quasi vel nesciat, vel non audeat, vel negligat decernere quid secundum fidem christianam, ac etiam jura canonica, & civilia sit tenendum; attentis præcipue tot precibus & requeis serenissimi principis regis Romanorum, & christianissimi regis Franciæ, ac almæ universitatis Parisiensis, super hac re, totiens & instantè factis: attento præterea quod error, cui non resistitur, approbatur; & quia dicit Jacobus, XXI. I. *Notate in personarum acceptione habere fidem domini nostri Jesu Christi*. Attento rursus, quod multi & graves reputant hanc doctrinam longe perniciosiorem esse; & in errorem manifestationem, quam sit in pluribus articulis doctrinæ Hussi hic damnatæ; licet habere videatur etiam in hoc concilio pernices defensores, & ei faventes multis modis; attenta denique condemnatione istius propositionis: *Quilibet tyrannus &c.* quæ ut hæretica condemnata est.

Quam propositionem, secundum judicium plurimorum, istæ assertiones, & maxime dicta propositio, a qua sunt extractæ, continent; evidenter sufficiunt & in effectu.

Die Martis VI. octobris exhibita in reformatione per magistrum Johannem Campani, procuratorem regis Franciæ, & petitit, prout retro continetur, & a nobis notariis petit instrumentum. Et fuit responsum per Menzeburgensem, prout præsentem, quod vellet deliberare, & quantum in eis esset, <sup>C</sup> ut ipsam executioni demandare. Et ut facilius fiat, præcepit nobis notariis, ut singulis nationibus detur copia, ut etiam valeant super hoc deliberare.

#### MEMORIALE JOANNIS GERSONII

*Exhibitum in concilio Constantiensi in causa propositionum Joannis Parvi.*

1b. p. 673.

<sup>V</sup>olens ipse qui regit Israel, dominus noster Jesus Christus, intendere salutem hominum, & eos, velut oves, ad æternæ vitæ pascua deducere; cuidam interroganti se adolescentem respondit: *Si vis ad vitam ingredi, serva mandata*. Matth. XIX. 17. Et cum rursus interrogasset: *Quæ?* Jesus dixit: *non homicidium facies: non adulterabis; non furtum facies; non falsum testimonium dices: honora patrem & matrem, & diliges proximum tuum sicut te ipsum* v. 18. 19. De quibus quidem mandatis antea prædicaverat Christus: *Qui solverit unum de mandatis istis minimis, & docuerit sic bo-*

<sup>A</sup>*mines, hic minimus, glossa, nullus, vocabitur in regno celorum*, Matth. v. 19. De quibus præterea loquens propheta Domino: *omnia, inquit, mandata tua servitas*, psal. CXVIII. 86. & iterum: *tu mandasti mandata tua custodiri nimirum* v. 4. & Ecclesiastes concludens ait: *Deum time, & mandata ejus observa, hoc est omnis homo*. cap. XII. 13.

<sup>B</sup>Observantur autem mandata Dei, nescimus per voluntatem bonam in justa operatione, sed & per intelligentiam veram in recta fide; fidem dixerim, quæ veritati mandatorum credere facit, nescimus ex indita naturali ratione, sed & ex scripturæ sacre, quæ solvi non potest, supernaturali, & ad supernaturalem finem traditione; ita ut cum opposita falsitatis assertione non stet fides, neque salus. Vidit utrumque Psalmista, qui mandatis Dei credidisse, & ab eis intellexisse se fatetur.

Constabat hæc salubris sententia sacrosanctæ synodo Constantiæ, dum inter cæteras determinationes suas unam edidit, sub hac forma.

„Præcipua sollicitudine volens hæc sacrosancta synodus ad extirpationem errorum & hæresum in diversis mundi partibus invalescentium procedere, sicut tenetur, & ad hoc collecta est: nuper accepit, quod nonnullæ assertiones erroneæ in fide, & bonis moribus, ac multipliciter scandalosæ, totiusque reipublice statum & ordinem subvertere molientes, dogmatizatae sunt, inter quas hæc assertio delata est.

*Quilibet tyrannus potest & debet licite & meritorie occidi per quemcumque vassallum suum, vel subditum, etiam per infidas & blanditias, vel adulationes, non obstante quocumque juramento seu confederatione factis cum eo, non expectata sententia vel mandato judicis cujuscumque.*

„Adversus hunc errorem satagens hæc sancta synodus insurgere, & ipsum funditus tollere; præhabita deliberatione, matura, decernit, declarat, & definit hujusmodi doctrinam erroneam esse in fide, & moribus, ipsamque tanquam hæreticam, scandalosam, seditiosam, & ad fraudes, deceptiones, mendacia, proditioes, vias tantem reprobam & condemnat. Declarat insuper, decernit & definit, quod pertinaciter doctrinam hanc perniciosissimam asserentes, sunt hæretici, & tanquam tales juxta legitimas & canonicas sanctiones puniendi.

Ex qua quidem declaratione possunt accipi salubres veritates, temporibus, maxime nostris, accommodatæ pro reprimendis hæreticis, aut hæreticorum, per affectionem reprobam, fautoribus, contra divinam & catholicam mandatorum veritatem, & in cujuslibet reipublicæ, nescimus temporalis, sed spiritualis pariter turbationem subversuram, qualiter; proh dolor! sentimus in Bohemis & alibi, multis modis.



ANNO  
CHRISTII  
1415.

*Prima veritas.*

Post præfatam sacrosanctæ synodi Constantiensis determinationem, prædicta propositio, *Quilibet tyrannus &c.* habenda est tanquam hæresis expressissime damnata; quodque dogmatizans aliquis scienter ipsam, iudicandus est in hæresim jam damnatam cecidisse, & nisi paratus est corrigi, debet ut hæreticus condemnari.

*Secunda veritas.*

Post huiusmodi determinationem quilibet ecclesiæ prælatus, & doctor, a summo utque eorum, debet suo modo, ad exemplum sacræ synodi, præcipua sollicitudine conari, quatenus hæc hæresis non resurgat, sed funditus extirpetur. Ita enim dixit eadem synodus, se voluisse, & ad hoc faciendum obligatam esse, si verbis suis pondus detur.

*Tertia veritas.*

Post huiusmodi determinationem debent ab ecclesiæ prælatis, & doctoribus assertiones, quas in hac hæresi damnata, sub qualicumque forma verborum, palam fundari deprehenderint, habere pro damnatis, & protinus abicere & tollere; alioquin frustraretur intentio concilii, quæ satagebat hunc errorem funditus tollere, ut videlicet radice succisa, rami reprobii non substant; est enim de similibus idem aut simile iudicium.

*Quarta veritas.*

Post huiusmodi determinationem, quidquid antea fuerit, nulli fas est deinceps dogmatizare scripto vel verbo, quod hæc doctrina, & similes contra Dei mandata, spectent tantummodo ad mores, & nullatenus ad fidem, nec veniant iudicio fidei reprobandæ; alioquin sit intolerabilis injuria sacro Constantiensis concilio, diffinienti hanc doctrinam, nedum erroneam in fide & moribus, sed hæreticam; nec immerito, quoniam veritas mandatorum Dei, quamvis sit de lege naturali, est nihilominus alio multiplici respectu de lege divina & evangelica; quoniam in ea traditur ad finem æternæ vitæ, supernaturalem utique, consequendum.

Datur etiam istud palam intelligi ex contextu propositionis huius & similiarum, quæ loquuntur, quod meritorie & secundum legem divinam potest occisio fieri, qualem dicunt; & quia falsum dicunt, constat quod legi divinæ contradicunt: est autem hæresis dogma falsum divinæ legi contrarium.

*Quinta veritas.*

Post huiusmodi condemnationem & solemnem atque publicam ipsius promulgationem, non licet, aut saltem non decet, vel expedit rursus doctrinam hanc pestiferam, cum suis similibus in ea manifeste fundatis, ut dubiam, deducere ad iudicium cuiuscunque generalis concilii, vel summi pontificis,

A pro nova condemnatione, quanto minus pro retractione: videretur enim, vel autoritas vel fides, vel sanctitas dicti generalis concilii Constantiensis in dubium revocari, quod nefas est. Nam proinde celebris electio summi pontificis & prædecessoris expulso, cum cæteris actis & determinationibus ibidem nimum vacillarent.

*Sexta veritas.*

Post huiusmodi condemnationem, nedum summus pontifex, & sui inferiores prælati & doctores, tenentur satagere, exemplo concilii, tollere doctrinam istam nefariam, quilibet suo modo, ne male repulset in se, vel ramis suis apud populos christianos; quin etiam ex serie condemnationis, principes & iudices sæculares commoti sunt, quilibet suo modo, procedere ad ablationem talis doctrinæ. Neque enim fuit contenta sacrosancta synodus decernere & declarare, necnon diffinire doctrinam ejusmodi erroneam esse in fide, & in moribus, & hæreticam; sed addidit, ipsam esse scandalosam, seditiosam, & ad fraudes, deceptiones, mendacia, prodictiones, vias dantem; constat autem quod seditiones & prodictiones cum similibus, crimina sunt iudicio potestatis sæcularis extirpanda.

C Occurrit proinde collaudanda devotio & sollicitudo præcipua christianissimi regis Francorum ad salutem reipublicæ, qui in suprema iustitiæ suæ & parlamenti curia tulit legem, & arrestum perpetuum, valde conformiter ad condemnationem factam in sacro Constantiensis concilio, cujus ad gloriam & veritatis elucidationem ac totius reipublicæ conservationem, inseritur hic ejus forma.

Carolus &c. Cum nuper &c. *Vide reliqua apud Dup. to. V. Operum Gerf. pag. 676.*

*A P P E L L A T I O*

*Interjecta per Conradum Ludeking, substitutum procuratoris domini regis Francorum. Die sabbati*

*XVII. octobris*

*Anno XVI. coram iudicibus in causis fidei &c.*

C Oram vobis, reverendissimis patribus, Ib. p. 679. huiusmodi causæ novem assertionum, ut dicitur, iudicibus & commissariis, appellando.

Proponit promotor & instigator officii in dicta causa deputatus, nec non procurator christianissimi Francorum regis; non tamen propter infra-scripta, ac per eos & eorum alterum facta & facienda, appellationibus alias nomine christianissimi Francorum regis, seu alias in huiusmodi causa quomodolibet interpositis præjudicando, derogando, vel ab illis, quibus ipse promotor & procurator adherere intendit, aliquater recedendo; sed eadem fortius assistendo, ac in illis, quantum in eis est, inherendo, de quo protestatur, & dicunt, quod licet a vobis reverendissimis patribus sæpe & sæpius suis, loco & tempore congruis, cum instantia debita petitum fuerit, ut huiusmodi causam

ANNO  
CHRISTII  
1415.

\* f. com-  
moniti

ANNO  
CHRISTI  
1415.

simpliciter ad dictum sacrum concilium generale, more debito causarum fidei, quibus iudiciorum strepitus & collationes non conveniunt, & in quibus personarum interesse non debet attendi, examinandam & terminandam remitteretis, vosque de eadem ex multis causis, præcipue illis in appellatione alias a vobis interposita contentis, quas in hac appellatione pro repetitis habere volunt, & intendunt, coram vobis allegatis, exoneraretis; licet etiam debitum aut saltem honestum ac consuetum, quod iudices, maxime antequam causarum merita rimari & investigare incipiant, partibus, seu parte petente, causas remittant; & inhonestum & non sine suspitione & affectione ad causam sit, quod iudices ipsi contra partium, seu partis voluntatem velint iudices esse; licet etiam inclita natio Germaniæ, quæ est pars notabilis huius sacri concilii, dictam causam ad ipsum concilium simpliciter & sine relatione per vos faciendam ex dictis & multis aliis rationabilibus causis per vos remittendam aut verius evocandam concluderit; fueritque etiam coram vobis propositum, & allegatum, & instantè petitum, quod prædictis causis, & rationibus, præcipue illis in appellatione pro parte dicti christianissimi principis domini Francorum regis interposita, quam hic repetit, & habere vult pro inserta, expressatis, attentis, & consideratis, ad actum aliquem, & præcipue aliquid relationis de ipsa causa faciendæ, minime devenire deberetis, propter scandalum quod fidei, ac ipsius christianissimi Francorum regis juri, & honori resurgere posset; licet etiam ipsa causa pro parte dicti christianissimi regis ad causam venientis & per vos alias admissi, licet verbaliter, & sine effectu, licet etiam per dictas appellationes legitime, pro parte dicti christianissimi regis, in causa ipsa nullam penitus potestatem & jurisdictionem habeatis.

Nihilominus vos, reverendissimi patres, iudices, & commissarii prædicti, vestris reverentis semper salvis, in dicta causa, sicut præfertur, minime instructa, & per vos in favorem adversariorum, cum omni, qua decet, reverentia loquendo nimis favorabiliter forma commissionis vobis factæ, & juris ordine postpositis, & per vos minime observatis; immo penitus, ut præfertur, prætermisissis, appellatione pro parte domini christianissimi regis indecisa pendente, ipsoque in dicta causa non audito, in fidei catholice scandalum, & in ipsius domini regis gravamen, & juris sui appellationem eam remittere ad sacrum concilium, modo præmisso examinandam & terminandam, expresse, aut saltem tacite denegastis; quinimo, ut ad notitiam prædictorum promotoris & procuratoris pervenit, eam non instructam & in eadem audiendis non auditis, taliter qualiter referre, sub modis & formis inordinatè parti adversæ favorabilibus, & parti ipsius domini regis & fidei veritati detractivis & nocivis, & cum debita reverentia loquendo, tacendo in eadem multa vera, & exprimendo multa non vera, ut dicitur, proposuistis, & in diem proponitis; & continuo, ut dicitur, talem præsentam relationem

Concilior. Supplem. Tom. IV.

nem facere comminati estis, asseruistis & asseritis de præsentis. Dicti promotor & instigator & procurator, nominibus, quibus supra, sentiens se per præmissa multipliciter gravatum & læsum, ac timens se in posterum plus gravari & lædi posse, a dictis gravaminibus futuris sibi comminatis, ac omnibus & singulis gravaminibus ex præmissis et actis præsentis causæ coram vobis, ut dicitur, habitis: quomodolibet colligibilibus in iis scriptis ad sanctam sedem apostolicam, et sacrum concilium generale prædictum provocant et appellant, et apostolos petit primo, secundo, et tertio, ac instantè, instantius, et instantissime sibi dari, et concedi, si quis sit qui eos sibi dare posset, et velit.

Et protestatur &c. de emendatione & correctione præmissorum.

## Apostoli

Super appellatione interjecta XVII. octobris, dati pro responsione ad eandem die XX. ejusdem.

Reverendissimi domini in causis fidei, per hoc sacrum generale concilium Constantiense deputati; hic de præsentis congregati in causis ipsis pro tribunali sedentes super appellatione per te, Conradum Ludcking, assertum instigatorem & procuratorem illustris principis domini Francorum regis, ultimo coram ipsis interposita, in huiusmodi causa novem assertionum &c.

Coram ipsis dominis iudicibus indecisa pendente, juxta præsentis diei & horæ termini tibi factam assignationem; respondent, quod cum appellationibus frivolis jura non deferant, nec sit a iudicibus deferendum; idcirco dictæ tuæ ultimæ appellationis, tanquam manifestæ frivolæ & inani ex frivolis, & inanibus causis interpositæ, ipsi domini iudices hic existentes non deferunt, prout nec de jure deferre debent, hanc suam responsionem pro apostolis refutatoris super dicta tua asserta appellatione tibi dantes & concedentes.

## Cedula supplicationis

Exhibita aliquibus iudicibus fidei, & composita die VII. februarii anno XVII.

Reverendissimis patribus, dominis commissariis in causis fidei, pro parte ambasciatorum, & procuratorum illustrissimi principis domini ducis Burgundiæ &c. Supplicatur, et cum omni instantia requiritur vestris reverendissimis paternitatibus, prout pluries & sæpius, parte ipsorum, supplicatum & requisitum extitit, quatenus in causa tangente novem assertiones coram eisdem paternitatibus vestris agitata, procedant ad relationem debitam, ex actis processus faciendam sacro concilio, ut ipsum concilium conclusivè disponat de ipsis, ut Spiritus Sanctus eisdem ministrabit; quemadmodum per eandem decretum extitit fiendum die 23. julii ultimo lapsi, videlicet cum designatione numeri & qua-

Ib. p. 709<sup>e</sup>

E

qua-

ANNO  
CHRISTI  
1415.



ANNO  
CHRISTI  
1415.

qualitatum pro utraque parte in materia scribentium, & deponentium, & subscripto patienti & aperto, quæ relatio hucusque dilata est, & de die in diem prorogatur, & differtur in magnum præjudicium, & iacturam præfati domini & singulorum, quos hæc materia tangit, aut tangere potest, & in scandalum grave totius concilii, cum prætermissa hac materia tanti ponderis, ad alias varias pertranseant, habentes eam, ut apparet pro derelicta; quæ tamen commissione dicti sacri concilii dictis reverendissimis paternitatibus vestris facta, & per eandem suscepta stante, non valet prætermitti, eandem paternitatum vestrarum fama, & honore fidei talvis.

*Instantiæ ambassiatorum ducis Burgundiæ*

*Ad relationem.*

Domini ambassiatores illustrissimi principis, domini ducis Burgundiæ, tam verbo, quam scripto petierunt fieri relationem in causa novem assertionum, annis & diebus infrascriptis.

Et primo. Anno a nativitate Domini MCCCXV. die martis, XVII. mensis decembris, petierunt scripto tenus, fieri relationem in sacro concilio.

Item die Jovis, XIX. dicti mensis decembris, petierunt fieri relationem, repetendo cedulam dicta die martis datam.

Item anno MCCCXVI. die mercurii, VIII. mensis januarii, iidem ambassiatores petierunt fieri relationem, & super hoc exhibuerunt cedulam magnam. Ad idem petiit illa die Stephanus Paletz.

Item petierunt verbo dicti ambassiatores die sabbati, VII. mensis februarii, fieri relationem.

Item petierunt similiter verbo quod fieret relatio, die martis, XVIII. februarii.

Item petierunt dicti domini ambassiatores, scripto tenus, quod fieret relatio die veneris, XXI. datam \* & fieri relationem &c.

Item ad idem & eodem modo, petierunt die lunæ, nona mensis martis.

Item scripto petierunt quod fieret relatio die Veneris, XIII. mensis martis.

Item die Jovis XIX. mensis martii, petierunt verbo quod fieret relatio publica &c.

Item die sabbati, XXVIII. mensis martii petierunt verbo quod fieret relatio publica.

Item, die sabbati, XI. mensis aprilis, petierunt quod fieret relatio publica.

Item die lunæ, XXV. mensis maii, petierunt verbo quod fieret iudicium & iustitia.

Item petierunt verbo quod fieret relatio publica, die sabbati, XXVII. mensis iunii.

Item die Jovis, secunda mensis iulii, petierunt verbo quod fieret relatio publica.

Item die Jovis, XVI. mensis iulii, petierunt cum cedula subscripta duobus advocatis, quod fieret relatio publica &c.

Item die Jovis, XXIII. mensis iulii, petierunt verbo repetendo cedulam, quod fieret relatio publica.

Item die sabbati, XVII. mensis octobris, petierunt verbo quod fieret relatio publica.

locus corruptus

Item illa die, qua primo dominus decanus Brugensis proposuit, petierunt verbo quod fieret relatio.

Item, die lunæ, XXIII. novembris, petierunt verbo quod fieret relatio publica.

Item, die sabbati, secunda mensis januarii, anno MCCCXVII. petierunt verbo quod fieret relatio plenaria & publica.

Item, eodem anno die quarta mensis januarii, petierunt verbo quod fieret relatio publica.

Item, die martis, IX. martii petierunt verbo quod fieret relatio.

Item, veneris XII. martii, petierunt scripto per cedulam quod fieret relatio &c. Et ista est ultima dicta. Qua die etiam petiit

B fuit idem per nuntios domini regis Romanorum.

*DE CONSTITUTIONE CAROLINA*

*In concilio Constantiensi admissa & confirmata.*

„ **F** Ridericus II. imperator lata constitutione, tione covaret ne iniqui rerum ecclesiasticarum perversos violentis suis debaccarentur impune. Sanctis. hanc legem Carol. IV. diplom. dato an. 1377. confirmaverat, auxerat atque promoverat. Eam vero legem quoniam noverant opportunam coercendis impiorum quorundam insultibus, Constantienses patres autoritate sua approbarunt, approbatamque & in encyclicis literis suis insertam longe lateque promulgarunt. Horum omnium documenta in Labbeo habes. Reliquum est legi tam utili rebusque ecclesiæ tuendis maxime opportune adiungamus Sigismundi imperatoris diploma, quo id effecit, ut potestatis utriusque laicæ et ecclesiasticæ auctoritate munta lex apud omnes Romano imperio subiectos valeret. Debemus constitutionem hanc Lunigio Spicileg. Eccl. to. I. pag. 225. ex quo hic.

*SIGISMUNDI IMPERATORIS DIPLOMA*

*Pro decernenda executione Carolinæ.*

**S** igismundus, divina favente clementia, Romanorum imperator semper Augustus, Bohemiæ, Dalmatiæ, Croatia, rex, &c. ad perpetuam rei memoriam etc.

Sublimitatis imperialis gloriam invexit superne Majestatis veritas, nullo derelinquens virtuosos suppeditatus, et animadvertenter exposcit, ut Romani imperii gubernaculum tenens, præter alia eximia virtutum opera sua, cunctos, præsertim servitio Dei mancipatos, ab universis oppressionibus et offensis suis semper insistat accurata diligentia clementer sublevare. Et ob id nos, qui ad Romanum imperium sumus divina dispositione vocati, curis sollicitamur assiduus, ut, præ cæteris tuitioni nostræ commissis, personarum ecclesiasticarum status venerandus, in varietate virtutum clerus sublimatus, in suis libertatibus et immunitatibus conservetur et tueatur, et oppressionibus et a temerariis auctibus liberetur, nunc novarum constitutionum editione, nunc antiquarum inno-

ANNO  
CHRISTI  
1415.

ANNO  
CHRISTII  
1415.

ANNO  
CHRISTII  
1415.

Sane claræ memoriæ Fridericus II. olim Romanus imperator, prædecessor noster, ad sanctæ Romanæ ecclesiæ laudem, et sacri imperii Romani decorem, cupiens ut expurgatis quorundam erroribus, et iniquis statutis penitus destitutis, de cætero ecclesiæ et ecclesiasticæ personæ plena vigerent quiete, et secura libertate gauderent: ac pie & iuste attendens, quod quorundam perverforum iniquitas adeo abundaverat, ut non dubitarent contra ecclesiasticam disciplinam ac sacros canones sua confingere statuta, et adversus ecclesiasticas personas et ecclesiasticam libertatem, edictali lege huiusmodi statuta iniqua irritaverat, et præceperat irrita nunciari: et omnia statuta et consuetudines, quæ civitates et potestates vel consules, aut quæcunque aliæ personæ, contra libertatem ecclesiæ vel personas ecclesiasticas ac bona huiusmodi edere aut fervare temptarent, contra canonicas et imperiales sanctiones, de ipsorum capitularibus infra duos menses post ipsius legis publicationem penitus abolere facerent. Et si de cætero talia attemptarent illa ipso iure decrevit esse nulla, et eos sua jurisdictione privatos. Nec non locum, ubi talia deinceps præsumpta fuissent, banno mille marcarum auri, sisco imperiali præceperat subjacere.

Potestas vero, consules, statuarii et scriptores statutorum prædictorum, nec non consilarii locorum ipsorum, qui secundum statuta & consuetudines memorata iudicarent, ex tunc essent ipso iure infames, quorum sententias et actus illegitimos statuerat aliquantulum non teneri. Quodque, si per annum præfatarum constitutionum inventi fuerint contemptores, bona eorum per totum imperium mandavit impune ab omnibus occupari, salvis nihilominus aliis poenis contra tales in sacris conciliis generaliter promulgatis.

Et insuper voluit idem tunc imperator, quod nulla communitas, vel persona publica vel privata, collectas seu exactiones, angarias vel perangarias, ecclesiis vel aliis piis locis, aut ecclesiasticis personis huiusmodi imponere, seu invadere ecclesiasticam bona præsumeret. Quod si secus faceret, et requisitus ab ecclesia vel imperio huiusmodi emendare contemneret, tripliciter refunderet, et nihilominus banno imperiali subjaceret, quod sine satisfactione debita nullatenus remitteretur.

Statuit insuper, quod quæcunque communitas, vel privata persona per annum in excommunicatione propter libertatem ecclesiæ violatam peristeret, ipso iure similiter dicto banno imperiali subjaceret, a quo nullatenus extraheretur, nisi prius ab ecclesia beneficio absolutionis obtento.

Et insuper ordinaverat, ut nullus ecclesiasticam personam in criminali questione vel civili ad iudicem secularem trahere præsumeret contra eandem canonicas sanctiones et imperiales constitutiones. Quod si secus faceret, actor a suo iure caderet, iudicatum non teneret, et iudex foret ex tunc iudican-

Concilior. Supplem. Tom. IV.

A di potestate privatus. Quodque iudices temporales, qui clericis et personis ecclesiasticis iustitiam denegare præsumerent, tertio requisiti suam jurisdictionem amittant.

Et deinde ad divæ memoriæ Karoli IV. etiam Romanorum imperatoris, prædecessoris et genitoris nostri, audientiam deducto, quod seculares quidam in potestatibus et officiis publicis constituti, videlicet duces, barones et alii domini temporales: nec non consules civitatum, oppidorum, villarum, et locorum rectores, Dei timore postposito, statuta singularia et iniquas ordinationes, motu proprio et de facto contra personas ecclesiasticas, ecclesiarum et locorum religiosorum libertates et privilegia condiderant, eisdemque publice et de facto præsumerent insistere contra legitimas et canonicas et civiles sanctiones: utpote quod nulla bona temporalia in potestatem ecclesiasticam transferantur: neve clerici in sacris constituti ad agendum testificandumve in civilibus, & maxime piis causis, aliquatenus admittantur: Et quod excommunicati laici & publice denunciati, in civili foro minime repellantur.

Præterea quod dicti domini temporales, consules & rectores per secularem potestatem res & bona clericorum occupaverant, oblationes fidelium diminuerant & restrinxerant: exactiones & tallias indebitas de bonis & redditibus ecclesiarum exegerant & extorserant: possessiones ecclesiarum & personarum earundem devastaverant incendiis & rapinis: & contra dictos inter clericos & laicos factos legitime, ad libros civitatum, villarum, & locorum recusaverant inscribere atque sigillare: ac donata et legata ad fabricas et ecclesiarum structuras contra voluntatem prælatorum et aliorum, quorum intererat, præsumpserant usurpare contra iustitiam, et in fraudem et odium clericorum, et de bonis et rebus clericorum, quas non causa negotiationis, sed pro usibus propriis, per terras ducebant, seu duci faciebant, thelonium exigere et capere veriti non fuerant: et confugientes ad ecclesias et cimiteria, inde extrahere contra sanctiones Imperiales præsumpserant.

Idem genitor, prædecessor noster, hæc omnia, et quæcunque exinde secuta, cum per sacras, civiles et canonicas sanctiones expresse reprobata essent, et in fraudem ecclesiasticæ libertatis præsumpta, de principum, ducum, baronum, fideliumque suorum consilio, ex certa scientia et auctoritate imperiali cassavit, irritavit, annullavit; cassaque et irrita et nullius esse momenti pronunciavit, præcipiendo sub indignatione imperialis banni universis et singulis dominis temporalibus, consulibus, potestatibus, et in officiis publicis constitutis; quatenus mox, visis et intellectis presentibus, cassatione, irritatione et annullatione huiusmodi dicta eorum statuta et ordinationes, sicut in præiudicium ecclesiasticæ libertatis edita erant, omnino revocarent et de luce tollerent: quodque secundum ea non iudicarent amplius, nec sententias disiderant, aut eisdem in iudicio, aut extra iudicium quomodolibet pro se et contra Ecclesiasticam libertatem potirentur.

E 2

Et



Et insuper pronuntiavit et declaravit au-  
A floritate prædicta, quod quicumque laicus  
cujuscunque status, vel conditionis foret,  
ausui sacrilego vel propria temeritatis au-  
dacia, sacerdotem vel clericum, sæcularem,  
vel religiosum diffidaret, proscriberet, vel  
captivaret, vel spoliaret, occideret vel mu-  
tilaret, aut in carcere detineret: aut qui  
hujusmodi malitiam perpetrantes scienter re-  
ceptarent, vel favorem in his præstarent,  
præter penas a sacris imperialibus et cano-  
nicis sanctionibus eis inflidas, si forent ipso  
facto infames et omni honore privati, nec  
ad placita nobilium aliquatenus admittendi.

Voluerat etiam et hortabatur, et requi-  
verat episcopos & prælatos, ut hanc suam  
legem & constitutionem in synodis et eccle-  
B siis publicare procurarent, ne in præmissis  
excedentes per simulatam ignorantiam suas  
valeant excusare malitias: adiciens, quod  
nulli hominum liceret hujusmodi suæ cassa-  
tionis, irritationis, annulationis, pronuncia-  
tionis et declarationis paginam quovis ausu  
temerario infringere, aut eis quomodolibet  
contraire, sub pena quinquaginta marca-  
rum auri puri, quas ab eo, qui contrafa-  
ceret, totiens, quotiens contrafaceret, in-  
remissibiliter exigi voluit, pro medietate sui  
imperialis ærarii, sive fisci; pro reliqua ve-  
ro parte injuriarum passorum usibus applicari  
prout in ipsis prædecessoris et genitoris no-  
C stri desuper confectis literis ejus imperiali  
signo et bulla aurea suæ majestatis impres-  
sis, signatis et munitis, quas præsentibus  
hic habere volumus sufficienter pro expres-  
sis, plenius continetur.

Et quoniam per prædicta ecclesiasticæ li-  
bertati nondum satis provissum esse videtur:  
ut igitur per infra-scripta sit uberius et la-  
tius ipsi libertati provissum, et ut ecclesi-  
sticæ personæ plene sua libertate gaudere, et  
et pia loca a noxiis præservari, et opatis  
proficere valeant incrementis: Nos Sigis-  
mundus, qui statum ecclesiasticum fervore  
fidei et claræ devotionis affectu veneramus,  
libenter, ut tenemur, hac edictali lege et  
imperiali auctoritate, constitutiones si ve le-  
D ges antedictas, tanquam justas, sanctas et  
legitimas, tenore præsentium approbamus  
pariter et innovamus; ipsasque et infra-scri-  
ptas nostras leges, et prohibitionem, et  
præsentem literas, et mandatum nostrum ad  
omnes et singulas ecclesias, et monasteria,  
quæcunque, cujuscunque nationis existant, et  
ad omnes et singulos prælatos, clericos, et  
presbyteros, & ecclesiasticas personas, pro  
majori eorum tuitione & cautela ad tollen-  
dum in his quorundam curiosorum ambi-  
guitatis dubium, de singularis munificentie  
dono, ex certa nostra scientia, tenore præ-  
sentium duximus extendendum, ac extendi-  
mus; & præcipimus ubique locorum sub ban-  
no & poenis ante & infra-scriptis a quolibet  
inviolabiliter observari.

Deinde statuimus hoc edicto in perpetuum  
valituro, ut nullus iudex secularis in eccle-  
siasticis causis, præsertim matrimonii legiti-  
mationis, usurarum, testamentorum infra-  
annum non executorum, & ad iudicium ec-  
clesiasticum legitime devolutorum, ac deci-  
marum, prædiorum ac fructuum, reddituum,

& proventuum ecclesiasticorum ac locatio-  
num, & conductionum seu conductorum eo-  
rundem, possit seu valeat judicare, aut quo-  
modolibet de hujusmodi causis aut eorum  
articulis cognoscere, nisi quatenus ab ec-  
clesiasticis iudicibus fuerit requisitus. Quod  
si contrarium fecerit, iudicatum non teneat:  
& iudex ex tunc iudicandi potestate sit  
privatus: & subiaceat nihilominus poenis  
infra-scriptis, actorque a suo jure cadat ip-  
so facto.

Insuper omnibus & singulis principibus,  
ducibus, baronibus, comitibus, comitatibus,  
consulibus, rectoribus, ac in officiis tempo-  
ralibus, dominis & potestatibus constitutis,  
sub indignatione imperialis banni & qua-  
draginta marcarum auri multa, ad cujus so-  
lutionem & præstationem pro una nostro si-  
ve imperiali ærario aut fisco, & alia mediatibus  
personis injuriarum passis, faciendam  
quemlibet hujus nostre prohibitionis trans-  
gressorem ipso facto teneri volumus.

Demum præsentis & irrevocabili sancimus,  
declaramus, decernimus, & pronunciamus  
edicto, districtius prohibentes, ne quisquam  
ex eis prælatos, presbyteros, clericos, &  
personas ecclesiasticas, quo minus vina, grana,  
res & bona de suis redditibus ecclesiasticis  
provenientia, libere & sine solutione  
theloni seu gabellæ vendere seu abduci fa-  
cere possint: Et quo minus res, bona, vi-  
na, cerevias, carnes, grana, panes &  
pannos & alia quæcunque eorum utui & re-  
creationi convenientia, si ve intraneæ si ve in-  
traneæ, seu extraneæ vel extranea fuerint, pro  
eorum usibus, seu recreatione sibi, & per  
quævis loca, civitates, terras, castra & a-  
quas vestigio vel navigio, absque quavis pro-  
hibitione, libere et absque solutione cujuscunque  
theloni, dacie, vel gabellæ, adduci  
& portari facere valeant: Et etiam quo  
minus res & bona mobilia, ex prælatorum  
seu ecclesiasticarum personarum obitu reli-  
cta ad manus illorum, ad quos de jure spe-  
ctant, libere & sine quibuscunque impedi-  
mentis, invasionibus, intromissionibus, exa-  
C tionibus, & occupationibus, præsertim per  
laicos quantumcunque attemptatis, perve-  
niant, si ve valeant pacifice pervenire: Et  
quo minus coloni & subditi ecclesiasticarum  
personarum sine violentis hospitalitatibus &  
vestigialium extorum, servitorum & exa-  
tionum, & petitionum hujusmodi occasio-  
ne, colonis & subditis ipsis illata, plena-  
rie resarciantur: Nec non etiam quo minus  
prælati seu iudices ecclesiastici eorum spiri-  
tuali jurisdictioni subiectos pro suorum ex-  
cessuum demeritis, capi & incarcerari, &  
captos duci, & per quævis loca & civitates  
libere abduci, & alias debita correctione  
puniri facere valeant: quocunque aut  
E qualitercunque publice vel occulte, directe  
vel indirecte, per se vel per alios, impe-  
dire aut facere impediri præsumant vel per-  
mittant: nec talia committentes receptent,  
aut eis in præmissis vel circa ea impendant  
auxilium, consilium, vel favorem.

Quinimo magis volumus & mandamus sub  
banno & poena proxime supradicta, ut prin-  
cipes, duces, comites, barones, comitatus,  
consules, rectores, ac in officiis, dominis  
& po-

locus tur-  
batus

ANNO  
CHRISTI  
1415.

& potestatis prædictis constituti, quicunque ab impedimentis & usucapionibus rerum & bonorum relictorum hujusmodi, & a prædictis violentis hospitalibus, vectigalibus, servitiis; exactionibus, & petitionibus hujusmodi colonorum & subditorum ecclesiasticarum personarum, & ab impedimentis & perturbationibus ecclesiasticæ jurisdictionis omnino desistant: nec captos nec abductos rebelles repetere vel repeti facere præsumant: nec non requisiti totis viribus personas ecclesiasticas in præmissis, ac jurisdictionem hujusmodi ecclesiasticam exercentes, adiuvant, & diligenter, sine ulla dilatione, adhibeant & opponant auxilium brachii secularis, ut libertas ecclesiastica manu teneatur, et ut subditi rebelles, criminosi & delinquentes, modis præfatis, aut alias pro ut eisdem jurisdictionem ecclesiasticam exercentibus concessum vel divisim expedire videbitur, digna animadversione configantur.

Cæterum, ut didicimus, nonnullis personis eorum conatus leges & constitutiones antedictas, prælatos, presbyteros, clericos, & personas ecclesiasticas diversis injuriis afficientes, pro eo quod tam per constitutiones & leges, quam sanctiones hujusmodi inflictarum poenarum executio absque animadversione negligitur, infringere non verentur. Ut igitur tam genitoris, quam Friderici II. prædecessorum nostrorum præfatorum, ac nostri constitutiones & leges præfatis literis mandatum nostrum debitæ executionis sciendæ suffragio fortiantur effectum, & insolentia compescantur transgressorum; Omnes & singulos nostros & sacri Romani imperii principes spirituales & seculares ac comites, barones, milites, militares, proconulesque, & consules, ac consularatus, potestates, rectores civitatum, oppidorum, & locorum quorumcumque, pro executione hujusmodi questionum & legum imperialium, & præfatarum nostrarum litterarum faciendæ, executores eorumdem, conjunctim & divisim, tenore præsentium deputamus: & nihilominus ipsis sub imperiali banni indignatione & sub antedicta, quo ad alios, qui feudum vel privilegia alia non habent: quo ad alios vero, qui talia habent, sub perditionis suorum feudorum & privilegiorum quorumcumque poena, (quas eos si requisiti infra unius mensis spatium, requisitionem hujusmodi sequens, & ad infra scriptam executionem non processerint, & non fecerint, quod mandamus, incurere volumus ipso facto) districte præcipiendo per hæc imperialia scripta mandantes, quatenus ipsi & eorum singuli, quoscunque, & quæcumque, dum & quotiens præsentibus executores ipsos requiri contigerit, prælatis & presbyteris, clericis & personis ecclesiasticis, quibuscumque conjunctim & divisim, efficacis prædicti auxilio assistentes, non permittant eisdem aut eorum alicui, a quoquam, cujuscumque gradus, status, vel conditionis fuerint, contra vel circa præmissa omnia, aut aliquod ipsorum, quomodolibet injuriam irrogari, sed magis injurantes hujusmodi, nisi post requisitionem executorum eorumdem infra certum terminum peremptorie competentem, eis per exe-

cutores ipsos desuper præfigendum contra præmissa commissa aut neglecta emendando resipiscant, poenas antedictas, prout quilibet pro commissio aut neglecto contigit, incidisse declarent: sic per captionem & detentionem personalem, distractionem, invasionem aut alienationem rerum & bonorum suorum mobilium & immobilium quorumcumque sine mora ad satisfactionem & observantiam plenariam præmissorum omnium & singulorum executores ipsi suo seculari brachii cogant & compellant, faciant: ac pecunias, occasione poenarum præfatarum ærario sive fisco imperiali debitas & debendas imperiali auctoritate emoneant, & partem ipsorum ad fiscum imperialem pertinentem, ad fiscum ipsum fideliter studeant destinare: reliquam vero partem earundem partibus læsis realiter assignare procurent.

Super quibus eisdem executoribus, & eorum cuilibet in solidum, imperiali auctoritate nostra prædicta, plenam licentiam & potestatem liberam concedimus per præsentibus, volentes & decernentes, ut eisdem executoribus, omnibus & singulis præsentibus & futuris, vigore præsentium quo ad præmissa perpetua potestas & licentia remaneat attributa: constitutionibus & legibus imperialibus ac privilegiis & indultis quorumcumque, & aliis in contrarium forsan facientibus, non obstantibus quibuscumque.

Ne autem in præmissis excedentes per simulatam ignorantiam suas valeant malicias excusare; hortamur & requirimus universos & singulos archiepiscopos, episcopos & prælatos, ut constitutiones & leges imperiales antedictas, & præsentibus nostras litteras singulis annis in Synodis & ecclesiis suis publicare procurent, si nostram indignationem voluerint evitare.

Nulli ergo hominum liceat hanc legem & constitutionem præfatarum & præsentium litterarum nostrarum ac inhibitionum præcepti & mandati nostrorum paginam quovis auctoritate infringere, aut eis quomodolibet contraire, sub poena quadraginta marcarum auri puri: quas ab eo, qui contrefecerit, totiens, quotiens contra factum fuerit, præter supradictas & alias poenas, a sacris canonibus & imperialibus sanctionibus etiam eis inflictas, irreversibiliter volumus exigi, ut præfertur: nec non indignatione Dei omnipotentis & timore ultionis sue æternæ. Datum &c.

## BULLA PAPÆ JOHANNIS XXIII.

Cum archiepiscopi Cant. certificatorio pro concilio generali Constantiensi.

S Anctissimo in Christo patri ac domino nostro, domino Johanni, divina providentia sacrosanctæ Romanæ ecclesiæ universalis summo pontifici, sua humilis & devota creatura; Henricus, Dei & apostolicæ sedis gratia Cantuariensis archiepiscopus, cum omni subiectione & obedientia, pedum oscula beatorum. Litteras sanctitatis vestræ mihi alias directas cum omni reverentia recepi, tenorem, qui sequitur, continentes: Johannes episcopus, servas fervorem Dei,

ANNO  
CHRISTI  
1415.Afert  
Wilk.  
Conc. Brit.  
t. III. p.  
366.



ANNO  
CHRISTI  
1415.

75

venerabilibus fratribus archiepiscopo Cantuariensi, ejusque suffraganeis, & dilectis filiis Cantuariensibus, & ceterarum ecclesiarum capitulis, nec non abbatibus provinciarum Cantuar. exemptis, & non exemptis, ac ordinis cujuscunque, salutem & apostolicam benedictionem. Ad pacem & exaltationem ecclesiarum, ac tranquillitatem populi christiani prompto corde & efficaci desiderio intendentes, ea libenter ordinamus & quarimus, per quae hujuscemodi pax, exaltatio, & tranquillitas merito valeat provenire. Dum siquidem felicitis recordationis Alexander papa quintus, praedecessor noster, sacro generali concilio Pisano tunc praesidens, ex quibusdam magnis & arduis negotiis ipsum moventibus, ipso approbante concilio, inter cetera decrevit iterum generale concilium ex tunc ad triennium per se, vel successorem suum in loco, de quo sibi vel eidem successori videretur, fore sollemniter convocandum; idemque praedecessor ea, quae circa reformationem ecclesiarum expedienda restabant, pro tunc suspendit, ipsumque concilium usque ad tempus triennii praefatum continuandum statuit, & prorogavit. Postmodum vero ipso Alexandro praedecessore, sicut Deo placuit, vita functo, nobisque divina favente clementia ad apicem summi apostolatus assumptis, cum tempus ejusdem triennii jam adventaret, & nos per vestigia ejusdem praedecessoris incedere, ac ordinationem praefatam ab eo in concilio factam, ut praefertur, puro corde & recta voluntate adimplere properaremus, quibusdam rationibus tunc expressis, animum nostrum moventibus, concilium hujuscemodi in Romana urbe, quae paulo ante de manibus hostium recuperata, praesentiam nostram pro ejus conservatione plurimum flagitabat, debito tempore convocavimus. Verum quia, veniente postea tempore constituto, praelati & ceteri, qui hujuscemodi concilio interesse debebant, nequaquam in tanto numero convenerunt, quantum rerum agendarum pondus & magnitudo requirere videbatur; nos post alias prorogationes per nos factas, tandem ipsum concilium ad mensem decembris nunc praesentem sollemniter prorogavimus, & celebrandum statuimus; locum autem infra certum tempus tunc reliquimus declarandum, ut interim super eo maturius consuleremus. Post haec vero infra dictum tempus nondum elapsus per litteras charissimi in Christo filii nostri Sigismundi, electi in regem Romanorum, & Hungariae regis illustris, instantissime requisiti, ut non properamus in declaratione hujuscemodi loci pro concilio faciendo, sed tam in declaratione loci praedicti, quam etiam in tempore dicti concilii celebrandi super sedere vellemus, donec ipse nuncios suos super hoc instructos ad nostram praesentiam distineret; nos voris ejusdem regis, quae ex zelo devotionis & puritate fidei manare conspiciebamus, annuentes, adventum praefatorum nunciorum, de venerabilium fratrum nostrorum sanctae Romanae ecclesiae cardinalium & praetorum, qui Romae in generali consistorio, ad hoc vocati fuerunt, voluntate, consilio, &

assensu, duximus expectandum: deinde cum post Romanae urbis miserabilem casum ad nos tunc apud Florentiam existentes ejusdem regis nuncii accessissent, & ex parte ejusdem regis multa nobis circa materiam suggestissent, eorum auditis relatus pro pleniori expeditione dilectos filios nostros Antonium, titulo sanctae Ceciliae presbyterum, & Franciscum, sanctorum Cosmae & Damiani diaconum, sanctae Romanae ecclesiae cardinales cum plena super hujuscemodi electione loci & deputatione temporis potestate, ac simul cum eis dilectum filium nobilem virum Manuelem Theiolorum, militem Constantinopolitanum, ad praesentiam ejusdem regis transmisimus; qui ad eum venientes, tandem de ipsius regis consilio & assensu civitatem Constantiensem, provinciae Maguntinensis, pro loco hujuscemodi concilii celebrandi concorditer elegerunt, ac tempus ad initium hujuscemodi concilii statuerunt diem primam mensis novembris proxime venturi: deinde vero nos pro quibusdam magnis, & arduis negotiis cum eodem rege juxta nostrum & ipsius desiderium personaliter convenientes, certificati ab eo de habilitate, capacitate, & securitate civitatis Constantienensis ante dictae, quam securitatem ipse rex se praestitutum, & in ipso concilio personaliter asserturum pollicetur; volentes & ab intimis cupientes, ut praefata celebratio concilii salubriter impleatur, & optatum consequatur effectum, hujuscemodi electionem loci & temporis, ut praemittitur, factam auctoritate apostolica de eorundem fratrum consilio & consensu ratificavimus, approbavimus, & confirmavimus, ac apostolici roboris adiecimus firmitatem, praefatumque concilium in civitate Constantiensis praedictae, prima die mensis novembris proxime venturi initiandum, & auctore domino, exinde celebrandum, eadem auctoritate & consensu statuimus, pronunciavimus, decrevimus, ac sollemniter publicavimus; venerabiles fratres nostros patriarchas archiepiscopos, & episcopos, ac dilectos filios electos, abbates, et ceteros ecclesiarum et monasteriorum praelatos requirentes, hortantes, & monentes, in virtute praestiti juramenti & sanctae obedientiae eisdem mandantes, quatenus personaliter, necnon charissimos in Christo reges, & nobiles viros, principes, duces, marchiones, & alios, qui hujuscemodi concilio interesse debent, vel qui prodesse possint quoquomodo, per viscera charitatis Domini nostri Jesu Christi invitantes, & exhortantes, quatenus pro pace ecclesiarum & omnium christianorum etiam personaliter, vel si personaliter non possunt, per solennes oratores, congruo tempore, dicto concilio debeant interesse, prout in aliis nostris literis, super hoc confectis, plenius continetur. Quocirca devotionem vestram requirimus, & monemus, vobis & vestrum singulis in virtute praestiti juramenti & sanctae obedientiae injungentes, quatenus, in quantum Deo placere cupitis, pro pace & exaltatione ecclesiarum, ac tranquillitate christianorum praefato concilio in loco & tempore constitutus debeatis personaliter interesse; quod si aliter

ANNO  
CHRISTI  
1415.

qui

ANNO  
CHRISTI  
1415.

qui ex vobis iustis fortasse ex causis & canonicis impediendis causantibus ad hujusmodi locum et tempus concilii personaliter adesse nequiverint, nunc illi, qui sic impediti fuerint, aliquos suo nomine Deum timentes, scientia et rerum experientia praeditos ac sufficienti mandato suffultos mittere non postponant, vices eorum, qui miserint, in dicto concilio impleturos. Volumus autem & praesentium tenore mandamus, quod hujusmodi nostra publicatio & convocatio concilii, ac requisitio praetorum, & caetera, quae praesentibus nostris literis continentur, per te, frater archiepiscopo, venerabilibus fratribus coepiscopis suffraganeis tuis, ac per eosdem suffraganeos similiter capitulis, praetatis, & personis suarum ecclesiarum, civitatum, & dioecesium exemptis, & non exemptis, similiter solemniter intimantur; quodque per te & ipsos injungatur eisdem, quatenus pro debito praestati juramenti & Dei complacentia, congruo tempore, ad locum hujusmodi concilii iuxta ordinationem nostram debeant se conferre, & ibidem personaliter interesse, ut sic congregata Christi fidelium multitudo copiosa ea quae in ipso concilio agenda incumbunt, Deo auctore & adiutore, feliciter, ordinentur. Insuper volumus, quod de hiis, quae circa hujusmodi intimationem & requisitionem egeritis, Dat. Laude undecimo idus decembris, pontificatus nostri anno quarto. Cujus auctoritate mandati vestri beatissimi publicationem & convocacionem concilii, ac requisitionem praetorum, & caetera, quae in dictis vestrae sanctitatis literis continentur, venerabilibus fratribus episcopis, & suffraganeis meis, ac capitulis, praetatis, & personis mearum ecclesiarum, civitatis, & dioecesis intimavi, ac per ipsos suffraganeos feci similiter capitulis, praetatis & personis suarum ecclesiarum, civitatum, & dioecesium, exemptis et non exemptis, solemniter intimari, per me, et ipsos injungens et injungi faciens eisdem, quatenus pro debito praestiti juramenti, & Dei complacentia, congruo tempore, ad locum hujusmodi concilii, iuxta ordinationem beatitudinis vestrae, se conferant, & quod secundum omnem vim, formam, & effectum mandati praedicti in eodem concilio studeant interesse. Et sic mandatum vestrum sanctissimum, quatenus ad me attinet, sum cum omni humilitate & diligentia, qua potui, efficaciter executus. Dat. &c.

## ADDITIO AD SESSIONEM VI. CONCILII.

## Admonitio Collectoris.

„ In sessione concilii VI. die VII. aprilis anni 1415. habita inter caetera datae sunt literae ad Hieronymum de Praga celebrem Hussitam, ut certa die sisteret se concilio responsurus prout publico scripto se paratum iussitaverat in causa sua. Scriptum illud in majoris Templi valvis ab eo affixum huc transiero ex Lunig. spicil. to. I. p. 204.

„ Serenissimo Principi, & Domino, Domino Sigismundo, Dei gratia Romanorum re-

gi semper Augusto, & Hungariae Regi &c. Pariterque toti huic generali venerando concilio. Ego Magister Hieronymus de Praga artium liberalium magister, generalium studiorum videlicet Parisiensis, Colonienensis, Heidelbergensis & Pragenensis, literis praesentibus notifico, & quod in me est ad notitiam universorum & singulorum deduco, quod, propter obtredatares, criminatoresque meos diffamatoresque regni nostri dolose paratus sum, sponte & libere venire Constantiam, & puritatem fidei meae orthodoxae innocentiamque meam, non latenter in angulis, aut coram privatis personis; sed aperte & publice coram toto concilio ostendere. Proinde si qui sunt obtredatares mei, cujuscunque nationis, aut conditionis, qui contra me velint quodcumque criminis vel erroris, aut haereseis obilicere, hi aperte & publice in mei praesentia coram toto concilio, ex suis propriis nominibus obiliciam. Et ego pro innocentia mea paratus sum aperte & publice coram toto concilio, ut praescripsi, respondere, & puritatem fidei meae orthodoxae ostendere. Et si compertus fuero in aliquo errore, aut haeresei, ex tunc non recuso publice pari poenam, prout erroneum seu haereticum decet. Quamobrem obsecro Dominum Regem, pariterque totum Concilium, ut habeam ad hoc, ut praestetur saluum atque securum accessum. Quod si venienti & me tanta aequitati offerenti ante probationem in me cujuscunque culpae quaecunque arrestatio, captio, vel violentia fieret, ex tunc toti mundo patefceret, quod hoc generale concilium non secundum iustitiam, sive aequitatem procederet, si me sponte venientem a tam alta & rigida aequitate quovis modo repellerent. Quod utique a tam sacro sapientium concilio longe puto relegatum.

## AD SESSIONEM IX.

## ADDITIO.

„ In hac sessione audire Patres literas universitatis Parisiensis ad concilium datas suggerentesque quid optimum factum esset, in eo rerum articulo, cum Joanne XXII. fuga dilapso, res componendi schismatis in ambiguo versaretur. Has vero literas in actis synodalibus inferas exhibet Labbeus; sed & alias pro concilio pariter lectas, de quibus collectores caeteri nihil habent, dare hic const. ex Cornero in Chron. ad an. 1416. Haec vero ille.

Parisienfis universitas intelligens, Papam Joannem fugam cepisse, & concilium Constantiense deseruisse, secundum notarium actuum dicti concilii, condolens valde ecclesiae Dei periclitanti, epistolam compassionem dictae destinavit congregationi Synodali, pariter & consolativam sub horum verborum tenore.

Pulchrae pacis faciem intueri speravimus, reverendissimi patres sacrumque & insigne collegium, & velut in exitu Israelis de Aegypto ab hostibus schismatis militantera ecclesiam gloriose triumphare. Sed nunc, etiam non extrinsecta, multis tamen spes illa collapsa est, cum patrem filios, pastorem oves linquentem audivimus, nam intel-

lige.

ANNO  
CHRISTI  
1415.



ANNO  
CHRISTI  
1415.

79  
ligere, possumus, quid sibi vult alias hæc scrutatio. Quis locus ei dabitur aptior & acceptior civitate quam elegit? Quæ magis fida habitatio, quam cum filiis ex omni genere & nationibus præcipuis ad ipsum confluentibus. Si de securitate ambigitur, anne rex Romanorum & Ungarorum habuerit custodiam, cujus famam cujus gloriam communes ad astra voces efferunt. Nec vestra fraternæ devotioni aberant, quæ nos prope contractum optatæ illius unionis, a qua nunc fortasse retrocedimus deduxerunt. Dicat, quo patrocinio roborari possit concilium, cujus auctoritas in ecclesia Christi præsidet. Aut enim se non verum & indubitatum, ut tenemus, asserat, si concilio acquiescat, maior sibi præsentem non absentem gloriam. Si declinat ad sinistram, jam autoritari, quam a concilio Pisano accepit, videbitur & sibi ipsi derogari. Sed quid intendit, iudicatis difficile. Hoc tamen sacro a vestro petimus collegio, ut per omnem viam tentetur ejus reditio, ut omnes, quos gratulantes effecerat, sibi non inveniat indignatos, & contentibus non detur occasio, ut suam sanctitatem in populis scandalizent. Attamen persistite, quæsumus. Nam instant caritas, clamat populus, & supplex matrona ostendens ubera lacerata, comas defluentes & perfusas lacrymis genas. Petit ecclesia mater alma, ut sue afflictioni compatiantur filii, quos nutrit. Jam spes ecclesiæ rota apud vos est. Jam a vobis pax & populi salus exquiruntur. Et vos unanimiter agite, manete constantes. Jam enim amplioribus virgulis & ferventioribus laboribus opus est. Non dispergatur sine fructu concilium, quod tanto labore congregatum est, sed permaneat, quousque populo quietem dederit. Et nos ejusdem præcepta reverenter amplectentes, & sacris ejusdem sanctionibus credimus indubie, ac mandatis cum humilitate parebimus, non recusantes nos et quæcunque nostra ad tanti boni consummationem exponere cum adiutorio benignissimæ Trinitatis, quæ vos juvet, et dirigat gressus vestros propter salutem populi in viam salutis, sanitatis et pacis æternæ.

## AD SESSIONEM XIV.

## ADDITIO.

**S**equentes literæ a Gregorio XII. olim pontifice, tunc S. R. E. cardinali, quamquam diu post sessionem hanc scriptæ, cum tamen ad Gregorii spontaneam abdicationem, in hac sessione peractam, spectent; hic non inepte dantur ex Martene Anecd. tom. II. pag. 1645.

Sacro sancto universali concilio Constantiensis devotionem & subiectionem cum humili recommendatione.

Humana conditio post peccatum primi parentis fragilis facta est, nec ullum ex suis operibus perfectum consistit, quin adiacet perfectionem non possit, vel non accedat ad intentionem obstaculum; quia cum homo partes in se habeat ab invicem dissidentes,

A secum rixatur; & ille felix est, cui de cælo datum est appetitum voluntate, & voluntatem integram regi ratione. Et cum sit difficile ascendere ad felicitatem, a se excludere rixam non est facile: quanto magis societatem humanæ mentis finibus divisam suspicionibus agitati, detracti omnibus seductam, adversis voluntatibus laceratam, opinionibus variatam, passionibus corruptam a discordia liberari & in perfectam uniti formam est arduissimum reputandum; & hinc omne magisterium in actibus est arduum humanis, nec aliud est magnum in illis, nisi recta ratione approbandum, sed cum duo mala incidimus, si alterum sine peccato nostro sequimur, magnum reputamus. Ea propter cum ad congregationem per regiam maiestatem in Constantiam habitam & vocatam potestatem beatissimi Petri, a Salvatore nostro Jesu Christo capite nostro sibi Petro pro se & successione datam, quam tunc in persona nostra esse indubie tenebamus, quomodo potuimus participandam, missimus per magnificum virum filium nostrum carissimum Carolum de Malatestis, tamquam personam nostram, ut ejus sacratissime potestatis usu schismata extirparentur, & universalis pax haberetur ecclesiæ, & clerus & verus papa sequeretur quem licite & affectuosissime adorarem: qua potestate per modum participationis plenè sufficienter ad & circa præmissos effectus per vos recepta, o synode inde sacrata & sanctificata, habita simplici credulitate de nostra renuntiatione obtemperavimus votis vestris. O Synode sancta, cui me subitico, desiderans ex intimis cordis in usu illius sacratissime potestatis beatissimi Petri vobis participatæ nullum fuisse defectum, & circa provisionem & benigna providentia pro honestate papatus, utpote mihi gratiam factam benivolam cognosco, & fidelibus laboribus sacro concilio me submitto, supplicans humiliter eidem, ut fideliter & efficaciter intendat ad reintegrationem & schismatis extirpationem; cui sacro concilio tardavi scribere expectans ambulationem ejusdem, quæ dicebatur mihi destinari, quatuor ambulatorum, quæ nondum applicuit. Datum Racaneti die septimo octobris millesimo quadringentesimo quintodecimo, octava indictione.

Humilis & devotus vester Angelus episcopus sanctæ Romanæ ecclesiæ cardinalis.

## EPISTOLA CONCILII AD VITERBIENSES

Quos de spontanea abdicatione Gregorii & consilio Joannis reddit certiores.

E Dilectis filiis populo civitatis Viterbiensis, Sacrosancta Constantiensis Synodus universalem Dei ecclesiam representans in Spiritu Sancto legitime congregata. Dilectis in Christo filiis prioribus populi civitatis Viterbi salutem, & paternam benedictionem. Intra maximas quasdam curas nobis occupatis, ut Dei sacrosanctam ecclesiam, peste hac tam horrenda schismatis liberemus, & christianum populum jam tam tem-

Affert  
Eusio Hist.  
Viterb. p.  
427. 2pp.

pe.

ANNO CHRISTI 1415.

peccatis confectum, ad pacem, ac quietem restituere valeamus, nec licet, nec volumus, Almam urbem Romam Petri Sedem, cujus ob præteritorum magnitudinem simulacra venerari debemus nostris prædiis carere, ac quantum fas est ut eidem consuletur, desistere; idque in aliis Romanæ ecclesie agendum consuevimus. Meminimus quidem acerrima bella, dispendia, & angustias, quibus hætenus propter hanc Schismatis malitiam attriti estis; insuper fidelitatem, ac devotionem ecclesiæ Dei per vos impensam repetimus, quæ animos nostros non solum ad consulendum, & retribuendum, sed pro tot malis, & periculis perpensis ad compatiendum inducunt. Sed fortes estote, optimi viri, dabit enim Deus his quoque finem; nos enim ut pacatam relinquamus ecclesiam, & etiam quæ belli calamitatibus provenerunt, lenitate pacis sopiantur, quantum licet, innititur. Ob id igitur non solum ad extinguendum Schisma, quod in præsentiarum vos affligit, sed ne amplius committi valeat, studemus. In quo opere permaxima Dei gratia, & hominum ope perfecimus. Nam & D. Balthasarem Cassa dudum Joannem papam XXIII. suis exigentibus demeritis ac flagitiis, quæ nec poteramus, nec licebat amplius tolerare, & quibus ecclesia Dei permaxime lædebatur, postquam incorrigibilis existere visus est, a papatu ejecimus, quam ejectionem idem D. Balthassar suorum criminum conscientia ductus, sponte, libere, ac motu proprio confirmavit, & suo papatui, quantum in eo erat, renuncians liberrime hujus determinationi concilii se subiecit, prout publicis documentis manifestissime apparet. Post hæc autem adventante ad civitatem Carolo de Malestis viro magnifico cum plenissima ad concedendum pro parte Angeli Corario, qui se Gregorium XII. nominari faciebat, potestate, hæc die in publica concilii sessione, divinis peractis, liberrime, ac pro omni jure, quod dictus Angelus in papatu prætendebat habere, cessit, & ob id omnis dicti Angeli obedientia, simul accedentibus D. III. principe Ludovico Palatino, ac Bavarie duce, aliisque principibus, obedientiæ, quæ hætenus extiterat prædicti Joannis unita, decreto hujus sanctissimæ Synodi incor-

porata existit, & in unum corpus conflata sunt. Pro his tam properis, felicibusque successibus Deo Max. cum animorum alacritate in simili concilii sessione gratias egimus, decantantes gloriam ejus. Velimus etiam amplius venerari sanctissimum illud nomen, quo pacem tot laboribus perquisitam, suam sumus pietate habituri. O quam magnum unionis ecclesiæ incrementum, quam grande bonum, hæc duo capita subegisse, in unumque redisse ovile! Reliquum est igitur, ut Petrum de Luna, a plerisque Benedictum XIII. nominatum, ad hujusmodi gremium revocemus. Est hac autem pro re nuper piissimus, ac clementissimus imperator Romanorum, & Hungariæ rex, profecturus personaliter, cum..... regis Aragoniæ, ut finis tam sanctæ, & saluberrimæ rei fiat. Spe igitur optima ducimur, quin imo quod secus fiat, ratione quapiam percipere non valeamus. Expectamus celeri, brevique spatio rem fore feliciter consummandam, & imperatorem nostrum pacem nobis sanctissimam portaturum, quem triumphare, gloriarī, ac beari pro tanto opere quis merito dubitare poterit? Postquam vero unio, & reintegratio saluberrimæ ecclesiæ terminabitur, ad felicem unici, ac indubitati summi pontificis electionem Spiritus Sancti gratia venietur. Devotionem igitur, fidelitatemque vestram propensius hoc tempore, quo pro pace salutemque omnium..... servare curetis, carissimi filii; etenim tempus redibit, quo pro tot perpensis angustis dulcedinem quietis, & pacis orium sub legitima ecclesiæ protectione consequemini. Scitote nos non solum ad unitatem, sed ad morum reformationem intendere, ac ne de cætero tam impudenter, tam indiscrète terræ Romanæ ecclesiæ subjuncta pergraventur, velle disponere. Ceterum non omitteremus quin confestim ad vos solemnes oratores nostros destinemus, tractaturos cuncta, quæ defensionī vestræ accommoda, opportunaque erunt. Sic vos putetis, quod nostra auctoritas, atque opera in aliquo suffragari, quod unicuique summum pontificem habeamus, valeant, cum primum erimus advrsati, celeriter provideri curabimus. Datum Constantiæ sub sigillis præidentium quatuor Nationum die IIII. julii MCCCCXV. indictione VIII.

AD SESSIONEM XV.

### COLLECTORIS ADMONITIO.

**I**N præfatione ad hoc Constantiense concilium, fidem meam obstrinxi lectoribus, de inscribendo scriptis hinc meis fragmento interrogationis judicariæ in Joannem Hur institutæ ab Eccardo in Cor. Histor. med. ævi vulgato. Scriptum vero illud dum relego, levius esse intellexi, quam ut hic dari mereatur. Indulgendum igitur mihi erit, si oppignoratam minus consulte fidem meam liberandam minime duxi.

AD SESSIONEM XXXVII.

### ADDITIO.

**L**Egati academice Colonienfis ad concilium Constantiense missi post epistolam ad eandem academiam datam, legendamque cum cæteris eorundem legatorum Concilior. Supplem. Tom. IV.

11 apud Martene Anecd. to. II. pag. 1668.  
12 subdunt sequentem schedulam, quam a  
13 concilio seu datam seu in eo propositam  
14 credo, nec alio plane tempore, quam quo  
15 lata in Petrum de Luna sententia; cum  
16 postredie ab ea abrogatione literæ illæ  
17 datæ sint.

Quia bonorum laborum juxta sententiam sapientis gloriosius & fructus, considerantes

F S. R.



ANNO  
CHRISTI  
1415.

S. R. E. cardinalis quanto religionis zelo fideique fervore serenissimus & christianissimus dominus Sigismundus Romanorum rex & Hungariæ semper augustus ad procurandam pacem & unionem ecclesiæ studia & labores, nullis parcens periculis & expensis, impenderit; volentesque, ut etiam tenentur ex debito, quantum in eis est, perpetuam tantis meritis gratitudinem exhibere, & ut inter Romanam ecclesiam & imperium ac eis præfidentes atque cardinalium collegium pax, amicitia, atque concordia perseverent; eidem serenissimo regi sponte & libera voluntate promittunt & jurant singularem singuli, quod ipsi statum & gloriam, & honorem, bonaque & jura personæ suæ, imperii & regnorum suorum suo posse conservabunt, & in illorum conservatione assistent favoribus & consiliis opportunis, nec umquam procurabunt, neque procurantibus auxilium, consilium, vel favorem, aut consensum præstabunt, quod sit in diminutionem seu læsionem status gloriæ, honoris, bonorum & jurium personæ suæ, sacri imperii, ac regnorum suorum. Et quantum in eis erit, idem procurabunt apud futurum summum pontificem & suos successores. Et ut ipsi summi pontifices statum, gloriam, honorem, bona, & jura prædicta conservent, & eundem serenissimum regem in filiali ac speciali & caritativa dilectione habeant, & specialibus favoribus prosequantur; idem serenissimus rex qui specialis advocatus, protector & defensor ecclesiæ Romanæ existit, vice mutuo promittit fide regia & jurat Romanæ ecclesiæ, ac iisdem cardinalibus, quod statum, honorem, bona, & jura sanctæ Romanæ ecclesiæ atque collegii cardinalium singulariumque personarum ipsorum cardinalium subscriptorum suo posse conservabit, & in illorum conservatione assistet favoribus & consiliis opportunis, nec umquam procurabit, aut procurantibus consentiet; neque auxilium, consilium, vel favorem præstabit, quod sit in diminutionem seu læsionem status, honoris, bonorum, & jurium ecclesiæ Romanæ, sacri cardinalium collegii, vel singularium personarum prædictarum, illosque tamquam veros amicos habebit, fovebit, & ornabit veraciter cum effectu.

Inclita Germanica & Anglica nationes hujus sacri generalis Constantiensis concilii, nec non aliarum videlicet Italicæ, & Gallicanæ nationum reverendissimi patres domini cardinales, patriarchæ, archiepiscopi, episcopi, abbates, magistri & doctores atque ambaxiatores regum, principum, universitatum, communitatum atque dominorum multitudine copiosa, in hoc dictis nationibus adhærentibus, una cum serenissimo & gloriosissimo principe & domino domino Sigismundo Romanorum rege semper augustus; & qui ex infusa sibi cælitus gratia diutinis maximisque rerum, corporis, regnorum, terrarum, conjugis, proles, & amicorum periculis vigilanter & sollicitè velut Dei minister & ecclesiæ defensor, scissam dubiamque diversitatem trium obedientiarum in dicto sacro Constantiensis concilio congregari procuravit; exclamant, apertissime

protestando, quod dictis sacri concilii decretis diffinitis & capitulis Narbonæ solemniter, auctoritative, & sub multis juramentis ibidem & in hoc concilio factis & præstitis, clare determinatis & conclusis, sine cujuscumque disputatione ambigua firmiter inhærere, nec ab eis quemlibet recedere volunt, intimantes ad hoc cætera supposita hujus sacri concilii, cujuscumque status, gradus, ordinis, aut conditionis existant, & per viscera misericordiæ Dei in domino exhortantes & requirentes, quatenus cum ipsis in omnibus & per omnia concurrere velint usque ad hujus negotii sacratissimi complementum, juxta modum, ordinem, atque formam conventorum, atque provide decretorum: ut videlicet ille primo notorius & probatus schismaticus, continue pertinax, Petrus de Luna, schisma faciens atque fovens, a suo prætenso papatu & pestilentia cathedra abiciatur.

Secundo quod ecclesiæ Dei saltem in capite & Romana curia reformetur, ut in futuris promotionibus & cæteris agendis secundum solitos abusus ipsa curia amplius non erret; & demum capite & curia reformatis, & singulis dubitationibus amotis, taliter tamquam iuste, sancte, & canonicè ad electionem unici summi pontificis tanta certitudine procedatur, ut etiam nullus catholicus de electione & electo possit aut debeat rationabiliter dubitare.

Protestantur quod si qui, quod absit, forsitan illas cautiones & securitates de non facienda impressione quo ad electionem futuram per dictum serenissimum regem secundum deliberationem hujus sacri concilii determinandas, liberaliter exhibitis, acceptare nollent, & ordine prætermisso supradicto, seorsum se colligere aut disputationum in violationibus se propter privata commoda aut inordinatas affectiones tractatibus velent quomodolibet perturbare, quod contra illos generaliter & specialiter tamquam contra turbatores sacri concilii, reformationis, & unionis impeditores, schismaticos, & schismaticorum fautores & nutritores omni modo quo possunt procedere, & processum contra eos promovere intendunt usque ad justitiæ complementum.

#### AD SESSIONEM XLI.

*Ad electionem Martini V. pertinentia quadam.*

#### NARRATIO DE FORMA

*Et modo electionis factæ de Domino nostro Papa Martino V. in Concilio Constantiensis.*

Post varias hujus sacri concilii fluctuationes, ipsum divina clementia deduxit papalis electionis salutarem ad portum. Nempè cum de modo electionis fuisset diutine disceptatum, et variis circa hoc currentibus opinionibus, prout alias vobis scripsi, operata concordia reperiri non posset; tandem spiritu pacis illapso, fuit in hoc de consensu cardinalium, et nationum omnium con-

ANNO  
CHRISTI  
1415.

Ex Baluz.  
Miscell.  
VII. pag.  
90. sed  
dantur  
variantes  
ex MS.  
Cod. Luc.  
cor-

ANNO  
CHRISTI  
1415.

notabiles  
(a) MS. &  
duæ partes

reddebat

ic & in

(b) Grossi

(c) Strigo-  
nienfis

(d) Sufac-

(e) Vale-  
fcus  
(f) Anglia

(g) Lan-  
denfis

cordatum, quod scilicet quælibet natio sex nobiles viros in sacris constitutos de se ipsa eligeret, et isti omnes, qui insimul erant triginta, adjungerentur Cardinalibus, qui erant viginti tres, et ille esset Papa, et non alius, quem duæ partes cardinalium (a) cujuscunque præfati senarii eligissent. Hic autem modus, licet appareret ad electionem habendam valde difficilis, quia tres personæ unus senarii hanc poterant impedire; tamen ideo sic acceptatus fuit, quia Papam sic eligendum reddebat indubium & facile acceptabilem, ab omnibus regibus, & nationibus Christianis, ex quo nulla esset ratio quæ ipsum non elegerit in Papam. Videbatur insuper hæc forma continere eminenter omnes alias eligendi formas. Nam forma capitis *Ego Lodovicus* 63. dist. & forma capitis *In nomine Domini* 23. dist. & forma capitis *Licet de vitanda* extra de electione, in dicta forma pariter includuntur. Octava igitur die Novembris celebrata fuit sollemnis sessio, in qua facta sunt ista. Primo forma eligendi prædicta fuit promulgata & per totum generale concilium concorditer decreta & assignatus locus conclavis, videlicet quædam sollemnis domus communis civitatis Constantiæ aptissima ad hoc factum; assignataque dies & hora intrandi, videlicet dies illamet & ante solis occasum. Secundo, dicti electores de nationibus electi & etiam ipsi cardinales fuerunt habilitati, si & quantum indigebant. Terrio dicti electores de nationibus fuerunt nominati. Videlicet pro natione Italica Bartholomæus Mediolanensis Archiepiscopus, Franciscus Melfensis, Henricus Feltrensis episc. Jacob. electus Pennensis Leonard. General. ord. prædicatorum in obedientia quondam Johannis, Pandolphus de Malatestis archidiaconus Bononiensis. Pro Gallicana Johannes Patriarcha Constantinopolitanus. Guillelmus Bituricensis, Jacobus Turonensis archiepiscopi, Johannes Gebennensis episcopus, Robertus abbas Cluniacensis, & Galterus Grassi (b) decretorum doctor prior Rhodi. Pro Germanica Johannes Rigenis, Nicolaus Gnesnensis Archiepiscopi, Symeon Stragoniensis (c) episcopus, Lambertus de Stripre Prior de Bertania decretorum doctor, Nicolaus Dinckespuel, Conradus de Sufato (d) sacre pagine magister. Pro natione Hispaniæ Didacus Conchenfis, Nicolaus Aquensis, Johannes Pacensis, episcopi, Philippus de Mendalla; magister archidiaconus Penetensis in ecclesia Barchinonensi, Gualvus Garfiæ decretorum doctor archidiaconus de Breviesca Burgenfis, *Velasus* (e) Petri utriusque juris doctor Portugalesis. Pro Anglica (f) vero Richardus Londoniensis, Nicolaus Baroniensis, Johannes Liquefeldensis; Johannes Mobicensis episcopi, Thomas sanctæ Mariæ Eboracensis abbas, Thomas Eboracensis decanus & sedis apostolicæ notarius. Quarto, fuerunt nominati custodes conclavis, pro cardinalibus magister Rhodi; pro natione Italiæ comes *Laudensis* (g) & Bertholdus; pro natione Gallicana dux Bavarie frater reginæ Franciæ, Bastardus Sabaudie, & cancellarius, & quidam miles ambasiator regis Ludovici; pro natione Germaniæ do-

Concilior. Supplem. Tom. IV.

minus Marthamus de Vrandeborch, quidam comes de domo imperiali, duo barones ambasiatores regis Poloniæ, & multi alii nobiles domini illius nationis; pro natione Angliæ, non recordor; pro natione vero Hispaniæ dominus Fernandus Petri de Ayala, dominus comes Cardonæ, dominus miles Alcaydus domicellorum regis Castellæ, dominus Raymundus *Chamar*, (b) quidam nobilis miles ambasiator regis Portugalliæ; pro civitate vero Constantiensi magister civium cum certis aliis notabilibus burgenfis civitatis. Quinto fuerunt nominati de quilibet natione certi ecclesiastici, qui una cum Vicecamerario cibaria & alia introducenda infra conclave perscrutati haberent. Imperator vero, ut superintendens, in omnibus præfens erat. Sexto fuerunt lectæ decretales *Ne Romani* & extravagans Clementis VI. de modo se habendi electores in conclavi & eorum restrictione mentionem facientes. Septimo, ipse Imperator, custodes, & alii supra nominati sollemniter juraverunt supra Missale & super crucem se servaturos, quantum eos tangebant, decretales præfatas, & ipsum conclave secure & fideliter custodire, nec ad aliquid aliud ipsos electores quovismodo restringere vel restringi permittere, nisi secundum quod ibidem fuerat expressatum. Eadem igitur die, hora vespere omnes electores numero LIII. conclave intraverunt. Diebus autem, quibus fuerunt in conclavi, insistebat ad extra clerus & populus missarum sacrificiis, orationibus, jeuniis, & elemosinis, divinam in hoc opere misericordiam interpellans. Et ecce in die beati Martini, post missarum sollemnia, post verbi Dei exhortationem devotam, inchoatur religiosa processio, & verus conclave, prout duobus diebus præcedentibus factum fuerat, preparatur. Proceedit puerorum innocentium multitudo, & vocibus altisonis tonant per nubila, coelos rumpunt, summi potentem excitant, *Osanna*, inquit, *in excelsis*. Clericorum, religiosorum, prælatorum hymnis canora coelestibus turba prosequitur. Subsequitur utriusque popularis devotio quæ singultuosus gemitibus dum silenter orat, clamore valido divinæ clementiæ aures pulsat. Mirantur, imitantur omnes, per quos transit devota processio. Fluunt hinc inde lachrymæ hymnis & canticis suavesonantis ecclesiæ vehementer affecti, tundunt manibus pectora. Eriguntur vultus ad sydera, & plus votis quam vocibus Spiritus sancti gratia imploratur. Inter hæc Martinus pontifex ad literam dominus frater Martinus ordinis nostri Atrabatenfis episcopus, qui die illa hujus celebritatis officium faciebat, aliorum pontificum & prælatorum vallatus veneranda cervice, conclavis accedit ad ostium, & super electores benedictiones divinas imprecans, precibus preces ingeminat, adventum sancti Spiritus alta voce cum cæteris invocando. Audiunt hæc omnia electores ab intra, qui adhuc a concordia longe erant, & eorum non immerito stupent mentes, commoventur viscera, corda mollescent, mutantur vota, devotione liquefcent animi, dulcesque per oculos stillant guttas, populi-

ANNO  
CHRISTI  
1415.

(h) Chamat



ANNO  
CHRISTI  
1415.

tes ad terram fleant, manus ad Deum extendunt, os in oratione aperiunt, ut Spiritum sanctum attrahant venientem. Erat enim hora tertia, illa, inquam, tertia de qua hymnus: *Dum cunctis hora tertia, repente mundus insonat, orantibus Apostolis Deum venisse nunciat.* Factus est enim repente de coelo sonus. Sonus enim ad extra canentium, licet esset de terra, tamen erat de coelo. Ut enim a quibusdam electorum audiui, voces canentium puerorum sibi videbantur voces de coelo descendentium angelorum tamquam advenientis sancti Spiritus vehementer, idest, mentem a primo statu discordiæ ad concordiam vherentur. Et replevit totam domum, scilicet conclavis, ubi erant electores sedentes; & replevit repente &

(a) & ut  
mutavit,  
repente  
ecce quia

(b) ad hoc

mutavit (a) electorum corda; quia, antequam ad ecclesiam rediisset processio, ad huius electionis concordiam adunavit. Et tunc coeperunt loqui variis linguis, & schedulis, prout spiritus dabat eloqui illis, dicentes: *Ego eligo in papam dominum Cardinalem de Columna hic presentem.* Vere à domino factum est istud. Nam de prefato domino cardinale nulla fiebat, quoad hoc (b) mentio, licet de multis aliis fieret mentio, quasi certa, utique a domino factum est istud. Quis enim non videat, attentæ electorum varietate & multitudine & forma eligendi decreta, ut prædicitur, in publica sessione, huius electionis concordiam humanitus difficillimam extitisse? Quis ergo in hac difficultate tantam facilitatem apposuit; nisi Spiritus sanctus, cuius est divisa adunare & tarda molimina in sua operatione nescire. Ipse certe, qui olim per diversitatem linguarum multarum gentes in unitate fidei congregavit, ipse nunc in hac electione varietatem nationum & voluntatem univit; & qui olim discipulos in coenaculo adimplevit, repente ipse electores, in conclavi clausi brevi concordavit in tempore. Jam ergo per Dei gratiam non est locus rebellionis vel schismati, quia nationes omnes & obediētes reges & principes christiani per suos deputatos huic electioni manum & animam præbuerunt; & quod plus est, non solum duæ partes collegit & cuiuslibet alterius aggregati, quod utique suffecisset, sed omnes & singuli electores in summum pontificem concorditer elegerunt. Cessent ergo amodo argumenta quæ contra electiones olim domini Clementis & Urbani per tot annorum curricula cucurrerunt; contra Clementem scilicet quod electus fuisset sede non vacante; contra Urbanum quod ex impressione, & non pure, gratuite, & sincere. Sed non sic in proposito. Celebrata est enim hæc electio sede vacante, scilicet quod postquam unus competitor sponte resignaverat, et alii duo morte civili obierant, pro-  
(c) est  
fuit universali ecclesiæ manifestum; celebrata (c) nihilominus in tanta libertate et pace, quod nec intus nec extra conclave cuiusvis violentiæ vel impressionis potuit sentiri spiraculum. Intus conclave tanta quietis & pacis religiositas, quod velut quoddam religiosorum dormitorium videbatur. Extra in civitate tanta securitas, ut quoad hoc magis monasterium regularium, quam

civitas popularium appareret. Exierat enim edificum a Cæsare Augusto, quatenus sub poena mortis nullus tempore electionis, nisi deputatus, ad locum conclavis accederet, nullus in civitate rumorem quantumlibet excitare præsumeret, nullus ad taxillos luderet, ut omnis dissensionis vel rumoris occasio tolleretur. Numquid devotum erat videre, cæsaream maiestatem tam præclara militiæ conspiciatam circa custodiam et securitatem conclavis tam reverenter iuramenta præstare, tam fideliter observare? potius videbatur (d) circa conclave perambulantes esse ecclesiæ vassalli et servi humiles, quam principes et domini tam sublimes. Retrocedat amodo argumentum de capitulo *Si quis pecunia, militari vel populari tumultu &c.* quod nos circa electiones alias tanto tempore lacessivit; quia in hac electione nullatenus locum habet. Et hæc de forma electionis dicta sufficiant. Materia vero ejus est Dominus, olim cardinalis de Columna (e) ætate quinquagenarius, Martinus V. dictus, eo quod in die beati Martini fuit electus, vir clemens et benignus, simplex et reclus, non intricatus, sed planus, non ininitens propriæ prudentiæ, sed consilio credens, quantum humana fragilitas (f) nosse finit, salubriter reget, dum tamen mali consilarii non decipiant ipsum. Conserver illud Deus ad utilitatem ecclesiæ et salutem animæ suæ, Amen.

(d) vide-  
bantur.

(e) ut est  
prædictum  
Civis de i.  
domo anti-  
quissima de  
Columna

(f) nostra

#### EPISTOLA BALTI HASSARIS COSSÆ,

Qui fuerat Joannes Papa XXIII. istius  
nominis, ad Petrum de Luna dictum  
Benedictum XIII.

Nobilissimo ac metuendissimo domino Petro de Luna, olim in sua ranc obediētia Benedicto XIII. nuncupato, per Balthasarem de Coxa.

Postquam pius Dominus adjutor meus et protector meus, in quo speravit cor meum, et adjutus sum, et exaudivit vocem deprecationis meæ, et restoruit caro mea Florentiæ, dum ex mera (g) liberrima voluntate concessus publice fumi coram tuo sancto vicario, ipsum qui est fortitudo plebis suæ et protectio (h) salvationum Christi sui, saluum fecisset (i) populum suum a pestifero antiquoque schismate, unico suo ovili unico et indubium præficiendo pastorem, scilicet sanctissimum in Christo Patrem et beatissimum (k) dominum Martinum sua mirabili providentia Papam V. ante cujus sacratissimos pedes me, ut optabam, in libertatis plenitudine humilitatisque sinceritate me præsentavi, a cuiusque beatissima clementia, post alias plurimas, etiam istam motu suo proprio consecutus sum gratiam, ut me in dignitate cardinalis reponere et ecclesiæ Tusculanæ præficere dignaretur in episcopum et pastorem; post hæc, inquam, per quæ tam animæ meæ quam corporis jocundissimum sum adeptus quierem, quam multi optimi viri, vasa Christi, animæ vestræ, o metuendissime Domine, ex totis præcordiis exoptantes salutem, magnam apud me fecerunt instantiam, ut vobis, quantum mihi foret pos-

Ex eodem  
Baluz. ib.  
& ex Luc.  
Cod. ex  
quo va-  
riantes.

(g) mea

(h) prote-  
ctor

(i) fecisse

(k) domi-  
num no-  
strum

ANNO  
CHRISTI  
1415.

possibile bonum procurarem et pacem. Quod nullatenus rebantur fieri posse facilius, quam si mentem et adus meos super pace sanctæ matris Ecclesiæ conservanda vestræ dominationi perscriberem, asserentes dominationem eandem quibusdam suis dictis ac responsis aliquem dedisse colorem, propter illa quæ in mei acciderunt personam. Ego verò, quamvis non tam verborum claritudine quam factorum effectum meam voluerim et velim orbi terrarum super pace ecclesiæ innotescere voluntatem; tamen operæ pretium arbitratus sum præsentem vobis destinare litterulas, quibus meæ intentionis sinceritas per amplius vestræ reverentiæ perfectiusque clarescat; præsertim cum non dubitem multa per multos vobis esse picta & scripta mendacia. Cumque diebus præteritis ego, timens iterum reintrare carceres, aliquorum suavis ab honesta societate, quam mihi prædictus sanctissimus dominus noster assignaverat declinaverim, et me in quodam castro cuiusdam amici mei posuerim, ubi veraciter comperta summi Pontificis voluntate, statim ad ipsius sacratissimam præsentiam in libertate omnimoda positus festinavi, et in vigilia corporis Christi suo sacro me præsentavi conspectui; gratiasque, quas potui, egi domino Deo nostro, quia videbam quod, quam maxime semper optaveram, perfectam scilicet in sancta ecclesiæ unionem. Et quoniam nonnulli in diversis mundi partibus constituti forte murmurabant me apud ..... non sponte nec libere resignasse, in declaratione meæ voluntatis in præsentia (a) sanctissimi domini nostri et dominorum meorum cardinalium et aliorum multorum, et in aliis pluribus locis publicis et secretis, sæpe testatus sum et testificor, professus sum et profiteor, me cessisse libera & spontanea voluntate, meamque cessionem ratam & gratam habui; nec aliquem actum recorder me unquam fecisse libentius, quam pro pace ecclesiæ statui cedere, ad cuius regimen me sentiebam indignum, cuiusque tantum gravabar, quasi infinito pondere, ut nunquam in illo unicam diem sciam me habuisse quietem; quod, ut supra dixi, clarius factis confirmandum duxi, quam verbis. Et per hæc, quantum ad illos hortatus, quibus petentibus, meam vobis voluntatem notifico, satis scripisse me credo. Restat ut vobis, tamquam domino litteratissimo, ad vestri commotionem & mei, de contradictione vestra aliquantulum exponenda sumam admirationem, omnique poscenti voluntatis meæ & actuum prædictorum reddam iustissimam & evidentissimam rationem, quam quisque animæ passionibus sequestratus attenderit. (b) In primis igitur rogo firmiter, ut vestra prægrandis circumspexio arbitretur, quod etsi ego a certo tenerem veritatem papatus in transacto schismate fuisse apud dominum Urbanum, & successores suos, semper tamen viam cessionis in tam colorato schismate ab utraque partium, hoc est tora christianitate diutissime approbatam, & vehementi instantia postulatum ita dilexi, ut per eam citius & facilius, quam per alias vias pacem ecclesiæ dari posse sine ulla dubitatione crederem; & ideo illam a contententibus de papatu ac-

ceptari & exemptari debere; præsertim cum se ad eam voto & juramento restrinxerant, constanter tenuerim; quod si facere recusarent, tamquam perjuros votique violatores, schismatique foventes & notorie nutriendes, sanctamque ecclesiam nequirer dividentes, ab ipsa ecclesiâ tamquam præcisa membra fore censuerim repellendos; signanter cum esset apud ipsam universalem ecclesiam dubium de papatu; quod ut a sancta pelleretur ecclesiâ, ego in cardinalatu meo quantum potui laboravi, ejusdem matris ecclesiæ auctoritatem, consensum, clamores, querelasque sequutus. Quamobrem Pisano Concilio, quantum in me fuit, dedi auxilium, consilium, & favorem. Defuncto vero sanctæ memoriæ domino Alexandro, & me insufficiente ad apicem apostolatus assumpto, non cessavi laborem impendere pro pace ecclesiæ integraliter consequenda. Cumque essem in Constantienſi Concilio, supplicatusque, vobis & olim Gregorio cedentibus vel dejectis cedere vellem, libenter consensi, & juxta tenorem cuiusdam per me publice lectæ cedulæ renunciare promisi. Propter aliqua tamen personam meam tangentia, item ut liberius executarem promissum, de Constantia recessi, & ad Scafusiam quadam nocte me tranſuli, prius aliquibus ex dominis cardinalibus adviſatis, me non recedere ad impediendam vel dilatandam meam in aliquo cessionem. Nec modi postea contra me tenti meum bonum propositum immutarunt. Imo quam primum fui a Concilio, & sacro collegio requisitus, in præsentia quinque cardinalium libentissime cessi, ad magnam reputans gratiam Domino Jesu Christo quod statum, ad petitionem ecclesiæ universalis, pro sequenda unitate dimitterem, quem digne gubernare non poteram. Quis enim fatis mentis ignorat, quod ex debito pastoralis officii prælatus sit obligatus de necessitate salutis ad deponendum mitram, qui obligatur pro ovibus ad ponendam animam? Quomodo ille positurus est animam, qui non ponit substantiam? Parcet profecto, juxta beati Gregorii sententiam, parcet animæ qui parcat substantiæ. Sed talis juxta verba Domini, non pastor sed mercenarius *tunc* (c) convincitur, (d) si non oves pascens, imo & animam suam in tali passu condemnans. Ego, doctissime Domine, volui ostendere mundo, in pace procuranda verum me fuisse pastorem. Ideo illam dignitatis celsitudinem parvipendi, considerans, juxta Augustini claram propriamque in re præsentis doctrinam, quod episcopalis dignitas fructuosior mihi esset, si deposita gregem Christi colligeret quam retenta disperderet. Nam, ut ipse ait, qua fronte in futuro sæculo promissum a Christo expectamus honorem, si noster honor impediret in hoc sæculo unitatem? Longe quippe, inquit alibi idem doctor magnus Augustinus, est gloriosius episcopatus sarcinam propter ecclesiæ vitanda pericula deposuisse, quam propter regenda gubernacula suscepisse. Ad quæ & humilia dirigens considerationis intuitum, me cessisse, & post in plenissima libertate cessionem meam verbis & actibus confirmasse, fusioneque aliquorum, qui ut suos nutrent pe-

ANNO  
CHRISTI  
1415.(c) esse  
(d) se

a) prædicti

b) non dubito quin me rem fecisse dignam &amp; meritoriam constantissime fateatur



ANNO  
CHRISTI  
1415.

stiferos diabolicosque conatus, me in libertate positum ad suscitanda scandala incitabant, viriliter contempsisse delectat; ita ut maxima indicibilique mihi adstet corporalis iucunditas spiritalisque alacritas, quotiens prædictorum actuum reminiscor. Et hæc de me ipso, quantum patitur epistolæ angustia, dixisse sufficiat; ut sit gloria Deo, a quo omne datum optimum donumque descendit perfectum; item ut pessimorum hominum refrenetur audacia, qui semper nituntur seminare zizaniam. De vobis autem, doctissime ac nobilissime Domine, quid loquar, cum omnem admirationem transcendat, virum tam cleri generis, & qui tantæ fuit a multis reputatus virtutis, talem in factis ecclesiæ tenuisse processum, pro cuius unitate non solum renuntiare sed mori, vos semper fuisse & esse paratissimum prædicatis, pro cuius unitate vestram renuntiationem directæ vel indirecte nullatenus impedire juremento medio confirmastis? Ut alia sileam, quæ in schedula conclavis & aliis vestris oblationibus continentur. Igitur vehementer stupent omnes, cum sola de contententibus vestra dignatio remaneret; quare non satisfecistis ecclesiæ matri vestræ; quare eam tanto tempore fluctuare fecistis, postquam, ut dixi, cesserat olim Gregorius, & ea, quæ contra vos Pisis facta fuere, juxta tenorem petitionis vestræ non solum revocarentur, sed declararentur fuisse invalida, atque nulla. Clamor itaque omnium in hanc descendit sententiam. Quis umquam opinari potuisset, quod tantus vir, illos, qui prædicaverant, nunquam eum pro pace (a) nunquam renuntiatum ecclesiæ, imo simulare fuisse viam cessionis, cum olim Gregorio prosecutum, sic fecisset veraces, & ora omnium eum amantium tantis adimplevisset rumoribus, ut non solum pedes eorum nomines annuntiantium pacem, evangelizantium bonum, sed etiam facies confusæ sint, & merito. Expectabant enim, & ad sui excusationem clamabant quod ubi omnes concordarent, ipse concordiam adjuvaret. Sed cum Deus diversitatem gentium, & contrarietatem nationum in sui nominis confessionem super modo eligendi sibi indubitatum vicarium mirabiliter adunasset, & tam brevi tempore, præter spem omnium, (b) in unam sanctissimam miraculose concordassent personam, quam ipse qui fecit concordiam in sublimibus suis evidenter elegerat; quid dicere in excusationemque sui qualemcumque poterunt suis contradictionibus præstare colorem, nisi forte dicerent, quod ipse respondit, se scilicet non esse in libertate? O bone Deus, quare tua permittit vera iustitia tantum hominem sic errare? Reputabat se esse liberum ut toti ecclesiæ contradiceret; & non liberum ut cum tota ecclesia concordaret; cum illa ab eo cum magna humilitate pacem quæreretur, non confictum. Quinimo, inquam, non liber erat, qui in castro fortissimo & munitissimo residebat, ad quod ut libertate debita frueretur se declinare responderat. Quomodo non liberum ad quem, tanto testum auro, tantis pollentem iocalibus pretiosis, tam multis stipatum militibus, & circumseptum armigeris suæ voluntati

parentibus? Quomodo non liberum ad quem, nisi de voluntate sua, nullus parer ingressus; qui ad eum intrantes, si vult terrere, poterit; sed ab eis terri non valet? Hæc inquam, & similia clamitant contra vos. Ego autem atrendo quod forte vestra circumspecta dominatio alia formidabat quæ non dicebat. Timebat forte scandala quæ propter me possent in ecclesia suscitari. Et ideo, doctissime Domine, expectabatis, pro ut aliquibus mihi referentibus prædixistis, libertatem meam, ut tunc me ratificante, cessionem meam, etiam vos libentissime cederetis. Ecce igitur habetis quod oprastis, si pacem ecclesiæ dilexistis. Si schisma, quod jam non solum tolerare, sed audire mundus abhorre & fugere dignum ducitis, acceleret vestræ magnitudo prudentiæ ad liberandam animam, ad reparandam, reintegrandamque famam festinet. Quod si adhuc sancto operi vestræ dominationis reluctatur opinio, deponat humilitas vestra illam, & acriter detestetur, dicens cum Aug. omnis cathol. securus eam partem detestatur, cui ecclesiam universalem, apostolicis sedibus roboratam, non communicare cognoscit. Secure igitur detestamini opinionem vestram, cui ecclesiam universalem contradixisse cognoscitis; & quod plus est, non solum auctoritative in Concilio universaliter, sed etiam discretive & singulariter, ita ut nullus fidelis & prudens in tota reperiat ecclesia, quin vestram contradictionem exhorreat. Faciatis igitur sacrificium Deo de opinione prædicta, si bono vestro alterius contradicat. Et venite cum gaudio ad sacros pedes Domini nostri sanctissimi, a cuius mirabili clementia quidquid vestræ conscientie salubre, quidquid famæ decorum, quidquid personæ utile sit, facillime vestra reverentia impetrabitur (c). In quo principaliter bonum vestrum & paucarum animarum quæ vos forte sequuntur confido. Nam quod ad pacem ecclesiæ attinet, illam, Christi gratia, jam sumus adepti perfectam. Omnes enim reges, omnia regna, omnesque communitates & dominia christianitatis unam sequuntur ecclesiam, & unicum indubitatumque consententur Christi vicarium prædictum sanctissimum dominum nostrum dominum Martinum divina providentia papam quintum. Finaliter vero vestram dominationem exoro, quatenus si aliquod prædictorum eandem dominationem offendit, magis ad sinceritatem meæ benivolentiæ erga vestram personam nobilissimam quam ad ipsius verba respiciat. Mihi equidem aliquatim indispotito in persona, & multis in aliis occupationibus non occurrerunt honestiora vel humiliora verba, nec etiam enodatiores sententiæ ad exprimendum intentum meum dominationi prædictæ, cui Christus dare dignetur spiritum, tranquillitatis & pacis ad exequendum feliciter quæ superius continentur.

ANNO  
CHRISTI  
1415.

(a) deest

(b) omnes

(c) impe-  
trabit

*Martinus episcopus servus servorum Dei dilecto  
filio nobili viro Rentino de Columna.*

*Germano nostro salutem & apostolic. benedict.*

EX MS.  
Cod. Luc.

Misericors et miserator dominus, unigenitus Dei filius Jesus Christus, qui cœlestia simul et terrena suæ majestatis omni potentia dirigit et gubernat, sacrosanctam Romanam catholicamque ecclesiam sponsam nostram, quam non factio solum, sed sui proprii sanguinis asperione fundavit, suæ pietatis oculis ab alto respiciens, ipsius viduitatis incommoda post resignationem juris papatus per olim Joannem XXIII. ac subsequenter per Gregorium XII. ipsiusque etiam Joannis depositionem ab ipso papatu privationem ac depositionem de Benedicto XIII. etiam a papatu hujusmodi, ut toti orbi debet esse compertum, in hoc generali concilio Constantiensi, ac per ipsum canonicè celebrato deplorare ulterius non est passus; nam post longos varios diutinosque tractatus inter collegium venerabilium fratrum nostrorum sanctæ Romanæ ecclesiæ cardinalium, de quorum numero nunc eramus, ac quosdam venerabiles Prælatos et alios deputatos nationum præfati concilii super electionis futuri pontificis celebratione solemniter habitos, et consilia repetita diebus his proximis; ad instar miraculi divina superillustrante clementia in ipso concilio extitit summo omnium consensu per effectum saluberrimæ unionis ex præfata ecclesia consequenda, ac totali extirpatione nefandi schismatis salubriter ordinatum. Quod collegium ipsorum Cardinalium ad eligendum ipsum futurum pontificem per quinque nationes eo eodem concilio existentes sex pro qualibet in coercitores adjungerentur. Ita quod ille qui per duas partes ipsius collegii concorditer, et subsequenter per duas partes coercitorum cujuscunque ipsarum nationum in papam etiam concorditer eligeretur, pro unico vero ac indubitato romano Pontifice a cunctis Christianis fidelibus haberebatur, prout in decretis dicti concilii confectis desuper ac solemniter latius continetur. Unde sic equidem altissimi placuit, & effectum quod celebratis per nationes ipsas electione distorum cœlectorum dicta numero & approbata per ipsum concilium die lune, octava præsentis mensis novembrii, circiter horam quartam post meridiem, in illius nomine qui perpetua mundum ratione gubernat, cardinales num. XXIII. & XXX. cœlectores hujusmodi, cooperante Spiritus sancti gratia, conclave libertate, atque securitate ex celeberrima ab extra custodia munissimum ad pacem ecclesiæ aspirantes intraverunt, missarumque celebratis de more solemniss, ac desuper consiliis habitis repetitis, prout tantæ rei subtilitas exposcebat. Die jovis XI. dicti mensis, celebratis beati Martini confessoris atque Pontificis hora quidem X. eodem spiritu qui fidelium corda vivificat, atque illustrat, dirigitque semper in bonum, mentesque nostras uniformiter & humiliter, ac etiam concorditer inspirante ad altissimi laudem, & gloriam ad

A statum ipsius ecclesiæ, evulsionemque totalem ex agro dominico præfati schismatis, cardinales & cœlectores præfati in nos tunc sancti Gregorii ad velum aureum diaconum cardinalem, licet ex fragilitate conditionis humanæ ad tantum onus regiminis universalis ecclesiæ insufficientibus humeris, eorum vota unanimiter, discrepante nemine, direxerunt. Et in jubilo hymnum *Te Deum* cantico decantantes, moxque intronizavere, ac etiam adoravere solemniter, ut moris est; demumque servatis de more caeremoniis externa die nos apostolico diademate coronarunt. Quæ nobilitati tuæ duximus ad tui jucunditatem cordis specialiter intimanda. Cæterum volumus, sicut & plene de tuæ virtutis moderatione confidimus, ut nullus in te ab hoc subrepat elationis spiritus, vel cogitatione rapiaris inani, quominus serves indidæ tibi modestiæ disciplinam, ne quod abis, te nostris moribus sentiamus adversum; sed nos de tuo secundum utrumque hominem sperato profectu facias in Altissimo jucundari.

Datum Constantiæ X. Kalend. Decembris pontificatus nostri anno primo.

#### MARTINI V. LITERÆ

*Ad magistratum & populum Viterbiensem.  
Assumptionem suam in summum  
Pontificem nunciat.*

Martinus episcopus servus servorum Dei. Dilectis filiis Prioribus populi, & communis civitatis nostræ Viterbien. salutem, & apostolicam benedictionem. Misericors, & miserator dominus, unigenitus Filius Dei Jesus Christus, qui cœlestia simul, & terrena suæ majestatis omnipotentia dirigit, & gubernat, sacrosanctam Romanam catholicamque ecclesiam sponsam nostram, quam non factio solum, sed sui proprii, ac sacratissimi sanguinis asperione fundavit, suæ pietatis oculis ab alto respiciens ipsius ecclesiæ viduitatis incommodum post resignationem juris papatus per olim Joannem XXIII. ac subsequenter Gregorium XII. ipsiusque etiam Joannis depositionem ab ipso papatu, ac per privationem ac depositionem de Benedicto XIII. a papatu ejusdem, ut toti orbi jam debet esse compertum, in hoc generali Concilio Constantiensi, ac per ipsum canonicè celebrato, deplorare ulterius non est passus; nam post longos, varios, diversosque tractatus inter collegium Ven. fratrum nostrorum S. R. E. cardinalium, de quorum numero tunc eramus, ac quosdam ven. prælatos, & alios deputatos nationum præfati concilii super electionis futuri Romani pontificis celebrationem solemniter habitos, & consilia repetita diebus his proximis ad instar miraculi divina superillustrante clementia in ipso concilio extitit summo omnium consensu pro effectu saluberrimæ unionis in præfata ecclesia consequendo, ac totali extirpatione nefandi schismatis salubriter ordinatum, quod collegio ipsorum cardinalium ad eligendum ipsum futurum pontificem per quinque nationes in ipso concilio existentes, sex pro qualibet in sup-

Assert.  
Bull. hist.  
Viterb. in  
Append.



ANNO  
CHRISTI  
1415.

coelectores adjungerentur; ita quod illi, qui per duas partes ejusdem collegii concorditer, & per duas partes coelectorum cujussibet ipsarum nationum concorditer elegerint, pro unico, vero, ac indubitato Romano pontifice a cunctis Christianidelibus haberetur, prout in decretis dicti concilii confectis, ac solemniter publicatis latius continetur. Unde sicut equidem Altissimo placuit, est effectum, quod celebrata per nationes ipsas electione dictorum electorum triginta numero, & approbata per idem concilium, die lunæ proxime præterita circiter horam quartam post meridiem, in illius nomine, qui perpetua mundum ratione gubernat, cardinales numero viginti tres, ac triginta coelectores hujusmodi, cooperante Spiritus sancti gratia, conclave libertate, atque securitate, & celeberrima ab extra custodia munitissimum ad pacem ecclesiæ aspirantes intraverunt, Missarum solemnibus, ac deinde consiliis habitis, & repetitis, prout tantæ rei sublimitas exposcebat, hac præsentis die jovis celebritate B. Martini confessoris atque hora quasi decima, eodem Spiritu, qui fidelium corda vivificat, illustrat, & dirigit semper in bonum mentes nostras, uniformiter, ac humillime, & etiam concorditer inspirante, ad altissimi laudem, & gloriam ad statum ipsius ecclesiæ, exclusionemque e sacro Dominico grege præfati schismatis, cardinales, ac coelectores prædicti nos tunc S. Georgii ad velum aureum diaconum cardinalem, licet ex fragilitate humanæ conditionis ad tantum onus regiminis universalis ecclesiæ insufficientibus humeris, eorum vota unanimiter, nemine discrepante, dixerunt, hymnum Te Deum, & canticum decantantes, moxque inthronizare, ac etiam adorare solemniter, ut moris est. Quæ devotioni vestræ duximus ad vestrorum jucunditatem cordium specialiter intimanda, nam universitatem vestram, & privatim et publice, etiam cum minori fugebamur officio, continuatis semper affectibus in nostræ gestimus, & gerere intendimus visceribus charitatis, ac de tranquillo statu vestro, & aliorum subditorum animarumque, & corporum salutem jugiter cogitare, et circa illa sedulo exponere internalis vigilantie nostræ curas. Nos autem, sicut certissimi redimur, sic in devotione, fidelitate, et obedientia nostris, et præfate ecclesiæ matris vestræ, ac dominæ, ac magistræ continuatis affectibus persisteratis, et ultra nostram, et apostolicæ sedis benevolentiam, et gratiam a largiente munerum supernorum pareatis, sempiternæ vitæ gratiam valeatis promereri. De hoc autem, quod bulla sine impressione nostri nominis est appensa præsentibus, eadem vestra devotio non miretur, sed potius gratuletur maxime, cum ejusdem vestræ sinceritatis desiderii occurrentes, easdem literas ante nostræ coronationis insignia providerimus dirigendas, infra quæ usus præfate bullæ cum nostri impressione nominis non habetur. Dat. Constantiæ Moguntinæ provincie III. Idus novembris, suscepti a nobis apostolatus anno 1.

EPISTOLA COLLEGII CARDINALIUM

Ad universitatem Coloniensem.

Significant celebratam electionem summi pontificis.

Miseratione divina episcopi, presbyteri & diaconi S. R. E. cardinales, egregiis viris rectori & universitati studii Colonien-sis, salutem in domino sempiternam.

Pater futuri sæculi princeps pacis de throno ejus ineffabilis pietatis atque clementiæ ad statum Petri navicular, variis & calamitosus undarum turbinibus per quadraginta annorum lugenda curricula ob schisma pestiferum lacrymabiliter laceffatæ, prospiciens; ac miseris jam tandem super illam, nec passus diutius sacrosanctam Romanam ecclesiam catholicam post cessionem juris papatus dudum per olim Johannem XXIII. & subsequenter Gregorium XII. in eorum obedientiis nuncupatos, factas, & depositionem a papatu de dicto olim Johanne per sacrosanctam & generalem synodum Constantinensem; ac deinde de Benedicto XIII. in ejus obedientia nuncupato, & per ipsam synodum legitime celebratas, suo præfule viduatam in maximum & enorme præjudicium animarum & corporum, & interitum deplorandum fideles christianorum, ipsius viduitatis ulterius deplorandæ incommoda non ferens per infusionem Spiritus sancti paracleti diebus his proximis in corda hominum inspirare in maximo rerum turbine (nam ubi vult spirat) inestimabiliter est dignatus, et post multos, diutinos, varios, laboriososque tractatus inter nos & deputatos commissarios nationum in præsentis synodo existentium, quas divina majestas ad pacem, reformationem, & unionem dictæ ecclesiæ de universis christianitatis, & nonnullis aliis partibus in unam mirabiliter adunavit super electione summi Romanique & futuri tunc proximi pontificis habitos, in ipsa generali synodo concorditer provisum extitit, & conclusum super modo & forma electionis ipsius Romani & futuri summi pontificis, quod collegio nostræ præfate ecclesiæ cardinalium, sex coelectores pro qualibet quinque nationum in ipso concilio seu synodo existentium ad peragendum una nobiscum electionem hujusmodi adjungerentur: ita tamen quod electus in papam per duas nostris collegii & duas alias partes coelectorum cujuscunque nationum prædictorum, concorditer a cunctis Christi fidelibus pro unico vero & indubitato pontifice præfate ecclesiæ catholice haberetur, prout in decretis ipsius synodi latius denotatur. Post quæ nationes ipsæ super his aspirantes affectibus, ut pro universali bono christianitatis electio ipsa in altissimi gratiam concluderetur celeriter, ad electionem coelectorum hujusmodi procedentes, sex inter prælatos & alios viros gradibus, scientia & virtute conspicuos ad electionem hujusmodi pro earum quinque nationum qualibet, nobis & nostro collegio adjunxerunt; & deinde dictorum sex pro natione numero triginta coelectorum ad electionem.

Extat una cum superioribus Mart. A. necd. t. II. p. 1691.

tionem ipsam celebrandam, electione per nationes, ut præmittitur, celebrata, in eadem synodo fuit confirmata solemniter cum potestate in decreto dicti concilii alias declarata. Quibus opportune & solemniter peractis, die lunæ octava instantis mensis, circiter horam quartam post meridiem nos & dicti coelectores, servatis de more servandis, decretum conclave in domo communis Constantiensis notabili accommo, libertate atque securitate amplissimis communitum, ad omnipotentis Dei laudem & gloriam, pacem, statum & unionem præfatæ ecclesiæ ac totalem extirpationem schismatis prædicti in Spiritu Sancti nomine exultantes intravimus. Illoque qui de superno cardine qui vult spirat, & fidelium corda vivificat, & illustrat mentes nostras & nostrorum coelectorum inestimabiliter ac divinitus inspirante, die Jovis, XI. præsentis mensis, circa horam decimam, & ad tam sacratissimum negotium, eodem spiritu humillime, prout tam sublimis materia exposcebat, ab intimis præcordiis invocato, una cum coelectoribus præfatis consultatione & deliberatione maturis super status ipsius ecclesiæ, tranquillitate fidelium, & electione hujusmodi, præfati schismatis confusione universale, vota nostra cum eisdem coelectoribus unanimi consensu ac libera voluntate nemine discrepante, in reverendissimum in Christo patrem & dominum Odonem de Colugna, tunc S. Georgii ad velum aureum diaconum cardinalem, confratrem nostrum, ejusdem ecclesiæ verum & indubitatum pontificem supremæ cordium nostrorum affectione direximus, ac ipsum elegimus & præfecimus eidem Romanæ ecclesiæ in hujusmodi pontificem & pastorem. Moxque cum hymnis de more & canticis ipsum, mutaro Odonis nomine in Martinum papam quintum, solemniter inthronizavimus, & adoravimus juxta morem, confectis super his omnibus ad futuram rei memoriam publicis documentis. Et deinde solemniter juxta ritum præfatæ Romanæ ecclesiæ hac præsentis die in ecclesia Constantiensis canonicè & solemniter celebratis, adstante multitudine percelebris, in præsentia serenissimi principis domini Sigismundi regis Romanorum & Ungariæ illustis, prælatorum, procerum nobilium, ceterorumque ipsius domini nostri coronationis insignia celebravimus cum exultatione præmaxima. Quæ licet dominus circumspeditioni vestræ latius affectibus per suas litteras intimet; nos etiam significare decrevimus ad lætitiæ singularem. Offerentes nos prona semper affectione dispositos apud ipsum dominum nostrum tranquillitatem vestram pariter, & honorem fraternaliter amplectentem pro omni statu & honore vestris interponere, toriusque vigilantie nostræ curas casu quolibet ingruente. Vos autem, prout de vestra circumspeditione, & integritate erga statum, honorem, & gloriam præfatorum domini nostri & ecclesiæ abunde, confidimus, sic vos exhibeat diligentiissimum & solertem, ut merito valeatis in Altissimo collaudari & condigne remunerationis impendia promereri. Datum Constantiæ provinciæ Maguntinæ sub trium priorum

A nostrorum sigillis, XXI. novembris ab assumptione pontificalis culminis ipsius domini nostri anno primo, millesimo quadringentesimo decimo septimo, indictione decima.

INSTRUMENTUM STUDIJ HETDELBERGENSIS

Traditum nuntio sibi nuntianti electionem domini Martini papæ V.

IN nomine sanctæ & individue Trinitatis, Amen. Noverint universi præsentis & futuri, hoc præsens publicum instrumentum inspecturi, quod anno nativitatis dominicæ MCCCCXVII. indictione X. die nona mensis decembris, pontificatus sanctissimi in Christo patris domini nostri domini Martini digna Dei providentia sacrosanctæ Romanæ ac universalis ecclesiæ & summi pontificatus papæ V. anno primo, coram venerabili & egregio doctorum doctore domino magistro Johanne de Noet, rectore ad præsens almæ universitatis Heydelbergenensis, Wormatiensis diocesis; necnon venerabilibus viris dominis Nicolao de Janwer, Henrico de Homborch, Wilhelmo de Eppembach sacre theologiæ professoribus, Nicolao de Bertembeyg, Nicolao de Treiffert sacrorum canonum, Wilhelmo de Davanticia in medicina doctoribus, Wilhelmo de Lyra decano facultatis artium, totoque cœtu aliorum regiminis & non regiminis nobilium bacalloorum, scolarium & suppositorum almæ universitatis per bedellum ejusdem, ex commissione dicti domini nostri papæ in se continentes in præsentia dictæ almæ universitatis, hujus rei causa, ut præmittitur, congregatæ, in medium produxit, atque præfato domino rectori tamquam capiti ejusdem universitatis honorifice præsentavit. Quas idem dominus de manibus humiliter & devote ac cum omni, qua decuit, reverentia suscipiens, ipsas mihi notario tradidit publice legendas, & eidem universitati publicandas; quas ego notarius infra scriptus de mandato ejusdem rectoris aperiens, easdem publice alta & intelligibili voce perlegi & publicavi. Quibus quidem litteris sic, ut præmittitur, debite perlectis & publicatis cum collatione & assumptionis, electionis, coronationisque præfati domini nostri papæ recitatione, ac ipsius & universalis sanctæ matris ecclesiæ status, & horum recommendatione per præfatum dominum Ludovicum nuntium ad ipsam universitatem laudatis, factis & expeditis.



ANNO  
CHRISTI  
1415.

ditis; egregius sacrae theologiae professor magister Nicolaus praebitus praefato nuntio praesenti & astanti, ac suae collationi nomine dictae universitatis respondit hujusmodi verba, videlicet: *Hac est dies boni nuntii* pro themate assumendo: quod quidem thema per similia membra subtiliter distinguendo et introducendo solemniter et honorifice cum jubilo et gaudio immenso conclusit. Hae est dies boni nuntii, unionis videlicet sanctae matris ecclesiae per tot annorum lugenda circula lamentabiliter lacescit, ac electionis et praefati sanctissimi domini nostri domini Martini papae V. unici veri et summi pontificis per omnes cardinales et deputatos singularum nationum in civitate et concilio Constantiensi tunc in conclavi existentes, unanimiter, eorum nemine discrepante facta et celebrata: cui domino nostro papae tamquam vero et indubitato Romano et universalis ecclesiae summo pontifici et pastori, B. Petri legitimo successori; ipsiusque praecceptis, monitis et mandatis, ipsa hujusmodi universitas saepe dicta, tamquam filii humillimi volunt et intendunt irrevocabiler in omnibus, et per omnia, prout decet, devote et humiliter obedire. Recommendantes se et sua cum humilibus reverentia & subiectione ad praefati sanctissimi domini nostri papae pedum oscula beatorum: hymnumque *Te Deum laudamus* de principio usque ad finem cum antiphona de B. Maria Virgine gloriosa solemniter cum exultatione maxima decantantes, ad laudem, gloriam & honorem omnipotentis Dei ac pacem & unitatem universalis ecclesiae & totius populi christiani. Super quibus omnibus & singulis praefatus M. Ludovicus nuntius petiit sibi per me notarium infra scriptum unum vel plura publica fieri instrumenta. Acta fuerunt haec in ecclesia regali S. Spiritus Heydelbergensi, dictae Wormatiensis dioecesis, sub anno, indictione, die, mense, & praesentibus quibus supra, hora vespertorum vel quasi; praesentibus ibidem superadditis doctoribus & magistris aliisque suppositis dictae universitatis, ad hoc, ut praefatur, inibi congregatis, aliorumque notabilium virorum in multitudine copiosa, tenores & fines dictarum litterarum, de quibus fit mentio sequuntur per ordinem & sunt tales: Martinus episcopus servus servorum Dei dilectis filiis rectori & universitati Heydelbergensi salutem & apostolicam benedictionem. Misericors et miserator dominus, & usque deplorare non compassus, etc. et si fiant. Datum Constantiae XI. calendas decembris pontificatus nostri anno primo. Alterius vero litterae dominorum cardinalium principum sequitur in haec verba: miseratione divina episcopi, presbyteri, diaconi S. R. E. cardinales egregiis viris rectori et universitati studii Herdelbergensis, salutem in domino sempiternam. Pater futuri saeculi, princeps pacis, de throno ejus, etc. usque ubi suo praefule viduata etc. sic sunt: Datum Constantiae provinciae Maguntinae sub trium priorum nostrorum sigillis XXI. decembris ab assumptione pontificalis culminis ipsius dom. nost. an. primo, MCCCCXVII. indictione X.

Ego Joannes de Werthusen clericus Trajectensis dioecesis, publicus apostolica auctoritate notarius, praemissis omnibus et singulis, dum sic ut praemittitur, agerentur et fierent, una cum praefatis rectore, doctoribus, et magistris, nec non totius universitatis suppositis interfui, eaque omnia et singula sic fieri vidi et audivi. Ideo hoc praesens publicum instrumentum manu mea propria scriptum ..... confeci, publicavi, et in hanc formam publicam redegi, signumque meum solitum et consuetum apposui rogatus et requisitus in fidem et testimonium omnium et singulorum praemissorum.

Similes litteras iidem pene verbis conceptas & expressas nomine universitatis Coloniensis die prima januarii an. MCCCCXVIII. datas continet idem codex ms. quas hic describere non multum juvat.

ADDITIO AD SESSIONEM XLIII.

B U L L A

MARTINI PAPAE V.

In concilio Constantiensi, ut arbitror, lata,

Qua concessae exemptiones tempore schismatis tolluntur.

PRÆMONITIO COLLECTORIS.

IN sessione XLIII. concilii Constantiensis lecta sunt pro concilio decreta quaedam a Martino novo pontifice sancta, quorum primum abrogat exemptiones tempore schismatis concessas, singulosque tunc exemptos juri praesulum suorum restituit. Integram Martini bullam, nupsum legi; quare opere pretium me faciendum existimaui, si ejusdem bullae ingens fragmentum, seu potius bullam integram titulo tantummodo et sine carentem, e MS. codice hic exhibuerim, communicatam mihi nuper a viro eruditissimo, & de hoc ipso opere non semel optime merito P. Josepho Bergantini ordinis servorum B. M. V. & Venerae sui ordinis provinciae antistite. Caret haec equidem bulla inscriptione; sed ad Martinum V. pertinere nullus dubito; necumque lector conveniatur facile credo. Praefatorum jam temporum, quibus horrendum schisma post obitum felicitis recordationis domini Gregorii papae XI. exortum fuit, impulit qualitas, ut in suis obedientiis pro Romanis seu summis pontificibus se gerentes non... ad importunas quascunque subrepticias potentium instantias nec (non) ad caprandas humanas benivolentias; nec (non) ad exhaurienda clerici divitias nec aliter & variis ad complendas suas placentias non usquequaque semper canonice regulatas; nonnullaque etiam sine illorum quorum intererat vocatione vel assensu.... noscuntur atque patrasse quae in lesionem non modicam subditorum, praesertim ordinum redundare censentur, reipublicae detrimentum: inter caetera multas tam ab ipsis ordinariis, quam a superioribus aliis eorum jurisdictioni.

ANNO  
CHRISTI  
1415.

ANNO  
CHRISTI  
1415.

risditione, dominio, potestate extensiones seu mancipationes a dicto incitati schismatis tempore inferioribus rationabiliter concesserunt. Ea propter cum inter sacrorum canonum sententias non occurrat locus & opportunitas ut minus canonice gesta retractentur, omnes, & singulas exemptiones quibuscunque ecclesiis & monasteriis, capitulis, collegiis, & locis aliis religiosis & piis sub quacunque verborum forma a prefato incitati schismatis tempore per antedictos, qui pro summis seu Romanis pontificibus in suis obediendis se gerebant, concessas, datas, falvis infra designatis, ex certa scientia annullamus, irritamus, cassamus, & revocamus *litis* (lite) cujuscunque pendenti non obstante, & si in ea usque ad conclusionem in causa esset processum. Prefatis insuper sic, ut dicitur, exemptis, universis & singulis ab antedicto inchoati schismatis tempore sicut predictur exemptis districte precipientes & mandantes, quatenus dioecesanas ordinarias aut superioribus aliis quibus antea parebant & subditi consistebant, de cetero in omnibus pareant & subditi existant, prout & quemadmodum ante concessionem predictas subditi esse & parere tenebantur & debebant. Per predicta tamen nullo modo directe, vel indirecte intendimus in aliquo derogare exemptionibus seu emancipationibus datis seu concessis ecclesiis, capitulis, religiosis, monasteriis, domibus aut aliis piis locis seu etiam ordinibus ante dictum tempus inchoati schismatis predicti & obitum domini Gregorii XI. per Romanos pontifices seu sedem apostolicam datis seu concessis: neque etiam derogare intendimus ecclesiis, monasteriis, capitulis, collegiis, religiosis, domibus aut locis aliis piis quæ a dicto tempore sunt fundata sub conditione siue modo ut eximerentur seu quæ fundationis novæ hujusmodi contemplatione fuerunt exempta; atque etiam ordinibus approbatis a prefato tempore etiam de novo concessis vel etiam universitatibus seu collegiis studiorum generalium etiam datis & concessis; nec etiam subsequenter derogare

locus  
turbatus

locus  
mendosus

A dinibus, universitatibus seu personis quibuscunque non concedat sine causæ cognitione ac vocatis et auditis locorum ordinariis & aliis quorum principaliter intererit; quod tamen locum non habeat (pro) ecclesiis, monasteriis aut aliis piis locis de novo adificandis sub conditione exemptionis ac universitatibus & collegiis studiorum noviter ordinandorum.

# BREVIS NOTITIA CODICIS MS.

Qui varios sermones in Concilio Constantiensi habitos complectitur.

SCRIPTUS EST Codex anno MCCCCLXXXII. In ejus fine hæc leguntur haud i. l. p. da: *Acta sunt hæc in Monasterio S. Johannis Baptiste in Blaubeuren anno MCCCCLXXXII. vices Christi gerente in eodem loco reverendo in Christo Patre Dominoque Heinricho Schmid. Eodem anno in eodem loco apparuit rara avis, capitulum provinciale dicto, in quo multa bona comesta, pauca gesta sunt. Eodem anno pestilencia regnavit per totum dominium dominorum de Vuirtemberg & fere per totam Sueviam. Continentur in eo præter alia sermones XXVIII. in concilio Constantiensi habiti, e quibus haud pauca testimonia de miserrima ecclesiæ ejus ævi facie decerpi possent. Dabimus heic eorum tantummodo indicem, quos in actis Concilii Constantiensis, ac tertia Historiæ literariæ reformationis parte hæud vulgavit celeb. Hermannus von der Harde, his fortassis tum non instructus.*

Ex Sche-  
lornii A-  
monit. lit.  
to. XI. p.  
213.

Sermo fratris Matthæi de Aula regiæ ordinis Cisterciens. Magistri in artibus a. S. Theol. prof. habitus domin. 4. post Trinit. text. *Esote misericordes.*

Sermo fratris Joannis Zachariæ S. theol. prof. ord. Heremitarum S. Augustini, unius de ambasciatoribus almæ universit. studii Heerdordensis. A. 1415. text. *Gratia vobis & pax.*

Sermo Joannis Gersonis cancellarii Parisiens. A. MCCCXV. text. *Obstero vos tanquam advenas & peregrinos.* t. Pet. II.

Sermo Anonymi post clandestinum recessum olim Joannis papæ XXIII. A. MCCCXV. incipit: *reverendissimi in Christo Patres & domini præstantissimi, ecclesiæ sanctæ Dei cardines immobiles, inflexibilesque columnæ. Almi numinis auxilio primatus invocato.*

Sermo fratris Alexii ordinis minor. episcopi Placentini, -Dom. II. quadrages. A. MCCCXVI. text. *Faciamus hic tria tabernacula.* Matth. XVII.

Sermo Anonymi de nativitate Mariæ Virginis. Text. *Liber generationis Jesu Christi.* Matth. I.

Sermo Fratris Bernhadi Baptistæ monachi & abbatis ord. S. Bened. in S. theologia licentiat. A. MCCCXVI. domin. III. post festum pasch. text. *Plorabitis & flebitis vos, mundus autem gaudetis, &c.* Jo. XVI.

Sermo Joannis de Rotha ordinis minor. Vicegeneralis ac S. theol. prof. A. MCCCXVI. in festo nativ. Mariæ inc. In Jesu Christi nomine te flagrantem virgine, quæ Deum



ANNO  
CHRISTI  
1415.

peperisti, thema fendi sermonis texam. Gen. 22. 14.

Sermo magistri Mauricii de Praga S. theol. Profess. dominica VII. post festum pentecost. text. *Attendite a falsis prophetis.* Matth. VII.

Sermo magistri Jacobi episcopi Placentini in exequiis domini cardinalis Barenfis. inc. *Mibi occasum flebilem, reverendissimi patres & domini, dolenter & amarissime recolenti &c.*

Sermo generalis ordinis Prædicatorum dominica I. quadrages. A. MCCCCXV. inc. *Reverendissimi patres & domini præstantissimi domini cardinales, cardines terræ excellentissimi, præfules, doctores eximii, pastoresque fidelium animarum, super quibus posuit Deus orbem. Etsi juxta sacri canonis veritatem omnia suis debent convenire temporibus.*

Sermo Anonymi A. MCCCCXV. d. 15. septembr. text. *Obsecro vos ut sitis in caritate radicati.* Eph. III.

Sermo episcopi Firmani ord. minor. A. MCCCCXVI. in festo corporis Christi. text. *Caro mea vere est cibus.* Jo. VI.

Sermo Anonymi. text. *dominus dabit vobis signum: Ecce virgo concipiet & pariet filium* Isai. VII.

Sermo Anonymi de contemptu sacri Concilii. Text. *Filius noster iste protervus & contumax est, nostra monita audire contemnit.* Deuter. XXI.

Opere pretium est ex hoc quædam decerpere. Habitus est in Joannem archiepiscopum Maguntinum, & quidem ab ipso, uti videtur, Martino V. pontifice Maximo. Meminit enim orator prædecessorum suorum, a quibus multa beneficia & ipsum archiepiscopatum Joannes acceperit, subque sermonis finem, sua auctoritate nixus, graves in eum poenas se decreturum minatur. Ita autem in eum inter cætera invenitur.

„Prædecessores nostri & nos & ista sancta mater ecclesia unum filium genuit Joannem archiepiscopum Maguntinensem, & non solum genuit, immo fovit, immo indulgentius educavit, immo ipsum ad unam de solennioribus ecclesiarum exaltavit.  
„Sed iste filius protervus & contumax patris & matris contempsit imperium; immo etiam contra patrem & matrem contumax, inimico & hosti ecclesie adhærendo, sicut magis declarabitur infra.  
„ergo merito vocandus fuit, ut compareret coram senioribus, id est, coram isto sacro consistorio, cujus auctoritate est jucundus, ut postmodum subsequatur increpatio dura & monitio talis, quæ cedat cæteris in exemplum, ut de eo merito proponamus verba textus. Exprobrat dein nonnullis interjectis illi beneficia, ab ecclesia in eum collocata fuisse, scilicet eum a domino Joanne ad archiepiscopatum promotum in patribus, uti vocant; consecratum, palliumque ipsi missum; graves quoque processus contra illos, qui castra archiepiscopatus detinebant, in ipsius favorem ab eo institutos; per dominum Benedictum etiam ejusque nuncios in Germaniam missos curatum, ut possessiones archiepiscopatus obtineret. Deinde, quam ingratum is contra eccle-

siam se præfuerit, his verbis edisserit.

„Iste potest dici valde protervus, vel superbiens, vel valde crudelis & ferox erga matrem sanctam ecclesiam. Post enim suscepta tanta beneficia statim adhæsit Bavaris, de heresi & scismate condemnato: & præstitum isti jurjurandum ecclesie fidelitatis dicitur omagium fecisse Bavaris & jurjurandum fidelitatis præstitisse: & ita fautor hæreticorum dici potest. Omni die vadit ad sua conventicula: si vera sunt quæ nobis relata sunt. Ipse super omnes homines tenet eum in superbia sua, in sua malicia, nec permittit venire ad reconciliationem suam. Ipse enim ligam dicitur fecisse cum eo, non verendo incurere sententias latas per dominum Joannem papa. Ipse nihilominus cum capitulo suo dicitur intrasse multa capitula in præjudicium istius sanctæ ecclesie, perjurium perjurio cumulando, quæ capitula diffusius continentur in citatorio. Ut ad dat peccatum peccato, non solum protervus est in committendo, sed etiam contumax in omitendo. Contumax enim secundum Isidorum L. X. Etymolog. dicitur, quia contemnit vel negligit. Iste autem citatus super multis criminibus, nunc per Benedictum (jam erunt cito septem anni) postmodum vero per nos, (hodie est jam annus vel circa) post multas prorogationes, tandem in termino prorogato contumaciter venire contempsit, mittens aliquas excusationes, quas prædecessor noster frivolus reputavit. Ergo contumax est; & merito. Tandem multis interpositis ita invehivam hanc orationem finit: Quia ergo verba non sufficiunt, opus est facto. Et ideo quia iste citatus venire contempsit, & excusationes quasdam misit, primo excusationes illas, sicut proposuit & scriptæ sunt, frivolæ reputamus, & (ipsam) ab officio & beneficio suspendimus, ad penas alias, prout suadebit justitia, processuri. Ergo quilibet exemplo illius territus attendat sibi illud Prov. XXIII. Audi fili patrem tuum, qui genuit te, & non contemnas, cum senuerit mater tua &c.

Hæc ideo huc transferre volui, quod ejus rei, nisi mea in inquirendo me fecisset induitria, haud meminissent Hardtius & Lenfantius. Stetisse equidem illum a partibus Joannis XXIII. & post ejus fugam a concilio quoque digressum uterque annotavit: criminis vero illius, cujus cum Pontifex reum peragit, a neutro, quod sciam, fit mentio. Nec ego sane quo illa accusatio tendat, novi; ab aliis id edoceri cupidos.

#### EXCERPTA QUÆDAM ORATIONUM,

Quas in concilio viri quidam docti & religiosi habuerunt.

„JO. Georgius Schelhornius, vir doctus, in suis amoenitatibus literariis to. III. pag. 10. ex ms. quodam codice bibliothecæ Raymundi de Kraft reipublicæ Ulmenis consulis protulit nomina virorum illorum, qui coram patribus Constantiensi, perorarunt.

ANNO  
CHRISTI  
1415.

Verba hæc sunt Schelhornii

Sunt

„Sunt vero nomina illorum hæc. Theobaldus Mauritijs de Praga, Matthæus de aulæ regia, Alexius ordinis Minorum episcopus Placentinus, Bernardus Baptisatus monachus & abbas ord. S. Benedicti, abbas Jo. de Castro Durante, episcopus Laudensis, episcopus Sarsberienfis, episcopus Emonensis, Jo. vice generalis ord. minorum, generalis: ord. Prædicatorum, Andreas electus. Pohnanienfis, Jo Gerson cancellarius Parisienfis, mag. Petrus de Pultra professor Vindobonenfis, mag. Theodoricus de monasterio. Ex his orationibus excerpta quædam subicit idem Schelhornius, quæ hic referenda censui; diverso tamen ab eo, quo Schelhornius ducitur, consilio. Ille enim his in medium allatis occulte insinuat, quanta reformationis necessitas tempora illa teneret, simulque veluti viam fruit, ad Lutheranam, quam vocant, reformationem excusandam. Nisi tamen vir doctus decipi ultro voluerit, intelligit utique longe aliam, quam quæ a Luthero profecta est, reformationem Patres illos postulassee; neque enim ecclesiæ Romanæ doctrinam, sed clericorum Romanæ communionis mores perstringi. Hos retingi in veterem sanctitatem possulant; de doctrina nihil quidquam excipiunt. Hæc prænotasse opportunum censui, ne in his referendis unum eundemque cum Schelhornio scopum habere me quispiam insinuet.

*E sermone V. habito a Fratre Matthæo de Aula Regia, S. Theolog. Professore.*

*Estote misericordes.*

Olim piæ recolendæ memoriæ, venerabiles Patres nostri, viri ecclesiastici, prælati & pastores ecclesiæ, spiritu facta carnis mortificantes, miseri animabus suis, mandata domini & concilia susceperunt lætanter, & legem diligentissime impleverunt, etiam usque ad mortem inclusive, dicentes cum Apostolo ad Rom. VIII. Quis nos separat a civitate Christi, tribulatione, an angustia, an fames, an nuditas, &c. Hi gloriosi viri ecclesiæ sanctam precioso Christi sanguine plantatam, rigatam & foecundatam rexe- runt non tyrannice, sed misericorditer, non superbe, sed humiliter, non aure, sed liberaliter; ipsi viri prælati, quibus dignus non erat mundus, suam professionem magnificabant non per vestem splendidam, non per suppellectilem preciosam, non per refectio- nem gulosam, nec per clientelam numero- sam; sed per vitam sanctam & doctrinam salutarem. Sed jam, proh dolor: Jordanes conversus est retrorsum, planetæ facti sunt E retrogardi, obcuratum est aurum, muta- tus est color optimus, perit sanctus de terra. Moderni namque temporis prælati manum quidem miserunt ad aratum fidei, sed contra doctrinam Christi Luc. IX. respiciunt retro, arcem domini ponentes juxta Dagon. Spiritualibus carnalia miscentes, sunt tan- quam promptuaria plena erudantia ex hoc in illud. Intramus quidem ecclesias, missas

legimus & audimus, de Christo loquimur & cantamus, de Christiano vocabulo gloria- mur; sed heu! nihil est aliud nisi tunica Joseph in apparentia exteriori; filium autem in rei existentia fera pessima devoravit. De Christo namque radiatur in conciliis, disce- ptatur in judiciis, disputatur in scholis, in ecclesiis cantatur. Sed vade ad exitus via- rum, i. e. ad finem intentionis, & pensa, quis horum generalior sit finis operum; nonne per hæc omnia, quæ exercentur, merci- monia, dum in his rectores & prælati non animas sed pecunias quærun, de quibus in canonica inde dicitur: in novissimis tempo- ribus venient illustres secundum desideria sua non in pietate ambulantes. An non tam Christo quam populo illudunt, qui precium illius & istius peccata devorant, & tamen nec illi serviunt, nec istius salutem procu- rant? sicut hec! flebilis experientia mani- festat. Hi sunt, quorum iniquitates adipi pro- sunt, qui de Christi inopia esse volunt divi- tes, & ignominia gloriosi, honorancia delicati, de cilicio sericati, de patrimonio cru- cifixi lascivi, & jactantia defervunt, soli- citi non de animabus, sed de avibus, non de pauperibus sed de canibus, lucris, cæcis execrandis — Nunc proh dolor! im- pletum est illud apostoli Rom. II. *nomen Dei per vos blasphematur inter gentes*. Unde nisi per nequam conversationem & ineptam vitam prælatorum & virorum ecclesiasti- corum, qui tamen deberent esse salteræ, con- dendi oves sibi commissas doctrina & bona vita, ne sordibus putrescant vitiorum; sed hoc sal jam evanuit & adeo infatuum est, ut vel condire nequeat, vel a putrefactione reservare non valeat. Si hoc sal melius po- pulum Dei condiret, melior utique ab eo odor procederet. De hoc sale dicitur Matth. XVII. Ad nihil valet sal infatuum, nisi ut ab hominibus conculcetur. Annon conculcamur, qui tam multum repleti sumus despectione; qui facti sumus in prover- bium & derisum omni populo, opprobrium abundantibus, & despectio superbis, ut etiam in plateis, in tabernis, in conviviis & thea- tris ab impiissimis hominibus, quod cum lacrymis dico, super dorsum nostrum fabrican- tibus dilaceremur & derideamur? Vulgares namque, cum inter prælatos bonos & malos distinguere nequeant, omnes fugiunt, nullos amant, omnibus detrahunt, nullis obtem- perant, nullum libenter audiunt, nulli libenter obediunt, nulli confidenter credunt, nul- lum suscipiunt reverenter. Nec est hodie pastor, qui ovibus suis cum apostolo dicat: tanquam angelum Dei suscepistis me: sed est abunde, qui e contra dicere valeat: tanquam nuncium diaboli recipistis me. Quis vidit similia, quis talia audit opprobria, qualia nunc populi latrant, & de plateis murmurant? pudet referre, quia tæderet co- gitare. Si hæc debuerem cum Exechiele pro- pheta parietem frangere & ingredi, ut di- citur Ezech. VIII. & ostendere abominatio- nes pessimas, quæ sunt in domo domini a viris ecclesiasticis. Indubitanter piis auri- bus nauseam induceret & horrorem; sed sufficiat breviter tetigisse. Scientes ergo, re- verendissimi P. quod scriptum est apud Sa- lom.



ANNO  
CHRISTI  
1415.

107

CONSTANT. OECUMEN. CONG.

108

ANNO  
CHRISTI  
1415.

Iom. Proverb. XIV. *Miseros facit populos peccatum*: in reformatione in hoc sacro concilio facienda, primo vos ipsos, deinde inferiores reformat. Ejicite prius trabem de oculis vestris, suadente Christo, & deinde festucam de oculis inferiorum evellite.

Tu o pastor æterne, clemens & bone custos Jesu Christe — miserere civitati sanctificationis tuæ Jerusalem, civitati requiei tuæ, & sponsæ tuæ ecclesiæ sanctæ, jam fere XL. annis miserabiliter tæssæ. Exurge & miserere Sion, quia tempus miserendi ejus — Hoc est, pastor optime, quod jam fere per biennium in hoc sacro Constantiensi Concilio constanter expectamus — Suscita nunc super gregem tuum pastorem unicum, & ab omnibus fidelibus tuis indubitatum; sed utinam bonum, quia nihil prodest, sed plurimum obest pastor, si non sit pastor & ipse bonus: bonus, qui bonos misericorditer diligit, malos autem & simoniacos, quorum heu! quasi infinitus est numerus, severe puniat & corrigit; qui sic gregem subditum diligit, ut gregis curam non negligat; qui non solum se, sed & gregem suum pascat. Sed quis hic? & laudabimus eum &c.

Bernardi Baptizati Monachi S. Theol. licent.

Gratia vobis & pax &c.

**S**ine justitia, inquit B. Augustin. lib. IV. „ de Civit. Dei cap. IV. quid sunt regna, nisi magna latrocinia? unde, reverendissimi patres & domini, in ecclesia „ tanta latrocinia corporalia & spiritualia, „ & tot schismata insurrexerunt, nisi propter absentiam præclarissimæ justitiæ, quæ „ ut hesperus solet lucere? Ubi nunc & in „ qua parte ecclesiæ ipsa justitia refulget? „ Certe obnubilata est & in tenebris prostrata vitii prælatorum & virorum ecclesiasticorum. Ubi, peto, sunt ejus filiæ, „ justa commutatio & justa distributio? Re- „ vera duæ meretrices factæ sunt, litigan- „ tes de infante mortuo, i. e. pro bonis tem- „ poralibus ..... Nonne, Patres, meretricius actus est, & injusta commutatio, pro „ mercede dare spiritualia, pro temporalibus cum Giezi vendere, 2. Reg. V. & cum „ Symone emere? Ad. VIII. Nonne etiam „ meretricia est & injusta distributio beneficiorum ecclesiasticorum, quum in ea respicitur non spiritualis, sed carnalis: non „ habilis, sed nobilis; non virtus, sed amicus; non dignus, sed propinquus, non „ scientia, sed pecunia? Qui sic beneficia „ confert, non est justus collator, sed cum „ Juda pessimus mercator, & proprie lo- „ quendo personarum acceptor ..... Paucos „ heu! videmus de prælatis in hoc sacro „ concilio congregatis, quod cotidie cl- „ amamus in Spiritu S. congregatum, devo- „ te orare, decimare, celebrare, elemosinas dare, & exempla bona laicis præbere: immo magis videmus ipsos otiosi, co- „ niversari, vanæ gloriæ solaciari, & plus „ quærere, ut placeant hominibus utriusque „ sexus, quam Deo..... De justitia autem „ distributiva, prælatorum respectu Dei ne-

scio quid dicam. Cunctis vobis conitar, „ quod cardinalis seu archidiaconus beati „ Sixti seu beatus Laurentius thesaurum ec- „ clesiæ disperit & dedit pauperibus. Nunc „ vero patrimonium domini nostri Jesu „ Christi & ecclesiæ thesaurum distribuunt „ potius mulieribus, quam Christi pauperibus; carnalibus quam spiritualibus; mimis „ jocosis, quam pauperibus religiosis... Propter hujusmodi, reverendissimi patres, in- „ justas commutationes & distributiones, „ terrenasque affectiones schisma in ecclesia est continuatum, & vera pax sublata „ ecclesiæ ..... Quem a vicio avaritiæ innoxium dicam? Num aliquem de summis „ pontificibus, domini cardinalibus, archiepiscopis, patriarchis, episcopis, abbatibus, „ præpositis vel decanis, aut unum de religiosis, vel de inferioribus curatis? „ Vera si aliquem eorum excipiam, scripturam facio mendacem, quæ dicit: a minori usque ad majorem omnes avaritiæ student, Jerem. VI. &c.

E Sermone XII.

Episcopi Sarisburiensis.

Erunt Signa in sole & luna, Luc. X.

**P**ace vestra loquor, sanctissimi patres, „ si ista solerti studio curassemus, non tam „ horrenda & abominanda de ecclesiasticis „ personis nunc prædicarentur in mundo; „ taceo quod nec in multis est corona potens, nec tonsura conveniens; quod in „ veste lasciviva, insolentia in gestu, turpitudinis in verbis interioris hominis loquuntur insaniam. Præterea in divinis officiis „ quanta sit negligentia, cum sæpius ad sacra missarum solennia venimus potius ad „ ridendum, ludendum & confabulandum, „ quam plallendum & cantandum. — De- „ ficiente lumine claritatis, conversationis „ & vitæ, nec non veritatis & justitiæ in sole spirituali ecclesiæ, i. e. papa, maxime a „ tempore schismatis mundus iste quasi ad „ desolationem universi obscuratus abundat „ hereticis & schismaticis, perfidis & tyrannis, symoniacis & hypocritis, ambitiosis & cupidis, raptoribus, & prædonibus, „ usurariis & falsariis, adulatoribus & mendacibus, garrulosis & versutis, gulosis & ebriosis, adulteris & incestuosis, mollibus „ & immundis, ac demum universis vitiiis „ &c.

E Sermone XV.

a M. H. V.

Fratres libenter sufferitis insipientes, cum „ sitis sapientes. 2. Cor. XI.

„ Quidam nominantur prælati majores, „ alii nominantur prælati inferiores, qui- „ dam nominantur gabellatores, alii vocati „ ferantur raptores. Quid dicam de vobis „ nisi cum Psalmista: omnes declinaverunt „ humiliter & inutiliter facti sunt, non est „ qui

ANNO  
CHRISTI  
1415.

qui faciat bonum, non est usque ad unum. — O inutiles viri, o prodigi filii, o perditionis alumni: convenistis in unum de diversis mundi partibus cum gravibus laboribus & importabilibus expensis pro danda pace & unitate ecclesie, matri vestrae, scissae laceratae & percussae, in qua a planta pedis usque ad verticem capitis non est sanitas, quæ etiam clamat cum voce jam racua: misere mini mei, misere mini mei (saltem vos amici mei, quia manus domini tetigit me! — Et tanto tempore simul cohabitatis, & vacatis contentionibus & schismatibus, divisionibus & emulationibus.

E Sermone XXIV.

Mundamini qui fertis vasa Domini.

1.º LII.

Dixi primo, quod vos, domini mei prælati, sacerdotes & clerici omnes, qui fertis vasa Domini, eritis mundi a tenebris ignorantie. — Sed heu! sunt nonnulli psalter manuale vix incorrupte legentes. Proh dolor! quanti sunt modernis temporibus, qui nec literis sunt eruditi, nec quærent erudiri, neque eruditi lectionibus divinis ad paucissimum tempus matutinarum vacare cum animadvertentia queunt, occupationibus vanis pervagantes! &c.

APPENDIX

Documentorum ad Concilium Constantiense pertinentium, juxta seriem chronologicam.

CEDULA AFFIXA AD VALVAS PALATII EPISCOPALIS

Constantiensis, die Lunæ VIII.º  
Mensis martii 1415.

Audite, qui sequimini quod justum est, quia, ut ait Joannes in canonica sua, nunc antichristi multi exierunt in mundum, multi adulatores, & veritatis detractores, Deo, & mundo odibiles, quæ sua sunt, non quæ Jesu Christi quærentes, ponentes tenebras lucem, & e converso; mortificantes animas, quæ non moriuntur, &c. quos scriptura commemorat dicens: *A fructibus eorum cognoscetis eos*. Ea propter ne decipiāmini, ne fallamini, placeat sequentia parumper attendere.

I. In primis quidem hoc sacrum concilium Constantiense tam solemniter congregatum a primo mensis novembris citra fuit per papam, & cardinales mirabiliter protrahum per devia tractatum multorum inutilium, usque ad primam diem martii, in qua dominus noster papa cedulam sibi super libera cessione exhibitam acceptaverat, promissitque, vovit, & juravit se cessurum, & cætera quemadmodum in illa continetur.

II. Item, ex post requisitus quatinus procuratorem, aut procuratores constituere vellet ad cedendum &c. semper renuit, nec acquiescere voluit, ut bene ageret. Et do-

mini cardinales sibi in hac parte faventes protrahendo hujusmodi negotium semper dederunt certas exceptiones, cautelas, & cavillationes, ne tantum bonum haberet effectum in animarum suarum grave periculum, & istius sanctæ congregationis iacturam & vilipendium.

III. Item istis pendentibus dominus papa Johannes XXIII. suorum promissi, voti, & juramenti immemor, volens hujusmodi negotium, videlicet istud sacrum concilium dirimere, & dissolvere, quod ecclesiam Dei militantem repræsentat, clam, furtive, & nocturno tempore sui cordis sequens tenebras ab hinc cum suo comite duce Austriæ, & in habitu villi recessit oves deserens, pro quibus seipsum impendere tenebatur, in dedecus, scandalum, & vilipendium istius sacri concilii.

IV. Item, quod statim serenissimus princeps dominus rex Romanorum viriliter agens, ne concilium dirimeretur, corda nutantia confortavit, & sanctæ congregationi procuravit stabilimentum totus in certamine positus, sed non sic isti patres reverendissimi, qui a via veritatis hanc sacram congregationem avertere conantur suis cautelosis consiliis, & cavillationibus, quoniam magna pars ipsorum sequuti sunt patrem suum, sperantes Italiam aut aliunde ad placitum se ituros. Et quia non sperabant reperire bonam coquinam, aliqui misere, & verecunde sunt reversi; alii in Schaffhusen confuse remanserunt, ne sibi deteriora contingerent.

V. Item, post hæc iste pater sanctissimus, qui est lapis offensionis & petra scandali in ecclesia Dei, suam volens palliare malitiam, scripsit in dolo Romanorum regi litteras mendaces & falsas, quod absque scitu ducis Austriæ recesserat: & hoc constat esse falsissimum.

VI. Item, quod ex post domini cardinales incoeperunt tractare cum concilio, tentantes homines in verbis, & in suspensio, trahentes ex adverso, de quibus psalmista ait, loquuntur pacem cum proximo suo, mala autem in cordibus eorum. Et ut istud pateat evidentiissime, advertite, qualiter iste pater reverendissimus cardinalis Florentinus cedulam, quam nationes concordaverant in sessione quæ facta fuit penultima martii, suorum fretus consilio sociorum & fautorum truncavit, & decurtavit, deludendo ac vilipendendo hanc sacram congregationem. In qua talia præsumentes non sunt digni ad modo admittantur, juxta illud 2. ad Corinth. *Et quæ participatio justitiæ cum iniquitate?* Exite ut medio eorum & separamini ab eis, & immundum ne tetigeritis.

VII. Item, quales isti cardinales fuerint seu sint, manifeste patet in electione domini papæ Johannis XXIII. per eos facta, si sane attendatur. Nam juraverunt sanctiorem, justiorem, meliorem, & sufficientiorem ex ipsis eligere. Ipsi autem istum Balthasar, quem tunc sciebant tyrannum, homicidam & simoniacum (alia prætermitto vitia quamplura) elegerunt. Qui si eorum sanctior & melior fuit, quales dici possunt ceteri cardinales? certe deteriores. Considerent ergo oculi iustorum, & videant, & judicent veritate.

ANNO  
CHRISTI  
1415.



ANNO  
CHRISTII  
1415.

ritatem & mala quæ nunc sunt. Ex præmissis videmus insurgere illud quod habetur I. q. I. *principatur*. Difficile ut bono peragantur exitu, quæ malo sunt inchoata principio.

VIII. Item, isti domini papa & cardinales & eorum sequaces quotidie quærunt per eorum longas oblationes, tractatum prolongationes, ut istud sacrum concilium tædio affectum laborum, & expensarum, afflictum & exhaustum dissolvatur, & dissipetur; de quibus psalmista: in circuitu impij ambulabunt; & ideo non amplius eis credendum, sed faciendum juxta illud I. q. I. *si quis*. Separamini, inquit, a viis istis durissimis, ne simul pereatis in peccatis eorum.

IX. Item, istis a modo non est credendum, quoniam illi flores sunt; pro quo notatur illud XXIII. q. c. Transferunt principes Juda terminos quos posuerunt patres eorum, qui immutant mendacio veritatem. Nam aliud prædicant, quam ab apostolis positi fuerunt.

X. Quia a Deo sacerdotes positi fuerunt & prophetae, id est speculatores. Isti ergo vertuntur in laqueum tortuosum, ponentes ubique scandalum. Verba sunt Hieronymi.

XI. Item, considerate quis unquam ecclesiam Dei magis scandalizaverit, quam iste Johannes XXIII. & sui fautores cum eorum sequacibus mercatoribus, qui tam enormiter & publice, velut porcos in foro dignitates archiepiscopales, episcopales, abbatiales, canonicatus, & præbendas, ac parrochiales ecclesias pretio appetiatis vendiderunt. Immo quod pejus est, bullæ non expediebantur in cancellaria apostolica, sed in barreo nummulariorum seu usurariorum & mercatorum, maxime Florentinorum.

XII. Item, sol justitiæ, Christus Deus & Dominus noster ementes & vendentes de templo eiecit. Illos vero papa Joannes XXIII. & sui sequaces in templo introducere nisi sunt, & mensas nummulariorum in templo erexerunt, quas Christus subverterat. Ista & plura alia manifesta sunt & notoria, nam in omnem terram exivit sonus eorum.

XIII. Item, si quæratur utrum tales simoniacos accusare necesse sit. Respondet B. Gregorius super Genesim de morte Abelis. Evidentia patrati sceleris clamore non indiget accusatoris. Ex quibus concludi potest, quod isti simoniaci sunt perfecti hæretici, quibus non est fors neque pars in hac fide Christi, quia cor eorum non est rectum coram Deo, ut habetur I. q. I. *Petrus*. Omnis avaritia cum multis aliis ibidem.

XIV. Item, cum omnis simoniacorum hæresis damnabilior esse comprobatur, ut dicta I. q. c. *eos qui*. Igitur ab eis recedendum. Nam ut ait Apostolus ad Rom. I. *qui talia agunt, morte digni sunt: & non tantum qui ea faciunt, sed qui consentiunt facientibus*.

XV. Item, attendatur, quod populus commendabiliter zelo fidei commotus Constantinum episcopum, qui erat ecclesie oculus, privavit & deposuit.

XVI. Item, Henricus secundus Roman transiens Benedictum IX. & duos alios qui contemtionibus suis scandalizabant ecclesiam Dei, imperiali & catholica censura de-

posuit, & Clementem II. Romanæ ecclesie papam constituit.

XVII. Item, Otto primus Johannem XII. qui luxuriosus & venator fuerat, fugientem etiam a concilio, deposuit; & ut dicit quidam solemniter doctor Parisiensis, violentiam gladii ipse illo abutendo potest repellere per gladium suum cum moderamine, nec agere contra papam ut papa est, sed contra hostem suum & hostem reipublice, sicut Ayoth qui Eglon regem Moab interfecit sagitta infixâ in femore ejus, quod gravi servitute populum Dei premebat, non est reputatus interfecisse rectorem sed hostem. Hoc enim agere non est contra ecclesiam agere, sed pro ecclesia.

XVIII. Item, etiam multis aliis, quæ causæ brevitate omitto, attentis, consurgere necesse est cum Psalmista clamante: *Quis consurget mihi adversus malignantes? aut quis stabit mecum adversus operantes iniquitatem?* Et ne amplius seducant istam sanctam congregationem fallacibus verbis & promissionibus dolosis, magna cum instantia reddere illiis iniquitatem ipsorum necessarium & expedit; videlicet procedendo jugiter ad sacras sessiones & determinationes juxta canonicas sanctiones, prout tempus & personarum merita requirunt. Nam ad hoc data est huic sacro concilio potestas & virtus ab Altissimo, quæ non veretur magnitudinem, cuiusquam. Viriliter igitur agitur & confortetur cor vestrum in Domino. Et ut docet Machab. *Verba hominis peccatoris ne timeatis, quoniam sterus & vermes sunt. Nam hodie exollitur, & cras non invenitur*: sed estote fortes in bello & pugnate cum antiquo serpente. Nam si in Constantia constanter fueritis, videbitis auxilium domini super vos, & accipietis vitam æternam, quam vobis & mihi concedat Altissimus. Amen.

#### SEQUUNTUR XII. PROPOSITIONES

*Quas in vigilia palmarum proposuit coram omnibus prelati & alii in concilio existentibus eximius sacre theologie doctor cancellarius Parisiensis, unus de ambassiatoribus regni Francie.*

I. Ecclesiastica unitas ad unum caput I. b. p. 1623

Christum sit, & agglutinatur per amorum Spiritus sancti vinculum, median-  
tibus divinis carismatibus, tamquam quali-  
tatibus, dispositionibus redditibus in corpore mystico complexione harmoniam,  
vivificam, & ducentem ad opera vitæ spiri-  
tualis exercenda.

2. Ecclesiastica unitas ad unum caput secundarium, quod dicitur summus pontifex, Christi vicarius, sociundior est, multiplicior, copiosior, & major, quam fuerit congregatio Synagoge, & quam sit congregatio civilis sub uno rectore, rege, vel imperatore.

3. Ecclesia habet potestatem seu facultatem ex vivifico germine sibi insito per Spiritum sanctum, quod seipsam potest continere integritate membrorum suorum tam coricalium seu formalium, quam materialium seu fluentium.

4. Ec-

ANNO  
CHRIST.  
1415.

tae defi-  
nitio con-  
tuli ad  
rasen-  
ein tunc  
ecclesie  
atum ac-  
commodata  
st. Ita &  
e sequen-  
bus di-  
eris.

ANNO  
CHRIST.  
1415.

Affert  
Wilk.  
Conc. Brit.  
t. III. p.  
371.  
ex regest.  
Chichel.  
fol. 305. 6.

4. Ecclesia habet sponsum indefectibilem Christum, sic quod lege stante, nec Christus potest ipsi sponsæ suæ ecclesiæ dare libellum repudiî, nec e contra.

5. Ecclesia non ita ligatur matrimoniali vinculo ad vicarium indefectibilis sponsi, quin mutuo se possit absolvere & dare libellum repudiî.

6. Ecclesia vel generale concilium, eam representans, est regula a Spiritu sancto directâ, tradita a Christo, ut quilibet cuiuscumque status, etiam papalis existat, eam audire vel eidem obedire teneatur: alioquin habendus est, ut ethnicus & publicanus. Patet ex immutabili lege divina, Matth. XVIII. promulgata. Concilium generale sic describi potest; concilium generale est congregatio legitima auctoritate facta ad aliquem locum ex omni statu hierarchico totius ecclesiæ catholicæ, nulla fidei persona quæ audiri requirit exclusâ, ad salubriter tractanda & ordinanda ea quæ debitum regimen ejusdem ecclesiæ in fide & moribus respiciunt.

7. Ecclesia vel generale concilium, dum dicat aliqua regimen ecclesiæ concernentia papa non sic est supra jura, etiam positiva quod possit pro libito disponere talia dictata per ecclesiâ eo modo & intentione, quibus dictata conclusaque sunt.

8. Ecclesia vel generale concilium, quamvis non possit tollere plenitudinem potestatis papalis a Christo supernaturaliter & misericorditer collatæ; potest tamen usum ejus limitare sub certis regulis ac legibus in ædificationem ecclesiæ: & in hoc est totius ecclesiasticæ reformationis stabile fundamentum.

9. Ecclesia vel generale concilium potuit & potest aggregari sine expresso consensu vel mandato papæ etiam rite electi & viventis in multis casibus. Unus inter ceteros est, si accusatus sit & evocatus, ut audiat ecclesiâ juxta legem evangelicam allegatam, cui legi subiectus est, & ipse renuit contumaciter ecclesiâ convocare. Alius casus ubi materię generales continentes regimen ecclesiæ veniunt terminandæ per generale concilium, & papa renuit contumaciter illud convocare. Alius, si jam dictatum sit per generale concilium, quod debeat tali vel tali tempore convocari. Alter casus est, ubi probabilis est dubitatio super contentiâ plurimæ de papatu.

10. Ecclesia seu generale concilium, si viam aliquam concluderit seu distaverit acceptandam esse a papa pro terminatione, schismatis; ipse tenetur illam acceptare; & ita secundum præparationem animi tenetur ad cessionem; & dum ultro offert eam, & prævenit, ipse redditur multum commendandus.

11. Ecclesia seu generale concilium præcipue debet intendere cum prosecutione unionis perfectæ, ad extirpationem errorum & emendationem errantium sine personarum acceptione. Similiter ad hoc quod hierarchicus ordo ecclesiasticus prælatorum & curatorum multipliciter turbatus, reformetur ad similitudinem cælestis hierarchiæ, & conformiter ad regulas primitivis institutas.

Concilior. Supplem. Tom. IV.

12. Ecclesia non habet efficacius medium ad generalem sui ipsius reformationem, quam si statuatur generalium conciliorum continuatio, celebrationem provincialium non omittendo.

#### COMMISSIO FACTA AUCTORITATE CONCILII GENERALIS

Domino archiepiscopo Cantuariensi.

Sacro sancta synodus, universalem Dei ecclesiam repræsentans, in Spiritu sancto legitime congregata venerabilibus patribus archiepiscopo Cantuar. Winton. & Lichfelden. episcopis, salutem, & commissorum vigilantiam efficacem. Quanquam hic nos pro votivæ & saluberrimæ unionis obtentu, ac orbis universi quiete, ac cujus felicem gloriam & dulcedinem longæva ac jam pene defessa vota fidelium exardeſcunt, cum maximis nempe curis pleniusque laborum vigiliis jugiter infudemus, simulque circa eam quamplurimum occupati; nihilominus, ut ubique jura cameræ Romanæ ecclesiæ conserventur, & ea minime fraudentur, aciem oculorum extendimus, & partes nostræ sollicitudinis adhibemus; isto namque præsertim tempore, quo Petri navicula cernitur rectoris gubernacula permaxime deplorare. De vobis igitur ac vestrum quolibet gerentes nostris in cordibus fiduciam firmiter specialem, quasunque pecuniarum summas, res, jura, ac bona in quibuscunque consistentia, a quibuscunque collectoribus & subcollectoribus in regno Angliæ, per sedem apostolicam seu alios potestatem habentes, hætenus quomodolibet deputatis, personis quoque aliis, tam ecclesiasticis, quam secularibus vel mundanis regni prædicti, ad dictam cameram quovismodo, seu quavis occasione, vel causa, nunc vel etiam in posterum pertinentia, cujuscunque status, conditionis, dignitatis, vel præeminentiæ fore noscantur, & quibuscunque nominibus nuncupatis, per vos, vel alios fidos, probos, & alias idoneos a vobis & vestrum quolibet deputandos, nostra & dictæ cameræ nomine petendi, exigendi, recipiendi, ac pariter rationem, computum, & calculum cum ipsis & quolibet ipsorum ponendi & revidendi, & de receptis quitandi, liberandi, & plenarie absolvendi, atque passum de ulterius non petendo faciendi, eosque & quoslibet aut quemlibet eorundem ad prædicta, & pro eorum executione votiva poenis & multis, necnon suspensionis, interdicti, & excommunicationum sententis promulgandis; censuris quoque ecclesiasticis & aliis juris remediis, de quibus videbitur, rebelles & inobedientes quoslibet compellendi & coercenti, ac etiam cum eisdem hujusmodi dumtaxat personis super hiis, in quibus essent eidem cameræ debetrices, seu teneri præfatæ cameræ quomodolibet nunc vel in posterum dicerentur, pro vestro & vestrum cujuslibet voluntatis arbitrio componendi, & compositionem amicabilem, prout visum fuerit, faciendi; super quo vestras & vestrum singulorum conscientias oneramus, vobis & cuilibet vestrum in solidum plenam & liberam

H ram



ANNO  
CHRISTI  
1415.

ram, sacri hujus auctoritate concilii, concedimus tenore præsentium ex certa scientia facultatem: revocantes insuper ex nunc simili scientia omnes & singulos hujusmodi collectores & subcollectores, ipsosque & quemlibet eorum officii suspendentes & penitus amoventes; mandantes præterea harum serie ad firmioris roboris cautelam collectoribus & subcollectoribus & personis aliis dicti regni Angliæ hujusmodi antefatis, quatenus vobis & vestrum singulis ejusdem sacri auctoritate concilii studeant & debeant in præmissis & circa ea efficaciter obedire; inobedientes, si qui, quod ablit comperiantur, pœnis, & de quibus alias, ut præfertur, juris remediis quilibet vestrum decreverit, arctius coercendo; scituros denique, quod qui obedientiæ morem vobis in hiis gerere, ut decuerit, recusabunt, indignationis nostræ pœnales aculeos, prout ratio juris distaverit, non vitabunt: rata insuper atque grata firmiter habituri quæcunque per vestrum quemlibet juxta cælitus e largitam vobis prudentiam gesta rite fuerint in prædictis. Studeatis igitur, exhortamur in Domino, de singulis, quæ successerint, nos quantocius & plenius adviſare, ut possimus de diligentia studiis circumspectionis vestræ providentiam unanimiter eolaudare, & condigna rependere merita gratiarum. Dat. Constantiæ sub solitis sigillis quatuor præsentium nationum die vigesimo quarto mæsi, MCCCCXV. indictione octava.

## EPISTOLA.

NUNTIORUM CONCILII CONSTANTIENSIS  
AD ELIUM DE LUNA AD CONCILIUM.

*Directi cum rege Rom. ad Petrum de Luna  
Significant suum in Narbo-  
nam civitatem adventum, ni-  
hilque hactenus actum ob-  
ſtante Regis Aragonum  
egritudine.*

Apud  
Mart. An.  
t. II. p.  
164.

Reverendissimis in Christo patribus & dominis præstantissimis præſidentibus ceterisque alimæ nationis Germanicæ concilii Constantiensis.

Reverendissimi patres domini præstantissimi. Post recommendationem & promptam obsequii voluntatem vestris dominationibus innotescat, quod pridem, die videlicet decima mensis præsentis, corporibus, equis, ac rebus nostris Dei gratia sanis & salvis, venimus ad hunc locum, quem eadem gratia dirigente, Serenissimus princeps & dominus noster Sigismundus Romanorum, Ungariæ, &c. rex inclytissimus, die dicti mensis XV. eo quod serius applicandi Narbonam de serenissimi domini Ferdinandi regis Aragonum & domini Petri de Luna voluntate pariter & assensu ad eandem diem fuerat prorogatus, cum tota sua comitiva sospes & salvus ingressus est, & ex post, die XX. mensis præfati, per notabilem ambasiatam dicti Petri de Luna, qui pro parte sua die XIX. præcedente in magna episcoporum, doctorum, atque militum multitudine huc appli-

cuit, sub hoc themate: *Descendit justificatus in domum suam*, reverenter & honorifice, nobis & aliis sacri concilii nunciis assistentibus, salutatus fuerat & susceptus, quemadmodum hæc & alia in litteris per præfatos nuncios dicto sacro concilio communiter destinatis plenius & latius continetur. Verum, patres reverendissimi, quod his sic gestis, nihil in principali negotio, maxime quoad visiones mutuo celebrandas & alia nobis injuncta negotia usque in hunc diem fieri poterat, seu congruis modis pertractari, agitudine corporali dicti domini regis Aragonum etiam usque ad horrendæ mortis periculum obſistente. Nunc autem idem Rex, Redemptoris nostri gratia, saluti seu sanitati pristina restitutus in parte, non absque medicorum suorum dissuasionem manifesta, divinæ se penitus committens dispositioni, iter Valentia per mare arripuit, & heri, Deo duce, ad prope villam Perpignani, prosperis appulit successibus, eandem per curram in diem crastinum ingressurus, totaliter & peroptime, quantum nos concipere possumus, ad pacem ecclesiæ, nec non Christi fidelium totalem reintegrationem dispositus & cordialiter inclinatus; quemadmodum etiam ex coplis litterarum prædicto domino nostro Romanorum regi infra biduum per eundem transmissarum, quas vestris circumspectionibus reverendissimis præſentibus inclusa destinamus, luce clarius poterit apparere. Jam igitur tempus acceptum mutæ visionis & practicæ finalis super nobis commissis cum aciderio per nos expectatum adventi: in quo ea quæ sient & concludentur præfatis vestris dominationibus quantocius fieri poterit curabimus intimare. Quas altissimus pro salubri & felici ecclesiæ reformatione, &c. salubriter & feliciter juxta vota dignetur conservare. Supplicamus nihilominus instanter, quatenus nos de mora scribendi eadem vestræ paternitates velint habere excusatos: quia per recessum nostrum de Gebennis usque in diem istum nihil certi, de quo scribere congrueret, occurrebat. Datum Narbonæ die XXV. Augusti MCCCCXV. mei Rিপensis suo secreto.

Earundem reverendissimarum paternitatum humiles nuncii, Petrus Ripensis episcopus, Conradus de Susato sacre Theologiæ, & Lambertus de Stipite sacrorum canonum professores.

## EPISTOLA

Jacobi Turonensis archiepiscopi ad concilium Constantiense.

Negotia feliciter consummata fuisse significat.

Sacro sanctæ generali Constantiensis synodo, reverendissimis in Christo patribus & dominis nostris præstantissimis.

Reverendissimi patres & domini, humilima recommendatione præmissa cum obsequio promptissimo. Altissimus, qui sperantes in se non deserit; sed res penitus desperatas

ANNO  
CHRISTI  
1415.

ib. p. 165

ANNO  
CHRISTI  
1415.

tas suæ virtutis magnitudine consummat, post permaximos labores & turbines varios & ingentia tædia dignatus est, quos diligit consolari. Hinc manum ad fortia ponens, cervices antiqui hostis confringendo, rem unionis ecclesiæ, pro qua firmi & intrepidi certatis felices & nos, quantum ex alto elargitum est, grandi cum patientia quæ potuimus complevimus. Adeo disposuit, quod ejus dirigente dextera, existat factum, in unum ovile reducti canticum pacis & lætitiæ referre potuerunt sacræ dominationes vestræ. Idcirco R. V. P. præfata scribimus, quatenus spes vos pulcherrima foveat, pacem & unionem ecclesiæ diu desideratam & consequendam, veluti per nos latius eisdem in brevi explanabitur, domino concedente, qui R. V. P. conservare dignetur, ut ea quæ sua sunt, pacem & alia virtutum opera feliciter compleatis. Scriptum Narbonæ decembris die XIV.

*Vestrarum R. P. humiles & devoti Jacobus Turonensis & ceteri collegæ legati nuntii vestri.*

## EPISTOLÆ

*Sigismundi regis Romanorum ad concilium Constantiense.*

*Significat nonnulla determinata fuisse capitula, ex quibus unio optata sequatur.*

p. 1656.

**S**acro sanctæ generali Constantiensi synodo, in Spiritu Sancto congregatæ, universalium ecclesiarum representanti, Sigismundus Dei gratia Romanorum rex semper Augustus, ac Ungariæ, Dalmatiæ, Croatiae &c. rex, filialem obedientiam cum debito honore.

Quamquam pervigili cura, omnique sollicitudine, post ingressum nostrum ad terras istas, pro bono sacratissimæ unionis feliciter consummando, non cessavimus, quemadmodum etiam in votis habuimus, fideliter laborare; quia tamen tractatus desuper habiti, Deo permittente, continuæ mutationi subiacebant, sic quod hodie adpunctuata, & circa circumstantias occurrentes fere conclusa, crastina die, vel variata fuerant, vel saltem penitus retractata, V. S. super actiatis a certo nequivimus avilare. Verum quia Christus Jesus, sponsus ecclesiæ, cujus res agitur, oculis misericordiæ suæ nos respicere dignatus est, & vestræ sanctitati consolationem hujusmodi communicare cupientes, præsentibus incitamus, quod die externa parte nostra, & nuntiorum præfata vestræ sanctitatis cum ambaxiatoribus, & procuratoribus regum & regum principum obedientiæ illius, quem B. appellant, super certis capitulis, punctis, & articulis, ex quorum practica unionem in ecclesia Dei perfectam & completam pervenire nullatenus dubitamus, conclusum fuerat, et optato fine determinatum et concordatum; super quibus nuntii breviter ad Constantiam reversuri, supradictam sanctitatem plenius et expressius informabunt, quam altissimus pro felici et

*Concilior. Supplem. Tom. IV.*

**A** salubri suæ ecclesiæ reformatione feliciter dirigere et salubriter dignetur inspirare. Datum Narbonæ sub sigillo secreto nostro Lutzelburgensi, XIV. die decembris regnorum nostrorum Hungariæ &c. vigesimo nono, Romanorum vero sexto.

Ad mandatum regis Michael cancellariensis Wratislaviensis.

## EPISTOLA SIGISMUNDI IMPERATORIS

Ad Ludovicum Bavarie ducem.

*Mittit ei literas Ferdinandi Regis Aragonum de subtractione obedientiæ Petri de Luna.*

**S**igismundus Dei gratia Romanorum rex semper augustus, ac Hungariæ, Dalmatiæ, Croatiae &c. rex, illustri principi Ludovico duci Bavarie, & comiti Palatino Rheni, avunculo nostro carissimo.

Illustris princeps, avuncule carissime; die hesternæ, hora quasi tertiæ noctis civitatem Viennensem ad Rodanum si tam nobis feliciter ingredientibus, literæ serenissimi principis domini Ferdinandi regis Aragonum, fratris nostri carissimi, Perpiniæ die septima præsentis mensis januarii scriptæ, quas præsentibus inclusas tibi dirigimus, nostræ præsentatæ fuerunt majestati, in quibus idem serenissimus frater noster rex Aragonum, qui etiam diem constitutum & conditum in subtractione obedientiæ Petri de Luna prævenit, prout et ex literis ejusdem serenissimi fratris nostri, ac forma subtractionis præmissæ nuper per dilectum secretarium nostrum Jodocum tibi transmissis plenius elucescit; & quem nos ad sacrum generale Constantiense concilium pro hujus facti incepti felici negotii terminatione requirere, & sollicitare deberemus, nos affectuosissime pro faciendo nostri vigili operis studio requirere auduit, ut literæ vocatoriæ pro præmissi negotii celeri expeditione quantocumque sibi transmittantur. Quapropter te instantè rogamus, tibi que seriose committendum edicimus, ut præsentatis literis præfati serenissimi fratris nostri, adnotato sacro Constantiensi concilio in specie pro parte exhibendis, idem sacrum concilium instantissime pro hujusmodi literarum vocatoriarum ipsi serenissimo regi Aragonum celerissima transmissio, ac aliorum in talibus pro honore Dei, & ecclesiæ sanctæ ejus reintegratione, prædictorum peractione, uti eidem sacro concilio melius & consultius videbitur nostri parte requiras. Datum Lugduni die XXII. mensis januarii prædicti, regnorum nostrorum anno, Hungariæ &c. XXIX. Romanorum vero sexto, nostri sub signeto.

B. Præpositus Albenis.

ANNO  
CHRISTI  
1415.Die XVIII  
januar.  
1b. p. 1659.



ANNO  
CHRISTI  
1415.

## SYNODI CONSTANTIENSIS LITERÆ

*Adhortatoria,*

*Quibus nobiles ab Hamzburg, ut ecclesiam contra quorvis hereticos maseculē defendant.*

Affert Ludvig.  
Reliq. 10.  
Vi. p. 69.

**D**ilectis ecclesie filiis, nobilibus viris Wilhelmus, Jaroslao, & Nicolao fratribus dictis de Hamzburk, regni Bohemie baronibus, sacro sancta & generalis Synodus Constantiensis, salutem & Dei omnipotentis benedictionem. Quantis providentie studiis, malitie & nequitie fermentum, quod humana conditio ex antiqui serpentis afflatu, miserranda contagione contraxit, potestatis, quibus ecclesiam suam dominus regendam tuendamque commisit, expurgandum incumbit; & ne corruptionis sue virus perniciosius dilatare queat, opportunis remediis occurrendum esse, ex Salvatoris nostri sententis evidenter perdocemur, quibus arborem fici sterilem fecundisque vitibus sue vinee noxiam succidi; insuper & oculum, manum ac pedem, reliquamque sui corporis compagem scandalizantes, etiam si dextri forsitan viderentur, praecidi & abiici mandatur, pro ejusdem corporis vita & ceterorum membrorum incolunitate salubriter conservanda. Licet itaque, nobiles Domini, fidelitatis vestrae zelum erga catholicam fidem plurimis cognoverimus documentis; quia tamen nonnunquam proficit ad vigilantiora virtutum studia, etiam animos vigiles excitare; quamobrem nobilitatibus vestris fiducialiter hanc duximus intimanda, quae benigne suscipere, ac in obsequium militantis ecclesiae ex innatae devotionis affectu dignemini executioni debite mandare. Noscant igitur vestrae nobilitates, quomodo Sathanas, humani generis hostis antiquus, qui circumiens terram atque perambulans quereere non quiescit, quibus damnationis virus infundat, quendam damnatae memoriae Johannem Hus, & nonnullos alios sectatores eorum, Babylonis calice inebriavit; adeo ut ipsi inebriati, magisterium appetentes & legislatores novelli a quibusdam simplicibus putantur, sanae doctrinae studiis traditionibusque sanctorum patrum miserabiliter contemptis, nec non ad vanitates & insanias falsas conversi, se ex susceptis de manu ipsius sathanas errorum poculis noxialibus impleverunt usque ad summum ejus; & diviserunt etiam reliquias suas parvulis: quippe adeo perversitas eorum in regno Bohemiae & marchionatu Moraviae, quod dolenter referimus, passim detestanda succrevit, ut etiam nonnulli, qui nobilitatis secundum carnem titulo, aliis praecedunt, unanimiter adversus Christum Dominum, & ipsam catholicam fidem damnabiliter conspirantes, ad tuendum & defendendum errores, & pseudodoctores hujusmodi se impietatis funiculis invicem obstrinxerunt. Porro nuper ipsi scelerati, eorundem Joannis Vicleff & Johannis Hus hereticorum errorum in ipsis regno & marchionatu sequaces, iniquitatem super iniquitatem continuo oppo-

nentes, & contra auctoritatem hujus sacri concilii colla eorum extendere, quamvis temere, non verentes, vindictam divinam, ac in profundum malitiae descendentes, quosdam libellos famosos, pelles scilicet grandes suis calamis virgisque plenas turpiter conscripserunt, quas in congregatione nostra, hic in Spiritu sancto pro reformatione universalis ecclesiae, in capite & in membris feliciter inchoata, & jamdiu continuata non erubuerunt facere publice praesentari; & eorundem pellium margines in gyro circumcirca suorum appensorum sigillorum in evidentiis suae praevagationis testimonium stupenda & ridiculosa praecipuat multitudine; quae ne dum horrendum, sed & ridiculosum spectaculum intuentibus praesentant. Et licet per haec & alia etiam horrenda plurimum, quae ipsi sequaces eorumdem Johannis Vicleff & Johannis Hus in eisdem regno & marchionatu, in contumeliam nostri creatoris & sanctorum ejus inconfutis moribus attentarunt hactenus & attentant, de cordium suorum obstinata duritie spes nobis modica resularet, quod, dimissis erroribus eorum, ipsi tandem facere deberent, aut debeant dignos fructus; verumtamen tot taliumque sacrosanctae renatorum perditionem, & fascinationem sathanicam, materna charitatis viscera, absque amarissimo compassionis dolore nequeunt sustinere. Et ideo, quantum nobis ex alto permittitur, eos ad salutem, atque salvationem perducere viis & modis congruentibus jamdiu laboravimus; nihil de contingentibus omitendo: nam docendo, scribendo, dissimulando, blandiendo, comminando, censuras & poenas ecclesiasticas fulminando, & jam forsitan ultra, quam ipsorum saluti expedit, eorundem conversionem expectando, solerter, fideliterque impendimus ipsis misericordiae, quae potuimus, & proficere debere credimus, officia universa; praesertim erga Johannem Hus supradicti personam dum viveret, quem manifestissimis, perniciosissimisque, ut praesertur, haereticis jamdudum tam judicialiter, quam scholasticè in diversis consistoriis ac generalibus studiis valde mature atque solemniter reprobatis atque damnatis irerethum, frivolum assertorem, & pertinacissimum defensorem, tam ex confessione propria, quam ex suis manu propria conscriptis codicibus, necnon ex testium omni exceptione majorum multitudinis copiosa, devicit maturus noster ac legitimus contra eum hic habitus processus; prout ex ejus inspectione liquet omnibus luculenter. Insuper non obstante quod juxta divinarum & humanarum legum decreta de carcere, & in compediis respondere; nihilominus etiam in praesentia copiosa multitudinis spiritualium & secularium aliquoties audientia publica per nos sibi praestita, & non tantummodo conversionis ei locus concessus, sed ad committendum ejus obstinatam malitiam super abundantissimis instructionibus, Catholicae veritatis & hortamentis dulcissimis cantatis, ut saluti suae consulens, ad veritatis christianae religionis unitatem, pro ut tenebatur facere, ipsis per eum relictis & abnegatis erroribus rediret ad gremium ecclesiae; requisitus restitit saepius & in-

ANNO  
CHRISTI  
1415.

& instanter; qui tamen more aspidis surdæ obturatis auribus monita respuit salutis, nolens ab infantis suis falsis & plenis fermento malitiæ periculis rescire: dilexit enim maledictionem & venit ei; & quia noluit benedictionem, elongabatur ab ipso, abiensque demum in locum suum mercedem suis sceleribus, ac illorum sectatoribus debitam de jure, omnium miserorum ipse miserimus finaliter reportavit. Hæc itaque vestris nobilitatibus pro informatione summaria scripsimus, ut de superscriptis aliter referendum, vos reddamus præmunis in Domino, unanimiter sinceris affectibus, quantum debemus & possumus, & per viscera Domini nostri Jesu Christi requirentes & rogantes, quatenus virtutis vos viros in catholice fidei puritate flagrantis, quemadmodum indubitata ab omnibus fiducia hætenus commendamini, in hoc necessitatis articulo, manifestis operibus, & magnificis vos effectibus exhibere, & omnes hujusmodi falsas infanias, pseudodoctores & sectatores eorum a vestris finibus exterminare viriliter & circa alios consanguinitate aliove amicitie fœdere vobis junctos ac vasallos ditionis vestræ, & subditos universos studeatis sagaciter & efficaciter providere. Quod & ipsi modo dicti nullum hujusmodi pestiferis hominibus Dei & ecclesiæ inimicis auditum accommodent, nullum eis præbeant auxilium, consilium, vel favorem; sed una vobiscum atque nobiscum ad similis persecutionis atque exterminationis opus viriliter animentur, & Dei gloriam in hostium suorum exterminio efficaciter prosequantur. Nec non venerabili fratri Joanni episcopo Litomischensi, fidei catholice ferventi defensori, quem alias veluti ex millibus electum ad regnum, & marchionatum hujusmodi propter opus istud salubre si, & quantum Deo placeret, in illis partibus utiliter peragendis legatum nostrum destinavimus in favorem fidei, quæsumus opem & operam impendatis efficacius; & quantum vobis fuerit possibile, sibi si necessitas ingruerit in tali opere salutari, fideliter & constanter assistatis, viribus & opere vobis cœlitus ministratis. Et quia consideramus, prout etiam credimus, vestras nobilitates non latere, quod eorumdem perverforum audacia & numerus in præfatis frequenter augmentur, & ipsorum effrenata superbia, & impietas, vires fumendo; prohi dolor! semper ascendit; adeo quod illic propterea ecclesiastica censura dissolvitur, & canonice sententiæ auctoritas evertitur; ibi etiam divina officia, timore Dei postposito, profanantur, ac multa nefaria, & absurda, fidei catholice repugnantia, in Deum ac sanctos sanctamque matrem ecclesiam, ut fama vulgata didicimus, ausu damnablem publice prædicantur, & sacerdotes, religiosi & sæculares crudeliter spoliantur, a suis beneficiis repelluntur, percutiuntur, occiduntur, & inhumaniter tractantur contra ecclesiasticam libertatem, & ipsorum consortia fugientes vel eis adherere nolentes crebras injurias ab ipsis sustinent, & offensas. Nos tantas Dei & ecclesiæ sanctæ injurias dissimulare nequeunt, contra plurimos hujusmodi pestiferos, tam in regno

A Bohemiæ, quam in marchionatu Moraviæ, hæresum & errorum dogmatizatores, sectatores, defensores, ac fautores, vibrato jam censuræ spiritualis mucrone, citatione personali decreta, secundum canonicas sanctiones duximus procedendum, & ulterius procedemus, prout res tanta exigeret, fuerit opportunum. Sicque universalis ecclesiæ confortati præsidio in his & eorum executione vestræ nobilitates se velint & dignentur habere, quod vos reddatis inter optimos ejusdem fidei zelatores in Christi militia magis & magis gloriosos. Nos etiam proinde ac ipsa ecclesiæ, earundem nobilitatum digna merita, in eas a felicis divæ memoriæ suis prædecessoribus laudabiliter propagata, altis laudum præconiis attollere, & si opportunitas se obtulerit, congruis recompensare retributionibus jugiter constringamur. Datum Constantiæ sexto cal. aprilis, anno a nativitate domini MCCCCXVI. apostolica sede vacante.

## LITERÆ CONCILII AD VITERBIENSES

Sacro sancta & generalis synodus Constantiensis, dilectis filiis prioribus, regimini, & communitati civitatis Viterbiensis, salutem & Dei omnipotentis benedictionem.

Litteras vestras accepimus, de quibus vestra devotione satis gavisi fuimus, nam cum ad universalem & sanctam Romanam ecclesiam sinceram fidem, reverentiamque gerere videamini, gratiosissimum nobis est. Quippe ea nobis maxime cura est, ut omnes, & subditi maxime ecclesiæ, quemadmodum vinculo humano, ac divino pariter sunt attracti; ita eidem pareant ac ipsam debite revereantur. Unde cum juxta nostra desideria ostenditis sincere ac fideliter ad ecclesiæ statum intendere, de vobis fiduciam sumimus specialem, & de optimo proposito vos plurimum commendamus. Verum quia pro tutela vestræ civitatis suffragia postuletis, & specialiter dilectum ecclesiæ filium Tartalliam de Lavello, nonnullarum armigerarum gentium capitaneum, plurimum laudando, ipsum desideratis ad servitium S. R. E. retineri. Nos super his habita matura deliberatione, quamquam multiplicitibus arduissimis negotiis occupati simus, de remedio opportuno, quantum licet, providere curavimus; ita quod poteritis merito contentari certificantes vos tantum nobis cordi existere, ut terræ Romanæ ecclesiæ immediate subiectæ in tranquillitate permaneant, quod cum omni ingenio, atque opere vos intendimus vigilare. Erit ergo fortes; nam de proximo sublato hoc perniciosissimo schismate, sumus ad electionem indubitati summi pontificis perventuri, qui vos, & alios ecclesiæ populos sub pacis otio continebit, nosque super inde omnem diligentiam apponentes. Datum Constantiæ Kal. aprilis anno a nativitate Domini MCCCCXVI. apostolica sede vacante.

Affert.  
Bull. hist.  
Viterb.  
p. 418. in  
append.



ANNO  
CHRISTII  
1415.

## EPISTOLA RAYMUNDI ABBATIS

Cluniacensis, ad concilium Constantiense.

*Excusat suam a concilio absentiam ob senectutem & infirmitatem.*

Affert  
Mart. Ver.  
Mon. tom.  
VII. p.  
227.

**S**acrofanctæ generali Constantiæ synodo in Spiritu sancto congregatæ, devoti oratores Raymundus ecclesiæ Cluniacensis humilis minister, totiusque conventus ejusdem loci, reverentiam & obedientiam cum honore.

Perpendimus grande & multiplex bonum ob desiderandam cujus affectionem benedicta congregatio vestra & suum canonice sortita est initium, & constanter, rite & virtuose procedens, Christo duce, felicem præstolatur exitum. Perpendimus sane & per tenorem prisce convocationis apostolicæ didicimus gloriosam in unum convenisse multitudinem vestram, ut diutinum pestiferumque schisma, & quodvis perversum dogma, seu pullulante hæresim in agro Dominico funditus extirparet, utque pene confusum, proh dolor! myticum corpus ecclesiæ ad debitum suæ integritatis atque reformationis ordinem in capite & membris ipsius revocaret. Hæc opera est felixque sollicitudo vestri sacratissimi coetus. Et vere felix culcunque Deus tam laudabili salubrique negotio coassistere & cooperari præstitit. Has ob res, ego Cluniacensis ecclesiæ minister prædictus fatergeram dudum, & arrepta via conatus fui apud vestrum sanctæ conventionis consortium me transferre, vestri quidem sancti operis & curæ participio me felicissimum existimaturus, si quo tendebam tunc advenissem potuissem. At grandis senectæ obfuit illico expertius comprobata debilitas, quam coepit itineris fatigatio, indeque proveniens gravis ægrotudo simul oppressit. At vero non diminutam constat, quin potius in corporis & propriæ debilitatis augmentum processisse, mei amplius quam septuagenarii senectutem. Superest incommoditas temporum, sterilitas agrorum, dolendi & lacrymabiles tumultus impacifici finium istorum, guerrarum impetus, currentis nunc temporis frequentiores strepitus armatorum, & quorundam prorsus impudentium, nedum agris depopulatis inops vulgus exheredando ad nihilum funditus redigere, quin etiam adversus castrorum & fortaliorum cacumina violentius insurgere, atque radicitus evertere singula, nisi jugis ac indefessa custodia sedulus obstitat. Cujus rei insolentiam nuper in grave litus monasterii dispendium pertulimus. Cum igitur quædam generalis exhortatio, requisitio, monitio, ac in virtute obedientiæ præcepto mandatumque absentium ab eadem sancta synodo prælatorum, ut in eodem concilio conveniant, per quasdam litteras sub plumbo & bulla quidem sacre synodi dudum emanasse contigerit, prout fertur: idcirco eandem sanctam synodum, vestraque sanctæ multitudinis benedictum coetum supplices & humiles deposcimus, quatenus prædicta sterilitatis, guerrarum & disturbiorum incommoda cum fragili senio

**A**d mei ministri supradicti Cluniacensis ecclesiæ absentiam legitime excusandum suscipere dignemini, attendentes, quod etiam ab ipsius sanctæ synodi exordio, pro me & meo monasterio ac Cluniacensi ordine in eodem sancto consortio vestro atque generali concilio affuerunt jugiter viri quidam juris utriusque divini & humani doctores, quorum assentientiam in eodem concilio vicariatumque & procuracionem pro me ac prædictis monasterio, & ordine usque in finem ejusdem concilii continuandam esse decrevimus & decernimus per præsentem: eisdem & cullibet eorum in solidum, videlicet dominis Roberto de Eschaudejoler decretorum doctori priorique Ceuniarum, Johanni de Vinzellis magistro in theologia de Ymnimonte, Lamberto de Stripite de Bertrenis, Petro de Corozello B. Mariæ Deauratæ de Tholosa, & Petro Alooti de Tarnayo ordinis nostri Cluniacensis prioribus, doctoribusque decretorum: dantes & concedentes potestatem vice & nomine nostro atque pro nobis in eodem generali concilio comparandi, & ibidem ad opus sanctæ unionis ac reformationis ecclesiæ incedendi, jura, & libertates & privilegia universalis ecclesiæ, nostrorumque monasterii & ordinis prædictorum tuendi & defendendi: vices quoque nostras in his & aliis quibuscumque, prout moris est & pertinet ad generalia concilia plene absentiam prædictam excusando, penitus exercendi. Quæ quidem omnia vice & nomine nostro agenda, ut præmittitur, per nostros hujusmodi procuratores & nuncios speciales, atque gerenda in eodem concilio ex nunc promittimus rata & grata habere, nec quomolibet a salubribus discrepare statutis aut statuendis in eodem generali concilio: quin immo ea tenere & custodire, ac in dictis nostris monasterio & ordine facere toto nisu inviolabiliter observari. Datum in nostro monasterio Cluniacensi prædicto, sub sigillis nostris, anno Domini MCCCXXVI. die decima mensis Augusti. R. Clun. J. Ginevet.

## D. COPIA LITERÆ ALFONSI REGIS ARAGONUM

*Missa &c.*

*Significat obitum patris sui Ferdinandi, & unionem ecclesiæ, quantum in ipso fuerit procuraturum se promittit.*

**R**everendis venerabilibus in Christo patribus, amicis carissimis, dilectis, & devotis nostris dominis cardinalibus, patriarchis, archiepiscopis, episcopis, cæterisque prelati & aliis in Constantia Maguntinensis provinciæ congregatis, Alfonso, Dei Egratia, rex Aragonum, Siciliæ &c. salutem & honoris augmentum.

Flebilis tragediæ calamo, non sine alta cordis amaritudine, & lacrymarum fluvio nunciamus, quod illustrissimus dominus rex pater & dominus noster, recordationis eximie in villa Aqueletæ, die jovis, secunda aprilis instantis circa meridiem suæ debitu, quod faucia mente referimus, fatalitatis exsolvens, ab hoc sæculo migravit ad Christum

ANNO  
CHRISTII  
1415.

Die 24. ap.  
Affert  
Mart. An.  
t. II. p.  
1664.

ANNO  
CHRISTI  
1415.

sum. Et quamquam de tanti principis, patris & domini obitu nequeamus amarissime non tristari; considerato attamen, quod nihil humanæ naturæ decentius ad nihilque certius in hanc vallem lacrymarum venimus, quam ut tremendæ mortis janua exeamus; nostram aliquatenus obtemperamus tristitiam; præcipue tamen in suæ vitæ glorioso exitu, ut Christianissimus princeps, cum tota cordis contritione ecclesiastica sumpsit sacramenta. Ex quibus tenemus de firmo quod ultra gloriosum nomen & famam, quam ob sua magnifica gesta, & opera virtuosa, & inter multa alia, quæ ad arctam unionem sanctæ matris ecclesiæ devote peregit, reliquit in terris, animam ejus dirigit in excelsis. Ideo paternitates vestras, quas credimus, ut humanum est, tantæ amaritudinis acerbitate dolere, pro refrigerio animæ suæ, ut libeat, ad dominum intercedant, ut siquid maculæ purgandum remanserit, devotorum orationibus abstergatur; scilicet quod si vivente dicto serenissimo domino genitore nostro, prout nostis, ex hinc negotia dirigebantur ecclesiæ; non minus nos, qui igne paternæ charitatis adurimur, voluntate prona, studio pervigili, & intentione sincera præter omnia ad consummationem tam meritiorii, & sacri negotii gloriosissime initiati, ejus suffragio dirigente, cujus res agitur, procedemus, parati si qua restent, quæ super his vobis occurrerint, utpote a paterno non degenerantes affectu, pro viribus adimplere. Datum in monasterio Popleti sub nostro sigillo secreto XIX. die aprilis, anno a nativitate Domini millesimo quadringentesimo sexto decimo.

#### EPISTOLA PRIORIS MAJORIS.

Et conventus Cluniacensis, ad clerum Gallicanum in concilio Constantiensi existentem.

*Significant novi abbatis electionem, quam petunt a concilio confirmari.*

septemb.  
ense Af.  
et Mart.  
et Mon.  
VII. p.  
18.

Reverendissimi patres & domini metuentissimi, humillima recommendatione præmiis. Cum, volente & permittente Deo, reverendus in Christo pater dominus Raymundus dudum abbas & pastor noster ac hujus nostri Cluniacensis monasterii, ex præfenti sæculo ad Dominum migraverit: unde nos & id ipsum monasterium totiusque Cluniacensis ordo vehementer & non immerito condolemus tanto viduati pastore, qui tamquam forma religionis & speculum devotionis per vitæ suæ cursum extitit. Nos inde processimus ad novi abbatis & pastoris electionem, venerabilemque patrem dominum Robertum priorem Celsiniarum, decretorum doctorem, tamquam idoneum elegimus in abbatem nostrum & hujus Cluniacensis monasterii, cujus personam existentem apud vos & præclarissima merita sufficienter agnovitis. Supplicamus igitur, quatenus nunc, vacante sede apostolica, a qua locus ipse Cluniacensis immediate dependet, vices gratiæ & favoris vestri impendere dignemini, ut idem dominus noster possit & valeat, ut

nobis opus est, celerius confirmari. Alioquin gravis jactura incommoditasque periculosa multiplicis dispendii instanter imminet nostræ satis numerosæ fratrum congregationi, & huic Cluniacensi cœnobio, quod Romani pontifices & sedes apostolica quasi cameram suam & proprium thalami locum solverunt jugiter operosius confovere: quod & nunc in parte ista etiam dignentur reverendæ paternitates vestræ favore prosequi gratioso: quas Altissimus conservare dignetur. Scriptum Cluniaci die XV. septembris.

Humiles vestri oratores

Prior major & conventus monasterii Cluniacensis.

#### Superscriptio.

Reverendissimis reverendisque ac venerabilibus in Christo patribus, patriarchis, archiepiscopis, episcopis, abbatibus, ceterisque venerabilibus circumspectisque viris nationis Gallicanæ in generali Constantiensis synodo constitutis, dominis nostris honorandissimis.

#### EPISTOLA UNIVERSITATIS COLONIENSIS

*Ad concilium Constantiense.*

*De Joanne de Prussia suspecto de hæresi.*

Acrosanctæ generali Constantiensis synodo præfidenti, patribus & dominis nostris reverendissimis.

Humillima subiectione & obedientia præmissis. Vobis, præstantissimis dominis nostris, & ecclesiæ universalis ac sacrosanctæ synodo Constantiensis præfidentibus, summarie exposuimus, quod ad nos supervenerat quidam frater Johannes de Prussia; moram nobiscum Coloniam trahens, qui suspectus de hæresi habebatur; non initiative apud nos inventus, sed in aliis locis pluribus, in quibus antequam se applicuerit provincie nostræ, ut sufficit intelleximus, pro tali habebatur.

Idem Johannes apud nos per sententiam canonicam venerabilis Jacobi de Susato, ordinis fratrum Prædicatorum sacre theologie professoris, inquisitoris hereticæ pravitatis, carceri satis facili pro custodia mancipatus; & ne ab eodem illicentius exiret, juramento per eum præstito ad hoc addictus, universitate nostra & prælatis ecclesiarum ad hoc specialiter vocatis, et in illam sententiam unanimiter consentientibus; illicentius tamen abiit, allegans se post abscessum suum, a Gregorio papa absolutionem ab omnibus suis excessibus obtinuisse. Processum contra eum factum vestris paternitatibus referent magistri nostri venerabiles, Theodoricus de Monasterio, et Johannes de Monte, ordinis fratrum prædicatorum, sacre theologie professores. Supplicamus igitur humillime, quatenus singulis auditis et attentis, quæ concernunt factum istud, dicto M. Jacobo, et nobis scribere dignemini, qualiter nos in hoc facto habere debeamus, ut nec ecclesiæ sanctæ, cujus caput apud nos pro tunc censebatur, et tenebatur papa Johannes, confusio vel ignominia generentur.

Fa-

ANNO  
CHRISTI  
1415.

An. 1417.  
Affer.  
Mart. An.  
t. 11. p.  
1708.



ANNO  
CHRIST.  
1415.

Factum, & totum processum contra eum factum noverunt magistri universitatis nostræ prædicti, videlicet T. de Monasterio, et Johannes de Monte, quibus scripsimus, rogantes, ut reverentias vestras super istis plenius informet, quas digne dirigere, et sanas, ac incolumes conservare ad honorem, et unionem suæ ecclesiæ sanctæ, gratia nostri Salvatoris. Scriptum XXI. maji.

Vestri humiles et devoti, Rector et universitas studii Colonienſis.

#### EJUSDEM EPISTOLA

*Ad Theodoricum de Monasterio, & Johannem de Monte*

*Ejusdem argumenti.*

Ibid.

Venerabilibus & scientificis viris magistris T. de Monasterio, & Johanni de Monte, ordinis fratrum prædicatorum, sacre theologiæ professoribus, amicis nostris prædilectis.

Reverendi magistri, & domini honorandi. Intelleximus a magistro Jacobo de Sufato, ordinis fratrum prædicatorum, inquisitore hereticæ pravitatis per provinciam Colonienſem deputato, nobis exponente, quatenus dominus Jo. Malkavv de Prussia iudicem obtinuerit dominum cardinalem Ragusinum contra dictum magistrum Jacobum in causa fidei, alias per eundem magistrum Jacobum adversus præfatum Johannem institutum; & quod olim Gregorius XII. tunc in sua obedientia sic nominatus, ipsum dominum Johannem absolviſſe debuisset a sententiis excommunicationis in eundem dominum Johannem ab ipso magistro Jacobo in causa fidei promulgatis; quodque præfatus dominus cardinalis Ragunus requirit & desiderat, ut ipse magister Jacobus in congregatione Universitatis nostræ desuper habita consilium nostrum imploraverit, quid esset facturum in præmissis, ut nihil honori suo, cleri, neque nostro derogaret. Ubi nostra concordavit deliberatio, quod si dicta absolutio facta fuerit, secundum formam juris cap. ut officium §. si vero de hæreticis lib. VI. æquanimiter tolerari debeat, quod ibidem suum fortiaſſet effectum. Sed si idem dominus Johannes de Prussia ad civitatem & provinciam Colonienſem descenderit, & ibidem malum semen suum ut prius spargere voluerit, a prædictis sententiis in eum latis non censeatur immunis; quia dictus Gregorius, de cujus obedientia tempore præsentis absolutionis prædictæ nos non eramus, ipsum dominum Johannem præfatum absolvere non poterat a sententiis prædictis in eum promulgatis, maxime pro excessibus & delictis per eum in nostra obedientia perpetratis, & commissis, ut a nobis pro absoluto haberetur. Si tamen concilium declaraverit ipsum fore absolutum & pro tali habendum, huic declarationi sit acquiescendum. Et ideo consultum fuit, ut copia processus per dictum inquisitorem contra præfatum dominum Johannem facti vobis mitteretur, ut ex eo & cardinalis prædictus & alii de concilio magis, & melius de factis

& erroribus dicti domini Johannis possint informari. Insuper, reverendi magistri, minimus etiam literas nostræ universitatis toti synodo, supplicantes, quatenus audita, & cognita veritate facti processus contra dominum Johannem &c. ipsi nos dirigant, et informet, quomodo nos habere debeamus in ista præsentia absolutione &c. ab eo obtenta; scilicet an validam & canonicam eam censere debeamus, de quo certi non sumus; præcipue ex eo quod tempore hujusmodi absolutionis, si talis dici mereatur, eramus sub obedientia Johannis papæ. Nec credimus, si idem frater Johannes veritatem processus plenarie narrasset, absolutionem a quocumque discreto tanta saltem facilitate obtinuisse. Unde in literis nostris synodo generali directis eos ad vestras reverentias ad habendam plenam informationem super facto & processu, in quo ipsos plenarie & certitudinaliter informari poteritis, remisimus; & supplicamus, quatenus utique diligenter de processu in hac causa per magistrum Ja. & nos una cum ipso habito dominos de synodo informetis, & certificetis.

Rector universitatis studii  
Colonienſis.

#### ALIA EJUSDEM ARGUMENTI.

NOveritis, magistrum Jacobum de Sufato, ordinis fratrum prædicatorum, inquisitorem hereticæ pravitatis, per provinciam Colonienſem nobis literas magistri Theodori de Monasterio, sacre theologiæ professoris, exhibuisse, quomodo frater Johannes de Malkavv de Prussia obtinuerit iudicem cardinalem Ragunum contra dictum magistrum Jacobum, qui scribit tibi quod Gregorius XII. in sua obedientia sic nominatus, absolvit prædictum fratrem Johannem de Prussia a sententia excommunicationis, quam idem M. Jacobus tulit in causa fidei contra eundem fratrem Johannem, qui nos & totum clerum Colonienſem congregari fecit, requirens nos quid tibi & nobis expellet in hoc facto. Nos vero concorditer tui dedimus responsum; non dubitantes de consensu domini nostri archiepiscopi Colonienſis; ob reverentiam dicti domini cardinalis sub istis nodo & forma: Reverendo &c. Primo, ad ultimam clausulam literæ ipsius M. Theodori de Monasterio. Nam si Johannes papa ipsum absolviſſet a dictis excommunicatione & perjurio, oportuisset hoc vos tolerare, quod ex hoc sequerentur multa absurda, scilicet divisio ecclesiarum, dispartitas collegiorum, parochiarum bicipitum tripicitumque multiplicatio. Nec dispartitas esset finis. Sed quidquid Gregorius fecit legitime in sua reali obedientia esse approbatum non contradicimus; sed facta in nostra obedientia non sunt talia, quæ concernant obedientiam dicti Gregorii; ergo non habemus nos de his factis implicare. Et quia idem M. Jacobus inquisitor nunquam post concilium Pisanum tenuit ipsum sic nominatum Gregorium pro papa, sicut nec clerum Colonienſis, nec etiam nos. Ergo facta nostræ obedientiæ non sunt revo-

ANNO  
CHRISTI  
1415.

ANNO  
CHRISTI  
1415.

cata. Idcirco sententia in ipsum lata stat & stabit in suo vigore. Maneat ergo ille, in sua obedientia, nec occupabimus nos cum ipso, nisi venerit ad loca nostræ quondam obedientiæ. Item, ob reverentiam & honorem dicti domini cardinalis concordem sumus sub istis modis, & forma: si absolutio facta est debito juris ordine, secundum tenorem capituli & officium inquisitionis §. 1. Si vero aliqui extra, de hæreticis lib. VI. ubi sic dicitur. Si vero aliqui ex prædictis, hæretica labe primum abjurata, redire voluerint ad ecclesiæ unitatem, eis juxta formam ecclesiæ absolutionis beneficium impendatis, & iungatis eisdem quod iungi talibus consueverit. Ubi glossa super verbum consueverit, notat, modum secundum capitulum Quærens cordis t. q. VII. &c. Saluberrimum, Et de consec. di. secunda. Ego Berengarius. Si sic legitime factum est, & habere poteritis legitimum documentum, de quo dominum archiepiscopum, universitatem, ceterumque totum Coloniensem & dictum magistrum Jacobum certos reddere poteritis; placebit omnibus prædictis & nobis quod dictus frater Johannes se gerat pro absoluto; dummodo maneat extra provinciam Coloniensem, certis rationibus nos ad hoc moventibus. De istis petimus informari sacrum concilium, & dominum cardinalem Raguinum prædictum, ut superseant de isto facto, quia non possumus nos a domino nostro archiepiscopo & toto clero Colonienfi separare.

#### ARCHIEPISCOPI, ET EPISCOPORUM

*Sveciæ supplicatio ad Patres concilii Constantiensis pro canonizatione Nicolai episcopi Lincopensis, Brynolfi episcopi Scarenfis, & Ingridis monialis, anno 1417. die 1. martii*

*Ex cod. MS. Bibl. Upsal. n. 63. Q. 10.*

**R**everendissimis in Christo patribus ac dominis suis gratiosissimis, dominis episcopis, presbyteris & diaconis, sacrosanctæ Romanæ ecclesiæ cardinalibus, vestri humiles & D. o devoti filii Johannes archiepiscopus Upsalensis, Kanutus Lincopensis, Brynolphus Scarenfis, Andreas Strenginensis, Navvno Arosiensis, Magnus Abœntis, & Etchillus Vexionensis ecclesiarum episcopi regni Sveciæ, omnimodam reverentiam debitamque & devotam in domino orationem.

Reverendissimi patres dominique præstantissimi. Quoniam Virginis filius, Deus noster gloriosus, suæ inscrutabilis sapientiæ consilio opportuno pro suæ inconsutis tunicæ, videlicet S. Matris ecclesiæ sueque sponsæ, longissimo schismate pessifero dilaceratæ, reintegratione morum ac consuetudinum laudabilium reformatione, virtutumque insignium adornatione vestrum sacrum collegium, in sacro generali Concilio Constantiensi in Spiritu Sancto voluit adunari, ut earundem paternitatum vestrarum moderante prudentia, fissuræ tartiantur & deformia reformetur, sicutque amodo omnia prava

*Concistor. Supplem. Tom. IV.*

in directa, & aspera in vias planas convertantur, in quibus ( Domini videlicet viis ) alius se, alius sic transiens pop. Christi. Christi sanguine redemptus, ad cœlestis vitæ patriam de hoc exilio secure valeat pervenire.

Sane, reverendi patres, cum sponsa agni, quæ eum sequitur, quocunque ierit, eademque sponsa, videlicet sancta mater ecclesiæ, tanquam regina a dextris virtutis Dei afflans, diversarum sacrarum religionum sit varietate decorata, inter quas \* advesperascere mundo, in occiduis ejusdem partibus, ut puta in regno Sveciæ Christianissimo, quædam regulares constitutiones (sub nomine & vocabulo *Regula S. Salvatoris* a Dn. nostro Jesu Christo, ut pie credimus, beatæ Brigide, patronæ regni christianissimi Sveciæ supradicti divinitus revelatæ, in salutem populi christiani prodierunt, prout paternitates vestras, credimus non ignorare, quæ sub B. Augustini regula, per sanctam sedem Apostolicam dudum confirmatæ in monasterio Watzkeno in regno prædicto celebrantur & devotissime per duos conventus utriusque sexus in distinctis providissime locis separatim observantur. Unde quantus fructus devotionis, peccatorumque conversio & salus animarum redundare dignoscitur, ne dum in regnis istis aequilonariis, verum etiam per diversorum incolitorum aliorum regnorum climata, videlicet Italiæ, Angliæ, Alamanniæ, Poloniæ & Livoniæ animæ terris, vi animus capere possit aut lingua explicare.

Patres reverendissimi, orbis terræ cardines, ac columpnæ ecclesiæ Dei inconcussæ, omni cum reverentia ac devotione grandique fiducia preces humillimas porrigimus eisdem reverendissimis vestris paternitatibus, supplicantes, quatenus ob amorem Dei, nostrarumque precum supplici interventu procuratores et syndicos præfati monasterii ac totius ordinis ad sacrum concilium Constantiense supradictum et reverendissimas paternitates vestras directos, habere dignemini commendatos, et negotia pro quibus ad dictum sacrum concilium venerint expedienda favorabiliter recommissa, atque eorum clementissimi cooperatores existere in privilegiis, immunitatibus, indulgentiis, et aliis eisdem a summis Romanorum Pontificibus alias dudum indultis et concessis, per unicum futurum summumque Pontificem, Deo dante, rite et canonice eligendum auctoritate apostolica confirmandis; præsertim ut prædictæ constitutiones beatæ Brigide, ut præfertur, divinitus per revelationem traditæ, per modum regulæ ab aliis sacris regulis distincte valeant per eandem sedem Apostolicam confirmari, si quovis modo fieri possit, sacro Constantiensi concilio approbantæ. Insuper, reverendissimi patres et domini præstantissimi, ut ingratitude apud vos non arguamur, sufficienter informati per literas sacri Concilii ac nostris procuratores, quos alias nuper ad sanctam sedem apostolicam direximus pro trium sanctorum de supradicto regno Sveciæ, videlicet beatorum patrum Nicolai Lincopensis, et Brynolphi Scarenfis quondam episcoporum, ac Ingridis monialis

\* lege advesperascere

Affert  
enzel  
lar. Va.  
an. pag.  
no.



ANNO  
CHRISTI  
1415.

131

CONSTANT. OECUMEN. CONC.

132

ANNO  
CHRISTI  
1415.

monasterii Skeningenſis ordinis prædicato-  
rum, celebriſ memorie canonizatione (quo-  
rum meritis coruſcantibus quamplurimis  
miraculis ad eorum ſepulcra, firma fide in  
cordibus fidelium tenetur per univerſa re-  
gna iſta et partes circumvicinas, ut poten-  
tes ſint apud Deum intercedere pro pecca-  
tis omnium populorum, et gratiam militan-  
ti eccleſiæ in præſenti, et gloriam in futuro  
a Domino cum aliis ſanctis uberius impetra-  
re.) Veſtris reverendiſſimis paternitatibus pro  
bono cooperationis in ſacro concilio Con-  
ſtantiſi, nobis quo ad primam inſtantiam  
jam facta expeditione in tam celebri nego-  
tium plurimum ex intimis regramur, devo-  
tiſſime ſupplicantes, quatenus apud ſummum  
pontificem de proximo, dante domino, eli-  
gendum, habere dignemini id canonizationiſ  
negotium tam ſinceriter recommiſſum,  
ut ipſum cum aliis ulterius effectum ſortiri  
mereatur optatum. Pro quibus altiffimis in  
ſua gratia reverendiſſimas paternitates ve-  
ſtras ſine ſine conſervare dignetur ad præ-  
miſſa et ſingula miſericorditer adimplenda.  
Datum Upſaliæ anno Dom. CCCCXVII.  
prima die menſis martii, noſtris (ſub ſigillis  
præſentibus coappensis.

MARTINI PAPÆ V. BULLA.

Aloenſi (1), & Verionenſi (2) episcopis, ut  
de vita, & miraculis recolenda memoria  
Nicolai Lincopenſis (3), & Brymul-  
phi (4) Scarenſis (5) episcoporum,  
ac Ingridis (6) Mo-  
nialis ordinis Prædi-  
catorum, quaſtio-  
nem inſtituant.

Martinus episcopus, ſervus ſervorum Dei,  
venerabilibus fratribus Aloenſi, ac Ve-  
rionenſi episcopis, ſalutem & apo-  
ſtolicam benedictionem.

Ex Brem.  
in novo  
Bull. Ord.  
Præd. ad  
hunc an.  
ex arch.  
Ord.

Quoniam ineffabilis virtutum cœleſtium,  
proceræque cœliſtudinis internæ lati-  
tudinis veritate plantantis, ſummi, cir-  
cundati agminibus, Patris providentia, li-  
cet, in hoc deſluentis, & ad exitum con-  
tinuo properantis mundi, ſtatu recti cenſu-  
ra judicii cuncta regens, omnes formans,  
gradusque plaſmatorum dijudicans, ſingulis  
diverſa diſtribuat, & in hoc procelloſo cu-  
rarum pelago hunc humiliet, & hanc exal-  
tet, iſtum deſpectu permittat ad inſima, illum-  
que ad ſumma rerum ſaſtigia magnitudi-  
ne dignitatum attollat; dum naſcentis dies mor-  
tis indicitur, & per latentes ſubdoſosque,  
diſcurſus hujus vitæ noſtræ mortalitas ad  
extremum diem propulſi temporis mobilitate  
captatur, operum, geſtorumque, reme-  
dia, & auxiliaſ commoda ſalvando cœtui  
perſtringit duntaxat profutura, congruit pro-  
feſto, ut ultimum labentis vitæ noſtræ diem,  
quem feſtinatis curſibus properare ſentimus,  
piis prævenire geſtientes operibus, & ex  
eorum, quos in hoc blandienti, captioſo-  
que ſæculi tramite, curſu conſummato ex  
miſeriarum acervo, ad cœleſtem patriam  
immarceſcibilibusque deliciis Altiffimi præ-  
ſentiam veniſſe pie creditur, acceptabilia

acquirentes ſuffragia, illos, ut etiam eorum  
adjuti patrocini, ipſius patriæ poſſeſſores  
efficiamur, et hæredes, ſtudiis honorare ſo-  
licitis, et ſonoris efferre præconiis nullatenus  
omitamus. Dudum ſiquidem cum pro  
parte dilectiſſimi in Chriſto filii noſtri Erici  
(8) Swetie (9), Dacie (10), et Norve-  
giæ (11) regis illuſtris, ac venerabilium  
fratrum noſtorum Upſalenſis, ac dilectorum  
filiorum nonnullorum capitulorum et con-  
ventuum, eccleſiarum et monaſteriorum, nec-  
non Procerum, aliorum nobilium, et com-  
munitatum quarundam civitatum regni Swetie  
juxta ſeriem quarundam literarum per  
illos Baldaſari, in ſua obedientia, de qua  
partes illæ tunc erant, Johanni XXIII. ſuper  
hoc ſpecialiter directarum, coram gene-  
rali Conſtantiſi ſynodo, poſtquam ipſe  
Baldaſar hujusmodi obedientie præſidere  
deſierit, et antea ſibi hujusmodi literis mi-  
nime præſentatis expoſitum exiſtiſſet, quod  
celebris et recolenda memoria Nicolaus Lin-  
copenſis, Brymulphus Scarenſis episcopi, ac  
Ingridis monialis monaſterii monialium Skre-  
nugen, (16) ordinis S. Auguſtini, ſub cura  
et ſecundum inſtituta fratrum ordinis Præ-  
dicatorum viventium Lincopenſis diocæſis, dum  
in hujus ærumnoſe peregrinationis exilio  
mortali vita potirentur, non humanis ſavo-  
ribus obſequi, ſed puro corde, ſinceraque  
mente divinis oculis complacere ſtudebant,  
et per aſperitatem jugis poenitentiae cor-  
porum artus ſuorum ſpiritali ſervire cogentes,  
lubricæ carnis contemperant illecebras,  
declinaverant a voluptatibus, pudicitie  
conjuncti fuerant, et ſpæta fallaci gloria  
mandi, per devotæ orationis exercitium,  
et laudabilium virtutum opera ſummo ju-  
dici Deo famulatum impendere, ac ſibi ipſi  
et aliis ad æternæ vitæ merita proficere co-  
nati erant indefeſſe verbis pariſter, et exem-  
plis, non quaſſent opibus, ſed ſpiritu-  
alibus gratiis, et bonis moribus abundare,  
quibus jugiter, et converſatione ſe pios, pruden-  
tes, humiles, ſobrios, et caſtos, erga  
Deum ſumma veneratione devotos, erga  
vere pauperes, et loca pia caritate non ſiſſa  
largiſſimos, conſtantes in fide, ſacra ſpe  
plenos, et aliis virtutibus claros eſſe proba-  
verant; propter quod mirabilis Deus in ſan-  
ctis ſuis, et faciens mirabilia magna ſolus,  
per glorioſa eorundem Nicolai, Brymulphi,  
et Ingridis merita, tam ipſi in humanis agen-  
tibus, quam etiam poſt eorum felicem tranſi-  
tum ab hac luce in variis lucis Swetie,  
diverſisque temporibus miracula dignatus  
fuerat operari, honorans illos in terris, quos  
ut pie credebatur, coronaverat in excelſis, ac  
ex parte regis, et aliorum exponentium  
prædictorum ipſi ſynodo humiliter ſupplica-  
to, ut aliquibus ex S. R. E. cardinalibus, et  
aliis prælatis in dicta ſynodo exiſtentibus,  
quod ſe de vita, et meritis præſatorum Ni-  
colai, Brymulphi, et Ingridis ac hujusmo-  
di miraculis informarent, et ea quæ per hu-  
juſmodi reperirent informationem eidem ſynodo  
referre curarent, et deinde ſufficientibus,  
et exquisitis meritis ad hoc ſuffragan-  
tibus ipſe Nicolaus, Brymulphus, et Ingridis  
aliorum ſanctorum catalogo aſcribi, & ag-  
gregari poſſent, committere dignaretur: ipſa

In præfat.  
ad hoc  
Conſtant.  
Conc. eſci-  
tant ſcripſiſ-  
ſe hanc In-  
gridem  
Monia-  
lem fuiſſe  
Ord. S.  
Birgitta.

sa synodus nobis, tunc minori fungentibus officio, & dilecto filio nostro Petro (17) tit. S. Grisogoni presbytero cardinali, ac venerabili fratri nostro Jacobo (18) episcopo Laudensi, necnon dilectis filiis Johanni de Jarsono (19) cancellario ecclesie Parisiensis, Lamberto de Gelria (20), Wilhelmo Slynco (22), & Joanni Blocvvel (23) in theologia professoribus, in eadem synodo præsentibus, vivæ vocis oraculo commisit, ut literis authenticis, necnon libellis & instrumentis publicis per regem & alios exponentes prædictos super hoc destinatis per eos visis & examinatis super præmissis omnibus se diligenter informarent, & omnia quæ per eandem reperirent informationem ipsi synodo fideliter referre curarent. Qui quidem commissarii procuratoribus regis & aliorum exponentium prædictorum negotium hujusmodi prosequentibus eisdem literis necnon libellis & instrumentis publicis per eos diligenter visis & examinatis, ea quæ exinde reperirent de vita & meritis, necnon fama & devotione populi & miraculis hujusmodi, tam in vita, quam post mortem eorundem Nicolai, Brymolphus & Ingridis, quæ ipse Deus ad eorum preces, ut credebatur, operatus fuerat & in dies operabatur, seriosius referre curarunt; ipsa quoque synodus attendens, quod de fama præmissorum, ac devotione populi, necnon vita, & meritis dictorum Nicolai & Ingridis ac miraculis super prædictis per hujusmodi informationem receptam plene liquere non poterat, quodque ecclesie militanti difficillimum redderetur agnoscere spiritum glorificandum (24) in ecclesia triumphanti, & quod propterea expediens videretur in talibus ea gravitate procedere, quia ipsa non deciperetur ecclesia militans, & virtutum mater iustitia non læderetur, sed in re tanta cum abundantiori cautela, & majori maturitate procederetur, vobis (25) suis dedit literis (26) in mandatis, quatenus ad loca, quibus præfati Nicolaus, Brymolphus, & Ingridis fuerant, dum in humanis agerent, conversati, & ad illa, ubi eorum corpora requiescunt, personaliter accedentes, de fama præmissorum, ac devotione populi, vitæque, & meritis antedictis ac miraculorum hujusmodi crebrescentia, veritate & eorum circumstantiis universis, juxta datam vobis a Deo prudentiam, a testibus omni, quantum humana sineret fragilitas, exceptione majoribus, exacte, diligenter, fideliter, & prudenter secundum articulos & interrogatoria, quæ sua bulla vobis mittebat interclusam, requireretur perpenius veritatem; super quibus omnibus & singulis vestras duxit conscientias onerandas, prout in ipsis literis plenius continetur. Nos itaque, qui superni postmodum dispositione consilii in apostolicæ dignitatis B

averit usque in finem, hic salvus erit complescentes oraculum, episcoporum & Ingridis prædictorum, qui ex Deo nati, illi omnia sua vovendo consecrarunt, & quos altissimus, in omni benedictione spirituali in coelestibus in Christo Jesu benedicens, ante mundi constitutionem elegit, ut in conspectu ejus sancti essent, & immaculati, canonizatione, ut cum sanctis scribantur, studiis statuerint indefessis, piis, ac devotis supplicationibus excitati, ad Dei laudem, & gloriam, fidei propagationem orthodoxæ et ut iustorum semita, quasi lux splendens procedat atque crescat, ac compunctionis vomere ad proferendos fructus ubereque manipulos fidelium de virtute in virtutem Ambulantium corda perpenius adaperiant, (27) vestrique exilis operis fruge Deus omnipotens, qui nullius obliviscitur operis, seminis per suos germinati in plurimorum conspectu pabula falce metant, granæque sua ad horrea perducant æterna, et elucemtem divinæ operationis effigie in hujusmodi tam celebris exagitatione negotii illud verbi Domini: inveni hominem secundum cor meum: vobis dirigi valeat, & adscribi, nostræ super his impertientes autoritatis adminiculum, commissiones, necnon mandata, ac literas hujusmodi, & omnia inde sequuta, rata habentes & grata, illa autoritate apostolica laudamus; approbamus pariter, & confirmamus, ac præsentis scripti patrocinio communimus; suppletes omnes defectus, si qui forsitan intervenerint in eisdem; & nihilominus ut hujusmodi tam meritorii edificatoriique negotii ductu regio exitus citius substituat optatus, vobis & vestrum cuilibet, per vos vel etiam alios, moribus & vita comprobatos, viros idoneos, de quibus, & prout vobis, in his etiam hujusmodi vestris conscientias oneratis, expedire videbitur, ad prædictarum literarum executionem procedendi, ac in eis contenta exequendi; omnia præterea, & singula quæ pro hujusmodi executorialiter adimplenda quomodolibet necessaria, vel opportuna fuerint, faciendi, præsentium serie mandatum damus, & etiam potestatem. Testes autem hujusmodi, qui fuerint nominati, si se gratia, odio, vel timore subtraxerint, per censuram ecclesiasticam, appellatione cessante, compellatis veritati testimonium perhibere, non obstantibus tam sel. rec. Bonifatii pap. VIII. prædecessoris nostri, ac de una, & duabus dietis in concilio generali, quam aliis apostolicis constitutionibus, cæterisque, contrariis quibuscumque, seu si aliquibus communiter, vel divisim a sede apostolica sit indultum, quod interdicti, suspendi, vel excommunicari, aut extra, vel ultra certa loca ad iudicium evocari non possint, per literas apostolicas, non facientes plenam & expressam, ac de verbo ad verbum de indulto hujusmodi mentionem. Quicquid autem per hujusmodi inquisitionem vos, & a vobis forsitan deputandos invenire contigerit in præmissis, nobis aut successori nostro R. P. canonice intranti per vestras patentes literas præsentiam, & aliarum literarum prædictarum se continentes, plurimorum Tabellionum publicorum boni testimo-



ANNO  
CHRISTI  
1415.

135

nii, & famæ legalis, manibus ac subscriptione vestris, sigillisque munitus, fideliter quantocumque intimare curetis, ut ex intimatione ipsa super his, uberiori nobis, vel eidem successori, certitudine reddita, consultius

fieri queant singula, laudibus, & rependiis, supernaque caterva jugiter extollenda. Datum Constantiæ, Non. Maii pontificatus nostri anno 1.

ANNO  
CHRISTI  
1415.

REV. PATRIS BREMOND TOTIUS ORD. PRÆDIC.

Generalis Magistrum in hanc bullam

N O T A.

1. Arlon. ) seu Arlogen, vulgo Arlon, in Norvegia
2. Verlonien. ) Vexionien vulgo Vexia, in Suecia. Apud Odoricum annal. Ecclesiast. ad ann. MCDXXI. num. 23. legitur Vexionien. Episcopalis urbs est Vexia sub archiepiscopo Upsalensi.
3. Lincopen. ) in Gorbis. Huiusce Beati sapienter meminit sancta Birgitta in suis operibus.
4. Brynulpbi. ) Odoricus scribit Brynulpbi
5. Scarenfi. ) Urbs est episcopalis Gorbis.
6. Ingridis. ) Ex Odorico Nigridis. Beata Ingridis vitam conscribere Johannes noster a S. Maria, in lib. cui titulus: Les vies, & actions memorables des Sainctes, & Bienheureuses, tant du Premier, que du Tiers Ordre du P. P. & P. S. Dominique partie II. pag. 137. &c. Hyacinthus noster Choquetius, Olaus Magnus Upsalensis archiepiscopus, & Johannes Vassonius in Vita Aquilonari.
7. Erici. ) seu Henrici, huius nominis XII. regis Suecia & IX. regis Dania.
8. Suevetia. ) Suevetia, vulgo Suede regnum est Europe versus septentrionem.
9. Dacia. ) regio est Europa, in Transylvaniam, Moldaviam, & Valaciam divisa.
10. Norvegia. ) Vulgo Norovorge, est Europa regnum.
11. Upsalen. ) In Suecia.
12. Lunden. ) urbs est Scania Provincie.
13. Nidrasen. vulgo Dronheim, & Tronheim in Norvegia.
14. Suffraganeorum. Quos numero sex esse, docet Cranzias, episcopos scilicet Scarensem, Lincopensem, Stregiensem, Aboensem, Arosensem, & Vellimenensem. Idem censent Miraut, & Johannes Caralus a Stadel, in Compendio Geographiæ ecclesiasticæ pag. 227. Verum Labbeus in Brevariario Geographia episcopalis eos inter suffraganeos recenset etiam Vexionensem, seu Vexionensem episcopatum de quo in II. nota mox dictum fuit.
15. Skrenugen. ) Illud crediderim monasterium, quod Bernardus Guidonis recensens sororum monasteria provincie Dacia, vocat Skemungense. Ab Odorico dicitur Ostrovengen.
16. Petro. ) De Alliaco nuncupato, viro doctissimo, de quo consulendus Cranzias in Vit. Pontif. & cardinal. ad an. MCCCCX. pag. 800. Iste alium cardinalem addit Odoricus, Odonem scilicet S. Georgii ad Velum aureum, diaconum cardinalem, ipsum nempe Martinum V.
17. Jacobo. De quo in appendice ad pontificatum Gregorii XII.
18. Johanni de Jersono. seu de Gersono, ut scribit Odoricus, utramque bene. Quis fuerit vir ille celeberrimus, nemo nescit. Adeas Boukum in Historia universitatis Parisiensis, Bellarminum, Fosseinum, Miraut, ceterosque qui de scriptoribus ecclesiasticis sermonem habent.
19. Lamberto de Gelria. De Lamberto, ceterisque videas acta Constantiensis concilii.
20. Petro de Palca. ) Odoricus legit de Palca.
21. VVilhelmo Styne. ) Apud Odoricum, Johanni Baluelli.
22. Johanni Bloctwell. ) Ex Odorico, scribit Clarificanem.
23. Glorificanem. ) Odoricus scribit Clarificanem.
24. Pbris. ) tribus episcopis, Arlonensibus scilicet, Aboensibus & Vexionensibus synodi Constantiensis diploma inscribitur.
25. Literis. ) Quas refert Odoricus Raynaldus annal. ecclesiast. ad an. MCCCCXVI. n. XXII.

ÆPISTOLA ORATORUM UNIVERSITATIS  
COLONIENSIS AD CONCILIUM

De modo providendi ad beneficia.

Ulr. aug.  
Affert  
Mart. An.  
to. II. p.  
1386.

Venerabilis domine rector. Agitur in concilio de collationibus beneficiorum, in qua materia ambaxiatores nationis Germanicæ sunt valde angustati, nescientes quid eligant. Si opponant se praelatis & ambaxiatoribus praelatorum, & domino regi, qui ad hoc efficaciter tendunt, quod ordinarii conferant, timent quod eis invitis transeat, & quod tunc nihil facient pro studiis. Si conformant eis, iterum timent si forte alii prævalent. Reputo me hoc certum quod natio nostra bene in hoc consentiet, quod certa portio omnium beneficiorum deputetur pro graduatis, ad minus sexta pars. Sed timeo de difficultate introitus ad beneficia. Deas per suam misericordiam disponat sicut noverit pro sua ecclesia, & pro consolatione studiorum expedire. Fuimus cum rege,

qui diebat quod velit pro viris doctis fideliter laborare, & ita incepit facere publice in natione vestra, ubi dicebat quod ipse vellet in hac materia esse mediator, si aliqua dissensio oriretur inter praelatos & ambaxiatores praelatorum ex una, & nuntios studiorum parte ex altera. Et sitis certi, quod studiorum studiorum nuntii non quarunt se, sed utilitatem studiorum suorum. Verum est, quod Parisienses formaliter se opponunt, ne collationes veniant ad ordinarios, quibus ex certis causis non audent expresse assistere, timentes pericula. Videretur mihi quod super hac materia loqueremur secrete cum paucis, & intimaretis mihi consilium vestrum, quia fortassis non ita cito concluderetur. Verum est quod edificator conclave, sed super modo electionis nondum est deliberatum. Altissimus vos conservet. Scriptum Constantiæ ultima augusti manu propria. De tempore electionis nescio vos adhuc certiicare.

RE-

## RESPONSIO AD PRÆCEDENTEM EPISTOLAM

*Utilius esse publico bono collationes beneficiorum fieri per papam, quam per ordinarios.*

eod. ib.

**V**enerabilis magister, & domine. Recepi-  
mus literas vestras sub data ultima au-  
gusti nobis directas, in quibus inter cætera  
continebatur in effectu qualiter in concilio  
Constantienſi sit magna altercatio inter do-  
minum regem & prælatos ac ambaxiatores  
prælatorum nationis Germanicæ ex una, &  
ambaxiatores studiorum Parisienſium & alio-  
rum parte ex altera, de & super collatio-  
ne & dispositione beneficiorum, qui debeant  
de ipsis disponere, an dominus papa, an or-  
dinarii collatores, & ideo perplexi estis  
cui parti adherere debeatis propter certa  
motiva per vos saltem implicite in eadem  
litera tacta. Quapropter consilium nostrum  
super his & aliis in litera vestra contentis  
a nobis petitis, quia de facto nostro agitur,  
& vos & alii ambaxiatores studiorum, ut  
scribitis, & bene credimus, non querunt  
quæ sua sunt, sed bonum & utilitatem stu-  
diorum suorum. Idcirco vobis sub brevitate  
rescribimus, quod videtur nobis omnibus  
expedire, immo necessarium esse pro utilita-  
te eccles. & totius cleri, & maxime eccles.  
collegiarum & monasteriorum, non solum ci-  
vitatibus, & diocesis Colonienſis sed & totius  
provinc. Colon. & partium circumvicinarum,  
quod collationes & nominationes & dispo-  
sitiones beneficiorum maneant in potestate  
pape, quia, ut melius nobis scitis, si ordina-  
rii collatores haberent collationes eorum-  
dem, tor ad eos venirent preces armatæ do-  
minorum nobilium, & rutorum, quod non  
possent de eis disponere ad utilitatem ec-  
clesiarum, nec conferre ea dignis & beneme-  
ritis; sed oporteret concedere precibus  
eorum, nec in hoc satisfacerent, quia ubi  
complacerent uni, displicerent aliis, &  
illi statim se vindicarent incendiis, rapinis  
& bona ecclesiarum & maxime collegiata-  
rum, & monasteriorum in brevi funditus  
destruerentur. Quare his maxime attentis,  
& aliis exorbitantibus, quæ ab ipsis ordi-  
nariis collatoribus fierent, & visibiliter fieri  
deberent, si collationes eorum in manibus eo-  
rum remanerent, consilium omnium nostrum  
est, quod fideliter, fixe, & totis viribus as-  
sistatis ambaxiatoribus studii Parisienſis,  
& resistatis, ne collationes & dispositiones be-  
nificiorum veniant in partibus nostris ad ma-  
nus ordinariorum collatorum. Et inducatis  
etiam ad hoc ambaxiatores aliorum studio-  
rum nationis Germanicæ, prout scitis, &  
noveritis expedire; nec curetis quid inde  
vobis aut studio possit evenire, quia qui sin-  
cera intentione laborant, Deus, qui novit  
corda hominum, & scit quid ipsis expediat,  
ipsis assistet, ita quod non frustrabuntur ef-  
fectu. Si autem in præmissis obtentum ob-  
tineretis, laboretis ulterius pro utilitate stu-  
dii nostri, prout alias nostris literis vobis  
scripsimus, quarum etiam copiam vobis trans-  
mittimus interclusam, & alias facietis pro-  
ut melius noveritis expedire. Si vero in præ-

missis intentum vestrum cum aliis ad hoc  
collaborantibus nullatenus possitis obtinere,  
quod abist, tunc laboretis quod concilium &  
papa futurus provideant regentibus, gradu-  
atis & studentibus nostræ universitatis, quod  
ordinarii collatores habeant eis providere  
præ cæteris, prout vos melius cum aliis  
scietis adinvenire, quam nos pro nunc sci-  
remus excogitare.

## AVISAMENTUM.

**R**everendissimi patres, & domini. Quia  
post usurpationem collationum benefi-  
ciorum ecclesiasticorum ad Romanam curiam,  
gravis contra eandem a collatoribus ordi-  
nariis querela surrexit, nimis exorbitantem  
ex multiplicitate gratiarum, confusio & di-  
storta inordinatio litigantium, intrudentium,  
& intrusorum rebellio, & depauperatio uni-  
versarum mundi provinciarum & regnorum;  
immo & omnimoda desolatio generalium  
studiorum factæ sunt, quia omnes in unum,  
dives, & pauper currebant, afferebant mu-  
nera prælatorum, qui coquinis & stabulis  
infervierunt; & quod pretio pecuniarum,  
aut præsidio scientiarum non poterant, ser-  
vitiis & ejusmodi mercede ab honestate cle-  
ricali penitus alienis comparare fatagebant.  
Ideo modis omnibus sacrum concilium pro-  
pter reformationem status ecclesiastici, tam  
in capite quam in membris salubriter con-  
gregatum, de istis debet, & habet necessario  
providere, & ne status summi pontificatus  
in hoc nimium deprimatur, & ex adverso  
ordinariorum collatorum potestas, quæ etiam  
nimis laxata evidenter exorbitat, nimium  
exaltetur, attendantur avisaamenta, quæ se-  
quuntur.

Primo, quia papalem gravitatem, quæ ma-  
ximis negotiis continue agitur, non decet  
se circa minima occupare, sed illa inferio-  
ribus expedienda relinquere, ideo statuatur  
hoc generale concilium, quod summus pon-  
tifex nullatenus conferat illa minora benefi-  
cia, quæ taxam octo marcarum argenti  
non excedant; & si qua provisio de illis fiat,  
aut si gratiam habens tale beneficium acce-  
ptare præsumperit, & sibi de illo provide-  
ri obtinuerit; sint provisio & acceptatio hu-  
jusmodi nulla ipso facto, nec sub gratia cu-  
jusquam quoquo modo cadat.

Item, ad evitandam nimiam multitudinem  
gratiarum expectatarum hæcenus in gra-  
vamen ordinariorum, & tam diffuse susci-  
tarum, disponat sacrum concil. quod hujusmo-  
di gratiæ cum tantis ordinatione, & mode-  
ramine fiant, ita quod alternative summus  
pontifex primum, & collator secundum, &  
iterum papa tertium, et collator quartum,  
& ita consequenter habeant conferre bene-  
ficia personis habilibus, et idoneis, et qui-  
libet in ordine suo acceptet, vel sibi pro-  
videre faciat, ut non sit cuiquam optio su-  
um ordinem prætereundi, et ex fomite avari-  
tiæ pingulus beneficium expectandi. Et de  
isto caveatur in literis apostolicis per clau-  
sulas ad hoc aptas. Et contra hujusmodi  
alternationem et apostolicum expectantem  
in ordine suo post publicatas literas sub de-  
creto papali non liceat ordinario sub poe-  
na



ANNO  
CHRISTI  
1415.

na suspensionis a collatione sua per tempus vite suae quemquam in beneficium intrudere, aut alteri conferre quoquo modo.

Item ultra hoc habeat summus pontifex conferre omnia et singula beneficia apostolicæ sedis in corpore juris et in extravaganti ad regimen reservata, summam prædictam excedentia.

Item habeat ultra hoc de disponere beneficiis inhabilium, et irregularium, et de quibus ordinarii male disposuerunt, aut quæ ad ipsius dispositionem secundum dispositionem juris devolvuntur aut forent devoluta.

#### EPISTOLA UNIVERSITATIS COLONIENSIS

##### Ad præcedentes responsiva.

*Non expedire beneficia conferri per ordinarios; si tamen aliter fieri non possit, quid tunc agendum.*

Ibid.

Venerabilis magister, & domine. Super materia litterarum vestrarum nobis directarum iuxta contenta ejusdem, aliquos de universitate nostra convocavimus, cum quibus deliberavimus; & finaliter omnium nostrorum deliberationes in hoc resederunt, quod nullo modo expedit ecclesiis in partibus nostris, quod ordinarii collatores, & collatrices beneficia sua conferant, propter preces principum, & domineum armatas & propter multa damna & mala, quæ inferrentur ecclesiis & prælatis ac aliis personis ecclesiasticis, si hujusmodi preces non exaudirent, prout etiam vos nobis melius sentire potestis. Veruntamen si ordinationi concilii in his resistere non possitis, quia timeris quod ipsi prævalere debeant, prout scribitis; propterea propter idoneitatem personarum ecclesiasticarum parochiales in partibus Alamannie regentium, immo verius absentium, ut super his cum prælatis inibi congregatis tractetis de opportunitate congruentissima quæ erit sanctæ civitati Colonienſi, & non universitati bene grata & accepta &c. Visum est nobis, salvo consilio vestro meliori, quod universitatibus in genere provideatur, hoc modo videlicet, quod sacrum concilium statuatur, & ordinet, & papa postea electus confirmet quod ordinarii collatores & proinde ecclesiastici ecclesias parochiales X. marcas puri argenti & ultra valentes non conferant, nisi in aliqua facultate graduatis & de alia provincia natis, qui nullum aliud habeant beneficium, & in eisdem perpetuam jurent & faciant residentiam. Item quod ad dignitates non eligantur aut assumantur nisi illustres aut in theologia professores, vel in eadem, aut in altero jure licentiat, aut bachallarii in theologia formati, vel ad minus ex utroque parente de militari prosapia procreati, de eadem provincia nati & competentis literaturæ, unicum beneficium dumtaxat. & compatibile habentes, qui similiter in eis continuam residentiam facere jurent & faciant; & si aliis personis conferantur, irrita sit ipso jure collatio, & ipsi collatores sint eo ipso potestate conferendi illas hac vice privati, & ad proximum superiorem devolvatur conferendi potestas, qui

personis prædictis de illis providere habeat, & non aliis sub poenis prædictis. De aliis autem beneficiis, videlicet præbendis, ecclesiis parochialibus minoris valoris, ac vicariis, disponant ordinarii collatores pro servitoribus & amicis suis; sic tamen quod ultra tria beneficia simplicia nulli conferantur. Si quis autem quartum beneficium tria habenti contulerit, per annum suspensus sit & maneat a collationibus omnium beneficiorum, & potestas conferendi ea devolvatur pro illo tempore ad proximum superiorem. Et ille qui quartum beneficium acceptaverit, amittat ipso facto tria priora. Si prædictus modus per ordinarios collatores observetur; ipsi sufficienter providere poterunt suis servitoribus & amicis, & scientia cum graduatis fulgebit in ecclesia Dei, & per eandem gratia ipsius populus regetur in plenitudine pacis, & multi undique confluent ad studia literarum, ut promoveantur ad gradus & ad dignitates exaltentur. Insuper videtur nobis expedire, ut obtineatur confirmatio privilegiorum universitatis nostræ, quorum copias vobis transmittimus, ut super his plenius deliberare possitis. Item videtur nobis expedire si obtineri possit, quod impetraretur pro fundatione & incorporatione nostræ universitatis, & sibi incorporaretur totum collegium ecclesiæ S. Andree Colonienſis, ita quod cedentibus aut decedentibus iis qui ibidem jam sunt præbendati, in locum ipsorum non assumerentur nisi birretati de universitate studii nostri prædicti, qui ibidem perpetue Deo et ecclesiæ ac universitati nostræ servirent, & continue residerent. Scimus quod pro vobis & pro præmissis pecuniæ sunt necessariae; & ideo laborabimus apud dominos de consilio civitatis Colonienſis & inter nos, prout melius poterimus, pro eis habendis & mittendis.

#### CONSULTATIO THEOLOGORUM

*De nonnullis propositionibus erroneis circa materiam unionis.*

Ad obviandum multis erroribus, qui nunc oriri videntur circa materiam unionis ecclesiæ, petitur consilium & deliberatio theologorum supra dubiis infraſcriptis, quas Joannis Aus doctrinam erroneam sapere dicuntur.

I. Utrum dicere quod oblatio super modo electionis futuri summi pontificis, facta per dominos cardinales, & acceptata per nos nationes est erronea, aut ecclesiæ periculosa, vel scandalosa, sit erroneum, & injuriosum, ac pacis & tranquillitatis sacri concilii turbativum.

II. Utrum dictam conditionem non acceptare, nec aliam æque bonam vel meliorem offerre, & non velle super hac materia cum aliis conferre; sed rem istam tam necessariam in longum periculosos differre; sapiat fautoriam lenisimat. & impedimentum unionis.

III. Utrum inducere potentiam secularem ad prohibendum seu de facto impediendum, ne super dicta oblatione deliberent, aut respondeant aliæ nationes, sit libertatis concilii turbativum, & impressivum metus, aut ecclesiæ unionis impedimentum.

IV. U-

ANNO  
CHRISTI  
1415.

Ibid.

IV. Utrum dicere quod apostolica sede apud omnes nationes vacante, non est facienda electio futuri summi pontificis, secundum canonicas sanctiones; sed quod post dictam vacationem ecclesia diu & sine determinato tempore maneat acephala; idest sine apostolico capite seu pastore, & absque canonica provisione super forma & modo futuræ electionis; sit contra jus divinum, videlicet ordinationem Christi de instituendo sibi vicario Petri successore.

V. Utrum prædicta assertio sit hæretica vel sapiat fautoriam pravitatis hæreticæ, & specialiter hæresis contra Johannem Huyss per hoc sacrum concilium condemnata, videlicet quod ecclesia melius potest regi sine papa.

VI. Utrum quantumque hujusmodi concilii decreta, capitula vel juramenta sane intellecta possint obtinere præfato juri divino, seu ordinationi Christi de substituendo sibi vicario; & utrum hoc dicere sit erroneum, & sapiens hæresim; & huic sacro concilio injuriosum.

VII. Utrum dicere & efficaciter procurare, quod non solum electio futuri summi pontificis, sed etiam provisio super facto, modo, & tempore futuræ electionis differatur donec, & quousque prius fiat reformatio capitis, videlicet papæ, cardinal. & Romanæ curiæ... hujusmodi reformatio bene fieri nequeat papa præside; sit erroneum, & sapiens hæresim Johannis Huyss supradictam.

VIII. Utrum canon. provisio super futura electione sit prima & principalis, aut saltem præponenda, & an dicere contrarium sit erroneum & debito ordine reformationis turbativum; & hæc deformitas, scilicet ut ecclesia, ut præmittitur; maneat, sit periculosissima, & per consequens hujus deformitatis reformatio sit per totum nociva.

IX. Utrum dicere, quod minus inconveniens est ecclesiam carere capite, quam carere capitis reformatione, sit erroneum, & a bonis moribus ecclesiasticis alienum.

X. Utrum dicere quod Romanus pontifex aut universalis ecclesia non possit perfecte & debite reformari, nisi per subtractionem bonorum temporalium, quibus a principibus superflue est dotata; sit erroneum & expresse favens hæresim contra Johannem Huyss, per concilium condemnatam.

XI. Utrum consulere vel inducere potentiam secularem, quod exerceat viam facti, vel brachium seculare ad certas personas ecclesiasticas hujus sacri concilii absque auctoritate & expresso decreto, seu sub prætextu colore, quod isti vel illi sint perturbatores concilii, reddat sic consulentes, & inducentes reos poenarum juris, statutarum contra violatores ecclesiasticæ libertatis, quarum poenarum aliquæ confirmatæ sunt & noviter institutæ per hoc sacrum concilium.

XII. Utrum tales consulentes & persuadentes, quod dominus rex Romanorum ratione suæ dignitatis, vel alio prætextu titulo, sive conservatoris hujus concilii, sive decretorum ab eodem concilio statutorum, possit aliquam jurisdictionem in ecclesiasticos exer-

cere absque speciali ejusdem concilii mandato, dicendi sint errantes in moribus & in jure, & de fautoria schismatis vehementer accusandi tanquam præsentis concilii turbatores & violatores ecclesiasticæ libertatis, prædictas juris poenas damnabiliter incurrendo.

Super materia dictarum questionum offerunt se multi notabiles doctores theologiæ probare & defendere tres conclusiones sequentes, videlicet.

Ex articulis fidei clare deducitur, quod ecclesia non debet absque unico summo pontifice derelinqui usque ad consummationem sæculi; & hoc de lege communi.

Ex articulis fidei clare deducitur, quod præceptum divinum & affirmativum super electione summi pontificis fienda; dum sedes apostolica vacat, obligat omnem Christianum ad non impediendam hujusmodi canonice & salubriter faciendam.

Ex articulis fidei deducitur, quod prædictum præceptum obligat ad ultimum hominem Christianum ad procurandum juxta qualitatem sui status, quod electio summi pontificis nequaquam differatur, ubi & quando non occurrit dilationis ratio, dum scilicet electio deteriorem exitum probabiliter non haberet.

Ex prædictis tribus conclusionibus sequitur responsio affirmativa ad prædicta duodecim dubia.

Sequuntur rationes ad declarationem præmissorum contra nonnullos, qui sub prætextu et pallio reformatum status Romani pontificis & collegii dominorum cardinalium ac curiæ Romanæ, moluntur differe non solum electionem futuri Romani pontificis, immo nituntur impedire, ne provideatur de forma, modo & tempore electionis.

Pro fundamento trium conclusionum prædictarum, in primis præsupponendum est, quod ex institutione Christi, qui est principalis caput usque ad consummationem sæculi, debet succedere aliquod caput ministeriale Christo subordinatum, quale caput papam vel summum pontificem appellamus, & secundum canonicas sanctiones valde periculosum est, quod sede apostolica vacante diu differatur electio talis capitis, sive pontificis, & maxime sine determinatione modi & formæ, & præfixionis temporis electionis, maxime considerato longo tempore & inaudito quo jam vacavit ecclesia, ut per suas literas testatur concilium; quoniam aliter ecclesia exponitur discrimini ut remaneat acephala a tali capite, quæ est maxima deformatio ecclesiæ, cujus deformitatis reformatio præ cæteris est necessaria; & per consequens exponere ecclesiam tali discrimini, sine manifesta provisione contra scandala quæ inde possint oriri, est favere schismati & præbere impedimentum ecclesiasticæ unitati, quod sapit hæresim Johannis Hus per hoc sacrum concilium condemnati; & maxime in illis qui alios volentes contra prædicta scandala providere, vocant perturbatores concilii, & fautores.



ANNO  
CHRIST.  
1415.

Hoc itaque fundamento præsupposito, quod tam jure divino quam humano potest multipliciter stabiliri, consequenter dicendum est, quod contradicentes conclusioni præmissæ, quantum in se est, manifeste se reddunt suspectos fautoris inveterati schismatis, aut generativi novi, quod sic potest probari. Certum est, quod si istud concilium solveretur, antequam haberetur Romanus pontifex, quod haberemus schisma peius quam aliud, propter difficultatem iterum congregandi concilium: quoniam difficillime congregaretur sub quocumque principe christiano, propter multa quæ faciliter considerari possunt.

Item, quia secundum omnes suspensa sunt jura, virtute quorum ipsa electio pertinet ad collegium dominorum cardinalium, & sic non valeret electio eorum, dato quod eam vellet facere & celebrare. Sed certum & notorium est, quod non sumus in eminenti periculo & quasi inevitabili solutionis prædictæ, & hoc propter multas causas. Prima, propter longam & diutinam moram quam fecimus hic, ex qua longa mora non solum attediata sunt nobilia supposita hujus concilii; immo hæc civitas Constantiensis cum tota patria circumvicina. Secunda, propter periculum pestilentie aeris, ad quam secundum judicium astronomorum & medicinarum tempus valde disponitur. Tertia propter divisiones, odia, & dissensiones, quæ durante isto concilio exortæ sunt inter regem Romanorum & nonnullas nationes; nec non ambaxiatores aliquorum regum & principum, ut notorium est. Quarta, propter strages & guerras quæ invalescunt in aliquibus regnis & regionibus, propter quas invaduntur & dissipantur bona & monasteria plurimorum prælatorum & aliorum hic existentium. Quinta, propter dissidentiam quæ habetur de aliqua bona reformatione obtinenda in hoc concilio, visum quod per duos annos licet major pax, dilectio, & concordia inter nationes tunc esset, vix tunc potuit plene & perfecte concordari unum solum capitulum super dicta reformatione, de qua tractatur, videlicet de statu papæ & collegii dominorum cardinalium. Et sic visum imminenti & verisimili periculo solutionis prædictæ: quo periculo non obstante, prædicti machinatores non curant providere circa factum electionis præmissæ; sed nituntur occupare tempus circa dictam reformationem, vehementer se reddunt suspectos de fautoria antiqui schismatis in conspiratione & generatione novi: & videntur Ecclesiam reddere acephalam, nec curant hujusmodi periculo.

Item, & si dicta reformatio est in suo tempore necessaria; nullus tamen sanæ mentis dicet, quod sit præferenda electioni Romani pontificis, vel saltem provisioni dictæ electionis & determinationi modi, formæ, & temporis ejus, & hujusmodi, eo quod dicta electio est principia le negotium hujus concilii; & si non perficitur, quod Deus avertat, viget periculosum & nocivum: immo est quasi tota & unica spes universi principalis christiani. Valde absurdum est tantum principia le propter unum accessorium ponere in periculo, immo quocumque modo postponere.

Item, non solum pro hoc quod volunt dictam reformationem præponere, & in ea tempus occupare, se reddunt prædicti suspectos. Sed potius & verius ex hoc quod nolunt quod concurrerent, provideatur circa electionem vel saltem determinationem modi, formæ, temporis ejus & hujusmodi: cum tamen convenientissime uno & eodem tempore posset provideri super utroque, nec unum in aliquo possit aliud impedire.

Nunc restat ad aliqua eorum objecta respondere. Primo dicunt, quod creato papa bono modo, non possit fieri dicta reformatio; primo quia ipse per præsentiam suam impediet eam &c. Respondeo, aut dicta reformatio potest canonice absque eo & consensu suo fieri, aut non: si sic, absurdum est dicere quod impediet eam, cum non possit impedire dejectionem suam. Si vero sine eo & consensu suo non potest fieri, nec modo poterit fieri: quoniam parus consensus esset, vel eum creatum non vocare, vel tandem non expectare: immo plus nocet consensus paucorum, quam contraditio multorum.

Secundo, ad hoc quod dicunt quod plurimi vellent sibi complacere, alii timerent sibi displicere: & ideo nunc majorem haberent libertatem, &c. Respondeo primo, tales quicumque sunt, non sunt amici veritatis, qui favore vel timore negarent veritatem; neque per tales debet fieri hæc reformatio; & impudens est istud obiectum & sapit corruptionem.

Tertio ad hoc quod dicunt quod habito papa, quilibet nititur recedere; & dant exemplum de concilio Pisano. Respondeo: istud obiectum repugnat eis qui tantum cupiunt ipsam reformationem: quoniam si tantum desiderarent eam, non cito recederent quam prius perficiatur: etiam si ipsi pauci deberent remanere ob hanc causam dumtaxat, visum quod in ipsis in hoc casu poterit remanere auctoritas concilii. Item, unum est quod concilium non poterit ita providere post electionem licet ante, ne prælati recedant. Item, quod datur exemplum de concilio Pisano. Respondeo, quod de dilatione ipsius reformationis fuerit libere concursus totum illud concilium, nec fuit culpa papæ, vel collegii dominorum cardinalium; sed potius totius concilii, si pro tunc dicta reformatio non fuit facta. Item, dicta reformatio non fuit impedita propter creationem papæ, sed solum propter consensum totius concilii ex causa rationabili. Item deformitas ecclesiæ in hoc quod vacet papa, est præ omnibus deformitatibus generalior: quia tangit bonos & malos, & omnes generaliter Christianos.

Item periculosum est, ut supra dictum est, quod ex dilatione ejusmodi status ecclesiæ non mediocriter deteriorari possit tam in fine quam in moribus.

Item, tam longa expectatio futuri Romani pontificis est præ ceteris deformitatibus populis magis scandalosa, quam pauci cogitant in ista reformatione capitis: quamvis non negatur, quin sit expediens & necessaria, sed electioni prædictæ nullo modo præponenda: patet igitur quam vehemens suspicio laborat contra prædictos, quod non recte tenent

ANNO CHRISTI 1415. dant ad ea quæ sunt Jesu Christi & gloriose sponse ejus. Et forte intendunt sic expendere tempus, & attradiare concilium, ut paucis tandem remanentibus eligatur papa ad vota sua.

Allegationes autem tam divini quam humani juris leviter poterunt fieri ad præmissa, &c.

Sacrosancta synodus Constantiensis, &c. statuit & ordinat, quod futurus summus pontifex per Dei gratiam de proximo assumendus, cum ex hoc concilio deputandis per singulas nationes debeat reformare ecclesiam in capite & curia Romana secundum æquitatem & bonum regimen ecclesiæ, antequam hoc sacrum concilium dissolvatur super materiis alias per nationes in reformatorio oblatorum quæ sequuntur, scilicet de annatis tollendis, de collationibus beneficiorum, de numero cardinalium, contra simoniacos, de revocatione alienatorum tempore schismatis, de providendis ad beneficia & officia, de exemptionibus & privilegiis tempore schismatis impetratis revocandis, &c. Videlicet hoc adjecto, quod facta per nationes deputacione prædicta, liceat aliis de licentia ad propria remeare. Istud decretum per singulas nationes & collegium cardinalium est admittum. De modo vero electionis summi pontificis nondum est concordatum, &c. Isti quinque articuli subsequentes fuerunt XI. die mensis octobris præsentis ad sacrum concilium Constantiense in plena & publica sessione conclusi & publicati. Primus de futuris conciliis celebrandis, videlicet proximo ad quinquennium, secundum ad septennium, tertium, quartum, quintum ad decennium. Secundus articulus de provisione adversus futura schismata. Tertius de provisione faciendi per papam. Quartus ne prælati transferantur inviti. Quintus de spoliis & procuracionibus.

Sequuntur in ms. decreta de quinque articulis prædictis, 1. de conciliis generalibus celebrandis & provisione adversus futura schismata. 2. De profectione faciendi pro papa. 3. Ne prælati transferantur inviti. 4. De spoliis & procuracionibus. Omnia ut exant in editis Sessione 39.

## ORATIO PETRI DE ALLIACO

Cardinalis Cameracensis,

De officio imperatoris, pape, reliquorumque membrorum concilii Constantiensis,

Pro emendatione ecclesiæ, habita Constantia in concilio Generali anno MCCCCXVII.

Erunt signa in sole, luna & stellis. Luc. XXI. 25.

Considerantibus nobis verba proposita, triplex occurrit quæstio, pro eorum introductione, in hujus sermonis proemio breviter explicanda. Prima. Qualiter verba hæc evangelica, ad ea quæ nobis hic sunt agenda, pertineant. Secunda quid significent illa coeli luminaria, quæ nobis conferenda præsentantur. Tertia quæ sint signa cælestia, quæ nobis futura prænunciant. He liquidem quæstiones multorum forte, hic altantium animos pulsant, qui secum taciti admirantes interrogant: quam ob causam, quamve rationem aut congruentiam, verba hæc proponere decreverim, & huic applicare sermoni. Quid, inquirunt, ad rem pertinet, quid ad propositum attinet concilii generalis: erunt signa in sole, luna, & stellis.

Prima igitur quæstio proponitur, qualiter verba hæc ad ea quæ nobis hic sunt agenda pertineant. Pro quo sciendum nobis est, quod verba præmissa omnino arbitratus sum huic sermoni aptissime convenire, quod hi, qui in hac synodali congregatione præsentés adfunt, debent esse velut clarissima coeli luminaria, soli, & lunæ ac stellis merito comparanda, ut sequentia plenius declarabunt.

Nec caret congrua ratione rationabilis congruentia: quia hæc verba, quæ ad litteralem intellectum dicta sunt de signis adventus domini, ad generale concilium, seu judicium synodale, de quo adventu ipse in evangelio legitur promississe: ubi duo vel tres congregati fuerint in nomine meo, ibi in medio illorum sum. Matth. XVIII. 20.

O utinam, bone Jesu, utinam sis hic in medio nostrum, ubi duo non solum, vel tres, sed tanta fidelium multitudo universalem representans ecclesiam congregatur! Qui utique congregati sunt in nomine tuo, in nomine Salvatoris; nempe titulo, seu causa procurandæ salutis, & salutaris utilitatis, non particularis quidem sed universalis, nec unius aut paucorum membrorum suorum, sed totius tui mystici corporis, totiusque tuæ Christianitatis. Utinam ergo, salutarer Christe, utinam nobis in tuo salutari nomine congregatis, ita digneris præsens assistere; ut, pulsus errorum tenebris & peccatorum nebulis, effici mereamur clara luminaria coeli spiritualis, id est, tuæ ecclesiæ militantis, & in nobis reluceant læta signa salutaris consolationis. Unde sic vere possit dici: Erunt signa in sole, luna, & stellis.

ANNO CHRISTI 1415.

Ex veteri edit. Argentorat. anni 1490. datur a Dupin inter Opera Gerlon. to. II. pag. 921.



ANNO  
CHRISTI  
1415.

Secunda quaestio erat: quid significant illa coeli luminaria, quae praemissa verba nobis consideranda praesentant. Pro quo considerandum nobis est, quod, sicut in coelo corporali, sic in coelo spirituali, hoc est in praesenti ecclesia, quae, Gregorio teste, saepe in sacro eloquio regnum coelorum dicitur, ordinatissimus rex, omnium dispositor, diversa luminaria disposuit, de quibus in principio libri Genesis scriptum est: fecit dominus duo magna luminaria; luminare majus ut praeficeret diei, & luminare minus, ut praeficeret nocti, & stellas. Gen. 1. 16.

Habet igitur ecclesia duo luminaria magna solem et lunam; habet & stellas varias.

In sole papalis majestas quae praestit diei, idest spiritualibus; in luna imperialis potestas quae praestit nocti, idest, temporalis. In stellis vero diversorum statuum ecclesiasticorum varietas, quae suis subest majoribus, congrue designatur, sicut plenius patebit ex his, quae inferius dicenda sunt.

O quam decora est ecclesia christiana horum luminarium mira varietate, variaque claritate, dicente apostolo: *alia est claritas Solis, alia Lunae, alia stellarum, & stella a stella differt in claritate* 1. Cor. XV. 41. Ecce ergo quam bonum, & quam jucundum est horum luminarium variam claritatem videre! Quod tamen nobis nunc, domino donante, concessum est, cum solem & lunam, utramque videlicet potestatem, spirituales & temporales, sacerdotalem & regalem, simulque cum eis stellas varias, idest, varios ecclesiae status ad illuminandum universalem faciem terrae videamus in hoc sacro concilio convenire: ut merito de eis dictum sit; *erunt signa in sole, luna & stellis*.

Tertia quaestio fuit: quae sint ista signa coelestia, quae verba praedicta nobis futura praenunciant. Pro quo pensandum nobis est, quod in coelo spiritualiter intellecto, hoc est in hoc sacro generali concilio, quo universalis representatur ecclesia; in sole, luna & stellis apparere incipiunt signa multa, signa magna, signa nova, signa utriusque coelestia, sua multitudine stupenda, sua magnitudine miranda, sua novitate jucunda, quae plurimis retroactis temporibus fuerunt abscondita, fueruntque tristia signa illis omnino contraria.

Sed quod parabolice & obscure diximus, jam clare & lucide differamus. Scimus namque, & satis superque satis per experientiam docti sumus, qualiter, pro dolor! in sole luna & stellis praecesserint signa tristitia & moeroris, signa videlicet schismaticae divisionis, & ecclesiasticae deformationis. Propter quod impletum est illud Joelis vaticinium: sol et luna obtenebrati sunt, & stellae retraxerunt splendorem suum, Joel. 2. 10. & XXIII. 15.

Jam vero, quod gaudentes referimus, videre speramus signa jucunditatis & laetitiae, signa charitatis & concordiae, signa prosperitatis & complacentiae, signa videlicet pacificae unionis & reformationis ecclesiasticae.

Haec est ergo mirabilis mutatio dexterae caeli, quam, in sole, luna & stellis nunc inchoari videmus, dum hoc sacrum concilium ad hunc finem congregatum aspiciamus, ut

sancta mater ecclesia, jamdudum per schismaticam divisionem miserabiliter deformata, nunc per pacificam unionem reformetur. Sane nec vera unio sine reformatione, nec vera reformatio sine unione esse poterit. O praclarum et prosperum diem, et quem merito sanctum dixerim, sub quo hoc fieri contigerit! O beatos oculos, qui hoc videre meruerint! O felicem locum, hanc videlicet Constantiensem civitatem, meque pariter cum ea jucundae exultationis participem, quem intra terminos commissae mihi legationis ad partes Alemaniae Dominus ad hoc eligere dignatus est.

Sed magis laudanda et veneranda et cum laetabunda gratiarum actione, dignis praconiis extollenda immanis Dei clementia, quae tam ingens largitatis beneficium ecclesiae suae contulit, ut terribilia signa horrendi schismatis tam mirabili mutatione converteret in tranquilla signa optatae unionis, et pacis, de quibus dictum est: *erunt signa in sole, luna & stellis* Luc. XXI. 25.

Haec igitur haftenus de tribus praemissis quaestionibus generaliter dicta sint. Sed jam reuertat, ut specialiter consideremus dicta luminaria, et in eis sigillatim notemus signa et signemus mysteria.

Primo quidem, in sole signa praesidentiae pastoralis; secundo in luna signa prudentiae temporalis; tertio in stellis signa assidentiae specialis & obedientiae filialis.

In primis ergo consideremus in sole, idest in papali sublimitate, signa praesidentiae pastoralis, de qua singulariter Petro pro se et suis successoribus a Christo dictum est: *Pasce oves meas* Joan. XXI. 17. Non quidem specialiter has, vel illas, sed generaliter universas.

Haec autem papalis sublimitas, et ejus pastoralis praesidentia, ac eminentia singularis soli merito comparatur, propter tres excellentias, quas in eo specialiter cognoscimus. Habet enim sublimitatem positionis, habet nobilitatem conditionis, habet utilitatem operationis. Sic pontifex summus et pastor supremus instar solis habet positionis sublimitatem, si bene intraverit; habet conditionis nobilitatem, si bene vixerit; habet operationis utilitatem, si bene rexerit.

Sed e contrario, quod absit, pastor ab his conditionibus solis degenerat, si male intraverit per injustam & reprobam ambitionem; si male vixerit per inhonestam & scandalosam conversationem; si male rexerit per torpidam & otiosam remissionem, vel per tyrannicam & onerosam, ac odiosam administrationem.

Haec, pro dolor! essent signa tristitia, & non illa judicanda signa, quae divina favente clementia, nunc in sole nostro videre speramus, ut de eo cum psalmista, Domino dicere valeamus: *Tu fabricasti auroram & solem*, psal. LXXIII. 16. Fabricat enim Deus solem, quando summus pontifex, per canonicam institutionem dignus eligitur. Et tunc ex Dei opere verus sol efficitur, & recte super alios sublimatur.

Sed non est ille sol verus, sed falsum solis simulacrum, qui manibus hominum, idest humanis & dolosis adinventionibus fabricatur, sicut

ANNO  
CHRISTI  
1415.

sicut in psalmo scriptum est: *Simulacra gentium, argentum & aurum, opera manuum hominum* ps. CXIII. 4. Imo de talibus idolis per Jeremiam dicitur: *conteret Dominus statuas domus solis*. Jerem. XLIII. 17.

O utinam beata Trinitas sua omnipotenti virtute conterat statuas domus solis, idest simulacra Romane ecclesiae, quae est domus summi pontificis! Utinam inquam, illa simulacra conterat, quae in contumeliam individuae Trinitatis, trinum sibi nomen papatus multiplicare conati sunt, cum tamen eum tres simul habere nequeant, sed unus solus veri solis & veri papae nomen, & reale dignitatem obtinere debeat:

Unde in plurimum de hoc nomine contentum irrisionem, alias me scripsisse recolo; quod sicut in divinis veneranda est & adoranda Trinitas personarum, sic in humanis verenda, & abominanda Trinitas paparum. Cum enim sol dicatur, quasi per excellentiam, solus lucens, non potest esse sol trinus, sed necesse est ut solus sit, & unicus. Unde licet narrent historiae, tres soles in coelo aliquando visos fuisse, sicut testatur Eusebius, tamen secundum philosophos, nunquam plures fuerunt realiter, sed solum apparenter. Nam quaedam nubes interposita apparere fecit plura solis simulacra eidem similia, & illud fuit signum pronosticum inundationis future.

Sic revera a tempore praesentis schismatis, quaedam fuit nubes ingratiae, & malitiae, quae in Romana curia plura solis, idest papalis dignitatis simulacra fecit lippis oculis apparere. Quod monstruosum prodigium praesagium fuit inundationis plurium scandalorum, de quibus magis flere libet, quam aliquid dicere.

Hoc autem sacrum concilium ad hunc finem specialiter institutum est, ut fugatis huius erroris tenebris conterantur huiusmodi simulacra, & iuxta verbum Christi fiat unum ovile & unus pastor, qui tanquam verus sol unus & solus clarescat, & suo lumine universam illustrans ecclesiam, schismatis scandala sicut fenem ante conspectum solis incalcescentis arefcere faciat, ut de eo dici possit illud propheticum: *ortus est sol in ardore, & arefecit fenem*, Jacob. I. II. & haec de sole & prima nostri sermonis consideratione sufficiant.

Jam ergo consideremus in Luna, idest, regali seu imperiali maiestate, signa providentiae temporalis, de qua scriptum est: *absque regali providentia impossibile est pacem vobis dari*. 2. Mac. IV. 6.

Haec autem regia maiestas, & ejus temporalis providentia, luna merito comparatur, propter tres conditiones, quas in ea sensibilibus experimur. Est enim luna, secundum Isidorum, imitatrix solis, dominatrix maris, & ministra roris. In quibus designantur tres excellentiae, quae debent regi providentiae specialiter convenire. In imitatione solis, idest spiritualis charitatis, fulgor clare prudentiae. In dominatione maris, idest temporalis mutabilitatis, vigor magnae potentiae. In ministratione roris, idest visceralis pietatis, dulcor verae clementiae.

A Haec sunt signa, quae in luna nostra, hoc est in regali providentia nunc, Domino concedente, videre speramus, ut per ejus prudentiam clarescat veritas in discernendis iudiciis, ut per ejus potentiam, ferveat veritas in corrigendis vitiis, ut per ejus clementiam dulcescat serenitas in sublevandis miseris.

Speramus igitur, quod per regis nostri prudentiam clarescat veritas in iudiciis discernendis, juxta illud quod in proverbii scribitur. *Rex qui judicat in veritate, thronus ejus in aeternum firmabitur*. Prover. XXIX. 14.

Speramus insuper, quod per ejus potentiam ferveat veritas in vitiis corrigendis. Et sic de eo verificabitur illud quod ibidem legitur: *Rex qui sedet in solio iudicii sui, idest sua regali potentia, atque providentia, dissipat omne malum*. Prov. XX. 8. Et notanter dictum est. *omne malum*. Ut detur intelligi, quod regia severitas non debet unum malum dissipare, & aliud dissimulare; sed sine personarum acceptione omne malum punire, & in hac punitione non bonum naturae, sed malum culpae in hominibus persequi.

Speramus denique, quod per ejus clementiam dulcescat serenitas in miseris sublevandis. Ut cum sancto Job dicere valeat: *Cum sederem quasi rex circumstante exercitu, tamen morentium consolator*. Job. XXXIX. 25.

Ad regis etiam nostri clementiam pertinet, ut severitatem iustitiae per serenitatem misericordiae temperet, & sicut illam contra superbos & rebelles, maxime contra haereticos & infideles contra schismaticos & ecclesiae adversantes; sic istam in humiles & subiectos exerceat, ut ei illud praconium conveniat, quod in laudem optimi principis ab egregio poeta dictum est: *Pacere subiectis, & debellare superbos*.

His itaque virtutum titulis inignitus, dignus erit rex noster gladium accipere non sua quidem, sed divina auctoritate, ne pro quacumque causa; sed pro tuitione iustitiae & ecclesiae defensione, ut mereatur illud audire quod Judae Macchabaeo strenuissimo divinae legis zelatori dictum est 2. Mach. XV. 16. *Accipe gladium sanctum munus a Deo, quo deicies adversarios populi mei Israel, idest populi christiani*.

Gaudeat igitur ecclesia & nos cum ea pariter exultemus, quia serenissimus Romanorum rex, huic sacro generali concilio humiliter voluit interesse, non quidem ut praesit, sed ut prosit, non ut spiritualia & ecclesiastica negotia hic tractanda regia auctoritate definiat, sed ut ea quae synodali determinatione definita fuerint, sua potestate defendat. Non denique quasi sua interit synodalia decreta statuere, aut statuta confirmare, sed ea potius reverenter conservare, & ad eorum observantiam, superbam inobedientium contumaciam suo temporali gladio coercere, volens in hoc exemplum imitari religiosissimi principis Constantini, de quo legitur in decreto, & plenius habetur in historia ecclesiastica lib. X. & in Tripartita lib. II.



ANNO  
CHRISTI  
1415

O igitur felicem, & nobis optabilem diem, et toti mundo desiderabilem, quo in hac sacra synodo videmus solem et lunam, id est, spirituales et temporales potestatem, sibi invicem assistere, et sese forti ac stabili munire praesidio, ut de eis dici possit illud propheticum: *sol & luna steterunt in habitaculo suo.* Habac. III. 11. Et hæc de luna, et de secunda nostri sermonis consideratione sufficiant.

Sed jam ultimo consideremus in stellis, id est, in multiplici ecclesiasticorum statuum varietate, signa specialis assistentiae, et obedientiae filialis; de qua mystice et figurative potest accipi illud Baruch prophetae verbum: *Stellae dederunt lucem in custodiis suis, vocatae sunt, & dixerunt: Adsumus: Baruch.* III. 34.

Ubi circa hujus sacri concilii congregationem tria notare debemus. Primo, in personis congregatis, conditionis nobilitatem: quia *stellae dederunt lucem.* Secundo, in persona congregante, auctoritatem praelationis: quia *vocatae sunt.* Tertio, in ipsa congregatione, subjectionis humilitatem: quia dixerunt: *Adsumus.*

Consideremus itaque primo in personis congregatis conditionis nobilitatem: Quia *stellae.* Licet enim nullae personae catholicae, etiam si sint schismatica, ab hac congregatione sint exclusae: non tamen specialiter sunt vocatae infimae, aut ignorantes personae; sed illae praecipue, quae in triplicis conditionis nobilitate stellis coeli sunt merito comparandae, videlicet, in sublimitate excellentis eminentiae, inclaritate refulgentis sapientiae, in potestate praecellentis influentiae.

Stellae igitur non qualescunque, aut quantumcunque parvae, vel parum luminosae, sed tales, quae per abundantem virtutis redundantiam dederunt lucem in custodiis suis, id est, in variis ecclesiae christianae locis eis ad custodiam deputatis, et in administrationem commissis; de quibus dici potest illud ecclesiastici: *Species coeli, id est, decor ecclesiae, vel hujus coelestis concilii gloria stellarum mundum illuminans.* Eccli. LXIII. 10.

Consideremus deinde in persona congregante, praelationis auctoritatem: quia *vocatae sunt.* Non enim propria temeritate convenerunt; sed apostolica auctoritate vocatae sunt, ab illo videlicet, qui praelationis ac potestatis plenitudinem habere dignoscitur, id est, a summo pontifice, qui solus potest generale concilium convocare, sicut per communia jura positiva probatur. Quod utique regulariter verum est: sed jure divino et naturali, patenter ostenditur, quod hæc regula in certis casibus exceptionem habeat, & specialiter in casu Pisani concilii, sicut alias declaravi. Unde, qui oppositum tenent, literaliter sensui juris positivi, judaico more, nimis tenaciter adherent, contra quos ait Apostolus: *Litera occidit, spiritus, id est, spiritualis sensus, vivificat.* 2. Cor. III. 6.

Consideremus denique in hac sacra congregatione, subjectionis humilitatem, quod stellae dixerunt; *Adsumus*, id est, ad specialem assistentiam, et obedientiam filialem nos humiliter praesentamus. Ut summo pontifici merito possit hæc congregatio illud pro-

phetæ verbum dicere: *Ecce adsum, quia vocasti me.* 1. Reg. 1. 6. 9. Et hæc de stellis, et tertia nostri sermonis consideratione sufficiant.

Sed vos, o stellae clarissimae, non immerito querere potestis: quare vocatae sitis, ad quid cum sole et luna conveneritis, propter quid cum eis synodally hic congregari debueritis? Ad hanc questionem respondeo, quod in hac sacra synodo sol, luna, et stellae propter tria specialiter congregentur. Primo, ad praeterita corrigenda. Secundo, ad praesentia ordinanda. Tertio, ad futura providenda.

Primo, ad correctionem et reformationem ecclesiasticae deformitatis, quoad praeterita. Secundo, ad ordinationem et integrationem pacificae unionis, quoad praesentia. Tertio, ad provisionem et evitacionem maleficae pravitatis, quoad futura.

His enim tribus temporibus secundum Senecam, tria prudentiae officia correspondent: quae si nunc debite impleantur, utique juxta verba proposita, erunt signa in sole, luna et stellis, id est, in omnibus statibus ecclesiasticis, tam in capite, quam in membris. Signa, inquam, jucunditatis, et exultationis, quae in hac synodali congregatione fieri praestolamur. Et hæc sub triplici conclusione prosequemur.

Prima ergo conclusio est, quod hæc sacra synodus congregetur ad correctionem et reformationem ecclesiasticae deformitatis. Ut merito nobis dici possit illud Ezechielis: *Pro eo quod versi estis in scorum, congregabo vos & conflabo, & secundum vos igne furoris mei, id est zelo fervoris divini.* Ezech. XXII. 19.

O utinam hoc igne, hoc zelo, hoc divini fervore ita nos conflare et succendere dignetur spiritus sanctus, ut sua gratia mediante ecclesiam, quae a puritate sui primitivi decoris versa est in scorum multiplicis deformitatis, purgare et reformare valeamus.

Heu, heu, quam necessaria sit, et jamdudum fuerit ista ecclesiae reformatio, magna ejus deformatio insinuat, de qua Bernardus, *Sermone XXXIII. super cantica*, lamentabiliter conquerendo dicebat: "Serpit hodie putrida tabes per omne corpus ecclesiae, et quo latius, eo desperatius, eoque interiorius. Et multis interpositis subdit: "Olim de ecclesia praedictum est, et nunc tempus impletionis advenit; *Ecce in pace amaritudo mea amarissima.* Isaia XXXVIII. 17. Amara prius, in nece martyrum; amarior post, in confidit hereticorum; amarissima nunc, in moribus domesticorum. Non fugare, non fugere eos potest. Infestina ergo et vix sanabilis est plaga ecclesiae, et imo in pace amaritudo ejus amarissima. Sed, in qua pace? Ejus pax est, et non est. Pax a paganis, pax ab haereticis, sed non profectio pax a filiis. Unde vox ejus est plangentis in tempore isto: *Filios enutrivit & exaltavi, ipsi autem spreverunt me.* Isaia I. 2. Spreverunt et maculaverunt me turpi vira, turpi quaestu, turpi vita, turpi quaestu, turpi commercio, negotio denique perambulante in tenebris. Heu, heu et iterum heu, si hæc dicebat il-

ANNO  
CHRISTI  
1415

le tempore suo, quid jam dicere possumus tempore nostro, cum illi mali mores ex tunc semper creverint, et processerint ad peiores? Hinc præsentem ecclesiæ persecutionem; hinc horrendam monstruosi hujus schismatis divisionem: hinc subtractionem obedientie ab ecclesia Romana, aliæque scandala plura secutura. Ex tunc quidem, oculo spiritualis intelligentiæ præviderunt, sicut patet ex scriptis venerabilis abbatis Joachim, et sanctæ Hildegardis, quorum non est autoritas contemnenda.

Si ergo contra hæc mala, hæc sacra synodus non providerit remedia congrua, audacter affirmo, quod post tam horrendas confusiones, quas videmus, horribillora sequentur tonitura.

Utinam igitur, utinam horum malorum reformatio fiat. Utinam ad expurgandam ecclesiæ scorias accendatur in nobis ignis boni furoris, id est zelus divini fervoris. Ut impleatur quod præmemoratus Ezechiel propheta subiunxit, *¶. 21. Et conflabimini; sicut conflatur argentum in medio fornacis*, id est, sicut purgatur argentum in fornace, non solum exterius, sed interius, et in omni parte, ut non sit ficta vel simulatoria, sed perfecta et vera purgatio.

Hoc autem fieri non poterit, nisi Christus, afflatu suo nos inflammet in fornace charitatis, et ardere faciat igne suo, videlicet zelo ardentis fervoris, victiorum scoriæ expurgantis, quo ipse ait: *Ignem veni mittere in terram, & quid volo, nisi ut ardeat*. Luc. XII. 49. Et hæc de prima conclusione.

Secunda conclusio est, quod hæc sancta synodus congregetur ad reordinationem & reintegrationem pacificæ unitatis: ut de nobis verificetur quod in evangelio legitur: *Erant discipuli pariter congregati, quando venit & stetit Jesus in medio eorum, & quando ait eis pax vobis*. Joan. XX. 19.

O utinam in medio hujus synodalis congregationis ita venire & perseveranter stare dignetur Salvator Jesus, ut sua præsentia nobis ecclesiasticam afferat pacem, & pacificam unitatem! Utinam ad hanc reordinandam & reintegrandam, sic nobis secum cooperari concedat, ut, nostri laboris fructum universitas christiana sentiat. Hoc itaque labore nullus esse potest fructuosior, hoc fructu nullus sentiri potest suavior. Nec his pacis laudibus diutius oportet insistere, cum talibus Script. plenæ sint, nobis non ignotis.

Sed in tanti boni persecutione nostram deest negligentiam arguere, nostram pigritiam excitare. Nimis enim hoc in negotio temnimus. Nimis hucusque quievimus, nimis obdormivimus. Exsurgendum tandem est, & data nunc opportunitate & occasione cœlestis exhibitæ, ad hoc tam arduum, & ecclesiæ Dei tam necessarium virtutis opus efficaciter assurgendum. Et quia, *Ubi intendis ingenium, valet*; ut ait Comicus; ideo omnes hic ingenii vires impendamus, totis conatibus incumbamus, rumpamus moras, tollamus dilationes, & pacem hanc tam utilem, modis omnibus, & viis rationalibus sine debito terminemus.

A Ad hunc vero finem obtinendum, hanc conclusionem audacter affirmo, quod in hoc concilio nulla via possibilis erit repellenda, seu penitus reprobanda, nisi quæ probabitur esse juri naturali, seu divino contraria. Nam ad illud jus necessario recurrendum est, ubi jura non providerunt humana. Et hæc de secunda conclusione sufficiant.

Tertia conclusio est, quod hæc sancta synodus congregetur, ad provisionem & evitacionem futuræ maleficæ pravitatis: ut convenienter hic aptari videantur verba, quæ Moyses in Deuteronomio loquitur: *Congregate ad me omnes majores natu per tribus vestras, atque Doctores, & invocabo contra eos cælum & terram. Novi enim, quod post mortem meam iniqua agetis, & occurrent vobis mala in extremo tempore*. Deut. XXXI. 28. 29. Quo Moyses exemplo docemur, quod ad hoc synodaliter congregemur, ut non solum præterita mala corrigere, aut præsentia reordinare debeamus; sed etiam, ut contra futura providere, & ea, quantum in nobis est; in nostris posteris evitare curemus.

O utinam majores natu, utinam ecclesiæ pastores & doctores hic congregati, & hoc exemplo admoniti, diligenter attendant hominum pravitatem ad malitiæ pravitatem. Utinam vigilanter sic futura mala prævideant, ut contra ea utiliter provideant. Utinam, in præsentem talem adhibeant provisionem, quæ in futuro debitam habeat executionem: quia parum est jura condere, & nisi sint qui ea possint & velint conservare.

Hic vero unum quod ad præsens propositum maxime pertinet, singulariter admo- neo; ut in sacra Synodo talis provisio fiat, ut per eam hoc horrendum schisma cito finem capiat, ipsoque finito, in posterum ex causis similibus, simile fieri non contingat.

Unde, cum nunquam simile fuisse legatur, diligenter considerandæ sunt principales radices, & radicales ejus causæ, seu occasiones, & contra eas, ne in futurum similes oriantur, per synodalia decreta essent convenientia remedia providenda, exemplo sanctorum Patrum, quorum sequi debemus vestigia, qui in conciliis generalibus contra præcedentia schismata futura remedia leguntur statuisse. De qua materia plenius alibi tetigi, sed hic transeo, brevitatæ gratia. Et hæc de tertia conclusione sufficiant.

Sic ergo sub conclusione triplici, breviter & summatim ea tetigimus, propter quæ hic synodaliter congregamur.

Sed circa illa, quantum autoritatis habeat hæc sacra synodus, non videtur utile omnino silentio præterire. Sciendum est igitur, quod in cœlo cum sole & luna, sint & aliæ stellæ, non solum ut eis assistant; sed etiam ut cum eis influant. Non enim tantummodo soli & lunæ, sed cæteris stellis, imo generaliter omnibus constellationibus superioribus subiectus est hic mundus inferior, sicut Aristoteles ait, ut tota virtus ejus gubernetur inde. Sic in cœlo spirituali, in hac videlicet generali synodo, quæ tanta stellarum varietate, variegata venustate coruscat, cum sole & luna congregatæ sunt stellæ hujusmodi; non solum ut soli & lunæ, id est, summo Pontifici assistendo, ei-

deum



ANNO  
CHRISTI  
1415.

155

CONSTANT. OECUMEN. CONC.

156

ANNO  
CHRISTI  
1415.

dem se obediētes exhibeant; sed etiam, ut cum eo, sua virtute multiplici, influendo circa ea quæ hic agenda sunt, speciali auctoritate concurrant.

Ad hæc autem tripliciter concurrere dignoscuntur. Primo ad dubia consulendum. Secundo, ad consultata decernendum. Tertio, ad decreta exequendum.

Hoc autem non solum humano, sed etiam divino jure probantur. Nam in antiquis conciliis, & maxime approbatis, hujuscemodi verba leguntur: *Placuit sancto concilio: vel, concilium definiuit: vel, statuit sanctum concilium*. Papa etiam quandoque dicit: *Auctoritate concilii & consensu definitum est*.

Hæc autem, aliaque multa similia a divino jure ortum habent. Nam in primo concilio Hierosolymis celebrato, de quo in actibus apostolorum legitur, Jacobus præsentem Petro protulit sententiam, ubi non ait: placuit Petro; sed *placuit nobis collectis in unum* Act. XV. 25. Et sequitur Ps. 28. *Visum est spiritui sancto & nobis*.

Ex quibus patet quod auctoritas decernendi, & definiendi, non sit attribuenda soli Pontifici; sed toti concilio Generali.

Unde manifeste reprobat error quorum-

dam perniciosissimus & toti ecclesie periculosissimus, qui adulando potestati Papali: ita detrahunt auctoritati sacri concilii, ut dicere præsumant, quod Papa non habeat necessario sequi deliberationem concilii, imò standum sit sententiæ papæ, si ecclesie, vel concilio generali contradicat: falsum colorem sui erroris assumentes ex *Decretal. lib. 1. tit. 6. cap. IV.* & quibusdam aliis juribus positivis, utique male intellectis, & pejor contra jus naturale & divinum, in ecclesie præjudicium introductis, sicut hæc omnia plenius alibi declaravi. Sed de his prolixius discutere, temporis angustia non permittit; nec hic intendendum disputationi, sed magis orationi intandum est.

Oremus igitur, & a Domino humiliter posulemus, ut in hac sacra Synodo sol, luna, & stellæ concorditer influant, & nobis, cunctisque fidelibus in eis signa, lætitiæ & jucunditatis appareant, nec solum signa, sed ignorum salubres effectus, suæque multiplicis influentiæ virtutes jugiter impendant. Quod ipse præstare dignetur, qui supra solem, lunam & stellas in cælis regnat benedictus per omnia secula seculorum. Amen.

## MARTINUS PAPA V.

*Ab anno 1417. usque ad annum 1431.*

## TICINI CONCILIIUM

*Generale inchoatum; Senas deiu translatum; ac tandem Basileam indictum**Anno 1423.*

1423. „ **E**X decreto Constantiensis concilii ge-  
 „ neralis concilium post quinquennium  
 „ habendum erat; idemque Ticinum indixe-  
 „ rat Martinus papa V. constitutione sua ea  
 „ de re in eodem Constantiensis concilio pro-  
 „ mulgata. Ad statam ergo diem Ticinum  
 „ factus est patrum conventus; ibique coe-  
 „ ptum concilium aliquandiu subsistit, donec  
 „ grassantis luis terrore victa patrum con-  
 „ stantia, transferre Senas concilii sedem in  
 „ publica sessione statuerunt. Postremæ hu-  
 „ jus sessionis acta recitat Labbeus; nec quid-  
 „ quam aliud suppeditat de concilii illius  
 „ exordio. Hujus defectum supplendum hic  
 „ censui, adductis in medium iis, quæ de  
 „ concilii exordio tradit continuator Nie-  
 „ mii in Chron. vulgat. ab Eccardo inter  
 „ Hist. Med. Aevi to. I. pag. 1546. Ita ve-  
 „ ro ille.

Appropinquabat tempus quinquennii, in-  
 fra quod juxta bullam suam, & decretum  
 Constantiensis concilii summus pontifex con-  
 cilium celebrare debebat, quod ipse ante  
 discessum suum de Constantia solemniter in-  
 dixerat. Actumque est ergo secretiori con-  
 silio cum fratribus, ut pontifex ipse præmit-  
 teret aliquos ad civitatem Papie prædi-  
 ctam, quod concilium illud inchoarent. Ipse  
 vero cum cardinalibus, initiato concilio,  
 sequeretur. Destinavit itaque pro hoc præ-  
 sidentes suos numero IV. videlicet Petrum  
 Donatum archiepiscopum Cretensem, nunc  
 vero episcopum Paduensem; Jacobum de  
 Campo episcopum Spoletanum; Petrum ab-  
 batem de Rosacio Aquilegensis dioceseos,  
 referendarios suos; & fratrem Leonardum  
 de Florentia generalem magistrum ordinis  
 prædicatorum, qui ad civitatem Papientem  
 accedentes neminem fere invenerunt præter  
 duos abbates de Burgundia, qui illuc pro ce-  
 lebratione præfati concilii jam convenerant.  
 Statuto tamen die præsidentes ipsi una cum  
 iis, qui aderant, convocatis etiam præla-  
 tis circumvicinis in Dei nomine concilium

inchoarunt. Et in prima sessione missam ce-  
 lebravit reverendus pater dominus Andreas  
 episcopus Poznaviensis, & fermocinatus est  
 magister Johannes de Ragusio ordinis prædi-  
 catorum. Sicque per multos dies steterunt  
 paucis adhuc comparentibus. Supervenerunt  
 tandem ex Anglia prælati, & abbates ali-  
 quot, cum quibus vix aliquid fieri poterat,  
 quoniam concilium carebat partibus suis.  
 Nam de natione Germanica nullus venerat;  
 & de natione Gallicana erat episcopus unus  
 tantum videlicet Ambianensis, qui de epi-  
 scopatu Constantiensis in Normandia litiga-  
 bat. Et licet forte cum his paucis, qui ad-  
 erant, multa potuissent expediri, tamen  
 parum momenti agnoscentes fore quod esset,  
 licet forte juridicè, a paucis stabilitum, de-  
 creverunt adhuc modicum absentes præsto-  
 lari. In hac itaque expectatione stantibus  
 tam præsidentibus papæ, quam cæteris pau-  
 cis, supervenit Papie grandis pestis, quæ  
 compulit præsidentes ad transferendum con-  
 cilium ad alium locum tutum & sanum,  
 habitaque super hoc consultatione de com-  
 muni omnium ibi congregatorum concordia  
 in solemnæ sessione, translatum est tandem  
 de Papia concilium ad civitatem Senarum,  
 in quo loco major multitudo convenit ex  
 omni natione, quam Papie convenisset.

„ Juvat hic pariter de Senensi conc. ali-  
 „ quid addere non proletarium, quod eruit ex  
 „ consilio quodam Abbatis nondum, ut arbi-  
 „ tror, vulgato, & a MS. Codice Felini mihi  
 „ subministrato. Est vero disceptatio quædam  
 „ disputata Senis, ubi abbas ille Siculis juris  
 „ canonici professorem agebat. Discutiendum  
 „ ibi proponitur num principes laici, & cle-  
 „ rici sine prælaturis interesse concilio debe-  
 „ rent. Quæ occasione hæc narrat: *Dum de  
 hoc facto in conc. Senis habito tempore Marti-  
 ni papæ, anno Domini MCCCCXXIV. ca-  
 sus disceptandi accidisset, varii varia dice-  
 bant. Nihil tamen circa hoc determinatum  
 existit.*



## EUGENIUS PAPA IV.

*Sedit ab anno 1431. usque ad annum 1447.*

## BASILEENSE CONCILIUM

*Occumenicum, ex parte reprobatur,**Anno 1431. ceptum, & anno 1446. absolutum.*

## HISTORIA CONCILII

*Ex Documentis hic datis contexta.*

**B**asileensis concilii actis ex ipsis membranis plumbo concilii munitis editis a Crabio nihil addendum, nihilque corrigendum superesse videbatur. Cum tamen multa ad eo in eo discussa sint, quorum synopsis tantummodo acta ipsa a Tabellionibus publicis excepta offerunt; cumque in privatis patrum convocationibus ultro, citroque per multa dicta sint & disputata, quæ vel in publicas redacta tabulas, vel a privatis mandata sunt chartis; hæc plane omnia ad plena additamentorum volumina sufficerent. Quanquam enim ex his non pauca Labbeus dedit; majus est profecto, hæc melle jam collecta, quod colligendum superest spicilegium. Id vero ex volumine VIII. Martenis, ex Lunigii spicilegio, ex Pezii codice diplomatico; denique ex MSS. codicibus Lucenibus Felini, Florentinis, Laurentianis, & aliunde repetam. Quod, ut majori cum, lectorum meorum gratia, & commodo fiat, & iis ipsis veluti palantibus, solutisque documentis junctæ quædam Basileensis concilii historia retexenda est. Eam quidem provinciam ante me occupatam a Martene in præfat. 10. VIII. Vet. Mon. fateor; sed ita occupavit, ut laboris portionem mihi pariter intactam reliquerit; quippe cui suus est locus assignandus documentis illis, quæ aliunde conquisita in unam cum cæteris seriem venire jussit.

Senensi concilio anno 1424. absoluto, indictum est post septennium concilium Basileam; eodemque jam instante termino Julianus S. Angeli diac. cardinalis jussus est a Martino V. se conferre Basileam, ibique concilium inchoare. Extant pontificis literæ datæ Kal. febr. an. pontif. XIV. Christi 1431. inter acta prævia conc. Basil. Labbei tom. XVII. pag. 227. Retardante tamen cardinale Martino obiit, statimque sublatus in sedem Petri Eugenius aliis literis datis anno 1431. prid. cal. jun. quamvis minus solemnibus cardinalem urisit, ut quandoquidem pauci adhuc Basileæ convenerant patres, ipse expeditioni in Bohemos, cui incumberebat, quæque brevi consocienda sperabatur, incumbere, tum Basileam se conferret, ac in re concilii ageret pro sua prudentia.

Verum rari licet, quidam tamen ex patribus eo jam convenerant, quorum primus Alexander abbas Vezeliacensis, die 4. martii (cum synodus indicta fuisset ad diem ter-

tiam) stetit, se coram capitulo majoris ecclesiæ Basileensis, rogatisque testibus ac publico scriba professus est præsto se esse ad concilium, id quod publico documento ut palam fieret postulavit. Tabulas profert Martene, ex quo hic suo loco.

Haud diu post missi a Partienſi universitate legati supervenerunt quatuor; nec post multum cardinalis legatus viros delectos misit, qui suo nomine concilium inchoarent, coeptoque præſiderent, ut ex patentibus ejusdem cardinalis literis hic dandis ex Martene, constat, signanturque die III. julii. His ergo agentibus coepit concilium, cujus exordii publicum documentum extat hic ex Martene Vet. Mon. 10. VIII. pag. 5. signatum die XXIII. julii ind. IX. anno 1431. die 27. julii. In coetu patrum Joannes de Polemar destinatus est a præſidibus ad Sigismundum imperatorem pro concilio legatus. Porro Sigismundus paulo ante literas patentes expederat binas, tutelam suam concilio spondens, & ejus securitati provisorius, quas ambas a præſidibus concilii delatas Basileam credo; extant vero hic ex Martene deductæ.

Inminentis concilii nuncium ad Hussitas Bohemos pervenerat; incumbentemque sibi turbiam alio averſuri, literas undique sparserant, quibus profitebantur paratos se quidem esse ut causam perorarent in concilio, sed ne dicerent a patribus recusari. Literas signatas die 21. julii damus ex Martene. Tanta impudentia assertum mendacium detestati sunt cum indignatione Patres, quibus die 10. Augusti literæ illæ recitæ sunt, ut ex subjecta illis literis in vet. codice annotatione censeamus.

Secundum hæc Julianus cardinalis legatus concilio præſes destinatus Basileam venit, unde literas encyclicas quaquaversum ad episcopos cæterosque misit urgens, mandantesque venirent acturum, ut quo frequentiori concilio magnarum earum rerum discussio fieret. Literas illas ad Remensem archiepiscopum directas dat Martene, ex quo hic. Perimiles ad archiepiscopum Cantuariensem datas assert Wilkins. Alias verois diversis sententiæ ejusdem dederunt Basileenses ad Carolum Francorum regem, ad episcopos Germaniæ, ad abbates, cæterosque in ditione Basileensi agentes; quæ omnes septembri, & octobri mense signatæ sunt. Dantur vero hic

ANNO  
CHRIST  
1431.

hic ex Martene. Ad securitatem etiam viarum enixi sunt pacem inter christianos principes componere, quo spectant literæ ad regem Poloniæ, ad Prutenos, ad Fridericum Austriæ ducem, sicut et Sigismundi imperatoris ad ducem Burgundiæ, ex Martene hic legendæ.

Hic tamen omnibus res conciliaris procedebat parum, quod ut rescivit Eugenius papa a Joanne Pulchri patris, quem præses concilii ablegaverat Romam, edoctus, in concilium venit synodi Basilea Bononiam transferendi. Translationis hujus rationes suppeditabant multæ, & graves, quas exprimit in literis ad Julianum cardinalem ea de re datis Romæ prid. id. novembris 1431. (male in editis Labbei Ven. edit. legitur 11. id. februarii.) In his quidem literis pontifex concilium non transtulit, sed inchoatum dissolvendi & aliud Bononiam indicendi intra sesquiannum potestatem faciebat legato. Statim vero bullam aliam promulgavit Romæ, in qua dissolutionem prioris & novi concilii indicationem Bononiam autoritate sua firmat, & fidelibus omnibus denunciat. Bulla hæc apud Labbeum signatur die XV. cal. januarii, qua forte die Basileam transmissa est; sed in codice regio colleg. Navarrei servantur tabulæ manu publici scribæ munitæ testantes bullæ hujus, quale hic recitatur, autographum coram testibus, & publico illo scribæ exhibuisse Daniele episcopum Parentinum cum literis Roma missum ad concilium: in quibus tum variantes quædam ab editis apud Labbeum occurrunt, tum subscriptio diem 11. id. nov. fert. Hæc omnia patebunt suo loco.

Literis ad se directis reposuit Julianus, se quidem autore nihil mutandum, multisque annis est pontificem trahere in suam sententiam. Facta dictis congruerunt; nam bulla pontif. revocationis sive neglecta sive ignorata Basileæ, in concilio perseveratum est, sollemne instituta legatione missi ad Bohemos Hussitas delecti viri ut concilio adessent invitaturi, adjectis ea de re literis datis die XXVI. nov. anni hujus, ut habet Chronicon Corneri authoris coævi, vel XV. octob. ut est in Labbeo. Missa est etiam ad imperatorem legatio, cujus meminerunt ejusdem principis ad concilium (cui ut incognita perficiat auctor est) literæ apud Labbeum, datæ die XI. decemb. anni hujus. Hos ipsos concilii legatos misit idem princeps ad pontificem cum literis suis, servatis in Labbe pag. 750. 751.

Ita rebus, animisque ad perseverandum in concilio dispositis processum est ad primam sessionem die XIV. decembris habitam. Quod in ea exordienda sacri ritus servatum fuerit ex Petri de Monteinedito opere narramus. Hujus vero sessionis mox habenda rumore ad pontificis aures delato, multo ille insitit vehementius in dissolutionem concilii, & Bononiensis institutionem, qua de re literas dedit ad archiepiscopum Genuensem signatas die 18. decembris; simulque vulgata jam Romæ bullam revocationis per Parentinum episcopum Basileam misit. Lecta est palam in monasterio patrum Prædicatorum Basileæ per Joannem de Prato decre-

Conciliar. Supplem. Tom. IV.

ANNO  
CHRIST  
1431.

An. 1431.

torum doctorem. Exacerbati his Basileensium animi: ex quibus alii flocci jussionem illam pontificiam habuerunt; edideruntque decretum manendi Basileæ, fide denegata omnibus sive literis, sive jussionibus pontificiis dissolutionem imperantibus. Horum decretum signatum die XXI. janu. habes Labbei pag. 446. Alii a papa non probe de rebus contingentibus edocto, ad papam melius edocendum, vel ad concilium appellarunt. Appellationis syngrapham habes hic ex Martene: indeque pariter acceptæ literæ imperatoris: quibus transmissa sibi a pontifice bullam cum concilio communicat, hortaturque patres ut ab incepto deterri ferri nequaquam permittant. Signantur die X. januar. 1432. Literas ea de re alias pridie ejus diei destinaverat idem imperator ad pontificem multis obnitens, ut quod dissolverat redintegraret concilium. Dat illas Labbeus pag. 752. Literis adjecit legationem, quam de rebus cum pontifice agendis admoovit, dato legatis folio sub *avisamenti* titulo in Labbeo legendo pag. 753. Rescripti auctum ad imperatorem pontifex, (Labbe pag. 735.) multis causans suam in proseguenda concilii dissolutione animi firmitatem. Signantur literæ die VI. cal. feb. His vero literis nondum receptis alias misit imperator ad Basileenses signatas die ultima jan. (sunt hic ex Martene) significans omnem se operam dedisse, quo majores numero patres undique accitos ad concilium coadunaret; tum alias subinde, & alias ea de re februario mense adjecit. Id etiam per se tunc pariter præstitit Basileense concilium, a quo vicissim datæ, & acceptæ sunt literæ pro urgendis ad se episcopis. Lege literas ad episcopum Noviomensem, ducis Mediolanensis ad Concilium binas, Amedei Sabaudie, Philippi Burgundiæ ducum; concilii item ad Extant hic Hussitas (apud Labbe. pag. 446. & alias ex Mart. legatorum concilii ad Bohemos monentes ut veniant. Labbe. pag. 637.

Res ita agitata ut compescerent Galli Bituriges in concilium convenerunt, statueruntque Basileense concilium rite coepisse, omnemque ponendam operam ut servaretur intactum: quare mittendum Romam archiepiscopum Lugdunensem cum pontifice ea de re acturum. Concilii hujus Bituricensis dies est 2. Kal. febr. resque in eo decretas habes apud Labbe pag. 598. quibus adjungitur pag. ibid. epistola concilii Basileensis gemina, altera ad regem Galliæ, alia ad archiepiscopum Lugdunensem pro favore præstito gratias referens. Tertia denique est pag. 800. epistola archiepiscopi Lugdunensis ad episcopum Laufannensem, quem res omnes a se Romæ tractatas pro concilio docet.

Nec vicissim pro sustinenda causa sua Eugenius sequirem se præbebat; nam ultra literas frequentes ad Sigismundum mox imperatorem alioque directas, extat apud Labbe bulla ejus ad Coloniensem archiepiscopum signata III. id. feb. 1431. stilo vet. novo 1432. quem etiam atque etiam rogat, ut nihil relinquat intentatum, quo episcopos a Basileensi coetu avertens Bononiam invitet. Legationes etiam alias super alias sive ab imperatore ad se, sive ad imperatorem seu a-

L

fcul.

Antur hic  
Mart.



ANNO  
CHRISTI  
1431.

scultavit, seu misit. Extrat hic ex Martene epistola Sigismundi ad concilium signata die XX. feb. nunciantis missos a se legatos Joannem de Rozemberg aliosque ad pontificem. Est ibi pariter oratio Laufenensis episcopi concilii legatione fungentis apud pontificem, qua nec expedire, nec tutam fore concilii dimissionem demonstrat. Legationem tamen hanc missam post celebratam secundam sessionem satis constat.

Intra hos rogandi fines haud se continuerunt Basileenses, nam strenue, seu pervicaciter in concilio perseverantes, die XV. feb. sessionem alteram celebrarunt, statueruntque pro concilio eam a Christo datam esse synodis oecumenicis potestatem ut sibi omnes, ne papa quidem excepto, in his quæ pertinent ad fidem & universæ eccl. reformationem subiciant. Quo jure suo sic stabilito, tum versæ patrum curæ ad accupandum sibi principum favorem: ea mente legationem anticipatam destinaverunt ad solemnem Germanorum principum conventum Norimbergam indictum; ac per legatos illos iterum Bohemos sollicitarunt, ut ex literis legatorum ipsorum apud Labb. pag. 629. intelligimus. Signantur illæ die XII. febr. & quatrinduo post idem legati, aliis datis ad concilium literis, (Labb. pag. 779.) nunciarunt, quam multa præstitissent, ut favorem principum cæterorumque fidelium sacro illi coetui conciliarent. Nondum norant legati illi mentem concilii in iis, quæ coetui Norimbergensi communicanda essent; quam, ne diutius ignorarent, curarunt patres chartis tradi meditata sua, transmiseruntque die 28. martii. Quæ cum Bohemis tractari volebat concilium, habes Labb. pag. 783. quæ vero cum aliis hic legas ex Martene. Ad-diderunt literas securitatis pro accessu, & recessu Bohemorum, ut in Labb. pag. 614. Huc spectant concilii literæ ad Argentineses martio mense scriptæ hic legendæ ex Martene. Huc literæ aliæ ad Bohemos liberum accessum spontentes, hic prolatae ex Martene.

Interea missi sive a rege Germaniæ, sive a concilio Romæ legati mandata sua exposuerant pontifici, obitæque legationis acta in patriam retulerunt. Habes illa hic ex Martene, signanturque die XVIII. martii; habesque pariter adjunctas leges componendæ pacis, quas pontifex per legatos suos proponebat. Horum summa eo referebatur, ut concilium Basileense non quidem dissolveret, sed transmutari Bononiam diceretur. Vel si quod concilium in Germania haberi res Bohemiæ, & Germanicæ ecclesiæ reformatio postulerent, id quidem ibi, non tamen oecumenicum, sed nationale, seu provinciale haberetur.

Respuit propositas condiciones Sigismundus, voluitque rejectionis suæ publicum extare documentum hic dandum ex Martene. Respuit & concilium, quod eo alacrius insitit in patrum numero augendo. Hinc datae literæ encyclicæ ad omnes christiani orbis academias huc ex Martene translatae & die 1. aprilis signatae. Nec frustra ab illis laboratum: nam Burgundiæ dux literis actum datis adherere se concilio significavit. Affert Martene, & nos ex illo. Certiores

etiam facti sunt patres ex literis Sigismundi regis datis die VIII. haud ita post multum cardinalem Anglicum adfuturum. Viennensis etiam in Austria academia viros e suo coetu delectos eo destinavit cum literis die IX. maii. Vicissim autem quidam absentiam suam adductis rationibus per literas excusarunt, ut episcopus Misnensis, pro quo datae ad concilium literæ signatae die 28. aprilis; & Gallici quidam episcopi qui & ipsi per se, & dux Bethfordiæ pro ipsis literas ad concilium legarunt. Missa est etiam per hos dies ad pontificem legatio conciliaris a Laufenensi episcopo gesta, quæ inanis rediit, de qua legatione superius est actum.

Cordi erat pontifici ut rationem aliquam Biniret extricandi se a negotio impedimenti. Igitur legatis Sigismundi (cujus legationis acta hic dantur ex Martene) respondit, destinasse se legatos ad concilium, ut cum patribus illis rem totam expedirent. Dedit ea ipsa de re literas ad Sigismundum Maii calendis signatas; nequidquam tamen hæc valuerunt ad imperandam e Basileensibus moderationem; quin & habita die XXIX. aprilis sessione concilii tertia decreverunt de concilii dissolutione pontificis autoritate sancta curandum esse nihil; quin & monendum pontificem, ut quæ ea in re decreverat ipse retractaret, vocandosque judiciali ritu cardinales, ut ipsi per se ad concilium convenirent. Solemnes hæc advocaciones concilii nomine præstare jussus est Sigismundus rex: nec officio defuisse illum discimus ex directis ab eo literis ad concilium datis die 18. maii. Executionem ipsam judicialis advocacionis habes hic ex Martene signatam die VI. junii.

Conventum est interim inter legatos Basileensem & Bohemorum de iis quæ agenda, atque servanda fuerant, inter Hussitas nempe ad concilium venientes ipsumque erga illos concilium, cujus sane conventionis locus fuit Egra Germanicæ civitas, dies vero maii duodevigesima. Eo peracto conventu scripsit ad Sigismundum regem Procopius Thaboritarum hæreticorum princeps, certiorum illum de omnibus faciens; simul rogans ut ipse pariter rex ad concilium veniret. Data est epistola die XXI. maii. Reposuit rex, mentem ea de re suam expositurum Joannem Cisterciensem monachum, quem ad se missum a concilio remittebat.

Si quid aliud per hos dies ante sessionem IV. acciderit, documentorum defectu ignoramus. Sunt hic ex Martene literæ signatae die XI. junii Dominici cardinalis ad concilium, rogantes ne crimini sibi detur, si intentus conciliandæ paci inter Aragonios, Castellanos, & Navareos, ad concilium non veniat; quam ejus excusationem confirmant literæ aliæ tum reginæ Aragoniæ, & Siciliæ, tum regis Navarræ ad concilium directæ.

Die igitur XX. junii in quartam sessionem convenierunt patres, novaque augendis fideiis fomenta præbuerunt. Etenim præter literas securitatis in gratiam Bohemorum expeditas, cætera pontificarum feriebant. Ne decedente forte Rom. pont. & concilio perseverante electio successoris alibi quam Basileæ fiat. Ne quis epis. aliusve jurisjurandi religio-

ANNO  
CHRISTI  
1431.

Ex Mart.  
hic

Ex Mart.

Ex Mart.  
hic

Ex Mart.  
hic

Ex Mart.  
hic

Ex Mart.  
hic

Ex Mart.  
hic

ANNO  
CHRISTI  
1431.

x Mart.

x Mart.  
hic

ne prohibitus a concilio abſiſtat; utatur concilium bulla plumbea more pontificio certo emblemate inſculpta. Ne perſeverante concilio pontifex cardinales novos creet, neve creatos aptea ſed nondum promulgatos renunciet. Denique cardinali S. Euthachii legatio Avenionenſis committitur nomine concilii adminiſtranda. Neque tunc ſemel pontificia jura concilium uſurpavit: eſt enim hic palinodia F. Guillelmi Joſeſeume coram concilio recantata de maleſanis dogmatibus a ſe per impudentiam aſſertis, cui concilium judices aſſignat ad cauſam cognoscendam, audiendamque in eum delationes, dilata poena quodcuſque cauſa abſolvatur. Speſtant hæc ad diem IX. julii. Scripſit etiam concilium encyclicam ad omnes chriſtiani orbis fideles, indicens preces pro Bohemorum reductione. Cauſa etiam Magdeburgenſis, quæ alioquin ad pontificem ſpectaſſet, eo delata eſt. Hujus hiſtoriam, quia non ita facile in vulgaris concilii Baſilenſis commentariis occurrit, paucis expedit.

Magdeburgenſes urbem ſuam novis mutationibus adverſus Huſſitarum incurſiones deſenſuri, partem ſoli, quod juris erat eccleſiaſt. occupaverant, nec, momentibus licet archiepiſc. & canonicis, quidquam pretii compenſandæ rei gratia rependerant. Hinc nata diſſidia, quæ in periculofam ſeditionem creverunt. Nam canonici eccleſiarumque antiſites cum reliquis, cæteraque ſacra ſupelleſtili ad religionis terrorem urbe egreſſi in diſperſa per agrum ædes diverterunt. Ita urbe tota ceſſatum eſt a divinis, præterquam in monachorum & parochorum eccleſiis. Tum res delata ad concilium per procuratores archiepiſcopi & canonicorum, a quo acciti cives delectos viros miſerunt. Agitur hinc inde cauſa, anathema in cives pronuntiatur; interdicto ſubjecta urbs. Procurant cives ad arma, pelluntur undique canonici, archiepiſcopus ex oppido in oppidum fugitans, tandem ad concilium ſe conſert. Hæc Hermannus Cornerius in chronico.

Delata eſt etiam ad concilium cauſa Ulrichi de Mandelſchat Trevirienſis ecleſiæ, cui Philippus Burgundiæ dux literis ſuis die III. expeditis concilii favorem aucupatur adverſus epifcopi Spirenſis ad eam ſedem tranſlationem pontificis auctoritate aſſertam.

Inter multiplices hæc curas, illa tamen concilii patres urebat maxime, ut numero patrum auctoritatem ſibi quo majorem aſſerent. Hinc datæ literæ ducis Burgundiæ ad concilium ablegatos ſuos eos ſe miſſurum ſpondentis. Venturum ſe pariter Dunelmienſis epifcopus datis ad concilium literis proſtitur; vocatumque ſe Eboracenſis per patientes literas reſtat. Denique Gloceſtriæ dux favorem, tutelamque per literas exhibit.

Dum hæc agebantur a concilio, legati ultro citroque diſcurrabant. A pontifice miſſi venerant in Germaniam, ubi Conſtantie ſubſiſtentes, patentibus literis proteſtati ſunt prohiberi ſe ne venirent ad concilium periculoſum. Eorum tamen ſecuritati providit concilium patentibus literis expeditis die XXVIII. julii apud Labbeum legem.

Conſilior. Supplem. Tom. IV.

ANNO  
CHRISTI  
1431.Ex Mart.  
hicEx Mart.  
hic

A. Suum etiam legatum miſerat Sigifmundus Jacobum Ebredunenſem archiepiſcopum, qui ultro ſe pacis ſequeſtre inter pontificem & conc. jam obtulerat. Is ergo veniens cum pontifice compoſuit pacem in eas leges. Potestate a pontifice faciendæ, depu- tandique ab eo legatis ſas eſto patribus in concilio agentibus operam ſuam extirpandæ hæreſi locare; communicatis tamen cum pontifice iis, quæ magis ardua occurrerint, ut ejus judicio una & concilii deſiniantur. Ita pariter, & ſedulo incumbant partes morum reformationi, & ſiqua aptiſſima in eam rem cenſuerint, hæc pontifici corrigenda proponant, a quo reformata proponantur eccleſiæ, pontifice tradente, Baſilenſibus approbantibus. Ita demum rebus compoſitis ſi qua a concilio iniqua in pontificem, eique addiſos ſancita ſunt, hæc inſecta publico judicio decernantur. In hæc leges conveniens pontifex ab imperatore exigebat, ut ſi forte Baſilenſes tam æquas condiciones recuſaſſent illos deſereret, idque ſponſione ſua chartis tradita, ac ſigillo munita confirmaret. Scriptam ea de re bullam cum literis pontificiis derulit ad imperatorem Jacobus; & imperator vix acceptas miſit ad concilium cum ſuis literis ſignatis die XXVIII. julii, in quibus affirmabat nihil ſe de conventionibus illis admiſſurum inſuſu concilii. Caeterum ad moras inneſcendas remiſiſſe ſe eundem archiepiſcopum, aliis pariter adiunctis legatis ad pontificem, a quo ſi quid retuliſſent, hæc ſe ſtatim patribus renunciaturum.

Is erat rerum conciliarium ſtatus quo tempore ſeſſio quinta procurata eſt a patribus; nec in ea quidquam adverſus pontificem moverunt, niſi quod cauſas conciliarium hominum extra concilium trahi vetuerunt. Sanctionibus hiſce adſcripta dies XI. auguſti.

Eodem auguſto menſe ſollicitus a patribus Sigifmundus binis literis, ſeu, more parum, bullis, ut veniret ad concilium, reſpoſuit die XV. ejusdem menſis ſe in Italia non inaniter laborare pro concilio; auſcultariſſe reduces legatos ſuos Ebredunenſem archiepiſcopum cum ſociis nova afferentes pacis mediantia; auſcultaturum cardinales quosdam a pontifice ad ſe directos: quare ne ſollicitarent ut veniret, qui tam multa abſens pro illis præſtabat.

Tum ad priſtina ſtudia augendi numero hominum concilii reverſi ſunt patres, ut conſtat ex literis Caroli regis Galliarum die XIX. auguſti expeditis, quibus ſollicitatum ſe a Baſilenſibus narrat, eoque mittendam legationem ſuam ſtatuſſe. Huc pariter ſpectant literæ inſpectoris cuſjdam ad concilium excuſantis abſentiam ſuam, quod fidei cauſis expediendis detineretur. Eo denique legati ab academia Colonienſi miſſi cum literis ſeptembri menſe ſignatis. Huc tandem legatio a Baſilenſibus miſſa ad eundem Gallorum regem ea poſtulans, quæ hic ex Martene habentur. Petebant legati, ut ex Gallia doctores mitterentur. Pollicitus eſt rex, verbo prius, dein & ſcripta ad Baſilenſes epiftoſa; quæ omnia hic dantur ex Martene.

Venit tandem miſſa a pontifice legatio & in patrum conſpectum die XXII. auguſti admiſſa.



ANNO  
CHRISTI  
1431.

missa. Prior omnium peroravit Andreas de Petra Colossensis (male apud Martene in literis Constantia datus est *Collocensis*) archiepiscopus, suadens, ut abjecto schismate, malorum omnium fomite & origine, studia sua cum Romano pontifice conjungerent. Extat apud Labbeum pag. 663. Successit oratio altera episcopi Tarentini, quam eo redegit, ut nomine pontificis offerret, siquidem Bononiam recuassent, locum quemcumque alium ab ipsis eligendum, in quo uno omnium consensu concilium generale haberetur. Hanc pariter orationem Labbeus pag. 686. offert. Admissi sunt iterum in conspectum concilii legati illi, & pro concione a Præsidibus laudius coram illis exposita concilii autoritas in pontificem, cui denegatum est jus, semel inceptum concilium dissolvendi. Habet orationem hanc Labbeus pag. 448. Cum igitur minus hæc valuissent ad extendendam pacem, de incipienda adversus pontificem judiciali causa rumor increbuit, cui avertendo malo Sigismundus intercessit epistolis pluribus huc translatis ex Martene.

Missi a pontifice legari Basileæ perseverarunt usque ad novam sessionem habitam die VI. septembris. Ibi cum adessent, viderentque omnia inclinare in judicium adversus pontificem instituendum, pro concilio rogaverunt patres ne quid gravius statuerent. Tum abscedere iussis illis, contumacie in concilium cardinales postulari sunt, quod eo acciti non paruissent. Cum tamen habere se paratas excusationes pro illis quidam protestaretur; concilium selectos viros deputavit, ut ea, quæ affererantur, exciperent.

Nondum venerant ad concilium Bohemi deesse sibi securitatis literas causantes, quo spectant literæ plures afferendæ ex Martene.

Per hos insuper dies rex Aragonum procuratorem suum in concilio statuit Bernardum Serra expeditis ea de re literis signatis die VII. octobris. Electores pariter imperatoris ablegatos suos eo direxerunt cum literis diei X. octobris. Suos pariter misit dux Juliaciensis cum Palatino Rheno. Id etiam ut præsent Argentinenfes concilii literis diei XXIX. octobris sollicitati sunt.

Sed neque tunc intermisit cum pontifice tractationes pacis: quamquam enim Basileenses fide ad Sigismundum bulla omnem amputari negotiationis solum mandarunt, ni pontifex Basileensi concilio se plane adherere profiteretur; præmittendam tamen Romam splendendam legationem, quam ipse dein post aliquot dies sequeretur, Sigismundus censuit, certioresque de his omnibus fecit patres datis die XXXI. octobris literis.

Die VI. novembris septima sessio convenit, in qua nonnulla de more in pontificem iniqua decreta sunt. Ne vacante Romana sede adhuc perseverante, successoris electioalicubi, quam in concilio fiat; quo ut conveniant, cardinalibus dierum sexaginta spatium assignatur. Decretum istud siqui contempserint ex cardinalibus, statim a jure beneficiorum suorum excidant. Idem vero decretum altera a sessione die transmissum est cardinalibus cum literis concilii.

Post modicum acceptæ sunt a concilio literæ Alberti ducis Austriæ, nunciantis Bohe-

mos induciis recufatis per ditionem suam, grassari. Tunc auditis Nivernienfis episcopus ducis Burgundiæ legatione fungens, cuius oratio eo vergebat, ut patres hortaretur ad insitendum sancto illi proposito excludendi hæreses, & christianæ rei juveniendæ. Adjecti venisse se ad concilium cum mandatis, ut statim ad pontificem diverteret nomine principis sui, rogaturus, ut ipse vel per se veniret, vel mitteret qui suo nomine concilio adfuerent; si recufasset domini sui patrocinium & arma patribus spondebat. Hæc episcopus; qui iterum dein peroravit pro afferenda sibi, ut legato ducis Burgundiæ, prærogativa sessionis quam illi præripere Moguntinus vicarius nitebatur. Audita est pariter oratio elemosynarii regis Aragonum, qui concilii sanctitatem multis laudavit. Venerat legatus ille Moguntinus haud multo postquam patres decreverant pro concilio, ut episcopi acciterentur iterum, & impediti procuratores suos mitterent: quare per literas iterum invitatus Moguntinus, respondit literis datis die XXVI. novemb. se antea paruisse, quam moneretur.

Ex episcopis quidam Basileæ agentibus, five quod res ipsa sumptibus ibi præstandis essent impares, five hanc occasionem nacti corradendæ pecuniæ, copiam sibi a concilio postularunt fieri, vestigalem pecuniam sub honesto subsidii charitativi nomine a suis corrogandi; impetratum id a concilio, ut ex literis hic legendis ex Martene apparet. Dein cum ipsos pariter exemptos hoc jure vestigales sibi facerent episcopi quidam, ne id agerent edicto die XI. decembris promulgato cautum est.

Romam interim venerat missa a Sigismundo splendida illa legatio exhibuitque nomine regis sui supplicem libellum, quo exponerebat rex, scire se omnia quæcumque nuntii pontificii concilio proposuissent, quæque a patribus responsa tulissent ad pontificem afferenda pro componenda pace. Iis ergo acquiesceret, rogarique se iungeret; ut abjecto tandem veteri consilio, Basileensi coeui sese adjungeret. Communicavit hæc omnia cum Basileensibus Sigismundus, quæ in pleno patrum conventu lecta in pervigilio S. Andrea cum plausu, ut opinor, excepta sunt.

Secundum hæc pro consueto more redditæ sunt literæ principum qui ad concilium mittebant legatos suos, five qui causabantur absentiam. Theodoricus Colonienfis archiepiscopus novos legatos eo destinavit cum literis datis die 27. novembris. In coetu patrum die XXIX. novembris auditus est vicarius Moguntinus, qui nomine omnium electorum imperii pro concordia peroravit. Encyclicas quoque suas dedit Sigismundus rex, omnes undique principes ad concilium invitaturus. Ad ciendos tandem Bohemos mandatum pro stabilienda cum illis concordia ab eodem principe emissum est, signatum die III. decembris. Vicissim autem ad discceptandum cum illis de rebus fidei sese comparaturi patres, SS. patrum codices a Cluniacensibus corrogarunt, ut ex epistola concilii signata VI. id. decembris intelligimus.

ANNO  
CHRISTI  
1431.

Ex Mart.  
hic

Ex Mart.  
ibid.

Ex Mart.  
hic

Ex Mart.  
hic

Ex Mart.  
hic

Sunt hic  
ex Mart.

Sunt hic  
ex Mart.

Ex Mart.  
h.c

De-

ANNO Decembri mense die XVIII. processum est  
CHRISTI ad sessionem VIII. processumque pariter ad  
1431. insectandum pontificem, cui feriendo defini-  
erunt patres concilium oecumenicum ec-  
clesiæ catholicæ unicuique fore, & esse debe-  
re; & si quod alterum, priori stante, co-  
gatur, postremum hoc schismaticorum con-  
ventic. habendum. Cautum est ne concilia-  
rium hominum beneficia ab illis erepta al-  
teri, vel ipso pariter Romano pontifice de-  
ferente, dentur. Ne Romanus pontifex no-  
vis vestigalibus ditionem suam aggravet. Om-  
nium tamen decretorum caput fuit dierum  
IX. pontifici constitutus terminus, ne quid  
ultra differat latam de concilii dissolutione  
bullam revocare & concilio adherere; id  
si recusaverit, concilium pro suo jure de con-  
tumacia cognosceret.

Novum annum 1433. aperuerunt disputa-  
tiones cum Bohemis institutæ. Proposita e-  
rant ad disceptandum quatuor. De com-  
munionem sub utraque specie fidelibus omni-  
bus concedenda. Crimina præsertim publica  
a fidelibus vel secularibus, vel ecclesiasticis  
pro sua virili emendanda, & corrigenda. De  
verbi Dei prædicatione libera omnibus per-  
mittenda, nulla facta ordinis ecclesiastici, &  
secularis discretione. Nefas clerico in bonis  
temporalibus seculariter dominari. Omnium  
primus præfatus est Joannes de Alneto abbas  
Cisterciensis preparans ad concordiam  
animos, rogansque ut studiis partium sepo-  
sitis ad veritatem indagandam se totos con-  
ferrent. Tum cocepta disputatio est. Pro com-  
munionem sub utraque specie differuit omnium  
primus Joannes de Roquesana Hussiticum de-  
agma pluribus afferens. Idem vero Roque-  
sana in ipso anni ineuntis exordio legationem  
a Bohemis gerens una cum sociis ob-  
tulerat se concilio, ac luculenta brevique  
oratione causam adventus sui aperuerat, ope-  
ram omnem suam in commodum concilii of-  
ferens. Extat utraque oratio ex Martene  
hic. Roquesanæ sese opposuit adversarius  
Joannes de Raguso ordinis prædicatorum,  
demonstrare conatus totam sacramenti ve-  
ritatem in unius tantum speciei symbolo con-  
tineri, utriusque proinde speciei commu-  
nionem & fidelibus minus necessariam, &  
sanctitatis sacramenti frequenter minus com-  
modam haberi. Nicolaus alter Bohemorum  
legatus de publicorum criminum correctione  
differuit Hussiticum more, cui insitit in op-  
positum Aegidius Carlerius Cameracensis ec-  
clesiæ decanus. Tertius accessit disputaturus  
Ulricus quidam Bohemorum legatis, cu-  
jus ea fuit oratio, nemini interdicendam esse  
verbi Dei prædicationem, quem Deus invi-  
tatione sua ad id muneris, destinaverit. Le-  
ge ejus disputationem hic ex Martene. Ad-  
versarius nactus est Henricum Kalteissem ex  
ordine prædicatorum, cujus vide eruditam  
dissertationem apud Lab. pag. 1079. a quo  
pariter superiores orationes omnes pro ca-  
tholico dogmate afferendo exhibentur. Pos-  
tremus articulus de clericorum dominio vin-  
dicem habuit pro Hussitis Petrum Rayne An-  
gulum; pro catholicis Joannem de Polemar  
archidiaconum Barchinonensem, qui & ora-  
tioni adversarii orationem alteram opposuit,  
& syngrapham ab eodem Rayne aliquandiu

post, die IV. februarii oblatam, in qua ne-  
gabat clericis jus dominandi seculariter in  
bonis temporalibus, impugnavit. Porro syn-  
grapham damus hic ex Martene cum di-  
scertatione alia Polemarii, qua Petrum ite-  
rum pro se instantem retundit. Priorem ve-  
ro Polemarii orationem servat Lab. p. 1207.

Quamquam grave hoc negotium Bohemo-  
rum reducendorum occupatos patres per mul-  
tos dies, & menses habuit; haud ita tamen  
illi tractando incubuerunt, quin & multa in-  
terim gesserint ab hoc plane aliena. Nam  
sub ipso disputationis institutæ exordio ses-  
sio IX. convenit, die XXII. januarii, in-  
seamque declararunt quidquid in Willel-  
mum Bavarie ducem concilii patronum a  
Sigismundo destinatum; ceterosque con-  
cilii fautores Eugenius statuerat. Cum  
vero in eorumdem patrum suspicionem Si-  
gismundus venisset, eaque de causa idem  
rex exposuisset illis quanta pro concilio as-  
serendo præstitisset, & quam gravia ipse  
vicissim ea de causa ab irato pontifice per-  
tulisset; his permoti patres grates regi pro  
eximio favore sibi præstito egerunt literis die  
XXIII. Jan. expeditis. Hac ipsa occasione  
mala quæ a pontifice toleravit enume-  
rans Sigismundus, regno se spoliatum agente  
pontifice narrat. Nulla quidem pontificis  
bullæ rei hujus testis superest; sed ea, quæ  
de se narrat Sigismundus, aperta sunt,  
quam ut ambiguitatem admittant.

Circa idem ferme tempus Trajectensis ca-  
usa cognoscenda patribus delata est. Traje-  
ctensi cathedr. obitu Svederi ep. vacuum Ra-  
dulp. Traject. a capit. electus & ab Eug. pon-  
tificis confirmatus initiatumque tenebat; quo  
simul tempore canonici quidam Trajecten-  
sis & patriæ suæ exules Walravum de Morfe  
Theoderici Colonienfis archiepiscopi fratrem  
ejusdem ecclesiæ Trajectensis episcopum re-  
nunciaverunt; statimque Basileensis concilii au-  
thoritatem electioni huic suæ ascendende im-  
plorarunt. Patres acta illa omnia ut nomi-  
ne suo confirmaret, æmulumque deiceret,  
Colonienfis archiepiscopo mandarunt. Id mu-  
neris complexit Colonienfis; compellatus ea  
de causa a pontifice literis, quas hic damus  
ex Cornero. Fervebat causa illa in concilio  
die XIII. Jan. quo signatæ sunt literæ du-  
cis Burgundiæ rogantis patres ut definitio-  
nem ejus tantisper differrent; & die VIII.  
apr. qua signantur literæ Jacobæ Bav. duc.  
rogantis patres ne Rodolphum exauthora-  
rent. Causæ hujus nullum dant exitum ea  
quæ profero documenta; ex autore tamen  
Bathaviæ sacra scimus, utrumque æmulum  
jus suum tenuisse; & quamquam cardinalis  
Cusani opera pax utrumque inter dissen-  
tes composita fuerit, neuter tamen alteri  
cessit; sed Waltavus Monasteriensem episco-  
patum habuit cum pensione non modica a  
Trajectensi diocesi solvenda, reliqua Rodul-  
pho asserta.

Februarii mensis die VIII. receptæ sunt  
literæ Sigismundi binæ, quarum prior Jo-  
annem cardinalem Rotomagensensem excusat de  
dilata eo usque sua ad concilium professione;  
altera vero spem patribus facit de im-  
minente ejus ad concilium adventu; signan-  
tur literæ istæ die XXIII. februarii. Habita  
tunc

ANNO  
CHRISTI  
1431.

Sunt hic  
ex Mart.

Sunt hic  
ex Mart.



ANNO  
CHRISTI  
1431.

Ex Mart.  
hic

Sunt hic  
ex Mart.

tunc est die XIX. februarii sessio concilii X. in qua Eugenii contumaciam accusantibus concilii promotoribus, assignati sunt iudices ad videndum, & examinandum processum factum in dominum Eugenium.

Martio mense legati a pontifice missi Joannes de Mella, Christophorus Cervienis episcopus, Ludovicus S. Justinae Paduensis abbas, & Nicolaus abbas S. Mariae de Moniacis in dioecesi Montis Regalis; auditi sunt in pleno patrum consensu. Venerant illi ea facultate muniti, & cum mandatis, quae ambo hic ex Martene referuntur. Exposuerunt illi pro concione, vellent tandem pontifici idoneis de causis volenti concilium Bononiam transferri assentiri. Si Bohemi eo venire recusassent; de alia Italiae urbe, dummodo extra ditionem ducis Mediolanensis, convenirent inter se. Si nec ita acquiescerent; viderent delecti a concilio viri duodecim cum legatis electorum imperii, regum, ac principum, judicarentque utrum praestaret in Germania haberi concilium; modo vero extra Basileam. Ita fert oratio Joannis de Mella hic legitur ex Martene. Responsum est a praeside concilii, tum & a concilii promotoribus, quae ambae orationes hic sunt ex Martene.

Eodem simul tempore, quo pontifex legatos suos destinavit ad concilium, bullam dedit, direxitque Sigismundo regi, in qua dissolvit se quidem Basileense concilium factum; modo vero ea dissolutione non obstant velle concilium ibi locorum celebrari sub certis praesidibus a se quantocius transmittendis. Acceptam hanc bullam Sigismundus misit ad concilium cum literis ab Eugenio ad se datis; quae omnia hic leguntur ex Martene. Literae Sigismundi signantur martii die IV. papae bullam dat Labbeus pag. 727. Lege haec in communi patrum coetu die XXVII. ferebat codex Martenis; non admissa Harduini codex adscriptum exhibebat. Hanc vero recusandi causam praetenderunt patres, quod ea bulla novum concilium indici videretur, non vetus olim coeptum perseverare adhuc agnosceretur.

Delati tunc pariter ad concilium clamores Trevirensium, quos immodicis exactionibus gravabat Ulricus, de quo jam egimus, in Trevirensis archiepiscopum electus, cui asserendo adversus aemulum a pontifice ad eum archiepiscopatum promotum pontificias censuras incurrerant; quare ut ab iis pariter absolventur per literas datas XI. martii rogabant. Sequenti mense Ulricus literis ad concilium datis fidem omnem superioribus hinc literis abrogavit. Reddita sunt quoque patribus literae optimatum Rustiae, favorem sibi quaerentium in Sigismundum ducem, conantem principem suum Svvidrigal subvertere, ac principatu expoliare. Paratos se exhibent ut veniant ad concilium, acceptis tamen prius securitatis literis; ibi vero cum Graecis in concordiam Romanae ecclesiae consensuros. Signantur literae die XXVI. martii. Receptae etiam literae comitis de Andrado favorem & patrocinium pollicentes.

Aprilis mensis nihil fert memorabilius supra praefata Sigismundum Romanorum regem

inter & pontificem, quae tamen res concilii nonnisi ex obliquo ferunt. Morigerum se ecclesiae filium spondet Sigismundus; colloquium & diuturniore moram cum pontifice habiturum se, quo tandem imperiale diadema impetrare ab ipso mereatur. De his omnibus per suas literas certiores patres factos a Sigismundo, literae ipse huc translatae ex Martene docent. Vergente ad exitum mense die XXVII. aprilis sessio XI. coivit. Plura tunc sancta pro concilii autoritate contra Pontificem. Ne concilium semel coactum dissolvatur aut transmutetur nisi ex consensu duarum ex tribus concilii partibus. Accedant eo praesules etiam non vocati omnes, nec Romano pontifici excepto, aliqui post quadrimestre a summo Sacerdotio pontifex excidat. Alia id generis fancita.

Majo mense succedente, Eugenius, cui prorogati schismatis filium erat ingratus, praecidi illud posse censuit cum ex literis Sigismundo expeditis die XVI. kal. martias concilium Basileae habere consensisset; destinavit eo praesides Jordanum episcopum Sabinensem, Angelotum tit. S. Marci cardinalem, Petrum Albanensem episcopum, & cardinalem tit. S. Crucis in Jerusalem. Quoniam vero praesidium illorum retardari adventum Basileam intellexit; ex quo res prouerent in deteriora, ut eorum absentium loco praesiderent destinavit Joannem de Mella archiepiscopum Tarentinum, Thomam episcopum Traguriensem, Ludovicum, & Nicolaum abbates S. Justinae, & de Moniacis: extant hic literae ex Martene signatae nonnullae. Accedunt aliae ad Julianum cardinalem quem una cum aliis praesidere concilio pontifex mandat. Datas legatis hinc facultates habes in bulla legenda Labbei pag. 742. in qua tamen signatur die XVIII. kal. jan. in codice vero Martenis pro januaro est martii. Hanc legatorum substitutionem Sigismundus rex, Viterbium ad pontificem ex condito veniens, procuraverat, ut ex eis ad patres literis die IX. maii apud Labbeum pag. 576. discimus.

Augeri contigit hoc majo mense patrum numerum ex legatis ducis Burgundiae, de quibus ejus ducis literae & mandatum. Item ex legatis regis Lusitaniae, ut ex literis ejusdem regis.

Crescentibus patribus tumultus in concilio augebantur. Hoc enim majo mense actum est de condendo conciliari decreto, quo omnium ecclesiarum provisiones collationesque beneficiorum a pontifice ademptae, & si quae fierent irritae declaratae, assererentur concilio. Tuenda pontificiae autoritati, validum scriptum paraverat Jo. de Turrecremata; quod ne legeret pro concilio, obstitit patrum in pontificem nondum penitus abjecta reverentia, quae ne proponeretur decretum impedivit. Scriptum hoc Turrecrematae hic primum prodit, ex Lucensi codice M. S. acceptum.

Junii ineuntis exordio, die scilicet ejus tertia, Joannes de Polemar mandata, quae a Basileensibus acceperat, Pragae coram Bohemis exposuit, narrans quanta humanitate eorum legati excepti fuerint Basileae, quam benigne auscultati, non adacti ad silentium, sed

ANNO  
CHRISTI  
1431.

Hic ex  
Mart.

ANNO fed ut pro libito dicerent invitati; siluisse  
 tandem non iustos sed volentes. Ex his ergo  
 legatos dicerent, nihil sibi a concilio timendum  
 si legatos suos eo mitterent. Multa ultro  
 citroque disputata sunt, & nihil conventum.  
 Acta omnia hic ex Mart.

Imperialibus infulis pontificis manu ornat  
 us fuerat Sigismundus die XXXI. maii hujus  
 anni, idque nuncii dandum censuit patri-  
 bus tum literis die IV. junii datis, tum  
 legatione episcopo Curienfi gesta, de qua in  
 iisdem literis.

Recreydui per hos dies bellum de præro-  
 gativa sedendi inter electores imperii, &  
 ducem Burgundie; utrinque enim dignitatem  
 principatus asserentes legati scripta pro se  
 exhibebant. Quid pro se dixerint legati ele-  
 ctorum habes hic ex Martene.

Julio mense die 13. habita sessio est. Ac-  
 cusata pontificis contumacia. Terminus die-  
 rum sexaginta assignatur, intra quem ni pa-  
 reat, fateaturque concilium olim rite coeptum  
 legitime perseverasse, & stare adhuc legiti-  
 mum, a summo sacerdotio statim excidat,  
 & quæ fecerit infecta habeantur.

Hoc pariter mense julio cardinalis Arela-  
 tensis, de quo tam multa dicta & celebra-  
 ta sunt, fuga se Roma proripiens iter ad  
 concilium instituit. Nunciavit fugam illam  
 patribus Philippus Maria dux Mediolanensis  
 literis ad synodum datis die XXI. julii. Hoc  
 pariter mense accessit concilio Boleslaus ma-  
 gnus Lithuanie dux, rogavitque ut operam  
 locaret suam, quo Rutheni missi ad concilium  
 legatis in ecclesie communionem vene-  
 rent.

Literas eo pariter mense direxit acade-  
 mia Parisiensis potens ut cause sue & suo-  
 rum extra urbem suam judicande minime tra-  
 herentur. In ipso mensis exordio pontifex  
 mandavit ut quæ cause in concilio traha-  
 rentur, dein iterum discutendæ ad curiam  
 Romanam mitterentur, præter tres nempe,  
 morum reformationem hæresim extinctionem,  
 pacis inter principes compositionem.

Haud ignorans Sigismundus quod essent ani-  
 mo in pontificem Basileenses, die augusti III. D  
 rogavit per literas patres, ut decretum vo-  
 cati ad iudicium pontificis tantisper suspen-  
 derent. Id etiam per literas & legatum su-  
 um requisivit Carolus Galliarum rex, eodem  
 legato mandatis onerato, ut post expositam  
 coram patribus legationem suam, recta ten-  
 deret ad pontificem suo nomine rogaturus quo  
 adhæreret tandem ecclesie. Datae sunt lite-  
 rae die XXVIII. augusti.

Plures per hos dies principes adjunxerunt  
 se concilio. Scotorum rex assentiri se illi per  
 literas professus est. Rex Daniae absentiam  
 suorum episcoporum excusavit; regina Sici-  
 liae favorem suum obtulit: quæ omnes lite-  
 rae hic habentur ex Martene. Bohemi pari-  
 ter legatos suos eo tandem miserunt, a qui-  
 bus capita quaedam discutienda oblata sunt  
 concilio, hic legenda ex Martene. Die XIII.  
 augusti concilium institit per literas apud  
 abbatem Bonaevalis, ut rogatu ac suasio-  
 nibus suis Gallos Hispanosque episcopos ad  
 concilium invitaret.

Qui in fide Eugenii contra Basileenses man-  
 sisset unus erat Angliae rex Henricus VI.  
 quo nomine plurimas illi gratias refert pon-  
 tificex, quod scilicet legati ejus in concilio  
 partes suas defendissent strenue.

Septembri mense a duce Burgundiae lite-  
 rae datae, quibus destinasse se legatos suos  
 significabat. Electores etiam imperii literas  
 eo direxerunt signatas die VII. septembris,  
 huc ex Martene translatas, rogantes monen-  
 tesque ut editum monendo pontifici decre-  
 tum relaxaretur. Dederant literas hæc ele-  
 ctiores antequam patres sessionem XIII. ha-  
 buissent; qua celebrata respondit concilium  
 sibi quidem accidisse ingratum electorum mo-  
 nitum de abstinendo a iudicio in contumacem  
 pontificem; scirent tamen se terminum ad tri-  
 ginta notos dies prorogasse, quo elapso ni-  
 hil morae ulterioris facturos. Habet literas  
 illas Labbeus pag. 621.

Igitur die XI. septembris sessio illa con-  
 venit, in qua vix tandem patres persuaderi  
 se permiserunt, ut contumaci, aiebant, pon-  
 tifici terminum dierum triginta prorogarent.  
 Quæ interim præstarentur si ve a pontifice,  
 si ve ab alio quocumque in concilio ac in  
 patres incommoda, hæc infecta & irrita prò-  
 nunciarent.

Eodem septembri mense, die XXIV. dux  
 Sabaudiae legatos suos ad concilium desti-  
 navit, ut ex patentibus ejus literis hic ex  
 Martene recitatis. Biduo post Sigismundus  
 literis concilio datis certiores illos fecit de  
 opera a se præstita cum Venetis, ut acci-  
 tus ab illis cardinalis Bononiensis in concilio  
 manere permitteretur.

Præscriptus pontifici terminus jam prope  
 transierat, cum ducum Burgundiae, & Sa-  
 baudiae preces in supplici libello expressæ  
 patribus die II. octobris oblatae poposcerunt,  
 ut novum dilationis trimestre adderetur.  
 Nec ita post multum solemniter instituta est  
 disputatio inter cardinalem S. Angeli concilii  
 præsidem, et archiepiscopum Spalaten-  
 sem Eugenii legatum. Dies in hanc rem des-  
 tinata est XVI. octobris; præfentes aderant  
 concilii patres frequentissimi; assidebat in  
 throno imperator. Prior omnium cardinalis  
 S. Angeli causam se agere dixit non unius  
 privati in pontificem, sed ecclesie in eum-  
 dem, tum concilii auctoritatem multis exa-  
 geravit; hoc vero dissolvi a pontifice jure  
 non potuisse defendit; tum nec debuisse de-  
 monstrat, cum nihil quod sui juris non esset  
 a concilio attentatum fuerit unquam. Cae-  
 terum quas dederat pontifex bullas de adhae-  
 sione ad concilium, has non admisisse pa-  
 tres, quod Eugenius nec pure nec simpliciter  
 adhæreret; cum literis illis jam expeditis,  
 dein cardinalem S. Sixti omnibus benefi-  
 ciis privavit & card. de Cypro abbatia qua-  
 dam, & quod ambo faverint conc. multavit.  
 Novum insuper in ea bulla concilium inve-  
 xerit, non pristinum agnovit. Bullam hanc  
 obtulit primum patribus Sigismundus impe-  
 rator, & extat apud Labbeum pag. 742.  
 oblataque legitur ibi certis deputatis concilii  
 die XII. octobris. Bullam aliam, qua  
 pontifex facultatem dabat legatis suis ab-  
 rogandi ea, quæ ipse in concilio &  
 pa-

ANNO  
 CHRISTI  
 1431.

Ex Mart.  
 hic

Dantur  
 hic ex  
 Mart.



ANNO  
CHRISTI  
1431.

patres statuerat; dummodo & concilium tantumdem præstaret de iis quæ in pontificem & suos egisset, multis refutare nisus est. Hanc bullam habes Labb. pag. 743. Demum remota a patribus omni de hæresi invidia, orationem suam claudit, spe vana teneri demonstrans eos qui pontificem adhæsurum tandem concilio sibi persuadentes, nequid temere in illum statueretur, consulebant. Pauca hæc reposuit Spalatensis, eo tendens ut cum factum ipsum loqueretur, argumentationes parum concluderent: exhibere se bullam adhesionis; hanc admitterent, & disputationes cessarent. Reposuit iterum pro se alia legatus; & Spalatensis item pro se alia. Aderant disputationi huic & Venetorum legati, quorum unus assurgens rogavit, ut superfluis rei præsentis non necessariis amputatis, bullæ pontificis admitterentur, & si quid illis addendum desideraretur id exprimerent patres. In has disputationes dies frustra extracta est; quare imperator ad continendas in officio partes aliquid proposuit, quod utrinque toleraretur, nempe dilationem ad trimestre.

Circa hos dies misit concilium legatos suos ad Venetos, qui pro concione coram principe & senatu exposuerunt quam leniter & pacate concilium se gesserit cum pontifice; quam subdole ille vicissim ludificaverit concilium, aliis subinde, & aliis bullis per dolum fabricatis, & propositis. Quibus ita se habentibus rogabant concilii nomine senatum, ut quem exhibuerat illuc usque favorem servaret impensum. Reposuit dux se quidem semper habuisse, & habere in verum pontificem Eugenium, quem semper virum probum, & honestum agnovisset; vicissim autem habere aliqua, quæ invidiam apud se in concilium crearent, quod scilicet odio, & vindictæ plus dare, quam iustitiæ videretur; quod missos a Venetis ecclesiasticos viros male exceperet, nec permitti ut libere loquerentur; nihilo tamen fecius spondebat missuros se viros ecclesiasticos, qui concilio adessent; daturusque operam ut concilio faverent, si quidem concilium finem optimum sibi præstituerit.

Novembri incunte mense, die scilicet V. mensis, concilium facultatem postulanti bus concessit procurandarum litium in concilio; cuiusmodi concessionis formulam habet Labbeus pag. 524. Die mensis VII. successum ad concilii sessionem XIV. in qua trimestre illud Eugenio præscriptum ab imperatore confirmatur a patribus, longiorique morae præcidendæ præscriptæ sunt eidem pontifici formulæ plures, quibus suam ad concilium actionem exprimeret.

Succedenti die, VIII. novembris, Pragenses datis ad legatos concilii Ratisbonæ agentes literis rogarunt, ut ipsis intercedentibus liber usus Eucharistiæ sub utraque specie in tota ditione sua permitteretur; hanc pacis conciliandæ unicam suppetere rationem, cum in reliquis tribus articulis paratos se offerrent in eum sensum illos se admittere, quo sunt expositi & admissi a Basileensibus; qua de re inferius. Vide literas hic ex Martene. Post varias tandem utrinque concertationes, conventio inita,

est cum Bohemis; illis spondentibus admissuros se articulos illos, quo sensu concilium exponebat. Communionis sub utraque specie ritum permitti sunt interim servare; donec concilium id plenius discusserit. Die VII. decemb. conventum est inter partes.

Die XXV. decembris sessio XV. convenit, in qua de conciliis episcopalibus quotannis, & provincialibus quolibet biennio habendis decreta prodierunt. Nihil vero de pontifice statutum est.

Die vero XV. decembris adjunxisse se jam concilio pontificem oportet, cum hac ipsa die signaverit literas ad præfides concilii, a se tunc designatos, quibus potestatem faciebat una cum concilio ea omnia decernendi, quæ e morum reformatione, hæresum extinctione & principum concordia novissent. Hos si contingerit abuisse, nova bulla alios ut vice illorum præfideat destinabat. Denique, per similes eadem ipsa die legavit Juliano card. Angeli, qui concilio ad eam usque diem præerat. Bullas hæc dat Labbeus pag. 743. &c.

Hoc ipso anno, quo tamen mense, incertum; de revelationibus S. Birgitæ discipulatum est inter patres. Pias hujus foeminae meditamenta erroris damnabant quidam; defendebant alii, rati non nisi caelesti revelatione edoctam hæc illam tradidisse. Causam ejus egregie defendit Joannes de Turrecremata, de quo sæpe alias sermonem habui. Hanc ejus apologiam ex M. S. codice ego primus vulgo. Vide quæ hæc de re commentatus sum in præmonitione ad hanc ipsam apologiam.

Annus 1434. auspiciato coepit, cum Eugenius languentis ecclesiæ valetudini restituendæ studens, bullam suam in eam sententiam directam, quam Basileenses distulerant, signavit; eamque una cum præcedentibus non admissis a concilio legi, ac promulgari per legatos suos, in ea, quæ prima hujus anni celebrata est, sessione, die nonarum Februarii, curavit. Quare ita cum patribus agendum coepit Eugenius ac cum amicis & in bonum confortibus. Redierat e Græcia Garatonus quidam & papæ familiaribus, res, quæ cum Græcis tractabantur, si quis alius maxime edoctus; hunc statim misit ad concilium, nequid patres lateret, cum literis suis die XX. februarii datis (Labbe pag. 746.) Januario mense pluribus conciliares homines Patres donarunt, literis suis patentibus die XXV. expeditis (Labbe pag. 631.)

Excepta est a concilio februarii mense legatio Bohemorum a Martino de Cherudim per literas patentes die X. januarii signatas destinato, gesta, a quo de pactis utrinque firmatis ac de impedimentis eorum executionem retardantibus certiores facti sunt patres. Respondit concilium rogans ne quid de pactis firmatis moverent.

Tum de monachis nonnullis ex mendicantium classe rumor delatus est ad conc. dogmata quedam perniciofa ab illis spargi, quorum aliud erat nullo præcepto adigi fideles ut diebus dominicis & solemnibus in templo parochiali sacro assistant; decimas solvendas quidem ex præcepto, cui vero possimum non esse in jure statutum. Qui mi-

ANNO  
CHRISTI  
1431.

Ex Mart.  
hic

An. 1434

Sunt literæ  
hic  
ex Mart.

ANNO 1431. **CHRISTI**  
 norum veste cucullati decesserint, illos purgatorii carcere ultra annum minime teneri, eo descendente quotannis S. Francisco, ut suos manumittat & alia id genus sexcenta. Illis puniendis in dioecesi Yporegensi episcopos Augustanum, & Yporegensem armat concilium literis die prid. id. Februarii expeditis. Has literas haud multo post, tanquam non rite expeditas, revocari postularunt mendicantes supplici libello communi nomine oblato patribus, obtendentes iniquum esse invidiam mendicantibus creari de dogmatibus, quorum nullus certus assignaretur author, nec damnationem adhuc nullam ab ecclesia tulissent.

**Ex Mart.**  
 Fervebant Magdeburgi dissidia inter clerum & cives de quibus supra egimus; concilium, quod cognitionem causæ illius dudum ad se traxerat, ut pergeret, absolveretque litem perniciosam suadet Eugenius literis die XVIII. martii directis.

**Ex eodem**  
 Certiores facti patres de plena Eugenii ad concilium adhesionem missos ab eodem pontifice legatos in frequenti consensu die VIII. admisserunt, iuratoque adtrinxerunt ut concilium Basileense tuerentur, defenderent; & ex concilio Constantiensis mente agnoscerent, synodo cuicumque generali potestatem inesse a Christo ipso acceptam supra omnes quoscunque ecclesiæ subditos, ne vel ipso pontifice excepto; ejusque proinde sanctionibus qui parere renuerit, illum condignæ poenæ subijciendum fore. Omnia hæc se admitturos juratur legat; qua de re publicæ exaratæ sunt tabulæ apud Labbe pag. 605. Ita demum rebus omnibus dispositis processum est ad sessionem XVII. die XXIV. aprilis. In ea vix unica fuit patrum cura ut præfides concilii statuerentur. Ex legatis igitur pontificis ut ejus nomine præfissent admissi sunt Nicolaus rit. S. Crucis in Jerusalem presbyter, Julianus S. Angeli diaconus S. R. E. cardinales, Joannes archiepiscopus Tarentinus, Petrus episcopus Paduanus, & Ludovicus abbas S. Justine Paduanæ. Quem servarent præfides illi agendi modum in concilio simul præscripserunt patres; tum & nihil super habendum rati discesserunt. Sequenti mense die VI. Kal. julii iterum coeuntes declararunt generali concilio summam inesse potestatem tum in fideles omnes, tum in ipsum pariter pontificem, si de fide, extinctione schismatis, & hæresum agatur, sicut & quod ad reformationem ecclesiæ in capite & in membris.

Ab hac expediti cura patres versi sunt ad audiendas, expediendasque variarum ecclesiarum causas. Primo omnium innovandam, dilatandamque censuerunt Caroli IV. constitutionem adversum ecclesiasticorum jurium violatores, quam constitutionem ad varias ecclesias transmiserunt. Vide quam affert Labbeus pag. 626. signatam aprilis die XX. Legatos etiam suos miserunt ad regem Aragoniæ sollicitaturos principem, illum, ut res cum aliis in Hispania regibus componeret, legatos ad concilium sicut & ditionis suæ episcopos transmitteret. Votis eorum obsequuturum se rex ille per litteras signatas die XXIII. aprilis in nova append. Labbei pag. 1332. significavit; extant-

Concilior. Supplem. Tom. IV.

**A** que insuper ibidem monita, quæ princeps ille legatis suis ad concilium ituris dedit.

**B** Profanas, sæcularesque causas in sæculares homines intentatas ad ecclesiasticum tribunal contra jus deferri conqueſtus est cum patribus Sigismundus, lædi hinc imperii jura demonstrans. Idque potissimum in lite, quam card. Rotomagensis in Bisuntinos cives, & Bambergensē capitulum in Bambergenses moverunt prælitum accusat. Suadet proinde eligi utrumque delectos viros cum potestate denuntiandi, num causæ illæ secularis, num judicii ecclesiastici habendæ essent. Reposuerunt patres vetusto jure asseri ecclesiæ, ut quos reos habebat violatorum jurium suorum, hos pro suo arbitrio sive coram seculari, sive coram ecclesiastico iudice accusaret. Quæ de viris deligendis iudebat imperator, hæc lites morosiores efficerent ultra æquitatem. Utramque epistolam damus hic ex Martene. Interim celebris illa Trajectensis causa adhuc agitabatur in concilio, quo pertinet epistola Trajectensium præfulum in gratiam Rodulphi adversus Walramum apud Martene, & ex eo hic. Hæc omnia communi consensu patrum & legatorum pontificis gerebantur, disponebanturque, plaudente ad tantam animorum contentionem pontifice gratiasque agente literis ad concilium datis die IX. Kal. julii

**C** Sub hoc tempus delata est ad concilium accusatio in fratres ordinis S. Birgittæ, & in libros revelationum foemine illius sanctionia clarissima. In utriusque commendationem literas ad patres dedit rex Daniæ, aliasque etiam persimiles episcopi plures Sveciæ signatas die III. julii legendasque Labbei pag. 784.

Patrum decreto sopitam de sedendi ordine inter principes electores & Burgundiæ ducem controversiam excitare iterum nitebatur circa hoc tempus Ericus dux Laccemburgensis, deberi hibi Saxonie ducatum, & adnexa huic decora adversus Fridericum Saxonie ducatum obtinentem contendens. Servari jus Friderico rogat Sigismundus datis ad concilium literis diei XIX. julii, qui dein aliis literis iudicium ea de re sibi vindicat, queriturque alio trahi contra jus imperii. Quin & seculari iudicio litem illam decidendam remitti datis concilio literis rogavit Lantgravius Thuringiæ.

Inter multiplices hæc curas nulla magis urebat patres super negotium de utriusque ecclesiæ Græcæ & Latine conjunctione; suos pontifex legatos CPim miserat; suos & concilium. Anno præcedenti 1433. Græcorum legati Romam venerant ad pontificem de ratione utriusque ecclesiæ componendæ tractaturi; nihil tunc deliberatum; sed pontifex CPim mittendum legatum suum censuit, ut de aliqua re certa convenirent: regressus nunciavit, solemni inter Latinos, Græcosque disputatione CPL in concilio instituta componi rem totam posse, diligenti discussione patefacta tandem veritate. Placuit id Eugenio, remisitque CPim. legatum illum suum cum legibus in ea disputatione servandis. Intra hos fines res consiliorum penes Eugenium, ut ex literis hic datis ex Mar-

M

tene

ANNO 1431. **CHRISTI**

Extant  
Lab. p.  
747.

Apud Lab.  
p. 760. &  
766. 768.



ANNO  
CHRISTI  
1431.

tene signatissime die XXXI. augusti noster. Concilium vero & suos vicissim legatos CPM. destinavit Antonium episcopum. Tudensem, & Albertum de Crispis, a quibus persuaderi se facile permisit Paleologus ut legatos suos ad concilium ablegaret. Remissus est igitur Sidenensis episcopus cum tribus a Paleologo destinatis vicis, remanente CPI. legato altero concilii; hi vero post varias in itinere sinistras vices, de quibus certiores facit patres episcopus concilii legatus literis suis Ulmæ datis die XXV. junii; tandem vel junio exeunte, vel ineunte Augusto Basileam pervenerunt. Statim cum illis agitari ceptum de ratione conciliationis perficiendæ. Visum est concilium ex utraque ecclesia coadunatum præferri. Proponentibus quidem CPM., & patribus Basileam; CPM. quidem rejecit concilium; de Basilea nihil se habere in mandatis Græci reposuerunt; mitti proinde a concilio legatos suadebant, ut id ab imperatore poscerent. Sin minus obtineretur Basilea, tunc urbes alias in Italia, alias extra proponebant Græci, relicta concilio optione ex illis unam eligendi. Id se præsturos spondederunt patres, siquidem spes omnis de Basilea excideret cum primum Græci portum aliquem Italie tenuissent, addentes eo translaturos se concilium, quod ad illud usque tempus Basileæ perseveraturum esset. Hæc in privatis cum patribus congressionibus conventa; dein in publica sessione die VII. id. septembris habita decreto stabilita sunt. Gestæ hæc omnia per destinatos viros pontifici statim renanciarent, idemque bulla sua ad eos directæ hic recitata ex Martene & signata XVII. Kal. decembris ita probare se illa significatione capituli Carnotensem episcopum eo transulerat. Extant hic ex Martene literæ Capituli & Consulum Albienensium signatæ die VIII. septembris, poscentes a concilio electi confirmationem, quam obtinuerunt hoc ipso anno 1434. die XIX. decembris; licet pro translatione Carnotensis literas dederint canonici quidam Albienenses, & Carolus VII. Francorum rex. Monasterium S. Adonis Rotomagensis regebat Joannes Richardi, quo aspirante ad pacem & morum reformationem omnia velificabant; sed unus obibat Richardi æmulus Willermus de Mella; ei ex hac vita exempto ne quis alius sufficeretur in sanctimonie monasticæ dispendium Eugenium rogaverunt patres; statimque ille manus dedit;

Sunt hic  
ex Mart.

Literæ  
sunt hic  
ex Mart.

simul tamen iisdem literis admonuit patres ut eodem pacis studio ipsi vicissim persuasi intrusum in ecclesiam Trajectensem Theodorici archiepiscopi Colonienis fratrem deicerent. Extant hic ex Martene literæ aliæ ecclesiasticorum quorundam Trajectensium contra assumptionem hanc Rodulphi fratris Theodorici &c. Datæ sunt die IV. novemb. Alias etiam electiones capitulorum, quibus non expectatis pontifex ipse per se alium elegerat, ut concilium tueretur per literas sollicitati sunt patres, ut Macloviensis episcopatus Guillelmo abbati Belliloci a capitulo collatus de quo literæ hic ex Martene datæ die V. nov. episcopatus S. Pontii Tomerlarum, quo Apamienis episcopus a pontifice translatus, eumque monachi in cathedrali illa ecclesia residentes ejicere & alium a se electum intrudere nitebantur; horum enim ausus temerarios ut patres reprimerent ab episcopis Narbonensis provinciæ datis die 26. novemb. literis rogati sunt. Ita pariter comes Armeniaci literis ad patres datis die IV. decembris rogat sustineri electionem Petri in abbate Bonæcumbæ ordinis Cisterciensis adversus Altorgium quemdam de abbacia illa provisum. Denique & Lambertum Datim canonicum Leodiensem, qui cum factious & perduellibus in perniciem patriæ conspiraverat, in ordinem redigi postulant Burgimagistris, & consules Leodienfes literis suis ad concilium die V. decemb.

Decembri mense solemniter legatio a Sigisundo imperatore missa pervenit Basileam. Postulabat, splendida prius oratione præmissa, dein singulis petitionibus in scheda expressis, postulabat, inquam, ut tandem patres opus reformationis in capite & in membris, minoribus curis relictis, inchoarent; nec ante dissolvi vel alio transferri concilium permitterent, quam illa perficerentur. Postulabat insuper, ut quandoquidem gladius temporalis sæpe invocaretur vindex & assertor gladii spiritualis; ita pariter & pro gladio, seu jure temporali vindicando spiritualis gladius in re opportuna exerceretur.

Iniret nuncius ille pontificis, qui remissus fuerat CPM. cum mandatis, institit apud Joannem Paleologum imperatorem pro admittendis conditionibus a pontifice oblatis de habendo in Græcia concilio. Quibus cum se faciliem præbuisset imperator; rei absolvendæ legatos suos Latinis redeuntibus socios dedit ad pontificem. Hinc duæ simul habebantur Græcorum legationes in occidente, altera Basileæ, quæ convenerat de synodo in occidente habenda; alia vero pergebat ad pontificem de synodo in Græcia celebranda conventura. Extant hic ex Martene literæ Latini nuncii pontificis e Græcia redeuntis datæ Venetiis die XXI. decembris. Dantur etiam ex eodem literæ legatorum Græcorum ad pontificem tendentium ad socios Basileensem legationem agentes, quos certos faciunt de sua ad pontificem profectione, tum & de pacto cum legatis ejusdem pontificis inito in Græcia concilium habendi.

Facta, exeunte anno 1434. discordiarum semina inter Eugenium & concilium succedens annus 1435. novo alimento ita præpara-

ANNO  
CHRISTI  
1431.

ex Mart.  
hic

Ex Mart.  
hic

An. 143

ravit, ut tandem germinarint. Privatarum ecclesiarum causa quæ juris fuissent pontifici adhuc a patribus discutiebantur, quo pertinent literæ capituli ecclesiæ Tridentinæ querentis de injuriis ecclesiæ suæ illatis a ductore copiarum Friderici Austriæ ducis, a quo vel ipsi clerici ad forum sæculare rapiantur. Literæ ducis Britannia commendantis electionem abbatis Belliloci in episcopum Maeloviensem; literæ pariter ducis Sabaudia querentis de Ludovico de Palude Avenionensi episcopo, a quo multa se & graviæ periculum dolet; literæ quoque comitis Armeniaci pro electo S. Pontii Thomeriarum; sed & contra hunc electum literæ datæ sunt per hos dies a Jacobo Hungaria & Sicilia rege obtinente per Gerardo qui ex Appamensi episcopatu provisione apostolica ad S. Pontii transierat. Leodiensium denique literæ adversus seditiosos quosdam cives suos, quos a concilio auditos, ferosque queruntur. Hæ omnes literæ januario, & februario mense signantur.

Diu multumque superioribus annis laboraverant patres ut diffidia quæ Philippum Burgundia ducem & Carolum VII. Galliarum regem inter se committebant, tandem componerentur. In exordio anni hujus inclinare sese in ea pacis consilia declaravit idem Philippus, ejusque operis perficiendi gratia mittere se ad concilium viros nonnullos graves & sanctiori consilio suo in iisdem literis datis die 1. januarii adiecit. Condicta est igitur in concilio diæta, seu congressio Atrebatensis ad primam diem julii, quæ perseverabat etiam septembri mense, ut ex literis a legatis concilii Atrebatensis ad regem Angliæ die XXVI. sept. signatis intelligimus. Eo convenerunt legati a pontifice missi; item & alii a concilio designati. Actum est de pace inter reges Angliæ, & Gallia concilianda, cui in eam rem disponendo legati, quos ad diætam destinarunt patres, prius venerant in Angliam. Eorum postulata & datum a rege responsum hic legas ex Martene. Frustra omnia cum rege; tum initum negotium pacis inter regem Gallia, & Burgundia ducem, peractum est feliciter. Quæ leges firmandæ paci præscriptæ sint habes Labbei pag. 590. &c. Ad congressionem hanc Atrebatensem referas literas plures huc ex Martene translata. Re confecta legati concilii ad suos regressi omnia a se gesta pro concilio exposuerunt: dicta in publicas tabulas signatas die XIII. novembris apud Labb. legendas p. 587. relata sunt.

Res etiam Bohemicæ animos patrum tenebant occupatos, nec Imperatorem habebant quietum. Missus est igitur ab eodem Imperatore ad patres Conradus dominus de Winsperg, per quem consilia ea de re sua illis communicaret, ut ex literis datis Poffonii die VI. jan. discimus. Exant etiam Labbei pag. 776. ea de re literæ legatorum concilii in Bohemia agentium, certiores facientes patres de proposito in dilationem pacis a Bohemis impedimento. Signantur cum die 1. Aprilis.

Cum vero pax imminens cum Græcis pecuniarum subsidio nec modico indigeret, visum est patribus propostis indulgentiis per

Concilior. Supplem. Tom. IV.

concursum corrogare. Promulgandarum leges statuerunt Germani, easque omnes in folio expressas dederunt patribus die XI. februarii. Horum summa fuit: pecuniarum illarum colligendarum cura non quidem uni, sed certis ex singulis nationibus assignaretur. Tum ut, Græcis non venientibus, quæ collecta fuerit pecunia in alios pios usus ad nationis commodum converteretur. Quæ omnia synodi decreto sanciri mandabant. Profecto omnia hæc Basileensium molimina eo tendebant, ut palam omnibus facerent, se non probare Eugenii consilium de concilio in Græcia celebrando. Igitur rem totam compositurus Eugenius, legatos e latere suos Nicolaum tit. S. Crucis in Jerusalem, & Joannem tit. S. Petri ad vincula S. R. E. presbyteros card. eo misit literis patentibus expeditis die XIII. kal. martii; quæ pariter die bullam aliam in eorum gratiam dedit, potestatem facientem tum illis, cum etiam reliquis concilii præsidibus ut lites ortas occasione electionum, & nominationum ad beneficium sedarent. His legatis præter ea, quæ de concilianda pace cum Græcis agenda fuerant, commissa est pariter tractatio de potestate largiendarum indulgentiarum, de electionibus, expectativis, annatibusque tollendis. (de quibus omnibus concilium requisierat pontificem) Bulla hæc tertia eadem ipsa die expedita legitur in Labbeo pag. 748.

Antequam legati isti mandata sua exposuissent patribus, concilium literis ad pontificem datis tertio nonas majas mentem suam expresserat; nolle scilicet se acquiescere in conc. CPI habendum, quod multis rationibus e re ecclesiæ nequaquam futurum norant.

Ex hac consiliorum varietate in re tanta, animis utriusque partis nonnihil abalienatis, aliud interim accidit, quod magis, magisque utroque dissociaret. Die IX. junii patres in sessione XX. decreverant annatas omnes in beneficiorum collatione, communia, & minuta servitia, tum & cætera id generis tolli. Ingratum id accidebat pontifici: neque enim Romanæ aulæ indigentis alia ratione provisum erat: quare inter legatos pontificios Joannes archiepiscopus Tarentinus, & Petrus episcopus Patavinus solemniter protestatione nolle se decreto huic assentiri palam pro concilio declararunt. Patres editi a se decreti vindices exurgentes certis e suo ordine viris mandarunt, ut concilii nomine utrique legato edicerent seu palinodiam, seu exclusionem a concilio. Mandati hujus, tum executionis illius publicas tabul. habes hic ex Martene. Neque his contenti patres Florentiam ad Eugenium legarunt Joannem de Bauksten decretorum doctorem, & Mattheum Mesage bacallaurem in theologia cum madatis ut exponerent tum ea, quæ de Græcorum reductione censuissent concilium; cum etiam pontificem concilii ejusdem nomine incitarent, ut ipse pariter adjungeret se patribus consortem in largitione indulgentiarum pro comparandis pecuniis, & annatis, cæterisque id generis vestigalibus abrogandis. Utrumque igitur luculenta oratione a legatis expositum est pontifici, qui per Poggium, (quem habebat a secretis) respondit habere se animum in procuranda Græcorum redu-



ANNO  
CHRISTI  
1431.

Oratio pro  
via redi-  
gendorum  
Græcor.  
ex Mart.  
hic datur,  
alteram  
vero ha-  
bet Labb.  
p. 649.

atione sincerum; eademque voluntate se usu-  
rum deinceps. Annatas, & cætera id gene-  
ris tolli non absque præmissa diligenti pro  
rei gravitate discussione nequaquam posse,  
deliberaturum se proinde una cum fratribus  
suis; tum mentem suam expositurum concilio.  
Vifum iniquum legatis responsum sibi,  
immo potius concilio aliter quam ex bulla  
dari; sed tantum syngrapha a custode ar-  
canorum; idque fide publica testatum vo-  
luerunt in tabulis ea de re confectis, & ex  
Martene hic recitatis, signatque die XII.  
augusti. Tum redierunt ad concilium, quod  
expositione rei totius non modicum in pontif.  
animatum facile omnes intelligent. Ha-  
ud diu distulit Eugenius, quin legatos suos  
mitteret Ambrosium Camaldulensem præsu-  
lem summum, & Antoninum (ita constan-  
ter appellat concilii præses in sua ad utrum-  
que oratione, non Antonium ut est in Lab-  
beo) auditorem. Peroravit omnium primus  
Ambrosius & postlaudes Eugenio impensas,  
quo nemo esset charitati pacique studiosior,  
nemo ardentior in abusibus tollendis, mori-  
busque, ac disciplina reformandis; oratio-  
nem suam deflexit ad annatas, quas neces-  
sarias demonstrabat, ne adjuvamento necessa-  
rio, pecunia nempe, ad oppressos filios re-  
levandos indigeret pia mater ecclesia. Con-  
clusit sive annatas retineri, sive aliud eorum  
loco sufficere oportere. Hanc Ambrosii oratio-  
nem habes in novissima Labbei editione pag.  
1235. Peroratum est etiam tunc ab Antonio  
altero ex legatis, qui oratione sua evicit  
nullo non jure, divino, naturali, humano,  
annatas deberi: proinde sive decretum de  
abolendis illis tollerent, sive aliter indigen-  
ti pontifici subvenirent. Antonini hæc pri-  
or oratio est ab ea plane diversa quam  
habuit in concilio die VII. octobris, vul-  
gavitque Labbeus pagina 655. nam præ-  
terquamquod in secunda hac diei VII.  
octobralias se de rebus illis differuisse testatur;  
ipse etiam concilii præses ad utramque le-  
gati orationem respondens summam oratio-  
nis Antonini hanc fuisse tradit, ut demon-  
straret annatas jure naturali, divino, & hu-  
mano præcipi; id vero ne verbo quidem in  
oratione Labbeana affirmatur. Igitur ad  
utramque legati orationem præses totius  
conc. nomine reposuit: patres quidem de o-  
ptima pii patris voluntate non ambigere; eam  
vero de illo persuasionem altius eorum men-  
tibus fore imprimendam, si intellexerint ea,  
quæ ad disciplinæ reformationem a se matura  
stabilita fuerant, ipse prompte comple-  
deretur, eorumque executioni alacer in-  
staret. Cæterum plura esse in promptu,  
eademque expedita in subsidiis pecuniæ  
adjumenta, ut subsidium charitativum,  
indictum ecclesiasticis, tributa beneficia-  
tis solvenda ad tempus &c. Iis vero,  
quæ necessitatis essent communis, & diurna  
stabili provisione subventurum se concilium  
spondebat. Hæc præsidis oratio est hic ex  
Martene. Sæpe etiam alias legatos istos per-  
orasse apud patres ex iis, quæ supra tetigi  
de oratione Antonini habita die VII. octo-  
bris compertum est. Tunc vero advocatus  
ille totam eam orationem confutavit, quam  
legati conc. ad pontif. missi jam habuerant.  
Verum parum præsidii erat pontifici in con-

cilio apud patres; quare Ambrosium ire jus-  
sit ad Cæsarem, ejus auxilium adversus aus-  
sus Basileenses imploraturum. Habibat ab  
eo coram Cæsare orationem dat Martene,  
& nos ex illo. Peroravit adversus decretum  
de annatis, crudele illud & inhumanum de-  
monstrans, utpote subsidia vitæ tollens paren-  
ti optimo, quo tempore aliis omnibus com-  
modis temporum & hominum iniquitate pri-  
vatus his maxime indigebat. Cæsaris ergo  
esse, aiebat, defendere indigentem, & infe-  
stationibus vexatum pontificem. Hæc rogan-  
ti pauca quidem & circumspice palam re-  
posuit Cæsar; clam vero omnem se operam  
datum spondit, ut concilium solveretur.  
Sed hæc ad anni exitum pertinent.

Eo ipso mense, quo pro & contra anna-  
tas certatum est, augusto scilicet, patres  
diplomate nomine concilii expedito die VIII.  
id. Augusti mandarunt collectoribus cameræ  
apostolicæ, ut ab exigendis annatis, cæteris-  
que occasione novi beneficii conferendi præ-  
stari solitis deinceps abstinere; collecta ve-  
ro ad id usque, si quæ apud se haberent,  
continuo sistentes sese concilio remitterent  
manibus viri e natione Germanica destina-  
ti, a quo post accuratam exactorum excus-  
sionem dimitterentur. Geminam huic bullam  
dederunt eodem mense, qua in conferendis  
beneficiis vacantibus præferri cæteris jubebant  
eos, qui in concilio integro anno egis-  
sent, nequidquam obstantibus expectativis  
gratis a pontifice in aliorum commodum  
concessis. Signatur bulla hæc III. non. au-  
gusti. Distulisse tamen patres ejus promul-  
gationem usque ad diem XI. decembris ex  
titulo in veteri Labbei codice præfixo dici-  
mus. Sanctum est insuper circa idem tempus,  
septembri scilicet mense, ne appellationes a  
sententia concilii admitterentur; sicut nec  
a judicio eorum, quibus concilium causam  
cognoscendam commiserat apud alium, quam  
in concilio reclamare nefas. Hæc omnia in  
communis coetu stabilita bulla dein edita die  
11. non. nov. sancuntur. Denique cum, an-  
nata ex integro nondum soluta, recens ele-  
cto Rotomagensi archiepiscopo pallium ad  
id usque pontifex distulisset; bulla signata  
die prid. id. octobris archiepiscopo Lugdu-  
nensi mandavit concilium ut ipse, concilii  
nomine, collegam suum palliaret; vetuitque  
ne residuum illud annatæ solveretur.

Tum & pro augendo parum numero in-  
statum est apud imperatorem, ut invitatio-  
nis, & tuitionis literas novas daret. Impe-  
trata illico, ac die XVIII. julii coram pa-  
tribus recitata.

Ex causis privatarum ecclesiarum, expe-  
ditur per hos menses causa Trevirensis, pleno  
in eam ecclesiam jure asserto Rabano  
olim Spirensi episcopo. Lata etiam senten-  
tia die XIX. Novembris adjudicatur eccle-  
siæ Albiensis jus Bernardi capituli sui suffra-  
gis electo contra Robertum episcopum Car-  
notensem, quem pontifex & prior ecclesia  
ad Albiensem transtulerat. Denique haud  
abfimile jus datur Ludovico in ecclesiam Lau-  
sanensem, abscedere ab ea jussu Joanne de  
Prangino.

Inter hæc conveniunt iterum patres in  
sessionem, quæ XII. ordine signatur, confi-  
xeruntque censura librum Augustini de Ro-  
ma

ANNO  
CHRISTI  
1431.

Extat ap.  
Lab. p.  
635.

Apud Lab.  
p. 668.

Concorda-  
ta deputa-  
torum Lab.  
p. 607.  
& Mart.  
hic

Apud Lab.  
p. 170.  
Id. p. 614.  
ex Mart.  
hic

ma de sacramento unitatis Christi & ecclesie, nihil tamen in auctorem asperius pronuntiantes. Id aqum non absque diligenti præmissa discussione; tunc vero Joannes de Turcremata iussus sententiam suam dicere, scriptum illud suum protulit, quod hic primum ex Feliniano M. S. codice acceptum vulgatur.

Antequam annum claudamus de rebus in Græcia actis sermonem instituumus oportet. Eo igitur directi a concilio legati, CPm. jam pervenerant, statimque se conspectui Imperatoris exhibentes tripartita oratione totam legationis suæ causam exposuerunt. Ac primo quidem gesta, & concordata per Græcos ad concilium legatos explicarunt; quanto cum apparatu, ritque solemnī capita singula patres legerint, admiserint, juramento suo, & Imperat. nomine præfinito approbaverint. Venire etiam pontificem in hanc partem sententiam ex eo demonstrabant, quod ille adhæreat concilio, quin & per legatos suos illi præsit, ac tandem communicata sibi illa omnia a patribus haudquaquam rejecerint. Nec si aliter a pontificis legato conventum fuisset cum Græcis; id satis esse indicium de rejectis a pontifice iis concilii patribus; ignorabat enim tunc pontifex quid legatos suos cum Græcis egisset; id tamen volebat maxime, ut una esset cum patribus Basileensibus mente, & consilio. Altera orationis pars in eo versabatur, ut ostenderet concilium ad utriusque ecclesiæ consensionem non quidem CPI, sed in Latinorum ditone celebrari oportere, qua in re vel ipsi Græcorum ad concilium legati tandem convenissent. Postremo tandem inter loca concilii hanc habendo opportuna aptissimam esse Basileam congestis rationibus demonstrare adnisi sunt. Hac absoluta oratione capita conventionis in bulla concilii Basileensis expressa, & bulla ejusdem concilii plumbea signata se ad omnem nutum exhibituros palam professi sunt. Statim vero protulerunt decretum illud sessionis XIX. concilii, in quo capita a legatis Græcis signata continebantur. Lectum est avide a Græcis, statimque in oculos incurrit præmium, quod Græco nomini invidiosum intelligebant esse. Offendebat enim Græc. quod causam suam cum Bohemorum causa coarctasset Synodus. Nos, ait Sguropulus, ab orthodoxa fide alienos hæresim pertinaciter defendere; ut Bohemos novam, ita nos Græcos veterem. Igitur si proæmium illud expungi, siue reformari poscebant; nec forte abnuissent legati, nisi illud iustæ causationis obtendissent, non esse scilicet suæ potestatis decreta concilii refingere, cum præfinitum carerent conciliari sigillo, quo sic reformatum munirent. Quæ vero de concilio Basileæ habendo proposuerant legati, minus probare se significavit imperator; cum locus ille plus nimis a mari distans tot senibus, ægris, fessisque navigatione Græcis incommodus obvenisset: aptissimam futuram censebat Anconam urbem maritimam. Cæterum quicumque assignaretur locus habendo concilio, omaino petere se, ut eo veniret Eugenius, quo ipse per se concilio præficeret. Id velle, id poscere, id exigere Græcos. Ut hos Græcorum sensus ex-

A primeret concilio, Henricus Menger unus ex legatis remissus est Basileam a sociis, acceptis ab iis de expeditione literis (ex Martene hic) quibus & suas adjecerunt imperator, & Patriarcha. (Sunt apud Labbeum pag. 817.) Secum pariter legatus ille detulit capita jam antea in sessione XIX. cum legatis Græcis conventa; modo vero ab imperatore & patriarcha bulla aurea, & plumbea de more confirmata. Constat id ex literis ejusdem ad Julianum card. concilii præsidem, datis Veneris die IV. jan. 1436. apud Labbe pag. 816.

In exitu anni hujus acciti sunt iterum præfules ad concilium bulla ejusdem concilii signata die XXI. decembris; ac sententia in Veneris, ditionis Patriarchæ Aquilejensis invalores dicta die XXIII. decemb. Haber, Martene, apud quem dies ejus promulgationis factæ in congregatione generali signatur; assert & Labbeus pag. 617. sed absque loco & die.

Inter has turbas coepit novus annus 1436. nec magis pacatus decurrit. In hujus exordio visum est patribus ea omnia præmeditari, quæ necessaria arbitrabantur in felicem tanti operis, Græcæ scilicet ecclesiæ reducendæ, executionem. Quæ ante, quæ in ipsa operis molitione, quæ denique jam perfectio præstanda apparandaque fuerant, hæc in commentarios tunc tradita hic exhibentur ex Martene. Literas etiam encyclicas undique sparserunt sub titulo *Monito ad reges, & principes &c.* quibus gesta hucusque a concilio splendido verborum apparatu exposuerunt; Bohemicam hæresim excisam, pacem inter Gallos Burgundosque conciliatam, pacatam Germaniam, tranquillitatem illustribus ecclesiis restitutam, quietem Italiæ, quietem Polonis, Prutenisque redditam. Præstitisse etiam unde sibi ecclesiam universam demeruisset gemino illo decreto, de electionibus scilicet (omni expectativarum reservatione abolita) & de annatis promulgato. Ex quo inferebant, bonum illud concilii habiti, celebratique vel eos pariter, qui viriatis oculis rem considerant, intuiti. Unum superesse Eugenium pontificem, qui tantum bonum malum interpretatus omni nisu extirpandum illud susceperit reservationes suas opponens electionibus; auctoritatem auctoritate retundens. Statuisse proinde patres suum, immo & ecclesiæ universæ adversarium coercere, obtundere, vel saltem redigere in ordinem.

Disquis facta concordant; cum enim in causa quadam Grassensis ecclesiæ pontifex nescio quid statuisset, quo gravatos se Basileenses querebantur, in sacrarum deputatum communi coetu imminerebatur decretum, ut pontifex patrum nomine admonitus infra definitos dies ea revocaret, quæ contra generalem reformationem in capite & membris egisset. Imminentem hanc procellam se dissipaturos rati Joannes Tarentinus, & Petrus Paduanus, pontificis legati, & concilii præfides solemnem protestationem opposuerunt legendam hic ex Martene. Insuper nihilominus in proposito concilium, elatque ea de re aliquos ex patribus oneratos mandatis, quæ hic leguntur ex Martene. Mandata.



ANNO  
CHRISTI  
1431.

darunt Florentiam irent, monerent communi nomine pontificem non esse cur diutius tolerarent patres tantum in eo decretorum conciliarium neglectum; hortari proinde, ac monere ut liberis bulla pontificia munitis, quarum formulam proponebant, intra dies a concilio definitos appellationes omnes a sententiis conciliaribus interpositas tolleret, aboleret; omniaque concilii decreta rata habere se & sancta profiteretur. Præstita fuisse omnia ad nutum concilii docet, *Monitum contra Eugenium* hic ex Martene traditum.

Ardua hæc, quæ concilium meditabatur, vix aliter executioni mandari potuissent, nisi in frequentissimo patrum consensu. Huc pertinent literæ episcoporum Germaniæ rogantes Moguntinum archiepiscopum ne in tanto rerum agendarum molimine necessario præsentia suæ adjumento concilium defraudet. Signantur die X. januarii.

Sunt hic  
ex Mart.

Per hos dies Petri de Luxemburgo olim cardinalis sanctitatem, quam Deus prodigiorum testimonio comprobabat, dux Burgundiæ literis ad concilium die XXX. jan. datis patribus proposuit agnoscendam, ac declarandam.

Lab. pag.  
771.

Excutebantur interim in frequentibus privatisque patrum cœtibus res in sessione proxime futura expediendæ. Propositum est igitur de cudendo decreto, quo appellationes a concilio ad pontificem vetarentur. Vicissim autem rata ediceretur provocatio a pontificis sententia ad concilium. Pontificiam causam defendit Joannes de Turrecremata, cujus ea de rescriptum e MS. Feliniano codice nunc primum hic editur. Res intra consultationem tunc mansit.

Nec plura de rebus conciliaribus rescimus, nisi circa tempus Sessionis XXIII. quæ die XXV. martii convenit. Ante illas dies patrum expeditæ sunt ad concilium literæ Friederici ducis Austriæ signatæ die VIII. martii, quibus missionem a concilio deprecatur Joanni episcopo Gurzeni, quocum de rebus ecclesiæ illius agurus erat, statim restituendo patribus negotiatione absoluta. Aliæ sunt etiam apud eundem Labbeum pag. 797. ejusdem principis literæ, quibus gratias agit patribus de injuncta delectis a concilio viris dioecesis Pataviensis visitatione, quam feliciter ceptam feliciter eos prosequi affirmat. Signantur literæ illæ die VIII. martii. Eamque pariter diem præferunt literæ regis Aragoniæ apud eundem Labbeum pag. 796. testantes multa se de studio patrum in reformationem ecclesiæ comperisse; his ergo ut cooperatores adscisceret, per omnem ditionem suam misisse viros, qui episcopos ad concilium invitarent; se vero solemnem legationem suam eo statuisset. In Lunigii Spicilegio extant concilii literæ datæ die XIII. martii, quibus autoritas impertita legatis in Bohemiam destinatis, quoadque protendatur apertius exponitur. Denique, die XX. martii signatur lata a deputatis concilii sententia in gratiam monasterii S. Joannis Ambianensis Ord. Præmonstratensis.

Apud  
Lab. pag.  
1281.

Secundum hæc conveniunt patres in sessionem XXIII. in qua susceptum reformationis ecclesiasticæ opus inchoaturi ab electio-

ne Romani pontificis exordiantur, cui tantæ rei leges præscribunt. Novus electus juratus spondeat *prosequendum se celebrationem conciliorum, & confirmationem electionum juxta decreta sacri Basiliensis concilii*. Tum varia præscribunt pontifici ad vitam optime instituendam, itemque ecclesiæ administrandam. Varia etiam statuunt quoad deligendum in cardinalium collegium indolem, dotes, & numerum. Reservationes electionum abrogant, sublati reservationibus cæterisque. Cum de condendis decretis illis ageretur, consultationem illam suam dedit Joannes de Turrecremata, dein S. Sixti cardinalis magni nominis, quæ e MS. Lucensi codice hic primum vulgatur.

Necdum elapso ab his mense; die scilicet XIV. aprilis concilii altera est habitata, in qua capita conventionis inter Græcos ad concilium venturos Latinosque, jam olim Græcorum legatis proposita, & a Latinis concilii ad Græcos legatis Cpi. imperatori, & patriarchæ oblata cum sponse, ut si forte a Græcis probarentur hæc, concilii bulla signata iisdem Græcis traderentur; capita, inquam illa reipsa admittuntur a concilio, sublati, seu reformati, quod Græcos offenderat, proacmio. Adjectæ sunt literæ securitatis pro Græcis ad concilium profecturis. Postremo concilium, reclamante nequam pontifice per legatos, autoritatem indulgentias conferendi sibi usurpat, oblata semel in vita, & semel in morte remissione omnium delictorum iis fidelibus, qui pecuniario aliquo subsidio pium opus redigendi Græcos ad Latinorum communionem jussissent. Repugnantibus sancti huic novissimæ, sicut & cæteris in sessione XXIII. stabilitis post dies aliquot legatis pontificis, pro concilio responsum datum est, fusc æserto jure concilii, additisque rationibus, quibus inexpectato novo pontificis assensu ad eas promulgandas properatum sit. Cæterum quæ de annatis, & quæ de electionibus statuerant, hæc sanctissime constituta, & ad invidiam in ecclesiam tollendam opportuna demonstrant. Denique instanti per legatos pontifici, ut quantocius locus tandem designaretur, in quo ad ecclesiæ utriusque conventionem habendum esset concilium, responderunt se mature deliberaturos. Actus iste synodalis apud Labbeum pag. 488. signatur die V. id. maii. Circa hoc tempus peroratum esse arbitror ab Ænea Sylvio Piccolomineo orationem illam, seu consultationem de loco eligendo pro concilio cum Græcis celebrando; quam Muratorius olim spondit, & nondum dedit; ego vero & hic spondeo, & suo loco e MS. codice Lucensi exhibeo.

Post hæc toto anno a sessionibus vacatum quidem, sed privatarum ecclesiarum causæ quedam expeditæ. Die III. julii Walramo de Morla ecclesiæ Trajectensis episcopatus assertus est, recedere jussu Rodolpho de Diepholt. Perseveratum est etiam in usurpandis juribus, quæ tibi uni deberi Romanus pontifex frustra contendebat. Ita mandatum est capitulo Trecenti, literis idibus Jun. datis, ut Stephano Callean Trecentis ecclesiæ canonico præbendam theologa-

Lab. p.  
612.

ANNO logalem integram permittat quoadusque in  
CHRISTI concilio perseverarit.

1431.      *Occipit inter hæc annus 1447. qui &*  
*primus habetur novi apertique schismatis in*  
*pontificem. In iplo anni exorientis limine,*  
*die scilicet prima ineuntis februarii, perve-*  
*nit Basileam Joannes Disputatus Græcorum*  
*legatus cum socio, postulavitque suorum no-*  
*mine declarari tandem habendi concilii pro-*  
*compendis inter fe Græcis Latinisque lo-*  
*cum certum. Assignatur primo Basilea; sed*  
*Græco locum illum reiciēte; nec in Sa-*  
*baudiam, quam succurrantur patres, mel-*  
*lius conveniente; tandem postrema omnium*  
*proposita est urbs Avenionis; siquidem A-*  
*venionenses intra dies XXX. pactam 70. m-*  
*ducatorum pecuniam mutui lege concilio*  
*solvissent; & intra dies alios XII. perasæ*  
*solutionis documenta legitima concilio ex-*  
*hibuissent. Decretum istud suum patres per-*  
*destinatos viros Dionysium de Sabrensis &*  
*Enricum de Drest S. Theologiæ doctores cum*  
*pontifice communicarunt. Quid de illo cen-*  
*seret pontifex edociturum fe concilium per*  
*legatum suum Tarentinum archiepiscopum,*  
*brevi eo venturum, significavit. Interim A-*  
*venionenses pecuniam ex integro se solu-*  
*turos sponponderunt quidem, cautione pra-*  
*stita, non tamen antequam ex concilii de-*

A roga oratione nondum vulgata, quin & incognita hucusque (que iis qui scripta viri huius doctissimi percrenserunt. Ego illam naus in Cod. MS. Felini hic evulgo, eo confilio, quo & Labbeus nondissimilem aliam orationem Antiocheni patriarchæ pro iuribus concilii adversus Romanum pontificem tuendis dedit to. XVII. pag. 705. Ven. edit. Panormitanum refutavit Cardinalis Turrescremata scripto illo cuius memini, a me evulgando cum de Conventu Bituricensi egero. Quin & oranti pro concilio Panormitano Panormitanum ipsum adversarium suum statim in appendice eidem Lucubrationi subieci.

In exitu julii mensis convenerunt iterum patres in sessionem XXVI. in qua longius prosequuti tum ea, quæ concilium præfite-  
B rat ut in unam cum Eugenio concordiam, coalesceret; cum ea, quæ Eugenius ut con-  
cilio averteretur: negante concilio fas esse annatas exigere; electionis præsumum si ad-  
imere quibus de jure competit; anathēsis ex alia in aliam ecclesiam transferre: ac vi-  
cissim si semper in moribus perseverante pontifice. His, inquam, longiuscula oratione deductis sexaginta dies patres statuunt pon-  
tifi- ut suum dum dicat & tuesur; quo elap-  
so tempore se causam ejus judicatorio de-  
nunciant. Hanc pontificis, quam vocant, citationem longe præcessit judicialis admoni-  
tio seu monitorium, cujus inter res anni præcedentis meminimus. Avocato remari-  
C concilii acris inveciva perfrinxit Eugenius, cui pontificis scripto opposita est a patri-  
bus epistola synodalis a Labbeo pag. 494. re-  
citata, diem XIV. Kal. nov. anni hujus præfe-  
rens. Hanc vero judicalem advocacionem pontificis ad concilium longe lateque ad re-  
ges, & principes transmissæ patres assensu Card. de Turrescremata in loco supra lau-  
dato; quin & CPm ad invidiam in pontifi-  
cem creandam direxerunt, eodem teste.

Accidit inretra aliquid majus ire, jam  
per se accense, fomentum. Decreto suo ca-  
verant Bafilienfes, ne absens a loco concilii  
pontifex cardinalis novis interim renuncia-  
ret; cui in IV. sessione edito decreto aliud  
in sessione XXXIII. addicendum censuerunt,  
ut deinceps æqua pars cardinalium singulis  
nationibus esset, ne alterius numerus alteri  
prævaleret. Hæc iustiones (pernens Eugenius  
joannem patriarcham Alexandrinum per hos  
dies cardinalium albo adscripsit. Item est  
statim a Patribus in concilium (sess. XXVII.)  
abrogata electio, mandatum Eugenio, ut  
ipse pariter que temere statuerat, prudenter  
revocet. Ea sumpta occasione alio decreto  
fides abrogatur literis nomine concilii vul-  
gatis de assignata in locum futuri concilii  
Urino, vel Florentia. Gesta sunt hæc die  
VI. kal. octob.

Bimestre illud Eugenio præstitum jam præterierat; res ad session. XXVII. revocata. Renunciatur tunc patribus nihil eorum, quæ leges præscribit, reo ad causam suam defendendam vocando prætermisissim; nec propterea sive Eugenium ipsum per se, sive alium ejus nomine paruisse. Viderent igitur pares an contumax declararetur. Visum id omnibus & decreto firmatum. Dies hujus sessionis prima octobris.



ANNO  
CHRISTII  
1431.

Dum hæc contra pontificem Basileæ geruntur, curas suas omnes vertit Eugenius ad Græcorum in Italiam & ad concilium transvectionem. Literas ea de re plures ab Eugenio scriptas servavit Labbeus to. XVIII. pag. 860. &c. Majo exeunte Genueſes per literas rogat, ſecuritatis literas venturis Græcis concedant. Ipſe etiam viciffim ſuas ejusdem ſecuritatis literas expedit die nonar. julii; ejuſque menſis idibus ablegatos in Græciam quos concilii Baſileenſis ſenior pars deſtinaverat, patentibus literis confirmavit; aliſque ad eodem nuncios datis literis de omnibus, quæ ab ipſis præſtanda erant in Græcia, erudit. Demum ea octobris die, qua ſeditioſi Baſileenſes pontificem de contumacia palam pro concilio accuſaverunt, idem pontifex bullam ſignavit de tranſlatione concilii Baſilea Ferrariam, quo Græcos invitaverat. Hanc tamen ſinctionem ſuam tunc valituram edixit, ſi judicial. illam cauſæ ſuæ cognitionem, quam Baſileenſes coeperant, proſequerentur, vel ſi Græci in Italiam veniſſent. Id ut Baſileæ compertum eſt, ſtatim ſeſſio XXIX. celebratur, ac tumultuario decreto pontificia hæc concilii tranſlatio abrogatur; ſignarunt decretum illud die IV. idus octobris.

Apud Lab.  
4. XVIII.  
p. 874.

Inter hos tumultus dies menſeſque agebantur; interim vero Græci cum legatis pontificis convenientes itineri ſe commiſerant triremibus veſti pontificiis. Illis retrahendis in ſuas triremes diu multumque aduſus fuit præſectus claſſis conciliaris Nicodemus de Monte, qui et ipſe antequam Græci ſolverent, CPm, ſerius tamen quam pontificius præſectus, ſupervenerat; prævaluit tamen apud eam genrem pontificis autoritas & gratia. Cum ergo non infelici navigatione Venetias appuliſſet claſſis, ex quo Græci venerunt Ferrariam, Julianus cardinalis, apoſtolice ſedis in concilio legatus & præſes luculenta oratione (in nov. edit. Labb. tom. XVII. pag. 1349.) patres adhortatus eſt, ut ſe exorabiles ac morigeros pontificiis juſtionibus reddentes, utriuſque eccleſiæ conjunctionem pro ſua virili juvarent. Surdis occinuit: quamvis enim nihil hoc anno innovatum eſt, ſequenti tamen ſeditio crevit in immenſum. Nihil, inquam, hoc anno innovatum, cum poſtrema anni hujus ſeſſio, quæ ordine eſt XXX. die X. kal. jan. habita communionem ſub una ſpecie ſancitæ & laudabilem contra Bohemos deſiniverit, & nihil ultra. Porro ex iſto Græcorum adventu animatus Eugenius, die tandem XXX. decembris bullam edidit, qua coeptum in ſe judicium nec ſuppreſſiſſe Baſileenſes nec ab incocepto abſtituiſſe illos declaravit; veniſſe inſuper Græcos exploratum erat; quare nihil obitare quominus tranſlatum olim concilium Ferrariam jam tandem iſtitueretur. Se igitur ſanciente concil. Baſileæ ceſſiſſe Ferrariæ ſtatim inchoandum. Declarationem hanc dedit Labbeus to. XVIII. pag. 883. ſed mendum in adſcriptionem temporis irrepreſſe conſtat; cum in ea indicat pontifex concilium ad diem octavam proximi menſis januarii; data eſt igitur ante januarium menſem; quavis mendoſe kalendis januarii ſignatur. Vera igitur prodidit Abbas in oratione ſua

pro concilio Baſileenſi, declarationem hanc promulgatam aſſerens die XXX. decembris; emendanda eſt ergo ſic III. kal. januar.

Novus annus 1438. die IX. Kal. februarii ſeſſionem XXXI. dedit, & in ea novis injuriis apoſtolica ſedes vexatur: nam appellationes omnes, exceptis iis quæ ſunt de majoribus cauſis in jure expreſſis, abolentur; ſicut & et alio decreto expectativæ, & nominationes beneficiorum, quas Romanus pontifex ſumpſerat jure prærogativæ, tolluntur. Denique ſolemne decretum in Eugenium pontificem contumacem, ut patres illi vocant, & in univerſalem eccleſiam injurium, promulgatur, ſuſpenſum illum ab omni pontificii muneris adminiſtratione declarans. Eo proceſſerunt patres illi, quamvis ante eas dies parum ſolemne legationem ab electoribus imperii miſſam auſcultaviſſent, rogantem tantisper ſuſpendi proceſſionem cauſæ pontif. quo ad uique tentari ab iis poſſet Eugenius, ut concilium in uno aliquo ex locis a concilio electis haberetur. Legationi huic die XII. kal. febr. obiit, reſponſum eſt a patribus Eugenium nunquam ad ſaniora nū vexatione redigat poſſe. Longa id oratione expoſitum habes apud Labb. pag. 502.

Dum hæc Baſileæ aguntur, indiſtum Ferrariam concilium ſeſſionem ſuam omnium primam habuit die IV. id. januarii, abſente tunc Eugenio, ejuſque nomine præſidente Nicolao tit. S. Crucis card. in qua deſinitur illud unum eſſe verum & legitimum concilium; cum vero, qui poſt tranſlationem illam concilii Ferrariam Baſileæ perſeveraverat coctum eſſe hominum illegitimum nulleque potentem autoritate, cujus proinde decreta nulla & irrita pronunciantur. Quo fere tempore ſeſſio illa Ferrariæ agebatur, præcedenti ſcilicet die, Julianus card. cum paucis aliis Baſileam conciliumque deſeruit, ut ad pontificem ejuſque concilium ſe reciperet. Ex tunc omnia Baſileæ ruerunt in pejus. Die XV. kal. martii cum Eugenius papa Ferrariam ſe conſuliſſet ſecunda concilii ſeſſio celebrata eſt, & in ea concilii illius autoritas aſſerta, quo convenire epiſcopi omnes juſſi ſunt, alio quocumque concilio, tunc forte perieverante, abrogato. Succceſſit nonis martii ſeſſio III. Græcis præſentibus, cum quibus nova concilii confirmatio facta eſt. Interim legatio Hiſpanica & alia a duce Mediolanenſi miſſa Baſileam perveniſt, junctiſque votis ambæ patres rogarunt (Patricius) judicium in Eugenium tantisper ſuſpendi. Annuendum rogantibus negarunt patres. Die IX. kal. aprilis ſeſ. XXXII. convenit, in qua Ferrarienſe concilium ſchismaticorum conventiculum declaratur, cujus proinde infecta omnia eſſe & haberi Patres decernunt. Tum miſſi ab utraque parte legati ad reges & principes. Rex Angliæ Baſileenſium petulantiam acrioribus literis caſtigavit. (Patricius). Germani in ſuſpenſo ſtare conſtituerunt, nullius partis decreta contra alteram partem interim ſuſcipientes; quanquam & Eugenium, & Baſileenſe concilium venerabantur, neutri tamen parebant: ſi quid vero eſſent rogaturi, poſcebant ab eo quem magis exorabilem judicabant.

ANNO  
CHRISTI  
1431.

Ita perseveratum sexennio. Missa tamen tunc ab electoribus, qui imperium administrabant ex obitu Sigismundi carens rectore, legatio Basileam pro iudicii in Eugenium suspensione suadenda. Perseverarunt nihilo secius patres in incepto; admisse sunt in pontificem criminationes, testibus intra mensem approbandæ. Missa est etiam ab iisdem electoribus legatio alia ad Eugenium poscebatur, tertium alium locum in Germania eligi ad habendum concilium. Reposuit pontifex, velle se legatos novi Cæsaris aliosque aliorum principum expectare; tunc vero se delibaturum. Captum a pontifice concilium electores cum Basileensibus communicarunt, rogantes interim ne iudicium in Eugenium institutum prosequerentur. Variarunt in coetu patrum sententiæ; alii super sedendum toto trimesfri; alii a sententiâ quidem abstinendum censebant, interim vero a cognoscenda causa iudices non desisterent. De componenda vero pace a principibus tractaretur.

Gallia quoque suam in procuranda pace operam impendit. Indixit propterea Bituric conventum die V. junii habendum. Eo missi ab Eugenio, tum & a Basileensibus nuntii; utriusque partis rationes audite, & expensæ. Visum est patribus regem pacis sequeremur ut se intermitteret, suadendum. Hinc destinata legatio Basileam, ut interim nihil in pontificem innovaretur postulatura. Responsum est a patribus dilationem continuo fieri.

Tum alter in Germania conventus Nurembergam indicitur. Adfuerunt legati Basileenses, nec rogantibus electoribus acquiescere unquam voluerunt, ut causam suam totam eorum arbitrio committerent. Interea Basileenses ad prosequendum iudicium in pontificem se accingebant, instante protelationis termino. Frustra principum legati reclamabant, inter quos ducis Mediolanensis legatus Franciscus Barbavaria, affixa in valvis majoris ecclesiæ scheda nomine principis protestatus est, nunquam se consensurum, seu obsequuturum sententiæ, si quam de Eugenio exhaustoratio patres tulissent. Protestationi huic responsum a Synodo datum est, nunquam in animum inducturas partes hæc a duce in concilium tam propenso procedere potuisse. Convenisse patres ut pacem populo Christiano darent, hæreses tollerent, & orbem christianum reformarent. Id pro virili fategisse eo usque. Ignorare vero patres, an æquitas iudicii a se instituti ad sententiam usque exhaustoratio summi pontificis processura sit; eo si pervenerit, tam iusta lance librandum fore iudicium, quod iustitiæ studiosos omnes adeoque & principem Mediolanensem obrenturum sit approbatores. Extrat synodalis hæc refutatio apud Labbe pag. 519. Tum iudiciali ritu Eugenius, ut iheret se iudicio sui sum defensurus, vocatus est; ac in reliqua causæ cognitione procedendum; retinendam tamen sententiam patres iudicant. Rebus ita confusis, compositio alia quæsitæ est, a conventu Nurembergensi altero, ubi utriusque partis legati non abfuerunt. Poscebant pro Eugenio legati Ferrariense concilium agnosci;

*Concilior. Supplem. Tom. IV.*

repugnabant ex concilio legati, postulabantque decreta concilii sui a principibus suscipi. Sententiam ea de re suam aperiturum Cæsarem a principibus responsum est.

Igitur a novo Cæsare, Alberto scilicet, legati Basileam venerunt, die III. septemb. Agnoscere se professi sunt, Cæsaris nomine, tum concilium Basileæ coactum, cum summum Eugenii sacerdotium. Cæterum inter utramque contendendum partem se habituros neutros, donec de concordia concilium susciperetur; optimum se censere illud de tertio quodam loco pro generali concilio seligendo, cui designando jus Cæsari permitteretur. Hoc Germanis, hoc cum illis & Gallis, & Hispanis aliisque principum legatis visum. Hæc leges a Germanis propositæ diffidia in concilio suscitarent; nihil exinde certi pro pace concilii provenit. Id unum statuerunt patres, missuros se ad novam dietam legatos cum plena potestate agendi quod & catholica fide censuerint. Hæc tamen synodalis responso facta est anno sequenti, concilio Florentiam jam translato, cum ibi de translatione ista mentio inducitur sit, nec aliam credo ab ea, quæ legitur Labb. to. XVII. pag. 524. Quæ insuper retulerunt ad concilium Germanici illi legati narrat card. Arelatenis concilii præses in literis suis ad Joannem Grunvvalder, hic relatis, signatisque die XVII. feb. an. 1439.

Eodem pariter anno 1438. exeunte legatio ex Gallia Basileam veniens, in ea, quam ad patres habuit, oratione concilii illius auctoritatem agnoscere, & lata ab illo decreta de reformatione admittere se professæ est. Hæc habent literæ card. Arelatenis ad Jo. Grunvvalder.

Initio sequentis anni 1439. Ferrariense concilium ab Eugenio, accedente omnium patrum consensu, cum probabilis causa postularet, Florentiam transferretur. Adhuc id IV. id. jan. docet Patric. cap. LXXXV.

Die X. kal. aprilis concilii sessio XXXII. statuit electionem Ferrariæ pro sede concilii in alium locum transferendi a minori patrum numero decretam nullam irritamque, sicut in altera sessione, ita & in hac præsentari haberi.

Eodem martio mense celebris in Germania conventus Francfordiam primum indictum, dein Moguntiam destinatum haberi coeptum est. Eadem, quæ antehac semper, legatorum concilii postulationes. Concilium Basileæ firmum teneri, ejus decreta admitti; negabant vicissim decreta illa patrum auctoritate firmata convelli posse; nec de concilii translatione, tum & de suspensione iudicii in Eugenium quidquam vel audire quidem sustinebant. Principes aliquid indulgentum Basileensibus rati, concilii quidem decreta omnia admiserunt, iis exceptis, quæ iudicium in pontificem utcumque ferirent.

Interim Basileæ causæ passim expediebantur haud aliter quam in aula Pontificis. Lege Patric. cap. 86.

Cœptum tunc est discipari Basileæ de axiomatibus quibusdam, quæ in fidei dogmata erigere patres nitebantur. Omnia eo tendebant, ut concilii generalis auctoritatem supra pontificem elevarent, tum & concilii

N

ANNO  
CHRISTI  
1431.

Patric. c.  
84.

Ex hist.  
Frising. p.  
Me kcl.  
bech t. II.  
par. I. p.  
219.

Ex eadem  
hid. p.  
218.  
An. 1439.

Patric. c.  
88.

Patric. c.

Patric. c.



ANNO  
CHRISTI  
1431.

diffolutionem nedum probarent irritam, sed & de hæresi damnarent. Acris hinc inter patres concertatio; tandem id votis communibus obtinuit, ut tria ex octo capitibus illis in totidem fidei articulos assumerent. Decretum est igitur in sessione XXXIII. die VII. Kal. jun. celebrata; I. generale concilium vel superiorem pontifice ipso Romano a Deo obtinuisse auctoritatem; II. concilii ejusdem patribus invitis diffolutionem ne a pontifice quidem Romano jure imperari; III. his definitionibus nisi quis acquieverit, hæreticus esto. Successum est dein post dies aliquot ad synodale responsum dandum legatis principum electorum petentium locum alium a tribus jam designatis in præcedenti sessione diversum eligi, ubi conc. ex integro institueretur. Reposuit synodus eadem ipsa inculcans, quæ prius; insistendum Basileæ, nec defendendum a judicio in Eugenium prosequendo. Judicialis hæc responsio signata die iduum junii legitur in Labb. Tom. XVII. Pag. 535.

Vertente a præcedenti sessione mense die VII. kal. julii cum patribus sistentis preces ac minae nihil valuissent, cocantes in sessionem XXIV. patres judiciali prius ritu vocatum Eugenium nec parentem, ab omni in pontificatum Romanum jure excidisse pro concilio pronunciarunt. Tum julii mensis idibus, in novam sessionem (XXXV.) convenientes, statuerunt tandiu perseverandum sibi fore in concilio, quoad usque coceptum opus de novo capite, veteri præciso, ecclesiæ tradendo perficeretur. Nihil illos ab ausu temere jam instituto coercuit, non metus sævientis in urbe Basileæ pestis, non aliorum e suo coetu aliter judicantium sententia. Infuper, quo factionem suam corroborarent magis, spatium dierum LX. statuerunt iis, qui e patribus Eugenii ad castra Basileensia transierant.

Quamquam eo processerunt audaciae Basileenses, non tamen transactiones pacis intermissæ sunt. Novus principum conventus fit Moguntiaæ augusto mense. Eo statim Basileenses, contententes admitti exauctoratio-  
nem Romani pontificis: negare se id facturos principes, quippe qui nec ea, quæ Basileenses in Eugenium, nec illa pariter, quæ Eugenius in concilium statuerat recipere decrevisset. Ne vero Patres intentato censurarum metu assensum ab invitis extorquerent, solemnī protestatione ad concilium generale mox cogendum, & ad Eugenium ipsum pontificem provocarunt. Extant provocationis hujus literæ patentes hic ex Martene pag. 954. signatæ die XIII. augusti. Alias pariter sanctiones confessum suum clausuri principes promulgarunt: nihil se deinceps admitturos eorum, quæ pars utraque contententium statuisset, sive ut se invicem jacularet, sive quid aliud sanciret, cum uni adherendo alterius partis offensio incurreretur. Quin nec siquæ sententiæ vel in gratiam privatorum ab alterutris ferrentur, has admitti in tota ditone sua deinceps passuros se professi sunt. Nihilō tamen fecius apostolicam sedem & concilium venerari se ac veneraturos testantur. Cum augusto eodem mense renunciatum fuisset Basileensibus apud

Sunt hic  
ex Mart.  
p. 955.

Albertum Bojariæ ducem instare quosdam, ut, quas collegerat ex pia fidelium largitione pecunias, has neque Eugenio, neque concilio redderet, sed in alios pios usus impenderet; neaures præberet suavoribus etiam atque etiam patres rogauerunt literis ad eundem datis.

Tantam injuriam a Basileensibus illatam in Romanum pontificem non ferens Eugenius, conciliari fulmine infans istos perdidit: in sessione enim sexta concilii Florentiæ habita prid. non septemb. castigata prius gravissimis verbis impiorum temeritate, omnes, quot in Basileensi concilio post ejus diffolutionem perseverarunt quacumque dignitate exauctoravit; tum & diris cum Datham & Abiron devovit. Sanctionem hanc ab Eugenio & concilio latam dat Labbeus to. XVIII. pag. 1202. Hanc, quam Gabrielis olim papæ investivam vocabant, Basileenses apta responsione ut retunderent, viris e suo coetu selectis negotium commiserunt. Recitat hoc synodale scriptum Labbeus, apud quem signatur non. octobr. Pro Eugenio decreto vindex adversus Basileenses in concilio Florentiæ surrexit cardinalis de Turrecremata, cujus apologiam e schedis Lucenibus depromam in hoc opere.

Non ita tamen patrum studia omnia occupaverant dissidia hæc cum pontifice, quin interdum ad ea se converterent, quæ sibi olim ab exordio præfixerant, dogmata scilicet catholica definiendi, tum & reformandi ecclesiam. Die XV. kal. octobris, non sine diligenti præmissa discussione, definierunt beatam Mariam semper Virginem ab omni sive actuali, ut ajunt, sive originali labe ab ipso conceptionis articulo egisse immanem. Decus vero illud B. V. assertum peculiari festo die VI. id. decembr. & officio ecclesiastico a Joanne de Segobia jam edito recolendum statuerunt.

His expediti, pristina iterum consilia resumpserunt: nam die Kal. novembris sessionem XXXVII. habuerunt, in qua leges pro novi pontificis electione præscribuntur. Designantur selecti viri tres, jusque quartum alium sibi adsciscere; communibus suffragiis ab his quatuor alii octo & viginti sacerdotio, vel saltem diaconatu initiati assumantur, quos secum adhibeant novi pontificis, una cum cardinalibus qui eo interesse voluerint, electores.

Dum hæc Basileæ aguntur, accidit obitus Alberti Cæsaris die V. Kal. nov. defuncti; tunc innovata ab electoribus imper. suspensio illa obsequii in utramque æmulam factionem.

Per eos dies, nempe III. Kal. nov. Basileenses in XXXVIII. sessione, constitutione Eugenii, quam Gabrielis investivam appellant, incipiente: *Moyse servus Dei &c.* novis censuris damata, ministros conclavis destinandos susceperunt. Tum conclave ingressi sunt electores; quorum vota prid. non. nov. in Amedeum Sabaudie ducem collimarunt. Hæc electio die XV. Kal. decemb. in nova concilii sessione (XXXIX.) a patribus admittitur & confirmatur. Continuo instituta conciliaris legatio ad Amedeum in Ripariæ solitudine heremiticam vitam agentem; cui

ANNO  
CHRISTI  
1431.

Sunt hic  
ex Meli-  
kelbeck  
hist. Fri-  
sing. t. I.  
par. I. p.  
222.

ANNO CHRISTI 1431. cui assensum in electionem hanc suam præbenti Felici V. nomen est inditum.

Cooperat jam annus 1440. cum pontificis per eos dies electi fama delata est in Galliam; ibi vero non gratis auribus audita. Carolus enim rex solemnem protestationem professus est, nec admittere se illa quæ contra Eugenium in concilio contra jus fasque præstita sunt, nec ab ejusdem pontificis obsequio se discedere. Hæc regis professio hic datur ex Martenis præfat. ad to. VIII. Vet. Mon. pag. XL.

Secundum hæc nova Francfordiæ Germanorum coitio, in qua Fridericus Cæsar renunciatur, & præsentibus concilii oratoribus responsum datum est, nolle principes ab initio jam consilio recedere.

Die IV. kal. martias sessio concilii XL. Felici electionem ratam sanctamque habuit; tum legationes ad principes expeditæ.

Utriusque ecclesiæ conjunctione peracta, Græci remearunt ad suos; tum die X. kal. aprilis sessio VIII. concilii Florentiæ habita judiciali vocatione Amedeum adfiscit, ut sitat se ad X. kal. aprilis; ni intra dies L. pareat, hæretici poenas omnes hæreticum ipsum incursum. Hæc Florentiæ sancta, irrita & inania declararunt Basileenses patres in sessione XLI. die X. kal. augusti habita, & de supplicibus libellis, siue illi Felici antipape, siue concilio exhiberentur, signandis, quæ servandæ essent leges, distarunt.

Haud ita multo post Fridericus novus Cæsar fidem suam de servandis indemnibus patribus & novo pontifice obligavit.

Prædie nonas augusti concilii sessio XLII. decrevit compendio Felici decimum denarium omnium beneficiorum, quæ deinceps vacare contingeret ad quinquennium.

Quæ Basileense concilio molitum fuerat nova proflus & in ecclesia catholica nunquam antehac tentata, sollicitaverunt Caroli Galliæ regis animam, ut religioni ecclesiæ suæ provideret. Inductum ea de re est concilium Bituric. IV. non. septemb. ubi & adfuerunt ab Eugenio item a concilio missi legati cum referatissimo Gallicanorum præsulum cœtu. Tunc Joannes Turrecremata, haud ante multos dies Card. S. Sixti renunciatus, orationem illam adversus Basileensem ausum temerarium peroravit, quam e MS. cod. Felini acceptam, acturus de conventu hoc Bituricensi evulgabo. Jus suum pariter defenderunt Basileenses, oratione sua orationi Turrecrematæ opposita. Utraque parte disceptantium audita, episcopus Claramontanus, regis sui nomine perseveraturum se in obsequio Eugenii declaravit. In hoc Gallorum conventu decretam arbitror legationem ad Romanum pontificem postulatam concilii in alium tertium locum convocationem; quo temperamento Galli alliciendo censabant Basileenses ut facilius ad pacem conciliandam inducerentur. Legatorum postulata Eugenius admittenda minime censuit: cujus rationes ejusdem pontificis iussu card. Turrecrematæ memoriæ posterorum mandavit; scripto hic e schedis Felinianis vulgato. Hanc tamen legationem nonnisi sequenti anno post conventum Moguntinum in Germania habitum obitam constat; tunc

Consistor. Supplem. Tom. IV.

enim gentes ambae Gallica nempe & Germanica, conjunctis votis pontificem ea de re sollicitaverunt, teste Patric. cap. 118.

Reliquum anni occuparunt variæ Basileensium legationes et officia ad factionem suam augendam, quibus tamen profecerunt parum, ut ex Patric. cap. 115. Literas etiam encyclicas ad universos fideles dederunt signatas die VI. id. novemb. quibus, narrata prius rei a se peractæ serie, illos dein ad agnoscendum elatum a se pontificem ejusque & suas etiam partes tuendas sollicitant. Extant illæ Labb. to. XVII. pag. 557.

Anni 1441. exordia ferunt Moguntinum conventum in Germania mense martio inceptum, & in costrenuas legatorum utriusque partis concertationes. Summa rerum

definitarum hæc. Auditi Cusanus & Carvajalis Eugenii causam patrocinantes; auditus & Segobienis, concilium defendens: patres cognoscere se quidem concilium, non vero Felicem pontificem professi sunt. Novum aliud concilium in locum alium a Basilea & Florentia convocandum esse; hoc vero concilium ad Kal. Augusti vertentis anni indicendum decreverunt.

Kal. julii anni hujus sessio concilii XLIII. festum visitationis B. M. V. die VI. non. julii singulis recurrentibus annis celebrandum statuit. Reliquum inde temporis impensum est in audiendis legatis & variis provinc. regredientibus; quorum alii spem patribus fecerunt rei conciliaris augendæ; alii inclinare principes in Eugenium renuntiabant. Vid. Patric. cap. 124.

Proxime succedenti anno 1442. Britannia minor ad Eugenii obsequium rediit, adintente in primis Roberto Volaterrano episcopo Eugenii IV. legatione fungente. Extat ea de re Eugenii bulla signata anno 1441. die III. non. martii anno XI. nempe a coronatione. Annus hic ex veteri filo signatur; nam pontifex in ea bulla meminit alterius bullæ suæ signatæ XVI. kal. septemb. pontificatus an. XI. quæ sane dari non potuit anno 1440. tunc enim annus pontificatus X. agebat; prodiit ergo illa augusti mense anni 1441. ex quo fit ut nostra hæc posterior ad martium mensem sequentis an. 1442. extat hic

Die V. idus augusti in sessione concilii XLIV. pro tuitione eorum, qui concilio adfuerunt constantes, decretum prodiit, quæcumque in præcedentibus sessionibus sancta in eorum gratiam, hæc sancta & rara fore. Si quis conciliarios homines vexarit siue impedierit ne beneficia sua quieti possideant; in eum censuris, tum & multa pecuniaria animadvertito.

Interea Basileenses legationem miserunt ad conventum Francfordiensem. Suscepti quidem sunt comiter; iusti tamen legationis apostolicæ insignia deponere. Venit ex Fridericus. Coram illo peroravit Panormitanus, suadens ecclesiæ defensor libertatem ecclesiæ ut defenderet. Id omnino se velle asseruit Cæsar. Interim ille Aquiligranum contendit, ut regni corona ornaretur; viros tamen selectos Francofurti destinavit, coram quibus partis utriusque oratores causam suam dicerent. Ibi Panormitanus prolixam aliam

ANNO CHRISTI 1431.

An. 1441.

An. 1442.

Extat hic ex Mart.



ANNO  
CHRISTI  
1431.

An. 1438.

orationem recitavit sæpius excusam, quæ tri-  
duo duravit. Apologia erat concilii, & per-  
petua Eugenii accusatio. Tum Nicolaus de  
Cusa pro Eugenio dixit valideque adver-  
sarii objecta omnia retudit. Rediit post hæc  
Cæsar, cui de scripto utriusque partis ora-  
tiones traditæ sunt. Coepit disceptari res  
in consensu principum. Horum plures resi-  
tui obedientiam tandiu suspensam Eugenio  
contendebant; vicit tamen sententia de no-  
vo concilio celebrando. Tum decreta ad  
concilium & ad Eugenium legationes, qui-  
bus injunctum ut Cæsar nomine rogaretur  
uterque, novum concilium intra annum ha-  
bendum ut indicerent certis in Germania  
locis. Eugenium ut pontificem agnoscant  
non item Felicem, quocum nonnisi per in-  
termedios agant.

Ventum est igitur Basileam, & legationis  
causæ expositæ; post multas, diuque agita-  
tas disputationes inclinari se tandem per-  
miserunt patres in sententiam synodi alio  
in loco Germaniæ habendæ, atque in de-  
creto dictatæ sunt leges, quarum ad nor-  
mam synodi præsidens responsuri legatis Ger-  
maniæ se conformarent. Has leges vulga-  
vit Martene Vet. Mon. to. VIII. pag. 959.  
& ad eas exactam præsidium orationem dat  
Labbe. to. XVII. pag. 570. Cautum tamen vo-  
luerunt, nequid contra concilii generalis au-  
thoritatem in novo illo concilio definiretur;  
immo & statueretur concilii generalis fan-  
ctionibus ab omnibus, quotquot sunt, fide-  
libus obsequendum esse.

An. 1443.

Anno 1443. cum Felix antipapa ante pau-  
cos menses Laufannam diversisset affectu  
valetudinis curandæ gratia, in concilio Basi-  
leensi gravioris momenti nihil est actum.

In Germania vero omnium animi in pro-  
ximam Nürimburgens. dietam converteban-  
tur, quam tamen rei alicujus novæ incurio  
ut in novembrim mensem differretur coegit.  
Interim Fridericus literas direxit, ait Patri-  
cis cap. 140. ad principes, monens ut in  
celebrationem novi generalis concilii ma-  
nus admovent. Quas ad Galliarum regem  
ea de re scripsit literæ Kal. junii an. 1443.  
data hic ex Martene recitantur.

Quiescentibus publicis negotiis in concilio,  
privatorum causæ discussæ sunt. Frisingensem  
præposituram vacantem Joanni, ecclesiæ il-  
lius canonico, & a Felice inter presbyteros  
cardinales tit. S. Martini cooptato detule-  
rat concilium; vicissim autem canonici pro  
suo jure Ulricum Nustorffer Salzburgerensem  
clericum extulerant. Electionem suam asse-  
rendam patres censuerunt literis anno 1443.  
die III. non. julii signatis, quas ex Hundio  
recitat Meikebech hist. Frising. to. II. par.  
pag. 229. & nos hic ex illo.

Exceperat interim Eugenius legationem  
Germanicam, qua pro admitendo concilio  
alio generali tertio quodam in loco habendo  
rogabatur. Re mature discussa respondit,  
mirari se cur Cæsar concilium aliud quærat,  
eum unum tunc ab ipso haberetur legiti-  
mum, in quo majori patrum coetu convo-  
cato, siquid superesset ambiguum, discussi pos-  
set. Spondebat tamen, se, cum Romam  
pervenisset, quo Florentinum concilium jam  
transmiserat, eam rem diligentius pondera-

turnum; & quidquid statuisset per legatos  
in dieta Nürimburgensi expositurum.

Hoc ipso anno Alphonsus Siciliæ rex pa-  
cem cum Felice prius & concilio; dein, ea  
neglecta, cum Eugenio composuit.

Imminebat jam dieta Nürimburgensis, quo  
& Felix legatos suos destinavit. Agendum  
erat de ratione habendi novi generalis con-  
cilii. Nihil tamen effectum est, cum rari ve-  
nissent principum legati; quare in annum  
sequentem res extracta.

Anno 1444. exordiente concilium dogmata  
quædam a religiosis viris ex ordine Mendi-  
cantium asserta damnavit, quæ vide apud  
Patric. cap. 138. Cæterum Nürimburgensis  
dieta in hunc annum protracta nihil plus  
effecit, quam reliquæ ad eam usque diem.  
Inter legatos Eugenii & concilii certatum;  
nihil conclusum: tandem, pro consueto mo-  
re ut dieta dietam aliam in utero gereret,  
in alium conventum dilata. In Germania inter-  
rim *ἀντονοφάλεως* perseverante.

Hoc exeunte anno Nicodemus Frisingensis  
episcopus obiit; ejus vacuum in cathedram  
idem ipse Joannes tit. S. Martini card. ele-  
ctione canonicorum assumitur. Æmulus huic  
datur Henricus Schillicius, ab Eugenio Ro-  
mano pontifice ad eam ecclesiam accitus.  
Favit Cardinali suo concilium literis hic ex  
hist. Frisingensi datis, signatisque id. novemb.  
anni 1444. Causa ista diu mansit indefinita;  
donec Henricus anno 1448. sponte cessit æ-  
mulo.

Anno 1445. dietam aliam Germaniæ ha-  
buit; in ea, de more, nihil.

Anno 1446. rediit tandem Germania ad  
obsequium Eugenii, quo fulcimento destitu-  
tum concilium coepit labascere. Igitur an-  
no isto Germaniæ principes quidam clam in-  
ter se conjurarunt, descensuros se in senten-  
tiam Felicis, siquidem Eugenius oblatum sæ-  
pe concilium novum in Germania recusasset.  
Pactiones hæc catholico homine indi-  
gnas judicavit Cæsar, abiecitque; ipse vero  
cum principibus & legatis pontificis con-  
venit Francofurtum, ubi de Eugenio reci-  
piendo, adfidente in primis Ænea Sylvio  
serio tractari coeptum est; ac tandem con-  
ventum in certas condiciones, quarum præ-  
cipua, ut generale concilium tempore & lo-  
co designando indiceretur. Missus Romam  
legatus, qui hæc proponeret Eugenio, Æ-  
neas Sylvius. Ejus oratio ad Eugenium hic  
datur ex Martene. Omnia actum admisit  
Eugenius; spondens generale se concilium  
indicturum, siquidem consensum etiam cæte-  
rorum regum accessisset. Ita rediit Germa-  
nia ad obsequium; & concilii res adeo dis-  
sipatæ sunt, ut nullum exinde ejus monu-  
mentum, quandiu mansit Basileæ, superstit.

His ita se habentibus, patres rebus suis  
consulendum rati, clam de componendo se  
cum Eugenio, ea, qua poterant, meliori  
conditione tractarunt. Omnes admisit pon-  
tix in gratiam, servavitque omnibus digni-  
tates suas, quas obtinebant. Cardinales ta-  
men Felicis exautoravit, inter quos Nico-  
laus de Tudechis canonista celebris, nomi-  
ne Abbatis, & Panormitani notus, purpu-  
ram exuere coactus est; cum Eugenio, ro-  
gatus licet, nunquam exorari se passus fue-  
rit,

ANNO  
CHRISTI  
1431.

Patric.  
cap. 136.  
Id. c. 143.

An. 1444.

An. 1445.

An. 1446.

ANNO  
CHRISTI  
1431.  
rit, ut tanto viro ea in re indulgeret. Rediit ille ad Alphonsum Siciliae regem, cujus nomine concilio interfuit; sed & ab illo rejectus est eo amarulento dictorio, nunquam se commissurum ut fideret ei, qui in principem suum, pontificem, infidum se praeiussit. Hæc narrat Felinus in adnotatione quadam sua MS. affirmatque didicisse se id ab eo qui hæc sciverat ex relatione viri gravis, qui comperta narrabat.

Hæc satis de concilio Basileensi, ad lucem affundendam documentis illis, quæ modo, ordine chronologico offeremus.

Superest animadvertam, patres qui superfuere concilio, ex urbe Basilea recedere coactos transiisse se Lausannam, ibique concilium jam prope dissolutum reparasse. Quid in ea restauratione actum fuerit, docebunt acta ejusdem Lausannensis concilii inferius a nobis promenda. Brevi tamen & hoc Lausannense cessavit; Felice V. antipapa sponte sese dignitate sua abdicante; rescissoque capite, truncum statim corruit. Sed cum nullum de imponendo fine concilio decretum conciliare prodierit, accidit, ut post aliquot annos turbidi quidam homines sparserint in vulgus Basileensem synodum perseverasse adhuc, quod & principibus in Germania nonnullis, non satis cum pontifice tunc convenientibus, persuadere ausi sunt, & non ingratis auscultati. Hæc enim scribit Sigismundus Fulginius in historia adhuc inedita belli a Sixto IV. pontifice in Florentinos illati, quam e schedis Felini descriptam paratam habeo typis. Fecit autem id avidius (pontifex pace composita cum Ferdinando, ceterioris Siciliae rege) concilii & schismatis metu, quod Andreas Dalmata archiepiscopus Cyathensis apud Basileam convocare cœperat. Is Florentino bello oratorem Casaris apud Pontificem egerat; ab eoque magnifice donatus, & in honore habitus erat; ab maledicentiam postmodum in artem Adriani coniectus fuerat. Tunc vero ma-

ANNO  
CHRISTI  
1431.  
gnis emulorum pontificis oneratus promissis, & ob carcerem pontifici ipsi infensus; qui etiam levissimus homo esset, & nihil pensi habere solitus, pileum sine decreto sacri collegii ac pontificis gestare cepit; se cardinalem S. R. Eccl. tit. S. Sixti menitus. Nam, ut erat Sixtus in promittendo facillimus, spe cardinalatus cum fortasse lactaverat. Probris deinde & criminibus in ipsum Sixtum jactatis, principes & præfules ad concilium, in quo labanti ecclesie succurri posset, vocabat & invitabat. Nec Basileenses, apud quos consisterat, compendii spe, id moleste ferebant. Casar etiam ipse convivebat, hominibus, credo, levitatem contemnens. Et a principio quidem animos multorum crexit. Casaris deinde auctoritate & pietate, crebrisque pontificis literis nuntiisque repressus; pace postremo facta, a Ferdinando & ceteris inflammatoribus destitutus, diem in carcere obiit. Hæc scriptor ineditus in codice Feliniano; quibus idem Felinus hæc addit sua manu descripta in extrema pagellæ ora. Hic Andreas fuit Fr. ordinis prædicatorum, homo satis literatus, lingue omnipotentis, ingenii concitatis & iniquissimi. Dum esset Romæ imperialis orator, utebatur Sixtus ingenio ejus; adeo ut per ejus organum responsum dederit, palam oratoribus Gallis petentibus a Sixto concilium indici. Dixitque Andreas, non ad regem, sed ad imperatorem & negligentibus tantummodo cardinalibus id spectare. Demum ob ejus loquacitatem, quoniam vitam Sixti publice carpebat, exorsus est factus Sixto. Qui cum obtinisset ab imperatore eam legatione privari, hoc fecit: hominem in curia privatum pontifex in castro S. Angeli, ubi fore biennio stetit. Relaxatus demum & in Germaniam rediens, vociferari cepit pro concilio Basileensi continuando, quod post Eugenium suspensum fuisse non extinctum prædicabat. Opera demum Sixti in Germania carceratus obiit.

## DOCUMENTA AD CONCILIUM BASILENSE SPECTANTIA.

Documenta anni 1431.

## INCHOATIO SACRI CONCILII BASILENSIS

Affect  
rt. Vet.  
n. r.  
II. p.  
um seq.  
Stiffa  
stuba  
hypoth  
um  
æstua  
m, sed  
monait.  
his in  
lorib.  
l. sumi  
pro ca  
cap.  
quod  
sollebat  
er. hy  
austum  
Zeri.  
IN nomine Domini Amen. Tenore præsentis publici instrumenti cunctis ipsum inuentibus pateat evidenter, quod sub anno a nat. D. nostri Jesu Christi MCCCXXXI. indictione XI. pontificatus sanctissimi in Christo patris & domini nostri, domini Martini divina providentia papæ V. anno ejus XIV. die vero solis, quarta mensis martii, hora vespertorum, Basileæ & ibidem in domo fabricæ ecclesiæ Basileensis sita prope eandem ecclesiam, & super ejus atrio, & in stufa (a) superiori & majori domus ejusdem, loco videlicet capitulari consueto venerabilium virorum dominorum, præpositi, decani & capituli ecclesiæ Basileensis prædictæ, coram venerabilibus, egregiis & circumspiciis viris dominis Georgio de Andelo decano, Ulrico Truchseß thesaurario, cantore, Coenrado de Bussuag archidiacono, Fridrico Berne thesaurario, magistro Johanne Foiler scholastico decretorum doctore, totoque capitulo ecclesiæ Basileensis memo-

rata, Rudolfo de Vorvilx præposito ecclesiæ sancti Petri, Johanne Offlaßer præposito monasterii sancti Leonardi Basileensis, ordinis sancti Augustini canonicorum regularium, fratre Johanne Nider sacre theologiæ professore, ordinis prædicatorum, magistris Henrico de Kenibeni \* episcopalis, & Bertoldo Reibhogh \* domini archidiaconi Basileensis curiarum officialibus, jurisperitis pluribus, & aliis viris probatis & fide dignis; inque mei Leonardi Valken publici imperiali auctoritate curiæque episcopalis Basileensis prælibatæ jurati notarii, testiumque inferius nominatorum, ad hæc pro testimonio vocatorum & rogatorum præsentia, personaliter constitutus sive comparens venerabilis pater & egregius vir dominus Alexander decretorum doctor, abbas monasterii Virziliensis, ordinis sancti Benedicti, Eduensis diocesis, ad Romanam ecclesiam nullo medio pertinentis, & consiliarius excellentissimi

\* al. Bemgen  
\* al. Rechvogk



ANNO  
CHRISTI  
1431.

mi principis domini ducis Burgundie & Brabantie, proposuit & dixit verba quae sequuntur, vel similia in effectum: Honorandi domini & venerabiles viri. Cum ira sit, quod concilium Senense fuerit dissolutum, secunda die huius mensis martii, fuerunt septem anni; & die, tertia, quae fuit extrema die, debuerit, secundum ordinationem sacrosancti concilii, Constantiensis, concilium Basileense incipere, ad quod sine alia vocatione praelati & alii, qui ad concilia generalia vocari consueverunt; sub poenis juris venire sunt astricti, prout plenius in dicta ordinatione dicti sacro-sancti concilii Constantiensis, quae incipit *Frequens*, continetur; hinc est quod ego volens evitare dictas poenas, & facere debitum meum circa agenda in dicto concilio Basileensi, heri comparui, & in ecclesia cathedrali huius civitatis, ad me praesentandum; paratum, si quos invenissem, qui pro dicto concilio venissent, cum eis vacare circa ea quae in concilio incumbunt peragenda, & adhuc in praesentia vestrarum dominationum me praesentato, offerens me paratum & promptum conferre una vobiscum, & cum quolibet vestrum, expectando venturos \* ad dictum concilium, de his quae pertinent ad concilium, seu quae sunt agenda per ipsum, & specialiter de modo reducendi Hussitas ad gremium ecclesiae per viam amicitiae, si fieri possit, quae via foret magis Deo grata, & animabus ipsorum utilis, si Spiritu-sancto, qui concilia generalia consuevit dirigere, in his quae sunt fidei catholicae, de quo est confidendum, repeteretur; nec non & conferre de his quae spectant ad reformationem ecclesiae tam in capite, quam in membris, & de modo pacificationis regnorum: & protestor, quod pro me non stetit, nec stat, aut stabit, quominus teneatur dictum concilium, & de materiis iam dictis, & aliis ad ipsum pertinentibus in eodem tractetur; rogans vos omnes & singulos, quatenus in loco isto vel alio per vos eligendo, certis diebus & horis, vel die qualibet & dictis horis velitis convenire; quatenus una vobiscum expectando venturos, de dictis materiis valeam conferre, petens a notario hic praesenti de isto publicum instrumentum seu publica instrumenta, unum vel plura, tot quot sunt inde necessaria, & opportuna, conscribi atque tradi, astantes in testimonium invocando. Acta fuerunt haec sub anno domini, indictione, pontificatione, meise, die, hora & loco superius descriptis, praesentibus ibidem honorabilibus & discretis viris dominis Petro Zenilouffe \* decano sancti Petri ecclesiae Basileensis, fratre Johanne Elfenihem priore prioratus in liteim ordinis Cluniacensis, Constantiensis diocesis, & Conrado Brunnemaster plebano ecclesiae sancti Martini Basileensis, testibus ad praemissa in eorum testimonium vocatis specialiter & rogatis.

Et me Loenhardo Vaiken de Offemburg clerico Argentinenis diocesis, publico imperiali auctoritate notario curiae episcopalis Basileensis iurato, qui praescriptis propo-

sitioni, protestationi, requisitioni, aliisque omnibus & singulis, dum sic, ut praemittitur, fiebant & dicebantur, una cum praenominatis testibus, praesens interfui, eaque sic fieri vidi & audivi, praesens instrumentum, per alium me iubente fideliter scriptum, exinde confeci, & in hanc publicam formam redegi, signoque & praesenti subscriptione meisignavi rogatus & requisitus, in fidem & testimonium omnium & singulorum praemissorum.

#### PROCESSUS VERBALIS

##### De inchoatione concilii Basileensis.

**I**N nomine sanctae & individuae Trinitatis Patris & Filii & Spiritus sancti, Amen.

Anno a nativitate Dom. MCCCCXXXI. die XXIII. iulii indictione IX. pontificatus sanctissimi domini nostri papae Eugenii IV. anno 1. in civitate Basilea provinciae Bistuntinae, in domo capitulari ecclesiae cathedralis Basiliensis, reverendi patres domini Johannes de Polemar decretorum doctor, domini nostri papae capellanus, sacrique palatii apostolici causarum auditor, & frater Johannes de Raguso sacrae theologiae magister, ordinis fratrum praedicatorum in Romana curia procurator, vices gerentes reverendissimi in Christo patris & domini Juliani, sanctae Romanae ecclesiae S. Angeli diaconi cardinalis, in Germania & ad praesendum in sacro generali concilio apostolicae sedis legati, congregati ibidem cum reverendissimo patre Domino Alexandro abbate Virzellacense, venerabilibus & circumspectis viris domino Thoma Fiene utriusque juris doctore, magistro Guillelmo Evardi, & magistro Nicolo Amici in artibus, ambasciatoribus universitatis studii Parisiensis, necnon venerabili fratre Hugone priore S. Albani Basiliensis, & venerabili domino Henrico de Beyne in decretis licentiatum, officiali reverendi patris domini Basiliensis episcopi, & venerabili Georgio de Andelo decano Basileensi, & aliis tam canonicis, quam clericis dictae ecclesiae, & aliarum ecclesiarum dictae civitatis & ceteris multis religionis diversorum ordinum, ad insinuandum & publicandum suam vicegerentiam seu potestatem hoc ordine processerunt.

Primo dictus Johannes de Polemar fecit suam propositionem inferius insertam; deinde per me Conradum Grucefride publicum imperialis auctoritate & curiae Basileensis notarium juratum, quoddam publicum instrumentum, & quasdam literas apostolicas, & alias literas dicti reverendissimi domini legati publice & intelligibiliter legi & publicari fecerunt, quarum tenores inferius sunt; insertae propositionis series talis est.

Verba sacri eloquii pro dicendorum fundamento libenter accipio, quatenus ex eorum dignitate quaecumque edificavero gratiora fiant. Hinc igitur pro explicando fundamentali thema sumam ex Malachia propheta, cap. 3. Ecce ego mittam angelum meum, qui preparabit viam tuam ante te; & statim veniet ad templum sanctum angelus testamenti, quem vos vultis. Praestantissimi-

\* al. venientes

\* al. Zenilouffe

ANNO  
CHRISTI  
1431.

Propositio facta a Johanne de Polemar cum act. conc. inchoavit

tissimi patres, & domini, eximia veneratione condigni. Generale concilium apud hanc civitatem celebrandum esse ex decreto sacri concilii Constantiensis, & destinatione proxime acti concilii in civitate Senarum, cunctis constat esse notorium, ac etiam vestris providentiis arbitror non ignotum, qualiter reverendissimus in Christo pater dominus Julianus sacrosanctæ Romanæ ecclesiæ S. Angeli diaconus cardinalis, in proxima quadragesima, dum esset Noremberghæ, intendens circa ministerium legationis, pro quo destinatus erat ab apostolica sede, videlicet pro extinctione pestis hæreticæ, quæ, prohi dolor! viguit in regno Bohemiæ, litteras ab apostolica sede suscepit, per quas sibi legatio præfidentiae celebrandi concilii mandabatur. Ipse vero cum sciret ad civitatem hanc causâ celebrandi concilium nullos aut paucos admodum advenisse, indeque adventum ejus ad hanc civitatem parum habere compendii, & incepto in prius negotio, magn. imminere dispendium, si ab incepto opere desisteret; provida deliberatione decrevit, incoepum continuare negotium, quod quantum Christianæ fidei sit necessarium omnes nostis. Sed & cum de creatione novi summi pontificis nuncium accepisset, & ad reformationem morum & omne bonum electum esse dispositum, eadem per suas litteras seriosè curatis scribere, ut celebrationi concilii omnis exhiberetur opera opportuna, ipseque summus pontifex ad celebrandum concilium in propria persona veniret. Hisque literis ad curiam per certum nuncium destinatis, ac ipse dominus legatus ad peragrandam Germaniam se contulit, principes & populos ad exercitum contra dictos hæreticos inditum sollicitè exhortando. Cumque sic magnam partem Germaniæ in propria persona lustrasset, quia festum S. Johannis dies progressui exercitibus assignata, instabat, ex inferioribus partibus Germaniæ, concito passu ad Norembergam festinavit redire; ad quam in die post festum S. Johannis pervenit, & reperit ibidem quemdam venerabilem virum nomine Leonardum de Pisis in legibus licentiatum, quem sanctissimus dominus noster papa ad eundem dominum legatum transmisit, cujus relictis, literisque per eundem lectis, dominus legatus de intentione sanctissimi domini nostri papæ exitit informatus, quæ procul dubio sincera est & optima, quod sacrum concilium plene ac debite celebretur, seque ad venerandam concilium celebrandum venire non posse notoria causa demonstrat. Quare præfato domino legato mandavit, ut ad celebrandum concilium quam citius absque dispendio negotii coepti valet, studeat se conferre. Sed & serenissimus princeps dominus Sigismundus Romanorum rex, duoque venerabiles viri ex ambassiatoribus altæ universitatis Parisiensis, in eadem Noremberga dicto domino legato instarunt, ut ad hanc se civitatem conferret, causa concilium celebrandi. Reverendissimus vero legatus prædictus, deliberatione habita,

respondit, multis suadentibus causis, utile admodum esse, primo. quod nunc necessarium, propter multa quæ contingere, possunt, ejus præsentiam exigendam, quod ipse in exercitu personaliter transiret, sed volebat ad hanc civitatem aliquos destinare, quibus committeret vices suas; quatenus hoc tempore statuto, quo ipse erat cum exercitu moraturus, congregationi in stabilimento concilii & agendis aliis adhiberent operam & sollicitudinem opportunam. Nam attentâ dispositione præfenti, satis videbatur negotio concilii per hujusmodi destinationem esse provisum; quodque in principio sequentis hiemis ipse, Deo propitio, reveniens de exercitu, ad celebrationem dicti concilii quam citius properabit, indeque in dicti serenissimi regis præsentia, ac multorum prælatorum, principum & aliorum virorum, nos hic astantes elegit, commissitque in ejus absentia plenarias vices suas. Præmissæ igitur narrationi veridicæ cuilibet inveniendi satis plane congruere dignoscitur thema sumtum: *Ecce ego mitto, &c.* in quorum verborum exordio nostræ destinationis causa, nostrumque ministerium designatur, cum dicitur: *Ecce ego mitto angelum meum, qui præparabit viam ante te.* Nam etsi nos naturæ conditione aut meritorum prærogativa angelus dici non possumus, ipsa destinatione & ministerio angelus sumus. Angelus enim id est missus. Sed etsi corpore duo, non tamen duo angeli, sed unus angelus sumus unitate ministerii & indissolubili caritate, Christo veritate dicente: *Ipse est de quo scriptum est: ecce ego mitto, &c.* luculenter ad nostrum poterunt propositum applicari. Nobis siquidem utrique Johannes est nomen, ministerium nostrum esse noscitur ministerio Johannis conforme. Nam sicut ille præcursor fuit domini nostri Jesu Christi, qui de summis cælorum, velut patris legatione fungens, descendit ad terram; sic, reverendissimi patres, qui a latere summi apicis destinatus est, veluti præcursor, destinati sumus parare viam, locum, & materiam prædisponere, ut eo, propitiantie altissimo, de exercitu feliciter redeunte, præparata & prædisposita materia agendorum in sacro concilio usque ad prosperam & votivam conclusionem facilius procedatur. Et inde subjungam: *Et statim veniet ad templum sanctum*, hoc est ecclesiam, dicente apostolo: *Templum Dei sanctum est, quod estis vos.* Etenim licet universus fidelium populus nomine comprehendatur ecclesiæ, virtualiter tamen est ecclesia sacrum generale concilium, auctoritate sacrosanctæ apostolicæ sedis congregatum. Et nullus est aut erit ratum concilium, quod non fuerit ejus auctoritate fultum. In sacro namque concilio rite congregato est ipse summus pontifex, aut ejus vices gerens in ratione capitis, & alii in ratione membrorum, unum constituens corpus, quod virtualiter est universalis ecclesia. Nos igitur, auctore Deo, locum præparabimus, atque viam ejus forentem, grandemque congregationem.



ANNO  
CHRISTI  
1431.

facere satagemus. Et statim veniet ad ipsum sanctum templum Dei, non dico dominator, quem vos queritis: quoniam docente B. Bernardo in epistola ad Eugenium, didici quod in hac ecclesiastica Hierarchia indicitur ministratio & interdicitur dominatio, principe apostolorum dicente, non tamquam dominantes in clero, sed formam fidei gregis. Et idem Bernardus in text'o: Ille, de quo propheta dicit: Et erit omnis terra possessio eius, Christus est, cui pertinet jure creationis & redemptionis & domino patris possessionem & dominium cedere huic, tu curam illius habes. Themate non sine causa sincopato subiungo: Angelus testamenti quem vos vultis. Recte angelus testamenti. Nam sub nomine S. Angeli diaconus cardinalis, & ejus conversatio est angelica: quod nos familiari conversatione possumus attestari. Angelus testamenti, inquam, Christo Jesu ferventissimus est zelator. Statim ergo veniet angelus testamenti quem vos vultis, quem vos capitis & optatis, quem volunt & optant omnes ecclesie filii, affectantes Christianitatis pacem, haereticum extirpationem. Angelus testamenti, quia sicut scit sanctissimi domini nostri papae optimum animum & promptissimam voluntatem, sic etiam suo proprio desiderio ad id anhelat una cum aliis congregatis generale concilium facientes, toto studio, totisque viribus & diligentiam adhibere. Haec omnia perfici sperantes ab illo, qui vivit & regnat trinus & unus in saecula saeculorum. Amen.

#### Sequitur tenor Instrumenti &c.

In nomine Domini. Amen. Tenore publici instrumenti cunctis pateat evidenter & sit notum, quod anno a nativitate Domini ejusdem MCCCCXIV. &c. require residuum in prima sessione hujus sacri concilii Basileensis.

#### Subscriptio notarii talis est.

Et ego Petrus Clerici, clericus Ambianensis dioecesis, magister in artibus, &c. prout in instrumento continetur.

#### TENOR LITTERARUM

Apostolicarum super facultate celebrationis concilii Basileensis per dominum legatum sedis apostolicae.

Martinus episcopus servus servorum Dei dilecto filio Juliano S. Angeli diacono cardinali apostolice sedis legato S. & A. B. &c. require in prima sessione hujus concilii Basileensis.

#### TENOR LITTERARUM

domini legati.

In nomine Domini. Amen. Anno ejusdem MCCCCXXI. indictione IX. pontificatus Ss. in Christo patris Domini nostri papae

Eugenii IV. anno 1. die III. mensis Julii, in quadam domo castri imperialis Norembergae, dioecesis Bambergensis, praesentibus illustrissimo principe domino Sigismundo rege Romanorum, reverendis in Christo patribus domino Alexandro episcopo Tridentino, & domino Petro episcopo Imoleni, atque illustriviro domino Friderico marchione Brandeburgensi, & aliis pluribus in multitudine copiosa, vocatoque me notario infra scripto, mihiq; mandato, ut de his publicum facerem instrumentum. Reverendissimus in Christo pater dominus Julianus S. R. E. sancti Angeli diaconus cardinalis, in Germania, necnon ad praesidendum in generali concilio apud Basileam in Spiritu sancto congregando, apostolice sedis legatus, attendens se jamdudum, cum in eadem civitate Norembergae, ubi dictus serenissimus rex, sacrique imperii electores, & alii principes Alamanniae & communiatum ambassiatores erant pro hac causa congregati, ad tractandum & exhortandum, ut adversus perfidos haereticos in regno Bohemiae potens fidelium d. stinaretur exercitus, felicitis recordationis operam adhiberet, sicut fuit gratia divina concedente conclusum; felicis recordationis domini papae Martini V. tunc viventis litteras recepisse, quibus eidem interesse & praesidere dicto concilio mandabat. Cum autem esset informatio veridica sibi notum, ad civitatem Basileae causa celebrandi concilium tam paucorum numerum personarum advenisse, quod non erat in concilio cum tam paucis numero procedendum, habita super hac causa praetorum & aliorum notabilium virorum deliberatione matura, decrevit melius esse dictum negotium inciperem continuare, crucem praedicando, fidelesque principes & populos exhortando ad exercitum memoratum, ut eo cum Dei auxilio peracto, ad celebrationem concilii, cui haec mora parum dispendii proveniret; sicque per diversas partes Alamanniae in propria persona, non sine gravibus viarum laboribus est profectus; per alias vero partes suas litteras suosque viros providos destinavit. Cumque jam per Dei gratiam potens & magnus Christianissimorum exercitus sit paratus, nec dum etiam ad dictam civitatem Basileae, ubi in paucis numero sunt, pro celebratione concilii congregati, sibi habito multorum prudentum consilio visum sit admodum ex causis pluribus expedire, immo quodam modo necessarium, quod ipse personaliter vadat cum fidelium exercitu supra dicto, volens & cupiens utilitati dicti exercitus non desisse, necnon congregationi & stabilimento dicti concilii debite providere, cum a sanctissimo domino nostro papa Eugenio, qui multum cordi habet dictum concilium, solemniter & debite celebrari receperit in mandatis, quatenus quam citius absque dispendio dicti negotii exterminationis haereticae pravitate, commode possit, ad celebrationem dicti concilii studeat se conferre, provide deliberatione decrevit, quod ipse personaliter transeat cum exercitu supra dicto, & quod ad dictam civitatem Basileae destinat viros providos, qui, eo absente, vices suas gerant, congregationisque & sta-

ANN  
CHRIST  
1431

ANNO  
CHRISTI  
1431.

& stabilitate dicti concilii operam & diligentiam præbeant, deque agendis & ordinandis cum ibidem sitentibus confiderent, praticent taliter, quod disponant, ut eo iuxta principium hiemis sequentis, de dicto transitu, Deo propitio, feliciter redeunte, in celebratione dicti concilii, prosperaque largiente S. Spiritus gratia, procedatur, ad Dei omnipotentis gloriam, & Christianæ religionis profectum. Propterea venerabiles ac providos viros dominum Johannem de Polemar decretorum doctorem, domini nostri papæ capellanum & sacri palatii apostolici causarum auditorem, & fratrem Johannem de Ragusio sacre theologiæ magistrum, ordinis fratrum prædicatorum, & dicti ordinis apud Romanam curiam procuratorem, elegit & ordinavit suos in dicto concilio, in ejusdem domini absentia, vices gerentes, dans & concedens eisdem plenarie vices suas. In quorum fidem & testimonium per me infrascriptum notarium præfens fieri jussit publicum instrumentum ipsius domini legati sigilli appensione munitum. Actum die & anno & præfentibus testibus prænotatis.

Et ego Conradus Jacobi de Montepolitiano decretorum doctor, publicus imperiali auctoritate notarius, dum supra scripta omnia & singula per dictum dominum legatum dicerentur & agerentur, interfui, atque fieri vidi, & ejus mandato hoc publicum instrumentum per alium fidem, me aliis occupato negotiis, scribi feci, rogatus publicavi, signumque meum proprium apposui in fidem & testimonium omnium præmissorum.

## Tenor Cedula.

Et nos prænominati Johannes de Polemar & frater Johannes de Ragusio vices gerentes præfati reverendissimi domini legati, insinuata potestate nostra, & fide facta de mandato instrumento authentico, prout supra, dicimus, declaramus cunctis que facimus manifestum, promotos paratosque nos esse in celebratione sacri concilii generalis rite & debite ultro procedere, ad hocque nos ad hanc civitatem venisse animo & proposito persistendi & in celebratione sacri concilii rite ac debite procedendi; & quod non stetit, stat, neque stabit per SS. dominum nostrum papam, quin in dicto concilio rite & debite procedatur, manifeste & publice protestamur, dicimus & declaramus: requirentes de præmissis omnibus acta publica fieri & de actis publicum instrumentum, &c.

His itaque peractis, sicut præmittitur, venerabilis magister Nicolaus Amici unus ex ambassiatoribus dictæ universitatis Parisiensis pro se & collegis suis & omnibus aliis sibi adherentibus vel adherere volentibus, petit & requisivit per dictos vicegerentes reverendissimi legati decerni & declarari generale concilium esse in hac civitate Basileæ stabilitum, inchoatum & firmatum.

Et dicti domini vices gerentes, aut saltem dictus dominus Johannes de Polemar pro se & collega suo dixit, & respondet in effectum, quod requisitioni per dictum magistrum Nicolaum jam erat per cedula supradictam commode & sufficienter satisfactum.

Præterea fuit ibidem communi concordia Concilior. Supplem. Tom. IV.

ANNO  
CHRISTI  
1431.

ordinatum, quod deinde singulis diebus veneris seu feriis sextis, si sit dies juridica, signanter proxime sequenti die juridica, seu non feriata, fiet conventio pro negotiis in concilio agendis seu tractandis & ad ipsam diem seu singulas sextas ferias omnes censeantur ex hac ordinatione vocati. Si autem propter aliquam causam oporteret in aliis diebus fieri conventionem, tunc assignetur cedula in valvis ecclesiæ prædictæ.

Et ego Conradus Guntfridi de minori Basilea, clericus Constantiensis diocesis, publicus imperiali auctoritate & curiæ Basileensis collateralis notarius juratus, quia præmissis omnibus & singulis, dum sic, ut præmittitur, successive fiebant & agebantur in loco & tempore quibus supra, una cum honorabilibus & circumspiciendis viris dominis Hermannus Friling, Nicolao de Terrwiller, presbyteris capellanis, &c. præfens interfui, eaque successive fieri vidi & audiui. Idcirco hic me manu propria subscripsi rogatus & requisitus in fidem & testimonium omnium præmissorum.

Post hæc autem die lunæ XXVII. die mensis Augusti anni prædicti in domo capitalari dictæ ecclesiæ Basileensis personaliter existentes reverendi patres dominus Johannes de Polemar decretorum doctor, & frater Johannes de Ragusio sacre theologiæ magister, ordinis fratrum prædicatorum, vices gerentes dicti reverendissimi domini legati, assistentibus eis multis prælatis & clericis, mandaverunt mihi notario supra & infrascripto, quatenus accederem ad portam dictæ ecclesiæ, & inde acciperem cedula quam ibi reperirem affixam, & in hoc processu continuarem; & sic factum est per me mandato ipsorum dominorum præfidentium prædictorum.

Cedula autem portæ dictæ ecclesiæ affixa dictorum dominorum præfidentium sigillata sigillis erat hujusmodi seriei: „Ex parte domini minorum præfidentium concilii generalis „intimatur omnibus, quod erit congregatio „generalis feria II. hora VIII. in capitulo „ecclesiæ majoris. Quapropter mandatur omnibus qui venire tenentur ad illam, quatenus in dictis die & hora ibidem compareant & interfiant.

Et post aliquantulum moram prædicti domini præfidentes tradiderunt mihi notario supra & infrascripto quamdam cedula in papyro scriptam, quam per me publice lecta & intelligibili voce legi et publicari fecerunt, cujus tenor sequitur et est talis.

Quamquam ex eo quod XXIII. die julii proxime præteriti in hoc eodem loco facta fuit publice et solemniter, insinuatio facultatis nostræ, perlectis litteris reverendissimi in Christo patris domini domini legati, atque constitit de electione hujus civitatis facta in concilio Senensi pro tunc proximo futuro concilio celebrando, et hoc per publicum instrumentum ibidem lectum, atque juxta decreta sacrorum Constantiensis et Senensis conciliorum, notorium sit, esse tempus concilii celebrandi, et sic constaret præfidentes auctoritate apostolica esse in loco ad celebrandum concilium deputatos, animo et proposito concilium celebrandi, et ad hoc

Declaratur conc. inchoatum.



ANNO  
CHRISTI  
1431.

se exhibuerunt, et quod non stabat pro parte sanctissimi domini nostri, quominus in celebratione concilii procederetur; fuerunt publice protestati, quod tempus ad id prænitum astaret, censeatur ex his sacrum generale concilium inchoatum, stabilitum et firmatum: attamen ad superabundantem cautelam, multorum super hoc instantia impulsati, decernimus et declaramus, ex illis die, et actu sacrum generale concilium esse inchoatum, stabilitum et firmatum, atque ex nunc, si et in quantum opus sit stabilimus et firmamus, esseque stabilitum et firmatum decernimus et declaramus.

Et post hæc præfatus Johannes de Polemar verbo exposuit, & dixit, quod in præcedentibus diebus tractatum fuit, ut per sacrum concilium quidam actus fieret, quem ipse in quadam cedula descriptum distaverat, ideo legeretur schedula ipsa, & si omnibus placeret, sicut in ipsa continetur, fieret ac etiam firmaretur. Quæ quidem cedula per me supra & infra scriptum notarum lecta extitit & publicata huiusmodi sub tenore.

Auctoritate apostolica præsidentes prælati & ceteri in sacro concilio congregati, die præsentis, per cedulam ecclesiarum valvis affixam, ad congregationem publicam assignata, ordinaverunt & decreverunt valde esse expediens & necessarium, quod reverendus pater frater Johannes de Ragulio, magister in sacra pagina, ordinis Prædicatorum, pro certis negotiis, pro parte ipsorum ad serenissimum dominum regem Romanorum accedat, ipsumque eorum ambasciatorem ad dictum dominum regem ordinaverunt & destinarunt; et ne aliquo possit in dubium revocari, cum ipse sit unus de præsidentibus, an ipso absente apud alium collegam plena auctoritas remaneret, cum litteris eorum facultatis non sit expressum, quod in solidam habeat potestatem, scienter & consule ordinaverunt & decreverunt, quod ipso domino fratre Johanne absente, ipsiusque perdurante absentia, apud alterum collegam, videlicet dominum Johannem de Polemar plena remanet auctoritas & potestas præsentis memorate.

Et ego Conradus Gubtfridi de minori Basilea, clericus Constantiensis diocesis, publicus imperiali auctoritate, &c. ut supra.

#### RITUS IN HABENDIS SESSIONIBUS CONCILII BASILENSIS

##### servati

Ex opere  
de Summi  
Pontificis  
generalis  
concilii  
& Imperialis  
magistris  
origine &  
potestate,  
auctore  
Petro de  
Monte  
Veneto  
Brixienfi  
episc.

Servatur enim iste modus in sessionibus suis publicis; nam in loco ubi tenetur sessio, quæ est ecclesia cathedralis, celebratur missa solemnis per aliquem prælatum de concilio ad hoc deputatum. Quæ missa durante omnes prælati sunt induti in suis vestibus consuetis, sedentes in loco dictæ sessionis secundum suas dignitates & prerogativas. Missa vero finita omnes prælati induunt se pluvialibus & habent mitras albas, solo præsidente excepto, qui potest, si vult habere mitras aurifaxatam & notabiliter ornatam. Qui quidem præsidens, vel alius loco ejus, allociatus diacono & subdiacono habitum eccle-

siasticum indutus sedet in cathedra in medio chori habens dorsum ad altare, vultum vero ad alios prælatos congregatos. Igitur sic indutis & ornatis; diaconus clamat alta voce. *Orate.* Quo dicto omnes flectunt genua; & per aliquod intervallum orant sub silentio secundum devotiones suas. Postquam autem per aliquod intervallum temporis in illa oratione steterunt, idem diaconus clamat alta voce: *erigite vos;* & tunc omnibus surgentibus & stantibus erectis, ipse præsidens etiam erectus dicit hanc orationem alta voce. *Adsumus (a) domine sancte spiritus, adsumus peccati quidem laqueis detenti; sed in nomine tuo specialiter congregati. Veni ad nos, & esto nobiscum, & dignare illabi cordibus nostris, & doce nos quid agamus, quo gradiamur, & ostende quid efficere debeamus, ut te auxiliante in omnibus (b) complacere valeamus. Esto tu solus suggestor affectuum; (c) & iudiciorum nostrorum, qui solus cum Deo patre (d) nomen possides gloriosum: Non nos patiaris perturbare esse iusticia, qui summam diligis equitatem. Non in sinistram nos ignorantia trahat; (e) non acceptio munerum vel persone corrumpant; sed iunge nos tibi efficaciter solius tue gratia dono, ut simus in te unum (f) & in nullo deviemus a vero, quatenus in nomine tuo collecti in cunctis teneamus cum moderatione pietatis iusticiam; (g) ut hic a te non dissentiat scientia (h) nostra, & in futuro pro bene gestis consequamur præmia sempiterna. Amen.* Prædicta oratione finita Cantores concilii cantant antiphonam hanc. *Exaudi nos Deus quoniam benigna est misericordia tua &c.* psal. *Salvum me fac &c.* Gloria patri &c. Quibus finitis idem diaconus dicit alta voce: *orate;* quo dicto omnes, ut supra, genibus flexis orant. Et facta parvo intervallo, iterum diaconus dicit alta voce. *Erigite vos;* tunc omnibus erectis præsidens dicit hanc orationem: *mentibus nostris quesumus Domine, Spiritum Sanctum (i) infunde, quatenus in nomine tuo collecti, sic in cunctis teneamus cum moderatione pietatis iusticiam, ut hic (k) in nullo a te dissentiat voluntas nostra, sed semper rationabilia meditates, quæ tibi sunt placita exequamur per dominum nostrum &c.* Hiis ita peractis omnes flectunt genua; & diaconus vel subdiaconus vel alii duo ad hoc deputati ante altare stantes incipiunt letaniam, cantoribus & aliis respondentibus; & cum veniunt ad illum locum, ut dominum apostolicum & omnes ecclesiasticos ordines &c. præsidens, qui cum aliis stabat flexis genibus, surgit vertens ad congregationem & datus benedictionem cantando dicit: *ut hanc sacram Synodum & omnes gradus ecclesiasticos benedicere digneris; ut hanc sacram Synodum & omnes gradus ecclesiasticos regere & conservare digneris;* Cantoribus qualibet vice respondentibus; *te rogamus audi nos.* (l) Completis rogationibus seu letaniis præsidens dicit: *oremus;* diaconus dicit: *flectamus genua;* subdiaconus dicit: *levate.* Deinde præsidens dicit hanc orationem. *Da quesumus ecclesia tue misericors Deus, ut in Spiritu Sancto congregata, hostili nullatenus incurusione turbetur, per Christum Jesum Dominum nostrum &c.* Omnibus

ANNO  
CHRISTI  
1431

quod MS. servat biblioth. Canonice. Majoris eccl. Luc. Sed & eadem describit Herman. Cornerus in Chronico ab Ecardo in Hilt. Med. Evulgato, ex quo variantes hunc dantur. (a) Deest hoc primo Adsumus. (b) Tibi complacere. (c) Suggestor & effector iudiciorum &c. (d) Deo Patre & Filio. (e) Trahat non favor iniectione non acceptio muneris corrumpat. (f) Unum ne deviemus &c. (g) scientiam (h) Sententia (i) benignus infunde. (k) Deest hic (l) Ut hanc sancti. Syllabæ & omnes gradus ecclesiasticos benedicere digneris. Item rum respondit sententia do & tercio.

**ANNO** bus factis diaconus (a) habens librum ante  
**CHRISTI** altare accensis duobus cereis incipit evan-  
**1431.** gelium *Vos estis sal terræ*, vel aliud, ut sibi  
 est ordinatum. Quo peracto prædicens (b)  
 piam facit collationem, super quibus Syno-  
 dus est congregata; deinde flexis genibus  
 incipit alta voce *Veni sancte spiritus* (c) &c.  
 quem hymnum cantabit alternatim præses in  
 sessione cum cantoribus. Quo hymno canta-  
 to duo clerici altantes prædidenti dicunt ver-  
 sus: *emitte Spiritum tuum & creabuntur &c.*  
 & Cantores respondent: *& renovabis faci-  
 em terræ*. Postea prædicens dicit hanc ora-  
 tionem. *Oremus, Deus qui corda fidelium san-  
 cti Spiritus &c.* Postmodum præfati clerici  
 vel diaconus aut subdiaconus dicit: *benedi-  
 camus Domino*: alii respondent, *Deo gratias*.  
 His omnibus, ut supra completis, prædicens  
 & omnes alii prælati sedent, & imponunt  
 mitras capitibus suis; & tunc unus ad hoc  
 deputatus legit decreta in illa sessione ex-  
 pedienda; postea quilibet (d) respondet:  
*placet*; ac deinde depositis pluvialibus &  
 mitris reasumunt habitus suos, & recedunt.  
 Hunc modum, ut dixi, vidi servari in con-  
 cilio Basileensi, pro quo modo iustificando a-  
 liqua allegato de jure &c.

**LITERÆ SIGISMUNDI**  
**Regis Romanorum,**

*Quibus sub sua protectione sacrum Basileense concilium suscipit, omnes ad illud venientes suos subditis commendat.*

**p. 12.** **S**igismundus Dei gratia Romanorum rex  
 semper augustus, ac Hungariæ, Bohe-  
 miæ, Dalmatiæ, Croatia, &c. rex universis  
 & singulis principibus ecclesiasticis & secularibus,  
 ducibus, marchionibus, comitibus,  
 vicecomitibus, vicariis generalibus, baronibus,  
 magnatibus, proceribus, nobilibus,  
 ministerialibus, militibus, clientibus, capitaneis,  
 ancianis, potestatibus, gubernatoribus,  
 baillivis, rectoribus, prædibus, burgravibus,  
 castellanis, officialibus, iudicibus, thelonariis,  
 (e) boletariis passuum, custodibus civitatum,  
 oppidorum, villarum & locorum communitatibus,  
 & rectoribus earundem, ceterisque nostris & imperii sacri  
 subditis & fidelibus dilectis, ad quos præsen-  
 tiæ pervenerint, gratiam regiam & omne bonum.

Venerabiles, illustres, nobiles et fideles dilecti,  
 durante pridem Constantienſi concilio, et domino Martino papa V. bonæ memorie tunc ibidem approbante, conclusum extitit et ordinatum, quod ab illo tunc ad quinquennium proxime sequens in civitate Senensis generale concilium celebraretur; in quo quidem Senensi concilio iterum decretum et ordinatum extitit, quod ad septennium proxime sequens in civitate nostra Basileensi generale concilium teneretur. Quod quidem concilium, domino concedente, per multos notabiles prælatos, doctores et magistros inceptum est, et hucusque continuatum, quoque sanctissimus dominus noster summus pontifex dominus Eugenius illud approbavit, et celebrationem ipsius re-

*Concilio. Supplem. Tom. IV.*

**A** verendissimo in Christo patri domino Juliano cardinali S. Angeli apostolice sedis legato commisit, qui etiam loco sui, negotiis fidei prædeditus, prædentes pro eo ad memoratum Basileensem locum transiit. Sed quia nos, qui prius pro pace sacrosanctæ matris ecclesiæ et ejus unione procuranda multos labores, prout notum est mundo, subivimus, debitores nos fatemur, ut tamquam advocatus et defensor S. R. E. etiam hoc sacrum Basileense concilium habeamus commissum, potissime considerando, quod ad heresum extirpationem, guerrarum suppressionem, et omnium morum, qui prohi dolor! in orbe fere extincti sunt, felicem reformationem, nihil utilius et commodius exquiri possit.

**B** Quod quia concilium ad reverentiam Dei, relevationem orthodoxorum, honorem quoque sanctæ matris ecclesiæ in nostram specialem protectionem recepimus, et grato et devoto animo recipimus per præsentem. Idcirco vos omnes & singulos (supradictos) seriosissime requirimus & hortamur, mandantes quatenus universis & singulis prælati, principibus, nobilibus, magistris & ambassiatoribus quorumcumque regum, prælatorum, principum & communitatum, universitatumque totius christianissimi, qui ad præfatum concilium, auxiliante Domino, accessuri sunt, cujuscumque status, gradus, dignitatis, seu conditionis existant, nostro & imperii sacri nomine favorem & benignam debeat impendere voluntatem, eodemque cum gentibus & familiaribus suis ac bonis ac rebus eorum quibuscumque faciat plenissima libertate gaudere, ipsosque favorabiliter pertractetis, ac eosdem & eorum quemlibet, cum bonis prædictis tute & secure per territoria, civitates, castra, castra, oppida, villas, itinera, passus, portus, pontes & terras, ac ditiosas vestre loca, nobisque subiecta ire, transire, stare & morari, eundo ad concilium prædictum, redeundo ab eodem permittatis; immo eisdem amore sanctæ matris ecclesiæ, ob reverentiamque sacri concilii, & nostram & sacri imperii benevolentiam singularem, dum & quotiescumque requisiti fueritis, in his quæ securitatem & celeritatem eorum concernunt itineris, promotivam & gratuitam ipsis ostendere realiter & exhibere velitis & debeat voluntatem, necnon eisdem & cuilibet ipsorum de viualibus, expensis eorum competentibus, & conductibus petitis & requisitis, pro rationalibus salariis providendo. Sic enim fieri volumus, & præfatis ex certa nostra scientia in favorem prædicti concilii concessimus & concedimus per præsentem, litteris impetratis aut sub quacumque forma verborum impetrandis non obstantibus quibuscumque. Quicumque aliquem prædictum concilium visitantem modo quocumque turbare præsumserit, sciat se nostram & imperii sacri indignationem gravissimam incurrisse; & e contrario quibusque visitantibus nostri amore favores impenderit, certum se reddat, quod eidem singula beneficia compensabimus gratia singulari, præsentium sub nomine maiestatis sigillo testimonio litterarum. Datum Nurembergæ, anno Domini MCCCCXXXI. die II. mensis julii, regno-

**ANNO**  
**CHRISTI**  
**1431.**



ANNO gnorum nostrorum anno Hungariae &c. XLV.  
CHRISTI Romanorum XXI. & Bohemiae XI.  
1434.

## LITERÆ SIGISMUNDI

Regis Romanorum,

*Quibus providet securitati & quieti  
concilii.*

Ib. p. 13.

**S**igismundus Dei gratia Romanorum rex  
semper augustus, & Hungariae, Bohemiae,  
Dalmatiae, Croaciae, &c. rex. Notum faci-  
mus tenore praesentium universis, quoniam  
nihil utilius, nihil honestius, nihil celebrius,  
vel commodosius populo Christiano conspi-  
cimus concilio generali, per quod divino in-  
spiramine pax inter homines reformabitur,  
mores commutabuntur in melius, & univer-  
sus populus ad viam veritatis reducetur; cu-  
ra nobis fuit & est specialissima, ut copia  
praetorum, principum & doctorum, & alio-  
rum, per quos fructus operatus debet pro-  
venire, ad ipsum confluat & accedat. Et  
quia in Basiliensi concilio existentes, ad il-  
lud accedentes, & ab illo recedentes meri-  
to debent plena securitate potiri & liberta-  
te, quae revera est inestimabilis bonitatis.  
Idcirco volumus & ordinamus praesentium  
per tenorem, quod omnes & singuli quicum-  
que fuerint, ad dictum concilium accedentes,  
in eodem permanentes, & ab eodem reced-  
entes, plena securitate & libertate potian-  
tur, eosque suscipimus in nostra regia & im-  
periali protectione & custodia, nolentes  
eosdem ab aliquo molestari, inquietari, vel  
injurari: immo ab omni injuria, vexatione  
& molestatione penitus immunes & illesos  
permanere: mandantes nihilominus magistro  
civium, & civibus, seu rectoribus, incolis,  
& habitatoribus quibuscumque Basiliensibus, &  
districtibus praecipientes, sub poenis incur-  
sionis nostrae indignationis gravissimae, & mil-  
le marcharum auri, si illo nostro appli-  
candarum, quod nullam vim, injuriam,  
inquietationem, vel molestiam praedictis in-  
ferant, vel ab aliis inferri patiantur in per-  
sona, vel bonis, sintque in plena securitate  
in dicto concilio & libertate. Volumus etiam  
& ordinamus ad majorem dicti concilii se-  
curitatem & libertatem, quod omnes & sin-  
guli, qui ibidem accedunt, recedunt, vel per-  
manent causa concilii, sint solum & dum-  
taxat sub potestate & jurisdictione domini  
nostri papae, si ibi fuerit; vel praedictis  
loco sui & sacri concilii; neque capientur,  
detinebuntur, aut molestabuntur praedicti ad  
dictum concilium venientes, stantes & reced-  
entes, etiam ad mandatum cujuscumque  
potestatis secularis aut seculari jurisdictioni  
praedictis. Quodque ipsi Basilienses permit-  
tent concilium libere disponere facta sua,  
neque de agendis in concilio aliquatenus se  
intromittent, nisi desuper fuerint requisiti;  
& quod domino nostro summo pontifici vel  
ejus vice praesidenti in his quae ad concilium  
pertinebunt, & personas causa concilii ibi-  
dem existentes, obediunt & parebunt in om-  
nibus & omnia, contra quascumque perso-  
nas, cujuscumque status & conditionis, praes-  
tabuntque ipsi domino nostro vel ejus vi-

ce praesidenti, omni difficultate & reniten-  
tia procul mota, & absque dolo & fraude:  
quae omnia veniunt de mente nostra speciali-  
ter & expresse, ac ex certa scientia & sin-  
cera affectione nostra: ordinantes & volen-  
tes, quod dicti Basilienses, cives, incolae &  
habitatores ejusdem dent super praemissis ip-  
sorum saluum conductum, & litteras sigillo  
magnae suae communitatis sigillatas & robo-  
ratas. Mandantes iterum habitatoribus Ba-  
siliensibus supra dictis, quatenus in dicta Ba-  
siliensi civitate praefatis in concilio existen-  
tibus de victualibus, domibus & aliis nec-  
cessariis quibuscumque, pro rationalibus &  
competentibus pretiis provideant; sic quod  
ipsi nullam apud majestatem nostram vel ali-  
bi valeant deferre querelam; sed potius eos-  
dem cum omni benevolentia & favore per-  
tractent. Per hoc enim ultra meritum a Deo,  
nomen apud Christicolae cujuscumque na-  
tionis reportabunt gloriosum, nobisque  
& imperio sacro exhibebunt reverentiam &  
complacentiam singularem. Volumus insuper  
quod patentes nostrae litterae robur habeant  
firmitatis etiam post tempus quatuor men-  
sium a tempore finiti praedicti concilii com-  
putandum, praesentium sub nostra majesta-  
tis sigillo testimonio litterarum. Datum Nu-  
rembergae anno domini MCCCXXXI. die  
VI. Julii regnorum nostrorum Hungariae, &c.  
XLV. Romanorum XXI. & Bohemiae XI.

## LITTERA MISSA A BOHEMIS

Ad Christi fideles,

*In qua dicunt, quod eis denegata sit au-  
dientia habenda in concilio Basiliensi.*

**I.** **U**niversis Christi fidelibus, regibus, Ib. p. 13.  
& ducibus, marchionibus, comiti-  
bus, baronibus, & nobilibus, in cunctis clien-  
tibus, civibus, & omnis status & conditionis  
hominibus, barones, nobiles, milites, cli-  
entes, rectores communitatum, praefecti ur-  
bium, judices, consules, jurati, cives, to-  
taque communitas Bohemiae gentis in regno  
Bohemiae, pariter & in marchionatu Mora-  
viae constituti, divinarum veritatum cogni-  
tionem, dilectionem & observantiam salu-  
tarem.

Cum unigenitus Dei Filius, qui est aeter-  
naliter in sinu ejusdem Patris aeterni, descen-  
disset in terras, locum non mutans, & ma-  
jestatem non minuens, sed humanam assu-  
mendo naturam, multifaria salutaris vitae  
\* sacramenta, ore, manu & \* monitionibus  
contradidit, de quorum revera numero ista  
quatuor insignia suis ad imitandum discipu-  
lis & exemplari conversationi reliquit, quo-  
rum sic de dignitate primum est: Ut divi-  
nissimum corporis & sanguinis ejus sacra-  
mentum per ministros ecclesiae fidelibus mi-  
nistretur sub utraque specie. Secundum, ut  
verbum Dei, libere, publice, et veraciter per  
eos quorum interest praedicetur. Tertium,  
ut civile dominium veluti lethale virus au-  
feratur a clero. Quartum, ut publica et po-  
tiora crimina per legitimas potestates, et etiam  
laicas a plebibus extirpentur.

\* al. do-  
cumenta  
\* al. mo-  
ribus

2. Has profecto infrangibiles veritates, A promotivas fidei, auctivas caritatis, regulativas vitæ, necnon procurativas sempiternæ salutis humiliter amplectentes, juxta viarum nostrarum modulum gratanter suscepimus, studiose prosequimur, prosequi quoque intendimus, quousque fides concludatur cum vita, ut ad illarum agnitionem, amorem & observantiam fidelem, etiam a principio jugiter affectavimus, & nunc accuratius omnem Dei populum affectamus venire. Unde non parcentes sumtibus, laboribus & expensis, plures per nonnullas Christianitatis regiones epistolâ solidis scripturarum auctoritatibus eisdem virtute fulcientes transmissimus. Nihilominus vîstâvimus Christianissimum principem, tunc magnificum Fredericum marchionem Brandeburgensem, nunc illustrem regem Poloniæ, ac ad serenissimi Sigismundi Romanorum & Ungariæ regis instantiam, nobis per spectabiles legatos ipsius significatam pridem in Presburg, et nunc in Egram civitatem imperii venimus, omni nîs ubique instantes, ut nobis in concilio generali audientia publica et secura ac caritativa procuretur super articulis divinis prædictis, quatenus publice, palam, et manifeste in totius conspectu concilii illos quatuor salutares articulos, quos pro fide tenemus, manifestare, dilucidare, declarare, asseruere, justificare, probare, et defensare scripturis sacris, beatorum doctorum sententis in eisdem scripturis vere et inevitabiliter fundatis, libere, omni impedimento \* secluso, valeamus; et quod tota una nobiscum Dei viventis militans reformetur ecclesia in capitibus suis pariter et in membris juxta sacre scripturæ doctrinam.

3. Qui nimirum rex principum, episcoporum, procerum et doctorum communicato consilio, respondit, quod ista limitatio audientię et reformationis ecclesię derogaret libertati et privilegio concilii generalis super omnem legem eminentis. Sed quod nos, illis limitationibus & declarationibus nostris ex divina lege & sanctorum doctorum sententis omîssis, stemus in his omni- D bus determinationi & diffinitioni ipsius concilii: quod profecto nos merito & rationabiliter ac rite reputantes illicitum, incongruum, & prorsus indignum, ut videlicet divinas veritates justificatas in semetipsas humanum judicet arbitrium, & solvet aut solvat pro sua voluntate, quod utique interdum sola \* veritate relicta, opinionem sequitur, sicque ipsam nonnunquam fallere, contingat & falli, & quod illi earum veritatum & nostri sunt iudices, qui illas, divino postergato timore, tamquam errores notorios, & nos super observantia illorum velut erroneos, inconsulte, perperam & temere judicantes, damnaverunt inique, ut sic inimici & nostri hostes sævissimi in nostrum exterminium aspirantes sunt iudices, quod sana vetat ratio, divinæque & leges humanæ exhorrent. Idcirco ipsis in hac parte nolimus neque intendimus consentire. Sed hoc præsertim optavimus, & ut equum & justum est jugiter optamus, ut divinarum scripturarum rectissima & ineffabilis regula per justissimum judicem, justitias & veritatem

diligentem derelicta in terris, quæ nec fallere potest nec falli, in medium concilii proferatur, & beatorum doctorum, ut præferatur, sententiæ, & juxta illas eorundem articulorum & nostra rectitudo aut obliquitas, poterit comparari & consequenter re- B ßificari aut approbari. Sed hoc ipsi nullatenus acceptare voluerunt: hanc justissimam æquitatem per nos illis oblatam vestra, quæsumus, dignetur pensare industria, necnon partis adversæ de superbæ ignaviæ timore contumaciam arrogantem, qua se supra se enormiter erigentes sibi subijcere non modo omnes Christianissimi principatus, regna & dominia, sed etiam infrangibilis divinæ veritatis doctrinas, Domini nostri J. C. morte veraciter confirmatas, juxta suum libitum trutinando \* & judicando variare, ita ut quod nunc per Christifideles vere creditur & fideliter observatur: tandem eorum arbitrio tamquam error & superstitio totaliter declinetur, sicque Christiana fides non in petra solidissima, sed in arena mobilissima fundabitur, quotidianæ subiecta ruina; & verba Christi perenni firmitate fulcita, ita ut coelum & terra facilius pertranseant, quam ipsius commutentur sermones, veluti lecti opertorium ipforum mutabuntur censura.

4. Sed quid hac temeritate stultius? quid hoc errore nequius? quid hac peste perniciosius potest inveniri? Ipsi quod diximus judicate, sentite, attendite obsecramus, universi & singuli Christifideles, si ipsi episcopi sedes apostolorum juste ac digne occupant, qui illis vita & moribus totaliter ad- versantur. Illi quidem per orbem terrarum pannosi & contemti a populo migrantes, veritates dominicas cunctis populis, tribubus, & linguis fideliter nunciantur, easdem propria morte firmantes: isti purpura vestiti & bysso, gloriosi in populo, canes muti effecti, in castris & urbibus tranquille resident, & easdem veritates etiam aspernantur audire, ac propter earum observantiam fidelem fideles spoliant fama, vita & rebus; non per se, quia cubant cum scortis, sed per cruentæ crucis erectionem seculari brachium in occisionem fidelium fallaciter concitantes. Illi relictis omnibus mundi divitiis omni virtute ornati, in paupertate & jejuniio Dominum sequebantur: isti urbium, castrorum, prædiorum, ac regionum possessores, viri divitiarum instituti, pleni vitiiis, non Christum humilem in contemptu, sed superbissimum satanam in pompa & fastu carnis voluptate \* sequuntur: a quibus, utpote pseudo-prophetis attendere, suadet ipsa veritas increata. Et si illi, ut proponunt, cum exercitibus suis validissimis regnum nostrum invaserint usque ad interemtionem, ut asseritur, demoliri cupientes; Nos in Altissimi E virtute, cujus causam prosequimur, habentes fiduciam, vim vi repellere cogemur, quemadmodum omnes leges & omnia jura permittunt.

5. Quare \* omnia justa & rationabilia superscripta vos viri illustres & nobiles animo diligenti pensate & catholice discutite. Si in adiutorio sceleratorum hujusmodi clericorum, & temerario ac erroneo ausu de ve-

\* al. tin-  
tinando\* al. vo-  
luntate\* al. quæ  
omnia



ANNO  
CHRISTI  
1431.

\* videtur  
hic ali-  
quid  
decisse

ritatibus omnipotentis Dei sententiam, in voluptatibus hujus sæculi, & meretricio sicut in sterquilino jacentium, vestras animas, pariter corpora, & personas in belliosis periculis salubriter morti exponentes contra iustissimas per nos vobis crebro oblatas Christi Jesu equitates. \* Datum sabato in vigilia Mariæ Magdalene sub sigillo communi omnium adherentium evangelicæ veritati, circa limites regni Bohemiæ anno Domini MCCCCXXXI.

Tenor hujus litteræ venit ad sacram concilium decima augusti anno xxxi. Et mirati fuerunt omnes de concilio, quod Bohemi audiebant scribere, quod eis denegata fuit audientia, quam nunquam petiverunt.

#### LITTERÆ CONVOCATIONIS

Sacrosancti concilii generalis Basileensis ex parte sanctissimi in Christo patris & domini Eugeni pape IV. seu ejus locum tenentis, reverendissimo in Christo patri domino nostro, domino Reginaldo de Carnoto Dei gratia Remensi archiepiscopo, directæ anno Domini MCCCCXXXI.

1b. p. 28.

1. Julianus miseratione divina S. R. E. sancti Angeli diaconus cardinalis, in Germania apostolicæ sedis legatus, prædientque in sacro concilio generali Basileensi, prælatique & ceteri in eodem concilio existentes, reverendis in Christo patribus domino archiepiscopo Remensi & ejus suffraganeis salutem in Domino.

In ecclesia Dei ad hoc sacra generalia concilia instituta sunt, ut fidei veritas, \* animorum concordia, ac puritas vitæ inter Christianos ubique \* debito ordine conferrentur. Sed cum hæc omnia per hæreses, bella, & vitiorum illecebras turbati & impediti contingant, necessarium maxime est, ut in sacris conciliis his tollendis summa cum diligentia provideatur. Et quoniam diebus nostris, proh dolor! supra modum hæreses & errores, bella, odia & contentiones, morum & vitæ dissolutio, divinorum præceptorum transgressio totam undique ecclesiam vexant ac deformant, & quasi morbus contagiosus in dies magis augentur; ideo summo opere omnes Christiani debent, ut tot ac tanta mala de medio ecclesie extirpentur. Profecto si undique Christianam religionem consideremus, ita ipsam multis contaminatam reperimus, ut in ea nec decore nec species esse videatur. Quæ enim regio, in qua vel hæreses aut bella non vigeant? Quis autem locus aut patria, ubi plurima, quibus offenditur & irritatur Deus, quotidie non perpetrantur? Quam rare & paucæ personæ sunt, quæ niteant vitæ puritate, qua decet.

2. Jam igitur ipsa ecclesia tot procellis undique commota est a fundamentis pene concussa, ut ruinam minari videatur, nisi divina misericordia ad nos oculos suæ pietatis convertat, quod ut facere dignetur, nos quorum pro sacerdotali officio maxime

interest, lingua & vita, prout oportet Redemptorem nostrum quotidie interpellare debemus, & quantum sua gratia nobis concesserit, totis viribus laborare, ut adversus tot pestiferos morbos congrua remedia adhibeantur. Quicumque tot ac tantis calamitatibus ecclesie non compatitur, & quantum in se est, reipsa non succurrerit, falsum quidem se inducit \* Christianum. Nam quomodo verus filius ille dicendus est, qui ceteri si videat patrem in mortis discrimine positum, & eum liberare possit, id negligat? dignus profecto hic esse videtur, ut non solum hæreditate paterna, sed etiam vita, quam a patre conlectus est privari debeat. Hæc certe divina iustitia timendum est ne merito faciat & nobis, si matrem nostram ecclesiam, quam Dominus noster Jesus Christus sanguine tuo in cruce propagavit, languentem innumeris ægritudinibus, & quasi in extremo laborantem adjuvare utcumque possumus, disimulemus; nisi conversi fuerimus, gladium suum vibrabit, arcum suum tenebit & paravit illum, & in eo paravit vasa mortis. Ante igitur quam gladius istum faciat, & sagitta missa sit, & vulnera infligantur, paremus ex adverso scutum, muniamus nos clypeo, tueamur nos armis. Sed ubi contra gladium divinum, clypeus, scutum, aut arma satis idonea invenientur? Invenientur certe, & repente, si volumus, & idem ipse qui gladium vibrat & arcum tenebit, pro sua usitata clementia, hæc omnia ministrabit nobis. Arma autem nostra clypeus & scutum erunt sanctæ orationes, erunt lacrymæ, erunt & sancta opera, ac vita correctæ & emendatæ. Convertamur ad ipsum, & ipse convertetur ad nos. Qui noluerit fuisse severissimus iudex, fiet statim piissimus advocatus. Scit ultro misereri, si, ut decet, verbis & opere veniam postulemus.

3. Pro hac igitur venia a Redemptore nostro precibus & operibus impetranda, hoc sacro-sanctum Basileense concilium auctoritate apostolica in Spiritu-sancto modo congregatum est. Huc merito omnis Christianæ religionis status consilium debet, ac cum omni diligentia laborare, ut tot monitis hæresum, bellorum, vitiorum tandem cum gratia Dei finis imponatur. Propterea ut unanimi consensu per universos universali bono salubriter provideatur, decrevit hæc sancta synodus non expectare, ut majores populi Christiani cujuscumque status huc se conferant; sed ipsos in tanta totius Christianitatis necessitate pro consilio aut auxilio ad fidei Catholicæ defensionem, ad pacem & concordiam in populo Christiano componendam, ad vitæ ac morum cujuslibet status reformationem, & divinorum præceptorum observantiam opportune importune interpellare. Domum sanctæ matris ecclesie, in qua nos habitamus & vivimus, vehemens flamma ignis undique jam incipit devorare: si Christiani sumus, si cura nobis est propriæ salutis, non pigremur amplius, afferamus aquam, extinguamus ignem, accurramus omnes, magni & parvi, nemo se excuset, quia nulla, ubi de vita agitur, iusta est excusatio, quilibet ferat opem, clamando etiam, si non possit aliter. Qua-

ANNO  
CHRISTI  
1431.

\* al. ju

4. Quapropter vestras paternitates hortamur & obsecramus in Domino Jesu Christo, ac nostra auctoritate monemus & requirimus, in vim a quolibet vestrum in sui consecratione prestiti juramenti, & in virtute S. obedientiæ, & sub poena excommunicationis districte præcipiendo mandamus, quatenus quam primum commode poteritis, vos ad hoc sacro-sanctum concilium pro universali bono omnium Christi fidelium accedere debeatis. Quod si forsan corporale impedimentum ab itinere vos merito excuset, volumus ut quilibet vestrum quosdam viros moribus & litteratura ornatos, de omni statu vestrarum ecclesiarum instructos, loco vestri cum pleno mandato destinetis; idem ut prælati omnes exempti & non exempti, in vestris dioecesibus constituti, capitulaque vestrarum ecclesiarum cathedralium, quæ solita sunt ad concilia convocari, faciant, nostra ex parte requisiti & moneatis. Vos autem sive a vobis mittendis efficaciter admonemus, ne huc pompose ac cum multa familia, sed cum ea moderatione & honestate, quæ viros exemplares decet, accedatis; Volumus ut has litteras sine mora, vos venerabilis domine archiepiscopi, vestris suffraganeis, capitulo vestræ metropolitane, ac aliis vestræ dioecesis prælatis exemptis & non exemptis; vos autem domini suffraganei, vestrarum ecclesiarum capitulis & vestrarum dioecesium prælatis exemptis & non exemptis insinuare curetis; eosque ad concilium nostri auctoritate requirere, monere mandatis, urgere modo & forma præmissis. Datum Basileæ xix. die septembris, anno Domini MCCCCXXXI. indictione IX. pontificatus sanctissimi in Christo patris & domini nostri, domini Eugenii divina providentia papæ IV. anno primo.

Extant in alio ms. codice ejusdem bibliothecæ & in Aquicinctensi ad universos archiepiscopos & eorum suffraganeos concilii litteræ ejusdem tenoris.

## LITTERÆ

Missæ capitulo Remensi per dominum Reginaldum Remensem archiepiscopum & Franciæ cancellarium.

*Concilium propter papæ mandatum non dissolvendum, suadet ut ad illud mittant.*

Venerabiles fratres, amici carissimi, recepi litteras vestras per latorem præsentium. Et quia materia in eis contenta tangebatur concilii generalis factum, volui quantum potui certificare eventum rei, videlicet, an propter mandatum domini nostri papæ illud concilium dissolvatur, vel si assistentes in eo perseverarent in effectu. Scio pro vero quod ex voluntate domini nostri papæ ad præsens non celebrabitur, nec in loco Basileæ. Et scio quod jam stantes in ipso concilio propter ipsum dominum nostrum non dissolvatur, nec mutabunt lo-

cum. Multos habent fautores, & credo firmiter quod obtinebunt. Nam imperator inclusive illius opinionis est, & faciet quod prælati sui venient. Dux Mediolanensis, dux Sabaudie mittunt suos prælatos. Parisius conclusum est, quod prælati & ceteri ad quos pertinet, vadent, nec petunt excipi, nisi quatuor prælati, qui consueverunt assistere consilio eorum. Dominus dux Burgundie mittet. Spero quod in regressu nostro rex mittet, & faciet notificare, ut prælati vadant. Et ego mittam procuratorem nomine meo. Nec volo ab ipsis excommunicari. Et sic facietis, si mihi credatis. Sumus hic ex parte regis pro pace tractanda. Spero omne bonum; attamen quid faciemus non est conclusum, & per nuncium mihi missum a scabinis, vobis & ipsis scribam quid fecimus. Venerabiles fratres & amici carissimi, vos conservet omnipotens Deus.

R. archiepiscopus Remensis, cancellarius Franciæ.

*Super scriptio erat*

Venerabilibus fratribus ac amicis carissimis præposito & capitulo ecclesiæ nostræ Remensis.

## EPISTOLA CONCILII BASILEENSIS

Ad Carolum regem Francorum.

*Concilia ad compescendas hæreses, bella inter principes tollenda, & emendandos mores corruptos celebrari. Quæ propter hortatur regem ut suos ad Basileense concilium oratores mittat.*

Christianissimo & serenissimo domino, domino Karolo Dei gratia regi Francorum, Julianus miseratione divina S. R. E. Sancti Angeli diaconus cardinalis, in Germania apostolicæ sedis legatus, præsentique in sacro concilio generali Basileensi, prælatique & ceteri in eodem concilio existentes salutem in Domino sempiternam.

In ecclesia Dei ad hoc sacra generalia concilia instituta sunt, ut fidei unitas, animorum concordia, ac puritas vitæ inter Christianos ubique debito ordine conserventur. Sed cum omnia per hæreses, bella & vitiis illecebras turbari & impediri contingat, necessarium maxime est, ut in sacris conciliis, his tollendis cum summa diligentia provideatur. Et quoniam diebus nostris, pro dolor! supra modum hæreses & errores, bella, odia & contentiones, morum ac dissolutio vitæ, & divinorum præceptorum transgressio totam undique ecclesiam vexant ac deformant, & quasi morbus contagiosus in dies magis augentur; ideo summo opere omnes Christi fideles eniti debent, ut tot & tanta mala de medio ecclesiæ extirpentur. Profecto si undique Christianam religionem consideremus, ita ipsam multis modis contaminatam reperimus, ut in ea nec decor, nec species esse videatur. Quæ enim regio est, in qua



ANNO  
CHRISTI  
1431.

qua vel hæreses aut bella non vigeant? Quis autem locus aut patria, ubi plurima quibus offenditur & irritatur Deus, quotidie non perpererent? Quam raræ & paucæ personæ sunt, quæ ea niteant vitæ puritate quæ decet? Quot præterea a paucis temporibus Christianorum terras ac provincias Turci Saraceni & alii infideles armis subjugaverunt & devastaverunt, quotidieque subjugare & devastare nitantur, quantam etiam utriusque multitudinem continue in diversis regionibus captivam ducant, quorum plerique credulam non ferentes servitutem, postea fidem abnegant: quantum pro dolor! nostra Christianitas propter indignationem fidelium, quibus Christianorum discordia resistere non permittit, jam ad angustum redacta sit, ac quotidie angustetur, lacrymabile nimis est referre. Jam igitur ipsa ecclesia tot procellis undique commota est, & a fundamentis concussa, ut ruinam pene minari videatur, nisi divina misericordia ad nos oculos suæ pietatis convertat, quod utinam facere dignetur. Nos, quorum pro sacerdotali officio maxime interest, lingua & vita prout oportet redemptorem nostrum quotidie interpellare decrevimus, & quantum sua gratia nobis concesserit, totis viribus in hoc sacro concilio laborare, ut adversus tot pestiferos morbos congrua remedia adhibeantur. Propterea ut unanimi consensu per universos universali bono salubriter provideatur, hoc sacrosanctum Basileense concilium auctoritate apostolica in Spiritu sancto legitime congregatum decrevit non expectare, ut majores populi Christiani utriusque status huc se conferant; sed ipsos in tanta totius Christianitatis necessitate pro concilio & auxilio, ad fidei catholicæ defensionem, ad pacem & concordiam in populo Christiano componendam, ad vitæ & morum cujuslibet status debitam reformationem opportune & importune convocare. Et quoniam inter alia hoc præcipue in præsentis concilio agitabitur, quemadmodum sopitis guerris ac discordia, pax & tranquillitas in singulis regnis provinciisque statuatur. Cum etiam ad resistendum hæreticis infidelibus Christianitatem impugnantibus, eorumque armatarum rabiem vi armorum comprimendam necessaria sit regum et principum potentia, quam eis Deus concessit ad laudem bonorum, vindictam vero malorum, omnino expedire videtur, ut ipsorum regum & principum oratores de prædictis omnibus sufficienter instructi, una nobiscum in ipso sacro concilio intersint. Quapropter clementiam vestram per viscera misericordiæ Dei nostri ex toto corde hortamur, deprecamur & obsecramus ut aliquos insignes viros habentes zelum domus Dei, & rerum agendarum experientiam, in omni statu vestro & regni vestri plene instructos ad hoc sacratissimum concilium pro honore Dei, & quiete populi Christiani, quam primum commode potest, designare dignetur. Datum Basileæ, &c.

*Similis forma in ms. codice Aquincinensi est epistola ad ducem Burgundiæ data 22. septemb. 1431.*

EPISTOLA CONCILII BASILEENSIS

Ad universos Christicolæ regni Franciæ.

*Hortatur ad unionem & concordiam, suamque ad id operam omnem promittit.*

**S**acrosancta generalis synodus Basileensis in Spiritu sancto legitime congregata universalem ecclesiam representans, universis Christicolis regni Franciæ, nobis sincere dilectis, salutem et & omnipotentis Dei benedictionem.

Et si devotioni fidelium pretiosissimo Christi sanguine redemptorum conveniat assiduis virtuosius operationibus vacare, & piis orationibus divinam implorare clementiam pro sua, suorum proximorum salute. Hæc siquidem ex radice caritatis, qua tenemur omnes Deum super omnia, & proximos nostros sicut nos ipsos diligere, oriuntur. Nemini, præcipit apostolus, quicquam debeatis, nisi ut invicem diligatis; his tamen sacris operibus amplius & amplius totis viribus incumbere necesse est, quo divina vindicta in peccatores istis insauis temporibus crevisse occulta facie cernimus. Quis enim non videat flebilem ecclesiæ statum, perisque in locis variis exortis erroribus, sortilegiis, & variis superstitionibus, ita ut plurimi a sinceritate sacre fidei deviaverunt, et Petri navicula horribili dejecta tempestate adversis flatibus adeo concutitur, ut ruptis jam magna ex parte compagibus, vix sibi paucæ admodum partes solide coherere. Isti tamen periculoso naufragio, quantum Spiritus sanctus illustrare mentes dignatur, providere curamus. Vestris orationibus, suffragiis, intercessionibus ad tam arduum opus adjuvari per misericordiam Dei nostri postulamus. Operæ pretium siquidem est, ad divinam imperandam misericordiam, malos et indiscretos mores deferere. Nempe non est pretiosa laus Dei in ore peccatoris, et cum inimicus ad intercedendum mittitur, irati animus ad deteriora provocatur. Et hoc est profecto radix et origo turbationum nostrarum, et flagellorum divinitus in Christianos immisorum. Sic enim testatur sæpenumero divina historia, punitiones imitti ad puniendam peccata, bella siquidem seu guerræ, divisiones, seditiones regionum, et depopulationes, rapinæ, homicidia, etc. immania flagitia Deum testantur nobis iratum, et ex peccatis vestris irritatum, quod per facile advertetis, si regni vestri gloriam, opulentiam et omnium pene abundantiam possedisse retroactis temporibus; nunc autem quid vobis acciderit ex mutuis discordiis, bellis intestinis, domesticis familiaribus; quin immo et consanguineis, quibus interna viscera sese ulque ad interemtionem insanierunt, vos ipsi agnoscitis. Non utique novum hoc accidisse cognovimus, satis ex litterarum monumentis cernere datum est, quosnam exitus bella civilia et intestina soleant habere; quot regna, quot imperia, quantas urbes et provincias, quantos validos potentatus everterunt. Nulla enim poruerunt Romanos rerum atque orbis dominos ex summo fastigio in has clades at-

ANNO  
CHRISTY  
1431.

atque ruinas, quibus nunc premuntur, deice-  
re, quam civilium certaminum, ardentis fu-  
roris rata rabies, præceps atque irrefrenata  
temeritas. Sed præstat remedia quærere,  
quam tam horrenda flagitia ex bellicis cla-  
dibus nimium, proh dolor! exorta divinare.  
In primis siquidem rixæ, contentiones, æmu-  
lationes et malivolentiæ a cordibus prorsus  
eradicandæ sunt et eripiendæ. Ante omnia  
autem caritatem habere, quæ est vinculum  
perfectiõis. Deindeque divina suppliciter  
exoranda est clementia pro defunctorum pec-  
catis remittendis, eorum potissime, a qui-  
bus ortum habuit tam noxia discordia. Sic  
etenim in divina confidimus miseratione,  
quod piis intercessionibus exoratus, flagella  
sux iracundiæ immittere desinet, quoniam  
non vult mortem peccatorum, sed potius  
ut convertantur et vivant, facientibusque  
quod in se est, adiutor adest propitius, pe-  
ccatorum liberalissimus concessor. Hoc itaque  
præcipuum est, et nisibus totis amplecten-  
dum, ut rationibus hinc inde dissimilis ac-  
cedat mutuus amor. Nos vero de variis mun-  
di regionibus in Spiritu sancto adunati sy-  
nodaliter, nostras operas et diligentias per  
vigiles ad tam sacrum unionis et concordix  
(opus) unde regi et incolarum ejus, etiam  
regni principum et magnatum opus, adhi-  
bere præstantissimis offerimus animis, nihil  
omittentes, quod tam sacræ rei cognovimus  
expedire. Tantum vero ipsi diligentissimis  
operationibus ad hoc idem laborate. Ne-  
que enim immemores sumus beneficiorum  
a vestro christianissimo regno sæpius ecclesiæ  
Dei impensorum; quamobrem reddere vices  
decrevimus. Ad hoc enim congregati su-  
mus, ut extirpatis hæresibus, dejectis per-  
versis credulitatibus, et emendatis fidelium  
hominibus, utriusque status, ecclesiastici &  
secularis pacem & concordiam (inter) reges  
demus, & regionibus pacatis, discordiis &  
dissensionibus semotis. Exoramus autem di-  
vinam omnipotentiam, quatenus ad hæc sa-  
lubria opera perticienda et consequenda nos  
dirigere dignetur Altissimus, et corda fide-  
lium sua illustrare gratia ad hæc suscipien-  
da et sanctis operationibus promerenda,  
quæ vobis et nobis annuat misericors Deus,  
cujus pax exuperans omnem sensum custo-  
diat corda et intelligentias vestras, et qui-  
tem dignetur in regno vestro perenniter clar-  
giri. Amen. Datum, &c.

## EPISTOLA

Concilii Basileensis, ad episcopos Germaniæ.

*Mandat ut quam citius veniant ad con-  
cilium sine pompa, & aliquos religio-  
sos ad reformationem religionum  
idoscos venire jubeant.*

35. JULIANUS miseratione divina, &c. prælati-  
que, &c. reverendo in Christo patri do-  
mino episcopo N. salutem in Domino, et  
mandatis nostris firmiter obedire.

Cum in hac civitate Basileensi auctoritate  
apostolica sacrum generale concilium in Spi-  
ritu sancto congregatum sit, in quo præci-  
pue de extirpandis hæresibus, componenda  
Concilior. Supplem. Tom. IV.

A pace in populo Christiano, ac reformatio-  
ne vitæ et morum utriusque status, tam ec-  
clesiastici quam secularis, summa cum dili-  
gentia providendum erit; necessarium est,  
ut multitudo copiosa tam prælatorum, quam  
aliarum nobilium personarum huc confluat,  
ut earum consiliis et auxiliis hujusmodi san-  
cta opera debitæ executioni mandari possint.

Propterea omnibus archiepiscopis, eorum-  
que suffraganeis Germaniæ et aliarum parti-  
um, per nostras litteras, sub poena excom-  
municationis, et in vim præstiti juramenti  
in eorum consecrationibus, districte præci-  
piendo mandamus, quatenus, cessante cor-  
porali impedimento, personaliter ad prædi-  
ctum concilium accelerarent, alioquin suos  
mitterent ambaxiatores, moribus et scientia  
ornatos. Sed quia omnis mora in hujusmodi  
jam necessaria provisiõne est supra modum  
præjudicialis, et forsan a vestro metropoli-  
tano litteras valde tarde præsentari contin-  
get. Ideo prædictum renovantes mandatum,  
præcipimus sub eadem excommunicationis  
poena, in vi præstiti juramenti, et in vir-  
tute sanctæ obedientiæ, quatenus a die præ-  
sentationis harum litterarum iter accipiat,  
illud postea continuando ad hanc civitatem  
Basileensem. Et si forte corporale impedi-  
mentum ab intimatione vos merito excuset,  
pro vobis aliquem vel aliquos moribus et lit-  
teratura ornatos, de omni statu ecclesiæ ve-  
stræ instructos, loco vestri cum pleno man-  
dato destinetis. Vos autem siue mittendos a  
vobis efficaciter admonemus, ne hic pom-  
pose ac cum multa familia, sed cum ea mo-  
deratione et honestate, quæ viros exempla-  
res decet, accedatis. Volumusque & præci-  
piendo mandamus, ut has litteras sine mo-  
ra præfatis vestræ diocesis, exemitis & non  
exemitis, vestræque ecclesiæ capellano insi-  
nuare curetis, & eos qui ad concilium in-  
teresse vel venire tenentur, id facere nostri  
auctoritate efficaciter jubeatis. Mandamus  
etiam ut omnes prælatos singularum regio-  
num vestrarum; civitatum & diocesium con-  
vocetis auctoritate nostra, & de qualibet  
religione eligatis duos vel ad minus unum  
prælatum vel subditum, meliores & doctio-  
res ac magis inclinatos ad reformationem,  
qui loco omnium aliorum expensis communi-  
bus veniant ad præfatum sacrosanctum con-  
cilium, causa reformationis in prædictis re-  
ligionibus faciendæ. Datum Basileæ die se-  
ptima mensis octobris, anno Domini millesi-  
mo quadringentesimo XXXI. indictione IX.  
pontificatus SS. in Christo patris & domini  
nostri domini Eugenii divina providentia pa-  
pæ IV. anno 1.

ANNO  
CHRISTY  
1431.



ANNO  
CHRISTI  
1431.

## EPISTOLA

Concilii Basileensis ad abbates, præpositos,  
&c. dioecesis Basileensis.

*Arguit eos, quod ad concilium necdum ac-  
cesserint, mandatque ut ad illud  
quam citius veniant.*

Ib. p. 37.

**J**ulianus miseratione divina S. R. E. fan-  
ci Angeli diaconus cardinalis, in Ger-  
mania apostolicæ sedis legatus, præsidensque  
in sacro concilio generali Basileensi, præla-  
ti et ceteri in eodem concilio existentes, uni-  
versis et singulis abbatibus, præpositis, ce-  
terisque collegiatarum ecclesiarum prælatis,  
exemptis & non exemptis, dioecesis Basileæ,  
salutem in Domino.

Ignorare aliquammodo non debetis, generale  
concilium celebrari hoc tempore institutum  
esse in hac civitate Basileæ, pro cujus cele-  
bratione, nos qui ad præsidendum in eodem  
sumus auctoritate apostolica destinati, jam  
diu vices gerentes nostros destinavimus ad  
eamdem, et tandem nos ipsi personaliter ad-  
venimus. Et cum etiam de longinquis par-  
tibus ad celebrationem advenerint concilii  
memorati; mirandum satis esse videtur, vos  
qui propinquiores estis, nullatenus adve-  
nisse, nec vos nostræ exhibuisse præsentiae.  
Cui etiam transeunti pro reverentia sanctæ  
sedis apostolicæ, cujus vices gerimus, oc-  
currere deberetis. Vestram igitur tarditatem  
merito arguentes, unumquemque vestrum,  
saltem eorum qui munus benedictionis acce-  
perunt, monemus & exhortamur, attente,  
ac in virtute sanctæ obedientiæ et a quolibet  
vestrum præstiti juramenti, ac sub poe-  
na excommunicationis districte præcipiendo  
mandamus, quatenus hucusque ad diem sab-  
bati proxime sequentem, quæ erit XIII. hu-  
jus mensis, ad nostram præsentiam persona-  
liter veniatis, ut certæ solemnitati, quæ pro  
causa dicti sacri concilii die dominica se-  
quenti fieri debet, interesse possitis, et de-  
inde aliis in concilio, Spiritu sancto dirigen-  
te, peragendis consilium et operam, qua-  
tenus ad vos pertineat, exhibere. Datum  
Basileæ die VII. octobris, anno domini mil-  
lesimo quadringentesimo trigesimo primo, in-  
dictione nona, pontificatus sanctissimi in Chri-  
sto patris et domini nostri domini Eugenii  
divina providentia papæ IV. anno 1.

## EPISTOLA

Concilii Basileensis ad regem Poloniæ.

*Hortatur eum ad pacem cum VVidrigaldo fra-  
tre ejus.*

Ibid.

**S**erenissime princeps et illustrissime domi-  
ne, magno dolore affecti sumus cum pri-  
mum audivimus inter serenitatem vestram  
et illustrem principem dominum VVidrigal-  
dum germanum vestrum talem suscitaram  
esse discordiam, ut alter alterum bellis im-  
pugnet, tum propter Christianorum frages,  
ac desolationem patriæ, et infinita mali in-  
de eventura; tum quia inter fratres utri-

**A** nos tantum facinus agitur, apud quos jure  
sanguinis idem velle et idem nolle in rebus  
omnibus esse deberet. Et si multum timen-  
da sunt damna quæ ex bellis nasci consue-  
verunt, non minus vereri debetis notam at-  
que ignominiam, quæ ex fraterna discordia  
utriusque accedet. Solent etiam hujusmodi con-  
tentiones esse deteriores, majoraque inde  
produci odia, quo majus est sanguinis vin-  
culum. Nam omnis injuria quam alter alteri  
ex fratribus inflat, tanto molestior est, et  
acerbior punitur, quanto ab eo fit, a quo  
minus fieri debite alter existimat. Auxit  
etiam doloris nostri causam nefanda hæresis  
Bohemorum, cum ad eam estirpandam ves-  
tra serenitas bellis privatis occupata, in-  
tendere sicut sperabamus non poterit. Ipse  
etiam hæretici sentientes catholicos princi-  
pes inter se dissidere, audacios et obsti-  
natos in sua perversitate efficientur. Gau-  
debunt pro hoc vestro dissidio Tartari, Tur-  
ci, & alii infideles vobis finitimi, cum au-  
dient populum christianum bellis agitari, &  
sanguinem christianum effundi. In populum  
catholicum supra modum ubique tristabitur,  
cum senserit christianos principes et germa-  
nos fratres capitalibus inimicitiiis seipsos per-  
sequi, et patriam illam, in qua noviter ex  
idolis cultus veri Dei pullulavit, in præ-  
dam ac ruinam exponi. Quæ causa tanti  
odii esse possit, ut frater fratrem hostiliter  
invadat ignoramus. Sed hoc valde execrabi-  
le esse scimus, quod tam catholici princi-  
pes in extremam jam provecti ætatem, ex  
eodem utero geniti, ita naturalis affec-  
tionis oblitii sint, ut alter alterius damna,  
infamiam ac exitium quærat. Si secundum  
sententiam Salvatoris, qui fratri irascitur,  
reus est gehennæ; quæ illi poena servabi-  
tur, qui in fratris vitam seu honorem ma-  
chinatur? Quis jure vel injuria hoc agat,  
nobis non constat adhuc. Porius autem nosse  
optamus, quomodo sopiri possit discordia,  
quam quis discordiæ sit auctor. Hoc autem  
asserimus, quod qui vestrum sapientior est,  
quique justiorum suam causam putat, is ho-  
nestius ac laudabilius fecerit, si oblitus in-  
juriam, fratri reconcilietur, et cum carne  
sua in pristinum amorem redeat. Ad quid  
bellum geritur? cujus vel victor vel confli-  
ctus, æque sunt plena luctu. Qui fratrem  
bello superaverit, habet potius unde flet  
quam gaudeat. Quicquid mali in prælio uni  
accidit, cum eadem sit caro, alteri etiam  
accidisse judicandum est. Et quoniam pro-  
pter memoratas causas totius Christianitatis  
interest, ut hujusmodi fraterna dissensio pe-  
nitens extinguatur: ideo hoc sacrosanctum  
concilium pro pace populi christiani princi-  
paliter congregatum, ad hanc vestram dis-  
sensionem tollendam totis viribus laborare  
intendit. Propterea vestram serenitatem ro-  
gamus, ut causam et originem hujus guerræ  
ac discordiæ, et quicquid pro pace et con-  
cordia inter vos et germanum vestrum fa-  
cere debeamus, quamprimum nobis signifi-  
cet. Laborare enim toto posse decrevimus  
pro his omnibus quæ ad pacem, quietem,  
et tranquillitatem vestram et dominiorum  
vestrorum quoquo modo pertinere videntur.  
Iterum autem rogamus atque consilimus,  
ut

ANNO  
RISTI  
1431.

ut modum aliquem adhibere velitis, per quem prædictæ guerræ suspendantur. Nos autem per litteras vestras postea plene instructi curabimus, si opus erit, notabiles oratores destinare, qui pacem ac concordiam cum Dei adiutorio perficiant. Datum Basileæ, die XXI. octobris, anno Dom. MCCC. XXXI. indictione IX. pontificatus sanctissimi in Christo patris et domini nostri domini Eugenii papæ IV. anno 1.

## LITTERÆ

Missa per concilium religiosi Prutenis.

Hortatur eos, ut studeant pacem componere inter regem Poloniae & ducem Lituaniae.

P. 39. Venerabiles et religiosi viri in Christo nobis dilectissimi. Non mediocriter mentes nostras afflixit rumor guerræ, quam inter serenissimum principem dominum Wadislavum Poloniae regem, et illustrem principem dominum Switergaldum Lituaniæ ducem, coeptam nuper audivimus, tum propter christiani sanguinis effusionem, et innumera mala, quæ inde sequuntur, tum quia hæretici Bohemi sentientes principes catholicos inter se armis certare, in Christi fideles audaces et in sua hæresi pertinaciores existant. Quanta hinc detrimenta fidelis catholice et ecclesie Dei oriri possint, si hæc guerra, quæ nimis crudeliter inchoata esse asseritur, celeriter non exingatur, nemo est qui non magnifice percipiat. Et quoniam inter alia in hoc sacratissimo concilio tractanda, hoc erit potissimum, quemadmodum firma pax ac concordia in christiano populo componatur. Ideo tam ad prædictas guerras, quam alias ubique tollendas summo studio intendere volentes, scribimus utrique dictorum principum, adiutibus ac dolentes, quod huiusmodi tam sæva dissentio inter ipsos germanos orta, exhortando ipsos ad pacem et fraternam caritatem, et ut nobis causam et originem ipsius guerræ, et quid per nos ad illam tollendam faciendum videretur, significant: eosque rogamus atque consulimus, ut interim aliquem modum adhibere procurent, et omnes offensiones hinc et inde suspendere. Postquam autem ab ipsis et a vobis plene de omnibus informati fuerimus, nostros notabiles ambassiatores ad pacem perficiendam illuc destinare; et ut omnia nobis melius consent de causis discordiæ ac remediis opportunis, hortamur vos, ut seriose tam ipsas causas quam remedia necessaria per latorem præsentium, quamprimum intimeris. Rogamus etiam et quanto efficacius possumus admonemus, ut pro viribus laboretis, quatenus omnis dissentio inter eos amputetur, ac vos pacis mediatores et amicos communes constituatis; satisfaciatis primo officio ecclesiastico et religioso vitæ vestræ, cuius maxime interest seminare pacem, procurare concordiam, et causas odiorum reprimere; providebitis fidei catholice et toti christianitati, quæ ex huiusmodi guerra, si duratura sit, maximam iacturam omnino pateretur. Ipsos deinde prin-

Consilior. Supplem. Tom. IV.

A cipes et eorum subditos vestræ religioni pro tanta caritate in eos exhibita perpetuo obligabitis. Nam pacem et concordiam a vobis recognoscentes, tanti beneficii memores, ipsi et eorum posteritas vos semper diligenter et honorabunt. Propterea hoc præcipuum debet esse vestrum officium, ut pro pace ipsorum principum omnem adhibentes diligentiam, ut ad eorum reconciliationem et mutuam caritatem summo studio intendatis. Quod opus utrique erit gratum et utile, Deo valde acceptum, et apud homines supramodum laudabile. Valere in Domino feliciter. Scriptum Basileæ, etc.

## B EPISTOLA CONCILII BASILEENSIS

Ad Fridericum ducem Austriæ.

Hortatur eum ad pacem cum duce Burgundiæ, ut liber sit prælatis ad concilium venientibus transitus.

Julianus, &c. prælatique & ceteri, &c. Illustri principi Friderico duci Austriæ salutem in Domino, et christianæ fidei sanctæque Dei ecclesie velut princeps Catholicus opem ferre.

Instant necessitates quæque plurimæ populi christiani, ut ad extripandum hæreses, quæ velut cancer pestifer christianitatis corpus serpere & maculare nimium molliuntur; sedandum bella, quibus undique populus Christianus devastatur; pacem componendam; & mores in melius reformandos, generale concilium in multitudine prælatorum & aliorum viro- rum ad hoc prodesse valentium in Spiritu sancto solemniter celebretur. Ad hoc hæc Basileensis civitas ex præcedentis concilii est electa decreto. Propterea nos ad ipsam convenimus civitatem, omne studium & sollicitudinem, quantum cum Deo possumus, adhibentes, ut de omnibus christianitatis partibus ad ipsam civitatem ea conveniat multitudo, per quam tantis tamque difficilibus congruum provisionis, Christi auxiliante gratia, possit adhiberi remedium, & salus publica procurari. Cum autem, rerum magistra experientia edocente, noverimus, immo ex se notum cunctis existat, huic tam salutifero operi impedimentum maximum provenire ex guerra, quæ in finibus & circum- adjacentis hujus civitatis inter vos & illustrem ducem Burgundiæ est paucis ante temporibus suscitata: unde ad hanc civitatem prælatis & aliis veniendi non est libera & quieta facultas, cum inter gentes armorum, quas uterque hinc inde tenetis, non sit transitus sine probabili metu: unde a veniendo ad hoc sacrum concilium plurimi trahuntur, in maximum totius christiani populi detrimentum, & perturbationem concilii memorati. Per viscera misericordie Jesu Christi, cujus res agenda est, vos quanto efficacius possumus monemus, exhortamur, & instantè requirimus, quatinus inimicitias \* cum dicto illustri duce Burgundiæ, quem consimiliter per alias nostras his similes litteras exhortamur, monemus, & instantè requirimus, saltem pro tempore hujus concilii, & pro terris circumadjacentibus huic civitati, vos

ANNO  
CHRISTI  
1431.

Tb. p. 40.

\* al. ad inter-  
eundas  
treguas



ANNO  
CHRISTI  
1431.

deponatis omni modo cum affectu ita & taliter, quod in omnibus conviciis & circum-adjacentibus locis & terris huic civitati sit tutus, liber & pacificus transitus, & habitationis receptio, omnibus & singulis ad dictum concilium venire volentibus & recedentibus ab eodem. Quod si his nostris salubribus monitis pro tanta necessitate populi christiani, iustisque requisitionibus consensum non præbueritis & operam cum affectu, quod de tam catholico principe non aliquid sperandum; oportebit nos, licet invitos, contra vos tamquam perturbatores & impediores sacri concilii generalis, & boni publici totius populi christiani procedere iuris remediis opportunis. Datum Basileæ, &c.

#### EPISTOLA SIGISMUNDI

Imperatoris

Ad ducem Burgundiæ.

*Hortatur mandatque duci Burgundiæ, ut sic agat cum Austria duce, ut accedentibus ad concilium liberâ & tuta sit via.*

Ib. p. 47.

**I**llustri princeps, consanguineæ carissime. Ex insinuatione reverendissimi in Christo patris domini Juliani cardinalis legati & præfidentis, ac prælatorum in sacro concilio Basileensi congregatorum, amiceorum nostrorum dilectorum percepimus, qualiter guerrâ inter tuam dilectionem et illustrem Fridericum ducem Austriæ, principem et avunculum nostrum carissimum suborta, ipsi concilio permaxima incommoda inferat; ita quod tam accedentes quam redeuntes vias in dispendioso perlustrant discrimine; immo perique venire volentes, propter huiusmodi pericula se retrahant, factura, ut humanum est, se submittere formidantes. Impediunt etiam mercationes et victualium ad idem ductores; et ut mala quæ exinde proveniunt summam perstringamus, ex ipsa guerra imminet quasi totalis dissolutio, quam Deus avertat, concilii memorati; de quo tanto vehementius perturbaremur, quanto ex ea, si fieret, nescimus ipsi concilio, verum etiam toti christianitati, quam repræsentat, calamitates proveniuntur conspiceremus et doleremus ex corde, si hæc res, cooperante Spiritu sancto, feliciter prænuntiata, tantique expectata temporibus, et pro extinctione hæresum et errorum, reformatione corruptorum undique morum, ac pacificatione sanctæ matris ecclesiæ et Christi fidelium præstolata, consummatione votiva frustrari debere. Et quantâ partibus dissidentibus, et ex hoc malum causantibus in gloria et imperio exinde succrescerent, et cum diceretur impetentes se se turbatores esse concilii, tantique boni, tu ipse recense. Et revera incuti vellemus hoc tue dilectioni, partique tibi adversæ adscribi debere. Ob quam rem apud præfatum ducem Fridericum institimus una cum oratoribus concilii memorati, quod ipse, ut ad plenum confidimus, se acclinabit ad ea quæ sunt honestatis et debiti in hoc facto, prout ex ora-

toribus ipsius concilii, qui, ut credimus, in re ipsa illico ad te accedent, enucleatius concipere poterit dilectio tua. Adhortamur te, et monemus summo opere desiderantes, ut ad prosecutionem huius tam sanctæ rei te sic flectas, quod de impedimento seu negligentia ipsius non possis aliquatenus inculpari: immo fidelitati tue auctoritate Romana \*regia omnino mandamus, quatenus ita solerter provideas disponasque, ut per te aut gentes subditosque tuos dicto concilio et ejus membris aduentibus et recedentibus, ac etiam victualia, merces, aut res alias ad ipsum ducentibus, ipso durante concilio, nulla læsio rerum ac corporum aliquatim inferatur, quemadmodum et ipsi duci Friderico et universis imperii subditis penaler præcepimus. Age igitur, consanguineæ carissime, in re ista salubriter, tamque opportune, prout necessitas facti requirit, ne umquam dici possit ex operatione tua aliquid sinistri præfato succrevisse concilio. Per hoc enim nobis complacere gratissime, prout de te indubitanter confidimus, et ultra mercedem omnipotentis Dei, quam recepturus es, sanctæ matris ecclesiæ et sæculi favorem et gloriam tibi indubie cumulabis. Datum *Walskireth* Carientis diocesis, anno a nativitate Domini millesimo quadringentesimo trigesimo primo, die XXX. octobris, regnorum nostrorum Hungariæ, etc. XLIX. Romani XXIII. et Bohemiæ XII. anno.

#### EPISTOLA EUGENII PAPE IV.

Ad Petrum archiepiscopum Januensem.

*Dissolvit concilium Basileense, ac novum indicit Bononiæ, ad quod cum invitat.*

**E**ugenius episcopus servus servorum Dei venerabili fratri Petro archiepiscopo Januensi salutem et apost. ben. Cum pastoralis officio, cui disponente domino præsidemus, et sedis apostolicæ auctoritate nihil magis convenire putaremus, quam tota mente incumbere et efficaciter prosequi, ut personæ ecclesiasticæ per semitam Jesu Christi incedentes, abjectis illecebris, cum sinceritate religionis et fidei, vitam honestam ducerent, et Deo, prout professi sunt, seipos veris affectibus dedicarent; dilecto filio nostro Juliano sancti Angeli diacono cardinali sedis apostolicæ legato, de venerabilium fratrum nostrorum consilio, per nostras certi tenoris litteras dedimus in mandatis, ut ad civitatem Basileensem accederet, et ibidem, si prælatorum congregatio esset facta, nostro et Romane ecclesiæ homine præsideret, et in quantum in eo esset, reformationem cleri, hæresum extinctionem, ac pacem et salutem fideliū procuraret. Verum licet in proposito constantes simus, tamen certis rationabilibus causis inducti, in eadem præsentibus interclusa denotatis, putantes concilii celebrationem necessariam esse, et ad longam dilationem protrahi non debere, de eorundem fratrum consilio, huiusmodi concilium, si quod congregatum videatur, dissolvendum, et in civitate nostra Bononiensi usque ad annum cum

cum dimidio, a die dissolutionis huiusmodi computandum, celebrandum esse decernimus. Ideo fraternitati tuæ, quæ nostram et sedis prædictæ auctoritatem ejusque conservationem, desiderat, significare volumus, ut eorum, quæ in ecclesia eveniunt, notitiam habeat, et etiam interclusa cedula tuis suffraganeis significes, quibus ac fraternitati tuæ, cum ad reformationem cleri, reductionem Græcorum, extirpationem hæresum, ac pacem fidelium concilia et avvisamenta prælatorum maxime necessaria sint, harum serie in virtute sanctæ obedientiæ et præstiti juramenti præcipimus et mandamus, ut statuto tempore ad huiusmodi concilium veniatis, cui, Deo auctore, personaliter præsidere intendimus: alioquin non venientium excusationem, nisi infirmitate, aut gravi senectute oppressi fuerint, minime acceptabimus. Volumus insuper, ut dictis tuis suffraganeis etiam exentis, si qui in territorio tuæ jurisdictionis existant, auctoritate nostra præcipias, ut ad præfatum concilium statuto termino accedant, super qua re litteris exemptionis a sede apostolica eisdem concessis non obstantibus, et quibus in hac parte derogamus, plenam tenore præsentium eidem fraternitati tuæ concedimus facultatem. Datum Romæ apud S. Petrum anno incarnationis dominicæ MCCCCXXXI. XV. calendas januarii, pontificatus nostri anno 1.

## EPISTOLA

Archiepiscopi Strigoniensis & aliorum Hungariæ prælatorum ad concilium.

*Excusant se quod in propria persona ad concilium non possint accedere, certoque faciunt patres de victoria in Bohemiam reportata.*

44. **R**everendissimis in Christo patribus & dominis, universoque coetui dignissimo in sacra Synodo Basileensi constitutis, &c. Reverendissimi patres, evangelicæque veritatis cultores eximii, viri ex omni gente in Sancto Spiritu vocati, obedientiam præstatam eum debita reverentia & honore.

Inter cunctas nostræ sollicitudinis curas, quibus pastorale officium nobis ex alto commissum exercendo lætatur, jocundamur, indefinenterque affligimur, concutimur & turbamur, considerationis nostræ intuitum intra cordis nostri arcana sedula meditatione revolventes; ad sacrosanctam Basileensem synodum, universalem ecclesiam representantem, erigere curavimus studiose. Sane de celebri & gloriosa vestra congregatione quantum lætitiæ & jocunditatis fervorem pro amoenæ tranquillitatis statu sanctæ ecclesiæ Dei nostræ præcordia conceperint, E

minicus nunc fluido regimini subiectus, ex somnolentia & desidiosa incuria pauperum, ecclesiæ, hæreticorum & tyrannorum & nonnullorum ambulatorum per lustra devia oberrantium per improvise moræ tedium in abyssum damnabiliter deducatur. Quidnam desiderabilis vita superfluit, quid post funera gloriosus, patres dignissimi, quam vineam sabaot unico & indubitato cultori vicario Jesu Christi mundi monarchæ divinitus commissam, non tam in membris quam in capite in unum reducere ovile, hæreses potenter extirpare, principes pacificare, Christianos, & in clero forte Domini mores & virtutes seminare gloriosus? Certe hi sunt actus nobilissimi hierarchici in sacrosancta arca Domini nostri boni Salvatoris, qui a quolibet orthodoxo & fidei Christiola sunt ardentèr amplectendi, nempe nos vestris dignis dominationibus toto cordis & mentis affectu in prædicta sancta synodo Basileensi nostra in persona veluti sacrosanctæ ecclesiæ filii obedientiæ & devoti alumni representassemus, acta, facta, gesta, deliberata, & conclusa ac agenda, tractanda & concludenda prompta & devota mentis alacritate humiliter recepturi; sed res pungitiva amaritudinis veneno fideles Christi sua contagione contaminans; nos undique affligit & perturbat; impietas videlicet filiorum satanæ & viperarum, hæreticorum Hussitarum

C regni Bohemiæ contra sanctam matrem ecclesiam ejusque fideles oviculas, tamquam materni uteri corrosiores, sævissime insultantium, qui de anno præfenti & mense octobris funiculos suæ sævitie crudelissime extendentes, regnum Hungariæ manu armata, forti & terribili cum eorumdem Thabor, hostiliter clam & furibundo impetu invadendo sanguinem multorum fidelium inmanissime effundentes, pluribusque miserabiliter necem manu sacrilega gladio peremtis, nonnullos manibus & compeditis ferreis ligatos in captivitatem abduxerunt. His dicti filii sceleratissimi minime contenti, nos & quamplures ecclesias seu loca Deo dicata, bonaque nostra; oppida, villas, possessiones, & decimas jam recollectas, & præsertim ecclesiæ Strigoniensis, fere omnino devastantes depopularunt, spoliarunt, & ignis voragine consumserunt; sed pater misericordiarum afflictionem sui populi; sanguinemque occisorum ad se clamantium, & gemitus flebiles compeditorum, pupillorum, viduarum, & orphanorum, prohi dolor! humiliorum, dono gratuite pietatis ab alto prospiciens, corda nostrarum fidelium gentium compassionis amore accensa misericorditer erigere curavit: qui armis virtutis divinæ bonitatis præcincti, gravia pericula, & defenda facinora detestandæ impietatis vindicare volentes, in virtute Altissimi confisi, qui in se sperantes non despiciit, furiosam superbiam hostium orbis universi strenue sunt aggressi, adeo viriliter certantes, quod eorum onustissimis curribus & vehiculis ploribus spoliis & rebus oneratis turpiter retrojectis, subsidique peregrinisque penitus deficientibus, tutiora loca petere sunt coacti. Ibi Hungarorum sævissima jacula, multis gladio prostratis, pluribusque



ANNO  
CHRISTI  
1431.

atrociter fauciatis, diræ mortis pocula ipsis  
perfidis hæreticis sævissime ministrarunt, sic-  
que viri sanguinum virtute divina draconum  
faucibus concussi, venerunt ebrii, non tamen  
capta præda sunt adipe pinguium saturati.  
Sed fama vulgata deferente, pestifera im-  
pietatis superba furia sic, ut præmittitur,  
Deo volente, illusa, fremens & dolens se  
esse deceptam, pristinum spiritum elationis  
reassumens, carbonem in nos reaccendere &  
toto posse gladio ultionis vindictam sumere  
machinatur. Nos vero humilitatem nostram,  
omniaque nostra opera illius arbitrio, vol-  
untati & piæ dispositioni committimus, qui  
omni creaturæ de sua liberalitate munifica  
dat esse & vivere prout vult, sicut vult &  
quando vult. Ipsum tota mentis devotione  
flexo poplite obsecrantes & deprecantes,  
quatenus tua immensa clementia, nos a ma-  
lis omnibus eripere, ovesque suas suo pre-  
tioso sanguine redemas in pace optata col-  
locare dignetur, ut tandem suæ redemptionis  
fructum saluterem in nobis celerem sentien-  
tes, ad coelestem curiam cum felici tri-  
pudio una nobiscum pervenire mereantur.  
Præterea, patres & domini gloriosi, sævis-  
sima Turcorum paganorum rabies sacrosan-  
ctæ fidei catholicæ ac gregis dominici no-  
riorum æmulatorum, in nostrum et totius  
regni Hungariæ exterminium et ruinam ten-  
dentium, nunc in absentia serenissimi prin-  
cipis domini nostri domini Sigismundi Roma-  
norum et Hungariæ, &c. regis, qui con-  
gregata multitudine copiosa Turcorum cum  
exercitu validissimo, fama publica volante,  
manu feroci regnum Hungariæ sibi ipsis sub-  
jungere moluntur, nos vehementer quorum  
horrenda foetido tyrannide referta, totum  
regnum Hungariæ & regnicolas cum ingenti  
cordis acerbitate turbavit & gravissime  
commovit. Et quia nos præmissorum hære-  
ticorum & paganorum aculeis sævissimis sæ-  
pe sæpius, divina permittente gratia, sti-  
mulamur; ideoque nostros armigeros & sti-  
pendiarios disponente, banderiaque (a) ec-  
clesiarum nostrarum, non parvis sumibus et  
expensis erigere, personis etiam nostris pro-  
priis minime parentes, sed et loco et tem-  
pore occurrentibus nunc campestris, nunc  
silvestres, nunc vero lutosos tenemus des-  
census, calores et frigora, imbres et plu-  
vias, prompta voluntate suffrentes, ac no-  
ctes plerumque insomnes, ut quietem aliis  
præparemus, in quorum quiete quiescere de-  
beremus patienter; transcentes contra et  
adversus dictos hæreticos et paganos, dex-  
tra Dei concedente, exurgere, et arma mo-  
vere, defensionisque patriæ nostræ naturalis  
obstaculum nunc pro posse, omnibus nostris  
viribus appositis, opportuna necessitudine  
ponere oportebit. Vos igitur, egregii et in-  
clyti domini, ex præmissis impedimenta di-  
versa mente acuta poteritis perspicacissime  
considerare, propter quæ et nonnulla alia  
ardua negotia hujus regni Hungariæ humeris  
nostris incumbunt, et imposita, sacro-  
sanctam synodum adire nequimus. Cupien-  
tes tamen ab intimis sacrosanctæ Romanæ  
ecclesiæ universali veluti filii obedientiæ o-  
bedire mandatis, honorabilem Nicolaum in  
artibus magistrum archidiaconum Natrien-

(a) bande-  
ria seu  
banda sunt  
vexilla  
militaria.

sem, et canonicum in ecclesia Strigoniensi,  
virum moribus et scientia ornatum, nostrum  
certum nuncium missum et procuratorem le-  
gitimum, sufficiens mandatum nostram ab-  
sentiam excusandi habentem, quæ per cum  
fuerint facienda, gerenda pariter & agen-  
da, ad dominationes vestras transmittimus,  
qui præmissa impedimenta canonica, & non-  
nulla alia, clarius, distinctius & diffusius co-  
ram vestris dignis dominationibus proponet  
& allegabit; cui in dicendo, proponendo,  
allegando & referendo credulam fidem ad-  
hibere velitis, ipsumque benivole & beni-  
gne auditum cum expeditione optata, data-  
que ei licentia ad nos & suos proprios la-  
res redeundi cum prosperis auspiciis de ve-  
strarum dominationum speciali benevolentia  
remeare. Nos vero vestras præclaras & Deo  
devotas dominationes rogamus, & in domi-  
no exhortamur, quatenus per viscera mis-  
ericordiæ domini nostri Jesu Christi, cujus res  
per vos agitur, opus sanctissimum per V.  
R. paternitates ad laudem & gloriam sacro-  
sanctæ universalis ecclesiæ & populi vo-  
luntarie & libere inchoatum, ad effectum de-  
sideratum perducere non desistatis, per maxi-  
me tamen ad exterminium & excidium hæ-  
resis cancerosæ, nunc in regno Bohemiæ  
perniciose currentis laborando. Ipsa nam-  
que sua contagione pestifera multos fideles  
& quasi innumerabilium pias mentes inficit  
& necat scandalose. Nos quippe magnæ spei  
fiduciam gerimus, patres orthodoxi & Deo  
amabiles Domini, ut per vestra opera glo-  
riosa salutaris consequatur effectus, errorum  
que & hæreses ecclesiarum Dei lacerantes  
& notorie scandalosa, pericula animarum &  
regnum, ac terrarum desolationes, depopu-  
lationes & devastationes parientes, cen-  
sura vestri iudicii exterminabuntur, & nisi,  
adhibita diligentia solerti, hæreses, opprobria,  
blasphemæ hæreticorum Hussitarum  
regni Bohemiæ prædictæ gladio materiali suc-  
cidantur, reuera antiquæ & novæ peiores  
prioribus posteriori germine periculose suc-  
crescent. Amplectimini igitur domini & pa-  
tres reverendissimi, hunc laborem salutife-  
rum, quem opifex universi foecundet & fru-  
stificet, taliter, ut orbis universus optatam  
pacem, & sacrosanctæ ecclesiæ in suo toto  
ambitu recuperet unitatem, vosque pro in-  
quietissimis & officiosissimis laboribus, quos  
nullo gravati tædio, ad laudem Dei omni-  
potentis & suæ sanctæ ecclesiæ suffertis, mi-  
sericordiam Altissimi & alia retributionum  
præmia, quæ gloriosus Deus bene operan-  
tibus præparavit, uberius consequi, & vi-  
tam æternam possidere feliciter valeatis.  
Præsentes sigillis nostris annularibus, qui-  
bus utimur, fecimus consignari. Datum Stri-  
gonii die XXVIII. mensis decembris MCC-  
CCXXXI.

Sacrosanctæ universalis ecclesiæ & V. R.  
P. humiles & devoti Gregorius archie-  
piscopus ecclesiæ Strigoniensis. Petrus  
Agriensis, Clemens Jauriensis & Si-  
mon Wesprinenis ecclesiarum præla-  
ti, &c.

## COPIA

*Quarundam præsentiarum litterarum apostolicarum super dissolutione sacri generalis concilii Basileensis, &c.*

**I**N nomine Domini, amen. Quia dignum est et rationi congruum, veritati testimonium perhibere, in his præcipue debet quicumque Catholicis incumbere, ubi ad statum sanctæ matris ecclesiæ et conditionem intenditur. Hinc est quod cum reverendus pater dominus Daniel, Dei et apostolicæ sedis gratia episcopus Parentinus, apostolicæ sedis et domini nostri papæ thesaurarius, et ad præsens commissarius apostolicus ad civitatem Basileensem destinatus, quasdam litteras apostolicas vera bulla plumbea domini nostri papæ in filis ferulis rubei et crocei coloris, more Romanæ curiæ, bullatas, cum subscriptionibus S. R. E. cardinalium manu propria subscribentibus roboratas, cum quodam insignio in modum gyri & rotundi caraderis signatas, prout in similibus ecclesiæ majoribus negotiis fieri solet, inferius per omnia transcriptas & copiatas, mihi Johanni de Ceparellis Pratenfi decretorum doctori, apostolicæ & imperiali auctoritatibus notario, tradiderit transcribendas, & cum suis solemnitatibus in formam publicam redigendas; mandatis dominationis suæ obtemperare cupiens per omnia, una cum Nicolao Bovis presbytero, et Nicolao de Mota notariis infra scriptis, in præsentia testium et personarum fide dignarum testimonio ad hæc vocatorum specialiter et rogatorum, coram præfato domino thesaurario et commissario prædicto collationem de verbo ad verbum de præfata copia ad dictas bullas et litteras apostolicas fecimus diligenter, quarum quidem litterarum apostolicarum tenor per omnia sequitur et est talis.

Eugenius episcopus servorum Dei, ad perpetuam rei memoriam.

Quoniam alto et incomprehensibili Deo constituimur reddere vota, etc. ut apud Labbeum tom. 17. conc. pag. 734. ubi pro his verbis, Clerum in diversis mundi partibus reformatione indigere, in *ms.* legitur: Universumque clerum, paucis admodum exceptis, incedere per tramitem peccatorum. Item pro sollicitat quod tot malis, in *ms.* sollicitat quomodo tot malis. Item pag. 735. post hæc verba: Dum nulla ibi prælatorum congregatio adhuc facta foret, in *ms.* additur: Intervenerunt magnæ et necessariae causæ, quibus obstandum fuit Bohemice cladi, et salutis fidelium providendum: unde ipse cardinalis, sicut notorium est, pro conservatione fidei in partibus illis magnis fuit exercitiis occupatus. Secuta demum occulto Dei judicio catholicorum fuga. Item linea ultima, congregatione secuta, *ms.* congregatione statuta. pag. 735. principatus guerræ, *ms.* initi belli. *Ibid.* super hæc omnia, &c. *ms.* Hæc omnia versantes animo, nec non.

etiam quia proximis diebus carissimus in Christo illustris filius Johannes Palæologus C. P. imperator, & venerabilis frater noster Joseph apud Græcos C. P. patriarcha, suum oratorem, ad nos & venerabiles fratres nostros S. R. E. cardinales transmisserunt, qui nos requisivit, juxta tractata per prædecessorem nostrum cum consilio ipsorum cardinalium, de quorum numero tunc eramus, pro unione Græcæ orientalis ecclesiæ cum Romana & universali ecclesiâ concilium in loco eis apto celebrari; unde nos secundum dictas conventiones & propter executionem tanti boni, obtulimus pro adventuris Græcorum prælati & oratoribus, pro transitu ad Italiam, & transitu ad Græciam, pro galeis & aliis necessariis impensis opportunas. *Ibid.* Quo præfati patriarcha, etc. *ms.* Promiserunt itaque præfati imperator & patriarcha sollemnes oratores suos transmittere, sicuti ante noticiam obitus, &c. *Item.* *ibid.* dimissis erroribus, reductam videri ad ritum Romanæ et universalis ecclesiæ, *ms.* dimisso errore, unam fieri cum ecclesiâ Romana. Comprehendimus necessarium esse ad conveniens spatium temporis in Bononiæ generale concilium convocari. Quapropter si prælati de novo ad Basileam vocarentur, quod convenire non posset sine temporis intervallo, utrumque concilium fere uno tempore concurreret; et sic utrumque minus auctoritatis haberet, nec prælati possent in utroque interesse. Unde pro commoditate prælatorum, (qui) nobis habeant convenire, & causis superius declaratis, et aliis magnis urgentibus suis loco et tempore declarandis, majus bonum minori præponentes, præter concilium quod secundum statuta synodi constantiensis in decennio venit celebrandum, quodque in ipso decennio in civitate nostra Avenionensi volumus celebrari, ex abundanti in civitate Bononiæ pro ipsorum Græcorum reductione, reformationeque cleri ac populi christiani, aliud generale concilium decrevimus convocare, et in eo intendimus personaliter præsidere apostolica auctoritate, et subscriptorum fratrum nostrorum Jordani Sabinensis, Antonii Ostiensis, Hugonis Penestrini episcoporum, Johannis tituli sancti Laurentii in Lucina, Antonii tituli sancti Marcelli, Joh. tituli sancti Sixti, Francisci tituli S. Clementis, Angelori tituli sancti Marci presbyterorum, Lucidi sanctæ Mariæ in Cosmedin, et Ardechini SS. Cosmæ et Damiani diaconorum, ejusdem ecclesiæ Romanæ cardinalium unanimi consensu indicimus et convocamus, ac præfatum synodum Basileensem, si quæ inibi congregata videatur, dissolvimus et totaliter liberamus. Insuper in nomine Christi Dei, ad cujus populi salutem totis affectibus aspiramus, universis et singulis patriarchis et archiepiscopis, prælati et clericis ad quos interest, ubicumque constituti, indicationem et dissolutionem prædictas, indicis et dissolutis prædictis declaramus et notificamus, ipsosque requirimus et monemus in Domino Jesu Christo



ANNO  
CHRISTI  
1432.

sto in vim præstiti juramenti in consecrationibus eorumdem, in virtute sanctæ obedientiæ, et etiam apostolica auctoritate nostra præcipimus et mandamus, sub poena excommunicationis et aliis poenis juris, quatenus in anno uno cum dimidio a publicatione præsentium computando, ad præfatam civitatem Bononiensem pro hoc sacrosancto concilio celebrando, et subsequenter in decennio in civitate Avenionensi debeant convenire; quos omnes præsentem scripto intendimus esse monitos, peremptorieque citatos, ac si eorum singulis directæ fuissent monitoriæ litteræ speciales. Nulli ergo omnino hominum liceat hanc paginam nostræ dissolutionis, liberationis, declarationis ac præceptionis infringere, vel ei ausu temerario contraire. Si quis autem id attentare præsumserit, indignationem omnipotentis Dei, et B. Petri et Pauli apostolorum ejus se noverit incursurum. Datum Romæ apud sanctum Petrum, anno Incarnationis dominicæ MCCCC. XXXI. secundo idus novembris, pontificatus nostri anno primo.

*Sequuntur subscriptiones cardinalium, ut apud Labb. in præcedenti bulla.*

In cujus visionis ac diligentis collationis et aliorum fidem et testimonium præmissorum, ego Johannes de Caparellis decretorum doctor, apostolica et imperiali auctoritate notarius, propria manu præfens hoc publicum instrumentum scripsi et subscripsi, et tam notarius solito meo signo, quam doctoratus sigilli mei impressione signavi, et de præfati domini thesaurarii et commissarii apostolici prædicti mandato sigilli majoris dignitatis suæ impressione munivi, sub anno a nativitate Domini MCCCCXXXII. mensis januarii die VIII. præsentibus ibidem honorabilibus et discretis viris magistro Georgio de Gayeto sacre theologiæ doctore et presbytero, Luca Liparelli civē et canonico Anconitano, et Johanne de Patavia dicto Johanne de Padua testibus ad præmissa vocatis specialiter et rogatis. Hæc omnia in civitate Basileensi sub anno, die, mense prædictis, acta sunt sub pontificatu SS. in Christo patris ac domini nostri, domini Eugenii divina providentia papæ IV. anno 1.

Et ego Nicolaus Bovis presbyter Laudunensis diocesis, publicus imperiali auctoritate notarius, omnibus et singulis præmissis præfens fui, et cum prædicto Johanne de Cipparellis de hujusmodi copia ad dictas bullas in præsentia domini thesaurarii et testium præscriptorum, diligentem de verbo ad verbum collationem feci, ideo me subscripsi, et signum meum, consuetum de hoc per dictum dominum thesaurarium requisitus posui in fidem et testimonium præmissorum, anno, mense, die, loco, et pontificatu prædictis.

Et ego Nicolaus de Mota clericus Ambianensis diocesis, publicus, etc. ut in præcedentis.

# LITTERA MISSA IMPERATORI

Per sacrum Basileense concilium.

*Monent imperatorem de bulla dissolutionis per episcopum Parenthinum allata, sequi nihilominus in incognito bono opere perseveraturus.*

Sacrosancta generalis Basileensis synodus in Spiritu sancto legitime congregata, serenissimo atque invictissimo Sigismundo Romanorum regi semper augusto, salutem et omnipotentis Dei benedictionem.

Serenissime rex, atque invictissime, noverit vestra Cæsarea celsitudo, nos cum ingenti mentium nostrarum jubilo vestras recepisse litteras gratiosissimas, quibus lucide perpendimus ferventissimum zelum, quem fidei orthodoxæ atque sanctæ matri ecclesiæ, nunc, proh dolor! nimium collapsæ per hæreticorum impugnationem, morum deformitatem, atque cladum bellicarum immanitatem, intimo corde geritis. Benedictus Deus, qui tam salubrem voluntatem inmisit in cor regis, quique talem tantumque pugilem et advocatum ecclesiæ suæ sponsæ sibi paravit et conservavit. Verum, rex serenissime, opus est vestram Cæsaream maiestatem accingi ad celebres sublevamen ecclesiæ Dei, et sacrosanctæ hujus sanctæ synodi generalis, quoniam inimici ejus multiplicati sunt. Quidam enim episcopus Parentinus, SS. domini nostri summi pontificis assensus thesaurarius, quasdam præsentias litteras apostolicas dissolutionis dictæ sacrae synodi, ut accepimus, attulit, per quas præfens sacrum generale concilium nititur dissolvere, et novum in unum annum cum medio ad civitatem Bononiensem indicare, tamen præfatus episcopus pluribus reverendis patribus oppositum paulo antea promiserit. Viderit augusta vestra maiestas, quantum hæc dissolutio afferret nocuenti, nedum ecclesiæ Christi, sed et toti populo fidei, qui summam spem sublevationis a tantis tribulationibus et cladibus, quæ, heu! in tota Christianitate debacchantur, firmiter posuit. Sane hæc congregatio zelo ardentiori domus Dei accensa dissolutioni huic viribus totis renititur, atque adiutore Deo & vestra Cæsarea maiestate, remedia efficacia tantis calamitatibus perquirere studebit. Ea propter vestram præsentiam in hoc sacro concilio ex intimis cordis desiderat, ut sit coadjutrix extirpationis hæresum, reformationis omnium ecclesiæ statuum, atque pacis & concordie christianorum, veluti causa extitit unionis ejusdem in concilio Constantiensis. Supplicamus igitur serenissimæ vestrae maiestati, quatenus dignetur avilari & concipere omnia remedia opportuna tam pestilenti cladi, & ea ad effectum usque deducere, quanto celerius fieri poterit; obsecrantes etiam celeriter et efficaciter illustri principi domino Guillelmo duci Bavarie, hujus sacri concilii vestra sacra ordinatione protectori, atque omnibus præfatis Germaniæ, per vestram serenitatem rescribi pro celeriori ad hunc locum adventu, quoniam eorum præsentia est hic summe necess.

ANNO  
CHRISTI  
1432.

lb. p. 53

ANNO  
CHRISTI  
1432.

cessaria ad hoc sacrum opus Dei et suae sanctae ecclesiae feliciter continnandum & consummandum. Super praedictis autem ambassiatam nostram ad regalem vestram maiestatem in brevi destinare disponimus, et hic firmi & stabiles persistere intendimus totis viribus, procurantes bonum ecclesiae & totius Christianitatis, quantum Deus ex alto concesserit, qui serenitatem vestram conservare et dirigere dignetur ad suae sponsae ecclesiae salubria praestanda obsequia. Datum Basileae etc.

## EPISTOLA SIGISMUNDI

Romanorum regis ad concilium.

*Bullam de concilii dissolutione a papa acceptam eis mittit; hortatur ut nihilominus ab incepto bono opere non desistant.*

54. **R**everendissimo in Christo patri domino J. cardinali S. Angeli praesidenti, venerandisque patribus, praetatis, ac ceteris in sacro generali Basileensi concilio congregatis, amicis nostris carissimis & sincere gratęque dilectis.

Reverendissime & venerandi in Christo patres, amici carissimi & sincere gratęque dilecti. Hodie recepimus bullam domini nostri papae, notificantem nobis dissolutionem sacri Basileensis concilii, quam sua sanctitas hinc inde fecit per bullas suas publicari, cujus copias hic inclusas habetis, de qua re ultra modum stupenda tanto amariis turbati sumus, quanto ex huiusmodi dissolutione, nedum innumera mala & pericula, quin immo totalis subversio catholicae fidei & alia discrimina sunt indubie successura, & non possumus continere dolorem & lacrymas, si ipsa sacra synodus, quae omnium imminentium discriminum est portus salutis, & multarum rerum fructuosa inceptio, sic vane & sine ratione suo effectu sique periculose debet frustrari, & super eo, ut in tempore provideatur, misimus festinantissime ad sanctitatem domini nostri literas nostras & inductiones opportunas, ut sanctitas sua protinus remediare velit, & ea quae facta sunt illico revocare, quemadmodum copia legationis nostrae ad sanctitatem suam missa hic inclusa vos clarius edocebit; & speramus quod eadem sanctitas, pensatis scandalis ex huiusmodi dissolutione provenientibus, quae utique ignoravit, & nihilominus fructibus qui sperantur, mentem suam mutabit & conventioni felici ipsius concilii paternos ministrabit favores, prout eandem sanctitatem, cum secum constituemur, ut in brevi speramus, clarius informabimus viva voce. Adhortamur ergo vestras paternitates in Domino nostro Jesu Christo, cujus res agitur, ut nulla suggestione aut alio quovis modo dissolvere velitis, sed incepta feliciter profequi & finire, firmam habentes fiduciam, quod sanctitas domini nostri avisata clarius de conditionibus ipsarum rerum, si saltem non voluerit destructionem Christianitatis, & notam indelebilem incurrere, illico aliter & salubriter providebit. Absit enim, & ite-

*Concilior. Supplem. Tom. IV.*

**A**rum absit, ut rem tanti ponderis & fidem tam facile tangentis, valeat seu possit tam facilis irritare promotio, quoniam in brevi aliud sentietis. Confortemini ergo & estote robusti, quoniam ad continuationem ipsius sacri concilii vobiscum constanter & fideliter usque ad mortem perseverare volumus: quia sic nos fides instruit, conscientia nostra admonet, & imminetia mala perurgent. Et quicquid super illo decreveritis, nobis quantocius intimare: quoniam si tale concilium sicut & praecedentia tam leviter sine fructu & ratione deberet dissolvere, in extinctionem totius Christianismi, taderet nos a modo vivere inter filios hominum; & revera mors pretiosior in tantis deformationibus vita esset. Provideite ergo celeriter & custodite Christianitatis salutem, ut scitis. Datum Placentiae die x. januarii regnorum nostrorum anno Hungariae, &c. XLV. Romanorum XXII. & Bohemiae XII.

Sigismundus Dei gratia Romanorum rex semper Augustus ac Hungariae, Bohemiae, &c. rex.

Ad mandatum domini regis  
Gaspar Sligk.

## COPIA BULLE DISSOLUTIONIS

Concilii missa domino regi Romanorum.

*Extat apud Labbeum, tom. II. conc. pag. 940.*

## SEQUUNTUR AVISAMENTA

Per dictum dominum Romanorum regem domino nostro papae transmissa.

*Extant apud Labbeum tom. XII. conc. pag. 956.*

## COPIA APPELLATIONIS

*Interjecta per nonnullos dominos de concilio a domino papa super dissolutione concilii per dominum papam facta, &c.*

**C**um appellationis remedium in relevantibus indebite gravatorum salubriter inventum, a sanctis patribus sit rationabiliter institutum; ideo ergo N. &c. animo appellandi & ad sanctam sedem apostolicam, vel saltem sacrosanctam synodum Basileensem provocandi, propono & dico, quod quamquam in hac civitate Basileensi tam ordinationibus & decretis Constantienis & Senensis conciliorum, quam olim domini Martini V. & sanctissimi in Christo patris & domini nostri domini Eugenii IV. moderni Romanorum pontificum auctoritatibus, ac de expressis ipsorum mandatis generale concilium in Spiritu sancto, pro haereseum extinctione, morum reformatione, pacis quoque inter Christianos reges & principes celebr-

Ib. p. 56.



ANNO  
CHRISTI  
1432.

terisque fideles reintegratione, legitime sit congregatum atque firmatum, præfatum quoque sacrum concilium jam manum ad aratrum miserit, Bohemos ipsos, qui Hussitæ vulgo nuncupantur, pridie cum omni mansuetudine sub spe salubris reductionis eorumdem vocando, necnon cum illustri principe duce Burgundiæ & certorum militum & militarium societate, tractando, nonnullasque eisdem militaribus provisiones faciendo ad finem, quatenus in eventum, in quem dicti Bohemi in sua pertinacia, quod abist persistere contingat, valido dirigente domino exercitu instituto, eosdem manu forti reducere seu exterminare moliantur, singulique prædictorum & ipsi Bohemi sperentur huic facto concilio Basileensi super præmissis grati. Adeo quod eadem synodus propterea, *\* f. præ-  
gravis.* salvis aliis causis \* prægnantibus, cessante saltem universali fidelium scandalo, ac totius ecclesiastici status gravi periculo, sese quovismodo dissolvendo retrospicere nequit, prout nec debet. Quid enim periculolius, quidve scandalolius; seu etiam, ut ita dicam, ridiculosius, quam tam salubre laudabileque hujus concilii taliter, ut præfertur, autoritati opus, tanta cum ferventia inchoatum, nunc parvipendere, seu leviter ludibrioque desertare? nihilominus tamen quidam Johannes de Prato alias de Cipparellis, præfatus decretorum doctor, nuper decem diebus nondum elapsis, quasdam apostolicas litteras sive bullas in fratrum Prædicatorum hujus loci conventu palam exhibuit, atque legit, dissolutionem hujus sacri concilii Basileensis, velut prætendit, continentes, fundatas falsis evidenter ex causis, ut asseritur, undecumque sanctitati domini nostri finistre suggestis, in eisdem expressatis. Quarum quidem falsitas opportuno tempore legitime probari poterit atque clarius demonstrari. Præterea, ut creditur, quod propterea dictum sacrum concilium Basileense dissolvi potuit, sitque habendum pro dissoluto, cum tamen minime credendum sit, seu quovis modo præsumendum videatur, intentionis sanctitatis domini nostri papæ fuisse aut esse, ipsam synodum tam necessario ac legitime congregatam, et, ut præmittitur, autorizatam dissolvi velle, nisi causis in dictis sue sanctitatis expressis causamque eidem sue sanctitati dissolvendi præbentibus, veris existentibus. Neque tunc facile, ut creditur, attentis scandalis atque periculis, quæ propter Hussitarum vocationem, et tractatus supradictos taliter, ut præmittitur, pendentes, ulteriori cessante prosecutione, seu responsum præstolatione indubie nascerentur. Propterea non est præsumendum, seu leviter credendum, quod dictus dominus noster decretis et ordinationibus Constantiensis, cui sua sanctitas necnon reverendissimi cardinales intererant et approbant, ac Senensis conciliorum immemor, quicquam in præjudicium seu dissolutionem præsentis Basileensis concilii decerneret attentari. Quorum decretorum altero in effectu cavetur, quod quilibet cujuscumque status vel dignitatis, etiam si papalis existat, subiaceat concilio, et in iis quæ ad fidem ac generalem

ecclesiæ Dei reformationem pertinent, obedire tenetur. Postquam igitur hoc sacrosanctum Basileense concilium, legitime, ut præmittitur, congregatum existat, atque firmatum, agenque causam fidei, ac ecclesiæ Dei reformationem, quomodo sua sanctitas in præmissis obediret concilio, si sua dissolutione, ne causa fidei agitari et ecclesiæ Dei reformari valeant, evidens impedimentum ministraret? Et esto etiam quod dictus dominus noster undecumque inspiratus, vellet amplecti, quod abist, rigorem, adeo quod præmissis minime ponderatis, hoc sacrum concilium pro dissoluto, et ad Bononiam cum tanto temporis dispendio seu prorogato forsitan habere voluit, accedat prohibitio alterius decreti dictorum conciliorum, quod incipit: *Frequens generalium conciliorum &c.* quo inter cetera cavetur, si forte casus aliquis occurrerit, quo necessarium videretur ipsum locum concilii mutari, puta obfisionis, guerrarum, pestis aut similibus, tunc liceat summo pontifici de fratribus suorum, aut duarum partium eorumdem consensu atque subscriptione, alium locum prius deputato viciniorem & apertum sub eadem tamen natione subrogare. Si igitur subesset, prout minime subest, causa necessaria translationis hujus concilii Basileensis, nequaquam de Basilea Germanicæ ad Bononiam Italicæ nationis, obstante decreto prædicto, posset transferri, nec decretum concilii Constantiensis præfatum, tradens Romano pontifici potestatem concilia ex causis prædictis transferendi, si bene inspicitur comprehendit concilia firmata & inchoata, sed potius inchoanda. pendente enim termino concilii congregandi, si locus pro ipso congregando deputatus urgentibus causis necessario fuerit mutandus, tunc poterit alius eo modo quo præmittitur, per Romanum pontificem deputari, secus ubi concilium sufficienti auctoritate legitime jam firmatum, & sessionibus ac processibus synodalibus actuum & radicatum existit, ut in casu præsentis concilii. Tale namque non subjacet mutationi per Romanum pontificem absque consensu concilii faciendæ. Sed Romanus pontifex juxta mentem primi decreti superius annotati, obedire tenetur, non impedire. Quibus omnibus debite recensitis, nequaquam præsumendum est, sed credendum sanctitatem domini nostri papæ hoc sacrosanctum Basileense concilium cum tanto scandalo & periculo, sic ex abrupto, præsertim falsis causis sue sanctitati quomodolibet instillatis, ut præmittitur, per suas litteras dissolvere voluisse, aut pro dissoluto habere. Attento etiam quod propterea sua sanctitas noram gravissimam ac sedis apostolicæ dedecus & ignominiam non minimam apud Christianos, utriusque videlicet, ecclesiastici atque secularis status personas irrevocabiler, ut timetur, foret incursum. Sentiens igitur me dicti Jo. de Prato & maxime ipsius incauta ac manifesta litterarum prædictarum pro dissolvendo præfati concilio exhibitione, non mediocriter gravatum, tamenque in posterum fortius posse gravari: ea propter a dictis præsentis litteris, sic, ut asseritur, exhibitis, atque lectis, ac ipsarum exhibitio-

nc,

ne, lectione, & ejusdem concilii præsentia dissolutione, aut loci mutatione, salva ipsius nullitate, necnon a quibuscumque præsentis processibus poenalibus, & censuris ecclesiasticis propterea forte fulminatis seu fulminandis, contra quoscumque prolatis seu proferendis, quibusve mandatis a quocumque, quamvis etiam domini nostri papæ surrepticie informati, auctoritate emanatis; publicatis, seu publicandis quomodolibet in futurum, omnibusque & singulis aliis gravaminibus per quemcumque ad effectum prædictum quavis auctoritate illatis & inferendis, quæ semper colligi poterunt quomodolibet ex præmissis, ad sanctam sedem apostolicam & sanctitatem domini nostri papæ, ad ipsum de veritate rei gestæ melius atque clarius aviscandum & informandum, vel saltem ad hoc sacrosanctum generale Basileense concilium pro me & mihi adherentibus & adherere volentibus in his scriptis provoco & appello, & apostolos peto instantem, instantissimè, & instantissime, unico contextu verborum, si quis sit, qui illos mihi dare velit aut potest, subjiciens me ac omnes & singulos mihi adherere volentes, tuitioni & protectioni sedis apostolicæ, & sacrosanctæ synodi Basileensis prædictarum. Protestor insuper quod hanc meam appellationem prosequi, ac omnibus quorum interest insinuare volo & intendo, locis & temporibus opportunis, salvo jure addendi, minuendi, corrigendi, mutandi, seu aliam vel alias appellationes interponendi toriens quotiens videbitur necessarium, seu quomodolibet expedire. Requirens vos notarium publicum hic præsentem, quatenus super hac mea appellatione omnibus & singulis præmissis unum, vel plura, conficiatis publicum seu publica instrumenta.

## EPISTOLA CONCILII BASILEENSIS

Ad episcopum Noviomensem.

*Ullum capitulumque Noviomense inivit ad concilium, mittique ei decreta ultima sessionis.*

**S**acrosancta synodus generalis Basileensis in Spiritu sancto legitime congregata, universalem ecclesiam præsentans, reverendo patri episcopo Noviomensi, salutem & omnipotentis Dei benedictionem.

Mixari satis non sufficimus, reverende pater, cur gressus vestros ad hoc præsens generale concilium nondum direxistis, cum tempus assignatum a sacro concilio Senensi de celebratione hujus Basileensis a pluribus mensibus inchoatum fuit, & jam per alias litteras nostras fueritis monitus, sub poenis juris, & de longinquis regionibus prælati & diversi legati jam pridem advenierint; nec opus fuerat alia vocatione, quam quæ decreta fuerat in generalibus synodis Constantiensis & Senensi. Propter juris poenas vos monere debent instantia pericula fidei & ecclesiæ, præsertim ex illa armata hæresi Hussitarum, longe lateque suas umbras & venenatas doctrinas dilatante, atque ex pluribus rebellionibus magnarum Germaniæ ci-

Concilior. Supplem. Tom. IV.

vitatum contra suos prælatos & clerum; quibus maximis inconvenientibus una cum morum reformatione & Christianorum pacificatione opportuna remedia paramus atque disponimus, quod & vos facere ex dignitate suscepta incumbit. Quapropter ex superabundanti vos hortamur in visceribus domini nostri Jesu Christi, & nihilominus mandamus, & districte sub debito juramenti & poenis juris & excommunicationis lætæ sententiæ præcipimus, quatenus celerime, saltem infra viginti dies a die notificationis præsentium, iter arripiendo, & illud sine fraude continuando, ad præsentem generalem synodum accedere non obmittatis, (a) commonentes nostri ex parte vestrum capitulum, & alios vestræ diocesis, qui de jure vel consuetudine ad sacrum generale concilium comparere aut mittere tenentur, quos & nos tenore præsentium in virtute sanctæ obedientiæ, & sub præfatis poenis monemus, quatenus ad hoc sacrum concilium compareant infra tempus prædictum, aut viros in scientia & moribus notabiles celerigressu, & sine longiori dilatione studeant destinare. Et ne diu moveamini quibusdam rumoribus contrariis, aut frivolis assertionibus; quæ utique subreptitiæ sunt, tenorem decretorum in ultima nostra sessione publicarum vobis transmittimus.

Præterea nostras litteras patentes universis Christianis fidelibus directas, in vestris civitate, & dioecesi publicare & notificare seu publicari & notificari, & notificum mandare velitis ad Dei laudem, suæ ecclesiæ & hujus sacri concilii exaltationem, errorum extirpationem & fidelium in magnis calamitatibus pro dolor existentium sublevamen. Ad quæ saluberrima opera vos dirigat Spiritus sanctus, in cujus hic nomine convenimus. Datum Basileæ, &c.

*Sub eadem forma, paucissimis verbis exceptis, reperio in ms. codicis regii collegii Navarræ epistolam ad alios episcopos per concilium Basileense transmissam, datam Basileæ 23. januarii.*

## EPISTOLA SIGISMUNDI

Regis Romanorum, ad concilium Basileense.

*Gratulatur patribus, quod in concilii celebratione perseverent, suam eis promittit protectionem, monetque eos scripsisse se ad papam & principes.*

**R**everendissimis in Christo patribus & dominis sacrosanctæ Basileensis Synodi in Spiritu sancto congregatæ, amicis nostris carissimis, ac grate & sincere dilectis.

Reverendissimi in Christo patres, amici carissimi, grate & sincere nobis dilecti, quamvis post exortam novitatem, quam sanctissimus dominus noster papa pridem per publicationem dissolutionis concilii Basileensis paravit, nos trinos nuncios ad ejusdem sanctitatis suæ præsentiam pro revocatione illius

Q 2

lius

ANNO  
CHRISTI  
1432.

(a) Eum tanquam regi necessarium, postea excusavit Joh. dux Belfordæ regni tunc pro rege Angliæ administrator uti & Morinens. Belvac. & Parisiens. episcopos.



ANNO  
CHRISTI  
1432.

247

lius & remediis necessariis, ad fomentum & confirmationem concilii facientibus, adhibendis, incontinenti miserimus, firmam habentes fiduciam, quod eadem sanctitas propositum suum mutabit, & ipsi concilio, quo nihil in republica Christiana sanctius, nihilque salubrius, paternos ministrabit favores. Tamen recepta heri V. P. littera, quodam immenso gaudio perfusi fuimus atque sumus, in tanto ut alacritas scriptorum vestrorum nobis mentis nostrae turbationem ex toto subrepperit, & nos prae dolore collapsos restituit ex eo, cum sentiamus vos huius periculosissimae dissolutioni totis velle reniti viribus, atque ad ejus concilii stabilimentum perquirere remedia opportuna. Et credimus indubie, quod scripta nostra, quae super illo vobis mentis nostrae turbationem, jam vos certos reddiderint de diligentia & sollicitudine nostra, quam impendimus & sollicitudine nostra, quam impendimus & impensuri sumus pro continuatione ipsius concilii usque ad mortem. De ea namque re styllum hic retrahimus, cum vos sufficienter prius informatos sentiamus; avasantes vos, quod iterum solemnes nostros oratores, praelatos & nobiles ad sanctitatis suae conspectum promotos fecimus super re ipsa, & eorum vestigia illico subsequenter. Dispositi autem xx. die proximi mensis februarii abhinc nos levare, directo tramite iter nostrum versus Urbem & ad sanctitatem suam directuri, apud quam, ut speramus, utique tantum faciemus, prout expedit; quamquam arbitremur sanctitatem suam remediaturam ad prima scripta nostra, super quibus responsum quotidie praestolamur. Praeterea ad desideria vestra scribimus fratribus nostris catholicis regibus & aliis, praecipue Almanniae principibus & praelatis, ac illustri duci Guillelmo, etiam trina feratissima nostra scripta venient. Insuper incontinenti oratores filii nostri ducis Mediolani ad ipsum concilium, & multi Lombardiae episcopi & praelati, qui jam ad iter sunt accincti, & ad reges Hispaniae omnes notabiles nuncios nostros transmisimus, & dum ambassata vestra quam missuri estis, ut scribitis, ad nos applicuerit, ipsam gratissime audiemus, & juxta ipsius consilia sedula mente intendemus ad singula quae ipsis necessaria videbuntur. Rogamus ergo & requirimus, hortamurque P. V. in Domino nostro Jesu Christo, cujus res agitur, quatenus in constanti vestro proposito, quod Spiritus sanctus cordibus vestris infudit, velitis firmiter perseverare, & agere ea continue quae sunt pro bono ecclesiae sanctae Dei, certissimam habentes fiduciam, quod nos vobis & sacro concilio assitemus fideliter extremas usque ad vires, nec ab hoc voto nostro retrahere nos poterit nec debet quicumque rerum eventus. Speramus quod sanctitas domini nostri papae, auditis nostris persuasionibus & avasamentis sibi missis, similiter faciet, & tanto amplius quanto concilium persentiet esse intrepidum, quemadmodum V. P. in brevi, dante Domino, clarius describemus. Datum Placentiae, die ultima Januarii, regnorum nostrorum anno Hungariae, &c. XLV. Romanorum XXII. Bohemiae XII.

Sigismundus Dei gratia Romanorum rex  
temper augustus, ac Hungariae, Bohemiae, &c. rex

## EPISTOLA

Ducis Mediolanensis, ad concilium  
Basileense.

*Monitos de proximo suorum episcoporum adventu hortatur, ut dissolutioni concilii non assentiantur.*

**S**acro sanctae generali synodo Basileensi in Spiritu sancto legitime congregatae. 1b. p. 62.

Reverendissimi in Christo patres & domini, quidquid agimus & acturi sumus pro sacro Basileensi concilio, ex debito fidei nostrae procedit, neque proinde nobis habenda sunt gratiae. Teneatur quisque catholicus princeps, tenemur & nos jure merito ita facere, & eo amplius quo majorem principatum Deus omnipotens pro sua pietate concessit.

Continebant, ut scribitis, praecedentes nostrae litterae missuros nos esse oratores nostros, & insuper territorii nostri praelatos, ac daturos alia quaeque praesidia. Eadem mens, idemque animus nobis est, erique per singulos dies melior. Et postquam litteras hujusmodi vobis dedimus, omnis cura & diligentia versata est in accelerandis ipsis oratoribus ac praelatis: & ita factum est, ut jam omnes in procinctu veniendi sint, statimque habitis litteris vestris, magis atque magis acceleravimus iter eorum, & certi quidem reddimur, quod in brevissimo spatio illic eos vobiscum habebitis, reverendissimum scilicet in Christo patrem dominum B. (a) sanctae Mediolanensis ecclesiae archiepiscopum, primum inter praelatos Italicae nationis, quo nullum digniorem, nullum praestantior habemus, & cum eo duos insignes ac singulares viros. Id ergo vobis data persuadere potestis, ut nihil certius habeatis. Sed cum res ipsa satis exigua sit ad quam tenemur ex debito, sicut diximus; cogitate vos ipsi quibus possumus modis aliter juvare concilium, quia non deficiemus in aliquo. Agitur de causa fidei periclitantis, de universo Christianitatis statu perturbato, de moribus reformandis, de pace fidelium, quibus in rebus non ea tantum quae scimus & possumus, sed ipsam animam debemus omnes exponere. Commendabile igitur est, & iudicio nostro sanctissimum propositum quod habetis continuandi ac firmandi concilii, non assentiendi quarentibus illud solvere & differre. Et nos quidem hoc propositum vestrum apud serenissimum principem & dominum nostrum dominum Romanorum regem, libenter juvare disponimus, ac una cum maiestate sua cogitare, & in effectu ponere, sicut scribitis, opportuna quaeque remedia, ut ipsum concilium diutius amplius augeatur, & in rebus catholicis ac divinis meliores continuo successus obtrineat, in quo nihil dubitamus Deum ipsum adiutorem habere. Certi etiam quod praestanda.

(a) Bartholomaeum a Johan. XXIII. creatum an. 1414. & a Martino V. in conc. Constant. confirmatum.

ANNO CHRISTI 1432. libatus dominus rex pro devotione & religionis ejus maxima eidem concilio favoribus & juvaminibus suis semper affluet, nec aliter ipsum dissolvi parietur, cum maxime certificatus sit, quod nec potest, nec debet dissolvi de jure. Prosequamini igitur & vos dictum concilium bonis animis, neque rem tantæ sanctitatis ac divinitatis destitueris ullatenus, sicut nec vos destituros asseritis, intendendo principaliter, ut officium vestrum est, ad hæresim extirpandam, ad honestatem & bonum ecclesiæ, ad reformandos pravos mores, & ad pacem populi Christiani. Quæ si diligenter & bene feceritis, æternam vobis gloriam comparabit. Datum Mediolani die 1. februarii MCCXXXII.

Philippus Maria Angelus, dux Mediolani, &c. Papæ Angliæ comes ac Januæ dominus.

## EPISTOLA SIGISMUNDI

Regis Romanorum, ad sacrum concilium.

*Scribit se nullum a summo pontifice accepisse responsum.*

1b. p. 63.

**R**everendissimo in Christo patri domino J. cardinali S. Angeli prædilecti, venerabilibusque patribus in sacro concilio, &c.

Reverendissimi in Christo patres, amici carissimi, ac græte & sincere nobis dilecti. Omni die & de hora ad horam scripta nostra & nuncios ad sanctitatem domini nostri papæ iteramus, & juxta exigentiam tantæ rei nedum opportune, verum etiam importune pulsamus, ut famam dissolutionis sacri Basileensis concilii omnino velit spoliare, & ad continuationem ipsius paternis impertiri favores, & non habendo responsum in admirationem vehementem perducimur, quam causa adesse possit. Sed advitati quoddam sanctitas domini nostri circumdata exivit aliquibus hominibus, ea quæ sua non Christi sunt querentibus, timemus multum quod fortassis nedum nostræ & vestræ, sed & aliorum pro concilio instantium litterarum taliter supprimantur. Et pro eo honorabilem magistrum Johannem de Monte canonicum Leodientem, sacre pagine magistrum, domini nostri papæ cubicularium, qui jam de curia ad propria erat iturus, arrestavimus, ipsumque constrinximus, quia est homo magnæ scientiæ, bonæ audacitatis & singularis domesticitatis, cum eadem sanctitate, ut ipse eidem sanctitati facta detegat ut se habent; qui incontinenti rediturus est ad eandem sanctitatem. Nec pro hoc omitemus, quin perseveranter semper cum labimur apud sanctitatem monita nostra. Velitis ergo, amici carissimi, vos constanter tenere & agere, diligenter ea quæ agenda sunt pro bono ecclesiæ, quoniam nos taliter instabimus apud sanctitatem domini nostri, quod ipse utique propositum suum, ut indubie speramus, in melius commutabit. Audivimus etiam quod

oratores vestri Jacobus de Sirck & Thomas Fiene officialis Parisiensis, quos misistis, assecutis aliquibus officiis in Romana curia, inibi demorentur. Et hæc vobis pro avisa mento intimanda duximus, ac oratores vestros solemnes, quos misisti, ut scribitis, eo magis acceleretis. Datum Placentiæ die VII. februarii MCCCCXXXII.

Sigismundus Dei gratia Romanorum rex, Romanorum imperator electus.

## EPISTOLA

Ducis Mediolanensis, ad concilium Basileense.

*Laudat patrum zelum erga concilium, et utque vos facit de proximo adventu prelatorum suorum.*

**S**acro sanctæ generali Basileensi synodo in Spiritu sancto legitime congregatæ, & universalem ecclesiam representanti.

Reverendissimi in Christo patres & domini præstantissimi, non minori gaudio litteras vestras vidimus, quam vos ipsi audieritis, quæ venerabilis orator noster dominus Franciscus de la Couce retulit nostri prætere. Insinuant enim litteræ ipsæ nobis firmam & irrevocabilem dispositionem, quam habetis persistendi in illo sacro concilio ardentem prætere affectionem vestram omnia diligenter curandi & agendi, quæ possint in amplitudinem ejus tendere: quæ res ita nobis grata & acceptata est, ut nihil gratius, nihil acceptius audire possimus. Nam: quemadmodum ad præstandos ipsi concilio quoscunque favores dispositissimi sumus, ut certe debemus, cum agatur de fide catholica & bono quorumcumque fidelium; ita juvat intelligere, quod idem animus eademque dispositio vobis sit, in quorum manibus præcipue consistat ipsius concilii firmamentum. Precamur igitur & supplices exoramus omnipotentem Dominum nostrum, ut hoc sanctum propositum vestrum pro sua clementia confirmare ac stabilire dignetur, & pro amplitudine illius benedicti concilii manus porrigat. Hortamur etiam ex abundanti vos, ut continuo sitis ad incrementa ipsius concilii promtiores, & quandoquidem nihil est, in quo magis Deo placere & fidei prodesse possitis, omne vestrum studium, omnem curam, omnemque diligentiam huic sancto operi apponatis. Nos enim oratores nostros ac prælatos nostri territorii acceleramus; ut requiritis, quantum possumus, jamque aliqui ex eis se commiserunt itineri, & ceteri usquequaque sequuntur, brevique vobiscum illic eos omnes habebitis. Si quid autem est aliud, quod apud serenissimum dominum nostrum regem, aut alibi pro ipso concilio benefacere valeamus, id continuo faciemus, & ad hæc fidei præsidia pariter & ad alias divinas res in concilio illo tractandas, nos continuo promtiores habebitis. Neque pluribus modo agimus, cum jam satis bonam dispositionem nostram tam verbo quam litteris percipere debueritis, et magis quidem optata.

1b. p. 64.

ANNO CHRISTI 1432.



ANNO  
CHRISTI  
1432.

tamus affectionem nostram vobis effectibus  
ipsis ostendere. Datum Mediolani, die XIV.  
februarii 1432.

Philippus-Maria Angelus dux Mediola-  
ni, &c. papæ Angliæque comes,  
ac Januæ dominus.

QUARTA LITTERA

Regis Romanorum, ad concilium.

*Scritbit se novos ad papam misisse nuncios, a  
quo brevi responsum expectat.*

Ib. p. 65.

**R**everendissimi in Christo patribus & do-  
minis, sacrosanctæ generali Basileensi  
synodo, &c.

Reverendissimi in Christo patres, amici  
carissimi, græte et sincere nobis dilecti. Post-  
quam litteras vestrarum paternitatum habe-  
remus per præsentium gerulum, ut ea-  
rum effectum nobis placibilem revolveremus,  
attigerunt maiestatem nostram venerabiles  
viri oratores vestri, per vos ad dominum  
nostrum papam transmissi, quibus audientiam  
amplam gratissime dedimus, et ipsorum le-  
gationem quam nobis tam prudenter quam  
elegantem differuerunt, lætanter audivimus,  
commendantes ea quæ sanctitati domini no-  
stri nunciatis. Sunt enim magna & veritati  
evangelicæ consona: sed quia tam vestra  
scripta, quam etiam oratorum vestrorum  
propositio nos hortantur, ut scribere veli-  
mus regibus principibus, prælati, univer-  
sitatibus, et aliis, ut ad sacrum concilium  
confluant: ecce mittimus vobis hic annexas  
litteras tales quas juxta libitum destinetis;  
et si quæ non sunt, sciatis nosmet illas su-  
per hujusmodi materia transmississe. Minus  
enim jam dudum præcipue ad omnes reges  
Hispaniæ strenuum militem nostrum Hugo-  
nem de Villafranca, et aliis hinc inde scri-  
psimus juxta desideria vestra, nec deficie-  
mus in aliquo quod conferre poterit ad pro-  
secutionem hujus sanctæ conciliaris congre-  
gationis, in quo præsidium et salus tota chri-  
stianorum apostolicum ambassiatores nostri so-  
lemnes, videlicet nobilis baro regni nostri  
Bohemiæ Jo. de Rozemberg, ac honorabiles  
Benedictus Albarienis præpositus, et magi-  
ster Nicolaus Seok decretorum doctor, qui  
urgentiissime sanctitatem suam super factis sa-  
cri concilii debent requirere, et eidem san-  
ctitati aperte referre, quod maiestas nostra  
intendit penitus eidem concilio adherere  
utque ad mortem, et nos quoque ipsorum  
vestigia subsequemur illico, ad dandam ope-  
ram ipsi concilio, cui revera rebus qualiter-  
cumque succedentibus hic magis accommo-  
di esse poterimus ad obviandum adverfan-  
cium conatibus callidis, et aliis quidem va-  
riis respectibus, quam in medio vestri existen-  
tes. Ubicumque enim sumus, nihil aliud agi-  
mus nec acturi sumus, quam id quod con-  
cernit prosecutionem sacri concilii, et bonum  
ac commodum ecclesiæ sanctæ Dei: inten-  
dentes ad hoc summopere, et sperantes quod  
dispositis rebus ad laudem Dei, ad vos quan-  
to citius revertemur, ob quas res V. P. obte-

stamur, requirimus, et monemus per vice-  
ra misericordiæ Dei nostri, quatenus firmi  
in loco concilii persistatis, intendentes ea  
quæ sunt pro ecclesiæ sanctæ Dei; et quic-  
quid nos facturos voveritis, nobis frequen-  
ter scribite. Insuper oratores illustris filii  
nostri ducis Mediolanensis jam sunt in pun-  
cto, et prælati Lombardiæ omni die proce-  
dunt, sic quod omnipotens Deus per suam  
clementiam rem suam quæ agitur prospere  
felicitat, et succedent jugiter in dies me-  
liora.

Præterea, amici carissimi, dum hæc no-  
stra concluderetur, supervenit nobis scrip-  
tura nobilis Ulrici de Rozemberg baronis  
Bohemiæ Pontis; et fidelissimi nobis, conti-  
nens de gestis Bohemorum, quid inter eos  
faciant, et quid partes illæ intendant. Cu-  
jus scripturæ et aliarum rerum copias mi-  
simus illustri consanguineo, nostro carissimo  
duci Willelmo, sacri concilii Basileensis pro-  
tectori, vestris paternitatibus nostro nomine  
presentandas, ex quibus nobis spes bona præ-  
betur de reductione ipsorum. Sed quia ista  
fama dissolutionis sacri concilii, si ad Bohe-  
morum veniret notitiam, multa mala pos-  
set efficere, rogamus V. P. ut incontinenti  
ipsis Bohemis velitis scribere, et eis insinua-  
re quod sacrum concilium sit stabilium, et  
firmiter permanens, et litteras vestras E-  
grenses nostri dum habuerint, incontinenti  
Pragam transmittent; quoniam illo audito,  
ipsi non desistent intendere ad missionem,  
quemadmodum hæc fama, si attingeret eos,  
faceret dissolutos. Et nos quoque scribimus  
præfato domino de Rozemberg, ut et nostri  
parte eos hoc modo confortet. Omnia quo-  
que illa incontinenti domino nostro papæ  
transmissimus, ut videat quantum scandalum  
accreveret in his Bohemorum et aliis re-  
bus, si concilium, quod ablit, effectum suo  
deberet frustrari. Et ultimo avisati sumus  
hodie, qualiter dominus noster papa domi-  
num Servandum Lucensem episcopum, ab-  
batem S. Justiniæ de Padua, et quemdam ne-  
potem domini cardinalis de Comite, ad nos  
miserit, qui infra dies IV. apud nos, ut fer-  
tur, debent constitui. Quibus auditis, vobis  
qualque res curabimus, quanto citius intima-  
re: recommendantes vestris paternitatibus ne-  
gotia Christianissimi in Domino nostro Jesu  
Christo. Datum Placentiæ die XX. februa-  
rii regnorum anno Hungariæ, etc. XLV.  
Romanorum XXII. et Bohemiæ XII.

Sigismundus Dei gratia Romanorum rex  
semper augustus, et Hungariæ ac Bo-  
hemiæ &c. rex.

ANNO  
CHRISTI  
1432.

## EPISTOLA AMEDEI

Ducis Sabaudiae, ad concilium Basileense.

*Suum patribus promittit auxilium, cer-  
tosque eos facit de proximo suorum  
episcoporum adventu.*

1b. p. 67.

**R**everendissimis reverendisque in Christo patribus ac ceteris venerabilibus viris, sacrosanctum generale concilium Basileense celebrantibus, amicis meis praestantissimis.

Reverendissimi reverendique patres & amici praestantissimi, litteras vestras per dilectos fideles consiliarios magistrum Philibertum de Rupe licentiatum in legibus, procuratorem meum in Romana curia, & dominum Petrum de Gillarens baccalaureum in decretis, canonicum Augustensem; alias etiam vestras litteras per egregium militem & doctorem dominum Baptistam Cigala regiae majestatis consiliarium subsequenter ad me eventum mihi exhibitas acceptabiliter recepi, ipsorumque credentiam separatim vestri parte per eos mihi eleganter expositam audivi, regram de honorabilibus oblationibus, deque aliis ingentibus affectibus, quibus erga me vestrarum spes mentium afficitur. Et quia, prout nostis, semper ad omne quod posset bono pro optimo exquiri concilii sacri & consummationis ejusdem hucusque me pro viribus exposui: ita & indubie, Deo auxiliante, geminatis affectibus, juvenina toto conatu quae possibilia mihi fuerint praestabo, cum honestum licitumque nec Deo gratum videatur dari posse repugnantiamurbationemque operi tam sancto tamque divino atque laudando, in quo de fidei opere, haereseum extirpatione, ac ecclesiae militantis reformatione tractatur, deque sedanda principum guerra tam durissima adhuc regnante laboratur, prohi dolor! unde per unumquemque debet requiri quod extirpare & haec sedare gratia possitis, prout affectatis, Spiritus sancti. Praeterea super exhortatione illustrium & magnificorum principum, parentum, vicinorum & benivolorum meorum per vos a me fieri postulata, id faciam ubi conveniens mihi videbitur. Et propterea destino in praesenti dictum procuratorem ad illustrissimum principem dominum ducem Burgundiae nepotem meum carissimum, de praemissis eundem informatum, ad ipsumque inducendum & exhortandum ad summum bonum auxiliumque & consolationem tam necessariae concilii hujusmodi celebrationis, ex qua inenarrabilia subsequutura sunt. Qui magister Philibertus, obtento ab ipso illustrissimo nepote meo responso, ex directo ad vos redibit, ejusdem responsum vobis relaturus. Quoad id, quod in dictis litteris vestris describitur, videlicet quod in via ad sacrum concilium eundi sunt reverendi patres, Tharentasiensis archiepiscopus compater noster, Maurianensis & Bellacenensis episcopus, consilarii mei carissimi, quorum eventum per actus suos si nondum sensitis, hoc fuit non ad tardandum eorum illuc adventum, causa aegritudinis ipsius Maurianensis episcopi, quem solum relinque-

re noluerunt. Tamen nisi jam illuc sit, sicut spero quod sint, denuo litteris meis & credentialiter in personam dicti domini Petri de Gillarens ipsos ad vos ire festino, prout idem dominus Petrus vobis latius referare poterit. Insuper, sicut nostis, dominus meus Romanorum rex auctor est & principalis operis hujus protector, in quo pendet id totum, per quod hujus sacri concilii consummatio potest subsequi. Igitur frequenter advertatis & sollicitetis quod ipse qui habet posse, velle demonstrat per effectum. Scriptum Thononii, die XXV. februarii.

Amedeus dux Sabaudiae, Chablaysii & Augustae princeps, marchio in Italia, comes Pedemontium & Gebennensis, Valentinenis, & Dienis.

EPISTOLA PHILIPPI  
DUCIS BURGUNDIAE

Ad concilium Basileense.

*Gratias agit quod libertati Petri de  
Vaudrey & restitutioni pecuniae per  
ducis Austriae fautores inter-  
ceptae operam impenderit.*

**S**acrosanctae generali Basileensi synodo concilium generale facienti, ecclesiamque militantem representanti.

Reverendi patres ac venerabiles & praecelari, receptis jocundanter vestris gloriosis apicibus audivimus, quae vestri parte nobis eloquenter narraverunt egregii oratores vestri, magister Johannes Pulcri-patris, in sacra pagina, & Henricus Nitardus in jure canonico doctores eximii, super quibus eisdem, ut materiae congruit, acceleratum dedimus vitae vocis responsum, vestris reverentis nostri parte referendis, offerentes ecclesiasticae commoditati sacrique concilii beneplacito semper obsequium possibile. Praeterea, reverendi patres ac venerabiles & praecelari, vobis gratiamur pro viribus ex intimis, quoniam ad liberationem dilecti & fidelis servitoris nostri & Pincernae Petri de Vaudrey domicelli, ac certae pecuniae apud Brisac per ducis Austriae Friderici fautores arrestatae vestra bonitas generose laboravit, eandemque bonitatem sinceris affectibus deprecamur, quatenus coepris suis laudabilibus insistendo, velit operam efficacem impendere, ut totalis hujus rei expeditio subsequatur quam brevius, & in dicendis super hoc nostri parte oratoribus praefatis adhibere plenam fidem. Reverendi patres ac venerabiles ac praecelari, bonorum cunctorum largitor vestro coetui assistat, & infundat gratiam uberrimam. Scriptum in villa nostra Divionensi XXVI. die Februarii.

Philippus dux Burgundiae, Brabantiae, & Lingburgiae, comes Flandriae, Arthesii, Burgundiae, Namurci, &c.

LIBERTI.

PRO.

ANNO  
CHRISTI  
1432.

1b. p. 68.



ANNO  
CHRISTI  
1432.

PROPOSITIO FACTA PER EPISCOPUM

*Lausensem coram domino nostro papa  
ex parte concilii Basileensis.*

1b. p. 69.

**B**Eatissime pater, antequam aliqua ex parte nos mittentium dicamus, Deum testamur, & ejus sanctos, quod quicquid dixuri sumus, de mente eorum & nostra procedit ex sincero & bono corde, & ex zelo honoris divini, fidei orthodoxæ, universalis boni totius populi Christiani, & honoris vestræ sanctitatis & sedis apostolicæ, & pro introductione assumendorum assumo thema materiæ nostræ congruum ex sanctis litteris, quod scribitur originaliter Jeremiæ 31. transumit per Matthæum evangelistam 2. cap. sui evangelii, videlicet *vox in Rama audita est, ploratus & ululatus, &c.* Rama quæ secundum B. Jeronymum excelsa interpretatur, Dei ecclesiam significat, quam nunc sacrum concilium generale Basileense, auctoritate apostolica in Spiritu sancto legitime congregatum, repræsentant. Quid enim excelsus esse potest, quam sancta mater ecclesia, cujus fundamenta secundum David sita sunt in montibus sanctis? Profecto excelsum & sublime culmen est, cujus fundamenta sunt in montibus. Equidem tam altus est vertex ecclesiæ sanctæ Dei, ut non solum cælum ipsum attingat, sed etiam transcendat, & usque ad latus Domini Jesu Christi se extollat, unde sanguis ille preciosissimus prodit, ex quo fundata est pariter & fecundata atque ornata secundum illud *Plantavit ecclesiam sanguine suo*, & illud *Apocalypsis 1. Qui dilexit nos & lavit a peccatis nostris in sanguine*. Hæc est profecto illa sancta Jerusalem, quam in Spiritu sancto prophetico vidit Johannes evangelista de coelo descendentem Apoc. 21. In Roma igitur, id est in sancta matre ecclesia, vel sacro ipsam repræsentante concilio audita est vox ploratus & ululatus, tantus stupor & admiratio, tam vehemens dolor & cruciatus, ut profecto nunquam diebus nostris auditus est similis: non aliter quam si quædam pia & dulcissima mater unicum haberet filium, qui ad mortem ægrota- ret, pro cuius vita & salute procuranda omni diligentia & sollicitudine medicum peritissimum advocaret, advocatum pater pueri de domo expelleret, & pueri ac filii sui salutem impediret. O quantæ amaritudinis pia mater ploraret & ulularet, videns tam propinquam sui unici & dilectissimi filii, quem propriis oculis lacrymabiliter intueretur, nullo alio sibi remanente, per eum qui causa suæ salutis esse debuerat impediri. Magnus profecto dolor matri inesse debuerat ex vicina morte filii; major si e propinquum & immediatum auferetur remedium; & maximus, quia ab eo qui pari humanitatis officio & affectu debebat curæ pueri insistere, ruminans illud David prophete *Quoniam si inimicus meus maledixisset mihi &c.* Tristabatur quidem mater de periculosa morte filii, sed certam spem & consolationem accipiebat de peritæ medici; firmiter credebat sponsum suum pa-

**A**trem pueri medico occurrere, ipsum salutaribus monitis exhortabatur, dulcissimis colloquiis, honoribus, & muneribus ad salutem pueri procurandam inclinare. Sed ecce spes in desperationem, consolatio in amaritudinem conversa est, & unde vita sperabatur, inde mors sequuta est. Sponsus in inimicum, pater in filicidam est muratus. O muratio, sed non dextræ excelsi.

**2.** Sed numquid S. V. advertit, quorsum dicta ista? Numquid considerat quæ est ista mater flens, qui filius, qui pater, qui denique medicus, aut quæ extialis infirmitas? Nonne mater sancta & apostolica atque catholica ecclesia dicitur? Nonne filius quicquid fidelis in utero sanctæ matris ecclesiæ fide & caritate conceptus, ac ex aqua & Spiritu sancto regeneratus, communione sacrorum nutritus, & angelorum atque celestium pane refectus, pastus, & satiatus. Quis vero secundum hanc corruptibilem vitam & mortalem, sponsus ecclesiæ & pater omnium Christi fidelium dicitur, nisi vicarius Christi summus pontifex, quem Christus relinquens in terris loco sui ducem, patrem & pastorem omnium ovium suarum instituit & esse voluit dicens Joh. ultimo ter replicans: *Petro amas me? pascere oves meas?* Quis denique medicus sapiens atque peritissimus, curans omnem infirmitatem & omnem languorem sanctæ matris ecclesiæ filiorum, nisi sacrosanctum generale concilium, quod a Spiritu sancto regitur, dirigitur & agitur, & per quod solite sanari omnes ægitudines & vulnera fidelium, sanitas conservari, fortitudo & vires roborari, decor & pulchritudo augeri? Sacrorum enim conciliorum est & hæc causa celebrationis ipsorum, videlicet autorizatio scripturarum, explicatio fidei, extirpatio hæresum, ordinatio cleri, ritus & usus sacrorum, dispositio totius reipublicæ Christianæ, debita & convenientis ac moderata regulatio & gubernatio, denique expulsio vitiorum, reformatio morum, sublatio schismatum, & incredulorum reductio, pacificatio populorum, ab infidelibus defensio, bonorum exaltatio, depressio malorum, & quicquid boni, quicquid virtutis, quicquid pulchritudinis aut decoris est aut esse potest in tota ecclesia & reipublica Christianorum ab iis aut sumis originem, aut confirmationem, aut perfectionem.

**3.** Horum auctoritatem præsentia & assistentia Spiritus sancti confirmat, & nisi ita credatur, omnino auctoritas ecclesiæ vacillabit. Si enim ubicumque duo vel tres in nomine Christi fuerint congregati, ibi in medio eorum, se Christus adesse fatetur. Quanto magis si in nomine Christi ecclesia congregatur, assistit spiritus paracliticus, docens ipsam omnem veritatem, & non sinens eam deficere aut errare in his quæ necessaria sunt ad salutem? Horum excellentiam sacer apostolorum senatus corroborat, qui in paucis temporis spatio tria Jerusalem celebraverit concilia, in primo Mathiam eligentes, in secundo diaconos septem statuentes, in tertio circuncisionis & ceremoniarum Moisaicæ legis cessationem indicentes, & in quarto, cui Paulus in Epheso præfuit, multitudo episcoporum regimen ecclesiæ ordi-

ANNO  
CHRISTI  
1432.

dinavit; quibus & Paulus ait: *Attendite vobis & universo gregi.* Horum auctoritatem sancti doctores mira devotione venerantur, & veluti quatuor sacra evangelia statuta & decreta quatuor principalium conciliorum a SS. papa Gregorio acceptantur & venerantur.

4. Sacra igitur synodus prædicta sedula & devota mente considerans, quanta sit generalium conciliorum auctoritas, quanta utilitas, & ex ipsorum frequenti celebratione quantus fructus sequatur in ecclesia, & neglectus ipsorum quantum dampnum inferat, statuit & decrevit per capitulum hæcquans, ut a modo sacra generalia concilia in ecclesia frequententur. Præfato igitur decreto felicis recordationis Martinus papa V. post assumptionem suam in Constantia, volens satisfacere, sacro præfato concilio Constantiensis approbante, elegit Papiam pro loco concilii in quinquagesimum celebrandi. Quod & ibidem celebrari extitit inchoatum, & postmodum Senis continuatum & completum, in quo similiter juxta præfati Constantiensis decreti tenorem, pro loco concilii in septennium celebrandi fuit electa civitas Basileensis, in qua pro præfati sacrum extat concilium legitime congregatum, legitime, inquam, tum ratione auctoritatis, tum ratione temporis, tum ratione loci, tum etiam ratione causæ & necessitatis. Ratione quidem auctoritatis, quia sacrorum conciliorum Constantiensis & Senensis auctoritate, felicis recordationis Martini papæ V. & triplici confirmatione V. S. Ratione temporis, quia in fine septennii, secundum statuta Constantiensis & Senensis conciliorum. Ratione loci, locus Basileensis est electus & deputatus, per concilium Senense rite & legitime, secundum tenorem decreti Constantiensis, fuit ratificatus per Martinum V. & tandem tripliciter confirmatus per S. V. Et demum ratione necessitatis, quia propter reformationem morum, extirpationem hæresium, utriusque status ecclesiæ pacificationem regnorum & totius populi Christiani. Secundum quæ attenditur multiplex infirmitas filiorum ecclesiæ, scilicet Christi fidelium, quæ eos vexat tam vehementer & graviter, ut ipsos ad synopam; immo ad mortem, nisi eis succurratur & celeriter protrahat & perducatur.

5. Quam periculosa enim sit infirmitas hæresis Hussitarum quis ignorat? quam lethali veneno fideles inficiat, quam subtiliter serpat, quam crudeliter vulneret, in quantum exterminium totius populi Christiani, & subversionem fidei catholicæ invigilet & laboret, quis non advertat? Hi enim omnium sceleratissimi, non una contenti hæresi, omnium fere prædecessorum in unum hæreses conflaverunt, sacras ædes & divina templa destruerunt, Domini nostri Jesu Christi & suæ gloriose matris ceterorumque sanctarum & sanctarum sacras ac venerabiles imagines confingunt, altaria dirimunt, sacramenta & præcipue divine Eucharistiæ, in quo verum corpus Domini nostri Jesu Christi & pretiosissimus sanguis, quo redempti sumus, & tota divinitas continentur, prophanis pedibus prosternunt; & quod abhorrendum est, non solum dictu, sed etiam co-

Concilior. Supplem. Tom. IV.

gicatu, in sanguine oculorum sacerdotum polluant & conculcant, aliasque inexcogitatas injurias illi gloriosissimo sacramento ingerunt pariter & irrident. Insuper quantas crudelitates & inhumanitates in ministros & sacerdotes Domini exercent, cum humane aures audire expavescent, commodius putavi tacendo pertransire, quam horrorem piis auribus ingerere audierim: quot enim ministrorum Dei oculis, naso, lingua, auribus, naribus, digitis privaverunt? quot lapidibus obruerunt? quot fluminibus submerserunt? quot igne & flammis cremaverunt? Quot variis & innumeris cruciatibus peremerunt, porius dies deficeret, quam lugubris narratio. Et licet omnem statum catholicorum, impugnent, omnem sexum persequantur, omnem humanam politiam per civilitatem subvertant, tamen clericali & sacerdotali carattere insignitos truculentius persequuntur, & quanto meliores sunt, tanto crudelius in ipsos seviunt, non distinguentes gradum neque statum, sive Carthusienses fuerint, sive alii monachi, sive alias qualitercumque regulariter viventes. Quid autem sandimonialibus & Deo dicatis virginibus faciant, existimare poterit, quisquis ad mentem reduxerit quid in Eucharistiam attentare non verentur. Multa essent de hac miserabili hæresi dicenda, si tempus pateretur, quæ tam subtiliter & modo quodam imperceptibili mentes fidelium, elero nihilominus ex deformata vita occasionem præstante, inficit & pervertit, ut vix est, maxime simplicium, qui se ab ea valeat custodire, nisi celeriter & sine mora occurratur, in veritatis factum est de statu ecclesiæ & fide catholica.

6. Sunt etiam aliæ hereses in populo Christiano, multæ superstitiones, & contra religionem Christianam innumera observantia, quibus miserabiles animæ, quia non eis succurritur per pastores, perierunt & damnantur. Est & alia infirmitas generalis totum populum Christianum exterminans, & pene ad desolationem ultimam deducens, & ad exitiale exterminium, videlicet guerra universa regna Christianorum populorum, depopulans & extinguens. Ecce christianissimum regnum Francorum guerris & seditionibus pene extinctum remanet: & nondum finis. Regnum etiam Angliæ, licet ab infra guerram non patiatur, nihilominus quotidie nobilibus & bonis spoliatur. Quis enim enumerare potest multitudinem nobilium & aliorum armatorum hominum de Anglia, qui in his guerris in Francia remanserunt? Denique tota Italia fremit in armis; Germania tam intrinseco, quam etiam Bohemorum gladio vastatur. Inter Poloniam, Lituaniam et Prussiam crudelissima parantur bella, nisi e vicino apponatur remedium, per quarum partium d'india caritatis facilis pateret ingressus. In promptu sunt Hispaniarum regna ad consigendum, et Hungariæ ac Cypri regna cotidianis Turcorum & aliorum infidelium patent insulibus. Et, ut singula complectar, vix in Christianitate patria aut civitas est, quæ non aliqua ex parvi status intus vel exterius perturbetur.

7. Est & alia infirmitas filiorum, quæ cau-

R fa



ANNO  
CHRISTI  
1432.

sa est omnium malorum prædictorum, videlicet difformitas status utriusque populi Christiani, & specialiter clericorum, quorum luxus & pompa atque avaritia occasionaliter omnes hæreses inducit, gueras procurat, iram Dei provocat, in odium cleri populos concitat, & malo ipsorum exemplo universum laicalem populum corrumpunt, ac per hoc merentur, ut in utroque Dei ira atque vindicta deficiat, nunc guerris, nunc pestilentis, nunc terræ motibus, aliisque innumeris modis, quibus divina iustitia novis punire delinquentes: quæ præcipue infirmitas nisi per Spiritum sanctum curetur, per reformationem, quam sacrum intendit facere concilium, impossibilis est extirpatio hæresum & pacificatio regnorum: quia manente causa, semper inanebit effectus; & ut dixit propheta: *Non est pax impiis, dicit Dominus.*

8. Advertitne igitur S. V. pater beatissimus, quæ est hæc mater tam miserabiliter flens & ululans? quia sancta & Catholica ecclesia. Quis filius ejus dilectissimus? quia quisque fidelis. Quis sponsus? quia summus pontifex, seu S. V. Quis medicus? quia generale concilium; cui Spiritus sanctus præsidet. Quæ vero infirmitas? quia hæreses multiplices, guerræ, & deformitates, quibus filii ecclesiæ multipliciter infirmantur pene usque ad mortem. Si igitur matres illæ, a quarum uberibus Herodes rex impius filios necando abstraxit, magnum ploratum dederunt in Rama & ululatum, multo utique majores nunc ecclesiæ dat gemitus, videns filios ad mortem infirmari, & medicum sibi subtrahi, qui pro salute nostrorum jam venerat, domumque non aliunde, sed per odium & scientie patre atque sponso, immo consentiente & volente atque mandante, intraverat. Quod sacrum Basileense concilium legitima auctoritate, & te patre sanctissimo volente & mandante, inchoatum est & firmatum, consolata siquidem paulo ante fuerat sancta mater ecclesiæ, videns sacrum generale concilium congregari. Sperabat & tenebat indubie per illud posse filiorum suorum salutem inveniri, nec aliud remedium tam efficax videbatur. Postquam enim hæc fama concilii per orbem diffusa est, magni & parvi, & omnis sexus, omnisque status ineffabilem suscepit lætiam, expectans tot infirmitatibus & pestiferis morbis salubriter provideri. Jam orationes & obsecrationes per singulas ecclesias fiebant, jejunia erant indicta, elemosynæ erogabantur; jubilabat orbis, & quasi novus sol in mundo ortus esse videbatur. Incipiebat pia mater ecclesiæ lugubria deponere, vestes nuptiales induere, quia filios suos quasi mortuos videbat resuscitare. Sed heu! heu! ecce jam gaudium in plandum vertitur, & cythara in luctum. Ecce eclipsatur sol, & tenebræ apparent super universam terram. Ecce prolatus & ululatus magnus. Sperabamus pacem, & ecce turbatio. Sperabamus salutem, & ecce mors. Jam igitur deponere potest ecclesiæ vestes lætitiæ quas sumerat, & recipere lugubria: quoniam quidem filii sui, qui resuscitari videbantur, iterum moriuntur: & tanto magis ingemiscere potest, quanto per

sponsam suam patrem filiorum, si verum sit, quod pene impossibile existimat, talia procurentur. Heu! cur non consideratur tanta infirmitas, quæ undique ecclesiæ Dei vexat & usque ad mortem deducit? Qui ista non credunt; audiant quæ & quanta mala & pericula ex hujusmodi dissolutione sequantur.

9. In primis impediretur vel retardaretur extirpatio hæresum, & præcipue Bohemicæ, quæ quantum sit periculosa & crudelis, quanta mala faciat in Christianitatem, quam subtiliter versat & interficiat fideles; in quanto periculo sit tota Almania, et Anglia et ceteræ his circumvicinæ partes, profecto inexplicabilia & inenarrabilia mala sunt hæc, quibus nisi cito & indilate occurratur, fides, status ecclesiasticus, status principum et nobilium, & universa politia Christiana ultimo et exitiali exponuntur discrimini. Item, quoniam nullo conventientiori modo, ut videtur, potest prædicta hæresis extirpari, tum propter assistentiam Spiritus sancti, qui est director conciliorum tam in consiliis quam in agendis, tum propter generalem subventionem, quæ commodè imponi non potest, sine omnium generali consensu, ut patet per decretum Constantiense, et patuit tempore Martini, cui multæ regiones et nationes contradixerunt, et noluerunt, prout ipse volebat, subvenire; nec est spes aliunde, atque tanta infirmitate et guerris, quas passa est in principio sui pontificatus: attentis etiam guerris et divisionibus totius Christianitatis. Item, impediretur et prorogaretur reformatio morum, quod cederet in maximam offensam Dei, maximam damnationem animarum, et in maximum periculum status ecclesiastici, qui nisi reformetur, dato quod nunquam esset hæresis Bohemica, propter difformitatem vitæ suæ clerus est in maximo et propinquo status sui periculo, præsertim in Almania. Item, hoc cederet in maximam depressionem et vilipensionem auctoritatis et libertatis ecclesiasticæ: quia principes sæculares quanto plus viderent nos differre reformationem nostram, tanto plus nos haberent contentui; et si usque nunc modicam habuerunt devotionem ad nos, contemserunt auctoritatem, vilipenderunt censuras et processus, depresserunt libertates et jurisdictiones ecclesiasticas; jam profecto totali contentui, vilipendio et ludibrio atque prædæ exponeremur universi. Item, retardatio hujus concilii aut dissolutio, quod ad componendam pacem in toto populo Christiano est congregatum, esset fovere guerras et inimicitias, quæ ubique pene per totam Christianitatem crudelissime deficiunt, ut patet in regno Franciæ, et Angliæ, Almanniæ, Poloniæ, Italiæ, et vix in tota christianitate est patria, quæ non labore intus et extra guerris et divisionibus in maximum exterminium fidei, et totius populi christiani; ex quo sequeretur maxima indignatio regum et principum, et etiam populorum contra clerum, videndo se desereri et quasi sperni a clero, quasi non esset ei cura de exterminio ipsorum, et de desolatione populi Christiani. Item, retardatio hæc aut dissolutio cederet in maximam de-

ANNO  
CHRISTI  
1432.

operationem et tristitiam totius populi Christiani, qui jam maximum gaudium et spem conceperat ex congregatione hujus sacri concilii, in quo tot et tanta bona audiunt et perciperunt debere procurari, cujusmodi sunt extirpationis hæresum, reformatio morum, et pacificatio populi Christiani.

10. Item, ex hoc adversarij fidei majorem assumerent audaciam, et facilius inficerent et impugnarent fideles. Timent enim nunc hanc sanctam congregationem, et multum dolent de ea, ut patet ex libellis famosis, quibus eam nituntur denigrari apud fideles. Item, plures principes, communitates, civitates et militares post turpem recessum et fugam exercitus fidelium a Bohemia in tractatibus cum Hussitis pro treugis, quæ jam in maximum præjudicium fidei fuissent conclusæ, nisi spe hujus concilii subnixi oculos ad ipsum habuissent, quo sublato aut dissoluto sine fructu, sine dilatione cum eis cogerentur facere treugas, quemadmodum et plures civitates fecerunt, ut Pluza, Egra et aliæ quam plurimæ dietim faciunt in maximum præjudicium fidei et cleri. Item, ex hac prerogatione tollitur spes cujuscumque alterius concilii celebrandi, attentis modis qui fuerunt in Papia et Senis, et qui tenentur, nunc, et considerato loco in quo ad annum cum dimidio esset celebrandum, qui locus annuus et incessantes pestilentias patitur, populus satis infestus dominio ecclesiastico, et de facili ad rumores et seditiones mobilis. Necdum finis est guerrarum Italianæ, et ita dissoluto concilio sine fructu et cum scandalis innumeris, nulla spes remaneret de quocunque futuro concilio in maximum damnum, immo totalem desolationem et destructionem fidei, quæ per concilia conservatur, et populi Christiani. Item, prædicta prorogatio cederet in maximam denigrationem famæ S. V. quæ usque nunc apud universos Christianos semper fuit habita sine macula et ruga; in maximum vituperium curiæ Romanæ, de qua confirmabitur opinio, quod ab ea procedant omnia mala et deformitates, et etiam in maximum damnum et intolerabile rotius ecclesiæ.

11. Supplicamus igitur, pater beatissime, ac per viscera misericordiæ Dei nostri, cujus res agitur, devotissime obsecramus, quatenus matri tam pie fienti & ululanti compati, filioque tam graviter ægotanti succurrere ac taliter providere dignetur S. V. quod istud sacrum generale concilium ad extirpationem hæresum, reformationem morum, ac pacificationem populorum Christianorum specialiter, ut præfertur, congregatum, suum habeat votivum & felicem progressum ad laudem & gloriam omnipotentis Dei, conservationem fidei orthodoxæ, utilitatem ecclesiæ, & honorem vestræ sanctitatis, quam felicem & incolumem sponsæ suæ diutius tueri dignetur omnipotens ipse, qui vivit & regnat per infinita sæcula sæculorum. Amen. Amen.

## LITTERA

Missa consulis civitatis Augustensis.

*Concilium a civitate Augustensi auxilium & favorem petit.*

S Acrosancta synodus Basileensis, &c. honorabilibus viris, consulis, juratis civitatis Augustensis, salutem & omnipotentis Dei benedictionem.

Honorabiles viri, satis divulgatum esse apud vos & omnium Christianorum religionem existimamus, sacram hanc synodum in hac civitate Basileæ congregatam existere, pro rebus ecclesiæ & omnium fidelium bene gerendis, pro veprium hæreticarum eradicatione, morum deformium in cunctis statibus emendatione, proque cladum bellicarum, a quibus omnimoda calamitas exoriri noscitur, sedatione; quibus nihil dignius & fidelibus salubrius afferri valet. Hæc quippe arduissima cunctos Christianorum status concernentia, non nisi per generalia concilia a Spiritu sancto directæ optime perfici possunt. Quamobrem si quis zelum Dei in corde gerat, si quis salutem animarum atque commune omnium bonum quærat, sacrum hoc concilium dignificare, favoris, ejusque sacris determinationibus adherere, C auxilium, consilium, & omnimodum famulatum præstare debet & tenetur, & quicquid eidem obvium, impeditivum, repugnans, aut præjudiciale cognoverit, hoc possit amovere & tollere, amoveri & auferri viribus totis procurare. Vos itaque pro Dei honore & fidei Catholicæ illibatione, atque pro omnium salute obsecramus, per viscera misericordiæ Dei nostri, quatenus si quid impeditivum celebrationis & felicitis successus hujus sacri concilii agnoveritis, quantocius viis omnibus rationi & juri consonis repellere curetis, firmam ejusdem determinationibus adhesionem præbere, & favoribus omnibus velitis prosequi generosis. Et si quas ejusdem præjudiciales litteras, cartas, membranas inveneritis, a quocunque fuerint emanatæ, mox & indilate ad nostram sacram congregationem non omitteris transmittere. Pro quibus omnibus explicandis & latius informandis, venerabilem virum magistrum Henricum Nitard decretorum doctorem ad vos præsentialiter destinamus, cujus reatibus in præmissis velitis fidem credulam propensius adhibere. Hæc & alia prosperis successibus hujus sacre synodi deservientia peragentes, altissimo Patri, cujus res hic agitur, gratum obsequium, toti Christianitati celebre patrocinium, nobisque singulare solatium exhibebitis, necnon vestri consularum gloriose complebitis officium, sempiternum quoque promeremini præmium, quod vobis concedat, in cujus hic nomine convenimus, Spiritus sanctus.

Datum Basileæ, &c.



ANNO  
CHRISTI  
1432.

## EPISTOLA

Concilii Basileensis ad Bohemos.

*Hortatur eos ad unionem & ut libere accedant ad concilium, promisso eis salvo conductu.*

1b. p. 78.

**S**acrofancta generalis Basileensis synodus, &c. universis & singulis sacerdotibus, nobilibus, consulibus, clientibus, ceterisque regni Bohemie incolis, concordiam, unionem, caritatem, & pacem in Christo Jesu domino nostro.

Dum eminentissimam Redemptoris nostri dilectionem, qua pro nostra salute non dubitavit manibus tradi nocentium, & ignominiosæ mortis subire tormentum, qui & præcepit nobis alterum alterius onera portare, & mutuam ante omnia caritatem habere, attentius consideramus; cum maxima cordium nostrorum amaritudine vestram a nobis conspicimus dissensionem. Quamobrem ex intimis affectionibus cupimus tam gravem & noxiam divisionem ad concordiam revocare, ut omnium nostrum sub uno pastore Christo, quemadmodum paulo ante fuerat, sit eadem credulitas & caritativa dilectio, & ejusdem spiritualibus pabulis in caulis refici mereamur dominicis, prout latius ex epistola nostra, a vobis reverenter, ut certificati sumus, recepta, lucide potuistis cognoscere, quod & confirmaverunt oratores nostri Nurembergæ existentes, suis litteris vestris discretionibus noviter transmissis, ex quibus grandem mutæ unionis spem concepimus. Testificamur enim coram Deo magnam tristitiam & dolorem assiduam cordibus nostris inesse de tam diuturna & merito deservenda divisione. Super omnia autem pacem, concordiam, & in credendis salubrem unionem ex intimis affectionibus desideramus, quantum Deus annuerit, perficere, nec ab hac sacra synodali congregatione, quovismodo intendimus discedere, donec omnia nobis possibilia pro votiva & optata nostrum ad invicem unionem peregerimus, in Domino sperantes, qui præsto adest invocantibus se in veritate, quique neminem vult perire, sed omnes viam veritatis agnoscere; quod priorum intercessionibus exortus, & diligentis humanis ad hoc ut deest adhibitis, Spiritus sancti illustrati gratia mutam concordiam & affectuosissime hujusmodi desideratam unionem consequemur. In hoc autem amplius confidimus, quod potentissima medicina talibus dissensionibus subvenire solita parata est, sacra scilicet præfens synodus, cujus director est ipse Spiritus sanctus, eam deficere aut quoquomodo deviare non permittens, in his præsertim quæ salutem animarum concernunt; neque enim potuit quin Christi oratio, qua Patrem exoravit, ut ecclesiæ fides non deficeret, non fuerit exaudita. Est itaque certa regula, indeficiens mensura cunctos fideles rectissime regulans, quæ credenda aut agenda sint saluberrime demonstrans. Adhortamur igitur vos in visceribus Christi, & in salute quam a iusto iudice Christo speratis, quatenus om-

nes vestros conatus ad tam sanctum & divinum concordie & unionis opus apponentes, viros timoratos in lege Christi exercitatos, communem salutem, non particularia commoda affectantes, de quibus alias vobis scripsimus, ad hoc sacrum placeat quantocius destinare concilium, quibus plenam & omnimodam securitatem accedendi, standi, & redeundi promissis & non fictis animis dabimus, atque apud quoscumque fuerit necessarium aut opportunum procurare non omittemus, nec in aliquo deficiemus, quantum vires nostræ suppetent, tam salutiferæ & Deo gratæ operationi. Super salvis conductibus scribimus illustrissimis principibus dominis Alberto Austriae & Jo. Bavarie ducibus, marchioni Brandeburgensi, & nobili baroni Ulrico de Rozenbergh, ac consulibus Nurembergenfibus & Aegrenfibus, nec non ambassiatoribus nostris in locis vobis vicinis persistentibus. Accingimini itaque sacro fidei baptismate insigniti, operas vestras efficaces apponere ad regni vestri cum ceteris firmam pacem, concordiam & unionem. Tædeat vos, quæsumus, cladium bellicarum, & hinc inde tantorum flagitiorum perpetratorum, ac totis viribus communem animorum & corporum salutem effectualiter procurare satagite. In his siquidem, Deo auctore, vobis coassistemus fideles cooperatores. Hoc tamen quantocius fieri rogitamus, quatenus morum omnium statuum emendationi, prout inchoavimus, latius & efficacius intendere valeamus ad honorem Dei & suæ immaculatæ sponsæ ecclesiæ. Pax autem Christi exuperans omnem sensum, custodiat corda vestra & intelligentias vestras, qui ad divitias gloriæ & agnitionem suæ veritatis vos perducere dignetur. Datum Basileæ sub sigillo reverendi in Christo patris domini episcopi Constantiensis provincie Rothomagensis, quo utrimque præfenti, die mensis Martii MCCCCXXXII.

## LITTERA

Missâ concilio per ambassiatores ejusdem existentes in Nuremberga pro factâ Bohemorum.

*Extat apud Labb. tom. 17. conc. pag. 779.*

## QUINTA LITTERA

Regis Romanorum,

Missâ concilio Basileensi.

*De dispositione curiæ Romanæ & Bohemorum erga concilium.*

**R**euerendissimis in Christo patribus & dominis, &c.  
Reuerendissimi in Christo patres, amici carissimi, ac venerabiles, grati & sincere dilecti. Recolimus V. P. alias bene scripsisse, qualiter præfatorum effemus ad nos venturos oratores domini nostri papæ, videlicet venerabilem Servandum Lucensem episcopum,

ANNO  
CHRISTI  
1432.

1b. p. 80.

pum, abbatem S. Jostinæ Paduensis, & Albertum de Comite. Itaque habuimus noviter bullam suæ sanctitatis, in qua scribit eos illico venturos esse, quos quotidie præstolamur. Insuper ambassiatores quos ad suam sanctitatem transmisimus, septimana ista indubie cum sanctitate sua erunt. Sed venerandi patres, quemadmodum advisamur, tunc in curia Romana non multum advertuntur nostra, & vestra, aliorumque prælatorum & principum consilia. Immo concilium istud sacrum quasi pro nihilo ducitur. Quamvis modo informatissimus, quod nonnulli cardinales & magna pars Romane curiæ ad concilium continuandum se deflectant, & quotidie plures attrahuntur, & quasi omnes inclinabuntur, si viderint P. V. stare velle fixos: quoniam multi adversantium sperant de recessu V. P. Omnipotens Deus sic aliorum corda inspiret, ut cognoscant imminentia pericula Christianorum, & eis provideant uti speramus. Præterea miseramus novissime ad suam sanctitatem quemdam magistrum Jo. de Monte canonicum Leodiensem, qui de Romana curia veniens, propositi erat eundi ad patriam. Et hoc ideo fecimus, quia idem magister Jo. nobis multum commendabatur, & quod haberet audaciam & domesticitatem magnam loqui sanctitati domini nostri, ad informandum quoque eam de his omnibus, quæ per alios ad notitiam suæ sanctitatis forsitan non admitterentur, & sic sibi expensas sufficientes donavimus: sperantes quod per operam suam multa bona deberent fieri. Qui omnes grate suscepit, & se dixit omnem velle diligentiam adhibere. Et dum venisset Florentiam, tactus quodam metu, & oblitus suscepti oneris, quod pro Deo & nobis subivit, non fuit ausus Romam usque procedere, sed legationem nostram sibi impositam, quæ secretissima erat & soli papæ dicenda, ad aliquos cardinales & certos suos amicos descripsit, petendo consilium, an cum tali legatione Romam posset intrare. Qui sibi rescripserunt, quod nequaquam cum tali ambassata venire deberet, & quod mirarentur qualiter se de talibus rebus contra dominum apostolicum se intrromittere auderet, sique intraret, timerent da incarceratione ipsius. Ipse autem magister Jo. acquiescens consilio adversantium, plus curans obedientiam mundi quam Dei, mox retrocessit & ad patriam remeavit, rescribendo ea, quæ sic gesta erant. Nos itaque, qui de fraude nedom in nobis, verum etiam in sacro commissa concilio, molesti sumus, quemadmodum concedet, angimus quod idem Jo. nos in reditu suo non accessit, quoniam illa absentatio nobis suspitionem incurrit: rogantes P. V. ut rem illam velitis sumere menti, & desuper ita cogitare, ut amplius talia per ipsum seu alios non contingant in fraudem & negligentiam rerum tantarum. Denique notificamus vobis, qualiter præfens familiaris noster dilectus Jo. Honynget noviter de Bohemia veniens nobis retulit, qualiter ipse cum certis hæreticis qui pro eo miserant, sit locutus: qui sibi dixerunt qualiter audissent famam dissolutionis concilii, quam moleste ferebant, quoniam ipsi utique dispositi essent se unire, pro mittendo ad il-

lud, rogantes eum, ut nos vellet hortari, quod illud concilium manuteneremus, quemadmodum ipse V. P. clarius dicere poterit, sique ipsum remittimus ad confortandum eos de continuatione concilii, & hortandum ut ad illud omnimode mittant. Ob quam rem quemadmodum V. P. per prius persuasimus, ita nunc nobis utile videtur, & sic petimus, ut eisdem Bohemis velitis scribere, eosque adhortari, ut indubii sint de sacro concilio, & quod ad illud suos utique oratores mittant. Et ipse familiaris noster illas litteras, si vobis videbitur, secum bene deferat, præsentaturus easdem. Et ultimo obsecramus & petimus V. P. quatenus lati & fortes existentes, constanter & animose tractare velitis ea, quæ concernunt bonum ecclesiæ sanctæ Dei. Scientes quod vos in his relinquere non intendimus, quemadmodum sæpenumero scripsimus, usque ad mortem, bonam habendo fiduciam, quod sanctitas domini nostri papæ aliter providebit. Et quidquid ex nostris de Roma habuerimus, mox V. P. intimabimus, rogantes ut nos de vestris successibus, utinam votiis, velitis pro singulari solatio avifare. Datum Placentiæ, die v. martii, regnorum nostrorum Hungariæ, &c. XLV. Romanorum XXII. & Bohemiæ XII.

Sigismundus Dei gratia Romanorum rex semper augustus, ac Hungariæ, Bohemiæ, &c. rex.

## LITTERA SEXTA

Regis Romanorum, missa concilio.

*Certos facit patres de sua constanti usque ad mortem adhesionem ad concilium, omnemque eorum ea de re remouet dubitationem.*

Reverendissimis ac venerabilibus in Christo patribus & dominis &c. sito patribus & dominis &c. Reverendissimi in Christo patres, &c. hodie a Boletariis, qui pro illustri filio nostro duce Mediolanensi in hoc loco agunt, recepimus unam V. P. epistolam, geminas in se partes continentem; unam consolatoriam, ubi dicitis quod ad res in sacro concilio conceptas & feliciter peragendas nistibus totis incumbitis: aliam vero admiratione commixtam, quando subiungitis vos intellexisse quod aliquæ notabiles personæ nos sunt breviter accessuræ, ad seducendum nos a bono proposito, utque hæc attenuata dissolutio progressum habeat, & requiritis nos quatenus in nostro concepto & ardentissimo zelo perseverare velimus, cum aliis inductionibus & persuasionibus perornatis, quæ in ipsa V. P. littera comitis continentur, &c. Præpoſterando ergo responsionis nostræ feriem, admiratione vehementi perducimur, quis vobis talia suggerat, & de nobis spem tam debilem vobis præſtet. Deberent enim præterita V. P. merito dare fiduciam de futuris, ut quid laboris & oneris pro sacro Constantiensi concilio pertulerimus, adhuc ad laudem Dei humeris nostris audeamus im-



ANNO  
CHRISTO  
1432.

ponere. Tractari enim debebat ibi de unione ecclesie, extirpatione hæresum, & reformatione morum. Unio, Deo volente, & nostra opera & fatiga accedente, subsecuta est; cetera vero sunt pro derelictis habita, & quamvis instantissime pro morum reformatione tunc instaremus, fuimus tamen per omnes nationes deserti, & sic res infecta defluxit, ex qua revera negligentia hucusque tantæ calamitates in ecclesia Dei subortæ sunt, quas totus Christianismus ad plenum desistere non sufficit. Doluimus nunc de prætermissione huiusmodi agendorum, & usque hunc diem cor nostrum a doloribus sustinere nequivimus, quousque almus cordium inspirator hanc suam nimium laceratam ecclesiam per hoc sacrum concilium Basileense dignatus est invisere, & tantis malis per suam misericordiam finem imponere, prout in clementia sua speramus. Hæc fuit & est semper nostra consolatio, hæc summa spes, ut hunc diem videre possemus, in qua neglecta sacri Constantiensis concilii compleverit, alia quoque provisio fieret in populo Christiano, & super eo V. P. & sacro concilio favores & promotiones nostras semper obtulimus, & in effectu ultroneo animo id quod requisivistis perfecimus, ac vobis usque ad mortem nos asserturos polliciti sumus, prout in re ipsa erga dominum nostrum papam & alios quoscumque usque modo offendimus, & in antea constantissime ostensuri sumus. Quomodo ergo titubatio hæc corda vestra obrepere potuit, ut de nobis qui in rebus fidei jugiter, ne id nobis trahamus ad gloriam, inconcussi perstitimus, dubium conciperetis? Si ex hesitatione & timore proprio hoc vobis evenit; non occurrerunt vobis tunc forsitan in præteritis rebus nostra approbata & semper duratura constantia, soliditasque. Si vero per aliquos vobis foret suggestum, hos non amicos, sed honoris & fidei nostræ detractores censere possemus. Invident nostro bono proposito, & fortassis gauderent, si immisso in cordibus vestris dubietatis fermento constantiam vestram possent corrumpere, & per hoc illas ipsas sacri concilii res fraudulentè confundere. Quas ob res V. P. attente requirimus & hortamur in Domino nostro Jesu Christo, cujus res agitur, quatenus huiusmodi vaniloquis inante non velitis aures apponere, sed de constantia nostra solidaque & intemerata fiduciam firmam concipere. Sumus enim dispositi, & sic affirmamus & dicimus, prout plerumque & scripsimus & dicimus, velle jugiter adhærere V. P. & sacro Basileensi concilio, cum plus debeamus obedire Deo quam mundo. Sic pro Deo & ecclesia sua quæcumque incommoda erunt nobis dulcissima. Onus enim suum leve esse sacre testantur scripturæ, & ab illo proposito nos quicumque & quorumcumque potentum huius sæculi amovere non poterit seu debet suggestio. Et ut clarius vobiscum loquamur, non suffecerunt nuncii scripta & aviscamenta, quæ domino nostro papæ & dominis cardinalibus tam crebro in illa conciliâ materia misimus: immo per oratores nostros qui modo sunt in suæ sanctitatis præsentia, sibi dici fecimus aperte,

A quod si sua sanctitas deliberaverit in hac dissolutione persistere, & non continuare sacrum concilium, quod imperialem coronam nostram nequaquam velimus de manibus suis suscipere. Videte, reverendissimi patres, quid refugimus, quid dimittere dispositi sumus pro manutentia & favore huius concilii, si dominus noster papa in dissolutione perseverare voluerit. Nulla enim mundialis dignitas nos unquam, Deo concedente, ita seducet, ut pro ipsa amittere debeamus ea quæ æterna conferunt; & sic conclusivè redeundo ad primam nostrarum harum apicum particulam, rogamus, obtestamur, & obsecramus V. P. iterum atque iterum, ut res ceptas quas directione Sancti Spiritus assidue geritis, pro Deo & ecclesia sua sancta habeatis commissas, sic operando, ut ex sollicitudine vestra fructus bonus succedat. Et quicquid nos & ubicumque corpore & rebus ad id conferre poterimus, ita facturi sumus. Unum tamen præterire nolumus, immo aviscatos vos reddimus, quod præsentia nostra his in partibus huic concilio est summe necessaria, & eam utiliore iudicamus rebus hinc inde pensatis, quam si in medio vestri essemus. Rursum oratores domini nostri papæ sunt in proximo venturi, quibus auditis, & vos aviscabimus de quibusvis rebus propositis & responsis: assensurantes vos denuo, quod nullus penitus a ferventissimo nostro erga sacrum concilium, & perfectio zelo nos unquam avertet, & oramus, ut dominus Jesus Christus in solida constantia & salubri perseverantia corroboret corda vestra. Datum Placentiæ, die xvi. mensis martii, anno MCCCCXXXII.

Sigismundus Dei gratia Romanorum rex, &c.

#### ISTA FUIT AMBASSIATA

Serenissimi & invictissimi principis & domini domini Sigismundi Romanorum, Hungariæ, Bobemiæ, Dalmatiæ, Croatia, &c. regis, qua oratores dictæ majestatis, videlicet magnificus dominus Jo. de Rosenberg \* re- \* al. R. R. gni Bobemiæ baro & venerabiles Benedictus semberg præpositus ecclesie B. Mariae Albe-regalis, sedis apostolicæ protonotarius, & Nicolaus Scolæ decretorum doctor, per organum dicti doctoris coram domino nostro summo pontifice Eugenio papa IV. & etiam in audientia publica XVII. mensis martii anno Domini MCCCCXXXII. præmissa brevissima collatione, proposuerunt, &c.

1. B. Beatissime pater, serenissimus & invictissimus princeps, dominus noster Romanorum, Hungariæ, Bobemiæ, Dalmatiæ, Croatia, &c. rex gloriosissimus & semper augustus, filius S. V. devotissimus, recepit quasdam bullas V. S. cum ea, qua decuit reverentia, de manibus nuncii V. S. & contenta eorumdem nedum bene concepit, & tam lætanter quam gratanter intellexit, immo omnia et singula tenacissime menti suæ impressit. Et quia eadem bullæ magnis abundant affectibus, et continentias in se gerunt

ANNO  
CHRISTO  
1432.

ANNO  
CHRISTI  
1432.

runt tam graves, quod stylus ad plenum ad eas non sufficebat respondere, idcirco sua excelsa majestas regia misit nos oratores suos et nuncios ad V. S. praesentiam, ad respondendum vestrae beatitudini vivis relatibus super seriem dictarum bullarum, ad intentionem suae majestatis eidem beatitudini proplandum.

2. Primo namque, beatissime pater, V. S. in una bullarum commemorat, quod de adventu ejusdem majestatis ad partes Italiae eadem beatitudo laetetur: quoniam cum sua majestate cupiat colloqui, et vivis vocibus sua consilia participare super multis magnis et arduis rebus, statum universae reipublicae christianae concernentibus. Sed gratior esset S. V. suae majestatis adventus, si sentiret causam fidei prius esse defensam, et exterminatos Bohemos hereticos vel reductos, prout in dicta Nurembergensi conclusum erat. Superaddidit tamen eadem sanctitas, utcumque sit, cum eadem majestas veniet, beatitudo vestra personam suam libenter videbit et honorabit, sibi quae imperiale diadema, et quicquid aliud honeste poterit ad ornandum regiam majestatem conferet, et quantum in vestra sanctitate erit, dabit operam, ut totus mundus intelligat, nullo umquam tempore summum pontificem cum Romanorum imperatore fuisse vinculo strictiore junctum, prout verba ejusdem apostolicae bullae dulcioribus et amplioribus verbis perorant.

3. Affurgit itaque, beatissime pater, majestas regia memorati domini nostri illustrissimi V. S. quanto devotius et humiliter possit, ad omnia genera gratiarum, de tanta paternae et cordialis affectione, humanitate, gratia, et honoribus erga ipsam elementer conceptis, offerens se vice reciproca V. S. prona mente, non parcendo corpori neque rebus, sed omnem filialem devotionem, protectionem, et quarumcumque rerum exhibitionem, ut sancta mater ecclesia & V. S. aperte cognoscant, ultroneum in eo habere advocatum.

4. Alter articulus tangit causas introitus D regiae majestatis ad has partes Italiae & consequenter ad S. V.

Dico quod dominus noster excellentissimus Alacissimus contestatur, quod hunc suum ad partes Italiae fecit introitum, non ambitione dignitatum mundanarum seu potentatum, non divitiarum, non denique quaestus consuecuntque allectus cupidine, sed pure ad dandam operam & ad exponendum se totaliter pro extirpatione haereseum, incremento & felici statu fidei catholicae & reipublicae Christianae, sanctae Romanae ecclesiae, S. V. ac sacri Romani imperii, totiusque ecclesiae, quae pro dolor! ut clarum est, multis infestationibus & injuriis perturbatur, & E in pejorem conditionem prolabetur, nisi apostolica & imperiali auctoritate citius provideatur: quoniam eadem majestas nihil magis affectat quam pacem, venitque huc causa dandi eandem cum assensu V. S. toti Italiae, omnibusque illam amplecti volentibus, & non gladium mittendi, si possibile fuerit.

5. Sperat et rogat eadem regia majestas, quod vestra sanctitas, dum tempus aderit,

A taliter se exhibebit, quod lucide cognosci possit hos duos gladios in unitate consistere, et sibi mutuis respectibus et auxiliis indivisibiliter respondere, prout & majestas regia se paratissime offert facturam, & de vestra sanctitate indubiam etiam fidem gerit.

6. Quoniam indubium est et certo plus certius, quod vobis duobus tali structura & unitate & voluntate conjunctis, poteritis statum universae reipublicae Christianae taliter aptare, quod Deo succedet ex inde honor et gloria, terris, hominibusque pax et securitas, & Christianismo provisio operata et salubris.

7. Super eo autem, beatissime pater, ubi V. S. subjungit, quod gratior esset V. S. ejusdem majestatis adventus, si sentiret causam fidei primo esse defensam, etc. Dicit sua majestas, et haec meridiana clarius constat, quod pullulatio hujusmodi damnosae pestis a principio huc usque semper suae majestati molesta fuit, prout dignum erat, et quantum pro extirpatione ipsius suae majestatis fecerit, ultra omnes mundi principes, prout et sibi conveniebat, tum ex officio imperiali, tum etiam jure haereditario, mundus non ignorat. Sensit itaque illud persona sua in hiemali asperitate algoribus campizando plurimum laesa et aliis irreparabiliter corporalibus afflictis incommodis. Sentiant regna sua nobilibus ingenuis et aliis probis viris per bella, strages et gladios notabiliter desolata. Sentiant aeraria sua, quae tam in Hungaria, quam Bohemia copiose per Dei gratiam redundabant, suum totalem interitum et exhausionem finalem; sic quod nihil superesse videri potest pro tollenda hac calamitate, quod sua majestas non fecerit, et quotidie facit, utinam profuisset et proficeret. Et ut fervor suae majestatis, quoad hoc negotium fidei cunctis liquesceret, et aliquem posset suis temporibus fructum procreare, anno praeterito licet esset imbecillis corpore et aegritudine magna, ut etiam in sede ferretur prostratus, ab insultu quoque Turcarum contra regnum suum Hungariae, non benetutus, tamen Deo cuncta committendo, se ad tales partes Alamanniae duci fecit, et particulariter cum principibus et aliis crebrius habendo consilia, summam operam adhibuit pro adhibendo subsidio contra hereticos, vel cotidiana guerra instauranda: nec tamen ipsas conclusiones effectus aliquis sequutus fuit, quousque sua majestas conventionem generalem ad Nurembergam cunctis indixit, ubi decretum fuit unanimi consilio, ut exercitus potens contra ipsos hereticos mitteretur. Cui etiam reverendissimus dominus Julianus cardinalis apostolicae sedis legatus assensit, sibi quae placuit, et hinc inde peragrando etiam quantum potuit illum sollicitavit. Sua quoque majestas a loco Nurembergensi discedere noluit, licet eidem arduissima incumberent, nec etiam potuit propter suum casum praecipitem, sed constituit in capitaneum generalem illustrem dominum marchionem Brandeburgensem, faciendo sibi provisionem cum sua parata pecunia, et in Nuremberga moram continue traxit, sollicitando et mandando nedum opportune, sed importune, scriptis et nunciis.

om-

ANNO  
CHRISTI  
1432.



ANNO  
CHRISTI  
1432.

omnibus qui requirendi erant, fecitque omnes promotiones ac ammicula, quæ exercitui fidelium quoquomodo conferre poterant: et revera in fide non ficta ac secure dici potest, quod si serenitas sua tantam diligentiam non adhibuisset, exercitus ille, licet decretus esset, numquam tamen compilatus fuisset, et utinam succedentibus rebus, ut nunc, progressum non adhibuisset. Redeuntibus itaque, pater beatissime, principibus et aliis ac toto exercitu suo, quod dolenter sua refert serenitas, ex inopinata quadam ruptura, ut informata est, nullo hostili pressi timore, quamvis cum damno, prout præfatus dominus cardinalis legatus, qui singulis affuit, V. S. ut dominus noster indubius est, plene scripsit, majestas regia die altera qua ipse dominus legatus Nurembergæ applicuit, et etiam die sequenti hospitium suum intravit; & convocatis singulis tam electioribus quam aliis principibus, & his qui tunc aderant, audivit, ubi & nos per eorum præsentem fuimus, illos, recentes, successus infelices; & demum petivit dare consilia, quid in ea re amplius esset peragendum, quoniam parata esset ipsa majestas omnia sibi possibilia subire, ad remedia his periculis adhibenda; ipsi vero habito consilio, in præsentia domini legati responderunt, in eorum potestate nullam subsistere conclusionem, sed necessarium esse, ut universitas tota sacri imperii super eo convocaretur, & sic diæta iterum indicta fuit ad Francfordiam super festo S. Galli proxime elapso, & ad illam diætam majestas regia oratores suos solemnes pleno mandato fultos, & personam suam representantes, transmisit. Et nihilominus interim tam literis quam nunciis mandavit & disposuit, ut hi qui taxam gentium sibi impositam in exercitu suo non habuerunt, eandem mox ad frontieras Bohemiæ ad gentes tres menses ibidem moraturas contra hæreticos mitterent, ad ipsorum insulibus resistendum, & denique omnes & singuli essent in puncto, si ipsos hæreticos Alamanniam manu potenti, ut avifatur, invadere contingeret, ipsi ad subveniendum fidelibus tota sua potentia equestrium & pedestrium parati. Et cum pro Alamannis solis istud negotium conducere & dirigere est satis difficile, multis consideratis respectibus, et quod nedum opportunum, immo summe necessarium est, ut etiam ex aliis Christianorum finibus subsidia exquirantur, quæ sine consilio & ex auxilio V. S. & sanctæ sedis apostolicæ nullatenus poterunt excitari: Idcirco movetur majestas domini nostri prælibati ad conveniendum cum V. S. et utendum consiliis, et ammiculis ejusdem in negotiis memoratis. Sperat enim indubie ipse serenissimus dominus noster, quod existente ipso cum S. V. tales dabuntur modi et viæ, quibus hæc calamitas decenter tolli poterit e medio populi christiani. Sic habet, beatissime pater, V. S. quid majestas fecerit ad causam fidei defendendam, et quotidie facit, et facere intendit usque ad effusionem sanguinis, quoad vixerit in humanis, et ut efficacius possit, vestram est accessurus ideo sanctitatem.

8. Item, alius articulus est de pace et con-

cordia inter majestatem regiam ex una, et inter communitatem Venetorum ex alia. Similiter inter illustrem ducem Mediolanensem ex una, et inter dictam communitatem Venetorum ex alia tractanda.

9. Beatissime pater, S. V. in una bullarum dicit se statum et pacem illustris domini ducis Mediolani et totius Italiæ, ac compositionem majestatis regie cum Venetis cordi habere, et quod ipse dux Mediolanensis fuerit primus, cui V. S. post assumptionem suam obtulerit operam ad pacem suam et totius Italiæ, et quod V. S. in proximo ad hoc pium negotium intendat ad Lombardiam mittere duos S. R. E. cardinales, et postremo S. V. acceptat super controversiis inter majestatem regiam et Venetos, quas olim in Constantia promotione vestra disposita erat componere cupidissime, manum mediatricem apponere: quoniam in pace illa videt vestra sanctitas multa et innumera bona christiane fidei in regno suo Hungariæ aliisque locis provenitura. Et quando suæ majestati videretur, mitteret super eo oratores suos pleno mandato fultos, in qua pacis promotione cognosceret, qualiter alia affectione disposita, vos esse communem omnium fidelium patrem, et non minus sui honoris et status, quam propriæ vestræ patriæ, zelatorem.

10. Non dubitamus, quin V. S. sciat tractatum pacis habendum, ubi, et per quem, inter dictum ducem et dictam communitatem.

Beatissime pater, majestas domini nostri regratiatur beatitudini vestræ, nedum de tam bona et affectuosa V. S. erga majestatem regiam et negotia illa dispositione, verum etiam de tam clementi et paterna oblatione.

11. Et dixit, quod pax cum omnibus Christianis fidelibus, præsertim cum Venetis suæ majestati semper et summo cordi fuit, immo nedum illam affectavit, sed etiam, prout notum est, semper quæsit, et indubie scit, quod non solum sacro imperio et regno suo Hungariæ, sed et toti christianitati exinde commoditas multa proveniret, et multa mala evitarentur, nec tamen illam hæc usque apprehendere potuit, licet in omnibus quæ cum Deo et honore fuissent, omni tempore libenter quievisset: sed ipsi Veneti cum suis adherentibus jura sacri imperii et regni sui Hungariæ retroactis temporibus contra Deum et justitiam usurparunt, et adhuc de præsentem in deterius usurpare conantur. Nihilominus tamen eadem majestas, ut in ipsa nihil videatur deficere, cupidissima est, V. S. quam in minoribus constitutam Constantiæ inter eum et Venetos mediatricem habere desideravit, etiam hodie suscipere ultra omnes mundi dominos, pro compositione et æquitatis ac justitiæ directione. Et si promotionem a V. S. desideravit, dum esset in minoribus, quanto magis in summo aplice constituto. Itaque S. V. rogat majestatem præfata, ut V. S. in singulis sit indifferens, æqualis, et communis pater, non affectus ad partes, sed ad solam justitiam, quam V. S. ex officio vicarius tota mente et anima fovere, prosequi, et manutenere debet: quoniam majestas ipsa inclinata est ad om-

ANN  
CHRIST  
1432.

ANNO  
CHRISTI  
1432.

ANNO  
CHRISTI  
1432.

omnia licita et honesta se desistere.

12. Addendo quod si S. V. videatur eamdem majestatem aliquo modo a ratione discedere, gratissime vult per S. V. informari, et inclinari ad ea quæ cum Deo et honore facere potest.

Confidens de V. S. quod si Veneti et eorum colligati propriæ voluntati inniti velent, et a licitis et honestis declinare, eadem V. S. eis non dabit favorem, prout multi S. V. aperte dicunt fecisse et facere, quamvis majestas regia hoc minime credat: sed eos efficaciter informabit, et ducet ad ea quæ sunt licita et honesta, amplectendo justitiam et jura imperii, et verbo et opere eadem manutenendo; quemadmodum majestas regalis promptissime vice versa parata est et offert se facturum in rebus S. R. E. & V. S. Et jure merito hoc debet fieri, quia Christus hos duos gladios ex eo in terris constituit, ut sibi mutuis respectibus respondeant, et ad sublevandum jura utriusque et omnium Christi fidelium semper in unitate concurrant, prout etiam sunt de hoc litteræ apud regiam majestatem, Constantiæ propriis manibus omnium reverendissimorum dominorum cardinalium et V. S. dum eadem in minoribus erat constituta, subscriptæ, in quibus jurant et promittunt sub fide, etiam sacro imperio et majestati regie in suis juribus assistere, et eadem manutenere, quemadmodum et sua majestas tamquam fidelis advocatus ecclesiæ erga ipsos et ecclesiam, reciproca vice, fecit, et etiam in effectu huc usque se talem monstravit, et in futurum semper facturum est.

13. Est ultimus articulus qui de sacro concilio Basileensi, per Spiritum-sanctum decretis conciliorum Constantiensis et Senensis, atque auctoritate Marrini felicitis recordationis prædecessoris V. S. et ejusdem V. S. approbatione et mandato congregatum, cujus dissolutionem V. S. in certis bullis majestati prædictæ insinuavit, causas inferendo.

14. Inter cetera suam majestatem exhortando, quod cum ipse esset ille qui ultra omnes mundi principes fidem defendere, et fidelium pacem, et statum ecclesiæ, et conservationem sedis apostolicæ et V. S. deberet procurare, si aliqua avasamenta ad hæc facientia excogitasset, vel excogitaturus esset, V. S. per suos oratores vellet commuicare.

15. Nunc, nunc, beatissime pater, tempus adest, et sua majestas requisitione V. S. permota, et etiam devotione sincera induta, quam ad bonum ecclesiæ et statum universæ reipublicæ gerit, per nos oratores avasamenta vestre sanctitati in scriptis pauco tempore per equitorem suæ majestatis missa, et ea quæ expetit excogitavit, vestrae sanctitati exponit.

16. Et primo faceret quod ille sit ille, qui ex dignitate regali et ex officio advocatiæ adstrictus sit ad superius expressata. Propterea sincero corde, rubore deposito, aperte dicit, quod nihil sanctius, nullum salubrius in his rebus humanis excogitari possit præsidium, quo navicula Petri se ab extremis horridisque fluctibus jam undique insulstantibus, et fides queat tueri, nequam labes

Concilior. Supplem. Tom. IV.

heretica sopiri, pax Christi fidelibus institui, mores Christianorum in præstantius reformari, status ecclesiæ et conservatio auctoritatis sedis apostolicæ et V. S. procurari, quam per continuationem sacri concilii Basileensis: cum utique multifaria bona ex conciliorum celebratione, et multa mala ex eorum prorogatione leguntur exorta.

17. Et primo sua majestas respondet ad causas insertas bullæ dissolutionis, dicens quod causa Græcorum nullatenus sufficere potest ad dissolutionem dicti sacri concilii, quamvis bene esset res sancta et multum opabilis ipsos Græcos reductos videre; nec est præmittendum suo tempore ad dicta intendere modis convenientibus per regiam majestatem personaliter V. S. exponendis.

18. Sed non poterit nec debet ipsa reductio Græcorum, quæ tot centenis annis sic perstitit, et dubiosa quidem est, rebus tam periculosis quoquo modo præponi, quia utique res illa moram pati potest, quæ huc usque tanto tempore perduravit sine laceratione Romanæ ecclesiæ; cum utique hæc hæresis pestifera Bohemorum præ omnibus est eradicaanda, quæ quasi in corde Christi antit. die ac nocte, hieme et æstate, igne, et gladio, truncando, nec parcendo sexui vel ætati, tamquam morbus contagiosus serpere non desistit.

19. Nec est credendum Græcos ad ritum Romanæ ecclesiæ reduci, videntes supposita ejusdem Romanæ ecclesiæ in tanta strage, dissentione atque morum deformitate, nec aliquam correctionem adhibere; sed de die in diem in pejora corruiere, et ritum nostrum ac obedientiam Christicolarum quasi penitus extinguui, possent omnino veridice dicere.

Turpe est doctori cum culpa redargui ipsum.

Sed si viderent ea esse composita et reformatæ, atque intendere ad reformationem hæresum et pacem fidelium, profecto facilius flecti possent.

20. Asiæ enim causæ dissolutionis cessant, cum earum cessat effectus. Nam treugæ factæ sunt inter illustres Burgundiæ et Austriæ duces. Hiems transit, nec aliqua hæresis circa dictum locum concilii pululat; quicumque enim V. S. hanc causam inferi consuevit, utique dictas partes non probavit, nec opus est ad alias causas respondere, cum et ratio cujlibet his satisfacere potest.

21. Etiam, beatissime pater, sciat S. V. quod sacrum concilium misit regie majestati certas litteras ipsis Hussitis pro reductione ipsorum eos vocando dirigendas. Mox istas sua majestas cum suis litteris adhortatoris ipsis direxit: quibus a Pragensibus lætenter receptis, et coram omnibus qui tunc aderant publice lectis, iidem dixerunt sine tractatu cum aliis habendo non posse ad hoc respondere, propter quod necessario habebant dictam cum aliis ibidem pro dando responso celebrare.

22. Et quemadmodum a quibusdam majestas regia est avasata, speratur quod dicti hæretici ad concilium mittant, ducti etiam timore, ex eo quod audiunt concilium potest



tissime pro exstirpatione haeresum fore congregatum, et verisimiliter etiam tanto magis ad hoc stringuntur, quanto jam in regno Hungariae conficti sunt, et magnam partem sui exercitus equestrium et pedestrium, ac bellicorum instrumentorum et curruum perdiderunt, et etiam per illustrem Albertum ducem Austriaeestate praeterita in Moravia potenter depressi, ac novissime in ducatu suo per eundem sunt prostrati.

23. Quibus haereticis comparentibus, spectat majestas regia eosdem per sacrum concilium ita informari, quod recedent, et contenti redibunt, et ita haec pestis, Deo dante, cessabit.

24. Et in casu quo nihil proficeret, videns sacrum concilium ipsorum pertinaciam, de remedio opportuno ex omnibus regnorum finibus ferventius pro eorum suppressione provideret, quoniam hoc opus conducere solis Alamannis, est difficile et importabile.

25. Et si concilium a loco Basileensi, qui est deputatus haereticis, mutaretur, quibus etiam majestas regia ad dictum locum veniendi obtulit cum certis principibus secularibus, et propinquiores eis principes tam spirituales, quam seculares, promiserunt Hussitis, quod eos velint in propriis personis, ad dictum concilii locum conducere; quid aliud dicent sentientes concilii dissolutionem, aut ejus mutationem, nisi quod ecclesia fugerit eos, et quodammodo succubuit contra eorum rationes? Et quia ipsi suos errores in articulis promiscue cum sacra scriptura ad diversas mundi partes ad seducendum populum fidelem miserunt, magis ac magis totum populum Germaniae mortali contagione inficiendi colorem haberent, qui populus postremo ecclesiam Romanam in fide ficta consistere, et dictos haereticos vera sentire dicere possent.

26. Et revera ipsi haeretici sub anno cum dimidio in prorogatione concilii, quasi totam Germaniam, si de remedio opportuno medio tempore non provideretur, capere possent, prout in magna parte fecerunt. Et cum laici clericis in certis partibus Almanniae oppido sint infesti, caperent in longum occasionem irruendi in eos, dicentes, in congregandis et dissolvendis conciliis sine fructu illusiones fieri, prout, prius etiam factum est; et manifeste clamant, quod non expectant nisi finem hujus sacri concilii.

27. Et ut principium hujus mali ostendatur, ipsa civitas metropolitana Magdeburgensis, expulso suo archiepiscopo cum clero, jam per terras ipsius ecclesiae in fortitudine curruum, more Hussitarum, vagatur, et ei incipiunt adherere plures maritimae civitates in dictis partibus. Et, ut famatur, in dioecesi Wormaciensi multa millia laicorum fuerunt congregati, et in obsidione civitatem Wormaciensem ad certum tempus tenuerunt, postulantes tradere manibus eorum presbyteros et Judaeos trucidandos, per quos multa scandala in mundum venisse clamabant.

28. Item, civitas Pataviensis castra sui dioecesi parata est expugnare.

29. Et civitas Bambergensis propter certa privilegia eidem per regiam majestatem ad

fortius dictis haereticis, resistendum gratiose concessa, cum clero incipit discordare.

30. Et iterum, prohi dolor! nova haeresis in quadam valle nobili in dioecesi Curienfi de die in diem incipit pullulare, quae gladio & igne omnes vicinos et extraneos adherere compellit.

31. Item, ipsum concilium pro ponenda pace, pro qua inter cetera congregatum existit, jam inter quamplures reges, principes, civitates, et alios, plura apparamenta et initia fecit ad dandum modos pro pace, et cum aliquae ob reverentiam sacri concilii, certae vero propter ejus timorem, tardius bella movent; aliquae vero propinquiores, ad inductionem dicti sacri concilii treugas cum dictis Hussitis mire recusant, omnem spem suae liberationis post dissolutionem exercitus in solum concilium ponentes, et cum praedicta loca, quasi omnia praestatis haereticis sint vicina, sentientes dissolutionem dicti concilii, aliquae convertunt se ad gladium; propinquiores vero Hussitis stupefacti, ad redimendas vexationes, ne cum corporibus, pueris et uxoribus, omnibusque suis rebus perirent, treugas cum Hussitis inirent. Et quid in longum sequeretur, cum viderent se non solum derelictos, sed dicere possent ab ecclesia deceptos, nisi illius haereticae pravitatis adhesio in perniciem totius subversionis fidei catholicae, et abstrahio obedientiae a sede apostolica et a V. S. et fieret error novissimus pejor priore, et dato exemplo, prohi dolor! haberent sequelam multorum, nec postea esset aptitudo illud faciendi, cum principes essent exhausti, terrae per clades, caedes, et sanguinis effusionem desertae, in periculum innumerabilium animarum et corporum, quae infra has prorogationis inducias, pro dolor! corruerent.

32. Rursum cessarent multae provisiones salubres, quae in dicto concilio pro republica Christiana fieri possent: et innumera scandala orirentur in destructionem sedis apostolicae, V. S. ac totius religionis Christianae.

33. Item, beatissime pater, in ultima bulleta S. V. scribit dictae majestati regiae, mirando quod ipsa majestas sit plurimum perturbata, et plena sollicitudine et timore propter dissolutionem concilii praedicti, etc. Beatissime pater, non mirum quod reverendissimi patres et domini cardinales certi de hoc admirantur, cum et astronomi dicunt, quod etiam sapientes admirantur de hoc quod sol eclipsatur, cum causam ejus ignorant. Sua enim majestas ad oculum periculum dissolutionis personaliter videt, et futura timeret, ex eo sua majestas plurimum turbata sollicitatur, ut illis tamquam fidelis advocatus, protector et defensor ecclesiae prouderet obviare possit. Et in eadem subjungit V. S. quod transitus regiae majestatis debeat esse pacificus. Respondet sua majestas, quod transitum ad has partes Italiae fecit ex causis supradictis: et ita itura est pacifice, et sine lesione cujuscumque, qui pacem licitam et honestam affeget habere, quam etiam sua majestas, ut dictum est, ample offert, et eandem jam per suos Florentinis

et aliis nunciavit; et si aliqui temeritate ducti vellent a debito ac licitis et honestis discedere, ad illos oporteret adhiberi remedium, quemadmodum jure merito fieri deberet.

34. Prædictis omnibus periculis & multum majoribus, quæ ex dissolutione sacri concilii evenire; etiam multis bonis, quæ ex ejusdem continuatione, et nulla mala oriri possent ponderatis, dictus dominus noster gloriosissimus filius V. S. devotissimus, tamquam fidelis advocatus et protector ecclesiæ, supplicat, et quantum efficacius potest, V. S. per viscera misericordiæ Jesu Christi, cujus vicarius estis, et cujus res agitur, et V. S. requirit et hortatur, ut eadem his periculis velite salubriter obviare, ut fama dissolutionis dicti concilii sopiatur; cum revera multa jam ex sola fama dissolutionis sacri concilii Basileensis scandala sint exorta, et scribere quod solum in nomine Domini suum habeat progressum, ad feliciter incepta continuandum, dando eidem operam et favorem possibilem, ne fides et ecclesiasticus status inevitabiliter ruat, ex quo sedis apostolicæ et V. S. gloria et honor ultra commodum Christianorum accrescet; et non dubitat majestatem domini nostri, si V. S. tantam multitudinem congregatam bene informata fuisset, et tot mala et scandala evenire, etiam necessitatem concilii celebrandi scivisset, numquam in dissolutionem declinasset.

35. Fortassis aliqui incutiunt timorem V. S. quod in concilio agendum esset contra eandem; non curet S. V. nec reverendissimi cardinales de his, cum nec V. S. nec domini cardinales vocati sunt. Si enim vestra sanctitas posset interesse, laude dignum et perutile esset: si autem non V. S. plures reverendissimos patres et dominos de collegio cardinalium ad salubrium istud dirigendum, mittere posset, contentum manebit concilium et mandus de V. S. dummodo concilium continueretur. Et si V. S. postea personaliter interesse vellet super reductione Græcorum, vel aliis quæ non requirunt tantam festinationem, poterit aliud concilium congregare, quod fieret cum majori aptitudine, quam nunc hæc mora possit tolerari. Nam isto dissoluto, nescimus si per annum cum dimidio aliqui congregari possent, propter dispendia quæ interim, ut dictum est, evenirent. Et revera, si sacrum concilium Basileense non esset congregatum, propter solam extirpationem hæresis Bohemorum de novo deberet congregari, nec prælati nec alii de Almannia in loco alio distanti extra Almanniam pro concilio celebrando convenire possent, cum medio tempore ipsi Hussitæ omnia bona ipsorum tollerent ac destruerent, quo tunc tales diverti haberent nescitur.

36. Beatissime pater, in bulla novissime regis majestati per ejusdem majestatis equitorem transmissa, notificat, V. S. eidem majestati, qualiter ipsa cum consilio & assensu reverendissimorum dominorum S. R. E. cardinalium ex iustis & rationabilibus causis cum magna deliberatione & maturitate dissolutionem, & indictionem alterius concilii fecerit, & adveniente regia majestate vellet

*Concilior. Supplem. Tom. IV.*

eam sic informare rationibus & causis, de quibus sperat eandem majestatem bene stare contentam, &c. Dicit sua majestas quod numquam poterit remanere contenta, quibuscumque causis & adinventionibus hæc dissolutio coloretur, attentis extremis periculis & disturbanceibus totius Christianismi ex ipsa dissolutione eventuris. Quomodo ergo quispiam Christianus contentus manere poterit, dum de subventionem Christianæ fidei tam periculose agitur?

37. Et superaddit sua majestas, quod hi qui V. S. dissolutionem suaserunt, indubie causas non funditus, nec tot mala ventura intellexerunt. *Utinam saperent & intelligerent, ac novissima providerent.* Mora enim in hoc negotio est periculosa, & nullatenus sufferenda, nec mirum quod non intellexerunt, cum error facti peritissimos fallit. Sed cum hoc modo manifeste sapiunt, si in hujusmodi errore & sacrilegio pertinaciter persistere intenderent, ponderent ipsi quomodo summo enti in extremo judicio de hoc vellent reddere rationem. Et si fortassis certi pertimerent aliqua contra statum ecclesiasticum debere tractari, dicit sua majestas, quod timere non deberent: quia laici faciem suam non habebunt in messum illam, immittere, cum ipsi sæculares in hac re nullam debeant habere prout nec de jure habent, potestatem: immo profecto induciæ dissolutionis quæ quaruntur, licet faciant contra clericos insanire: quod tamen per istud concilium ordinate tolleretur de medio, dum laici videbunt clerum omni bono intendere.

38. Consideret sanctitas vestra quod sacrum concilium Basileense ad hujusmodi dissolutionem nullatenus consentiet, cum quo & major pars regum, principum, prælatorum atque communitatum concurrent.

39. Insuper regia majestas non sufficit mirari, quod S. V. quæ hucusque in ecclesia Dei sine ruga et macula tenta est, suspicionem inter Christianos nunc facere intendit, et quæ in principio sui regiminis ferventissima erat pro honore Domini Dei de fide catholica & Christi fidelium salute laborare, de quo totus mundus ultra modum, & de electione V. S. erat gavisus: quia dici poterit, quod sanctitas vestra hac occasione foveat hæreses, cædes, & morum deformitates, atque schisma in ecclesia Dei facere intendat.

40. Avisat etiam V. S. majestas regia, quod ipsa sanctitas non posset aliquid facere, quod esset ita nocivum omnibus Christi fidelibus, sacræ sedis apostolicæ, & V. S. quam concilium turbare, ex quo infinita & innumera scandala profluere, nulla autem mala ex ejus continuatione evenire possent. Et promittit majestas regia V. S. si eadem concilium continuabit, & indifferens, æqualis, & communis pater in rebus agendis erit, uti debet, quod vult V. S. in omnibus usque ad mortis passionem adherere, & assuecurare eandem sanctitatem, quod ibi nihil tractabitur in diminutione sedis apostolicæ ac vestræ sanctitatis.

41. Si autem V. S. hoc minime facere, sed persistere in dissolutione intenderet, & esse



esse, quod absit, causa tanti mali; ex tunc sua majestas per expressum V. S. per nos commisit exponere, quod eadem majestas sacro concilio per Spiritum sanctum & ut supra congregato, & communitati Christi fidelium, toto posse adherere vult & intendit: quia nullatenus posset videre everfionem fidei & ecclesie ruinam. Perpendit etiam sua majestas, quod obedientia, quae V. S. & ecclesie debetur, in pluribus Christianorum & signanter Germaniae finibus, multum deficit, nec curatur tam per ecclesiasticos quam saeculares, quemadmodum apparet in episcopis Trevirensi, Trajectensi & aliis multis, qui nec excommunicationes, nec mandata apostolica curant, & alios ad similia trahunt. Modo si concilium deficeret, quid de aliis fieret, S. V. animadvertat.

\* al. Sa-  
brillis

42. Et informata est eadem majestas ex dictis doctorum, & signanter reverendissimi patris domini Francisci de Zabarellis \* pia memoriae, qui non minimus tunc temporis, cum hac dicta composuit, in scripturis & collegio dominorum cardinalium erat, quod imperator & rex Romanorum non solum concilium in Spiritu sancto auctoritate ecclesie congregatum manu tenere & protegere tenetur: immo in certis casibus concilium de novo potest congregare. Et dicit sua majestas casum prope esse in foribus.

43. Et rursum sua majestas dicit, quod V. S. una cum certis dominis & patribus reverendissimis cardinalibus mature debeat ponderare, quod ubi fortassis sibi per dissolutionem concilii providere putat, ne sibi ipsi & dictis cardinalibus interitum infligat.

44. Postremo majestas domini nostri gloriosissimi supradicti supplicat humiliter V. S. quatenus omnia & singula supradicta & maiora non expressa velit diligentissime ac mature considerare, & praesentem exhortationem, quam fideliter & sincera mente, urgente concientia & necessitatibus, in quibus Dei ecclesia constituta est, fecit, a sua majestate, tamquam ab avvocato sanctae matris-ecclesiae paterne & benigne suscipere, ut & V. S. quae est luminare majus, & ipsa regia majestas quae est luminare minus, ita gregem vobis creditum in spiritualibus & temporalibus regere valeatis, ut una cum eo ad conspectum praedictae Trinitatis feliciter valeatis pervenire. Amen.

Explicit.

COPIA INSTRUCTIONUM

Missarum nuntiis concilii existentibus in  
Nuremberga.

1b. p. 96.

1. **I**N primis quod non incipiant tractare aliquid cum nunciis vel ambasciatoribus Bohemorum in Egra vel alibi, nisi praedicti nuncii Bohemorum habuerint plenum mandatum, & sufficientem facultatem, & poterunt super hoc scribere Pragensibus, & aliis in regno Bohemiae, quibus opus fuerit, avocando eos, ut mittant cum sufficienti mandato, & similiter quod venturi ad concilium generale habeant plenum & sufficiens mandatum.

2. Item, quod in Egra vel alibi pendente dicto tractatu cum praedictis Bohemis, propter praesentiam ipsorum non teneatur interdictum, & similiter in aliis civitatibus sive locis, per quae ipsos transire contingeret, veniendo ad concilium Basileense, ipsis tamen exclusis a divinis. Quod quidem interdictum dominus legatus ex nunc tollit & remover.

3. Item, si pendente dicto tractatu, vel veniendo Basileam, aut stando, vel etiam redeundo, voluerint secundum modum & ritum eorum dicti Bohemi celebrare, quod possint & celebrent in domibus eorum, januis tamen clausis, & exclusis fidelibus nostris.

4. Item, numerus nunciorum Bohemiae venire debentium ad concilium, et tempus durationis salvi conductus eisdem nunciis et ambasciatoribus Bohemorum impendendi, relinquatur discretioni dictorum ambasciatorum conc. ita tamen quod restringant et numerum personarum et tempus quantum poterunt.

5. Item instabunt, laborabunt quod a principio quo iter arripient praefati nuncii Bohemorum ad veniendum Basileam, & quousque reversi fuerint ad propria, habeantur abstinentiae guerrarum generales inter regnum Bohemiae & ceteros fideles: de hoc tamen ambasciatores concilii faciant secundum consilium & voluntatem domini marchionis Brandeburgensis, & aliorum principum & communitatum.

6. Item, ambasciatores dictorum Bohemorum & ipsorum familia veniant pacifice & modeste, & sine notabilibus armis bellicis; & si qua forte eis deferri permittantur, quod in introitu civitatum, castrorum, villarum, & aliorum locorum, in quibus habebunt hospitare, deponant ea apud hospitum: ita quod in praedictis locis incedant sine armis.

7. Item, quod nullus praedictorum veniendo, stando hic in Basilea & redeundo, ibi aut ambulabit per civitates, villas, & alia loca in quibus contingeret eos aliquo modo moram trahere, nisi praesentibus deputandis, & hoc propter pericula & scandala vitanda, quae possent oriri hinc inde.

8. Item, quod veniendo, stando hic, & redeundo in audientia, in colloctionibus, disputationibus, & quibuscumque aliis mutuis humanis conversationibus, cavebunt ab injuriis, opprobriis, detractionibus, & quibuscumque contumeliosis verbis, aut invidiosis quarumcumque personarum cujuscumque status, gradus aut dignitatis fuerint, cum versa vice velit sacrum concilium hujusmodi observare, & ubique facere & procurare observari pro posse.

9. Item, quod veniendo, stando & redeundo, nullo modo palam aut occulte praedictent aut doceant, nec cum quocumque, nisi in praesentia sacri concilii vel deputatorum aut deputandorum ab eodem, disceptabunt sive disputabunt.

10. Item, quod non scribent litteras quibuscumque, maxime nostris fidelibus, abique visitatione deputatorum concilii, nec ullo modo libellos aut cedulas, sive quasumque scripturas seminantur aut dispergent, sive dimittent post se in locis in quibus fuerint, veniendo, stando & redeundo.

ANNO  
CHRISTI  
1432.

ANNO  
CHRISTI  
1432.

11. Item, quod tam in veniendo, quam in redeundo, ambulent & servant vias publicas, secundum quod duces eorum, qui ad hoc deputabuntur, ducunt eos.

12. Item, si petant audientiam publicam, promittatur eis quod habebunt coram toto concilio, quotiens opus fuerit. Si autem instabunt ad habendam coram laicis, nullo modo concedatur eis, inconsulto concilio, nisi viderint eos propter hoc velle omnino desistere ad veniendum. Quo casu, cum magna difficultate poterunt eisdem consentire, omni tamen cautela & conditione adhibita, ne ex dicta & tali audientia sequatur inconveniens aliquod aut scandalum.

13. Item, prædicti ambasciatores concilii in tractando cum eis, conversando, & loquendo, cum omni mansuetudine, benignitate, humilitate, patientia atque caritate se habebunt, & secundum gratiam eis datam a Domino, omni via & modo possibili, pacem & unionem inter nos & ipsos procurabunt.

14. Item, prædicti ambasciatores concilii poterunt conversari cum eisdem nunciis & ambasciatoribus Bohemorum in omnibus secundum discretionem ipsorum, exceptis divinis.

15. Item, quod prædicti nuncii Bohemorum in recessu ipsorum vel aliter, non ducunt aliquem de nostris secum, etiam volentem eos sequi.

16. Item, quod prædictæ instructiones teneantur occulte, ita quod nullo modo veniant ad aures seu notitiam dictorum Bohemorum.

17. Item, quod in prædictis communi-cent, & habeant consilium domini marchionis, & aliorum principum ecclesiasticorum & secularium, necnon & communitatum, secundum quod prædictis ambasciatoribus concilii videbitur expedire.

18. Item, in præmissis omnibus & singulis taliter prædictis ambasciatoribus provideant, quod omnis captiositas, fraus & dolus evitetur.

Acta fuerunt hæc in congregatione nostra generali, præsentibus dictæ nostræ sanctæ synodi Basileensis notariis & scribis infra scriptis, sub sigillo reverendi in Christo patris domini episcopi Constantiensis provincie Rothomagensis, quo utimur ad præsens, die veneris xxviii. mensis martii, anno a nativitate Domini MCCCCXXXII.

#### LITTERA VII.

Regis Romanorum missa concilio.

*Mittit eis articulos a legatis papæ sibi propósitos, hortaturque eos ut in concilio celebratione constanter perseverent.*

1b. p. 99.

Reverendissimis in Christo patribus & dominis sacrosanctæ, &c.  
Reverendissimi in Christo patres, ac venerandi, græte & sincere nobis dilecti, tanta nos affectio, tantusque amor & fervens desiderium trahunt ad hanc sanctam syno-

dum Basileensem, in Spiritu sancto pro salute universalis ecclesiæ & omnium Christi fidelium legitime congregatam, ut nihil cogitemus, nisi ea quæ continuationi & felici progressui ipsius conferre possunt. Et ut V. P. quæque res apud nos gestæ una nobiscum communes sint, notificamus eisdem quod oratores domini nostri papæ, videlicet episcopus Magalonensis, & abbas Si Justine, hic nobiscum fuerunt, & post multas propositiones & requisitiones sanctitatis domini nostri, nobis tradiderunt in scriptis mentem sanctitatis præfatæ, quibus succincte respondimus cum mansuetudine regia, prout incopiis tam propositionis quam responsionis hic inclusis videbitur clarius contineri, & in proposito illo firmi & stabiles permanere volumus, rogantes V. P. ut si aliquis vobis contrarium vellet suggerere, vel fortassis dicere, nos alias prácticas cum domino papa habere in facto concilii, quatenus hoc nullatenus velitis credere, sed pro firmo tenere, quod sicut vobis crebro descripsimus, ita immota constantia volumus semper usque ad mortem in favoribus sacri concilii fideliter perseverare, ammonentes & requirentes vos in Domino nostro Jesu Christo, ut rebus cæptis, quas ipse cujus sunt, felicitare dignetur, omni possibilitate insistere, & pro bono suæ ecclesiæ sanctæ velitis profequi diligentia exquisita. Præterea, reverendi patres, dum hæc nostra littera scriberetur, supervenerunt nobis scripta oratorum nostrorum, quos in Roma habemus, ex quibus concipimus dominum nostrum papam adhuc opinioni suæ insistere, quamvis indubie speremus, quod dum oratores sui cum intentione nostra ad ipsius sanctitatem pervenerint, eadem sanctitas in melius propositum suum commutabit, & sic ambasciatores nostri qui in Roma sunt, ibidem sperant, uti scribunt. Avissamus etiam qualiter sua sanctitas velit subito pro celebratione concilii in Bononia, illuc aut personaliter advenire, aut aliquos ex dictis cardinalibus transmittere, præveniendū prorogationem anni cum dimidio, intendatque super hoc omnes in concilio & extra existentes citare. Sed quia, reverendi patres, hæc omnia non sunt nisi ad dissolutionem sacri Basileensis concilii, quæ ex hac loci transmutatione indubie per indirectum succederet, quia in curia ad hoc intenditur, adhortamur V. P. suademus eisdem & consulimus, quatenus in continenti, & omni dilatione, remota, non obstante sessione secunda proxime celebrata, quæ sancta & salubris est, ita providere velitis, quod huiusmodi sinistri conatus turbatorum concilii per vos opportunis remediis præveniantur, & cito. Indubii enim sumus, quod dum dominus noster papa stabilitatem vestram & nostram, quam sibi per suos oratores jam satis clare deteximus, tam firmam persentiet, aliter faciet. Cum quo etiam responso vorio ambasciatores nostros præstolamur, requirentes vos, ut in illo ardentissimo vestro zelo & constanti proposito perseverare velitis, dirigendo res concilii & omni vigilantia prævenientes molimina adversantium, quæ parant in disturbance concilii; & nos quoque



ANNO  
CHRISTI  
1432.

que a vobis & sacro concilio nullatenus discedemus, quemadmodum crebro scripsimus. quoniam si secus fieret, quod absit, ingens fidei & ecclesiæ sanctæ Dei scandalum generaretur, necnon nobis & statui nostro evidentiſſima pericula, propter adhæſionem, quam vobis & concilio facimus & facturi sumus, pararentur, quæ etiam in obnubilationem famæ, honoris, & statuum vestrorum discrimina periculosiſſima permaxime cederent. Et sic oramus in Domino Jesu Christo, ut in rebus illis agendis constantes & vigiles sitis, prout super iis omnibus illustriſſimis Willermus Palatinus Rheni & dux Bavarie princeps locum tenens & avunculus noster carissimus V. P. clarius dicit mentem nostram. Datum Parmæ die ultima martii, regnorum nostrorum anno Hungariæ, &c. XLV. Romanorum XXII. & Bohemiæ XII.

Sigismundus Dei gratia Romanorum rex, &c.

#### ARTICULI PROPOSITI

*Per dominum papam domino regi Romanorum.*

Ib. p. 100.

**S**erenissime princeps ac invidiſſime rex, sanctissimi domini nostri ac beatissimi Eugenii papæ IV. oratores & nuncii vestre majestati Cæsareæ, prout injunctum per sanctitatem suam extitit, in secreta audientia ipsis data exposuerunt quæ sequuntur.

Et primo, SS. dominus noster motus desiderii pacis totius populi christiani, et ecclesiæ sanctæ reformationis, sciens serenitatem vestram Italiani intrasse, ut pacem in Italia det, ut reformationem universi cleri et populi christiani procuret, atque ut coronam, et unctionem ab eo recipiat, de dicto adventu admodum exhilaratus, nos ambassiatoreſ suos ad visitandum majestatem vestram mittit, et exhortandum ac monendum clementiam vestram, ut in tam sancto proposito perseverare dignetur, quia Deus omnipotens perfectionem operis dabit; nec non offerendum personam suæ sanctitatis, et omnia sua majestati vestræ in et super præmissis ab olim per ipsum optatis.

Secundo, cum majestas vestra Cæsarea pacifica Italiani intraverit et talem omnibus se exhibuerit, SS. dominus noster summus pontifex ipsam exhortatur, monet et deprecatur, ut pacificus, clemens et benignus cum suis gentibus, cum quibus Italiani intraverit, et non cum exteris dignemini Romam venire, quia ipsa serenitatem vestram cum honore possibilibi, etiam summis suis, recipiet, mittendo aliquos ex reverendiſſimis patribus dominis cardinalibus, cum prælatiſ et aliis notabilibus viris, sibi obviam, ac viam securam et pacificam, ac iter tutum sibi faciet, ipseque capitaneos cum gentibus ecclesiæ in confinibus dominiorum et terrarum ecclesiæ, serenitati vestræ mittet, ut ab ipsis capitaneis juramentum quod volet habere exigat, ac cum ipsis secure veniat, ut coronam et unctionem ab ipso

SS. domino nostro in titulo pacis recipiat.

Tertio, quia jura disponunt, quod serenissimi reges Romanorum in adventu eorum in Italiani, ut coronam recipiant, etc. in ingressu Italiani juramentum summo pontifici, seu deputatis ab eo, præſentent; in quo juramento non cavetur aliud quam illud ad quod quilibet christianus ecclesiæ sanctæ tenetur, SS. dominus noster nos sufficienti potestate fultos mittit, ut dictum juramentum a majestate vestra recipiamus, prout a prædeceſſoribus vestris Romanorum regibus in dicto adventu juratum extitit, et prout alias juris extitit.

Quarto, SS. dominus noster ad intimandum et significandum majestati vestræ sinceram suam intentionem, quam semper habuit, ut reformatio debita ecclesiæ sanctæ tam in capite quam in membris fieret, nos misit, quæ talis in effectu existit. Ipse enim SS. dominus noster in principio suæ assumptionis desiderio magno, ut in concilio Basileensi in propria interesset persona, desideravit, licet per sanctitatem suam aliquibus asserentibus aliter scriptum seu dictum reperiri, ut guerræ ac aliæ afflictiones quæ pro tunc Romæ, seu ejus in confinibus iminebant, in longum non protraherentur, quæ pro nunc præſentia sua fuerunt debito modo sopitæ; graviſſima vero infirmitate detentus usque ad mortem exclusive, considerans impossibilitatem tanti desiderii sui, ut tam longe pergere valeret, et quod tam ardua tamque urgentia negotia, ut universalis reformatio cleri et populi christiani, hæresum extirpatio, et sacrum passagium omnino ejus præſentiam et sacri collegii exigebant; ac quod in Basilea per annum et ultra pacificissimi convenerint prælati, qui ad talia ac tanta non sufficebant, dictum concilium quo ad locum tantum dissolvit, illud in Bononia assignando, quæ commutatio, continuatio potius potest dici, quam dissolutio; quia Bononiam in convalescentia in qua est poterat venire, et medio tempore plenam sanitatem recuperare. Ipse enim interesse in generali concilio, corporali cessante impedimento, debuit, velle et commutare illud, et continuare potuit. Ex ista magna urgente ratione, aliis non semotis, quas in præſenti fastidium esset explicare, potissime si in dicto concilio de totali ecclesiæ reformatione agi deberet. Si vero reductio Bohemorum et reformatio cleri Germaniæ non debeat aliquoties differri, propter pericula quæ imminere allegantur, placeat SS. domino nostro, ut super illis concilium celebretur tamquam provinciale, in illo domino legato præſidente in Frankfordia, vel in Nurembergha, vel alibi ubi dominis archiepiscopis, electoribus et domino legato placuerit; et illo finito, confestim ad Bononiam veniant non alibi divertendo, ubi dominum nostrum reperient cum sacro collegio reverendiſſimorum dominorum cardinalium, ad dictam reformationem efficaciter promptos. Vel si prædicta utilis per concilium generale expediri videantur, veniant nunc prælati et alii vocandi, qui in Basilea sunt et alibi, ut sanctissimus dominus noster una cum majestate vestra, facta ipsis corona-

ANNO  
CHRISTI  
1432.

ANNO  
CHRISTI  
1432.  
natione, ac dominis cardinalibus et ceteris  
illico Bononiam conveniant; ac ad omnino-  
dam debitam reformationem procedant: quam  
nobis concedere dignetur dominus noster  
Jesús Christus, qui cum Patre et Spiritu-  
sancto vivit et regnat in sæcula benedictus.  
Amen.

## FINALIS MENS ET CONCLUSIO

*Majestatis regie super propositis ora-  
torum apostolicorum: quorum copiam  
Theodericus secum habet, est  
ut sequitur.*

**V**idelicet, si sanctitas domini nostri papæ  
voverit effectualiter continuare concilium  
Basileense et illud non turbare, quin  
potius id ipsum fovere; et si etiam voverit  
esse indifferens, et communis pater, non  
partialis, prout ad ipsum, tamquam vica-  
rium Christi, pertinet, ex tunc eadem ma-  
jestas pacifice, non cum armatis gentibus,  
sed suo et suorum cardinalium et cleri, quos  
sue serenitati obviam miserit, conductu, et  
ad voluntatem suæ sanctitatis vult venire  
ad Urbem, et suæ sanctitatis præsentiam,  
asscurare eandem, quod in memorato Basile-  
ensi concilio nihil tractabitur de dubio ele-  
ctionis suæ, vult etiam de manibus suæ san-  
ctitatis coronam suscipere, sibi que juramen-  
tum in hujusmodi coronatione fieri solitum  
præstare, omniaque alia facere, quæ con-  
cernunt honorem, statum, commodum et  
profectum suæ sanctitatis, et sanctæ Roma-  
næ ecclesiæ, et sibi ut tamquam devotus  
filius et advocatus usque ad finem vitæ fi-  
deliter adherere.

Si autem sua sanctitas hujusmodi dissolu-  
tioni concilii, aut partialitati inhærere vel-  
let, ex tunc majestas regia non intendit ve-  
nire, nec coronam de suæ sanctitatis mani-  
bus recipere quomodo, sed in istis par-  
tibus suis et imperii sacri rebus intendere,  
prout fuerit opportunum, adherendo sem-  
per concilio sacro.

Item, sint avifari oratores regii, quod vo-  
luntas domini papæ fuit, quatenus majestas  
regia iter suum faceret per Romandiolam  
et terras ecclesiæ, ubi sanctitas sua eandem  
majestatem honorifice et sumptibus suis con-  
ducere velleret. De qua quidem ultronea et  
placida domini nostri papæ oblatione ma-  
jestas regia multum contentata, intulit san-  
ctitati suæ grates, cum hoc ipsum dignabi-  
tur erga sanctitatem suam et Romanam ec-  
clesiam condignis affectibus compensare. Et  
quia dicta via sibi congrua et apta non fo-  
ret ad eundem, deliberavit ire versus Lu-  
cam et Senas, civitates imperii, quæ a re-  
bellibus imperii variis modis opprimuntur,  
ut eisdem consulere valeat. Et dum ma-  
jestas regia usque in Senas, dante Domino,  
pervenerit, cunctis ducatibus et aliis armo-  
rum gentibus dimissis cum sua familia dome-  
stica quam habebit, sub domini papæ et  
dominorum cardinalium et cleri suorum,  
quos sanctitas domini papæ sibi miserit,  
conductu, per terras ecclesiæ ad domini no-  
stri papæ præsentiam confidentissime vult  
proficisci, faciente sua sanctitate illis duo-  
bus, quæ superius requiruntur.

## LITTERA

Missa per concilium Universitatibus,

*Ut mittant aliquos nobiles, doctores, &c.*

**S**acrofancta, etc. egregiis, etc. salutem,  
etc.

Satis denique divulgatam esse apud vos **1b. p. 103.**

omnium christianorum religionem æstima-  
mus, et sacram hanc synodum in hac Basileæ  
civitate auctoritate superni nominis congre-  
gatam existere, pro rebus ecclesiæ et om-  
nium orthodoxorum promovendis et bene  
gerendis, pro veprium hæreticarum, maxi-  
me Bohemicarum eradicatione de sinibus fi-  
delium, pro morum deformium in cunctis  
statibus emendatione, proque bellicarum cla-  
dium, a quibus omnimoda calamitas origi-  
nem ducit, sedatione: quibus nihil dignius  
& fidelibus salubrius afferri valet; pro qui-  
bus ex talento sapientiæ vestris perspicaci-  
bus intelligentiis de supernis credito, vos  
credimus pro viribus benivolos & obnoxios  
esse. Hæc quippe arduissima causa cunctos  
christianorum status concernens, nos hic ex  
omni natione in vinculo caritatis congre-  
gavit; quæ etiam cum aliis incumbendis  
rite per generalia concilia a Spiritu-sancto  
directa optime perfici possunt. Quamobrem  
si quis zelum Dei in corde gerat; si quis sa-  
lutem animarum ac communem omnium pro-  
fectum et utilitatem quærat, mox sacrum  
hoc concilium ampliare & promovere ten-  
neatur, ejus sacris determinationibus inhæ-  
rendo, & quicquid eidem contrarium, re-  
pugnans aut præjudiciale cognoverit, posse-  
tenus impedire & tollere, & ab aliis ut au-  
ferantur viribus totis debet procurare; præ-  
sertim cum hæreticos de Bohemia ad hoc  
sacrum concilium pro ipsorum instructione  
& informatione per nostras litteras & ora-  
tores vocaverimus, ipsique Bohemi prædi-  
ctis nostris oratoribus in Nuremberga exi-  
stentibus, omnino velle suos huc destinare  
ambasiatores pridie rescripserint: ex quo-  
rum adventu in Spiritu-sancto merito spe-  
randum est, quod audita instructione & in-  
formatione hujus sanctæ synodi ad viam con-  
verterentur unitatis. Vos itaque pugiles  
Christi ac fidei catholicæ zelatores, pro Dei  
honore, & nostræ rectissimæ fidei illibatio-  
ne, ac pro omnium fidelium salute obsecra-  
mus et exhortamur per viscera misericor-  
diæ Dei nostri, quatenus ad portandum in  
præmissis nobiscum onus superlaudabile, &  
suave jugum Domini hujusmodi, quantocius  
poteritis, aliquos solemnes doctores & viros  
in divina et humana lege peritos, nobiscum  
saltem per tres aut quatuor menses perman-  
suros, ad tam necessarium omni Christiani-  
tati opus ac commodum destinare velitis.  
Nam si viri sæculares corpora morti et sa-  
cultates perditioni exponentes, totiens ma-  
nu armata in Bohemiam profecti sunt, quan-  
to magis viros ecclesiasticos dumtaxat ver-  
ba pro tot animarum salute exponere con-  
venit. Si quod autem impedimentum cele-  
brationis et, felicis successus hujus sacri con-  
cilii perceperitis, viis omnibus repellere cu-  
re-

ANNO  
CHRISTI  
1432.



ANNO  
CHRISTI  
1432.

retis, et a tam sanctissimo proposito nullus vos deterreat; per epistolam, vocem, vel alium modum qualitercumque, quoniam in hac stabilitate firmiter intendimus permanere. Rogamus ut harum litterarum tenorem, ubi visum fuerit expedire, publicari faciat, ut viri literati et bono publico affecti, audientes tantum bonum fidei in januis consistere, ad illum promovendum libentius se accingant. Quod si forsitan nonnullos huc venire cupientes, inopia expensarum retrahi contingat, reverendi patres domini episcopi et alii prelati hic constituti, cognoscentes facultates ecclesie in nulla re laudabilis, quam pro fide et ecclesie defensione posse distribui, paratos se offerunt per tempus predictum magistros et doctores pauperes huc venientes propriis sumptibus sustentare. Datum Basile die prima Aprilis, anno Domini MCCCXXXII.

## EPISTOLA

Philippi ducis Burgundie.

Ad concilium.

*Declarat se Anglia regi scripsisse, ut concilio adhaereat, sequi eadem adhasse.*

Ib. p. 105.

**S**acrofanctae generali Basileensi synodo, concilium generale facienti, ecclesiamque militantem representanti. Reverendissimi patres, venerabiles et preclari amici nobis dilectissimi, ad vestrarum paternitatum monitus iustissimos, nobis per venerabilem religiosum priorem Chamberiaci, sacri generalis concilii nuncium declaratos, scripsimus affectanter modo regi cum supplicationibus et hortamentis copiosis, ut eidem sacro concilio velit adherere, non sustinens quicquid a re huiusmodi sanctissima qualitercumque dehortari suaderet. Vel etiam ad hoc idem sacrae congregationis concilium suos solemnes ambasiatores destinare quam brevius, prelatos quoque suorum regnorum inducere, quatenus ad illud se transferant, ut tenentur. Scripsimus una cum hoc cardinali Angliae avunculo nostro, ut velit ad id laborare, et operam dare quam poterit. Nos vero, reverendissimi patres venerabiles et preclari, conclusimus et irrevocabiliter intendimus eidem sacro concilio firmissime adherere, suisque laudabilibus coeptis assistere pro viribus, ambasiatamque nostram illuc propterea transmittere de proximo. Praelatos insuper ditionum nostrarum monuimus, et iteratis superadditisque vicibus excitare ac stimulare volumus, ut ad concilium accedant supradictum. Eja ergo reverendissimi patres venerabiles et preclari, huius saluberrimo negotio divinitus non haesitamus, inspirato constanter persistere. Confortentur corda vestra, laboriosaque sudores speratum et debitum tantae rei primum alleviet. Jam dictus prior nuncius vester adhuc aliquantulum derinetur, donec venerint ambasiatores Karoli Francie nobis adversantis, quos de die in diem venturos expectamus. Reverendissimi patres ve-

nerabiles et preclari, amici nostri preclari, vestra beneplacita, quae nobis assidue velitis intimare, parati sumus adimplere jocundanter. Altissimo suffragante, qui vos dirigat et conservet. Scriptum in villa nostra Divione VII. die aprilis, anno Domini MCCCXXXII.

Philippus dux Burgundiae, Brabantiae & Limburgi, comes Flandriae, Arthesii, Burgundiae & Namurci, &c.

*Sic signata. Hiberiti.*

## LITTERA IX.

Domini imperatoris, &c.

*Monet patres de proximo adventu cardinalis Anglici, & de his quae papa machinatur ad dissolutionem concilii.*

**R**euerendissimis ac venerabilibus in Christo patribus & dominis, &c. Reverendissimi in Christo patres, &c. recepimus per praesentem gerulum V. P. litteram super locatione domorum in civitate nostra Basileensi, in qua vos gravatos praetenditis, quam revera moleste gerimus, & super eo civibus Basileensibus seriose scribimus & mandamus, ut modum portabilem super illo imponant. Scribimus etiam illustri locum tenenti nostro duci Willermo, ut omnem operam addat & sollicitet, quatenus illud quod exposcitis fiat. Est enim torum nostrum desiderium, ut persona ad illud venientes, & ibi stantes, humaniter & benigne tractentur, nec aliud fieri permittemus. Mitimus etiam V. P. hic adnexas litteras ad praelatos & principes Germaniae, ut ad ipsum concilium accelerent & mittant, & similiter ad certos reges, prout in copis praesentibus interclusis intuebimini. De aliis autem quae occurrerunt, venerabiles episcopus Laufanensis, & decanus Traiectensis, & certi cives nostri Basileenses & Argentineses, quos cum plena informatione ad vos misimus, vos, non ambigimus, jam clarius aversant. Verum, venerandi patres, quia semper cogitamus de his, quae augmento & progressui huius sanctae conciliialis synodi conferre possunt, noluimus praeterire, quin & ea quae occurrunt, P. V. significaremus. Audimus enim qualiter reverendissimus in Christo pater dominus cardinalis Angliae pro sacro concilio multa commoda facere potest. Adhortamur ergo eum quatenus dum advenit, firmiter adhaereat, & se non det in commotionem; nam audimus, quod ulterius Romam ire velit. Et nos quoque praefato illustri locum tenenti nostro duci Willermo, & venerabili Ratisponensi episcopo super eos scripsimus, & informationem transmissimus, quibus visum secum agendum sit parte nostra. Et quicquid nobis de Roma novi advenit, V. P. curabimus subito nunciare. Praeterea, reverendissimi patres, dum haec ipsa littera scriberetur, venit nobis una littera ambasiatorum nostrorum de Roma, in qua nobis scribunt, qualiter dominus nos-

ANNO  
CHRISTI  
1432.

ANNO 1432. Ister papa mandaverit reverendissimo patri domino cardinali sancti Angeli, ut omnino a Basilea recedat, & intret aliam civitatem Almanniæ, pro celebrando provinciali concilio, pro reformatione cleri Almanniæ, & extirpatione hæresum tantum. Item, quod idem dominus cardinalis V. P. conetur flectere, ad consentiendum quod concilium generale Bononiæ vel Romæ ad statim celebretur. Item, qualiter dominus noster papa quemdam episcopum (a) Matisconensem ducatus Burgundiæ expeditur Basileam, qui jam est in via, ad pervertendum bonas voluntates vestras, & signanter ad ducem Burgundiæ, ducem Sabaudie, Ludovicum Palatinum Rheni, ad dominos archiepiscopos electores, & alios quamplures, requirendo eos, ut non adhæreant concilio, neque suos illic mittant, immo revocent, si quos ibidem habent. Item, qualiter ipse dominus noster papa decreverit mittere quatuor viros notabiles & doctores, ad conferendum cum P. V. super facto concilii, &c. quæ revera omnia nobis molestiam inferunt, quod dominus noster papa ad dissolutionem hujusmodi concilii tantum laborat, non attendendo pericula & scandala, quæ evidentissime in subversionem fidei imminet, præcipue factum Bohemorum, qui Basileam venturi sunt, ut ex copiis nobis per vos transmissis clare percepimus. Et aliunde etiam aversati sumus, quod Bohemi nullatenus ad concilium particulare venient, quia aperte dicunt, se ad generale concilium vocatos esse, nec etiam venient ad quascumque partes Italiæ, quia ad Basileam vocati sunt, & infinita fatiga requiritur eos illic posse conduci. O Deus! quid dicent Bohemi, si hoc fiet, videntes universalem ecclesiam occasione querere? Nonne clamabunt, quod subterfugia quaerimus, & propter timorem eorum loca mutamus & tempora? Parcat illis Deus qui talia suggerunt, per quæ tantum bonum, pro dolor! negligi potest. Scribimus etiam praelatis & principibus praeveniendo ea quæ ex Romæ curia ad eos mittuntur: Rogantes, obsecrantes, & requirentes vos, quatenus in hoc necessitatis articulo constantes et robusti esse velitis, non permitentes vos seduci quorumcumque persuasionibus nec locum mutari, quia mox per indirectum sequeretur ipsa dissolutio. Scribentes etiam una cum litteris, nostris regibus, praelatis, rectoribus, & aliis, ut concilio sacro adhaereant, nec flectantur in devium per quemcumque ad eos missum, nisi velint fidem & ecclesiasticum statum subverti. Velitis etiam aversati & praevenuti esse, ut si id episcopus Matisconenfis, seu illi doctores papales advenerint, ad iustitiam vestram sciatis defendere. Alia ad præsens non occurrunt, nisi quod vobis constanter adhaerebimus, quoniam in hoc facto nihil tantum requiritur, quantum animositas, fortitudo animi, & perseverantia: quibus habitis, res, Deo dante, votive succedent. Et quamvis dominus noster papa erga ambassiatore nostros in responso adhuc durus sit, sperant tamen de meliori, et quicquid inante habuerimus, vobis curabimus subito nunciare. Datum Parmæ

Concilior. Supplem. Tom. IV.

die octavo Aprilis MCCCCXXII. regnorum nostrorum &c.

Sigismundus, Dei gratia Romanorum rex semper augustus, ac Hungarie & Bohemiæ, etc. rex.

EPISTOLA FRIDERICI

Ducis Saxonie, ad sacrum concilium.

*Excusat se quod propter Hussitarum tumultus episcopum Misnensem ad concilium non miserit.*

**S**acro sanctæ synodo Basileensi in Spiritu sancto legitime congregatæ, universalem ecclesiam representanti, Fredericus Dei gratia dux Saxonie, sacri Romani imperii archimarescallus, Thuringiæ Landgravius, marchio Misnensis, et princeps elector, promam in eo et propter eum qui corda fidelium dirigere et illustrare dignatur, obediendi voluntatem.

Antiqui patres Christi adventum non expectant ardentius, quam nos hujus sacri concilii Basileensis, sinistro rumore revocationis ejusdem et translationis agitati, saluberrimam perpetuitatem; cujus voluntas est præterita mala lenire, difformitates in ecclesia Dei sueque imperio ad reformationem vere felicem, damnabilem hæresim desideratis edictis evellere, diversarum dolorum mentium fugare, et oppressos multarum tribulationum aculeis relevare, prout super his litteræ vestre sacræ synodi nuper nobis missæ, fidem fecere sufficientem: inter cetera, quatenus doctos juris divini et humani nostræ ditionis, et præcipue reverendum in Christo patrem dominum Johannem episcopum ecclesiæ Misnensis, sacræ theologiæ professorem, ad dictam sacrosanctam synodum mittere curaremus, indicantes. Cumque, patres et domini, prædictæ sacræ synodi directores et gubernatores discretissimi, nostri cordis aciem ad certos, prout refertur, peritos ac expeditos legandos destinassimus, nedum vestris iussionibus præcurrentibus, immo diversis anxietatibus, tum ipsorum hæreticorum Bohemiæ, dominantium nostris dominis vicinorum, nostrasque terras suis potestatibus, quod summa avertat potestas, subjicere satagentium; tum ex multis aliis dirisque necessitatibus per oratores nostros demum mittendos exponendis, inimicus Dei & hominum, ductor & rector perfidie hæreticorum, filios iniquitatis Bohemiæ hæreticos in terra Lusaciæ, quam prædis, incendiis, & perturbationibus innumeris subdiderunt, nuper collocavit, & eosdem ad marchionatum Brandeburgensem demum traduxit, quem hodie supprimere moliantur, devastationi commendare, & in retrocessu ducatum nostrum Saxonie tamquam viam ipsi congruam, cum callidis ipsorum machinationibus, & turbidis horribus, quibus itinerando consueverunt infundare, nituntur pertransire: quod ipsius adjutorio qui pro nobis pependit in ligno, intendimus remediari. Eapropter nostrum fecimus congregari

1b. p. 108.

ANNO 1432. CHRISTI



ANNO  
CHRISTI  
1432.

\* id est  
transmit-  
tendum

gari exercitum, eundem illustri principi domino Johanni marchioni Brandenburgensi consanguineo carissimo quantocius transmissurum \* felicem & victricem expectantes triumphum. Estne ratio propter quam velociter nostros doctos modo præmissos, præsertim dominum Johannem episcopum ecclesiæ Misnensis, cujus potentia ac jure non modicum censetur opportuna, mittere nequeamus, prout super his vestri continentia affectus ostentarat? Nihilominus ad dictam sanctam synodum, cujus rem in præsentiarum gerimus, post rei prædictæ exitum, nostros cum qua poterimus festinitate mittere, nosque in ipsius nomine cujus congregata non hæsitatur, teneres manus nostras exponere non prætermitemus, quemadmodum possit nos fecisse dudum est compertum, quod brevi compendio potius libet præterire, ex quo quid fecimus non sit peregrinum, quam iactando animos devotarum mentium perturbare, licet auspiciis demeritis forte nostris & plurimum dissuadentibus licia venerint, heu! subtracta. Cum igitur patribus prioribus desiderio ardenti supplicamus, quatenus sacrosanctam vestram synodum præfatam eatenus dignemini confovere, quatenus Dei honor multiplicetur, ecclesia ipsius salubri regimine sustentetur, lolium hæreticæ pravitate suffocetur, ne tota Christianitas ejus versutis formidolosis supplantetur; ut cuncti quorum interest, nosque, qui dici & ætus pondere a perfidis Hulsitis dudum & sæpenumero offensi hodieque premimur, subito liberemur, ita quod exclamare poterimus cum sanctis patribus: *Veni ad liberandum nos principes & fideles Christi, ostende faciem tuam & salvi erimus.* Hoc est enim quod ingemiscimus, hoc est quod suspicia nostra quærunt, sub umbra alarum vestrarum quiescere, & vestris decretis salubribus errores submovere universos, ad quod Altissimus dirigat corda & corpora vestra. Datum in civitate Misnensi XXVIII. mensis aprilis &c.

#### LITTERA SACRI CONCILII

responsalis litteræ superius scriptæ, &c.

Id. p. 110.

**S**acrosancta, &c. illustri ac potenti principi domino F. duci Saxonie, & marchioni Misnensi, &c. salutem & omnipotentis Dei benedictionem.

Audivimus, inclite princeps, ex vestris litteris excusationes sufficientes, cur ad præsentem synodum nequivistis hucusque, ut optabatis, legationem vestram transmittere, adventumque reverendi patris episcopi Misnensis impeditum. Nobis siquidem summe, displicet illorum Hulsitarum temeritas & bellica rabies, qua catholicos invadere & postea suis ditionibus subjungere nituntur. Laboramus postea eorum reductionem, & tantorum malorum cessationem. Prosperet Deus, cujus res agitur, vestros conatus, & ad effectus votivos perducere dignetur. Exhortamur autem in visceribus Christi vestram illustrem dominationem assidue agere, quæ noveritis sacro huic con-

**A**cilio convenire & pacto negotio vestri exercitus, prostratis aut expulsi fidelium inimicis, quantocius oratores vestros, disiumque reverendum patrem episcopum Misnensem, præcipue, cujus præsentia propter ejus scientiam, experientiam & virtutes, maxime dum præfati Bohemii advenirent, quamplurimum desideramus unum ex dictis vestris oratoribus, quemadmodum scriptis vestris nobis insinavistis. Placeat etiam vestris expensis, cum, ut audivimus, suis propriis sumptibus venire ac stare non possit, ac ceteros dominiorum vestrorum prælatos ad hanc sacram synodum transsistere. Sic enim participes efficiamini maximorum meritorum & sanctissimorum operum, quæ in hac sacra conventionem aguntur, & amplius in dies perficiuntur, cum Spiritus sancti directione, qui præfatam dominationem vestram inclytam illustret, dona suæ gratiæ conferendo, & ad æternam patriam feliciter perducendo, ut optamus. Datum, &c.

#### EPISTOLA EUGENII PAPÆ IV.

Ad Sigismundum regem Romanorum.

Promittit se missurum aliquos suo nomine ad concilium.

**E**ugenius episcopus servus servorum Dei, ibidem  
carissimo in Christo filio Sigismundo Romanorum, &c. S. & A. B.

Grata nobis dies illuxit ex paterna affectione quam tuæ serenitati gerimus, cum, pridem vidimus oratores tuos, sperantes ex ipsa tua serenitate finem salutarem ecclesiæ Dei & pacem universo populo Christiano, quibus anxius mentis ardor, omnis sensus, & meditationes nostræ, omnique demum nos opera & cura sollicitant. Nam cum directum nostrum ad universalem salutem officium videamus, cui sub continuatæ religionis instituto, ut mundo cognitum est, semper anhelavimus, postquam in hanc sedem, in hanc ætatem, in hanc mundi necessitatem provecti sumus, quæ nos discordia rationis vexaret, si præcogitatum præcognitumque nobis finem desereremus? Nam per antea tam ætatem si religioni ad alium finem dicavimus nostras operas, si alium adhuc quam salutis Christianæ finem nobis præfiguravimus, testamur in nos ipsum omnipotentem Dominum, cujus fecimur servare asseveravimus securi & intrepidum, quantumcumque in adversum filii iniquitatis niterentur. Hoc igitur præfixo nobis fine, avide præstolari sumus, si tua serenitas, quam semper Christianissimam putavimus, in hunc finem duceretur. Quamobrem attente satis animadvertimus quæcumque oratores ipsi tuæ serenitatis diversis articulis explicaverunt, quibus respondere distulimus, propter expectare responsum oratorum nostrorum, quos ad tuam serenitatem destinavimus; quibus auditis, magnam affectionem nostram brevibus litteris expandere aut patefacere non valentes, sperantes præsto assuturum accessum, tuum ad hanc Urbem pacificum, quietum, & tranquillum, quodque cum tua serenita-

ANNO  
CHRISTI  
1432.

ANNO  
CHRISTI  
1432.

te multa prementia mentem nostram communicare poterimus; non oportere arbitrati sumus ad præsens ipsius articulis sigillatim respondere. Nam cum tua ipsa serenitate, quæ nos gravant gerendarum rerum pondera partiemur, & invicem dare poterimus operas efficaces ad ea quæ spectant communi bono Christianorum. Verum quia serenitas tua nobis referri fecit, nec super mutatione loci concilii, nec super temporis pro rogatione aliquid posse tractare, sed hoc tractandum spectare & pertinere congregationi existenti in Basilea, quodque ad ipsam civitatem Basileæ nuncios nostros mitteremus, instituius propterea mittere personas ecclesiasticas notabiles ad ipsam congregationem Basileæ, ad conveniendum mutuoque deliberandum quæcumque expedientia videbuntur pro consequendo omnium & singulorum effectu, pro quibus celebrandum venit concilium generale. Disponimus enim ita ad universalem Christianitatis salutem, omnes vires nostras intendere & procedere, quod eadem tua serenitas & totus mundus merito contentari debebunt, percipientque nihil honestum ad hunc finem nos prætermisuros, & sine moræ dispendio, etiam si quod supra vires easdem nostras præstabit Altissimus, colligemus, nosque totos multiplicabimus his rebus ad Dei laudem catholicæ ecclesiæ reformationem & universale bonum profuturas esse credemus. Datum Romæ apud S. Petrum, anno Incarnationis Dominicæ MCCCXXXII. calendis Maii, pontificatus nostri anno secundo.

#### SEQUUNTUR INSTRUCTIONES

*Datæ domino Petro Pointeri, super agendis Basileæ pro parte oratorum domini nostri papæ.*

ib. p. 112. **P**rimo, præsentata littera credentia reverendissimo domino domino legato S. Angeli, supplicet dominationi suæ, quatenus ob reverentiam domini nostri, amorem ipsorum dominorum procuret, ut habeat tres salvos-conductus, unum ab his qui dicuntur facere concilium in Basilea & eorum præsentibus, alium a domino duce Wilhelmno locum tenente pro serenissimo domino rege Romanorum, tertium vero ab ipsis civibus sive magistris civium cum clausulis opportunis & maxime infra scriptis.

2. Quod præfati oratores & nuncii, scilicet reverendi patres & domini Johannes Archiepiscopus Tarentinus, Andreas, archiepiscopus Collocensis, Bertrandus episcopus Magalonensis & Antonius de S. Vito, juris utriusque doctor, domini nostri papæ capellanus, & ipsius sacri palatii caularum auditor, cum familiaribus suis omnibus & singulis, ac equis & rebus omnibus possint & valeant tute, libere, ac sine ullo gravamine, necnon offensione reali vel verbali omnes civitates, terras, oppida, & villas, ac loca, & fratas subjectas, & supposita tam civitatis Basileensis, quam serenissimo domino regi Romanorum, & etiam cuicumque communitati, vel domino tam sæculari

*Concilior. Supplem. Tom. IV.*

ANNO  
CHRISTI  
1432.

quam ecclesiastico confederato, cum præfatis dominis, scilicet domino rege Romanorum, civitate Basileensi, & dominis ibidem congregatis, vel aliquo ipsorum usque ad Basileam inclusive & ultra, quocumque ire voluerint, ibique tute & libere ad sui beneplacitum stare & morari valeant, nec non libere, pure & privatim loqui, exponere, & tractare valeant, etiam & singula quæ placuerit præfatis dominis oratoribus quæ expedire videbuntur pro sanctitate domini nostri papæ, sine periculo, molestia, vel offensa cujuscumque personali, vel reali, seu verbali, in eaque civitate Basileensi tute & libere, necnon secreta & impune mittere & recipere valeant omnes & singulos nuncios & familiares, undecumque, mittendos vel ad quemcumque per ipsos dominos mittendos pro rebus & negotiis eis commissis vel committendis, ac rebus aliis quæ videbuntur eis expedire.

3. Item, quod inde præfati domini oratores & nuncii cum personis suis ac familiaribus necnon equis, bonis, & rebus suis & suorum, ad sui beneplacitum, sine alia requisitione, vigore præfatorum salvorum conductuum possint & valeant libere, tute, & impune recedere, sine alicujus cujuscumque contradictione vel offensa, damno vel injuria, tam personali quam reali & verbali, & se transferre ad quæcumque loca, eis dominis placuerit, in eisdemque ad libitum morari & stare valeant, &c. & quod data præfatorum salvi-conductuum trahatur & extendatur a die datæ litteræ credentia lis per ipsos dominos oratores datæ in persona domini Petri domino cardinali, hoc est ad diem IX. julii MCCCXXXII.

4. Ponantur etiam omnes aliæ clausulæ, quæ videbuntur expedire, scilicet sine impedimento juris vel facti, secundum naturam trium salvorum conductuum, per tres partes dominorum prædictorum.

#### EPISTOLA JOHANNIS

Ducis Bethfordiæ, ad concilium Basileense.

*Excusat episcopos Morinensem, Noviomensem, Belvacensem & Parisiensem pro regni negotiis occupatos, quod personaliter ad concilium non accedant.*

**R**everendis in Christo patribus & amicis carissimis, cardinali S. Angeli præsentati, prælatique & ceteris, &c.

Quamquam, reverendissimi in Christo patres & amici carissimi, pro re tanta tamque salubri & necessaria, utpote pro extinctione illius pestiferæ hæresis, proh dolor! pullulantis Bohemorum, ac universalis ecclesiæ in capite & in membris reformatione, necnon totius populi Christiani unione & tranquillitate, ad quæ vos feliciter pervenire concedat auctor ille, cui servire regnare est. Vos pro sacri generalis concilii celebratione in Basilea civitate congregati in unum, litteras a vestris paternitatibus emanantes, prælati vus regni monitorias,

T 2

cum

ib. p. 113;



ANNO  
CHRISTI  
1432.

295

BASILEENSE G. CONCILIUM.

296

ANNO  
CHRISTI  
1432.

cum præcepto & injunctiōe dictum sacrum concilium personaliter adeundi, transmissi-  
tis; singulos exhortantes sub gravibus pœ-  
nis, ne differant ad hujusmodi concilium di-  
rigere suos gressus; quas incidere nec im-  
merito formidantes reverendi in Christo pa-  
tres, episcopus Morinensis (a) consanguineus meus prædilectus, cancellarius Franciæ, necnon Belyacensis, (b) Noviomensis, (c) & Parisiensis (d) episcopi, domini mei regis consilarii speciales, præmissa mihi retulerunt, & vestris litteris acquiescere parati, regiæ celsitudinis, cujus nomine in hoc Franciæ regno fungor regentia & regimine, intentionem & voluntatem requisierint sibi super hoc aperiri, & licentiam impertiri. Nihilominus reverendissimi in Christo patres & amici carissimi, ex eo quod præfatus domini mei regis cancellarius, Franciæ & consilarii prædicti, pro rebus arduis & negotiis publicis dictum dominum meum regem & republicam hujus sui regni Franciæ vario modo concernentibus, & in consiliis suis de die in diem occurrentibus, sunt continue, adeo præpediti, quod sine magna ipsius domini regis jactura, possent a suo, immo republicæ dicti sui regni, servitio discedere, attenta potissime & specialiter materia, quæ per adventum reverendissimi in Christo patris cardinalis S. Crucis ad has Franciæ partes sanctæ sedis apostolicæ legati, est in brevi, Deo duce, pertractanda, super quo jacta sunt jam aliqua præparatoria sive fundamenta; in qua quidem materia dictus dominus meus rex & ego præsentia & assistentia dictorum cancellarii Franciæ & consiliariorum, qui principales existunt, in deductione negotiorum hujus regni, multum indigemus, non possunt a servitio dicti domini mei regis commode discedere de præsentia, rationibus prædictis & aliis pluribus de causis, quas longum esset calamo explicare. Quapropter, reverendissimi in Christo patres & amici carissimi, vos cordialiter requiro & exoro, ut cancellarium Franciæ et alios tres consiliarios suprascriptos, ut prædicatur, continue in obsequiis regis & reipublicæ regni occupatos, si personaliter non adeant, dum tamen procuratorium sufficiens ibidem pro ipsis aut quolibet ipsorum ad omnia suo nomine peragenda, quæ sancta synodus statuere decreverit, transmittere non omittant, vestra dignentur paternitates reverendissimæ tenere & habere, domini mei regis & mei contemplatione, excusatos: scientes, patres reverendissimi & amici carissimi, quod dum temporis opportunitas ingruerit, & res ac negotia hujus regni poterunt sub aliquo tuto sisti & disponi, cupiens exitum felicem rerum per vos salubriter inceptarum, dictis reverendis episcopis Mori-

nensi, Belyacensi, Noviomensi & Parisiensi, cancellario & consiliariis dicti domini mei regis, suæ voluntatis habenas laxare non differam; quin immo, quantum erit mihi possibile, operam dabo pro tam salubri negotio, puta pro unitate sanctæ fidei orthodoxæ, & extirpatione hæresum de domo Dei, quibus de causis vestrum cœtum in spiritu sancto scio congregatum, quem feliciter dirigere, & ut constanter perseveret concedere dignetur ille, cujus res agitur, Filius Virginis gloriøsæ. Scriptum Parisius die VII. maii.

Johannes gubernans & regens regnum  
Franciæ, dux Bethfordiæ.

MILET.

EPISTOLA PETRI BELYACENSIS,

Johannis Noviomensis, & Jacobi Parisiensis episcoporum, ad concilium  
Basilienfense.

*Occupati paci in regno componendæ, excusant se, quod personaliter ad concilium non veniant.*

Everendissimis in Christo patribus & dominis, &c.

Magnam veræ exultationis materiam, reverendissimi patres ac domini, vestræ patientes litteræ nobis jussu vestro præsentatæ tribuerunt. Quid enim lætius audiri solet, quam vestrum gloriosissimum cœtum ad extirpationem hæresum de domo Dei esse in Spiritu sancto congregatum? Quid præterea desiderabilis in rebus terrenis ac mortalibus valebat concupiscentia, quam sponfam Christi catholicam ecclesiam ad componendum pacem in Christicola populo esse cum Deo Abraham congregatam? Neque enim poterat aptiori ullo medio, quam illa felici vestra congregatione pax Domini exilio relegata, populo fideli, cui Christus illam testamento reliquit, redonari: quam tamen qui perdidit, nisi eam sollicitè expetat & requirat, inevitabiliter, Augustino teste, abdicatur a Patre, exheredatur a Filio, & nihilominus a Spiritu sancto alienus efficitur. Quid denique melius inveniri delectat, quam mores ac vitam ecclesiæ, qui in tantam omnium abominationum creverunt insaniam, ut vix umbram prioris habere videantur ecclesiæ, ad antiquam gravitatis ac sanctitatis innocentiam reparari? Sic enim ecclesiæ triumphanti similata, sine macula atque ruga, abjecta priori vitiorum seeditate, castis se æterni sponsi læta reddet ample-

(a) Is erat Ludovicus de Lucemburgo, præses cameræ computorum Parisiis, atque Henrici Angliæ regis dictus cancellarius, cujus inaugurationi in eccl. Parisiensi S. Mariz interfuit.

(b) Petrus Cauchon doct. Parisiensis, factione ducis Burgundiæ factus episcopus Belyacensis, Henrico regi Angliæ addictissimus, cujus judicio Johanna de Arcia puella Aurelianensis flammis addicta est.

(c) Johannes de Mailly, qui postea fuit unus ex conciliatoribus pacis inter Philippum ducem Burgundiæ & Carolum VII. Franciæ regem Atrebat in monasterio S. Vedasti initæ.

(d) Jacobus de Châtelier.

ANNO  
CHRISTI  
1432.

ANNO  
CHRISTI  
1432.

plexibus. Gratulamur igitur plurimum, reverendi patres ac domini, sancto illi proposito, vobis, ut firmiter arbitramur, coelitus infusato, quo sic decorem domus Dei diligentes, ejus miserationis oculo languores aspiciatis, lugetis miseria ejus, denique irreparabili propemodum ruinæ, antequam spes salutis ejus excidat, mederi disponitis. Venit enim tempus miserendi ejus. Sed ex adverso non minus affligimur, quod sanctæ illi congregationi, mandatis vestris obtemperando, ut vellemus, & Deo teste optaremus, nunc personaliter interesse non possumus, quod meritum vestrorum ac laborum, immo & altissimorum, quæ vos manent apud divinam misericordiam, præmiorum consortes esse nequimus. Mente enim tenemus nostrum quemlibet sanctissimis patrum synodis interesse, cum ipsum ad eas vocari contigerit, in sua consecratione jurasse: quod etiam libentes, visa necessitate urgenti, absque ullo superiori præcepto, si nostræ potestati subesset, faceremus; sed non latet V. R. P. sanctissimum dominum nostrum summum pontificem, hujus regni Christianissimi, quod baculum & firmamentum ecclesiæ Romanæ esse solebat, miseratum labores, ad componendam pacem inter principes ipsius, dominum cardinalem S. Crucis cum potestate legati a latere, ad has partes Franciæ destinasse, ejus medio ac providentia jam aliqua tractandi cum dissidentibus partibus jacta sunt fundamenta. Non ignoratis etiam, patres sancti, quantum fructum, non tantum regno huic, ex quo salus aliorum non modicum dependere videtur; sed & ecclesiæ universæ ac rei quam coepistis pax ista sit, Deo auctore, allatura; ad quam tamen cum domino cardinali præfato pertractandam, regis præceptis, quibus in re tam salubri inobedire non licet, fumus consiliorum atque assessorum evocati, abeundi a regno nobis simpliciter interdicta licentia, donec quid in hac re tam ardua possibile fuerit, sit compertum. Nec tamen ab hoc vestro penitus aberimus consortio glorioso: mittimus enim nonnullis vestri percelebris coetus reverendis patribus ac præclaris doctoribus & magistris plenariam potestatem ac speciale mandatum ad omnia nomine nostro vobiscum peragendum, quæ sancta synodus, aut major pars ipsius statuere decreverit V. R. P. affectuosissime deprecantes, quatenus excusationes nostras legitimas ac necessarias admittentes, nos habere dignemini, prout rationis ordo dicat, excusatos. Sed nihil vos, obsecramus, a prosecutione coeptorum impediat, aut retardet. Omnes enim aliæ sunt a vobis curæ, quæ hoc unum bonum impedirent auferendæ, tamquam utilitatis publicæ turbativæ, immo omnium malorum in agrum ecclesiæ inductivæ. Tantus præterea debet illius finis in vobis ardor esse, tanta affectio, tantum desiderium, ut omnis via bona videatur, qua ad tantum positum bonum pertingit, & omnis mala, quæ a tanto bono averti aut elongari contingeret. Scimus enim vobis non defuturas fatæ contrarietates ac invidias, quæ jam gloriosum coetum vestrum solvere, ac voluntates vestras, ut audivimus, rumpere per-

tentant. Sed circa talia elucebit virtus vestra, & exercebitur, suamque vim & potentiam atque victoriam demonstrabit, quæ multo minus laudis assequeretur, si per plana & facilia esset ad prælitum finem veniendum, ad quem inoffenso calle dirigere dignetur R. P. V. ille cujus res agitur, sponsus & pastor ecclesiæ, Jesus Christus. Scriptum Parisius.

Vestri gloriosissimi coetus humiles capellani, domini nostri regis Francorum consiliarii.

P. Belvacensis,  
Jo. Noviomensis,  
Ja. Parisienſis episcopi.

#### EPISTOLA CONSERVATORUM

Et capitulum regionum urbis Romæ, ad Sigismundum regem Romanorum.

*Laudant ejus zelum pro concilio celebrando, instantque ut illud Romæ celebretur.*

Serenissimo ac invictissimo principi et domino, domino Sigismundo Romanorum, Bohemiæ, Hungariæ, etc. regi, benefactori nostro.

Conservatores et capita regionum almæ Urbis regimini præfidentes, populique Romanus, Inviſſime rex, majestati vestræ sese admodum commendant: qui quidem ubi adventum vestrum in Italia esse cognovere, quam maxima voluptate affecti sunt. Tanta enim, ut nihil plane suavius, nihil gratius, nihil denique expectatius hoc quidem tempore illis esse potuisset, præsertim cum competerint eo animo, eoque instituto vos id facere, ut et flagrans bello Italia tandem aliquando vestra auctoritate ac diligentia pacata sit, et aureo illo atque imperatorio diademate in hac urbe Roma dignissima vestra tempora exornentur. Quæ quidem cum majestati vestræ, tum populo Romano optatissima sunt, non diutius universæ Italiæ, cui nihil optatius esse debet; sed & aliud unum est, & multo excellentius, quod, ni fallimur, serenissima vestra majestas nullo modo prætermittere instituit, in primis agendum esse dixit, quod ut quam primum generale concilium celebretur, cum ad diluendam hæresim, tum ad augendum, tutandum amplificandumque Christianum populum. Sunt profecto, serenissime rex, illa duo superiora magnopere laudanda, sed hoc tertium non jam laudandum, sed potius honorandum, cum divinitatis plurimum participes videatur: atque ne litteræ vagentur, ita & hoc tertium Romano populo placet, ita gratissimum est, ut nihil honoretur, & quasi diuturna siti gravatus avidissime id efflagitet. Itaque, serenissime rex, jam habet celsitudo vestra ad unamquamque rem, quam sibi agendam esse nunc cupiat, Romanum populum, paratissimum, quod quidem haud parvi faciendum est. Quem quidem in hujusmodi rebus magnum adjumentum afferre ille possit vestræ imperatoris voluntati, sed eam legem habet, ut invito SS. domino nostro summo pontifice nihil umquam non solum fiat, sed nec quidem cogi-

lb. p. 117.



ANNO  
CHRISTI  
1432.

gitetur. Non enim contra sanctissimam & Romanam ecclesiam tentare volumus, sed illam ipsam & opere & consilio in omni defendere: siquidem ad necem expositi non solum ipsimet, verum & conjuges & dulcissimi filii ante ora patrum semper erunt pro ipsa Romana ecclesia liberanda. Hac scribimus, ut celsitudinem vestram non in hoc aliquid dissentire sentiamus, sed ut ardentiorum animum nostrum intelligatis. Absurdum enim foret, putare illum ipsum contra Romanam ecclesiam umquam esse facturum, qui quidem omni studio curaque semper elaboravit eandem extollere, qui semper arma sumserit in claustris ecclesiae defendendis, qui omne tempus ætatis suae consumserit, ad id dumtaxat efficiendum, ut magis magisque cotidie illa floreant. Quod ut ita sit, non molestum vobis fore arbitramur, si circa celebrandum concilium nostram omnem sententiam his paucissimis ostenderimus. Sumus plane, invictissime rex, ea mente eoque consilio, ut nihil utilius nihilque æquius jam sit, quam ut id etiam cum reliquis omnibus Romae fiat, quod autem nihil æquius ad loci dignitatem atque præstantiam: etenim quae civitas tam clara, magnifica, excelsa ullo umquam tempore fuit, quae vel imperio, vel in omnibus huic Romanae fuerit comparanda? Quod si id imperium speculatur, haec illa profecto est, a qua serenissimum nomen imperii emanavit. Haec illa est, quae universo terrarum orbi dominata est, quae & institutis & legibus non modo sibi optima fuit; sed omnem mundi plagam quasi sale condidit, adeo quidem ut usque in nostra tempora jam nulla jura, nisi quae a Romanis introducta sunt, observentur. Haec est illa civitas, in qua claruit semper christiana fides, in qua sedes summi pontificis constituta est, in qua Petrus ille princeps apostolorum esse voluit, cujus vestigia ac reliquias omnes postea pontifices usque in hunc diem quoad fieri licuit, diligentissime consecuti sunt. Et quoniam majores nostri id optimum factu censuerunt, hanc ipsam amplissimis dotibus munire, & eo maxime, ut nunquam ullo tempore hinc ea sedes dimoveretur. Quid dicemus de infinita pene copia SS. corporum, quibus haec nostra inclyta civitas passim quidem ornata est? tot enim illa sunt, ut in commemorandis solum omnium ille historicorum princeps & eloquentiae Tullianae fluvijs claudicaret. Sed nos pro tempore pauca nunc in medium asseramus. Haec illa est urbs, serenissime rex, quae & apostolorum Petri & Pauli, Simonis, Judæ, Philippi, Jacobi, Mathiae ac Bartholomei sepulchrum esse meruit, & Johannis Baptistae divino illo ac mundano capite gloriatur. In hac Stephanus, Laurentius, Fabianus, Sebastianus, contineri mortui voverunt; qui quidem gloriosissimi omnium martyrum & habiti sunt & fuerunt. In hac & Gregorius & Hieronymus præstantissimi illi doctores sepulchre elucescunt. In hac & Agnetis & Ceciliæ sanctissima & immaculata corpora venerantur, atque una omnium voce duo splendidissima virginitatis exempla. Ad summam, o invictissime rex, haec illa est civitas, in

qua & Domini nostri sanctissima & verissima vultus, effigies, quæ vulgo Sudarium appellatur, semper existere dignata est. Quæ omnia cum animo volumus, non possumus non judicare, jam in hoc ipso concilio celebrando & optimo auspicio & firmitermentum procul dubio futura esse, tum ad defendendam ipsam ecclesiam, tum ad hæresim deprimendam, cum profecto non satis appareat, quis dignior, ac proinde quis æquior locus inveniat. Tum & alia sunt, quæ quidem in hujusmodi rebus in primis quæri solent, vel quibus vestra serenissima majestas facile sibi persuadere debet hoc ipsum concilium non alibi quam Romæ celebrandum esse, tum ad opportunitatem vestram, tum omnium gentium, quæ in isto cœtu atque conventu futurae sunt. Nam suscepto aureo illo atque imperatorio ferto, quid optabilius nunc serenitati vestrae fuerit non satis constat, quam ut quam primum fieri posset, hoc reliquum absolvere. Sed ubi id maturius quam Romæ? ubi tam opportune, ut videtis, singulis cum beatissimo papa nostro vestra celsa serenitas esse honoris poterit: quod quidem potentissima pars est ad rem peragendam. Præterea hic fere universa est curia, quæ cum non mutandum esse sibi locum hac de causa animadvertit, vix se præ gaudio tolerabit, quando quidem peragere totum orbem per mille salutis & latrocinia in summo vitæ periculo non oportebit. At vero si qui absens fuerit, quandoque pauci ac rari illi sunt, longe commodior huc quam alio proficiscendi facultas sibi erit, cum locus ille ad unamquamque provinciam aequè spectet. Præterea libentius huc quam alio accelerabunt, tum quia locus est tranquillissimus, & in summa pace conquiescit, tum quia necessariis omnibus quæ ad victum pertinent fecundissimus simul atque lautissimus est. Quid plura videre in hac creditum nobis fuerit, jam quicquid optet alta vestra serenitas, confectum esse, ac propterea ducere jam vos nobis ante oculos gloriosissimum illum Romanorum regem, quali celsitudo vestra jure optimo forma desiderat, vel qualem longo jam tempore in tam inclyto triumpho neminem comperimus. Sin autem secus a vestra majestate peragitur, veremur ne in aere pisces vos piscari existimemini. Nam res in dispendium pertrahetur; quod quidem, ut cujusdam sapientis sententia est, rebus magnis plerumque officit: quarum etsi merito atque commodissime, cum etiam incredibili ornamento ac gloria majestatis vestrae omnino, ut cernitis concilium Romæ faciendum sit, tum & supplicamus omnes imperatoriae celsitudini vestrae, ut honorem non mediocriter consideretis cum recta sentimus, cum non negari id nobis ullo modo poterit, quando consilium nostrum capiendum tum in summo beneficio & gratia illud quod exoramus. Erat igitur serenitatis vestrae officium id efficere, ut beatissimo pontifici & Romanae ecclesiae cardinalibus ceterisque praelatis suadeatur, ut omnino hoc novum concilium Romæ fiat, quod facillime feceritis cum auctoritate, cum gratia, cum diligentia, cum etiam quod cum honestate mix-

ANNO  
CHRISTI  
1432.

ANNO  
CHRIST  
1432.

mixta utilitas commoneat. Nos autem cum omnibus rebus, tum vel maxime ad hanc ipsam perficiendam imperatoris celsitudinumque decernimus. Romæ, anno a nativitate Domini MCCCXXXII. indictione X. mensis Maii die VIII.

*Conservatores & capita regionum.*

EPISTOLA SIGISMUNDI

Regis Romanorum

Ad conservatores & capita regionum  
Urbis.

*Respondet ad præcedentem, non posse Romam  
transferri concilium Basileense.*

ib. p. 120.

**N**obilibus & honorabilibus conservatoribus & capitibus regionum almae urbis Romanæ regimini præsentibus, ejusque populo, nostris & imperii sacri fidelibus dilectis. Nobiles & honorabiles fideles dilecti, cum Roma testetur esse mundi caput, & auctrix imperii, ac Romanorum imperator a Romæ vocabulo nuncupetur, ut sibi nominis & honoris auspicio merito debeamus; nimirum si res ejus corde sumimus, si quæcumque ejus desideria nobis possibilia, præ ceteris grata & accepta haberemus. Hæc igitur consideratione & singulari affectione, quæ erga almam Urbem accendimur, gratissime suscepimus litteram nobis per vestrum nuncium præsentatam, in qua primo de adventu nostro congratulari videmini: quia pro susceptione imperatoris diadematis & optatæ pacis procuratore; et tandem laudatis, ut ad diluendam hæresim, ad tutandum amplificandumque populum Christianum generale concilium celebraretur. Exponitis tamen, ut sicut reliqua Romæ fienda sunt, & ipsum sacrum concilium Romæ fiat: allegando persuasiones per quas ostendere vultis, id non posse æquius fieri, &c. prout eadem vestra littera ampliori verborum perorat contextu. Quantum ergo, fideles nostri, illam ipsam pacem Italicam haberemus carissimam, etiam si ornamentum coronæ Cæsareæ tantillum maneret dilatum, ille noscitur nihil ignorat. Plus enim revera nos coegit ad veniendum extinctio bellorum, quibus Italia, prohi dolor! undique flagrat, quam mundialis honoris & coronationis nostræ cupiditas; & sic pro ea pace assequenda laboramus, & laborare tantum intendimus, quod totus mundus intelligat nos illam summo opere appetere & quærere. Benedictus Deus illam dignetur concedere quam optamus.

Super facto autem generalis celebrandi concilii sententiam vestram summe laudamus. Nullum enim convenientius præsidium jamjam exquiri posset, quo sanctissima mater ecclesia sæpe ab horrendis & imminentibus undique periculis tueri posset, quam per hujusmodi celebrationem concilii, quæ nedum commendanda, sed quia res sapit divinas, summo cultu veneranda est. Sed non est nostræ auctoritatis concilium Basileense, nec hac, nec illuc posse inducere, quem-

admodum quilibet compos rationis clare potest concipere; nec etiam nos, ut mundus cognoscit, ipsum sacrum concilium institimus. Est enim decretis sacrorum Constantiensis, & Senensis conciliorum auctoritatibus ad Basileam indictum. Demum per dominum Martinum papam V. qui legatum suum illuc transmisit, & hunc SS. dominum papam Eugenium legitime approbatum. Quomodo ergo illud possemus mutare aut quisquam alius deberet seu posset, quod tanta auctoritate tantaque diuturnitate ac maturitate stabilitum est? Inculpamur indigne, quod nos de rebus ecclesiæ ingeramus, quæ nobis non pertinent, cum nunquam contra sanctissimam matrem ecclesiam ejusque summos pontifices aliquid facere, nedum tentare, sed nec cogitare statinimus. Parent nostra opera; si ponantur ad examen debitæ rationis, luce clarius videbitur nos semper, ne id nobis trahamus ad gloriam, omni studio, omnique cura elaborasse ad extollendam eam & amplificandam, tutandumque posse tenus populum christianum. Et sic progenitorum nostrorum imitando vestigia, qui illam summa diligentia coluerunt, & venerati sunt, eandem sanctam ecclesiam, & ejus pontifices revereri disponimus, et ea jugiter facere, quæ ad fidelem & devotum ecclesiæ pertinent advocatum. Est bene verum, quod ad reverentiam sedis apostolicæ & ejus legati, solerter adhortati per ipsum & sacrum concilium, eidem favores & promotiones impendimus: sperantes suæ sanctitati & ecclesiæ Dei per hoc complacere, quemadmodum adhuc nos indubii reddimur, quod eadem sanctitas summe gratam tenet promotionem illam, per quam tenditur ad abstergendam hæresim, cujus rabies tam acriter lævit in christianum sanguinem; reformandos mores populi, quibus divina majestas offenditur; & pacificandum populum dissidentem: quæ omnia per Spiritum sanctum in sacra synodo tam ferventer, quam diligenter tractantur, & ejus inspiratione bene proficiunt; quemadmodum ea omnia sanctissimo domino summo pontifici per nuncios nostros satis exponi fecimus. Sic habet vestra sinceritas institutionem Basileensis concilii, aut ejus translationem nobis minime convenire, sed esse extra limites nostræ potestatis. In quibuscumque vero nobis licitis & possibilibus vobis complacere, possemus, tamquam benefactor Romani populi, sicut sibi semper complacere studuimus singulari beneficentia promovere. Datum, &c.

Sigismundus Dei gratia Romanorum  
rex semper augustus, &c.

ANNO  
CHRIST  
1432.



*Exponit suum in compescendis ecclesie cladibus zelum, mittitque ad concilium unum sacre pagine professorem.*

Sacrosanctæ synodo Basilenſi, &c.

Ab. p. 122.

**R**everendissimi in Christo patres, &c. Quantam operam quantamve possit tenuis sollicitudinem universitas nostra accuratissima providentia impenderit incessanter ad obviandum cladibus crebris, ruinis & humanis vix evasibilibus periculis, ecclesie tam a foris quam intrinsecus imminentibus, arguendo, obsecrando, increpando, prout rerum efflagitabat opportunitas, & casuum postulabat eventus, V. R. non ambigimus latere paternitates. Equidem non modo varia avasamenta in premisiſſis scripto tenuis dedimus: sed & ad partem consiliis, & in palam coram illustrissimo principe & domino nostro gratiosissimo domino Alberto duce Austriae suisque consiliariis proceribus & communitatibus varia persuasimus salutis antidota, quibus instantia pericula pariter & futura, fidelibus interitum comminantis, salubrius possint remediari, per salutiferam quandam ecclesie Dei in capite & in membris reformationem, & variarum inordinationum atque abusuſum extirpationem, præsertim tamen ad exufflationem modernæ detestandæ, & armatæ istius Bohemorum hæresis, quæ in nostris quodammodo laribus, in medio ecclesie, heu! nostris ex tunc exproſcentibus culpis intonuit, inclytum Bohemiarum regnum ac vicinas regiones devastaſſit, sacras polluit ædes, cleri genus electum vertit in parabolam vulgariam, ac nefandam quodam commercio omnem stupravit cœlibatum, & quod deterius est, fidei orthodoxæ unionem perfidia, & errorum vertiginoso quodam caumate in nonnullorum mentibus obtenebravit, usque adeo quod suis non contenta finibus, cum multorum fidelium sanguinis profluvio, verum & vitæ dispendio, exterarum nationes impeteret, & in præceptis mitteret erroris & gehennæ. Novissime autem nedum ex litteris reverendissimi in Christo patris & domini Juliani tituli S. Angeli diaconi cardinalis, sed & sacre vestræ concionis & concilii Basileensis intelligentes V. R. P. ad idem per omnia votum & flagrantissimum desiderium in domino, (aspirare) mox dilectum nobis in domino, Thomam Ebendorffer artium & sacre pagine professorem, &c. ad cooperandum nostri nomine totis conatibus pro bono & salubri statu fidelium, in premisiſſis deputavimus; sed obstante aeris insolita asperitate, & aliis rationabilibus causis præpeditentibus, propositum usque modo, quousque ambassata illustrissimi principis & domini nostri disponeretur prosequi nequivimus. Quare reverendissimi patres omni qua possumus instantia P. V. exoramus, quatenus præfatum ma-

**A**gistrum Thomam velint paterne suscipere, ipsumque & posterius per nos fortassis mittendos, nostræ universitatis nomine gratiosius assumere, ac in proponendis per ipsum aures in singulis adhibere creditivam. Spiritus sanctus paraclitus conservet & corroboret R. P. V. corda ad pacem & suæ sanctæ ecclesie commodum & incrementum feliciter & longeve. Datum Viennæ IX. mensis Maii MCCCCXXXII.

Reverendissimarum V. P. humiles & devoti filii rector & universitas studii Viennensis.

LITTERA SACRI CONCILII

*Directa universis Christianis, & specialiter Franciæ & Angliæ super pace, &c.*

**S**acrosancta generalis synodus Basileensis, &c. universis & singulis regni Franciæ Christianis, cuiuscumque status, gradus, dignitatis, conditionis & ordinis existant, salutem in Domino, & ejus pacem pronis mentibus amplecti, ac omnipotentis Dei benedictionem.

Mediator Dei & hominum redemptor noster Jesus Christus, qui inscrutabilis consilii sanctæ Trinitatis arcanum disposuit in hanc nostram venturus lacrymarum vallem, in eo tempore quo mundus hostilium subiacuit bellorum & turbationum furoribus; sed caprata sibi tranquillitatis plenitudine temporis, dum medium silentium tenerent omnia, sub unoque monarcha universus orbis gratissimæ pacis in signum describeretur; ipse princeps pacis, futurique pater sæculi, de Virgine nasci, & homo fieri voluit, ut nostra suæ humanitatis divinitatisque natura, simul in unum dives & pauper, Deus & homo, sub uno pacis globo conglutinerentur. Ipso ergo pacifico nobis adveniente rege, voces angelorum in excelsis audite sunt canentium & dicentium: *Gloria in altissimis Deo, & in terra pax hominibus bonæ voluntatis.* Ipse namque vera pax de coelo descendens, cum hominibus conversatus, ut cœlestis regni portas reseraret, viam pacis aliis prætulit, docens beatos fore pacificos, quoniam filii Dei vocarentur, & non solum illatas injurias remittere, sed pro inferentibus preces effundere voluit, & exemplo demonstravit. Denique pro pacificis coheredibus sponte morituros, inextimabili prævia caritate testamentum pacis condidit, suis fidelibus pacem relinquens, ipsamque etiam ore divino, postquam ab inferis resurrexit, prima votum voce repetens, ait: *Pax vobis, ego sum, nolite timere.* Quid ergo hac Christi pace gratius? quid optabilius? nihil quippe generosius in rebus creatis solet audiri, nihil delectabilius concupisci, nihil & utilius possideri, quæ vinculum est amoris, consortium caritatis, quæ bella tollit, iras comprimit, superbos calcit, discordias sedat, inimicos concordat. Hanc quoque qui perdidit repetat, qui amat exquirat, nec ad hæreditatem Domini nostri Jesu Christi veni-

Ab. p. 123.

D

E

ANNO  
CHRISTI  
1432.

nire poterit, qui præfatum pacis testamen-  
tum observare contemnerit. Hinc est, filii  
fratresque carissimi, quod his, proh dolor!  
nostris temporibus caritate refrigerante,  
hominumque superabundante malitia, divina  
permiffione, humani generis inimicus pacem  
de terra auferens, cuncta fere Christianorum  
regna, principatus & dominia, Christo pro-  
phetizante, in seipsa divisa, guerrarum &  
discordiarum turbinibus concussit, victaque  
pietas exinde jacere, ac fratrum proximo-  
rumque gratia rara existere comprobatur.  
Tandem divina misericordia suæ pietatis  
oculis populum suum Christi pretioso san-  
guine redemptum clementer respiciens, suo  
sancto Spiritu inspirante, hanc sanctam syn-  
odum coadunari, sibi que populo deperdi-  
tam pacem restitui voluit. Etenim ipsa,  
quamvis cunctis Christianis populis guerra-  
rum turbinibus laceffitis, maternis in visce-  
ribus compatitur: Christianum tamen & in-  
clytum vestrum Franciæ regnum, ejusque  
guerras & disturbia, nec non intestina &  
hostilia bella, pauperes etiam incolas ejus-  
dem regni, qui innocenter deprædantur,  
capiuntur, occiduntur; ecclesiarum quoque  
& piorum locorum devastacionem, & divi-  
ni cultus diminutionem miserabili quodam-  
luctu lugere cogitur. Cujus namque pectus tam  
ferreum, cujus cor tam lapideum foret, ut  
gemitus non exprimeret, & lacrymas non  
effunderet. Hujus felicissimi status memor,  
ubi communia præferebantur propriis, ubi  
vigilabat cura communis, quodamque quon-  
dam in amoris vinculo & unitatis consortio  
colligatum se tranquillitatis moris undique  
vallare, hostibus repugnare, simul & rerum  
ac virtutum opulentia redolere studuit, san-  
ctam Dei ecclesiam honorans, potenter de-  
fendit, pariter & extollendo confortavit.  
Nunc, heu! diviso in se regno, pax fugata  
procul abiit. O lacrymabile regni dedecus,  
quod optimarum quondam legum tranqui-  
litate vixit, nunc hostilitatis furore prostra-  
tum arescit! O quæ tanta licentia belli,  
qualisve calicis iræ propinatio! Cur non po-  
tuit populus iste in bono tantam servare pa-  
cem, ut sibi in idipsum participaret, & vi-  
res suas in pace cognosceret? Quibus omni-  
bus, filii fratresque carissimi, solerti inda-  
gine turbatisque mentibus limpide pensatis,  
eadem sancta synodus, Spiritu sancto coo-  
perante, providere cupiens, solemnes suos  
oratores ad inclytos utroque Christianissi-  
mos reges, de ipso regno contententes, &  
filustrem principem ducem Burgundiæ, pro  
pace & concordia inter eos attentanda, di-  
rigere; & nihilominus præsentium sub te-  
nore populo gloriosi regni Angliæ, secun-  
dum facti convenientiam scribere disposuit;  
sperans in ipsam veram pacem, eundem  
Dominum nostrum Jesum Christum, ut gra-  
tiæ suæ manus apponens adiutrices, lumen  
pacis in eorum cordibus infundat. Idcirco  
vos omnes & singulos per viscera miseri-  
cordiæ ejusdem Domini nostri Jesu Christi,  
ac in virtute Spiritus sancti rogamus & ex-  
hortamur, qualiter quilibet vestrum operas  
suas ad pacem eandem procurandam exhi-  
bere studeat efficaces, prout orthodoxæ fi-  
dei ac universali ecclesiæ in Domino nostro  
Concilior. Supplem. Tom. IV.

ANNO  
CHRISTI  
1432.

Jesu Christo tenetur, ipsos inclytos princi-  
pes, si commode poterit, alioquin alios co-  
rum consiliarios, officarios, nobiles & ma-  
gnates, juxta possibilitatis & conscientie  
suæ conatum, ad tam necessariæ & saluber-  
rimæ pacis amplexum inducat, & induci  
procuretis, ne sanguis fidelium taliter ef-  
fundatur innoxius, quin immo pace procurata,  
generosi animi contra crucis Christi inimi-  
cos & hæreticos eandem Dei ecclesiam his  
malis temporibus invadere & supprimere  
curantes, fortius studeant dimicare. Et ni-  
hilominus devotis & assiduæ orationibus, e-  
leemosynarumque largitionibus, missarum &  
processionum celebrationibus, & aliis piis  
operibus, omnipotentis Dei, Christi que ejus  
filii, tentetis iram flectere, auresque suæ  
misericordiæ concitatis lacrymis propulsetis,  
ut ipsius sanctæ synodi, vestraque in præ-  
missis pia & desiderata vota propitius exau-  
dire dignetur. Et ut præmissa securius ex-  
sequi valeatis, attendite ad petram, qui  
Christus est, cujus sequentes vestigia, ran-  
cores, malevolentias, & odia, quibus vos  
affligitis invicem, postponatis, & ex cordi-  
bus vestris expellatis. Illatas quoque inju-  
rias, exemplo Christi, unus alteri, & e con-  
tra liberaliter remittatis. Et insuper moneo  
& requirit visceribus in eisdem quemlibet  
vestrum, & præsertim ecclesiastici status,  
ac presbyteros sæculares & regulares, cu-  
ratos & non curatos ordinum quorumcum-  
que, qui in semine verbi Dei insistant, ut  
præsentis litteras ipsarumque tenorem po-  
pulo, etiam in prædicationibus publicis, &  
in vulgari sermone intimare & exponere  
curetis, ut populus ipse ferventius ad uni-  
onem & pacem aspiret. Quod si præmissa  
facta fuerint, preces vestre non incassum  
ad Dominum nostrum Jesum Christum ascen-  
dent, sed redibunt cum optato fructu, quem  
ille vobis concedat, qui pro pace vestra mori  
voluit, benedictus in sæcula sæculorum.  
Amen.

Datum Basileæ, &c. die decima mensis  
mail, anno Domini MCCCCXXXII.

## INSTRUMENTUM PUBLICUM

De responsis factis a domino papa oratori-  
bus Sigismundi regis Romanorum.

IN nomine Domini nostri Jesu Christi. A-  
men. Anno a Nativitate ejusdem MCC-  
CCXXXII. indictione X. die vero XVII.  
mensis mail hora nonarum vel quasi, in au-  
la curiæ ducalis Parmæ, pontificatus SS.  
in Christo patris & domini domini Eugenii  
divina providentia papæ IV. anno II. fere-  
nissimo & gloriosissimo principe & domino  
domino Sigismundo divina favente clementia  
Romanorum rege semper augusto, ac Hun-  
garie, Bohemie, Dalmatie, Croatia, &c.  
rege feliciter regnante, anno sui imperii  
XXII. in nostrorum notariorum publicorum  
testiumque infracriptorum ad hoc vocato-  
rum & rogatorum præsentia, personaliter  
constitutus præfatus serenissimus dominus  
Sigismundus Romanorum rex, habens & te-  
nens in suis manibus quasdam scripturas duo-  
rum

Ib. p. 126.



ANNO  
CHRISTI  
1432.

\* f. Albæ  
regiæ,

tum foliorum cartæ papyræ, sibi per nobilem Johannem de Zozenberg alias de Swihou, & venerabiles Benedictum præpositum \* Albanensem, & Nicolaum Stok decretorum doctorem, quos ad SS. dominum nostrum Eugenium apostolicum præfatum, ad Urbem ipse dominus rex destinaverat, responsum ipsius domini apostolici super legatione ipsorum continentes, sigillis ipsorum dominorum signatas, & propriis manibus ipsorum subscriptas, nos infra scriptos Petrum & Simonem publicos notarios cum instantia requisivit, præscriptas scripturas per nos transsumi & exemplari, quodque exinde copias authenticas, & transsumtum, & publica instrumenta facere deberemus; cujus quidem scripturæ tenor per omnia sequitur in hæc verba:

Infra scripta responsio data est nobis ambassiatoribus serenissimæ Cæsareæ majestatis per SS. dominum nostrum Eugenium papam IV. in camera paramenti die XXV. mensis Aprilis: hora tertiæ, in anno MCCCCXXXII. præsentibus ibidem reverendissimis domini cardinalibus, & patriarcha, reverendisque patribus protonotariis, episcopis, abbatibus, auditoribus, cubiculariis & advocatis, quorum nomina in fine sunt descripta.

Primo, regratiamur filio nostro domino regi Romanorum, de eo quod offert se nobis & sedi apostolicæ ad omnem filialem devotionem & protectionem, & ad quæcumque alia, nostrum & sanctæ Romanæ ecclesiæ statum & honorem concernentia.

Secundo, quoad hoc, ubi dicit nos scripsisse suæ majestati, quod gratum haberemus ipsius introitum ad partes Italiæ, sed magis contenti essemus, si prius hæresis Bohemica extirparetur, et hæretici exterminarentur. Dicimus quod id quod scripsimus, semper deliberate ac de consilio et voluntate venerabilium fratrum nostrorum dominorum cardinalium scripsimus, & ita etiam nunc sumus facturi, prout sincere scripsimus, dum tamen majestatis suæ veniat pacifica, ut dicit; sed videbatur magis convenire, quod extirpata prius in regno suo Bohemiæ hæresis, in concilio Constantiensi condemnata, cujus executionem in hujusmodi hæresum extirpatione ipse, ut rex Romanorum & advocatus ecclesiæ, facere debuit, prout et nos in hoc diligentia sua ipsum fecisse credimus; quamvis multi aliud dicunt et teneant, sicut etiam dominus Johannes tempore felices recordationis domini Martini papæ prædecessoris nostri, ipsum de hoc excusabat, et vos apud nos, dicendo quod tota Hungaria et tota Alamannia non fuissent ad extirpationem ipsarum hæresum: de quo satis miramur, cum credemus, quod solus unus angulus illarum partium fuisset ad extirpationem istarum hæresum: et nos credimus quod ipse dominus rex habuit et habet ad hoc voluntatem, quamvis apud alios de hoc non habet creditum, sicut jam diximus pacificaret se prius cum suis de regno Bohemiæ, et demum liberius intendere et vacare potuisset circa pacificationem Italiæ et aliorum.

Tertio, quia ipse dominus Romanorum rex, adhuc in Alamannia constitutus, nobis scripserat, quod prius quam Italiam ingrederetur, mitteret ad nos suos ambassiatores. Quoad hoc dicimus quod nos grate expectabamus \* & expectavimus ad nos mitti per eum hujusmodi ambassiatores, cupientes cum eisdem tractare pro utilitate rerum agendarum, & utinam sperato tempore misisset, ut scripserat: quoniam si tunc sui venissent, sicut & cum desiderio prætolabamus, utique negotia de quibus nunc agitur non fuissent deventa ad ea in quibus nunc sunt.

Quarto, quod hoc quod ipse Romanorum rex veniret ad hos pro suscipienda corona imperiali, ac pro extirpatione hæresum & pace Italiæ, dicimus quod per Dei gratiam non sunt aliquæ hæreses in Italia, pro quarum extirpatione opus esset ipsum laborare; sed sunt veri & boni catholici, sicut esse debent. De adventu autem suo dicimus, quod parati fuimus semper & sumus, quantum in nobis est, ipsum, dummodo ut rex pacificus veniat, honorare, & facere effectualiter omne id quod cum honore poterimus, pro ipsius honore & status exaltatione. Nam ut sciant omnes, sub expectatione sui adventus, ex quo inimicaverat vellet venire de mense februarii, nos quamvis magna necessitas nostræ agri tudinis, qua tenebamus, exigebat, prætermisimus ire ad balnea naturalia, existentia in Apulia, causa recuperandæ nostræ sanitatis, & remansimus fixi in hac Urbe, volentes potius sibi complacere, quam propriæ sanitati providere: sed gratias agimus Deo; per cujus misericordem propitiationem ac provisionem speramus jam absque balneis pristinæ restitui sanitati.

Quinto, quoad hoc ubi dicit nos scripsisse statum & pacem illustri duci Mediolani & totius Italiæ cordi habere, dicimus quod etiam tunc, dum in minoribus constituebamur, optavimus eundem pacem; & demum post nostri ad apicem summi apostolatus assumptionem, semper fuimus & sumus parati ad pacem dandam, nedum Italiæ tantam; sed & toti Christianitati juxta posse, cum nihil magis appetamus, nihil carius videre habeamus, quam videre & pacem & bonum totius Christianismi. Quantam autem operam dederimus pro pacificatione duci Mediolani cum Venetis & Florentinis, sciunt multi, quamvis profectus non sit subsequutus; & utinam nunc Deus det partibus ipsis pacem per horum medium, qui sunt in tractanda inter ipsos hujusmodi pace, aut per quemcumque alium, dummodo habeatur pax inter eos. Dolenter enim & cum cordis amaritudine videmus & audimus quorumcumque Christianorum guerram & sanguinis effusionem, quam summe horremus.

Sexto, quoad hoc ubi dicit nos scripsisse etiam velle dare operam compositioni super differentiis inter suam majestatem & Venetos habitis, de qua eadem majestas nobis regratiatur; & ubi nos rogat ut reddamus & teneamus nos indifferenter, & equalem & communem patrem, quoniam disposita esset nos inter se & Venetos pro mediatoribus ha-

ANNO  
CHRISTI  
1432.

\* al. expectabimus & expectavimus

ANNO habere; etiam dicimus quod nos non fui-  
CHRISTI mus nec sumus, nec esse volumus in aliqua  
1432. re mundi partiales, cum nec esse debeamus  
existendo in hoc summo apice apostolatus,  
quamvis rationabilibus causis potuissimus &  
possemus nos fecisse partem, quia ab una  
parte fuimus impugnati, & ab alia parte  
adjuti. Sed volumus pro posse nostro, quan-  
tum in nobis est, si partes consenserint, pro  
pace inter maiestatem suam & Venetos ha-  
benda interponere partes nostras. Si vero  
causae differentiarum praetactarum devolven-  
tur ad nos tamquam ad iudicem, faciemus  
quod fieri potest de iure, etiam si esset con-  
tra patrem \* nostrum.

\* al. patri-  
monia

Septimo vero & ultimo, quoad proposita  
scripta factum concilii tangentia, quia de  
celebratione & continuatione concilii aliqua  
dicta sunt, & etiam aliqua rationes allega-  
tae, quae contrariantur evangelio Jesu Chri-  
sti, sacrae scripturae, sacris canonibus, & le-  
gibus civilibus; licet sciamus quod istae ra-  
tiones non processerunt ab eo, quia ipse  
non est in talibus peritus, sed melius scit  
bellare, sicut viriliter consuevit contra Tur-  
cos & alibi, & utinam prosperaretur; &  
etiam in eisdem dicta & scripta existunt a-  
liqua alia satis inhonesta, ad quae ex hone-  
state praetermittimus respondere. Succin-  
ctius quantum possumus dicimus, quod quia  
ipse dominus Romanorum rex inter cetera  
nostris ad eum destinatis oratoribus respon-  
dit, quod prorogatio celebrationis & muta-  
tio loci concilii non ad eum, sed ad concilium  
spectaret. Ideo nos jam deputavimus de  
concilio venerabilium fratrum nostrorum  
dominorum cardinalium, certos nostros pra-  
latos notabiles & doctores ad illos de Basi-  
lea in proximo mittere. Et si videbitur il-  
lis quod necesse sit ut concilium celebretur,  
tunc celebretur super extirpatione haereseum  
& morum reformatione, licet jam per Dei  
gratiam nos incoeperimus nostram curiam  
reformare; & speramus quod cum illis erunt  
concordes; & quod placebit eis, placebit  
nobis; & quod voluerint ipsi, volumus &  
nos, & libenter videremus quod haereses  
extirparentur, & haeretici reducerentur,  
tum pro honore Dei, tum etiam intuitu do-  
mini regis. De pacificatione autem princi-  
pum non est opus laborare, quia fecimus  
jam nostram diligentiam, mittendo unum  
ex his nostris fratribus dominis cardinalibus  
in Hispaniam, & alium in Franciam & ad  
quascumque mundi partes erit opus, simili-  
ter faciemus, sicut specialiter ad nos per-  
tinet pacem Christi fidelium procurare. Ro-  
gamus ergo ipsum filium nostrum, & vos  
nostri parte eundem rogate, ut non inge-  
rat se de talibus, quae non pertinent ad  
eum; nec laboret turbare nos & ecclesiam  
Romanam, cum non spectet ad eum nisi  
obedire summo pontifici & sanctae Romanae  
ecclesiae, ac revereri eosdem, sicut etiam  
oratores nostri retulerunt ipsum dixisse,  
quod non spectaret ad eum facere vel dissol-  
vere concilium, sed solummodo facere ec-  
clesiasticis reverentiam & obedientiam. Non  
enim spectat ad eum quicquam de nobis aut  
de concilio; sed pertinet ad eum exsequi ea  
quae a nobis vel a concilio sunt, & reve-

Concilior. Supplem. Tom. IV.

re, ut diximus, summum pontificem in  
sedem beati Petri propositum, & exsequi  
ea gladio quae sunt decreta in conciliis con-  
tra haereticos, sicut in concilio Constantien-  
si. Et si ingerere se de talibus attentabit,  
ipse videat. Deus autem est in coelis supra  
eum & super omnes reges mundi, & defendet  
suam ecclesiam, & nos vicarium suum,  
& successorem Petri apostoli, in cujus sede  
sedemus. Plurimi namque etiam temporibus  
praeteritis, ecclesiam Dei & ejus vicarium  
& successorem B. Petri apostoli turbare praesum-  
serunt, quos tamen Deus, quando placuit,  
humiliavit. Et ideo rogamus eum, ut non  
ingerat se de talibus, quae ad eum non  
pertinent; & vos nostri parte eum rogate.  
Salutetis dominum regem nostri parte, praesentibus  
ibidem reverendissimis in Christo  
patribus dominis S. R. E. cardinalibus, videlicet  
de Urinis, Rotomagensi, de Comitibus,  
S. Marcelli, Novariensi, Veneriarum,  
& Angeloto S. Marci, Blasio patriarcha  
Gradeni; necnon reverendis dominis pro-  
notariis Pandulfo de Urinis, Nicolao Canelli.  
Item, dominis episcopis Fernando Luceni,  
fratre Petro Elefensi, Jacobo Adriensi,  
domino Bartolo de Unico Falnensi, Daniele  
Parentino. Item, dominis abbatibus  
Rotomagensi, Hugone Galliaci de Perusio.  
Item dominis auditoribus Geminiano de Prato,  
Petro Nardi, Johanne Walvig, Antonio de  
S. Vito, aliisque quampluribus fide dignis  
personis praesentibus ibidem: absentibus  
tamen pro tunc dominis cardinalibus, videlicet  
reverendissimis dominis Bononiensi, de Cypro,  
S. Petri ad Vincula, Arcelateni, & S. Sixti,  
qui tamen fuerunt praesentes in Urbe. Nos vero  
notarii infra scripti easdem scripturas de manu  
ejusdem regis recipientes, ipsas copiamus, &c.  
Acta sunt haec anno, indictione, mense, &c. quibus supra,  
praesentibus ibidem reverendissimo in Christo  
patre & domino domino Jacobo archiepiscopo  
Ebreundeni, venerabili domino Mathia praeposito  
Quinque-ecclesiarum, regis Hungariae vicecancellario,  
necnon magnificis & nobilibus viris dominis  
Stephano Signia & Modirissa, Willelmo de Montfort,  
& Johanne de Corvania comitibus, & quam-  
pluribus aliis fide dignis testibus ad praemissa  
specialiter vocatis & rogatis.

Et ego Petrus Kalde de Steterich clericus  
Colonienensis dioecesis, publicus sacris apostolica  
& imperiali auctoritatibus notarius, quia  
supradicti domini Sigismundi Romanorum  
regis, &c. requisitioni, una cum honorabili  
viro domino Simone de Asparn, &c. praesens  
interfui, &c.

Et ego Simon Annuan de Asparn, clericus  
Patavienensis dioecesis, publicus imperia-  
li auctoritate notarius, quia supradicti do-  
mini Sigismundi regis &c. requisitioni, una  
cum honorabili viro domino Petro Kalde,  
&c. praesens interfui, supradictasque scrip-  
turas una cum eodem domino Petro exem-  
plavi, &c.

ANNO  
CHRISTI  
1432.



Lecta penultima maii 1432.

*Certos eos facit de citationibus ab eo factis, mittique ad concilium unum ex suis ad papam oratoribus.*

ib. p. 131.

**R**everendissimi ac venerabilibus in Christo patribus, &c.

Reverendissimi, &c. Rinas V. P. novissime recepimus literas; primam, vestram perseverantiam, aliquas quoque responsiones superscriptis nostris continentem, amicabilem atque gratam; reliquam vero nos requirentem, ut citationes decretas velimus & debeat executioni mandare, &c. Breviter ergo respondendo, dicimus, quod citationes huiusmodi habuimus, & onus executionis, benivole suscipientes, quemadmodum quæcumque onera, ad prosecutionem illam synodalem libenter subimus, illas curabimus ad effectum executionis dirigere, prout in brevi a nobis sentietis. Dominum autem cardinalem Placentinum propria in persona citavimus, nos certos reddentem quod in sacro concilio comparebit. Sed quia ea quæ nuncii & legati nostri a domino apostolico pridie reportarunt, non possent bene describi; ideo statuiamus honorabilem doctorem nostrum magistrum Nicolaum Scolzum unum ex illis oratoribus nostris ad vos transmittere: qui habita jam licentia vos incontinenti adibit, & vos de singulis quæ acta sunt, & aliis mentis nostræ conceptibus clarius informabit. Perseverate igitur constanter, amici carissimi, & res Dei & ecclesiæ votive dirigite, de nostra constantia & sollicitudine solita vos jugiter certos reddentes. Datum Parmæ die XVIII. maii regno nostrorum, &c.

Sigismundus Dei gratia Romanorum rex semper augustus.

COMPOSITIO FACTA

*Inter ambassiatores concilii Basileensis & nuncios Bobemorum in oppido Egra, per fratrem, videlicet Henricum abbatem s. Agidii Nuremberge, doctorem in decretis, fratrem Johannem Nyder priorem Prædicatorum Basileensem, Henricum Tok canonicum Magedurgensem, sacre pagine professores; Fredericum Praspager decanum Ratissponsem, licentiatum in decretis, Albertum plobanum s. Sebadi Nurembergenfis, fratrem Johannem de Mulbruno ordinis Cisterciensis, concilii &c.*

Ibidem.

**I**N nomine Domini nostri Jesu Christi. Anno a nativitate ejusdem MCCCCXXII. die XVIII. mensis maii, conclusa sunt inter nuncios & ambassiatores sacri Basileensis concilii, & oratores de regno Bohemiæ & marchionatu Moraviæ, articuli & formæ salvi conductus, qui sequitur in hæc verba, in civitate Egreusi.

1. Dabitur ambassiatoribus & nunciis de

**A** regno Bohemiæ & marchionatu Moraviæ, ad generale concilium Basileense mittendis, quam primum applicuerint & petierint, audientia plena & libera, coram tota congregatione ejusdem concilii, totiens quotiens in Basilea manentes poposcerint, eis opportuna, & negotiis, præsertim de quatuor articulis, pro quibus se exposuerunt, per ipsos deducendis, accommoda. Et nihil tractabitur interim in eodem concilio per dictum tempus, quod prosecutionem & expeditionem huiusmodi audientia & causæ impedire poterit, sine dolo & fraude.

2. Item, si petierint deputabuntur aliqui notabiles boni & litterati viri de concilio, qui cum ipsis vel eorum deputatis, super propositis sive proponendis benigne & fraterne conferant, totiens quotiens opus fuerit.

3. Item, assignabitur ipsis pro tali audientia in congregatione ante mutuum nostram unionem, honestas & decens locus: post unionem vero habebunt locum sibi, juxta exigentiam suæ legationis debitum & honestum.

4. Item, dabitur eis tempus unius, duorum vel plurium dierum mature deliberandi super huiusmodi sua audientia, & responsis, sive replicationibus ex adverso proponendis secundum quod petierint.

5. Item, dabitur eis copia ex adverso propositorum in scriptis, si petierint: sic & ipsi dabunt similiter in scriptis, si petitum fuerit.

6. Item, quod nulla jura canonum, decretorum, decretalium & statutorum quorumcumque edita vel edenda, aut quævis alia scripta in & contra quantumcumque facinorosos homines, etiam usquequaque a fide deviantes, sonantia cruciata & sententiarum executionum qualitercumque in præfatos dominos Bohemos & Moravos eis adherentes utriusque status secularis & spiritualis, & a quocumque sive per quemcumque fulminata decreta, sive determinationes, præsertim conciliorum Constantinensis & Senensis, aut quæcumque declarationes eisdem debebunt aut poterunt, quovis modo excogitato, salvo conductui & audientia eorum prædictis derogare, ea infringere, infirmare, aut quovis modo annullare.

7. Item, in causa quatuor articulorum, quam, ut præfertur, prosequuntur, lex divina, praxis Christi, apostolica & ecclesiæ primitivæ, una cum conciliis doctoribusque, fundantibus se veraciter in eodem pro veracissimo & indifferenti iudice, in hoc Basileensi concilio admittentur.

8. Item, liberum erit illis sicut & nobis, salva pace & bona honestate, coram dicto concilio, si placuerit, obviare sive accusare quoscumque status, exorbitantes, defectus sibi invicem quos senserint modeste exponendo.

9. Item, sicut domini nuncii in Bohemia insisterunt, ut publica crimina eliminarentur ab ecclesia Dei, & præsertim a loco dicti concilii: nos nuncii ejusdem concilii pro viribus cooperabimur, quod hæc gradatim & opportune, sicut & alia in ecclesia Dei reformanda, Deo propitio, expediantur.

10. Item, ad quemcumque locum eundo

do, stando, & redeundo, per totum tempus salvi conductus eos contigerit declinare, nulla fiet cessatio a divinis, nec interdictum servabitur propter eorum præsentiam.

II. Item, dabimus operam per honestam ordinationem, ita quod in suis divinis, in ipsorum hospitii agendis, non inquietentur aut turbentur.

## INSTRUMENTUM

*Executionis, citationis & monitionis  
contra dominum papam & dominos  
cardinales, &c.*

**I**N nomine Domini. Amen. Per hoc præsens publicum instrumentum cunctis pateat evidenter, quod anno a nativitate ejusdem Domini nostri Jesu Christi MCCCCXXXII. indictione X. die vero veneris VI. mensis Junii, hora primarum vel quasi, pontificatus SS. in Christo patris & domini nostri Eugenii divina favente clementia papæ IV. anno II. serenissimo & gloriosissimo principe & domino domino Sigismundo divina favente clementia Romanorum rege semper augusto, ac Hungariæ, Bohemiæ, Dalmatiæ, Croaciæ, &c. rege feliciter regnante, anno sui imperii XXII. in alma urbe Romana, ante valvas ecclesiæ B. Petri apostoli, in mei notarii publici, testiumque infra scriptorum ad hoc vocatorum specialiter & rogatorum præsentia, constitutus personæ liter honorabilis & discretus vir Nicolaus Albz de Yavvitz Vespriemensis dioecesis, supradicti serenissimi domini Sigismundi Romanorum regis procurator, per eum ad infra scriptam executionem & causam exequendam legitime constitutus, prout hoc in hujusmodi procuracionis & mandati publico instrumento desuper sibi tradito clarius continetur, habuit et tenuit in suis manibus quandam litteram patentem monitionis, requisitionis et citationis contra et adversus præfatum dominum Eugenium papam, et reverendissimos in Christo patres et dominos dominos cardinales S. R. E. a sacrosancto Basileensi concilio generali emanatam, ejusdem concilii generalis sigillo rotundo pendenti sub cera rubea in ejusdem sigilli medio capitum prælatorum multitudo, in circuitu vero sigilli ejusdem fuit scriptum, videlicet hoc modo: *Sigillum sacri generalis concilii Basileensis universalem ecclesiam representantis*, sanam et integram, et omni suspitionis vitio carentem; cujus quidem litteræ tenorem volo hic habere tamquam pro inserto. Eandem litteram præfatus Nicolaus S. Petri affixit, ibidemque affixam, præfato domino Eugenio papæ et dominis cardinalibus majori numero in urbe Romana existentibus, stare dimisit publice ad legendum, ipsamque ac omnia in eadem contenta, tamquam per edictum publicum, intimavit, insinuavit et publicavit, et ad præfati domini Eugenii papæ et dominorum cardinalium notitiam, prout melius potuit, deduxit, sicque quod non sit verisimile hujusmodi monitionis, requisitionis et citationis sacri Basileensis concilii litteram taliter, ut præfer-

tur, intimatam, ad ejusdem sanctissimi domini papæ et dominorum cardinalium notitiam non pervenisse, cum constet hoc tum publice in loco præfato actum fuisse. Protestans idem Nicolaus, quod ad ulteriorem et ad personalem hujusmodi citationis executionem procedere non auderet, ob metum cadentem in constantem virum, cum ad eodem dominos papam et cardinales citatos tutus sibi non patebat accessus. Super quibus omnibus et singulis dictus Nicolaus procurator, cum protestatione debita requisivit me notarium publicum infra scriptum, sibi desuper unum publicum instrumentum, aut plura conficere, tot quot fuerint necessaria, publica instrumenta. Acta sunt hæc Romæ anno, indictione, mense, die, hora, pontificatu et loco, quibus supra, præsentibus ibidem discretis viris Andree de Albarregali, et Johanne Cadlovicz Vespriemensis et Olomicensis dioecesis, testibus fide dignis ad præmissa vocatis specialiter et rogatis.

Et ego Mathias, olim Johannes Dezima, clericus Olomicensis dioecesis, publicus auctoritate imperiali notarius, dictæ citationi, intimationi, &c. una cum prænominatis testibus præsens fui, &c.

## EPISTOLA DOMINICI CARDINALIS

Ad concilium Basileense.

*Cum paci inter reges Aragonum, Castellæ, & Navarra vacet, orat ne ad concilium citetur.*

Sacro concilio Basileensi.

**R**everendissimi patres, et præstantissimi domini salutem & sani consilii in domino, qui crucis aram scandens catholicam ecclesiam sibi inseparabiliter copulavit, semper spiritum compere ad felicius successum beatissima incrementa.

Post labores multiplices partibus in remotis, iussu apostolico salubriter astrictus, exorta zizania inter illustrissimos matris ecclesiæ filios pugiles, Aragonum, Navarra quoque & Castellæ reges mutuo dimicantes, cum nonnullis collegis meis ab olim jugiter intendens, pacificationis ad litus nequeundo adhuc, pro dolor! convenire, afflictio his addita est, afflictio mihi dura. Putans etenim zizania partem evulsiisse, dum ad residuum pergerem finaliter evellendam, meis est auribus resonatum, vos dominos venerandos omnes dominos cardinales, ut ad concilium properent, citari decrevisse: de quorum tamen numero, licet immeritus, alter ego, cum his ad quæ concilium in sui parte asseritur congregatum, ad relaxandum scilicet discepta inter principes sæculares, huc usque vacaverim, vacem ad præfens, ac mandato apostolico, ut præfertur, & nihilominus juramento parte ex altera, quibus artor in posterum vacare, credo ab hac regula excipi specialiter generali: super quibus obtinendis Guillelmum Bartholomei secretarium meum, de intentione mea instructum, plenissime ad vos cum præsentibus



ANNO  
CHRISTI  
1432.

bus destinare decrevit; quem in his, quæ meo nomine vobis duxeris proponenda in excusationem mei, cum exauditionis effectu, tribuendo illi plenam fidem, benignius audientes, Dei potius intuitu, regnorumque ipsorum regum efficaci salute, ne citatus, ut dictum est, deferere huiusmodi laudabilia continuata, vestramque præsentiam compellar accedere, dignemini discernere me vobis supplico excusatum, super quibus Altissimo, cuius causa ventilatur, profecto servitium, et dictis regnis tutelam incunctanter impenditis, ad laudem ecclesiæ matris omnium militantis, cui debite providere ad salutem propriam pariterque communem, largiatur clemens dextera ecclesiæ principis triumphantis. Scriptum Teraconæ XI. junii MCCCCXXXII.

Dominicus tituli SS. Johannis & Pauli presbyter cardinalis.

#### EPISTOLA KATARINÆ

Reginæ Aragonum et Siciliæ ad concilium Basileense.

*Dominicum cardinalem conciliandæ paci inter reges Castellæ & Aragonum occupatum excusat ne ad concilium accedat.*

1b. p. 137.

**R**everendis ac venerabilibus In Christo patribus dominis, præsidenti in sacro concilio Basileensi, etc.

Reverendi ac venerabiles in Christo patres, etc. Percepimus noviter reverendum in Christo patrem dominum Dominicum tituli SS. Johannis et Pauli S. R. E. cardinalem, ad sacrum concilium Basileense convocatum fuisse: cujus convocationis prætextu cardinalis idem se parabat ad iter, ut posset in dicto concilio interesse. Verum quia super dirimendis et sedandis contentionibus et controversiis, quæ, satore zizaniz operante, subortæ sunt inter illustrissimum principem regem et dominum virum, et dominum nostrum carissimum et illustrissimum regem Castellæ et legionis amantissimum fratrem nostrum, quas non absque amarum suspiriis recensemus, jam dictus dominus cardinalis inter ceteros, ut præcipuus et singularis electus est, illum affectuose rogavimus, quod tanta et tam ardua negotia, quorum merita non parvo a diu collecta novit studio, et labore, non velit deferere inexplata, onus assumendo in nobis, quod pro illis excusatione ad reverentias vestras hos nostros apices mitteremus. Cumque jam dictus cardinalis sit vir alti consilii & magna circumspicione præditus, propter quæ et propter suæ dignitatis reverentiam poterit, indubitanter, fructuose et salubriter proficere in jam dictis: paternitates et reverentias vestras affectuose rogamus, quatenus attenta mente quæ scribimus cogitantes, quantisque dissidiis, dispendiis et desolationibus dicti cardinalis intercessio poterit obviare, sinceris affectibus recensentes cardinalem eundem velitis habere ab accessu ad dictum concilium ratione prævia excusatum. Etenim si ibi esset, illum cogitamus P. V. pro tanto

negotio ad partes istas mittere debuisset. Iterum igitur ex intimis nostris præcordis vos rogamus, quatenus illum excusatum a prædicto accessu, ut prætangitur, habere velitis, gratum ex hoc Deo indubitanter servitium, maximumque nobis placitum impensuri. Datum Barchinonæ XV. die julii MCCCCXXXII.

Regina Aragonum & Siciliæ, &c.

Sic signata propria manu Katerina.

#### EPISTOLA REGIS NAVARRÆ

Ad concilium Basileense.

*Dominicum cardinalem excusat, quominus ad concilium accedat, utpote occupatum conciliandæ paci inter reges Hispaniarum.*

**R**everendis ac venerabilibus in Christo patribus præsidentibus in sacro concilio Basileensi, devotis nobis, &c.

Reverendi ac venerabiles in Christo patres & amici carissimi, iusticia exigit, ratio exposcit, & debitum interpellat, ut quæ veritate præpollent, licet, nonnullis umbris nescientiæ modio sub quodam interdum contegantur, opportuno tamen in tempore veritatis cacumen adeo præcise panditur, quod nescitur, quandoque utile tallum reddere certiores. Vobis igitur significamus, quod nuper inter illustrissimum regem Aragonum carissimum fratrem nostrum ac nos ex una, regemque Castellæ partibus ex altera, nequissimo generis humani satellite sua nequam philacteria prætendente, contentionis materia est inserta, qua conflictus & scandala hinc inde varia pullularunt; super quibus confedandis carissimus frater noster rex idem Aragonum, reverendum in Christo patrem dominum Dominicum titulo SS. Johannis & Pauli nunc presbyterum cardinalem, tunc autem antistitem Ilerdensem, virum utique providum, scientia, moribus et vita laudabilibus circumspæctum, cum certis collegis ejus, ad refarciendum sic diffusa deputandum decrevit. Quo siquidem antistite deputato in refartione prædicta, cum collegis eisdem provide insistente, ipsoque in cardinalem, iis pendentibus, sic assumto, ad certam compromissi viam juramento medio ab ipsis collegis, una cum adversariis nostris, futuræ sub spe pacis in viam juris & alias adipiscendæ, est perventum; quibus sic se gerentibus hinc & inde, mandatoque apostolico quodam eidem cardinali super his præsentato, a biennio citra & ultra cum collegis eisdem, & plerumque sine illis, in nostris consensibus etiamque regum prædictorum, cum adversariis jam dictis vacavit continue, vacareque non desinit indeffesse, non pariendo personæ propter eam, laboribus et expensis. Quocirca attenta meditatione pensantes vigilantiam, sinceritatem, animi constantiam, actiones quoque, quibus idem dominus cardinalis ad laudem cunctipotentis, reique publicæ utilitatem, ac regum regnorumque huiusmodi & prin-

ANNO  
CHRISTI  
1432.

ANNO  
CHRISTI  
1432.

ANNO  
CHRISTI  
1432.

& principum ac populorum suorum felicio-  
res successus, ob æternæ pacis obrentum  
nosceat nedum apud nos, quinimmo vul-  
gus universum, inter alios collegas ejus  
merito collaudari; colendam providentiam  
vestram attente propterea præsentibus de-  
precamur, quatenus ne propter ipsius car-  
dinalis fructuosæ præsentiae, ut præfertur,  
absentiam in hujusmodi damnosam, his præ-  
sertim temporibus, quibus præfatus domi-  
nus rex frater noster a suis regnis et terris  
citramarinis personaliter absens, alibi va-  
riis residet præpeditus, pacis amoenitas,  
quæ per ipsius medium, largiente Domino,  
speratur, aliquatenus dirimatur: sed ut pos-  
sit liberius in his effectû salubri pervagare,  
a convocatione vestra, qua, sicut accepi-  
mus, cardinales et prælatos ad concilium  
ceteros convocatis, penitus eximentes,  
eundem dominum cardinalem in his libere  
tamdiu insistere permittatis, quousque, dan-  
te Domino, præmissorum ad limites perve-  
nerit conclusivos; in quibus Deo servitium,  
ecclesiæque pro qua certatis, debitum con-  
solamen, et republicæ fauciatæ medelam  
comprestabitis salutarem. Et si qua reve-  
rendi ac venerabiles patres et amici carissi-  
mi, pro vobis agere possumus in his parti-  
bus, nobis confiderenter rescribite. Datum  
in civitate Cæsaraugustana sub nostro sigillo  
secreto, die XXI. junii MCCCCXXXII.

Rex Navarra infans et gubernator  
generalis Aragonum, et Siciliae.

#### REVOCATIO FACTA

Per fratrem Guillelmum Joffeume in  
congregatione generali die mercurii  
IX. Julii MCCCCXXXII.

Ms. p. 139.

Ego frater Guillelmus Joffeume cum om-  
ni humilitate sacri concilii imploro cle-  
mentiam, et supplico misericorditer mecum  
agi, et non secundum districtum iudicium,  
prout exigeret qualitas meorum culparum:  
quoniam ego licet in fervore zeli, tamen  
non secundum scientiam debita discretionem  
temperati, multa in prædicationibus dixi  
vulnerantia unitatem fidelium, scandalosa,  
et piarum aurium offensiva, et aliqua etiam  
non veræ doctrinæ, per errorem credens  
illa esse veræ catholicæque doctrinæ. Num-  
quam tamen fuit pertinacia in mea volun-  
tate, sed Dei misericordiam semper volui,  
et nunc volo, et in æternum volam, eam  
fidem et veritatis doctrinam tenere, crede-  
re et confiteri, quam sancta mater eccle-  
sia tenet, et consistit; publicæque revo-  
co illud quod aliquando dixi, quod nisi  
quis per integram diem abstinere a pecca-  
to, non habuit veram contritionem, et per  
consequens sibi non valuit facta confessio.  
Asseroque et confiteor, cum sancta matre  
ecclesia, quod possibile est aliquem habuisse  
veram contritionem, post sacramentum po-  
nitentiae obtinuisse veniam peccatorum, et  
in gratia Dei in caritate fuisse, et eodem  
die, immo post modicum temporis cadere a  
caritate, et peccare mortaliter. Et de præ-  
dictis et aliis circa fidei catholicæ verita-

tem, illam fidem me tenere profiteor, et  
defendere promitto usque ad animam et san-  
guinem, quam sancta mater ecclesia profi-  
tetur et tenet, paratūque me offero eam  
fascipere poenitentiam, quam hoc sacrum  
concilium mihi decreverit imponendam, ite-  
rum et semper veniam & misericordiam hu-  
militer postulando.

#### ORDINATIO CONCILII

Super præmissa revocatione.

Quia ad audientiam hujus sacri concilii  
de te, frater Guillelme, multa alia,  
quam quæ modo expressisti, delata fuerunt  
prædicasse, dixisse, et asseruisse, infana, er-  
ronea, scandalosa, et unitatem fidelium  
vulnerantia, et piarum aurium offensiva.  
Ideo ut veritas non occultetur, sed omni-  
bus pateat, volumus et ordinamus, qua-  
cumque contra te aliquis objecerit seu obji-  
cere voluerit legitima, probasse debeat per  
totum mensem septembris proxime sequen-  
tem, coram reverendis patribus dominis Pa-  
piensi & Ratiponensi episcopis, et abbate Ci-  
sterciensis, iudicibus fidei per sacrum concilium  
deputatis, vel duobus ex eis. Et quia  
tunc certum erit quæ poena pro commissis  
tibi conveniat, ipsius poenæ determinatio-  
nem usque ad dictum terminum duximus dif-  
ferendam. Interim autem assignamus tibi pro  
carcere locum aliquem secundum determi-  
nationem prædictorum iudicum, a quo man-  
damus te nullatenus recedere. Alioquin eam  
poenam incurras, quam incurreres si omnia  
contra te objecta, essent legitime probata,  
aut ore proprio confessus fuisses. Et quoniam  
contra interdictum tibi factum sub po-  
na excommunicationis latæ sententiæ, a ju-  
dicibus per sedem apostolicam deputatis,  
ausus fuisti prædicare \* prædictam senten-  
tiam excommunicationis incurrendo, man-  
damus tibi, ut cures a prædictis iudicibus  
sanctæ sedis apostolicæ absolutionis benefi-  
cium ab irregularitate, quam te divinis im-  
miscendo incurristi obtinere.

1b. p. 140

\* f. appel.

lare

#### LITTERA CONCILII

Missa universis archiepiscopis, ad exo-  
randum Deum pro reductione Bohe-  
morum.

Sacro sancta generalis synodus Basileensis, Ibidem.  
etc. venerabili fratri archiepiscopo, etc.  
salutem, etc.

Hæc sancta synodus juxta decreta sacro-  
rum Constantiensis & Senensis conciliorum  
& auctoritate apostolica in Spiritu sancto  
legitime congregata, pro divinæ majestatis  
gloria populique Christiani salute, ad extir-  
pandum hæreses, pacemque ac reformatio-  
nem morum in christiano populo compo-  
nendam, accurata sollicitudine, cum divinæ  
gratiæ adjutorio, fatagens, jam dudum ad  
partes Bohemiarum suas litteras destinavit, ip-  
sos Bohemos ad hoc sacrum generale con-  
cilium convocando, benignam audientiam,  
quam sibi denegatam æpissime questii sunt,  
caritativamque informationem, & pacem  
evan-



ANNO  
CHRISTI  
1432.

evangelicam offerendo. Quas quidem litteras cum ab ipsis de Bohemia reverenter intellexit esse susceptas, atque se ad contenta in eisdem velle disponere, pro ulteriori debita prosecutione ad confinia regni prædicti suos ambassiatores transmissit. Qui quidem sacri concilii ambassiatores, nonnullique principes & communitatum ambassiatores adjacentium regionum, in oppido Egræ diocesis Ratisponensis, cum nunciis & oratoribus omnium statuum regni Bohemiæ & marchionatus Moraviæ, convenerunt: inter quos, aspirante Spiritus-sancti gratia, concordatum est et conclusum, quod ad hoc sacrum generale concilium pro dictis regno Bohemiæ & marchionatu Moraviæ, grandis & sollemnis debet ambassata transmitti, atque, prout dicti ambassiatores hujus sacri concilii referunt, quibus fidem plenariam dari experta prudentia zelique sinceritas, et integritas vitæ facit, spem magnam delorum conversione probabiles conjecturæ demonstrant. Hæc siquidem a dictis ambassiatoribus relata, veluti quasdam Spiritus-sancti primitias, cum gaudio magno hæc sancta synodus suscepit, omnipotenti Deo gratias magnas, devotasque preces, jejunia et sacrificia obtulit, qui tale dignatus est propositum inspirare, hocque spei bonæ gaudium Christi fidelibus nunciari dignum non immerito arbitrata est, fidelesque populos exhortandos, ut devotis orationibus assidue operibus caritatis pro hujus rei felici consummatione divinam studeant clementiam exorare. Quantum quidem hujus rei salubris et votiva conclusio sit cunctis optanda Christianis, palam est omnibus, considerantibus maxime cædes, strages, ecclesiarum et monasteriorum everisiones, terrarumque depopulationes; et quod magis lacrymabilibus oculis referendum, interitus tantæ multitudinis animarum, quæ ex discessu ipsorum ab ecclesiæ catholice unitate sequuta sunt, et consequi sperantur, nisi per inspirantem Spiritus-sancti gratiam convertantur. Si enim pro unius conversione laborandum est plurimum, lacrymisque et spiritu divini clementiam interpellandam sacra dogmata patrumque exempla demonstrant, quanto magis pro tam numerosa multitudine animarum. Eapropter hæc sancta synodus per universas orbis ecclesias singularesque Christi fideles, divinæ majestati preces et sacrificia offerri dignum arbitrata, omnibus archiepiscopis per universum orbem similes litteras destinare decrevit. Tuam igitur fraternitatem ardentius exhortatur in Domino, ac in virtute sanctæ obedientiæ præcipit et mandat, quatenus omnes et singulos suffraganeos tuos per litteras tuas harum seriem continentes, exhortari cures, eisque mandare, sicut et hæc sancta synodus tibi præcipit et mandat, quatenus per omnes ecclesias hæc facias Christi fidelibus nunciari, specialesque preces fieri in singulis institutis ecclesiis, fideles Christi piis exhortationibus ammonendo; ut devotis orationibus, jejuniis et aliis operibus pietatis omnipotentis Dei studeant exorare clementiam, quatenus sicut spei bonæ concessit initia, largiri dignetur optatum

conclusionis effectum; ad suæ majestatis gloriam, exaltationemque fidei Christianæ, hæc ut in remissionem suorum peccatorum eis proficiant injungentes. Datum Basileæ XVI. kalendas Augusti, anno MCCCCXXXII.

## EPISTOLA

D. episcopi Cæsaraugustani, ad concilium Basileense.

*Laudat zelum cardinalis Dominici in concilianda pace inter reges, cujus opus incoeptum non æquum sit interrumpi.*

REverendissimis in Christo patribus, etc. Ib. p. 142. Reverendissimi in Christo patres, illustrissimi, spectabiles, potentes, magnifici, egregii et nobiles domini, post requiei dationem debitam et pacem, qua pontifex summus Christus decrevit peramplius caritate mutua cariores ejus sponsum sine ruga ubique confovere, ram in capite quam in membris salubriter dilatare: zelus domus altissimi me impellit, jus dominicum attrahit, virtutum quoque ratio pia mater angit, ut quæ vidi et audivi veritate nitere, loqui non prohibear in testimonium rei gestæ. Dudum siquidem hostis antiquus phialas toxicationis suæ in filios ecclesiæ Hispaniarum principes Aragonum et Navarra ex una, Castellæque illustrissimos partibus ex altera reges catholicos perfundens, tanto abstinio amaricavit, ut illustri profapia, qua mutuo se complectuntur, ac si non foret, oblita, conspectibus et scandalis hujusmodi pullulantibus, se sic lethaliter invaserunt, quod nisi fuisset restitutum hujus principis per media infrascripta, clima fere Hispanicum universum hodie, ut reor, universali ruinæ subaceret. Verum Christus ipse sublimis triumphator hæc adversa pie reprimens, reverendissimum in Christo patrem dominum Dominicum tituli Ss. Johannis & Pauli nunc presbyterum cardinalem, tunc autem antistitem Ilerdensem, virum utique providum, vita, scientia, & moribus, negotiorumque experientia laudabiliter circumspectum, qui negotiis ecclesiæ & variis secularibus, a juventute ipsius jugi exercitio ultro semper prospiciens, fama etiam publica veraciter contestante, velut miles strenuus indebellabiliter pervagavit, pronum & voluntarium cum nonnullis collegis ejus ad amara hujusmodi dulcioribus temperandum, in viam acquirendæ pacis per ipsius domini regis Aragonum organum saluberrime deputavit. Qui quidem sic deputatus, manus aratro immergens, laudabili more suo condonavit ipso Christo per obtentum quinquennalis treugæ hæc intemperie utillime temperata, etiam postquam assumptum fuit ad apicem cardinalatus, ut pace perpetua initiata, hæc finirentur, certo præstito juramento cum dictis ejus collegis, ac jussione apostolica eundem præterea coardante, a præteritis duobus annis citra & ultra intentus, præmissis assidue insistens, vacare non desinit incessanter, nec desistere puto honestum, salva ejus constantia juramento & jussione prædictis intuitis diligenter quam maxime. A cetero cum

ANNO  
CHRISTI  
1432.

ANNO CHRISTI 1432. cum rex idem Aragonensis, cujus naturalis vassallus est, in præsens ultramarinis agat partibus in remotis, cui non puto eum placere, si hoc negotium deferret, sic finaliter conclusum, eo præsertim considerato, quod si ipse desisteret a prædictis sic continuatis, ejus collegæ prædicti utique recederent a regnorum confinibus prædictorum, ubi resident pro præmissis: & convicini confinium regnorum prædictorum, qui vix continere possunt se adinvicem deprædari, reinciperent gravem guerram, quam plerumque intentarunt, sed a dictis collegis victi, male ablata debite restituentes, a suis nequam ausibus refrenati, hinc inde quiescere sunt compulsi. Non mirentur præterea vestrae reverentiæ merito venerandæ, si eisdem pandere hæc decrevi. Nuper enim Terraconensis episcopus tunc domini antistitis Ilerdensis metropolitani existens, talem, qualis prædictus existit agnovi incunctanter, nunc autem cancellarius prælibati domini regis Aragonensis licet immeritus, exilens, ac dicti domini cardinalis adiones fore utiles, ut est dictum, ipsis regnis prospiciens, in fervore Spiritus sanctæ mentis pro communi climatis prælibati salute ac excusatione sui, contra quem percipio nonnullorum detractio- cum suffurationem exortam, pro eo quod his salubribus derelictis, Romam aut ad concilium postquam effectus est cardinalis non pergit, sacro conspectui vestro decrevi præsentibus quæ dicta sunt referare, ut qui semper pro ecclesia in statu utroque, ut dictum est, militavit, & militare non desistit, non dicatur ullatenus contumaciter retroire. Et conservet V. R. P. Altissimus prospere temporibus duraturis. Ex Barchinona XVII. Julii.

Ad V. R. P. & D. servitia, mandata, honores, placita semper paratus D. archiepiscopus Cæsaraugustanus, ferenissimum domini regis Aragonensis cancellarius.

## EPISTOLA PHILIPPI

Ducis Burgundiæ, ad sacrum concilium.

*Promittit oratores & prælatos suos ad concilium se missurum, ac pro pace operam suam impensurum.*

lib. p. 144. R Everendis in Christo patribus prælati ceterisque in sacra synodo Basileensi, &c.

Reverendissimi in Christo patres, etc. Cum ingenti desiderio ad vestræ sanctæ congregationis in Spiritu sancto felicem progressum, reverendum in Christo patrem episcopum Laudensem, spectabilem et egregium militem dominum Racellum de Auro de Bonna, et sacre paginæ professorem eximium, priorem conventus Chamberiaci ordinis fratrum Prædicatorum, vestros ad nos destinatos oratores audivimus, in his quæ vi litterarum vestrarum credentibus, in nostri præsentia consilii nobis ex parte vestra eleganter exposuerunt, et succincte ad tria nos signanter exhortantes, ut videlicet ad ve-

Concilior. Supplem. Tom. IV.

A stram sanctam synodum nostros transmittere- mus ambassiatores; dominiorum nostrorum prælatos et ceteros ecclesiasticos viros hortaremur et moneremus ad eandem se trans- ferre; et ad pacem populi Christiani no- stram vellemus operam præstare propitiam. Super quibus eisdem in eodem nostro consilio dedimus ad singula responsum, nos vi- delicet ad sanctam vestram synodum nostros, ut ex animo jam proposuimus, ambassiato- res tempore quo poterimus aptiori destina- turos, et dominiorum nostrorum prælatos, ut, ad eandem sanctam synodum gressus suos accelerent, quantum in nobis erit, hortaturos, nosque ad populi Christiani pacem et tranquillitatem nostras vires, quantum in nobis erit, imposituros adiutrices, et eo nos efficaciter intenturos, quantum cum Deo bene congruit principi Christiano, sicut eod- dem vestros ambassiatores unica vobis fien- da relatione vos super singulis latius spera- mus informaturos, nos semper ad ea quæ ad ecclesiæ sanctæ quietem, orthodoxæ fidei, quam semper optavimus, exaltationem et pacem populi Christiani profutura credimus, offerentes, nec corpori, neque bonis quibuscumque parcituros. Celebrem cœtum vestrum ille prospere conservare et ad sui lau- dem feliciter dirigere dignetur, in cujus no- mine estis congregati, Jesus Christus. Scri- ptum in villa nostra S. Audomari.

Philippus dux Burgundiæ, Brabantie, &c.

## COPIA LITTERÆ

Directæ concilio per dominum episcopum Dunelmensem.

*Promittit se missurum ad concilium suo no- mine procuratorem.*

R Everendissimis in Christo patribus, do- minis egregiis, ceterisque fratribus ami- cis in sacro concilio Basileensi congrega- tis, recommendationem devotissimam, ac in optati Spiritu sancto, examinis iustissimi effectum fieri salutarem. lib. p. 145.

Nuper sane sacratissima synodi memoratæ per reverendissimos patres virosque probatissimos ambassiatores dignissimas litteras credentiales recepi, jubiloque cordis intellexi optima sanctissimaque operis vestri frugiferi desideria viscerosa ad laudem Dei, reductio- nem eorum qui vane seducti sunt, integri- tatem pacis populi Christiani, ac morum deviantium multorum canonicam affectuosissi- mamque correctionem. Regat, quæso, Spi- ritus sanctus omnia prospiciens, cujus au- xilio-cœptum est quod intenditis, viam ho- noris deifici, tranquillitatis catholicæ, vitæ profectus virtuosæ, amplissima summæ cari- tatis opera, quibus profecto quia possibilitas grata, quam negat senectus, mihi deest, & gravant quæ veteres consequuntur incommoda per naturam, ad præsens personaliter interesse non potero, mittere disposui pro- curatorem idoneum, qui omnia quæ juris erunt diligenter facere poterit vice mea, ad honorem & gloriam omnipotentis Dei,



ANNO  
CHRISTI  
1432.

omnium gaudium celebre sanctorum, ecclesie sacrosanctae Christianissimum uberrimumque profectum, qui vos in Spiritu sancto paracrito unanimiter congregatos regere dignetur, ut digna percipiatis praemia meritorum. Amen. Scriptum Londoniae, XIX. die julii MCCCCXXII.

Earumdem P. V. servitor humilis N. episcopus Dunelmensis.

#### COPIA LITTERAE

Archiepiscopi Eboracensis.

*Agnoscat se & suos suffraganeos ad concilium citatos.*

ibidem

**R**everendissimis in Christo patribus, inclytisque principibus, nobilibus dominis, & egregiis viris sacrum Basileense concilium in Spiritu sancto congregatum, quod universalem repraesentat ecclesiam, facientibus, orator vester humillimus Jo. Eboracensis ecclesiae minister indignus, devotissimam filialem recommendationem cum orationum suffragiis & semper ad omnia paratum.

Litterarum vestrarum, quas pridie cum omni filialis devotionis humilitate de manibus venerabilis in Christo patris domini Laudensis episcopi, nobilissimique virorum collegarum suorum excellentiae vestrae has ad partes legatorum recepi, & credentiae super his singularum dicti patris tam facundo, quam foecundo viva vocis oraculo luculenter exposita laeta series exprimebat, sacratissimum illum & divinitus inspiratum vobis zelum in perpetuas aeternitates iustissime recolendum, quo ad haereseum errorumque extirpationem perditorumque morum & vitiatorum explanationem, discordiarum & bellorum sedationem, & in summa ad universalis ecclesiae debitam reformationem, communis illa vobis & concors fertur & tendit intentio, utinam felicibus & indilatis, ut res exigit, prosperanda successibus juxta vota. O felicem supra modum intentionem cunctorum Christi fidelium merito promovendam, auxiliis & studiis prosequendam! O per omnia laudabile propositum altisonis attollendum praconis! O sacrum exercitium, opus sanctum, opus dignum, benedictione plenum, a praestantissimis dudum viris, a doctissimis & devotissimis pariter christiane religionis professoribus a nonnullis temporibus peroptatum, persuasum & praestolatum, tanto quidem promptius, ardentius & instantius, tarditatis & morae dispendiis incommodisque postpositis, aggrediendum in promptu, quanto apparet evidentius, hoc non aucto, non expedito, ecclesiastici status & hierarchiae deplorandum excidium in foribus imminere. Et quamquam plerisque visum sit & verum, altissimum & arduissimum exiturum hoc negotium multiplicibus involutum periculis & difficultatibus implicitum; adeundus tamen videri potest cum fiducia thronus ejus, cujus res agitur, cujus causa tractatur, qui nec fallere novit, nec falli, & ante conspectum

A misericordiae suae praesentanda promissio, quae nos erigit in spem firmam obtinenda petitionis, si quam sibi, maxime pro se & in suo nomine, porrigimus, offerimus & flagitamus. Quia vero beatissimo cuncti vestro complacuit me & per me ceteros suffraganeos & subditos meos, haecenus ad sacras synodos venire solitos, admonitos esse de veniendo jam indilate non impeditos legitime, personaliter, & reliquos per procuratores idoneos sufficienter ad hoc instructos; obedienter & juxta vires executioni demandabitur ad Dei laudem & V. D. complacentiam, sicuti cum ea qua decuit humilitate respondere curavi praefatis nobilissimis dominis sacri coetus vestri legatis, qui commissi sibi V. S. ex parte, Deum confessor, tam singulariter, tam laudabiliter, tam excellenter, & tali cum industria & moderamine sunt executi, quod regiae celsitudinis & regnicolarum animos non inculti sermonis aut ignavi, sed discretissima suadendi copia, cui nec ornatus vel efficacia defuit, ad annuendum postulatis, non difficile perduxere ad honorem sacratissimi coetus vestri, quem in divinitus aggressi laboris votivo progressu ad exitum usque felicem dirigere dignetur & prosperare clementia Creatoris. Scriptum Londoniae die, XXII. julii MCCCCXXII.

Sacrae concionis vestrae orator humillimus Johannes Eboracensis archiepiscopus.

#### COPIA PROTESTATIONIS

*Facta per ambassatores domini nostri papae in civitate Constantinensi super factis concilii Basileensis.*

**R**everendi in Christo patres et domini Jo. Ib. p. 149 et Andreas, Tarentinus et Collocensis archiepiscopi et Bertrandus episcopus Magalonensis, ac Antonius utriusque juris doctor, causarum palatii apostolici auditor, oratores et nuncii S. D. N. ac beatissimi Eugenii papae IV. et de mandato ipsis S. D. N. progredientes pro extirpatione haereseum, et reformatione universalis ecclesiae, ac pacificatione regum et principum totius populi christiani, nec non pro libertate ecclesiae sublevanda, ad reverendissimos in christo patres et dominos archiepiscopos, episcopos, et ceteros venerabiles patres, abbates, priores, decanos, praepositos, archidiaconos, magistrum in theologia, ac doctores apostolorum per patriam Germaniae, cum dictae civitatis Basilicae appropinquant, quos nonnulli insequuntur et capiunt, ac mandata et litterae apostolicae, si reperiuntur, ab ipsis auferuntur, ut communiter fertur, nec non ejusdem praetensi statuti seu ordinationis per ipsos in dicta civitate editae,

ANNO  
CHRISTI  
1432.

tæ, vigore cuius liber exitus de dicta civitate, ibidem existentibus et de novo venientibus prohibetur, nisi cum certis qualitatibus per nonnullos ibi existentes concedatur, ac aliorum plurimum inciviliū et a jure exorbitantium, quæ inibi contra præfatum dominum nostrum, et sanctam sedem apostolicam facta extiterunt, et de die in diem fiunt, nec non et aliorum quamplurium suis loco et tempore explicandorum, instantissime petierunt et rogaverunt per medium venerabilis viri domini Petri Boniterii sacri collegii dominorum sacrosanctæ Romanæ ecclesiæ cardinalium clerici et archidiaconi de Martello in ecclesia Metensi, per ipsos specialiter destinati ad præfatos dominos in Basilea existentes, quatenus dictis oratoribus saluum conductum concedere, cum quo tute et libere et secure ire Basileam, ibique morari, loqui et agere, quæ ipsis per dictum dominum nostrum injuncta fuerunt, et præmissa concernebant, indeque ad libitum recedere valerent: hi quidem domini per reverendos in Christo patres et dominos M. Albiganensem, et Jo. abbatem de Bonavalle, et Henricum Nitard decretorum doctorem, præpositum Ulmensem, suos nuncios et oratores, quendam saluum conductum captiosum et illaqueativum miserunt, sub quo nemini tutus esset accessus, nedum præfatis oratoribus, ut clare constat ex responsionibus præfatorum oratorum super salvo conductu datis, et aliis quampluribus rationibus; ideo præfati domini oratores protestantur publice, quod per eos non fiat neque stabit, quominus ad præfatos dominos in Basilea vadant, ad explicandum circa omnia prædicta bonam, rectam, & sanctissimam intentionem & voluntatem præfati SS. domini nostri, quam semper habuit in præmissis, & hoc de præfenti: sed per præfatos dominos, qui saluum conductum in forma bona & rationabili ac iuridica non concesserunt, nec miserunt. Petuntque denuo ipsi oratores præfati S. D. N. ab eisdem dominis & ab ipsorum oratoribus saluum conductum in bona forma & honesta eis dari, cum sint prompti & parati iuxta & mandata ipsius S. D. N. promtè circa præmissa demandare executioni. Protestantur insuper de majori & evidentiori, ac notoria nullitate omnium illorum, quæ acta hætenus inibi contra dispositionem & ordinationem S. D. N. sunt, & eorum quæ in futurum contingent attentari, omnibus melioribus modo, jure, & forma quibus possunt, salvo jure addendi, diminuendi & corrigendi. Præmissa dicuntur, sunt, & protestantur, citra injuriam cuiuscumque, &c. De præmissis vero vos notarii publici & testes &c. sitis rogati ut unum & plura conficiatis instrumenta, & tot quot erunt necessaria. Exhibita anno MCCCCXXXII. XXVI. Julii Constantiæ in ambitu majoris ecclesiæ in capella S. Sepulchri, præsentibus venerabilibus dominis, domino Jo. Luci decano, Alberto Valart & Henrico de Henner canonicis Constantiensibus testibus, &c.

SEQUITUR DECLARATIO

Salvi conductus concilii missi oratoribus domini nostri papa existentibus in Constantia.

**L**icet, salvus-conductus per vos petitus ad hanc civitatem veniendi, minime necessarius fuisset ex causis in aliis litteris nostris, & per oratores nostros expressis, nihilominus nos volentes vestræ postulationi, quantum cum Deo & honestate fieri potuit, satisfacere, ipsum saluum-conductum in forma plena & sufficienti per dictos oratores ad vos transmissimus. Verum quia dubitare videmini, ubi dubitandum non est, & in re clara scrupulum queritis, difficultatem in aliquibus clausulis non necessariam facientes: ideo ut cognoscatis hanc sanctam synodum in spiritu lenitatis & mansuetudine procedere, & ne vestri accessus, qui utinam fructuosus sit, impediri ex parte ipsius synodi videatur, prædictas clausulas dicti salvi nostri conductus hoc modo ex superabundanti duximus declarandas, videlicet, ut privata colloquio quo ad res familiares & privatas, & non concernentes negotia hujus sacri concilii generalis Basileensis in læsionem ipsius sacri concilii nullatenus interdicta vobis intelligatur. Quodque verba illa: *Vult, &c.* hæc sancta synodus, ut postquam ad vestra propoſita & explicata responsum dederit, vel vos requisierit, &c. intelligantur, ut terminus octo dierum referatur, ita ad responsum dandum, sicut ad requisitionem fiendam. Item, quod verbum *per viam rectam* intelligatur per eam qua venistis, vel per aliam vobis gratam & securam versus partes Italiæ, sine dolo & fraude tendendo etc.

EPISTOLA SIGISMUNDI

Regis Romanorum

Ad concilium Basileense.

Significat concilio acta a Jacobo archiepiscopo cum summo pontifice, mitti que ei bullas sibi a papa missas, &c.

**R**euerendissimis ac venerabilibus in Christo patribus et dominis sacrosanctæ generali Basileensi synodo, etc.

Reuerendissimi in Christo patres, etc. Scripseramus alias V. P. qualiter venerabilis Jacobus archiepiscopus princeps noster et sacri imperii, dum in Parma pro feudis atque regalibus suis sacramentum præstaret, videns differentias, quæ erant cum domino summo pontifice super factis sacri Basileensis concilii, se obtulit zelo quodam ductus, mediare, ut ad evitanda scandala hæc res ad bonos terminos posset conducì, qualiterque nos eidem nedum indulimus, verum etiam instantè petivimus, ut Dei et ecclesiæ sanctæ intuitu, illos subire vellet labores: Et ecce idem archiepiscopus ad nos nunc est reversus, afferens quasdam bullas domini summi pontificis, requirentique

lib. p. 151.

ibidem.

ibidem.



ANNO  
CHRISTI  
1432.

\* f. Albæ  
regiæ

a nobis inscriptionem quandam: quorum omnium copiam sive transumptum illustri locum tenenti nostro Willelmo duci Bavarie transmisimus, V. P. ulterius presentandas; verum quia illa negotia magna sunt, et quodammodo involuta, ac extra potestatem nostram, videbatur nobis summe expedire, ut illa subito ad V. P. devenirent notitiam: ad quarum cognitionem arbitramur talia pertinere. Nos enim scripturam quæ a nobis requiritur, nulla via seu instantia traderemus, nec dare dispositi sumus, nisi ad votum et consilium vestrum. Et ne sanctitas domini nostri papæ propter moram tardio afficeretur, et ut etiam non deficeremus sanctitatem suam denuo pulsare super favore concilii, remisimus per archiepiscopum eundem, adjunctis sibi venerabilibus episcopo Curienfis et Ladislao gubernatore cruciferatus Budensis, qui per Dei gratiam subito reversuri sunt, et quicquid attulerint V. P. intimabimus. Nihilominus velint P. V. nobis incontinenti die nosque rescribere mentem vestram super illis articulis, nosque informare qualiter acturi sumus, etiam quicquid feceritis usque huc cum oratoribus apostolicis ad concilium destinatis. Non esset enim nobis ingratum, si V. P. cum sanctitate domini papæ concordare possent ad evitandum chisma, dum tamen sacrum concilium remaneret in libertate agendi sine talibus limitationibus super his, pro quibus congregatum est, prout hætenus generalia concilia peregerunt; et ne idem concilium sic per indirectum dissolveretur, quod nobis profecto deificum et honestum videretur; quicquid tamen V. P. quæ res illas ecclesiam tangentes clarius nobis cognoscunt, concluderint, nobis acceptum erit, quoniam a votis vestris nequaquam declinamus, sed ut semper et scripsimus et nuntiavimus, usque ad mortem vobiscum perseverabimus, et quæque adversa sustinebimus, quemadmodum præfentialiter propter adhesionem ipsam nobis omnia impetrata undique auferuntur. Quæ omnia libenter sufferimus et tolerare dispositi sumus pro bono et commo-  
modo populi Christiani. Rogantes insuper ut interim et quousque vestris paternitatibus non scripserimus mentem et responsum domini papæ super huiusmodi requisitionibus nostris, quas vobis præfatus locum tenens noster ostendet, in processu contra ipsum dominum papam velitis esse lentis & pii in finem, quod hæc res commodius adaptentur, quoniam aversiones nostræ vos non tardabunt. Datum in civitate nostra Senarum die XXVII. julii regnorum nostrorum, &c.

Sigismundus Dei gratia Romanorum,  
rex semper augustus, &c.

# TRANSUMPTUM MISSUM

Per imperatorem in quo inseruntur duæ  
bulla papales, & una cedula, con-  
cernentes sacrum Basileense con-  
cilium, &c.

IN Christi nomine. Amen. Anno a nati-  
tate ejusdem MCCCCXXXII. indictione  
X. die vero XV. mensis julii, hora tertia-  
rum vel quasi, pontificatus SS. in Christo  
patris & domini nostri, domini Eugenii, di-  
vina providentia papæ IV. anno II. serenissi-  
mo & gloriosissimo principe & domino,  
domino Sigismundo divina favente clemen-  
tia Romanorum rege semper augustus, ac  
Hungariæ, Bohemiæ, Dalmatiæ, Croaciæ,  
&c. rege feliciter regnante, anno sui im-  
perii XXII. in nostrorum notariorum publi-  
corum præsentia, præfatus serenissimus do-  
minus rex Sigismundus Romanorum rex ha-  
bens & tenens in suis manibus duas certas  
litteras apostolicas præfati domini nostri Eu-  
genii papæ IV. ejusque bullis plumbeis mo-  
re tuæ Romanæ curiæ pendentibus sigilla-  
tas, super negotiis & causis sacri Basileen-  
sis concilii generalis emanatas, nec non &  
cedulam in pergameno scriptam inferius sic  
signatam *A. de Florentia secretarius*, quæ  
in se quædam capitula continebat, nos in-  
frascriptos Petrum & Simonem publicos no-  
tarios cum instantia requisivit, præfatas lit-  
teras apostolicas & præfaram cedulam per  
nos transmissi & exemplari, quodque exin-  
de copias authenticas & transumptas ac pu-  
blica instrumenta facere deberemus, cujus  
quidem unius bullæ tenor sequitur in hæc  
verba.

*Eugenius episcopus servus servorum Dei  
carissimo in Christo filio Sigismundo Romano-  
rum, Hungariæ, & Bohemiæ regi illustri sa-  
lute & apostolicam benedictionem.*

Satis nota debent esse tuæ serenitati tum  
per nostras litteras, tum per oratorum &  
tuorum & nostrorum relationes, causa & ra-  
tiones quæ nos moverunt ad dissolutionem con-  
cilii Basileensis, quæ, Deo teste, solæ fu-  
erunt, ut nobis præfatis concilio, hære-  
ses tolli, pax inter Christi fideles poni, &  
ecclesia Dei perfecte, sicut semper optavimus,  
posset cum Dei adiutorio & tua ceterorum-  
que principum assistentia reformari. Et licet  
multis varia sentiant, tamen Altissimo, qui  
scrutatur renes & corda hominum, manifesta  
est intentio nostra, & toti orbi suo tempore  
innotescet. Verum nuper venerabilis frater  
noster Jacobus archiepiscopus Ebrudunensis,  
a tua serenitate veniens, motus bona devo-  
tione quam gerit ad ecclesiam Dei, & cu-  
piens vitari scandala, quæ forsitan culpa bo-  
minum oriri possent, nobis nonnulla capitula  
obtulit, in quæ propter tui reverentiam &  
tua contemplatione consensimus, ut appareat  
nihil nos malle quam barefiam exstirpationem,  
pacem fidelium, & reformationem eccle-  
siæ; & nostras exinde litteras fieri fecimus,  
quarum copiam, ut ad tuam notitiam deducantur,  
jussimus præfatis intercludi. Da-  
tum Romæ apud S. Petrum anno incarnationis  
Dominicæ MCCCCXXXII. VI. calendæ  
ju-

ANNO  
CHRISTI  
1432.

ib. p. 153

ANNO  
CHRISTI  
1432.

ANNO  
CHRISTI  
1432.

Julii, pontificatus nostri anno II. G. de Gal-

lio. Tenor secundæ bullæ seu alterius litteræ sequitur & est talis.

Eugenius episcopus servus servorum Dei ad futuram rei memoriam.

Inter cetera vota nostra potissime vellemus hoc tempore, ut sicut Altissimo nota est, ita & universo mundo palam esset intentio nostri cordis, cessarent projecto multæ & diversorum altercationes, qui nostræ mentis puritatem non recte interpretantur; nam omni tempore & omni statu in quo fuimus, anhelavimus semper præ ceteris rebus, ad exstirpationem hæresum, quibus populum Christianum vexari videbamus, & ad ecclesiæ reformationem, quæ quidem res satis manifesta esse debuit in Constantiensi concilio, ubi omnibus enotuit, quanto cum desiderio cupierimus plenam & perfectam ecclesiæ universalis reformationem. Postea vero quam domino placuit nos ad universalis gregis sui curam assumere, reputavimus maxime ad singularem gratiam ab Altissimo nobis datam, voluisse illum eo tempore nos ecclesiæ sue præesse, in quo deberet universale concilium celebrari, ut posset opera & diligentia nostra, nobisque præsentibus, & hæreses tolli & reformari ecclesiæ in his quæ opus essent. Sed cum ad nos maxime spectaret huiusmodi rerum & reformationis onus, & omnino vellemus pro honore nostro & utilitate ecclesiæ eo loco & tempore concilium celebrari, in quo personaliter præesse possemus, malignitas autem temporis & infirmitas nostra præter alias rationabiles causas talis esset, ut nullomodo ad Basileam possemus personaliter proficisci, non ad fugiendum, sed ad perfectiorem & stabiliorum reformationem faciendam, & huiusmodi hæreses firmitus exstirpandas, dissolventes concilium Basileense, in civitate nostra Bononiensi tempore tunc expresso illud duximus celebrandum, prout in litteris nostris plenius continetur, ex quo sequutum est, ut nonnulli hanc nostram dissolutionem, non eo animo quo facta est, ceperint, & perfectum propositum nostrum non rite intellexerint. Cum autem venerabilis frater noster Jacobus archiepiscopus Ebrudunensis, zelo fidei & singulari ad ecclesiæ devotionis motus, nonnulla capitula nobis obtulerit, per quæ multis scandalis sperat posse obviari; nos ut omnibus innotescat, nos nihil magis quam hæresum exstirpationem, Christi fidei pacem, morum reformationem cupere, & reformationem ecclesiæ sanctæ Dei, eisdem capitulis duximus annuendum, quæ mandavimus ut ad notitiam omnium deducantur, de verbo ad verbum describi inferius & sunt ista: Quia impossibile est sine fide placere Deo, & sanctissimus dominus noster sub continuatæ religionis instituto a puero vacaverit, fidei observationi; nihilque amplius desideret post anime salutem, quam ipsius fidei conversationem & incrementum, contentabitur eadem sanctitas, quod existentes in loco Basileæ & qui erunt, auctoritate eis per dominum nostrum concedenda, & præsentibus nunciis sive legatis per sanctitatem suam deputandis intendere possint & valeant, aut exstirpationi hæresum vigentium in par-

tibus ultramontanis & potissime Bobemorum nunc vigenti, tam per instructionem quam per reductionem eorum ad sacrosanctam fidem catholicam, & aliis viis debitis, licitis & honestis: proviso tamen, quod si oriantur dubia magna urgentia seu notabilia ejusdem domini nostri, cum concilio illorum qui sunt in Basilea & dominorum cardinalium, sit decisio auctoritatis, vel remittantur decidenda ad concilium aliud futurum, ubi dominus noster personaliter interesse poterit, si prædicti Basileenses maluerint.

Item, contentabitur idem dominus noster quod prædicti circa reformationem morum in omni statu ecclesiastico invigilare debeant, & adjuvare etiam particulariter, prout Spiritus sanctus administrabit unicuique, proviso quod eorum avisa menta per oratores suos ipsi domino nostro transmittant, qui correcto & addito quod sue sanctitati videbitur, commutatione facta correctorum & additorum ab existentibus in Basilea firmitatem obtineant, prout domino nostro videbitur, approbantes illis in Basilea congregatis. Et si non concordaverit sanctitas domini nostri cum prædictis, remittantur ad futurum aliud concilium, in quo Dominus noster personaliter interesse possit, ut per hoc & alias debitis honoris sedis apostolicæ servetur & deferatur.

Item, quia pacis bonum inter omnia desiderabile est, cum non nisi pacis in tempore bene colatur pacis auctor, contentabitur dominus noster, quod prædicti omnibus modis avivandi de pacis procuratone se interponant, media ad eam quaerant, & eadem effectualiter intendant, salva semper in omnibus prædictis sanctæ sedis apostolicæ auctoritate, cui devotè obsecundare tenentur, qui Christiano nomine gloriantur, & propterea remittenda est ei decisio, saltem ut in superiori capitulo continetur.

Item, quod omnes & singule requisitiones, exhortationes, monitiones, citationes, iterum appositiones, & processus incepti, & qui inciperentur post præsentium concessionem, per Basileam congregatos contra quascunque personas, cujuscunque dignitatis aut conditionis existant sive statum, & omnia per quæ, sive quorum medio seu auctoritate ad ipsos vel ipsas ventum est, pro non factis habeantur, perinde sicut ac si nullo unquam tempore facta, facti seu factæ extiterint. Ita quod omnia remaneant in statu quo erant ante dictam congregationem Basileam, & etiam omnes monitiones, citationes & processus incepti in audientia contradictorum, & alibi auctoritate apostolica, & qui inciperentur post præsentium concessionem contra dictos Basileam congregatos seu singulares eorum, eadem, qui ibidem erant, existant & fuerint, habeantur pro non factis, ac si nunquam evenissent, sive facta aut factæ extiterint: ita quod in nomine Domini nostri Jesu Christi in vera pace, caritate non facta, & bona unione animorum, modo & forma præmissi, & non aliter, nec non in aliis cum maturitate debita procedatur, nisi cum legatis domini papæ deputandis.

Item



ANNO  
CHRISTI  
1432.

331

Item, paratus est dominus noster abbreviare tempus concilii proxime futuri Bononiæ, & etiam locum mutare, dummodo fiat in terris ecclesiæ immediate subiectis in Italia, ubi dominus noster cum sacro collegio possit personaliter præsidere, juxta, consilium in Basilea existentium, & ibi poterunt convenire & papa & dominus rex personaliter in concilio, ubi multa bona fieri poterunt, quæ fieri non possent sine papæ ad minus præsentia. Datum Romæ apud sanctum Petrum, anno Incarnationis Dominicæ MCCCXXXII. VI. calendas julii, pontificatus nostri anno II.

Tenor autem prædictæ cedulæ sequitur per omnia in hæc verba.

Quia dominus archiepiscopus Ebreundenfis conclusit cum reverendissimis dominis cardinalibus deputatis per sanctitatem domini nostri, ad facta illorum qui sunt in Basilea, idem dominus noster vult habere litteras a domino rege Romanorum authenticas, cum sigillo majestatis & subscriptione propriæ manus suæ, quod si illi non consentirent, nec acquiescerent concordatis, aut si consentirent, & postea in aliquo contra vel præter facerent, idem dominus rex promittat & juret sub fide regiæ per se, quod eos deseret, tamquam homines turbatores pacis & quietis ecclesiæ & totius Christianæ religionis, ad simplicem requisitionem ipsius domini nostri, sicut ipse per juramentum est obligatus, & adhibebit suæ sanctitati, tam in concilio per eandem sanctitatem suam tenendo, quam alibi.

Item, quia idem dominus Ebreundenfis asserit præfatum dominum regem affectare accedere ad urbem Romam, & præfatum dominum nostrum visitare, quem semper præcipua caritate dilexit, & sperat per communicationem ipsorum ad invicem multa bona poterant fieri convenientia fidem & ecclesiæ ac totam christianitatem, idem dominus noster contentatur de accessu suo, cum ipsum a tempore concilii Constant. quo cognovit eum, semper fuit magna dilectione & affectione prosequutus, dummodo ejus adventus pacificus, id est cum illis de domo sua tantum, ut alias cautum fuit. Et certificatus de tempore adventus sui, mittit obviam sibi usque ad confinia terrarum ecclesiæ, duos ex reverendissimis dominis cardinalibus, & alios prælatos & clericos ad ipsum associandum honorifice, & ipsum secure conducat, & tenebit per Dei gratiam, & remittet cum honore, pace, & benedictione Domini nostri Jesu Christi, & SS. Apostolorum Petri & Pauli, ac suæ, & si voluerit in comitiva sua habere de gentibus armigeris præfati domini nostri, tam in veniendo, quam in revertendo; & si petierit quod dictæ gentes faciant sibi juramentum convenientis prædictæ materiæ, contentatur dominus noster quod fiat hoc etiam, declarato quod antequam intret terras ecclesiæ, ipse præstabit juramentum, quod de jure præstare tenebatur antequam intraret ecclesiæ, juxta formam Clementinæ.

Item, ad ostendendam caritatem, amorem & benevolentiam erga personam domini regis, consideratis magnis expensis habitis per præfatum dominum regem, dominus noster est

## BASILEENSE G. CONCILIUM.

332

paratus subvenire eidem domino regi postquam intraverit terras ecclesiæ, & cum illa paternali caritate amplectetur, qua pater bonus filium optimum complecti debet, & prout per oratores suos alias oblatum fuit, & super hoc dominus noster paratus est deputare aliquos qui habeant tractare cum deputandis per dominum regem, & insullanter sperat, quod erunt in bona concordia cum Dei adjutorio.

Nos vero notarii publici infra scripti easdem litteras apostolicas et cedulam præfata de manu ejusdem domini Sigismundi Romanorum regis recipientes, ipsas copiamus, exemplavimus, et de verbo ad verbum transsumimus, ac in formam publicam redegitur, nihil addendo vel minuendo, quod sentium mutet aut variet intellectum. Acta sunt hæc in civitate Senarum, in domo reidentis prædicti domini Romanorum regis, anno pontificatus, regnorum, die, hora, et loco quibus supra, præsentibus ibidem venerabili domino Karolo episcopo Senensi, ac honorabilibus Benedicto præposito Albanensi, sedis apostolicæ protonotario, Mathia præposito Quinqueecclesiensi regni Hungariæ vice cancellario, et Johanne Seck Ezeiburgensi præposito, necnon magnificis et nobilibus viris dominis Stephano Seginæ et Modeusii, Willelmo de Montfort comitibus, Gaspar Sliq de Lazano burgravio Egrensi, aulæ Romanæ regis vice cancellario, Ladislao de Thama, Laurentio de Hederwat marescallo regni Hungariæ, Mutikone de Ragulo comite Kevviniensi, et quampluribus aliis fide dignis testibus ad præmissa specialiter vocatis et rogatis.

Et ego Petrus Kalde de Stetterich clericus Colonienis dioecesis, publicus apostolica et imperiali auctoritate notarius, etc.

Et ego Simon Amman, de Asparn clericus Patavienus dioecesis, publicus imperiali auctoritate notarius, etc. præfatus fui, etc.

### EPISTOLA HUMFREDI

Ducis Glocestriæ, ad sacrum concillium.

Promittit ei omnem ex parte sua favorem, hortaturque ad viriliter agendum.

Acro Basileensi concilio in Spiritu-sancto legitime congregato, universalem ecclesiam representanti, Humfridus regum filius, frater, et patruus, dux Glocestriæ, comes Pempurgiæ, magnus camerarius Angliæ etc. vineam Dei Sabaoth diligenter excolere, in populis christianis pacem contexere, firmare fidem, virtutes conferere, vitia refecare.

Excitantur me pridem vestræ, quas mihi per reverendum in Christo patrem egregiosque viros dominum G. episcopum Laudensem, Racellum præceptorem S. Johannis Hierosolymitani Januensis, et fratrem Guidonem Flammoeci sacre theologiæ professorem, in hac parte legatos et eloquentissimos oratores misisti, litteræ: sed et zelus Dei et unica sponsa suæ animosum me reddidit, ut vestris beatis devotisque desideris gau-

ANN  
CHRIS  
1432

Ib. p. 138

ANNO  
CHRISTI  
1432.

gaudenter velim meas, utcumque possum, impertiri libentius sollicitudines, assidentias, et favores. Quod utique si minus egerim, si segniter manum arreperim, si denique circa maturandum, celerius tam felix, sanctum et salubre propositum lentus in via ullatenus hæserim satis referre norunt eruditissimi oratores vestri prædicti, et si quid insuper deinceps occurreret, quod in sancti operis vestri subsidium expeditionemve facere queam, ut fidelem et devotum ecclesiæ filium, me ad semper paratissimum sentieris. Ergo viriliter agite, principes et patres conscripti, causa siquidem quam tractatis, causa Dei est, causa sacrosanctæ universalis ecclesiæ est, causa denique omnium qui Christiana professione censentur, palam esse dignoscitur, cum universi christi fideles, maxime autem principes et potentes tenentur assistere, et decertantes in ea defendere et tueri. sacrum concilium vestrum Spiritus-sanctus inspiret, et in finem usque fructuosum deducat summi coelestis consilii altitudo. Scriptum in meo manerio de Grenvigh, mensis iulii die XXVII.

Hunfridus dux Glocestriæ et comes  
Pemburgiæ, etc.

Droin.

#### EPISTOLA SIGISMUNDI

Regis Romanorum, ad concilium  
Basileense.

*Cum in Italia fructuose labores pro concilio, declararet non expedire ut in propria persona ad illud accedat, &c.*

Reverendissimis in christo patribus, etc. Reverendissimi in Christo patres, &c. Scimus nihil magis ad nostrarum laudum cumulum pertinere, quam res sacrosanctæ Basileensis synodi extollere, & accuratius eas promoveri. Ad hoc enim onus nostri conatus student & tendunt; pro eo suscipimus labores, fatigas, & immensas expensas, & usquequaque cum persona propria subivimus discrimina varia, semper revolventes in animo potius nos sollicitare & effundere in Dei & ecclesiæ suæ servitiis, quam commodis propriis insudare. Multa enim, uti cognovimus, christianæ religioni accesserunt per operas Romanorum imperatorum & regum. Utinam nos proficeremus in rebus illis quas pro facto fidei sollicitudine procuramus. Redditæ sunt nobis, reverendissimi patres, successu dierum duæ bullæ, inter cetera nos ad veniendum requirentes; quas reverenter & grater suscepiimus, agentes Christo Deo gratias de felicibus processibus sacri concilii; & utinam rerum conditiones paterentur, quod vobiscum constitui deberemus: sumus indubii quod multa ad laudem omnipotentis Dei, & suæ sanctæ ecclesiæ perficerentur. Sed si oculatim videritis quantum præsentia nostra his in partibus sacro concilio præstet favorem, indubie si non adessemus, adhuc nos decerneretis isthac transmittere; quemadmodum V. P. in

brevi distinctius informati sumus. Præterea reversi sunt de Romana curia, venerabilis Curienfis episcopus & alii oratores præter archiepiscopum Ebredunensem, quos alias ad sanctitatem summi pontificis miseramus, cum instructionibus vobis novissime per curatorem ducis Willelmi destinatis, super quibus dominus papa cardinalem de Urinis & cardinalem de Monteforti de Britannia ad nos transmisit, qui omni die accessuri, immo de prope sunt, nostros salvos-conductus expectantes. Auditisque illis, incontinenti V. P. de singulis avifabimus; nihil tamen eff:ctualiter concipimus, quemadmodum ex cedula dominorum cardinalium sacro concilio in Roma adherentium nobis transmissa hique inclusa clarius colligeris; maxime super quibus cautelis dicti cardinales accedunt. Nihil tamen per nos eis respondebitur, nisi quod ea apud vos quærant quæ tentant. Mittimus etiam vobis hic annexam procuratorem eorumdem dominorum cardinalium, laudabilem, atque bonum sperantes in Domino Deo nostro, quod omnia in melius successura sunt. Nec crederis nos destituros, quin his in partibus pro favore sacri concilii nos totaliter effundemus: immo jam cum Florentinis, qui solemnes oratores suos apud nos habuerunt, super illo verba habuimus, & speramus vobis subito felicia nunciare. Qualitercumque tamen res succedant, nos ille sumus qui vobiscum & sacro concilio perseverare statuimus, & in ea firme sententia usque ad mortem permanisuri sumus. Estote igitur R. P. constantes & firmi, parvipendentes suggestiones & contrarietates quorumcumque, quoniam indubie res ecclesiæ, quæ quotidie palpabiliter adaugentur, proficient ad laudem Dei, commodum ecclesiæ, sacrique concilii decus & honorem: & si vestri oratores nos accederent, quemadmodum V. P. alias per fratrem Jo. nunciavimus, gratissimum nobis esset, & possent quæque res absque dubio in melius promoveri. Datum in civitate nostra Senar. die XV. Aug. MCCCCXXXII.

Sigismundus, Dei gratia, Romanorum  
rex semper augustus, &c.

#### SEQUITUR LITTERA PATENS

*Convocationis prælatorum regni Franciæ, &c.*

Charles par la grace de Dieu roy de France, a tous archevesques, evesques, abbes & autres prelas, doiens, fondeiens, archidiacons, chapitres, recteurs, docteurs, & regens, & aultres maistres clerics, & gens notables tant d'eglise, que des universitez de nos royaumes, Dauphine, signeuries, fult & dilection.

Comme par plusieurs ambaxades & meissives dereniement par l'evesque de Novare, & l'abbe de S. Ambroise de Milan envoyes devers nous, de par cheux qui sont assemblez a Balle pour le saint concile general, aions ete requis & exhortes de par le saint concile, de envoyer a icelui concile nostre ambaxade notable, & aussi de

ANNO  
CHRISTI  
1432.



ANNO  
CHRIST.  
1432.

vous exhorter que pareillement y aillies & assistes, comme il est de coustume, & que tenus y etes. Scavoir vous faisons, que apres plusieurs deliberations sur ce, tant avecques les gens de nostre grand conseil, que plusieurs autres notables personnes d'eglise: nous avons conclud & arreste pour rousjours faire nostre devoir, & ensievir les bonnes coustumes de nos predecesseurs, de breisment envoyer nostreditte ambassade notable audit saint concile. Et ce vous segnesions par ces nos lettres patentes, au vidimus desquelles fait sous scel royal ou autentique, volons foy estre adjoustee comme a l'original, a ce que soies plainement informes de notre entention & volonte sur les choses devant dittes, & que ung chascun \*  
\* id est  
chacun

Par le roy en son grand conseil,

F. Le Piquart.

#### L I T T E R A

Cujusdam inquisitoris ordinis Minorum, sacro generali concilio Basileensi, &c.

*Reddit rationem de actis ab eo adversus hereticos, excusaturque se quominus ad concilium veniat.*

Ib. p. 161.

Sacrofancta Basileensi synodo universalem ecclesiam representanti, frater Petrus Fabri ordinis Minorum, heretica pravitate inquisitor immeritus, premissa recommendatione humili, cum debita promptitudine famulandi.

Cum parvulo mentis oculo conspicio sanctae fidei catholicae rosarium, comperio clara luce torpedine longinqua heretis ejus dolorosum interitum, multorum titillante in diversis mundi partibus hereticorum rabie; D quodque Deus sacrum Basileense concilium crexerit in titulum & defensionem fidei suae, plantans ipsum quasi olivam fructiferam in vinea Domini, in qua multa est messis, cujus praelibam sanctam congregationem conservatricem & cultricem constituit, ne degenerent propagines vineae in labruscam, pro eo quia surrexerunt retroactis temporibus, & adu insurgunt falsorum dogmatum praedicatores, doctores mendaces, hostes veritatis, & fidei subversores, blandi & simplices ut agni, sed vulpes astutia sunt, & rapaces ut lupi, qui laqueos & pedicas tendunt in capturam simplicium, seque cum aliis in praecipitum damnationis aeternae demoluntur. E Ideo quia zelus domus Domini accenditur in praefata sancta synodo ad dandam scientiam salutis plebi ejus, & ad reducendum devios a fide: propter quod dominus Jacobus Alberti litterarum sacri praelibati generalis concilii executor, causa praemissorum caritative me monuerit, quamvis ad Dei honorem et exaltationem fidei suae sanctae, & ad exterminium hereticae pravita-

tis & sectae Valdensium, quae, pro dolor! in vallibus Puteclusionis Argenteriae & Ereiseneriae meo officio subjectis damnabiliter retroactis temporibus viguit, & adu incestanter viget, taliter, quod ager Dominicus ibidem quasi squaler incultus, licet magnas executiones de multis hereticis & Faccineriis fecerim a duobus annis citra & ultra, etiam actualiter in carceribus tam Ebredunensibus quam Brianfoniis sex hereticos relapsos habendo, qui plus quam quingentos de eorum secta mihi revelarunt, quorum executio propter complices ne fugam rapiant, necnon propter eorum processum, consultationem maturam & digestam commode de magno tempore fieri non potest, quia nemo repente fit summus; praesuppositis etiam aliis legitimis & manifestis excusationibus meis, videlicet infirmitatibus corporalibus adu me affligentibus, & indicibili paupertate quam sum passus, quia ab ecclesia Dei numquam habui denarium, neque stipendia habeo a quocunque alio, quare impossibile est indigentem bene operari. Hinc est quod praefato concilio generali supplico humiliter, ut meas excusationes legitimas de praesenti dignetur acceptare propensius, cum nemo teneatur ad impossibile, & fidem indubiam super praemissis, dicto domino Jacobo Alberti canonico Ebredunensi, praebere si placet, & mihi tantum tempus liberaliter conferre, ut opus fidei per me inchoatum valeam & possum ad Dei laudem & exaltationem fidei suae sanctae, modo postquam materia praedictorum hereticorum est aperta, abique ejus interruptione & medio liberaliter terminare, saltem hinc ad tempus breve, quia postpositis quibuscunque aliis ad praefatum sacrum concilium incunctanter intendo & dispono accedere, quod Deus votive & prospere conservare dignetur. Amen. Ex Ebreduno XXIII. augusti.

Ejusdem sacri concilii generalis humilis orator & servitor fidelis praenominatus.

#### E P I S T O L A

Syndici & consilii Avenionensis

Ad concilium Basileense.

*Gratias agunt quod rectorem eis dederit cardinalem S. Eustachii.*

Reverentissimis in Christo patribus & dominis, sacrosanctum Basileense generale concilium digne celebrantibus, dominis nostris metuendissimis.

Reverendissimi in Christo patres, &c. post humillimam recommendationem. Dudum diebus non longe praeteritis cognovit haec civitas peculiaris ac fidelissima ecclesiae Avenionensis operis per effectum, quanto zelo caritatis in visceribus cordium earundem P. R. sit stabilita, dum pro ejus totalis ruinae evitacione, provisionem saluberrimam in personam reverendi in Christo patris & domini domini A. miseratione divina sacrosanctae Ro-

ANNO  
CHRIST.  
1432.

Ib. p. 162.

ANNO ROMANA ecclesie diaconi cardinalis, S. Eustachii vulgariter nominati, de vicario generali in spiritualibus & temporalibus ejus nomine misericorditer providit. (a) Et licet pro tanto beneficio eadem civitas ad gratiarum humiles actiones rependendas, merito sit astricta, cum tamen considerat in personam tam nobilem tamque fructuosam regimini sibi commisso, & multo majori experientia teste comprobata, civitati eidem fuisse salubriter provifum; multo plus ad illas astringitur, dum non ad ipsius postulationem, quin immo vestri motu proprio vigilando super gregem dominicum, earumdem paternitatum cura pervigili tantæ provisioni operam dare placuerit celerem & efficacem, pro quibus non cessamus, nec

ANNO ROMANA ecclesie diaconi cardinalis, S. Eustachii vulgariter nominati, de vicario generali in spiritualibus & temporalibus ejus nomine misericorditer providit. (a) Et licet pro tanto beneficio eadem civitas ad gratiarum humiles actiones rependendas, merito sit astricta, cum tamen considerat in personam tam nobilem tamque fructuosam regimini sibi commisso, & multo majori experientia teste comprobata, civitati eidem fuisse salubriter provifum; multo plus ad illas astringitur, dum non ad ipsius postulationem, quin immo vestri motu proprio vigilando super gregem dominicum, earumdem paternitatum cura pervigili tantæ provisioni operam dare placuerit celerem & efficacem, pro quibus non cessamus, nec

ANNO ROMANA ecclesie diaconi cardinalis, S. Eustachii vulgariter nominati, de vicario generali in spiritualibus & temporalibus ejus nomine misericorditer providit. (a) Et licet pro tanto beneficio eadem civitas ad gratiarum humiles actiones rependendas, merito sit astricta, cum tamen considerat in personam tam nobilem tamque fructuosam regimini sibi commisso, & multo majori experientia teste comprobata, civitati eidem fuisse salubriter provifum; multo plus ad illas astringitur, dum non ad ipsius postulationem, quin immo vestri motu proprio vigilando super gregem dominicum, earumdem paternitatum cura pervigili tantæ provisioni operam dare placuerit celerem & efficacem, pro quibus non cessamus, nec

# ANNO ROMANA ecclesie diaconi cardinalis, S. Eustachii vulgariter nominati, de vicario generali in spiritualibus & temporalibus ejus nomine misericorditer providit. (a) Et licet pro tanto beneficio eadem civitas ad gratiarum humiles actiones rependendas, merito sit astricta, cum tamen considerat in personam tam nobilem tamque fructuosam regimini sibi commisso, & multo majori experientia teste comprobata, civitati eidem fuisse salubriter provifum; multo plus ad illas astringitur, dum non ad ipsius postulationem, quin immo vestri motu proprio vigilando super gregem dominicum, earumdem paternitatum cura pervigili tantæ provisioni operam dare placuerit celerem & efficacem, pro quibus non cessamus, nec

ANNO ROMANA ecclesie diaconi cardinalis, S. Eustachii vulgariter nominati, de vicario generali in spiritualibus & temporalibus ejus nomine misericorditer providit. (a) Et licet pro tanto beneficio eadem civitas ad gratiarum humiles actiones rependendas, merito sit astricta, cum tamen considerat in personam tam nobilem tamque fructuosam regimini sibi commisso, & multo majori experientia teste comprobata, civitati eidem fuisse salubriter provifum; multo plus ad illas astringitur, dum non ad ipsius postulationem, quin immo vestri motu proprio vigilando super gregem dominicum, earumdem paternitatum cura pervigili tantæ provisioni operam dare placuerit celerem & efficacem, pro quibus non cessamus, nec

ANNO ROMANA ecclesie diaconi cardinalis, S. Eustachii vulgariter nominati, de vicario generali in spiritualibus & temporalibus ejus nomine misericorditer providit. (a) Et licet pro tanto beneficio eadem civitas ad gratiarum humiles actiones rependendas, merito sit astricta, cum tamen considerat in personam tam nobilem tamque fructuosam regimini sibi commisso, & multo majori experientia teste comprobata, civitati eidem fuisse salubriter provifum; multo plus ad illas astringitur, dum non ad ipsius postulationem, quin immo vestri motu proprio vigilando super gregem dominicum, earumdem paternitatum cura pervigili tantæ provisioni operam dare placuerit celerem & efficacem, pro quibus non cessamus, nec

ANNO ROMANA ecclesie diaconi cardinalis, S. Eustachii vulgariter nominati, de vicario generali in spiritualibus & temporalibus ejus nomine misericorditer providit. (a) Et licet pro tanto beneficio eadem civitas ad gratiarum humiles actiones rependendas, merito sit astricta, cum tamen considerat in personam tam nobilem tamque fructuosam regimini sibi commisso, & multo majori experientia teste comprobata, civitati eidem fuisse salubriter provifum; multo plus ad illas astringitur, dum non ad ipsius postulationem, quin immo vestri motu proprio vigilando super gregem dominicum, earumdem paternitatum cura pervigili tantæ provisioni operam dare placuerit celerem & efficacem, pro quibus non cessamus, nec

ANNO ROMANA ecclesie diaconi cardinalis, S. Eustachii vulgariter nominati, de vicario generali in spiritualibus & temporalibus ejus nomine misericorditer providit. (a) Et licet pro tanto beneficio eadem civitas ad gratiarum humiles actiones rependendas, merito sit astricta, cum tamen considerat in personam tam nobilem tamque fructuosam regimini sibi commisso, & multo majori experientia teste comprobata, civitati eidem fuisse salubriter provifum; multo plus ad illas astringitur, dum non ad ipsius postulationem, quin immo vestri motu proprio vigilando super gregem dominicum, earumdem paternitatum cura pervigili tantæ provisioni operam dare placuerit celerem & efficacem, pro quibus non cessamus, nec

ANNO ROMANA ecclesie diaconi cardinalis, S. Eustachii vulgariter nominati, de vicario generali in spiritualibus & temporalibus ejus nomine misericorditer providit. (a) Et licet pro tanto beneficio eadem civitas ad gratiarum humiles actiones rependendas, merito sit astricta, cum tamen considerat in personam tam nobilem tamque fructuosam regimini sibi commisso, & multo majori experientia teste comprobata, civitati eidem fuisse salubriter provifum; multo plus ad illas astringitur, dum non ad ipsius postulationem, quin immo vestri motu proprio vigilando super gregem dominicum, earumdem paternitatum cura pervigili tantæ provisioni operam dare placuerit celerem & efficacem, pro quibus non cessamus, nec

ANNO ROMANA ecclesie diaconi cardinalis, S. Eustachii vulgariter nominati, de vicario generali in spiritualibus & temporalibus ejus nomine misericorditer providit. (a) Et licet pro tanto beneficio eadem civitas ad gratiarum humiles actiones rependendas, merito sit astricta, cum tamen considerat in personam tam nobilem tamque fructuosam regimini sibi commisso, & multo majori experientia teste comprobata, civitati eidem fuisse salubriter provifum; multo plus ad illas astringitur, dum non ad ipsius postulationem, quin immo vestri motu proprio vigilando super gregem dominicum, earumdem paternitatum cura pervigili tantæ provisioni operam dare placuerit celerem & efficacem, pro quibus non cessamus, nec

(a) Hæc provisio non diu locum habuit, ut patet ex Eugenii bulla, quæ extat inter acta concilii Basileensis apud Labb. in qua hæc leguntur. Nam quod nunquam est lectum, ipsi in civitate nostra Avenionensi & contra nostram voluntatem constituere legatum ausi sunt, illam tyrannidi unius cardinalis, nuper cum eis inventis, subicendo, spretis vero legato de latere per nos & sedem apostolicam consilio, unde tot guerrarum strages, tot rapina, tot homicidia, tot incendia suborta sunt. Sed tandem clementissimus Deus sua misericordia favi parti justiorum causam habenti; quia nostro vero domino, & sub nostro legato ipsa civitas subiecta est, &c. Data est hæc bulla Romæ 18. cal. januarii 1433.



ANNO  
CHRISTI  
1432.

nistrum, poterunt nihilominus V. P. procedere uti visum fuerit, & de illis omnibus quid cum eis peregerimus subito V. P. avifabimus. Eritque illa jam ultima & finalis missio oratorum inter nos, nec amplius apud suam sanctitatem disponemus instare, avifando P. V. quod licet sua sanctitas a nobis pro scriptis istis, ad V. P. faciendis institerit, tamen quod ea transmittimus suae sanctitati incognitum est, nec sibi affirmare volumus, immo clare denegavimus, ut sua sanctitas illo subtrata timore, prout est, ad mutationem propositi citius flecteretur. Datum in civitate Senarum die XXVIII. Augusti regnorum nostrorum, &c. MCCCCXXXII.

Sigismundus Dei gratia Romanorum rex semper augustus &c.

EPISTOLA CAROLI VII.

Francorum regis concilio Basileensi.

*Promittit se legatos suos & episcopos &c. regni sui sacro concilio missurum.*

1b. p. 267. **A** Nos tres chiers & tres especials amis, les prelatz & autres gens tant au saint concile de Basle.

Charles, par la grace de Die, roy de France, salut & dilection.

Tres chiers & tres especials amis, par vos ambaxeurs. L'evêque de Novare, & l'abbé de S. Ambroise de Milan, avons recheu vos lettres, contenant creance, laquelle yceulx vos ambaxeurs nous ont notablement exposee, & apries ce que avons sur ce eu grant & meure deliberation avecque les gens de nostre grand conseil, & plusieurs autres notables personnes d'eglise, avons conclu brief envoyer notre ambassade notable audit saint concile de Basle, & avecque ce seigneurier à tous prelatz & autres de nos royaume, Dauphine & signories qui sont tenus de droit ou de coutume de comparoir aux sains conciles, que audit concile de Basle voient ou envoient pour eulx personnes notables, en cas qui auroient excusation legitime de non y aler. Et de ceste nostre ordonnance pources estre certifies par vosdits ambaxeurs, & par nos lettres parentes a eulx sur ce baillies. En oultre tres chiers & tres especials amis, avons seu que nostre S. Pere le pape a envoye a Basle ses ambaxeurs pour appaiser aucun discord, qui pouvoit estre entre luy & vous, & aussi qu'il vous a envoye certains chapitres pour proceder a l'extirpation de plusieurs heresies, que on dist de present estre en diverses parties des la Chrestiente, & a la reformation de bonnes mœurs en sainte eglise, dont sommes tres joieux, vous exortans & requerrans tant certes que plus povons, que en tant que vous sera possible voellies éviter toute matiere dont se puist ensievrir au-

cune devision en l'eglise. Et se aultre chose avises qui soit pourfitable a l'exaltation de nostre mere sainte eglise, faites le nous savoir, & de bon cuer nous nous y employons, Escript a Amboise le premier jour de septembre MCCCCXXXII.

Charles.

Picart.

HÆC CAPITULA

**B** Fuerunt oblata serenissimo principi Carolo Francorum regi Christianissimo, per B. episcopum Novariensem, & A. abbatem S. Ambrosii Mediolanensis, oratores concilii Basiliensis & petierunt, ut ad singula responderetur.

**P**rimo, quod majestas sua dignetur & velit adherere concilio, idque defendere & confovere favoribus possibilibus & opportunis modis, mittendo quantocius fieri potest, suos ambafiatores solemnes ad illud, exhortandoque & commonendo strictissime litteris & nunciis prelatos omnes regni & domini sui, quatenus, omni mora postposita, ad sacrum ipsum concilium accedere debeant, in qua re non debet serenitas sua, difficilem se reddere: quoniam cum ecclesia sancta Dei & fides catholica in magnis periculis sint propter excrecentes hereses & morum deformitates, per solam viam hujus sanctissimi concilii potest his malis omnibus provideri.

Secundo, quod fiant litteræ patentés, quibus idem serenissimus dominus rex declaret voluntatem suam erga concilium, & licentiam det omnibus archiepiscopis, episcopis, abbatibus, capitulis ecclesiarum cathedralium tam Delphinatus, quam Lingue Occitanæ, & aliarum quarumcumque provinciarum regni & domini sui, & aliis quibuscumque ad concilium ire volentibus aut debentibus de jure vel consuetudine, quod ad sacrum ipsum Basileense concilium accedant, neque vereantur se incidere in perjurium, aliquid, ratione alicujus juramenti præstiti per eos, quoniam & in eorum consecrationibus jurant, quod vocati ibunt ad synodum.

Tertio, quod majestas sua dignetur scribere speciales litteras ad dominos archiepiscopos regni Delphinatus & Lingue Occitanæ nec non aliarum quarumcumque provinciarum domini sui, quod cito ad sacrum concilium proficiscantur, quodque mandare debeant eorum suffraganeis, abbatibus, capitulis ecclesiarum cathedralium, ac ceteris omnibus, qui de jure vel consuetudine ad concilium ire debent, quod ad illud celestiter accedant, & quod specialiter scribatur reverendis dominis episcopis Claremon-

ANNO 1432. tensi (a) Montis-Albani (b) & Conferentensi. (c)

ANNO 1432. CHRISTI

Quarto, quia ipsi domini ambasciatores habent facere executionem mandatorum contra praelatos, ut vadant ad concilium, arripientes iter infra terminum per ambasciatores ipsis assignandum, a die factae executionis contra eos, illud postea sine fraude, continuaturi, & hoc sub poena excommunicationis in praelatos, & suspensionis in capitula ecclesiarum; petunt, ut regia majestas declaret, an velit ipsam executionem fieri secundum formam ipsius citationis, postquam praelatos ipsos licentia verit, & litteras praedictas patentes conceperit.

Quinto, ut serenitas sua eligat aliquos ex praestantioribus doctoribus & magistris in theologia, qui in regno suo possunt reperiri, & eos celeriter ad concilium mittat. Cum enim Bohemi jam in Basilea sint aut venire debeant mense Septembris infallanter, poterunt ipsi doctores & magistri magnum fructum facere in ecclesia Dei, & plurimum proficere in eorum reductionem: ex quo etiam majestati fama & gloria acquiritur sempiterna.

Sexto, cum auctoritas suae regiae majestatis sit apud omnes principes plurimum valitura, quod dignetur scribere ad duces & principes sibi benivolos, ut velint sacro concilio adherere, & suos oratores ad illud mittere, scribendo specialiter ad regem Yspaniarum, quod audivit eum optime ad concilium dispositum, laudando ejus propositum, exhortandoque ut perseveret, & plenius disponat, & quam cito oratores suos mittat ad Basileam.

Septimo, ut majestas sua dignetur pati & sustinere, sicut & alii principes omnes concilio adherentes faciunt, maxime Almanniae, Burgundiae, Sabaudiae, Austriae, Angliae, Lombardiae, quod collectores & alii debentes aliquid, vel qui in futurum debebunt cameram apostolicam, de ipsis pecuniis respondeant thesaurario sacri concilii & non alteri, ut pro ipsis fieri possit expensa necessaria pro causa fidei & ecclesia defendenda, quia conveniens est & debitum, ut camera apostolica faciat & sustineat omnes expensas, quae fieri contingit, pro celebratione & prosecutione sacrorum conciliorum generalium; & ita pratticatum est pluries, & temporibus nostris in Constantiensis tempore Johannis: alias non possent fieri expensae necessariae in mittendo ambasciatores & nuncios quam plurimos hinc inde pro reductione haereticorum, pace procuranda inter reges & principes, communitates & civitates, & ubique locorum per Christianitatem, & alias faciendo quae pro bono publico expediunt.

Octavo, ut dignetur non praebere aures aliquibus nitentibus & molientibus in dissolutionem, prorogationem aut loci mutationem sacri concilii. Nam ipsius dissolutio,

prorogatio, aut loci mutatio cedent in evidens damnum Catholicae fidei & ecclesiae sanctae Dei.

Ultimo, ut per majestatem regiam provideatur, quod tuti & securi recedant & vadant saltem usque Lugdunum, data eis primum expeditione votiva & celeri, ne patres in sacro concilio existentes, & ipsi ambasciatores, qui semper crediderunt & firmiter tenent votive expediri, spe sua frustrati remaneant; maxime quia omnes respiciunt, quomodo majestas sua se habeat in hac re, & omnes sacri concilii patres in sacrosancta corona sua per omnem totorum & fidei sustentationem posuerunt.

#### RESPONSIO REGIA.

Primo capitulo respondit serenitas sua, 1b. p. 170 velle huic sacro concilio adherere, illudque protequi & manutenere favoribus possibilibus & opportunis; ad quod intendebat oratores suos solemnes cito mittere, & alia facere quae in capitulo continentur.

Secundo capitulo respondit, quod erat sibi gratissimum hoc facere; & statim commisit ipsas litteras, quas hic habemus duplicatas; alias videlicet sub sigillo regni, & alteras sub sigillo Delphinatus.

Tertio capitulo istud etiam fecit sua majestas, & ex ipsis litteris nos aliquas praesentavimus, aliquas commissimus praesentandas, & una est hic, cui adhibere modum oportet. Speciales litterae ad aliquos episcopos concessae non sunt, quia satis visum est consuetum morem servare, qui est ut ad solos archiepiscopos scribatur.

Quarto capitulo, ex responso dato ad istud capitulum, rex ostendit suam affectionem, quam habet ad ecclesiam Dei & hanc synodum sacratissimam; nam non solum concessit licentiam citandi eos, sed etiam rogavit, ut singulos per quaecumque juris remedia compelleremus, dando tamen eis terminum competentem.

Quinto capitulo, in hoc dixit ordinem appositum, faciendo quod de universitatibus studiorum domini sui, aliqui praestantes doctores & magistri ad concilium veniant.

Sexto capitulo, hoc etiam dixit se facturum, & jam scripsit ad regem Yspaniarum, & hoc amplius quia scripsit ad regem Scotiae litteras, quibus ipsum ad adhaerentiam & favores concilii exhortatur; ex quo etiam potest percipi, quod bonum animum habeat ad concilium.

Septimo capitulo dixit, quod non fuerat moris sui, neque etiam suorum praedecessorum, impedire se de rebus aut factis ecclesiae; propterea ipsi domini de concilio, qui prudentissimi sunt, provideant, & faciant facta sua, quia ejus majestas nulla impedimenta praestabit; sed omnia patietur executioni demandari.

Concilior. Supplem. Tom. IV.

Y 2

Octa-

(a) Is erat Martinus Gouge dictus de Charpaigne, ducis Bituricensis, deinde regis cancellarius.

(b) Bernardo de la Roche Carolo regi pergrato, cujus mandato plures legationes egregie obivit.

(c) Gerardo hujus nominis secundo.



ANNO  
CHRISTI  
1432.

Octavo capitulo ad hoc respondit, se delibérassé quod sequi volebat, & namquam erat sententiam mutaturus.

Ultimo capitulo, circa recessum nostrum optime providit, dando nobis aliquos milites & viros notissimos, qui nos conducere nt; & quamquam in multis periculis fuérims, tamen, favente Altissimo, omnia pericula evasimus, & usque ad hunc locum sani & securi, sicut videtis, perduci sumus.

## EPISTOLA GEORGII

De Trimollia,

Ad concilium Basileense.

*Scribit benigne a rege exceptor fuisse  
nuncios a concilio missos commenda-  
dumque eis ea quæ ad regem  
spectant in concilio tra-  
ctanda.*

1b. p. 172.

**A** Tres reverens peres en Dieu, tres honnourz & redoubtez signeurs, les signeurs preals, & aultres gens d'eglise du concile de Basle.

Tres reverens peres en Dieu, tres honnourz & redoubtez signeurs, je me recom-mande a vous tant comme je puis, & vous plaist scavoir que j'ay receu vos lettres, qu'il vous a pleu a m'escripse, & envoier par reverens peres en Dieu messieurs l'evêque de Novaire & l'abbé de S. Ambroise de Milan vos ambassadeurs, lesquels sont venus devers le roy mon souverain signeur, qui pour l'honneur du concile & de vos personnes, les a treshumblement receus & volontiers ois & veus, & offi ay oi la creanche que m'ont ditte de par vous vossis ambaxeurs; sur lesquelles choses que il vous a pleu m'i faire scavoir, tres reverens peres en Dieu, je me suis emploie de tres bon cuer, & tant que aveques le bon voloir, que le roy mondit souverain signeur avoit audit concile & a vous complaire, ils ont obtenu, che qu'ils ont volu requérir, & est le roy a delibere de envoyer audit concile son ambassade, & a consenti que les prelas & clergie de son royaume y envoient, en esperant tousiours toutesfois, tres reverens pere en Dieu, comme il le vous escript, que ses fais, s'il en est faitte mencion, soient traittez audit concile en tout honneur & bien pour luy & sa signourie, & favorablement: de laquelle chose je vous supplie, que aussi vous plaist le faire, car se autrement se faisoit, il me tourneroit a charge, veu que j'ay tres fort tenu la main a ce que vossis ambaxeurs eussent ce qu'il requeroient, comme plus a plain porez scavoir par eulx. Aussi, tres reverens peres en Dieu, touchant ma personne, mes fais & affaires, je vous recom-mande tres humblement en vous suppliant, que tousiours vous plaist me faire assavoir vos bons plaisirs, & a mon pouvoir je les accompliray; priant mon Signeur, tres reverens peres en Dieu, & tres honnourz & redoubtez signeurs, qu'il vous doint bonne

vie & longue, & vous ait en sa sainte garde, & doint accomplir l'œuvre dudit concile a l'honneur de luy, & au bon gouvernement de la Chrestiente. Escrict a Amboise, de septembre le deuxiesme MCCCCXXXII.

Le tout vostre humble George, signeur de la Trimoulle, de Sully & de Craon, grant chambellan de France.

## EPISTOLA PHILIPPI

Ducis Burgundiæ, ad sacrum Basileense concilium.

*Scribit in gratiam Ulrici de Mander-  
ebert electi Trevirensis.*

**R** Everendissimis in Christo patribus & dominis, sacrosanctæ generali synodo Basiliensi, &c.

Reverendissimi patres & domini, & amici præstantissimi, reverentiam debitam gratissimamque animum complacendi. Audivimus jam dudum multimodas exuberantissimasque V. P. sacræ congregationis causas, percipimusque vigilantissimas earum curas, quas pro manuactione incocepti operis diversis in partibus, tam pro hæreticorum reductione, quam patriarum Chricoliarum reparatione, impendere curarant. Animati itaque ex his adeo constanter solerterque inchoatis, & Deo duce continuandis, eandem paternitates vestras paucis sub verbis ac maxime sollicitamus cum affectu, rogantes quatenus in eo divino Spiritu, qui omnis concordie origo finisque existit, in medio vestrum suæ pietate habitante, Trevirensi ecclesie, cujus dudum dispendiosissimas magni periculi controversias nobis, pacem placeat procurare. Nam firmiter tenemus, quod nedum pro illa dumtaxat, verum & pro diversis aliis, & maxime vicinis ecclesiis, ac animabus pene infinitis, felicius, Deoque gratius per hoc agi præstolatur, pensatis his periculosissimis scandalo plenis rebus, dietim ex eadem radice pullulantibus, media pro hac re aptissima spero paternitates vestre poterunt & habebunt invenire, si rei series & facti finis debite compensentur. Et quamquam apostolica sedes forsitan non ei, cui patria statumque omnes forent, ob prænuntiatam translationem reverendi patris Spirenensis episcopi, arriserit. Non hoc tamen universalem ecclesiam movere merito deberet; sed juxta temporis locique qualitates, obviandum potius est periculis ac succurrendis animabus. Quod etsi paternitates vestras apostolica translatio forsitan movere poterit; moveat etiam pene consummefactum in ecclesia Trajectensi, ubi postquam immingere strages & cædes præcesserunt, non absque rerum nostrarum detrimento, quas, ut apostolicæ provisioni quod possemus assistere, periculo preditionique habuimus, tamen ratione suadente consultum extitit, illum potius præesse debere, cui licet a primordio provissum non fuerat; per quem ho-

1b. p. 171.

die

ANNO  
CHRISTO  
1432.  
die pax salutis patriæ procuratur, quam non acceptam personam patriæ gentique omni adversam continuare. Speramus quamobrem, quod si reverendus Ulricus de Mandescheit electus Trevirensis, de ejus persona facta inquisitione, repertus fuerit, uti per eum pax dari patriæ ac multis ærumnosis disceptationibus salubriter poterit provideri, nec alius ad has res acceptior dicitur patriæ, & ut audivimus, gratior invenitur. Non ambigimus iustissime & absque scrupulo aliquo stabilitur confirmabiturque, ejus etiam adversario renitente. Moveat paternitates vestras, quod nedum personæ, quin immo & ecclesiæ ac toti patriæ foret, his diebus maxime, in creatione pastoris & præsentis pontificis erectione providendum. Quis nempe credere posset, patres reverendissimi, tantorum hominum animos ad oppositum unquam præceptione apostolica flecti posse, ut illum quem mediis jamentis pro domino firmaverunt, ac fidem constantissime præstiterunt, abnegarent. Quanta præcipue orirentur scandala, antequam constantissimi vassalli censuris ab illo cui tam solemniter ac notorie jurarunt, pellerentur. Hæc ipsa rogamus in Christi viscibus pie singulorum animis revolvi, & demum per possibilia media pacem tantæ ecclesiæ præparari. Cetera penitus inexcogitabilia media tamquam inania propellenda. Nihilominus non minus prudenter agi putarem, si hæc alterius etiam partis assensu interveniente primo tractarentur, ut hinc inde moderata æquitate juxta subjectam materiam sublati scandalis tranquillitas subsequeretur, quæ pro bono universalis ecclesiæ ex cordis intimis fieri desideramus, nos ad quævis possibilia V. P. grata & accepta offerentes. Datum in oppido nostro Lovanienfi, mensis septembris die III. MCCCCXXXII.

Ad quæque V. P. beneplacita parati Philippus Burgundiæ, Brabantie & Limburgi dux, ac Flandriæ, Artesii, Burgis atque Namurci, &c. comes, sacri imperii marchio.

*Dinter.*

EPISTOLA JOHANNIS EBRACENSIS

Et Johannis de Mulbruno abbatum

Ad Julianum legatum concilii Basileensis præsidem.

De mittendis salvo-conductibus ad Bohemos.

15. p. 179. **R**everendissimo in Christo patri ac domino, domino Juliano divina miseratione S. Angeli diacono cardinali & apostolicæ sedis legato, domino & præceptori nostro glorioso, cum humillima recommendatione quicquid usquam poterunt reverentiæ.

Reverendissime pater & domine, nuper dum essemus in via veniendi ad Egram, occurrit nobis nuncius Egrensiū, qui de Pra-

**A**ga nobis attulit litteras, quarum copias dominationi vestræ 2. die vel 3. mensis currentis cum scriptis nostris direximus, ex quibus utcumque claruit, quod Bohemi pro securitate mittendorum nunciorum suorum, salvo-conductum civitatis Basileensis poscebant sibi in Pragam cum aliis præmissis salvo-conductibus exemplo transmitti. Sed quia consultum nobis fuit, ne simul omnes salvo-conductuum litteras, cum tam simplici cursore, sub tanto dubio & discrimine viarum, mitteremus, ne forte suppressæ vel subreptæ, profectio ambassiatorum Bohemicorum nimium retardaretur: nos eadem consideratione salvos conductus domini regis Bohemiæ & alium communis Egrensis, cum quibusdam aliis litteris ad congregationem ipsorum in montibus Cuthinis, per solitam nuncium transmissimus, ipsi in commune significantes, & quibusdam ad partem, quod dicto respectu salvos conductus, unum sacri concilii ad cautelam repetitum, unum domini regis & principum, marchionis Brandeburgensis, Johannis & Willelmi ducum Bavarie, tres apud dictam communem Egrensem reposuissimus, sicut & eisdem dominis de Egra ipsis clare scripserunt, petentes atque certis rationibus & motivis persuadentes, quatenus de salvo-conductu civitatis Basileensis, quem securum & plenum dedissent, & dicto dom. Willelmo duci, protectori sacri conc. præsentassent, non causarentur; quia utilius apud eundem dominum ducem reponeretur, quam si ipsis præsentaretur. Verum si omnino eundem vellent habere, sperarem, quod nullam omnino per hoc nunciorum suorum securitas sive transitus impedimentum sive difficultatem reciperet, quin ipsis in Basileam vel prope venientibus, idem dominus dux eundem salvo-conductum, vel ipsi Basileenses alium sibi similem salvo-conductum traderent, & quod propter hoc nequaquam suam deberent differe protectionem, & generales treugas juxta factam nobis commissionem, ipsis ex parte sacri concilii & totius partis nostræ obtulimus, & fieri petivimus; super quibus omnibus postquam usque ad XVI. dies expectassimus, nobis per litteras suas responderunt, prout in copiis præsentibus inclusis intelligere poteritis, & licet nostro judicio de dicto salvo-conductu nullam prorsus habeant difficultatem, neque eundem sibi putemus taliter promissum, ut ipsis dirigi debeat, ac etiam quod ex aliis causis dictorum suorum nunciorum differant missionem, quia ante dictam congregationem in montibus Cuthinis apud plerisque ex ipsis & plurimos de nostris, non modicum fuit dubium atque difficultas an mittere vellent. Et postquam nunc per Dei gratiam apud se deliberaverunt quod mittere volunt aliquos, tamen prævios nuncios præmittere disponunt: nihilominus nostræ negligentie suam protractionem imponunt, super quibus cum eis verbis vel scriptis contendere minime expedit, ne occasionem ipsis aliquatenus præbeamus retrospectiendi. Ideo cum omni mansuetudine secum, prout melius possumus, agimus, ut coepta prosequantur, & a proposito nequaquam resiliant, spem ipsis dantes, quod quantocius de-



ANNO  
CHRISTI  
1432.

desideratum conductum Basileensium ipsis procurabimus, & alias paratos quam primum secure poterimus ipsis destinabimus. Quare, gloriole pater, perspectis diligenter ipsorum scriptis, ipsa inclita V. P. perpendat, quod in publicum deducendum, & qualiter providendum sit, ne a proposito, in quo nunc fervere videntur, tepeſcant, vel totaliter, quod abſit, declinent. Et si nostrum, salvo semper meliori, placeret consilium, vellemus quod de consulatu Basileensi, de principalioribus aliqui per medium illustriſſis principis & domini, domini Willelmi ducis Bavarie & quorundam ex vobis notabilium, instantius convenirentur, & rogarentur, ac cum rationabilibus persuasionibus inducerentur, quatenus juxta effectum dati per eos salvi-conductus, in lingua nostra Almannica, & ipsi duci traditi, adhuc alium in meliori & pleniori, si fieri posset, forma, litteralem subito & absque dilatione darent et sigillarent salvi-conductum, refecatis verbis, si quæ in eis ponerentur, quæ ipsos aliquatenus exacerbare possent, eisque simul suggereretur, quod nos nuncios vestri satis timeremus, ne forte aliqui ex Bohemis, occasionem per hoc quærentes resiliendi a præmissis, hujusmodi salvi-conductu non manerent contenti, si similem ab eis habere vellent, sicut a quatuor principalibus suis conductoribus, dominis marchione Brandeburgensi, Johanne & Willelmo ducibus Bavarie, & communitate Egreſſi, licet eis minime fuerit promissus; ne tamen eis aliquatenus loco a tanto bonus declinandi pateat, rogaretis, quatenus ad cautelam hujusmodi conductum darent & sigillarent. Et si ad hoc induci possent, omne apud nos dubium sublatum esset, si nobis citius in Nurembergam, in domum Ebracensis, si ambo vel alter nostrum ibidem reperiretur, vel huc in Egram, vel alibi, ubi in vestro obsequio essemus, mitterentur; tunc nos illa uteremur indubie cautela, quod primo priorem mitteremus in Pragam salvi-conductum, & si manerent contenti, reliquum ipsis Basileensibus incunctanter restitueremus. Si alium requirerent, ne tantum bonum per hoc impediretur, secundum offerremus: & ita eos ad veniendum cum instantia, sicut & fecimus, requireremus. Si autem domini Basileenses salvi-conductum secundum sub forma principum principalium conductorum omnino dare recusarent, sub alia saltem forma repetitum litteraliter assignarent, & nobis sine mora mittatur, & faciemus quod nobis fuerit possibile. Non tamen videmus quod Basileensibus aliquid foret in hoc periculum, cum adeo a Bohemia distent, quod ipsis per viam facti nocere omnino non possent. Si tamen aliter judicaveritis esse faciendum, vestre humiliter cedimus sententia. Fideliter tamen unum hoc suggerimus, quod nulla mora dispendiosa in exequendis interveniat. Nam omni adhibita diligentia ex parte concilii, adhuc labor nos manebit non modicus, sed difficilis, ac laboriosa difficultas. Usque adhuc nullas omnino de successibus vestris ac domini regis Romanorum audivimus novitates. Si quæ sunt ad consolationem, rogamus, multorum, no-

bis clarius describantur, & omnino quærat colligere dispersos & licentiatos, & vocare ad concilium abſentes, ut præfati Bohemorum præcursores notabilem inveniant & concordem in Spiritu-sancto congregationem. Et credimus quod infra octo dies post præsentium exhibitionem, iidem præcursores ad Basileam veniant. Præsentium hic portitor infra duos dies de Basilea, ut aſſerit, poterit esse expeditus, & ad Nurembergam simul & Egram de propinquo protinus revertetur. Placeat igitur V. D. nobis per eundem demandare, quæ decreveritis. Altissimus ad laudem suam & consolationem suorum fidelium vos confortare & consolari dignetur. Scriptum Egre die XVIII. septembris Anno Domini MCCCXXXII.

Reverendiſſimæ V. P. humiles obedientiarum frater Hermannus abbas Ebracensis & Johannes de Mulbruno nuncios concilii Basileensis.

#### SALVUS-CONDUCTUS

Marchionis Brandeburgensis & Johannis ducis Bavarie concessus. Bohemis.

GRATIA Dei Fredericus marchio Brandeburgensis, sacri imperii archicancellarius, & Burgavius Nurembergensis, Johannes comes Palatinus Rheni & Bavarie dux, ad universorum notitiam deducimus per præſentes, quod sicut communitates, barones, nobiles viri ecclesiastici, ac populus de regno Bohemie & marchionatu Moravie, suos ad sacrosanctum generale concilium Basileense ambassiatos & nuncios, pro sue intentionis limpidiori elucidatione destinare deliberarunt, nos ad honorem Dei, universalis ecclesie pacem, fraternæ dilectionis reconciliationem, instantesque ac multiplicatasque sacri præfati concilii preces, & præſertim præclari regni Bohemie gloriam & salutem, omnes hujusmodi suos ambassiatos & nuncios ad locum dicti concilii conducendi, ac deinde ad metas regni sui reducendi, in nostris humeros & curam, ut sequitur, suscipimus, præſentibus pro nobis A. B. etiam marchionibus & D. duce filiis, ac omnibus hæredibus subditis amicis & fautoribus nostris cunctisque nostre partis fidelibus extra regnum Bohemie consistentibus. Recognoscentes & bona fide puroque corde, sub discrimine & perditione honoris & famæ utriusque nostrum promittentes, quod salvos-conductus per memoratum sacrum concilium & illustriſſimum principem & dominum nostrum gloriosissimum dominum Sigismundum Romanorum Hungarie, &c. regem, eisdem ambassiatoribus & nunciis, ac quibusvis aliis & singulis, secum, ad præſatum concilium destinandis, concessos cum omnibus suis clausulis, modis, punctis, et conditionibus, ac etiam nostro salvi-conductu, quem præſentibus ipsis plenum, securum & liberum concedimus, pure, integre, illæſe & inviolabiliter servabimus, & ipsi servabunt; adicientes quod eosdem ambassiatos & nuncios cum omni sua familia rebus & bonis, quæ secum ferre decreverint

1b. p. 18.

ANNO  
CHRISTI  
1432.

in Tuscia, Tachonia, vel Engelsburg, tempore per vos opportune nobis intimando, cum manu gentium armigerarum in nostram protectionem & firmam custodiam favorabiliter recipimus, & usque ad Basileam salvos & securos perducemus, ubi juxta pacta, conditiones & modos inter se & dictum concilium concordatos, secure & libere morari, sibi que commissa perorare, et expedire poterunt; et postquam ad propria redire voluerint, mox ut requisiti fuerimus ipsos in fortitudine gentium armatarum ad aliquem locum predictorum, quem ipsi maluerint, cum familia & rebus suis salvos, et securos sine contradictione, offensa, injuria et impedimento nostris aut cujuscumque alterius reducemus: ita tamen quod, servatis singulis punctis et omnibus clausulis salvorum conductuum, plene et inviolabiliter illis concessorum, quamprimum ad regnum suum redierint, de dicto salvo-conductu ultra non obligemur. Sinceris insuper fide et corde, absque dolo et fraude promittimus, quod si per prefatum concilium Basileense, aut dictum dominum regem Romanorum, aut partem ipsorum, nos aut aliquem nostrae partis, cujuscumque conditionis vel status extiterit, praescriptae assurationis forma et modus in quocumque puncto vel clausula violati, et non servati fuerint, quod Deus avertat, et sufficiens emenda juxta modum excessus sive defectus, mox non fuerit subsecuta, a dictis legatis secundum aequitatem merito approbandam, ex tunc prout, ex nunc, et ex nunc prout, ex tunc, censemus et praesentibus profitemur palam et publice nos fidem violasse, et honorem cum omnibus bonis nostris perdidisse, dantes dominis baronibus, civitatibus, et capitaneis, et communitatibus regni Bohemiae et marchionatus Moraviae, et eis adherentibus quibuscumque, plenam, liberam et omnimodam potestatem bona nostra omnia mobilia et immobilia pleno jure occupandi, arrestandi, de eisdem se intromittendi, ac ea rite et iuste possidendi, accusatione, excusatione, resistencia et contradictione quibuscumque omnino procul motis.

## EPISTOLA SIGISMUNDI

Regis Romanorum

Ad Willelmum comitem Palatinum  
Rheni, etc.

*Legator sibi a papa cardinales retulisse nihil ad concilii intentionem; iterum se Romam, ut unioni papam inter & concilium sedulam navet operam, interim suspendantur processus omnes adversus papam.*

7b. p. 183. **G**eneroso Willelmo comiti Palatino Rheni, ac duci Bavariae, nostro locum tenenti, amico & principi nostro carissimo. Quemadmodum tuae dilectioni alias scripsimus, qualiter dominum papa duos de cardinalibus suis ad nos transmittere vellet: ita

in septimana praeterita lidem cardinales de Monteforti & de comitibus adfuerunt, quia cardinalis de Urfinis venire non potuit, & quia praefatus cardinalis de Monteforti bonae memoriae, permissione Dei omnipotentis mortuus est, cardinalem de Comitibus audivimus, & quicquid nobis ex parte papae retulit, intelleximus; & ex quo ipsius proposito multum extra viam & contra nostram & sacri concilii intentionem fuit, consideravimus plane nihil finale concludere aut agere secum posse, quod cederet ad utilitatem sacri concilii, nisi personaliter cum sua sanctitate constituti simus, prout de hoc per ipsum cardinalem & nostros proprios ambasciatores plene specificati sumus, quod quandoque secum constituti fuerimus, ex tunc sine dubio nostram intentionem obtinebimus in omnibus rebus, ad quod propter melius bonum nostram voluntatem & nos inclinavimus. Ex quo enim usque modo tot fatigas, & labores propter hanc causam subivimus, neque in futurum laboribus parcere volumus, si forte in hoc christianitati possemus deservire, sicut speramus in Domino rem bene prosperari. Et quamquam papa omnem securitatem nobis obtulerit pro nostro ad ipsum adventu, tamen nolumus hanc acceptare, ne quis dicere possit, quod nos cum ecclesia & cum papa uniti discordias seminemus, & quod nemo dicat Romanorum regem, mediante salvo-conductu, Romam intraffe. Sed intendimus libere & confidenter suae sanctitati confidere, etiam disponimus cuncta pro via; & sicut notum est tuae dilectioni, qualiter Florentini has nostras terras, Senas videlicet & Lucam, & alias imperio subiectas in Tuscia, guerris multum occupant; non possemus ullomodo hinc ad Romam proficisci, & nostros sic in guerris deserere, propter quod cardinalis de comitibus laborat treugas per aliquot menses inter partes ponere in praesenti septimana: quo facto, intendimus nos iter arripere, & speramus in omnipotenti Deo, postquam ad suam sanctitatem venerimus, quod inter concilium & ipsum bonam concordiam & unionem faciemus, & factum bono & laudabili fine concludemus, prout etiam super hoc concilio scribimus, secundum tenorem cedulae praesentibus interclusae. Quapropter, amice carissime, si quippiam sacro concilio sinistre aliquid suggereret, & nostram bonam intentionem suggillare vellet, & forte dicere quod vellemus nos cum papa componere, & concilium relinquere, quod talia nulla via credant; nam pro certo scire debent, si non propter concilium Romam properarem, quod nullo modo propter nostram coronationem ex nullo pacto ab hinc recederemus. Et si Dominus Deus per bonam concordiam nos jungat, est nobis cordi coronam suscipere, quod si concordare non possemus, quod Deus avertat, sine nostra coronatione revertemur, sacro concilio assistendo cum omni diligentia, tam in his partibus quam alibi, quod poteris dominis & patribus de concilio, consolando eos, dicere, quia non audemus eis tam clare scribere, pro eo quod ipsa causa papae ne innotescat interim quod secum age-



ANNO  
CHRISTI  
1432.

agemus, ne daretur occasio discordiæ. Etiam velis dare operam, quod ipsi contra papam & alios non procedant, sed expectent nostram honorabilem ambassiatam, quam in brevi cum plena instructione ad te & ad ipsos dirigemus. Hic etiam cautum exitit, quod in Romana curia omnes processus & alia quæ contra concilium forte attentata essent, etiam suspensa sint, & non dubitent cum facta fuerit, Deo dante, hæc inter nos unio, quod omnes personæ in concilio existentes, parvæ & magnæ, ita asscucurabuntur, quod ex hoc complacentiam habebunt. Etiam speramus, facta inter nos concordia, quod auxilio papæ, Deo propitio, omnes Italiæ partes in bona pace ponemus, quod cum fructu et honore ad nostram deinceps redeamus. Inde rogamus te, omni mora postposita, quod nobis insinua-  
re velis, quis modus in Basilea habitus sit cum ambassiatoribus papæ, quia illius notitia in factis nostris multum nobis poterit prodesse. Et omnia ista poteris domino card. Placentino, dom. S. Angeli, domino achilepiscopo Mediolanensi, civitati Basileensi & aliis nostris secreta revelare. Datum Senis in die S. Michaelis MCCCCXXXII.

Sigismundus, &c.

#### EPISTOLA SIGISMUNDI

Regis Romanorum,

Ad patres concilii Basileensis.

*Cum statueret personaliter adire summum pontificem, orat ut interim processus in eum suspendantur.*

Ib. p. 185. **R**everendissimis ac venerabilibus in Christo patribus sacrosanctæ synodi Basileensi, &c.

Reverendissimi patres in Christo, &c. scripsimus alias V. R. P. de adventu reverendissimorum cardinalium, quos SS. dominus summus pontifex ad nos huc destinare decreverat, itaque septimana transacta, reverendissimi patres domini cardinales de Monte-forti & de comitibus hunc locum intraverunt, & sicuti Deo placuit, ipso domino de Monte-forti ab hoc sæculo transmigrante, audivimus R. P. dominum cardinalem de comite, ac ea quæ nobis ex parte suæ sanctitatis exposuit, concepimus. Et cognoscendo quod nihil utilitatis proficere possemus in rebus gerendis, nisi cum sanctitate domini summi pontificis personaliter jungeremur, illud amplexi sumus, & jam modi et viæ pro hujusmodi transitu parantur, nulla revera penitus privata causa seu alia ratione ad hujusmodi transitum nostrum permoti, nisi solum ad bonam concordiam & unanimitatem inter sanctitatem suam & sacrum concilium adaptandam. Et sic speramus, quod cum Dei adiutorio illa succedet. Statuentes vobis patribus hæc scripta nostra præmittere, ne iste noster transitus vobis patribus aliter quam sit interpretetur, quemadmodum in brevi eandem P. V. per solemnes nuncios

A nostros de singulis rebus clarius informatum. Unde rogamus, suademus, petimus, affectuosissime adhortamur V. P. ne tempore medio aliquod scandalum oriatur, aut intercidere possit quomodolibet casus hujusmodi salutiferi negotii turbativus, ut interim a processibus & aliis rebus, quæ contra dominum apostolicum aut alias personas forte jam fierent, superfedere velitis usque ad proximam clariorem nostram avisationem, & sic etiam hic dispositum est et amplius disponetur, quod de omnibus cessabitur, quæ forsitan tentata essent contra vos, ut sic in tranquillitate & fiducia possint tractari ea, quæ sunt ad concordiam & unanimitatem mutuam, et salutem ecclesiæ Dei, uti speramus in Domino, feliciter paritura. Datum in civitate nostra Senarum, die XXXIX. septembris, anno Domini MCCCCXXXII.

Sigismundus, Dei gratia, &c.

#### PROPOSITIO

*Ambassiatorum Universitatis Colonienfis.*

**Q**uia prolixitas mater est rædii, nec hanc Ib. p. 186. requirit præfentis pondus negotii, idcirco non sermonem aut perfectam collationem, sed qualemcumque breviter nostræ præsentationis huic sacro concilio, ad quod sumus nomine universitatis studii Colonienfis destinati, introductionem, ego in medio seniorum, ubi potius audire quam loqui mihi congruit, trepide constitutus sub correctione, probaturus assensum pro themate: *Stella dederunt lucem in custodiis suis, & latata sunt; vocata sunt, & dixerunt: Assumus.* Baruch. 3. O sacrosanctum & toti religioni christianæ saluberrimum collegium, in Spiritu sancto, qui est instaurator pacis, fidei & virtutis, legitime congregatum, utinam sine offendiculo finaliter prosperandum! Quoniam, juxta sententiam Apostoli, in firmamento veritatis Dei una ecclesia, quæ est fidelium Christi, uno baptismo efficiens, una fide formaliter, uno Spiritu finaliter adunatorum monarchia, ad instar Jerusalem celestis suæ matris, per ordinatas regni sacerdotales Hierarchias disposita, princeps pacis et virtutis, auctor fidei et veritatis, pastor justitiæ et bonitatis, idem Deus a quo omnia sunt ordinata, secundum verbum Apostoli ad Rom. 13. primo posuit apostolos, primitias Spiritus habentes, velut astra matutina; secundo prophetas, legis divinæ interpretes, et oratores, velut luminaria meridiana; tertio doctores, infantium in lege divina radium eruditores, velut stellas vespertinas, prout innuit Apostolus 1. ad Cor. 12. Hinc est quod fidelis ecclesiæ propagatrix Estellifera, ac per hoc schismatis unitatem regni dividens, hæretis sacerdotum fidei impugnantis, et viæ irregularis pontificum sanctitatis exemplaris pervertentis, detestatrix catholica universitas studii Colonienfis, alma mater et nutrix nostra scholastica ad hoc sacrum concilium frequenter vocata, horata et invitata, cum jam conspiciat se per apostolos et prophetas, id est principales ecclesiæ prælatos et eorum oratores preven-

ANNO  
CHRISTI  
1432.ANNO  
CHRISTI  
1432.

tam, ac per hoc suæ vocationis tempus advenisse legitimum, inexcusabiliter opportunum, tamquam provida et sollicita sui custos ordinis, verbo et opere fatagit prurumpere in præfati formam thematis: *Stellæ dederunt lucem in custodiis suis*, etc. Stellæ, inquam, de quibus scribitur, Danielis 12. quod qui ad justitiam erudiunt multos, fulgebunt quasi stellæ in perpetuas æternitates. Cui alludit illud Ecclesiastici 24. *Qui elucidunt me, vitam æternam possidebunt*. Hæ quippe stellæ, in nostræ præmemoratæ universalitatis lucentes firmamento, dederunt lucem in custodiis suis, suæ vocationis ordinem, et suæ possibilitatis congruitatem perpendentes, et lætatae sunt suum matutinum ad perfectum hujus sacri concilii desiderium appere.... vespertino commergentes, ex quo desiderium completur, lætificat animam Proverbiorum 13. vocatæ sunt, *Vox turturis in terra nostra audita est: Surge Aquilo, veni Auster, persa hortum meum, & fluent aromata illius*. Cant. 4. quæ est vox Spiritus sancti suæ ecclesiæ, quam in unitate fidei congregavit, ruinas, proh dolor! multifarias gemitu incenarrabili deplangentis, et ad reformationem ejusdem nos invitantis; quam etiam æterna sapientia a Spiritu sancto incarnata foras, in plateis, in capite turbarum et foribus urbium prædicat, dicens: *Ulique parvuli diligitis infantiam, & stultiæ quæ sibi sunt noxia cupiunt, & imprudentes odibunt scientiam? convertimini ad correctionem meam. En proferam vobis spiritum meum, & ostendam vobis verba mea*. Prov. 1. Stellæ nostræ universalitatis, quarum nos sumus pusilli radii, ut præmittitur, *vocatæ dixerunt. Assumus*. dudum nos suos ambasiatores ad hoc sacrum concilium tempore congruo sibi destinandos eligendo, et nunc per eosdem se eidem concilio præsentandos, quemadmodum poteritis confidenter intelligere, si et nunc per eosdem se eidem concilio præsentando per litteram missivam, quam una cum procuratorio offerimus, iusseritis legi publice: Itaque uterque nostrum in signum nostræ legationis individuae, in persona nostræ universalitatis, cujus legatione fungimur, singulariter potest dicere: *Ecco ego quia vocasti me*. 1. Reg. 3. ne tangamus ab illo horrendo divinæ comminationis improperio, quod subditur Prov. ubi supra: *Quia vocavi, & renulistis; extendi manus meas, & non fuit qui aspiceret: despectistis omne consilium meum, & increpationes meas neglexistis*. Ego quoque in interitu vestro ridebo & subsumnabo, cum vobis quod timebatis adveniret, cum irruerit in vos repentina calamitas, & interitus quasi tempestas ingruerit, quando venerit super vos tribulatio & angustia: tunc invocabunt me, & non exaudiam; mane consurgent, & non invenient me, eo quod exosam habuerint disciplinam, & timorem Domini non susceperant, nec acquirerunt consilio meo, & detraxerunt universæ correctioni meæ. Sic ergo verificamus præmemoratam thematis sententiam, *Stellæ dederunt lucem* &c. in obedientia sanctæ matris ecclesiæ, quam ejus rex & legislator, sacerdos & legislator, pontifex sive pastor, Altissimus in pacifica regni unitate,

Concilior. Supplem. Tom. IV.

A sacerdotali christianæ legis veritate, & pastoralis exemplarium morum bonitate dignetur feliciter conservare, ex quo sine legitima talis ternarii harmonia nequit consistere ecclesiastica hierarchia.

## LITTERÆ ALPHONSI

Regis Aragonum,

*Quibus Bernardum Serra procuratorem suum generalem ad concilium Basileense creat.*

U Niversis hujusmodi seriem audituris instrumenti quomodolibet seu visuris pateat evidenter, quod nos Alfonso Dei gratia rex Aragonum, Siciliæ, Valentiæ, Majoricarum, Sardinie et Corsicæ, comes Barcinonæ, dux Athenarum & Neopatriæ, ac etiam comes Rossilonis et Ceritanie, de fide et animi puritate venerabilis et dilecti elemosynarii nostri fratris Bernardi Serra ordinis Cisterciensis, plenarie confidentes, nos eundem fratrem Bernardum Serra præsentem, et onus hujusmodi procuracionis in vos suscipientem, procuratorem nostrum certum et specialem, et ad infra scripta generalem facimus, constituimus, et ordinamus tenore præsentium: videlicet ad comparandum, et præsentialiter interessendum, seu vos vice et nomine nostri præsentandum coram reverendo in Christo patre domino Juliano divina providentia sacrosanctæ Romanæ ecclesiæ S. Angeli diacono cardinali, in Germania sedis apostolicæ legato, præsententeque in sacro concilio Basileensi, aut quovis alio, necnon reverendis ac venerabilibus in Christo patribus, religiosis, ac illustribus, spectabilibus, magnificis, egregiis et nobilibus viris miseratione divina archiepiscopis, episcopis, abbatibus, aliisque personis ecclesiasticis vel secularibus in eodem sacro concilio existentibus, inbique nomine nostro, illustriumque fratrum nostrorum, seu cujusvis eorum, ac subditorum et vassalorum nostrorum, quaecumque vobis pro interesse seu jure nostro, seu illorum, aut cujusvis eorum, vel alias videbuntur vobis ibi agenda seu expedienda proponendum, dicendum, explicandum et allegandum de jure nostro & eorum, decendum, protestandum quoque, & requirendum, ac si vobis videbitur contradicendum, sive dissentiendum, seu opponendum, & de eisdem seu eorum quolibet instrumentum seu instrumenta publica confici requirendum pariter & habendum, & generaliter omnia alia faciendum & libere exercendum, quæ nos ipsi possumus personaliter constitui, etiam si majora & graviora fuerint, superius expressatis, & etiam quæ de jure vel de facto mandatum exigent speciale, vel sine quibus prædicta vel eorum aliqua ad effectum debitum perducere nequirent. Quoniam nos in & super eisdem omnibus & singulis ac dependentibus, seu emergentibus ex eisdem, vices nostras plenarie vobis committimus, cum omnimoda facultate promittendi vobis in nostra regia bona fide, & notario & secretario nostro sub scriptis tamquam publicæ per-

Ib. p. 188.



ANNO  
CHRISTI  
1432.

sonæ pro nobis & omnibus illis quorum inter-  
ferit vel interesse poterit, nunc vel in fu-  
turum stipulanti & legitime recipienti. Nos  
semper habere ratum, validum atque fir-  
mum, quicquid per vos ipsum procurato-  
rem nostrum procuratum & actum fuerit si-  
ve gestum, & nullo tempore revocare sub  
bonorum nostrorum omnium hypotheca. Quod  
est datum & actum in civitate Siracusarum  
die VII. mensis octobris, anno a nativitate  
Domini MCCCCXXXII. regnique nostri  
XVII.

Signum Alfonsi Dei gratia regis Arago-  
num, Siciliæ, Valentie, Majoricarum, Sar-  
dinie, & Corsicæ, comitis Barchinonæ, ducis  
Athenarum & Neopatriæ, ac etiam comitis  
Rossilionis ac Ceritanie, qui prædicta  
concedimus & firmamus, huicque sigillum  
nostrum impendendum iussimus apponendum.  
Rex Alfonsus.

Testes sunt qui prædictis interfuerunt no-  
biles Bernardus Johannis de Capraria comes  
de Modica, Dalmacius vicecomes de Ru-  
pebertino, & Raymundus de Perilionibus  
gubernator Rossilionis & Ceritanie, mili-  
tes, consilarii domini regis prædicti.

Signum mei Johannis Olzma secretarii  
domini regis prædicti, ejusque auctoritate,  
notarii publici per universam ditionem suam,  
qui de ipsius mandato prædicta scribi feci  
& clausi.

#### EPISTOLA ALPHONSI

Regis Aragonum, ad concilium Ba-  
siliense.

*Mittit ad concilium Bernardum Serra ordi-  
nis Cisterciensis.*

Ib. p. 189.

Reverendo in Christo patri domino Julia-  
no divina providentia sacrosanctæ Roma-  
næ ecclesiæ tituli S. Angeli diacono car-  
dinali, in Germania sedis apostolicæ legato,  
præsentique in sacro concilio Basiliensi, a-  
mico nobis carissimo, Alphonsus Dei gratia  
rex Aragonum, Siciliæ, Valentie, Majori-  
carum, Sardinie, & Corsicæ, comes Bar-  
chinonensis, dux Athenarum & Neopatriæ,  
ac etiam comes Rossilionis & Ceritanie,  
salutem, & votivis successibus gratulari,  
neque non reverendis ac venerabilibus in Chri-  
sto patribus, & religiosis ac illustribus, spe-  
tabilibus, magnificis, egregiis & nobilibus  
viris miseratione divina archiepiscopis, epi-  
scopis, abbatibus, personisque secularibus  
in eodem sacro concilio existentibus, devo-  
tis, nobisque sincere dilectis, salutem & de-  
votionis affectum.

Super nonnullis negotiis sacrosanctæ ma-  
tris ecclesiæ nostræque commodum concer-  
nentibus & honorem, destinamus ad sacrum  
ipsum generale concilium de nostræ mentis  
intento informatum venerabilem & religio-  
sum & dilectum elemosynarium nostrum  
fratrem Bernardum Serra Cisterciensis ordi-  
nis, præsentium exhibitorem, regantes affe-  
ctuose reverendas paternitates, illustres ma-  
gnificentias & nobilitates vestras, quatenus  
acti nostri elemosynarii relatibus velitis,

velut nostris fidem credulam adhibere. Da-  
tum in civitate Syracusarum sub nostro si-  
gillo secreto, die VII. mensis octobris, an-  
no a Nativitate Domini MCCCCXXXII.

Alfonsus propria manu.

#### EPISTOLA ALPHONSI

Regis Aragonum, ad concilium Ba-  
siliense.

*Notam facit concilio victoriam a se repor-  
tatam in regem Thureti.*

Reverendo in Christo patri domino J. di-  
vina providentia sacrosanctæ Romanæ  
ecclesiæ S. Angeli diacono cardinali, in Ger-  
mania sedis apostolicæ legato, præsentique  
in sacro generali concilio Basiliensi, amico  
nostro carissimo, Alphonsus Dei gratia rex  
Aragonum, Siciliæ &c. salutem & votivis  
successibus gratulari. Necnon & reverendis  
ac venerabilibus in Christo patribus, & re-  
ligiosis ac illustribus, specabilibus, magni-  
ficis, egregiis & nobilibus viris miseratione  
divina archiepiscopis, episcopis, abbatibus,  
personisque secularibus in eodem sacro ge-  
nerali concilio existentibus, devotis, nobis-  
que sincere dilectis, salutem & dilectionis  
Cassatum.

Non ambigimus pro vestra & religione  
in Deum, & caritate in nos, & zelo in cun-  
ctum catholicum populum, gaudium non  
mediocre vos suscepturos, si quid enarrari  
audieritis, in quo summi Dei laus, ac gloria  
nostra, insignis victoria denique, & no-  
minis Christiani exaltatio manifesta consistat,  
hoc nobis ita jam esse certo persuadentes,  
judicamus nulla ratione prætermitti a no-  
bis debere, quin acceptum a Deo singulare  
donum penes vos profiteamur, pariterque  
vestros animos ingenti quadam lætitia replea-  
mus. His enim proximis diebus, cum in no-  
strum Siciliæ regnum classem non invalida sti-  
pati pervenissemus, tametsi alia gravia men-  
te ageremus, quæ nondum sui natura com-  
mode exequi posse arbitrabamur, tamen non  
immemores injuriæ, quam e triennio lapsa  
nostræ insulæ Mileveti rex Tuninensis infer-  
re, quamquam frustra conatus fuerat, & in  
alios Christi fideles quotidie inferebat, sta-  
tuimus primum antequam illa ipsa agenda  
aggredieremur, hujus regis littora hostiliter  
visitare, ut secum, si vellet, armis decerta-  
re possemus. Audientes autem eum duas  
tantum dietas ab insula sua Eorborum dis-  
tare, locum veluti sibi proximiorum, ac na-  
vigiiis nostris magis quodammodo portuo-  
sum, delegimus, molem scilicet quandam  
lapideam, quæ insulam hanc Punico littori  
annectit. Die itaque solemnium assumptionis glo-  
riose Virginis Mariæ, qua primum ad eam  
insulam applicueramus, fructum inter insu-  
lam ac Libicam prædictam littora medium, sub-  
tili arte ac diligenti studio per quasdam fe-  
re ariditates seu exigua maria navigantes,  
ad mirabilem illam molem pervenimus. Est  
hæc moles tamquam pons longitudinis sex  
millium passuum, & supra solida, non for-  
ni-

ANNO  
CHRISTI  
1432.

Ib. p. 190.

nibus constructa, fretum illud medium intersecans. Hanc molem circa ejus medium sine mora conscendimus atque occupavimus, occurrentes resistentesque barbaros hostes oppressimus, atque in fugam vertimus, tentoria nostra ibi fiximus, vexilla & Christiana insignia & particularia nostra gerentia firmavimus. Insulam illam Eerborum populosam, fertilem, opulentissimam, prima nostri adventus hora ita obsedimus, ut jam incolæ sui non tam de fortunarum jactura, quam de liberorum, de conjugum, de propria deditioe cogitarent. Nos vero non quidem prædæ cupidine moti, cum rapinæ incendio credenti eam subicere, ferroque ac flamma frondes agros depopulari, ac prorsus vastare sine magna difficultate possemus, regem inimicum nostræ navigationis non ignarum adventare cum innumerabili militum ac peditum multitudine intelligentes, maluimus, ut cum eo confingeremus, expectare, quam in ipsam insulam irrumpere. Tum rex Tunisensis barbarorum omnium regum & potentissimus, atque ante hoc tempus invictus, cognita molis illius nostræ captione, aliquos dies moram fecit, nec ulterius progredi ausus est, ni prius bene omnibus exploratis. Litteras interea ad nos præmisit, quibus petebat ut suum adventum præstolaremur, turpe ac ignominiosum ei fore commemorans, qui terga ostendisset. Polliciti fuimus hosti nos, quod sponte aliquandiu feceramus, proinde ipso poscente sat amplius facturos, idque dies per undecim ex tunc in ponte expectantes, at cibaria nostra paulatim consumentes, ut promiseramus, implevimus. Nam cum invadendi insulam occasio peropportuna esset, ea prætermissa, non prius ex ponte pedem retulimus, quam regis inimici adventus notus nobis esset, castra proxima, confictus exercitus, fuga perfecta. Hæc enim ita acta sunt, ut dicimus, copiosiusque, ut firmiter credimus, gavisi fuissimus, non de regia fuga, sed de captivitate, non de prostrata exercitus parte, sed de toto partim cæso, partim in vincula conjecto; non de tentoriis aut hostilibus vexillis, sed de universis impedimentis, si consilia suscepta exsequi designata die potuissimus. Sed fuit, nescimus an dixerimus voluntas Dei, an vero fortunæ invidia, quæ tantam gloriam per nos comparari prohiberet, quamquam non sine memorabili victoriâ transierimus. Nam cum penultima die Augusti undique hostes, & Poeni, & insulares, uno consilio, una hora, non solum ab insula, sed etiam a litore Punico, nos acriter invasisent, magnaque virtute a nobis utrimque rejecti cum magna sua strage fuissent; statueramus die secunda Septembris acie ordinata in ligneas arces, quas rex barbarus penes extremitatem pontis fortissimè fecerat, atque eo tempore sæpius inhabitabat, ac in omnem exercitum suum impetum facere, lintribus exploratorisque navigiis, quæ brigantinos vulgo appellamus, & schaphis, bene instructis, aridum mare juxta latus pontis seu mollis navigare, & arces illas ac reliqua tentoria regia, quæ multa erant in ponte, ne quis inde in terra regredi posset circui-

Concilior. Supplem. Tom. IV.

re, obsidere, atque expugnare. Sed pridie quam id acturi essemus, hostes animo delibato & instructa acie impetum in alteram ex barrieris seu bastidis nostris circa medium pontem constructis fecerunt, graviter injuriis atque ignominiosis verbis fideles nostros, qui ob mandatum nostrum prævio intuitu exire nullo pacto intendebant, latescentes aliquandiu cum seipso milites nostri continuissent, tandem insolentia tantæ impatientes, e castris profligant, in hostes irruunt, illos trucidant, occurrentes alios plurimos premunt, atque ita cædunt, ut magna barbarorum multitudo Christiana tela sustinere non valens, inter suas arces se conferre necessario studuerit. At vero nos B impetu quodam ac fervore animi, non temere provecti, hostilia munimenta simul cum hostibus invadimus, diruimus, ac solo æquavimus. Pervenimus ad regis Africi tentoria, quem tantæ stragis novitate attonitum, in gynæcium equum velocissimum sui imponunt, fugientemque filius rex Bugiæ, nepotesque qui cum eo erant, alique nonnulli primates, ac totus ferme exercitus per tria milia passuum fugiendo comitantur, sicque una evadunt. Fuerunt magnanimi plures ex inimicis viri præstantes ac primarii. Hi se nobis victoribus obicere voluerunt, ut morte sua victoriam nostram illustriorem redderent. Trucidati namque fuerunt nepotes & gener C quidam regis barbari, trucidati & alii de regia stirpe, plurimique milites tam potentia quam dignitate apud regem primi. De reliqua multitudine occisa, quæ maxima fuit, de tormentis bellicis in nostram potestatem redactis, de vexillis propriis, regis de tentoriis, de casside, de mycra, ceterisque regis ornamentis ad nos perlatis, nolumus ad jactantiam nostram meminisse. Hæc omnia parte militum nostrorum pugnantem adversus innumerabiles pene barbaros suæ inimitentes ferocitati consecimus. Quid die sequenti a nobis præstituta facturi fuissimus, cum toto exercitu præmeditatam ad pugnam accedente, facile ex comparatione quadam judicare quisque valet. Hic negotii exitus fuit, quod hoste fugato, in nostrum Siciliæ regnum, exhaustis fere alimentis, incolumes cum exercitu redimus. Nunc laudem tantam divinæ clementiæ, non virtuti nostræ attribuendam censentes, ejus vos conscios, quæ nos velut ministros ad nominis Christiani exaltationem habuit, his litteris nostris quo brevius fieri potuit facere studuimus, latius si gesta omnia diffuse duxeritis audienda, coram vestro confessu narrabit venerabilis dilectus elemosynarius noster frater Bernardus Serra Cisterciensis religiosus professus, quem cum aliis mandatis nostris ad sacrosandam ipsam synodum mittimus, E ut aliæ nostræ litteræ dilucide ostendunt. His pro tantis in nos Dei beneficiis, ut nobiscum Deum benedicatis, & in psalmis ac canticis, sicut nostra in eum devotio fert, jubileatis, petimus, hortamur, atque oramus. Datum Siracusis, die VII. octobris, anno a Nativitate Domini MCCCCXXXII.

Rex Alfonsus manu propria.



ANNO  
CHRISTI  
1432.

A

## EPISTOLA ELECTORUM IMPEKII 1

Ad concilium Basileense.

*Mittunt nuncios ad concilium, quibus fidem  
adhiberi rogant.*

Ib. p. 193.

**R**everendissimis reverendisque in Christo  
patribus & dominis, dominis & ami-  
cis præstantissimis, &c.

Reverendissimi reverendique in Christo pa-  
tres, &c. recommendatione devota antela-  
ta. In lapide angulari Jesu Christo militan-  
tem solidaram ecclesiam duplici robore, sa-  
cerdotio & imperio divina providentia sta-  
bilivit, nosque imperii electores, quos Dei  
ecclesia sacerdotes, & imperium sacrum prin-  
cipes constituit, ad sanctam catholicam &  
universalem ecclesiam & ejus unitatis bonum  
sic oportet & expedit sic habere respectum,  
quod nostri partes officii votive explere non  
possumus, si in ecclesia Dei discriminibus  
imminentibus pro viribus non occurramus.  
Quantum itaque catholicæ ecclesiæ astrin-  
gimur sollicita meditatione pensantes, unani-  
mi & devota mente ad vestrum celeberrim-  
um coetum convertimur, nostros destinan-  
tes oratores & nuncios præsentis, harum  
bajulos, quibus dedimus in mandatis non-  
nulla nostri parte sacræ vestræ concioni re-  
ferre, universalem ecclesiam, sanctissimum  
dominum Eugenium papam, & serenissimum  
dominum nostrum Romanorum regem con-  
cernentia, per quos cum reverentia sanctæ  
congregationi vestræ loquimur in sinceritate  
pura, rogantes, ut fidei nostræ zelum ipsa  
synodus sancta respiciens, nostræ devotionis  
alloquium placidius suscipiat, pro hac vice  
fidem adhibens eisdem oratoribus nostris cre-  
ditivam, in his quæ super præmissis excel-  
lentis vestris retulerint, sicque ad ea se  
sancta synodus clementer inclinet, ut a dis-  
sidiis & dispendiis quibus possit ecclesiæ ca-  
tholicæ imminere periculum, caveatur, ad  
laudem & gloriam domini salvatoris, qui  
personas vestras votive dirigere & conser-  
vare dignetur ad profectum ecclesiæ sanctæ  
Dei. Datum Francfordiæ die X. mensis octo-  
bris MCCCCXXXII.

Conradus Maguntinensis } archiepiscopi.  
Theodericus Colonienfis }

Ludovicus comes Palatinus Rheni & dux Ba-  
variae, &c.

Fredericus dux Saxoniae & marchio Misnen-  
sis.

Fredericus marchio Brandeburgensis & Bur-  
gravius Nurembergensis, sacri Romani im-  
perii principes electores.

## EPISTOLA ADOLFI DUCIS

Juliacensis ad concilium Basileense.

*Mittit ad eos VVimaram de VVachtendonk  
legum doctorem.*

**R**everendissimis nobilibus ac venerabilibus Ib. p. 194.  
p. 194. & dominis cardinalibus, archiepisco-  
pis, episcopis ceterisque venerabilibus do-  
minis prælati & etiam amicis meis singula-  
rissimis Sancti Spiritus circa initium salubris  
perfectiorem asit gratia pro salute.

Reverendissimi ac venerabiles patres &  
domini, vestrarum devotionum initium ac  
propositum, ut orthodoxæ religionis mem-  
brum, piæ congratulationis affectu commen-  
do, sperans in magnorum discriminum, pro  
dolor! præsentis temporis angustiis, ubi do-  
mestica consilia remedium non invenerunt,  
vestrarum dominationum suffragio, quorum  
prudentiam in altioribus negotiis laudabili-  
bus experientia frequentia approbavit salu-  
bre remedium. Et ne in tam sancti & sa-  
lubris propositi perfectione domestica vinea ar-  
guatur iterilis in mea persona, adibus ve-  
stris felicibus monitis & exemplis, prompta  
confurgo voluntate, vestro felici initio ope-  
ram dare nitens. Ea propter mitto ad præ-  
sents honorabilem virum Wimarum de Wach-  
tendonk legum doctorem, meritis suæ pro-  
bitatis mihi dudum consiliarium, acceptum  
ad exponendum V. R. P. meæ piæ inclina-  
tionis desiderium propositum & intentum;  
rogando quatenus eidem in referendis & a-  
gendis meo nomine, fidem plenariam & au-  
xilium V. R. P. dignentur impertiri, quas  
dominus noster Jesus Christus ad suæ ecclesiæ  
tranquillam reformationem feliciter conser-  
vare dignetur. Datum Colonie die B. Severi  
episcopi XXIII. mensis octobris MCC-  
CCXXXII.

Sanctæ matris ecclesiæ devotus filius  
Adolfus Juliacensis & Montensis  
dux & comes de Ravensberg.

## EPISTOLA CONCILII BASILEENSIS

Ad consules civitatis Argentinensis.

*Ut viros aliquos doctores ad concilium  
mittant.*

**S**acrofancta generalis Basileensis synodus, Ib. p. 19  
&c. Dilectis ecclesiæ filiis, magistro ci-  
vium & consulis civitatis Argentinensis,  
salutem, &c.

**E** Inter cunctas hujus sacri concilii sollici-  
tudines, nulla major est, & nobis magis  
fuit cordi, quam ut Bohemiarum regnum in ead-  
dem nobiscum unitate conjungatur, ad quod  
sanctum opus perficiendum, nihil quod ne-  
cessarium aut utile visum fuerit hactenus  
prætermisimus. Nam ut primum hæc sancta  
synodus congregata est, mox ad ipsum re-  
gnum piissimas litteras transmisisimus, cum  
omni efficacia exhortantes, ut cum pleno  
man-

ANNO  
CHRISTI  
1432.

ANNO  
CHRISTI  
1432.

## EPISTOLA LUDOVICI

Comitis Palatini Rheni, ad concilium  
Basileense.

*Mittis ad concilium doctores universita-  
tis suae Heidelbergensis.*

R Everendissimis in Christo patribus & do-  
minis, &c. Ib. p. 196.

In Christo reverendissime pater, & do-  
mine præcipue, ac patres reverendi amici  
peramandi, &c. Exhortati dudum & rogati  
nostros destinari oratores ad coetum inely-  
tum, ubi sollicita pietatis cura adversus ma-  
la Christianis populis impendenda, de op-  
portuno agitur auxiliiationis præsidio; nostræ  
semper fuit intentionis propositum, expeti-  
tam legationem doctorem tam libenti quam  
grato animo destinare, nec ab eo declinan-  
di cupidumquam incescit; quamquam sub-  
orta suspensionis concilii fama loquaci, non-  
nullis etiam aliis intercedentibus, paululum  
retracti, huc usque nostram legationem di-  
stulerimus. Tamen quia periculose inter di-  
fficles orbis motus humana jactatur morta-  
litas, grave naufragium factura, nisi com-  
munibus periclitantium suspiriis, ut aversis  
imperet flatibus, spiritus suscitetur Altissi-  
mi, in cujus nomine congregati, vestri, ut  
spe pulcherrime confidimus, sinceri suspirant  
affectus, ut jacula quæ ad ultionem pecca-  
trici carnis Dei immisit indignatio, pro-  
vocata offensa acerbiter per reformatio-  
nem christianæ religionis deposita pio hu-  
mani generis turbam miserationis conspi-  
ciens intuitus, pater provocatus clementer  
eripiat. In qua re quantum nostris incumbit  
humeris, oppresso populo revelationis spera-  
tæ sincero præstantes corde adminiculum,  
nostro & prælectæ filiæ inelytæ universita-  
tis studii Heidelbergensis nominibus, egre-  
gios magistros Nicolaum Magni de Janver,  
Gerardum Brand sacre theologiæ, & Otto-  
nem de Lapide decretorum doctores, viros  
pietate, scientia & circumspectione in-  
ignes, legatos & oratores nostros, ad coetum  
vestrum celeberrimum destinavimus pleno  
eisdem vestris paternitatibus & benignita-  
tibus recommendantes affectu, et rogantes  
ut pietatis & nostræ contemplationis intu-  
tu, benigniter eos suscipientes, caritative  
inantea pertractetis, ut eo placidioribus  
promptioribusque animis in vinea Domini  
pro optata salute fidelium obsequia impen-  
suri, boni cujuscumque, in laudem Jesu  
Christi & salutare humani periclitantis ge-  
neris remedium, exinde futuri participes nos  
constituant.

Ludovicus Dei gratia comes Palatinus  
Rheni, sacri Romani imperii archi-  
dapifer et provisor in partibus Rhe-  
ni, Sueviæ et Franconici juris, et Ba-  
variæ dux.

EPI.

mandato suos oratores ad hunc locum divi-  
næ convocationis destinaret, ubi futuram  
nobiscum ipsorum unitatem in Dei misericor-  
dia sperabamus. Sæpe deinde versus Bohe-  
miam nostros notabiles oratores misimus,  
qui hujusmodi sanctum negotium diligentius  
sollicitarent, ac celerius expedirent; actum  
est tandem interventu Spiritus sancti, ut con-  
venientibus in oppido Egræ ambasiatoribus  
nostris & Bohemorum, cooperantibus ad  
hoc dilectis ecclesiæ filiis nobilibus viris,  
Frederico marchione Brandeburgensi, & Jo-  
hanne duce Baviaræ, oratoribusque Nurem-  
burgensibus, & civibus Egreis, aliisque  
insignibus personis, unanimi consensu con-  
cluderetur, ut nobilis ambasiata omnium  
statuum regni Bohemiæ ac marchionatus Mo-  
raviæ ad hoc sacrum concilium proficisci de-  
beret, postquam a nobis certos salvos-con-  
ductus accepissent. Quos jam pridem in pla-  
na forma, prout conventum fuerat, ad eos  
destinavimus. Post hæc duo nuncii ex re-  
gno Bohemiæ, cum litteris credentialibus  
supervenerunt, asserentes se præmissos ad  
denuntiandum, post ipsorum reditum in Bo-  
hemiam, incontinenti ambasiatores dictorum  
regni & marchionatus, jam electos, ad con-  
cilium venturos, nec non ad hospitium & al-  
lia necessaria pro ipsis ambasiatoribus præ-  
paranda. Hi duo nuncii & in via & hic cum  
omni humanitate suscepti, & tandem de  
nobis bene contenti, in Bohemiam reversi  
sunt, affirmantes quod post ipsorum redi-  
tum, dicti ambasiatores sine mora iter huc  
veniendi arripient. Ex quorum verbis, quan-  
tum conjecturare possumus, circa finem se-  
quentis mensis novembris, aut ad plus ante  
festum natiuitatis Domini, memoratam am-  
basiatam nobiscum constitui arbitramur. Et  
quoniam hæc res tam pia & necessaria com-  
munis est omnium Christianorum, & ad eam  
promovendam consiliis & auxiliis quilibet  
catholicus pro viribus obnoxius est; cum-  
que eo præmotiores ipsos Bohemos ad unita-  
tem nostram suscipiendam sperandum sit,  
quo plures personas insignes in hoc loco ad-  
esse viderint, expediens fore existimavimus  
inter alias magnificas civitates, quam ad  
tam sanctum opus accersivimus, vestram et-  
iam invitare, cujus prudentiam plurimum  
Bohemorum reductioni accommodam esse  
speramus. Vos igitur cum quanta possumus  
instantia deprecamur, ut omni quo potestis  
affectu ac favore, rem istam saluberrimam  
velitis prosequi ac promovere, aliquos ma-  
gni consilii & bonæ conscientie viros, hu-  
icque prosecutioni affectus destinando, ut ip-  
sorum præsentia gentis Bohemiæ reductioni  
consilium & auxilium afferre valeat. Ex  
qua re Deo omnipotenti, cujus res agitur,  
vos gratissimos reddetis, Christianæ religio-  
ni plurimum proderitis, vestræque præclaræ  
nationis Germanicæ quietem & tranquillita-  
tem procurabitis, & nos omnes sacrum  
concilium celebrantes, ad quæque vobis gra-  
ta obligatos efficietis. Datum Basileæ die  
XXIX. Octobris anno Domini MCCCCXX-  
XII.

Explicit littera missa principibus Alman-  
niæ & communitatibus civitatum pro  
facto Bohemorum.



ANNO  
CHRISTI  
1432.

## EPISTOLA SIGISMUNDI

Regis Romanorum ad Concilium.

*Monet concilium de suo papam adeundi  
proposito, & de confederatione Po-  
lonorum cum hæreticis Bohemia  
adversus Teutonicos.*

1b. p. 197.

**R**everendissimis venerabilibus in Christo  
patribus, etc.

Reverendissimi in Christo patres, etc. Au-  
dito pridem reverendissimo domino cardina-  
li de Comitibus, quem sanctissimus dominus  
summus pontifex una cum reverendissimo  
domino cardinali de Monteforti jam vita fun-  
cto, alias ad majestatem nostram transmise-  
rat, et capta cum paternitate ejusdem pro  
accessu nostro ad Urbem et ad suam sancti-  
tatem conclusionem, nulla tamen alia de cau-  
sa, nisi solum ad bonam concordiam et una-  
nimitatem inter sacrum concilium et sancti-  
tatem suam adaptandam, mox P. V. scrip-  
tis nostris prout decuit, avistatas effecimus,  
ne transitus noster eisdem paternitatibus ves-  
tris aliter quam sit interpretaretur: modo  
supervenit nuncius Basileensis Barbatus, af-  
ferens nobis bullam sacri concilii, quæ con-  
tinebat, ea quæ per oratores summi ponti-  
ficis in Basilea acta sunt, ac etiam respon-  
sum laudabile ipsis per sacrum concilium da-  
tum, quæ omnia, quia nobis nedum grata,  
sed et necessaria erant, lætanter suscep-  
imus, et libenter audivimus, ac ea indubie  
ex Spiritu sancto processisse cognoscimus.  
Verum quia eadem bulla nos admonet, ut  
tractatibus quibuscumque cum summo pon-  
tifice et aliis supersedere, illosque amputa-  
re velimus, nisi sanctitas sua sacro concilio  
Basileensi simpliciter et absolute adhereat,  
&c. libenter valde audivimus avistationem  
illam, quoniam et illud semper intentionis  
nostræ fuit, nihil penitus cum sanctitate sua  
peragere, nisi concilio sine qualicumque li-  
mitatione annueret; nec meditatio illa,  
quam archiepiscopus Ebreundenfis, non de-  
mandato nostro, sed propria promotione in-  
terposuit, nobis umquam placuit, nec etiam  
quicquam acceptaremus, quod vergere pos-  
set quolibet modo in diminutionem seu de-  
rogationem sacri concilii Basileensis, & de-  
creti Constantiensis, quod incipit frequens:  
sed ut omnia personali præsentia nostra me-  
lius adaptare possimus, nos dedimus et ob-  
tulimus suam sanctitatem velle visitare, quo-  
niam nobis spes firma data est, quod ex mu-  
tua conventionem, et non aliter, illud ne-  
gotium aptari posset. Et pro eo nunc præ-  
mittimus solemnes oratores nostros, præla-  
tos, barones, & nobiles ad suam sancti-  
tatem, qui sibi exponerent ea quæ V. P. mit-  
timus præsentibus interclusa; et etiam vi-  
debant dispositiones pro transitu nostro apta-  
tas, secundum quas nos poterimus regere.  
Idcirco V. P. attente rogamus, quatenus in  
re illa nullum penitus scrupulum mentibus  
vestris velitis immittere, sed firmiter scire,  
quod transitus noster in nullum finem fiet,  
nisi ut dominus papa concilio adhæreat.  
Quod si obtinere poterimus, laus Deo: si

non, ex tunc sine corona et omnibus aliis  
privatis commodis huc revertemur, et ita  
inter nos et præfatum dominum cardinalem  
extitit prolocutum. Et licet, ut avistamur,  
multi nostro contrariarentur accessui, tamen  
in nomine domini nullum periculum nos re-  
moveere debet ab his, quæ conferre possunt  
ad prosecutionem ipsius concilii, et ejus fe-  
lices successus, quemadmodum V. P. subito  
per solemnes nuncios nostros informaturi lu-  
mus. Iterum regantes, ut cum processibus  
contra dominum apostolicum et suos usque  
ad proximam avistationem nostram superse-  
dere velitis; quoniam et hic dispositum est,  
ut ita fiat erga vos. Et hoc sua sancti-  
tas per venerabilem dominum Jacobum Sirk  
prothonotarium facere velle nobis asfirma-  
vit. Reliquum est, quicquid dicatur aut fiat,  
non reperiemur in alia sententia, nisi cum  
adhæione totali sacri concilii usque ad mor-  
tem. Præterea, reverendissimi patres, his  
novissimis diebus habuimus nova de regno  
nostro Hungariæ, de quadam confederatione  
Polonorum et hæreticorum Bohemiæ con-  
tra omnem nationem et præsertim Teutoni-  
cam, demta natione Hungariæ, quam, ut  
dicunt, excipiunt. Credimus tamen quod  
hoc fiat sub quodam velamine, quemadmo-  
dum in copiis præsentibus interclusis V. P.  
comprehendere poterunt. Quæ quidem res  
satis horrenda apud omnes arbitrari potest,  
quod hi qui fideles censentur, cum perfidis  
hæreticis in suppressionem catholicorum sic  
se connectunt, et jam apertius monstrant  
ea subsidia quæ ipsis hæreticis a prima pul-  
lulatione hujus pravitatis semper dederunt,  
quemadmodum constat omnibus nationibus  
convicinis, quod nisi fuisset adhærentia Po-  
lonorum, ipsi hæretici dudum ad alia fuissent  
deflexi. Hæc V. P. intimanda duximus, ut  
desuper cogitetis, et provideatis, ne isti co-  
natus Christianismo pericula parturiant du-  
riora. Datum Senis die ultima mensis octo-  
bris, regnorum nostrorum anno Hungariæ,  
etc. XLVI. etc.

Sigismundus, Dei gratia Romano-  
rum rex semper augustus, etc.

*Lecta cum copiis immediate subscriptis.*

## L I T T E R A

Missæ per concilium Basileense dominis  
cardinalibus in curia Romana exi-  
stentibus, VII. idus No-  
vembreis.

*Ut si contingat sedem apostolicam vaca-  
re, non procedant ad electionem;  
sed ad concilium veniant.*

**S**acro sancta, etc. venerabilibus ac dilectis  
ecclesiæ filiis S. R. E. cardinalibus salu-  
tem, etc.

Cogitationes unitatis et pacis hæc sancta  
synodus jugiter cogitat, solertique cura ac  
vigili meditatione intendit omnem occasio-  
nem schismatis et divisionis tollere, ac pru-  
dentia stylo amputare, in his sollicita inten-  
tione acies considerationis excitans, rata est  
fo-

ANNO  
CHRISTI  
1432.

1b. p. 199

ANNO  
CHRISTI  
1432.

fore admodum opportunum ad vestri memoriam revocare decretum ejusdem concilii jam dudum editum in quarta ipsius concilii sessione, cujus verba sunt hæc: *Ad providentiam spectat officium, &c.* arque ne forte existimari posset tempus decem dierum vobis ad intrandum conclave præfinitum, per constitutionem editam in concilio Lugdunensi vobis currere, saltem a tempore notæ vacationis, in loco hujus sacri concilii certam declarationem, ipsum ad LX. dierum terminum prorogando, proxima sessione promulgavit, cujus tenor est talis: *Dudum hæc sancta synodus, &c.*

Admonemus igitur vos omnes et singulos, et per viscera misericordie Christi propensius exhortamur, atque in virtute sanctæ obedientiæ, et sub poenis in dicto decreto appositis et contentis, districtè vobis præcipiendo mandantes, quatenus in casu vacationis apostolicæ sedis, ad electionem procedere, contra dicti decreti tenorem, minime attentetis; sed ad locum hujus sacri concilii venire festinetis, omni mora postposita. Ecce vobis congruum tempus offertur, ecce vobis panditur via unitatis et pacis. Si ecclesiam Dei diligitis, cujus lacte nutriti estis, cujus honoribus maxime sublimari, pacem et unitatem diligite, oblatam vobis amplectimini viam unitatis et pacis. Nolite occasionem dare, ut inconfutis Christi tunica discerpatur. Nolite agere ut mutuis contentionibus materna viscera quatiantur. Cœlum in testes invocamus et terram, divinum judicium obtestamur, scandala omnia atque mala, quæ ex eo ventura essent, si contra dicti decreti tenorem, ad electionem procedere tentaretis, in culpam hoc attentantium animarumque suarum onus & periculum redundare, ac recepturos esse pro tam gravi flagitio in districto Dei judicio ultionem. Speramus autem in ejus misericordia, de quo dictum est per prophetam, quod non relinquet virgam peccatorum super sortem iustorum, quod si qui talia præsumerent attentare, hæc sancta synodus freta divinæ miserationis auxilio, talibus providebit remediis, quod eorum malitia mox ut orta esset, cum Dathan & Abiron absorpta, consummationem accipiet divinæ dexteræ ultione. Confidimus autem de vobis meliora & viciniore salutem, ut matris vestræ sanctæ Dei ecclesiæ velut viri obedientiæ filii obsequentes mandatis, ad hanc sanctam synodum properantibus, & tam in prædictis quam in omnibus quæ ad extirpationem hæresum, generalem reformationem, & pacem pertinent gregis Christi, pro sapientiæ, auctoritatis & rerum experientia, vobis a Deo collatis muneribus, ad culturam agri dominici partes impertiemini vestræ sollicitudinis & laboris, pro quibus accepturi eritis mercedem gloriæ sempiternæ. Super præmissis autem universis Christianitatis principibus litteras nostras scripsimus harum feriendis continentes. Datum Basilæ VII. idus novembris MCCCCXXII.

LITTERA DOMINI ALBERTI DUCIS

Austriæ reverendissimis in Christo patribus &c.

*Bohemos inducias cum ipso acceptare noluisse, sed terras ejus hostiliter intrasse.*

Reverendissimi, &c. post debitam sui commendationem. Recepinus V. P. litteras in effectu continentes, vos intellexisse Bohemos ad treugas nobiscum servandas noluisse condescendere, prout hæc & alia in litteris eisdem plenius continentur. Est verum P. R. quod dicti Bohemi pluries recusarunt treugas habere nobiscum, ut credimus V. P. per nuncios sacri concilii ad Egram missos luculenter instructas. Quidam etiam ex ipsis Bohemis captiose tractarunt nobiscum super redemptione captivorum, quos tenemus mancipatos, fatigantes variis modis nos defraudare. Quos tamen modis necessitate impellente non modica apprehendere non potuimus, prout adhuc sine gravi nocumento suscipere non valeamus. Cognoscant igitur R. P. V. hanc rem taliter & non aliter fore gestam, contrarium susurrantibus minime credentes. Utinam dicti Bohemi dono Spiritus sancti ad cor redirent, ac ad obedientiam debitam S. R. E. condescenderent! Sed ex ipsorum gestis revera nefandis illius vehementer est timenda. Nunc vero cum polliciti essent suos ad sacrum concilium causa pacis nuncios destinare, suo exercitu ac munitione curruum fulciti, terras nostras, Austriam & Moraviam intraverunt hostiliter, depredationes, incendia, latrocinia, stupra, incestus, & quam plurima alia crimina committere non verentes, prout adhuc, timore Dei penitus postposito, magis ac magis, quod dolenter referimus, committere non verentur indices, ex quibus non pax, ad quam se quodam velamine anhelare testantur, quin potius pacis & Christi fidelium turbatio non modica ostenditur in effectu. Cum igitur dictis Bohemis ad terras nostras, cum maluerint, pateat ingressus, rupium, nemorum, alpium, aut aquarum obitaculis minime obstantibus, nisi quantum nos fidelium nostrorum assistentia hætenus restitimus, et adhuc resistere intendimus eisdem, totum nostrum juxta posse; supplicamus V. P. humiliter et devote, quatenus nobis providere libeat de auxilio opportuno, ut dictis Bohemis ecclesiam Dei et signanter statum ecclesiasticum multisque modis crudelibus turbantibus resistere valeamus, in eo utique Altissimo, cujus res agitur, obsequium acceptabile, nobisque et cunctis harum partium Christicolis consolationem paternam facietis. Scriptum in oppido nostro Korunorburg XIV. die mensis Novembris MCCCCXXII.

Albertus Dei gratia dux Austriæ  
marchioque Moraviæ.

ANNO  
CHRISTI  
1432.

Ib. p. 201.



PROPOSITIO

*Domini episcopi Nivernensis, ambassiatoris domini ducis Burgundiae factae in congregatione generali concilii Basileensis.*

lib. p. 202.

**P**RO et ex parte illustrissimi, generosissimi, potentissimi, ecclesiae sanctae devotissimi filii, nostrique domini metuendissimi, Philippi Burgundiae, Brabantiae, ac Limburgiae ducis, Flandriae, Arthesii etc. comitis, domini nostri supremi, ad hoc praesens sacrosanctum Basileense vestris in personis, reverendissimi reverendique in Christo patres, illustres principes, ceterique spectabiles viri ac domini nostri honorandi, congregatum concilium, sui humiles oratores credentiales litteras parte sua presentaturi, orationemque tenuissimam facturi advenimus. Si Secundus philosophus in tantum silentio assiderit, ut Adriano mortem minitante, silentium cervici praeponeret; et Zenocrates in concione solita crebrius tacens, increpanti se diceret nusquam tacuisse nocuit, frequentius puduit esse loquentum; et Hester pro populo Dei regem Assuerum suppliciter exoratur, in visum apparatus, regiamque celsitudinem admirata, exanimis corruens, vocem pariter et spiritum suppressit; si plures hic quam Adrianus, si plures hic quam Assuerus, ubi ecclesiae universalis vestris in dignissimis personis paradigma composum est; rem profecto grandem, atque insupportabile onus nostris humeris injectimus, cum in praesentia P. vestrarum, dignissimi patres, qui vix balbutire noveramus, eloqui praesumimus. Attamen experti in conspectu parentum leviores filiorum sermones frequenter jocundius admitti, orationem quam votis suscepimus peragendam, sub omni moderantia et correctione in antea prosequemur. Pro dicendorum hypothese aspicientes ad temporum congruentiam, offerentes in medium illud regii prophetae: *Oculi mei semper ad fideles terrae*. Et si oculi omnium ad Deum fideliū auctorem, tamquam ad essendi, originandi, et gubernandi primum et universalissimum verum principium, a quo cuncta sunt aptantur in locis, debitique in universo suos moluntur gradus, secundum illud psalmodum, *Oculi omnium in te sperant, Domine, & tu das eis escam illorum in tempore opportuno*. Intellectualis tamen natura quodam familiari et secretiori prospectu suae intentionis oculos dirigit in Deum, secundum illud Hermetis ad Asclepium secundum animam et corpus homo duplex, et illa pars simplex, quam vocamus divinae similitudinis formam, quae jugi intentione in suum auctorem perseverat. Proinde rationali quodam instinctu admoniti, homines de bene acceptis vices suo creatori possibiles refundere edocti, per varios religionis actus nunc devotione, nunc oratione, nunc decimis, nunc oblationibus, nunc sacrificiis divinae maiestatis excellentiam professi sunt; et hanc inter illos gratitudinis speciem adeo conspersam cognovimus, ut nulla hucusque fuerit tam barbara natio, quae Deum supra se ma-

gnum quoddam existimans, illum suspiris non advocaverit, confectisque ceremoniis et immolatis muneribus sibi placabilem fieri non aspiraverit. Unde ille Trimegistus: Haec sunt summae intentiones Dei, cum divinis obsequiis a mortalibus gratiae peraguntur. Et propheta regius: *Quid retribuam Domino pro omnibus quae retribuit mihi? Calicem salutaris accipiam, & nomen Domini invocabo*. Ceterum oculi omnium ad quosdam dignitate praefulgidos, aut quia ceteros ad recte, sancte, et politice convivendum docuerunt, aut quia excellentioribus heroicisque donis communitati, gloriosiores et deificiores facti, reliquos in admirationem pertraxerunt: sicut et religione Deum, ita et illos quodam amantissimo venerationis cultu, quem nostrorum quidam honorem, alii dulciam, alii yperdulciam dixerunt, incolere studuerunt, quae in tantum apud homines invenitur adaucta urbanitas, ut urbium conditores virtute claros et victoris gloriosos, de somno Scipionis, Macrobio teste, frequentius Deos appellarent, eisdem humanos honores acclamasse non contenti, nisi et divinos impendissent. Qui gratiarum exuberantissimus affectus inter nostros admodum invaluit, ut si quod habitationis clina, laude, gloria, commendatione dignum possederet, orbem fere totum ad sui contemplationem pertraheret. Anne Salomonis probatissima virtus orientalium conspicuos ad sui invisionem pertraxit? Quid dixerim de illo sanctorum commendatissimo Antonio, qui intra desertorum vasta cohibitas, feroces tyrannos ad suorum oscula pedum devotius adduxit? Quod si in mortalibus viris, quodve coeli incorporatum munus ceteros ad se incolendum in suam redegerit operationem, quid de gente sancta, populo acquisitionis, vestro regali sacerdotio, dignissimi viri, in quo ecclesiae triumphantis verum relucet pontificium, in quo ecclesiae militantis irretracta resultat species, in quo utriusque gladii collata potestas irradiat, a quo gratiarum exuberantissimi fontes in convales populorum copiosius refluent, et apud quod illud misericordiarum a latere Christi profluxum permanet ararium? Hoc vestrum sanctissimum, gloriosissimum, beatissimumque sacerdotium predicant homines, extollunt populi, nationes venerantur, verentur, reverenturque: quos devotius imitari studens illustrissimi principis ac domini nostri celsitudo, certo compariens ecclesiam sanctam hoc in Basileensi loco adunatam ad incolendum venerandum reverendumque vestrum secundum ordinem Melchisedech sacerdotium, nos suos humiles servitores transmittere curavit: cuius parte illud offerimus regii prophetae: *Oculi mei semper ad fideles terrae*. Profecto, dignissimi patres, profecto illustrissimi principes ac domini nostri ducis excellentia ad vos fideles conducentes oculos suae pie intentionis direxit, quae per omne gratitudinis genus optans diffundi, in primis vestris reverendissimis reverendique paternitatibus de rescriptis et frequentius transmissis ambassiatoris affectuosius regratiatur, apud eandem devotius deprecans de rardatione forsitan optatae visitationis favorabilis excusa-

ANNO  
CHRISTI  
1432.

ri; in tantis enim et arduis hætenus implicata, quæ diutius votis conceperat usque in præsentia tempora minime exsolvere valuit. Præterea quia ad certum didicit easdem vestras reverendissimas reverentiasque hoc in sacerrimo Basileensi loco esse conjunctas ad extirpandum hæreses, et præsertim illam Hussitarum Bohemorum nostris temporibus ceteris procellosius debacchantem, suoque damnabili rugitu fines nostros attingentem, catholicorum principum pacem, ecclesiasticorumque virorum reformationem requirendam, in his tam sanctis vestris votis condelectata, eisdem congaudet, congratulatur, et alludit, existimationem firmissimam ducens, nullo ævo ecclesiam sanctam Dei super grandioribus fuisse congregatam, B  
vosque dignissimos viros, quos Dominus constituit super testamentum suum et sacrificia, nullum usquequaque acceptius sacrificium præstituros; obinde R. P. V. in visceribus Christi precatur et exhortatur ducalis celsitudo, quatenus in his tam Deo placentibus et dignificis rebus Deum præ oculis habentes, vices vestras, exactam quoque diligentiam exhibere studeatis: seque pro his juxta vires exequendis voluntarium devovet. Rursus quia frequentius ad memoriam traxit ducalis majestas, quod solerti et vigilantiori cura Dominus noster Jesus Christus, supremus ecclesiarum pastor, inter suos pacem et unionem haberi optaverit, qui omnem divisionis C  
atque schismatis occasionem eradicare sollicitus, ad Patrem suum omnipotentem orationem fundens inquebat, *non pro eis tantum rogo te, Pater sed pro eis qui, credituri sunt per eos, ut unum sint, sicut tu in me, & ego in te, &c.* Et per Apostolum 1. ad Cor. 1. *Obsecro vos, fratres, per nomen Domini nostri Jesu Christi, ut ad ipsum dicatis, & non sint schismata in vobis, sed perfecti esse in eodem sensu & in eadem sententia.* Nec mirum, quia ipse est illa unitas, quæ per numeros coextensa suo virtuali amplissimo ambitu omnem creaturarum congeriem in unum glomeravit universum, quæ inter duo extrema angularis lapis defixus, utraque faciens unum, nos D  
quidem natura sejunctos, per gratiam uniformifans, sibi ipsi copulavit, & hanc sacerrimam suorum communionem attestatus, in ecclesia sancta Dei unum pastorem unicunque gregem demulgavit, suæ amantissimæ consorti, ecclesię sanctæ Petrum & successores suos pastorem unicunque præficiens, secundum illud Johannis: *Simon diliges me plus his? pascere oves meas;* ut sub uno semperiterno capite Christo una fide, uno baptismo, una sacrosancta matre ecclesia, unicoque summo pontifice vitam agendo, ad gloriam quæ secundum B. Dionysium de cælesti hierarchia in unionem deiformi consistit, traheremur. Etiam quia non immemoriter E  
duxit ducalis magnificentia, nihil in sæculis esse perniciosius, nihil infidelibus delectabilius, catholicis scandalosius, & prospectantibus monstruosius discessu membrorum a capite, filiorum a parente, pastoris a grege, & sponsi a sua amantissima sponsa; percepto quod usque in præsentem diem domini nostri summi pontificis Eugenii sanctitas, huic sacerrimo concilio suam præsentiam.

Concilior. Supplem. Tom. IV.

ANNO  
CHRISTI  
1432.

minime exhibuerat: quæ tamen tam dignificis rebus tractandis, concludendis, atque expeditis practicandis, non modicum aut saltem ejus demissa auctoritas non modicum, videtur accommodata, timens ne levi causa amplior dissidentia oriretur, in magnum adhuc tenerrimæ unionis præjudicium ecclesiæ, in novumque antiquati schismatis exordium, decrevit nos suos obsequiosos ad ejusdem domini nostri summi pontificis sanctitatem quam citius progredi, eandemque in omni humilitate, reverentia & obedientia filiali suppliciter exhortari, quatenus mollificatum cor patris convertens in filios, se ad hoc præsens Basileense concilium corporaliter transferre dignum ducat: in casu vero legitimi impedimenti, suos committere cum plenitudine potestatis; rogatque filiali affectu eadem excellentia, ut in his quæ auctoritatem, libertatem & honorem ejusdem domini nostri sedisque apostolicæ concernent, cum omni reverentia & mansuetudine hoc sacrum concilium agere dignum arbitretur, in Domino optime confidens, quod precibus catholicorum principum demulsus, se suis votis de proximo exhibebit promptiorem. Postremo, quia advolante fama, qua nihil in creaturis mobilis, ad aures illustrissimi domini nostri pervenit, Hussitarum Bohemorum ambassatam sub certis præfixis conditionibus, & cum non modica spe reductionis eorum, ad hoc sacerrimum devenisse concilium, dolore uterino compatiens, tam dudum gloriosum regnum, Gallicorum genti confidentissimum, & sibi ex genere propinquissimum, sub tanto periclitari discrimine, in suura eorum caritativa & amicabili reductione, delectatus, nos suos in hac materia auxilium, assistentiam & favores possibiles præstituros demandavit. Verum si, quod abiit, indurata cervice atque pertinaci animo, hujus sacerrimi concilii rejecto consilio, effrenata, facie suis in damnatis hæresibus morari præelegerint, de cunctis hoc abominabilibus detestatur nefas, aliam præter gladii viam non arbitratus, ecclesiæ sanctæ Dei huicque sacerrimo concilio ad beneplacita se, devovet paratissimum, sub conditionibus & modis aliquando tactis, & in posterum explicandis, cum reliquis orthodoxis principibus apprehendere scutum & arma, & exurgere in adjutorium populo sancto Dei, seque Gedeonis exemplo positorum murum pro defensione domus Dei Israel: gladium quoque ad vindictam malorum accinctum usque ad rei votivam consummationem pro viribus devibraturum, eo præstante, qui fortium manus dirigit ad prælium, & digitos eorum ad bellum, cui honor & gloria in sæcula sæculorum. Amen.



*Facta per dominum eleemosynarium regis  
Aragonensis in congregatione genera-  
li sacri concilii Basileensis.*

Ib. p. 206.

**S** Telliferi conditor orbis, sublimis & excelsus, cujus ineffabilis altitudo clementiæ nullis est inclusa limitibus, nullisque est terminis comprehensa, de sede maiestatis suæ ab æterno prospiciens, quod serpens ille hostis antiquus, humani generis insatiabilis homicida, qui primo nobis semen mortis inuexit, ac mundum istum victo sibi homine subjugauit, venenumque suum decipiendo primorum hominum credulam novitatem in corpora nostra latenter immerit; ne quomodo homo ad missam sapientiam suspiraret, vel debium sibi quæreret testamentum, sic cuncta fuscis suæ artis insectis, ut stultitiam sapientiæ colore vestiret, & mortem mentis vitæ lenociniis obumbraret, consubstantialem sibi Filium & æternum humanitatis nostræ carne in utero induit virginali, qui aduersis aduersa destruxit, & per similes quasdam operationes ingenii illius artificis machinas elisit, ut paribus quibusdam vestigiis salutaribus, licet impressa illius mortifera stigmata deleterentur. Sed adhuc atrox ille seductor aspiciens, quod in ecclesia, quæ fidelium mater est omnium & magistra, in qua idem sacerdos ipse est sacrificium Jesus Christus, virtutum utique spiritualium jocunda foret decoraque plantatio, ubi hortus conclusus in capita quatuor derivatur, & ex eadem sapientia vera virtus quadripartita procederet. Splendidissima quoque inibi lilia vernant, ibi nardus sponsi fragrantissimus præstat odorem, cæteraque fluunt aromata, austro inspirante, aquilone fugato, ibique succis spinis ac vepribus, quibus antea pungebatur, unctione misericordiæ profusus animus in ea feliciter requiescet, superfeminavit in agro Dominico zizaniam, ac multorum animos ab unitate ecclesiæ nefarie segregavit. Quamobrem ad exsuperandam malitiæ prauitatem, ac ne tunicam Christi inconfutibilem scissura ulla laceratam exhibeat, vos excelsa templi luminaria, ecclesiæ pastores & præfules, vos nobiles, egregios, spectabiles, & sapientissimos viros, qui in hoc gloriosissimo cœtu unam sanctam catholicam & apostolicam representantes ecclesiam, de diversis mundi partibus congregavit in unum Dei sapientia pontifex Jesus Christus. Ne igitur quisquam existimet, navem istam ecclesiæ turbidis huius sæculi fluctibus, aut diabolicis fraudibus posse deficere, aut erroris naufragium in aliquo sustinere, caute duxi pro themate proponendum illud sacræ scripturæ eloquium, quod in libro numerorum c. xvi. divinitus exaratum est, videlicet: *Sufficiat vobis, quod omnis multitudo sanctorum est, & in ipso est Dominus.* In quibus verbis tria per ordinem proponuntur, quæ manifeste obtinet hæc sacrosancta synodus generalis, primo sufficientiæ & abundantiæ adoptionem, quia

**A** lentis unionem, quia omnis sanctorum multitudo est; tertio, securitatis & permanentiæ consummationem, quia id ipse est Dominus.

Primo enim hæc sancta synodus obtinet sufficientiæ & abundantiæ adoptionem, quia sufficiat vobis. Quid enim huic deesse poterit, in qua præsidet Verbum illud æternum, quod erat in principio apud Deum, quod Verbum factum est caro de carne Virginis, secundum Verbum suum, non verbum prolatum ut transeat, sed conceptum ut maneat; non verbum scriptum & mutum, sed incarnatum & vivum, hoc est non mutis figuris mortuis in pellibus exaratum, sed in forma humana castis Mariæ visceribus vivaciter impressum! O immaculatam Dei ecclesiam! O sponfam Dei electam! O deargentatam Christi columbam, divinis eloquiis eruditam! in qua omnes sapientes corinas decem ad explendum opus tabernaculi mirabiliter extruxerunt, in qua cœlestis artifex propitiatorum, id est oraculum de auro erexit mundissimo, duosque Cherubim ex auro ductili alas in singulis summitatibus propitiatoris extendentes, & candelabrum ductile de auro mundissimo, de cuius veste calami, scyphi, sperulæ ac lilia procedebant. Magnum nempe pietatis sacramentum erga dilectam Dei ecclesiam in hoc evidenter possumus intueri, quod divina providentia in ea singulis quibusque temporibus viros sanctos quasi novas quasdam stellas in cœlo apparere facit, secundum quod temporis exigentia hoc exposcit, sicut tuba veritatis Gregorius eleganter insonuit dicens: Licet inter hæc merito divinæ dispensationis opera cernere, quomodo ad illuminandam noctem vitæ præsentis, astra quoque suis viciis in cœli faciem veniant, quousque in finem noctis redemptor humani generis, quasi verus Lucifer surgat. Nocturnum namque spatium, dum tendentium succedentiumque stellarum cursibus illustratur, magno cœli decore peragitur. Ut ergo noctis nostræ tenebras suo tempore editus vicissimque permutatus stellarum radius tangeret, ad ostendendam innocentiam venit Abel, ad docendam cordis munditiam venit Enoch, ad exhibendam spei & operis longanimitatem venit Noe, ad manifestandam obedientiam venit Abraham, ad demonstrandam conjugalis vitæ continentiam venit Isaac, ad insinuandam laboris tolerantiam venit Jacob. Ecce quam fulgentes in cœlo stellas cernimus, ut inoffenso operis pede ecclesia iter suæ peregrinationis valeat peragere. Nam cognitioni hominum divina pietas quot sanctos vel iustos exhibuit, quasi tor astra super peccantium tenebras misit; & non solum in veteri testamento hoc fecit, sed etiam in novo. Unde in principio misit apostolos & discipulos fide armatos, contra incredulos; postea martyres armatos patientia contra tyrannos; postea doctores illustratos sapientia contra hæreticos; postea confessores coruscantes sanctimonia contra male viventes Christianos; denique vero vos electos Dei operarios gemina potestate fulgentes, hoc est imperio duplici, spirituali videlicet & temporali, evangelicus ille paterfamilias ad

ex-

ANNO 1432. excolendam ejus vineam hora novissima destinavit. Est enim hæc civitas illa Jerusalem duodenis virtutum præfulgens radiis, quam coelestium arcanorum scrutator Johannes in Apoc. c. 21. vidit descendentem de coelo, cujus muri fundamenta ornata erant omni lapide pretioso, in cujus laudes Psalmista cecinit, qui Christum lyra prædicat, & in decacordo psalterio ab inferis excitat, sic dicens cap. 52. *Consurge, consurge, induere fortitudinem tua Sion, induere vestimentis gloria tua, Jerusalem civitas sancti... Sier nam per ordinem lapides tuos, fundabo te in sappiris, & ponam jaspide propugnacula tua, & portas tuas in lapides sculptos, omnesque terminos tuos in lapides desiderabiles.* Hinc etiam sicut propheta Ezechiel testatur cap. 16. Juravit Dominus, & ingressus est pactum tecum, inquit, *Lavi te aqua, & emundavi sanguinem tuum ex te, unxi te oleo, & vestivi te discoloribus, & calceavi te zanthino, cinxi te bysso, indui te subtilibus, & ornavi te ornameto, & dedi armillos in manibus tuis.... & ornata es auro & argento, & vestita es bysso & polymito, multisque coloribus.* Cum ergo hæc sacrosancta synodus tot ac tantis gratiarum donis sufficienter abundet, ac non paucis virtutibus sit copiosius irrorata, dicere non incongrue cum Apostolo possumus illud 2. Cor. 3. *quod omnis sufficientia nostra ex Deo est, qui idoneos nos novi testamenti fecit ministros, non littera, sed spiritu.* Et hoc de primo.

Secundo, obtinet hæc sacrosancta synodus concordia & excellentia unionem, quia omnis multitudo sanctorum est, de qua dicitur illud 2. Paral. 6. *Convertit rex faciem suam, & benedixit multitudini Israel.* Hæc est etiam illa sapientum multitudo, quæ sanitas est orbis terrarum, cujus rex sapiens, id est Christus, stabilimentum est, merito secundum præsentem viatorum statum catholica sive universalis ecclesia nuncupatur. Non enim sicut hereticorum conventicula in aliquibus regionum partibus coarctatur, sed per totum terrarum orbem dilatata diffunditur, ut dicit Isidorus l. 1. de Summo Bono. Hæreses aut in aliquem angulum mundi, aut in unam gentem versari inveniuntur; ecclesia vero catholica, sicut per totum mundum extenditur, sic & omnium gentium societate constituitur. Præsertim quia omnes omnium hominum diversitates colligit, & nullam abicit; non rituum varietates respuit, quia & Judæos & gentiles pariter vocat; non nationum diversitates, quia & Græcos & barbaros, Scytas & Medos; non conditionum, quia servos & liberos; non sexuum, quia masculos & feminas; non animorum, quia doctos & indoctos, sapientes & simplices; tandem vult omnes homines salvos fieri, & ad agnitionem veritatis venire. Hanc enim, quam fecit Christus per prædicatores ex multorum collectione populorum in una fidei confessione, arca Noe, quam fecit securibus & dolabris ex multorum lignorum materia & bitumine, typice designavit, quam Christus gubernator inter hujus vitæ procellas regens, per se ducit ad se; quod autem in supremo ad unius cubiti mensuram arca contrahitur, hoc significat,

Concilior. Supplem. Tom. IV.

quod Christus, qui est caput ecclesiæ & sanctorum, per naturam consimilem inter homines est, per virtutem singularem supra homines est. Nec illud prætereundum videtur, quod sicut ecclesiæ universalitas non tollit universalitatem, immo in ipsa universalitate unitas designatur, ut probat Isidorus 8. ethymol. libro, quoniam ab uno cognominata est universalitas, & ideo in unitate colligitur. Nam in dialectica Universale dicitur, quia multa in unum colligit: est enim unum in multis & de multis; accipitur enim in intellectu ex convenientia & conformitate multorum. Omnis autem convenientia unitas est. Est igitur ecclesia ita una, quod universalis, & ita universalis quod una. Idcirco vere dici potest respublica, c. de sacro, & ut inter divinum. Nam respublica est res populi, populus autem est multitudinis cœtus juris consensu & utilitatis communionem sociatus, ut patet ex diffinitione Tullii, quam Augustinus sæpe inducit; immo secundum hanc diffinitionem nulla communitas dicitur vere respublica, nisi ecclesiastica, quia in ea sola est vera justitia & vera utilitas; & vera communio, art. XII. q. 2. dilectissime. Ac summopere advertendum, quod hæc solum non dicitur multitudo, sed sanctorum. Nihil enim sanctorum apud veteres dicebatur, nisi quod sanguine hostiæ esset consecratum atque conspersum. Unde hi qui purificari volebant, sanguine hostiæ tangebantur; sic hæc fidelium multitudo accedens cum corde vero in plenitudinem fidei, ad sanguinis asperionem melius loquentem quam Abel, seu ad eum qui unam pro peccatis semel offerens hostiam, in sempiternum sedet in dextera Dei, sanctificatur in sanguine ipsius hostiæ, & ab operibus mortuis plenius emundatur. Flesto igitur genua mea pro vobis ad Deum Patrem, & oro cum Paulo, ut vos Dominus multiplicet & abundare faciat vestram caritatem in invicem & in omnes, solliciti semper servare unitatem spiritus in vinculo pacis; unum corpus & unus spiritus, sicut vocati estis, in una spe vocationis vestræ; unus dominus, una fides, & unum baptisma: ita ut in hac credentium multitudine, cujus est cor unum & anima una, ille qui venturus est glorificari in sanctis suis, & admirabilis fieri in omnibus, omnem voluntatem bonitatis suæ in vobis adimplere dignetur, & opus fidei in virtute ut clarificetur nomen ipsius in vobis, & vos in illo, ad cujus sanctæ multitudinis sequendum judicium atque consilium, fideles omnes hortatur Apostolus ad ephes. 3. dicens: *In caritate radicati atque fundati, ut possitis comprehendere cum omnibus sanctis, &c.* Et hoc de secundo.

Tertio & ultimo, hæc sancta synodus obtinet securitatis & permanentiæ consummationem, quia in ipso est Dominus. Quibus, quæso, patres reverendissimi atque doctissimi, major potest esse securitas, majorque fiducia, quam vobis sacrum concilium facientibus, cum quibus certissime inhabitat sancta & ineffabilis Trinitas unus Deus? quod sacrum concilium quantæ sit auctoritatis, quantæ virtutis, ex Augustini, Hieronymi,

A 2

Gre-

ANNO 1432.



ANNO  
CHRISTI  
1432.

Gregorii, Celestini, Isidori, aliorumque sanctorum patrum auctoritatibus sufficienter colligitur, & ex ipsa divina inhabitatione plenius comprobatur. Nec credendum est in hac sancta electorum multitudine pro extirpatione hæresum, & reformatione ecclesiæ in Sancto Spiritu legitime congregata Deum non habitare, cum, Luca testante, in medio duorum vel trium sit, qui in ejus nomine congregantur. Unde Johannes in Apoc. c. 21. cum vidisset civitatem sanctam Jerusalem descendisse de coelo a Deo, paratam, id est militantem ecclesiam, statim audivit vocem magnam de throno dicentem: *Ecce tabernaculum Dei cum hominibus, & habitabit cum eis, & ipsi populus ejus erunt, & ipse Deus cum eis.* Hoc etiam videtur tangere Augustinus in Enchiridion cap. 24. querens quare in symbolo statim post SS. Trinitatis commemorationem sequitur articulus *Credo in sanctam ecclesiam catholicam*, dicit: Rectus confessionis ordo poscebat, ut Trinitati subjungeretur ecclesia, tamquam habitatori domus suæ, & Deo templum suum & conditori civitas sua. Et idem Augustinus super psalmum 9. *Deus habitat in Sion*, id est in ipsam ecclesiam; nisi enim inhabitaret, iret in errorem, quantumcumque studiosissima esset ejus speculatio. Præterea vus electionis & magister gentium, inquit ad Ephes. 5. *Christus dilexit ecclesiam, & semetipsum tradidit pro ea, ut sanctificaret, mundans eam lavacro aquæ in verbo vite, ut exhiberet sibi ecclesiam gloriosam, non habentem maculam neque rugam, neque aliquid ejus, sed ut sit sancta & immaculata.* Quomodo autem Christus ita sponfam suam dilexisset ecclesiam, si eam in his quæ pertinent ad necessitatem salutis permitteret fornicari? Aut quomodo ipsa permaneret virgo immaculata sine macula, & sine ruga, si ejus judicium maculam aut erroris rugam posset in aliquo fermentare? Ecclesia etiam gubernatur per Spiritum sanctum, qui est Spiritus veritatis, Johannis 15, & docet omnem veritatem, Johan. 14. idcirco deficere non potest. Unde illa cœlestis fistula, Ambrosius, stabilitatem ejus & excellentiam evidenter insinuat, dicens: Quid per navem denique, nisi Dei ecclesiam intelligere debemus, quæ crebris ventorum flatibus & aquarum fluctibus, id est tentationum plagis & verberibus fatigatur, quam turbidi fluctus, id est hujus sæculi potestates conantur ad saxa perducere, quæ etsi undarum fluctibus aut procellis sæpe vexatur, tamen nunquam potest erroris naufragium sustinere, quia in arbore ejus, id est in cruce, Christus erigitur; in puppi ejus, id est in posteriori parte, Pater Deus præsidet gubernator; proram vero ejus, id est priorem partem, Paraclitus conservat Spiritus. Hanc etiam per angustia hujusmodi freta duodenem remiges ducunt, id est XII. apostoli, & similis numerus prophetarum. Tandem Christus oravit pro ecclesia, Petro inquit, Lucæ 22. *Ego rogavi pro te, ut non deficiat fides tua. Orat ecclesia triumphans, quod sollicita valde est pro ecclesia militante, ut in lib. Enchiridion Augustinus eleganter deducit, dicens: ecclesia quæ beata perstitit, parti*

suæ peregrinanti, id est ecclesiæ militanti, sicut oportet opitulatur, quia utriusque una erit consortia civitatis, sicut nunc est, una confederatio caritatis. Et Ambrosius in libro de Abraham patriarcha, inquit: Sanctorum & iustorum fides nos servat, ipsorum iustitia ab exilio nos defendit. Sodoma quoque, si habuisset X. viros iustos, potuit non perire. Ex quibus omnibus evidenter infertur, quod tam ratione intercessionis Christi, qui propter sui reverentiam meruit exaudiri, quam etiam triumphantis ecclesiæ & iustorum, qui sunt in ecclesia militante, hæc sancta ecclesia ab erroris macula præservatur, cujus, sicut dicit B. Hilarius l. 1. de Trinit. proprium esse solet, ut tunc vincat cum læditur, tunc intelligat cum arguitur, tunc secura sit cum reparata videtur. Quare confidimus, quod ille qui post nubium dat serenum, inclinat sponfam suam succedentibusurbationum fluctibus agitaram, oculo interiori vel clementiori ex alto respiciet, non ferens eam in sui nominis injuriam conculcari diutius.

#### SECUNDA PROPOSITIO

*Domini episcopi Nivernensis contra dicta per vicarium Moguntinum, super sessionibus domini ductis Burgundie, & dominorum electorum, seu vtorum eorumdem in concilio Basiliensi.*

**S**I quid superiorum favor, si quid vere Ib. p. 21  
indita lex, si quid patrum reverentialis timor in nobis ruboris aut verecundiæ suffudissent, jam, o reverendissimi reverendique in Christo patres, & domini honorandi, manus ori impingentes, erubescere satius & tabescere debueramus, qui aliquando & nudius tertius nostris stridentibus sermonibus aures vestras permulcebre collisisse non contenti, orationem rudi, vili, indigestoque sermone contextam, in tam dignifico coetu exordiri præsumimus: consultius nobis perpetuum silentium imposituri, nisi & rei tractandæ, & utinam non tractandæ perurgens necessitas, & vestra per orbem disseminata caritas nostros pene deficientes spiritus in ampliorem dicendorum copiam erexissent. Itaque ab illustrissimo, potentissimo, gloriosissimo domino, domino Burgundiæ, &c. dñce Flandriæ, Arthesii, Hannoniæ, Hollandiæ, &c. comite, majoris atque minoris Frisiæ domino, ecclesiæ sanctæ devotissimo, ad hoc sacerrimum concilium Basileense præcursores destinati, audientes quemdam doctorem ambaffiatorio nomine defungentem pro parte reverendissimorum reverendorumque in Christo patrum ac illustrium & potentum dominorum, dominorum electorum sacri imperii, minime tamen de eorum mandato, sed nomine proprio, suorumque sociorum, in magna prorupisse, ejusdem dictis occurrere afflicta, orationem, quam mente formavimus, inantea prosequemur, illud pro themate accipientes: *Firmetur manus tua, exaltet dexteratua, justitia & judicium præparatio sedis tue;* quod ut

ANNO  
CHRISTI  
1432.

ANNO  
CHRISTI  
1432.

ut in dicendis certius procefferimus.

Protestamur in primis quod hac non advenimus comparituri ad acceptandum, recipiendum aut inchoandum strepitum processus, aut formam juris, sed tantum ad petendum locum illustrissimo domino nostro debitum, et in concilio Constantienſi assignatum. Secundo, quod per præsentem audientiam, aut quamcumque aliam in futurum concedendam, non intendimus recedere a via per hoc facerrimum concilium introducta, scilicet quod in hac materia summarie de plano et ex officio procedetur. Tercio, quod ea quæ dicturi sumus, non de mandato illustrissimi domini nostri ducis, sed propriis nominibus tantum, ut defensores, et ad retrudendum ea quæ per doctorem dictum in dicti domini nostri ducis ac suarum patriarum præjudicium et scandalum posita sunt, aliquid quod in præjudicium aut diminutionem status aut honoris cuiuscumque principis viventis; præsertim reverendissimorum in Christo patrum illustriumque dominorum, dominorum electorum sacri imperii, dicere minime intendentes: quod si oppositum contingeret, imputetur loquenti, non menti.

His protestatis, etiam occurrat illud primæ Petri c. 2. *Fratres obedite omni creature, regi tamquam præcellenti, & ducibus tamquam ab eo missis; ex cuius textus serie accipitur, quod in principibus est excellentia; excellentia autem cum ab excedo dicatur, notat virtutis superexcellentiam. Cum enim principes et reipub. rectores, sive temporales sive spirituales, ceterosque re et æstimatione, vel existimatorie præcellere debeant in virtute, in principibus suspicatur esse excellentia sive præcellentia. Et quia philosophorum potissimis testibus optimum decoratis hac in vita est virtus, illa potissimum debuit recompensari. Optimum autem in hac eadem vita est honor, de quo, inquit philosophus 5. Ethic. de iustitia, quod si plufquam honorem exquisierit princeps, tyrannus est. Ideo virtus honore recompensanda est. Unde & idem philosophus: honor est primum in signum virtutis. Et quia sunt plures partes virtutum, ut dicit Plotinus Platonius, & repetitur a Macrobio 3. de Somnio Scipionis, et ab Augustino de Civitate Dei; quatuor sunt virtutum genera, scilicet exemplares, purgatorie, purgati animi, & politice sive civiles. Secundum commensurationem harum expetenda est distributio honorum. Nam exemplaribus sive divinis debetur latria; purgativis & purgativi animi dulia, & yperdulia; politicis autem, sive civilibus pietas, reverentia, laus, gloria, ambitus. Et sicut reverentia est in quadam corporis & membrorum præstatione, & pietas in famularu, & præsertim respectu parentum, laus in voce, gloria in applausu; ita ambitus in præminencia locorum & sedium, quam etiam Christus in evangelio attestatus, inquebat: *Recumbe in nobilissimo loco, ut cum honorator venerit, dicat qui te invitaverit: amice, ascende, &c.* Et quia hæ partes honoris ad iustitiam pertinent, non quamlibet, sed ad distributivam, ut docet doctor sanctus 2. a. q. &c. Et iusti-*

tia distributiva maxime ad principes & reipublicæ rectores pertinet; inde est quod solliciti esse debent refundere honores secundum commensurationem virtutum & meritorum; unde cum dixisset Petrus in catholica: *Obedite regi tamquam præcellenti*; subiunxit: *Deum timete, regem honorificate*. Et quia virtutes judicantur ex actibus, & actus ex affectibus, exinde prærogativas, honores, & excellentias illustrissimi principis & domini nostri metuendissimi ex tribus dimetri conabimur. Indulgeat tamen mihi, o serenissime princeps, maiestas vestra, si vestra tam toti orbi manifesta altitudo me improbum laudatorem inveniat. Numquam exhaurientur res ipse, & si verba deficerent, me vobis excusatum reddat ignorantia, & temporis me angustans brevis. Potentum sublimitas ex generositate, ex potentatu, et ex auctoritate domini communis accipitur.

Propterea si extollere hunc inclytissimum principem ex genere acceperim, magnus & inexplicabilis labor. Nam ex parte patris triplicem originationem accepit; primum ex illa Christianissima, gloriosissima, & potentissima domo Franciæ, & tanto excellentioribus gradibus, quanto ex ea internam originationem accepit. Quod si ad priora viam extenderim, per illam ex illo Trojanorum Franco principe ortum accepit Dardanicum.

Altera ex parte illi inclyto principi ac Burgundionum regi Gondulgo generationis progressu succedens, ut testatur tripartita historia, originem ab Evandro rege septem montium, a Jano filio Japhet filii Noe decurſis temporibus exorto. De regibus etiam ante Urbem conditam generationem accepit. Rursus quia hereditario ac natali jure ab illa antiquissima Lotharingæ domo, quæ jam communi nomine Brabantia dicitur, nomen habuit ab illis potentissimis, famosissimis & gloriosissimis principibus Karolo Martelli, Pipino, Karolo Magno, Ludovico Pio, Karolo Calvo Franciæ regibus, & ut plurimum imperatoribus, tanto digniorem recepit natalitiam, quanto eisdem sanguine & dominio claros successor effectus est. Nec tacerim ex parte genitricis, per quam de illa vetusta Germanorum Bavarorum domo, quæ nullos nisi Cæsares, reges aut duces parturire solita est, gloriosam attraxit originem. Tanta enim ei adest generis claritas, ut Francorum, Anglorum, Castellæ, Portugalliæ, Aragonum, Navarræ, Cypri, & Siciliæ reges cognatione habeat propinquissimos, illumque in Germania victoriosissimum principem Albertum ducem Austriæ cognatum germanum complectens.

De potentatu in dominis res ipsa se manifestat. Assunt quatuor dignissimi ducatus, quindecim comitatus, Friſiæ majoris & minoris dominia, patriæ ecclesiis dotatissimæ, militia & divitiis abundantes. Tercio, dimensuranda erat excellentia hujus principis ex auctoritate domini Burgundiæ, quam tria ingenuam præcommendant, utpote antiquitas in potentatu & dominio. Secundo, obedientia ad fidem catholicam. Tercio, obsequia ecclesiæ & fidei præstita. De primo fidem facit illud, quod habetur in l. si. ff. de censibus; ubi in servitutem derelictis Colonien-



ANNO  
CHRISTI  
1432.

379

BASILEENSE G. CONCILIUM.

380

nientibus, Romani sub dominio aristocratico & democratico rempublicam agentes, per quingentos annos ante passionem Christi, Burgundiones libertate frui mandaverunt. Nec obmittendum, quod eodem sub dominio Romanis degentibus, illa antiqua Burgundiæ inclita civitas Senonis ex suo gremio trecenta millia bellatorum in Italiam & Græciam exufflavit: quibus attonita Urbs se præter capitolum optanti eorum dedit; gensque hæc in Græciam pertransiens, locum & nomen accepit, ut patria Gallo-græcia, & gens Gallo-græci referantur. Nec omiserim, quod recitat de ethimologiis Isidorus, quod superiori subacta Germania sub Tyberio Cæsare, nationem hanc in plus quam centenorum millium militarium coiffecit. Etiam Julius Cæsar introduxit civitates inclitas, Augustodunum & Chrysopolim, quæ hodie Edua & Bisuntium appellantur, frequentius Julio Cæsari ducenta millia armatorum præstitisse, quorum suffultus auxilio, cum ceteris receptis legionibus Germaniam & Gallias Romanorum ditioni adduxit. Nec omiserim, quod dum Hunni fere totam Galliam ferro & igne consumpserunt, hæc gens catholica, sancta, manu & virtute fortis, totam illam barbarorum Hunnorum congeriem fere extinxit. Insuper refert Tripartita historia, quod dum sub Honorio imperatore Romanum imperium irreparabilem pateretur scissuram, & jam nationes sibi diademata imponerent, regesque constituerent, eisdem fere temporibus in Francia sibi Franci constituerent regem, & in Burgundia Burgundi circa annum Domini CCCC. et decursis temporibus, regibus sibi invicem succedentibus, devenit, ut ille flos dignissimus sanctæ Cloxædræ regis Burgundiæ neptis Clodoveo regi Francoium, sed pagano, matrimonio copularetur. Ex tunc in unam Clodovei personam duo Franciæ & Burgundiæ regna coeuntes, post tamen filiorum successivam generationem prius copulatum, distinctum regnum ad posterum rediit, mansitque in diademate regio usque ad Caroli Magni tempora, sub quibus ducatus & provincia factum est: non tamen transit inglorium. Nam cum Karolus Magnus sibi ad regendam rempublicam universalem de omnibus nationibus adjuutores constituerit, illosque pares nominaret, ducem Burgundiæ de cunctis primum, & parium decanum constituit, ut si saltem transisset corona, non transirent dignitatis insignia; cuius honoris attestates sunt marescallia & cancellaria ducibus Burgundiæ & nulli aliorum principum Franciæ in perpetuum derelicta. Nec hic gloria & potestatus huius domini in Gerardo de Rosfitione minutus est, qui dominium Burgundiæ ab Alpibus ad montes Pyreneos, a Rheno ad Gallias coextendit; tanto confortato dominio, plurimum Carolo-Calvo Franciæ regi & imperatori restitit, adhucque ceteris paribus, hæc clarissima provincia potentia famosissima perseverat.

Etiam auctoritas huius collaudandi domini ex obedientia ad sacrosanctam fidem orthodoxam decernenda est, pro quanto populus ille devotissimus ejusque principes Deo devoti, sua colla obsequio fidei submiserunt.

Unde Augustinus de Civitate Dei inquit:

Non ideo principes gloriosos dicimus, quia hostes devicerunt, sed quia fidem catholicam augmentare studuerunt. Et alibi in eodem libro, quod reiectis gigantum fortissimis & Etiau potentissimis filiis, Enos, qui primum incepit invocare nomen Domini, & filiis Jacob Hebræorum regnum reservatum est. Unde post Christi passionem Petro in Urbe cathedram tenente, Linus ejus discipulus ad Burgundiam descendens, verbum Dei prædicavit, & ecclesias ædificavit. Etiam eodem Petro adhuc Romæ degente, variae ecclesiarum structura in honorem S. Petri viventis usque in diem præsentem concernuntur. Nec prætereundum, quod sub Aureliano Nazarius, Celsus, Benignus, & magna Burgundionum gens ut ovis ad occisionem perducta est. Amplius, sub Diocletiano & Maximiano imperatoribus, dum illa sancta Thebæorum legio morti daretur, fere tota Burgundionum natio perempta est. Nec prætermittendum, quod tempore Honorii in fide instructa, de auxilio Christi non modicum sperans, Hunnorum gentem, ut dictum est, prostravit. Quid dixerim de illis sanctissimis Burgundiæ regibus, qui prius fidem quam diademata recepissent, & simul ungi reges & sancti clamarentur? Ex quibus illa SS. Clodivra, quæ regi Clodoveo sicut & coronam, ita & fidem catholicam derulit, perinde in Gallias & in Germaniam illam contribuens. Hanc fidei zelum attestantur quatuor religionum principalia cœnobîa ædificata, urpote Cluniacum, Cistercium, Cartusia & Vallis-olerum, absque ecclesiis cathedralibus, collegiatis, & magnis monasteriis eadem in provincia etiam tempore Constantinianis.

Posterius auctoritas in dominio ex devoto famulatu ad ecclesiam sanctam conclusitur, unde reiecto Cham, Sem & Japhet ad ius dominandi sunt vocati, quia patri debitum obsequium ævotius præstiterunt, & Jacob quia patri devotum præbuit famulatum, benedictionem ante Esau accepit. Hæc autem Burgundionum natio a toto ævo fidei & ecclesiæ servituti dedita fuit; unde cum illa damnata hæresis Ariarum fere totum orbem suo inextinguibili igne conflagrasset, gloriosa illius sanctæ mulieris Clodivra proles cum Clodoveo eorum parente ad senium declinante, totam Aquitanorum gentem potentia & armis ab illa damnata hæresi liberavit, illamque ad fidem reductam sibi dominio perpetuo subegit. Etiam sub Karolo Martelli gens Burgundionum eidem opem præstans, in strage CCC. millia paganorum, confocia fuit; ad cuius attestationem auctoritate papæ ecclesiarum decimas Burgundiæ militaribus, quas etiam plerique usque in præsentem diem possident, largitus est.

Nec reticendum, est quanta subsidia præstiterint incliti Burgundionum principes Karolo Magno in conquesta Lombardiæ contra Desiderium, quorum in devincendis munitionibus Lombardorum, in districtibus Alpium destinatis, tanta fuerit strages, ut usque in hodiernum diem Claustrum mortalitium a morte dictum appareat. Quid in conquesta Jerusalem, quid in repulsa Saracenorum ab Hispaniis, quid in reductione Saxonum, sub Karolo, quid in conversione Bohemorum

sub

ANNO  
CHRISTI  
1432.

ANNO  
CHRISTI  
1432.

sub Ludovico Pio? In his etenim tam sollicitate egerunt, ut usque in praesentia tempora laudes eis remaneant exsolvendae. Non ob miserim de illo Gerardo de Roussillone, quod toto suo tempore Burgundiones ad paganorum & Saracenorum gentem a confinibus Hispaniae evellendam pugnatores habuit, ut etiam XVII. bella peragerent; nec cessavit ille gloriosus Burgundiae dux Radulfus, de quo scriptum est:

*Petra dedit Petro, Petrus diadema Radulfo.*

Qui rex Italiae factus, demum Franciae in Senonensi civitate sepultus quiescit. Quid dixerim de ducibus in frequentatis transfretationibus sub Godofrido et ceteris, ut testibus veracibus historiis, Jerusalem semper haberet venientes, redeuntes aut morientes; quod attestantur privilegia pontificalia duci Burgundiae concessa in antiquis cum capella ducis Burgundiae, imitati quorum vestigia inclyti principes Philippus, avus, pater & modernus, se obsequiis ecclesiae devoverunt. Unus ad extirpationem schismatis usque ad mortem elaborans; alius juventute, uxore, patria natali rejectis, in Hungariam cum tota Burgundionum militia ad Turcos debellandos cum serenissimo Sigismundo Romanorum rege transiens, suorum strages & proprii corporis capturam in magnum fidei excidium sustinuit. Et jam Philippus secundus se ecclesiae paratissimum defensorem exhibuit.

Redeat ea propter thema praescriptum, *Firmetur manus tua, exaltetur dextera tua*, &c. Colligebam quod dominium Burgundiae sub dominio Romanorum inter reges & Caesares quod aristocraticum & democraticum appellatur, & fere per quingentos annos ante Christum praerogativa & gloria eminebat, quod circa annum Domini CCCC. Burgundiones sibi regem & fidem catholicam ex integro acceperunt; circa annum D. regnum Burgundiae regno Franciae in persona Clodovei copulatum est. Circa annum DCC. & LXIII. regnum Burgundiae in provinciam mutatum est, & dux factus est par Franciae, decanus parium. Sub anno DCCC. Saxonia conversa ad fidem, & sub Ludovico Pio DCCCXVI. conversa est Bohemia. Sub Ottone III. fere an. DCCCCLXXXVI. pontificatum tenente Gregorio V. Saxo natione per eundem Gregorium eligendi imperatorem concessum est officialibus curiae imperialis.

Ante solutiones rationum per adversarium inductarum, ponendae sunt quaedam suppositiones. Prima est, quod multum differt inter dominium & officium. Dominium enim in statu naturae lapsae etiam a jure naturali indistinctum est. Officium autem omnino a voluntate pendet. Inde est, quod dominus rei etiam naturali motu ducitur ad conservationem ejus, & propter hoc appellati sunt domini temporales, patres patriae sive patrii. Officiarii autem non, quia mercenarius est. Ex prima surgebat secunda suppositio, quod praerogativa & tituli consequentes dominium sunt digniores, & praerendae sunt

illis quae sequuntur officium. Tertio supponendum, quod electiva auctoritas in electoribus ultra dignitatem ecclesiasticam & auctoritatem principatus, quia quidam eorum sunt praelati, alij principes, non addit nisi officium, & non dominium. Tum quia illa auctoritas pendet a voluntate alterius, ideo non est de permanentibus, sicut est dominium. Tum quia ex illa auctoritate solum officiales appellantur ab Augustino de Ancona in quaestione de translatione imperii, & ad id in Martiniana & in Karolina &c.

ANNO  
CHRISTI  
1432.*Reliqua  
desunt*

## FACULTAS

*Imponendi subsidium caritativum.*

Acrosancta, &c. dilectis ecclesiae filiis capitulo ecclesiae Ratiponensis, universisque & singulis abbatibus, praepositis, decanis, curatis & capellanis, & etiam eorumdem loca tenentibus, exemptis & non exemptis, per civitatem & diocesim Ratiponensem constitutis, salutem & omnipotentis Dei benedictionem.

Quia id quod ad honorem ac commodum publicum vergit, debet publicis sumptibus sublevari, & legalis testetur auctoritas, omnes in commune, si necessitas exegerit, convenient, utilitatibus publicis obedire, & in necessitatibus subventionem, juxta suae dignitatis privilegia ministrare, nec debeat ulla ratione quis ad hoc quod in commune omnibus profuturum est, se jungi, concessumque reperiatur a sacris canonibus episcopis, dum rationabilis & manifesta causa existerit, cum caritate moderatum auxilium sive subsidium a suis subditis postulare. Eapropter cum reverendus pater dominus Conradus episcopus Ratiponensis, non sine magnis laboribus et expensis, ad hoc sacrum concilium, quod pro extirpatione haereticum, reformatione morum, & pace Christianorum procuranda salubriter congregatum dignoscitur, ut obedientiae filius vocatus accesserit, ibidem pro praemissis, & praetertim extirpatione haereticis damnatae Hussitarum, ecclesiae & subditis suis vicinae, fideliter laboraverit & laboret, ac ut pugil constans pro fide Christiana se in dies magis exponere non formidet, in quo nedum universali ecclesiae, verum etiam ecclesiae suae & vobis universis notorie obsequium impendere non cessat fidele, ut ipse eosdem suos labores & consilia necessaria & perutilia melius impendere, & in hac re suos continuare valeat incoeptos labores fructuose, vos omnes & singulos attentius monemus, requirimus & hortamur, ac in virtute sanctae obedientiae & sub excommunicationis poena latae sententiae districte praecipiendo mandamus, quatenus eidem vestro patri de caritativo subsidio, juxta impositionem per venerabilem magistrum, &c. cum consilio capituli vestri Ratiponensis, vel saltem duorum ex ipsis factam, vel forsitan adhuc faciendam, omni cessante contradictione, rependere, & sibi illud tamquam ii quorum negotia utiliter agit, & obedientiae filii prestare velitis, cum effectu taliter in his vos habendo, prout apud ecclesiam sanctam Dei com-

lb. p. 218.



ANNO commendari, & nostros graviore poenales  
CHRISTI processus contra rebelles utique fulminan-  
1432. dos, volueritis evitare. Datum Basileæ, &c.

## LITTERA

*Modificationis certi indulti immediate præcedentis, facti quibusdam prælati per concilium super caritativo subsidio imponendo supra subditæ, &c. quod non præjudicet ex-  
emtis.*

1b. p. 219.

**S**acrofancta generalis synodus Basileensis in Spiritu sancto legitime congregata, universalem ecclesiam representans, universis & singulis venerabilibus archiepiscopis, episcopis, & dilectis ecclesiæ filiis locorum ordinariis, præsentibus prælati & aliis quorum interest, seu interesse poterit in futurum, exemptis, & non exemptis, quibuscumque nominibus censcantur, & quacumque præfulgeant dignitate, salutem & omnipotentis Dei benedictionem.

Non debet a quocumque reprehensibile iudicari, si sacrosancta synodus concessa & indulta suo pro tempore sic modificare, suspendere aut revocare studeat, temporum aut personarum pensata qualitate, quod in eis ius alterius non lædatur, ac materia litium & dissensionis inter fideles amputetur. Dum hæc sacrosancta synodus ad nonnullos prælatorum & locorum ordinariorum in eadem constitutorum instantiam, quibusdam sibi expositis causis inducta, nonnullas gratias & indulta sub litteris dicitur concessisse, sub huiusmodi tenore vel simili in effectu verborum: Sacrosancta, &c. require supra immediate.

Considerans itaque hæc sacrosancta synodus præfatis exemptis, tam in præfenti synodo, quam extra existentibus, prætextu litterarum & indultorum prælatorum non modicum præiudicium generari, ac eos in suis iuribus, privilegiis & libertatibus perturbari posse, omnem litium, dissensionem & discordiarum materiam, quæ ex his formidatur provenire, submovere ac tollere volens, præmissis & certis aliis ex causis rationabilibus, effectum præfatarum & quacumque aliarum litterarum concernentem, quarum tenorem præsentibus haberi vult pro expressis, ac si de ipsis de verbo ad verbum specialis mentio præsentibus facta foret, ac omnia inde secuta & secutura in omnibus & per omnia, quoad ipsos exemptos dumtaxat, suspendit: decernens præfatis exemptis nunc & in futurum nullum præiudicium generari aut fuisse generatum, nec ab eisdem, prætextu earundem litterarum, quicquam exigere posse seu debere; quodque si earum vigore contra eosdem exemptos forsitan ad aliquas censuras ecclesiasticas processum fuerit de facto, easdem centuras nullas denunciari, & declarari nullius esse momenti, nec non eosdem exemptos, sic forsitan ligatos, præsentium serie absolvit. Quod si ad executionem dictarum litterarum fuerit quoquo modo processum, dictam executionem vult præfata sancta synodus dictis exemptis, si & in quantum opus esset, in nullo præ-

**A** iudicari, nisi per hanc sacram synodum ante dissolutionem ejus, contra dictos exemptos declaratum extiterit easdem litteras debere fortiri effectum; & si declaratum non fuerit, super præmissis, ut præfertur, præfata synodus ex nunc prout ex tunc, & ex tunc prout ex nunc, litteras prætractas & quacumque inde secuta, de certa scientia tenore præsentium revocat, cassat, annullat, & eas nullius vult esse roboris vel momenti; districte inhibendo omnibus & singulis in virtute obedientiæ, quibus litteræ præfate concessæ seu præsentatæ fuerint, seu præsentari contigerit in futurum, ne prætextu earundem, quovis quæsito colore, eosdem exemptos aut aliquem ipsorum audeant molestare seu perturbare, nisi, ut præfertur, per ipsam sanctam synodum ipsas suum effectum debere fortiri fuerit declaratum: decernens irritum & inane, si secus earum prætextu, super his a quoquam, quavis auctoritate, scienter vel ignoranter attentatum forsitan est hæcenus, vel in posterum contigerit attentari. Nulli ergo omnino hominum liceat hanc paginam suæ suspensionis, denunciationis, absolutionis, voluntatis, revocationis, cassationis, annulationis, inhibitionis & constitutionis infringere, vel ei ausu temerario contraire. Si quis autem hoc attentare præsumserit, indignationem omnipotentis Dei, & beatorum Petri & Pauli apostolorum ejus se noverit incursum. Datum Basileæ XII. cal. decembris, anno dom. MCCCCXXXII.

## MEMORIALE

*Oratorum serenissimi principis regis Romanorum, ad dominum nostrum papam destinatorum.*

**P**rimo post recommendationem devotam & oblationem filialis obedientiæ, dicatur sic: Beatissime pater, arbitratur majestas serenissimi domini nostri regis, quod beatitudo vestra satis concipere potuit ex reverendissimo domino cardinali de Comite, & magnifico domino de Camerino, redeuntibus alias a majestate serenissimæ regis majestatis ad vestram sanctitatem, etiam per venerabilem Jacobum protonotarium ipsos præcedentem, illam affectionem filialem & amorem, quem dominus noster rex gerit ad personam V. S. & sanctam Romanam ecclesiam: etiam intelligere potuit ea, quæ super adventu suæ serenitatis ad Urbem, & V. S. visitando prolocuta fuerunt, quæ omnia dominus noster mente tenuit, & usque huc continue præstolatus fuit expeditionem horum quæ expedienda, & pro transitu huiusmodi fienda erant, & adhuc præstolatur. Nihilominus quia sacrum Basileense concilium majestati domini nostri novissime bullas suas transmisit de expeditione nunciorum V. S. qui in eodem fuerunt concilio.... destinavit in scriptum; ipse serenissimus dominus noster nos decrevit ad præsentiam vestræ sanctitatis transmittere, ad ostendendum eidem omnia, quæ suæ majestati per ipsum concilium intimata existunt, & etiam copiam responsi oratoribus V. S. in Basilea dati,

1b. p. 2

ANNO  
CHRISTI  
1432.ANNO  
CHRISTI  
1432.

ti, quod quidem mittit sua majestas, non ut illud vestrae sanctitati ignotum esse existimet; sed ut eadem sanctitas sciat suam majestatem de gestis omnibus informatam esse, rogando & obsecrando eandem V. S. humiliter instantia & quanto devotius potest, quatenus eadem V. S. considerando illas oblationes, quas ipsum concilium pro honore & statu, nedum S. V. sed & omnium vestrorum, tam large & humiliter exhibet; & non minus oblationes serenissimi domini nostri regis, quas per varios nuncios fecit effecturum, quod eadem sanctitas temporibus vestrae suae re & nomine pacificus papa permaneret, velit & dignetur eadem S. ipsi sacro concilio Basileensi adherere, quemadmodum majestas sua indubie sperat, quod ad evitandum schisma in ecclesia Dei, quod palpabile quasi est; attentis etiam scandalis innumeris, quae in Christianismo ex defectu concilii ipsius indubie successura sunt, & quibus solo verbo sine ullo periculo personae & status sui providere potest, cum immortalis gloria & laude sui nominis illud indubie & gratioso animo faciet, quo facto, & adveniente praefato domino cardinali reverendissimo de Comite ad praesentiam suae regiae majestatis, idem dominus noster incontinenti dispositus est iter arripere, & vestram beatitudinem visitare, praetereaque omnia iuramenta debita & solita, & suscipere imperiale diadema de manibus V. S. & ad hoc firmam adhibere operam, ut V. S. & ecclesia Romana pacem obtineant ab omnibus sibi adversantibus, ceteraque omnia facere fideliter, constanter & perpetue, quae decent fidelem filium V. S. & ecclesiae sanctae. Quantum autem ex hujusmodi conventionem mutua Christianitas tota utilitatis percipiet, V. S. & majestas domini nostri, & ecclesia & imperium honoris, gloriae & commoditatis, V. S. clarius novit, quam conservet Altissimus, &c.

LECTUM fuit hoc memoriale superscriptum die Veneris ante festum sancti Andreae MCCCCXXXII.

## EPISTOLA CONRADI

Archiepiscopi Moguntini, ad concilium Basileense.

*Excusat se quod propter infirmitatem personaliter ad concilium accedere non possit.*

**R**everendissimis reverendisque in Christo patribus & dominis, dominis & amicis carissimis ac venerabilibus sincere dilectis, &c.

Reverendissimi reverendique in Christo patres, &c. Litteras vestras, bulla vestra plumbea impendente bullatas, mihi pridem V. P. R. parte allatas, & in effectu continentes earundem V. R. P. monita, & sincera hortamenta, quatenus cunctis meis quantumlibet arduis negotiis postergatis, ad ipsam sacram Basileensem synodum deberem ex iustissimis fidei causis in ipsis vestris expressis.

*Concilior. Supplem. Tom. IV.*

**A** satis, in persona propria properare, quemadmodum haec & alia in eisdem vestris mihi directis litteris clarius sunt descripta, reverenter recepi & sano collegi intellectu. Et quamquam fidei fervor zelusque domus Dei una cum concurrentibus vestrarum R. P. exhortationum monitis internae affectionis meae pectora quodam suo impetu excitent & inflamment, ut optarem felicitate tanta potiri, quod concioni vestrae veneranda ac rebus fidei & reipublicae inibi Spiritu sancto feliciter dirigendis possem personaliter interesse, & cum pauperula vidua tantillum modicum quod valerem in gazophylacium Domini reportare; tamen chronicus ille morbus continuo serpens & membris meis languidis medullitus admodum imbibitus, personam meam & valetudinem confractam, & corporali aegritudine conquassatam sua feritate ita terruit & prostravit, ut licet plerumque de loco in locum in ditione mea modica distantia movear, quasi demi manens; istis tamen diebus non audeam, nec juxta medicorum consilia valeam ipsum imbecille corpus, & quasi viribus destitutum, intemperato hiemali & peregrino aeri extra terram propriam absque vitae dispendio commendare, prout talia sunt me noscentibus bene nota. Et quia pridem hujusmodi meo corporali impedimento pensato, meos solemnes ambasiatores & oratores, morum decore nitescentes, atque consilii viros, consiliarios meos fideles dilectos, ad ipsam sacrum synodum pleno cum mandato destinavi, ut iidem tamquam personae meae imaginarii, corporalem meam absentiam sua inibi praesentia adimplerent. Qui, ut intellexi, in paucis diebus post emanatas vestras litteras applicuerunt. Et si ante earundem litterarum decretum evenissent, sperassem ipsas R. P. de me, immo de eisdem adeo fuisse contentas, ut non fuisset opus mihi hujusmodi vestras litteras direxisse, ut juxta punctum, quem in eisdem vestris mihi directis apicibus paternali moderamine subiunxistis, ut si corporali infirmitate detinerer, dita ut illuc nequirem accedere, curarem viros notabiles de meo clero ad dictum sacrum concilium destinare, &c. Praefatos meos sic jam missos ambasiatores & nuncios V. R. P. recommitto, & de non veniendo personaliter per ejusmodi meam corporalem infirmitatem coram V. R. P. sinceriter me excuso, easdem V. R. P. devotis affectibus deprecando, quatenus hujusmodi mea allegata legitima paternaliter admittentes, me habere dignemini de hujusmodi meo non accessu personali benivole excusatum, prout & de hoc ipsa facti veritas & rei evidentia, prohi dolor! apud Deum & homines me excusant, prout memorati mei ambasiatores & nuncii super his instructi distinctius V. R. P. poterunt & debebunt mei nomine vivis vocibus luculentius informare. Quibus opto adhibere dignemini pro hac vice fidem credulam in dicendis. Datum Hochte XXVI. novembris, MCCCCXXXII.



ANNO  
CHRISTI  
1432.

Conradus Dei gratia sanctæ Mogunti-  
næ sedis archiepiscopus, sacri impe-  
rii per Germaniam archicancellarius,  
& princeps elector.

Ad mandatum domini Mogun-  
tini.

EPISTOLA THEODERICI

Archiepiscopi Colonienfis ad concilium.

Mittit novos nuncios ad concilium.

Ib. p. 214.

**R**everendissimis, reverendis, venerabilibus-  
que in Christo patribus & dominis, sa-  
cro sanctum Basileense concilium facientibus,  
dominis & amicis honorandissimis.

Reverendissimi, &c. reverentiam debitam  
atque devotam. Sacræ Basileensis synodi &  
vestræ beatissimæ concionis litteras XXVII.  
octobris datas novissime, XXI. novembris re-  
cepi, accuratissimam sacri Basileensis con-  
cilli diligentiam studiis multis confertam pro  
reducendo ad fidei unitatem regno Bohemiæ  
declariantes. Sanctissimum opus, celeberrimi  
patres, non mortali complendum ingento, sed  
illius Sancti Spiritus per vos robore præsu-  
mendum, qui munere septiformi corruptam  
Bohemorum fidei puritatem, non facile hu-  
mana refarciendam virtute, potest limpida  
veritate mundare, qui regulos illos calli-  
dissimos ac fuscissimos aspides vocem piis-  
simæ matris incantantis ecclesiæ dudum a  
sacro Constantienli concilio, citra obstina-  
tionem sevisima obaudientes, suæ potestati cla-  
ritatis indagine suscitare; qui viperam ul-  
cus moventem mortiferum antidoto salutari  
compescat, qui Babylonem superbam cum  
principibus Phlegetontis scorto pollutam,  
demum columbam puritate candidam fecit,  
speciosam amavit, concupivit electam; ac  
solum prodigum porcorum filiquis saturan-  
dum paterna benedictione prævenit, stola  
gloriæ induit, & pristinae adoptioni restituit.  
Nulla, fateor, nostro ævo tanta necessitas,  
quam ut hii ferocissimi orthodoxæ religionis  
obices ratione vel ferro vincantur, & quod  
illa miseranda navicula, errorum fretis agi-  
tata, ingentibus pulsata a pseudo-propheta-  
rum acutissimis scopulis inobedientiæ, ac præ-  
sumptionis turbata crepidine, rectæ creduli-  
tatis vehatur ad littora, & anchora catho-  
licæ professionis firmetur in portum. Hoc  
est, reverendissimi patres, salutare præco-  
nium, hæc sancta vicissitudo a cunctis fide-  
libus peroptanda. Hæc omnia, quia tamquam  
ecclesiasticus præsul abunde sitiveram, di-  
gnissimi patres, nullis publicis seu privatis  
peperci incommodis, nec communi utilitati  
mortalem vitam præposui, sed oppressam  
multa bellorum lassitudine patriam mihi cre-  
ditam, atque relictam, confectamque dudum  
armis militiam, mortibus & diris exponen-  
dam incommodis, pro subdendo Christianæ  
fidei jugo, illo ingenti portento, meipsum  
personaliter & realiter semper obtuli & im-  
pendi, ut extat notorium, præsertim mul-  
tis reverendissimis patribus de concilio. Ve-

rum cum novissime sacre synodi litteris fue-  
rim sub poena anathematis late sententiæ  
requisitus, quatenus occasione interessendi  
audientiæ Bohemorum, ad ipsam sacram syn-  
odum me conferam personaliter ante festum  
natalis Dominici; rem mihi gratissimam &  
voluptate præmia suavissimam, si facta  
voris meis non minus præstassent. Meminisse  
vero cupio excellentias vestras in vinea Do-  
mini sabaoth die æstuque laborantibus, ocio-  
sis paria impendia non deberi, nec contra-  
cta oneribus dorfa oportere sarcinulis am-  
plioribus prægravari; ac juxta Moralis sen-  
tentiam virgam trahi debere, non frangi.  
Idcirco ad sacratissimam synodum & vestram  
beatissimam concionem honorabiles, Christia-  
num de Erpel legum, sanctæ Mariæ ad Gra-  
dus, & Telmannum de Liniff decretorum,  
S. Florini Confuentiæ, præpositos, doctores,  
consiliarios meos procuratores & ambassa-  
tores, ceteris ambassiatoribus meis Basileæ  
existentibus adiungendis destinare decrevi,  
quibus super litteris sacri concilii mihi de-  
latis & aliis divinis & conjunctim nomi-  
ne meo referentibus dignetur vestræ pater-  
nitates benivolam audientiam adhibere, &  
dare credentiæ plenam fidem, recommendan-  
tem me & ecclesiam meam V. P. filialiter  
& devote. Datum Brnete die XXVII. men-  
sis novembris MCCCCXXII.

Vestræ beatissimæ concionis devotus  
T. archiepiscopus Colonienfis.

PROPOSITIO FACTA

Per vicarium Maguntinum in concilio Basileensi nomine electorum imperii, die penultima novembris MCCCCXXII.

**M**emoria repente & crebrius mente re-  
volvante, patres amplissimi, quam ar-  
duum ac ultra vires crediti mihi desuper  
ingenit ministerium aggredior, meus non im-  
merito contremiscit animus. Nam etsi quan-  
doque principes sæculi solitis affari, minas  
illorum aspectus, vultu curvato, oculis  
ardentibus, furore cordis hiantes non perti-  
muertim: tamen illos divina plerumque per-  
missio & nonnumquam fortunæ factio, cun-  
ctis animantibus merita, terreno locavit in  
solio. Nunc autem ad hos sermo dirigendus  
est, qui divinis animati mentibus, ex omni-  
bus Christianorum finibus electi, celestis ir-  
rigui gratia respergi, patrem semper intuen-  
tes, similitudinem servant auctoris. Ob id  
coetui Deorum magis connumerandi sunt,  
apostolo dicente, ac noviter ecclesia repe-  
tente, nostra autem in celis extat conversatio.  
Deos igitur alloqui me videor, & cum  
divino Numine arbitror habere sermonem;  
sed e vestigio pollicita est mihi fandi fidu-  
cia, quod is, ad quem verba dirigo, para-  
clitus vestris benignissimorum patrum men-  
tibus habitans, sperantem ac deprecantem in  
se peccare non sinet, sed & pro debito sen-  
sualitatis clementia vestra facile veniam pe-  
tenti datura, patres optimi, quorum non-  
nullos conspicio, alios quidem qui me litte-  
ris reddiderunt eruditum, alios mihi co-  
vos,

ANNO  
CHRISTI  
1432.ANNO  
CHRISTI  
1432.

vos, cum quibus & mihi familiaritatem edidit studendi consortium, suppositionis cuiusque lapsus praestolationem affert salutarem. Taceo quod grata & jocunda erit eloqui mei sententia, etsi confuso praeposteroque schemate pererrata: cuius spei certissimum mihi praebet argumentum, quod nuper huius nectaris hauto rivulo per organa vestrorum ambaffiatorum, ab excelsis dominis meis principibus electioribus in vos derivato, exultantes vicaria laetitia vitulum mactastis saginatum. Quibus praelibatis ne usque ad fastidii necessitatem se tendat praefatio, ad conceptam materiam orationem converto, non tam de propria virtute confidens, quam de munere largitoris illius, qui dat omnibus assuenter & non improperat.

2. Ut autem majorum normae similitudinem mea servet imitatio, summariam quandam sententiam, narrationis serie gravidam, more probatissima vetustatis, duxi praemittendam a verbis apostoli, quibus in laudem Dei perusa est ecclesia, sumens exordium. *Observate, inquit, eos qui ita ambulant, sicut habetis formam.* Quam inter consonas ipsi tententias velut hortatu familiarem decrevi meis epulis invitandam. Deus omnipotens, molis mundanae artifex, conditorque, in nascentis naturae primordiis, coelo syderibusque creatis, elementis insuper indissolubili vinculo colligatis, inter haec caduca, quibus sub his orbibus coelestis globisque syderis loca deputavit, solam animam humanam, quae vere homo, & ab omni mortalitatis conditione aliena est, ad imaginem sui creavit, ut quemadmodum ipse magnum hominem, sic & illa parvum mundum regat, dum a se corpus animatur, cuius ternam expedit assumere cognitionem. Primum namque principium, cunctorum fons & origo superabundanti maiestatis foecunditate illam de se mentem creavit in absoluta consideratione, quae conditorem inspicens, plenam similitudinem servat auctoris. Quae rursus ab alto dispiciens, animum de se radiat; qui divinarum atque humanarum rerum surgit in noticiam; & postremo illam de se format animam, quae corpus regit animatum. Horum autem medius, qui nos a brutis separat, quamquam ab essentiae divinae simplicitate paulisper abscedat; quia tamen inter corporeas illecebras & cupiditatum dulces insidias, vincus corporali custodia, non sine maximo militat periculo, ab ipsius creationis initio divina tutela & providentia gubernatur. Et ecce protoplasma primum a divinae vocis organo legem accepit; deinde per gentiliū vates & heroes ac electi populi prophetas nobis divinae legis norma reферата est, quousque divina providentia viam ab aeterno praemeditatam aggrediens, quae saltem unum nostrae speciei reformaret suppositum, divinam habens humanamque naturam, e quarum altera nobis suae divinitatis participibus mori lege naturae, ex alia vero necessitate divina resurgere conveniat, fragilem assumptam naturam, ut post ipsius habitum de morte triumphum, nos tandem expletis munerum functionibus, quae dator animarum in corporum carcere vinciens indixit, secum aeterno fruamur aeterno. Hic verus

Concilior. Supplem. Tom. IV.

A Deus & homo lege, quam secundum humanam naturam subeundam susceperat, exemplo vitae verboque doctrinae consummata, transiture ad patrem, apostolos, discipulos, gentiumque doctores instituit, quibus in exordiis fundationis ecclesiae, vel maxime congregatis in unum, Spiritum sanctum sensibilibiter ostendit, nonnumquam etiam clara revelatione tutor humani generis curam agens sui gregis, arcam divini secreti referavit. At fide roborata, si cessent evidentia signa, supersunt nobis suae sponsonis argumenta, quibus curam divinae providentiae nobis adesse non ambigimus, quamdiu per ipsum instituta in nobis edificatur ecclesia.

Verumtamen data est nobis forma, per quam B invisibiliter gratiam consequamur, quae dum in legalibus & figuratibus sacramentis, ac in novae legis exordiis patribus nostris visibiliter invenitur fuisse concessam, in qua tamen eo cautius ambulandum arbitror, & traditam nobis formam accuratius observandum, quanto veritas inquisitionis latentius absolvitur, cum sit omnium ratiocinationum labor communis, ut quanto remotius a per se notis, quas maximas appellant, disceditur; tanto succrescat angustior difficultas agnitionis. Ideo de vestri benignissima suppositione confusus, reverenter, inquam, *observate eos qui ita ambulant, &c.* Constat autem quoties praeiis saepe temporibus, receptis malleis, crebrisque concussionibus in haereses concessa est ecclesia veneranda, antistites formam divinitus traditam festantes, postquam a Constantino Augusto coepit eis esse concedendi licentia, inspirante sacro flamine, ex omni orbe terrarum conveniunt; non requiro an principe procurante, an papa iubente. Sed hoc unum novi, quod qui suis concordiam persuasit discipulis, ubicumque duos pluresve ex ipsis in nomine suo convenire contingeret, se futurum promisit in medio: & hanc arbitror esse divinitus traditam nobis formam divinitus custodiendam. Ideo nec abs re quatuor synodi principales ecclesiam catholicam, sicut quatuor flumina paradisi irrigantia, veluti quatuor evangeliorum libri a sanctis patribus summisque pontificibus cum omni devotione venerati, ab imperiali quoque splendore in his quae de summa Trinitate, sacrosanctis ecclesiis, ecclesiasticis quoque titulis constituerunt, summa cum veneratione reveriti sunt & recepti, a quibus hanc synodum non plusquam Petrum a Gregorio distare qui nesciat consideret augustissimam semper morientis seriem naturae. Quippe cum naturali ratione didicerim, unam eandemque continuam successionem durasse ecclesiam, cui directione fidelium adesse promisit, usque eam quae in hoc coetu reverendo repraesentatur. Siquidem una est legio, unusve populus partibus communicatis, vel decidat omne mysticum, & intereat humanae societatis universa civilitas, rerum quoque species disceptae suo fonte fatiscant, recte desiniendum est, quemadmodum humana species ex individuis composita mortalibus, auctore philosophia, sancitur perpetua; ita hanc venerandam synodum ex fragilibus hominibus, indissolubili tamen almi pneumatici artificio contextam,

Bb 2

in



ANNO  
CHRISTI  
1432.

in hac collectiva representatione temone Sancti spiritus gubernandam, a vero deviare non posse. Quod & veteribus philosophorum principibus non est incognitum, scientibus nihil esse principi illi Deo, qui omnem mundum regit, quod quidem in terris fiat acceptus, quam concilia coetusque hominum jure sociata, quæ civitates approbantur; in morali sermone civitas non murorum ambitu continetur, sed animorum unionem constituitur, siquidem in legum consenserint obsequium. Quod huic sanctæ civitati præcipue congruit, quam Veritas dominam mundi, lucem & sal terræ fore contestatur, cuique cuncta quæ a patre scivit patefecit. Hæc autem omnia civiliter assumenda sunt. Habet enim promissio, ut universa traditæ nobis disciplinæ forma diligentius observetur in agendis. Ideoque videndum arbitror, patres optimi, quomodo ambulemus secundum formam nobis sanctorum institutis divina largitione referatam. Unde si fas est Jovis laudes sanctorum agminibus permisceri, apud egregium Homerum, dum gentis Græciæ princeps ad conferendum cum hostibus manum sub aperta promissione victoriæ foret animatus; ille velut divinum sequutus oraculum, commisso prælio, amisit suorum plurimis, vix ægreque in castra remeavit. Num dicendum est Deum mandasse mendacium? ablit, non ita est, sed illum casum Græcis fata decreverant. Habuit enim præceptio, ut universalis produceretur exercitus; at iste, prætermissio Achille, qui tunc recenti lacellus injuria, ab armis cum suo milite feriabatur, progressus in prælium, casum qui debebatur excepit. Parem observantiae diligentiam Homericiæ per omnia perfectionis imitator Virgilius Maro, de Ænea nobilissimi Romani populi patre, ad regionem instruendo regno fataliter eligendam, instructo in talibus quoque rebus obtinuit, & parum rebus profuit, nisi ut probemus traditam divinitus formam accuratius observandam, etiam gentilium traditionibus comprobari. Hæc succincta contradictione dixisse sufficiat. Audite & cetera; vos vero patres inclyti, reverendissimorum ac illustrium excelsumque archiprincipum sacri Romani imperii electorum Achillei vestri, qui profecto plurimis atrocissimis injuriis perfidiæ Valdenis affecti, guerrarum periculis exagitati, subditorum suorum suisque fortasse corruptelis exinaniti, reparationi serventius insistere studebunt, suffragia nullatenus aspernati, majorem quaesitis assidentiam, vestros celeberrimos ambassiatores destinando, qui sub quadam verborum densitate ab eisdem dominis principibus votivum habuerunt responsum; dudum tamen missionem eorumdem oratorum, Deo nobisque testibus, præconceptam, ut eximiorum dominorum oratorum ad hunc sanctum coetum transmissorum declarat optata præsentia. Merito itaque pronunciantur, cum vos, divini patres, & ipsi præclari principes, quamvis diverso calle procedentes, ad eandem tamen deliberationis metam pertigitis. Tres namque sunt mor-

bi, quibus principaliter totius christianæ professionis univeritas vel proprio languore, vel aliena contagione laborat. Quorum primus ordine labes quidem hæretica; alter morum corruptela, prior tempore & causalitate, posterior tamen scelerum ordine, quot animas præcipitaverit, adeo divulgatum esse arbitror, ut montes excelsos transgesserit, vastas quoque solitudines habitationibus hominum interjectas permanaverit, maria transnataverit, ac in omnibus orientis alias obeuntis solis ultimis, aut Aquilonis Austrive partibus non lateat, quorum reparatio & reductio inexpugnabilem luce rationum sacris conciliis imminens semper functio in superioribus fuit asserta. Guer-rarum autem si quis ignoret discrimina, vel in scopulis habitans incolit antra, vel Cererem nesciens, glande pascus, fronde quærit amictum. Unde non minus nostræ curæ statuistis esse de pace publica meditari. Quæ quamvis non sit ipsa fides; per illam tamen iste grandis homo, qui est omnium collectio fidelium, ad laudem Dei pertingit secundum aëuationem simultaneam totius potentiae, sicut microcosmus sapientia & prudentia quiescente perficitur. Hoc etiam nobis testificatur, quod orto sole justitiæ, concomitante pacis abundantia, cetera præcendendo pastoribus desursum, non voluptates, & divitiæ, honores vel longitudo vitæ, robur, sanitas, seu pulchritudo; sed pax intonuit in quam. . . . celestis militia, cecinit angelica turba: *gloria in excelsis Deo & in terra pax*, &c. Hinc est quod *pax vobis* salus hominum salutabat. Parem quoque observantiam diligentiam imitati sunt ejus discipuli, quos patres conscripti, vestra congressario sancta representant. Ergo pia dominis principibus succrevit confidentia, quod celestis provisio, curam agens hominum, hanc firmam basem divinæ fecunditatis in Germaniæ continibus juxta Galliæ metas ab æterno providerit, in qua militantem hoc tempore fundaret ecclesiam, quatenus ingruente loci opportunitate fluctuans navicula, spirante sacro flamine, dirigatur in portum tranquillæ requiei; pro quibus feliciter peragendis, domini principes antefati quidquid eis largitor omnium, ecclesia, vel imperium contulit honoris, potentiae, vel decoris, munifice conferre studebunt, ac si quid emer-serit impediementi, pro posse curabunt amovere.

3. His peroratis, ad exhortationem principum nostrorum mea procedat oratio. Jam etenim dudum & ante vestrorum ambassiatorum missionem, verbum inolevit S. D. N. papam certis in punctuiculis ab hac veneranda synodo disceptare, plerisque formidantibus, ne supercrecente scintilla discordiæ, schismatis seminarium in agrum spargatur dominicum, corporum atque animorum interitu subsequente, ut sic ea quæ consolatio parata forent, in lacrymas luctumque deicerent. Ipsi vero vestri oratores omnem formidinem ab illorum animi sede pepulerunt, spem firmam polliciti, quod venerandi patres, cives hujus sanctæ civitatis, celesti hierarchiæ configuratæ, ubi cunctorum civium est una voluntas, & illam ci-

ANNO  
CHRISTI  
1432.

ANNO  
CHRISTI  
1432.

ANNO  
CHRISTI  
1432.

vitatem repraesentantis, cuius civibus erat cor unum & anima una, idem eidem profunda meditatione penitantes, tam caute gressus dirigant in via pietatis & modestiae, quod in syllam tanti periculi minime labantur. Hortantur itaque praefati principes per suos quos cernitis ambassiatore consulendo, hanc vobis esse sollicitudinem ac diligentem cautelam, ut fidei morumque causam pertractantes, praefasuntam formam divinitus inspiratam taliter observetis, quod nullius extrinseci contactu sanctae congregationis diffundatur opera salutari. Sic etiam in causis perorandis disponunt legitimae sanctiones, ne incidens quaestio vel emergens, si forte morae dispendium allatura sit, principalem noceat intentionem; quod recte fieri posse credunt, si preta opinione quae minus cautis animis pro certa ferebatur, insolita contra sanctissimum dominum nostrum quiescat agitatio. Jam enim principes ipsi, quos utriusque gladii potestas (spirituali temporalique dotavit honore, sua potissimum interesse putantes, inter hanc venerandam synodum & S. D. N. ac inter eundem & gloriosissimum dignitatis terrena monarchiam pertractare concordiam, quae membra capiti necit, servat & alit quicquid vitam spirat in orbe, inter hos suos ambassiatore, quosdam ad praefatos utriusque potestatis apices destinate decreverunt, ad precandum, exhortandum, atque postulandum, quantum mutuis sibi praebent alterutrum concordiae vices. Ipse quoque sanctissimus dominus noster huic se sacro conformet consilio, largiaturque favores, quod & valissimis argumentis urgentibus sperant obtinere. Tunc etenim opere consummato, quicquid contra hanc venerandam synodum jaculatus est umquam morsus livoris, seu forte jaculabitur, dissolutum erit. Et tandem cautela prudentiae pedissequa servata, rolerantia filia fortitudinis imitata, modestia temperantiae socia comitante, pietate quoque iustitiae satellite prosequuta, quibus rerum publicarum rectorum hominum salutem gubernant, illa divina virtus non statuas plumbo inhaerentes, nec triumphos arescentibus laureis, sed vobis coelo definitum locum dispensabit, ubi beati aevi fruuntur sempiterno, ad quem nos perducatur vivens per faecula benedictus. Amen.

#### ITEM DE EADEM MATERIA

##### Super praesentatione litterarum.

ib. p. 237.

**R**everendissimi reverendique patres, spectabiles et egregii, praelati, doctores, domini praestantissimi, ac ceteri merito venerandi in hac sacra synodo generali universalem repraesentante Christi fidelium ecclesiam, praeclaris vestris excellentiis & devotis benignitatibus debitas recommendationis puritatem offerunt reverendissimi in Christo patres, Maguntinus & Colonienis archiepiscopi, illustresque & excelsi, comes Palatinus Rheni, dux Saxoniae, et marchio Brandeburgensis, omnes sacri Romani imperii principes electores. Cogitantes suarum auspiciis dignitatum, beneficiumque desuper

eis munerum divinorum excellentius tributis non recte frui, si ecclesiae sanctae catholicae, quae fluxum cernitur procellis agitari, cunctis quibus poterunt studiis fidelis integritatem obsequii, pro distributa virum portione, non impenderint, & bene gerendarum consortes rerum comperti non fuerint. Docuit enim non solum praefatorum antiquissima vetustas, verum et iusta impellunt modernorum ingenia, & publicum sanctae ecclesiae decorem carpere satagentia, et Christi fidelium sub turbine vasto naufragium formidantium portum praeccludere optatae requiei supremis operum tollere laborem fulgentioribus in Christiana religione titulis relucen... ne in deteriores anfractus ac casus dubios et descendos desidia deveniant, quae sancto exordio in spe relevationis pulcra dependent, et sub tranquillitate in publicam poterunt deduci salutem, tanti venerandi coetus temperantia, quae plerumque intra licitum quiescit, et ultra non progreditur, meritorum vires, et a medio non recedit, in genere malorum utiliora instruit pertingere, et in malis quod peius est effugere; ex praeteritis aeternum eventum docet colligere futurorum; unde et splendidior gloria vos parres celeberrimos respicit, quibus defursum datum est dispersa colligere, et contracta solidare; sub vobis cultoribus fides sterilis floritura speratur, optimi dispositione regis, suae immaculae sponsae sanctae catholicae ecclesiae salubrius succurrentis; hac sacrosancta synodo generali, cuius ministerio haereses supprimi, hostiles subduci insultus, et noxia tolli deformitates, ut virtus poterit libere exultare, spes pulcherrima Christicolae fovet. Hac ipsa praefati reverendissimi illustresque sacri imperii domini principes electores secretius mentibus repouentes, eisdem confodiuntur jaculis, quibus sancta mater impugnatur ecclesia, pioque succensi desiderio, ambassiatam in vestro conspectu humiliter comparentem, quae quorundam personis absentium, viarum fortassis aut aliis subortis periculis, copiosior speratur, cum litteris eorum creditivis reverenter destinantur, quas de unanimi collegarum assensu benigne offero legendas; quibus lectis, communes eorumdem dominorum principum electorum sinceri referentur affectus.

Nota per versus sequentes, quid spectat ad officium electorum imperii.

archiepiscopi  
Maguntinensis, Treverensis, Colonienis  
Quilibet imperii sit cancellarius horum.  
comes Rheni Saxoniae  
Et Palatinus dapifer, dux portitor ensis,  
Brandeburgensis rex Bohemiae  
Marchio praepositus camerae, Pincerna Bohemus,  
Hi statuunt dominum cunctis per saecula summum.

MAN.



ANNO  
CHRISTE  
1432.

## MANDATUM

Domini Romanorum Regis,

*Missum illustri duci Bavariae ad concor-  
dandum cum Bohemis.*

1b. p. 233.

**S**igismundus Dei gratia Romanorum rex semper augustus, ac Hungariae, Bohemiae, Dalmaciae, Croatiae rex, &c. Notum facimus tenore praesentium universis, ineffabilis dispositionis clementiae divinae non ignari, collatam nobis coelestis quam habemus & recognoscimus dignitatem, illudque a nobis ab illo bono patrefamilias protinus exigi debitum, ut reddamus sibi talenta per eum nobis credita, duplicata: ad quod, prout tenemur, propositi & debiti nostri effectum diligenter impendimus, & temporale stipendium & retributionis aeternae premium nobis proventura speramus. Et quoniam Romani regni fastigium & aliorum regnorum dignitas, in qua orbis conditor nos pietatis suae clementia feliciter collocavit, jugiter mentem nostram sollicitant, ut cura pervigili & laboribus sollicitis universorum sacri imperii, ac regnorum nostrorum fidelium & subditorum amputemus incommoda, eisque votivae quietudinis amenitatem salubriter procuremus: Ad hoc nempe dispensationis munere principalis monarchiae opravimus principatum, ad hoc sacri Romani imperii non leve pondus, sed suave, ac aliorum nostrorum gubernacula regnorum suscepimus, ut si ad alia extrinseca cotidiana sollicitudo nos provocet, ad ea tamen quae processibus negotiorum improvide circumfluit, reparationem felicem, statum quoque quietum ac reformationem nationum in sacro Romano imperio sub regiminis nostri felicitate respirantium respiciunt, tanto intendamus uberius, quanto praeter ceteris mundi principibus solum magnificentius erexit coelestis providentia Creatoris.

Sane quia pro bono sperato in nostro regno Bohemiae certi deputati solemnes ambasciatores & nuncii, magnifici barones, nobiles & strenui viri, & magistri & sacerdotes, de regno Bohemiae ac marchionatu Moraviae, de Praga, & aliis locis eorundem, omnibusque aliis ecclesiasticis & secularibus personis de utroque statu deputati, ad sedandum dissensiones in regno nostro Bohemiae ac marchionatu Moraviae exortas, ad sacrum generale Basileense concilium in Spiritu-sancto legitime congregatum, universalem ecclesiam catholicam representans, proponunt venire, & ad illud, prout accepimus, accedere dispositi sunt; pro cuius quidem negotii salubri consummatione, nos per praesentium concilium ac ejus nuncios & bullas, ac etiam per Bohemorum & Pragensium litteras ad dictam conventionem invitati, ac cum instantia rogati & requisiti sumus, ut nos ad idem sacrum concilium personaliter appropinquare, & eidem interesse dignaremur, pro celebriori causarum & rerum spiritualium & temporalium regni Bohemiae expeditione. Et quia nos hic in Italia sollicitis laboribus pro bono

**A** statu universalis ecclesiae ac ipsius sacri concilii, nec non arduissimis sacri imperii negotiis praecipue occupati, praedictum sacrum concilium personaliter tam cito accedere non possumus, sicuti tamen ex intimi cordis nostri affectione ac libenti animo interesse & facere vellemus: ne tamen propter nostrae personae in hujusmodi conventionem in ipso sacro concilio absentiam, pacis & unionis tranquillitas vota apud Bohemos, auxiliante Deo, ordinanda, retardari aliquatenus possit, quam semper summopere desideravimus, & affectuamus totis viribus procurare, Nos, quos haec causa Bohemiae regni nostri in temporalitate praecipue concernere dignoscitur, pro qua feliciter pertractanda & opportune peragenda, vice & nomine nostris procuratores nostros digne duximus deputare, habentes de immota fidei praecara constantia, ac singularis circumspeditionis & providentiae industria, illustri principis Wilhelmi comitis Palatini Rheni, ducis Bavariae, avunculi nostri carissimi, protectoris sacri Basileensis, & nostri in eodem locum tenentis, ac venerabilis Johannis episcopi Curienfis principis, consulariorum nostrorum fidelium dilectorum, plenissimam & indubitam fiduciam, ipsos & eorum quemlibet in solidum animo deliberato fanoque, nostrorum & imperii sacri ac regnorum nostrorum Hungariae & Bohemiae fidelium accedente consilio, & de certa nostra scientia, citra tamen potestatis alias per nos eisdem Wilhelmo super locum tenentiae in eodem concilio concessae, revocationem, fecimus, constitutus, creamus & ordinamus nostros veros, legitimos, certos & indubitatos procuratores, auctores, factores, negotiorum nostrorum gestores, & nuncios generales & speciales: ita tamen quod specialitas generalitati non deroget, nec e contra; sic quicquid unus eorum incoeperit, alter ipsorum prosequi valeat mediare & finire: dantes & concedentes eisdem procuratoribus nostris, & cuilibet eorum in solidum, poenam & omnimodam potestatem ad interponendum se nomine nostro ac auctoritate nostra cum omni possibilitate, una cum sacro Basileensi concilio, ut pax, unio & concordia in ipso regno nostro Bohemiae, ac terris circumvicinis reformentur, auspice Domino, & sequantur. Insuper pro bono regni nostri Bohemiae & ejus regnicolarum, ut dissensiones subortae ibidem tam de rebus spiritualibus, quam etiam temporalibus, simul in eodem sacro concilio de medio populi christiani submoveantur, unioque & tranquillitas cum optata conclusione redundant, vobis & cuilibet vestrum damus & concedimus, ut supra, plenam & omnimodam ac liberam auctoritatem, potestatem, facultatem, & mandatum sufficiens tenore praesentium, nomine & vice nostris regis, ad tractandum cum supradictis ambasciatoribus & nunciis Bohemorum & Moravorum ad praedictum sacrum concilium missis & mittendis, communiter & divisim, accedentibus ad hoc, consilio quorumcumque praetorum & aliarum notabilium personarum ecclesiasticarum, nec non ducum, principum, comitum, baronum, nobilium, civi-  
ta.

ANNO  
CHRISTE  
1432.

ANNO  
CHRISTI  
1432.

tatum & communicatum, seu eorum procuratorum, ambaffiatorum, & nunciorum, ac aliorum facularis status regni nostri Bohemiae, qui nobis adhæserunt, & obediunt & adherent, aut majoris partis eorum seu deputatorum ab eis, qui sunt & pro tunc erunt, dum & quando præmissa infra scripta peraguntur; nec non de consilio ipsius sacri concilii Basileensis, seu deputatorum vel commissariorum ab eodem, de & super omnibus & singulis, quæ ad nos ratione temporalitatis regni nostri Bohemiae jure pertinere quoquo modo dignoscuntur. Ad tractandum insuper & disponendum, ordinandum, concludendum & acceptandum vias, modos convenientes, necessarios, congruos & opportunos, per quos in ipso hereditario regno nostro Bohemiae & terris ei subiectis pacis dulcedo refloreat, et feliciter conservetur; ac etiam de reconciliando nobis omnes et singulos regnicolas ipsius regni nostri Bohemiae, nobis hucusque contrarios, & alios sibi de Moravia adherentes, ac etiam de modo, via et forma recipiendi et reassumendi nos in regnum nostrum Bohemiae hereditarium, et ad alias terras nostras eidem subiectas, ipsumque et ipsas intrandi, regendi et in eisdem pacifice commorandi, et de ac super retentione bonorum in eodem regno ac teris nostris præstatis, ad nos et ad alios quoscunque pertinentium, ac per Bohemos, Moravos et alios sub præsentium guerrarum disturbio occupatorum, nec non restitutione faciendi de bonis immobilibus per eosdem Bohemos vel alterum eorum occupatis, et quæ de præsentibus occupantur, ad sacrosanctas ecclesias venerabilesque monasteria atque loca sancta, et ad personas ecclesiasticas et religiosas, ac etiam ad nos et nostrum tamquam regis Bohemiae fiscale dominium et cameram; nec non ad quoscunque alios principes ecclesiasticos et saeculares, comites et barones, nobiles, communitates, civitates, burgenses, cives, et ad quascunque alias personas, de jure vel consuetudine ipsius regni nostri Bohemiae pertinentibus, vel quovis modo debentibus, et eorum circumstantiis, dependentibus et connexis, sic quod unicuique hujusmodi bona sua libere restituantur, quodque unusquisque de regno Bohemiae ad possessionem bonorum suorum immobilium admittatur pacifice et introducatur.

Ceterum pro uberiori reformatione pacis et tranquillitatis, ac salubris status in ipso regno nostro Bohemiae felici restauratione, ad honorem regis regum, per quem vivimus et regnamus, cui omnes actus nostros offerimus, cui omne quod bene agimus imputamus, præfatis nostris procuratoribus tenore præsentium damus et concedimus plenam et omnimodam auctoritatem, et potestatem tractandi et concludendi, cum prædictis ambaffiatoribus, nunciis, et procuratoribus Bohemorum et Moravorum, ac cum omnibus et singulis ad nostram benignam, largam gratiam, obedientiam et subjectionem debitam venire, nosque in suum verum naturalem dominum regem Bohemiae recognoscere et suscipere volentibus, eosque in nostram gratiam recipiendi et assumendi,

ipsis quoque omnibus et eorum cuilibet nostræ clementiæ gratiam pollicirandi, dandi, et benigne tribuendi, necnon ipsis omnibus et singulis omnes injurias, damna, culpas, transgressiones offensas, crimina quoque, etiam læsæ majestatis quomodocumque in præterito per eos commissas ac perpetratas, ac commissas et perpetratas penitus remittendi, relaxandi, et dimittendi, ac restituendi eis omnes terras, civitates, castra, dominia, prædia, bona, et jurisdictiones, ad eos pertinentes, et in regno et terris eisdem existentes, ac etiam restituendi eos et ipsorum quemlibet ad eorum privilegia et libertates, honores, dignitates, famam, atque statum, in quibus retroactis temporibus fuerunt et esse consueverunt, dandique et concedendi omnibus et singulis generalem et specialem absolutionem et remissionem de omnibus per eosdem Bohemos, Moravos, et alios suos adherentes perpetratis, prout episcopis Bohemis et aliis et prædictis procuratoribus nostris videbitur, concedendi; ac etiam ad assicurandum vice et nomine nostris, ut omnes et singuli ejusdem regni nostri, ac totum ipsum regnum, et omnis status ejusdem permancant et gaudeant, et gaudere possint et valeant omnibus juribus, privilegiis, et libertatibus, gratis et honoribus, quibus, ut supra antea gaudebant, ac freti et gaviis fuere, et generaliter ad faciendum omnia et singula alia de simili consilio prædictorum regni nostri Bohemiae, qui tunc affuerint, et de consilio prædicti sacri concilii Basileensis, vel pro parte ipsius deputatorum vel deputandorum, quæ nos faceremus, facereque possemus et deberemus, si personam præmissis vel alicui præmissorum interessemus, etiam si talia essent quæ mandatum magis isto exigere speciale. Et quia in præmissis et dependentibus ab eis in tali & tam grandi materia multi diversique casus possent occurrere, emergere, aut incidere, in quibus posset dubitari, an per superius expressa sufficienter explicari interpretarique possent: ut igitur nihil ex parte nostra desit vel deficiat; sed ut toti orbi & signanter regnicolis regni nostri Bohemiae clare constet de nostra cordiali affectione, quam circa hujusmodi unionem & concordiam, & omnia alia præmissa habemus, idcirco prædictis nostris procuratoribus ex abundantia plenitudine damus & concedimus omnimodam & plenariam potestatem & facultatem, ut episcopi in omnibus hujusmodi casibus, si qui emerferint, occurrerint, vel evenerint, tam in expressatis quam non expressatis habeant & habere intelligantur omnem illam facultatem ac plenitudinem potestatis, quam nos in præmissis, si præsentibus essemus, haberemus & habere possemus, etiam si tales essent casus de quibus oporteret quovis modo vel jure mentionem fieri specialem; quodque illum & illos tot quot fuerint, eadem auctoritate nostra & nomine nostro declarare, interpretari, terminareque & concludere valeant secundum materiam subjectam de consilio prædictorum, prout videbitur expedire & fore faciendum: promittentes in verbo nostro regio per præsentibus, ex nunc prout ex tunc, & ex tunc prout ex nunc, omnia et sin-

ANNO  
CHRISTI  
1432.



ANNO  
CHRISTI  
1432.

& singula habere & tenere rata, grata & firma, quæ procurata, tractata, acta, gesta, conclusa, & firmata fuerint per supradictos nostros procuratores, & de consilio eorum, ut supra, eaque aliis nostræ majestatis litteris, si opus fuerit & desuper fuerimus requisiti, curabimus confirmare præsentium, sub nostræ regimine majestatis sigillo testimonio litterarum. Datum Senis, anno Domini MCCCCXXXII. die III. mensis Decembris, regnorum nostrorum anno Hungariæ, &c. XLVI. Romanorum XXIII. & Bohemiæ XLIII.

Ad mandatum domini regis Gaspar Slick vice cancellarius.

#### COPIA LITTERÆ

*Missæ universis regibus per dominum imperatorem pro concilio Basileensi.*

Ib. p. 237.

**S**erenissime princeps, frater noster præcarissime, cognoscentes evidentissime, & in dies magis ac magis conditiones rerum perspicacius intuentes, videmus quod si sacrum Basileense concilium quoquo modo traheretur in longum, aut aliis machinationibus, quod absit, turbaretur, non succederet aliud, nisi ruina ecclesiæ, subversio fidei, adnihilatioque totius status ecclesiastici, & per consequens omnium Christianorum: & ob id ut imminetibus provideatur periculis, hucusque summam curam gessimus, & pro stabilitamento & favore ipsius sanctæ synodi scripsimus vestræ fraternitati & aliis Christianorum regibus, prælati & principibus, rogantes & ammonentes, ut illuc veniant, aut oratores suos plena potestate fultos transmittant. Verum, præcarissime frater, quia ipsa pro extirpatione hæresum, reformatione morum, & pacificatione discordiarum in Spiritu sancto legitime congregata contrarietatibus multorum, qui forsitan de periculis & scandalis, quæ inter Christianos quotidie ingruunt, plenam informationem non habent, multum impetitur quamvis per Dei gratiam sacrorum Constantiensis & Senensis conciliorum apostolicæ auctoritate, videlicet Martini papæ V. & hujus moderni domini nostri Eugenii, ac per istos venerandos patres in Basilea congregatos ita firmatum & stabilitum sit, ut indissolubile extet, operæ pretium censuimus, vestram fraternitatem & alios quoscumque qui religionem fidei Christianæ amant, denuo sollicitare, ad illuc mittendum pro felici consummatione concilii memorati: quam ideo iterum atque iterum rogamus & requirimus, exhortamurque in Domino nostro Jesu Christo, cujus res agitur, quatenus ad laudem omnipotentis Dei, consolationem suæ sanctæ ecclesiæ, & promotionem præfati concilii, quod revera in hoc tempore tribulationis Deus pro salute fluctuantis naviculæ ab alto concessit, vestros solemnes ambasiatores subito illuc velitis transmittere, prælatos nihilominus regnorum vestrorum ad hoc inducentes, ut pari modo illuc accedant. Speramus enim indubie, quod Deus

omnipotens ipsam synodum felicitabit & augetur pro directione suæ sanctæ ecclesiæ undique impugnata. Nam si vestra fraternitas umquam præstitit Deo gratiarum obsequium, si reipublicæ Christianæ unquam impendit favorem, nobisque complacentiam, jam totum perficiet, si illud quod petimus pro solita vestra erga Christianam rem affectione impleverit, uti rogamus. Datum, &c.

#### COPIA LITTERÆ

*Quam ostendunt populis isti Capitanei Armorum, & sub tenore istius litteræ omnia occupant.*

**F**ilippus Maria Angelus Dux Mediolani &c. Papiæ, Angleriæque Comes, ac Januæ Dux. Non ignorantes quantum deceat quemcumque Catholicum Principem favere rebus ecclesiæ, easque non tantum conservare, atque protegere, sed etiam ampliare pro viribus; honoris, & debiti nostri esse censemus ea continuo tota mente provocare, & quærere, quæ in bonum, & augmentum ipsius ecclesiæ cedere videantur. Cum igitur a sacro Basiliensi concilio, quod universalem representat ecclesiam, nedum admonemur, sed strictum mandatum habuimus, omnes, & singulos eidem sacro Concilio adherentes, & adherere volentes quibuscunque favoribus & præsidis nostris fovendi, atque juvandi, aliosque ad ejus sacri Concilii adhaerentiam, obedientiamque omnibus modis, & viis adhortandi, excitandi, & inducendi; sicut latius constat Bullis præfati Concilii tenoris proxime subsequenti, videlicet:

Sacro sancta synodus generalis Basiliensis in Spiritu sancto legitime congregata universalem ecclesiam representans, dilecto ecclesiæ filio nobili viro Filippo Mariæ Angelo Duci Mediolani illustri, salutem, & omnipotentis Dei benedictionem. Præclara opera tua, quæ ad favorem, & exaltationem hujus sanctæ synodi in spiritu sancto verissime congregatæ in hac usque diem incessanter præstitisti, & continuo etiam sponte tua præstas facillime nos excitant, & inducunt, ut te, in quibuscunque etiam gravissimis rebus, eandem synodum, immo verius sanctam Dei ecclesiam concernentibus fidentissime requiramus, minime dubitantes, ut quemadmodum hætenus omni studio omnique possibili diligentia ad incrementa ipsius sanctæ synodi diligentissimus fuisti, pari modo pro tua sincera devotione in futurum, esse debeas. Hinc est, quod cum inter cætera, quæ ad statum, augmentum, & perfectionem ipsius sanctæ synodi pertinere videantur, illa hoc tempore præcipua esse dignoscimus, & omnibus, & singulis agentibus, seu acturis, ut quomodocunque agere volentibus pro eadem sanctissima synodo, quicunque favores, & subsidia adhibeantur possibilia, te cujus fidem, & devotionem jam multis experimentis inconcussam novimus, & cujus ad has res perficiendas præsertim in locis Italiæ auctoritatem, potentiam, & vires intelligimus, hortamur, atque monemus.

ANNO  
CHRISTI  
1432.

ANNO  
CHRISTI  
1432.

mus per viscera misericordiae Jesu Christi, & nihilominus tibi in virtute sanctae obedienciae strictissime praecipiendo mandamus, quatenus omnes, & singulos huic sacro concilio adherentes, & adherere volentes quibuscunque favoribus, & praesidiis tuis foveas, atque jubeas ipsosque, & quoscunque alios quocunque nomine censeantur omnibus modis, & viis ad ejus sacri concilii adhaerentiam, obedientiamque adhorteris, excites, & inducas nihil obmittendo eorum, quae a te praestari poterunt, quo praedicta, ut summa utilitas ipsi synodo, & ecclesiae Dei successura est, locum habeant; quae si, ut in devotione, fide, & prudentia tua plenè confidimus, perfeceris, ad cumulum laudum tuarum, & hujus sanctae synodi incrementa magnam accessione facies, ut tibi merito tuo indissolubiliter obligemur; habituri praeterea firma, & rata, & grata, omnia, quae in praemissis pro bono statu, & incremento ejusdem sanctae synodi, vel verius ecclesiae sanctae Dei, cujus res agitur, quomodocunque agitando, adhortando, fovendo, & inducendo operatus fueris. Datum Basileae die XXI. mensis augusti. Anno Domini millesimo quadringentesimo trigesimo secundo. Bar. de Lucignano. Nec intendentes mandato ejusdem sacri Concilii, & ecclesiae, quae per ipsum representatur, declinare, immo in omnibus ut merito obligamur & tenemur, debitam obedientiam reverentiamque praestare, & devotionem nostram, quam ad ipsam eccl. maximam semper habuimus, & usquehacque habere disponimus in finuare, ac ostendere in aliorum exemplo. Harum sententiae &c.

*Quod in concilio procedendum sit per Nationes, & non per deputaciones: Suaeque primo antiquorum, & modernorum Conciliorum auctoritate, 2. rationibus.*

MS. Cod.  
Flor. milit  
idem

**Q**uantum ad primum, nam sacrum Basiliense concilium a sacro Constantiensi concilio non diversum, sed unum, & idem continuatum sentitur: ut in C. *Frequens*, in eodem edito. Cavetur in eodem, quando dicitur, quo per quamdam continuationem semper Concilium vigeat, ut per termini penditiam expectatur: Ex quo igitur est unum, & idem Concilium: Ideo eodem modo, quo inchoatum est, finire debet.

Praeterea idem statutum praesupponit nationes, ut ex ejus tenore apparet; & similiter sacrum Basiliense Concilium in Cap. I. de modo procedendi per deputaciones disponit supposita singularum nationum in quatuor partes aequales in singulis deputacionibus distribui debere, quod fieri non posset, nisi divisio esset nationum, quae quidem divisio etiam confirmatur per decretum in prima sessione publicatum, quo omnibus in hoc Concilio congregatis datur plena & libera consulendi facultas, & prohiberi non debet facultas procedendi per nationes, prout dictum sacrum Constantiense Concilium per *Concilio. Supplem. Tom. IV.*

vota nationum, & non deputacionum regula deliberavit, & conclusit.

Praeterea ex quo verum est, quod hic vigeat Concilium Constantiense continuatum, tanquam, per termini penditiam suspensum, expectatum: ut ex allato c. I. Ergo necessario suum esse formale, videlicet modus procedendi durabit cum forma sit, quae dat esse rei, ut in C.

I. Cum praesens Concilium sit idem continuatum cum Constantiensi, non debet eadem res diverso jure censeretur XII. q. II. *agnovimus &c.* Quo circa & res, quae in alterius locum succedit, eodem jure censeretur XIII. d. c. ul. XIII. d. c. I. Ut lite pen. *Ecclesias*, & successor factum praedecessoris intendere, & servare debet XXV. q. I. *Justicia*, & q. II. in *Galearum*, & qui praedecessorum statuta non servat, elisor est, non constructor XXV. q. II. *Si ea*.

Praeterea quaelibet res sapit naturam suae originis, & per consequens revertitur ad eandem, de privileg. &c. Sed quoniam concilium Constantiense habuit naturam procedendi per vota, & deliberaciones nationum igitur &c.

Praeterea cum sit idem concilium ergo per eandem causam integram quod nascebatur debet dissolvi de regu. jur. c. j. de consue. di. III. *Baptis*.

Praeterea non debet fieri immutatio in hiis quae utiliter sunt a prioribus recepta XXV. q. II. *Cum pie*, & c. *Ecclesias*: Nam jus est asperum, & praecipue bonis sacerdotibus inimicum nisi quempiam quantumcumque rationis excusatione, quae bene sunt ordinata rescindere, & exemplo docere veteres sua quaecunque posse constituta dissolvere XXV. q. II. *Constitutionis*.

Decet igitur, & congruum est, ut hoc sacrum concilium imitetur modum procedendi, quo ejus origo regulabatur, ut in allato c. *Justicia*, maxime tamen nulla subest causa immutandi, ut in omnibus super alligatis, & inde norma sumenda unde assumptum exordium, ne caput institutionis videatur omitti XII. di. praec. & ridiculum est, & satis abominabile dedecus esset, si traditiones, quas a patribus susceperimus antiquitus infringi pateremur. Val. c. *ridiculum* & XXV. q. I. *scit*, & a regulis matris nullatenus convenit deviare C. di. *Non licet*, immo nulla praesumptione sunt turbanda, quae pro quiete religiosae conversationis reperiuntur ordinata; absit enim, quod hoc sacrum concilium exemplum dare velit posteris suae ordinationis jura perturbandi XXV. q. II. *Quod vero* quandoque a novitatibus est abstinendum; quae licet quibusdam placeant de, translat. episcopi quinto, & quibusdam displiceant, dereli. d. *Ne nimia*: ut plurimum tamen discordiam parant, de consue. cum consuetudinis XI. q. *quis nesciat*: Ex quo igitur ex ordinatione, & observantia sacri concilii Constantiensis licitum sit, & accommodum suppositae nationis Germanicae, quoniam utilitati publicae necessarium ut decideret per deliberaciones, & consensus nationum procedant, merito ad id singuli commoveri sunt, & non impediendi.



ANNO  
CHRISTI  
1432.

Constat insuper, quod nationum qualitates, conditiones, & difformitates in magna disparitate sunt, & differentia. Quod enim uni convenit, alteri inconveniens est; & uni proficuum, alteri nocivum; quod uni placet, alteri displicet, quod uni medicina, alteri interitum; quod uni cognitum, alteri ignotum; quod uni laudabile, alteri vituperabile. Quodque propterea non sit verisimile, quod tanta mentium disparitas de facili in unam concordaret sententiam, & difficilem, convenientemque præberet medicinam. Quis enim melius sanat, quam qui morbum cognovit, & medicinam, & de quo deformatas a pluribus dignoscentibus quærantur, de tanto facilius inveniuntur, & medicantur. Pudor enim esset, & non modicum periculosum, & scandalosum, si unius nationis facinora alteri nationi publicarentur. Patet igitur ex præmissis, quod honestior modus procedendi est per nationes.

Quantum igitur ad secundum, præmitto; Quod ecclesia, est catholicorum collectio, ut de Con. di. I. *Ecclesiu* Et per consequens ecclesia universalis omnium catholicorum est collectio, ut clerum comprehendit, & populum XII. di. alla. nec non paleas cum granis di. IIII. *Est unitas*. Et licet in veritate non sit possibile secundum naturam omnes Catholicos simul in uno loco per modum concilii esse congregatos; tamen representative ecclesia simul esse potest: Sicque in veritate dicta universalis ecclesia in Basilea representative constituitur. In eo quoque ibidem de omni orbe terrarum sancti Patres debent esse congregati per se, vel per suos vicesgerentes, qui per eorum præsentiam, & contumaciam absentium omnes catholicos, et per quos universalem ecclesiam representant, quemadmodum de quatuor principalibus conciliis legitur XV. di. *Canones*: Ubi in concilio Nicæno I. episcopi conveniunt, qui in aliorum contumaciam totum coetum fidelium repræsentarunt. Nam et quilibet episcopus in sua dioecesi pater est et pastor; Catholici vero in sua dioecesi commorantes cujuscumque dignitatis, status, gradus, aut conditionis existant, etiam regali, aut alia eminentia præfulgeant, sunt eorum filii, et oves, ac talentum pastori creditum, nec non pars sollicitudinis sibi commissæ, pro quibus suæ villicationis tenetur reddere rationem a Deo, quia sanguis subditorum de manibus ipsorum requiretur de offi. ordi. *irrefragabili*. Cumque igitur episcopus omnium regum, principum, et aliarum personarum suæ dioecesis in spiritualibus, et in hiis, quæ ad salutem pertinent animarum superior sit, et iudex, ipsosque et eorum spirituales causas cognoscere habeat, decidere, et diffinire: ideo tanquam pater pro filiis, pastor pro ovibus, et superior pro subditis pro laude Dei, et animarum salute in spiritualibus ordinandis, et disponendis vocem decisivam pro se, et ipsi repræsentet.

Ex præmissis infertur causa, quare principes seculares, et laici dumtaxat consultivam, et non decisivam vocem habere possunt in spiritualibus. Nam in spiritualibus nullus laicus superioritatem, et per con-

sequens, nec judicandi, nec decidendi, nec diffinendi potestatem sibi vindicare potest; sed dumtaxat obsequendi, et obediendi de Const. ecclesie S. Mariæ.

Ex quibus infertur alia ratio a contrario sensu, videlicet: quare praelati, pontifices, et alii qui non habent administrationem minorum temporalium, in quibus judicare habeant, et diffinire, non habent in reformatione temporalium vocem decisivam; sed dumtaxat consultivam, quia in talibus non habent potestatem judicandi personas, aut res; ergo nec decidendi, nec diffinendi, sed obsequendi, et obediendi ex paritate rationis, quoniam idem contulit jus de Quæsti: transtata.

Ex quibus ulterius sequitur, quod praelati, pontifices, et alii utrumque habent gladium, et per consequens in spiritualibus, et temporalibus judicandi, diffinendi, et decidendi potestatem etiam in reformatione temporalium ne dum consulendi, sed et decidendi vocem habebunt, et facultatem.

Item sequitur; quod qui nullam in spiritualibus, et temporalibus habent superioritatem, et per consequens nec decidendi in eisdem potestatem, ille nullam vocem decisivam aliam quam pro sua persona in reformatione spiritualium, aut temporalium habere poterit.

Item infertur, quod in utroque foro tantam extensivam quilibet habet vocem decidendi, et diffinendi, quantam habet potestatem in altero, vel in utroque foro sibi subiectam, & de tanto majorem, de quanto ampliori multitudine, numero, dignitate, & merito excellentiorem repræsentat. Sicque etiam habendus est respectus ad hæc, quod tanto majoris auctoritatis est vox, quanto digniores personas qualitate, & numero repræsentat.

Sequitur ulterius, quod pontifex habens sub se communiter, & communi extimacione in spiritualibus mille personas ceteris paribus, habet majorem vocem in decuplo quam is, qui communiter, & communi extimacione centum dumtaxat sub se in spiritualibus habet personas, quia in decuplo majorem potestatem catholicorum repræsentat.

Ex prædictis infertur ad hoc, quod aliquis per concilium generale ecclesiam catholicam repræsentans, vere dicatur sanctum, ordinatum, statutum, et conclusum, ita quod ab omnibus sit observandum, necessario requiratur, ut a talibus præsentibus, qui in aliorum absentium contumaciam omnes catholicos, seu ejus saniores, et majorem partem repræsentant pro laude Dei, et animarum salute sit, et fuerit receptum, conclusum, decisum, approbatum, et publicatum. Nam quod omnes tangit, ab omnibus approbati debet 74. di. c. 1. Et de temp. ordi. Si archiepiscopus cum glossa. Sed manifestum relinquitur, quod in hoc sacro concilio concludenda, et ab omnibus fidelibus observanda non aliter ab omnibus catholicis approbantibus, quam in personis illorum, qui omnes catholicos, seu majorem, et saniores partem eorundem in aliorum contumaciam per consequens, totam catholicam

f. 80

ANNO  
CHRISTI  
1432.ANNO  
CHRISTI  
1432.

licam ecclesiam representat: Et hoc est, quod dicitur concilium universalem ecclesiam representans.

Quibus praemissis, veniendo ad rationes, dico. quod a modo procedendi per nationes multa bona provenirent, et multa mala evitabuntur; ergo acceptandus: a modo vero procedendi per deputaciones, modicum, vel nullum bonum proveniet, nec modicum, vel malum evitabitur, sed multa inconvenientia, et mala sequentur; igitur ab illo abstinendum. Nam ad hoc, quod ordinationes concilii quemlibet ardeat catholicum, necessario requiritur, quod per vota omnium catholicorum, universalem ecclesiam constituentium, deliberatae, digestaeque sint, et conclusae; cum ab omnibus sit approbandum, quod ab omnibus est observandum, ut superius est dictum. Sed manifestum est, quod in deputacionibus, nec per vota omnium catholicorum, nec per representantium, sed privatarum personarum nullum alium a se representantium vota hujusmodi ordinationes deliberantur, et approbantur, ex quibus grande sequitur inconveniens, videlicet, quod vota duorum, vel trium privatarum personarum, majorem in universali concilio deliberandi, et approbandi auctoritatem habeant, et facultatem, quam vota centum millium, et plurium personarum in singulis qualitatibus dignitatum similibus; patet de episcopo, vel ejus vices gerenti, et centum millia personarum suae dioecesis representanti, qui in casu praemisso voto duarum privatarum personarum superatur. Et aliud sequitur inconveniens, videlicet, quod duo, vel tres subditi ejusdem episcopi, seipsos dumtaxat representantes, majorem auctoritatem habeant in concilio consulendi et approbandi, quam episcopus, omnes personas suae dioecesis representans; aliud inconveniens, quod aliquando a tota ecclesia universali dicitur deliberatum, et approbatum, neque praecipuum, sique ecclesia catholica gravissime deciperetur, si forsitan centum privatae personae, quarum nulla aliquam communitatem representaret, aliquid per ecclesiam observandum concluderent: quod quadraginta episcopi, plures reges, et principes, legiones, et miliones hominum representantes reprobandi, et minime ab ecclesia observandum diffiniunt.

Praeterea aliud inconveniens, nam experientia docuit, et docet, quod potentiores in singulis deputacionibus distributi cum suis adherentibus, et sequacibus in singulis materiis agitandis per hunc modum procedendi per deputaciones, *quicquam* volunt approbant, et quod nolunt reprobandi, et si quid propter, aut contra eorum intentionem a majori parte fuerit inductum, illud absque conclusione transitur, et subducitur: et si conclusum fuerit adaptabitur tempus, quod per subordinacionem denuo tractatur, et tractatur.

Praeterea docuit experientia, quod potentiores, cum aliquam materiam intendunt concludere, ex tunc praesidentes, et alios officiatos suae intentioni propicios perordinant, et disponunt ad libitum suae voluntatis.

Concilior. Supplem. Tom. IV.

tatis, aliis pluribus in veritate dissidentibus, propter verecundiam, timorem, complacentiam, vel amorem contradicere non praesumentibus; et si quacunque ratione sulti contradixerint, illa contradictio obruentium turbacionem cum verborum sonitu evanescit. Aliud propterea inconveniens: Nam uti permittitur per deputaciones procedendo, sacrum concilium sua intencione omnino frustraretur, quod sic deducitur: Nam manifestum relinquitur, quod ad debitam reformationem in capite, et in membris pax in Dei ecclesia, et haereticum extirpacione indubie ministrabitur, et ea cessante cessabunt et alta duo, cum ab ipsa reformatione tanquam a principali causa, et fonte praedicta, et omnia alia bona dependent, et provenient. Si enim dabitur reformatio, ex tunc unicuique iusticia mediante reddetur quod suum est, Deo videlicet, et hominibus, et per consequens pacificabitur homo cum Deo, et homo cum homine. Sicque haereses cessabunt, et animorum dissensiones, et per consequens unitas fidei habebitur, et pax. Sed constat, quod reformatio in capite, et in membris per hujusmodi deputaciones eo modo quo celebrantur, nequaquam fieri poterit, quod sic deducitur; nam certum est, quod nationes maxime differunt in suis condicionibus et qualitatibus, ut superius dictum est. Quomodo igitur verisimile est, quod aliquis consulat, aut velit consentire ad sublacionem ejus, quod sibi placet, et videtur conveniens, licet aliis illud difforme, et iniquum arbitretur? Quia igitur una natio aliter gravatur per caput, quam alia, et similiter alios defectus patitur in membris quam alia, et sic alia, reformatione indigent, et illa utique congruentius tractatur mediantibus personis earundem qualitarum, & condicionum, quam diversarum; sicut administracio cuilibet praelati in parte sollicitudinis sibi commissae a Deo suae praelaturae est annexa; quod superior praelatus interim quoque inferior bene, & laudabiliter administrat, de

ipsum inferioris administratione nequaquam intrinsece, sed illam juvare debet, & promovere juxta formam a sanctis patribus desuper traditam. Quociescunque ergo caput a tali forma recedit, & inferiorum praelatorum non pro laude Dei, & animarum salute, sed cupiditatis causa, ac propter lucrum, & denarios a nationibus extorquendos administrationem sibi usurpat corpus utique caput & deformatum, & reformatione eget; et certum arbitrat, quod non omnis natio in hanc reformationem consentiret, cum talis usurpacio sibi conveniens utilis, & necessaria nequaquam tollenda, alteri vero omnino contrarium videatur: sique in contradictoria sententia remanent, quomodo in unam reformationem concurrerunt, nisi forte curiosa subtilitas adversam sibi simplicitatem in suam perverteret sententiam, Deo displicibilem, & animabus & hominibus periculosam, & damnosam: Et pendere poterit unusquisque sane mentis, quomodo reformatio capitis fieri poterit quando principalia membra ejusdem capitis sunt praesentia, & omnia,



ANNO  
CHRISTI  
1432.

nia, prout libet, & ad suum beneplacitum dirigunt, deliberant, & declarant; concludunt etiam, quibuscunque ordinationibus in contrarium a principio editis, non obstantibus, prout hæc omnia experientia comprobata sunt, & notoria.

Concludunt igitur, quod modus procedendi per nationes plus cæteris pro laude Dei, animarum, & reipublicæ salute sit convenientior.

Præterea cessant nunc causæ deputatorum; ergo cessare deputaciones eo modo, quo hæcenus tentæ sunt, nam tempore inchoacionis hujus sacri Concilii Basiliensis &c.

*Desunt reliqua.*

#### EPISTOLA NUNCIORUM

*Concili Basiliensis missu Pragensibus.*

F. MS. Cod.  
Florent.  
minut idem

**A**mpliorem, spectabiles viri, reintegrando inter nos pacis spem vestris ex scriptis concepimus supplicantes, proinde Dominum rogantes, quatenus quod salubre in nobis utique pro sua laude, & nostra ad invicem renovanda in sinceritate fidei, & dilectione, unanimitate incepit, ipse qui vinculum est, & osculum pacis perficiat, perfectumque indissolubiliter firmet, & ut in flagranti, qui vobis hac parte est, affectui qualicumque pro viribus effectui respondeamus, parati sumus, ut petitis, caritativum vestrum, & finale, ut verbis vestris utamur, in destinatam diem non modo patienter, sed & gaudenter præstolari responsum, nihil dubitantes, quin & hæc Basiliensis sacrosancta synodus digesto scriptorum vestrorum audito tenore laudabit, & probabit, vestramque excusacionem tanquam vocalem favorabiliter admittat, & promissum responsum equanimiter expectabit. De procurando vero vestrarum litterarum bajulis, ac nunciis securitate, circumspèctis, & providis viris consulatus Egrensis tanquam viris reconciliacionis, & fidei hac parte mediatoribus confidenter pro parte dicti concilii scripsimus, supplicantes, quatenus hujusmodi singulares, & simplices viros ad nos huc dirigendos nuncios, eo, quo requierint, aut opus fuerit loco favorabiliter, & pacifice recipiant, & salvos ad nos usque perducant; nobiscum autem quam diu commissa negocia flagitant inoffensi manere poterunt, & licentiarè, deinde ad vos salvi, ut indubitanter speramus, redire. Si quid autem amplius petitorum assècuracio deponcat, apud dictos dominos de Egra requirant; & credimus, quod in hoc vestræ providenciæ, ac vestris non deficient, etiamsi in se onus litteras vestras nobis præsentandi ipsi assumere deberent. Postquam autem insignes, celebriores ad dictum sacrum Basiliense concilium aut vos mittere decreveritis oratores, tunc juxta consilium, & auxilium principum, & potentum, qui se ad hoc hæcenus nobis parte memorati concilii requirerentibus benivolos, & obsequiosos obtulerunt, & amodo, ut confidimus exhibebunt, taliter providere conabimur, & secundum condicenda inter nos pacta, &

humanam jacturam vos merito remanere debeat hac parte contenti; hoc solum caritate non ficta, nec subdota suasionè commoventes, ut salutis acceptabile tempus fructuosius mutuo, et expeditis tractatibus redimemus, sicque ad alterutrum non fronte minaci, vultuque tauro, sed placatis, & placidis animis exhibeamus, ut non in vanum nobis hoc fero, quod abist, plangamus dilapsum. Darum Nurembergæ XII. februarii anno incarnationis dominicæ M. IV. XXXII.

LITTERA SCRIPTA PER CONCILIUM  
Regi Franciæ.

**B** Arissimo principi, & serenissimo domino Carolo Dei gratia regi Franciæ Julianus miseratione divina sanctæ Romanæ ecclesiæ sancti Angeli diaconus cardinalis apostolicæ sedis legatus, præfidentque in sacro Basiliensi concilio, prælatique, & cæteri in eodem concilio existentes salutem in Domino. In ecclesia ad hoc sunt sacra generalia concilia instituta, ut fidei unitas, morum concordia, & puritas vitæ inter christianos ubique debito ordine conserventur. Sed cum hæc omnia per hæreses, bella & viciorum illecebras turbari, & impediri contingat; necessarium maxime est, ut in sacris conciliis his tollendis summa cum diligentia provideatur, & qui diebus nostris, pro dolor! super modum hæreses, & errores, bella, odia, & contenciones morum, ac vitæ dissolucio, & divinorum præceptorum transgressio totam undique ecclesiam vexent, & deformet, & quasi morbus contagiosus in dies magis augmentur, summopere omnes Christi fideles inniti debent, ut tot, & tanta mala de medio ecclesiæ extirpentur. Profecto undique Christianam religionem consideramus ita ipsam multis morbis contaminatam, vel hereses, aut bella non vigeant, quis autem locus, aut patria, ubi plurima quibus offenditur, aut irritatur Deus cotidie non perpetrentur; quam raræ, aut paucae personæ, quæ nitentur vitæ puritate, qua decet? Quot præterea a paucis temporibus christianitatis terras, aut provincias Turci, Sarraçeni, & alii infideles armis subjugaverunt, & devastaverunt, & cotidie subjugare, & devastare nituntur? Quantam eiam utriusque fidelium sexus multitudinem continuo in diversis regionibus captivam ducant, quorum perlique crudelem non ferentes servitutem, postea fidem abnegant? Quantum, pro dolor! nostra christianitas propter impugnationem infidelium, quibus christianorum discordia resistere non permittit, jam ad angulum redacta sit, & cotidie magis angustatur, lacrimabile nimis est referre. Jam igitur ipsa ecclesia tot procellis undique commota est, & a fundamentis concussa, ut ruinam pene minare videatur, nisi Divina misericordia ad nos oculos suæ pietatis convertat: quod ut facere dignetur, nos, quorum pro sacerdotali officio maxime interest, lingua, & vita, prout oportet, redemptorem nostrum cotidie interpellare decrevimus, & quantum sua gratia nobis conceperit, totis viribus in hoc

ANN  
CHRISTI  
1432.

Hæc epistola  
ad an. b  
jus exord  
revocand  
est vero  
hæc pers  
milit ex  
Mart. rel  
za supra  
pag. 219.

Ex eodem  
MS. Cod.

ANNO  
CHRISTI  
1432.ANNO  
CHRISTI  
1432.

sacro concilio laborare, ut adversus tot pestiferos morbos congrua remedia adhibeantur. Propterea ut unanimi consensu per universos universali bono salubriter provideatur, hoc sacrum Basiliense concilium auctoritate apostolica in Spiritu-Sancto congregatum decernit non expectare, ut majores populi christiani necessitentur pro consilio, & auxilio ad fidei catholicæ defensionem, ad pacem, & concordiam in populo christiano componendam, ac vitæ ac morum cuiuslibet status reformationem debitam opportune, & importune convocare. Et quoniam inter alia hoc præcipue in præsentis concilio agitabatur, quemadmodum sopitis gueris, ac discordiis, pax, concordia, & tranquillitas in singulis regnis, provinciisque statuatur. Cum etiam ad resistendum hereticis, & christianitatem impugnantibus, eorumque armatam rabiem vi armorum comprimendam, necessarium sit regum, ac principum potentia, quam eis Deus concessit ad laudem bonorum, vindictam vero malorum, omnino expedire videatur, ut ipsorum regum, & principum oratores de prædictis omnibus sufficienter instructi una nobiscum in ipso sacro concilio interfiant. Quapropter serenitatem per viscera misericordiæ Dei nostri ex toto corde hortamur, deprecamur, & obsecramus, ut alios insignes viros habentes zelum Domus Dei, & rerum agendarum experientiam de omni statu vestro, & regni vestri plene instructos ad hoc sanctissimum concilium pro honore Dei, & populi christiani quam primum commode fuerit, & fieri poterit, destinare dignetur. Datum Basileæ XXXII. anno.

## DE ELECTIONE CIVITATIS

*Ubi concilium debet celebrari.*

MS. Cod.  
Flor. mist.  
dem.

**S**anctissimus Dominus noster erit contentus, quod in Civitate Senarum, sive Bononiæ, sive Mantuæ Concilium continuetur, in quo sanctitas sua intendit adesse, & convenire cum sacra maiestate Imperatoris, sperans, quod universæ Christianitati per ipsorum conventionem salubriter providebitur revocatis attemptatis hinc inde.

Sacra maiestas promittat se facturum, & ita cum effectu cooperetur, ut prædicta sequantur juxta posse; & in quantum non posset, promittat ad hoc publicum conficiatur instrumentum promissionis cum sigillo aureo, quod erit cum sanctitate Domini nostri contra omnes contrarium attentantes.

Quod in casu, quo præfata maiestas Imperatoris sub conservatione honoris sui contentaretur, quod ex toto Concilium ex Basilea non transferatur, quod in Basilea solum tractetur de extirpatione hæresum Bohemorum, & aliarum in partibus illis si quæ essent, dummodo infra bimestre terminetur, & disponatur de reductione illorum; post quem terminum in aliis universaliter provideatur in altero dictorum locorum supranominatorum pro salute totius Christianitatis, & universalis ecclesiæ, & hoc nisi ipsi Bohemi consentirent quod eorum causa terminaretur

in loco, ubi concilium celebraretur de super nominatis.

Operabitur sanctitas sua, & erit mediator pro concordia inter maiestatem regiam ex una parte, & Venetos, & Florentinos ex alia, & infallanter sperat habere bonam conclusionem cum honore suæ maiestatis, & in rebus honestis erit cum serenitate sua contra omnes adversarios suos.

Sanctitas sua erit in loco desuper nominatis electo pro continuacione Concilii, & reformatione totius Christianitatis infra terminum competentem.

Faciet ea omnia, quæ concernent honorem personæ Imperatoris, & suæ maiestatis cum honestate, & conservacione honoris sedis Apostolicæ.

Item dabit subsidium circa expensas.

## INSTRUCTIONES AMBAXIATORUM

*Enuntium ad Dominum nostrum papam  
Eugenium quartum ex parte sacri  
generalis Concilii Basiliensis.*

*Dum intrant ad Curiam.*

**I**mprimis dum intraverint Curiam requirant Ambaxiatores Concilii, si adhuc forte ibi fuerint aliqui ex ipsis, & informant se de statu negotiorum, & singula prosequantur de Concilio, & avisamento ipsum.

Ex eodem  
MS. Cod.

De audencia, quod habeant illam.

Item instabunt de per se, & per alios quoscunque omni via, & modo possibili, ut habeant audienciam publicam, & solemnem; & in casu, quo eam habere non poterunt propter infirmitatem Domini nostri, vel alias, saltem in præsentia Beatissimi domini nostri Eugenii, & omnium reverendissimorum Patrum dominorum Cardinalium assumunt Verbum Dei, & facta introductione parvissima exponent ferventer, & ardentem, quæ sequuntur.

De presentatione credencialium litterarum.

Item in præsentacione litterarum credencialium sanctissimo Domino nostro, & dominis cardinalibus cum omni reverencia, & devocione recommendabunt universale sacrum Concilium Basiliense, & omnes prelatos, & doctores in ipso existentes.

De protestacione fienda.

**E**Item ante initium dicendorum protestabuntur coram prædictis, scilicet beatissimo domino nostro, quod quicquid dictum sit de mente, vel etiam ex parte sane Concilii, & sua, procedit ex sincero, & puro corde, & ex zelo honoris Domini, fidei Catholicæ, universalis boni totius populi Christiani, & honoris suæ sanctitatis, & sedis apostolicæ &c.

Item assumpto themate, introductione facta, ut præmittitur, cur sacra generalia.

Con-



ANNO  
CHRISTII  
1432.

Concilia in ecclesia introducta sunt, causasque ipsorum, & etiam quanta veneratione habenda sint explicabunt.

De celebracione.

Item declarabunt, quod propter prædictas causas sacrum Constantiense concilium statuit hujusmodi concilia generalia certis temporibus, & terminis inviolabiliter, & perpetuo celebrari.

Item quod sacrum præfens concilium Basiliense est legitime congregatum, stabilitum, & firmatum, cum ratione auctoritatis, cum ratione temporis, cum ratione loci, cum etiam ratione causæ, & necessitatis; ratione quidem auctoritatis, quia sacrorum conciliorum Constantiensis, & Senensis auctoritate felicis recordationis Martini quinti, & triplicis confirmationis moderni sanctissimi domini nostri Eugenii Quarti.

Item ratione temporis, quoniam in fine septembris servamus statuta conciliorum Constantiensis, & Senensis; nec obstaret, si in fine septembris dies, vel mensis, aut menses elapsi fuissent, & non comparuisset aliquis in loco, quia semper pendet tempus celebracionis concilii, quousque intentio Spiritus Sancti, & ecclesiæ deducatur ad effectum, quia principalis intentio ecclesiæ, & decreti, & celebratio concilii, & non ipse terminus: exempla declarant hunc punctum ad plenum. Respondendo obiectioni contentæ in bulla similiter de hieme, & de frigore, & ad illud, quod dicitur, quod jam diu stetit concilium &c.

Item ratione loci, quia locus Basiliensis fuit electus, & deputatus per concilium senense rite, & legitime secundum tenorem decreti Constantiensis fuit approbatus, & ratificatus per Martinum felicis recordationis, & tandem per dominum nostrum modernum: est etiam locus capax, sufficiens, & amoenus, sanus, fertilis, populum habens valde devotum, & omnia alia quæ requiruntur ad hujusmodi congregationem suscipiendam, & manu tenendam, & licet a principio fuerit quidam rumor guerrarum in partibus circumvicinis inter illustres duces Burgundiæ, & Austriæ; tamen ob reverentiam ecclesiæ treuæ factæ sunt, & stabunt per totum tempus concilii, & ultra per sex menses, nec aliquis usque in præsentem diem ex venientibus ad concilium passus est nimium damnum. Est etiam procul a veritate quivis finistre informavit sanctitatem Domini nostri, quod hic essent, vel in circumvicinis partibus Basiliæ aliqui opidani infecti labe Bohemica, & trucidarent clerum ex ira. Videant alias informationes plenius de hoc.

Item ratione necessitatis, quia propter extirpacionem variarum, & multarum heresum, & maxime Bohemicæ, propter reformationem utriusque status ecclesiæ universalis, propter pacificationem regnorum, & totius populi christiani.

Item declarabunt, quanta inveniuntur scandala, & pericula sequerentur ex hujus concilii legitime congregati dissolutione, aut qualicumque retardacione, aut prorogatione.

Imprimis impediretur, vel retardaretur A extirpacio heresum, & præcipue Bohemicæ, quæ quantum sit periculosa, & crudelis, quanta mala faciat in christianitate, quam subtiliter serpat, & inficiat fideles, in quanto periculo sit tota Almania, & Anglia, & ceteræ iis circumvicinæ partes, ut poterunt, explicabunt, quia profecto inexplicabilis, & inenarrabilia mala sunt hæc, quibus nisi cito, & indilate occurratur, fides, status ecclesiasticus, status principum, & nobilium, ut universa politia Christiana ultimo, & exitiali exponitur discrimini.

Per quem modum hæresis extirpari possit.

B Item quoniam nullo convenienciori medio, imo, ut videtur, nullo alio præter prædicta hæresis extirpari, quam per sacrum Basiliense concilium, cui proprium est hereses extirpare, cum propter assidenciam Spiritus Sancti, qui est director conciliorum, tam in conciliis, quam in agendis; tamen propter generale subvencionem, quæ imponi potest sine omni generali consensu, ut patet per decretum Constantiense, et patuit foelicis recordationis tempore Martini, cui multæ regiones, & nationes contradixerunt, & noluerunt, prout ipse volebat, subvenire: nec est spes aliunde, attenta infirmitate domini nostri, & guerris, quas passus est in principio sui pontificatus, attentis C etiam guerris, & divisionibus totius christianitatis.

Item impediretur, & prorogatur reformatio morum, quod cederet in maximam offensam Dei, maximam damnacionem animarum, & in maximum periculum status ecclesiastici, qui nisi reformetur, dato, quod nunquam esset hæresis Bohemica, propter deformitatem vitæ suæ clerus est in maximo & propinquo periculo status sui, præsertim in Almania.

Item accederet in maximam depressionem, & vilipensionem auctoritatis, & libertatis ecclesiasticæ, quia principes & sæculares quanto plus viderent nos differre reformationem nostram, tanto nos plus haberent contemptui, & si usque nunc habuerunt modicam devocionem ad nos, auctoritatem vilipenderunt, censuras, & processus depresserunt, libertates, & juris occasiones ecclesiasticas jam profecto totali contemptui, vitipendio, & ludibrio, atque periculo exponeremur universis.

Item retardacio hujus concilii, aut dissolutio, quod ad componendam pacem est congregatum in toto populo christiano, esset fovere guerras, & inimicicias, quæ ubique per totam pene christianitatem crudelissime deserviunt, utpote in regnis Franciæ, Angliæ, Bononiæ, Italiæ, Almaniæ, & vix in tota christianitate est patria, quæ non laborat intus, vel extra guerris, & divisionibus, in maximum exterminium fidei, & totius populi christiani; ex quo sequeretur maxima indignatio regum, & principum, ac etiam populorum contra clerum videns se deserti, & quasi sperni, & clero quasi non esset ei cura de exterminio ipsorum, & desolacione populi christiani.

Item

ANNO  
CHRISTIANI  
1432.

Item retardatio hæc, aut dissolutio cederet in maximam desperationem, & tristitiam totius populi christiani, qui jam maximum gaudium, & spem concesserat ex congregatione hujus sacri Concilii Basiliensis, in quo tot, & tanta bona audivit, & percipit debere procurari, hujusmodi sunt extirpatione heresum, reformatio morum, & pacificatio totius populi christiani.

Item quoniam ex hoc adversarii fidei majorem assumerent audaciam, & facilius inficerent, & impugnarent fideles, timent enim nunc hanc sanctam congregationem, multum dolent, & de ea, ut patet in libellis famosis, quibus eam nituntur denigrare apud fideles.

Item quoniam plures principes, communitates, civitates, & militares post turpem recessum, & fugam exercitus fidelium a Bohemia fuerunt in tractatibus cum Hussitis pro treugis, quæ jam in maximum præjudicium fidei fuisset conclusa, nisi spe hujus concilii Basiliensis subnixi oculos ad ipsum habuissent; quo sublato, aut dissoluto sine fructu, sine quacunque dilacione cum eis, quemadmodum & plures civitates fecerunt, ut Pilsna, Egera, & aliæ quamplurimæ, & diutius faciunt in maximum præjudicium fidei, & cleri.

Item ex hac prorogatione tolleretur spes cujuscunque alterius concilii celebrandi, attentis modis qui fuerunt tenti in Papiæ, & Senis, & qui tenentur nunc, & considerato loco, in quo ad annum cum dimidio esset celebrandum, qui locus annuus, & incessantes pestilencias patitur, populus satis infestus dominio ecclesiastico, & de facili ad rumores, & sediciones mobilis, nec dum finis est guerrarum Italiæ; & ita dissolutio hæc sine fructu, & cum scandalo fieret; nulla spes remaneret de quocunque futuro concilio, in maximum damnum, imo totalem dissolutionem, & destructionem fidei, quæ per consilia conservatur, & populi christiani.

Item prædicta prorogatio cederet in maximam denigrationem famæ sanctissimi domini nostri, quæ usque nunc apud universos christicolos semper fuit habita sine macula, & sine ruga, in maximum vituperium, ecclesiæ Romanæ, de qua confirmabitur opinio, quod ab ea procedunt omnia mala, & deformitates, & in maximum damnum, & scandalum totius ecclesiæ.

Item narrabunt, quæ, & quanta, & quam maxima, & ardua in isto sacro concilio inchoanda sunt, quæ omnia in ipsum, sic ex abrupto dissolvendo, aut prorogando vertentur in malum, & aggravarent ruinam fidei, & totius ecclesiastici status.

In primis, quoniam cum magna sollicitudine, ut oportebat, vocati sunt iteratis vicibus ex superabundanti omnes prelati totius christianitatis exceptis Italiæ, quorum vocatio ob reverentiam sedis Apostolicæ dimissa fuit; & fuit supplicatum domino nostro, ut sanctitas sua ipsos convocaret, & mitteret, & jam prælatorum plures venerunt, & plures miserunt proprios procuratores, & cottidie conflunt, & bene omnes moti sunt, & præparati ad veniendum, aut ad mittendum, ut plane constet ex litteris

A missis a diversis nationibus, & regnis, quibus utique in maximam displicentiam cederet, tam illis qui venerunt, tam etiam iis, qui sunt in via, & qui parati sunt ad veniendum; & in maximum damnum, & scandalum, quia viderentur omnino delusi per sedem apostolicam, cujus auctoritate vocati sunt, si hujusmodi dissolutio, aut prorogatio sequeretur &c.

Item omnibus principibus, & regibus christianitatis, exceptis Italiæ, eadem de causa scriptum est, ut sollicitent prælatos suos ad veniendum, & mittant suos solemnes ambasiatores, quia sine ipsis, nec reformatio status ipsorum tentari poterat, nec pax procurari in populo christiano, nec etiam sine eorum adiutorio via armorum, hereses extirpare; qui pari ratione, immo incomparabiliter majori quam prælati reputabant se delusos, & daretur eis occasio ad multa alia cogitanda, & forte aptentanda in præjudicium status ecclesiastici, et libertatis ejusdem, et maxime sedis apostolicæ, si istud concilium transiret in nihilum.

Item ad tollendum potissimum argumentum hæreticorum, quo se tument, et fideles inficiunt scribendo per universam christianitatem, quod nunquam cum summa diligentia quæsitam potuerunt habere audientiam, et quod nunquam Romana ecclesia, aut papa cum toto clero suo ausus fuerit congregari cum eisdem in disputationem, tanquam non valentes respondere veritatibus scripturarum, quas pro se præfati adducunt heretici de consilio omnium eorum, qui pro tunc, et in illo principio erant, hic in concilio missæ fuerunt epistolæ plenæ caritate, ad Bohemiam, quibus hortabantur, ut ad hoc sacrum concilium venirent, et offerretur eis plena audientia cum salvis conductibus, et aliis nunciis opportunis, ut jam cessaret omnis eorum fallacia excusatio, et fallacia, qua fidelem populum seducebant, receptæ fuerunt prædictæ epistolæ apud dictos hereticos cum decenti reverentia, fecerunt universalem totius regni Bohemiæ congregationem in Praga ad deliberandum de mittendis, et de modo veniendi.

Missum est ad omnes fere universitates studiorum, ut mittantur in sacra pagina, et in lege domini, et magistri, et doctores peritissimi, atque doctissimi; vox est, et fama de hac vocatione ubique per christianitatem, et quod heretici veniant, atque a sacro concilio audiant, universique laudent, et approbant vocationem hanc, et sive reducantur, sive non, ipsis in eadem persistens malicia, nihilominus hæc audientia, seu oblatio obstruet ora ipsorum, et fideles per amplius confortabuntur. Missi sunt etiam duo notabiles religiosi et ad propinquas partes Bohemiæ ad tractandum cum eisdem hereticis de falsis conductibus, et aliis negotiis per ipsorum reductionem, et ad sciendum de modo ipsorum veniendi; ita adventus ipsorum nec hic, nec in itinere possit quoquam modo esse nocivus.

Mittentur etiam litteræ per omnes partes Germaniæ ex parte hujus sacri concilii contra libellos famosos Bohemorum, quos noviter per universam Germaniam semiparant, no-

ANNO  
CHRISTIANI  
1432.



ANNO  
CHRISTI  
1432.

notificacione eisdem vocacionem ipsorum, et quod si venerint, audientur, quodque etiam non recedant concilium sine opportuno adhibito remedio contra eosdem hereticos &c.

Iis igitur, & tantis factis pro convocacione ipsorum, si nunc hoc concilium sic abrupto dissolveretur, aut prorogaretur, aut in alium locum remotiorem mutaretur ipsis inauditis, heu quantum scandalum fidei, quanta infamia ecclesie sequeretur!

Nuper universis exercitibus principum, & militum, ipsis etiam invisis fugit eos turpissime, sicut & antea nostris exigentibus peccatis sepe factum est, in pugna materiali, & corporali; nunc ipsis tanta caritate, et sollicitudine vocatis, nec auditis, fugiat ecclesia ab eis in pugna spirituali; nonne videbitur manifestum dominice ultionis iudicium; nonne, ubicumque audietur fuga hæc, reputabitur dominicum miraculum?

Profecto etiam si non haberent voluntatem aut intencionem præfati heretici veniendi ad concilium, aut in disputatione congregiendi, audito huiusmodi recessu, et dissolutione, quam ipsi fugam reputabunt, ubique per universum mundum, etiam ad Græcos, et exterarum nationes indilate diffeminabunt, quod parati erant ad veniendum, et quod a facie ipsorum ecclesia fugerit; et sic dabitur eis maxima occasio insultandi, imo maximum, et potissimum argumentum ad subvertendam fidem nostram totaliter, et ad inficiendum totum mundum; et quod prius false afflamebant in excusacionem ipsarum, et in magnam seducionem, per hunc recessum verum reputabitur apud omnes. Nonne ipse fidelis populus jam ex malis moribus cleri multipliciter laceratus, et scandalizatus, cui prædicta vocacio nota est, audiens huiusmodi recessum reputabit se delusum?

Nonne pusillus grex titubabit videns, seu reputans ecclesiam in utraque pugna succubuisse? Nonne reges, et principes, si et fideles sint, merito dolebunt de tanta suæ fidei confusione? Nonne universitates, et sacre theologie professores, ad quos prædictæ pertinet sinceritatem fidei illibatam conservare, videntes, et percipientes hæc in scholis inauditam confusionem fidei excitabuntur merito ad cogitandum de remedio opportuno? Quis unquam legit, aut audit ecclesiam, quæ Spiritu sancto regitur, vocasse hereticos, ut eos audiat, et a facie eorum fugit; qualis confusio, et forte quale periculum esset ambaxiatoribus concilii, si ipsis tractantibus cum eisdem hereticis de adventu ipsorum, contingeret recedere, aut dissolvere concilium?

Ex his, et aliis possunt concludere ambaxiatores, quod si nulla alia causa exigeret, vel urgeret huius concilii continuacionem, in hoc loco sola hæc vocacio Bohemorum, ad evitandam totalem subversionem fidei, urget omnino, et incitat.

Item facta est promissio a quibusdam militaribus, qui intendunt personas ipsorum, et bona exponere pro defensione fidei, et pro expeditione facienda futura estate contra prædictos hereticos de dando subsidium quoddam pro expensis communibus, utpote

instrumentis bellicis, ut sunt machinæ, et alia huiusmodi pro expeditione necessaria; et jam fecerunt præparacionem, et sunt pro magna parte expediti, in casu, quo prædicti heretici non possent reduci per viam audiencie, vel aliter; si istud concilium aut dissolvatur, aut recedat antequam prædictum subsidium persolvatur, prædicti milites maximam ingratitudinem, et impietatem ascribent clero, videntes in modica pecunia ipsum deficere fidei, cum tamen ipsi exposturi erant personas proprias, et bona ipsorum; dicent utique, quod clerici male pro fide exponerent personas eorum, ex quo modicam pecuniam nolunt, et negligunt exponere; deinde reputarent se maxime delusos, et deceptos ex multiplici jam firma promissione eis facta insuper damnificatas, et in bonis, et in honore: in bonis quidem, quia jam multiplices expensæ fecerunt præparando se, et ordinando, ac perdendo bona mobilia, et immobilia per incendia, rapinas, et devastaciones hereticorum, et temporis etiam amissionem in honore ecclesie, quia jam eorum intencio promulgata est ubique, etiam apud hereticos, qui si deficiant propter defectum præfati subsidii, heretici, et alii ignavia, et timiditate, atque pusillimitati imputabunt; quibus de causis indubitanter ex cunctis efficerentur inimici, et postpositis hereticis verterent se in clerum. Nec opus esset Bohemis ad expellendum ipsum bonis temporalibus, et utinam non advenis faciendum etc.

Item dominus dux Burgundia eadem de causa ad prosequendum expeditionem contra eosdem hereticos rogatus est, ad quam rem videtur optime inclinatus, et propter ipsam dicit se treugas composuisse cum Carolo regi Franciæ; utque in tractatu huiusmodi treugarum confecto inter partes, atque pro hac re prædicanda cum domino legato, et sacro concilio est in brevi missurus suos solemnes ambaxiatores. Si ergo concilium hoc sic repente resolveretur, reputaret se præfatus princeps jam secundario illudum et deceptum, et per consequens posset merito indignari, cujus indignacio non esset multum utilis ecclesie.

Item missi sunt ambaxiatores ad principes, et civitates vicinas Bohemiæ, ad confortandos populos, ut maneat stabiles, et firmi in fide, promittendo eisdem, ut sacrum concilium efficaciter laborabit omni modo via possibili ad prædictæ heresis extirpacionem, et multi jam inissent treugas cum eisdem, si non fuissent per concilium confortati; et nisi spem in concilio habuissent, recedente concilio quid dicerent pauperes populi, nisi quod clerus, propter quem patimur hanc calamitatem et miseriam, non solum non adjuvat nos, sed etiam decipit, et illudit, et cum hoc exponit maximis damnis, et periculis etc.

Item scriptum est, & missa ambasiada ad civitatem Madeburgensem, quæ ut dum expulit archiepiscopum, & totum clerum, & valde timendum est, ne confederetur hereticis; & similiter ad civitatem Paraviensem, in qua inter cives, et episcopum fuit nobilis dissensio, ut idem episcopus scribit con-

ANNO  
CHRISTI  
1432.ANNO  
CHRISTI  
1432.

concilio, hortando dictas civitates ad pacem, & offerendo se sacrum concilium velle inter ipsas mediare; & similiter factum est circa civitatem Bambergensem, in qua inter clericum, & civitatem est maxima discordia; unde si nunc recederet concilium, rebus sic se habentibus, non dubium, quin dictæ nobilissimæ civitates maximis periculis hæreticorum exponerentur.

Item pro pace regni Franciæ multa sunt excogitata utilia; & jam dominus archiepiscopus Colonienfis, elector sacri Imperii dedit bonam spem acceptandi ambasiatam ex parte, & nomine sacri concilii ad dictam pacem, loco, & tempore optimo pertractandam, & speratur, quod idem onus assumet ex parte hujus concilii illustris princeps dux Sabaudia, cum quibus adiunguntur quamplurimi solemnes prælatorum, & doctorum, qui simul juncti cum reverendissimo Domino sanctæ Crucis cardinali, efficaciter laborant ad diu desideratum, & optatum bonum pacis illius regni christianissimi consequendum, & super hoc præfatus dominus sanctæ Crucis avifavit, quod postquam fuerit locus electus, ubi utriusque partis conveniant ambasiatores plurimi, expediat, ut concilium illuc mittat ambaxiarum solemnem. Idem etiam nuntiatur est a pluribus personis notabilibus, qui bene noverunt negotium, & mentes principum; quæ omnia interromperentur cum magna indignatione principum, si contingeret hoc concilium tam repente dissolvi; pro cuius tamen regni pacificatione nulla alia causa urgeret, deberet de novo sacrum concilium renovari; præsertim in hoc loco attemptis beneficiis per maximis, quæ ex illo regno christianissimo per successiones temporum fides accepit et ecclesia; et poteritis insistere hic ambasiatores ad enarranda beneficia illius regni, & quanta damna etiam paciatur fides, & ecclesia ex divisione, & desolatione illius, quod utique si esset in pace, non modo Bohemi cum periculo fidei, & exterminio ecclesiæ insultarent fidelibus, sed jam ad dudum illa heresis finem accepisset. Videat ergo ecclesia, ut illud christianissimum regnum releveretur, & ad statum pacificum deducatur, ne valeat de ingratitudine redargui coram Deo, & coram hominibus; & non solum illud concilium non dissolvatur ante pacis compositionem prædictæ regni, verum etiam, si opus esset, concurreret universa christianitas ad tam nobile membrum relevandum. Sunt enim pro invicem sollicita membra, ut ait apostolus.

Item exorta guerra inter regem Poloniæ, & ducem Litvaniæ, atque milites de Brussia, statim missæ fuerunt solemnes litteræ cum proprio nuncio ad regem, ducem, & Margravium Brusiæ, quibus hortabantur ad aliquas treugas, & quod sacrum concilium cupiebat interponere vices suas pro pace pertractanda, et sic cum Dei adiutorio facta est, quia initæ sunt treugæ ad biennium, et sacrum concilium interponet & vices suas, quod utique facere non posset, si dissolveretur tam repente in maximum periculum totius christianitatis, et satis rimendum, quod alteri parti hæretici adherent, et adhære-

*Concilior. Supplem. Tom. IV.*

bunt, et alteri Tartari in maximam depopulationem, et desolationem Christianidelium nisi inter præfatos principes pax omnimoda, et votiva procuratur, quod facilius per sacrum concilium procurabitur, quam per quemcunque alium modum.

Item ad sanctitatem suam missi sunt ambasiatores solemnes, principaliter ad supplicandum sanctitati suæ ut velit interponere vices suas pro pace Italiæ procuranda.

Item in ducatu Barenfi procurat pacem, et ubicunque sentitur guerram, satagit sacrum concilium procurare pacem, et ponere; quod utique bonum pacis in tota Christianitate nullo modo convenientiori, et aptiori medio valet procurari, quam per concilium, quia quælibet persona particularis, quæcunque dignitates et statu sit, habet aliquid quod suo intento non congruit.

Item quartadecima die mensis decembris tenta fuit una solemnis sessio, in qua per decretum publicum decrevit hæc sancta synodus posse laborare ad prædictorum trium felicem prosecutionem, videlicet extirpationem, heresum reformationem morum, et regnorum, ac totius populi christiani pacificationem. quod quidem decretum per universum orbem deportatum arguet ecclesiam de mendacio, et de incorrigibilitate, et quod decipiet, et seducat fideles, et profecto dabit infinitam quodammodo materiam tam hæreticis, quam fidelibus ad illudendum ecclesiasticis, et eisdem multa ludibria, et opprobria inferendam, si hoc concilium repente resolveretur nulla ordinatione facta inter prædicta.

Item narrabunt, quomodo sacro concilio in tam sanctis exercitiis fructuose occupato, unde adiutorium, et consolacionem expectabat, inde per adventum episcopi Parentini luctum accepit, et lamentatum, quem tamen ob reverenciam sedis apostolicæ sacrum concilium cum honore debito suscepit, et jam in ingressu ei obviam fere omnes prælati fuerunt, in crastinum magna multitudo prælatorum, et doctorum ipsum visitavit cum decenti propositione; ipse vero nec in ista visitacione, nec in aliis congregacionibus, quibus pluries interfuit ex parte sanctitatis suæ, nec unico verbo allocutus est congregacionem, nec etiam saltem obtulit apostolicam benedictionem; de qua re non modicum admirati fuerunt prælati, et doctores, verisimiliter suspicientes de iis, quæ postea acciderant.

Item quomodo infra octavam nativitatis Christi, videlicet die sabbati, in plena congregacione ipso præfente cives informati per litteras ex diversis partibus venerunt in magna multitudine, et multum lamentabiliter proposuerunt audivisse pro certo quosdam advenisse, qui per dissolutionem concilii laborarent, exponentes multum eleganter periculum, et scandala ex hac dissolutione futura secutura, qui et protestati sunt imprimis cum juramento prædicta non dicere, aut moveri propter lucrum civitatis, sed mere, et sincere propter bonum totius christianitatis, et ecclesiæ, et propter periculum, et mala, quæ sequi ex inde pendebant.

Item quomodo, et qualiter in congrega-



ANNO  
CHRISTI  
1432.

cione, qua cives proposuerunt a maximo usque ad minimum maximis laudibus attulerunt famam sanctitatis suæ, representando vitam suam sanctam a cunabulis, et quod nullus poterat credere aliquid posse procedere a mente sanctitatis suæ, bene informata, quod in præjudicium sacri concilii cederet.

Item quomodo præfatus episcopus, et tunc in plena congregatione, et extra quampluribus notabilibus personis, et magnis, tam ex prælatis, quam ex militibus, et doctoribus, dixit aperte, se non venisse pro dissolutione hujus concilii, nec pro aliquo ipsius impedimento; sed solum veniebat ad dominum legatum, ad conferendum quibusdam, et ad informandum se de statu concilii; et quod dominus noster Papa nesciebat tantam congregationem esse in Basilea; postmodum vero prædictis personis notabilibus loquendo seorsum, et pluries conferendo de periculis, et scandalis, quæ ex dicta dissolutione sequerentur, juravit, ponens manum ad pectus, quod etiam si haberet nostri super hac re, non exequeretur eas, cum manifeste perenderet imminere ruinam fidei ex hoc, et alia scandala, et pericula sequi; et addidit, non uni, sed pluribus conferentibus de hac materia, quod procurando hujusmodi dissolutionem crederet se sacrificare Diabulo; ex quibus, et similibus verbis suis, et juramentis, non obstantibus quibuscumque aliis versis reformationibus ex diversis partibus venientibus prælati, et alii fidem sibi ceperunt adhibere, non volentes imaginari, quod tanta auctoritatis vir aliud intenderet, quam juraret, et promitteret: cui etiam propter Episcopalem dignitatem, et personam mittentis credendum erat simplici verbo ec.

Item, quomodo iis sic se habentibus, superveniente quodam nuncio de Curia idem Parantinus præsentavit Domino Legato quandam Bullam, in qua sibi committebatur hujusmodi dissolutio, et de voluntate ejusdem, atque consensu dominus legatus in plena congregatione assecuravit concilium dicens, D quod omnia, quæ dominus Parantinus habuerat, et receperat a curia posuerat in manibus suis; insuper de voluntate dicti Parantini dominus legatus cum quibusdam et prælatis, et doctoribus approbavit materiam hujusmodi dissolutionis, et incepit prædicare ipsam, ut ipse Parentinus volebat, et post multos tractatus, habitos, et concilia, visis scandalis et periculis, et denigrationis famæ sanctissimi domini nostri, et omnium dominorum cardinalium, et etiam quia cum in bullis expresse non constabant, prout domino nostro suggestum fuerat, delibatum fuit, ut ex parte domini legati mittatur unus sollemnis vir; ex parte concilii unus alius ad sanctitatem suam intimando pericula, et scandala etc.

Item quomodo iis ordinatis, et dispositis, et singulis bene quietatis, præfatus dominus Parentinus uno mane incio domino legato, et cæteris de concilio recessit dimisso quodam doctore domino Johanne de Prato, cujus recessus fuit valde scandalosus, attentis promissionibus per antea factis per eundem episcopum etc.

Item, quomodo dictus doctor non obstantibus quibuscumque persuasionibus domini legati et aliorum, nec periculis aut scandalis manifestis, asserens se ad aliquos actus processisse, post aliquos dies pacifice recessit offerens, se sponte laboraturum, tam cum sanctissimo domino nostro, quam cum aliis, ut dicto Parentino pro felici prosecutione hujus tam necessarii toti christianitati sacri concilii.

Item, laborabunt præfati ambasiatores hujus sacri concilii distinde, et aperte satisfacere rationibus in bulla domino legato transmissa contentis per modum, qui sequitur.

Suggestum videtur domino nostro papæ, ut ex serie bullæ domino legato transmissæ deprehenditur, quod in vicinis hujus civitatis sunt opidani Hussitæ, hæresim sapientes, qui clerum crudeliter persecuntur, quod usque quaque auditum non est; quinimo hæc civitas, et tota ejus vicina vera catholica est, et a tali labe omnia munda: præterea, licet verum, quod inter illustres duces Austriæ, et Burgundiæ sit guerra; tamen ex ea non fuit impedimentum venientibus ad concilium; quod ad petitiones concilii inter dictos duces fuerit, et est treuga, et ab utroque datus plene salvus conductus venientibus ad concilium, et plene servatus; nec hucusque compertum est, quod alicui concilium venienti sit aliqua injuria, vel molestia irrogata.

Uterius, pro avisamento ambasiatorum si opus sit talibus respondere, cum Bulla prædicta hoc prætendere videatur, quod septennium lapsum est, et prælati fuerunt diu expectati, potest dici, quod finis septennii est terminus ad inchoandum concilium; sed ad finiendum nullus est terminus præfinitus, sed dispositione eorum, quæ in concilio fienda sunt, destinat terminum finiendi concilium; nec ubi de tanto discrimine fidei agitatio est, captanda est contumacia, sed accersendi sunt, et cogendi venire prælati. Præterea ab eo tempore, quo dominus legatus venit, in quo incepit esse opinio de concilio non sunt ultra quinque menses; quid magnum est, si concilium generale, in quo de toto orbe debet convenire, duret per annum, vel etiam per duos? Cæterum post adventum domini legati statim supervenit rigida hiems, quæ multum impedit, unde plures prælati dilationem petierunt usque ad mensem Februarii. Nunc igitur in propinquo erat tempus, quo rigore hiemis mitigato, et habita temporis dilacione congrua, ad res suas componendas infra paucos dies supervenisset prælatorum multitudo.

Quomodo etiam de iis prælatis Germaniæ tractabatur, quod possent ad certam diem omnes simul adesse, ad quod mensis martii videbatur accommodus, ut si inde aliquid agendum contra hereticos disponderetur, pro mense jussu unusquisque ad patriam rediens rebus posset executionem præbere. Non petebatur a domino nostro papa, quod de novo faceret convocationem prælatorum, sed pro reverentia suæ sanctitatis incitatio prælatorum Italiæ sibi fieret reservata, et etiam supplicatum, quod aliquas per orbem litte-

ANNO  
CHRISTI  
1432.

ANNO  
CHRISTI  
1433.

ANNO  
CHRISTI  
1433.

rastransmitteret, prælatos ad concilium, exhortando, quod totum fiebat ad laudem, et gloriam suæ sanctitatis, ut mundus cognosceret affectum suæ sanctitatis ad bonum universale; et inde cresceret in ea devotio populi christiani.

Postremo, etsi verum sit, quod præsencia sanctissimi domini nostri Papæ esset multo fructuosa, quæ utinam adesse posset; tamen si non potest, non est propterea tantum bonum obmittendum, cum et nonnulla concilia generalia dudum per legatos sedis apostolicæ celebrata legantur in Dei ecclesia utiliter et plurimum fructuose; tandem plurimum urgere videtur, quod dicitur, quia per reconciliationem Græcorum opus est in Bononia concilium non longa mora interposita celebrari; sed scienti pericula Germaniæ, non videbitur præponderandum negotium illud, nec illa vetus scissura augmentandi periculo carens huic pestifero morbo velut cancer serpenti, cui melius infra Germaniæ fines occurrere; quoniam, si quod absit, subversa Germania infra fines lateralis Italiæ sit propugnare necesse, quod propterea non magnum esset, si quemadmodum si pro unitate eccl. apud Constant. per triennium duravit concilium; nunc pro tam arduis negotiis hoc concilio per annum durante, interposito unius anni intervallo aliud apud Bononiam concilium sequeretur; ab ulteriori si hoc concilium dissolvatur, sine eo, quod adversus pericula provideatur, sub spe, quod in Bononia providebitur, quis de intermedio temporis parabit idoneam cautionem; quis tenebit hæreticos, ne fideles infestent, et terras dissipent et devastent? qui fideles non convenirent cum hæreticis sic jam fieri, qui tam multa mala, quæ imminet, esse faciet in suspenso in celebrando hoc concilio.

lium, et postea Bononiæ nulla jactura, nisi expensa fructuum ecclesiastici patrimonii, et labor aliquantulus personarum; in obmittendo vero strages populorum, et multorum dispendium animarum, et fidei christianæ grave dispendium; quæ proportio inter hæc unusquisque dijudicet. Sic patres nostri ut plantarent fidem, exposuerunt corpora, morti; nonne nos, ne plantata eradicetur, de fructibus patrimonii, quos ipsi ecclesiæ acquisierunt, debemus libenter expendere? etc.

Item attentio, quod istud sacrum concilium sit legitime inchoatum, firmatum, et stabilitum, ut præmissum est, et attentis periculis, scandalis, et malis ex dissolutione ipsius in tota christianitate secuturis; attento etiam, quod sanctitas sua sinistre fuerit informata; omni devocione, et instantia possibili supplicabunt sanctitati suæ, quatenus per viscera misericordiae Dei nostri, et per sanguinem præciosissimum Domini nostri Jesu Christi, quem pro ecclesia fudit in Cruce, velit subdere, quantum in sanctitate sua est ab hujus sacri concilii Basilienfis dissolutione, prorogacione, aut quacunque loci mutatione; et litteras, si quæ forte super hujusmodi dissolutione, aut progacione a sanctitate sua circumventa emanaverint, aut suspendere, aut aliter ordinare, ita quod istud concilium haberet prosecutionem suam ad laudem Dei, maximum bonum universalis ecclesiæ, & honorem suæ sanctitatis, et curiæ Romanæ; et velit hanc sanctam voluntatem suis apostolicis litteris de novo declarare, quam altissimus pro conservacione et felici regimine sanctæ ac universalis ecclesiæ custodire dignetur feliciter per tempora longiora. Amen.

Hanc instructionem composuit cum his Mart. reulimus supra pag. 368.

### Documenta anni

1433.

#### EPISTOLA PHILIPPI

Ducis Burgundiæ, ad concilium Basileense.

Orat ut cause Trajectensis ecclesiæ diffinitio differatur.

Ex Mart.  
Vet. Mon.  
t. VIII.  
p. 238.

Sacro sancto generali concilio Basileæ nunc congregato.

Reverendissimi reverendique in Christo patres spectabiles et prælati, complacendi sincerum et copiosum affectum. Sævientibus pridem, et nuper dolendis inimicitiiis, seditionibus et guerris in civitate snibusque

Concilior. Supplem. Tom. IV.

(a) Trajectensibus ac nonnullis Hollandiæ partibus, occasione dissensionis (b) duorum ad ecclesiam Trajectensem contententium, nos ut nostro incumberebat Hollandiæ regimini, SS. domini nostri papæ super hoc imploravimus remedium. Veniens igitur ad has partes reverendus in Christo pater episcopus (c) Matiscenensis sedis apostolicæ nuncius, quasdam provisiones in hujusmodi negotio sagaciter adhibuit, quibus mediantibus, in ecclesia Trajectensi et partibus antedictis sedata est calamitatum rabies, et tranquillitas salubris subsequuta. Quapropter, reverendissimi, reverendique in Christo patres spectabiles et prælati, quoniam ab eodem SS. domino papa expectamus, et speramus super petitis breve responsum ad

D d z bo-

(a) Hic de civitate Trajectensi ad Rhenum vulgo *Utrecht* agitur, non Trajectensi ad Mosam vulgo *Maastricht*.

(b) Hi erant Zuverderus de Culenſio & Rodolphus de Diepholt, quorum primus a papa transatus ad sedem Cæſariensem, locum reliquit Rodolpho.

(c) Johannes Mart, qui legatus apostolicus apud Trajectenses vices gessit sub Eugenio papa IV.



ANNO  
CHRISTI  
1433.

bonum rei hujus, ac sacrosancti Basileensis concilii favorem & progressum, Deo duce, valitum, vestras reverentias cordialiter deprecamur ex intimis, quatenus materiam & causam, quæ ratione disensionis antedictæ in ipso concilio vertitur, differre velitis, et tenere in statu, donec ambassata Trajectensis, quæ, ut audivimus, diligenter disponitur, ad ipsum applicuerit concilium. Nam pro certo, si hac in re præcipitans debito quicquam agatur, strages, homicidia, malaque priora in dicta patria Trajectensi & nostris partibus Hollandiæ & Zelandiæ, ac aliis circumvicinis recidivare, verisimiliter formidantur, & forsitan deteriora in ecclesiæ & christianitatis dispendium & jacturam. Reverendissimi reverendique in Christo patres spectabiles & præclari, omnipotens vos dirigat & conservet in prosperis & votivis. Scriptum in villa nostra Gandensi XIII. die mensis januarii.

Devotus & obsequiosus ecclesiæ filius  
Philippus dux Burgundiæ, Brabantiæ,  
& Lingurgiæ, &c. comes Flandriæ,  
Arthesii et Burgundiæ et Namurci,  
vestris paratus beneplacitis.

Hiberti.

#### L I T T E R A

Regis Romanorum, lecta die martis 3.  
februarii.

Mittit eis litteras magistri generalis ordinis Teutonicorum, de consideratione Bohemorum & regis Polonorum.

Ib. p. 439. **R**everendissimis ac venerabilibus in Christo patribus etc.

Reverendissimi in Christo patres et domini, ac venerabiles grate et sincere nobis dilecti, superiori tempore non obmisimus, prout conveniebat, vestris paternitatibus aperire satis clare illam conspirationem, quæ inter Bohemos hæreticos et Polonos conflata extiterat: quæ quidem revera ipsos Bohemos taliter extulit, ut etiam juxta condita ad sacrum Basileense concilium venire minus advertant, et etiam in fideles Christianicos fortius et securius debacchantur. Modo, reverendissimi patres, habuimus litteras ac venerabili magistro generali Prussiæ etc. devoto nostro et dilecto, cujus copiam hic inclusam transmittimus, quæ profecto clare affirmat ipsam editam conspirationem contra orthodoxos, ubi dicit ipsos hæreticos non solum contra ordinem, sed contra omnes alios velle procedere, qui adversarentur regi Poloniæ adjutori et speciali fautori suo, etc. Quæ res nedum miranda, sed abhorrenda V. P. et singulos fidei catholicæ zelatores merito reddere debet aversatos, ut huic morbo, ne in detrimentum fidelium amplius serpat, salubrius succurratur. Ille enim ordo Teutonicorum, ut de ceteris Christianicis taceamus, est præcipuus: quem dicti Poloni subripere dudum conati sunt; qui tamen co-

lendus et merito manutenendus esset propter laudabilia gesta, et tantam amplificationem Christianismi, quam sanguine suo meriti sunt. Non possemus desistere, quin et ipsum ordinem, christianitatis scutum illis in partibus, quem ab ætatis nostræ primordiis semper recommendatum habuimus, etiam V. P. commendaremus, et sic facimus, vestrasque paternitates affectuosissime petimus et rogamus, quatenus eundem ordinem, Dei et Virginis gloriose intuitu, ac contemplatione nostri, velitis recommissum suscipere, et causas suas ad V. P. deferendas quæ in Romana curia omnimode postponuntur, ita favorabiliter secundum Deum et justitiam tractare et dirigere, prout ipse ordo meretur; et nos de paternitatibus vestris summe confidimus ad complacentiam nobis gratissimam. Datum in civitate nostra Senarum die xvi. januarii MCCCXXXIII. regnorum, etc.

Sigismundus Dei gratia Romanorum rex  
semper augustus, ac Hungariæ, Bohemiæ etc.

#### C O P I A L I T T E R Æ

Supra scriptis litteris incluse, & lecta  
prout supra.

**C** Honorabili, devoto ac religioso viro domino Paulo de Rasdorff ordinis hospitalis S. Mariæ Teutonicorum Hierosolymitani magistro generali, una cum omnibus suis fratribus officialibus, atque communitate ejusdem ordinis, suisque omnibus terrigenis in Prussia, & ubique locorum constitutis, nos Johannes Czapko de Saan, Officio de Loza, capitanei communitatum orpharum, et Taborienium, ceterique barones, milites, clientes, rectores civitatum, et tota communitas regni Bohemiæ et marchionatus Moraviæ legi divine adhærentes, cum eorum adiutoribus et subditis ubique terrarum nos circumadacentium habitantibus, servitiis nostris salutamus quos minime salutare debemus; quia, ut speramus, nostris demeritis minime exigentibus, sæpe in adiutorium serenissimo principi ac domino Sigismundo Romanorum, Hungariæ, Croatia, Dalmatiæ etc. regi, in terram nostram et alias contra nostros subditos, vestros in nostram destructionem, & non tantum in nostram destructionem, sed quod plus est, in conculcationem veritatum divinarum, æternarum et invincibilium, misistis et ordinastis. Qui venientes infinita damna nobis et nostris intulerunt, et quantum in eis consideramus et nos omnes destruere optaverunt. Et non mirum quod illa prædicta nobis fecistis, ac plura facere voluistis; sed et nunc noviter contra serenissimum principem ac dominum Wadislauum Poloniæ regem, supremum ducem Lituaniæ, heredemque Russiæ, minus iuste, et tempore pacis et tranquillitatis inter vos roboratæ confurrexistis, sibi que infinita damna intulistis, virgines, viudas, honestasque matronas corumpendo, pluresque occidendo, comburendo, deva-

stan-

stando suas terras, atque ejus terrigenas sexus utriusque; quæ enormia facta audire et loqui detestabilia non solum non decent homines religiosos, prout vos esse dicitis; sed nec paganos, qui fidem christianam minime consitentur; sed totis viribus destruere conantur. Ideo adhuc ad vos caritate christiana moti, vos precibus studiosis optamus atque monemus, ut excessus prædictos et alias vestras deordinationes per dignam poenitentiam emendare atque purgare festinetis, et ipsi domino ac domino Wadillao regi Poloniae, etc. satisfacere non recusetis. Quod si facere recusaveritis et distuleritis, ex tunc scitote nos infallibiliter ipsum, tamquam regem christianum, contra vos juvare velle, divino auxilio mediante. Et non solum contra vos, sed contra omnes ipsum injuste opprimere volentes, tamquam nostrum adiutorem et specialem factorem juvare intendimus. Data in montibus *Cuthin*, in communi congregatione capitaneorum et communium regni Bohemæ et marchionatus Moraviæ, legi divine adhaerentium, ipso die natalivitatis B. Virginis Mariæ anno domini MCCCXXXII.

## MODUS VIVENDI IN CONCILIO.

1b. p. 242. 1.

**A**dmoneat hæc sancta synodus omnes sacrum concilium celebrantes, ut omnem gravitatem & honestatem quæ viros ecclesiasticos decet, diligenter observent, vitam ac conversationem exemplarem ducant. Et cum ad dandam legem toti orbi convenierint, ipsi prius in se legem suscepisse demonstrent. Sint eorum mores sine macula & ruga, exhibeant se tamquam speculum mundum, in quo alii se speculantes, normam et exemplum sanctorum accipiant. Meminerint se esse sal terræ, in quo opus est ut nunc salietur mundus. Sint tales juxta præceptum Domini, ut lumen eorum luceat coram hominibus, ut videant bona opera ipsorum, et glorificent Patrem vestrum, qui in cælis est. Ipsi inquit apostolus in persona Timothei: *Esse exemplum fidelium in verbo, in conversatione, in caritate, in castitate.* Ipsi igitur necessaria est bona conscientia propter seipsos, bona fama propter proximos.

2. Et quantum ad conscientiam attinet, unusquisque eam examinet sæpe et mundet, quantum fieri potest, ab his omnibus quæ divinam majestatem offendunt. Qui sacerdotes sunt sæpe celebrent; alii vero sæpe confiteantur. Hoc plurimum valebit ad gratiam Domini impetrandam. Alioquin si iniquitatem conspexerit in cordibus eorum, non exaudiet Dominus, et oratio peccatoris fiet execrabilis.

3. Et quoniam opera quæ hoc sacrum concilium prosequitur, nimis grandia sunt, quæ quidem viribus humanis nullatenus effici possunt, necessario ad Dominum recurrendum est, orationibus, elemosynis et jejniis. Quilibet igitur de concilio singulis diebus aliquam saltem brevem orationem ad Deum porrigat pro successu hujus sacri concilii. Mandat etiam hæc sancta synodus, ut singulis feriis quintis, quamdiu durat tracta-

tus Bohemorum, in majori ecclesia celebratur missa de Spiritu sancto, cum orationibus ad hoc institutis, in qua omnes de concilio intersint. Ea autem die, necnon diebus Dominicis et aliis diebus solemnibus, quibus præsentem concilio missa celebrantur, quilibet de concilio offerat in gazophilacio saltem unum æs minutum, hoc modo, quod duo cursores cum pixidibus, unus ab uno latere chori, alius ab alio, intra missarum solemnias recipiant quicquid a suppositis concilii offertur. Post missam promotores concilii distribuunt hujusmodi oblationes pauperibus, de quibus ipsis videbitur. Eandem missam de Spiritu sancto quinta feria sancta synodus mandat solemniter celebrari in qua libet ecclesia collegiata et conventuali hujus civitatis. Mandat etiam tam suppositis concilii celebrantibus, quam aliis sacerdotibus in hac civitate existentibus, ut in missis suis dicant aliquam orationem pro pace et unitate ecclesiæ.

4. Ut negotia, quæ in deputationibus concilii aguntur, Deus oculo pietatis aspiciat, et prosperari faciat, expedit ut hi qui illa tractant, ad ipsas deputationes devoti accedant. Propterea quilibet deputatio, antequam negotiari incipiat, audiat in communi missam in loco, quem ordinauerit prope ipsam deputationem; ibidem omnes de deputatione curent interesse, nili forsitan aliqui sint per se celebrantes.

5. Tempore divinorum non fiant invicem colloquutiones et confabulationes, sed quilibet vel oret, vel contempletur quæ aguntur et dicuntur in missa.

6. Et quoniam, ut inquit Tobias, bona est oratio cum elemosyna et jejunio, quilibet de concilio saltem semel in hebdomada, feria VI. vel alia jejunet; et sicut Moyses antequam legem mereretur accipere jejunavit, ita et nos legem reformationis a Domino accepturi et tradituri mundo, facere curemus. Qui autem jejunare non potest, det elemosynam.

7. Aliis autem diebus quilibet in mensa sua servet sobrietatem, moderationemque ciborum. Etiam si hospites adint, non multitudine ac reprehensibili varietate ferculorum, sed modesta ac competenti refectioe honorentur.

8. Prælati in mensis suis studeant servare decretum Toletanum, quod tale est: *Pro reverentia Dei & sacerdotum id universa constituit synodus. Et quia solent crebro mensis otiose fabula interponi, in omni sacerdotali convivio divinarum scripturarum lectio miscetur. Per hoc enim animæ edificantur ad bonum, & fabula non necessaria prohibetur.*

9. Caveant supposita concilii ad tollendas tentationes et murmurationes, ne convivium vel suspecta commercia cum mulieribus habeant.

10. Supposita concilii abstineant a verbis detractoriis, contentiosis, scandalosis, et male edificantibus. Quilibet accurate studeat ne factis aut verbis proximum scandalizet.

11. In via quilibet incedat pudicis oculis cum modestia et gravitate. Ad loca minus honesta non vadat, nec ad spectacula publica,



ca, choreas, ludos, hastiludia, torneamenta, et alia huiusmodi.

12. Vestimentis utantur, prout sacri canones statuunt: abstinere a coloribus rubeis et viridibus excessive; vestimenta deferant talaria, et tam retro quam a lateribus et ante clausa, et sine manicis ad cubitum pendebitis, et absque forraturis ultra oram excedentibus, etiam in fixuris. Nullus portet anulum, nisi cui competit ex officio dignitatis, et unum dumtaxat, nec corrigias auri vel argenti ornatum habentes, nec caligas folatas, nec mitras siriceas, aut bireta longa, sed parva aut honesta capucia. Tonfuras deferant suis ordinibus congruentes, et capillos ita tonsos, quod aureas pateant.

13. Non portent in frenis, sellis, aut peccoralibus eorum auri vel argentum, aut ornamenta metalli depicti aut figurati, aut mappas sericeas, seu aliam huiusmodi superfluitatem; et quod huiusmodi ornamenta eorum sint unius coloris, non rubei aut viridis, nec calcaribus deauratis utantur.

14. Et ne prelati in multitudine, sed honestate familiæ gloriari videantur, curent incedendo per viam pedites vel equites, quanto pauciores possunt, præmittere familiares; cardinales decem, patriarchæ octo, archiepiscopi sex, episcopi quatuor ante se præire contenti sint.

15. Et quia qualis paterfamilias tales et domestici ejus, curandum est, ut non solum patres de concilio, sed eorum familiares decentem honestatem servant. Quilibet igitur familiares suos sæpe admoneat, ne quid reprehensibile aut scandalosum publice vel occulte perpetrare audeant. Huiusmodi familiarium vestes non sint breviores genu, nec diversorum colorum, nec cum scissuris frespis vel (a) brobaturis seu (b) racamaturis; nec deferant carhenas vel alia ornamenta aurea vel argentea, nec cincturas excessive sumtuosas. Sint eorum caligæ unius coloris, similiter et capucia; nec dagas seu cultellos ultra longitudinem unius palmæ deferant.

16. Nemo de suppositis concilii ludat, aut familiares suos inhonestos ludos ludere patiat. Non permittant a familiaribus suis per civitatem cum avibus se associari.

17. Familiæ dominorum de concilio beneficiati vel in sacris constituti, clericaliter incedant, et non laicaliter, tamquam scutiferi.

18. Omnes religiosi existentes in hoc loco sacri concilii, portent habitus suarum religionum in colore, valore, longitudine et amplitudine. Cum incedunt per civitatem, vestes deferant superiores, juxta institutiones suorum ordinum; et canonici regulares pro veste exteriori portent crociam (c), E mantellum vel redundellum.

19. Ne in hoc sacri concilii loco religiosi

A sine causa vagari præsumant, teneantur statim post primam diem adventus sui, præsentare se superioribus suis, vel eorum vicariis, aut procuratoribus; et qui hic non habuerint superiores vel eorum vicarios, repræsentent se generali præsidenti. Et si sine legitima causa huc advenerint, remittantur ad monasteria eorum. Quod si, ut prædictum est, repræsentare se aut, ad monasteria reverti contemserint, de mandato prædictorum suorum superiorum vel præsentis, per soldarium carceri mancipentur.

20. In congregatione generali ac deputabilibus servetur debita modestia in loquendo; nullus alium maledictis aut contumeliis laceat; unusquisque de alio honeste et reverenter loquatur, præsertim minores de majoribus. Nemo alium loquentem interrompat. Uno loquente ceteri silentium servant. Quilibet proferat libere votum suum, ad neminem nisi solum Deum respectum habens. Nemo humana affectione seu passione moveatur. Animadvertant patres de concilio verba illa quæ scribuntur in Paralipomenon: *Videte quid faciatis, non enim hominis exercetis iudicium, sed Domini; & quodcumque judicaveritis in vos redundabit. Sit timor Domini vobiscum, & cum diligentia cuncta facite.* Meminerit ergo quilibet juramenti in receptione sua ad sacrum concilium præstiti, videlicet quod salubre consilium dabit secundum Deum et conscientiam suam. In hoc loco, ubi de communi totius christiani populi salute agitur, omnis minima culpa maxima est, in districto Dei iudicio severiter plectenda. Studeant supposita concilii pacem et unitatem, quam mundo et ecclesiæ dare procurant, inter se prius custodire, unum in Domino id ipsum sentientes omnes. Non sint inter eos chismata, contentiones, et æmulationes. Servent super omnia fraternam concordiam, quia, ut inquit Dominus, *omne regnum in se divisum desolabitur, & domus supra domum ruet.* Nemo suscitetur odiorum ac rancorum fomenta, quin potius extinguat; alter alteri, si forte se offensum putet, ignoscat. Et hoc est alter alterius onera portare et adimplere legem Christi. Nemo juxta juramentum suum vota singulorum revelet, unde veriusimiliter odium sequi possit.

21. Huiusmodi ordinationes et exhortationes quilibet præsidens per supposita suæ deputationis observari faciat, inquirendo diligenter an quisquam transgrediat. Transgressores autem caritative corrigat; et si se non emendent, adhibeat cum consilio aliorum de majoribus suæ deputationis, efficac et opportunum remedium. Promotores etiam concilii sollicite huiusmodi transgressores inquirent & suæ deputationis deferant præsidenti.

22. Quilibet præsidens deputationis in principio suæ præsentie, prædicta in sua deputatione legi faciat, ut supervenientibus innotescant.

23.

(a) Forte bordaturis id est acu depictis seu opere phrygio ornatis.

(b) Racamas est panni pretiosioris species, racamatus videtur idem esse ac ornatus operis phrygii.

(c) Crocia sive crocea videtur esse genus vestimenti, quod ita describit auctor ceremonialis Romani l. 1. scilicet: *Crocia genus chlamydis longa ad terram a parte anteriori aperta, a summo ad imum rugosa, in formam capparum prætorum, sed demas cucullum. Hac omnia Martene*

ANNO  
CHRISTI  
1433.

23. Præsides autem concilii deputet aliquos, qui sollicitent cives, ut ea quæ pro honestate concilii instituta sunt executioni demandentur et debite custodiantur.

Cuthins, die V. Septembris, anno Domini  
MCCCCXXXIII.

ANNO  
CHRISTI  
1433.

MANDATUM AMBASSIATORUM

Regni Bohemæ & marchionatus Moraviæ, lectum in generali congregatione, die Veneris XVI. Januarii MCCCCXXXIII.

MANDATUM UNIVERSITATIS

Pragensis exhibitum per Bohemos in plena congregatione die Veneris XVI. Januarii MCCCCXXXIII.

ib. p. 246.

**R**everendissimis in christo patribus ac dominis præsidenti, cardinalibus, archiepiscopis, episcopis, doctoribus et magistris, totique coetui, ac synodo generali concilii Basileensis, capitanei exercituum, barones, milites, clientes, civitates, et communitates regni Bohemæ ac marchionatus Moraviæ, veritatibus evangelicis adherentes, reverentiam debitam pariterque et honorem, prout decet, sic præfatis exhibere.

Quia audientiam generalem desideranter dudum, veluti diem mercenarii, nos optatam, appropriare cernimus, gratias ipsi Deo cunctorum reparatori, in animis nostris exultanter decantamus; pro cuius quidem utinam felici et toti eccl. salubri sitibunde per nos complemento, sumtibus, laboribus, et quibuscumque gravibus oneribus, huc usque non parebamus, nec modo manus dissolvimus, nec impensis parcere volumus. Vestris quoque adhortationibus et crebris evocationibus, volentes, iuxta apostolum, omnia probare, quod bonum est tenere annuimus et consentimus, dirigentes ad paternitates vestras et concilium præfatum nobiles Willernum de Postupicz capitaneum in Lithomyd, in Gradek residentem, Sencisium de Mokrovus in Ulitz residentem, famosum Georgium de Rzecciez in Cluk residentem, providos et circumspectos, Johannem Velmar civem civitatis majoris Pragensis, Matthiam de Clunopezan, et Gregorium de Curia, revocandos Johannem Rokyczano, et Petrum Payne Anglicum, artium liberalium magistros. Discretos et honorabiles sacerdotes Procopium, exercitus Thaboritarum in spiritualibus rectorem. Nicolaum de Peleizimovvo, Ulricum de Zuoynia, Martoldum de Zbrastanicz, baccalaureos artium studii Pragensis, Martinum rectorem de Chrudin ecclesiæ parochialis in Chrudin, Petrum Sacz, oratores nostros fideles ac carissimos, dantes eisdem plenam potestatem et omnimodam auctoritatem, quam et præsentibus damus, atque concedimus, vota nostra in materia quatuor articulorum aliaque nobis necessaria, consensu cum unanimi, coram spectato concilio proponendi, cum eodem placitandi, conferendi, tractandi, disponendi, immo et concludendi, iuxta ordinationem et dispositionem per vestros pariter et nostros ambassiatore in Egra utrimque congestam, confectam, et exaratam, atque sigillis utrorumque roboratam. Horum in evidentiam sigillum coronæ regni Bohemæ appensum est præsentibus testimonio litterarum. Datum in plena congregatione regni, in Montibus

**R**everendissimis in christo patribus dominis cardinalibus, primatibus, archiepiscopis et venerabilibus episcopis, præpositis, decanis, archidiaconis, ac egregiis sapientiæ ac prudentiæ magistris ac doctoribus; ceteris quoque honorabilibus viris in veneranda Basileensi synodo congregatis, Christianus de Prachtitz canonicus capellæ Omnium sanctorum in castro Pragensi & plebanus ecclesiæ parochialis S. Michaelis in majori civitate Pragensi, rector omnium magistrorum, cæteris totaque universitas studii Pragensis, condignam reverentiam, & profectum in Jesu Christi veritatibus salutarem.

Olim paternæ gloriæ splendor æternus, ecclipsam nesciens, expers umbræ, ac ignorans occasum, ex arcano & imperferutabili divinæ majestatis consilio, nostræ habitationis derivatus ad vallem, in virginæ pudoris aula insigni omnium carissimum redimpta candoribus, Spiritus sancti ministerio humanitatis pelle contectus, lucernam summi fulgoris constituit, quam pro illustratione mirabilis in æquitate templi sui, vivorum ex lapidum conformi unione constructi, in terris ineffabili miseratione perduxit; illuminare his qui in tenebris & in umbra mortis desidiose sedebant, ad dirigendos affectionum ipsorum pedes in viam pacis æternæ. Quæ profecto divinitatis lucerna, infinita fulgoris claritate clarescens, licet varios & innumeros, quatuor tamen præcellentes non indigne creditur protulisse fulgores: quos nimirum quatuor immaculatæ legis veritates ex proprio ipsorum effectu congruo nuncupamus prætextu; atque inter eas singulares privilegii dignitate pollentem, istam ponimus in ordine primam, ut sacramentum divinæ eucharistiæ sub utraque specie, scilicet panis & vini, omnibus Christi fidelibus dispositis libere ministraretur. Secundam, ut verbum Dei libere & sine impedimento ordinate a sacerdotibus prædicetur. Tertiam, quod non licet clero super bonis ecclesiæ donatis, civiliter sæculariter dominari. Quartam, ut omnia peccata mortalia, & specialiter publica, aliæque deordinationes legi Dei contrariæ, in quolibet statu rite ac rationabiliter, per eos ad quos spectat, prohibeantur, destruantur: ita tamen ut circa earum, & cujuscumque ex eis executionem & observantiam sanus sensus & circumstantiæ catholice scripturæ sacræ consentaneæ jugiter observentur. Hi quippe divinæ claritatis fulgores promotivi fidei, roborativi spei, ac binæ caritatis activi, in hoc novissimo ac periculosissimo tempore, quo, heu! abundante iniquitate, perit fides, languet spes, ac fervor castæ dilectionis frigescit, aut torporis præsentium lecto, aut arcentis potestatis modio latuere, operi in detrimentum notabile fidelium populorum, pro quo

ib. p. 247.



rum revelatione ac usu fidei, utpote uni-  
versali ecclesie, salutaris, dudum coram non-  
nullis regibus & principibus, ac status utri-  
usque præsidibus operose instantes, non adeo,  
ut affectabamus, profecimus usque modo.  
Nunc autem ejusdem paterni splendoris,  
orientis ex alto, humanum quoque illuminan-  
tis intellectum, & inflammantis affectum, nutu  
ac dispensatione benigna, pro clarificatio-  
ne eorumdem radorum seu quatuor beatis-  
simarum veritatum præscriptarum per inextin-  
cibilem dignitatum, vestrarum clementiam,  
fraterna & secuta nobis audientia non tan-  
tum caritative offertur: verum etiam ad eam  
magni favoris & gratiae hortamentis mul-  
tiformibus invitatur. Quali quidem munifica-  
benignitate, ac benigna ac munificentia supra  
modum grati pariter & gavisi, veluti de  
germine aut flore fructum allaturo beatum,  
en ad vestrarum dignitatum tam celebrem  
præsentiam, honorandum, & bene meritum,  
nobisque acceptum virum Johannem de Ro-  
ki(fano, artium liberalium magistrum, nostrae-  
que universitatis oratorem, nostrum fide-  
lem, quamquam ejusdem munii onere ab ea-  
dem incluta civitate majore Pragenſi one-  
ratum, duximus transmittendum, & cum  
præsentibus destinamus, concedentes & dan-  
tes eidem plenam & omnimodam potesta-  
tem unum vel plures in consortium ejus-  
dem ministeri, cum eadem plenitudine potesta-  
tis & facultatis assumendi, dum & quotiens  
fuerit aut sibi videbitur opportunum. Ead-  
em quoque salutigeras veritates, juxta foe-  
deris & pacti formam vestrorum & nostro-  
rum legatorum unanimi consensu factam,  
dispositam & ordinatam in Egra, nec non  
ratificatam utrimque litteris & sigillis in pu-  
blica hujus venerabilis synodi audientia,  
voce aut in scriptis propalandi, offerendi &  
declarandi, & super eisdem, si opus fuerit,  
tradendi & conferendi, eisdemque defen-  
dendi, probandi & persuadendi, per ratio-  
nes, per scripturas sacras, ac beatorum do-  
ctorum sententias in eisdem rite fundatas;  
de ipsis quoque sacratissimis veritatibus pla-  
citationem, dispositionem & ordinationem  
rationabilem scripturae sacrae, ac ipsis san-  
ctorum doctorum sententiis consonam, faci-  
endi, acceptandi, approbandi, ratificandi  
& emologandi, in his ac universis & singu-  
lis circa ea quæ dicta sunt, et alias coope-  
rative ad reformationem ecclesiae opportunis,  
promittentes bona fide, sicut præmittitur,  
facta, disposita, et ordinata; acceptata, ap-  
probata, ratificata, et emologata, fideliter,  
inviolabiliter et inconcusse servare, ac si per  
nosmetipsos sponte deliberata et præsentia-  
liter acta, gesta, placitata, disposita, et or-  
dinata, acceptata, approbata, ratificata, et  
emologata fuissent. In cujus rei testimonium  
ac robur perpetuum, sigillum nostrum ge-  
nerale de certa nostra scientia et voluntate  
præsentibus est appensum. Datum Prage  
anno ab incarnatione Domini nostri Jesu  
Christi MCCCCXXXII. die 1. decembris.  
Communio diviniſſimæ Eucharistiæ sub ut-  
traque specie, panis scilicet et vini, est mul-  
tum utilis et saluti expeditus, toti creden-  
tium populo necessaria, et a Domino præ-  
cepta Salvatore.

Peccata mortalia publica, et quantum ra-  
tionabiliter fieri potest, privata, aliaque de-  
ordinationes legi Dei contrarie in commu-  
nitatibus Christianorum, a quolibet statu ear-  
undem, deoite, juxta dictamen divine legis,  
per Christi fideles tam spirituales, quam tem-  
porales, prout congruit utrique, sunt cohi-  
benda, corripienda, castiganda, & pro posse  
ab eisdem propellenda.

Verbum Dei, exemplo Christi & aposto-  
lorum, a sacerdotibus Domini libere & sine  
impedimento fideliter & veraciter debet præ-  
dicari & annuntiari.

Sæcularis possessio, sicut est civile & hu-  
mano ac doctorum sacrorum sententiis pro-  
hibetur clero Christi.

#### SEQUUNTUR ARTICULI

*Qui dicuntur dogmatizati in Bohemia, propositi  
per dominum Legatum in generali congre-  
gatione, die Mercurii 28. Januarii  
MCCCCXXXIII. præsentibus  
Bohemis, &c.*

1. Substantia panis & vini manet in facta. Ib. p. 2.
2. Memento altaris post consecrationem.
3. Accidentia panis & vini non possunt  
esse sine subiecto in prædicto sacramento.
4. Christus non est in ipso sacramento i-  
dentice & realiter in propria præsentia cor-  
porali.
5. In calice altaris, pro consensendo sacra-  
mento sanguinis, aqua nullatenus est admis-  
cenda.
6. Sacramentum confirmationis est inutile  
& supervacuum.
7. Si homo de peccatis suis fuerit corde con-  
tritus, confessio oris exterior apud sacerdo-  
tem est supervacua & inutilis.
8. Sacramentum extremæ unctionis est in-  
utile & supervacuum. Relatum est etiam sa-  
cro concilio, quod nonnulli in Bohemia chris-  
ma & oleum sanctum turpiter dehoneſtant,  
& sæpe ocreas hujusmodi chrisma & oleo  
perungunt.
9. Sacro chrismate nullatenus inungendi  
sunt qui baptizantur.
10. Nullus ritus seu observantia universa-  
lis ecclesie servari debet circa sacramenta,  
tam in vestibus & paramentis sacris, quam  
in lectione sacrae scripturae, orationibus, &  
signando signo crucis, & aliis ceremoniis  
hactenus per ecclesiam observatis.
11. Post hanc vitam non est purgatorium,  
sed omnis anima corpore exuta, siue satis-  
fecerit in vita de peccatis suis, siue non,  
sine ulla mora vadit ad perpetuam gloriam  
paradisi, vel perpetuam poenam inferni.
12. Vanum est orare pro mortuis.
13. Non sunt orandi sancti Dei, nec eo-  
rum suffragia quicquam profunt hominibus.
14. Imagines Jesu Christi, aut salutiferæ  
crucis, ac B. Virginis, & sanctorum Dei  
non sunt venerandæ, sed confringendæ &  
comburendæ. Similiter & reliquiae quorum-  
cumque sanctorum, etiam beatorum Petri &  
Pauli.
15. Jejunia quadragesimalia & alia ab ec-  
clesia indicta, non sunt curanda, nec ser-  
vanda, nec etiam celebratio festivitatum san-  
cto-

horum Dei introducta ab ecclesia.

15. Præcepta ecclesiæ circa habitum & tonsuram clericorum & horas canonicas non sunt servanda; & generaliter nulla præcepta ecclesiæ sunt servanda, nisi ea dumtaxat, quæ continentur specificè & verbotenus in lege evangelica.

16. Si episcopus vel sacerdos existat in peccato mortali, non ordinat, non consecrat, non conficit, non baptizat.

17. Nullus est dominus civilis, nullus est prælatus, dum est in peccato mortali.

18. Populares & subditi possunt ad suum arbitrium dominos delinquentes punire, corrigere ac deponere.

19. Omnes religiones tam monachorum possessionatorum, quam fratrum mendicantium, sunt reprobate, & a diabolo introductæ; & sancti insipientes huiusmodi religiones sunt viri diabolici, & omnes de ordine mendicantium sunt hæretici, & qui dant eis elemosynas peccant.

20. Omnia de necessitate absoluta evniunt.

21. Omnes orationes præfectorum nulli valent.

22. Præscitus habens perfectam fidem & caritatem, non est pro tunc in gratia Dei gratum faciente, nec est pars ecclesiæ; nec habet prælationem in ecclesia. E contra, prædestinatus mortaliter peccans, non est membrum diaboli, nec extra gratiam Dei gratum facientem.

23. Universitates, studia, collegia, & graduationes, & magisteria in eisdem sunt vana gentilitate introducta, & tantum profunt ecclesiæ, sicut diabolus.

24. Nulla excommunicatio papæ vel alterius prælati temenda est.

25. Fatuum est credere indulgentias papæ & episcoporum.

26. Omnia iuramenta illicita sunt quæ sunt in iudiciis, seu ad roborandum humanos contractus, & commercia civilia.

27. Sancta universalis ecclesia est tantum prædestinatorum universitas.

28. Obedientia ecclesiastica est secundum ad inventionem sacerdotum ecclesiæ, præter expressam auctoritatem scripturæ.

Cupit hoc sacrum concilium certificari ab ambassiatoribus Bohemorum, quibus verbis sacerdotes eorum utuntur in consecratione corporis & sanguinis Domini.

Item, an servetur in Bohemia præceptum de matrimoniis non contrahendis usque ad quartum gradum consanguinitatis & affinitatis inclusive; & si infra illum gradum contrahatur, an sit verum matrimonium.

Item, quam potestatem putant sacra concilia generalia legitime congregata habere in ecclesia Dei.

Item, an putent quod papa canonice electus sit vicarius Christi in terris, & successor B. Petri apostoli; & quam potestatem putant ipsum, ac etiam episcopos & sacerdotes habere in ecclesia Dei.

Cupit etiam certificari, an credant Spiritum sanctum procedere a Patre & Filio, & an putent hæreticum, qui hoc non crediderit.

Item, an credant esse hæreticum, qui Concilior. Supplem. Tom. IV.

cumque pertinaciter contradixerit istis quatuor conciliis, Nicæno, Constantinopolitano, Ephesino I. & Calcedonensi, quæ universalis ecclesia veneratur ut sancta quatuor evangelia.

## CEDULA

Data per magistrum Petrum Anglicum, ultra suam propositionem de temporalitate cleri, &c. in congregatione generali, die Mercurii quarta \* Januarii MCCCCXXXIII.

\* f. XXVII.

**H**æc verba sunt, quæ die hesternæ procuratores concilii instantè petierunt intcribi ad acta. Primo, ex quo in actu de dominio cleri seculari facta est mentio, de usu bonorum temporalium licito ipsi clero, de dispensatione; hoc scire dignetur V. P. quod usus bonorum temporalium est ipsi clero licitus, omni refecata superfluitate & superabundantia vitiosa. Sic tamen, quod ipse usus limites evangelicos non excedat, & semper circa hoc servata regula sancti Pauli, hac scilicet: *Habentes alimenta & quibus tegamur, his contenti simus*. Dispensatio vero prædictorum bonorum, quæ abstrahit ab officio instructo, & est impeditiva executionis officii, ab ipso Deo instructo, excedens limites ei \* inimicos, est refecanda. Dominium autem civile ipsi clero Christi non congruit aut convenit, sed nec licet ipsi in propria persona civiliter dominari. Insuper circa prædictum punctum tenemus, quod ad tantum potest iniquitas regnare in clero, quod in defectu spiritualis propoliti, licet brachio seculari auferre bona temporalia a viris ecclesiasticis habitualiter delinquentibus.

## COLLATIO SEU PRÆSENTATIO

Bohemorum, facta coram domino legato præsidente in concilio Basileensi in ipso primo adventu, (a) per magistrum Johannem de Rockozana in suo comedio ad S. Leonardum.

(a) Advenerunt autem dominici a. te epiphaniæ anni 1433. ut docet idem Joh. de Rockozana in ep. ad suos Bohemos.

**I**psè dominus Jesus Nazarenus, qui est & crucifixus, in cordibus omnium nostrum sit abunde fixus, pater reverendissime. Coram paternitate vestra verbum proponendum jam ori affluens est illud: *Benedictus Deus & pater Domini nostri Jesu Christi, pater misericordiarum & Deus totius consolationis, qui consolatur nos in omni tribulatione nostra, ut possimus & ipsi consolari eos, qui in omni pressura sunt, &c.* Cum, heu! his nostris novissimis & periculosis temporibus, refrigerante caritate, & superabundante iniquitate, omnes delinquimus, projecimusque a nobis iudicia Domini vera, iustificata in semetipsa, ac per hoc inutilis facti sumus, cum non sit qui faciat bonum, etiam usque ad unum; ipse tamen Deus benedictus, benignus, multum misericors & præstabilis super malitia, qui non solum Pater misericordiarum, sed est Pater luminum, gignens ex

E c te



ANNO  
CHRISTI  
1433.

jac. x.

Matth. ar.

se vero Deo & lumine lumen verum Deum  
& lumen coeternum sibi & consubstantiale,  
a quo omne datum optimum & omne donum  
perfectum est descendit. Hic, in-  
quam, pater misericordiarum, perfundens  
suae misericordiae & bonitatis radios in or-  
bis quamlibet partem, qui aperit manum  
suam, & implet omne animal benedictione,  
nec est, qui se abscondat a calore ejus, cum  
solem suum oriri facit super bonos & ma-  
los, & pluit super justos & injustos. Hic,  
inquam, talis est, volens reducere deordina-  
tissima nostra ad sua iudicia primitiva, &  
si affligat filios ecclesiae multiplicibus affli-  
ctionibus & variis perturbationibus, non-  
tamen auferit ab illis misericordiam, quia  
est Pater misericordiarum & Deus totius con-  
solationis, sicut in psalmo dicitur. Si au-  
tem derelinquerint filii ejus legem meam, &  
in his incis non ambulaverint, si iustitias  
meas, &c. Ipse enim more illius Samaritani,  
existens Pater misericordiarum, infundens  
vinum, infundit jam & oleum, cum secun-  
dum multitudinem dolorum nostrorum conso-  
lationes suae animas nostras latificaverit. Ex  
merito, quia est Deus totius consolationis.  
Consolatus est namque nos ex hujus vene-  
randi concilii Basileensis simul tanta congre-  
gatione & celebratione; cum sciamus ipsa  
concilia, quae cum sunt debite, rite, legi-  
time per Spiritum sanctum celebrata, pluri-  
morum malorum rescicativa fore & amputa-  
tiva; sicut hoc apparet notanter in primo  
concilio apostolorum, de quo Act. ij. cele-  
brato. Consolatus est de post nos ipse Do-  
minus, qui est Deus totius consolationis,  
de pia ac multum paterna per ipsum vene-  
randum concilium Basileense ad interessen-  
dum principaliter evocatione, sicut hoc ap-  
paret ex epistolarum variam nobis missarum  
certissimis hortamentis. Consolatus est in-  
super nos ipse Deus per securam, tutam, ho-  
nestam, seu honorificam variarum personarum  
et honestarum in hanc civitatem Basileensem  
deductionem. Consolatus est et super hoc  
ipse Deus nos per honestam dispositionem,  
etsi non in actu exercitum, in debita tamen  
dispositione ordinatam, ut in adventu nostro  
& approximatione ad locum civitatis Basi-  
leensis, in via extra civitatem occursum cer-  
tarum personarum, et exitus pro nostri de-  
centi susceptione fuisset celebratus. Harum  
autem omnium consolationum, si tamen aliquid  
sapimus, hoc plene cognoscimus pa-  
ternitatem vestram fore causam & actorem  
unum praecipuum & principalem. Quare nos  
praesentes, nomiae absentium Bohemorum,  
saecularium & spiritualium, grates reddimus  
cum debita reverentia pervalidas cupientes  
paternitatem vestram bene valere, & in longa  
tempora per Altissimum singula confer-  
vantem, in profectum ecclesiae conservari,  
offerentes nos paternitati vestrae in omni-  
bus, in quibus saltem valemus secundum  
Deum, obsequi & famulari. Sperantes de

paternitate vestra, super hoc in Deo con-  
fidentes, quia manum vestram in ulteriora  
dirigetis, ut ea quae sunt veritatis legis Chri-  
sti immaculate iustitia, unionis sanctae & pa-  
cis fortiantur effectum, finem debitum, &  
profectionem. Quoniam nos ipsi sic conso-  
lati, possemus ad propria remeando conso-  
lari & eos, qui sunt in omni pressura &  
anxietate, atque gravi oppressione per bella  
his annis, & diebus periculosis antrinsecus  
contra se mutuo continuata, ut sic reve-  
niamus cum exultatione, offerentes manipu-  
los gaudii, unionis, pacis, & quietis; quod  
ipse Pater misericordiarum, & Deus totius  
consolationis donare dignetur, qui vivit &  
regnat per omnia saecula saeculorum. Amen.

Explicit.

#### SEQUITUR (a) ALIA COLLATIO

Facta per magistrum Johannem de Roco-  
zana ambassiatorem universitatis &  
civitatis Pragensis, in concilio  
Basileensi.

IN nomine ejus feliciter amen, ex cu-  
jus potentia constat totius hujus muni-  
di sensibilibus confecta harmonia; cujus sapien-  
tia entium singularum multitudo est effecta,  
cujus benivolentia in esse persistens extat  
conservata. Illius denique in cunctis huma-  
norum agibilibus & praeteritum fidelis statum  
ecclesiae concernentium, non modo primor-  
diis, verum etiam ipsorum processibus &  
clausulis, humilium pectorum voris sinceris  
supplicandum; & accuratissime est jugiter  
auxilium implorandum quia si quis indiget  
sapientia, possidet a Domino; quatenus om-  
nipotenti virtute, qua nimirum omnium vi-  
sibilibus & invisibilibus entium ingentem ma-  
chinam ab esse ideali sempiterno suae men-  
tis divinae, in esse reale forinsecum ac tem-  
porale perduxit. Nam quod factum est in  
Christo, in ipso vita erat. Sua quoque in-  
comprehensibilis sapientia, qua summe no-  
vit omnia, unde nada & aperta sunt omnia  
in oculis ejus, & irreprehensibiliter disponit,  
gubernat, & regit universa, attingens a  
fine creationis usque ad finem reconciliatio-  
nis & salutis humanae. Sua denique inex-  
stimabili bonitate, cujus quidem participium  
omni plasmati suaviter indidit, ipsumque  
clementi dispensatione fovet & conservat  
in esse, quia aperit manum suam, & im-  
plet omne animal benedictione, solita mis-  
erationis munificentia largiri dignetur huic  
venerando concilio, & nobis coadjutoribus  
ipsius, licet pusillis, efficac posse, perfectum  
nosse, primumque velle differendi, & tractandi  
& disponendi ea quae pro reformatione, u-  
nitione, & pacificatione militantis ecclesiae  
sunt, aut censebuntur quomodolibet oppor-  
tuna; & sic queat, notet & velit una no-  
biscum, propulsatis incommotis, generalem  
toti

(a) In codice Navarrae ita titulus iste exprimitur: Propositio facta Basilea in publica congre-  
gatione per magistrum Johannem de Rokesana magistrum in artibus de Praga, ambassiatorem ex par-  
te Bohemorum cum pluribus aliis destinatum.

ANNO  
CHRISTI  
1433.ANNO  
CHRISTI  
1433.

toti ecclesiæ procurare profectum. Hæc est quippe istius venerandæ concionis, tot dignitatum, tot graduum, totve potentatum concentivæ, ut arbitrat, causa potissima, cunctorum Christi fidelium vere dignis & perpetuis magnificanda præconiis, devotis jugiter exoptanda desideriis, ac omni pariter opera studiosius prosequenda, illorum præcipue qui supra speculam vineæ Domini fabaoth ad hoc dinoscuntur esse locati, ut dissipent & evellant, & ædificent & plantent; propter quam & nunc a gubernatoribus & prædilectis celeberrimi regni Bohemiæ & inclytissimi marchionatus Moraviæ, nos, quamquam inhabiles, legatorum & oratorum præditi ministerio, in hunc locum tot & tantas ambientem personas variarum dignitatum pariter & graduum sumus transmissi. Hæc est siquidem spes, immo ipsa sperata quodammodo res prædictarum regionum, a quibus venimus, & nostri in veritate affectus, metaque nostri & limes itineris, quæ nos de larium nostrorum nota mansione exivit, & a jocundo gentis & sodalium conuburnio segregavit, & tanto itineris, sumptuum, laboris oneri oneroso expositos ad hoc vestrarum epistoliarum discretissimis sumus evocati hortamentis, his attracti & illecti promissis, prout earundem testatur tenor. Offerimus en nos sub ministerii nostri modis secundum Deum possibilibus, ad omnia & singula in materia quatuor articulorum per-  
vius & paratos, & in cooperando atque parendo fideles Dei, si & in quantum, juxta unionis nostræ cum reverendis & religiosis viris & nunciis vestris formam, nuper in Egra digestam, scripturæ sacræ testimonium, una cum beatorum doctorum sententiis in eodem iuste fundatis, locum censoris & præceptoris, absque ulla derogatione in hac sede audientie obtinebunt. Sed cum difficile sit & arduum adicere loqui in medio magistrorum & sapientum, scientibusque legem Dei difficultas esset, & summe arduum est loqui coram altissimo creatore universorum dominatore; difficillimum, inquam, & altissimum negotium esset loqui, non quasi hominibus, sed Deo placendo, non modulatione vel sublimitate sermonis adulterando verbum Dei, quasi gloriam ab hominibus querendo, ne forte evacuetur crux Christi.

2. Cum tamen necessitas nos urgeat, divino auxilio primum implorato, assumo verba: *Ubi est qui natus rex Judæorum? Vidi enim stellam ejus in oriente, & venimus adorare eum.* Matthæi 2. scribuntur hæc verba, & per octavam solemnitatis jam celebratæ in Dei ecclesia decantantur. Quamquam ista digito Dei exarata, & olim ab illis regibus magis, ideo sanctis & beatis, ad Christum properantibus, sint prolata: nobis tamen Bohemis in medio hujus concilii venerandi consistentibus, nostræ necessitati possunt alludere, immo & proposito familiari. Nos namque, Bohemi, quia maledicimur, persecutionem patimur, blasphemamur, deridemur, hereticamur, tamquam purgamenta ejus mundi, omnium peripsema, & spectaculum huic mundo facti sumus; conversi tamen retrorsum ad episcopum pastoremque animarum nostrarum Dominum Je-

Concilior. Supplem. Tom. IV.

sum Christum, cum bona multiplicia supra gentes ceteras a Deo salvatore nostro suscepimus, & de die in diem suscipere non cessamus, dicimus illud B. Job. *Si bona suscepimus de manu Domini; mala autem cur non sustineamus?* Adjicientes ad illud Psalmistæ: *Bonum mihi quia humiliasti me, ut discam justificationes tuas; aspiciamus & in auctorem nostrum consummatoremque fidei nostræ Dominum dicentem: Cum maledixerint vobis, & persecuti vos fuerint, & dixerint omne malum adversum vos mentientes, propter me, gaudete & exultate, quoniam merces vestra copiosa est in caelis.* Et si in viridi hæc faciunt, in arido quid fiet? Sperantesque quia cum tentatione faciet proventum, & universorum creatori in orationibus nostris illud Davidicum dicentes: *Maledicent illi, & tu benedices.* Et super hoc cum Augustino exoptantes. Hic ure, hic seca, ut in æternum parcas; cum eodem Augustino & perferentes secuti de Augustino quicquam libet, etc. secuti de Bohemo quicquam libet sola me in Dei oculis conscientia non acuset. Nam mihi pro minimo est ut a vobis judicer, aut ab humano die. Vos autem, patres reverendissimos, egregios doctores & magistros, ceteros vestros, viros spectabiles & fratres in Domino amandos, quanto obnoxius valemus, in Domino petimus, obsecrantes per viscera Domini nostri Jesu Christi, ut de nobis piam, bonam, & caritativam æstimationem habentes, tamquam de illis qui Dominum Jesum crucifixum quaerimus, dicto Isaia innixi: *Quærent Dominum dum inveniiri potest.* Est namque dignum, iustum, æquum & salutare, ut sic nos existimet homo, tamquam ministros Dei, quia venimus adorare eum, & ipsum præ ceteris creaturis colere cupientes, venimus, inquam, non vacui, sed donarium \* bonæ voluntatis tibi offerentes. Offerimus namque ei aurum, quod regiam: thus vero, quod sacerdotalem concernit dignitatem; & myrrha a corruptione præservans præsto est in manibus nostris: quia omnem corruptelam & fermentum rotam massam corrumpens, optamus de medio status dignitatisque regis & sacerdotalis ejici, & ad bonum debitumque regimen perduc; & sic pro nobis nostraque omnium salutem quaerimus, dicentes: *Ubi est qui natus est Rex Judæorum? Quæ quidem verba sic introducta piam æstimationem prætendunt, ut de nobis habeatis; nam piam & bonam æstimationem homo habens de proximis, secundum regulam caritatis, in columbina simplicitate omnia credit, scilicet ad suum profectum; omnia interpretatur in melius, in omnibus etiam hominibus (a) ædificatur, juxta illud ad Romanos 8. *Diligentibus Deum omnia cooperantur in bonum.* Cum vero inter nos alter de altero, non bonam, sed impiam & malam habet existimationem, contingit vobis ut dicamus mala bonum, & bona malum, & tunc impletur in nobis illud propheticum væ maledictionis, Isaia 5. *Væ qui ducitis malum bonum, & bonum malum, ut jam non solum in malis, sed etiam in justis & bonis propter malam existimationem scandalizemur.* Quod jam est proprium naturæ perversæ & infectæ, quodammodo*

Matt. 5.

1. Cor. 4.

Isa. 55.

\* al. de.  
narium

(a) In N. var. Cod. in omnibus &amp; ab omnibus. Martene



ANNO  
CHRISTI  
1433.

439

in diabolum commutatae, & generationis pravae secundum altitudinem seductae. Inde venit gravis percussio conscientiarum et magna tribulatio animarum, qualis non fuit ab initio. Et hoc a multis, quin ab intimis, et ab iis qui videntur praesent in omni verbo et doctrina, in omni sanctitate et virtute, in tantum quod jam iusti et electi secundum Spiritum Dei ambulantes, contremiscunt et dubitant, ne forte, et ipsi in via recta quae est Christus Jesus, sint seducti. Habens namque bonam et piam existimationem de proximis, gaudium solet habere in Domino, et in Christo cum illis condelectari, juxta illud Psalmistae: *Ecce quam bonum & quam jucundum, &c.* Homines autem omni impia aestimatione et crudeli privati sunt maxima consolatione et dulcedine spiritus caritatis, quae plus reficiunt homines, quam cibus et potus. Bonam namque aestimationem et piam habens de proximis, mala proximorum levius supportat. Nam sicut immensa Dei benignitas omnia mala nostra et gravissima facillime tolerat; sic caritativa existimatio ex amore bono procedens, praedictos mutuos defectus facit modicos et leves. Fit namque cum cari nostri sint infirmi, turpes, foetidi, et despecti; caritativa et bona de eis aestimatio omnia parvipendit, immo plagas illatas ab eis et damna caritativa aestimatio annullat et demolit. Mala autem et impia aestimatio defectus mutuos nimis aggravat, et de his quae etiam nullius sunt momenti facit magna, et quae in se sunt bona reputat vitiosa. Unde homo impiam aestimationem de proximis habens, quamvis sit animal mansuetum, civile, et sociale, cogitur contra naturam fugere consortium hominum; et sic in tali inhumano modo permanens, cum non potest habere cum sanctis angelis contubernium, necesse est quod habeat cum daemonibus participium, a quibus videlicet spiritibus erroris illusio, necessario phantasmata speculari. Vae autem tali soli, quia cum ceciderit, non habet, a quo et unde sublevetur. Hae ergo impia et crudelis existimatio inter proximo est ipsa tyrannis, quae conjuges saepe dividit; hae filios cum parentibus separat, ut patet de David et Absalon. hae ancillas a suis dominabus facit abire in devium, ut patet de Agar et Sara; hae servum facit contra dominum blasphemare, juxta illud Psalmistae: *Existimasti, inique, quod ero tui similis*. Hae amicos in amore diu conjunctos multis perturbationibus aufugit \* et dissolvit, ut patet de Job et suis amicis consolatori onerosis; hae filios Jacob confratrem justum Joseph vendere fecit Ismaelitis in Aegypto; hae discipulos a magistro suo facit abire retrorsum; hae pontifices, scribas et Phariseos facit introire consilium, ut Jesum dolo tenerent et morti traderent; et ut brevius perstringam, ipsa est maximum malum, quod in Christi fidelibus, et praesertim in clericis diabolus niritur seminare, ut per hoc auferat maximum relevamen inter homines, scilicet sustentationem mutuam in bono et resurrectionem \* a malo. Et ideo ad hanc malam et vationem impiam existimationem removendam de no-

\* al. affligit

\* al. revationem

bis Bohemis, et piam ac caritativam existimationem promovendam, optamus ut de nobis Bohemis bonam existimationem retineatis, quia ipsum Jesum in omnibus et super omnia inquirimus, dicentes: *Ubi est qui natus nobis Rex Judaeorum? Vidimus stellam ejus in oriente, & venimus &c.* quae fuerunt verba vestris reverentis proposita. In quibus quidem verbis sic taliter qualiter introductis, tria tanguntur. Primo, enim innuitur firma adhesio et diligens inquisitio Christi, suae legis et evangelicae doctrinae, ibi *Ubi est qui natus*. Secundo, tangitur nobis ad imitandum et inspiciendum illa olim militans. sed jam triumphans ecclesia, velut exemplar et tutissimum obiectum, ibi: *Vidimus stellam ejus*. Tertio, tangitur profundae humilitatis fidele ministerium Christo et suae ecclesiae exhibendum, ibi: *Venimus adorare eum*. Primum tactum est veritas doctrinae, secundum veritas vitae, tertium veritas justitiae, quia sic oportet nos omnem justitiam implere.

3. Dixi ergo primo, quod in verbis propositis tangitur firma adhesio Christi, et diligens suae legis atque evangelicae doctrinae inquisitio, tamquam finalis intentio in suis modis, ibi: *Ubi est qui natus est*, etc. Et hoc non immerito, quia ipsa doctrina evangelica et apostolorum est lex immaculata convertens animas, testimonium fidele, sapientiam praestans parvulis, est optimus modus, est regula, ac verbum (a) dirigendi intellectum hominis et affectum: cui si totis conatibus studuerimus iudicium nostrum subicere, omnem rationis discursum ad ea quae Dei sunt reflectere; ac per hoc si ipsum iudicium ad supremam voluntatem (b) vigilanter ereximus, et quantum conceditur, ad ipsam aequitatem (c) commensuraverimus, tunc facile poterimus, nos ipsos demittere, nos ipsos dijudicare, qui sunt erroris haeretici et qui catholici; quid sit verum, quidve falsum; quid iustum, quid prophanum; necque poterimus esse idonei ad profectum debitum, et augmentum. Nos igitur volentes religiose vivere et regulariter, studeamus summo opere doctrinae praedictae evangelicae, legi perfectae libertatis, quae est verbum Dei, omnes motus nostros, desideria, actus, voluntates, sermones et omnem habitudinem corporis extrinsecam, tamquam infallibili regula coequare, juxta illud ad Corinthios 10. *In captivitatem reducentes omnem intellectum in obsequium Christi*: videamus quomodo et diligenter inquiramus sensus et actus corporis; simul interrogeamus an Jesus Dominus in medio illorum, velut olim in templo in medio doctorem obtinebat locum. Nam vulpes foveas habent et Matth. 23. volucres caeli nidos; Filius autem hominis non habet ubi caput suum reclinet, ut sic fiat in omnibus et ex omnibus, quae inter nos sunt, debitum modus dirigendi ad benedicendum Deum, et dicendum qua David: *Benedic animum meum Domino, & omnia quae intra me sunt nomini sancto ejus*. Sicque ut inquiramus in veritate, dicamus quidem corde, ore et opere: *Ubi est qui natus est rex Judaeorum*. Et tantum de primo principali.

ANN  
CHRIST  
1433

(a) Nave  
Verbum  
Dei

(b) Nave  
Veritate  
vigilante  
exercemus  
(c) Nave  
ad aquas

ANNO  
CHRISTI  
1433.

4. Dixi secundo, quod in verbis propo-  
sitis tangitur nobis ad imitandum et inspi-  
ciendum olim illa ecclesia primitiva jam  
triumphans, velut exemplar turissimum ab  
hac nube: *Vidimus stellam ejus in orien-  
te*. Nam ipsa est velut quoddam objectum et  
et mons, juxta illud Exod. 2. *Inspice & fac  
secundum exemplar, quod tibi monstratum  
est in monte*. Estque diligenter inspicienda  
en imitanda, juxta illud ad Philippenfes 3.  
*Imitatores mei estote, fratres, & observate eos  
qui ita ambulant, sicut habetis formam no-  
stram*. Illa namque ecclesia primitiva lucens  
erat, sicut lux mundi, et in ea luminaria lu-  
centia sicut dicit apostolus Philip. 2. *Inter  
quos lucetis sicut luminaria in mundo, ver-  
bum vite continentia, quia docti fulgebunt  
quasi stelle in perpetuas eternitates*. Dan.  
12. Sed heu! nos presentis ævi non atten-  
dimus ad hæc præclara luminaria, non aspi-  
cimus ad illa primitiva exemplaria, non su-  
mus imitatores sanctorum. Nam illi erant  
olim humiles, benigni, omnes avaritiæ et  
seculi contentores: nos vero superbi et eru-  
deles, avaritiæque et questus sub specie pie-  
tatis amatores, et seculi vanitatum præci-  
pue sectatores. Ille enim olim propriam ab-  
negantes voluntatem, Dei voluntatem usque  
ad mortem explere satagebant; nunc  
vero in ecclesia simulata plerique propriam  
voluntatem usque ad contentum, offensam  
facere Dei non veremur. Illi olim pro sa-  
lute animarum ad grandia se pericula expo-  
nebant; nos vero pro salute nostræ iniquæ  
vitæ mortalis, innumerabiles populos ad pe-  
ricula damnationis exponimus. Olim unus  
de justis magis judicavit mori, quam totus  
populus periret; hodie potius unusquisque  
elegit totam ecclesiam pati gravissimum dis-  
pendium, quam subire momentaneam mor-  
tem vel confusionem. Ibi omnia superim-  
pendebant et superimpendebantur pro salu-  
te æterna hominum. Nos vero omnia et sin-  
gula ad nostra lucra conquirimus\*; quin im-  
mo scripturæ sacræ, censuræ ecclesiasticæ  
potestatis auctoritates, quæ olim data erant  
in ædificationem electorum contra reprobos,  
jam facta sunt contra electos armatura re-  
proborum. In illis olim multitudinis creden-  
tium erat cor unum et anima una, unus  
spiritus et una fides. Jam vero non facile  
invenies duos sibi invicem in Christo con-  
sentientes; quin potius jam impletur illud  
propheticum Jeremiæ 10. *Ergo unusquisque  
a proximo suo se custodiat, & in omni fratre  
suo non habeat fiduciam, quia omnis frater  
supplantans supplantabitur, & omnis amicus  
fraudulenter incedit, & vir fratrem suum de-  
ridebit, & veritatem non loquetur*. Illi olim  
induti veritate ex alto et sapientia, cum ti-  
more Dei ambulant in omni sanctitate et  
veritate; jam vero in omni pravitate deho-  
nestati, absque timore Dei ambulant in hy-  
pocrisis et fitione. Inter illos enim virtus  
et veritas maxime pollebant; vitium autem  
se non nisi in abditis occultabat. Jam vero  
quasi in capite omnium platearum et via-  
rum veritas et virtus habent se jam non  
nisi in angulis occultare. Olim in consortio  
sanctorum virtus et veritas liberum et pro-  
sperum habebant successum, et peccata di-

\*al. ex-  
piorare\*al. tor-  
uemus

gnam sui accipiebant ultionem: hodie vero  
omnis malitia et iniquitas libertate potitur,  
et accipit promotionem. Veritas autem et  
virtus, quæ olim super omnia vincebant,  
jam rursus crucifiguntur, conculcantur et  
ostentui habentur. Et illud quod olim a  
sanctis Spiritu Dei repletis grande vitium  
reputabatur, jam nullum inconveniens, im-  
mo honestas radicatur. Et ita veritas doctri-  
næ quo ad primarum membrum; et veritas  
vitæ primitivæ ecclesiæ patenter discernit  
et dijudicat nostram simulationem; quod vi-  
delicet oblitus sumus donum Dei nostri, qui  
fecit, creavit, nutrit et exaltavit nos,  
propter quod traditi sumus in deceptionem  
et conculcationem gentium, tamquam sal-  
infatuatum, quod ad nihilum valeat jam-  
nisi quod ejiciatur foras, et conculcetur ab  
hominibus. Et merito hæc patimur, quia  
peccavimus in fratrem nostrum Dominum  
Jesum Christum, quem vendidimus, et adhuc  
vendere non cessamus in suis carismatibus  
et sacramentis. Et tantum de secundo prin-  
cipali.

5. Et quia pro his reparandis necessario  
requiritur nobis humilitatis fundamentum;  
ideo dixi tertio, quod in verbis propo-  
sitis tangitur profundæ humilitatis fidele mini-  
sterium, Christo & suæ ecclesiæ exhibendum.  
Et hoc ibi: *Venimus adorare eum, scilicet per  
fidelis ministerii exhibitionem*. Ubi, quæso,  
paullisper perpendite, quod fidele ministe-  
rium Christo, & suæ ecclesiæ exhibendum  
est, omne bonum fortunæ naturæ & gratiæ  
in toto convertere ad indulgentiam proxi-  
morum, & ad gloriam Christi & suæ ec-  
clesiæ, etiamsi opus esset cum detrimento  
vitæ propriæ mortalis, plusquam ad lucrum  
proprium attendendo, juxta illud Philip. 3.  
*Quæ mihi fuerunt lucra, hæc arbitraui sum  
propter Christum detrimenta; verumtamen  
existimo omnia detrimenta esse propter im-  
minentem scientiam Jesu Christi Domini mei,  
propter quem omnia detrimentum feci, ut ip-  
sum lucrifaciam*. Rursus fidele ministerium  
Christi est totam vitam Christi contentibili-  
lem a mundo & penalem præponderanter in  
se sentire, diligere & participare, juxta  
illud ad Philippenfes 2. *Hoc sentire in vobis  
quod & in Christo Jesu, ipsiusque crucis glo-  
riam mundanis valde horribilem, verbo &  
exemplo prædicare, juxta illud 1. ad Cor.  
Nos autem prædicamus Christum crucifixum,  
Judæis quidem scandalum, gentibus autem  
stultitia; ipsis autem vocatis Judæis atque  
Græcis, Dei virtutem, & Dei sapientiam*.  
Potro adhuc & vere humile ministerium  
Christi est omnem altitudinem dominandi,  
sive libidinem extollentem se super omnem  
gradum subjectionis pro peccato debitum,  
abjicere pro Christo, instar Christi, juxta il-  
lud Matthæi 20. *Quicumque inter vos voluerit  
major fieri, fiet vester minister, id est par-  
vulum se habeat cum subditis & inferiori-  
bus, & intendat quod non ipse sit Domi-  
nus, sed magis Dominus Jesus Christus; &  
quicumque voluerit inter vos primus esse, erit  
vester servus*. Id est intendat ut non sibi  
servitium, subiectio, timor, honor vel glo-  
ria impendatur, sed magis Dominus Jesu  
Christo. Item, adhuc vere humile ministe-

ANNO  
CHRISTI  
1433.

rium



ANNO  
CHRISTII  
1433.

443

rium exhibendum est vere recognoscere proprium delictum, quantum sit injustum, quantum offenderit propriam animam, quantave sit offensa contra dominatorem tantæ majestatis infinitæ, & tantum proportionaliter continue dolere, & quantum Deo displicet, detestari; ad hanc veram recognitionem priorum delictorum pervenerat, olim ille latro, qui in cruce punctus dicebat ad alterum, Luc. 23. *Nos digna factis recipimus*. Ad hanc pervenerant olim filii Jacob, qui olim poenitentiam agentes dicebant: *Memento hæc patimur, quia peccavimus in fratrem nostrum*. Ad hanc pervenerat olim ille, qui post periculosum lapsum, ex profundo cordis clamavit: *A peccato meo munda me, quoniam iniquitatem meam ego cognosco*. Ad hanc pervenerat olim ille piscator, qui vitam multitudinis piscium in navi, consideransque dignitatem Domini sui, trepidulus exclamavit: *Exi a me, Domine, quia peccator sum*. Et hæc est scientia sanctorum. Et revera, ut dicitur Sapientiæ 13. *Vani sunt omnes homines, in quibus non fuisse hæc scientia Dei*. Et pro hac oravit omnis sanctus in tempore adhuc hujus vitæ opportuno, ad quam timeo, heu! quod nos nondum pertingimus. Vereor ne hucus illi de quibus dicit Apostolus: *Semper discites, & numquam ad hanc scientiam veritatis pervenietes*. Nihilominus tamen, utinam totis nostris studiis & conatibus ad hanc veram & temporaneam recognitionem limpide veritatis veniremus, ut hic humilitati & tribulati, exaltaremur in futura gloria per dominum scientiarum, agnum, humilissimum ab origine mundi occisum, in ligno maledictum, quem decet laus, & honor, & imperium, cum Patre & Spiritu paracrito in sæcula sæculorum. Amen.

#### POSITIO MAGISTRI JOHANNIS

De Rokasana Pragensis,

Coram patribus sacri concilii Basileensis pro parte Bohemorum proposita.

*Communio diviniſſimæ Eucharistiæ sub specie utraque, panis scilicet & vini, utilis multum & saluti expediens, toti credentium populo est necessaria, & a Domino præcepta Salvatore.*

1b. p. 262.

Cum super omnia desideramus honorem Dei, profectum sanctæ ecclesiæ, & quod sumus fidelia membra Jesu Christi Domini, qui est caput & sponsus ecclesiæ sanctæ, quam redemit; protestamur quod corde credimus, & ore ad salutem profiteamur, quia in spe Domini nostri Jesu Christi tenuimus, tenemus & firmiter tenere desideramus omnem credibilem veritatem Deo nostro placitam; consistentes corde integro totam legem Christi, tam firmæ veritatis existere, quod nullum jota aut apex ipsius fallere potest; cujus singulos credimus articulos ad illum intellectum, ad quem benedicta Trinitas et Dominus Jesus præcepit, & vult a quocumque suo fideli membro credi. Cre-

#### BASILEENSE G. CONCILIUM.

444

dimus insuper domum suam sanctam ecclesiam, fundatam tam firmiter super firmam petram, quod portæ inferi non possunt adversus eam quomodolibet prævalere. Quæ, secundum Gregorium & Augustinum, est universitas fidelium per totum mundum diffusa, crescit & fructificat in mundo universo: adjicientes quia p.onti sumus in spe ipsius capitis Christi Domini, mortis dicæ potius sustinere supplicium, quam electivè aliquid dicere vel asserere, quod foret Christi suæque ecclesiæ veræ sponse contrarium voluntari. Submittentes, nos, sicut & prius submisimus, ac in posterum submittere humiliter volumus, hujusmodi sacratissimæ legis ordinationi, & reconciliationi, ac obedientiæ; si forte, quod absit, aliquid talium diceremus, sentiremus vel teneremus ex ignorantia, inadvertentia, aut quavis alia negligentia & imperfectione, quod Deo & suæ legi contrarium foret & adversum; habemusque ex nunc prout ex tunc, & ex tunc prout ex nunc, pro non dicto; parati emendare quicquid dixerimus, docti quod sit contrarium veritati. Omnem etiam sententiam doctoris cunctumque in lege Dei iuste fundatam, & Spiritu sancto efflagitatam (a) approbamus. Propter quod clamamus ad Dominum Jesum, & dicimus: *Emitte lucem tuam & veritatem tuam, ipsa me deduxerunt & adduxerunt, &c.* & alibi: *Notam fac mihi viam in qua ambulem. Spiritus tuus bonus deducet me in terram rectam, &c.*

Ipsam autem veritatem evangelicam, pro qua modo inter plurimos est disceptatio, puta de communione duplicis speciei ad laicos præsertim, quod sit præcepti & necessitatis, in propositione modo coram vestris paternitatibus & reverentis proposita, pro præsentī probare proponimus.

1. Auctoritatibus divinæ legis.
2. Firmissimis sanctorum dictis & sententiis.
3. Exemplo & praxi sanctorum primitivæ ecclesiæ.
4. Conciliis antiquis roborando; & sic judicem pro nobis dicentem, & nostræ praxi alludentem, juxta dispositionem in Egra factam, velut digito demonstrabimus. Sed antequam ad probationes ipsas accedamus, primum terminorum acceptiones, nostris propositis deservientes, & nostram intentionem exprimentes, enodabimus.

Unde primo noto, quia hic tractabitur & fiet sermo de communione corporis Christi, quod hoc complexum est: Communio corporis Christi tribus modis accipitur, secundum communem usum sermonis. Dicitur enim communio corporis Christi, societas ipsorum sanctorum, secundum Augustinum, prout ecclesia sanctorum, & solum talium est unum corpus Christi mysticum, cujus caput est Christus, in qua ecclesia seu communitate fidelium, talis est & tanta unio, ut quodlibet membrum ejus sit particeps omnium bonorum, quæ sunt in ecclesia, & tota ecclesia in nullo bono a singulis membris dividatur, nisi sit membrum per mortale peccatum mortuum & abscissum. Exemplum illius accipe de corpore humano, penes do-

ANN  
CHRIS  
1433

(a) For  
& a Spi  
tu sanct  
afflatam

Notabi  
1. Not  
le.

animam apostoli in multis locis. Et de illa communione, id est omnium beatorum bonorum participatione, quae sunt in ecclesia, est articulus in symbolo, ubi dicitur: *Sanctorum communionem.*

Secundo modo communio significat sacramentum corporis & sanguinis Jesu Christi, per cuius functionem dignam homo ingeritur ad communionem primo modo acceptam, & sit de societate sanctorum. Et istud dicit Augustinus in homilia super Johan: illo verbo evangelii: *Caro mea. vere est cibus,* & *sanguis meus vere est potus,* dicens: Corpus Domini a quibus sumitur, immortales & incorruptibiles reddit, & facit socios ipsorum sanctorum, ubi pax erit perfecta & unitas plena. Propterea quippe, sicut etiam ante nos hoc intellexerunt homines, Dominus noster Jesus Christus corpus & sanguinem suum in his rebus commendavit, quae ad unum rediguntur. Ex multis namque granis panis unus conficitur, & ex multis racemis vinum confluit. Et idem super verbo illo: *Litigabant ergo Judaei,* dicit: Litigabant, quia panem hunc non intelligebant. Nam qui manducant hunc panem, non litigant ad invicem, quoniam unus panis & unum corpus multi sumus, omnes qui de uno calice & de uno pane participamus; & per hunc facit Deus unius moris habitare in domo. Haec ille.

Tertio, accipitur communio pro congregatione omnium credentium in Christum, & fide formata caritate, & fide informi bonorum christianorum simul & malorum, & haec est vulgaris acceptio communionis & minus propria; & ab ista communione sic accepta, fit excommunicatio hominum a iudicibus ecclesiae, quae fertur quamplurimum non pro mortali peccato, contra hominem, & quandoque solum de facto & non de iure, quandoque non de iure & de facto, sed solum pro venialibus.

Prima communio est dicta principaliter & proprie, & est solum bonorum.

Communio secundo modo accepta, dicitur proprie ab effectu quem facit, sed non principaliter, nisi solum ob rationem primam; & est malorum & bonorum, quantum ad sacramentalem manducationem.

Communio tertio modo accepta, est dicta neque principaliter neque proprie; quia boni christiani cum malis habent unitatem vitae & spiritus in Christo, sicut vivum membrum cum mortuo, & lumen cum tenebris; unde Apostolus 1. Cor. 10. *Non potestis calicem Christi bibere & calicem demoniorum.* Et alibi 2. Cor. 6. *Quae est conventio Christi ad Belial? aut quae participatio lucis ad tenebras?* Sed solum huiusmodi communio bonorum christianorum & malorum, est dumtaxat in actu credendi, & in conversatione mutua, in caeremoniis, in adinventionibus, & traditionibus seniorum, & in ecclesiae sacramentis.

Ex quo notabili hoc patet, quod omnis qui est de prima communione, est dignus secunda & tertia; & omnis qui indignus est prima, indignus est secunda & tertia; quavis non omnis qui eiectionis est de tertia, pu-

ta per excommunicationem iudicis, eiectionis est de prima & secunda. Patet hoc; nam multi sententiam ferunt iudicis sine crimine mortali.

Sequitur secundo: magis est timendum ejici de communione primo modo accepta, hoc est per mortale peccatum, cuilibet christiano, quam ejici de secunda vel tertia. Et minus est periculosum & incautum communicare cum scito excommunicato a iudice, quam cum scito mortaliter peccante. Patet; quia primum quandoque prohibetur solum a iudice errante in sententiam ferendo, & non a Deo: sed secundum prohibetur a Deo & ab homine non errante. Unde Apostolus Ephes. 5. *Nolite communicare operibus eorum infructuosis tenebrarum.* Item, secundum est plurimum contagiosum, & communicativum peccatis aliorum; primum vero quandoque non.

Sequitur tertio, quod notorii peccatores seu manifesti, obligati peccatis, ut adulteri, moechi & concubinarij, ac usurarii, istam manifestam invicem exhibentes, debent a communione sanctorum repelli; ita ut publice a secunda communione & a tertia fidelium expellantur: ut sciant fideles cum talibus non communicare in sacramentis, nec etiam conversari, ne malis eorum polluantur, & ne tamquam consentientes puniantur.

Exemplum illius habetur a Moyse de Dathan & Abiron, num. XVI. ubi, Moyse ex mandato Dei dicit ad turbam populum: *Recedite a tabernaculo hominum impiorum,* &c. Et ad hoc est praecceptum Domini Deut. 13. in multis locis veteris testamenti, ubi iussit Dominus auferri malum de medio Israel, ne multus populus a contagione lethali unus iniqui pollutus, communiter experiat divinum ultionem.

Idem patet ex evangelio. Nam si excommunicantur fideles, ut jam dictum est, a tertia communione per sententias iudicum, quandoque propter causas pecuniales & profanas, & plerumque innocenter, vel solum propter peccata venialia, utpote pro modica offensa clerici, vel negligentia ad parendum iuri in praesentia iudicis, vel alias pro inobedientia, quae non procedit ex contemptu Dei, vel superiorum; sed solum ex infirmitate, vel ex ignorantia juris vel facti: qui tamen tales nullo modo sunt a prima communione & secunda eiectionis, quia eos Deus nequaquam sine culpa mortali excommunicavit: Quare igitur non excommunicentur illi praedicti notorii peccatores ita solemniter, ut dictum est, puta ex nomine, et in publico, pulsatis campanis, &c. Ex quo jam de facto sunt a prima communione eiectionis per Dei iudicium, & a secunda deberent repelli; quia ex contemptu Dei & ejus ecclesiae peccant, & quia sunt contagiosi sanctae plebi ex multis causis: tum quia plebs videns eos non puniri per ecclesiam, & publice, credunt ea esse non peccata quae ipsi faciunt, vel credunt non esse tanta peccata & tam gravia, prout in se sunt; vel non tantum exhorrescunt talia admittere, videntes ea impunita transire; tum quia alligant & ipsi alios ad peccandum peccatis simili-



ANNO  
CHRISTI  
1433.

similibus: tum quia facilius admittuntur alia peccata forte majora, & habent excusationem suae malitiae, dicentes: Modo isti talia faciunt & isti talia, & tamen impuniti pertransiunt, & dicunt tunc: deberent omnes damnari, quia talia faciunt. Ac si dicerent: Non est verum, quod hoc sit peccatum, quod sacerdotes ostendunt esse peccatum; tum quia tota communitas damnatur coram Deo propter tales publicos peccatores, & luit poenas divinae vindictae, & merito & iuste condemnatur; quia permittit Deo suo ita publice adversari, Deum palam contemnere & blasphemare impunito, ex quo nullus zelans contra tales iniquos pro Deo ab ejus dilectis exhibetur. Merito, inquam, plagandi sunt quemadmodum consentientes, sic facientes.

Exemplum habes in multis locis in veteri testamento, ut de idolo Beelphegor & Belis, ubi tota communitas subiecta fuit divinae vindictae, & passa est propter quosdam nequam moechos. Sed & principes tribuum iusti sunt suspendi in patibulis contra solem num. 25. Ex hoc: Vae principibus, quoniam durissimum iudicium pro eo cum his qui praefant fiet, donec Phinees zelo Dei iratus, duos coeuntes in inguine perdidit, & tunc cessavit quassatio. Et similiter de Achor, Josue 7. anathemate, & de Jonatha 1. Reg. 14. & de aliis valde multis, ubi tota communitas fuit confusa, propter crimen personae unius, & est tota plebs passa exitium & iacturam. Et idcirco modo etiam veniunt pestilentiae publicae, & strages, & fames, & in populo Christiano debacchantur; quod inde videtur manifeste evenire, quia nequam huiusmodi, publice peccando, publice Domini nostri Jesu factis blasphemando, permittuntur cum fidelibus communicare in ecclesia divinis sacramentis, & impune pertransire.

Etiam notandum, quod quia dicitur communio divinae eucharistiae eucharistia, ergo dicitur panis & calicis sacramentum. Patet 1. q. 1. Multi per gregem.

Item secundo noto, quod differentia est inter istos terminos: licet, expedit, & necessarium; quod ponit Apostolus 1. Cor. 4. ubi dicit: Omnia mihi licent, sed non omnia expediunt. Omnia mihi licent, sed ego sub nullius red gar ptestate in quo notat necessarium. Ponit etiam differentiam inter ista magister David in libro de septem processibus hominis spiritualis. Illud licet, quod potest fieri honeste & sine peccato. Sed illud dicitur expediens, quod facere quidem est honestum & utile homini; necessarium vero est illud, quod homo tenetur facere, & si non facit, peccat & damnum incurrit. Item, licitum est illud quod lex permittit, vel indulget, & rationi consonat, sed expediens est illud, quod lex consultit, & ratio persuadet: necessarium autem, prout est ad propositum, & prout communiter in moralibus accipitur, est illud quod lex praecipit, aut quod fieri prohibet, vel quod ratio requirit, dicens omnino faciendum.

Duplex  
necessitas.

Tale autem necessarium duplex est five necessitas; videlicet simplex seu simpliciter dicta, aut absoluta; & ista est inevitabilis.

Alia est necessitas conditionata; & hanc distinctionem ponit Augustinus & habetur transumptive, 23. q. 4. Nabuchodonosor. Et Aristoteles expresse 5. Metaphys. c. 5. et in Periermeneias, et venerab. Boetius vi. prola 5. et in ea fere concordant omnes philosophi & doctores. Necessitatem simplicem vocant philosophi, quae non potest non esse, vel ejus contradictorium est simpliciter impossibile. Necessitas vero conditionata, vocatur necessitas non inevitabilis, sed ex certa conditione adiecta una vel pluribus, quam scilicet faciunt conditiones circumstantes, ut locus, tempus, commoditas, facultas, idoneitas, cum aliis similibus, quibus positus sit necessitas; sed illis demtis, cessat necessitas.

Et sic loquendo de absoluta five simplici necessitate, dicunt doctores, quod nullum sacramentum sensibile est de necessitate absoluta; quia sine quolibet tali potest fieri salus. Exemplum de bapt. dicit Thomas parte 3. q. 67. ar. 11. quod praeter baptismum aquae potest aliquis consequi effectum sacramenti ex passione Christi, non solum sine baptismo aquae, sed etiam sine baptismo sanguinis. Et idem dicit q. 68. ar. 12. ubi allegat Augustinum dicentem super Leviticum, Invisibilem sanctificationem quibusdam affuisse & profuisse sine visibilibus sacramentis, visibilem vero sanctificationem, quae sit sacramento visibili five invisibili posse adesse, sed non prodesse. Haec ille. Et subdit Thomas:

Quod sacramentum baptismi est de necessitate salutis re vel volor; quia non potest esse homini salus, nisi saltem in voluntate habeat, quae apud Deum pro facto reputatur; & subdit ibidem: Potest ergo alicui sacramentum desisse re, sed non voto; sicut aliquis baptizari desiderat, sed aliquo casu praeventur morte antequam, baptismum suscipiat; talis sine baptismo actuali salutem consequi potest propter desiderium baptismi, quod procedit ex fide per dilectionem operante, per quam Deus interiori sanctificat, cujus potentia sacramentis visibilibus non alligatur. Haec ille. Et allegat ibidem Ambrosium, & consequenter intelligit de quolibet alio sacramento, quod nullum tale est necessitatis; loquendo autem de necessitate conditionata, dico quod necessitatis quinque sunt sacramenta, scilicet baptismus, confirmatio, poenitentia, ultima unctio, Corpus Christi. Ad idem est Hugo 1. de sacramentis parte 2. c. 1. qui dicit quod virtus Dei ex necessitate elementis non subditur, etiam si gratia Dei ex dispensatione per gratiam donetur. Hinc est quod quosdam etiam sine ejusmodi sacramentis iustificatos legimus & credimus salvatos, quemadmodum Jeremias in utero sanctificatus legitur, et Johannes Baptista ex utero matris Spiritu sancto implendus prophetatur. Et qui sub naturali lege Deo placuerunt, haec sacramenta habuisse non legimus, de quorum tamen salute nequaquam dubitamus in terra. Sed dicitis: Quomodo hoc intelligemus quod scriptum est: Nisi quis renatus fuerit ex aqua & Spiritu, &c. Et ego te interrogo: Quomodo intelligendum putas, quod scri-

ANN  
CHRIS  
1433

ANNO  
CHRISTI  
1433.ANNO  
CHRISTI  
1433.

scriptum est: *Qui credit in me mortem non videbit in aeternum?* Tu dicis quoniam qui hoc non facit, non damnatur. Quis ergo medius locus erit ejusmodi homines capiens, nec salvandos, qui aquam non habent, nec damnandos, quia fidem habent. Est homo qui fidem habet, & cum fide dilectionem; aquam non habet; non tamen contemnes, sed aquam habere volens, & non valens: hunc ergo aqua absens damnabit, & non potius fides et devotio praesens salvabit? Quid ergo, ais mihi, illud cum sacramentis? Habeo fidem et dilectionem et virtutes alias, et bonus ero et sufficit mihi. Vide ergo si dilectionem Dei habere potes et praecipua ejus contemnere. Si ergo dilectionem Dei habes, stude, satage, conare quantum potes perficere mandata ejus. Et si incidis in necessitatem, quare pietatem. Si enim necessitas non est quae praetendatur, contentus non excusatur. "Hæc ille."

III. Nota  
hic.

Tertio, noto quod praecepta divina habent se in duplici differentia; quaedam enim sunt quae obligant ad semper, & pro semper. Ad semper, id est omni tempore; & pro semper, id est pro qualibet parte temporis, ut est diligere Deum; &c. Alia sunt praecepta quae obligant semper, id est omni tempore, sed non pro semper, id est pro qualibet parte temporis; & talia sunt: Praedicare, elemosynare, jejunare, celebrare, communicare, circumstantiis quibuscumque, quae habent objecta extrinseca, contingentia, multipliciter variabilia. Et de praeceptis isto modo dicit Augustinus lib. 1. quaestionum Exodi q. 42. "Aliquid est quod praecipitur quousque, quae fiat, ut quod septies circuiret muros, arca: alud cum praecipitur sic observari, aliquid, ut nullus terminus praefigatur observationis, sive quotidie, sive per menses, sive per annos solemniter, sive, per multorum sive certorum annorum, certa intervalla." Hæc Augustinus. Et isto modo capiendum necessarium & praecipuum in proposito volumus ipsis Duri.

Prima pars  
propositionis.

His notabilibus praemissis, accedo ad primam partem propositionis, quae dicit: Communio divinissimae eucharistiae sub specie utraque panis scilicet & vini, utilis multum est & saluti expediens. Quam probo per illud Johannis VI. *Qui manducat meam carnem & bibit meum sanguinem, habet vitam aeternam*, &c. Et iterum: *Qui manducat meam carnem & bibit meum sanguinem, in me manet & ego in illo*. Et infra: *Qui manducat hunc panem, vivet in aeternum*, &c. Ecce quanta utilitas dignae communionis: quia vita aeterna incorporatio Domini Jesu sive intima mansio in Deo salutari nostro. Nam nulli & per nullum aliud modum datum est hominibus fuit Deo vel participare Deo tam intime & proprie, & ita in promptu, cullibet volenti, & ita in abundantia gratiarum coelestium; neque ita proxime vel immediate, neque ita apte homini & dulciter, sicut in communione corporis sui & sanguinis dignae celebrata; dum tamen cetera sint paria, ubi omnis plenitudo divinitatis inhabi-

Concilior. Supplem. Tom. IV.

tat corporaliter, secundum Apostolum Cor. 2. & ubi sunt omnes thesauri scientiae & sapientiae Dei absconditi. Unde Lira super illo verbo: *Qui manducat meam carnem*, dicit:

"Ostenditur hujus sacramenti utilitas, quae est augmentatio in vita spirituali, sicut cutibus corporalis non solum nutrit & conservat vitam: sed deducit ad perfectam quantitatem; sic hujus sacramenti usus perducit hominem ad gratiae consummationem quae est gloria aeterna. Hæc ille. Et Gorra super Johannem vi. dicit, quod sacramentalis manducatio praestat utilitatem multam, quia virtute sacramenti augetur in nobis omne bonum. Hæc ille. Sic Alexander papa, quintus a beato Petro, dicit & habetur de consec. di. 1. "Nihil in sacris, scilicet majus esse potest, quam corpus & sanguis Christi, nec ulla oblatio hac potior est; sed omnes hæc praecellit. Hæc ille. Quare sequitur quod utilis est & expediens salutis divinissimae eucharistiae utraque communio, si fuerit digne celebrata."

Sed ut hoc clarius elucescat, sic persuadetur: Caro namque Christi sub prima specie valet ad tuitionem corporis, cum per ipsam tuetur a concupiscentiis carnis, & fomines reprimuntur, atque tentatio debilitatur, juxta illud Psal. *Et panis cor hominis confirmat*. Sanguis vero, teste Ambrosio, suffus est, & sumitur pro anima, quia sanguis suas efficacias principaliter exercet in anima sumentis, scilicet ineffabilem exhilarationem animae in Christo, juxta illud Psal. *Et vinum latificet cor hominis*. Et hoc significat beatus Ambrosius super illud 1. Cor. XI. *Quotiescumque manducabitis panem hunc & calicem bibetis*, dicens: Quia in morte Christi liberati sumus, hujus in edendo & bibendo carnem & sanguinem memores esse debemus, in hoc consecuti novum testamentum, quod est nova lex, quae obediens sibi tradit coelestibus regnis. Testamentum ergo sanguine constitutum est, quia beneficii Domini sanguis testis est. Unde ad tuitionem corporis & animae percipimus, quia caro Christi pro salute corporis, sanguis vero pro anima nostra sumitur & effusus est, sicut praefiguravit Moyses dicens: Caro, inquit pro corpore, vestro offertur, sanguis vero pro anima; ideoque non manducandum esse sanguinem, lex praecipit. Hæc ille.

Ad idem est S. Thomas parte 3. q. 74. art. primo, sic dicens: "Tertio quantum ad effectum consideratum in unoquoque sumentium, quia, sicut dicit Ambrosius super epistolam, hoc sacramentum valet ad tuitionem animae & corporis; & ideo caro Christi sub specie panis pro salute corporis, sanguis vero sub specie vini pro salute animae confertur, sicut dicitur Gen. 12. Anima animalis in sanguine est. Hæc Thomas. Item pro parte eadem q. 76. art. 2. ubi sic: Tertio, quantum ad effectum, est conveniens dare sub diversis speciebus ipsis fidelibus, eo quod corpus Christi exhibetur pro salute corporis, & sanguis pro salute animae. Hæc ille."



ANNO  
CHRISTI  
1433.

451

BASILENSE G. CONCILIUM.

452

Eriam patet utilitas communionis sub specie utraque. Sic namque est utilis & saluti fidelium expediens communio sub utraque specie, quia procedit ad augmentum gratiarum ex percepta digne sive celebrata huiusmodi communione. Patet hoc per beatum Augustinum super Psal. 22. in gloss. ord. super illo verbo: *Et calix tuus inebrians quam praeclarus est*, sic dicentem: „ Qui calicem, id est sanguinem Christi, per se ponit, quasi aliam gratiam a mensa, id est a carne, ponit: cum tamen nec caro sine sanguine, nec sanguis sine carne possunt esse, vel sumi, nec ibi sunt duo sacramenta, sed unum. Sed quia nec caro, est sanguis, nec sanguis est caro; & panis in carnem convertitur, & vinum in sanguinem, & non e contrario; & sub diversis speciebus utrumque sumitur; ideo diversas gratias. „ Hæc ille. Ubi patet expresse per Ambrosium, Thomam & Augustinum diversa gratia sive efficacia, & diversi fructus, quando sub duabus sumuntur speciebus. Quare ergo fideles intelligere debent radicem suæ utilitatis ex communione digna sub duplici specie provenientis, puta augmentum proveniens divini muneris & efficaciac divinæ.

Adhuc pro eodem est Albertus libro suo de officio missæ, sic dicens: „ Hic ultimo dicendum de propriis effectibus operatione, de quo quidem faciunt quæstionem, quia enim totus Christus cum sanguine & anima & spiritu & divinitate habetur sub specie istius cibi, qui est panis, videri potest alicui, quod nihil operationis in sacramento habet potus sub specie vini. Si enim dicitur de natura, quod non abundat superfluis, neque deficit in necessariis, cum omnino maior sit gratia quam natura, videtur quod in gratia nihil est superfluum. Cum igitur totus Christus cum sanguine habeatur sacramentaliter sub specie panis, videtur quod totum superfluit id quod additur sub specie vini. Hæc ille. Deinde respondendo transcurrit omnes evangelistas, allegans quomodo Christus in utraque specie hoc sacramentum instituit; quibus adductis sic loquitur: „ Ex omnibus istis capitur, quod Christus sub una specie panis corpus suum tradidit, & sub altera specie vini tradidit sanguinem, & sic servandum instituit; & cum Christi actio nostra sit instructio, pro certo hæc duo nobis servanda esse præcepit; & ideo sub una specie corpus, & sub altera tradimus sanguinem. Et infra. „ Et sicut post nutrimentum corporale, sumitur potus ad perfectionem nutrimenti, ita in nutrimento spiritali datus est potus spiritalis ad perfectionem nutrimenti spiritalis, qui a nutrimento divinam habet operationem in satisfactione sitis & latatione nutrimenti. Adhuc autem divinam habet operationem sanguis a corpore. Corpus enim dedit Christus in communione suæ & membrorum, sanguinem autem dedit in redemptionem. Istæ autem divise sunt operationes. „ Et sequitur post pauca: „ Divise ergo essentialiter ad invi-

cem sunt gratia communionis, scilicet in specie panis, & gratia redemptionis, in specie vini. Cum ergo Deus sic ordinaverit & multiplicaverit sacramenta, quod omnes gratias sacramentales habeamus in sacramentis, & alia gratia sit redemptionis per sanguinem, quam communionis per corporis summionem, non sufficit habere in sacramento elementum signans communionem, nisi etiam haberetur elementum signans redemptionem. Et sic Christus hac ratione instituit utrumque. Hæc ille. Etiam apparet manifeste utilitas communionis sub specie duplici, quæ duplicem efficit in anima capaci operationem. Nam, alterius est efficaciac potus sacramentalis, quam cibus; quia divinam habet operationem potus a nutrimento, sicut dicit Albertus.

Item, ad idem est Innocentius lib. suo de sacramento eucharistiæ sic dicens: a simili modo licet sub alterutra specie sumatur utrumque, idest corpus & sanguis, utraque tamen species consecratur, & neutra superfluit, ut ostendatur quod Christus naturam humanam totam assumpsit, ut totam redimeret. Panis enim refertur ad carnem & vinum ad animam, quia vinum sanguinem operatur, in quo sedes est animæ. Unde legitur in Levitico: *Anima carnis in sanguine est*. Moyses quippe testatur, quod caro pro corpore, sanguis vero offertur pro anima. Quocirca panis & vinum in sacrificium offeruntur, quod valet ad tuitionem carnis & animæ: nec, si sub altera tantum specie sumeretur, ad alterius tantum putaretur pertinere salutem. Et quamvis sanguis sub specie panis sumatur cum corpore, & sub specie vini corpus sumatur cum sanguine; tamen nec sanguis sub specie panis, nec corpus sub specie vini bibitur aut comeditur; quia, sicut nec sanguis comeditur, nec corpus bibitur, ita neutrum sub specie panis bibitur, aut sub specie vini comeditur. Et si concessibile videatur, quod corpus bibendo vel sanguis comedendo sumatur. Est ergo modus sumendi carnem & sanguinem, quo neutrum manducatur aut bibitur hæc ille.

Et cum teste Thoma p. 3. q. 64. ar. 1. idem agens principale utitur diversis instrumentis ad diversos effectus, secundum congruentiam operum; & similiter virtus divina & passio Christi operatur in nobis per diversa sacramenta, quasi per diversa instrumenta. Hæc Thomas. In duplici ergo specie cum sint diversa instrumenta, sequitur quod virtus divina per eas diversas efficacias operatur.

Ex quibus luce clarius patet, quam magnum bonum utile & saluti expediens faciunt, qui digne divinis sacramentis eucharistiæ sub utraque specie sumunt. Ut autem luculenter utilitas appareat communionis divinis eucharistiæ sub specie utraque, quamque sit expediens saluti hominis, præsertim communio divinis calicis, pro qua his diebus labores & plurimæ difficultates emerferunt, est advertendum. Ipsum namque sacramentum sanguinis Christi sub specie vini ha-

ANN  
CHRIST  
1433.

De trib  
effectib  
sacrame  
sanguin

habet sibi proprios effectus salutis fidelium valde utiles, qui per formam sue consecrationis exprimentur, puta istos: remissionem peccatorum, eternitatem gloriæ, meritum fidei. De quibus dicit Th. parte 3. q. 76. ar. 3. Quod per hæc verba: Hic calix sanguinis mei, significatur ipsa conversio vini in sanguinem; per verba autem sequentia designatur virtus sanguinis effusi in passionem, quæ operatur, in hoc sacramento: quæ quidem ad tria operatur. Primo quidem principaliter ad adipiscendam eternam hereditatem; secundum illud Hebr. 10. *Habemus fiduciam in introitu sanctorum per sanguinem ejus; & ad hoc designandum dicitur: Novi & æternitatis æmenti* 2. Ad iustitiam gratiæ quæ est per fidem, secundum illud Rom. 3. *Quem proposuit Deus propitiatorem per fidem in sanguine ejus, ut sit ipse iustus & iustificans eum qui ex fide est* Jesu Christi; & quantum ad hoc subditur: *mysterium fidei* 3. Autem ad removendum impedimenta utriusque prædictorum, scilicet peccata, secundum illud Hebr. 10. *Sanguis Christi emundabit conscientias nostras ab operibus mortuis*, id est a peccatis, & quantum ad hoc subditur: *qui pro vobis & multis effunditur in remissionem peccatorum*. Hæc Thomas. Et subdit ibidem: quod sanguis non solum habet efficaciam in sacerdotibus qui hoc conficiunt, vel aliis qui sumunt, sed etiam in illis pro quibus offertur. Hæc ille.

Ecce quibus effectibus populos fideles exspoliant, qui eis sacramentum calicis detrahant. Fructus etiam communionis calicis tangitur per Cyprianum ad Cæcilium epistolâ 34. Sic dicentem: „Quemadmodam potu vini communis mens solvitur, & anima relaxatur, & tristitia omnis exponitur: ita & porato sanguine Domini & poculo salutaris Dei, exponitur memoria veteris hominis, & fit oblivio conversationis pristinæ sæcularis, & mortuum peccatus ac triste, quod prius erat, peccatis augmentibus, divinæ indulgentiæ lætitia redolvitur. „Hæc ille. Ipse etiam sanguis Christi quos effectus efficiat in omni digne sumente, patet adhuc per Thomam sermone 3. dicentem: „Sanguis Christi ut significatur per aquam, tres habet effectus, in anima fidelis: arida ejus humectat & mergit, male incensa refrigerat & extinguit, cibum verbi Dei ad membra vehit, ut bene operari possit. De primo Isaïæ 44. *Effundunt aquam super sitientem, & fluentia super arida*, ut scilicet anima quasi pulvis arida, & sicut facile & prona ad malum, potu sanguinis Christi perfusa coniungatur & conglutinetur & roboretur ad bonum. „Et infra; Idem de secundo effectu psalmista dicit: *Percussit petram & fluxerunt aque*, ad refrigerandum scilicet prævi sitis ardorem. Eccl. 3. *ignem ardentem extinguit aqua*, quia sanguis Christi figuratus per aquam destruit fervorem iræ, avaritiæ & pravi amoris & concupiscentiæ. Et infra de tertio effectu 3. Reg. 19. *Helias comedit & bibit aquam & ambulavit in fortitudine*, &c. Potus cibum ad membra ve-

Concilio. Supplem. Tom. IV.

hit, & eundem ad ambulandum sive ad operandum movet: sic potus sanguinis Christi cibum verbi Dei sive præcepti ad corda refert, ut vires animæ & membra corpori uniat. Post hoc subdens infra ibidem dicit, quod sanguis Christi considerari potest ut vinum spirituale, & secundum hoc habet tres effectus, quia lavat, calefacit, lætificat. Lavat sordes culpæ, calefacit corda caritate, lætificat spiritali dulcedine. De primo Gen. 49. *Lavabit in vino stolam suam, & in sanguine uræ pallium suum*. 1. Johan. 1. *Sanguis Christi Jesu emundat nos ab omni peccato*. Hebræorum 9. *Si enim sanguis hircorum &c. quanto magis sanguis Christi emundabit conscientias nostras ab operibus mortuis, ad serviendum Deo viventi*? cetera ibidem posita. Hæc Thomas in sententia ser. 30.

Quam nobiles autem & quam necessarie salutis sunt calicis sacratissimæ efficaciæ, egregie declarat eas Chrysostomus super Johannem, morali 46. dicens „Hic sanguis imaginem nobis floridam operatur regalem; hic pulchritudo inconstructibilis, hic marcescere animæ nobilitatem non permittit, irrigans eam continue & nutrens. Nam qui quidem a cibariis nobis fit sanguis, non confestim hoc fit, sed aliud quid: hic autem non ita, sed confestim animam irrigans, magnam quandam virtutem inspirat. Hic sanguis mysticus abigit quidem demones, & longe esse facit; vocat autem angelos ad nos, & angelorum dominatorem. Ubique enim viderint sanguinem Dominicum, fugiant quidem demones, concurrunt autem angeli; hic sanguis effusus omnem terrarum orbem lavit. „Et infra. „Hic salus nostrarum animarum, hoc lavatur anima, hoc pulchra fit, hoc ignitur, hic igne clariorem operatur intellectum nostrum, hic auro lucidiorem animam nostram facit, hic effusus est sanguis & coelum vadibile fecit: horribilia valde mysteria, ecclesiæ horribile altare. Vere ascendeat de paradiso fons sensibilia flumina emittens. A mensa hac ascendit fons flumina emittens spiritalia: secus hunc fontem plantati sunt, non salices infructuosi, sed & arbores ad ipsum ascendentes coelum, fructum habentes maturum semper & immarcescibilem. Si quis æstum patitur, ad hunc veniat fontem & refrigeret æstum. Etenim ariditates solvit & incendentia omnia mitigat, non quæ ex sole solum, sed quæ a telis ignitis. Etenim principium deluper habet & radicem illic unde & irrigatur. Et infra. Hic fons emittit veritatis radios, hinc & superiores virtutes assunt ad pulchritudinem insipientes rivorum, quia & manifestus nobis ille propositorum confiderat virtutem & imitationes inaccessibiles. Quemadmodum enim auro liquefacto, sive manum quis miserit, sive linguam, auream eam confestim facit; ita utique & animam operantur ea quæ præjacent. Nam fervet quidem igne vehementius hoc flumen, sed non ardet, sed infundit solum, quæcumque susceperit. Hic sanguis deluper per præfigurabatur semper in altariibus in-

De tribus effectibus sanguinis Christi ut significatur per vinum.



ANNO  
CHRISTI  
1433.

justorum occisionibus, hic honor orbis terrarum, hoc comparavit ecclesiam Christus, hoc honoravit eam universam. Sicut enim homo servos emens, aurum dat, & honorare eos rursus volens, auro hoc facit: ita & Christus, & comparavit nos sanguine; & ornavit sanguine. Qui hoc participant, sanguinem digne cum angelis & archangelis & superioribus virtutibus stant, hanc induti Christi regalem stolam, arma habentes quæ spiritualia. Sed nihil adhuc dixi. Ipsum enim induti sunt regem, sed sicut est magnus & mirabilis, ita & si cum puritate accesseris, in salutem accessisti: si vero cum perniciofa conscientia, & in supplicium & in cruciationem. Qui enim manducat & bibit indigne sanguinem & corpus Domini, iudicium sibi manducat & bibit. Hæc Chrysostomus.

Ex quo patet quam pretiosos & nobiles effectus gratiarum facit calix sacramentalis illis, qui cum puritate conscientie accedunt, & quam saluti omnium fidelium necessarios, & opportunos quidem efficit in eis ex vi sacramenti, & ex institutione Christi speciali. Ideo universi fideles considerantes tam pretiosos effectus dari sibi in sacramento altaris, propter mille mortes & pestes & ignes non deberent quidem, nec paterentur se abduci a communione sacratissimi calicis. Item, dominus Armacanus Hieronymi primas lib. IX. tractans de utraque specie corporis & sanguinis Domini c. 8. sic dicit: „Non est negandum, sed firmiter a-

Opus istud  
episcopi  
Armacan  
contra  
Armenor.  
errores  
vidi ego  
in MS.  
Cod. Bibl.  
Malatestarum  
Cæse-  
næ nec-  
dum lucem  
vidit.  
Manfæ

\* I. limi-  
nibus

struendum, quod sanctio sacramentalis corporis & sanguinis salvatoris nostri, multum prodest fidelibus ad vitam spiritualem augendam. „Hæc ille. Inde est quod ecclesia primitiva, attendens divinissimam communionis sub utraque specie utilitatem, quolibet die ipsi innitebatur, & diligens fuit de eadem, sicut scribitur Act. 2. ubi sic dicitur: *Quotidie quoque perdurantes in templo, & frangentes circa domos panem, sumebant cibum cum exultatione & simplicitate cordis, collaudantes Deum, & habentes gratiam ad omnem plebem.* Hoc idem patet per Anacletum lib. conciliorum, & habetur transumptive de consec. di. 2. *Peracta, ubi sic dicitur. „Peracta autem consecratione omnes communicant, qui nolunt ecclesiasticis cætere luminibus.* Sic enim, & apostoli statuerunt & sancta Romana tenet ecclesia. „Hæc ille. Et nisi tales magni & spiritu Dei repleti, fructum & utilitatem communionis divinissimæ sub utraque specie viderent, non sic diligentes de eadem fuissent. Nam & hoc bonum ipsa communio divinissimæ eucharistie habet, singulare, certum, & a scripturis intentum & exercitium saluberrimum, puta probationem sui ipsius & suæ vitæ discussionem. Quoties etenim Christianus vult accedere ad divinissimam eucharistiam, toties semper habet ad seipsum redire, & suam vitam & conscientiam judicare, & cum veritate concordare, & omnibus inimicis culpas condonare. Quod quantum sit bonum & quam utile in hac vita, novit omnis qui habet rationem; & istud plane notatum est Exo-

di XV. ubi Dominus in figura hujus sacramenti præcipit Judæis dicens: *Ecce ego plavam vobis panes de celo, egredietur populus, & quæ sufficiunt per singulos dies colligat.* Et tunc ad propositum: *ut tentem cum, utrum ambulet in lege mea, an non.* Et jam patet quam utilis expediens sit salutem homini communio divinissimæ eucharistie sub utraque specie, a Christianis digne celebrata. Hoc autem patet ex verbis Christi, sententiis doctorum, præxi primitivæ ecclesiæ & libro conciliorum, ex dicto Anacleti supra jam & immediate adductis & allegatis.

Ex jam dictis sequitur corollarium. Quamvis totus Christus plenus Deus & homo sit sub alterutra specie cum plenitudine omnium gratiarum, non tamen uno modo omnium gratiam dispensat: sed per diversa sacramenta diversas gratias idem ipse Christus confert. Pater: Nam in prima specie corpus dat in communionem, sanguinem autem in redemptionem. Tum etiam quia in prima specie dat se per modum cibi, in secunda per modum vitæ veræ, optimum vinum spirituale de se derivantis. Et primam degustationem Christus vocat comestionem, sive manducationem, dicens: *Comedite; hoc est corpus meum.* Secundam vocat bibitionem, dicens: *Bibite ex hoc omnes.* Et sic Christus ibi instituit duplicem degustationem, ut scilicet gustetur corpus ejus per comestionem, & alio gustu gustetur per bibitionem; & sicut alia est gustatio prima a secunda, sic alia est species prima quam in secunda, quamvis sit idem Christus. Sic etiam alia est efficacia spiritualis sub prima specie, quæ datur per modum nutritionis; & alia in secunda, quæ datur per modum spiritualis refecutionis; quod patet ex verbis Christi, qui ad primam speciem dicit: *Comedite;* & ad alteram dicit: *Bibite.*

Pater secundo quod sub duplici specie capiens dispositive, duplicem gratiam accipit supra illum qui in una specie accipit, ceteris tamen paribus; & hoc innuit Augustinus super psalmo jam allegato.

Tertio sequitur corollarium & luce clarius patet, quam magnum sacrilegium committunt, qui sacramentum calicis ab ecclesia fidelium contentibiliter auferunt; patet quia non rem parvam a christiano populo, sed tantam sub altera specie gratiam & efficaciam, quantacumque est in prima, dannabiliter abstrahunt, & contra Christi liberalissimam institutionem auferunt & decerpunt.

Corollarium quartum. Multum damnum canitur fideles Christiani altera specie divinæ communionis subtrahita. Pater; quia non recipiunt totalis sacramenti completam gratiam, nec Christi plenum fructum. Plus enim videntur damni inferre ecclesiæ, quam si medietatem sacrificiorum veterum cum omnibus vitalis, bobus, ovibus, & hircis a Judæis abstraxissent. Pater quia omnia sacrificia præcellit corpus Christi & sanguis ejus.

Secunda pars propositionis est ista. Toti populo credendum est necessaria.

Primo quod sit toti populo credendum sub utraque specie ad communicandum instituta, patet primo lege Dei, sententia & in-

AN  
CHRIS  
1433.

I. Coro  
Quod  
diversa  
cramen  
Christu  
dispens  
diversa  
gratias

2. Cor

3. Cor

4. Cor

Adu  
dici

ANNO  
CHRISTI  
1433.

ANNO  
CHRISTI  
1433.

institutione salvatoris sic dicentis: *Accipite & comedite hoc est corpus meum; & Bibite ex hoc omnes. Hic est sanguis meus novi testamenti, qui pro multis effundetur in remissionem peccatorum*, Matt. 26. Marc. 14. Luc. 22. Et Johan. VI. Salvator omnes fideles obligans ad functionem sacramenti, dicit: *Nisi manducaveritis carnem filii hominis, non habebitis vitam in vobis. Qui manducat meam carnem, & bibit meum sanguinem, habet vitam eternam. Caro mea vere est cibus, & sanguis meus est potus, qui manducat meam carnem & bibit meum sanguinem, in me manet, & ego in eo*. Et ne aliquis velit dicere, quod solis apostoli & eorum successoribus Dominus Jesus instituit ad hoc sumendum sub utraque specie modo supradicto, Paulus apostolus fidelis interpretis legis Christi, istam cenam sacramentalem Dominicam communitati fidelium dicit esse institutam propter dominicæ passionis commemorationem. Nam 1. Cor. 11. ita dicit: *Ego enim accepi a Domino, quod & tradidi vobis, quoniam Dominus Jesus in qua nocte tradebatur, accepit panem, & gratias agens fregit & dixit: Accipite & manducate, hoc est corpus meum, quod pro vobis traditur, hoc facite in meam commemorationem. Similiter & calicem postquam coenavit dicens: Hic calix novi testamenti est in meo sanguine, hoc facite quotiescumque bibetis in meam commemorationem. Quotiescumque enim manducabitis panem hunc, & calicem Domini bibetis, mortem Domini annuntiabitis donec veniat*. Et infra: *Probit autem seipsum homo, & sic de pane illo edat, & de calice bibat*. Et quod intelligitur de sacramentali manducatione, dicit infra: *Qui enim manducat & bibit indigne, iudicium sibi manducat & bibit, non dijudicans corpus Domini*. In hoc enim quod dicit, *indigne*, intendit de sacramentali manducatione & bibitione: quia nemo indigne potest manducare & bibere, qui spiritualiter manducat & bibit.

rationes  
quod communio sub  
utraque  
specie omni populo  
credendum sit  
necessaria.

Quod autem communio divinissimæ eucharistiæ sub utraque specie toti credentium populo sit necessaria, patet per illud Johannis textu: *Nisi manducaveritis, &c. importat enim hoc dicto, Nisi, necessitatem præceptivam, non solum de comestione, sed & de bibitione sacramenti, obligativam omnium fidelium, sub carentia vitæ æternæ*. Unde dicit Lira sub prædicto textu: *«Hic consequenter ostenditur hujus sacramenti necessitas. Judæi enim rudes reputabant Christi verba inutilia & impossibilia. Ideo ostendit necessitatem hujus sacramenti, dicens: Nisi manducaveritis carnem, &c. Sicut enim in vita corporali cibus est necessarius ad vitam conservandam; ita in vita spirituali hoc sacramentum est necessarium; quia est vitæ spiritualis conservativum. «Hæc ille. Item, Lira sub prædicto Johannis: Spiritus est qui vivificat, sic dicit: Hic exponit secundum de quo murmurabant, scilicet: quia dicebant, carnem suam esse cibum necessarium ad salutem, & ipsi intelligebant hoc ac si daretur in propria specie, ac sicut laiciatur vel venditur in macello, quod esset horribile. Hæc Lira. Ex cuius verbis expressè patet, ipsum sacramentum & car-*

nem suam esse in sacramento cibum necessarium. Et ad idem est Augustinus lib. 5. homiliarum, homilia 43. Sic dicens: *«Intelligitur etiam hoc valde bene, panem nostrum quotidianum da nobis hodie: Hoc est eucharistiam tuam, quotidianum cibum. Norunt enim fideles, quid accipiant, & bonum est eos accipere panem quotidianum huic tempori necessarium. «Hæc ille, ex quo patet, quod eucharistia est panis huic tempori necessarius, & sic ex necessitate & præcepto Christi expetendus & accipiendus. Item Ambrosius in gl. ord. super verbo: Cetera cum venero disponam, quasi, inquit, diceret: Tenete quod dixi, cetera autem de eodem, id est B que ad ejusdem sacramenti ordinem pertinent, cum venero disponam. Sed his carere non potestis. «Hæc ille. Ex cuius verbis patet, quod apostolus præcepit dicens: Tenete quod dixi, scilicet; accipite, manducate, & calicem bibite: Tenete, inquit, & non intermittite nec mutare. 2. Notandum hoc quod dixit: His carere non potestis, ubi & aperte notatur, necessitas communionis sacramentalis sub utraque specie, tanta scilicet, quod ea fideles carere non possunt, si velint salvari, & in præsentia vivere vita spirituali. Quia sicut vita corporalis stare non potest neque continuari, nisi cibo & potu sibi congruo sustentetur: sic vita spiritualis animæ, si non cibo suo & potu quotidie vel sæpe nutriatur, stare, vegetari, augmentari & continuari nequam potest, teste Lira superius allegato. Item, ad idem est Paschasius qui in tractatu de corpore Christi loquens c. 2. Sic dicit: *Iustum & pernecessarium est, ut redemptus homo alatur ad incorruptionem, & potetur ad vitam; propterea mox Salvator intulit. Caro enim mea vere est cibus, & sanguis meus vere est potus; ac si diceret: Quia generaliter cibo & potu id maxime appetunt, ut non esuriant neque sitiant, & ne moriantur; hoc utique communis iste non patrat cibus & potus, sed caro mea & sanguis, qui immortales & incorruptibiles facit. Ideo vere cibus & potus nominantur. Constat igitur & liquet omnibus, quod in hac mortali vita sine cibo & potu non vivitur. Sic itaque ad illam æternam non pervenitur, nisi duobus istis ad immortalitatem spiritualitatem nutriatur; & ideo bene simul in calice redduntur, quia de uno calice passionis hæc duo nobis ad vitam manarunt. Sed infelix est animus, qui hoc non satis credit; & tamen non dubitat, quod cibo et potu vita humana sustentetur. Si enim in hoc mortali cibo tanta vis est, ut quotidie vitam habentem reparet & vires restituat, quid sentiendum de hoc immortalis cibo et potu, in quo vita æterna præstatur, et immortalitas regnat? veritas enim Deus est, veritas Christus est, quod utique Deus est. Hæc ille.**

Quod nedum iustum est, sed necessarium, sed et pernecessarium, id est valde necessarium cuilibet homini, ut alatur sacramento panis, et potetur sacramento sanguinis, quia illis duobus ad immortalitatem spiritualitatem

tua-



ANNO  
CHRISTI  
1433.

tualiter nutritur, et quod infelix est, qui non credit illud de immortali cibo et potu sacramenti. Ad idem est Thomas parte 3. q. 73. art. 3. ubi dicit: „Quod res aliquis sacramenti potest quandoque haberi ante perceptionem illius sacramenti; ex ipso voto sacramenti percipiendi; unde ante perceptionem huius sacramenti potest homo habere salutem ex voto percipiendi hoc sacramentum, sicut et ante baptismum ex voto baptismi, ut supra dictum est: tamen differentia est quantum ad duo. Primo quidem, quia baptismus est principium spiritualis vite et janua sacramentorum; eucharistia vero est consummatio spiritualis vite et finis omnium sacramentorum. Per sanctificationes enim omnium sacramentorum fit preparatio ad suscipiendam eucharistiam; et ideo perceptio baptismi est necessaria que ad inchoandam spiritualem vitam; perceptio autem eucharistie est necessaria ad consummandam ipsam; non ad hoc quod simpliciter habeatur, sed sufficit eam habere in voto, sicut et finis habetur in desiderio et intentione. Hæc ille. Et consequenter patet, quod perceptio eucharistie est necessitatis modo supradicto. Item Thomas in scripto suo super 4. dist. 12. ait: Quod sacramentum eucharistie, etiam sine institutione ecclesie, est necessarium non impliciter, ut sine quo non esset salus; sed ex suppositione finis, scilicet, si homo in hac vita spirituali firmus persistere vellet. Hæc ille. Ex hoc patet planissime distinctionem necessitatis supradictam esse veram.

Item Thomas in suis questionibus super 4. quæst. 51. ubi movens istam questionem: Utrum communio sacramenti sit de necessitate salutis; respondendo ad illam; et concedendo in forma questionem, sic dicit: Dicendum quod omnibus fidelibus viatoribus communio huius sacramenti et duplex ejus manducatio pertinet ad necessitatem salutis, nisi necessitatis articulus non contentus excludat communionem vel evacuet; et hoc propter duo, scilicet: propter efficaciam et virtutem sacramenti, et propter auctoritatem præcepti. Hæc Thomas. Ex quo patet, quod plane loquitur, quod communio sacramentalis omnibus est de necessitate salutis.

Item, idem in suis questionibus super 4. q. 39. dicit: Eucharistia institutio est propter duo, scilicet propter declinationem mali, quia propter peccata necessaria, necessarius est panis quotidianus. Ambrosius: Qui semper pecco, semper medicum nam accipere debeo. Hæc ille. Ex cuius dicto patet, quod eucharistia est necessitatis ex causa supradicta, scilicet propter remissionem peccatorum quotidianorum, immo et mortalium oblatorum, ut dicunt omnes fere doctores. Et patet de consecr. dist. 2. Cum omne crimen.

Ad idem est doctor subtilis, puta Scotus, super 4. dist. 13. qu. 2. Sumere eucharistiam est magis necessarium, quam conficere; et magis necessarium licet sit in se aliando nobilius, pluribus tamen competit quam minus nobile, quod est minoris

necessitatis. Et infra: Et ita Christus expressè docuit, se velle eucharistiam sumi a quolibet Christiano. Johan. VI. Nisi manducaveritis &c. et loquitur omnibus: sed consecrationem seu dispensationem non voluit esse ita communem, quia non fuit necessarium ut esset ita communis, possunt enim pauciores dispensare, quam suscipere. Hæc doctor subtilis. Ex cuius dicto eleganter patet, 1. quod sumtio seu communio sacramenti est majoris necessitatis quam consecratio, tamquam finis melior et nobilior ipsa consecratione, quod est contra omnes adversarios hujus veritatis, dicentes: Consecrationem esse de præcepto, non communionem. 2. Patet, quod illa auctoritas communicandi extendat se ad omnes Christianos, ex Christi doctrina dicentis: Nisi manducaveritis, &c. quod omnibus loquitur, ut ipse dicit; et omnes obligat ad manducandum et bibendum sacramentaliter, sed non sic ad conficiendum.

Positis jam plurimis testimoniis pro necessitate communionis, lege scilicet Christi Jesu et sanctorum sententis, adhuc restat videre dicta canonum et conciliorum. Unde canon cum glo. ex concilio Martini papæ 26. q. 6. c. Si quis, ubi dicitur: Si quis de corpore exiens, novissimum et necessarium communionis viaticum expetit, non ei denegetur: ubi Glo. super verbo Necessarium, dicit: Quod hoc sacramentum est necessarium ad salutem, nec alicui negatur, etiam debet suspendi; allegat 23. q. 2. Quanta.

Item, ad idem concilium Nicænum, quod, secundum beatum Gregorium, ut evangelium est suscipiendum et venerandum, postum est q. ubi dicitur: De his vero qui recedunt a corpore antiquæ legis, regula observabitur etiam nunc ita, ut si forte quis recedit a corpore, necessario vite lux non defraudetur viatico. Hæc ibi. Et patet, quod, quod hoc sacramentum et ejus communio dicuntur hic esse de necessitate salutis, juxta expositionem glo. canonis præcedentis.

Item, ad idem legitur 1. q. 1. cap. Remissionem: Sed notandum est, quod sacramentorum alia sunt necessitatis, alia dignitatis: quia enim necessitas non habet legem, sed ipsa sibi facit legem; illa sacramenta quæ saluti sunt necessaria, auferti vel amitti non debent: ubi glo. super verbo Necessitatis sic: Necessitatis quinque sunt sacramenta, scilicet, baptismus, confirmatio, poenitentia, ultima unctio, corpus Christi.

Nec valet hæc obsectio adversariorum dicentium, quod hæc quinque sacramenta dicuntur ex præcepto ecclesie, et non ex præcepto Christi et legis divine. Est enim signum evasivum; quia, ut dicitur in prædicto §. sed notandum, quod necessitas illa, quia illa quinque sacramenta dicuntur necessaria, non habet legem, sed sibi facit legem, propter quam auferti vel amitti non debent. Hoc autem proprium est necessitati legis divine, quia sola sibi facit legem absque hoc, quod aliquis homo statuat sibi vel ponat legem.

Item

ANN  
CHRIST  
1433.

Probatur  
auctoritas  
canonum

Item, ad idem est extra lib. I. cap. *Veniens* ubi legitur, Quod monachi in parrochia S. Mariæ terras excolunt, et ab eadem ecclesia coloni eorum omnia ecclesiastica, tam necessaria quam voluntaria, suscipiunt sacramenta, et tamen eidem ecclesiæ decimas solvere contradicunt; ubi glo. 68. super verbo *bo Necessaria*, sic dicit: Quædam sacramenta sunt necessaria, quædam voluntaria. Hæc distinctio ponitur I. q. I. parag. *Sed notandum est*. Sacramenta necessitatis sunt ista, baptisumus, confirmatio, poenitentia, ultima unctio, corpus Christi. Et ideo dicuntur sacramenta necessitatis, quia sine istis homo salvari non potest, si ex contemptu omittantur et haberi possint. Hæc ibi. Ex intentione hujus glossæ patet, quod illa quinque sacramenta sic dicuntur necessitatis, et obligant.

Item, ad idem est Johannes Andræus super rubricam de sacramentis non iterandis, et Raymundus in summa e rubrica parag. Nullo. Species sacramentorum sunt duæ cum multis concordantiis.

Item, ad idem est Hostiensis in præfatio cap. *Veniens*, ubi sic dicit: Quod prædicta scilicet sacramenta quinque ideo dicuntur necessaria, quia sine ipsis, si contemnantur recipi, non est salus. Et primo, quia scilicet, baptismo semel recepto, ad ipsum servandum, et alia quatuor recipienda quilibet est cogendus. Allegat multas concordantias.

Item, ad idem est archidiaconus super præfatio parag. *Sed notandum*, dicens: In hac parte facit differentiam inter sacramenta necessaria et voluntaria. Necessaria enim sunt sacramenta, sine quibus nemo salvatur. Et infra: Notandum est, quod sacramentorum alia sunt generalia sive necessaria, alia specialia sive voluntaria. Generalia dicuntur, quæ omnes contingunt et omnibus conveniunt; dicuntur necessaria, quia sine eis vix aut numquam salus haberi potest; et sunt quinque, scilicet, baptisumus, confirmatio, eucharistia, poenitentia, extrema unctio. HæcD ille. Et etiam patet ex his dictis doctorum, quam districte hæc quinque sacramenta obligant et necessitant. Apparet ergo manifeste ex dictis jam magnorum virorum pluribus allegatis, quod ipsa communio divinissimæ eucharistiæ, est necessaria, sive est sacramentum necessitatis quod quamvis pluribus sit ostensum modis, quia lege Dei, sanctorum dictis et sententiis, canonibus et conciliis, adhuc rationibus ipsa communio eucharistiæ divinissimæ necessaria fore deducetur.

Sed jam adhuc præsens alia difficultas tangenda est et eliminanda. Quia postquam jam deducebatur, quod ipsa communio eucharistiæ sit necessaria, cuius necessitas, ut tatum est, Johan. VI. fundatur. Restat jam videre, et dictis sanctorum declarare, quod illud dictum: *Nisi manducaveritis carnem, &c.* de manducatione sacramentali et bibitione, et non de sola spirituali intelligatur.

Patet per glossam interlinearem, quæ super præfatio textu sic dicit: Utque modo non fecit mentionem de comestione sacramentali altaris; etsi ignoretis, quis modus

fit dandi vel manducandi, tamen nisi manducaveritis carnem, etc. Hæc glossa in forma, prout in pluribus exemplaribus reperitur. Aliqua tamen exemplaria habent primam partem ejus in glossa marginali, et alteram partem in loco interlineari; sed cum hoc nihil variet ad propositum, patet plane ex hac glossa, quod Christus in prædicta littera incipit facere mentionem de manducatione et bibitione sacramentali altaris, quam usque modo, id est usque ad illum locum litteræ nondum fecerat.

Patet etiam idem per litteram sequentem, et ejus gloss. ord. quia dicit Christus: *Qui manducat meam carnem & bibit meum sanguinem, in me manet & ego in eo.* ubi glossa ordinaria dicit: Exponunt, inquit, quidam sancti doctores de comestione altaris, et bene dicunt. Hæc glossa. Ex qua patet, quod istam litteram et præcedentem immediate allegatam sancti doctores exponunt de sacramentali manducatione, et quoad hoc bene dicunt: ergo per locum a contrario sensu omnes adversarii, dicendo illam litteram duplicem non esse exponendam de sacramentali manducatione et bibitione, sed de sola spirituali et mystica, decipiunt et male dicunt.

Item, ad idem est Remigius in homilia super verbo: *Nisi manducaveritis &c.* ubi sic dicit: Hæc sacra lætio plena est salutis æternæ mysteriis et substantialibus sacramentis animæ. Substantia quippe animæ Verbum Dei est. Nam quæ melior substantia esse potest, quam cibum spirituum desiderare, Verbum Dei in se habere, immo in ipso manere, qui vere est, qui quæ omnibus præstat ut sint? Nam qui sine illo sunt, non solum non vivunt, sed etiam nihil sunt. Qui vero hujus veræ vitæ veræque substantiæ participes sunt, illi vere vivunt, et sunt, nec ullo mortis metu attentantur, quia vitam ipsam in se susceperunt, immo a vita suscepti sunt. Hoc tantum et tam admirabile præmium in Christo et per Christum habemus, Deum et Dominum nostrum, qui cum sit Verbum Dei, et panis supersubstantialis et supercælestis, carnem suam nobis in cibum, et sanguinem suum sacrosanctum concessit in poculum, quoad æternam vitam veramque profiteamur substantiam; sique mirabili quodam ineffabilique commercio carnis et sanguinis ejus mysteria suscipientes, ipsum Verbum Dei Deum nos suscipere fidelissime gauderemus ad hanc spirituales alimoniam. Ad hoc mysticum epulum et divinum nos Dominus invitat, tamquam necessitatem sumendæ hujus alimonie nobis indicit, ut aliter vitam in nobis habere non possimus, nisi carnem ejus manducaverimus et sanguinem ejus biberimus. Et infra: Filium hominis se utique dicebat, cujus corpus quotidie per sacerdotes immolatur in altari. Apostolus enim dicit: *Panem quem frangimus, nonne corpus Christi est? & calix cui benedicimus, nonne sanguis Domini est?* Et ipse quidem in corpore, quod de Virgine assumit, semel passus est. Resurgens enim a mortuis, jam non moritur, mors illi ultra non domi-



minabitur: sed mysterium sui corporis et sanguinis quotidie a fidelibus per sacerdotum ministerium fieri mandavit rationali sacramento, quia nimirum aliud est et aliud videtur; videtur namque panis, sed est certissime corpus Christi. *Nisi igitur manducaveritis carnem filii hominis, & biberitis ejus sanguinem, non habebitis vitam in vobis.* videlicet animæ, ipsum Christum, qui alibi dicit: *Ego sum vita, veritas & vita*, quam habere, vitam æternam est possidere. Unde ad hoc apertius adjungit: *Qui manducat meam carnem & bibit meum sanguinem, habet vitam æternam.* Possunt quidem homines sine hoc cibo temporalem vitam hanc in præsentis sæculo habere, æternam vero vitam habere nequeunt, quæ solum sanctis carnem et sanguinem Christi digne fumentibus promittitur. Denique, ne putarent sibi in isto cibo et potu sic promitti vitam æternam, ut jam nec corpore morerentur, cum dixisset: *Qui manducat meam carnem & bibit meum sanguinem, continue subjecit et ait: Et ego resuscitabo eum in novissimo die.* Nam qui digne carnem Christi comedit et sanguinem bibit, mortuus corpore, habet interim secundum spiritum vitam æternam. Et infra: Ad hanc denique demonstrandam Dominus et redemptor noster corpus et sanguinem suum ex illis rebus noluit consecrari, quæ ex multis particulis ad unum rediguntur. Nam panis ex multis granis conficitur, vinum ex multis acinīs vel racemis in unum confluit; sic et unitas ecclesiæ, quæ est corpus Christi, ex multis fidelium personis constat. Jam vero consequenter exponit quomodo id fiat, et quid sit manducare carnem et sanguinem bibere. *Qui manducat, inquit, meam carnem & sanguinem meum bibit, in me manet, etc.* Hoc profecto est hanc escam manducare et hunc potum bibere, manere in Christo, et Christum in se habere mansorem. Atque ideo peccator aliquis indignus, qui non manet in Christo, et in quo non manet Christus, licet carnaliter & visibiliter manducet, et sacramentum corporis Domini dentibus atterat, et in viscera transfundat; non tamen spiritualiter manducare credendus est, non ad salutem, sed ad judicium sibi manducat et bibit cum indignus, et maculatam habens conscientiam, præsumit ad terrificum et vivificum appropinquare mysterium, quod nullus alius digne sumit, nisi qui mundum cor habere studuerit. Et infra: *Multi itaque audientes ex discipulis ejus, dixerunt: Durus est hic sermo, quis potest eum audire? Redemptore nostro talia loquente, quæ supra exposita sunt, et spiritalem carnem suam cibum fidelibus promittente, quidam ex discipulis suis, quos plures se sequebantur, carnaliter ejus verba accipientes, scandalizati sunt, et verba Domini dure acceperunt. Quis autem potest eum audire? id est, quis potest illi obedire? Putabant enim eum carnem, qua indutus fuerat, particulatim incisam credentibus in se distribuere, et quasi hoc esset contra naturam hominum, videlicet*

humanam carnem in cibum sumere, quasi de re difficillima et impossibili dixerunt: *Quis potest eum audire?* Sciens autem Jesus quod murmurarent de eo discipuli ejus, subjungit et exponit quid inter carnem et spiritum, et quid inter carnaliter Christum manducantem et spiritualiter accipientem: *Spiritus est qui vivificat, caro non prodest quicquam.* Supra dixerat: *Nisi manducaveritis &c.* nunc dicit: *Caro non prodest quicquam;* id est, si carnaliter vultis intelligere verba, et si carnem meam sicut alium cibum manducetis, caro mea nihil vobis prodest. Qui enim sumit ita corpus Domini, ut tantum putet quod videt, et nihil ibi mysterii latentis intelligit, sic illi secundum fidem ejus. Nihil enim ei prodest si ne fide corpus Christi sumere, quod tantum panem credit, nihilque ab aliis cibis corporalibus differre intelligit. Caro ergo nihil prodest; sed per carnem spiritus operatur aliud pro salute nostra, quia per carnem Christi quam sumimus, operante spirituali ejus gratia, vivificamur. Hæc Remigius, cujus verba necessitas duxi protrahere, ut ex ejus dictis possit plana veritas apparere.

Et ad confutandum sinistram intellectum adversariorum, quem hic configunt: primo suppono dictum Thomæ parte 3. q. 80. art. 1. & 2. dicentis, manducationem sacramentalem esse manducationem divinam & spiritalem, non carnalem; & similiter dicit Lira Johan. VI. Gorra, & Aug. super præfato textu *Nisi manducaveritis carnem &c.* Similiter enim sacramentum est res spiritualis & divina, quam iste sanctus & Augustinus sæpe vocant coeleste mysterium. Sic ejus manducatio & bibitio est spiritualis, coelestis, & divina. Quo supposito tamquam vero & necessario, facilliter intelliguntur dicta hujus sancti, exponentis illum textum: *Nisi manducaveritis, &c.* de manducatione & bibitione sacramentali seu spirituali in sacramento; quod probatur ex ejus aliquibus verbis.

Primo, quia dicitur quod illa verba: *Nisi manducaveritis, &c.* sunt plena mysterii salutis æternæ, & substantialibus sacramentis animæ. Ecce quod illa verba continent sacramenta substantialia animæ, intelligendo per substantialia, id est necessaria salutis ipsi animæ: & hæc sacramenta substantialia vocat spirituales alimoniam, quia spiritualiter non carnaliter alit animam, & vocat ea mysticum epulum, quia spiritus noster in eo debet epulari, non caro principaliter.

Secundo, patet ex hoc quod de illa alimonia & de illo mystico corpore dicit, quod Episcopus per sacerdotes immolatur in altari, & mandant a fidelibus fieri rationabili sacramento, & ideo appellat ipsum, mysterium, dans rationem & dicens: Quia nimirum aliud ibi est, & aliud videtur; videtur namque panis, & est certissime corpus Christi, de quo inquit: *Nisi manducaveritis carnem, &c.* Ecce quam plane illum textum allegat de mysterio in quo aliud est & aliud videtur, scilicet de suo visibili sacramento.

ANNO  
CHRISTI  
1433.ANNO  
CHRISTI  
1433.

Tertio, patet ex hoc quod dicit, quod si ne illo cibo, qui solum sanctis carnem & sanguinem Christi fumentibus promittitur, nequeunt homines vitam eternam habere.

Quarto, patet quoniam illud idem sacramentum comparat compositioni sacramenti ex multis granis et acinis, de quo ille Christi textus loquitur ad rem ejus.

Quinto patet quod ille digne manducat Christum in sacramento visibili, qui manducat ipsum cum efficacia spirituali, scilicet incorporatione ejus membris.

Sexto, patet quod qui aliter manducat sacramentum, non tamen manducat spiritualiter et efficaciter ad salutem, sed ad judicium, hoc terrificum et vivificum mysterium. Ecce quam plane loquitur de mysterio sacramenti, et de ejus duplici manducatione; quod non potest intelligi de illa sola spirituali non sacramentali.

Septimo, patet quare vocavit illam sacramentalem manducationem et bibitionem, spiritalem alimoniam, ut ostendat quod non sit carnalis, in qua laceratur caro et particularitatem inciditur, quod corpus ejus spiritualiter sumitur in sacramento. Et ad hoc planissime adducit textum illum: *Nisi manducaveritis*, etc. de manducatione spirituali, dicens: Nunc dicit: *Caro non prodest quidquam*; ut scilicet sic carnem meam sicut alium cibum manducetis, putando ibi id solum quod videtis, scilicet panem, et non intelligere ibi mysterium veri corporis.

Falluntur ergo vehementer hic adversarii, trahendo et intelligendo verba hujus sancti, de spirituali nuda manducatione et bibitione, non de sacramentali et spirituali; de qua tamen plene et plane verba hujus sancti sunt intelligenda, ut patet per allegationes scripturæ, Apostoli et aliorum, quæ non possunt intelligi de nuda mystica manducatione et bibitione tantum. Item Augustinus lib. 1. de meritis et remissione peccatorum dicit: Optime Punici Christiani baptismum ipsum nihil aliud quam salutem, et sacramentum corporis ipsi nihil aliud quam vitam vocant. Unde nisi ex antiqua, et de ultimo apostolica traditione, quæ ritum ecclesiæ Christi tenet, præter baptismum et participationem mensæ Dominicæ vitam vocat, nisi quod dictum est: *Ego sum panis vivus qui de coelo descendi, & Panis quem ego dabo caro mea est pro mundi vita; & Si non manducaveritis carnem filii hominis*. Si ergo ita est, ut tot et tanta testimonia divina concinunt, nec salus nec vita æterna sine baptismo et corpore et sanguine Domini cuiquam speranda est. Hec ille. Ex quibus verbis patet, quod Punici Christiani optime sentiunt de his duobus sacramentis, de baptismo et eucharistia, ponendo differentiam inter ea, et vocando baptismum nihil aliud quam salutem, et sacramentum eucharistiæ nihil aliud quam vitam; quod probat ex scripturis. Quod enim sacramentum eucharistiæ sit vita, immo quod sine ea non haberetur vita, probat per illam scripturam: *Nisi manducaveritis*, etc. Quod, ut dicit, Dominus dixit de sacramento dominicæ mensæ suæ, et de sacramento altaris.

Concilior. Supplem. Tom. IV

Idem Augustinus contra Cresconium grammaticum lib. 1. dicit: „ De ipso corpore et sanguine Domini, unico sacrificio pro salute nostra, ipse Dominus dicit: *Nisi manducaveritis*, etc. Apostolus tamen docet hoc perniciosum male utentibus fieri. Ait enim: *Quicumque manducaverit indigne*, etc. Ecce quemadmodum obliunt divina et sancta male utentibus, cur non & hoc modo baptismus? „ Hæc ille. Ex quo patet quod Dominus dicens: *Nisi manducaveritis* etc. loquitur de illo unico sacrificio, quod potest & bene sumi & perniciose, & tale est sacramentum altaris, quod secundum Apostolum potest digne & indigne sumi, de quo hic notanter Augustinus dicit, quod hoc illud sacrificium in numero est quo Dominus dixit: *Nisi manducaveritis*, &c. Apostolus dicit: *Quicumque illud manducaverit indigne*, quod nullo modo potest competere sacrificio mystico.

Item, ad idem est Augustinus, quem anniverſarie cepit ecclesia in horis, lectione quarta Dominicæ primæ in adventu, qui sic dicit in forma: Propitia divinitate, fratres dilectissimi, jam advenerunt dies, in quibus natale Domini salvatoris cum gaudio desideramus concelebrare; & ideo rogo & moneo, ut quantum possumus, cum Dei adjutorio laboremus, ut in illo die cum pura & sincera conscientia & mundo corde & casto corpore ad altare Domini possumus accedere, et corpus et sanguinem ejus non ad judicium, sed ad remedium animarum nostrarum mereamur accipere. In ipso enim Christi corpore vita nostra consistit, ipso Domino dicente: *Nisi manducaveritis*, etc. Mutet ergo vitam, qui vult accipere vitam. Nam si non mutat vitam, ad judicium accipit vitam, et magis ex ipsa corrumpitur quam sanatur, et magis occiditur quam vivificatur. Sic enim dicit Apostolus: *Qui manducat corpus Domini indigne, & bibit sanguinem ejus indigne, justitiam sibi manducat & bibit*. Hæc ille. Ex isto sic patet quomodo Augustinus loquitur directe et pure de manducatione et bibitione sacramentali, in qua fidelium omnium vita consistit. Et de hac et pro hac præfatum dictum Christi allegans: *Nisi manducaveritis*, etc. continuansque verba cum verbis, et sensum ex sensu subiungens: Mutet ergo vitam, qui vult in prædicta manducatione sacramentali et bibitione accipere vitam, de quo in ipso textu præmisit Salvator: *Non habebitis vitam in vobis*. Nam si quis addit ad ipsam vitam non mutans vitam, ad judicium et mortem accipit vitam, quod plane intelligendum est de sacramentali manducatione et bibitione, de qua etiam textus Apostoli subiungitur. Quam cocci ergo de anno in annum repetunt prædicta verba Augustini: sed non credunt corde, et quod ore loquuntur, contradicant opere.

Item, ad idem est Augustinus libro primo de baptismo parvulorum dicens: „ Auferatur ergo dubitatio; jam Dominum audiamus, non suspensiones conjecturasque mortaliū; Dominum audiamus, inquam, non quidem hoc de sacramento lavacri

G g di-



ANNO  
CHRISTI  
1433.

dicentem, sed de sacramento mensæ suæ, quo nemo rite nisi baptizatus accedit. Nisi manducaveritis carnem meam, & biberitis sanguinem, non habebitis vitam in vobis. Quid ultra quærimus, quid ad hoc responderi potest, nisi pertinacia pungenti nervos adversus constantiam perspicuæ veritatis. Hæc ille. Et patet planissime quod Augustinus intelligit illum textum: Nisi manducaveritis, etc. de sacramento sacræ mensæ, id est de sacramento altaris. Super psal. XCVIII. super illo verbo: Adorate scabellum pedum ejus, ubi dicit sic: Et quia in ipsa cruce hic ambulavit, et ipsam carnem manducandam ad salutem dedit; neminem autem ipsam carnem manducat, nisi prius adoraverit. Et infra: Tunc autem quando hoc Dominus commendavit, de carne sua locutus erat et dixerat: Nisi quis manducaverit carnem meam, non habebit vitam æternam. Scandalizati sunt quidam discipuli ejus septuaginta fere, et dixerunt: Durus est hic sermo, quis potest eum intelligere, & recesserunt ab eo, & amplius cum eo non ambulaverunt. Durum illis visum est quod ait: Nisi quis manducaverit carnem meam, non habebit vitam æternam. Acceperunt illud stulte, carnaliter illud cogitaverunt, et putaverunt quod præcisurus esset Dominus particulas quasdam de corpore suo, et daturus illis, et dixerunt: Durus est hic sermo. Ipsi erant duri, non sermo; etenim si duri non essent, sed mites essent, dicerent sibi: Non sine causa hoc dicit, nisi quod est ibi aliquod sacramentum latens; manentes cum illo, leves non duri, & discederent ab illo, quod, illis discedentibus, qui remanserunt didicerunt. Nam cum remansissent cum eo discipuli duodecim, illis recessentibus, suggererunt illi tamquam dolentes illorum mortem, quod scandalizati sunt in verbo ejus & recesserunt; ille autem instruxit eos, & ait illis: Spiritus est qui vivificat, caro autem nihil prodest. Verba quæ locutus sum vobis spiritus est & vita. Spiritualiter intelligite quod locutus sum: Non hoc corpus quod videtis manducaturi estis, & bibitori illum sanguinem quem fufuri sunt qui me crucifigunt. Sacramentum aliquod vobis commendavi spiritualiter intellectum, vivificabit vos; & si necesse est visibiliter illud celebrari, oportet tum invisibiliter intelligi. Hæc ille. Ex quo patet, quod plane loquitur de corpore suo naturali, quod traxit de Maria, quod credimus in visibili sacramento esse existentia spirituali, quæ est res sacramenti spiritualis, quam primo docet adorare in sacramento ut verum Deum & hominem, antequam manducare. 2. Docet quod ejus manducatio & bibitio non est carnalis, id est admodum alterius carnis, quæ, cum comeditur, laceratur; sed spiritualis in sacramento, quia manducatio sacramentalis est manducatio spiritualis, in qua spiritualiter manducatur corpus Christi, non carnaliter.

Et inde patet quod in his verbis Augustini plurimum errant intelligendo per manducationem mystici corporis, eam quæ fit

absque sacramento. Hic autem loquitur de ea, quæ fit in sacramento, post quam hic dicit: Sacramentum aliquod commendavi vobis: id est ut manducetur in sacramento spiritualiter, sacramentaliter, non carnaliter. Quod sacramentum quamvis visibiliter celebrari necesse est, oportet tamen invisibiliter, & sic spiritualiter & sacramentaliter illud intelligi. Et patet quod hoc non potest intelligi de corpore mystico diffuso per orbem, quia illud non adoratur in sacramento, sed de corpore Christi reali & naturali, de quo dicit: Nisi manducaveritis, &c. & quod necesse est visibiliter celebrari in sacramento. Hæc ille.

Item Aug. homil. 23. super Johannem, super eodem verbo sic dicit: Quomodo quidem detur, & quoniam modus sit manducandi panem istum ignoratis; verum nisi manducaveritis carnem, & biberitis ejus sanguinem, non habebitis vitam in vobis. Hæc ille.

Et quia dicunt quidam quod illud evangelicum dictum Nisi manducaveritis, debet solum intelligi de manducatione spirituali, & non sacramentali & visibili, similiter & bibitione: subdit infra parum, idem in eadem homilia dicens: Hujus rei sacramentum, id est unitas corporis & sanguinis Christi, alicubi quotidie, alicubi etiam intervallis dierum in Dominica mensa præparatur, & de mensa Dominica sumitur, quibusdam ad vitam, quibusdam ad exitum. Hæc ille.

Item ad idem est Origenes homil. XVI. in Numerorum, dicens: Dicant ergo nobis quis est iste populus, qui in usu habet sanguinem bibere? Hi erant, qui & in evangelio audientes, qui ex Judæis Dominum sequebantur, scandalizati dixerunt: Quis potest manducare carnem & bibere sanguinem? Sed populus Christianus, populus fidelis, audit hæc & amplectitur, & sequitur eum qui dicit: Nisi manducaveritis carnem meam, &c. Et utique qui hoc dicebat, pro omnibus vulneratus est: Ipse enim vulneratus est pro peccatis nostris, sicut Isaias dicit. Bibere autem dicuntur sanguinem Christi, non solum sacramentorum ritu, sed & cum sermones ejus audimus. Hæc ille. Ex quo patet quod populus Dei dicitur bibere sanguinem Christi ritu sacramentorum, affectus illo Christi præcepto: Nisi manducaveritis carnem, &c.

Item ad idem est Johannes Chrysostomus in suo dialogo lib. 2. c. 1. Illud est mysterium, sine quo nobis nec salus, nec ea, quæ bona sunt promissa divina redduntur. Nemo enim valebit ingredi in regnum celorum, nisi ex aqua renatus fuerit & spiritu; & qui non manducat Domini carnem, nec bibit ejus sanguinem, non habebit vitam æternam; quæ per nullius alterius, quam sancti manus efficiuntur sanctioris. Hæc ille. Et patet iterum qualiter iste sanctus exponit præfatum textum Christi: Nisi manducaveritis, &c. de manducatione & bibitione sacramentali, quæ duo habent effici per manus sacerdotis sancti, quod non bene intelligitur de sola manducatione spirituali. Patet etiam ex dictis hujus sancti;

ANNO necessitas communionis sacramentalis, sine  
CHRISTI qua nemo valet ingredi regnum coelorum,  
1433. sicut sine baptismo.

Item ad idem est Innocentius lib. de missa  
dicens: *Hæc quotiescumque feceritis, &c.*  
In perceptione corporis & sanguinis Christi  
si magna nobis est adhibenda discretio.  
Cavendum est enim si nimium differatur,  
ne mortis periculum incuratur, Domi-  
no protestante: *Nisi manducaveritis car-*  
*nem, &c.* Si vero quis indigne suscipiat,  
iudicium damnationis incurrit, Apostolo  
testante: *Qui manducat & bibit indi-*  
*gne, iudicium sibi, &c.* Ideoque juxta vo-  
cem ejusdem Apostoli, *probet seipsum ho-*  
*mo, & sic de pane illo edat & de calice bi-*  
*bat.* Ingens itaque nobis indicitur bene-  
vivendi necessitas, ne corpus Domini no-  
bis indigne fumendo, iudicium fumamus,  
vel fumere cessando, nihilominus incur-  
ramus periculum. Necessario quippe man-  
ducandus est agnus, ut a vastante angelo  
protegatur; nec exire possumus de Ægyp-  
to, nisi celebrando phasce, pascalem a-  
gnum comedamus. Et ante hoc dicit:  
Quod necesse est quod homo se præparet,  
ne cessando incurrat periculum. Hæc  
ille. Ex quo patet quam plane iste papa in-  
telligit & exponit illum textum Christi:  
*Nisi manducaveritis*, quæ Apostolo testante,  
aliquando possunt indigne suscipi ad iudi-  
cium. Secundo patet quam necessario man-  
ducandum est hoc sacramentum; quia, ut  
dicit, Nullatenus possumus exire de Ægyp-  
to vitiorum, nisi illud sacramentum digne  
manducemus. Patet etiam quomodo textus  
ille: *Nisi manducaveritis, &c.* bene & ca-  
tholice de communione intelligatur sacra-  
mentali. Nec valet argumentum adversario-  
rum dicentium quod aliqui doctores etiam  
eundem textum inveniunt exponere my-  
stice & spiritualiter, cum hoc non sit ad-  
mirandum, quod eadem littera potest plu-  
ribus modis exponi vere & proprie, cum  
habeat plures sensus a Christo sibi inditos &  
a Spiritu sancto flagitatos.

Item, dominus Armachanus lib. IX. de  
questionibus Armenorum c. VIII. tractans  
hunc textum: *Nisi manducaveritis, &c.* &  
exponens de spirituali manducatione quod  
int... & inter cetera sic dicit: „ Si quis  
vero dictum Salvatoris omnino velit acci-  
pere de manducatione & bibitione sacra-  
mentali, tunc intelligendum est cum mo-  
dificatione, scilicet, quod utrumque su-  
mere certo tempore, aut velle sumere,  
& esse paratum ad hoc quantum in ejus  
potestate est, est necessarium ad vitam spi-  
ritualem habendam; quia nisi quis adul-  
tus christianus esset paratus ad hoc, quan-  
tum in ipso, contemneret fidei sacramen-  
tum, & vita careret; & sic constat tibi ju-  
sta hunc sensum, quod hæc auctoritas  
Christi pro parte est affirmativa questionis  
propositæ. „ Hæc Armachanus.  
Item Eusebius pro eodem, qui in sermo-  
ne de manna pane caelesti quem sic incipit:  
Magnitudo caelestium beneficiorum, dicit:  
Adverte quam evidenter constat vini crea-  
turam Christi sanguinem nuncupandam.  
Quicquid adhuc de hac duplici specie vi-

Concilio. Supplem. Tom. IV.

A „ deas inquire, ipso Domino attestante, co-  
gnosce. *Nisi*, inquit, *manducaveritis,*  
&c. Hæc ille. Et pater quam plane doctor  
iste prædictum textum: *Nisi manducaveritis,*  
&c. exponit de manducatione & bibitione  
sacramentali, quæ sit in duplici specie sa-  
cramentali quoad omnes fideles.

Cum autem plurimi adversariorum divi-  
nissimæ communioni sub utraque specie quo-  
ad laicos, propter tot testimonia & sancto-  
rum auctoritates resistere non valentes, ip-  
sam communionem benedictæ eucharistiæ sub  
utraque specie ad laicos fideles concedunt,  
quantum in se, & de se esse licitam & ca-  
tholicam, quia a Christo institutam & ab  
apostolis & ecclesia primitiva prædicatam,  
& hæc eorum concessio patet per eorum plu-  
rima scripta; sed in hoc latibulum omnes  
confugiunt, dicentes: quod ipsa communio  
utriusque speciei non sit de præcepto. Ideo  
in nostra positione apponimus affirmando:  
*Quod toti credentium populo est a Domino*  
*præcepta salvatore.*

Istud fundatur in evangelio Christi Matt.  
26. ubi sic dicitur: *Cananibus illis accepit*  
*Jesus panem & benedixit & fregit, deditque*  
*discipulis suis & ait: Accipite & comedite,*  
*hoc est corpus meum. Et accipiens calicem*  
*gratias egit & dedit illis dicens: Bibite ex*  
*hoc omnes: Hic est sanguis novi testamenti,*  
*qui pro multis effundetur in remissionem pec-*  
*ccatorum.* Et idem ponitur Marc. 14. & Luc.

22. ubi apponitur ad nostrum propositum:  
*Hoc facite in meam commemorationem.* Per  
quæ verba, scilicet *Hoc facite*, intellexit  
non solum confessionem, sed manducationem  
& bibitionem sacramentalem. Hoc patet per  
glossam interlinearem super illo verbo Lu-  
cæ XXII. *Hoc facite*, ubi sic dicitur: Id est  
accipite & aliis date. Hæc glossa, quod in-  
telligendum est de prima & secunda specie,  
ut scilicet illam primum soli sacerdotes ac-  
cipiant, & demum aliis tradant, ad sensum  
illius cantici ecclesiæ, quod in solemnitati-  
bus festi corporis Christi canit ecclesia, di-  
cens: Dedit fragilibus corporis ferculum;  
Dedit & tribus sanguinis poculum dicens:  
accipite quod trado vasculum, omnes ex  
eo bibite. Sic sacrificium istud instituit, cu-  
jus officium committi voluit solis presbyte-  
ris, quibus sic congruit; ut sumant & dent  
ceteris. Similiter Lira super illo verbo *Hoc*  
*facite* 1. cor. XI. dicit: „ Per hoc inquit  
„ injungitur ecclesiæ hujus sacramenti usus.  
„ Hæc ille.

Secundo hæc verba, *Hoc facite in meam*  
*commemorationem*, dixit ea præceptive, sicut  
dicit Damascenus lib. 4. suarum sententia-  
rum sic dicens: „ Dixit Dominus Jesus: *Hoc*  
*est corpus meum, & hic est sanguis meus,*  
*& hoc facite* omnipotenti ejus præcepto,  
„ donec veniat: Hæc ille. Ad idem est Pa-  
schasius tractatu suo de Corpore Christi c.  
16. sic dicens: „ Crede, o fili, quia ita est,  
„ quomodo ipse dixit, & dubitare factum  
„ non potes. Ipse mandavit, & creatum  
„ est, præceptum posuit: in meam commemo-  
„ rationem facite. „ Pro eodem est &  
Lira jam allegatus super verbo prædicto sic  
dicens: „ Per hoc, inquit, injungitur eccle-  
„ siæ hujus sacramenti usus. „ Hæc ille,  
&c.

G g 2

ANNO  
CHRISTI  
1433.

Actus ter-  
tia diei.  
Quod com-  
munio u-  
triusque  
speciei  
quoad non  
conficien-  
tes sit a  
Christo  
præcepta.



ANNO  
CHRISTI  
1433.

&c. Et ista est sententia Thomæ parte 3. q. 80. art. XI. ubi sic dicit. „ Spiritualis manducatio includit votum seu desiderium percipiendi hoc sacramentum: & ideo manducatum est, quod homo tenetur hoc sacramentum sumere non solum ex statuto ecclesiæ, sed etiam ex mandato Domini dicentis. *Hoc facite in meam commemorationem.* Hæc ille. Et patet quod sumtio hujus sacramenti est a Domino præcepta & mandata per verba Christi prædicta; & quia illa verba: *Hoc facite*, Christus bis repetivit, & super utraque specie dixit: sequitur, quod utramque speciem Christus præcepit. Assumptum patet per Apostolum 1. cor. XI. ubi post verba super prima specie dixit: *Hoc facite*; & post calicem dixit: *Hoc facite quotiescumque bibetis*. Et patet quod illa verba præceptiva. *Hoc facite*, cadunt super manducationem & bibitionem sacramentali, & non solum consecrationem. Et ad hoc est Cyprianus martyr. epistola 34. ostendens & præceptum esse, & necessitatem circumfutionem hujus sacramenti integri & dicentis: „ Quod si nec minima de mandatis dominicis licet solvere, quanto magis tam magna, tam grandia, & tam ad ipsum Dominicæ passionis & nostræ redemptionis sacramentum pertinentia, fas non est infringere, aut in aliud, quam quod divinitus instituit, sic humana traditione mutare. „ Et idem in eadem epistola ante hoc dicit: „ Quod si a Domino præcipitur, & ab apostolo ejus hoc idem confirmatur, & traditur, ut quotiescumque biberimus, in commemorationem Domini faciamus, quod fecit Dominus: invenimus non ob servari a nobis quod mandatum est, nisi eadem quæ Dominus Jesus fecerit, nos quoque faciamus. Hæc ille. Et patet plane ex dictis egregii martyris, quod communionem eucharisticam, videlicet manducationem & bibitionem sacramenti, ponit inter magna & grandia mandata, quæ nulli hominum fas est infringere, vel in aliud, quam Deus instituit, mutare. Et hic deberent cavere universi adversarii, quod, non obstante tam grandi mandato Domini & apostolico, mutant institutionem Christi humana sua traditione, auferendo communionem calicis a populo fidei, & sub una tantum specie eisdem communicare instituendo; & hoc videtur sapere grande sacrilegium, sicut poterit ex dictis & dicendis hic recolligi.

Secundo, quod ipsa communio utriusque speciei toti populo credentium sit a Domino præcepta salvatore, patet per illud Joh. vi. *Nisi manducaveritis*, &c. Quod verbum, sicut dicit de Lira, sub eodem textu, importat præceptum: ergo tenetur illud dictum præceptive.

Ad idem est Thomas in suis questionibus super 4. q. 51. dicens: „ Ad obiectum sequens, dico quod duplex est confirmatio, quædam ad opera contestabilia, & hoc sit per sacramentum confirmationis: alia est ad opera delectabilia, & hæc est per eucharistiam. Patet super illud Joh. VI. *Nisi manducaveritis*, &c. Ubi glossa interlinearis dicit: Sine hoc vita temporalis haberi potest, sed non æterna: Hæc Thomas:

Et patet tam ex dictis hujus sancti, quam ex glossa interlinearis, quam allegat, quod iste textus Christi intelligitur præcipue de manducatione & bibitione sacramentali. Et ad idem verba glossæ resumuntur in legenda corporis Christi, ubi inter lectiones feriales sic legitur: „ Amen, amen dico vobis *Nisi manducaveritis carnem*, etc. Quomodo quidem detur et quisnam modus sit manducandi, licet ignoratis: tamen *Nisi manducaveritis*, etc.

Adhuc pro isto, quod sit præcepta ipsa communio, sunt et aliorum doctorum sententiæ perscrutandæ. Igitur adhuc ipse Thomas est adducendus, qui in suis sermonibus de corpore Christi, sermone 20. qui intituitur de tertio modo manducandi, scilicet de sacramentali et spiritali simul, sic dicit in forma: „ Cum enim triplex sit modus manducandi, scilicet sacramentalis tantum, quo mali Christiani manducant, et tamen non manducantur; spiritalis tantum, quo boni non manducant, et tamen manducantur; sacramentalis et spiritalis simul, quo boni Christiani manducant et manducantur. Restat ergo ad divisionis hujus sufficientiam multitudine quidem malorum, qui nec manducant, nec manducantur, id est qui corpus Christi non suscipiunt, et ideo æterna morte peribunt. Istorum tres species sunt, five turmæ. Primi infideles, secundi negligentes, tertii sunt contemtores. Infideles, quorum corda, per malitiam suam fallente diabolo, sive excecata sunt, ut non possint cognoscere et credere divina sacramenta, pro salute mundi mirabili sapientia Dei instituta. Negligentes sunt, qui temporalibus lucris et secularibus negotiis in tantum se occupant, ut sacram communione tempore debito negligant. Contemtores sunt, qui sceleribus suis tanto amore inherent, quod corpus Domini penitus sumere parvipendunt. De primis Johan. VI. *Quomodo hic potest nobis dare carnem suam, ad manducandum?* quasi diceret: Non credimus quod dare possit. Sapient. II. *Erraverunt impii, excoecavit enim eos malitia eorum, & nesciverunt sacramenta Dei* Johan. 3. *Qui incredulus est filio, non videbit vitam; sed ira Dei manet super eum.* De secundis Matt. 22. *Misit rex servos suos vocare invitatis ad nuptias, dicens: Ecce prandium meum paravi, venitis ad nuptias.* Illi autem neglexerunt & abierunt alius in villam suam, alius ad negotiationem. Glossa. In villam ire, est terreno labori inordinate insistere; negotiari vero, terrenis lucris nimis inhiare. Tales qui prandium divini sacramenti negligunt, quamvis fidem et quædam opera caritatis habere videantur, tamen nisi poeniteant damnabuntur. Johan. VI. *Nisi manducaveritis*, etc. Super illud Eph. 3. *Oro ut possitis comprehendere quæ sit subtilitas et profundum.* Dicit glossa. Profundum caritatis sunt ecclesiastica sacramenta quæ sunt profunda et investigabilia, et sunt fundamenta caritatis, sine quibus non valet caritas, id est exteriora signa caritatis non valent ad salutem æter-

ANNO  
CHRISTI  
1433.

ANNO  
CHRIST  
1433.

eternam sine sacramentis ea negligentibus num. 9. Si quis mundus est, & in itinere non fuit, id est impedimentum non habet iustæ necessitatis, & non fecit phasem, exterminabitur anima illa de populo suo, quia sacrificium non obtulit Domino tempore suo, peccatum ipsum ipse portabit. De tertius 2. Paralip. 30. Perrexerunt cures cum epistolis ex regis Ezechia imperio & principum ejus in universum Israel, prædicantes: Revertimini ad Dominum Deum vestrum, venite ad sanctuarium ejus, scilicet ad faciendum phasem, id est ad suscipiendum corpus Domini, et quidam viri acquiescentes consilio, venerunt, aliis iridentibus, et subsannantibus eos. Johan. 3. Hoc est judicium, quod lux venit in mundum, & dilexerunt homines magis tenebras quam lucem. Erant enim opera eorum mala. Quasi diceret: iusto iudicio iudicantur et condemnantur, qui plus diligunt peccatis suis inhaerere, quam se preparare et Christum suscipere. Canon: Qui pro scelere suis duobus vel tribus annis non communicant, excommunicandi sunt, donec poenitentiam agant, Luc. 18. Nemo virorum illorum qui vocati sunt, & non venerunt, gustabunt coenam meam: Hæc Thomas in forma. Ex cuius dictis patet primo, quod iste sanctus loquens de tertio modo manducandi, scilicet sacramentali et spiritali simul, dicit, quod omnes negligentes isto tertio modo manducare corpus et bibere sanguinem Christi, quod est prandium divini sacramenti, æternaliter damnabuntur, quamvis fidem et quædam opera caritatis habere videantur; probat per illud dictum Christi: Nisi manducaveritis, &c.

Secundo probat ex dicto apostoli: Quod caritas non valet sine istis sacramentis, scilicet corpore & sanguine Domini, nec exteriora signa caritatis eis valent ad salutem æternam: cuius rationem dat, quod ipsa sunt fundamentum veræ caritatis.

Tertio non habens impedimentum iustæ necessitatis, & non faciens phasem, id est non communicans sacramento eucharistiæ, ejus, inquit, anima est de populo Dei exterminanda.

Quarto patet, quod rex Ezechias, & principes etiam imperaverunt & mandaverunt universo Israel, ut veniant ad sanctuarium Dei, et faciant phasem, id est suscipiant sacramenta divina.

Quinto patet, quod omnes negligentes se preparare et suscipere Christum in sacramentis, iusto Dei iudicio excommunicantur et condemnantur, quod probat ex evangelio Christi.

Sexto patet, quod non solum tales a Christo et suo evangelio, sed etiam ab ecclesia sunt excommunicandi et condemnandi pro eorum negligentia, quousque poenitentiam egerint.

Septimo patet terribilis prophetia de talibus, quia scilicet: nemo virorum illorum qui vocati sunt, et non venerunt, gustabit amplius coenam Christi. Ex quibus summarie concluditur, quod omnes Christi fideles tenentur non negligere, sed preparare se

ad dignam communionem sacramentalem. Primo sub carentia vitæ æternæ. Secundo sub perditione caritatis. Tertio sub exterminatione animæ; quarto sub divina excommunicatione; quinto sub separatione ab ecclesia; sexto sub coenæ Christi æterna non degustatione. Ex his planissime videri potest, sub quantum rigido et districto Christi præcepto tenentur omnes Christi fideles sacramento eucharistiæ communicare; cuius rationem ponit Thomas in eodem sermone, dicens: Quia sic communicare sacramentaliter, et ultima et optima pars de primis duabus, scilicet de manducatione sacramentali tantum et de spiritali tantum, quam debent omnes fideles tamquam optimam partem eligere; Unde subdit Thomas sic in forma: Primus modus est, manducare sacramentaliter tantum et non spiritaliter; secundus modus, manducare spiritaliter tantum, et non sacramentaliter; tertius modus est, manducare sacramentaliter & spiritaliter simul. Hanc ultimam & optimam partem, scilicet de primo modo comedere spiritaliter, eligunt; & sic ex utraque parte, quod melius est comedunt, & ideo multum felices sunt. Eccles. 8. Laudavi igitur lætitiā, eo quod non esset homini bonum sub sole, nisi quod comederet & biberet, atque gauderet, quasi dicat: expertus sum plurima genera gaudiorum, & delectationum carnis et mundi, et hæc omnia vanitas, et finis eorum moeror et luctus; unde laudavi præ omnibus lætitiā, scilicet veram, id est testimonium bonæ conscientie, quod non esset homini bonum sub sole, id est melius in hoc mundo, nisi quod comederet, scilicet panem, qui de cælo descendit, id est corpus Christi, et biberet vinum quod lætificat cor hominis, id est sanguinem Domini. Hæc Thomas in forma. Ecce quod sacramentalis et spiritalis manducatio est multo melior et salubrior quam sola spiritalis, et ipsa tamquam optima pars fidelium magis eligenda. Si ergo spiritalis est de præcepto, multo magis spiritalis et sacramentalis.

Item, Paschasius tractatu suo de corpore Christi, cap. 22. sic dicit: Quorquor ergo in Christo baptizantur, Christum induunt, et panem angelorum comedunt. In quo mirum mysterio benedixit Isaac filium suum Jacob, quasi nulla esset alia benedictio quam frumenti, et vini, scilicet in pane corporis Christi et potu sanguinis, quæ de agno corporis nobis quotidie per officium sacerdotis maturentur et comedimus, etc. Et idem 23. cap. sic dicit: Nemo a carne Christi et sanguine extraneus deputetur, nisi qui seipsum culpis exigentibus, absceidit. Ecce qualis ordo. Nam qui non manducat carnem Christi nec bibit ejus sanguinem, procul dubio nec habet vitam in se manentem. Hæc ille. Item, Albertus magnus in tractatu suo de officio missæ dicit: Christus sub una specie panis corpus suum tradidit, et sub altera specie vini tradidit sanguinem, et sic servandum instituit; et cum Christi actio nostra sit instructio, pro cer-

ANNO  
CHRIST  
1433.



ANNO  
CHRISTI  
1433.

to hæc duo servanda nobis præcepit, et ideo ex præcepto Christi, sub una specie corpus, et sub altera tradimus sanguinem. Et infra: Oportet autem propter effectum sacramentalem, ut sanguis ibi habeatur ex virtute sacramenti ad nutriendum pertinente, et ideo oportuit ut esset ibi confectio ex elemento potus, sicut fuit ibi confectio ex elemento cibi; quia aliter sacramentum in virtute et ratione sacramentali esset imperfectum, quia non significaret perfectum alimentum; quia nullum alimentum hominis perficitur sine potu, sicut patet satis per ea que in ante habetis, satis bene dicta sunt. Hæc ille. Ad idem dicit Bernardus in sermone ad Petrum de corpore Christi: Benignissime, inquit, Jesu nobile satis sponsæ tuæ dotulium indulisti, ut vel sic teneret columba tua dulcissimum memoriale dilecti sui. Christus enim præiæ quam pateretur, discipulis suis hujus sacramenti formam præscripsit, efficaciam explicuit. Idem fieri præcepit, formæ præscriptio in pane et vino. Notate ordinem. Cum adhuc coenaret, a mensa surrexit, discipulorum pedes Dominus universitatis lavit, et deinde ad mensam regressus, ordinavit sacrificium sanguinis et corporis, seorsum panem, seorsum tradens et vinum. De pane ita dicit: *Accipite & comedite, &c. hoc est corpus meum.* De vino similiter: *Bibite ex hoc omnes.* Hæc Bernardus. Ex cuius verbis patet, quod Christus hoc totale sacramentum utriusque speciei tradidit toti ecclesiæ, et sic communitati fidelium, et in sumptione sic fieri præcepit. Item, ad idem est doctor Durandus super 4. sententiarum dist. 11. ubi ponens questionem, utrum manducatio sacramenti eucharistiæ sit de necessitate salutis, inter alia determinando questionem, sic dicit: Alia vero sacramenta de necessitate salutis ratione præcepti divini; quia cum omnia sacramenta instituta sint propter salutem viatorum, non videtur quod absque contemptu homo viator possit talia totaliter omittere, habita opportunitate ministri volentis et valentis. Unde si talia sacramenta, non recipit, puta eucharistiam et extremam unctionem, videtur contemnere præceptum divinum. Et infra: Est ergo eucharistia de necessitate salutis, ratione præcepti divini, ac etiam ratione præcepti ecclesiæ, ut habetur ex concilio generali extra. de pe. et remiss. capitulo, *Omnis utriusque sexus.* Hæc ille.

Item, dominus Armachanus Hiberniæ primas, lib. 9. de questionibus Armenorum cap. 7. ubi Johannes quaerit: sic: Dic nunc, Licet unquam communicare indistincte sub utroque sacramento corporis & sanguinis? & respondet Richardus, sic dicens: Iuxta sacram scripturam licet communicare quoscunque sub utroque sacramento. Paulus enim apostolus scribens toti ecclesiæ quæ erat Corinthi, omnibus eis tam viris, quam mulieribus de hoc sacramento loquens, sic dicit 1. Cor. 11. *Si quis videtur contentiosus esse, nos talem consue-*

*dinem non habemus, &c.* Et consequenter adiungit: *Quotiescumque manducaveritis panem hunc & calicem biberitis, mortem Domini annuntiabitis donec veniat. Itaque quicumque manducaverit panem hunc, & biberit calicem Domini indigne, reus, &c.* Probet autem se, &c. Constat quod loquitur cunctis fidelibus Corinthi & toti illi ecclesiæ. Sic enim incipit illam epistolam: *Paulus apostolus, &c. ecclesiæ Dei quæ est Corinthi;* & eis suadet, non dubium, omnibus ratione utentibus, cap. 1. dicens: *Propter quod, curissimum, fugite ab idolorum cultura, cuius suasionis rationem consequenter subiungit sic: Quæ immolant gentes, demoniis immolant & non Deo.*

Nolo autem vos fieri socios demoniorum. Sicut igitur omnes debent idolorum culturam fugere, sic omnes innuit debere calicem Domini bibere, & esse participes ejus mensæ, quod verba superiora satis ostendunt, cum indistincte loquatur omnibus, *Convenientibus vobis in ecclesiam.*

Addens, quod unusquisque coenam suam præsumit ad manducandum, consequenter eos instruens, sic dicit: *Quotiescumque manducabitis panem & calicem Domini biberitis, mortem Domini annuntiabitis donec veniat.* Omnes qui potuerunt se probare, sicut subiungit: *Probet autem seipsum homo, qui tam de pane, quam de calice participare voluit, cum omnibus tradat doctrinam totam præmissam.* Item hoc satis ostendit ex hoc quod reprehendit eos indistincte, scilicet quod unusquisque coenam suam, scilicet tam sacramentum corporis quam sanguinis, præsumit singulariter manducare. Itaque aliqui, aliis esurientibus, ebrii ex hoc erant. Ecclesiæ tamen Romana in usu habet solum vinum calicis (a) conferre post communionem corporis Christi, ne forte per negligentiam, quæ forte posset contingere in ministrando in multitudine, propter sacramentum sanguinis Christi fidelibus quibuscumque aliquid effunderetur de ipso sacramento, quale periculum non est in ministracione corporis Christi fidelibus indistincte. Et ideo populo sacramentum sanguinis non ministratur, quamvis fieri posset licite. Hæc Armachanus.

Cum autem multum accommodum sit in materia fidei ipsi ecclesiæ primitivæ, primitivæ Spiritus habenti, conformari, cum nostra conversatio Christo & apostolis propinquior, & eorum doctrina sicut luna soli viciniore, tantum luminosior, sanctior, & omni religione Catholica decorosior; moribus pulchrior, fide purior & ex consequenti imitabilior; de qua dicit Apostolus: *Ipsi enim scitis, fratres quemadmodum vos oporteat imitari nos non aliter, quam sicut habetis formam nostram.* Et alibi dicit Apostolus: *Itaque, fratres, state & tenete traditiones quas didicistis, sive per sermonem, sive per epistolam nostram.* Et hoc Beda notat in homilia infra octavam Ascensionis super evangelio, *Cum venerit Paraclitis Spiritus, sic dicens: Perfectum vitæ magisterium est ecclesiæ primitivæ actus imitari.*

ANNO  
CHRISTI  
1433.

(a) Id est  
vinum  
consecra-  
tum, quod  
calici po-  
st commu-  
nionem  
perfunditur.

Quod ecclesiæ  
primitivæ  
imitanda  
in fide,  
moribus  
& doctrina.

ANNO 1433. „ Et infra: Nec dubitandum, quia quorum  
nunc vestigia sequimur, ad eorum in fu-  
turo simus præmia perventuri, a quo de-  
clinare est stultum & imperfectum sequi  
erroris devium. Electi itaque & ipsi veri  
filii Israel dicant potius illud num. 20. &  
21. *Via regia gradiemur, non declinando*  
*ad dexteram nec ad sinistram.* Quæ via,  
est via ecclesiæ primitivæ, a qua exorbi-  
tare in fide, doctrina & moribus, gran-  
dis error est. Et subditur: Per tritam gra-  
diemur viam & publicam; quam scilicet pe-  
des sanctorum ecclesiæ primitivæ & sancto-  
rum doctorum attriverunt, non pedes mo-  
dernorum errantium, ipsam matrem, veluti  
degeneres filii, moribus, operibus & imi-  
tatione negantium & relinquunt; de qui-  
bus dicitur Proverb. 15. *Stultus despiciit ma-  
trem suam* Electis Dei dicitur Proverb. 1.  
*Audi, fili mi, doctrinam patris tui, Christi.*  
*& ne dimittas legem matris tuæ,* id est ec-  
clesiæ primitivæ. Nam imitari meliores, &  
exemplo meliorum vitam componere & mo-  
res regere, semper erat prudentum senten-  
tia. Illa autem exempla digna sunt imita-  
tione, quæ excellentiora sunt pietate, ut  
dicitur di. 9. *Sana.* Et concordat di. 20.  
*De quibus,* ubi dicitur, quod exempla an-  
tiquorum sanctorum tam in scriptis, quam  
in factis, sunt perspicaciter recordanda &  
imitanda, quod vult sanctus Beda in aucto-  
ritate supradicta; quod fecit ipse una cum  
Augustino, Jeronimo, & ceteris plurimis  
sanctis in docendo & sequendo ecclesiam  
primitivam in administratione eucharistiæ  
sub utraque specie. Propter quod eorum do-  
ctrina potius est sequenda, & via eorum  
securius ambulanda, quam via modernorum  
a lege Domini oberrantium. Quare post le-  
gis fundamenta & sanctorum doctorum, pro  
utraque specie divinisæ communionis ad  
laicos jam adductæ, proximæ restat ec-  
clesiæ primitivæ diligenter aspiciere & pex-  
trare.

Arguit namque ipsa communio calicis  
præclari apud Corinthios, prout ex episto-  
la colligitur magni Pauli apostoli, quod ple-  
rique adversariorum nec audient nec possunt  
rationabiliter saltem denegare.

Viguit etiam & tempore Dionysii, sicut  
de hoc Dionysius de ecclesiastica hierarchia  
cap. de eucharistia recitat, sic dicens: „  
Coopertum & indivisibilem panem discoo-  
periens, & in multa dividens, & uniti-  
viam calicis omnibus præcipiens signifi-  
cative unitatem significat & distribuit, sa-  
cratissimum in istis sacrificiis perficiens;  
ubi glossa dicit: Episcopus sive sacerdos  
ipsa sacramenta manifestat & discoope-  
rit, & dividens ea multis distribuit, &  
hoc ipsum facit de calice, per signifi-  
cationem unum in multis dividens.

Viguit & tempore Origenis hæc commu-  
nio sub utraque specie, qui scribens in homi-  
mil. xvi. super. num. dicit: „ Dicant ergo  
nobis, quis est iste populus, &c. ut su-  
pra est allegatum.

Viguit etiam tempore Donati, ut de hoc  
scribitur in passionibus, & ut tangit de hoc  
beatus Gregorius lib. I. dialogorum. cap.  
VIII. Quod cum quadam die missa celebra-

ta populus communicaret, & diaconus com-  
municans Christi sanguinem propinaret, fu-  
bito paganorum impulsu diaconus cecidit,  
& calicem sanctum fregit. Ex quo patet  
quod diaconus de officio suo olim porrige-  
bat fidelibus laicis sanguinem Christi sub  
specie vini de calice, ut de hoc scribit S.  
Thomas de veritate catholicæ fidei contra  
errores infidelium lib. 4. c. 751. ubi agit de  
distinctione ordinum. „ Acolythi habent mi-  
nisterium super vasa non sacra, in quibus  
sacramenti materia præparatur; unde eis  
urceoli in sua ordinatione traduntur. Sub-  
diaconi autem habent ministerium super  
vasa sacra, & super dispositionem mate-  
riæ nondum consecratæ. Diaconi autem  
habent ulterius ministerium super mate-  
riam jam consecratam, prout sanguinem  
Christi dispensant fidelibus; & ideo hi  
tres ordines sacri dicuntur, quia accipiunt  
ministerium super aliqua sacra, & deser-  
viunt etiam superiores ordines in præpa-  
ratione populi. Unde & diaconibus com-  
mittitur evangelica doctrina populo pro-  
ponenda; subdiaconibus apostolica, acoly-  
thyis ut circa utramque exhibeant quot  
pertinent ad solemnitatem doctrinæ, scilicet  
luminaria deferant, & alia hujusmodi  
administrent. Hæc ille.

Item, observabatur olim communio præ-  
clari calicis ad plebes tempore Leonis pa-  
pæ, qui sanctus papa, ut dicit in sermone  
quadagesimali Dominicæ *Reminiscere*, qui  
sermo incipit: *Prædicaturus vobis, dilectissi-  
mi, sanctissimum maximumque jejunium;*  
ostendens quosdam jejunium observare die do-  
minica in contemptu resurrectionis ejus, ad  
sacramentum corporis Domini sub specie  
panis accessisse, sed a sacramento alterius  
speciei declinasse, sic inquit: „ Nulla ita-  
que vos contagionis hujus aspergat impie-  
tas, cum his qui sua maxime observan-  
tia polluantur, servientes potius creaturæ  
quam creatori, & luminaribus cœli stul-  
tam abstinentiam devoteutes, quos nemo  
ambigat esse Manichæos, qui in honorem  
solis & lune die Dominico & secunda fe-  
ria deprehensi fuerint jejunare; uno enim  
perversitatis suo opere bis impii bis pro-  
phani sunt, qui jejunium suum ad syderum  
cultum, & ad resurrectionis Christi insti-  
tuere contemptum. Abdicant enim se sa-  
cramento salutis humanæ, & Christum Do-  
minum nostrum, sicut in unitate \* carnis \* I. veri-  
tatem nostræ denegant natum, ita vere mor-  
tuum & resurrexisse non credunt; & ob apud S.  
hoc diem nostræ heretice jejuni sui mærore  
re condemnant. Cumque ad tegendam in-  
fidelitatem suam nostris audent interesse  
mysteriis, ita in sacramentorum commu-  
nitione se temperant, ut interdum, quo  
tutius lateant, ore indigno corpus Christi  
accipiant, sanguinem autem redemptionis  
nostræ haurire declinent; quod ideo vos  
scire volumus, ut vobis hujusmodi homi-  
nes etiam in his manifestentur indictis; &  
ubi deprehensa fuerit sacrilega simulatio,  
norati & proditi a societate sanctorum  
pellantur. De talibus enim beatus Paulus  
apostolus ecclesiam Dei provide monet,  
dicens: *Rogamus autem vos, fratres, ut*  
obsr-

ANNO  
CHRISTI  
1433.

Leonis.

\* I. veri-

ut

apud S.

Leonem.



ANNO  
CHRISTIANI  
1433.

De praxi  
tempore  
B. Grego-  
rii.

\* al. pati-  
tur.

S. Augu-  
stini.

S. Cypria-  
ni.

„ *observetis eos qui dissensiones & offendicu-  
la prater doctrinam quam didicistis fa-  
ciunt, & declinare ab his, &c.* „ Hæc ille  
Ex quo patet quod communicantes sub pri-  
ma specie & calicem haurire declinantes,  
dicuntur sacrilegii crimen committere; quod  
non fieret, si communio sacramenti calicis  
præcepta non esset. Secundo patet quod ta-  
les a societate sanctorum sunt expellendi,  
& sic excommunicandi, & a talibus, ut ab  
excommunicatis, est declinandum; quod non  
fieret nisi tales grande scelus contra legem  
Dei committerent.

Viguit etiam hæc communio sub utraque  
specie ad laicos tempore beati Gregorii; unde  
ipse Gregorius scribit in homilia pascha-  
li, ut habetur in canone, di. 2. *Quid sit.*  
„ Quid sit sanguis agni non jam audiendo,  
sed bibendo didicistis: qui sanguis super  
utrumque postem ponitur, quando non  
solum ore corporis, sed etiam cordis hau-  
ritur. In utroque enim poste agni san-  
guis est positus, cum ore ad redemptio-  
nem sumitur, ad imitationemque intenta  
mente cegitur. Et infra. In hoc mythe-  
rio moritur, ejus quoque utique corpus  
sumitur, ejus caro in salutem populi \* par-  
titur, ejus sanguis jam in manus infide-  
lium per ora funditur. Hæc ille.

Sed tempore Augustini ipsa communio sub  
duplici specie servabatur, sicut de hoc scri-  
bit Augustinus in quodam sermone, & ha-  
betur in canone de consecrat. di. 2. *Quia-  
passus*, ubi sic ait: „ Vos post jejunia, post  
labores, post humilitatem & contritio-  
nem, jam in nomine Christi, tamquam ad  
calicem, venistis, & ibi in mensa & in  
calice nobiscum vos estis: simul hoc su-  
mimus, simul hoc bibimus, quia simul vi-  
vimus. Hæc Augustinus, Item Augustinus,  
& ponitur de consecrat. di. 2. Dum fran-  
gitur hostia, sanguis in ora fidelium fun-  
ditur, quid aliud quam Domini corporis  
in cruce immolatio, ejusdemque de  
latere effusio designatur? Hæc ille.

Adhuc & tempore Cypriani communio sub  
duplici specie ad laicos practicabatur: unde  
Cyprianus sanctus martyr suarum epistolarum  
epistola 34. loquens de sacramento Domi-  
nici calicis, dicit ad quemdam coepisco-  
pum: „ Quamquam sciam, frater carissime,  
episcopos plurimos ecclesiis Dominicis in  
toto mundo divina dignatione præposi-  
tos, evangelicæ veritatis ac divinæ tra-  
ditionis tenere rationem, nec ab eo quod  
Christus magister & præcepit & gessit,  
humana & novella institutione decedere;  
cur quidam vel ignoranter, vel simplici-  
ter, in calice Dominico sanctificando &  
plebi ministrando, non hoc faciant quod  
Jesu Christus Dominus & Deus noster,  
sacris hujus auctor & doctor, hoc fe-  
cit & docuit? Hæc ille. Idem Cypria-  
nus S. martyr epistola 14. suarum episto-  
larum ad Tibarianos, sic dicit: Scire de-  
betis & pro certo credere ac tenere, præ-  
faturæ diem super caput esse, coepisse & oc-  
casum sæculi, atque antichristi tempora  
appropinquasse, ut parati omnes ad præ-  
lium itemus, nec quidquam nisi gloriam  
vitæ æternæ & coronam confessionis Do-

minicæ cogitemus. Nec putemus talia  
esse quæ veniunt, qualia fuerunt illa quæ  
transierunt; gravior nunc & ferocior pu-  
gna imminet, ad quam fide incorrupta ac  
virtute robusta parare se debeant milites  
Christi, considerantes ideo se quotidie  
calicem sanguinis Christi bibere, ut pos-  
sint & ipsi propter Christum sanguinem  
fundere. Hoc est enim velle cum Christo  
inveniri, seu id quod Christus & fecit &  
docuit imitari. „ Hæc ille. Ad idem S.  
Cyprianus epist. 37. dicit: „ Quomodo do-  
cemus aut provocamus eos in confessio-  
ne sanguinem suum fundere, si eis mili-  
taturis Christi sanguinem denegamus? aut  
quomodo ad martyrii poculum idoneos  
facimus, si non eos prius ad bibendum in  
ecclesia Domini poculum jure communi-  
cationis admittimus? „ Hæc ille. Item,  
idem S. Cyprianus epist. 34. ad Cecilium de  
lapsis sic dicit: „ Sic ergo incipit & passio-  
nibus Christi fraternitas in persecutioni-  
bus retardari, dum in oblationibus discit  
de sanguine ejus & cruore confundi. „  
Et infra: „ Quomodo autem possumus pro-  
pter Christum sanguinem fundere, qui  
sanguinem Christi erubescimus bibere, qui  
tunc potest lætificare in ecclesia bibentem  
turbam? Sed quod bibitur, Dominicam te-  
neat veritatem. „ Hæc Cyprianus.

Item, Fulgentius de divinis officiis, cu-  
jus prologus sic incipit: „ Ea quæ per anni  
circulum, &c. Verbum Patris carni & san-  
guini, quem de utero Virginis assumse-  
rat, & panis ac vino, quod in altari su-  
mitur, medium interveniens, unum efficit  
sacramentum, quod cum in ora fidelium  
sacerdos distribuit, panis & vinum ab-  
sumitur & transit. Parrus autem Virginis  
cum unito sibi verbo Patris, & in coelo  
& in hominibus integer permanet & in-  
consumitur. Hæc ille.

Et in libris missalibus plerisque antiquis  
sic scriptum reperitur, rubricaque talis ha-  
betur: Communicantes alios dicat: Perceptio  
corporis Domini nostri Jesu Christi profit  
animæ tuæ & corpori tuo in vitam æter-  
nam. Ad calicem autem dicat: Sanguis  
Domini nostri Jesu Christi proficiat tibi  
in remissionem omnium peccatorum tuo-  
rum in vitam æternam.

Item glossa Lira super illud Proverb. IX.  
*Bibite vinum quod miscui vobis.* „ Vinum id  
est sanguinem meum, in quo admiscetur  
aqua. In utraque enim specie communi-  
cabant antiquitus fideles. Item super il-  
lud Pauli: *Et sic de pane isto cedit & de  
calice bibat*, dicit, quod hic fit mentio  
de duplici specie, nam in primitiva ec-  
clesia sic dabatur fidelibus. Et dicit Wil-  
helmus de Monte-Lauduno in sacramen-  
tali suo, titulo *de sacramenti hujus usu*,  
quia adhuc in multis locis communica-  
tur cum pane & vino, id est cum toto  
sacramento. Hæc ille. Idem super illud  
Hæc 25. *Et faciet Dominus exercituum*,  
id est rex angelorum, omni populo, id est  
electis suis, quia assumuntur ex omnibus  
populis in monte hoc, id est in monte  
Sion, ubi dicitur Dominus fessisse coenam  
discipulis convivium pinguisimum, &c.  
id

ANNO  
CHRISTI  
1433.

ANNO  
CHRISTI  
1433.

id est convivium excellentissimum, habens in se omne spirituale delectamentum, quod desinatur per delectabilia hic expressa. Tunc enim dedit discipulis corpus in cibum, & sanguinem in potum, & hoc sacramentum est maxime refectivum, & per apostolos suos fecit & facit hoc convivium ministrari omnibus Christianis per orbem diffusis. Hæc per totum Lira. Item super istud Zachariæ IX. Quid enim bonum est ejus, & quid pulchrum ejus nisi frumentum electorum, & vinum germinans virgines, &c.

Quid bonum ejus, id est, quid est placens coram Deo, nisi frumentum electorum, id est corpus Christi conferatum in panem frumenti, quo nutriuntur spiritualiter electi; & vinum, id est sanguis Christi sub specie vini, germinans virgines, id est multiplicans virgines in ecclesia Dei sequentes vestigia Christi passi. Hæc Lira.

Item Thomas de Aquino parte 3. Summæ, art. 3. q. 82. Sanguis Christi dispensatur populis per diaconos: unde & beatus Laurentius dixit beato Sixto: Experire utrum idoneum ministrum elegeris, cui commisi sit Dominici sanguinis dispensationem. Et infra: Et quia diaconi sunt inter sacerdotes & populum, magis convenit diaconibus dispensatio sanguinis, quam dispensatio corporis. Hæc ibi. Idem dicit B. Augustinus sermone IX. de S. Laurentio. Quam gloriosa & quanta & quantum virtutum multitudo, quasi florum varietate distincta Laurentii sit corona, universa restis est Romana ecclesia. In ipsa enim ecclesia, sicut soletis audire, diaconi gerebat officium: ibi sacrum Christi sanguinem ministravit, ibi pro Christi nomine suum sanguinem fudit. Hæc ille.

probat  
omnino  
aplici  
specie per  
concilia  
generalia.

Cum autem concilia generalia iuste, sancte, & secundum Deum acta, tementa & celebrata, sunt agri Domini præcipua cultura, vepres, spinas & tribulos hæresum, errorum & schismatum extirpantia, excessus corrigentia, deformata reformantia, & videntur Domini ad frugem uberrimæ utilitatis adducientia, restat ipsa jam in præsentem confirmationem nostram propositi adducere, & in medium nostrum proponere. Unde concilium Carthaginense quartum sic dicit, & habetur 26. q. 16. Qui poenitentiam in infirmitate petit, si casu, dum ad eum venit sacerdos, oppressus infirmitate obmutuerit, vel in phrenesim versus fuerit, dent testimonium qui eum audierunt, & accipiat poenitentiam. Et si continuo moriturus creditur, reconcilietur per manus impositionem, & infundatur ori ejus eucharistia. Si supervixerit, ammonetur a supradictis testibus petitioni suæ satisfaciendum, & subdatur statutis poenitentiae legibus, quamdiu sacerdos, qui poenitentiam dedit, probaverit. Hæc ibi. Item ex concilio Toletano 4. capitulo Pro reverentia, sic habetur. Pro reverentia, sanctissimæ fidei, & propter corroborandas hominum invalidas mentes, consulo piissimi & gloriosissimi Recaredi regis, con-

stituit synodus per omnes ecclesias Hispaniæ & Galliæ vel Galliciæ, secundum formam orientalium ecclesiarum concilii Constantinopolitani CL. episcoporum, symbolum fidei recitetur; & priusquam Dominica dicatur oratio, voce clara prædicetur populo, quo & fides vera manifestetur, & testimonium habeat, & ad Christi sanguinem prælibandum, pectora populorum fide purificata accendant. Hæc ibi.

Jam autem ad rationes aliquas & paucas condescendens, primo, quod sit utilis & saluti expediens, arguitur sic. Illud est utile & saluti expediens fidelium, quod in anima fidelis arida humectat, incensa refrigerat, & extinguit, immo lavat; calefacit, lætificat, sanat & placat. Sed talis est communio sub utraque specie a fidelibus digne celebrata: ergo est utilis & saluti expediens, &c. Major nota. Minor patet per Thomam sermone 3. præsertim de calicis sacramento tractantem: qui Thomas jam ante supra est allegatus.

Item arguitur sic: Illud quod est institutum a Christo, ad dandum fidelibus, omne delectamentum habens spirituale, est utile Christianis & expediens salutis. Sed communio divinissimæ eucharistiæ sub utraque specie digne celebrata, est hujusmodi: ergo utilis, &c. Major est nota. Minor pro prima specie patet per illud Sapientiæ XV. Panem de celo dedisti eis, habentem omne delectamentum & omnem saporem suavitatis. Et per Thomam 22. sermone dicentem: De primo, mo dicitur Isaia 52. Audite audientes me, & comedite bonum, & delectabitur in crastina anime vestra. Ambrosius: Panis candidissime, habens omne delectamentum, & omnis saporis suavitatem, qui nos semper reficit, & nunquam vitæ deficit, comedit te cor meum, & dulcedine saporis tui repleantur viscera anime meæ. Hæc Thomas. Pro secunda autem specie patet per Chrysostomum supra allegatum super Johannem, qui loquens de sanguine Christi & de effectibus illius, atque delectationibus quas operatur, sic inter cetera dicit: Secus hunc fontem plantati sunt non salices, infructuosi, sed & arbores ad ipsum ascendentes coelum.

Item arguitur sic: Illud est utile & expediens, quod est pro tuitione corporis & anime: sed communio divinissimæ eucharistiæ sub utraque specie digne celebrata, est hujusmodi: ergo, &c. Major est nota; minor patet per Ambrosium, Thomam & Innocentium supra allegatos: ergo &c.

Quod autem communio divinissimæ eucharistiæ sit necessaria & præcepta, sic arguitur & probatur. Illud sacramentum est necessarium ex lege & præceptum, ad cuius usum sub indignatione Dei omnipotentis obligantur & cogendi sunt fideles: sed tale est sacramentum eucharistiæ: ergo ipsum est necessitatis & præcepti. Major nota est de se, cum tale quodlibet est obligativum sub poena peccati mortalis: sed & minor patet Matt. 22. ubi dicitur, quod rex fecit nuptias filio suo, & præcepit servis suis vocare &

Rationes  
pro com-  
munionem  
utriusque  
speciei.  
1. Quod sit  
utilis.



ANNO  
CHRISTE  
1433.

invitare ad nuptias, & per illud Lucæ 14. ubi fecit. cogere invitatos ad nuptias.

Quod autem hoc prandium illarum nuptiarum sit convivium sacramentale, patet per Liram, ibidem exponentem sic & dicentem: „Nuptiæ istæ non possunt intelligi beatitudo in ecclesia triumphante, quia infra dicitur: *Servi vocaverunt ad nuptias bonos & malos, & implete sunt nuptiæ.* Ad beatitudinem autem coelestem non admittuntur boni cum malis, sed solum boni; nullus etiam ibi receptus ejicitur. Et subdit: *Ecco prandium paravi, videlicet sacramentum ecclesiæ & doctrinæ, quibus reficitur anima, & potissimum in sacramento eucharistiæ, in quo datur nobis caro Christi in cibum, & sanguis ejus in potum.* Hæc Lira.

De coactione autem pro secunda parte minoris, dicit Augustinus exponens eundem textum de convivio sacramentali, ut patet 23. q. 6. cap. *Schismata*, ubi dicit: Unde & ipse Dominus ad magnam coenam suam prius convivas suos adduci jubet, & postea cogi. Nam cum ei servi respondissent: *Domine, factum est quod jussisti, & adhuc locus est.* Exiit, inquit, in vias & sepes, & quoscunque invenieritis cogite intrare, non quia coguntur reprehendant: sed quo coguntur attendant. Et repetens eadem verba 23. q. 4. cap. *Ipsa pietas* subdit: Convivium Domini est unitas corporis Christi non solum in sacramentis altaris, sed & in vinculo pacis. Hæc ille. Ex quo patet illud convivium, ad quod cogendi sunt fideles, esse in sacramento altaris & in convivio pacis; ex quo sequitur minorem esse veram.

Explicit positio primi articuli Bohemorum in concilio Basileensi.

Per organum magistri Johannis de Rokazana publicata in refectorio Predicatorum in audientia publica, mense Januario, anno Dominica incarnationis 1433.

### TERTIUS ARTICULUS BOHEMORUM

Propositus in sacro Basileensi concilio, per dominum Ulricum, unum ex oratoribus Bohemorum præmissorum.

1b. p. 305.  
Actus 1.  
dicit.

**I**N nomine Domini Dei nostri. Amen. Locuturus in hoc venerando concilio coram reverendissimis in Christo patribus & dominis egregiis magistris & doctoribus, ac tanto auditorio, anxius est in me spiritus meus, in me turbatum est cor meum, tum propter laudabilem perspicaciumque viro rum præsentiam, tum propter parvitatem & inhabilitatem ingenii mei, quam scio in memetipso fore satis magnam. Ex injuncto tamen mihi onere a confratribus meis, confidens de Patre misericordiarum, a quo omnis sapientia, cujus denique manus non est abbreviata, ut salvare nequeat, neque aggravata est a viris ejus, ut non exaudiat, Isaïæ 59. Ad ipsum, inquam, Patrem mise-

ricordiarum recurrens, cordialiter invoco, quatenus dignetur labia mea aperire, ut os meum annuntiet laudem suam.

Pro aliquali ergo præambulo infra dicendorum, & pro veritate articuli nostri texti, quem habemus præ manibus, occurrunt verba quæ scribuntur Matt. 22. sub hac forma: *Magister, scimus quia verax es, & viam Dei in veritate doces, & non est tibi cura de aliquo.* Non enim inspicis in personam hominum. Quamquam illa verba dicta sunt a calumniatoribus Domini nostri Jesu Christi, puta Phariseorum discipulis, & Herodianis, tamen ad intentionem Spiritus sancti, a quo est omnis veritas, sunt verba fidelissima, & omni acceptione digna. Ipse enim Jesus est verax magister, & viam Dei in veritate docet, &c. In quibus quidem verbis tria tangantur, quæ faciunt magistrum laudabilem, scilicet veritas vitæ, veritas doctrinæ, & veritas justitiæ. Primum ibi: *Scimus quia verax es.* Secundum ibi: *Viam Dei in veritate doces.* Tertium ibi: *Et non est tibi cura de aliquo.* Ista tria habuit in se Dominus Jesus laudabilis noster magister.

Primum quidem habuit veritatem vitæ: quoad immunitatem peccati, juxta illud 1. Pet. 2. *Qui peccatum non fecit, nec inventus est dolus in ore ejus.* Hic dixit Judæis, ut habetur Johannis 8. *Quis ex vobis arguet me de peccato? si veritatem dico, quare non creditis mihi?* Secundo, ipse magister noster Jesus habuit veritatem doctrinæ, quoad annuntiationem voluntatis Dei Patris omnipotentis, quod tangitur ibi: *Et viam Dei in veritate doces.* De hac Johan. 7. *Doctrina mea non est mea, sed ejus qui misit me.* Et ibid. cap. 8. *A me ipso facio nihil, sed sicut docuit me Pater, hæc loquor.* Et cap. 14. Johan. *Verba quæ loquor vobis, a me ipso non loquor: Pater in me manens ipse facit opera.* Tertio, ipse noster magister habuit veritatem justitiæ in non acceptione personarum, quod tangitur ibi: *Et non est tibi cura de aliquo.* Non enim respicis personam hominum. De hoc Johan. 8. *Ego non judico quemquam; & si judico ego, judicium meum verum est; utique verum; fuit enim sine personarum acceptione.* Patet in hoc quod dixit quibusdam ex Hierosolymis, ut habetur Johan. 7. *Est verus qui misit me, quem vos nescitis, ego autem scio eum; & si dixero quia nescio eum, ero similis vobis mendax.* Item Johan. 8. *Vos ex patre diabolo estis, & desideria patris vestri vultis facere.* Ille homicida erat ab initio, & in veritate non stetit, quia non est veritas in eo. Cum loquitur mendacium, ex propriis loquitur, quia mendax est & pater ejus: Ego autem, qui veritatem dico, non creditis mihi. Item patet Matt. 23. *Vae qui scribas & Phariseos salutant.* Item Lucæ 11. ubi dicitur: *Vae vobis Phariseis, qui diligitis primas cathedras in synagogis, & salutationes in foro.* Vae vobis, qui estis ut monumenta quæ non apparent, & homines qui supra ambulant nesciunt. At quidam legisperitus ait illi: *Magister, hæc dicens etiam nobis contumeliam facis. At ille respondens ait: Et vobis legisperitis vae, quia oneratis homines oneribus, quæ portare non possunt, & ipsi vos digni*

ANNO  
CHRISTE  
1433.

vestro non tangitis sarcinas. Ecce veritas  
justitiæ in isto magistro, quia etiam legispe-  
ritis, qui se justificabant coram hominibus,  
non pepercit. Hinc dixit personas acceptan-  
tibus, ut habetur Johan. 7. Nolite judicare  
secundum faciem, sed iustum judicium judi-  
cate. Hic est enim, inquam, ille magister  
de quo dicitur Matt. 23. Vos autem nolite  
vocari rabbi, unus est enim magister vester.  
Iste itaque magister præ aliis principaliter  
est audiendus, imitandus & honorificandus.  
Pro primo est vox Patris, ut habetur Matt.  
9. Et venit vox de nube dicens: Hic est Fi-  
lius meus carissimus, audite eum. Item vox  
Matris Johan. 2. Dicit Mater ejus ministris:  
Quodcumque dixerit vobis facite. Et merito  
audiendus: omnis enim anima quæ non au-  
dierit magistrum seu prophetam illum, exter-  
minabitur de plebe. Actum 3. Pro secundo,  
quod sit imitandus. Est enim Christus exem-  
plar & speculum nostrum sine macula, ad  
ipsum quantum sufficimus imitandum. Ad  
hoc enim specialiter incarnatus fuit, ut hu-  
manum genus redimeret, & viam virtutum  
suis fratribus exemplaret: unde dictum est  
in figura Exodi 25. Inspice & fac secundum  
exemplar quod tibi in monte monstratum est.  
Mons Christus est, de quo psalmus: Mons  
Dei, mons pinguis. Hinc dixit Apostolus ad  
Ephes. 5. cap. Imitatores mei estote sicut fi-  
lii carissimi, & ambulate in dilectione, sicut  
Christus dilexit vos. Et Johan. 12. Qui mi-  
hi ministrat, me sequatur. Pro tertio, scili-  
cet quod sit honorificandus, dicitur Johan.  
5. Omne judicium dedit Pater Filio, ut om-  
nes honorificent Filium, sicut honorificant  
Patrem. Qui enim non honorificat Filium,  
non honorificat Patrem qui misit illum. Et  
merito: hoc enim honore condignus est, rex  
quemcumque voluerit honorare. Esther. 6.  
Hunc ergo magistrum oportet nos habere,  
pro vero præfidente sine medio ecclesiam in-  
formandi, pacificandi & reformandi, tam  
in capite vocato, quam in membris. Nam  
ipse est optimus legis interpres, ut patet ex  
fide scripturæ, cujus judicio, acceptioni  
& interpretationi oportet stare salvandum  
quemlibet, si voluerit ab errore (immunis  
esse) non solum in materia fidei, sed etiam  
in veritate quacumque necessaria ad salu-  
tem; cum illud sit argumentum infallibile:  
Hoc dixit Christus Jesus, ergo verum. Hoc  
mandat Christus Jesus, ergo faciendum.  
Hoc consultat Christus Jesus, ergo propter  
imprudenter viatorum non omittendum.  
Hoc prohibet Christus Jesus, ergo non fa-  
ciendum. De puro autem homine infallibi-  
liter non sic sequitur de forma, cum non  
sequitur videlicet: Hoc dixit homo, hoc  
dixit Romanus pontifex, hoc dicit Euge-  
nius papa: ergo verum aut faciendum; sed  
addito isto medio bene sequitur: Hoc dicit  
Romanus pontifex, & in scriptura canoni-  
ca se fundat veraciter, ergo hoc est verum  
aut faciendum. Et pro ista sententia est e-  
gregius doctor beatus Augustinus dicens:  
„Noli literis meis quasi canonicis scriptu-  
ris interire, sed in illis quæcumque cre-  
debas cum inveneris, incunctanter crede:  
„in meis antem quod certum habeas, nisi  
certum intellexeris, noli firme tenere.”

Concilior. Supplem. Tom. IV.

Hæc ille, & habetur 9. di. Noli. In ipsius  
ergo Jesu Christi optimi magistri nostri no-  
mine articulus noster tertius in ordine pro-  
ponitur in hac forma.

*Verbum Dei, exemplo Christi & apostolo-  
rum, a sacerdotibus Domini libere ac sine  
impedimento, fideliter & veraciter debet præ-  
dicari & annunciari.*

Inprimis antequam accedam ad ostenden-  
dam veritatem articuli tertii, quem habemus  
præ manibus, juxta sapientum doctrina-  
m & laudabilem consuetudinem, propter  
lapsum lingue siue imperitiam, protestationem  
per dominos meos nuperrime recitatum  
& confratres, venerandum magistrum Jo-  
hannem de Rokezana, & honorabilem sa-  
cerdotem Nicolaum bacalaureum artium li-  
beralium, hic infero, volens ipsam habere  
pro renovata.

Bene autem iste articulus sequitur secun-  
dum. Si enim peccata mortalia publica, &  
quantum fieri potest etiam occulta, ordina-  
te cassarentur in ecclesia, nunc sacerdotes  
utiliter prædicarent Verbum Dei, & popu-  
lus utiliter audiret, alias non. Nam, ut  
dicitur in psalmo, Peccatori autem dixit  
Deus, & Sap. 1. In malivolam animam non  
intrabit sapientia, nec habitabit in corpore  
subdito peccatis. & Eccli 21. Audis & lu-  
xuriosus, & displicebit ei, & projiciet illud  
post dorsum suum.

Pro articulo ergo noto primo quid dicitur:  
Verbum Dei exemplo Christi & apostolo-  
rum, &c. Quod verbum Dei dupliciter  
accipitur: uno modo pro Christo Jesu vero  
Deo & homine, de quo Apoc. 19. Et ecce  
equus albus, & qui sedebat super eum voca-  
batur fidelis & verax, & cum iustitia ju-  
dicat & pugnat. Oculi autem ejus sicut flamma  
ignis, & in capite ejus diadematæ mul-  
ta, habens in manu sceptrum, quod nemo no-  
vit nisi ipse, & vestitus erat veste aspersa  
sanguine, & vocabatur nomen ejus Verbum  
Dei: & illud Verbum Dei est prædicandum  
vere & fideliter a sacerdotibus Domini, a-  
postolorum exemplo, qui cum ceteris con-  
discipulis vitam Christi Jesu diligentissime  
prædicabant; unde 2. Corinth. 4. dicit A-  
postolus: Non enim nosmetipsos prædicamus,  
sed Jesum Christum Dominum nostrum: nos  
autem servos vestros per Jesum & 1. Cor.  
2. Non judicavi me scire aliquid inter vos,  
nisi Jesum Christum, & hunc crucifixum. &  
ibidem 1. cap. Nos prædicamus Jesum Chri-  
stum crucifixum, Judæis quidem scandalum,  
gentibus autem stultitiam. Ipsi autem vo-  
catis Judæis atque Græcis, Christi Dei vir-  
tutem, & Dei sapientiam. Ita enim vita  
Christi deberet esse crebra in sacerdotum  
Domini prædicationibus, exemplo Petri a-  
postoli, qui ut habetur Act. 10. dixit: Viri  
fratres, vos scitis quod factum est verbum  
per universam Judæam. Incipiens enim a Ga-  
lilea, post baptismum quod prædicavit Johan-  
nes, Jesum a Nazareth. Et infra: Nobis  
præcepit prædicare populo & testificari, quia  
ipse est, qui constitutus est a Deo iudex  
vivorum & mortuorum. Huic omnes pro-  
phetae testimonium perhibent, remissionem



ANNO  
CHRISTI  
1433.

487

BASILEENSE G. CONCILIUM.

488

ANNO  
CHRISTI  
1433.

peccatorum accipere per nomen ejus omnes qui credunt in eum. Et congrue prædicanda est a sacerdotibus Domini vita Christi, Jesu, quia non aliter quam in ipsius imitatione de quanto possumus est nobis salus; juxta illud Johan. 10. Ego sum ostium - per me si quis introierit, salvabitur. Et ibidem cap. 14. dixit Jesus: Ego sum via, veritas & vita. Nemo venit ad Patrem, nisi per me. Et Lucæ 9. Dicebat autem Jesus ad omnes: Si quis vult venire post me, abneget semetipsum, & tollat crucem suam, & sequatur me. Et hinc beatus Petrus apostolus, spiritu Patris ex alto in die Pentecostes inflammatus, concludit pro certo, ut habetur Act. 4. cap. loquens de Christo ad principes populi & seniores Israel: Hic, scilicet Christus, est lapis angularis, qui reprobatus est a vobis edificantiis qui factus est in caput anguli, & non est in aliquo alio salus. Nec enim aliud nomen sub coelo datum est hominibus, in quo oporteat salvos fieri. Sed, heu! hoc verbum Dei cum sua vita poenali, humili & abjecta datum est hominibus hujus sæculi in oblivionem, ipso conquirente per prophetam psalm. 30. Oblivioni datus sum tamquam mortuus a corde. Ubi enim, quæso, est reperire hominem utriusque status, superioris, mediæ ac inferioris dignitatis, qui hoc verbum Dei in humilitate, paupertate, patientia & contentu sæculi imitaretur, cum oppositum doceat rerum magistra oculata experientia quotidiana, & maxime in his qui videntur regere populum Dei? Et quoad hoc dicit beatus Chrysostomus in homilia: In nomine Christi multi ambulant, in veritate ejus pauci. Quod latius declarans beatus Bernardus serm. 33. super Cantica, loquitur isto modo: Væ generationi huic a fermento Phariseorum, quod est hypocrisis, si tamen hypocrisis dici debet quæ jam latere per abundantiam non valet, & præimpudentia non quiescit. Serpit hodie putrida tabes per omne corpus ecclesiæ. Et infra: Omnes amici & omnes inimici, omnes necessarii & omnes adversarii, omnes domestici & nulli pacifici, omnes proximi, & quæ sua sunt querunt. Omnes ministri Christi sunt, & serviunt antichristo, honorari intendunt de bonis Domini, cui honorem non deferunt. Inde is quem vides, meretricius nitor, histrionicus habitus, regius apparatus. Vide aurum in frenis, in sellis, in calcaribus; plus calcaria quam altaria fulgent. Inde mensæ splendide & scyphis & cibis. Inde commestationes & ebrietates in cythara & lyra & tibia in redundantia torcularia & promtuarum plena, erusantia ex hoc in illud. Inde doli pigmentaria, inde referta marcupia; pro hujusmodi volunt esse, & sunt ecclesiarum præpositi, decani, achidiacoeni, episcopi, archiepiscopi. Nec enim hæc merito, scilicet virtuti, cedunt, sed hypocrisis, negotio illi quidem perambulante in tenebris. Prædictum est, & nunc tempus impletionis advenit: Ecce in pace amaritudo mea amarissima; amara prius in nece martyrum, amarior post in confictu hæreticorum, amarissima nunc in mori-

bus domesticorum: Non fugare, non fugere eos potest, ita invaluerunt, ita multiplicati sunt super nos; intrinseca & insanabilis plaga ecclesiæ; & ideo in pace ejus amaritudo amarissima. Sed in qua pace & pax, & non est pax. Pax a paganis, pax ab hæreticis; sed non profecto a filiis. Vox plangentis in tempore isto: Filios enutriti & exaltati, ipsi autem spreverunt me, & macularunt a turpi vita, quæstu, a turpi negotio, a negotio denique ambulante in tenebris, &c. Hæc ille. Et in eodem libro sermone 77. ita loquitur: Non sunt omnes amici sponsæ, quos hodie huic sponsæ assistere cernis. Pauci admodum sunt, qui non quæ sua sunt querunt, ex omnibus caris ejus diligunt munera, nec possunt diligere Christum, qui dederunt manus mammonæ. Intuere quomodo incedunt, nitidi, ornati, circumamissi varietatibus, tamquam sponsa de thalamo suo. Sed unde hanc illis exuberare æstimationem rerum affluentiam, tantum vestium splendorem, mensarum luxuriam, congeriem vasorum aureorum & argenteorum, nisi de bonis sponsæ? Inde est quod illa pauper & inops nuda relinquatur, facie miseranda, inculta, hispida & exanguis, propter hoc non est hoc tempore ornare sponsam, sed spoliare; non est custodire, sed perdere; non est defendere, sed exponere; non insistere, sed prostituere; non est pascere gregem, sed maciare ac devorare, dicente illis Domino: Quid devorant plebem meam, sicut cibum panis. Hæc ille. Ecce iste speculativus ecclesiæ doctor prospexit vivaci oculo in filios hominum, & conscripsit quinam sunt, hi, quibus vita Christi data sit in oblivione.

Secundo modo verbum Dei accepit pro omni verbo monitionis, quod locutus est Dominus per suos angelos prophetas veros, per filium suum, & per suos apostolos, & in scripturis reliquis ad futura tempora, pro ædificatione suæ ecclesiæ militantis. Hinc dicebant sancti prophetæ: Factum est verbum Domini ad me dicens. Item: Audies verbum ex ore meo, & loqueris ad eos. Item: Audite verbum Domini, vacce pingues.... & ad Hebræos 1. Multifariam multisque modis olim Deus loquens patribus in prophetis, novissime diebus istis locutus est nobis in Filio suo. &c. Et hoc est quod dicit Petrus in sua 2. canonica cap. 1. Non enim voluntate humana allata est aliquando prophetia, sed Spiritu sancto inspirati, locuti sunt Dei homines. Et isto modo volo ad præsens capere verbum Dei in articulo nostro tertio jam allegato.

Hoc autem verbum Dei differt a verbis hominum in multis.

Primo, in veritate, juxta illud: Est enim Deus verax, omnis homo mendax. ad Rom. 3.

Secundo, in immutabilitate; quia non est Deus ut homo, ut mentiar. Numer. 23. Apud Deum enim non est transmutatio, nec vicissitudinis umbratio. Jacobi 1. Hinc Matt. 23. dicit Salvator: Coelum & terra transibunt, verba autem mea non transibunt. & Isaiæ 45. Vox dicentis Clama; & dixi: Quid clamabo? Omnis caro fenum, & omnis gloria ejus

De differe  
rentia  
verbi  
a verbis  
hominu

*ejus quasi flos feni, exstercatum est fenem, & cecidit flos. Ecce mutabilitas. Verbum autem Dei nostri stabit in aeternum. ecce immutabilitas.*

Tertio in spiritualitate. Johan. 6. *Verba quae locutus sum, spiritus & vita sunt. Sed qui de terra est, de terra loquitur.* Johan. 3. & 1. Johan. 4. *Ipsi de mundo sunt, ideo de mundo loquuntur, & mundus eos audit.*

Quarto, in virtuositate. Ad Hebr. 4. *Virus est sermo Dei & efficax, & penetrabilior omni gladio ancipiti, & pertingens usque ad divisionem animae ac spiritus.* De hac etiam in psal. *Eloquium tuum vivificavit me.* Si enim actus vivae vocis habet aliquid latentis energiae, ut dicit beatus Hieronymus in primo prologo Biblicae 2. cap. multo magis actus divinae vocis. Et ideo verba Dei comparantur igni, juxta illud Jeremiae 23. *Namquid non verba mea sunt quasi ignis, dicit Dominus, & quasi malleus conterens petram?* Hinc dicebant duo illi discipuli euntes in Emmaus, ut dicitur Lucae ultimo: *Nonne con nostrum ardens erat in nobis, cum loqueretur in via, & aperiret nobis scripturas?* Et quoad hoc dicitur Matth. 17. *Docebat eos tamquam potestatem habens, & non sicut Scribae & Pharisei, quorum verba erant inefficacia, inotiosa.* Dicebant enim, & non faciebant. Matth. 23.

Quinto, in exultatione. Ideo Jerem. 15. *Factum est mihi verbum Domini in gaudium, & letitiam cordi meo.* Hinc de Christo dicebant ministri Judaeorum, ut habetur Johan. 7. *Namquam locutus est homo sicut hic loquitur.*

Sexto, in fidelitate. Unde psalm. *Fidelis Dominus in verbis suis.* Recti enim sunt sermones Dei, & non est in ipsis quid pravam aut perverbum. Non sic autem verba hominum. Lucae 14. dicitur: *Nolite omni spiritui credere, sed probate spiritus si ex Deo sint.* Et proverb. 20. *Multis homines misericordes vocantur, virum autem fidelem quis inveniet?* & maxime inter dispensatores mysteriorum Dei, dicente Apostolo 1. Corint. 4. *Hic jam quaeritur inter dispensatores, ut fidelis quis inveniantur.*

Septimo, in perfectione. Eccli. 43. *Multa dicimus & desicimus verbis. Consummatio autem sermonum ipse est.* Ad tantum enim perfecta sunt verba Dei, quod non licet eis quid addere aut auferre, juxta illud: *Non adderis ad verbum quod vobis loquor, neque auferetis ab eo.* Deut. 4. & Proverb. 10. *Omnis sermo Dei ignitus clypeus est omnibus spequantibus in se, non addas quicquam verbis illius, ne arguaris inveniariisque mendax.* Quod verbum pensans beatus Chrysostomus super Matt. cap. 7. in opere imperfecto, dicit: *Omnis doctor servus est legis, quia nec supra legem addere potest, neque aliquid de suo sensu, neque subtrahere, proprium intellectum; sed hoc tantummodo praedicat quod habetur in lege.* Nec enim potest mens humana vel detrachere vel directicare quod Sapientia distavit. Sic enim ait Salomon: *Ne addas ad verba Dei, nec subtrahas inde.* Qui autem ausus est haec facere, se sapienterem putat esse Deo, & incipit falsus esse testis;

quia illud dicit, quod nec auris audit, nec oculus vidit, &c. Haec ille. Et quia tam verum, fidele & perfectum est verbum Dei praeter verbis hominum, ideo ipsum est cordialiter amplectendum, veraciter praedicandum, cum diligentia audiendum, & secundum ipsum pro posse, prout sufficimus, conversandum. Pro primo facit illud Lucae 2. *Maria autem conservabat omnia verba haec, conferens in corde suo.* Pro secundo facit illud: *Qui habet somnium, narrat somnium; & qui habet sermonem meum, loquitur sermonem meum, &c.* Jerem. 23. & illud 2. ad Tim. 2. *Labora sicut bonus miles Christi Jesu.* Pro tertio est illud psalm. 77. *Attendite popule meus legem meam, inclinate aurem vestram in verba oris mei.* Pro quarto est illud ad Philipenses 1. *Dum digne evangelio Christi conversamini.* Ubi doctor Nicolaus de Lira secundum doctrinam evangelii: *Et quia tam verum, ut praedictum est, et tam fidele est verbum Dei, prophetiae, veri apostoli Domini Jesu, ceterique sancti primitivae ecclesiae non audebant praedicare aut docere aliud, quam verbum verum Dei.* Unde ad Rom. 15. dicit Apostolus: *Non enim audeo aliquid loqui coram, quae per me non efficiat Christus.* Hinc dixit Ildorus: *Is qui praest, si praeter voluntatem Dei, vel praeter quod in sanctis scripturis evidenter praecipitur, vel dicit aliquando vel imperat, tamquam falsus testis Dei aut sacrilegus habeatur; & ponitur 11. q. 3. Si. Et beatus Petrus lib. 2. Clementis: Neque proprium nobis aliquid dicere permittum est; sumus enim missi, & necessario qui missus est nunciat, & voluntatem mittentis exponit; & si aliud dicam, falsus ero apostolus, quia non dico quod missus sum dicere.* Haec ille. Et ideo fideles in primitiva ecclesia prohibebantur suscipere illos, qui aliud quam Verbum Dei praedicabant; unde Johannes in sua secunda canonica dicit: *Si quis venerit ad vos, & hanc doctrinam non afferit, nolite recipere eum in domum, nec Ave ei dixeritis; qui enim dicit Ave, communicat operibus illius malignis.*

Circa istud notabile sit ista conclusio.

Verbum Dei sumtum in proposito, verbis hominum quorumcumque est anteponendum. Patet conclusio ex jam praemissis, specialiter ex illo ad Rom. 2. *Est enim Deus verax, omnis homo mendax.*

Corollarium 1. Verba Dei sumta ad propositum, verbis hominum non sunt postponenda.

Corollarium 2. Verba hominum verbis Dei non sunt equiparanda.

Corollarium 3. Peccant, qui ad verba hominum citius apponunt aurem & animum, Equam ad verba Dei.

Conclusio 2. Clerus modernis plus honorans humana jura, quam verba evangelica, in hoc vestigia apostolica non imitatur. Patet conclusio ex antedictis, & specialiter ex illo dicto Apostoli ad Rom. 15. *Non enim audeo aliquid loqui coram, &c.* ut supra.

Corollarium. Sacerdotes in iuribus humanis se occupantes, verbo Dei praetermissis, & in libris gentium, & maxime curati, ma-



ANNO  
CHRISTO  
1433.

491

BASILEENSE G. CONCILIUM.

492

ANNO  
CHRISTO  
1433.

magis videntur adherere huic fallaci saeculo, quam ipsi vero Deo. Et pro istis conclusionibus & corollariis facit illud quod legitur de beato Hieronymo, qui cum libros legeret Ciceronis, ab angelo correptus est, eo quod vir Christianus paganorum figmentis intenderet, & ponitur dist. 38. *Legimus.* „*est.* Episcopus gentium libros non legat. „*Hæreticorum autem perlegat, aut pro necessitate aut pro tempore; & ponitur ea dist. Episcopus.* Patet etiam ex isto, quod cum sacerdotes sunt servi super familiam Domini constituti, ut dent illis pro cibo tritici mensuram, ut dicitur Luc. 12. non debent tales cum paleis se occupare, Domini dicente per Jeremiam 23. *Quid paleis ad triticum? dicit Dominus.* Et tantum de notabili primo sit dictum.

II. Nota  
bile.

Secundo nota; quod ponitur in articulo nostro tertio, *A sacerdotibus Domini;* Quod sacerdotes sunt duplices. Quidam enim sacerdotes sunt sacramento & iustitia. Quidam autem sunt sacerdotes solo sacramento. Et qui sunt illi ostendit Augustinus contra „*litteras Petiliani sic inquires.* Ut enim sit „*quisque verus sacerdos, oportet ut non solum sacramento, sed iustitia quoque induatur, sicut scriptum est. Sacerdotes induantur iustitiam.* Qui autem solo sacramento sacerdos est, sicut fuit pontifex „*Caiphas, persecutor unius & veri Sacerdotis, quamvis ipse verax non est, quod tamen dat verum est, si non suum det, sed Dei.* „*Hæc ille.* Et ponitur. 1. q. 1. *Doctus minus declaravit.* Ecce iste sanctus declarat quis sit verus sacerdos, & quis non verus sit sacerdos. Verus sacerdos quidem est, qui non solum sacramento, id est ordine & officio, sacerdos est, ut dicit glossa, super verbo *sacramento;* sed qui indutus est iustitia, id est, quolibet virtute morali, juxta illud Matt. 23. *Sic enim decet nos implere omnem iustitiam.* Ubi dicit doctor Nicolaus de Lira, „*Ibi accipitur iustitia, non prout est virtus specialis, sed generalis, prout includit in se virtutem omnem.* Hæc ille. Et ad idem loquitur Chrysostomus super Matt. 5. cap. super verbo; „*Vos estis sal terræ, ita dicens:* Doctor omnibus virtutibus debet esse ornatus; debet esse pauper, ut avaritiam libera voce castiget; debet esse suspirans, & lucis gens seu sua vel alia delicta; debet esse mansuetus, ut magis indulgendo, quam judicando regat ecclesiam; ut magis ametur, quam timeatur. Debet esse misericors aliis, sibi autem austerus, ut sibi quidem grave pondus iustitiæ ponat, aliis autem leve. Debet esse mundo corde, ut non solum non se immisceat circa negotia secularia; sed nec cogitet de mundo. Sit autem pacificus, ut tota ecclesia ejus quasi una sit anima. Ubi autem concordia non est, nec oratio illic exauditur, nec oblatio suscipitur, quia nec Deus est ubi discordia dominatur. Debet autem paratus esse ad passionem, non vana desideria martyrii habens: sed ut det martyribus constantiam dignam. „*Hæc ille.* Et alibi ad idem loquitur sic inquires: „

„*Multi sacerdotes & pauci sacerdotes, multi in nomine, & pauci in operatione. Videte ergo quomodo sedetis super cathedram, quia non facit cathedra sacerdotem, sed sacerdos cathedram; non locus sanctificat hominem, sed homo locum. Non omnis sacerdos est sanctus, sed omnis sanctus est sacerdos.* „*Et infra.* „*Ideoque malus sacerdos de sacerdotio suo crimen acquirit non dignitatem.* „*Hæc ille & ponitur 40. di. Multi.*

Ex his sanctorum doctorum, & quam egregie dictis, patet notabile fore verum; puta quod sacerdotes sint duplices: veri scilicet & non veri, seu boni & mali; & ad hoc sunt adhuc alie scripturæ sanctorum. Hieronymus super Aggeum prophetam super verbo *interroga sacerdotes legem,* Considera sacerdotum officium esse de lege interrogatis respondere. Si sacerdos nesciat legem Domini, si ignorat legem Domini, ipse arguit non esse sacerdotem Domini. Sacerdotis enim est scire legem, & ad interrogationem respondere de lege. Hæc ille. Item, idem Hieronymus ad Heliodorum. Non omnes episcopi sunt episcopi. Attende Petrum, sed Judam considera. Stephanum suscipis, Nicolaum respice; non facit ecclesiastica dignitas Christianam. Et sequitur. „*Non est enim facile in loco Petri & Pauli, scilicet tenere locum jam cum Christo regnante.* Infatuatum sal, id est stulti prælati, ad nihilum prodest, nisi ut projiciatur foras, & a porcis conculetur. „*Et ponitur 2. q. 7. Non omnis glossa super verbo: infatuatum sal;* id est stulti prælati, insipidi in prædicando, fatui in delinquendo. *Nisi ut projiciatur foras,* id est deponatur; & a porcis conculetur, id est demonibus, qui dominantur malis prælati, quasi pecori suo. Hæc „*gl. Item Aug. homil. VI.* „*Non omnis qui dicit: Pax vobis, quasi columba est audiendus; corvi de morte pascuntur.* Hæc „*columba non habet: immo de frugibus terræ vivit, innocens est victus ejus.* „*Ponitur eadem q. Non omnis.* glossa: corvo „*equiparatur malus presbyter in nigredine vitiorum, in rucedine vocis, in voracitate scilicet oblationum mortuorum, in fetore spiritus, in garrulitate, in furto.* Hæc glossa. Ex cujus sancti dicto patet, quod boni sacerdotes comparantur columbis, & mali comparantur corvis. Et Ambrosius in sermone habito de Dominica de Abraham: „*Cavete fratres mendacium, quia omnes qui amant mendacium filii sunt diaboli, non solum in falsis verbis, sed in simulatione operibus mendacium est.* Mendacium „*namque est Christianum se dicere & opera Christi non facere; mendacium est episcopum, sacerdotem vel clericum se profiteri, & contraria huic ordini operari.* „*Hæc ille, & ponitur 22 q. 5. Cavete.* Et sic patet notabile fore verum.

Hoc genus sacerdotum malorum est multiplex. Quidam sunt, qui more gentium civiliter dominantur, & isti significantur per sacerdotes Pharaonis, de quo dicit Origenes super Gen. c. 10. transfans illam materiam. Emit ergo Joseph omnem terram Ægypti, ven-

venditibus singulis possessiones suas, & fe-  
quitur: Præter terram sacerdotum, quæ  
a rege tradita fuerat eis. Et vis scire,  
quid intersit inter sacerdotes Dei & sa-  
cerdotes Pharaonis. Pharo concedit ter-  
ras sacerdotibus suis, Dominus autem sa-  
cerdotibus non concessit partem in terra,  
sed dicit eis: Ego sum pars vestra. Ob-  
servate ergo, qui hæc legis. omnes Do-  
mini sacerdotes, & videte quæ sit dis-  
crepantia sacerdotum, ne forte qui partem  
habent in terra & terrenis cultibus & stu-  
diis vacant, non tam Domini quam Pha-  
raonis sacerdotes esse videantur. Hæc il-  
le. Et de isto plus dicitur in articulo nostri  
prosecutione.

Quidam sunt de oblationibus populi laute-  
vientes, concubinas suas, & pueros earum  
de elemosynis pauperum nutriendos. Isti fi-  
gurantur per sacerdotes Bel, de quibus Da-  
niel 14. Erat quoque idolum apud Babylonios  
nomine Bel, &c. Sequitur: Erant autem sa-  
cerdotes Bel septuaginta, exceptis uxoribus  
& parvulis & filiis. Et infra: Sacerdotes  
autem ingressi sunt nocte, juxta consuetudinem  
suam, & uxores & filii eorum, & comeda-  
runt omnia. Et illos videtur apostolus tan-  
gere ad Philippenes 3. dicens: Imitatores  
mei estote, fratres, & observate eos qui ita  
ambulant, sicut habetis formam nostram. Mul-  
ti enim ambulant, quos sæpe dicebam, nunc  
autem fletus dico, inimicos crucis Christi,  
quorum finis interitus, quorum Deus venter  
est, & gloria in confusione ipsorum, qui ter-  
rena sapiunt. De quibus etiam dixit Nico-  
laus papa: Nullus missam audiat pres-  
byteri quem scit concubinam indubitan-  
ter habere, aut subintroductam mulierem.  
Et ponitur d. 32. Nullus. Ubi dicitur glo-  
sa. Hic loquitur de illo cuius crimen  
est nocerium, ut extra de cohabitatione  
clericorum & mulierum. Vestra. Et su-  
per verbo, Scit. glossa. Scientia iuris,  
non facti. Sed certe quicquid dicat Jo-  
hannes tene pro certo, quod cum sit noto-  
rium per sententiam, sive per confessio-  
nem, sive per rei evidentiam de fornicati-  
one ipsius, quod vitari debet. Extra  
de cohabit. clericorum & mulierum capit.  
Nullus. Hæc glossa. Et Alexander II. præci-  
pit, ut talis missam non cantet, nec evan-  
gelium legat, neque epistolam ad missam,  
neque sit in presbyterio cum his ad divina  
officia. Qui præfate constitutionis obedi-  
entes non fuerint, maneant, neque partem ab  
ecclesia suscipiant. Ponitur ea di. Presbyter.  
Et ad hoc sonat lex Dei: Sacerdos in qua-  
cumque sit macula &c.

Quidam sunt sacerdotes ambitiosi, cupidi  
& gulosi, qui honores & divitias querunt,  
ut sint aliis superiores, & vivant in deliciis  
carnis, & isti figurantur per sacerdotes Ba-  
al, de quibus 4. Regum 1. Nunc ergo omnis  
propheta Baal & universos servos ejus,  
& cunctos sacerdotes ipsius vocat ad me.  
Baal superior vel devorator interpretatur;  
Quos quidem sacerdotes videtur psalmista  
ostendere dicens: Qui devorant plebem me-  
am sicut escam panis. Bernardus in episto-  
la. Quicquid præter necessarium victum,  
aut simplicem vestituram de altari retines,

autem non est, rapina est. Hæc ille. Hinc  
dicit apostolus 1. ad Timoth. 6. quasi pro-  
certa regula apostolica; Habentes alimenta  
& quibus tegamur, his contenti simus. Et  
istam regulam servavit in opere Petrus apo-  
stolus verus Christi Jesu vicarius, cum di-  
xit, ut habetur Actuum 3. Argentum & au-  
rum non est mihi. Quod pensans B. Bernar-  
dus lib. 4. ad Eugenium papam dicit: Tu  
pastor procedis deauratus tam multa cir-  
cumdatus varietate, oves quid capiunt? Si  
auderem dicere: Demonum magis quam  
ovium pascua hæc sunt. Non sic sacrita-  
bat Petrus, non sic ludebat Paulus. Et  
sequitur: Petrus nescitur aliquando gem-  
mis ornatus processisse vel sericis, non  
tectus auro, non veclus equo albo, nec  
stipatus milite, nec circumitrepentium te-  
ptus ministerio: absque his tamen crede-  
bat satis posse impleri salutare mandatum  
Johan. 21. Petre pascue oves meas. In his suc-  
cessit non Petro, sed Constantino. Hæc  
ille.

Sunt alii sacerdotes avari seu cupidi, figu-  
rati per sacerdotes Dagon 1. Reg. 5. Porro  
Dagon truncus salus remanserat in loco suo  
propter hanc causam non calcant sacerdotes. Da-  
gon & omnes qui ingrediuntur templum ejus  
super limen Dagon in Azoto usque in bodier-  
num diem. Dagon interpretatur piscis tristi-  
tie. Sic avari sacerdotes instar piscis peram-  
bulant semitas maris, ad beneficia conqui-  
renda, quorum magna, heu! in ecclesia est  
multitudo, juxta illud apostoli ad Philip.  
2. Omnes quæ sua sunt querunt, non quæ Jesu  
Christi & Jerem. 6. c. dicitur: A majore  
quippe usque ad minorem omnes avaritie stu-  
denti, & a propheta usque ad sacerdotem cuncti  
faciunt dolum; & ejusdem 8. cap. dicitur: A  
minimo usque ad maximum omnes avaritiam  
sequuntur, a propheta usque ad sacerdotem,  
cuncti faciunt mendacium. Et Actus 9. Avar-  
itia enim in capite omni & novissimum: eo-  
rum in gladio interficiam. Hinc dicit poeta:  
Impiger extraneos, currit mercator ad lu-  
dos.

Pauperiem fugiens, &c.  
Est enim, heu! paupertas Christi evan-  
gelica, data sacerdotibus moderni tempo-  
ris in contemptum & odium & venenum.

Alii sunt sacerdotes ignari, indocti in  
lege Domini, similes novissimis de populo,  
de quibus Ezech. 22. Sacerdotes ejus con-  
temserunt legem meam, & polluerunt san-  
ctuarii mea: inter sanctum & profanum  
non habuerunt distantiam, & inter pollutum  
& mundum non intellexerunt. Isaïæ 23. Es  
erit sicut populus, sic sacerdos. Isti repre-  
sentantur per sacerdotes excelsum, qui  
de extremis seu novissimis populi erant, de  
quo habetur 3. Reg. 12. Et fecit, scilicet  
Jeroboam, fana in excelso, & sacerdotes de  
extremis populi. Et ibidem 13. cap. Fecit  
sacerdotes excelsum, de novissimis populi sa-  
cerdotes excelsum, quicumque volebat im-  
plebat manum suam, & fiebat sacerdos ex-  
celsum. Et hi, ut dictum est, sunt in ec-  
clesia inhabiles, sacerdotes indocti, ignari  
legis divine, quasi avaritia docti, pro ocio  
& lauticiis assumunt sacerdotium, nescien-  
tes Dominum, nec officium sacerdotum ad  
po-



ANNO  
CHRISTI  
1433.

populum 1. Reg. 2. & Isaiæ 28. Sacerdos & propheta nescierunt, & præ ebrietate absorpti sunt a vino: erraverunt in ebrietate, nescierunt videntem, ignoraverunt iudicium. Item c. 36. dicit Isaias: Speculatores ejus cæci, omnes nescierunt, universi canes muti, non valentes latrare, videntes vana, dormientes & amantes somnia. Et infra: Ipsi pastores ignoraverunt intelligentiam; omnes in viam suam declinaverunt, unusquisque ad avaritiam suam a summo usque ad novissimum. Ad idem est Gregorius 6. cap. sui Pastoralis ita dicens: „Præconis quippe officium suscipit, quisque ad sacerdotium accedit, ut ante adventum iudicis huius terribiliter sequitur, ipse clamando scilicet cor gradiatur. Sacerdos ergo si prædicationis est nescius, quam clamoris vocem daturus est præco mutus? „Hæc ille. Et ponitur 42. di. Si rector. Hi denique nescientes Dominum, nec officium sacerdotum ad populum, ut dictum est, vitia magnorum in dignitatibus utrinque status constitutorum palpatim recorditer & excusant. Quos Isaias nuncupat caudam longevi dierum & honorabilis cap. 10. sic inquit. Et disperdet Dominus ab Israel caput & caudam incurvantem & depravantem in die una. Longævus & honorabilis ipse est caput. Propheta docens mendacium, ipse est cauda. Et erunt qui beatificant populum istum seducetes, & qui beatificantur præcipitati. Hæc ille. Et Ezechiel vocat ipsos linitores pulvillorum sub omni cubito manus. Unde cap. 23. sic inquit: Et ipse, scilicet homo peccator, edificabat parietem; illo autem iungebat cum luto absque paleis. Et infra: Va qui consuevit pulvillum sub omni cubito manus, & faciunt cervicalia sub capite universæ etatis, ad capiendas animas: Quod exponens Gregorius in Moral. lib. 18. parte 4. cap. 2. sic dicit: „Parietis quippe nomine peccati duritia designatur. Edificare ergo parietem est contra se quempiam peccati obstacula construere. Sed parietem liniunt, qui peccata perpetrantibus adulantur, ut quod illi perverse agentes edificant, ipsi adulantes quasi nitidum reddant. Et subdit ibidem: „Ad hoc quippe pulvillus & cervical sub capite jacentis vel cubito ponitur, ut molliter quiescat. Quisquis ergo male agentibus adulatur, pulvillum sub cubito vel cervical sub capite jacentis ponit, ut qui corripitur ex culpa debuerat, in ea fultus laudibus, molliter quiescat, & ponitur XV. di. Sunt nonnulli. Item Iudorus de Summo bono. Sacerdotes pro populorum iniquitate damnantur, si eos aut ignorantes non erudiant, aut peccantes non arguant. Hæc ille. Et tales cum hoc persæpius etiam adulantur & adulterant Verbum Dei, contra illud apostoli 1. ad Thessal. 2. Neque enim aliquando fuimus in sermone adulationis, sicut scitis, neque in occasione avaritiæ, Deus testis est, nec quærentes ab hominibus gloriam, neque a vobis, neque ab aliis, & contra illud 2. Cor. 2. Non enim sumus, sicut plurimi, adulterantes Verbum Dei, sed ex sinceritate, sicut ex Deo coram Deo in

Christo loquimur. Si enim sacerdotes; prædicatores, confessores & ceteri capellani honorum, non adularentur personis quibuscumque omnium statuum spe turpis quaestus, multa peccata ruerent & cassarentur. Alii sunt sacerdotes simoniaca hæresi infecti, qui similiter pactant & extorquent pecuniam pro sacramentis, quorum pater est ipse auctor Gleri, de quo 4. Regum 5. Quisque Spiritus sancti gratiam pro impositione manuum, sive in sacerdotum ordinatione, sive in peccatorum absolutione, pro pecunia reddunt venalem; & istorum pater est Simon magus, de quo habetur Act. 8. Unde B. Gregorius in Registro: „Quisquis per pecuniam ordinatur, ad hoc ut fiat hæreticus promovetur. Et ponitur 1. q. 1. Quisquis. Item: Quicumque sacros ordines vendunt aut emunt, sacerdotes esse non possunt. Unde scriptum est anathema danti, anathema accipienti. Hæc est simoniaca hæresis; & ponitur 1. q. 1. Quicumque. Glo. super verbo hoc scilicet: Si hæretici vel accipere. Item Gregorius. Quicumque studet pretii datione sacrum ordinem accipere, sacerdos non est; sed inaniter tantummodo dici concupiscit; Et ponitur 1. q. 1. Quicumque studet. Item Gregorius Nazianzenus. Spiritus sancti donum pretio comparare, quid aliud est, quam capitale crimen & simoniaca hæresis; „Ponitur e. q. Qui studet. Item Ambrosius de Mysteriis: „Cum ordinaretur episcopus, quod dedit aurum fuit, quod perdidit anima fuit: Cum alium ordinaret, quod accepit aurum fuit, quod dedit lepra fuit. Et ponitur e. q. Cum ordinaretur. Item Leo papa: Gratia, si non gratis datur, vel accipitur, gratia non est: Ponitur e. q. Gratia. Item Paschalius papa: „Patet simoniacos, velut primos præcipuos hæreticos, ab omnibus fidelibus respuendos; & si commoniti non respuerint, ab exteris etiam potestatibus opprimendos. Omnia enim crimina ad comparationem simoniacæ hæresis, quasi pro nihilo reputantur. „1. q. ult. c. vultus glof. super verbo exteris, id est laicis, qui extra ecclesiam habent hanc potestatem, ut supra di. 17. Nec licuit: 1. q. 3. q. 5. princeps. Et super verbo: pro nihilo. dicit glof. Hoc dicitur in detestationem criminis, & ad terrorem. Utinam omnipotens Deus concitaret tam spirituale quam sæcularem dignitates, ad simoniacam hæresim destruendas. Pro quo orat omni animo, specialiter in jejuniis quadragesimæ ipsa ecclesia, & credo quod ipsam in isto, sicut & in aliis, exaudiat finaliter cum effectu.

Et istam simoniacam hæresim laudabilis prædicator regni Bohemæ divæ memoriæ Johannes Hus, sacre theologiæ baccalarius formatus, solemniiter detestatus est scripto, verbo, & opere, ad tantum quod ad futuram posterorum memoriam in pariete capellæ Bethlehem in Praga in scriptis reliquit, propter quod a quibusdam prælatis canonicisque fratribus in odium captus est, & usque ad mortem diram passus est persecutionem: Cujus tamen vitæ bonitatem, morum honestatem, ac scientiæ famositatem novit

ANNO totum regnum Bohemæ, & maxime hicum  
CHRISTII quibus personaliter est conversatus.

1433.

Et de istis generibus malorum sacerdotum, seu solo sacramento, dicit Hugo de Clau-  
stro anime: Accessit ad Jesum Petrus, ac-  
cessit & Judas, accesserunt discipuli, ac-  
cesserunt & milites crucisfigentes, acce-  
dunt & perversi sacerdotes.... & sequi-  
tur: Legem Dei nec sciunt nec discunt;  
vacantes otios, comestationibus & ebrie-  
tationibus student, terrenis inhilant, terrena  
sapunt, assidui in plateis, in ecclesia rari,  
tardi ad investigandam culpam peccato-  
ris, parati ad querendum vestigia le-  
porum, velociores ad congregandum can-  
es, quam ad vocandum pauperes; liben-  
tius porrigunt panem canibus, quam pa-  
uperibus, plures servant eis ad mensam,  
quam ad altare; famulos aut famulas habere  
secum volunt, sed clericos habere non  
possunt, quia nolunt. Hi sunt quorum  
thalamus ornatus est ecclesia sua, mensa  
paratur altari, scyphus calice pretiosior,  
equus carior missali, cappa pulchrior casu-  
la, camisia delicatior alba. Ecce quomodo  
obscuratum est aurum, mutatus est color op-  
timus, dispersi sunt lapides sanctuarii in ca-  
pite omnium platearum.

Et tantum de notabili secundo sit dictum.

Conclusio quoad illud notabile sit ista:  
Nemo amplius nocet in Dei ecclesia, quam  
mali sacerdotes. Patet prima conclusio Ma-  
lachie 2. *Labiis sacerdotis custodiunt scientiam,*  
*& legem requirunt: de ore ejus, quia*  
*angelus Domini exercituum est; vos autem*  
*recessistis de via, & scandalizastis plurimos*  
*in lege, irritum fecistis pactum Levi, dicit*  
*Dominus exercituum.* Et per Augustinum sic  
inquirentem: „Nemo quippe in ecclesia am-  
plius nocet, quam qui perverse agens,  
nomen vel ordinem sacerdotis habet. De-  
linquentem namque hunc redarguere nul-  
lus præsumit; & in exemplum culpa ve-  
hementer extenditur, quando pro reveren-  
tia ordinis peccator honoratur. Episco-  
pus itaque qui talia crimina non corri-  
git, magis dicendus est canis impudens,  
quam episcopus, & ponitur 83. dist. *Nemo.*  
Ad idem est Ambrosius in epist. ad Theodo-  
sium imperatorem: Nihil in sacerdote tam  
periculosum apud Deum, turpe apud ho-  
mines, quam quod sentiat veritatem non  
libere pronuntiare; quod ex inordinata  
& indisciplinata multitudine sacerdotum  
hodie datur contentui nostræ redemptionis  
venerabile sacramentum; nam qui de-  
buerunt esse vicarii apostolorum, filii Pe-  
tri, facti sunt focii Judæ & præambuli  
antichristi. Hæc ille.

Corollarium I. Causa ruinæ populi sit ma-  
xime ex culpa malorum sacerdotum. Patet;  
quia propter reverentiam ordinis culpa  
eorum extenditur in exemplum, ut dictum est  
per Augustinum. Et pro isto est etiam Be-  
da super Matt. 21. *Intravit Jesus in tem-  
plum, & ejiciebat omnes vendentes & emen-  
tes de templo, &c.* ita dicens: „Post nume-  
rata mala ingressus templum, vendentes  
& ementes ejecit, in hoc innuens, quod

Concilior. Supplem. Tom. IV.

A „causa ruinæ populi maxime sacerdotum  
„fuit culpa. Dum enim vendentes percu-  
rit, ostendit unde radix prædicationis pro-  
cessit. Hæc ille. Et Gregorius in homil.  
ejusdem evangelii: „Qui enim narravit  
„mala ventura, & protinus templum in-  
gressus est, ut de illo vendentes & emen-  
tes ejiceret, profecto innuit, quod rui-  
na populi maxime ex culpa sacerdotum  
„fuit. Eversionem quidem describens, sed  
ementes & vendentes in templo feriens, in  
ipso effectu sui operis ostendit unde radix  
prodiit prædicationis. „Hæc ille. Et Jerem-  
ia 23. *A prophetis enim Jerusalem egressa*  
*est pollutio super omnem terram.* Et Daniel.  
13. *Iniquitas egressa est de Babylone a senio-  
ribus judicibus, qui videbantur regere po-  
pulum.*

Corollarium 2. Nulli homines sic scin-  
dunt ecclesiam Dei, sicut mali sacerdotes.  
Et pro isto est Hieronymus dicens ita: „Ve-  
teres scrutans historias invenire non pos-  
sum ita scidisse ecclesiam, & de domo  
Dei populos seduxisse, præter eos qui sa-  
cerdotes Dei positi sunt & prophete, id  
est speculatores. Isti ergo vertantur in la-  
queum tortuosum, & in omnibus scanda-  
lum sunt ponentes. „Et ponitur 24. q.  
3. *Transferunt.*

Corollarium 3. Causa præcipua defectus  
veræ pacis in ecclesia, videtur esse fastus,  
cavaria, & lubricitas malorum sacerdotum.  
Patet ex corollario præcedenti. Cum enim  
scindant ecclesiam Dei, ut dicit corolla-  
rium; sequitur quod ipsi sunt causa defe-  
ctus in ecclesia veræ pacis.

Corollarium 4. Pro reformatione ecclesie  
in membris, heu! multum infectæ, a sacer-  
dotio principalis est incipiendum, & pro  
isto est Chrysostomus super Matt. c. 21. in  
opere imperfecto sic dicens: „quemadmo-  
dum medicus, quando primum ingreditur  
ad infirmum, statim de stomacho ejus in-  
terrogat, & eum componere festinat;  
quia si stomachus sanus fuerit, totum cor-  
pus validum est: ita si sacerdotium inte-  
grum fuerit, tota ecclesia floret; si au-  
tem corruptum fuerit, omnis fides marci-  
da est. „Et idem Chrysost. ibidem sic in-  
quit: „Videte ergo, sacerdotes, quomodo  
vos componatis in verbo & opere; quo-  
niam sicut in corpore, si aliquod infir-  
matum fuerit membrum, non omnino lan-  
guet, omnia membra videntur infirma.  
„Sic si aliquis Christianorum peccaverit,  
non omnino peccant & sacerdotes; si au-  
tem sacerdotes fuerint in peccatis, totus  
populus convertitur ad peccandum. Item  
ad idem est Gregorius: Vulnerato nam-  
que pastore, quis curandis ovibus adhi-  
bet medicamenta? aut quomodo populum  
orationis clypeo tueatur, qui jaculis ho-  
stium sese ferendum exponit? aut qua-  
lem de se fructum producturus est, cujus  
gravi peste radix infecta est? Hæc ille.  
Et ponitur 1. q. 1. *Vulnerato.* Utinam hoc  
venerandum concilium sententias istorum  
doctorum pensaret cordaliter; videret uti-  
que unde pro reformatione ecclesie foret in-  
cipiendum.

ANNO  
CHRISTII  
1433.



Media autem efficacia pro reformatione ecclesie videntur ad preiens esse duo. Primum suscitatio ordinationis Christi. Secundum, extinctio traditionis contrarie. Et pro isto esse Apostolus 1. Corint. 1. ita dicens: Obsecro vos, fratres, per nomen Domini nostri Jesu Christi, ut idipsum dicatis omnes, & non sint in vobis schismata; sitis autem perfecti in eodem sensu, & in eadem sententia. Et sequitur 3. cap. Cum enim quis dicit: Ego quidem sum Pauli; alius autem, ego Apollo; nonne homines estis? Quid igitur est Apollo, quid vero Paulus? ministri ejus cui credidistis. Et infra: Fundamentum enim aliud nemo potest ponere preter id quod possumus, quod est Christus Jesus. Et ad Philippenses 3. dicit idem Apostolus: Idem sapiamus, & in eadem permaneamus regula.

Conclusio 2. Nemo autem in ecclesia Dei prodest amplius, quam veri Domini sacerdotes. Patet ista conclusio per illud Judith 8. Et nunc, fratres, quoniam vos estis presbyteri in populo Dei, & ex vobis pendet anima illorum; ad eloquium vestrum corda eorum dirigite. Patet etiam per Augustinum ad Valerium sic inquentem: „Nihil est in hac vita, & maxime hoc tempore, difficilius & laboriosius & periculosius episcopi aut presbyteri aut diaconi officio; sed apud Deum nihil beatus, si eo modo militatur, quo noster imperator jubet. Et ponitur 40. di. Nihil. Patet etiam conclusio, quia sunt sal terræ & lux mundi, ut dominus Matt. 5. dicit.

Corollarium ad istam conclusionem. Veri Domini sacerdotes plus quam reges aut corporis parentes sunt honorandi. Unde Chrysostomus de dignitate sacerdotum lib. 3. Per ipsos sacerdotes Christum induimus, per ipsos membra ipsius beati capitis efficiuntur. Quoniam ergo nobis isti non solum reverendi magis quam reges aut iudices; sed etiam magis erunt honorabiles quam parentes. Hæc ille. Et Apostolus 1. ad Thessal. 5. Rogamus autem vos, fratres, ut noveritis eos qui laborant inter vos, & presunt vobis in Domino, & monent vos, ut habeatis illos abundantius in caritate, propter opus illorum, & pacem habete cum eis. Item 1. ad Timot. 5. Qui bene presunt presbyteri, duplici honore digni habeantur, maxime qui laborant in verbo & doctrina; ubi dicit doctor Nicolaus de Lira: Qui bene presunt presbyteri faciendo devoto divina officia, & ministrando subditis ecclesiastica sacramenta, duplici honore digni habentur; & hic duplex honor est, ut exhibentur eis reverentia, & administrantur eis necessaria. Hæc ille.

Corollarium 2. Multiplicatis veris sacerdotibus Domini, militans ecclesia in suis membris notabile recipiet incrementum. Patet de primitiva ecclesia, Actuum 2. Dominus autem adaugebat qui salvi fiebant quotidie in idipsum, sicque crescebat numerus discipulorum. Actuum 6. & Actuum 5. dicitur: Magis autem augebatur in Domino credentium multitudo virorum & mulierum. At idem dicitur Proverb. 29. In multitudo iustorum latabitur vulgus; cum impii sumserint principatum, gemit populus.

Corollarium 3. Ecclesie vantis prelati inordinatos & inhabiles ad sacerdotium promoventes, periculosam & enormem inducunt populi Christiani discratiam. Patet 3. Regum 12. & 13. Quicumque volebat, implebat nomen suum, & fiebat sacerdos excelsorum, &c. Hac causa peccavit domus Jeroboam, & eversa est & deleta de superficie terræ. Ex hoc crevit in populo notabilis discratia, & idololatria in Dan, & in Bethel; & ideo dicit Apostolus 1. Timot. 5. Manus nemini cito imposueris, neque communicaveris peccatis alienis.

Nota quia dicitur in nostro articulo libere &c. Circa istum terminum libere, qui ponitur in articulo, est notandum, quod libertas, ut communiter dicitur, est naturalis facultas ejus quod cuique facere libet; & hæc est applicabilis sive ad bonum sive ad malum. Unde Eccli. 15. Apposui tibi aquam & ignem, ad quod volueris porrigere manum tuam. Ante hominem mors & vita, bonum & malum; quod placeris ei, dabitur illi.

Ponitur autem communiter triplex libertas, scilicet culpæ, gratiæ & gloriæ.

Libertas culpæ est impudentia quodcumque facinas perpetrandi, de qua loquitur Apostolus ad Rom. 6. Cum enim servi essetis peccati, liberi fuistis iustitiæ. Hanc, heu! habet major pars Christianorum, de qua Proverb. 2. Latantur cum male fecerint, & exultant in rebus pessimis. Contra quam loquitur Apostolus ad Gal. 5. Vos autem in libertatem vocati estis, fratres, tantum ne libertatem detis in occasionem carnis. Et 1. Pet. 2. Quasi liberi & non quasi velamen malitiæ habentes libertatem, sed sicut servi Dei.

Doctor Nicolaus de Lira super verbo: Tantum ne libertatem detis in occasionem carnis, quasi diceret: Hoc tamen est vobis valde necessarium, quod non laxetis vos ad se, quendum carnis impulsu. Hæc ille: Libertas gratiæ, est confidentia intrepide bene agendi, de qua Apostolus 2. Cor. 3. Dominus spiritus est; ubi autem spiritus Domini est libertas; scilicet contemplantur veritatem. Hæc ille. De hac libertate dicitur Proverb. 15. Secura mens quasi fuge convitium.

Libertas gloriæ, est quiescentia hominis in Deo: absque animæ & corporis dolore, de qua ad Rom. 8. Creatura liberabitur a servitute corruptionis, id est libertatem habebit gloriæ filiorum Dei; ubi dicit doctor de Lira: „Ipsa creatura, id est humana natura, liberabitur a servitute corruptionis, nis, quando in resurrectione corpus exanimæ gloriæ fiet corpus immortale. Hæc ille. De hac Apocal. 21. Absorget Deus omnem lacrymam ab oculis, &c.

Non ergo intendimus loqui in articulo nostro de libertate generaliter aut nimis late sumpta, ut scilicet secundum hanc libertatem passim seu indifferenter unusquisque usurpet sibi officium prædicandi, sive sit idoneus aut non idoneus, habilis aut inhabilis, vocatus seu non vocatus, missus seu non missus, ut nos temere dicunt & autumant in regno Bohemie, licet minus iuste: sed in presenti loquimur districtus de libertate, non prout est libertas malitiæ, sub ratione qua hu-

justi modi, sed ut dicit facultatem ab ipso Domino concessam & approbatam, quam quisque suscipere dicitur, quando ad ordinem diaconatus aut presbyteratus legitime est susceptus; cui nullum impedimentum illegitimum obstitere deberet, secundum legem Domini nostri Jesu Christi, cum nulli præcepto divino aliquid impedimentum illegitimum debet officere aut nocere. Igitur isti mandato Christi, quo diaconibus & sacerdotibus injungitur prædicationis officium; nullum debet officere impedimentum illegitimum, etsi aliquid obstat quod alicui ambiguum videatur. De hoc mandato attendunt probationes infra dicendæ, ubi deducitur, Dei auxilio, quod tam diaconibus quam sacerdotibus prædicare evangelium sit præceptum.

Circa hoc notabile sit ista conclusio.

Circumscribo quolibet impedimento legitimo, sacerdos fidelis, cui Deus concessit hujusmodi libertatem, per ministerium episcopi, quod sui est officii loco & tempore, teneatur fideliter exequi cum effectu. Patet de Christo, dicente ad Mariam matrem suam, ut habetur Lucæ 2. *Quid est quod me quærebatis? nesciebatis, quia in his quæ Patris mei sunt, oportet me esse?* Et Act. 5. *Non enim possumus quæ vidimus & audimus non loqui.*

Corollarium. Sacerdos Domini idoneus non debet prohiberi ex causa aliqua palliata a libera verbi Dei prædicatione. Patet, quia non debet prohiberi a libertate sibi a Deo concessa per ministerium episcopi, quin quod sui officii & fideliter exequatur. Patet igitur coroll. 8. sequitur: *Alienis*, ubi dicit Leo papa. *Quid est Manus nemini cito imposueris*, nisi ante ætatis maturitatem, ante tempus examinis, ante meritum obedientiæ, ante experientiam disciplinæ sacerdotalis, honorem tribuere non probatis? Et quid est communicare peccatis alienis, nisi effici talem ordinationem, quam illi iste est qui non meruit ordinari? Et dicitur di. 78. *Quid est*. Et Chrysostomus de dignitate sacerdotali, lib. 3. *Qui ordinatur indignus, eisdem subjacet poenis, quibus illi qui indigne sunt ordinati, etsi dicunt eorum se vitia ignorasse. Unde Apostolus ad Timot. 5. Manus nemini cito imposueris, ne communicaveris peccatis alienis.* Immo ex hoc gravius peccatum & crimen efficitur, quoniam assumerunt vel promoverunt eum quem ignorabant, atque id quod putabatur esse excusatio, fit accusatio. Hæc ille. Ideo Apostolus loquens de ordinando in sacerdotem, dicit, ut habetur 1. ad Timot. 3. *Oportet autem illum habere testimonium bonum ab his qui foris sunt, ut non in opprobrium incidat & in laqueum diaboli.* Et tantum sit dictum de notabili 2. pro præsentis.

Notabi.

Quantum ad notabile tertium, quia dicitur in articulo nostro: *Verbum Dei &c. debet prædicari & annuntiari.* Quod hoc verbum debet, non solum tenetur consultive, sic quod importet consilium; sed tenetur præceptive, obligans sub præcepto. Et pro isto Concilior. Supplem. Tom. IV.

ulterius noto differentiam inter præceptum Dei & consilium. Præceptum enim Dei est doctrina seu statutum obligans hominem sub poena peccati mortalis. Consilium autem Dei est doctrina Dei specialis, solum obligans sub poena peccati venialis. Et istam differentiam innuit Augustinus dicens: *Quisquis præceptis Domini non obtemperat, reus est & debitor poenæ.* Et paulo post: *Præcepto Domini non obedire peccatum est, & consilio si uti nolueris, minus boni adipisceris.* Ad idem est Gregorius ad Jovinianum. *Quod præcipitur, imperatur; quod imperatur est necesse fieri; nisi fiat, poenam habet; ubi consilium dare, offerentis est arbitrium; ubi præceptum est, necessitas est servitutis.* Et ponitur 14. q. 1. *Quisquis.* Differt tamen præceptum Domini a præcepto canonico. Unde Gelasius papa: *Aliquando enim pro necessitate vel utilitate ecclesiæ mutilantur & relaxantur præcepta canonica.* Ponitur 1. q. 7. *Et si 1.* Et Leo papa: *Sicut quedam sunt quæ nulla possunt ratione convelli; ita multa sunt, quæ aut pro necessitate temporum, aut pro consideratione ætatum oportet temperari, illa semper per conditione servata, & in his quæ vel dubia fuerint, aut obscura noverimus, sequendum quod nec præceptis evangelicis contrarium, nec decretis sanctorum patrum inveniat adversum.* Et ponitur 14. di. *Sicut quedam ubi glo. super verbo: Sicut quedam.* Ut præcepta decalogi & forma baptismi, & forma sciendi corpus Christi. Hæc glo. Ex isto textu & glo. sequitur evidenter, si præceptum decalogi, forma baptismi & forma sciendi corpus Christi nulla possunt ratione convelli, ob hoc quod sunt præcepta Dei, similiter communio divinissima eucharistia sub duplici specie ad plebes fidelium, cum sit Christi præceptum & institutio, ut late & fundate deducum est per magistrum de Rokezana, nulla potest convelli ratione.

Conclusio pro primo notabili sit ista:

Verbi Dei verax & fidelis prædicatio est populo Christiano multum necessaria ad salutem. Patet ista conclusio per illud ad Rom. 10. *Quomodo invocabunt eum, in quem non crediderunt? aut quomodo credent ei quem non audierunt? quomodo autem audient sine prædicante? quomodo vero prædicabunt nisi mittantur?* Sequitur: *Ergo fides ex auditu, auditus autem per verbum Christi.* Et Isaia 1. *Nisi Dominus exercituum reliquisset nobis semen, quasi Sodoma fuisset, & quasi Gomorrha similes essemus.* Ex isto sequitur, quod sacerdotes omittentes veracem & fidelem verbi Dei prædicationem, multum nocent populo. Patet, quia privant ipsum effectibus quos facit verbum Dei, qui sunt isti.

Primus, quia cibatur animam. Matt. 4. *Non in solo pane vivet homo.*

Secundus, quia vivificat. Jon. 3. *Venit hora & nunc est, quando mortui audient vocem Filii Dei, & qui audierint vivent.* Tertius quia sanat Psal. *Misti verbum suum & sanavit eos.* Et Sáp. 16. *Non herba neque*

De octo effectibus verbi Dei.



ANNO  
CHRISTI  
1433.

503

*malagma sanavit illos, sed tuus dignas sermo qui sanat omnia. Quartus, quia mundat Johan. 15. Jam vos mundi estis propter sermonem, &c. Quintus, quia illuminat Psal. Lucerna pedibus meis verbum tuum. Sextus, quia a peccato conservat. Psal. In corde meo abscondi eloquia tua; ut non peccem tibi. Septimus, quia a morte æterna custodit. Johan. 8. Si quis sermonem meum servaverit, mortem non videbit in æternum. Octavus, quia beatificat. Luc. 11. Beati qui audiunt verbum Domini & custodiunt illud. Ecce isti sunt effectus verbi Dei & alii quamplures.*

2. Coroll.

Secundo, ex ista conclusione sequitur, quod sacerdotes omittentes veram & fidem prædicationem, omittant opus populo Christiano necessarium ad salutem. Patet ex isto, quod inter omnia officia, post vitam justitiam, prædicationis verbi Dei est plus laudanda. Cum enim sacerdotis officium videatur in quinque includi. Primum est evangelium Christi veraciter prædicare. Secundum est Deum pro sua ecclesia continue exorare. Tertium est Dei sacramenta quibus competit gratis conferre. Quartum est in sacris scripturis tantummodo studere. Quintum est perfectionis exemplum ceteris vicantibus patenter præbere. Prædicationis verbi Dei prodest longe extensius & evidentius: ideo est operatio ecclesiæ pretiosa. Hinc Salvator noster per tres annos & ultra publice prædicavit, & semel misit, ut patet ex decursu evangelii. Non tamen volumus ex isto, quod etiam solum semel sacerdos in vita sua misit: sed ut sit diligentior, aut minimum ita diligens de evangelizatione verbi Dei, sicut de missionatione; cuius oppositum, heu! sit in ecclesia. Multæ misse communes, & paucae prædicationes sunt, & populus cæcus in multis missionationibus ponit salutem. Præcepta Dei ignorat, de verbo Dei non curat, de vita Christi certissima non inquirat. Exinde sequitur altarium multiplicatio, & per consequens sacerdotum inhabilium, aliquando de tribus aut quatuor nullis pretio conductorum. Et de isto dicitur Osée 8. Multiplicavit Ephraim altaria ad peccandum, facta sunt ei ara in delictum. Sed & Dominus visitat aliquando puniendo in præsentem. Unde Amos 3. sic dicitur: In die, cum visitare cœpero prævaricationes Israel, super cum visitabo, & super altaria Betel, & amputabuntur cornua altaris, & cadent in terram, & percutiam domum hyemalem cum domo æstivali. Et Osée 10. Disperdentur excelsi idoli domus Israel, lappa & tribulus ascendet super aras eorum; ut in multis regionibus ad oculum jam appareat. Et tantum de notabili quarto ad præsens.

Actus secundæ  
dici.

Quantum ad secundum principale, ponimus articulum nostrum sic in forma.

Verbum Dei, exemplo Christi & apostolorum, a sacerdotibus Domini libere ac sine impedimento fideliter ac veraciter debet prædicari & annuntiari. Et est articulus in forma. Pro veritate istius articuli primo ponam aliqua motiva; demum legem Dei, &c.

Suppono primo, quod Christus sit verus Deus & verus homo. Patet ex fide Matt. 16. Tu es Christus Filius Dei vivi; & 1. Johan. ult. habetur: Hic est verus Deus & vita æterna.

Suppono secundo, quod Christus sit optimus legis interpret. Patet similiter ex fide & Lucæ ultimo. Et incipientes a Moyse & omnibus prophetis interpretabatur illis scripturas, quæ erant de ipso.

Istis suppositionibus sic stantibus, sic arguitur sub compendio. Christus verus Deus & verus homo, optimus Legis interpret, approbat verbo & opere istum nostrum articulum: igitur est verus & catholicus. Teneat consequentia ex suppositione. Antecedens patet ex hoc quod prædicavit in monte, in campetribus, in mari, in domo, in templo, in synagogis, ut patet ex decursu evangelii; & verbo idem docuit, ut patet Matt. ult. & Marci ultimo. Igitur &c.

Secundo arguitur sic. Quodlibet Christi præceptum est libere exequendum: sed prædicationis verbi Dei est sacerdotibus Christi præcepta: igitur &c. Consequentia nota est cum majore; & minor patet Matt. ult. & Actuum 10. Igitur &c.

Item arguitur: Quodlibet opus a Domino Jesu præceptum & ardue injunctum, sacerdotibus libere exequendum est; sed prædicationis verbi Dei est hujusmodi: igitur &c. Major probatur: Nam alias sacerdotes peccarent per transgressionem divinæ injunctionis; & minor patet Matt. ult. &c.

Jam vero pro isto articulo ponimus legem Dei & primo novam, deinde veterem. Mat. 10. Convocatis Jesus duodecim discipulis, dedit illis potestatem spirituum immundorum &c. Et sequitur: Hoc misit Jesus præcipiens eis & dicens: In quam gentium ne abieritis, &c. Et sequitur: Euntes autem prædicate dicentes: quoniam appropinquavit regnum cælorum. Et hoc commemorat Petrus verus Christi vicarius Act. 10. dicens: Et præcepit nobis prædicare populo & iustificari, &c. Item Matt. ultimo: Euntes autem docete omnes gentes, &c. Item Marc. ult. Euntes autem in mundum universum, prædicate evangelium omni creature: &c. Sequitur: Illi autem professi prædicaverunt ubique, &c. tamquam præcepto Domini obediens. Et 1. Cor. 9. dicit Apostolus: Væ mihi si non evangelizavero. Si enim volens hæc egero, mercedem habeo; si autem invitus, dispensatio mihi credita est. De qua dispensatione dicit Salvator Luc. 12. Quis putat est fidelis dispensator & prudens, quem constituit Dominus super familiam suam, ut dei illis in tempore tritici mensuram? Beatus ille servus, quem cum venerit Dominus, invenerit ita facientem. Ecce Apostolus dicit: Væ mihi, &c. quod scilicet væ significat damnationem, & non propter aliud, quam propter præcepti transgressionem. Et modicum ante dicit idem Apostolus: Nam si evangelizavero, non est mihi gloria, necessitas enim mihi incumbit. Ubi dicit Nicolaus de Lira.

» Necesse est enim mihi incumbit ex præcepto Dei. » Hæc ille.

Et hoc præceptum Christi sancti Dei apostoli sollicitius implevere. Patet de Petro apostolo; unde 2. Pet. 1. dicit: Justum autem acbitror, quamdiu sum in hoc tabernaculo, suscitare vos in communione. Patet etiam de Paulo, qui dicit 2. Timot. 2. Memor esto Jesum Christum Dominum nostrum resurrexisse

a mort-

a mortuis ex semine David, secundum evangelium meum, in quo laboro usque ad vincula; sed verbum Dei non est alligatum; ideo omnia sustineo propter electos, ut & ipsi salutem consequantur. Hinc præceptum suo discipulo Timotheo, ut habetur 2. Timor. 4. Prædica verbum, infra opportune, importune, argue, obsecra, increpa in omni patientia & doctrina. Et infra. Tu vero vigila, in omnibus labora, opus fac evangelistæ, ministerium tuum imple. Et sic de aliis legis novæ scripturis.

Sequuntur veteris legis jam scripturæ. Isaïa c. 58. Clama, ne cesses, quasi tuba exalta vocem tuam, & annuntia populo meo scelera eorum; & domui Jacob peccata eorum. Eiusdem 40. Vox Domini dicentis: clama. Et dixi: Quid clamabo? Omnis caro foenum, &c. Et infra: Super montem excelsum ascende tu, qui evangelizas Sion, exalta in fortitudine vocem tuam, qui evangelizas Jerusalem; exalta & noli timere. Item Ezechiel. 3. & 17. Fili hominis, speculatorem dedi te domui Israel, & audies de ore meo verbum, & annuntiabis eis ex me; & faciente me ad impium: Morie morieris: non annuntiaveris ei, neque locutus fueris ut avertatur a via sua impii, ipse quidem in iniquitate sua morietur; sanguinem autem ejus de manu tua requiram. Et quare requirit Dominus sanguinem, nisi quia præceptum prædicationis ad peccatorem non est executus? cap. vero 33. Ezech. dicitur: Quid si speculator viderit gladium venientem, & non inspuerit buccina, & populus se non custodiat, veneritque gladius, & tulerit de eis animam: ille quidem in iniquitate sua captus est; sanguinem autem ejus de manu tua requiram. Glossa interlinearis Gregorii: "Quia tacuisti & noluisse esse solus, licitus in prædicatione, particeps eris in damnatione, nisi propter præcepti Domini, ni omissionem. Hinc Isaïa 6. in persona talium dicitur: Quia taceui, vae mihi. Item Jonæ 1. Factum est verbum Domini ad Jonam filium Amathi dicens: Surge & vade in Ninivem civitatem magnam, & prædica in ea, quia ascendit malitia ejus coram me. Et in cap. 2. subditur: Surge & vade in Ninivem civitatem magnam, & prædica in ea prædicationem, quam ego loquor ad te. Item Jeremias 7. Verbum quod factum est ad Jeremiam a Domino dicens: Sta in porta domus Domini, & prædica ibi verbum illud &c. Et si aliquis dicat hoc fuisse tantum prophetis præceptum, audiat Apostolum ad Rom. 15. dicentem: Quæcumque scripta sunt, ad nostram doctrinam sunt. Et Jacob. 5. cap. Exemplum accipite, fratres, exitus mali & longanimitatis, laboris & patientie prophetarum, qui locuti sunt in nomine Domini. Item Levit. 10. loquens ad Aaron & filios: Habeatis scientiam discernendi inter sanctum & prophanum, inter pollutum & mundum, doceatisque filios Israel omnia legitima mea, quæ locutus est Dominus ad eos per manum Moysi. Et Deut. 31. Leges verba legis bujus coram omni Israel, audientibus eis. Sequitur: ut audientes discant, & timeant Dominum Deum nostrum, & custodiant & impleant omnes sermones legis bujus.

Ex istis sequitur, quod sacerdotes Domini non debent timere fideliter exequi manda-

tum prædicationis. Unde Jeremias. 1. Tu ergo accinge lumbos tuos, & surge & loquere ad eos omnes quæ ego præcipio tibi, ne formides, a facie eorum, neque enim timere te faciunt vultum eorum.

Secundo sequitur, quod veraces sacerdotes Domini non debent querere subtilitatem in prædicando, dummodo fideliter annuntient verbum Dei. Patet de Paulo, 1. Cor. 2. Et ego cum venissem ad vos, fratres, veni non in sublimitate sermonis aut sapientia, annuntians vobis testimonium Christi. Hinc dicit ad Coloss. 2. Hoc autem dico, ut nemo vos decipiat in subtilitate sermonis. Et Jeremias 1. dicitur de ipso Jeremia: A, a, a, Domine Deus, ecce nescio loqui, quia puer ego sum. Et dixit Dominus ad me: Noli dicere: quia puer ego sum, quoniam ad omnia quæ mittam te ibis, & universa quæcumque mandavero loqueris. Ne timeas a facie eorum, quia go tecum sum, & eruam te, dicit Dominus Deus.

Item Apostolus 1. Cor. 1. Non enim misit me Christus baptizare, sed evangelizare, non in sapientia verbi, ut non evanesceret crux Christi. Ubi dicit doctor Nicolaus de Lira: "Licit Christus miserit apostolos ad utrumque, tamen ad docendum principaliter; & ideo per seipsum prædicabant, per ministros autem inferiores ut frequentius baptizabant. Cujus ratio est quia virtus vel ratio baptizantis nihil operatur in baptismo, propter quod non refert per majorem ministrum vel minorem baptizari. Virtus autem & sapientia prædicantis multum & valde conferunt in prædicatione; & ideo apostoli, qui majores erant, circa prædicationem se magis occupabant, exemplo Christi, qui per seipsum docebat, & per suos discipulos baptizabat, ut habetur Johan. 2. Hæc ille.

Jam restat adducere auctoritates sanctorum doctorum pro articuli nostri tertii veritate. Gregorius in suo Pastoralis cap. 15. tradans istum textum Exodi 28. Audiat sonitus, scilicet Aaron, quando ingreditur & egreditur sanctuarium in conspectu Domini, & non moriatur. "Sacerdos namque ingrediens vel egrediens moritur, si de eo sonitus prædicationis non auditur; quia iram contra se oculi judicis exigit, si sine prædicationis sonitu incedit. Aptè autem tintinnabula vestimentis illius describuntur inserta. Vestimenta etenim sacerdotis quid aliud quam recta opera debemus accipere, propheta testante, qui ait in psalmo: Sacerdotes tui induantur iustitiam? Vestimentis itaque illius tintinnabula inhaerent, ut vitæ viam cum linguae sonitu ipsa quoque opera sacerdotis clament. Hæc ille, & ponitur 43. di. sit restor. Augustinus in prologo sermonum suorum. Pauci sunt sacerdotes qui verbum Dei iuste prædicant; sed multi sunt qui damnabilia tacent. Alii ex ignorantia, qui edoceri reculant; alii ex negligentia, qui verbum Dei contemnant. Sed nec illi, nec isti possunt de culpa taciturnitatis excusari, cum nec illi præesse debeant, qui prædicare nesciunt, nec ipsi tacere debent, quoniam prædicare sciunt, licet non præsent. Hæc ille. Hieronymus



super illo textu Ezech. 3. Si dicente me  
ad impium, &c. Prædicare tenetur sacer-  
dos; videat ne timor humanus eum tace-  
re faciat. Magnum discrimen est Dei ta-  
cere sermones ob triplicem causam, vi-  
delicet propter timorem, vel propter pi-  
gritiam, vel propter adulationem. Hec  
ille. Chrysostomus homilia 45. "Sacer-  
dotes nisi omnem veritatem manifestave-  
rint populo, dabunt rationem in die judi-  
cii. Hæc ille. Sed quare dabunt pro isto  
rationem, nisi quia præceptum Domini de  
prædicatione ad populum omisere? Ildo-  
rus lib. 3. de Summo bono: Sacerdotes  
pro iniquitate populorum damnabantur;  
si eos ignorantes non erudiant, aut pec-  
cantes non arguant. Hæc ille. Item  
Gregorius Venantio episcopo: "Ephesii  
Apotholus dicit: *Munde sunt manus mee  
a sanguine omnium vestrum: Non enim  
subterfugi, quominus annuntiarem vobis  
omne consilium Dei.* Mundus ergo a san-  
guine eorum non esset, si eis Dei con-  
siliū annuntiare noluisse; quia cum in-  
crepare delinquentes noluerit, eos procul  
dubio tacendo pastor occidit. Et ponit-  
ur di. 43. *Ephesii.* Item Gregorius homil.  
3. super illo textu Osee 4. *Peccata populi  
mei comedunt.* Nos qui ex oblationibus  
vivimus fidelium, quas illi pro peccatis  
suis obtulerunt, si comedimus & tacemus,  
eorum procul dubio peccata manducamus.  
Penſandum ergo est quante damnationis  
est sine labore percipere mercedem labo-  
ris; quanti criminis est, pretia pecca-  
torum accipere mercedem laboris; &  
nihil contra peccata prædicando dice-  
re. Hæc ille. Item Augustinus in libro  
contra Manichæos: Olim iussus est frater  
præmortui fratris uxorem ducere, ut non  
sibi, sed illi suscitaret sobolem, ejusque  
nomine vocaret quod inde nasceretur.  
Quod si recusaret, discalciatus uno pede  
conspui omnino solebat in facie. Nunc  
autem evangelii quisque prædicator i-  
ta in ecclesia debet laborare, ut defun-  
cto fratri, id est Christo, suscitetur semen,  
qui pro nobis mortuus est, & quod susci-  
tatum fuerit ejus nomine accipiat: at ve-  
ro qui electus ab ecclesia ministerium evan-  
gelizandi & baptizandi renuerit, ab ipsa  
ecclesia digne meritoque contemnitur. Et  
sequitur: Qui autem curam lucrandorum  
refugit aliorum, discalciati illius non so-  
lum figuratum significavit, sed in se im-  
pletum portavit opprobrium. Hæc ille,  
& ponitur 8. q. 1. Olim. Item Nicolaus pa-  
pa: "Dispensatio est nobis coelestis te-  
minis injuncta: vae si non semper severi-  
mus, vae si tacuerimus, cum electionis vas  
formidet & clamet, quanto magis cuili-  
bet exiguo metuendum est. Proinde sicut  
non leve discrimen incumbit pontificibus  
siluisse quod congruit; ita his, quod ab-  
sit, non mediocriter periculum est, quod cum  
debeat parere despiciunt. Hæc ille, & po-  
nitur 43. di. *dispensatio.*  
Ad idem est concilium Toletanum: "Igno-  
rantia mater cunctorum errorum, maxime  
in sacerdotibus vitanda est, qui docendi

officiū in populo Dei susceperunt. Sa-  
cerdotes enim legere sacras scripturas ad-  
monentur, Paulo apostolo dicente ad Ti-  
mot. *Attende lectioni & exhortationi &  
doctrina; semper permane in his.* Item  
ex concilio Carthaginensi. "Episcopus rei  
familiaris nullam curam ad se revocet;  
sed ut lectioni, & orationi, & verbo præ-  
dicationis tantummodo vacet. Sciant ergo  
sacerdotes scripturas sacras & canones,  
& omne opus eorum in prædicatione &  
doctrina consistat, & ædificent cunctos,  
tam fidei scientia, quam operis disciplina.  
Et ponitur di. 33. *Ignorantia.*

Jam ergo ostensum est ex scriptura sacra,  
praxi Christi & apostolorum, sententiis san-  
ctorum doctorum & conciliorum, quod ver-  
bum Dei a sacerdotibus Domini debet præ-  
dicari sub præcepto. Non solum autem a  
sacerdotibus Domini, sed etiam a diaconis  
debet annuntiari verbum Dei: unde magi-  
ster in 4. sententiarum dist. 24. "Ad dia-  
conum pertinet assistere sacerdotibus, &  
ministrare in omnibus quæ aguntur in sa-  
cramentis Christi. Et paulo post: "Præ-  
dicare evangelium & apostolum. Nam  
sicut lectoribus verus testamentum; ita dia-  
conis novum prædicare præceptum est."  
Ad idem est Ildorus & habetur 25. di. *Per-  
lectis.*

Itis jam sic probatis & deductis, ut au-  
distis; ponitur ista conclusio.

Non obstante inhibitione, aut prætexta  
excommunicatione minata, vel jam lata, sa-  
cerdos Domini debet libere & fideliter ver-  
bum Dei annuntiare.

Probatur ista conclusio primo sic. Non  
obstante inhibitione, aut prætexta excom-  
municatione, sacerdos Domini fidelis, debet  
exequi ejus mandatum; sed prædicare ver-  
bum Dei est sacerdotibus præceptum, ut  
præmissum est: igitur conclusio vera.

Secundo probatur conclusio ex praxi  
apostolorum. Nam cum principes sacerdo-  
tum Annas, Caiphas, Johannes, Alexander,  
& quotquot erant de genere sacerdotali,  
demandassent apostolis, ne omnino loqueren-  
tur, nec docerent in nomine Jesu Christi;  
respondentes dixerunt ad eos: *Si iustum est  
in conspectu Dei vos potius audire quam De-  
um, judicate.* Non enim possumus quæ vidi-  
mus & audimus non loqui. Habetur Act. 4.  
Et Actuum 5. dicitur: Cum principes sacer-  
dotum dicerent ad apostolos: *Præcipiendo præ-  
ceptum vobis ne doceretis in nomine isto, &  
ecce replestis Jerusalem doctrina vestra, &  
vultis inducere super nos sanguinem istius ho-  
minis?* Respondens Petrus & apostoli dixe-  
runt: *Obedire oportet Deo magis quam homi-  
nibus.* Utinam hæc notarent D. sacerdotes.

Et pro ista sententia est venerabilis Beda  
super illo verbo: *Et invenientes asinam alli-  
gatam & pullum cum ea, solvite & adducite  
mibi; & si quis aliquid vobis dixerit, di-  
cite; quia Dominus his opus habet,* ita di-  
cens: Hic mystice præcipitur doctoribus,  
ut si quid obstitit adveniens, & si quis  
prohibuerit peccatores a laqueis solvi,  
per confessionem fidei Domino adduci;  
non tamen a prædicando desistant, sed

ANNO  
CHRISTI  
1433.ANNO  
CHRISTI  
1433.

constanter insinuent, quod Dominus talibus ad ædificationem ecclesiæ opus habet. Fecerunt sic apostoli, facere debent similiter Christi similes sacerdotes. Ad idem est Hieronymus ad Rusticum Narbonensem episcopum sic dicens. Nemo hinc episcoporum invidia diabolicæ tentationis infletur vel irascatur, si ad plebem interdum presbyteri exhortatione in ecclesiis prædicent, si plebi, ut dictum est, benedicant. Etenim abneganti mihi ista sic dicam. Qui non vult facere presbyteros, quæ jubentur a Deo, dicat quid majus est Christo. Pro isto etiam est Anacletus papa. Scimus, inquit, multos ob id infestare doctores, ut eos perdant, & propriæ voluntatis placita adimpleant. Non propterea tamen doctores, in quantum vires suppetunt, a recta æmulatione & bona intentione recedere debent: scientes, quod beati qui persecutionem patiuntur propter iustitiam. Hæc ille. Matt. 5. & ponitur 43. di. Scimus. Igitur conclusio vera.

Ex ista conclusione sequitur, quod sacerdotes dimittentes veram & fidem verbi Dei prædicationem, propter inhibitionem, seu præsentiam hominum excommunicationem sunt apud Deum excommunicati. Patet quia cum prædicatione verbi Dei sit sacerdotibus præcepta, ut supra probatum est, *Maledicti qui declinant a mandatis Dei* Psalm. 118. & ad tales dirigitur verbum Salvatoris nostri Matt. 15. *Quare vos transgredimini mandatum Dei propter traditionem vestram*, scilicet non prædicando verbum Dei.

Item alia conclusio sit ista.

Non solum sacerdotes minores, verum etiam prælati majores tenentur fideliter verbum Dei annunciare.

Patet ista conclusio ex facto discipulorum Christi in primitiva ecclesia. Nam tam apostoli quam septuaginta duo discipuli verbum Dei prædicaverunt, & in eorum locum successerunt episcopi & inferiores presbyteri. Igitur sequitur quod conclusio sit vera. Et pro ista sententia est Anacletus, qui dicit: Decedentibus apostolis, in loco eorum surrexerunt episcopi, & septuaginta duorum discipulorum typum gerunt presbyteri, atque in eorum loco sunt constituti in ecclesia, Et ponitur 22. di. in nono.

Ex isto sequitur, quod sacerdotes verbum Dei fideliter & veraciter non prædicantes propter timorem hominum, sunt proditores veritatis. Patet per Chrysostomum in Matt. 7. cap. super verbo: *Nolite timere eos qui occidunt corpus, &c. sic iniquitatem*: Nolite timere eos qui occidunt corpus ne forte propter timorem mortis, nec libere dicatis quod audistis, nec fiducialiter prædicetis omnibus, quod in aures soli audistis. Sicut ex his solis ostenditur, non solum ille est proditor veritatis, qui transgrediens veritatem, palam pro veritate mendacium loquitur, sed etiam ille, qui non libere prædicat veritatem, quam libere

pronuntiare oportet, aut non libere veritatem defendit, quam libere defendere convenit, proditor est veritatis. Nam sicut sacerdos debitor est, ut, veritatem, quam audivit a Deo, libere prædicet; sic laicus debitor est, ut veritatem, quam audivit a sacerdotibus, probatam quidem in scripturis defendat fiducialiter; quod si non fecerit, prodit veritatem. *Corde enim creditur ad iustitiam, ore autem confessio fit ad salutem.* Hæc ille & ponitur 11. q. 3. Nolite. Idem patet per Hieronymum. Levit. Si quis vult pontifex non tam vocabulo esse, quam merito, imitetur Moysen, imitetur Aaron. Quid enim dicitur de eis? quia non discedunt de tabernaculo Domini. Erat ergo Moyses in tabernaculo Domini indelinentes. Quid autem eis opus erat, ut aut a Deo aliquid discerent, aut ipse populum doceret? Hæc duo sunt pontificis opera, ut aut a Domino aliquid discat, legendo divinas scripturas, & sæpius meditando: aut populum doceat; sed illa doceat quæ a Deo ipse didicerit. Non ex proprio corde vel ex humano sensu, sed quæ Spiritus sanctus docet. Et ponitur 36. di. *Si quis vult.* Ex isto sequitur secundo, quod sacerdotes Domini fideliter verbum Dei prædicantes, in suis prædicationibus magnis personis minime debent parcere, dato quod exinde odio habeantur. Patet de Christo in multis locis evangelii Matt. 12. *Generatio mala & adultera signum querit.* Sequitur: *Sic erit generatio huic pessima.* Et Mar. 8. *Qui me confusus fuerit & verba mea, in generatione ista adultera & peccatrice, & filius hominis confundet eum, cum venerit in gloriam patris sui cum angelis suis.* Patet de Johanne Baptista in correctione Herodis, Matt. 4. Mar. 6. Item patet de sancto Stephano Act. 7. Cum loquebatur in concilio coram principe sacerdotum dixit: *Dura cervice & incircumcisi cordibus & auribus, vos semper spiritui sancto resistitis; sicut & patres vestri, ita & vos. Quem enim prophetarum non sunt persecuti patres vestri, & occiderunt eos, qui prænuntiabant de adventu iusti, cujus vos nunc proditores & homicidæ fuistis, quia accepistis legem in dispositione angelorum, & non custodistis. Audientes autem hæc dissecabantur in cordibus suis, & stridebant dentibus in eum.* Et hoc est quod dicit Ambrosius super illo verbo 1. Cor. 4. *Vos nobiles, nos autem ignobiles, &c.* Libere enim & sine adulatione veritatem prædicantes, & gesta pravæ vitæ arguentes, gratiam non habent apud homines. Et Chrysostomus: Incurrit odium qui, arguit criminosos. Ad idem Johan. 7. *Non potest vos odisse mundus, me autem odit, quia ego testimonium perhibeo de illo, quid aliud quam quia opera ejus mala sunt?* Nec etiam fidelis prædicator verbi Dei debet curare, ut placeat mundi hominibus. Dicit enim Apostolus ad Galat. 1. *Si hominibus uobis placere, Christi servus non essem.* Ideo dicit poeta:

Opto placere bonis, malis odiosus haberi,  
Quis nisi sit malus nemo placere potest.  
Sed numquid Dominus dimittit inultum, quod



ANNO  
CHRISTI  
1433.

homines criminiosi, tam seculares, quam spirituales, non acceptant caritativas correptiones? Utrique non. Dicitur enim Amos 5. Odio habuerunt in porta corripientem, & loquentem perfecti abominati sunt. Idcirco pro eo quod diripiebatis pauperem, & prædum electum tollebatis ab eo, domos quadrato lapide edificabitis, & non habitabitis in eis: Vineas amantissimas plantabitis, & non bibetis vinum earum; quia cognovi multa scelera vestra, & fortia peccata vestra, hostes iusti accipientes munus, & pauperes in porta desipientes. Nec hoc, scilicet cleri crimina arguere ex caritate, est os in coelum ponere aut clero detrudere. Ponere enim os in coelum, secundum glossam super psalm. 69. est contra Deum loqui; detrudere non est, loqui perversa de proximo, nisi in absentia, odiose, & non ex caritate.

Ex isto sequitur, quod sacerdotes Domini non debent omittre fidem verbi Dei prædicationem propter scandalum perverforum. Patet in Salvatore nostro. Marc. 15. Accedentes discipuli ejus dixerunt ei: scis quia Pharisæi audito hoc verbo scandalizati sunt: At ille respondit ait eis: Omnis plantatio quam non plantavi pater meus coelestis, & radicabitur. Simile istos, cæci sunt, ducet cæcorum. Et ad hoc est Augustinus super Johā. homil. 27. Si inquit, de veritate scandalum sumitur, utilius scandalum nasci permittitur, quam veritas relinquatur. Idem dicit Gregorius, quem allegat Nicolaus de Lira super Matt. 15. cap. Igitur corollarium verum.

#### Alia conclusio.

Nemo usurpet sibi verbi Dei prædicationem, nisi fuerit ad hoc missus. Patet Isaie 6. Et audivi vocem Domini dicentis: Quem mittam? Et quis nobis ibi? Et dixi: Ecce ego sum, mitte me. Et dixit vade. Patet de Christo Johā. 8. Neque enim a seipso venit, sed alius me misit. Patet de Apostolis: Mar. 10. Ecce ego mitto vos. Et Luc. 10. Ecce ego mitto vos. Johan. 20. Sicut misit me pater, & ego mitto vos. Et Apostolus ad Rom. 10. Quomodo vero prædicabunt nisi mittantur? Ubi dicit Nicolaus de Lira: A Deo sicut propheta, vel ab ejus locum tenente, sicut alii prædicatores. Hæc ille.

Et circa istam missionem notamus, quod illa est quadruplex, secundum Augustinum li. 83. q. ad Orosium. Prima, a Deo tantum, de qua patet in Moyse & aliis a Deo inspiratis, ut apostolis; de qua ad Galatas 1. Paulus Apostolus, id est missus, non ab hominibus, neque per hominem, sed per Jesum Christum & Deum Patrem, qui suscitavit eum a mortuis. Sequitur: Notum autem facio vobis evangelium quod evangelizatum est a me, quia non est secundum hominem, neque enim ego ab homine accepi illud, neque didici, sed per revelationem Jesu Christi.

Secunda missio est a Deo & ab homine, sicut patet de Josue & aliis a Deo & a superiore missis ad prædicandum.

Tertia missio est ab homine tantum, ut est illa que non fundatur in lege Dei, sed in traditionibus humanis.

Quarta nominatenus missio, est illorum qui a seipsis indigne usurpant prædicandi officium, ut propheta & apostoli, de quibus Jeremie 23. dicit Dominus: Non mittebam prophetas, & ipsi credebant; non loquebar ad eos, & ipsi prophetabant. Et Apoc. 2. Tentasti eos qui se dicunt apostolos & non sunt, & invenisti eos mendaces: Apostolos id est missos non a Deo. De his Johā. 10. Omnes quotquot venerunt, fures sunt & latrones.

Intelligitur conclusio. Nisi fuerit ad hoc missus vel a Deo tantum, ut per externam inspirationem; vel a Deo & ab homine, ut per internam inspirationem, & per hominis authorizationem. De ista loquitur Augustinus in questionibus Orosii, dum quaerit Orosius: Quomodo possumus scire qui mittatur a Deo? Augustinus: Cognosce missum a Deo, quem non paucorum hominum laudatio vel potius adulatio elegit. Sed illum, quem vita & mores optimi, & examinatio apostolorum sacerdotum vel universorum populorum judicio probavit; qui non appetit præfate, qui peccatiam non dat, ut episcopatus honorem accipiat. Nam qui præfate festinat, ut quidam Patrum eleganter expressit: scilicet non esse episcopum, qui præfate desiderat, non prodesse. Hæc ille. Et finis hujus auctoritatis ponitur 8. q. 1. Qui episcopatum. Prima missio missio a lege statuta, sic quod ille, quem Spiritus sanctus inspirat, prælato suo contradicente, ad vitam meliorem potest transire; patet in Apostolis Act. 9. & 5.

Ex isto sequitur, quod sacerdos & diaconus Domini licite potest prædicare verbum Dei, sine licentia speciali sui episcopi aut prælati superioris.

Probatur primum ratione & hoc multiplicitur. Primo sic: Sacerdos Domini, spiritu instigante, potest sine speciali episcopi aut prælati licentia prædicare verbum Dei. Ergo sibi licet. Teneat consequentia; quia majoris virtutis est spiritus Jesu Christi instigans diaconum vel sacerdotem ad prædicandum verbum Dei, quam inhibere episcopi aut prælati humanitus adinventum. Ergo spiritui Christi instiganti & infallibiliter, plus parendum, juxta regulam Apostolicam Act. 5. Magis oportet obedire Deo, quam hominibus.

Secundo sic legimus: Homo sub potestate regis constitutus, spiritu Dei instigante, licite potest dare elemosynam corporalem indigenti, sine speciali licentia regis: Ergo sacerdos Domini multo magis potest licite prædicare verbum Dei, sine speciali licentia sui prælati. Tenet consequentia, cum major sit elemosyna spiritualis, quam corporalis. Quam ergo mirabile foret, quod prælatus aut episcopus prohiberet dare corporalem elemosynam pauperibus esurientibus, tam mirabile & amplius foret, quod prohiberet sacerdoti Christi humili & scienti dare spirituale elemosynam per evangelizationem verbi Dei.

Tertio sic probatur: Consummato matrimonio, conjuges sine speciali licentia prælati possunt licite generare filios carnales, ergo sacerdotes possunt licite generare filios spirituales.

rituales per evangelizationem verbi Dei, sine licentia praelati speciali. Teneat argumentum a simili, aut a majori. Nam quam placitum est opus Deo, quod conjuges sine praelati licentia generent filios carnales, tam placitum est sibi, quod diaconi vel presbyteri in conspectu Dei per evangelium Christi, sine speciali licentia generent spirituales filios Dei; quod si negatur, institutio datur diversitas. Immo, cum pejus est semen verbi Dei non admittere, vel suffocare, quam semen carnale; sic e contrario melius est semen verbi Dei spargere, & suscipere, quam suscitentur filii Dei, quam suscipere vel dare semen, quod suscitentur filii carnis. Et hinc Salvator Matt. 10. dicit: *Quicumque non receperint vos, neque audierint sermones vestros, excutite pulverem de pedibus vestris. Amen dico vobis, quod tolerabilis erit terra Sodomorum & Gomorrhorum in die iudicii, quam illi civitati.* Item: Qua ratione Helda & Medad, super quos requievit Spiritus Domini, prophetaverunt dicite, Moysi irrequisito, ut haberetur Num. 11. eadem ratione sacerdotes Christi, humilis, super quem requiescit Spiritus Domini, irrequisito praelato, licite potest predicare populo verbum Dei. Et utinam praelati ecclesie haberent in hoc facto spiritum Moysi. Nam num. 11. dicitur: *Cumque propheta esset in castris, scilicet Helda et Medad, imitatus puer, et nuntiavit Moysi dicens: Helda et Medad prophetant in castris. Statim Iesus filius Num. minister Moysi: electus a pluribus ait: Domine mi Moyses prohibe: cor. At ille. Quid, inquit, emularis pro me? quis tribuat ut omnis populus prophetet, et det eis Dominus spiritum suum? O utinam affectum istius viri sancti amici Dei, haberent nunc praelati. Tunc enim non prohiberent Christi humilibus diaconibus & sacerdotibus predicare verbum Dei. Item, patet per apostolum, qui cum vocatus fuisset per Christum, ut predicaret nomen Iesu coram regibus & gentibus, non ixit pro speciali licentia ad Petrum, Iacobum, aut Johannem, qui videbantur esse ecclesie columnae. Unde ad Galatas 1. dicitur: *Cum autem placuit ei, qui me segregavit de utero matris meae, & vocavit me per gratiam suam, ut revelaret filium suum in me, & evangelizarem illum in gentibus, continuo non acquievi carni & sanguini, neque veni Ierosolymam ad antecessores meos apostolos, sed abii in Arabiam; & iterum reversus sum in Damascum, &c.* Similiter apostoli & septuaginta duo discipuli, postquam generalem acceperunt a Domino auctoritatem evangelizandi, non ibant pro speciali licentia unus ad alterum; sed induti spiritu ex alto, ibant in mundum universum, praedicantes evangelium omni creaturae. Mar. ultimo. Quare non facerent sic veri & humiles Christi sacerdotes, cum messis quidem multa, operarii autem pauci. Math. 9. & Luc. 10. Ideo dicit Apostolus ad Rom. 1. *Nolo enim vos ignorare, fratres, quod sepe proposui venire ad vos, & prohibitus sum usque adhuc, ut aliquem fructum habeam in vobis, sicut & in ceteris gentibus. Gracis aut barbaris sapientibus & insipientibus debitor sum. Itaque, quod in me, promittam est & vobis.**

Concilior. Supplem. Tom. IV.

A qui Romae estis, evangelizare. Sequitur secundo quod nec potestas papa aut praelati potest licite in contrarium; nec ille qui tali inordinate potestati resistit, Dei ordinationi resistit, sed ipsius voluntati obtemperat & praecepto. Unde 2. Cor. 10. dicit Apostolus. *Nam & si aliud gloriaris amplius fuero, de potestate vestra quam dedit nobis Deus in edificationem, & non in destructionem vestram, non erubescam.* Et ibid. ca. 2. dicit: *Putatis quod exultemus nos apud vos coram Deo in Christo loquimur? Omnia autem carissimi, propter edificationem vestram. Sed rogo qualis est illa edificatio prohibere operarios Dei in messum Domini, & laborare in vinea Domini Sabaoth, quam heu! exterminavit aper de silva, & singularis ferus depastus est. Psal. 79. vulpeculae demolitas sunt, prout dicit Salomon pacificus in Canticis. canticorum. Unde Dominus in littera ad papam inter cetera sic dicit. Breviter autem recolligens dico, quod apostolica sedis sanctitas non potest nisi quae in edificationem, & non in destructionem. Haec est enim plenitudo potestatis omnia posse in edificationem. Haec autem quas vocant provisiones, non sunt in edificationem, sed in manifestam destructionem. Non ergo potest eas dare beatissima sedes apostolica. Haec ille qui, ut dicitur, a papa Innocentio ad tribunal Christi appellavit. Quod autem sic resistere, non sit potestati resistere, patet per Augustinum in libro de Natura boni. Si aliquid jubet potestas quod non debes facere, hic sane contemne potestatem, timendo potestatem majorem. Ipsos humanarum rerum gradus adverte. Si quid iudicis curator, numquid faciendum est, si contrarium proconsul jubeat? Rursus, si quid ipse proconsul jubeat, & aliud jubeat imperator, Numquid dubitatur, illo contempto, illi esse servendum? Ergo si aliud imperator, aliud Deus jubeat, contempto illo, obtemperandum est Deo. Potestati ergo diaboli vel hominis, tunc resistimus, cum aliquid contra Deum suggererit; in quo Dei ordinationi non resistimus, sed obtemperamus. Sic enim Deus praecepit, ut in malis nulli potestati obediamus. Et ponitur 2. sermone di. 44. Et ad idem Augustinus. Si aliquid ipse consul jubeat, & aliud imperator, aliud Deus; quid iudicatis? Major potestas est Dei. Da veniam, o imperator! tu carcerem, ille gehennam minatur, hinc tibi assumenda est fides tua, tamquam scutum, & quo possis omnia ignita jacula inimici extinguere. Et ponitur 11. q. 3. *Qui resistit.* Sic in praesenti potest rationaliter dici. Da veniam, o Eugeni, o Innocenti, tu minaris excommunicationem, abscissionem ab ecclesia, & Christus ignem gehennae. Et hoc etiam patet ex facto Susannae Dan. 13. *Angustia mihi sunt undique. Si enim hoc egero, mors mihi est; si autem non egero, non effugiam manus vestras. Sed melius mihi est absque opere incidere in manus vestras, quam peccare in conspectu Dei.**

Ex isto tertio sequitur: Quicumque nititur fidelem Domini sacerdotem a praedicatione.

K k



ANNO  
CHRISTI  
1433.

tionem verbi Dei abstrahere, in hac parte videtur distamini Spiritus sancti culpabiliter contraire. Patet, quia cum ex præcepto Domini sacerdotes tenentur prædicare verbum Dei, ut probatum est, & præceptum illud fuit distaminis Spiritus sancti, sequitur, &c. In hoc heu! peccato sunt quidam episcopi, abbates & præpositi, qui sæpius clericum aut fratrem valentem pro studio seu evangelizatione verbi Dei, abstrahunt, curis secularibus implicando.

Ex isto sequitur ulterius, quod sacerdotes debent verbum Dei, mendacia fugiendo, veraciter prædicare, prout mandat Dominus, Jeremæ 23. *Qui habet sermonem meum, loquitur sermonem meum verè, & apostolus 2. Cor. 2. Non enim sumus sicut plurimi, adulterantes verbum Dei, sed ex sinceritate, sicut ex Deo, verum Deo in Christo loquimur.* Hinc de prædicantibus mendaciter dicitur Jerem. 23. *Et in prophetis jerusalem vidi similitudinem adulterii, & iter mendacii, & confortaverunt manus pessimorum, ut non converteretur unusquisque a malitia sua. Et tales prædicatores, heu! diligunt carnales homines tam seculares, quam spirituales, ut dicitur Jeremæ 5. *Super & mirabilia facta sunt in terra. Prophetae prophetabant mendacium, & sacerdotes applaudebant manibus suis, & populus meus dilexit talia. Quid igitur fiat in novissimis ejus? Qui autem prædicant veritatem eis, illos odium & abominantur.* Patet 3. Reg. ult. de Achab, ad quem cum dixisset Josaphat: *Non est hic propheta Domini quisquam, ut interrogemus per eum?* Et ait rex Israel ad Josaphat: *Remansit vir unus, per quem possumus interrogare Dominum; sed ego odi eum, quia non prophetat mihi bonum, sed malum omni tempore, Micæas filius Hiemla.* Et hoc prævidit Apostolus 2. ad Tim. 4. *Erit enim tempus cum sanam doctrinam non sustinebunt, sed ad sua desideria concervabunt sibi magistros, prurientes auribus, & a veritate auditum averient, ad fabulas autem convertentur.* Hinc dixit idem Apostolus ad Titum 2. *Tu autem loquere quæ decent sanam doctrinam.**

Conclusio ultimã. Sacerdotis Domini prædicatio, ut sibi sit meritoria, bonis operibus est confirmanda. Patet ista conclusio de Christo, Actuum 1. *Cæpit Jesus facere & docere.* Hinc Jacobi 3. *Sic loquimini, & sic facite.* Et B. Hieronymus in epist. ad Nepotianum: „Non confundant opera sermonem tuum, „ne cum in ecclesia loqueris, quilibet respondeat: Cur ergo quæ dicis, ipse non facis? Delicatus magister est, qui pleno ventre de jejunio disputat, accusare avaritiam & latro potest; sed sacerdotis Christi os cum mente concordet.

Ex omnibus præmissis finaliter sequitur, quod articulus noster tertius, puta: *Verbum Dei exemplo Christi & apostolorum; &c.* est verus & catholicus, fidelis & omni acceptione dignus. Patet, quia ex sacra scriptura, praxi Christi & apostolorum, sententis sanctorum, in eadem sacra scriptura veraciter se fundantium, prout Dominus consult, est deductus.

A. Finis positionis tertii articuli Bohemorum, propositi in præsentia sacri concilii Basileensis, per dominum Voltricum de secta Orphanorum, anno Incarnationis dominicæ MCCC-CXXXIII.

#### POSITIO DE COMMUNIONE

divinissimæ eucharistiæ.

Facta per magistrum Johannem de Ragusio ordinis Prædicatorum sacra theologia professorem, contra M. Johann. de Rokasina oratorem Bohemorum, habita in præsentia sacri concilii Basileensis.

R. Reverendissimi reverendique patres, illustrissime principes, regum & principum, universitatum atque communitatum ambasciatores oratoresque egregii, utriusque juris divini pariter & humani doctores eximii & magistri, comites, barones, nobiles, civesque inignes, & ceteri in Christo Jesu omnes patres, domini & fratres dilectissimi, qui huic sacrae congregationi divinoque certamini interestis. Post valde utilem ac necessariam exhortationem reverendi in Christo patris & domini mei singularissimi domini Cliterciensis; cujus exhortationis verba utinam tali fide, tali devotione, talique caritatis affectu fuissent a cunctis auditoribus accepta, qualiter ab eodem patre prolata sunt, &c. Ut apud R.P. Labbe to. 12. concil. pag. 1013.

In fine hæc leguntur.

Sciendam quod Bohemi finita hac positione & responsione, injurias, ut inquebant, passi, provocati sunt, reddideruntque se difficiles præstare audientiam tribus sequentibus responsalibus deputatis pro parte sanctæ synodi. Unde patres expediens arbitrati sunt, illos in dicendis uti temperato eloquio atque suavi sermone; veritate tamen semper salva, ne a verbo aspero offensus, redirent ad propria, non instructi in verbo veritatis & doctrina salutis, & brevare dicenda, ne tardio affecti, quærent sub alio colore suocationem recessus.

Sequitur.

## REPLICA CONTRA POSITIONEM

*Magistri Egidii Carlerii facta per  
dominum Nicolaum unum ex ora-  
toribus Bohemorum pro se-  
cundo articulo eorum.*

1b. p. 336.

O Stenfo quod articulus de cohibitione, correptione & castigatione peccatorum sit catholicus, legis divinæ auctoritatis, ac praxi Christi apostolica, & ecclesiæ primitivæ, nec non sanctorum doctorum, cum conciliis antiquis, se veraciter in eadem lege fundantium, sententis munitus; superest venerabilis & dilectus in domino doctor, prædictum articulum zelanter impugnans, & ipsum videlicet; non tantum quantum demeruit flagellans, qui quasdam auctoritates scripturarum in unum involutum fatis dispendiosa prolixitate compegit, putans se undecumque sibi succurrendo fidem simplicibus assignare creditivam. Sed cum opus præcipuum virtutis sit vera dicere, & hunc qui veritatem impugnare posse revincere, ejus latibula coram aliis patenter aperiam. Ideo divino adjutus contra illum presidio, mea salvans, ad oppositiones & instantias illius descendendo, ejus responsis & solutionibus immorabor. Et cum venerabilis nostrum articulum impugnans me in præfatione sui primi actus fabrum prunas sustinentem sub olla, quam vidit succensam, rationum & auctoritatum per meam articulum contra vitia appellasset; & æstimans me illam ultra modum ad combustionem vitiorum succendisse, aquam amaram, quia contra dictionem hujus ignei zeli, ut alter faber, se mittere & subministrare spondisset, ut aliquid ex ambobus nobis medium fieret, hoc audiens in primis animo gaudebam. Sed auditis posterioribus, & post hæc in scriptis visis, timeo ne doctor in illam Apostoli incidat sententiam, quam de quibusdam Rom. 2. scribit: *Qui ergo alium docet, & te ipsum non docet; cum times de me, ne in uno extremo excederem ultra modum flammam ad combustionem vitiorum emitendo; solus, ejus salva reverentia, in extremo utroque excedit, nunc flammam extra clibanum nimium emittens, & specialiter contra laicos, sæculares, & nunc nimium extinguens, & maxime erga ecclesiasticos & clericos, ut in sequentibus apparebit; & ad tantum eximit & exonerat ecclesiasticos, & onera gravissima laicis, tamquam primæ materiæ, imponit, quod timendum est ne sit de numero illorum, de quibus veritas dicit: *Alligant enim onera gravia & importabilia, & imponunt in humeros hominum; digito autem suo nolunt ea movere.* Et ad tantum possunt sæculares gravari sic per ecclesiasticos, quod aliquando velut asina coram Balaam declamabunt.*

Cum autem doctor materiam sui actus ad tria puncta restrinxit. In primo enim puncto suo præmittens quatuor notabilia, uno de descriptione peccati mortalis, secundo de descriptione peccati mortalis publici & pri-

*Concilior. Supplem. Tom. IV.*

A vari, tertio de distinctione judicii quadruplicis, & quarto de distinctione duplicis correptionis, subiungit propositionem primam; Quod lex æterna est ponenda in summo omnium principe; quia cum, inquit, mundus divina prudentia regatur, necesse est in gubernante esse dictamen practicum omnium ab eo directorum, ut quomodo a ratione practica artis increata processit, sic sua providentia in ipsum, ut finem ultimum redacatur, a qua dicit ulterius derivari in nobis legem naturæ, velat quamdam participationem ejus, per quam inclinamur ad proprios actus & finem vitæ humanæ, in quibus scum non intendo contendere, quia non sunt contra me, sed pro articulo meo.

B Post hæc ponit positionem secundam, quod ultra legem æternam & naturalem oportet ponere legem humanam, quæ præcepta moralia legis divinæ & naturalis per derivationem ab illa determinaret, & quæ criminalia aliqua posset licite punire mortis supplicio, in hoc a lege evangelica non diffinando; & huic annexit propositionem istam tertiam. Quod quamvis omnia peccata mortalia & maxime publica sint a quolibet fidei detestanda, non tamen omnia possunt puniri lege humana. Deinde circa illam primam suæ positionis partem subinfert conclusionem: Quod licet omnia peccata mortalia sint divina lege expresse vel implicite prohibita; non tamen omnia peccata mortalia publica ab homine sunt ex dictamine hujus legis poenaliter per judicium punienda. Et in illis scilicet in positione ejus secunda & tertia, & in dicta conclusione secum non concordo, sed oppositum sentio.

Ut autem hoc melius & manifestius a venerando auditorio inter me & partem mihi adversam posset percipi, & ex oppositis iuxta se positis veritas magis elucesceret, in confirmationem articuli mei & pro posse satisfactionem, dictis & rationibus per reverendum impugnantem circa illum primum ejus punctum, quantum ad illa puncta, in quibus discordamus inducta, tria specialiter præsuppono.

Primo illud, quod lex evangelica excellit legem Moysi, & omnem aliam legem humanam in extirpatione vitiorum; nam lex humana ex eo quod non potest ad legem divinam attingere, invenitur defectiva. Lex etiam Moisaica videtur permittere aliqua mala, eo quod data fuit populo rudi & duræ cervicis: Lex autem evangelica, tamquam perfectissima, quantum est de se nullum malum permittit, sed omnia excludit & puniendi prædicat. Matt. 12. *De omni verbo otioso quod locuti fuerint homines, reddent rationem in die judicii:* Et si de omni verbo otioso, multo magis de nocivo; & si de verbo, multo magis de facto. Ista suppositio patet & latius in sententia & in verbis declaratur per Nicolaum de Lira in præmio super Matt. & super illo verbo Psalm. 26. *Semita justii.* Idem doctor: „ Omnes alie leges excepta evangelica permittunt aliqua mala. Hæc ille.

Secundo præsupponitur illud Chrysostomi II Sup. dictum, quod in opere imperfecto scribit, postulo. super illo verbo evangelii: *Erat enim docens*

K k 2



ANNO  
CHRISTI  
1433.

*illos sicut potestatem habens.* Omnis doctor servus est legis, quia neque supra legem addere aliquid de suo sensu debet, neque subtrahere secundum proprium intellectum: sed hoc tantummodo prædicat, quod habetur in lege. Nec enim potest mens humana detractare (alias directicare,) quod sapientia dictat. Sic enim ait Salomon: *Ne addas ad verba, neque subtrahas inde.* Qui autem hoc est ausus, se sapientiorem putat esse, quam Deum, & incipit falsus esse testis; quia illud dicit, quod nec ausus audivit, nec oculus vidit. Christus autem Dominus legis & subtrahere potest de lege, quod propter necessitatem temporis iussit, ut puta propter duritiam cordis, iussum fuerat dare libellum sepulchri: Dominus illud, quasi potestatem habens, subdixit dicens: *Quod Deus conjunxit, homo non separet.* Et addidit. Quod propter infirmitatem hominum minus fuerat iussum, ut puta: *Antiquis dictum est non occides, ego autem dico non trahes.* Non quasi servus legis sub potestate constitutus illud docebat, quod fuerat iussum, sed quasi dominus legis, & habens potestatem sua auctoritate, addebat supra id quod antiquis dictum fuerat: *Ego autem dico.* Hæc ille.

III. Sup-  
positio.

Tertio præsupponitur, quod quilibet Christianus ultor injuriæ debet quoad Dei injuriam esse ultor zelantissimus, & quoad propriam injuriam indultor misericors, cum sicut Dei dilectio, ita vindictio divinæ injuriæ est a quolibet præferenda: quod plane constat ex præcepto Salvatoris, qui Mat. 18. peccantem præcipit corripere, illam correctionem usque ad excommunicationem acuendo. De vindicatione vero propriæ injuriæ præcepit, ut quoties in eam frater peccaverit, dimittatur. Quod etiam ex factis Christi & Moysei confirmatur, qui fuerunt duo legiferi duplicis testamenti. Nam Moyses Exodi 22. legitur pro adoratione vituli viginti tria millia hominum occidisse, & tamen num. 12. legitur pro Maria, contra ipsum murmurantem, quod percussa fuit lepra a Domino, ipsum Dominum exorasse. Sic & Christus Matt. 4. duplicem tentationem humanitatis suæ patienter sustinuit; sed quando tertio ad latriam soli Deo debitam diabolus aspiravit, acute fugavit eum dicens: *Vade sathana;* per quod secundum Chrysostomum dedit nobis intelligi, ut nos illius disceremus exemplo, nostras quidem injurias magnanimitate sustinere, Dei autem injurias nec usque ad aurem sufferre; quoniam in propriis injuriis patientem esse quam laudabile est: injurias autem Dei dissimulare nimis impii est. Sic Christus Pharisæis in causa Dei acutissime resistit opere & sermone, ut est Matt. 23. Injuriam autem suæ humanitatis nedum patienter sustinuit; sed pro inferentibus oravit Luc. 23. Sic Petrus contumelias sibi illatas cum gaudio suscipiebat, peccata vero quæ in Deum committebantur zelantissime puniebat, Ananiam & Saphiram Spiritui sancto mentientes mortis sententia per miraculum damnans Act. 5.

Itis suppositionibus præmissis, accedendo ad dicta & posita doctoris, argumentum impugnantis dico, quod quamvis lex eterna in summo omnium principe sit ponenda, a quo derivatur in nobis lex naturæ, velut quædam participatio ejus, per quam inclinamur ad proprios actus & finem vite humanæ, ut in principio deducit doctor; non tamen ultra hanc legem æternam & naturalem simpliciter, necessario poni oportet legem humanam ad participandum dictamen divinæ directionis, sic quod non sufficienter sine illa dirigi possit respública seu genus humanum. Cum immediatius lex Moisaica, cui successit lex gratiæ seu evangelica, derivatæ sunt a prædicta lege æterna, & naturali, quæ sufficienter per se erant ad regimen ecclesiæ militantis, sine humanis legibus post adjectis, quælibet pro tempore suo. Nam determinatio in his quæ ordinant homines in Deum, facta est in lege veteri sufficienter per cerimonialia; determinatio vero in his quæ ordinant homines ad invicem, facta est in lege ipsa per judicialia, & hujus determinationis cerimonialium judicialium vel moralium necessitas fuit; quia universalia non movent sufficienter ad opus, ut etiam innuit impugnans.

Lex etiam evangelica legi Moisaicæ succedens, pro suo tempore est, per se sufficiens ad regimen ecclesiæ militantis, sine legibus humanis post adjectis, excedens legem veterem & alias leges in brevitate, & in instrumentorum paucitate, & modis implendi facilitate, quæ est regula communis, una omnium, brevis, facilis, sufficiens, & lex perfectæ libertatis, qualem decebat nobis tradere Jesum Christum. Nec aliquis hominum præter eam potest talem regulam aut statutum condere, quod si universaliter cooperatum omni homini, omni statui & conditioni; congruens in omni loco & in omni tempore sine exceptione observandi, quod non sufficienter in lege prædicta includatur. Cum lex prædicta perfecte executâ docet rectissime quomodo omnis injustitia debeat a republica extirpari, & quomodo offendens in legem debeat castigari, & quomodo quicumque iustitia veritatis foveri debeat & finaliter præmiari. In ipsa est fides ecclesiæ catholicæ, quam quilibet tenetur cognoscere. In ipsa etiam est exemplar planissimum, juxta quod debet regulari ecclesiæ & quodlibet ejus membrum. In ipsa etiam est subtilitas tam scholastica quam moralis, ultra hoc quod scimus comprehendere hic in via. Ideo idem esset spiritualiter pacere auditorium sine sententia evangelica, ac si quis faceret alteri corporale convivium sine pane. Nam cum Christus fundamentum est totius sententiæ, quæ pertinet Christiano, & sua conversatio & doctrina in evangelio ubilibet expressatur, pater quod necessarium est omni statui viatorum ipsum cognoscere, cum in ipso sine possibilitate deceptionis possimus hoc habere quod debemus credere vel sperare, & quomodo debemus tam nos ipsos quam rempublicam informare; & per consequens non necessario semper ponenda est lex humana, nec immediate derivata a lege æterna & naturali, quin sine illa sufficiat.

cienter dirigatur ecclesia catholica per legem veterem & novam, ut tacum est; cuius oppositum expresse ponit impugnans in scripto suo.

Et in confirmationem mei dicti, præsupponens ex fide Catholica, quod Christus Jesus verus Deus & homo unam legem instituit, quæ est vetus & novum testamentum, ad ecclesiam Catholicam regulandam, argumentatur sic: Universalitas legum sufficit regere totum mundum: sed lex Jesu Christi continet in se omnem legem particularem; ergo lex Jesu Christi veri Dei & hominis per se sufficit ad regimen ecclesiæ Catholicæ. Antecedens patet, ex eo quod scriptura sacra, quæ est lex Jesu Christi, continet in se omnem veritatem: sed omnis lex legi divinæ non dissonans, est veritas: ergo lex Christi continet omnem legem. Argumentum patet per B. Augustinum lib. 2. de Doctrina Christiana in fine, ubi dicit: „ Quidquid homo „ ultra scripturam sacram dividit, si no- „ xium est, ibi damnatur, si utile, ibi invenitur. Et cum ibi quisque inveni- „ tia quæ alibi utiliter didicit, multo a- „ bundantius inveniet ea, quæ nusquam om- „ nino alibi, sed in illarum tantummodo „ scripturarum mirabili altitudine, mirabili „ humilitate discuntur. Idem tenet Johan- „ nes Damascenus primo libro sententiarum „ suarum, dicens: Non est possibile quid- „ quam præter ea quæ a divinis eloquiis „ enarrata sunt & manifesta, dicere de Deo, „ nec universaliter intelligere. Illud etiam „ tenent alii doctores concorditer, qui fundant in lege Christi veraciter dicta sua. Item beatus Gregorius libro 33. Moralium dicit: „ Deus in scriptura sacra quidquid potest „ evenire singulis comprehendit, atque in „ illa per exempla præsentium, etiam vi- „ tam sequentium informare curavit. Hæc ille. Hoc autem non ideo dico, quod leges humanas omnino abiciam, aut velim annullare, in quantum specialiter legi divinæ subserviunt, & ipsius rectitudinem & iustitiam imitantur. Sed dico, quod nullæ tales leges humanæ, vel privata statuta sunt licita, vel a populo obligatorie admittenda, nisi de quanto sunt media facilitantia ad observantiam legis Christi. Si autem, secundum impugnantem, lex humana simpliciter, necessario & obligatorie est ponenda, & secundum ipsum in materia morali & theologica indefinita valet universalem. si ergo lex humana simpliciter est necessaria, tunc omnis lex humana sic est necessaria, & si sic: tunc ista lex humana est necessaria, ut quilibet & specialiter sacerdos deprehensus in adulterio, occidatur. Prædicet hæc doctor in Francia, & placebit sacerdotibus & regno.

Et non obstat si doctor voluerit obijcere illud, quod lex humana licentias virum occidere posse adulterum uxoris in adulterio deprehensum, intelligi debeat, si est persona vilis, & cui non debetur reverentia, volens forte ecclesiasticos eximere. Ad hoc potest responderi, quod doctor talem non potest a vilitate eximere, etsi esset ecclesiasticus; quia eo vilior est, si peccat, quanto alius in officio excellit; cum quanto gradus est

altior, tanto casus gravior; & hoc patet per canonem 1. q. 1. *Vilissimus*; ubi sic scribitur: „ vilissimus deputandus est, nisi præ- „ cellat scientia & sanctitate, qui honore „ præstantior est. Quamvis nollem quod talis adulter in corpore occidatur, sed ad reformationem, salva vita, teneatur; & sic est expeditus unus punctus, in quo cum doctore non concordo, nec ipse mecum; quia ipse ponit legem humanam necessariam & obligatoriam; ego autem legem novam & veterem dico sufficientem, quamlibet pro tempore suo, ad ecclesiam Catholicam regulandam, sine illa post adjecta.

Post hæc pono propositionem oppositam propositioni ejus tertie sub terminis istis:

Omnia peccata mortalia publica a quolibet fidei detestanda, possunt puniri lege humana; & legem humanam intelligi subservientem legi æternæ, & rectitudinem ac iustitiam ipsius imitantem, sicut & doctor in scripto suo ad tantum ipsam dicit esse bonam, in quantum sic se habet.

Probatur propositio sic. Lex humana potest ad tantum deservire & subijci legi divinæ, tamquam ancilla dominæ, quod in ipsa expresse statuatur executio contra omnes transgressores publicos legis divinæ: quo dato, sufficientia data & opportunitate loci & temporis, omnia peccata mortalia publica possunt puniri lege humana: ergo, &c. consequentia est bona, & antecedens patet Dan. 3. Nabuchodonosor rex Babylonis statuit, dicens: *A me ergo propositum est hoc decretum, ut omnis populus & lingua & tribus, quicumque locutus fuerit blasphemiam contra Deum Sadrac, Misac & Abdenago, disperseat, & domus ejus vastetur. Neque enim est Deus alius, qui ita possit salvare.* Et 1. Esdræ 7. Rex Artaxerxes locutus est ad Esdræ, dicens: *Tu autem, Esdras, secundum sapientiam Dei tui constitue iudices & arbitros in terra Syria & Phœnicæ, & omnes qui legem Dei tui noverint, doce, ut quotquot transgressi fuerint legem, diligenter plebantur.* Et 2. Paralip. 15. *Azã rex intravit ex more ad corroborandum fœdus, ut quaererent Deum patrum suorum in toto corde & in tota anima sua. Si quis autem non quaesierit, inquit, Dominum Deum Israel, moriatur a minimo usque ad maximum, a viro usque ad mulierem.* Et iste est secundus punctus in quo discordo a doctore.

Deinde pono conclusionem oppositam conclusioni ejus primæ partis sub terminis istis.

Omnia peccata mortalia publica, divina lege expresse vel implicite prohibita, sunt ab homine ex diffinitione hujus legis, data pertinacia, & ad hoc habita opportunitate & sufficientia, per iudicium ipsi legi conforme puniendi, stante saltem brachio sæculari & spiritali in suo ordine a Deo approbato.

Probatur sic conclusio. Ecclesia sicut habet duas partes, scilicet clericos & laicos, tamquam corpus & animam; sic habet duos modos corrigendi, scilicet spiritaliter hortative, & corporaliter coactive, ex quibus rectores spirituales & sæculares ex eorum officio, modis ipsis congruentibus ex diffinitione divinæ legis, possunt in communicati-  
bus



ANNO  
CHRISTI  
1433.

bus Christianorum & quolibet statu eorumdem, omnia dicta peccata poenaliter per iudicium punire, ut probatum est per me in positione mea, auctoritatibus legis divinæ & sanctorum doctorum sententiis se veraciter in eadem fundantibus, cum alias superfluerent illæ duæ potestates in ecclesia; scilicet potestas civilis coactiva, & evangelica, quod non est dicendum.

Et probatur conclusio secundo per opponentem, qui in fine sui primi puncti scribit, concedendo omnia peccata mortalia publica puniendi, concurrentibus tribus, scilicet iurisdictione, convictione & pace salva. Tunc sequitur: Omnia peccata mortalia publica, concurrentibus illis tribus, sunt ab homine poenaliter per iudicium puniendi; ergo omnia peccata mortalia publica sunt ab homine poenaliter per iudicium puniendi. Consequentia est bona; quia arguitur ab inferiori ad superius affirmative, & etiam quia ex opposito consequentis inferri potest oppositum antecedens; licet doctor in auditorio publico negaverit hanc prædictam consequentiam, dicens fore argumentum a secundo quid ad simpliciter: tamen capiendo ista tria prædicta per viam cuiusdam determinationis actualiter concurrentis ad præcedentia, sicut ego intellexi doctorem, tunc consequentia prædicta bona est; sicut & illa est bona consequentia, si sic argueretur: Homo currit sub isto modo: ergo currit; sic & in proposito. Si autem illa tria capiuntur per viam unius antecedentis impossibilis, quemadmodum doctor in auditorio se declaravit, tunc pro illa consequentia secum non contendo, cum sic ex impossibili, sequitur quodlibet: quamvis ego non habeam hoc pro impossibili, quod ista prædicta concurrant, & omnia peccata mortalia publica arguantur.

Item, quæ peccata lex divina sententiat poenaliter puniendi, illa potest homo iudex, juxta dictamen ejusdem legis, poenaliter per iudicium punire: sed omnia peccata mortalia publica lex divina sententiat poenaliter puniendi, intelligendo in universali vel in particulari: ergo omnia potest homo iudex, sicut dictum est, poenaliter per iudicium punire. Consequentia est bona, & antecedens pro utraque parte patet per doctorem impugnantem, ubi volens probare ex isto dicto Apostoli Rom. 1. & 13. cap. quod aliqua crimina lex humana potest licite punire mortis supplicio, ponit quod illos, quos Deus iudicavit ad mortem, potest iudex licite interficere, & maxime illos, qui per legem divinam adjudicati sunt morti; licet eo modo non dico secum, quod omnes qui secundum modum loquendi Apostoli digni sunt morte, quod debeant morte corporali plecti, ut in loco suo post dicitur.

Et si omnia peccata mortalia publica divina lege expresse vel implicite prohibita, non essent ab homine, ex dictamine hujus legis, data pertinacia, & ad hoc habita opportunitate & sufficientia, poenaliter per iudicium puniendi; sequitur quod lex humana fideles executores haberet, quam lex divina, cum illa ut communiter habet executores poenaliter puniendi omnes suos transgressores, cujus oppositum fieri deberet, cum

fit argumentum a majori. Si servus imperatoris vel alterius domini temporalis exequitur mandatum domini sui in puniendo in transgressoribus decreti domini sui, quanto magis imperatores & domini temporales exequi deberent mandatum capitalis sui Domini, in puniendo poenaliter, juxta dictamen divine legis, in transgressoribus legis suæ: licet, heu! nunc pauci tales inveniuntur, sed multo plures in causis propriis sunt cordati, in causa autem Domini nimium sunt vecordes. Et pro ista conclusione multas auctoritates legis divinæ & sanctorum doctorum in eadem veraciter se fundantes, circa positionem meam adduxi, quas causa brevitatibus hic omitto.

Ex ista conclusione infero istud corollarium: Quod lex tolerans & permittens impunitam simplicem fornicationem, aut simplicem meretricium manifestum, si fiat vis in verbo, est iniqua, & non divine legis rectitudinem & justitiam imitatur, quod expresse legi novæ & veteri obviat: sed tolerantia & permissio simplicis fornicationis aut meretricii expresse obviat legi novæ & veteri; ergo tolerantia & permissio simplicis meretricii aut fornicationis est iniqua. Consequentia est bona, & major per se nota. Sed minor patet Deut. 23. 1. ad Corint. 6. Galat. 5. Act. 12. cap. ut in probatione primi corollarii positionis meæ ostensum est. Et talia publica meretricia propter causam per doctorem impugnantem tactam admittentes, videntur implicite innuere, quod Deus sapientissimus non sapienter statuisse legem suam, de prohibendis talibus fornicationibus extra matrimonium legitimum, sub poena damnationis æternæ & amissionis perpetuæ beatitudinis, & hæc est blasphemia nimis magna; & per consequens nullo modo est hoc sustinendum. Hoc enim peccatum ex quo in lege veteri fuit prohibitum & non toleratum, quæ lex fuit minus perfecta lege nova: quanto magis in lege nova, quæ est lex perfectissima, debet prohiberi & non tolerari. Et quomodo manifestior posset esse repugnancia hujus legis humanæ tolerantis meretricia respectu legis divinæ, ipsa omnino prohibentis, quam dicere: Illud quod una prohibet & non tolerat, hæc alia tolerat & permittit? Quomodo ergo ista lex tolerans & permittens illud quod lex divina non facit, rectitudinem istius legis justitiamque sectabitur? Nec impugnans in hoc suum dictum salvare potest, admittens eis locum quasi sterquilini, ubi sunt purgamenta civitatis, & locum privatum & non publicum, ne inverecundius peccetur, & ut competentius sibi videtur, in suburbio; quamvis illius meretricii concedat restrictionem, quantum ad locum, ne videlicet in loco honesto civitatis locum habeant; quantum ad progressum, ne videlicet currere permittantur per vicos & plateas civitatis, aut tabernas, & comestationes cum viris frequentes; quantum ad ornatum, ne pretiosis vestibus utantur: cum a Domino Deo nec locus, nec tempus ad peccandum conceditur; nec in primitiva ecclesia in communitatibus fidelium illud peccatum aliquem locum habuerit; immo nec nominati permittebatur, ut est in pluribus scripturæ. Quod

Quod si doctor poterit ex Dei lege veraciter ostendere, quod hoc peccatum meretricii publicum debeat in communitatibus publice tolerari, & quod talis locus, quem describit in suburbio, ipsis debeat limitari; doceat & authenticet etiam hoc, ut viri & lenones se cum illis commiscantes, similem cum eis habitationem & refectorem habeant in communitatibus.

Nec est conveniens ratio excusationis aut admissionis illius meretricii ut videlicet per hoc majora mala evitentur; quia dicit impugnans, quod punitio poenalis hujus peccati occasionem daret majoribus criminibus, & pareret in politia grave scandalum; licet forte cautius dicere posset doctor, quod ex punitione & non admissione illius peccati, occasio accipi posset ad perpetrandum peiora: sed ad hoc respondet Apostolus, quod mala non sunt facienda, ut bona eveniant; & Augustinus dicit: Non deberet quis, mentiri propter totum mundum salvandum, quia, secundum verbum Christi, non prodest homini si universum mundum lucretur, & animæ suæ detrimentum patitur. Sic autem arguentes videntur innuere, quod Deus esset crudelis, eo quod populum suum sub gravissima poena ad impossibile cogeret, quia, secundum tales, impossibile est quasi fornicationes tales non fieri: ideo videntur sic implicite dicere Deum esse crudelem, quod non est dicendum: sed sciant omnes, quod Deus clementissimus & valde benigne & valde sapienter mandavit populo suo in lege, ut sit sobrius in evitandis crapulam & ebrietatem, & castus usque ad legitimum matrimonium, & quod unusquisque habeat suam propriam uxorem, secundum ordinem ecclesiæ desponsatam propter fornicationem evitandam: 1. Corint. 7. Hoc prodest ad salutem malo Christiano evitanti adulterium & sodomiticum peccatum, si voluerit evitare crapulam & ebrietatem, & fornicationem simplicem, propter quæ damnabitur, & regnum Dei non possidebit, secundum Apostolum.

Et venerabilis opponens timeo quod hic & alibi, ubi pro tolerantia peccatorum loquitur, nimis multam aquam ad ollam succensam contra vitia submittat; & occasionem magnam dat juvenibus auditoribus, deliciis & voluptatibus deditis, talia vitia perpetrandi. Immo curia Romana fovens in se tot & tanta monstruosa & publica meretricia, contra Domini præceptum, videtur de se derivare in omnes alias ecclesias immunditiarum & fornicationum crimina foetidissima; & utinam non sit illa mulier, quam vidit Johannes in Apocalypsi, Mulier omni fornicationi & abominationi terræ & peccatrix publica, præstans aliis omnium hujusmodi fornicationum nefanda exempla & inevitabilia scandala; in tantum quod concurrentibus illuc de toto fere mundo hominibus, & videntibus publice ibi exerceri meretricia absque omnium verecundia per magnos & parvos, doctos & indoctos, hac corruptela omnes alias partes inficiunt; & sic ibi videntur, & cum eis affluunt, talia pro nullo vitio ducunt; immo ad eandem pestiferam consuetudinem totum mundum inducunt.

Nec video illud dictum opponentis, salva ipsius reverentia, habere veritatem, ubi dicit: quod per tolerantiam talis manifesti meretricii non turbatur politia, cum sæpius tota communitas damnatur coram Deo, propter peccantes illo peccato, & luit poenas divinæ vindictæ, & merito & iuste damnatur, quia permittit Deo suo publice adversari. Cujus exemplum habemus in pluribus locis veteris testamenti, ut de idolo Beelphegor Num. 15. & Baalim, ubi tota communitas subiecta fuit divinæ vindictæ & passa est propter quosdam moechos. Et ideo Apostolus 1. ad Corinthios monet omnes: *Neque fornicemur, sicut quidam ex ipsis fornicati sunt, & ceciderunt una die viginti tria millia.* Immo Dominus panivit in toto mundo diluvio propter hujusmodi peccata, & Phinees benedictionem accepit a Domino, & abstulit plagam a filiis Israel, ex eo quod panivit hoc peccatum. Num. 25. Et quod individua humani generis præfocentur per annum in tali crimine antiqui canones prohibent sacerdotii dignitatem adipisci, & episcopi ac sacerdotes cum diaconibus, qui reperti fuerint in tali fornicatione, jubentur deponi.

Ad rationem autem oppositam quare talia meretricia debeant permitti & tolerari quando adducit Augustinum & Thomam ipsum confirmantem, qui dicit: *Aufer meretrices a civitatibus, & omnia sunt plena libidinibus.* Respondetur quod non est verisimile, quod Augustinus tantum scelus velit fieri in ecclesia, cum sciat hoc a Domino esse prohibitum, & accessum ad hoc malum, cum in questionibus Deuter. 5. & habetur 32. q. 4. *Meretrices*, scribat; Quod meretrices esse, & ad meretrices accedere prohibet Dominus, quarum publice venalis est turpitudine. Si autem illud de tolerantia meretricum alicubi scribat, ut cum allegat Thomas in 5, non videtur esse sustinendus, cum non fundat hoc veraciter in scriptura canonica, sed potius manifesto Domini præcepto contradicat, & hoc solus eligit, ut non assumatur, ubi se fundare non poterit in scriptura; & conformiter potest dici ad omnes auctoritates alias pro tolerantia peccatorum & probatione conclusionis per opponentem allegatas, quod per nullam illarum veraciter probatur, quod manifeste, mortaliter peccantes non debeant debite juxta dictamen divinæ legis corrigi, & data pertinacia, sufficientia & opportunitate de ecclesia ejici, quia hoc obviaret aliis scripturæ locis, in quibus omnes tales Deus corripere præcepit; ne tunc ecclesia castigaret iuste maleficos; ne tunc ecclesia castigaret iuste maleficos per excommunicationem, vel per aliam poenam per legem divinam taxatam.

Et quando doctor primo allegat pro tolerantia Judæorum istud Psalm. 58. *Deus ostendit mihi super inimicos ne occidas eos*, ad hoc respondetur secundum doctorem de Lira, non de Judæis modernis; sed de David adversariis hoc ad litteram intelligendum est: ubi, inquit, ponitur exauditio, petitionis David, quantum ad adversariorum punitionem, cum dicitur, Deus



Respondit tñhi super inimicos meos ne occi-  
das eos; ulciscendo pro malitia propria.  
quia hoc faciatur per alios in iustitia mea.  
Licet autem non sic scriptum, quod Deus  
mortem Saulis & suorum satellitum Da-  
vid revelaverit; tamen hoc credendum  
est, eo quod cum esset propheta; hoc di-  
cit; & hoc in David est adimpletum, eo  
quod Sauli bis manibus ejus a morte tra-  
dito pepercit; ut habetur 1. Regum 24.  
& 26. Hæc Lira.

De Judeis autem modernis, quod non sic  
libere debeant permitti male agere, sicut  
communiter faciunt, scribit Scotus dist. 4.  
super 4. sic in forma: Et si dicas quod  
secundum prophetiam, quam recitat Pau-  
lus ad Rom. Reliquia Israel convertentur  
in fine; & ideo non cogi oportet Judeos  
totaliter ad baptismum suscipiendum &  
relinquendam legem suam. Respondet  
non dubito quin vera sit prophetia Chri-  
sti, quam recitat Joh. 5. Ego veni in no-  
mine Patris mei, & non accepistis me; si  
alius venerit in nomine suo, illum suscipietis.  
Ergo ad minus ex verbo Christi erunt per-  
vertendi; quia adhererant illi pessimo an-  
tichristo, de quo est sermo Christi prædi-  
ctus. Et si dicas quod, visa defectione an-  
tichristi, qui sibi adhererant convertentur,  
dico quod pro tam paucis; & ita tarde  
convertendis; modicus erit fructus propa-  
gationis, & de quibus nulla erit propaga-  
tio filiorum in lege Christiana, non oportet  
tot Judeos in tot partibus mundi tan-  
tis sustinere temporibus in lege sua per-  
stare: sed sufficeret aliquos paucos in ali-  
qua insula sequestratos permitti legem suam  
servare, de quibus tandem ista prophetia  
impleretur. Hæc ille per totum.

Ubi autem antiquum doctor adducit pro  
tolerandis malis & non puniendis legem Mo-  
saicam de libello repudii & usuris, quæ ad  
extraneos permittentur; ad hoc respon-  
detur, quod in lege Moisaica propter duri-  
tiam & ruditatem illius populi illa permit-  
tebantur; lex autem evangelica tamquam  
perfectissima, quantum est de se, talia non  
permittit: sed omnia, specialiter publica,  
modis in positione expressis cohibet & ar-  
guit, prout capit prædicta prima suppo-  
silio.

Post hæc doctor ad probandam suam con-  
clusionem, assumit factum Moyfi Exod. 2.  
qui occidit Aegyptium, & dicit, quod in  
hoc peccavit, adducens pro ipso argumen-  
tum contra Faustum, & cum dicit: Illud  
peccatum Moyfi non legitur a Deo punitum,  
& per consequens arguere vult: Ex quo  
Deus, qui est iustissimus iudex, istud in le-  
ge veteri permisit inultum, quod multo ma-  
gis homo habet permittere, cujus potentia  
executiva est demissior lege divina præcepti-  
va aut prohibitiva.

Secundo adducit occasionem factam per  
Jephthe, de qua Judic. 11. Quæ, inquit, fuit  
peccatum mortale publicum, & tamen non  
legitur fuisse punitum. Ad hoc adducit istud  
Sapientie 11. Misereris omnium, quia omnia  
potes, & dissimulas peccata hominum propter  
penitentiam; & istud Ezech. 33. ubi poen-  
itentiam agentium de omnibus malis, quæ se-

cerant, non vult imputare; & plura pos-  
sent adduci exempla ad hoc quod Deus uni-  
versorum conditor multa manifesta mala to-  
lerare videtur; immo peccantibus hic quan-  
doque videtur plus parcere quam sanctis, in  
tantum quod propheta, videntes multos ma-  
los hic prosperari & iustos pati, quodam-  
modo contra Deum murmurare coacti sunt,  
ut patet Abacuc. 1. 14. & in psal. in pluri-  
bus locis: Ex hoc tamen concludi non de-  
bet, quod nos manifestos peccatores debeat  
mus tolerare & non arguere, neque casti-  
gare; quia quicquid Deus facit, ipse facit  
ut Dominus legis & auctoritatem ac pote-  
statem habens in hac vita & in futura, a-  
liquis hic parcere & vindictam in futurum  
reservare, & aliquos arguere in vita præ-  
senti, & postmodum ipsis parcere in futu-  
ro. Nos autem ipsius servi & legis ejus exis-  
tentis, debemus attendere quid nobis præ-  
ceptum de correctione & punitione peccan-  
tium, ne illud negligamus. Nec est hoc no-  
stri iudicii, quid Dominus facit: sed servi  
est advertere illud quod facere debet, cum  
Deus non constituit nos iudices actuum suo-  
rum; nec dabimus rationem de hoc, si ne-  
glexerimus nec intellexerimus omnia quæ Do-  
minus de sua potentia & suis occultis iudi-  
ciis facit: sed de hoc reddemus rationem,  
si neglexerimus implere quod facere ex præ-  
cepto Dei debeamus. Et pro illo est præmis-  
sa suppositio secunda: prius ex verbis Chry-  
sostomi sumta.

De hoc autem, si Moyses peccavit occi-  
dendo Aegyptium; Lira sententiat quod  
non peccavit; cum ex divina electione ad  
liberationem Hebræorum habebat addi-  
tionem vindicandi injurias eis factas, &  
hoc sciebat per revelationem divinam, &  
hoc quia dicitur Actuum 7. Existimabat au-  
tem cognoscere fratres, quod per manum  
ipsius Deus daret salutem illis, & quod  
interfecit eum non solum pro percussione  
Hebræi; sed etiam pro adulterio commis-  
so fraudulentè, quod fuit Moyfi notum  
per hoc quod audivit causam percussoris  
in contentione pro prædicto adulterio.  
Hæc Lira.

Similiter de occisione filie Jephthe, si ipsam  
sacrificavit per mortem corporalem vel non;  
& si peccavit, de hoc secundum doctorem  
de Lira est multiplex opinio. De hoc autem  
quod Deus parcat peccantibus, hoc non est  
contra meum articulum, nec pro conclu-  
sione doctoris.

Postmodum adducit testimonium legis no-  
væ de zizaniis seminatis in agro, quas servi  
volebant eradicare; & prohibiti sunt, & di-  
ctum est eis; *Sinite crescere usque ad messem*,  
Matt. 13. Ex qua parabola nititur probare,  
quod mali tolerandi sunt inter bonos usque  
ad messem diei iudicii, donec sine periculo  
bonorum poterant ab eis separari. Ad hoc  
respondetur, quod Dominus per hoc suum  
dictum non intendit ut manifeste peccantes  
non corrigantur, & data pertinacia de ec-  
clesia non ejiciantur; sed intelligit Dominus  
de peccatis dubiis, incertis & occultis, quod  
ista tolerantur, & quod hoc sit verum, testis  
est Hieronymus, quem etiam adducit oppo-  
nens super hoc verbo in sua positione, qui  
di-

ANNO  
CHRISTII  
1433.

dicie: Videtur hoc esse contrarium illi præcepto: *Auferte malum de medio vestrum.* Si enim prohibetur eradicatio, & usque ad messem tenenda est patientia, quomodo efficiendi sunt quidam de medio vestrum? solvit scilicet, sicut inter lolium & triticum, quamdiu herba est, parum distat: ita monet Dominus, ne de ambiguo iudicemus, aut cito sententiam proferamus, sed Dei iudicio reservemus; quia Dominus in die iudicii non suspicione, sed manifeste damnabit. Hæc ille. Et hoc manifestius explanans Origenes homil. 21. super Josue, tractans illud Josue 15. *Jebuseum autem habitatorem Jerusalem non potuerunt delere filii Juda, habitavitque Jebuseus cum filiis Jude in Jerusalem usque ad præsentem diem*, sic scribit: „Sicut ergo in evangelio permittuntur zizanias simul cum tritico coalescere, eodem modo sic in Jerusalem, id est in ecclesia, sunt quidam Jebusei, isti qui ignobilem & degenerem vitam ducunt, qui fide & actibus & omni conversatione sua perverti sunt; neque enim possibile est ad liquidum purgare ecclesiam, dum in terris est, ita ut neque impius in ea quisquam, neque peccator residere videatur: sed sint in ea sancti omnes & beati, & in quibus nulla prorsus peccati macula deprehendatur. Sed sicut dicitur de zizaniis: *Ne forte eradicantes zizania, simul cum ipsis eradicetis & triticum.* ita etiam super istis dici potest, in quibus vel dubia vel occulta peccata sunt. Neque enim dicimus de his qui manifeste & evidenter criminosi sunt, ut non de ecclesia expellantur. „Et infra: „Esto ergo, quoniam non possumus ejicere omnes istos qui nos conculcant: saltem quos possumus, quorum peccata manifesta sunt ejiciamus. „Ibi enim peccatum non est ejicere de ecclesia aliquem, ne forte eradicantes zizania, eradicemus simul cum eis & triticum. Hæc ille. Chrysostomus autem super eodem textu scribens, ut allegatum est, circa positionem meam, sententiat sic inquit: „Non ergo detinere hæreticos, & abscindere eorum propagationem, & synodos dissolvere prohibet, sed occidere. Hæc ille.

Et eodem modo responderi potest ad alias parabolas quas opponens adducit, puta de sagena missa in mare; de qua Matt. 13. de nuptiis, ad quas congregati sunt boni & mali, de quibus Matt. 22. de decem virginibus, quinque fatuis & quinque prudentibus, de quibus Matt. 25. & de aliis similibus. In quibus omnibus elicitur, quod in ecclesia militante usque ad consummationem sæculi, erunt simul commixti boni & mali. Ex hoc non sequitur, quod qui manifeste & evidenter criminosi sunt, non corrigantur; & de ecclesia non expellantur, sicut dictum est per Origenem de zizaniis, & ideo hoc nihil facit pro sua conclusione & contra meam positionem.

Et per hoc etiam respondeatur ad doctores, quos circa illum eundem punctum adducit. Et conformiter dicatur ad illud quod adducit de sic, quæ tribus annis fructum non attulit, & ad petitionem, & intercessio-

Concilio. Supplem. Tom. IV.

nem coloni adhuc permittitur stare & non exciditur. Ad hoc dicitur, quod si sint aliqua peccata specialiter testia hypocrisis, possunt ad tempus tolerari. Hoc Deus propria auctoritate fecit, sicut dictum est & illi angelo Ephesi, quod etiam opponens adducit, de quo Apoc. 2. *Memor esto unde excideris, age penitentiam, & prima opera fac: sin autem, venio & movebo candelabrum de loco suo nisi penitentiam egeris.* Possit autem aliquis ad tantam hypocrisim crescere & alios scandalizare, quod possit ejici & puniri; & in hoc maxima pietas Jesu notatur, quod donec aliquid boni in nobis aspicit, non in toto abjicit, sed ad emendationem expectat, sicut hortulanus diligit arborem, donec ramusculum viridem portat. Si autem tota arida fuerit, gravis est ei ad videndum. De ista dicit: *Ut quid terram occupat?*

Post hæc adducit peccatum Samaritanorum, nolentium recipere Jacobum & Johannem, quod videlicet quamvis fuit mortale & notorium peccatum, non tamen puniunt: immo volentes illud arguere Christus corripuit dicens: *Nescitis cujus spiritus estis.* Lucæ 9. Ad hoc dicitur, quod Dominus non corripuit ibi discipulos de hoc, si voluissent eodem modo, ut decet, arguere Samaritanos, de hoc quod non susceperunt eos, & si hoc zelo justitiæ fecissent: sed corripuit eos de hoc quod non zelo justitiæ, sed amaritudinis odio, ob injuriam suæ repulsionis vindicandam, Samaritanos igne voluerunt consumere; & ergo volens eos injuriarum personæ, cum patientia & gaudio tolerare, injuriam vero divinæ servitutis non violatam relinquere, ut prædicta tertia innuit suppositio, ait: *Nescitis cujus spiritus estis.* Et hæc est sententia Decreti 23. quæ quod Christus potest in hac suppositione, & hoc innuit dictum Bedæ, quod opponens super eodem textu adducit in sua positione. Et notandum est bene verbum Chrysostomi in prædicta suppositione positum, ubi inter cetera dicit: Quoniam in propriis injuriis patientem esse quemquam laudabile est: injurias autem Dei dissimulare impium est.

Et ex isto patet quid est dicendum ad alia quæ opponens adducit de praxi Christi & apostolorum. De Christo, quoniam peccata in eam commissa patientissime sustinuit, ita ut de eo in psal. scriptum sit: *Tamquam agnus ad occisionem ductus, coram tonante se non aperuit os suum.* De apostolis autem adducit illud 1. Corinth. 4. *Maledicimus, & ecce benedicimus: persecutionem patimur, & sustinemus.* Per quod patet, quod maledictio in Apostolos erat peccatum publicum, & tamen non puniebatur ad eorum instantiam saltem. Similiter erant aliqui, qui erant publici peccatores, & tamen istos permittebat Apostolus; & multa sunt similia. Ad omnia una responsio datur, quod omnes illi in propriis injuriis patientes, erant nihilominus omnes tales a quibus multa passi sunt, ex alia parte eos zelo justitiæ vel caritatis arguebant. Chrysostomus: Dominus corripuit suos adversarios, quando peccabant in Deum, apostoli similiter: licet patientes erant in sustinendo injurias proprias,

ANNO  
CHRISTII  
1433.



ANNO  
CHRISTI  
1433.

nihilominus omnes sine acceptatione per-  
sonarum omnes peccantes contra Deum  
arguebant, & contra prosequendo episto-  
las scripserunt. Et per hoc intelligi po-  
test dictum Ambrosii positum 23. q. 4. Hæc  
autem dicit: Quisquis malum non tolerat,  
ipse sibi per intolerantiam testis est, quia  
bonus non est. Abel enim esse renuit,  
quem Cain malitia non exerceat. Hoc in-  
telligendum est de his qui impatientes sunt  
ad tolerandum proprias injurias.

Ad illud autem ubi ulterius opponens ad-  
ducit istud Phil. 1. Quod Apostolus toleravit  
eos per invidiam, quæ ipsius diaboli vitium  
est, Christum annuntiabant; dicitur quod  
non sic eos toleravit, ut non sint arguendi  
de hoc, quod non propter bonam voluntate-  
tem, id est Dei honorem & proximi salutem  
intendentes, scilicet propter invidiam Chri-  
stum annuntiabant; sed quia bonis per do-  
ctrinam proficiebant, etiam non ex directo,  
tamen occasionaliter, non ex eis neque per  
eos, sed ex eo quod diligenter Deum omnia  
cooperantur in bonum. Et de hoc gaudebat  
Apostolus Philip. 1. Sic Christus Lucæ, qui  
præcepit Apostolis ne prohibeant quendam  
ejicere demonia in nomine suo, licet ipsum  
cum eis non sequatur, ut det intelligi se-  
cundum glossam, quod nemo a bono, quod  
jam habet in parte, prohibendus est: sed  
ad hoc potius, quod non habet, provocan-  
dus. Et ergo Apostolus hoc quod occasione  
annuntiantium Christum, bonum veniebat fi-  
delibus, laudabat: nihilominus propter hoc  
quod non directe, sed per invidiam Christum  
annuntiabant, eorum malitiam detestabatur.

Similiter potest & ad hoc responderi, si  
quis obijciat de crimine Judæ, quod Domi-  
nus peccatum suum sibi patens toleravit.  
Dicitur quod Dominus peccatum Judæ non  
sic toleravit; quin ipsum reprobavit & ar-  
guit, tentando reducere eum a tanto sce-  
lere perpetrato quatuor modis: 1. pudore,  
dum dicit: *manus tradentis me mecum est  
in mensu.* 2. timore, per comminationem sup-  
plicii, quando dicit: *Merum tamen vos homini  
illi.* 3. beneficii exhibitione in sacramenti  
sui communione. 4. affectus ostensione in blan-  
da allocutione, cum dicit, *Amice ad quid  
venisti?* Et ergo non sic toleravit Christus  
peccatum suum, quin ipsum arguit, ta-  
liter revocando in genere, quamvis non spe-  
cificavit eam, quia suum peccatum aliis oc-  
cultum erat.

Post hæc doctor adducit auctoritates plu-  
res canonum & doctorum sententiarum,  
quod rigor correctionis seu justitiæ deberet  
temperari propter peccantium multitudi-  
nem, & specialiter si esset princeps, aut alius  
qui sociam haberet multitudinem, aut si per  
correctionem oriretur schisma, aut pax poli-  
tica turbaretur. Pro solutione illarum au-  
thoritatum, est notandum quod duplex est  
pax; scilicet pax Dei, & pax mundi; quæ in-  
nuuntur Johan. 14. quando dicit Christus:  
*Pacem relinquo vobis, pacem meam do vobis:*  
non quomodo hic mundus dat, ego do vobis.  
Pax Dei est mentis tranquillitas in virtuti-  
bus stabilita, qua pace caret omnis existens  
in crimine. Nam Job. 9. scribitur: *Quis re-  
stitit ei, & pacem habuit?* Illa autem pax

tripliciter variatur. Est enim pax hominis  
ad Deum, hominis ad seipsum, & hominis  
ad proximum; & tota ista pax consistit in  
observantia mandatorum. Et prima pax,  
scilicet hominis ad Deum, est tantæ virtutis,  
quod sine illa non valet pax alia; sed  
ipsa habita, utraque alia consequitur. Ni-  
hil ergo dissolvit pacem cum Deo, nisi pec-  
catum; quia solum ipsum dividit inter De-  
um & hominem, juxta illud Isaïæ 59. *Ini-  
quitates vestrae diviserunt inter vos & De-  
um:* ideo peccatum pacem præpediens est  
maxime fugiendum. Et ista regula summe sta-  
bilitaret pacem hominum, quia servando hanc  
regulam, constituitur homo amicus Dei: sed  
si Deus nobiscum, quis contra nos? Nam in  
tali pace timentibus Deum omnia cooperantur  
in bonum. Pax autem mundi, est quæta frui-  
tio temporalium, saltem large loquendo,  
sine perturbatione sensibili hostili. Hæc au-  
tem pax tantam vim habet, quod omnes na-  
turaliter eam desiderant, cum propter illam  
sunt omnia bella, quæ sunt frustra, nisi iste  
finis sequeretur. Immo tantum est homini-  
bus pax desiderabilis, quod etiam latrones  
& pessimi homines inter se pacem desiderant,  
cum alias dissolveretur eorum consortium.  
Sic humanum corpus, sic omne mixtum &  
& adjunctum, alteri contrarium salvatur in  
quodam pace, concordia vel convenientia,  
quam Empedocles vocat amicitiam, quæ est  
causa generationis, sicut lis est causa corrup-  
tionis. Et quamvis hæc pax mundi sit bo-  
num, cum sit medium ad pacem animi in-  
ducendam; quia autem fundatur in applau-  
su humano communiter sophistico, inter pau-  
cos fragiles confederatos debilitat sæculi li-  
gamento; ideo ad istam pacem non foedera-  
tio sequitur, aut securitas ab hostibus, sed  
potius fraus atque illusio, & sæpius invo-  
luta est criminibus, ut est Deut. 32. ubi di-  
cit Deus de habente pacem mundi: *Incras-  
satus est deliciis & voluptatibus, impingua-  
tus, dilasatus, dereliquit Deum factorem su-  
um, & recessit a Deo salutari suo.* Et Ezech. 16.  
dicitur quod fuit iniquitas Sodomæ, super-  
bia, saturitas panis, & abundantia, & otium.

Quo notabili præmissio potest ad alias om-  
nes auctoritates sub uno per dominum res-  
ponderi; quod doctores talia scribentes, vi-  
detur quod omnino magis respexerunt pa-  
cem politicam temporalem, quam spiritua-  
lem; non bene forte ex parte alia adven-  
tentes, quemodo pax vera politica non per  
debitam correptionem peccatorum turbatur,  
sed propter mandatorum Dei prævaricationem,  
& a lege ipsius declinationem impa-  
cificatur ecclesia militans, Job 9. *Quis res-  
stitit ei & pacem habuit?* & Baruch 2. *Quid  
est Israel quod in terra inimicorum est?* &  
sequitur responsio: *Dereliquisti fontem sapien-  
tiæ, nam si in via Dei ambulasses, habitas-  
ses utique in pace super terram.* Hinc He-  
lias dicens sibi Achab: *Tunc es qui contur-  
bas Israel?* respondit: *Non ego, sed tu &c.*  
Unde ipsa militans eccl. in suis membris, tan-  
quam devota Christi vidua posset dicere illud  
Baruch. 4. *Nemo gaudet super me viduam  
desolatam, a multis derelictam sum propter pec-  
cata filiorum meorum.* Derelicta quidem, est  
Christi militans ecclesia propter peccata Chri-

ANN  
CHRIS  
1433.

stianorum, a gentilibus & Judæis, qui vi-  
dentes manifesta eorum scelera, fidem Chri-  
sti suscipere aspernantur. Derelicta est, ne-  
dum ab hæreticis & schismaticis, sed a suis  
vocatis filiis, qui se septem peccatis mor-  
talibus ab ipsa sancta ecclesia separarunt.  
Unde dicit: *Nemo gaudeat super me.* Quia  
propter Michæ 7. voce lugubri plangit Chri-  
stus: *Vae mihi quia factus sum sicut qui col-  
ligit in autumnno racemos vindemie, & non  
est botrus ad comedendum præcoquas uvas.*  
*Desideravit anima mea; perivit sanctus de ter-  
ra, & sanctus in hominibus non est.* Ubi  
ostendit, quod multi sunt appetenter eccle-  
siae amici, qui tamen sunt hostes præcipui,  
pacem ipsius maxime perturbantes; quam  
perturbationem pacis politice videtur, quod  
doctores prædicti non tantum adverterunt,  
quantum pacem politicam temporalem; ideo  
sic, ut prædictum est, scripserunt; tali res-  
pectu habito Caiphas consulebat in concilio  
Joh. 11. quando dicebat: *Vos nescitis quid  
quam neque cogitatis, quia expedit vobis,  
ut unus moriatur homo pro populo, & non to-  
ta gens pereat.* Et iterum: *Quid facimus?  
quia hic homo multa signa facit. Si dimi-  
timus eum sic, omnes credent in eum, & ve-  
nient Romani, & tollent locum nostrum &  
gentem.* Ad turbationem temporalem respec-  
tum habentes sic loquebantur. Non ralem  
respectum habuit Christus, qui Matt. dicit:  
*Non veni mittere pacem sed gladium; veni  
enim separare hominem adversus patrem su-  
um, & filiam adversus matrem suam, & nu-  
rum adversus sororem suam.* Venit enim rex  
pacificus ad dissolvendam confederationem  
fidam inter homines mundanos per super-  
biam diaboli, quæ viros fortiores sæculi sal-  
lit, cum diabolus rex super omnes filios su-  
perbiæ omnes peccatores illaqueat, qui sunt  
per Christi humilitatem ante omnia separan-  
di. Carnales autem per vitium voluptatis  
conjuncti, sunt per Christi poenitentiam se-  
jungendi: sed mundo per avaritiam nupti,  
sunt per Christi paupertatem separandi. Un-  
de quicumque in aliquo horum trium niti-  
tur quiete fovere populum, ille nititur dis-  
solvere Christi pacem; quia pacem origina-  
lem hominis ad Deum, quæ solum solvitur  
per peccatum. Et hac ratione Christo sol-  
venti pacem malam mundi dictum est: *Com-  
movit populum incipiens a Galilea usque huc.*  
Sic apostoli arguebant omnes potestates in-  
differentes quid passuri, sed quid acturi sunt:  
cogitantes placere Deo, non hominibus;  
fidem & virtutes promovere, non hoc sæ-  
culum: immo, ut in positione mea dictum  
est, omnes prophetae veteris testamenti hoc  
habuerunt officium, nec inveniuntur aliqui  
quin passi sint in hac parte, a Moysæ usque  
ad Baptistam. Et quicumque fuerunt in exe-  
cutione hujus legis de correctione peccato-  
rum, in hac lege sunt valde commenda-  
biles.

Verumtamen corrigentes debent circa hoc  
servare conditiones debitas, & illis serva-  
tis, non debent negligere malum corrige-  
re, quilibet secundum suam vocationem, &  
mediis sibi congruentibus, & hoc sine dolo,  
ut fiat non zelo vindictæ, & zelo ultionis;

Concilior. Supplem. Tom. IV.

sed zelo justitiæ; non ut odium exeretur,  
sed ut pravitas corrigatur, ut suadet, 23.  
q. 4. c. finali, & hoc vel beneficentiæ con-  
solatione, vel doctrinæ, informatione, vel  
distinctione, coercionem, 23. q. 4. debet, per  
Augustinum: Et corripiens non debet inten-  
dere divisioni in populo; vel scissioni, quem-  
admodum Dominus non intendebat discer-  
sionem a se, quando loquebatur de manu-  
catione suæ carnis, & bibitione sanguinis,  
quæ facta est a discipulis ejus, occasione ma-  
le accepta. Similiter non debet attendere  
personam potentis aut multitudinem, nec  
quid debeat pati: qualiter Helias arguit re-  
gem & domum suam 3. Reg. 19. & Johan-  
nes-Baptista Herodem. Et si non subest po-  
testas, illam voluntatem continue debet ha-  
bere, & voluntas pro facto reputatur, quia  
ex antedictis Origenis, auditum est quod di-  
cit: Esto quod non possimus ejicere omnes  
istos qui nos conturbant, saltem quos pos-  
sumus, quorum peccata manifesta sunt, eji-  
ciamus; & si qui potentes hoc facere, non  
faciunt, peccant, teste doctore: opponente,  
qui allegat Augustinum in 3. libro contra epi-  
istolam Parmeniani: qui dicit, quod non  
sufficit auferre malum a seipso, ubi non im-  
peditur, nisi corrigat, moneat, &c. Et di-  
cit sic in forma, ut opponens eum addicit:  
Quapropter quisquis etiam contemserit ec-  
clesiæ Dei disciplinam, ut malos cum qui-  
bus non peccat & quibus non favet, desi-  
stat monere; corrigere, arguere: si etiam  
talem gerit personam, & pax ecclesiæ pa-  
ritur, ut etiam a separatione sacramentorum  
possit quempiam separare, non alieno malo  
peccat, sed suo. Ipsa quoque in tanta re  
negligentia, grave malum est. Hæc Augu-  
stinus.

Ultimo ad rationem quam tangit doctor:  
Quare aliqui in ecclesia interdum tolerandi  
sint; quia, inquit, sunt utiles bonis, sive ut  
per eos exercentur, sive ut illorum com-  
paratione magis eis exhortatio fiat; & ad-  
huc quod postea addit, quod cum laude pa-  
tientie mali tolerantur, ne ignoti boni dam-  
nentur. Sic inquit Isaias: *Qui dicit, recedi-  
te, recedite, exite inde, & immundum volu-  
te tangere.* In medio immundi populi pollu-  
ta labia habentis habitabat, & multos al-  
ios adducit, qui de medio mali populi non  
exierunt. Immo Christus & apostoli in medio  
malorum habitabant, & ergo intendit dice-  
re doctor, quod a malis non oportet rece-  
dere corporaliter: sed corde & spiritualiter,  
& satis est. Pro responsione ad istud, no-  
tandum quod sex sunt genera consensus, no-  
tata in his verbis:

Consentit cooperans, defendens; consilium  
dans,  
Ac auctoritans; non juvenis, nec repre-  
hendens.

& in quolibet istorum generum fere con-  
sentientes contingit peccare gravius, quam  
ipsos personaliter delinquentes; ideo timen-  
dum est cuilibet, & specialiter clero, ab  
isto sexuplici consensu, in quibus compre-  
henduntur peccatum non impediens, dum  
possunt, crimen non prohibens; favoribus



ANNO  
CHRISTI  
1433.

535

peccantibus participantes, & licentiam ad peccandum dantes, ut in cap. 13. q. 2. *Ab- bates*, 22. q. 3. *Ostendit & Qui potest*. Et di. 86. *Facientis*. & 83. dist. *Consentire*. & 11. q. 3. *Qui consentit*. & 24. q. 3. *Qui aliorum*, & 23. q. 4. *Quis*. Illis præmissis responderi potest ad objectionem: Quod si qui mundi inveniri possunt, qui nullo istorum modorum consenserint peccato aliorum, tunc non sociantur culpis eorum. Sed quis hic, & laudabimus eum? De illo autem ubi additur, quod satis esset corde & spiritualiter recedere a malo, non corporaliter; ibi dicitur, quod hoc bene fieri posset, ubi esset libertas Deo serviendi, ubi non constantia perseverandi, & ubi occasio non est homini cum ipsis peccandi, & non est locus fugiendi, ut 1. Corint. 5. habetur: *alioquin debueratis de hoc mundo exisse*; tunc potest commanere malis, nihilominus mala eorum ubi potest competenter arguendo; & hoc potest fieri. Nam mali, sicut in perverso- rum seductionem admittuntur, sic & in glori- am sanctorum. Nam illius bonitas apud Deum laudabilis adhuc non est, nisi fuerit & cum malis bonus, sicut psalmista gloria- tur in forma iustorum: *Cum his qui oderant pacem, eram pacificus*. Jobque dicit: *Erater fui draconi & socius struthioni*. Et Loth ab ipso laudatur, eo quod in Sodoma habitans, iustus perseveravit. Ubi autem desunt prædictæ conditiones, tali est & corporaliter & spiritualiter a malis separandum. Quare Moyses ex mandato Dei dixit: *Recedite a tabernaculis hominum impiorum, ne involva- mini peccatis eorum*. Et Loth. ultimo: *Edu- ctus est de Sodomis*.

Ad hoc autem ubi doctor ex dicto Augu- stini assignat differentiam inter flagitiosos & facinorosos, dicens quod flagitiosi sunt qui peccant in se; facinorosi qui peccant in alios, ipsis nocentes; & illi qui nocent aliis, cito debent rapi de medio, ut sunt fu- res, homicidæ, adulteri: qui autem peccant in se, ut simplices fornicarii, non quasi illa peccata quæ sunt contra se sint minora, & non sic nociva, velut ea quæ sunt co- ram aliis, cum tamen omnia peccata mor- talia sint multum nociva reipublicæ. Immo Scotus dist. 15. super 4. expresse scribit op- positum doctori; quod furtum est multo mi- nus peccatum, quam adulterium, & per consequens istud deberet plus puniri, quam illud. Sic enim scribit: „Leges imperiales multa inveniuntur satis consona dictare multa inveniuntur satis consona dictare multis iudicialibus legis Moysaycæ. Nec mirum, quia Deus non fuit fatuus, ut da- ret iusta iudicia contra rationem; & li- cer daret aliqua valde dura, quæ non o- portet in evangelio observare, tamen mul- ta dedit valde rationabilia, etiam pro statu quocunque in ista vita mortali; & ideo si ista statuatur a legislatore obser- vanda pro tempore, iuste statuuntur. Et hoc modo si statueretur ab aliquo blasphemum, adulterium, idololatram debere occi- di; multo iustius ordinaretur, quam quod fur suspenderetur. Sed apparet ad quod aspiciunt principes, quia plus ad commo- dum temporale, quam ad honorem Dei, & pro hoc plus puniunt & reprimere vo-

lunt peccata in proximum, quam in De- um. Et infra: Constat, quod Deus in le- ge Moysayca vel evangelica explicite non excipit peccatum furti ab illo præcepto: *Non occides*, ut scilicet per istud pecca- tum liceat hominem occidere; & ideo nisi revocaverit aliqua revocatione speciali, quod non habetur in scriptura, tunc pos- set fieri iusta. Esto etiam quod aliquo mo- do licuisset Judæis occidere pro furto, magis videtur per misericordiam evan- gelicam iste rigor revocatus, quam rigor contra adulterium, quia istud peccatum est multo minus, quam illud, juxta illud Proverb. 6. *Non grandis est culpa, cum quis furatus fuerit: furatur enim ut esu- rientem animam impleat: deprebensus quo- que reddet septuplum*. Sequitur autem: *Qui autem adulter est, propter inopiam cordis perdet animam suam*. Sed poena de adul- terio est revocata in evangelio Johannis: *Nemo te condemnavit, nec ego te conde- mnabo: vade jam, & amplius noli peccare*. Multo ergo magis revocatus est iste rigor contra furtum in lege Moysayca, si fuisset statutus. Hæc Scotus. Ubi autem doctor ex illo meo dicto, quod dixi, quod punitio civilis non videtur se debere extendere pro tempore legis gratiæ, solum de lege com- muni ad occasionem: divino tamen jure & privilegiato contra peccatores manente sem- per salvo; elicit & dicit, quod ego negem reos posse licite puniri mortis supplicio; & probare oppositum nititur ex illo Proverb. 8. *Per me reges regnant, & legum condito- res iusta decernunt*. Deus autem potest occi- dere, cum sit auctor vitæ, & mortis habeat imperium: ergo & reges, quibus ipse concessit regnare, hoc per iustitiam facere pos- sunt. Item, ex alio probat, dicens, ad Roma- nos 1. dicitur de committentibus gravia pec- cata: *Qui talia agunt, digni sunt morte*. Sed de iudice dicitur Rom. 13. quod *Dei minister est*. Ergo quos Deus iudicat ad mortem, potest iudex licite interficere; & adducit ad hoc auctoritates & rationes plures. Ad hoc respondeo, quod attendendo ad hoc tempus gratiæ, in quo apparuit gratia & benignitas Domini nostri salvatoris quoad omnes peccatores specialiter poenitentes, ut vitam haberent, & abundantius haberent, & non venit animas perdere, sed salvare; Atten- dendo etiam illud Cypriani, qui epistola quadam scribit: „Tunc quidem gladio oc- cidebantur, quando adhuc & circumciso corporalis manebat: sed cum spiritualis circumcisio esse apud fideles servos Dei coepit, spirituali gladio superbi & con- tumaces necantur, dum de ecclesia ejici- untur. Neque enim vivere foris possunt, cum domus Dei una sit, & nemini sa- lus, nisi in ecclesia, esse possit. Hæc ille. Attendendo insuper illud quod gl. ordina- ria super illud Deuteron. 21. de filio con- tumaci dicit: *Inobedientem ergo filium & vitiosum Moyses jubet obrui lapidibus*, & evangelium quoque duris increpationibus. Et attendendo illud quod glossa ordinaria dicit super 1. Deut. 24. *Et auferes malum de medio tui*: Hoc nunc agit in ecclesia excommunicatio, quod tunc interfecitio.

At-

ANNO  
CHRISTI  
1433.ANNO  
CHRISTI  
1433.Aflus fe-  
cundæ diei

Attendendo illud Chrysostomi didum super isto verbo Matt. 13. *Sinite utraque crescere usque ad messem*, qui sic dicit: Hoc autem dicit Dominus, prohibens occisiones fieri. Neque enim oportet interficere hæreticum, quia prælium inexpugnabile in orbe terrarum inducetur; & ideo dicit: *Ne eratis simul cum eis & triticum*: & si moveritis arma, & occideritis hæreticos, necesse est multos sanctos simul submitti. Non ergo detinere hæreticos, & abscondere eorum propagationem, & synodos & studia dissolvere prohibet; sed occidere & interficere. Hæc ille. Illa communia attendens & similia, & videns quomodo notabiles doctores pro tempore legis gratiæ minores poenas citra mortem pro puniendis peccatoribus inveniebant; cupio quatenus iudices in punitione reorum habeant tantamquam patres, non tantquam tyranni, non judicialia legis veteris, ut huiusmodi, nec leges humanas legi evangelicæ dissonas accipientes, sed processum Christi & proximæ ecclesiæ primitivæ; faveor ex quo non possum restituere vitam occiso, non gaudebo in talibus occisionibus, nec faciliter ad mortem alicujus consentiam. Nihilominus tamen cordialiter exopto, ut omnia peccata mortalia publica puniantur, ad reformationem hominis peccantis, sine distinctione personarum.

Ad rationes doctorum probantis occisionem ex Apostolo ad Rom. 1. & 13. cap. Si iudex potest interficere omnes quos Deus adjudicat morti, & quando dicit Apostolus: *Qui talia gravia peccata committunt, propter quæ digni sunt morte*, utrum talis per Deum vel per hominem poena esse debeat infligenda ipse videat; unde Apostolus eum non specificat, Et si cuilibet tali mors corporalis debuerit infligi, quid valebit auctoritas & tolerantia meretricum & fornicantium, quibus in suburbio limitavit locum, cum & illi inter illos graves peccatores enumerentur? Sed videat doctor praxim illius scripturæ in ecclesiâ primitivâ, & trahat cor suum deorsum, & aquam in ollam moderantiæ mittat; ne nimium ad mortificandum homines sine stabili & firmo fundamento exardescat.

Nec etiam doctor, salva ejus reverentia, satisfecit dicto Chrysostomi a me adducto, ad illum respondendo superficialiter, ipsum evasisse. Dicit enim quod loquitur de occisione hæreticorum, ex qua sequeretur schisma aut turbatio ecclesiæ, cum Chrysostomus non principaliter in ista auctoritate attendat turbationem ecclesiæ in pace temporali, ut innuit doctor; sed ne sancti multi submittantur. Quia dicit: „ Si moveritis arma, & occideritis hæreticos, necesse est multos sanctorum simul submitti; & non dicit: Turbabitur temporalis politia. Si ergo esset peccatum, per quod homo in lege gravius deberet occidi, maxime esset istud turpissimum & nocentissimum peccatum hæresis; & cum de talibus loquitur Chrysostomus, ne occidantur: sed modum alium contra tales minorem docet. Ergo non est festinandum cum talibus; sed potius sequenda est in hoc sententia Apostoli, qui dicit: *Hæreticum hominem post trinam monitionem de-*

A Quantum ad secundum principale, ubi doctor tangit, per quod & quomodo correctio & castigatio & expulsio peccatorum sit faciendâ, ibi præmittens duplicem modum correctionis, unum procedentem ex fraterna caritate, & alium ex auctoritate & potestate: ponit duas conclusiones; unam, quod quilibet fidelis potest & in casu tenetur quemlibet alium pro peccatis suis privatis corrumpere correctione fraterna, fundans eam in verbo Salvatoris, Matth. 18. *Si peccaverit in te frater tuus &c.* & probans eam ex triplici lege, naturali scilicet, scripta & gratiæ; tangit circumstantias illius correctionis ex parte corrigentis & correpti, sit inferior vel etiam superior; & dicit eam esse de præcepto affirmativo, quod obligat semper, licet non pro semper, trahens ex illa plura corollaria, in quibus fere omnibus secum non intendo contendere, quia sunt pro articulo meo, exceptis aliquibus paucis, ubi eximit prælatos, presbyteros & alios ecclesiasticos a correctione fraterna pro peccatis personalibus, etiam data eorum pertinacia coram multitudine laicorum; sive fiat per laicos, sive per sacerdotes in prædicatione; & ubi inculcat, quod subditus populus non potest licite subtrahere decimas & oblationes a malis sacerdotibus publice malitia personali; in quibus secum non convenio; sed ea pro posse cum Dei adjutorio reprehendere volo.

C Post hæc ponit secundam conclusionem de correctione ex auctoritate & potestate procedente: ex ista etiam trahens plura corollaria, in quibus etiam secum non contendo, difficultatem magnam fatetur; quia vero militant contra meum articulum, excepto isto, ubi inculcat, quod peccata publica personalia prælatorum, sacerdotum, & aliorum ecclesiasticorum per Christi fideles laicos nunquam debeant, etiam secundum dictamen divinæ legis, per prohibitionem poenæ, sine speciali licentia ab ecclesiâ habita, puniri, aut judicio condemnationis vel distinctionis, ut est actus justitiæ, judicari; in quo etiam secum non convenio, sed reprehendere pro posse cum Dei adjutorio intendo.

Ut autem hoc melius appareat, & ex oppositis juxta se positis veritas magis elucescat, in confirmationem articuli mei & satisfactionem pro posse in oppositum adductis per venerandum meum impugnantem, duo specialiter præsuppono. Primo, quod in primordiis fidei Christianæ vixerunt sacerdotes ac clericorum omne collegium sub principum coactiva sæculi jurisdictione, usque ad tempora primi Constantiniani Romanorum imperatoris. Prima pars suppositionis patet ex hoc. Nam Christus factus & verbo præcepit Petro Matt. 10. quod solveret didragma pro se & ipso, figurante suam ecclesiâ; & interrogatus si licet dare censum Cæsari, ostenso ubi denario, cujus imago & superscriptio erat Cæsaris, sic subjungit: *Reddere quæ sunt Cæsaris Cæsari & quæ sunt Dei Deo*. Et Petrus ex ista doctrina præcepit suis, quod ex factis docuit, 1. Pet. 2. *Ut sint subiecti omni humane creature propter Deum, sive regi tamquam præcellenti, sive ducibus tamquam ab eo missis ad vin-*



ANNO  
CHRISTI  
1433.

539

*vindicte malefactorum, laudem vero bonorum.* Sed Apostolus ad Romanos 13. quomodo debemus subijci principibus ostendit, dicens: *Cui tributum, date tributum; & cui vestigal, vestigal; & multo magis nos, qui sumus elemosynarii secularium principum, debemus esse subijcti nostris elemosynantibus, cum tam graves & sancti apostoli, non sic dotati a principibus, ita fecerunt.* Hinc Ambrosius lib. 4. c. penultimo super istud Lucæ 20. *Laxate retia,* scribit: Et, inquit, est aliud apostolicum piscandi genus; quo genere solum piscari jubet Dominus; dicens: *Trabe hamum; & eum piscem qui primus ascenderit, tolle.* Magnum quidem est & spirituale documentum, quo Christiani viri sublimioribus potestatibus docentur debere esse subijcti; ne quis constitutionem Regis æterni putet esse solvendam. Si enim census Filius Dei solvit, quis tu tantus es qui non putes esse solvendum? & ille census solvit, qui nihil possidebat: tu autem qui sæculi sequeris lucrum, cur sæculi obsequium non recognoscas? cur te super sæculum quadam arrogantia animi fers, cum sæculo sis misera cupiditate subiectus? Hæc ille. Et idem super illud Lucæ 20. *Ostendite mihi denarium, cujus habet imaginem?* sic dicit: Si Christus non habuit imaginem Cæsaris, cur dedit censum? non de suo dedit, sed reddidit mundi quod erat mundi; & tu si non vis esse obnoxius Cæsari, noli habere quæ mundi sunt: sed si habes divitias, obnoxius es Cæsari. Si vis nihil regi debere terreno, relinque omnia & sequere Christum. Hæc Ambrosius. Ex quibus auctoritatibus iste enitet sensus: Quod si Christus & suus apostolus Petrus, pauperes existentes, nihil omnino sæculi possidentes, solverunt censum Cæsari, potestati seculari a Deo ordinate & constitutæ; quanto magis vicarii Christi & suorum apostolorum episcopi, prælati & ceteri clerici, habentes multas possessiones terrenas, misera cupiditate agitati, negotiis secularibus implicati, tenentur subesse, secundum possessiones terrenas, regie potestati: in cujus rei signum Christus cum sua familia, statim in mundum natus, voluit ascribi sub dominio Cæsaris, proficundo, se esse subiectum cum sua familia suæ jurisdictioni, ut est Lucæ 2. Quod postea effectualiter ostendit, cum Petrus solvit vestigal imperiali potestati, ut prædictum est. Et non valet fingere, quod Petrus scribens: *Subijcti estote omni creatura propter Deum;* intellexisset tantum de populo laicali regi subiecto, volens eos ad humilitatis merita provocare. Nam manifestum est, quod non solum scribebat laicali populo sibi subiecto, sed toti ecclesiæ sequenti, & specialiter ejus vicariis, quia illi magis indigent ad humilitatis merita provocari. Nam periculosum & stultum videtur hoc dictum Petri exponere: *Subijcti estote omni creatura humane:* hoc est, non debetis omni humane creature subijci, quocumque vicario de humano genere annotato. Et si Christus putasset inconvenienti futuros sibi successores in officio sacerdotali tributa solvere, ac ipsorum temporalia subiecta fore principibus sæculi,

potuisset ipse abique mali exempli exhibitione, videlicet subijciendi sacerdotium jurisdictioni principum sæculi, aliter ordinasse, atque expeditivisse illos exactores didragmæ, ut puta removendo ab ipsis petendi talia intentionem, aut alio convenienti modo. Sic autem facere non reputavit conveniens, quin immo solvere voluit, singulariter inter apostolos Petrum sibi associans in hoc, qui tamen ecclesiæ præcipuus doctor & pastor futurus erat, ut tali exemplo nullus hoc facere recusaret. Et sic patet pars prima suppositionis, videlicet ista: Quod in primordiis fidei Christianæ vixerunt sacerdotes & clericorum omne collegium sub principum coactiva jurisdictione. Sed quod sic vixerunt usque ad tempora primi Constantini Romanorum imperatoris, patet per Okam in suo defensorio 2. di. c. 17. qui sic scribit: *Hi vero apostoli duo, scilicet Petrus & Paulus cum reliquis omnibus, suum magistrum imitantes Christum, sub principum coactiva sæculi jurisdictione vixerunt, & alios sic vivere docuerunt.* Sic quoque vixerunt ipsorum successores presbyteri seu episcopi cum suis diaconis, & reliquis ministris evangelicis successiffe, usque ad tempora primi Constantini Romanorum imperatoris, ut ex Ildori codice satis apparet: ita quod nemo episcoporum per omne tempus illud in reverendissimos episcopos coactivam jurisdictionem exercuit. Hæc ille. Immo adhuc tempore Constantini & longepost, ecclesiastici jurisdictioni secularium subiecti erant, ut testatur prædictus dominus Okam, eadem di. 24. c. sic scribens. *Adveniente vero tempore Constantini primi Romanorum imperatoris, qui primus Romanorum principum permittit & concessit fideles Christi publice congregari, facta sunt primum concilia generalia sacerdotum seu episcoporum, præcepto & auctoritate principis prædicti, quibus quidem conciliis definiti sunt & determinati scripturæ sacræ sensus ambigui, et ipsorum veri a falsis et erroneis sequestrati. Et plura ibi continentur quæ ordinabantur. Infra: De quo quidem observando legislator manus, seu principis ejus auctoritate præceptum coactivum sive legem tulit obligantem quemlibet sacerdotem aut non sacerdotem, secundum exigentiam cujuscumque, quæ, poena reali vel personali, pro statu præsentis sæculi, transgressoribus indigenda. Ferebantur enim hujusmodi leges in sacerdotes et episcopos magis, quam in alios, quoniam et ipsi tunc erant qui frequentius causam dabant talis edicti, nec adversus legislatores hujusmodi, reclamantibus episcopis Romanorum aut aliis quibuscumque, tamquam non subiectis principum legibus & edictis, sed instantes supplicantibus ad principes pro legibus ferendis hujusmodi, quemadmodum ex codice Ildori prædicti & aliis approbatis apparet historis; amplius per eodem principes statuebantur & statutæ sunt leges de eorum numero certo, secundum provincias, & de ipsorum temporalibus sive corporalibus bonis tam mobilibus quam immobilibus, quæ sibi per prædictum Constanti-*

ANNO  
CHRISTI  
1433.

stantinum donata fuerunt, ac per reli-  
quos principes Romanos aut alios, & suc-  
cessive etiam per personas aliquas singu-  
lares. Infra. Sic ergo sub legibus &  
ordinationibus cujuslibet principum vixe-  
runt ab antiquis temporibus, & dudum  
totum sacerdotale collegium ab eisdem &  
populo collationes, confirmationes & in-  
vestituras suorum officiorum spiritualium  
& praelationum, curarum & reliquorum  
similium aut minorum, ac temporalium  
beneficiorum distribuendi potestatem susci-  
pientes; nec propter hujusmodi subiectos  
contendebant pastores antiqui Romano-  
rum episcopi adversus principes Romano-  
rum, neque adversus populum aut singu-  
lares personas ecclesiarum patronos, quo-  
niam ad hoc se noverant divina & hu-  
mana lege astrictos. Sic enim legimus de  
Symmacho nativitate Sardo. Hic enim  
Laurentio cuidam coelestus discorditer,  
per Theodoricum regem sancto iudicio con-  
firmatus est in papam Romanum. Sic et-  
iam scripsit Martinus de B. Gregorio. Hic  
inquit, in papam eligitur, & ipse Mau-  
ritius, videlicet imperator, imperialibus  
litteris suum affirmat consensum. Sic et-  
iam suorum privilegiorum confirmatio-  
nem ab imperatoribus petere solebant e-  
piscopi Romanorum, ut de Vitaliano nati-  
vitate Signeo, & Constantino nativitate  
Syro, & aliis plerisque Romanis pontifi-  
cibus legitur; quin immo pro his & aliis  
supplicationibus & suis confirmationibus  
impetrandis, ad imperatores per loca di-  
stantia plurimum personaliter solebant ac-  
cedere, ut de ipso pluribus legitur in  
chronicis & approbatis historiis; & quod  
amplius est, Johannes XII. per Ottonem  
I. Roman. imperatorem, suis exigentibus  
demeritis, consentiente omni populo tam  
clero quam laico, a papatu depositus est.  
Ejusdem enim auctoritatis est aliquid statu-  
ere, ac id cum expediens fuerit destitue-  
re. Cum igitur episcopus quilibet per prin-  
cipem & omnem populum eligi debeat,  
ipsorum auctoritate destitui sive deponi  
potest. Instat ergo Christi & apostolorum  
vixerunt Romani & ceterarum provincia-  
rum episcopi & sacerdotes, ac clericorum  
omne collegium, sub regimine coactivo  
principantium auctoritate legislatoris hu-  
mani. Verum suadente ac stimulante hu-  
jus mundi principe, superbia ac ambitio-  
nis praepoerante, reliquorumque omnium  
suggestore diabolo, in alienam viam, ab  
ea quae Christi est & apostolorum deducti  
sunt. Quin immo seducti Romanorum epi-  
scopi quidam, ipsorum animos invadens  
cupiditas & avaritia inde foras expulit,  
quam Christus in ecclesia tertio modo di-  
cta plantaverat. & statuerat, summam  
meritorum pauperatatem; rursumque in-  
vadens eos superbia ac ambitio seculari-  
ter principandi, expulit inde summam  
humilitatem, quam Christus indixerat &  
observare mandaverat eidem ecclesiae, si-  
ve universo coetus sacerdotum, quorum  
quidem prius hujusmodi, si eo prior in  
hoc alter non exiit, fuisse legitur Sim-  
plicius quidam, Tiburtinus cognomine,

Romanus episcopus. Hic enim unde sibi  
nescio auctoritate sumta, quamvis cer-  
tissime noverim, nisi per ignorantiam ex-  
cusetur, unde temeritate praesumpta, sta-  
tuit nullum clericum investituram a laico  
debere suscipere; investituram siquidem  
intelligendo beneficiorum & officiorum,  
de quibus diximus prius: quamvis tamen  
& ipius statuto significetur manifeste, praede-  
cessores suos humilitatem & reveren-  
tiam debitam principibus exhibere volen-  
tes, investituras praedictas a laicis recipe-  
re soluisse. Hujus siquidem rursus suc-  
cessor, quamvis non immediatus, Pelagius  
primus statuit, ut haeretici per seculares  
potestates punirentur. De quo etiam sta-  
tuto mirandum, quoniam non latuit illum  
hujusmodi legem tempore Justiniani Roma-  
ni principis in haeticos latam fuisse; &  
quoniam suae non erat auctoritatis ferre  
hujusmodi leges in quantum episcopi, nisi  
fortasse hoc sibi auctoritate humani legis-  
latoris foret indultum; ideo quemadmodum  
jam dictus Simplicius, in alienam messem  
falce ingressus, auctoritatem sibi videlicet  
quae alterius est usurpando. Cui rursus  
Adrianus tertius, licet non immediate,  
successit in usurpatione praedicta. Statuit  
enim ut nullus imperator se intromitte-  
ret de electione papae, ut dicti Martini  
verbis utamur; quod siquidem statutum  
omnino nullum, eo quod a carente tali  
auctoritate, legislatoria scilicet, eman-  
avit, apertum inconveniens continebat, fu-  
eratque illius oppositum longa & lauda-  
bili consuetudine roboratum. Hoc per to-  
tum Okam attestans per praedicta supponit.  
Praesuppono secundo, quod per ecclesiam  
in illo dicto Christi Matt. 18. *Dic ecclesiae*,  
non solum intelligitur praelatus, sed etiam  
universitas fidelium. Patet per glossam, quam  
allegat Thomas in sua glossa continuata,  
quam sic exponit: *Dic tui ecclesiae*, ut ma-  
jorem erubescantiam patiat. Zacharias  
autem Chrysopolitanus, in Concordia evan-  
gelistarum super praedicto verbo, *Dic ec-  
clesiae*, sic scribit: Tale quid in Levitico  
legimus: *Ne oderis fratrem tuum in cor-  
de tuo*, sed publice argue eum, ne ha-  
beas super illo peccatum. Adhibendus est  
tertius vel corrigendi studio vel conve-  
niendi eum sub testibus. Si tunc non au-  
dierit, multis dicendum est, ut qui pro  
pudore salvari non potuit, opprobriis sal-  
vetur.

Ocham autem in suo defensorio 2. dis. 6.  
super isto eodem verbo Christi dicit: Di-  
cit ergo Christus: *Dic ecclesiae*, nec dicit: Di-  
ce apostolo vel episcopo seu presbytero, aut  
ipso soli collegio; sed intellexit ibi Chris-  
tus ecclesiam, fidelium multitudinem, aut  
iudicem ad hoc illius auctoritate institutum,  
quomodo usi sunt hoc nomine apostoli &  
ecclesia primitiva. Hec ille.

Illis suppositionibus praemissis, accedendo  
ad punctos, in quibus cum oppugnante arti-  
culum meum non concordo, pono istam sibi  
oppositam propositionem seu conclusionem.  
Peccata mortalia publica personalia praela-  
torum & sacerdotum possunt, & in casu  
eorum data pertinacia, sunt a quolibet fi-  
deli



ANNO  
CHRISTI  
1433.

543

deli Christi correctione fraterna, sufficientia & opportunitate habita, arguenda, etiam coram multitudine laicorum. Pater ex lege correctionis fraternæ, a qua, ut dictum est in positione mea, nullus secularium vel clericorum, etiam dominus papa vel beatus capitalis Christi discipulus est exceptus; quin si pertinaciter peccaverit, est a residuo ecclesiæ corrigendus, etiam coram multitudine laicorum; quia si Christus summus pontifex voluit argui coram populo, & a quocumque de populo, si in eo foret quid arguendum, cum Johannis 8. dixit: *Quis ex vobis arguet me de peccato?* Quis tam arrogans vellet esse, qui exemplo illius se humiliter non subjiceret arguendum, cum nullus homo, quantumcumque in mundo magnus, sit ipso innocentior, melior atque humilior, quod doctor negat, simpliciter respondendo ad hunc textum, quando dicit allegans Gregorium, quod Christus ibi non submittit se correctioni populi, ut ex 2. 3. 7. c. *Ecclesiæ* ostensum est, &c. ubi concluditur quod auditores prælatos reprehendere possunt, & in eos testificari. Et miror questionem exillem quam format doctor, hanc videlicet: Christus in isto textu Johan. 8. *Quis ex vobis arguet me de peccato?* ex ratione se probat peccatorem non esse: ergo Christum in eodem textu non submittit se correctioni populi; cum antecedens est verum, & consequens falsum, ut jam ostensum est, & per consequens conclusio vera.

Secundo, eadem conclusio probatur ex suppositione secunda antedicta, ubi probatum est, quod per ecclesiæ: non solum intelligitur prælatus, sed etiam universitas vel multitudo populi: & per consequens si prælatus aut alius ecclesiasticus ex caritate correptus se non correxit, & pertinax fuerit in malo etiam personali, in defectu spiritualis præpositi, potest a quolibet Christi fidei caritative, habita sufficientia & data opportunitate, redargui publice, etiam coram multis, servatis circa hoc circumstantiis, quæ etiam circa quemlibet alium correptum debent observari, cum Christus in illo prædicto verbo nullum exclusit; quin si peccaverit, & in illo peccato correptus pertinaciter permanferit, redarguatur sic, ut prædictum est, & per consequens conclusio est vera.

Et miror quod doctor ita diligenter vult habere ecclesiasticos exemptos a tali fraterna correctione coram multitudine, si & dum peccaverunt, cum Christus nec apostoli volebant sic esse exempti, & alios post se exhibere, & pro hac confingit sibi glossas hinc inde textus ad illam correctionem sonantes primarie, ad suam voluntatem glossando; ut, verbi gratia, admittit quod peccata prælatorum & sacerdotum corrigantur primum caritative, & ubi non sufficit, procedendum est ultra, juxta formam Salvatoris, adhibendus est unus vel duo, & coram illis corrigendus est. Quod si non audierit, dicendum est ecclesiæ, id est prælato; & si neglexerit, ab eo potest ad superiorem, scilicet summum pontificem iri. Quod si dissimulaverit, aut ipsemet peccaverit, dicen-

dum est ecclesiæ, id est concilio generali; si concilium non audierit, sit tibi sicut ethnicus & publicanus. Et aliud, inquit doctor, non habent laici in sacerdotes, nec in defectu generalis concilii est alter recursus, nisi quod res est Deo committenda, & pro eo est orandum. Ego autem nescio cujus doctorum sint glossæ illæ, excepto doctore meo. Sed istud miror, ex quo concilia generalia ab anno decimo in decennium celebrantur, seu indicuntur, si tempore medio contingeret, quod papa cum uxore imperatoris deprehenderetur, quid facere deberet imperator? an arguere eum, vel ad futurum concilium correctionem suspendere; vel utrum, secundum quod magister Henricus de Colonia impugnans articulum nostrum tertium, de libera verbi Domini prædicatione, de Constantino imperatore retulit, ipsum debeat suo pallio operire, vel utrum dicere debeat, quia gratia benedictionis ita facit; & si sic; ergo a simili si videris sacerdotem incumbentem super mulierem, ponentemque os suum super os, & oculos suos super oculos ejus, & manus super manus ejus; debes supponere, quod hæc causa resuscitationis a morte, more Helisei, facit? Sed benedictus sit Heliseus, qui non super mulierem, sed super puerum mulieris incubuit, 4. Reg. 4. Et laudabilis sine suspitione Elias, qui expandit se super puerum, & non super mulierem, 3. Regum 19. Et Paulus apostolus super juvene mortuo. Act. 20. Et benedictus & laudabilis Christus Jesus, quia non posuit manum in gremio mulieris, sed stans apprehendit manum ejus, & sanavit eam, Lucæ 9. & quod non in gremium aut in sinum manum imposuit, quando dixit: *Puella tibi dico surge.* Matt. 9. Et laudatur sine suspitione mala Petrus apostolus, quod non incubuit super mortua Tabita, sed ponens genua oravit, & conversus ad corpus, dixit: *Tabita surge.* Act. 9. Si igitur ista exempla sunt vera ad edificationem, ideo monere nos debent sacerdotes, ut non manus ponamus in mulierum sinum vel gremium causa absolutionis: sed more apostolorum, super caput tam nos quam ipsas a stimulo satanæ liberemus. Hinc enim dicit stimulo percussus Paulus 1. Cor. 7. *Bonum est bonum mulierem non tangere*, cum mulier sit tamquam pix diaboli conversationem maculans sacerdotum. Quale enim est tangere picem, & non inquinari ab ea; in igne sine unctione versari, tale est mulierem tangere, & cum ea habitare. Ideo Eccli. 9. dicitur: *Averte faciem tuam a muliere compta, & non circumspicias speciem alienam; propter speciem mulieris multi perierunt, & ex hac concupiscentia quasi ignis exardefuit.* Istæ autem quæ per doctores videntur dici pro gloria ecclesiastici status, timeo ne in majorem eorum contentum dicantur; per extollentiam enim talem plus videntur coram sapientibus reddi contemibiles quam gloriosi.

Ex ista conclusione sequitur quod peccata mortalia publica personalia prælatorum & sacerdotum sunt in evangelizatione per sacerdotes fideles, data eorum pertinacia, & habita sufficientia & opportunitate, ca-

ANNO  
CHRIST  
1433.

ritative arguenda & detestanda, etiam coram clero & communi populo, cujus oppositum opponens ponit. Patet ex conclusione & rationibus multis in positione mea positis, & utilitatibus ex predicatione tali contra cleri malitiam sequentibus, quas hic causa brevitas resumere omitto.

Ad rationes autem in oppositum, ubi doctor probans quod presbyteri & alii ecclesiastici a correctione fraterna, & a denuntiatione pro peccatis suis personalibus publicis coram multitudine laicorum debeant esse exempti, etiam data eorum pertinacia, &c. inducit illud Alexandri de Hallis in tertia parte sue summæ, quod malo prelato, quamdiu ab ecclesia toleratur, debetur honor, quamvis male præsideat, inducens illud probante Matth. 13. *super cathedram Moysi sederunt*, &c. Et inducit istud Telepho, ri papæ, quod populus nullo modo debet ecclesiasticos arguere, nec in eorum accusationem succipi, & populus ab eis docendus est & corripiendus, non ipsi a populo. Et adducit Gregorium Nazianzenum lib. 2. de Epiphaniis, & Chrysostomum super 2. epistol. ad Timotheum homil. 2. & quotquot tales sunt per eum allegata.

Ad omnes tales sub uno per Dominum respondere, quod omnes leges vel auctoritates quotquot sunt, quæ correctioni vel accusationi subditi, quoad superiorem suam videntur repugnare, omnes intelligendæ sunt de accusatione vel correptione imprudenti vel temeraria, quod figuratum est per Petrum, præsumentem Dominum suum corrumpere, quando dicit: *Ausit hoc a te*. Matth. 18. Et quando clerici vel alii ecclesiastici servant limites sui status & mores, ac statum clerici non offendunt. Si autem clerici peccant notorie & habitualiter contra Dominum dominorum secularium, & in casu quorumcumque Christi fidelium, est in defectu spiritualis propositi, & exigentibus eorum demeritis ex qualicumque circumstantia huiusmodi forissecam correptionem procurantibus ipsos corrumpere. Et hæc doctor in sua allegatione præterdit, quod temerarie non sunt arguendi, quando adducit Gregorium in pastoralis lib. 2. & cap. 5. dicentem: „Ammonendi sunt subditi, ne præpositorum suorum vitam temere iudicent, si quid fortasse eos agere reprehensibile vident, si objecerit quis illud apostoli dictum 1. Timot. 5. *Seniorem ne increpaveris*, sed obsecra ut patrem. Ad hoc 2. q. 7. Paulus; sub auctoritate Origenis respondetur, ubi sic dicitur: „Paulus dicit: *Seniorem ne increpaveris*; sed hæc ejus regula tunc in eo observanda est, cum culpa seniorum suo exemplo non trahit ad interitum corda minorum: Ubi autem senior in majoribus exemplum ad interitum præbet, ibi districta increpatione feriendus est. Nam scriptum est: *Laqueus juvenum omnes vos*; & rursum *Maledictus puer centum annorum*. Hæc ille. Ex qua auctoritate patet quod Origenes intelligit de peccato superiorum personali, & non fidei. Si forte adversarius veller glossare quia dicit ibi; ubi senior in majoribus exemplum ad interitum præbet, &c. Et hoc est quod

Concilior. Supplem. Tom. IV.

doctor de Lira illum textum sic glossat: *Seniorem ne increpaveris*, arguendo eum verbis duris; sed obsecra ut patrem, ut caveat ab indecentibus sue ætati. Hoc tamen non est intelligendum de sensibus in sua malitia obstinatis, qui sunt acriter arguendi, sicut acriter & dure increpavit Daniel senes impudicos coram omni populo. Daniel 13. Hæc ille. Remigius autem super primo textu sic loquitur: „*Seniores ne increpaveris*, quia solent senes dure accipere, quando increpantur a minoribus. Sed dicit beatus Gregorius, quia licet beatus apostolus dicat: „*Seniorem ne increpaveris*; senior autem, stultus vehementer est increpandus. Hæc ille. Et 2. q. 7. sicut inquit, sub auctoritate Gregorii scribitur; „Sicut laudabile discretumque est reverentiam & honorem exhibere prioribus: ita rectitudinis & Dei timoris est, si qua in eis sunt quæ indigent correctione, nulla dissimulatione postponere, ne totum, quod abest, corpus morbus invadat, si languor non fuerit in capite curatus. Hæc ille.

Ad rationes autem quibus probatur in positione mea, quod peccata mortalia personalia prælatorum & sacerdotum sunt in evangelizatione per sacerdotum sunt in eorum pertinacia, & habita sufficientia & opportunitate, caritative arguenda, & detestanda, etiam coram clero & communi populo; doctor non sufficienter respondit, sed ut potuit evalit & superficialiter: ideo stant immotæ, & cum utilitatibus ex tali predicatione sequentibus.

Deinde pono conclusionem oppositam sententiæ impugnantis istam.

Peccata mortalia publica personalia prælatorum, sacerdotum & aliorum ecclesiasticorum, ubi correctio fraterna; aut generalis reprehensio per predicationem Verbi Dei non sufficeret, in defectu spiritualis propositi, habita sufficientia & data opportunitate, sunt per potestates seculares, aut per Christi fideles laicos, secundum dictamen divine legis, etiam sine aliqua speciali licentia ab ecclesia habita, coactive puniendi, & judicio condemnationis vel definitionis, ut est actus iustitiæ, judicanda. Ubicumque pono quod peccata prælat. sunt puniendi, & judicio condemnationis judicanda, non intelligo condemnationem ad mortem corporalem, sed ad penam citra mortem condignam.

Probatur conclusio sic: Olim Christus, apostoli, sacerdotes, & cleri omne collegium vixerunt sub principum & aliorum Christi fidelium laicorum coactiva sæculi jurisdictione & punitione, ac judicio secularium subiecti erant, non se ab aliis, nec alios eximentes, aut eximere demandantes: ergo moderni prælati sacerdotes & alii ecclesiastici, si volunt Christi ac apostolorum perfectionem imitari, tamquam eorum successores, idem facere debent. Consequentia est bona, quia ex opposito consequentis inferri potest oppositum antecedentis. Quidquid enim Christus cum apostolis exemplavit, & oppositum non determinat, perfectionis est illud suis successoribus facere. Major autem est suppositio prima prædicta hujus partis. Minor autem argumenti, vide-

M m

licet



ANNO  
CHRISTI  
1433.

licet quod Christus & apostoli & alii sacerdotes olim subiecti erant secularium punitioni & iudicio coactivo, non se ab illis nec alios eximentes aut eximere demandantes, hac primo patet exemplariter de Christo, qui non solum quantum ad temporalia minoravit se subesse jurisdictioni coactivæ principis sæculi: verum etiam id ostendit in se quantum ad propriam personam, qua nullam jurisdictionem altiore in ipsum aut alium Princeps habere potuit. Hoc autem potest evidenter ostendi ex illo, Matt. 27. ubi Christus se capi permisit, & ad Pilati duci prætorium, quia vicarius erat imperatoris Romani, & per ipsum demum, tamquam iudicem coactivæ potestatis, se sustinuit extremo supplicio judicari & tradi, nec coram ipso, tamquam coram non iudice, reclamavit: licet fortasse significavit se pati minus iustum iudicium. Constat autem quod tale iudicium aut supplicium per sacerdotes subire potuisse non voluisset, si inopponens iudicasset, futuros sibi successores principibus sæculi subici & per ipsos judicari. Quod quia hæc sententia feriosius scripta est. Johan. 19. idcirco adducam hic, quod habetur ibidem. Dum ergo Christus ad Pilatum Cæsaris vicarium adductus & accusatus esset, ex eo quod se regem Iudeorum atque filium Dei dixisset, Pilato autem interrogante Jesum: Unde es tu? Jesu autem ad hoc nullum dante responsum, dicit Pilatus ad ipsum verba consequentia, & modo proposito attinentia, quorum series talis est: *Mibi non loqueris: nescis quia habeo potestatem crucifigere te & dimittere te? Respondit Jesus: Non habens. potestatem adversum me ullam, nisi datum esset tibi desuper.* Ecce quod Jesus non negavit Pilatum habere potestatem ipsum judicandi, & in ipsum iudicium exequendi; nec dicit: hoc non pertinet de jure ad te: immo de facto id facis: sed addidit, hæc potestatem habere Pilatum desuper. Quomodo desuper? Respondit Augustinus: Dicamus ergo, quid dixit Christus, scilicet quod & apostolum docuit Paulum, Rom. 13. Quid ergo ei dicit Christus? Quid Apostolum docuit? Quia non est potestas, id est auctoritas jurisdictionis; nisi a Deo, quicquid sit de actu male utentis ea; & quia plus peccat, qui innocentem occidendum potestati livore tradit, quam potestas ipsa; sic enim timore alterius potestatis majoris occidit: talem quippe Deus dederat illi potestatem Pilato, sed ut etiam esset sub Cæsaris potestate. Fuit ergo judicialis coactiva potestas Pilati supra Christi personam, a Deo, sicut aperte Christus confessus est, & Bernardus palam expressit, & aperte dixit in epistola ad archiepiscopum Senonensem, epistola quadam: Cum, ut inquit, Romani præsidis potestatem super se Christus fateatur cœlitus ordinatam, loquens de potestate Pilati; quanto magis supra personas & temporalia omnium apostolorum, suorum successorum omnium episcoporum & prælatorum, fuit hoc non solum verbo Christi memoratum, sed operis consummatione firmatum. Nam per eundem Pilatum pro tribunali sedentem, lata fuit sententia in Christum, & per ipsius auctoritatem illius

A executio facta sententiæ; unde Johannis eodem capite habetur hæc series: *Pilatus autem cum audisset hos sermones, adduxit foras Jesum, & sedit pro tribunali: & subditur paucis interpositis: Tunc ergo tradidit illis Jesum; scilicet, ut crucifigereur.* Sic Abiathar subiectus erat, & non eximebat se a iudicio Salomonis, 2. Reg. 2. Sic, ut Hieronymus refert in libro Virorum illustrum, Damasus papa a subditis de adulterio accusatus, cum 42. episcopis se expurgavit, sicut 2. q. 7. *Nos si.* Leo IV. submitte se Ludovici imperatoris examini, ut in probatione tertii corollarii, meæ positionis est adductus; & Samuel 1. Reg. 12. submitte se iudicio regis & accusationi communis, quoniam dixit: *Ecce præsto sum, loquimini ad me coram Domino & coram Christo ejus, utrum bovem cujusquam tulerim, an asinam &c.* Super quo etiam de Lira: *Loquimini de me coram Domino & coram Christo ejus, id est Saule rege, qui de novo erat inunctus, propter quod Samuel coram eo volebat judicari, utrum bovem cujusquam tulerim, ponendo in opere meo, aut asinum, super eum de loco ad locum incedendo, &c.* Hoc de Lira.

Quod autem communitas fidelium quandoque possit iudicium ferre in contumaces aut aliter criminosos, etiam in sacerdotes, demonstrat per Apostolum 1. Corinth. 5. ubi causam, formam & modum, per quos hoc iudicium in quemquam ferri debeat, tradit Apostolus, magis expresse Christi verborum sequens & explanans sententiam, dum dicit: *Ego quidem absens corpore, præsens autem spiritu, jam judicavi, ut præsens, eum qui sic est operatus, in nomine Jesu Christi congregatis vobis & meo spiritu, cum virtute Domini Jesu tradere hujusmodi Satanae, criminolus scilicet quemdam, qui patris sui uxorem cognoverat carnaliter.* Et non mandavit hoc Apostolus fieri, ut dicit Ocham, per presbyterum aliquem, nec alicui episcopo vel presbytero scriptis hoc fiendum per ipsum, cum tamen ad ipsos tunc mitteret Timotheum, qui episcopus erat, quod fecisset, si hoc iudicium ad sacerdotis auctoritatem pertinere novisset, quemadmodum in aliis fecerat.

Sed diceret adversarius: ipsi non habuerunt auctoritatem hoc faciendi sine Apostoli concessione & auctoritate, quia nominatim dixit: *Ego autem absens corpore, præsens autem spiritu, jam judicavi, ut præsens, eum, &c.* Ad hoc respondetur ipsi, priusquam ipse dixit; *Jam judicavi ut præsens*, habuerunt auctoritatem judicandi, puniendi & ejiciendi, cum arguuntur ab Apostolo, quare hoc non fecerunt. Cum autem verba præmissa dixit: *Ei vos inflati estis, & non magis lacrum habuistis, ut tollatur de medio vestrum, qui hoc opus fecit.* Super 1. Ambr. brosius: Superbiam illorum in tantum humiliat, ut non querulos jam, sed magis supplices faciat; erant enim & ipsi pariticipes, dum pareretur reum tam ingentis facinoris secum incorruptum convenire, quod omnes uno consilio abjicerent eum, si negaret emendare se: si autem quis potestatem non habet quem scit re-

ANNO  
CHRISTI  
1433.

um, abjicere, aut probare non valet, im-  
munis est. Hæc ille. Ad idem est doctor  
de Lira & alii communiter possillatores, qui  
testantur quod Apostolus ibi arguit in eis  
primo culpam, cum dicit: *Omnino auditur  
inter vos fornicatio.* Secundo prædicit pec-  
nam, ubi dicit: *Ego quidem absens corpore,*  
*&c.* & tertio reprehendit culpæ radicem,  
ibi: *Non est bona gloriatio vestra,* ubi ar-  
guit contentionem quam ad invicem habue-  
runt, propter quam neglexerunt corrigere.  
Et tradit eis formam, ex qua inter ipsos  
exhinc contentio non posset oriri; quoniam  
ipsis congregatis in unum, maxime si per mo-  
dum iudicii coactivi hoc fieri debebatur,  
propter quod glossa. Augustinus dicit: „ Ut  
vos congregati in unum, absque aliqua  
diffensione, id est de communi consensu  
per vos fiat, vel iudicem ex communi con-  
sensu per vos statutum ad hoc, quod i-  
dem est.

Ad hoc autem quod objiciebatur, quod  
scilicet communitas non habuisset auctorita-  
tem ipsam ejciendi sine consensu Apostoli,  
quia dixit Apostolus: *Jam judicavi ut præ-*  
*sentem;* dicitur quod sibi, sicut & alteri ec-  
clesiastico conveniebat judicare seu discernere,  
qui secundum legem evangelizatam sint  
a fidelium præcipienti consortio, ne alios in-  
ficiant; quemadmodum medicus judicare ha-  
bet de morbo corporali, propter quem de-  
bet quis, ne alios inficiat, ut leprosus, ab  
aliorum consortio separari. Coactiva autem  
potestas hujusmodi expellendi, fidelium uni-  
versitati, vel iudici per eos instituto, de-  
mandari specialiter consuevit. Et pro isto,  
quod officia regum & aliorum secularium  
ex una, & ecclesiasticorum parte ex altera  
sint condistincta, habetur 2. q. 7. *Nos si.*  
Sed notandum ubi legitur, quod sicut reges  
prelunt in causis sæculi, ita sacerdotes in  
causis Dei; regum est corporalem irrogare  
pœnam, sacerdotum spirituales inferre vin-  
dictas. David ergo, est ex regali unctione  
sacerdotibus & prophetis præerat in causis  
sæculi, tamen suberat eis in causa Dei. Et  
infra: Sicut ergo Ozias a Domino lepra  
percutus est, quia sacerdotum officia usur-  
pare voluit, sic sacerdotibus & prophetis ro-  
gum officia usurpare non licuit. Hæc ibi.

Notabile autem distinctionem inter prædi-  
ctos duos statuit Hugo tangit de Sacramen-  
tis lib. 2. parte 2. cap. 3. ubi dicit: „ Laicis  
Christianis fidelibus terrena possidere con-  
ceditur, clericis vero spiritualia tantum  
committuntur, quemadmodum olim in illo  
populo priore, ceteræ tribus, quæ typum  
laicorum præferebant, portiones in hære-  
ditate acceperunt; sola tribus Levi, quæ  
clericos figurabat, decimis & oblationibus  
& sacrificiorum victimis pasciebatur. Hæc  
ille. Et in signum illius Apostolus arguit  
communitatem, quod correctivam poten-  
tiam in istum fornicarium non exercuerit.  
Et postea, ipso agente poenitentiam, iterum  
pro eo petebat communitatem ut reconcili-  
etur. 2. Corint. 2. sicut per illam fuit ju-  
dicialiter ejctus, & ille fornicator, secundum  
aliquos, fuit sacerdos; ex quo patet  
sacerdotes non eximi a iudicio & sententia  
laicali pro peccatis personalibus. Unde Chryso-

stomus in libro de Reparatione lapsum cap.  
10. sic scribit: „ Apud Corinthios erat qui-  
dam vir, ut videtur, non ignobilis; hic  
commiserat tale peccatum, quale nec in-  
ter gentes admitti solet, & erat ex nu-  
mero fidelium & familiarium Christi; qui-  
dam enim eum ex sacerdotali ordine fu-  
isse tradunt. Hæc Chrysostomus. Et in  
confirmationem illius, quod universitas fide-  
lium habet jurisdictionem in ecclesiasticos,  
ipsos iudicandi & puniendi, est Origenis ho-  
milie 7. super Josue, & loquitur populari-  
bus: homilie enim est sermo ad populum.  
Qui sic inter cetera scribit, & circa posi-  
tionem meam est adductus. „ Si dextera, in-  
quit, manus tua scandalizaverit te, ab-  
scide eam & projice abs te. Numquid-  
nam manus corporis nostri aliquando scan-  
dalizat nos, ut de hac manu evangelium  
dicat, Abscide eam & projice abs te? Sed  
hoc est quod dicit: Ut ego qui video ti-  
bi manus esse dextera, & presbyter no-  
minor, & verbum Dei video predicare,  
si aliquid contra ecclesiasticam disciplinam  
& evangelii regulam gesserio, ita ut scan-  
dalo tibi & ecclesie faciam, in uno af-  
fensu ecclesia universa excidat me dexte-  
ram suam, & projiciat a se, expedit enim  
tibi ecclesie absque una manu tua, quæ  
male agendo scandalum fecit, introire in  
regnum cælorum, quam mecum ire in  
gehennam. Hæc Origenes. Immo com-  
munitates non cohibentes suos superiores a  
malis etiam ecclesiasticis, peccant, secun-  
dum Augustinum super psal. 81. ut habetur  
23. q. 3. *Oscendit*, ut pro me circa articu-  
lum est adductus, & supra per Ambrosium  
dictum est, quod communitas Corinthiorum  
deliquit, non puniendo in sacerdote forni-  
catore. Et plura circa corollarium articuli  
mei secundum, dicta sunt de hoc, & spe-  
cialiter de Nabuchodonosor, qui habuit po-  
testatem a Deo ducendi filios Israel cum eo-  
rum sacerdotibus & levitis in captivitatem.  
Babyloniam, 4. Reg. ult. & in hoc non re-  
probatur, sicut nec Vespasianus & Titus,  
qui 42. anno post Christi Ascensionem judi-  
caverunt omnes sacerdotes & levitas, quos  
invenerunt in Hierusalem, esse in ultionem  
Christi notabiliter puniendos. Et communi-  
tas in Babylonia vindicat in presbyteris fal-  
sum testimonium in Suzannam dicentibus.

Et circa secundum corollarium mei arti-  
culi adductus est Ambrosius, ut habetur 23.  
q. 5. *Remittuntur*: Quomodo puniuntur  
peccata per iudices & etiam per populos,  
sic legimus, quod sæpe ab alienigenis Dei  
iussu excitatis, propter divine majestatis  
offensam, subactus est populus Judæorum.  
Et quomodo 24. q. 3. *Tam sacerdotes*; sub  
auctoritate Anacleti dicitur: Quod tam  
sacerdotes, quam reliqui fideles, omnes sum-  
mam debemus adhibere curam de his qui  
pereunt, quatenus eorum redargutione aut  
corrigantur a peccatis, aut, si incorrigi-  
biles apparuerint, ab ecclesia separentur.  
Item Deuteron. 22. præcipitur, ut si quis  
viderit bovem fratris sui errantem, & illum  
non prætereat, sed reducat; & asinum si  
viderit cecidisse in via, ut non despiciat,  
sed sublevet eum. Ex quo ergo de brutis  
M m 2  
pro



ANNO  
CHRISTI  
1433.

proximorum debet alter esse sollicitus, quanto magis de proximo peccante vel errante, etiam sacerdos, communicique Deus mandavit de proximo suo. *Eccli. 17.* Et mirabile est quare prelator vel clericus, dum pedi ejus os vel spina infigitur, sinit secularem ipsam extrahere, ut possit debite ambulare, & non sic sinit, dum peccat, ut pro illo arguatur & emendet, ut possit recte, in Christi vestigiis ambulans, animam salvare. Forte per hoc ostendit, quod plus diligit pedis plantam, quam propriam animam, si enim plus diligeret animam, tunc correctionem cum gaudio sustineret.

Ex ista conclusione corollarie sequitur, quod peccantibus rectoribus spiritualibus, subditi fideles licite possunt, & in casu tenentur superiorum peccata per justitiam corrigere, castigare aut punire. Patet ex conclusione & ejus probatione. Circa hoc tamen est notandum, quod illicitum est quempiam corripere, nisi correptus sit inferior correptore: & per consequens correptor legitime cavere debet precipue, ne tactus hypocrisis & macula proprii sceleris, sit in damnatione commixti. Præsupponi ergo debet correptum esse culpabilem & correptorem legitimum immunem; ut docet Christus *Mat. 7.* *Hypocrita esice primum trabem, &c.* Cum omnis peccator, ut hujusmodi, sit justus inferior quoad Deum, & per consequens simpliciter inferior; & ita in corrigendo est Apostolus, quando dicit: *Seniores ne increpaveris*, quod non licet subditum superiorem suum arguere legitime, nisi fuerit in gratia, superiore peccante mortaliter, & per consequens exiistente in gratia a dignitate seniore. Si autem senior in moribus exemplum ad iteritum præbet, ibi districta increpatione feriendus est *2. q. 7. Paulus.* Unde eadem q. sic loquitur Gratianus: „Quod dicitur: majorum quispiam nullius minoris accusationibus imperatur: minores inter telligendi sunt, non ecclesiastica dignitate, sed vita. „Hoc corollarium patet per doctorem, qui adducit Liram sub illo *Exodi 21.* *Si quis per industriam occiderit proximum suum & per insidias, ab altari meo exceller eum ut moriatur.* Qui sic inter cetera dicit: „Quod si sacerdos occidisset, trahebatur; nisi officium ministrandi incepisset, quo casu expectabitur completum ministerii; quo peracto, trahebatur ad mortem. „Hæc ille. Ecce quod habuerunt jurisdictionem etiam super sacerdotes.

Et quamvis ad omnes rationes oppositis & conantis probare, quod peccata publica prelatorum personalia & aliorum superiorum statu, sic, ut dictum est, non debeant seculares potestates aut per Christi fideles laicos etiam subditi per justitiam corporis castigari aut puniri, possit dari generalis responsio, & sufficeret, scilicet ista: Quod omnes tales auctoritates quotquot sunt, quæ punitioni vel judicio subditi quoad superiorem videntur repugnare, omnes intelligendæ sunt, quod hoc non debet fieri imprudenter & temerarie; vel quando tales prelati vel superiores servant limites sui status, vel quando eorum præpositi eis pec-

cantibus ipsos corrigere, punire vel castigare non neglexerint: tamen ad quasdam dabitur specialis responsio quæ majorem videatur auditoribus dare apparentiam.

Et primo capio istud Constantini, de quo in 3. libro historie tripartite dicitur, secundum impugnantis allegationem, quod episcopis inter se dissidentibus, & libellos famosos contra se invicem Constantino offerentibus, ipse ait: Dominus constituit vos sacerdotes, & potestatem dedit vobis de nobis judicandi: ideo nos a vobis recte judicamur; vos autem non potestis judicari ab hominibus, propter quod inter vos Dei solus exparte judicium. Vos estis nobis dati dii, & inconveniens est ut homo iudicet deos &c. Ad hoc respondetur, quod verbum fuit exhortationis & monitionis, quo siquidem devotus Constantinus ostendit quales esse deberent episcopi & sacerdotes. Tales enim deberent esse ad invicem & ad alios, quod in seculari judicio non oporteret ipsos contendere, secundum doctrinam Apostoli *1. Cor. 6.* *Quare, inquit, non magis injuriam accipitis, quare non fratrem patimini, quid inter vos habetis judicium?* Et quod additur ex verbis Constantini: Potestatem dedit vobis Deus de nobis judicandi: dico quod verum est, judicio spirituali, ratione clarissima, quemadmodum medicus judicare debet de morbo, ut supra tactum est, non autem judicio coactivo. Ad hoc autem quod additur ex verbis Constantini: Vos non potestis judicari ab hominibus, quoniam dati estis nobis dii &c. Respondetur quoad negationem iudicii sacerdotum revera secularium, quod intelligitur de presbyteris heroicis, quos scriptura deos appellat; & de illis intelligit Apostolus *1. Cor. 2.* *Spiritualis homo judicat omnia, & a nemine iudicatur.* Unde sic loquitur imperator: Dignum, inquit, non est, ut nos iudicemus deos, quia oportet ad hoc quod iudicium cause presbyteri sit devolutum ad iudices seculares, quod excidat a moribus & conditione eorum.

Ex cujus historie serie liquet aperte cunctos episcopos Romanos principi coactiva jurisdictione subiectos, quoniam ad ipsum iudicium spontanei nec coacti suas contentiones & jurgia detulerunt, ipsius interpellantes examen atque iudicium, ut Ildorus narrat eisdem. Et hæc est etiam sententia Otham in suo defensorio distinct. 2. c. 2.

Similiter respondeatur ad dictum Clementis ad Jacobum fratrem Domini, & Evaristi papæ, & ad alias auctoritates canonum & doctorum, Gregorii Nazianzeni, Chrysostomi & aliorum, in quibus mentio sit, quod episcopi non sunt judicandi ab aliis, quam a Deo quia intelligunt, quod non sunt judicandi ab aliis, quoniam imitantur Christum, & stant digne in statu suo. Si autem ecclesiastici fuerint inordinati, & arguantur a suis præpositis, non est necesse laicos ipsos arguere: sed ex hoc non sequitur, quod si peccant, & præpositi ipsos negligit, quod non debeant aut possint licite argui, ut supradictum est.

Nec ex verbis Chrysostomi probatur, quod ecclesiastici in tali casu non debeant a secularibus judicari; sed verius probatur, quod

ANNO  
CHRISTI  
1433.

ANNO  
CHRISTI  
1433.  
laici debeant de vita, sermonibus & operibus presbyteri judicare: quia quomodo, rogo, prudenter Christus aliter præciperet, ut omnia quæcumque dixerint faciant, & non secundum opera eorum vivant. Cum ergo Deus mandat populo de sacerdotum operibus judicare, populus debet doctrinæ & verbis Domini obedire; quia aliter fidelis foret in mortis æternæ periculo, nisi judicaret districte de opere sui presbyteri; quomodo crederet verbis suis, & in qua conversatione ipsum imitaretur, & in quo ab ipso se auferret aut insurgeret.

Ad illud autem Ezechielis 33. de speculatore, ubi impugnans adducit dicentem Dominum: *Quod sanguinem pereuntis de manu sua requiram: non populus terræ, sed ego, dicit Dominus*; ex quo concludit impugnans, quod non habet negligentias exigere populus ex auctoritate de manibus prælatorum, sed Dominus. Respondetur, quod multas biblias vidimus in regno & hic, & in nulla reperimus illum textum per doctorem allegatum: *Non populus terræ*. Sed dato quod aliqua biblia illum contineat, adhuc opponens non habet propositum, quia tunc sic respondendum est ad illam auctoritatem: Quod quamvis Deus de manu speculatoris negligentis, sanguinem requirit requisitione finali & authentica, & non populus terræ, supple sic, requirit: ex illo tamen non concluditur, quin populus terræ in casu sic, ut prædictum est jam sæpius, non habeat negligentias exigere de manibus prælatorum subauctentice; quia secundum doctorem de Lira super isto Ezech. 3. *Cum autem pertransissent septem dies, factum est verbum Domini ad me, dicens: Fili hominis, speculatorem dedi te*, &c. Ibi arguitur Ezechielis silentium per similitudinem speculatoris, & quia nimis tacuerat, videlicet per septem dies, ideo ostenditur sibi poena taciturnitatis, quæ fuit duplex, una reclusionis & ligationis, & secunda, subtrahio locutionis.

Ad hoc autem, ubi pro libertate clericorum adducit illud, qualiter in regno Egypti sub Pharaone, sacerdotes liberi erant ab omni Pharaonis exactione; respondet Origenes homil. 16. super Genesim, quod per hoc nequiores esse ceteris ostenduntur, qui pro nimia familiaritate, quæ eis est cum Pharaone, nihil permutationis recipiunt, sed permanent in mala possessione; & sicut his qui in fide & sanctitate præerant, dicit Dominus: *Jam non dicam vos servos, sed amicos*: ita dicit & istis Pharaon, tamquam qui ad summum gradum nequitie, & ad sacerdotium perditionis ascenderant; jam vos non dicam servos, sed amicos. Hæc ille.

Ad hoc autem ubi exponens subinsert: Quod sub evangelio sacerdotium liberum est ab omni potestate seculari, & probans illud Matt. 17. ubi Christus interrogavit Petrum, a quibus reges accipiunt tributum, &c. Dicit, quod per filios regis intelligit apostolos, responderet supposito prima secundi puncti.

Illam autem aliam quæ adducit, quod in lege Mosaica non reperiuntur sacerdotes populo esse subjecti: Ad hoc respondetur, quod

in lege Mosaica reperiuntur sacerdotes secularibus esse subiectos. Hoc primo patet 1. Reg. 22. de Abimelech cum suis sacerdotibus, qui accusatus coram rege Saul, quod consuluisset Dominum pro David, & dedit sibi gladium Goliath, & manducare panes propositionis, & citatus comparuit cum universis suis sacerdotibus, & excusavit se coram eo, & multa pro sua innocentia allegavit. Scribit enim doctor de Lira super illo passu, quod ibi posita occasione accusationis, ponitur consequenter accusandi actus; & postea: ipsius Abimelech cum suis citatio, & suæ innocentie declaratio. Ex quo patet quod isti sacerdotes erant subiecti regi, & ejus mandato paruerunt, licet postea injuste fuissent per eum condemnati. Ad hoc idem scribitur 2. Paralip. 6. quomodo Salomon constituit juxta dispensationem patris sui David officia sacerdotum in ministeriis suis, & Levitas in ordine suo, ut laudarent & ministrarent juxta ritum uniuscujusque, &c. Ex quibus videtur illud dictum doctoris non esse sufficiens, quod circa finem secundi puncti scribit, quod seculares nihil jurisdictionis habent in ecclesiasticos. Item si Moyses, qui secundum dominum auditorem, quartum nostrum articulum impugnantem, fuit sacerdos, erat subiectus sano consilio Jetro gentilis & extranei, quod inconveniens foret, si idem Moyses subiectus fuisset consilio populi peculiaris domini, in casu debito occurrente. Et si asina brutum Animal, juste redarguit Balam prophetam, cui in hoc subiectus fuit, quod inconveniens foret, si in tali casu subiectus fuisset redargutioni ipsius populi Dei?

Post hæc pro ostensione sui propositi inducit illud 2. Reg. 1. de David, qui juvenem dicentem se occidisse Saul regem, licet mentiretur, occidit; quid, inquit, non fecisset, si licuisset sibi regem occidere? Ex quo arguere vult doctor, quod non licet subditum punire suam superiorem. Ad hæc videtur quod magna est differentia inter communitatem, a qua originaliter, sive per electionem, sive per hereditariam successionem, procedit rex; & unam personam illius communitatis; & per consequens, si una persona talis aliquid facit, mentiendo forte vel suum lucrum querendo, est multo aliud, quam faceret illa communitas contra regem, rationabilem contra eum habens causam. Sed quia iste unus mentiendo, & forte proprium aliquid querendo, finxit se regem invadere, est punitus a David, & David in hoc non redarguitur: ubi si communitas sub aliqua causa rationabili consurrexisset in regem Saul, a qua ipse originaliter processit, forte non sic a David fuisset redarguta, & per consequens nihil istud facit pro opponente, nec ideo posui hoc in positione mea, quod persona talis deberet invadere aliquem regem, vel alium superiorem &c.

Illam etiam quæ opponens pro se adducit: primo titulum: *Per tria movetur terra, & quantum non potest sustinere*. Primum est per servum, cum regnare cœperit. Hec autem, dicit doctor, fieret si subditi vellent defectus superiorum per justitiam vindicare. Secundo inducit illud Proverb. 18. *Non decent servum*

ANNO  
CHRISTI  
1433.

Prov. ult.

quum



ANNO  
CHRISTI  
1433.

555

*vam delictorum; nec seipsum dominari principibus. Tertio inducit illud Isaia 17. Numquid gloriabitur securus contra eum qui secum in ea; per quæ omnia vult, quod iniustum est, subditos contra suos insurgere superiores. Sed illa nihil faciunt ad propositum opponentis, nec sunt contra me, cum sint contra stultos & temerarios subditos & tyrannos. Nec ego per propositionem meam intendo, quod aliqui tales deberent regnare, vel insurgere & opprimere tyrannice aliquos, & sic qui vult vere respicere & pensare, omnes illæ auctoritates, quorquor opponens pro se adducit, nihil faciunt ad suum propositum, nec sunt contra me, sicut nec illud sibi suffragatur, quod Christus singulariter dixit Petro: *Pasci oves meas*; quia quantum ad potestatem ordinis, non minus in hoc habet quicunque alius apostolus, quam Petrus, licet postea, quantum ad jurisdictionem; præter scribere expressum fundamentum, tales præminentie & differentie sunt inducæ. Ego nihil ibi capio opponens, sicut nec ibi, ubi adducit de Anania & Saphira, & de Simone mago, & de aliis quæ omittit.*

Illud etiam nihil pro doctore facit, quod allegat de Apostolo, qui, ut Actuum 23. scribitur, dixit: *Nescivi quod princeps sacerdotum esset*. Ad hoc enim ostendit decretum 23. q. 1. *Parvus*, quod Apostolus hæc dixit ironice, sciens eum principem sacerdotum esse, &c.

Ex quibus jam supradictis potest, qui vult pensare, bene cognoscere, quam superficialis & evasiva sint glossæ doctores, glossantis auctoritates in mea positione, hæc sentiantes, quod in casu non excipiantur prelati, presbyteri & alii ecclesiastici a correctione fraterna de peccatis personalibus, etiam coram multitudine laicalis populi, & a jurisdictione secularium personarum; quin in defectu spiritualis præpositi, habita sufficientia & data opportunitate, sint per potestates seculares, aut per Christi fideles laicos, secundum dictamen divinæ legis, etiam sine aliqua speciali licentia ab ecclesia habita, coactive puniendæ; & iudicio definitionis, ut est actus iustitiæ, iudicandi, vel coram multitudine a laicis vel a sacerdotibus in prædicatione caritative arguendæ; & per consequens doctor magnum super hoc negotio impendens laborem, & velamen malitiæ sacerdotum constituens & contextens, nihil aut modicum proficit.

Quantum ad tertium principale, ubi doctor fundare nititur modernas indulgentias, in lege Domini non fundatas, & fidæ litteras fraternitatum, & litteras confessionales, & etiam reliquiarum modernas venerationes; ubi tamen ante omnia miror, quo spiritu ductus doctor, nescio si bene respexit scripta mea; vel non: quia ubi ego scribo, reprehendens fidæ & venales a poena & a culpa absolutiones & indulgentias, in lege Domini non fundatas, ibi doctor dicit me posuisse in sententia; quod absolutiones a poena & culpa sunt fidæ, & quod indulgentie non sunt in lege Dei fundatæ. Et ubi ego posui, reprehendens modernas peregrinationes ab hominibus invenras, supersticio-

fas, idololatriam sapientes & cleri avaritiam nutriendes, ibi doctor dicit me ponere, quod peregrinationes per homines inventæ sunt, supersticiose, idololatriam sapientes, & cleri avaritiam nutriendes. Illo tamen non obstante, committendo conscientie sue, quare sic egerit, ad materiam in se accedo.

Et primo ad materiam indulgentiarum, ubi doctor fundare volens opinionem Thomæ & sequentium ejus de indulgentiis, præsupponit esse supererogata merita sanctorum, & specialiter Christi in cælis, quæ omnia vocantur spiritualis thesaurus ecclesiæ, in gazophylacio spirituali ecclesiæ & in capite ejus reconditus. Insuper inquit, quod summus pontifex, cum sit Christi vicarius, in tria habet generalem & plenariam potestatem distribuendi hunc thesaurum fidelibus, secundum quod libuerit plus vel minus: nec licet diffidere, quin potestas impertiendi ista spiritualia suffragia, remanent continue inexhausta; quia aliter deficeret Christus; dando potestatem clavium suo vicario hic in terris. Et pretendens sententiam illam, fundare in cap. Matt. 16. *Tibi dabo claves regni cælorum, &c.* tangit duplicem causam, quare ille thesaurus ab his, qui eum habent dispensare, debeat erogari. Primo, propter Dei honorem & gloriæ: & secundo propter communem ecclesiæ utilitatem. Et timens doctor, ne forte insufficiens sit dictarum indulgentiarum in hæc scripturæ fundatio ad auctoritatem ecclesiæ recurrat, ibi dicens: Et esto quod in lege Dei, hoc est quod in scriptura veteris & novi testamenti non possit reperiri fundata auctoritas spiritualis & expressa ad hujusmodi indulgentias distribuendas; tamen ad hoc instituentium vel conferendum sufficeret sola ecclesiæ auctoritas. Et quamvis dominus doctor dicat de absolutionibus a poena & a culpa, quod istæ non sunt modus communis concedendi absolutiones a summo pontifice; & si aliquæ bullæ sub tali forma dentur, dicit quod subreptitiæ dicuntur impetratæ: si subreptitiæ impetrantur tales, tamen hoc est valde periculosum. Nobis enim constat quod tales bullæ currebant per orbem Christianitatis, & multas sub tali forma litteras vidimus in regno nostro; si jam ille modus sit limitatus nescio.

Ne autem videar negare veras indulgentias, & in lege Domini fundatas, suppono descriptionem auius signi, indulgentia. Est enim indulgentia actus indulgentis, ita quod indulgentia non sit aliud, nisi habentis ad hoc potestatem indulgere; & est indulgere gratis concedere, offensam dare sive remittere vindictam, quam reus debet pro excessu sustinere. Et sic legitur scriptura Judith 8. *Indulgentiam Domini cum lacrymis posuimus*; indulgentiam, id est actum indulgentis. Sic etiam sumitur Isaia 26. *Indulgenti genti dare*; & ejusdem 61. in persona Christi dicitur: *Spiritus Domini super me*; & infra: *Ad prædicandum captivis indulgentiam*, id est actum indulgentis. Lucæ autem 4. Salvator legens hanc scripturam dicit: *Et prædicare captivis remissionem*; ex quo patet, quo idem est indulgere & remittere; quia ubi Isaia dicit indulgentiam, Salvator dicit

Actus 3.  
dicit Tertium  
principium  
de indulgentiis.

ANNO  
CHRISTI  
1433.

ANNO  
CHRISTI  
1433.

cit remissionem; & cum unius spiritus sint verba non discrepantis in sententia, patet quod indulgentia & remissio sunt idem, & sic, sicut aliquando est indulgentia culpæ & non pœnæ, sic & remissio; & cum Dominus indulget vel remittit peccatum, mundans animam ab interiori macula, sed non remittit ei poenam, nisi satisfaciatur pro peccato. Dicit enim Baptista Lucæ 3. *Facite dignos fructus penitentiae*, secundum magistrum sententiarum in 4. dist. 16. ut scilicet secundum qualitatem & quantitatem culpæ, sint quantitas & qualitas pœnæ; & iterum sicut aliquando est indulgentia culpæ & pœnæ, sic & remissio, ut cum Deus omnipotens infantulum mundans ab interiori per baptismum macula, sine ulteriori pœna ipsius animam perducit ad cœlestia regna. Quod autem indulgentia quæcumque concessionem activam connotet, ut cum dicitur papa: indulget hæc illi clerico, id est concessit; & aliquando connotet dispensationem, & aliquando jus, sunt locutiones principaliter iuristarum.

De tripli-  
ci remissi-  
one pec-  
catorum.

Uterius noto, quod remissio peccatorum est triplex, scilicet autentica, subautentica, & ministerialis. Autentica est quæ sit potestate non aliena, sed propria; & hæc competit soli Deo, juxta illud Isaïæ 43. *Ego sum ipse qui deleo iniquitates tuas propter me*; & quoad hæc dicitur Lucæ 5. *Quis potest dimittere peccata nisi solus Deus?* intelligitur authentice. Subautentica remissio peccatorum est, quæ Christo homini competit ratione humanitatis unitæ. Verbo hypostatice; quæ humanitas fuit medium principalissimum redimendi genus humanum, ex parte cuius humanitas oppropria, labores; poenas, dolores & mortem nostris sustinuit pro peccatis, & de isto Isaïas 53. dicit in persona salvandorum: *Vere languores nostros ipse tulit*; & infra: *Et livore ejus sanati sumus*. & istam remissionem peccatorum subautenticam, nullus habet. ne habere potest præter hominem, qui est Deus. Si enim haberet quis illam, tunc oporteret quod existens homo & Deus duceretur ad victimam, sicut agnus non aperiens os suum: de quo agno Johannes Baptista Johan. 1. dixit: *Eccce Agnus Dei, ecce qui tollit peccata mundi*, de quo Augustinus ad Julianum dicit: „Non tollit peccata, nisi solus Christus, qui est agnus tollens peccata mundi. Et Ambrosius: „Ille solus Christus dimittit, qui solus pro peccatis mortuus est. Et istum modum dimittendi peccata notat ecclesia in collectarum conclusionibus, in quibus dicitur: Per Dominum nostrum Jesum Christum, valet tantum, id est, per humanitatem Domini nostri Jesu Christi, cujus passione & morte tolluntur penitentium peccata.

Ministerialis remissio peccatorum est, quæ sit per ministerium ministri idonei, ut per ministrum baptismi, &c. & aliorum sacramentorum; per verbi Dei prædicationem, per bonum consilium, per sanctam orationem, vel per exemplum vite sanctæ. Et ista remissio sacerdotibus Christi convenit, juxta illud Matt. 16. *Tibi dabo claves regni cœlorum*, &c. Et Matt. 18. & Johan. 20. juxta expositionem sanctorum doctorum.

Ex jam dictis recolligitur quid est remissio peccatorum suprema, media, & infima. Suprema authentica, solius Dei; subautentica media, solius hominis Christi; infima ministerialis, scilicet sacerdotis Christi rite ministrantis. Et sicut humanitas Christi & ministerium sacerdotis prærequirunt Deum & ejus potentiam atque agentiam, sic media & infima remissio prærequirunt causaliter remissionem peccatorum Dei primam; & ministerialis prærequirit authenticam & subautenticam. Et hoc dicit Salvator Johan. 15. *Sine me nihil potestis facere*. Et cum Christus Jesus sit verus Deus, omnino competit sibi remissio prima, scilicet authentica; & quia est homo, qui passus est & mortuus pro peccatis nostris & non pro suis; ideo competit sibi remissio subautentica, etiam ut supremo ministro sponsæ suæ ecclesiæ, qui dicit Matt. 20. *Filius hominis non venit ministrari, sed ministrare*.

Istis prænotatis juxta remissionem peccatorum triplicem, potest homo concordare dicta sanctorum. Cum enim unus dicit: Non habent sacerdotes potestatem remittere peccata homini: hoc est verum de remissione authentica & subautentica. Et cum alius dicit: Habent sacerdotes potestatem remittere peccata; hoc est verum de remissione ministeriali; & pro isto dicto est illud Augustini 1. q. 1. „Ut evidenter ostenderet Deus a Spiritu sancto, quem donavit suis fidelibus, dimitti peccata non multis hominum, quodam loco sic ait: *Accipite Spiritum sanctum*, & continuo subiecit: *Si cui remisistis peccata remittuntur ei*, hoc est Spiritus sanctus dimittit, non vos. „Ecce hic Augustinus contradiceret verbis Christi, qui dicit: *Quorum remisistis peccata remittuntur eis*, si negaret sacerdotes habere potestatem remittendi peccata hominibus; sed intentio sua est, quod Spiritus sanctus remittit peccata authentice, & non ipsi sic remittunt; & tamen habent potestatem remittendi peccata ministerialem.

Et præter istas tres remissiones peccatorum, est quarta remissio peccatorum, cujus potestatem dedit Deus omnibus adultis hominibus, & obligat ad eam quemlibet sub poena damnationis, dicens Matt. 6. *Si dimiseritis hominibus peccata eorum, dimittet & vobis Pater cœlestis peccata vestra*, &c.

Ex istis dico primo, quod sacerdotes Christi habent potestatem vere poenitentes absolvendi a peccatis, Patet, quia habent potestatem ligandi & solvendi indignos & dignos, ut patet Matt. 18. & Johan. 20. ex testimonio Salvatoris.

Secundo dico, quod nemo est capax indulgentiæ, nisi de quanto fuerit dignus vel dispositus per gratiam apud Deum. Patet ex hoc quod nemo, si non Deus, dat tales indulgentias, qui non dat nisi caris suis, quos sic præfens habilitat.

Dico tertio, quod omnis recipiens tales indulgentias, de tanto eas recipit, de quanto fuerit humilior quoad Deum. Patet ex hoc, quod præcipue Deus dat sibi copiosius tales indulgentias. Sed ipse Deus quicquid facit, facit ad regulam; unde Salvator dans indulgentiam peccanti femine Ma-

ANNO  
CHRISTI  
1433.



ANNO  
CHRIST.  
1433.

559

riæ Magdalene, ponit capacitatem ex abun-

Dico quarto, quod nullius papæ vel episcopi prodest indulgentia homini, nisi in quantum prius se disposuerit apud Deum. Patet ex hoc quod Deus non dat sibi talem indulgentiam, nisi ad quantum se disposuerit, ut patet ex prædictis.

Dico quinto, quod episcopi indulgentia de tanto recipienti proderit, de quanto episcopus cum in fide Christi intruxerit, & hoc in . . . . . & amore Dei accenditur, vel quomocumque humilem ad indulgentiam Dei fecerit. Patet totum ex jam dictis.

Dico sexto, quod sacerdotes Christi non habent potestatem donandi indulgentiam secundum quantitatem temporis, nisi eis fuerit specialiter revelatum. Patet ex isto Iudith 8. *Posuisti vos tempus miserationum Domini, in arbitrio vestro diem constituitis ei.* Ille ergo cui non fuit ad hoc revelatio, qui spondet indigno apud Deum ex sibi dubio, quod infra tantum tempus Deus miseretur ejus donando sibi plenam remissionem, stulta pangit, cum non habet evidentiam ex lege Christi vel revelatione quod Deus illud concessit.

Dico septimo, quod prælati ecclesiæ debent in prima veritate theologica subditos instruere, ne laici infideliter occupati, circa minus utilia attendant. Patet in simili lege Quæstorum. Quicumque limitatum illud quod non dicant populo, nisi quod in litteris episcoporum eis fuerit limitatum, ut libro de Poenitentis cap. *Abusantibus.* Multo magis ergo vicarii Christi deberent docere populum secundum limites litterarum Spiritus sancti, quas eis tradidit ad docendum.

Premisso isto sensu de indulgentiis in lege Dei fundatis, dico, falsa informatione meliori, quod indulgentiæ & absolutiones sanctæ & venales, fundatæ, ut dicitur communiter, super infinitis erogatis in coelis meritis sanctorum, & specialiter Domini nostri Jesu Christi, super quæ, ut dicunt, Deus papam constituit, illas secundum quod sibi libuerit distribuendas, in lege Domini non sunt fundatæ; & specialiter illæ quæ dantur & conceduntur in erectione cruciatæ, ad hunc finem ut homines invicem se trucident per papam crucis contra Ladislaum regem Neapolitæ, in qua manifesta forisatio de his indulgentiis ponebatur. Positum enim erat in prima bulla: „Hujusmodi quoque remissionum volumus esse participes, qui juxta quantitatem subsidii & devotionis affectum ad subventionem ipsius negotii de bonis eisdem a Deo collatis congrue ministrabunt. Et in bulla commissariorum continebatur sic: Juxta vestræ declarationis vel deputandorum a vobis arbitrium, personarum qualitate pensata, quæ in pecuniis aut bonis aliis subsidium erogabant, Et infra: Hujus quoque remissionis volumus esse participes omnes qui juxta præmissorum vel alicujus eorum exigentiam ad subventionem ipsius negotii, etiam ad vestræ declarationis vel commissariorum vestrorum

arbitrium de bonis suis congrue ministrabunt. „ Ecce hoc potest coecus palpare, si non ad taxam bonorum temporalium dari fingitur remissio, & si non columbas in templo vendunt secundum Gregorium in homilia, Remigium, & aliquos doctores, quos hic adducere causa brevitatibus omitto. Deinde sacerdotes a commissariis emebant potestatem, qua sub certa pensa ex pacto indulgentias secundum parochias & provincias conveniebant. Ubi, rogo, potest manifestior fieri simonia, glosset quis quantum velit exemplum Simonis magi, a quo dicuntur Simoniaci, reperire potentius non poterit. Et hæc forisatio sparsim currit quasi per totam ecclesiam talium indulgentiarum, quæ carent fidei scripturæ fundamento; cum nec Christus, apostoli vel propheta has promovebant: sed ad consequendum veras indulgentias, veram docuit agere poenitentiam! hortantes ad orationem, jejunium, & ad alia pia opera satisfactionem, quomodo ad aliam pia opera pecunie, nec omnibus vere poenitentibus in retributione iustorum salutis æternæ temerarie pollicebantur augmentum. Nec sic, quemadmodum Clemens papa suam potestatem laxaverat, mandans angelis paradisi, quod animam peregrinantium Romam pro indulgentiis, ad gaudia æterna introducant, volens quod ad mandatum ejus genus angelorum coelestium fieret. Non sic presumerunt propheta & apostoli. Vir enim desideriorum & futurorum præcius Daniel, dixit regi Babylonis: *Quamobrem consilium meum placeat tibi, & peccata tua elemosynis redime, & iniquitates tuas in misericordis pauperum, si forsitan ignoscas Deus dilectis tuis.* Similiter Joel propheta ait: *Convertimini ad Dominum Deum vestrum, quia benignus & misericors est, patiens & multæ misericordis, & præstabilis super malitia; & quis scit si convertatur & ignoscas Deus, & relinquat post se benedictionem?* Et Petrus apostolus, cujus papa prætendit se esse vicarium, dicit Simoni, volenti donum Spiritus sancti pecunia possidere: *Poenitentiam age ab hac nequitia tua, & roga patrem Domini nostri Jesu Christi, si forte remittatur tibi hæc cogitatio cordis tui.* Quomodo ergo prævalet his sanctis papa, ultra quos præsumit absolutionem poenæ & culpæ omnimodam sine revelatione polliceri, & per consequens sapientes Christi sacerdotes non asserunt simpliciter, quod confitens sit a peccatis solutus, sed sub conditione ista, si dolet & nolit peccare amplius, & confidit de Dei misericordia, & vult in posterum mandata Domini observare. Quia dicit Deus Ezechiel 18. *Qui absolvit vere poenitentem a poena & culpa, si impius egerit poenitentiam ab omnibus peccatis suis quæ operatus est & custodierit universa præcepta mea, & fecerit judicium & justitiam, vita vivet, & non morietur: omnium iniquitatum quas operatus est non recordabor.* Illas veras indulgentias Christus dedit Latroni in cruce, Mariæ Magdalene, Petro. Petrus optabat indulgentiam dati homicidis Christi discipulis Act. 13. *Poenite, &c.* Stephanus pro indulgentia petivit se lapidantibus Actum 7. et Christus suis crucifixoribus Luc. 23. Im-

De indulgentiis in lege Dei non fundatis.

ANNO  
CHRIST.  
1433.

ANNO  
CHRISTI  
1433.

ANNO  
CHRISTI  
1433.

Immo opinio communis Thomæ et aliorum modernorum de indulgentiis, quam tenet impugnans, quæ ponit in ecclesia esse thesaurum meritorum Christi et ecclesiæ & sanctorum, in gazophylacio spiritali ecclesiæ et repositum, super quem papa habet generalem et plenariam potestatem ipsum distribuendi quibus velit, secundum plus vel minus, non videtur veraciter fundari in scriptura, cum illud videtur esse pure fictitium, infundabile, prout est opinio de quodam vacuo infinito extra mundum, quod merita supererogationis Christi et sanctorum papa haberet in sua potestate, illa cui voluerit applicandi, et cum eisdem secundum beneplacitum, ut prædictum est, forisandi : cum solus Deus, quasi universalis Dominus, ex quadam proprietate est distributor donorum vel meritorum suorum, et per se dispensat sicut vult ; nec scit Romanus pontifex quomodo sit ad circumstantias dispensandum. Non enim cognoscit gravitatem peccati, nec distinctionem mortalis a veniali, aut ordinationem Dei de poenitentia vel præmio servi sui, in cuius persona dicit Apostolus Rom. 9. *Miserebor cuius miserebor, & misericordiam præstabo cui miserebor.* Et Jac. 1. *Omne datum optimum & omne donum perfectum desursum est, descendens a Patre luminum.* Quod omnes sancti recognoscebant, in quorum persona dicit Paulus : *Nostri autem sufficientia ex Deo est.* Nec aliquis sanctus præter Christum ex se sufficientiam habuit ad futuram gloriam consequendam, nisi cum hæc gratia Dei affuisset, apostolo testante : *Gratias Dei sum id quod sum.* Hinc quoque virgines prudentes, fatuis dicentibus ad eas : *Date nobis de oleo vestro,* responderunt dicentes : *Ne forte non sufficiat nobis & vobis, ite ad vendentes, & emite vobis.* Non est ergo verisimile quod dictæ indulgentiæ fictæ et venales habeant verum fundamentum in fide scripturæ, nisi forte fundamentum habeant per contrarium in illo 2. Petri 2. *Et in avaritia fictis verbis de vobis negotiabantur.* Et Rom. 16. *Per dulces sermones & benedictiones seducunt corda innocentium.*

Argumenta  
contra  
indulgentias.

Contra quas fictas et venales indulgentias multiplicitè posset argui. Primo sic : Papa multis talibus concedit a poena et a culpa indulgentias, qui ex sibi dubio sunt præcisi, et Deus nulli tali concedit tales indulgentias : ergo papa in talibus extollitur supra Christum.

Secundo, sicut res corporales, quantumcumque parvi pretii, non debent emi, nisi cum ista prudentia, quod emptor de vendito probatus sit securus : sic papa non potest affecurare aliquem, quod post mortem vel ante tantam indulgentiam habeat ; ideo probatum est tale commercium dimitendum. Papa enim, subduda revelatione, nescit de aliquo nec de seipso, si sit prædestinatus a Domino. Quod si præcisi fuerit, non proderunt sibi tales indulgentiæ ad beatitudinem contra ordinationem Dei æternaliter ordinantis. Ergo cum papa non potest generaliter procurare tales indulgentias sibi ipsi, est multum evidens, quod tales indulgentiæ sunt suspectæ ; non enim obstat fidei, quod multi papæ, qui concesserunt amplas

Concilior. Supplem. Tom. IV.

indulgentias, sunt damnati ; quomodo igitur possunt defendere suas indulgentias coram Deo.

Tertio, sic positis indulgentiis papalibus a poena et culpa jam dictis, videtur sequi quod potest papa purgatorium destruere. Probatur sic : Papa potest quemlibet in agone confessum et contritum a poena et a culpa absolvere, et cuilibet potest dare illam gratiam post se in futurum ; & non obstat aliud, nisi forte invidia vel negligentia. Det ergo cuilibet in futurum, dato illo non venient ad purgatorium. Quo dato, omnes vigiliæ, missæ defunctorum, oblagia, largæ elemosynæ, anniversaria, omnia alia suffragia, ut commemorationes perpetuæ, donationes capellarum, extructiones claustrorum & altarium pro huiusmodi hominibus fierent frustra : immo omnes habentes huiusmodi indulgentias in litteris pro agone mortis, sunt ad omnibus ecclesiæ iuribus post mortem absoluti, sic quod nullus eorum, commissariorum poterit licite pro vigiliis, pulsus vel lectione psalterii, vel pro offertorio admonere. Patet, quia cuilibet eorum post mortem evolat ad patriam, & per consequens non indiget suffragiis sic jam dictis. Sed istud communem clerum non modice conturbaret. Unde vel oportet eos negare habere potestatem huiusmodi ad dandas sic indulgentias, vel incidere in consequens jam deductum. Si autem dicitur, quod licet haberet papa potestatem dare sic indulgentias, non tamen debet nisi ex causa rationabili, scilicet quando impugnatur vel indiget pecunia. Revera orandum est fidelibus, ut impugnetur & indigeat, quia tunc thesaurum ecclesiæ fidelibus aperiet ad salutem.

Et videtur quod papa debet ex conscientia facere generaliter illud opus misericordie spiritualis. Nam potens relevare fratrem suum sine damno proprio, & inexcusabiliter differens usque ad mortem corporalem fratris sui, est reus homicidii : ergo multo magis differens liberare fratrem a morte spirituali, cuiusmodi est quicumque papa habens, ut pollicetur, plenitudinem potestatis de indulgentia generali. Nec valet dicere quod potestas ejus in isto vilesceret, quia generaliter præstatorius ex beneficii perceptione fit carior. Quam ergo excusationem haberet qui a damnatione perpetua posset proximum liberare, quem debet diligere ut seipsum, & tamen sine ratione omittit ? Numquid ille cui præceptum est etiam in sabbato extrahere bovem fratris de puteo, non incurreret prævaricationem, si negligit liberare animam proximi de inferno ? Si ignorantia voluntatis divinæ excusat, quomodo alicui concedere talem indulgentiam papa tentat ?

Quantum autem ad litteras fraternitatum & confessionalium quas doctor justificat & salvat. 1. Præsuppono quod omnes fideles ex lege Dei dicuntur & sunt fratres. Patet illud ex primo Christi dicto. Matt. 23. *Omnes autem vos fratres estis ;* & apostoli in suis epistolis omnes Christianos communiter vocant fratres, ad cuius fraternitatis amorem invitat Petrus 1. Pet. 3. 2. Pet. 1.

Secundo suppono, quod isti fratres sunt sibi invicem mutuo debitores, præsertim in

N n hjs

De litteris  
fraterni-  
tatum &  
confessio-  
nalibus.



ANNO  
CHRISTI  
1433.

his quæ sunt ad salutem necessaria, quemadmodum Paulus apostolus Rom. 1. dicit se sapientium & insipientium debitorem esse. Et alibi: *Nemini quicquam debeatis, nisi ut invicem diligatis.* Ubi glossa. Sic aliena debita solvatis, ut ea non debeatis; sed dilectionem ut semper habeatis. Et ideo alibi dicebat: *Nemo quod suum est querat, sed quod alterius, cum caritas non querit quæ sua sunt.* Et Petrus: *Unusquisque sicut accepit gratiam in alterutrum, illam administrans sicut boni dispensatores multiformis gratiæ Dei.* Hujus fraternitatis omnia bona sunt communia & debent esse, Act. 4. *Erant eis omnia communia, & sit unum participium in omni bono.* De quo participio gaudens propheta in persona ecclesiæ ait: *Particeps ego sum omnium timentium te, & custodientium mandata tua;* & hæc est communio sanctorum, quam in symbolo credimus, de quo participio etiam Apost. 1. Cor. 10. scribit *Unus panis, Unum corpus multi sumus, qui de uno pane & de uno calice participamus.* Illius fraternitatis quilibet iustus est particeps, si se non indignificaverit per peccatum: unusquisque secundum suam capacitatem. Cujus participii præcipuus distributor est Deus: quod sentiens ecclesiæ sic orat: *Participem me fac, Deus, omnium timentium te & custodientium mandata tua.* O quam bonum & quam jucundum est sic fratres in unum habitare! Illa fraternitas erat, quamvis non privata, in qua & illi primitivi monachi, monasticam vitam ducentes, de quibus Dominus facit mentionem, clauderantur antequam illæ modernæ & privæ religiones fuerint introductæ. Istam ergo fraternitatem ex corde credo, & fateor quod unus de tali fraternitate ad alterum in necessitate positus recurreret, & unus pro alio orabat, de qua oratione munda sonante fere omnes auctoritates, quas doctor pro justificandis litteris fraternitatum adducit; sed non scripturæ illæ sunt & auctoritates pro litteris fraternitatum, quas ego in mea reprehendo positione; quia illæ litteræ, quas ego reprehendo, non dantur nisi sub spe & intentione non probabili, quod ex ipsis lucrum temporalium & foederationem illicitam reportabunt: hæc autem nunquam leguntur, quod conglobati sua bona ceteris commendent, & illa se ex hoc coram aliis justificantes & extollentes, pro lucro temporali committent, nisi de Phariseis, de quibus Dominus dicit: *Vos semper justificatis vos coram hominibus; & minando eis a Deo: Vae vobis, scribæ & Pharisei hypocritæ, qui devotatis domos viduarum, orationes longas oratis.*

Quid ergo pro talibus orationibus & venditione earum faciunt auctoritates per impugnantem adductæ? certe nihil. Ideo pensata serie illarum litterarum, potest quilibet sapiens cognoscere quod sunt falsæ, & ex illis rationibus contemnendæ.

Primo, ex quo fratres supponunt & debent cognoscere, quod fratrum affectuosa concessio tantum valet vel amplius fratri suo, sicut valet eorum littera, quantumcumque sit exarata litteris aureis, & filis seu fibulis sericis personata; non superest istius causa, nisi ut populus illusor per fraudes subdolas

ad dandum fratribus de suis bonis temporalibus excitetur. Sed quis dubitat, quin ista sit damnanda & nociva hypocrisis?

Item, videtur multipliciter, quod fratres cadunt in errorem ex radice; simulant enim expresse in his litteris, quod persone, quibus istas concedunt, participabunt post mortem suis meritis. Sed ubi est major præsumptio aut blasphemia, cum ipsimet sunt homines cum quibus mercantur, si illi ut præciti in tartarum damnabuntur? Quæ igitur tanta stultitia confessionem eis tam ignotam asserere? videtur autem quod innata consuetudine mentiendi, non curant, contra æternum Christi iudicium, asserere se facere quod non possunt.

Item, fratres servando modum hypocritarum, seipsos damnant patule in hoc facto. Nam secundum doctrinam evangelicam, Matt. 6. tales elemosynæ debent secretè fieri, ne pars sinistra hominis sciat quid faciat dextera; fratres autem ex illa scripta schedula & ostensione ejus ad populum, manifeste indicant quod dicunt populo, seipsos esse sanctos in ecclesia, & solemnes, & plerumque si ante se tuba canerent, dant litteras confirmantes suam sanctitatem: quæ litteræ forent in cistis hominum perpetuo conservatæ.

Item, cum ex fide evangelii, homo, dum vocatus sedet ad cenam, debet in novissimo loco recumbere; fratres ergo cum vocantur, ut iniquit, ad hanc cenam, cum nec habeant confirmationem vel revelationem, ut supra omnes alios sint locati, videtur quod alios recte viventes extra hos ordines debent reputari esse ipsi meliores, & non sic superbe concedere litteras excellentius supra illos; immo eum lex evangelica doceat, quod quicumque vultis ut faciant vobis homines, facere debetis illis; videtur quod supraposita iustitia acquisitionis istarum litterarum de fratribus, fratres debent etiam acquirere litteras de simplicibus extra hos ordines, cum probatur ex suppositione, quod debent supponere, quod tales litteræ plus eis valent, quam litteræ laicorum de fratribus impetratæ.

Item, ex parte fratrum videtur esse lucifera præsumptio, cum nemo nostrum sciat utrum sit dignus amore vel odio; qua ergo fronte præsumet piscari sic ante retē, & communicare alteri, quod habebit partem meriti sui in patria, cum nesciat & nunc noceat, & amplius tunc nocebit?

Item, nemo debet præsumere sibi quod Deo est proprium; sed communicare indifferenter cuicumque volenti emere partem fraternali meriti videtur Deo esse proprium; ergo fratres non debent in Deum taliter blasphemare; non enim boni angeli vel apostoli talem unquam blasphemiam præsumserunt. Numquid credimus quod propter talem concessionem fratrum in amicitiam, Deus a rectitudine regulæ iustitiæ declinabit? Et sunt multæ tales rationes contra tales litteras, quas omitto. Quod si ita factum coram Deo se habeat, quod non credo, ut fingunt fratres, tunc cum nemo debet esse medium per subtractionem sui adiutorii, ut alius sit damnatus, tunc si in potestate eorum est,

ANNO  
CHRISTI  
1433.

ANNO  
CHRISTI  
1433.

ANNO  
CHRISTI  
1433.

Peregrina-  
tiones & venerationes reliquiarum

ut implicant in illa materia; reservare tam se quam alios: ne damnentur: tunc supposita damnatione alterius ex subtractione sui adiutorii, sunt culpandi; & idem iudicium est de litteris confessorialibus sub taxa datis & receptis, cum simul eadem perfidia curratur.

Quantum ad peregrinationes & venerationes reliquiarum breviter dico, quod istas divagationes modernas hominum diversorum in magna perfidia & superstitionibus variis, quas nunc vocant communiter peregrinationes, non laudo, nec inordinatum cultum reliquiarum commendo, quando video homines bestialiter & carnaliter ad illas peregrinationes & venerationes moveri, non ut meliores vel fideiores fiant, sed in corpore feliciores & saniores. Nec ibi ubi discurrunt, quaerunt informationem in aliquibus veritatibus ipsis incognitis, nec sacerdotes ipsos curant in vera fide instruere, sed magis, heu! multi ipsos in talibus animant, promoven-tes indulgentias & offertoria & falsa miracula ad seductionem simplicium coram eis, prout compertum est saepius in regionibus nostris, & alibi potest contingere, & sine dubio contingit: & rarus illorum sic divagantium vel nullus reperitur, qui vere scient symbolum, orationem dominicam, vel decem praecepta Dei, pro quibus addiscendis non currunt ibi. Quis posset enarrare quot adulteria? ubi alias non habent aditum conveniendi liberum, in talibus peregrinationibus conveniunt, & libere peccant. Quot mendacia super sanctos, & in isto magis est credendum experientia, quae est rerum magistra, quam excusationi vel commendationi earum quaecumque ita quod tales gyrovagi visitantes loca talia, quae eis praesunt, habent respectum ad sculpturas, & reverentiam ad imagines ibi locatas, ad reliquias saepe incertas sanctorum, quibus imaginibus seu statuis, ac incertis reliquiis populus talis spiritum Jesu non habens, exhibet magnam reverentiam & honorem genuflexione, candelarum oblatione, & huiusmodi, nullum vel modicum habentes respectum ad Deum & Christum Jesum; quod fit ex eo, quia rudis populus solum suos sensus insequens, fortiter movetur a talibus, & ab appetentia eorum splendida & artificiosa. Et talis populus est pronus ad idololatrandum, eo quod facilius conceptus suos vel imaginationem circumscriptibit, & magis favorabiliter terminat ad creaturam, quam deitatem, quia sunt sibi talia propinqua suae facultati naturali.

Inter haec est hoc unum precipuum & maximum, quod iniquitas copiosa demonum potens est valde in talibus imaginibus, quae sunt Christi vel sanctorum, & in templo vel domo Dei dementare homines, qui abundant non fide viva, sed mortua; unde aliqua signa vel prodigia infirmitates & sanitates hominum, ut inquit, operantur in illis, & per illas statuas, ut decipiant. Permittit autem Deus aliquando diabolo sic decipere homines, qui sequuntur sua desideria, & indigne vivunt vocatione sua atque sanctificatione, ingrati mortis Christi amaræ, ut sic a veritate averti, ad fabulas convertantur, & iuxta suis fabulis & erroribus per operationem

demoniorum involvantur. Non igitur aliquis audeat dicere, quod diabolus non permittitur per cultum imaginum Salvatoris, B. Mariae Virginis, & aliorum sanctorum decipere homines ac seducere, cum haec etiam faciat per species virtutum, & ipsas virtutes immo valde multas faciat idem, per cultum & venerationem sanctorum in coelis & reliquiarum; ut scilicet ingrati per malam vitam & negligentiam, Dei virtutem & Dei sapientiam Jesum crucifixum pro eis offendentes, rursumque crucifigentes, in semetipsis & factis suis ipsum negantes; tamen nihilominus firmam spem ponunt in vocatione sanctorum & cultu eorum, & sine cessatione sanctos tales nominant & invocant, jejunia & peregrinationes & multa talia audacter faciunt: tamen Jesus crucifixus his omnibus est tamquam mortuus a corde: & vix vel raro ipsum nominant aut invocant.

Item, tales multa attribuant sanctis Dei, vel imaginibus vel reliquiis sanctorum, scilicet, ea quae sunt propria Dei, quae omnia sine excusatione vergunt in ruinam & damnationem populi Christiani. Vere cum talibus timeo sacerdotibus, qui dant occasiones populo tales abominaciones praedicandi in templo Dei, praedicantes eis talia, & dant speciales indulgentias pro flexendo genua coram illis reliquiis vel imaginibus, & quaedam occasiones fabulandi, ut ita una imago sit magis reliquis in honore, & in admiratione hominum & stupore: sicque dant oves sibi commissas ad manus ludificantis diaboli seu antichristi, imitantes in hoc effeminatum sacerdotem Aaron, qui timore populi pravi corruptus, produxit imaginem Dei in figura vituli aurei: ideo non fuit ejus excusatio admissa a veritate scripturae. Similiter isti imitantur Jerboam, qui peccare fecit Israel; excogitato enim consilio, fecit duos vitulos aureos & dixit eis: Nolite ultra ascendere in Jerusalem; Ecce dii tui Israel, &c. 3. Reg. 12. Et sic nostri temporis homines, sic se similes exhibent, qui valde honorant sanctos Dei diu mortuos, sed modernos sanctos conviventes omnibus opprobriis lacerant & persequuntur. Imagines sanctorum mortuorum & eorum reliquias multum deosculantur & venerantur, & vivos sanctos, imagines vitae & paupertatis Domini Jesu Christi, conspuunt & blasphemant, in tantum, ut qui recedit a malo, praedae talium pateat.

Illas ergo peregrinationes modernas in magna perfidia & superstitione, nec non inordinatum cultum reliquiarum detestor, & non laudo nec commendo; nec illarum auctoritates, quas doctores pro peregrinationibus adducit, aliquid deserviant suo proposito. Illud enim quod doctores adducit, quod tribus vicibus apparebat per annum omne masculum in conspectu Domini, ut Deuteronomio 16. scribitur, et quod Christus secundum hanc regulam legis Dei ascendit cum parentibus ad diem festum Paschae, ut habetur Lucae 2. et vir Aethyops Candacis reginae venit adorare Jerusalem, ut habetur Actuum 8. nihil facit pro peregrinationibus antedictis; quia dixi in positione mea, quod quamvis peregrinando apparere solebat, sic coram Deo ter in anno ex suo mandato, ut patet ex Osee 3.



ANNO  
CHRISTI  
1433.

verum Christus, qui legem implere voluit, illum sensum evulsando salubrius nos instruit, maxime post publicationem evangelii, ut habetur Johan. 4. quando mulieri Samaritanæ dixit: *Mulier crede mihi, quia venit hora, quando nec in monte hoc, neque Jerusalem adorabitis Patrem: sed venit hora, & nunc est, quando veri adoratores adorabunt Patrem in spiritu & veritate.*

Quando etiam adducit de pastoribus, de tribus Magis, de mulieribus visitantibus sepulcrum cum aromaticis, de Nicodemo et Joseph ab Arimathia, nihil faciunt pro peregrinationibus antedictis. Si autem Maria mater Domini visitabat post ascensionem loca passionis, ascensionis, resurrectionis, et alii memorias martyrum religiosas solemniter concelebrabant, et ad excitandam imitationem ex eorum locorum visitatione in affectu ad caritatem accendebantur, non est nobis fides. Si autem illa fuit, estimamus probabile, quod hæc sibi utiliter faciebant et prudenter, et specialiter Virgo mater Domini, quæ ex inhabitante Spiritu sancto, in omnibus eodem spiritu regebatur. Nec hodie reprehendere vellem, si quis homo devotus esset, et visitaret loca per multa miliaria pro informatione vera, quam se speraret invenire, quales forte tunc fuerunt temporibus istorum doctorum, qui talia tangunt. Sed quid hoc ad istas modernas peregrinationes superstitiosas, ubi nec illa intentione peregrinatur, nec ibi aliquam sanam recipiunt informationem; sed sepe magis et verius seductionem, et nihil accrescit illi devotionis. Contra quas sine dubio illi doctores citius scripserunt, quam eas autorizassent, et per consequens, etsi aliquando ex debitis circumstantiis fuissent et potuissent bene fieri, ex quo verum sunt in malum, debent cessare, dicente decreto dilecti *Oporet*. cap. *Verum*; sub auctoritate Augustini: Sicut scriptura divina dicit, quod postquam Ezechias dissipavit excelsa, et contrivisset statuas, succidit lucos, confregisti serpentem æneum, quem fecit Moyses; videlicet quia illum serpentem Deus fieri iusserat, ne serpentina morte populus periret; ideo quia ipse populus colere et venerari ipsum coeperat, et idcirco destruxit illæ quod, jubente Deo, fecerat ille: At per hæc magna auctoritas illa habenda est in ecclesia, ut si nonnulli ex prædecessoribus nostris et majoribus nostris fecerunt aliqua, quæ illo tempore potuerunt esse sine culpa, et postea vertuntur in errorem et superstitionem, sine tacitate aliqua, et cum magna auctoritate a posteris destruantur. Hæc ille.

Venera-  
tiones re-  
liquiarum.

Similiter dicendum est de venerationibus reliquiarum, quod detestans cultum inordinatum circa eas, nolo dicere, quod timeantes Deum non glorificentur, vel quod sancti et reliquæ eorum non venerentur secundum mensuram eis a Domino impertitam: sed hæc dico inordinate honorare sanctos diu mortuos, et eorum reliquias colere per signa genuflexionis, secundum quod scripturæ, per acquisitionem coram eis candellarum, et per applicationem characterum de cera, factorum;

edificare eis sepulcra sumptuosa; monumenta ornata, spretis pauperibus et indigentibus, nec non modernos sanctos conviventes omnibus opprobriis persequi et lacerare, et multa, ut prædictum est, attribuire eis, quæ Deo sunt propria; quæ sine dubio sancti in vita adhuc existentes repellebant a se, & hodie sancti non sunt nobis relictæ ad cultum, sed ad imitationem, dicente Augustino de Vera Religione, qui sic scribit: Non sit vobis religio cultus hominum mortuorum, quia si pie vixerunt, non sic habentur, ut tales quærant homines, sed illum a nobis collunt, quo illum inante letantur meriti sui esse consortes, hortandi ergo sunt per imitationem, non adorandi propter religionem. Hæc Augustinus. Nec securum est promoveri adorationem reliquiarum sanctorum in habitudine tali, quia nescit doctor excusare tales adorationes, cum sic populus Judeorum habuerit se ad serpentem æneum, ad illos vitulos: quos fecerat Jeroboam, & tamen graviter utrobique erraverunt. Dicit enim doctor de Lira: Et dato quod verum sit, quod in illis vitulis adorarent Dominum tanquam in imaginibus, cum representantibus, tamen fuit ibi transgressio præcepti, quod habetur Exodi 20. ubi prohibetur fieri ad hæc quolibet similitudo. Hæc illæ. Etiam insegurum est promoveri talem adorationem reliquiarum in tali habitudine, quia populus simplex & carnalis non habet, nec est capax distinctionis triplis adorationis, scilicet latræ, dulciæ & hyperdulciæ, sed sæpe unam pro reliquis capit & facit. Et si securum esset coram simplicibus venerationem præfæcis & incubulorum Christi promoveri in habitudine tali ad Christum, quæ sunt res artificiosæ; tunc videtur, quod multo magis promoveri deberet cultus seu veneratio talis illius aini, quem equitavit Dominus, & sic consequenter omnium Dei creaturarum, cum ut dicitur Matt. 6. *Nec Salomon in omni gloria sua cooperatus est secundum artem humanam, sicut flos in suo naturali decore adornatur, & quælibet ista creatura plus est significativa divine pulcritudinis, & excitativa plus est mentium ad erigendum se in Deum, quam aliquid tale artificio humano fabricatum, &c.* Nec apostoli magnificaverunt illum cultum reliquiarum, sed docuerunt vitam & fidem eorum, & ad imitandum illa, alios cum diligentia incitabant, & eorum memorias cum laudibus reficabant, & quicquid sit in talibus, non video quid sequitur sit eligendum, nisi ut omnes tales reliquæ sanctorum abscondantur ab oculis hominum rudium in locis privatis cum reverentia debita ac honore, cum tales homines carnales habeant ad eas respectum cultus alicujus & reverentia, magis quam ad Christum crucifixum quoniam sic & pro eo abscondit Deus corpus Moysi usque ad hodiernum diem, & Eliam ad paradysum transtulit, ne homines rudes facerent ex eis sibi idola, venerantes ea plusquam oportet, vel usque ad positionem alicujus fidei divine virtutis in talibus corporibus mortuorum. Et quicquid dicitur de corpore beatissime Virginis Mariæ, sive sit assumpta cum

cor-

ANNO  
CHRISTI  
1433.

corpore, sive non; utique Dominus voluit nos ipsum ejus corpus non habere, ne nimis plusquam oportet ipsum coleremus; & pro eo etiam & corpus B. Johannis evangeliste non apparuit, quia similiter fuisset acceptatum cum offensione plurium animarum. In omnibus profecto talibus vel aliis similibus in hoc tempore, summopere videndum est, ne forte mysterium antichristi operetur jam manifeste, & dæmonia polluant purum & sincerum cultum fidei Christianæ.

*Differentiæ collectæ inter me & doctorem.*

Jam dictis finem cupiens imponere, istas differentiæ inter me & doctorem meum reverendum recolligo.

Primo, ubi doctor tenet, quod non omnia peccata mortalia publica possunt puniri lege humana; ibi ego posui oppositum. Quod omnia peccata mortalia publica possunt puniri lege humana, legem humanam capiendo subservientem legi divinæ, & rectitudinem & justitiam ipsius imitantem; probans quod lex humana potest ad tantum deservire & subijci legi divinæ tanquam ancilla domine, quod in ipsa expresse statuitur. Executio contra omnes transgressores publicos legis divinæ, sicut fecerunt Nabuchodonosor, Artaxerxes & Asa reges, ut præmissum est.

Secundo, ubi doctor tenet, quod non omnia peccata mortalia publica ab homine sunt ex dictamine legis divinæ poenalter per judicium punienda; ibi ego posui oppositum, certis appositis circumstantiis, probans ex dictis doctorum, quia ex quo secundum eum peccata, quæ lex divina sententiat poenalter punienda, illa homo iudex potest iuxta dictamen hujus legis poenalter punire. Ego autem subsumi: Sed omnia peccata mortalia publica lex divina, saltem in communi vel particulari, sententiat poenalter punienda; ex quo sequitur conclusio; quod omnia talia homo iudex potest sic, ut dictum est, poenalter per judicium punire quamvis ego per commemorationem punitionis non intelligo supplicium mortis corporalis, sed poenam citra mortem condignam.

Tertio, ubi doctor tenet, quod prælati, sacerdotes & alii ecclesiastici pro peccatis personalibus publicis, etiam data eorum pertinacia, non sunt coram multitudine laicorum correptione fraterna caritative arguendi; ibi ego posui oppositum: Quod talia peccata prælatorum sunt in casu a laicis correptione fraterna caritative arguenda, etiam coram multitudine aliorum, & in evangelizatione per sacerdotes fideles coram clero & communi populo detegenda.

Quarto, ubi doctor tenet, quod peccata publica personalia prælatorum & aliorum ecclesiasticorum per fideles laicos non sunt punienda, etiam secundum dictamen divinæ legis, exceptis casibus paucis, in quibus dicitur: Nec eis liceret, nisi esset eis ab ecclesia concessum, & addit: Quod nec judicio condemnationis vel definitionis, ut est actus justitiæ, sunt judicanda; ibi ego posui oppositum: Quod peccata mortalia publica personalia prælatorum in defectu spiritualis

præpositi, data eorum pertinacia, & habita sufficientia & opportunitate, sunt per potestatem seculares, aut per Christi fideles laicos, secundum dictamen divinæ legis, etiam sine aliqua speciali licentia concessa, coactivè puniendi, & judicio condemnationis vel definitionis, ut est actus justitiæ, judicanda. Et non intelligo condemnationem ad mortem corporalem, sed poenam citra mortem condignam. Et hæc probavi exemplatis de Christo, qui subdidit se benivole judicio Pilati, habenti super eo potestatem; insuper & mediis aliis probavi, quomodo olim omne clericorum collegium vixit sub principum & aliorum Christi fidelium laicorum coactiva sæculi jurisdictione & punitione, & judicio secularium subiacebat, usque ad tempora Constantini imperatoris, & longe post, ut late deductum & probatum est.

Quinto, ubi doctor ponit, quod subditus populus non potest licite subtrahere decimas & oblationes a malis sacerdotibus malitia personali; ibi ego dico tui oppositum: Sed hæc causa brevitatis omni probare, committens hæc magistro Petro Payne Anglico, quia suam magis tangit materiam, & quamvis sint plures differentiæ inter me & doctorem, & si tempus vacasset, plures potuissim colligere, illas tamen non tantum adverto, ut de derivatione legis humanæ a lege æternæ & naturali, & aliis, quæ tempore opportuno recolligi poterunt.

*Explicit replica pro parte Bobemorum circa secundum articulum eorum de correctione peccatorum, prolata per organum domini Niscolai de secta Taboritarum.*

**PRÆFATIO IN RESPONSIONEM**

Pro veritate,

*Ad replicas super secundo articulo Bobemorum, qui est de poenitentia peccatorum publicorum.*

CUM excreverit ignis in immensum, patres reverendissimi, & viri spectabiles, humana solet industria aquam illi supereffundere. Unde cum nuper ollam succensam vidissem, ignemque illi suppositum adeo vehementem, ut nisi aquæ supereffusio temperasset ardorem, non modo Peccata consumsisset, sed & ollam; aquam moderationis, ut eram pollicitus, apposui, dicta venerabilis opponentis ad medium pro posse reduxi. Consequens modo est, ut quæ sit hæc aqua, & cujus virtutis, vestris excellentissimis ingenii mea parviras aperiat. Est nempe aqua quam bibens non sitiet unquam; illam autem quæ aut sitim provocat, vel non exstinguit, ostendere, aut veras ejus aperire, præsens negotium non requirit: sed illam ipsam, quæ cum flammis crepitantes nimii dissidii ad medium temperamentum reduxerit, sic plene reficit, ut aliam denuo potarus non quærat. Hæc certe est illa, de qua mulieri Samaritanæ, querenti aquam in puteo, Salvator ait: *Johan. 4. Qui biberit ex aqua*

1b. p. 415.

Ezech. 24.



ANNO  
CHRISTI  
1433.

571

*aqua quam ego dabo ei, non sitiet in aeternum.* Sed quomodo illam aquam, quam Dominus se daturum pollicetur, dare potero? Quamnam est virtus mea, ut aquam illam propinem, quam bibens non sitiet amplius? Profecto illius dator esse non possum, sed datoris minister. Siquidem Dei adjuutores sumus, Dei ministri sumus & servi. Illam ergo dabit ex auctoritate Dominus; & ego eam, ut servus Jesu Christi Domini nostri ministrabo, quemadmodum & ante ministravi. Jam cupit animus, jam aures eriguntur, ut quæ sit hæc aqua sermo describat.

## II.

Eccli. 13.  
3.

Johan. 3.  
31.

Genes. 1.  
7.

Jacob. 3.  
17.

(a) Hæc  
agebantur  
post domi-  
nicam in  
passione

Aqua ista est aqua sapientiæ salutaris, de qua Eccli. 13. dicitur, postquam de cibus scriptura memoriam fecerat: *Aqua sapientiæ salutaris potabit illum*, scilicet iustum. Hæc desursum trahit originem, quia de Verbo Patris, in quo sunt omnes thesauri sapientiæ & scientiæ absconditi, cujus coelum sedes est, & terra scabellum pedum ejus. Johan. 3. *Qui de celo venit super omnes est.* Hæ sunt aquæ, quæ super coelos esse per prophetam testantur, & quæ in capite Geneleos dicuntur esse super firmamentum. Hæc est quæ secundum Jacobum apostolum desursum est sapientiæ, tamquam fons sapientiæ in excelsis. Hic fons irrigat universum paradisi voluptatis, dividiturque in quatuor capitalia flumina, quæ sunt: tensio, visio, fructio, & omnium horum perfecta securitas. Post hæc qui in coelis regnat, in terris visus est, & cum hominibus conversatus est; qui dum fatigatus sederet ad fontem, jam se aquam daturum promissit, quam cum in cruce dormiret (sponsionem) implevit. Nam cum latus ejus miles lancea perforasset, continuo exivit sanguis & aqua. Hanc ecclesia vidit, & infra paucos dies (a) latibunda commemorabit voce suavi, dum canet: *Vidi aquam egredientem de templo a latere dextro, & omnes ad quos pervenit aqua ista salvi facti sunt.*

## III.

Hæc est sacra scriptura, quæ a verbo vite processit, qui primo patribus in prophetis locutus est; novissime autem in Filio, per quem fecit & sæcula; qui in fine sæculorum factus est ex muliere, factus est pro nobis sub lege, ut qui sub lege peccati eramus redimeret. Hic pronus humilitate fons crevit in fluvium magnum, in quatuor quoque capita, ad instar illius qui in monte est dividitur: in credenda, agenda, intelligenda & speranda. Sunt nempe libri legales in scriptura sacra, ideo est fluvius agendorum; nam lex impleri debet. Sunt historiales, ideo fluvius credendorum; sunt sapientiales, ideo fluvius intelligendorum: sunt prophetales, in quibus coelestia præmia & arcana nube teguntur, ideo fluvius sperandorum. De istis fluviiis aut fontibus aquas haurire, & in ignem mei oppositoris effundere statim incipiam; & utinam mihi dicat cum Samaritana: *Da mihi hanc aquam, ut non sitiam*, non ultra ardeam supramodum in punitione

peccatorum, neque veniam huc haurire ad puteum scientiarum sæcularium, aut nescio qualium cisternarum, per homines, non per Spiritum sanctum sufficium. Certus enim sum quod si bibero ex hac aqua, quam polliceris, si tamen verbis facta compentes, non sitiam ultra.

## IV.

Attendat ipse, cogitent & singuli, quod puteus iste aquarum viventium altus est. Erat puteus ad quem Samaritana properabat, altus, & illo non erit iste altior? Oportebat ut mulier in quo hauriret haberet, & ad hauriendum se inclinaret; & cum ista sit alta profunditas, his non indigebimus instrumentis? Dixit illa Domino, putans quod istas aquas, quas quærebat, peteret: *Puteus altus est, & non habes in quo baurias.* Quasi diceret: Aqua sine vase & sine fune de puteo haberi non potest. Dico & ego querentibus aquas vivas: Nisi vas ad hauriendum habueris, nisi funem vasi alligatum, nisi & te inclinaveris, aquam divinæ sapientiæ habere non potes. Inclinatio nempe humilitatio ingenii est: qua sic se retinet, ut imperfectum suum videns, se vagari ne oberret non permittat: quin immo captivat se in obsequium Christi; sic se certis legibus continet, ut sapiat non plus quam oportet sapere, sed ad sobrietatem; & non libere, ut philosophi, sed ad certam regulam, gigant verbum in corde, & in ore loquentis. Hæc est inclinatio necessaria.

## V.

Vas in quo aquæ sanctarum scripturarum continentur, sobria meditatio est, non curiosa investigatio, non superflua inquisitio eorum, quæ neque necessaria, neque utilia sunt saluti illorum. Etenim qui superfluis insistunt, qui prurientes aures habent, eorum studia persæpe a veritate avulsa, ad fabulas convertuntur: profecto illorum vasa ut cribrum perforata sunt, aut ut cisternæ dissipata, non valentes continere aquas. Nam tanta est audiendorum novorum ambitio, ut novis supervenientibus vetera projiciant, tales pleni sunt rimarum: si aliquid suscipiunt, hæc vel illac effluet, ut alter Parmeno, omnia audire volens, & non valens in secreto continere. Sobria autem cum humilitate ingenii inquisitio, divinas scripturas inveniet, & inventas continebit ad salutem.

## VI.

Funis vasi alligatus est longanimitas in sufferentia laborum, quam vasi alligari oportet. Nam nec sobria divinorum eloquiorum meditatio sine patientia laborum gloriosorum studii, nec labor perseverans, absque jugi meditatione sapientiæ divinæ aquas de abyssu sacrorum voluminum extrahere valebit.

## VII.

\* Magister  
Johan.  
Gerfon.

Hæc ipsa altero modo vir magnæ auctoritatis nostris temporibus cancellarius Parisiensis, \* solitus erat dicere, cohibere volens aliquorum ingenia prævolantia in scripturis aut divinis aut humanis, sic inquit: Memento te esse Christianum, abjice curiositàtem, stude quodvis. Si meminieris te esse Christianum, ingenium inclinabis ad scripturas, ipsas sequens, non eas ad tuam imaginem pertrahens. Si curiosus non fueris, sed religiosa inquisitione persequens, nec vanus scrutator majestatis, sed funem longanimitatis ad vas sobriæ meditationis ligatum habebis, studere poteris quod libebit, ex omni puteo aquas asportabis, quia ex quo & in quo haurire valeas habebis. Hæc pro me & aliis opto, ut habeam, & aquas divini verbi asseram ad ollam succentiam opponentis mei. Non igitur tædeat, patres dignissimi & mundi lumina, audire duobus diebus (a) quæ per me Dominus loqui dignabitur, & videre quale refrigerium ardori opponentis præstabo. Quod factum esse arbitror, cum per scripturas & doctores ac rationes in lege Domini fundatas, velut aquam super opera sua effudero. Quod mihi ille præstare dignetur, de cujus fontibus propheta nos in gaudio haurire prænantiat, Jesus Christus Salvator, qui cum Patre & Spiritu sancto est benedictus Deus in sæcula. Amen.

## RESPENSIO (b) AD REPLICAS

Domini Nicolai Taboritæ, super punitione peccatorum publicorum.

Facta per magistrum Ægidium Carlerii decanum Cameracensem, a sacro Basileensi concilio propter hoc specialiter deputatum.

p. 419.

**D**UM replicas contra positionem de punitione peccatorum publicorum, pro veritate factam intueor, reverendissimi patres, miror opponentem instructuos labores, inanes scilicet rationes & tela contracta contra turrim David fortissimam, quam plus quam Goliath bellatores doctores fortissimi, habentes enses rationum super semur suum, ambiunt, cingunt, custodiuntque, ut jacularet, de tam longinquis attulisse.

Ut autem clarissima vestra ingentia nullatenus suspensam, principalia puncta in quibus majorem vim fecit, de medio reliquo-

rum dictorum suorum excerptare curabo, inde fasciculum componens, & nihilominus cetera responsione digna suum locum obtinebunt.

## I.

In primis leges humanas negligit.

De duodecim pun-  
dis prin-  
cipalibus  
adversarii  
improban-  
dis.

## II.

Omnia per eas puniri posse concedit peccata mortalia publica.

## III.

Omnia quæ lex divina prohibet, humano judicio puniendi arbitrat.

## IV.

Pacem hominum quasi rem modicam putat.

## V.

Ecclesiam denique Romanam multum conculcat.

Hæc in prima audientia diffuse peregit.

## VI.

Dehinc sacerdotium evangelicum minus debito vaneratur, ipsum sternendo pedibus laicorum.

## VII.

Metum legum supremum in plectendo supplicio mortis abnegat.

## VIII.

Decimas & oblationes, quas Dominus tam stricte jussit dari sacerdotibus, judicat per laicos pro illorum sacerdotum peccatis personalibus posse auferri.

Hæc in secunda audientia.

## IX.

Tandem indulgentias parvipendit, juxta consuetam traditionis formam.

## X.

Peregrinationes improbat.

## XI.

(a.) In inferiori margine codicis ms. legitur hæc nota: Est sciendum quod iste adus duas dumtaxat habuit audientias; quia Bohemi postquam suas replicas publice fecerant; destinabant ad propria remeare; adeo ut vix sacrum concilium paucissimos dies, pro faciendis per suos deputatos ad hujusmodi replicas responsione, potuerit impetrare; quos binos cuiuslibet eorum ad responsiones peragendas deputavit; hoc excepto, quod tertius & quartus pro parte concilii communis, solum tres dies habuerunt hoc modo distributos; quod tertius partem suarum responsionum esse prima pronuntiavit, & quartus mox, illo tacente, partem suarum protulit; alius diebus tertius reliquam partem dixit, & illo suam dictis imponente, quartus subsequenter finem faciendo responsionem suam complevit.

(b.) ad. Responso magistri Ægidii data coram patribus concilii, in congregatione generali assente laicorum nobilium copia, ad replicas domini Nicolai memorati anno Domini 1433.



ANNO  
CHRISTI  
1433.

XI.

Sanctorum martyrum aliorumque Dei electorum reliquias.

XII.

Venerabiles quoque imagines cum improperio arguit.

Hæc omnia piis catholicorum auribus multiplici sermone narravit in tertia audientia; ad quæ & illis adjuncta, quæ prout colligere potui, numero duodenario comprehensuntur, cum fiducia magna responsa, sufficientia dabo, salutarem detegam, veritatem aperiam, priora dicta mea ad modicum suis objectionibus inclinata relevans, illius dicta evacuabo, & dissipando, auxiliante Deo, prouternam. Hæcabit igitur actus istud puncta complectentia tres audientias illius.

Actus primæ dicti.

Quoad primum in quo elidere festino sex dicta, in quibus dictis meis prioribus adversatur, hunc ordinem tenebo. Primo ostendam illa non esse vera, & rationes suas solvam. Secundo ostendam non sufficienter eum meis rationibus satisfecisse.

I. Pannum.

Igitur primum dictum suum est de lege humana. Dicit enim illam ultra legem divinam & naturalem non esse necessariam simpliciter, ita quod sine illa non sufficienter possit dirigi respublica, vel genus humanum; pro cuius improbatione suppono communem divisionem necessitatis. Et enim necessitas absoluta, & ex suppositione finis. Prima est secundum quam aliquid non potest non esse. Secunda est ex suppositione, secundum quam, si aliquid velit finem suum consequi, oportet illud adesse. Igitur, juxta illam secundum modum necessitatis, dixi in positione mea, quod ultra legem æternam & naturalem, est ponenda lex humana; & nunc conformiter ad illa dico, quod hoc secundo modo, necessitatis, est necessaria. Nam si politice homo vult vivere, valde utile est habere leges humanas; & hujusmodi est secundus modus necessitatis, secundum quem dicitur Gen. 43. *Si sic necesse est, facite quod vultis.* Et Tobie 12. *Quia accepimus eras Deo, necesse fuit ut tentatio probaret te.* Et in capite Hagogarum Porphyrii ad Categorias Aristotelis dicit Porphyrius suo discipulo, „Cum sit necessarium, Grizafon, ad eam quæ secundum Aristotelem est prædicamentorum notitiam, nosse quid sit genus, quid species. „ Et hoc repugnat uni de dictis suis, scilicet secundæ parti primæ propositionis suæ, quæ talis est: Quamvis lex æterna sit ponenda in summo omnium principe, non tamen ultra hanc æternam legem & naturalem, necesse est ponere legem humanam, ita quod sine ea non possit dirigi respublica seu genus humanum. Credo quod intelligat & velit dicere, quod sine lege humana populus per legem divinam & naturalem sufficienter & convenienter possit dirigi in suum finem ultimum. In

hoc ei contradico, non tamen quod hoc sit ex insufficientia divinæ legis, sed ex parte nostra.

Necessitas igitur legis humanæ probatur ex quadruplici radice. Prima sumitur ex parte cognitionis humanæ; secunda, ex parte affectus illius; tertia, ex parte materiæ legis; non materiæ, inquam, circa quam, sed eorum de quibus lex fertur; quarta, ex parte finis legis humanæ. Dux primæ radices in parte deductæ fuerunt, & ibi dicta pro repetitis habeantur; superest aliqua addere eisdem.

Cum omnis multitudo ab uno profluat, transtritur ad uno in multitudine ordine quodam; inde est quod species rerum sunt sicut numeri, et quod sicut res incipiunt distare a primo, incedunt in majorem compositionem et defectum ac mutabilitatem, suntque disti miliores ac densiores; omnisque perfectio inferiorum continetur eminenter in superioribus; unde vegetivum in sensitivo, et sensitivum in rationali, et rationale in intellectu perfectione aliter continetur. Ideo secundum hanc librum de differentiis: Ratio oritur in in umbra intelligentiæ; sensitivum in umbra rationis; vegetivum in umbra sensitivi. Hinc est quod res inferioris ordinis non potest adæquare perfectionem superioris, manentibus utrique in sua specie. Propterea dictum fuit in positione, quod ratio humana non potest ad plenum pertinere dictamen divinæ sapientiæ, quippe nec angelica, ad cuius plenitudinem homo per naturam attingere non sufficit. Si enim angelica conceptio poneretur in intellectu humano, non posset humanus intellectus comprehendere omnia quæ intelligit angelus: si ad imaginationem intellectus poneretur in potentia æstimatoria, non posset universaliter, sed tantum particulariter per eam cognoscere. Sicut ergo per eam non posset syllogizare ex universalibus, quamvis in se haberet universalem conceptionem, quia scilicet, non comprehenderet eam: sic ratio humana divinam aut æternam legem non comprehenderet. Ideo, eito quod lex æterna sit de se sufficiens ad directionem humanorum actuum; nam per eam solam Deus omnia gubernat: tamen quia homo eam capere ad plenum non sufficit, oportuit ei universalitatem ejus per legem humanam partiri & dividere, ut ait Dionysius, quod superiores angeli illuminando inferiores, suam sapientiam inferioribus divicunt. Sic facit & magister suo discipulo, cum eum instruit. Hæc videlicet ad elucidationem primæ rationis ibi factæ.

Secunda vero ratio sumta fuit ex parte affectus et exinde actionis, quia voluntas movet ad exercitium actus; cui addendum est pro ejus declaratione, quod ex quo prout sunt sensus humani cordis ad malum ab adolescentia, non sufficit, ut communiter monitio, sed requiritur disciplina coactiva, quæ metum inferat, propter quem nostra bestialitas a maximis delectationibus, ut illa quæ est pecudum, ardetur; unde scriptum est Exod. 20. *Ut probaret vos venit Deus, & ut terror illius esset in vobis, & non peccaretis.* Cui consonat id:

Ord.

ANNO  
CHRISTI  
1433.ANNO  
CHRISTI  
1433.

Oderunt peccare mali formidine poenae. Licet autem divina lex poenas aeternas comminetur, tamen illis non terrentur ad temporalia inordinate depreſſi: quorum cogitatio futura non proſpicit, aut parum, praefentibus immerſa & infixi in limo profundi. Propterea neceſſaria fuit lex humana, quae poenas ſenſibiles de propinquo minaretur, & mox tranſgreſſoribus infligeret; per quas vitioſos aut ad vitia pronos a noxiis retraheret, & earum metu aſſueſcerent virtutibus. Et haec ratio innuitur Eccli. 7. 6. cum dicitur: *Noli velle fieri iudex, niſi virtute valeas irrumper e iniquitates.* Et ab Iudoro 5. Ethimolog. & habetur di. 4. cum dicitur: *Factae ſunt leges, ut earum metu humana coarceatur audacia.*

Jam dictis meis ſuperaddo tertiam rationem, ſuntam ex parte materiae circa quam, ſive obſecti legis novae, & arguo: Omnis habitus determinatus circa aliquod obſectum, alia, quae ad illud non habent neceſſariam habitudinem, praemittit, aut non principaliter intendit: ſed lex evangelica circa gratiam principaliter verſatur; igitur lex evangelica non praecipit aut prohibet ea quae ad gratiam non habent neceſſariam habitudinem. Major nota eſt intelligenti: minor patet per Apoſtolum Rom. 4. dicentem: *Ubi eſt gloriatio tua? excluſa eſt: per quam legem? faſtorum? non: ſed per legem fidei, & haec eſt lex evangelica.* Nam Rom. 8. eam vocat legem ſpiritus vitae, cum ait: *Lex ſpiritus vitae in Chriſto Jeſu liberauit me a lege peccati & mortis.* Et oſtendens quod per legem veterem hoc fieri non poterat, ſed per novam, ſubdit: *Nam quod impoſſibile erat legi, in qua infirmabamur per carnem, Deus filium ſuum mittens in ſimilitudinem carnis peccati, & de peccato damnavit peccatum in carne, ut juſtificationis legis impleteretur in nobis, qui non ſecundum carnem, ſed ſecundum ſpiritum ambulamus.* Et hoc Dominus, de dilectione Dei & proximi loquens, teſtatur, cum ait Matt. 22. *In his duobus mandatis tota lex pendet & propheta.*

Ex qua ratione apparet, quod cum dupliciter aliqua poſſint pertinere ad gratiam. Uno modo, ſicut inducentia aliquid ad gratiam, ut opera ſacramentorum novae legis; aut ad eam diſponentia, ut fides, quantum ad intellectionem; & contentus mundi, quantum ad effectum. Alio modo, ut gratiam ſubſequentia. Sola talia principaliter a lege evangelica inſtituuntur, praecipuntur aut prohibentur, eo quod ad gratiam non habentia praedictam habitudinem, ſunt ſatis peregrina regulae legis evangelicae, cujus conſideratio principalis eſt introducere ad gratiam. Omnis ſiquidem gratia ad nos profluat per Jeſum Chriſtum hominem factum, Johan. 1. *Vidimus gloriam ejus, gloriam quaſi uniſeſſi a Patre, plenum gratiae & veritatis.* Poſt pauca: *De plenitudine ejus omnes accepimus, gratiam pro gratia; quia lex per Moſen data eſt, gratia autem & veritas per Jeſum Chriſtum facta eſt.* Et hoc intelligendum eſt de his quae habent neceſſariam convenientiam aut contrarietatem ad ipſum. Unde ſi habent neceſſariam habitudinem convenientiae, praepcepta ſunt in le-

Conſilio. Supplem. Tom. IV.

ge nova, ut eſt confeſſio fidei, tempore quo oportet eam conſiteri. Si contrarietatem: prohibita, ut eſt negatio ejus.

Ex quo ſequitur ſecundo, quod illa, quae ad gratiam non habent neceſſariam habitudinem, ſicut praedictum eſt, non ſunt praepcepta aut prohibita ex ipſa prima legis inſtitutione: ſed reſicta ſunt a Chriſto legiſlatore unicuique, ſecundum quod curam gerere debet, & in talibus licet cuilibet praefidenti circa talia ordinare ſuis ſubditis, quid talibus eſt faciendum aut vitandum. Lex enim verus multa determinabat, & pauca relinquebat libertati hominum determinanda. Haec ex beato Thoma habentur prima ſecunda q. 106. & 108. in diverſis locis.

Idem e. q. 108. ar. & in pe. dicit ſic: Cum evangelium ſit lex gratiae, illa ſolum praecipere debuit per quae in gratiam introducitur, & prohibere per quae excluditur, vel quae pertinent ad rectum uſum gratiae ex neceſſitate. Quoniam igitur gratiam ex nobis conſequi non poſſumus, ſed per Chriſtum ſolum; ideo ſacramenta, per quae gratiam conſequimur, ipſe Dominus inſtituit per ſeipſum. Rectus vero uſus gratiae eſt per opera caritatis, quae ſecundum quod ſunt de neceſſitate virtutis, pertinent ad praepcepta moralia. Sed quia iſtae determinationes non ſunt de neceſſitate gratiae interioris, in qua lex nova conſiſtit, ideo non cadunt ſub

praepcepto novae legis; ſed relinquantur humano arbitrio; quaedam quidem ad ſubditos, quae ſcilicet pertinent ſigillatim ad quemlibet; quaedam ad praelatos ſpirituales vel temporales, quae ſcilicet pertinent ad utilitatem communem. Hinc eſt quod lex nova nulla alia determinare debuit exteriora opera praecipiendo vel prohibendo, niſi ſacramenta & moralia praepcepta, quae de ſe pertinent ad rationem virtutis, ut eſt: Non eſt occidendum, non furandum, &c. Haec ex Thoma ubi ſupra. Igitur cum multa ſint requiſita circa uſum & ritum ſacramentorum, & impletionem operum virtutum, quae per legem evangelicam determinata non ſunt; neceſſe eſt eſſe leges humanas eccleſiaſticas aut civiles haec determinantes.

Dices quia non oportet; quia vir prudens & fidelis omnia talia recte diſponet & ordinabit. Reſpondeo quod non; & mihi in promptu occurrit quod dicit Ariſtoteles 2. Rhetoricae, & Thomas recitat 1. 2. q. 95. ar. 1. ad ſecundum, ibi determinat; Quod melius eſt omnia ordinari lege, quam dimittere iudicium arbitrio; propterea primum, quia facilius eſt invenire paucos ſapientes, qui ſufficiunt ad rectas leges condendas, quam multos ad recte iudicandum de ſingulis. Secundum, quia hi qui ponunt leges ex multo tempore conſiderant, quid lege ferendum:

E iudicia autem ex ſubitis cauſis ortis ſunt. Facilius autem ex multis conſideratis poſſeſt homo videre quid rectum ſit, quam ſolum ex aliquo uno faſto. Tertium, quia legiſlatores iudicant in univerſali & de futuris: ſed homines iudiciis praefidentes, iudicant de praefentibus, ad quae interdum afficiuntur amore vel odio, aut cupiditate; & ſic eorum iudicium depravari poſſeſt. Quia igitur juſtitia animata iudicis non in multis invenitur,

O o

&amp; quia

Quae a lege  
evangelica  
inducuntur,  
praecipuntur  
aut prohibentur  
principali-  
ter.

Melius eſt  
omnia de-  
terminari  
lege, quam  
committi  
iudicium  
arbitrio.



ANNO  
CHRISTI  
1433.

579

& quia flexibilis est, ideo necessarium fuit, in quibuscumque est possibile legem determinare, de quibus judicandum est, & paucissima committere hominum arbitrio. Apparet igitur necessitas legis humanæ ecclesiasticæ vel civilis, ultra legem evangelicam. Iterum erant in lege veteri ultra sacrificia sacra; unde in lege nova esse debent. Tamen quia in eis non confertur gratia, nec pertinent ad necessitatem ejus, ut in consecratione templi, aut altarium, aut benedictione calicis, in celebritate solemnitarum, & de similibus; ideo talia Dominus instituenda fidelibus dereliquit pro suo arbitrio. Rursus quia judicialia considerata, quoad talem vel talem determinationem, non sunt de necessitate virtutis, licet sint, quantum ad communem rationem, justitiæ; ideo judicialia præcepta reliquit Dominus disponenda his qui curam aliorum erant habituri, vel spirituales vel temporales. Est bene verum, quod circa præcepta judicialia veteris legis, quædam explicavit propter malum intellectum Phariseorum. Hæc ex Thoma prima secundæ quæst. 108. ar. 2. ad 2. & 4. Illud autem quod dictum est de judicialibus præceptis ordinandis ab his qui præesse poterant in futurum, est accipiendum de judicialibus tempore gratiæ, non de judicialibus veteris legis; saltem illa ratione qua tunc obligabant. Sic patet ex ista radice, quod oportet ultra legem evangelicam ponere legem humanam.

Quarta ratio necessitatis legis humanæ.

Ex quarta, quæ est finis legis humanæ, ostendo necessitatem hujusmodi legis modo dictæ. Leges humanæ habent pro fine conservationem pacis politicæ, ad quam venit, & ea parta servatur per hoc, quod hominum audacia legibus arcetur, & nocendi facultas refrænatur; quoniam ex hoc tuta est inter improbos innocentia, quod, formidato in improbis supplicio, audacia ipsa & nocendi facultas cohibetur. Hoc patet in decreto di. 4. Faciæ sunt leges prius allegato. Ipsa autem audacia aut facultas nocendi, etsi divina lege prohibeatur; tamen quia viri iniqui Deum non timent, nec judicia ejus expaveſcunt, nec curant poenas æternas illis præparatas, necesse est humanis constitutionibus poenas sensibiles deputare sceleribus, quas timeant, quarumque terrore a malis propellantur. Et hoc facit lex humana. Ideo si quiete, si pacifice velint homines vivere in communitate politica, oportet tales leges esse sancitas. Propterea in capite decreti dicit Gratianus: Humanum genus duobus regitur: videlicet naturali jure & moribus, & declarando quid naturali jure & moribus intelligat, accipit verba Iſidori 5. lib. Etimologiarum dicentis: „Omnes leges aut divine sunt aut humanæ; „divinæ natura, humanæ moribus constant. Negare autem necessitatem seu utilitatem legum humanarum, est negare decretum in capite, est negare doctores sequentes, de illis mentionem facientes, & eas valde utiles ostendentes. Primo autem Augustinus ad Macedonium, qui ait: „Instituta potestas regis & jus cognitoris, unguis carnificis, &c. ut alias in positione allegavi. Sequitur: Habent ista omnia modos suos. Glo. ad quid fiant, causas; quia,

ut dicit glo. sine causa nemo puniendus est. Rationes glo. Nam secundum leges judicandum est. Utilitates, nam glo. teste, hoc solum bene agitur, ut vita hominum corrigatur. de hoc 22. q. 5. *Non frustra & c. q.* „ad finem. Dicit Augustinus contra Petilianum hæreticum loquens de legibus humanis; sic igitur quæ adversus vos leges constitutæ sunt, non eis bene facere cogimini, sed male facere prohibemini. Nam bene facere nemo potest, nisi amaverit, quod est in libera voluntate. Cum aliquid adversus vos leges constituunt, admoneri vos credite, ut cogitetis quare ista patiamini.

Secundo Ambrosius super epistolam ad Romanos, & habetur 23. q. 11. *sicut sunt quædam*. Ostendit necessitatem seu utilitatem hujusmodi legum humanarum, & loquitur de civilibus legibus, ait enim: Sicut sunt quædam enormia flagitia, quæ potius per mundi iudices, quam per antistites & retores ecclesiarum judicantur, sicut est cum quis interficit pontificem apostolicum, episcopum, presbyterum, sive diaconum; hujusmodi reos reges & principes mundi damnant. Ego non sine causa gladium portant, qui talia scelera vindicant. Sunt enim maxime constituti propter homicidas, raptores, ut & illos damnent, & alios suo timore compescant.

Item Augustinus 3. decim. & habetur eisdem causa & q. *Non est*; dicit: „Non est innocentia parcendo finire ut in malum gravius incidatur. Pertinet ergo ad innocentis officium, non solum nemini malum inferre; verum etiam cohibere a peccato, vel punire peccatum; ut aut ipse, qui prius odio habebatur, corrigatur exemplum, aut alii terreamur exemplo. Præterea idem ad Vincentium Donatistam ait: Vides, ut opinor, non esse considerandum, quod quisque cogitur, utrum bonum aut malum, sed quale sit id quo cogitur: Non quod quisque bonus esse possit invitus, sed timendo quod non vult pati, vel relinquit impediendum animositatem, vel ignoratam compellitur cognoscere veritatem, ut timeas vel respuat falsum de quo contendebat, vel querat verum quod nesciebat, & volens jam teneat quod nolebat. Sequitur postea. Civitas mea, quæ cum tota esset in partes Donati, ad unitatem catholicam legum imperialium timore conversa est, quam nunc ita videmus hujus animositatis vestigia, perneciem detestari, ut in ea nunquam fuisset credatur.

Porro Pelagius papa 23. q. 5. c. *Non nos*. ait ibi paulo post initium. Si ut illi putant, nemo est reprehendus a malo, nec retrahendus a malo ad bonum; humanas ac divinas leges necesse est evacuare, quæ & malis poenam & bonis præmia, vel justitia suadente, constituunt. Malum autem est schisma esse, & per exteras etiam potestates hujusmodi opprimi debere homines & canonicæ scripturæ auctoritas, & patrum nos regularum veritas docet. Ibi inducitur constitutio concilii Calcedonensis; & consequenter Augustinus, qui de talibus ait: Multa cum invitis benigna qua-

ANNO  
CHRISTI  
1433.

ANNO  
CHRISTI  
1433. „quadam asperitate plectendis, agenda sunt,  
„ quorum potius utilitati consulendum est,  
„ quam voluntati.

Idem Pelagius Narfi patricio capitulo de  
Liguribus, dicit: De illis qui schisma in ec-  
clesia faciunt, quod excommunicantur: Si  
vero sententiam illam contemnunt, per po-  
testates publicas, hoc est seculares, oppri-  
mantur. De hoc Pelagius papa ait cap. se-  
quenti *qualis*, in quo dicit, *sic*. Hoc enim  
„ divine & humane leges statuerunt, ut ab  
„ ecclesiæ unitate divisi, & ejus pacem ini-  
„ quissime perturbantes a secularibus pote-  
„ statibus comprimentur. Mille auctoritates  
adduci possent ab extra, quibus eviden-  
ter probaretur, ut facientes scissuras in san-  
cta ecclesia, non solum exiliis, sed etiam  
proscriptione rerum & dura custodia per  
publicas potestates debeant coerceri; etiam  
patet legum humanarum ultra evangelicam  
necessitas seu utilitas; & ad hoc hanc uni-  
cam rationem ultra præmissis appono.

Ratio pro  
necessitate  
legum hu-  
manarum.  
Omnis dominus curam habens de subditis,  
leges accomodas & statuta imponere habet,  
quibus illi sint obediens dominio, & paci-  
fice inter se converſentur. Non enim po-  
tentia aut voluntate regi vult humanum  
genus; sed arte & rationibus. Igitur aut  
negare oportet omne dominium humanum,  
aut concedere leges humanas fore necessa-  
rias seu permultum utiles. Primum negari  
non potest, cum homo sit natura sua animal  
domesticum, civile, sociale, & politicum.  
Ergo necesse est concedere necessarias modo  
dicto esse leges humanas; & quod sola lege  
evangelica non potest hominum politia regi,  
non ex insufficientia illius, sed impoten-  
tia humane rationis, quæ omnia myſteria  
& sacramenta legis divine comprehendere  
non valet, & ex infirmitate voluntatis ra-  
tionalis ad malum proclivis, nec timentis  
Deum, quam timor legum humanarum com-  
promittit. Unde hoc modo serviunt reges do-  
mino in timore.

Si bene dicta replicantis considero, in il-  
lis invenio repugnantiam; in 2. parte primæ  
propositionis dicit quod lex humana ultra  
legem divinam & naturalem non est neces-  
saria: immo sine illa potest regi respublica  
& genus humanum; & cum existimaverat  
hoc probasse, subjungit; quod non sunt re-  
sponſuende leges humane. Sed dico, inquit,  
quod non obligant, nisi ut disponant ad  
legem divinam; ex quo sic arguo: leges hu-  
mane obligant secundum eum & disponunt  
ad observandum legem divinam, & ad hoc  
ab omni fidei principe statuente ponuntur:  
igitur leges humane obligant, & si sic ne-  
cessitant, & per consequens sine illis utili-  
ter respublica regi non potest. Major est  
sua, minor nota est omni intelligenti. Palam  
enim est quod leges humane ad hoc politæ  
sunt, ut quos Dei timor a malo non revo-  
cat, flagella legis deterreat, & ex hoc a  
malis arceantur. Illæ etiam quæ sunt de con-  
tractibus, ideo statutæ sunt, ut servetur ju-  
stitia. Omnes autem ad pacem servandam  
ordinantur, quæ est conveniens medium ob-  
sequendi divinis mandatis. Item quia non  
est lex dicenda, quæ non imitatur, ut po-  
test, divinam, & ex illa imitatione habet

Concilio. Supplem. Tom. IV.

ANNO  
CHRISTI  
1433.

vim obligandi; igitur omnis lex subditos  
obligat post suam promulgationem, & in  
foro conscientie ex parte quæ aliquid divi-  
næ & naturalis legis in illa splendet & re-  
fulget.

Post hæc ad suas replicas respondeo. Ad  
primam, ubi arguit, quod lex Moſayca erat  
per se sufficiens ad regimen ecclesiæ mili-  
tantis: dico quod lex Moſy erat lex parti-  
cularis uni populo data, in qua ultra præ-  
cepta moralia, quæ pertinebant ad legem  
naturalem, erant præcepta judicialia, ordi-  
nantia hominum actus in judiciis cauſarum  
& contractibus aliisque ad invicem communi-  
tationibus. Erant & cerimonalia, determi-  
nancia cultum erga Deum; & ita in ea e-  
rant sufficientia præcepta pro illo populo.  
Lex vero evangelica sufficienter præcepta  
dedit de sacramentis, per quæ inducitur  
per modum instrumenti gratia, & de aliis  
ad ipsam gratiam disponentibus, & de recto  
usu gratiæ, qui est per opera caritatis, &  
de oppositis dedit prohibitiones. Alia au-  
tem, quæ nec ad gratiam introducunt vel  
disponunt de se, nec ad rectum usum ejus  
ex necessitate pertinent, quia sunt illi legi  
peregrina, aliquo modo relicta sunt a Chri-  
sto legiſlatore aliis reſtoribus, considerata  
imperfectione humane cognitionis.

Concederem tamen, si quis divinam ſcri-  
pturam comprehenderet, ut legiſlator Deus,  
quod nihil ultra statuere oporteret. Sed quia  
non sic est, oportet modo prædicto in civi-  
libus aliqua fuiſſe ſtatuta præcepta ad usum  
gratiæ: quia gratia manente, poſſet ſic vel  
aliter fieri. Concedo inſuper, quod in ea ſit  
fides ecclesiæ; & exemplar regiminis ejus  
etiā ſit in ſe planiſſimum, non tamen nobis,  
cum ipsam ſtudio elucidemus, & elucidan-  
do vitam mereamur æternam. Quamvis e-  
tiam in ea ſit omnis ſubtilitas; tamen quia  
eam comprehendere non valemus; nam pute-  
mus iſte altus eſt, & non habemus in quo  
hauriamus, multa humano ingenio, ad ejus  
obſervantiam ſubſervientia, inventa ſunt,  
placet mihi quod neceſſaria ad ſalutem ſuf-  
ficienter tradit lex nova.

Ad rationem cum dicit: univerſitas legum  
ſufficit, &c. concedo majorem, prout leges  
ſunt expreſſæ & populo in ſpeciali promul-  
gate. Ad minorem dico, quod illo modo non  
ſunt in lege divina, ſed ſunt in ea modo  
excellentiore, ſicut ſenſitivum eſt in intelle-  
ctivo modo nobiliori, quam in ſe. Nam u-  
numquodque quod eſt in aliquo, eſt in eo  
per modum ejus in quo eſt: in illa autem  
perfectione, qua omnis veritas & omnis lex  
eſt in lege divina, non valet ab imperfectione  
humana omnis lex plene intelligi, ut ſuf-  
ficienter regulat actus humanos: ſicut ſcien-  
tia, illo modo quo eſt in doctore, non illu-  
minat diſcipulum, niſi per doctorem divida-  
tur & partite eidem tradatur. Ubi quæſo  
forma judicij in foro exteriori expreſſe re-  
peritur in novo teſtamento? ubi de civitate  
tuenda? ubi de numiſmate fabricando? ubi  
de cenſibus? ubi de commutationibus? ubi  
de poſſeſſionibus hereditariis? ubi de teſta-  
mentis? ubi de ſepulturis & de innumera-  
bilibus talibus, quæ utique tradere per le-  
gem neceſſarium, hoc eſt, utile fuit. Per



ANNO  
CHRIST.  
1433.

ista paret intelligenti solutio.

Ad dictum Damasceni, illud est verum. Nam quæ de Deo dici possunt aut expresse aut implicite, in divinis eloquiis tradita sunt: sed leges humanæ de Deo non traduntur, sed de actibus humanis & concernentibus regimen humanum. Hæc autem ad gratiam necessariam non habent habitudinem in particulari, quæ salva gratia variari possunt.

Ad dictum Gregorii 23. Moraliū, illud concedo. Nam posset intelligi dictum suum de possibilibus evenire, pertinentibus ad salutem ex habitudine necessariā, ut sunt sacramenta, virtutes theologice & opera caritatis. Si de aliis intelligatur, adhuc est verum, quod Deus quidquid potest evenire, simul in scriptura sacra comprehendit; quia unus verbo dicit se & alia; quia etiam scripturam sacram comprehendit. Sed quia homo illam non sufficit comprehendere, non potest sic omne tale distinde intelligere in ea. Placet enim mihi, quod per exempla præsentem vitam sequentium informare curavit, in his scilicet quæ pertinent ad salutem: sed adhuc in civilibus & aliis restat informanda. Si de necessitate absoluta intelligat replicans, legem humanam non esse necessariam, in hoc mihi non contradicit, quia de illa nolui loqui in positione mea. Posset enim Deus per alium modum providere regimini populi de potentia sua absoluta; etiam per prudentiam humanam multa fieri possent circa illud. Non reperio quod ad rationes tunc factas pro necessitate, de qua loquor, dederit aliquod responsum; quia iudicio meo concludunt propositum.

Secundum  
dictum ad-  
versarii.

Secundum dictum replicantis contra secundam partem tertie propositionis meæ est: quod omnia peccata mortalia publica possent puniri lege humana; & ego dixeram oppositum. Fuerat enim propositio mea ista: quamvis omnia peccata mortalia & maxime publica, sint a quolibet fideli detestanda; non tamen omnia possunt puniri lege humana. Non est opus dicta mea novis fulcire rationibus, quia firma sunt. Duo solum circa hoc restant faciendū: unum est evacuare suas rationes, aliud ostendendum quod non solvit meas; & istud secundum fiet circa finem hujus puncti.

Contra se-  
cundum  
dictum ad-  
versarii.

Præquam tamen ad primam rationem suam respondeam, concordet dicta sua ad invicem, quæ utique repugnare videntur. In prima suppositione sua posuit, quod lex evangelica excedit Moysicam in extirpatione vitiorum, & punitione eorum, &c. Et subiungit, quod lex humana deficit ab ea, quia ipsa non punit omnia, & evangelica omnia punit; & modo dicit legem humanam omnia posse punire, & rationes prætendunt, quod aliquæ leges tales omnia puniunt, & ista non stant simul.

Ad pri-  
mam re-  
plicam e-  
jus.

Ad primam tamen rationem, cum assumit illud Danielis 3. de Nabuchodonosor. *A me positum est decretum hoc: Quicumque blasphemaverit contra Deum Sidrach, Misach & Adenago, dispercat & domus ejus vastetur*; Dico primo, quod illud decretum loquitur solum de punitione peccati blasphemie, quod etiam multis legibus humanis punitur modo: non loquitur de omni peccato; non de pec-

cato comestationis, rixæ ad invicem, simplicis meretricii, fraudis, mendacii & multorum talium. 2. Dicit posset quod illud decretum videretur quidem explicatio esse legis divine. Nam ex miraculo liberationis trium puerorum de fornace, motus est protumpe- re in hujus verba decreti, & hoc est quod dicitur ibi sic: *Signa & mirabilia fecit apud me Deus excelsus: placuit ergo mihi prædicare ejus signa, quia magna sunt, & mirabilia ejus, quia fortia; & regnum ejus, regnum sempiternum, & potestas ejus in generatione & generationem*. Et ista moverunt eum statuere decretum; quod quicumque blasphemaret ipsum Deum excelsum, disperiret & domus ejus vastaretur. Unde ex hoc magis arguitur, quod lex divina puniat, quam lex humana, cum est sit ab homine, hoc est magis in quantum inhiere divinæ legi quam humane. Et tamen, si sit punire humanum decretum, si aliter, tamen est de particulari peccato, scilicet blasphemie. Ex quo non potest concludi universale, scilicet, quod omne peccatum lex humana puniat.

Ad secundam cum arguit per illud 1. Esdræ 7. *Rex Artaxerxes locutus est ad Esdræm: Tu autem Esdras secundum sapientiam Dei constitue iudices*: dico quod illud decretum regis est, ut lex divina servetur, & per iudices ab Esdra constitutos, transgressores ejus puniantur; & dicit quanti sunt, & illud intelligitur aut poena per hominem infligenda, & hoc servatur tribus sæpe dictis, jurisdictione, convictione & pæce; aut in futuro per divinum iudicium. Quod autem sint vera, patet ex glo. ordin. sic dicitur: „Justus in manu sua legem Dei” & sapientiam habet, dum in omnibus quæ arguitur & loquitur, memorem se divine voluntatis ostendit. Sequitur: „Mythice autem Dominus noster habet sapientiam in manu sua. Ipse enim est Dei virtus & Dei sapientia; constituit iudices, id est præfules animarum, qui secundum voluntatem ejus judicent omnia, & indoctis fidem per orbem prædicent; & omnis qui decreta legis illius contemnit, præsentem sententia vel futura, juxta modum peccati sui punietur.

Ad ter-  
tiam

Ad tertiam cum arguit per illud 2. Paralip. 13. de Asa rege, ubi dicitur sic: *Rex intravit ex more ad corroborandum fœdus, ut quærent Dominum Deum patrum suorum in toto corde & in tota anima, &c.* dico quod istud intelligitur non de poena pro omni peccato, sed de poena infligenda pro peccato idololatriæ. Volebat rex juxta institutionem Obed prophetæ, populum suum, sine lege Dei existentem, ad divinæ legis observantiam revocare; in principio enim capituli dicitur: *Transibunt autem dies multi in Israel absque Deo & absque sacerdote & doctore*, &c. Et hoc habetur solum, quoniam peccatum idololatriæ punire voluit Asa rex. Ex quo non potest concludi quod omne peccatum humana lex puniat.

2. Par. 13.

Tertium dictum replicantis contra secundam partem conclusionis mei primi puncti dictum est; quod omnia peccata mortalia publica, divina lege expresse vel implicite prohibita, sunt

Tertium  
dam partem  
conclusionis  
mei primi  
puncti dictum  
est; quod omnia  
peccata mortalia  
publica, divina  
lege expresse  
vel implicite  
prohibita,  
sunt

ANNO  
CHRISTI  
1433.

sunt ab homine ex diffamiae huius legis, data pertinacia & ad hoc habita opportunitate: & sufficientia poenaliter per iudicium ipsi legi conforme puniendi, stante saltem brachio seculari & spirituali in suo ordine a Deo approbato. Ego autem dixi oppositum, in secunda parte conclusionis praedictae. Nam conclusio fuerat: Licet omnia peccata mortalia sint divina lege expresse vel implicite prohibita, non tamen omnia peccata mortalia publica ab homine sunt ex diffamiae huius legis poenaliter per iudicium puniendi. Haec, inquam, secunda pars meae conclusionis repugnat suo dicto, nisi vellet facere unam restrictionem in illis terminis, habita ad hoc opportunitate & sufficientia, ut vellet dicere, quod talia peccata sunt ab homine, quantum opportunitas requirit, & quantum sua potentia se extendit, puniendi; & tunc si vellet dicere, quod hoc non sufficit ad omnia, non contradiceretur mihi; si vellet dicere, quod sufficit, esset contradictio inter nos.

Impugna-  
tio tertii  
dicti re-  
plicantis.

Dicti autem sui subtilitas patet ex duplici radice. Prima sumitur ex altitudine legis divinae, arguitur sic. In omni agente per intellectum, necesse est esse formam cognitionis ab ipso operandum, alias enim ageret a casu: igitur iudex vindicans, debet in se habere formam legis secundum quam ferat sententiam & executionem dirigat. Haec autem forma est sibi regula, sicut conceptio artis est regula secundum quam artifex manum conducit ad opus & instrumenta. Si vero potentia executiva non sit adaequata formae artis in mente artificis, sed demissior & apotelesmata seu instrumenta secundum illam formam intelligibilem non valeant in materia explicare ad plenum, iste artifex concipiet quae facere non poterit: ita si lex, quae est rectori regula, sit forma intelligibilis altior & universalior, quam potentia executiva ipsius rectoris, immo nec illam formam legis rector comprehendere possit in toto suo ambitu, non poterit executioni demandare omnia quae lex jubet. Modo sic est in proposito. Lex enim divina est sit fidei rectori ratio & forma ac regula sui regiminis, quia tamen nec illam comprehendere valet, nec potentia adaequata illi legi subest rectori, ut omnia praeccepta exequatur, cuius ratio est, quia lex divina est secunda hominis regula excedens, sequitur quod non possint humano iudicio omnia peccata mortalia, utique illa lege divina prohibita, puniri.

Secunda radix sumitur ex parte fori vel tribunalis legis divinae, & sic arguitur: Nullius legis praeccepta sufficienter executioni demandantur, nisi in foro sibi competenti & proprio. Proprius autem forus divinae legis & competens, non est forus causarum contentiosus, in quo tamen solo iudicat homo ut homo. Igitur in foro contentioso non potest sufficienter lex divina ab homine exequi. Minor sic probatur: Deas suum tribunal, in quo secundum suam legem vindicat & punit, habet, ut homo habet suum: tribunal vero legis divinae, in quo etiam de secretis cordium, & de omnibus publicis peccatis mortalibus iudicatur, est in foro conscientiae, & in finali iudicio. Nam in primo

de omnibus mortalibus confessatur, vindicta imponitur. In finali iudicio similiter de omnibus mortalibus in primo re aut voto non condonatis. Et si in aliquo horum tribunalium homo ut homo posset sedere & iudicare, concederemus quod ab homine possent omnia peccata mortalia publica puniri; sed quia non sic est, non concedo bene pro veritate huius partis meae, & confutationi huius dicti opponentis: sufficient mihi auctoritates divinae scripturae, praxis Christi, primitivae ecclesiae & apostolorum, sacrorum canonum & doctorum, in lege Dei veraciter se fundantium, allegatae. Restat ut rationes suas solvam.

Ad primam assumit, quod in ecclesia sunt duae partes, clericorum scilicet & laicorum, &c. In illa supponit unum falsum, scilicet quod spirituales rectores habeant corrigere clericos spiritualiter hortative, & seculares corporaliter coactive. Quoad primum si intelligat, quod spiritualibus rectoribus non suppetat alius modus, quam hortative corrigere, est falsum. Item, petit quod orat in principio. Nam assumit, quod quilibet illorum ex suo officio, modis ipsis congruentibus, iuxta dictamen divinae legis, potest omnia peccata mortalia poenaliter per iudicium punire, & hoc est probandum. Dicit quod probavit; nego sibi, & apparuit inveniendi dicta mea opponi.

Rosponso  
ad ratio-  
nes repli-  
cantis.  
Ad pri-  
mam

Ad secundam. Omnia peccata publica, tribus concurrentibus, scilicet jurisdictione, convictione & pace salva, sunt poenaliter per iudicium puniendi. Consequentia tenet ab inferiori ad superius affirmative, & etiam ex opposito consequentis sequitur oppositum antecedentis: antecedens est meum, ut inquit. Dicunt aliqui hoc esse fallaciam a secundum quid ad simpliciter; & hoc potest esse verum, si dictum secundum quid extense sumatur pro dicto per determinationem aliquam restrictio, sive sit restringens, sive alienans. Est enim iuxta logicos multiplex pars; quaedam subiectiva; quaedam potestativa, quaedam in modo, quaedam alienans. Differentia essentialis constituit partem subiectivam: potentia faciunt partem potestativam: determinatio accidentalis, si non distrahat determinabile, a principali significato, facit partem in modo; si distrahat, facit dictum secundum quid proprie sumtum. Modo haec tria, jurisdictione, convictio, pax, videntur constituere esse potestativum iudicii. Unde si acciperemur in prima propositione omnia peccata, &c. tribus concurrentibus, &c. sunt puniendi restrictione, faciant dictum secundum quid large sumtum, & proprie loquendo dictum potestativum, quod vocatur pars in modo: arguere autem a parte in modo ad suum totum affirmative, locus tenet sine distractione; si cum distractione, est fallacia consequentis: nam secundum antiquos logicos, ubique committitur fallacia ista, quando consequentia non valet; & e contra valeret, ut si argumentor: Omnis homo albus: consequens: ergo omnis homo currit: non valet, & est fallacia consequentis; quae e contra valeret, supposita constantia subiecti, ut: omnis homo currit, & homo albus est; ergo omnis homo albus currit: committit ergo fallaciam consequentis.

ad secundam.

Præ-



ANNO  
CHRISTI  
1433.

Præterea cum ablativus absolute positus, habeat resolvi per *dum*, per *si*, per *quia*; sensus istius, istis tribus concurrentibus, omnia peccata, &c. possunt puniri, est: Dum ista tria concurrunt, omnia peccata possunt puniri. Arguere ergo sic, istis tribus concurrentibus, omnia peccata possunt puniri; ergo omnia peccata possunt puniri, est arguere æquivalenter sic: Si ista tria concurrunt, omnia peccata possunt puniri; ergo omnia peccata possunt puniri; & non sequitur, sicut non sequitur: Si asinus volat, asinus habet alas; ergo asinus habet alas; aut sic; dum ista tria concurrunt, omnia peccata possunt puniri; ergo omnia peccata possunt puniri; & non sequitur, sicut non sequitur: Dum sol lucet, dies est; igitur dies est; quia tempore noctis, antecedens est verum, & consequens falsum; ita diceretur de sensu causali. Est verum quod magis accipio istam propositionem: Omnia peccata, his tribus concurrentibus, possunt puniri, ut est categorica de temporali vel temperato subiecto aut conditionali, quam ut est hypotetica, conditionalis, temporalis aut causalis; ideo dixi consequentiam factam per opponentem non valere, nec ex opposito consequentis, sequitur opponi antecederet.

Præterea dixi, quod impossibile est currere hæc omnia tria ad punitionem omnium peccatorum collectivè; est etenim aliquod, vel sunt aliqua, in quibus vel quorum punitione hæc tria non possunt observari; & loquor non de impossibili logico, sed de impossibili juris. Sic enim multiplex est impossibile, sicut multiplex possibile. Est possibile logicum, quod non claudit contradictionem. Est possibile physicum, quod natura liter non repugnat. Est possibile metaphysicum, in cuius essentia non est repugnantia formarum. Est possibile juris, quod licite fieri potest. De illo loquendo, dico quod alia sunt peccata, quæ non possunt puniri lege humana, istis tribus servatis, ut interdum peccatum principis, aut alterius habentis multitudinem sociam, aut ex quorum prohibitionem turbaretur communitas, ut etiam peccatum, quod sufficienter non potest puniri, &c.

Licet puer illa ego, jam provectæ ætatis, coram gravissimis patribus narraverim, credo nihilominus esse alienus ab illo maledicto, quo dicitur: Maledictus puer centum annorum, & elementarius vel abecedarius senex. Itaque 65. scriptum est: Puer centum annorum morietur; & peccator centum annorum, maledictus erit; quia non proprio motu, sed ab opponente meo de materia theologica ad sophistica pulsus, hæc dixi.

Ad tertiam arguit sic: Quæ peccata lex divina sententiat poenaliter puniendi, &c. si intelligat universaliter omnia, quæ lex divina sententiat puniendi poenaliter, illa potest homo iudex poenaliter punire, secundum dictamen, &c. sicut in moralibus prima facie accipitur, ubi indefinita ut plurimum æquivalent universalibus, nego majorem; probat illam per dictum meum. Nam probando, quod lex humana potest aliquando crimina punire mortis supplicio, ex illo

Roman. 1. Qui talia agunt, digni sunt morte. & Rom. 13. Quia iudex Dei minister est; intuli: Ergo quos Deus iudicat ad mortem, potest iudex licite interficere, maxime illos, quos lex divina iudicat occidendos: dico quod illud dictum, si referatur ad præcedentia, est verum, nec est universale, nec æquivalens universali. Nam statim ante dictum est, quod aliqua crimina lex humana potest punire licite mortis supplicio; aliqua, non omnia. Si unquam logicam audivi, non est apparentia inferre universale ex particulari, nec adeo demens sum, quod dicere vellem omnia peccata publica lege humana esse puniendi supplicio mortis. Debit etiam opponens accipere illud illatum: Quos Deus iudicat ad mortem, potest iudex licite interficere, juxta modificationem paulo ante positam: si juridice convinctur, & pace salva. Est enim mos in doctrina, posteriora esse connexa prioribus, & unum per aliud intelligi. Quare vero non possit homo punire omnia, quæ lex divina prohibet, aut puniendi docet, dictum est ante, scilicet propter excellentiam divinæ legis, & impotentiam humanæ potentie; & quod divinæ legis homo non est sufficiens exsecutor, sed Deus; & homo, ut Deus, id est ut ejus vicarius, in foro conscientie.

Ad quartam. Si non omnia peccata, &c. essent poenaliter puniendi, lex humana haberet faciliiores exsecutores, &c. nego consequentiam; homines enim non sunt proprii exsecutores divinæ legis, sed Deus, aut ejus vicarius: sed sunt in parte ejus exsecutores, secundum quod lex humana & reges serviunt Domino in timore; & sicut homo omnes transgressiones legis humane plectit, sic Deus in suo foro, cujus tribunal erexit in foro conscientie, & eriget in extremo judicio. Aliquando autem & in hoc seculo facit. Tamen fideliter homo exsequitur legem Dei, quia quicquid potest punire puni; dum tamen hæc tria sæpe dicta adiunt. Aliter autem puniendi, ipse legem Dei non exsequeretur, sed transgrediretur, & esset occasio majoris contemptus ejus aut transgressionis, si pacem violaret, aut non convictum damnaret.

Alias vero, quas adduxit in sua positione, credo sufficienter solvisse, prout audivisti, patres optimi. Sicut autem consecutio sua ostensa est non esse vera, ita corollarium, quod ex ea trahit, dico non esse verum, cum dicit: Lex tolerans & permittens impunitam simplicem fornicationem vel simplex meretricium, est iniqua, & non divinæ legis rectitudinem & iustitiam imitatur. Nam in hoc quod lex humana tolerat simplex meretricium, non ideo probat illud, immo a lege divina & naturali habet quod est iniquum; nempe vaga libido bono prolis adversa est, ad cuius educationem & instructionem oportet virum & feminam insimul diu commorari.

Ad primam rationem ejus, dum arguit sic: illud est iniquum, quod expresse legi divinæ obviat tam veteri, quam novæ; sed tolerantia hujusmodi peccati expresse obviat legi divinæ; ergo, &c. Respondeo ne-

ANNO  
CHRISTI  
1433.

Ad quam  
tam.

Ad ratio-  
nem ad-  
versarii  
pro suo  
corollari-  
factam.

Ad ter-  
tiam.

ANNO  
CHRIST.  
1433.

Declaratio  
quomodo  
lex huma-  
na divina  
non est  
contraria,  
dicit una  
punit in  
duo foro,  
quod alia  
in suo to-  
lerat.

gando minorem. Nam secundum principem Peripatheticorum & metaphysicos 4. Metaphysicæ, contrarietas est oppositio secundum formam; unde ad hoc quod lex humana sit contraria legi divinæ, oporteret quod forma legis humanæ & forma legis divinæ repugnarent. Forma autem legis est duplex; una intus, alia foris. Forma intus & intrinseca est ordo & compositio mandati: forma vero foris & extrinseca est finis legis, qui cadit primum sub intentione legislatoris. Quoad primum dico, quod istæ formæ non repugnant. Nam non reperietur, quod lex humana dicat meretricium simplex esse licitum, quod lex divina dicit illicitum. Quoad secundum, qui est finis legis, non est repugnantia, sed finis legis humanæ est sub fine legis divinæ. Bonum namque concordie & unitatis politicæ ordinatur in bonum gloriæ æternæ: turbatio autem boni communis est illius impeditiva. Nec contradicunt ut lex divina dicat, non esse tolerandum in politia, & lex humana dicat esse tolerandum. Est bene verum, quod lex divina non tolerat in sua politia (spirituali), secundum quam per caritatem quis ad Deum aut proximum ordinatur, aliquod peccatum mortale: sed lex humana in sua politia corporali, quæ in iustitia, amicitia & virtutibus moralibus fundatur, tolerat; unde hæc non contradicunt. Si vero quis de illis contradictoria enunzier, puta quod lex divina in tribunali sui ultimi fori punit omne mortale, & lex humana in eodem tribunali hoc non facit; hoc non arguit contradictionem legum, ex quo in illarum præceptis, consiliis aut prohibitionibus non invenitur repugnantia; sed bene probat, quod una est imperfecta, scilicet lex humana respectu divinæ. De homine enim dicitur, quod intelligit; de asino, quod non intelligit: tamen homo & asinus nullam habent oppositionem ad invicem; nec tolerantia huius peccati per legem humanam, arguit Deum legem suam non instituisse sapienter: hanc enim consequentiam nemo bene doctus facere debuit. Nam omnis legislator intendens aliquem finem, omnia quæ sunt ad finem ordinare debet secundum exigentiam illius finis. Finis vero divinæ legis est æterna beatitudo, cui omne mortale repugnat, sive punitum, sive secretum: ideo illa omne mortale prohibet, non solum manum, sed animum. *Audistis*, inquit Dominus Mat. 5. *quia dictum est antiquis, non mœchaberis: ego autem dico vobis: Qui viderit mulierem ad concupiscendam eam, jam mœchatus est eam in corde suo.* Finis autem legis humanæ est pax communitatis, ad quam virtutes morales deserviunt; ideo illa prohibet quæ huic adversantur: illa autem tolerat, quorum prohibitio aut punitio illam turbaret. Quia igitur punitio simplicis meretricii daret occasionem, immo magis ex illa occasio acciperetur ad imperfectis adulterandi, unde turbatio non modica surgeret, aut alia graviora occulta committerendi, unde Deus magis quam ex illis offenderetur; ex quibus omnibus consistentia politicæ non posset in pace diu manere; hinc est quod non approbat, nec laudat, sed tolerat. Nam non omnia potest rectificare, ut Deus, sed ad

modum regulæ plumbeæ dirigere suos actus, ut dictum est in positione.

Quod si quis querat, cur in lege veteri fornicatio simplex fuit prohibita, non solum morali præcepto illo *Non mœchaberis*, sed judiciali, Deuteronomii 23. *Non erit meretrix de filiabus Israel; nec scortator de filiis Israel;* & modo lege humana non prohibetur, quæ judicialia multa insinuat. Respondi in positione, quia tunc permittebatur repudium uxoris, propter pronitatem illorum durissimorum & rebellium cordium ad occidendum uxores. Unde si tunc simplex meretricium fuisset permissum, fuisset adhuc fomentum acceptum majoris odii, & citius repudiandi, propter amorem alienæ mulieris. Modo talis non est duritia, saltem non licet repudiare uxorem legitimam.

Ilia vero quæ dixi de locis non privatis, sed publicis; non honestis, sed sterquilinis; de non incedendo publice & libere per plateas civitatis, non sunt concessionem rei veritatis, sed restrictiones & tolerantie rei illicitæ. Opponens petit, ubi in lege divina docetur hoc peccatum tolerandum. Jam dixi, quod lex divina illud prohibet & punit in suo foro, & in illo non tolerat; tamen lex humana tolerat. Petit ergo ubi hoc lege divina docetur. Peto sibi, ubi lege divina docetur, quod tolerantur comestiones, rixæ & odia absque prosecutione; tamen lege humana tolerantur, hoc est non puniuntur. Non enim credo, quod in regno suo rixæ duorum non se prosequuntur, humana lege puniatur. Dicat mihi, ubi hoc docet lex divina, quæ potius dicit: *Qui irascitur fratri suo, reus erit iudicio*, Mat. 5. non poterit docere: ideo ultra tales quæstiones non faciat.

Quod vero dicitur, Deum sufficienter providisse ad vitandum tale facinus, quia dedit legem matrimonii, dico quod licet matrimonii sacramentum sit remedium conveniens; tamen humanus iudex sciens, quod non omnes obediunt evangelio & legi Dei, sciens infirmitatem hominum, poenas instituit & præmia; & aliqua mala, licet minus mala, tolerat, ne deteriora contingant.

Quantum dictum ejus est cum ait: Utinam curia Romana, ubi sunt tot fornicationes ad alias ecclesias derivatæ per exemplum, non sit illa mulier fornicaria, de qua Apocal. 17. Istud dictum mihi videtur magnæ irreverentiæ, & ex modica æstimatione sanctæ ecclesiæ prolatum, propinquans dictis Wicleffii, qui tractatu suo secundo de Sermonem Domini in monte cap. 32. non reputat episcopum Romanum caput omnium episcoporum. Et tractatu 36. vocat eum abominationem desolationis in abstracto, ad notandum pravitatem suæ malitiæ, & hoc super primo loco Matthæi 24. *Cum videritis abominationem desolationis stantem in loco sancto.* Consonare videtur illud epistolæ Ariariorum, missæ Julio papæ, ut consentiret eis super condemnationem Athanasii Alexandrini, Pauli Constantinopolitani, Marcelli, Alcepii & Luciani episcoporum, & sic pacem cum eo & communionem habere spondebant; si nollet eis consentire, minabatur ab ejus obedientia recessum, & deinceps nullum cum eo se participium habi-

ANNO  
CHRIST.  
1433.

Cur in lege veteri simplex fornicatio fuit prohibita, & modo lege humana non prohibetur.

Contra quantum dictum ad versarii.



ANNO  
CHRISTI  
1433.

turos. Non longe abesse illud videtur erro-  
ri Waldensium putantium quod tota pote-  
stas ecclesiæ collata a Christo, est omnino  
evacuata propter malitiam prælatorum; &  
ipsa ecclesia Romana est metetrix Babylon,  
apostata a fide Christi. Hunc errorem se-  
cutus fuit Petrus Johannis quidam hereticus,  
ponens quod ecclesia Romana est carnalis  
synagoga satanæ. Hunc errorem tenuerat  
ante eum abbas Joachim, & nuper infecutus  
est Johannes Wicleff vocans eam abomina-  
tionem desolationis. Et quantum distat ab  
illis, dicens, quod est meretrix illa, quæ  
dabat bibere sectatoribus ejus de vino pro-  
stitutionis suæ? Qui vero timet, id est dubi-  
tat, ne sit illa, jam de sua auctoritate &  
præminencia inter ceteras ecclesias fidem non  
habet; quia fides est habitus firmus, etiam  
firmior scientiæ ex parte adhesionis, etsi non  
ex parte evidentie, ut habent Thomas &  
sequentes ejus.

Contra de-  
primentes  
ecclesiam  
Romanam.

Contra hos caput ecclesiarum tam viliter  
deprimentes loquitur beatus Augustinus lib.  
de Questionibus veteris & novi testamenti,  
dicens: „Ordinem ab Apostolo Petro coe-  
ptum, & usque ad hoc tempus per tradu-  
tum cecedentium episcoporum servatum,  
perturbant, ordinem sibi sine origine vin-  
dicantes; hoc est corpus sine capite pro-  
fidentes: unde congruit etiam eorum sedem  
cathedram pestilentie appellare; nec  
enim ideo impune erit, quia sub Dei nomi-  
ne agunt. Non enim zelo Dei hoc a-  
gunt, sed sibi tantum volentes defendere;  
cum sciamus Chore & ducentos quin-  
quaginta viros per præsumptionem Deo  
offerentes, hiatu terræ absorptos esse, &  
Oziam regem, cum Deo illicite obtulisset,  
lepra fuisse percussum. Hæc ille. Cyrillus  
vero exponens illud Petro dictum,  
Matt. 16. *Et portæ inferi non prævalerunt  
adversus eam*, dicit: „Secundum hanc  
Domini promissionem ecclesia apostolica,  
Petri ab omni seductione & heretica cir-  
cumventionem immaculata manet super om-  
nes præpositos & episcopos, & super om-  
nes primates ecclesiarum & populorum in  
suis pontificibus, in fide plenissima & au-  
thoritate Petri; & cum aliquæ ecclesiæ  
quorundam errore sunt verecundatæ, sta-  
bilita iniquabiliter ipsa sola regnat, si-  
lentium imponens, & omnium obturans  
ora hereticorum. Et nos necessitate sa-  
lutis, non decepti superbia, neque vino  
superbiæ debriati, typum veritatis & san-  
ctæ apostolicæ traditionis una cum ipsa  
confitemur & prædicamus. Hæc Cyrillus.  
Ex quo patet, quod ex Domini institutio-  
ne status summi pontificis est super om-  
nes alios præpositos orbis terræ, & om-  
nium hereticorum ora decreti sui terribi-  
lis fulgore contundit. Hoc non est dictum  
de universali ecclesia, sed de apostolica.  
Non nego interdum eum, qui dignitate populi  
præfulget, posse labi in hæresim & a-  
lia enormia, tamen non propterea status &  
præminencia apostolicæ auctoritatis repro-  
batur, sicut propter vitia quorundam reli-  
giosorum aut canonicorum, non est status  
iste vel ille damnandus.

Hanc insuper præminenciam beatus Gre-

gorius testatur registri sui libro 7. epist. 26.  
ad Eulogium Syracusanum episcopum, ita  
dicens: „Quis nesciat sanctam ecclesiam in  
apostolorum principis soliditate esse firma-  
tam? quæ firmitatem mentis traxit ex no-  
mine, ut Petrus a petra vocaretur, cui  
veritatis voce dicitur: *Tibi dabo claves regni  
cælorum*. Cui rursus dicitur: *Tu aliquando  
conversus confirma fratres tuos*. Itemque;  
„*Simon Johannis amas me? pascite oves meas*.  
„Itaque cum sint multi apostoli, pro ipso-  
rum principatu, sola apostolorum princi-  
pis sedes in auctoritate convaluit. Hæc  
ille. De hujusmodi præminencia sedis apo-  
stolicæ super alias ecclesias particulares, ha-  
betur dist. 12. a Gregorio cap. *Præceptis*.  
Item ibidem ab Innocentio, *Quis nesciat*.  
Item dist. 19. ab Agathone papa, *Sic omnes*.  
Præterea eadem dist. c. *Enimvero*, a Ste-  
phano papa V. & cap. seq. *Nulli*. Idem di-  
cit Gregorius, & poenam transgressoribus  
suorum statutorum apponit. Item, Nicolaus  
papa dicit illos arguendos aut corripiendos,  
qui decreta Romanorum pontificum non ob-  
servant; & habetur dist. 20. *Si decreta*.  
Rursus Anacletus (successor Clementis suo de-  
creto ait): „Anacletus servus Jesu Christi  
in sede apostolica a Domino constitutus,  
& a sancto Petro apostolorum principe  
presbyter ordinatus, omnibus episcopis &  
reliquis Christi sacerdotibus salutem. Et  
cap. 3. suodit: Hæc, inquit, sancta Ro-  
mana & apostolica ecclesia non ab apo-  
stolis, sed ab ipso Domino salvatore no-  
stro primatum obtinuit, sicut beato Petro  
apostolo dixit: *Tu es Petrus, & super  
hanc petram ædificabo ecclesiam meam*,  
& reliqua quæ ibi habentur, & habentur,  
tur di. 22. *Credo*. Ex qua serie verborum  
arguit, quod non capit ecclesiam Romanam  
pro universali ecclesia, scilicet pro illa parti-  
culari, quæ tenet arcem omnium aliarum  
ecclesiarum. Idem habetur ab eodem 21. dist.  
*In novo testamento*, & sequenti c. *Quantumvis*.  
Idem ponit Pelagius papa. Item, idem Ni-  
colaus papa Mediolanensis c. *Omnes*. Item  
Gregorius 5. lib. registri epist. ad augustam  
Constantiam, quæ incipit: *Omnipotens Deus*,  
ait: Per omnipotentem Dominum rogo,  
ne pietatis vestræ tempora permittatis u-  
nius hominis elatione maculari, neque tam  
perverso vocabulo ullum quoquo modo  
præbeatis assensum. Atque in hac causa  
nequaquam pietas vestra me despiciat; quia  
etsi peccata Gregorii tanta sint, ut pati  
talia debeat; Petri apostoli peccata nulla  
sunt, ut nostris temporibus ista pati me-  
reatur. Patet quomodo sedes apostolica est  
honoranda; esto quod papa sit peccator: li-  
cet Gregorius esset vir Dei; tamen se tam-  
quam peccatorem computabat, & nihilomi-  
nus sedem Petri honorari ab imperatrice pos-  
tulabat. De hac re codices sanctorum &  
volumen decreti plurima habent; quæ unius  
dici sol ad recitationem non pateretur.

I.

Profecto sedem apostolicam Romanam ec-  
clesiam omnes catholici fatentur primam in  
omnibus ecclesiis, eamque devote veneran-  
tur, quoniam ab ipsa ad regiones orbis fi-  
des

ANN  
CHRIS  
1433

Exempl  
super ve  
neration  
S. sedis  
apostolic  
& summi  
pontifici

ANNO CHRISTI 1433. des diffusa est. Consulo ergo, ut de cetero opponens meus non ponat os in coelum; A  
judicium summi pontificis Deo, aut universali ecclesiae, seu concilio generali reseruet. Nam psal. 103. propheta: *Caelum caeli Domino*; & in positione apparuit per beatum Gregorium, quomodo Dominus voluit per semetipsum facta examinare magistrorum, cum non per apostolos aut discipulos, sed per semetipsum æs in templo fudit & mentas nummulariorum evertit.

## II.

Meminerit quod bestia tangens montem lapidabatur. Exod. 19.

## III.

Quomodo David percussit cor suum, quod præciderat oram clamidis Saul. 1. Reg. 23.

## IV.

Quod Oza arcam inclinatam manu contingens, percussus est a Domino, 2. Reg. 6.

## V.

Ante oculos ponat, quid acciderit Cam, qui verenda patris detecta ceteris fratribus ostendit.

## VI.

Quid Absalon persequentem patrem evenit, & quomodo tribus lanceis inobedientiae, ingratitudinis & infidelitatis suffosus fuit, de quo 2. Reg. 18.

## VII.

Non sit de generatione maledicente patri papæ & matri ecclesiae, ne moriatur morte sempiterna.

## VIII.

Non sit contumax imperio patris sui spiritualis summi pontificis, ne lapidibus populi demoniorum obruatur. Deut. 21.

## IX.

Non murmuret contra Moysen si duxit Aethiopiam, hoc est contra papam si Deum offendit per peccatum cui se conjunxit, ne lepra mortalis peccati suffundatur. Num. 12. & 2. q. 4. §. de his, & 33. q. 3. Hoc ipsum.

## X.

Non erigatur contra Moysen, ut Chore, Dathan & Abiron, de quo Num. 16. ne absorbeat eum terra viventem.

## XI.

Non separetur ab arca usque ad ultimum ventilabrum.

## XII.

Non exeat de sagena Petri, donec venerit ad littus consummationis in fine sæculi, aut saltem usque ad finem vitæ.

## XIII.

Non separetur ab ovili.

## XIV.

Non exeat de arca, sed sit ut columba, qui si peccando exierit, ut illa, poenitendo revertatur.

## XV.

Noverit quod non calefit pullus nisi sub alis gallinæ.

## XVI.

Non communicet Graciæ, quæ acephala est.

## XVII.

Non Armeniæ, quæ schismatica.

## XVIII.

Non Orientalibus, quia occidit eis sol.

Sed sanctam Petri sedem veneretur, vestitam bisso candenti & splendenti, ut Christi triclinium, tabernaculum sanctificatum Altissimi, ut Rachelem decoram, Liam fecundam, Abigail prudentissimam, ut Petri naviculam, ut ipsius sagenam, ut ovile ejus, ut aream ipsius. Nam extra ecclesiam universalem non est salus, nec ab ecclesia Romana aut sede Petri se subducens, salvabitur, nisi poeniteat & convertatur. Nullus igitur de cetero sit ei molestus, etiam si prælatus in ea præsidens sit peccator; quia semper stigmata Dei portat sancta sedes apostolica, & qui hanc regulam sequentur, pax super illos & misericordia; qui de ea aliter sapuerit, jam de area excussus, tradetur ut palea igni inextinguibili. Non ergo meretrix ultra appelletur, sed sponsa Christi castissima. Etenim licet in ecclesia universali multi sint peccatores, & mali mixti bonis, dum adhuc militat, tamen ipsa propter sanctos in ea existentes, propter ordinem hierarchicum, qui & sacer principatus dicitur, & propter inseparabilem assitentiam sancti Spiritus, ipsam, ut dicit fidei articulus, vivificantis, sancta dicitur, immaculata, castissima, immo virgo, de qua illud apostoli merito potest intelligi 2. Cor. 11. dum ait: *Emulor vos Dei emulatione, despondi enim vos uni viro virginem castam exhibere Christo.*

P p

Quo-



ANNO  
CHRISTI  
1433.

Quoniam autem in ecclesia Romana, cum sumendo pro congregatione papæ & cardinalium, universalis ecclesia tanquam in arce representatur, ipsa dicitur sancta, etiam si papa sit peccator & plures cardinales; licet sic capta posset deficere. Sed si per ecclesiam Romanam universaliter ecclesia, quæ est congregatio omnium fidelium vel concilium generale rite & legitime congregatum intelligatur, utique illa errare in fide non potest, de qua credo esse intelligenda decreta; si quæ sint, dicentia quod ecclesia Romana nulla hæresis labe maculata est unquam nec potuit inquinari.

Quintum  
dictum re-  
plicantis,  
cujus im-  
pugnatio  
in sequen-  
tibus ap-  
parebit.  
Sextum  
dictum re-  
plicantis.

Quintum dictum replicantis fuit de pace, circa illud quod dixeram, crimina publica esse punienda, si fieri possit, salva pace; quod dum ostendam solutiones suas, datas meis responsionibus, non esse sufficientes, impugnabo.

Unde transeo ad sextum, ubi dicit: quod leges non debent inferre facinorosis & peccatoribus supplicium mortis, quamvis adduxerim auctoritates sacri canonis & sanctorum, quibus, ut docebo, non sufficienter respondit; & rationes Alexandri, quamvis solutiones nec audiui nec legi in suis dictis, ut non putet quis partem meam debiliter esse fundaram. Ultra præmissa dicta sanctorum, nonnulla in medium proferam.

Auctorita-  
tes quod  
leges hu-  
manæ pos-  
sunt in-  
ferre sup-  
plicium  
mortis.

Primo occurrit illud Gregorii de quo 23. q. 5. *Reos sanguinis*. Ubi post multa subdit: Prohibetur illo præcepto quisque sua auctoritate in necem alicujus armari, non legis imperio reos morti tradere. Qui enim publica potestate functus, ipsius legis imperio malos punit, nec illius præcepti, scilicet: *Non occides*, transgressor, nec a coelesti patria alienus habetur.

Item Augustinus ad Publicolam ait: De occidendis hominibus, ne ab eis quisquam occidatur, non mihi placet consilium, nisi forte miles sit, aut publica functione teneatur, ut non pro se hoc faciat, sed pro aliis, vel pro civitate, ubi ipse est, accepta legitima potestate. Ecce quod Gregorius dicit imperio legis esse tradendos morti reos; & Augustinus, quod fungens publica potestate licite occidere potest. Et hoc habetur ead. q. c. de occidendis.

Amplius Augustinus 1. de civitate ait: Miles cum obediens potestati, sub qua legitime constitutus est, hominem occidit, nulla civitatis suæ lege reus homicidii est: immo nisi fecerit, reus imperii deserti atque contemti est. Paulo post infert: Ita, quæ unde puniatur, si fecerit injustus, inde unde puniatur, si non fecerit justus. Ex quo arguit, quod habens potestatem exercendi legem, peccat, nisi reum mortis occidat.

Præterea Hieronymus super Jeremiam, & habetur 23. q. 5. Regum ait deliberatio, ne, vi oppressorum peregrinorum, pupil-  
lorum & viduarum ne patiamini quidem ut vestra convenientia eveniat eos ab aliis contristari; & sanguinem innocentem ne effundatis in loco isto. Homicidas enim & sacrilegos, &c. non patiemini vivere.  
Si, inquit hoc feceritis, o reges Juda, tenebitis pristinam potestatem. Rursus idem super Isaiam ait, & habetur ead.

A „ q. c.... Non est crudelis qui crudelis ju-  
„ gulat: sed crudelis ideo vocatur, quia cru-  
„ delis patientibus esse videtur. Nam latro  
„ suspensus patibulo, crudelem judicem pu-  
„ tat. Cap. sequenti ait idem: Qui malos  
„ percutit in eo quod mali sunt, & habet  
„ vasa interfectionis, id est potestatem ut  
„ occidat pessimos, minister est Domini.  
„ Item, idem ait super Jeremiam: Homi-  
„ cidæ & sacrileg. & venenarios punire non  
„ est effusio sanguinis, sed legum ministe-  
„ rium.

Porro Cyprianus martyr, & ead. q. c....  
Si audieris in una de civitatibus tuis, quas  
Dominus Deus tuus dabit tibi, inhabitare  
B „ illic dicentes: *eamus & serviamus diis alienis*,  
„ quos non nosti; interficiens nequabis om-  
„ nes qui sunt in civitate eade gladii, & in-  
„ cendes civitatem igni, & eris sine habitacu-  
„ lo in æternum. Hæc sunt verba sacre scrip-  
„ turæ Deut. 13. post quæ, paucis interpofi-  
„ tis, ait Cyprianus. „ Quod si ante adven-  
„ tum Christi circa Deum colendum & ido-  
„ la spernenda hæc præcepta servata sunt:  
„ quanto magis post adventum Christi, cir-  
„ ca Deum colendum servanda sunt, quan-  
„ do ille veniens, non solum verbis nos hor-  
„ tatus sit, sed etiam factis. Rursus idem  
„ in 9. genere abusivis, ait habetur 23. q.  
„ 5. *Rex* ait: Rex debet furta cohibere,  
„ adulteria punire, impios de terra perde-  
„ re, patricidas & perjuros non sinere vive-  
„ re, filios non sinere impie agere. Et circa  
hoc quod dicit de perjuris habet glossa:  
„ Intelligas de perjuriis in causa criminali,  
„ qui scilicet ferunt in ea falsum testimo-  
„ nium. Tales enim merentur mortem.

Item Augustinus c. sequenti, & originali-  
ter de libero arbitrio lib. 1. dicit: Si ho-  
micidium est hominem occidere; possunt  
tamen alii alium occidere aliquando sine  
peccato. Nam & miles hostem, & judex  
vel minister ejus nocentem, & cui forte  
invito atque imprudenti telum de manu  
fugerit, non mihi videntur peccare cum  
hominem occidunt; sed nec etiam isti ho-  
micidæ appellari solent. Et hoc consonat  
huic quod in positione allegatum fuit ab  
Augustino in questionibus Leviticæ, & hoc  
subsequenter ponitur: Tum homo justè  
occiditur. Lex enim occidit, non tu.

Amplius Urbanus secundus & habetur  
ead. q. c. *excommunicatorum*, dicit, excom-  
municatorum; glossa interlinearis, hæretico-  
rum, qui excommunicati sunt. Ex. de hæ-  
reticis *excommunicamus*. Intersectoribus, pro-  
ut in ordine Romanæ ecclesiæ didicisti, se-  
cundum intentionem modum congruæ sa-  
tisfactionis injunge. Non enim eos homi-  
cidæ arbitramur, quos adversus excom-  
municatos; glossa interlinearis, hæreticos;  
zelo catholice matris ecclesiæ ardentes a-  
liques eos trucidasse contigerit; ne tamen  
ejusdem matris disciplina deferatur, se-  
cundum tenorem, quem diximus, poeni-  
tentiam eis indicio congruentem, qua-  
divinæ simplicitatis oculos adversum se  
complacare valeant, si forte quid dupli-  
catis pro humana fragilitate in eodem fla-  
gitio incurrerint; videtis quod licet hære-  
ticos poena mortis punire, etsi solo ze-  
lo

lo domus Dei hoc fieret, nullum esse peccatum, & hoc sup... dico ab eo qui publica fungitur potestate: tamen quia plerumque humana fragilitas in hoc aliquam passionem inordinatam admittit, mandat talibus aliquam poenitentiam injungi, non pro nece ipsa, sed pro inordinatione voluntatis persepe admixta, aut odii, aut iræ, aut alterius alicujus cæcæ affectionis.

Denique Augustinus ad Bonifacium 2. q. c. *Quis etenim*, dicit post narrationem quod domus David pacem habere non potuit, nisi extincto Absalon. Si ergo viri sancti & publicæ potestates bella gerentes non fuerunt transgressores illius mandati: *Non occides*, quovis quosque flagitiosos digna morte punirent; si milles potestati suæ obediens, non est reus homicidii, si imperio ejus quemlibet flagitiosum interfecerit; si homicidas & venenarios punire, non est effusio sanguinis, sed legum ministerium. Si pax ecclesiæ molestiam consolatur perditorum; si illi zelo catholicæ matris ecclesiæ accensu, excommunicatos interficiunt, homicidæ non judicantur; patet quod malos non solum flagellari, sed & interfici licet. Ex quo manifestum est, quod non solum licet malos flagellare, sed justitiæ auctoritate interficere.

Si judicem secularem occidere reum non licet, cur signa ultimi supplicii, crucis, patibula, furcas & similia in patulo relinimus? Aut ergo licet; aut si non licet, deponite, milites & iudices populorum, deponite mortis torcularia, auferite hinc de terra benedictum lignum, in quo sit justitia. Quod si hoc facere iniquum est, consequens est ibi reos licite posse ad mortem torqueri; indubitanter affirmo quod ipsorum tormentorum avulsio incentivum præbet permaximum delinquendi.

Jam rationibus arguo: leges humanæ sic debent providere consentientie reipublicæ, ut tuta possit inter improbos innocentia conservari. Sed multi sunt adeo contristi peccatis, ut nullam poenam timeant. Ergo tales, de quibus non speratur ut reispiciant a malis, ultimo sunt supplicio feriendi, alioquin propter minimam aliam poenam illatam a conturbatione iustorum non conquiescent: sicut ergo tamquam membrum putridum, & de corpore politiæ debent refecari. Si dicas: providebitur per exilium aut perpetuum carcerem: Respondeo, non per exilium; quia etsi hic non; tamen alibi nocebit. Carcer autem perpetuus est poena mortis. Et si non in promptu, tamen in necessaria sequela, si animus iudicis non flectatur; quia tamen compertum est plures ex talibus prece aut pretio libertati donari, non est securum & sufficiens remedium contra laicos malos incorrigibiliter æstimatione humana.

Amplius sic arguo: Lex talionis, etsi non quia judiciale veteris legis, locum modo habeat, tamen tenet quoad hoc, quod poena æquari debet culpæ, modo possibili homini: igitur auferens alteri injuste vitam, ac per hoc homicida, debet jure perdere, ac vitam. Nam si aliqua minori poena punire-

Conciliat. Supplem. Tom. IV.

tur, non fieret adæquatio poenæ & culpæ, non servaretur justitia distributiva; nec sic dicendo, nimium succendo ollam, de qua in præfatione positionis meæ locutus sum, quia omnis virtus in medio est quoad nos: licet aliquando medium rei interdum excedere videatur, ut est in actu fortitudinis, in quo fortis post electionem, in executione, debet assumere furorem, sicut de Hectore narrat Arist. quod sanguis exibat per nares, scilicet ex furenti animositate; & licet talis ad excessum vergere videatur, tamen non sic est, sed est in medio, ut oportet, quando oportet, cum quibus oportet circumstantiis. Sic opera magnanimitatis & magnificentiæ apparent excedere medium, sed non excedunt, cum fiant ut recta ratio judicat. Ita in proposito, occidere hominem, reum, juxta formam legis, servato ordine juris & pace salva boni communis, est virtuosum, & medium; cujus extrema sunt per excessum, occidere quando non oportet, vel quem non oportet, vel quomodo non oportet, & cum quibus non oportet circumstantiis; & per defectum, non occidere quando, quomodo & qualiter oportet. Non ergo delicto in hoc fundere aquam moderationis in punitione peccatorum.

Ad rationes contra dicta ista & pro suo facias, ad istam contra distinctionem Augustini de flagitiosis & facinorosis, dico quod hanc distinctionem facit Augustinus, verum est: quod aliquando unum pro reliquo accipit, ut patet in c. *Quis etenim*, nuper allegato, in quo flagitiosus dicit digna morte puniendus, in lib. de decem choridis vocat illos facinorosos; hoc tamen semper est verum, quod aliis nocentes lege puniuntur.

Cum allegat Scorum, 2. di. *quarti sui*, ubi dicit, quod adulterium majus est peccatum quam furtum, & magis debet puniri. Dico quod si Scotus contradiceret Augustino, non recipere eum, per regulam a magistro Jo. de Raguso positam, & a magistro de Rokana adversus illum allegatam: cum doctores doctores contrariantur, recipiendi sunt antiquiores & majoris auctoritatis junioribus & minoribus. Sed dico quod non contradicit. Nam non arguit quod furtum, quod utique nocet, non puniatur; sed arguit quod non debet in lege nova puniri poena mortis, quia magis videtur poena mortis, data in veteri lege, si qua esset contra furem simplicem, revocata per misericordiam evangelicam, quam poena contra adulterium, quam dicit revocatam ibi: *Mulier, nemo te condemnavit, nec ego te condemnabo; vade, noli amplius peccare*. Idem tamen doctor tacet contra meum opponentem, quod iudex humanus potest iuste occidere, quos aut lex data jubet generaliter, aut Deus specialiter ad personam expressa iustione. Dico tamen de furto, quod pro eo lex humana potest iuste poenam mortis infligere pro quantitate & qualitate criminis & aliis debitis circumstantiis, cum sit reipublicæ turbativum, & inferiorum potestatum valde oppressivum. Henricus enim de Gandavo 11. quodlibet questione qua querit: Utrum in lege nova liceat occidere quemquam pro solo furto; dicit in substantia, quod causa



ANNO  
CHRISTI  
1433.

599

occidendi unum habet ex parte facti, quia vergit in præjudicium Dei aut proximi, alterum ex parte occidendi, quia incorrigibilis apparet. Ultra ait, quod furtum dat causam occidendi ex parte facti, quia est contra legem naturæ & pactum humanæ societatis, sicut dicit Tullius 3. lib. de Officiis. Ex parte occidendi furtum dat causam, aut ex magnitudine rei furatæ, aut ex assiduitate furandi. Dicit ultra: quod lex nova nullam hujusmodi poenam mortis infligit, sed in hoc legi naturæ, infligendam relinquit, ut crudelitas non ei imputetur, sed legi naturæ. Et in hoc lex naturæ est majoris iustitiæ, quam lex Moysi. Nam lege veteri distans poenam talionis, lex naturæ distavit Achor lapidari. Hæc ex illo. Et in hoc fundatur, legem humanam pro furto poenam mortis indicere, quod lex naturæ, de qua illa radicatur, hoc distat. Ratio autem cur furto major poena taxetur quam adulterio est, nam poena est poena & medicina, & poena culpæ præteritæ medicina, respectu futuræ, ne fiat: & sicut Thomas dicit, secunda secundæ q. 108. art. 4. in pe. Licet in eo quod poena debeat adæquari pro posse culpæ, non tamen semper in eo quod medicina. Aliquando enim propter pravitatem ad unum vitium major poena, ut est medicina, infligitur, licet ille minus peccaverit, quam alteri, ubi est minor pravitatis, & qui magis peccavit, ut adolescentem & senem idem peccatum carnis in specie committentibus, licet gravius senex peccet quam juvenis, quoniam, teste Seneca, juvenis luxuriosus peccat, senex insanit; tamen juveni major poena imponitur, eo quod magis pronus, & omnino indiget majori retinaculo. Sic in proposito proniores videntur homines ad capiendum aliena, quod fit in furto, quam ad adulterium: ideo licet furtum sit minus peccatum quam adulterium, gravius pro eo poena determinata est. Cupiditas enim omnium corda etiam senem occupat & lacerat, Jer. 6. Omnes avaritie student a minimo usque ad maximum, & a propheta usque ad sacerdotem, cuncti faciunt dolum.

Cur furto  
major poe-  
na taxetur  
leg. hu-  
mana  
quam a-  
dulterio.

Secunda  
pars primi  
puncti.  
Contra so-  
lutiones  
adversarii.  
Primum  
corollarium  
suar  
questionis  
contra  
primam  
rationem.

Offenso quod dicta replicantis, in quibus cum eo non consentio, non sunt vera, quod fuit primum principale hujus puncti, restat ostendere, quod rationes meas non solvit. Ad primam auctoritatem Augustini lib. de Ordine, &c. dicit, quod non est verisimile, quod Augustinus tale & tantum scelus vellet fieri, quod scit a Domino esse prohibitum, & in hoc verum dicit opponens meus; si loquatur de tolerantia, in hoc non est sustinendus, quia nec hoc fundat in scriptura sacra, & manifeste præcepto Dei contradicit. Illud non videtur verum est mirabile; sic Augustinum palam negare & dicere, quod dictum suum non fundetur in scriptura sacra: immo præcepto Dei contradicat: nec umquam in morali materia audiivi sic negari B. Augustinum, nisi forte ubi suum dictum ipse retractavit. Legatur liber Retractionum, illud de tolerantia meretricum non reperitur retractatum. Quod etiam præcepto Dei in lege nova hoc contradicit libenter audirem. Dominus præcepit zizaniam cum tritico reservari usque ad metum judi-

cii, Nec sufficit dicere: Prohibitio est dum mali sunt occulti. Bene enim concedo, si sint occulti, non sunt per punitionem judicariam puniendi, & hoc etiam dicit B. Hieronymus per me & per meum opponentem allegatus; sed etiam ubi jam sunt noti, si imminet in eorum extirpatione periculum eradicationis bonorum, tunc mali sunt sinendi; & hoc etiam ex textu patet. Nam discipuli dixerunt patrifamilias: Nonne bonum semen seminasti in agro; & unde habet zizaniam? Jam ergo discernebant zizaniam ibi esse. Est ergo generale quod mali sunt reservandi cum bonis ex illo præcepto Domini: Sinite, quodcumque in eorum punitione imminet periculum evulsionis bonorum, non in favorem zizaniam, sed tritici.

Idem in similitudine de sagena, de decem virginibus, quinque prudentibus, & quinque fatuis; in nuptiis, ad quas Deus jubet compellere intrare quoscunque inventos per fidei sacramentum, bonos & malos. Ipsemet opponens alibi allegat pro se Scotum in 15. dist. 4. ubi dicit Scotus: Præceptum in lege veteri de punitione adulterii revocatum in nova. Nemo te condemnavit, nec ego te condemnabo; vade. Quod si adulterium in lege nova verbo Domini relaxatum est quoad poenam, hoc est, non est puniendum; quomodo vult opponens, simplex meretricium lege nova esse puniendum per hominem? Concorde hæc duo dicta, & ostendat ubi Dominus hoc simplex meretricium præcipit his puniri per hominem aut apostolica doctrina. Sæpe habemus, quod fornicatores regnum Dei non possidebunt: sed hoc arguit, quod est prohibita ista fornicatio, quod est peccatum mortale, quo excluduntur tales a regno coelorum, non ab ecclesia militante; quod a Deo puniuntur in finali judicio; non probat quod ab homine aut quod hic Deus omnes tales puniat. Magna enim est differentia faciendi inter prohibitionem & punitionem. Item, attente in punitione considerandum est, an dicat scriptura quando puniatio fiet, an hic, an cum in finali judicio Dominus cum ventilabro separabit granum a palea, triticum a zizaniam. Nec ex tolerantia hujus peccati arguitur, quod ecclesia injuste maleficos convictos excommunicat. Excommunicat enim ecclesia militans non pro isto peccato, sed pro illis quæ aut turbant ecclesiam, aut bonum commune, aut pro mortalibus, etiam a quibus facile est multitudinem abstinere, ut in positione circa tertiam propositionem primi puncti dictum fuit.

Ad illam de tolerantia Judæorum dixit, quod ad litteram intelligitur de inimicis David, non de Judæis; & ultra, secundum Scotum, quod non sunt permittendi libere male agere, &c. Dico, quod est bene verum, quod si nocerent Christianis sollicitando ad infidelitatem vel hereses, aut malos mores, non sunt permittendi: sed dico, alias sunt permittendi vivere; & ad hoc beatus Thomas auctoritatem allegavit; allegavi etiam tunc auctoritatem Patricii pape, allego modo decretum concilii Tolentani tertii, de quo habetur di. 45. de Judæis, ubi sic dicitur: De Judæis præcipit sancta synodus, nemini deinceps ad credendum vim infer-

ANNO  
CHR ST  
1433.

Nota.

Contra so-  
lutionem  
secundæ  
rationis.

ANNO  
CHRIST  
1433.Cor Judæi  
pernit-  
antur vi-  
vere.Contra fo-  
tionem  
tertiamContra fo-  
tionem  
quar-  
tiamContra fo-  
tionem  
quar-  
tiam

re. Cui enim vult Deus miseretur, & quem vult indurat. Non enim talis inviti salvandi sunt, sed volentes, ut integra sit forma justitiæ. Nec ideo reservantur solum propter fructum qui ex eorum conversione venturus est ecclesiæ, sed propter causas dictas in positione. Quid si testimonium fidei habemus ab hostibus, & quod in figura representatur nobis quod credimus? præterea addo nunc, quod eis Dominicæ passionis recens memoria vigoratur. Dicit etiam magister Nicolaus de Lira, quod iste textus intelligatur de Judæis; tamen in fine dicit, quod allegoricè exponitur de Christo per David figurato, & de Judæis, qui illum in sepulchro fecerunt custodiri, qui pro poena fuerunt per Romanos captivati & per orbem dispersi, & tamen ad vespertam hujus mundi convertentur ad Christum. Glossa ordinaria dicit, credo quod accipit ab Augustino: "Hoc specialiter de Judæis potest accipi. Præterea ne Judæi funditus pereant, dispersi quidam sunt, ut ad conversionem provocentur. Vult ut ecclesia ab inimicis testimonia veræ legis habeat, ideo pro eis orat dicens: Ne occidas eos qui me occidunt; sed maneat gens Judæorum cum signo circumcissionis sabbati & phæse, ut Cain signum habuit, ut eum nemo occideret; & ita gens illa habens signum suum non est occisa, quia necessaria est credentibus; & in ipsis præcis ostenditur, quæ sit misericordia in servis. Ideo, ne occidas, ne quando populi, etsi non modo, obliviscantur mei, si non sint testes legis & mortis. Ne occidas, sed disperse per omnes gentes, illos scilicet Judæos, qui portant nobis codices. Hæc ex glossa ordinaria, ex qua patet, quod textus allegatus intelligatur secundum allegoriam de Judæis, & quod sunt tolerandi.

Ad aliam de usuris, quia de repudio pretii dicit, quod hoc fuit, quia populus ille erat duræ cervicis, &c. arguo; si propter duritiam populi aliqua mala Dominus in lege veteri dimisit inuita, & hoc ad vitandum majus malum, cum hoc ratio dicitur; Dicitur modo idem homo non faciet, cum hoc distamen sit morale? Fateor legem novam esse perfectiorem lege veteri multis modis, & quod omnia publica mortalia prohibet & judicat puniri correptione fraterna & auctoritate judicii; sed hoc in suo tribunali, & per suum executorem.

Tribunal autem divinæ legis est forus conscientie, & ultimum judicium: executor divinæ legis Deus est, aut angeli, aut homo ut Deus, id est Dei vicarius. Etiam per similitudinem in conscientia cuilibet poenitentis aliquo modo judicium divinæ legis erigitur, dum ibi reperiuntur accusator, testes, iudex & tortor; licet proprie non est ibi judicium, quia ejusdem ad seipsum non est justitia, nisi metaphorica, juxta doctrinam Aristotelis 5. Ethicorum.

Ad illam de Moyse, percutiente Ægyptium, contradicit eum de Lira, quod Moyses non peccavit, &c. Expressè Augustinus dicit, quod justitiæ regulam excessit; ex serie textus Exodi patet, quod nondum acceperat ducatum populi. Nam de occisione Ægy-

ptii agitur 2. cap. & de assumptione principatus in populo in 3. Et ne credatur, quod hoc præposuere dictum sit, dicitur circa finem secundi capituli post interfectionem Ægyptii & fugam Moyli in terram Madian. *Post multum vero temporis mortuus est rex Ægypti, & ingemiscientes filii Israël vociferati sunt, ascenditque clamor eorum ad Deum, &c.* ut ibi, & in principio tertii capituli quomodo Moyses ascendit ad rubum, quem vidit ardere, sed non comburi, & ibi Dominus de illo locutus, dedit sibi ducatum, cum ait: *Veni, mittam te ad Pharaonem, &c.* Alexander de Hallis in 3. dicit cum Augustino, loquente de Petro & Moyse contra Faustum, quod postquam ille percussit Malchum, & iste Ægyptium, uterque ad regimen assumptus est, uterque etiam tunc non detestabili immanitate, sed emendabili animositate, justitiæ regulam excessit, uterque odio improbitatis alienæ; iste fraternæ, ille Dominicæ.

Ad rationem de Jepte, quomodo peccavit, & non legitur peccatum fuisse punitum, ad illam & multas alias auctoritates dicit, quod etsi Dominus aliqua peccata non legatur punivisse, hoc quadam dispensatione fecit. Non sic autem homo potest, quem necesse est sequi legem, non interpretari, cum sit ei subditus. Miror de ista responsione, dicit opponens, quod Deus dispensat, dum non punit. Si dispensare esset indulgere, non esset difficultas, quod non puniret, id est indulgeret seu remitteret; & quod homo aliquando non punit, est non quia proprie indulget, sed quia vult majus malum vitare, ideo minus tolerat; aut quia lege, juxta quam fert iudicium, scilicet humana, non habet quid pro tali delicto puniat, ideo tolerat; sed hoc est extensio nomine de dispensatione locutum: Si proprie loquamur, dispensatio est vel juris declaratio, vel juris relaxatio, ut dicunt multi doctores. Horum differentia, ut ait Godefridus in Fontibus in suo quodlibeto, accipitur ex hoc, quod quedam sunt mala, quia prohibita; in istis dispensatio non est, nisi amorio prohibitionis, ut sic res suæ naturæ relinquatur; & sic dispensatio est juris relaxatio. Alia sunt prohibita, quia mala; & quia quæ sunt hoc modo mala regulariter, in aliquo casu sunt bona, dispensatio in illis non est solum amorio prohibitionis, quia adhuc esset res mala illa amorio, sed est determinatio casus, in quo id quod regulariter est malum, non est in casu malum, nec propter illum facta fuit prohibitio. Et hæc dispensatio est juris declaratio. Nullo horum modorum Deus dispensat, cum aliquod peccatum mortale non punit: non primo, nam non tollit prohibitionem, sic enim solveret legem, & non impleveret; contra seipsum, dicentem: *Non veni solvere legem, sed adimplere* Matt. 5. Non secundo, quia tunc cum non puniret, iste actus, qui est culpa mortalis regulariter, non esset tunc culpa mortalis, & hoc non est verum. Nam nullus diceret, quod mulier in adulterio deprehensa, non peccavit mortaliter, quam tamen, non punivit. Præterea si non puniat Deus ex dispensatione.

ANNO  
CHRISTI  
1433.Contra fo-  
tionem  
datam ad  
rationem  
de Jepte.



ANNO  
CHRISTI  
1433.

In quo  
vult Deus  
quod ho-  
mo cum  
imitetur.

Contra so-  
lutiones  
ad ratio-  
nes sumtas  
ex zizaniis

penfatione, cum nos ad miserendum instruat, Luc. sexto: *Estote misericordes, sicut pater vester celestis misericors est*, ad dispensandum nos docet. Tunc sic, nullus peccat faciens juxta Christi doctrinam. Ipse autem nos docet ut indulgeamus & misereamur aliorum peccatis: ergo hoc faciendo non peccamus. Docet etiam ad Ephes. 4. benignitatem & misericordiam, dum ait: *Estote invicem benigni, misericordes, donantes invicem, sicut & Deus in Christo donavit vobis*. Et nullus diceret, quod implendo doctrinam apostolicam peccatum committatur.

Præterea totum oppositum dicti opponen-  
tis dicit Alexander de Hallis. Nam ipse op-  
ponens vult quod imitemur Deum in punien-  
do peccata, & non in relaxando; & do-  
ctor præfatus oppositum dicit manifeste.  
Nam, ut ait, Deus non vult imitari a  
nobis, quoad opera potentie, nam in-  
hoc Lucifer peccavit: nec quoad opera sa-  
pientie, quia sic Adam peccavit: sed quoad  
opera bonitatis. Non autem quoad opera  
justitiæ punitivæ, nisi ab his qui funguntur  
publica potestate; sed vult quoad opera  
pietatis; & allegat illud: *Estote miseri-*  
*cordes*, prius allegatum.

De Jephre vero si sacrificavit filiam cor-  
poraliter, an non; & si peccavit, dicit quod  
secundum de Lira, sunt de hoc opiniones.  
Est verum quod de Lira multa circa hoc  
dicit, tangens propositam sententiam & He-  
braeorum. Tamen dicit pro sua sententia:  
Sic fecit Jephre filiam suam, sicut voverat,  
eam interficiendo & offerendo in holo-  
caustum. Secundum quod dicunt exposito-  
res catholici. Unde dicit Jeronymus quod  
fuit indifferens in vovendo, & impius in  
adimplendo: secundum ista ergo non sol-  
vitur ratio, quia peccatum ejus fuit mor-  
tale peccatum, & tamen non legitur puni-  
tum. Dicit ultra, quod Hebræi dicunt, quod  
eam non immolavit; & multa ibi ponit, sic  
ingerens sine iudicio & assertionem per mo-  
dum collationis; dici potest quod filia Jephre  
non sacrificata Domino per mortem cor-  
poralem, sed potius civilem si est spiritalis.  
Iam, eo modo quo religiosi dicuntur mun-  
do mortui; & diffuse prosequitur. Itaque  
si eam occidit, ratio mea currit; si non, non.

Ad rationes ex novo testamento. Ad pri-  
mam de zizaniis, dicit quod pro hoc non  
vult Dominus quod peccata publica non puni-  
antur, data pertinacia, & habita oppor-  
tunitate; sed quod dubia, incerta, ut ocula-  
ta: allegat verba Hieronymi pro hoc. Di-  
co, quod etsi de dubiis prohibeamur judicare,  
secundum verba beati Hieronymi per  
me & eum allegata, tamen & de manifestis  
verbum Salvatoris *Sinite*, &c. intelli-  
gitur, dum puniendo mala, imminet pericu-  
lum verisimile punitionis bonorum: tunc  
enim locum habet ratio, &c. toleranda sunt  
zizania, ne forte colligendo illa, simul era-  
dicetur & triticum. Cum enim finis im-  
ponat ordinem & rationem mediis, quæ sunt  
ad finem, ex ratione finis sumenda est ratio  
eorum quæ sunt ad ipsum. Unde cum Do-  
minus prohibuit colligere zizania propter  
hunc finem, ne eradicaretur triticum, ubi  
idem periculum de eradicatione tritici repe-

ritur, tunc cessandum est ab evulsionem zi-  
zaniorum. Conservatio enim tritici est finis  
intentus a patre familias; si igitur sunt pu-  
blica mala, sed non possunt puniri, nisi ju-  
sti puniantur cum eis; aut quia isti ab illis  
separari aut discerni non possunt, aut quia  
adhærent aliquo modo illis, secundum Gre-  
gorium, melius est tolerare malos, quam  
punire bonos; quia infonem & justum non  
occides, ut dicitur Exod. 23. Ab hoc exci-  
pitur, si tolerando malos ut parceretur bo-  
nis, sequeretur majus scandalum & majus  
malum, quam puniendo bonos, quia in tali  
casu non esset parcendum tritico.

Allegat auctoritatem Origenis homil. 21.  
super Josue cap. 15. ubi dicitur, *Jebusæum*  
*autem habitatorem Jerusalem non poterunt de-*  
*lere*, &c. ista auctoritas est pro me & con-  
tra allegantem, quoniam ad manifesta pec-  
cata. . . . esto ergo, quoniam non possu-  
mus ejicere omnes istos, qui nos conculan-  
cant; saltem quos possumus, quorum pec-  
cata manifesta sunt, ejiciamus; ubi dat in-  
telligere, quod aliqua sunt peccata manife-  
sta, quæ non possumus ejicere, & ita sunt  
toleranda, quia dixit: quoniam non possu-  
mus ejicere omnes istos qui nos conculant.  
Subdit: saltem quos possumus, &c. Dicit  
autem quod omnia manifesta quæ possumus  
punire, puniamus; & hoc placet mihi, &  
est pro dictis meis; de occultis concordat  
mecum, quod multa mala sunt mixta bonis  
in ecclesia militante. Dicit consequenter,  
quod per omnes parabolas allegatas solum  
arguitur, quod sunt mixti mali cum bonis,  
& cum malitia est occulta toleratur, quod  
non videtur omnino concordare cum prima  
parabola; nam dicitur quod servi dixerunt  
patrifamilias: *Nonne bonum semen seminasti*  
*in agro, & unde habet zizania?* Igitur illi  
distinguerunt inter zizania & triticum, nec  
ignotum erat illis esse ibi zizania; tamen il-  
lis volentibus ea eradicare dictum est: *Sin-*  
*ite ea crescete usque ad messem*. Præterea de  
nuptiis, ubi congregari sunt boni & mali  
Matt. 22. Erat ibi non habens vestem nu-  
ptialem, quem bene discernebant, & judi-  
care poterant non habere virtutem carita-  
tis, sicut distinguitur manifeste habens ve-  
stem nuptialem a non habente: tamen man-  
sit in nuptiis, usque dum venit rex, quod  
erit in finali iudicio, aut in morte ejusli-  
bet. Patet ergo ex hoc, quod aliqui mali  
etiam publice tolerantur cum bonis; ve-  
rum hoc fit, aut quia hic non habent su-  
um iudicem, aut quia non possunt convinci  
de malitia sua, aut quia non esset pax sal-  
va, si punirentur, aut alia rationabili causa.

Ad illud de sicca dicit, quod si sunt ali-  
qua peccata specialiter testia hypocrisis, pos-  
sent ad tempus tolerari; sed possent tantum  
in hypocrisis crescere, quod posset ejici  
& puniri. Hæc ratio non solvit. Nam constabat  
tribus annis sicum non habere fructum,  
tamen tolerabatur: ergo ubi constaret ali-  
quem non habere fructum boni operis tri-  
bus annis veteris legis scriptæ, & aliqua par-  
te legis gratiæ, adhuc aliqua rationabili  
causa expectatur & permittitur, si solum  
illo tertio anno, scilicet in tempore gratiæ,  
fructificet.

Con-

ANN  
CHRIST  
1433.

Contra a-  
uctoritate  
Origenis  
ab adver-  
sario alle-  
gatam.

Contra so-  
lutionem  
datam per  
omnes pa-  
rabolas  
legatas.

Contra so-  
lut. nen-  
de sicca

ANNO  
CHRISTI  
1433.Contra so-  
lut. de Sa-  
maritanis.Contra so-  
lut. de pa-  
ce salva.

Contra solutionem de peccato Samaritanorum, dixit quod Dominus ideo prohibuit discipulos punire, quia hoc faciebant zelo vindictæ. Si Samaritani puniendi erant, debebat Dominus instruere discipulos, quomodo corrigerent non zelo vindictæ, sed amore iustitiæ. Tamen hoc non fecit, & mansit peccatum eorum inaltum: & hoc propter duo bona: primo propter meritum discipulorum, qui habuerunt patientiam; secundo propter fructum conversionis Samaritanorum. Hoc testatur Ambrosius in positione allegatus, dum ait: Non semper in eos qui peccaverunt est vindicandum, quia nonnumquam plus prodest clementia, tibi ad patientiam, lapso ad correctionem. Denique Samaritani citius crediderunt, a quibus hoc loco ignis arceatur.

Quoniam propter angustiam temporis non possum prosequi singula, ad principalia puncta de cetero considerationem meam convertam. Venio igitur ad responsum opponentis, quam fecit de pace salva, ipse posuit duplicem pacem, scilicet Dei & mundi. Primam tripliciter subdivisit, scilicet hominis ad Deum, ad se, & ad proximum; deduxit quod ista sine virtutibus non stabilitur, quia habita pace ad Deum, subsequitur pax hominis ad se, & ad proximum. De secunda pace, scilicet mundi, dixit quod sæpe illa est fuscata & fallax, &c. Per hoc ad auctoritates canonum & doctorum, & C

Circa ista imprimis dicendum est opponenti, quod pacem insufficienter divisit in pacem Dei & mundi, pacem mundi vocando eam, quæ in possessione temporalium bonorum consistit. Cum secundum Augustinum 19. de Civitate: Pax hominum sit ordinata concordia; & secundum Dionysium 11. c. de Divinis nominibus, pax sit omnium unitiva & consensus operativa. Ideo quot modi sunt concordie aut unionis hominum, tot sunt modi pacis; uniuntur enim homines Deo per caritatem 1. Cor. 6. *Qui adheret Deo unus efficitur cum illo*; secundum hoc est pax Dei. Uniuntur etiam homines ad invicem per amicitiam, & quia illa est triplex, scilicet propter honestum, propter utile, propter delectabile; illa pax, quæ super amicitia propter honestum fundatur, est pax virtuosa, aliæ duæ, quæ super amicitia propter utile & propter delectabile fundantur, non sunt veræ paces, sed fictæ, fuscatae, & interdum dicuntur: pax mundi, &c. videtur cepisse opponens, quam pacem non laudant morales, quia tantum durat quantum amicitia, in qua firmatur; & illa tantum quantum bona utilia aut delectabilia. Statim autem illis deficientibus turbatur. Ideo Gregorius dicit: Quieto mari, etiam imperitus navem dirigit, turbato autem tempestatis fluctibus, etiam nauta peritus se confundit. Omissit ergo opponens meas, pacem virtuosam in amicitia, propter virtutem fundatam, & propter bonum honestum, de qua morales philosophi locuti sunt, quam leges humanæ pro suis sibi præscribunt, per quam manet inter homines tranquilla conversatio, ex hoc quod illi ad virtutes trahuntur. Nam audacia per

vim legum reprimatur, & nocendi facultas cohibetur, ut tandem, qui metu a malo abstinerint, per consuetudinem voluntarie abstineant. Hæc pax quoddam bonum divinum est, sicut & bonum commune vel gentis, ut ait Aristoteles. Differt tamen a pace Dei, cum inter gentes moraliter viventes reperiri possit, ubi non est fides, inter quos tamen non est pax Dei, quæ in caritate firmatur: Quia ibi non est fides; igitur nec caritas. Fides enim est substantia sperandarum rerum. Hebr. 11. Ista pax politica & moralis ad pacem Dei disponit, quia angelus pacis in fissura cordium non habitat. Nam in pace factus est locus ejus, ait propheta; hinc est quod de ista pace boni communis multum solliciti fuerunt omnes iusti rectores, propter quam leges statutæ sunt, pro qua servanda aliqua mala toleranda sunt sanctis judicantur, ut allegavi in propositione; non ideo quod ista sit præponderanda paci ad Deum: sed ideo per illam veniunt ad pacem Dei; & illa turbata, fit major offensa Dei. Si civitas confundatur, nonne sequuntur homicidia, rapinæ, sacrilegia, ecclesiarum oppressiones & alia omnia peccata? Scitum est quid dicat Seneca in declamationibus: Multitudo, ait, mota non servat modum. Igitur sancti & iustissimi rectores politiciarum, ut pax communitatum servetur, toleraverunt aliqua mala: non quia illa placerent; sed ne dum vindicare satagerent, tumultus fieret in populo, & inde majora peccata surgerent, & major Dei offensa. Itaque minora tolerantur, ut major Dei offensa vitetur. Hæc est causa cur tantum de pace salvanda loquitur Augustinus in plurimis passibus librorum suorum contra epistolam Parmeniani & Apostolum 2. Cor. 12. multitudinem peccantem non minatur corrigere; sed prædicit suam pro illa humilitatem & luctum; doctoresque concorditer mitius agendum cum multitudine asseverant, quam cum persona privata. Non autem propter pacem illam, quæ est in bonorum fortunæ pacifica possessione aut delectationum periturarum tranquillo usu: quoniam ista fallax est nec duratura; magis etiam interdum veræ paci cum Deo nociva, quam ad illam promotiva. Putavit forte meus opponens, eodem modo esse regendum hominem solitarii & politici, quod fieri non potest. Qui enim solitariam vitam ducunt, non subiciuntur legibus principum, sed sunt liberi ab illis 2. Cor. 3. *Ubi spiritus Domini, ibi libertas*: Unde illis non sunt necessariae virtutes politice; sed sufficient theologicæ & infusæ. Qui vero politice vivunt, ad bene vivendum virtutibus & legibus necessario indigent. Primis sufficit pax Dei, secundis necessaria est pax politica. Quoniam autem naturale est homini in societate vivere, quod loquela, quæ est propria homini, declarat, per quam unus alteri suos cogitatus exprimit, dicente beato Augustino, in Enchiridion, 10. Etenim propterea verba instituta sunt, ut eis quisque in alterius notitiam cogitationes suas proferat; oportuit fundari politias, provincias & regna in quibus humanæ indigentia subvenitur, quod in solitudine fieri non poterat: ideo sapiens ait

Ec-

ANNO  
CHRISTI  
1433.



ANNO  
CHRISTI  
1433.

Ecclesiastes 4. *Melius est esse duos quam unum; habent enim emolumentum mutua societatis.* Quemadmodum in rebus naturalibus sunt duplices proprietates; quædam sequentes materiam, quædam formam; & illæ, quæ materiam sequuntur, sunt imperfectionis; quæ vero formam, perfectionis: sic in homine, mortale sequitur materiam, scilicet quia compositus est ex contrariis; rationale animam. Et in artificialibus, in cultello, quod possit contrahere rubiginem, insequitur materiam ejus, scilicet ferrum. Quod vero possit scindere, quod perfectionis est, formam attinet. Sic est in politia, in ea homines pro magna parte imperfecti, sunt materia: sed ordo civium ad suum primum, & ad invicem, est forma; ex prima pululant multa mala, ex secunda bona. Nam ea parte bonum commune est quid optimum & divinum. Unde Gen. 1. cum dictum esset de quolibet, *quod esset bonum*; de omnibus dictum est, *quod erant valde bona.* Velle igitur esse politia sine peccatis, est velle esse politiam ex alio quam ex hominibus; sicut velle habere cultellum, qui non posset rubiginari, est velle habere cultellum non de ferro. Velle autem homines omnes esse solitarios, est velle contra eorum naturam, & tollere de rebus majus bonum. Unde putando evitare illo modo mortalia peccata publica, inciditur in majus malum, quam est illud quod vitatur, quia natura humana denaturatur: ideo necesse est ut si bene vivat, sit melior homine; & si male, pejor bestia; & quoniam arbitrium hominis est valde volubile & fragile, non est bonum imperfectos solitariam ducere vitam; quia cum impugnantur a carne, a diabolo, non habent auxiliatorem hominem, ideo periculissime cadunt. E contra in communitate viventes habent adiutorium hominum, ideo firmius stant. Proverb. 18. *Frater qui juvatur a fratre civitas firma.* Non ergo immerito sancti & doctores habuerunt de pace boni communis & ecclesiæ tantam curam, ut sonant eorum auctoritates. Unde si opponens ad illas voluit respondere ad unum *per Dominum*, debuit dicere *amen*, hoc est quod sunt veræ, & concludunt. Nec erat dicendum, quod tanti doctores respexissent magis pacem politicam temporalem quam spirituales, intelligendo per pacem politicam temporalem illam quæ in fruitione, aut magis proprie, usu temporalium bonorum, fundatur, quam ipse dicit esse incertam, nec veram pacem, etiam ab hostibus securitatem allaturam, sed magis fraudulentam, illutivam, & sæpe criminibus involutam. Absit enim quod illi sancti pro tali pace dixissent toleranda esse aliqua mala publica mortalia; sed hoc dixerunt, pro illa pace politica, quæ fundatur in virtute & amicitia propter honestum, etiam loquendo moraliter. Non tamen plus ad illam quam ad pacem Dei in caritate fundatam aspexerunt; immo minus ad istam oculum verterunt, ut veniretur ad illam veram pacem, quæ est Dei; quia per illius turbationem turbatur & illa pax Dei; & hoc de toto primo puncto principali.

Quantum ad secundum punctum principale, ostendere propono falsitatem sex doctorum opposentis.

Primum dictum ejus est & prima suppositio: In primordio fidei Christianæ vixerunt sacerdotes ac clericorum omne collegium, sub principum sæculi coactiva jurisdictione, usque ad tempora Constantini primi, Romanorum imperatoris. Si intelligere vellet, quod hæc subjectio clericorum sub potestate sæculari, non erat de jure & iustitia; sed de facto aut injuriosa violentia tempore primitivæ ecclesiæ, in quo sancti martyrizabantur & opprimebantur, nec poterat ecclesia tunc resistere tyrannidi illorum principum; hoc concederem: sed medicum proficeret opponenti, etenim super hoc sic intellecto, male fundata dicta sequentia. Sed si intelligat, quod hæc subjectio clericorum erat iusta, sicut videtur sentire ex decursu suo, dico hoc non posse esse verum; quod patet. Primo sic, quatuor fuerunt principales orbis monarchiæ, ut habet beatus Augustinus in libro de Civitate Dei, & chronice authenticæ testantur: Prima fuit apud Assyrios inchoata per Ninum filium Beli, per quem publice idola sunt inventa nomine patris sui, ut Magister dicit in historiis, licet aliqui de nimio faciant difficultatem; & duravit regnum Assyriorum mille ducentis quadraginta annis, secundum eundem Augustinum libro 4. de Civitate Dei. Secunda monarchia transiit ad Judæos & Persas tempore Darii & Cyri & aliorum regum, ut patet in Daniele. Tertia fuit apud Græcos & Egyptios, quæ tempore Alexandri Macedonis floruit, ut apparet 11. Machabæorum 1. Quarta fuit apud Romanos. Quatuor ista regna vel imperia designata sunt in visione Nabuchodonosor regis, dum vidit statum auream, ut patet per expositionem Danielis in 2. cap. consequenter ibi dicitur: *Post ista quatuor regna suscitabit Deus regnum cæli, quod non dissipabitur, & regnum ejus populo alteri non tradetur. Comminet autem & consumet omnia regna, & ipsum stabit in æternum.* Illud autem regnum est regnum Christi, designati per lapidem abscessum de monte sine manibus, quia conceptus ex Virgine sine opere viri, qui comminuit testam, ferrum & æs, argentum & aurum; quia omnes monarchias regnum Christi subiecit. Hoc autem regnum Christus Petro suo vicario dimisit & successoribus ejus. Nam dixit: *Tu es Petrus, & super hanc petram ædificabo ecclesiam meam.* Et iterum: *Quodcumque ligaveris super terram, erit ligatum & in cælis.* Hac consideratione motus Constantinus post baptismum a Christo inspiratus, quem viderat in baptismo suo, ut ipse testificatus est, cessit Silvestro, vicario Christi, imperium in Occidente. Ex hac ratione patet clerum, & specialiter summum pontificem non esse subiectum de jure dominis temporalibus.

2. Præterea papa a Deo, & non ab homine habet jurisdictionem: ergo de jure nulli principi sæculari subijcitur, nec ab aliquo particulari homine judicari potest; sed a Deo solo, exceptis casibus, in quibus a concilio generali potest judicari, quod etiam

ANNO  
CHRISTI  
1433.

Adus primi diei. Contra primam suppositionem ad veritatem, quod sacerdotes & ecclesiastici non fuerunt subiecti de jure potestati sæcularium,

ANNO  
CHRISTII  
1433.ANNO  
CHRISTII  
1433.

etiam a Christo immediate habet potestatem.

3. Item, imperator inferior est papa, & ne intrem labyrinthum, est inferior papa in spiritualibus, ergo in spiritualibus papa ac ejus clerus imperatori non subijcitur.

4. Item, imperator est filius ecclesiæ, & non pater, 96. dist. Si imperator. Filius autem non corrigit patrem ejus. Omnis enim lex erubescit filios esse patrum correctores.

5. Item, papa non est de foro imperatoris; nec ratione papatus, quia illum habet a Deo immediate. Johan. ult. dixit Dominus: *Pasce oves meas*; nec ratione domini temporalis, nam licet imperator dotavit ecclesiam, tamen ipsam donationem liberam fecit, nec fecit papam feudatarium, aut emphyteutam, aut vassallum. 63. dist. Ego Lo-

docus. 17. q. 1. ff. Novarum.

6. Ceterum clerici non sunt inferiores laicis: immo e contra, & aliqui sunt eis infestis, ut patet 2. q. 7. Laici. Ergo non sunt de jure subiecti ipsis laicis.

7. Aliunde idem patere potest sic: Qui præest præstantioribus, non debet etiam ordine naturæ subesse ei qui præest villioribus. Papa & pontifices præfunt melioribus, quia in spiritualibus habent regimen animarum, & domini temporales regimen corporum & rerum. Ergo &c.

8. Rursus spiritualia fortiora sunt temporalibus, nam temporalia transeunt, Sap. 5. Quid nobis profuit superbia, aut quid divitiarum fastantia contulit nobis? transferunt omnia ista tanquam umbra; spiritualia vero non transeunt. Luc. 21. Cælum & terra transeunt, verba autem mea non transeunt.

9. Amplius esto quod papa & imperator ac ceteri domini spirituales & temporales habeant a Domino potestatem: tamen specialiori modo papa, ut patet 22. dist. c. 1.

f. animum

10. Item, qualis est ordo finitum \*, talis & potestatum: sed finis potestatis temporalis ordinatur ad finem potestatis spiritualis; finis enim proprius potestatis temporalis est cives facere bonos, bonitate scilicet politica, & pax politica est ex iustitia servata, secundum quod scriptum est Isaia 32. Et erit opus iustitiæ pax, & cultus iustitiæ silentium; & ista ordinantur ad æternam beatitudinem, quæ est finis regiminis spiritualis. Igitur, &c.

11. Ex objecto istarum potestatum idem potest argui. Licet enim idem sit materiale objectum utriusque, tamen formale est alterum. Uterque siquidem homo subiectus est, & objectum ejus est: sed secundum aliam rationem. Nam ratione qua homo, objectum est temporalis potestatis: sed ratione qua susceptivus gratiæ, qua & filius Dei per adoptionem, & membrum Christi effici potest, est objectum potestatis spiritualis; & hæc consideratio formalis longe est altior prima.

12. Et hoc idem ex dictis opponentis in sua positione patet. Nam in uno notabili aut potius corollario juxta principium dicit, quod ecclesia habet duas partes, scilicet laicos & clericos, tanquam corpus & animam; & infra dicit: Sicut corpus non debet facere aliquod opus animale, nisi proportionaliter, ut habet influxum & motio-

Concilior. Supplem. Tom. IV.

nem a spiritu; sic pars laicalis ecclesiæ non debet in aliquam correptionem fraternam procedere, Christi sacerdotibus inconsultis; ex quo arguitur propositum: Laici non debent procedere ad executionem suæ potestatis, absque consilio sacerdotum: ergo sacerdotes secularibus potestatibus non sunt subiecti. Immo planius loquitur ad propositum meum; nam ibi dicit post verba allegata: ab illis enim, scilicet clericis, oportet ut procedat sub authentico omnis secularis correptio. Quod si ita est, quomodo ergo erunt sacerdotes illis subiecti? quomodo ab inferiori accipiet formam & modum correctionis superior?

13. Auctoritatibus veteris testamenti idem arguitur. Jeremias fuit sacerdos de viculo Anathoth, tribus millibus distante ab Jerusalem; fuit autem superior regibus & principibus secularibus. Patet Jerem. 1. Ecce constitui te hodie super gentes & regna. Ergo sacerdotes, in eo quod sacerdotes, non fuerunt regibus subiecti.

14. Item, Samuel invocator nominis Domini, juxta Prophetam: Et Samuel inter eos qui invocant nomen ejus, typum gerebat papalis nunc dignitatis; ipse tamen judicavit populum Israel cunctis diebus suis, ut patet 1. Reg. 7.

15. Item, Melchisedech rex Salem fuit sacerdos Dei altissimi, qui tenuit typum Christi. Psal. 109. Tu es sacerdos in æternum secundum ordinem Melchisedech. Certum est illum nulli regi fuisse subiectum, immo & majorem Abraham, quia illum benedixit; & planum est, quod major est qui benedicit, quam qui benedicitur, quia sine ulla contradictione, quod minus est a meliore benedicitur, ad Hebr. 7.

16. Item Moyses fuit sacerdos Psal. 98. Moyses & Aaron in sacerdotibus ejus: tamen omnibus diebus vitæ suæ judicavit populum Israel, nobiles & non nobiles, ut patet in decursu Exodi & Deuteronomii, & in multis passibus Levitici & Numerorum. Quod autem fuerit superior temporalibus dominis puta Pharaone rege, qui tenebat populum Domini captivum; patet, quia scriptum est Exodi 7. Ecce constitui te Deum Pharaonis, deum scilicet participatione, non natura. Nam sicut dicitur de spiritualibus viris: Ego dixi dii estis, & filii Excelsi omnes; si dicatur quod fuit dominus Pharaonis, propter peccatum infidelitatis ejus non impedit propositum. Pharaon enim licet esset infidelis, tamen erat rex, ergo illi regi Moyses dominabatur, dominabatur & fidelibus, ut ante probatum est.

17. Sunt etiam exempla. Recitat Magister in historiis, quod Alexander Macedo monarcha, habuit de Jado summo pontifice Judæorum visionem, ut ipsi tanquam superiori honorem deferret. Unde cum veniret in Judæam Alexander, cum proposito destruendi & humiliandi Judæos, post dictam visionem in itinere habitam, ipso appropinquante Jerusalem, Jadas pontifex a Deo in visione instructus, cum reliquis sacerdotibus in pontificalibus Alexandro ex civitate occurrit. Qui Alexander, ut ipsum vidit pontificalibus ornatum, & cidarum ubi erat scri-



ANNO  
CHRISTI  
1433.

ptum nomen *tetragrammaton* secundum legem in fronte pontificis, statim de equo descendit, dignissimeque antistitem veneratus est, nomenque adoravit divinum. Cum autem principes ejus admirarentur quod fecerat imperator, respondit eis; quod non ipsum adorasset, sed Deum, cujus principatum tenebat & vices gerebat; & in somniis pridie dicit se Deum in tali habitu conspexisse. Qui cum Jado veniens Jerusalem, templum maximis honoravit donis, barbaricamque contra Judæos feritatem deponens, ipsos ab omni exemit tributo, ac libertati donavit; propter quam causam prosperatum est ejus imperium.

18. Simile habetur in chronicis summorum pontificum, de Totila rege Wandalarum erga Leonem papam, anno quadringentesimo secundo, quomodo Leo veniens de Urbe, & occurrens eidem Totilæ in planitie Lombardiæ, quam flammanti gladio crudeliter devastabat, ipse Totila de equo descendens, papæ reverentiam fecit propter visionem quam de ipso habuit; ipseque Leo eum propitium reperit, ad cujus preces a feritate destitit, & de Italia recessit. Ecce quod Gentiles principes sacerdotes Domini venerantur, & tanquam superiores arbitrantur. Cum autem sacerdotum evangelicum sit dignus sacerdotio levitico, aut illo qui fuit in lege naturæ, quomodo dici poterit sacerdotium evangelicum esse potestatis secularibus subiectum?

19. Sufficit mihi pro auctoritatibus novæ legis testimonium Christi & sui fidelis apostoli Pauli. Dicit Dominus Matt. 17. Quod filii sint liberi a tributo; per filios apostolos, discipulos & successores eorum intelligens. Hinc notat Gloss. ex dictis Augustini super illo passu Apoc. sic dicentis: Christus dixit in omni regno filios esse liberos, id est non esse vestigales. Multo ergo magis liberi esse debent in quolibet regno terreno filii regni ipsius, sub quo sunt omnia regna terræ.

20. Si quis dicat, quamdiu sunt filii, sunt liberi; sed peccatores jam non sunt filii, ideo sunt subiecti; hoc non videtur. Primo, quia cum de nullo possimus esse certi, quod sit in gratia; de nullo erit certum, si sit exemptus a subiectione temporalium dominorum. Item per peccatum mortale & publicum non amittitur dominium; nam sic sæpe domini temporales amitterent sua dominia, quod seditiosum esset dicere, & contra intentionem opponentis. Nam tunc ecclesiastici non essent eis subiecti. Item, contra expressa dicta ipsius, qui ponit Christum fuisse Pilato subiectum, & apostolos subiectos principibus secularibus infidelibus; & per consequens in peccato mortali existentibus,

& notorie, quia eorum infidelitas erat nota, & tales fuerunt principes temporales per longa temporum curricula. Dicere autem, quod justus sit dominus injusti, & injustus est resuscitare articulos Wicleff 7. & 30. Hus. Unde si opponens hoc dicat, ut videtur facere in corpore 2. quæst. 2. puncti, contradicit alteri dicto jam tacto, ubi ponit ecclesiasticos fuisse subiectos dominis temporalibus usque ad tempora primi Constantiniani, cum tunc ecclesiastici essent boni, & principes mali. Si intelligit, quod justus sunt superiores peccatoribus meritis, sed non dominio, hoc non negarem: sed modicum valeret ad propositum suum.

21. Allegationes in decreto possem assumere ad propositum meum directe compositas, sed illas prætereo, paucis demtis, scilicet Nicolai papæ tribus capitulis consequenter positis, scilicet: *Cum ad verum. Satis evidenter, & In scripturis*; accipio quod ab Ambrosio dicitur in principio sui (a) Pastoralis. Dicitur enim sic: „Honor, fratres, & sublimitas episcopalis nullis poterit comparationibus adæquari. Si regum fulgori compares & principum diademati, longe erit inferius, quam si plumbi metallum ad auri fulgorem compares; quippe cum videas regum colla & principum submitti genibus sacerdotum, & osculata eorum dextera, eorum orationibus creantur se communi. Hæc auctoritas expressa est contra dictum istud opponentis. Nescio si auctoritatem B. Ambrosii negabit, sicut fecit B. Augustini de tolerantia meretricum.

22. Eadem sententia de non subiectione ecclesiasticorum patet capitulo *Si imperator*, ubi de potestatibus secularibus dicitur: „Quas si fideles sunt, ecclesiæ suæ sacerdotibus volunt esse subiectas; non sibi vindicet imperator alienum jus & ministerium, quod alteri deputatum est, neque contra eum contendat abrumpi, a quo omnia constituta sunt.

Venio solvere rationes suas. Ad primam Christum verbo & facto præcepit & docuit, &c. Nego istud, immo docuit oppositum; docuit enim filios regum non esse subiectos tributis, & per consequens nec aliis censibus principum, quia in nomine tributi intelligi potest omne jus census. Nam cum interrogasset Petrum: *Reges a quibus accipiunt tributum? a filiis an ab alienis?* & Petrus respondisset: *ab alienis*. Concluserit Christus: *Ergo filii sunt liberi*, Matt. 17. Quod voluit solvere tributum aut didragma, fuit, non quia deberet: immo declaravit quod non debebat; neque ipse, quia rex regum erat; neque sui discipuli, quia filii

ANNO  
CHRISTI  
1433.

Responsi  
ad rationes  
ad primam

(a) Hoc opus Mabillonius tom. 2. Analectorum legitimo suo auctori restituit, scilicet Gerberto Scholastico, qui postea Silvester II. papa fuit; sub cujus nomine existit in cod. S. Martialis Lemovicensis cum hoc titulo, *Sermo Gerberti Philosophi papa urbis Roma, qui cognominatus est Gerbertus Silvester, de informatione episcoporum*. Citatur tamen sub nomine Ambrosii ab Humberto cardinali, lib. 1. adversus Simoniacos c. 16. Exstatque in veteri codice Hemerodensis annorum 600 cum hoc titulo, *Libellus venerabilis viri Ambrosii Mediolanensis episcopi, qui Pastoralis dicitur*. Ejusdem nomen præfert in calce vetustissimi libri Sacramentorum ecclesiæ Senonensis, & ad calcem collectionis Dionysii exigit in bibliotheca Chauveliniana. Martene.

filiis regis æterni per adoptionem; sed ne scandalizaret exauctores. Nam dicit: *Verumtamen ne scandalizemus eos, vade*, inquit Petro, *ad mare, & mitte bamum*, &c. Quod vero voluerit vitare scandalum exauctorum tributorum Cæsaris, non mirum; quia illud in illis videri poterat scandalum puillorum, qui dignitatem & excellentiam Christi & suorum sacerdotum ignorabant. Quod vero non teneretur, audivitis jam auctoritatem Augustini super illo: *Ergo filii sunt liberi*. Sed iterum Origenem audiamus, quem etsi in positione allegaverim, ideo repeto, quia ad ipsum nullum per opponentem vidi responsum. Ait enim sic: „Vide Christi pruden-  
tiam, qualiter nec renuit tributum, nec simpliciter jubet dare. Sed prius ostendit se non esse obnoxium, & tunc dat; quorum unum fecit, scilicet dare tributum, ut illi exauctores non scandalizarentur. Hoc autem quod ostendit se liberum, ut non scandalizarentur discipuli. Hæc Origenes. Igitur, patres, si discipuli fuissent scandalizati, si Christus dixisset se debere tributum, quid putatis, scandalizantur piorum corda fidelium etiam principum secularium, quando audiunt sacerdotum dignissimum subijci jurisdictioni temporalium dominorum, & magis offendantur, dum audiunt concionari eos, delinquentes, data eorum pertinacia, in defectum suorum superiorum prelatorum multitudini indocte, debere subire non solum correctionis fraternæ, sed coactione iudicium? quid ultra restabit, nisi etiam idem dicere de principibus, & subvertere omnem politiam, dum iudicia ferentur ab ignorantibus iura, & quid distat inter sanctum & profanum?

Ad secundam, Petrus sequens doctrinam Christi præmissam, præcepit suis, &c. Possum dicere quod loquebatur de populo laicali, nec hoc est fingere, quia glossa marginalis sic dicit: Primo incipit instruere apostolus Petrus liberos, ibidem: *Subditi estote*, &c. dein servos, ibid. *Servi, subditi estote dominis vestris*. Postea mulieres, ibid. *Similiter mulieres subdite sint*: viris scilicet. Sed post hoc viros, ibid. *Viri similiter cobabitantes secundum scientiam*. deinde senes & adolecentes. Non patet ex glossa illa quod loquatur de clericis: ideo dicitur, quod de laicis loquitur, non fingitur; quia glossam illam pro duce habemus. Dicerem secundo, quod si de clericis loqueretur, ista subiectio esset perfectionis; quia dicit: *Subditi estote omni humane creature*; & manifestum est quod non subijciuntur etiam laici omni humane creature ex debito, quare nec clerici. Sed exhortaretur secundum illum intellectum ad humilitatem perfectam, secundum quod Apostolus dicit ad Rom. 12. *Honore invicem præstantes*, quem alter alteri exhibere potest propter Deum. Ideo cum dixisset apostolus Petrus: *Subditi estote omni humane creature*, subiunxit: *propter Deum*. Ad hoc opus supererogationis apostolus Petrus instruebat, ut scandalum aut occasio murmurandi contra fideles tolleretur. Non dixit: Ut obmutescere facias hominum imprudentium ignorantiam, quod tamen absque coactione aut debito,

Concilior. Supplem. Tom. IV.

sed spontanee hoc facere habeant, patet per subsequentia; quia dicit, quasi liberi, & non quasi velamen habentes malitiæ libertatem. Unde nec ficta sunt ista dicta, nec periculose exposita, sed veraciter & secure ad intentionem Apostoli, quam conformiter ad prædicta dominus Innocentius exponit, & dominus Durandus in quadam questione de origine jurisdictionum, qui ad illam auctoritatem respondet. Dicendum, inquit, quod non loquitur de subiectione, quoad jurisdictionem, sed quoad humilitatis meritum, quæ quoad omnes debet servari, magis tamen respectu regum & ducum, &c. Innocentius respondet: *Videat ipse sibi de periculo, qui ad talem jurisdictionem sacram scripturam trahit, cum non habeat pro se doctorem approbatum aut authenticam glossam.*

Unde ad auctoritatem Ambrosii super illo Luc. c. 4. *Luxate retia in captivam*, dictum est aliud apostolicum piscandi genus, &c. dico quod in illa auctoritate nulla fit mentio de ecclesiasticis, sed solum de Christianis viris, quod sint subditi sublimioribus potentatibus.

Ad aliam ejusdem doctoris super illo Luc. 20. *Ostendite mihi denarium, cuius habet imaginem*, dicitis si Christus, &c. Ista verba dico ego intellecta ut jacent, non possent stare, quia ibi dicitur, cum dedit Christus censum, non de suo dedit, sed reddidit mundo, quia propheta de eo ait Ps. 8. *Omnia subiecisti sub pedibus ejus, oves & boves universas, insuper & pecora campi*. Et ipse Dominus de se ait psal. 89. *Si esuriero non dicam tibi, meus est orbis terræ & plenitudo ejus*; & iterum Matt. ultimo: *Data est mihi omnis potestas in coelo & in terra*. Hanc vero ab initio sue conceptionis habuerat, sed non erat manifesta, ut fuit post resurrectionem. Dicam ergo quod dedit item de suo, hoc est de eo quod suum esse non putabatur, propter perfectum exemplum magnæ paupertatis, quod cunctis exhibebat, sicut ipse dicebat: *Vulpes foveas habent, & volucres coeli nidos, filius autem hominis non habet ubi caput suum reclinet*.

Et ad illud quod sequitur, de auctoritate Ambrosii, *Et tu si non vis*, &c. dici potest quod possessiones & bona ecclesiis data, non sunt divitiæ mundi, sed sunt Dei. Nam ex quo semel datum est Deo sanctum sanctorum erit Domino, ut habetur Levitici 27. & 12. q. 2. *Nulli*, ubi sic dicitur: *Nulli licet ignorare omne quod Domino consecratur, sive fuerit homo, sive animal, sive ager vel quicquid fuerit consecratum, sanctum sanctorum erit Domino, & ad jus pertinet sacerdotum; propter quod inexcusabilis erit omnis homo, qui a Domino vel ecclesia, cui competit, aufert, vastat, invadit vel eripit, & usque ad emendationem ecclesiæque satisfactionem ut sacrilegus iudicetur; & si emendare noluierit, excommunicetur.* In hac questione multa in hanc sententiam concordantia ponuntur per multa capitula.

Dico etiam quod de bonis ecclesiæ ad dotem pertinentibus principalem, non debet ipsa tributum, nec de decimis & primitiis

De quibus bonis eccl. debet solvi tributum.



ANNO  
CHRISTI  
1433.

& oblationibus. De his vero quæ emtione acquisivit, aut donatione vivorum accepit, multa dici possent, quæ causa brevitatis omitto, de quibus tamen adhuc pro ejus libertate multa habentur 23. q. 8. capitulo *Tributum*, & originaliter habentur Gen. 47. de libertate terræ sacerdotum in Ægypto in maxima necessitate, fame prævalida urgente. De hac libertate rerum ecclesiæ eadem causa & q. c. *Convenior*, multa habentur a beato Ambrosio.

Finaliter dico opponenti, quod si ratione possessionum datarum ecclesiæ vel acquisitionum debetur tributum, siue non: tamen hoc non arguit quod subiecti sint ecclesiastici temporalibus dominis, quantum ad personas eorum aut bona mobilia. Unde cum status non fundetur in bonis, sed in personis, ut in subiecto, nullo modo probat quod status ecclesiasticorum subiectus sit secularibus potestatibus. Nego etiam eidem, quod ecclesiastici sint elemosynarii laicorum principum, sed Dei & ecclesiæ, cuius sunt bonorum suorum dispensatores. Per ista patet etiam solutio dicti Apostoli: *Cui tributum tributum, cui vestigal vestigal, cui honorem honorem*.

Ad auctoritatem Ocham & omnia in dictis illis contenta, dico quod illa non sunt dicta ejus, sed Marfilii de Padua hæretici, cuius dicta condemnata fuerunt tempore Johannis XXII. Multa namque iste dogmatizabat in subversionem hierarchiæ ecclesiasticæ, statum ecclesiasticum multum vilipendendo. Et quod iste liber, qui dicitur Defensorium pacis, fuerit ejus, patet; quia in tractatu in Translatione imperii profertur, se illum fecisse in 2. & 22. capitulo: siue sit illius, siue alterius, ista dicta non concedo.

Hac igitur suppositione contrada & penitus elisa, patet suam conclusionem secundam esse falsam, ubi dixit peccata mortalia publica personalia prælatorum, sacerdotum & aliorum ecclesiasticorum, ubi correctio fraternæ aut generalis reprehensio per prædicationem verbi Dei non sufficeret, in defectu spiritualis præpositi, habita sufficientia, & data opportunitate, sunt per potestates seculares, aut per Christi fideles laicos, secundum dictamen divinæ legis, etiam sine aliqua speciali licentia ab ecclesiâ habita, coactive puniendi, & iudicio condemnationis vel diffinitionis, ut est actus iustitiæ, judicanda. Falitas hujus dicti in hac replica sua patet ex dictis, quia ecclesiastici non sunt subiecti illis principibus secularibus, aut laicis, ut diffuse ostensum est.

Ad rationes suas; ad primam de Christo, quod fuit etiam quoad personam jurisdictionis principis secularis subiectus, scilicet Pilati, vices agentis Cæsaris, dicunt aliqui doctores, quod Pilatus non iudicavit Christum, ut personam publicam, aut præminentem dignitate: sed tamquam privatam, accusatam sibi a principibus synagogæ & populo Judæorum, tamquam malefactorem, qui in hoc erat de foro Cæsaris & suo, quia præses erat in Judæa pro imperatore. Unde ipse Pilatus ait Luc. 23. *Obtulistis mihi hunc hominem*, hunc, inquam, hominem, quasi privatum; non pontificem, non in di-

gnitate constitutum. Tunc enim Christus, ut dicunt isti doctores, in hac parte non gerebat personam papæ, sed simplicis hominis coram suo iudice accusari; nec in hoc Christo papa successit. Succedit enim in potentia, non in accusatione maligna de eo facta. Immo est æstimandum, quod si coram Pilato fuisset unus de principibus sacerdotum aut pontificibus vel sacerdotibus templi accusatus, dixisset quod dixit de Christo: *Accipite eum vos & secundum legem vestram judicate eum*. Sed nec accusatores eum accusaverunt coram Pilato, ut pontificem vel scribam, sed ut populi subverforem aut deceptorem. Cum igitur nec coram iudice fuerit ut sacerdos vel pontifex accusatus, nec a iudice ut talis iudicatus, ex illo exemplo nihil potest concludi de subiectione clericorum dominis temporalibus. Sicut si laicus iudex ferat sententiam mortis contra clericum, putans tamen eum non esse clericum, & in quo clericalis discipline nulla apparent vestigia; non potest ex hoc actu acquirere in clericos jurisdictionem.

Præterea illud iudicium iniustum fuit ex omni parte. Tria enim ad iustum iudicium requiruntur, scilicet iustus ordo, iusta causa, iustus animus. Non fuit iustus ordo, quia non erat Pilato subditus Christus, ut ordinario iudici, sed tantum ex voluntate Dei permissiva; & esto quod fuisset verus iudex ejus, quod non concedo, tamen non fuit convictus de crimine, sed per falsos testes accusatus, Matt. 26. *Novissime venerunt duo falsi testes & dixerunt: Hic dixit: Possum destruere templum hoc, & in triduo reedificare illud*. Item non fuit iustus animus; quia Pilatus rimore ne Cæsarem offenderet, Christum iudicavit. Nam cum dicerent ei Judæi: *Si hunc dimittis, non eris amicus Cæsaris*. Scriptum est Johannis 19. consequenter dicitur: *Audito hoc verbo, Si dimittis eum sic, magis timuit*. Non fuit iusta causa, teste Pilato, qui dixit Luc. 23. *Nihil invenio causæ in homine isto*. Et iterum: *Ego ego coram vobis interrogans, nullam causam invenio in homine isto, ex quibus eum accusatis: sed neque Herodes*. Ubi Ambrosius: Pilatus Christum absolvit iudicio, crucifigit mysterio. Duorum ergo virorum testimonio Jesus insons ostenditur. Iterum Joh. 19. ait Pilatus: *Ego nullam in eo invenio causam*. Ubi Chrysostomus: „Non dixit quia peccavit et dignus est morte, donate eum festo: sed primum eum excusans, tunc rogabat ex abundanti, ut si nollet eum innocentem dimittere, saltem obnoxium donarent tempori. Dicerem etiam, quod ex parte Pilati iudicium caruit robore, quia vera non fuit Christus ei subditus: verum Christus ex summa humilitate & caritate ei subijci voluit, & Deus Pater, ut adum potestatis Pilatus exerceret in Christum, ut quantam habuerit caritatem Christus erga genus humanum ostenderet, quia non suo iudice iudicari voluit, abique causa mortis morte turpissima, debitum humani generis exsolvere. Sed ex hoc non concluditur, nec apparentiam habet argumentum, quod ecclesiastici subint principibus secularibus; quia ex opere supererogationis non concluditur

ANNO  
CHRISTI  
1433.

ANNO  
CHRISTI  
1433.Ad secun-  
dam.Ad ter-  
tiam  
Sacerdot.  
veteris le-  
gis erat  
carnale &  
terrenum  
& potestati  
terrenæ  
subiectum.ad quar-  
tam.  
ad quin-  
tam.ad sex-  
tam.ad septi-  
mam.

tur debitum in eo aut suis discipulis vel filiis.

Allegavit opponens dictum beati Bernardi ad archiepiscopum Senonensem: Dico quod non puto textum Bernardi sic habere. Tamen si ita esset, quod non credo, dicerem ad illud: Quanto magis super personas & temporalia omnium apostolorum & suorum successorum omnium episcoporum seu presbyterorum; quod istud intelligitur de potestate permixta non approbata, vel de actu potestatis, non de auctoritate. Nam Dominus permisit principes seculares in episcopos & presbyteros ac alios fideles actum potestatis exercere.

Ad illud de depositione Abiathar a Salomone, dico conformiter ad dicta in positione, quod sacerdotium veteris testamenti erat carnale, & per carnalem propagationem succedebat, ut patet ad Heb. 7. & 9. cap. licet esset ordinatum ad spirituale obsequium; & licet esset figura sacerdotii novi testamenti, minus tamen quam sacerdotium Melchisedech: Ideo ex parte qua illud sacerdotium erat carnale & terrenum, erat terrenæ potestati subiectum, & hoc in solutione in positione dictum est: sed in quantum erat spirituale secundum obsequium & secundum figuram, præminebat ei. Unde reges a sacerdotibus instruebantur & ungebantur. Nec sic erat seculari potestati subiectum.

Aliqui dicunt sic. In veteri testamento promittebantur temporalia in mercedem: ideo summa potestas erat terrena. In novo testamento, quia æterna promittuntur, summa potestas est spiritualis. Temporalia autem adducuntur ad necessitatem aut sustentationem: ideo in lege gratiæ non subditur iuridice status ecclesiasticus temporalis.

Ad Damasum qui se purgavit accusatus, &c. fuit in positione responsum.

Item, de Leone dictum fuit, quod fuit opus supererogationis, & non debiti, quod se iudicio Ludoci imperatoris submisit, aut suorum.

De Samuele posset dici, ut dictum est de sacerdotibus Leviticis, licet non fuerit sacerdos, sed propheta. Item, dicatur quod non se iudicio Samuel regis aut populi submisit, sed innocentiam, teste populo, demonstravit coram Saule. Volebat enim iudicari, id est declarari, & testimonio populi comprobari innocens in præsentia Saul.

Arguit quod communitas possit habere iurisdictionem in contumaces. Satis de hoc in positione dictum est. Sed replicat, cum dixeram communitatem Corinthiorum non habere auctoritatem puniendi ex iudicio, nisi cum consensu Apostoli; & arguitur quia Apostolus præfens eos arguit, quod dimiserant eum, scilicet Corinthium fornicatorem incorrectum, quam det licentiam vel dicat ista verba: *Ego quidem absens corpore*, &c. & allegat Ambrosium. Dico, quod ideo reprehendit eos, quod illum non corripuerant fraternaliter, quod poterant. Item ideo quod multi illum abhominabilem fornicatorem sustinebant, nec de peccato illius tristabantur. Nam dicit: *Et vos inflati estis superbe talem defendendo aut dissimulando peccatum.*

*sumi; & non magis iustum habuistis?* Unde ex hoc non concluditur quod communitas illa ex se haberet potestatem puniendi coactive seu per cohibitionem poenæ illum fornicarium. Nam dicit: *Et non magis iustum habuistis?* Ubi videtur magis innuere, quod solam correptionem fraternam ex seipsa habuerit. Nam frater super fratre dolere debet & lugere, si corripere non valeat, aut si correptioni non vult parere.

Dictum autem Origenis de correptione sacerdotum intellecta per dexteram, & populi per sinistram, de fraterna correptione currit, non de iudiciaria.

Quoad hoc quod dicit: *Proiecit eum abs te*. Multa inculcavit dicta prius in sua positione de Nabuchodonosor, de Vespasiano, de iudicio lato per Danielelem in presbyteros malos, quæ non repeto, quia soluta sunt in mea positione sufficienter.

Consequenter patet corollarium secundum questionis secundæ esse falsum, ubi dicit: Peccantibus rectoribus spiritualibus subditi fideles licite possunt, & in casu tenentur superiorum peccata per iustitiam corripere, castigare, aut punire. Ostensum etiam est jam suum notabile contra illud corollarium non esse verum: & si de correptione fraterna intelligatur, etiam est falsum. Nam per illam potest inferiori superiori, & par parem, sicut superior inferiori corripere; & miror quod communiter aut frequenter transit opponens de una correptione in aliam & ubi deberet evolvere æquocationem, congregat eam.

Quantum ad secundam suppositionem, ubi ponit quod per illud: *Dic ecclesiæ*, intelligitur fidelium universitas; hoc certe non nego, immo concessi in dictis meis in positione; sed non excludo per hoc prælatum. Unde illud: *Dic ecclesiæ*, dupliciter exponitur, id est prælato vel universitati fidelium; & quia non potest simul tota fidelium universitas congregari, dixi, quod dicendum est concilio generali in negligentia papæ. Illud enim habet claves ut papa, potest nolentem eum audire, excludere de ecclesiâ, ut sit sicut ethnicus & publicanus. Unde dictum Ocham, ubi per ecclesiâ negat Petrum aut aliquem episcoporum, &c. non recipio; quamvis autem, ut dixi, intuletur sic, tamen magis creditur esse Marfilii de Padua hæretici. Conclusionem suam primam ex illa nova suppositione illatam, reputo falsam, & per doctores in positione allegatos, Albertum Tho. Ri. de Media villa, Augustinum de Anchona fuit falsitas aperta. Et videte quomodo insufficienter probat ex lege correptionis fraternæ, nec coheret suæ suppositioni secundæ, & æquivocat in multitudine. Nam dixi in suppositione, quod per ecclesiâ bene intelligitur universitas fidelium, & ex illa lege: *Dic ecclesiæ*, quæ est universitas fidelium, concludit modo hanc conclusionem. Peccata mortalia publica personalia prælatorum & sacerdotum possunt, & in casu eorum data pertinacia, sunt a quolibet Christi fidei correptione fraterna, sufficientia & opportunitate habita, arguenda etiam publice, coram multitudine laicorum; patet, ait,

ANNO  
CHRISTI  
1433.



ANNO  
CHRISTI  
1433.

ait ex lege correptionis fraternæ. Considerate si ecclesia intellecta ibi: *Dic ecclesie*, sit multitudo aliqua laicorum, vel etiam omnium laicorum. Nonne ecclesia per eum est universitas fidelium, aut concilium generale eam representans. Dicit Christus: *Si ecclesiam non audierit, sit tibi sicut ethnicus & publicanus*. Illa laicorum multitudo excommunicabit nolentem audire? habet congregatio laicorum claves? Planum est quod non, maxime ex quo sunt ecclesiastici in rerum natura, nec laici faciunt ecclesiam, exclusis clericis, sed clerici & laici simul; & quia ecclesia tota non potest in uno loco convenire, convenit in concilio generali, & illud est ecclesia, de qua ibi: *Dic ecclesie*. Ideo dictum fuit in positione mea: Si prælatus delinquens correptus fuerit, nec audierit corripientem, potest ad superiorem haberi recursus; tandem dici ecclesie, id est, concilio generali. Certe si illud non audierit, sit cuilibet sicut ethnicus & publicanus. Non autem oportet currere ad multitudinem laicorum, & coram ea prælaturam arguere. Rationem in positione habitam facio, quæ talis est. A correptione fraternâ, si non sufficit, itur ad paternam, ideo post illam secretam admonitionem, sumuntur duo testes vel unus, ut cum prælato revelatum fuerit peccatum, aut etiam ecclesie, id est concilio generali; si negaverit accusatus vel delatus probari possit, & si iudicem non audierit, excommunicetur, aut sit excommunicatus. Modo a secreta correptione, eundo ad multitudinem laicorum, non itur ad patrem, nec itur ad illum qui per censuram ecclesie possit inobedientem punire. Ergo non est recurrendum ad laicalem multitudinem.

Ad rationes factas per adversarium pro illa conclusione. Ad primam.

Ad rationem quod Christus voluit argui coram turbis Johan. 8. *Quis ex vobis arguet me de peccato*, &c. Dixi quod secundum dicta Gregorii Christus non submittit se correctioni populi, sed ex ratione probat se peccatorem non esse. Allegavi textum Gregorii. Replicat, dicens: Miror quod tam exillem consequentiam faciat respondens, scilicet ego, istam videlicet: Christus ea ratione probat se peccatorem non esse; ergo in eodem textu non submittit se correctioni populi. Ad hoc dico, quod magis miror, quod imponit mihi hanc fecisse consequentiam. Nam esto quod utrumque dixissem, scilicet quod Christus ex ratione probat se peccatorem non esse, & quod Christus non se submittit correctioni populi: tamen non ideo vellem facere consequentiam inferendo hoc ex illo. Nam si dixi: Concilium nunc congregatum est, & dixi Bohemi sunt Basileæ: feci ergo istam consequentiam? Concilium congregatum est, ergo Bohemi sunt Basileæ. A puero didici tales illationes non valere, saltem de forma. Nam in consequentia bona & formali, consequens est inclusum in antecedente. Unde dixi magis caute quam refumit opponens. Nam dixi sic in forma. Secundum Gregorium in homilia, ut Thomas recitat in expositione hujus passus, non habetur quod submittat se correctioni populi: sed ex ratione probat se peccatorem non esse: dixi ergo, juxta verba.

Gregorii, non habetur quod submittat se correctioni populi: sed probat ex ratione &c. Tamen modo magis declarando me, vel extendendo, dico quod per ista verba: *Quis ex vobis arguet me de peccato*? Christus non submittit se correctioni populi. Probat, & ego ultra respondebo.

Secunda ratio ad questionem est soluta per prædicta, cum dicit sic: Probatur est quod per ecclesiam in illo verbo: *Dic ecclesie*, intelligitur non solum prælatus, sed etiam universitas vel multitudo populi, & dico quod non: sed intelligitur universitas fidelium omnium, aut concilium generale, ipsam representans. Dicit opponens, quod miratur, quod sic volo habere ecclesiasticos exemptos a correptione fraternâ tali, scilicet coram multitudine, &c. Dico quod miror, quod miratur. Admiratio enim secundum Aristotelem, venit dum effectus cognoscitur & causa ignoratur. Ipse autem bene videt causam cur nolo dicere ecclesiasticos a populo laicali, sed secularibus iudiciis debere corrigi; quia scilicet non sunt illis subditi. Desinat ergo mirari de cetero. Ideo igitur nolo concedere ecclesiasticos coram multitudine populi corripi fraternaliter, quia sic non debet fieri: sed corripiendi sunt fraternaliter, & hoc multum suadeo; & si nolint acquiescere, sunt corrigendi & puniendi paternaliter per suos superiores, & ut ita fiat multum opto. Unde quid causæ est quod miratur, si tamen causam dicti mei intelligat, sicut puto, quemadmodum & dictum?

Dicit in hoc quod ordinem correctionis fraternæ posui, ut primo secreta quis moneatur; postea si non audit, adhibeatur unus vel duo testes, quos si non audierit, dicat ecclesie, id est prælato, & consequenter illo negligente, et summo pontifice, dicatur ecclesie. Quod si illam non audierit, non habent laici quid faciant, nisi quod rem Deo committant, & orent pro illo.

Dicit, inquam, quod fugio, & nescit cuius doctoris est hæc glossa, nisi quod est mea. Sapiat verbum Christi de ordine fraternæ correptionis, & sentiet mecum in isto ordine. Nam postquam secreta monitio non sufficit, dicendum est ecclesie. Ecclesia autem secundum doctores, dicitur prælatus aut ecclesia universalis, seu concilium generale. Nam ecclesie totaliter congregatæ dici non potest. Igitur oportet dicere concilio illam representanti, in defectu prælatorum, quam nullatenus tenemus posse errare in universalis correptione moram. Si illam non audierit, attendite quid dicit Christus: *Sit tibi sicut ethnicus & publicanus*; habeatur tamquam excommunicatus, vel excommunicetur. Non dicit Dominus: A laicis corripatur, & per justitiam vindicetur. Ideo bene dixi quod laici non habent aliud facere, nisi ut rem Deo committant, & pro tali orent. Deus vero ecclesie suæ non deficit, sed quod utilis erit disponet.

Quod vero dictum est de laicis, quod nihil aliud habent facere de ecclesiastico; in isto casu accipiendum est; nisi ecclesia eos requireret in subsidium suæ jurisdictionis, ut quia censuras ecclesie non curavit, digna animadversione per brachium sæculare puniatur.

Alios

Ad tertiam rationem.

Quare ecclesiastici non sunt corrigendi per laicos.

Quomodo tamen & quibus sunt corrigendi.

Alios autem casus in positione, respondendo ad rationes positas, pro repetitis habetote, patres dignissimi; possem etiam dicere, quod laici illum qui ecclesiam non audierit, & sic esset sicut ethnicus & publicanus, possent prohibere ne noceret alteri, aut ultra graviter offenderet: sed non possent illum punire, nisi modo nunc expresso.

Ibi quia concilia de decennio in decennium a modo sunt celebranda, juxta ordinem concilii Constantiensis, querit, quid faciendum esset, si tempore medio aliquid enorme per papam fieret. Nolo repetere verba in forma, quia digna repetitione non sunt, sunt enim turpia, scandalum auditoribus facientia, sed & aeream maculantia. Nam ibi ponit casum, quem a saeculis non audivimus, de papa & uxore imperatoris, loquitur etiam de manu sacerdotis in gremio mulieris, &c. At omittamus indigna loqui. Tamen dico, quod si aliquid grave & enorme contingeret in persona papae, qui a nullo, nisi a concilio potest judicari in terris, esset concilium congregandum, si periculum immineret. Quia licet non possit prorogari ultra decennium illud tempus, potest tamen ex causa ardua breviori, & in casu suo esset accelerandum. Ubi autem requisitus papa nollet congregare concilium, ad cito occurrendum periculo, ecclesia habet providere, in tam arduis casibus & tam periculosis; & bonum est, quod per hoc sacrum concilium provideatur sufficienter per alium modum de medio opportuno.

Patet consequenter collarium ex illa conclusione sua deductum, non esse verum absolute; scilicet: Peccata mortalia praetorum & sacerdotum personalia publica, sunt in evangelizatione per sacerdotes fideles, data eorum pertinacia & habita sufficientia & opportunitate, caritative arguenda & detegenda etiam coram clero & communi populo. Est verum quod non negavi omnino esse praedicanda peccata publica coram populo: sed dixi quod non sunt praedicanda peccata personalia publica illorum, nisi cum magno moderamine, & discretate, temperantia verborum, etiam cum faciendum esset; puta si propter omissionem reprehensionis vitiorum cleri, populus crederet illa non esse vitia, aut non tanta ut sunt; aut haberet de hoc malam credulitatem, aut aliquod simile.

Restat ostendere, quod non sufficienter respondit ad rationes meas. Allegavi auctoritates scripturae veteris & novi testamenti, Telesphori papae, Gregorii Nazianzeni, Chrysostomi, Alexandri de Hallis, ad hoc quod inferiores non debent praetatos & presbyteros de publicis peccatis personalibus coram multitudine laicorum arguere. Ad quas omnes ad unum per idem responderet, quod intelliguntur de accusatione vel correptione imprudenti aut temeraria; & quando clerici & ecclesiastici servant limites sui status, & mores & statum cleri non offendunt.

prima re-  
lica con-  
tra solu-  
tionem  
averarii

Ista solutio non videtur vera. Nam numquam temeraria & imprudens correptio facienda est. Unde sicut nec inferiores habent

temerarie corrumpere superiores, ita nec contra. Igitur secundum istam glossam fictam dicendum est: quod superiores non habent arguere aut corrumpere inferiores coram laicis, supple, imprudenter & temerarie. Quod dicit praetatos & sacerdotes non esse corripiendos ante laicos, quando servant statum & mores, nec offendunt statum clericalem. Quomodo est hoc solvere? Certum est quod nullus debet argui aut corripri etiam fraternaliter, nisi pro peccato mortali. Per omne autem peccatum mortale boni mores maculantur. Unde si glossa sua sit vera, eodem modo diceret, quod laici non sunt corripiendi, cum nisi peccent non sunt corripiendi. Quod vero dicit istam glossam se accipere a dictis; immo non meis: sed beati Gregorii in Pastoralis lib. 2. c. 5. Salva pace non bene accipit. Nam dictum Gregorii est de iudicio discussionis. Dicit enim quod admonendi sunt subditi ne praepositorum suorum vitam temere judicent, si quid fortasse in eis reprehensibile videtur; & applicat ad correptionem, quam vult fieri coram multitudine, data pertinacia & habita facultate, de qua nihil Gregorius praecipit. Nam iudicium discussionis secretum est, & fit in corde iudicantis.

Præterea male ad suum propositum applicat dictum apostoli 1. Timot. 5. *Seniorem ne increpaveris, sed obsecra ut patrem*. Dicit: Hæc est regula observanda, cum culpa senioris suo exemplo non trahit ad interitum corda juniorum. Ubi autem sic est cum ista increpatione feriendus, &c. Considerate quod Gregorius exponit auctoritatem apostoli, quæ erat ad Titum episcopum; & ita Gregorius vult quod senior ab episcopo non dure increpetur, si tamen culpa senioris non trahat ad interitum corda juniorum: sed si trahat, districte increpetur ab eo. Non dicit ibi Apostolus aut Gregorius laicis aut subditis, quod increpent seniorem peccantem, sed episcopo. Male ergo ex hoc inferre potest, quod subditi possint seniores dure arguere, cum eorum culpa suo exemplo alios ad peccandum inducit: dum tamen peccatum senioris sit personale. Nec glossam quam pro me dedit, accepto ad verba Gregorii, sed quod loquatur de peccato senioris in fide, quando est dure arguendus. Nam credo quod intellexit de personali peccato. Peccatum enim in fide non tantum exemplo, sed per se ad interitum alios, trahit. Ideo talem glossatorem non habeo avocatum.

Dictum Gregorii 2. q. 7. *sicut laudabile*. Tertia. ad propositum suum non facit, quia loquitur episcopis in concilio congregatis, qui erant superiores primæ Clementio, quos hortatur ad puniendum illum, si talis inventus fuerit, ut fama protulerat; unde per hoc male infert quod inferiores habeant per iudicium superiores corrigere, aut illos coram subditis palam arguere.

Imponit mihi opponens, quod ad rationes suas probantes, quod peccata publica sacerdotum & praetorum personalia sunt in evangelizatione per praedicatores verbi Dei, habita sufficientia & opportunitate, data eorum pertinacia, coram clero & populo arguenda & detegenda; non respondi

suf-



ANNO  
CHRIST.  
1433.

Contra so-  
lutiones  
adversarii

Contra so-  
lutionem  
datam ad  
verba  
Constant.

Quod sa-  
cerdos ha-  
beat po-  
tatem ju-  
dicandi  
coactive  
non tan-  
tum hor-  
rative.

sufficienter, sed evasi, ut potui, superficialiter; libenter viderem quid contra solutiones meas replicasset; & hoc facere poterat, si erant insufficientes, sicut dicit, & ego responderem.

Ad rationes meas probantes, quod peccata mortalia publica personalia praelatorum & sacerdotum, &c. non debeant per seculares potestates puniri, aut Christi fideles laicos etiam subditos castigari, dicit quod posset dari generalis responsio, ostensa est frivola esse; nihil plus ad hoc dico.

Ad expositionem verborum Constantini, ubi dicit, quod ista verba fuerunt exhortationis ut ostenderet quales deberent esse episcopi. Nam tales esse debent, ut non coram secularibus potestatibus concertent, & hoc, Quoniam ad illud Dominus constituit vos sacerdotes, cum dicit, vobis datum est de nobis iudicandi, glossat exponens, & hoc iudicio spirituali ratione clavium, sicut medicus de morbo, non autem iudicio coactivo; illud non potest stare, quia sacerdos habet duas claves, scilicet scientiæ & potestatis. Verum est quod per primam habet auctoritatem discernendi de morbo spirituali, ut medicus de morbo corporali: per secundam habet auctoritatem ligandi & solvendi non tantum hortative, ut in pluribus passibus opponens innuit, sed etiam coactive, seu obligative. Nam si verum est, immo quia verum est illud ore veritatis prolatum Petro Matt. 16. *Quodcumque ligaveris super terram, erit ligatum & in cælis*; magis ligat faciendo quam princeps aut iudex secularis. Consequenter glossa illius: vos non potestis iudicari ab hominibus. est quod hoc intelligitur de sacerdotibus heroicis, quoniam dii vocantur. Hoc non videtur.

Nam mali episcopi malitia personali, & quamdiu tolerantur ab ecclesia, dicuntur dii & angeli. Diu psal. 60. *Ego dixi dii estis, & filii excelsi omnes*. Si omnes, tamen sunt inter omnes aliqui mali: Ergo mali dii dicuntur, etiam angeli. Nam angelus Ephesi, peccaverat, quia monetur ut agat poenitentiam; tamen dicitur angelus. Nec, ut dicit, coacti sua iudicia Romano principi detulerunt; sed expectantes ab eo certam vindictam, & acerbiorum vel favorem inordinatum ex hoc sperantes; & puto quod in hoc peccaverunt maxime, si tamquam suo iudici hoc fecerunt.

Facit ad auctoritates multorum sanctorum & doctorum unam solutionem, quod loquuntur de illis qui imitantur in vita Christum, quod tales non sunt iudicandi ab aliis; sed ista est glossa talis glossa reperitur; quoniam secundum illam diceretur, quod non sunt iudicandi a suis superioribus, quia nemo in hoc quod bene agit & Christum imitatur, iudicatur iudicio condemnationis a quocunque.

Inferit unam parvulam rationem in sua responsione. Quomodo, inquit, servabunt laici illud Domini præceptum: *Quæ dicunt facite: secundum opera eorum nolite facere*; nisi iudicent de vita & prædicatione. Hic est æquivalent, sicut frequentissime, de iudicio. Nam non est negatum, immo concessum in se-

cundo corollario 2. conclusionis secundi puncti, quod quilibet Christi fidelis potest iudicare iudicio discretionis de peccatis publicis sacerdotum & aliorum ecclesiasticorum; & per istud sufficienter impletur istud: *Quod dicunt facite: secundum opera eorum nolite facere*. Est verum quod adhuc facilius concedetur iudicium illud de prædicatione seu doctrina, quam de vita sacerdotum, subditis; tum quia prædicator sacerdotum ordinatur directe in salutem subditorum; vita autem non: tum quia defectus in prædicatione sunt periculosiores subditis, quam vitæ; tum quia facilius error prædicationis agnoscitur & certius, quam defectus in vita.

Ad auctoritatem Ezechielis 33. de speculatore, &c. dicit quod biblias multas vidit ubi textus iste non reperitur. Possibile est; sed si vidit antiquas & correctas in regno suo, æstimò quod clausulam illam reperit, non *populus terræ*, sed rogo num apud nos in talibus non reperitur? bene credo quod in quibusdam novis ac non bene correctis, ex vitio scriptorum non sit, sed male. Ulterius, si sit, inquit, hæc clausula, est intelligenda de requisitione finali & authentica; dicat mihi unicum doctorem qui sic exponit: credo quod non poterit. Nam sua glossa est utique sua, quia varia, quod fieri non debet in scriptura sacra, & imminet in tali modo magnum periculum, nec sic reperiet in sermonibus per me datis. Æstimò enim quod intellectus dati ad auctoritates per eum allegatas, in doctoribus reperientur, aut sanctis, aut scolasticis, aut ex dictis eorum eliciantur. Item cur excludisset dominus populum ab eo quod sibi nullo modo potest convenire, nec licite nec illicite; siquidem nullus prudens dominus prohibet id quod fieri non potest, alioquin debuisset Deus homini prohibuisse creare hominem, aut iustificare impium. Solum ergo hoc prohibetur quod fieri potest, & faciendo peccatum incurritur. Cum ergo populus terræ nullo modo possit requirere a speculatore vel custode sanguinem pereuntis requisitione authentica, quæ Deo soli convenit, frustra Dominus hoc ei vetasset aut prohibuisset, cum dixit: *Non populus terræ loquitur*. Ergo de requisitione subauthentica, & dicit quod illa, populus terræ non requirit sanguinem pereuntis de manu speculatoris negligentis. Quod allegat magistrum Nicolaum de Lira in 3. c. non facit ad propositum. Nam arguitur Ezechiel a Domino, non ab inferioribus, quod ulnerat. Auctoritatem Origenis super Genesim homilia, ut dicit, 16. allegat, si bene intelligatur. Dicit illos sacerdotes esse nequiores aliis, non propter libertatem sibi datam vel servatam a Pharaone, sed propter consensum quo eidem Pharaoni in malis favebant.

Ad auctoritatem Salvatoris Matt. 17. respondit per suppositionem primam. Hoc non est solvere, quia illa falsa est, & sufficienter improbat.

De Abimelech, quod fuerit subiectus regi Saul, quia se coram eo excusavit, ut ait de Lira, satis dictum est prius, quomodo sacerdotes levitici fuerunt aut non fuerunt subiecti.

ANNO  
CHRIST.  
1433.

Cur facilius conceditur populo iudicare de prædicatione sacerdotum quam de vita.

sti. Cetera usque ad materiam de indulgentiis transeo. Proponam tamen quod sentit de decimis. Est ergo secundum suum dictum hic improbandum, & est tale. Populus potest licite subtrahere decimas & oblationes malis sacerdotibus malitia personali: hoc dictum procedere videtur ex hoc, quod non sunt debite sacerdotibus, sed sunt pure elemosynæ. Si enim non sunt debite sacerdotibus a populo, populus propter malitiam personalem sacerdotum non est absolutus a debito, sicut nec ego si debeo Ticio 100. & ille fiat malus, sum absolutus ab illo debito. Istud dictum omnino coincidit cum 16. articulo Johan. Wicleff, qui in forma talis est: Decimæ sunt pure elemosynæ, & parochiani possunt propter peccata suorum prelatorum ad suum auferre arbitrium. Istud igitur ostendo esse falsum, divina scriptura pariter & humana. Primo divina, nam Levitici ultimo scribitur: Omnes decimæ terræ sive de frugibus, sive de pomis arborum Domini sunt; & infra: Omnium decimarum ovium & bovum & caprarum, quæ sunt sub pastorum, virga transiunt, quicquid decimum sanctificabitur Domino. Item Num. 18. Filiis Levi dedi omnes decimas Israel in possessionem pro ministerio quo servituri mihi in tabernaculo federis, ut non accedant ultra filii Israel ad tabernaculum federis, nec committant peccatum mortiferum, solis filiis Levi mihi in tabernaculo ferventibus & portantibus peccata populi, legitimum sempiternum erit in generationibus vestris. Item ibi: Levitici decimarum oblatione contenti erunt, quas in usus eorum & necessaria separavi. Præterea antea Jacob spondit solvere decimas Deo, Gen. 28. cunctorum quæ dederis mihi decimas offeram tibi. Amplius Malachie 3. scriptum est: Inferte omnem decimam in horreum meum, ut sit cibus in domo mea. Et probate me super hoc dicit Dominus, si non aperuero vobis cataractas cæli, & effundero vobis benedictionem usque ad abundantiam, & interperabo pro vobis devrantem, & non corrumpet fructum terræ vestræ, nec eritis steriles vineæ in agro, dicit Dominus exercituum. Et beator vos dicent omnes gentes, eritis enim vos terra desiderabilis, dicit Dominus exercituum.

In lege nova Dominus de solutione decimarum loquens Matth. 23. & Luc. 11. nec tamen opera alia debita volens propter harum solutionem prætermitti, dicit: Hæc oportuit facere, & ista non omittere. Apostolus ostendit, quod decimæ sunt debite, & si non ostendat quotam illam, tamen quantum ad hoc quod sufficiant pro sustentatione ministrorum, & ait primæ Corinth. 9. Qui altario servit de altario vivat; quis militat stipendiis suis umquam? Item idem ostendens quod sunt debite Deo ferventibus, allegat istud Deut. 25. Non infrangas os bovi trituranti; & quod non propter boves dictum sit, sed propter apostolos, & doctores, ait: Numquid de bobus cura est Deo, an propter nos utique hoc dicit? Nam propter nos scripta sunt; quoniam debet in spe qui arat arare, & qui triturat in spe fructus percipiendi; sequitur ad propositum; Si nos vobis spiritualia seminamus, magnum est si nos car-

Concilior. Supplem. Tom. IV.

naliam vestram metamus? ac si diceret: non est magnum immo debitum. Præterea Chrysostomus homil. 21. super Matt. in opere imperfecto ait: Nunc veniamus ad sacerdotes: scimus quia iustitiam servare, & misericordiam facere, & fidem habere propter gloriam suam mandavit Deus. Decimas autem offerre propter utilitatem sacerdotum, ut sacerdotes quidem in spiritualibus populo obsequantur, populi autem in corporalibus sacerdotibus ministrarent. Item Haimo super illo: Qui bene præsumunt presbyteri, duplici honore habeantur, ait in expositione: duplicem honorem præcipit exhiberi presbytero in salutationibus, videlicet ut humiliter se illi subditi, & in exhibendis donis studiosissime spiritualibus: hæc ille.

Jure humano probatur, quod decimæ sunt debite. Primo per beatum Ambrosium sermonem quodam, & habetur 16. q. 7. dicentem: Quicumque recognoverit in se, quod fideliter non dederit decimas suas, modo emendet quod minus fecit. Quid est fideliter dare? ut nec pejus nec minus aliquando offerat de grano, aut de vino, aut de fructibus arborum, aut de pecoribus, aut de orto, aut de negotio, aut de ipsa ventione sua. Et contra solvere nolentes sententia excommunicationis fulminanda est, ut patet in c. omnes, ubi dicitur ex concilio Rothomageni: Omnes decimæ terræ, sive de frugibus sive de pomis, Domini sunt, &c. ut Levitici ultimo supra allegatum est; sequitur: Sed quia modo multi inveniuntur decimas dare nolentes, statuimus ut secundum Domini præceptum admoneantur semel, & secundo & tertio, qui si non emendaverint, anathematis vinculo feriantur usque ad satisfactionem, & emendationem congruam, ut cap. sequenti dicitur: Decimas Deo & sacerdotibus Dei dandas, Abraham factis & Jacob promissis insinuat, & omnes sancti sacerdotes commemorant. Item Hieronymus super Malachiam in 3. c. & habetur 16. q. 1. Revertimini, dicit sic: Nunc exequamur ordinem prophetæ. Quia mihi non reddidistis decimas & primitias; idcirco in fame & penuria vos maledicti estis, & vos me supplantastis sive defraudastis. Ecce annus expletus est, & nihil in meos thesauros, sed in vestra horrea comportastis; & pro decimis & primitiis, quæ parva erant, ut a vobis darentur, libertatem possessionum vestrarum, & omnem frugum abundantiam perdidistis: ut autem sciatis me irascente hoc perfectum; quia fraudastis me parte mea, hortor vos atque commoneo. Glossa interlinearis super commoneo dicit: præcipio ut inferatis decimas meas in horrea mea, hoc est in thesauros templi, & habeant sacerdotes, arque levitæ, qui mihi ministrant cibos; & probate me, si non tantas pluvias effundero, ut cataractæ cæli apertæ esse credantur, effundam vobis benedictionem usque ad abundantiam. Et ibi multa de hoc per totum. In tantum autem dicuntur debite, ut tributa egentium animarum dicantur, teste beato Augustino eod. c. 2. q. c. Decimæ, ubi dicit: Decimæ tributa sunt egentium animarum; quod si decimas

R r mas



ANNO  
CHRISTI  
1433.

627

„mas dederis, non solum abundantiam fru-  
„ctuum accipies, sed & sanitatem corporis  
„consequeris. Super illo autem: *Egentium*  
„*animarum*, dicit glossa. Quod dantur e-  
„gentibus clericis, non ideo minus dandæ  
„sunt, si divites sunt. Nam intuitu persona-  
„rum dantur ecclesiæ. Hæc glossa: dicerem  
„quod sunt egentium animarum, sine pom-  
„pâ, distribui per ecclesiasticos debent egentibus.

Quod vero sit debitum sic solvere deci-  
„mas, & non pura elemosyna, patet, quia  
„Deus per brachium seculare se de non sol-  
„ventibus vindicare videtur, in hoc quod id  
„quod Deo dari debetur, & fiscus accipit: Unde,  
„Augustinus 16. q. 7. Majores nostri ideo  
„copiis omnibus abundabant, quia Deo deci-  
„mas dabant, & Cæsari censum redde-  
„bant. Modo autem, quia discessit devo-  
„tio Dei, accessit indiciò fisci. Nolumus  
„cum Deo partiri decimas, modo autem  
„tollitur totum, hoc tollit fiscus, quod  
„non accipit Christus. Item, idem super  
„illo versu psalm. 143. *Qui producit in mon-  
„tibus fenum*, ait: „Christus tacitus exigit,  
„& major est vox tacentis, qui tamen in  
„evangelio non tacet. Nam dicit: *Facite*  
„*vobis amicos de mammona iniquitatis*; ibi  
„de illo quod necessarium est victui ec-  
„clesiasticorum loquitur. Et sermone de deci-  
„mis reddendis, ait circa medium: Decimæ  
„ex debito requiruntur. Nota ibi, ex debito,  
„ut qui eas dare noluerit, res alienas in-  
„vadit, & quanti pauperes in locis ubi  
„ipse habitat, illo decimas non dante, fa-  
„me mortui fuerint, tantorum homicidio-  
„rum reus ante tribunal æterni judicis ap-  
„parebit; quia rem a Domino pauperibus  
„delegatam, suis usibus usurpavit.

Thomas autem 2. 2. q. 87. art. 1. in pen-  
„declarat, quod homines modo tenentur ad  
„solutionem decimarum, & quomodo in ve-  
„teri lege præceptum de solutione decimarum  
„erat partim morale, partim judiciale. Mora-  
„le & de dictamine rationis naturalis, quoad  
„hoc, quod his qui divino cultui ministrabant,  
„necessaria vitæ ministrarentur: judiciale ve-  
„ro erat ex divina institutione, quoad talem  
„determinationem, ut puta, quoad decimam.  
„Modo autem licet judicialia legis sint mor-  
„tua, tamen potest aliquid ex illis noviter  
„institui, & sic fecit ecclesia, quæ, ne po-  
„pulus Christianus minus daret sacerdotibus  
„Christi, quam populus Judæorum suis sa-  
„cerdotibus & levitis, qui ad majora tene-  
„bant, quam ille, secundum quod ait Domi-  
„nus Matt. 5. *Nisi abundaverit iustitia ve-  
„stra plus quam Scribarum & Phariseorum*,  
„non intrabitis in regnum coelorum: ordina-  
„vit & statuit dare decimam ministris novi  
„testamenti. Unde ad solutionem decimarum  
„homines tenentur partim jure naturali,  
„partim institutione ecclesiæ. Jure naturali,  
„quoad hoc, quod tantum detur illis ut suf-  
„ficienter & honeste vivant: institutione ec-  
„clesiæ, quoad determinationem decimæ par-  
„tis. In eandem sententiam venit doctor so-  
„lemnus 4. *Quodlibeto*, quæstione, utrum de-  
„cimæ sunt de jure evangelii; ubi post ali-

qua dicit in effectu, quod decimæ sunt par-  
„tim de jure evangelii & de jure naturali;  
„quod dico ego ibi fundatur: Dignus est ope-  
„rarius cibo suo, & in locis præallegatis;  
„partim de jure humano & positivo, sicut  
„olim erant partim de naturali, & partim de  
„jure positivo divino. Subtrahens ergo deci-  
„mas, Deo facit injuriam in quatuor, ut qui-  
„dam doctor ait. Primo, quia dehonorat De-  
„um, qui detinet sic rem sacram. Secundo,  
„tale facinus damnificat totum mundum, quia  
„subtrahuntur fructus huic sæculo, propter  
„avaritiam retinentium decimas, si non vin-  
„dicetur Deus. Tertio, quia tale peccatum  
„est grande, scilicet subtrahere decimas, quia  
„est sacrilegium. Decima enim pars est Dei  
„& pauperum ejus. Quarto, quia illa sub-  
„tractio est causa diminutionis divini cultus,  
„qui exercetur per institutos ministros. Un-  
„de illorum diminutio esset causa diminutio-  
„nis sacrificii pro populo, & doctrinæ fide-  
„lium. Propterea dicit se Dominus in illa  
„subtractione afflictum & confectum; & hoc  
„est quod dicitur Malach. 3. ubi prius alle-  
„gatum fuit: *Revertimini ad me, & ego re-  
„vertar ad vos, dicit Dominus exercituum;*  
„& dixistis: *In quo revertemur?* Respon-  
„det Dominus: *Homo si affligit Deum, quia*  
„*vos configitis me, & dixistis: In quo con-  
„figimus te?* Respondet Dominus, *In decimis*  
„& primitiis & in penuria vos maledixistis  
„& me vos configitis gens tota: Glossa ve-  
„ro super illo, *Configitis*, dicit: Tempore  
„Eisdæ tanta fuit fames, ut multi pro pe-  
„nuria filios & filias vendentes, & frumen-  
„ta ementes, levitis decimas non solverent;  
„qui etiam fruges in horreis congefserant,  
„pro magnitudine pretii decimas non sol-  
„vebant. Unde compulsi ministri templi,  
„fugerunt unusquisque in regionem suam.  
„Ideo dicit Dominus se in suis afflictum &  
„non accepisse decimas. Hæc ibi.

Auditis quomodo decimæ non sunt puræ  
„elemosynæ, immo sunt debite, & ad hoc  
„nunc tendit mea intentio. Unde si quis non  
„absolvitur a debito, pro hoc quod creditor  
„malus efficitur malitia personali, non sit po-  
„pulus deobligatus a decimis, quas debet sa-  
„cerdotibus bonis, si illi efficiantur malitia  
„personalis. Malitiam autem personalem  
„dixi, malitiam ex inordinata voluntate pro-  
„cedentem, non corruptentem fidem aut bonos  
„mores per malam doctrinam, & alios  
„illo modo non inficientem, nec rempubli-  
„cam ex intentione turbantem. In positione  
„autem allegavi multa originalia beatorum  
„Augustini, Hieronymi, Chrysostomi, ad osten-  
„dendum quomodo malis sunt bona debita  
„ministranda & elemosynæ; ex quo sequi-  
„tur bene, quod si elemosynæ sunt malis mi-  
„nistrandæ, ergo & debita hæc pro nunc de  
„debito decimarum malis sacerdotibus debi-  
„tarum, dicta sunt malis, scilicet malitia  
„personalis: scus autem si essent infideles,  
„aut sanctos mores per doctrinam malam sub-  
„vertentes, aut reipublicæ proditores, aut  
„turbatores ex intentione propria.

Accedo ad materiam indulgentiarum. Est  
„ergo tertium dictum opponentis de indul-  
„gentiis. Circa hoc multa dixit, descripsit no-

ANNO  
CHRISTI  
1433.

men indulgentiæ, distinxit quadruplicem modum remissionis. Et quia vocat indulgentias remissiones, aliquando concessiones, potest etiam quadruplex modus remissionem, secundum eum quadruplicem; scilicet authenticam, subauthenticam, ministerialem, & aliam omnibus competentem, quæ dicitur remissio offensæ. Posuit circa ista septem dicta de idoneitate suscipientium indulgentias seu remissiones, quæ quia nolo improbare, perfunctorie transeo: sed de istis indulgentiis non loquuntur doctores communiter, dum tractant materiam indulgentiarum. Nam, istæ cum sint remissio culpæ, aut per modum authenticitatis aut subauthenticitatis aut ministerii sunt ad sacramentum poenitentiae pertinentes; illæ vero de quibus doctores loquuntur, non pertinent ad illud. Nam non sunt remissio culpæ, sed poenæ debitæ. Unde indulgentia, ut de ea tractatur a doctoribus, est relaxatio poenæ debitæ; & quoniam tractantes hanc materiam dicunt, quod ex quo divina iustitia infringi non potest, & iste, cum indulgentia datur, est debitor poenæ, oportet quod solvat, aut alius pro eo; quod fit cum meritis Christi & sanctorum & ecclesiæ Catholice, per eum qui super hoc constitutus est, isti applicantur. Antequam ultra progrediar ad id quod mihi obijcit, quod male sibi imposui, dum dixi, quod ponebat indulgentias in lege Domini non esse fundatas, & peregrinationes per homines inventas, esse superstitiosas, idolatriam sapientes, & cleri avaritiam nutriendes, cum tamen, ut inquit, non sic posui. Recitentur hæc verba opponentis in forma, ut in sua positione posuit, & in suis replicis dicit; ubi ego posui fistas & venales absolutiones a poena & culpa, & indulgentias in lege Domini non fundatas, ibi respondens dicit, me posuisse in sententia, quod absolutiones a poena & culpa sunt fiste, & indulgentiæ non sunt in lege Domini fundatæ; apparet mihi, quod non male recitavi dicta tua ad suam intentionem. Nam ipse, quantum ex dictis suis accipere valeo, tacet quod indulgentiæ, secundum communem formam traditionis earum, dum dantur visitantibus talem ecclesiam, & manus porrigunt adiutrices vere poenitentibus & confectis, &c. certi dies indulgentiæ, non sunt in lege Domini fundatæ; immo ex quo fit mentio de dando aliquid, reputat quod sunt venales, & hoc est tertium dictum ejus. Ita de absolutionibus a poena & culpa, dicit quod illo modo, quo dantur communiter a summis pontificibus, sunt fiste & venales & forisate, pro eo quod interdum in aliquibus litterarum fit mentio de largitione bonorum suorum, cum dicitur in effectu, quod dantes de bonis suis ad tale vel tale opus, plenam suorum peccatorum & poenarum pro peccatis debitarum consequentur remissionem. Quia igitur suam intentionem talem novi ex scriptis suis, bene dixi, quod ponebat indulgentias in lege Domini non fundatas, nec intellexi de indulgentiis, ut sunt remissio culpæ, de quibus plura dicit, nec sic sibi volui imponere: sed de illis, quæ sunt relaxatio poenæ, & quæ fun-

Concilio. Supplem. Tom. IV.

dantur super thesauro infinito ecclesiæ, proveniente ex merito Christi principaliter, & fidei formatæ ecclesiæ ac meritis sanctorum, quæ supererogant ultra debitum. Loquendo de illis, dico quod dicit eas non esse in lege Dei fundatas. Nam loqui de illo thesauro, reputat fictum quid, sicut loqui de vacuo extra mundum. Absolutiones etiam illas, de quibus nunc, eo quod fit mentio de aliquid dando, dicit venales & fistas. Peregrinationes autem ad aliquem locum, ut quis informetur de fide aut aliis pertinentibus ad salutem, laudat; sed illas quæ sunt ad honorandum loca sancta, basilicas martyrum, ad adorandum cum oblatione candelarum & genuflexione, reprehendit, & dicit eas superstitiosas, idolatriam sapientes.

Litteras fraternitatum reprehendit multum, modo quo dantur communiter a fratribus, puta quod talem vel talem faciunt participem bonorum suorum, missarum, vigiliarum, jejuniorum, studiorum & ceterorum bonorum; quia, ut dicit, dantur sub spe lucri, & multa circa hoc dicit.

Circa ista placet mihi quod indulgentia, quæ est remissio culpæ, sit vera indulgentia. Kateor quod circa peregrinationes interdum & sæpe contingant abusus in vagatione effrenata & excubiis multis. Item, quod in concessione litterarum fraternitatum possunt multa peccata contingere ex inordinata affectione concedentium eas, aut petentium. Nihilominus tamen indulgentiæ sunt licitæ, & in lege Dei fundatæ, prout indulgentia dicit relaxationem poenæ debitæ; & fundantur super illo thesauro meritorum Christi, &c. Hic autem thesaurus meritorum fundari potest super isto Zachariæ 9. Tu quoque sanguine testamenti tui emisisti vinctos de lacu, in quo non est aqua. Si Dominus emisit vinctos de lacu, præservat quosdam, ne mittantur in lacum, per quem intelligitur pars inferni, limbus patrum, extra quem Dominus vinctos tunc posuit, & purgatorium, a quo per applicationem meritorum suorum ab habente potestatem meritorum suorum ab habente potestatem præservantur.

Item in illo ad Romanos 5. Iustificati ergo ex fide, pacem habeamus ad Deum per Dominum nostrum Jesum Christum. Si iustificati jam pacem habemus cum Deo, quid ergo dicit, pacem habeamus ad Deum, nisi quia adhuc poena solvenda est, quæ per applicationem meritorum Christi est soluta, ut pacem habeamus ad Deum per Christum? Et paulo post iterum dixit Apostolus: Si cum adhuc essemus peccatores, Christus pro nobis mortuus est, multo magis nunc iustificati in sanguine ipsius, salvi erimus ab ira per eum; & in illo capitulo multa dicit Apostolus, ex quibus apparet quomodo Christus meruit nobis, & quomodo in eo omnes iustificantur. Igitur si meritum Christi sit tantum, immo infinitum & pro redemptione infinitorum mundorum, si essent, non est inane fundamentum indulgentiarum. Potestas vero dispensandi hunc thesaurum per papam, universaliter fundatur ibi: Quodcumque ligaveris super terram, erit ligatum & in cælis; & quodcumque solveris super terram, erit solutum & in cælis, sicut diffuse in positione mea declaravi.

R r 2

Quod



ANNO  
CHRISTI  
1433.

Tria de-  
bent con-  
currere ad  
collatio-  
nem in-  
dulgent.

Quod addidi, quod etsi non esset expres-  
sum in sacra scriptura fundamentum, suffi-  
ceret auctoritas ecclesiae, non ex timore fe-  
ci, sed ex veritate. Nam cum ecclesia in his  
quae fidei sunt & concernunt salutem ani-  
marum, non possit errare, sufficere debet  
cuique fideli ejus auctoritas.

Dico igitur quod possunt dari indulgentiae,  
quae sunt relaxatio poenae, tribus concurren-  
tibus; quod sit auctoritas in dante, caritas  
in suscipiente, & pietas in causa, scilicet  
vel ad honorem Dei aut utilitatem ecclesiae;  
& istis stantibus, papa si dat indulgentias,  
tenent.

Ad rationes suas respondeo. Ad primam  
papa dat indulgentias multis, qui sunt prae-  
sciti, & hoc papa dubitare habet talibus  
quod Deus non dat, &c. Dico, indulgentiae  
non tenent, nisi sint tria praemissa. Praesciti  
autem, etsi sint in caritate, secundum prae-  
sentem iustitiam, saltem, aliqui, non ta-  
men decedunt in caritate, &c. deserit eis se-  
cundum praedictorum.

Ad secundam, res corporales, &c. con-  
cedo majorem; sed tamen inepte ad propo-  
situm assumitur, cum indulgentiae non ven-  
dantur, nec emanant. Est quod aliquod  
subsidium tribuatur ecclesiae. Nam non dat  
tur indulgentia pro illo dato corporali, sed  
pro opere spirituali, scilicet reparatione  
ecclesiarum vel pontium, aut piorum loco-  
rum; & licet temporale interveniat, ordi-  
natur ad spirituale, ut est divinum servi-  
tium in ecclesia reparanda sciendum, opus  
misericordiae peregrinantibus, quoad pon-  
tium reparationes, & aliis iustis personis &  
circumstantiis. Haec Thomas in 4. di. 20.  
Concordat Richardus de Media-villa eadem  
di. 4. Tangit Thomas de repressione inimi-  
corum ecclesiae, qui pacem ejus perturbant,  
quod pro illa possunt dari indulgentiae. Un-  
de si aliquis rex ecclesiam turbet, sive in  
spiritualibus, sive in temporalibus, potest  
papa dare indulgentias omnibus ad reprimen-  
dum illum concurrentibus. Et quia ta-  
libus oportet dare stipendia temporalia, po-  
test poni illa clausula, quod dantibus de suis  
bonis ad tale opus indulgentia confertur.

Ad tertiam, positis indulgentiis, &c. Re-  
spondeo negando consequentiam. Nam pa-  
pales indulgentiae requirunt in causa piete-  
tem, & in conferente discretionem. Nam  
auctoritas requisita exerceri non debet sine  
discretionem, nec eventus talis causa, ut om-  
nibus omnia debita relaxet, nec potest eve-  
nire possibili morali, quod est juris, & se-  
cundum quod res humanae contingunt. Prae-  
terea cum secundum Apostolum non sit da-  
ta potestas in destructionem, sed in aedifica-  
tionem: sic debet sua uti potestate papa,  
ne quid ni his & inordinate fiat, atque in-  
moderate. Unde quicquid ligat aut solvit  
in terris, clave non errante, ligatum aut  
solutum est in caelis. Si aliter faceret, fe-  
cus est: ideo non potest totum purgatorium  
evacuare de lege communi.

Non dico, ut opposens dixit, quod papa  
det indulgentias dum impugatur, aut pec-  
cunia indiget, si de persecutione personali  
loquitur; sed si impugatur ecclesia, cujus  
ipse est universalis pastor, dat indulgentias.

Non est etiam putandum, quod ut pecu-  
niam recipiat, det indulgentias; & si face-  
ret, peccaret graviter, nec tenerent; quia  
nec esset caritas in recipiente, nec pietas  
in causa.

Ex dictis patet solutio rationis additae ibi,  
per quam probare vult, quod papa teneat-  
ur omnibus dare indulgentiam plenariam;  
& arguit sic: Potens relevare, &c. Dico  
ad assumptum quod est verum, & maxime  
cui ex officio incumbit. Sed papa sine cau-  
sa pia, quae honorem Dei aut ecclesiae res-  
picit, non debet dare indulgentias, & si  
det, non tenetur. Item per indulgentiam  
non liberatur quis a morte spirituali, sicut  
de indulgentia loquimur, sed solum a poena  
B restante solvenda, non autem a peccato.  
Unde magis ratio ista contra facientem cur-  
rit, qui concedit indulgentias, quae sunt re-  
missio a culpa, solvat igitur illam. Nec di-  
cantur indulgentiae venales, si conditio ali-  
quid dandi apponatur. Semper enim illud  
est pro causa pia, aut elemosyna, aut alia  
utili ecclesiae, aut ad honorem Dei.

Ut autem de cetero placeat magis sobrie  
loqui de summo pontifice, adducatur in me-  
dium auctoritas Cyrilli in libro thesaurorum.  
Ait enim sic: Dedit Dei Filius Petro ple-  
ne & perfectae claves regni coelorum;  
& quoniam, sicut ipse accepit a Patre, dux  
& sceptrum ecclesiae gentium, ex Israel  
C egrediens, super omnem principatum &  
potestatem, & super omne quodcumque  
est, ut in nomine ejus genua cuncta cur-  
ventur, plenissimam potestatem: sic &  
Petro & ejus diadochis, hoc est successo-  
ribus, non minus, sed plenissime commi-  
sit, & coram apostolis & evangelistis, lo-  
co sui, ipse caput ecclesiae, in medio eo-  
rum statuit, quatenus ipsi in evangelis &  
epistolis mundo huic praedicando, eccle-  
sias & praelatos ordinando, scriberent quae  
a Domino audierunt & receperunt, as-  
firmantes in omni doctrina Petrum loco  
Domini & ejus ecclesiam in omni loco,  
in omni capitulo & synagoga, in omni  
electione & affirmatione, & quicquid sol-  
vendum & statuum foret ipsius aucto-  
ritate approbarent, ipsum vocans Ce-  
pham, hoc est caput. Multa pulcher-  
rima ponit, inter quae gratia brevitatis emi-  
to, ecclesiae plenissimam potestatem Petro &  
successoribus concessam, quibus omnis par-  
ticularis persona curvare genua debet, ut  
Petro. Modum igitur ponat quisque ori suo,  
ut non libere in contumelias prorumpere  
praesumat.

Quoad litteras fraternitatum dicit, quod  
fraternitas, quae est societas creditum, in  
fide & caritate est facta & bona: secun-  
dum illam alter pro altero orat, alter al-  
teri debitor est; istud & supponens, & ea  
quae circa illam dixit non nego: sed ex scri-  
ptis suis traho quantum dictum. Litterae fra-  
ternitatum, quae non dantur nisi sub spe lu-  
cri aut confederationis illicitae, reprehenden-  
dae sunt; quoad hoc, quod mala intentio  
interdum concurrat, non adversus oppo-  
nenti: sed arguit mihi quod intendit etiam  
formam illarum reprobare, per quam fra-  
tres faciunt alios participes suorum bono-  
rum.

ANNO  
CHRISTI  
1433.

Quantum  
dictum  
adversa-  
rii.

rum spiritualium, orationum, jejuniorum, &c. & ad hoc tendunt suæ rationes; & in hoc non secum concordo; & ostendo quod forma illarum jam dicta non est reprobanda. Orationes & suffragia ecclesiæ non sunt ad modum luminis aut doctrinæ, ut dixit Præpositivus, sicut narrant antiqui doctores theologi, & Thomas, Bonaventura, Durandus, & Richardus. Nam lumen modo naturæ se communicat omnibus æqualiter secundum se, non autem sic suffragia; ideo quia sunt ab agente secundum intellectum, hinc est quod duplicem valorem habent, unum ex radice caritatis, alium ex parte intentionis facientis. Primo valent tantum omnibus quantum uni. Nam caritas facit omnia communia; & hunc respectum videtur habere opponens, considerans quod caritas non querit que sua sunt. Propterea multitudini credentium erat cor unum & anima una; nec quisquam quod possidebat suum esse dicebat. Secundo modo plus valent uni quam aliis, si intentio orantis aut aliquod bonum facientis feratur in unum plus quam in alios. Hoc probō sic: fructus operis, ejus operans est Dominus, & qui totus cedit in utilitatem operantis, nisi in alium transfatur, non prodest ex parte intentionis, nisi ei ad quem operans dirigit suam intentionem; ejus causa est quia intentio est vehiculum illius fructus; ergo quoad hoc, suffragia illi soli prosunt pro quo sunt. Sic arguit Thom. in 4. dist. 45. sic Richardus, sic Bonaventura satis concordat, ita Godefridus de Fontibus in suis quodlibetis. Secundum hunc valorem cursum habent litteræ fratrum, quia per eas declarant se fratres intentionem in suis orationibus dirigere quibus concedunt.

Ad rationes  
adversas  
contra litteras  
fraternitatis.

Ad primam rationem opponentis, cum arguit, ex quo fratres supponunt, &c. Placeat mihi quod sola concessio coram Deo sufficit, nec litteram habere necesse est: tamen satisfacit desiderio simplicium; & si fiat absque fraude & dolo, non nocet.

Ad secundam, sicut dixi de indulgentiis, quod non prosunt nisi existentibus in caritate, sic nec suffragia. Unde quod personæ quibus conceduntur participabunt post mortem, intelligitur, si caritate uniantur cum orantibus.

Ad tertiam, distingo duplicia suffragia; quædam sunt privata, quædam communia. Privata facta a privatis, in secreto fieri dicuntur, si non queratur laus propria, sed Dei, & desideret faciens non videri, esto quod videatur; & e contra si clauso ostio optet videri & laudem, jam palam fieri dicitur. Communia in patulo fieri habent, talia videntur opera fratrum, specialiter unius conventus. Nam si ab aliquo particulari litteræ dentur, intelligantur ex suppositione, scilicet si aliquid Deo placitum orando, jejunando, &c. fecero, participem te horum facio.

Ad quartam, quod fratres orantes duplici modo considerari possunt. Uno modo, ut personæ private: sic magna debent humilitate fulgere, & recumbere in regno eccl. militantis in novissimo loco. Ita & a. quibus partes a. ut gerentes vices ecclesiæ hoc modo, quia

in facie ecclesiæ orationes communes faciunt, non se reputando, sed illam Christi immaculatam ipsam, ejus vice faciunt, extollendo, hoc modo participes alios facere possunt suarum orationum.

Ad quintam, illam tangit difficultatem: si orationes & suffragia facta per malos prosint aliis. Ad quod Thomas in 4. dist. 41. dicit quod ibi duo considerari possunt; unum est opus operatum, ut est sacrificium altaris, & illud ex se efficaciam habet, sicut & omnia sacramenta novæ legis. Aliud opus operans, & hoc dupliciter considerari potest; uno modo, ut est ejus, & sic oratio peccatorum non est meritoria, quia Joh. 9. Scimus quod Deus peccatores non audit. Alio modo ut sit in facie ecclesiæ, & vice ejus, & quia ille facere intelligitur ejus vice fit, ut dicit Dionysius; hoc modo oratio peccatorum est meritoria, quia ecclesiæ semper est Christi dilectissima: vel etiam ut fit ab aliquo, ut instrumentum alterius, & adhuc quia illud principaliter fit ab illo ejus directione aut præcepto aut ordinatione fit; adhuc valebit oratio peccatorum, si principalis institutor sit Deo gratus, ut patet in elemosyna data a bono domino per manum mali servi. Per hoc patet solutio rationis.

Ad sextam, dico ex datis ab opponente, quod communicare ex auctoritate merita, non competit puro homini, sed hoc facere ministerialiter potest ei competere, & in hoc non usurpant fratres quod est Dei proprium, nec Deum blasphemant. Quod autem dicit opponens rationes meas concludere de prima fraternitate solum, quæ fundatur in caritate, ostendo quod non omnes arguunt de illa, sed aliqui de illa secunda arguunt. Augustinus namque in pluribus auctoribus allegatis, petit adjuvari orationibus, & se orantibus commendat. Sed non est opus petere adjutorium orationum ex hoc quod valorem habent ex parte caritatis; quia tum caritas facit omnia communia ex hac parte, videlicet æque non petenti sicut petenti; dum tamen conjuncti sint vinculo caritatis. Petit ergo ea parte qua valorem habent ex intentione facientis, & in hoc fundatur secunda fraternitas, de qua litteræ fraternitatis intelliguntur; ideo non solum Augustinus, sed Ambrosius, sed Gregorius, Anselmus, & alii multi suffragia aliorum postulasse leguntur.

Quintum dictum de peregrinationibus est in effectu, quod peregrinationes, quæ sunt ad honoranda loca sancta, basilicas martyrum, & sanctorum reliquias adorandas, cum de sanctorum oblatione candelarum, aut aliarum rerum, & genuflexione, reprehendendæ sunt tamquam superstitiosæ, idololatriam sapientes; ejus oppositum dico, cum scriptura veteris & novi testamenti, cum doctoribus sanctis Hieronymo, Augustino, Gregorio, Cassiodoro, cum concilio generali Gangrensi, quorum auctoritates & dicta diffuse in positione mea recitata, peto haberi hic pro repetitis. Subjungo tamen aliqua de dictis beati Hieronymi in duabus epistolis ad Riparium presbyterum contra Vigilantium hæreticum. In prima enim dicit: "Acceptis primum literis

Quintum  
dictum  
ad  
reliquias.



teris tuis non respondere superbiæ est, respondere temeritatis. De his rebus interrogas, quæ & proferre & audire sacrilegium est. Als Vigilantium os foetidum rursus aperire, & purorem spurcissimum contra sanctorum martyrum proferre reliquias, & nos, qui ea suscipimus, appellare temerarios & idololatras, qui mortuorum hominum ossa veneramur. Non autem dico martyrum reliquias, sed ne solem quidem & lunam, non angelos, non archangelos, non Seraphim, non Cherubim, & omne nomen quod nominatur in præfenti sæculo & futuro, colimus & adoramus, ne serviamus creaturæ potius quam creatori. Honoramus reliquias martyrum ut eorum cuius sunt martyres adoremus. Honoramus servos, ut vel honor servorum redundet ad Dominum. Post aliqua subdit: Si non sunt honorandæ sanctorum reliquiae, quomodo legimus: *Prætorio in conspectu Domini mors sanctorum ejus* ? si ossa eorum polluant contingentes, quomodo Heliseus mortuum suum suscitavit, & dedit vitam, quod juxta Vigilantium jacebat immundum. Ergo omnia castra Israelitici exercitus & populi Dei fuere immunda, quia Joseph & patriarcharum corpora portabant in solitudine & ad sanctam terram immundos cineres, pertulerunt ?

Dicit mihi quis: non reprehendimus honorare reliquias martyrum, quia immundæ sunt, aut immundos contingentes faciunt: sed dico quod non licet colere eas, ut modo fit. Profecto ita dicebat Vigilantius, ut recitat beatus Hieronymus in altera epistola contra eundem. " Quid, inquit, necesse est tanto honore non solum honorare, sed etiam adorare illud nescio quid, quod in modico vasculo transferendo colis ? Quid pulverem linteamine circumdatum adorando oscularis ? prope ritum gentiliū videmus sub prætextu religionis introductum in ecclesiis, sole adhuc lucente, moles cereorum accendi, ubicunque pulvisculum nescio quid in modico vasculo prethoso linteamine circumdato, osculantes adorant. Magnum honorem præbent hujusmodi homines beatissimis martyribus, quos putant de vilissimis cereolis illustrandos, quos Agnus, qui in medio throni est, cum omni fulgore majestatis suæ illustrat. " Hæc verba Vigilantii. Contra illud Hieronymus: " Quia Vigilantius videtur velle vivos non mortuos coli debere, infert: Ergo sacrilegi sumus, quando apostolorum basilicas ingredimur. Sacrilegus fuit Constantinus imperator, qui sanctas reliquias Andree, Lucæ & Timothei transtulit Constantinopolim, apud quos rugiunt demones, & habitatores Vigilantii illorum se sentire præsentiam consentunt. Sacrilegus & nunc Augustus Arcadius, qui ossa beati Samuelis longo post tempore de Judæa transtulit in Thraciam. Mortuos illos suspicaris, ideo blasphemias. Sed lege evangelium: *Deus Abraham, Deus Isaac, Deus Jacob, non est Deus mortuorum, sed vivorum*. Si ergo vivant, honesto juxta

te carcere concludantur. " Et ibi multa dicit, ostendens quomodo sancti in patria orant pro nobis, & quod si multa in vita fecerunt utilia hominibus, adhuc magis modo, cum sunt cum Deo in coelis regnantes. Allegat de Moyse, de Paulo & de Stephano, de cereis & luminaribus, quod liceat ea offerre, licet non illa simplicium intentione, qua quidam offerunt, scilicet ad honorem martyrum, quasi indigeant; dico ego; & hoc consonat sequentibus; sed ex devotione offerentium, sic sanctos volentium honorare. Ita dicit Hieronymus Vigilantio: Quid inde perdis? scilicet ex illa oblatione causabantur quondam apostoli, quod periret unguentum: sed Domini voce correpti sunt; neque enim Christus indigebat unguento, nec martyres lumine cereorum; tamen illa mulier in honorem Christi hoc fecit, devotioque mentis ejus recipitur, & quicumque accendunt cereos, secundum fidem suam habent mercedem.

Ad hoc quod idololatriam hoc sapere dicitur, responderet Hieronymus: " Quia quondam colebamus idola, nunc Deum colere non debemus, ne simili videamur cum idolis honore venerari? illud sebat idolis, idcirco detestandum: hoc fit martyribus, & ideo recipiendum est. Nam & absque martyrum reliquiis per totas Orientis ecclesias, quando legendum est evangelium, accenduntur luminaria jam sole rutilante, non ad fugiendas tenebras, sed ad signum lætitiæ demonstrandum. Unde & virginis illæ evangelicæ semper habent accensas lampades, & apostolis dicitur: *Sint lampades vestri præcincti, & lucerna ardentes in manibus vestris*, ut sub typo luminis corporalis illa lux ostendatur de qua in psalmo: *Lucerna pedibus meis verbum tuum, & lumen semitis meis*. " Itaque propter tria Hieronymus dicit quod cereos coram reliquiis martyrum accendere licet. Primum propter devotionem orantis in honorem sanctorum quorum sunt reliquiae. Secundum ad ostendendum signum lætitiæ spiritualis. Tertium ad representandum internum lumen fidei, quod est in adorantibus. Subinfert Hieronymus. Malefecit ergo Romanus pontifex, quod super mortuorum Petri & Pauli secundum nos ossa veneranda, secundum te, loquor Vigilantio, pulvisculum, offert Domino sacrificia, & tumulos eorum Christi arbitratur altaria? Et non solum unius urbis, sed totius orbis errant episcopi, qui cauponem Vigilantium contemnent, ingrediuntur basilicas Martyrum? Quasi dicat, non errant, non malefaciunt. Plena est hæc epistola pulcherrimis rationibus & persuasionibus ad hoc propositum, & ad alia quæ Vigilantius circa cultum reliquiarum detestabatur. Ad illam volentem instrui remitto.

Ex quo infero, quod si licet colere, venerari, & adorare reliquias sanctorum martyrum, licet causa hujusmodi ad ecclesias peregre proficisci; ideo peregrinationes ad adorandum reliquias non sunt damnandæ, dum tamen fiant cum debitis circumstantiis. Revera non ignoro multos excessus interdum committi ab aliquibus: sed non ideo peregrin-

grinatio est reprehendenda, sed abusus. Non est pecunia dicenda mala, si aliquis ea male utatur. De cetero arguatur mala voluntas & malus usus sive abusus, non ipsa peregrinatio, quæ sancta est, si ad venerandos sanctos, quorum reliquie visitantur, hoc fiat.

Nec moleste ferat opponens, quod dico eas adorandas, quia secundum doctores, exhibitio honoris ratione sanctitatis, adoratio est. Et sicut est multiplex modus sanctitatis, ita multiplex modus adorationis, scilicet latræ, quæ soli Deo per se debetur; yperdulæ, quæ ratione alicujus excellentiæ finitur, ut Mariæ, in quantum est Mater Dei; dulci ratione sanctitatis, qui convenit ceteris sanctis: immo in scriptura sæpius legimus homines alios viventes adorasse. Ut Jacob Esau Gen. 33. ut David Jonatham 1. Reg. 20. & in valde multis passibus. Si peccatoribus adoratio ratione alicujus superioritatis data est, & non culpantur facientes, cur non licebit sanctorum reliquias beata immortalitate fruientium adorari? Quod dicitur periculum esse propter simplices, qui istas adorationes discernere nesciunt, dico quod instruantur; & melius est hoc fieri, quam negare, propter periculum, quod sanctum est. Nam multa condemnare oportet, si periculum attenderemus, quod ex abusu exurgere solet.

Ad rationes meas de peregrinationibus in veteri testamento ter in anno ad templum quod erat Jerusolymis, & quod Christus hoc observans sic peregrinatus est, quoderat etiam illud præceptum observatum a quibusdam gentibus, &c. Dixit quod Christus ista extinxit, dum dixit mulieri Samaritanæ Johannis 4. *Mulier crede mihi venit hora & jam est, quando nec in monte hoc, nec Jerusolymis adorabitis patrem, sed venit hora & nunc est, quando veri adoratores adorabunt in spiritu & veritate.* Jam respondi, quod per hoc peregrinationes non evacuavit, sed tantum ceremonias veteris legis, quæ in templo Jerusolymis observabantur: quoniam, quæ tunc corporaliter fiebant, nunc in spiritu & veritate observantur. Sed quia non replicavit contra hoc, ideo nihil plus dico. Cum opponente autem meo non discordo in hoc quod laudat peregrinationes, quibus itur ad audiendum verbum Dei, & sanctorum virtutum informationem, nam & illas ego ipse laudo.

Postremo circa imagines venerabiles pono sextum dictum ejus, quod ex scriptis suis traho. Imagines pictæ vel sculptæ non sunt adorandæ; & dico de pictis aut sculptis ad differentiam vivarum imaginum, quas magis vult venerari; vocat istas pictas imagines, &c. statuas; dicit de eis quod populus spiritum Jesu non habens, exhibet eis magnam reverentiam & honorem cum genuflexione, candelarum accensione & hujusmodi, & hæc sibi non placent. Nam dicit: Populus Dei spiritum Jesu non habens, tangit quomodo demon potens est in talibus imaginibus Christi & sanctorum, quæ sunt in templo, ut domo Dei, demerare homines, qui abundanti non fide viva, sed mortua, & quod tales qui faciunt imagines, assimulantur Aaron effoeminato, qui timore populi fecit vi-

tulum conflatilem, & Jeroboam qui fecit vitulos aureos, ut populus non adoraret ultra in Jerusalem. Et quod si præsepe Domini sit adorandum propter habitudinem illius ad Christum, magis esset adorandus asinus quem Dominus equitavit, in habitudine ejus ad eum. Fateor quod non sunt idola colenda & simulacra, hoc enim scriptura prohibet & ratio; modo quo ab idololatris adorabantur; quoniam illi putabant, in eis aliquid esse numinis, putabant eas habere rationem vel intellectum & sensus. Unde aures ad audiendum, oculos ad videndum formabant. Ideo Dominus Exod. 20. prohibet sculptilia fieri, cum ait: *Non facies tibi sculptile, neque omnem similitudinem quæ est in celo desuper, & quæ est in terra deorsum.* Et apostolus de idolo dixit, quod idolum nihil est. Remigius autem hoc sic exponit: Idolum videtur imaginem hominis habere, & non est homo: Videtur imaginem alicujus bestie habere, & non est bestia: Videtur aures, oculos & nares & os habere: sed ideo nihil est quia non audit, non videt, non olfacit, non loquitur, dicitur homo esse, non est homo. Dicitur Deus esse, non est Deus. Ideo nihil est, quia id quod dicitur non est. Sed Christiana religio imagines Christi admittit, quia Deus factus est homo. Ante incarnationem pingi non poterat, potest autem post per lineamenta corporis humani Christi figura repræsentari. Admittit etiam imagines B. Virginis Mariæ, sanctorum apostolorum, martyrum, confessorum, virginum & electorum, quos in celebri memoria haberi disposuit; quas in reverentia fidelium devotio habere voluit, ut simplicibus essent memoriale perpetuum, sicut libri & literæ seu alphabetum, sapientioribus autem essent, ut ad devotionis eorum excitativum, nempe Segnius irritant animos demissa per aures, quam quæ sunt oculis subjecta fidelibus. Tardius enim audita quam visa movent.

Igitur quod sint conservandæ non destruendæ, exemplis & auctoritatibus ostendo. Refert Sigibertus in sua historia, quod sub anno Domini 714. Judæus quidam maleficus, promittens Gizid Saracenorum regi, eum ultra 40. annos imperaturum, suadet ut in toto regno suo Dei sanctorumque imagines deponi edicat, qui spe regnandi seductus, edictum proponit. Ipse tamen mox obiit. Hæc ille.

Dicitur in chronica Martini, quod cum Leo imperator imagines in civitate Constantinopolitana igne cremari jussisset, Gregorius secundus, qui fuit 91. Pontifex, eundem Leonem anathematizavit. De quo memoratus Sigibertus dicit: „Gregorius synodus, dum 93. episcoporum Romæ congregat, & venerationem sanctorum imaginum confirmat, earumque violatores generali sententia anathematizat. Idem auctor dicit de Stephano papa 92. Quod venerationem sanctorum imaginum confirmat, earumque violatores anathematizat. Refert idem quod Constantinus imperator filius Leonis, de quo ante, omnino a Deo averius, violatum sanctum Stephanum per 40. annos incl-

\* Hortatius de  
art. Poet.



ANNO  
CHRISTI  
1433.

clausum, etiam gentilibus reverendum, amara morte martyrizavit, omnes sibi subiectos coegit super S. Crucis lignum, ne aliquam Dei sanctorumque ejus venerarentur imaginem. Et quod hoc sit tyrannus, patet ex hoc quod sequitur: Nec sub alio cuius gentilis persecutione plures quam sub hoc martyrizati sunt.

Item, idem sub anno Domini 772. ait: In praesentia Pipini regis inter Græcos & Romanos celebratur synodus de sancta Trinitate & sanctorum imaginibus. Adrianus Romæ præsidet. Hic ad comprimendam rabiem hæreticorum imagines Dei & sanctorum execrantium nimis laboravit, & libro adversus eos edito, multis scripturarum inductionibus roborato, errores eorum infirmavit. Idem auctor ait, quod sub anno 788. instantia Tarasii patriarchæ Constantinopolitani & Adriani papæ secundo apud Niceam universalis synodus 350. episcoporum congregatur, in qua fides catholica in praesentia Irenæ & filii ejus cunctorum subscriptione roboratur, & hæresis execrantium imagines Dei in perpetuum abdicatur.

Præterea Damascenus in quarto suarum sententiarum c. de imaginibus ait: Fertur autem quædam historia, quod Dominus Abgaro regi, qui pictorem miserat imaginem Domini figurare, similiter nequente pictore propter coruscantes a facie ejus claritates, ipse vestigium propriæ faciei divinæ & vivificæ superimponens in vestimento illius, sui ipsius imaginem astrinxisset, & ita cupienti Abgaro misisset. Hæc Damascenus; rationem autem institutionis sanctorum imaginum Gregorius in registro tangit ita dicens: Quod legentibus scriptura, hoc idiotis præstat pictura cernentibus, quia in ista ignorantes vident quid sequi debeant, in ipsa legunt qui litteras nesciunt. Unde præcipue gentibus pro lectione pictura est. Hæc ille. Et hoc consonat dicto Damasceni in suo 4. cap. de sanctis imaginibus: sic dicentis: Quia lectioni vacant, patres excogitaverunt velut quosdam triumphos in imaginibus hæc describere ad velocem memoriam; quapropter multoties non secundum mentem habentes Domini passionem, imaginem crucifixionis Christi videntes & salutaris passionis in rememorationem venientes, procidentes adoramus. Hæc ille. Item Ezechiel iustus est pingere transmigracionem Ierusalem, ut populus videns, sensibilibus formis moveretur eam futuram cognoscere, & fidem dare prophetis. Nam 12. cap. ejusdem dicitur: Tu ergo fili hominis, fac vas transmigracionis, & transmigrabis per diem coram eis. Ibi Hieronymus in commentario lib. 3. Quia ergo oculos habent ad videndum & non vident, aures ad audiendum & tua verba contemnunt, doce eos per imaginem atque picturam, & schematibus ostende corporis, ut venturam captivitatem non solum auditu, sed & oculis recognoscant. Hæc Hieronymus. Pater ex hoc quod imago ad imitandum est inventa, & fortius monet quam scriptura aut verba.

Ut autem appareat Deum aliqua sancta loca plus aliis honorare & imagines haberi in reverentia, duo testimonia proferantur, unum ex historia tripartita, alterum ex historia ecclesiastica, ex quibus monstratur Deum specialius in uno loco quam alio, aut in unius imaginis præsentia operari quam alterius. Refert Cassiodorus lib. 6. historiae tripartitæ c. 43. quod Judæi acceperunt potestatem sub Juliano apostata reedificandi templum Jerolymis in odium fidei: tamen venti, terræmotus & ignis de cavernis terræ exiliens, prohibuit. Unde sic dicitur ibi: Cumque giphi & caleis multa modiorum millia congregassent, scilicet Judæi, vis magna ventorum repente respirans, tempestates atque procellæ subito factæ, quicquid congregatum fuerat disperferunt. Adhuc autem vesanientibus eis, & nequaquam divina longanimitate correptis, maximus primo terræmotus factus est, & quisquis non fuerat mysteriis divinis imbutus, vehementer attritus est, &c. ut ibi. Eusebius vero in 7. lib. ecclesiasticae historiae c. 15. narrat, quod mulier curata a fluxu sanguinis per Christum, in domo sua, in urbe Cæsareæ Philippi, erexit imaginem æream ad modum viri fimbrias in vestimento habentis, quæ representabat Christum: fecit & alteram ad genua provolutam coram illa, ipsam mulierem figurantem, & ibi dicitur quod cum herba crevisset, nullam habet ex se sanandi virtutem, cum ad imaginem crevisset, post tactum illius omnes morbos languoresque comprimit. Verba in forma dimitto causa brevitatibus. Ibi querantur, quod utique, si imagines essent ad faciendam, Deus fieri non permitteret. Sed nescio fortasse si dicatur hoc opus esse demoniorum sic ludificantium homines. Sed contra, quoniam doctor Eusebius vetus pater, non narrat hoc tamquam ludificationem, sed tamquam miraculum.

Quod si quis imagines Christi & sanctorum non debere permanere iterum affirmat, audiat decretum 8. synodi Constantinopolitane, factum in actione 8. Ibi sic dicitur: Quoniam oportet nos majorum nostrorum statuta immoto mentis intuitu conservare, & in omnibus SS. Patrum semper dogmata venerari: definimus de sacris & reverendis imaginibus Domini nostri Jesu Christi ejusque semper virginis genitricis Mariæ omniumque sanctorum, qui Deo ab Abel iusto placuisse creduntur, quæ ecclesia sancta in universo orbe diffusa antiquitus accepit, quæque sedis apostolicæ præfules eis decreverunt ac statuerunt illibata persistere atque intemerata manere. Quapropter Johannem quondam Constantinopolitanum & sequaces ipsius, qui eas frangendas atque calcandas esse ore poluto asseverant, quamdiu de his nobiscum non senserint, & juxta SS. pontificum Romanorum decreta & aliorum catholicorum patrum instituta non sapuerint, sancimus eos a Christo & ab ecclesia catholica atque apostolica anathema. Forte dicet quis quod maneant, non nego; sed quod sint adoranda, non video. Ad quod confutandum sufficit mihi etiam si nulla ante fuit.

ANNO  
CHRISTI  
1433.

ANNO  
CHRISTI  
1433.

fuisset allegata auctoritas, decretum sanctæ synodi Constantinopolitanæ 8. editum actio-  
ne 10. ubi sic dicitur. Sacram imaginem  
Domini nostri Jesu Christi & omnium li-  
beratoris & salvatoris æquo honore cum  
libro sanctorum evangeliorum adorari de-  
cernimus. Sicut enim per syllabarum e-  
loquia, quæ in libro feruntur, salutem  
consequimur omnes: ita per colorum ima-  
ginariam operationem & sapientes & idio-  
tæ cuncti ex eo quod in promptu est per-  
fruantur utiliter: Quæ enim in syllabis  
sermo, hæc & pictura, quæ in coloribus  
est prædicat & commendat: & dignum est  
ut secundum congruentiam rationis & an-  
tiquissimam traditionem, propter honorem  
qui ad principalia ipsa refertur, etiam  
derivativæ iconæ idest imagines honoren-  
tur & adorentur æque ut sacri sanctorum  
evangeliorum libri, atque typus pretiose  
crucis. Si qui ergo non adorat iconam  
Salvatoris Christi, non videat formam e-  
jus, quando venerit in gloria paterna glo-  
rificarî & glorificare sanctos suos; sed  
alienus sit a communione ipsius & clari-  
tate. Similiter autem & imaginem inte-  
meratæ matris ejus & Dei genitricis Ma-  
riæ, insuper & iconas sanctorum angelo-  
rum depingimus, quemadmodum eos figu-  
rat verbis divina scriptura, sed & lau-  
dabilissimorum apostolorum, prophetarum,  
martyrum & sanctorum virorum simul & C  
omnium sanctorum, & honoramus & ado-  
ramus, & qui se sic non habent, anathe-  
ma sint a Patre & Filio & spiritu San-  
cto.

De adoratione crucis & imaginis Christi hominis patientis in ea, vide Augustinum supra in positione fol. 17. in originali in  
margini inferiori.

Quod si causa informationis quæris: Quo-  
modo possim imaginem adorare, cum sit li-  
gnum, æs aut alia materia? Respondeo,  
secundum duplicem viam. Prima est Thomæ  
& multorum sequentium eum in 3. decla-  
rantis quomodo est unus motus, qui est a  
termino a quo per medium, & in termino  
ad quem, unus scilicet secundum formam.  
Nam est eadem forma fluens secundum ef-  
ficientiam in medio & termino ad quem, quam-  
vis differens secundum esse; & ita est eadem  
intentio venerantis seu adorantis transiens  
per imaginem usque ad prototypum, hoc est  
exemplar; ideo fundat quod eadem adora-  
tione adoratur imago, & id cuius est ima-  
go exemplar ut quod, & sicut terminans  
motum adorationis, imago ut medium per  
quod, & tamquam vehiculum intentionis a-  
dorantis; & huic modo dicendi decretum  
synodi Constantinopolitanæ videtur consen-  
tire, cum dicit propter honorem, qui ad  
principalia ipsa refertur etiam derivativæ,  
iconæ honorentur & adorentur.

Altera via tenet, quod eis non debet ado-  
ratio exhiberi, sed ad præsentiam eorum a-  
dorantur illi, quorum sunt imagines. Unde  
Robertus Holcot super 1. Sapientie 13. In-  
felices autem sunt, & inter mortuos est spes  
eorum, qui appellaverunt deos suos opera ma-  
nuum suarum aurum & argentum, dicit sic:  
Non video esse bene dictum pro nunc,  
Concilior. Supplem. Tom. IV.

ANNO  
CHRISTI  
1433.

A quod eodem honore honoretur Deus &  
ejus imago. Unde videtur mihi esse di-  
cendum, quod nec adoro imaginem Chri-  
sti quia lignum, nec quia imago Christi:  
sed adoro Christum coram imagine Chri-  
sti quia est imago Christi, & excitat me  
ad amandum Christum; & sic expono,  
ait iste doctor, Damasceum, Basilium,  
Thomam, & totum ritum ecclesiæ. Hanc  
sententiam videtur tenere cap. Prælatum.  
de consecrat. dist. 3. Primus modus est com-  
munior inter doctores. Secundus est faciliior  
inter simplices, & sive hunc vel illum te-  
neamus, semper habetur, quod coram eis  
signa & protestationes interioris cultus sunt  
exhibendæ, genua flectenda, luminaria possant  
offerri, quia aut eis, ut sunt medium ad  
exemplar veniendi; aut exemplari coram  
eis ista sunt; & ita satis habetur de con-  
secrat. dist. 3. Venerabiles. ex 7. synodo, ubi  
dicitur: Venerabiles imagines Christiani  
non deos appellant, neque serviunt eis, ut  
diis, neque spem salutis ponunt in eis, neque  
ab eis expectant futurum iudicium: sed ad  
memoriam & revocationem primitivo-  
rum venerantur eas & adorant, sed non  
serviunt eis cultu divino, nec alicui crea-  
turæ. Adorantes autem illas modo dicto,  
non imitantur Aaron & Jeroboam, quia  
sub illis populus vitulos adorabat cultu  
divino, hoc est quod vituli aut vitulus  
exhibitionem reverentiæ, quæ ad oratio-  
nem dicitur, terminabat, nec ad alium ultra  
referebat illam: ideo idolatrabant. Non  
sic populus fidelis, quia nec ad idololatriam  
est pronus, ut tunc erat, nec imaginibus  
sistit; sed ad Deum & sanctos tendit ex  
inspectione imaginum. Ideo bene rex Eze-  
chias excelsa & aras lucosque & serpen-  
tem æneum, quem fecerat Moyses, de-  
struxit; quia populus in illis idolatrabat,  
& moechabatur spiritualiter. Item, quia  
populus ad hanc fornicationem nimis pro-  
nus erat. Non sic modo: Et si aliquis abu-  
tatur in adornando imaginem, non ideo  
confringenda est imago, quia utilis est  
aliis. Potest etiam de facili iste redu-  
ci; quia non est pronus ad idololatriam,  
ut populus ille. Per ista patet ad ali-  
qua per opponentem dilectum tacta, quid  
dicendum.

Nunc audivistis, patres dignissimi, sex  
puncta in quibus contrariamur, & altera  
vice etiam sex. Oro Dominum nostrum Je-  
sum Christum, ut sic disigat omnium cor-  
da, quatenus veritas prævaleat, & omnis  
animositas deponatur. Non est pax in extre-  
mo. Veniat igitur opponens ad medium, &  
mox concordabimus. Si reformationem quæ-  
rat morum, illam etiam quæro. Tollantur  
igitur ista nova dogmata, & veritas per me,  
ut potui, explicata teneatur. Si quid cor-  
rigendum est in dictis meis, adest sancta sy-  
nodus, emendari cito poterit ad componen-  
dum mores paratissima: quam reformatio-  
nem in utroque statu donet nobis Dominus  
ex alto, cooperante hac congregatione san-  
cta, qui est benedictus in sæcula. Amen.



ANNO  
CHRISTI  
1433.

\* *Finis replicæ & responſionum ad repli-  
car domini Nicolai de ſecta Taboritarum,  
electi, ut Bohemi aſſerebant, in epiſcopum ip-  
ſorum Taboritarum, compoſitarum per magi-  
ſtrum Egidium Carteri ſacra theologia pro-  
feſſorem, in præſentia ſacri Baſileenſis con-  
cili, coram legatis Bohemia expoſitarum,  
anno Incarnationis Domini MCCCCXXXIII.  
menſe Aprilis,*

\* al. Finis  
reſponſio-  
nis præ-  
miſſæ,  
propria  
manu au-  
ctoris ſcri-  
ptæ.

# REPLICA DOMINI VULRICI

De ſecta Orphanorum,

Contra diſta magiſtri Kalcisem ordinis  
Predicatorum facta.

2b. p. 493.

**I**N nomine Domini Jeſu Chriſti. Amen.  
Quia veritas ſæpius exagitata ſplendescit  
in lucem 35. q. 9. & oppoſita juxta ſe po-  
ſita magis eluceſcunt, dicit Philoſophus;  
ideo acceſſurus cum Dei auxilio ad replicam  
contra dominum honorandum, dominum  
Henricum ſacra pagine profeſſorem, & ip-  
ſius poſitionem, in qua nititur articulum no-  
ſtrum tertium infringere, ac diſta mea pro  
veritate ejusdem tertii articuli pro poſſe, li-  
cet debilitate, propoſita evellere, cum ſim  
vermis & non homo, opprobrium hominum  
& abjeſtio plebis, omnes videntes me, de-  
riderunt me, locuti ſunt labiis, & moverunt  
caput, pſalm. 21. proponentium opponen-  
tiumque dominorum meorum & patrum cum  
ſim minimus; ideo plus illis indigeo ſapien-  
tiam, ne fallam aut fallar in proponendis.  
Poſtulo itaque a Deo, a quo eſt omnis ſa-  
pientia, nihil hæſitans, & exclamo cum  
pſalmiſta, dicens: Non derelinquas me, Do-  
mine Deus meus, ne diſceſſeris a me; inten-  
de in adiutorium meum, Domine ſalutis meæ.  
pſal. 38. Et ſpero quod exaudiet clamorem  
meum, dicente Propheta: In te ſperaverunt  
petres noſtri; ſperaverunt, & liberaſti eos;  
ad te clamaverunt, & ſalvi facti ſunt; in  
te ſperaverunt, & non ſunt conſuſi. pſal. 21.  
In ipſius ego nomine protheinate dicendo-  
rum offerunt ſe verba, quæ ſcribuntur Jo-  
han. 2. cap. hac forma:

*Dixit mater ejus miniſtris: Quodcumque  
vobis dixerit, facite. Ad litteram verba ſunt  
benedictæ Mariæ Virginis ad miniſtros nu-  
ptiarum, in quibus quidem verbis ipſa Virgo  
plena gratia nos edocet, ut in noſtris fa-  
ciendis ipſum Dominum noſtrum Jeſum, fru-  
ſtrum beatæ Virginis benedictum, audiamus,  
dicens: Quodcumque dixerit vobis facite.  
Ipſa enim beata Virgo honorem niſo debi-  
tum nolebat ſibi aſcribere, ſed dixit mini-  
ſtris: Quodcumque dixerit vobis, facite. Ad  
iſtud etiam eſt vox Patris dicentis, ut habe-  
atur Matt. 17. cap. Hic eſt Filius meus dile-  
ctus, audite eum. Et merito diſta iſtius be-  
nedicti Filii faciendæ ſunt: nempe diſta ip-  
ſius utilia quoad doctrinam, facilia quoad  
impletionem, poenalia quoad tranſgreſſio-  
nem.*

Dixi primo, quod diſta Chriſti ſunt utilia  
quoad doctrinam; de hoc habetur Iſaïe 48.  
Ego Dominus Deus tuus, docens te utilia.

Quid, inquam, utilius, quam facere bonum  
& cavere malum? & utrumque docet Do-  
minus, Iſaïe cap. 1. dicens: *Quiſcite age-  
re perversè, diſcite bene facere;* et per Pſal-  
miſtam: *Diverte a malo, & fac bonum.* Item  
Luc. 17. *Cavete ab omni avaritia;* & ibid.  
10. cap. *Fac hoc, & vivet.* Dicere ergo,  
quod inſtructio & mandatum Chriſti ſit no-  
civum & iutile, non eſt hominis ſanæ men-  
tis coram Deo.

Dixi ſecundo, quod diſta Chriſti ſunt fa-  
cilia quoad impletionem, juxta illud 1. Jo-  
han. 5. cap. *Hæc eſt caritas Dei, ut min-  
data ejus cuſtodiamus, & mandata ejus gra-  
via non ſunt.* Hinc dixit ipſe Salvator no-  
ſter, ut habetur Matt. 11. *Tollite jugum  
meum ſuper vos, & diſcite a me, quia mitis  
ſum & humilis corde, & invenietis requiem  
animabus veſtris: jugum enim meum ſuave  
eſt, & onus meum leve.* Auguſtinus: „Amanti  
quid enim quæſo levius, quidve dulcius,  
quam implere mandata Domini, dicente  
Eccleſiaſtico 23. cap. *Nihil melius quam  
timor Dei, & nihil dulcius quam reſpec-  
te in mandatis Domini, & gloria magna  
eſt ſequi Dominum?* Ex quo patet, quod  
communicare cunctos Chriſti fideles utrique  
ſacramento duplicis ſpeciei, panis ſcilicet  
& vini, cum ſit inſtructio & mandatum Chri-  
ſti, leve eſt facere & dulce Domini ſacer-  
doti. Quod autem ſit mandatum Domini de-  
ductum eſt, & patet etiam per apoſtolos 1.  
Cor. 14. *Si quis videtur propheta eſſe aut  
ſpirituſalis, cognoscat quæ vobis ſcribo, quia  
Domini ſunt mandata.* Si quis autem igno-  
rat, ignorabitur. Nec debet fidelem abita-  
here ab ipſa ſacra communione utriuſque,  
ſpeciei quorundam ſcitiſum, ſcilicet longæ  
barbæ virorum, pepla mulierum, periculum  
effuſionis, aut error infidelitatis; cum ſa-  
cerdotes fideles, ſcientes Dominum & offi-  
cium ſuum, ad Apoſtolum habentes fidem,  
& reverentiam ad ſacramentum venerabile,  
ſicut in aliis, ſic & in iſto populum laica-  
lem ad reverentem & condignam ſacramen-  
ti ſumtionem debeant edocere. Sic etiam  
patet, quod peccata publica, & quantum  
potere fieri etiam occulta, verbo Domini or-  
dinate deſtruere; item verbum Dei libere ac  
fideliter annuntiare, cum ſit præceptum Do-  
mini ſacerdoti Chriſti, dulce eſt atque leve.

Quid inſuper levius ac dulcius ſacerdoti Do-  
mini, quam dimiſſo ſeculari ſeu civili do-  
minio, cum ſit Chriſti prohibitio, in pau-  
peritate evangelica & apoſtolica Domino  
Deo deſervire?

Præterea dixi tertio, quod diſta Chriſti  
Domini ſunt poenalia quo ad tranſgreſſionem:  
ipſorum enim finalis tranſgreſſio poenam in-  
ducit, hoc eſt in futuro. Unde in pſal. 88.  
dicitur: *Si autem dereliquerint filii ejus le-  
gem meam, & in judiciis meis non ambula-  
verint; ſi juſtitias meas prophanaverint, &  
mandata mea non cuſtodierint, viſitabo in vir-  
gu iniquitates eorum, & in verberibus pec-  
cata eorum.* Et in Levitico 26. cap. dicit  
ipſe Dominus per Moſen: *Quod ſi non au-  
dieritis me, nec feceritis omnia mandata  
mea; ſi ſpreveritis leges meas, & judicia  
mea contempſeritis, ut non faciatis ea, quæ a  
me conſtituta ſunt, & ad irritum perducatis*

ANNO  
CHRISTI  
1433.

ANNO  
CHRISTI  
1433.

passum meum, ego quoque hoc faciam vobis. Visitabo vos velociter in egestate & ardore, qui conficiat oculos vestros, & consumat animas vestras. Frustra seretis sementem, quæ ab hostibus devorabitur. Ponam faciem meam contra vos, & correre faciam coram hostibus vestris, & subiciam bis qui oderunt vos. Fugietis, nemine persequente; & ita quod si ambulaveritis ex adverso mihi, ego quoque contra vos adversus incedam, & percutiam vos septies propter peccata vestra, inducamque super vos gladium ultorem foderis mei: cumque confugeritis in urbes, mittam pestilentiam in medio vestri, & trademini hostium manibus, postquam confregero baculum panis vestri. Et sequitur: Caderis inter ruinas idolorum vestrorum, & abominabitur vos anima mea, in tantum, ut urbes vestras redigam in solitudinem, & deserta faciam sanctuaria vestra, nec recipiam odorem ultra suavissimum. Disperdam terram vestram, & superbunt super ea inimici vestri. Hec ibi. Ecce poena transgressionis Domini mandatorum. Et Isaias 1. Dicit Dominus: Si volueritis & audieritis me, bona terra comedetis. Quod si nolueritis, & me ad iracundiam provocaveritis, gladius devorabit vos, quia os Domini locutum est. Unde audenter dico, salva tamen reverentia & supplantatione patrum benigna, quod si istud venerandum concilium una cum regno nostro Bohemæ ac ejus ambaffiatoribus non fecerimus finaliter quodcumque dixerit nobis ipse Dominus, poenam minime hic aut in futuro evademus. Dicitur enim Job. 36. cap. Si audierint & observaverint, complebunt dies suos in bono, & annos suos in gloria. Si autem non audierint, transibunt per gladium, & consumentur stultitia. Et hinc merito dixit mater ejus ministris: Quodcumque dixerit vobis, facite, &c. Quæ fuerunt verba vestris paternitatibus ac dominationibus proposita secundum posse.

In ipso Christi Jesu, Virginis benedictæ filii nomine, jam accedo ad factum in se, observaboque, Deo propitio, hunc ordinem.

Primo, quod proposita pro articulo nostro tertio, quæ religiosus noster dominus Henricus impugnât, adhuc scripturis canonicis, auctoritatibus sanctorum & rationibus, ut firmior appareat ipsius articuli veritas, confirmabo.

Secundo, circa hoc ad dicta in contrarium opponentis, prout Deus ex alto inspiraverit, respondebo. Quamquam autem venerandus doctor fortiter impegit in articulum nostrum tertium, tamquam fortis armatus, non tamen cecidit, scilicet articulus noster: est enim fundatus supra firmam petram, scilicet legem Dei, praxim Christi & primitivæ ecclesiæ, &c. prout ostensum est in ipsius articuli nostri deductione.

De illa consequentia: Hoc mandat Christus Jesus; ergo faciendum. Hoc prohibet Christus Jesus; ergo non faciendum, satis notabile est apud me, quod venerabilis dominus opponens immoratus est circa illam consequentiam, Hoc mandat, &c. Ultimo quod cogitaverat ipsam esse quasi fundamentum positionis meæ. Volens ergo destruere adi-

Concilior Supplem. Tom. IV.

ficiam positionis, sedit circa fundamentum, sciens quod si ipsum corruerit, ruet & postea tota structura. Dixit, ergo imprimis: Ista consequentia non valet apud me: igitur: &c. Ibi dico, quod non sequitur: apud me non valet hæc consequentia, igitur non valet. Nam simili forma retenta non sequitur: Iste homo apud me non est Catholicus: igitur iste homo non est Catholicus. Similiter: Iste homo apud me non dicit veritatem; igitur iste homo non dicit veritatem. Et merito non valet, arguitur enim ab inferiori ad superius negative, & talis consequentia apud laicos declinatur.

Quod autem ista consequentia: Hoc dicit Christus Jesus, ergo verum, &c. sit melior illa: Hoc dicit Romanus pontifex, ergo verum, &c. probatur, & suppono, quod impossibile est Deum mentiri. Ad Hebr. 6. & Num. 23. Non est Deus ut homo, ut mentitur. Suppono secundo, quod omnis homo est mendax. Patet ad Rom. 3. Est autem Deus verax, omnis homo mendax. & psal. 15. Quibus suppositis valet assumptum fore verum. Confirmatur exemplariter. Papa mandat venerandum concilium transferri Bononiam: ergo est faciendum. Verum magister in scripto sic arguit: Papa mandat hoc, & in lege Domini saltem expresse se veraciter non fundat, dummodo contra mandatum Domini non præcipiat, neque contra sacrorum generalium conciliorum statuta, quod ergo præcipit hoc est faciendum. Respondeo, secundum Hieron. scripturæ sacræ auctoritatem non habens, eadem facilitate contemnitur, qua probatur. Unde circa multos fideles theologos, soli Christo hoc est proprium inter homines concludere absque medio, ut hoc: Dicit Christus Jesus, ergo verum, &c. Non sic autem de puro homine sequitur formaliter. Nam si hoc non sequitur universaliter de ecclesiâ, multo minus de aliqua persona singulari. Quod autem non sequatur universaliter de ecclesiâ, patet extra de sententia excomm. Amb. ubi dicitur: Judicium Dei veritati, quæ nec

fallit, nec fallitur, semper innititur. Judicium autem ecclesiæ nonnumquam opinionem sequitur, quam & fallere sæpe contingit & falli; propter quod interdum evenit, ut qui ligatus sit apud Deum, apud ecclesiâ sit solutus; & qui liber est apud Deum, ecclesiastica sententia sit innodatus.

Et tunc ad objectionem de Abraham, quam adducit dominus opponens ex primo libro Sententiarum dist. 15. cap. antepenultimo, dico quod stat in æquivoquo cum articulo meo, ego intelligo de mandato & prohibitione proprie dicta, prout scilicet obligant ad faciendum aut non faciendum. In objectionem autem sumuntur ista minus proprie, & sic fit... quid in malo, fallacia est consequentis.

De cæco autem sanato, dico quod, ut habetur Matt. 9. dicantur fuisse duo; unde ibidem dicitur: Secuti sunt duo cæci, clamantes & dicentes: Misere nostri, fili David. Cum autem venisset domum, accesserunt ad eum, & dixit eis Jesus: Creditis quod possum hoc facere vobis? Dicunt ei utique,

SS 2 Do.

ANNO  
CHRISTI  
1433.



ANNO  
CHRISTI  
1433.

Domine; tunc tetigit oculos eorum, dicens: *Secundum fitem vestram fiat vobis, & aperi sunt oculi eorum; & comminatus est illis Jesus: Videte ne quis sciat. Illi autem excurrent, diffamaverunt eum in tota terra illa.* Hæc ibi. Ubi doctor noster de Lira: „Sed queritur, quomodo fecerunt contrarium ejus quod dixerat eis Christus? aut voluit fieri quod dixit eis, aut non: si voluit, sequitur quod fecerunt contra præceptum ejus, & sic peccaverunt, quod tamen non videtur; quia non fuissent digni sanatione. Si autem noluit, sequitur quod Christus mendax est, vel duplex voluntas in verbis fuit, quod est impossibile. Dicendum quod in Christo ponitur duplex voluntas, sicut & natura: una divina, & est duplex, una signi & altera beneplaciti. Voluntas enim beneplaciti est, qua vult aliquid simpliciter & absolute, & sic Christus voluit miraculum publicari, quia contra voluntatem signi. Alia autem fuit voluntas in Christo humana, & sic Christus voluit quodam modo miraculum publicari, quia voluit publicari ad Dei gloriam. Noluit autem hoc, ut ostenderet laudem humanam esse fugientem; sicut sunt etiam aliqua, quæ sunt partim voluntaria & partim non voluntaria, ut dicitur 3. Ethicorum: Sicut ille qui projicit merces in mare, vult & non vult projicere diversis respectibus, quia non vult absolute; vult tamen in talicausa positus. Hæc ille. Et sic patet solutio ad illam objectionem.

Consequenter venerabilis dominus proponens notavit aliqua de hoc nomine, Papa, dicens quod ipsum non est nomen ordinis seu jurisdictionis & officii; & dato quod sit malus in moribus, quamdiu est fidelis, potest dici sanctus & sanctissimus, &c. ibidem. Ibi noto, quod hoc nomen, Papa, non exprimitur in scriptura sacra, sed est sumtum ab interjectione, Papæ, quæ admirationem significat. Unde secundum hoc eis proprie convenit, qui in conversatione sunt admirabiles sanctitate. Ad quem sensum Jesus Christus Dominus noster est summus papa possibilis in genere humano, cum de eo scribitur *Isaie 9. Et vocabitur nomen ejus Admirabilis, Consiliarius, Deus fortis, Princeps pacis, &c.* Olim autem vocati sunt quicumque sancti episcopi, papæ: unde epistola 8. Hieronymus ad Augustinum: „Domino vere sancto & beatissimo Augustino papæ Hieronymus salutem. Item, Augustinus epistola 18. ad Paulinum sic loquitur: „Liberi beati papæ Ambrosii credo habere sanctitatem tuam. Item, epist. 10. ad Aurelium scribunt Alpinus & Augustinus: „Domino beatissimo papæ Aurelio; nec fuit iste Aurelius papa episcopus Romanus. Item, Bonifacius comes epist. ad Augustinum, dicit: Ora, venerabilis papa, ut talis de inimicis ultio procedat; unde & Greci vocant cunctos presbyteros papas. Communiter tamen papa accipitur pro persona, quam occidentalis ecclesia pro Romano episcopo acceptat, qui, ut sit verus papa tam merito, quam officio & ordine, deberet Petri considerare condiciones & Pauli,

& ipsos, quantum possibile est, veraciter imitari tam in vita quam in doctrina, ut de ipso possit verificari singulariter illud Psalmistæ: *Pro patribus tuis nati sunt tibi filii.* Et ad hoc est canon sub auctoritate Hieronymi, dicens: „Non est facile stare in loco Petri & Pauli, scilicet tenere cathedram cum Christo regnantium; quia hinc dicitur: Non sanctorum filii sunt, qui tenent loca sanctorum, sed qui exercent opera eorum, & habetur dist. 40. *Non est.* Et fundatur iste canon super illo verbo Johannis 8. *Si filii Abrabæ estis, opera Abrabæ facite.* Ubi dicit doctor N. Gorra: Alioquin frustra gloriabimini; sic & in proposito potest applicari. Et ad idem est Gregorius ita dicens: Nos qui præsumus, non ex loco, vel generis dignitate, sed morum nobilitate innouescere debemus; nec urbium claritate, sed fidei puritate; & ponitur 40. dist. *Nos qui.* Idem Anastasio presbytero: Non loca vel ordines Creatori nostro nos proximos faciunt; sed nos aut merita bona conjungunt, aut mala disjungunt; ponitur eadem di. *Non loca.* Hinc idem Gregorius ad Eulogium patriarcham Alexandrinum, qui ipsum in scriptis vocaverat universalem papam, ita dicit: „Ego non verbis quero prosperari, sed moribus. Et infra: Recedant verbaque unitatem instant, caritatem vulnerant. Hæc ille: & ponitur dist. 19. Ecce bonitas etiam papæ est quasi salus omnium; & perversitas illius cedit in damnationem innumerabilium personarum. Unde ex gestis Bonifacii martyris: Si papa suæ & fraternæ salutis negligens deprehenditur, inutilis & remissus in operibus suis, & insuper a bono rancidus, quid magis officit sibi & omnibus? nihilominus innumerabiles populos catervatim secum ducit; & ponitur dist. 40. *Si papa.* Et ad idem est Gregorius in Pastoralis c. 2. dicens: Pastores, inquit, perverfi in moribus, quod verbis prædicant, moribus impugnant. Unde fit cum pastor per abrupta graditur ad præcipitum, grex sequitur. Hæc ille. Ipse enim præ aliis Christianis debet habere zelum Christianæ religionis. Unde Julius papa: Officii nostri consideratione, non est opus nobis dissimulare, non est tacere libertas, quibus major cunctis Christianæ religionis zelus incumbit, & habetur 24. q. 1. *Officii.* Ad hoc autem quod dicit Dominus doctor papam sanctum, sanctissimum aut beatissimum, dato quod sit malus moribus, ibi dico, quod sanctitas est duplex, scilicet sanctitas innocentie, quæ tantum bonis convenit, & sanctitas sacramentalis, quæ quandoque malis convenit. Unde Augustinus contra Perilianum ponens exemplum quoad hoc de Saule, ita dicit: Item si Saul non habebat sacramenti sanctitatem, quid in eo venerabatur David? si autem habebat innocentiam, quare innocentem persequeretur? Nam eum propter sacramenti unionem & honoravit vivum & vindicavit occisum, & quia vel panniculum de veste ejus absceidit, percussio corde trepidavit. Ecce Saul non habebat innocentiam & tamen habebat sanctitatem, non vitæ suæ. Nam

ANNO  
CHRISTI  
1433.

ANNO  
CHRISTI  
1433.

Nam hæc sine innocentia haberi non potest; sed sacramenti Dei, quod in malis hominibus sanctum est. Et ponitur 1. q. 1. Ex quo patet quod dicimus de sanctitate papæ, dato quod sit in moribus malus. Credere ergo aliquem sanctum aut sanctissimum, qui tamen sanctus non est, periculosum. Propter quod dicit Hieronymus super epistolam Pauli ad Philemonem: Si quis dixerit, justum injustum, & injustum justum, abominabilis est urique apud Deum. Similiter qui sanctum dicit non sanctum, & rursus qui non sanctum asserit sanctum, abominabilis est apud Deum. Et ponitur 11. q. 1. Si quis hominem. Ubi dicit Glossa Jo. super verbo dixerit: id est firmiter asseveraverit, cum non sit certus. Bonum ergo esset dominis prælati talia nomina, maxime superlativi gradus, in timore Domini acceptare, immo securius cum Petro respondere Act. 10. & specialiter si vita cum nomine non concordat. Ad tantum enim, quidam videntur vendere oleum adulationis, ut non solum vivis, immo & defunctis non nisi verbis applausivis & in suis allegationibus conentur velle complacere, de quo Jerem. 5. *Prophetae prophetabant mendacium, & sacerdotes applaudebant manibus suis, & populus meus dilexit talia.* Hinc quasi præmuniens Dominus dixit Isaie 3. *Popule meus qui te beatum dicunt, ipsi te decipiunt, & viam græssuum tuorum dissipant.* Stat ad judicandum Dominus, utinam utcumque non impleatur illud quod dicit Dominus Isaie 9. *Et erant qui beatificabant populum istum seducendo, & qui beatificati præcipitati.* Non istum modum habuere sancti apostoli, prout dicit B. Petrus in sua secunda canonica ca. 3. *Domini nostri longanimitatem salutem arbitremini, sicut & carissimus frater noster Paulus secundum datam sibi sapientiam scripsit vobis.* Et Jacob. 5. *Exemplum accipite, fratres, prophetas qui locuti sunt in nomine Domini.* Ecce modus allegandi apostolorum.

Ad illud quod subdit dominus doctor opponens, quod papa etiam malus in moribus, potest dici sanctus aut sanctissimus, &c. Sed ex sanctificandi alios officio, adducit textum Num. 18. *Dixit Dominus ad Aaron: Tu & filii tui & domus patris tui portatis iniquitatem sanctuarii, &c.* Et infert dominus opponens, si sanctuarium, quomodo habet iniquitatem? Et si sancti sunt; quomodo habent peccata? Posset dici quod peccata sunt cum sanctitate. Patet. Nam apostoli Domini post missionem Spiritus sancti erant sancti & tamen peccatum habebant de possibili, ut patet de Petro ad Gal. 2. Unde Johan. 1. dicitur: *Si dixerimus quoniam peccatum non habemus, ipsi nos seducimus, & veritas in nobis non est.* Sed ut intelligamus illam auctoritatem Numeri, Nicolaus de Lira sic ipsam exponit: Tu & filii tui & domus patris tui: Portabitis iniquitatem sanctuarii, id est habebitis illa quæ offeruntur in sanctuario pro peccatis populi, ut exponunt aliqui. Sed ista expositio non videtur conveniens, quia portare seu sustinere designat opus impositum. Receptio autem oblationum

non est sacerdotibus onerosa. Ideo autem exponitur referendo ad finem capituli præcedentis, ubi quaeritur remedium contra periculum mortis in populo, si aliqui indebito accederent ad divina, ut sit sensus: Tu & filii tui sustinebitis peccata sacerdotum vestri, & si qui se ingerant per vestram negligentiam, non solum punientur pro sua temeritate; sed & vos pro vestra negligentia; & ideo nobis incumbit onus arcendi eos, & negligenter præcavendi ne aliquis accedat. Hæc ille. Ex quo patet quod ille textus Numeri minus bene est adductus ad propositum, ut videtur.

De sanctificatione vero dico, quod sanctificatio vere activa proprie & auctoritative convenit ipsi Deo, unde Levitici 20. *Custodite præcepta mea & facite ea, quia ego sum Dominus, qui sanctifico vos.* Quid autem in illa materia in sanctificatione activa dicat Augustinus, audiat Dominus doctor. Unde Augustinus in homilia, *Rogabat Jesum, quidam phariseus &c.* super verbo: *Remittuntur ei peccata;* declarans quod purus homo non potest dimittere peccata, & quod phariseus minus malus fuit, credens Christum hominem purum, non posse dimittere peccata, quam hæreticus, dicens se hominem dimittere peccata. Loquitur isto modo: Phariseus melior, quia cum putaret hominem Christum, non putabat ab homine posse dimitti peccata. Mellior ergo Judæi, quam hæreticis apparuit intellectus. Judæi dixerunt: Quis est hic qui etiam peccata dimittit? Audet sibi homo hoc usurpare. Quid contra hæreticus? Ego dimitto, ego mundo, ego sanctifico. Respondeat illi, non ego, sed Christus. O homo quando ego Judæis putatus sum homo, dimissionem peccatorum fieri a me non putabant, non ergo mihi, sed respondeat tibi Christus: o hæretice, tu cum sis homo, dicis: veni mulier, ego te salvam faciam: ego cum putarer homo, dixi: vade, mulier, fides tua te salvam fecit. Hæc ille: Item idem Augustinus de Verbis Domini super Johannem sermone 8. super illo verbo Johan. 5. *Ego veni in nomine Patris mei, & non accepistis me, veniet alius in nomine suo, & illum accipietis, quomodo potestis vos credere qui gloriam ab invicem accepistis, & gloriam quæ a solo Deo est non quaeritis?* dicit: Quid est aliud ignorare Dei justitiam & suam velle constituit, nisi dicat: ego sanctificabo, ego justificabo, quod ego dederò hoc sanctum; dimitte Deo quod Dei est, agnosce homo quod hominis est. Ignoras Dei justitiam, & tuam vis constituere, justificare vis; sufficit tibi, ut mecum justificeris. De antichristo dictum est; hoc & omnes sic intelligunt, quod ait Dominus: *Ego veni in nomine Patris mei & non suscepistis me; si alius venerit in nomine suo hunc suscipietis.* Sed audiamus & Johannem, audi, inquit, quia antichristi multi facti sunt. Quid autem expavescimus in antichristo, nisi quia nomen suum honoraturus est, & nomen Dei contemtorus. Et quid aliud fecit qui dicit: Ego justifico? Responde-

ANNO  
CHRISTI  
1433.

tur



ANNO  
CHRISTI  
1433.

„ tur ei: Ego ad Christum veni, ubi evan-  
„ gelium audiui, ibi credidi, ibi baptiza-  
„ tus sum, quia in Christum credidi, &  
„ ille non est mundatus. Quare? quia ibi  
„ non fui; dic quare non sum mundatus,  
„ quia baptizatus sum in Jerusalem. Ubi  
„ gratia? Apud Ephesos, quorum episto-  
„ lam & pacem spernis. Ecce ad Ephesos  
„ scripsit apostolus, fundata est eorum ec-  
„ clesia, manet usque nunc uberius & mal-  
„ tiplicius tenet quod accepit ab apostolo:  
„ Si quid annuntiaverit vobis præter quod  
„ accepistis, anathema sit. Quid ergo dicis  
„ mihi, quod mundus non sum? Etiam, non  
„ es. Quare? quia ego ibi non fui. Sed qui  
„ ubique est ibi fuit. Et infra. Ecce est alius  
„ qui venit in nomine suo: ergo oblitus  
„ sum fundamentum meum. Nonne petra  
„ erat Christus? Nonne qui ædificat supra  
„ petram ipsum non deiecit ventus, neque  
„ pluvia, atque flamma. Veni ergo mecum  
„ supra petram, & noli mihi esse velle pro  
„ petra. Hec Augustinus. Ex quo patet  
„ notabiliter quid sit ignorare Dei iustitiam &  
„ suam velle statuere, nisi dicere: Ego sancti-  
„ fico, ego iustifico quæ est concordatio anti-  
„ christi ut dicit Augustinus, non ergo cau-  
„ tius est, quam dimittere Deo quod Dei est, &  
„ agnita propria indigentia, currere ad ipsum  
„ Deum meritum passibus, ut simul ab eo  
„ iustificemur. Secunda conditio antichristi,  
„ ut tangit Augustinus, velle hominem esse  
„ pro petra, cum tamen petra erat Christus.  
„ Et ideo concludens Augustinus dicit: Veni  
„ ergo supra petram, &c. Et si aliquis oblice-  
„ rit, illud Exodi 19. ubi Dominus dixit Moysi:  
„ Vade ad populum, & sanctifica illum, &c.  
„ Ibi dicit doctor Nie. de Lira; hic accipi-  
„ tur sanctificatio pro munditia, quia san-  
„ ctum in una significatione idem est quod  
„ mundum. Et super verbo sanctificavit  
„ eum, dicit denuntiando, quod mundaretur.  
„ Et hoc nota pro similibus textibus.

„ Uterius dicit honorabilis Dominus oppo-  
„ nens; sic & concilia generalia dicuntur san-  
„ cta & sanctissima, &c. Ibi dico: dato quod  
„ aliquod generale concilium & omnes perso-  
„ næ inibi existentes sint non sanctæ, unde de-  
„ beo scire quod Spiritus illi concilio infalli-  
„ biliter assistat? cum dicatur Sapientiæ 1. In  
„ malivolam animam meam non introibit sapien-  
„ tia, nec habitat in corpore subdito peccatis.  
„ Spiritus enim sanctus disciplina effugiet fi-  
„ elum, & auferet se a cogitationibus quæ sunt  
„ sine intellectu.

„ Consequenter dicit Dominus opponens,  
„ quod papa propter admirandam suæ pote-  
„ statis excellentiam prope Christum attingit.  
„ Ibi dico, quod potestas papæ non est  
„ supra Deum, nec æqualis: nec supra Chris-  
„ tum, nec supra apostolos. Utinam ipsi apo-  
„ stolis sit æqualis. Et quia potestas apostolo-  
„ rum non erat in destructionem, sed in ædi-  
„ ficationem, oportet quod potestas papæ sit  
„ non in destructionem, sed in ædificationem.  
„ Cum enim potestas papæ sit potestas, non  
„ est nisi a Deo, ad Rom. 12. quæ autem a  
„ Deo sunt, a Deo ordinata sunt, ut dicitur  
„ ibidem, & ipsam papæ potestatem oportet  
„ esse ordinatam. Secundum mensuram dona-  
„ tionis Christi, non immensum se extenden-

tem, quæ erit conditio antichristi, de quo,  
„ Ad Thessal. 2. dicitur: Quoniam nisi vene-  
„ rit discessio primum, & revelatus fuerit bo-  
„ mo peccati, filius perditionis, qui adversa-  
„ tur & exollitur supra omne quod dicitur  
„ Deus, aut quod colitur, ita ut in templo  
„ Dei sedeat, ostendens se tanquam sit Deus.  
„ Et Isaia 14. Quomodo cecidisti de coelo, Lu-  
„ cifer, qui mane oriebaris, &c. sequitur: Qui  
„ dicebas in corde tuo in coelum conscendam,  
„ supra astra coeli exaltabo solium meum, simi-  
„ lis ero Altissimo, &c.

„ Nota etiam circa illud ubi dicit doctor:  
„ Quod papa propter admirandam suæ pote-  
„ statis excellentiam prope Christum attingit;  
„ dico quod quidam opinantur, quod excel-  
„ lentia potestatis papæ ultra Christum attingit  
„ in hoc quod papa de inhabili potest facere  
„ habilem, de illegitimo legitimum, de  
„ juvene annosum, mutare leges & canones,  
„ quæ tamen Christus in humanis non potuit,  
„ ut videtur, saltem de potentia ordinata.  
„ Sed istam opinionem non approbo, nisi probata  
„ fuerit ex lege Dei & dictis sanctorum  
„ veraciter se fundantium in eadem. Et dico  
„ quod excellentia potestatis papæ prope Chris-  
„ tum attingit, tanquam terra prope coelum,  
„ tam quoad divinitatem, quam quoad Chris-  
„ ti humanitatem, quoad divinitatem notum  
„ est, juxta illud: Sicut exaltantur coeli &  
„ terra, sic exaltata sunt via mea a viis ve-  
„ stris & cogitationes mee a cogitationibus vo-  
„ stris, Isaia 55. Quoad humanitatem etiam  
„ patet, quia solo iussu dæmonia ejiciebat,  
„ coecorum oculos aperiebat, tactu leprosos  
„ febricitantes sanabat, verbo mortuos susci-  
„ tabat, & sic de aliis. Immo etiam peccata  
„ potentialiter dimittebat. Matt. 9. Ut autem  
„ sciatis, quia filius hominis habet potestatem  
„ in terra dimittendi peccata, ait paralitico:  
„ surge, tolle lectum tuum, &c. Hinc dice-  
„ bat, ut habetur Matt. ultimo: Data est  
„ mihi omnis potestas in coelo & in terra. Et  
„ ad Philip. 3. Exaltavit illum Deus, & de-  
„ dit illi nomen quod est super omne nomen,  
„ &c. Nullum autem istorum datum est papæ  
„ generaliter & absolute. Igitur, &c.

„ De legibus autem condendis dicit Urbanus  
„ papæ: Sunt quidam dicentes Romano  
„ pontifici semper licuisse novas condere le-  
„ ges, quod & nos non solum non negamus,  
„ sed etiam valde affirmamus. Sciendum vero  
„ summopere est, quod inde novas leges con-  
„ dere potest, unde evangelista: aliquid nequa-  
„ quam dixerunt; ubi vero aperte Dominus,  
„ vel ejus apostoli, & eos sequentes patres san-  
„ cti sententialiter aliquid diffinierunt, ibi non  
„ novam legem Romanus Pontifex dare: sed  
„ potius quod prædicatum est, usque ad ani-  
„ mam & sanguinem confirmare debet. Si enim  
„ quod docuerunt apostoli & prophætæ, de-  
„ struere, quod abest, niteretur, non senten-  
„ tiam dare, sed magis errare convinceretur,  
„ sed hoc procul sit ab eis, qui semper Domini  
„ ecclesiam contra luporum insidias optime  
„ custodierunt 25. q. 1. Sunt quidem. Et pro-  
„ pter ista excellentiæ potestatis attributa,  
„ sequuntur apud simplices, imo aliquando &  
„ apud doctos multa inconvenientia; ut inor-  
„ dinatus respectus, obedientia inordinata,  
„ prostratio usque ad oscula pedum beatorum.

Non

ANNO  
CHRIST  
1433.

Non sic faciebat Petrus versus Christi vicarius. Nam Aquum 10. dicitur: *Et factum est cum introisset Petrus, obuius ei venit Cornelius, & procidens ad pedes ejus adoravit. Petrus vero elevavit eum dicens: Surge, & ego ipse homo sum. Et istud pensavit humilis papa Gregorius, 21. Moralium, qui volens prelatos ad humilitatem reducere, dicit: Hinc est, quod primus ecclesie pastor, cum, adorante se Cornelio, supra se videret sibi honorem oblatum, ad qualitatem conditionis sue recurrit, dicens: Surge & ego ipse homo sum. Quis enim nesciat, quod homo conditori suo debeat, & non homini posteri? hec ille. Similiter apostolus, enumerata gloriacione sua, dicit, ut habetur 2. ad Corint. 12. Nam & si voluero gloriari, non ero insipiens, veritatem enim dicam: pro eo autem ne quis me existimet supra id quod videt in me, aut audit aliquid ex me. Et propter talia adulatoria attributa, merito vitæ contradicente, aliquando Deus iusto iudicio permittit casus horrenissimos, ut patet de Domino Johanne XXIII. qui erat Balthazar de Cossâ, deposito in concilio Constantensi; sic de his casibus non immerito posset dici illud Daniel. 14. *Eccce quem colebatis*. Contra Dominus oponens pro illa admiranda excellentia potestatis papæ adducit dictum Salvatoris Matt. 23. *Super cathedram Moysi, &c.* Et quia illa auctoritas multum videtur facere pro excellentia prelatorum, ideo aliquid pro ejus intelligentia jam adducam. Doctor Nic. de Lira sic exponit: *Super cathedram Moysi, &c.* id est in auctoritate judicandi populum sedebant scribæ & pharisæi, quia illi qui videbantur in populo magis periti ad hoc eligebant. *Omnia quaecumque dixerint vobis facite*, quia prelati etiam malis est obediendum, non in his quæ sunt manifeste contra Deum, & sunt habendi in reverentia quamdiu tolerantur in officio suo, quod patet per exemplum David, qui reverebatur Saullem regem, licet sciret eum esse malum & a Deo reprobatum. *Secundum opera illorum nolite facere*; quia non sunt imitandi in malis, immo tantum in bonis. Hæc ille. Chrysostomus vero super Matt. 23. c. de opere imperfecto sic dicit: Videte quomodo sedetis super cathedram, quia non cathedra facit sacerdotem; sed sacerdos cathedram. Non locus sanctificat hominem, sed homo locum. Non omnis sacerdos, sanctus est; sed sanctus sacerdos qui bene sederit super cathedram, honorem accipiet ab illa. Qui male sederit injuriam facit cathedræ; ideoque malus sacerdos de sacerdotio suo crimen acquirit, non dignitatem. In iudicio enim sedens siquidem bene vixeris & bene docueris, omnium iudex eris: si E autem bene docueris, & male vixeris, tui solus. Nam bene vivendo & bene docendo populum instruis quomodo debeat vivere. Bene autem docendo & male vivendo Deum instruis quomodo debeas condemnari; hæc ille. Ad idem est Augustinus in homil. super Johan. c. 10. Audite mercenarios ab ipso Domino demonstratos. *Scribæ*, inquit, & *Pharisæi* su-*

A „per cathedram Moysi sedent, quæ dicunt „facite; quæ autem faciunt facere nolite. „Quid aliud dixit nisi per mercenarium vocem pastoris audite? Sedendo enim in cathedra Moysi legem Dei docent. Ergo „Deus per illos docet: sua vero si velint „docere, nolite audire, nolite facere. Certè enim tales quæ sua sunt querunt, non quæ Jesu Christi. Hæc ille. Ex quorum dictis patet, qualiter illa auctoritas de cathedra Moysi sit intelligenda.

Ad aliam auctoritatem: *Obedite præpositis vestris, & subjacete eis, &c.* Non est Petri, sed Pauli ad Hebræos 13. super quo textu Chrysostomus serm. 34. super Ep. ad Hebræos sic querit. „Quid ergo, dicit „aliquis, dum præpositus malus extiterit, „num obediemus maligno? qualiter dicis, „siquidem in causa fidei fuge illum & evita, non solum si fuerit homo, sed etiam „si angelus de coelo descenderit. „Hæc ille. Ulterius ubi in uno notabili dixi: verbum Dei dupliciter intelligunt, &c. invehit honorabilis dominus proponens dicens: Et quamquam istud non sit reprehensibile quoad ea quæ dicta sunt, est tamen reprehensibile propter ea quæ omissa sunt, &c. Ibi dico quod accepi verbum Dei, prout subserviebat mihi ad propositum articuli nostri, puta de prædicatione; cum tamen ipse sit multiplex divisio, scilicet verbum Dei æternale, temporale. Item verbum Dei mentale, vocale, scriptale, &c. Alio modo posset dici quod verbum inspiratum includitur in verbo Dei, juxta illud 2 Pet. 1. *Non enim voluntate humana allata est quandoque prophetia, sed Spiritu inspirato locuti sunt sancti Dei homines*. Subinfert honorandus dominus opponens, quod sanctorum doctorum dicta non sunt ab aliquo vilipendenda, &c. Ne quis æstimet nos reprehendere sanctorum doctorum dicta, intendo parumper inilitere, Deo duce. Primo, inquam, potest clarescere quod dicta sanctorum doctorum non vilipendimus, ex isto quod in iudice nostro, in quem consensus, qui est lex Dei, praxis Christi &c. ponuntur sententiæ sanctorum doctorum veraciter se fundantium in eadem; quod non faceremus, si vilipenderemus easdem. Unde dico quod sacram scripturam iustificare, magnificare & promovere intendimus simpliciter, secundum notitiam nobis a Deo datam, ad eum sensum quem principaliter flagitat Spiritus sanctus. Hoc enim vult habere Dominus juxta illud Isaïæ 42. *Et Dominus voluit ut sanctificaret eum, & magnificaret legem, & extolleret*. Dicta vero sanctorum doctorum de tanto, de quanto veraciter se fundant in eadem, & ad verum, quæ sunt ipsorummet sanctorum scripturæ. Unde Augustinus super Gen. ad litteram. „Major est hujus scripturæ auctoritas, quam „omnis humani ingenii perspicacitas. Hæc ille. Et ideo debent homines illi (esse) subditi, dicente Augustino lib. de Doctrina „Christiana, „Sanctarum, inquit, scripturarum auctoritatibus colla subdenda sunt, „ut ad intellectum quisque per fidem perveniat. „Hæc ille. Et merito; ipsa enim neminem fallit, supple, sane intellecta, dicente Augustino, de verb. Dom. serm. 20. Scri-



ANNO  
CHRISTII  
1433.

Scriptura sacra neminem fallit, numquam dicit aliquid & aliter evenit. Non pro- mittit in hoc sæculo nisi tribulationes, pressuras, angustias, augmenta dolorum & abundantiam tentationum. Hæc ille. Unde ipsa potest dicere illud Prov. 8. & verissime: *iusti sunt sermones mei, & non est in eis prævium quid negat peruersum; recti sunt intelligentibus & æqui inuoluentibus scientiam.* De ipsa etiam dicit Hieronymus epist. 21. « Scripturæ, inquit, sacre si aliqua pars fuerit falsa, tota foret dubia. » Hæc ille. In quibus scilicet scripturis sacris secundum eundem multa dicuntur quæ videntur incredibilia, cum sint omnino vera. Hinc locus ab auctoritate sacre scripturæ in theologia est optimum argumentum. Bene enim sequitur: Hoc dicit sacra scriptura assertive; ergo hoc est verum; & hoc affirmative arguendo, hanc sacram scripturam oportet nos vocare in testimonium nostrarum probationum. Sine his enim testibus, nostræ enarrationes non habent fidem, prout dicit Origenes homil. 1. in Jerem. sic inquit: « Necessè nobis est scripturas sacras in testimonium vocare; sensus quippe nostri & enarrationes sine his testibus non habent fidem; & hoc est quod dictum est: *In ore duorum vel trium testimonium stabit omne verbum*, magis convenit ad interpretantis probationem, quam quorumcumque hominum numerum, ut firmem verbum intellectus mei, accipiens duos testes de novo & veteri testamentis, accipiens tres testes de evangelio, de propheta, de apostolo. Sic enim stabit omne verbum. » Hæc ille. Et idem Origenes homil. 7. super Leviticum. « Nihil ut verbis meis credatur exposco, nisi testes idoneos dederò. Idem homil. 26. super librum Numer. « Hæc nisi ex divinis scripturis approbentur, fabulæ videntur. » Ad idem est Hieronymus ad Demetriadem virginem. Scripturæ sacre auctoritatem non habens, eadem auctoritate contemnitur, quæ probatur. » Idem Hieronymus: Non afferamus stateras dolosas, ut appendamus quod volumus pro arbitrio nostro dicentes: Hoc grave, hoc, hoc leve est; sed afferamus divinam stateram de scripturis sanctis tamquam de thesauris Dominicis, & in illa quid sit gravius appendamus. Et ponitur 24. q. 1. *Non afferamus.* Pro eodem etiam est Chrysostomus super Matt. 7. cap. Operis imperfecti « Omnis doctor servus est legis, quia neque supra legem addere potest aliquid de suo sensu, neque subtrahere secundum proprium intellectum: sed hoc tantummodo prædicet quod habetur in lege. Et ad idem sunt alii quamplures, quos ad præsens omitto causa brevitatatis.

Quoad secundum, scilicet quoad dicta sanctorum doctorum, &c. scilicet scripta episcoporum, respondet Augustinus in epistola ad Vincentium Donatistam: « Hoc genus litterarum ab auctoritate canonis distinguendum est. Non enim sic leguntur, tamquam ita ex his testimonium profera-

tur, ut contra sentire non liceat, sicuti forte aliter sapuerit quam veritas postulat. In eo quippe numero sumus, ut non dedignemur etiam nobis dictum ab Apostolo recipere, & si quid aliter sapitis, hoc quoque Deus revelabit. » Hæc ille, & ponitur 9. dist. *Noli frater.* Et Ciprianus in epist. de lapsis. « Mandant martyres aliqua fieri; sed si scripta non sunt in lege Domini, ante est ut sciamus illos de Deo impetrasse, quæ postulant & facere quæ mandant. » Et ponitur di. 50. *Si quis.* Item Augustinus in epist. ad Fortunatum: Neque quorumlibet disputationes, quamvis catholicorum & laudatorum hominum, velut scripturas canonicas habere debemus, ut nobis non liceat, salva honorificentia quæ illis debetur hominibus, aliquid in eorum scriptis improbare atque respicere, si forte invenerimus quod aliter senserint quam veritas habet &c. Ponitur 9. di. *Neque.* Idem Augustinus ad Vincentium Vicozem lib. 2. Negare non possum nec debeat, sicut in ipsis majoribus, ita esse multa in tam multis opusculis meis, quæ possunt iusto iudicio & nullis la temeritate culpari. » Et ponitur 110. di. *Negare.* Si hoc non possumus negare de Augustino, multo minus de Thoma Valentini, de Augustino de Alcona, \*Thoma de Aquino, Alexandro de Hallis, Petro de Tarentasia, & ceteris, negare vere poterimus, quamvis tamen multi in præsentis auditorio doctores sanctissimos, antiquissimos, profundissimos & subtilissimos ac irrefragabiles allegavere. Immo sæpius unus doctor contra alium in eadem sententia seu materia inventus discrepare, ut de conceptione beatæ Virginis, de auctore psalmorum, de illo Johannis 3: *Spiritus ubi vult spirat*, &c. Et multa inveniuntur talia quæ omitto propter brevitatem.

Sed ad illud quod multi allegant proditoribus, Proverb. 22. *Ne transgredaris terminos antiquos quos posuerunt patres tui*; respondeo secundum Hieronymum: « Transierunt inde terminos, quos posuerunt patres eorum, quando immutant mendaciam veritatem, & aliud prædicant quam ab apostolis acceperunt. » Hæc ille, & ponitur 24. q. 3. *Transferunt.* Ex his jam dictis potest concipere hoc venerandum auditorium, qualiter nos habeamus ad sacram scripturam & ad dicta sanctorum, & utrum vilipendamus sanctorum doctorum victa, prout nos quidam æmuli nostri infamaverunt.

Consequenter dominus opponens pro veneratione ipsorum doctorum infert dicens: Alioquin quomodo Deus præcepisset Deut. 17. In his quæ sunt ambigua & difficilia regnandum est ad sacerdotes Levitici generis &c. Sequitur ibidem: *Et facies quacumque dixerint tibi qui præsum loco quem elegit Dominus, & docuerint te juxta legem ejus, &c.* Ibi dico quod placet mihi valde de domino doctore, quod illam clausulam, puta: *& decuerint te juxta legem ejus*, in ista allegatione non omisit, cum jam in nostra audientia per tres notabiles viros illa clau-

ANNO  
CHRISTII  
1433.

\* De Alcona S. Aug. triumph.

ANNO  
CHRISTI  
1433.ANNO  
CHRISTI  
1433.

fula, scilicet, & docuerunt te juxta legem ejus, fuit omiffa. Benedictus Deus, hoc est quod optavimus & optamus; in istum judicem causæ nostræ consentimus, ejusque judicio stamus & stare intendimus, Deo nobis opitulante. Quod autem illa cauda: *Qui autem superbiuit, nolens obedire sacerdotis imperio, &c. morietur homo ille, &c.* per nullum nobis opponentium, si bene recolo, fuit obmissa. Quid sit causæ, illi committo, qui corda noscitur omnium ipse Deus, cum grave satis & indecens est, ut in re dubia certa detur sententia, ut dicit Gregorius, & ponitur 11. q. 3. Grave. Item arguit textus: *Sequerisque sententiam eorum.* Attamen dicit Nic. de Lira: "Sententia nullius, hominis, cujuscumque sit auctoritatis, tenenda est, si contineat manifeste falsitatem, seu errorem. Et hoc patet per hoc, quod præmittitur in textu: *Indicabunt tibi judicem veritatem.* Post subditur: *Et docuerunt te juxta legem ejus.* Ex quo patet, quod si dicant falsum, vel declinent a lege Dei, manifeste non sunt audiendi. Hæc ille. Ad cujus confirmationem accedit illud verbum Exodi 23. *Non sequeris turbam ad faciendum malum, nec in judicio plurimorum acquiesces sententia, ut a vero deus.* Super quo ipse doctor de Lira dicit, quod in Hebraeo habetur: *Non declinabis post Raabim,* id est magistros magnos, ad predicandum. Et infra: "Quia sicut non est declinandum a veritate propter majorem partem judicantium in declinantem: ita declinandum non est propter illos, qui sunt majoris auctoritatis in judicando. Hæc ille. Ecce iste expositor pertinenter ex scriptura elicit, primo, quod nullius hominis sententia, cujuscumque sit auctoritatis, & sic nec papa, est tenenda, si contineat manifeste falsitatem vel errorem. Secundo, quod lex Dei est mensura, juxta quam, & non aliter, aut sibi dissona debeant singuli judices, & præsertim ecclesiastici, judicare. Nam illa ostendit, quæ debet accipi, veritatem, uno modo debet, quod patet per hoc: *Indicabunt tibi judicii veritatem: & post sequitur: & docuerunt te juxta legem ejus.* Nic. de Lira super illo verbo Christi Johan. 20. *Quorum retinueritis peccata, retenta sunt.* Hoc tamen est intelligendum, quando judicium ecclesiæ divino judicio confirmatur, alias Deus facta ecclesiæ non approbat, si judicium errat. Hæc ille.

Post hoc elicit venerabilis dominus opponens, dicens: Quod illud non vere dictum est verbum tantæ perfectionis, quod nihil posset ei addi vel subtrahi; dico: Si istud non est vere dictum, nec illud Deut. 4. *Non addetis ad verbum, quod vobis loquor, neque auferetis ex eo;* Nec illud Proverb. 30. *Omnis sermo Dei ignitus, &c. Non addas quidquam verbis illius, &c.* istud Chrysostomus ubi supra: *Omnis doctor servus est legis, &c.* Et cum istud secundum falsum est dicere, & primum est falsum dicere; & quia secundum est falsum & primum est falsum. Et conformiter ad meum dictum dicit Cyprianus 8. di. Si solus Christus audiendus,

&c. cum tamen etiam alii audiendi sunt: ubi dicit glossa super verbo *solus*, id est nullus ei contrarius. Sic in presenti intelligo quod verbum Dei est tantæ perfectionis, quod, &c. supple quemdam faceret sensum contrarium per aliam additionem vel subtractionem. Et cum addit de expositione feminis; dico quod non Gregorius, sed ipsa met Veritas eam exponit uno modo. Idem Gregorius in homil. dicit: "Lectio sancti evangelii, quam modo fratres audistis, exponi non indiget, quam enim per se, metipsam Veritas exposuerat, hanc discite, scutere humana fragilitas non præsumat. Hæc ille. Et hoc innuit idem Gregorius in verbis quæ dominus doctor adducit, & quod sollicite in hac ipsa expositione Dominica pensare debetis. Ecce dicit, expositione Dominica.

Subsequenter dominus opponens redit ad concilia generalia legitime congregata, loquens de ipsorum auctoritate & assistentia Christi. *Qui vos audit, &c.* Et: *Ubi duo vel tres, &c.* Et: *Adhuc habeo vobis multa dicere, &c.* Dico quod illud dictum evangelii: *Qui vos audit, &c.* non solum intelligitur de concilio generali legitime congregato, sed etiam de aliis discipulis Christi. Nam ibi dicit doctor de Lira: *Qui vos audit, &c.* Hoc addit Salvator in fine, ad ostendendum quod doctrina discipulorum ejus est devote & reverenter audienda, saltem, propter reverentiam ipsius Dei, cujus principaliter est doctrina. Hæc ille. Similiter illa scriptura: *Ubi duo vel tres, &c.* intelligitur de quibuscumque caritate unitis. Unde Lira: *Si duo, &c.* id est caritative uniti, in medio eorum sum, acquiescendo bonæ voluntati & petitioni eorum. Hæc ille. Similiter est tertia scriptura, scilicet: *Paracletus autem Spiritus quem mittam, &c.* Et: *Ut maneat vobiscum in æternum,* intelligitur non solum de apostolis aut eorum successoribus, sed pro omnibus fidelibus prædestinatis, cum quibus manet Paracletus in æternum, hic per gratiam, & in futuro per gloriam. Ex quibus dictis recoligo, quod illæ scripturæ per dominum doctorem adductæ, non faciunt solum pro magnificatione conciliorum generalium, sed etiam pro aliis Christi fidelibus, ut est jam dictum. Et convertens dominus doctor sermonem ad concilium Basileense, sumta occasione a concilio apostolorum, de quo Act. 15. dicit: Valde cavendum est, ne ab informatione & sententia finali hujus sacri concilii generalis Basileensis, in Spiritu sancto legitime congregati, quisquam se alienum reddat, &c. ibi dico, salva pace & reverentia patrum, quod valde cavendum est, ne quisquam reddat se alienum ab informatione Christi & apostolorum, & a finali sententia instructioneque eorumdem, ne incidat in maledictionem, de qua Deut. 27. *Maledictus qui non permanet in sermonibus legis ejus, nec eos opere perficit, & dicit omnis populus amen.* Et Johan. 3. *Qui incredulus est Filio, non videbit vitam, sed ira Dei manet super eum.* Æstimo tamen quod si hoc



ANNO  
CHRIST.  
1433.

venerandum concilium nos informare poterit secundum illum iudicem, in quem ambæ partes consensus, scilicet legem Dei, praxim Christi, &c. nemo nostrum ab illo iudice se reddet alienum.

Demum circa secundum notabile, puta de sacerdotibus Domini, ubi dixeram de sacerdotibus bonis & malis; dicit dominus opponens, quod multa mala enarravi de malis, & pauciora bona de bonis. Dico quod de bonis ita dixi satis per generalia, scilicet quod boni Domini sacerdotes plus quam reges aut corporis parentes sunt honorandi. Secundo, quod duplici honore sunt digni. Tertio, quod multipliciter bonis sacerdotibus militans ecclesia in suis membris, notabile recipiet incrementum, &c. Quod autem plura mala de malis, respondeo quod *multorum infinitus est numerus*, Eccles. 1. Et: *Multi vocati, pauci vero electi*. Matt. 2. Et multi sacerdotes, & pauci sacerdotes... di. 40. *Multi*. Ipsi enim scandalizant plurimos a sacerdotibus, Gregorius homil. 17.

Unde coram Deo loquens, dico quod non est intentionis meæ vilipendere clerum venum, detrahere aut contemnere Deum, cum ipsemet sum sacerdos, quamquam inutilis: sed opto, ut sacerdotes sint virtuosus & exemplares: ex hoc enim populus Dei caperet, quoad sua supposita, notabilem reformationem.

Quod autem subinfert dominus doctor: Prælati & presbyteri mali, non solum boni, sunt manifeste honorandi, &c. Non dubium quin istud peccatio sit multorum iuxta illud. *Mat. 30. Populus ad iracundiam provocatus est, & filii mendaces, filii nolentes audire legem Dei. Qui dicunt videntibus: Nolite videre; & aspicientibus: Nolite aspicere nobis ea quæ recta sunt. Loquimini nobis placencia. Videte nobis errores, auferite a me viam, declinate a me semitam.* Et Apost. 2. Tim. 4. *Erit enim tempus cum sanam doctrinam non sustinebunt, sed ad sua desideria coacervabunt sibi magistros prurientes auribus. Et a veritate quidem auditum avertent, ad fabulas autem convertentur.* Et quia dominus opponens apponit multum olei in vulnera cleri fauciati, ego infundam vini modicum; & utinam sic clerus languens sanaretur. Johannes Baptista, ut habetur Mat. 3. dixit Phariseis: *Progenies viperarum, quis demonstravit vobis fugere a ventura ira?* Et Salvator Mat. 23. *Serpentes, genimina viperarum, quomodo fugietis a iudicio gehennæ?* Item Mat. 5. vocat eos *sal infatuatum*, quod ad nihilum valet, nisi ut mittatur foras, &c. Ubi dicit Nic. de Lira, quia talis debet repelli a prælatione, ne officium prælatorum in conspectu hominum reddatur vile. Et Luca 14. *Neque in terram, neque in færgulinum utile est.* Item Christus Judam vocavit diabolum, Johannes 6. *furem & latronem*, Johan. 4. & 12. Petrum sathanam, Mat. 16. discipulos generationem incredulam, pravam & perversam, Mat. 17. Augustinus vocat canes impudicos 2. q. 7. *Qui nec*. Pascalis vocat simoniacos hæreticos, 1. q. ultima c. ult. Augustinus vocat malos presbyteros corvos n.

q. 7. *Non omnis*. in Glos. Gregorius episcopos dantes decimas laicalibus personis, militibus scilicet aut servitoribus seu confanguineis, vocat maximos antichristos, 16. q. 7. *Pervenit*. &c. quæ nunc omituntur, ut est illud Nicolai papæ. „Nullus audiat misam presbyteri, quem scit indubitanter habere concubinam, &c. di. 32. *Nullus*. O utinam fieret unum emplastrum ex vino & oleo pro curandis cleri vulneribus, heu! multum fauciati, & credo quod ipse Dominus suo tempore per quos voluerit manum apponet, iuxta illud Job. 5. *Ipse vulnerat & medetur, percussit & manus ejus sanabunt*. Consequenter pro magnificatione malorum presbyterorum adducit historiam de Noe, quem denudatum dormientem Cham derisit; dico quod quicumque prædicans peccatum occultum cleri vel etiam ejusdemque laici ridendo proderet, reprobatione cum Cham dignus foret. Primo, propter Publicationem publicam peccati, quod dumtaxat solus novit. Secundo, propter derisionem fatuum. Condolere sed non ridere debet homo, & præsertim prædicans proximi pro peccato. Non ergo exemplo Cham prohibet in comuni malitiam presbyteri coram Deo & populo accusare, non judicialiter sed compassive, unde nec accusare prohibet modo debito præpositum subdito. Unde 2. q. 7. §. *De his dicitur*. Hac enim auctoritate subditi non prohibentur ab accusatione, sed prodicione; aliud est enim prodere, aliud accusare. Prodit, qui non probanda desert; accusat, qui seo præsentem crimen judici offert, probaturus quod intendit. Cham solus vidit pudenda patris, & ideo per eum intelligantur, qui cum sint soli consilii criminum suorum prælatorum, atque ideo accusare non possunt, vitam tamen eorum infamando aliis ridendam offerunt. Hæc ibi. Ex quo patet, quid ad auctoritatem Gregorii sit dicendum.

De Constantino imperatore, quod si vidisset sacerdotem cum femina peccantem clamide cooperuisset, quid sibi vult hoc exemplum Deus novit; utinam per istud & similia exempla sacerdotes nolint suam libertate fornicationem. Unum dico, quod fideles in regno Bohemiæ, qui sciunt præceptum Domini: *Non moechaberis*, Exodi 2. & illud 1. ad Cor. 5. *Si is qui frater nominatur in vobis, est fornicator, aut avarus, aut &c. cum hujusmodi nec cibum sumere, scilicet, debetis*. Item illud ad Ephes. 5. *Fornicatio autem & omnis invidia, aut avaritia nec nominetur in vobis, sicut decet sanctos*; & ideo quod non solum pallio non tegerent fornicantem cum femina, sed utinam sibi genitalia non rescarent, dato quod sit clericus, aut habitu monastico circumamictus. Sic Rabanus invenitur dixisse: „Si videris sacerdotem ponentem manum suam in gremio mulieris, debes supponere quod benedicendi gratia ista fecerit.“ Dico a simili, si videris sacerdotem incumbentem super mulierem, ponentemque os suum super os ejus, & oculos super oculos ejus, & manus super manus ejus; debes supponere, quod hoc fecerit causa spiritualis refuscitationis. Sed ne curetis tales paleas & fa-

ANNO  
CHRIST.  
1433.

ANNO 1433. fabulas, fideles Domini sacerdotes. Dicitur enim vobis Isaïa 1. *Lavamini, mundi estote.* Item ejusdem 52. cap. *Lavamini qui feris vasa Domini;* & Luca 12. *Sint lumbi vestri praeincti,* &c.

Ad auctoritatem: *Diis non detrabes,* &c. concedo eam, quia non solum sacerdotibus, sed etiam quibuscumque fidelibus detrabere est vitiosum, dicente Jacobo 2. cap. *Nolite detrabere alterutram, fratres mei; qui enim detrabit fratri suo, detrabit legi,* &c. Hinc ad Rom. 1. *Detraheres Deo odibilis.*

De David & Saul jam est superius dictum per Augustinum: similiter super illud Matt. *Super cathedram Moysi.*

Subsequenter venerabilis opponens adducit multas causas, quare populus multum honorare debet sacerdotes, & tertiam ponit istam, quod soli habent auctoritatem ligandi & solvendi a peccatis. Contra, non soli sacerdotes habent auctoritatem ligandi & solvendi a peccatis, &c. ergo: Circa istud absolutio est triplex, scilicet absolutio auctoritativa, quæ est solius Dei; absolutio ministerialis seu denunciativa, quæ ex officio solis sacerdotibus limitatur; absolutio dispositiva, qua quis se disponit per veram contritionem ad solvendum propria vincula peccatorum, ut mereatur per illam absolviam auctoritative a Deo, & denunciative a sacerdote. De hac Isaïa 58. *Dissolve caligationes impietatis,* &c. Et quia hæc materia tractatur in 4. dist. 18. Igitur. Et ponens 4. causam dicit, quia de orationibus eorum certius est quod efficaciam pro populo & amicioribus sortiuntur, ibi dico quod si orationes sacerdotum debeant esse efficaces pro populo, oportet quod ipsi sacerdotes Deo placeant per virtutum opera, alias ipsum Deum provocant ad deteriora. Unde Gregorius in Pastoralis: "Sollicite formidandum, ne qui placare iram Dei creditur, hanc ipsam ex proprio reatu mereatur." Cuncti enim liquido novimus, quia cum is qui displicet ad intercedendum mittitur, irati animus ad deteriora provocatur. "Et ponitur 49. di. *Sollicite.* Et dicitur Isaïa 1. Dominus: *Cum multiplicaveritis orationem, non exaudiam: manus enim vestrae sanguine plene sunt.* Et ad illam auctoritatem Petri: *Vos autem genus electum, regale sacerdotium, gens sancta, populus acquisitionis,* &c. dico quod, ut communiter, iustre allegatur aliquid ex officio sacerdotis, cum tamen & ad ceteros fideles credentes spectet. Patet ex principio cap. 1. *Petrus apostolus Jesu Christi electis adventis dispersionis.* Et cap. 2. dicit: *Vobis igitur credentibus honor.* Et sequitur: *Vos autem genus electum,* &c. Patet etiam per illud: *Populus acquisitionis,* de qua dicitur 1. ad Cor. 6. *Non estis vestri; enim enim estis pretio magno,* &c.

Post hoc dominus doctor circa istud corollarium meum & notabile: Causa ruinæ populi fit maxime ex culpa malorum sacerdotum, quod quia est Bedæ & Gregorii, fundatum in evangelio, ipsum negare non potuit, saltem cum honestate, ideo circa hoc ponit istam suam conclusionem; & si interdu[m] ita contingat, &c. & deducit ipsum

Conciliator. Supplem. Tom. IV.

cum occupatione ad magnum passum. Et quia ego indefinite posui corollarium cum Gregorio & Beda, ideo conclusio opponentis non militat contra me. Et concedo cum magistro, quod, maxime in proposito sumitur pro sæpe, & pro magna parte, sicut & in illa conclusione: *Nemo amplius in ecclesia Dei nocet,* &c. non tamen sequitur, quod nulli alii noceant in ecclesia Dei, quam mali sacerdotes. Quia tamen dominus proponens posuit unum verbum durum circa suam conclusionem, si non videtur aliud dictum; omnis ruina populi provenit ex malicia clericorum, nisi quod deus clerus pro hoc ad manus laicorum, ne patiarur ruinam, propter excessus clericorum; dico quod hoc non est intentionis meæ coram Deo, & cum dominus magister non noscat cor meum, de me judicare aliter est sibi periculosum, cum aliter auditum est a me ex supradictis. Dico ergo, quod non ego aut confratres mei, damus clerum ad manus gladii laicorum, sed ipsemet propter sua, quæ in populo faciunt opera scandalosa. Et ad hoc sonat dictum Malaciam 2. cap. *Labia sacerdotum custodiunt scientiam, & legem exquirunt ex ore ejus, quia angelus Domini exercituum est; vos autem recessistis de via, & scandalizastis populos in lege; irritum fecistis pactum Levi; dicit Dominus exercituum: propter quod & ego dedi vos contentibiles & humiles omnibus populis, sicut non servastis vias meas.* Item, illud 1. Reg. 2. *Quicumque glorificaverit me, glorificabo eum; qui autem contemserint me, erunt ignobiles.*

Consequenter dominus doctor opponens invenit, quod laudabilem vitam magistrum Johannem Huss, sacre pagine baccalarium formatum, multis præconis extulit. Non mireretur: non enim possumus, quæ vidimus & audivimus, non loqui: sed de erroribus ejus multis, prout dicit de ipso dominus doctor, dico nec audivi ab ore ejus, nec in tractatulis ejus invenimus aliquem umquam errorem: sed hoc reperimus, quod verbum Dei in populo & ad clerum, aut in suis actibus theologicis fideliter annuntiavit, & protestationes solemnes in suis scriptis reliquit, quarum unam afferro in hac forma.

Quia super omnia desidero honorem Dei, & profectum sanctæ ecclesiæ, & quod sum fidele membrum Jesu Christi Domini, qui est caput & sponus ipsius sanctæ ecclesiæ, quam redemit: Igitur, sicut prius feci sæpius, ita & nunc istam protestationem facio, quod numquam pertinaciter dico, dixi, nec volo in posterum aliquid dicere, quod foret contrarium credibili veritati. Denique, quod tenui, teneo, & firmiter tenere desidero omnem veritatem credibilem, sic quod antequam vellem errorem contrarium defendere, potius in spe & auxilio Domini paterer supplicium diæ mortis; immo adjutus Dei auxilio, paratus sum vitam miseram pro lege Christi exponere, quam credo, secundum quamlibet ejus particulam, esse datam sanctissimæ Trinitatis consilio, & per sanctos Dei homines pro salute humani generis promulgatam. Credo insuper illius legis singulos articulos ad illum intellectum, quem benedicta Trinitas præcepit illos cre-

ANNO 1433. CHRISTI



ANNO  
CHRIST  
1433.

di. Unde, sicut in responsionibus & actibus  
scholasticis, ac in predicationibus publicis  
me submissi sepiissime, ita & nunc submitto,  
et in posterum volo humiliter submittere hu-  
jus sanctissimæ legis ordinationi, reconcilia-  
tioni & obedientiæ, paratus revocare quic-  
quid dixerò, dato quod sit contrarium ve-  
ritati. Hæc ille.

Si ista profeſſatio eſt hominis erronei aut hæretici, ille judicabit qui illuminat abſcon- dita tenebrarum, & manifeſtabit conſilia cordium, & tunc laus erit unicuique a Deo  
1. ad Cor. 4.

Demum dominus opponens dicit: Ego autem volens basim & fundamentum constituisse omnium dicendorum: Sacerdotes alii curati, alii non curati.... *cetera defunt.*

*Ad hanc Ulrici replicam solide respondit  
Henricus Calixem seu Kaltiesen ordinis Præ-  
dicatorum, cujus replicam editam habes apud  
Lubb. tom. 12. Conc. pag. 1213.*

PULCRA POSITIO

*Pro temporalitate & jurisdictione ecclesiae,  
& defensione ejusdem venerandi doctoris  
decretorum Johannis Polemar, audi-  
toris reverendissimi in Christo  
patris domini cardinalis  
S. Angeli legati.*

1b. p. 325. **R**everendissime in Christo pater, & me-  
tuentidissime domine, reverendique in  
Christo patres, ceterique viri conspicui, mi-  
hi patres ac domini præclarissimi, veneran-  
di; norunt experientie vestrae non ambigo,  
quam difficile est in disputationis agitare cer-  
tamine, id quod longevus temporibus ap-  
probavit omnium indubitata sententia, &  
communis observantia usu continuo roborav-  
it; in his quidem quæ variata majorum  
sententia opinabilia facta sunt, & pro con-  
tra arguendi, per distinctiones, & solutio-  
nes materiam extendendi, frequens disputa-  
tio copiam fecit; at contra quis non inaniti-  
or & curiosæ circa ea quæ ab omnibus pro  
certissimis habita sunt, crederet suum inge-  
nium exercere? Novus enim rei possessor,  
cui est de lite suspicio, juris sui instrumen-  
ta habet in promptu. At quid, si is sibi mo-  
veatur, respondere valeat, meditatur. His ve-  
ro quibus a progenitoribus est inconcussa  
veterana possessio, tanta est fiducia certitu-  
dinis sui juris, ut vix de monumentis sit cura,  
cum se controversiam pati nullatenus  
suspicietur. Cum igitur per mille & ultra  
annorum curricula ecclesiæ Dei fuerit in bo-  
nis temporalibus opulenta, inter quæ tempo-  
ra fuit virorum scientia & sanctitate pollenti-  
um numerositas magna, multaque fuerunt  
celebrata concilia generalia, in quibus circa  
ipsorum temporalium gubernationem,  
alienandi formam, distribuendi modum, plu-  
rima sunt facta decreta, quis umquam rem-  
tam certam crederet a se disputationi-  
bus agendam? Si minime sunt mutanda,  
quæ longam consuetudinem habuerunt, quan-  
to magis quæ sunt auctoritate consuetudine-

A que vallata? Quid jam certum poterit reputari, si plarium facrorum concilioſum exagiteret auctoritas, & tam longaeva obſervantia, non a quibusdam, ſed ab omnibus & a tanta ſanctorum multitudine, an recta fuerit, diſputetur? Propterea ſi cogor diſputabile diſputare, videbor excuſabilis, ſi non affluat copia dicendorum; paritatem vero meli ingenii penitus non excuſo, ſed ab affluentiſſis ſapientia veſtre foribus poſco humiliter adjuvari. Ideoque & quoniam hæc diſputationis palæſtra non gratia exercendi probandive ingenium eſt indiſta; ſed ut adverſus veritatis hoſtes, qui ſua proccacitate non veniunt probatiſſimis adverſarij, ſimul diſputationis exercitatione muniri, quod veritate poſſimus eoſe luculenter informare; iſ, ſi veſtre ſapientia probant, modus ſervandus videtur, ut unicuique arguendi, replicandi, triplicandi, & ultra pro diſcuſſione materia ſit plena facultas. Solutiones quæ per ſe dabantur, debite ponderentur, ut ſi non videantur ſufficere, aliæ exquirantur, (uppleturque unusquiſque, prout ſibi ſanctus miniſtrabit Spiritus, ut nihil reſpondenti deferatur, ſed ſolummodo veritati, ſicque plene diſcutiatur materia, uſquequo omnium ſpiritus in firma reſponſionum conſtantia conſequeat.

Sancti igitur Spiritus gratia invocata, pro-  
 tectionibusque folitis habitis, pro prae-  
 CIS hunc articulum trina duxi discussione ri-  
 mandum, circa ipsum tres conclusiones cum  
 eorum fundamentis deducens, nullam ratio-  
 nem in oppositum facientem, ne aut locum  
 impediam arguere volentium, aut inutiliter  
 tempus teram. Prima confederatio erit, an  
 liceat; secunda, an deceat; tertia, an ex-  
 peditur. Hac trina consideratione, ut nulla  
 possit esse reprehensio, est bona actio ponde-  
 randa, de voto *c. Magna*. cum multis...  
 an liceat videlicet secundum iustitiae aequi-  
 tatem, deceat secundum honestatem, expedit  
 secundum utilitatem, quamquam, ut  
 dicit Benedictus, secundum christianam pro-  
 pteritiam non debeat quod non deceat, reputari  
 licere.

Sit ergo juxta primam considerationem, prima conclusio, quod secundum statum Christianæ fidel, religionis & populi qui nunc est, & a multis annorum curricula, hoc est ex quo fides Catholica tam ample diffusa & solidata est, & a regibus populisque susce-  
pta, licitum est & fuit, ecclesiam, id est ecclesiasticum statum bonis temporalibus abundare. Hæc conclusio triplici ratione fundatur. Primo hic, constat illud esse licitum, quod non est veritum a Deo. Ita dicit Augustinus ad Potentium, 28. q. 1. *Jam nunc* Profectio nullus negat licitum esse, quod nulli lege fieri prohibetur. Sed hoc nulla lege prohibetur. Si quis contrarium asserit, legem prohibentem ostendat. Ergo licitum est censendum.

Secundo, illud debet licitum reputari, quod a viris tam divinarum, quam humanarum litterarum doctissimis, vique & religione sanctissimis, pro licito habitum & factum est. Sed hoc est hujusmodi; ergo licitum est. Hoc argumentum est in hac materia viri religiosissimi Properi, cujus opera

ANNO  
CHRIST  
1433.

ANNO  
CHRIST  
1433.

ra inter scripturas canonicas sunt recepta, prout enumerantur 15. dist. *Sancti Romani*; & hoc argumentum Prosperi habetur 12. q. 1. *Expedit*. Quanta vero multitudo doctissimorum & sanctissimorum virorum hoc tamquam licitum habuerunt, & servaverunt, effert enumerare prolixum. Si incipiamus a B. Silvestro, de quo quam doctissimus sanctissimusque fuit, victis Judæorum satrapis disputando, tam aucta fides offendit. Quot secuti sunt post eum Romani pontifices sanctissimi atque doctissimi sic nominati ut Prosperi Paulinum & Hilarium addimus, Ambrosium Nicolaum, & alia multa millia per orbem aliarum ecclesiarum episcoporum, Maurum, Benedictum, Hugonem, & alios magnorum monasteriorum abbates, in aliisque statibus & in utroque sexu, todebit nos servare numerum per centenaria tot annor.

Tertio: illud indubie licitum est, quod est auctoritate sacri generalis concilii universalis ecclesiæ approbatum. Sed istud est huiusmodi, ergo indubie licitum est. Major est manifesta, quoniam ecclesiæ universalis, quoad ea quæ pertinent ad fidem & mores, in suis determinationibus errare non potest, cum a Spiritu sancto regatur. Ita affirmant doctores omnes, Ambrosius, Augustinus, Hieronymus, & omnes. Immo dicit Augustinus: Evangelio non crederem, nisi auctoritas ecclesiæ me moveret. Numquam enim legitur ab aliquo concilio rite congregato, aliquid quoad fidem vel mores publicos non ratione determinatum. Quod autem hoc sit auctoritate generalis concilii approbatum, ad manum habeo decem generalia concilia: primum, sequendo cursum voluminis decretorum in c. *Bene quidem* 90. 6. dist. Secundum Martini papæ 12. q. *Manifeste*. Tertium Antiochenum eadem causa 2. q. *Ex his*. Quartum Eugenii apud Romam eadem causa 2. q. *Nulli episcoporum*. Quintum in sexta synodo universalis eadem causa q. 2. *Apostolicas*, & c. *non licet*. Sextum in concilio Leonis papæ IV. eadem causa & q. *Monemus*. Septimum Urbani papæ eadem causa & q. *De laicis*. Octavum Innocentii III. de rebus ecclesiæ non alien. c. *Cum laicis*. Nonum Gregorii X. in generali concilio Lugdunensi c. *Hoc consilium* eod. tit. lib. 6. Decimum in generali concilio Viennæ in Clementina prima. In omnibus istis decem generalibus conciliis pro conservanda temporalitate ecclesiæ decreta sunt facta. Orliviscendi non sunt canones apostolorum, qui hæc omnia præcesserunt, in quibus ecclesiasticos prelatos habere temporalia in communi & in proprio declaratur, 12. q. 1. Sint manifestæ res propriæ episcopi, si tamen habeat proprias, & manifestæ communes, & c. Ex hac prima conclusione inferitur corollarium, quod etiam si ecclesiasticæ persone temporalibus bonis utantur indebite, ipsa non licet ab eis auferre. Illatio patet per textum Augustini, qui habetur 14. q. 5. sic dicentis: „Forte aliquis cogitat & dicit: multi sunt Christiani, ni divites, avari, cupidi, non habeo pec-  
catum, si suum illis abstulero, & pauperibus dederò. Unde enim illi nihil boni agunt, mercedem habere potero. Sed hu-

„iუსmodi cogitatio ei diaboli calliditate suggeritur. Nam si totum tribuit quod abitu-  
„lerit, addit porius peccatum, quam mi-  
„nuit. Et iterum idem Augustinus eadem  
„causa & questione: Neque enim si agis  
„iniquè atque perperam invalidis quicquam  
„utatur, ut eorum fructibus largas elec-  
„mosynas faciat, ideo rapinam iustificat.  
„Neque si alius ruri paterno vel iuste quæ-  
„sito avarus incumbat: ideo culpanda est  
„iuris regula, qua possessor legitimus est  
„effectus.

Juxta secundam considerationem ponitur secunda conclusio, quod secundum statum Christianæ fidei, & c. decens est ecclesiis terris temporalibus abundare. Ista conclusio sic probatur. Decens enim secundum ludorum 10. Etimol. & Ambrosium in 1. de officiis, quemdam decorem & pulchritudinem importat, & sicut dicit Ambrosius ubi supra. „Sicut pulchritudo se habet ad sanitatem quod non est sine ipsa; sic decens ad id quod est honestum & iustum. adici-  
„tur ratio pulchritudinis & decoris. Nonne igitur ad decus, decorem, pulchritudinem & honorem Christiani populi pertinet, quod clerus divinis in servitiis, qui populi in spiritualibus gerit magisterium & ducatum, non sit abjectus, pauper & miserandus? Certe esset indecorum valde, si domus Dei & ministri Dei cultu & ornatu non præcellerent. Sic expresse Aggeus propheta, protestatus est populo dicens: *Numquid tempus vobis est, ut habitetis in domibus laquearum, & domus ista deserta?* Hoc idem senserat David non esse congruum, quod ipse habitaret domos splendidas & arca Dei sub pellibus 1. Paralip. 17. ideo iussit per Salomonem filium suum magnifice edificari. Quæ tandem fuit ratio, quæ non sibi indecorum reputaret, si sacerdotes sui in magno cultu & veneratione non essent.

Uterius cum hoc approbatum & observatum sit altissimis & doctissimis viris, ut est supradictum, qui hoc non egissent, si hoc tantum licitum esset, & non decens, quoniam virorum perfectorum est non reputare sibi licitum, nisi quod etiam decet, sicut inquit Benedictus \* ad Eugenium, & Ambrosius in 1. de officiis, qui clericum cuius gestus dedecabant, ferre non potuit, ut ipse ibi narrat, quomodo dedecens in se ipso & tota sua ecclesia permisset? Constat perfectio non solum licitum, sed licitum & decens esse, quod a tam doctissimis & sanctissimis viris approbatum fuit pariter & servatum. Quoniam autem hæc conclusio ex his, quæ juxta sequentem dicenda sunt clarius elucebit, pro præsentī causa amplius probare subisto. Sed ex ea causa observando formam, unum infero corollarium, quod ecclesiæ bona temporalia possidere perfectioni seu perfecto officio non repugnat. Istud corollarium sic deducitur. Quoniam cum secundum Ambrosium in 1. de officiis, duo sunt genera officiorum, scilicet medium & perfectum: per id quod subiungitur: *Si vis perfectus esse, medium mensuratur per licet, perfectum autem per decet*. Si præmissa ergo est vera, quod decet, consequens est

ANNO  
CHRISTI  
1433.



ANNO  
CHRIST.  
1433.

uod perfectio officio non repugnat, nec obstat primo tamen auctoritas *vade & vende*, &c. Cui respondebitur, cum arguetur ex ea, & est textus Prosperi, in cap. *Expedis* 12. q. 1. ultra me sine impedimento perfectionis posse ecclesie facultates, quae sunt profecto communia possidere.

Tandem juxta tertiam considerationem, tertia conclusio ponitur, quod secundum Christianae fidei, &c. expedit ecclesiam bona temporalia possidere. Pro hac conclusione est textus Prosperi 12. q. 1. ubi ad litteram expedit facultates ecclesie possidere. Sed opus est hanc materiam intrare profundius: unde pro probatione hujusmodi conclusionis & etiam praecedentis, dico sic: Unaqueque res decenter, bene & utiliter disposita est, si fini, propter quem instituta est, congruam habet destinationem seu proportionem. Ita est omnium doctrina tam philosophorum, quam catholicorum doctorum. Inde est quod B. Thomas 2. 2. qu. 87. a. 7. dicit quod religio quae esset instituta ad hospitalitatem, imperfecta esset, si careret divitiis. Quare? quia non haberet instrumenta accommodata & proportionata fini ad quem est instituta. Nunc ergo videamus, ecclesiasticus status ad quem est finem institutus? certe ut gerat magisterium Christianae religionis in populo, ipsum instruendo in fidei veritate & exercitio operum caritatis. Inde apostolus 1. ad Timoth. dicit episcopum esse doctorem & hospitalem. Et Gregorius in 2. sui Pastoralis ponens additiones episcopi, inter cetera dicit: „In-  
„ternorum curam & exteriorum occupa-  
„tionem non minuens, exteriorum provi-  
„dentiam, internorum sollicitudinem non re-  
„linquens. Et infra: In illius prosecutione  
„& contraria nonnulli gregis quidem cu-  
„ram suscipiunt, sed sic sibi vacare ad  
„spiritualia appetunt, ut rebus exterioribus  
„nullatenus occupentur, quo cum curare  
„temporalia funditus negligunt, subito-  
„rum necessitatibus minime occurrunt: quo-  
„rum nimirum praedicatio plerumque des-  
„picitur: quia cum delinquentium facta  
„corripunt, sed tamen eis necessaria prae-  
„sentis vitae non tribuunt, nequaquam li-  
„benter audiunt. Nolo me diffundere in  
„originalium auctoritatum recitatione, quia  
„res per se ad oculum patet, & sunt certae  
„nimis ad hoc auctoritates, quod ecclesiasti-  
„cus status non pro sola contemplatione in-  
„stitutus est; sed ut in divinis ministeriis po-  
„pulo provideat, superintendat, ipsumque  
„in operibus caritatis verbo doceat & exem-  
„plo; quod sine temporalium sufficientia ex-  
„pleri non potest. Videamus quae pertinent  
„ad statum ecclesiasticum, & videbimus, quan-  
„tis ei opus sit, ut decenter & utiliter id  
„pro quo institutus est valeat explicare. Et  
„primo quidem oportet Dei templa congruis  
„aedificiis & ornatu sustinere, ut Dei tem-  
„plum honore congruo honoretur, ut etiam  
„cultu debito aula Domini resplendeat. Ver-  
„ba sunt Ambrosii 86. di. *non Satis*; ut mi-  
„nistrorum copia habeatur, scholas tenere tam  
„cantus quam Grammaticae, & etiam ut ju-  
„ris & sacrae paginae nutrantur periti. Prae-  
„terea impensas medicis frequentare, largiri

peregrinis, & aliis pauperibus, captivos redimere. Ambrosius haec omnia ubi supra. Puellas pauperes maritare. Haec omnia tunc efficacius docet ecclesia, quo opere monstrat. Praeterea jubet apostolus episcopum hospitalem esse. Si ergo religio instituta ad hospitalitatem, imperfecta esset, si careret divitiis, ut supra dictum est secundum Thomam, constat ad statum ecclesiasticum, cui hospitalitas indita est, divitias pertinere. Decet ergo & expedit, immo ad debitam dispositionem oportet ecclesiam habere divitias, unde possit ecclesiae ministros alere, scholares & scholasticos viros nutrire, ecclesias ornare, ipsarum aedificia sustinere, reficere & facere secundum exigentiam, hospitalitatem tenere, pauperibus & peregrinis & aliis in necessitatibus ut possit subvenire, captivos redimere, & alia pietatis officia exercere: quoniam haec omnia melius, apertius, efficaciusque docent cum ab ipsis doctoribus opere adimplentur. Magis enim exempla provocant ad imitandum, quam verba; ut ait Gregorius in 1. Dialog. ideo textus Decreti 42. distinctione in prin. hospitalem sacerdotem esse oportet, ne sit de numero eorum quibus in iudicio dicitur: *Hospes fui, & non suscepistis me*. qui enim apostolum secutus, alios ad hospitalitatem debet invitare, quomodo hospitalitatis exhortator esse poterit, qui domum propriam hospitibus claudit? Si enim sacerdos primum a seipso & a domestica sua ecclesia debet exigere quae populus imperet: Si primum imitando Christum ipse debet facere quae postea populum doceat, necesse est, ut pauperes hospitio recipiat, quo ad hospitalitatem facilius suo exemplo subditos adtrahat, &c. Per totam illam di. & per totam 86. corroboratur. Haec vero ex sententia Philosophi 10. Ethic. ubi dicit; ad actiones autem multis opus est; quanto utique majores sunt & meliores pluribus: quae autem majores & meliores quam haec superius sunt expressae? Praeterea solidatur ex majore sententia veritatis, scilicet increatae Luc. 14. quae nos docet providenter commensurare facultates ad sumus sub parabola de turri aedificanda. Cumque, ut supradictum est, ecclesiasticos oportet esse contemplativos pariter & activos, pro executione activorum opus est temporalibus abundare, ut idem Philosophus dicit in 1. Ethic. ubi de felicitate civili. Officium enim ecclesiastici status est regimen ejusdem politicae ad gubernationem populi in actibus virtutis, non solum ad tranquillitatem & conservationem civilis societatis, ut laici, reges, principes; sed ad finem ducendi ipsum ad vitam aeternam. Haec autem politica non agreste, sed quadam socialitate, decenti tamen & composita, gubernanda est, & infirmis saepe descendendum, ideo rerum temporalium sufficientia opus est. Propterea ille optimus pastor maximus moralis B. Gregorius dixit, quod illius praedicatio continetur, qui licet iusta suadeat, resequere reprehendat, vitam necessitatibus minime occurrat.

Sed ut haec consideratio & ejus conclusio apertius elucescat, deducendae sunt in medium commoditates & incommoditates quae  
ex

ANNO  
CHRIST.  
1433.

ANNO  
CHRISTI  
1433.

ex hoc provenire dicuntur, & quæ ex contrario provenire possent rationabiliter arbitrari, ut istis mutuo compositis & statere debita ponderatis, videamus quæ præpondeant, ut sic quid expediat judicemus. Nam hoc est de unaquaque re iudicium an expediat, ut major utilitas præferatur minori, & minor incommoditas majori potius expedire credatur. De utilitate loquamur communi & publica. Primo de incommoditatibus videamus, quoniam de commoditatibus postea facilius differemus. Solent hæc incommoda possessioni temporalium ecclesiæ annotari. Primo sollicitudinum multiplicatio, quæ veluti succrescentibus spinis, juxta Christi parabolam, suffocatur semen verbi Dei & studia spiritalia minorantur. Secundo amor divitiarum, quo nihil periculosius: quia illaqueat animas & ab amore Dei totaliter retrahit, & omnium malorum est mater. Tertio dissolutio & difformatio morum, quia saturitas panis & otium generaverunt peccatum Sodome, Ezechielis 15. Quarto superbia & fastus & pompa, quæ Christi doctrinis & operibus adversantur. Discutiamus quatuor hæc ordine suo.

Et primo de sollicitudine, certum est quod nemo hoc sæculo sine temporalibus vivere potest, nec temporalium sollicitudo seu procuratio penitus rejici potest; sed temperari debet, ut concludunt omnes doctores. Nunc ergo videamus quis modus sit aptior ad sollicitudines moderandas, aut mendicitas, aut sufficientia. Et videamus circa duplicem considerationem hominum scilicet perfectorum & infirmorum. Si perfectorum, qui divitiis mente nullatenus adherent, & certe præstantior est opulentia quoad utilitatem communem, ut ita loquimur, patet ad sensum. Nam talis potest præstare multas utilitates in populo, elemosynas largiendo, & etiam ad ostendendum hominibus divitias non esse amandas, ejus vox plus proficiet quam mendicantis, de quo solet dici, quod ideo prædicat divitias condemnandas & elemosynas largiendas, ut sibi subveniatur. Hoc manifeste probatur. Abraham de quo Genes. 17. *Ambula coram me & esto perfectus*, & Job de quo quale Dominus testimonium tulerat omnes notis. Ideo Gregorius 1. Moralium: *Necdam præcepti virtus eminuera, sed tamen Job ejusdem præcepti vim in corde servaverat, qui jam sua mente reliquerat quæ sine dilectione possidebat. Est verum quod est valde difficile, sicut Dominus in evangelio ait Matth. 19. quam difficile est divitem intrare regnum celorum. Sed quanto difficilius; tanto, si sit, est majus. Ponamus quod sint tres socii viatores, quorum unus suas & aliorum peras & vestes portat, & in itinere non impeditur; Nonne illius virtus præstantior & commendabilior? Ideo non immerito tanta laus attribuitur Abraham & Job, in itinere hujus sæculi pro se & aliis temporalium sarcinam portabant, nec erant propterea aliquantulum impediti. Simile de B. Gregorio, qui licet Romanæ ecclesiæ opulentissimæ bona possideret, nulla tamen sollicitudine impediabatur, nec ab studio sapientiæ, nec ab aliis virtutum studiis. Et si aliqua sollicitudo ca-*

piatur, meritoria est, non suffocativa feminis, sed potius adustiva, quia non dicit pauperi: Calefaciaris: sed comprobatur ex operibus fidem suam, sicut B. Jacobus in sua canonica inquit.

Si autem loquitur de infirmis, certum est quod nihil potest magis sollicitam facere mentem infirmi hominis, quam egestas. Illa exagitat mentem & usque ad perjuriam & furta compellit, juxta sententiam Salomonis Proverb. 30. *Non egestate compulsus fuer, & perjurem nomen Dei mei*. Præterea consideremus utilitatem publicam, quomodo posset vacare divinis officiis, si sollicitam mentem haberet de vitæ necessariis procurandis. Quæ est enim militia publico serviens, aut officium, cui non sint pro vitæ necessariis stipendia constituta? ne dum sumtus queritur, prædo grassetur, & locus militiæ cum periculo reipublicæ deferatur. Sancte igitur & laudabiliter in ecclesia Dei institutum est pro utriusque, ut imperfectioribus stipendia pro vitæ necessariis ministrentur, ne sollicitudinem capere habeant ipsa querendi, & sic a divinis retrahantur obsequiis: quod utique aperte videmus in illis partibus, ubi ecclesiæ sunt pauperes, quod pro sollicitudine querendi vitæ necessaria, clerici tota die ruri insistant, sicut in aliquibus partibus regni Apuliæ, & in insulis Sardinie & Corsicæ. Perfectioribus autem sicut episcopis & prælaris, grandis substantia committitur, per quam se possunt in bonis operibus exercere, & si pro eis sollicitudinem habeant, non tamen nimiam & excessivam, quod pulcre B. tangit Gregorius in suo Pastoralis sic dicens: „Sollicitudo ergo quæ subiectis exterius impenditur, sub certa necessitate est, ut mensura teneatur. Unde per Ezechielem dicitur: *Sacerdotes caput suum non radant, neque comam nutriant, sed tondentes attondeant capita sua*. Sacerdotes namque jure vocati sunt, qui ut sacrum ducatum præbent fidelibus præfunt; capilli vero in capite exteriores sunt cogitationes in mente, quæ ex sensu negligentis quia importune aliquando prodeunt, quasi nos non scientes præcedunt. Quia ergo cuncti qui præfunt habere quidem sollicitudines exteriores debent, non tamen eis vehementer incumbere, sacerdotes recte & caput prohibentur radere & comam nutrire, ut cogitationes carnis de vita subditorum, nec a se penitus amputent, nec rursus ad crescendo nimis relaxent. Ubi & bene dicitur: *Tondentes tondant capita sua, ut vim curæ temporalis sollicitudinis & quantum necesse est promoveant, & tamen reciduntur citius, ne immoderatus crescant*. Dum igitur & per administrationem exteriorum providentiam corporum vita protegitur, & rursus per moderatam cordis intentio non impeditur, capilli in capite sacerdotis & servantur & cunctem cooperiunt, & refecantur, ne oculos claudant. Hæc Gregorius. Ad hoc est etiam textus 39. di. in principio, &c. *Johannes diaconus juxta finem, & est B. Gregorii: Talis in regimine debet arte, constitui, qui non solum de salute ani-*

ANNO  
CHRISTI  
1433.

ma-



ANNO  
CHRISTI  
1433.

„marum, verum etiam de extrinseca utilitate & cautela sciat esse sollicitus, & Glossa super illud prima Petri 5. *Pascite*, &c. non solum verbo & exemplo, sed & temporalium subsidio, quod bene B. Nicolaus probavit, qui tria poma aurea non parvi valoris, sed quæ sufficerent ad dotandum tres puellas contulit; aurum utique habebatur, nec propterea non Christi discipulus. His igitur debite consideratis & ponderatis, quantum pertinet ad hoc caput clare deductum est præponderare partem quam elegi, & expedire, quod ecclesia bonis temporalibus sit sufficienter abundans. De reliquis videamus.

Secundum quod objicitur, est amor divitiarum, quo nihil periculosius. Fateor amorem divitiarum periculosum nimis esse, quoniam, ut inquit Apostolus 1. ad Timoth. 6. *Qui ditari cupiunt, incidunt in laqueum. Et Sapiens Proverb. 23. Qui ditari festinat, non erit innocens.* Et hanc igitur tamquam omnium vitiorum matrem clericis fugiendam esse dixit Isidorus in libro de vita cleric. 21. di. *His ergo.* Nec eam dico clericis nec laicis permittendam, sed eam ex corde nostro ex materia nasci, sicut dicit abbas Moyses Collatione 1. Si monachus ita exarscit pro tabella, gladio, vel codice, sicut seculares pro villa vel castro, mutavit cupiditatem in abjectum. Utrumque autem contingit, & habentes magnam opulentiam divitias non amare, sicut dictum est de Abraham & Job, de quo dicit Gregorius 1. Moral. Jam sua mente reliquerat quæ sine dilectione possidebat. Sic & Tobias & multi alii; sic & B. Gregorius, de quo angelus dixit solitario, quod plus delectationis ipse capiebat in palpando suam catam, quam Gregorius in cunctis opibus. Et multi alii sancti viri magnas divitias sine amore possederunt. E contrario sunt multa millia pauperum amantes & supra modum divitias cupientes, ut hæc notabiliter & late declarat B. Augustinus super psalmum: *Quid gloriaris in malitia?* ubi, *Ecce homo qui non posuit Deum*, &c. Præterea etiam juxta dictum Hieronymi, difficillior sit contentus divitiarum cum habentur, qui quasi membra corporis videntur; tamen cupido habendi periculiosior. Illa est radix, & fomentum malorum, hanc sæpius inducit inopia usque ad abnegandum Deum, perjurando juxta dictum Sapientis: *Ne egestate compulsus furer, & perjurem nomen Dei mei.* Prov. 30. Duæ sunt causæ maxime inductivæ cupiditatis, egestas & affectus soboli providendi. Ideo ut vitium succenderet optime fuit in ecclesia institutum, ut a clericis egestas & soboles tollerentur.

Tertium quod objicitur est deformatio morum. Ad hoc ego respondeo, quod non probat hoc esse, quod ab hoc contingit abesse, neque ob id esse, sine quo contingit id esse. Certe hæc morum deformatio ex aliis causis contingit; quia in utroque statu omnis disciplina perditur est. Consideret quisquis anonus, si ea disciplina nutriuntur nunc pueri, qui solebant. Ubi nunc adolescentia comprimitur ferula? Quis juvenes audeat incipere? licentiata sunt omnia, &

pueri emancipati nascuntur. Hæc corruptela, hæc correctionis remissio, cunctorum vitiorum est fomes, non divitiarum ecclesiæ. Fuerunt pristinis temporibus ecclesiæ non minus, immo plus opulentæ, & non erat hæc vitiorum difformitas; sed & in pauperibus mendicantium monasteriis nonne similiter deformatio serpit & sævit? Tandem ubi deformatior vita clericorum, quam ubi sunt pauperrimi? Ibi concubinas habent publice ut uxores; asserentes se vivere aliter non posse propter penuriam. Sunt præterea ignorantes, viles, & abjecti. Non ergo abundantia bonorum in ecclesia morum dissolutionem fecit; immo potius dat e contrario causam, ut possint vacare studio sacrorum librorum, per quod retrahamur a vitiis, & virtutibus inbuamur, juxta illud Hieronymi ad Rusticum monachum: *Ama scientiam scripturarum, & carnis vitia non amabis.* Habetur in decretis de cons. dist. 5. *Numquam.*

Quantum quod objicitur est superbia, factus & pompa, quæ in ecclesiasticis sequitur ex opulentia bonorum. Ad istud ego non possum dicere quod se habeat indifferenter ad opulentiam & paupertatem, licet sit verum quod quando hæc paupertati juncta sunt, magis abominabilia sunt, juxta illud Ecclesiastici 25. *Tres species advenit anima mea, & aggravor valde anime illorum; pauperem superbum, &c.* Et sunt sine dubio multi pauperes superbi, & quantum posunt pomposi, & multi divites humiles. Sed verum est, quod divitiæ eis maxime causam præstant; & non nego quod in ecclesiasticis viris sit nimia pompa, quod moderatione & reformatione indigeret; cum sit multorum malorum occasio, diminutio elemosynarum, ut pompis sufficiamus, sunt inde exactiones & multæ lucrandi illicitæ artes: quia qui sua consumunt, cum deest, aliena sequuntur. Sed non est hæc consideratio tanti, quod propterea temporalia sint ab ecclesiâ abjicienda, cum ex hoc plura graviora sequerentur, quæ quoad publicam utilitatem longe præponderant. Primo diminueretur cultus divinus, quoad templa & ornamenta eorum. Secundo quoad personas; quis esset qui vellet filium suum cum multis laboribus & expensis nutrire in studiis, ut postea eum exponeret mendicitati? Unde Bonaventura super 4. Sententiarum dist. 24. q. 1. art. 3. sic inquit: „Sacerdotii „Christi non tam fuit figura sacerdotium „Aaron, quam etiam Melchisedech, qui secundum quod dicitur ad Hebræos 7. fuit „rex & sacerdos. Sic & Christus. Et quamvis honorem regalem recusaverit propter exemplum humilitatis, & ipse pauper & mendicus fuerit, tamen propter suam dulcissimam benignitatem, ad hoc alios non arcebat. Sciebat enim quod melius est habere mercenarios, quam nullos aut paucos filios; & debet caritate refrigerante, disposuit Spiritus sanctus, ut etiam temporalibus abundaret, ne cultus Dei propter paupertatem e inopiam deperiret, & aperte videretur, quod ecclesiæ pauperculæ quasi nullum inveniant rectorem, nisi sit talis qui pro sui vililitate ab omnibus contemnatur. Unde nullatenus est credendum sita-

ANN  
CHRIS  
1433

statum universalis ecclesie aliter regi quam  
disposuit Spiritus sanctus. Hec omnia magister Bonaventura ubi supra, &c.

Tandem cum multiplicata sunt mala super terram, hominum nimis crescente malitia, expediens fuit, & est ad cohibendam audaciam & malitiam pravorum hominum ecclesiam Dei habere potentiam temporalem, alioquin sepe hereses pullularent & crescerent. Hoc significavit illa evangelica parabola de invitatis Lucæ 14. in qua post invitationes tandem subiungitur: *Compelle eos intrare*, scilicet quod primitiva ecclesia invitationem & ammonitionem tantum haberet, postea per successus temporum vires etiam compellendi. Ita est sensus B. Augustini, ut ipse scribit contra Donatum, 27. q. 4. *Dispicit*, ubi post multa verba satis ad hoc propositum, tandem dicit: Et non attendis, quia cum ecclesia novello germinis pullularet, nondum completa fuerat illa prophetia: *Et adorabunt cum reges, omnes gentes servient ei*. Quod utique quanto magis impletur, tanto maiore utitur ecclesia potestate, ut non solum invitet, sed & cogat ad bonum. Hoc Dominus significare volebat, qui quamvis haberet magnam potestatem, prius tamen elegit commendare humilitatem. Hoc in illa solitudine satis evidenter ostendit, ubi misit ad invitatos, & venire noluerunt. Et ait servo: *Exi cito in plateas & vicos civitatis, & pauperes & cæcos, debiles & claudos introduc huc*. Et ait Domino servus: *Factum est ut imperastis, & adhuc locus est*. Et ait Dominus servo: *Exi in vias, & sepes, & compelle intrare, ut impleatur domus mea*. Videlicet nunc, quemadmodum de his qui primo venerunt dictum est: *Introduc eos, non dictum est Compelle*; ita significata sunt ecclesie primordia adhuc crescentis, ut processu temporis essent vires etiam compellendi. Et eandem sententiam etiam ponit ad Bonifacium eadem causa q. 6. c. 1. Quis autem non intelligit, quam sepius hereses crescerent, si ecclesia potentiam non haberet. Si omnia argumenta deficiunt; tempora temporibus comparemus: videbimus quam sepe fides fluavuit illis temporibus, cum ecclesia potentiam non haberet; tandem quidquid decoris, quidquid stabilitatis, quidquid boni habet Christiana religio, ab illis cepit quatuor venerabilibus conciliis, quæ velut quatuor sancta evangelia sunt tenenda, sicut B. inquit Gregor. 15. di. *Sicut sancti*. quæ tamen celebrata sunt post ditationem ecclesie; & inde alia concilia, a quibus omnis forma sanctitatis est habita. Ad hunc autem quem modo dixi respectum nulla est comparatio. Vadant mores quantumlibet dissolute, intumeat pompa, si fides subsistat, levia omnia sunt comparata ad fidei subversionem, quod ultimum & supremum est malum.

His igitur omnibus æqua lance libratis, sole clarius videtur esse deductum, quod ecclesia haberet bona temporalia expedire.

Ex hac tertia conclusione inferitur ipsius tertium corollarium, quod utilitati populi Christiani plurimum detraheret & obesset, ecclesia sine bonis temporalibus esse, ulteriores deductione non indiget, seipsam ostendit.

Concilior. Supplem. Tom. IV.

dit, si præmissa veritate subsistant.

Et ex prædictis omnibus inferitur una corollarium conclusio seu aporisma, videlicet quod erronea, insana, & perniciofa est illa doctrina, quæ asserit quod dominium super bonis temporalibus, quod contra præceptum Christi clerus occupat, in præjudicium sui officii, & damnum brachii secularis, ab ipso debet auferri, & clerus ad vitam, quæ Christus vixit cum apostolis, debet reduci: manifesta est illatio hujus ex præmissis. Nam si licet, decet & expedit. Ergo non debet auferri. Hinc talium assertores incidunt in sententiam Domini per prophetiam 5. c. *Va qui distis bonum malum*; & in hæresim jam damnatam, puta hæresim Valdensium, ut dicit Alvarus in libro de statu & planctu ecclesie part. 1. art. 42.

Hæc sunt, reverendissime in Christo pater & metuendissime domine, reverendique in Christo patres ceterique viri clarissimi, quæ mihi juxta istum articulum dicenda occurrunt, sub determinatione sanctæ matris ecclesie, a cujus fide & determinatione decedere nunquam intendo; sed ad ejus determinationem mea, si decreverit, dicta corrigere, & penitus prompto animo revocare.

#### EPISTOLA CONSULUM

Et civium Trevirensium ad concilium Basileense.

Petunt concilii præsidium adversus diffinitiones sibi factas ab adherentibus Ulrico de Manderseheut.

Reverendissimis in Christo patribus & dominis Dei gratia sacrosanctæ Romanæ ecclesie cardinalibus, patriarchis, archiepiscopis, &c. post humilem recommendationem, obedientiam filialem tam debitam quam paratam.

Reverendissimi in Christo patres & domini præcipue meritoque venerandi, dolendum plane & miserendum statum civitatis & ecclesie Trevirensis, inter civitates totius terræ partis orbis, videlicet Europæ, & ecclesias transalpinas primariæ, sanctæque Romanæ ecclesie immediatissimæ filie, matrisque cunctarum citramontanarum ecclesiarum, vestris innotuisse dominationibus non ambigimus; & quantum nos pro justitia, nec non ejusdem ecclesie tam capitis quam membrorum salute, in virtute sanctæ obedientie, spe retributionis æternæ submissimus periculis, non tam fama per universam resperfa Germaniam, sicut ipsa testatur agnitione veritatis, sed quam modo nobis, etsi ab illo, cujus judicia abyssus multa, nostris exigentibus demeritis justè, injustissime tamen ab homine, pro bono redditur malum, vestris dominationibus necnon amarissimis cordibus dolenter referamus. Dudum enim domini Ulrici de Manderseheut asserti electi Trevirensis & suorum, tum propter clero Trevirensi in nostra civitate impensum præsidium, tum propter negationem illicitarum petitionum super juribus Trevirensibus

V v

dice-



ANNO  
CHRISTI  
1433.

diocesis per præfatum dominum Ulricum nobis factarum, tum propter defensionem libertatum & privilegiorum nostrorum contra eundem se eisdem ingerentem, plerasque crebrasque tullimus æquanimiter comminatas angustias. Jam ipso die epiphaniæ Domini nunc elapso, effectus plenius mancipato, quia tunc Willermus de Stappel suus marescallus propter impetitionem, quam contra nos se habere asserit, nobis tamen incognitam, nos diffidavit, habens adiutorem nobilem Theodericum de Manderscheit prædicti domini Ulrici fratrem, aliosque officiatos & familiares domesticos ejusdem quamplures, qui nos tam in rebus, corporibus, incendiis, rapinis & captivis, in & extra prædicti domini Ulrici & diocesis Trevirensis fortalitia crudeliter invaserunt. Nos igitur requirentes, rogantes eundem dominum Ulricum ad præfatas diffidationes per suos utrimque factas deponendum, ipse una cum comite de Wirnenbergh, & ejusdem uno suo filio litteras diffidatorias miserunt pro responso, non obstante quod per annum ante idem comes de Wirnenbergh pro solidioris amicitie confederatione duo millia a nobis recepit florenorum, quam amicitie confederationem servare sine & absque causa rationabili nobis resignavit; qua de causa noscitur Omnipotens. Tunc etiam alia calva occasione præfata comes de Spaenheim qualitercumque subornatus, nos similiter diffidavit, ad cuius, ut indubie speramus, sinistram informationem reverendi in Christo patres & domini Theodericus Coloniensis & Conradus Moguntinensis archiepiscopi, incliti Stephanus de Bavaria, Adolphus de Monte & Juliaco duces, dominus Jacobus marchio Badensis, & dominus Fridericus comes de Veldencia tamquam adiutores prædicti comitis de Spaenheim, etiam diffidationes scriptotenus demandarunt. En patres & domini dignissimi, quomodo percuti iusti, & trucidantur recti corde. Testamur hunc quem nullum latet secretum in conscientiis nostris, quod omnibus principibus & dominis aliisque singulis præfatis, nobis scientibus, nunquam molesti fuimus, & summa diligentia omnibus præfatis & novissime examinatis curibus, nihil penitus occasionis eos contra nos querelandi possumus invenire. Quia immo super petitionibus prædicti domini Ulrici nobis factis, & nostris querimoniis, e contra obulimus nos paratos coram vestra sacrosancta generali synodo Basileensi, serenissimo principe Romanorum rege illustrissimo, juris & vestro seu ejus stare distamini vel decreto; quod idem assumere recusavit. Post Deum igitur cæli, a quo omnis victoria, cui beneplacitum est super timentes eum, pro cuius sponsa hæc patimur, ad vestras dominationes in Spiritu sancto congregatas, eandem sponfam dignissime representantes, tamquam obedientissimi filii, ad matrem illibatam, & tenerissimi amatores virginis sine ruga, anxii confugimus, devotissime imploramus, oramus; si etiam licet, per amorem illius, qui vos suam sponfam representare fecit, non temerariis, sed ausu caritatis humiliter requirentes, quatenus aure pia, compassivo ani-

mo, cordeque materno, filiorum tribulationem vestra sancta synodus animadvertat, & nostris oppressoribus sua scelera annuntiet, quasi tuba vocem exaltet, ex adverso ascendens, se murum pro domo Domini opponat, & vobiscum quasi acies ordinata, sagittas divinæ pharetræ contra præfatos diffidatores, modos & vias congruentes, penas & censuras decretas concite jaculare sagragat, synodi membra vobis pro reformatione & ecclesiæ defensione incorporata, offensorum ac deformatorum nomina fortiantur, Eja, patres reverendi, amore Jesu, cuius res agitur, constanter agite, consilium auxiliisque nequaquam differentes, immo prædictos dominos Ulricum & comites de Spaenheim & de Wirnenbergh, ut ab iniustis hujusmodi molestiis & insolentiis desistant acrius increpando, obsecrando, arguendo compellite, ne, quod abist, videntes nos vestro debito frustratos subsidio, inter duo mala minus malum eligere, & in dominia monasteriorum & collegiorum atque suburbiorum eorundem nostræque civitati contiguum, ad ipsam civitatem expugnandam aptissimorum, quemadmodum vulgus, quem echibere nequimus, incepit, necessitate compulsis, quamquam invit, irrure arcamur, cum ipsius nostræ civitatis, ad quam notabilior clerus Trevirensis confugit, continuata desolatio toti Trevirensi ecclesiæ calamitabiliter irreparabilemque iacturam minetur & ruinam, prout vestris dominationibus oculatæ circumspeditiones Sancti Spiritus irradiantes fulgoribus melius nobis hand dubium conjicere prævalebant. Omni enim tempore eramus & fuimus parati, & presentibus nos paratissimos offerimus coram vestris dominationibus aut serenissimo principe Romanorum rege illustrissimo, juris & vestro, seu ejus stare distamini vel decreto. Reverendissimi patres & domini, non despiciant vestra dominationes hoc nostrum necessitatis exile scriptum, cum honestiorem, ambassiatam, quam V. D. decere fateamur, & mittere non possumus, & ipsa viarum hinc inde præclusarum discrimina penitus non permittant. In his agant D. V. R. contentioni lacrymabili medendo salubriter, quemadmodum ex officii debito, non tam pro nobis quam pro vobis Christo præfato iusto terribili judici debetis reddere rationem, qui vos in singulis agendis taliter dirigat, ut singuli in extremi die iudicii sibi dictum hoc dulcissimum verbum *Venite benedicti læti audiant*. Datum nostro sub secreto sigillo, XVIII. mensis januarii MCCCCXXXII. juxta stilam scribendi Trevirentem.

Sacre vestræ concionis filii humiles, magistri civium, scabini, consules & tota communitas metropolis Trevirensis.

ANNO  
CHRISTI  
1433.

## INFRA SEQUUNTUR EA

*Quæ dominus Imperator libentissime fecit  
ad promotionem sacri concilii Basileensis, lecta in congregatione  
generali, die Martis xx.  
januarii MCCCC.  
XXXIII.*

**P**rimo quando dominus cardinalis legatus & illi patres miserunt ad regiam majestatem in Efelkneh, &c. quod ex tunc regia majestas incontinenti deputavit locum tementem suum. Item, misit ad eos Baptistam Cigala eos confortando, & de omnibus favoribus regis asscurando. Item, qualiter demum regia majestas misit iteratis vicibus univēsis regibus, principibus, & etiam prelatis, ut ad concilium properarent. Dedit etiam operam dum in Lombardia esset apud ducem Mediolanensem & ducem Sabaudie & alios, ut prelatos suorum dominorum mitterent. Et omnia conferebat sua majestas, quæ erant ad favorem sacri concilii.

Item, postquam sua regia majestas de Mediolano ad Placentiam se transferret animo Urbem Romanam intrandi, & coronas suas suscipiendi, & alias res imperii peragendi; & dominus summus pontifex suæ majestati mitteret bullas dissolutionis & mutationis concilii, majestas domini nostri regis moleste tulit illud, & incontinenti ad sanctitatem papæ scripsit, & misit rogando & adhortando, ut illam dissolutionem toti Christianismo damnosam tolleret; quoniam sua majestas non posset nisi concilio & universali ecclesiæ in tantis bonis adherere. Idem suæ sanctitati nunciavit per oratores apostolicos ad Parmam suæ majestati missos. Similiter de Parma super illa materia suos solennes ambassiatores misit ad papam, videlicet domum Johannem de Sovihov, dominum præpositum Albanensem, & dominum Nicolaum Scok decretorum doctorem. Et tandem a Senis iterum multum celebrem ambassiata[m] misit, dominum Curiensem videlicet, dominum Ladislaum Cruciferum, Nicolaum Scok, & Nicolaum Wademobilem. Scripsit etiam universis orbis principibus, ut hujusmodi dissolutionem non admitterent, sed sacro concilio adhererent. Tandem ultimo de mense novembris, iterum misit suos solennes oratores, videlicet dominum Curiensem, dominum Laurentium marescallum, & dominum Gaspar Sligk, & multas privatas ambassiatas, instando apud papam ut propositum suum dignaretur mutare, etiam in omnibus legationibus semper addendo, quod nisi sua sanctitas concilio adhereret, majestas regia non veller coronam de manibus suis suscipere, sed concilio adherere.

Item, majestas regia post adventum dominorum cardinalium ad Senas, disposita erat etiam se periculis quibuscumque submittere, & Urbem intrare, & dominum apostolicum visitare, ut saltem ipsum personam

*Concilior. Supplem. Tom. IV.*

**A**liter posset mulcere ad mutandum propositum, semper præponendo facta concilii privatis suis commodis, de quibus ante multos menses habuisset finem, si sola facta concilii non obstitissent.

## HIC SEQUUNTUR QUÆ DOMINUS

*Imperator passus est, & libenter sustinet, propter adhesionem sacri concilii, lecta ut supra.*

**P**ropter istos favores per majestatem regiam, sacro concilio impenso, dominus apostolicus contra majestatem domini nostri rancorem & indignationem concepit, & sibi multa incommoda quantum potuit procuravit: primo per mundum suam majestatem de fautoria hæresis infamando, prout instructiones quas Johannes de Prato portavit declarant. Item, regnis suis ipsum privando, & aliis distribuendo, & imperium etiam donando, in alios, si potuisset, transferre. Item, postquam regia majestas intravit Tuscaniam, ipse dominus apostolicus secum Florentinis publicis imperii rebellibus colligavit contra majestatem regiam, & terras imperii, & gentes ecclesiæ ante Lucam contra dominum nostrum regem venerunt, & hucusque semper ubi potuerunt, territoria Senensis & alia imperii loca offenderunt, & ad hoc hodie procurantur omnia, quæ excogitari possunt ad provincie damnum & destructionem suæ majestatis & imperii, quæ omnia sua majestas patienter & voluntarie suffert amore sacri concilii, & sustinebit usque ad mortem.

Et quia majestas regia talia incommoda & pericula propter sacrum concilium sustinet; isti domini oratores habebunt patres illos hortari & requirere, & sic dux Vvilermus hortetur, ut ipsi hujusmodi contentia, fide, & sinceritate domini nostri inspectis, honori & dignitati & statui ipsius provideant, prout opportunum fuerit, & dominus noster de ipsis indubiam gerit fiduciam. quoniam si hoc non fieret, dominus noster rex magis incurreret pericula, certificando eos, quod dominus noster eis nunquam deficiet; nec eos deseret usque ad mortem; & si aliquid eis contrarium fugeretur, nullatenus credant.

ANNO  
CHRISTI  
1433.

Ib. p. 531.



ANNO  
CHRISTI  
1433.

## L I T T E R A

A

## EPISTOLA SIGISMUNDI

Missæ per concilium domino Romano-  
rum regi, decreta in congregatio-  
ne generali die XXIX. jan.  
MCCCCXXXIII.

*Gratias agunt patres de invariabili  
adhesionem ad concilium.*

Regis Romanorum ad concilium  
Basilense.

*Excusat cardinalem Rotomagensem, quod  
hactenus non accesserit ad concilium.*

Ib. p. 532.

**S**acrofancta generalis Basileensis synodus, in Spiritu sancto legitime congregata, universalem ecclesiam representans, carissimo ecclesiæ filio Sigismundo Romanorum, Hungariæ, &c. regi illustri, salutem & omnipotentis Dei benedictionem.

Litteras tuæ serenitatis, quibus laudabile tuæ intentionis propositum, quo hujus sacri concilii protectionem, eique firmam & immutabilem adhesionem cordi tuo regio constanter & immobiliter inesse ostendit, ac in futurum invariabili mentis proposito polliceris, læto admodum, quin immo lætissimo suscepimus animo, Deo nostro maxime gratias peragentes, qui tales generoso tuo animo conceptus inspirare dignatur, & his periculosis temporibus ecclesiæ suæ tam fidei constantique principis velut dextræ manus patrocinium impertiri, tuæque excellentiæ pium affectum cum verisimili constantia laudum præconio commendamus, immortalēque futuram esse laudis tuæ memoriam profitemur in Dei ecclesia, & orbe universo, pro hac tua firma huic sacro concilio assistentia & vigili cura atque favore, honoremque & statum tuum omnifarie commendatum habere. Volumus quoque tuam excellentiam certam esse & orbem universum, omnes qui sunt in hoc sacro concilio divino munere congregati, cum omni unanimitate constantique ac invariabili proposito, ad ejus prosecutionem esse firmatos, ac sicut hactenus præsentis dissolutioni per dominum papam attentatæ, quia contra expressam dispositionem decretorum sacri Constantiensis concilii & hujus, & in perturbationem ac scandalum universalis ecclesiæ vergebat, minime locum dedimus, sic neque in futuram dabimus quovis modo; quin potius omni quo poterimus studio & diligentia prosequi illa sancta opera intendimus, propter quæ hoc sacrum concilium in Spiritu sancto congregatum est, cujus clementiam continue exoramus, ut huic nostræ sanctæ intentioni aspirare dignetur ad profectum fidei orthodoxæ & totius populi Christiani. Datum, ut supra.

**R**euerendissimi ac venerabilibus in Christo patribus & dominis sacrosanctæ generali Basileensi synodo in Spiritu sancto legitime congregatæ, &c.  
Reuerendissimi in Christo patres & domini, ac venerabiles, græte & sincere nobis dilecti, quantum affectamus & desiderio summo desideremus augmentum sacrosancti Basileensis concilii apud V. P. clarum esse scimus, & sic quemadmodum huc usque attentissima studia adhibuimus, ita non cessamus quotidie totis viribus operari, ut ipsum sacrum concilium feliciter prosperetur. Eramus etiam multum grati, quod reuerendissimi in Christo pater dominus Jo. (a) cardinalis Rotomagensis princeps noster & amicus carissimus iter illic accedendi assumeret, & procedere infallanter disposuit. Nam ejus præsentia tam auctoritate quam sapientia & rerum experientia eidem sacro concilio multum conferet. Sed indutus fuit quidam tractatus nostrum & imperii sacri commodum præsertim concernens inter nostram majestatem & communitatem Florentiæ; in quo paternitatis suæ interpositio tamquam sacri imperii principis nobis grata & opportuna, partibus vero aliis necessaria fuit; in quo paternitas sua fere duobus mensibus diligeret ac diligenter laboravit, & ad tantum Deo volente eventum est, ut pro finali conclusione sua paternitas denuo ad nos versus Senas redeat, ac suæ prosecutione sui itineris versus sacrum concilium superfedeat, & adhuc parvam moram facere habebit; quæ, ut speramus, sacro concilio nedum dispendiosa, sed per Dei gratiam propter fructus secuturos, multum proficua erit. Idcirco vestras paternitates attente petimus, & hortamur, ut mora sua vestris paternitatibus non sit displicibilis, nec suspecta; sed velint eum excusatum suscipere, quia non tardabit ad paternitates vestras festinare, & sic etiam nosmet attentis & sollicitis erimus, nec de sua sincera intentione quam gerit & habet ad bonum ecclesiæ, & ut sacrum concilium feliciter progrediatur, est in aliquo dubitandum, prout ex colloquiis cum paternitatibus suis habitis firmiter conjecturamus, & speramus quod adventus suæ paternitatis proximum secum attrahet magnum fructum. Datum in civitate nostra Senarum die VIII. mensis Februarii, regnorum nostrorum anno Hun-

ga-

(a) Anno 1433. quo hæc scripta fuit epistola, præerat ecclesiæ Rotomagensi Hugo d'Orges, qui non fuit cardinalis. Sed cum præcessera: hac in sede Johannes de Rupefissa, qui ab anno 1429. ad alias cathedras translatus, cardinalis Rothomagensis titulum retinuerat.

ANNO gariz XLVI. Romanorum XXIII. & Bo-  
CHRISTI hemiz XIII. A  
1433.

Sigismundus Dei gratia Romanorum rex  
semper augustus, ac Hungariæ, Bo-  
hemiz, Dalmatiz, Croaciæ, &c. rex.

Ad mandatum domini regis  
Gaspar Sligk.

### EPISTOLA SIGISMUNDI

Regis Romanorum ad concilium Basileense.

Monet eos de proximo adventu archiepis  
Rotomagensis & episcopi Curienfis.

ib. p. 534. R Everendisimis ac venerabilibus in Christo patribus & dominis, &c.

Reverendisissimi in Christo patres & domini, amici carissimi, ac venerabiles & egregii sincere nobis dilecti, decima octava die hujus mensis applicuit ad nos iste nuncius, afferens nobis vestras gratiosissimas litteras, continentes inclusa decreta præteritæ sessionis; quæ licet dudum prius habuissimus per alios, tamen acceptissimum habemus quod vestræ paternitates nos de singulis curant occurrentiis avilare. Nec dilatio vestris paternitatibus imputanda est, sed viarum discriminibus & reclusioni passuum per totam fere Italiam, propter quod nuncius iste diebus quam plurimis maris periculis se submisit. Verum quia reverendisissimus pater dominus cardinalis Rothomagensis & venerabilis episcopus Curienfis de omnibus conditionibus rerum nostrarum, & deliberationibus mentis nostræ nunc V. P. accedunt: idcirco nos hic non extendimus, sed conamur omni studio quantocius fieri poterit, sacrum concilium visitare. Datam in civitate nostra Senarum die XXIII. mensis Februarii, regnorum nostrorum anno Hungariæ XLVI. Romanorum XXIII. Bohemiz XIII.

Sigismundus Dei gratia Romanorum  
rex semper augustus & Hungariæ  
& Bohemiz, &c. rex.

### EPISTOLA SIGISMUNDI

Regis Romanorum ad concilium Basileense.

Mittit ei duas Eugenii IV. bullas ad concilium spectantes.

Reverendisimis ac venerabilibus in Christo patribus, &c.

Littera imperatoris lecta die Veneris  
XXVIII. Martii MCCCXXXIII.

R Everendisissimi in Christo patres & domini amici carissimi, ac venerabiles & egregii, nobis sincere grateque dilecti, sanctissimus dominus noster summus pontifex pridie per oratores venerabilium & illustrium nostrorum & imperii sacri electorum principum transiit nobis bullam, notificans in eadem res illas quas sua sanctitas gessit & fieri deliberavit circa negotia sacri concilii Basileensis, juxta continentiam copiarum præsentibus inclusarum. Illas itaque V. P. ea de causa transmittimus, quamvis notitiam earundem aliunde ad vos delatam non dubitemus, ut perlectis & pensatis singulis, salutem universalis ecclesiæ præspiciatis, ad hoc tendentes, ut schisma illud inveteratum, quod alias inestimabilibus laboribus sublatum fuit, omnimode eviteretur, quemadmodum vestras paternitates suffragio Spiritus sancti, qui sacrum concilium dirigit, facturas minime dubitamus. Nos quoque res nostras juxta posse nostrum his in partibus ita disponimus, ut vobis personam in brevi adesse possimus, cooperaturique quatenus in prosecutione harum salutiferarum rerum nullum scandalum oriatur, & ecclesia Dei in votiva unitate persistat. Et ut hoc fiat, reverendas paternitates vestras, laude Dei, & salute suæ sanctæ ecclesiæ, quo possumus affectuosius adhortamur, quemadmodum illustris Willermus comes Palatinus Rheni, & dux Bavarie, princeps & locum tenens noster, V. P. mentem nostram clarius detegit, cui velitis credere in dicendis. Datum in civitate Senarum die IV. mensis Martii regnorum nostrorum anno Hungariæ XLVI. Romanorum XXIII. Bohemiz vero XIII.

Sigismundus Dei gratia Romanorum  
rex semper augustus, &c.

Gaspar, &c.

E

ANNO  
CHRISTII  
1433.

ib. p. 535.



ANNO  
CHRISTI  
1433.

## BULLA MISSA PER DOMINUM

*Nostrium papam domino regi Romanorum,  
lecta ut supra.*

Ibid.

**E**ugenius episcopus servus servorum Dei  
carissimo in Christo filio Sigismundo Ro-  
manorum, Hungariæ, &c. regi illustri S. &  
A. B.

Ut tuæ serenitati & omnibus fidelibus  
Christicolis innotescat nostros omnes cogi-  
tatos namquam ad alium finem respexit,  
nisi ad statum universalis ecclesiæ, incre-  
mentum fidei, & salutem populi Christiani,  
statuimus ut concilium universale Basileæ  
celebraretur, prout videre poteris per co-  
piam litterarum nostrarum præsentibus in-  
terclusam; cum enim dudum ex honestis &  
iustis causis concilium quod ibi esse diceba-  
tur, ad civitatem Bononiensem transfuisse-  
mus, intendentes eo personaliter proficisci,  
tamen ut palam fiat intentio nostra, scilicet  
optimo animo & sincera mente nos id  
fecisse, ad recludenda obloquentium ora,  
& ad omnes dissensionum materias funditus  
extirpandas, quæ ex causa exoriri possent,  
cum maiorum principum precibus, tamen  
sponte nostra, pro bono ecclesiæ, non ob-  
stante illa mutatione loci, volumus ut Ba-  
sileæ hujusmodi concilium fiat, ad quam  
quapropter nostros legatos cum Dei gratia  
transmittimus. Hec tuæ serenitati signifi-  
canda duximus, quam scimus ex hoc, sicut  
debet optimum nostrum & ecclesiæ filium,  
Ieritiam susceperam. Datum Romæ apud  
S. Petrum anno incarnationis Dominicæ  
MCCCCXXXIII. XIV. cal. Martii pontifi-  
catus nostri anno II.

Lu. de Orto.

## LITTERA MISSA DOMINO

Imperatori per sacrum concilium, res-  
ponsiva ad ultimam litterarum sua-  
rum,

*Purgant se patres a suspensione schisma-  
tis.*

Ib. p. 536.

**S**acro sancto, &c. carissimo ecclesiæ filio  
Sigismundo Romanorum, Hungariæ, Bo-  
hemie, &c. regi illustri salutem, &c.

Accepimus pridem tuæ serenitatis litte-  
ras, & in his copiam inclusam quarundam  
litterarum, quæ proximis diebus ex curia  
Romana emanarunt. Per has tuas litteras  
& ea quæ dilectus filius nobilis vir Wil-  
helmus Bavarie dux tua vice hujus sacri con-  
cilii præfector exposuit, nos exhortaris, ut  
pensatis singulis, salutem universalis eccle-  
siæ propiciamus, ut schisma illud invetera-  
tum, quod alias magnis laboribus sublatum  
fuit, omnino evitetur. Credimus non nisi bo-  
no zelo, quem ad ecclesiam sanctam Dei &

hoc sacrum concilium geris, id tuam sere-  
nitatem commemorare. Sed si diligenter con-  
siderentur quæ sint nostræ actiones, quibus  
sine intermissione ad profectum populi Chri-  
stiani intendimus, quantaque gravitate &  
maturitate in omnibus rebus hoc sacrum  
concilium procedit, in mentem cujusquam  
cadere nullo modo poterit, ex parte hujus  
sacri concilii schisma posse contingere. Ope-  
ra quæ ipsi facimus pro extirpandis hæresi-  
bus, bellis ac deformitatibus, nostræ sanctæ  
intentioni testimonium perhibent. Verumta-  
men nihil est tam bene factum, quod per  
æmulos in malam partem interpretari non  
possit. Nam & Christus noster Salvator dum  
obfessus a dæmone liberabat, in Belzebut  
dæmonia ejicere ab infidelibus dicebatur.  
Nemo est, nisi humana victus passione, qui  
si animadvertat studia, labores & diligen-  
tiam nostram, timere debeat ex his schis-  
ma procedere; sed potius ecclesiæ pacem  
& exaltationem sperare. Nos sicut legitimo  
initio ac sancto proposito concilium inchoa-  
vimus, ira Spiritu sancto nos dirigente in  
his quæ Dei sunt & reformationis ecclesiæ,  
calumnias æmulorum non formidantes, usque  
in finem perseverabimus. Scimus per infamiam  
& bonam famam hanc vitam duci necesse-  
arium fore, & qui pie volunt vivere propter  
Deum, persecutiones pati oportere. Sed ipse  
Spiritus sanctus, in cujus nomine congregati  
sumus, nos consolatur, spem tribuens, quod  
qui nunc nobis iniuste detrahunt, adhuc  
facta nostra salutaria laudare compelluntur.  
De hoc sacro concilio adhuc verificari speramus  
quod de Salvatore nostro prædictum fuerat:  
*Veniet ad te qui detrahebant tibi, & adorabunt vestigia pedum  
tuorum.* Tuam vero serenitatem decere arbitramur,  
ut tales falso calumnias objectas nobis  
patienter non ferat. Cum ergo omnis nostri  
progressus sanctique propostii conscius sis,  
has calumnias regia animositate confutare  
debes, & inter dentes obloquentium hu-  
jusmodi obtrecciones pro tua auctoritate  
contundere. Illud vero quod præfatus dux  
vigore credentiæ, de mentis tuæ firmitate  
ac constantia ad favorem sacri concilii sub-  
iunxit, quamquam gratum nobis fuerit audire,  
supervacuum tamen judicamus. Nam cum  
mente revolvimus quæ ac quanta tua  
sublimitas pro sacro Constantinensi concilio  
& isto fecit, quotque & quales litteras nobis  
& omnibus fere principibus scripserit, quod  
usque ad sanguinis effusionem & mortem  
inclusive, ut verbis tuæ serenitatis utamur,  
cum hoc sacro concilio permanere intendebat,  
incredibile judicamus tuum regium  
animum quavis occasione a devotione  
hujus sacri concilii posse immutari. Abiit,  
ut talem principem aliter facturum esse cre-  
damus, quam quod tam patenti præconio  
per orbem terrarum sæpissime predicavit.  
Datum, &c.

## EPISTOLA RODERICI

De Villa Andrado comitis, ad concilium Basileense.

Offert concilio sua servitia.

ib. p. 538.

Sacrofando concilio generali Basileensi humiliter præsententur.

Sancti ac reverendissimi patres, ceterique venerabiles domini, in sacrosancta & Spiritu sancto congregata Basileensi synodo, vester servitor & amicus Rodericus de Villa Andrado comes de Rybadeo, consiliarius ac camerarius regis Francorum, debita cum promptitudine serviendi humiliter recommendatione præmissa.

Vestris paternitatibus & dominationibus, dictæ sanctæ synodo Dei primo ob reverentiam, servitiumque universalis ecclesiæ, honorem & contemplationem reverendissimi in Christo patris & domini mei ac præceptoris domini A. tituli S. Eustachii sacrosanctæ Romanæ ecclesiæ diaconi cardinalis, offero me promptum & paratum, si in aliquo mei possibilitas eidem sanctæ synodo potest prodesse vel servitire. Supplicans ut me suum minimum servitorem habeat recommissum: quoniam ex parte mei contemplationibus prædictis & quam plurimum præfati domini mei cardinalis, in & ex parte vestri mandatis non erit defectus, domino auxiliante, qui sua misericordia præfaram sanctam synodum & vos omnes conservet & conducat ad sui servitium & honorem. Scriptum festinanter, breviter & inordinate more gentium armorum in S. Martino de Leva, VI. Martii MCCCCXXXIII.

Vester servitor

Rodrigo de Villa Andrado.

## PROPOSITIO FACTA

Per magistrum Johannem de Mella protonotarium, alterum ambassiatorem domini nostri papa, in generali congregatione concilii Basileensis, die VII. Martii MCCCCXXXIII.

Noli timere, filia Sion, ecce rex & pastor tuus venit tibi mansuetus. Reverendissimi, reverendi, venerabiles, optimi ac amplissimi patres, sanctissimus ac beatissimus dominus noster Eugenius papa IV. servus Christi vicarius, ac legitimus Petri successor, cui a nostro redemptore Jesu iura & coelestis & terreni imperii potestas, & non ab hominibus tradita sunt, quæ ab apostolici maxima fuere cum veneratione custodita, cui soli oves pascentes commisit, ac eidem claves regni coelorum fe traditurum promisit & tradidit, qui totius universalis ecclesiæ unum & verum est caput; post salutem

& apostolicam benedictionem ac suam, aqua nobis injunxit, quæ ex injuncto legationis officio horum patrum reverendorumque dominorum meorum communi præcepto vestris coram dominationibus reverendissimis explicabo, per quæ pacem in plebem suam loqueretur ac unitatem, quod cujuslibet bene regentis & gubernantis iuris existit. Nec ad sententias vel processus aliquos fulminandos, scandala aut seditiones aliquas procurandas, missi sive destinati sumus, sed ad omnem pacis & concordie viam caritative procurandam, primo per innocentiam & sinceritatem, secundo per clementiam & pietatem. Non enim occultum existit, quod vir Dei SS. dominus noster papa Eugenius

IV. ab ipsius cunabulis usque ad hanc ætatem, ut præter puram vitæ continentiam, largam in pauperes liberalitatem, nimiamque in omnes alios pietatem amplissimam exercuerit, & dum in minoribus constitutus existeret, toto mentis desiderio morum in clero ac populo introductionem, guerrarum, heresum, falsorum dogmatum affectaverit extirpationem, tam per concilii celebrationem, quam Romani pontificis provisionem: immo cum lacrymarum effusione & orationum continuatione per se & alios Dei servos hanc a Domino sepius gratiam postulabat; & dum prædicta a Domino humillime postulabat, sicut Domino placuit, fecit recordationis Martinus papa V. extitit vita functus, & sua sanctitas canonice ad summum fuit apicem apostolatus assumpta; & illico post ejusdem assumptionem, tempus, in quo suum poterat devotissimum propositum adimplere, advenisse considerans, id omne etiam, quod in sacro Constantiensi concilio diffinitum, & a pie memorie Martino papa V. ejus prædecessore, cum Senensi fuerat concilio deliberatum, executioni volens debite demandare, bullas & commissiones sub certis modis, amplissimis formis, reverendissimo in Christo patri ac domino Juliano S. R. E. diacono cardinali, apostolicæ sedis legato, hic præ-

sent, pro sacri prosecutione concilii demandavit, ut in eisdem bullis latius prospicere contineri; & si quid in contrarium actum esse contingeret, non nisi bono ac sancto zelo, & ut in ejusdem celebratione sanctissimus dominus noster pastor ac papa, cui gregis Domini cura commissa exitit, personaliter interesset, quod semper desiderio maximo affectavit, ut videlicet in suæ sanctitatis ac reverendissimorum dominorum cardinalium de sacro collegio præsentia, totius Christianitatis convocatis principibus ac prælatis, ac aliis qui vocandi essent & posset commodè interesse, dictum celebraretur concilium, ut omnium Christianitatis partium notitia referata, ibi sufficiens adhiberetur antidotum, ubi vulnus compertum erit esse repperit, ad Dei laudem, cleri & Christiani populi reformationem; quod suæ sanctitatis summum fuit & est desiderium. Quis igitur, præmissis diligenter inspectis, non comprehenderit suam sanctitatem esse innocentem, cum prædicti concilii celebrationem tam ardentè & serventer procuraverit, & cum quanta hoc fecerit sinceritate & animi pu-



ANNO  
CHRISTI  
1433

\* al. spe-  
cialis

puritate, prædicta manifestant? Innocens igitur & sanctus manifeste comprobatur. Suae igitur sanctitatis innocentia, sinceritate & veritate manifestatis; cedat opinio supradictis, ne illa universo orbi optata gloria optimo ac sempiterno nomen, quæ ex pace & ecclesiæ unitate in sacro Constantiensis data concilio, hæc tam amplissima sibi acquisivit Germania, nunc sibi ad crimen ascribat & culpam. Ad eum enim, cujus beatissimus dominus noster in terris vicarius existit, cum illo psalmigrapho clamare non cessat, dicens: *Judica me Domine secundum justitiam meam, & secundum innocentiam meam super me, quia in te sperans non infirmabor*. Et sic de primo, in quo dixi Regem tuum per innocentiam & sinceritatem tibi venire taliter qualiter expeditis, accedo ad secundum; in quo dixi, quod rex & pastor tuus venit tibi mansuetus per clementiam & pietatem, & non immerito. Debet enim summus pontifex talis esse, cum vicem Dei teneat in terris, qualis ipse Dominus est, cujus gratia vices tenet. At enim propheta: *Magnus Dominus & magna misericordia ejus*. Cum igitur pius, misericors ac largus sit Deus, ejus non debet vicarius ac minister tenax existere aut avarus. Nullus enim potest majorem pietatem ac clementiam ostendere, quam summus pontifex, princeps, & qui in terris superiorem non habet monarchiam; qui rejecto quocumque rigore, cum nimia mansuetudine & pietate filios & fratres per suos convocat oratores, ut ecclesiam sanctam, purissimam, matrem, immaculatam Christi sponsam, & columbam a diu plangentem & lacrymantem, per veram unitatem ac pacis foedera consolentur. Et licet omnes Christi fideles, Dei & ecclesiæ per creationem & baptismi regenerationem filii existant; specialius tamen S. R. E. reverendissimi cardinales, patriarchæ, archiepiscopi, episcopi, qui Jesu Christi legati, & domini papæ fratres, ac præcipui ac spirituales \* sunt patres, & ecclesiæ columnæ immobiles comprobantur; & nihilominus sacerdotes, magistri, doctores, ceteraque ecclesiasticæ personæ, genus electum, qui propter concilii magnitudinem & virtutum abundantiam, seniores ecclesiæ comprobantur. Cum igitur in Dei ecclesia multi filiorum consumti essent, nomen Dei desipientes in utroque genere Christianorum, alii per discordiæ, guerrarum, turbinum & calamitatum vias, alii per morum deformitatem, & sanctorum patrum decretorum & præceptorum non observantiam, alii per hæresum introductionem in gravem orthodoxæ fidei læsionem, populi Christiani & ecclesiarum ac etiam clericorum devastacionem quibus in sua peccatorum involuione durantibus, juxta Moysi canticum, fame forsitan consumuntur, & eos aves morsu amarissimo devorabunt. Volens præterea mansuetissimus, pius, & clemens dominus noster papa Eugenius IV. sanctissimus discordiarum sordes, guerrarum commotiones, morum deformationes, hæresum introductiones, in suis & ecclesiæ filiis extirpare; cum Dei ecclesiam per viam, quæ Christus est, non adducant, sed sordibus Ie-

lerum prædictorum co inquinati existant, ac finis sui & Christi & ejus ecclesiæ minime recordentur: qui Christus nostrorum fons erit desideriorum, quem sine fine videbimus, sine fastidio amabimus, sine fatigatione laudabimus, Redemptoris nostri exemplo pedes & sordes lavare & mundare omnium præfatorum, suorum videlicet & ecclesiæ filiorum, quacumque injuria, justitia & rigore circa ea quæ in præteritum gesta sunt, in totum seclusis & rejectis, attento quod nullum magis, quam principem, ut dixi, clementia deceat; mittit istos patres meos & majores, & me ad R. P. V. ut cum eisdem tractent, ordinent, & concludant aliquam bonam & honestam pacis & concordie viam, ad laudem Dei & ejus sanctæ ecclesiæ Dei augmentum ac religionis Christianæ, suæ sanctitatis & vestrum omnium hic astantium honorem, quos in fratres & peculiares filios, ut semper habuit, vult habere, & juxta nobis traditas per sanctitatem suam informationes & instructiones, cum dulcedinis benedictione & caritate perfectissima generale concilium celebretur. Quis namque tam præcelsi patris innocentie tamquam devotus filius non assurgat, ut tot quot discordia mala generare consuevit, evitet, & dicat: *Benedictus qui venit in nomine Domini*? Veni ergo, sanctissime pater, libera, adjuva, protege & defende nos, quia a Domino factum est istud, & est mirabile in oculis nostris. Eja ergo, milites magnifici, sanctæque Romanæ ecclesiæ cardinales reverendissimi, ceterique prælati, sanctissimi Christi legati doctissimi, alique patres & domini \* optimi, induimini armis lucis, prout semper optastis & fecistis, ut dum tempus & lucem habetis, ac talem ac tam sanctissimum optimi desiderii patrem verumque pastorem, qui animam suam pro ovibus tibi commissis paratus est ponere, Christi Salvatoris nostri ac sui magistri doctrinam imitans, procuretur sanctæ Dei ecclesiæ matris nostræ consolatio, quæ quotidie clamat, & filios suos piorat, & lacrymæ ejus pendunt adhuc in maxillis ejus, nec nisi solius Dei restat eidem consolatio, & sanctissimi domini nostri & vestrarum reverendissimarum paternitatum, ut in diebus nostris non vituperetur ministerium nostrum, aut scandalum aliquod oriatur. Sed pro pace, unione & Christi fide amplius exhibeamus nosmetipsos sicut Dei ministros, in jejunis multis & orationibus, cum multa patientia & concordia ac etiam unitate, ut in extremi judicii die immunes a vitis reperiamur & in Dei caritate concordet, ut sic cum Domino Deo nostro, qui nos ex nihilo procreavit, qui est Rex regum, pacificus & mansuetus, cum mansuetudine atque clementia nobis nostrum papam recipientibus, sic benigne & cum clementia venientem, in æterna gloria recipiamur, quam omnibus concedat, qui sine fine vivit & regnat. Amen.

ANNO  
CHRISTI  
1433

\* al. ex  
mi

ANNO  
CHRISTII  
1433.

## PROPOSITIO (a) FACTA

Per dominum abbatem S. Mariæ de Moniacis alterum ambassiatorem domini nostri papæ Eugenii IV. in concilio Basileensi MCCCC. XXXIII.

th. p. 541.

at. com.  
muni.

**I**N nomine sanctæ & individue Trinitatis Patris & Filii & Spiritus sancti. Amen. Ecce nunc tempus acceptabile, ecce nunc dies salutis, nemini dantes ullam offensionem, ut non vituperetur ministerium nostrum. Recitata fuere hæc verba in epistola primæ Dominicæ hujus quadragesimæ ecclesiæ nostræ militantis. Reverendissimi cardinales, illustris dux, clarissimi antistites, varii ecclesiæ prælati, juris divini & humani doctores doctissimi, ceterique astantes plurimum eruditissimi, & in Christo fratres dilectissimi exigeret amplissimus cœtus vester in primo dicendorum alloquio; orationem ornate compositam & mature digestam, quæ cuiusque vestrum dignitatem, prudentiam, sapientiam, eloquentiam, atque alias venustates & dotes summas in medium adduceret, & rem ipsam piissimam, Deo gratissimam & hominibus salutiferam, de qua paulo post didurus sum peroraret. Sed tria sunt, patres reverendissimi, quæ me ut ad plausum eloquentiæ præterirem, & levi \* atque plano stylo agerem, non modo persuasero, sed vehementer impulerunt. Illud quidem in primis est, quod juvenilis mæx flos, non in hoc dicendi genere, sed in aliis scientiis, veritatem, pietatem, divinarum humanarumque rerum notitiam concernentibus fere consumsi; & Cicerone eloquentiæ flore & fluvio teste, uberrimo, nec imperatores, nec medici, nec denique oratores, quamvis artis præcepta perceperint, quicquam magna laude dignum sine usu & exercitatione consequi possunt. Silentium autem imperito eloquio omnes philosophi atque morales non immerito prætulerunt. Rursus quia apud personas vestras amplissimas propheticum oraculum illud adimpletum fore intueor: *Labia sacerdotis custodiunt sapientiam, & legem requirunt ex ore ejus.* Cum enim vos omnes, patres doctissimi, disciplina, scientia & eloquentia resurgentes videam, quid rem ipsam vestris amplissimis judiciis referendam verbis exornabo? quid apud vos doctissimos persuasionem atque rethoricæ artis lepore opus est, cum vos omnes magistris in hac re conspiciam? Quid namque a me aut expolitum ingenium, aut eloquentia lautum emanare poterit, quod vestris acutissimis ingentiis non videatur incultum atque perscibile? Amplius & tertio cum rem ipsam illico subiiciendam, veritatis nitore subnixam videam, ratus non sum eam ipsam verborum lenocinio indigere. Canon mihi testis locupletissimus est iniquiens, eum supervacuis laborare impendiis, Concilior. Supplem. Tom. IV.

(a) at. Oratio domini Nicolai abbatis S. Mariæ de Moniacis, apostolicæ cameræ auditoris, alias Siciliæ.

ANNO  
CHRISTII  
1433.

**A** qui solem certat facibus adjuvare, quoniam gratiæ plenitudo adjectione non indiget, nec ulla requirit commendationis argumenta. Divertam igitur, pace, omnium vestrum, ad illa, ob quæ ad hoc ornatissimum domicilium dulciter atque gratissime paternitates vestræ reverendissimæ se duxere conferendas, illius cunctorum opificis pollicitatione fretus, qui per vatem suum inquit: *Dilata or tuum, & ego adimplebo illud*; denique per alium: *Clama, ne cesser, exalta quasi tuba vocem tuam*, omnibus vere in Christo credentibus. Patres reverendissimi, admodum dissentio atque scandalum inter SS. in Christo patrem & dominum, dominum Eugenium divina providentia summum antistitem quartum, & congregationem vestram amplissimam, noviter subortum innotescit: quod ego ex antiqui hostis versutia suggestum & accensum esse non hæsito. Is enim in angelum lucis sæpenumero se transfigurat, & sub obtentu bonitatis, reformationis ecclesiæ atque pacis, scissuram, hæreses & scandala inter homines & præcipue prælatos reliquosque clericos, qui laicorum sunt oculi, suggerit, ut dispersis atque divisus clericis, illud psalmographi adimpleatur: *Obscurentur oculi eorum ne videant, & dorsa eorum semper incurva.* Habet enim ipse malignus hostis, ut bellissime inquit canon XVI. q. ii. *Visti. mille nocendi modos, nec ignoramus astutiam ejus.* Conatur namque a principio ruinæ suæ unitatem ecclesiæ rescindere, caritatem vulnerare, sanctorum operum dulcedinem invidiæ felle inficere, & omnibus modis humanum genus evertere & perturbare. Dolet enim satis & erubescit, caritatem, quam in cœlo nequivit habere, homines constantes ex lutea materia in terra tenere. Unde oportet quantum fragilitati nostræ conceditur, ut omnes aditus nocendi ejus versutia muniamus, ne mors ingrediatur portas nostras. Ecclesiæ reformationem omnes quærimus, sed cavendum ne, pro holor! nobis sic confistantibus, eam amplius deformemus. Quid enim scissura atque schismate eam magis decolorat, denigrat, deformat, atque prophanat, cum unica sit sponsa Christi, unici sponsi unici pastoris atque vicarii? An scissuræ ecclesiæ nefandissima mala ignoramus? ecclesiarum namque bona diripiuntur, vitia tolerantur, insolescant principes sæculi, & suis pontificibus rebelles efficiuntur; indevotiones surgunt, clerici conculcantur, unitas ecclesiæ confunditur, Deus offenditur & exacerbatur, & denique in hæreses homines labuntur, cum teste canone, vix sine hæresi schisma, consistit. XXIV. q. 3. *inter schisma.* Quamobrem cavere summopere debemus, patres optimi, ne quando laici in nos clericos insurgant, intuentes illud Hieronymi eulogium semel atque iterum per nos & ævo nostro verificatum existere; inquit enim, pro holor! in quadam sua epistola, & transumptive describitur in canone *Transferunt* XXIV. q. III. quod veteres scrutando historias, invenire non potuit, scidisse ecclesiæ & Do-

X x mi-



ANNO  
CHRISTI  
1433.

mini populos seduxisse, præter eos qui sacerdotes a deo positi erant. Ibi enim secundum eum vertuntur in laqueum tortuosum, in omnibus locis ponentes scandalum. Dare principibus & populis corporaliter colluctantibus pacem querimus, sed verendum est, si perrexerimus ut coepimus, ne non modo corpora, sed eorum animas ad confictum maximum exponamus. Hæreses ab his qui foris sunt extirpare conamur, sed annuat Deus pius & clemens, ne nobis hic dissidentibus, graviores & deteriores inter nos insurgant, & contemtibiles reddamur, non modo apud eos qui fidem nostram odiunt, sed etiam apud oves nobis commissas, quoniam secundum Gregorii eulogium, cuius vitam despiciunt, restat ut ejus prædicatio condemnatur. Erigite tandem, patres doctissimi, mentis oculos & considerate: Ecce enim fidei Christianæ inimicos in foribus, & dissidium non parvum in civitate nostra accensum. O Germania, verum germen & vera nobilitas, quæ tuis strenuis adibus ecclesiæ matri tuæ contra nefandissimum & inveteratum schisma pacem & unitatem in tuis finibus nuperime tribuisti, ex qua liquidem re gloriam non modicam in præsentem & mercedem maximam in futurum consequeris, patiensne eam ipsam matrem tuam tuis in eisdem finibus veluti canem ad vomitum & suum lotum ad volutabrum lati revolvit? Cavete quæso, patres optimi, ne concilia ista universalis, quæ in synodo Constantiensis principaliter ob schismata eliminanda institutionem habuere, scissuram nobis afferant, & sic antidotum convertatur in venenum, pastor in lupum, medicus in assassinum. At vestrum quispiam diceret: Nos ad pacem convenimus, & ecclesiam reformare cupimus. Eit qui uno verbo & dissidium tollere & pacem ecclesiæ & populo Christiano dare potest. Profecto etiam hoc veritate niteretur, non tamen profusus non infonses reddit, cum, teste canone in c. 11. de novi operis, ea quæ omitti & committi absque mortali peccato queunt, omitti & committi debent pro scandalo evitando, ac ea quæ petiti sumus non modo delictum, sed iustitiam, ut arbitramur, continent manifestam. Præterea, patres doctissimi, si gentilium leges suadent bono viro, ut potius de jure suo decedat, quam litibus judicialibus involvatur, hinc Apostolus: *Quare non magis fraudem patimini?* quanto magis pro scandalo in ecclesia Dei & populo Christiano vitando, de jure suo, si quod in hac re competit, cedere debetis? Hoc idem & amplius SS. dominus papa Eugenius agere censuit. Et ut clarius morbus ipse scandali pateat, quatenus celerius & facilius antidotum præparetur, radicem unde insurrexit attingam. Dixere namque paternitates vestre reverentissime dissolutionem, translationem, seu loci mutationem præsentis concilii per sanctissimum dominum nostrum Eugenium minime fieri potuisse de jure, eoque non obstantem, ad ulteriora procedendum solemner de crevistis, pluribus rationibus, argumentis & auctoritatibus moti utique non spernendis; quæ omnia etsi non insolubilia sue sanctitati, atque aliis viris prudentibus, ob hanc

causam in unum redactis viderentur; arramen non immerito vos omnes patres domus Dei zelo ductos restitisse arbitrata est. Ob quam liquidem causam nullas sententias contra principem iustas contemneres subinavit, sed more illius piissimi Salvatoris, cuius vires agit in terris, pietatis, benignitatis & clementia ad unionem, concordiam, & pacem revocare iugiter studuit, & novissime istis meis patribus reverendis & majoribus collegis & mihi indigno una ad hujusmodi rem electis & destinatis, tria sua iustitias vobis patribus amplissimis referenda injunxit: primo ut vestris reverendis paternitatibus caritative suis verbis salutatis, & apostolica ac sua benedictione munitis, suam in hac re iustitiam, ex qua resultat ejus innocentia, quam paucissimis verbis in medium adduceremus, non quidem disceptandi aut disputandi causa, tamen quia medius iudex deest, tam quia de jure suo etiam clarissimo non parum concedere pro scandalo evitando censuit atque firmiter decrevit: sed ne temere aut inconsulte Bononiæ concilium instituisse videatur, denique ne jura & potestates sedis apostolicæ contemni & compri conniventibus oculis patiatur, & quoniam ratio assignanda potest esse posteris profutura. Secundo ut suam clementiam, piam atque benignam animam & animi promptitudinem tam erga reformationem ecclesiæ, quam hæresum extirpationem, atque pacis inter Christianos procuracionem, apud paternitates vestras instructiones nostras referendo, adduceremus. Tertio, ut una vobiscum super universalis concilii celebrationem, instructionibus nostris servatis, conveniremus.

Primum igitur aggrediens, idem SS. dominus noster papa inquit, nullam profusus ex concilio Bononiensi institutione alicujus synodi aut summi pontificis constitutionem violasse. Quoniam licet duorum conciliorum, Constantiensis scilicet & Bononiensis institutione in septennium a fine dissolutionis synodi Senensis in hac ornatissima & peccundissima Banteanu urbe concilium generale fieri deberet. Attamen ex quo in termino communis consensu præfixo, scilicet post septennium, nec aliquibus mensibus postea fluxis, nemo de habentibus vocem consultivam & decisivam comparuit, videntur ipsi auctores ipsius concilii atque termini, contrario facto, ipsum eundem terminum revocasse, & saltem pro illa vice celebrare vellet decessisse. Nam quemadmodum eadem synodus poruisset communi consensu constitutionem illius capituli frequenter expresse revocasse, sicut expresse instituit, cum nihil sit tam naturale, quam ut unumquodque vinculum solvatur quod ligatum est. Ita potuit tacito consensu, saltem quoad illam vicem, constitutionem illam facto revocasse, cum facta potentiora sint verbis, & tacitum ab expresse regulariter non differt, secundum legitimas sanctiones. Et in hac sententia in pene similibus terminis consiliter videntur majores nostri juris interpretes in commentariis suis super capitulo *Cum nobis de Electionibus*. Inquirunt enim, quod si capitulum ecclesiæ pro electione futuri pon-

ANNO  
CHRISTI  
1433.

ANNO  
CHRISTI  
1433.

pontificis communi concordia coarctavit sibi terminum juris, novum terminum præigendo, quod licet minor pars compareat in termino, non potest aliis non comparentibus ad electionis actum non procedere: quoniam major pars capitularis non comparando in termino, videtur illum terminum tacite revocasse. Sed dicit quispiam, Finis septennii a die dissolutionis synodi Senensis, est principium celebrationis novi concilii, ita quod etiam post septennium possint prælati quomodocumque convenire pro conc. celebrando. Profecto etsi applaudere hæc consideratio videatur, non tamen necessariò concludit: nam ex ea sequeretur absurdum, quod quodcumque etiam per triennium post terminum, comparerent alii prælati etiam paucissimi, quod possent, aliorum contumacia accusata, procedere ad concilii celebrationem, & toti orbi legem dare: quo n'h'l absurdum; quoniam ex quo in termino minime comparuerunt, non potest aliquis eorum dici negligens, nec potest esse in facultate postea venientium aliorum accusare contumaciam. Opus est enim novam interpellationem per superiorem fiendam, ex quo in termino nemo comparuit. Non enim coguntur alii divinare aliorum adventum longe post terminum, nec etiam venire tenentur, cum tacite per non comparitionem in termino videantur terminum sustulisse, sicut in simili glo. ordinis nostri ti. III. l. *Celsis*, ff. de arbitris firmat; inquit enim quod si per me non stetit quominus in termino debito satisfacerem, opus est nova interpellatione, ad hoc ut in mora constituar. Ad idem quod notat, sentit Bildus in commentariis in l. 1. cap. de his qui pene. Præterea & secundo, præsupposito quod in termino post septennium aliqui comparuerint, & sine præjudicio veritatis, præsupposito quod concilium constituisse; atamen loci mutatio tunc temporis facta per eundem dominum Eugenium, expresse non comprehenditur in illa constitutione *Frequens*. Providet enim in duobus dumtaxat casibus. Primus, cum instat causa rationabilis mutandi locum concilii congregandi. Et in hoc casu præstatur papæ facultas ipsum locum mutandi cum consensu & subscriptione dominorum cardinalium aut duarum partium. Secundus casus est in electione loci subsequenti concilii, quæ debet fieri per summum pontificem, approbante & consentiente concilio, ante finem cujuslibet concilii. Casus autem noster est tertius ibidem non comprehensus, scilicet cum ex iustissima causa instat mutatio loci concilii jam principiatu seu congregati initiati. Cum ergo in isto casu non adimatur potestas papæ & cardinalium locum mutandi, iustissima causa suggerente; videtur tacite data potestas, quia casus omnis relinquitur dispositioni juris, ac papa Jesu Christi verus vicarius omnia potest, clave discretionis non errante. Unde, inquit commentarii juris canonici in capitulo *Quanto* de translati, quod papæ & Dei unum est consistorium. Itaque excepto peccato, potest papa quæ potest facere ipse. Deus. Quod nihil aliud est dicere, quam quod supra dixi, quod papa potest omnia,

Concilio. Supplem. Tom. IV.

A clave discretionis non errante, de quo in cap. 4. de Jurjurando; & in casu nostro suberant multe legitimæ causæ locum mutandi, ut in litteris inde confectis plenius continetur. Una tamen suberat, cui in pace responderi non potest, quia cum Dominus noster cuperet ecclesiam reformare universaliter, quia ab olim reformata non extitit, nec extra Italiam poterat se transferre propter notoriam corporis invaletudinem, debuit ad eum locum concilium convocare, quo personaliter cum sua curia posset interesse. Nam si propter casum obsessionis, guerrearum, pestis, aut similis casus, illa constitutio *Frequens* expresse permittit loci mutationem, fortius longe ex mente videtur B permittere papæ vicario Jesu Christi, qui est concilii caput; & debet esse auctoritas in ipsa reformatione propter corporalem agrotationem. Nec obstat, aliquorum motivum dicentium, quod sine papæ præsentia potest concilium celebrari, cum sæpenumero etiam in casu fidei, ejus legatis intervenientibus, concilia generalia celebrata & absoluta esse leguntur. Fateor quidem papam hoc posse aliis delegare, sed minime ad hoc arctari posse credendum est, cum sua interit, cui Christus oves pascendas commisit, ut ecclesia eo præsentem reformationem integram accipiat. Præterea & fortius, cum prælati licet paucissimi, in hac urbe, Basileensi congregati, in quadam sessione declaraverunt concilium istud fuisse congregatum inter cetera pro morum in capite & in membris reformatione; & sic intendunt procedere ad reformationem capituli, tenebatur ne papæ vicarius Jesu Christi ad rem tam arduam, & periculosam per procuratorem comparere, cum ad rem arduam explicandam, etiam privatæ personæ morbo impeditæ, non arctantur, ad procuratorem constituendum, ut habetur in legitimis sanctionibus? Cum ergo hæc reformatio legitime potuit fieri, prælati proficiscentibus ad suum pastorem & vicarium Jesu Christi, præsertim in loco tertio; non debuit illa loci mutatio contemni, violari, nec damnari. Ad hoc quod in simili scribunt doctores in capite *Bone* 11. de postulatione prælatorum, iniquentes, quod si canonici aliqui excitati, sine eorum culpa nequeunt propter metum tyranni, ad ecclesiam redire pro negotiis ecclesiæ explicandis, debent consistentes in ecclesia ire ad illos excitatos, ex quo commodius negotia ecclesiæ extra eam expediri possunt. Sed dicit fortassis aliquis: licet constitutio illa *Frequens* expresse non providet per quem debeat locus mutari concilii actualiter congregati, satis tamen potest ex mente colligi. Nam si locus concilii subsequenti debet eligi & deputari per papam, debet requiri consensus concilii actualiter congregati, in mutatione loci ipsius concilii, cum magis possit inquietari ipsum concilium in mutatione loci, data congregatione, quam in electione loci concilii subsequenti. Ad hoc potest dupliciter responderi; primo, quod ista consideratio procederet, ubi congregatio prælatorum fuisset sufficienter facta: sed cum in casu nostro paucissimi præ-

ANNO  
CHRISTI  
1433.

X x 2

lati



ANNO  
CHRISTI  
1433.

lati convenissent, saltem de habentibus vocem consultivam & decisivam, rationi magis convenit & auctoritati, ut magis concludatur iste tertius casus sub primo quam sub secundo, ut sufficiat habuisse consensum & subscriptionem dominorum cardinalium, vel majoris partis; præsertim cum ipsi domini cardinales, computatis episcopis, presbyteris & diaconibus, essent numero plures, & majoris auctoritatis, quam illi paucissimi prælati, qui erant congregati in hac urbe Basileæ tempore mutationis loci. Amplius cum casus iste esset dubitabilis, standum erat declarationi summi pontificis & ipsorum dominorum cardinalium. Nam auctoritate divina & canonica dubia quantumcumque arduissima & obscura, ipse dominus papa cum suorum dominorum cardinalium consilio vel assensu declarare habet, ut habetur in eo libello qui Deuteronomium intulatur, & declarative bellissime continetur in cap. *per venerabilem*. qui filii sunt legitimi. Item & secundo principaliter responderi potest, quod ex causa rationabili ac aliis nota, potest papa expresse venire contra constitutionem concilii etiam universalis, statum ecclesiæ concernentem, ut notanter sentit Innocentius & omnes scribentes post eum in cap. IV. de consecratione, & Gloss. ord. in cap. *Ubi periculum* de elect. lib. VI. quæ dicit papam posse de plenitudine potestatis prorsus tollere constitutionem concilii, licet de honestate non debet absque convocatione concilii hoc facere. Et idem sentit Gloss. præterquam in articulis fidei in c. *Sicut* XV. d. Et in hoc casu, causa rationabilis sussistente, indistincte possunt jura intelligi, quod papa de necessitate non subicitur conciliis; immo ejus auctoritas intelligitur excepta, ut in c. *Significasti*. de elect. & XXV. q. I. in c. *Ex his*. Nec obstat si dicatur illud verum, ubi concilium expresse non præfigit legem papæ, quia, ut dictum est, ex quo subest causa rationabilis, ejus potestas est excepta, cum teneat locum Dei in terris. Præterea etiam illa constitutio *Frequens* concernat universalem statum ecclesiæ, quoad celebrationem conciliorum, ut colligitur ex ejus principio; non tamen quoad loci destinationem vel mutationem, cum in quolibet loco congruo possit ecclesia reformari, nec ex mutatione loci, est causa notoria facta per vicarium Jesu Christi. Perturbatur autem & decoloratur ecclesia, præsertim cum mutatio loci fieret ad liberiores \* reformationem consequendam per applicationem membrorum ad caput.

\* al. uberiorem

Ultimo idem SS. dominus noster allegat aliam causam, cui in pace responderi non potest, etiam præsupponendo, sine veritatis præjudicio, quod locus etiam, ex causa motuari non possit sine consensu concilii actualiter congregati. Attamen cum causæ subsint mutandi in præcedentibus deductæ, paratus est in mutatione loci omnium vestrum habere consensum, ut supra prælibatus sum. Hæc dicitur non disputationis causa, sed ut elucescat ejus innocentia, quatenus morderi aut notari a quocumque alio sentiente non valeat. Et hæc brevissime quoad primum. Protesta-

tur tamen idem SS. dominus noster, quod exposcentibus causa & tempore, per verba longe ampliora cum pluribus auctoritatibus atque rationibus justitiam atque potestatem suam ostendet, motivis vestris amplissimis alias ejusdem sanctitatis oratoribus factis, specialiter & seriose respondendo, & hoc quoad primum nobis specialiter commissum.

Ad secundum condescendens. Idem dominus noster papa paratus est præsentiarum pro scandalo evitando suam justitiam negligere, & in hac re pietatem, clementiam & benignitatem imitari. Et quamquam plurimas instructiones reverendis patribus virisque in hac parte majoribus, collegis & mihi una contulerit, successive diversis temporibus paternitatibus vestris explicandas: attamen ut vobis reverendissimis patribus morem geramus, qui tantopere summa cum instantia nos omnes exoratos fecistis, ut pro scandalo evitando omnes simul illas referamus, libenter annuimus, ut etiam clare comprehendatis nulla versutia, nulla duplicitate, nullaque dilatione in hac re nos velle uti. Prima siquidem instructio est, quod cum alias ex causis jam dictis SS. dominus noster civitatem Bononiensem elegerit, nec hæcenus ejus voto satisfacere curavisset, iterum atque iterum paternis & efficacibus precibus quibus potest deprecatur, obsecrat, & exorat, ut illam civitatem Bononiensem pro celebratione concilii acceptare velitis, cum suæ sanctitati & reformationi ecclesiæ vestrisque commoditatibus congruere plurimum arbitretur. Est enim illa civitas de dominio ecclesiæ, spaciola, decora, & scientiarum, alumnæ, & in ea longe securius, quam in terra aliena poteritis moram trahere, & paratum se reddet idem dominus noster ad ponendum urbem ipsam cum suo comitatu & fortalicis in eo existentibus in manibus conc. durante toto tempore conc. Item paratum se offert remittere & annullare, si quid per eum contra vos aut vestrum quemlibet occasione istius concilii attentasset seu decrevisset, & quod eadem congregatio vestra amplissima faciet ut annullet atque irritet, si quid in præjudicium & dedecus sedis apostolicæ fuisset attentatum sub nomine concilii in hac vestra congregatione. Tercio, si Bohemi ad illam urbem Bononiensem se transferre non vellent, contentus exitit ut contineretur hic concilium, quatenus concernet Rhoemorum reductionem ad fidem catholicam, & ad procuracionem pacis in populo Christiano: ira ut ad hæc explicanda certus terminus præfigatur, ut eo elapso possit intendi citius ad ecclesiæ reformationem. Secunda instructio, quod si votis justissimis suæ sanctitatis in hac parte acquiescere non velletis, contenta est sua sanctitas \*, ut alium locum in regione Italica congruum & non suspectum una nobiscum eligatis, & in eo servatis prædictis in prima instructione, videlicet super revocatione attentatorum & reductione Bohemorum, ex nunc fundetur concilium generale, seu istud ibidem continuari intelligatur. Tertia instructio, quod si malis ingravescentibus, non vellent paternitates vestre suo desiderio acquiescere, ut sic præsentiam suam concilio exhibere valeat, parata est sua

ANNO  
CHRISTI  
1433.

\* al. velle  
tis con  
tare suam  
sanctita  
tem.

ANNO  
CHRISTI  
1433.

sua sanctitas, ad omne scandalum tollendum, ut res ista, cum iusta postulet, committatur arbitrio XII. prælatorum hic existentium, neutri parti suspectorum, ac ambasiatorum, electorum imperii, & oratoribus, regum, ducum & principum hic existentibus; & si declaraverint petitionem suam supra factam esse iustam, fiat concilium in Dei nomine in Italia cum modis factis. Si autem declaraverint utilis fore Christianitati, ut fiat in Almannia, quod in Dei nomine horum arbitrium observetur, cum modis tamen & conditionibus in sequenti instructione reservandis. Quarta & ultima instructio, quod si nullis precibus atque persuasionibus ad prædicta induci potestis, contulit nobis facultatem, ut pro omni scandalo evitando eligamus una vobiscum locum in Almannia propinquum vel remotum huic urbi Basileensi, ubi generale concilium continuari intelligatur quoad reformationem ecclesiæ ibidem fiendam. His tamen modis adiectis, ut in hac urbe Basileensi, quam semper dilexit & diligit, firmetur concilium & continuetur, quoad Bohemorum reductionem, ac etiam si videbitur paternitatibus vestris, quoad pacem in populo Christiano procurandam. Sed ex certis causis iuste sue sanctitatis animum moventibus, reformationem ecclesiæ vult differre ad locum per vos & nos communiter eligendum. Item, quod hinc inde fiat attentatorum revocatio, prout supra in prima instructione prælibatum est. Tertio, quod in reformatione ecclesiæ fienda non extendantur manus ad ardua, nisi data in concilio præsentia saltem LXXV. prælatorum, intelligendo tantum de patriarchis, archiepiscopis cum episcopis: quoniam cum ab olim ecclesiæ non fuit generaliter reformata, conveniens est, quod tanta res in arduis saltem, cum forte sine scandalo ordinari non possit, non ordinetur sine numeri prælatorum præsentia & assistentia. Quarto, ut ex parte sue sanctitatis & concilii interea fiat prælatorum nova convocatio \*, ut infra certum terminum, ad dictam concilium generaliter convenire debeant. Interea tamen poterit procedi in hac urbe Basileensi in causis prædictis. Et hæc sunt omnia, patres reverendissimi, quæ in instructionibus nostris continentur. Ad quas tamen me refero, si quis modus qualificativus per me fuisset omisus, vel aliter relatus, quam ibidem continetur: quarum omnium copiam vestris paternitatibus libenter offerimus.

Poistremo veniens ad tertium, paratos se reddunt hi R. P. atque collegæ majores & ego una ad conveniendum de loco pro concilii celebratione, servatis instructionibus nobis traditis, supra referatis, obnixæ atque ex corde maximo paternitates vestras amplissimas exorantes, obsecrantes, deprecantes, quatenus aliquam ex prædictis instructionibus summa cum pace acceptare velitis, ut omne scandalum cesset, reassumendo verba thematis propositi, *Eccē nunc tempus acceptabile*, &c. dies profecto ista salutis est salus, quæ hodie illuxit, cum pro prædictorum refectione, in manibus habeatis potestatem necis & vitæ, pacis &

A discordiæ, unionis & scissuræ. Nam omni occasione submota, omni figmento excluso, libere poterunt paternitates vestræ ecclesiæ Dei dare pacem, quietem, & morum integerrimam reformationem, nec impedimento erit loci mutatio, cum illico possitis capere locum satis propinquum, merito dictum est in themate, *Eccē nunc tempus acceptabile*. Et si hæc feceritis, nulli præstabitis offensionem aliquam. \* Si autem contrarium decieveritis, quod absit, profecto vituperabitur ministerium vestrum. Non enim sine maximo totius cleri opprobrio totiens de patatu contendere, non utique sine ratione ministerii vestri, oves insurgunt in pastorem suum, & maxime clerici, qui laicorum oculi sunt, & ut inquit Hieronymus, qualis erit edificatio discipuli, si magistro intelligat se esse majorem? & subjicit: hoc ecclesiam Dei vehementer confundit laicos meliores quam clericos esse, VIII. q. 1. *qualis*. Et iterum obsecro cum eodem apostolo capite præallegato, ne in vacuum istam Dei gratiam, quæ hodie per nos offertur, recipiatis. *Aut enim, tempore accepto exaudivite*. Et si hoc egeritis, patres optimi, non habito quoniam honorem, & benedictionem in hoc sæculo consequimini, & mercedem maximam in futuro, quam omnibus hic existentibus, & mihi una concedere ille dignetur, qui non dubitavit pro suis & amicis nedam omnia discrimina subire, sed morti ultraneum se offerre, qui vivit & regnat per infinita sæcula sæculorum. Amen.

ANNO  
CHRISTI  
1433.\* al. præ-  
stabitur  
ulla offen-  
sio

## EPISTOLA EUGENII PAPÆ IV.

*Venerabilibus fratribus ac dilectis filiis  
universis & singulis tam ecclesiasticis  
quam secularibus personis  
in civitate Basiliensi con-  
gregatis.*

Lesâ die sabbati VII. Martii MCCC-  
XXXIII. cum aliis quatuor se-  
quentibus bullis.

*Mittit ad concilium novos nuncios, quibus  
fidem adhiberi petit.*

Eugenius episcopus servus servorum Dei <sup>lib. p. 551.</sup>  
venerabilibus fratribus, ac dilectis filiis  
universis & singulis, tam ecclesiasticis quam  
secularibus personis, in civitate Basiliensi  
congregatis S. & A. B.

Dilectum filium magistrum Johannem de  
Mella decretorum doctorem notarum, ac  
venerabilem fratrem Christophorum episco-  
pum Cerviensem referendarios nostros, ac  
dilectos filios nostros Ludovicum S. Justine  
Paduanæ, & Nicolaum S. Mariæ de Monia-  
cis, Montis regalis diocesis, generalem cura-  
riæ Romanæ auditorem, monasteriorum ab-  
bates, viros liquidem comprobatæ pruden-  
tiæ, de nostra mente plene & fideliter in-  
formatos, de venerabilium fratrum nostro-  
rum S. R. E. cardinalium consilio, nuncios  
& oratores nostros ad vos destinamus, volun-



ANNO  
CHRISTI  
1433.

XXXIII.

luntatem nostram ad pacem & quietem ecclesie & fidelium conservandam religiose & sincere dispositam declaratueros. Velitis iraque prefatis oratoribus in his, quæ nostro nomine vobis explicabunt, fidem induciam adhibere. Datum Romæ apud S. Petrum, anno incarnationis Domini MCCC. XXXII. \* nonas Januarii, pontificatus, nostri anno II.

Ja. Branchacius.

### EUGENII PAPÆ IV. MEMORIALE

*Datum fuit ad concilium Basileense oratoribus.*

1b. p. 151.

**E**ugenius episcopus servus servorum Dei Dilecto filio magistro Johanni de Mella decretorum doctore notario, ac venerabili fratri Christophoro episcopo Cervienſi referendario, nec non dilectis filiis Ludovico S. Justine Paduanæ & Nicolao S. Mariæ de Moniacis Montis regalis diocesis monasteriorum abbatibus, oratoribus, & nunciis nostris S. & A. B.

1. Inter omnes curas pastoralis officii illa precipue nobis existit, quæ extirpationi dissensionum & scandalorum, & reformationi morum, & animarum salutem quantum ex alto conceditur, salubriter intendimus. Cum itaque de consilio venerabilium fratrum nostrorum S. R. E. cardinalium decreverimus sacrum concilium celebrare in civitate nostra Bononiensi, & ibi pro reformandis moribus & aliis ordinandis, quæ sunt ad pacem principum Christianorum, præsertim Italiæ, quæ gravibus bellorum turbinationibus conquassata, & pene prostrata jacere conspicitur; nec non & Dei gloriam & utilitatem universalis ecclesiæ præsentialiter interesse cum omnibus & singulis prælatis Basileæ congregatis, seu etiam forsitan congregandis, & cum ipsa congregatione, modo & forma infra scriptis, per nos convenire decreverimus; primo instabit rationibus & persuasionibus, quibus melius poteritis & scietis, ut prædicti prælati de Basileæ ad civitatem Bononiæ prædictam realiter & cum effectu se conferant, pro generali concilio, ut præmittitur, celebrando.

2. Item declarabitis nostræ intentionis esse, quod dictum concilium Bononiæ celebrandum, sit idem per omnia cum concilio quod Basileæ erat celebrandum, ut sic sit sola loci mutatio, non concilii, licet in litteris nostris super dissolutione dicti Basileensis concilii, aliquibus forsitan aliter contineri videatur: ita tamen quod omnia & singula per dictos prælatos seu congregationem in dicta civitate Basileæ a prima præsentia sessione attentata, seu in futurum forsitan attentanda, per eos penitus revocentur, & in statum in quo erant ante dictam assertam sessionem, per omnia reducantur, cum & nos in eventum dictæ revocationis intendamus omnia & singula, si qua forsitan per nos attentata esse contingeret, in statum pristinum reducere, & sic ea per nos

revocari posse, & pro infectis haberi decernimus, ut sic abolitis veteribus nova sint omnia, & sic in unionem capitis & membrorum, uno spiritu, una mente, cum benevolentia & caritate ad ea quæ Dei gloriam, salutem populi Christiani, & universalis ecclesiæ reformationem concernunt, salubriter procedatur, & ad hoc offeretis dictam civitatem Bononiensem cum toto suo comitatu, & omnia & singula castra & fortalitia in eo existentia, ita quod ponantur libere in manibus dicti concilii tenenda & custodienda, quamdiu dictum concilium durare contigerit, cum omnibus expensis, quæ pro custodia dictæ civitatis, castrorum & fortalitorum hæcenus solvi consueverunt.

3. Insuper ceteris saluum conductum omnibus & singulis, cujuscumque gradus, status & conditionis existant, etiam si S. R. E. cardinales, ad dictum concilium Bononiense venire volentibus, in ea forma & omnibus clausulis opportunis, aut de quibus eis melius videbitur & placebit. Quod si contingeret dictam congregationem sanctæ ordinationi prædictæ non acquiescere, allegantes forsitan reductionem Bohemorum in Bohemia fieri non posse, contentamur quod requisitis ipsis Bohemis, si non acquieverint venire Bononiam, aut melius maluerint in Basileæ esse, quod revocatis attentatis, ut supra præmittitur, prosequi possitis concilium in Basileæ, quoad reductionem Bohemorum dumtaxat; qui tractatus reductionis expediri debeat infra quatuor mensium spacium, a die requisitionis eorumdem, & plus vel minus, ut melius facere poteritis; & quanto minori spatio terminum statueritis, tanto magis contentamur, ut ad majora & utiliora, pro utilitate & commodo universalis ecclesiæ, & exaltatione fidei Christianæ, quantocius cum dicto generali concilio personaliter, ut præmittitur, insistere valeamus. Contentamur etiam, quod dicto concilio generali, si pro reductione Bohemorum, ut præmittitur, celebrari contigerit, quod cardinalis S. Angeli nomine nostro ibi præsit. Et si interim ipse cardinalis cum ipso concilio voluerint tractare de aliqua pace inter principes Christianos, contentamur quod oratores auctoritate nostra & sacri concilii possint mittere ad tractandum de illa; vel si id maluerint, eadem auctoritate possint requirere reges, principes, barones, & communitates, qui invicem haberent guerram seu dissensionem aliquam, ut pro pace tractanda inter eos, oratores suos & nuncios cum pleno mandato ad ipsum concilium debeant destinare. Volumus tamen quod propter huiusmodi pacis tractatum, lapso termino infra quem de reductione Bohemorum debet tractari, aut si infra terminum per vos, ut præmittitur, assignandum, fuerit tractatum, & super eorum reductione, conclusum, non differant ipsi prælati Basileæ existentes, ad dictam civitatem Bononiæ se transferre, ubi ipsum concilium, ut præmissum est, erit perficiendum.

4. Quod si forte, peccatis exigentibus contingeret eos non acquiescere, quod ipsum concilium Bononiæ celebretur, contentamur de alia quacumque civitate Italiæ, ubi comode

ANNO  
CHRISTI  
1433.

ANNO  
CHRISTI  
1433.

mode interesse possimus, præter quam de terris duci Mediolani subjectis: omnibus tamen & singulis, quæ de revocatione attentatorum, tractatu reductionis Bohemorum, & pacis Christianorum, cum modis & terminis supradictis, quæ supra narrata sunt, per omnia observatis; super quibus omnibus & singulis supra præmissis, auctoritate apostolica, juxta tenorem commissionis in litteris nostris sub data XVIII. calendas Januarii contentæ, plenam & liberam concedimus facultatem. Datum Romæ apud sanctum Petrum, anno Incarnationis dominicæ MCC. CCXXXII. decimo nono calendas Januarii, pontificatus nostri anno II.

L. de Orto.

## SEQUITUR FACULTAS DATA

Per dominum nostrum papam

Suis oratoribus missis Basileæ.

Eugenius episcopus servus servorum Dei, dilecto filio magistro Johanni de Mella, &c. Nulla major cura, &c. Exstat apud Raynaldum ad an. 1432. n. 19.

## ALIA FACULTAS.

p. 554. **E**ugenius episcopus servus servorum Dei, dilecto filio magistro Johanni de Mella decretorum doctori notario, ac venerabili fratri Christophoro episcopo Cervienti referendario, nec non dilectis filiis Ludovico S. Justiniæ Paduanæ, & Nicolao S. Mariæ de Moniacis, Montis regalis diocesis monasteriorum abbatibus, oratoribus & nunciis nostris S. & A. B.

Sedis apostolicæ circumspecta clementia, nonnumquam ad obviandum scandalis & dissensionibus, quæ versimiliter oriri possent, ampliora concedit, prout & ipsas dissensiones & scandala præcavenda viderit salubriter expedire. Licet itaque super reducendis prælatis in Basilea congregatis, & in futurum forsitan congregandis, ac cum eis nostro nomine conveniendi in vinculo pacis & unitatis caritate, ad ea quæ honorem Dei, reformationem morum, & fidei catholice exaltationem concernunt, ampliam vobis dederimus facultatem, prout in instructionibus in litteris nostris sub data XIX. calendas Januarii plenius continetur. Verumtamen infirmitati, quæ quandoque unico remedio non sanatur, more pii patris compatiennes, ne forsitan, omisso validiori remedio, in incurabilem morbum deveniat, decrevimus ampliori cura & diligentia, si opus fuerit, subvenire. Si igitur ingravescentibus malis contingeret, quod prædicti prælati non acquiescerent, quod in partibus Italiæ, prout in dictis instructionibus præmittitur, concilium celebraretur, quamvis incongruum & a SS. patrum, orthodoxorumque Christianorum mo-

ribus alienum esse videatur, ut quis mortalius ejus, qui pro Deo & ab ipso Deo unico Domino nostro Jesu Christo sui vice in terris est institutus, de voluntate, dispositione, seu judicio audeat, quomodolibet disceptare; sed magis expediat cuicumque ex populo Christiano, quovis præfulgeat gradu, alidere suos cogitatus ad petram, super quam solam ipse Dominus noster Jesus Christus protestatus est ecclesiæ ædificia velle ponere, quæ sunt ejus vicarii ordinationes, dispositiones & jura præcepta. Nihilominus exemplo ipsius Domini nostri Jesu Christi, qui in sua gravi passione non designatus est hominibus etiam peccatoribus se submittere, contentamur quod in quantum ipsi prælati instarent, ut concilium omnino in Almania celebraretur, duodecim ex prælatis ibi pro tempore congregatis, exclusis illis, si qui ecclesiis sibi commissis in ducis Mediolani territoriis seu dominis haberent, & aliis, si qui merito alteri partium viderentur suspecti, electores imperii, ambasciatores regum, ducum & principum, qui videlicet fuerint præsentis, prius præstito juramento coram vobis oratoribus nostris, quod non odio, aut timore, vel furore alicujus viventis, sed solum pro eorum pura conscientia judicabunt, quid melius, quid utilius, quidve magis expediens sit pro reformatione universalis ecclesiæ, reductione hæreticorum

**B** **C** pace & concordia in populo Christiano obtinenda, ac ejusdem populi Christiani ab infidelibus in orientalibus partibus pene consumti, subsidio procurando, quod concilium celebraretur in Italia, ubi nos personaliter cum omnibus venerabilibus fratribus nostris S. R. E. cardinalibus & tota Romana curia, ac prælatorum & sapientum virorum multitudine copiosa, interesse possimus, aut quod absque præsentia nostra & aliorum, ut præmittitur, in Almania fiat; & quicquid per eorum majorem partem fuerit declaratum seu judicatum, observetur, dicta civitate Basilea ex nonnullis rationabilibus & honestis causis semper excepta & exclusa, & cum moderationibus infra scriptis. Primo, quod ipsa declaratione loci concilii continuandi seu celebrandi, omnia & singula attentata a præsentia sessione in dicta civitate Basileæ habita, usque in diem declarationis prædictæ, per omnia revocentur & annullentur, & pro infectis habeantur. Et similiter si qua per vos attentata esse contingeret, per vos valeant revocari. Item, quod locus ubi concilium fuerit transferendum, non sit immediate subiectus alicui speciali domino temporali, sed per communitatem dicti loci regatur & gubernetur. Si tamen dominus ille temporalis veller realiter & cum effectu ipsum locum libere tenere in manibus concilii, contentamur quod etiam in ipso loco celebraretur. Item, quod dominus, rectores, officiales, & communitas loci declarandi, obligent se sufficienter ad tutelam, favorem, & libertatem dicti concilii, & salvos conductus, quotiens opus fuerit, & fuerint requisiti, facient in forma plena & sufficienti. Item, quod custodia concilii & omnium in eo existentium, detur sub potestate electorum imperii, qui commo-

ANNO  
CHRISTI  
1433.



ANNO  
CHRISTI  
1433.

mode ad hoc interesse possint: ita quod unus de archiepiscopis, & unus de principibus prædictis electoribus, actualem custodiam habeant. Item, quod nulla determinatio in arduis fiet, nisi fuerint præsentibus inter patriarchas archiepiscopos & episcopos septuaginta quinque. Item quod deputentur præfidentes ad nutum & placitum nostrum, & concilium celebretur auctoritate nostra, ac prout juris est, omnia & singula auctoritate nostra & ipsius concilii terminentur. Item, quod antequam fiet aliqua sessio, deputetur congruus terminus, infra quem prælati iterum nostra & dicti concilii auctoritate vocati, possint venire in his omnibus & singulis supra contentis, cum dictis prælatibus & congregatione Basileensi & aliis cum quibus opus fuerit, tractandi, ordinandi & concludendi auctoritate apostolica, juxta tenorem commissionis in litteris nostris sub data XVIII. calendis januarii contentæ, plenam & liberam concedimus facultatem. Datum Romæ apud S. Petrum anno incarnationis Dominicæ MCCCCXXXIII. XV. cal. febr. pontificatus nostri anno II.

#### ALIA FACULTAS

1b. p. 156.

**E**ugenius episcopus servus servorum Dei dilecto filio magistro Johanni de Mella decretorum doctori notario, ac venerabili fratri Christophoro episcopo Cerviensis refectorio, nec non dilectis filiis Ludovico S. Justine Paduanæ, & Nicolao S. Mariæ de Moniacis Montis regalis diocesis monasteriorum abbatibus, oratoribus & nunciis nostris S. & A. B.

Romani pontificis circumspectioni convenit, nullum officii genus prætermittere, quo percutienti gregi dominico consulari & subveniat, sed veluti verus vicarius Jesu Christi, qui pro nostra redemptione in ara crucis seipsum hostiam obtulit Deo patri, omni studio, industria, labore, periculis animarum compati ac illis salubriter providere.

Quamvis igitur pro tollenda omnium scandalorum & dissensionum materia, quæ aliquo modo evenire possit, pene caput nostrum aliorum voluntati subjecerimus, adhuc majori humilitate ipsum Dominum nostrum Jesum Christum sequentes, ac voluntatem nostram pro animarum lucro & salute immolantes, decrevimus periculis, quæ ex morbo forsitan, quod absit, ad extrema perducto evenire possent, salubriter obviare. Si igitur prælati seu congregatio Basileæ pro tempore existentes, ad extrema pervenerint, quod tamen in mentibus bonorum hominum cadere non potest, quod nullo modo velint compromissum in duodecim præfatis electoribus & ambasciatoribus regum, & ducum, principum, eo modo & forma, de quibus in litteris nostris sub data XV. cal. februarii plenius continetur, permitimus & contentamur, quod alius locus in Almania, præter Basileam, pro concilio celebrando & perficiendo per vos deputetur, omnibus tamen & singulis, quæ de revocatione attentatorum, conditione loci,

custodia, favore, libertate, numero prælatorum, deputationum & præfidentium vocatione, ac terminis statuendis & aliis, prout de verbo ad verbum in dictis litteris nostris sub data prædicta XV. calendis febr. distincte continetur, observatis. Datum Romæ apud S. Petrum an. incarnat. Dominicæ MCCCCXXXIII. calendis febr. Pontificatus nostri anno II.

*Hæc copia oblata fuit carissimo patri domino cardinali & legato in congregatione per magistrum Cornelium de Planqua, nomine dominorum oratorum domini papæ MCCCCXXXIII. die X. Martii.*

#### RESPONSIO FACTA

*Oratoribus papæ per promotores concilii & nomine ipsorum promotorum.*

**C**um sicut secundum Gregorium, laudabile discretumque est reverentiam & honorem exhibere prioribus: ita reſtitutionis & Dei timoris est, si qua in eis indigent correctione, nulla dissimulatione postponere, ne totum, quod absit, corpus morbus invadat, si languor non fuerit curatus in capite.

Sacroſancta generalis synodus Basileensis ad extirpationem hæresis, reformationem ecclesiæ in capite & in membris, pacemque in populo Christiano procurandam, in Spiritu sancto a quo regitur, auctoritate factorum generalium conciliorum Constantiensis & Senensis, nec non & felicis recordationis dominorum Martini papæ V. & Eugenii IV. Romanorum pontificum legitime congregata, considerans dictum dominum Eugenium ex nonnullis per eum causis prætenſis, licet, honore suæ sanctitatis salvo, non bene, dissolutionem ipsius sacre synodi Basileensis, in impedimentum & turbationem bonorum prædictorum, propter quæ ipsa sacra synodus est congregata, ecclesiæque & populi Christiani scandalum gravissimum de facto, cum de jure non posset, attentasse; ipsum dominum Eugenium per suos oratores cum omni honore & reverentia, quatenus dictam dissolutionem prætenſam publice & expresse revocaret, ac ipsi sacre synodo in cooperatione bonorum prædictorum adhereret, sicut incumbenti sibi apolitatus officio facere tenebatur, supplicari, precari, exhortari, ac moneri fecit; sed ipse etiam per serenissimum regem Romanorum & plures alios reges, & principes Christianitatis super his supplicatus, requisitus & exhortatus, præmissis obtemperare recusavit, & quicquid adversus ipsam sacram synodum, ut impediretur, & dissolveretur, apud reges & principes, & prælatos & alios eidem sacre synodo adherentes, facere potuit, fecit; non considerans, quod ex quo ipsa sacra synodus pro causis fidei & reformationis ecclesiæ in capite & in membris faciendæ, erat, & est legitime congregata, potestatem recepit & habet immediate a Christo, cui ipse, & quilibet alius Romanus

1b. p. 5.

nus pontifex in præmissis subjicitur, & obedire tenetur, sicut in decreto sacri generalis concilii Constantiensis alias fuit declaratum & definitum. Et cum ipsa sacra synodus tantis malis & scandalis occurrere cupierit, ac cum eo cum mansuetudine, ob reverentiam sedis apostolicæ, procedere intendens, accusata ejus super præmissis contumacia, ad declarationem ipsius contumaciæ procedere distulisset, & eum ad faciendum debitum super præmissis diutius expectasset, contra eumque postmodum in virtute altissimi, prout iustitia suaderet, procedere disposuisset; tandem ad requisitionem nonnullorum regum, & principum, & electorum imperii, ipsa sacra synodus eidem domino Eugenio terminum XL. dierum, ad revocandum publice & expresse dictam dissolutionem præsentam, & adherendum ipsi sacra synodo in operatione tantorum bonorum, pure & simpliciter, ac realiter & cum effectu, peremptorie assignavit. Cum autem dominus Eugenius dicto decreto non satisfecisset, sed ad magis impediendum executionem bonorum, propter quæ ipsa sacra synodus fuit, & est in Spiritu sancto legitime congregata, Basileam miserit oratores suos, qui in congregatione generali ipsius sacra synodi, suam ex parte domini Eugenii, ad ostendendum bonam intentionem ejus, ut dicebant, fundandumque per allegationes juris, quod dictam ipsius synodi dissolutionem facere potuit, per orationem fecerunt, & cum hoc quatuor literas bullatas ex parte ipsius domini Eugenii in dicta congregatione generali in medium obtulerunt, petentes & requirentes, quatenus reverendissimi patres in ipsa congregatione existentes, contentis tam in dicta peroratione, quam in litteris per eos, ut præmittitur, oblatis, annuere vellent. Quibus attentis, nos promotores agendorum in hoc sacro concilio Basileensi, considerantes dictum dominum Eugenium litteras suas huic sacro concilio non direxisse sub nomine concilii, & per hoc quod ipsi concilio non adhereret, ostendere; quod allegata per oratores suos contra dictum concilium multos maxime pusillanimes decipere possent, contra facti & etiam juris divini pariter & humani veritatem, si veritas ipsa ex adverso non manifestaretur, præmissis contra concilium per dictos oratores domini Eugenii propositis & allegatis duximus respondendum, ut sequitur.

Et primo, ad illud quod papa non habet judicem in terris, ut dixit primus proponens, & visus est confirmare secundus, cum dixit quod in casu, de quo loquimur, medius iudex deest; respondetur, quod, salva reverentia dicentium, ita generaliter & indistincte dictum huiusmodi non potest sustineri, quia decreta sacri Constantiensis concilii, quibus omnino standum est, contrarium determinant in eo quod primo declarant, quod S. synodus in Spiritu sancto legitime congregata generale concilium faciens, & ecclesiam catholicam repræsentans, potestatem a Christo immediate habet, cui quilibet, cuiuscumque status vel dignitatis etiam papalis existat, obedire tenetur, in his, quæ per-

continent ad fidem, & ad extirpationem schismatis, ac reformationem ecclesiæ in capite & in membris. Ex quo manifeste sequitur, quod papa habet in dictis casibus superiorem in terris, scilicet sacrum concilium generale, cui obedire tenetur. Hoc etiam magis demonstratur per aliud decretum ejusdem concilii, ubi decernitur, quod quicumque, cuiuscumque conditionis, status, dignitatis, etiam papalis existat, qui mandatis, statutis, seu ordinationibus aut præceptis ipsius sacra synodi, aut cuiuscumque alterius concilii generalis legitime congregati, super præmissis, seu ad ea pertinentibus, factis vel faciendis, obedire contumaciter contemnerit, nisi resipuerit, condignæ poenitentia subijciatur, & debite puniatur, etiam ad alia juris subsidia, si opus fuerit, recurrendo. Ex quo sequitur manifeste, quod papa habet saltem in casibus prædictis iudicem in terris, qui potest ipsum subijcere condignæ poenitentia, & debite punire, ac etiam procedere contra eum secundum alia juris subsidia. Quæ decreta etiam numquam fuissent declarata per sacrum concilium Constantiense, nihilominus tamen poterant fundari per auctoritates evangelicas, ac per dicta, & determinationes SS. patrum, & SS. doctorum, ut in responsione per hoc sacrum concilium primis oratoribus dicti domini Eugenii facta plene videri potest. Ad quæ bene faciunt illa quæ habentur in cap. *Sicut* XV. d. & cap. *Sancta* XVI. d. & in cap. *quodcumque*, & in cap. *Omibus*. XXIV. q. i. & in cap. *Sunt quidem*, cum duobus capp. sequentibus. Et pro hac sententia facit, quod notatur in S. *Huic etiam* XVII. d. & illa quæ habentur & notantur in cap. *Si papa* XII. d. cum ibi notatis in glossa, quæ sunt practicata per concilium Constantiense. Item faciunt notata per archidiaconum & Johannem Andreæ & omnes doctores modernos in cap. *In fidei favorem* de hære. l. VI. Ex quibus manifeste probatur, quod papa habet in certis casibus iudicem in terris. Et istud dictum, prout fuit allegatum per ipsum primo proponentem, videtur fuisse Alvari Hispani in prima parte de Statu ecclesiæ, quod in ista parte communiter reprobatum a doctoribus per iura superius allegata.

Item, ad illud quod proposuit secundus proponens in oratione sua, quod dominus noster papa nullam prorsus ex concilii Bononiensis institutione alicujus synodi vel summi pontificis constitutionem violavit, satis sufficienter responsum est per huiusmodi sanctam synodum in responsione data primis ambasiatoribus ipsius domini nostri. Sed ad rationem noviter factam per prædictum proponentem, qui dicit, quod quemadmodum eadem synodus potuisset communi consensu constitutionem illius c. *Frequens* expresse revocasse, sicut expresse instituit, cum nihil sit tam naturale, quam ut unumquodque vinculum solvatur, quo ligatum est: ita potuit tacito consensu, saltem quoad illam vicem, constitutionem illam facto revocasse; cum facta potentiora sint verbis, et tacitum ab expresso regulariter non differt secundum legitimas sanctiones. Respondetur quod, sal-



ANNO  
CHRISTI  
1433.

va reverentia allegantis, hoc nullo modo potest sustineri de jure, quia actus universalitatis secundum communem sententiam omnium doctorum, tam canonistarum, quam legistarum, pro quo videtur casus in c. *In genesi* de elect. et ibi notatur per Innocentium et omnes doctores. Ideo sequitur quod prædictum c. *Frequens*. sicut, collegialiter fuit institutum, ita necessarium fuit quod collegialiter revocaretur per sacrum concilium, et sic per omnes prælatos mundi singulariter et divisim, tacite nec expresse potuit revocari. Et hoc expresse dicit Innocentius et omnes doctores post eum in cap. *Bona* 11. de postu. præla. ubi dicit quod actus gesti ab universalitate, non possunt per singulos ut singulos revocari. Ex quo sequitur, quod ad hoc quod c. *Frequens* in concilio Constantienis editum, potuisset revocari tacite vel expresse, necessarium fuit quod fuissent prælati congregati Basileæ per modum universalitatis, et faciunt notata per Johannem Andream in cap. 1. de his que s. a. ma. par ca. Nec obstant notata per doctores in dicto capitulo *Cum nobis olim*, quoniam potius faciunt contra allegantem, quam pro ipso, quod probatur manifeste ex eo, quia Innocentius et omnes doctores ibidem dicunt, quod in termino statuto a jure, seu in fine termini juris, si minor pars præfens eligit, tunc valebit electio, majoris partis absentia non obstante art. 63. d. 3. c. finali. Immo in isto casu unus solus præfens eligere poterit, aliis non expectatis, quia terminus a jure præfixus interpellat, de locato potuit. Præterea notata per doctores in dicto c. *cum nobis olim* loquuntur in casu, in quo terminus est assignatus ad inchoandum et finendum negotium electionis, et in casu nostro terminus post est assignatus ad finiendum concilium generale.

Præterea notat Johannes in cap. *Quamvis* de of. ord. lib. 6. et in cap. *presentium* de testibus eodem li. et cap. *cum in ecclesiis* de præben. eodem li. quod licet in casu electionis prælati, et in casibus in dictis iuribus expressis, præfentes non possunt procedere de jure, nisi vocatis absentibus, in aliis tamen casibus præfentes procedere possunt sine absentibus; sed casus celebrationis concilii generalis non est de præmissis in dictis iuribus expressis. Igitur in toto præfentes procedere potuerunt absque absentibus in termino eis assignato non venientibus. Nec obstant notata in dicto c. *cum nobis olim*, quia procedunt in casu electionis, qui exprimitur in c. *quomodo* of. ord. l. 6. in quo et in aliis tribus expressis in dictis c. est speciale, quod præfentes absentibus non vocatis possunt procedere. In aliis autem casibus, de quibus est casus celebrationis concilii generalis est contrarium regulare, ut patet per Johannem Andream, ubi supra.

Item, non obstat quod prædictus proponens dicit in oratione sua, quod dato quod finis septennii a die dissolutionis synodi Senensis, fuisset principium celebrationis novi concilii; tamen ex hoc non concluditur, quod post septennium possint prælati quocumque convenire pro concilii celebratione. Nam ex hoc sequeretur absurdum, quod

quandocumque, etiam post triennium, post terminum comparerent aliqui prælati etiam paucissimi, quod possent, aliorum contumacia accusata, procedere ad concilii celebrationem, & toti orbi legem dare, quo nihil absurdius secundum ipsum, quia ex quo in termino minime comparerunt, non potest aliquis eorum dici negligens. Ad quod responderetur, quod iste non est casus noster, quia in termino ad celebrationem hujus concilii assignato, erant in Basilea aliqui prælati, & aliqui doctores, & magistri egregii, cum quibus inchoatum fuit, & inchoari potuit concilium inchoatum priusquam dominus Eugenius dissolutionem præsentem fecisset. Unde ex quo concilium erat inchoatum, non fuit licitum ipsi domino Eugenio illud dissolvere, nec ad alium locum mutare, obstante sibi dicta constitutione *Frequens*.

Præterea præsupposito etiam sine præjudicio veritatis, & non concessio, quod nullus prælatus venisset in termino, & concilium non fuisset inchoatum, adhuc prædictus dominus Eugenius non potuit dissolvere istud sacrum concilium, prout de facto nec fecit; nec potuit mutare ad civitatem Bononiensem eo modo quo mutavit, cum hoc esset manifeste contra prædictum c. *Frequens*, ac etiam contra concilium Senense, quod statuit concilium debere celebrari in Basilea, ad reformationem ecclesiæ in capite, & in membris faciendam. Et sic in casu in quo dominus Eugenius subicitur dicto concilio Senensi, ipse, ut subditus, ordinationem loci dicti concilii, per suam superiorem factam, mutare non potuit, ut dicunt jura, quoniam inferior legem superioris tollere non potest, vel illi derogare, c. *ne Romani* de elect. in Cle.

Et cum dicitur per dictum oratorem, quod assignatio loci perdidit suam efficaciam post lapsum terminum, ex quo prælati, cum quibus posset inchoari & celebrari concilium, in termino non venerunt. Responderetur hoc non esse verum, etiam si nulli prælati venissent in termino, quoniam in ordinatione concilii celebrandi, sunt duo; primum quod concilium celebraretur in loco assignato, secundum quod in termino etiam assignato. Unde licet secundum non possit impleri, lapso termino assignato, quando prælati non venerunt in illo; primum tamen potest impleri lapso dicto termino, & sic durat effectus assignationis dicti loci, post lapsum dicti termini, articulo eorum quæ habentur in c. *cum dilecti* de do. & con.

Ad absurditatem allegatam responderetur, quod ista absurditas non sequitur ex conclusionem jam dicta, quia magna differentia est quod aliqui prælati, licet pauci, veniunt in termino, vel infra breve tempus post terminum nullus prælatus venit: quia in primo casu nulla potest sequi absurditas: in secundo tamen casu licet possit sequi absurditas, tamen hoc nihil ad propositum, cum iste non sit noster casus; immo, ut dictum est, in termino aliqui prælati & magistri & doctores fuerunt; & post terminum infra breve tempus plures venerunt, & successiva fuit hujusmodi sacrum concilium per

Dei

Dei gratiam. in augmento notabili prælato-  
rum, doctorum & magistrorum. Nec etiam  
obstat glossa in l. *Celsus* ff. de arbitris, quæ  
videtur firmare, quod si per me non stetit,  
quominus in termino debito satisfacerem,  
opus est nova interpellatione ad hoc ut in  
mora constituar. Quia licet glossa hoc dicat,  
tamen de hoc sunt opiniones inter doctores  
legistas, quia aliqui doctores tenent contra,  
quod in isto casu non sit opus nova inter-  
pellatione. Sed dato quod dictum glossæ es-  
set verum; nihil tamen ad propositum no-  
strum, quia legitur in casu, ubi non stetit  
per illum qui habebat satisfacere, quominus  
in termino satisfaceret, & sic non fuit con-  
stitutus in mora, nec in negligentia. Sed  
nos loquimur in casu ubi notorie & mani-  
feste prælati absentes pro maiori parte fue-  
runt, constituti in notoria mora & negli-  
gentia in non veniendo ad huiusmodi sacrum  
concilium, cum dies statuta interpellabat  
eos, & ultra hoc, multi eorum fuerint spe-  
cialiter vocati per huiusmodi sacrum conc.  
ante prædictam præsentiam dissolutionem.

Nunc restat respondere ad aliam novam  
rationem per prædictum proponentem, in  
qua dicit, quod loci mutatio facta per do-  
minum Eugenium, expresse non comprehen-  
ditur in illa constitutione *Frequens*. Provi-  
det enim in duobus dumtaxat casibus, pri-  
mus cum instat causa rationabilis mutandi  
locum concilii congregandi, & in isto ca-  
su præstatur papæ facultas ipsum locum mu-  
tandi cum consensu & subscriptione domi-  
norum cardinalium aut duarum partium. Secundus est in electione loci subsequæntis  
concilii, quæ debet fieri per summum pon-  
tificem, approbante & consentiente concilio,  
ante finem cuiuscumque concilii. Casus  
autem noster est tertius ibi non comprehen-  
sus, scilicet cum iustissima causa instat mu-  
tatio loci jam principiati seu congregati.  
Cum ergo in isto casu non adimatur potestas  
papæ & cardinalibus locum mutandi, iusti-  
fima causa suggerente, videretur tacite da-  
ta potestas, quia casus omnis relinquitur  
dispositioni juris communis. Sed responde-  
tur, quod ad hoc non potest dari melior re-  
sponsio, quam ipsemet proponens dat in sua  
oratione, scilicet quod illa constitutio *Fre-*  
*quens* licet expresse non provideat, per  
quem debeat locus concilii actualiter con-  
gregati mutari, satis tamen potest ex mente  
istius colligi. Nam si locus concilii subse-  
quentis debet eligi & deputari per papam,  
concilio approbante & consentiente, potius  
debet requiri consensus concilii actualiter  
congregati in mutatione ipsius conc. cum ma-  
gis possit inquietari ipsum concilium in mu-  
tatione loci data congregatione, quam in  
electione loci concilii subsequæntis. Et ista  
ratio est multum fortissima ac urgentissima,  
cum arguatur ex mente ipsius constitutionis  
*Frequens*, & a fortiori juxta illa, quæ ha-  
bentur in cap. *Si postquam* de elect. l. 6. &  
in cle. 1. de elect. & in multis aliis innotis  
juribus; nec ad istam rationem potest dari  
vera ac sufficiens responsio: quia licet præ-  
dictus proponens dupliciter ad dictam ratio-  
nem nitatur respondere, salva tamen pace  
sua, neutra de suis responsionibus potest su-

Concilior. Supplem. Tom. IV.

stineri. Et prima responsio, in qua primo ni-  
tatur respondere, quod prædicta considera-  
tio procederet, ubi congregatio prælato-  
rum fuisset sufficienter facta; respondetur  
quod in ipsis paucissimis prælatis venientibus  
in termino ad istum locum de Basilea,  
residet totum jus concilii, cum in tali casu  
totum jus universitatis seu concilii resideat  
etiam in uno, juxta illa quæ leguntur in  
cap. *Gratum*, de post. præla. nec de essen-  
tia concilii generalis est multitudo maxima  
prælatorum, ex quo negligunt vel volunt  
venire in termino assignato. Facit c. *Guili-*  
*elmi patricius* 23. q. 4. 11. Et ad hoc propo-  
situm B. Idorus l. conciliorum dicit, quod  
in concilio generali habet locum illa aucto-  
ritas Christi, quod *ubi duo vel tres fuerint*  
*congregati in nomine meo, & ego ibi sum in*  
*medio ipsorum*; & sic ex quo totum jus seu  
potestas tota fuit in prælatis tunc congregatis  
Basileæ, est clarum quod sine eorum  
consensu non poterat fieri mutatio loci. Et  
si forte dicatur, quod licet hoc possit dici  
de jure, tamen non videbatur totaliter ho-  
nestum, quod hoc fieret cum consensu tam  
paucorum prælatorum.

Ad quod respondetur dupliciter. Primo,  
quod in isto casu non erat consideranda pau-  
citas prælatorum, sed potius erat conside-  
randa potestas quæ in eis residebat. Et cum  
dominus Eugenius prædictam congregationem  
prælatorum hic Basileæ fiendam posse suo  
impedivit multis modis & viis, secundum,  
quod toti mundo notum est, ex culpa sua  
non debet reportare commodum. Nec est ve-  
rum dici, prout allegat prædictus propo-  
nens, quod domini cardinales, quorum con-  
sensu & subscriptione prædictus dominus Eu-  
genius dictam mutationem fecit, computatis  
episcopis, presbyteris, & diaconibus, essent  
numero plures & majoris auctoritatis, quam  
illi etiam paucissimi prælati, qui erant con-  
gregati in hac urbe Basileensi tempore mu-  
tationis loci; quia certum est quod prædicti  
domini cardinales non faciebant concilium  
generale repræsentans totam ecclesiam uni-  
versalem, sicut faciebant illi prælati etiam  
pauci, qui tunc temporis erant hic Basileæ  
congregati, ut supra fuit probatum. Nec est  
verum dici, quod huiusmodi dubili declaratio  
in isto casu spectaret ad solum papam cum  
cardinalibus; quia etiam spectabat ad concilium  
generale jam congregatum, ut colligitur ex  
mente prædictæ constitutionis *Frequens*, ut  
supra fuit dictum. Nec obstant illa quæ habentur  
in c. *per venerabilem*, qui si sunt legi, quia licet  
verum sit, quod dubia quantumque arduissima  
& obscura, ipse dominus papa cum suorum  
dominorum cardinalium consilio & assensu  
declarare habet, quando dubia emergunt,  
concilio generali non congregato, cum illa  
dubia non pertinent ad concilium generale;  
quoniam quoad hoc est intelligendum verum,  
quando dubia emergunt in his in quibus pa-  
pa non subijcitur concilio generali, & cum  
concilium generale non est congregatum;  
alias autem est secus, ut in casu, de quo agi-  
tur; quoniam ad superiorem pertinet in-  
terpretatio legis ipsius, & non ad inferiori-  
rem, Cle. *Ne Romani* de elect. Item, nec



ANNO  
CHRISTI  
1433.

secunda responsio potest sustineri, in qua dicitur, quod ex causa rationabili potest papa expresse venire contra constitutionem concilii, etiam universalem ecclesie statum concernentem, ut sentit Innocentius & omnes scribentes post eum in c. *Quanto* de consuetudine. Et etiam quia licet verum est, quod hoc dicat Innocentius & alii doctores ibi; tamen glossa & doctores videntur notare contrarium in c. *Qua ad perpetuam* 25. q. 1. & in c. *Proposuit* de concessione præben. ubi notatur, quod contra constitutionem concilii universalem statum ecclesie concernentem, papa non potest venire, nec etiam dispensare; & cum dispensatio non debeat fieri nisi ex causa, sequitur quod ex mente glossarum, & doctorum est, quod etiam ex causa papa non potest venire contra. Ad hoc bene facit prædictum c. *Qua ad perpetuam* 25. q. 1. & c. *Sancta* 18. d. & quod notat ibi Hugotius. Et ista videtur communior sententia doctorum, canonistarum, & quicquid in hoc passu ab antiquis olim opinatum fuerit, hodie tamen determinatum est per ecclesiam, papam in dictis casibus subijci concilio generali, ut patet per decretum super hoc factum in concilio Constantienti; ex quo sequitur, papam non posse adversus decreta dicti concilii aliquid immutare in casu de quo agitur, cum de reformatione ecclesie in capite agatur. Sed dato, sine præiudicio veritatis, quod dictum domini Innocentii in prædicto c. *Quanto* de consuetudine esset verum; verumtamen in casu isto non potest dici, quod huiusmodi mutatio fuisset facta per Eugenium ex legitima causa & aliis nota, quia per decreta huiusmodi fieri concilii, facta in secunda sessione declaratur sic determinatur, quod talis mutatio loci nullo modo potuit fieri per dominum Eugenium, nec etiam prorogatio termini. Ex quibus decretis sequitur, quod mutatio loci talis non fuit facta ex legitima causa, nec etiam nota fuit aliqua causa huic sacro concilio, quia si aliis illa causa debet esse nota secundum Innocentium, a fortiori debuerat esse nota concilio generali. Item, determinatio huius dubii, quod dominus Eugenius fecerat huiusmodi mutationem loci ex legitima causa, non est dicendum quod spectaret ad ipsum dominum Eugenium, sed potius ad huiusmodi sacrum concilium. Et ratio est duplex, quia in concernentibus universalem statum ecclesie, concilium generale majus dicitur, quam papa, ut colligitur manifeste ex prædicto c. *Sicut* 15. d. tam in principio textus quam in fine, ubi hoc etiam notavit Hugotius & Archidiaconus, & per consequens ad concilium spectabat determinatio huiusmodi dubii. Et hoc est quod vult dicere glossa, quod papa non potest revocare statum concilii generalis circa articulos fidei, & generalem ecclesie statum. Et in talibus loquitur textus in prædicto c. *Sicut*, cum dicit ibi B. Gregorius loquendo de conciliis generalibus: Hæc tota devotione amplector, & integerrima approbatione, studiose, scilicet in his quæ ad fidem pertinent & ad generalem ecclesie statum, secundum omnes doctores ibidem; & in isto casu secundum

mentem decretorum SS. patrum, & communem sententiam doctorum, potius standum est sententie seu determinationi concilii generalis, quam sententie papæ, secundum quod notatur per doctores ultimo scribentes in § *In istis* 4. d. Et manifeste probatur ex iuribus supra allegatis. Et hoc idem tenent doctores ultimo scribentes in c. *Sancta* 16. d. sequendo opinionem & intellectum Hugotii, quam ibi posuit. Secunda ratio est, quia contra rationem etiam naturalem videtur, quod papa declararet causam esse legitimam illius mutationis quam ipse fecit: quia tunc videretur esse iudex in facto suo proprio, præsertim quia si hoc esset verum, semper papa posset facere contra constitutiones concernentes universalem statum ecclesie, quia semper diceret se facere ex legitima causa & aliis nota, & semper hoc allegaret ad iustificandum factum suum, etiam si non esset verum: quod nullo modo est fatendum: quia hoc esset contra decreta SS. patrum & sacrorum conciliorum, quæ superius fuerant allegata, & hoc tenderet ad destructionem universalis ecclesie status. Nec obstat illud quod allegatur, quia auctoritas papæ intelligitur excepta, ut in c. *Significasti* de elect. quia hoc verum est, præterquam in casibus concernentibus fidem vel generalem statum ecclesie, quia in istis auctoritas papæ non intelligitur excepta, cum contra talia papa non potest venire, ut supra fuit probatum. Item, istud dictum, quod auctoritas papæ intelligitur excepta, etiam debet intelligi, præterquam in casibus declaratis per decreta concilii Constantiensis, secundum illa quæ fuerunt sæpius deducta. Nec obstat etiam quod dicit prædictus respondens, quod si illa constitutio *Frequens* concerneret universalem statum ecclesie, quoad celebrationem conciliorum, non tamen quoad loci destinationem, vel mutationem; cum in quolibet loco congruo possit ecclesia reformari. Ad quod respondetur, quod destinatio loci, seu ejus mutatio, est accessoria suo principali, & debet sequi naturam principalis. Et quia celebratio concilii concernit universalem statum ecclesie, ut supradictum est, ideo videtur dicendum, quod destinatio loci vel ejus mutatio, tamquam accessoria suo principali, respectu principalis cui adhæret, aliquo modo concernat universalem statum ecclesie, cum in accessoriis adherentibus & connexis id juris sit quod est in principali, secundum quod omnia iura dicunt. Et hoc propositum cavetur in decreto concilii Constantiensis, quod si papa non obediatur concilio generali in dictis casibus & in pertinentibus ad eos, per ipsum concilium puniatur; & ille, ad quem spectat judicare de principali, debet etiam judicare de accessoriis & eidem adherentibus. Et ad id respondetur ad unum dictum, in quo proponens fecit magnum fundamentum, quod papa omnia potest, clave discretionis non errante, ut dicit Innocentius in c. *Quanto* de Jurejur. quia istud dictum fatendum, cum temperamento; quod ponitur communiter per doctores, scilicet, quod potestatis plenitudo est in papa; ita tamen quod non erret: si tamen erret, hoc habet corrigere, con-

ANN  
CHRIS  
1433

ANNO  
CHRISTI  
1433.

concilium, apud quod est plenitudo potestatis tamquam in fundamento; nec in hoc potest papa per suas constitutiones vel alio modo facere resistentiam, quia hoc esset subvertere statum ecclesiæ; quod papa non potest facere, ut in iuribus superius allegatis. Et cum in casu de quo agitur, agatur de reformatione ecclesiæ, & sic sumus in casu in quo papa subicitur concilio generali, patet quod illud, quod papa omnia potest, &c. fallaciam recepit in casu, de quo nunc agitur, quia est de pertinentibus ad casus expressos in dicto decreto concilii Constantiensis.

Item, dicite dictus orator, quod dominus Eugenius in causa tam ardua, causante infirmitate sua, non cogebatur constituere legatum vel alium. Ad quod respondetur dupliciter. Et primo, quod supposito & non concessio, quod non cogebatur constituere procuratorem vel legatum, quia legatum voluntarie constituit, videlicet reverendissimum dominum cardinalem S. Angeli, illum revocare non potuit, attento quod in hoc concilio agebatur & agitur de reformatione ecclesiæ in capite & in membris. Et sic sumus in casu in quo ipse dominus Eugenius subicitur iudicio concilii, quod in ipsum invitum potest reddi ff. de ver. obliga. l. Inter stipulantem §. 1. Præterea constat secundam relationem medicorum, quod impedimentum infirmitatis domini Eugenii est perpetuum, vel saltem duraturum ad magnum tempus, in quo casu etiam in arduis cogitur constituere procuratorem c. Si agrotans §. q. 3. faciunt notata inc. querelam de procuratoribus.

Nunc restat respondere ad quatuor instructiones seu petitus pro parte ipsorum oratorum propositos, ac etiam ad contenta in prædictis quatuor bullis per ipsos præsentatis, & primo per ordinem respondetur ad prædictas quatuor instructiones seu petitus.

Et primo ad primum petitum, qui fuit de mutando locum concilii ad civitatem Bononiensem. Respondetur quod iste petitus jam fuit oblatu per alios oratores domini Eugenii prima vice venientes, & iste petitus non fuit admittus, immo fuit totaliter repulsus per huiusmodi sacrum concilium prædictis primis oratoribus: quas rationes sacrum concilium hic vult haberi pro repositis. Et nunc etiam de præsentis huiusmodi sacrum concilium respondet, quod talis petitus nullo modo est admittendus propter multas rationes seu causas. Prima, quia hoc est contra prædictum decretum. Frequens concilii Constantiensis, ac etiam contra decreta huiusmodi sacri concilii, contra quæ huiusmodi decreta sancta synodus nullo modo intendit venire, nec in toto, nec in parte, sed ipsa inviolabiliter observare. Item, quia notorium est, quod prædicta civitas Bononiensis de præsentis non potest dici tutus locus pro concilio celebrando: immo notorie est locus non tutus, propter multas causas. Primo, quia populus Bononiensis est valde suspectus ac rixosus, ac nusquam & nunquam in eodem statu permanet; ac etiam inter majores ipsius civitatis Bononiensis sunt partialitates & inimici-

tiæ maxime capitales; & una pars de ipsis partialitatibus est extra Bononiam, & nirtur totis viribus capere prædictam civitatem, vel saltem expellere aliam partem sibi contrariam de civitate Bononiensi.

Item in circuitu dictæ civitatis & ejus comitatus sunt maxime guerræ, propter quas prædicta civitas redditur satis suspecta: immo satis dubitatur de mutatione ejus status. Item, quia propter prædictas guerras nullo modo patet tutus accessus ad prædictam civitatem. Et ultra hoc ibi est maxima penuria omnium necessariorum, & maxime est penuria in blado & vino; & per consequens sequitur quod talis mutatio ad prædictam civitatem nullo modo est concedenda, etiam si non esset contra decreta concilii Constantiensis.

Ad secundam instructionem, quæ fuit, quod si voris iustissimis suæ sanctitatis in hac parte acquiescere non velimus, contenta est sua sanctitas, ut alium locum in regione Italiæ congruum & non suspectum una vobiscum eligamus, & in eo, servatis prædictis in prima instructione, videlicet super revocatione attentatorum, & reductione Bohemorum, ex nunc fundetur concilium generale; sed istud ibidem continuare intelligatur, Respondetur, quod hanc secundam instructionem hec sancta synodus non admittit, nec etiam admittenda est propter rationes ad primam instructionem datas, quia ad id hoc esset contra prædictum decretum Frequens concilii Constantiensis, ac etiam contra decretum concilii Senensis, & etiam contra decreta hujus sacri concilii. Item, quia hodiernis temporibus, peccatis exigentibus, in tota Italia sunt magnæ guerræ & discordiæ, ac etiam est penuria omnium necessariorum. Item, huiusmodi secunda instructio non est admittenda in eo, quod petit in ea revocari attentata. Ex quo sequeretur huiusmodi sanctam synodum errasse in his quæ fecit, quod nullo modo dicendum est, ut infra ostenditur; ac etiam ex eo quod vult, quod ex nunc fundetur concilium generale, quia ex hoc sequeretur, quod antea non fuisset hæc sancta synodus Basileensis sacrum concilium, quod erroneum est dici, & est manifeste contra decreta & determinata per huiusmodi sanctam synodum Basileensem. Et si sic esset, prout præsupponit ista secunda instructio, quod ex nunc debet fundari concilium generale, tunc concilium, quod antea non erat hic Basileæ, non poterat dici, quod in alio loco, ad quem muraretur, continuari intelligatur, prout dicitur in ista secunda instructione.

Ad tertiam instructionem, quæ fuit, quod, si non velimus in hoc desiderio suæ sanctitatis acquiescere, parata est sua sanctitas, ad omne scandalum tollendum, ut res ista, an iuste possulet, committatur arbitrio xii. prælatorum hic existentium, neutri parti suspectorum, &c. Et si declaraverint petitionem suam supradictam esse iustam, fiat in Dei nomine concilium in Italia cum modis sanctis. Si autem declaraverint fuisse utilius Christianitati, ut fiat in Almania, quod in Dei nomine eorum arbitrium observetur, cum modis & conditionibus in sequen-

ANNO  
CHRISTI  
1433.



ANNO  
CHRISTI  
1433.

quænti instructione referendis. Respondetur, quod talis instructio non est admittenda, nec admittitur per hujusmodi sanctam synodum propter multas causas seu rationes, primo, quia hoc esset derogare auctoritati concilii Constantiensis & hujusmodi sacri concilii, si tale compromissum, prout petitur, fieret. Secundo, quia de jure non potest compromitti per prelatos seu per universitatem prelatorum super re certa & indubitata; sicut est ista, super qua petitur fieri compromissum, sicut hoc manifeste probatur tam per decreta concilii Constantiensis, quam etiam per decreta hujusmodi sacri concilii. Tertio, quia si tale compromissum fieret, prout petitur, quasi dubium videretur fieri super potestate immediate tradita a Christo concilio generalibus, in casibus declaratis per decreta concilii Constantiensis. Et hoc non videtur fieri posse, de jure, cum super jure divino, seu contra jus divinum non posset fieri compromissum, ut jura dicunt. Quarto, quia verisimiliter creditur, quod compromissarii nunquam vel saltem tarde concordabunt. Et sic interim negotia expedienda in concilio non expedirentur, & transiret tempus in vanum, & nihil boni fieret; ideo hoc nullo modo videtur concedendum.

Ad quartam & ultimam instructionem, quæ fuit, quod si hujusmodi sancta synodus ad prædicta induci non possit, quod sanctitas sua contulit nobis facultatem eligendi una vobiscum locum in Almannia propinquum vel remotum huic urbi Basileensi, ubi generale concilium continuari intelligatur quoad reformationem ecclesiæ ibidem fiendam, his terminis adjectis, ut in hac urbe Basileensi firmeretur concilium & continueretur quoad Bohemorum reductionem; & etiam, si nobis existentibus in hac sancta synodo videbitur, quoad pacem in populo Christiano reformationem & procurandam. Sed certis causis animi suæ sanctitatis moventibus, ecclesiæ reformationem vult differre ad locum, prout dictum est, eligendum, servatis tamen semper certis modis & conditionibus, prout in bullis dicti domini Eugenii præsentatis per ipsos oratores huic sacræ synodo continetur; præcipue, quod hinc inde fiat attentatorum revocatio, prout in prima instructione prælibatum est. Respondetur, quod talis instructio non videtur rationabiliter admittenda. Ideo hæc sancta synodus eam non admittit propter multas rationes: primo, ex eo quod petit, quod revocentur attentata per hujusmodi sacrum concilium a tempore primæ sessionis, quod nullo modo potest concedi, nec fieri debet, propter multas causas seu rationes; primo, quia propter hoc derogaretur Spiritui sancto, in quo hujusmodi sacrum concilium est legitime congregatum. Item, quia per hoc derogaretur auctoritati ac potestati immediate traditæ a Christo huic sacro concilio generali. Item tertio, quia propter hoc derogaretur non solum auctoritati hujusmodi sacri concilii, sed etiam auctoritati omnium generalium conciliorum tam præteritorum, quam futurorum, quod nullo modo potest fieri. Quarto, quia hoc esset contra determinationes & decreta sanctorum patrum ac

sanctorum doctorum, quæ decreta & auctoritates pro majori parte allegantur in responsione data per hujusmodi sacrum concilium primis ambasciatoribus domini nostri papæ; in quibus cavetur, quod statuta seu decreta sanctorum conciliorum omnino servanda sunt, & de his non licet disputare reprobandum, vel dubitare an iusta sint, vel non, secundum illa quæ habentur & notantur per doctores in c. *Quis nesciat*, g. d. ad quod benefacit c. *Majores*, 24. q. 1. Quinto, quia per hoc videretur hujusmodi sacrum concilium fateri se errasse in omnibus decretis factis seu promulgatis per hujusmodi sacrum concilium, & per consequens cum aliquibus decreta de prædictis tangant fidem, ac illa, quæ necessaria sunt ad salutem animarum, videretur hujusmodi sancta synodus fateri se in respicientibus fidem & salutem animarum errasse; quod nullo modo fatendum est, nec credendum, quod Spiritus sanctus, a quo hujusmodi sacrum concilium dirigitur, hæc permitteret.

Item, cum verbum revocare attentata, sonet male, quia attentata dicuntur, quasi de facto & non de jure præsumta ac facta; sequeretur quod per talem revocationem hujusmodi sancta synodus fateretur se non habuisse potestatem de jure, ad faciendum seu promulgandum prædicta decreta, & per consequens hujusmodi concilium nullam habuisset potestatem, & per consequens non fuisset nec esset concilium generale, quod erroneum est dici, ac abominabile cogitari, secundum quod multipliciter fuit probatum in responsione præallegata, data primis ambasciatoribus domini nostri. Ideo talia nullo modo debuissent peti ab hujusmodi sacro concilio, secundum quod patet per rationes supra allegatas.

Item, hujusmodi sancta synodus hanc quartam instructionem decernit non admittendam, quia continet multos modos ac conditiones inducentes scandala, ac impediens veram & completam reformationem ecclesiæ Dei in capite & in membris, & propter alias multas rationes, quæ infra ponantur in responsione ad contenta in prædictis quatuor bullis, per ipsos oratores præsentatis.

## L I T T E R Æ

Decani & quorundam canonicorum  
Trevirensium ad concilium.

*Concilio implorant auxilium adversus ex-  
actiones Ulrici de Manderseheis,  
quem in archiepiscopum elegere-  
rant.*

**R**everendissimis ac reverendis in Christo  
patribus & dominis, venerabilibusque  
egregiis & præstantissimis viris in sacrosan-  
cta generali Basileensi synodo universalem  
ecclesiam repræsentantibus, in Spiritu san-  
cto legitime congregatis, dominis nostris  
merendissimis.

In nomine Domini nostri Jesu Christi, pa-  
tris orphanorum & iudicis viduarum ortho-  
doxæ fidei & Christianæ religionis, reveren-  
dissimis, immo SS. patribus, præsulibus, pa-  
triarchis, optimis doctoribus, legatis ac ju-  
dicibus in sacrosancta synodo Basileensi per  
Spiritum sanctum legitime congregatis, &  
universalem ecclesiam repræsentantibus, hu-  
miles filii Tilmanus de Indagine decanus,  
Ægidius Urabe archidiaconus major, Hen-  
ricus de Dinia, Conradus de Brunsberg cu-  
stos, Nicolaus de Bruck, Philippus de Sürch,  
Johannes Griffencliar celerarius, canonici  
ecclesiæ Trevirensis, non immerito lügen-  
tes, cum humilitate provoluti filialem obedi-  
entiam, debitam reverentiam, errores confu-  
tutur, inimicos Christi debellare, pacem  
procurare, ecclesiam conservare, iudicium  
facere, misericordiam diligere, & cum Deo  
semper ambulare. Et benedictus Deus & pa-  
ter Domini nostri Jesu Christi, pater mis-  
ericordiarum, & Deus totius consolationis,  
quoniam jam consolatur nos in omni tribu-  
latione nostra, dum altitudo sapientiæ &  
scientiæ Dei, cujus fons in excelsis scaturiens,  
cujus jucundus impetus super cœlestem læ-  
tificat civitatem, cujus sicut investigabiles  
viæ, ita & incomprehensibilia judicia, vo-  
bis potestatem contulit iudicium facere, cum  
inquit: *Sedebitis & vos super sedes duode-  
cim, judicantes duodecim tribus Israel.* Et  
sane nihil eo jucundius arridet oculis, ni-  
hil eo mulcebrus nostris auribus citharizat,  
quam quod præclara dilucidatio vestræ pru-  
dentissimæ providentiæ, in cunctisque sæcu-  
lis judicet, discutiat & terminet. Quapro-  
pter in dictâ ecclesiâ Trevirensis forma seu  
figura more lactantium filiorum, cum fidu-  
cia filiali ad ubera matris confugientium, fa-  
miliari quodam eloquio, ipsius sacrosanctæ  
synodi dominationem velut deificam singula-  
riter implorando, dicimus cum propheta: *Ju-  
dica me Deus, & discerne causam meam de  
gente non sancta.* Et sequitur: *Longe ab  
homine iniquo & dolofo eripe me, quoniam tu  
es fortitudo mea, & refugium meum, & li-  
berator meus.* Et rursum: *Apprehende arma  
& scutum, & exurge in auxilium mihi.* Jam  
jamque Trevirensis civitas, quæ tempore  
Abrahæ legitur fundata, & ante Romam  
annis mille trecentis constructa, & post Ro-

**A**manam ecclesiam quasi prima Christo ascri-  
pta, sedet sola & quasi viduata, plorans  
facta est sub tributo, nec est qui consoletur  
eam, quoniam amici ejus spreverunt illam,  
& facti sunt ei inimici, prout rei sequentis  
eventus luce clarius explanabit.

Est namque verum, quod per mortem bo-  
næ memoriæ domini Ottonis quondam ar-  
chiepiscopi novissime defuncti, sede vacante,  
factis sciendis, & observatis observandis ju-  
re & laudabili more consuetis a tanto tem-  
pore, quod non est memoria hominum de  
contrario, domini canonici numero quatuor-  
decim, capitulum facientes, ad electionem  
futuri pastoris processerunt, quorum undeci-  
m in numero seniores, majorem partem &  
saniorum capituli facientes, in venerabilem  
virum dominum Jacobum de Sürch, dictæ  
ecclesiæ canonicum & scholasticum, voces  
suas direxerunt, ipsumque in suum & dictæ  
ecclesiæ Trevirensis archiepiscopum elegerunt,  
præfecerunt & crexerunt cum solemnitati-  
bus & ritibus in talibus fieri consuetis. Cum-  
que vero dictus electus cum duobus canoni-  
cis capitularibus ingressus fuisset Urbem,  
a SS. domino nostro papa Martino cum ea,  
qua decebat, reverentia confirmationem pe-  
turus, ipse dominus papa, cum debita ta-  
men reverentia loquendo, in favorem domi-  
ni Rabani episcopi Spirensis, ipsum Raba-  
num instituit archiepiscopum, nullo tamen  
examine facto, aut quocumque impedimen-  
to potente seu valente dictam electionem  
vitare interjecto, in quo quamplurimum  
conspexit capitulum se fuisse & esse læsum;  
attento, quod SS. domini summi pontifices,  
dicti etiam SS. domini Martini pontifices,  
semper affectuosissimi, & per effectum  
probatissimi, hujusmodi electionibus confir-  
mationes, omni cessante varietate, velut  
rationabile quid impenderunt, & easdem  
ratas habuerunt.

Sed, proh dolor! quoniam hoc gravamen  
geminatam pestem induxit, pro eo quod se-  
de, ut præmittitur, vacante, nobiles, co-  
mites, barones, oppidani, castellani, ausu  
prophano ac sacrilega intrusione adscripse-  
runt sibi oppida, castra, villas, & quasi ec-  
clesiæ Trevirensis totum patrimonium. Quæ  
propter accidit, quod visa repulsa de dicto  
domino Jacobo super ejus electione facta,  
nunc per dictos nobiles, comites, & ceteros  
dictum patrimonium occupantes, ipsi  
nos canonici, importunis precationibus ac  
minis interjectis, nunc propositione aliena-  
tionis totius dictæ ecclesiasticæ facultatis no-  
bis exposita, violentati fuimus ad ulteriorem  
procedere electionem, & dom. Ulricum de  
Manderseheis ecclesiæ Colonienfis decanum,  
quantum pro tunc in nobis fuit, in archie-  
piscopum elegimus, pro eo tum primo quod  
ferebatur impossibile, etiam quavis interve-  
niente auctoritate, dicta bona ad gremium  
& utilitatem ecclesiæ Trevirensis revocare,  
nisi ipse dominus Ulricus in sæpe dictâ ec-  
clesiâ Trevirensis archiepiscopum eligeretur.

Et quia difficiles aditus impetus omnis  
habet, currenti furori videntes esse ceden-  
dum, electus fuit tum secundo, quia ipse  
dominus Ulricus ante dictam sui electionem,  
sede



ANNO  
CHRISTI  
1433.

fide stipulata per modum solemnem iuramentum, quod & post per suas parentes litteras, quod authentico instrumento firmavit dictam suam electionem, si & in quantum casus requireret, iuravit & promisit prædicta bona ecclesiæ, sic, ut præmittitur, sublata revocare, & restituere personas, & res ecclesiæ & signanter civitatem Trevirensensem, & totum archiepiscopatum salubriter regere, defendere, nec aliquid in præjudicium eorum attentare; quin immo quod etiam eligeretur, promisit in manibus nostri decani, nomine totius capituli, bona fide, & notarii publici, stipulando loco iuramenti, dictam suam electionem, si & in quantum requireret contradictio cujuscunque, per viam juris coram quocunque iudice competente evocatus defendere, & jus consuetudinarium in huiusmodi electione consuetum fieri in dicta ecclesiæ, quantum id juris ordo exposcit, defendere. Ex quo satis innuitur, quod in dicto capitulo & eligentibus nunquam fuit pertinacia in aliquo contra iustitiæ aequitatem, dum a dicto electo exegerunt, secundum juris veritatem, suam debere præsequi electionem.

Quid autem referendum est de dictis promissionibus & iuramentis nescimus, nisi lamentum, heu, & vix: quoniam & licet occasione sua fuerimus & fuerit civitas & totus archiepiscopatus cessus & interdictus per processus papales super his confectos suppositi, quod etiam sententiam excommunicationis incurrendo, & hoc pro eo, quod, ut præmittitur, iuravit, dejerando violavit. Nam feritate bestiali immemor legis divinæ & suæ salutis, per eum a suis complicitibus quasi quotidie invaditur Trevirensis civitas contra suum expressum iuramentum, mittuntur incendia, captivantur pauperes coloni & habitantes in terra, jam per eum sunt quasi omnes viæ destructæ, virgines sunt squalidæ, & sacerdotium lugubre. Si autem filii sceleratis & prophanis hominibus dictum archiepiscopatum, civitates, oppida, & terras non appropriaret, adhuc mitior esset ruina & tolerabilior malitia. Sed pro dolor! quoniam jam non habet tot fera insidias, tot avis laqueos, quot ecclesiastici & christicolæ pauperes habent furibundos raptores & venatores, heu! heu! jam ab allophilis & philisteis arca domini capitur, tota Trevirensis ecclesiæ a laicis conculcatur, presbyteri tam religiosi quam sæculares captivi detinentur, & carceribus mancipati sunt, bona monachorum & clericorum rapinis & incendiis lamentabiliter devastantur. Jam Malcus sævit in Christum, & Balhafar in vasa Domini sacrilegas manus extendit.

Amplius autem suam electionem secundum juris veritatem, prout promissione & stipulatione firmaverat, nedum prosequutus est: immo simpliciter & de facto vacationibus restitit & resistere non desinit. Unde ab ipso tamquam a negligente pastore, etiam

si pastor dici mereatur, quod non creditur, pro eo quod nulla confirmatione obtenta, infra juris terminum se immiscuit, & hodie pertinaciter se immiscet de administratione, licet sæpius per nos requisitus & monitus sit, nec desistit: Item, a dilapidatore bonorum Christi & pauperum, & dejeratore & promissorum violatore discessimus & discedimus, recessimus, & recedimus: volentes per Dei gratiam & ministerium vestræ iustitiæ beneficium absolutionis a præfatis censuris humiliter postulare. Scimus enim quod quemadmodum mater papillam negare nescit suo lactanti, ita neque sancta mater ecclesiæ gremium nescit claudere redeunti.

Eja ergo, reverendissimi, immo sancti patres, ad unitatem fideliem & sacrosanctæ synodi Basileensis gremium viscerose suscipientes, a dictis excommunicationis & interdicti sententiis, & aliis poenis in apostolicis mandatis contentis, simpliciter, vel ad cautelam nos ac nostros familiares, & de gremio sæpe dictæ ecclesiæ Trevirensis nobis adherentes absolvere, per viscera misericordie Dei nostri, dignetur vestra piissima providentia, quoniam in præmissis promittitur inviolabiliter tenere & observare quicquid sancta mater ecclesiæ dictaverit, & disposuerit fore tenendum, tractandum & deliberandum; & quantum ad hoc submittimus nos determinationi sacrosancti concilii, matrem nostram sanctam ecclesiam reputantes: scientes ex sapientiæ varicino, quod qui fugit matrem, infelix est; verum pro eo quod generosos animos fructuosus labor potius recreat quam fatigat, non timentes vestram fatigare solertiam, oramus in Domino Jesu vestram magnam, immo maximam caritatem, quatenus per jurisdictionem ecclesiasticam, quam si contemserit, prout tradunt sanctorum patrum documenta, per gladii sæcularis invocationem ab irregulari & injuriosa tyrannide ipsius domini Ulrici personas ecclesiasticas defendatis; viduas, orphanos, & oppressos misericorditer relevando protegatis, & nos pariter & ipsi per abundans ministerium vestræ iustitiæ, qui qualiter, & quomodo cantabimus canticum Domini in terra aliena nescimus, tunc cantare valeamus Domino & benedicere nomini ejus, ac de die in diem annunciare salutare ejus, ad laudem & gloriam nominis sui, & magnificentiam ipsius sacrosanctæ synodi, quam Christus Jesus Dominus noster, inimicitias omnium inimicorum hominum repellendo, vifiter, custodiat, protegat & defendat. Amen. Datum in oppido de Siltch Trevirensis diocesis, anno Dominicæ incarnationis MCCCXXXII. secundum stylum. (a) die XI. Martii.

Vestri humiles & devoti oratores Tilmannus de Indagine decanus cum aliis in principio litteræ expressis, &c.

LIT.

(a) Quippe Trevirenses annum incipere solebant a die vigesima quinta mensis Martii, quod Verbum caro factum in utero Intemeratæ Virginis conceptum est.

## LITTERA MISSA SACRO CONCILIO

Basileensi in favorem ducis Litvæniæ  
per nobiles terrarum Russiæ, &c.

*Causantur de Sigismundo duce & concilii  
judicio jus suum committunt.*

p. 571.

**S**acrofanctæ generali synodo Basileensi in Spiritu-sancto legitime congregatæ universalem ecclesiâ repræsentanti, nos principes, nobiles, boiari, militares, civitates & oppidani terrarum Russiæ, post obedientiam & reverentiam humillimas, tenore præsentium significamus, quod temporibus præteritis eramus subditi domini ducis Witardi principis catholici: una cum ducatu Lithvaniæ, & duce Witardo sublato de medio, de consilio & assensu illustrissimi principis & domini, domini Wadislai regis Poloniæ, &c. & nobilium & illustrium ducatus Lithvaniæ & terræ Saginagitarum, concorditer eligimus illustrem ducem Boleslaum, alias Swidrigal in ducem magnum, verum heredem & dominum nostrum, & juramentis firmatis, pro tali ipsam reputavimus, & promissimus tenere & reputare. Et licet dux Sigismundus personaliter juraverit, & fecerit homagium prædicto magno duci Swidrigal, nihilominus ad (subornationem dolosam dicti regis Poloniæ, per tradimentum idem dux Sigismundus conatus est verum dominum nostrum interficere & exheredare, nisi, Deo volente, per fugam evasisset, & dominam & uxorem ducissam cum puellis & tota curia sua captivavit, omnibus rebus spoliavit, & quod deterius est, in derogationem honoris feminei sexus vestibus ducalibus denudavit; in capellanos & clericos tam ducis magni, quam domini ducissæ, manus violentas injecit, more paganorum turpiter trucidavit, & adhuc hodie hæc domina cum omnibus curialibus & certis filiis & filiabus nostris utriusque sexus in diris carceribus in D honeste detinentur & tractantur, & in his personis, & per hoc tradimentum abominabile & absurdum, tantas inhumanitates inauditas in partibus istis commiserunt, ut nec pagani, nec Saraceni, aut alii quicumque infideles similes injurias aut inhumanitates committere consueverint. Verum, reverendissimi patres, multi nobiles, & alii Deum timentes, & hujusmodi scelera abhorrentes, de Lithvaniâ, relictis uxoribus, filiis & filiabus, ad exilia potius, quam sufferre supra scripta, se transulerunt. Intelleximus etiam quod forsitan prædictus dux Sigismundus literis & etiam oratoribus vel nunciis suis coram summo pontifice ecclesiæ Romanæ, & serenissimo Romanorum rege, & aliis principibus non cessat illustrem ducem & dominum Swidrigal infamare, ipsum a fide catholica & a sancta Romana ecclesiâ recedisse, quod minime verum est, immo præsentibus fatemur nos ante tempora jurasse; &

*Concilior. Supplem. Tom. IV.*

**A** ita velle observare, nunquam habere dominum, nec obedire, nisi esset verus catholicus & fidei ecclesiæ Romanæ, & secundum juramenta & homagia nostra domino nostro duci magno facta, volumus sibi servire & obedire, & agnita ipsius iustitia, & rebus & corporibus pro persona & iustitia ipsius offerimus nos pugnatos, bonis nostris in hoc minime parentes, & adepto salvo conductu a Polonis, in quem tamen minime confidimus, cum sæpius visum est, nedum salvos conductus, sed & juramenta Polonorum per ipsos violata. Nihilominus si possit haberi salvus conductus per retras & loca aliorum principum & dominiorum, ad hoc sacrum concilium parati sumus pro iustitia domini nostri consequenda venire, & hujus sacri concilii determinationi stare, & Deum deprecamur ex corde optantes, quod seniores fidei nostræ, quæ est de ritu Græcorum, & fidei ecclesiæ Romanæ, vobiscum concordant; quo facto, & nos parati sumus stare & obedire concordatis. In cujus rei testimonium & evidentiam plenior nos duces Javallaus Lengewentiz nepos regis Poloniæ & ducis Swidrigal, Andreas Nichalawitiz etiam nepos regis Poloniæ & magni ducis Swidrigal Ivvan Senianovvitz, Michel Ivvanovvitz, Wayervvoda in Lya. Ivvan Pucaca Semanovvitz capitaneus Svialentzky, Andre Dymitrevvitz, Wolodiko Saryodavvitz, Fedor Necedvitzky capitaneus Podolie, & domini Litvaſko Monvovodovvitz, Iusticia. Iovanovvitz capitaneus in Brensky, Rehori Protasi capitaneus in Mezenzky, Georgius Buryy, Michael Geordovvitz capitaneus in Vaitersky, Vvayssly, Dovogor, Dymytrchevovvitz, Polotzky, Georgius Podkovvitz marschalchus, & Alexander marschalchus Sinalentzky sigilla nostra præsentibus fecimus subappendi. Datum Vitebsky Dominica Latare (a) anno Domini MCCCCXXXIII.

## EPISTOLA

Jacobus ducissæ Baviaræ ad concilium  
Basileense.

*Scribit pro pace ecclesiæ Trajectensis.*

**R**everendissimis & reverendis in Christo patribus & dominis, domino prædicti, dominis cardinalibus, archiepiscopis, episcopis, abbatibus, doctoribus, ceterisque egregiis viris sacrum Basileense concilium generale constituentibus, dominis meis confidencissimis.

lb p. 577.

Cum omne datum optimum & omne donum perfectum a patre luminum descendat, qui & fines suos pacem posuit, ipse filium suum ante facula genitum, ut pacem poneret, formam humanæ naturæ fragilem capere in tempora sua ordinavit maiestate, qua de re angeli in nativitate ejus exordio pacem commendantes, lætitia ineffabili patribus super gregem vigilantibus decantant.

Zz

runt.

(a) Scilicet Dominica quarta in quadragesima, quæ illo anno in diem Martii 26. incidebat.



ANNO  
CHRISTII  
1433.

runt. *Gloria in excelsis Deo, & in terra pax hominibus bonæ voluntatis*, non tamen indifferenter omnibus, sed hominibus bonæ voluntatis. Cum igitur reverendissimi & reverendi in Christo patres & domini præstantissimi, vos in agro dominico tamquam veri pastores præstis, super gregem Christi fidelium vigilantes; perfectissimum donum jocundissimumque testamentum a Domino nostro Jesu Christo vobis & cuilibet vestrum sit derelictum, dicente *pacem meam do vobis, pacem relinquo vobis*, illud non puto a quocumque relinquendum, prout paternitates vestre peramplius scrutatæ sunt, & plus me noverunt. Ad quod quidem bonum sive pacem Christi fidelibus discordantibus procurandam, etiam sancta synodus pro præfenti in Spiritu sancto legitime est congregata. Hortor igitur vos in Domino, & per viscera misericordiae ejus, quantum mea suppetit facultati requiro, ut pacem in rebus istis tam clero quam populo stabilitam, firmam stabilitam curetis. Nec seducamini verbis quorundam sanctae congregationis vestre incorporatorum, qui ut percepi sub specie boni toxicum & venenum in ecclesia Dei, & præferrim in ecclesia Trajectensi, cui dominia mea, quoad jurisdictionem ecclesiasticam subsunt, ponere nituntur. Instant enim, ut relatu didici, apud sacras deputationes vestras, ut irriterentur & cassentur ea quæ per sanctissimum dominum nostrum papam Eugenium modernum sunt facta, qui res detestabiles & in ecclesia Dei execrabiles, ut puta divisiones, seditiones in clero & populo ecclesiae & civitatis Trajectensis, cum multis aliis censuris ecclesiasticis abstulit, pacemque in tota diocesi & regionibus circumvicinis per suum oratorem reverendum in Christo patrem dominum Jo. (a) episcopum Mariconensem stabilivit, & ecclesiasticos propter censuras dispersos inter se univit. Ita quod omnis lis & dissentio ab ecclesia est rejecta, & in vera caritate & fraternali unione ecclesia Trajectensis prius divisa, jam vero unita in pace suam laudat opificem. Si igitur, quod abiit, aures vestras petitionibus eorum aut suggestionibus simulato bono coloratis, quoquomodo accomoderis, & suum haberent intentum in parte vel in toto, quod Deus avertat, lites, guerræ, seditiones, prædationes, incendia, & alia innumerabilia mala suscitarentur, nec sic finis & intentio sanctissimæ vestrae congregationis, pacem videlicet Christi fidelibus ministrandi, quoquomodo attingeretur, immo omnino tolleretur, & evelleretur: quod quantum malum esset, perpendere poterunt circum-

spectiones vestrae venerandæ. Ampliore quoque de re ista relatu oratorum reverendi P. domini Rodolphi de Diepholt illustris, a sanctitate domini nostri papæ Eugenii in ecclesia Trajectensi confirmati, eadem reverendissimæ & reverendæ paternitates vestre percipere poterunt; de cujus laude multa in medium proferrem, nisi tædium vestris auribus afferre crederem. Hoc tamen sibi pro laude merito adscribendum putavi inter cetera, quod propriis si penditis a patrimonio ecclesiae Trajectensis, per translatum ab episcopatu dominum Suiderum alienata in manu forti & extento brachio recuperavit. Taceo virtutes & merita, protectionem patris Trajectensis ab hostium insultu, & multa alia quæ præfati oratores una cum procuratoribus meis, tam in concilio existentibus, quam adhuc Dei gratia in posterum per me missuris, vestris paternitatibus explicabunt: in quibus ipsis & ipsorum singulis pro parte mea plenariam fidem placeat adhibere. Et si quæ grata fieri decreverint, sæpeditæ paternitates vestre fiducialiter remandantes, & cum omni diligentia, me promptam sanctae congregationis vestre exhibebo, quam Spiritus sanctus ad pacem conservandam in unitate ecclesiae conservare dignetur. Scriptum in domo mea Haghenii partium Hollandiæ, die VIII. mensis Aprilis, anno MCCCCXXXIII.

Jaque De Baviere, &c.

Humilis vestra & devota Jacoba ducissa Bavarie, comitissa Hannoniæ, Hollandiæ, Zelandiæ & Pontiviæ.

#### EPISTOLA LUDOVICI

Regis, Calabriæ & Andegaviæ ducis, ad concilium Basileense.

Mittit nuncios & oratores suos ad concilium Basileense.

**S**acrofanctæ generali synodo Basileensi in Ib. p. 377.

Spiritu sancto legitime congregatæ. Sacrosanctæ, &c. post debitam recommendationem pacemque in caritate Christi. Ad vestri sacri cætus præsentiam reverendos in Christo patres ac venerabiles & circumspectos viros Johannem Foro-Juliensem, P. (b) Dinientem episcopos & G. (c) monasterii S. Honorati sacre Insule Lerinenfis abbatem, Andream Lotarii, & Raymundum Talem, decretorum doctores & magistratos, Marti-

(a) Johannem Macet decretorum doctorem, qui ab Eugenio IV. legatus apostolicus missus est Trajectum, ad componendam pacem cum Radulfo electo antistite, ut habet Chron. Magnum Belgicum.

(b) Petrum de Vercellis, quem eundem esse existimo cum Petro de Versallis, dicto etiam de Vercellis, monacho S. Dionysii in Francia, priore de Calvo Monte, sacre theologie professore, qui etiam interfuit concilio Constantiensi, cujus præclaram habes epistolam, tom. x. nostrorum Anekdotorum.

(c) Is est Gaufridus de Monte electo ex monacho Majoris monasterii factus abbas Lirinenfis, deinde ad Parisiensem S. Germani a pratis translatus abbatiam, a perfidis & ambulois monachis veneno sublatu creditur.

num (a) Berruyer consiliarios & fideles meos carissimos, præsentialiter duxi destinandos, plenaria potestate fuffultos, nomine mei in sacro concilio interveniendi, consultandi, deliberandi & adimplendi omnia & singula, quæ pro exaltatione fidei Christianæ & reformatione sanctæ matris ecclesiæ opportuna fuerint, & quæ tractabuntur in dicto sacro concilio; consensumque præstandi, prout & quemadmodum oratores ceterorum catholicorum secularium principum in talibus intervenire debent atque solent, quibus quidem certa imposui, statum meum non medio-criter concernentia. Supplico igitur quatenus ipsos audire benigne placeat, & in explicandis credulum fidem adhibere, agenda mea cum favore recommissa suscipiendo, ac mihi grata quæcumque præciendo. Altissimus vos conservare dignetur feliciter & votive. Scriptum in civitate Cusantæ, die XXV. mensis Apr. indictione XI.

Rex Ludovicus reginalis unicus filius, Calabriæ & Andegaven-sis dux, humilis ecclesiæ filius.

## P A C T A

*Inita & firmata inter sanctissimum dominum Eugenium papam IV. & serenissimum principem & dominum dominum Sigismundum Romanorum, &c. regem.*

Eugenius episcopus servus servorum Dei ad futuram rei memoriam. Quoniam, dominus Dei filius, &c. ut in tom. 12. conciliorum pag. 944. Post quantum vero articulum qui incipit. Item promiserunt, & desinit in hæc verba: Licentiet & remittat, in manuscripto hæc adduntur.

## V.

Item, promiserunt quo supra nomine, quod postquam majestas regia suscepit coronas suas, demorabitur cum sanctitate domini nostri, quemadmodum per ipsos viros dominosque declaratum fuit, ad videndum, quid ulterius agendum sit pro pace Christianorum, & præsertim Italiæ; & quid pro his utile, expediens & honorificum etiam apparuerit.

## VI.

Item, promittunt nomine quo supra, & ultra omnia juramenta quæ facit regia majestas, & quæ promittit & vult inviolabiliter & inconcusse, interim quod vivit, omnibus subterfugiis & excusatione semotis, servare promittit SS. dominum nostrum papam Eugenium, quem sua majestas fatetur, semper tenuisse & tenere pro indubitato & Concilior. Supplem. Tom. IV.

(a) Interfuit etiam concilio Constantiensis, factus tandem ex canonico Turonensi episcopus Cenomanensis.

vero pontifice canonice electo, cum omni reverentia, diligentia, cura & labore a ud universos dominos reges & principes, & qualescumque mundi personas, tam ecclesiasticas quam sæculares, pro tali venerari, tueri, atque facere pro sanctitate sua & ecclesiæ Dei, quousque in humanis fuerit, semper fideliter & puro corde, secundum omne suum scire & posse, absque fraude & dolo, quantum cum Deo poterit.

## VII.

Et vice versa idem dominus noster sanctissimus Eugenius papa IV. promisit procuratoribus & ambasiatoribus antedictis, dicto nomine regio stipulantibus & recipientibus, quod ipse ipsum regem benigne, granter & honorifice recipiet, more pii patris; ac eidem cum adventum suum ad terras ecclesiæ præsenferit, ad confinia obviam mittet cardinales & prælatos, ipsumque benigne tractabit ac tractari faciet cum sua comitiva, & prout decet suscipere tantum principem, etiam per terras ecclesiæ, ad quas in accessu suo dictum regem vel comitivam ejus declinare contigerit.

## VIII.

Item, promisit dictis procuratoribus nomine dicti regis, ut supra, eidem regi XV. die mensis Junii proxime futuri, in Romana urbe dare & conferre imperialem coronam, unctionem, & consecrationem cum aliis ceremoniis in hujusmodi consuevis, sine ulteriori dilatione.

## IX.

Item, promisit eidem procuratoribus ut supra, quod clapsis temporibus de stando cum ipso sanctissimo domino nostro pro corona suscipienda, & aliis honestis petrandis, de quibus in promissione regia superius continetur; quod majestas sua regia possit pro libito suæ voluntatis, & quando sibi placuerit, ad propria redire sine omni impedimento & ulteriori requisitione; & quod ipse dominus noster papa cum præfata comitiva cardinalium & prælatorum, usque ad prædictos fines terrarum ecclesiæ, cum prædicta sua comitiva in eundo, stando, recedendo pura caritate suscipiet & tractabit, & qua decet bonum patrem amplecti optimum filium & ecclesiæ advocatum, ac ipsum secure remittet per omnes prædictas terras ecclesiæ & territoria cum honore & pace & paterna benedictione, faciendo ipsum honorari & ejus comitivam per omnes ecclesiæ subditos illorum locorum per quos transitum habebit.

## X.

Item, promiserunt sibi invicem dictæ partes, quod de omnibus capitulis hinc inde

Z z z con-



ANNO  
CHRISTI  
1433.

conventus, debeant fieri ab utraque parte litteræ publicæ & authenticæ, videlicet pro parte ipsius sanctissimi domini nostri fiant litteræ sub plumbo, in forma ecclesiæ confecta regi: & vice versa serenissimus rex per suas litteras, regio more subscriptas & sigillatas, omnia prædicta confirmet, & ipsas litteras sanctissimo domino apostolico tradi faciat.

#### FORMA JURAMENTI

Nos Matiko de Collum comes Roroniensis, &c. ut in tom. 12. conc. p. 966.

#### LITTERA MISSA CONCILIO

Per dominum regem Romanorum super coronatione sua, &c. lecta in congregatione generali die sabbati 11. Maii MCCCCXXXIII.

Ib. p. 582.

**R**everendissimi in Christo patribus, & venerabilibus dominis, sacrosanctæ generali Basileensi synodo in Spiritu sancto legitime congregatæ, &c.

Reverendissimi in Christo patres & domini, ac venerabiles & egregii, sincere gratæ dilecti, ad requisitionem & continuatam instantiam vestrarum paternitatum, ut ad sacrum concilium nos quantocius conferremus satis conflatimus operas nostras atque studium, ut consiliis vestris nos conformare possimus. Quemadmodum profecto ipsi concilio & rebus peragendis, per præsentiam nostram non modicum commodi eventurum speravimus, siquæ res nostras aptavimus, ut sive per terram, sive per mare, disponderemus recedere, omnibus periculis & discriminibus parvipensis. Verumtamen, approbante domino summo pontifice sacrum concilium, ad persuasionem nonnullorum, notabilium virorum, & etiam oratorum nostrorum, & imperii sacri principum electorum, qui nobis hujusmodi bullas exhibebant, nobisque recessum nostrum sine imperialibus, infulis nostris penitus dissuadebant, cum sanctitate sua concordem remanemus in decessis licitis & honestis; siquæ per totum istum mensem Apr. cum sanctitate sua in Viterbio constituemur, & usque medium Junii, vel prius in urbe Romana a sanctitate sua coronabimur, præstabimusque & innovabimus sibi illa juramenta, quæ nostri prædecessores Romanis pontificibus præstiterunt. Istudque adjecimus, quod ipsum manutenebimus, quantum cum Deo poterimus: quoniam nos atque quaque ad alia obligare non promissimus, nec promitemus. Et hæc vestris paternitatibus ideo describimus, ut si aliquis hanc concordiam sinistre initam forsitan interpretari vellet, illud a vestris paternitatibus non credatur. Quoniam hæc concordia bonis respectibus facta est, dispositique sumus semper ipsi concilio, juxta bullam per nos traditam, in prosecutione illorum, pro quibus ipsa synodus est congregata, plenarie favere, & constanter adhaerere. Certificantes vos, quod

nisi sanctitas sua sæpeditum concilium approbasset, indubie sine nostris coronis, quas propter facta ipsius concilii tanto tempore prætermisimus, ad propria rediissemus, quemadmodum de his omnibus illustri princeps & locum tenens noster dux Willermus V. P. poterit clarius informare, cui in dicendis veltis credere tamquam nobis. Datum Senis die XV. mensis aprilis, regnorum nostrorum anno Hungariæ XLVII. Romanorum XXIII. Bohemiæ XIII.

Sigismundus Dei gratia Romanorum rex semper augustus, ac Hungariæ & Bohemiæ, &c. rex.

B

Ad mandatum domini regis Gaspar Sligk.

#### EPISTOLA MAGISTRI GENERALIS

Ordinis B. Mariæ Theutonicorum, ad concilium Basileense.

Magnum ducem Lituanie paratum esse ad inendum pacem cum rege Poloniæ.

**R**everendissimi in Christo patribus sacro sanctum generale Basileense concilium agentibus dominis & patribus nostris metuentissimis humillima recommendatione cum sincerissima promittuntis exhibitione jugiter antemissa.

Reverendissimi patres & domini, domini nostri gloriosissimi, nostris annexas suscepimus litteras reverendissimarum paternitatum vestrarum illustri duci magno Lituanie & Russie mittendas: quas exacta cum festinantia eidem duci magno Svidrigal non obvisimus destinare, nihilominus scriptis nostris ad pacem & concordiam cum serenissimo rege Poloniæ ipsum exhortando ineundam. Quem quidem ducem magnum ad pacem consequendam promptum reperimus & paratum: ipso tamen ad dominia spoliata prius restituto, & ad informandas reverendissimas P. V. de hac sua spoliatione, ipsius oratorem seu procuratorem constitutum honorabilem virum dominum Andream Pfaffendorff decretorum doctorem, ordinis nostri profectum, cum plenissimo mandato in brevi coram V. R. P. reperietis comparentem notabilemque ambassiatam præfatus magnus dux ad V. R. P. transmisisset, si ad dominia, quibus per ducem Sigismundum suffragis Polonorum traditorie est spoliatus, esset restitutus. Cui tamquam catholico principi P. V. R. ut restitueretur auxilium dignentur præstare & favores. Nam ipse sic restitutus, aptus est & erit cum potentia sua fidem ampliare catholicam: pro quo omnipotens personas vestras reverendas conservare dignetur incolumes pro regimine universalis ecclesiæ feliciter & longæve. Datum in castris nostri Marienburg, ipso die B. Marci, anno Domini MCCCCXXXIII.

V. R.

ANNO  
CHRISTI  
1433.

V. R. P. humilis & devotus frater Paulus Rusdorff, ordinis B. Mariæ Theutonico-  
nicorum Hierosolymitanus magister generalis.

## EPISTOLA PHILIPPI

Ducis Burgundiæ, ad concilium Basileense.

*Commendat patribus confessorium suum  
ad episcopatum Autissiodorensem e  
Bethleemitano translatum.*

h. p. 583.

**S**acrosancto universalis ecclesiæ generali concilio Basileensi, &c.

Reverendissimi reverendique in Christo patres spectabiles & præclari, placuit sanctitati domini nostri papæ nuper providere reverendo in Christo patri confessori & consiliario nostro (a) dilecto & fideli episcopo Bethleemitano de episcopatu Autissiodorensi, ipsum de Bethleem ad eundem episcopatum Autissiodorensem transferendo. Verum decanus (b) ecclesiæ Autissiodorensis supradictæ, prætextu cujusdam prætensionis quam de se asserit electionis, jam dictum nostrum confessorem ad sacrum Basileense concilium citari procuravit, intendens sibi vexationes possibiles inferre, & novitates indebitas suscitare, non sine gravi periculo seu totali perditione civitatis Autissiodorensis & totius dioecesis; quæ quidem civitas sub nostro constituitur dominio: cujus tuitioni affectu pariter intendentes & effectu, dictam provisionem sollicite promovimus, tamquam nobis clero totique plebi civitatis & dioecesis hujusmodi gratam & fructuosam. Quapropter reverentias vestras summis affectibus deprecamur, quatenus in hoc negotio quod habemus singulariter recommissum, totaliter procedere, procedique curare velitis, quod sanctissimus dominus noster in ipsa dispositione non irritetur, mensque nostra a suo desiderio minime fraudetur, significantes quæque vestra beneplacita, quæ possetenus toto conamine curabimus adimplere. Reverendissimi reverendique in Christo patres spectabiles & præclari, omnipotens vos dirigat in prosperis & votivis. Scriptum in oppido nostro Middeburgensi, XXVI. die Aprilis.

Devotus ecclesiæ filius Philippus Burgundiæ, Brabantæ, & Limburgiæ dux &c. Flandriæ, Artesii, Burgundiæ, Hannoniæ, Hollandiæ, Zelandiæ & Namurci comes, vestris beneplacitis paratus.

Salmandre.

## EPISTOLA ULRICI

Electi Trevirensis, ad concilium Basileense.

*Petit ne credatur litteris decani & quorundam adversus eum.*

**R**euerendissimis in Christo patribus & dominis, sacrosanctæ Basileensi synodo in Spiritu sancto legitime congregatæ, præsentibus dominis, & amicis meis præcolendissimis, cum recommendatione humillimæ, promptissimæ voluntatis obedientiam.

Ib. p. 584.

Reverendissimi in Christo patres, domini ac amici præcolendissimi, grate sincereque dilecti, ex transperfa in populum fama mihi innotuit, quod venerabilis decanus certis cum capitularibus ecclesiæ meæ Trevirensis, quædam strepentina admodum querulosa adversum me, militiam, incolas, subditosque meos coram ea percelebri sacrosanctæque concione V. R. P. conscripta produxere. Cum ergo qua serie hujusmodi contexatur scriptum usque huc rimari nequiverim, nec prout res postulat ipsa, nec juxta facti qualitatem, respondendi defensionique mihi paruit facultas. Et præterea R. P. V. per lucidum agnovere, partibus contententibus duabus, ad unius relata dumtaxat ferenda, non extat sententia, alterius ignota causa. Quare animus ad R. P. V. probatam clementiam, quæ se digna petentibus sua munificentia donaria liberalius impertitur, pronissimis me dirigit curibus, humili prece pulsans: si quæ dicti decanus ac capitulares præfata querulosa V. R. P. duxissent, duxerintve significanda scripta, velint eadem V. R. P. eorumdem me exemplaribus paternis edocere clementiis, ac mearum suffragio expensarum, in usus hæc transmittere proprios. Experientur enimvero P. V. R. ex responsali, quem fide credita, testimonio, immo stabilito affirmare decrevi tenere, personam adeo criminiosam detestandamve non existere meam, quemadmodum contrariæ meæ partis rancorosa editio lividis in me sævit moribus, cupiens, licet demeritis non exigentibus, famam dilaniare meam, quam promptissimis semper proposui illasam servare studiis.

Et si iidem ipsi decanes & capitulares quorundam testimoniorum conscriptorumve prætextu super derogando honori una cum fama meis, in paternis vestros recurrerent amplexus, oro non assumantur fide, neque mancipientur prona, nisi ad hæc intellecto quid responsurus defensorumque decreverim. E prout ingenti mihi cautela opus esse constat. Volabat enim sparsim satis in patriam fama, quod cum sæpefati decanus & capitulares diffidatis contra positisque hostibus meis in-

CO-

(a) Laurentio Pino ordinis Prædicatorum conventus Senonensis.

(b) Petrus de Longolio, qui anno 1439. electus episcopus Autissiodorensis Laurentio successit.



ANNO  
CHRISTI  
1433.

colis civitatis Trevirensis, conspiratorio quodam tractatu se mutuo colligantes, patientibus novere modis, cum memorati Trevirenses adversum me ruminarent, testimonio credita prorsus cernuntur.

Eja præter solitum esset, eo ipso sententialiter in me procedi testimonio, cum oppositam partem rursus fovere dinoscantur. Possent insuper ipsi decani una cum capitularibus notarios ad vota requirere velle, instrumenta producturi cum nonnullis confessionibus sigillorum munimine roboratis, quarum nihilominus compagine infringi constaret; attento quod hac hora & in Basilea & in circumvicinis territoriis ut plurimos novem in me sevientes æmulos, qui fortassis causam non foventes meam, velata rei qualitate, dispendiosa eructarent testimonia.

Quamobrem etsi memoratas editiones cum producendis instrumentis coram R. P. V. contingat populari, dignentur intuitu prædictorum humilium affectuum meorum eadem V. R. P. suspensa sententia, tam super transmittendis exemplaribus, quam super consignando mihi termino ad asserendum opposita cum evidentiali veritatis stabilitate piis discernere medelis. Et si rursus innotuerit militiam, burgeses, subditosque dioecesis meæ his ipsis deprehendi scriptis, confido plenissime quanto innocentiores impositi criminis censeantur, tanto ferventioribus defensabunt se conatibus. Et qui super reconciliatione totius universi in Spiritu sancto congregati estis, dignetur Altissimus septiformem ejus gratiam uberioribus inter vos augmentare commodis, mihi ad tempora præcipienda longiora. Datum Erembrechtin meo sub sigillo, die penultima mensis Aprilis, anno Domini MCCCCXXXIII.

V. R. P. humillimus Ulricus electus  
Trevirensis.

#### CONFIRMATIO CONVENTIONIS

*Cujusdam inter comitem Palatinum Rheni & Conradi Ratissponensis episcopi.*

Ex Lunig.  
Sp. c. p.  
692.

Acrosancta generalis Synodus Basiliensis in Spiritu sancto legitime congregata universalem ecclesiam representans, ad futuram rei memoriam. Justis & honestis supplicum votis, illis potissime, quæ ecclesiarum, præsertim Cathedralium utilitatem ac pacem, & quietem fidelium, nec non animarum salutem respiciunt, Synodali convenit auctoritate favorabiliter annui, & ea quæ pro illis optato effectui mancipandis inter ipsarum ecclesiarum Prælatos & seculares Principes pie & provide tractata & peracta sunt, ut firma & illibata persistant, eadem decet auctoritate etiam communiri. Exhibita siquidem nobis nuper pro parte venerabilis Conradi episcopi Ratissponensis & dilectorum ecclesiæ filiorum Præpositi Decani & capituli ecclesiæ Ratissponensis petitio continebat quod alias Castro in Werde Ratissponensis dioecesis

cum dominio juribusque & pertinentiis suis, ad dilectum ecclesiæ virum nobilem virum Wilhelmum comitem Palatinum Rheni & Bavarie Ducem jure hereditario legitime devoluto, nonnullisque amicabilibus inter episcopum, præpositum, decanum, capitulum, & ducem super restitutione castri & domini Juriumque & pertinentiarum prædictorum per ipsum ducem facienda colloca-tionibus seu collationibus præhabitis; tandem idem Dux, receptis per eum pro ipso castro, quod progenitoribus & prædecessoribus suis Bavarie ducibus, pro viginti quatuor millibus florensis de Ungaria impignoratum fuerat, duntaxat decem millibus octingentis & triginta florensis Rhenensibus, qui computatis etiam fructibus per eundem Ducem, ex illo castro a tempore, quo illud tenuit, perceptis, & illis de majori summa sibi debita, iusto calculo defalcatis, eidem restabant, & quos pro prædicti castri ac domini Juriumque & pertinentiarum ejusdem recuperationem exposuerat, illud cum dominio ac juribus & pertinentiis suis universis, præfato episcopo & suis successoribus episcopis Ratissponensis futuris, ac dictæ Ratissponensis ecclesiæ, in honorem omnipotentis Dei, omnium bonorum retributoris, ac pro pace inter eos ac ipsum ducem, successoresque suos perpetuo conservanda, nec non pro sua, ac præfatorum progenitorum ac prædecessorum animarum salute de mera sua libertate, sponte restituit, ac etiam assignavit. Hoc pacto videlicet, quod tam ipsum in Werde, quam Tuembtstauß prope Ratissponam, & Hohenburg circa Eum, quæ in aliquorum proborum manus sub spe restitutionis ipsi Ratissponensis ecclesiæ faciendæ posita existunt, cum restituta fuerint. Nec non etiam Hohenburg in Norico, non obligatum, Frisingensis & dictæ Ratissponensis dioecesis ad ipsam ecclesiam Ratissponensem legitime pertinentia castra cum dominiis ac juribus & pertinentiis suis, ecclesiæ perpetuo remanere, & nequaquam per episcopum, Præpositum, decanum, & capitulum præfatos vel eorum successores impignorari, vendi, obligari, aut alias qualitercumque ab ipsa ecclesiâ alienari debeant, quod ipsi dicto Duci, suisque hæredibus & successoribus etiam promittere teneantur, neque per eodem facta restitutione prædicta, cum castris ipsis contra dictum ducem ac dilectum ecclesiæ filium nobilem virum Ernestum ejus fratrem, eorumque filios legitimos, de suis lumbis descendentes, per se vel alium seu alios, aliquid contra rationem vel iustitiam, temere valeat attemptari. Quod quicumque episcopus, ac etiam præpositus, decanus, & canonicus Ratissponensis præfatos & futuri recepti & in antea recipiendi, præmissa omnia & singula, sub privatione dignitatis & aliorum cujuscunque qualitatís fuerint beneficiorum suorum omnium, nec non habilitatis ad illa, & similia impostum obtinenda, panis, quas si secus egerint, ipso facto incurrant, firmiter & inviolabiliter in perpetuum observare; Nec non super hoc juramentum præstare, ac præpositus & decanus moderni, nec non capitulum ecclesiæ Ratissponensis novum inde statutum in eadem

ANN  
CHRIST  
1433

ecclesia perpetuo observandum & aliis illius successoribus injungendum facere teneantur, prout in certis authenticis de super confectis literis dicitur plenius contineri. Quare pro parte præfatorum Conradi episcopi, præpositi, decani, fuit nobis humiliter supplicatum, quatenus restitutioni & assignationi per ipsum ducem, ut præmittitur, factis, ac aliis præmissis, pro eorum subsistentia firmiori robur Synodalis confirmationis adijcere, & alias super his, oportune providere, auctoritate prædicta dignaremur. Nos igitur, qui inter cunctos Christi fideles pacem vigere, intensis desideriis affectamus, & ecclesiarum utilitati, ac animarum saluti libenter intendimus, de præmissis plenius informati, hujusmodi supplicationi inclinati, restitutionem & assignationem eandem; nec non omnia & singula præmissa, ac inde secuta quæcumque rata & grata habentes, & quoscunque defectus, si qui intervenerunt in eisdem, dicta auctoritate suppletentes, ea omnia & singula eadem auctoritate confirmamus & approbamus, ac præsentis scripti patrocinio communimus. Decernentes & dicta auctoritate statuentes, quoscunque episcopos, Præpositos, decanos & canonicos Ratispon, pro tempore existentes, qui pacto prædicto directe vel indirecte, quovis quasi colore, in aliquo contravenirent, quod eis sub prædictis, qui autem contra ea Apostolicas seu quasvis alias literas impetrarent, aut etiam impetratis uti pertinaciter præsumperint, quod eisdem sub perjurii pœnis non liceat, easdem fore pœnas ipso facto incursum. Non obstantibus tam Apostolicis, quam in provincialibus aut synodalibus Conciliis editis generalibus vel specialibus constitutionibus, ac dictæ Ratisponens. ecclesiæ, etiam juramento, confirmatione apostolica, vel quacunque firmitate alia roboratis statutis & consuetudinibus, cæterisque contrariis quibuscunque. Nulli ergo omnino hominum liceat hanc paginam confirmationis & approbationis infringere, vel ei ausu temerario contraire. Si quis autem hoc attemptare præsumperit, indignationem omnipotentis Dei, & Beatorum Apostolorum Petri & Pauli ejus, se noverit incursum. Datum Basileæ VI. Non. Maii, Anno Domini Millesimo Quadringentesimo Tricesimo tertio.

## EPISTOLA EUGENII PAPÆ IV.

Johanni de Mella, Johanni archiepiscopo Tarentino, Thomæ episcopo Traguriensi, Ludovico & Nicolao abbatibus.

*Deputat eos ad concilium ut suo nomine ei præsideant.*

**E**ugenius episcopus servus servorum Dei, dilecto filio magistro Jo. de Mella notario ac referendario, & venerabilibus fratribus Joanni archiepiscopo Tarentino, Thomæ episcopo Traguriensi, nec non dilectis filiis Ludovico S. Justinae, & Nicolao S. Mariæ de Moniacis apostolicæ cameræ auditori, monasteriorum abbatibus S. & A. B.

Ex Mart.  
to. VIII.  
p. 580.

Cum ex certis rationabilibus causis de venerabilium fratrum nostrorum consilio decreverimus, ut generale concilium in civitate Basileni per legatos nostros, nostro & apostolicæ sedis nomine præsidentes celebretur, non obstante dissolutione alias per nos facta, prout in nostris litteris super inde sub data XVI. calendas Martij confectis plenius continetur. Cumque aliqui ex præfatis præsentibus, ut præmittitur, deputatis, videlicet C. venerabilis frater noster Jordanus episcopus Sabinensis, & dilectus filius Angelotus tituli S. Marci presbyter S. R. E. cardinales & apostolicæ sedis legati, ob multa in his partibus incumbencia, sine magnis incommodis & suspicione maximi detrimenti ipsarum, partium, ac etiam propter adventum carissimi filii nostri Sigismundi Romanorum regis illuistris ad aliam Urbem, ob quem ipsorum cardinalium præsentia nobis plurimum necessaria existit, usque in præsentem diem non potuerint iter suum ad dictam civitatem Basilensem arripere. Considerantes quoque contingere posse, quod venerabilis frater noster Petrus Albanensis episcopus, & dilectus filius Nicolaus tituli S. Crucis in Jerusalem presbyter S. R. E. cardinales, etiam legati & præsidentes per nos deputati, ex bonis & honestissimis causis forsitan necdum finitis adhuc plurimum occupati, pari modo ad dictam civitatem Basilensem venire tardarent: nolentes ex his ipsum concilium aliquantulum retardari, sed potius quæcumque ad reformationem morum, extirpationem, hæresum, concordiam, pacem & unitatem, necnon commodum & augmentum religionis & reipublicæ Christianæ pertinent, veluti semper optavimus, indilate promoveri, & ad desideratum finem perducī; vos, seu illos ex vobis, quos dicto concilio pro tempore contigerit interesse, fide, bonitate, & prudentia præclaros, ac in magnis nostris & præfatæ ecclesiæ negotiis longa experientia comprobatos, ad præsidentiam ejusdem concilii nostro & sedis apostolicæ nomine, loco dictorum cardinalium, & in ipsorum absentia, de prædictorum fratrum nostrorum consilio deputamus, cum potestate ipsum celebrandi, secundum quod in litteris prædictis sub



ANNO  
CHRISTI  
1433.

735

BASILEENSE G. CONCILIUM.

736

ANN  
CHRIS  
1433

sub data XVI. calendas Martii statuimus, necnon continuandi, promovendi, tractandi, ordinandi, disponendi, decernendi, concludendi & exequendi omnia & singula, de quibus in litteris nostris super deputatione, præsidentia & potestate præfatis cardinalibus concessa seu concessis sub data Kal. Martii, anno II. confectis, & quemadmodum per dictas litteras præfatis cardinalibus dedimus in mandatis, plenius continetur, ratum & gratum habituri, quicquid super præmissis per vos seu illos ex vobis, quos in dicto concilio pro tempore interesse contigerit, juxta facultatem per dictas litteras præfatis cardinalibus, ut præmittitur, concessam ordinatum, statutum, deliberatum ac decretum, fuerit & conclusum; idque faciemus, auctore Domino, usque ad satisfactionem condignam inviolabiliter observari. Quocirca, circumspectioni vestræ per apostolica scripta mandamus, quatenus injunctum vobis ministerium laboris hujusmodi, pro Dei ac nostræ & sedis apostolicæ reverentia suscipientes, illud in omnibus & singulis supradictis, juxta datam vobis a Domino prudentiam, omni industria & diligentia exequamini, quo fructus optati proveniant, quos speramus. Super quibus omnibus & singulis supra præmissis plenam & liberam, auctoritate apostolica, vobis concedimus facultatem. Datum Romæ apud S. Petrum, anno Incarnationis Dominicæ MCCCCXXXIII. nonas Maii, pontificatus nostri anno III.

nore præsentium tibi injungimus, ut cum legatis, ut præmittitur, deputatis, seu aliis in futurum forsitan deputandis, necnon cum quibuscvis loco eorum & in ipsorum absentia per non deputatis seu deputandis, quæcumque ad reformationem morum, extirpationem hæresum, concordiam, pacem & unitatem, necnon commodum & augmentum religionis & reipublicæ Christianæ pertinent, prout per alias litteras nostras sub data nonas Maii anno III. declaravimus, in præmissis promoveas, eidem concilio pariter præsidendo cum honore, prærogativa, facultate & potestate, quæ singulis aliis, ut præmittitur, deputatis, secundum formam contentam in litteris legationis seu deputationis eorum sub data calendas Martii anno II. ac data nonas Maii prædicta confectis, competere dignoscuntur. Quocirca circumspectioni tuæ per apostolica scripta mandamus, quatenus injunctum tibi ministerium laboris hujusmodi, pro Dei, nostræ, & sedis apostolicæ reverentia, juxta datam tibi a Domino prudentiam omni studio & industria exequaris, quo fructus optati proveniant, quos speramus, & tu retributionem consequi merearis felicitatis æternæ. Datum Romæ apud S. Petrum, anno Incarnationis Dominicæ MCCCCXXXIII. VIII. idus Maii, pontificatus nostri anno III.

In plica Ja. de Langusto.

L. de Veneciis

De curia,

L. de Orto.

In plica, Ja de Langusto.

LITTERÆ LEGATIONIS

R. P. domini cardinalis S. Angeli, lesse D  
in congregatione die Veneris V. Junii MCCCCXXXIII.

1b. p. 587.

Eugenius episcopus, servus servorum Dei, dilecto ecclesiæ filio Juliano S. Angeli diacono cardinali apostolicæ sedis legato, S. & A. B.

Dudum ex certis rationabilibus causis decrevimus, ut generale concilium in civitate Basileensi per legatos nostros nostro & sedis apostolicæ nomine præfidentes celebretur, non obstante dissolutione seu translatione alias per nos facta, prout in nostris litteris sub data XXI. cal. Martii plenius continetur. Cumque te fide, circumspectione, bonitate & prudentia præclarum, ac in magnis nostris & Romanæ ecclesiæ negotiis diutina experientia comprobatum, cum præfatis legatis, seu aliis deputatis, aut deputandis, nominibus quibus supra, eidem concilio, de venerabilium fratrum nostrorum consilio, censuerimus præsidere, te-

EPISTOLA

Eugenii Pape IV.

Venerabilibus fratribus ac dilectis filiis in sacro generali Basileensi concilio congregatis.

Mittit nuntios qui concilio præfideant, cui omnem favorem optat & promittit.

Eugenius episcopus servus servorum Dei, 1b. p. 589  
venerabilibus fratribus ac dilectis filiis in generali Basileensi concilio congregatis; S. & A. B.

Posteaquam statuimus in civitate Basileensi debere concilium celebrari, nonnullos ex venerabilibus fratribus nostris S. R. E. cardinalibus, apostolicæ sedis legatos, ad præsidendum præfaro concilio, nostro & sedis apostolicæ nomine, ad dictam civitatem Basileensem decrevimus transmittendos, intendentes præfatos legatos quamprimum ad prædictum concilium accessuros; verum quia ob multa gravia & ardua, statum Romanæ ecclesiæ concernentia, ac etiam ob adventum carissimi in Christo filii Sigismundi Romanorum regis illustri, qui vix una die a præfata urbe distat, ipsorum legatorum, qui hic sunt, præsentia permaxime necessaria nobis extiterit, & adhuc existat; considerantes etiam posse contingere, quod reliqui ex præfatis legatis per nos deputatis ex-

arduis & honestissimis causis forsitan necdum finitis, adhuc plurimum occupati, pari modo ad dictam civitatem Basileensem venire tardarent, ne quid huiusmodi concilii celebrationi impedimentum aliquod habeat, seu dilationem afferat, dilectum filium magistr. Jo. de Mella notarium referendarium, ac venerabiles fratres Jo. archiepiscopum Tarentinum, Thomam episcopum Fragarium, nec non dilectos nostros filios Ludovicum S. Justine Patavinum \*, & Nicolaum S. Mariæ de Moniacis, apostolicæ cameræ auditorem; monasteriorum abbates, viros utique bonitate, prudentia & sapientia præstantes, in præfato concilio nominibus quibus supra, loco dictorum legatorum & ipsorum absentia, & cum ea potestate, quam prædictis legatis antea concessimus, censuimus præsidere, quemadmodum in nostris litteris superinde confectis plene & specificè continetur. Quamobrem fraternitates, circumspeditiones, ac devotiones vestras hortamur in Domino, atque etiam in virtute sanctæ obediencie tenore præsentium vobis injungimus, quatenus memores pietatis, officii & religionis juramenti, quibus sanctæ sedis apostolicæ, quæ vos genuit in visceribus caritatis, obstricti estis, præfatos, ut præmittitur, deputatos ad præsentiam præfati concilii, ea, qua decet, reverentia suscipientes, cum ipsis zelo sancti Spiritus inflammati, his quæ ad reformationem morum, extirpationem hæresum, pacem Christianorum, honorem sedis apostolicæ, & augmentum religionis & reipublicæ Christianæ conducant, prout ad unumquemque pertinet, totis cordis & caritatis visceribus intendere velitis. Singulari enim, testis est nobis ille qui nihil ignorat, & sincero cordis tenemur desiderio, concilium huiusmodi ita ex initio sancti Spiritus, in cuius caritate & fervore congregatos vos esse oportet, debere celebrari, ut debita divini honoris ac nominis exaltatio, congrua ecclesiæ reformatio, pacis & tranquillitatis totius populi Christiani reductio & reintegratio consequatur. O felicem diem illam, ad futurorum seculorum memoriam recolendam, in qua tam multi nobis, licet immerito, totique populo Christiano bona largitor omnium bonorum concesserit intueri! Agite igitur, ac bonis sincerisque & in Deum erectis animis, estote ad singula quæque & salubria & sancta ecclesiasticæ reipublicæ, & universo populo Christiano patranda & etiam reducenda, parati. Nos autem, quamvis ex legitimo impedimento effectum sit, ut ad partes tam longinquas accedere, & sic Basileensi concilio præse personaliter nullo modo in præsentiarum valeamus, omnia tamen auxilia, omnes operas, omnes favores, ad hoc ut prædictum concilium bonos & prosperos successus in Dei ecclesiâ habeat, conferemus; curabimus etiam, ut ceepimus, efficacem operam dare, ut prælati ex omni parte ad ipsum concilium Basileense conveniant, cum non dubitemus eo plura & majora bona in dicta ecclesiâ fieri posse, quo plures operarii in agro dominico ad operandum fuerint constituti. Accedant præterea istuc quamprimum oratores carissimi in Christo filii

Concilior. Supplem. Tom. IV.

A nostri Sigismundi Romanorum regis illustris præfati, ne quid ipsi concilio favoris desit a quibus etiam de nostræ mentis sinceritate & fervore circa ecclesiæ reformationem & omnia alia, de quibus supra præmittitur, efficiamini certiores. Datum Romæ apud sanctum Petrum, anno Incarnationis dominicæ MCCCCXXXIII. VI. idus Maii, pontificatus nostri anno III.

An L. de Orto.

# MANDATUM

B Domini ducis Burgundiæ, lectum in congregatione generali XXVI. junii MCCCCXXXIII.

Philippus Dei gratia Burgundiæ, Lotharingiæ, Brabantie, & Limburgi dux, Flandriæ, Arthei, Burgundiæ, Palatinatus, Hollandiæ, Hannoniæ, Zelandiæ & Namurci comes, sacrique imperii marchio, atque Frisiæ, de Salinis ac Machliniæ dominus, universis præsentis litteras inspecturis salutem in vero salutari.

Ib. p. 590.

Et si ab inceptione & prima convocazione sacri concilii generalis Basileensis, in Spiritu sancto, quo duce regitur, legitime congregati, fuerimus semper intentionis atque ferventissimæ voluntatis eidem adherere, prout assidue absque ulla hæsitacione hucusque firmiter assentientes adhæmus & adhæremus, nostrosque nuncios & oratores ac illud pro se tam sancta tamque salubri & necessaria, quæ inibi agenda foret & tractanda, cum aliis eadem de causa eidem congregatis seu congregandis, destinare. Attamen multis in negotiis publicis & privatis super modum & numerum interim & usque ad modicum citra tempus elapsum impediti, nostræ mentis desiderium & salubre propositum vix hætenus, in nostram non mediocrem displicentiam & cordis mœlancoliam, valuimus adimplere. His vero jam Dei dono aliquantisper pacatis, & tranquille dispositis, quod in votis est pleno libet affectu sub duce Christo studiose prosequi, votivoque effectui de mandare. Notum itaque facimus, quod nos ad plenum confidentes de probitate, industria, fidelitate & reliqua virtute reverendi in Christo patris episcopi Nivernenis, nec non dilectorum & fidelium consiliariorum nostrorum domini Guilliberti de Launoy, domini de Villari vaile militis & campbellani nostri, magistrorum quoque Johannis de Fruyno thesaurarii ecclesiæ Bisuntinensis in legibus, Johannis Viviani archidiaconi de Belna, & Roberti Aclou canonici Parisiensis in decretis licentiarum, ipsos & quemlibet ipsorum in solidum fecimus, constituimus & ordinavimus veros & indubitatos ambalatores nostros & nuncios speciales ad prædictum sacrum generale concilium Basileense, dantes & concedentes per eandem præsentem illis & eorum singulis omnimodam potestatem & facultatem plenariam adherendi primum nomine nostro antedicto sacro concilio,

A a a

etiam



ANNO  
CHRISTO  
1433.

etiam approbandi, comparendique & exhibendi se pro nobis in eodem coram quibuscumque principibus ecclesiasticis & secularibus, praesidentibus, iudicibus, officiariis deputatis, & aliis quibuscumque personis ibidem constitutis. In omnibus insuper congregacionibus generalibus & particularibus sessionibus ceterisque coetibus & locis, actibus quoque & rebus universis ejusdem concilii opportunis; nec non agendi, tractandi, conveniendi, diffinendi & concludendi una cum reliquis super materiis & agilibus quibuscumque in eodem concilio tractandis & expediendis, tam pro reformatione generali ecclesiae in capite & in membris, quam exstirpatione haereseum & schismatum, pacificationeque regnorum, & aliorum Christi fidelium, & generaliter omnia alia & singula, quo supra nomine faciendi, gerendi & exercendi, quae in praemissis & circa praemissa necessaria fuerint, seu quolibet modo opportuna; & quae nos ipsi faceremus aut facere possemus, si praesentes & personaliter interessemus. Promittentes bona fide & in verbo principis, nos ratum & gratum perpetuo habituros quicquid per praefatos ambaxiatores nostros & eorum lingulos actum, dictum, gestumve fuerit in praemissis, seu quomodo libet alias expeditum. In cujus rei testimonium sigillum nostrum praesentibus litteris iussimus apponendum. Datum in villa nostra Braxellensi, die XI. mensis Maii, anno Domini MCCCXXXIII.

Per dominum ducem,

G. Serarii.

#### EPISTOLA

Syndici & consilii civitatis Avenionensis ad concilium Basileense.

*Monent concilium de expeditione suscepta adversus comitatum Vauclavensem a cardinali Fuxensi & ejus fratribus.*

1b. p. 592. Reverendissimis in Christo patribus & dominis sacrum generale Basileense concilium digne celebrantibus, &c.

Reverendissimi, &c. humillima recommendatione praemissa. Non sine cordis compunctione maxima cogimur ex debito nostrae fidelitatis, quo ecclesiae universali per hoc sacrum concilium representatae, astricti sumus, quae in his partibus eidem ecclesiae subditis diutius obveniunt, in ecclesiae sanctae Dei non modicam injuriam, dicti sacri concilii contemptum, & subditorum ejus laesionem inexplicabilem enarrare. Nempe siqui-

dem, patres & domini reverendissimi, nudi-  
us tertius ingressi sunt comitatum Vauclavensem, ad ecclesiam Romanam pertinentem, domini cardinales de Fuxo & fratres ejus cum exercitu gravi, usque ad summam duorum militum equitum, & ducentorum pedum, & ultra, & diutius augmentantur, passagio eis concessio per Pontem Spiritus sancti, deferentes vexillum cum armis domini nostri papae, emittentes clamorem: Vivat papa & dominus cardinalis de Fuxo ejus vicarius. Est autem ipse dominus cardinalis associatus quinque episcopis & duobus abbatibus, episcopo videlicet Laudunensi, Conseranensi, qui totius mali auctor existit, Adurensi, Apamensi & Bertheleem, abbate de Lezato, & quodam alio cujus nomen ignoramus. Practica per eos tentata est haec. Veniunt praefati praedicti ante villas dicti comitatus, & faciendo blandos eorum sermones, quanta populis ad exaltationem domini nostri papae, ad oppressionem vero concilii, & civitatis praesentis ignominiam, explicare non possemus; & ubi cum verbis damnatis praedictis obtinere non possunt eorum damnatum propositum, comminationes inferunt mortiferas, non solum animarum, immo corporum et bonorum; et specialiter de faciendo (a) vatum, et destruendo blada et vineas, et alia innumerabilia mala faciendo. Die dominica proxime lapsa de ferro ipsis applicatis ante villam de Abolena comitatus praedicti, super qua fundatum est collegium studentium civitatis Avenionensis, usque ad numerum XXIV. studentium, per bonae memoriae dominum cardinalem Ostiensem, ad suggestionem et totalem inductionem dicti Conseranensis executoris testamenti, ac etiam principalis ordinatoris collegii praedicti, dicta villa fuit posita ad obedientiam dicti domini cardinalis de Fuxo, et in summitate ecclesiae praedictae villae, posita (b) banderie papae et dictorum dominorum de Fuxo, et facti sonitus campanarum non modici, cum inexplicabili gaudio, et civitatis praesentis contumelia passiter et offensa; Et demum infra eandem villam dimissa stabilita certarum gentium armorum, discurrunt per villas et loca comitatus praedicti, modum et formam, de quibus supra, contrarie observantes. Et quia patria est pauperima visualibus, locaque sunt multa, nonnulla gentibus depopulata, alia vero debiliter clausa, alia vero modis quibus supra, seducta, dubium est, nisi Deus et vestrae reverendissimae paternitates celeriter providdeant, de totali dicti comitatus subversione. Reverendus in Christo pater dominus Valentiniensis (c) episcopus et rector ejusdem hucusque fecit quod potuit: qui continue in Carpentatore residet, succursum. Educentorum hominum armorum per hanc civitatem soldatorum, una nobiscum languentes spectando. Sed quicquid sit, secundum suas litteras ad nos directas satis despectus.

(a) Id est devastacionem, gallice *degaß*.

(b) Id est vexilla, hinc banderarius pro vexillifero.

(c) Is fuit Johannes de Poitiers, frater Caroli episcopi Lingonensis, Carolo Francorum regi carus.

ANNO  
CHRISTI  
1433.

ſperat, quod etiam villæ majores comitatus  
ejuſdem ſe pararo velint ad deſenſionem.  
Nam nec uſque in hodiernum diem induci  
potuerunt, neque poſſunt induci de præſen-  
ti ad contribuendum una cum civitate præ-  
ſenti, etiam uſque ad unum obolum pro de-  
ſenſione prædicta. Et niſi occurratur, du-  
bium eſt quod exercitus prædictus una cum  
gentibus dicti comitatus ſe convertat con-  
tra civitatem præſentem; quod ſi ita fieri  
contingeret, quod Deus avertat, ad incom-  
moda non modica, periculumque deſtructio-  
nis totalis hæc civitas eſſet parata. Et quia  
P. R. hæc civitas ſemper fuit et eſt eccle-  
ſiæ ſanctæ Dei fideliffima, & ſecunda ſedes,  
a multis propterea exoſa, & a magnis tem-  
poribus citra propter factum eccleſiæ quaſi  
depauperata, abſque eo quod ab eccleſia  
reformationem ſeu conſolationem quamcum-  
que effectivalem hucusque perceperit, & no-  
viſſime hæc damna his temporibus ei pa-  
rata, propter obedientiam ſacro concilio præ-  
ſtitam evenerunt; ſupplicamus humiliter quo  
poſſumus eaſdem V. P. R. quatenus pio &  
paterno affectu eidem compatiens, dignetur  
de convenienti remedio atque ſubſidio  
adverſus inconvenientia prædicta eidem pro-  
videre. Nam præter mala jam ſuſtentata,  
diſpoſiti ſumus, etiamſi totus comitatus ef-  
ſet perditus, adhuc majora pati, quantum  
nobis poſſibile fuerit, non obſtante quod mul-  
ti domini de tractatu concordiæ ſe inter-  
ponant; & hodie in Carpentorato cum ſal-  
vo conductu ingreſſus eſt ſeneſcallus Belli-  
cadri cum domino reſtore, conſenſu rever-  
endiſſimi in Chriſto patris domini guberna-  
toris & conſilii civitatis præſentis, interve-  
niente, ſuper aliquo tractatu colloquium  
habens. Sed quicquid ſit, qualiſcumque fiat  
tractatus, conſenſu dominorum de Fuxo eſt  
habere obedientiam civitatis & patriæ expe-  
ditam: quod animi noſtri patienter audire  
non tolerant. De remediis autem adhiben-  
dis, hoc eiſdem paternitatibus veſtris reve-  
rendis diſcutiendum relinquinus, quæ illo-  
rum notitiam habent luce meridiana clario-  
rem. Hæc licet tædioſe intimare eiſdem di-  
ſpoſuimus ad fines & effectus prædictos, &  
ne civitas a tantis paternitatibus, quicquid  
evenire contingat, poſſit in futurum redar-  
gui; quam patriam eccleſiæ ſibi circumvi-  
cinam dignentur eædem paternitates reve-  
rendiſſimæ tueri & protegere favoribus &  
auxiliis opportunis, ut illis intervenientibus,  
& celeriter ipſa poſſit, ſicut affectat, eccle-  
ſiæ ſanctæ Dei continue ſubjici, ſamulari &  
conſervari; quod eis concedat ille cujus cau-  
ſa agit, qui eaſdem ſalvet, protegat cum  
felicitibus incrementis, deque eccleſiæ ſuæ  
ſanctæ inimicorum proſtrationem feliciter &  
vorive. Poſt hæc P. R. hodie XIII. maii ci-  
vitas Carpentorato, quæ caput eſt comita-  
tus Venaiſini, abſque alia violentia, inter-  
veniente tractatu inter eos inito, præſato  
domino cardinali de Fuxo, & ſimiliter quaſi  
omnia loca pro majori parte dicti comi-  
tatus, præſtiterunt obedientiam totalem,  
& cras cum exercitu ſuo, ut dubitamus,  
erit ante præſentem civitatem, quia jam eſt  
in loco de Montibus, ad tres leucas prope  
Avenionem. Nos enim ad viam deſenſionis  
*Conc. Supplem. Tom. IV.*

A parati, ejus inductionibus, quantum poteri-  
mus, bono corde reſiſtemus. Subſequenter  
hodie mer, XI. hora ante meridiem, ipſe do-  
minus cardinalis cum fratribus et prælatis  
ſuis locum prædictum Montiliorum deſerunt,  
et apertiſ januis civitatem Carpentoraten-  
ſem intraverunt: qui fuerunt recepti cum  
gaudio et exultatione, campanis pulſatis,  
et alia lætitiæ ſolemnitate ſervata, et, ut  
mandaverunt, cras contra Avenionem com-  
minati ſunt dare aſſaltum contra locum  
Pontis Sorgiæ, ſed, ut ſperamus, non præ-  
valebunt, quia potenter et ſtrenue dabitur  
eis repulſa. Scripſum Avenione die XII.  
mai MCCCCXXXIII.

ANNO  
CHRISTI  
1433.

Earundem paternitatum veſtrarum  
reverendiſſimarum humiliter ſer-  
vitores ſyndici et conſilium civi-  
tatis Avenionenſis.

## M A N D A T U M

Joannis de Tufignano Ferrarienſis epi-  
ſcopi.

Procuratorem eligit ut nomine ſuo aſſi-  
ſtat concilio Baſileenſi.

C I N Chriſti nomine amen. Anno ejusdem na-  
tivitytis milleſimo quadringenteſimo trige-  
ſimo tertio, Indiſtione undecima, die qua-  
rto decimo menſis maii, tempore pontificatus  
ſanctiſſimi in Chriſto patris et domini, domini  
Eugenii divina providentia papæ quarti,  
Ferrariæ in episcopali palatio, in camera  
iſtius domini episcopii Ferrarienſis, præſen-  
tibus teſtibus vocatis et rogatis, Donno O-  
ſtaviano filio magiſtri Johannis de ſancto  
Martino canonico plebis ſanctæ Mariæ vil-  
læ Vicueriæ dioceſis Ferrarienſis, domino  
Antonio de Stephanellis reſtore eccleſiæ ſan-  
ctæ Agathæ villæ Sablunceli inferioris dio-  
ceſis Ferrarienſis, Ser Petro de Lardis nota-  
rio, filio quondam Franciſci de Lardis de  
contrata ſancti Romani civitatis Ferrariæ,  
et aliis; ſacroſanctæ generali Baſileenſi Syno-  
do in Spiritu ſancto legitime congregatæ,  
universalem ſtatum eccleſiæ referenti, reve-  
rendus in Chriſto pater et dominus dominus  
Johannes de Tufignano, Dei et apoſtolicæ  
ſedis gratia episcopus Ferrarienſis, ejus devo-  
tiſſimus filius, cum omnimoda ſubjectione,  
obedientia, reverentia ac devotione noſtrum  
facit per hoc ſcriptum, quod omni inten-  
tione et animi ſui deſtinatione optaret ad  
præſatam ſacroſanctam Synodum ſe perſona-  
liter transferre, id quod tanto cordis ſervo-  
re fragravet et appetit, ut neque verbo  
neque literis explicare queat. Cupit nam-  
que in ipſo ſacroſancto concilio ſe perſona-  
liter recipere, ut ejusdem concilii votis et  
impoſitionibus ſatiſfaceret, et cum reve-  
rendiſſimis dominis, et patribus ſuis ibidem  
aſſiſtentibus conveniret et aſſiſteret, ad obe-  
quendum in hiis quæ concernerent tranqui-  
litate, et pacem ſanctæ matris eccleſiæ et  
populi chriſtianæ; et ob id indefeſſis viribus  
A a a 2 ſine

Ex Autog.  
Ferrari-  
enſis.  
ruit ac  
milit D.  
Canon.  
Joseph  
Antenor  
Scalabrini



..... sine mora quærir viam vigilantem, solertissime insisit quoquomodo possit mutuo habere pecuniam causa Basileam accedendi. Verum quia omni jure impossibilitas excusatur; et eidem domino episcopo non modicum difficile, sed penitus impossibile sit hucusque prædicta sua optata implere propter sui et episcopatus antedicti pauperatatem et egestatem notoriam & toti Ferrariensi populo manifestam. Nam episcopatus prædictus per antecessores ejusdem domini episcopi fuit involutus atque implicatus in tot & tantis debitis, & oneribus, quod hinc ad multos annos sæpeditus dominus episcopus cum parva & quasi nulla familia vix vivere poterit. Suppignoraverant enim Antecessores præfati bona & possessiones dicti episcopatus, quæ idem dominus episcopus exigere habuit evidentissima utilitate, et commodo episcopatus sui, et nisi sic exegisset, dictus episcopatus substantiis et bonis omnibus exinanitus, et penitus annihilatus fuisset. Solvit insuper ipse dominus episcopus tassam bullarum suarum isto primo anno præterito cum aliis oneribus consuetis; et quod deterius est, ex possessionibus antedictis nullum commodum, nulla utilitas, nulli fructus aut proventus anno isto præterito habiti sunt, obitante maxima, et notoria sterilitate, quare prælibatus dominus episcopus sperans in misericordia et clementia et benignitate sacrosancti concilii supradicti et prælatorum ejus omni modo, via, jure, cautela et forma quibus magis et melius potuit, et debuit, non revocando aliquem alium suum, et dicti sui episcopatus procuratorem; sed potius confirmando ac ex certa et deliberata scientia et non per errorem fecit, constituit, creavit, et ordinavit in suum et dicti episcopa-

tus procuratorem, factorem, et certum nuncium spirituales, et specialiter et expresse, venerabilem et egregium decretorum doctorem dominum Simonem de Valle, Venetum, absentem tanquam præsentem, ad comparandum, et se præstandum in dicto sacro sancto Concilio, et apud ipsum concilium, supplicandum, exorandum, et deprecandum ac genibus flexis devotissime expetendum a sanctis venerabilibus patribus et dominis suis de concilio, ut per viscera misericordie Christi nostri dignetur ipsi domino episcopo suprascriptas iustissimas excusationes admittere. Attento quod nullo modo credit prope recipere pecuniam causa proficiscendi Basileam; et si quid hucusque minime potuit reperire, dubitat quod esset cum omnimoda desolatione dicti episcopatus. Attamen non desistendo a dicta sua voluntate, sed illi continue insistendo in quantum possit ab impossibile se penitus excusando. Idcirco et ad impetrandam hanc liberam licentiam pro eodem domino episcopo, ut idem sacrosanctum concilium dignetur de gratia speciali misereri dicti episcopatus et concedere dicto domino episcopo quod ad dictum sacrosanctum concilium accedere non teneatur, offerendo se ubique ad pedes, et devotionem ac mandatum præfati sancti concilii paratissimum. Et nihilominus eidem domino Simoni procuratori dedit in mandatis specialiter et expresse, ut in eodem sacrosancto concilio interfit, vice et nomine, ac ut nuncius et procurator et pro ipso domino episcopo simul cum aliis dominis prælatis ad tractandum etc.

L. † B. Ego Martinus natus quondam S. Bartholomæi de Schivets imperiali auctoritate notarius publicus Ferrariensis, necnon notarius et scriba cameræ episcopalis.

*Hoc mandatum aut non fuit transmissum aut non acceptatum; nam interfuisse hunc ipsum episcopum concilio, constat ex literis hic statim subdeditis ex rei connexion, quanquam anno sequenti scripsit.*

## BASILEENSIS CONCILII

*Facultas data eidem episcopo, ne redeat ad concilium.*

Ex Autog.  
existente  
Ferrariæ  
in MS. Cod.  
m. sit D  
Joseph  
Antenor  
Scalabrini  
Canon  
Ferrari.

Sacrosancta generalis Synodus Basiliensis in Spiritu S. legitime congregata, universalem ecclesiam representans, universis et singulis præsentibus literas inspecturis salutem, ac omnipotentis Dei benedictionem. Et si cunctos Christianos pro charitatis sinu amplectimur, illos tamen singulari affectione prosequimur, qui se huic sacro concilio pro extirpandis hæresibus moribusque utriusque status tam ecclesiastici, quam secularis reformandis, ac pace in populo christiano procuranda legitime congregato incorporavimus. Hinc est quod venerabilem, Johannem episcopum Ferrariensem, hujus sacri concilii membrum unitum, et incorporatum, ac in eodem mensibus octo vel circa laudabiliter conversatum, favore prosequi volentes gratioso, eidem, ad instan-

tes ipsius preces certisque de causis urgentibus & necessariis personam suam & ejus episcopatum concernentibus, ab hoc sacro concilio recedendi licentiam gratiose dudum annuimus impartiri: ita tamen quod post octavas dominicæ resurrectionis proximæ ipse episcopus ad dictum sacrum concilium bona fide personaliter redire promissit, quod minime propter causas certas & legitimas, pro parte sua coram nobis allegatas, adimplere valet; quare nobis humiliter supplicari fecit, quatenus a comparitione personali in hoc sacro concilio ipsum excusatum pro nunc habere dignaremur. Nos igitur his moti rationibus nobis, ut præfertur, expolitis, attempta etiam corporis ipsius episcopi modica prosperitate, prout fide dignor noscitur, & dicitur esse relictum. Eundem Joannem episcopum ad hujusmodi comparitione, quousque sacrum concilium super hoc aliud duxerit ordinandum, pro excusato haberi volumus, & habemus per præsentem; maxime cum ipse episcopus in recessu suo procuratores idoneos & sufficienti mandato loco sui in hoc sacro concilio constituit & ordinavit. Datum Basileæ VI. id. martii anno a na-

ANNO nativitate Domini MCCCCXXXIV.

CHRISTI  
1433.

F. Episc. Cumanf.

Barneti subscripsit.

## EPISTOLA JOHANNIS

Regis Portugallie, ad concilium Basileense.

*Promittit oratores ad concilium se mis-  
surum, collectas vero pecunias in  
regno suo pro causa Bohemorum  
ad papæ nutum esse distri-  
buendas.*

x Mart. S Acrofanctæ generali synodo Basileæ in  
viii. p. Spiritu sancto legitime congregatæ, uni-  
versalem ecclesiam repræsentanti, Johannes  
Dei gratia regnorum Portugallie & Algar-  
bii rex, Ceptæque dominus, filialem obedi-  
entiam cum subjectione debita & devota.

Diu Christianæ religionis statum, perfec-  
tationem ecclesiæ, hæreticorum pestem ac  
exinde varia Christianorum dissidia, strages,  
civilia bella, morum deformationem non tam  
respeximus, quam filiali pietate deshevimus;  
idque ægrius tulissimus, ni Paracletus Spi-  
ritus sanctus hanc sacrosanctam Basileensem  
synodum in horum remedium legitime con-  
gregasset. Qua de re gratulamur pluri-  
mum, sperantes de illius clementia, qui cum  
ecclesia sancta se usque ad consummationem  
 sæculi mansurum pollicitus est, ut etsi Petri  
navicula in hoc tribulationis sælo varios hæ-  
reticorum fluctus agitata transiliat, nullatenus  
tamen eandem naufragari permittet.  
Ex litteris a clementia vestra per venera-  
bilem abbatem Bonæ-vallis nobis delatis,  
piam exhortationem super destinandis nostris  
oratoribus ad prælibatam sacrosanctam syno-  
dum percepinus, quam etiam venerabili-  
lis Jo. Sancii abbas S. Mariæ de Arnas, sub  
credentis litteris vivæ vocis oraculo intima-  
vit. Nos quoque sacri concilii exhortatio-  
ni, quam potius mandatum dicimus, ob-  
temperantes, oratores nostros quales decet  
ad antedictam sanctam synodum decrevimus  
destinare, forma, modo, ac tempore op-  
portunis. Prælatos etiam regni nostri, qui-  
bus tam pium opus conveniet, quantum in  
nobis erit, ut ad hanc sacram synodum fe-  
stinent, exhortaturi. Ceterum cum pecuniæ  
Bohemorum causa hoc in regno habitæ, de  
mandato beatissimi domini nostri papæ col-  
lectæ fuere, sicut & harum collectionem,  
ita & distributionem aut aliam dispositio-  
nem quamlibet, auctoritate apostolicam  
credimus flagitare. Unde cum vestra celtica  
providentia de exigendis his pecuniis assen-  
sum apostolicum nacta erit, sicut & in ce-  
teris agendis nancisci est solita, parati su-  
mus mandatis domini nostri papæ & vestris  
cum omni sollicitudine obedire, accuratissi-  
me operam daturi, ut a quibuscumque, apud  
quos hujusce pecuniæ fore dicantur,

A Portugalesibus episcopis easdem exigere  
valeat, ut mandatis Spiritum sanctum, qui  
est per appropriationem inexhaustibilis fons,  
a quo optima data gratiarum & perfectis-  
sima dona virtutum uberime fluunt, majore  
in modum deprecamur, quatenus reple-  
re, inflammare atque illustrare dignetur  
suorum corda fidelium, mittatque super vos  
Spiritum sapientiæ & intellectus, Spiritum  
consilii & fortitudinis, & timoris Dei. Illu-  
minet vestram intelligentiam fide, ut habes  
hæresum extergatis, inflammet affectum car-  
itate, ut quemadmodum hæc sacra syno-  
dus in Spiritu sancto, qui caritas est, con-  
gregata fuit; ita singulis in ea peragendis  
assistere dignetur, ut quicquid in ea decre-  
tum fuerit, honorem, gloriam, laudem &  
amorem primarie respiciat omnipotentis Dei.  
Datum in civitate Ulixbonensi, VIII. calen-  
das junii MCCCCXXXIII.

ANNO  
CHRISTI  
1433.

Elkei.

SOLEMNIS TRACTATUS FRATRIS JOANNIS  
DE TURRECREMATA

*Ordinis predicatorum, cardinalis. S. Xisti,  
doctoris illuminatissimi in favorem Euge-  
nii papæ IV. contra decreta concilii  
Constantiensis, in quo fuit deposti-  
tus Joan. XXIII. & con-  
tra gesta in concilio Ba-  
sileensi, adversus Eu-  
genium, transcriptus  
ab originali, qui  
est in bibliotheca apostolica.*

Ita legitur  
in MS. Cod.

Q Uoniam lex tam morali quam divina  
doctrina non habet vim coactivam nisi  
ex æquillantis auctoritate; nec præceptum  
legis potest in amplius suæ ligaturæ vires pro-  
tendere, quam se extendat potestas præce-  
ptoris; perneccesarium judicatur in ipsa le-  
gum, & decretorum celebratione legiferis  
mensuram præcognoscere potestatis, ne con-  
tingat vacuas viribus leges condere, & pro-  
priis transgressus limitibus, alienos usurpan-  
do, inaniter gloriari. Hinc gentium doctor,  
& ecclesiæ splendidissimum jubar, Apostolus  
Paulus 2. Corinth. cap. 10. Inquit: *nos non  
in immensum gloriabimur; sed secundum men-  
suram regulæ, quam mensus est nobis Domi-  
nus*, ubi glossa ait, idest tanta potestate uti-  
mur, quanta concessa est ab autore, nec  
mensuram, vel modum egrediemur, & non  
gloriabimur, in immensum potestatem exce-  
dendo, quod illi faciunt, qui usurpando glori-  
antur ultra mensuram. Hæc ibi: cæterum  
est multis viris utriusque juris professoribus,  
Dei gloriam, suæque ecclesiæ sanctæ hono-  
rem inflammata mente zelantibus, & decre-  
ta condere irritantia simpliciter et indistin-  
cte contra apostolicam sedem, præsertim in  
materia collationis beneficiorum et provi-  
sionis ecclesiarum videatur supergredi conciliorum  
generalium facultatem: quibusdam aliis non mediocri auctoritatis et  
sapientiæ viris magistris et doctoribus oppo-  
situm sentientibus, ut universa in sacro ge-  
ne-

E MS. Cod.  
Lucensi.



ANNO  
CHRIST.  
1433.

nerali concilio decretanda maturitate qua, convenit fiant, sacra reformatorem deputatio, presentis concilii, honoris, et reformationis ecclesie precipuam sollicitudinem gerens, sciens juxta sapientum sententiam diu deliberandum esse, quod statuum est; semel super hac difficultate decreti iritantis, cujus veritas à nonnullis clavis judicatur reformationis sedis apostolicæ, cum maturā diligentia deliberandum duxit, hujus materie curam studiosam, qui eam publico disputationis certamine dilucidarent, cæteris duobus magistris in sacra pagina; videlicet magistro Dionysio alme universitatis Parisiensis ambaxiatori, et mihi magistro Joanni de Turrecremata fratri ordinis prædicatorum nationis Hispaniæ, specialiter committens; cujus almæ deputationis præceptorie commissioni pro parte mea humiliter obediens, alia verborum prolixitate dimissa, & si magnitudine ponderis pressus, pro declaratione materie sub tali verborum forma duxi quæstionis titulum proponendum.

*Utrum in omni lege licita, ad obviandum abusibus curiæ Romanæ multiplicibus, possit per generale concilium simpliciter & indistincte poni decretum irritans summis pontificibus.*

Et quoniam coram sapientissimorum virorum, ac reverendissimorum patrum, multa sapientia divina pariter et humana præstantium, coetu sacratissimo locuturus sum, ne videar velle docere Minervam, aut aquam superfundere mari, circa propositum dubium brevibus intentionem meam absolvere curabo, protestationibus tamen quibusdam prælibatis. Protestor quidem primo, quod illa quæ dicturus sum, solum per modum avifamenti, et gratia, in præsentī ardua famenti collationis habendæ, ut veritas clarius elucescat, dicere intendo; non asserens nisi quæ asserenda sunt, nec negans nisi quæ neganda censet sancta mater ecclesia. In quibus si ignorantia mea, aut inadvertentia, mea variare contingeret; pro non dictis haberi supplico, omnia per me dicenda, hujus sacri concilii correctioni submittens. Secundo protestor, quod si in defensione hujus auctoritatis, et gloriæ sedis apostolicæ, unde cæterorum prælatorum gloria et honor pendere videtur, aliquid videar dicere contra abusum dominorum ordinariorum, nullus dominorum meorum capiat ad injuriam, cum bellum præsentium teneam, nisi multa prudentia et virtutum venustate dotatum.

Quibus protestatis, venio ad responsionem conclusionis, in qua pro fundamento dicendorum exponitur primo conditiones legis.

Pro quo notandum, quod S. Isidorus, lux ac decus Hispaniæ, legem describens 2. Ethic. 10. et ponitur, dicitur 4. c. *est autem; ita dicitur: lex honesta, justa, possibilis secundum naturam, secundum consuetudinem patriæ, temporis, locoque conveniens, necessaria, utilis; manifesta quoque, ne aliquid per obscuritatem in captione contineat, nulla privato bono, sed pro communi utilitate omni conscripta.* Hæc ille; in qua quidem descriptione novem videntur includi conditiones, seu proprietates, quas lex bona et licita debet habere: et quoniam exsumendæ probantes propositum;

ideo quadam levi explanatione illas duxi primo transcurrere.

Est ergo sciendum, primo, quod cum lex humana non possit esse regula prima simpliciter; oportet quod sit regula regulata, & mensurata quadam alia regula superiori. Omnis autem res quæ ab alia suscepit certitudinem seu normam, ad hoc quod actu sit recta, oportet formam habere proportionabilem suæ regulæ. Superior autem regula, quæ est mensura legis humanæ, est duplex, scilicet lex divina, & lex naturæ, dicente Tullio in Philippica XI, *lex nihil aliud est, quam recta ratio, & a numine Deorum tracta, imperans honesta.* Ad hoc ergo, quod lex humana sit licita, & sit bona, oportet, primo, quod sit conformis, & proportionabilis legi divinæ. Et ad hæc refertur prima conditio posita, cum dicitur honesta, idest conveniens rationi, quæ, teste Tullio lib. de natura Deorum, est quæ ejusdem naturæ, quam divinam vocant, thura certimoniamque offert; et ibidem est, per quam reverenti famulatu cerimoniarum divini cultus exercentur.

Sed secundo etiam requiritur, quod non discorde a lege naturali; & hujusmodi gratia additur, quod sit justa; sicut enim dicit Augustinus lib. 1. de lib. arbitrii, *In rebus humanis dicitur aliquid justum ex eo quod est rectum secundum regulam rationis*, quæ vere dicitur lex; unde si a naturali lege discordat non dicitur lex, sed corruptio legis; & ideo, ut idem dicit Augustinus, et ponitur in decret. 10. di. c. *constitutiones*. constitutiones seculares si naturali juri contrariari probatur, penitus sunt excludendæ.

Sed tertio requiritur, ad hoc quod lex sit valida, quod emanet ab habente auctoritatem condendi eam; alias nullus esset roboris ac firmitatis, quoniam nullam vim obligandi ad sui observationem lex habet, nisi ab habente potestatem in re illa, de qua lex constituitur, & emanat. Cæterum, teste Aristotele X. Meth. mensuram oportet certam esse, idest proportionatam et aptam, mensurato. Et 4. Politic. oportet aptare leges politicæ, et non e contra; omnes leges proportionari, et mensurari his, quibus imponuntur, sicut alia lex imponenda est viris, et alia pueris; ideo additur tertia proprietas legis, scilicet quod sit possibilis secundum naturam, idest tam facultati agentis, quam et capacitati naturæ patientis. Ut enim regula juris habet, ad impossibile, nullus obligatur. Præterea quod homo, cum natura sit animal politicum et civile, i. politicor. non potest solus vivere; ideo oportet quod lex humana consuetudini et moribus hominum conformetur, cum quibus vivere debet, alias diversitas studiorum causaret inter eos diversitatem animorum. Ideo recte additur quarta conditio, videlicet ut sit secundum consuetudinem patriæ. Amplius, cum lex humana præcipue fundetur super experientiam publicam, ordinatur enim ad bonum commune, ut infra dicitur; expediunt aliqua republicæ uno tempore, et uno loco, quæ non alio; et in ipsa eorum experientia demonstrat. Ideo requiritur, quod lex humana sit debitis circumstantiis vestita, et hu-

ANN  
CHRIST  
1433

huiusmodi grata redditur quinta conditio; videlicet quod sit loco, temporeque conveniens. Demum quoniam lex humana in re publica habet officium artis medicinalis in corpore animalis, scilicet purgare malos humores, ratione cuius Aristoteles dicit I. Rhetor. quod in legibus consistit salus civitatis, ad hoc quod lex humana sit licita, sive bona, requiritur quod sit expediens, sive sufficiens ad purgationem malorum de re publica. Ideo sexta conditio additur, scilicet quod sit expediens ad consecutionem bonorum reipublicæ, ac commodorum, & ideo septima additur conditio, scilicet quod lex sit utilis. Item cum lex humana dicitur in decretorium, & quasi lucerna, secundum illud proverbio. VI. *Mandatum lucerna est, & lex lux, & via vita*, necessario requiritur quod lex sit manifesta, ne aliquis propter ejus obscuritatem cadat in errorem, & interdum credens facere secundum legem faciat contra legem; nullibi eorum magis vitandus est error, quam in principiis, live in his, quæ locum regulæ habent; quoniam, ut dicitur in I. coeli, & mundi: parvus error in principio, maximus fit in fine. Et ejus gratia ponitur octava conditio, scilicet quod sit manifesta. Ultimo cum lex ordinetur ad bonum commune, non debet ad commodum alicujus privati, sed pro communi utilitate conscribi, alias enim lex non potest esse recta, & regalis, sed perversa & tyrannica: quia sicut rex differt a tyranno, quia rex dicitur qui recte agit, & intendit bonum commune; tyrannus vero qui perversè principatur, & intendit proprium & privatum commodum; sic recta lex & regia dicitur, in qua intenditur bonum commune; lex vero tyrannica et perversa, in qua proprium et ideo hic ultima, scilicet nona conditio ponitur, quod nullo privato bono, sed pro communi utilitate &c. Hoc ergo supposito fundamento, respondeo ad questionem, negative, sub tribus conclusionibus, quarum una ponitur in terminis universalibus, aliæ duæ in terminis particularibus, descendendo ad materias, de quibus est principaliter D. propositum.

Et prima conclusio est. Non in omni lege licita ad obviandum abusibus Romanæ curiæ multiplicitas, possunt generalia concilia simpliciter, et indistincte imponere decretum irritans summis pontificibus. Quam conclusionem una tantum ratione communi probare conabor: in deductione aliarum conclusionum probaturus eam multipliciter. Primo sic ponere in omni lege licita universaliter, et indistincte decretum irritans contra summum pontificem, est dissipare communitatem politicæ Christianæ: ergo tale nec sciendum, nec etiam per generalia concilia est possibile fieri de jure; et ita E conclusio posita est vera. Consequentia patet, et antecedens proba sic, et supponitur ex dictis contrarie opinantium, quod legi licite opponere decretum irritans est legem impermutabilem facere; quia hujus gratia petitur, ut decretum conciliorum irritans contra papam attentantem ea infringere adjuvatur. Tunc antecedens patet sic: quoniam in re maxime variabili, cujus-

modi est materia actuum humanorum, cum in ea uniformiter semper aliquid observari cum utilitate salutis reipublicæ non sit possibile applicare legem impermutabilem, est dissipare rempublicam, ut omnium mortaliū & legalium testatur traditio; unde hac ex causa surrexit necessitas apud legales ponendi præclarissimam virtutem epicheyam nomine, cuius officium, ut L. ethic. describit Aristoteles, est in casibus, in quibus experitur legum observantiam juxta litteram corticem reipublicæ utilitati fore molestam, prætermittis verbis, sequi quid ratio iustitiæ, & communis deposcit utilitas. Unde Albertus dicit ibidem, legem humanam hac ratione ad humana opera se habere, sicut universale ad particularia, quod secundum esse acceptum variari necesse est particularibus variatis, dicente Aristotele in libro politicorum, motis nobis moventur omnia, quæ in nobis sunt; sicque actus humani, de quibus leges dantur, in singularibus contingentibus consistunt, quæ innumeris modis variari possunt. Non videtur bene possibile in talibus rebus cum salute reipublicæ legem humanam constitui, quam nullo modo variari contingat; quare ergo patet conclusio.

Secunda conclusio: non in omni lege licita ad obviandum abusibus, qui fiunt circa sacramenta possunt poni per generale concilium contra papam aut alios irritantia decreta; patet ergo quoniam lex licita, quæ data est de con. di. I. c. dicitur, in qua lege cavetur quod sacramenta altaris non nisi a jejunis celebrentur. Item licita lex est illa, quæ ibidem ponitur in cap. *Sicut non alia*, in qua cavetur, ne celebretur, nisi in locis sacris; & hæc leges datæ contra abusum quorundam ventre pleno celebrantium, & in locis non sacris. Item lex sanctissima est data, & ponitur I. q. 7. c. *Et si nulla* &c. & c. sequenti, qui nullus capiat ordines ab hæreticis episcopis, & ab ecclesiæ præcis, & ita de aliis multis legibus potest adduci exemplum; & tamen in nulla istarum, quantumcumque licitarum, ad obviandum quibuscumque abusibus potest poni decretum irritans contra papam; immo nec contra minimum sacerdotem; Ita quod non irritetur factum lege illa non commensuratum patet, quoniam sive celebretur in locis sacris, sive in aliis, sive stomacho jejunio sive repleto; dum tamen celebrans sit sacerdos, & intendit facere, quod ecclesia intendit, per illam formam verborum conficit. Et in simili modo in multis possumus exemplariter loqui. Et ita patet, quod vera est prima conclusio, quæ dicit quod non in omni lege licita est &c.

Tertia conclusio: in materia provisionum ecclesiarum cathedralium & collatione beneficiorum non potest contra papam indistincte poni decretum irritans auctoritate generalium conciliorum, quæ quidem conclusio multipliciter probabitur, quia circa eam principaliter consistit virtus veri nostri ad quam probandam deducuntur 24. rationes ex prænotatis novem proprietatibus legis assumptæ. Et ex prima conditione legis, quæ est ut sit honesta, sive ut sit religioni conveniens.

Ar.



ANNO  
CHRIST.  
1433.

Arguitur primo sic: Nullum decretum potest esse licitum, & ita nec validum, & per consequens nullo modo emanandum a sacro concilio; in quo purissima fidei edocetur veritas & hæresis maximo extirpatur; quod continere videtur in se periculum hæresis. Sed tale decretum irritans in materia præfenti contra sedem apostolicam, videtur esse huiusmodi; ergo non est licitum, & ita nec validum. Consequentia patet in 3. par. Major patet ex prima conditione legis; minor vero probatur, quia per tale decretum detrahitur privilegio, juri, & dignitati, ac honori sanctæ sedis apostolicæ. Dicit enim Leo papa in epistola ad Marcianum imperatorem: *magnus honor est unicuique dignitas sua*. Subtrahere autem privilegium, & primatum sedis apostolicæ quam periculum sit exprimitur di. 22. c. omnes, ubi sic dicitur: *Qui autem ecclesiæ Romanæ privilegium, ab ipso summo omnium ecclesiarum capite traditum, conatur auferre, is procul dubio in hæresim labitur, hic est dicendus hæreticus; fidem quippe violat, qui adversus illam agit, & illi contumax invenitur, qui eam cunctis ecclesiis prætulisse cognoscitur*. Secundo ex eadem radice sic: omne illud quod est inductivum schismatis in ecclesia Dei est illicitum & inconveniens, & tanquam venenum fugiendum a concilio sacro, cujus studium est unitatis, & pacis vinculo membra totius ecclesiastici corporis fovere connexa; sed tale decretum sub forma dicta contra sedem apostolicam est huiusmodi; &c. Major est manifesta; minor vero probabitur, quoniam dividit membra a capite, & filias a matre, cum decernit in provisionibus ecclesiarum ecclesias inferiores non obedire matri, hoc est ecclesiæ Romanæ, in ordinatione ecclesiarum; ut enim S. Thomas ponit in 2. 2. q. 39. art. I. cum unitas ecclesiæ in duobus attendatur, ut dicit scilicet connexionem membrorum ecclesiæ ad invicem, seu communionem; & iterum in ordinatione omnium membrorum ecclesiæ ad unum caput, & non tenens caput, ex quo totum corpus per nexus & conjunctiones subministratum & constitutum crescit in augmentum Dei; caput autem sit ipse Christus, cujus vices in ecclesia gerit summus pontifex; schismatici dicuntur, & qui subesse renunt summo pontifici, & qui membris ecclesiæ, cujus communicare recusant. Alexander vero de Ales in 2. sententiar. in materia schismatis querit quæ sit ecclesia, a cujus unitate discessio scisma nuncupatur, respondit per hoc quod dicit Calistus papa: nulli dubium est, quin apostolica ecclesia mater omnium ecclesiarum, a cujus regulis nullatenus potest deviare; & habetur dist. XII. c. 1. Item querit, cujusmodi discessio ab ista ecclesia debeat scisma dici: respondit, quod illa discessio dicitur scisma cum aliqui vim, & potestatem Romanæ ecclesiæ annullant. Ex quorum distis patet minor, quod tale decretum irritans videtur irritare, & scindere unitatem ecclesiæ, cum ab influxu capitis & matris, scilicet ecclesiæ Romanæ subtrahat, & elongare studeat ecclesias inferiores, quod futurum legimus circa finem mundi. Unde gloss. super illud

Thessal. 2. *nisi prius venerit discessio*, id est ecclesiarum ab obedientia Romanæ ecclesiæ; itaque illo tempore.... ecclesiæ undique, per orbem diffuse subtrahent se ab obedientia Romani pontificis, ita ut pauci sibi obediunt, & papa tunc temporis circa partes Romanas se includet cum paucis aliis ab ejus obedientia subtrahitis. Tertio sic ex eadem radice: nullum decretum potest esse licitum aut validum, quod videtur esse sacrilegum, aut sacrilegium continere; & ita nullum tale est emanabile a sacro concilio, cujus intentio tota versatur reformationi, & sanitati membrorum lingulorum ipsius ecclesiæ; sed huiusmodi decretum est huiusmodi; ergo &c. Consequentia est manifesta, antecedens pro majori clarissimum est; minor vero sic probatur; sacrilegium enim testis Isidoro est sacræ rei violatio; per hoc autem decretum, si fieret, violaretur apostolica sedes, ut patet manifeste irritando usum suæ potestatis. Et confirmatur per illud quod dicitur in decreto 17. q. 4. c. si quis. *Committit sacrilegium, qui de principis judicio disputant & dubitantes an ille dignus sit quem principes elegerit*. Tale autem decretum irritans, cum potestatem principis summi in terris, scilicet summi pontificis non solum judicet, sed irriter, & demolire videatur, merito sacrilegium judicandum videtur.

Quarto ex eadem radice sic: Nullum decretum est dicendum licitum, nec a sacro concilio emanandum, quod irritativum divinæ legis; cum præcipua cura sacri concilii sit omnes exorbitantias a lege divina de conservatione fidelium tota sollicitudine propellere; sed huiusmodi decretum est irritativum divinæ legis; ergo &c. Consequentia nota; major etiam dicente Augustino 4. de civit. Dei cap. 6. *omnium legum inanis est censura, nisi divina legis imaginem gerat*. Minor probatur sic, quoniam lex Dei præcipit obedire ecclesiæ præpositis, secundum illud apostoli ad Hebr. 13. *obedite præpositis vestris, & subiacete eis*. Quod maxime de papa intelligendum est, secundum glo. illius textus, dicit, quod majori potestati magis est obediendum quam minori. In tantum enim obedientia sedis apostolicæ est necessaria divinæ legis imperio, ut subesse Romano pontifici sit de necessitate salutis, ut deducit S. Thomas in libro, quem fecit contra errores Græcorum cap. 26. ad quod inter alia est auctoritas Cyrilli lib. Theauror. dicentis: *itaque, frater mi, si Christum imitamur, ut ipsius oves vocemur, audiamus manentes in ecclesia Petri, & non impleamur vento superbie, ne forte tortuosus serpens propter nostram contumentionem nos eiciat, ut etiam olim de paradiso*. Ex hac radice Bonifacius in quadam decretali extravag. quæ incipit: *unam ecclesiam*, in fine ita concludit: *Porro subesse Romano pontifici omni humana creatura declaramus; & diffinimus esse de necessitate salutis*. Sed manifestum est quod tale decretum irritans, provisiones ecclesiarum etiam iustas & bonas, factas per summum pontificem, est irritativum divinæ legis, quæ præcipit obedire in omnibus apostolicæ sedi; in quibus nec bonæ fidei, nec

ANN  
CHRIST.  
1433.

moribus bonis contradicit; ut patet ex di-  
ctis. Et maxime adhuc confirmatur per illud  
quod Dominus jubet Ma. c. 23. ubi dicitur:  
*super cathedram Moysi sederunt Scribae &  
Pharisaei, omnia quaecumque dixerint vobis  
servate & facite; secundum autem opera eo-  
rum nolite facere; idest, si de praelatis se-  
dentibus super cathedram Moysi tam uni-  
versale imperium det Dominus obedientiae; &  
quam extensum credendum est, quod Domi-  
nus praecepit de obedientia praestanda sum-  
mis pontificibus Petri cathedram tenentibus?*  
quae tamen lex Christi et mandatum irri-  
tatur, & violatur per tale decretum, &  
ideo merito dicitur in decreto 81. di. c. Si  
qui: *peccatum paganitatis incurrit quisquis,  
cum Christianum se asserit, sed apostolicam  
obediare contemnit.* Item hoc ex eadem rati-  
one sic: nullum decretum potest esse licitum  
quod est praesumptuosum & temerarium;  
& ita a concilio sacro nullo modo emanan-  
dum; cum sacrum concilium Spiritu Sancto  
regatur, qui omnia in numero, pondere, &  
mensura constituit. Sed tale decretum irri-  
tans contra potestatem papae in materia di-  
cta est vere praesumptuosum, & temerarium  
&c. Consequentia patet; major est manife-  
sta; minor probatur. Cum enim quaelibet  
actio debeat esse proportionata virtuti agen-  
tis, & decretum principis legem constitu-  
entis auctoritati; praesumptuosum dicitur  
esse illud quo attentatur quod excedit fa-  
cultatem operantis: assumere enim aliquid  
ad agendum, quod praefertur virtuti agentis  
ad rationem praesumptionis pertinet; & ideo  
dicitur Valerius Maximus: *ea tuta potentia  
est, quae viribus suis modum imponit.* Quod  
vero hoc faciens dictum concilium assumeret  
opus transcendens virtutis suae terminos,  
patet; quoniam non est in potestate concilii  
mutare leges & statuta Dei. Lex autem  
divinae providentiae, quae posuit papae loco sui  
totius ecclesiae praesidentem cum plenitudine  
potestatis, videtur ordinasse ipsum ordinato-  
rem ecclesiarum omnium & distributorem  
beneficiorum. Unde Damascenus super il-  
lud Luc. 7. *faciamus hic tria tabernacula, in  
quit de Petro, cuius successor est papa: non  
te Dominus tabernaculorum, sed universalis  
ecclesiae constituit constructorem, totius sui  
regis pastorem.* Quibus consideratis dicit  
Leo papa, quod habetur dis. 19. ita Dominus.  
*Verum hanc petrae istius sacratissimam firmi-  
tatem; Deo, ut diximus edificante constru-  
ctam minus impia vultu praesumptione violare;  
quisquis ejus potestatem veniat infringere sa-  
craendo cupiditatibus suis, & id quod acce-  
pit a veteribus non sequendo.* Hoc jus vi-  
deant etiam qui tale in tali materia vel si-  
mili decretum irritans attentare proponunt,  
quod Eusebius papa orientalibus episcopis  
scribit in quadam epistola dicens: *ita in le-  
ge scriptum est: maledictus homo, qui trans-  
fert terminum sui proximi; & dicit omnis  
populus: amen.* Quare miror vos tam au-  
daces esse; & tam imprudenter egisse; &  
terminos ac jura beati Petri apostolorum  
principis invasisse. Loquitur de congrega-  
tione concilii absque auctoritate papae. Item  
arguitur ex parte conditionis 2. legis, quae  
est quod sit iusta, idest conformis legi natu-

rali. Sic enim dicit Augustinus in primo li-  
bro de libero arbitrio: *non videtur esse lex  
quae iusta non fuerit.* In rebus autem hu-  
manis dicitur aliquid iustum ex eo quod est  
rectum secundum regulam rationis, quae di-  
citur lex naturae; unde si a naturali lege  
discordat, non erit lex sed correctio legis,  
ut amplissime & magistraliter deducit san-  
ctus Thom. in 2. q. coronali. Ex eadem ra-  
dice arguo impossibilitatem juris, & inde-  
centiam ponendi tale decretum, sicut praer-  
fertur, & sic: Omnis respublica sive com-  
munitas naturali iustitia tenetur ad conser-  
vationem illius potestatis, a qua dependet  
bonum reipublicae in sua plenitudine & in-  
tegritate; & ita per consequens non valet  
B facere legem iustam aut licitam in derogatione  
eiusdem potestatis; sed bonum reipublicae  
christianae quantum ad regimen suum  
pro magna parte dependet ex potestatis plenitudine  
sedis apostolicae, cuius est ordinare  
totam ecclesiam & gradus & status in  
ea. Ergo sequitur, quod sacrum concilium,  
cujus studium est ea quae sint iustitiae exe-  
qui, non potest tale decretum irritans con-  
stituere, cum hoc non videatur posse fieri  
sine laesione legis, sive iustitiae naturalis.  
Consequentia patet; major, & minor etiam.

Secundo, nullum decretum quod tollit opti-  
mum principatum in ecclesia, scilicet regalem,  
potest esse iustum; immo omne tale  
est iniquum, & ab omni concilio, Sancto  
spiritu recto, tanquam hostile vitandum;  
sed tale decretum contra sedem apostolicam  
in materia provisionis ecclesiarum &c. est  
hujusmodi; consequentia nota; major notissi-  
ma est; minor probatur, quoniam ponere,  
quod inferiores praelati habeant ecclesiasti-  
cum regimen sive dispositionem & ordinatio-  
nem reipublicae Christianae religionis, actus  
jurisdictionis & hierarchicae dispositionis, quos  
actus non possit exercere ipse papa, qui  
omnibus est superior, est veraciter tunc po-  
nere in ecclesiastica politia plures principatus  
non redacibiles ad unum superiorem mo-  
narcham tales actus exercere valentem. Cum  
respectu talium monarchae, sive superioris  
irritetur auctoritas & potestas ligetur, ut  
circa dispositionem ecclesiastici principatus  
providendo ecclesiis, conferendo beneficia,  
nihil possit, quod est expresse contra illud  
dictum Joannis 4. *siet unum ovile, & unus  
pastor.* Tercio ex eadem radice sic: nullum  
decretum est dicendum iustum, nec per con-  
sequens licitum, quod spoliat sedem apostoli-  
cam suis privilegiis & jure suo; & per con-  
sequens nullum tale emanandum a sacro concilio,  
cujus sollicitudo debet esse, ut unum  
quodcumque in suo jure conservet. Sed per  
hoc decretum irritans spoliatur sedes apostoli-  
ca privilegiis suis, & jure a summo  
principe Christo Jesu, totius principatus capite,  
collatis & donatis, ergo &c. Consequentia  
nota, & major est manifesta; praerfer-  
terim cum, sicut supra allatum est, ex de-  
creto 22. di. c. omnis, non dubium quod si  
quis exjullibet ecclesiae jus ipsum detrahit, ini-  
justitiam facit. Qui autem ratione ecclesiae  
privilegium ab ipso summo omnium eccle-  
siarum capite conatur auferre, hic procul-



ANNO  
CHRISTI  
1433.

dubio in hæresim labitur. Minor vero probatur; quoniam per tale decretum irritans privatur & spoliatur sedes apostolica auctoritate dispositionis, ordinationis, & provisionis ecclesiarum, quæ inter privilegia sedis apostolicæ videntur tenere principalitatem; quod (cum in potestate ordinis sit æqualitas inter summum pontificem & alios quoscunque sacerdotes) in potestate jurisdictionis quæ respicit institutiones & dispositiones, ac ordinationes omnium ecclesiarum & correptiones personarum delinquentium, in eis videtur stare principatus, & auctoritatis dignitas sibi collata, qua ratione caput, mater, & cardo omnium ecclesiarum dicitur. Unde in decreto dis. 22. c. sacrosanctus, ex auctoritate Anacleti sic dicitur: *Hæc vero apostolica sedes, caput & cardo a Domino, & non ab alio instituta est; & sicut cardine otium regitur, sic hujus sanctæ apostolicæ sedis auctoritate omnes ecclesiæ, Domino disponente, reguntur.* Item extrav. de præben. c. licet li. VI. dispositio omnium ecclesiarum, & omnium beneficiorum mundi ad sedem apostolicam noscitur pertinere. Item in concilio Viennensi dicitur sic: *salva tamen in præmissis omnibus Romani pontificis potestate, ad quam ecclesiarum, personarum, & dignitatum, aliorumque beneficiorum plena & libera dispositio ex suæ potestatis plenitudine noscitur pertinere.* Ita in concilio.

Quarto ex eadem radice sic: omne decretum quod tollit debitum obedientiæ sedi apostolicæ, est injustum, & ita nullum tale emanandum a concilio, cujus præcipua cura debet esse ut capiti ecclesiæ universalis ipsa ecclesia universalis plenarie obediat, in quibus nec contra legem Dei, nec contra statum generalem universalis ecclesiæ mandat, aut præcipit; sed decretum præfatum irritans potestatem papæ in materia præfata, est hujusmodi; ergo &c. Consequentia est bona; major est manifesta, quia sic supra dictum est ex auctoritate Augustini primo de li. arb. lex dicenda non est, quæ iusta non fuerit. Cum autem ex ordine juris naturalis, & divini inferioris teneantur obedire superiori-  
bus suis, clarissime patet, injustum esse omnino, et per consequens vacuum et invalidum, quod in his, quæ legi superioris, scilicet Dei non contradicunt, superiori-  
bus obedientiam. Minor vero patet, quoniam per hoc decretum irritans debitum obedientiæ apostolicæ sedi subtrahitur in dispositionibus ecclesiarum, quod manifeste est contra. Quo in loco debet attendi quid dicitur dis. 93. c. obedientiam. Obedientiam autem inferiores ecclesiæ superiori debent; summo etiam pontifici ea debetur ab omnibus obedientia; ut nulli liceat ei communicare, cui pro actibus suis inimicus dederis, nec in ecclesia esse poterit, qui ejus cathedram deserit.

Quinto ex eadem radice sic: omne decretum papam reddens impotentem ad faciendum ea, quæ ex Dei præcepto debentur facere, est injustum, & ita vanum & inane; et per consequens nullo modo attendendum per sacrum concilium, cujus vigilantia præcipua debet esse opulari, ut quicunque quæ Dei præcepta sunt efficacius et expeditius valeat adimplere. Sed decretum irritans contra pa-

pam in materia beneficiorum et confirmationum dignitatum est hujusmodi; ergo &c. Major est manifesta; quoniam omnis lex humana tantum habet de ratione legis virtutis, et valoris, quantum ad divinam legem ordinat et promovet. Minor probatur; quoniam ad pascendum gregem Dominicum sibi utiliter commissum, cujus cura et pascura sibi sub præcepto est adjuncta secundum illud Joan. ult. *pascite oves meas*; et illud gloss. ordinat. super illud i. Petri. 4. *pascite, qui in vobis est gregem*; ubi sic dicit: *sicut Dominus Petro totius gregis curam habere iussit, ita sequentibus ecclesiæ pastoribus iure mandatur, cum quisque, qui secum est, gregem Dei sollicita gubernatione tueatur*; per illud decretum irritans redditur impotens, cum per id claudatur sibi manus potestatis pascendi oves Christi, providendo plebibus de bonis pastoribus, providendi idoneis personis pauperibus clericis de beneficiis, et subvenire indigentibus de ecclesiæ elemosinis; patet hoc nisi cæcis. Item ex tertia conditione legis, quæ est ut sit possibilis secundum naturam, et arguitur multipliciter, quod tale decretum non sit possibile de jure, nec de facto validum: primo sic: Nihil contra communem ordinem naturalis rationis potest emanare sub ratione legis aut decreti a concilio, cujus præsidere creditur ipse, qui Dei virtus et Dei sapientia est. Sed decretum irritans contra papam positum in hac materia, de qua est sermo, est hujusmodi; ergo.

Consequentia bona; major potest ex conditione legis assignata. Minor probatur manifesta, pro quo supponitur, quod tota potestas jurisdictionis aliorum prelatorum in toto corpore ecclesiæ derivatur et emanat a summo pontifice, quæ, ut suppono, patet cum ex determinatione ecclesiæ Romanæ, cum ex doctrina sanctorum doctorum. Primo quia ita est per multos Romanos pontifices declaratum, et diffinitum quoque patet per illud Gregorii papæ, quod habetur 2. q. 6. c. decreto, ubi dicit: *sanctæ Romanæ ecclesiæ vires suas ita aliis impartitur ecclesiis, ut in partem sollicitudinis vocata sint, non in plenitudinem potestatis.* Idem habetur ex auctoritate Julii papæ in v. sequenti dicentis: *ipsa namque ecclesia, quæ prima est, ita vires suas aliis impartitur ecclesiis, ut in partem &c.* Beatus autem Augustinus intra canonicas scripturas enumerat epistolæ decretales summorum pontificum. Item B. Ambrosius se sequi Romanam ecclesiam proficitur dis. 22. Omnes doctores vero sancti hoc idem dicunt; unde S. Thomas in fine 2. sententiarum ita dicit, quod potestas inferior, & superior dupliciter se habent; aut ita quod inferior potestas ex toto oriatur a superiori, & tunc virtus tota inferioris fundatur super virtutem superioris; & sic se habet potestas Dei ad omnem potestatem creatam; sic etiam se habet potestas imperatoris ad potestatem preconsulitis, sic etiam se habet potestas papæ ad omnem spiritua-

lem in ecclesia, quia ab ipso papa gradus dignitatum diversi in ecclesia ordinantur, & disponuntur; unde ejus potestas est quodammodo ecclesiæ fundamentum, ut patet Math. 16. hæc illæ. Ejusdem sententiæ est

ANNO  
CHRISTI  
1433.

Est Vigili  
papæ.

ANNO  
CHRISTI  
1433.ANNO  
CHRISTI  
1433.

etiam in 4. contra gentiles. Rationes vero hoc clarissime ostendentes copiose alibi vocatæ sunt; immo ad probationem hujus suppositionis tantum duas auctoritates adduco. Prima est illa Leonis papæ sanctissimi quæ ponitur di. 3. c. Ita Dominus, ubi sic dicit: hujus muneris sacramentum ita Dominus ad omnium apostolorum officium pertinere voluit, ut in beatissimo Petro omnium apostolorum summo principaliter collocaret, ut ab ipso quasi quodam capite dona sua velut in corpus omne diffunderet, ut exortem se ministerii intelligeret esse divini, qui ausus fuisset a Petri soliditate recedere. Secunda auctoritas est ejusdem in sermone de apostolis, qui incipit: gaudeo dilectissimi, sic dicit: Quamvis in populo Dei multi sacerdotes sint, multique pastores; omnes tamen proprie regit Petrus, quos principaliter regit Christus. Magnum & mirabile huic vero consortium divina potentia sua tribuit dignatio, ut si quid cum eo commune esse voluit cæteris principibus, numquam nisi per ipsum dedit quicquid aliis non negavit: hæc ille. Ita suppositione præmissa probatur sic minor, videlicet quod decretum tribuens provisionem ecclesiarum inferioribus prælatis cum irritatione potestatis papalis supra eandem dispositionem & ordinationem sit contra communem ordinem naturalis rationis, quoniam quod secundæ causæ, quæ totam suæ potestatis virtutem habent a prima causa sive superiori, possint, & de facto exeant in actum, respectu cujus potestatis causalitas superioris causæ sit suspensa, & ligata, ac irritata, est contra omnem ordinem rationis, sicut quod stellæ illuminent, sole a sua illuminatione suspensio, ut rami fructificent radice sua virtute irritata, aut membra, sive sensus sentiant capite non influente; in hac autem comparatione se habere videntur cæteri prælati ad papam, dicente Petro Ravennate: quod enim stipiti rami, quod capiti membra, quod soli radii, quod fonti rivuli; hoc apostolicæ sedis eminentiæ debent omnes ecclesiæ, quas ubique terrarum sacra religio fundavit. Et ita patet quod, subtra-

A vir. Sancta Romana ecclesia catholica & apostolica nullis synodicis institutis cæteris ecclesiis prælata est; sed evangelica voce Domini & salvatoris nostri primatum obtinuit: tu es, inquit Dominus, Petrus, & super hanc petram &c. Tertio ex eadem radice sic: Nul- lum sacrum concilium habet potestatem mutandi, minuendi, aut in aliquo irritandi, quod nec fidei, aut status universalis ecclesiæ obviat, illud super quod universalis ecclesia dicitur fundata; sed potestas papalis est hujusmodi; ergo sequitur, quod tale decretum, sicut præfertur, non est possibile fieri possibilitate juris per hoc concilium, nec per quodcumque aliud. Consequentia est bona; major est manifesta, quoniam sacra concilia ad munimen & conservationem ecclesiasticæ dignitatis & exaltationem gloriæ ipsius ecclesiæ universalis instituta creduntur. Absit enim, ut dicit beatus Bernardus, ut quod pro veritate institutum est, contra charitatem militet. Minor vero probatur per illud Mat. 16. super hanc petram ædificabo ecclesiam meam. Quod dicitur sedi apostolicæ S. Thomas in auctoritate supra allata applicat, dicens, quod sedes apostolica est quodammodo fundamentum ecclesiæ. Cujus sententiæ longe multo ante fuit Origenes dicens: vide quantam potestatem habet petra, super quam fundatur ecclesia, ut etiam ejus judicia maneant firma, quasi Deo judicante per eam. Item Anacletus longius ante dixit. Hoc apostoli statuerunt jussione Salvatoris, ut majores & difficiliore quæstiones semper ad sedem differrentur apostolicam, supra quam Christus universam construxit ecclesiam, dicente ipso ad principem apostolorum: tu es, inquit, Petrus &c. Aliqui volunt dicere ad istam rationem vel similem, quod licet concilium tollere non posset a sede apostolica potestatem, aut eam minuire; potest tamen executionem potestatis impedire, aut restringere, aut sic regulare, quod non valeat exire in actum, nisi ut dictatum fuerit per concilium generale. Contra hoc sic; quoniam nulla videtur, imo oppositionem in objecto, aut vocis ignorantiam continet manifeste, quod sic patet: est enim jurisdictio potestas judicandi, seu judicandi & exequendi; similiter plena & totalis jurisdictio est tota plena & perfecta potestas judicandi & judicatum exequendi, alias non est plena, & perfecta; unde dicere quod aliquis habeat jurisditionem, ita tamen, quod non posset judicare & exequi, est dicere quod habeat potestatem judicandi, & non potest judicare, quod est habere potestatem & non habere; similiter habere totam plenam & perfectam potestatem jurisditionis, & non habere totum plenum & perfectum exercitium, est dicere habere plenam potestatem & perfectam judicandi, vel alia faciendi, & tamen non posse illa judicare ad plenum, nec perficere nec totaliter; quod est habere plenam & non plenam, quod est manifeste contradictio per se loquendo. Sic ergo regulæ sunt ponendæ, quod potestas papalis maneat in sua plenitudine potestatis, nedum quoad habitum potestatis in se, sed etiam quoad plenitudinem exercitii; quia sicut omnis potentia est propter suam



operationem, ut dicit Aristoteles; ita plena potestas ordinatur ad plenam liberam, & effectam operationem, aliter frustra Deus tantum munus potestatis contulisset ecclesie, quod est absurdum. Quarto ex eadem radice sic: nullum decretum per quod dissolvitur hierarchia universalis ecclesie cadit sub potestate ejusdemque sacri concilii: sed decretum irritans contra potestatem papae in collationibus beneficiorum, & provisione ecclesiarum est hujusmodi; ergo &c. Consequentia est nota; major est indubitata fidei; potestas enim concilio data in edificationem, non in destructionem est data. Minor vero sic probatur, quoniam (subtrahere inferiores personas hierarchiae a regimine, & potestate hierarchiae, a quo totus influxus descendit potestatis jurisdictionis, secundum quam sub & supra attenditur inter personas ecclesiasticas in hierarchia est, confundere totam hierarchiam & eam dissolvere; cum nexio & consummatio hierarchiae est principaliter consideranda in ordine ad hierarchiam, dicente beato Dionysio in libro ecclesiasticae Hierarchiae, quod sicut videmus omnem hierarchiam in Jesu consummatam, sic unamquamque in speciali in proprium hierarchiam divinum, summum sacerdotem. Nec potest dici ab aliquo bene, quod connexio hierarchiae nostrae principaliter attendatur respectu Christi, qui est principale caput ecclesiae. Licet in aliquo, puta in isto articulo, non obediatur summo pontifici, non dissolvatur propter hoc ecclesiastica hierarchia. Hoc non valet, quia non potest bene videri quomodo connexa maneat hierarchia cum Christo, quando in licitis, & honestis non obeditur suo vicario, ipso dicente Luc. X. *qui vos audit me audit, & qui vos contemnit me contemnit*. Imo timendum est, ut non habeat Christum caput, qui non habet summum pontificem caput. Quinto nullum decretum emanabile a concilio potest ligare papam et ejus irritare potestatem, nisi in casibus, in quibus juxta assertionem adversae partis est superius papae scilicet in materia haereticis, in materia scilicet dato, quod in aliquo casu posset per concilium universale decretum irritans poni contra papam; arguo sic; sed quod papa det beneficia, confirmet dignitates non est primo, secundo, aut tertio; ergo in dispositione ecclesiarum concilium non potest facere decretum irritans contra papam, modo, et forma, ut praetenditur. Consequentia est bona; major nota, quoniam factum etiam a superiori non valet, quando excedat ejus potestatem, ut dicunt domini iuristae, juxta illum textum, *ea quae sunt a iudice, si ad ejus non spectant iudicium, viribus non subsistunt*. Minor vero quantum ad primum et secundum articulos patet; quod vero nec ad reformationis universalis ecclesiae articulum pertineat, patet primo; quoniam reformatio cum praesupponat deformationem, sicut curatio aegritudinem, reformatio non respicit nisi ad ea quae sunt male, et non ad ea quae bene sunt. Absit autem dicere ecclesiam deformare papam exequendo bene illud, cu-

jus potestatem in executionis praeceptum suscipit a Deo; secundo, quoniam in reformatio dicitur ad primam formam reductio; cum reformatio vetustissima primitivae ecclesiae pariter, et juri divino conformissima habeat, quod papa ordinaret ecclesias, et de dignitatibus provideret, sicut de beatissimo Petro summo apostolorum et totius ecclesiae universalis vicario Christi legimus cum concilio apostolorum Jacobum Ierosolymorum episcopum ordinasse; et deinceps factum legitur de aliis episcopis, sicut in historia Martiniana dicitur in principio, quod beatus Petrus ordinationes fecit Romae in mense septembris; episcopos sex ordinavit, presbyteros decem, diaconos septem; & de multis aliis posset exemplum poni, quos ad diversas partes Galiae & Germaniae ad Christum populos lucrandos historiae transmississe commemorant. Et uedum hoc de beato Petro, sed de aliis successoribus Romanis pontificibus hoc idem libri historiarii testantur. Mirum esset quod papa faciendo, quod sibi jure divino competere, & quod illa primitivae ecclesiae sanctorum apostolorum praestitavit, ecclesiae statum confunderet universalem.

Item sexto, nullum adum debitum papae, ex potestate sibi data a Christo, cadentem supra debitam materiam, potest irritare concilium quodcumque; sed actus dispositionis ecclesiarum, & collationum beneficiorum in penam idoneis factus per papam est hujusmodi; ergo &c. Consequentia patet; major nota, quoniam potestas ecclesiae data est ad correctionem malorum, non autem ad irritandum bonos actus legitimae potestatis exercitos, cum i. Petri dicatur potestatem jurisdictionis esse ad vindictam malorum, laudem vero bonorum; & 2o. 12. dicatur: *vis non timere potestatem? benefac, & habebis laudem ex ea*. Minor vero est clarissima; dicit enim Quintilianus lib. 2. *non est equum id haberi malum, quo uti bene solet*. Denum ex quarta legis conditione idem arguitur, quae est ut sit secundum consuetudinem; & primo sic: nullum decretum, quod consuetudines primas primitivae ecclesiae, approbatissimos mores, patrum regulas non imitatur, sed transgreditur, est a sacro concilio pro lege & decreto valido emanandum, cujus studium est patrum vestigia, & illius sanctae primitivae ecclesiae mores nostris temporibus per viam reformationis advocare; sed in materia praedicta & simili decretum irritans est hujusmodi; ergo &c. Consequentia est bona; major etsi sit manifesta, probatur tamen prima parte per illud Macha. 2. *parati sumus magis mori, quam proximus Dei leges praevicari*; pro secunda per illud Proverb. 6. *nec imitas legem matris tuae*; glo. idest ecclesiae. Pro tertia est illud Eccl. 8. *non te praetergat narratio seniorum, ipsi enim didicerunt a patribus suis*; quoniam ab ipsis discis intentum, & tempore necessitatis dabit responsum. Item Prov. 22. dicitur: *Non transgrediaris terminos antiquos, quos posuerunt patres tui*, glo. idest antiquius statutos, a patribus tuis, idest doctoribus, non transgrediaris terminos catholicae fidei, quos ab initio statuere doctores. Item ridiculum est, & satis abominabile dedecus, ut traditiones, quas ant-

tiquitus a patribus susceptimus infringi patiamur, dis. 12. c. *ridiculum*. Et ideo rationabiliter dicunt iuristæ, quod, quod non est sanctorum patrum decreto sancitum, superflitiosus non est ad inventionibus presumendum. Minor vero probatur, cum quoniam nullibi legitur, ut videtur, quod in quocumque tempore quantumcumque abusus contra potestatem papæ fieret decretum irritans; immo in ista materia vel simili ex jure divino papæ competenti semper in decretis dicitur expresse vel intelligitur, salva semper summi pontificis auctoritate. Unde expresse habetur extrav. de elec. *significasti*, ubi dicitur quod concilia nullam legem ecclesiæ Romanæ præfixerunt, et quod eorum statutus Romani pontificis excipitur auctoritas.

Cæterum de practica conciliorum sanctorum, ad firmandum in ævum decretalia, in eisdem habetur memoria & scriptura in concilio quodam Romæ celebrato sub sancto Hilario papa, in quo legitur. *Hilarius papa episcopus ecclesiæ catholice urbis Romanae synodo præfatus, dixit: quoniam religiosus, sancto spiritu congregante, conventus hortatur ut quedam, que pro disciplina ecclesiastica necessaria sunt, cura diligentiori tractemus, si placet, patres, ea que ad ordinationem maiorem pertinere juxta divinæ legis præcepta in tenore canonum instituta, ita juvante Domino in omne ævum mansura solidemus, ut nulli fas sit, sine status sui periculo vel divinis institutionibus, vel apostolicæ sedis decreta temerare, que & nos, qui potentissimi sacerdotis administramus officia, talium transgressionum culpa respicit, si in causa Dei defides fuerimus inventi. Et pro confirmatione & stabilitate, ita dicit: quod ut deinceps possit tenacius custodiri, si placet, sententias omnes & subscriptiones proprias commodate, ut synodali iudicio aditus claudatur inhiens. Ad universos episcopos, & presbyteros acclamatum. Exaudi Christe Hilario, dictum est septies. Hæc, & confirmamus & docemus, dictum est octies. Hæc tenenda sunt; hæc servanda sunt. Dictum est quinquies. Doctrinæ vestre gratias agimus; dictum est quinquies. Dicitur, ut in perpetuum serventur, optamus; dictum est octies: Hæc præsumptio nunquam fiat; dictum est decies. Qui hæc violaverit in se inveniat. Item quantum ad hoc est illud quod scribitur in decretis synodi universalis Constantinopolitane, ubi si dicitur. Porro si synodus universalis fuerit congregata, & facta fuerit etiam de sancta Romana ecclesiâ, ambiguitas & controversia, episcopi laudabiliter & cum convenienti reverentia deposita questione discutiri, & solutionem accipere, & an proficere, an profectum facere, non tamen audacter sententiam dicere contra summos senioris Romæ pontifices. Ecce ex istis patet qualiter concilia universalis, in quibus zelantissimi fuerunt reformatores ecclesiæ, tractabant sedem Romanam. Secundo, ex eadem radice arguitur sic: In omni republica leges novæ a consuetis patrum decretis degenerantes sunt vitandæ tamquam periculossimæ salutis reipublicæ; & per consequens a sacro concilio, cuius studium præcipuum universalis politicæ Christianæ salutis debet incumbere. Sed tale decretum irritans*

in tali materia, vel simili ratione assignata, est novum quid, & a Patrum consuetudinibus peregrinum; ergo tale non est emanandum a sacro concilio. Consequentia est bona; major est Aristotelis lib. 2. politic. dicentis, quod inducere novas leges in republica est magnum periculum; quia inducere novas leges est assuefacere non obedire legibus, et ita nec principibus. Ex quo sequitur consequenter principatus, et politicæ totalis dissipatio; ratione cuius dicit Aristoteles 1. Rhetor. magis esse obediendum principibus quam medicis; ratio, quoniam medici commodis intendunt corporum; principes sive prælati legum positione animarum salutem, cum populum intendunt inducere ad virtutes 2. eth. Et ita apparet major, quod quantum possibile est, in republica vitandæ sunt leges novæ, nisi manifesta sit utilitas et condendi necessitas. Ita enim dicit jurisperitus quod in rebus novis edendis evidens debet esse utilitas, ut recedatur a jure quod diu æquum vitium est. Minor vero patet ex superiori ratione.

Ex quinta ratione leges, quæ est ut sit conveniens loco & tempori, arguitur sic: Decretum irritans contra papam in materia collationis beneficiorum, & dispositione ecclesiarum, non est conveniens temporibus istis; ergo a sacro concilio non est pro nunc decretanda talis lex. Consequentia patet, quoniam emanandæ leges a concilio debent esse convenientissimæ. Antecedens probatur, quoniam istis temporibus principes jam videntur sic dominari prælati intra regnorum, provinciarum, sive terrarum suarum ambitum dignitates habentibus, ut decreto illo posito, universum quasi regimen ecclesiæ in ecclesiarum provisione, & collatione beneficiorum ad dispositionem devolveretur principum secularium, quod esset absurdissimum. Hoc tamen non addimus generaliter; tamen hoc addimus, non ita generaliter sequeretur, cum dispositio ecclesiarum papæ providentia gubernatur, non audientibus ita principibus secularibus impetere papam, sicut prælatos terrarum suarum; patientius etiam supportabunt provisiones factas a papa, quam ab aliis. Ex qua radice sumitur convenientia residentie summi pontificis in civitate Romana, ut ponit Augustinus de Ancona in libro suo de potestate ecclesiastica q. 21. art. 1. quia videlicet in nulla alia patria potest papa uti tanta potestate, nec tantam populo Christiano facere utilitatem, sicut Rome, & in patrimonio S. Petri residendo. In alia enim patria supponit se sub dominio regum, vel principum; & sic vel timore, vel amore non libere potest uti potestate sua, seu iustitiæ æquitate. Item ex sexta conditione legis, quæ est, ut sit necessaria, ut supra exposuimus secundum Thomam, et expediens ad remotionem malorum, arguitur sic: nullum decretum indutivum majoris corruptionis, deformationis, et confusionis in ecclesia Dei est a concilio sacro emanandum, quod maxime intendit juxta institutionem suam veræ reformationi ecclesiæ intendere; sed decretum amovens a papa provisiones ecclesiarum & collationes beneficiorum plenarie cum (sic) imitatione facti, & inferiori-

Augustin.  
Triumph.  
Anconit.  
Ord. S.  
Augustin.  
cujus de  
potestate  
ecclesiæ  
liber plus  
vice sim-  
plici exco-  
sus est.



ANNO  
CHRIST  
1433.

ribus praelatis committens est huiusmodi; ergo &c. Consequentia est bona, maior manifesta; minor probatur tam ex ratione dominorum secularium, ut argutum est, cumque experientia nostra videamus multum quamplurimos praelatos pessime providere ecclesiis, beneficiis in temporibus sibi competentibus; si papa male in suo, non providentes ecclesiis, sed personis, nec personis moribus, & literis adornatis, nisi bene paucis, sed nepotibus, servitoribus & huiusmodi. Itaque vix reperiuntur aliqui valentes viri promoti in ecclesia, nisi per papam, de quibus exempla possunt poni in hoc sacro concilio. Quid ergo esset, si tota ecclesiarum dispositio eorum providentia plenaria committeretur? currentibus temporibus presentibus, & considerata dispositione mundi, salva reverentia eorum, timendum esset, quod major corruptio esset in ecclesia. Nec vallet fuga quorundam dicentium, quod tunc papa posset eos corrigere; papa vero peccans non haberet corrigentem; tum primo, quia nullus esset ausus, aut paucissimi accusare episcopos apud papam; praesertim in abutibus commissis contemplatione dominorum terrae. Item quis se vellet laboribus, periculis & expensis se exponere ad episcopos accusandum? papa autem non corrigeret nisi accusata, vel certa sibi; certa autem non possunt esse sibi mala per alios praelatos commissi lege communi, nisi per denunciationem factam, & ita correctio esset incerta. Praeterea, posito quod papa vellet corrigere praelatos taliter abutentes auctoritate sua in distributione beneficiorum, & dispositione ecclesiarum, cum pares culparum paribus poenis sint merito expiandae, recte iustitiae ordine puniret eos sic abutentes ea poena, qua ipse papa a concilio propter abusus in dispositione ecclesiarum est punitus, videlicet privando potestate illa distributionis beneficiorum, & dispositionis ecclesiarum; quo dato vel dominis cardinalibus committeret, vel ad se revocare necesse erit, vel novum genus politiae in ecclesia introducendum foret. Item ex septima conditione legis, quae fuit ut sit utilis, arguitur sic: Nullum tale decretandum est per sacrum concilium, per quod impeditur utilitas populi christiani; ergo &c. Consequentia bona, antecedens pro majori patet ex conditione legis assignata. Tum etiam, quia sacer conventus tantorum patrum, spiritu sancto congregatus, non nisi totius populi utilitatibus studet, & commodis. Minor vero probatur, quoniam stante illo decreto manum summis pontificibus claudente super dispositione ecclesiarum, primo, ecclesiis pessime provisum per ordinarios, non posset commode de melioribus provideri. Tum etiam emergentibus casibus, ex quibus ecclesiae possent inferri gravamina, vel aliis causis imminuentibus, ut puta ratione pacis inienda, ratione haereticis extirpandae, ratione malitiae eligentium refranandae, ratione violentiae principum quandoque propulsandae, quandoque etiam ratione principum voluntari iustae complacendi; quibus omnibus impedimentis maxima commoditas populi Christi communis esset

impedita, cum primo decreto illo posito, salvo meliori iudicio, non competere videtur papae illud, quod Bernardus Eugenio in persona omnium pontificum dicebat lib. de Consideratione: *tu pauperum pater*. Item sic secundo: Nullum tale decretum est utile, immo perniciosum, & ita nequaquam a sacro concilio emanandum, quod esset perturbativum universalis status ecclesiae; cum sacrum concilium praecipue sit ordinatum ad reformationem ejusdem, sed tale decretum irritans, sicut praetenditur, est huiusmodi; ergo &c. Consequentia bona; maior est nota ex ratione legis. Minor vero patet, quoniam spectat ad statum universalis ecclesiae, quod tota ecclesia militans obediat sedi apostolicae, & papa praesideat toti universali ecclesiae militanti. Unde XI. dist. *Nobis*, dicitur: *multum enim convenit, ut corpus totum ecclesiae in hac sibi obsequio concordes, quae inde auctoritatem habet, ubi Dominus totius ecclesiae posuit principatum*. Ex octava conditione, quae est ut sit manifesta, ne propter obscuritatem ejus sit aliquibus laqueus scandalum aut erroris; arguitur sic: Omne decretum, quod potest esse occasio propinqua erroris, est vitandum a decretis sacri concilii, cujus prima cura est de agro militantis ecclesiae, vepres, & spinas eradicare haereticis, & erroris; sed hoc decretum irritans in forma quae a multis intenditur, est huiusmodi: ergo &c. Consequentia est bona, maior nota; & minor probatur, quia illo decreto mediante ligarentur manus summi pontificis in his, quae sibi jure divino competunt; quibus ligatis, & papa non utente auctoritate sua in dispositione ecclesiarum, & aliorum similium sibi competentium jure divino, in debita fide processu temporis multi errarent circa potestatem papae, credentes multa sibi non competere, aut posse facere, vel fecisse, quae tamen munere deitatis potest facere, & nullus alius praelatus lege communi, nisi ex commissione; sicut alias per plures, & nunc per Bohemos factis turpiter est erratum, cujus simile proximum est de sacramento Eucharistiae, quod laicis non ministratur nisi sub una specie, ut dicunt doctores, ne sub duplici specie, occasionem capiant erroris, credentes Christum sub utraque specie pleniter atque integraliter non contineri. Magnus autem error & periculosus toto corpori ecclesiae esset error circa potestatem papae capituli ecclesiae.

Ultimo arguitur ex ultima conditione legis, quae est, ut nullo privato, sed pro communi omnium utilitate conscripta sit, arguitur sic: Nullum decretum est emanandum a sacro concilio, quod non pro communi utilitate sit institutum; sed tale decretum, ut praefertur, non videtur institutum pro utilitate communi; sed pro privatis commodis quorundam cum praedjudicio sedis apostolicae; ergo &c. Consequentia bona; maior patet ex conditione legis assignata. Minor patet, quia tale decretum ex rationibus supra assignatis non cedit in commune bonum universalis ecclesiae; sed tantum videtur deservire commodis temporalibus aliquorum ordinariorum, amicorum, et familiarium suorum, qui tali decreto posito arbit-

ANNO  
CHRIST  
1433.

ANNO  
CHRISTI  
1433.

bitrantur citius, & pinguis promoveri, quam manente auctoritate apud papam; leges autem institutæ ad lucra temporalium, neglecta lege Dei, dicuntur leges iniquæ, de quibus Isaia X. *Kæ qui condunt leges iniquas.* Et loquitur expresse de traditionibus avaritiæ causa institutis; unde glo. sic habet: *propheta contra scribas & phariseos qui traditiones suas præponebant legi Dei, de quibus Mat. XV. irritum fecistis mandatum Dei propter traditionem vestram.* Sed Isaia unum notabile: *quid facieris in die visitationis & calamitatis de longe venientis, ad cuius confugietis auxilium, & ubi derelinquetis gloriam vestram?* Humiliata enim sedis apostolicæ potestate, & gloria, quo, quælo, aut ad cuius signum, sive auxilium confugient episcopi, prælati, clerus ipse? Hoc quoque dicit Symmachus papa, & ponitur g. q. 2. c. *aliorum hominum: de hac mihi per prophetam dictum est: si hæc humiliatur, ad cuius fugietis auxilium, & ubi relinquetis gloriam vestram?* Gloria quidem & auxilium episcoporum est ipsa sedes apostolica; unde beatus Sixtus papa in secunda epistola sua universis ecclesiis directæ ait: *ab hac enim sede apostolica, & sanctis apostolis, qua meri, defendi, & liberari episcopi iussi sunt, ut sicut eorum dispositione, ordinante Domino, primitus sunt constituti; sic hujus sanctæ sedis, cuius dispositione eorum causæ & iudicia servaverunt, protectione futuris temporibus sint ab omnibus adversariis semper liberi.* Omnes ergo prælati, qui luminarium celestium figura in sacra scriptura deforbantur, debent in conciliorum sacrorum decretis celebrandis soli & lunæ esse similes, ut omnibus luceant; id est communis boni studio intendant, exemplo Tullii in lib. de amicitia, de se ita loquentis: *Non minoris curæ est mihi qualis post mortem meam respublica futura fuerit, quam qualis hæc est; paucis enim natus est, qui populum suæ ætatis tantum cogitat.*

*Sequuntur rationes pro parte contraria.*

Consequenter rationes, quæ in oppositum militare videbuntur adducuntur in medium, ut habita collatione partium, & pondere considerata, utrumque veritas ipsa amplius eluceat, & eo modo quo supra rationes pro parte negativa quæstionis ex conditionibus legis sunt sumptæ; ita sequentes quam possibile fuerit ex eisdem capient suæ rationationis exordium.

Ex prima conditione legis, quæ est ut sit honesta id est rationi, sive legi divinæ conformis, arguitur, multipliciter; primo sic: Omnis illa lex est licita, & ita factibilis a generali concilio, quæ ex divinæ immediate legis auctoritate sumit ortum. Sed decretum irritans ad obviandum abusus contra papam est huiusmodi; ergo &c. Consequentia patet; maior manifesta. Minor probatur per illud Mat. 18. *si peccaverit in te frater tuus, accipe eum inter te & ipsum &c.* sequitur: *si non te audierit, dic ecclesiæ, si illam non audierit, sit tibi sicut Ethnicus.* Ex qua auctoritate eliciuntur tria; primum est

quod per *ly ecclesiæ*, intelligit Christus ecclesiam universalem, & non papam, quia Christus Petro loquebatur. Clarum autem est, quod non præcipitur dicere sibi ipsi, sed alteri, & non videtur nisi ecclesiæ. Item quia subiunctum est. *placaliter: Quicumque ligaveritis super terram &c.* quod ecclesiæ, universalis habet potestatem corrigendi & ligandi, alias frustra dixisset Christus: *dic ecclesiæ*, quia potuisset impune non audiri; contra illud quod sequitur postea, *si ecclesiam non audierit, sit tibi &c.* Tertium est quia potestas ista ecclesiæ a Christo data extendit se ad omnem Christianum. Item ex alio hoc videtur manifestum, quod sequitur, *quicumque ligaveritis &c.* ubi multis videtur esse data potestas. Ex quibus manifeste apparet, quod ecclesiæ videns papam non se corrigentem, nec audientem disciplinam ipsius ecclesiæ, poterit ejus manus ligare, & facta contra ejus assignatas regulas irritare. Processus rationis videtur notus.

Secundo sic ex eadem conditione legis: omne quod est peccatum, a quocumque fiat, est irritandum, immo irritum nuntiandum a concilio generali, cuius est de agro Dominico radices eradicare vitiorum. Sed papam se intromittere de provisione ecclesiarum videtur esse peccatum mortale; ergo &c. consequentia bona; maior nota est. Minor probatur, quoniam papa sic faciendo videtur esse perjurus, cum juret summus pontifex in sui creatione inter alia concilia servare concilium Nicaenum, usque ad unum apicem, illa immaculata servare, & pari honore & veneratione habere, & quæ prædicaverunt & statuerunt modis omnibus sequi & predicare. Ita habetur dis. 18. c. *sanctas*, scilicet universalis concilia. In concilio enim Nicaeno statutum invenitur quod confirmatio episcoporum & ita provilio ecclesiastica debeat fieri per metropolitanos. Unde dis. 63. ex concilio Nicaeno ita habetur capitulum. *illud generaliter clarum est, quod si quis præter consensum Metropolitani factus fuerit episcopus, hunc magna synodus diffinit episcopum esse non oportere.* Idem ex concilio Antiocheno habetur, & ponitur dis. 4. c. *episcopus*, ubi sic dicitur: *episcopus non est ordinandus sine concilio & præsentia metropolitani.*

Item, tertio ex eadem radice: quidquid pervertit ordinem divinæ providentiæ est irritandum ab ipso generali concilio; imo tanquam irritum declarandum, cum sacrum concilium studeat omnia reducere ad debitum ordinem. Sed papa immediate se intromittere de provisione omnium ecclesiarum est huiusmodi; ergo &c. Consequentia bona; maior manifesta. Minor probatur, et supponitur quod prælati in ecclesiis super alios constituti sunt quasi divinæ providentiæ super alios executores, sive ministri secundum illud apostoli 1. ad Cor. 4. *sic nos existimet &c.* Tunc probatur, sic: ordo divinæ providentiæ ita se habet, ut regimen inferiorum exerceatur per superiora eis proxima, videlicet per regulas proximas; ergo videtur quod papa vicarius summi provisoris immediate exequens regimen ecclesiarum in provisione earum pervertat divinæ providentiæ

ANNO  
CHRISTI  
1433.



ANNO  
CHRIST  
1433.

the ordinem; & ita patet minor, dicit enim Augustinus 2. de Trinitate quod corpora inferiora et grossiora, per subtilia et potentiora quodam ordine aguntur.

Quarto ex eadem radice sic: summus sapiens ecclesie constructor Christus optime creditur ordinasse ecclesiam suam, et in cunctis necessariis ad ejus regimen debitum et permanentiam eidem providisse; qui dicit ei Isaia 44. *Quid potui facere tibi, vinea mea, & non feci?* Cui tamen non videretur sufficienter provisum, nisi usum potestatis papae, et aliorum praetorum, nec non alia negotia provisum fuisset de aliqua re inobliquabili et deviabili. Si enim, ut 4. Met. Peripateticorum Aristoteles princeps scribit: in unoquoque genere est dandum unum, quod est metrum et mensura aliorum, de cujus ratione videtur esse inobliquabilitas; multo magis in genere sancto et electo regali sacerdotio, ex gente sancta religionis Christianae. Sed haec regula non potest dici papa, cum sit ipse peccabilis, nec etiam collegium domitorum cardinalium, cum non sit in fide & gratia confirmatum; ergo dicendum est quod illa regula est universalis ecclesia, quae privilegium dicitur habere non errandi; et ita per consequens concilium universale representans eam: ergo videtur quod regula usus potestatis papae dependet ex concilio generali; et sic concilium generale poterit papae ponere regulas, irritando quicquid contra eas fuerit attentatum.

Item quinto ex eadem radice sic: In ecclesia non solum vitanda sunt mala, sed etiam occasiones malorum, ut ecclesia tota mereatur dici pulchra. Sed papam disponere de ecclesiis ordinandis, & beneficiorum dispositionibus est occasio multorum malorum; ergo hoc vitandum est ab ecclesia. Sed non potest extirpari nisi irritando, & annullando omnia in contrarium attentata; ergo &c. Consequentia bona; major patet per illud dictum Matth. 18. *si oculus tuus scandalizat, erue eum, & proice abs te.* Item Apostolus de se ipso dicit 1. Cor. 11. *haec facio & faciam, ut occasionem amputem eorum &c.* Minor non indiget probatione; experientia enim est manifesta, & clamores ipsi, qui contra curiam Romanam audiantur, demonstrant.

Item ex secunda conditione legis, quae est ut sit iusta & naturali rationi conformis, sic primo arguitur, pro qua supponitur quod plenitudo potestatis est necessaria, sicut in fine, cum ad illam ordinatur, sicut ad finem. Tunc arguitur sic: omnium ordinatorum ad finem regula, & metrum, & mensura est ipse finis; sed universalis ecclesia, quam generalia concilia representant, est finis potestatis papalis; ergo illius mensura & regula est sumenda ex lege & decretis universalis ecclesiae, seu universalium conciliorum eam representantium; & ita cum tota regula sumenda sit ex eis, irritari possunt omnia quae videntur a fine deordinari, vel quod non fuit mensura mensura & regula sua. Consequentia videtur bona; maior est Aristotelis in 1. phys. & 1. eth. Minor patet, quoniam plenitudo potestatis papalis non est causali-

ter propter papam, sed papa, & ejus potestas propter ecclesiam; & ad eam ordinatur sicut ad finem, docente apostolo 2. ad Cor. 10. & ultimo: *dedit potestatem vobis Deus in edificationem & non in destructionem.*

Item secundo ex eadem radice sic; & supponitur ista similitudo quod in republica Christianae religionis sacrum concilium respectu papae videtur se habere ut ratio se habet in regno animae ad voluntatem; ratio similitudinis est, quoniam sicut in regno animae, rationis est consulere voluntati; ita concilium quod dicitur quasi consilium videtur ad hoc celebrari, ut in rebus gravibus consilia, & regulae caplantur agendorum. Tunc arguitur sic: ratio habet respectu voluntatis potestatem consiliativam, directivam, & praecipientivam; voluntas ergo habet potestatem executivam consiliorum, & judicatorum per rationem; sed quicquid voluntas exequitur contra dictamen rationis, recte est irritum & vanum; ergo a simili quicquid exequitur papa usum suae potestatis exercendo contra dictamen & mensuram sive regulas assignatas per concilia, irritum est tenendum, & ita declarandum. Consequentia est bona; maior est Aristotelis 6. eth. attribuentis prudentiae tres actus, videlicet consiliare, judicare de inventis, & praecipere inventa executioni mandare. Minor vero est nota, & patet per Hilarium 10. de Trinitate: *immoderata est omnium voluntatum pertinacia, ubi non rationi voluntas subjicitur.* Item patet ratio similitudinis ex eo quod homo dicitur microcosmus, id est minor mundus, quia scilicet regimen universi est exemplificandum. Item ex eadem radice sic: Quilibet superior potest inferiori legem ponere contrarium legis irritando; sed generale concilium est superioris papae, ergo sequitur quod concilium generale, universalem ecclesiam representans, papae potestatem legem licitam ponere, contrarium legis factum per eum irritando. Consequentia videtur nota; maior etiam, quia alias non videretur esse potestas sufficiens in superiori. Minor vero patet ex decreto concilii Constantiensis, ubi dicitur quod ecclesia universalis potestatem habet a Christo immediate; cui quilibet cujuscumque status vel dignitatis existat, etiam si papalis, obedire tenetur in his quae pertinent ad fidem & extirpationem haereticis, & generalem reformationem ecclesiae in capite & in membris.

Quarto ex eadem radice: de ratione legis est; quod sit iusta & recta; patet ex secunda conditione legis quae est quod sit iusta; sed illud quod semel est rectum est semper, ita ejus obliquum semper erit obliquum; ergo lex talis juxta potest irritare ejus oppositum a quocumque fiat. Consequentia videtur bona; maior etiam nota; Minor vero patet; lignum enim rectum, quantum est de se semper rectum manet, & in multis posset poni exemplum, ut de ligno.

Quinto ex eadem conditione: naturalis aequitas habere videtur; quod quis privetur privilegio, aut minuat in eo; si eo male utatur; & praeterea si abusus ejus cedit in scandalum totius communitalis; sed ad occu-

ANNO  
CHRISTI  
1433.

lum tristi experientia cognoscimus summos pontifices privilegio suæ potestatis abuti & in scandalum totius ecclesiæ; ergo merito summi pontifices deberent privari illa potestate, vel ad minus in ea restringi. Sed non videtur rationabilis quam per generalia concilia; ergo id quod prius. Consequentia patet, major nota est, & minor etiam est clara.

Item sexto sic ex eadem radice: omne id quod est in se injustum a quocumque fiat, iuste per generale concilium potest irritari; sed papam providere de ecclesiis est huiusmodi; ergo &c. Consequentia bona; major manifesta: minor patet, tum quia est contra jus commune, secundo quia tollit privilegia ecclesiarum, quia ut dicitur dist. 22. c. omnes, qui cuiuslibet ecclesiæ jus suum detrahit, injustitiam facit.

Item arguitur ex secunda conditione legis, quæ est, ut sit possibilis secundum naturam, & arguitur etiam multipliciter: primo sic contra illud: quod est dissipativum status generalis universalis ecclesiæ a quocumque fiat, potest decretum irritans poni per generale concilium; sed papam se intromittere de dispositione ecclesiarum, & collatione beneficiorum immediate videtur esse huiusmodi; ergo &c. Consequentia bona; major patet, quoniam nec papa, nec quicumque alius mortalium potest aliquid in destructionem ecclesiæ. Minor vero probatur, quoniam status ecclesiæ universalis, sive ecclesiasticæ hierarchiæ consistit in imitatione hierarchiæ coelestis, secundum illud Exod. 12. omnia fac secundum exemplar tibi monstratum in monte. In qua coelesti hierarchia Christus mediantibus mediis hierarchizat infimos; ergo in ecclesiæ hierarchia superior, qui est papa, non potest sine consensione hierarchiæ immediate disponere de dispositione inferiorum ecclesiarum. Secundo ex eadem radice, sic: generale concilium potest certis de causis papam abutentem potestate papali privare totaliter vel suspendere: ergo multo magis ad obviandum abusibus ejus potest eum restringere aut limitare. Consequentia videtur optima per locum a majori; antecedens est notum, & in ecclesiâ pluries practicum.

Item tertio eadem radice: privilegia ecclesiarum, sanctorum canonum instituta, Nicæni concilii fixa decreta, nulla possunt ratione convelli, vel novitate mutari, ut dicit Leo papa, & habetur XLI. q. 2. c. privilegia; sed provisiones ecclesiarum sanctorum canonum institutiones, & Nicæni concilii pertinent ad jura & privilegia ordinantium; ergo pro eorum privilegiorum, & jurium firma custodia possunt generalia decreta irritantia ponere. Consequentia patet; major, minor notæ sunt ex decretis superius deductis.

Item ex quarta conditione legis, quæ est secundum consuetudinem; arguitur sic: Prælati sunt sponsi suarum ecclesiarum ut dicitur 7. q. 1. c. sicut alterius uxor. In matrimonio autem consensus utriusque partis requiritur, ut vinculum quo extremo animi conjunguntur; sed huiusmodi consensus inter sponsum & sponfam ecclesiam non ex-

primitur, nisi per electionem, aut postulationem; ergo sequitur quod nullus erit iudicandus sponfus sive prælatus alicujus ecclesiæ, in quem prius per electionem vel postulationem ipsa ecclesiâ non consenserit. Consequentia videtur bona; major & minor patet.

Item ex eadem radice sic: Decreta irritantia in materia ista fecit jam concilium generale Constantiense, & præsens Basiliense; ergo consequenter ad obviandum aliis abusibus præsens concilium generale & quodlibet aliud potest leges cum irritatione ponere contra papam in materia beneficiorum, & dispositione ecclesiarum. Consequentia patet, quia una, & eadem potestas, & æque plena est in hoc concilio, sicut & in aliis. Item lex ista est conformis legibus similibus jam datis & approbatis. Antecedens patet, quoniam in hoc sacro concilio, sicut & in aliis, facta sunt decreta cum irritatione circa provisiones ecclesiarum, scilicet contra supposita incorporata in hoc sacro concilio; item circa creationem cardinalium; item contra alienationem bonorum temporalium pertinentium ad patrimonium S. Petri; item in concilio Constantiensi decretum est cum irritatione contrarii de reverendissimo domine Angelo Corazio ob laudabilitatem suæ cessionis spontaneam, ne nullus papa possit eum a cardinalatu, & legati potestate depone, nec super præteritis qualibuscumque factis quodammodo impetere vel punire; & in multis aliis usus fuit prælatorum conciliorum ponere & constituere decreta cum irritatione. Item generale concilium invenitur irritasse sacras ordinationes clericorum factas per alienum episcopum sine beneficio & assensu proprii episcopi; sicut patet decreto concilii Nicæni, ubi ita dicitur: Si quis autem ausus fuerit clericum, qui ad alium pertinet episcopum, ordinare in sua ecclesiâ, cum non habeat consensum episcopi ipsius, a quo recessit clericus, irrita sit huiusmodi ordinatio. Ergo multo magis potest generale concilium decretare cum irritatione contra papam, si disponat in ecclesiis subiectis metropolitanis absque consensu eorum. Consequentia patet, quia cum difficilius sit irritare incompatibiliter actus potestatis sacerdotalis, quam actus potestatis jurisdictionis.

Item ex eadem radice: Reperiuntur aliqua concilia, in quibus papæmet decretaverunt decreta irritantia contra se, si apostolica decreta facerent, volentes ea esse irrita, & vana; ergo cum universalis ecclesiâ non sit minoris potestatis quam papa, pari ratione potest limitare papalem potestatem, si attentaverit oppositum facere decretorum suorum.

Item ex quinta conditione legis; quæ est ut loco temporis conveniens lex licita dicta debet esse firma, quoniam ut dicit Aristoteles 6. Eth. mensura debet esse permanens; immo leges iustæ debent esse quasi immortales, & immutabiles, cum in eis consistat salus reipublicæ, ut dicit 1. Rethor. & maxime illa tempore debet firmari, & quasi intracta custodiri, quando videmus ex ejus neglectu, & inobedientia majora scan-

ANNO  
CHRISTI  
1433.



ANNO  
CHRISTI  
1433.

dala oriri in republica; sed firmitas legum licitarum per sacrum concilium non videtur aliunde posse sumi, nisi per adjunctionem irritantis decreti, visa tam facili et effrena violatione earum per summos pontifices, sicut nostris temporibus dolenter palpamus; ergo videtur, quod tale decretum irritans possit, & debeat poni per sacrum concilium in suis legibus licitis. Consequentia videtur bona, quoniam juri cujuslibet legislatoris incumbit leges suas omni firmitate possibili roborare. Antecedens patet; et confirmatur per illud Gregorii, quod ponitur 25. q. 2. *ecclesiastica moderationi omnino est convenienter, ut quæ moderata fuerint vel decisa, nulla in posterum debeant refragatione turbari.*

Item ex sexta conditione, quæ est, ut sit necessaria; reformatio universalis ecclesiæ non potest fieri plene sine decreto irritante in materia electionum, confirmationum &c. ergo possibile & sciendum est tale decretum. Consequentia patet, quia in tali materia est concilium supra papam. Antecedens probatur; reformatio dicitur, id est ad pristinam formam reductio; sed forma dispositionis ecclesiæ in antiquiori et antiquo statu, si vive more ecclesiæ est ut fiat per ordinarios; ergo si fieri debeat reformatio, necessario debet sic dispositio ecclesiæ & collatio beneficiorum reduci ad ordinarios, ut irriteretur omnis illa provisio per quemcumque alium facta.

Item ex eadem radice: sicut medicus in sua operatione intendit sanitatem quæ consistit in ordinata concordia humorum, ita potestas publica sua præfidentiali sollicitudine intendit pacem, quæ consistit in civium ordinata concordia. Sed vidimus, quod medicus abscedit unum membrum bene & utiliter, si per ipsum imminet corruptio corporis; ergo etiam publica potestas pro pace, & salute totius corporis ecclesiastici, potest vel amputare, vel privare totaliter unum membrum sua potestate, vel de ejus potestate aliquid detrahere vel minuere quodcumque sit illud. Consequentia patet ex similitudine; & ideo dicitur in concilio Constantiensi, quod in materia reformationis, quæ est quali quædam cura infirmitatis corporis ecclesiæ, etiam papa subijcitur concilio.

Item ex septima conditione legis, quæ est ut sit utilis: illa decreta sunt licita & iustissima, quæ remouent a statu dignitatis papalis quæ ejus auctoritati non multum derogant, & status excellentiam non minuere videntur; sed decreta cum irritatione, ne papa se intromittat de provisione ecclesiæ & dispositione temporalium in collatione, & signatione petitionum & hujusmodi, ut totaliter manibus terfis ab hujusmodi fecibus purius valeat divinis & fidei, & *perditioni* intendere; ergo talia sunt a generali concilio emananda. Consequentia videtur ex conditione legis, quoniam talis lex videretur utilissima. Antecedens patet, & confirmatur exemplo beatissimorum apostolorum, qui videntes ex multitudine ecclesiæ sibi crescere curas temporalium, quarum occasione spiritualibus poterant aliquantulum minus intendere, excusserunt manus ab illis;

unde Act. 6. dicitur: *convocantes enim multitudinem discipulorum dixerunt: non equum nos relinquere verbum Dei, & ministrare, mensis. Considerate ergo vos &c.*

Item ex octava conditione legis, quæ est ut sit manifesta & clara: omnis lex illa licita quæ clarissimam habet veritatem. Sic potest apostolica auctoritate poni, quod quodcumque in oppositum attentatum sit, irritum & viribus evacuatum sit; sed hujusmodi decretum in tali est hujusmodi; ergo &c. Consequentia videtur bona; major manifesta. Minor probatur & deducitur multis auctoritatibus, ex quibus plane sumitur, quod papa privilegia & jura aliarum ecclesiarum, canones sanctorum patrum, statuta generalium conciliorum non debeat immutare, in quibus omnibus dispositio ecclesiarum manibus ordinariis attribuitur facienda; quod enim dicitur 25. q. 1. c. *confidimus*, quod nullus jam veraciter Christianus ignoret uniuscujusque synodi statutum, quod universalis ecclesiæ approbavit assensus, nullam magis exequi fidem præ cæteris oportere, quam primam, quæ unamquamque synodum sua auctoritate confirmavit, & continuam moderatione custodit. Item in eodem c. *violatores*: *violatores sanctorum canonum graviter a sanctis patribus judicantur, & a sancto Spiritu (instinctu cujus ac dono dictati sunt) damnantur, quoniam blasphemare.*

Spiritum Sanctum non incongrue videtur, qui contra eosdem sacros canones, non necessario compulsi, sed libenter, ut præmissum est, aliquid proterve agunt, aut loqui præsumunt, aut facere volentibus sponte consentiunt; talis enim præsumptio manifeste unum genus blasphemantium Spiritum Sanctum, quoniam ut jam prælibatum est, contra eum agit, cuius nutu & gratia sacri canones editi sunt.

Item in eodem capite: contra statuta sanctorum patrum concedere aliquid vel mutari, nec hujusmodi quidem sedis auctoritas potest; apud nos enim inconcussis radicibus vivit antiquitas, cui decreta patrum sanxerunt reverentiam.

Item in eodem: prima salus est rectæ fidei regulam custodire, & a statutis patrum nullatenus deviare; & multa similia ibidem, & alibi scripta allegari possunt, quæ ejus firmitatis robur habent. Item dicit B. Gregorius scribens Augustino Anglorum episcopo: *si ea destruere, quæ antecessores nostri statuerunt, non constructores, sed eversores esse iustitia comprobaret.*

Ultimo arguitur ex ultima conditione legis, ut nullo privato commodo &c. Omnis illa lex est maxime firmanda omni genere, firmitatis, ut a nullo valeat permutari, quæ pro communi utilitate omnium est instituta, & quæ dispensationem non recipit sine detrimento hujus boni communis; sed hujusmodi lex dispositionem ecclesiæ committens ordinariis est hujusmodi; ergo &c. sequitur quod in omni genere firmitatis est roboranda, & ita cum decreto irritante. Consequentia videtur bona; major videtur patere per decretum id quod 25. q. 1. c. *quæ ad perpetuam generaliter ordinata sunt utilitatem nulla commutatione varientur, nec ad privatum reducuntur commodum quæ ad*

ANNO  
CHRISTI  
1433.

bonum commune sunt præfixa. Minor vero patet quoniam ipsi ordinarii melius cognoscentes qualitates personarum, merita & demerita utilius ecclesiis possunt providere, & citius & cum paucioribus laboribus & expensis ecclesiarum ipsarum aut personarum.

*Solutio rationum factarum.*

Ad primam rationem respondetur negando minorem; & ad auctoritatem, quæ inducitur de evangelio Matth. 18. *Si peccaverit &c.* dico primo, negando quod per ly *ecclesia*, intelligatur ecclesia universalis, aut universale concilium illam representans, quod ex tribus colligitur: tum quia hic, secundum omnes doctores, datur doctrina de correctione fraterna. Impossibile autem esset præceptum illius adimplere, aut saltem difficile multum si ecclesia, cui dicendum esset peccatum fratris nostri, intelligeretur universalis ecclesia, aut concilium universale illam representans; oporteret enim aut semper celebrare concilium, aut universalem portare in sinu. Tum secundo, quia non est cujuslibet congregare universalia concilia, sicut est adimplere præceptum præfatum Christi. Tum tertio, quia Christus solum apostolis dicitur dedisse potestatem, cum ait: *quæcumque alligaveritis &c.* qui apostoli nec erant universalis ecclesia, nec tunc faciebant universale concilium; unde dicitur quod juxta veram intelligentiam & intentionem Christi ibi ecclesia dicitur prælati. Unde Chrysostomus super Matth. & adducitur a S. Thoma in gloss. contin. exponit sic: dic ecclesia, idest qui ecclesia præfunt; ita etiam habet gloss. decreti in c. *si peccaverit* 11. q. 11. *dic ecclesia*, idest sacerdoti. Idem etiam aperte colligitur ex decreto Innoc. III. in c. *novit*, de judi. & est glo. in eodem passu in verbo *ecclesia*; secundum enim philosophum 9. eth. civitas quandoque dicitur id quod est principalissimum in ea, cujusmodi est dux sive rector. Et cum dicitur, quod si de prælato intelligeretur non dixisset Petrus: *dic ecclesia*; dico quod hoc non arguit, quia ista doctrina de correctione non dabatur Petro singulariter, nec Christus ei loquebatur ut prælato, at ut particulari personæ & ad ejus solam personam pertinente; nondum enim erat adhuc prælatus; sed in persona omnium secundum illud quod uni deo, omnibus dico. Unde Augustinus de verbis Domini dicit: *Si peccaverit &c.* hic admonet nos Dominus noster non negligere invicem peccata nostra, non querendo quid reprehendat, sed quid corrigat. Præterea secundo, dato quod in aliquo casu per ly *ecclesia*, non prælatus, sed communitas fidelium intelligenda veniat, sicut videtur gloss. quadam exponere, dicitur quod hoc non ex ratione alicujus potestatis, quæ dicatur esse in tali communitate secluso suo prælato & capite arguatur esse ex sensu literali prædicti textus, ex quo solo juxta doctrinam Dionysii & Augustini validum argumentationis fuit genus in theologia; sed ratione erubescens, unde gloss. ordinaria adducta in loco prælibato ita dicit:

*vel dic ecclesia; ut majorem erubescens patiat. Item Hieronymus in eadem glo. contin. inducitur: porro si nec illos audire voluerit, tunc multis dicendum est, ut detestationi eum habeant, ut qui non potuit pudore salvari, salvetur opprobriis.* Quod vero arguitur, nisi ecclesia haberet potestatem ligandi & absolvendi frustra dixisset Christus: *dic ecclesia*. Dico quod hoc argumentum non currit, quoniam licet ex isto textu, ut videtur, nulla arguatur auctoritas in congregatione fidelium ecclesie super papam & alium, non adhuc frustra dixisset Christus: *dic ecclesie*, ut patet expositione sanctorum proxime assignata, qui dicunt ideo multis dicendum esse, ut detestationi eum habeant, ut qui non potuit pudore salvari, salvetur opprobriis. Ecce ergo quod non frustra præcipitur: *dic ecclesie*, etiam si ecclesia non habeat potestatem ligandi & solvendi eo modo quo adversarii intelligunt. Item arguitur, quia nisi ecclesia habeat potestatem, potuisset impune non adduci contra illud: *si ecclesiam non audieris &c.* dico ad hoc, quod hoc etiam non arguit potestatem aliquam, in communitate ecclesie juxta sensum adversariorum; licet enim recusans audire ecclesiam, idest qui non flectitur pudore, aut erubescit opprobria multitudinis, merito sicut ovis morbida sit ab omni conventu Christi segreganda; non tamen sequitur quod hoc sit sciendum potestate aliqua illius multitudinis, eo modo quo loquitur pars adversa de potestate ecclesie; sed sciendum est potestate prælati; unde glo. illa præallegata, super illud: *dic ecclesie*, dicit sic: *ut majorem erubescens patiat. Post hæc sequitur excommunicatio, qua fieri debet per sacerdotem; & ideo doctores sancti sicut illud dic ecclesia exponunt idest prælato; ita exponunt illud: si ecclesiam non audieris &c.* idest prælatum, scilicet ejus præcepta contemnendo. Quod autem consequenter arguitur, quod in lignum, quod ecclesie dabatur potestas ligandi atque solvendi, sequitur infra: *quodcumque ligaveritis &c.* Ecce, inquit, quod sit sermo ad multitudinem, quod de apostolorum potestate non videtur intelligendum; quia tunc æqualem recepissent potestatem cum beato Petro, quod non est dicendum. Ad hoc dico, quod non videtur verum; imo videtur data aut promissa potestas apostolis, dicentē Hieronymo: *Quis potestatem tribuit apostolis, ut faciant, quod quis a talibus condemnatur humana sententia divina sententia laborari.* Item Origenes, & adducitur in glo. contin. *quæcumque ligaveritis in terra, erunt ligata & in celo; dixit in celo, non dixit in celis, sed in celo uno, quia non sunt tanta perfectionis sicut Petrus.* Ecce dico, primo, quod apostolis permittum apostolis quam Petro: per hoc quod cum ait Mat. 16. Petro: *quodcumque ligaveritis &c.* erunt ligata: dicit pluraliter & in celis. Cum autem aliis apostolis dicit singulariter, & in celo, quod tamen si de ecclesia intelligeretur, juxta expositionem Origenis, oportet intelligere minorem potestatem esse ecclesie universalis,



ANNO  
CHRISTI  
1433.

quam Petri, sive pape, quod est contra adversarios; & ita illa consequentia nulla est, quæ ultimo loco adducitur, loquendo de potestate jurisdictionis. Patet ergo, quod si per *ly ecclesie*, cui denuntiandum est in aliquo casu, accipienda sit multitudo fidelium, aut concilium universale illam representans, quæ potestatem habeat non audientem corripere & punire, non hoc erit secluso prælato; quia sic communitas illa maneret vacua viribus, sicut corpus sine capite; sed necessario intelligendus, & præintelligendus venit prælatus. Ecce in quo ipsa ecclesia potestatem accepit ligandi atque solvendi, & per quæ ecclesiam non audiens excommunicationis gladio feriendus est. Et ideo Christus postquam dixit: si ecclesiam non audierit, inquit prælatis, quorum auctoritate iudicium sit in ecclesia: *Amen dico vobis quod quicumque ligaveritis &c.* non enim hoc dixit ibi multitudini fidelium, sed apostolis, sive prælatis; est ergo ibi secundum litteralem sensum fundata potestas prælatorum contentiosæ jurisdictionis, & non alia. Unde Nicolaus de Lyra sequendo glossam superius tactam, inquit, quod talia possint prælati efficere, id est excommunicare. Sequitur: *quicumque ligaveritis &c.* ubi nota quod auctoritas ista non datur prælatis ratione personarum tantum, sed ratione totius communitatis, nec moritur cum personis, sed permanet in successoribus; dicitur in istis prælatis ecclesia suscepisse potestatem istam, ut Augustinus videtur super Johannem dicere. Tertio dico quod dato, quod potestas illa intelligeretur de potestate data ecclesie universali juxta intelligentiam arguentis, nihil arguitur contra conclusionem, quoniam per illam auctoritatem non concederetur nisi potestas corrigendi fratrem si peccaverit; & ita dato quod papa, si peccaret & abuteretur potestate, abusus ejus corrigendus veniret per universalem ecclesiam; non tamen diceretur ei concessa auctoritas dissipandi & irritandi beneficia per papam, aut quod papa non possit bene uti potestate, sibi a Deo immediate collata; papa enim disponendo de ecclesiis, & de beneficiis immediate non peccat, non errat, non transgreditur aliquam legem prohibentem sibi provisionem hujusmodi; quoniam non divina; lex enim divina non prohibet, immo divino jure sibi competit universalis ecclesie supremo domino & constructore sibi curam totius populi pastorem committente & dicente: *pascite oves meas* Jo ult. Item, non prohibet jus commune, quoniam in eo semper intelligitur exclusa summi pontificis auctoritas. Non facit etiam alicui injuriam utendo jure suo, & præceptum altissimi exequendo. Et ita pater quod ratio prima nullo modo militat, sed fundata videtur vel in propria opinione, vel solum in cortice litteræ, abiecta sanctorum doctorum expositione.

Ad secundam rationem respondeo negando minorem; & ad probationem cum dicitur de professione, & juramento papæ &c. dico quod papa nullo modo est dicendus juramenti transgressor providendo ecclesiis de

pastoribus aut beneficiis conferendo, quoniam in nulla parte decretorum illius sanctæ synodi habetur quod papa non det, si dare voluerit, aut provideat ecclesiis si bene visum sibi fuerit; unde dicitur extrav. de elec. c. *significasti*, quod in conciliis non reperitur statutum quod legem Romanæ ecclesie præfixerit; cum omnia concilia per Romanæ ecclesie auctoritatem & facta sint, & robur acceperint, & in eorum statutis Romana patenter accipiatur auctoritas. Cum ergo statutum esse, confirmationes, & provisiones fundas esse per metropolitanos, semper tamen intelligendum quod id sanxerunt sacra concilia generalia, salvo in omnibus jure Romanæ ecclesie. Unde sicut dicitur 25. q. 1. c. *Deo permittente*, in nonnullis causis conciliorum cum aliquid observandum cernitur, statim subinfertur: nisi auctoritas Romanæ ecclesie aliter fieri imperaverit, vel salvo in omnibus jure Romanæ ecclesie, vel salva tamen in omnibus apostolica auctoritate; & ideo patet, quod ex ignorantia provenit decretorum dicere papam contra professionem agere providendo immediate ecclesiis sibi commissis de pastoribus. Intelligenda ergo sunt illa decreta de aliis prælatis attentantibus se per alios confirmari, quam per metropolitanum suum, non per sedem apostolicam, quæ semper intelligitur excepta, sicut in antiquis conciliis Clegimus fuisse acceptatum per alios; unde papa Hilarius in synodo antiqua Romæ celebrata refert in quibusdam locis talia perveritarum semina tuborta, ut nonnulli episcopatum, qui non nisi meritis præcedentibus datur, non divinum munus, sed hereditarium putant esse compendium, & credunt, sicut res caducas atque mortales, ita sacerdotium; ita ut legaturis, aut testamentario jure possent dimitti. Nam plerique sacerdotes in mortis confusio constituti in locum suum feruntur alios designatis nominibus subrogasse. Hæc ibi, & plura alia de ista materia.

Ad tertiam rationem cum dicitur, quod pervertitur ordo divinæ providentiæ; respondeo negando minorem illius rationis; & ad probationem dico duo. Primo dico, quod aliud est immediate exequi regimen ecclesiarum, & aliud est providere de rectoribus ecclesiarum; sicut aliud est institutio causarum duarum, & aliud est producere immediate effectus singularium rerum. Dico ergo quod primum pertinet ad præidentem & provisorum universitatis, ut coadjutores sibi assumat, constituendo pastores singulis ecclesiis, sicut Dei est creare duas causas; regimen vero ecclesiarum debet exequi mediantibus constitutis per eum pastoribus; & ita facit papa, qui mediantibus episcopis per eum creatis, & aliis inferioribus prælatis pascere dicitur universum gregem Dominicum, & ita ordo divinæ providentiæ servatur. Secundo dico, quod etiam in regimine ecclesiarum, causis rationabilibus concurrentibus, papa potest multa agere per se ipsum, vel aliis committere agenda: quam constitutis pastoribus; sicut enim Deus rebus certum ordinem indidit, ut tamen sibi

re-

ANNO  
CHRISTI  
1433.

reservaret quod ipse aliquando ex causa esset facturus, dicente Augustino contra Faustum, quod aliquando Deus contra cursum naturæ solitum facit; ita a Spiritu Sancto ordo regiminis in ecclesia institutus creditur, ut ipse qui Christi vices tanquam ejus vicarius gerit, possit ex causa sibi rationabili visa quandoque pro parte aliter disponere; posset enim papa sine perturbatione ordinis ecclesiastici per dioeceses, per quas eum transire contingeret, prædicare, confessiones audire, sacramenta dispensare, vel alia, de quibus videtur committere. Et ita non militat ratio illa assumpta ex ordine divinæ providentiæ.

Ad quartam rationem de regula inobliquabili danda necessario, dico duo. Primum est quod illa ratio non videtur concludere, quod detur aliqua lex animata impeccabilis, & indeviabilis simpliciter in omnibus præter Deum, qui est sapientia ipsa, per quam tam reges spirituales, quam temporales regnant, & legum conditores iusta decernunt, ut dicitur Proverb. 8. sed bene concludere quod sit aliqua regula indeviabilis necessaria, sicut & in communi scientia aliqua principia inobliquabilia danda sunt, & ipsa est lex divina, sive fides christiana, quæ emanat ab ipso legislatore & monarcha Christo Jesu, secundum quam gubernanda est ecclesia. Quoniam sicut potestas papæ derivatur a potestate divina; ita ratio, sive regula gubernationis in papa ad ecclesiam gubernandam debet sumi ex ratione gubernationis supremi gubernantis; de qua dicitur XXV. q. 1. c. prima salus est rectæ fidei regulam custodire, & statutis patrum nullatenus obviare. Secundo dico, quod posito, quod ratio currat de regula, sive de lege animata inobliquabili, & indeviabili in materia fidei, & necessariis ad salutem populi christiani; dico quod regula, sive lex non potest dici regulariter esse concilia generalia, cum plura talia exorbitasse a fide historix commemorent juxta glo. in c. ipsi sunt canonem, 9. q. 3. Sed illa lex & regula est apostolica sedes, quæ numquam exorbitasset a fide catholica legitur; habet enim sedes illa a Christo privilegium non errandi in fide juxta illud Luc. 22. ego rogavi pro te, Petre, ut non deficiat fides tua; quod sancti doctores de firmitate, & inobliquitate fidei apostolicæ exponunt; unde hac ratione mater fidei, & magistra dicitur ecclesia Romana, ut in c. omnis, dist. 21. Propter quod Calixtus papa scribens aliquando episcopis, & habetur in c. non decet, dist. 12. Non enim decet membra a capite discedere; sed, juxta scripturæ testimonium omnia membra caput sequantur; nulli enim dubium est, quod apostolica ecclesia mater est omnium ecclesiarum, a cuius regulis nullatenus convenit deviare. Quare Hieronymus ad Damasum papam scribens propter hanc summam auctoritatem illius sedis & in diffinienda fide inobliquitatem, ut habetur 34. q. 1. c. hæc est fides, papa beatissime, quam in catholica ecclesia didicimus, quamque semper censuimus, in qua, si minus perire, aut parum caute forte, aliquid possumus emendari cupimus a te qui Petri fidem & sedem teneris. Si autem hæc nostra

confessio apostolatus tui iudicio comprobatur, quicumque me culpæ voluerit, se imperitium vel malevolum, vel etiam non catholicum, vel hæreticum comparabit. Hec ille. Alius autem respectus de papa, juxta sanctorum patrum prudentiam habendus est, quam quod sit quid particularis homo ejusdem speciei cum cæteris hominibus. Plane consideranda est etiam divina providentia, quæ ita illi sedi assistere credenda est, ut nullo modo ab ea in his, quæ fidei sunt, permittat exorbitantia emanare iudicia. Unde Hieronymus loco proxime allegato ita prosequitur: Sancta Romana ecclesia, quæ semper immaculata permansit, Domino providente, & beato Petro opem ferente, in futuro manebit sine ulla hæreticorum consultatione, atque firma & immobilis omni tempore persistet. Hæc ille. Tertio dici potest; dato quod illa regula inobliquabilis in fide sit concilium universale, hoc de plenario concilio, in quo apostolicæ sedis auctoritas præsidet, intelligendum est; non de congregatione alia, cui apostolica sedes in diffiniendo raro assisteret; sed potius magis repugnaret: quare nihil ex illa ratione arguitur ad propositum, quia nullum tale concilium legem ponere posset papæ, quæ aut ejus potestatem diminueret, aut volenti benefacere præstaret in provisionibus sibi impedimentum; attentio, quod sibi, & non alteri cura pasturæ totius gregis Dominici sit commissa.

Ad quintam rationem de tollenda occasione, dico ad majorem & ad minorem: Ad majorem vero dico, quod duplex est occasio mali; quædam directa quæ directe ordinatur in malum; alia indirecta, quæ scilicet de se respicit bonum, licet per accedens tendat in malum. Prima enim est omnimode tollenda, & eradicanda, quantumcumque pace republicæ fieri potest; secunda vero non regulariter, cum ea quæ sunt per accedens relinquuntur ab arte. Tum primo quia, si quilibet occasio malorum esset tollenda, cum scientia, teste apostolo, inflat, 1. Corinth. 8. & ex scientificis multi efficiantur hæretici, & superbi inflati; si autem hujusmodi occasionis causa tollerentur universitates & studia, non prudenter ageretur. Si denique omnis occasio abusu in ecclesia esset auferenda, cum nostris demeritis innumeri sint in ecclesia prælati, archiepiscopi, episcopi, abbates abutentes sua potestate; apud quem remaneret ista potestas? assignetur ille, & laudabimus eum. Præterea si omnis occasio abusu auferenda esset, dicentibus Bohemis, quod omnium ambitionum, simoniarum, multorumque malorum occasio sit temporalitas ipsa ecclesiæ data, & ideo esset a clericis auferenda; non restat nobis responsio. Apud omnes enim manifestum est, quod si Bohemorum argumenta in materia temporalitatis non militarunt, multominus militant argumenta aliorum in materia nostra, qui sub specie pietatis, scilicet reformationis ecclesiæ primatum Sedis apostolicæ, universalis ecclesiæ quodammodo fundamentum destruere & deprimere moluntur. Sed nunc dico ad minorem, quod loquendo de occasione directa & per se, falsa est; absit enim, ut di-



ANNO  
CHRISTI  
1433.

camus quod usus beneficio divinitatis munere ecclesiæ dato sit per se occasio malorum, licet per accidens possit bene contingere, de quo non est ad propositum. Et cum dicitur, quod experientia & clamores hoc ostendunt; dico, quod hoc est falsum, nulla enim experientia monstravit quod esset per se & directe occasio. Corriganter ergo abusus per eum, ad quem spectat, & maneat intacta liberaque ipsa potestas ad bene agendum.

Ad sextam tamen de fine dico hic primo, quod hypothesis illa est falsa, et contra omnem rationem loquendo de fine, qui est ratio, et mensura omnium eorum quæ sunt ad finem. Pro quo notandum, quod finis alicujus rei dupliciter dicitur; uno modo illud, quod tendit illa res ex ordine sibi dato, aut naturali, aut supernaturali, sive id quod est intentum ab agente. Alio modo dicitur finis id, ad cuius utilitatem est ordinatum opus agentis; cuius exemplum potest poni in arte medicinæ; uno modo dicitur finis eius sanitas; alio modo infirmus, sive corpus humanum. Item finis politiæ videtur esse pax et tranquillitas ordinis, cum hoc videatur bonum ipsius, ad quod universum regimen ejus respicere videtur; ipsa vero communitas dicitur finis regiminis sive potestatis reipublicæ; sic ad ejus utilitatem ordinatum est opus præidentis, et agentis. Ita finis potestatis papalis non est ipsa ecclesiæ universalis, sicut id ad quod est ordinata; sed id ad quod per se regimen, aut usum ejus ipsa ecclesiæ recta, et gubernata perducitur, quod est ipsa beatitudo coelestis; quod manifeste patet ex ipsa diffinitione potestatis ecclesiæ, quam quidam adversæ opinionis magister in suo tractatu ponit, videlicet quod potestas ecclesiastica est, quæ a Christo supernaturaliter et spiritualiter collata est apostolis suis, discipulis, et eorum successoribus legitimis usque in finem sæculi ad edificationem ecclesiæ militantis, secundum leges evangelicas pro consecutione felicitatis æternæ. Et in diffinitione potestatis jurisdictionis in foro exteriori dicitur: est potestas coercitiva, quæ valet exerceri in alterum etiam invitum, ad dirigendum, et invitos subditos in finem beatitudinis æternæ velut in finem proximum, et principaliter intentum. Ecce manifeste quod ecclesiæ, quæ est multitudo ipsa dirigenda in finem beatitudinis æternæ, non est finis ipsius potestatis ecclesiasticæ primo modo; secundo modo vero sic. Sed cum a fine secundo, capto felicitate ab eo, ad cuius utilitatem ordinatur opus agentis, non capiatur *regiminis*, nec lex ordinationis eorum quæ sunt ad finem; sic nec medicus regulas capit medicinæ a curandis, nec dux bellandi ab exercitu, nec princeps a populo leges ad regendum; sed e contra. Licet quandoque bene mensura, sive proportio legis, aut regulæ quia corpori debili non ita fortis applicatur medicina, sicut forti et robusto; actus autem adivorum sunt in patiente bene disposito in secundo de anima. Secundo, quia teste Aristotele oportet leges aptari politiæ, unde moderatio legum accipitur ex qualitate regendæ politiæ, sed non disamen, aut ratio legis; sed illa capit politiæ ex principe,

ubi est monarchia: clarissime patet rationem illam, ex adverso reputatam Achillem, omnino viribus vacuum esse. Et ad probationem illius hypothesis per apostolum dico, quod per illam non probatur aliquid, nisi quod est finis modo assignato, edificatio omnis ecclesiæ in virtutibus et hujusmodi non est ipsa ecclesiæ, leges enim hujusmodi edificationis non videntur sumendæ ex edificanda ecclesiæ, sed ex edificatore Christo; sicut est principium ecclesiæ, ita est finis, ad cuius amplexum est perducenda ipsa ecclesiæ, cujus vices gerit in terris ipse summus pontifex; et ideo notanter in diffinitione potestatis ecclesiasticæ ponitur; ad edificationem ecclesiæ secundum leges evangelicas. Et ita patet solutio rationis.

Ad septimam rationem, in qua ex similitudine rationis, et voluntatis proceditur, dico primo, quod hypothesis est falsa, quoniam, ut dicit Chrysostomus in quadam epistola, sicut intellectus est summus pontifex, et rex in homine; sic papa in ecclesiæ. Et est sapienter dictum, quoniam doctor et magister orbis dicitur secundum quod idem Chrysostomus dicit epistola super Jo. quod Johannes Jacobum localiter in uno loco prælatum determinatum, sed Petrum totius orbis decretavit magistrum & doctorem. Hæc ille. Quia ratione dicitur 25. q. 1. c. ideo sacrosancta Romana ecclesiæ habet *ius condendi canones, utpote quæ est caput & cardo omnium ecclesiarum, a cuius regula neminem dissentire licet.* Cæterum dico secundo, quod hæc similitudo est falsa secundum opinionem argumentum, quoniam si ecclesiæ habetur ut finis, ratio vero dispositionis eorum quæ sunt ad finem magis congrua videretur similitudo contrario modo assignata. Tertio dico quod concessa hypothesis posita, quod in regno ecclesiæ papa habet similitudinem voluntatis, & concilium generale rationis, sive intellectus, nihil arguitur contra propositum; sed confirmat hæc ratio conclusionem meam, quod sic probatur. Nempe licet consiliare, & judicare de inventis sit ipsius rationis secundum se; tamen imperare, sive præcipere illa fieri modo imperativo non est rationis secundum se; sed ex virtute voluntatis sibi competit. Pro quo notandum, quod, ut dicit S. Thomas in 1. 2. q. 17. ubi querit, utrum rationis sit imperare, quod intimare, & denunciare aliquid ad agendum potest esse dupliciter; vel absolute per modum judicativum, dicendo: hoc est faciendum; vel monendo ad hoc per modum imperativum, cum dicitur alicui: fac hoc. Cum autem voluntas sit primum movens in regno animæ & secundum non moveat nisi virtute primi, sequitur, quod hoc ipsum quod ratio movet imperando sit ex virtute voluntatis. Unde relinquatur, quod imperare sit actus rationis præsupposito actu voluntatis, in cuius virtute ratio movet per imperium exercitium actus. Hæc ille. Ex quibus clare habetur, id quod universæ ecclesiæ sonare videntur, quod concilium quantumcumque leges denuntiet utiles reipublicæ, nisi auctoritas papæ interveniat, unde concilia suscipiunt robur, & firmitatem, non poterit imperativo modo ali-

ANNO  
CHRISTI  
1433.

aliquem movere ad implendum, quia morio intellectus sive rationis attenditur quantum ad specificationem actus; morio vero voluntatis. Præterea cum dicat Aristoteles 1. polit. quod ratio imperet appetitui principum politico, quo scilicet aliquis præfesset liberis, qui habent jus in aliquo contradicendi, dicente Augustino, quod interdum præcedit intellectus, & sequitur tardus; aut nullus effectus. Si illa similitudo currat, ut concilium locum habeat rationis, aut intellectus, papa vero voluntatis, aut effectus, sequitur quod concilium nullo modo poterit cogere papam ad legem ejus implendam, ejus actus irritandum. Et ita licet lex conciliorum respectu papæ habere dicatur regulativam rationem, non tamen habebit vim coactivam. Si vero dicatur: ad minus ex similitudine illa colligi potest, quod sicut si voluntas non sequitur legem rationis rectæ errare convincitur; ita papa si leges justas, & sancta decreta universalium conciliorum plena observatione non fuerit amplexus: dico quod concederem; sed videndum esset quæ leges sint justæ, & quæ sancta decreta, quoniam multi dicunt malum bonum, & injustum æquissimum & tenebras lucem. Decretum autem quod papa non provideret de pastoribus in ecclesiis sibi a Deo commissis, & quod solum ordinariis dispositio ecclesiarum & collatio beneficiorum committatur, dimisso papa velut trunco demembrato in sede, non sanctum esset dicendum, sed nefandum, scilicet sacrilegum, ut rationes adductæ primo clare demonstrant.

Ad octavam rationem de superioritate, dico ad majorem, quod major esset vera, quando aliquid est ita superior altero, ut tota potestas inferioris dependeat, & emanet a superiore; quod non est in proposito; dato etiam quod concilium universale esset aliquo modo superius papa. Non enim summus pontifex capit auctoritatem a conciliis, sed ab ipso Domino Deo, cujus vicarius est in terris. Superfedeo autem nunc de veritate minoris propositionis assumptæ dicere, propterea quia ea quæ dicta sunt, sufficiunt ad ostendendum articulum factum non probare propositum.

Ad nonam de rectitudine legis, dico ad minorem, quod illa est falsa, quoniam lex quæ quandoque est justa, alio tempore servata esset injusta & nociva. Pro quo advertendum, quod rectum in rebus corporalibus dicitur absolute; & ideo rectum in eis quantum est de se manet semper rectum; sed rectitudo legis accipitur non absolute, sed in ordine ad utilitatem communem, cui non semper proportionatur una & eadem res; & ideo talis rectitudo muratur. Unde dicit Augustinus in lib. de libero arbitrio, quod lex temporalis, quamvis justa sit, commutari tamen per tempora iuste potest. Secundo dico, quod non esset dicenda lex æqua, aut justa, in qua sedis apostolicæ detraheretur potestati aut dignitati, aut honori. Nec insuper videretur lex recta data a concilio circa regimen ecclesiæ, in qua varia et inopinata possint contingere, nisi semper sedis apostolicæ potestas intelligeretur excepta, sicut in sacrorum universalium con-

ciliorum decretis per sanctissimos zelatores factum legimus.

Ad decimam de privilegio ec. dico quod duplex ad præsens distinguitur privilegium; unum, quod dicitur a juristis reale, & illud est quod datum est ecclesiæ, dignitati, civitati, aut alicui loco; & hoc dicitur perpetuum & rei adhæret, & sic semper durat nisi forte res destruat. Aliud est personale, quod alicui, vel certis personis personaliter conceditur. Quo habito dicitur, quod privilegium dispositionis ecclesiarum, & aliam hujusmodi non est privilegium personale personæ Eugenii aut alterius; sed est ipse sedis apostolicæ; quod privilegium Christi donantis dispositione officii adhæret inseparabiliter ipsius sedis. Sic enim instituta est ecclesia ab eo, & potestatis munere dotata, ut esset usque in finem sæculi duratura. Qua in re cum sit contra omnem aequitatem, ut propter delictum prælati ecclesia perdere debeat privilegia sua, & præsertim illa quæ est caput, & mater, & regula cæterarum; non videtur justum & æquum, imo etiam nec possibile de jure, ut propter abusus quorumque summorum pontificum sedes apostolica suis privilegiis sit spolianda; præsertim cum illa non a quocumque mortali, immo nec ab ipsa universali ecclesia, sed a Christo Jesu immediate illa suscepta.

Ad undecimam rationem negatur minor, in qua dicitur papam providere immediate de ecclesiis pastoribus esse injustum. Et cum probatur quia est contra jus commune, dicitur hoc esse falsum, cum in nullo tali mandetur, quod sedes apostolica non valeat providere; imo in omnibus decretis ejus semper sedes apostolica intelligitur excepta, ut supra dictum est. Et per idem respondetur ad sequentem probationem, cum dicitur, detrahere privilegia ecclesiarum sit injustum; dico quod nullius ecclesiæ tollit privilegia, aut prælati papa disponendo de pastoribus ecclesiarum; quia nulli prælato ipsius ecclesiæ est particulariter concessum, ita lege privata disponere de ecclesiis quæcumque, aut collatione beneficiorum, quod papa non possit illud, quia omnia privilegia hujusmodi ecclesiarum particularium emanant ab ipso universali universali ecclesiæ pastore, sive principe, summo pontifice, qui etiam si vellet, non posset taliter privilegia concedere, quod sedes apostolica aliter disponere non valeret.

Ad duodecimam, ubi dicitur quod papa disponendo de ecclesiis videatur dissipare ordinem hierarchicum; responderetur negando minorem, quoniam illa est falsissima, imo a cunctis piis auribus declinanda; tum quia totius ecclesiæ pastura sit commissa summo pontifici, ut dicit Gregorius super illud Jo. 21. ascendit Simon Petrus &c. Petro autem sancta ecclesia est commissæ; & ipsi spiritualiter dicitur: pasc oves meas. Et ipsius est immediate pascere, vel de pastoribus providere; mirum autem esset quod papa faciendo quod sibi ex officio competit etiam præcepto Salvatoris, ordinem hierarchicum confunderet. Secundo idem apparet, quoniam si papam immediate confirmare episcopos, & sacerdotes consecrare, & hujusmodi disponere est



ANNO  
CHRISTI  
1433.

ordinem hierarchiæ confundere, tunc Christianos, apostolos ipsos immediate consecrando in episcopos, & non mediante Petro ordinem hierarchicum pervertisset, quod erroneum est dicere. Si dicatur, quod non est simile, quia cum Christus sit Dominus, est super omnem ordinem & dominus legis; papa autem non: hoc nihil est, tunc quia papa licet non sit dominus simpliciter, est locus habens domini in ecclesiastica hierarchia. Tertio, quia ipsa ordinatio, quod confirmationes episcoporum fierent per metropolitanos, non est ex lege divina, sed ex lege humana super quam est papa, in qua semper est excepta potestas papæ. Unde Bernardus ponit aliqua monasteria a fundatione sua ad apostolicam pertinere auctoritatem. Tertio, practica beati Petri ostendit illam propositionem esse erroneam, quoniam, ut supra, in primis rationibus deductum est, pluries episcopos per se ipsum constituit & ordinavit, quem in hoc confudisse ordinem hierarchicum ecclesiæ militantis dicere, esset sacrilegium. Demum quarto, tunc ecclesia Romana sic se intromittens de provisione ecclesiarum, tanto tempore fuit in peccato mortali; immo in gravissimo errore, credendo illud sibi jure divino competere, per quod ordo hierarchicus ecclesiæ militantis confusus redditur. Quod vero credat hoc sibi competere, patet ex concilio allegato; & ita a magno tempore fuisse in errore, quod nefas est credere de ea, de qua dicit Hieronymus, ut superius fuit allegatum, & ponitur 24. q. 1. c. *hec est fides. Sancta Romana ecclesia, quæ semper immaculata permanet, Domino providente, & beato apostolo Petro opem ferente in futurum manebit sine ulla hæreticorum insultatione, atque firma, & inviolabilis omni tempore persistet.* Et ejusdem sententiæ est beatus Cyrillus in libro thesaur. Ut ergo clarius videatur, quod ista ratio procedit ex ignorantia naturæ & conditionis hierarchici principatus, est notandum, quod in hierarchia est duo considerare; primo ordinem institutionem & distinctionem; secundum est executionem officiorum; primum autem horum est, ipsius hierarchiæ immediate, & non aliorum; sicut enim Deus immediate creavit Angelos, ita eos per hierarchias, & ordines distribuit. Secunda vero expletur quodam ordine juxta beati Dionysii doctrinam, ut infima per media reducantur ad suprema; sic in proposito in hierarchia ecclesiastica pariformiter duo consideranda sunt; scilicet institutio dignitatum, & dispositio ecclesiarum, & distinctio earum; & hoc ad hierarchiam hierarchiæ pertinet, videlicet ad papam, sicut angelorum creatio, & ordinum institutio & divisio eorum a Deo immediate fuit. Unde Anacletus c. in novo, dist. 22: *In novo testamento post Christum a Petro sacerdotalis incipit ordo, quia ipsi primo pontificatus in ecclesia Christi datus est, dicente Domino, tu es Petrus, & super hanc &c.* Secundum vero quod est considerandum, est in ordinibus constitutis & ecclesiis provisio de pastoribus, executio officiorum, sive actuum hierarchicorum qui maxime consistunt in ipsa dispensatione sacramentorum, & doctrina veritatis, &

in horum dispensatione currit lex illa hierarchica, licet non ita immobiliter, sicut in celesti; licet enim, ut dicebatur arguendo, ecclesiastica hierarchia imitatur cœlestem, a qua est exemplata, verumtamen ut dicit S. Thomas in tractatu contra repugnantes religionem, non in omnibus; in celesti enim hierarchia distinctio donorum gratuitorum, secundum quæ ordines distinguuntur; sequitur distinctionem naturæ; non autem in hominibus. & ideo in angelis est major immutabilitas, quam in hierarchia ecclesiastica.

Ad decimam tertiam rationem de depositione, aut suspensione papæ, respondeo negando antecedens; & cum dicitur quod antecedens est notum & practicum in ecclesia, dicitur hoc esse falsum, nunquam enim jure factum legitur, ut Romanus pontifex propter solum abutium potestatis suæ hujusmodi provisionibus suspensus esset aut depositus. Secundo dico, quod dato quod in quibusdam casibus generalia concilia possint vel deponere papam, vel eum suspendere ab officio papalis administrationis, & quod in talibus possint decreta irritantia ponere contra abusus ejus notabiles, & scandalizantes universalem ecclesiam; non propter hoc sequitur, quod simpliciter & indistincte possint poni decretum irritans supra sedem apostolicam in his, quæ tibi competunt ex plenitudine potestatis, cujusmodi sunt illa, de quibus sermo praesens est; & ideo ratio in nullo militare videtur.

Ad decimam quartam rationem de privilegiis &c. dico dupliciter; uno modo negando minorem: & ad probationem per decreta posita supra patet solutio per jam dicta, quoniam in omnibus privilegiis datis per summos pontifices, & etiam concilia ecclesiis ac prelatis inferioribus semper intelligitur: salvo tamen in omnibus jure sanctæ Romanæ ecclesiæ, vel salva in omnibus apostolica auctoritate; ut supra dictum est. Unde etiam Gelasius papa, 25. q. 1. c. *Ita nos*, dicit Non ergo privilegia ecclesiarum sic inviolata permanere censentur, ut quibusdam de causis intercurrentibus apostolica auctoritate eis derogari non possit; sequitur: *serventur ergo privilegia ecclesiarum cunctis inconcussa temporibus, ne videlicet præter ejus auctoritatem, a quo data sunt, contra ea liceat alicui evenire.* Item secundo, dico ad majorem, quod secundum gloss. decreti intelligendum est decretum illud de privilegiis, quæ sunt de generali ecclesiæ statuto, vel quæ sunt de articulis fidei, vel dici non possunt, idem non debent.

Ad decimam quintam rationem de consensu requisito, etiam negatur minor; quoniam consensus exprimitur etiam per acceptionem, & admissionem dispositionis, sive provisionis factæ per summum pontificem, sicut de curatis, qui suarum sponis sunt ecclesiarum parochialium, patet manifeste.

Ad decimam sextam, cum dicitur quod facta sunt similia decreta irritantia &c. dico primo, quod non sufficit allegare similia decreta irritantia de facto emanasse; sed requiritur, ut argumentum habeat, ostendere talia de jure processisse, cum nos de possibilitate juris non de facto lo-

ANNO  
CHRISTI  
1433.

loquamur. Secundo dico, quod dato quod in aliquibus casibus, puta cum papa esset fautor hæresis, aut schismatis, aut publicus sive manifestus dilapidator, & alienator bonorum ecclesiæ possit per concilium universale poni decretum irritans; non tamen sequitur propterea, quod simpliciter, & indistincte possit decretum irritans ponere apostolica sedes circa provisiones ecclesiarum propter defectus, aut abusus quandoque commissos per summos pontifices; quoniam licet, sicut dictum est super eadem materia, aliqua de causa speciali concederetur quod possit poni decretum irritans contra papam; ut puta si sit fautor hæresis, aut schismatis; non tamen sequitur, quod simpliciter & indistincte possit poni. Pro quo notandum est, primo, quod bonitas & malitia in actibus moralibus principaliter capienda est ex fine; unde Aristoteles 3. Met. dicit, quod ratio boni est fine sumitur, & Boetius, eidem alludens sententiæ, dicit in topicis: *cujus finis bonus, ipsum quoque bonum est; & cuius finis malus, ipsum quoque malum est.* Secundo, notandum, quod, ut dicit S. Thomas 2. 2. q. 154. art. 4. actus unius virtutis, vel vitii ordinatus ad finem alterius sumit speciem illius; sic furtum propter quod committitur adulterium transit in speciem adulterii; & luxuria secundum quod violat aliquid ad Dei cultum pertinens, ad speciem sacrilegii. Quo notato dico, quod quia in casibus positjs papa tribuendo beneficia, & dignitates credendus est hoc facere in favorem hæresis, aut manutentionis schismatis, ut saltem sic reformationem ecclesiæ impediret; & ita per consequens ordinaret illa in malum finem. Et quia quod malo fide agitur malum est; ideo concessio, quod decreta illa tam Constantiensis concilii contra Johannem, & contra Benedictum sunt rationabiliter, & sancte posita in casibus præfatis, non sequitur quod generaliter concilia contra sedem apostolicam indeterminate, non concurrentibus hujusmodi casibus, quod sit possibile poni decretum irritans in materia provisionis ecclesiæ, aut in alia quacumque sibi ex plenitudine potestatis competentis.

Ad decimam septimam. Cum dicitur de irritatione sacrarum ordinationum, &c. dico negando antecedens; & ad probationem cum dicitur de Nicæno concilio, dicitur quod illud decretum intelligitur de irritatione ordinationis sive consecrationis, quantum ad executionem ejusdem debitam; non autem quantum ad ipsum ordinem, sive ipsam consecrationem, quam vere suscipit.

Ad decimam octavam, cum dicitur quod aliqui pontifices decreta decraverunt multa irritando contra attentata, dicendumque, etsi ita, ut supponitur, fuerit; pro quo non vidi textum; verumtamen consequentia non valet, quia talia decreta sibi assensu papæ, qui poterat juri suo renunciare, & ligare manus suas, sed non successorum; & ita non est ad propositum, quoniam hic attentatur simpliciter, & indistincte contra sedem apostolicam poni decretum irritans, cui ipsa sedes non consentit, sed contradicit; in qua ipse Deus hanc po-

Concilior. Supplem. Tom. IV.

testatem usque ad finem sæculi duraturam, esse voluit.

Ad decimam nonam de immutabilitate legum, dico primo, quod cum certitudinis firmitas varietur secundum variationem rerum, ut dicitur primo de anima, & 1. ethicor. & omnis mensura dicatur relative ad mensuratum; non oportet, quod omnis mensura æque sit certitudinis, & ita nec omnino infallibilis nec certa, sed quantum est possibile in suo genere; unde cum illa quæ regulanda sunt lege humana sint corrigenda singularia, multipliciter variabilia, non possunt leges humane habere illam firmitatem, sive immortalitatem, quam habent conclusiones demonstrativæ in aliis scientiis; immo propter hujusmodi rerum varietatem, quibus oportet mensuram ipsam coaptari, & cum ipsis variari, ad salutem reipublice necessarium est leges esse variabiles, ut dictum est. Et ita ad auctoritates allatas pro probatione majoris illius dicitur, quod conveniens est, quod quæ justæ, & sancte ordinata sunt, ubi tamen nulla occurrit ingens necessitas, vel evidens utilitas, nulla refragatione debeat immutari. Aliter enim, ut dicit Bernardus non videretur fidelis dispensatio, sed crudelis dissipatio. Dico secundo ad minorem, negando illam; enim facere decretum in materia præsentis irritans, & in alia simili esset pessimum, ut supra est declaratum apertissime; cumque non sint fienda mala, ut eveniant bona, ut dicit apostolus, propter abusus non est privanda sedes apostolica bonis usibus; vellem enim eos considerare, qui ad decretum statuendum irritans consilium dant, illud Aristotelis 3. Ethicor. quod non est bonus consiliarius, qui bonum finem inconvenienti nititur consequi medio; nec isti debent amplius petere firmitatem suarum legum, quam ipse leges sint capaces. Clarum enim quod lex & decreta conciliorum aliter respiciunt summum ecclesiæ pontificem, & aliter alios inferiores. Secundo, falsum est quod assumitur, quod non possit aliunde sumi firmitas decretorum concilii, quam per decretum irritans; imo dico quod per hoc magis redderetur lex nulla, quam firma, quia exiret terminus juris. Et ita, tertio ad consequentiam respondendo, dico, quod illa consequentia nulla est; nec probatio, ut patet ex supradictis.

Ad vicesimam rationem de reformatione, negatur antecedens, & ad probationem dico, quod nullo tempore provisio ecclesiæ, & confirmatio, & alia hujusmodi pertinebant ordinariis; siquidem etiam principaliter pertinebant summo pontifici qui executioni illa demandaret, quando utile, & necessarium atque expediens visum sibi fuisset, ut supra dictum est.

Ad vicesimam primam de amputatione membri ratione sanitatis totius corporis, dico breviter, ad hoc id non esse verum, quando illud membrum est caput totius corporis, quia capite languescere, facilius membra corporis inficiuntur. Caput autem universalis ecclesiæ est ipse, unde dicit 12. c. 1. non decet a capite membra discedere; sed juxta scripturæ testimonia omnia membra caput sequuntur. Nulli vero dubium est, quod

Ddd

apo-



ANNO  
CHRISTIANI  
1433

apostolica ecclesia mater. est omnium ecclesiarum, & ideo matris nostre, quæ ecclesia est, caput existit Romana ecclesia; diff. 22. c. sacrosancta apostolica sedes, caput & cardo est omnium ecclesiarum, quæ ratio capituli competit ei ratique plenitudinis potestatis presidentis in ea, scilicet summi pontificis: & ita patet quod ratio non procedit.

Ad vigesimam secundam dico primo, quod si argumentum militaret, æque, ut videretur, militaret contra ordinarios, sicut contra papam; quia textus dicit, quod duodecim apostoli dixerunt, inter quos erat Petrus, cui succedit summus pontifex, & alii apostoli, quibus succedunt episcopi. Et ita æque contra ordinarios essent irritantia decreta ponenda, quod non intrinsecus de provisione temporalium beneficiorum; cum præsertim dicat ibidem glossa ordinaria: *ascendunt apostoli episcopos & doctores ecclesie non debere temporalibus rebus implicari*. Præterea si eo quod providere de beneficiis ecclesiasticis, ut assumitur, sit se intrinsecus de pulvere terre, & feces manibus tractare, a papa sunt ista auferenda, ut manibus sacratoribus valeat convenientibus studiis intendere doctrinæ, & prædicationi; mirum est quod istæ feces tanto affectu sint concupitæ, & super dispensatione eorum tanta discordiarum in præsentî concilio flamma concresecat. Secundo, cur tam ad purificandum ordinariarum manus hæc ratio concurret? Dicendum ergo est ad rationem ipsam, quod minor est falsa; & ad probationem dico, quod auctoritas non est adpropositum, eum quia aliud est ministrare mensis, & provisionibus emendis pro refectione alicujus multitudinis intendere, & aliud est providere ecclesiis de pastoribus & hujusmodi facere. Unde beatus Petrus licet primum relinqueret; non tamen secundum, ut supra patuit.

Ad vigesimam tertiam dico, quod minor est falsa; & ad probationem cum adducunt multa dicta decretorum, primo, ad omnia dico, sicut supra quod in nullo illorum decretorum cavetur quod papa det beneficia, aut provideat de ecclesiis pastoribus, quia sic est provisionis commissio, scilicet ecclesiarum, & provisionis bonorum facta ordinariis, ut semper intelligatur nisi sedis apostolicæ auctoritas, cui ex plenitudine potestatis competit, aliter dispensaverit, aut fieri imperaverit. Cum dicitur, quod Romanæ sedis auctoritas non potest aliquid addere, vel mutare contra statuta sanctorum patrum, ut dicit S. Thomas in tractatu contra impugnantes religionem; respondetur hoc verum in illis quæ sanctorum patrum statuta decreverunt de jure divino, sicut articuli fidei, qui determinati sunt per concilia; sed illa quæ sancti patres decreverunt de jure positivo, sunt relicta sub dispositione papæ, ut ea possit mutare vel disponere secundum opportunitates temporum vel negotiorum. Sancti enim patres in conciliis congregati nihil statuerunt potuissent, nisi auctoritate summi pontificis interveniente, sine quo etiam nec concilium congregari potest. Secundo, dicit idem S. Thomas ibidem, quod nec tamen papa quando aliquid aliter facit, quam a sanctis patribus statutum sit, contra co-

rum statuta facit; quia servatur eorum intentio statuentium, etiam si non serventur verba statutorum, quæ non possunt in omnibus casibus & temporibus observari, observata intentione statuentium, quæ est utilitas ecclesiæ, sicut & in omni jure positivo accidit. Derogatur enim prioribus statutis per statuta sequentia. Ista responsio S. Thom. est juxta responsum, quæ datur ad illas similes auctoritates 25. q. 1. c. ideo permittente Deo; ubi sic dicitur: *his itaque respondetur: sacrosancta Romana ecclesia jure & auctoritate sacris canonibus impartitur, sed non eis alligatur; habet enim jus condendi canones, & potest quia caput est omnium ecclesiarum, a cujus regula nomini dissentire licet*. Ita ergo canonibus auctoritatem præstat, ut seipsum non subiciat eis; sed sicut Christus qui legem dedit ipsam legem carnalisque implevit octavo die circumcissionis; postea vero ut se Dominum legis ostenderet, contra legis litteram leprosum tangendo: *sanavit*. Unde dicitur de eo: erat Jesus docens tanquam potestatem habens dominus legis; sic & summa sedis pontificis canonibus a se, sive ab aliis sua auctoritate conditis reverentiam exhibent, & se eis humiliando ipsos custodiunt, ut ab aliis observandos exhibeant. Nonnunquam vero seu jubendo, seu dissuadendo, seu discernendo, seu aliter agendo se decretorum dominos & conditores esse ostendunt. Sequitur: *quoniam, si decretorum intentionem diligenter advertamus, nequaquam contra sanctorum canonum auctoritatem aliquid condere invenimus; sacri siquidem canones ita aliquid constituunt, ut suæ interpretationis auctoritatem sanctæ Romanæ ecclesiæ reservent; ipsi namque soli canonem interpretari valent, qui jus condendi vox habent; unde in nonnullis causis conciliorum, cum aliquid observandum decerneretur, statim subinfertur: nisi auctoritas Romanæ ecclesiæ aliter fieri imperaverit, vel salvo tamen in omnibus jure sanctæ Romanæ ecclesiæ; vel salva tamen in omnibus apostolica auctoritate*. Quæcumque ergo de decimis, vel de quibuslibet ecclesiasticis negotiis sacris canonibus diffiniuntur, sunt intelligenda necessario servari, nisi auctoritas Romanæ ecclesiæ aliter fieri mandaverit, vel permiserit. Hæc ibi.

Ad ultimam rationem, quidquid sit de minori; dico quod ex tali depressione aut suspensione, aut imitatione papalis potestatis in provisione ecclesiarum, & collatione beneficiorum non sequeretur bonum aliquid ipsi universali ecclesiæ, sed damnum inenarrabile, dissipatio scilicet ecclesiasticæ politiæ; ut supra ostensum est; licet illud petant multi vel quia non patiuntur bene subesse, vel subalternari superiori; vel quia multi inde sperant suæ cupiditati plenius satisfieri, aut quia ab ordinariis sperant, alii citius vel pinguius promoveri; alii vero habentes bonum zelum, sed existimo quod non secundum scientiam ducti, credentes per hanc viam melius ecclesiæ Dei provideri; quos omnes dignetur Deus illuminare, ut in hoc sacro concilio decretanda, ecclesiæ sint vere accommodata & utilia. Amen.

Hic terminatur questio de decreto irritante, quod attentabatur per multos Basileæ contra summum pontificem in materia provisionis ecclesiarum, & collationis beneficiorum, composita per fratrem Johannem de Turrecremata sacre theologie professorem, de qua debuit ipse respondere publice in sacro generali concilio Basiliensi; sed certis causis, & quia decretum provisionis ecclesiarum transiit sub alia forma, quam sub forma decreti irritantis, superfluum fuit a disputatione publica præfata materia. Anno domini MCCCCXXIII. in fine mensis Maii.

## ANNO DOMINI

MCCCCXXXIII. in Praga, III. mensis janii, dominus Johannes de Polemar fecit relationem eorum quæ habuit in commissis ex parte sacri concilii, & assumit thema.

**B**enedicta sit sancta Trinitas & indivisa unitas, confitebimur ei, quia fecit nobiscum misericordiam suam. Habentur in introitu missæ de Trinitate. Deducto themate multum notabiliter, venit ad ea quæ sibi occurrebant dicenda circa onus sibi commissum; unde dixit, quod propter errores qui incipiebant esse post tempus martyrium, congregatum fuit primum generale concilium, ubi symbolus qui cantatur in missa, editus fuit. Item de post alia tria concilia celebrata fuerunt: quæ quatuor concilia, tamquam evangelia sunt retinenda & tenenda. Item ex fundamentis istorum patrum, Basileense concilium ordinatum est pro tribus, scilicet pro extirpatione hæresis, pro morum reformatione, & pace populi Christiani. Et dicitur Basilea a basilæos, id est a basis quod est fundamentum, & leos quod est populus, quasi fundamentum populi, quia populus firmabitur per ea, quæ hic acta sunt & agentur.

2. Item, dixit qualiter sacrum concilium a principio congregationis in mente cepit ipsos Bohemos unire sacrosanctæ ecclesiæ, ut patet ex litteris eis missis, quarum prima erat scripta & dictata per dominum legatum cardinalem S. Angeli. Et quod ex eis in Egra conventum fuit, quod ipsorum ambasciatores ad sacrum concilium venire deberent, prout & fecerunt, qui bene erant recepti, dummodo ibi venerunt. Quibus ibidem existentibus, ipsi erant auditi per decem dies, infra quos proposuerunt suos quatuor articulos multum diserte, omnibus audientibus, &c.

3. Item, quod illis decem diebus elapsis dominus legatus eis fecit mentionem de aliis articulis supra enarratis longe ante.

4. Item, narravit qualiter ipsi Bohemi dominis de concilio gratias agerent pro benigna & caritativa tradita eis audientia. Hoc autem nihil aliud est dicere, nisi quod gratum esset eis, si quid eis gratum factum esset aut fieret, quod utique domini de concilio semper facere pollicentur.

Concilior. Supplem. Tom. IV.

5. Præterea dixit, quod sacrum concilium multum in verbis & protestationibus magistri Johannis de Racuzina fuit gavium & consolatum, in eo quod dixit in sua prima protestatione, dum disputare proposuit de articulo communionis sub utraque specie; & huc idem alii sui sequentes dixerunt hæc verba: Credimus insuper domum suam sanctam ecclesiam fundatam tam firmiter supra firmam petram, quod portæ inferi adversus eam prævalere non possunt; quæ, secundum Gregorium & Augustinum, est universitas fidelium, quæ per totum mundum diffusa crescit & fructificat in universo: adicientes quia promitti sunt in spe ipsius capitis Christi Domini, mortis dñæ potius sustinere martyrium, quam elective aliquid dicere, quod foret Christi suæque ecclesiæ veræ sponsæ contrarium voluntati. Unde verum concilium, si animus vester huiusmodi verbis correspondet, bonam spem futuræ unionis concipit & concepit, & gratias agens Deo, multum confortatum est, & hortatur vos, ut ita agatis, & speramus habere in vobis bonam extimationem: sed omnia quæ possunt esse contra sanctam ecclesiam per vos promulgentur, & dicantur sine fictione, ad illam intentionem, ut simul uniamur, quia non est bonum in parte facere pacem, & in parte tenere discordiam, quia tunc citro lites de novo oriuntur, dummodo aliqua scintilla remaneat.

6. Narravitque qualiter ipsi Bohemi per disputationes erant auditi in quatuor articulis per tanta tempora, quod non volebant magis audiri, sed petierunt licentiam. Et tamen sacrum concilium libenter vidisset quod magis mansissent, ut visis libris, omnia, tam isti quatuor articuli fuissent discussi, quam etiam alii articuli, qui in Bohemia tenebantur usque ad XXVIII. & ultra. De post vero erant tractatus habiti ad conveniendum, primo in magno numero ex utraque parte; deum ad minorem numerum, ut scilicet tantum quatuor essent ex utraque parte. Et sic devenit, quod sacrum concilium suos deputavit oratores, qui hic ad Pragmam venire deberent, qui sunt decem in numero, scilicet quatuor episcopi, & alii doctores ex Francia & Almania & Hispania; & quod ultra istos dominus dux Sabaudia suos misit ambaxiatores, ut pro unione laborarent. Narrat enim qualiter ipsi venerant pro pace & unione, &c. sperando quod in hac civitate Pragensi sint illi pacis: quia pax est unum bonum in se continens omnia bona, ut dicit glossa in psalmo CXXIV. Qui confidunt.

7. Narravit etiam omnia mala, quæ ex discordia veniunt. Postea enim concludit, quod in nobis debemus habere caritatem & dilectionem, quia perfectio & scientia veritatis evangelicæ inutilis est sine pace. Unde dicitur Matth. 9. Sal habete in vobis, & pacem inter vos. Per sal intelligitur sapientia. Unde Gregorius in Pastoral: Sal quippe sine pace, nullius virtutis est donum, sed damnationis augmentum, juxta illud Jacobi apostoli: Quod si zelum amarum habetis, & contentiones sint in cordibus, nolite gloriari, & mendaces esse adversus veritatem: Ddd 2 quia



ANNO  
CHRISTI  
1433.

791

*quia ista sapientia non est desursum, sed terrena animalis & diabolica. Unde Zacharias dicit: Veritatem & pacem diligite; quia illa duo debent esse simul.*

8. Item, hortatur ipsos, ut vadant ad sacrum concilium, & ut ibi veritas de eorum articulis inquiratur, & quod per viam veritatis aperiat & doceat, & ut intellectum sacre scripturæ apprehendant, &c. sicut & apostoli in eorum conciliis dixerunt: *Placuit Spiritui sancto & nobis*; quia in una patria discordiæ discutiantur & fiantur, congregatis senioribus statibus illius patriæ. Si hoc fit inter mundanos; cur hæc fieri non debent in spiritualibus & super rebus spiritualibus? Nec quis debet inniti prudentiæ suæ magis quam decretis sacrorum patrum, ut dicit Hieronymus; & ideo imperatores voluerunt, quod illa executioni mandarentur, quæ in sacris conciliis ordinata sunt. Unde ex praxi apostolorum & aliorum patrum, dum non esset dubitatio circa fidem & circa ritus sacrorum, quod tunc faciebant concilia sacra, & quod ibi definitum fuerat, hoc servabatur sine ambiguitate. Unde Añ. xv. cap. dum Apostolus plures convertisset, tunc illi conversi volebant quod deberet circumcilio servari, quia dictum est in lege: *Animæ cuius præputii caro non fuerit circumcisa, peribit de populo meo.* Gen. 17. Tunc Paulus & Barnabas statuerunt super hoc debere ire ad Jerusalem, ubi apostoli & presbyteri erant. Et ibi fuit decusum circumcissionem non esse necessariam, & huic sententiæ omnes acquieverunt. Item ad idem, cum de legalibus servandis, ab iis qui ex circumcissione erant, controversia fieret, fuit illa materia discussa. Añ. 21. Deinde cum aliqui dicerent, quod Filius esset minor Patre, eo quod scriberetur in evangelio: *Pater maior me est*, fuit congregatum sacrum concilium Nicænum, ubi hoc fuit discussum. Item, cum disceptatio fieret de Spiritu sancto, tunc fuit concilium Constantinopolitanum congregatum, in quo & a quo omnes illæ contentiones diffinitæ erant: de quibus omnibus videri potest in lib. Iudocii & conciliorum. Item, B. Cyprianus consuluit an baptizatus ab hæretico veniens ad fidem catholicam, esset rebaptizandus. Et determinavit, quod sic: & ita determinaverunt secum LXXX. episcopi. Dixit tamen quod sua diffinitione non obstante, non vellet recedere a consuetudine quæ contrarium practicavit, nec a concilio, si concilium aliud deliberaret. Et postea concilium generale quod determinavit contra sententiam Cyprianii, sicut ex tunc & pro nunc ecclesia servat. Ergo stabimus in talibus diffinitionibus conciliorum, quia sacrum concilium nunquam potest diffinire contra evangelicam veritatem; quia ibi vigi litterati, conscientiosi & timentes Deum, & Spiritus sanctus est iudex & arbiter, prout B. Iudocus in lib. conciliorum ponit, ubi sic dicit: ex epistola Cælestini missa ad synodum quæ sic dicit: Spiritus sancti testatur præsentiam congregatio sacerdotum. Et ergo dicit Dominus Jesus Christus, ubi duo vel tres fuerint congregati in nomine meo, ego sum in medio eorum. Idem Iudocus in ge-

BASILEENSE G. CONCILIUM.

792

tertiæ synodi Toletanæ, ubi dicit, quod beata Trinitas interest conciliis, concludendo dicit, quod ad hoc venerunt, ut in Bohemia pacem facerent, quam obulerunt, & eos reitituere ad omnes honores; & sic conclusit multum rationabiliter.

#### RESPONSIO ILLORUM DE PRAGA

*Ad præmissa.*

PRIMO dixerunt, quod bene verum est, Ib. p. 599  
quod sine unitate & pace debita vivere non possent. Sed quod ipsi haberent discordiam inter se, hoc venit ex prælati ecclesiæ Romanæ in Constantiensi concilio congregatis, qui huiusmodi bella inchoaverunt, dummodo eis non vocatis, neque citatis, neque convictis aut confessis, per censuras ecclesiasticas a seipis rejecerunt eos, decernentes processum prælati ecclesiæ dirigendos, prout in illos direxerunt, ut qui populum sub utraque specie communicarent, & in illa communione indurato animo manserint, deberent hæretici condemnari & coerceri, invocato ad hoc, si opus fuerit, brachio seculari.

2. Item, ipsi de concilio in hac terra seminaverunt discordias intestinas, quia eorum convocaverunt contra populum, eo quod presbyteri volentes obedire mandatis sacri concilii, sacramenta ecclesiæ, excepto baptismo parvulorum, de medio illorum Bohemorum tulerunt; & his non contenti, magistros Johannem Hus & Hieronymum combusserunt, & quod magis est, contra ipsos Bohemos crucem erigi fecerunt, homines ad arma provocando; ac ulterius Sigismundus rex Romanorum & Hungariæ, terram Bohemiæ incendio vastabat, Pragam circumvallando; & tamen pro tunc non cessavimus, nisi querere pacem, prout adhuc querimus, si vos vultis tenere hos salubres quatuor articulos. Sed quid est? vos vultis quod debemus stare ordinationi sacri concilii de istis quatuor articulis. Quomodo hoc, quis rationabilis homo iudicare deberet, quia vestrum concilium semper est & fuit nobis contrarium & adversarium?

3. Item, plures sunt in Basilea, qui seminaverunt quod communicantes sub utraque specie sunt coercendi, & illi sententiæ acquieverunt, nec adhuc actu cessant illam sententiam approbare. Item, in Basilea sunt illi qui ordinaverunt, quod crux deberet contra nos erigi in regni Bohemiæ devastatorem. Tum etiam solius Dei est fidem Domini nostri Jesu Christi iudicare, & non hominum.

4. Igitur his attentis, non debet quis nobis consulere, ut definitioni sacri concilii stemus. Et ad id quod dicitis, quod non est bonum inniti propriæ prudentiæ; ad hoc dicimus, quod via regia vadimus, non ad dextram, neque ad sinistram; quia communio sub utraque specie & alii tres articuli observati sunt per patres in primitiva ecclesia, & positi sunt in libris sanctorum doctorum. Et ergo non innitimur prudentiæ nostræ, sed an-

antiquorum patrum; quorum via est potius imitanda, quam illorum qui dicunt contrarium. Et ad id quod dicitis, quod standum est sententiæ conciliorum, dicimus hoc verum, dummodo tale concilium sit in lege Domini expressatum & Spiritu-sancto congregatum, in veritate representans ecclesiam catholicam; tunc Christianus tenetur sub pœna anathematis ratificare & approbare ea quæ in tali concilio statuuntur: quia solum sententiæ illius concilii est servanda, quæ est conformis vitæ & doctrinæ domini nostri Jesu Christi. Unde ipsi posuerunt duas regulas, quarum prima est ista: Si dicta & facta conciliorum sunt legi Dei & ejus præceptis conformia, vel a Deo directiva, sunt approbanda & fideliter observanda. Secunda regula: Si dicta & facta cujuscunque concilii sapienter cupiditatem, ambitionem, sæculi, & tendunt ad amorem carnalium & dilectionem hujus mundi, ac ad divitias & delicias hujus sæculi, seu ad ejus gloriam, abiciantur. Si autem eorum dicta vel facta inducunt contemptum mundanorum, ac humilitatem Domini nostri Jesu Christi & ejus amorem, ac observantiam ejus evangelicam, tunc sunt acceptanda, vel si permanent ad fidem spem & caritatem. Ideo Augustinus in epistola ad Hieronymum dicit: solis eis scriptoribus, qui jam canonici appellantur, didici honorem & timorem deferre, ut nulum eorum scribendo audeam errasse credere; aut si aliquid in eis offendero quod videatur contrarium veritati, nihil aliud est quam vel mendosum esse codicem, vel non esse debite interpretatum quod dictum est, vel me minime intellexisse. Alios autem ita legam, ut quanta sanctitate, quantave doctrina polleant, non ideo verum putem, quod ipsi fenserunt; sed quia mihi per alios doctores vel canonicos vel probabiles rationes, quod a vero non aberrent persuadere potuerunt. Hæc ille.

5. Item, dicit idem B. Augustinus, quod quorumlibet disputationes, quamvis catholicorum aut laudatorum hominum, velut scripturas canonicas habere non debemus. Et ideo dictum unius doctoris, puta Hieronymi, potest præferri decreto concilii, ut patet xx. c. Ad id quod dicitur, quod concilium errare non potest. Hoc verum est, quia ecclesia militans in omnibus suis suppositis simul errare non potest, quin ad minus in aliquo suppositorum maneat fides, ut accidit tempore mortis Christi, quod tunc fides sola fuit in gloriosa Virgine Maria.

6. Item, dixerunt isti Bohemi, quod plura fuerunt concilia, in quibus paucum bonum factum est, & ideo non vellent se submittere nec domino papæ, nec sacro concilio. Nihilominus tamen finaliter petierunt habere pacem, & quod vellemus cum eis stare in communione sub utraque specie, & quatuor eorum articulis: bene tamen, ut dixerunt, vellent scire quomodo domini de concilio illos quatuor articulos intelligerent.

Item, magistri de Praga dederunt magistro Regidio Carlerii unam cedulam continentem intellectum quatuor articulorum, prout ipsi Bohemi intelligunt.

Postulaverunt barones & alii, ut quatuor articulis intellectum salubrem assignemus. Magistri Pragenfes congregati de libertate verbi Dei dixerunt, ut verbum Dei sub potestate diocesani & jure ejus libere prædicetur. De evellendis peccatis dixerunt, ut spirituales in spiritualibus & sæculares in sæcularibus, secundum potestatem a Deo eis concessam, extirpent publica mala. De bonis ecclesiæ dixerunt, quia non debent sæculares vel alii bona ecclesiæ, quia sunt communia, & quia sunt patrimonium crucifixi, ejus ecclesiæ & pauperum, sibi appropriare, quoniam sacrilegium esset. Quia tamen pro supposito quasi semper objicitur, quod talia bona sunt superflua. Ad hoc dixerunt: si superflua, tunc illi qui habent super ea potestatem dispensatoriam, convertant in usus pios & communes; ad nos talia non pertinet diffinire; & civiliter non debere super his dominari dixerunt, quia dominium civile, ut videtur, supponit pro subiecto bona temporalia per modum proprietatis possessa. Bona autem ecclesiis collata, sunt bona communia. Igitur impertinenter habet se ad ipsa dominium civile. Aliqui tamen dixerunt, quati superfluitatem in talibus bonis non permittentes, ut relictis bonis congruis necessarii clero, pars auferatur. Et super tales partes spirituales & sæculares simul, aliqui dispensatores constituantur, ut sæculares pro se non trahant, & spirituales non dominentur. Clerus autem super sibi derelictis in judicio non contendat, & sibi subditos non judicet, pœnas pro excessibus infligendo temporales, quia ipsi talia judicant fore conditiones civiles, seu domini civilis. De communione utriusque speciei dixerunt, quia est a Christo tradita & instituta, ab apostolis & in ecclesia practicata; & ideo est animæ utilis, meritoria, & salubris, dummodo fuerit in caritate, juxta limites sanctorum patrum practicata. Quo autem ad præceptum vel necessitatem ejus dixerunt, quia adhuc in eis dubium an cadat sub præcepto, aut sub quali præcepto, & quali poena qui hoc præceptum omitteret aut non impleret esset puniendus: & non sciunt hæc per aliquod concilium fore definita. Sed ex quo concilium Basileense nunc offert, & dicit se velle ferre judicium in talibus juxta doctrinas & sacræ scripturæ & SS. patrum auctoritates; ideo volunt decisionem expectare; nihilo minus tamen aliqui illam communionem dicunt necessariam, dum locus & tempus assunt, eo quod sit necessaria necessitate conditionata, scilicet ut dum aliquis sciat utilitatem communionis sub utraque specie fore talem, dum locus & tempus assunt congrua, ipsam amplectitur sub gravibus poenis, ut per hoc perterriti non sic communicantes tamquam adhuc ignati excusentur. Et sua dicta volentes probare dixerunt, quia communes doctores ecclesiæ dicunt, quinque sacramenta fore necessaria & duo libertatis. Inter primum autem est



ANNO  
CHRISTI  
1433.

est sacramentum eucharistiæ enumeratum. Paiores dixerunt quia asserunt hoc idem, quod doctores. Qualis autem uniuscujusque prædicatorum sacramentorum est necessitas, concilio erit interpretari. Speramus ergo, quia si in hac clausula utriusque partis aliquis salubris intellectus daretur unanimes, multa conquiescerent, occasio bellandi tolleretur. Clamor invalescebat, pacem affectamus, &c.

### PROPOSITIO

*Facta per Procopium Rasum nomine Thaboritarum, ad ea quæ dicta sunt per oratores sacri concilii de periculo bellorum.*

Ib. p. 692.

**Q**UO ad materiam de bellis, novit ille qui nihil ignorat, quod ex eo quod dum contra nos erectio crucis fuit facta, incipiebant bella, ita quod pro tunc ipsum regnum igne & gladio inhumaniter devastarunt, & licet hujusmodi bella, ut præmittitur, sic sunt contra Bohemos exorta; attamen multi qui fuerunt contra istos quatuor fideles articulos, modo illos eosdem articulos defendunt & defendere volunt usque ad exitium, & ad hoc per Bohemos fuerunt coacti. Item, alii videntes quod descendunt a Bohemis, idcirco istos articulos tenent. Item, quia creditur quod ob hoc sacrum concilium sit vocatum in Basilea, ex eo quod tot bella sunt orta in Bohemia, & quod ob hoc sit audientia ipsis Bohemis data, ut veritas illorum articulorum patere possit cuicumque fidei. Item, quia per ipsa bella notitia illorum articulorum ad quemcumque fidelium venit, & in ejus mente firmatur. Attamen licet hæc bona ex dictis bellis eveniant, condolent ipsi Bohemi & tristantur ex eisdem bellis: sed idcirco ferunt onera bellorum, ut beatis illis veritatibus in Dei ecclesia præparantes sedilia, pacem felicem & dies bonos nancisci possimus, unde omnia bona evenire possunt.

### RESPONSIO

*Ad præmissa magistri Egidii Carlerii, doctoris sacræ theologiæ, decani Cameracensis.*

Ib. p. 693.

**C**onsiderantibus nobis responsa pro parte vestra, o viri Thaboritæ, quibus iustificare vultis vestra bella utilia esse; dicimus quod si aliquod bonum aut utile dici debeat, non debet attendi solum ad unam circumstantiam, sed ad omnes; quia si aliud ex una parte videtur bonum, & non ex omnibus, utrique bonum non est. Unde Dionysius, bonum ex integra causa. Ideo Jesus dixit: Nolite secundum faciem judicare, rectum judicium judicare. Nam quædam secundum faciem bona videntur, quæ vere bona non sunt; & ideo si aliquando ex bellis bona eveniunt, non ideo bona sunt, cum plurima mala inde sequantur. Paucos enim profectus

habetis ex bellis vestris, viri Thaboritæ: mala autem quæ ex istis præliis vobis acciderunt, non est necesse quod depromantur, quia manifesta oculis sunt, quia ex eis sequuntur ecclesiarum destructiones, sacrarum imaginum contractiones, servorum Dei, id est sacerdotum confusiones, proseriptiones, occisiones, virginum & feminarum religiosarum ad sæculum reductis, ac corporis Domini nostri Jesu Christi in sacramento irreverens contredictio, quæ piis utique fidelium auribus confusionem generant & offensam. Etiam sequitur perditio animarum & inferni repletio & multa alia; & sic non potest dici, quod illa bella sunt vel fuerint utilia, sed magis damnosa, nec debent ea assumi, si aliter possit pax haberi; quia licet finis belli sit pax, non tamen bellum est acceptandum, si alias pax haberi potest: quia si sanitas haberi potest absque potione amara, illa sumenda non est. Et ergo cum vos potueritis habere pacem sine bellis & unico verbo, cur iustificatis bella? Et licet bella possint fieri, dum assunt iusta causa, iustus ordo, iustus animus; attamen illa tria non habetis; quia ut sit iustus ordo, auctoritas principis requiritur, sine qua bella geri non possunt. Item, nec iustus animus est, cum solo verbo pacem habere potestis & non accipitis. Et quæ iusta causa inter vos bellandi, cum vos ad gremium maris ecclesiæ vestræ inducere volumus? Nec obstat quod dicere vultis, quod pro veritate vultis bellare, ut aperiatur, & quod in hoc vices principis geritis. Si vultis Christi imitari exempla, per arma non tentabitis veritatem defendere, quia Jesus Christus fidei suæ exordia seminavit in pace, nec discipulos elegit divites & potentes, sed pauperes & impotentes. Unde Jacobus dicit: Si zelum amarum habetis, & contentiones sint in cordibus vestris, nolite gloriari; quia ista sapientia non est de sursum descendens, sed terrena, animalis & diabolica. Ubi enim zelus & contentio, ibi inconstantia, & omne opus pravum. Sed sapientia quæ est de sursum, pudica est, pacifica, modesta, suavis, bonis consentiens, & fructus iustitiæ in pace seminantur facientibus pacem. Itaque veritas fidelis, quia desursum est, in pace ac modestia reperitur, non in bello, quia sceptrum violentum non diu durat. Ergo si veritas apud vos est, non est opus ad arma confugere, quia veritas fidei omni potentia regali fortior est. Potest enim hæc veritas vestra non solum discuti in sacro concilio, sed & etiam in omnibus universitatibus; & tunc sacrum concilium diffinit, quid sit faciendum & tentandum. Nec obstat si dicere velitis, quod non vultis declinare a via vestra, quia Spiritus sanctus vos in illa via docuerit, &c. quia si revelatio & doctrina illa ex Spiritu sancto venerit, utique manebit & stabit, quia Spiritus sanctus, qui est ductor sacri concilii, non permittet aliud, quam veritatem, nec umquam sua dissolvere opera, non derelinquet concilium universalem ecclesiam representans. Item, & si principes non possunt facere bellum, si aliunde possent habere pacem, ergo nec vos. Item, merito debetis attendere, quanta mala veniunt ex bellis, quia desolatio.

ANNO  
1433.

tiones pariunt, odia, augment, iras augunt, acle Christianismi per eos convulsa, audaciam demonum provocant, infidelium animas parant, & perimune dilatatum populum Domini. Non sūt ea dicenda quæ ex bellis veniunt. Nec obstat quod dicitis, quod per bella vestra aliqui victi sunt confiteri vestros articulos, postea spontanee illorum fuerunt defensores, & aliqui fideles postea fuerunt protecti ne cogerentur illos deserere, & negare metu hostilium incursum, per illa bella multorum animi ad eorum amplexus. O si hæc, ut creditis, per arma facere potestis, magis hæc fieri possunt ex inquisitione veritatis; quia nullus confringitur melius ad credendum, nisi per doctrinam evangelicæ veritatis; nec quis melius tueri potest, quam clipeo veritatis. Invalida enim sunt arma adversus fortissimam veritatem. Et hoc habetis vos in picturis vestris (a), in quibus scriptum est: *veritas vincit*. Si ergo ipsa vincit, non est necesse ad arma convolare. Si enim creditis, quod ad hoc sacrum concilium Basileense ex instinctu Spiritus sancti fuit ordinatum, ut daretur vobis audientia; ergo eadem assistite, & discutiat ibidem veritas, ut sic unanimes, cum consensu veritatis, ambulemus in nomine Domini. Et ad id quod dicitis, quod a nobis bella sumperunt exordium. Quomodo autem hoc dicere potestis? Numquid post mortem regis Wenceslai, per vos disrupta sunt monasteria plurima? Nonne vestros articulos manu armata pro tunc defendere coepistis? Et ideo cum nostri hoc viderent, & quod destruxistis & occidistis fervos Dei, & templa ejus, accensi erant contra vos, & ergo ex nobis hæc causa belli non venit. Item, libenter audimus quod detestamini bella, rogantes, ut talia memoriter regogitatis, & ut quæ pacis sunt in unum cogitemus & loquamur. Et pax Dei quæ exsuperat omnem sensum, custodiat corda vestra & intelligentias vestras, ut ab hac ad illam quæ sursum est, in æternitate transferri valeatis. Amen.

Item, de post fuit ad præmissa alia responsio facta per dominos oratores sacri concilii.

Et quia tam vos, quam nos optamus pacem unionemque, eo quod divisio est vitanda; ideo eam amplecti debemus, quia nihil melius quam pax, & quia petitis a bellis cessare: hoc potestis si vultis, & etiam habere pacem, quia vobis pax offertur. Via plana, via regia, via facilis, via iusta & recta & vobis honorifica, prout patebit ex actis nostris, & quæ vobis præsentabimus, & quia faciemus, si vultis, pacem. Item, propositione vestra facitis memoriam de præteritis. Et quia non expedit, quia accendit quandoque animos ad iram & ad odium: ideo ne talia ad memoriam reveniant, toleranter sustinemus illa, quæ dicta sunt per vos, & ad ea non volumus respondere quo-

quo modo, ne detur occasio rumpendi tractatus. Et ideo non volumus aspera loqui, & si contingat talia loqui, quod non conturbabimini, ne propter hoc spes pacis dirimatur. Idcirco dicimus quod patres in sacro concilio Constantienſi, non seminaverunt bella & jurgia. Sed clarum est, quod vos & vestri ante Constantienſe concilium, illam dissensionem fecistis, & pullulastis, & seditionem inter vos fecistis, ita quod unus alterum hæreticavit, & delationem super hæresi tali coram domino papa fecistis. Et etiam clarum est, quod de, & super communionem calicis sanctissimi sacramenti non fuit processum in & contra magistros vestros Johannem Hus & Hieronymum de Praga, ut patet ex actis sacri concilii Constantienſis; sed ex aliis, quæ si vos audieritis, & coram vobis proponerentur, etiam simile iudicium, ut creditur, diceretis, si vobis constaret illa esse vera. Et quia illam injustam causam fecistis & fovistis, clarum est, salva reverentia loquendo, quod dissensionem fecistis. Numquid abavi, proavi, & avi ac patres vestri unionem habuerunt cum tota ecclesia in communionem sanctissimi sacramenti, ac in articulis fidei, & etiam per centum & centum annos? Cur receditis a nobis? Numquid ille graviter peccaret, qui in civitate Pragenſi contra societatem indictam novum modum importaret, scilicet quod ordinaret, quod bona unius deberent esse bona omnium, & facere de platea domum? Hoc autem facere non possit, nisi cum consensu civitatis, & altera pars, haberet iustam causam querelandi. Idcirco cum in communionem SS. sacramenti habuimus unam societatem, non decet quod in illa communionem non veniat, ne oriatur novitas, nisi qui sunt de illa civitate, qui habeant interesse, sint vocati & consentiant. Idcirco nullam mutationem facere potestis in ritu sacramentorum sine assensu ecclesiæ, si de ecclesia esse velitis, vel ad minus vestros confocios consulere debebatis.

Item de post prædicti ambasciatores sacri concilii, cum tunc non poterant bene proficere, reveniebant ad sacrum concilium, & tunc habitis certis tractatibus cum certis deputatis in sacro concilio, convenerunt quid deberent cum eis concludere; & ita de novo erant missi de novo quatuor de primis oratoribus, qui multa concluderunt cum illis Bohemis: sed non fuit deventum ad effectum, quia licet promiserant, quod deberent ea servare quæ concepta erant & promissa servari per manuum stipulationem; at tamen circa articulum de communionem sub utraque specie, quatuor difficultates fecerunt; quia voluerunt primum, quod ritus esset unus per totam Bohemiam & Moraviam, ita quod omnes deberent communicare sub utraque specie, & ad hoc deberent compelli. Secundo quod vicini, scilicet Bavarii, Poloni, qui vellet quod similiter auctoritate ecclesiæ communicarent sub utraque specie.

ANNO  
CHRISTI  
1433.

(a) Picturas illas delineari curavit Johannes Hus in parietibus Pragenſis capellæ Bethleem dicæ, ut docet pluribus in locis Stephanus prior Carthusianum in Valle Josaphat, tom. 4. Anecdotorum Pezii.



ANNO  
CHRISTII  
1433.

cie. Tertio quod infantes dum essent baptizati, similiter communicarent sub utraque specie. Quarto quod sacrum concilium declararet, quod illa communio esset salubris, utilis, & omnino necessaria. Et sic licet ipsi Bohemi, Thaboritæ, & Orphani, ac etiam Campetres erant concordēs cum tribus articulis & eis condescenderant, juxta sententiam sacri concilii Basileensis, prout supra dictum est, nullo modo tamen in quarto articulo consentire volebant, & sic quoad quartum articulum nihil actum fuit, propter malitiam ipsorum.

VOTUM MAGISTRI JOANNIS DE TURRE-  
CREMAI

*Super avisamento, quod papa debeat  
jurare servare decreta de conciliis  
generalibus continuandis, &  
electionibus confirmandis;  
alias cadet a jure  
papatus &c.*

Circa avisamentum positum de juramento papæ, quod electus in papam debeat jurare cætera decreta hujus concilii, sicut de conciliis generalibus continuandis, & electionibus confirmandis observare; alias cadat a jure papatus & habeatur, si jurare noluerit, tanquam si renuntiasset. Queritur utrum sacrum concilium debeat instituire, ut summus pontifex juret observare simpliciter statuta, & decreta concilii universalis pure positiva sub pœna casus a dignitate. Et arguitur ad partes. Pro parte affirmativa arguitur sic. In decreto concilii Constantiensis scribitur, quod concilium generale potestatem a Christo immediate habet, cui quilibet, quicumque status vel dignitatis, etiam papalis existat, obedire tenetur in his que pertinent ad fidem, ad extirpationem scismatis, & generalem reformationem ecclesiæ; & sequitur, quod quicumque ejusdemque status vel dignitatis, etiam papalis existat, qui mandatis, statutis, sive ordinationibus, aut præceptis hujusmodi, & ejusdemque alterius generalis concilii legitime congregati super præmissis, seu ad ea pertinentibus factis vel faciendis obedire contumaciter contempnit, nisi resipuerit, condignæ poenitentiae subiacitur, & debite puniatur. Non videtur autem alia magis debita pœna inobedientibus constituta sacri concilii, quam depositio, sive casus a dignitate. Ita enim legitur fecisse ipse sponsus ecclesiæ, quam sacra concilia representant circa multos, videlicet Angelum inobedientem, de ejus casu dicitur Isaïæ 24. *quomodo cecidisti, Lucifer, qui mane oriebaris.* Item Adam hominem primum Dei mandatum contempnit pariter a sua dignitate deiecit. De quo in psal. *Homo cum in honore esset &c.* Item Saule a regia dignitate, sicut patet 1. lib. Reg. c. 16. *Dixit Dominus ad Samuelon: usquequo tu luges Saul, cum ego projecerim eum ne regnet super Israel?*

In oppositum pro parte negativa arguitur ex eo, quod princeps solutus est legibus, ut

dicatur. Ex quo videtur quod cogere eum jurare ad observantiam legum similium sub pœna tali, est directe agere contra potestatem, honorem, & majestatem principis. Immo videtur quod contra rationem principis; & sic conclusio relinquitur dubia. Pro aliqui declaratione præsentis questionis, juxta nunc occurrentem intelligentiam, salvo semper meliori judicio; duos faciam articulos. In primo, deliberationem sive contemptum meum ponam, an liceat papam talibus juramentis ad observantiam decreti hujusmodi alligare. Secundo, an sub tali pœna.

Circa primum institutum talem ordinem. Primo, quod conclusionem ponam judicio meo: verum secundo, respondebo rationibus in contrarium. Pro primo ita conclusio. Non licet papa per concilium generale ligari juramento ad observantiam decretorum suorum. Quam conclusionem ex multiplici capite deducam; primo ex parte dignitatis Papalis, principatus, pro quo notandum, quod S. Thomas dicit in 2. 2. q. 79. art. ultim. querens quia juramento excludantur, quod in juramento duo consideranda sunt: unum quidem ex parte Dei, cui testimonium indicitur; & quantum ad hoc debetur juramento maxima reverentia; & propter hoc a juramento excluduntur pueri ante annos pubertatis, qui non coguntur ad jurandum, quia nondum habent perfectum usum rationis, quo possint cum debita reverentia præstare; & iterum perjuri, qui ad juramentum non admittuntur, quia ex retroactis præsumitur quod debitam reverentiam non exhibeant. Aliud autem considerandum est ex parte hominis, cujus dictum juramento confirmatur; non enim indiget dictum hominis confirmatione, nisi quia de eo dubitatur; hoc autem derogat dignitati personæ, ut dubitetur de veritate eorum quæ dicit; & ideo personæ magnæ dignitatis non convenit jurare, propter quod dicitur 2. q. 3. *Si quis presbyter*; quod sacerdotes ex levi causa jurare non debent; tamen pro aliqua necessitate, vel magna utilitate licitum est eis jurare, & præcipue pro spiritualibus negotiis, pro quibus etiam juramenta competere præstari in solemnibus diebus, quibus eis spiritualibus vacandum. Non autem juramenta præstanda pro rebus temporalibus, nisi forte ex magna necessitate. Hæc sanctus Thomas, ex quo sic arguitur. Cum tanta dignitas sit summi sacerdotis, ut in eo sublimitas aut sanctus sit, aut sanctus præsumendus sit, 40. dist. Non eos; ubi dicitur: *Quis enim sanctum esse dubitet, quem apex tantæ dignitatis attollit?* glof. 1. c. nullus præsumat. Multum derogatur dignitati papali in talibus sine necessitate maxima, quæ in præsentiarum non occurrit, contrahi juramento ad observantiam decretorum, quod argumentum maxime currit de juramento fidei, quod a nullo peritur jam christiano, nisi ab eo qui habetur suspectus in fide, sicut habet glof. extra. de electione c. *significasti*. ubi Paschalis papa dicit: *hoc nimirum malo & necessitate compellimur juramentum pro fide requirere*; dicit glo. pro fide retinenda, si suspectus esset in fide, de conec. dist. *Ego Berengarius*. Secundo, ex parte superioritatis argui-

ANNO  
CHRISTII  
1433.

guitur. Princeps enim solutus est legibus, ut dicit juris peritus; quod, ut S. Thomas in 1. 2. q. 97. art. 5. dicit, ita intelligendum est videlicet, quod princeps dicitur esse solutus a lege, quantum ad vim coactivam legis; licet non quantum ad vim directivam ejus: ergo sequitur, quod princeps ex ipsa sua superioritate non est ligandus juramenti vinculo, aut cogendus ad observantiam legis. Consequentia patet ab oppositis, ligatum esse, & solutum esse respectu unius & ejusdem opposita sunt, & ideo bene dicitur 25. q. 1. c. ideo permittente Domino; quod sacrosancta Romana ecclesia jus, & auctoritatem sacris canonibus impartitur; sed non eis alligatur. Tercio arguitur ex plenitudine potestatis: & hoc sic. Et pono exemplum in materia electionis ut dicitur in concilio Viennensi. Ad potestatem Romani pontificis pertinet ecclesiarum, personarum, dignitarum, aliorumque beneficiorum plena & libera dispositio ex sue potestatis plenitudine, ergo non potest ligari juramento ad decretum electionis. Patet consequentia, quia tale juramentum tollit liberam dispositionem, quam includit plenitudo potestatis. Quarto ex impossibilitate juris, pro quo supponitur: ad potestatem summi pontificis pertinet statuta conciliorum sua auctoritate corroborare, sicut tangitur 17. dist. regula, ubi dicit Julius papa nullum ratum esse, nec in futurum erit concilium, quod sedis apostolicæ non fuerit fulcitur auctoritate. Ex quo sic arguitur nullus, cujus lex non habet robur, nec virtutem coactivam nisi a papa, potest papam cogere ad observantiam legis, suæ sub vinculo juramenti, aut etiam poenæ; sed concilia sunt hujusmodi in legibus hujusmodi & decretis de quibus est questio; ergo &c. Consequentia & antecedens patent. Quinto arguitur ex parte privilegiorum sedis apostolicæ, quæ quæ conatur auferre in hæresim labitur; ut dicitur 22. di. c. omnes. Ex qua parte arguitur sic. Inter alia privilegia est hoc unum, ut iudex sit canonum, sive decretorum, ita ut valeat nunc intendere, nunc remittere, sicut ecclesiasticæ utilitati pro tempore magis competere viderit; sed hoc privilegium aufertur ab eo, cum ad statutorum concilii observantiam simpliciter juramento obligatur; quoniam ipso facto quod papa observaret aliquid sub aliqua poenajuramento contractus, jam non iudex canonum, & statutorum, sed observator necessario constituitur; ergo &c. Sexto arguitur ex parte superioritatis suæ, & hoc sic: Papa ratione superioritatis, cui omnes obedire tenentur, in omni juramento promissorio intelligitur semper excepta auctoritas, videlicet si placuerit papæ ut dicit Hosti in summa lib. 2. tit. 24. de jurejur. 3. & etiam gloss. extra de elect. c. Significasti. Necessè quidem videtur, ut semper iudicis supremi, qui debet facta, vota, juramenta, & instrumenta aliorum judicare, potestas semper maneat absoluta & excepta; ergo non decet papam ad observantiam statutorum quorumcumque talium simpliciter juramento alligari. Consequentia patet, quoniam jam cum esset ligata non exciperetur, nec absoluta esset; & ita cum aliis dispensare non posset. Septi-

Concilior. Supplem. Tom. IV.

mo, arguitur ex parte consuetudinis conciliorum antiquorum sic: antiquitus nunquam visum est quod concilia legem Romanæ ecclesiæ præfixerint, ut dicitur extrav. de electione c. significasti. Cum omnia concilia per ecclesiæ Romanæ auctoritatem, & facta sint & robur acceperint, & in eorum statutis Romana patenter excipitur auctoritas. Et idem capitur ex 25. q. 1. ideo permittente Domino; ergo eadem causa nec inodo acceptanda est. Consequentia patet duplici causa, una est quia hoc concilium non est majoris auctoritatis, quam præterita; nec minus dependet a sede apostolica quam præcedentia. Secunda, quia etiam non minus honestatem illius sedis debet manuteneere, quam in ecclesia præteritis diebus celebrata, etiam si posset facere, cum in illis fuerint amplissimi & sanctissimi in profusa multitudine congregati. Octavo ex honore debito principi apostolico; quem inter omnes, & supra omnes in ecclesia militante venerari & honorare debemus; tanquam illum, qui in terris Christi vicarius est, & vices cujus gerens, cujus gloriæ, & honoris splendor ita manuteneendus est in populo christiano, ut citius supportanda & toleranda sint multa damna temporalia, quam dare occasionem offuscandi ejus claritatem & gloriam. Ex hoc arguitur sic: arcere papam ad jurandum observantiam decretorum concilii, est præstare occasionem, ut papa apud populum christianum tanquam infamis, & ingloriosus suspitione habeatur, cum timendum sit ut quandoque perjurus aut esset, aut saltem judicaretur; periculi autem infames judicantur 6. q. 1. infames; quod in magnum contemptum sedis apostolicæ veniret; & per consequens confusionem ecclesiæ universalis, ut de se patet, quod maxime vitare debent fideles, ne caput eorum inhonorabile & confusibile reddatur. Immo contra legem naturæ videtur membra non occurrere omni occasionem, ex qua eorum caput redderetur confusibile. Nec valet si dicat, quod remanet sibi episcopæ, qua dispensare posset causa occurrente rationabili; quoniam apud eos qui hanc causam contrafaciendi ignorarent, aut illam non rationabilem dicerent, opinio illa de papa semper maneret, quæ causa esset sæpe mortalis culpæ in multis. Nono, ex parte impossibilitatis observantiæ arguitur sic. Concilium non debet papam cogere jurare id observare quod sæpissime est impossibile, aut difficillimum saltem observari; cum lex debeat esse possibilis; sed hæc est hujusmodi; ergo in tali materia est irrationabile præstare observantiæ juramentum. Minor patet, tum primo ex importunitate principum, quibus necesse est sæpissime complacere, quando sine offensa Dei fieri poterit, sicut in hujusmodi fieri convenit. Tum secundo ex conditione materiæ, quæ ex veritate sua; & mutabilitate non est capax immortalis, sive perpetuæ observabilitatis; sed necessarium est apud summum pontificem manere libertatem observandi, vel non observandi, prout viderit utilitati rei publicæ congruere. Decimo arguitur ex parte facilitatis introducendi schismata in ecclesia Dei, & hoc sic: Illud non est faciendum quod verisimiliter in ecclesia

Ecc

Dei

ANNO  
CHRISTII  
1433.



ANNO  
CHRISTI  
1423.

Dei paritum esset schisma aut damnabilem scissuram obedientie debite sedi apostolicæ; sed hoc decretum videtur huiusmodi; ergo &c. Probatur minor, quoniam papa iuramento ligatus ad observandum talia decreta, aut necesse haberet observandi ea, etiam si eorum observantia nociva, & illicita reperiretur, aut non observandi causa rationabili interveniente. Si primum hoc, non quia peccaret observando in nocuum, reipublicæ; si secundum, apud multos non capientes rationem suam esse legitimam & sufficientem ad sic disponendum, sed propter sustinentes inobedientes & rebellio ad sedem apostolicam sequeretur, innitentes decreto concilii, accusantes papam, & infamantes de perjurio. Nec valet quod dicitur, quod in decreto electionis ponitur quod illa rationabilis causa debeat inscribi, propter duo, primo quia talis potest esse ..... propter principes non scandalizandos & provocandos - melius erit silere. Secundo illa ratio quæ apud iudicem videretur rationabilis & sufficere ad non observandum, iudicabitur ab aliis non rationabilis sæpe: & ecce turbatio, & ecce infamia papæ; ecce materia schismatis sæpe. Undecimo ex parte iustitiæ arguitur sic. Non decet per concilium voveri plus arctare principem & caput ecclesiæ ad observantiam statutorum pertinentium ad eum, quam inferiores status ad observantiam statutorum respicientium eos. Patet, nullus enim videtur color ad hoc faciendum: immo ad contrarium posset faciliter argui ex necessitate regiminis ecclesiæ, quod in gubernatore libertatem exigit dispensandi, & etiam quandoque immutandi regulas datas juxta occurrentia negotia; ergo videtur quod decretum hoc de iuramento præstando per papam esset injuriosum sedi apostolicæ; cum non instituitur simile pro aliis prælatis, aut personis in electionibus aut professionibus suis. XII. arguitur ex parte forme electionis, sic. Omnis electio incerta, & conditionalis, juxta dominos iuristas, dicitur esse invalida; sed huiusmodi electio papæ videtur huiusmodi esse, cum dicitur quod si electus jurare noluisset &c. ergo nulla. Et ita ex istis apparet conclusio ponit vera.

Nunc vero restant argumenta pro opposita parte in medium adducere, & illa solve. Arguitur I. ex parte auctoritatis & potestatis sacri concilii. Concilio subicitur omnis persona cuiuscumque dignitatis, etiam papalis in materia fidei, schismatis, & reformationis; sed ista materia est reformationis; ergo &c. II. sic ex parte officii sacrorum conciliorum. Sacri concilii est regulas omnibus imponere, & arctare ad observandum & punire non observatores; ergo ipsi papæ potest ponere regulam, & arctare iuramento eum ad observandum, & punire, ut voluerit. Item III. sic ex parte debiti papæ. Papa, ipso facto quod est electus, adstringitur implicite ad bene regendum; ergo ad hoc faciendum potest per iuramentum alstringi. IV. sic arguitur, quod electio efficeretur conditionalis. Ecclesiæ nunc est tantæ auctoritatis, sicut alias; sed alias instituit formam electionis, quod qui non

esset a duabus partibus electus non haberetur pro papa; ita nunc potest institui, nunc in forma ipsa, ita quod totum sit de substantia electionis, quod electus a duabus partibus non habeatur papa nisi iuraverit. Item V. sic. Quamquam papa sit electus, nisi consentiat, non est verus papa; ita nisi ecclesiæ consentiat, non videtur esse papa, quæ non consentit nisi juret. VI. sic ex parte consuetudinis. Reperitur Bonifacius VIII. professionem fecisse. Item papa Nicolaus iurasse dare cardinalibus medietatem. VII. sic. Posito etiam quod alias nunquam fuisse auditum, ecclesiæ novis sabbotis vulneribus posset nova remedia procedere per novas regulas & rigorosas, ex quo summi pontifices ita effene transgrediuntur decreta SS. Patrum VIII. sic. Res ista est honesta, & papa potest jurare, & ecclesiæ; ergo debet papa jurare. Item dicunt aliqui quod ecclesiæ potest constituere alios casus depositionis papæ quam posuit; jam ergo in isto casu potest.

Ad argumenta apparet mihi sic dicendum, prout perfundiorie occurrit. Ad primum respondetur tripliciter; primo modo quod concilio Constantiensi, quando fuit ex omnibus tribus obedientis congregatum, in quo solo tempore tanquam universale concilium fuit generaliter per totam ecclesiæ habitum, non emanavit tale decretum. Secundo respondetur, quod etiam concessio quod præsupponitur, non sequitur, quod posset cogere papam ad iurandum rationibus supra dictis. Tertio, respondetur negando minorem, quoniam ista ita concepta magis ad deformationem & confusionem ecclesiæ facerent, quam ad reformationem. Ad secundum, dicendum negando consequentiam; quoniam licet conciliorum sit regulas imponere; non tamen summo principi scilicet papæ, ut in c. *significasti* extra. de elect. ubi dicit glossa quia inferior non potest legem imponere superiori. Ad tertium negando consequentiam, quia licet astrictus sit papa ad beneficiendum; non sequitur propter hoc, quod ad omnia bona, quæ facere deberet, cogendus sit iuramento; unde quilibet alius prælatus aut princeps, aut quicumque in officio positus, aut statu teneretur beneficiare; non tamen iuramento adstringitur. Ad quartum dico, quod illa conditio, cum videatur distrahens potestati & auctoritati papæ, non potest poni in forma electionis, quia sicut nec ecclesiæ dat papæ potestatem, ita nec formam electionis potest dare, per quam arctaretur potestas data a Christo summis pontificibus, aut impediretur bonum, & tranquillum regimen ecclesiæ. Ad V. dico, quod electores dando vocem ei, ecclesiæ consentit in eum, & ipso assentiente electioni immediate consequitur potestatem datam Petro ab ipso Deo. Si vero electores cum conditione eligunt, nihil faciunt. VI. dico de Bonifatio, professionem fecit, non iuramentum; secundo dico quod non coactus, sed voluntarius fecit. Et ad illud de Nicolao dico, quod aliud est de eis, quæ procedunt de facto, & de iure. Item aliud de temporalibus, & aliud de pertinentibus ad regimen ecclesiæ. Ad VII. dico, quod talia medicamenta sunt adhi-

ANNO  
CHRISTI  
1433.

ANNO CHRISTI 1433. adhibenda, quæ non magis inficiant, quam sanent; cuiusmodi esset istud. Ad VIII. non valet consequentia; multa enim sunt honesta, quæ tamen non coguntur observari, immo prohibemus illa jurare, sicut fit in penitentibus qui jurare non coguntur non recidivare, aut penitentias facere &c. Nec valet quod respondetur a quibusdam; quod non sit simile; quoniam peccatum talis redundat solum in persona illius; sed peccatum papæ, aut transgressio illius in damnum reipublicæ. Tum primo quia majus damnum est, & major offensæ Dei in recidivatione, unius hominis, quam transgressione decreti de electionibus; dum tamen alia non occurrant mala, sed provideatur bonæ aut meliori personæ. Facere autem episcopum sic vel sic non habet de se Dei offensam conjunctam, sicut genus peccati. Bene verum in similibus majus est damnum redundans in rempublicam, quam in unum hominem. Tum secundo, quia præsupponitur, quod papa peccet in provisione illa, quod non est verum; cum utatur jure suo. Tum tertio falsum est, quod hoc sit malum redundans in malum reipublicæ. Item quarto c. de vita & honestate clerici. Est ita sanctum, quod ejus observantia redundat in utilitatem reipublicæ; quia reformatio totius ecclesiæ multum debet ex honestate cleri, sicut inhonestas illius in damnum totius ecclesiæ, ut practica docet; & tamen non cogitur clerus jurare observare. Idem argueretur de religiosis. Ad nonam, multi negant suppositum; quoniam cum nullus casus videatur esse nisi fidelis juxta 40. dist. si papa qui casus est a jure divino, quia qui non credit jam judicatus, ecclesiæ nullum casum videtur posse ponere depositionis papæ, cum ista potestas sit a Deo.

Circa secundum articulum de pœna, sit conclusio ista juxta judicium meum, semper salvo meliori, quod posito quod papam ligare juramento esset licitum, non tamen sub tali pœna. Probat conclusio, tum primo quia, dubium est an concilium universale possit ponere talem pœnam papæ, immo multis sapientissimis doctoribus, in utroque jure divino & humano clarissimis, pro certo habetur quod non, quia facta electione, & habito assensu papæ immediate habet plenitudinem potestatis a Deo, quam ecclesiæ ei nullo modo potest auferre, nisi per hæresim ab illa cadet juxta ea quæ dicta sunt.

Explicit votum magistri Joannis de Turrecremata in Basiliensi concilio; in deputatione reformatorii super assensu quod papa deberet jurare servare decreta de conciliis generalibus continuandis, & electionibus confirmandis; aliis caderet a jure papatus &c.

## LITTERA IMPERATORIS

Acta in congregatione generali antequam inciperetur sessio XII. &c.

Significat se imperatoriam suscepisse coronam, novisque ad concilium missis oratores.

Reverendissimis ac venerabilibus in Christo patribus, &c.

Reverendissimi in Christo patres, &c. Satis superiori tempore V. P. notificavimus concordiam inter SS. dominum nostrum papam & majestatem nostram secutam, demum celebratam receptionem nostram ad hanc aliam urbem; & ut de ulterioribus processibus nostris tamquam amici nostri carissimi certi reddamini, vobis iterum notum facimus, qualiter, auctore Domino, a quo omnis principatus & honor dependet, in sacratissimo die pentecostes proximo, de manibus SS. domini nostri domini Eugenii papæ IV. in Basilica principis apostolorum in hac urbe Romana, ubi divi imperatores prædecessores nostri imperiales infulas suscipere soliti sunt, ipsas imperiales infulas & coronas cum solemnitatibus & cerimoniis circa hujusmodi laudabiliter observari consuevit, rite suscepimus pro Dei omnipotentis gloria, necnon tranquilla pace & sperata salute subiecti nobis populi Christiani. Et quia sanctitatem ipsius domini nostri reperimus habere optimam intentionem ad prosecutionem illorum, pro quibus sacrum concilium congregatum existit, & pro quo in favorem sacri concilii usque modo tantos labores subivimus; idcirco mittimus ad vos illustrem principem & locum tenentem nostrum Willelmum Bavarie ducem, venerabilem Johannem episcopum Curientem, ac strenuum militem, Hartingum Klux, & honorabilem doctorem magistrum Nicolaum Scok consiliarios & fideles nostros dilectos, de mente nostra plenissime informatos, quibus precamur P. V. in dicendis tamquam proprio ori nostro velint firmissime credere, & illa quæ desideramus perficere ad salutem totius populi Christiani. Datum Romæ, die IV. junii, regnorum nostrorum anno Hungariæ, &c. XLVII. Romanorum XXIII. Bohemiæ XIII. imperii vero I.

Sigismundus I. divina favente clementia Romanorum imperator semper augustus.

Ad mandatum domini imperatoris,

Gaspar Sligk.



ANNO  
CHRISTI  
1433.

*Credentia istius littera fuit, quod concilium vellet supersedere a sessione illa die celebranda de monitione papae, &c. quod tamen non fuit factum.*

EPISTOLA MAGISTRI GENERALIS

Ordinis B. Mariæ Theuthonicorum,  
ad concilium Basileense.

*Auxilium concilii adversus regem Poloniae & Bohemos deprecatur, queriturque de eorum fraudibus.*

*Lesſa die Veneris x. julii.*

Ib. p. 608.

**C**Um humillima servitorum nostrorum recommendatione paratam & benevolam ad quævis vestra beneplacita voluntatem.

Reverendissimi patres & domini prestantissimi, ex paterna affectione pro procuranda pace inter illustrissimum principem & dominum, dominum Wadislauum regem Poloniae, & nos & ordinem nostrum, comperimus paternitates R. V. reverendum in Christo patrem dominum Dalphinum Parmensis ecclesiae episcopum, & venerabiles viros dominos fratrem Hieronymum in sacra pagina magistrum & provincialem Lombardiae ordinis Carmelitarum, & Antonium de Bernicis decretorum doctorem, reverendissimarum paternitatum vestrarum legatos ad partes nostras transmississe. De hoc V. R. P. immentas referimus gratiarum actiones. Ad tractandam igitur pacem contemplatione V. R. P. & ut sanguinis Christiani effusio periculaque animarum evitarentur; in pluribus locis utrique parti communibus, consiliarios nostros cum consiliariis domini regis Poloniae praedicti obtulimus convenire, quod tamen minime a rege Poloniae poteramus obtinere; & ex advento ejusdem honorabilis & religiosi viri fratris Hieronymi de Praga ordinis Camaldulensis, sacrae theologiae professoris, & decretorum doctoris, relationeque ipsius in multis eramus gravati; & in favorem regis Poloniae praefatus frater Hieronymus retulit, quod ducenta millia haereticorum juxta diffidationem eorumdem in nostram destructionem essent venturi. Consiliariis vero nostris pro pace ineunda per medium legatorum R. P. V. in meritis Poloniae stantium, & ad regnum Poloniae ire volentibus, praedictus frater Hieronymus saluum conductum Polonorum oratoribus nostris tradendum ad ipsorum manus five custodiam dare recusavit. Ex quibus non modica fraus Polonorum elici poterat, & metus qui cadere posset in constantem, propter quod oratores nostri, negotio remanente infecto, recesserunt. Si igitur rex Poloniae & Poloni reddunt se difficiles, & ingeunt difficultates fraudulentas de conventionem fienda & loco tractandae pacis, quas difficultates ergo ingererent in causis pacis inendae, relinquimus judicio R. P. V. & ad comprobandum fraudem domini regis Poloniae & Polonorum, verbo dumtaxat & non

**A** facto ad colorandum dolosa facta ipsorum offerunt tractare pacem: Nam tempore conventionis fiendae validus exercitus haereticorum Orphanorum, juncto exercitu Polonorum, per Poloniam ad terram nostram novam marchiam est ingressus, ubi quoddam oppidum nostrum nomine Waldenberg haeretici jam hostiliter expugnaverunt. Reverendissimi patres & domini prestantissimi, ecce quomodo sub hujusmodi dolosa pace, quam verbo tractant, nobis damna inferunt; & quomodo sacer ordo noster, murus & dilatatio fidei, per regem Poloniae temporibus praeteritis auxilio paganorum saepius est oppressus. Itaque propter hujusmodi oppressionem hucusque idem ordo noster infideles impeditus fuit impugnare. Et quia; divina dispositione volente, praenominatus rex Poloniae ad praesens auxilio paganorum juvari non potest, nunc adjutorium haereticorum assumere non erubescit, cum quibus colligatus & unitus est. Et propter quem, tamquam ipsorum factorem, & confederatum adjutorem, ab eisdem haereticis ante plures menses sumus diffidati. Quales & quantas inhumanitates & damna in terris nostris pagani trantactis temporibus commiserunt, tantas & execrabiliores hodie haeretici cum Polonis conjunctis facere non verentur, & nemo percipit corde. Intueri ergo dignemini, reverendissimi patres, quomodo non in equitate aut iudicio suis rex Poloniae & Poloni consistunt, sed in gladiis paganorum & haereticorum jus ipsorum fore praetendunt. Quare, R. P. exurgite in auxilium, providete muro fidei, quia casus sacri ordinis nostri pro hac vice maxima ruina erit universalis ecclesiae Dei; victoria autem nostra erit casus & totalis extinctio haereticorum & fautorum eorumdem, qui non concordia aut pace, sed potius gladio sunt de terris nostris expellendi. Insuper R. P. & domini prestantissimi, stipendiarum nobis contra haeticos subvenire cupientes, per terras quorundam principum nobis vicinorum pertransire prohibentur, quos etiam haeretici cum alia parte fluminis Oderae in terris nostris impediunt pertransire. Dignentur ergo V. R. P. scribere & mandare illustrissimis principibus & dominis marchioni Brandenburgensi, Sretinenſi, & de Wolgaſt ducibus, quatenus, hoc omni impedimento cessante, per terras ipsorum nobis succurrere volentibus liber & tutus pateat accessus, & contra haeticos & eorumdem fautores nobis auxilium praestent & favorem. In hoc R. P. V. haereticis incutient terrorem, & maximum praestabunt impedimentum; nobis autem & ordini nostro succurram, & gratias exhibebunt singulares. Personas paternitatum vestrarum omnipotens Deus conservare & dirigere dignetur pro felici regimine universalis ecclesiae suae sanctae. Datum in caſtro nostro Marienburg, nona die mensis junii, anno Domini MCCCXXXIII.

Vestrarum reverendissimarum dominationum humilis & devotus frater Paulus de Rusdorf, ordinis B. Mariæ Theuthonicorum Jerosolymorum magister generalis.

SE.

ANNO  
CHRISTI  
1433.

## SEQUUNTUR RATIONES ALLEGATÆ

*Per ambassiatores dominorum electorum  
imperi pro jure suo in facto sedium;  
& responsio domini episcopi Ni-  
vernenfis ambassiatoris do-  
mini ducis Burgun-  
diæ.*

p. 610.

**P**rima ratio quæ sumitur ex officio electivo, quia electores succedunt senatui, qui erat pars corporis imperatoris, ille honor, qui debebatur senatoribus, debetur electoribus; sed senatores præcedebant quoscunque. Ergo electores. Responsio. Quod electores succedunt senatui quantum ad officium eligendi imperatorem, sed non quantum ad jus dominandi a quo acceperunt senatoris dignitatem. Sive enim dominum Romanorum fuerit sub consulibus & dictatoribus, sive sub regibus, sive sub imperatoribus, semper senatores fuerunt pars reipublicæ ut senatores, non ut electores. Non autem sic de electoribus modernis, qui etsi dicantur pars & membra imperii, hoc est quoad officium tantum, ille honor non debebatur senatoribus, ut electores erant, quia frequenter electi sunt imperatores a tribunis, ac Cæsaribus, aliquando etiam a tumultu militari, quibus tamen nusquam est honor debitus senatui.

Secunda ratio, quæ est a simili, est talis. Sicut se habet imperator ad reges, ita electores ad alios principes; sed imperator præcedit omnes reges; ergo electores omnes principes. Responsio. Consequentia non valet ex similitudine moris; sed debet sic argui. Sicut se habet imperator ad reges, ita electores imperatoris ad electores regum. Modo dux Burgundiæ & alii principes non sunt electores regum, qui vadunt per successionem. Item, quia imperator de jure communi fuit dominus omnium regum; sed electores nullum dominum habent, neque supra reges, neque supra principes, nisi ex

Tertia ratio, quæ est etiam a simili. Sicut se habent cardinales ad papam, ita electores ad imperatorem. Sed cardinales qui eligunt papam, immediate sequuntur papam. Ergo electores imperii imperatorem. Probat per constitutionem Bonifacii VIII. Responsio. Vel comparatio attenditur penes auctoritatem & dignitatem, aut penes officium. Si quoad primum, major est falsa; quia cardinales sunt pars ecclesiæ, & post papam solemniores, cum sint ibi ad agendum pro maximis & publicis assistentes. Electores autem non, quia reges & multiplices sunt auctoritate & dignitate eis majores. Si vero quoad officium, transeat; id est, sicut cardinales communiter eligunt papam, ita electores imperatorem; modo auctoritates in cardinalibus non surgit ex eo quod eligunt papam, quia aliquando possunt non eligere, sicut in Constantiensis concilio, & aliquando non elegerunt, sed populus Romanus, & aliquando imperator; & tamen

tunc cardinales erant, & suis prærogativis utebantur. Item, cardinales non semper immediate sequuntur papam, sed inter eos miscentur reges, & duces, & præsertim noster dux, qui præcedit omnes cardinales non sacerdotum.

Quarta ratio sumpta est ex constitutione Caroli IV. in qua appellat electores partem sui corporis, candelabra aurea & columnas imperii. Responsio. Dicitur quod illa institutio facta est in favorem electorum in his quæ tangere possunt immediate facta imperii, in quibus potuit eo modo quo voluit eos elevare. In aliis autem & maxime in præjudicium dominorum aliorum, qui sibi nec jure, nec consuetudine subiiciuntur, facere non potuit. Quod si fecus factum est, ipso facto, ipsa Carolina nihil facit pro electoribus, nisi pro tempore pro quo imperator tenet curiam suam apertam.

Quinta ratio, in qua asserit non posse præscribi per dominum ducem Burgundiæ, qui est princeps imperii & vassallus ratione comitatus Burgundiæ, ducatus Brabantie, Limburgi, & comitatus Namurci: quæ domania præferuntur ducatu Burgundiæ. Responsio. Primo, quod vassallus non potest præscribere contra dominum jus domini; sed bene alia multa, ut hereditatem & similia. Dicitur etiam quod ratio concludebat, quod dominus dux non poterat præscribere locum contra imperatorem, de quo non erat questio, sed contra electores, quorum ipse nullo modo est vassallus. Additur etiam quod ad dominum doctorem non pertinebat ponere talem materiam in medium, quæ posset asserere dissensiones inter principes, cum servitus sit super omnia odiosa, & maxime, quod non credebatur eundem doctorem fuisse in homagiiis præstitis, &c. neque habuisse procuratoriam ad talia faciendum. Dicebatur ulterius quod de tempore Friderici II. viri domine Beatrix comitissæ Burgundiæ, ex qua genuit Othonem, dictus Otho, se scribebat comitem Burgundiæ Dei gratia. Ad idem usque in hodiernum diem se eodem modo scribit dux Brabantie.

Sexta ratio, quod dominus dux est vassallus ecclesiæ Colonienfis ratione quorundam castrorum: per quod non debet præcedere dominum Coloniensem, quia debet fidelitatem imperatori & dictæ ecclesiæ Colonienfi, &c. non potest præscribere contra eos. Responsio. Dicitur primo, quod dubium erat quod supponebatur, sed supposito quod ita esset, argumentum non concludebat, nisi quod dominus dux in illis in quibus erat vassallus, non poterat præscribere contra ecclesiam Coloniensem. Modo ducatus Burgundiæ, a quo surgit dicta prærogativa, non est in quantumcumque subiectus dictæ ecclesiæ. Ideo, &c.

Septima ratio sumitur ex facto dominorum, tunc Burgavii & marchionis Misnensis, quorum unus translatus ad marchionatum Brandeburgensem, & alius ad ducatum Saxonie, & sic facti electores ex hoc præcedunt alios duces Germanie, quos per prius non præcedebant. Responsio. Quod nihil arguebat adductio facta dominorum de Al-



ANNO  
CHRISTI  
1433.

mannia, & quod bene responderent. Addebatur etiam quod Karolina declarabat, quod solum hoc habebat locum & veritatem quando imperator tenebat curiam imperialem, quam forte vix bis aut ter tenere consuevit in vita, ut expresse dicit Carolina.

Octava ratio, quæ sumitur ex generositate domini comitis Palatini electoris filii imperatoris, qui tamen impendit honorem coelectoribus; qui quidem filius imperatoris est major domino duce, pro quanto domus imperii est major domo Franciæ. Responso. Primo, quod quia comparationes sunt odiose, præsumtuosum erat adducere hanc rationem, & quod generositas domini ducis Burgundiæ erat satis cognita; & quantum erat de generositate comitis Palatini, ipse fuerat filius Ruperti comitis Palatini, qui post mortem Caroli imperatoris, & vivente Wadslao filio ejus primogenito & fratre imperatoris moderni, fuit electus in imperatorem, & rediens de montibus Lombardiæ satis cito post electionem suam mortuus est. Quantum autem ad hoc quod ponebat domum imperialem super domum Franciæ, dicebatur, quod ibi non erat superioritas domini, sed solum ex antiquitate, & quia advocatus ecclesiæ est dignitas quedam.

Nona ratio sumitur ex antiquitate officii electoris imperii & novitate ducatus Burgundiæ. Ex quo enim ducatus est creatus a centenis annis, non potest afferre prærogativam in præjudicium electorum imperii. Responso. Dicebatur quod dominium Burgundiæ in regno præcesserat statum electorum imperii per DC. annos; in ducatu & decanatu parium per CCC. annos vel circa; in fide vero per CCCC. annos. Dicebatur etiam quod auctoritas eligendi solum fuerat introducta tempore Othonis III. per Gregorium VIII. natione Saxoniæ sub anno DCCCCXC. vel circa; ut testatur Augustinus de Ancho-na, Martiniana & multe historiæ, ex quo apparebat antiquitas dicti domini ante statum electorum.

Decima ratio, quæ sumitur ex facto & minoritate domini ducis Philippi avi domini ducis moderni, quem præcedebant omnes sui fratres primogeniti, quamquam ipse esset dux Burgundiæ. Resp. Primo, illa ratio est, sicut multæ præcedentes, scilicet, scanda-lousaque; quia si regnum Franciæ rediret ad pacem, sicut Deo agente, cito redibit, daret hæc ratio occasionem divisionis inter duces Burgundiæ, Andegavensem, & Bituricensem. Tamen si aliquando dux Philippus suis fratribus antiquioribus detulerit, hoc fuit in servitiliis privatis, sed non in his quæ respiciebant statum communem regni, in lecto justitiæ, in mensa honoris, in coronatione Caroli VI. Remis, dominus dux Philippus dux Burgundiæ illos præcessit. Etiam in concilio Constantiensi, dum advenisset ambasciator regis Siciliæ & ducis Andegavensis, dictum fuit per præsentem nationis Gallicanæ, quod si venirent nomine regis, transirent ad nationem Italiæ; si nomine ducis Andegavensis, sequerentur ducem Burgundiæ.

Undecima ratio sumta ex facto probante possessionem & utum in materia sessionis seu

loci, etiam in concilio Pisano, ubi asserere ambasciatores electorum imperii possedisse primum locum. Responso. De ista ratione referebamus nos ad informationem.

Duodecima ratio ex his locis & sedibus quæ habuerunt in concilio Constantiensi ambasciatores prefatorum electorum in absentia dominorum suorum. Responso. Quod informatio erat facta in contrarium. Erant XXX. testes facientes pro parte domini ducis, & quod mirandum esset, si assertio unius hominis esset præponenda testimonio XXX. personarum.

Tertia decima ratio, ex quodam facto interjecto inter dominum episcopum Atrebatensem ambasciatorem domini ducis Burgundiæ, & episcopum Verdensensem ambasciatorem comitis Palatini super loco asserendo, præfatum episcopum Atrebatensem cecidisse loco episcopo Verdensi sub hac forma. Quia essem ambasciator comitis Palatini electoris sacri imperii, deberis me præcedere ambasciatorem domini ducis Burgundiæ. Responso. Referebamus nos ad informationem, & dictum fuit quod magister Petrus Bruneti fuit in concilio Constantiensi servitor dicti domini Atrebatensis, & quod posset deponere veritatem.

Quarta decima ratio sumta ex facto interjecto in præsentia imperatoris, ubi ipse imperator voluit ambasciatores electorum præferri in locis. Responso. Quod forte hoc violenter fecit imperator pro tempore, pro quo non erat bene conjunctus cum domino duce, quamquam non credebatur. Item, ex quo erat in domo sua, ipse poterat honorare, & repellere quem volebat.

Quinta decima ratio. Allegavit usum in capella papæ, ubi ambasciatores electorum habent locum dextrum, aut ad pedes papæ, ante protonotarios, allegans quod ita obtinuit dominus Rabanus Trevirensis archiepiscopus. Responso. Referebamus nos ad dominos cardinales & alios qui sciunt veritatem. Et de Rabano dicebatur, quod ipse dicebat se archiepiscopum Trevirensensem, ipse propter hoc præcedebat & tenebat locum; si tamen dominus dux fuisset in persona, ipse sedisset inter cardinales, & præcessisset dictum archiepiscopum.

Sexta decima ratio, de quodam nuncio missio pro materia ecclesiæ Trajectensis, quem præcesserunt electores imperii. Responso. Quod dominus dux non consuevit mittere ambasciatam ex uno solo supposito, & quod ille erat forsitan nuncius missus ad expensas & requestam, & quod dominus dux non miserat ambasciatam Romam, a tempore quo fuit præstita domino Eugenio papæ obedientia.

Decima septima ratio sumta ex possessione, quam prætendunt habere ex intrusione in locum nobis debitum. Responso. Dicebatur, quod possessio erat dijudicanda ex ultimo concilio Constantiensi, in quo fuit dominus dux realis & verus possessor. Ipsi autem in hoc concilio sunt usurpatores intrusi & injusti detentores.

Decima octava ratio sumta ex loco quem occupant, eis per dominum legatum ordinato & concessio. Dictum fuit quod respon-

deat

ANNO deat dominus legatus, si dederit, & audivi  
 IUSTI ab eo quod non.

1433.

Explicit.

## ORDINATIO CONCILII

*Super controversia ratione sedium. &c. inter  
 oratores domini ducis Burgundiæ, & oratores  
 dominorum electorum imperii lecta  
 in congregatione generali, die Martis  
 XV. Junii MCCCCXXXIII.*

p. 614. **S**uper controversia inter venerabiles am-  
 bassiatores illustrium principum domini  
 ducis Burgundiæ & dominorum sacri Ro-  
 mani imperii electorum, in ordine sedendi  
 in sessionibus & congregationibus, missis &  
 aliis actibus publicis & privatis hujus sacri  
 concilii, hæc sancta synodus pro conservan-  
 da caritate inter prædictos principes, attento  
 etiam quod sunt consanguinitate & affinitate  
 conjuncti, etiam quod hoc sacrum concili-  
 um celebratur infra fines Alamanniæ, &  
 ex hoc videatur dominos electores debere  
 honorare præfatum dominum ducem & am-  
 bassiatores suos, prout credendum est, quod  
 ipse dominus dux inibi & alibi eosdem do-  
 minos electores suosque ambassiatores vellet  
 honorare, ordinat per modum provisionis  
 dumtaxat, quod in hoc concilio unus am-  
 bassiatorum dicti domini ducis Burgundiæ se-  
 deat primus post ambassiatores regum, et  
 post eum sequatur de ambassiatoribus domi-  
 norum electorum, et deinde alternentur mix-  
 tim. Et hoc sine præjudicio alicujus partis  
 in possessório vel petitorio, super quibus po-  
 terunt agere et prosequi, quando eis pla-  
 cuerit.

## LITTERA PATENS REGIS SCOTORUM

*Missæ cuidam abbati sui regni, concer-  
 nens adhaerentiam concilii, lecta in con-  
 gregatione die veneris XIV. Augusti  
 MCCCCXXXIII.*

615. **J**acobus Dei gratia rex Scotorum venera-  
 bili patri in Christo abbati de Dourdra-  
 na salutem.

Nostro residet in animo illa celebris indu-  
 ctio, qua sacrosanctum concilium Basileense  
 ecclesiam representans universalem, pro  
 reformatione morum in clero & populo Chri-  
 stiano, ac discordia inter principes catholi-  
 cos sedanda, Spiritu sancto congregatum, ad  
 mittendum nostros oratores ad tam san-  
 ctam rem persiciendam monitionibus pater-  
 nis & exhortationibus salutaribus nos invi-  
 tavit. Perpendentes itaque, quod si recte in-  
 spicatur, ad quæ invitamur, nec res honestior,  
 nec justior, nec oportunior, nec magis  
 necessaria, nec denique principi catholico  
 dignior aut desiderabilior esse aut repe-  
 riri posset; etsi viarum discrimina, & pericu-

ANNO  
 CHRISTI  
 1433.

**A**losus tam per terram inimicorum quam ma-  
 ria transitus, & alia quæ silentio duximus  
 prætereundum, quod nondum dictos orato-  
 res misimus, nos utique forsitan hæcenus ex-  
 cularunt. Sic vires nostras & operas effica-  
 ces hujusmodi oratores mittendo jam adhibere  
 curabimus, quod de cetero excusatio nullo  
 locum obinebit. De vestris igitur scientia  
 & discretionem plurimum etiam per vestra  
 scripta ad hoc nos excitando, plenam obti-  
 nentes fiduciam, ad exponendum in dicto  
 concilio præsentibus ejusdem tam sanctum  
 propositum, non absque Spiritus sancti in-  
 spiratione inchoatum, ut felicem & beatum  
 habeat progressum, nostram devotionem, inclina-  
 tionem & pro virilibus assitentiam, B  
 ac nostræ ambassiæ celerem & indubium  
 adventum, plenam per nostras præsentis lit-  
 teras patentes vobis tribuimus facultatem.  
 Datum sub nostro privato sigillo apud Edem-  
 burg. XXII. die mensis Junii MCCCCXXIII.

## ISTA EST EXHORTATIO

*Pulcherrima ad Concilium, ut superse-  
 deant ad tempus, facta ab Ambassa-  
 toribus Domini nostri Sanctiss.  
 Simi Papæ.*

**R**everendissimi, reverendique Patres, &  
 Domini, & cæteri sacrosanctum gene-  
 rale Basileense concilium celebrantes. Si tem-  
 pus, et causa, si caritas simulque non co-  
 geret, & necessitas, ista hæc vestris perpica-  
 cissimis luminibus, & capacissimis porro in-  
 stillanda auribus nullatenus fuissent præsentata,  
 quæ ex simplicitate fiduciam, ex fide-  
 spem, ex spe virtutem, ex virtute verita-  
 tem, ex veritate autem unitatem, quam que-  
 ritur, elicere nituntur. Etenim in eo loco,  
 sicut ille Princeps eloquentiæ Tullius ait, pos-  
 siti estis, unde longe prospicere oporteat fu-  
 turos casus reipublicæ, sed melius religio-  
 nis Catholicæ. Serper enim res quam pro-  
 nius, atque proclivius ad perniciem, cum  
 semel ingruerit labetur, & tandem plures  
 edocti erunt, discentque, quemadmodum  
 hæc fiant potius quam quomodo hiis resi-  
 statur. Unde cum res, de qua agitur, sci-  
 licet, de toto Christianismo, sit non futi-  
 lis, non vacua, non mediocri, non ima,  
 immo solida, immo gravis, immo ingens,  
 immo ardua, reponi debet in sensibus pro-  
 fundissimis, ingeniis opulentissimis, mentibus  
 probatissimis, voluntatibus purissimis, judi-  
 ciis rectissimis, & postremo in deliberatio-  
 nibus decoctissimis; Attendentes Patres opti-  
 mi, & videntes, quoniam in manibus vestris  
 est scindere, aut conficere; destruere, aut  
 ædificare; disperdere, aut salvare unitatem,  
 imo totius ecclesiæ Orthodoxæ utilitatem,  
 pro qua hucusque tam viriliter, quam long-  
 ganimitate perdurastis, & sicut spes est,  
 durabitis: Nec laborem longum, utpote  
 biennii perpetui uno alex ut dicitur jactu  
 præcipiti amittere procurabitis, quandoqui-  
 dem oculi omnium clericorum, & laicorum,  
 fidelium & infidelium in vos sunt coniecti:  
 ti-



ANNO  
CHRISTI  
1433.

timent boni; & fideles, horrentique scissuram, dissidium, scandala, & scissinā; perniciōi vērō, & infideles ea ipsa sicut propinqua, & in foribus, pro dolor, & heu miseriam! attrahunt, amplexanturque, & introducunt; ad quā mala enormia procul pellenda fuit per invictissimum, & illustrissimum, & illustres principes, & dominos, imperatorem, reges, & duces, & eorum suis nominibus Ambaxiatores, & oratores septennero, & vicibus repetitis verborenis, & scripto profundicordissimis, atque etiam extitit supplicatum, & exoratum humiliter hortando, ne videlicet statueretis, decerneretis, procederetis, diffiniretis, aut etiam ageretis aliquid in contrā, & adversus personam Domini nostri summi pontificis Eugenii Quarti, quousque, & donec ejus adhesionem completam, puiam, & liberam haberetis: vel donec potestate suā, & simul ipsius invictissimi, & gloriosissimi imperatoris legati cum omnimoda potentia, & oratores, ceterique nuncii, qui jam, ut pro vero referret, sunt in via, hic interessent: & ad hęc promissum fuit responsum dari per deputationes, quod minime factum est. Insuper fama est, unum decretum esse conceptum, & vibratum in caput ejusdem summi pontificis; quod si publicabitur, sicut lucidius sole clarere patet, incurabile scissinā, & scissurā, detestatissimūque, vulnus generabit, & fenestram magnam ad totius nequitiae, & scelerati facinoris aperibit. Supplicat igitur iterum, atque iterum quanto benignius, quantoque viscerosius possunt, & obsecrantur per viscera misericordiae Dei Domini nostri Jesu Christi vestris reverendissimis, reverendisque patribus, & Dominis christianissimis, serenissimis & illustres principes praetati, imperator, reges, duces, ceterique domini sibi faventes, & adherentes, nec non viri insignes, & amplissimi hic existentes ejus imperatoris, & eorum principum nominibus ambaxatores, & oratores praemissorum, quatenus praebatis statutis, decretis, processibus, diffinitionibus, & actis personam ut supra sanctissimi Domini nostri papae inquietantibus, sicut mites ac humani estis, donec, & usquequo memorati legati, ambaxatores, oratores, & ceteri nuncii, aut certe ipse idem imperator in propria huc ad vos advenerit, & praesentes fuerint, quod Spiritu Sancto fiante erit prope diem, desistere parumper, quiescere, & compatiēter dignemini suspendere, & fructum vestrae æquissimae expectationis Deo, ipsisque supplicantibus, & omni populo inspectoribus; non acetosum sed dulce, non asperum, sed suave, non viride, sed maturum ibitis in patientia reportantes. Datum &c. Anno Incarnationis Dominicae millesimo quadringentesimo tricesimo tertio. de mense junii.

**CAPITULA ADVISATA PRO CONCORDIA**

*Domini nostri summi pontificis ad praesens sacrum concilium super differendis sequentibus.*

**I**tem primo omnino subjaceat de quaestione mota, aut movenda super titulo. Item etiam quod omnino desistat recipere libellos diffamatorios in criminibus objectis, aut obsciendis; & a processu super talibus personaribus.

**B** Item, quod concilium recipiat praesentem ejusdem nostri cum reverentia, & honore, quibus decet.

Item quod cesset a prosecutione novae citationis super contumacia.

Item, quod pro praesenti delinquat sedi apostolicae usum reformationis, & confirmationis majorum ecclesiarum cum suis dependentiis.

Item quod Concilium omnia decreta facta contra libertatem, & honorem Sedis apostolicae habeat pro non factis, vel de peritorum consilio ad debitam moderationem reducat.

Item, ut Dominus noster in suis Bullis de approbatione, & ratificatione dicat, (f. dicat) non obstante dissolutione pre nos facta, & praetensa, quam dissolutionem volumus habere uti non factam.

Item dicit (f. dicet) etiam, non obstante erectione Concilii in Civitate nostra Bononiensi.

Item Dominus noster ratificabit, & approbabit per se, & suos hoc sacrum concilium Basiliense etiam a primordio suae erectionis.

Item decernet suos legatos in omnibus, & singulis agere ad bonum hujus Concilii, Ecclesiaeque universalis ac si personaliter inesset.

Item omnes sententiae, & processus facti: aut inchoati respectu beatitudinis suae, aut communitatis cum suae, aut singularum personarum habebuntur pro non factis.

Item quod Domini cardinales recipiantur ab eodem beatissimo domino nostro tanquam fratres, & suis titulis, juribus, praerogativis, & officiis, quibus antea utebantur, plenarie gaudebunt, & eisdem debitis honoribus, pensionibus, & aliis necessariis providebit, eosque in legationibus, & similibus de consensu eorum anteferat. Et ipsi domini cardinales eundem dominum nostrum tanquam Patrem quousque vixerit, venerabuntur, & in suis agendis, uti res exegerint, plena fronte assistent.

## MISSIVA

*Missa oratoribus Germanicæ Nationis a  
Rege Angliæ.*

*Superscriptio.*

*Notabilibus, magnificis, & egregiis viris  
nationis Germanicæ, Oratoribus in sacro  
Basiliensi concilio constitutis, ami-  
cis nostris carissimis.*

MS.  
d. Flo-  
nt. eruit  
misti D.  
ur.  
chus.

**H**enricus Dei gratia Rex Angliæ, & Franciæ, & Dominus Hiberniæ, nobilibus, magnificis, & egregiis viris nationis Germanicæ oratoribus in sacro Basiliensi concilio constitutis, amicis nostris carissimis, salutem, & ad Dei laudem, sanctæque matris Ecclesiæ consolationem sana, & salubria consilia impetiri. Nobiles magnifici, & egregii viri amiceque nostri carissimi. Ambaxiatorum nostrorum, quos ad laborem in vineam Domini subeundum Basileam destinavimus, fidei didicimus ex relatu, quod nuper in orbe militantis ecclesiæ nubes quedam horrendæ sessionis & discordiæ, & ignis invalescens, quasi nascentis schismatis universalis ecclesiæ caperunt propinquare firmamento, quæ si liberum fuissent sortituræ volatum, materiam domus Dei mox in dilatatum duxissent incendium, non facile mitigandum, eorum saltim industria qui feruntur ejusdem potiores extitisse promotores; immo non sine maximis laboribus, & dispendiis catholicorum principum, sicut priscorum temporum manifestant (eventus) quod ne contingeret, vos, amici mei carissimi, aliorumque principum ambaxiatores, & nostri communicato consilio, unanimique voto protestacionibus congruis, rogatibus, & requestris contra ruinam domus domini fortes vos exhibere pugiles, muros inexpugnabiles, anchorasque tutissimas ad Petri naviculam adversus imminenti periculorum fluctus, & sevitiam preservandam, ea, sicut credimus, consideratione, qua novisti seculi principes Deo rationem reddituros propter ecclesiam, quam ab eo jugiter contuendam receperunt, a quibus, sicut legitur, illeracionem exigit, qui illorum tuicioni ecclesiam suam credidit; quam Deo pariter, & hominibus acceptissimam connexamque diligentiam, si non impendere curassent, in proximo futurum erat, quod in mundum universum se diffunderet flamma schismatis deplorandi, quo terra contremuisset in sedicione vulgarium, æra se collisissent in contencione principum, & rueret velum templi in divisione pontificum, & cæterorum humilioris gradus clericorum; sicque, quod abut, fieret, quod solaris ecclesiæ claritas verteretur in tenebras, quæ totius Orbis intuitum flebiliter eclipsassent. Hæc, amici nostri carissimi, quamprimum nobis innotuere, quod ad præmissa sic viriliter, sagaciter, & solerter peragenda, sit, et fuerit vobis, et aliis ambaxiatoribus et nostris cor unum, et anima non minus una, eximiam

*Concilior. Supplem. Tom. IV.*

**A**ut laxatis letam in leticiam, catenus ut laxatis letam in libertatem cordis nostri fibris, nos velut angelicis conjubiti choris, gloriam decantavimus in altissimis Deo, et pacis Domini hominibus bonæ voluntatis; ob hoc videlicet, quod Divinæ fuerit complacitum pietati pro ecclesiæ suæ tranquillandis negociis sic animos principum ministerio suorum ambaxiatorum devocionis unanimis in amplexu foederare. Hiis adiecit ambaxiatorum nostrorum prædictorum assertio, quam recepimus singularis veneracioni prærogativa; quod complecti dignum ducitur, votivam statum nostri prosperitatem, et omnia, quæ quovis titulo nos prospiciunt, vel contingunt. Qua de re refundimus vobis grates nostris exurgentes intimis de præcordiis, vestras circumspectiones suppliciter exorando, quatenus in dilectione, quam ad nos nostrosque concipitur, quod gratissimum jugiter permanentes, simulque dissuasionem schismatis præstati manus, sicut hætenus, sic apponatis efficaces, quod ab opere vestræ caritatis devocio nullatenus jam desistat donec christianissimi Principes, pacis ecclesiæ zelatores, summi pontificis pulsent præcordia, ut iustis & rationabilibus sacri Basiliensis concilii votis, & desideris se velit inclinare, ut maneat pastoris unitas, ovilis integritas, & desideratæ pacis jucunditas in ecclesia Jesu Christi. Datum sub sigillo nostro, in palatio nostro Westmonasterii, vicesima tertia die mensis Julii anno Domini M. IIII. XXXIII.

## ISTI SUNT TRES MODI

*Pulcherrimi tractandi concordiam inter  
beat. Dominum nostrum Eugenium,  
& concilium Basiliense.*

**N**ovit mundus, reverendissimi Patres, Ex eodem & Domini, cæterique viri doctissimi Flor. Cod. sacrum concilium Basiliense constituentes, vestrisque amplissimis paternitatibus luce clarius innotescit, quanta sedulitate, quantis sudoribus, laboribus, ac vigiliis serenissimus princeps Sigismundus Romanorum imperator &c. pro concordia, & unitate ecclesiæ sanctæ Dei nulli rei parcens, insudaverit adeo, quod ipsius serenissimi principis summo studio, atque crebris, & longinquis itineracionibus contra nefandissimum, & inveteratum schisma ecclesiæ sanctæ Dei in concilio Constantiensi pacem summam, & unitatem feliciter adeptus est. Nec etiam paternitates vestras reverendissimas latet, quos & quantos favores, qualia suffragia huic sacro Concilio Basiliensi a sui primordio usque ad præsentem diem, uti fidelissimus, & catholicus ecclesiæ filius, attulerit; denique suum integerrimum animum erga sanctam ecclesiam prosequendo cum ad beatissimum Dominum nostrum Eugenium papam quartum diadema imperiale a sua beatitudine juxta ecclesiæ ordinationem, & laudabilem consuetudinem suscepturus se personaliter contulisset, plurimos fertiles, & utiles tractatus, tam erga hujus sacri concilii profecutio-

fff

cio-



ANNO  
CHRISTI  
1433.

cionem, quam circa alia infinita, & summa bona honorem Dei, & utilitatem ac decorem religionis christianæ continentem cum eodem beatissimo Domino nostro habuit; & Deo auctore, & propicio effectum est, ut sua serenitas imperialis indubie speret, quod dissidium non paucum inter beatissimum Dominum nostrum, & hoc Basiliense concilium ortum penitus de medio ecclesiæ eradicabitur. Itaque hoc Basiliense concilium summa cum pace, & ejusdem Domini nostri sanctitatis consensu votivum, & laudabilem finem consequetur. Et quoniam, si interea contra beatissimum Dominum nostrum per hoc sacrum concilium procederetur, posset talis processus omnino esse pacis speratæ turbativus, & bonæ intentionis beatissimi Domini nostri irritativus, & ex desperata pace multa in Dei ecclesia scandala sequi possent, ut verisimilius argumenta judicant, quæ omnia contra speratum, & desideratum finem hujus concilii forent; plurimas litteras sua imperialis serenitas ad hoc sacrum concilium consignari fecit, quibus, quantum valuit, potuit, & debuit, paternitates vestras reverendissimas precata, & hortata extitit, ut usque ad beatissimi Domini nostri, & suæ serenitatis oratorum adventum velleris super omni processu contra beatissimum Dominum nostrum papam fiendo penitus superfedere, quoniam firmiter sperabat, quod his oratoribus plene informatis mediantibus omne prorsus aboleretur dissidium. Vos autem, Patres optimi, tanti principis precibus, & exhortationibus minime acquievisistis, sed tractatum de procedendo ad ulteriora contra benedictum Dominum nostrum habuistis. Quare ego episcopus Curienfis ambaxiator in hoc sacro concilio pro præfato serenissimo, & invictissimo Romanorum imperatore, ac plurimi alii regum, ducum, ac principum oratores præcavere volentes, ne ignem paratum in Dei ecclesia pateremur accendi, nostris forsitan temporibus inextinguibilem, suppliciter pro concordia habenda inter sanctissimum Dominum nostrum, & hoc Basiliense concilium deputatos nobis dari per idem sacrum concilium petivimus, coram quibus, adhibitis beatissimi Domini nostri oratoribus, utramque partem, quantum valuimus, ad bonum concordie obsecravimus, coram quibus per hoc sacrum concilium deputatis, & nobis omnibus principum oratoribus tres salutiferi modi ad bonum pacis, & concordie consequendum per eosdem oratores sanctissimi Domini nostri expositi fuere, quorum tenor sequitur, & est talis.

*Isse est tenor modorum.*

Reverendissimi patres, & Domini plurimum honorandi. Ad tollendum omne dissidium, quod potest esse futuri scandali, & confusionis maxime in ecclesia Dei productivum, facta extitit hæc sollemnis adunatio deputatorum per hoc sacrum concilium ad instantiam, & postulacionem istorum reverendissimorum patrum, & Dominorum oratorum, serenissimi principis Domini imperatoris, aliorumque regum, ducum, & prin-

cipum, qui omnes nomine, & vice eorum serenissimorum principum, quorum personas repræsentant, ac nominibus propriis schismata, & omne quod esse potest schismatis, & dissidii causa summopere abhorrent, tres modos per nos beatissimi Domini nostri Domini Eugenii pape quarti oratores, licet indignos, proponuntur.

*Isse est primus modus.*

Primus, ut alias in plenissima hujus sacri concilii congregatione exposuimus, placeret sacro concilio admittere prædentes consignatos per beatissimum dominum nostrum papam ad gerenda, tractanda, & decretanda in futurum per hoc sacrum concilium; cum intentio sit ejusdem benedicti Domini nostri, ut concilium istud Basiliense integerrime protequatur, & conficiat omnia illa bona opera ob quæ fuit, & debuit esse congregatum; etsi de gestis in præteritum oriatur per hoc sacrum concilium aliqua dubitatio, paratos se offerunt dicti oratores ex parte beatissimi Domini nostri hic se cum effectu curaturos, quod idem Dominus noster ad omnem cautelam illa approbabit, ratificabit, & confirmabit, exceptis his, quæ facta sunt contra personam, potestatem, auctoritatem, & jurisdictionem sedis apostolicæ, & beatissimi Domini nostri, & cardinalium suorum, aliorumque prælatorum; & profecto cum remaneat dissidium his adimplere potius in verbis, quam in effectu, deberent dominationes vestre acquiescere, etiam oportet de jure concilii aliquid concedere, cum, testante canone, omnia pro scandalo evitando sunt committenda vel obmittenda, quæ sine peccato mortali committi, vel obmitti possunt.

*Secundus modus.*

Secundus modus habendi concordiam inter beatissimum Dominum nostrum & hoc sacrum concilium est, ut dominationes vestre reverendissimæ debeant superfedere in omni processu contra beatissimum Dominum nostrum inchoando, & præstolari ejusdem sanctitatis, ac serenissimi principis Domini imperatoris Oratorum adventum, qui de proximo erit, prout ex litteris utrorumque principum satis comprehendere potest; qui oratores, ut habuimus per litteras privatas beatissimi Domini nostri, habentes plenam potestatem, & informationem omnem directam inter beatissimum Dominum nostrum, & hoc Basiliense concilium tollent; & profecto etiam concilium sine veritatis præjudicio omnem iustitiam foveret, deberet ad preces horum supremorum principum, qui sunt duo capita, & duo luminaria in ecclesia Dei, omnino superfedere, cum mora medio temporis non sit allatura periculum, sed potius pacem, & concordiam in ecclesia Dei. Et maxime hoc credendum est isto tempore, quo istæ duæ potestates supernæ conjunctæ sunt in Urbe Romana, & magnum tractatum atque utilitatem super concernentibus salutem totius Christianitatis inceperunt habere; & ut hoc ipsum exoraremus a Pa-

ANNO  
CHRISTI  
1433.

Paternitatibus vestris expresse habuimus in mandatis a sanctissimo Domino nostro; & si secus egeritis preteritis omnibus prædictis obactionibus procedendo forsas ad citationem jam deliberatam cum poena suspensionis ab omni administratione Papatus, summe veremur, quod talis processus non sit fomentum longe majoris dissidii, & irritativus bonæ, & optimæ intentionis quam Dominus noster concepit erga a pprobacionem, & progressum hujus sacri Concilii, frustrabiturque adventus utriusque principis oratorum; cum propter intencionem rem non integram existere comperiant, sed potius innovacionem gravissimam contra beatissimum Dominum nostrum; indignabiturque satis iuste Illustrissimus Princeps dominus Imperator, cum viderit petitionem suam, satis tenuem, minime exauditam fuisse.

*Tertius modus.*

Tertius modus pacis procurandæ est; quod si dominationes vestræ Reverendissimæ nolunt prædictis acquiescere; quibus omni honestate postulante acquiescere deberent, proponat saltem quisque, tam deputatorum per hoc sacrum Concilium, quam istorum reverendissimorum Oratorum serenissimi imperatoris regum, ducum, & aliorum principum, prout Spiritus sanctus administrabit alique modum, per quem possit consuli honori Beatissimi domini nostri, & hujus sacri Concilii, & tolli de medio omnis occasio futuri scandali in ecclesia Dei; sperantes firmiter, quod via, & modus dissidii tollendi concludendus per Dominaciones vestras reverendissimas cum approbacione istorum dominorum oratorum principum, erit Deo gratus, Christianitati salutaris, & Domino nostro acceptus; offerentes nos, licet hoc in mandatis specificæ non habeamus, curaturos cum omni diligentia, quod Beatissimus dominus noster modum illum approbabit, & ratificabit. Et profecto, Patres optimi ante omnem processum pacis turbativum debent Dominaciones vestras circa promissa operam, & quidem efficacem impertiri. Nam indecorum est, quod hoc sacrum Concilium sit congregatum, ut pacem forinsecis, seu laicis tribuat, & sibi ipsi non valeat pacem tribuere. Præterea qualis pax potest inter principes sequi, si auctores pacis non valent concordia frui? Præterea qualis ecclesiæ sequi poterit reformatio data occasione scismatis, cum major difformacio in ecclesia esse non possit, nec hereses extirpabuntur, sed magis augebuntur, cum vix sine heresi scisma consistat? Et ita ut fiat, obmissis omnibus juris disputationibus, obsecramus. Quoniam ubi de concordia, & dissidio tollendo agitur, debet quælibet pars etiam de jure suo clarissimo concedere. Nosque præfati Oratores cum summa diligentia apud reverendissimos dominos cardinales, ac deputatos intersecimus, & quanto devocius, ac humiliter potuimus, rogavimus, & obsecravimus, ut a processu contra Beatissimum dominum nostrum ad tempus superfederetur, saltem usque ad adventum Ambaxiatorum ipsius Domini nostri, nec non præfati domini Imperatoris, qui spera-

*Concilior. Supplem. Tom. IV.*

hantur brevi tempore venturi ad tollendum omne dissidium, quod foret inter ipsum Dominum nostrum, & hoc sacrum Concilium juxta scripta ejusdem domini Imperatoris; maxime cum talis processus posset esse causa inductiva nefandi scismatis in ecclesia. Quod tamen omnis catholicus christianus expavescit audire propter maximam difficultatem, quæ contingit in ipsius extirpacione, prout ex præteritis temporibus sumus edocti. Insuper præfati oratores pluries obtulerunt vocem prælibatis Dominis cardinalibus, & deputatis, prout adhuc coram hoc sacro Concilio offerunt aliquos ex eis in competentem numero transmissuros ad beatissimum dominum nostrum Papam, ad exorandum ipsum, & omnibus viis, & modis possibilibus inducendum, ut velit huic sacro Concilio simpliciter assentire, ut ipsum Concilium juxta institutionem, & assignacionem sacrorum Constantiensis, & Senensis conciliorum continuetur: quod si non fecerit, tunc ipsi oratores vellent nomine Dominorum suorum in quemcumque processum debitum, & veridicum consentire. Quæ omnia per vos reverendissimos Patres, et hoc sacrum Concilium fuerunt præfata, ac refutata, spernuntur, ac refutantur die hodierna, cum quoddam decretum poenale est dispositum, ac ordinatum nimis poenale, et exorbitans contra Beatissimum dominum nostrum: quod decretum solum deberet fulminari contra Papam jam convictum de hæresi; & per tale decretum detrahitur specialiter honori serenissimi principis Romanorum Imperatoris, qui pro bono pacis concludendæ tam obnixè ut superfederetur obsecravit, ac aliorum regum, principum, quorum oratores idem exorarent, nec non scandala, scismata, bella, & seditiones per directum & obliquum in populo Christiano verisimiliter orientur. Nolens ego nomine Serenissimi principis Romanorum imperatoris, ac meo proprio quoquam modo futuris malis, scandalis, & etiam divisioni consentire, immo penitus dissentire, in his scriptis protestor, quod nec est, nec fuit de intentione præfati Serenissimi imperatoris, nec mei ut ita levato velo saltem oratoribus Beatissimi domini nostri, & ejusdem serenissimi principis de proximo venturis ad omnes dissensiones tollendas ordinatis minime expectatis contra Beatissimum dominum nostrum procedatur, nec eidem processui, vel alteri contra Beatissimum dominum nostrum fiendo nominibus prædictis consensio, sed penitus dissensio, & contradicatio, ut totus populus Christianorum clare cognoscat, quod serenissimus, & invictissimus Romanorum imperator divisioni ecclesiæ nullo modo consentire intendit, immo scisma, divisiones, & scandala pro posse cum Dei auditorio penitus profugare, & impedire, ut de jure divino pariter, & humano, ac juramento proprio obnoxius existit. Actum Basileæ &c. ut supra de mense Augusto anno MCCCCXXXIII.

ANNO  
CHRISTI  
1433.



ANNO  
CHRISTI  
1433.

## LITTERA MISSA SACRO CONCILIO

*Per clericum diœcesis & civitatis Altissiodorensis ut eximeret se a semidecima.*

Ex Mart.  
Vol. Mon.  
to. VIII.  
p. 616.

**R**everendissimi in Christo patres & domini percelebres, humili recommendatione præmissa, magnopere admirati sumus, nimioque stupore animo percussî, dum certo scivimus R. P. V. ad civitatem istam & diœcesim Autissiodorensis undique desolatam, bullas sacrosanctæ synodi Basilienensis destinasse fratri Petri Lusurier religioso & camerario Virziliacensi exsequendas, pro levanda semidecima, sive vicesimo denario, de & super fructibus beneficiorum nostrorum in dictis civitate & diœcesi sitorum, sicuti latius inspektionis ex tenore dictarum litterarum. Equidem, reverendissimi patres, iustissimo jure comperimus sacris vestris constitutionibus fore obediendum, tamquam veri zelatores orthodoxæ fidei, qui propria etiam corpora pro tam saluberrimo ac perutili negotio exponere non formidamus, ex quo unionem sanctæ matris ecclesiæ & regni hujus Christianissimi tranquillitatem & pacem resultare credimus. Sed quæ potest apud nos terrena prosperitas bellis undique ferventibus esse, quando nec agrorum vacare licet culturæ, nec fata si quæ sint colligere, nec condita servare, sed ipsa etiam colonis abductis arva moerentia squalent, equos, boves, & jumenta quæque prædo impius abigit; vomeres, bidentes, ligones in cassides & tela vertuntur, & curvæ rigidum falces constantur in enses? Ob hoc longa nimium spe pacis pene tabescit animus: vere siquidem sapiens ait: *Spes quæ differtur, affligit animam.* Quam durum itaque nobis, viri percelebres, qui dum viribus valeamus & Dei cultum sedari mens fatagit, grave paupertatis onere premamur! Quamobrem apud prudentissimas dominationes & paternitates vestras teximus querimoniam, non quidem adversum vos, quos scimus sincerissime in pauperes Christi affectos; sed ut majorem V. R. P. misericordiam mereamur. Ecce multo languore & longo tempore famem crudelissimam toleravimus, non patrimoniorum solatiis, non proventuum ecclesiasticorum subsidio aliquando relevati, sed propriis semper laboribus victum queritantes. Ecce jam perdita est in proventibus beneficiorum nostrorum ecclesiæ decima, immo quinquagesima & centesima portio ad nihilum redacta: quia ubi quondam domus & ecclesiasticæ structurae, ibi nunc arbuta & vassa solitudo, populus noster vel fame vel gladio perit. Non nobis, sed experientiae credite rerum magistræ, quæ necessitatem nostram urgentissimam & vulgarissimam a lege vestra separabit. Igitur si subsidium a nobis queritis, procul dubio & nos exilium petemus, sicque profugii & vagi super terram in opprobrium cleri mendicare conabimur. Eo

tamen minus possessiones nostras & ecclesiarum nostrarum omnes accipite, & ipsarum solam semidecimam pro cultu divino & victu tenui ac necessario nobis assignate. Uberrima hæc regio in solitudine versa est, & ferarum, veprium, & spinarum habitatio est, non hominum facta. Propterea, domini percelebres, per viscera misericordiæ Jesu Christi vos obsecramus, & cum omni pietate & mansuetudine requirimus, & instantè rogamus, quatenus clementi misericordiæ oculo solamen impendendo, hanc semidecimam, sive vicessimam denarium nobis omnino remittatis persolvendam, non quidem nobis, sed ecclesiæ sanctæ Dei afflicte & oppressiōibus ac amaritudinibus attrita: argentum & aurum non est nobiscum, quod tamen habemus, lacrymas & orationes assiduas apud patrem misericordiarum offerimus. Precamur, patres, suscipite; & si quid nos facturos velitis, jussu tantum opus est, id agemus animo libentissimo quod nostris exilibus prorsus facultatis suberit. Per præsentium gerulum, quem ad vos præmissa de causa transmittimus, gratum si placet responsum nobis mandantes reverendissimi in Christo patres & domini percelebres V. R. P. optatissimæ felicitatis jocunditate implet qui dat omnibus affluentior, & non improperat. Scriptum Autissiodori die XXIX. junii.

Vestri humiles & devoti oratores clericus civitatis & diœcesis Autissiodorensis.

## EPISTOLA ERICI REGIS DANIÆ

Ad concilium Basileense.

*Laudat synodi zelum, excusaturque prælatos suos, quod vocati necdum advenierint.*

**S**acrosanctæ venerandissimæ Basileensi generali synodo, in Spiritu sancto congregatæ, universalem ecclesiam representanti, patribus, dominis, & amicis nostris præclarissimis.

Reverendissimi, reverendi, venerabilisque patres & domini ac amici nostri carissimi, &c. debitis reverentia & veneratione præmissis. Ut in omnibus quæ profectum & votivam expeditionem ecclesiasticæ reformationis exposcunt, prompta cooperandi voluntate sacrosancti ejusdem concilii litteras cum clausula credentiorum per manus reverendorum virorum magistrorum Nicolai Cimeister, decretorum doctoris, præpositi Wratislavienensis, & sacri palatii auditoris, & Marthæ provincialis Saxonie ordinis Minorum, sacre theologiæ magistri, præsentatis nobis, humiliter & reverenter acceptimus; ex quarum tenore ac ipsorum oratorum solerti ex-

ANNO  
CHRISTI  
1433.

positione intelleximus, quod eadem sancta synodus pro errorum & hæresum extirpatione, reformatione morum, ac pacificando populo Christiano, Spiritu sancto auctore, congregata sit & legitime stabilita, vigore constitutionum sacrorum Constantiensis & Senensis generalium conciliorum, ac approbatione summorum pontificum felicis recordationis quondam Martini papæ V. & domini Eugenii papæ moderni, serenissimi principis domini Sigismundi Romanorum regis & fratris nostri carissimi consensu & approbatione accedentibus. Sane nostram assistentiam tam desiderato operi impendendam oratores ipsi plurimum eleganter invitaverunt, sollicitè exhortantes, ut quemadmodum plures reges & principes destinaverunt suos, nostros etiam ambassiatores ad ipsum sacrum concilium mittere curaremus. Orthodoxi patres, nos una cum prælati, magnatibus ac ceteris regnorum nostrorum incolis congaudemus ex corde devoto tam sanctis studiis & salubribus desideriis vestris, immensas Deo gratias agentes, qui vos ad speratam salutem orbis universi coadunare dignatus est, eique devotas precum instantias porrigentes, ut firmam perseverantiam in sanctis vestris votis misericorditer concedat, optatæ consummationis effectum feliciter tribuendo; nosque ad tantum bonum, opem & operam conferre quantas valeamus intendentes, vestro sanctissimo cœtui consiliis, auxiliis, ac adhærentia opportunis voluntarie satagemus assistere, sanctaque acta vestra complecti & approbare, oratores nostros & prælatos, quamocius & expedientius poterimus, ad ipsam sanctam synodum mittere non dilaturi, eidem supplicantes humiliter & devote, quatenus attentis remotissima terrarum nostrarum distantia, viarum varis discriminibus, ac guerrarum insulsiis, quibus terra marique undique circumsepti sumus, ac multiplicibus laboribus & expensis, quos ipsi prælati nostri pro gueris huiusmodi sedandis ac pace querenda, sæpius adhibuerant, dignetur benignissima ejusdem sanctæ synodi clementia ipsis prælati nostris parcere, quod ad ipsam venire ac mittere, prout tenebantur, distulerint. De sententia & pœnis in eis forsan propterea infligendis misericorditer nostri contemplatione superfedentes. Ceterum, reverendissimi patres & viri præclarissimi, deprecimus nobis indulgeri, quod reverendissimos ambassiatores vestros longo tempore, quam forsan a vestris R. P. in mandatis habuerint, non sine eorum tædio, retardaverimus, sub vestræ benignitatis confidentia, ex causis ad hoc moti, tum quia imminebat nobis tractatus pacis habendus cum Civitatensibus die apostolorum Philippi & Jacobi qui pendebat usque ad dominicam Trinitatis, ubi ipsorum ambassiatorum desideravimus præsentiam, tamquam pro bono pacis & concordie plurimum necessariam & ac commodam, & ut ipsi videre & audire possent, qualiter ipsi Civitatenſes recompensationem juxta prius promissa pro damnis & injuriis nobis & regnis nostris multipliciter illatis exhiberent. Speramus igitur quod ipsi oratores vestri clara experientia informati

sunt, quia non steterat per nos, quominus pax & concordia finales initæ fuissent pariter & firmatæ; tum etiam quia prælati regnorum nostrorum longe lateque in suis mansionibus separati ad audiendum vestrarum R. P. voluntates per ipsos oratores proponendas, non poterant, causante etiam hiemis asperitate, in breviori tempore convocari, prout de his & aliis ipsi oratores poterunt latius informare V. R. P. quas Altissimus in vinea sua laborantes dirigere, confortare & conservare dignetur feliciter & longæve. Scriptum Kopenhannæ anno Domini MCCCCXXXIII. ipso die beatorum Petri & Pauli apostolorum, nostro sub secreto sigillo.

Devotus ecclesiæ filius Ericus Dei gratia Daciæ, Sveviæ, Norvegiæ, Sclavorum, Gothorumque rex, & Pomerianæ dux.

## LITTERÆ SEU BULLA DECRETI

*Quod omnes causæ, quæ tractantur in concilio Basileensi reverantur ad curiam Romanam præter tres, videlicet ad reformationem morum, ad extirpationem hæresis, & ad pacem ponendum inter principes.*

Eugenius, &c. ad perpetuam rei memoriam.

Ibid. p.  
619.

Pastoralis cura sollicitudinis divinitus nobis injecta, excitat mentem nostram, ut quæ ordinata sunt ad universale commodum populi Christiani, ad proprium finem, auctore Domino, dirigamus. Sane quidem cum ex ordinationibus Constantiensis synodi certis temporibus debeant generalia concilia celebrari, ad morum reformationem, ad tollendum errores & hæreses, & ad pacem ponendam inter principes & populos Christianos, qui sunt fines principales, quibus Basileense concilium statutus celebrari, & ad quæ omnis vis & opera ipsius concilii debent dirigi & intendi; quia nuper displicenter accepimus, quod in dicto concilio in aliquibus potius privatæ utilitati quam publicæ intenditur, & a rectis finibus, ad quos dicta concilia expresse ordinata sunt devian-do, privatarum & singularum personarum causæ & lites in dicto concilio ventilantur, agnoscuntur & terminantur, non equidem sine magna distractione sive divortione prædictorum quæ tractari debent. Nos igitur a principalibus propositis cupientes nullatenus deviare; sed ea producti, unde potius universali bono quam singulorum causis & litibus consulatur, ad quod debemus esse propitii directores, de consilio etiam & assensu venerabilium fratrum nostrorum S. R. E. cardinalium, tenore præsentium, auctoritate apostolica decernimus, quod in præfato Basileensi concilio nullæ causæ singularem publicæ vel privatæ, ecclesiasticæ seu sæculares quovis modo, causa vel colore intro-



ANNO  
CHRISTI  
1433.

introducere vel introducende possint vel debeant in dicto Basileensi concilio agitari, cognosci aut terminari, sed dirigente Domino fidelium operas ad extirpationem hæresum, ad pacem ponendam ad principes & populos Christianos, ad morum reformationem omnia studia dirigantur, & nullatenus ad alias causas, quam ad præmissas, ad quas concilium ordinatum est, converti debeant: decernentes irritum & inane, si secus a quocumque quavis auctoritate scienter vel ignoranter contigerit attentari. Nulli, &c. nostre constitutionis decreti infringere; &c. Si quis, &c. Datum Romæ calendis julii anno tertio.

EPISTOLA DUCIS MEDIOLANENSIS

Ad concilium Basileense.

*De fuga cardinalis Arelatensis a Romana curia ad concilium tendentis.*

**S**acrofanctæ generali synodo Basileensi Spiritu sancto legitime congregatæ, &c. Reverendissimi in Christo patres & domini præstantissimi, accepi reverenter litteras ad me vestras, et cum eis copiam decreti quod illa sancta synodus adversus Romanum Pontificem nuper edidit, nec non exemplar responsionis ambasciatoribus suis ultimo datæ, quarum litterarum & copiarum missio fuit mihi profecto gratissima; nam etsi mihi antea persuaderem, crederemque firmissime, vos maximam fiduciam in meipsum posuisse, meque cordiali dilectione & caritate complexi, id ipsum nunc multo magis experior; quod ita libere & benigne communicatis mecum omnia quæ agitantur, & contingunt in illo sacro concilio. Summas igitur & immortales gratias pro tanta benignitate vobis habeo, certioresque vestras dominationes efficio, quod quibuscumque felicibus successibus illius sacrosanctæ synodi ita semper exuito, quod si mihi & statui meo accederent, majori affici gaudio sane non possem. Et dispono quidem, sicut ex multis litteris meis multisque signis videre potuistis, pro manuteneundo & ampliando ipso concilio, non solum favores impendere & omnem operam adhibere; sed omnes, si expedierit, opes & facultates, ipsumque statum, & denique hanc personam meam profus effundere & exponere. Vos, patres reverendissimi, procedite excelsum animis & solita sapientia ad omnia quæ pertinent ad incrementum & prosperitatem dicti concilii, sicut facitis. Estis enim proinde apud universum orbem laudem & famam eximiam habituri, & comparaturique vobis apud clementissimum Deum nostrum gratiam & merita infinita. Ut autem ego vobiscum participem, quæ habeo de tangentibus bonum præfati concilii, significo vobis quod reverendissimus dominus cardinalis Arelatensis ad civitatem meam Januæ nuper applicuit seminudus & quasi solus; ita quidem quod quando attigit, omnes videntes ad magnam pietatem induxerit.

**A**fferit ipse, quod sæpenumero petivisset licentiam a summo pontifice transferendi se ad illud sacrum concilium, illeque eam semper sibi negasset, applicuit proximis diebus galea a guardia magnificæ civitatis meæ Januæ in faucem Romanam, & facta sibi notitia, deliberavit omnino a Roma discedere; et cum jam sub certo alio colore urbem egressus fuisset, remisit, &c. Cum vero procederet ad galeam, contigit quod a nonnullis hominibus apud Tyberim insultatus est, quos putat fuisse ex illis cardinales de Urbinis. Sed cum equum præstantem haberet, coepit fugere, quanquam & ipse & equus in cursu deciderint, non absque læsione unius genui sui: equo autem hinc inde vagante, coepit solus ipse pedibus ambulare, studens appropinquare galeæ; & cum non reperisset eam ita cito sicuti voluisset, occultavit seipsum in certis arbusculis, gratiam divinam expectans, & si quid posset de galea sentire. Tandemque factum est quod nonnulli socii galeam exeuntes & quærentes super ripam ipsum dominum cardinalem, emisit, ut heri solet, vocibus & clamoribus, quia nullibi videbatur; cum ipse prima facie dubitaret ne alii essent, cum pro parte summi pontificis inquirentes, post cognitos socios signum fecit, ex quo ad eum statim quatuor accesserunt, deferentes eum super humeros ultra Tyberim, attingentes etiam aqua fluminis usque ad guttura deferentium. Reducto ergo in galea, & satis attonito pro discriminibus in quibus fuerat, cum patronus galeæ diceret non satis tutum esse ibi morari diutius, deliberaverunt, &c. recedere, ac Januam se dirigere, quo in diebus quatuor attigerunt. Demum præfatus dominus cardinalis ad illud concilium statim accedet, intenturus toto studio & animo agendis ibi rebus; ex cujus accessu non dubito, recipiet illa sancta synodus solamen & gaudium singulare; nec indigne quidem, cum sit ipse præful sapientissimus & maximæ reverentiæ; cujus præsentia ipsum concilium non mediocriter quidem ornabit & augebit, dabitque magnum favorem & præsidium rebus agendis. Postremo me vobis facio recommissum. Datum Mediolani, die XXI. julii MCCCCXXXIII.

Philippus Maria Angelus, dux Mediolani, &c. ac Januæ dominus.

Urbanus.

## EPISTOLA BOLESŁAI

Magni ducis Lithuanie, ad concilium  
Basileense.

*De sua ad concilium adhesiono, & de  
sisterio conversionis Ruthenorum.*

**R**everendissimis in Christo patribus, cardinalibus, archiepiscopis, episcopis, &c. illustrissimisque principibus, comitibus, ceterisque reverendis & spectabilibus dominis, in sacrosancto concilio Basileensi in Spiritu sancto congregatis, &c. humillimæ reverentiæ debitum, & sacrosanctæ Romanæ ecclesiæ præceptis & statutis sinceriter obedire.

Reverendissimi in Christo patres, &c. non modicum cordi nostro accessit exultationis augmentum vestrarum paternitatum, quam ad nos geritis, pia affectio, quæ profecto velut de abyso solitæ benignitatis dignata est nos ab oculis valde procul quasi in exilio degentes, oculis paternæ recordationis respicere, nobis spectabilem virum dominum Laurentium de Damianis comitem Palatinum dirigendo, quem vestrarum paternitatum contemplatione, una cum literis creditivis a sacrosancto Basileensi concilio nobis missis, ea qua decuit reverentia, suscepimus, verbisque suæ legationis attentas aures gaudenter inclinavimus, gratias humiles V. P. pleniformiter refundentes, quia nos ad ea utique salubria & super aurum desiderabilia, quæ salutem, honorem & commodum nostrum, nostrarumque terrarum, quin immo bonum totius Christianitatis respiciunt, dignati estis paternis excitationibus propulsare. Primo quidem inter alia prædictus dominus L. ex legatione ei commissa coram nobis asseruit, quomodo hoc sacrosanctum Basileense concilium sit legitime & rite & rationabiliter omnibus modis, viis, & iuribus ad hujusmodi concilium spectantibus, constitutum, ordinatum & confirmatum, prout quodcumque aliud inantea ab ecclesia celebratum. Quamquam de hoc minime dubitabamus, facti tamen sumus de hujusmodi relatione amplius certiores. Avissavit nos insuper, & supplicativis exhortationibus & affectionibus ex parte totius congregationis sanctæ prædicti concilii deprecabatur, ut eidem concilio more aliorum regum & principum adhereremus, oratoresque nostros ad ipsum continuo legaremus. Reverendissimi patres, absit a nobis, quod tantæ temeritatis & incredulitatis pertinacia illaquearemur, qua huic sacrosanctæ generali synodo Basileensi, in Spiritu sancto inspirante legitime congregatæ, in aliquo contraire inveniremur, & quasi inobedientes censeremur; sed revera sincero corde adheremus, subjacemus, & constanter adharebimus: oratores etiam nostros ad eandem synodum dudum direximus, honorabilem videlicet dominum Andream Pfaffendorff doctorem juris canonici, solemnem fratrem & presbyterum ordinis Cru-

ciferorum de Prussia, & Johannem Perling notarium nostrum; qui super nostris intentione & negotiis sunt plenarie informati. Postremo prænominatus dominus L. pro parte V. P. a nobis pia & deprecativa exhortatione exigebat, quatenus mitibus sagacibusque viis, modis & blandis persuasionibus fideliter alliceremus & induceremus principes, duces & seniores Ruthenorum ad unionem cum sancta Romana ecclesia, signanter ut ambassiatores super ritibus eorum & industria expertos, ad hanc sanctam synodum generalem concilii Basileensis dirigere procurarent. Multas etiam rationes & rationabiles causas, quas animadversione solerti fore opportunas censuimus, nobis in medium adduxit, quomodo multum expediens, immo necessarium foret, ut ipsi duces & seniores Ruthenorum ad eandem sanctam synodum suos mitterent oratores, qui ibidem cum catholicæ fidei doctoribus, de ritibus & ritibus eorum, & salutari incremento totius populi Christiani salubriter pertractarent. Venerandissimi patres, illustres principes & domini, quamquam dudum hoc ipsum in votis habuerimus, & totis viribus satagere proposueramus, Ruthenos & schismaticos, præsertim sub ditione nostra constitutos, ad unionem & ritum sanctæ Romanæ ecclesiæ allicere, et ad verum cultum reducere, nihilominus vestris paternis monitis et postulationibus amplius excitati, vigilantiores diligentiam et operam apponemus circa eorumdem conversionem; et jam aliquotiens cum ducibus ipsorum crebrius confabulati sumus blandis persuasionibus de reductione eorum ad nostrum ritum; non aliud potentes ex verbis et responsionibus ipsorum elicere, nisi quod uniri sanctæ Romanæ ecclesiæ multum sunt inclinati, et totis sensibus concupiscunt. Superioribus tamen ipsorum, scilicet metropolitanis et patriarchis, se opponere et contraire non affectant, sed ipsos precibus impulsare, ut de salute ipsorum velut pastores vigilare, et sanctæ Romanæ ecclesiæ, quemadmodum et nos eosdem nostris scriptis et nunciis avisavimus, unirentur. In veritate compertis, colendissimi domini, nos pro augmento orthodoxæ fidei sinceram apponere operam; cum ad hoc non solum ex fidei debito, sed etiam necessitate urgente movemur, ex quo in finibus totius Christianitatis in hac parte habitamus, nec ultra nostra dominia aliquis Catholicorum dominorum aut principum dominatur. Et si inantea cultum divinum in nostris ducatibus hinc inde multiplicamus, quamplures ecclesias, ubi pridem non erant, fundando et dotando, quarum numerum ad præsens pertraximus, dante Domino, dum pacificata fuerint nostra, quibus vacamus, ardua negotia, attentius et copiosius circa profectum Christianitatis, et cultum nominis Jesu Christi manus sollicitas extendemus, velut hoc V. P. et fere toti mundo in effectu clarius innosceret. Si quis vero nostræ famæ æmulus, veritatis immemor, aliud de nobis suggererit, precamur eidem aures credulas non porrigere, sed censere velut mendacem silium in suis stateris, et velut suo proximo detrahentem. Reverendissimi

pa-



ANNO  
CHRISTI  
1433.

patres, vestras reverentias et dominationes, quibus nos humiliter commendamus, pro profectu totius populi Christiani et augmento fidei, incolumes conservare, regere et dirigere dignetur ad cupita tempora Rex perennis. Datum in castro nostro Ploczeruv feria tertia post festum sanctæ Margaretæ MCCCCXXXIII.

Boleslaus alias Svvidrigal Dei gratia dux magnus Litvvanæ, Russiæ, etc.

#### EPISTOLA UNIVERSITATIS

Parisiensis ad concilium Basileense.

*Petit ut cause universitatis & suorum, extra civitatem Parisiensem iudicandæ non trabantur.*

Sacro sanctæ universalis ecclesiæ synodo Basiliæ congregatæ.

Ibidi.

**R**everendissimi in Christo patres, sacrosanctam generalem synodum Basiliæ in Spiritu sancto legitime congregatam celebrantes, debita subiectione cum filiali obedientia.

Hactenus, licet ægre, pertulimus indicibilia gravamina, molestias graves, & deniguo crebras supra modum inquietudines, quas gens in Romanam sequens curiam, nostris inculit suppositis. Clamavimus apud sanctitatem felicitis recordationis domini papæ Martini & sui nunc successoris SS. domini nostri papæ Eugenii, ut nostrorum suppositorum promotio, & in multis exaltatio pro utilitate ecclesiæ, quantum diffiniret eorumdem sanctitas, haberetur. Tunc enim res nostra firmis consistebat stabilita fundamentis, neque ulla alia petebantur, quam aut gratiosa aut iusta alia præmia laborum. Nunc vero, reverendissimi patres, apud nos id adum est, & agitur, non ut promoveamur, non ut exaltemur, non ut reputemur; sed certe ut Parisiensis universitas, quæ ad expugnandas hæreses & schismata coacta fertur esse vocata, nec doctores habeat, nec scholares. Nempe jam pridem passim tracti sumus & in dies trahimur ab his ultimis terræ finibus ad sanctam sedem apostolicam, citamur, suspendimur, excommunicamur; unde sumus in hoc accipio rerum districti, ut nostro oporteat studium dimittere vel beneficium. Sed etsi defendere beneficium præhaberent, non habent supposita nostra unde possent trans Alpes agere causas suas. Grave est, reverendissimi patres, viros scholasticos & scientiarum doctores apprimere deductos, sedari lites, sed multo gravius dulcissimos studii amplexus lucem veritatis parituros deserere, et transiens Alpibus Romanam percurrere. Illud insuper gravissimum, dum studio quærendæ veritatis opera dedita & longo temporum cursu consumtis facultatibus, dura coguntur inopia studium dimittere pariter & beneficium: quod pie sanctæque consideraverunt summi pontifices, qui nobis, ne traheremur in causam extra muros Parisienses, privilegium indulserunt. Idem sapienter excogitaverunt Francorum, reges et principes, qui ne in ceteris causis civilibus extra hanc urbem Parisiensem ageremur, sua sponte non precati edicta perpetua contulerunt. Ipse etiam vir prædecessor Joan. XXIII. litteras concessit apostolicas, ut intra conspectum dictæ urbis monium, tribus datis iudicibus apostolicis, universæ nostræ lites etiam beneficiales, omni appellatione remota, terminarentur. Hoc quoque provide et religiose pensavit prædecessor domini Martini clementia, quæ cunctas nostrorum suppositorum beneficiales causas in prima instantia terminandas Parisius esse censuit. Sed quis non videat, quod parum profit in prima nostras hic lites terminari, si non secunda & tertia finiantur instantiis? Si enim propter duas ultimas instantias oportet nos Romam vocari, frangitur studium, multiplicantur impensæ, nec jacturæ maximæ tantæ perditionis obvenitur. Verum nec pro prima instantia hic manere permittitur; quin potius per simplicem citationem, suppressis nostrorum suppositorum qualitatibus, ad Romanam curiam evocamur. Qui nodus jam adeo percrebuit, ita se ardentius erexit, ut ad egregios et famosissimos viros, sacre scripturæ professores, & iurum doctores, jam quali decreptos, & ad alios plurimos pervaderet in nostri studii duram, lamentabilem & exitiosam evacuationem. Sed reverendissimi patres, si antiqua & generalis constitutio ultra duas dietas reum per litteras apostolicas trahi prohibet invitum; si nova ad unam restrinxit dietam; si propter viarum discrimina excommunicatum propter violentam manuum in clericum injectionem, extra curiam permittit absolvi; qua ratione nostri non ultra unam dietam, non extra duas, sed rupto studio Romam proficisci cogentur, dum tanta sunt viarum pericula, quanta umquam fuerunt, dum tantum sunt diminuta beneficia, ut neque ad victum supra locum sufficiant? Nolite, reverendissimi patres, nolite ferre, ut isti cursores studiosos viros tantis laboribus fessos, tantisque cautelis circumventos, jus suum tandem exigent indefensum dimittere. Valeant apud reverendissimas paternitates vestras favor fidei, virtutum, scientiarum & studii. Valeant privilegia a summis pontificibus nobis dudum iudulta, & per hanc sacram synodum, Domino cooperante, confirmanda & amplianda, ut per nullas litteras apostolicas extra muros Parisienses in causis & querelis nostris trahi valeamus. Perfuadeant jus, ratio, temporum molestia, fructus studii, & alia innumera, quæ brevis non caperet epistola, sed super omnia superflua vestrarum clementiarum gratiæ V. R. P. concludant, ut propius aspicientes, huic morbo mederi dignentur, omnes causas nostrorum suppositorum & querelas, majoribus exceptis, auctoritate sacri generalis concilii Basiliensis, tribus Parisius & in perpetuum committentes

ANNO  
CHRISTI  
1433.

ANNO  
CHRISTI  
1433.  
tes iudicibus, omni appellatione remota; A  
& si interjecta, terminanda tamen Parisius  
pro primis instantis nostrorum conservatori  
privilegiis; pro secundis domino abbati  
S. Genovefæ Parisiensis; pro tertiis domino  
abbati S. Germani de Pratis prope Parisius;  
cui reverendissimi patres iuri pauperum,  
& quieti studii, communi iuri, & præde-  
cessorum indultis detulerunt vestre reveren-  
dissimæ paternitatis ad laudem Dei, & juris-  
dictionis apostolicæ conservationem: cum  
præsertim nihil nisi sub auctoritate sacri con-  
cilii & apostolica agetur. Ex quo etiam  
gloriosum nomen vestrum nostra universitas  
& apud Deum & apud homines recolet me-  
moriam sempiterna. In his vero V. R. P. &  
aliis statum nostrum tangentibus, nostros B  
ambassiatores dudum ad concilium Basileense  
destinatos dignentur audire, faciliter admit-  
tere, & petitiones exaudire vestre clemen-  
tiæ; quas Dominus noster Iesus Christus  
conservare dignetur ad reformationis eccle-  
siæ universalis in capite & in membris de-  
bitum & votivum complementum. Scriptum  
Paribus in nostra congregatione generali  
apud S. Mathurinum solemniter celebrata,  
die XXVI. mensis Julii, anno Domini MC-  
CCCXXXIII.

Vestre sanctæ congregationis hu-  
miles & devoti & obsequiosi o-  
ratores Rector & universitas  
studii Parisiensis.

Hebertus.

## EPISTOLA SIGISMUNDI

Imperatoris

Ad concilium Basileense.

*Ut suspendant decretam citationem pape  
usque ad suum ad eos accessum.*

R Everendissimis ac venerabilibus in Chri- 1b. p. 626.  
sto patribus & dominis, &c.

Reverendissimi in Christo patres &c. mox  
ut vestrarum paternitatum litteras IV. nonas  
julii datas, & sub solita plumbea bulla sacri  
Basileensis concilii una cum copia decreti ci-  
tationis domini nostri summi pontificis eis-  
dem inclusa emanatas, nobis committas, he-  
sterna secunda die hujus mensis augusti re-  
cepimus, ipsas legentes, ex earum tenore  
grate collegimus, quod intervenientibus præ-  
cibus nostris ad vos frequentatis, dictum sa-  
crum concilium quamplures processus contra  
dominum nostrum summum pontificem  
conceptos, prout in vestro decreto citatio-  
nis ejusdem, et prædictis litteris V. P. nobis  
directis latissime continetur, proposuit et de-  
crevit differre. Super qua dilatione ob re-  
verentiam nostræ majestatis et ejusdem præ-  
ces sæpe numero, ut scribitis, facta, pluri-  
mum recreati, eisdem V. P. ad exuberantissi-  
mas exurgimus gratiarum actiones. Cum  
autem V. P. commemoraverint personæ nos-  
træ illac accessum, et ejusdem in medium  
paternitatum vestrarum celerem progressum,  
et personalem interessentiam, ut scribitis,  
perutilem et omnino fore necessariam pro  
reductione Bohemorum, et aliis multis pro-  
nostre interesse cum ipso concilio promo-  
vendis, Deo teste, et ante et post receptio-  
nem litterarum vestrarum, erga suam san-  
ctitatem fecimus exactam diligentiam, et  
nunc, inspirante in ejus cor gratia divina,  
D taliter pro voluntate et exhortationibus sa-  
cri Basileensis concilii et V. P. et pro bono  
status universalis ecclesiæ, conservatione,  
ejus, sanctitas sic inclinata est, quod de no-  
stra reverentia recipietis consolationem, to-  
tusque mundus gaudebit, et vos merito cri-  
tis contenti. Ut autem ex præcipatione et  
acceleratione negotii scandalum in univer-  
sali ecclesia Dei non exurgat, laboribus  
tamdem vix totius christianitatis tollendum  
et submovendum, V. R. P. sinceris affectibus  
in Domino studiose exhortamur, quatenus  
decretum citationis jam factæ, et processus  
contra suam sanctitatem, expletis LX. die-  
bus jam deputatis exinde fiendos et fulmi-  
nandos, usque ad adventum nostrum felicem  
ad ipsum sacrum concilium Basileense, ad  
quod continuatis gressibus dirigimus iter no-  
strum, suspendere et prorogare velit, ad  
nullos in ipsa re actus medio tempore pro-  
cedentes, aut in ipsa re aliquid innovantes;  
certificantes vos, quod sub spe Dei taliter  
et cum talibus facultatibus ad vestras pater-  
nitates nos proficiscemur, et negotium istud



ANNO  
CHRISTI  
1433.

cum V. P. sic et eo modo tradabimus, quod omnes difficultates inter suam sanctitatem et paternitates vestras subortæ, gratia Dei inspirante, tollentur de medio, et universalis militans ecclesia Dei votivum in omnibus suscipiet incrementum. Datum Romæ die III. Augusti, regnorum nostrorum anno Hungariæ, &c. XLVII. MCCCXXXIII.

Sigismundus Dei gratia Romanorum  
imperator semper augustus, &c.

Ad mandatum domini imperatoris,

Petrus Kalde canonicus Zagrabienſis.

LITTERA REGINÆ JOHANNÆ

Siciliæ, &c. ad concilium Basileense.

Spondet suum erga concilium favorem.

ibid.

**S**acroſanctæ generali ſynodo Baſileenſi in Spiritu-ſancto legitime congregatæ, univerſalem eccleſiam repræſentanti, Johanna II. Dei gratia Hungariæ, Jeruſalem & Siciliæ regina, &c. recommendationem humilem & devotam, & boni ſanctique incepti operis, aſſiſtente Spiritu-ſancti gratia, perfectionem conſummationemque votivam.

Sane noverit veſtra magna prudentia atque reverentia, nos olim de præterito menſe Aprilis præſentis anni veſtras litteras, per quas nobis ſignificatis ipſam ſanctum concilium congregatum fore ad extirpandas hæreſes, pacem in populo Chriſtiano componendam, & mores in ſtatu eccleſiaſtico reformandos, præſentatas nobis per venerabilem virum Jacobum Alberti, canonicum Ebreduſenſem, oratorem veſtrum, una cum copia decretorum per vos in tribus ſeſſionibus jam factis interpoſitorum, cum caritate & reverentia recepſiſſe, & tam contenta in eis, quam relata nobis oretenus per jam dictum oratorem plene intellexiſſe. Et tam pium, tamque ſanctum inceptum opus multitarie commendantes; redeunte noviter ad noſtri præſentiam præſato oratore veſtro, qui veſtri parte ad alia loca ſe acceſſiſſe aſſerit, & a nobis reſponſum ſuper præmiſſis poſtulate, reſpondimus, quod nos tamquam ſacroſanctæ Romanæ eccleſiæ fideliffima & obediendiſſima filia, cupientes univerſale bonum, atque compendium ipſius eccleſiæ & totius populi Chriſtiani, promte paratæ ſumus exhibere veſtro ſacraſſimo coetui noſtra honeſtiſſima præſidia poſſibilesque favores, præſataque veſtra decreta, quoad poterimus, et quantum ipſius regni honeſtas perſuadebit, in hoc regno noſtro facere realiter obſervari. Oratores autem noſtros ad ipſum ſacrum concilium pluries tranſmittere deliberaviſſimus, et etiam in puncto et ordine poni juſſimus: ſed propter multas notorias tribulationes et ardua impedimenta, nobis per noſtros æmulos, et rebelles illata, non

potuimus commodè ipſos noſtros oratores ad veſtram præſentiam deſtinare, offerentes nos ſemper ad quævis vobis placita atque grata. Sancti Spiritus gratia veſtra bene incepta opera, ut optatis, ſocundare dignetur pro bono, unitate, et pace orthodoxæ fidei et eccleſiæ chriſtianæ. Datum in caſtro noſtro Capuano Neapolis ſub annulo noſtro ſecreto, die VII. Auguſti MCCCXXXIII.

COPIA CUJUSDAM LITTERÆ

Domini Eugenii papæ IV. tranſmiſſæ  
regi Angliæ.

B

*Laudat ipſus oratores, quod in concilio ſuas  
partes fovere ſuſceperint.*

Ibid.

**E**ugenius episcopos servus servorum Dei, carissimo in Christo filio Henrico regi Angliæ illustri salutem et apostolicam benedictionem.

Sicut a multis fide dignis accepimus, oratores tui, quos destinasti ad concilium Basileense, semper in omnibus calibus quia acciderunt fideliter obsequentes voluntati tuæ, pro nostro et Romanæ ecclesiæ statu et honore tuo laudabiliter se habuerunt, et egregiam operam fide et devotione tua dignam cum singulari prudentia præstiterunt, et novissime omni studio contententes prohibere conati sunt, ne promulgaretur, et pias aures offenderet illud quod magis tonitruum, quam decretum ex sacro concilio emanatum, appellari potest; in quo decrevere et pronunciare ausi sunt, nos nisi infra certum terminum adessemus, ut eis placet, præſato concilio, ab omni administratione papatus fore suspensos, quo nihil iniquius, nihil absurdus, nihil magis ab omni divina et humana iustitia, et a SS. patrum, qui sacra concilia celebraverunt, more et consuetudine alienum est. Sed de hoc plura non dicimus, suo loco discutientur hæc omnia. Ceterum pro his, quæ tu iuſti et tuo nomine faciunt tui, pro nobis et eccleſiæ, proque multis aliis laude dignis operibus, quæ feciſti ſemper et facere non deſiſtiſti, incedens per veſtigia primogenitorum tuorum, qui ſemper pro Dei eccleſiæ laborarunt, regratiamur ſerenitati tuæ, et tam meritis laudibus commendantes, affectuoſe rogamus, ut in hoc propoſito perſeverans, quam poteſ jus noſtrum et ipſius eccleſiæ auctoritatem foveas et defendas; in cujus ſanctæ deſenſionis officio non eris ſolus, ſed, ut tenemus indubie, habebis ſocios uno fortaliſ excepto, quem honoris ſui cauſa nominare non volumus, omnes catholicos, et præſertim cariffimum in Chriſto filium noſtrum Sigismundum Romanorum imperatorem illuſtrem, qui nobiſcum pluribus diebus fuit, et noſtram ſinceram diſpoſitionem et optimam voluntatem circa omnia, quæ concernunt honorem Dei, reformationem eccleſiæ, exſtinctionem hæreſum, pacem fidelium et ſalutem publicam populi chriſtiani, quæ merito agenda ſunt in ſacro concilio, plene vidit,

ANNO CHRISTI 1433. dit, tetigit et cognovit, ac propterea recte sentiens et bene disponens unionem ecclesiæ, pro qua tantopere laboravit, conservare et tueri. Crastino mane de Urbe recedit, profecturus recto itinere Basileam; ubi cum erit, multa jam præparata scandala removebit, et sicut dignitati suæ convenit, qui imperator et advocatus ecclesiæ existit, illas res in melius reducet. Velis itaque, fili carissime, præfatis oratoribus tuis mandare, ut cum eo bene sentiente, incepta per eos juxta tuum desiderium prosequantur. Nos enim præfato imperatori talia tam æqua, tam iusta ibidem agenda commisimus, quod nisi illi qui concilium illud versant, humanæ pietati, rationi, et ipsi ecclesiæ erunt adversi, nobis consentient, et nobiscum cum debita fidelitate conveniant. Et utcumque res accidat, talem de hujusmodi dispositione nostra præstamus et præstabimus evidentiam, quod totus mundus intelligat in nobis nunquam culpam fuisse aliquis erroris aut scandali. Datum Romæ apud S. Petrum, anno Incarnationis dominicæ MCCCCXXXIII. IV. idus Augusti, pontificatus nostri anno tertio.

## LITTERA CREDENTIALIS BOHEMORUM.

*Acta in congregatione generali, die Martis XI. Augusti MCCCCXXXIII.*

p. 630. **R**everendissimis in Christo patribus et dominis, dominis cardinalibus, primatibus, archiepiscopis, episcopis, ceterisque venerabilibus prelatibus, magistris, et doctoribus, in veneranda Basileensi synodo constitutis, gubernatores, capitanei, seu præelecti, barones, civitas Pragensis, nobiles civitates, et communitates regni Bohemiæ ac marchionatus Moraviæ, ipsique adhærentes, condignæ reverentiæ cultum, et in cunctis erudiri ac dirigi a veritatis summo doctore. Ad vestram paternitatum et dignitatum celebrem præsentiam, speciales et honorandos, benemeritos, nobisque acceptos viros Matthiam de Chlümpezan, magistrum Procopium de Pilzna, ac Martinum presbyterum de Thrudim, exhibitores præsentium, de nostro certo proposito sufficienter eruditos destinamus, accuratius postulantes, quatenus paternitatum vestrarum dignitas nunciis prædictis in omnibus et singulis relationibus, vestris dignitatibus ex parte nostri referendis, plenitudinem fidei adhibere dignetur, tamquam vestro assistentes conspectui propriis loqueremur in personis. Insuper eisdem nunciis nostris nomine nostro dandi et concedendi litteras salvæ conductus, pro personis ex parte vestri, si opus foret, ad nos mittendis plenam potestatem largimur. Datum Pragæ, anno Domini MCCCCXXXIII. die X. mensis julii, nostro communi sub sigillo.

## ARTICULI OBLATI CONCILIO

*Ex parte regni Bohemiæ & marchionatus Moraviæ, &c. anno Domini MCCCCXXXIII. in festo S. Tiburtii post Laurentium.*

**H**OS articulos paternitatibus vestris offerimus, quatenus intuitu optandæ cunctis mortalibus pacis & unitatis, velitis ipsis in hac forma subscripta vestrum præbere consensum, ut libere teneantur, doceantur & irrevocabiliter observentur in regno Bohemiæ & marchionatu Moraviæ, ac locis eis adhærentibus in hac parte.

## I.

Ut communio divinissimæ eucharistiæ utilis & salubris sub utraque specie, scilicet panis & vini, universis Christi fidelibus in regno Bohemiæ & marchionatu Moraviæ, ac locis eis in hac parte adhærentibus constitutis per sacerdotes libere ministretur.

## II.

Ut omnia peccata mortalia, & præsertim publica, per eos quorum interest rationaliter & secundum legem Dei cohibeantur, corripiantur & eliminentur.

## III.

Ut verbum Dei a sacerdotibus Domini & levitis idoneis libere & fideliter prædicetur.

## IV.

Quod non licet clero tempore legis gratiæ super bonis temporalibus sæculariter dominari.

Ipsi autem, quam utrimque diutine optavimus, unionis tenorem offerimus in hac forma. Parati sumus uniri & esse unum modo quo omnes Christiani fideles uniri secundum legem Dei obligantur, & adhære ac obedire quibuscumque nobis legitime præfatis in omnibus ecclesiasticis, quæcumque nobis secundum legem Dei mandaverint. Quod si quicquam concilium, papa, aut prælati quod a Domino prohibitum sit determinaverint faciendum, aut facere jusserint, vel quod in canone bibliæ scriptum est præterierint, aut præterire mandaverint, cum canones tales dicant execrabiles. & anathema, obedire non obligabimur, nec obediemus.

Hæc vobis offerimus inter vos & nos, ut supponimus, concludenda. Expeditis nostris quatuor articulis secundum judicem parte ex utraque concordatum, cujus sententiam & judicium etiam in futuris emergentibus volumus ab omnibus acceptari.

Præterea istud per ambassiatores nostros tandem pro finali unionem faciendam mittendos volumus, exigente & urgente æquitate, propter conservationem & confirmationem



ANNO  
CHRISTI  
1433.

pacis & unitatis obtinere, ut unione facta, concilium suis patentibus litteris præcipiat omnibus primatibus, archiepiscopis, episcopis, regibus, & principibus, & universis utriusque status sibi subiectis, quatenus nos & nobis in hac parte adherentes & adherere volentes amplius palam & occulte hæreticare, aut quovis modo infamare, aut etiam hostiliter invadere non præsumant, propter aliquem prædictorum articulum, & præsertim propter primum, quem asserimus & asserere proponimus Dominico cadere sub præcepto usque ad discussionem finalem, mutuam & concordem per concilium & nos, secundum sententiam iudicis in Egra condicendi, circa difficultates prædictorum articulum, si quæ occurrerint, sciendam. Nam illius æquissimi iudicis legibus & decretis optamus, Dei dispositione, in concilio sedentibus, cooperari fideliter ad reformationem totius ecclesiæ in capitibus, artibus, & membris: quam quidem sententiam, ut veridico didicimus relatu, uti proposuit concilium circa reformationem ecclesiæ atque spondit.

4. iudicii

Insuper ut litium & iurgiorum inter nos & coincolas nostros materia radicitus revelatur, circa unionem inter nos & concilium celebrandam, istud volumus per nuncios nostros ad concilium mittendos obtinere, ut facta unione, ipsum concilium modis et hortamentis congruis scribar, inducat et efficiat, quantum in eo est, quatenus omnes et singuli sacerdotes, cujuscumque præminentie aut dignitatis existant in eodem regno et marchionatu, præsertim, qui ipsos articulos nondum in effectu observarunt, queant cum honoris sui conservatione, et valeant libere ac fideliter exequi et amicebilitate observare et docere. Nam sic in sancta veritate uniti erimus, nunc gratiæ divinæ participes, et in futuro visionis ipsius jocundæ confortes. Amen.

# LITTERA CREDENTIALIS

Domini Imperatoris.

**R**everendissimis ac venerabilibus in Christo patribus & dominis, etc. Reuerendissimi in Christo patres, etc. Veniens ad nos strenuus Hermannus Offenburg de Bailea miles familiaris noster fidelis dilectus per V. P. cum littera vestra credentia ad nostram maiestatem missus, in iuncta sibi et commissa per eandem V. P. nobis elegantè exposuit; quem audivimus et intelleximus luculenter. Venit etiam ad nos post eum venerabilis Jo. Curienfis episcopus, princeps et consiliarius noster fidelis dilectus, qui etiam nobis reulit quædam ardua facta de sacro concilio Basileensi. Quo etiam audito et intellecto, commisimus illustri Willelmo comiti Palatino Rheni duci Bavarie nostrum locum tenenti principi avunculo nostro carissimo, ac eidem Jo. episcopo Curienfi et præfato Hermannus Offenburg desiderium et intentionem nostram R. P. V. referendam, easdem P. V. affectuosius rogantes, quatenus in his quæ præfatus dux Willelmus, Jo. episcopus et Hermannus Offenburg, aut duo eorum ad præfens V. P. nostro nomine retulerint, fidem velitis per omnia credulam adhibere. Datum in descensu nostro campestris prope castrum Montem rotundum die XV. mensis augusti, regnorum nostrorum anno, Hungarie etc. XLVII. Romanorum XXIII. Bohemie XIV. imperii vero I.

Ibid. p.  
632.

Sigismundus Dei gratia Romanorum imperator temper augustus, ac Hungarie, Bohemie, etc. rex.

**D** Ad mandatum domini imperatoris,

Gaspard Sligk.

*Credentia hujus litteræ fuit, quod concilium vellet suspendere decretum citationis papæ usque ad unum mensem. Et propter honorem imperatoris fuit factum, & ponitur credentia in decreto prorogationis termini papæ, videlicet in XIII. sessione.*

**E**

## SEQUITUR LITTERA MISSA

Sacro concilio Basileensi per Carolum  
regem Francorum.

*Orat ut suspendatur exsequutio decreti  
in papam editi.*

**S**acro sanctæ synodo Basileensi in spiritu  
sancto legitime congregatæ, Carolus  
Dei gratia Francorum rex devotus ecclesiæ  
filius.

Urget nos, patres orthodoxi, Christi ca-  
ritas, sanctissimi patris nostri filialis amor,  
optimo jure debitus honor, fervens zelus,  
et vestræ sanctæ congregationis in idipsum  
ea scribere quæ ad pacem sunt. Audivimus,  
viri patres amantissimi, sacri pontifices præ-  
colendi, decretum nuper in sessione vestra  
promulgatum adversus beatissimum patrem  
nostrum universalis ecclesiæ summum ponti-  
ficem: quod utique, ut verum fateamur,  
non parum deterruit nos, pertimescentes  
non immerito ventura scandala, turbatio-  
nes conscientiarum, divisiones regnorum;  
attento quod pauci reges et principes Chri-  
stianitatis, quos tantum negotium omnes  
proxime tangit; nondum comparuerunt, aut  
incorporati decreto minime adhæserunt; quæ  
omnia totis viribus propulsare nostra parte  
debimus, votis omnibus ab ecclesiæ sancta  
catholica tolli & delecti peroptamus. Atten-  
dite, patres zelantissimi, & videte, preca-  
mur vos per viscera misericordiæ & cari-  
tatis Jesu Christi, & societatem spiritus,  
ne ita ardere videamini beatissimum patrem  
nostrum, ut schisma pestiferum & horren-  
dum supernitium in corpore e vicino oria-  
tur, quod natura ipsa sagax tantopere refu-  
git, exhorrescit animus, & heu! diuturni  
nimis schismatis novissime tantis laboribus &  
vigiliis vix sedati actus memoria, quod pie  
avertat Dominus & Christus ejus ecclesiæ  
catholicæ sponfus.

Enimvero ne in diebus nostris videre con-  
tingat, omnem & totam operam, vigilias  
& laborem, alias etiam occupati, mortali qui  
utpote urgemur ab hoste, libentes offerimus;  
quod ut facilius cum pace omnium fiat, o-  
ramus & obsecramus cœtum vestrum sacer-  
rimum, ut in dies aliquot & competentes  
satis executio decreti jam facti proleatur,  
favore pacis & amore unitaris. Nos autem  
interim impetrata mora temporis, cum in-  
stantia plurima sanctissimum patrem nostrum  
filiali devotione requiremus, exorabimus ob-  
secrantes, uti sedulo attendat hæc & vi-  
deat, nec Christi & ipsius sponfam eccle-  
siam scandalizer, discrimen auferat, ejus  
tandem cum pigeat, & medela facilis non  
inveniatur. Ea enim de causa ad sanctam  
vestram congregationem dilectum & fidelem  
consiliarium nostrum Simonem Charles mili-  
tem ex præfenti transmittimus. Postmodum  
absque omni mora ad SS. patrem nostrum  
profecti injunximus nostri ex parte, ejus-  
dem sanctitati persuasurum, quatenus sacro

**A** concilio nostrisque monitis & precibus tan-  
dem pie adhæreat, & ecclesiæ sanctæ atque  
populo Dei debitam omni præstantia & ca-  
ritate impartiat consolationem. Reliqua  
latius explicanda vivæ vocis oraculo dilectis  
& fidelibus nostris ambasiatoribus ad vos  
delegatis, vice nostra commissimus, quibus  
fidem non dubiam dabit regis precibus exo-  
ratus facer cœtus vester congregatus in Do-  
mino, quem feliciter succrescere ad condi-  
gnam reformationem ecclesiæ peroptamus.  
Scriptum in oppido nostro Lothiarum, die  
XXVIII. mensis Augusti.

Devotus ecclesiæ filius Karolus rex  
Francorum.

Lanfelot.

## ALIUD MANDATUM

Domini Ducis Burgundiæ,

*Letum die Veneris secunda Octobris  
MCCCXXXIII.*

**P**hilippus Dei gratia Burgundiæ, Lothæ-  
ringiæ, Brabantiæ & Lymburgiæ dux, Ibid.  
Flandriæ, Arthesii, Burgundiæ, Palatina-  
tus, Hannoniæ, Hollandiæ, Zelandiæ &  
Namurci comes, sacri imperii marchio, at-  
que Fritiæ, de Salinis ac Machlinia domi-  
nus, universis præsentibus litteras inspecturis,  
salutem in Domino.

Notum facimus, quod nos constituimus,  
fecimus, & ordinavimus, & per præsentibus  
constituimus, facimus, & ordinamus reveren-  
dissimum, reverendisque in Christo pa-  
tres dilectos & fideles consiliarios nostros  
archiepiscopum Rothomagensem, & episco-  
pos, Cameracensem, Constantiensis, Auti-  
liodorensis confessorium nostrum, Cabilo-  
nensem & Nivernensem: abbates quoque,  
Cisterciensem, S. Sequani, S. Eugendi, &  
de Domino Martino; nec non dominos Jo-  
hannem comitem de Friburgo, Guillelmum  
marchionem de Hoochberg, Guidonem de  
Ponte scisso dominum de Thalemer, Guil-  
bertum de Launois dominum de Willer-  
vval, & Johannem Doccors dominum d'  
Elhay & de Eubeke nostros milites & cam-  
bellanos; postremo magistros Quintinum,  
Menardi præpositum S. Audomari, Johan-  
nem Viviani archidiaconum de Belna in de-  
cretis, Johannem de Fruyno thesaurarium  
ecclesiæ Bisuntinæ in legibus licentiatos  
Henricum de Ruppe præpositum Lausanen-  
sem decretorum doctorem, Johannem Gri-  
boval archidiaconum Rothomagensis, Jo-  
hannem Lavantage canonicum Cameracen-  
sem magistrum in medicina, & Guidonem  
Serrarii bacchalarium in theologia nostrum  
secretarium, nostros veros & indubitatos  
ambaxiatores ac nuncios speciales ad sacrum  
generale concilium Basileense: dantes &  
concedentes per easdem præsentibus omnibus  
ipsis,



ANNO  
CHRISTI  
1433.

ipsis, ac etiam septem ex eis, de quorum fidelitate, industria & probitate ad plenum confidimus, omnimodam potestatem atque facultatem plenariam comparendi & se exhibendi in dicto sacro concilio nomine nostro, standique & interessendi cum quibuscumque principibus ecclesiasticis & secularibus, eorumque ambasciatoribus, praesidentibus, iudicibus, deputatis, ceterisque officariis & personis, in dicto concilio pro negotiis illius tractandis constitutis. Insuper in omnibus congregationibus generalibus, & particularibus sessionibus, deputationibus, aliisque ceteris, locis, actibus & rebus universis ejusdem concilii opportunis; nec non agendi, tractandi, conveniendi, diffinendi & concludendi, una cum praedictis super materiis & agilibus quibuscumque in eodem concilio agendis, discutiendis & expediendis tam pro reformatione generali ecclesiae in capite et in membris, quam extirpatione haeresum et schismatum, pacificatione quoque regnorum et reliquorum Christi fidelium; denique agendi et deffendi pro nobis, ubi et coram quibus opportunum fuerit, et generaliter omnia alia et singula quo supra nomine, gerendi, faciendi et exercendi, quae in praemissis et circa praemissa ac ea concernentia necessaria fuerint, seu quomodolibet opportuna, et quae nos ipsi faceremus aut facere possemus, si praesentes et personaliter interfessemus; promittentes bona fide, et in verbo principis, nos ratum, gratum et firmum perpetuo habere quicquid per praefatos ambasciatores nostros et septem, ut dictum est, ex ipsis actum, dictum, gestumve fuerit in praemissis et eorum singulis, seu alias quomodolibet expeditum. In cujus rei testimonium sigillum nostrum praesentibus litteris duximus apponendum. Datum in villa de Ranieres die prima septembris, anno Domini MCCCCXXXIII.

Per dominum ducem in suo consilio,

Dormassent.

ANNO  
CHRISTI  
1433.

# EPISTOLA ELECTORUM ROMANI

Imperii ad concilium Basileense.

*Significent suam ad concilium adhesionem, orantque citationis papae decretum relaxetur.*

**R**everendissimis reverendisque patribus lb. p. 690. dominis & amicis nostris praecipuis, ac venerabilibus nobis sincere dilectis, in sacra Basileensi synodo congregatis.

Humillima recommendatione praemissa, reverendissimi reverendique patres, ac venerabiles sincere dilecti, &c. Desideratam piis mentibus in ecclesia militante solidam unionem conservari, ac debitum sacri generalis concilii honorem pro viribus nobis collatis indefesse promovere fidei ardore cupientes, ut optata sancta opera sub tranquillitate in unione exsequantur, quae mundo discurrrens fama & primordialis coetus vestra convocatio in ipso concilio peragenda ab initio huc usque referebant, claram in hiis sacro concilio nostram adhesionem dudum pollicitos profitemur, quaecumque nobis pro his sanctis rebus agendis incumbenti onera parati subire, ut extirparis haeresibus, reformatis moribus, bellorumque ac seditionum fomentis de populo sublatis, religio Christiana, concordia unione quietius Deo famuletur. His itaque beatis rebus prudentias vestras praecipue intentas esse populus fidelis affectat, sperans ab imminentiis malis vestro patrocinio liberari. Unde maxime abstinendum, coetus vester amplissimus non ignorat ab his quibus mundum prementibus malis deterius accidere possit: praesertim cum haereses extirpari, reformari mores, ac mundo pax dari cunctisque ecclesiae filiis & membris dulcem in terris pacem oriri a sancta congregatione vestra speretur. Et si his speratis bonis omisus, sacrum concilium dissolutum malis majus malum accumulatum, ac mundum turbine magno agitarum, cui salutis portum promiserat fortioribus fluctibus relinqueret; qualis auctoritas, honor aut reverentia futuris unquam temporibus sacris possit conciliis adhiberi? Nec enim matris pietas, si qua acerbitate offensa fuerit, omnem prolem extremo periculo destinaret, sed potius illatam offensam absque totius dispendio prolis, mansuetudine materna placari subitineret, qua sancta mater ecclesia excelsus insignita cunctos ecclesiae filios latissima pietate invitans, iactura filiorum non committit, quae sub mansuetudine matris poterat salutem deducere. Qua de re ut mundo omnis benignitas ac coetus vestri mansuetudo clarius innotescat, omnique suborta adversus sanctam congregationem vestram linguarum mordacitas a cordibus populi penitus abducatur, ad reverentiam matris ecclesiae & generalium conciliorum ampliorem gloriam, ut firmiter eorum futuris temporibus in populo Christiano succrescat auctoritas in puritate consilii, humiliter

ter rogamus, quatenus immortalis Dei ac totius Christianæ fidei & religionis causas quibus intenditis, ac tempora undique pavore iusto horrenda conscientiarum vestrarum secretis scrutiniis mediantes, decretum monitorium contra SS. dominum Eugenium papam promulgatum, insigni vestra pietate relaxare, ac populum fidelem a multa perplexitate, quam incidet illo non mitigato decreto, eripere more piissimorum patrum benigniter dignemini. Quod enim prudentia agendum constituit, plerumque sine reprehensionis morsu alterat, dum ex constituto proposito evidentibus signis læsionis onera conspiciuntur futura. Sic agant his diebus prudentiæ vestræ, in domino obsecramus, ut laudabilis mundo succedat eventus, virisque letiferum latitans sepulchrum claudatur, ne confurgens unionem in ecclesia Dei dissolvat, ac multitudinem deferat animarum & corporum in ruinam, quoniam pro puritate concordie inter cœtum vestrum celeberrimum ac S. D. N. Eugenium papam ad serenissimum dominum nostrum imperatorem nostros quantocius destinabimus oratores, imperatoriam attentis mentibus rogaturi majestatem, ut eundem SS. D. N. papam diligentius obsecret, ac filiali instantia admoneat ea confestim efficere, quæ ad sacri confirmationem Basileensis concilii; & eorum prosecutionem propter quæ congregatum existit, pertinere videntur, & suæ sanctitati incumbunt agenda, nostris etiam laboribus, & per nostros fideles, Deo auctore, modos omnes quos cognoverimus opportunos fidis animis agemus, ut omni extincta discordia cœtus vester circa extirpationem hæresum, reformationem morum ac procuracionem pacis gratia spiritus sancti salutariter versare poterat. Non modicum enim pro sperata novissima ad dominum nostrum sanctissimum Romanum pontificem nostra destinata legatio, spem mentibus nostris affert, serenitatem posse obtinere concordie, si voris nostris sancta congregatio vestra assensum præbuerit. Hæc cordis nostri desideria oratores aliquorum ex nobis præsentium exhibitores distinctiori relatione explicabunt. Quibus plenam credentiæ in præmissis fidem adhibere, ac ea nobis quæ super his preces nostræ obtinuerunt, grata responsione remittere dignentur reverendissimæ reverendæque paternitates vestræ, quas pius & misericors Deus pro salute populi feliciter dirigat & conserve. Datum Francfordiæ septima die mensis septembris MCCCCXXXIII.

A Conradus Moguntinensis.  
Theodericus Colonienſis archiepiscopi.  
Ludovicus comes Palatinus Rheni, &c.  
& Bavarie dux.  
Fredericus dux Saxonie & marchio Mis-  
nenſis.  
Et Fredericus marchio Brandeburgensis &  
Burgravius Nurembergensis omnes sacri im-  
perii electores.

EPISTOLA CREDENTIALIS

Ducis Sabaudie ad concilium Basileense.

R Everendissimis reverendisq; in Christo ib. p. 638.  
patribus ac ceteris venerabilibus sacro-  
sanctum Basileense concilium celebrantibus  
amicis meis præstantissimis.

Reverendissimi reverendique patres, & ce-  
teri venerabiles amici præstantissimi, debita  
recommendatione præmissa. Ad vestram  
reverendissimam communitatem deputo dile-  
ctos fideles consiliarios & oratores meos,  
spectabiles, egregios & circumspectos domi-  
nos Johannem de Seybello, dominum Baria-  
sti consanguineum, Guillelmum de Mentho-  
ne, Bonifacium de Saxo milites, Ludovicum  
Letardi in theologia magistrum, & Nico-  
dum Festi, quibus una cum reverendissimis  
in Christo patribus (a) Gebennensis & (b)  
Bellicensis episcopis (c) S. Eugendi, Abun-  
dantiæ & de Six abbatibus ceterisque orato-  
ribus meis, penes vos jam degentibus, non-  
nulla commissi reverentiis vestris mei parte  
credentialiter proponenda; relatus quo-  
rum firmiter tamquam mihi credere digne-  
mini. Altissimus in cujus nomine & opere  
congregati estis, vos dirigat & conserve  
feliciter & votive. Scriptum Thononli die  
XXIV. septembris MCCCCXXXIII.

Dux Sabaudie.

Fabri.

E

BUL-

(a) Johanne de la Rochetaillie, facto postea archiepiscopo Rothomagensi, Bisuntino, & car-  
dinali. Martene

(b) Percevallo de la Baume a Felice V. postea patriarcha Gradenſi. Martene

(c) Abbatis S. Eugendi vulgo S. Claude ordinis S. Benedicti in Monte Jura diocesis Lugdu-  
nenſis, Abundantia olim ordinis S. Augustini, nunc Fulienſis Congregationis, Six abbatia ordinis  
etiam S. Augustini, utraque in diocesi Gebennensi. Martene



EPISTOLA SIGISMUNDI

Imperatoris ad concilium Basileense.

*Quid egerit cum Venetis & cum papa  
pro retinendo in concilio cardinali  
Bononiensi.*

**R**everendissimis reverendisq[ue] in Christo patribus, &c. Dum pridie hanc civitatem Mantuæ feliciter intraremus, occurrit nobis vester nuncius, afferens bullam, in qua V. P. nobis lamentationem faciunt de communi Venetorum, quod reverendissimum cardinalem Bononiensem requisivit sub certis pœnis, ut a concilio sacro recedere debeat. Supplicatisq[ue] nobis, ut talia apud summum pontificem, cujus instigatione hæc fieri creditis, apud dictum commune interciperet dignaremur, quemadmodum series dictæ bullæ vestræ hæc omnia in se clarius continet, quibus quidem R. P. displicenter auditis, mox oratores Venetorum, qui, in notabili numero & apparatu modo nobiscum sunt, aversatos fecimus, ipsiq[ue] seriose expressimus, ut suum dominum aversare vellent de rebus huiusmodi: quoniam illis non sopitis, perniciose scandala possent succedere, tradimusq[ue] eis copiam bullæ P. V. cum qua mox & subito per eos Venetias missum est, cotidieq[ue] præstolamur responsum. Et quicquid abinde nos ipsiq[ue] habuerimus, V. P. illico transmittemus. Similiter facturi sumus erga dominum summum pontificem, notificantes V. P. quod per Dei gratiam profpere huc advenimus, & sine ulteriori dilatione gressus nostros ad Basileam maturabimus, sperantes in domino quod ante expirationem termini per V. P. domino summo pontifici ad nostras preces prolongati, de quo eisdem P. V. summas grates referimus, ejus gratia largiente, vobiscum constituemur, confidentes omnia felici & sancto fine concludi. Rogamus ergo P. V. ut si aliquis, quemadmodum plerique mortalium proni sunt ad zizaniam seminandam, forassis conaretur V. P. aliquas novitates suggerere, illi aures minime præbeatis, sed quiete nostram felicem adventum præstolari velit ad complacentiam nobis gratissimam. Datum. Mantuæ die XXVI. mensis Septembris regnorum nostrorum, anno Hungariæ, &c. XLVII. Romanorum XXIV. Bohemiæ XIV. imperii vero I.

Sigismundus Dei gratia Romanorum  
imperator semper augustus.

A

LITTERA DOMINORUM

Episcoporum de Armenia, &c. missa  
sacro concilio penultima julii  
MCCCCXXXIV.

*De unione facienda cum Armenis & ecclesia Romana.*

**S**acrofanctæ generali synodo Basileensi in Spiritu sancto legitime congregatæ universalis ecclesiam representanti.

**B** Reverendissimi reverendiq[ue] patres domini, & amici præstantissimi, ac venerabiles sincere dilecti in sacro concilio Basileensi ac synodo congregati, recommendatione devota ante lata. In lapide angulari Jesu Christo militantem & solidatam ecclesiam, domino nostro auctore, virtute sua omnipotentem nos & vos dirigat, & qui pium opus incepit perficiat, cum ipse Dominus in evangelio dicat *ubi duo vel tres fuerint congregati in nomine meo, ibi ego in medio eorum sum*. Inspiciant ergo vestræ paternitates, quod nos Johannes episcopus destinatus per dominum nostrum patriarcham totius ecclesiæ Armeniæ ad partes Constantinopolitanas, pariter & episcopus Iaias civitatis præfatæ pro ecclesia Armeniorum, habuimus conferre super facto unionis, pacis, ac concordie totius ecclesiæ sanctæ Dei, Latine, Orientalis, & præsertim Græcæ & nostræ, cum ambasciatoribus vestris destinatis, pro hac sancta conclusione ad dominum nostrum imperatorem Romanorum, principaliter & præcipue ut suos ambasciatores illic transmittat, & nos ipsi hoc idem requisiti pro parte vestri concilii faciamus, & indefinenter mittamus ad illam sacrosanctam synodum: verum quia in primis tribus conciliis antiquis Nicæno, Ephesino & Constantinopolitano responso fuit data in determinatione præmissorum conciliorum persistere; nunc autem habemus patriarcham nostrum, multosq[ue] prælatos & doctores fixos secundum dogma ecclesiæ nostræ Armeniæ, & quasi utique ad mortem, ob quam causam ad præsens difficile est nobis ad plenum respondere. Nam circa hanc rem meliori iudicio ac consilio vestri ambasciatores pro parte vestra ample & abunde, immo prudenter & complete scripserunt per me Johannem antedictum patriarchæ nostræ, & quicquid facturus sit pro conclusione hac sancta in litteris mihi assignatis sibiq[ue] deferendis continetur de verbo ad verbum, & nisi forent itinera prava, via prolixa, discrimina guerrarum & pericula magna, vestri ambasciatores polliciti sunt personaliter illic se transferre. Ideo præ meliori elegimus scribere, & cum minori periculo speramus inde ipse patriarcha noster cum suo clero & cum suis prælatis, habita matura deliberatione, dare bonam & plenam responsonem, & prout Altissimus inspirabit, fiet. Nihilominus scitote, quod gens nostrorum Armeniorum dogma approbatum per papam Silve-

ANNO vestrum & Gregorium magnum Armeniæ episcopum, necnon per ferenissimos & clementissimos imperatores, Constantinum & Tirtacum, sic dictum, tunc temporis imperatorem prædictæ magnæ Armeniæ, tenet firmum & ratum habet. Porro tunc temporis editum fuit per ecclesiam Romanam, quod nos celebraremus in pane Azymo meroque vino, & in testimonium hujus ad perpetuam rei memoriam de vino ipso mero celebrationis posito in atramento (a) dictum dogma scriptum fuit, asserens quod deinceps Latini & Armeni & omnes Christiani erant fratres in Christo Jesu. De hoc quidem veritatem habemus in chronicis antiquis tempore SS. papæ Silvestri, qualiter & quomodo de his verbis & sermonibus sit. Tamen quicquid patriarcha cum suis prælatis & sapientibus faciet & determinabit de materia hac, tenebimus & habebimus ratum, firmum & indubitatum. Nobis multum extitit difficile in unum fore congregati, cum gens nostra fere tota sit dispersa in diversas partes barbarorum, Tartarorum, Turcorum & infidelium, & quod pejus est, facta subdita & tributaria: ita quod propter prædicta non habemus facultatem pro expensis fiendis, quod dolendum est. Verum tamen ille qui est auctor cunctorum, & qui de nihilo aliquid potest, & per ipsum omnia facta sunt & fiunt, illud quod nobis videtur impossibile fieri, fiat possibile. Amen. Datum, &c. die ultima mensis septembris MCCCCXXXIII.

Vestri filii dilecti Isaïas & Johannes episcopi ecclesiæ Armeniæ, &c.

## PETITIO OBLATA

Per dominos ambassiatores illustrissimorum dominorum ducum Burgundiæ & Sabaudia lecta in congregatione generali die Venetis secunda mensis octobris.

ANNO  
CHRISTI  
1433.

Illustrissimi principes & domini nostri metuentissimi, domini duces Burgundiæ & Sabaudia, ecclesiæ sanctæ & hujus sacri concilii Basileensis devotissimi, quasdam differencias inter dominum nostrum summum pontificem Eugenium & hanc sacram synodum Basileensem exortas esse dolenter compierentes, quæ si in longum protraherentur, in magnum totius populi Christiani discrimen & scandalum devolvi possent, fidelis orthodoxæ, ecclesiæ atque hujus concilii res & facta filiali affectu devotissime accurantes, ut tantis periculis emerisus auferendis rebus propriis non parentes, pro viribus suas operas, uti tenentur, impendere valeant; diligenti consultatione habita, in unam tandem firmam conclusionem, nos suos exiguos servitores simul cum aliis principibus & dominorum parte hac eisdem adherere volentium ambassiatoribus requestam præsentem huic sacro concilio explicandam mandaverunt. Proinde nos attendentes, quod concordia inter prædictum dominum nostrum summum pontificem & hoc præsens concilium, in tantum toti mundo extitit desiderabilis, ut pro ea adipiscenda nulla rationabilis requesta fienda cuicumque viventi displicenda putanda sit: etiam quod ferenissimus invictissimusque princeps & dominus, dominus imperator pro eadem concordia obtinenda, aliique quam plures illustrissimi principes innumeros labores assumerunt, & a quibus præfati nostri principes & domini nostri metuentissimi expertes esse non vellent, cum omni reverentia, humilitate, devotione, & affectione eorundem dominorum parte deprecamur, exoramus & supplicamus, ut pro vitandis tantis periculis & scandalis, hoc sacrum concilium dignetur continuare & prorogare absque innovatione quacumque, decretum super suspensione ab administratione papali contra dictum dominum nostrum summum pontificem factum, usque ad tres menses, inchoantes a die responsionis nobis assignandæ, infra quos nostri prædicti principes & domini suos oratores ad sanctitatem ejusdem domini nostri transmittere voluntarie offerunt, ad supplicandum, exhortandum, inducendum & requirendum sua parte ejusdem domini nostri sanctitatem, ut absolute & de plano huic sacro concilio adherere dignetur. Verum

lib. p. 641.

Concilior. Supplem. Tom. IV.

(a) Vide quæ de subscriptionibus cum calamo sacro calici intincto olim factis diximus in lib. 1. de antiquis ecclesiæ Ritibus cap. 5. art. 4. num. 3. Martene.



ANNO  
CHRISTI  
1433.

rum si eadem sua sanctitas, quod Deus avertat, tam devote petitis intendere contemserit, disci nostri principes generale ecclesie bonum tantis iacturis & discriminibus exponi ægre ferentes, huiusque sacre synodi reverendissimorum reverendorumque in Christo patrum & aliorum dominorum periculis, laboribus, & expensis compatiētes, ad fidei orthodoxe ecclesieque universalis bonum, debitum suum sic peragere studebant, quod merito præsens sacrum concilium debuerit contentari.

#### DISPUTATIO (\*) FACTA

*Inter dominos cardinalem S. Angeli præfidentem concilio Basileensi, & archiepiscopum Spalensem oratorem domini Eugenii papæ IV.*

Ib. p. 643.

**I**N nomine Domini. Amen. Anno a nativitate ejusdem MCCCCXXXIII. die Veneris XVI. Octobris, dominis cardinalibus, patriarchis, archiepiscopis, episcopis & aliis ceteris per sacrum concilium Basileense deputatis, & existentibus ibidem ambassiatoribus domini nostri papæ, aliorumque regum & principum, in præsentia invictissimi Sigismundi Romanorum imperatoris semper augusti, & aliis pluribus in multitudine copiosa, reverendissimus in Christo pater dominus Julianus S. Angeli cardinalis diaconus in Germania legatus, & sacri concilii præfident, habita prius quadam brevi collatione, per quam in effectu, postquam se excusabat si quid minus bene diceret, & quæcumque per eum dicenda, omnium correctioni & emendationi subiciebat, exorsus est dicendo, quod licet tantæ auctoritatis sint decreta conciliorum, quod cuilibet Christiano debeant pro ratione sufficere, tamen quia juxta B. Petri doctrinam parati esse debemus omni poscenti reddere rationem de ea, quæ in nobis est, fide, justitia & veritatæ, pro quibus hoc sacrum concilium instat, luce meridiana clarius toti orbi constaret; ipse vellet ex multis clariora quædam dicere, ut obloquentibus contra concilium non esset detrahendi locus; adjiciens, quod licet concilium a principio sui passim fuerit continue multas impugnationes & angustias, nec tamen adhuc patres minus confidebant justitiam concilii prævalere debere, cum, sicut a principio ecclesie, patribus qui pro ipsa decertabant, contigerat, Christo præmonente: *Si me persecuti fuerint, & vos persequentur; & Apostolo: Qui pie volunt vivere in Christo, persecutionem patientur.* Sed cum propheta sperabant dicente: *Multæ tribulationes iustorum, & de omnibus his liberavit eos Dominus.* Et subjunxit post hæc, quod causa quæ

A in præsentia agitur, non est inter papam & patres de concilio singulares, pro interesse suo aut commodo privato, sed inter sanctam matrem ecclesiam & ipsum papam, super honore & auctoritate ipsius ecclesie, videlicet pro observandis & exsequendis decretis sacrorum conciliorum, permaxime sacratissimi concilii Constantiensis, exorans omnes ibi existentes, viriliter decertare pro his paternis legibus observandis, & ne ullo pacto paterentur leges ipsius infringi. Et demum his per se præmissis, proposuit questionem in terminis qui sequuntur.

Quæstio est, an summus pontifex potuerit facere dissolutionem. Sacrum concilium dicit papam non potuisse dissolvere concilium sine consensu concilii. Papa vero dicit contrarium.

*Quæritur quid juris.*

1. Et incipiens dominus legatus allegare pro parte concilii, legit decretum tertie sessionis concilii Constantiensis, quod dicit primo. Quod quodlibet concilium legitime congregatum representat ecclesiam universalem militantem. 2. Quod habet potestatem immediate a Christo. 3. Quod sacro concilio & decretis ejus quilibet, etiam si papalis dignitatis existat, obedire tenetur in tribus: scilicet in his quæ pertinent ad extinctionem hæresum, morum reformationem in capite & in membris, & pacem in populo Christiano ponendam. Ad idem legit aliud decretum Constantiensis ejusdem sessionis, quo cavetur: quod quicumque, etiam si papalis auctoritatis existat, obedire decretis ipsius concilii & alterius generalis concilii recusaverit in præmissis & pertinentibus ad ea, puniri potest, & condignæ poenitentiae subijci, ex quo videtur evidenter ex isto textu, quod papa est inferior concilio, quod representat militantem ecclesiam, quia ipse est pars, concilium vero totum.

2. Item, concilium potest papæ legem indicare & mandare: ergo papa est inferior; quia inferior nunquam punit superiorem, aut sibi præcipit. Credo, serenissime princeps, quod tenetis illa concilii Constantiensis decreta sanctissima. Gregorius quoque venerabatur quatuor concilia prima, sicut quatuor evangelia, ratione motus, quia facta sunt ab universali ecclesia & a Spiritu sancto; quæ ratio habet locum in aliis conciliis. Idem Augustinus, qui dicit, quod ecclesia constringitur evangelii & communi omnium traditione. Sicut ergo illa tenetis, ita reputetis ista decreta firma sicut evangelia.

3. Item, sancti doctores, maxime Hieronymus, venerati sunt permaxime concilia generalia, & dixit ipse alias disputans contra Luciferianum hæreticum, præter multas rationes & argumenta. Poteram omnia tua argumenta hoc uno sole siccare, loquens de con-

(\*) In codice Navarræ hæc ita legitur inscriptio: *Disputatio habita per dominum legatum cum ambaxiatoribus papa super dissolutione, an valuerit, &c. reportata per magistrum Stephanum de Navarra MCCCCXXXIII. die decima sexta mensis Octobris. Martene.*

ANNO  
1433.  
auctoritate concilii, quod determinaverat  
contrarium ejus, quod ille hæreticus tene-  
bat.

4. Item, per leges civiles poena imponi-  
tur dicentibus contra decreta concilii: aut  
ea revolvere volentibus l. 3. c. de *falsam.*  
&c. In concilio quoque Chalcedonensi, ha-  
bendo mentionem de concilio Nicæno, di-  
citur: Qui hujusmodi retrahat, gratiam Spi-  
ritus sancti casat, deinde subicitur; quando  
celebratur, qui habet dicere, dicat; nam post  
statuta publicata, si quis contradicit, pel-  
latur de civitate, & fuit N. imperator.  
Item, laicus dicit: Nullo modo debetis de  
synodi decretis disputare, quia non licet no-  
bis, & ex his videmini habere fundamenta  
pro concilio. Restat modo videre de con-  
troverfia, scilicet an papa potuerit dissol-  
vere. Et respondetur quod non potuit, sed  
quod tenetur dissolutionem revocare, & au-  
ferre injuriam, quam sanctæ matri ecclesiæ  
fecerat dissolvendo hoc concilium, quod ad  
tria bona maxima & necessaria erat con-  
gregatum, scilicet ad extirpationem hære-  
sim, reformationem morum in capite & in  
membris, & ad pacem procurandam in po-  
pulo Christiano.

5. Et quod non potuerit dissolvere papa,  
probat, primo ex decreto ex quo habetis  
expresse quod non, quia inferior non potest  
tollere legem superioris, sed concilium est  
superius, ut dixi: ergo, &c. Secundo, fa-  
peret contradictionem, quia concilium dicit  
quod papa tenetur obedire; ergo non potest  
dissolvere contra voluntatem concilii, & sic  
non obedire est contrarium decretis concilii,  
quæ volunt quod teneatur obedire: nam,  
quomodo deberet concilium præcipere ali-  
quid papæ, aut præciperet, si papa id po-  
tesset destruere aut dissolvere? aut quomodo  
obediret concilio, si destruat ipsum? Ter-  
tio, jura volunt, quod in his quæ pertinent  
ad universalem statum ecclesiæ, papa nihil  
potest immutare, & habetur 21. q. 1. *Con-  
veneris*. Sed celebratio generalium concilio-  
rum concernit statum ecclesiæ universalis,  
ut patet in proœmio c. *Frequens*. Igitur  
papa circa primum, nedum potuit dissol-  
vere, sed nec aliquid immutare. Item, ante  
concilium Constantiense, si agebatur de hæ-  
resi, papa non poterat dissolvere, & erat  
subiectus concilio, ut in c. *Si papa* 40. d.  
Sacrum concilium Constantiense præterea  
æquiparavit alios tres casus. Igitur non po-  
test in aliis, sicut nec in causa hæresis, cum  
de similibus idem debeat esse judicium. Item,  
per concilium Constantiense fuit adhuc de-  
claratum, quod papa non potest dissolvere  
concilium, quando declaravit concilium,  
quod si quid fieret per Johannem post ejus  
discessum, nihil valeret. Item, concilium  
Constantiense declaravit discessum Johannis  
scandalosum & turbativum universalis status  
ecclesiæ, & tamen per talem fugam non  
dissolvebatur concilium Constantiense; mul-  
to magis ista expressa dissolutio turbativa  
est & scandalosa. Item, concilium Constan-  
tiense voluit concilia fieri ad reformationem  
ecclesiæ in capite & in membris. Si papa  
potest dissolvere, quod verisimile faceret, si  
fentiret aliquid fieri contra eum, frustrare-

Concilior. Supplem. Tom. IV.

ANNO  
CHRIST.  
1433.

A tur omnis effectus illorum patrum & con-  
ciliorum. Item, ex mente arguentis prohi-  
beretur ibi prorogatio & loci mutatio; ergo  
multo magis dissolutio, quia prorogatio non  
tollit, sed differt, juxta illud: quod differtur  
non aufertur. Dissolutio vero totum annihilat.

6. Item, ex alio articulo probatur, quia  
dicit decretum concilii Constantiensis, quod  
anquam dissolvatur concilium, eligatur lo-  
cus pro futuro concilio, consentiente & ap-  
probante concilio. Ergo debebat concilium  
Basileense consentire & approbare loci ele-  
ctionem. Item, cum jam Bohemi fuissent vo-  
cati ad declarationem Catholice veritatis, si  
concilium ante adventum eorum recessisset,  
ipsi dicerent & dixissent, ut populus  
etiam merito æstimare potuisset, quod quia  
non credebant se resistere posse ipsorum ar-  
gumentis, ideo patres de concilio fugiebant.  
Et crederetur, quod illi veritatem tene-  
rent, quod manifeste fuisset in scandalum,  
damnum & oppressionem fidei. Item, cum  
hic esset congregatum, decebatne summum  
pontificem saltem ex honestate dissolvere si-  
ne consensu concilii, & ex falsis causis, ut  
constat omnibus evidentiissime, præsertim  
ubi dicit regnum Bohemiæ finitimum huius  
civitatis, quod nedum est finitimum, immo  
ad dietas saltem XV. remotissimum? Item,  
quod civitates finitimæ erunt infectæ hæresi  
Bohemica, quod non est ita, immo \* exper-

C res sunt, quia sunt gentes earum magnæ  
devotionis. Item, dicit quod vocavimus Bo-  
hemos, & quod illud non erat faciendum  
ullo modo. Sed si quis legat jus naturale,  
canonicum, & theologum; inveniet, con-  
cordantibus omnibus doctoribus, posse dis-  
putari cum hæreticis saltem duplici respec-  
tu, 1. ad confundendum eos, 2. pro eorum  
reductione. Et si quis bene legerit gesta con-  
ciliorum, inveniet, quod hoc fuit prædica-  
tum in duodecim conciliis. Et quia dicitur  
per nonnullos, quod non est scandalum na-  
tum ex dissolutione; certe magnum subor-  
tum est, & adhuc quotidie per eum turba-  
mur; quotidie sunt scandala, quotidie dis-  
sentiones. Nonne fuit scandalizata vestra  
majestas, quæ statim audita dissolutione,  
scripsit concilio, quod mallet sepeliri vi-  
vus, quam quod pateretur dissolvi? Nonne  
scandalizati sunt alii reges et principes, qui  
miserunt ambasiatores ad papam, ut tolle-  
ret dissolutionem, reputantes eam magnum  
in ecclesia Dei scandalum peperisse? Si non  
fuisset dissolutio, jam facta esset reformatio.  
Sed respondeant mihi ad discessum Johannis  
XXIII. quia ille non fuit expressa dissolutio,  
& tamen fuit declaratus scandalosus. Ergo ista  
expressa dissolutio multo magis, ut supra dixi,  
scandalosa fuit. Multa alia possent adduci pro  
ista parte, serenissime princeps, quæ ideo præ-  
teribo, quia nollem majestatem vestram tedio  
afficere. Et quia jam sacri concilii iustitiam  
videris, modo restat ut veniam ad bullas  
nunc præsentaras, & eas non satisfacere vo-  
tis nostris ostendam.

7. Prima bulla dat potestatem oratoribus  
papæ, quod si et in quantum sacrum concilium  
revocet, quæ fecit contra papam, etc.  
illi e contra revocare possint quæ papa fe-  
cit contra concilium et præsupponit papa,  
quod

H h h 2

\* al. Ego  
expertus  
sum

\* al. pa-  
tiendum



ANNO  
CHRISTI  
1433.

\* provide-  
ro.

quod sit questio de privatis commodis inter concilium et ipsum, quod non est verum; quia questio est inter ecclesiam et ipsum. Voluit enim ecclesia sua jura tueri, nam non potest fieri universalis reformatio, nisi in concilio: si quando congregatum dissolvitur, quando fiet? certe nunquam. Vult igitur procedere \* ut fieri possit. Et dicite, precor, post concilium Constantiense, quid fecit concilium Senense? quid istud? certe nihil adhuc propter dissolutionem. Si in viridi et in decretis ita novis existentibus, prout sunt, papa hoc facit, quid faciet hinc ad centum annos, si concilium cederet et papa obtineret? nihil aliud dicere possemus, nisi quod actum esset de Christiana religione, et principes qui nunc favent papæ, essent causa quod papæ essent in futuro pessimi, et nullus esset qui auderet eis dicere quicquam.

8. Vult ergo concilium omnibus his malis occurrere, quantum potest. Præsupponit et dicit, nos attentasse multa contra sedem apostolicam et seipsum. Absit hoc a nobis, ut aliquid contra sedem apostolicam attentemus, immo illius auctoritatem vellemus augere; et si bene videantur decreta nostra, invenietur, quod omnia faciunt pro sede apostolica, et etiam pro ipso domino Eugenio, si bene vellet vivere, et salutem animæ suæ desideraret. Citavimus eum bis, obaudivit? Serenitas vestra misit primo ad eum plures, postea personaliter instetit apud eum, ut dissolutionem revocaret; principes etiam alii miserunt omnes, obaudivit? Sed libenter audirent quæ sunt attentata contra sedem apostolicam vel libertatem ecclesiæ. Certe nihil factum est, quod fieri non potuerit et debuerit. Primo videamus; misimus a principio oratores nostros ad eum supplicandum, ut revocaret dissolutionem. Secundo, citavimus eum, sicut sancta concilia sæpe summos pontifices citaverunt, nedum propter hæresim, sed propter deformitatem vitæ, ut de Johanne XII. propter fornicationis crimen, et quia scandalizabat ecclesiam, etiam potuimus. Terrio, est factum decretum monitorium suspensivum, de quo audi vi ab homine fide digno, quod papa illud nominat tonitruum, et bene potest sic nominari, quia tonitruum descendit de cælo, et sic hoc esset tonitruum quondam cælitus et a Spiritu sancto indubie inspiratum. Ipse dicit quod ita facere, vel dicere, quod concilium possit suspendere papam, est hæreticum et prophanum. Et sic hæreticat nos. Si hoc verum est, ergo Concilium Constantiense, quod suspendit Johannem priusquam eum deponeret, est hæreticum. Ergo alia concilia quæ idem fecerunt, essent hæretica. Sed cum concilium Constantiense & bulla Martini dicat, quod si quis diceret concilium non posse facere omnia in his quæ pertinent ad reformationem in capite & in membris, & in aliis casibus expressis in decreto, esset hæreticus. Ergo de ipso quid dicendum sit, qui aliud affirmat, vos videtis. Inviti venimus ad hanc monitionem, sed necessitas ecclesiæ & istius pertinacia ita facere nos compulit. Patet igitur, quod in his nihil est injustum, aut contra sedem a-

postolicam, vel ipsum dominum Eugenium, si ipse debitum suum facere vult.

9. Est aliud decretum, quod electio papæ fieret in hoc loco, si contingeret, durante concilio, sedem apostolicam vacare. Hoc decretum iustissimum est, & ex causa legitime factum. Hoc enim ideo fecit concilium, quia vellet ecclesia, si vacaret sedes, providere de bono pastore & bono modo eligendi. Istud autem in nullo alio loco melius fieri poterat, quam in concilio.

10. Item, fuit alia ratio. Sacrum concilium vocaverat omnes cardinales, ex quibus jam plures venerunt, ut videtis, & alii venient. Ad eos autem pertinet summi pontificis electio ex jure. Non ergo videbatur æquum, ut apud unum qui nollet venire, sed malignari, ceteris obedientibus, remaneret electio.

11. Est tertium decretum, quod papa non faceret cardinales. Dicunt aliqui, concilium non potuisse facere tale decretum; sed legant decreta concilii Constantiensis, & videbunt illud idem statuisse, ne Johannes XXIII. post discessum faceret cardinales. Et si illud factum fuerit propter discessum, multo magis hoc fieri potuit hic propter dissolutionem.

12. Item, est magnum interesse ecclesiæ, quod sit bonum caput & boni consiliarii, qui sunt cardinales, qui regant ecclesiam. Conveniens igitur est, quod sint de omnibus mundi partibus & viri electissimi, & cum sacrum concilium vellet circa assumptionem & numerum cardinalium modum apponere, fuit hujusmodi decretum convenientissimum.

13. Item, ex fide dignis personis habebatur, quod multa promittebantur aliquibus, si operam darent, quod eorum principes non adhererent, & sunt hic præsentis aliqui ex illis, quibus hujusmodi promissiones factæ fuerunt. Ergo ita facere injustum non fuit, ut ecclesiæ utilitati provideretur.

14. Item, hæc prohibitio temporalis est, & si debitum suum fecisset, omnimodum habuisset potestatem.

15. Item, conqueruntur consequenter de commissione regiminis civitatis Avenionensis, facta reverendissimo domino meo S. Eustachii. Sed in hoc nullam habent justam causam querelæ. Nam cum ille, qui civitatem illam regebat, esset inimicus concilii, & impediret volentes venire ad concilium, necesse fuit, ut opportune provideretur. Item, concilium non commisit uni extraneo, sed uni ex nobilissimis membris ecclesiæ, & non sine causa, sed instantibus oratoribus civitatis Avenionensis, qui de ipso provideri rogabant. Item, non fuit hujusmodi commissio perpetua, sed temporalis, donec provideretur aliter concilium cum papa. Item, conquerebantur cives quod non servabantur eorum consuetudines & privilegia, quæ tria officia, quæ solebant dari tribus præstantissimis viris, & ex necessitate dari debebant, quia ab uno appellatur ad alium, videlicet episcopatus, vicariatus civitatis, & rectoratus comitatus \* Venesini, erant data uni soli, & sic unus & idem erat episcopus, gubernator, sive legatus civitatis & re-

ANNO  
CHRISTI  
1433.

\* al Vice-  
comitatus.

ANNO  
CHRISTI  
1433.

reſtor comitatus. Et ſic ipſe idem erat ju-  
dex a quo, & judex ad quem; & ex his  
aſſerebant ſe plurimum de ſcandalis & guer-  
ris in patria dubitare, ultra eas turbatio-  
nes, quæ prius fuerant, & adhuc durabant,  
quibus legatus papæ non erat ſatis aptus  
obviare. Et quamquam ſuper his apud ſum-  
mum pontificem querelam feciſſent cives,  
non erat tamen uſque ad hoc proviſum, im-  
mo de proviſione deſperabant. Fuit ergo  
neceſſe ut concilium provideret. Et quia  
nonnulli aſſerunt concilium hoc facere non  
potuiſſe; reſpondeant mihi, ſi papa, qui tam-  
quam caput miniſteriale habet ab eccleſia  
adminiſtrationem, hoc facere poteſt, cur non  
& eccleſia ipſa? Nam & doctores noſtri  
tradentes exemplum de rege, qui de regno  
ſuo diſcedens, dimiſit poſtam in regno, &  
adminiſtorem unum, cui omnem poteſta-  
tem gubernandi & adminiſtrandi tradidit;  
dicunt quod ſi ille voluerit quicquam face-  
re in dedecus & verecundiam poſtæ, quod  
poteſt poſta ſibi reſiſtere. Sic & in caſu no-  
ſtro dicendum eſt, univerſali eccleſiæ con-  
gregatæ licuiſſe committere talem admini-  
ſtrationem, cum videret adminiſtorem per  
papam deputatum, in dedecus & detrimen-  
tum eccleſiæ laborare, & totis viribus in-  
niti, quomodo ipſam eccleſiam, per hoc ſa-  
crum concilium repræſentatam, deſtrueret  
& annihilaret. Ex quo etiam aliud inferitur,  
videlicet quod decretum hujusmodi ſacri  
concilii, per quod declaratum fuit, papam  
non potuiſſe diſſolvere, valuit & licite fieri  
potuit. Et ſi hæc & ſimilia diceremus eccle-  
ſiam facere non poſſe, certe ſequeretur  
Chriſtum minus ſufficienter providiſſe eccle-  
ſiæ ſuæ ſanctæ, quod nullatenus eſt dicen-  
dum.

16. Conqueruntur de cauſis conſequenter,  
ſed nonne in concilio Conſtantiienſi fuerunt  
dari quatuor iudices, qui de cauſis cogno-  
ſcerent? Nonne concilia provincialia & ge-  
neralia de cauſis cognoſcunt? Certe ſic. Et  
ſi quis legerit Iſidorum & alios libros con-  
ciliorum, inveniet concilia de cauſis cogno-  
viſſe. Item, hoc factum eſt ex neceſſitate,  
quia papa omnes, qui erant in concilio, per-  
ſequabatur, neque quiſquam erat, qui ſpe-  
raret juſtitiam poſſe conſequi in curia Ro-  
mana, etiamſi juſ optimum haberet; \* vi-  
deſumusque experientiam in magiſtro Johanne  
de Polemar ſacri palatii apoſtolici cauſarum  
auditoris, qui modo eſt in Bohemia pro  
concilio. Nam cum propoſita eſſet cauſa  
contra eum in Romana curia in conſiſtorio,  
papa dixit expreſſe contra eum, dicens quod  
dictus magiſter Johannes erat contra eum,  
cum aliis de concilio. Item, hoc pertinet  
ad unum de articulis, propter quod congre-  
gatum eſt concilium, ſcilicet pacificationem,  
cum per diſſinitionem cauſarum habeatur pax,  
litibus perentis.

17. Conqueruntur de adminiſtratione ge-  
neralata Humiliatorum, pro qua ſatis eſt  
allegare, quod fecimus id, quod etiam ſimi-  
liter fecit concilium Conſtantiienſe, quod ſuo  
tempore commiſſi cuidam adminiſtrationem  
eccleſiæ Olomucenſis, & adminiſtrationem  
eccleſiæ Ariminenſis ipſi domino Eugenio  
tunc cardinali & domino Bononiienſi. Sed

& hoc ratio nobis ſuaſit; nam videbamus  
imminere periculum, ne forte alius ſuſpe-  
ctus illuſtri principi domino duci Mediolanenſi  
poneretur ad illud officium: quia non igno-  
rabamus papam inimicari, ipſi domino duci,  
ex quo cum generalis ille ſemper ſolitus ſit  
ſtare Mediolani, quia major pars conven-  
tuum illius ordinis eſt in dominio dicti do-  
mini Mediolanenſis, verſimiliter dubitaba-  
mus, ne quid deterius ordini deveniſſet. Item,  
licet eccleſia non ſoleat ſe de rebus mini-  
mis intromittere, ſicut iſta eſt: poteſt ta-  
men, ſi vult, & hoc ita facere hic perſuaſit  
hujus ordinis utilitas, ne forte, ſi domino  
duci ſuſpectus datus fuiſſet, reclamaret ipſe,  
ſicut poteſt ſecundum traditionem doctorem,  
maxime Innocentii in c. *Super his*, de ac-  
cuſa. Et bene ſcit majeſtas veſtra quod  
quando erat in Conſtantia, ſi qui voluiſſent  
poni in regno veſtro, qui erant vobis ſuſ-  
pecti, reclamabatis. Sicut ergo majeſtas ve-  
ſtra, licet rebus maximis præſedita, non  
ſolet ſe de minimis intromittere, poteſt ta-  
men ſi vult; ita & in eccleſia dicendum eſt.  
Item, ſi eccleſia poteſt ſtatuerre leges ſuper  
omnibus beneficiis conferendis, multo ma-  
gis poteſt de una eccleſia providere. Item,  
providit non perpetuo, ſed uſque ad bene-  
placitum concilii, & ſine præjudicio alicuius.  
Item, providit archiepiscopopo prohibi-  
tione viro, nullas alias obventiones eccleſiaſ-  
ticas habenti; neque providit homini ingra-  
to ipſi ordini, ſed poſtulato a majori parte  
ordinis, videlicet a præpoſitis quinquaginta  
conventuum. Non ergo temere hujus admini-  
ſtratio illi commiſſa eſt, ſed juſtis & ratio-  
nabilibus cauſis ſubſistentibus. De alia colla-  
tione beneficiorum per concilium facta, ne-  
ſcio, niſi de certo beneficio pro quodam do-  
ctore in theologia magnæ commendationis,  
qui jam bis iverat in Bohemiam in ambaxia-  
ta pro concilio, & nunc ibi eſt, & adhuc  
illud beneficium erat litigioſum, ut ſi ſis  
terminaretur, nec daretur eis novus adver-  
ſarius.

18. Conqueritur poſtremo de officio vice  
cancellariatus. Nos non dedimus alicui il-  
lud officium, ſed executionem bullarum ip-  
ſius papæ fecimus & commiſimus. Concedit  
enim papa per bullas ſuas reverendiſſimo  
domino meo Rothomagenſi, ut officium vi-  
ce-cancellariatus in curia Romana & extra  
exercere poſſit: nos ut illud huc exerceret,  
ſecundum bullas ſuas patimur, & ſic papæ  
& ejus bullis deferimus. Non deberet ergo  
nos de bono opere lapidare, & quia ſuis  
litteris parvum increpare. Si fuiſſet com-  
petitor, utique egregie audiret fuiſſet; ſed  
nemo fuit neque eſt, ex quo ſumus magis  
laudandi, quam reprehendendi; & conſtat  
ſatis ex præmiſſis nihil factum eſſe per nos,  
quod ſit reprehendiſſibile, aut revocatione di-  
gnum, vel quod per nos fieri non poterit.

19. Nunc venio ad ſecundam bullam, &  
conſidero circa eam, quod per decretum no-  
ſtrum monitorium, quatuor ſunt domino  
noſtro papæ mandata. Primo, ut præten-  
ſam diſſolutionem revocaret; ſecundo, ut  
declararet hoc ſacrum concilium a ſui prin-  
cipio fuiſſe & eſſe legitime continuatum.  
Tertio, ut pure & ſimpliciter cum effectu  
eidem

ANNO  
CHRISTI  
1433.l. &  
verem-  
ſino  
mino  
o.



ANNO  
CHRISTI  
1433.

eidem adhereret; quarto, ut infra LX. dies prædicta omnia per suas bullas more curiæ Romanæ bullatas, huic sacro concilio intimeret. Pro examinatione hujus bullæ dati sunt deputati per sacras deputationes, & hi omnes simul convenientes, propter multas rationes concluderunt, quod non satisfaciatur. Inter ceteras vero rationes illa evidentissima est, quia non penitus revocat, ut decretum vult, quia apponit infra conditionem, quam oportet prius impleri, & si illa esset iusta, satisfaceret, sed illa est prorsus impossibilis & turpis, quia præsupponit, quod concilium fecit contra se \* aliqua quæ non potuit facere, quorum primum supra deductum est non esse bene dictum. Alterum quam sit contra auctoritatem sacrorum \* conciliorum unusquisque videt. Non satisfaciatur secundo, quia non declarat, ut petitur, sed novum inducit ex sua potestate. Aliud autem est declarare aliquid fuisse, aliud velle. Ipse autem vult, ut sit ad sui libitum, & loquitur per verba mere dispositiva, non declarativa. Item, loquitur per verba fictionis, sicut est in lege Cornelia, quæ fingit captum & reversum, numquam fuisse captum. Est autem magna differentia inter ista. Majestas vestra potest illegitimum facere legitimum. Papa vero potest matrimonium nullum fuisse & esse aliquid facere, sicut potest instantiam nullam, propter defectum litis contestatæ, vel alias facere, supplendo defectum scilicet aliquando. Item, qui declarat nihil inducit de novo l. *heredes palam*, §. *sed si notam*, ff. de testa. Qui autem vult, disponit ex sua voluntate, & si quis diceret illa verba *Volumus & contentamur*, intelligi posse, ut declararent; quia tamen verba sunt valde perplexa, multa mala exinde sequi possent. Item, si admitteremus hujusmodi suam bullam dispositionem ejus continentem, posset statim dissolvere: quia sicut voluit, ita potest nolle. Item, quia aliqui dicunt, quod debent capi verba in bonam partem, & non tamen verba quantum sinceram illius mentem attendere, subjicientes quod mens sua pura est, & si quid deficit, iterum faciet. Possimus hoc amplecti ex benignitate, nisi de illius mente contraria evidenter apparet. Nonne dicit in bulla quam dirigit universis Christi fidelibus, & quæ certis principibus delata est: *Absti igitur a nobis, ut talem declarationem faciamus, & quod talia gesta comprobemus. Prius est enim, ut non solum pontificatum vel partem ejus, vel animam ipsum a nobis tollant, quam fidem catholicam a nobis auferant*. Creditis ergo vos reverendi & spectabiles principum oratores, quod ipse adhererebit, & revocabit dissolutionem? Certe non faciet in æternum, ut plurimum dubito. Facile erat dicere, *declaramus*, sicut dixit *Volumus, & contenti sumus*. Sed certe id non gerebat in animo; nec in hoc potest prætendi, si per inadvertentiam factum sit, ponendo unum verbum pro alio, quia in decreto ipso suspensionis continebantur verba per quæ debebat fieri. Item, ego miseram unam minutam de forma adhesionis domino imperatori, quatenus papa juxta illam faceret; & ipse imperator

ibi statim respondit, quod fuerat data papa in manu sua, & tamen facere noluit.

20. Dicit post hoc quod sumus acephali & hæretici, & ceteri nobis adherentes omnes. Ergo vestra serenitas, quæ semper adhæsit & adheret, & quæ post præsentiam dissolutionem scripsit nobis, ut nullo modo dissolveremur, fuit principalis; & omnes alii reges & principes Christiani, quorum nullus est qui ad hoc sacrum concilium non scripserit, aut miserit post dissolutionem, velut ad synodum legitime congregatam.

21. Ad tertium non satisfaciatur, quia nec pure nec simpliciter adheret, neque etiam cum effectu. Pure quidem intelligitur, quod non habet admixtam conditionem, neque modum. Non facit ergo pure, quia apponit conditionem: non cum effectu, quia effectus non concordat verbis. Putatisne dici posse eum adherere in effectu, cum privaverit dominum S. Sixti omnibus beneficiis, & dominum de Cypro una abbazia, propterea, quia adherent concilio? Nullus diceret talem adhesionem, etiamsi ad plenum satisfaceret, nisi verbalem potissime si attenditur bullam illam plenam hæresibus & erroribus per eum ad universos Christi fideles missam, quæ nullo pacto potest tolerari.

22. Ultra hæc præsupponit in bulla prædicta, nos non potuisse facere multa, quæ fecimus: quod si toleraretur, nimis esset grave pro ecclesia Dei. Nam faceret dubitari de conciliis præteritis & futuris: quia sicut unum vult aut aliqua ejus pars, ita & aliud. Item, non vult aliquo modo includi in reformatione; & tamen prius dederat potestatem suis præsentibus cum illis tribus, propter quæ concilium est congregatum, in quibus eum contineri nemo dubitat. Expresse enim in ista bulla dicit, quod procedatur ad reformationem morum, de capite nullam faciens mentionem; immo plus quod si ipse vel legatus suus habent unam opinionem, & concilium haberet aliam, quod standum sit suæ opinioni, non concilio. Quid ergo servit nobis Constantiensis concilium, cum providet concilium esse supra papam in certis casibus.

23. Item, si ista bulla præsentis dissolutionis \* esset plena, intelligitur revocata per aliam bullam postea factam, posterio-rem in data, in qua multa dicit hæretica, injuriosa & piarum aurium offensiva. Et primo dicit quod volumus scindere ecclesiam. Ecce reverentiam quam habet ad sacrum concilium. Item, dicit quod conatus est nos reducere & a nostris erroribus revocare, & quod facta hic sapiunt hæreses & schisma. Ecce quid sentit de nobis & gestis nostris. Item, quod concilium est inferius papa, & tamen concilium Constantiensis dicit contrarium: ex quo inquit, quod illud concilium falsè & male fecit deponendo Johannem, cum ipse esset superior concilio. Deinde dicit, quod legitima fuit sua dissolutio, & quod dicentes contra sunt ab omni veritate & fide catholica alieni. Ergo sentit reges & principes omnes, qui ad hoc sacrum concilium scripserunt post dissolutionem appellando hunc sacrum coetum, sacrosanctam generalem synodum Basileensem

in

ANNO  
CHRISTI  
1433.

in Spiritu sancto legitime congregatam, & mittentes oratores ad papam, ut huiusmodi dissolutionem revocaret, inter quos majestas vestra prima fuit, quæ litteris & nunciis & præsentia accuratam operam dedit cum eo, fuisse hæreticos, quod tamen minime verum est. Item, dicit quod monuisse & citasse papam sub poena suspensionis, sicut hoc sacrum concilium fecit, est contra jura divina pariter & humana, & sapit hæresim. Ergo concilium Constantiense quod suspendit Johannem, hæretice fecit. Item, quod non est hic caput Spiritus sanctus, nec esse potest piissimus Jesus Christus, & quod periculis nostris quam facimus, ut delectat hic fuisse ab initio concilium continuatum, est sacrilega & hæretica. Item, quod omnia, quæ fecimus sunt contra jura divina & humana, & quod etiam habuissimus potestatem faciendi, omnia essent irritatione, annulatione & cassatione dignissima, & sic præsupponit quod concilium in nullo potestatem habet supra papam; sed vult quod præfidentes sui omnimodam habeant potestatem & concilium nihil sit. Quæ quam fidei, æquitati, & honestati convenient, & quam sint contraria decretis sacri concilii Constantiensis & hujus concilii, quilibet mediocriter peritus facile prospicit.

24. Videtis igitur vos, reverendi, spectabiles & venerabiles dominorum principum, oratores, sacratissimi concilii iustitiam & humanitatem, & qualis mens, & qualis animus, qualisve intentio sit summi pontificis, & quod jam frustra esset apud eum amplius insistere vel laborare pro adhesionem; præsertim cum serenissimus dominus noster imperator, cum Romæ esset, omnimodam instantiam fecerit, super adhesionem & revocationem dissolutionis, super quibus honestam minutam ostendit & tradidit summo pontifici, ut secundum illam bullam faceret, & tamen eam facere recusavit, sicque non est verisimile quod ad instantiam alterius regis vel principis de mundo talem bullam, ut petimus, quæ tamen honestissima est, facere velit. Si itaque serenitas vestra & alii reges & principes debitum suum facere velint, ut speramus, omnia bene fient, neque dubium erit de schismate. Amplectimini ergo sacrum concilium, & illi totis viribus adherete, conservate ecclesiam & fidem catholicam, quam certe in magno fluctu videtis. Et licet ipse dominus Eugenius papa ab ecclesia se separaret, vos tamen cum ecclesia perseverate, neque credat quicquam, quod aliquid fiat, aut velit fieri per nos ad vindictam, sed solum omnia fecimus ut respiciat, & ecclesiam matrem omnium recognoscat, atque ecclesiæ monitiones & mandata suscipiat. Si viderit se non habere obedientiam, fortasse mutabit animum, tollet scandala, & honorabit ecclesiam matrem suam. Si viderit per vos nimis sibi favori, crescat pertinacia sua, & vos ecclesiam offendetis, & eritis causa multorum malorum in ecclesia Dei in futurum, nutritique suam scandalosam dissolutionem. Ego, ut multi sciunt satis laboravi pro ipso, adhuc laborare vellem, & ponere me in perpetuis carceribus Venetiis aut alibi, ubi ipse vellet, quod for-

862  
tasse pauci facerent. Quod si adhuc velle adherere, & scandalosam illam dissolutionem & bullam per eum factam revocaret, quod omnia fient in hoc sacro concilio cum honore suo. Et quia sunt qui dicunt quod in ipsorum incorporatione jurarunt solum pro illis tribus, & quod nolunt adherere concilio, in eo quod fieret contra papam, pro Deo tales bene advertant dicentes talia, quod si bene consideraverint, in istis tribus comprehenduntur omnia. Cum enim quicquid sit ecclesiam aut fidem aut mores concernat, si adherent in tribus, adherent in omnibus, quia hic nihil fit quod non pertineat ad fidem vel ad mores. Nonne reformare est tollere deformitates? sed quæ major deformitas, quam quæ impedit ne reformatio in ecclesia fiat. Ita est de dissolutione quæ impediens destruendo concilium ne procederet ad reformationem in capite et in membris. Non dubium autem pertinere ad reformationem quod papa non alienet se ab ecclesia, sed illi adhæreat super quo ipse processus est. Item, quæ major deformitas in ecclesia, quam illa quæ est in capite, cum sicut communiter dici solet, quando caput dolet, cetera membra dolent? & in capite quæ major deformitas, quam nolle adherere sacro concilio, ut tenetur, ac monita sanctæ matris ecclesiæ suscipere? Item causa pro qua laborant concernit fidem: nam, articulus fidei est credere unam sanctam ecclesiam. An ergo ipsa sit supra papam qui est minister ejus, an non, hoc ad fidem pertinet. Nam claves ecclesiæ datæ sunt in persona Petri, & ecclesia non est propter papam, sed papa est propter ecclesiam, & non dicitur credo in papam, sed in sanctam ecclesiam catholicam. Item, concernunt fidem quæ hic facimus, quia nos dicimus, quia non potuit dissolvere, ipse vero dicit contrarium, videlicet quod hoc asserere hæreticum est, ut dixit in bulla quam vidistis, in qua multa hæretica dicit, jamque non oportet eum citare super adhesionem suam, sed super fide. Si ergo reputet concilium non habere potestatem, ista est materia fidei, in qua adhæserunt, & si volunt servare eorum juramenta, debent adherere, tueri, ac conservare decreta concilii: nec quicquam ex eis est, cui aliter facere aut asserere liceat. Quod vero a quibusdam objicitur contra hoc concilium, quod scilicet tendat ad schisma, non sic est, quia concilium est ubi ecclesia, & ecclesia ubi concilium, quod eam representat. Sed papa est, qui vult se a concilio & ab ecclesia alienare, & nulla actio concilii tendit ad hoc, ut schisma fiat, nec est de intentione patrum, qui in concilio sunt, & hoc non debet timeri per principes, quamdiu ipsi velint debitum suum facere huic sacro concilio, scilicet, prout tenentur, adherere. Cum jam clarescat manifesta de iustitia & veritate sacri concilii, plurima alia dici possent, quæ ideo in præfens obmittenda censui, quia nollem tædio afficere vestram majestatem. Supplico tamen ut quicquid per me dictum est omnes deputati & alii quicumque corrigant, & emendent. Ego equidem novi imperfectum meum. Unum proteitor, quod nihil causa injuriæ ali-



ANNO alicujus vel affectionis dixi, sed puram &  
CHRISTI meram credens dicere veritatem, ac loquens  
1433. pro ecclesia sancta Dei & fide catholica.

## RESPONSIO DOMINI ARCHIEPISCOPI

*Spalatensis oratoris domini Eugenii  
papa IV. ad præmissa.*

Ibid.

1. **S**erenissime imperator, auditit majestas vestra propositionem reverendissimi in Christo patris domini mei legati, in qua sua dominatio reverendissima justificat congregationem & causam concilii. 2. Exhortatus est patres, ut non patiantur leges paternas infringi. 3. impugnavit dissolutionem, & quædam dicta sanctitatis domini nostri, in quadam cedula contenta, nominans decretum concilii contrarium. Post hæc dixit de duabus bullis domini nostri, quarum prima habet concessionem reverendo domino Cervensi confocio meo & mihi factam, super revocatione factorum contra concilium per dominum nostrum: ita tamen quod & hic revocentur facta per concilium contra sanctitatem suam & sedem apostolicam; & multa alia produxit, quæ dicit esse facta contra concilium. Postea ad effectum alterius bullæ devenit, quæ de deputatorum consensu, ut asserit, impugnata & non satisfacere judicata est. Ultimo deduxit effectum bullæ, quam dixit emanasse ad principes Christianos pro parte sanctissimi domini nostri, in qua multa contineri dicit contra concilium sacrum. Facta hæc sunt quæ effectualiter produxit in medium. Sacratissime Cæsar, reverendus in Christo pater dominus episcopus Cervensis collega meus & ego, viri certe non multæ literaturæ, sumus hic improvisi & sine advisamento; tamen quia debemus & volumus innoti veritati, illam in medium perducere curabimus.

Serenissime imperator, vosque reverendi & specabiles oratores, iustorum animæ in manu Dei sunt, & non tanget illos tormentum malitiæ: iustitia SS. domini nostri Eugenii papæ IV. in manu Dei est, & nunquam supprimitur, quia in manu universalis ecclesiæ est, id est majestatis vestræ & aliorum regum & principum, qui sunt ecclesiæ Dei & universus coetus fidelium, secundum quod exhortatus est reverendissimus dominus legatus, ut videlicet vestra serenitas & alii domini non patiantur leges antiquas & modernas infringi. Nos etiam exhortamur pro parte sanctitatis domini nostri. Sumus ergo concordēs. De 2. & 3. quibus niscus est impugnare dissolutionem, quæ tamen verius dicenda est commutatio. Nobis tamen datum est in mandatis, ut super hujusmodi potestate non disputemus; ideo an legitima & iusta fuerit non est nostrum decidere. Vos moveamini ex juribus scriptis & conscientis vestris. 4. Dicit illam scandalosam extitisse, ex quo procedendum fuisse innuebat, foreque ac procedi posse contra SS. dominum nostrum induct. Ad hoc quod fuga Johannis de Constantia fuit de-

clarata scandalosa per concilium Constantiense; & tamen illa fuga non fuit concilii dissolutio. Ergo multo magis hæc dissolutio. Certe si concilium Constantiense ita declaravit determinavitque; non immerito, quia ibi agebatur de fuga ejus qui de papatu disceptabat cum duobus, & sic, si remansisset, poterat tolli schisma & divisio, quæ erat in ecclesiâ Dei, sed hic sumus in alio casu, quia habemus papam unicum. Item, dominus noster papa non ut concilium dissolveret, sed ut melius & commodius intereffet reformationi, quam summe desiderabat & desiderat; quia non longe propter notissimam ejus infirmitatem venire non poterat, hujusmodi non dissolutionem, sed commutationem fecit, & magna est factio differentia. Post hæc præfatus dominus meus legatus hoc decretum appellat suspensionis contrarium quoddam: subjungens quod ideo hoc contrarium appellandum est, quia descendit Spiritus sanctus de coelo tempore, quo fuit factum. Apud naturales audivi non descendere de coelo contraria, sed potius generari ex putrefactionibus quibusdam. Ulterius dicit, quod dominus noster papa contrarius est concilio Constantiensi, dum determinat, & dicit hoc decretum suspensionis nihil esse, & fieri non potuisse. Et tamen concilium Constantiense, sicut & alia concilia sancta, venerandum est sicut evangelium, nisi aliquid a fide alienum contineat.

2. Quæ verba cum audisset præfatus dominus legatus, illico interrogavit memoratum dominum Spalatensem an de hoc dubitaret. Ipse vero per verba ista respondit, Credo secundum quod credit & tenet ecclesiâ, & scio pontifices non jurare nisi de octo conciliis tenendis.

3. Consequenter instat ad effectum bullarum, quod datur nobis potestas revocandi facta contra concilium per sanctitatem domini nostri: si tamen e contra per hoc sacrum concilium contra suam sanctitatem & sedis apostolicæ auctoritatem facta revocentur, adjiciens quod videretur sanctum hoc concilium causas agere particulares. Certe credo quod procedit pro causa fidei & ecclesiæ, sed forte aliqua facta sunt, quæ nullo jure fieri debuerunt, sicuti quod illi qui sunt pars formata contra sanctitatem suam, sedent tamquam iudices ad eam judicandam, pro qua te adduco illud in testimonium, quod paternitas sua dicit, videlicet quod dux Mediolani est inimicus papæ, & tamen prælati sui sunt conjudices.

4. Et cum hoc dixisset, statim respondit dominus legatus & alii ipsum male intellexisse, quia non ita ipse dixerat, sed potius contra, quod papa erat inimicus ducis Mediolani. Quibus dictis, statim præfatus Spalatenfis continuavit verba sua dicens: Si ipse non est, multi alii sunt hic sui inimici, omnibus, immo toti orbi notissimi; & certum est, quod in antiquis conciliis, quando causæ agitantur & debebant diffiniri, persone, quæ erant partes formate, non admitterentur, sed expellerentur. Item, Petrus cum ordinaret Clementem, quem propter ejus virtutes & merita sibi successorem ele-

ANNO  
CHRISTI  
1433.

elegerat in vita, dixit ad populum: Si quis sit, cuius iste Clemens fuerit inimicus, nemo cum illo amicitiam contrahat; qui enim contraxerit, iste exterminare ecclesiam Dei volet. Sed si ille ita locutus est, nescio quomodo inimicos tales vobiscum admittatis, cum omnia iura tales ut suspectos evitent. Nemo igitur mirari debet, si aliquando papa se in manibus istorum non ponere velit. Item, quoad collationem beneficiorum etiam certum est, quod quædam sunt reservata summo pontifici, quæ alteri non licet conferre. Impugnatis aliam bullam, quia dicitis quod penitus eam non revocat. Certe qui omnino revocat, penitus revocat, etiamsi verbum non ponatur; sed ita est in bulla nostra, si tenor & effectus ejus bene consideretur. Displacent vobis illa duo verba: *Voluntus & contentamur*, quasi sint novi juris inductiva; sicque videtur, ut dicitis, papa de novo indicare, licet prius fuerit. Reverendissime pater, ipse intelligitur declarare, non de novo inducere, si omnia bene ponderata fuerint. Nam quando verba non possunt intelligi in propria significatione, juxta dispositionem materiæ in qua ponuntur, trahuntur ad consequens significatum. Cum ergo id quod non fuit non posset fuisse, nec contra, oportuit ut ea trahamus ad consequens significatum. Audivi equidem a theologis sæpenumero, etiam ipsum Deum rerum omnium factorem non posse efficere, quominus ea quæ fuerint facta, non fuerint facta, licet hominum mentes possit coecare, ut factum id fuisse non intelligant. Unde si Deus etiam diceret, nolo quod tale quid fuerit, hoc facere non potest, si id prius factum fuit. Ita in proposito SS. dominus noster dicit, quod vult concilium istud intelligatur vere fuisse continuatum, &c. Et hoc non potest intelligi, quod si non fuit, ipse velit illud fuisse; itaque voluntas sua efficeret illud fuisse quod non fuit. Ergo verbum *voluntus* trahitur ad significatum sibi in hoc possibilem live consequentem, \* ut idem sit *voluntus* quod *declaramus*, maxime quia ista voluntas respicit præteritum, & sic nihil potest de novo dare; & pro hoc habeo auctoritatem & decretum Anacleti pape, scilicet in c. *In novo* 21. d. quia dum dubitaretur an potestas Petri esset concessa a Christo vel apostolis, ubi dicitur, quod a Christo tamquam a concedente, & ab apostolis volentibus sive consentientibus in eum, ut principalem & caput episcoporum. \* Hæc autem voluntas se habet ibi per modum declarationis, scilicet notificando sic a Christo fuisse concessum, & pro hoc facit verbum *Contentamur*, quod videtur infecutivum. Ad id facit illud apostoli Pauli: *Habentes vestitum & vestitum his contenti sumus*, sive est dicere, E

tionalem. Ita hic ista conditio inest tacite & necessario, & non facit conditionem. Hoc probatur evidentissime, quia si quis legerit XVII. q. c. *totam*, inveniet in plerisque capitulis dici concilia celebrari debere, præsentem papam vel ejus legatis. Sed concilium Constantiense noluit ritum tollere & ordinem juris & canonum. Ergo si in hoc \* cautum est, & hoc concilium sit celebratum sine eis, clausula ista necessario intelligitur. Item, quod revocentur facta contra papam & sedem apostolicam. Ista videtur conditio necessaria. Nam non petit quod revocentur quæ concilium facere potuit. Sed si quid est factum ultra potestatem, illud vult tolli & revocari debere. B Et sic ista est potius censenda revocatio tam facti quam juris. In his ergo, quæ concilium facere non potuit, fiat revocatio: in aliis approbat & confirmat. Et pro hoc credo bullas illas satisfacere omnibus, & mihi ita videtur, & ita credo potissime, si mens magis quam verba attendantur. Demum productis quoddam scriptum, per quod dicitis papam has bullas revocare debere, & multa hæretica in illis contineri. De illo nihil scimus, socius meus & ego, & an a domino nostro emanaverit ignoramus. Credimus tamen quod non. Quare, princeps serenissime, supplicamus ut causam ecclesiæ & domini nostri papæ serenitas vestra pie, C iuste, & misericorditer determinet.

ANNO  
CHRISTI  
1433.\*al. tan-  
tum

*Dominus Legatus replicavit prout  
sequitur.*

Mallem, pater reverendissime, quod intendere reformationi ecclesiæ Dei, & super hoc mandatum haberetis, quam veniretis ad luctum disputationis in præsentia materia: certe tempora disputatione non indigent. Nam satis laboratum est, ut papa revocaret dissonantem, & adhereret, ac faceret debitum suum, & tamen usque adhuc nunquam voluit. Et quia dixistis iustorum animas in manu Dei esse, & quod non tanget eas tormentum malitiæ, ex quo subinfertis quod anima & persona domini nostri papæ in manu Dei est, & in manu eorum qui repræsentant universalem ecclesiam, videlicet imperatoris & aliorum principum, & plura alia, quæ postmodum replicabo. Primum ad istud ne bisidem repetere habeam necessario, reverendissime pater, non nego omnem hominem, qui Christiano nomine censetur, cujuscumque status sit, esse de corpore ecclesiæ, & omnes catholicos esse ecclesiæ Dei, & principes mundi Christianos esse magnam partem ecclesiæ, quia, ut inquit Apostolus, *datus est eis gladius ad laudem bonorum, vindictam vero malorum*, sed dicere quod soli principes repræsentant ecclesiam Dei: cum supportatione non est bene dictum: quia non soli principes repræsentant ecclesiam, sed omnes catholici & fideles; & si concilium est actu congregatum, ipsum repræsentat ecclesiam, & precor legatis textum 96. d. c. *Nos*. Videbitis enim ibidem quantam reverentiam



ANNO  
CHRISTI  
1433.

faciebat Constantinus ecclesie.

Secundo, dixistis quod exhortabimini omnes, ut sequerentur omnes & defenderent leges paternas, neque paterentur illas infringi, dicendo quod illud prius idem feceramus, & quod in hoc secundo eramus concordes; sumus concordes in verbis, non in re. Nam vos nullas leges expressistis, quas defendere aut sequi deceat. Ego de legibus conciliorum, & potissime Constantiensis feci mentionem, & illas adduxi evidentissime, probando quod concilium est supra papam, & quod papa decretis concilii obedire teneret, & si non paruerit, poenitentiae & poenae condignae subijci potest; vos nullas adducitis, quod papa sit supra concilium & ecclesiam congregatam.

Tertio dicitis, quod non essis missus ad disputandum an dissolutio valuerit vel non, sed solum ut exhiberetis litteras adhaesionis, dicendo quod huius sacri concilii dissolutio potius dicenda sit commutatio. Nescio, pater reverendissime, si vidistis bullas, quas ad me misit, ut concilium dissolverem. Nescio si videritis bullas suae praetensionis dissolutionis, certe in eis expresse dicit concilium, si quod fuit Basileae congregatum, dissolvimus; nunc immutat verba, & dicit commutavimus, ut aliquantulum se honestet in praesens, quod minime, ut dixi, fecit in aliis bullis. Sed quis est qui ignoret, quae differentia sit inter commutationem & dissolutionem, cum commutatio sit incontinenti de loco ad locum mutatio sine intervallo, sicut factum de concilio quod inchoatum erat Papae ad Senas, sed dissolutio totum perimit, sicut in casu nostro? Item, potestne dici commutatio, cum ipse terminus prorogaverit per annum cum dimidio?

Quarto, responderis ad illud quod dixi, dissolutionem magnum scandalum generasse & conamini confutare quae dixi de fuga Johannis, quae fuit pronuntiata scandalosa, tamen non sic dicendum est in casu nostro. Rationem assignatis, quia recessus ille poterat impedire unionem quae tractabatur, quia tres erant contententes de papatu. Hic non est necessaria fienda unio, cum non sit divisio. Reverendissime pater, si videritis acta concilii Constantiensis, videritis quod totum concilium reputabat illum Johannem pro papa, & ita reputabat eum serenissimus dominus noster imperator, & sic reputabat eum bonae memoriae cardinalis Florentinus patruus \* vester. Item, si ille impediebat ne fieret unio, iste ex dissolutione quam fecit, impedit reductionem Bohemorum & reformationem ecclesiae quae fieri debebat: immo jam facta esset, nisi ipse impedivisset, & adhuc fiet, ut speratur, per hoc sacrum concilium. Si nos parvissemus dissolutioni, majus scandalum secutum esset, quam ex illa fuga.

Postea dicitis, quod ideo commutavit, ut posset, ipso praesente, concilium fieri. Numquam utimini verbo *dissolvit*, & tamen ipse Eugenius ipso uti non est veritus. Reverendissime pater, quatuor illa concilia sanctissima & alia plurima fuerunt celebrata sine praesentia papae, & tamen in illis facta

\* al. patri-  
nus.

sunt omnia fere, quae ad fidem & mores pertinent.

Uterius voluistis venari quoddam verbum quod dixi de tonitruo quod venit de coelo, & etiam dicendo quod appellaverim bullam domini nostri papae tonitruum. Sed ut mentem meam intelligatis, ego non illud dixi ad effectum illum, sed ut commemorarem, quae dominus Eugenius asserit de decreto nostro, & dicerem decretum nostrum monitionis coelitus & a Spiritu sancto emissum, & voluistis super hoc reprehendere & invehere, quod non decet personas graves & ecclesiasticae auctoritatis in talia verba prorumpere. Sed an hoc sit dignum reprehensione judicate omnes.

Postea quia dixi, quod concilia sunt veneranda sicut evangelia, & in hoc non clare respondere videbamini. Interrogavi vos, an de hoc dubitaretis? vos autem respondistis, quod credebatis illud quod credit sancta mater ecclesia. Reverendissime pater, sicut dicit Innocentius in c. 1. de *sum. trinitate* & si. ca. praefati debent scire & credere ea quae ad fidem pertinent explicitae & distinctae. Et sic vos qui estis praelatus, debetis scire fidem catholicam explicitae, nec debetis respondere, quod creditis id quod sancta mater ecclesia: immo paratus esse debetis respondere rationem cuilibet poscenti de ea, quae in vobis est fide, juxta illud Petri.

Item, hoc quod dico concilia veneranda sicut evangelia, nullam habet dubitationem, quod proba ratione convincibili: Concilium sacrum repraesentat ecclesiam universalem. Ergo est ejus auctoritatis, cujus est ecclesia. Sed Augustinus & alii dicunt, quod non crederent evangelis, nisi auctoritas ecclesiae eos commoneret. Igitur concilia veneranda sunt sicut evangelia. Item, Andreas & nonnulli alii scripserunt evangelia, & non tenemus ea, quia ecclesia illa non approbat. Item B. Augustinus dicit & habetur 1a. d. quod ecclesia universalis est ex omni generali traditione, & ea traditio fit per generalia concilia. Si ergo amodo interrogatus fueritis de conciliis, respondeatis audenter, quod ita tenetis, & veneramini concilia sicut quatuor evangelia. Et si aliter responderetis, non conveniret dignitati vestrae.

Item, dixistis, quod non jurant pontifices de omnibus conciliis tenendis, sed solum de octo. Si paternitas vestra vidisset decretum concilii Constantiensis, super professione summi pontificis, certe aliter diceret. Et illa octo concilia statuerunt multa circa fidem, alia vero circa mores. Ideo non mirum si non jurant omnia tenere propter periculum perjurii.

Post hoc dixistis, quod hoc concilium non forte processerit secundum quod debebat, quia admittebantur inimici summi pontificis ad cathedram judicandi, commemorando quod dixeram de duce Mediolani &c. Ego adduxi illud assignando rationem commissionis, administrationis generalatus, \* al. generalitatis. quod papa videbatur inimicari ipsi domino duci Mediolani, & textus ille B. Petri intelligendus est de alia inimicitia, scilicet quae veniebat propter fidem. Inter istos quae cau-

ANNO  
CHRISTI  
1433.

ANNO  
1433.  
causa inimicitie sit ignoro. Et præsupposito quod essent inimicitie permaximæ, prælati jurarunt interesse sanctis synodis in eorum consecratione, & quando incorporantur, jurant sacro concilio fideliter ac diligenter laborare pro honore sacri concilii, non ducis Mediolani, & dare sanum & salubre consilium, secundum Deum & conscientiam. Non est igitur verisimile quod aliquis sit immemor conscientie suæ.

Item, de jure est quod suspicio tollitur & cessat per juramentum, & bene scio quod si vellem amplius specificare, quod dolenter refero, plures summos pontifices temporibus nostris egisse bella contra multos, non tam causa ecclesie & fidei, quam pro afflictione particulari \* & aliis causis inhonestis. \* Unde non est simile quod de B. Petro, ad Clementem dicit, quod textus ille intelligitur ut prius dixi. Post hæc de bullis dicitis quod papa revocat penitus, & pure ac simpliciter adheret. Nec est necessaria expressio *verbi penitus*, cum aliter appareat de expressa mente sua. Ego dico quod non revocat penitus, quia adjicit caudam, sicut non est intelligendus penitus donare, qui donat ut sibi aliquid redonetur. Dicitis quod verba *volumus & contentamur*, inducunt declarationem, & allegatis textus Anacleti, &c. Deinde dicitis quod Deus non potest facere quin facta sint facta, & si oportet, quod illa verba referantur ad declarationem, \* non ad novam indicationem concilii. Deinde dicitis de verbo *Contentamur*, & allegatis illud Pauli, *Habentes vultum & vestitum his contenti sumus*. Reverendissime pater, nisi de contraria mente summi pontificis aliter constaret, fortasse essent amplectenda verba illa, & inducerent declarationem. Sed apparet evidenter quod papa vult contrarium, & hoc nullatenus gerit in animo. Nam alias nisi sibi copiam adhesionis, & serenissimus dominus noster imperator instantiam fecit apud eum. Tunc imperator *ibidem dixit hæc verba*: Ego dedi tibi copiam vestram in manibus, ut bullam super ista forma faceret, quæ erat honestissima, & ipse nullo modo voluit, im-

mo penitus abhorruit. Si ergo voluisset declarare, posuisset *Declaramus*, sicut posuit *Volumus & contentamur*, art. c. Cum audiamus de decimis.

Item, de mente sua contraria apparet per ejus litteras, quas per nuncios suos misit & mittit ad reges & principes & universos Christi fideles, in quibus, ut prius dixi, ipse dicit: Abiit ut talem declarationem, &c. Bene utitur ibi &c. verbo *Volumus & contentamur*.

Ad aliud dum dicitis, quod facta non possunt haberi pro infectis verum est; si vere tamen lex potest quoad effectum facere illud quod est factum, haberi pro non facto, B e contra, sicut in lege *Postulamus*, quæ singit captum ab hostibus & reversum numquam fuisse captum. Ad textum Pauli, *his contenti sumus*, videtis vos ipsi quid faciat ad propositum.

Item, concilium requirit eum, ut pure, simpliciter & cum effectu adherat. Ista autem verba quæ ponit, præsupposito quod satisfacere possent, saltem sunt dubia & am-

Concilior. Supplem. Tom. IV.

bigua valde. Ad aliud quod dicitis de conditione, quæ inest tacite, & intelligitur necessario, & ita dicitis hic intelligi, rationem assignatis, quia processimus sine præsentia papæ vel legatorum ejus, allegando 17. dist. *Per totum*, & reprehenditis nos tacite, licet non expresseritis, quod istud sit conciliabulum, non concilium, sicque tacite inest illa conditio, quasi ista sit revocatio magis facti, quam juris. Reverendissime patet, vos ex istis præsupponitis, quod dissolutio valuit, & sic estis in eadem sententia cum domino nostro. Nos autem contrarium tenemus, & vos ipse ex superioribus percipere potestis quod verius sit.

Et si petitis, quomodo ergo valuit concilium sine præsentia papæ; & ego quaero, quomodo valuit concilium Constantiense post fugam Johannis sine præsentia papæ? Sed veniendo ad rem, dico quod requiritur auctoritas papæ ad initium, & ita fuit hic, & non tantum unius, sed duorum, scilicet Martini & ipsius Eugenii. Sed postquam est inchoatum, & est in esse, tunc sacrum concilium est supra papam, & habet potestatem a Christo, unde, sive recedat, sive non, non desinit esse concilium: quia jam illius auctoritas erat fundata. Et quod sit legitime congregatum, patet ex auctoritate concilii Constantiensis, quod fuit legitime & auctoritate apostolica congregatum & sanctissimum, & de hoc nemo debet dubitare; & postea, papa fugiente, habuit nihilominus finem & prosecutionem, & fortasse potest dici, quod deinceps in aliis conciliis faciendis, non requiratur alia auctoritas, sive notificatio papæ, stante decreto nuper edito super conciliis in futurum celebrandis.

Item, in concilio Senensi hæc civitas Basiliensis pro præsentem concilio fuit electa. Item, felicis recordationis Martinus. Dedit mihi potestatem præsidendi in hoc concilio, & implemet Eugenius: quod unus ego male libenter acceptavi, dubitans quod non forte ita fieret hic, sicut factum fuerat in Senis. Et certe idem, immo pejus fiebat hic, nisi fuisset istorum patrum constantia.

Item, in bulla dissolutionis ipse idem dicit, & attestatur quod dedit mihi potestatem præsidendi, & de his omnibus habetur mentio in responso dato primis ambasciatoribus papæ. Unde, reverendissime pater, cum omnia hic facta fuerint per habentes potestatem, & licite, ac rite, non inest illa conditio tacite, & necessario, ut asseritur, immo turpis est & extrinseca.

Demum dicitis, quod concilium intrinsece sit de de factis papæ, & sibi soli reservatis, &c. Probavi quod illam auctoritatem habet ecclesia, quam habet ipse papa, & quicquid potest ipse papa, qui est pars, potest ipsa ecclesia. Fateor tamen quod est pars nobilior, quia est caput, potest & ipsum totum videlicet & ipsa ecclesia, & multo magis.

Item, papa est propter ecclesiam, ergo si propter quod unumquodque, & illud magis. Item, verum est quod papa est minister ecclesiæ, & ecclesia non solet se impedire



ANNO  
CHRISTI  
1433.

de minimis, potest tamen, si vult; & si papa vult dissolvere ecclesiam congregatam, quare non potest ipsa ecclesia tutari iura sua, & se defendere ac sua supposita? Postremo dicitis, quod nescitis de illis bullis, quod emanaverint a domino Eugenio. Utinam ita esset, & ego essem multum contentus, quia essemus propinquiores concordiae, quam sumus: quia multos errores continent istae bullae, qui non poterunt, salva fide, per hoc sacrum concilium conniventibus oculis pertransiri.

*Hic finiuntur verba domini legati.*

#### SEQUUNTUR ALIA

Domini Spalatensis.

**R**everendissime pater, respondistis ad omnes partes per me tactas, & certas admonitiones fecistis, quas caritative suscipio. Dicitis post hæc, reverendissime pater, quod ego dixi, quod ecclesia Dei est apud serenissimum dominum nostrum imperatorem, & alios reges, & principes. Ego non nego, quin sit apud sacrum concilium; sed dico, quod respectu est apud reges & principes, & ita intelligo, quod ista majoritas consideratur, non ex numero vocum hic existentium, sed ex representatione; quia unus solus ambasciator unius regis potest habere vocem pro toto uno regno, & plus valebit vox istius, quam triginta aliorum etiam praelatorum. Et sic isto respectu dixi et intelligere volui, maiorem partem ecclesiae esse apud reges et principes. Subsequenter petitis, ut declarem illas leges paternas, quas dixi esse conservandas, et exhortatus sum patres et dominos, ut illas non patiantur infringi, et quod pontifices sive praelati debent scire fidem explicite, sive specificæ. Certe, pater reverendissime, non possunt omnia uno spiritu dici, secundum vero fateor indubie, de materia dissolutionis nihil dixi; de inimicis papæ etiam non prosequor, nec de aliis (a) inimicis, qui non debent admitti ad cathedram, iudicantes velut suspecti, ut toti mundo, sicut dixi, notissimum est. Ad aliud de præsidentia papæ non deduco inpræsentiarum in dubium, an facta per hoc sacrum concilium bene sint facta, vel non; sed dico, quod quodcumque sui præsidentes venirent, quod debent admitti, etc.

(a) *Novar. codex addit:* Et tamen dominatio vestra prosequitur. Ego non loquor magis de praelatis ducis Mediolanensis, quam de aliis. *Martene.*

ANNO  
CHRISTI  
1433.

*Dominus Legatus.*

Reverendissime pater, omittis verbis superfluis, vos dicitis, quod orator unius principis, qui repræsentat unum principem et regnum, debet reputari pluribus aliis vocibus numero, sive sint praelatorum sive aliorum: de qua re non mediocriter miror. Vos scitis, sicut dicitur in testamento veteri, quod si dubium fuit in lege de re aliqua, recurri debet ad sacerdotes, et eos qui in lege Dei periti sunt, non ad principes. Dicere ergo, quod si est in concilio unus ambasciator unius regis aut principis, qui habeat centum episcopos in suo dominio, et ipse sentiat unum, et illi episcopi dicant aut sentiant contra, \* quod standum sit dicto ambasciatoris; sequeretur ex hoc, quod plus valeat dictum illius ambasciatoris, quam illorum episcoporum: quod certe non videtur bene dictum; quia, ut prius dixi, ad episcopos et viros ecclesiasticos, qui sunt periti in lege Dei, recurrendum est; non autem ad reges et principes, quorum non est de rebus legis iudicare, et qui communiter non habent peritiam, nisi humanæ legis. Deinceps igitur pro honore et debito vestro, a similibus verbis precor abstinere.

\* In Na.  
var. codice  
deest con-  
tra.

*Dominus Franciscus de Capitibus Liste,  
unus ex ambasciatoribus Venetorum.*

Serenissime imperator, reverendissime præsident, et vos reverendissimi mei, ego pauca dicam de mandato imperialis majestatis, non causa disputationis, sed ad pacem et concordiam, sicut antea in congregatione pauca dixi: quia spectabilis collega meus, et ego habemus in mandatis offerre nos ad pacem et concordiam seu compositionem; reminisci vero injurias non bene est. Ideo ut ad pacem veniamus, quam serenitas vestra desiderat multum, et similiter illustre dominium Venetorum; non dicam hoc loco nisi pauca ad compositionem. Videtur in primis non querendum esse, an sacra concilia sine papæ auctoritate teneant, vel non, utrum concilium Constantiense et illius decreta teneant, vel non: quia illa disputatio non esset fortasse utilis, ut vellemus. Sed est videndum, & de hoc agitur, de litteris noviter compertis, quas nonnulli adierunt a summo pontifice emanasse, alii autem contra, sicque res adhuc in dubio est. Sed ponamus quod sint litteræ summi pontificis, non est propterea recedendum a concordia, quæ interventu operum imperialis majestatis in foribus est. Et si litteræ illæ a sanctitate sua emanaverint, credendum est, eum ideo

ANNO CHRISTI 1433.

ideo fecisse, quia existimabat serenitatem vestram hic non esse in termino, sicque velut compulsus illas fecit, videns se omni alio auxilio destitutum, quia decretum suum monitorium statim habebat effectum & vigorem. Credo, immo certus sum, quod modo si senserit serenitatem vestram hic esse, & prorogationem factam, spemque subesse aliquis compositionis, sicut esse potest & est, maxime propter presentiam majestatis vestræ, quod hujusmodi litteras revocabit: quia cessante causa ob quam factæ sunt, cessabunt & litteræ. Extat secunda bulla adhesionis, & facta est contentio in verbis; (a) at cum realiter procedi debeat, non est facienda magna vis, quod vigore decretorum sacri concilii Constantiensis, in certis casibus concilium habeat potestatem supra papam in his, quæ veniunt ratione hujusmodi expressæ potestatis, non est disputandum. Si quid vero est, quod non veniat, certe non vult ista synodus sacra aliquid plus facere vel tentare, quam ei sit concessum. Ne igitur propter hujusmodi disputationes inutiles retardetur pax, quies & concordia, quas sequi speramus, interventu vestræ sanctissimæ regis majestatis, supplicamus, ut si quid restat bullis addendum, id totum petatur, & habeatur: nec esset mirum, si quis aliquando crederet ex vi verborum plus attribui vel minus, quam fortasse attribueretur, neque hoc esset peccare in spiritum sanctum. Cum itaque majestas imperialis, & isti regum & principum oratores sint, qui nihil aliud vellent, nisi quod bonum, sanctum & rectum sit, & pro sancta ecclesia Dei utile, ne ullam divisionem vel scissuram in ipsa ecclesia nasci contingat, supplicamus, ut acceptetur aliqua via bona, per regiam majestatem & oratores regum & principum offerenda, quæ, non dubito, unionem in Dei ecclesia conservabit, & erit pro summo pontifice & sacro concilio utilis admodum atque salutifera.

*Post hæc dominus imperator ait:*

Quod semel placuit, amplius displicere non potest. Sicut dixitis mihi heri, ita factum est; quia omnia sunt hic dicta, quæ heri dicta fuerunt mihi, & nullus alius debuit loqui, sicut nec facimus. Nunc superest ut trahamus nos ad partem: ita quod concilium stet in suo robore, & papa in suo honore. (b) Et ne tempus labatur, quia appropinquat dies dominica, nos inveniemus aliquem bonum modum cum ambaxiatoribus principum, &c.

(a) Navar. Codex ita legit. Sed potius mens est sincera & devotio sanctissimi domini nostri amplectenda. Supposito ergo vigore decretorum sacri concilii Constantiensis, in certis casibus concilium habet potestatem supra papam in his quæ veniunt ratione hujus expressæ potestatis.

(b) In codice Navarræ hæc adduntur: Et quia dominus legatur fuit infirmus, & ego steti hic tantum & non bene, jam est hora tarda. Post prandium faciemus vocari aliquos de ambaxiatoribus principum. Et ne tempus labatur, quia appropinquat dies dominica, nos inveniemus aliquem bonum modum. Martene.

ANNO CHRISTI 1433.

A Modus fuit prorogatio trium mensium, & interim dominus noster papa adhaesit, & revocavit bullas de quibus sit mentio, & prout in sexta decima sessione plenius continetur.

Finis disputationis.

C E D U L A

B Oblata pro parte domini imperatoris, instantibus ambaxiatoribus domini papæ, singulis deputationibus, die Mercurii decima quarta octobris.

A Uditis, patres, quanta puritate & caritate sanctissimus dominus noster summus pontifex amplecti velit hoc sacrum generale concilium, quanto etiam studio & favore id protequi intendat. Cum autem ad illius integram incorruptamque prosecutionem, omnino necesse sit vulnera priora sanare; nec alias possibile sit aliquid boni fructus succedere, sed potius in ecclesia Dei pareatur incendium; petit præfatus sanctissimus dominus noster quicquid contra personam, auctoritatem & libertatem suam & sedis apostolicæ ac aliorum sibi adhærentium & fidelium actum est, revocari, & in pristinum statum reduci. Ipse etiam, si quid dictæ prosecutioni & continuationi obstat, tollit & revocat. Petit etiam, ut iustissimum est, suo & apostolicæ sedis nomine præsentem admitti. Hanc siquidem revocationem pro expeditiori concordia & pace petit in genere. Similiter etiam ex parte sua vobis offert, si quid contra ipsum concilium aut singulares personas forsitan fecisset, ut ex serie litterarum suarum plane comprehenditur. Videte quam facile convenire potestis, & quam sanctæ huic petitioni acquiescere. Multa sunt quæ ex vestro instituto per concilium ipsius pontificis in continuationem prædictam ipso facto tolluntur. In reliquis autem si nihil contra ea, quæ in prædictis litteris continentur, & supra diximus, actum est, nihil revocatum intelligitur. Si quid vero factum est, sicut oneris est id permanere, ita & laudis immutatur; cum primum admissi fuerint præfidentes de quibus supra, & ipsum concilium plena caritate unitum, quicquid super prædictis dubium fuerit, majori consilio & communi apostolicæ sedis & ejus concilii con-

ib. p. 667.



ANNO  
CHRISTI  
1433.

consensu, facile poterit declarari ex tunc habituris perpetuam firmitatem. Hic est modus, hæc est via firmandi concilia, & eorum vigorem & auctoritatem inviolabiliter conservandi. Neque alios ad ea pro quibus concilium institutum, ullo pacto intendi poterit. Experientia docebit quod vera profuerimus. Hæc sunt quæ præfatus sanctissimus dominus noster ad pacem & concordiam offert, & quidem sufficientissima, si amore, & devoto recipiantur. Si itaque pietatem, si veram solidamque justitiam colitis, omni studio, devotione & industria, ad ea quæ supra dicta sunt, velitis intendere, dare gloriam Deo, pacem mundo. Quod si feceritis, statim inter pontificem & filios Christi medius erit, omnis ætas & sexus intelliget benedictionem a Domino & misericordiam a Deo salutari suo.

Die dominica XI. Octobris MCCCCXXIII. dominis de concilio hora tertia vel circiter post meridiem in ecclesia majori Basileæ ad instantiam domini imperatoris congregatis, super prorogatione termini domini Eugenii papæ &c. scrutatis votis dominorum, fuit conclusum ut sequitur.

Instante serenissimo principe domino Romanorum imperatore, propter ipsius jocundum adventum, sacrum concilium prorogatum terminum xxx. dierum ad octo dies proxime futuros, modis, qualitatibus & formis, in decretis suspensionis & prorogationis contentis, in suo robore in omnibus suis clausulis permanentibus, non obstante quod huiusmodi prorogatio die feriata & non in publica sessione facta fuerit, ceterisque aliis solemnitatibus in talibus requisitis non obstantibus.

*Alia Prorogatio.*

Item, die Lunæ XIX. Octobris, ad instantiam serenissimi imperatoris & oratorum principum fuit prorogatus terminus domini nostri papæ ad octo dies, cum conditionibus supra positis.

*Alia prorogatio.*

Item, termino adveniente de quo immediate supra, quia non potuit reperiri concordia, iterum fuit prorogatus ad octo dies, &c.

*Alia prorogatio.*

Item, prorogatus fuit, termino adveniente, quatuor diebus usque ad sessionem in qua dati fuerunt domino papæ nonaginta dies, prout in decreto continetur.

EPISTOLA PHILIPPI DUCIS

Burgundiæ ad concilium Basileense.

*Promittit belli inducias servare cum Austria duce.*

Sacrofando universalis ecclesiæ generali concilio Basileæ congregato. 1b. p. 669.

Reverendissimi, &c. recommendationes cordiales & sincerum affectum obsequendi. Vestris ex litteris hortamenta perlegi, ut in treugis inter me ac Austriæ ducem firmatis manere velim, nec iudicare, si ab aliquibus inter nos illarum sunt injuriæ: ob id treugas ipsas fractas esse: sed si fractæ fuerint, denuo reintegremus, firmasque teneamus, & de injuriis ipsius in aliquos probos viros compromittamus, qui rem cognoscant, & inter nos compositionem faciant. Idcirco, reverendissimi, reverendique in Christo patres spectabiles & præclari, vestris reverentiis, nunc repeto, satis notum, videlicet quod ad instantiam & in favorem sacrosancti concilii, treugas cum præfato Austriæ duce liberaliter inivi, primum eodem instante concilio, ac per tres menses post ipsius dissolutionem duraturas. Deinde vero alias, quales feceram cum adversario domini mei regis atque meo: quas quidem treugas dicti ducis Austriæ firmiter observare volui ac intendo; quamquam ex sua parte, videlicet per suos subditos, & in suis terris & dominiis plura fuerunt in contrarium attentata, pro quorum reparatione loco & tempore expecto: nihilominus treugas suspenditas, quamdiu concilium durabit & tres menses sequentes, confirmare paratus sum, si sit opus, vel novas ad illud tempus firmare juxta formam et dictamen, ac ob reverentiam et contemplationem dicti sacri concilii, ac ut visualia ex meis dominiis liberior illuc transmitti valeant, et passus districum teneantur expediti, pro viribus cupio laborare, postulans ex intimis, quatenus ad reparationem injuriarum et attentatorum ex parte dicti Austriæ ducis curam agere velitis effectivam, et vestra mandare beneplacita, quæ possitenus exsequi conabor. Spiritus almus reverentias vestras cunctumque suum sacrosanctum inspirare dignetur et dirigere ac conservare in prosperis. Scriptum in villa mea Divionensi XXVI. die octobris.

Devotus et obsequiosus ecclesiæ filius  
Philippus dux Burgundiæ, Brabantie, etc.

## EPISTOLA PRAGENSII.

Ad nuncios concilii Basileensis  
Rationem existentes.

*Ut Bohemis communionem sub utraque  
specie a concilio concedi procura-  
rent.*

p. 670.

**R**everendissimis ac venerabilibus & egregiis in Christo patribus & dominis Philiberto episcopo Constantiensis provincie Rothomagensis, Johanni de Polemar decreto- rum doctori, & sacri palatii apostolici cau- sarum auditori, ceterisque dominis episcopis, doctoribus, legatis a venerando concilio Ba- sileensi versus Rationem transmissis, ami- cis nostris in Domino dilectis.

Nos Assio de Risenburg supremus guber- nator regni Bohemie, barones, nobiles, civitas Praga, milites, clientes, necnon alie omnes civitates dicti regni & marchio- natus Moravie, invidissimarum quatuor ve- ritatum articulos amplexantes, venerabiles patres & domini, necnon viri dignitatum ac scientiarum eximii, sincerum affectum sa- lutaris boni vario cum genere complacendi.

Quia solemnissimum est utriusque sta- tus spectabilium virorum adunata personis, & ad serenissimi Romanorum imperatoris presentiam nuper a nobis Rationem trans- missa, nunc nobis in generali congregatio- ne constitutis, ejusdem Cesaris ac veneran- di Basileensis concilii vota plene ac fideliter patefecit, super quibus quidem maturo tra- ctatu, anoque prelibato consilio vestris re- verentis, prout sponsum est, ita respon- demus. Quemadmodum pridem, ita utique & nunc nobis videtur institutioni Jesu Chri- sti consonum, primitive ecclesie matris & magistra nostre praxi omnino conforme, ac salutis humane opportunum, & presertim totius populi Bohemie regni ac marchiona- tus Moravie unitivum & in pace stabiliti- vum & roborativum, ut quemadmodum sunt unius lingue, unius ditionis, uniusque re- gni incolae, ac fidei orthodoxe consortes; ita fiant & in ritu communionis divinis- sime eucharistie veri sodales. Nam sicut morum & rituum disparitas, discordiarum, litium, jurgiorum ac seditionum mater esse digno- scitur: ita nimirum eorumdem grata con- formitas puerpera & alitrix tranquillitatis censetur & pacis. Unde sicut dudum omni instabamus conatu, ita & nunc ab instantia non desistentes, accuratius exoramus, qua- tenus reverentiarum vestrarum ingens sol-ertia, amatrix fidei, ac promotrix nostri honoris pariter & caritatis fraternae adhuc studiose & fideliter in conspectu venerabilis concilii cooperari dignetur, ut omnes & sin- guli preedictarum regionum terrigenae modis inducantur idoneis ad communionem ipsius divinis- sime eucharistie in utraque specie, panis scilicet & vini, & ipse ritus taliter communicandi ita firmetur & perpetuetur ad incolas memoratos, ut nulla queant in

A posterum auctoritate cassari.

Quod si vestrae providentie studium ad ista, quae summe & unanimiter totique praecordiis exoptamus, perducere nequaquam valuerit, ex tunc ad ea vestrae reverentiae sollicitudo deducat, quae in cedula praesen- tibus inclusa vestris dignitatibus referamus, ad quae, teste Domino, dolenter condescen- dimus, ut pacem ecclesiae, tot & tantis o- diorum fomitibus evulsis, procuremus. In- super optamus, quatenus universa & sin- gula nostra scripta V. P. grato animo a no- bis velitis acceptare, & super eisdem be- nignum & generosum responsum quanto ce- lerius poteritis nobis per vestra scripta tran- smittere curetis. Datum in civitate Pra- gensi, octava die mensis Novembris sub sigillo domini gubernatoris.

SEQUITUR COPIA CEDULAE  
INCLUSAE.

**C**onfidentes tamen, pro malis ex- stirpandis & bonis inferendis, nostram voluntatem vestris paternitatibus referamus, videlicet quod quiescere a bellis volumus, dum communio praefata perpetuo eis, qui communicaverunt sub utraque specie in suo vigore & praxi remanebit, eritque nobis & nostris successoribus firmata & roborata munimentis fide dignis & sufficientibus, dum tamen licentia dabitur & proclamabitur per concilium Basileense parti nobis adversae communicandi sub utraque specie. Quod si qui sub una communicabunt laici, non confor- mantes se nobis in ritu communionis dupli- cis speciei, pro pacis & unitatis vinculo inter nos introducendo, eos volumus susti- nere dumtaxat in locis in quibus praefata communio duplicis speciei non servabatur. Ipsum quoque concilium Basileense disponat simul cum Cesare aut imperatore, quatenus nullus audeat regnum Bohemie & marchio- natus Moravie mandare, haereticare, in- famare, aut quovis modo conviciari, quia tali modo communicaverunt, communicant, & communicabunt in futurum sub specie utraque. Et propter tres alios articulos in sensibus illis, in quibus cum legatis concilii Basileensis est recessum & compactum, nec aliquis praesumat personam aliquam & communitatem avertere & abstrahere a com- munionem utriusque speciei quovis modo. Quod si qua persona vel communitas repe- rta fuerit, poena ultionis condigna feriat. Archiepiscopum vero cum suffraganeis duobus, aliisque episcopis, quos clerus una nobiscum nunc vel in futurum elegerit, eod- em pro electis suscipiatis, ipsos confir- mando, & ut exequatur officium episco- pale per media debita deducendo. Qui qui- dem episcopi una nobiscum & cum toto clero suo promittent vobis obedientiam, prout lex divina mandat & suadet sic praefectis obedire: ita videlicet quod parati sumus uniri, & esse unum, quo omnes fideles Christiani uniri secundum legem obligantur, ac adherere & obedire in omnibus a nobis legitime praefectis quaecumque jusserint se- cun-

Ib. p. 671.



ANNO  
CHRISTI  
1433.

candum legem Dei. Quod si quicquam contrarium papa aut praelati quod a Domino prohibitum est determinaverint faciendum, aut facere iusserint, vel quod in canone biblia scriptum praterierint, aut prateriri mandaverint, cum canones tales dicant execrabiles & anathema, obedire non obligamur, nec obediemus, & isti vel isti episcopo omnes subint sacerdotes in regno Bohemiae & marchionatu Moraviae. Hæc præmissa transeant de manu ad manum, reservando nobis potestatem ulterius probandi sensus primarios trium articulorum ultra id quod concessum est in compactis. Insuper omnes personæ spirituales sive clerici per archiepiscopum aut suos officiales judicentur, nec ad suggestionem æmulatorum quorumcumque extra dioecesim seu regnum ci-  
tentur. Item, ut beneficia in regno nostro non distribuantur per extra regnum positos. Pro præcepto vero & communione parvulorum difficultas quia restat, distamini iudicis in Egra compactati stetur parte ab utraque, nec in hoc præjudicet concordiae, quia tempore intermedio nostri parvuli & infantes communicabuntur divinissimo sacramento sub speciebus panis scilicet & vini.

COPIA LITTERÆ IMPERATORIS

Græcorum, ad concilium.

Mittit ad sacrum concilium suos  
oratores.

**J**ohannes in Christo Deo fidelis imperator, & moderator Romeorum, Paleologus semper augustus, sacrosanctæ generali synodo Basileensi, &c. salutem in omnium redemptorem.

Ambasiatores V. R. P. venerunt ad nos, & artulerunt vestras litteras, ex quibus & etiam a relationibus eorumdem oratorum certe cognovimus bonam dispositionem & intentionem quam habetis pro  
\* unitate omnium Christianorum, & etiam pro unione ecclesiarum Christi, & postulaverunt nos, ut mittere velimus nostros ambasiatores ad V. R. P. pro isto negotio sancto unionis. Nos igitur illos & dicta per illos gratissime accepimus & audivimus: quia unionem prædictam jam diu desideramus & petimus, & pro ista multoties missimus nostros ambasiatores ad sacrosanctam Romanam ecclesiam, & istius summum pontificem, sicut manifestum est omni mundo. Et nunc quoniam V. R. P. pro unione fienda miserunt, & placuit vobis ut mitteremus nostros ambasiatores super tale propositum dicturos & audituros, & facturos quæ & quanta ad hæc pertinent: lætati fuimus valde & magnum habuimus gaudium, & secundum vestram voluntatem & petitionem elegimus & missimus nostros ambasiatores excellentes, qui cum recessi fuissent a nostra civitate cum navi simul cum vestris ambasiatoribus, reversi fuerunt navitæ & cum magno periculo a procellis & turbatione maris. Et

postea nobis visum fuit propter causas veras & necessarias, ut unus ex vestris ambasiatoribus veniat ad V. R. P. pro ostendendo omnia; reliquus vero remaneat hic, & vere inchoato veniat & ille cum nostris ambasiatoribus prædictis, quod sic factum est. Et nunc venit reversus ad V. P. R. reverendus Anthonius episcopus Sudenfis vester ambasiator, ex quo de omnibus latius & particulariter sciatis. Postea vero venient & prædicti ambasiatores nostri cum fratre Alberto de Crispis sacre pagine professore, & tunc etiam clarius & perfectius de omnibus V. R. P. scient. Datum in nostra civitate Constantinopoli, die XXVIII. Novembris MCCCCXXXIII.

Signata manu propria imperatoris, de rubeo tamen & intra litteram, &c. ut moris est, indictione mensis Novembris XII.

PROPOSITIO FACTA PER  
DOMINUM

Legatum in concilio Basileensi in publica congregatione ambasiatoribus  
Græcorum.

**M**OS est magna laude dignus, apud nostros ecclesiasticos diutissime observatus, cum de rebus arduis dicturi sunt, ab aliquo sacre scripturæ verbo initium dicendi facere. Et recte quidem. Nam quanto ex fortiori materia fundamentum constructum fuerit, tanto quod superimponitur ædificium firmitus ac durabilius erit. Me autem qui ad hanc rem utinam digne electus essem, cum iussu ecclesiæ loquuturus sim, huiusmodi laudabilem ecclesiæ consuetudinem præ ceteris imitari oportet. Sed unde melius exordiri potero, quam ab his verbis, quæ Redemptor noster suo sacratissimo ore, suisque benedictis labiis, circa tempus præsertim redemptionis nostræ, protulit: quæ quia de dilectione Dei, de observatione mandatorum, de pace & unitate ecclesiæ dicta sunt, cuiusquam dignitas nusquam convenientius quam modo, & hoc in loco recitari possunt. Hæc sunt illa salutifera verba nostris insculpenda cordibus, paulo ante in officio lecta, quæ catholica ecclesia in Sancti Spiritus solemnitate dactantare solet, sumpta ex evangelio Johannis XXIV. c. si quis diligit me, sermonem meum servabit, & Pater meus diligit eum, & ad eum veniemus, & mansionem apud eum faciemus. Licet omnipotens Deus neminem mortalium secundum communem legem de gratia sua certum esse velit, juxta illud Ecclesiastes: Nemo scit an odio an amore dignus sit; reliquit tamen nobis argumenta quedam, per quæ gratiæ suæ non mediocrem conjecturam habere possumus. Et sicut cetera omnia, ita utrumque horum summa cum ratione disposuit, ne, si forsitan divinæ gratiæ certi essemus, in elationem aliquandam mentis aut desidiam





ANNO  
CHRISTI  
1433.

cificat Dominus: *Pacem relinquo vobis, pacem meam do vobis.* Et, hoc est præceptum meum, ut diligatis invicem. Supervacuum puto ratione vel auctoritate vel exemplis probatum ire quam utilis & necessaria sit hominibus pax, quamquam ejus nomen dulce, & suave, ac jucundum, natura ipsa omnia venientia ad pacem inclinat. Nemo est qui non animo suo pacem, ut finem quemdam, non constituat. Speciale quoddam privilegium pax ipsa habet, ut secundum Augustinum a suo etiam contrario quaeratur, quod ceteris non congruit virtutibus. Ipsi enim qui bella gerunt, ad hoc certant & desiderant, ut pace tandem potiantur. Ita pax nostra Deo grata est, ut qui eam quaerunt, in filios suos adoptare dignetur: *Beati, inquit, pacifici, quoniam filii Dei vocabuntur.* Et cum Dominus octo beatitudines nominaret, cuilibet præmia sua constituens, solis pacificis nomen filiorum Dei, quod maximum est, conscripsit. Honorabilis autem & multo dignius est fieri filium Dei, quam quævis alia possidere. Quantum inter Christianos pax, unitas & caritas Christo nostro fuerit cordi documentum, illud intimat datum discipulis ad prædicandum. missis, ut quancumque domum intrarent, primum dicerent: *Pax huic domui.* Sed & sermo ille prolixus, quem post ultimam coenam edidit ex hoc mundo transiturus ad Patrem, evidenter ostendit, cujus omnia fere verba, nihil aliud quam pacem, unitatem & caritatem redolent. Multis enim modis id ipsum repetens Salvator noster, non posse quasi satiari videbatur: *Modo, inquit, Mandatum novum do vobis, ut diligatis invicem.* Et, *In hoc cognoscent omnes, quia discipuli mei estis, si dilectionem habueritis adinvicem.* modo: *Pacem relinquo vobis, pacem meam do vobis,* modo: *Hoc est præceptum meum ut diligatis invicem, sicut dilexi vos.* Iterum atque iterum: *Hoc mando vobis, ut diligatis invicem.* Et tandem multa quæ dixerat uno verbo concludens, dixit: *Hæc locutus sum vobis, ut in me pacem habeatis.* Convertensque statim sermonem ad Patrem, orabat intanter, ut discipuli sui unum essent, sicut ipsi sunt Pater & Filius. Et licet tunc acerbissima passionis instaret hora, cerneretque quod Judæi & Judæi impii adversus eum machinabantur, ac quanta sibi parabantur supplicia, flagella & tormenta prospiceret; nihilominus quasi sui oblitus, solum ad exhortandum pacem, unitatem & caritatem inter discipulos intentus erat. Multa balbutiendo dixit de pace & unitate; sed pauca pro effectu hujus sacri concilii, quinimmo & paucissima pro effectu, quem mirum in modum desideramus, ut nos & vos unum simus in unitate Spiritus in vinculo pacis.

5. Ex his sacri evangelii verbis, reverendi oratores, edocti sumus quid facere nos oporteat; videndum restat an sic faciamus, & si quid impedimenti est, ut illud omnino de medio tollatur. Et primo ab hac sancta synodo inchoandum reor, quæ prius pacis signa ostendit. Deinde veniam ad vos, qui ipsam synodum æquis passibus sequi nitimini. Hæc igitur sancta synodus cupiens su-

per omnia diligere Deum & diligere ab eo, summopere curavit præcepta ejus servare, præsertim ea quæ pacis sunt. Nam præter cetera sanctitatis opera, ob quæ congregata est, pacem in populo Christiano pro viribus inquiri & prosequitur. Et quoniam super omnem pacem, & pax & unitas ecclesie Occidentalis & Orientalis magis necessaria videbatur, omnem adhibuit diligentiam, ut illa diebus nostris (fieret.) Quamobrem duos oratores, reverendum patrem episcopum Sufenem, & venerabilem magistrum Albertum de Crispis hic præfentes, pro hoc sancto opere usque Constantinopolim destinavit; & quamquam pro longitudine & rei gravitate per magnum tempus spatium vos expectandos cogitarem, decrevimus tamen omnia potius ferre incommoda, quam tam salubrem & necessariam pacem negligere. fecimus igitur, quantum in nobis fuit, exhortando, rogando, vocando & interpellando vos, ut ad hunc locum pacis pro ipsa pace proficisceremini, prout latius ipsos oratores nostros in Constantinopolitana urbe nostro nomine referentes audivistis. Sed nec solum hoc egisse contenti sumus; quinimmo propter præceptum Domini & caritatem nimiam, quam ad vos habemus, facere prompto animo nos paratos offerimus, quicquid ad hanc pacem & unitatem feliciter consummandam necessarium seu accomodum visum fuerit. Nunc de desiderio & voluntate vestra aliquid ad pacem dicam, & utinam tam digna, sicut merita vestra exposcunt. Deditis & vos non parva indicia, per quæ vos divinis obtemperare mandatis, pacem & unitatem velle nobiscum renovare satis cognovisti potest. Ut primum domini oratores nostri Constantinopolim ingressi sunt, tam serenissimus dominus imperator, quam patriarcha, magna cum honorificentia eos susceperunt. Lætitia quam patria vestra in ipsorum demonstratione adventu, honorque, munificentia, hospitalitas & tanta humanitatis officia, magnum perhibent animi vestri ad pacem argumentum. Rogati post hæc imperator & patriarcha, ut oratores ad hoc sacrum concilium destinarent, libenter assentientes, vos viros inignes ad hoc sanctum opus conficiendum destinarunt, denique continuo navim ascendere iusserunt. Jamque, diu applicuissetis, nisi procellæ maris & adversus nimium ventus impedimento fuisset.

6. Ne autem longior mora ulla nobis suspicionem posset ingerere, consule deliberasti dominum episcopum præmittere, qui vestræ bonæ voluntatis, vestrique paulo post futuri accessus nos certiores redderet. Sed posteaquam temporis opportunitas docta est ad hoc sanctum opus, illico vos attingentes, non longitudinem itineris, non viarum discrimina, non terras ignotas, non denique plurima, quæ tam longe itinerantibus occurrunt incommoda formidastis. Et quamquam in via prædonum injurias, rerumque amissionem, plurimamque adversa passi sitis; constantia tamen animi semper retenta, huc quam celerius fieri potuit, Deo duce, applicuistis. Hæc omnia quam recentem promtumque ad unitatem animam habeatis, ma-

ANN  
CHRIS  
1433

nifeste significant. Sed ex his omnibus impedimentis, difficilibusque principiis spem unam felicissimi exitus utrimque concipiamus. Sæpe antiquis hostis, cum videt aliquid magni in ecclesia Dei inchoari, mille ad impediendum parare insidias. Nobis autem plurimas dedit, & adhuc quotidie dare non cessat; sed quo plures infelix ipse nobis laqueos intendit, plures certe triumphos administrat: & quo nos magis mergere satagit, eo gloriosiores exurgere nos facit Christus Dominus noster. Prævidebat, advenientibus vobis, posse fieri pacem in ecclesia Dei, cujus tantam intelligebat futuram utilitatem, ut ex nulla umquam pace tanta proveniret; proinde terra marique vos a sancto proposito turbare conabatur, nunc porrectis æthereis mare commovens, nunc raptorum sævitia instigans, ut vos nullatenus ad locum pacis nobiscum de pace conveniretis. Sed Christus Salvator noster sponsam suam ecclesiam consolari volens, & ventis ac latronibus fortiores vobis animum tribuens, per varios casus ac discrimina tandem incolumes ad hanc sanctam synodum, perduxit: pro quo suæ majestati ex toto corde infinitas agimus gratias, suam humiliter gratiam exorantes, ut hæc magna principia felici & optato fine concludere dignetur. Vestro autem adventu mirum in modum gaudeamus omnes, vestra etiam præsentia lætamur & exultamus, ut nemo pro quo tantum gaudii cepissemus, huc accedere potuisset. Utique cum iste vester adventus arham quasi futuræ unionis aspiratus videatur, revertamur jam unde paululum digressi sumus. Nos igitur ac vos cum plurima pacis indicia, magnumque unitatis desiderium habuisse, habereque ostendamus: omni conatu incumbere debemus, ut bonam hanc voluntatem & per operis evidentiam ad consummationem usque perducamus; majus, quod in hac sit, est bona voluntas. Hanc utraque pars optimam se habere asserit, & signis evidentibus comprobavit; disponamus jam manus ad reliqua, & quod restat, sine intermissione & omni cum diligentia proficquamur. Veniamus jam prope ostium, & illud manu tangendo pene aperiamus.

7. Quid superest, fratres dilectissimi, nisi ut alter alterum in unitate spiritus complectentes, introeamus cantantes: *Ecce quam bonum, & quam jucundum habitare fratres in unum?* sed video in ipso ostii limine offendiculum quoddam, sed forte pervium, nescio quis verbalis forsitan differentie obex se interponit, & nos parumper ab ingressu retardat. Eja fratres in nomine Jesu Christi & spiritus ejus, qui spiritus est caritatis & pacis, obstacula illa quæcumque illa sint procul amoveamus, ut plana & expedita via ingrediamur in dilecta tabernacula Domini virtutum; quænam illæ differentie esse possint, quæ sanctam unitatem nostram dirimere valeant? quis lapis offensionis nos ejusdem patris filios ab hereditate in testamento domino nobis relicta tantopere commendata private poterit? Abiit, fratres, abiit, ut Christi orationem pro unitate nostra porrectam ad Patrem nostram culpa, quantum ad nos invicem, faciamus irritam.

*Concilio. Supplem. Tom. IV.*

Et quomodo diligere Deum & diligere a Deo poterimus? quomodo ipse Deus pacis veniet ad nos, & apud nos mansionem faciet, si sanctum pacis & unitatis præceptum non observemus? Christus, ut inquit apostolus, est pax nostra, & ipse fecit utraque unum, & medium parietem maceræ solvens, duos condidit in semetipso in unum hominem novum, faciens pacem, ut reconciliaret ambos in uno corpore Deo, per crucem interficiens inimicitias in semetipso; ipse veniens evangelizavit nobis pacem his qui longe & his qui prope. Ipse nascens annuntiavit nobis per angelos pacem. Ipse prædicans docuit nos, pacem, ipse moriens reliquit nobis pacem. Et nos qui dici volumus discipuli ejus, & Christiano nomine gaudemus, poterimus quæcumque occasione pacem non colere, & unitatem ecclesiasticam negligere?

8. Consideremus in quam parva re differamus & in quot & quibus convenimus, erubescendum erit, quod inter nos diffidium amplius hoc patiamur. Utrique fatemur unum Deum Patrem & Filium & Spiritum sanctum, tres personas in unitate substantiæ, utrique tenemus Petri testamentum, utrique novum, plurimos sanctos doctores tam Græcos quam Latinos utrique genus & approbamus. Impossibile est quin ex his plurimis in quibus unanimiter consentimus elici non possit veritas. Impossibile certe arbitror per tot librorum volumina, quæ vel a Deo vel a Spiritu Dei per sanctos patres sunt condita, in quibus quæcumque ad salutem necessaria descripta sunt, omnem quæ inter nos est differentiam evacuari non posse. Hæc veritas licet sæpe declarata sit, & postremo in Lugdunensi concilio omnis sublata discordia, nihilominus si quis adhuc scrupulus restat, si quis amplius declarationem afflagitat. ecce sancta nostra mater ecclesia hic in Spiritu sancto congregata, paratam se offert, juxta doctrinam S. Petri, omni poscenti de ea, quæ in se est, fide reddere rationem cum omni caritate & mansuetudine. Et quoniam nihil nobis tam est curæ, nihilque magis cordi nostro infixum hæret, quam ut omnes qui Christiani nomine censentur, solliciti sumus servare unitatem spiritus in vinculo pacis. Et sicut unus est Christus, & una Christi fides: ita sumus in una fide, idem Christi corpus. Ideoque per caritatem Christi, qui animam suam pro nobis posuit, ac suum pretiosum sanguinem quo nos redemit, ex toto corde nostro, ex tota anima nostra, ex tota intentione nostra vos hortamur: vos rogamus & obsecramus, ut a modo id ipsum secundum apostolum dicamus, & non sint in nobis schismata, sed sicut sumus Christiani, ita sumus uniti & pacifici ad invicem Christiani. Nos pacem & unitatem in Christo vobiscum & omnibus hominibus habere desideramus & quærimus. Pro hac pace & unitate, nullum laborem, nullum opus respicimus; pro illa, si opus sit, exemplo Salvatoris nostri nos ipsos et animas nostras impendere et superimpendere parati sumus. Similique modo et vos et omnes homines facere optamus; alioquin qui secus fecerit fru-



ANNO  
CHRISTI  
1433.

\* f. ora-  
tiones.

\* f. discer-  
punt

\* f. exe-  
crandum

stra Deum colit, frustra Christianus est. Nihil sibi homines, \* nihil sibi jejunia, nihil eleemosynæ, nihil denique ipsa martyria, sine caritate & unitate ecclesiastica, secundum apostolum prodesse poterunt; id ipsum vos esse facturos quod nos facimus, ex multis, quas supra memoravimus conjecturis sperandum est, quod ut faciatis præceptum domini de pace & unitate vobis necessitatem imponit salus animarum, quæ extra ecclesiæ unitatem esse non potest. Vos ardet sanguis Christi pro ecclesia effusus, ita vos agere reddit obnoxios, promissiones Domini ac præmia vitæ æternæ ad hoc sanctum opus vos merito debent allicere. Sed & quis erit ille tam impius Christianus, cujus ad comparandum & succurrendum viscera numquam ex hoc dissidio apud inimicos patitur nominis Christi. Dirrident enim Christianam religionem Judæi, Turci, Saraceni & alii infideles, quam sic in fide divissam conspiciunt; & cum ei in alio detrahere nequeant, pro hac tanta divisione blasphemias lacerant & maledictis diserepant. \* Et quam unitam formidant, sic scissam contemnunt ac nihil faciunt. Multi procul dubio ad orthodoxam converterentur fidem; sed videntes nos invicem de variis certare dogmatibus, adversisque discrepare opinionibus, in suo errore perseverant. Nescientes quos eligant, quibusve magis adhaereant. Heu! quam ingenscendum pariter & erubescendum, quod cum nulla infidelium secta ita pacem & unitatem sicut lex nostra præcipiat: apud nullos tamen minus quam apud Christianos pax & unitas in credendo servetur. Quodnam est hoc opprobrium, quod ipsi infideles in erroribus & superstitionibus suis pene conveniant omnes qui eandem sectam tenent; & nos veram fidem colentes, eademque veritatis principia recognoscentes, sic inter nos varie dissentimus? animarum præterea perditio, quas multis modis infideles pervertunt; nonne unionem mutuam vobis persuadere debent? Numquid non in extremo Dei judicio sanguis, nostra culpa ac desidia.... peremit de manibus nostris exigetur, cum multis malis possumus & negligamus occurrere? Heu! quot singulis annis filios etiam perdit, qui in manus deducti infidelium fidem catholicam abnegare coguntur.

9. In ultimis rerum temporalium detrimenta, corporumque pericula dicenda reservavi. Hæc enim quia oculis conspiciuntur, magis cogitare magisque horrere solent. Post hoc \* exactandum dissidium in ecclesia ortam, quæ quantæque damna, injurias, persecutiones, contumelias a Turcis, Tartaris, & Saracenis, nobilissima Græcorum patria quadringentis fere annis passa sit, & quotidie prohi dolor! amplius atque amplius patiatur, ad quantum exterminium ecclesias orientales barbaricus infidelium furor deduxerit, quis referens a lacrymis se temperet? quot oppida præclarissima, quot urbes insignes disruptæ sint & solo æquatæ? quot numerosæ gentes, quot populosæ provincie a vestigiis deletæ? quanta quoque depopulatio ac ruina in orientali plaga hinc sequuta sunt? quam horribili servituti &

A jugo tributario Christiani orientales subiciantur, & quam proximo periculo extremæ prodicionis ceteri qui restant, & quidquid superest vestrorum populorum subiaceant quis nesciat? quis sciens non fleat? & quis flens non provideat? Præter hæc liberalium artium, aliarumque scientiarum studia, quæ illa in patria quondam copiosissime florebant, nunc penitus deserta videntur, & ubi seminarium olim litterarum erat, & omnis eloquentiæ & sapientiæ fons, quid modo superest vos melius notitis. Horum omnium dissidium istud fuisse causam communem & omnium scandalorum. Sed omnium horum reparatio ipsa vestra nobiscum unitas judicio omnium futura estimatur. Nihil his calamitatibus facilius est remedium, quam ut omnes qui Christum colunt, in eadem fidei neclantur unitate, & alter alteri sint fratres, invicem opem ferant, & mutuo subsidia ministrent ad adiuvandum vos, pellendumque de Græcia Turcos, certatim concurrant; quinimmo reconciliationis fama ita illos attonitos reddet, ut desperare cogantur in terra vestra posse amplius immorari. Convocabimus reges, duces, & principes, & omnem populum Christianum. Sed & non vocati ultro ad vestra præsidia confluent. Nemo erit qui quicquid roboris ac virium poterit vestræ genti non conferat.

C 10. Videor post hanc unitatem videre non longum assuturum tempus, quo pristina gloriæ & libertati tota restitatur; decus, dignitates & ornamenta majorum recuperabit, & fiet, Deo disponente, Græcia illa quæ felici tempore olim florebat, tanta denique Latini ac Græci caritate copulabuntur, ut inter ipsos ac Germanos fratres, nihil pene interfit: ita ut nullum quodammodo inter eos fuisse quondam dissidium videatur. Quis tunc tam disertus ullo dicendi genere explicare illam poterit lætitiæ ac jubilationem, quam sancta mater ecclesia ex optata filiorum unionem suscipiet? vix corda hominum tam grande atque insolitum gaudium intra se capere poterunt, omnes ad oculum levabunt manus, magnificantes & benedicentes Dominum, qui his novissimis diebus populum consolari dignatus est. Nemo præ gaudio a lacrymis continere poterit, talem intuens successum, quo nullus a principio nascentis ecclesiæ utilior atque optabilior visus fuit. Et quanto diutius ac perniciosius hoc constat fuisse divortium, tanto reconciliatio gratior jucundiorque æstimabitur. Et quemadmodum nova humo revirescente, omnia quasi ridere videntur; sic inter nos pace composita, tota Christianitas resforecet, & nimio quodam applausu jubilabit. Ipsa quoque mater ecclesia, quam pro tam diuturno filiorum dissidio nimis moeror in decrepita senectute adduxerat, pro tanta felicitate ad secundam adolescentiam revertetur. O quam gloriosum erit tunc esse Christianum! O quam longe lateque fides orthodoxa palmites suos diffundet! quantus hinc Christianæ religioni redundabit honor, decus, ac gloria! quantumque timor & pavor adversariis suis, si diebus nostris hæc facere dignaretur Deus!

O ii

Supple-  
dum ali-  
quid est

ANN  
CHRIS  
1433

O si hunc optatissimum diem oculis nostris unquam intueri possemus multos fore non ambigo tam ex hoc coetu, quam ex reliquo ecclesie corpore, sic hujus unionis desiderio accensos, ut post illam vix momento supervivere optarent, dicentes cum sancto fene Simeone: *Nunc dimittis servum tuum Domine secundum verbum tuum in pace: quia viderunt oculi mei salutare tuum.* Unionem ecclesie igitur accelerandam, fratres, & sicut faber calidum ferrum malleo super incudem percutit: ita nos ardentissimum ac ferventissimum desiderium nostrum ad consummationem optati operis sine mora convertamus.

II. Ut ista igitur cogitetis, & cogitates opportune provideatis, est omnia quæ prædiximus, & quamplura quæ pro vestra sapientia potestis, vos excitent & admo- neant; nos nihilominus pro Christiana caritate id ipsum iterum atque iterum sollicitamus, rogamus & obsecramus, quod si feceritis, prout speramus, veri eritis celestium præceptorum conservatores, ut Deum reipsa diligere & ab eo diligere comprobabitis, qui veniet ad vos & mansionem apud vos faciet, hic per gratiam, & in patria celesti per gloriam, quam Jesus Christus nobis & vobis & omnibus Christianis largiri dignetur, qui vivit cum Patre & Spiritu sancto benedictus in secula. Amen.

## R E S P O N S I O

*Prælatorum ambassiatorum, sacro concilio Basileensi facta.*

I. **P**rimum quidem, o sacrosancta synode, de gloria & laude vestra dicturus, a Deo immortalis auxilium invoco & favorem, præcipue cum ea laus ejus communis sit, ut quicumque de ea dicat, multum a dignitate vestrorum operum deficere necesse sit. Immo si antiqui clarissimi oratores, & qui hac nostra ætate vivunt, adessent, dignam vestris gestis orationem nequaquam haberent, & multis fortassis & ornate dicerent res a vobis bene gestas. Neque illi omnes conatum dporteret meo arbitratu dicere, cum tanto vestris operibus atque gestis omnium oratio sit inferior. Cum igitur hæc multis attenderem, quid mihi eveniet, parvam in dicendo vim habenti? Præterea cum enim nondum corpore bene valeam, & vix jam a longo & diuturno morbo liberatus sim, quin etiam adhuc reliquias male valetudinis aliquas fero. Sententia enim philosophorum est & vera, animas hominum, si corpora patiantur, una quodammodo cum illis pati. Propterea vos omnes oro, ut patienter & æquitate animorum hæc meam orationem audiat, nihil similem rebus a vobis gestis. Nam parum in exercitatione dicendi expertus sum, & ea est magnitudo dignitatis vestre, ut non modo dicere, sed vix eam inspicere totam possim. Quam enim ex rebus, quas a primis sæculis admirari, in nobis aliquis in-

spiciens, non inveniret virtutem, quæ Dei est, & magnorum virorum, qui ad Deum cupiditatem intendunt, qua Deo similes efficiuntur, & sine qua nihil viro dignum effici potest? Qua ratione & secundum ejus naturam vivere vult, quam etiam solum ex rebus omnibus si acceperit homines, similes Deo quodammodo sunt, quam præterea eos qui etiam possident, coelorum cives esse demonstrat. Ubinam quispiam viros virtute præditos plures videat, quos singulos singulatim consideret? Ubi elegantiores simul animos? ubi magis pullulantes virtutes florentes, ut de phœnice propheta dicit. Quid hic apud vos? qui omnem orbem tamquam alia apostolorum societas hic congregata, & certamen maximum aggressi, alios quidem devios & aberrantes dirigere studetis, & ad primam fidem reducere, & pietatem in aliis, qui quamvis recte & divinis antiquorum patrum legibus & apostolorum vivant, quos usque modo, quos puto ab uno & ecclesie sanctæ corpore longitudo temporis divisit, & non parum ad invium alienavit, imo in tantum malitiæ principes alteros contra alteros instigavit, ut verbis invicem quandoque scriptique pugnaverint, omni animo intenditis. Hinc ipsum, ab alienationis verbum sanare & corrigere, cum & legatos ad illos misistis, omnium puto bonam honestamque pacem & concordiam cupientes, quia unum ecclesie Dei corpus per multorum annorum spatium olim gavisa est, quamque diabolus scidit & diviit. Et quamquam ab ecclesia orientali sæpe pro ea legati missi fuerint, nullum tamen tempus adhuc tam magnum ac tam egregium opus videre potuit; sed vobis, ut videtur, summa virtute & sapientia præditis, res ipsa servabatur, qui omni ratione unitatem vultis, volentes ut id fieret studuistis, studentes ut eundem ventremus locum fecistis, ad quem venimus, optimo & expectato fine, auctore Deo, res concludetur. Quod si ad laudabilem finem vestra providentia venerit, quis digne laudabit promptitudinem vestram? quis studium? qui in eundem locum vestrum omnem conventum, qui ex gratia Spiritus sancti intuemur; tantum quantum etiam laudis habet, quod a singulis patria relicta in aliena civitate, quasi in propria domo longam & diuturnam diuturnitatis moram ad hoc maximum & clarissimum opus, cum hunc vestrum conventum tanta animorum æquitate unitum, ut acceleretis, & patiamini moram, hortaturus, rogaturus, obsecraturus sim quod quidem paulo post & suo tempore faciam.

2. Non hoc quod super utilitate Christiani nominis conducere omisit, non jura, non æquitates, non ritus, non consuetudines, non leges. Omnia enim quæ Christi ecclesie conferunt, quæ civitatibus, quæ populis, quæ generi hominum, divina quadam providentia, divina industria tractatis. Nam divinum id vere est opus. Horum aliqua quidem opportune composuistis, alia ut componatis in manu sunt, reliqua corrigere estis futuri. Quisnam igitur maxima, & divina vestra opera digne laudabit? quippe si quis tam claram, tam splendidam,



ANNO  
CHRISTI  
1433.

tam ardentem vocem haberet, ut clamans ubique & sinibus terrarum audiretur; namquam, quantum oportet, famam laudis & gloriæ vestræ extendere posset: quæ tam ampla, tam laude digna, tam Deo grata gesta vestra sint, ex certo nullum tempus, ut reliqua humana solet, abolebit. Ac primum quidem quantum paci hominum studeatis dicam, ac quam mira industria, magno certamine, & diligentissima cura nitimini: qui omnem mentem, omne studium intendentes, maximum hoc & sacrum pacis opus per omnem orbem firmare, & stabile vehementer quadam innata animi cupiditate, desideratis. Postea & alia fabri..... non quantum sapientiæ misit vobis aut ingenii, non quanta elegantia sacræ theologiæ munus habeatis, non quia perspicacia & a civitate jus vel civile intelligatis vel exerceatis pontificium, non quanta Dei manibus & loca scitis & videtis, sed quantum personæ videatur posse concedere tempus, & quantum cura in dicendo jus valeat.

3. Pax magna quædam res, magnum quoddam nomen, angelicas coelestesque virtutes continet, una, & prima, & magna deitatis luce circumvolantes, quæ divino illo & miro nutriuntur cibo, splendescere scilicet appetitissima civitate. Hæ pace colligantur, & vivunt caritatis modo. Pax enim mundum rerum intelligibilem continet, quæ magis propinquos unitosque, in luce divina, quæ nec dici potest, nec addisci. Pax cujusquam magni boni, quæ & operis est factrix & conservatrix. Discordia e contra, quæ divisionem, schisma & litem assidue machinatur; non illum quidem invisibilem rerum mundum, & ita ut tantum erat, splendorem reliquit; immo quædam, quæ prima luce fulgebant, obscura fecit, & illic multas virtutes extraxit, quæ postea malorum operum auctrices factæ sunt. Extractus est qui eo tempore malitiæ dux fuit & postea perpetuo. Sed advertite ad hunc istum mundum, quem videns, qui diversis compositus elementis, si nulla qualitatibus superabundet, pax & ordo in luce & quiete continet totum æquitatem quadam omnibus quoad Dominum: cum discordia, confusio & contentio in illum venit; tunc superat turbo, & totius quasi dissolutio fit & perditio, ac pulcherrimum & expectatissimum hunc mundum deformitas quædam possidet & obscuritas, nec inspicere quidem omnino potest; sed descendimus ad parvam mundi partem, hominem scilicet, maximam vero, & reginam & principem rerum omnium mundanarum, ut Deus jussit. Hic enim cum id quod in se est struat, & æquitatem animi & statum non omittat, pacem vero stabilem firmamque tenet, tunc maxime societati angelorum sit similis, numero atque ordine ambulanti. Cum vero a seipso decidit, pugna ac lite vexatur: quæ si parum crescat, rationem omnem ab illo diffugit, magnumque animarum & tribulentium facit; qui phantasiis quibusdam obscuris similis, vacuum se in omnibus & sine firmitate demonstrat. Verum inspicimus quæ res, qualisque pax sit. Pax certe sua qua-

dam pulchritudine ferme regna securat; pax respublikas, quæ populos gubernant, servat; pax quæ civitates, quæ nobilibus eximisque viris reguntur, servat, & omnem alium justum principatum. Pace urbes & crescunt & ornantur, quæ magnum incrementum efficiunt & subditis & principibus. Hæc villas & domos construit, hæc desolatam disruptasque terras habitat, hæc incultas relinquitque colit, & omne quicquid inspicit augmentat, & ad magnam felicitatem venire facit; & ut multa de paucis dicam, quicquid pulcherrimum & sublime est, hæc factum constructumque fuit, sine, quæ nihil in hac vita rectum ordinatumque est. Inimicitia & discordia e contra, bella suscitant & constituunt. Ex bellis oriuntur cædes, ex cædibus destructio ac perditio fit hominum, villarum, civitatum, & rerum omnium publicarum. Venit etiam & ad bruta animalia; nam & una cum hominibus pariuntur & illa. Quid magnos lætosque habentem viros urbem Trojanam destruxit? nonne pugna & dissidia? Babyloniam vero illum tutum, eminentem, clarissimum & fortissimum murum, nonne hæc diruit? sacram Jerosolymæ civitatem, nonne hæc demolita est? nonne hæc etiam omnium fere Judæorum genus captivum ad Assyrios duxit? Nonne hæc Assyriorum, in Italia civitates olim clare ab hac disruptæ, adhuc inculte desertereque manent? Vidimus non multum ab hac Galliam florentem, nunc assiduis Britannicis bellis ac discordia deflorere, quasi videmus & duos illos maximorum Christianorum principatus frequenti bello & inimicitia deterui. Væ ubi hæc dominatur. Nonne ad interitum quasi omnes res vertit? Hæc omnia quæ dixi, & antiqui libri & moderni, & quæ appellantur tragœdiæ & historiæ, vera esse probant.

4. Quibus causis, o sacer sancteque coetus, animis vestris Spiritus sancti gratia firmatum est, ut omni orbis pacem poneretis, et magno tempore certetis hoc tam magnum bonum omni hominum generi distribuere, memores quod Christus nullo alio nomine, se appellavit, non omnipotentem, non factorem, non rerum futurarum cognitorem; horum quidem nomen nullum dixit, sed pacis & amoris. Ego, inquit, pax sum, ego sum caritas. Hanc sacram & sanctam Domini vobis sententiam imitati, omni cura Christi paci studeatis, tamquam ipsius pacis creatoris discipuli & pacis magistri: quam quidem, ut dixi, omni hominum generi & cupitis et nitimini firmare.

5. Doctrinam vero, quæ a Deo dicitur esse & est, & quam homines per gratiam adipiscuntur, quamvis ingenium multum conferat, non superficiei, & summatim, ut a nostra dicitis, accepistis, sed profunde & penitus scientiam adepti, sacra ipsius arcana scrutantes, tantum in ea re excellentis, quantum humano ingenio dari conceditur potest. Cujus summitatem seu sapientiam seu sapientiæ amorem illam appellas, ubi tantum invenies, quantum in theologia, in qua qui eruditi sunt & secreta noscunt, & quantum in legibus ac sacris ac divi-

ANNO  
CHRISTI  
1433.

ANNO  
CHRISTI  
1433.

divinis canonibus sit, de quibus inter vos disputatis, accipit, quam excellentiam quam inde habent, noscunt etiam & perfectas Spiritus sancti gratias, & secretorum completam virtutem; horum omnium vos & inspectatores & magistri estis. Quibus igitur, quantum in vobis, in his rebus aut studium, aut exercitium, aut diligentia, aut doctrina perfectio fuit, immo semper utilitati Christianorum studeatis. Quisquis igitur digne in his quæ dicta sunt ignitu divino vestram laudabilem sapientiam, & omnis quicumque eam rem aggredietur, deficiet. Sed quoniam res geritis & miras & optimas, quibus laudes minores, sicut necesse est oratoribus illas aliquo modo prædicare, quantum eis id facere possibile est; sed auxiliatur & conducit divinus ille David ad hanc vestram laudem. Audite & omnes gentes, auribus percipite omnes habitantes terram, ut gaudetis lætitiâ & gaudium exultationis, in qua hæc sacrosancta congregatio, & facit & vult pacem & concordiam, quæ virtutum summa. Acceleratis enim & magna cura studeatis, ut Græci Romanis uniatur, unumque corpus & membrum facere, & ecclesiam Christi, quam suo ædificavit sanguine, inextinguibile miraculis & signis, ut Deus illam firmavit & stabilivit, ac pacem & caritatem dans discipulis suis, apostolis mandans, ac figens illam sub domini Petri confessione, ipsi & cum ipso aliis apostolis Spiritum sanctum immisit, cum circumcunctes omnem orbem uniti sunt, pacem singulis eis accipiendo porrigentes. Hæc ecclesiæ Dei muros, annos ut puto, tenuit mille et plures, postea nescio quo pacto intigavit, cum invidiosus ille et malorum omnium princeps adveniens discordia quædam in ecclesia Dei nata est, causis neque probatis neque arduis, neque alterutram partem multum tangentibus. Suscipiens igitur schisma et tempus, et opportunitatem sibi sociam inveniens (illa enim tempestate Græci discordia civili laborabant) animos utrorumque fauciat. Postea, currentibus annis multis, huius sancti & excellentissimi patris, pacis scilicet, memor fuit, & si meminere, non generose quidem. Atque usque hanc nostram ætatem, & majus & clarius schisma duratum est, ac per parvum nonnumquam interea tempus hæc utraq; partes conjunctæ fuerunt. Postea iterum peiora prioribus illa visa sunt, ac omnem orbem temporis prorogata ignorantia & obscura quadam nube complexit, tantumque ad invicem litem & contentionem suam paravit, ut altera alteram partem aliud a recto sentire putet, & nullam rectam firmamque credere eorum opinionem, in quibus altera firmaretur; sed utramque solam ad sententias suas inspicere, nihilque omnino animadvertentes ad magnum unius ecclesiæ corpus. Nunc vero sacro et sancto Spiritu animis vestris inspirante, huc ad hunc sacrum locum convenit quicquid optimum et excellens in ecclesia Christi est, quicquid in virtute, quicquid in sapientia ac intellectu, quicquid in arte sacræ theologiæ, quicquid in alta doctrina etiam, et si

dicam, omne in rebus optimis præstans ac menti fixum habetis, partes jam pridem divinas conjungere ad pacem, & ad unitatem ecclesiasticam Christi redacere, atque in unam, ut olim fuerat, restituere.

6. Quamobrem ad serenissimum Græcorum imperatorem & sacram eorum ecclesiam legatos misistis, non parvum itineris laborem passos, longi quidem & difficilis. Sed sæpe pro hac Græci pace quoque legatos miserunt: verum nescio quo pacto nihil apud illos ad quos missi fuerant, conficere potuerunt. At non parva Christianorum multitudo est, quæ Græcorum ecclesiæ subijcitur. Nec tenuis Græcorum genus putatis: ipsum tamen forte multos jam annos quasi obsessum a magno principatu, hominum multitudine diminutum quidem est, & infortuna multa passum, sed non omnino disrptum aut concussum; servat enim sibi adhuc partem Dominus. Nam Peloponessus omnis Græcorum imperio subiecta est, & Lemnos & Imbras, & juxta Constantinopolim major Thraciæ pars, ac etiam, exceptis dominis & quibusdam principibus, Cergamus quam Corcyram appellant, Cephalonia, Zacynthos, Uhat, Leucas, Euboea, Cyclades insulæ, Creta, Rhodus, Cyprus, Chios, Locris, & si quæ est alia in mari Ægei insula, & in Europa Epirus, Illyricum, Achaja, Phocis, Boeotia, Adica, Macedonia & reliquum Græciæ; hæc omnia a Græcis inhabitantur. Paucis tamen quibusdam in locis Turci commixti sunt. Sunt etiam superior & inferior Misia magna hominum multitudine habitata, qui omnes ecclesiæ nostræ obtemperant, ac in Asia principatus omnis barbarorum est, in multis tamen locis Græci habitant. Est & Cynaren non parvus, inserti sunt præterea reges non pauci idiomate diversi, qui Græcorum ecclesiæ obediunt, scilicet Iberum, Regium & Ebazanum, & præter hæc Cethonum & Albanorum, Certanorum etiam & Gothorum; nec non Moldoblachia, & ea quæ magna Blachia appellatur ac Tribalorum, & juxta reprobatos montes Raifutum maxima respublica, & magnæ Russiæ qui magnus appellatur rex; multique alii parent constantinopoli; tot sunt & plura nostris obtemperantia. Sed vos ego, cum virtus vestra non aliter ac solis radii resplendat, oro atque obsecro, ut hoc ipsum vestrum studium & cupiditatem, quam Spiritus sanctus vobis largitur, tradere acceleretis, nulli rei parentes, quæ divinæ ecclesiæ unioni conducatur: ut una existens, ut olim, ecclesiæ, & Latinorum ecclesiæ sit; & Græci contra ad Latinorum ecclesiam veniant cum caritate & amore; ac alii cum aliis in maxima lætitiâ & fructu bonorum, sicut tempore antiquo fieri solebat, opera studentibus, adeo quidem honores & coronas similes illis quæ olim datæ sunt sanctis patribus antiquis, qui magnam curam, magnamque diligentiam habuerunt pro ecclesiæ unione ac statu, pro qua mille labores & certamina sustinuerunt, nequaquam sibi ipsis parentes, immo omnem molestiam, omnem laborem pro ea re læticiam putabant

ANNO  
CHRISTI  
1433.



ANNO  
CHRISTI  
1433.

bant & gaudium ab hominibus vero qui nunc sunt, & qui futuri vivent, gloriam immortalē adepti eritis. Semper enim habebant uniuscuiusque statuam ante oculos multo maiorem ea quæ apud Rodios erat, quam illi Phrodo statuerant. Cui similem a principio seculorum hanc usque ætatem mille humanæ manus facere potuerunt. Sed quid statuam manufactam dico? statuam, inquam, habebitis, quæ coelos tanget, quæ ab oriente videbitur usque occidens. Quas ob res, reverendissimi, divinam ac sanctam celsitudinem vestram oro, ut hoc certamen, quod vos pro pace & unione tanto ardore, tanta animorum cupiditate proposuistis, laudato frui omnium, quamprimum fieri poterit, dare studeatis, ut statim mercedem ac merita, quæ modo dixi, et a Deo accipiat & ab hominibus, ut vero gaudio, & quod sacros viros deceat, gaudeatis. Ad hoc quidem, reverendissimi & digni patres, vobis edicta sunt; ad ea vero quæ dicta fuerunt nudius quartus a reverendissimo in Christo patre & domino meo legato, viro quidem eruditissimo & meritissimo, ac nostra ætate exemplo multis, longis quod utar laudibus necesse est, pro ejus singulari eloquentia & doctrina, quod brevi temporis spatio fieri non potest, Res enim magnis ornari laudibus debent, quæ longo egent tempore, ac vi & orio in dicendo non parva. Sed, si Deus dederit, orationem pro illa faciam opportunam.

Explicit.

Deo gratias.

PROPOSITIO DOMINI ABBATIS

Conchenfis ambassatoris sacri concilii,  
ad Venetos, &c.

Illustrissime princeps ac magnifice domine, ad tuæ celsitudinis præsentiam sacrum Basileense concilium in Spiritu sancto legitime congregatum, reverendum in Christo patrem ac dominum, dominum meum (a) Uticensem episcopum & me, quamquam immeritum & indignum, in ejus societate suos oratores transmittit, eidem offerens una cum præsentibus litteris, salutem optatam & omnipotentis Dei benedictionem. *Leſtis litteris* &c. Illustrissime princeps, Sacrosancta generalis, &c. veritatem ipsius sacrosanctæ synodi dictæ tuæ celsitudini exponendam nobis commisit; & quamquam in præsentia domini mei præfati hoc mihi in his aperire non liceret, de ejus præcepto tamen, cui obedire teneor, hoc facio sperans quod supplebit, prout sibi placuerit, defectus meos. Pro veritatis igitur ipsius sacri concilii ostensione, nec non exponendorum aliquali brevissima introductione, assumo mihi verba secundi Paralip. cap. xix. *Scripta. Non est mea pugna, sed Domini*, pro quo facit cap. *Omni XXIII. q. V. Locutus* pro publica populi Christiani utilitate & præfati concilii veritate, opus est mihi ut personam privatam exuam, & induam publicam, & tam publicam, ut omnes apprehendat, & nemo ab ejus jurisdictione eximatur. Ideo in persona sacri præfati concilii verba præfata assumo, quod non est nostra pugna, sed Domini. Et quia secundum leges positivas licitum est pugnare pro patria, & pro servitute vitanda, quorum pugna, etsi aliquo modo posset declinari, potius tamen est hominum quam Dei, lex enim evangelica cedere jubet frequenter in istis; sed ubi cadit status ecclesiæ, ubi perit cultus divinæ patriæ, ubi movet zelus justitiæ, ibi puto fore pugnam Dei, quia ibi agitur ejus principale negotium & inde causa. Cum autem hæc mala in præsentia pateant, debemus nos arma sumere, suum autem erit pugnare. Ait enim sacra scriptura *non est nostra*, &c. ubi proponitur campus certaminis, apponitur manus juvenis, ostenditur modus conaminis.

2. Proponitur primo campus certaminis ad aggrediendum viriliter, cum ait *pugna est*, in qua debet homo habere se patienter, ne circumveniat; confidenter, ne commoveatur; & potenter, ne dejiciatur.

3. Perniciosum est enim pugnare sine bono consilio, præsumtuosum est sine Dei auxilio, & periculosum sine forti brachio; vallet enim sapientia circa primum, confidentia

Ib. p. 690.

(a) Guillelmum Seibergeri, postea translatus ad sedem Carpentoratensem. Martene.

tia circa secundum, perseverantia circa tertium. Cum enim affligitur Dei ecclesia, cum deicitur divina iustitia, cum confunditur Dei familia, Domini est pugna, qui debet pugnare, qui debet stare pro sua familia ne desoleatur. Pro his enim omnibus pugnam assumpsit Dominus, ut in tertio psalmo. *Dominus est assumptio nostra*. Ex hoc enim claret modus ad aggrediendum feliciter, cum ait, *non est nostra*, alterius enim est, actus suscipere, hostes impellere, nosque defendere. Unde non est nostra causa, nec victoria; ubi thema, *Non eritis vos qui dimicabitis, sed tantummodo confidenter state*, ad propositum, princeps illustrissime, applicando, campus certaminis est civitas Basiliensis pro concilio celebrando, auctoritatibus primo sacri Constantiensis concilii mediate, & Senensis immediate electa, & etiam felix recordationis domini Martini papae V. & domini nostri domini Eugenii summi pontificis moderni roborata, & approbata, in qua sancti patres de universi orbis regionibus occurrentes, & debite penitentes existunt. Quis enumerare animas poterit, quas satanas errorum atque haereticum laqueis in plerisque mundi partibus alligatas detinet, quasque alligatus esset sua contagione pestifera, nisi celeriter in eodem sacro concilio occurratur? Quae autem Christianitatis portuicula est, quae domestico civilique bello & exitiali odio non agitur? adeo quidem ut atrocius Christianus Christianum, quam Saracenus Christianum persequatur. Quantum vero ad mores attinet, quid dicendum, cum omnis & ecclesiastica & Christianae vitae disciplina ubique pene extincta videatur? pro quibus reparandis, praefati patres fundamenta in eo, cuius res agitur, iactaverunt. Ex quibus populus Christianus se respirare videtur. Manus juvenis est Spiritus sanctus, dextrae cuius auxilio dictum sacrum concilium juvatur, dirigitur & protegitur. Modus conaminis est, ut in dicto campo certaminis militis Christi, id est reverendissimi reverendique in Christo patres ac domini, & doctores, magistrisque eximii existentes, dictum campum possidenes defendant, & usque ad mortem contra haereticos mundum insipientes, populi Christiani pacem, & ecclesiae tam in capite, quam in membris reformationem impediunt, viriliter decertent; quibus praefatis, ut sperant, & in auxilio illius, cuius negotium agitur, confidentes, Christianus populus ab haereticorum faucibus erui, a receptoribus praeservari, & ecclesia militans, cunctis deformitatibus suis depositis, ut aequale juvenus valeat renovari.

3. Nec admirari debet quisquam, princeps illustrissime, eorum quae in dicto campo certaminis die XIII. mensis proxime praeteriti acta sunt; & ut de vera iustitia & mansuetudine & clementia in dicto campo decertantium clarissime appareat, quantum potero succincte enarrabo quae gesta usque ad illam diem, & qua de causa fuerunt. Nam cum haec dicta sacra synodus praesesset sua diuturna patientia summum pontificem etiam ad ea quae rationis & aequitatis sunt, aliquando desistere, recogitavit

*Concilior. Supplem. Tom. IV.*

diu expectando efficere, ut ipse summus pontifex, cognita ipsius sacri concilii mansuetudine, ecclesiam veraciter recognosceret, & illi, quemadmodum tenetur, pure & simpliciter adhereret, idque quod scandalum ac perturbationis causa in ecclesia fuerat, sine difficultate revocaret. Credebat ipsa sancta synodus jam advenisse diem, qua de ipso meliora concipere deberet, & dolorem quem usque ad dictam diem ex sua scandalosa dissolutione perpessa fuerat, ab inde, ex sua humili adhesionem converteret in gaudium. Sed quod non sine metu & cordis amaritudine referendum est, spe sua frustrata est, & quotidie maior causa dolendi augetur, quoniam quem tolerando & differendo delinire curaverat, eum in suo proposito duriores experta est. Praestolata enim fuerat XIX. mensibus, ut offensam illam dissolutionis gravissimam, quae gravissime ac notorie universam laedit ecclesiam, poenitendo emendaret, quam modeste ac mansuete erga eum dicta sancta synodus, licet graviter lacerata, se gesserit, nemo est qui jam ignoret.

4. Postquam dictus dominus Eugenius in notorium ecclesiae scandalum ac perturbationem Christianae religionis dictum sacrum concilium tam solemniter institutum, dissolvere conatus fuit, destinavit primo ipsum sacrum concilium ad eos suos solemnes ambassiatores, ut per eos informatos de plurimis scandalis, quae huiusmodi dissolutione sequutura erant, ipsam penitus tollerent, et ipsum sacrum concilium, prout inchoatum erat, ad honorem Dei & necessitatem ecclesiae perfici pateretur, quod cum facere recusaret, post exhortationes & monitiones debitas tam civitas quam... frequenter repetitas, ipsum dominum E. in publica sessione citavit, & monuit ut infra quatuor menses ab ipsa dissolutione desisteret, et sacro concilio adhereret, quibus elapsis, &c. *respice processum*, &c. Nihilominus tamen superfedere aliquandiu decrevit, si forte per tam exuberantem mansuetudinem ad cor reverti, et demum resipiscere vellet. Interim autem quatuor ambassiatores transmisit cum quatuor ballis diversarum facultatum, quae cuique videnti non parvam admirandi occasionem praebuerunt, ita variis cautelis et involucribus plene erant, *Vide bullas*, &c. Et voluerunt ipsi ambassiatores atque conati sunt nonnullis rationibus, quamquam admodum frivolis, probare dictum concilium non fuisse rite inchoatum, & tamquam tempore decreto non inceptum, lapsu temporis expirasse; atque etiam rite congregatum fuisse, licuisse papae sua potestate illud dissolvere, quibus nomine concilii responsum est, et luce clarius probatum, ipsum concilium legitime existisse inchoatum, nec a Romano pontifice sine ipsius concilii consensu potuisse dissolvi; quodque cum honore Dei et ecclesiae praedictis bullis rem illicitam et valde absurdam petentibus nullatenus ipsum concilium annuere poterat. Tandem ex parte electorum sacri concilii quaedam litterae ipsius domini Eugenii fuerunt dicto sacro concilio praesentatae, quarum effectus, &c. *Vide bullas*, &c. Dominus S. Angeli confutavit satis dilucide

ILL

illam



ANNO  
CHRISTI  
1433.

illam clausulam, qua dicebatur quod in concilio Basileensi (speditio) præsideret ad extirpationem hæresis Bohemorum, si in tempore congruo & decreto prælatorum ibi condecem copiam reperiret; asserens ipse dominus S. Angeli sine ulla conditione fuisse sibi injunctum ut ipsi concilio præsideret; nec aliud a domino Martino in mandatis habuisse, nisi hoc solum & viva voce repetitum, ut bene faceret; & per dictas bullas nemini videri potest aliquando satisfactum fore monitioni et requisitioni dicti concilii per dominum Eugenium. Non recognoscit concilium esse, sed statuit ut celebretur per legatos quantocius transmittendos et dicta clausula dissolutione non obstantia, concilium celebretur per legatos mittendos. Nam futuram dumtaxat respicit concilii celebrationem, &c. firmat præteritam dissolutionem potius quam tollit, dominumque episcopum Cervinensem per duos mentes expectavit concilium, credens ab eo reportari perfectam adhaerentiam. Sed tandem compertum est ipsum dominum Eugenium in suæ dissolutionis proposito firmiter perdurare, *Vide alias bullas, &c. & responsa*. Postremo cum ad ipsum inclinandum nullum aliud superesset remedium, dictum sacrum concilium ad editionem ejusdem decreti monitorii cum poena suspensionis, ut infra terminum ibidem statutum adhereret, processit, cujus copiam parati sumus dare, &c.

5. Cum igitur, illustrissime princeps, juxta dictum Isaie XI. *Super folium David & super regnum*, id est super excellentissimum et potentissimum, hoc est Venetorum dominium *sedetur, ut corrobores illud in iudicio & iustitia*: quia te vidi iustum in generatione hac, Gen. 7. de cælo habes auditum, fac iudicium, et terra tua quiescet. Nam, ut inquit Gregorius in homilia XXVI. ipse dominandi potestate se privat, qui hanc pro suis voluntatibus & non pro subditorum utilitatibus & moribus exercet in c. *Ipsa* XI. q. III. quia iudicare digne nequeant, qui odium vel gratiam sequuntur, in c. *Judicare*. e. *causa* & q. III. Illa enim præpositorum sollicitudo est utilis, illa cautela laudabilis, in qua totum ratio agit, & furor vel amor nihil sibi vindicat. Nam commotionis aut amoris tempore iustum putat omne quod fecerit in c. *illa* XI. q. III. Tu enim, princeps illustrissime, dominaris potestati maris, motum autem fluctuum ejus tu mitigas, firmetur, quæso, cum dicto concilio manus tua, & exaltabitur dextera tua; iustitia & iudicium præparatio sedis tue, misericordia & veritas præcedent faciem tuam, beatus populus qui scit jubilationem. Tu enim locutus es in visione sanctis tuis, id est prælati dominii tui ad dictum sacrum concilium transmissis; quibus, ut asseruerunt aliqui ex ipsis, dixisti aut mandasti, ut secundum Deum, & bonas eorum conscientias agerent ea quæ ad universalem ecclesiam & ejus statum cognoscerent profutura. In quibus verbis videris dixisse cum psalmista *manus enim mea auxiliabitur ei, videlicet sacro concilio; & brachium meum confirmabit eum, nihil proficiet inimicus in eo, & filius iniquitatis*

non apponet nocere ei, & concidam a facie ipsius inimicos ejus, & odientes eum in jugam convertam, & veritas mea & misericordia cum ipso, & in nomine meo exaltabitur cornu ejus: tuncque audies ab Altissimo, quod in eodem psalmo sequitur: *Et ponam in mari manum ejus & in fluminibus dexteram ejus. Ipse invocabit me, pater meus es tu, Deus meus, & susceptor salutis mee: in æternum servabo illi misericordiam meam, &c.* Dicit enim Tullius de officiis, opera danda est, ne quid contra æquitatem contendas, ne quid pro injuria vel favore; nam firmamentum perpetuæ commendationis & famæ est iustitia, utilibus rectum præponere suadet. Et Augustinus in c. *Quisquis* XI. q. III. Quisquis metu alicujus potestatis veritatem occultat, Dei iram super se provocat, quia magis timet homines quam Deum. Et post pauca: *Uterque reus est: & qui veritatem occultat, & qui mendacium dicit: quia ille prodesse non vult, iste nocere desiderat.* Et Johan. Chrysostomus in c. *nolite* in II. c. *causa* & q. quia proditor est veritatis, qui non libere veritatem defendit, quam libere defendere convenit. In manu enim artificis opera laudabuntur, & principes populi in sapientia sua, Ecclesiastici q. quia quæcumque seminaverit homo hæc & metet, & qui seminavit in benedictionibus, &c. ad Gal. 6. Dicit enim Innocentius in c. *Error* LXXXIII. d. quod error, cui non resistitur approbatur, et cum veritas minime defensatur opprimitur. Negligere quippe qui potest perverfos & a veritate deviantes perturbare, nihil aliud est quam fovere. Quid enim prodest alicui suo non pollui errore, qui consensum præstat erranti? consentire certe videtur, qui ad rescandam quæ corrigere debet non occurrat. Non dico princeps illustrissime, quoquo modo nec dicere intendo, absit, quod tu & hoc excellens dominium tuum præfato domino nostro summo pontifici in sua usque nunc duritia non adherendi præsteritis auxilium, consilium vel favorem, quinimmo firmiter existimo, sapientia et aliis virtutibus, quibus insignivit vos dominus, consideratis, omnem operam dedisse, ut ipse suum debitum erga ecclesiam faceret. Sed arbitrantur plurimi, ut ipse, quia oriundus & civis, de vestra potentia nimium confidens, præter & contra voluntatem vestram suum debitum facere contemnat.

6. Idcirco, princeps illustrissime, præfata sacrosancta Basileensis synodus in Spiritu sancto, &c. transmisit præfatum dominum meum Uicensem episcopum, & me in ejus societate, ad te, & excellentissimum dominum tuum. Primo ad informandum de veritate ipsius, prout fecimus quanto minus male potuimus, & parati sumus plenius informare, si opus fuerit. Secundo ad regrandum de adhaerentia eidem facta, in mittendo solemnes prælatos dominii tui. Tercio, ad exhortandum, ut in tali adhaerentia perseverans, velis amplius, perfectius & stridius exhortari & supplicare præfato domino papæ, si tibi videatur, quod in hoc valeas proficere, quatenus ecclesiæ, populo Christiano & statui suo velit proficere, &

ANNO  
CHRISTI  
1433.

ANNO  
CHRIST.  
1433.

totum mundum unico verbo consolari, adhærendo pure & simpliciter eidem sacro concilio, & prætentam dissolutionem tollendo. Quod si fecerit, cedit sine dubio ad honorem Dei, ecclesiæ & ipsius, ac profectum dicti sacri concilii totiusque populi Christiani, necnon ad laudem non modicam & famam indelebilem augmentandam.

7. Interim vero nos humiles ipsius sacri concilii oratores, te exhortamur in Domino per viscera misericordiæ Jesu Christi, quatenus tuos notabiles ambasiatores plena potestate suffultos ad adhærendum decretis in dicto concilio editis & edendis, una cum nobilibus prælatis domini tui celerissime transmittere velis, quia indubitanter tenetur ab omnibus, si hoc feceris, quia ecclesiæ & toto orbi pacem dabis, & nunc controversiæ, quæ est inter concilium & papam finem impones; quia hoc videns, speratur sine dubio illico adhærere. Mitte ergo, princeps illustrissime, ut prædicatur, celerissime, dum milites Christi in illo campo certaminis contra hæreses paci & quieti populi Christiani invidentes, ecclesiæque universalis tam in capite quam in membris reformationem impediunt, continue, ut prædicatur, debellantes invenies, ut cum eis in istis tribus bonis celeberrimis coopereris. Abiit enim ut in tantis bonis futuris & toto orbi pernecessariis absens exiit, & tuum dominium solita & antiqua gloria privas, quod numquam ecclesiæ fluctuanti defuit, quinimmo multa auxilia fructuosa hæcenus impedit, quæ non exciderunt a memoria. Cogita dictum Philosophi: Amicus Socrates, amicus Plato, sed magis amica veritas; & quod potius Deo & ecclesiæ quam singulari personæ quicque astringitur. Sic enim faciendo exaltabitur dextera tua, & brachium tuum roborabitur, & erit tibi gloria per infinita sæcula sæculorum. Amen.

## RESPONSIO RUCIS

Ad præfatam propositionem.

Interis concilii credentialibus cum honore & reverentia susceptis, & oratione peracta, dux in propria respondit, ut sequitur. Assurgens & nobis obviam veniens, unum nostrum ponens ad dexteram, & alium ad sinistram suam, materiam in decem partes divisit multum eleganter & copiose in suo vulgari, & primo benedictionem & salutem oblatas libenter, reverenter ac devote suscipiebat. 3. Quoad erectionem concilii ad illa tria bona &c. dixit quod arbores ex fructibus cognoscebantur, quod ipsius finis declarabit an habuerit bonum principium: quæ expectare cupiebat, ut securus judicare posset an fructus bonos produxisset arbor, post utinam non produceret schisma & divisionem in ecclesiâ; & quod patres de concilio debebant bene ad hoc advertere; & rogavit nos, ut eosdem redderemus attentos, quod ita mansuete vellent procedere, quod non fieret schisma, quoniam Christianitas erat in magno periculo, quia magnus Turcus invaserat cum XXX. milibus equitum, unum magnum eorum territorium, & captivaverat ultra XXV. milia animarum, timebaturque de regno Cypri, & invadebat etiam regnum Hungariæ, cujus vires, quod abiit, schisma fieret, augerentur, & Christianitas debilitaretur. 4. Quod ipsi habebant dominum Eugenium pro vero papa, cui obedire, nec aliquo modo ab ejus obedientia recedere intendebant, quamdiu ipse debitum suum erga ecclesiam faceret. 5. Quod ipsi cognoverunt eum in juventute, in minoribus, mediocribus & majoribus; & nunc vident eum in supremo, semperque viderunt eum probum, honestum & bene se gerentem, & credunt eum nunc esse meliorem ratione majoris dignitatis. 6. Videbatur eis, quod aliqui videbantur procedere contra eum in odium & vindictam, ex quo poterat sequi schisma et divisio ecclesiæ, de quo quod non fieret exhortabatur & supplicabat. 7. Quod ipsi miserant aliquos prælatos suos, qui male fuerant recepti, & quibus factæ fuerant comminationes de incarcerationando, nec libere audiebantur. 8. Quod, his non obstantibus ipsi mandarent prælati suis, ut accederent ad concilium & cooperarentur in omnibus bonis, excepto quod non consentirent in schismate. 9. Quod jam diu deliberaverant mittere, sed quia ibi audierant non esse libertatem, supersederant. Nunc vero per nos melius informati de factis concilii, ipsi breviter mitterent. 10. Quod ipsi semper fuerant fideles ecclesiæ Dei, & alias multas expensas fecerant, & si concilium habebat bonum finem, ipsi semper erunt, prout fuerunt, cum ecclesia. Ad ista replicavi prout melius potui, &c. & finaliter præfatus dominus conclusit velle mittere prælatos domini sui, & hortari dominum Eugenium, ut faceret debitum suum.

ANNO  
CHRIST.  
1433.



ANNO  
CHRISTI  
1433.

INTENTIO SACRI CONCILII

*Super quatuor articulis disputatis cum  
Bohemis, quam ipsi Bohemi anno  
Domini MCCCCXXXIII. VII.  
die Decembris observare  
manuum stipulatione  
promiserunt.*

Ib. p. 698.

**C**irca articulum & materiam de prædicatione verbi Dei, in quo Bohemi posuerunt articulum huiusmodi sub tenore, quod *verbum Dei a sacerdotibus & levitis idoneis libere & fideliter prædicetur*. Et ne ex verbo *libere* sumeretur occasio vagæ & dispensiosæ libertatis, quam nec Bohemi, ut sæpe dixerunt, non intendunt; idcirco sacrum concilium dicit, hoc sic esse circumstantiandum, scilicet quod in hoc articulo secundum sacræ scripturæ sententiam, sanctorumque documenta doctorum, sic catholice est tenendum, quod verbum Dei a sacerdotibus Domini & levitis ad hoc idoneis, & per superiores ad quos pertinet approbatus & missus, libere, non tamen passim, sed ordinate & fideliter prædicetur, salva auctoritate pontificis, qui est præordinator in cunctis juxta sanctorum patrum instituta. Unde in huiusmodi conclusione ipsi Bohemi manserunt & promiserunt manere cum concilio Basileensi & ejus determinatione de isto articulo.

2. Circa materiam articuli de dominio rerum temporalium, posuerunt Bohemi & Hussitæ hanc conclusionem: *Non licet clerico tempore legis gratia super bonis temporalibus seculariter dominari*. Sed quia in sacro concilio, dummodo ista materia disputabatur, ille qui fuit deputatus ex parte sacri concilii, scilicet magister Johannes Polemar, causarum apostolicarum auditor, ad disputandum de ista materia, posuerat duas conclusiones veras, quarum prima est ista, *quod clerici non religiosi, seu qui voto se ad hoc non obligaverunt, licite possunt habere quæcumque bona temporalia, hereditates paternas, & aliorum, si eis relinquuntur, & alia bona iuste acquisita ex causa donationis, vel alterius liciti contractus, vel arte licita*. Secunda conclusio: *Quod ecclesia licite potest habere & possidere bona temporalia, mobilia & immobilia, domus, prædia, villas, oppida, castra, & civitates, & in eis habere privatum & civile dominium*. Et quia Petrus Anglicus unus de ambassiatoribus regni Bohemiæ, publice in præsentia sacri concilii dixerat, dummodo de huiusmodi articulo disputaverat, quod has propositiones sensui sui articuli bene intellecto locum habere intelligebat. Ex quo etiam adhuc factis potest intelligi, quod hæc verba *seculariter dominari* in prædicto articulo posita, ad aliquem specialem modum & usum videantur referri. Sed qualiter juxta legem Dei, & sanctorum dogmata hoc intelligendum est, duximus exprimendum, quod prædictæ duæ conclusiones sunt veræ, & quod

ecclesiastici viri bona ecclesiæ, quorum sunt administratores, debent fideliter administrare, juxta sanctorum patrum salubria statuta; ipsaque bona ecclesiæ tam ab iis, quam ab aliis, quibus administratio canonica est commissa, usurpari sine sacrilegii reatu non possunt. Et sic ipsi Bohemi steterunt concordantes.

3. Circa materiam & articulum de cohibitione & correptione peccatorum, in quo articulo ipsi Bohemi posuerunt intellectum in his verbis: *Omnia peccata mortalia & præsertim publica, per eos quorum interest, rationabiliter & secundum legem Dei cohibeantur, corrigantur, & puniantur*. Et quia hæc verba per eos quorum interest, generalia sunt, & possunt esse officiosa ante, cæcos; & cum claudenda sunt fossæ, ne bos vicini ibidem ledatur, ac etiam omnis occasio tollenda, decedit sacrum concilium in hunc, quod secundum sacræ scripturæ sententiam sanctorumque documenta doctorum, sic catholice est tenendum, quod omnia peccata mortalia, præsertim publica, quantum rationabiliter fieri potest, secundum legem Dei & SS. patrum instituta, sunt cohibenda, corrigenda, & eliminanda. Potestas autem monendi criminolos, non ad privatas personas, sed ad eos tantummodo pertinet, qui jurisdictionem habent in eos, fori districtione, juris & justitiæ ordine observatis. Et in verba & sensum hujus articuli manserunt ipsi Bohemi contenti, & eum sic observare promiserunt.

4. Circa articulum, qui est de communione sub utraque specie, exhortati fuerunt ipsi Bohemi per oratores sacri concilii, ut suscipiant & amplectantur, prout tenentur, unitatem puram, simplicem, & perfectam, realiter & cum effectu super libertate sacramentalis eucharistiæ sub duplici specie, quam postulant ipsi Bohemi ac desiderant, quamque sine licentia sanctæ matris ecclesiæ licite non possunt habere, attento quod ipsi oratores sacri concilii potestatem habeant a sacro generali concilio certo modo cum ipsis Bohemis tractandi & concludendi. Sperantes etiam taliter quod ipsi Bohemi manebunt mente consolati. Et pro inductione allegabant prædicti oratores, quod Dominus mandat per prophetas Ageum & Zachariam veritatem & pacem diligere. Unde præfati oratores dixerunt: „Ecce offerimus pacem; a vobis nihil aliud exigimus, nisi id, sine quo salutem animarum veltrarum habere non poteritis. Non enim salvari potest, qui ecclesiasticam refutat veritatem. Audite B. Cyprianum in epistola de catholica fidei unitate: Nec pervenit ad præmia Christi, qui derelinquit ecclesiam Christi. Jam habere non potest Deum patrem, qui ecclesiam non habet matrem, & idem habere, inquit, non potest Deum patrem, qui universalis ecclesiæ non tenet unitatem XXIV. q. 1. Alienus. Ad idem Ambrosius in (oratione) de obitu fratris, percontans utrum de catholicis episcopis esset, hoc est si cum. Romana ecclesia conveniret, forte ad id locorum in schismate regionis illius ecclesiæ erat, & ita sequitur; non putavit ta-

ANNO  
CHRISTI  
1433.

ANNO  
CHRISTI  
1433.

men fidem esse in schismate. Nam et si fidem erga Deum tenerent, tamen erga ecclesiam non tenebant, cujus patiebantur velut quosdam artus membra dividi & lacerari. Etenim cum propter ecclesiam Christus passus sit, & Christi corpus ejus sit ecclesia, non videtur ab his exhiberi Christi fides, a quibus evacuat Christi passio atque distrahitur. Et Augustinus in lib. de Regula recte fidei cap. 36. Omnem enim hominem, qui ecclesie non tenet unitatem, neque baptizatus, neque elemosyna quantumcumque copiosa, neque mors pro nomine Christi suscepta proficere poterit ad salutem. Cum dictis tribus praelatis doctoribus concordant B. Hieronymus & B. Gregorius, ut habetur cap. *Diversi* praelegata causa.

5. Cum ergo nihil aliud queramus nisi salutem animarum vestrarum, pacem, tranquillitatem, honorem, felicitatem vestram & patrie vestrae, audite & exaudite preces, monita, & exhortationes nostras. Ecce nunc tempus acceptabile, ecce nunc dies salutis; non in vacuum gratiam Dei recipere vos contingat. Cognoscite tempus visitationis vestrae, quia Deus vos visitare dignatus est visitationibus pacis & consolationis. Si oblarum vobis unitatem & pacem suscipitis realiter & cum effectu, censuras & procerius tollemus, abolitionem faciemus omnium praeceptorum. Nemo vos deinde audebit haereticare, seu haereticos aut schismaticos vos nominare: immo omnes Christianos, ut fratres catholicos habebunt & representabunt; fraternitas & omnis pristina amicitia, gloria, status, & honor restaurabuntur. Dominus meus episcopus in pontificali officio vestras ecclesias visitabit, confirmabit vos confirmatos & alia faciet, quae sunt solis episcopi reservata; & vos alias terras intrabitis & ecclesias, venient alii populi ad vos cum pace, communicabitis & commerciabitis, florebit gloria regni vestri, & vos exultabitis letitia inenarrabili; sed & universum mundum laetificabitis, & angeli gaudebunt in coelo, & Deus pacis & consolationis erit vobiscum.

6. Da, Domine omnipotens, spiritum bonum amplectentem pacem & unitatem, ut bellorum feritate rejecta, omnique dissensione semota, universus populus, qui nomine Christiano censetur, in vera pace quiescat, & ecclesiastica unitate, ut in uno corpore, dilectissimi Filii tui capiti suo fideliter coherendo, ad pacem & gloriam perveniant sempiternam. Per eundem Dominum nostrum Jesum Christum.

7. In nomine Domini & Salvatoris nostri Jesu Christi, de cujus sacratissima eucharistiae sacramento tractaturi sumus, ut ipse qui hoc sacratissimum sacramentum instituit, quod est unitatis & pacis, illud in nobis efficiat quod designat; quod videlicet unus in Christo Jesu capite nostro, & ut ipse conterat diaboli versutias, qui sua maligna astutia ex sacramento pacis & unitatis, bellorum occasionem in-

gessit, ut jam qui de modo communicandi Christiani contendunt, communionis fructu priventur. Unde B. Augustinus in sermone de Infantibus in Decreto dist. 11. *Quia passus*. Ita Dominus noster Jesus Christus nos significavit, nos ad se pertinere voluit, mysterium pacis & unitatis nostrae in sua mensa consecravimus, in concilio accipit mysterium unitatis, & non tenet vinculum pacis, non mysterium accipit pro se, sed testimonium contra se.

8. Hoc ante omnia duximus praemittendum, quod consuetudo generalis ecclesiae, quam etiam patres vestri & vos ipsi olim servastis per longissima tempora, inconcussa hoc habuit quod & habet, quod non conficientes, sub specie panis tantum communicent. Quam consuetudinem ab ecclesia & sanctis patribus rationabiliter introductam, & diutissime observatam non licet reprobare, aut sine ecclesiae auctoritate, pro libito immutare, contra consuetudinem ecclesiae immutando; assumere usum communicandi populum sub utraque specie, absque auctoritate sanctae matris ecclesiae licitum non est, sed illicitum. Sancta vero mater ecclesia, suadentibus causis rationalibus, facultatem communicandi populum sub utraque specie, potest concedere & largiri. Et talis communicatio, quae sine auctoritate ecclesiae attentata est, illicita esset; quaecumque auctoritate & licentia sanctae matris ecclesiae fieret, licita, si alia non impediunt. Propterea dicimus quoniam, ut ait Apostolus, *qui manducat & bibit indigne, judicium sibi manducat & bibit*. Unde B. Hieronymus, ut habetur de IX. dist. 11. Qui scelerate vivant, & in ecclesia communicare non desinunt, putantes se tali communionem mandari, discant se nihil ad emundationem proficere. Et Augustinus e. dist. in Decretis. Et sancta malis nocere possunt, bonis sunt ad salutem, malis ad judicium. Sunt ad hoc plurimae auctoritates. Etenim inter primos communicantes apostolos Judas fuit, sed quia indigne suscepit, conditionis peccatum habens in mente, nihil sibi profuit: quinimmo ex tunc diabolus in eo majorem exercuit potestatem. Ratio hujus magna demonstrat. Quis vestrum dominum suum in hospitio suscepiturus, non cum omni cura domum studeret mundare pariter & ornare, ut ipsum dominum posset honeste suscipere. Susceptorus igitur Dominum & Salvatorem nostrum in hospitio animae, debemus ipsam animam nostram diligenter mundare & ornare: per sacramentum poenitentiae, cum amaritudine & contritione cordis, peccata sua humiliter, pure, integre, & veraciter confitendo, & suscipiendo satisfactionem debitam & poenitentiam salutarem; ornare vero purpura sanctae devotionis, & sic tandem purgato & fervore devotionis ornato, accedat ad divinum sacramentum, in quo Deus est (mundum) nunc reconcilians tibi.

9. Admonet igitur, exhortatur & precipit sancta Synodus, ut omnes sacrificantes exhortentur diligenter & moneant popu-

ANNO  
CHRISTI  
1433.



pulum ut omne studium & sollicitudinem adhibeant, ut nullus ad tam sacratissimum sacramentum nisi debite preparatus accedat cum magna reverentia & devotione, ne quod pro salute anime suscepit, in iudicium condemnationis redundet, dum suscipitur indigne. Præterea dicunt doctores, quod consuetudo communicandi populum sub specie panis tantum ab ecclesia & sanctis patribus rationabiliter fuit introducta, propter rationabiles causas; specialiter propter duo pericula, scilicet erroris & irreverentiae. Fuit enim Nestorii error credendo quod sub specie panis sit sola caro Christi, & sub specie vini solus sanguis Christi, quod est error. Nam veritas est, quod sub utraque specie est totus Christus, vivus, & integer, caro, sanguis, anima, & divinitas; & sub specie panis est totus Christus vivus & integer; & sub specie vini non tantum sanguis, sed totus Christus vivus & integer: quoniam, ut ait Apostolus, *Christus resurgens a mortuis, jam non moritur*. Semel ergo tantum mortuus est, jam non moritur, nec sanguis a corpore separatur. Ut ergo hunc errori occurreretur, & magis imprimeretur fidelium mentibus, quod sub qualibet specie est totus Christus, dum non solum verbo, sed ipso signo judicaretur, visum fuit utile esse sub utraque specie ministrari. Efficacius enim imprimitur, quando cum doctrina verbalis sensuale aliud signum concurrit. Ideo sacramenta & sacrificia instituta sunt; ideo & Dominus noster Jesus Christus in parabolis loquebatur, & sequentes in parabolis loquuntur, ut cum doctrinae sententia similitudo representativa concurrens, efficacius mentibus imprimeretur. 10. Secundum periculum est irreverentiae. Etenim quamvis omnia sacramenta cum magna reverentia sunt tractanda; istud tamen divinum sacramentum super omnia alia, cum maxima & summa reverentia tractandum est. Alia siquidem sacramenta sunt vasa gratiae divinae, non tamen per ea realem Domini nostri Jesu Christi praesentiam obtinemus. In hoc vero sacratissimo sacramento Dominus noster Jesus Christus sub alia quidem forma in propria substantia, est nobiscum. Ideo tractandum est cum omni studio & cautela, ne quid contingat, quod cedat in irreverentiam ipsius sacramenti. Et cum calix sit sub specie liquidæ, multa contingere possunt, quæ cedent in irreverentiam ipsius sanctissimi sacramenti, tam ex parte ministrantis, quam ex parte susipientis, quam etiam ex parte speciei vini, quæ est materia ad alterationem suscipiendam magis disposita, quam species panis. Vos ipsi, qui practicatis, per experientiam noveritis. Nam doctores de hoc multa dicunt, & nobis a fide dignis multa relata sunt, quæ cum audivimus abhorruerunt pili corporum nostrorum, animi nostri nimio terrore concussi sunt. Dictum est nobis accidisse, quod cum sacerdos ad infirmum sacramentum sub duplici specie detulisset; quando infirmo vo-

luit de calice ministrare, nihil ipse ibi reperit; totum, dum per viam agitando veniret, distillaverat. Et alibi cum mane diei Dominice ministraretur, quod ex precedenti die fuerat reservatum, talis alteratio facta erat, quod qui susceperat; ferre non valens, emisit. Hic casus horrendi, & non sine magna cordis amaritudine referendi, & multa alia hujusmodi nobis relata sunt; & quisquis volens prudenter advertere, poterit quanta possunt accideret cogitare. At vero quam sint hæc gravia, ex dicti sententia poteritis intelligere de Conf. di 11. Si per negligentiam aliquis de sanguine distillaverit in terram, lingua labatur, tabula radatur; si non fuerit tabula, ut non conculetur sanguis, locus radetur & igne consumatur, & cinis altari recondatur, & sacerdos diebus XL poeniteat. Si super altare distillaverit, stillam sorbeat ministris, & tribus diebus poeniteat. Si super linteam, altaris & ad aliud pervenerit, quatuor diebus poeniteat, & lintamina quæ tetigerit, tribus vicibus abluit, calice subitus posito, & aqua ablutionis sumatur, & juxta altare recondatur. Præterea audivimus sæpe contingere, quod consecratum in calice non sufficit multitudini communicantium, & tunc fit noviter consecratio calicis tantum, & a presbytero non communicante, quod est sanctorum patrum dictis plurimum alienum. Et dicitur etiam, quod aliqui interdum vinum non consecratum, pro consecrato ministrant: quod maximum periculum est. Fiat igitur ista ratio, quod vobis suscipientibus ecclesiasticam unitatem & pacem, realiter et cum effectu et tam in omnibus aliis quam in usu communionis utriusque speciei, fidei & ritui ecclesiae universali usum confirmantibus vos qui talem usum habetis, communicabitis sub duplici specie cum auctoritate ecclesiae.

10. Articulus iste, cum in sacro concilio discutiatur ad plenum, videbitur quid circa illum articulum pro veritate catholica sit tenendum, & agendum pro utilitate & salute populi Christiani. Et omnibus his mature & digeste pertractatis, nihilominus etiam si perseveratis in desiderio vestro, sicut vestri ambasciatores postulaverunt, sacrum concilium sacerdotibus vestris communicandi sub utraque specie populum vestrum, eos videlicet, qui in annis discretionis constituti reverenter & devotè postulaverint, auctoritatem & facultatem in domino largietur: hoc semper observato, quod sacerdotes sic communicantibus dicant semper, quod ipsi debent firmiter credere, quod non sub specie panis caro tantum, nec sub specie vini sanguis tantum, sed sub qualibet specie est integer totus Christus. Licet unicuique catholico satis esse debeat auctoritas sacri generalis concilii, ut firmiter teneat bene actum esse, quicquid ab illo Spiritus sancti processit tribunali; tamen hoc exemplum hic inferere voium. Nunquid si medicus curam haberet infirmi qui nihil comedere vellet, nisi quod est sibi nocivum, illud

ANNO  
CHRISTI  
1433.

illud tamen medicus aliquo condito tem-  
peraret, ut nocivum non esset, reputare-  
tur crudeliter agere & imperite, si illud  
temperare & ministrare infirmo, ut vive-  
ret, dedignaretur? Præterea omnia initia  
difficilia sunt, & facilius introductio par-  
tis post partem non possunt etiam com-  
mitti. Hoc firmum tenet, quod non levi  
iudicio, sed multa maturitate digesto tem-

pore & per dies plures & continua dif-  
fusione multorum cardinalium, patriar-  
charum, archiepiscoporum, episcoporum,  
magistrorum & doctorum agitur, ac Deo  
propitio, postea plane intelligetis & pla-  
ne intelligetis & plane, &c. Septimo die  
Decembris anno Domini MCCCCXXXIII.  
Et tantum de illo.

ANNO  
CHRISTI  
1433.

## IN SEQUENTEM APOLOGIAM

## COLLECTORIS PRÆMONITIO

**A** Pologiam pro tuendis revelationibus S. Birgittæ ab obrectoribus quibusdam ad con-  
cilium Basileense delatis Joannem de Turrecremata Hispanum ex ordine prædicato-  
rum in Theologia magistrum scripsisse quibusdam, raris tamen admodum, innotuit. Nec enim  
latuit primos revelationum illarum editores, ut facile deduco ex prolegomenis quæ ex hoc  
ipso opere, non suppresso Turrecremata nomine in editiones a se curatas Revelationum  
S. Birgittæ transfulerunt. Constant prolegomena hæc ex prioribus capitibus sex defensionis  
a Turrecremata adornatæ; tum vero his adductis subdit editor se reliquam orationem Tur-  
rectremata omittere; statimque in epilogum operis advolet. Quamquam vero ex his con-  
stare arbitror apologiam hanc non plane eruditos fugisse; non tamen omnibus de illa sermo-  
nem habentibus satis exploratam fuisse censeo. Quotquot enim scriptores nostræ ætatis dis-  
ceptionis hujus meminerunt, nihil se nosse aliud visi sunt, quam sex illa capita in exor-  
dio revelationum S. Birgittæ vulgata. Hinc apologiam Turrecremata inter opera ejus ex-  
cusa typis recensent P. Eccardus in Biblioth. scriptorum ord. Prædicatorum, Nicolaus An-  
tonius in Biblioth. Hispan. Fabricius in Biblioth. medii ævi, & ad editiones revelationum  
S. Birgittæ provocant. Longe profecto alia est defensio revelationum S. Birgittæ a Tur-  
rectremata suscepta, ut eas tueretur ab oppugnationibus adversariorum, instantium apud  
Basileenses Patres ut lata censura damnarentur. Scriptum hoc e schedis MSS. Felini ex me  
primum habere eruditos blandior; nec iis ingratis me id molitum arbitror, cum & Basile-  
ensi concilio non ineptam laciniam sin adjuncturus; & gratam Theologis commentationem,  
utpote Theologica doctrina refertissimam, sin suffecturus. Cum vero, ut mox innui, sex  
priora operis hujus capita passim obtina in voluminibus revelationum S. Birgittæ occurrant,  
& aliud plane sint ab apologia, qua Turrecremata defendere aggressus est in concilio Basile-  
ensi revelationum S. Birgittæ veritatem, & sanctitatem; ideo hæc ipsa capita rescanda  
censui, statimque a defensione singulorum illorum capitum exordior. Causam vero hanc fel-  
licem exitum in concilio habuisse exploratum est; sed in eo dissidio, quod Romanum pontifi-  
cem a concilio diu tenuit alienum, admisse concilio revelationes ut pontifici summo proba-  
rentur aliquandiu laboratum est; impetratum tandem, sin minus a pontifice, saltem ut a  
viris doctis pontificiarum partium reciperentur. Id eruo ex verbis illis Diarii Vatzschenensis  
a Bengelio vulgatis ad annum 1446. Redierunt frater Confessor Magnus, & Olavus Petri  
de Romana curia, & reportaverunt secum declarationes articulorum de revelationibus  
extraactorum, sub sigillis doctorum sigillatas &c. Supra vero in eodem diario, ad annum  
1433. adnotatum legitur, monachos quosdam e Vatzschenensi S. Birgittæ cœnobio perrexisse  
ad concilium Basileense cum documentis super revelationibus S. Birgittæ; unde annus dis-  
cessionis hujus in concilio eruitur.



ANNO  
CHRIST  
1433.

## DEFENSIONES QUORUMDAM ARTICULORUM RUBRORUM

Revelationum S. Birgittæ factæ in Concilio Basileensi per magistrum  
Joannem de Turrecremata, sacri palatii apostolici magistrum,  
ordinis prædicatorum, nationis Hispaniæ.

### INCIPIIT PROLOGUS

D. Jo. de Turrecremata Cardinalis in  
defensorum ejusdem super Revela-  
tiones celestes S. Birgittæ de  
Vitzsteden

Dixerunt Judith &c. Excusor est cum  
reliquis sequentibus capitibus usque  
ad cap. VI. Vide supra præmonita-  
nem meam.

### Cap. VI.

De ordine procedendi in declaratione  
articulorum præsentatorum coram  
Iudice fidei, & deputatis &c.

**H**IS autem tanquam generalibus & com-  
muni bus signis, & argumentis ad pro-  
bandum lioros S. Birgittæ, quoad articu-  
los mihi præsentatos, nihil aduersum fidel  
catholicæ, aut SS. Doctorum doctrinæ con-  
trarium continere, præmissis; jam hoc in  
particulare ostendendum venit; cum protes-  
tationibus tamen præsuppositis per singu-  
los articulos, qui de libris ejusdem extra-  
cti tanquam suspecti coram RR. Patre &  
Domino Cardinali S. Petri, iudice fidei in  
hoc sacro consilio Basiliensi, præsentati fue-  
runt. In quo quidem processu talis ordo  
tenebitur; quoniam primo, ponetur arti-  
culus, prout in concilio præsentato ab  
æmulis, & calumniantibus aduersus libros  
revelationum S. Birgittæ continetur. Se-  
cundo, ubi reperitur falsæ aut infideliter ex-  
tractus, sicut sæpe actum est, corrigetur,  
& ponetur veraciter articulus, ut in for-  
ma fiat in libro originali. Tertio, declara-  
bitur veritas articuli, aut possibilitas ejus,  
quod tamen impossibile calumniantibus vi-  
sum est, aut saltem sacræ scripturæ, aut  
SS. Doctorum approbatæ doctrinæ non con-  
tradecere.

### Sequitur articulus I. in ordine.

Primus articulus, ut jacet in sexto no-  
bis præsentato, ex capitulo primo primi  
libri dicit, Christum dixisse, quod tanta  
esset caritas ejus ad animam Birgittæ, quod  
mallet iterum crucifigi si possibile esset, an-  
tequam ea careret. Id. habetur in cap. XXX.  
ejusdem libri; Idem dixit XII. capitulo se-

cundi libri, de anima damnata: nisi, inquit,  
iustitia distaret impossibile me mori; iterum  
B Rex misericordia tuque morer pro te; lo-  
quens eundem damnato.

Si inspector hujusmodi articuli bene consi-  
derasset altitudinem & immensitatem divinæ  
charitatis, & misericordiæ, ac dicta perle-  
gisset dictorum Sanctorum, non suspectum,  
sed catholicum habuisset præsentem articu-  
lum. Pro cuius tamen declaratione primo  
adducentur auctoritates sanctorum Docto-  
rum, qui eundem videntur articulum,  
ponere; secundo rationibus ostendetur veri-  
tas ejus. Circa primam, primo, est aucto-  
ritas beatissimi Dionysii in epistola ad Demo-  
philum; & ponam eam ad longum, ne dum  
in declaratione præsentis articuli, sed ut  
etiam ex mirabili ejus serie non reputetur  
incredibilia similia, quæ in hoc libro revela-  
tionum describuntur, in quo dicitur: Car-  
pus adeo devotus, qui non audebat mis-

am celebrare nisi coelesti visione illustra-  
tus, contristatus super quemdam infide-  
lem, qui quemdam fidelem apostatare fe-  
cerat, rogabat Deum, ut ambos igne con-  
sumeret; quo orante subito domus, in qua  
steterat commota est, ex vertice fuit divisa  
in duo media, & apparuit sibi quedam,  
fornax multi luminis: vidit etiam choros  
Angelorum descendere ad se, & vidit to-  
tum coelum apertum, & supra dorsum,  
coeli vidit Jesum cum infinitis Angelis; si-  
bi adstantibus; postea respexit deorsum,  
& vidit horribilem hiatus, & ante os istius  
hiatus vidit illos viros quibus calumnia-  
batur stantes, tremulos & miserabiles,  
jam pene cautos propriorum pedum in-  
stabilitate: vidit etiam sursum de hiatus  
serpentes repere, qui eos involventes, et  
aliquando dentibus, & palatus eorum per-  
cutientes videbantur attrahere. Insuper  
vidit quosdam viros in medio serpentum;  
qui viros illos percusserunt in tantum quod  
imitabantur ruinam. Carpus autem tur-  
batur quod rei non ceciderunt. Tandem  
iterato respexit sursum, & vidit coelum  
apertum sicut prius, & Jesum miserantem  
facti surgere de throno, & usque ad illos  
descendentem manus extendere super eos,  
qui dixit: Carpe, percutere contra me, pa-  
ratum sum rursus pro hominibus resalvan-  
dis pati, & hoc mihi amabile est. Et se-  
quuntur verba Dionysii in fine epistolæ,  
hæc sunt: quæ ego audiens credo vera esse:  
Hæc ibi; quibus consideratis, & dicendis,  
ponat digitum ori suo, qui dicat talia ver-  
ba frustratoria esse & ridiculosa, ne præ-  
sumptionis erroris veniat ridiculosus haben-  
dus.

f. mina-  
bantur.

us. Item Bernardus: *Naturaliter Deus misericors est, paratus salvare clementia, quos non potest salvare iustitia.* Ex quibus dictis quilibet, etiam pauper in sacris literis instructus, potest evidenter cognoscere dicta presentis articuli esse vera & conformia dictis sanctorum DD.

Ratione sic, primo, probatur. Deus habuit in passione tantam charitatem, ut vellet mori pro redemptione hominum, sicut et fecit; *dilexit enim nos, & lavit nos a peccatis nostris in sanguine suo* Apoc. 1. Igitur & nunc eandem voluntatem habebit, si necesse esset. Patet consequentia ex eo quod eandem & tantam charitatem habeat, sicut & tantæ compassionis est Deus nunc, sicut unquam fuit. Patet; cum enim apud Deum, teste B. Jacobo primo capitulo, *non fit mutatio nec vicissitudinis obumbratio*; semper est æqualis bonitatis, sapientiæ, clementiæ, potentie, & pietatis; sed Christi tanta fuit compassio ad homines passionis tempore, quod maluit animam suam a corpore separari, quam quod homines essent separati a Deo, & Deus careret eis; id est non haberet eos participes suæ gloriæ & felicitatis æternæ; ergo nunc etiam, si iustitia Dei permitteret, Deus pariformiter esset paratus pati mortem pro hominibus, quantum est ex parte charitatis suæ, & hoc est quod in capitulo secundo istius primi libri testatur dicens; *ad hoc quippe ex charitate iterum mori pro homine si esset possibile*: Nec videri debet cuiquam mirabile, quod aliquid cadat aliquo modo sub voluntate divina, quod non est possibile fieri, stante ordine divinæ iustitiæ & prædestinationis suæ sapientiæ. Pro quo notandum, ut cessent omnia sophismata calumniantium, quod secundum quod doctor S. in 4. dist. 86. dicit; iustitia & voluntas, in Deo, licet idem sint secundum rem, tamen secundum rationem iustitiæ aliquid supra voluntatem addit, scilicet ordinem divinis effectibus convenientem, secundum quod unum alteri proportionatur, est enim in rebus creatis duplex ordo, unus secundum quod creatura ordinatur ad Deum, alius secundum quod creatura dependet ab alia.

Nomine autem voluntatis non exprimitur nisi ordo, qui est creaturæ ad Deum; sed iustitia includit simul cum hoc ordinem qui est creaturæ ad creaturam, ut puta quod igni in tali natura constituto debetur ut sit sursum, considerato rerum ordine ad invicem, & ita culpæ debetur, ut puniatur secundum eundem ordinem. Non est ergo mirandum quod aliquid cadat in voluntate consideratum absolute, quod non cadet adiuncto sibi aliquo alio, puta ordine iustitiæ, aut legis statuto, aut, aliis circumstantiis, sicut Damascius dicit super istud 1. Tim. 2. *Dominus vult omnes homines salvos fieri*, Eo ut ipsa superna civitas clarior rutilaret virginea lampadis illustrata fulgoribus. Secunda vero pars articuli, quæ dicit: *quia a te divinitas est consolata*; debet intelligi metaphorice, sicut alia dicta sanctorum, & sacræ scripturæ, quæ passionem videntur dicere, exponuntur dicta de eo ratione effectus importati; importatur enim in consolatione lætitia quædam, secundum illud psal. *consolationes tuæ lætificaverunt animam meam.*

Concilior. Supplem. Tom. IV.

ne, secundum quod absolute consideratur, bonum vel malum; quod tamen, prout cum aliquo adiuncto consideratur, quæ est consideratio consequens esse ejus, & contrario se habet; sicut hominem vivere est bonum, & occidi est malum secundum absolutam considerationem; sed si addatur esse aliquem hominem qui sit homicida vel vivens in periculum multitudinis, sic bonum est eum occidi, & malum est eum vivere; unde potest dici quod antecederet vellet iudex omnem hominem salvari, sed consequenter vult quosdam damnari secundum exigentiam suæ iustitiæ. Hæc S. Thomas. Ita in proposito, Christus voluntate sua plenissima caritate semper ardet, quantum est de se vellet pro omnibus iterum pati; (sicut fecit) si necesse esset; eum nomine voluntatis non exprimitur nisi ordo creaturæ ad Deum; quod tamen secundum ordinem divinæ iustitiæ, in quo includitur ordo creaturæ ad creaturam, ut meriti ad præmium, & sufficientiæ solutionis ad debitum faciæ per mortem Christi & similia, non est possibile fieri: *Christus enim resurgens a mortuis jam non moritur, mors illi ultra non dominabitur; quod enim mortuus est, mortuus est semel; quod autem vivit, vivit Deo*, inquit Apostolus. Et hoc de isto articulo.

#### Articulus II.

Ex quinto capitulo ejusdem libri, in quo dicit de B. Virgine Christus:

*Tu Angelorum & omnium sanctorum gloria es; quia a te divinitas consolata est.*

Facere non possum quin dicam, non esse mirum, quod B. Birgittam impugnet qui hunc articulum, B. Virginis laudes decantantem, suspectum habet. Prima quidem pars, quæ dicit Virginem Mariam gloriam esse Angelorum & sanctorum, manifesta est, cum de ea ecclesiæ sæpe canter illud Judith 25. *Tu gloria Jerusalem, tu lætitia Israel, tu honorificentia populi nostri.* Quid per Jerusalem, quæ interpretatur visio pacis, nisi superna civitas Hierusalem mater nostra, in qua sedent sancti in pulcritudine pacis, in requie opulenta? Cui insuper catholico in dubium venit, B. Virginem Mariam gloriam posse dici Angelorum, & sanctorum omnium; licet non illam, in qua beatitudo eorum essentialiter & principaliter consistit; quia ista non potest esse nisi Deus, secundum illud psalmi: *Tu es gloria mea, tu es refugium meum, susceptor meus, & liberator meus*; cum dicit B. Bernardus: *Mariæ presentia totius illuminatur orbis, ad Eo ut ipsa superna civitas clarior rutilaret virginea lampadis illustrata fulgoribus.* Secunda vero pars articuli, quæ dicit: *quia a te divinitas est consolata*; debet intelligi metaphorice, sicut alia dicta sanctorum, & sacræ scripturæ, quæ passionem videntur dicere, exponuntur dicta de eo ratione effectus importati; importatur enim in consolatione lætitia quædam, secundum illud psal. *consolationes tuæ lætificaverunt animam meam.*

M m

MI.



Mirum enim videtur quod dicitur Gen. multiplicatis hominum sceleribus dolore cordis tactus intrinsecus penituisse fecisse hominem Gen. 6. Et Virgine Maria pariente Salvatore, & redemptorem omnium, neque negetur eodem tropologico modo posse dici consolatum, cum Isaia I. dicatur: *In punitiōne malorum consolabor super hostibus meis.* Præterea idem videtur ex illo quod B. Bernardus dicit de B. Virgine: *de plenitudine illius omnes accipiunt.* Et inter alia dicit: *peccator veniam, iustus gratiam, Angeli letitiam, tota Trinitas gloriam, Filii persona carnis humane substantiam.* Et hæc sufficiant pro præsentis articulo.

Articulus III.

Ex decimo cap. ejusdem libri, in qua dicitur, quod coronam spinam imponerunt Christo crucifixo.

Pro declaratione hujus articuli est, primo sciendum, quod infideliter est extractus; non enim dicitur in isto capitulo quod imposuerunt, sed aptaverunt coronam de spinis: etenim magna differentia est hinc & inde; imponere videtur enim dicere novitatem coronationis; aptare vero præsupponit illam fuisse. Secundo, dico, quod si impugnator dicte S. Birgittæ in cap. 15. libri VII. respexisset, ut arbitror, sensum præsentis articuli diceret esse verissimum. Dicit enim ibi sic: *coronam quam deposuerunt dum affigerent eum cruci post crucifixionem, vero aptaverunt sibi coronam.* Et cum hæc sint manifeste verissima, sufficiant hæc pro præsentis articulo.

Articulus IV.

Ex cap. eodem ejusdem libri dicit Amicos Christi maluisse illam poenam in se pertulisse, vel in æternum in inferno ardere, quam cum sic cruciari.

Pro declaratione præsentis articuli duo fienda sunt. Primo, ponatur articulus in forma, quia translator infideliter transfert; hic enim dimittit aliquid, quod facit ad intellectum veritatis articuli, & detruncat propositiones; quod enim dicitur *conjunctim* sub una propositione disjunctiva, ipse divisim capit alteram partem. Secundo, ostendatur veritas articuli. Circa primum textus habet originale sic. *Cumque filius meus doloribus circumscriptus respexisset ad amicos suos flentes, qui maluissent illam poenam in se cum auxilio ejus pertulisse, vel in æternum in inferno ardere, quam cum sic videre cruciari.* Ecce quod articulus fuit mendaciter extractus; primo, sicut tacitum illud: *cum auxilio Dei.* Secundo, quod dicebat disjunctive, dictum est simpliciter. Tertius articulus non dicit amicos Dei velle magis in inferno ardere in æternum, quam sic Christum cruciari; sed dicit: quam videre

eum sic cruciari. Circa secundum est notandum, quod multipliciter potest dari intellectus verus præsentis articuli, & ita in veritate salvari. Primo quidem potest dici sic, quod videlicet propositio illa, cum sit disjunctiva, ad cujus veritatem sufficit alterius partis veritas, verificatur pro prima parte illa, in qua dicitur, quod amici Christi maluissent illam poenam in se cum auxilio ejus pertulisse, quam Christum cruciari, sive vidisse cruciari. Credendum enim, est amicos Christi tanta ad ipsum arsisse dilectione, ut prælegissent in se pati illam poenam, quam quod Christus pateretur. Et hoc dico passione absolute considerata, ut scilicet est læsiva, aut afflictiua personæ tantum; non in relatione ad fructum redemptionis, quem efficiebat, quem non fecisset passio amicorum. Quæ quidem propositio prima de amicissima, & dilectissima matre ejus patet auctoritate B. Augustini in dialogo inter animam devotam & Virginem beatam de passione Christi, ubi eam ita asserit dixisse: *clamabam, & dicebam: heu me, fili mi, quis mihi det ut ego moriar pro te?* Ratione etiam patet multiplici, quæ colligi potest, primo, ex lege amoris naturalis, qui est inter membra & caput; opponunt enim se naturaliter membra pro defensione capitis, mallentia pati ipsa, quam quod eorum caput patiatur. Secundo, patet ex lege amoris politici, quæ est inter cives, & commune bonum civitatis, & inter milites & regem suum; quia enim salus regis & boni communis, milites & pro salute regis præferatur saluti cæterorum; populus se opponit morti & periculis pro salute boni communis; milites etiam pro salute regis, nec minus. Tertio, videtur hoc probari, ex lege amoris gratuiti, qui naturalem amorem debitum nostro capiti & regi Christo non minuit, sed adauget. Cum enim hoc amore amici Christi Christum diligerent super omnia, & super se ipsos; clarum est, quod maluissent illas pati poenas in se, quam Christum vidisse Deum suum & Dominum tam viliter, tamque confusibiliter pertrahi & cruciari. Secundo, potest dici quod etiam pro alia parte bene, intellecta articulus est verus, in qua dicitur, quod etiam maluissent amici Dei cum auxilio ejus in inferno in æternum ardere, quam vidisse cruciari Christum; intelligendo enim eum solum de poena inferni sensibilis ignis, & non de poena damni, quæ est carentia visionis divinæ ex demeritis peccatorum propriorum; sicut etiam innuit in articulo, cum dicit cum auxilio Dei ardere est verus per yperbole dictus; est enim loquutio yperbolica, quæ dicitur per excessum dicta, ut illud: *fluctus ad sidera tollit;* quod & sacram scripturam sæpe legimus usam; nos etiam eam sæpe nostris intermiscemus sermonibus. Dicitur enim in psal. *posuerunt in celum os suum;* & de Salomone dicitur 3. reg. 4. quod fecit tantam copiam argenti, quanta erat lapidum in Jerusalem; & Joan. ult. dicitur, *sunt autem & multa alia quæ fecit Jesus, quæ si scribantur per singula, nec ipsum, arbitror, mundum capere eos, qui scribendi sunt, libros.* Om-

locus turbatus.

ANNO  
1433.

Omnia enim ista sunt per yperbole dicta; super quo verbo S. Thomas exponens illud uno modo, ita quod sit locutio yperbolica signans excessum operum Christi, dicit quod sicut, teste Augustino, sacra scriptura cum utitur quibusdam figuratis locutionibus, sicut cum dicit *vidi sedentem &c.* illarum locutiones non sunt falsae; ita quando in sacra scriptura est aliqua locutio yperbolica, talis non est falsa; non enim est intentio dicentis, ut credatur quod dicit, sed quod intendit significare, scilicet excessum vel diminutionem alicujus rei. Dicit tamen quod hoc non fit, quando aliquid quod erat obscurum vel dubium exponitur; sed quando illud quod apertum est augetur vel attenuatur; puta cum quis volens copiam alicujus rei commendare, dicit, hoc sufficeret centum vel mille perforis: volens autem vituperare dicit, quod vix sufficeret uni vel duobus; nec tamen falsum dicit, quia sic verba rem quae judicatur excedunt, ut ostendatur quod non intendit mentiri, sed ostendere esse parum vel multum. Hæc ille. Ita in proposito est dicendum; per illa enim verba intendebat Virgo beata ostendere magnitudinem compassionis, sive doloris, quam amici Christi habebant de morte ejus, qui creditur esse maximus. Si enim irrationabilia & insensibilia, puta coelum, terra, tanto se dolere ostendebant, quod sol exueretur lumine, & terra mota, durissima saxa scinderentur in partes; quantum credenda sunt dolere corda amicorum Christi in passione ejus, qui rationabiles erant, et Christi amore flagrabant? Quod vero calumniator dicit, quod istud contradicit desiderijs & suspirijs sanctorum patrum & prophetarum, quibus sacra scriptura plena est; dicendum est quod falsum est & male arguitur; eadem enim ratione diceretur Christum orasse contra vota sanctorum PP. & prophetarum dicendo: *pater, transat a me calix iste &c.* Sed notandum pro evidentia articuli, quod passio Christi dupliciter consideratur; uno modo prout erat affectiva personæ Christi, & dehonefativa tantæ majestatis; & isto modo non poterat cadere in desiderio cujuscumque sancti: immo passio ejus erat; ut dictum est in articulo, affectiva cordium amicorum ejus; ut enim dicit Aristoteles 9. Ethic. *Inter amabilia est condolare amico*; & Apostolus ad Rom. 12. *Gaudete cum gaudentibus, & flete cum fletibus*. Alio modo consideratur passio Christi, prout ex ea mundi salus ortura erat; & hoc modo erat letitia omnibus fidelibus, & hac ratione desiderabatur a sanctis prophetis & alijs, secundum illud Isaia LIII. *Desideravimus cum novissimum virorum*; id est valde abiectum, virum dolorum; ideo enim se ejus morte fore salvandos: unde ratio desiderij eorum immediate in eodem capitulo subsequitur: *ejus livore sanati sumus*; scilicet a peccato, ut glossa interlin. exponit. Ista est sententia Magistri sententiarum in I. dist. 40. ubi quaerit, utrum placuerit viris sanctis quod Christus pateretur vel occideretur, cui quaestioni respondens, ait: *Debit enim placere intuitu nostrae redemptionis, sed non intuitu ejus cruciatus*.

Concilio. Supplem. Tom. IV.

Voluerunt ergo, ac vehementer Christum mori propter liberationem hominis, & adimplerentem divinam voluntatis; sed non voluerunt delectationem ipsius afflictionis. De eodem ergo lætabantur & tristabantur; sed ob aliud enim gaudebant, & propter aliud dolebant; volebant ergo Christum mori pro hominis redemptione, & tamen de morte ipsius diversis de causis corda eorum varie movebantur. Hæc ille. Et hæc sufficiant de præfati articulo.

## Articulus V.

Ex cap. 14. secundi libri dicit; *si sancti viderentur clarum sicut sunt, nullus oculus ferre posset, sed corporali lumine privarentur.*

Pro declaratione præfati articuli sufficit dicere, quod talis articulus non jacet in toto illo capitulo; bene tamen sic dicitur: *si enim videres spirituales pulchritudinem angelorum & animarum, corpus tuum non sufficeret videre, sed rumpetur, quasi vas corruptum & putridum, propter gaudium animæ ex visione*. Nihil videtur in præfati articulo suspectum; immo nec falsum; sed omnia videntur consona veritati. Quod corpus non sufficeret videre pulchritudinem angelorum & animarum sanctarum, nemo est qui dubitet, nedum catholicus, sed etiam philosophus purus. Si enim oculus corporalis non sufficit videre lucem corporalem in rota solis; minus poterit videre spirituales pulchritudinem Angelorum, quæ multo major est illa, & ad quam ratione spiritualitatis minor in corpore est proportio & analogia, quæ requiritur inter cognoscentem & cognitum, propterea si, teste philosopho 2. methaph. intellectus noster ad ea quæ sunt manifestissima in natura se habet sicut oculus vespertilionis ad lucem Solis, non valentis videre puram pulchritudinem; quanto minus dicetur oculus corporalis noster sufficere ad videndum pulchritudinem Angeli, de quo dicit Dionysius, quod est speculum purum, clarissimum, incontaminatum, totam suscipiens in se, si fas est dicere, pulchritudinem uniformis Dei formitatem, de qua dicitur Exo. 33. *non videbit me homo & vivet*; & de sanctis dicitur Sap. 3. *Justi sicut Sol fulgebunt, &c.* Quod vero dicitur consequenter, quod rumpetur quasi vas corruptum &c. hoc intelligendum venit metaphorice; quoniam sicut vinum forte dicitur rumpere vas corruptum sive putridum; ita jucunditas istius visionis faceret, ita animum exultare & exaltare, ut veluti vas ruptum per multas partes effundens vinum receptum, variis motibus sui corporis jubilo lætitiæ & gaudij ex tali visione susceptæ ostenderet infra cordis arcanum continere non valens. Unde Gregorius: *Jubilum namque dicitur, quando ineffabile gaudium mente concipitur, quando nec abscondi possit, nec sermonibus aperiri, & tamen quibusdam proditur motibus, quamvis nullis proprietatibus exprimat*. Unde psal. dicit: *Beatus, qui scit jubilationem*;

M m m 2

non

ANNO  
CHRISTI  
1433.



ANNO  
CHRISTI  
1433.

919

non ait: sed qui scit quasi quidem sciri jubilatione potest; sed dictu exprimi non potest ebrietas spiritus: dici potest quolibet magis amoris & gaudii devotio, ex qua quasi si ex vini fortitudine fervor spiritus excrevit, qui intra se cohibere non valet; unde apostoli Spiritus S. fervore æstuantes multo pleni esse dicebantur. Et Job. dicitur c. 22. *Venter meus quasi mustum absque spinaculo, quod lagunculas dirumpit novus*; non dicit veteres, quia veteribus cordibus non infunditur talis devotio, sed novis; idest novitate vitæ ambulantibus; vel novas dicit propter fortitudinem impetus spiritus, qui si novas dirumpit, quanto magis veteres, idest fragilia corda & infirma? Et ista pro nunc sufficiant pro articulo isto, quia magis nota sunt gustum hujus multum Spiritus S. gustantibus, quam peccatoribus etiam multa legentibus, quia animalis homo non percipit &c.

#### Articulus VI.

Ex cap. 27. primi libri exponit illud dictum Christi ad Patrem: quare me dereliquisti, ac si vellet dicere: pater non est qui misereatur mei, nisi tu.

Pro declaratione articuli, sciendum est, quod pro tanto dicitur patrem dereliquisse Christum, ut dicit glossa. Math. 27. quia potestati prosequentium eum exposuit, subtraxit ei protectionem; sed non solvit unionem: ex cujus glossæ intellectu patet veritas expositionis datæ per B. Birgittam, quia cum solius patris erat subtrahere eum a potestate prosequentium, qui eum pene exposuit pro salute humani generis, secundum illud Apostoli; qui proprio filio non pepercit; sed pro omnibus tradidit illum; secundum id quod ait ipse Jesus Petro, Matth. 26. *An putas quod non possum rogare patrem meum, & exhibebit mihi plus quam XII. legiones Angelorum?* Recte ergo patri dicit Christus conquerens; quare me dereliquisti; quasi dicat: Tibi dico, qui solus in hac angustia mei poteris misereri, qui solus poteris rigorem disciplinæ pro peccato primi hominis assumptæ miserationis tuæ dulcedine mitigare. Et hoc de isto articulo.

#### Articulus VII.

Ex cap. XXX. in quo dicitur Christum dixisse quod habitare vellet in corde Birgittæ, quod non est nisi modicum frustum carnis.

Pro declaratione præsentis articuli, loquendo de habitatione per gratiam, notandum est quod anima licet dicatur esse tota in toto, & tota in qualibet parte secundum totalitatem, sive perfectionem suæ essentiae, cum sit simplex; tamen principaliter ponitur esse in corde, quod dicitur sedes ejus, sic ut pars nobilior civitatis dicitur sedes regis hac ratione, quia ex eo velut fonte vitæ, ut ponit philosophus, fit expansio caloris vitalis ad reliquas partes corporis; & propter hoc

### BASILENSE G. CONCILIUM.

920

contingit, quod tam in sacra scriptura, quam in dictis Sanctorum cor ponatur pro anima, et attribuat cordi quod animæ convenit. De sacra scriptura habemus testimonia multa; & inter alia adducamus illud: *diliges Dominum Deum tuum ex toto corde tuo & tota anima tua &c.* De doctoribus illud, et solum illud quod dicit Hugo lib. 3. de anima; *cor parvum est, & magna cupit; vix ad unius milvi refectorem sufficere possit, & totus mundus ei non sufficit*. Hæc ille: Clarum est quod ista non competunt cordi, ut est frustum carnis; sed ratione animæ in eo principaliter sedentis; et in proposito. Unde immediate sequitur ista non esse in corde, quod est habitaculum meum debent esse tria, lectus, B. *sedes, & lumen*. Lectum vocat quietem a pravis cogitationibus; sedem in voluntate, manendi cum Deo; lumen vocat fidem. Clarum est autem ista non esse in corde materiali immediate; sed in anima dicuntur esse, quæ est in ipso corde, sicut dictum est. Dicitur ergo Deum habitare in corde, quod non est nisi modicum frustum carnis, quia inhabitat animam, quæ dicitur inhabitare ipsum cor influendo vitam toto corpori derivandam. Et tantum sit de isto articulo.

#### Articulus VIII.

Ex eodem cap. quod Christus latus ivit ad passionem.

Non sufficio admirari, quare iste articulus præsentatus est tanquam suspectus, cum dicat propheta Isaïas 53. *oblatus est quia ipse voluit*; & in cap. 51. in parabola de centum ovibus dicitur: *cum invenierit ovem imposit inumeros suos gaudens*; ubi Gregorius. *Ovem inumeros Christus imposuit, quia humanam naturam suscipiens peccata nostra ipse portavit*; & Albertus magnus exponens præfatum verbum inquit: *umeri sunt brachia crucis, in quibus ovem portavit; gaudens autem portat, quia gaudium suum profectus est subditorum, secundum illud Jerem. 8. Gaudium Domini fortitudo vestra*. Hæc ille. Ille enim dubitat an Christus latus ivit ad passionem qui dubitat an summa charitate an gratissima voluntate ibat sacrificaturus pro nobis Deo Patri. Præterea legimus de apostolis Act. 5. quod ibant gaudentes a conspectu consilii, iudicati pro nomine Christi, passuri poenas, contumelias & mortem. Ista sufficiant pro articulo.

Ar.

## Articulus IX.

*Ex eodem cap. quod homo mortalis non potest videre immortalem; ejus oppositum nititur probare ejus defensor in tractatu visionum cap. 5. asserens quod ipsa Birgitta saepe habuit corporales visiones Christi.*

Ponatur articulus plenus ut jacet in originali, quia intelligentia doctorum, ut dicit B. Hilarius ex causa dicendi sumenda est. Traditor autem ut radiorem reddat articulum, detrahat eum, ponit eum solum. Secundo ostenditur veritas intentionis ejus, pro quo sciendum quod ex persona Christi ita dicitur in praefato articulo. *Si autem venirent inter ipsos eos visibilis, oculi eorum non sustinerent videre me.* Et sequitur. *Quomodo homo mortalis potest videre immortalem?*

Circa secundum notandum est primo, quod B. Augustinus videtur dicere articulum praesentem, ubi dicit, ut allegatur a Petro de Tarantasia in 4. dist. 20. quod (si) Christus voluit in ea claritate, qua resurrexit discipulis apparere, quod non possent tantam claritatem videre. Haec ille. Pro cujus intellectu, & articuli declaratione veritatis notandum est, secundum praefatum doctorem in 4. sententiar. loco praenominato, ubi quaerit, utrum corpus gloriosum sit visibile ab oculo non glorioso sive mortali, colligendo de S. Thoma & Bonaventura, quod gloria perficit naturam, sub claritate ergo gloriae manebit species naturae, scilicet color proprius; utrumque vero subditum est voluntati animae, ita quod in potestate sancti sic habentis corpus gloriosum est apparere ut in specie naturae; vel in specie gloriae. Dicunt ergo quidam, quod corpus glorificatum ab oculo non glorificato videri potest in proprio colore, D sine miraculo, sed in sua claritate non. Alii vero dicunt, quod claritas ita unita est cum claritate naturali, quamvis non sit eadem causa, unde a quocumque visu percipitur claritas naturalis potest percipi claritas corporis glorificati. Sed ab oculo glorificato potest totaliter & perfecte, & ab oculo non glorificato non potest totaliter; non propter hoc quod illa claritas corrumpat visum, sed propter imperfectionem visivae virtutis. Et ad dictum Augustini supra positum respondens, ait: *hoc dicit Augustinus, non quod non possint videre mortales oculis partem claritatis gloriosae, sed quia non possint totam, non propter actionem claritatis visum corrumpentis; sed propter limitationem visivae virtutis.* Haec ille. Juxta autem hujusmodi doctoris sententiam dicendum est in proposito, quod videlicet non intelligat sancta ista quod mortalis homo non possit videre immortalem; quoniam expresse dicit in libro 6. 14. quod Christus apparuit Virgini Mariae & apostolis, & aliis personis resurgens a mortuis; & primo Vir-

gini Mariae etiam palpabilem se ei exhibendo. Ipsa etiam vidisse dicitur Christum & B. Virginem; sicut calumniator arguit; sed intelligit, quod non plene & totaliter claritatem corporis Christi possit videre homo mortalis, cum illa in plenitudine sua excedat omnem potentiam oculi mortalis. Et quod ista sit intentio ejus patet cum dicit in articulo oculi non possint substinere videre me. Et ne videatur alicui mirabile, quod ratione hac dicatur oculus mortalis non posse videre immortalem, ducam auctoritatem sacrae scripturae. Dicit enim B. Joannes 1. cap. *Deum nemo vidit unquam;* quod non ex eo dicitur verum quod Deus non est ab homine visibilis, cum hominis beatitudo in ejus visione consistit; sed ex eo quod non totaliter plenitudine comprehensionis a creato oculo est visibilis. Et ita intelligendum in proposito. Et tantum sic de praesenti articulo.

## Articulus X.

*Ex cap. XXXIV. habet multa. Primo adulationem Diaboli factam Birgittae coram Deo ad jussum Dei &c.*

Pro declaratione praesentis articuli dicitur, quod nulla adulatio ponitur in isto articulo; sed ponitur confessio veritatis, quam Diabolus mandato Dei cogitur dicere. Unde in cap. illo in originali ita dicitur: *Dixit Dominus Diabolo: responde mihi, si ista nova sponsa est legitima mea. Nunquid diligit ipsa aliquem sicut me? &c. cui Daemon respondit nihil diligit sicut te.* Quod inconveniens est hoc ut pars ista hujus articuli suspecta habeatur? Nunquid simile legimus Job. 1. ubi ait Dominus ad Satan: *Nunquid considerasti servum meum Job, quod non sit similis ei in terra, homo simplex, rectus & timeus Deum & recedens a malo; & respondens Satan: Nunquid frustra timet Deum Job? quasi dicat: licet verum sit hoc, tamen ut inquit glossa. interli. non ex virtute propria. Et ita articulus in illo videtur contrarius veritati. Et haec de isto articulo.*

## Articulus XI.

*Ex eodem cap. quod Diabolus coram Domino dixit se habere unum oculum corporalem, alium spirituales.*  
*Item simile de auribus.*

Pro declaratione hujus articuli, licet non esset opus declaratione, cum legentibus originale textum satis clare pateat; intellectus ejus verus est. . . . anime saepe capiunt, . . . ab objecto conditione sine proprietate in quem feruntur, sicut Aristoteles in 6. Ethic. scientificum animae distinguit ab opinativo, vel rationativo per hoc, quod scientificum animae est, quod cognoscit omnia necessaria quae generant scientiam.



ANNO  
CHRISTI  
1433.

923

scientiam, opinativum vero, quo cognoscit contingentia, de quibus generatur opinio. Item Augustinus XII. de Trinit. ponit rationem superiorem & inferiorem distingui per hoc, quod illa intendit æternis conspiciendis, aut consulendis, quæ sunt superiora; ratio vero inferior intendit temporalibus rebus, quæ sunt inferiores. Ita in proposito dicendum; Diabolus enim dicitur habere oculos duos, quorum unus dicitur corporalis; non quod ita sit in re, cum Angelus sit simplex, & immaterialis substantia, & sic nominatur ab objecto, quia temporalia hoc oculo dicitur considerare. Alius vero spiritualis dicitur, quo spiritualium intendit cognitionem, & notitiæ habendæ; sicut patet ex serie articuli in originali, & ita nulla est difficultas, considerata intentione dicentis. Sed quod ex litera in originali colligitur, in quo sic dicitur: *ait Diabolus; habeo duos oculos, unum corporalem, licet non sim corporalis, quo temporalia teneo &c.* Et tantum de hoc articulo.

#### Articulus XII.

*Ex cap. eodem in quo dicitur Deus dixisse: nunc Diabole illuminatum est tenebrarum cor tuum.*

Pro declaratione præsentis articuli est primo ponendus articulus integer, ut pateat facilius intellectus ejus. Secundo declarabitur veritas ejus. Articulus autem ita dicit: *Dominus ait: nunc Diabole illuminatum est tenebrarum cor tuum; dic mihi ista audiente qualem caritatem habeo ad illam.* Circa secundum scilicet declarationem articuli est primo notandum, quod tam ex sententia istius capituli, quam istis verbis articuli colligitur, revelatum fuisse Dæmoni quantam caritas erat Dei ad B. Birgittam, sine enim revelatione divina scire non poterat. Revelantur enim quandoque eis secreta aliqua coelestibus mediantibus Angelis bonis, sicut dicit B. Isidorus lib. I. de summo bono cap. 10. & deducit Magister sententiarum in 2. dist. 7. Dicit enim sic Isidorus: triplici acumine scientia vigent Dæmones; scilicet subtilitate naturæ & experientia temporum, & revelatione spirituum supernorum. Et Augustinus de hoc etiam loquens lib. 2. super Gen. c. II. ita dicit spiritus mali quædam vera de temporalibus rebus noscere permittuntur partim subtilitate sensus, partim experientia temporum callidiores propter tam magnam longitudinem vitæ, partim sanctis Angelis, quod ipsi ab omnipotenti Deo discunt, jussu ejus sibi revelantibus. Hæc ille. Secundo notandum quod, illuminatio potest capi dupliciter, uno modo large sive... E dicta; alio modo proprie dicta. Capiendo primo modo sic omnis cognitio & manifestatio dicitur quædam illuminatio, sicut dicit apostolus ad Ephes. 6. *omne quod manifestatur lumen est.* Alio modo proprie capitur, & sic non solum dicit manifestationem veritatis, sed dicit illam in ordine ad Deum, habet enim lux in sua plena virtute ista, scilicet manifestare, dirigere, &

### BASILEENSE G. CONCILIUM.

924

delectare. Capiendo primo modo verum est, quod cum cordi Dæmonis aliquid reveletur, quod ejus cor illuminatur, quia venit in notitiam alicujus veritatis. Dicit enim Dionysius quod Angeli splendida lumina, & eorum naturalia splendida & integra permanerunt. Et ita intelligendus est articulus. Secundo modo capiendo illuminationem, non habet locum in Dæmonibus propter eorum perveritatem, qui omnia ordinant ad malum finem. Unde S. Thomas in 1. par. q. c. art. 3. dicit sic, quod illuminatio proprie dicta est manifestatio veritatis, secundum quod habet ordinem ad Deum, qui illuminat omnem intellectum. Et ito modo non est in Dæmonibus. Et hoc Bæ de isto articulo.

#### Articulus XIII.

*Ex eodem cap. dicit, Diabolum ad jussu Dei perbibuisse testimonium charitatis ejus ad S. Birgittam illo modo: si, inquit, possibile esset libenter, sine pater (patereris) unam penam talem in quolibet membro tuo specialiter qualem semel in cruce in omnibus membris passus es, antequam careres ea.*

Quamquam iste articulus satis pateret verus ex declaratione decimi articuli; verum tamen pro ampliori intellectu dicendum, quod iste articulus nullam videtur habere repugnantiam rationi, atque sacre scripturæ, nec quo ad hoc quod Dæmon jussu Dei perhiberet testimonium veritatis, nec quoad hoc quod testimonium datur charitatis Christi ad B. Birgittam. Patet, primo, Luc. 4. ubi dicitur: *exibat Dæmonia a multis clamantia, & dicebant: quia tu es filius Dei;* ubi dicit Albertus Magnus: *clamabant in veris confessione, sed coacta, quia Dæmon de sua voluntate non loquitur nisi mendacium, Jo. 8. cum loquitur mendacium, loquitur ex propriis, quia mendax est, & pater ejus.* Item in eodem de alio Dæmone dicitur quod dixit: *quid nobis & tibi Jesu Nazarene? scio, quod sis sanctus Dei.* Quid ergo mirum si facta revelatione Dæmoni de charitate Dei ad B. Birgittam, interrogatus Dæmon, & jussus a Deo respondere perhiberet testimonium. Præterea secunda pars articuli in nullo videtur habenda suspensa, ut patet ex declaratione habita in primo articulo. Tanta enim erat charitas Christi ad animam rationalem nostrarum, ut nulla poena corporis possit ei adequari; nec passio corporis quæcumque esse æqualis compassioni quam habebat de perditione rationalis naturæ. Hinc flevisse pro peccatis legitur, & non pro poenis suis; & ideo credendum est, quod tanta fuerit charitas Christi ad animam rationalem, ut si non aliter fuisset salvanda, quam per talem poenam, sicut ibi in articulo describitur, quod Christus suscepisset eam pro salvatione ejus. Qui enim potuit liberare genus humanum sine passione; & tamen in-

ANNO  
CHRISTI  
1433.

com-

commendatione suæ charitatis voluit pati, dicente apostolo ad Rom. 5. *commendavit Deus suam charitatem in nobis, quoniam cum inimici essemus Christus pro nobis mortuus est.* Veraciter credendum est, quod si fuisset necessarium, aut ordo divinæ justitiæ exegisset, ampliores pœnas suscepisset; quia ista nota arbitror satis considerantibus quod Christo non est datus spiritus ad mensuram; ideo sufficiant ista pro articulo isto.

#### Articulus XIV.

*Ex eodem cap. dicit Deum dixisse Dæmoni: pete humiliter misericordiam a me, & dabo tibi; & respondit Diabolus: nequaquam.*

Pro declaratione articuli ponam integrum articulum. Secundo, declarabitur veritas ejus. Articulus autem ita dicit: *Respondit Dominus: si ergo sic misericors sum ut nulli petenti veniam denegem; pete humiliter & tu misericordiam a me, & dabo tibi.* Cui respondit Diabolus: *nequaquam hoc faciam.* Iste articulus in nulla sui parte est habendus a quocumque sapiente suspectus; verum enim est quod si Diabolus humiliter veniam peteret, eam a Christo consequeretur, licet antecedens sit impossibile. Unde Hugo de S. Victore in de clauistro animæ, *si veniret Satan ad capitulum confessionis, impetrare posset indulgentiam remissionis.* Et B. Augustinus de falsa, & vera poenitentia dicit: *si posset sperare Diabolus de Deo & culpam in se sentire, quod non invenit in se, inveniret in Dei misericordia; scilicet veniam peccati.* Secunda pars patet ex eo quod est obstinatus in malitia; & quia de hoc erit in consequentibus iterum sermo, sufficiant ista pro articulo.

#### Articulus XV.

*Ex eodem cap. dicit Diabolus dixisse Deo: antequam curvarem genua coram te, magis vellem omnes pœnas glutire in me &c. cum tamen in nomine Jesu omne genuflectatur &c.*

Pro declaratione præsentis articuli notandum quod Dæmones habent obstinatam voluntatem in malo; & sentientes Deum in effectu justitiæ, qui est pœna eum affligens, habent eum odio, secundum illud psalmi: *superbia eorum qui te oderunt ascendit semper.* Et ideo voluntate deliberata, quæ in eis mala est, cum sint averti ab ultimo fine, non possunt velle curvare genua sua coram Deo; & ita intelligitur articulus præfens. Quamquam, ut dicit Apostolus, curvent genua in nomine Jesu; ex electione tamen, & voluntate propria non faciunt. Unde S. Thomas in 2. dist. 7. super illud apostoli Jacobi: *Dæmones credunt & contremiscunt,* dicit quod licet isti actus in se boni sint; non tamen bene sunt, sed coacte &

non ex electione bonum quodcumque operatur. Nam, ut dicit Augustinus in libro de fide ad Petrum; *Dæmones nec mala voluntate carere possunt, nec poena.* Et ita patet articulus. Nec valet quod dicitur in oppositum ex apostolo Philip. 2. *In nomine Jesu &c.* quoniam articulus non dicit quod Dæmones non curvant genua; sed dicit antequam curvarem & scilicet ex electione, & voluntate propria; optativi enim modi est verbum illud. Et tantum sit de isto articulo.

#### Articulus XVI.

*Ex cap. 38. dicit Christum habere. fidem, spem, & charitatem.*

Pro declaratione præsentis articuli, præsertim quoad prima duo, quia de charitate non est dubium; est notandum; & primo, quoad hoc quod dicitur fidem habuisse, quod, ut tangit S. Thomas in 3. parte q. a art. 3. super illud apostoli Rom. 1. *Justitia Domini revelatur in eo ex fide in fide;* dicit glossa de fide. .... & spei, quod fides capitur dupliciter: uno modo proprio, & est qua creduntur quæ non videntur, dicente Augustino in Enchiridio: *fidem appellamus earum rerum quæ circa cognitionem rerum visarum, hoc tamen improprie & secundum quandam similitudinem, quantum ad certitudinem & firmitatem adhesionis hoc modo diffinit fidem glossa Galat. V. fructus spiritus: dicens fides est invisibilium certitudo;* & hæc distinctio habetur ex glossa supra posita Rom. 1. in qua sic dicitur: *est enim fides, qua creduntur, quæ non videntur;* quæ proprie dicitur fides, sed tamen est etiam fides rerum qua non verbis, sed rebus ipsis præsentibus creditur, quod erit cum per spem manifestam se contemplandam sanctis præbebit ipsa Dei sapientia. Quo notato, dicitur quod articulus est intelligendus de fide capta in perfectione ænigmati, & obscuritatis, quæ repugnat manifeste visioni Deitatis; & quod intellexerit ita B. Birgitta, pater ex rubrica illius capituli, in qua sic habetur quod fides erat in Christo perfectibiliter, in aliis autem imperfectibiliter. Quid autem est perfectibiliter habere fidem; nisi notitiam certam sine imperfectione obscuritatis ænigmati, quæ includitur in fide proprie sumpta quæ est in viatoribus fidelibus? Secundo similiter notandum venit de spe, quæ dupliciter capitur, uno modo proprie & stricte secundum S. Thomam loco supra nominato, ut dicitur virtus theologica, quæ habet pro objecto ipsius divinam fructuonem, quam principaliter homo spectat per spei virtutem; & hanc ut sic non habuit Christus qui ab instante conceptionis plene habuit fructuonem divinitatis. Alio modo sumitur large pro expectatione cujuscumque ardui boni futuri, ut dicit Apostolus, *quod spes est affectio futuri boni.* Et hoc modo fuit spes in Christo respectu immortalitatis & gloriæ corporis. Unde in psal. *caro mea requiescit in spe,* glossa resurrectionis. Item in psal. alio, *In te Domine speravi;* quod exponitur de



de Christo. Et ita capiendus est intellectus articuli ex serie textus. Alio modo potest & brevius dici, quod fides & spes capiuntur ibi non pro virtutibus theologicis, sed pro actibus, scilicet credendi & sperandi, & isti bene fuerunt in Christo respectu aliorum; unde magister sententiarum. 3. dist. 26. ubi querit utrum fides, & spes fuerint in Christo; respondet, loquendo de fide & spe proprie, & sunt virtutes theologicæ, dicit: quibusdam non indolite videtur fidem virtutem, & spem in eo non fuisse, sicut in sanctis, in jam beatificatis, vel in angelis non sunt, & tamen sancti credunt & sperant resurrectionem futurorum, & Angeli eandem credunt, nec tamen in eis est fides vel spes, prout virtus est, quia & Deo per speciem contemplando perfuerunt, & in Deo verbo resurrectionem futuram non per speculum in enigmate, sed præclarissime inspicitur. Ita inquit, Christus in quo fuerunt bona parva credit quidem, & speravit resurrectionem tertio die futuram, pro qua patrem oravit, nec tamen fidem virtutem, vel spem habuit, quia non enigmatice & specularem de ea cognitionem habuit; & ita patet articulus, & qualiter ita intellectus nec est contra sanctos Doctores, nec contra Magistrum sententiarum, ut dicebat impugnator; & tantum sic de præsentis articulo.

Articulus XVII.

Ex eodem cap. dicit Christum dixisse  
humanitatem suam, scilicet ex iustitia  
sine ignominia non posse intrare  
in gloriam.

Pro declaratione præsentis articuli primo ponetur articulus plenus, ut intellectus ejus plenius habeatur. Secundò declarabitur veritas ejus. Articulus autem est sic in originali: patet denique, volens ostendere viam per quam aperitur coelum, & homo exclusus ingrederetur, tradidit me ex charitate in passionem, ut corpus meum, consummata passione humanitas in eo in gloriam venire possit ex iustitia, licet potuissem ex potentia divinitatis mea fecisse. Hæc ibi.

Pro declaratione præsentis articuli adducetur primo quædam admirabilis, & multum ad propositum autoritas Jesu Christi. Dicit enim ipse: O stulti & tardi ad credendum in omnibus quæ locuti sunt prophetae, Nonne hæc oportuit pati Christum & ita intrare in gloriam suam. gloss. secundum humanitatem, scilicet. Ecce ex verbo Christi determinatus articulus. Sed pro ampliori intelligentia est notandum, primo, quod loquitur de gloria corporis, non de gloria animæ; anima enim ejus ab instanti conceptionis Deum videbat per essentiam; & quia ita sit, pater per hoc quod dicit in articulo posito: ut scilicet corpus meum consummata passione glorificaretur &c. Itam enim meritis acquisivit per passionis humilitatem, secundum illud Apostoli Phil. 2. Christus factus est pro nobis obediens usque ad mortem, mortem autem crucis, propter quod & Deus exaltavit illum & dedit illi nomen,

quod est super omne nomen. Ecce aperte dicit Apostolus, inquit Magister sententiarum in 3. dist. 18. ubi loquitur de merito Christi Christum propterea exaltatum per impassibilitatis gloriam quia est humiliatus per passionis obedientiam. Ita etiam dicitur Hæbr. 3. videmus Jesum per passionem mortis gloria & honore coronatum. Sed ad difficultatem utrum sine passione potuerit intrare in gloriam suam, de qua sermo, dicendum quod dupliciter possumus loqui; uno modo absolute secundum potentiam absolutam; & sic dicendum quod sic, sicut dicit articulus. Et etiam Magister sententiarum eandem questionem movens in 3. dist. 18. dicit: sane dici potest quod humanam naturam ita gloriosam suscipere potuit, sicut in resurrectione exiit; sed hæc passibilis esse non potuit, sicut fuit, & ad illam gloriam sine merito pervenire; potuit quidem ad illam pervenire sine merito passionis, quia potuit consumpta mortalitate immortalitatis gloria vestiri, sed non sine merito iustitiæ caritatis, aliarumque virtutum. Hæc ille. Alio modo possumus loqui secundum potentiam ordinatam, quæ respicit dispositionem divinæ sapientiæ; & sic dicitur quod non potuit; & ideo dicitur Luc. 24. sicut supra adductum est: nonne hæc oportuit pati Christum, & ita intrare in gloriam suam? secundum ejus iustitiam, quæ est ut adimpleatur quod sapientia Dei, & voluntas habet oportebat pati Christum, & per passionem intrare in gloriam suam. Et ideo articulus est verissimus, & apud Theologos est communis conclusio scholæ, ita intellectus, ut dictum est; & ut etiam ex textu libri colligitur, & non contra sanctos Doctores, ut impugnator dicit. Aliter enim capit gloriam & aliter iustitiam quam articulus capiat, ut patuit. Et tantum sit de isto articulo.

Articulus XVIII.

Ex cap. 40. hic dicitur Christum distinguere quinque genera hominum, primum dicit, scilicet papam & clerum; secundum laicos, tertium Judæos; quartum paganos; quintum Dei amicos, quasi omnes quatuor distinguit contra Dei amicos a paganis, Judæis fecit exceptionem, sed non a papa & suo clero; Unde concludendo de papa & clero sine exceptione. Tu es peior Luciferi; tu es injustior Pilato, tu es inimicior Juda, tu es abominabilior Judæis, hoc ampliat in quatuor capitulis spiritualibus contra sacerdotes prope finem libri quarti; blasphemias contra clerum indifferenter continuat c. 47. & 49. primi libri, & continuatur damnationem irremissibilem in omni statu semper dicit; si conversi fuerint sententiam revocabo; sed hæc forte offensa per clerum nullum habuit nunc temperamentum.

Pro declaratione præsentis articuli occurrunt duo videnda: primum circa fidelitatem translationis vel hujusmodi accusationis; secundum ostenditur veritas articuli. Circa primum videtur, quod non sit verum, primum quod indifferenter loquitur de omnibus pon-

ANNO  
CHRISTI  
1433.ANNO  
CHRISTI  
1433.

pontificibus & sacerdotibus. Secundo non videtur verum quod secundo imponitur, videlicet offensa cleri nullam habebit misericordie temperamentum. Primum patet ex cap. 47. primi libri, ubi super illo verbo psalmistæ: *Qui edebat panem meum, cogitavit adversum me proditorem*; dicit duo se velle notare, primo quod non dicit cogitat, sed cogitavit, quod jam præteritum est. Secundo, quod non notat ibi nisi unum hominem qui prodidit, ego autem dico quod ipse loquitur de sacerdotibus, quod ipsi sunt proditores mei qui sunt in presenti, non qui fuerunt, vel qui futuri sunt, sed qui jam vivunt. Ego etiam dico quod non solum unus homo, sed quia multi sunt. Hæc ibi. Ecce patet quod loquitur de sacerdotibus sui temporis, & non de omnibus, sed de multis. Et utinam sic non esset etiam modernis nostris diebus. Præterea sic loqui sicut ipsa loquitur de clero, non videtur magis scandalosum, quam dicta prophetarum & sanctorum DD. qui simili modo usi sunt loquendi, immo graviore quia quandoque universitater, ut patet Isaie 56. *Speculatores ejus cæci, omnes nefecerunt, universi canes muti non valentes latrare, videntes vana, dormientes, & divinantes somnia, & canes impudentissimi ne scientes suavitatem. Ipsi pastores ignoraverunt intelligentiam; omnes in viam suam declinaverunt; unusquisque ad avaritiam suam a summo usque ad novissimum; & similia in aliis prophetis.* Item Bernardus in epistola quadam: *heu beu Domine Deus, ipsi sunt in persecutione tua primi, qui videntur in ecclesiæ tua primatum diligere, principatum, arcem Sion occuparunt, apprehenderunt munitiones, & universam deinceps libere & potestative tradunt incendio civitatem, non est jam dicere ut populus sacerdos, quia nec sacerdos ut populus; & alia similia a multis doctoribus ponuntur, quæ tamen non intelliguntur, nisi de malis, licet sit loquutio ista indifferenter probata ratione multitudinis malorum.* Secundo non videtur verum, immo infideliter imponitur B. Birgite, videlicet dixisse quod si alii converti fuerint, Deus revocabit sententiam; sed quod offensa cleri non habebit misericordie ullum temperamentum. Immo contrarium dicit, nam in cap. XLI. loquens simul de omnibus positus quatuor generibus hominum dicit illi. *Numquam intrabitis in regnum celorum. Nulli enim dabitur cælum, nisi militantibus se & penitentibus.* Ecce quod non negat magis uni generi quam alteri. Præterea clarius in cap. 47. in fine post multas maledictiones sacerdotum malorum dicit in persona Dei: *propterea juro in veritate mea, qui sum veritas, quod si sic moriuntur, & in tali dispositione, quæ nunc sunt constituti, nunquam caritas mea, nec virtus E*

A *Lucifero.* Notandum cum S. Thoma in 2. sentent. dist. 21. quod in peccato possunt multa considerari, ex quibus gravitas trahi potest; & contingit, quod idem peccatum secundum unum respectum sit gravius, & secundum alium levius. Invenitur illud tamen, inquit, simpliciter gravius; considerandum est quod secundum plura & pauciora gravius invenitur, præcipue secundum speciem peccati, quia quantitas consequens speciem peccati est peccato essentialior, quam quæ circumstantias peccati sequitur. Hæc ille. Ex quibus verbis manifeste patet quod aliquis possit dici peior Diabolo, & Juda, & Judæis, & Paganis, si in ejus opere malo contingit aliqua gravis circumstantia, aut magnitudo major, aut similia, quæ non concurrunt in operibus malis aliorum. Et ne articulus credatur ita incredibilis ostendam conformem dictis sanctorum. Primo, in clero accusatur simonia, quæ quantæ gravitatis sit respectu aliorum vitiatorum dicit Damasus papa, quod omnia crimina ad comparationem simoniacæ hæresis, quasi pro nullo reputantur. Secundo, acculantur in prælatis, & sacerdotibus malis indigna communio, quæ quantæ gravitatis existat dicit gloss. super illud psalm. *Dederunt in escam meam fel &c.* hoc adhuc facit contemptor sedentis in celo, & gravius peccat, quam qui crucifixit eum ambulantiem in terra; quod verum est ad minus quoad aliquas circumstantias dicit Auctor summæ de vitis & virtutibus; primo, quia talis indigne sumens scienter contumeliam Christo infert, quem Deum verum esse credit, in hoc deterior Judæis, qui si cognovissent, nunquam Deum gloria crucifixissent. Secunda est quia contemnunt regnantem, quem Judæi contempserunt mortalem. Major autem contumelia est quæ infertur in statu honoris, quam quæ infertur in statu humilitatis. Tertia quia contumelia data a Judæis crucifigentibus, data est tantum semel; sed a malis sacerdotibus quasi quotidie. Multa alia possent adduci dicta doctorum, quæ in glossis & originalibus quæ de gravitate peccatorum, prælatorum & sacerdotum copiosissima reperuntur. Præterea rationes quare dicuntur præfati veri peiores Luciferi &c. clare sunt in textu, & circumstantiæ notabiles hoc arguentes; & ideo non videtur hic instandum ad impugnandum esse veritatem eorum quæ dicuntur de malis sacerdotibus; sed totis viribus incumbendum est ad reformandum sic mores nostros, ut ea, quæ de malis vera sunt, de nobis mendoſe sint dicta. Certe non videtur alius potior modus contradiendi obloquentibus de clero, quam per emendationem morum. Et ista pro isto articulo sufficiant.

E

Concilio. S. upplem. Tom. IV.

Nnn

Ar-



ANNO  
CHRISTI  
1433.

Articulus XIX.

Ex eodem cap. dicit spiritus malignos  
videre omne bonum, & omnem ju-  
stitiam, licet non in luce, sed  
in conscientia sua.

Vox cor-  
rupta.

Deest ali-  
quid for-  
te: sic Da-  
mones.

Hic autem articulus bene recte intel-  
lectus in nullo deficit a veritate; verum ta-  
men pro declaratione ejus notandum, quod  
articulus est intelligendus cum distributione  
accommodata, sicut consueverunt alia multa do-  
ctorum dicta, & scripturæ sacræ; ita quod  
licet omne non distribuatur singulariter uni-  
versaliter pro singulis generibus bonorum,  
sed pro eis tantum, quorum notitia est pos-  
sibilis per naturam cognosci & ab ipso An-  
gelo. Pro quo sciendum est cum S. Thoma  
in 2. dist. a art. 1. secundæ quæstionis, quod  
cum peccatum non tollat naturam, sed tan-  
tum diminuat habilitatem ad bonum, secun-  
dum quod magis facit distare; oportet in  
Dæmonibus lumen intellectuale perspicuum  
remanere, quia natura eorum intellectualis  
est. Unde Dionysius 10. de di. no. dicit...  
angelicam nequaquam mutatam esse dicimus,  
sed remanere integram & splendidissimam.  
Cognitio autem eorum de rebus est duplex;  
quædam enim est, quorum cognitio per cau-  
sas naturales haberi non potest; & talia non-  
nisi revelatione supernorum spirituum cogno-  
scent. Quædam vero sunt quorum cognitio  
per naturam haberi potest, & hoc duplici-  
ter, vel per causas determinatas ad effe-  
ctus naturales; & talia cognoscunt subtili-  
tate naturæ, in quantum in eis resplendent  
similitudines totius ordinis universi; vel per  
aliqua signa ex quibus, ut in pluribus, po-  
test alicujus cognitio haberi, sicut medici  
pronosticant de sanitate vel de morte; &  
talitæ cognoscunt per experientiam tempo-  
rum secundum quod talibus signis pluries ef-  
fectus concurrerunt. Hæc ibi. In eo ergo  
quod juxta philosophica intelligentia plena  
est formis, Dæmones, qui sunt quædam in-  
telligentiæ separata, in conscientia sua vi-  
dere dicuntur omne bonum, & omnem ju-  
stitiam, ad quam scilicet possunt naturali  
cognitione pervenire; ut enim dicit S. Tho-  
mas: Angelis non est ignotum aliquid eorum,  
ad quæ possunt naturali cognitione pervenire.  
Et quod iste sit intellectus ejus patet, quo-  
niam dicit sic per exemplum: Sicut enim ho-  
mo positus in carcere, qui prius didicerat li-  
teras, qui licet in tenebris sit, nihilominus  
tamen scit ea, quæ didicit; quomodo non  
videant justitiam meam in luce claritatis  
meæ, tamen sciunt & vident in conscientia  
sua, quæ conscientia est depicta formis &  
speciebus a principio creationis eis eam crea-  
tis. Conscientia autem, teste Damasceno, est  
lex intellectus; lex autem intellectus est ha-  
bitus universalium principiorum juris. Et  
tantum sit de isto articulo.

A

Articulus XX.

Ex eodem cap. dicit B. Petrum esse fun-  
damentum fidei & ecclesiæ, & quod  
Papa est pejor Lucifero.

Magnam voluntatem habuit impugnandi,  
qui hunc articulum ita conjunxit. Non enim  
ita conjungitur in originali, sicut patet ex  
præcedenti articulo 19. in quo datus fuit  
sensus, qualiter, aut qua ratione papa, de  
quo fiebat mentio, diceretur pejor Lucife-  
ro. Insuper, nec ista videntur esse contra-  
ria, quod B. Petrus & papa aliquo modo  
dicatur fundator fore ecclesiæ & dicatur pa-  
pa pejor Lucifero; quia primum respicit di-  
gnitatem potestatis; secundum vero gravi-  
tatem iniquitatis; quæ duo simul in malis  
prælati concurrere possunt juxta illud Matth.  
23. super cathedram Moysi multi sedent scri-  
bæ & Pharisei; facite omnia quæcumque di-  
xerint vobis, secundum autem opera eorum  
nolite facere. Et Apostolus dicit: obedite præ-  
positis vestris, non solum bonis & modestis,  
sed etiam discolis. Consequenter venio ad  
ipsum articulum principalem; & dicendum  
videtur pro declaratione ejus pleniori ad sin-  
gulas partes articuli. Primo, ad hoc quod  
dicitur fundator fidei; secundo quoad hoc  
quod dicitur fundator ecclesiæ. Circa primum,  
sciendum quod apostoli post Christum  
dicantur fundatores fidei, quia fuerunt primo  
predicatores ejus, unde apostolus Pau-  
lus 1. ad Cor. 3. dicit de se ut spatius archi-  
tectus, id est primus ædificii spiritualis fun-  
damentum posui fidem, scilicet Christi, quæ  
dicitur fundamentum apostolorum ad Ephes. 2.  
Et ideo apostoli principes dicuntur ecclesiæ,  
secundum illud psalm. Constitues eos prin-  
cipes super omnem terram; quia exeunte in  
omnem terram sono prædicationis eorum fa-  
cti sunt architecti, id est principes ædificii  
spiritualis. Verum quia B. Petrus, ut dicit  
Anacletus dist. 21. in novo fuit primus, qui  
ad fidem populum virtute suæ prædicationis  
adduxit; ideo spiritualiter ipse fundator fidei  
est appellatus. Secunda ratio potest assignari,  
quia in confessione sua, qua Chris-  
tum confessus est Dei filium, dicitur fun-  
dasse ecclesiam; unde Matth. 16. postquam  
Petrus dixit Christo: Tu es Christus filius  
Dei vivi; Christus ei dixit: Tu es Petrus; & super  
hanc Petram ædificabo &c. ubi Hieronymus,  
ac super hanc petram, id est in hac  
fidei confessione ædificabo ecclesiam meam. Ter-  
tia ratio potest addi, quod licet omnes apo-  
stoli sint a Christo constituti Doctores fidei;  
Petrus tamen spiritualiter doctor orbis, sicut  
pastor erat universalis, ut notatur 2. dist.  
21. in novo. Secunda pars vero articuli, in  
qua dicitur quod est fundator ecclesiæ, est  
expressè Damasceni super illud Luc. 7. quod  
accedens Petrus ad Jesum facimus hic tria  
tabernacula, & dicit Petro, non te Domi-  
nus tabernaculorum, sed universalis ecclesiæ  
instructorem constituit. Præterea fundator ec-  
clesiæ, non tamen principalis, potest dici  
veraciter Petrus, quoniam ab ipso post Chris-  
tum, qui solus plenitudinem potestatis ac-

ANNO  
CHRISTI  
1433.

cc-

cepit, ordo sacerdotalis primo incepit, ut dicit Anacletus, & ponitur in dist. 21. c. in novo Testam. post Christum Dominum a Petro sacerdotalis ordo incepit, quia ipsi primo pontificatus in ecclesia Christi datus est, dicente Domino: Tu es Petrus, super hanc Petram edificabo ecclesia &c. Et sic patet sensus verus articuli. Et tantum sit dictum de presenti articulo.

### Articulus XXI.

Ex cap. XLVI. dicit Filium Dei fuisse creaturam dignissimam.

Pro declaratione presentis dicendum, quod licet creatura simpliciter & absolute absque determinatione expressa, aut subintellecta ad minus, non possit predicari de Christo; tamen cum determinatione, ut puta secundum humanitatem, bene potest, ut Magister sententiar. in 3. dist. 11. c. 1. movens questionem, utrum debeat simpliciter concedi Christum esse factum, vel creatum, vel creaturam; respondet dicens: Ad hoc dici potest hoc simpliciter & absque determinatione minus congruenter dici; & si quandoque brevitate causa simpliciter annuntiatur, nunquam tamen simpliciter debet intelligi; quia, ut Augustinus in primo de Trinitate ait: cum de Christo loquimur quid secundum quid, & quidquid dicitur, prudens & diligens ac pius lector intelligere debet. Quod vero ratione humanitatis, sive in quantum est homo, creatura dicatur, patet auctoritatibus multorum, quos S. Thomas allegat in 3. scripto dist. 11. & in 3. par. q. 16. Dicit enim Leo papa: Nova & inaudita conventio, qui est & erat sic creatura. Item Damascenus: non scandalizabitur Christus ad nomen creaturæ; & Augustinus ad Dardanum: quod ad Verbum attinet creatus est Christus. Præterea rationibus sancti Thomæ patet, quod omne quod non est æternum est creatum: sed Christus secundum quod homo non est æternus, sicut nunc dicitur; ergo secundum quod homo est creatura. Item omne quod est factum est creatum; sed Christus secundum quod homo est factus; ergo secundum quod homo est creatus. Tertio, omnis conditio naturæ alicujus potest predicari de aliquo, secundum modum significantem illam naturam; sed homo significat naturam humanam, cujus conditio est quod sit creatura; ergo Christus potest dici creatura secundum quod homo. Quod vero B. Brigitta ita intellexit, & fuit locuta, patet ex verbis immediate præcedentibus verba propositi articuli, in quibus constitetur in Christo, primo divinitatem, secundo humanitatem honestissimam, secundum quam nominatur creatura; unde sic ait ex persona B. Virginis: benedictus sis tu, qui es sine principio & sine fine; ecce divinitatis confessionem; sequitur: tu fuisti dignissima creatura. Cum ergo ipsa sæpe dicat Christum creatorem omni in libro suo; & Deum verum; nomen creaturæ in Christo ad humanitatem refert, de qua proxime ita loquitur. Et ita patet, quod hoc non

Concilior. Supplem. Tom. IV.

est error Arii, quia Arius dicebat Christum esse simpliciter & absolute creaturam, non credens ipsum esse Deum. Et tantum de isto articulo.

### Articulus XXII. qui debuit esse XXI.

Ex cap. XLV. dicit, quod mens Christi turbatur tempore passionis.

Hic articulus, intelligendo per mentem animam Christi, sicut debet capi, & intelligi in hac materia, ponitur Jo. 12. ubi dicit Christus pro tempore passionis: anima mea turbata est. Pro cujus declaratione & articuli & textus evangelici notandum est cum S. Thoma in expositione evangelii Jo. in c. 12. quod proprie turbatur dicitur aliquid quando commovetur; unde mare commotum dicimus esse turbatum; quodcumque ergo excedit aliquid modum suæ quietis & tranquillitatis, tunc illud dicitur turbatur. In anima autem humana est pars sensitiva, & pars rationalis; in sensitiva quidem parte accidit turbatio, quando aliquibus motibus commovetur; puta cum timore contrahitur, & levatur spe, & gaudio dilatatur; sive alia quacumque passione afficitur; sed hæc quidem turbatio; quodcumque quidem sub ratione sistit, quodcumque vero limites rationis excedit, scilicet ipsa ratio perturbatur. Quod quidem in nobis pluries contingit; sed in Christo hoc locum non habet, cum sit ipsa sapientia Patris; nec etiam in aliquo sapiente, unde sententia Stoicorum est, quod sapiens non turbatur; scilicet quantum ad rationem. Secundum hoc ergo est sensus: nunc anima mea turbata, affecta timore passionis, & tristitia, quantum ad sensitivam, quibus tamen ratio non turbabatur, nec suum ordinem deserebat. Marc. 14. cæpit Jesus pavere & cadere. Et sic ergo turbata dicitur fuisse anima Christi, quod nec supra rationem, nec contra, sed secundum rationis ordinem turbatio in eo fuerit. Sequitur in Evangelio: salvifica me pater ex hac hora; id est libera a turbatione, quæ mihi imminet in hora passionis; psal. Salvum me fac, Deus, quoniam intraverunt aquæ usque ad animam meam; & ut dicit Augustinus: idem est quod hic dicit Deus: nunc anima mea turbata est, & pater salvifica me, cum eo quod dicit Matth. 26. Tristis est anima mea; & pater si fieri potest, transeat a me calix iste. Et tantum sit de presenti articulo.



ANNO  
CHRISTI  
1433.

Articulus XXIII.

Ex cap. LII. dicit Christum dixisse quomodo proprio ore loquutus sit Birgitta. Idem dicit x. c. libri 2. & dicitur ibi Christum præcepisse, quatenus publicet ea, quæ ostendantur, summo pontifici, & ecclesie.

Non video qua ratione iste articulus sit suspectus habendus, cum legendæ sanctorum sint plenæ, qualiter sæpe tam viris quam fœminis appariens visibiliter proprio ore locutus est, pro quo tempore gratiæ dicitur illud ad Hebræos: multifarie multisque modis olim Deus loquens in patribus & prophetis; novissime diebus istis locutus est nobis in Filio. Quod vero iungitur B. Birgittæ, quod ei revelata summo pontifici & ecclesie capiti revelet, sive publicet, non est habendum nisi iustissime actum, ut sic bona & salutaria ad plures devenirent; & hæc congruenter primo mandantur papæ publicari, qui examinatur, & ponderatur eorum, quæ ad doctrinam sanam pertinent & christianam religionem. Et ideo de isto articulo illa sufficiant.

Articulus XXIV.

Ex cap. LIIII. dicit Angelum dixisse de invidia Diaboli, quod Diabolus vellet centies mori, quam quod homo minimum caritatis bonum exhiberet Deo.

Pro verificatione præsentis articuli, & ut de eo nulla sit dubitatio, sufficiat adducere in testem Richardum de S. Viatore super psalm. 21. qui ita dicit: nihil unde magis dolet Diabolus, quam de bono & profectu nostro. Pene plus adjuvit bona nostra, quam tormenta sua; immo mallet quotidie tormenta sua augere quam bona nostra & merita non minuire. Hæc ille. Ecce expressæ sententia articuli præsentis; & de eo ista sufficiant.

A

Articulus XXV.

Ex cap. LV. videtur seditiosus; videtur enim concitare militares & curiales contra clericos; & quod parabolice dicitur in cap. LV. exponitur in sequenti capitulo.

Iste articulus falsus est; non enim talis concitatio est in toto isto cap. nec in sequenti, in quo ponitur expositio parabolice dicta in sequenti. Sed sic in cap. præsentis, in quo declarat qualiter pro magna parte iudices; per quos intelligit clericos & defensores ecclesie, per quos intelligit militares & curiales, & laboratores, per quos intelligit communitatem, conversi sunt in arcum pravam. Dictis, & enarratis peccatis iudicum, idest clericorum; loquens de peccatis & malis defensorum ait: defensores vero ecclesie, qui curiales & milites sunt, vident inimicos meos impugnatores ecclesie mee, & dissimulant; audiunt improperium eorum & non curant sermonem, ut ibi dicit: conversantur cum eis, & alligant se juramento ad societatem eorum. Hæc ibi. Clarum est ex istis, quod non loquitur de clericis, nisi clerici vellent se profiteri inimicos Christi, & impugnatores ecclesie; sed loqui videtur de paganis, aut hæreticis, aut scismaticis, cum quibus milites & alii curiales christiani sæpe contrahunt amicitie ligamen. Et tantum sit de isto articulo, cum nulla videatur apparentia suspitionis, nec sit verum quod coincidat cum articulo Bohemorum de punitione; nec est perturbativus, nec concitativus laicorum contra statum ecclesiasticum, ut placuit impugnatori dicere &c.

Articulus XXVI.

Ex primo cap. secundi libri, dicit Christum dixisse, quod ex iustitia non plus facit contra naturalem dispositionem corporis, quam animæ; subdit ergo, nullum contra dispositionem corporis naturalem subtrahit, ne Diabolus occasionem habeat contra Deum. Concluditur in fine, quod si alicujus periculus naturalis prævenitur, hoc est ex charitate, quam Deus habet ad talem; ex iustitia tamen talis subtrahitur. Concluditur finaliter, quod non plus facit contra naturalem dispositionem corporis quam animæ.

F

Iste articulus subscriptus habetur ab illo qui præfatam articulum non intelligit. Pro cuius declaratione, primo, ponam causam si ve originem quare articulus dictus est; quia, ut ex sententia Hilarii sæpe dictum est, ex causa dicendi sumitur intelligentia dictorum. Secundo, dabitur intellectus verus articuli. Circa primum sciendum est, quod sic dicitur in originali ex persona Dei: potes

tes quære quæ non subtrahat malos ante-  
quam veniant in profundum inferni. Ad quod  
Christus ait: ego sum creator omnium, &  
omnia sunt in præscientia mea, quæ facta  
sunt, & quæ futura sunt omnia scio & vi-  
deo. Sed licet omnia possum & scio, ex ju-  
stis tamen non facio magis contra natura-  
lem dispositionem corporis, quam contra di-  
spositionem animæ. Omnis quippe homo se-  
cundum naturalem dispositionem quæ est in  
præscientia mea & erat ab ævo subsistit.  
Et hæc ibi. Ita vera sunt apud omnem theo-  
logum sane intelligentem. Pro cujus ar-  
ticuli declaratione notandum, quod totus in-  
tellectus præsentis articuli est, quod sicut  
Deus de communi lege non facit contra-  
dispositionem animæ, quæ dicitur hic li-  
bertas liberi arbitrii, ut capitur ex serie  
capituli istius; ita quod variet eam, aut im-  
mutet in peccatoribus; ita nec contra di-  
spositionem naturalem corporis, quæ vocat-  
ur hic periodus naturalis; ita quod sicut  
hic subtrahatur, aut mutetur aut varietur  
aliter in aliquo, quam in peccatoribus,  
quam in iustis. Et ita venit responsio recte  
ad questionem propositam, quæ quæritur,  
quare Deus non subtrahit malos antequam  
venerint in profundum inferni; quia videli-  
cet ex iustitia sua, quæ dicit decentiam suæ  
bonitatis, & per ordinationem sapientiæ  
suæ non facit injustum; & ita decet boni-  
tatem suam, ut non faciat magis contra di-  
spositionem naturalem, ut dicit articulus.  
Quod vero dicitur ne Diabolus occasionem  
habeat &c. non debet capi causaliter, quia  
Deus non timet Dæmonem; & quidquid  
Deus faceret decentissimum esset; sed tene-  
tur consecutive, & est sensus: sic faciendo,  
videlicet non aliter, trahendo malos in di-  
spositione naturali corporis sive periodo vi-  
tæ, quam bonos, non habebit Diabolus oc-  
casionem contra Deum murmurandi de co-  
actione bene operandi, quam videtur argue-  
re ex hoc, quod malos subtraheret citius  
de vita præsentis. Pro declaratione sequen-  
tis partis, in qua dicitur quod videtur ar-  
guere ex hoc quod malos subtraheret citius  
de vita præsentis. Pro declaratione præsen-  
tis partis, in qua dicitur, quod si alicuius  
periodus naturalis prævenitur morte &c.  
Notandum est, ut S. Thomas dicit in prima  
par. quæst. 105. quod Deus sic rebus certum  
ordinem indidit, ut tamen reservaret quid,  
si aliquando aliter ex causa esset facturus;  
& hinc est quod certis de causis, notis a-  
pud omnipotentem Deum, aliqui, sive bo-  
ni, sive mali subtrahuntur ante terminum  
vitæ juxta dispositionem naturalis periodi.  
Unde de bono dicitur Sap. 3. raptus est, id-  
est cito mortuus, & quasi præter debitum  
naturæ per violentiam sublati, ne scilicet  
malitia immutaret intellectum ejus. Et tan-  
tum sit de præsentis articulo, quia clarus  
est.

## Articulus XXVII.

Ex cap. VI. ejusdem libri dicitur plures  
damnari, & in infernum descende-  
re, quam sit arena dinumerata  
& lapilli riparum.

Circa hunc articulum videtur hoc dicen-  
dum quod sit sermo iperbolicus, idest per  
superexcessum dictus, sicut dicitur Eccl. 37.  
Dies Israel, idest populi, innumerabiles;  
quod dicitur ideo quia diurni. Item Eccl.  
1. Stultorum infinitus est numerus; exponit  
Nicolaus de Lyra, idest valde excedens nu-  
merum aliorum. Nunc vero ideo dicuntur  
descendentes ad infernum plures esse quam  
sit arena &c. quia scilicet excedunt in mul-  
to transientes immediate ad coelum; sicut  
dicit B. Bernardus; & Dominus ait Matth.  
2. Multi sunt vocati, pauci vero electi; &  
in signum hujus Gen. dicitur 22. multiplica-  
bo semen tuum sicut stellas coeli & velut a-  
renam quæ est in litore maris; ubi glossa in-  
terlin. super verbo stellas, dicit, spiritua-  
les pauciores fulgentes; super verbum are-  
nam dicit plures carnales, steriles. Item su-  
per illud Gen. 22. erit semen quasi pulvis  
terre, dicit glossa idest innumerabilis. Ecce  
patet qualiter talia dicuntur, non quod talis  
accipiat quantitas numeri, sicut dicitur,  
sed intelligi tamen debet quod sit nu-  
merus excessivus. Et hoc est pro præsentis  
articulo.

## Articulus XXVIII.

Ex cap. XI. ejusdem libri, dicit Chri-  
stus dare eandem mercedem volen-  
tibus suam dare vitam pro eo,  
sicut daret (ut qui) ef-  
funderent sanguinem  
suum.

Pro declaratione præsentis articuli primo  
ponam eum in forma; secundo declarabo  
eum esse verum. Articulus autem ita po-  
nitur ex persona cujusdam animæ jam glo-  
riose in coelis: *felix ego, quia gaudium  
habeo, & gloriam, quæ non finietur. Ecce,  
taliter amicus meus, inquit Christus, venit  
ad me, & tali præmio remuneratus est, quan-  
vis non effuderit sanguinem pro nomine meo;  
nihilominus tamen eandem mercedem habebit,  
si voluntatem habet vitam suam pro me dare,  
tempore se sic offerente, & necessitate fidei  
ingruente. Ecce quantum voluntas bona fa-  
cit.* Hæc ibi. Circa secundum, quamquam  
meo iudicio ex serie hujus articuli nulla a-  
pud animos sanos generetur occasio suspi-  
cionis; nihilominus tamen pro satisfactione  
sciendum est, primo, quod articulus iste est  
B. Gregorii in dialogo in cap. 26. ubi sic  
dicit: duo sunt genera martyrum; unum in  
occulto; alterum quoque in publico; nam etsi  
persecutio desit exterius; martyrii meritum  
in occulto est: cum virtus ad passionem prom-  
pia



pta flagrat in anima, quia enim esse posset, & sine aperta passione martyrium, testatur in evangelio Dominus, qui Zebedaei filius ad huc per infirmitatem mentis maiora sessionis vota querentibus, dicit: potestis bibere calicem, quem ego bibiturus sum? Cui videlicet cum responderent: possumus; utrisque ait: calicem quidem meum bibetis; sedere autem ad dexteram, vel sinistram non est meum dare vobis. Quid autem calicis nomine, nisi passionis poculum signavit? & cum nimirum constet, quia Jacobus in passione occubuit, Joannes vero in pace quievit, incunctanter colligitur esse & sine aperta passione martyrium, quando & ille calicem bibere dictus est, qui ex persecutione mortuus non est. Hæc ille. Tales, de quibus articulus, juxta dictum Gregorii habent meritum martyrii; ergo non est dubium quin habeant mercedem ejus, scilicet præmium essentialiale respondens radici charitatis ferventis in eis, de qua dicitur Matth. 5. merces vestra copiosa est in calo. Et ita articulus verus est; loquitur enim de mercede, ut communiter capitur in sacra scriptura, scilicet per gloriam sive beatitudine & essentiali gaudio beatorum, qui respicit ipsam charitatem. Confirmatur primo per gloss. Matth. 5. ubi dicitur: bona voluntas, cum deest copia agendi remuneratur; & de Beato Martino cantat ecclesia: Et si ejus animam gladius persecutorum non attulit, palmam tamen non amisit. Articulus autem visus fuisset suspectus, si loco mercedis posuisset, aut nomine mercedis intellexisset aureolam martyrii, quod non responderet solum radici charitatis sicut aurea, nec voluntati tantum sicut palma, sed operi excellenti executioni de mandato; & patet quod articulus iste non destruit aureolam martyrii, quia de illa non loquitur, & impugnator debuisset melius considerare. Et ideo ista præsentis articulo sufficiant.

Articulus XXIX.

Ex cap. XIII. ejusdem articuli dicit,  
quod divinitas misit verbum suum  
Maria Virgini per angelum  
suum.

Pro declaratione præsentis articuli notandum est, sicut dicit sanctus Thomas. 1. parte q. 38. ar. 5. quod ad exprimendum unitatem ecclesiæ & personæ, sancti Doctores aliquando expressius locuti quam proprietas locutionis pariat; unde hujusmodi locutiones sunt exponendæ cum reperiuntur, ut nomina abstracta exponantur per concreta, vel nomina personalia, ut cum dicit Augustinus in lib. de divina essentia: dicitur essentia sapientia de sapientia, ut sit sensus; id est Filius, qui est sapientia & essentia, est de Patre, qui est essentia & sapientia. Hæc ille. Similiter sæpe utimur hoc modo loquendi, scilicet ut abstractis utamur pro concretis; unde de B. Virgine cantat ecclesia: Sancta & immaculata virginitas, quibus te laudibus offeram, nescio, quia quem

celi capere non potuerunt, tuo gremio contulisti. Hic exponitur virginitas pro virgine. Ita in proposito est abstractum, scilicet divinitas, ponitur pro concreto scilicet Deo. Et quod ita intelligatur patet ex immediate sequentibus; unde immediate sequitur: nihilominus tamen idem Deus mittens & missus &c. Et dicitur misisse proprium Filium suum per Angelum suum Virgini, in quantum missio ista vitibilis, quæ fuit ipsa incarnatio filii Dei, facta fuit Angelo annuntiantem ipsam B. Virgini. Vel dicendum, & brevius, quod Verbum, quod in articulo dicitur a divinitate missum per Angelum, Virgini, non capitur ibi pro Filio Dei, sed pro voluntate Dei denuntianda B. Virgini, sicut frequenter in sacra scriptura capitur. Et tantum sit de isto articulo

Articulus XXX.

Ex eodem cap. dicit quod Christus dixit Birgitte: licet humanitas mea videatur juxta te & loqui tecum; verisimilius est tamen quod anima tua in conscientia tua mecum est & in me.

Pro intellectu præsentis articuli notandum est, quod ideo ita videtur esse dictum, quia communi sermone, quæ sunt in alio, aut juxta aliud, videntur contineri ab illis; vel aliquid virtutis, aut hujusmodi ab illis recipere. Et inde est quod minoris esse cum majoribus, & esse juxta eos, & ire cum eis; & non e converso. Non enim est honestum dictum apud vulgares modo quo hoc verbum videtur esse pronuntiatum: rex fuit juxta me; sed ego cum eo; si sit inferior rege. Et ideo videtur quod cum dicitur quod humanitas Christi erat juxta B. Birgitram, verisimilius dictum, quia anima ejus in Deo a quo continetur & roboratur. Sicut e contra, alio modo loquendo juxta modum spiritualium, dicitur Deum esse in anima, sicut continens & conservans eam: Vel dicendum quod ideo ita dictum sit, quia, ut dicit Magister sententiarum in 1. dist. 3. quod secundum quod aliquid æternum mente percipimus non in hoc mundo sumus. Et Augustinus dicit quod spiritus justorum est etiam in carne viventium, in quantum divina sapiunt, non sunt in hoc mundo. Unde de apostolis dicitur Philip. 3. nostra conversatio in calis est. Et ecclesia cantat de sancta qualibet cogitatione & aviditate: in illa æterna patria conversatus est &c. Vel tertio quod ideo dictum sit, quia major videtur unio quam facit amor inter Deum, & animam devotam, cui animæ illabitur ipse Deus; transformat enim amor amantem in amatum; quam sit habitudinis præsentis humanitatis Christi ad ipsam animam rationalem. Ita dicit Bernardus: verius est anima ubi amat, quam ubi animatur. Et hoc de isto articulo

A

## Articulus XXXI.

Ex cap. XVII. ejusdem libri. In principio ipsa, scilicet Birgitta, exponens fidem suam dicit: Ego credo firmiter quod sicut verbum missum Mariæ factum est in utero ejus caro & sanguis, sic hoc quod nunc video in manibus sacerdotis, credo esse verum Deum & hominem. Dicit in lib. VI. c. 29. quod sacramentum Eucharistiæ latet sensum.

Declaratione præsentis articuli alia non esse opus, si accederetur ad communem modum loquendi fidelium & Doctorum; Fideles quasi omnes audientes missas & videntes sacramentum dicunt se videri Deum aut corpus Christi; Item Doctores movent questionem in 4. dist. I. ita in forma: utrum peccator peccet videndo corpus Christi. Ecce istud quod videtur nominatur corpus Christi; & pari ratione, cum totus Christus ibi contineatur, dicitur ibi videri Christus. Est tamen notandum quod ly hoc potest demonstrare, aut species sensui subjectas, aut rem contentam sub speciebus, quæ ex vi sacramenti est corpus Christi sub specie panis, & anima & Deitas ex concomitantia. Primo modo intelligendo, propositio non esset vera: hoc enim modo aliud creditur, & aliud videtur. Secundo autem modo intelligendo, propositio est vera; illud enim demonstrando, scilicet substantiam, sicut dictum est: quod video in manibus sacerdotibus sub speciebus occultatum, esse credo Deum & hominem; quia credo ibi contineri Christum qui est Deus & homo. Et quod ita intelligat in hoc loco expressum testimonium capitur ex principio capituli, unde præfatus articulus accipitur, ubi sic dicitur. *Filius Dei loquebatur ad sponsum Dei: credis tu firmiter, quod hoc quod præbyter tenet in manibus sit corpus Dei?* respondit illa: *ego credo firmiter quod sicut &c.* Sicut jacet in articulo; & ideo cum nulla sit ratio suspensionis, nec aspernantia contradictionis ad id quod dicitur lib. 6. cap. 28. nisi apud omnino sacras literas ignorantes. Nec ista confessio, ut impugnator dicit, est contra sanctos Doctores, ut patet ex dictis. Videre enim non solum dicimus ea, quæ sensibus immediate subjiciuntur; sed etiam ea sæpe dicimus videre, quæ sub illis credimus contineri; & ita sicut supra dictum est catholicus populus loquitur dicens: ego vidi hodie corpus Christi. Et ideo ista pro articulo isto sufficiant.

## Articulus XXXII.

Ex XVIII. cap. ejusdem libri dicit quod Christus dixit Birgitta: tu sentis corporali manu spiritum meum in tuo vivente corpore.

Pro declaratione præsentis articuli notandum, quod aliquid sentitur dupliciter; aut in se per propriam essentiam, aut speciem; alio modo per effectum suum. Primo modo incorporale, cujusmodi est Spiritus S. non potest sentiri manu corporali. Secundo modo, scilicet per effectum, sic; ita quod ad effectus sensum arguatur præsentia causæ, sicut ad sensationem caloris arguitur præsentia caloris, aut ignis; hoc modo in præfati intelligitur. Pro quo notandum; quod quidem devotis personis convenit; quod spirituale gaudium cordibus eorum insulsum repente ex aliqua devota cogitatione, vel collatione, quod totum corpus concutit, & corpus ex sui vehementia quodam tremore commovet, & delectabiliter cruciat, in tantum, ut aliquando per risum, aliquando per clamores, aliquando per gestus, aliquando per singultus, aliquando quasi parturiendo erumpit, non valens se intra continere; & talia faciendo quis dicitur quodammodo manu corporali sentire speciem Dei in suo pectore: sentit enim effectum, inflammationem scilicet cordis, & alias mutationes respondentes moribus animi; & ex hoc conjectura quadam dicitur sentire præsentiam spiritus S. sicut de B. Magdalena dicit Hugo, quia amor Dei in corde ejus mirabiliter ardebat; non mirum si in ejus corpore mira faciebat. Et quod ita intelligat, patet ex principio capituli 19. ubi sic dicit: *ego sum Deus tuus, spiritus meus introduxit te audire, & videre, & sentire; audire verba mea, videre similitudines, sentire spiritum meum cum gaudio & devotione.* Hæc ibi. Et hoc de articulo sufficiat.

## Articulus XXXIII.

Ex cap. XIX. ejusdem dicit, modicum peccatum, & quod intelligitur peccatum & delectat ex confidentia abstinentiæ, & præsumptione gratiæ, nec emendatur, posse fieri mortale. Idem expressus c. 32. libri primi, quod minimum peccatum in quo quis delectatur nec emendatur satis esse ad perditionem.

Pro declaratione præsentis articuli notandum, quod per ly. modicum & minimum peccatum potest intelligi veniale peccatum, quod aliquando dicitur minimum; & tunc dicitur quod potest satis esse ad perditionem dispositive; non quod ipsi secundum se debeat perditionis æterna poena. Et hoc modo dicit Augustinus super illo Jo. qui incredu-



ANNO  
CHRIST.  
1433.

943

Dress ali-  
quid

*dulus est Filio, non videbit vitam; peccata minima, idest venialia, si negliguntur occidunt; & Eccl. 18. qui spernit minima, paulatim defluit. Secundo potest intelligi per minimum peccatum aliquod mortale; cum enim peccata mortalia non sint paria, aliqua respectu aliorum possunt dici minima, quia minorem gravitatem culpæ habent respectu aliorum, sicut Dominus innuit Matth. 5. ubi ponit tres gradus peccatorum. Cum autem omnis qui transgreditur fratri suo reus erit iudicio; qui dixerit, racha, reus erit gehennæ ignis; pariformiter hoc etiam dicitur de mandatis, quod aliqua eorum dicuntur minima sicut Matth. 5. dicitur: *Qui solaverit unum de mandatis istis minimis &c.* ubi Chrysostomus ait, *mandata Moysi in actu facilia sunt, ut non occides; & ratio remunerationis modica, in peccato autem magna; mandata vero Christi ut non transgredieris, in actu difficilia sunt; & ideo in remuneratione magna, in peccato minima.* Hec ille. Tunc dicitur quod minimum peccatum mortale, in quo quis delectatur, nec emendat, scilicet per poenitentiam, satis esse ad perditionem; sicut patet etiam de peccato mortali concupiscentiæ, aut in re nondum opere consummato. Et quod iste sit intellectus articuli patet ex serie textus, in quo sic habetur, lib. 1. c. 32. loquens de quodam. *Nam ex voluntate quam habet esse in peccato, & ex declaratione illius sic aucta est in eum, potestas Diaboli, quod nec lenitas verborum, nec austeritas minarum, nec timor gehennæ potest eum revocare.* Et bene dicit, quia cum semper habeat voluntatem peccandi, etiam si non prodiret in opus, merito traderetur in æternum Diabolo... peccatum minimum, quicumque in eo delectatur nec emendat, satis est ei ad perditionem. Ecce, quod loquitur de minimo in genere peccatorum mortalium; & ideo non arguit ad propositum impugnator, dicens, quod secundum Doctores hoc non est veniale, sed sequens mortale; quia hic minimum non dicitur veniale sed mortale, aliorum comparatione minimum; vel si dicatur veniale intelligatur dispositivè, disponens enim ad aliquid, quodammodo dicitur causa illius. Et tantum de hoc articulo.*

#### Articulus XXXIV.

*Ex cap. V. tertii libri, in quo dicitur Birgitta vocata in Spiritum S. ad videndum, & audiendum voluntatem Dei & publicandum aliis.*

Pro declaratione præsentis articuli primo ponetur articulus in forma; secundo, declarabitur veritas ejus. Articulus autem ita scribitur in originali, & dicuntur esse verba B. Ambrosii loquentis cum B. Birgitta in visione: ita placuit propter minimam suarum, & suorum amicorum petitionem, vocare te in Spiritum S. ad videndum, audiendum, &

### BASILEENSE G. CONCILIUM.

944

ANNO  
CHRIST.  
1433.

*intelligendum spiritualiter, ad hoc, ut ea quæ audieris in spiritu, debeas aliis revelare secundum Dei voluntatem.* Hæc ibi. Circa secundum, non video quid moverit impugnatores ad male & sinistra suspicandum de isto articulo. Quid enim est aliud: vocavit in Spiritum suum, quam participem te facere gratiæ, & luminis spiritus sui ad videndum &c.? Ita enim dicit Apostolus Petr. 1. Pe. 2. *vocavit vos in admirabile lumen suum; quod pie concessum creditur B. Birgittæ, ne dum vocatione illa, qua universi fideles vocati sunt in admirabile lumen fidei & gratiæ, quæ illuminat intellectum, & affectum inflammant, quam illa, qua aliqui vocantur in participationem spiritus Domini, quoad dona gratis data, scilicet prophetiæ, & revelationis secretorum Dei, & huiusmodi; sicut de multis tam viris quam foeminis sanctis in historis sanctorum legimus.* Et ideo cum nulla videatur hic esse causa suspitionis, sufficiant ista pro articulo.

#### Articulus XXXV.

*Ex cap. 13. ejusdem libri, in quo dicit B. Virgo: humanitas fuit in corpore meo, & suscepta de me carnem & sanguinem; ideo ipsa est res pretiosissima quæ unquam fuit & est.*

Pro declaratione præsentis articuli norandum est, quod circa humanitatem Christi duplex fuit error inter alios. Unus fuit Manichæorum, qui dicebant corpus Christi esse fantasticum; alius fuit Valentiniæ, qui dixit illud coeleste esse; contra quemdam errorem in libro de ecclesiasticis dogmatibus dicitur: *natus est Filius Dei, carnem ex virginis corpore trahens, & non de coelo secum afferens; & hoc est quod B. Virgo voluit dicere, cum dixit: humanitas vero fuit in corpore meo, & suscepta de me carnem & sanguinem; quia non de coelo tunc aliunde formatum est, sed de me, secundum illud Damasceni lib. 3. sententiarum, dicens: *Filius Dei construxit sibi ipsi ex castis & purissimis sanguinibus Virginis carnem animam anima rationali.* Iste autem modus loquendi non debet videri ita extraneus; quia omne totum dicitur suscipere de aliqua re materiales partes suas; hæc dicitur: hæc domus suscepit ligna ista de Hispania; hæc vestis lanam de Anglia, vel natura mea talem naturam de matre mea, & talis res suscepit talem formam in tali loco, aut talem dispositionem, & huiusmodi; nec hoc est contra naturam humanitatis, & naturam Virginis, ut arguit impugnator dicens: non enim humanitas, sed Verbum suscepit carnem, nec humanitas dicitur caro sed Verbum; quia aliter capitur suscipere, cum dicitur: Verbum suscepit carnem; & inde est quod ad se assumpsit sibi vivens hypostaticè, & aliter capitur in articulo. Nam in articulo suscipere idem est quod ha-*

habet; humanitatem enim Christi suscipere carnem de Virgine idem est, quod humanitatem habere carnem de Virgine, & non de alia materia, sicut heretici dicebant, ut dictum est. Et ista pro isto articulo sufficiant; quoniam si ita stricte velimus singulas Doctorum examinari proprietates loquendi, & non piam, ac sanctam dare intelligentiam, dicta majorum sepe venirent suspecta; & ideo finis sit hujus, ne videamur inutiliter superfluere verbis.

#### Articulus XXXVI.

*Ex eodem cap. licet Deitas est in tribus personis, sine principio, sine fine in se; tamen quando misit Filium suum ad me cum Deitate & Spiritu S. sumpsit corpus suum de me.*

Iste articulus bene & modeste, ut decet, intellectus non habet aliquam apparentiam suspitionis. Verumtamen gratia contentandi murmurantes aliquid dicendum erit; ubi notandum, quod in Incarnationis sacramento duo præcipue fuerunt; unum ex parte Incarnati; aliud ex parte Virginis, in qua fiebat incarnatio. Ex parte quidem personæ incarnatæ fuit hoc insigne, Filius Dei non quidem per adoptionem, sed Filius naturalis Dei, eandem Divinitatis naturam habens cum Patre. Quæro a Domino, an debet dici carnem assumere; hoc enim exigebat reparatio amissæ hæreditatis nostræ, quæ non nisi per Filium naturalem Dei fieri poterat. Secundo ex parte Virginis beatæ aliud insigne fuit, & (quod) ipsa non nisi virgo conceperet, & quod in ea natum est Spiritu S. esset conceptum; & ideo duplex missio facta in incarnatione Filii Dei; una visibilis Verbi, & alia invisibilis Spiritus S. Et ista duo supradicta tanguntur per Angelum hujusmodi missionis legatum, Luc. 1. cum dicit, primo, B. Mariæ: Dominus tecum. Secundo cum eidem Virgini quærenti de modo conceptionis respondit; Spiritus S. superveniet in te, & virtus altissimi obumbrabit tibi. Et ista duo sunt quæ B. Virgo tangit in articulo præfato dicens: quando misit, scilicet Deus proprium Filium suum cum Deitate, idest in Deitate Filium, sive Filium qui est verus Deus, & cum Spiritu S. conceptionem operaturo; tunc sumpsit corpus suum, scilicet Filius Dei de me, & quia ista sunt communia ne dum exercitatis in scholis, verum etiam communibus prædicatoribus; ista sufficiant pro articulo præfati.

#### Articulus XXXVII.

*Ex cap. XVII. ejusdem libri dicit mirabilia de ordine Prædicatorum, & similiter XVIII. c. mirabiliora.*

Admirari non sufficio quare præfatus articulus hic interim suspectus vocatus est. In ea enim parte, in qua laudes enuntiantur beati Dominici, verus est in omnibus quæ dicit; cum plura eorum quæ hic dicuntur Concilior. Supplem. Tom. IV.

sicut de mantello B. Virginis & recommendatione, & laudibus ordinis in libro intitulo: vite fratrum ordinis, plenissime continentur; & de ipso patre Dominico cantat ecclesia: O lumen ecclesia, doctor veritatis, rosa patientiæ, ebur castitatis, aquam sapientiæ propinasti gratis; prædicator gratia nos junge beatis. In secunda vero parte, in qua de paucitate jam viventium secundum religionis rigorem facit mentionem. Heu! verum timeandum est ita esse. Proh dolor! sicut in aliis statibus ita hoc verificatur illud Marth. 2. multi vocati, pauci vero electi. Multi enim sunt religiosi, pauci vero religiosi; multi numero, pauci merito sunt. Dicit Hieronymus super Marth. homil. 30. Multi sacerdotes, pauci sacerdotes; multi in opere. Et hæc de præfati articulo.

#### Articulus XXXVIII.

*Ex cap. XIX. ejusdem libri dicit; ut refert calumniator, Petrum gravius poena martyrizatum quam Paulum, quia Petrus dilexit carnem plus Paulo.*

Pro declaratione præfati articuli ponam primo articulum in forma; secundo declarabitur veritas ejus. Articulus autem ita dicit. Petrus & Paulus pro justitia mortui sunt; sed Petrus amarius Paulo, quia plus dilexit carnem Paulo; & quia ecclesia meæ accepit primatum, decessit ut se mihi in anteriori morte conformaret; Paulus vero, qui plus dilexit continentiam, quia plus laboravit; tanquam miles egregius gladium obtinuit. Hæc ibi. Circa secundum notandum quod duæ causæ ponuntur in præfato articulo, quare amariorum penam martyrii subiit Petrus quam Paulus, quæ congruentissimæ sunt, & bene merito debent esse Christi. Prima est, quod plus dilexit carnem Petrus Paulo, quod non debet ita intelligi; ut intelligit calumniator ut mordendi habeat locum; sed ad hoc quod Petrus non fuit virgo, sicut Paulus dicitur fuisse, ut habetur Actor. 9. in glossa. Petrus enim fuit in matrimonio; & ideo dicitur plus dilexisse carnem Paulo; & ideo ex hac parte suaviorem mortem recepit Paulus. Sic de B. Joanne Evangelista dicit Beda, cum fuit liberatus de dolio olei ferventis, quod divina se protegente gratia sine læsione corporis tam intactus exivit, quam fuit a corruptione concupiscentiæ extraneus. Secunda causa est maximæ gloriæ Petro; unde Petrus in cruce positus ait. Te Domine imitari optavi, sed reus crucifigi non usurpavi. Et tantum de articulo.

#### Articulus XXXIX.

*Ex cap. 26. dicit, judicium sine misericordia fieri christianis damnatis.*

Pro declaratione præfati articuli notandum, quod S. Thomas in 1. par. q. 21. & in 4. sentent. & sancti DD. alii distinguunt quod

O o o du-



duplex est misericordia; una dicitur liberans totaliter, & de tali dicitur Jacob. 2. *Judicium sine misericordia fiet ei, qui non fecit misericordiam*; id est sine misericordia totaliter liberante & relaxante. Alia dicitur relaxans sive allevians; & ista semper relucet in opere divino; & de ista dicitur in psal. *universa via Domini misericordia & veritas*; & sine ista nunquam fit judicium, cum Deus semper puniat citra condignum. Quo notato, quod articulus loquitur de primo modo Intellecta misericordia, de qua verus est articulus sicut jacer, non de secunda; cuius testimonium manifestum sumitur ex eo, quod dicitur in eodem capitulo parum ante, ubi dicitur ex persona Dei: *omnibus facio misericordiam tam gentibus quam Judais, nec relinquo creaturam sine misericordia mea*. Et ex istis patet, quod non militat clamores adversarii dicentis, quod articulus sit contra sacram scripturam, quæ dicit, quod misericordia superexaltat judicium; & contra sanctos Doctores dicentes, relucere in damnatis misericordiam, quia Deus punit citra condignum, & remunerat ultra condignum: quoniam ista stant cum articulo, capiendi misericordiam ut dictum; nec sic est contra sacram scripturam, immo contrarium est hereticum, & error Origenis dicentis finaliter omnes christianos damnatos revocandos esse ex Dei misericordia ad gloriam. Et tantum sit de articulo præsentis.

Articulus XL.

Ex 4. libro in 7. cap. ponit tres partes purgatorii; in prima est maxima poena, quam anima possunt sublinere. In secunda non est alia poena nisi defectus virium in fortitudine, & pulchritudine & similibus, sicut infirmus, cessante infirmitate nihil habet de viribus, donec paulatim recuperet. In tertia nulla alia est poena, nisi desiderium perveniendi ad Deum. Dat simile de auro quod primo purgatur, postea ponitur in alio loco, ubi obtineat veram formam in usu, & tactu; tertiò custoditur & datur possessori.

Pro declaratione præsentis articuli juxta duas partes ejus, in quarum prima tangit partes purgatorii, & in secunda diversitatem poenarum ejus, dicendum erit. Circa primum videtur articulus iste conformis sententiæ Apostoli, qui 1. Cor. 3. tres partes videtur distinguere tantum purgatorii, dicens: *qui superædificant lignum, fœnum, & stipulas*; per quæ tria tam in textu, quam in glossa. Apost. agnoscimus convenientiam hujus numeri, & significationis ejus per illa tria dicta. Et in quarto sententiarum dist. 21. dicit quod cum venialia, caritate adjuncta, possint per aliquam poenam consumi; ideo ergo convenienter secundum metaphoram significantur in illis, quæ per ignem consumuntur; & quia quanto aliquod peccatum est gravius, tanto difficilior purgatur; in peccatis autem venialibus invenitur alterum altero gravius; & ideo convenienter eorum diversitas significatur per diversitatem eorum quæ facilius & tardius consumuntur ab igne; & quia

perfectio cuiuslibet quantitatis termino comprehenditur, propter principium, medium, & finem, ideo triplex ..... ponitur, quia quædam sunt gravissima in genere venialium & difficillime purgabilia; & hæc per lignum significantur: quædam minima, quæ per stipulam significantur: quædam media, quæ per fœnum significantur. Hæc ille. Circa secundum notandum est quod, ut idem Sanctus Thomas loco præminato, aliter judicandum est de acerbitate poenæ, & aliter de diuturnitate quoniam acerbitas poenæ respondet quantitati culpe, sed diuturnitas respondet radicationi in subiecto, secundum quod quædam sunt adherentiæ majoris quam alia, quod contingit per hoc quod affectus ad ea magis inclinatur, & fortius in eis figitur; & quia ea quæ sunt majoris adherentiæ tardius purgantur, ideo potest contingere, inquit S. Thomas, quod in purgatorio diutius moretur qui minus affligitur, & e contra. Secundo notandum quod tanta est diversitas inter poenas purgatorii, ut illi qui patiuntur secundam, & maxime tertiam quasi nihil videantur pati respectu eorum qui patiuntur primam, ut dicit Albertus in 4. allegans gloss. 1. Cor. 3. super illud *aurum, & argentum, & lapides pretiosos*, dicit: *non consumuntur ab igne qui ædificant aurum &c. Sed nihil v. l. parum sentient. Et ad istum modum loquendi intelligendus est articulus præfatus; cum enim dicitur in eo quod in secunda parte, & tertia nulla est alia poena purgatorii &c. intelligendum est comparative, quoniam poena sensus tantum diminuitur in istis, licet dñm est, ut nulla videatur esse in comparatione ad eam quam patiuntur, qui in prima parte sunt; sed vehementius affliguntur desiderio perveniendi ad visionem Dei secundum illud Sapientiæ: *sper quæ differtur affligit animam*. Et tantum de isto.*

Articulus XLI.

Ex sequenti cap. ejusdem, dicit animas quæ sunt in prima parte purgatorii non intelligere aurum venient ad requiem post purgationem; an sint damnata.

Pro declaratione præsentis articuli est primo ponendum in forma articulus, quia minus fideliter extractus est; quod enim dicitur de uno particulari translator posuit quasi universaliter, unde textus habet ita: *illa anima, cujus dispositionem vidisti, & judicium audisti, ipsa est in gravissima poena purgatorii. Et hoc ideo est, quia non intelligit utrum veniet ad requiem post purgationem, an damnata sit. Et hoc iustitia Dei est, quia ipse habuit conscientiam, & discretionem magnam, quæ utebatur ad mundum, & non ad animam spiritaliter; quia nimis oblitus est, & neglexit Deum quandiu vixit; ideo tunc nunc anima ejus patitur ardorem de igne, & convemissit de frigore, ipsa est cæca de tenebris &c.* Ecce qui demonstrative loquitur de una particulari anima, & non indefinite. Pro cuius articuli declaratione notandum, quod Doctores, ut Bonaventura.

tura & Petrus de Tarantasia, quærentes in 4. sententiar. dist. 20. utrum in purgatorio sit major certitudo de gloria, quam in via, dicunt dixisse quosdam antiquos theologos, quod ita absorbetur spiritus in purgatorio propter acerbitatem poenarum, quod nescit utrum sit in inferno vel extra; unde dicebant quod esset ibi minor certitudo secundum actum quem habet; licet major secundum habitum, & votum; habitum scilicet, si aliquis quereretur ab eo: ubi es? si deliberaret, & sciret, & diceret, se in purgatorio esse. Hæc illi. Quamquam iste modus loquendi communiter de omnibus existentibus in purgatorio dictus non placeat aliquibus Doctoribus nostris modernis, non tamen dicunt eum esse erroneum; nec de una anima dictum singulari, ex aliquo divino iudicio factum, reputarent, puto, esse incredibile aut irrationale dictum. Enim iudicia Domini sint abyssus multa, ut dicit propheta in psal. Magis quidem videtur admiratione dignum, quod Paulus in raptu Deum videns per essentiam, & videns & audiens arcana verba, quæ non licent homini loqui, nescierit an in corpore, vel extra corpus fuerit, sicut dicitur, Cor. 12. quam quod una anima gravissimis poenis afflicta in purgatorio, ita videatur divino iudicio absorpta afflictione illa, quæ, ut dicit Augustinus, major est omni poena quam quis in præsentī vita sufferre posset, ut non intelligat actu an sit salvanda an damnanda, manente tamen in ea habituali notitia status sui. Et ita videtur esse sententia istius articuli, in quo dicitur tantum istius nescientiæ, non quæ generaliter respiciat omnes animas existentes in purgatorio; sed illam, de qua dicitur, quod nimis obliata erat & neglexerat Deum. Item, sicut locus purgatorii dicitur duplex a SS. Doctoribus, ut ex revelationibus colligitur, magis quam ex auctoritate expressa scripturæ, ut S. Thomas dicit loco supra allegato; unus, scilicet secundum communem legem, qui est inferior conjunctus inferno; alius est locus purgatorii secundum dispositionem divinam; & sic quandoque in diversis locis aliqui puniti leguntur; cur non similiter posset dici aliquas poenas purgatorii, & secundum communem legem, & aliquas secundum dispensationem, de numero quarum fuerit ista una quæ huic animæ inflicta legitur iusto Dei iudicio? ut qui Dei memoriam habere tanto tempore neglexerit, poenas patiatur sine intelligentia actuali, scilicet an sit salvanda vel non? Et quia intentio videtur sana dicentis, licet verba non habeant tantam convenientiam sermonis, non est articulus ita habendus suspectus, ut de errore sit notandus. Præterea sic dicendum occurrit, & fortasse magis ad intentionem dicentis, quod est locutio per yperbole dicta, id est per excessum; intentio enim dicentis videtur esse, quod talis anima non intelligit, an veniat ad requiem an erit damnata; non simpliciter quidem, sed pro aliquo tempore ad manendum in purgatorio: dicitur ergo non intelligere, an scilicet ita cito veniat ad requiem, vel damnatur, id est iudicetur longissimo tempore mansura in eo. Quia de si-

Concilior. Supplem. Tom. IV.

mili materia in aliquo articulo erit diffusior sermo, ista sufficiant pro præsentī articulo.

JO. DOMINICI MANSI

ADNOTATIO.

An defensio ista Turrecremata incurrat damnationem sententiæ illius a Luthero assertæ & a Leone papa X. censura in iustā in bulla damnationis dogmatum Lutheranorum, viris doctis iudicandum relinquo. Ita enim Lutherus assert. artic. 38. *Anima in purgatorio non sunt secunda de sua salute, saltem omnes.* Cum tamen Turrecremata certitudinem quandam habitalem in animabus illis admittat; ab hac pontificis censura haud immerito exemptus censeretur. Forte etiam Lutherana sententia anxietatem hanc animarum unum esse aliquid ex frequentibus usitatique supplicis ponebat; cum S. Birgitta ejusque patronus nonnulli de supplicio aliquo instructo raroque id affirmaverit.

Articulus XLII.

*Dicitur sumptus ex cap. 4. libri, est, quod viventes possunt accedere papam pro salute existentium in purgatorio, & aperire peccatum illius anime, & petere penitentiam sibi injungi, & illam perficiendo, animam illam liberabit, vel ejus poenam mitigabit.*

Circa hunc articulum id prima videbitur mihi, salvo semper meliori iudicio, quod merito plus esset habendus suspectus qui hunc articulum suspectum haberet, quam ipse articulus habendus sit. Hic enim articulus nihil aliud videtur dicere, aut concludere velle, nisi quod unus homo, qui tamen sit civis communitatis Sanctorum, potest onus poenitentiae, aut satisfactionis pro alio suscipere, ac utiliter & fructuose peragere. Hoc enim vult universalis ecclesia dicens illud 2. Mach. 12. in officio defunctorum: *Sancta ergo & salubris est cogitatio pro defunctis exorare.* Et oppositum dicere est error ille, de quo Hieronymus contra Vigilantium ait: *Error fuit quod dum vivimus pro nobis orare possumus; postquam autem mortui fuerimus nullius pro alio exaudienda est oratio.* Licet autem, ut S. Thomas deducit in 4. sentent. dist. 20. per confessionem, & contritionem unius, alius a culpa non liberetur; potest autem unus pro alio onus injunctæ, aut injungendæ poenitentiae salubriter explere; adducens illud apostoli ad Gal. 5. *alter alterius onera portare.* Ideo Apostolus, 2. Cor. 12. loquitur de corpore mystico ad similitudinem corporis humani. In corpore vero humano naturaliter per unum membrum suppletur alterius indigentia. Ergo cum gratia sit potior quam natura, gratia in corpore mystico per unum potest supplere alterius indigentiam. Hinc est quod suffragia membrorum possunt prodasse commembris indigentibus. Quia vero per mortem commembrator ejusdem corporis esse non desinierit; possunt prodasse etiam defunctis. Unde Augustinus dicit: *Non est negandum spiritus defunctorum pietate suorum viventium posse relevari.* Propterea charitas magis potest apud Deum, quam apud



homines; sed unus potest apud homines pro alterius amore debitum ejus solvere; ergo multo fortius hoc in divino judicio fieri poterit. Ita est sententia S. Thomæ in 4. dist. 20. Ita Magistri sententia in eadem dist. dicentis: *onus poenitentiae morientibus impossibilem carorum orationibus & elemosinis esse sublevandum.* Hoc idem habetur 26. q. 7. ab infirmis; & eadem sententia Gregorii, & ponitur 13. q. 2. pro obuentibus; & capite sequenti, *anime defunctorum.* Nec esset dicendum quod poenitentiae onus susceptum pro mortuo praelati arbitrio & præcipue papæ, taxatum aut ordinatum sive inunctum minus valeat, quam si proprio arbitrio & judicio susciperetur. E. G. A. qui nuper interfecit B. est hodie mortuus, verumtamen contritus de peccato suo, & confessus absque tamen satisfactione debita & completa; non minus videtur ei proficere satisfactio facta per C. exeuntem in caritate si per papam esset taxata, quam si proprio arbitrio esset talis satisfactio suscepta. Sed notandum quod esset difficultas, an hæc satisfactio valeret tibi aut per modum sacramenti, aut per modum suffragii; sed quia quodcumque detur salvatur articulus, suspendeo ab ulteriori processu. Ut tamen veritas articuli ne dum pateat ratione, & auctoritate, sed etiam exemplis, dicam exemplum, in quo quali expresse ponitur articulus iste. Ponitur autem in legenda sanctorum in cap. de commemoratione sanctorum animarum defunctorum, ad ostendendum qualiter pro mortuis poenitentia facta per amicos valeat eis: quod cum quedam mulier, multis irrecita peccatis, morti appropinquasset, & a filio ad confessionem admoneretur; illa ei factum suum aperuit, dicens se confiteri non posse, nec tibi aliquid confessio valeret. Sed cum ille cum lacrymis iniret, & poenitentiam se pro ea facturum promitteret; illa compuncta filium pro sacerdote destinavit. Sed cum antequam sacerdos veniret horrore, & timore inuentium demonum, moreretur, filius pro ea peccatum suum sacerdoti confitens, & poenitentiam septennem faciens, videt in fine poenitentiae matrem, & de sua liberatione gratias referentem. Hæc ibi. Et de hoc articulo hæc sufficiant.

Articulus XLII.

*Est qui in cap. 10. ejusdem libri ponitur, quod habitatores Romæ non habent majorem charitatem ad Christum, quam Demones qui miseriae suas magis sustinere volunt eternaliter, suamque malitiam retinere, quam se videre, ubique in perenni gloria adhaerere.*

Hic autem articulus in nullo erroneus, nec scandalosus, pro cuius intellectu notandum est, quod articulus iste non loquitur universaliter de omnibus habitatoribus Romæ, sed solum de quibusdam malis & perversis

more bonorum christianorum non viventibus 7. c. in princ. ex persona filii narratis quibusdam peccatis, ita dicitur: *quidem ad habitatores Romæ, qui salter faciunt, loquor, sed non ad amicos meos qui opera eorum non sectantur.* Clarum est autem quod qui nullam charitatem habent, cuiusmodi erant illi Romani de quibus loquitur: *non habent maiorem charitatem quam Demones.* Ergo videtur articulus, secundum morem loquendi communem esse verus; est enim locutio yperbolica, idest ad superabundantiam dicta, qua sancti zelo inflammati sæpe usi sunt in dictis suis tam prophetæ, quam sancti Doctores, unde... de populo Romano ly de consideratione clerum illum ordinatissimum esse decet, a quo præcipue in omnem ecclesiam cleri forma processit. *Quid de populo loquar? quid tam motum sæculis; quam proterva Romanorum gens insueta pati, tumultu consueti, gens immitis & intractabilis, subdi nescia, nisi ubi non valet resistere.* Et hæc de præsentis articulo.

Articulus XLIV.

*In cap. 13. ejusdem libri est quod offerre pro anima alterius unum Pater noster est acceptius Deo pondere magno auri.*

Iste articulus non videtur dicendus erroneus; pro cuius intellectu pleniori sciendum est quod intentio loquentis in passu isto est ostendere fructum & utilitatem orationum bonarum, unde dicit sic, textus in forma: *verumtamen qui bene fecerit tibi, facias bene & tu ei, & corporaliter & spiritualiter fundendo pro eo ad Deum preces, quia nullus credit quantum Deo placent preces humilium: per exemplum ostendam tibi. Si quis offerret regi magnum pondus argenti, diceretur a circumstantibus: hæc est magna presentatio. Si vero legeret unum Pater noster regi derideretur.* Sic ergo est apud Deum, quicumque enim offert pro anima alterius unum Pater noster acceptius est Deo magno pondere auri; sicut patet in illo bono Gregorio, qui oratione sua etiam infidelem Cæsarem elevarunt ad gaudium altiorum. Secundo notandum est quod dupliciter possumus loqui de oratione Dominica, & oblatione auri; uno modo ut sunt elemosinæ quædam datæ uni & eidem, ut si quis uni & daret pondus auri, & cum hoc pro eo funderet orationes. Alio modo possumus loqui prout habent rationem suffragiorum sanctorum pro aliquo, ut cum pro aliquo mortuo effunditur oratio Dominica, & datur Elemosina; & quomocumque loquamur, articulus simpliciter videtur verus. Ut enim considerantur primo modo, pater quod elemosina spiritualis, cuiusmodi est fundere preces, potior est corporali; cuiusmodi est dare alicui indigenti in subventionem necessitatis pondus auri. Pro cuius declaratione est notandum quod, ut S. Thomas dicit in 2. 2. art. 3. q. 32. ubi quærit utrum elemosinæ spirituales sint potiores corporalibus, quam com-

comparatio istarum elemosinarum potest attendi dupliciter, uno modo simpliciter loquendo & secundum hoc elemosinæ spirituales præminent triplici ratione; primo quidem quia illud quod exhibetur nobilius est, scilicet donum spirituale quod præminet corporali. Secundo ratione ejus cui subvenitur, quia spiritus nobilior corpore. Tercio quantum ad ipsos actus quibus subvenitur proximo, quia spirituales actus sunt nobiliores corporabilibus, qui sunt quodammodo serviles. Alio modo possunt considerari secundum aliquem particularem casum, in quo quædam etiam pro corporali elemosina alicui spirituali præferitur; puta, magis esset pascendum fame morientem quam docendum, sicut etiam indigentem secundum philosophum melius est ditari quam philosophari; modo nullum dubium est quin potior elemosina sit Deo acceptior; ergo elemosina facta uni indigenti per aliquam personam Deo est acceptior, quam elemosina magni ponderis auri facta eidem, cum sit de meliori bono, & magis sibi conjuncto. Quod vero considerando ea ut habent rationem suffragiorum, articulus videtur verus; dicit enim Petrus de Tarantasia in 4. dist. 45. quærens quæ suffragia sint meliora, sive potiora, & per consequens Deo magis grata, quod cum suffragiorum communicatio fiat ex charitate, secundum quod plus participant de virtute charitatis plus profunt; melius est autem opus charitatis quod dirigitur in Deum, quam quod in hominem; unde quia duo primi modi suffragiorum assignatorum per Gregorium, scilicet oblatio sacrificii & preces sanctorum in Deum diriguntur; ideo meliores sunt, quam duo ultimi, scilicet elemosina, & jejunium, nisi per accidens in quantum elemosina impetrat exactiones sanctorum. Hæc ille. Et sic videtur quod sitis per se, secundum se simpliciter consideratis, acceptius est Deo unum Pater noster pro una anima, quam pondus auri magnum; quod exinde videtur manifeste colligi, quia sæpe magna pondus auri & argenti data sunt scientiæ hominibus ad impetrandum orationes eorum, sive ad provocandum eos in amicitiam spirituales, & per consequens ad orandum pro eis; quod non esset, nisi orationes sanctorum acceptiores essent Deo magnis ponderibus auri. De isto etiam articulo expressam historiam habemus in legenda sanctorum in historia S. Ulrici, vel Adultrici, qui procuratorem suum, ut disceret quanti valoris esset unum Pater noster devotius oratum, mittit ad papam, & respondit papa quod esset valoris unius denarii aurei tantæ latitudinis, sicut est tota superficies terræ, & spissitudinis sicut est spatium inter coelum & terram. Hæc &c.

## Articulus XLV.

In XVI. cap. ejusdem libri, quod habenti propositum emendæ valeant indulgentiæ ad remissionem peccatorum; ut fiat sicut Angelus in conspectu Domini; sic autem accedenti, & non habenti propositum deponendi veterem hominem, valeant indulgentiæ ad refectionem; glos. ibidem, idest ad obtinendam contritionem & confessionem, quibus etiam ejicitur peccatum, & acquiritur gratia.

Iste articulus etiam salva parte dictentium, non est erroneus: immo est determinatio magnorum virorum in theologia; pro cuius intellectu ponatur primus articulus in forma, ut jacet in originali, ut clarior appareat sensus articuli. Secundo adducunt dicta aliquorum doctorum, qui hunc articulum docuerunt in libris suis. Forma autem articuli hæc est: qui vero veniunt ad indulgentias, ut deinceps fugiant peccata, & iniuste ablata restituant, unum obolum cum turpi lucro non acquirat &c. sequitur: Talis quidem habebit remissionem peccatorum suorum, similisque erit Angelo Dei in conspectu Dei. Qui vero non habet voluntatem relinquendi priores voluntates, & inordinatas mentis sue affectiones, sed iuste acquisita retinet; & similia dicit: huic quidem valent indulgentiæ ad refectionem, idest ad contritionem obtinendam, & confessionem, quibus ejiciat peccatum, & acquirat gratiam Dei. Circa secundum sufficiat sententiam Alberti Magni; unde notandum quod Albertus Magnus quærens in 4. dist. 20. an indulgentiæ valeant existenti in peccato mortali, dicit, quod indulgentiæ valeant omnibus tam existentibus in statu gratiæ, quam in mortali peccato; sed differenter, quia existentibus in statu gratiæ valent ad diminutionem poenæ expiatiæ sive injunctæ sive injungendæ, si sacerdos injungens erravit; sed existentibus in mortali valent dupliciter; uno modo per modum illum, quo dicimus unum alii posse mereri primam gratiam conversionis si orat, & jejunat, & alia opera bona facit pro eo. Si enim hoc potest unus, multo magis hoc potest etiam per thesauros omnium meritum, quos super ipsum ponit indulgentia. Alio modo quia opera de genere bonorum vicinant hominem gratiæ, & multo amplius indulgentia cum fide etiam informi vicinat hominem gratiæ & facit conversioni magis idoneum; taliter vero puto valere indulgentias existentibus in mortali peccato. Hæc Albertus. Ecce quod doctor iste maximus illum articulum confirmat esse verum, consequenter autem in X. solutione unius articuli dicit, quod per modum relaxationis non valent peccatoribus, quia nunquam habet locum indulgentia quantum ad poenæ remissionem, nisi primo poena contritionis posita in poenitente, scilicet dolore contritionis, qui facit poenam solubilem, mutando æternam in temporalem; valent tamen, sicut dictum est. Vel facilliter dicendum esset, quod articulus intelligitur materialiter, videlicet in-



ANNO  
CHRISTI  
1433.

intelligendo quoad indulgentias opera illa. <sup>A</sup>  
propter quæ dantur indulgentiæ, ut puta.  
peregrinatio, elemosina, jejunium; quæ non  
dubium valent, licet extra charitatem sunt  
facta, ad ea de quibus articulus primus loquitur.  
Et hoc de isto articulo.

#### Articulus XLVI.

*Est ex cap. XXVI. ejusdem libri, quod comedens carnes sub obedientia & regula suæ professionis, habens tamen desiderium jejunandi si non obfisteret obedientia, plus duplo meretur, quam liber jejunans, & hoc uno eodemque die.*

Pro intellectu hujus & veritate est dicendum, primo, quod articulus non jacet sic in originali; immo ut videtur, falsè & infideliter est extractus; unde sic dicit textus, *Si videris duos homines, alium sub obedientia, & alium in libera potestate; si ille qui liber est jejunat, simplicem mercedem habebit; si autem ille qui sub obedientia est illo die jejunat duplicem habebit; si vero ille, qui sub obedientia est illo die jejunii comedit carnes secundum institutionem regulæ, & propter obedientiam, attamen libenter jejunaret, si non obfisteret obedientia, iste habebit duplicem mercedem, unam propter obedientiam, aliam propter dilationem desiderii sui.* Hæc ibi. Iste articulus non dicit quod duplo plus meretur comedens carnes illo die, quam liber jejunans. Item patet, quod articulus non est dicendus erroneus, sed verus. Quia vero obedientia omnibus præfertur aliis virtutibus, quod videtur articulus velle persuadere, patet. Dicit enim, quod obedientia non tam virtus est, quam mater virtutum. Patet etiam ex vita SS. Patrum, ubi abbas Pambo comparans virtutes quorundam monachorum, dicit, quod virtus obedientis major est, quam virtus jejunantis multum; & alterius qui nihil possidebat, & etiam quam virtus magnam charitatem habentis. Ratio ejus, quia unusquisque, unum voluntate propria retinet; hic autem voluntatem suam servam fecit. Idem habetur in eodem libro de quodam sene, qui quatuor ordines vidit in cælo, inter quos ordo obedientium erat superior & gloriosior. Quod vero talis qui sic voluntatem habet jejunandi, verumtamen obedientia cogitur comedere, duplicem habeat mercedem, ut dicit articulus, patet primo propter obedientiam, quæ non caret mercede, & propter bonam voluntatem jejunandi, ut dicitur in glōf. Math. 5. *bona voluntas cum deest copia agendi remuneratur*; quoniam, ut dicit Augustinus in glōf. super illud in psal. *etenim iniquitates in corde*; quod vis & non potes, Dominus factum reputat. Ergo articulus verus. Et hæc de præfenti articulo.

ANNO  
CHRISTI  
1433.

#### Articulus XLVII.

*Quod erroneus dicitur sumptus ex cap. LXXXI. ejusdem libri est, quod indulgentiæ donantur propter fidem, & devotionem viventium; charitas verò donatur & promeretur propter indulgentias.*

Iste autem articulus, si sano oculo inspicatur intentio dicentis, nullam habet apparentiam erroris; sed verissimus videtur esse. Pro quo notandum, quod præsupposita veritate thesauri in ecclesia, qui ex copia meritorum Christi & martyrum suorum colligitur, quatuor necessaria inter alia ponunt Doctores Theologi, Albertus, S. Thomas, Bonaventura &c. ad hoc quod indulgentiæ valeant. Primo ex parte dantis auctoritas ex jurisdictione quam habet, sicut papa, episcopus, legatus &c. Secundo ex parte causæ, juxta necessitas, sicut periclitatio fidei & hujusmodi, aut publica utilitas & frequentatio reliquiarum, pauperas loci, & hujusmodi. Tercio ex parte recipientis, fidei devotio, scilicet quod credat quod hoc fieri possit per clavium potestatem, sive quod credat ecclesiam talem habere potestatem. Quarto ex parte status istius, cui datur indulgentia, charitas; necesse est enim, ut ut in charitate, quæ corpori militico, & Christo capiti conjungatur, si tanquam miles Christi habeat participare de thesauro ecclesiæ indulgentias per modum indulgentiarum. Quo dicto, dico quod cum dicitur in prima parte articuli quod indulgentiæ dantur propter fidem, devotionem viventium, ly propter dicit utilitatem aut pietatem causæ propter quam indulgentiæ dantur, quæ maxime aut est propter promovendam fidem, aut augendam devotionem viventium.

In secunda autem parte articuli, ubi dicitur quod propter indulgentias donatur, & promeretur charitas, importatur necessitas status recipientis indulgentias, quæ est, ut sicut in charitate, sine qua ut dictum est indulgentiæ efficiuntur inutiles quantum ad relaxationem poenæ; propter ergo indulgentias donatur charitas, id est propter, sive ad indulgentias habendas necessaria est charitas; sicut dicitur, quod propter bonitatem dantur virtutes, & propter præmia sunt merita, quia ista faciunt ad consecutionem illorum. Ita hic. Caritas enim cum uniatur membra ecclesiæ ad invicem & cum Christo, & promeretur influentiam capitatis & membrorum ejus, & ad illam recipiendam donari dici potest; & iste videtur intellectus esse istius textus, ubi dicitur sic; *considera quæ bona faciunt indulgentiæ hujus urbis hominibus illis, qui veniunt intentione sancta huc propter eas.* Nam si darentur alicui mille millia annorum, sicut & donantur propter fidem & devotionem fidelium, non esset digna ponderatio ad obtinendum divinam gratiam, scilicet remissionis & relaxationis quæ datur indulgentia sine charitate Dei, quæ

ANNO 1433. *que quidem charitas veraciter donatur & promeretur propter indulgentias istas; promeretur indulgentias; id est consequi indulgentias, vel est radix meriti consequendi indulgentias; ecce necessitatem charitatis ad habendam gratiam indulgentialem: & ita patet de veritate articuli.*

### Articulus XLVIII.

*Ex XII. cap. ejusdem libri sumptus est, quod sumpto corpore Christi a malo sacerdote, discedit ab eo patris potentia, abscedit filii dulcissimi presentia. Depositis vero vestibus sacris, recedit Spiritus Sancti benignitas.*

Pro cujus intellectu & articuli sequentis est notandum quod dupliciter potest intelligi Christum recedere a sacerdote malo sumpto sacramento uno modo quantum ad realitatem presentiae, ita quod sub speciebus sacramenti desinet esse, & sic intellectus articulus dictus esset falsus, cum tandiu maneat veritas corporis praesens sub sacramento, quamdiu manent illae species sacramentales. Alio modo potest intelligi recedere, vel discedere saltem quantum ad effectum, quia non confert ei effectum, quem bene fumentibus confert; secundum quem modum Deus in sacra scriptura dicitur appropinquare vel recedere ab hominibus. Unde S. Thomas in prima parte quaestione 9. art. 9. dicit, quod Deus dicitur appropinquare ad nos, vel recedere a nobis, in quantum participamus influentiam bonitatis ejus, vel ab ea deficiamus. Et ideo sacerdos cum in peccato mortali existens sumens hoc sacramentum, non sumit effectum ejus penes hunc modum; & hac ratione potest dici Christus recedere ab ore ejus; & ita dicitur Judic. 16. de Santone: *surrexit, nesciens quod recessit Deus ab eo*; quod dicitur propter fortitudinem perditam, quae non erat in eo dum naturae, sed gratiae gratis datae. Et ita de multis aliis locis posset adduci testimonium. Et hoc modo B. Gregorius, ut recitat Magister sententiarum in 4. dist. 9. dicit: *est quidem in peccatoribus & indigne summentibus vera Christi caro, & verus sanguis, sed non salubri efficacia*; & ad istum etiam sensum exponunt doctores id Sapientiae 2. *In malivolam animam non intrabit sapientia, nec habitabit in corpore subdito peccatis*; scilicet quoad effectum gratiae gratificantis. Et isto modo intelligendo articulum est verus; & ita capit qui illum articulum dixit, sicut patet ex forma textus, in quo sic habetur in eo capitulo post verba praedicta: *Non tu cogitare debes, quod ipse, vel alius, quantumcumque malus, sine Deo, sic recedit Deus, majorem consolationem non infindendo*; & expressius in cap. LXIII. ejusdem libri ubi sic dicit: *completo sacramento ego credo cum Deitate & humanitate, & sola forma panis remanet tibi, non quia non veraciter ibi sum ita cum malis, sicut cum bonis propter sacramenti institutionem, sed quia*

*similem effectum non habent boni & mali. Hec ibi. Et sic patet quod articulus intellectus ita est verus. Secundo notandum quod principales effectus hujus benedictissimi sacramenti videntur esse tres, qui appropriari possunt satis rationabiliter tribus personis, videlicet robor fortitudinis contra insurgentes hostes, gustus delectationis praesentiae divinitatis, benignitas reservationis a futuris malis; ideo dicitur in articulo, quod sumpto sacramento a malo sacerdote recedit ab eo &c. & hoc de praesenti articulo.*

### Articulus XLIX.

*B Ex cap. LXIII. ejusdem libri est quod sola forma panis remanet sacerdoti malo, & Christus recedit.*

Iste articulus supra est declaratus, qualiter in sensu exposito in litera ejusdem est verus; dicitur enim apud summentem in peccato mortali hoc sacramentum sola specie manere, quod ut dicitur in praefatis capitulis, quia non cogitat nec capit ei spirituale, sed carnale, & quod nihil aliud esset ibi nisi substantia panis; & ita penes effectum attenditur ille recessus & solitudo mansionis specierum. Sic dictum est in articulo praecedenti; unde sic in originali exponitur praefatus articulus, assignando rationem dñi. *Ideo remanet sola species, quia de sumptione illa tibi recogitant, nisi qui si viderent & sentirent formam panis ac vini, tanquam si dominus potens ingrederetur domum alicujus, & species quidem ipsius reminisceretur, sed praesentia ejus bonitatis reminisceretur & negligeretur.* Et ita patet quod articulus non est contra Apostolum dicentem malos sacramentum sumere, ut arguit adversarius. Et tantum sufficit pro praesenti articulo.

### Articulus L.

*Ex cap. LXXI. ejusdem libri est, quod filia S. Birgitta voverat virginitatem; & tamen Deus ordinavit quod nuberet homini babeti domum & vestes &c.*

Circa hunc articulum non debet esse difficultas aliqua quia false extractus est. Non enim est talis sententia in toto isto capitulo; bene tamen dicitur quod B. Birgitta voverat eam Deo, ut virgo permanens in aliquo loco sancto Domino famularetur. Et quod consequenter dicitur, quod Dominus, cui nota sunt omnia, & apud quem acceptior est conjugata humilis & devota, quam virgo superba, praevidens Deo melius servitutam in statu conjugali, quam in statu virginis, ordinavit, ut matrimonium contraheret, & cum persona quae sufficiens esset eam nutrire, ne paupertatis occasione legem matrimonialem minus plene observare contingeret. Hoc autem non videtur nisi



ANNO 1433. rationabile, & summa providentia actum, & ita dicendum occurrit de præfenti articulo.

#### Articulus LI.

Ex cap. LXXXI. sumptus est, damnatos esse omittentes facere mala timore poenæ, non tamen credere poenis, sed sedere in tenebris.

Iste articulus bene intellectus & ad præcedentia istius articuli relatus videtur verus. Pro cuius intellectu notandum est quod in isto capitulo dicitur, conformiter ad sanctos doctores, & ad sanctam scripturam, quod timere bonum est propter duo. Primo quidem ut dicit quia tanta possint esse facta opera ex timore, quod traherent postea aliquam scintillam animæ in cor ad obtinendum charitatem habendam; secundum id sapientie psal. *Initium sapientie est timor Domini*; & ecclesi. 25. *Timor Domini initium dilectionis*. Et Augustinus dicit quod timor introducit ad charitatem, sicut feta introducit filium, ut S. Thomas deducit in 2. 2. q. 19. Secundo dicit bonum est timere, quia quotquot peccata homo dimittit ex timore, ex tot poenis liberabitur in inferno; attamen quia charitatem non habuit, ideo nec iustitiam habet ad ostendendum in coelum. Hæc ibi. Et hoc etiam est verum, quia cum timor ut dicitur ecclesi. 1. *expellat peccatum*, & peccatum sit meritum poenæ; clarum est quod timor facit ad diminutionem poenarum, in quantum impedit meritum poenæ, ut dicit S. Thomas in ea dist. 15. Et istis dictis consequenter dicit illud quod in articulo proponitur sub istis verbis de tali loquens: attamen ardere non tenetur in poenis, sedere in tenebris, quia omisit peccatum ex timore, sed non sentiet gaudium coeli. Non intendit enim aliquod esse damnatum, aut damnandum in inferno non habiturum aliquam poenam sentibilem, videlicet ignis, ita quod solum federet in tenebris; sed solum intendit exprimere utilitatem secundum timorem servilis, qui est ut dictum est, non sentire poenam sensibilem in inferno debitam peccatis, quæ ex peccatis timore omisit perpetratus. Et hoc est non ardere, non impliciter, sed ratione peccatorum illorum, ratione quorum arisset, si illa perpetrasset; ardebit autem ratione commissionis aliorum malorum, aut omissionis bonorum, quæ facere debuit, unde Augustinus, ut deducit magister sententiarum in 4. dist. 15. *opera bona extra charitatem facta valent ad hoc ut poena sit remissior, vel ut tolerabilior fiat damnatio*; quod S. Thomas ibidem declarat hoc modo contingere in quantum per ea, aut etiam timorem impeditur meritum poenæ, sicut dictum est.

#### Articulus LII.

Ex eodem cap. sumptus est propter indulgentias promereri charitatem.

Iste articulus declaratus est supra articulo XLV. & XLVII.

#### Articulus LIII.

Ex cap. CXXXIX sumptus est quod credere mandatis Dei, honorare sacramenta ecclesiæ, & dolere de peccatis sunt consilia.

Pro intellectu huius notandum quod consilium dupliciter tumitur; uno modo dicitur quodlibet bonum & salutare opus; & hoc modo dicitur Proverb. *omne consilium meum deservisti*; ubi interlinear. gloss. ait; *idei mei dicentis: poenitentiam agite*. Ecce poenitentiam agere vocat consilium, sicut in præfato articulo dicitur. Alio modo dicitur stricto modo consilium prout distinguitur contra præceptum, & dicitur per suasio melioris boni, ad quod homo non tenetur. Primo modo consilium dictum capitur in hoc articulo, ut patet ex serie textus in capitulo. Et ita patet quod falsum est quod articulus iste ponat illa tria, scilicet credere mandatis Dei, honorare sacramenta, dolere de peccatis non esse necessaria, quia stat consilium primo modo capium esse necessarium, sicut patuit ex dictis. Et hoc de isto articulo.

#### Articulus LIV.

Ex eodem cap. sumptus est, quod quis tenetur amicis Dei obedire, quantumcumque præcipiant contra voluntatem suam.

Pro intellectu huius articuli considerandum primo quod amici Dei dupliciter possunt intelligi, uno modo vocantur prælati ecclesiæ; unde regius propheta David de sublimitate sacerdotis novi, & apostolici principatus prophetans dicit; *nimis honorati sunt amici tui Deus, nimis confortatus est principatus eorum*; quibus etiam Dominus ait: *Jam non dicam vos servos, sed amicos &c.* Prælati autem ecclesiæ, debetur obedientia, etiam si præcipiant contra voluntatem, dum tamen ea quæ præceperint non sint contra legem Dei; unde Dominus ait: *super cathedram Moysi sederunt &c.* sequitur *facite omnia quæ dixerint vobis &c.* Et apostolus ait: *obedite præpositis vestris &c.* & Bar. lib. de præcepto & dispensatione ait quasi articulum in forma: *quidquid vice Dei præceperit homo, quod non sit, tamen certum displicere Deo, aut secus, accipiendum est quasi præcipiat Deus, ipsumque quem pro Deo habemus tan-*

ANNO 1433. tanquam Deum in his quæ aperte non sunt  
RISTI contra Deum debemus audire; imperfecti cor-  
dis, & infirma prorsus voluntatis indicium  
est statuta seniorum studiosius discutere, hæ-  
rere ad singula quæ injunguntur, exigere de  
quibuscumque rationem, & male suspicari de  
omni præcepto, cujus causa latuerit. Et ita  
patet veritas articuli; ubi enim amici, idest  
prælati ecclesiæ, nihil præcipiunt contra  
Deum secundum salutare opus etiam si sit  
contra voluntatem subditi obediendum est il-  
lis. Et quod de talibus loquebatur videtur  
colligi ex textu quia immediate superius di-  
xerat secundum consilium esse suscipere &  
honorare sacramenta ecclesiæ, & in quar-  
to consilio ponit præsentem articulum. Item  
ipsa dicit in libro VII. cap. 7. obediat humi-  
liter prælato suo in omnibus quæ præcipit sibi,  
quæ non sunt contra Deum, & quæ ipse fra-  
ter percipere potest. Secundo autem modo  
amici Dei dicuntur sancti viri, secundum il-  
lud quod de sapientia dicitur Sapient. 7. ami-  
cor Dei constituit; & tunc de istis etiam non  
est dubium si li tenetur dici decentiam &  
honestatem. Unde Prov. 19. dicitur: audi con-  
silium & suscipe disciplinam, ut sis sapiens in  
en nobilissimis tuis. In persona quippe acquie-  
scentis amicorum Dei consilii, & increpa-  
tionibus lamentatur Salomon Proverb. libro:  
cum detestatus sum disciplinam & increpationi-  
bus non acquisivi cor meum, nec audiui  
vocem dicens me, & magistris non inclina-  
vi aurem meam. Et ita patet quod tenemus  
audire & obedire amicis Dei præcipientibus  
eo modo quo præcipere convenit eis, quod  
idem est; quod consulere ubi non mediat au-  
thoritas jurisdictionis ordinariæ sive commis-  
sariæ. Istis enim obtemperare debemus, ubi  
nec contra Deum præcipiunt, nec contra  
statum aut perfectionem aut status decen-  
tiam aliquid demandare. Hæc sunt de ar-  
ticulo præsentis.

#### Articulus LV.

Ex Cap. CXXXII. est, malos sacerdotes per-  
didisse clavem qua miseris cælum debe-  
rent aperire; illam vero qua infernus  
aperietur diligere & reconditam ha-  
bere in munda sandone.

Pro intellectu hujus articuli sunt aliqua  
notanda, quod clavis, qua miseris cælum  
aperitur, potest dici clavis scientiæ de qua  
Dominus Luc. II. inquit: *væ vobis legisperi-  
tis, qui tulistis clavem scientiæ*. Et Chryso-  
stomus: *clavis est verbum scientiæ scriptura-  
rum, per quam hominibus aperitur janua ve-  
ritatis*; clavem vero qua infernus aperitur  
dicitur clavis potentiæ sive ligandi, & sol-  
vendi, qua cum quis excommunicatur dicitur  
sibi claudi cælum & infernus aperiiri.  
Secundo est notandum quod potentia est pro-  
pter actum, & facultas propter ministerium;  
eumque perdit debitam executionem officii,  
aut ministerii dicitur a doctoribus perdidisse  
auctoritatem, sive facultatem officii; unde  
Innoc. et ponitur 1. q. 1. qui perfectionem spi-  
Concilior. Supplem. Tom. IV.

ANNO 1433. ritus quam acceperunt, perdidierunt, non dare  
eis plenitudinem possunt. Et iterum in sequenti  
c. qui amisit honorem, honorem dare non possunt,  
doct. canon. & doctores theol. super X. sen-  
tentiar. dict. 25. cap. 1. intelligunt per pleni-  
tudinem omnem executionem potestatis, &  
non ipsum ordinem, aut potestatem, 1. q. 1.  
quicumque; & est dictum Gregorii: *quicum-  
que sacros ordines vendunt vel emunt sacer-  
dotes esse non possunt*: glos. ibi decreti expo-  
nit; idest *digne exercere officium sacerdotis*.  
Itaque perdere non referatur ad essentiam  
potestatis, sed ad licitum actum. Possunt au-  
tem actualiter intelligi perdidisse clavem,  
primam mali sacerdotes, cum propter igno-  
rantiam multorum, quia licet scientia, quæ  
est habitus, non sit ipsa clavis, est tamen  
dispositio ad eam, & est materiale in ea,  
ut dicit Albertus; & ideo ipsa deficiente cla-  
vis, quæ est auctoritas actum scientiæ exer-  
cendi in judicando & discernendo, frustra-  
tur ab actu. Et ita sacerdotes non habentes  
scientiam, qua possunt populum docere,  
aut illuminare & discernere inter le-  
pram, & lepram, dicuntur clavem perde-  
re, quia auctoritas discernendi in eis & pa-  
scendi populum ab actu suo frustratur. Ad  
istum sentum videtur Innoc. in sermone  
de clavis: *providet pastor ecclesiæ, ut  
clavem potentiæ suæ clave scientiæ non deci-  
piat*. Quia scriptum est: *quod tu scientiam re-  
pulsisti, & ego repellam te ne sacerdotio fun-  
garis*, Osee 10. Dicuntur autem clavem qua  
aperitur infernus diligere, quia prælati mul-  
ti præsentibus temporibus, majus intendunt  
excommunicationibus & hujusmodi actibus  
clavis potentiæ & ligandi, quam actibus  
aut exercitio clavis scientiæ docendo populum  
& discernendo inter lepram & lepram lucem  
& tenebras. Quod vero non intelligat  
S. Birgitta quod mali sacerdotes claves per-  
dant suscepti ordinis patet ex dictis suis in  
cap. 7. septimi libri, ubi sic dicitur: *veris  
presbyteri sunt, & verum conficiunt corpus  
Christi filii mei omnes illi sacerdotes, quam-  
vis alias sicut pleni multis peccatis & vere  
dalia sacramenta ministrant; quamvis propter  
sua peccata & mala, sunt indigni celesti  
gloria apud Deum*. Item in lib. 6. capitul.  
LXXIII. dicit de poenitentiario Romæ, quod  
licet esset vitiosus, nihilominus absolutio,  
quam faciebat contentibus auctoritate ec-  
clesiæ, ita rata est apud Deum, sicut abso-  
lutio iustorum. Amplius ultimo norandum,  
quod intellectus præfati capituli potest capi  
& alio modo loquendi sacræ scripturæ,  
pro quo secundum quod idem articulus ponitur  
in cap. CXXXI. sub hac forma: *Nunc  
conqueror super eos, scilicet sacerdotes, de  
quibus primo quod aperiunt infernum, &  
claudunt coelum ingredientibus*. Hæc ibi.  
Intellectus autem hujus articuli sumi potest  
ex modo loquendi Christi Matth. 23. ubi Pha-  
riseis & Scribis loquens ait: *væ vobis Scri-  
bæ & Pharisei hypocritæ quia clauditis re-  
gnum coelorum ante homines; super quo Ori-  
genes ad propositum loquens, ut dicit S.  
Thomas in glo. continua ita dicit: omnes  
qui mala conversatione sua dant exemplum  
peccandi in populo, & qui faciunt injuriam,  
scandalizantes puillos claudere videntur an-*



te homines regnum coelorum. Et hoc quidem peccatum invenitur in popularibus; maxime autem in doctoribus. Qui docent quod decet secundum iustitiam evangelii, homines vero autem faciunt quæ dicunt, bene autem viventes, & bene docentes aperiunt ante homines regnum coelorum, & dum ipsi intrant, provocant alios introire; sed multi non permittunt intrare in regnum coelorum intrare volentes, quoniam sine ratione excommunicant quosdam propter zelum, & meliores quam sunt ipsi. Hæc ille. Ecce quomodo dicuntur perdere clavem scientiæ sacerdotes male viventes, quia auctoritatem perdunt docendi, & dicuntur claudere regnum coelorum vel malis exemplis, inducendo alios, sicut illud Gregorii: dum pastor per abrupta graditur, grex in precipitium cadit, excommunicando sæpe injuste; & ita patet quod articulus iste non sapit errorem Valdensium, ut dicit calumniator, sed veritatem habet sane intellectus. Et hoc de articulo.

Articulus LVI.

Ex cap. CXXXIII. Est post multa diffamatoria sacerdotum indifferenter, dicta quod cum applicatur sacramentum ad os mali sacerdotis, Christus ab eo recedit cum deitate, & humanitate, quod Diabolus, qui in præsentia Domini fugit perterritus, latius redit.

Intelligentia hujus articuli patet ex intellectu dato articuli XLVII. Et non est ideo necessarium hic sermonem extendere. Circa illud quod hic superadditur de Diabolo, pie credendum est, quod in præsentia corporis Christi Dæmones perterriti fugient, nec tunc tantam habeant potestatem nocendi sicut alio tempore; unde de hac sancta mensa altaris exponitur illud psalmi: parasti in conspectu meo mensam adversus eos qui tribulant nos; scilicet Dæmones. Præterea si crucis præsentia dicuntur fugere Dæmones, unde B. Gregorius in Dialogo narrat de Judæo qui moniverat se signo crucis; & ideo Dæmones non poterant ei nocere; quanto magis præsentiam crucifixi, a quo crux & honorem, & virtutem suscepit? Et hoc de articulo.

Articulus LVII.

Ex eo cap. sumptus est, quod videtur dicere, quod omnes sacerdotes habent potestatem prædicandi sicut & consecrandi.

Pro intellectu hujus articuli est notandum, quod ly sicut potest dicere similitudinem..... suis universalitatis extensionis ita quod sicut omnibus sacerdotibus est commune posse consecrare, ita eis est commune posse prædicare, sive habere potestatem prædicandi. Alio modo quod ly sicut sit no-

ta similitudinis, nedum quoad potestatis radicem, sed quoad libertatem exercitii, aut dependentiam mysterii. Primo intelligendo articulus est verus; quia sicut omnibus sacerdotibus est commune habere ordinem sacerdotalem, ita omnibus est commune habere potestatem prædicandi. Sacerdos autem ratione vocabuli dicitur quia sacra docens, qui articulus expresse ponitur XVI. q. 1. c. credimus, ubi dicitur sic: Monachi autem, & si in dedicatione sui presbiteratus sicut & ceteri sacerdotes, prædicandi, baptizandi, pecuniam dandi, peccata remittendi, beneficiis ecclesiasticis perfruendi rite potestatem recipiant, ut amplius, & perfectius agant ea, quæ sacerdotalis officii essentia sanctorum PP. constitutionibus probantur; tamen executionem suæ potestatis non habent, nisi a populo & episcopo fuerint electi. Sed secundo modo intelligendo, non quia suscepto ordine sacerdotali non requiritur aliud ad exercitium crediti ministerii, sed potest consecrare quoniam vult; in prædicatione autem aliud est; licet enim sacerdotibus in collatione ordinis conferatur potestas prædicandi verbum, sicut absolviendi in foro poenitentiae; illam tamen potestatem exercere non debent, nec digne possunt sine speciali licentia superioris, quia præcise ex collatione ordinis non subicitur eis; nec, inquam, agere possint, nec etiam in texto dicitur sicut & consecrandi; hoc enim placuit translatori ad aggravandum articulum addere; sed tantum dicitur sic: tertio dedit eis potestatem prædicandi verba mea; quod potest intelligi eo modo quo dictum est, vel intelligitur de sacerdotibus habentibus curam animarum. Et hoc de præsentis articulo.

Articulus LVIII.

Ex sequenti cap. sumptus est, quod sacerdotes sunt peiores omnibus Judæis, & Gentilibus; immo magis omnis Diabolus.

Pro isto articulo dico in primis quod infideliter extractus est; non enim dicit ita in textu, sed sic: Sacerdotes præ omnibus Judæis, & gentibus magis me provocant. Ecce non dicitur peiores, nec ibi dicitur: immo omnibus Diabolis; bene tamen verum est quod in eodem cap. de uno damnato sacerdote dicitur narratis multis peccatis ejus, in omnibus dicunt Dæmones; præcellit nos in malitia. Nec hoc est inconveniens, quod quis in aliquo peccato, aut in ratione peccati, aut ratione circumstantiarum plurium, aut alia ratione alicujus aggravantis multum actum dicatur turpius aut peior diabolo, aut superexcellere in malitia, unde Anselmus in oratione ad S. Joannem Baptistam, & narratur in lectionibus illius festi, comparans peccata sua ad peccatum Dæmonis dicit sic: ille, scilicet Diabolus, peccavit contra Deum; qui se fecit; ego contra eum qui me fecit & resicit; ille reliquit Deum permittentem se; ego fugi Deum persequentem me. Et post multa dicit: o felix, ecce cujus

*jus imaginem horrebat horrorem in multis me aspicio horribilem. Sic considerando sacerdotum dignitatem, & scientiam quam habent de dignitate, & majestatis divinarum, quæ tractant, non mirum si quoad aliquas circumstantias, ut puta, ratione magnitudinis & dignitatis, eorum peccata graviora & turpia magis videantur peccato Demonis aut infidelium. Aut dicendum breviter quod illa verba sunt Demonum, & non mirum si mentirentur, cum Diabolus testimonio Christi sit pater mendacis. Et hoc de præfenti articulo.*

### Articulus LIX.

*Ex cap. CXXXIX. sumptus, mirabilia dicit de regula B. Birgittæ, & quod tantæ indulgentiæ sunt in suo monasterio, sicut in ecclesiâ S. Petri ad vincula ex dono Christi, & approbatione coelestis exercitus; & si papa voluerit dare bullam, Christus dicit: ego approbabo & confirmabo: verbum meum, omnes sancti erunt tibi testes; mater mea sit tibi sigillum, Pater meus confirmator, & Spiritus S. venientium ad tuum monasterium consolator.*

Iste articulus tangit duo; primo quod mirabilia ponit de regula B. Birgittæ; mirabilia vero ista sunt quod dicitur, quod regula ista ex ore Christi processerit. Secundo tangit concessionem indulgentiarum. Primum non debet videri aut dici ita mirabile quod videatur incredibile, aut a ratione, & veritate alienum, ut enim dicit Salomon cum simplicibus est sermociatio Dei: Proverb. 3. ubi gloss. Bedæ cum simplicibus est sermociatio Dei, quia eos sapientia suæ decreto illustrat, quos factus sigillum, aut dupliciatis nihil habere consideret. Nulli enim debet videri incredibile, quod ipse magister veritatis Christus discipulam suam humilem & devotam Birgittam docuerit, aut decreta regularia dederit, quibus se, & sorores suas in sancta religione regeret & gubernaret, quod Moysi famulo suo pro populo Israelitico legem dedit, qui B. Paulo doctori gentium evangelium prædicandi gentibus revelavit, Sal. 1. qui B. Paconio abbati & patri amplissimo monachorum monachalem regulam ore proprio didicisse dicitur, ut in ejus legenda narratur. Insuper ejus ordinatione B. Basilii monachorum suorum regulam ex ore Angeli dictatam suscepit. Et ita de multis aliis exempla possent adduci, ex quibus verisimile judicari potest, quod articulus in prima sui parte ponit. Circa secundum quod ad preces B. Birgittæ pro augmentanda devotione fidelium Deus dedit indulgentias illi monasterio, quales sunt in ecclesiâ S. Petri ad vincula Romæ, non debet alicui videri impossibile. Cum Christus, qui est principale caput ecclesiæ, de cujus meritis principaliter tollitur thesaurus ecclesiæ, unde indulgentiæ dantur fidelibus, possit immediate facere quod per suum vicarium facit. Secundo nec ita novum, quin simile tibi jam præcesserit; legitur enim in vita decemmillium martyrum quod Deum rogarunt, quod

Concilior. Supplem. Tom. IV.

dies jejunii passionis eorum annum poenitentialem concluderet observantibus se devote; & facta est vox de coelo dicens: dilectissimi mei, quæ petistis scitote vos impetrasse. Ecce quod Christus sine ministerio papæ concessit unum annum indulgentiæ observantibus diem jejunii martyrii eorum; & ita potuisset dare plus si petivissent. Et non mirum videndum, nec literatis, sed nec catholico simplici, quoniam sicut Christus non alligavit potentiam sacramentis, ita nec ministris ecclesiæ, quin ipse immediate possit omnem gratiam conferre, quam ministris suis mediantibus confert. Propterea in legenda B. Catharinæ majus videtur haberi, ubi dicitur sic: vox de coelo insonuit: veni electa mea, veni intra thalamum sponsi tui; quod postulas impetrasti; qui te laudant salvi fiant: Alia vero verba, quibus Dominus dicitur uti, sunt singulariter dicta, ut quod sancti essent testes illius confessionis, mater vero sigillum, idest ipsa sit tibi per quam habeas certitudinem de promisso, quæ est advocata & promotrix tua; Pater vero confirmator, quia in eo residet fontalis auctoritas; Spiritus autem consolator, quia eisdem appropriantur effectus pietatis & misericordiæ; & ita articulus est pius, & devotus nihil habens suspicionis. Et tantum de articulo.

### Articulus LX.

*Ex cap. quinti libri est quod, ut utar verbis ejus, quod anima tantum scilicet parvulorum, quamvis post baptismi carentiam non videant faciem meam, idest Christi, viciniis tamen appropinquant misericordiæ, quam panis, sed non sunt electi mei.*

Iste articulus, quod non in X. capitulo quinti libri, ut dicit translator, continetur, quia quintus liber non capitulis, sed interrogationibus & revelationibus distinguitur; sed in interrogatione sexta q. p. habetur, videtur mihi sanctorum sententia conformis; doctor enim sanctus in ead. dist. 16. ar. 2. ubi quærit utrum semper Deus misericordiam exhibeat in hoc quod puniat citra condignum, & remunerat ultra meritum; respondit in solutione ad quartum artic. quod peccato originali secundum rigorem justitiæ non solum debetur pro poenæ carentia visionis divinx, sed etiam ipsius naturæ annihilatio; & ideo ex hoc ipso quod pueris non baptizatis naturalia bona conservantur citra condignum puniuntur, I. salæ 7. sed misericordiæ Domini quod non sumus consumpti. Hæc ille. Ex quibus patet veritas articuli quod citius appropinquant misericordiæ quam poenæ. Propterea cum misericordia, dicente B. Apostolo Jacobo, testante Jacob. 2. superexaltat judicium; & psalmus dicat: miserationes ejus super omnia opera ejus; non est causa dubitandi in isto articulo. Præterea dicit S. Thomas in 2. sententiar. dist. 33. art. ult. in responsione ad



ANNO  
CHRISTI  
1433.

decimum articulum, quod licet pueri non baptizati sint separati a Deo quantum ad illam conjunctionem, quæ est per gloriam; non tamen sunt ab eo penitus separati; immo sibi conjungitur per participationem naturalium bonorum; & ita etiam de ipso gaudere possunt naturali cognitione & dilectione. Et hæc de articulo.

#### Articulus LXI.

*Ex eodem cap. sumptus est, quod iustitia Dei est ut unusquisque, scilicet iustus, quod translator tacuit, obtineat quæ petit.*

Iste articulus, qui non videtur eodem capitulo, sed ex eadem interrogatione habetur in responsione questionis secundæ apud... parum habere difficultatem: pro quo notandum est, quod tripliciter potest salvari; secundum enim quod iustitia potest capi tripliciter, ita potest tripliciter ostendi veritas articuli. Uno modo secundum sententiam Anselmi, *iustitia Dei dicitur decentia bonitatis ejus*; & hoc modo iustitia Dei est talis, quia decet eum iustorum orationes exaudire. Unde in psalm. *clamaverunt iusti, & Dominus exaudivit eos*. Aliquando dicitur iustitia Dei retributio meritorum, & hoc modo dicitur etiam quod iustitia Dei &c. quoniam, ut S. Thomas in 2. 2. q. 83. ar. 15. querens utrum oratio sit meritoria; dicit quod sic, si illud quod petitur sit utile ad beatitudinem hominis. Tertio, iustitia Dei attenditur secundum exhibitionem promissi. Et hoc modo etiam verum est quod iustitia Dei sit, quoniam, ut dicitur in glossa super psalm. *ut iustificeris in sermonibus tuis &c.* Deus enim promissit ut peccatoribus veniam petentibus veniam largiretur; plura autem promissa legimus in sacra scriptura facta de exauditione orationum iustorum, ut illud Jer. *Clamabit ad me &c.* & illud: *petite & accipietis &c.* Joannis 16. & alia hujusmodi; eorum quæ ad beatitudinem quandam juvant, quasi pertinens ad ejus salutem, meretur iustus illud obtinere; & ideo indubitanter accipit quod petit. De quibus etiam Chrysostomus dicit: *nunquam oranti beneficia denegat, quia ut orantes non deficiant sua pietate instigat*: Quod vero articulus de talibus intelligatur patet; cum enim dicit & unusquisque iustus obtineat quæ petit, statim ostendit quod non intelligitur universaliter de omnibus; sed non est iustus, qui non pro obedientia & perfectione iustitiæ appetit pati contraria.

ANNO  
CHRISTI  
1433.

#### Articulus LXII.

*De eodem capitulo sumptus dicit, quod si ego idest Christus annihilarem ea, quæ homines plus me diligunt & me contra voluntatem eorum adorari permitterem, facerem uti eis injuriam; sequitur ratio, quam tacet translator; auferendo eis liberum arbitrium, & desiderium eorum.*

B Pro intellectu hujus articuli, qui non ex eodem capitulo, sed ex interrogatione VIII. responsionis primæ questionis, sunt aliqua notanda; primo quid est injuriam alteri facere; secundo quomodo potest competere Deo. Pro quo sciendum quod glossa interlinealis super illud Matth. 2. *amico, non facio tibi injuriam*; quasi rationem reddens dicit reddo quod debeo. Ex quo loco videtur sumi ista descriptio, quod quis alteri injuriam facit cum non reddit ei quod debet, quod pertinet ad rationem iustitiæ. II. notandum, ut dicit S. Tho. in prima part. 4. q. 21. ar. 1. quod unicuique debetur quod suum est; dicitur autem esse suum alicujus, quod ad ipsum ordinatur, sicut servus est domini, & non e converso. Nam liberum est quod sui causa est. In nomine debiti importatur quidam ordo ex gentiæ vel necessitatis alicujus, ad quod ordinatur; est autem duplex ordo considerandus in rebus. Unus quo ad aliquod creatum ordinatur, sicut pars ad totum, & accidentia ad substantias, & unaquaque res ad suum finem. Alius ordo est, quo omnia, quæ creata sunt, ordinantur in Deum; sic igitur & debitum dupliciter potest attendi in operatione divina, aut secundum quod debetur aliquid Deo, aut secundum quod aliquid debetur creatæ rei, & utroque modo Deus debitum reddit: Debitum enim est Deo ut impleatur illud quod sapientia & voluntas habet; & quod suam bonitatem deceat; & secundum hoc iustitia Dei respicit decentiam ipsius, secundum quam reddit sibi debitum. Debitum est etiam alicujus rei creatæ, quod habeat illud, quod ad ipsam ordinatur; sicut homini quod habeat pedes, & quod ei alia animalia serviant; & sic etiam Deus operatur iustitiam, quando dat unicuique quod debetur, secundum rationem suæ naturæ & suæ conditionis: sed hoc debitum dependet ex primo, quia hoc unicuique rei debetur, quod est ordinatum ad ipsum secundum ordinem divinæ sapientiæ. Est tamen verum quod licet hoc modo Deus debitum alicui dat; non tamen proprie est debitor, quia ipse ad alia non ordinatur, sed potius alia ad ipsum. Tertio, notandum cum eodem doctore in 4. dist. 46. q. 1. ar. 2. quod talem, vel talem creaturam producat qualem voluerit, indifferens est ad rationem iustitiæ; sed quod aliqua natura producta ei attribuat quod illi naturæ competit, hoc ad ejus iustitiam pertinet; & contrarium ejus iustitiæ impugnet, in tan-

antum, quod, ut infra dicit in eodem articulo, Deus seipsum negaret, si creaturæ non conferret quod ei debetur secundum suam dispositionem: sic enim veritatem non servaret in operum conditione vel gubernatione. Illud autem dicitur alicui deb. tum secundum exigentiam suæ conditionis, sine quo res illa exemplar divinum secundum propriam suam rationem imitari non potest, secundum illud quod glossa dicit super illud apost. ad Timot. 2. *ille fidelis permanet, qui seipsum negare non potest*: negaret autem seipsum, inquit glossa, si dicta sua non imple- ret. Illud autem dicitur alicui rei debitum secundum exigentiam suæ conditionis, sine quo res illa exemplar divinum secundum prop- riam suam rationem imitari non potest: cum ergo libertas arbitrii sit conditio hominis natu- ralis, videtur quod auferre ei libertatem arbitrii esset contra ordinem iustitiæ, & ita, largo modo loquendo, vel utendo nomine injuriæ hoc casu videtur injuria fieri homini; nec videtur hoc minus convenienter dictum, quam illud, quod glossa ponit Ro. V. super illud: *justificati ex fide pacem habeamus*; ubi dicit glossa: *Deus recipit eum, qui ad se confugit, aliter esset in eo iniquitas*; cum tamen dicatur Job. 34. *absit a Deo impietas & ab omnipotente iniquitas*. Et ita præfati arti- culi possunt in eo judicio salvari, & veritatem continere.

#### Articulus LXIII.

*Ex capitulo IV. quinti libri, est quod idcir- co prætulit Deus Virginem beatissimam omnibus creaturis, & plus dilexit eam; quia in ea speciale insigne virtutum inventum est.*

Ad istum articulum dicturus: in primo dico meo judicio, si oculo charitatis fuisset bene respectus, non fuisset repertus absurdus. Pro quo notandum primo, ut patet ex textu, præfatus articulus loquitur de præstantia & extollentia dignitatis. Rursus si adversarius considerasset & ponderasset illud gloriosum Virginitatis verbum: *quia respexit humilitatem* &c. Lucæ I. non judicasset quod esset erro- neus, sed potius evangelicus. Pro quo no- tandum primo, ut patet ex textu, quod præ- fatus articulus loquitur de præferentia, & extollentia dignitatis, & dilectione, qua Deus prætulit eam, eligendo eam in matrem suam, quantum ad collationem tanti honoris, ut in ea Dei filius incarnaretur, mater Dei esset & diceretur. Secundo notandum cum S. Thoma in 3. dist. 4. quod licet incarnatio Filii Dei, cum sit beneficium impensum toti humanæ nature, non possit cadere sub me- rito, sed sit beneficium purum misericordiæ & liberalitatis divinæ, secundum illud Apo- stoli ad Timot. 2. *apparuit benignitas & hu- manitas Salvatoris domini nostri, non ex ope- ribus iustitiæ, quæ facimus nos, sed secun- dum suam misericordiam salvos nos fecit*; ta- men dicit doctor sanctus ut beata virgo me- ruit quod per eam, sive in ea incarnatio fie- ret. Non quidem merito condigni, sed con- grui, in quantum decebat quod Dei mater esset purissima, & perfectissima. Hæc ille;

quam sententiam expresse attestatur ipsa be- nedicta virgo Maria, de gloriâ, & præfere- tia dignitatis Deo gratias agens, dicens; *Magnificat* &c. sequitur: *quia respexit* &c. Luc. I. Ponitur autem humilitas sic singula- riter, quia in ipsa, quæ est custos & decor virtutum præcipue est meritum exaltationis: *Ex hoc ergo dicit, idest ex humilitatis meæ merito exponit Albertus: beatam me dicent omnes generationes* &c. Super quo Bernardus: *felix Maria! cui nec humilitas defuit, nec virginitas*: his vero nimirum virgo regia- gemmis ornata virtute, specie sua, pulchri- tudine sua in cælestibus cognita, cum in- coelestium in se provocavit aspectum, & tandem etiam regis omnium in sui concu- piscentiam inclinavit: cum esset rex in ac- cubitu suo, nardus mea dedit odorem suum; nardus enim est humilis fructus optimi odo- ris & redolentiam signat humilitatis: odo- rem enim secutus est rex coeli, quando in accubitu uteri delectatus est, ita ut seipsum exinaniret: quorum meritum gratia can- tat mater ecclesia de ea gloriosa Virgine: *gloriosa Dei genitrix, quæ regem omnium me- ruit portare, & regem angelorum sola virgo lactare*. Et August. in sermone de assumptione, & ponitur in glossa continua super il- lud: *quia respexit* &c. o vera humilitas vir- ginis, quæ Deum hominibus genuit, vitam mortalibus edidit, calos innovavit: facta est Mariæ humilitas scala celestis per quam Deus descendit ad terras: quid enim ille dicere re- spexit, nisi approbavit &c. Hæc ille; secundum hunc sensum quod ideo videlicet prætulit eam Deus omnibus &c. & quod ad istum sensum sit probatus ille articulus patet ex se- rie textus, ubi postquam dixerat quod ab æterno præcognita esset liberatio hominis ex misericordia Dei faciendâ, sequitur: *quæ- ris igitur cur Mariam matrem meam prætuli omnibus, & præ omni creatura dilexi eam?* hoc ideo est, quia in ipsa insigne virtutum inventum est. Declarat: sicut enim ubi ignis accenditur lignis plurimis circumspersis illud citius inflammatur & comburitur, quod ha- bilius est & efficacius est ad comburendum; sic & in Maria fuit; quando enim ignis amoris divini, qui in se commutabilis, & æternus est, accendi, & apparere cepit, & deitas incarnari voluit, nulla creatura ad hunc ignem percipien- dum habilior, & efficacior erat, quam virgo M. quia nulla creatura tanta cbaritate arsit sicut ipsa, & quamvis cbaritas ejus in fine temporis revelata est & ostensa sit; tamen ante principium mundi prævisu est; & sic in deitate ab æter- no prædestinatum est, quod sicut nullus ei in cbaritate est inventus similis, sic & nullus ei in gratia & benedictione esset equalis: hæc ibi. Ex quibus patet manifeste articulus & veritas ejus. Verum quia accusator articuli E arguit quod omnes doctores, & Magister sententiarum negant extra Deum causam prædestinationis æternæ, quam videtur arti- culus iste ponere in meritis Virginitatis Ma- riæ respectu prædestinationis. Et pro ampli- ori intellectu articuli notandum tertio, cum S. Thoma in sententiarum dist. XI. art. III. quod præscientia meritum vel aliquorum operum nullo modo est causa prædestinatio- nis divinæ, quantum ad id, quod in præ-



ANNO  
CHRISTI  
1433.

destinatione est de essentia ipsius; quæ sunt scientia & veritas salutis aliarum; nihil tamen prohibet illud, quod est effectus prædestinationis scilicet gratia & gloria quæ ab ..... quæ ponuntur in definitione ejus, habeat aliquam causam ex parte operum nostrorum; licet ergo quare Deus vult, non habent causam aliam nisi bonitatem suam, quæ est ipsemet; non quod sciat hoc vel quia factum est; tamen effectus voluntatis ejus, scilicet ipsum volitum ordinatum ad bonitatem suam, potest procedere ex aliqua causa, quam Deus præcivit ab æterno; & istum ordinem causæ ad causatum Deus vult, & vult quod effectus sit, quia causa est; non autem ita quod casualitas referatur ad voluntatem, sed ad volitum; & ista causa voliti non volendi dicitur ratio quædam voluntatis ex parte effectus. Sed hæc causa in quibusdam habet completam rationem causæ. Quoniam vero est tantum dispositio; ita etiam ad duplicem effectum prædestinationis diversimode se habent opera nostra; quia opus meritum informatum gratia est causa meritoria gloriæ. Sed opus bonam præcedens gratiam, non est causa meritoria ejus, sed solum dispositio quædam; unde patet quod prædestinatio causam non habet, sed habet rationem ex parte effectus, secundum quam rationalis & iusta dicitur. Circa quod venit etiam notandum secundum S. Thomam in prima parte q. 22. ar. V. quod effectus prædestinationis consideratur dupliciter. Uno modo in particulari, & sic nihil prohibet aliquem effectum prædestinationis esse causam, in rationem alterius, posteriorem quidem respectu prioris; secundum rationem causæ finalis; priorem vero posteriorum secundum causæ rationem meritoriam, quæ reducitur ad dispositionem materiæ, sicut si dicatur: quod Deus prædestinavit se daturum gratiam alicui ut mereatur gloriam. Et in proposito possumus exemplificare si dicamus: prædestinavit se daturum beatæ Mariæ inigne virtutum ut mereretur aliquo modo dignitatem & honorem; ad quem fuit exaltata. Alio modo considerari potest effectus prædestinationis in communi; & sic impossibile est quod totus prædestinationis effectus in communi habeat causam aliquam ex parte nostra; quia quicquid in homine est ordinans ipsum in salutem, totum comprehenditur sub effectui prædestinationis; etiam ipsa præparatio ad gratiam; & in 3. parte q. 2. ar. XI. dicit quod beata virgo dicitur meruisse portare dominum Jesum Christum, non quia meruit dominum incarnari; sed quia meruit ex gratia sibi data secundum illum puritatis, & sanctitatis gradum ut congrue posset esse mater Dei. Ex quibus patet veritas articuli, & evacuetur argumentum adversarii.

Articulus LXIV.

Ex eodem capitulo quod bruta idcirco non habent intellectum ne nocerent homini; & essent in tribulatione suo possessori.

Pro veritate articuli est primo sciendum quod iste articulus non ex capitulo, ut dicit translator, sed ex eadem interrogatione in responsione quovis, non est fideliter extractus: nec dicende illa causa assignatur, sed articulus jacet sic: *cur animalia non habent intellectum rationalem, sicut homo? respondeo tibi: omnia quæ creata sunt ad utilitatem hominis sunt aut ad necessitatem ejus & sustentationem aut ad informationem & correctionem, aut ad consolationem, & humilitationem: Si ergo bruta haberent intellectum sicut homo essent utique homini in tribulationem & potius nocerent, quam proderent.* Sequitur: *idcirco ut omnia subiecta sint homini, propter quæ facta sunt omnia, & omnia ipsum timeant; ipse vero neminem nisi me Deum suum: propterea animalibus non est datus intellectus rationalis: Hec ibi.* Ecce ratio principalis assignata in articulo. Videlicet ut omnia maneant subiecta homini; & quod ista ratio, quanquam non sit principalis ratio quæ possit dari, sit sapienter data, & merito, sicut textus dicit, cum sit ratio sapientissimi Dei. Pro quo notandum, quod S. Thomas in 2. dist. 1. dicit, quod ratio finalis dispositionis alicujus rei potest assignari dupliciter, vel ex parte agentis, vel ex parte ipsius operis: ex parte agentis, scilicet Dei, finis est bonitas ipsius, secundum quod cadit in voluntatem ipsius bonitatem suam in rem diffinire. Et hæc prima ratio creationis, & dispositionis rerum: scilicet divina bonitas, cujus est omnis gradus creaturarum universi complecti. Ex parte autem operis ratio quanquam sumitur ex parte finis ad quem agens ordinat tale opus sicut eorum, quæ sunt ad finem ratio capitur ratione finis; sic autem est quod homo est finis omnium aliarum rerum: quia homo est quodammodo omnium aliarum rerum corporaliū, sicut dicitur in articulo præfato & 2. phisicorum dicit Aristoteles *sumus & nos quodammodo finis omnium.* Et Magister sententiarum in 2. dist. 1. *factus est homo propter Deum, ut ei serviret;* ita mundus factus est propter hominem ut ei serviret; unde Dominus hominem præfecit omni creaturæ, ut dicitur Genesis 1. in quantum scilicet ad hominis utilitatem cuncta erant ordinata. Quo posito cum ratio eorum, quæ sunt ad finem sumenda sit ex ratione finis, ut dictum est; & clarum sit, quod si animalia bruta haberent rationem, sive intellectum non essent ei subdita: quoniam, ut dicit Augustinus lib. 3. de civitate Dei: *hominem rationalem ad imaginem suam factum, non voluit Deus nisi irrationabile dominari.* Præterea ut ei essent utilia; non posset enim eis vesci aut eorum pellibus cooperiri, nec uti eis ad alia necessi-

ANNO  
CHRISTI  
1433.

necessitatis opera, sicut modo. Sit ergo, quod licet ex parte bonitatis divinæ ratio principalis fumatur, & creationis & dispositionis animalium, tamen ex parte hominum secundario congruenter potest ratio dispositionis animalium, tamen ex parte hominum secundario congruenter potest ratio dispositionis naturæ eorum sumi. Unde Hieronymus super illud Gen. 1. *Ut præsit piscibus maris & volatilibus celi & bestis terræ*, dicit: *homini ante peccatum non indigenti Deus animalium dominationem dedit: præsciebat enim hominem adminiculo animalium adiuvandum fore post lapsum*. Recte ergo ex ordine ad hominem, quem finem quodammodo aliarum rerum (statuit) datur ratio dispositionis naturarum animalium. Et tantum sit de articulo isto.

#### Articulus LXV.

*Ex eodem capitulo sumptus est, dicit spiritus creatos ante tempora, & ante sæcula.*

Circa hunc articulum, non ex eodem capitulo, ut dicit translator, sed ex eadem interrogatione, & responsione questionis secundæ, est notandum, ut recitat doctor sanctus in prima parte q. LXI. ar. 3. & in q. 8. pro sententia concorditer fuit doctorum quod angeli creati sunt ante hunc mundum corporeum. Unde Damascenus lib. 11. sententiarum dicit: *quidam dicunt quod antecreationem hujus mundi sensibilis geniti sunt angeli*, ut Theologus dicit Gregorius: & etiam Græcorum doctoris sententiam insequutus dicit glossa super epistolam ad Timotheum. *sex milia nondum nostri temporis complentur annorum, & quanta tempora, quantasque sæculorum origines fuisse recitandum est, in quibus angeli, throni, dominationes ceterique ordines Domino servierunt*. Dicit insuper S. Thomas, quod licet probabilior videatur, quod simul cum mundo sensibili sint creati, contrarium tamen non est reputandum erroneum, præcipue propter sententiam Gregorii Nazianzeni, cujus est tanta in doctrina Christiana autoritas, ut nullus unquam ejus dictis calupniam inferre præsumperit; sicut nec Athanasii documentis ut Hieronymus dicit; nec Magister sententiarum determinat alteram partem harum sententiarum esse erroneam, licet dicat in 2. sententiarum dist. 2. recitatis ambabus opinionibus: *nos autem, quod prius dictum est, scilicet quod simul creata est corporalis & spiritualis natura, pro capiti intelligentiæ nostræ magis approbamus; salva tamen reverentia secretorum, in quibus nihil temere asserendum est*. Item potest secundo sic dici, sicut ipsemet Magister sententiarum declarat loco supra notato cap. 1. declarat auctoritatem illam Eccl. 1. *primo enim creata est sapientia*; quod intelligitur, ut dicit, de angelica natura, quæ in scriptura sæpe vita, sapientia, & lux dicitur, ut capitur ex August. lib. 12. confess. cap. 12. Nam sapientia illa quæ Deus est, creata non est; ut ly primo, priorita-

te dignitatis non temporis, qua Angeli, ut dicit August. XI. de civit. Dei, universa quæ condidit Deus præcedunt. Unde dicit Magister: *primo omnium creata est sapientia; quia & si non tempore, præcedit tamen dignitate*. Et Ysidorus pariformiter exponens dicit: *Diabolus ante omnia creatus est, non temporis quantitate, sed ordinis dignitate*. Unde Job. 4. *ipse est principium viarum Dei*. Et hoc de isto articulo.

#### Articulus LXVI.

*Ex responsione prima questionis XI. interrogationis, quod deitas, & humanitas a principio conjunctionis suæ inseparabiles sint, nec etiam in Christi morte.*

Ad istum articulum dico primo, quod translator addidit illud, *nec in morte Christi*, quod in originali non est, quod satis est vituperosum in materia fidei aut addere, aut mutare aliquid de originali. Secundo, dico, quod posito etiam quod diceretur in morte Christi articulus est verus, si bene intelligatur; ut debent verba sanctorum intelligi. Pariformiter enim loquitur Leo papa, ut deducit S. Thomas, in 3. dist. 21. ar. 1. *tanta fuit Dei & hominis unio, ut nec supplicio possit dirimi, nec morte distingui*. Pro cuius declaratione est notandum cum S. Thomas, quod nomine humanitatis potest intelligi uno modo anima & corpus; sicut in toto intelliguntur partes, ut in domo paries & tectum, quæ tamen non prædicantur de toto: alio modo nomine humanitatis intelligitur forma compositionem sequens partium animæ & corporis, in qua communicant individua sub eadem specie. Loquendo vero primo modo de humanitate, intelligitur articulus præfatus, & dictum Leonis papæ, quæ omnia intelligenda sunt materialiter loquendo de humanitate; materiales enim partes principales humanitatis manserunt semper unitæ divinitati, scilicet corpus & anima. Unde Augustinus, deducit Magister in 3. dist. XI. cap. 3. *Verbum ex quo suscepit hominem, id est carnem & animam, nunquam deposuit animam, ut esset anima separata a verbo; sed caro posuit animam, quando spiravit; qua redeunte surrexit: mors ergo ad tempus carnem non animam separavit, sed neutrum a Verbo Dei*. Hæc ille, & tantum de articulo.

#### Articulus LXVII.

*Ex responsione ad primam questionem XII. interrogationis sumptus, dicit quod motus concupiscentiæ post prævaricationem ad majorem fructum fuit institutus, scilicet ad mixtionem carnis.*

Iste articulus, si fideliter & veraciter fuisset expositus, apud catholicas aures nullam diff.



ANNO  
CHRISTI  
1433.

difficultatem habet quod pater: scribitur enim sic in forma. *Natura enim hominis, quandiu stetit in ordine creationis suae, nihil habuit deforme: praevaricato vero mundo, statim accessit quoddam erubescibile: accedente itaque erubescencia praevaricationis, mox auctus est motus inordinatus; & maxime in illo membro quod ad maiorem fructum institutum fuit; qui tamen motus, ne inanis esset a fructu, Dei bonitate conversus est in bonum, & per divini mandati institutionem concessum est opus commixtionis carnalis: haec ita. In toto isto processu, non ponitur quod motus concupiscentiae post praevaricationem ad maiorem fructum fuit institutus &c. Sed quod divina bonitate, quae nihil inordinatum reliquit, & quae ex malis scit elicere bona, conversus fuit in bonum, quod dupliciter potest intelligi: uno modo in quantum ex eo sequitur in homine saepe depressio elationis, vel aliquid huiusmodi. Unde S. Thomas in 2. dist. 32. ar. XI. in solutione unius argumenti, dicit, quod, simpliciter loquendo, melius fuisset homini fomite carere, quam ipsum habere; sed quoad quid & quoad ad aliquem statum hominis expedit fomitem habere, ne in superbiam elationis cadat: haec ille. Hoc idem testatur Gregorius, Dei superna dispensatio nos, Deo servientes, carnis nostrae permittit tempestatibus concuti, ne nostra mens in superbiam audeat presumptione suae securitatis elevari. Job. 16. Propter superbiam leenam capiens; & 2. Cor. 12. Ne magnitudo revelationum extollat me, inquit Paulus, datus est mihi stimulus carnis, Angelus Sathanae, qui me colaphizat. Alio modo dici potest conversus in bonum, in quantum post praevaricationem institutum est conjugium in remedium & honestatem ejus: sicut enim dicit Magister sententiarum in 4. dist. 26. Conjugii autem institutio duplex est: una autem petitur ad officium facta in paradiso ubi esset thorus immaculatus & nuptiae honorabiles, ex quibus sine ardore conciperent & sine dolore parerent. Altera post peccatum ad remedia facta extra paradysum, propter illicitum motum devitandum; glossa uti licitum est. Sequitur prima scilicet institutio ut natura multiplicaretur; secunda ut natura exciperetur: glossa: scilicet a causa peccati, & vicissim cohiberetur; quod Augustinus testatur dicens quod sanis esset officium, aegrotis esset ad remedium: infirmitas enim continentiae, quae est in carne per peccatum mortua ne cadat in ruinam vitiorum excipitur honestate nuptiarum. Haec ille; & iste videtur esse sensus articuli: nam postquam dixit, quod tamen motus ne inanis esset a fructu, Dei bonitate conversus est in bonum; sequitur quod divini mandati institutione concessum esset opus commixtionis. Et ita patet qualiter articulus bene intellectus consonus est dictis sanctorum doctorum.*

#### Articulus LXVIII.

Ex eodem capitulo extractus, dicit quod Adam, & Eva in plasmatione erat potentia detatis, & in cohabitatione delectabilis honestas, illud dictum applicat ibidem ad cohabitationem Verbi, & Virginis in utero salva virginitate.

Iste etiam articulus non ex capitulo, ut dicit translator, sed ex eadem interrogatione, scilicet XII. in responsione questionis secundae extractus est; quo ad ejus primam partem longe aliter jacet in originali quam fuit hic translatus: dicit enim hic: sicut in plasmatione Adam & Eva mirabilis erat potentia detatis. Quis Christianus dubium habuit istam propositionem? Sequitur: & cohabitationis eorum delectabilis honestas: quis etiam suspectam habuit istam propositionem? cohabitatio enim in loco voluptatis in paradiso inter virtuosos, quales creaverat Deus non poterat esse nisi delectabilis & honesta. Unde Ber. de statu primi hominis in paradiso super Cantici dicit: habitavit primus homo in paradiso voluptatis: conversatio enim nil molestia, nil indigeniae sentiebat. Odoriferis stipatus malis, fulcitur floribus; gloria & honore coronatus, & constitutus super opera manuum plasmatoris, erat illi fors ac societas cum plebe angelorum, & cum omni militia caelestis exercitus. Et tandem dicit quod in descensu Filii Dei in Virgine fuit etiam admirabilis Dei potentia & bonitas, & in utero ejus delectabilis cohabitatio; de quibus nullus nisi haereticus dubitat; & ideo finis sit praesentis articuli.

#### Articulus LXIX.

Ex li. V. revelatione VIII. dicit quod dolor matris plus movit Christum quam proprius.

Qui istum articulum suspectum habuit non multum consideravit amorem Jesu Christi ad benedictam matrem suam, qui tam fuit maximus quam unquam fuit filii ad matrem; unde ipsa vocatur Eccl. 24. mater pulchrae dilectionis. Secundo, non consideravit dicta sanctorum in hac materia loquentium, & praesertim dicta Augustini in dialogo de passionibus Christi, in quo ne dicit in persona Virginis. Sed ubi ad locum crucifixionis pervenit, me praesente & vidente, detrahit vestibus mundissimum corpus, nudum cruci inter duos latrones affixum suspendunt, ubi dum respexit me, ut reor, plus dolens de me, quam de sua durissima passione: haec ille. Ecce quod magis dulcissime matris compassio, quam gladio doloris transfixam videbat, corpus ejus movebat plus quam proprius dolor. Et tantum de praesenti articulo, quia vanum iudico superfluum verbis.

ANNO  
CHRIST  
1433.

## Articulus LXX.

*Ex revelatione nona sumptus, dicit quod ipsa S. Brigita sit abstracta de mundo, & introducta in mansionem Spiritus S.*

Pro istius articuli declaratione primo ponam eum in forma, quia per totum non fideliter transfertur. Secundo ostendam quod sit verus. Sic autem dicitur in textu: *ab his ergo tu es abstracta, scilicet ab amore mundi & a voluptate carnis, de quibus immediate fecerat mentionem ante; & sequitur: & deducta es in mansionem Spiritus S., qui est in me, dicit filius Dei.* Circa secundum præsuppositum primo quod talis fuerit beata Brigita, scilicet abstracta ab amore mundi, & per consequens fuerit in amore Dei: quia unum sequitur ex altero, cum animus humanus non vacet ab amore. Oportet, ut dicit B. Augustinus, quod vel habeat amorem Dei, vel mundi. Hi enim duo amores duas civitates constituunt, scilicet Dei, & diaboli, ut dicit de civ. Dei. Quo præsupposito, hic articulus est verus. Cum enim, teste Dionysio, amor sit virtus unitiva & uniat amantem cum amato; necesse est dicere quod amans ducitur in mansionem amati. Et circa hoc dicitur primo Jo. X. *Deus charitas est, qui manet in ea &c.* ubi in glo. ait Augustinus: vicissim in se habitant, qui continent, & qui continentur; habitas in Deo, ut continearis, habitat in te, ut contineat te ne cadas; quod considerans Bernardus inquit: *Deus caritas est. Quid ergo caritate melius? Et qui manet in caritate, in Deo manet. Quid ergo charitate securius? & Deus in eo: quid ergo charitate jucundius?* de quo etiam Dominus loquens in Evangelio Jo. XV. ait Apostolls: *manete in me, & ego in vobis.* Sed notandum quod ista mansio appropriatur Spiritui S. tum quia caritas, quæ unit nos cum Deo, appropriatur Spiritui S. secundum illud Apostoli 1. Jo. D. X. *In hoc cognoscimus, quoniam in eo manemus, scilicet per caritatem; quoniam de Spiritu S. dedit nobis: charitas enim diffusa est.* Unde Bernardus in sermone de Pentecoste dicit sic: *sicut pater & filius unum sunt; sic & nos per Spiritum S. sumus in ipso.* Et propterea articulus verissimus, non solum de S. Brigitta, sed de quocumque in gratia existente dicitur: mansionem habet in Spiritu S. sive quod introductus est in mansionem Spiritus S. sic Sponsa ait, Cant. 2. *Introduxit me in cellam vinariam; quæ est mansio Spiritus S. quia manentes in eo per gratiam devotionis & amorem ferventem, vini meri coelestis poculo reficit & odore*

*De responsione ad questionem primam interrogationis XVI. est quod secundum similitudinem, & non ad litteram intelligi debet illud Evangelii: omnes e-*  
*runt ad dexteram*  
*Dei aut ad sinistram; quia nec dextera nec sinistra in Deitate effigiata est.*

## Articulus LXXI.

Pro intellectu hujus articuli primo ponam sicut jacet in originali. Secundo, ostendam quod ipse est verus & conformis dictis sanctorum. Primum, notandum quod ita dicitur in originali: *in Deitate nihil est carnale nec carnaliter effigiatum, quia Deitas mea spiritus est.* Sequitur, *nec dextera, nec sinistra in Deitate mea est, tanquam corporaliter effigiata; sed per similitudinem, hæc dicta sunt; quia per dexteram intelligitur sublimitas mea gloria divina; per sinistram vero defectus & privatio totius boni.* Sed nec oves nec hædi in illa admirabili gloria mea sunt, ubi nihil corporale, & inquinatum, & transmutabile est; sed in similitudinibus & in figuris animalium multitudine scribuntur mores hominum; sicut in ove innocentia, in hædo lascivia, homo incontinens designatur; hæc ibi. Sed quod ista vera sint & conformia dictis sanctorum virorum probatur primo. Unde Matth. 25. super illud: *statuit oves a dextris suis,* dicit glossa interli. *idest in beatitudine;* hædos autem a sinistris: dicit glossa interli: *idest in miseria aeterna.* Ecce quod glossa, quam universalis ecclesia amplectitur in expositione evangeliorum, explanat sicut in articulo ponitur. Item Origenes, & ponitur in glossa continua. *Sancti enim, qui dextera operati sunt, acceperunt mercedem suorum dexterorum, dexteram regis, in qua requies, gloria est: mali vero propter opera sua pessima & sinistra ceciderunt in sinistram, idest in tristitiam tormentorum.* Hæc ille. Item circa nomina salvandorum & damnandorum dicit: *Christus hos vocat hædos: illos autem oves.* Nomine autem ovis in scripturis divinis simplicitas, & innocentia solet designari, pulchre ergo hoc loco oves electi designant. Hædum autem lascivum est animal & fervens semper ad coitum: pulchre ergo hoc loco nomine hædorum reprobi intelliguntur. Nicolaus vero de Lira exponens illum textum dicit sic: *per oves intelliguntur iusti propter eorum innocentiam; per hædos reprobi propter eorum nequitiam: statuet quidem oves a dextris, idest in bonis, quia sancti transferentur ad gloriam: hædos autem ad sinistram, quia mali mittentur ad poenam.* Magister etiam sententiarum in 4. dist. 47. cap. X. de situ judicandorum in iudicio loquens ita dicit: *ad iudicium veniente Domino, emittetur vox illa magna, qua resurgent omnes mortui; & tunc ministerio Angelorum ventilabuntur aera, quia boni con-*



ANNO  
CHRISTI  
1433.

gregabuntur, & de quatuor partibus orbis angelico ministerio, quo & rapiuntur obviam Christo in aera; reprobis in terra, quam dilexerunt, remanentibus, & tunc praconia istorum bonorum: esurienti proferentur. Et Albertus: sicut enim loqui respondet corde amor; sursum pergent qui coelestia desiderarunt; deorsum vero in terra manebunt qui terrena dilexerunt. Nec ex hoc quod iste articulus dicit ista per similitudinem esse intelligenda dexteram & sinistram in divinitate, sequitur quod arguit accusator dicens: videtur negare Christum judicaturum secundum hominem, in quo dextera & sinistra realiter est effigiata, de quibus ad litteram dicitur quod in articulo secundum tropum exponitur. Hoc accusator. Primo enim non sequitur, quia articulus non dicit nisi quod in divinitate, quae est obiectum beatitudinis sanctorum, & in cuius visionis seruatione stat miseria damnationis, non nisi per similitudinem sunt intelligenda dextera & sinistra; & a dextris poni divinitatis & a sinistris per similitudinem debet intelligi capiendum per dexteram beatitudinem, per sinistram vero miseriam, ut dictum est. Vel loquitur de humanitate Christi, nec negat in eo veraciter esse dexteram, & sinistram, nec negat quod judicaturus est in forma humana, nec hoc sequitur ex dictis. Quod vero dicit arguens, quod literaliter debent intelligi illae, partes, patet an vera dicat ex glossis doctorum super positis. Praeterea licet de dispositione situs in iudicio forte posset, ut dicit Nicolaus de Lira, ad litteram intelligi, non loquitur articulus de iudicio, sed de beatitudine, cuius status denominatur a dextera; sicut miseria a sinistra. Secundo non sequitur, quia sicut non negatur quod Christus judicaturus sit in forma humana, per hoc quod dicatur, quod totum illud iudicium & quoad discussionem, & quoad accusationem malorum, & commendationem bonorum, & quoad sententiam utriusque mentaliter perficiatur, & non vocaliter, licet in Christo sit os & lingua & in hominibus iudicandis aures ad audiendum; ita nec in proposito per hoc quod dicatur quod nec dextera, nec sinistra iudicis intelligantur, sicut dictum est; non negatur quin ipse iudex in forma humanitatis iudicaturus sit. Sanctus autem Thomas in 4. dist. 47. quaerens utrum iudicium illud, quantum ad disceptationem & sententiam, fiat per locutionem vocalem, dicit in fine, quod probabile est quod illa, quae dicuntur Matth. 25. non vocaliter sed mentaliter intelligenda sint esse perficienda. Haec ille; & sic praefatus articulus.

sic

# Articulus LXXII.

Sumptus ex responsione secunda questionis ejusdem interrogationis XVI. est, quod Filius secundum Deitatem esset omniscient; ideo novit horam iudicii; sed secundum humanitatem, in qua Christus proficiebat sapientia & etate, illum horam ignorabat.

Si iste articulus respiciatur oculo pio, eo modo, quo dicta sanctorum sunt consideranda, videtur continere veritatem & consonare dictis sanctorum. Unde Hieronymus super illud psal. imperfectum meum viderunt oculi tui; dicit ita: humanitas ergo Filii, quae se in Evangelio ignorasse dixit finem huius mundi; & quae ait tristis est anima mea usque ad mortem; in his & in similibus imperfectum suum patrem vidisse testatur: haec ille. Ecce expresse articulus S. Brigittae, qui ita pie intelligendus venit, sicut dictum B. Hieronymi: ubi pro declaratione articuli est notandum, quod duobus modis potest verificari secundum doctores sanctos propositio illa. Uno modo quod referatur ad notitiam experientiae, secundum quam notitiam humanam Filius Dei nesciebat illam horam. Iam modum exponendi habet B. Bernardus in lib. de XII. gradibus humilitatis, ubi loquens diffuso sermone qualiter diem illum dixerat nescire ille in quo sunt omnes thesauri sapientiae & scientiae, dicit respondendo se scire diem illam negavit, non omnino, sed tali quodam modo, quo negari veraciter potuit. Nam etsi suae divinitatis intuitu aequae omnia scilicet praesentia atque futura perlustrando diem illam palam habebat; non tamen carnis suae sensibus experiendo agnoverat; alioquin iam spiritu oris sui antichristum interfecerat; iam viribus sui corporis Archangelum vociferantem & tubam sonantem audierat. Jam oculis suae carnis oves, haedoque ab invicem segregari praespexerat. Haec ille. Secundo potest verificari, sicut cum dicitur filius Dei secundum humanitatem ignorabat diem illam: non quod humanitas ejus haberet ignorantiam illius diei; sed quia ex natura humanitatis non habebat agnoscere illum diem, sicut habebat agnoscere illum diem, ex natura divinitatis. Hoc modo exponere videtur Gregorius verbum illud, dicens: novit unigenitus horam iudicii, sed non ex natura humanitatis. Et Damascenus dicit, lib. 3. sententiarum suarum, quod filius Dei Eignorantem & servilem assumpserat naturam. Pro cuius intelligentia & articuli praefati, notandum cum S. Thoma in 3. par. dist. 15. ar. 3. quod natura a Christo assumpta potest dupliciter considerari. Uno modo secundum rationem suae speciei, & secundum hoc dicit Damascenus eam esse ignorantem & servilem. Unde subdit: nam serva quidem est hominis natura ejus, qui fecit ipsam Dei, & non habet futurorum cognitionem. Alio modo.

ANNO  
CHRISTI  
1433.

modo potest considerari secundum illud quod habet ex unione ad hypostasim divinam, ex qua habet plenitudinem scientiæ & gratiæ, secundum illud Jo. 1. *vidimus eum quasi unigenitum plenum gratiæ & veritatis*. Hoc modo humana natura in Christo ignorantiam non habuit: hæc S. Thomas. Sicut ergo Damasceni dictum ne videatur detraxisse perfectionem animæ Christi, exponitur ita pie a S. Thoma & aliis doctoribus; pariformiter dictum S. Birgittæ etiam exponendum est. Et ad id quod dicit impugnator, quod scilicet articulus sit contra glossam, Matth. 24. & contra B. Hieronymum super Osee, & contra Nicolaum de Lira, patet responsio quod falsum dicit intellectus eo modo quo dictum est. Item de Hieronymo patet contrarium ex allegatione sua super. Psal. Præterea ex hoc articulo eo modo intellecto, ut dictum est, sequitur quod Christus secundum suam humanitatem non sit omniscientis; & ideo cum de intentionis & fidei integritate dicentis satis pateat, & conformiter ad dicta sanctorum; & hoc de isto articulo.

### Articulus LXXIII.

*Sumptus ex primo Cap. VI. libri, est quod Judæi sepe loquebantur ad invicem: camus & consolemur in contemplatione cultus Jesu, cujus corpus nunquam verum tetigit, nec aliqua immunditia in capillis ejus aut perperitias.*

Iste articulus si totus in forma sicut jacet videatur non suspectus de falsitate aut errore, sed plenus veritate, & dulcedine devotionis redundans judicabitur: ita enim dicitur in eo ex persona beate Virginis: *tanta prædictus erat; scilicet Filius meus, pulchritudine, ut quicumque inspicere eum, consolabatur a dolore cordis quem habebat; ideo & multi Judæi dicebant ad invicem: camus ad videndum filium Mariæ, ut consolari possimus; & licet ignorarent eum esse Filium Dei, tamen consolationem recipiebant magnam ex aspectu ejus. Sic etiam corpus ejus mundum erat, quod nunquam super illud aliquis pediculus vel vermiculus venit; quia reverentiam factori suo exhibebant. Nec etiam aliqua perplexitas, & immunditia in ejus capillis inveniebatur, nec etiam nutriebatur. Hæc ibi. Mirum est quod pia mens difficultat aliquam partem præsentis articuli: nullus enim Christianus dubitare debet, quin facies Christi, quam Spiritus S. formavit, & admiranda pulchritudine super universos homines depinxit, secundum illud psal. *speciosus forma, & tanta suavitate respersa erat, & speciositate, ut quicumque sana mente in eum aspectum projiceret, delectationem quamdam suscipere, quæ & ejus consolaretur animum, & a dolore, si quem gestaret, alleviaret. Ipse enim est, de quo dicitur, Est. 15. valde enim admirabilis es, Domine, & facies tua plena est gratiarum*. Si enim homines delectantur in specie creaturarum pro-*

Concilior. Supplem. Tom. IV.

pter aliquam resonantiam divinæ pulchritudinis; quanta delectatio esset, & delectatio per consequens oculis sanis in aspectu faciei, in qua latebat ipsa natura Divinitatis? cum etiam inspicientes vultum B. Virginis mundabantur a concupiscentia mentis. Præterea, teste B. Petro, ratione suæ pulchritudinis in eum desiderant Angeli prospicere, 1. Petri 1. ubi dicit. *glossa: tanta est ejus, qui passus est pro nobis, gloria Deitate posterior, ut etiam angelice in celo virtutes, cum sint æterna felicitate perfectæ, non solum immortalis Deitatis magnificentia, sed assumptæ humanitatis claritatem semper aspicere gaudeant*. Quid ergo mirum si aliqui Judæi ex illo deifico, & delectabilissimo vultu consolationem suscipere dolorum suorum, & tantæ gratiæ experti, se ad invicem invitarent ad eundem & videndum illum, quem ponsa describens, Cant. V. dicit: *species ejus ut Libani; & hoc ratione candoris & puritatis: electus ut cedri; & hoc ratione pulchritudinis, & speciositatis: guttur ejus suavissimum; & hoc ratione suavitatis & gratiositatis in sermone: & totus desiderabilis; id est dignus quæri secundum glossam: talis enim est dilectus meus, & ipse est amicus meus*? Non ergo mirum si quærebatur ad videndum. Præterea si facies Christi in panno depicta, quæ data legitur illi devotæ fœminæ B. Veronicæ, devotè perspecta Tiberium Cæsarem sanavit, & alias virtutes multas indidit in animis devotis contentibus eam, ut dicitur in historia scholastica; quanto plus facies illa splendidissima, non mortua sed viva, non in panno posita, sed a divinitate assumpta intuentes eam devotè consolari credenda est? Nullus præterea dubitet de munditia corporis sui, quin fuerit mundissimum. In quo juxta Apostoli sententiam plenitudo inhabitat Divinitatis. Quamquam enim Christus suscepit humanam naturam cum aliquibus defectibus, non tamen cum omnibus. Pro quo notandum, prout S. Thomas ponit in 3. dis. 15. ar. 11. quod sicut Damascenus dicit, Christus habuit in se omnes naturales & indetractabiles passionibus; dicuntur autem naturales passionibus quæcumque naturam humanam universaliter consequuntur, sive ex conditione naturæ sicut indigentia cibi & hujusmodi, sive pro peccato primi parentis in totam naturam deveniunt ex principiis naturæ sibi derelictæ causata, sicut, fames, sicut labor: & dolor & hujusmodi. Indetractabiles autem passionibus sunt, quæ defectum gratiæ non important; sicut importat pronitas ad peccandum, difficultas ad bonum & hujusmodi, quæ ex carentia gratiæ, vel ex imperfectione contingunt. Ex hoc enim laus Christi imminueretur, sive detractio secundum earum opposita. Unde duo genera defectuum non assumpti ista, scilicet quæ non universaliter naturam humanam consequuntur, sicut lepra, caecitas, febris & hujusmodi: contingunt ex particularibus corruptionibus in singulis personis, & hos defectus assumere non debuit, quia ad curandum naturæ morbum venit. De numero istorum apparet esse nutritre vermes sive pediculos, & alia, quæ tanguntur in articulo: non enim hujusmo-



ANNO  
CHRISTO  
1433.

di videntur esse universaliter communia toti naturæ humanæ secundum se; sed causantur ex aliquibus particularibus corruptionibus, quæ in Christo non fuerunt. Item illa non assumpsit, quæ ad imperfectionem gratiæ pertinent, sicut ignorantiam, difficultatem ad bonum & huiusmodi, quia ipse venerat ad hoc ut de plenitudine suæ gratiæ omnes acciperemus. Et ista sufficiant pro articulo.

#### Articulus LXXIV.

*Ex IV. capitulo libri VI. est, quod omnis sapiens & virtuosus predicare debet audaciter verba Dei no-  
lentibus, & volentibus.*

Hic articulus infidelissime, & mendaciter extractus est, si aspiciatur corpus capituli, quod adscribitur B. Brigitiæ. Ad id vero quod dicitur, quod in rubrica ponitur ipse articulus, dico, quod si capiatur predicare strictè, tunc intelligendus est articulus accepta prius licentia a superiore; & ita falso imponitur B. Brigitiæ, sicut in multis apparet clarissime factum esse. Unde articulus sic se habet in forma textus. *Qui habet aurum sapientiæ Domini tenetur tria facere. Primo id distribuere habere volentibus; & insuper præbere volentibus.* Ecce non dicitur predicare. Ille autem articulus sicut jacet est verissimus, & sacræ scripturæ conformis. Quis enim dubium habet, quod non minus quis, & qui potest & valet obligatur ad spirituales eleemosinas, inter quas enumeratur ipsa doctrina; quam ad eleemosinas corporales? Sed de istis dicitur 1. Jo. 3. *qui habuerit substantiam huius mundi, & viderit fratrem suum necessitatem patientem, & clausit viscera sua; quomodo charitas Dei manet in eo?* quod est dicere; nullo modo. Ergo qui aurum habet sapientiæ, tenetur distribuere tempore & loco debitis. Unde de isto opere misericordiæ dicitur Eccl. D. 18. *qui misericordiam habet & docet & erudit, quasi pastor gregem suum.* Et ideo Prov. V. *deriventur fontes tui foras, & in plateis aquas tuas divide.* Item Prov. VI. *discurre, visita, suscita amicum tuum.* Et Ecc. V. *Si tibi est intellectus, responde proximo tuo; sin autem, sit manus tua super os tuum ne capiaris in verbo indisciplinato & confundaris; glossa interl. sic peccat, qui scit, & non vult proximum docere, sicut qui nescit, & vult magister esse.* Et ideo Dan. 12. *qui ad iustitiam erudiunt multos, fulgebunt sicut stellæ in perpetuas æternitates.* Est tamen notandum circa terminum illud, tenetur; secundum quod S. Thomas in 4. dist. 15. E. dicit, quod sicut dare eleemosinam corporalem non cadit sub præcepto obligante, nisi ad tempos necessitatis, & ut alicui in necessariis vitæ subveniatur; ita ad doctrinam alterius non obligatur homo propter debitum officium, nisi in illis, quæ sunt de necessitate salutis; & quando non esset, qui instrueret; vel quando quis alium errantem videret, nisi esset alius, qui ex officio il-

lud facere teneretur; alias autem docere est consilium & supererogatio quædam, sicut de eleemosinis corporalibus dictum est. Quod vero subditur in eodem capitulo: *hac sapientia ego implevi eum, pro quo tu oras; & ipse debet predicare audaciter tanquam miles meus verba mea &c.* dico quod loquitur de quodam sacerdote, qui reliquit mundo ingressus fuerat religionem; sicut patet ex cap. præcedenti immediate, & ideo nulla manet causa dubitationis. Præterea, nec per illa verba potest accipi quod ipse erat predicaturus non accepta prius licentia superioris. Quod vero dicit impugnator quod hic articulus est condemnatus in consilio Constantiensis, patet non esse salum eo modo, quo B. expointus est, & declaratus. Et hoc de isto articulo.

#### Articulus LXXV.

*Ex cap. VII. ejusdem libri sumptus est, quod cum diaconatus officium imponitur, prædicandi auctoritas accipitur.*

Iste etiam articulus infideliter extractus est: non enim dicit ita; sed Dominus loquens cuidam diacono ita dicit: *cum tibi diaconatus officium impositum est, prædicandi auctoritatem accipisti, ut instrueres infirmos, & argueres indisciplinatos.* Ecce quod non loquitur universaliter de omnibus aut de ipso ordine secundum se; sed de quodam particulari diacono. Pro quo sciendum quod quanquam diacono cum ordinis collatione confertur & aliquis gradus prælationis, aut cura animarum, sicut creditur isti factum, de quo articulus loquitur. Unde de talibus Hieronymus loquens ita dicit: *non solum episcopi, & presbyteri, & diaconi debent magno opere providere, ut omnium populum, cui præsumt, sermone & conversatione præcedant; verum & inferiores gradus, & omnes qui Domini oratorio serviant; potest ergo dici iuxta glossam cap. addicimus XVI. q. 1. quod articulus dicit, cum tibi diaconatus officium impositum est, prædicandi auctoritatem accipisti &c. aut intelligitur quod ista auctoritas conveniat illi ratione ordinis diaconatus, aut ratione prælationis sive curæ tunc permixtæ. Si primo modo, non videtur dicere veritatem. Si secundo modo, verus est. Et ita intelligendus est in hoc loco &c.*

#### Articulus LXXVI.

*Ex cap. IX. ejusdem libri, dicit quod Diabolus celebrante peccatore est astant in toto officio missæ usque ad verba consecrationis, quibus completis reverteritur Diabolus. Et alia multa dicuntur in eodem capitulo.*

Iste etiam articulus infideliter est extractus; quod enim de uno singulari sacerdote dicitur, extractor articuli dicit indistincte. Ita

ANNO  
CHRISTI  
1433.

Ita quidem incipit capitulum: ille presbyter pro quo tu oras &c. Ecce quod singulariter loquitur de illo, cui, aut propter suam malitiam, aut aliam nobis occultam causam, poterant multa in missa contingere, quæ non contingunt semper omnibus peccatoribus missam celebrantibus. Quod vero dicit, quod hora consecrationis demones recedunt, consonare videtur sententiæ B. Gregorii, qui de hora consecrationis loquens; & ponitur in IV. sententiarum Magistri dist. XI. cap. II. & de conse. ponitur dist. II. cap. II. Quid si sanguis. Quis fidelium dubium habere possit in ipsa immolationis hora ad sacerdotis vocem coelos aperiri, in illo Christi mysterio Angelorum choros adesse, summa & ima sociari, unumque ex invisibilibus atque visibilibus fieri: hæc ille. Pie ergo credendum est quod ad primam divine maiestatis præsentiam in sacramento & in ..... Angelorum de communi lege demones fugiunt, qui præsentiam suæ crucis sufferre non possunt, ut supradictum est in alio articulo. Et tantum de præsentis articulo sufficiant.

#### Articulus LXXVII.

Ex cap. X ejusdem extollit misericordiam B. Virginis; subdit enim enumerando cuiusdam anime multa peccata, scilicet superbiæ, luxuriæ, jactantiæ, acidiæ, quibus non obstantibus, quia in extrema hora habuit voluntatem, licet non ferventem, ut solverentur ejus debita: ipsa est in numero salvandorum.

Iste articulus in nullo videtur dubius; immo suspectus videtur ille, cui hic articulus dubius esset. Hic quidem articulus duas partes continet: prima est, quia extollit misericordiam B. Virginis valde; ex qua parte non venit nisi tota devotione suscipiendus; nec ita valde extollit misericordiam B. Virginis, quod attingat aut excedat terminos magnitudinis clementiæ, & misericordiæ suæ. Quis autem, o Virgo beata, dicit B. Bernardus, misericordiæ tuæ longitudinem, latitudinem, sublimitatem, & profundum valeat investigare: longitudo enim usque in diem judicii novissimum: latitudo replet orbem terrarum; sublimitas ejus angelicæ ruinæ invenit restaurationem: profunditas ejus sedentibus in tenebris & umbra mortis obtinuit redemptionem. Hæc ille. Verum, quia, ut credo, non mordetur articulus in hoc puncto; ideo transiit. Secunda pars articuli est, quod non obstantibus illis peccatis, quia in extrema hora habuit voluntatem, licet non ferventem, ut solverentur delicta ejus, ipsa est in numero salvandorum. Nec ista pars debuit alicui venire in dubium. Pro quo notandum cum S. Thoma in 4. dist. 2. quod Deus, pater misericordiarum, dans omnibus affluenter, nulli denegat gratiam facienti, quod in se est, qui se ad gratiam præparat. Hæc autem præparatio fit per modum liberi ar-

bitrii. Unde quandiu manet homini usus liberi arbitrii in hac vita, nondum est confirmatum malum, potest se præparare ad gratiam de peccatis dolendo, & gratiam remissionis consequitur. Unde Leo papa: (adducit magister sententiarum loco assignato) nemo desperandus est, dum in hoc corpore constitutus est: quia quod nunquam diffidentia ætatis diffidetur, consilio maturiore perficitur; quo exemplo in illo latrone, cui in crucis patibulo fixo inquit Christus: hodie mecum eris in paradiso: nec mirum quoniam ipse pater misericordiarum dicit Eze. 33. Kivo ego, dicit Dominus Deus, nolo mortem impij; sed ut convertatur impius a sua mala & vivat: & sequitur post pauca:

Si autem dixerio impij: morte morietis, & poenitentiam de peccato suo fecerit, judicium, & pignus restituat, ille impius rapinamque reddiderit, in mandatis vite ambulaverit, nec fecerit quidquam injustum, vita vivet & non morietur. Talis autem creditur fuisse iste, qui Dei genitricis Mariæ adjutus dicitur misericordia, & pietate plenæ ex hoc quod voluntatem, licet non ferventem, dicitur habuisse ut debita solverentur hominibus, quibus obligabatur: pie credendum est prius habuisse voluntatem sufficientem conjunctam actui solverendi Deo debitum penitentiæ & sacrificium spiritus contribulati pro offensis & peccatis commissis.

C In quo concurrere videntur omnia tacta in auctoritate præallegata. Judicium enim: & justitiam secisse videtur in contritione cordis. Secundo restitui possit debita; tertio in mutatione voluntatis propositum habuit ambulandi in via Domini, et vitandi in justitiam. Quis ergo dubitat, quin ejus anima sit salva; præsertim illo attentio quod misericordia B. Virginis dicitur fuisse adjutus, cujus suffragio creditur ejus animus mutatus de malo in bonum, ut capax fieret salutis æternæ.

#### Articulus LXXVIII.

Ex eodem cap. sumptus dicit, quod multas Missas ordinat pro ejus redemptione de purgatorio, quas multi supersticiosas reputant, quoniam missa in se sit sancta.

Ad istum articulum dico, quod nullus sanæ mentis sciens quid supersticiosum esse dicatur, est qui reputet missas illas supersticiosas: sed prudenter, et sapientissime juxta morem Christianæ religionis ordinatas. Qui enim suspectas habet missas, quibus adjunguntur multe orationes, elemosinæ, jejunia et peregrinationes; imo ista consuevit religio Christiana in testamentis defunctorum ponere; et ita fit: hic adjunxit eis omnia genera suffragiorum, quæ sancti profectura dicunt animabus defunctorum existentium in purgatorio. Primo multas, et devotas, et sanctas orationes. Secundo elemosinas. Tertio jejunia. Quarto visitationes locorum sanctorum. Quinto peregrinationes cum oblationibus ad loca, ubi indulgentiæ fuerint; et ita articulus præsens verus, imo multa doctrina plenus.

ANNO  
CHRISTI  
1433.



ANNO  
CHRISTE  
1433.

Articulus LXXIX.

De XI. Cap. eiusdem libri est, quod  
existantes in limbo mallent manere  
in inferno in eternum quam vi-  
disse sic pati Dominum Je-  
sum.

Iste articulus solum intelligitur de existen-  
tibus patribus in limbo, in testimonium cu-  
jus dicitur in originali existentes in sinu  
Abrahæ, quod tamen translator mutavit, ut  
confuevit unum pro alio ponere, & dixit  
in limbo; cum tamen magna sit differentia  
secundum qualitatem præmi vel penæ, &  
etiam secundum differentiam gradus & situs  
localis ut S. Thomas dicit in 4. dist. 45. Pro  
declaratione huius articuli est notandum ex  
qua intentione, & ad quem finem prolata  
sint illa videlicet quod patres in limbo in  
tantum turbabantur in morte Christi, quod  
illi mallent esse in æternum in inferno,  
quam talem poenam in suo domino videre:  
sunt enim dicta ad excitandam compassionem  
in mente sponsæ de passione Christi, eo quod  
universæ creaturæ compati vixit sunt in  
passione ejus. Sol enim obscuratus est, ter-  
ra mota, petreæ scissæ sunt, & velum scilicet  
fuit; sancti patres in limbo visi sunt modo  
eis possibili turbati, in tantum, ut mal-  
lent etiam &c. & est locutio hyperbolica,  
quæ est per superabundantiam dicta, sicut  
est illud Exod. 32. obsecro, domine, peccavit  
populus iste, aut dimitte banc noxam, aut si  
non facis dele me de libro vitæ; ubi glossa ait  
Bedæ: pensamus quibus visceribus populum  
amavit, pro cuius vitæ se deleri petivit. Quod  
verbum exponens Nicolaus de Lira dicens  
quod Moyses volens ostendere magnum affec-  
tum ad remissionem peccati populi dixit:  
aut dele me de libro vitæ, licet simpliciter  
nullo modo veller deleri. Et hoc modo con-  
tingit in humanis quod aliquis petens ab alio  
cum magno desiderio dicit, facias hoc, aut  
auferas mihi vitam, licet magis veller ca-  
rere non solum illo, quod petit; sed et mul-  
tis aliis quam vita. Et tali modo loquendi  
qui dicitur hyperbolicus utitur frequenter  
sacra scriptura, nec est ibi falsitas, quia ta-  
libus locutionibus utitur ad significandum  
id, quod per orationem importatur quantum  
ad plenum significatum sicut Jud. XX. di-  
citur de filiis Benjamin quod fundis ita ad  
certum jaciebant locum ut capillum possent  
percutere, ut nequam in alteram par-  
tem ictus deferretur lapidis; per quod intel-  
ligitur quod essent boni fundibularii et non  
plus: hæc ille, scilicet Nicolaus de Lira.  
Et quod hoc modo et ad istam intentionem  
fuerunt verba articuli prolata pater ex fe-  
rie textus: in quo sic sequitur post articu-  
lum: ego autem, quæ tunc filio meo adha-  
bam, virgo & mater ejus, qualem dolorem  
tunc patiebar nullus potest considerare; ideo  
filia, recordare passionem filii mei, fuge in-  
stabilitatem mundi, quæ non est nisi quidam  
visus, & flos cito arefens. Ecce intentio  
præsentis articuli erat ad commovendum ani-  
mum sponsæ ad compassionem mortis Chri-  
sti.

At ex magnitudine doloris et perturbatione  
compassiva allarum creaturarum existentium  
in gratia Dei; et est locutio hyperbolica  
sicut dictum est. Item declaratur articulus,  
et facit ostenditur verus esse ex illo Augu-  
stini in dialogo inter animam devotam et  
Virginem Mariam de passione Christi, ubi  
asserit B. Virginem sic dixisse: clamabam, &  
dicebam heu me fili mi quis det ut ego mor-  
riar pro te, vel saltem tecum? cur misera  
non sum mortua ante passionem ut non viderem  
mortem tuam despectissimam. Ex quodito  
manifeste apparet quod B. Virgo desi-  
derabat sive gratam habuisset mortem ante  
passionem filii sui, ne vidisset eum ita tur-  
piter mori. Item Chrysostomus de passione  
Christi, loquens de B. Virgine, dicit: opta-  
bat quidem ipsa ad sanguinem animæ etiam  
carnis suæ addere sanguinem, & elevatis in  
crucem manibus celebrare cum filio suo sa-  
crificium vespertinum, & cum Domino Jesu  
corporali morte redemptionis nostræ consum-  
mare ministerium. Sed hoc solus summus sa-  
cerdotis privilegium fuit; nec poterat hæc  
confort esse cum alia dignitate; hæc ille. Quæ  
originalia, si bene inspiciantur, multum faci-  
ciunt ad declarationem præfati articuli: pla-  
num enim est quod B. Virgo novit quod se-  
cundum communem iustitiam, si mortua fu-  
isset ante solutionem prelii, & aperturam  
coeli, quæ fiebat per mortem filii sui, quod  
descendisset ad limbum patrum; ecce quod  
maluisset mori & ad limbum patrum descen-  
dere per consequens, quam videre filium su-  
um pati: extaticus enim est huiusmodi mo-  
dus loquendi. Quis etiam diceret animam  
Virginis Mariæ sanguinem habere sicut dicit  
Chrysostomus in originali supra posito, &  
ipsam effundere ipsum, nisi quia extatice  
sive excessive de dolore virginis sentiebat;  
sic enim parcendum est, qui ex magna de-  
votione magis attendunt conceptibus quam  
verbis. Si vero aliquis dicat quod aliud est  
de limbo aut de inferno præsertim æterna-  
liter, consideret quod dictum est, quod sit  
locutio per hyperbolica, quæ non intendit  
significare, sicut in 4. articulo dictum fuit,  
scilicet excessivum doloris & compassionis.  
Vel dicendum quod æternum sepe in sacra  
scriptura capitur non prout dicit intermuta-  
bilitatem durationis Gen. 3. videte ne mittat  
manum, & sumat de signo vitæ, & vivat  
in æternum. Item Exod. 15. Dominus regna-  
vit in æternum & ultra; & similiter in  
psal. montes æterni dicuntur. Secundo etiam  
de esse in inferno distinguendum veniret an  
intelligeretur de loco tantum, de quo dicit  
Antelmus in lib. de similitudinibus quod ali-  
quis debet magis eligere esse in inferno sine  
culpa, quam in paradiso cum culpa; quia  
manens in inferno non sentiret poenam, &  
peccator in paradiso non gauderet de glo-  
ria. Aut insuper intelligeretur eum esse in  
inferno & sentire poenam sensibilem ignis  
sine carentia gratiæ divinæ tantum. Sed quia  
de istis nunc & supra tantum dictum ut pio  
catholico sufficere debeat ad declarationem  
veritatis articuli præsentis, ideo ista pro præ-  
fenti articulo sufficiant.

ANNO  
CHRISTE  
1433.

## Articulus LXXX.

Ex cap. XIX. ejusdem libri est quod  
dāpnati, & dāpnandi videbunt glo-  
riam iudicis in coelo, extra,  
supra, & infra coelum.

Iste articulus dupliciter ostenditur posse  
stare eum veritate conformiter ad sacram  
scripturam: primo capiendi gloriam iudicis  
pro gloriosa forma suae humanitatis, de quo  
in psal. gloria & honore coronasti, Domine,  
& constitustis eum super opera manuum tua-  
rum. In qua forma iuxta sanctorum docto-  
rum determinationem apparebit in iudicio  
omnibus tam bonis quam malis, ut enim di-  
cit S. Thomas in 4. dist. 48. Sicut in primo  
adventu, quo Christus venit ad hoc ut ju-  
dicaretur, in forma infirmitatis appa-  
ruit: ita in secundo adventu, in quo  
venit ad hoc ut iudicaret, apparebit in for-  
ma gloriosa. Magister etiam sententiarum  
in 4. dist. supra posita ex sententia Augusti-  
ni formam servi glorificatam a bonis & ma-  
lis tunc videri; consequenter vero confor-  
miter ad dista B. Birgitae dicatis, quod qui  
dāpnabuntur, videbunt, & confundentur  
confusione digna: dicit idem S. Thomas quod  
sicut visio gloriæ humanitatis Christi erit ju-  
stis in præmium, ita iniustis in supplicium.  
Unde Isai. 26. videant & confundentur ze-  
lantes populi; & ignis, scilicet invidia,  
hostes tuos devoret. Ita est etiam sententia  
Bonaventuræ: oculis enim ægris odiosa est  
lux, ut dicit etiam Augustinus. Secundo &  
melius iudicio meo, declaratur articulus ve-  
rus esse hoc modo capiendi gloriam iudicis  
pro maiestate iudicis, aut potestate iudicia-  
ria, de qua dicitur Matt. 24. & Lucæ 21.  
Videbunt filium hominis venientem in nubi-  
bus cum potestate magna & maiestate. Ma-  
iestas autem & potestas, ut dicit S. Tho-  
mas in 4. in hac materia ad gloriam perti-  
nent; & quod hoc sit expresse dictum con-  
formiter ad sacram scripturam probatur per  
id, quod Marci XIII. ubi dicit, quod vide-  
bunt filium hominis venientem in nubibus cum  
virtute magna & gloria. Et quod ubi Matt.  
& Lucas scribunt maiestatem, Marcus dicit  
gloriam. Et quod ista dispositio sit confor-  
mior articulo probatur, quia dicit articulus  
sic in originali ex persona Christi: videbunt  
gloriam in eam intra coelum, supra, & in-  
fra, & extra, & in omni loco, & in omni-  
bus collibus, & vallibus. Hæc ibi, ex qui-  
bus verbis patet, quod non intelligatur tex-  
tus ille de visione divinitatis, quia gloria il-  
lo modo divinitatis non videtur in collibus,  
& in vallibus. Ipsa enim divinitas est ob-  
iectum visionis, & medium in quo sunt species  
intelligibiles; sed loquitur de maiestate glo-  
riæ, in qua iudex apparebit in die iudicii,  
a facie cujus movebuntur & ea quæ sunt  
super, & in coelo; & infra coelum, &  
colles, & valles. Joelis 3. dabo prodigia in  
coelo, & in terra signa. Unde in Osee dicitur:  
movebuntur a facie mea pisces maris,  
& volucres coeli, & bestie agri & omne re-

ptile, quod moveatur super humum, cunctique  
homines, qui sunt super faciem terræ. De eis  
quæ sunt super coelum dicitur in Evange-  
lio locis supranotatis: virtutes coelorum mo-  
vebuntur. Et hoc est videre gloriam iudi-  
cis non in se per spem, sed in effectu ma-  
iestatis deterrentis malos. Unde Tobie XIII.  
ostendit maiestatem suam in gentem peccatri-  
cem: & hoc etiam modo dicitur Jo. 1. vi-  
dimus gloriam ejus quasi unigeniti a patre.  
Planum est, quod Joannes hoc dicens non  
intellexit de visione gloriæ divinitatis per  
essentiam, sed propter opera mirabilia, quæ  
excessu suo super omnem creatam virtutem  
manifeste arguebant Christum Deum esse,  
secundum illud Jo. si opera non fecissem, quæ  
nemo alius fecit, peccatum non haberent; sci-  
licet in me non credendo. Unde Nicolaus de  
Lyra exponens illud verbum Jo. 1. vidimus  
gloriam ejus, dicit idest excellentiam ejus  
omnem creaturam excedentem viderunt pro-  
pter opera sua, quæ totius creatura excede-  
bant virtutem sicut est suscitatio mortuorum,  
illuminatio coecorum, & similia; ex quibus  
visu mentis perceperunt Apostoli ejus di-  
vinitatem in carne latentem; & ita Petrus de  
Tarentasia in 4. quærens an divinitas vide-  
bitur a dāpnatis, dicit conformiter cum S.  
Thoma, quod sicut videmus animam alicuius  
in carne non animam ipsam videndo in  
se, sed ejus opera, & signa; ita divinitas  
in Christo ab hominibus videbitur dāpnatis,  
non videndo ipsam divinitatem, sed signa  
ejus, & opera. Et cum dicit impugnator  
quod secundum sanctos doctores & Magi-  
strum sententiarum solis bonis divinitas ap-  
parebit, dico primo quod articulus non di-  
cit, quod dāpnati videbunt divinitatem; se-  
cundo dico, quod sancti doctores dicunt,  
quod divinitas per essentiam, sive in se non  
videbitur a dāpnatis, quia, ut ibidem Ma-  
gister dicit non potest videri sine gaudio,  
dicunt tamen, quod ejus gloria, & maiestas,  
eo modo, quod dictum est, videbitur ab om-  
nibus; & hoc de isto articulo.

## Articulus LXXXI.

Ex capitulo XXI. dicit, demones  
insatiabiliter animas affligere.

Miror de eis, qui habent articulum su-  
speciū, & vellem scire quid sentit de ap-  
petitu dæmonum circa afflictiones anima-  
rum, & mihi diceret in quanta mensura  
temporis, aut pœnæ satiantur, aut contem-  
tantur affligere. Ostenditur ergo articulus  
esse de mente sacre scripture & sanctorum  
doctorum, primo quod illud Deuter. XXXII.  
E devorabunt eos apes morsu amarissimis; glo-  
sa: aves idest dæmones. Et ista sancta Brigit-  
ta dicit conformiter ad istam glossam. sic tan-  
quam corvi insatiabiliter affligunt. Item di-  
cit in glossa Exodi XVII. diabolus dicitur  
Amalech, qui sanctos de Egypto exeuntes  
& ad terram promissionis dein tendentes sem-  
per expugnat, & animarum sanguinem bi-  
bere desiderat. Item Job. XXX. qui come-  
dunt non dormiunt; glossa maligni spiritus,  
qui



ANNO  
CHRISTI  
1433.

qui carnales de ecclesia consumunt tanto magis quiescere a temptatione nesciunt, quanto ullo pondere carnis non gravantur. Item de demone dicit Dominus Jo. VIII. ille homicida erat ab initio. Doctores vero dicunt eum satiabilem homicidam, secundum illud Abachuch I. quod de diabolo exponit glossa; semper interficere gentes non parcat. Quocirca dicit Gregorius in homilia. *justum est servire diabolo, qui nullo placatur obsequio.* Articulus etiam ostenditur verus ratione: si quis considerat quod torus plenus est malitia, totius malignitatis ardet veneno, sitiens dapnationem fidelium animarum. Et hoc de isto articulo.

#### Articulus LXXXII.

*Ex octavo libro cap. XLVII. dicit quod demones purgant animas.*

Articulus autem in forma sic jacet: *sed tu, Diabole, purges eam. Tu vero, Angeles, consolare eam*, Pro intellectu presentis articuli est primo notandum, quod purgatio hic dicitur pro flagellum, sive emendatorium, disciplinam, & non illam, quæ fit per infusionem gratiæ emundantis & purgantis corda fidelium, de qua potest intelligi illud Lucæ III. *purgabit aream suam: area* significat fideles suos, ventilabium disciplinam, triticum vero bonos purgatos; horreum vero triumphantem ecclesiam. De quo modo purgationis Gregorius dicit: *quod fornax auro, quod flagellum grano, quod lima ferro; hoc fuit tribulatio viro justo.* Item Gregorius. *ipsa societas malorum purgatio quedam bonorum est.* Hinc est, quod poena quæ reservatur executibus de presenti vita in charitate Christi, nondum tamen debita perfecta poenitentia, aut eam venialibus peccatis, dicitur purgatoria, & locus etiam, in quo communiter poena illa affligitur, purgatorium dicitur. Secundum hoc ergo demones possunt concurrere ad poenas purgatorias infligendas ministerialiter; ita possunt dici animas purgare: licet intentio eorum non sit purgare, sed affligere. Est autem secundo notandum, quod circa hanc questionem, an scilicet animæ defunctorum in purgatorio affligantur aut puniantur per demones, doctores nihil determinate dicunt. Unde Albertus magnus in 4. dist. 21. dicit *in hac questione nescio quid asseri possit.* Loquantur autem omnes probabiliter, sive opinative; unde ait idem doctor: *consequenter puto tamen, quod animæ in purgatorio existentes non puniuntur per demones, tamen bene puto quod delectentur in penis: alii vero dicunt contra.* Unde Thomas dicit sic: *secundum probabilem opinionem, quod sancti angeli licet in hac ad correctionem homines puniant & animas justorum ad purgandum ad purgatorium ducant, tamen non eas in purgatorio cruciant, quia non est probabile, quod hominibus tantum malum velint; sed eas ibidem demones cruciant, qui de penis hominum lætantur.* Item frater Jacobus de Voragine in legenda sanctorum, in capite de commemoratione defunctorum querit: per quos fiat purgatio animarum, & respondit quod purgatio & punitio illa

fit per malos angelos, non per bonos. Item in historiis Sanctorum in multis reperiuntur exempla ad hoc, ut patet in historia S. Patritii de purgatorio illo. Nulla ergo pars dicenda est falsa, aut suspecta habenda de errore, cum nihil videatur per ecclesiam determinatum. Est tamen notandum pro majori declaratione articuli, secundum quod dicit Petrus de Torrentasia, quod ministerium est duplex unum extrinsecum circa aliquod opus, vel intrinsecum in ipso opere; sicut Judici in ipsa punitione rei, aliter ministrat apparitor reum exhibendo, aliter carnis ipsum feriendo. Primo modo demones vel etiam ipsi Angeli boni possunt esse ministri poenæ purgatorii deducendo ad loca poenalia, & hoc dicit S. Thomas in 4. dist. dista, quod possibile est quod animas deducant ad loca poenalia & angeli boni & demones, qui de poenis hominum lætantur, quod etiam confirmari videtur per id quod in historia B. Martini dicitur, quod adduxit ei diabolus tempore mortis. Et constat quod sciebat propter opera sua, quod non erat dampnandus: ergo adduxit ut ad purgatorium secundum suam existimationem deduceret. Secundo vero modo solus Deus agit per ignem illum, quia motus virtute creata non posset in ipsam animam agere. Et in hac de presentis articulo.

#### Articulus LXXXIII.

*Ex cap. XXIV. VI. libri dicit, quod Christus docet fundare altare & dotare redditibus perpetuis.*

Miror quod iste accusator, cum sit pinguis, ut arbitror in redditibus ecclesiasticis, & illos credat divina inspiratione, fidelium devotione bene & utiliter institutos, quod suspectum habeat articulum, in quo Christus de satisfactione loquens fienda per unum latronem, pro quo B. Virgo orabat, dicit ita: quod multa bona diripuerat, viduis & orphanis fecerat injuriam, omnia, quæ scit se scienter habere injuste, reddere debet, humiliter rogando injuriatos, ut ei misericorditer indulgeant; & quia non omnibus poterit satisfacere, quibus injuratus est, ideo in aliqua ecclesia, ubi sibi convenientius videretur, de propriis sumptibus construi faciat unum altare, in quo usque in finem mundi unam Missam continuam pro his, quibus intulerat malum, celebraret: hæc sibi. Præterea cum Dominus dicatur in veteri lege docuisse, & instituisse proventus & possessiones dandas servantibus altari, in quo sacrificabantur animalia mortua; unde num. XXXVI. locutus est Dominus ad Moysen: *præcipe filiis Israel ut dent Leviticis de possessionibus suis urbes ad habitandum, & suburbia eorum per circuitum;* Et Josue XXI. dicitur: *dederunt Leviticis filii Israel de possessionibus suis juxta imperium Domini civitates & suburbia eorum.* Cur mirum videtur, quod in nova lege etiam Dominus mandasset dotare ecclesias live capellas redditibus perpetuis pro perpetuis ibidem tuendis mil.

ANNO  
CHRISTI  
1433.

ministris? unde Dominus dicit Luca: *dignus est operarius mercede sua*; Et Apostolus a. Corin. IX. *qui altari servit de altari vivere debet*: cum ecclesie nostrae status & sacerdotio, & dignitate sacrificii & pietatis celsitudine & gloria, & magnificentia sit excellentior statu veteris legis. Imo qui hunc articulum suspectum habet, videtur merito suspectus, aut quod sit Valdevus vel Bohemus hereticus, qui contra legem Christi dicunt altaria esse dotata; & quod clerus habet inde possessiones & redditus; & tantum sit de illo articulo.

#### Articulus LXXXIV.

Ex cap. XXXI. ejusdem libri dicit Christus dixisse diabolo: *si adhuc te humiliare, darem tibi gloriam, illa autem anima, quae usque in finem vitae suae tibi obediit, aeternaliter est dampnata.*

Iste articulus habet duas partes, quarum quaelibet est verissima; & videre non possum quid habeat in mente qui hunc articulum tanquam suspectum de errore habeat. Prima quidem pars quod dicit, o diabole, si adhuc te humiliare darem tibi gloriam, vera est. Quoniam licet humiliari sit impossibile, considerata obstinatione voluntatis ejus; tamen verissimum est, quod si diabolus Deo nunc se humiliaret humilitate vera, absque dubio gloriam consequeretur, juxta illam veritatis aeternae pollicitationem: *qui se exaltat humiliabitur, qui se humiliat exaltabitur*, Luca XVIII. Cum enim Bernardus dicat quod virtus humilitatis sit reparatio charitatis laesa, si diabolus humiliaretur, gratiam consequeretur secundum illud Jacobi X. *Deus humilibus dat gratiam*; & tandem gloriam secundum illud Job XXI. *qui humiliatus fuerit erit in gloria*. Secunda vero pars continet fidem, quam universalis tenet ecclesia, videlicet quod anima, quae usque ad finem vitae suae inclusive intelligendo, obedit diabolo dampnabitur aeternaliter. Cum enim sola obedientia Dei sit janua salvationis, secundum illud Domini Matt. XVIII. *si vis ad vitam ingredi, serva mandata*; & illud Aug. *sola obedientia est, quae meritum possidet fidei, sine qua infidelis quisque convincitur*; patet quod talis anima, cum non possit simul obedire Deo, & diabolo, quia nemo potest duobus dominis servire, necessario venit dampnanda. Unde psal. *maledicti qui declinant &c.* & hoc aeternaliter; quia sicut qui bona egerunt, ibunt in vitam aeternam, sic qui mala egerunt, ibunt in ignem aeternum. Verus ergo est articulus.

#### Articulus LXXXIV.

Ex cap. XXIV. ejusdem lib. dicit quod Virgo docet exorcismos legendos super vexatos a demonibus, docetque modos, & verba quibus componi debeant pax Franciae, & Angliae, essent modo necessaria, si essent vera.

Pro intelligentia hujus articuli est notandum quod fidelius esset extrahendus articulus, quam extractus est; dicit enim sic: *dicit illi, qui habet coronam idest potestatem*, scilicet cuidam, de quo supra dixit quod dicitur habere coronam propter potestatem sibi datam super spiritus immundos, quod quoniam senserit spiritum solutum, & fervorem in se filii mei super vexatum; legat ista verba Deus pater, qui cum filio & Spiritu S. creator omnium rerum &c. per totum, quod conformiter ad exorcismos, quibus exorcistae utuntur in ecclesia: quid mirum, aut quid inconveniens quod virgo beata doctrix disciplinae, & sapientiae Dei, unum virum, in quo gratia gratis data ad expulsionem demonum Spiritu S. largiente, erat, docuerit quibus verbis uteretur, quae teste Hieronymo in serm. de assumptione sua, *Senatores coeli, scilicet apostolorum, & doctores orbis docuit mysteria, & secretorum profunda revelavit*. Praeterea legimus de ea in libro exemplorum quod quandoque docuerit homines aliquas formas orationum tenere & similia &c. Caeterum quale inconveniens est ut ipsa mater Domini, et Salvatoris Domini nostri Jesu Christi, sicut vitae suae, & conversationis illustratione docuit, homines diabolum de mentibus expellere hominum; ita doctrina sua docuerit virum illum Deo carum, et a Filio suo tanta gratia potestatis dotatum formam verborum exorcismi, praefertim cum in ea forma nihil contineatur, nisi quod divinam est, quod sanctum, quod religiosum & per omnia conforme sit formae communi, qua sanctos legimus in ecclesia quandoque usos. Praeterea dicit de alio, cui clipeus dicebatur datus propter opus pacis; data enim ei erat gratia concordandi discordes: *quidus nuntius meus ad summum caput ecclesiae*. Cum autem venerit ad Franciam, convocatis ad se principibus dicat in audientia eorum haec verba: *Deus qui cum Patre, & Spiritu S. creator omnium rerum & iudex &c.* Et post multa verba devotissima comprehendit quasi omnia mysteria redemptionis et reconciliationis humanae dicit ipse: *propter suam passionem vos conjungat in unum cor, qui hactenus eratis dissociati; deinde proponat eas penas inferni gaudium iustorum, & retributionem iniquorum*. Haec autem pars articuli nullam habet apparentiam inconvenientiae. Quid convenientius, quam ut pacis principissa, in qua, ut dicit Bernardus sermone de assumptione ejusdem, amicitiarum foelici foedere, copulata humana divinis, coelestibus terrena, & ima summis; ad pacem exhortetur, moveat, & moneat hominum animos, &

R r r det



ANNO  
CHRISTI  
1433.

det formam tractus iniendae pacis? circa  
quam formam quia impugnator videtur de-  
ridere eam dicens quod essent illa verba ne-  
cessaria, si essent vera, dico duo, primo  
quod de congruitate formae illorum verbo-  
rum, secundo de virtute. Circa congruita-  
tem apparet, quod est congruissima forma:  
patet quia enim pacis donum non possit da-  
ri nisi a principe pacis, secundum illud Gre-  
gorii. *Deus, a quo sancta desideria, & re-  
cta consilia, & iusta sunt opera, da servis  
tuis illam, quam mundus dare non potest,  
pacem.* Ideo docet Beata Virgo orationem in  
principio fieri ad principem pacis dicens:  
*dicat primo hac verba: Deus, qui cum Pa-  
tre et Spiritu S. est creator omnium rerum vos  
conjungat in cor unum.* Secundo requiritur  
dispositio ex parte recipientis; actus enim  
activorum sunt in patiente praedisposito;  
secundo de anima. Et Augustinus: *qui crea-  
vit te sine te, non iustificabit te sine te.* Et ideo  
docet formam exhortationis fiendae ad dispo-  
nendum animos ad suscipiendum influxum  
agentis. Et maxime quia timor supplicii praeparati  
non diligentibus pacem, & retributio-  
nis gloria promissa pacificis inter alia pos-  
sunt animos hominum movere ad pacis amo-  
rem; ideo dicit; *proponat eis poenas inferni*:  
qui enim & recte pacem non habet in-  
felix est: gloria super: *pax super Israel*;  
de timore enim domini dicitur ecclesiasti. XV.  
*timor domini initium dilectionis*; et per conse-  
quens pacis loquitur & gaudium iustorum;  
*beati pacifici quoniam filii Dei vocabuntur*,  
Matt. V. Et ita patet congruitas formae ver-  
borum illorum. Circa virtutem eorum no-  
tandum, quia non adscribitur eis major vir-  
tus, quam Christus dedit illi salutationis  
formae, quam suos discipulos docuit ad ho-  
mines obsequere; de qua Luca X. *in quam-  
cumque domum intraveritis primum dicite*:  
*pax vobis*; & si ibi fuerit filius pacis, re-  
quiescet illuc pax vestra; sin autem ad vos  
revertetur. Ecce quod non omnes conseque-  
bantur pacem, quibus verba illa ab Aposto-  
lis dicenda erant; sed si dispositi & digni  
erant ad illam. Unde Titus in glossa: *vos  
quidem profertis verba*; res autem pacis ap-  
plicabitur, meo iudicio, ubicumque dignum  
esse videbitur, si quis autem non sit dignus,  
non est delusi nec verborum vestrorum gra-  
tia perit; immo recipiatur ad vos. Hae-  
c ille; ita in praesenti. Et ideo dicendum vi-  
detur, quod verba illa sunt vera & secuta,  
sperandum esse quod dictis illis verbis, aut  
similibus per summum pontificem aut alium  
Deo gratum & facta exhortatione bona &  
devota commoveant animos utriusque par-  
tis ad pacem, fructus pacis sequeretur, nisi  
aut ex parte indispotionis vel indignitatis  
eorum proveniret, sicut expresse ponit in  
capitulo XXVIII. octavi libri; & haec de  
articulo.

# Articulus LXXXVI.

Ex cap. XV. ejusdem libri dicit fatum  
& fortunam nihil esse, quia dispo-  
sicio omnium rerum consistit in  
divina stabilitate.

Pro intellectu hujus articuli; Et primo  
notandum, quod iste articulus est Gregorii  
dicentis in homilia Epiphaniae: *absit a fide-  
libus cordibus, ne fatum aliquid esse credatur.*  
Pro declaratione tamen articuli ipsius, & ut  
videatur manifeste, quod articulus est catho-  
licus juxta intentionem dicentis, & confor-  
mis per totum doctrinae sanctorum, est no-  
tandum cum S. Thoma in prima parte 4.  
cap. XV. ar. 1. in quo quaerit, an fatum sit,  
quod in rebus videtur quaedam a fortuna,  
& casu provenire. Contingit autem quan-  
doque quod aliquid ad inferiores causas re-  
latum est fortuitum, vel casuale, quod ta-  
men relatum ad aliquam superiorem cau-  
sam invenitur per se intentum; sicut si duo  
servi alicujus domini mittantur ab eo ad  
eundem locum uno de altero ignorante,  
occursum duorum servorum, si ad ipsos ser-  
vos refertur, casualis est, quia accidit praeter  
utriusque intentionem, si autem hoc re-  
feratur ad dominum, qui hoc praedestinavit,  
non est casuale. Fuerunt ergo aliqui qui hu-  
jusmodi casualia & fortuita, quae in his in-  
ferioribus accidunt, in nullam superiorem  
causam reducere voluerunt, divinam pro-  
videntiam negantes, ut de Tullio Augusti-  
nus recitat in V. de civitate Dei, quod est  
contra illud Sapientiae VIII. *sapientia divi-  
na attingit de fine usque ad finem fortiter &  
disponit omnia suaviter.* Quidam vero omnia  
fortuita & casualia, quae in istis inferiori-  
bus accidunt, sive in rebus naturalibus, sive  
in rebus humanis reducere voluerunt in cau-  
sam superiorem, scilicet in corpora coelestia;  
& secundum hoc fatum nihil aliud est,  
quam dispositio syderum, in qua quisque  
natus, vel conceptus dicitur, quae natum  
necessitat ad opera sua secundum illud poetae  
de Paride dictum: *te tua fata trahunt ne co-  
epia relinquere possis.* Sed haec positio etiam  
istare non potest; cum quia actus humani  
non subduntur actioni coelestium corporum  
nisi per accidens & indirecte; tum quia nul-  
la natura coelestis potest se extendere tan-  
quam causa, & principium per se ad omnia,  
quae casualiter contingunt. Dicendum ergo  
est, quia omnia, quae hic aguntur sive in  
rebus naturalibus, sive in humanis, redu-  
cuntur ad aliquam causam superiorem om-  
nia praedinantem, quae est divina provi-  
dentia. Quo viso, manifeste apparet, quo-  
modo fatum est concedendum esse, & quo-  
modo negandum; in quantum enim omnia,  
quae hic aguntur divinae providentiae subdun-  
tur, tanquam per eam ordinata, & quasi  
praelocuta, fatum ponere possumus; & tunc  
fatum diffinitur a Boetio de consolatione sic:  
quod est *inherens rebus dispositio, per quam  
providentia divina suis quaeque necesse ordi-  
natus.* In quantum autem fatum creditur ha-  
bere

ANNO  
CHRISTI  
1433.

bere aliquid numinis juxta primam opinionem, sic negandum est. Tertio, etiam in quantum retorqueretur ad dispositionem syderum juxta propositionem tactam secundam, est negandum, ut dictum; quia sic tollit liberum arbitrium & præmia, & poenas, & est contra omnem justitiam & pietatem. Nunc vero videndum est qualiter negatur fatum in articulo præsentis de quo..... an catholice: & meo judicio, si oculos sanos habuisset inspector ejus, vidisset, quod catholicam, & religiosam continet sententiam articulus præfens. Non enim aliunde negatur fatum & fortunam, quam ut aliquid divinitatis in se continere credatur aut ut ad dispositionem syderum actus humani referantur; quod palam erat si textum articuli plene extraxisset impugnator. Unde sic jacet in textu; fato idest fortune imputant quid, quid contrarium, vel asperum accidere eis; ac si divinum aliquid esset in eis vel quo generare, vel quo facere possint. Cum tamen fatum seu fortuna nihil sit, sed dispositio hominis, & omnium rerum in divina stabilitate prævisa sunt, cujusque rei rationabiliter ministrata. Ecce quomodo ad primam rebus relatis, ea ratione fatum negatur esse. Quid fidelis potest dici, quid magis cathol. in hac materia quam quod omnium rerum dispositio, & administratio in divinam providentiam referatur, & non ad aliquid aliud fictum divinum. Præterea secundam causam negandi fatum per relationes scilicet ad dispositionem syderum ait: *nec in stellis est quod homo bonus vel malus sit; quamvis in eis multa videntur rationabilia, & secundum qualitatem naturæ, & temporum ordinata, & temperata.* Hæc ibi. Ex quibus patet intentio negandi fatum, & per consequens veritas articuli.

#### Articulus LXXXVII.

*Ex cap. XLVI. videtur fundare ordinem Salvatoris ibi dicit, quod ubi non suppetunt facultates, mendicare debet pro victu nec laborare corporaliter dummodo addiscent grammaticam, orat, vel scribat.*

Iste articulus est mendaciter & infidelissime extractus; in nulla enim parte ejus sit (mentio) de ord. fundando Salvatoris. Præterea quæ dicit esse in articulo, longe aliter ponuntur; unde primo in rubrica capituli dicitur sic: *quod laborans in oratione & in lectione devote, licite potest mendicare pro necessariis vitæ.* Hoc autem si sit suspectum de fide, arceantur omnes scholares pauperes, qui ostiatim victum mendicant, solam grammaticam studentes ne amplius mendicent, alique innumeri pauperes religiosi. Præterea sic dicitur consequenter ex parte sponsæ ad virginem beatam: *& ego nunquid unquam laborare debeo propter victum lucrandum?* respondet Virgo mater: *quid agis modo & quotidie?* & ego respondi: *addiscent Concilior. Supplem. Tom. IV.*

*grammaticam, & oro, & scribo;* dixit autem mater: *non decet tales labores dimittere propter labores corporis; & ego: quid ergo debemus habere pro crastino victu?* respondit mater: *petite in nomine Jesu Christi, si aliquid non habetis;* hæc ibi. Quis jam sanæ mentis hoc consilium diceret non sanum esse, aut hanc sententiam arbitraretur suspectam recte nullus. Pro cuius tamen articuli declaratione est notandum, sicut S. Thomas in 2. 2. q. CLXXXVI. ar. 5. dicit, quod ex parte ejus, quod quis mendicando acquirit ad mendicandum potest homo induci ex duobus; uno modo ex cupiditate habendi divitias vel victum ociosum; & talis mendicitas est illicita; alio modo ex necessitate, vel utilitate. Ex necessitate quidem, sicut cum aliquis non potest habere unde vivat nisi mendicet; ex utilitate autem sicut cum aliquis intendit aliquid utile faciendum, quod sine elemosinis fidelium facere non potest, sicut petuntur elemosinæ propter constructionem pontis, vel ecclesiæ, vel pro quibuscumque aliis operibus, quæ vergunt in utilitatem communem; sicut scolares ut possint vacare studio sapientiæ, & hoc modo mendicitas est licita, sicut secularibus, ita & religiosis. Hæc S. Thomas ubi supra; ex quibus applicatis proposito facilius patet veritas & rationabilitas articuli.

#### Articulus LXXXVIII.

*Ex cap. XLIX. ejusdem libri dicit, solutionem jejuniis ad mandatum superioris esse majori meritis, quam jejuniis.*

Iste articulus non jacet ita rudis in originali, sed sic dicitur: si volenti jejunare præciperetur a superiore, cui obediendum esset, quod per obedientiam comederet; illa comestio majore remuneratione digna esset quam jejuniis: Hujusmodi articuli veritas patet ex declaratione articuli XLVI. & ideo supersedeo de ulteriori declaratione; intelligendo semper de jejuniis regularibus quæ communiter discretionis prælati subsumunt, de quibus videtur intelligi articulus ex serie textus.

#### Articulus LXXXIX.

*Ex eodem cap. persimile dicitur, quod commixtio parentum B. Virginis, quia ex mandato Dei fuerat, erat causa quare non contraxit originale peccatum; resumitur hoc capitulo LV.*

Quia translator articuli communiter gravius transfert quam in originali continetur, ponetur primo articulus in forma; secundo declarabitur ejus veritas. Circa primum articulus jacet sic, post articulum immediate præcedentem sequitur ita: *per similem modum conjunctio parentum meorum fuit* R r x 2 *quan-*



ANNO  
CHRISTI  
1433.

quando ego concepta fui, & ita veritas est  
quod ego concepta fui sine originali peccato.

Pro declaratione hujus articuli, quantum  
tangit solum illam causalem, & ideo &c.  
notandum venit, quod in conceptione ali-  
cujus ad duo potest haberi respectus; scilicet  
ad concubitum parentum; secundo ad  
ipsum conceptum ex tali concubitu deter-  
minatum ut in corpus prolis formetur. Itum  
duplicem respectum innuere videtur Chri-  
stus, Psal. 50. dicens: ecce enim in iniquita-  
tibus conceptus sum, & in peccatis conce-  
pit me mater mea; & ita secundum hunc du-  
plicem respectum, quem in hac materia faci-  
cit Nicolaus Trenech in quodam quodlibe-  
to suo, rationabiliter potest assignari causa  
mundæ conceptionis a peccato, qui in ar-  
ticulo ponit B. Virginem non conceptam in  
originali peccato; videlicet ex parte concu-  
bitus parentum; secundo ex parte ipsius con-  
ceptus in corpus prolis. Ex parte concu-  
bitus parentum; & hoc quidem loquendo  
in quantum est actio personæ non naturæ,  
assignatur ratio aliqualis, licet non plena,  
mundæ conceptionis. Et hoc propter tria;  
primo quia actus ille personalis creditur ex  
parte utriusque parentum, qui erant sancti  
& iusti fuisse meritoris, quia simpliciter ad  
bonum prolis & charitate ordinatur: secun-  
do quia non libidine ortus, sed ex superio-  
ris mandato, scilicet Dei factus; tertio quia  
divinæ virtutis miraculo consecratus, ut in  
historia nativitatibus ejusdem B. Mariæ Vir-  
ginis continetur; & ideo multiplex ratio oc-  
currit, quare ex parte concubitus paren-  
tum, in quantum actio erat personalis quod  
conceptio B. Virginis fuerit munda, in quan-  
tum scilicet ubi nulla personalis culpa in-  
ternodiavit parentum. Ut vero consideratur  
ut actio naturæ, quia ut dicit Damascenus  
generatio est opus naturæ, aliter dicendum  
veniret; & quod ista sit intentio articuli  
patet ex cap. LV. hujus lib. VI. ubi sic di-  
citur de eadem materia: mater loquitur: pa-  
ter meus & mater mea matrimonialiter con-  
venerunt, plus fecit hoc obedientia, quam  
voluntas, & plus operata est ibi charitas  
divina, quam voluntas carnis. Nam bora,  
in qua concepta fui, bene potest vocari aurea  
bora & pretiosa, quia alii conjuges conve-  
niunt ex voluntate carnali, mei vero paren-  
tes convenerunt ex obedientia, & præcepto  
Dei: hæc ibi: Ex quibus patet congruitas  
rationationis articuli. Quod vero dicit  
impugnator in primo art. videlicet quod  
cum existentes in arca Noe acceperunt man-  
datum hujusmodi duplicatum, ut patet Gen.  
29. ab eis geniti non contraxissent origina-  
le, dico quod non procedit, quia alia con-  
currerunt cum obedientia, quæ in ratione  
sunt tacta; sanctitas parentum, charitas ma-  
gna, obedientia movens, finis singularissimus, &  
divini miraculi majestas, ut patet ex dictis:  
Secundo arguit quod illa ratio est contra om-  
nes doctores, dico quod verum potest esse  
quod ipse viderat: non enim vidit illud Apo-  
stoli Rom. 2. si radix sancta & ramus. Præ-  
terea sicut una res dependet ex multiplici  
causa, scilicet quod est duplex genus causa-  
rum, II. physicorum, ita variaz de ea respec-  
tu alicujus proprietatis aut conditionis ex-

istentis potest sumi ratio convenientiæ, aut  
disconvenientiæ; & constat quosdam docto-  
res habuisse considerationem unam, & non  
aliam; & alios contra: sicut licet una sit  
totalis & plena definitio rei, tamen par-  
tiales contingit dari plures rationes de ea-  
dem re secundum diversas causas; unde ali-  
qua datur secundum causam formalem, &  
quædam finalem; sicut primo Posteriorum,  
& pr. de anima. Et hoc de articulo.

#### Articulus XC.

Ex eodem cap. quod nullum fuit bone-  
stius matrimonium, quam Joachim  
& Anne.

Loquendo de matrimonio carnaliter con-  
summato articulus videtur verus. Pro cu-  
jus declaratione notandum, primo, quod ut  
dicit Augustinus, & deducit Magister in 4.  
dis. 30. triplex bonum dicitur honestare ma-  
trimonium, videlicet proles, fides, & sa-  
cramentum; hinc sicut nullum matrimonium  
habuit ista tria bona in tanta plenitudine  
perfectionis, quam matrimonium Joachim &  
Annæ. Ergo sequitur, quod nullum fuit eo  
honestius; propter consequentia. Primo, de  
prole: primo quidem proles fuit gloriosior  
puto super omnes beneficiæ, & honestior,  
quam fuerit unquam proles cujuscumque al-  
terius matrimonii. Secundo, quod intentio  
parentum in conceptione ejus fuit ad ordi-  
nem potissimum ordinata, quia ad cultum  
exhibendum Deo in obsequio Dei genitricis:  
sciebant enim eam futuram matrem esse Sal-  
vatoris. Secundo fides creditur inter eos ma-  
xime splendidisse, qui iusti, & sancti erant  
ante Deum. Præterea tertio, ubi potius  
resplenduit ratio sacramenti unionis Christi  
& ecclesiæ, quam in matrimonio; ex quo  
processit proles, quæ immediate fuit mater  
Christi? Illud enim matrimonium ex proxi-  
mitate ad Christum creditur aliquid nobili-  
tatis suscepisse super alia matrimonia, sicut  
S. Thomas dicit in 4. quod quia Johannes  
Baptista vicinior Christo fuit, a Christo am-  
pliori gratia dotatus fuit sanctificationis  
quam Jeremias; & B. Virgo quia proximior  
Christo copiosius omnibus aliis. Quod si ar-  
tendisset impugnator, non habuisset suspectum  
dicere quod matrimonium Joachim & An-  
næ fuerit honestius omnibus aliis. Et hoc de  
articulo.

#### Articulus XCI.

Ex cap. 52. dicit, quod sicut dat intel-  
lectum meliorem uni, quam alteri;  
sic unusquisque utitur conscientia,  
ut expedit ad honorem  
suum.

Pro declaratione præsentis articuli primo  
plene ponam formam articuli ut jacet in o-  
riginali, quia longe aliter, quam translator  
transfert in originali ponitur. Secundo ma-  
ni-

nifestabitur veritas ejus: est autem talis forma articuli: patet sensus; quis miraretur si aliquis de praesentata sibi moneta, vel metallo faceret sibi coronas vel annulos, aut scipos ad utilitatem suam; sic nec mirum est se ego recipio corda amicorum meorum mihi praesentata. & facio in eis voluntatem meam; & quis unus habet meliorem intellectum, & alius minorem; sic uniuscujusque conscientia utro sicut expedit ad honorem meum, quia cor justus est moneta mea. Hæc ibi. Hic autem articulus licet tam clarus sit apud Theologos ut declaratione non egeat; immo expresse videatur esse dictum Dei per Isaiam cap. 83. ubi sic dicit Deus: omnem, qui invocat nomen meum in gloriam meam, creavi eum, formavi eum & feci eum. Est tamen notandum pro declaratione aliquali, quod Magister sententiarum in 1. dist. 1. movet questionem utrum Deus fruatur nobis, an utatur; & eandem questionem movit Augustinus lib. de doctr. Christi. cap. 36. querens quomodo diligat nos, an utens, an fruens, & procedit ita: si fructus nobis indiget bono nostro; quod nemo sanus dixerit: ait enim Propheta: bonorum nostrorum non indiget, Domine. Non ergo fruitur nobis, sed utitur: si enim nec fruitur, nec utitur: non invenio quomodo diligat nos; nec tamen sic utitur nobis ut nos aliis rebus: nos enim rebus, quibus utimur, ad id referimus, ut rei bonitate fruamur: Deus vero ad suam tantum bonitatem usum nostrum, idest quo nobis utitur, refert: hæc ille. Sed quod ad suam tantum bonitatem Deus refert, hoc & ad suum honorem non est dubium referri. Ergo articulus manifeste est catholicus. Præterea articulus est expresse sapientissimi Salomonis, prov. 16. ubi dicit: omnes via hominis patent oculis ejus, spirituum ponderator est Dominus; sequitur: universa propter semetipsum operatur est Dominus: Ecce quam sapienter dictum, & quam conformiter ad articulum nostrum: primo ponderat Deus spiritus sive angelicos, sive humanos; & tandem & unoquoque utitur juxta facultatem & virtutem suam ad honorem & gloriam suam, sicut patet in varietate ministeriorum Angelorum, & ecclesiarum, & etiam ipsius mundialis machinæ, in quibus juxta varietatem distributarum virtutum creaturis Deus ad suam gloriam utitur eis; Et hoc de praesenti articulo.

## Articulus XCII.

Ex cap. 56. est, in quo assignatur differentia inter natiuitatem Domini, & Mariæ, quia Virgo per communem portam; Christus...

Pro declaratione praesentis articuli primo ponam articulum in forma sicut est in originali: secundo videbitur quod non fuit causa dubitandi. Articulus ita dicit: Mater loquitur: quoniam mater mea me genuit, per portam communem exiit; quia alio modo quis nasci non debuit, nisi specialiter filius meus, qui sicut natura omnium est conditor; ita etiam mirabiliter & ineffabiliter nasci vo-

luit: hæc ibi. Quis Christianus suspectum habeat hunc articulum? nullus certo: porta enim communis, per quam universi nati, præter Christum, exeunt, est uterus reферtus sive apertus secundum illud: omne masculinum adaperiens vulvum &c. Hic autem modus exeundi non conveniebat Christo. Sed inviolato utero matris perdurante: ita enim dixerat Propheta Isaias, 16. 7. Ecce virgo concipiet & pariet filium. Unde articulus praesens, si bene intelligitur, expresse ponitur Eze. 44. ubi dicitur sic: porta hæc clausa erit & non aperietur, & vir non transibit per eam, quoniam Dominus Deus Israel ingressus est per eam; quod exponens Augustinus in quodam sermone dicit: quid est porta in domo domini clausa? nisi quod Maria conceperit intacta: & quid est quod homo non transibit per eam? nisi quod Joseph non cognoscet eam; & quid quod Dominus solus intrat & egreditur per eam? nisi quod Spiritus imprægnavit eam; & Angelorum Dominus nascitur per eam; & quid quod clausa erit in æternum? nisi quod Maria est Virgo ante partum, Virgo in partu, & Virgo post partum. Et hæc de articulo, quia non est causa multum immorandi.

## Articulus XCIII.

De Cap. 40. quod Hieronymus non dubitavit de assumptione B. Mariæ Virginis; sed maluit pie credere, quam desinere non revelata.

Iste Dominus, qui istum articulum suspectum habet a veritate, si legisset B. Hieronymum in serm. de assumpt. B. Virginis, non notasset eum. Unde Hieronymus ait: quamvis nonnulli adstruere velint eam jam resuscitam, sicut & multos alios, qui cum Domino, teste Evangelio resurrexissent creduntur; quod quia Deo nihil est impossibile, nec nos de B. Virgine Mariæ sanctum habuimus, quamquam propter cautelam, fide salva, magis desiderio opinare oporteat, quam inconsulte desinere, quod sine periculo nescitur. Hæc ille; & ita patet de articulo.

## Articulus XCIV.

Ex cap. 66. sumptus dicit: quod quadam anima in purgatorio erans, non patitur ex charitate, sed ex mala voluntate.

Primo, circa articulum istum dicendum est quod non fideliter extractus est: non enim in originali dicitur, quod anima illa patitur ex mala voluntate: sed bene dicitur cum mala voluntate: ita enim in forma scribitur: anima que patitur, non ex charitate illa patitur, sed cum mala voluntate. Magna differentia est inter doctores inter propositionem ex & propositionem cum; quanta enim poenitentia dignus sit qui in materia fidei



ANNO  
CHRISTI  
1433.

fidem non servat in transferendo, relinquo Reverendissimis de concilio. Pro declaratione tamen veritatis articuli notandum cum S. Thoma & Alberto Magno & aliis DD. Theologiae in 4. dist. 20. quod aliquid dicitur voluntarium dupliciter; uno modo voluntate absoluta, scilicet quando aliquis vult absolute aliquid in se, & propter se; & sic nulla poena est voluntaria; immo voluntati contraria & odio habita; & tanto plus quanto major est; & isto modo poenam non patitur anima in purgatorio cum bona voluntate nec voluntarie sive complacenter: quod patet ex hoc, quia nihil est alicui voluntarium absolute & gratum animae existenti in purgatorio, a quo desiderat, & petit, & clamat liberari: sed a poena animae in purgatorio existentes liberari, & desiderant, & petunt. Ergo quoad istum sensum articulus est verus, scilicet quod cum mala, & tristi, & displicenti voluntate patitur poenam illa anima. Secundo modo dicitur aliquid voluntarium voluntate conditionata; scilicet quando tale quaeritur non propter se, sed propter alium: & hoc modo poena potest esse voluntaria: hoc autem potest esse tripliciter, vel a voluntate assumente, & sic est de poena satisfactionis; vel a voluntate acceptante, & sic est poena martyrii; quoniam martyr, licet non assumpserit infirmitatem; tamen patienter, & voluntarie accipit: aut voluntate sustinente sive tolerante, sicut infirmitas immissa alicui bono viro, quam voluntarie sustinet, & nihilominus vult ab ea liberari; & ita est purgatorii poena. Anima enim existens in purgatorio, sciens eam esse infirmitatem a Deo, & volitam, secundo esse iustam, tertio esse medium, sine quo, lege constante, non potest introire regnum gloriae, quia nihil inquinatum intrat illud, voluntate bona vult eam pari, & vult affigi amore sperati; & sic patet veritas articuli.

#### Articulus XCV.

Ex eodem cap. omnis creatura abominatur eam.

Pro declaratione hujus articuli primo ponendus articulus integer, quia intelligentia & ratio sequentium dependet ex praecedentibus; secundo ostendatur veritas ejus. Articulus sic jacet in forma: *secunda*, scilicet poena, est quia reliquit creatorem, & amavit creaturam; immo omnis creatura abominatur eam. Hic igitur pro declaratione istius articuli, quamquam non multum indigeret declaratione; attento tamen illo formoso dicto Gregorii quod offenso Deo omnis creatura offenditur; & per consequens metaphorice utendo vocabulo abominationis, omnis creatura abominatur peccatorem quovis offenso Deo debitam satisfactionem, peregerit. Est tamen notandum juxta SS. DD. doctrinam quod licet per contritionem deleantur culpa; non tollitur communiter ex toto reatus poenae, & nec semper venialia, dimissis mortalibus, tolluntur; & ju-

ANNO  
CHRISTI  
1433.

stitia Dei hoc exigit, ut peccatum per poenam debitam ordinetur. Quocirca oportet quod ille, qui post contritionem ante satisfactionem debitam discedit, ut post hanc vitam puniatur. Secundo notandum, quod quia homo peccat, indebite, & irrationaliter diligendo creaturam, Deus ipsis creaturis utitur instrumentaliter ad punitionem hominis; sic verificatur illud Sapientiae XI. *per quae quis peccat, per haec & torquetur.* Et de hoc dicitur Sapientiae 5. *accipiet armaturam, zelus illius, & armabit creaturam ad ultionem inimicorum.* Item ibi: *pugnabit cum illo orbis terrarum contra infensatos;* ubi Gregorius in glossa: *Creator omnium, cujus arma sunt veritas & iustitia, & judicium per creaturam sibi subjectam corripit delinquentes.* Item Sapientiae 16. *vindex est orbis terrarum;* ubi glossa Gregorii dicit: *omnis creatura parata est ultisci injuriam Creatoris.* Item ibid. dicitur: *creatura enim tua tibi, factori, deserviens, excandescit in tormenta ad injustos;* glossa: *peccatores omnium creaturarum concordia flagellantur.* Recce qualiter omnis creatura, in quantum ut instrumentum divinae iustitiae, concurret ad punitionem hominis, dicitur eum quasi abhominari; & ideo bene dicitur in articulo: quod quia reliquit creatorem, & amavit creaturam, omnis creatura abominatur talem animam, eo modo, quo DD. dicunt quod omnis creatura videtur fuisse turbata contra hominem peccantem. Et hoc de isto articulo.

#### Articulus XCVI.

Ex eodem cap. est quod talis deservat de venia, quia plus desiderabat perituram quam aeternam.

Circa hunc articulum primo dicendum, quod falso, & mendose extractus est quoad illam causalem, quae ponitur cum dicit: *quia plus &c.* sed dicitur sic: *septima poena est desperatio de venia, quia nescit utrum salvabitur an non.* Pro cujus articuli declaratione & ostensione veritatis facilis expeditio haberetur, si velimus dicere cum antiquis quibusdam Theologis, qui, ut recitat S. Thomas, & Albertus, & Bonaventura, dixerunt quod in purgatorio ita absorbetur spiritus propter acerbiteriam poenarum, quod nescit quoque utrum sit in inferno an extra; de qua absorbtione poenarum orans ecclesia pro mortuis existentibus in purgatorio ita dicit in offertorio missae defunctorum: *Domine, Jesu Christe, rex gloria, libera animas omnium defunctorum de manu inferni, & de profundo luci, ne absorbeat eas tartarus, ne cadant in obscura &c.* sed quia schola Theologorum pro nunc non approbat illam opinionem, aliter est declarandus articulus, & melius conformiter ad sacram scripturam, & ad dicta SS. DD. Primo modo, ut ly desperatio non dicat privationem omnimodam spei habendae veniae & per semper; sed solum dicat privationem spei veniae ita cito habendae: & ratio sequitur quia nescit, an salvabitur, an non, scilicet ita cito; eo

mo-

ANNO 1433. modo quo Alexander de Ales in 2. dicit quod cum Gregorius ait: *de creatore desperasset, si spem in creatura posuisset*: dicit quod desperare potest accipi non pro omnimoda privatione spei; sed ut sit sensus: non omnino de Deo sperabat, qui sperat in creatura. Pro quo notandum dicit Bonaventura & Petrus de Tarantasia, quod illi, qui sunt in purgatorio, statum habent medium inter mundum & coelum, & inter statum viatorum, & comprehensorum, unde & certitudinem mediam habent: in Coelo est certitudo sine expectatione habendi, & timore perendi: in purgatorio vero est certitudo cum expectatione habendi, & sine timore perendi. Unde quamvis non habeant gloriam, sunt tamen securi de habendo eam, cum sciant se esse in purgatorio, qui via est tandem ad gloriam: nesciunt tamen de communi lege quantum in purgatorio manebunt. Secundo potest dici quod sicut iudicium de aliqua re potest sumi dupliciter; ita spes, quæ actum rationis sequitur. Iudicium potest sumi de re vel secundum causam superiorem, vel secundum causas proximas. Et quamquam aliquod iudicium aliter sumitur secundum causas proximas, quam sumetur secundum causam superiorem; exempli causa, iudicium mortis regis Ezechiae, cui dictum est ex parte Dei per Isaiam; & habetur X. 20. & Isa. 38. *dispone domui tue, quia morieris tu, & non viues*; si sumatur secundum inferiores causas sic verum erat quod erat moriturus: nam dispositio corporis ejus erat talis; & ita fuit propheta- rum, & secundum tales inferiores causas non erat spes de vita: si vero iudicium sumatur secundum altissimam & superiorem causam, videlicet divinæ potestatis altitudinem & præscientiæ æternam dispositionem, sic non erat moriturus pro tunc, sicut non fuit mortuus: imo additi sunt XV. anni vitæ ejus. Ita de spe sive desperatione alicujus rei possumus loqui; quoniam de una re secundum dispositionem causarum inferiorum nulla spes erat; de qua re in confidentia sive respectu potestatis aut liberalitatis aut pietatis superioris causæ firmissima spes habetur. Hoc modo sanctus ille vir Job. cap. 7. ait desperans: *nequaquam ulterius vivam*. Exponit Albertus Magnus: *quia ex causis inferioribus spem sanitatis non habeo*: hæc ille. Ita possumus dicere in proposito, quia anima considerando dispositionem causarum inferiorum, videlicet dispositionem actuum suorum, magnitudinem commissorum, de quibus poenitentiam debitam nondum egit, pauca aut nulla pro se fieri specialia, poterit non habere spem ita celeris expeditionis sive veniæ; ita large utendo vocabulo, sicut scriptura sæpe facit, potest dici desperare; unde, proprie loquendo, magis afflicto quæ ex dilatione spei oritur esset vocanda quam desperatio. Sed hic unum pro alio sumi videtur: & hoc apparet mihi de articulo.

# Articulus XCVII.

Ex precedenti cap. videlicet 66. quod quamdiu anima moratur in peccato scienter, habens copiam confitendi, & negligit, vel non attendit, tunc magis est apostata dicenda coram Deo, quam Maria.

Circa istum articulum primo ponetur articulus in forma, quia infideliter extractus est, quia illud, unde pendet veritas articuli prætermittitur, quod sæpe is calapniator agit. In secundo declarabitur esse verus: articulus autem ita jacet in originali; scilicet quia Maria multos habuit inimicos, ideo continue faciebat confessionem; nam quamdiu scienter moratur in peccato habens copiam confitendi, & negligit vel non attendit, tunc magis apostata dicenda est coram Deo quam Maria. Pro cujus declaratione notandum est quod DD. moventes questionem in 4. dis. 17. an statim quis teneatur confiteri, dicunt quod cum sit præceptum affirmativum, non obligat ad statim confitendum nisi in certis casibus, inter quos ponitur & præcipuus cum imminet periculum mortis. Unde dicit S. Thomas ubi supra: si immineat periculum mortis etiam per se loquendo obligatur aliquis ad confessionem faciendam; & ideo non est eorum probabilis opinio, qui dicunt quod non tenetur homo ad statim confitendum, quamvis periculosum sit differre. Verum ergo, & veraciter dicit articulus, de quo sermo, juxta sententiam DD. quod quia anima multos habet inimicos, scilicet, ut creditur, sibi imminet mortis periculum; ideo continue, scilicet cum similis necessitas perurgeret, faciat confessionem. Nam quamdiu &c. Ratio quia tali casu periculi, & necessitate occurrente videtur contemnere propriam salutem, & contempto medicamine confessionis, de quo dicit Ugo de S. Victore: *si necessitas non est quæ prætendatur, contemptus non excusatur*. Et hoc de isto articulo.

# Articulus XCVIII.

Ex cap. 71. in quo ostenditur Christum mandasse cuidam confessori, quod omnes indifferenter absolveret venientes, donec Christus ipse ostenderet aliquem non esse absolvendum.

Circa istum articulum notandum quod primo ponetur articulus in forma, quia mendaciter, & infidelissime extractus est. Secundo ostendetur habere possibilitatem veritatis. Articulus autem ita dicit: *absolvat ille bonus confessor omnes peccatores, qui veniant ad eum cum contritione, donec venerit aliquis, dicit Christus, quem dico non absolvendum: sed caveat sibi pro iudiciis ecclesiæ apertis*. Patet quod infideliter extractus est: quoniam in articulo non dicitur quod Christus mandaverit omnes venientes indifferenter absol-



ANNO  
CHRISTI  
1433.

vere, sed tantum cum contritione venientes. Secundo excipiuntur sententiæ apertæ ecclesiæ, a quibus mandat caveri; unde in rubrica hujus capituli ita dicitur. *In anno sub illo Christus præcepit per sponfam cuidam confessori, quod omnes confitentes, & libere absolveret, nisi in apertis sententiis ecclesiæ.* Secundum, quanquam articulus sit apud claros clarissimus; veruntamen pro declaratione ejus notandum est quod sicut Christus non ligavit potentiam suam sacramentis; ita nec ministris ecclesiæ. Quis enim Christianus dubitat, quod sicut Christus Petro immediate dedit claves ligandi, & absolvendi; & papa delegatis aut ordinariis confessoribus immediate sæpe tribuit hujusmodi. Ita non possit nunc Christus alicui confessori committere potestatem absolvendi quoscunque confitentes. Quid ergo inconveniens est dicere quod Christus mandavit cuidam confessori absolvere contritos a peccatis eorum; & præsertim cum primo esset confessor ille, & ita habens potestatem ab ecclesia lege communi observata ecclesiasticæ Jerarchiæ; & quoniam vanum videtur in rebus hujusmodi tam clavis & sane dictis in longum extendere calamum, finem facio de hoc præfenti articulo.

#### Articulus XCIX.

*Ex Cap. 72. dicit maculam esse in ecclesia, quod parochiales sacerdotes indifferenter non absolvent; sed in certis casibus ad Episcopos remittunt.*

Iste articulus, sicut plures alii, infideliter est extractus; ideo non mirum si videatur malus. Integer ergo ostenditur veritatem continere. Textus autem ita jacet. *Filius loquitur: dua maculae sunt in ecclesia mea: Una est quod pauci assumuntur nisi pecunia præcedente; secunda est quod parochiales sacerdotes non audent absolvere peccatores de omnibus peccatis suis occultis; sed asserentes se non posse absolvere in aliquibus casibus referunt, mittant illos peccatores ad episcopos & tanto tempore discutiuntur donec occulta peccata omnibus fuerint manifesta. Ideo qui habent zelum animarum debent talibus salubriter occurrere, ne anima vel pudoris verecundia, vel obduratione in peccatis mortalibus moriantur.* Hæc ibi. Nunc vero notandum qualiter articulus est verus. Prima pars clara est: nam ad præfens regnante tanta avaritia, & cupiditate in clero, ad magnam partem ejus extenditur macula simoniæ. Secunda pars etiam patet esse vera; si totus ille textus junctim, & copulative sumatur, sicut debet sumi: nam non dicit quod est macula in ecclesia per hoc, quod aliqui casus reservantur prælati superioribus etiam peccatorum occultorum; sed propter remittentium sacerdotum, & prælatorum, ad quos sit remissio imprudentiam, tuamquam qui non ea charitate & pietatis compassione suscipiunt hujusmodi peccatores, nec ea diligentia expediunt, sicut & debent: Sed aut ..... recipiunt & animi indignatione pertrahant, aut tanto tempore & ita imprudenter discutiunt, donec occulta pec-

cata hujusmodi hominum cunctis sunt manifesta in curiis episcoporum. Et ideo dicitur in articulo, quod qui habent zelum animarum debent talibus salubriter occurrere, ne anima vel pudore, verecundia, vel obduratione in peccatis mortalibus moriantur. Hæc de hoc articulo: & cum dicit calupniator quod habet articulus ponit maculam in ecclesia, quæ non habet maculam nec rugam, Ephe. 5. dicendum quod, ut dicit S. Thomas in 3. par. quæst. 8 a. 3. quod esse ecclesiam gloriosam, non habentem neque maculam, neque rugam, est ultimus finis, ad quem perducuntur per passionem Christi; unde hoc erit in statu patriæ, non in statu viæ: in quo si dixerimus quod peccata non habemus, nosmetipsos seducimus, & veritas in nobis non est; &c. ut dicitur primo Joh. 1. Sunt autem quedam mortalia, quibus carent illi, qui sunt membra Christi per æqualem unionem charitatis: qui vero labentes subduntur peccatis, non sunt membra Christi actualiter, sed potentialiter; nisi forte imperfecte per fidem informem. Hæc ille; ex quibus patet quod dicere quod in ecclesia quæ bonos & malos in statu præsentis vitæ continet, esse apud aliquos eorum aliquas maculas, nullum est inconveniens, immo verissimum; immo oppositum videtur sapere errorem Valdensium & Bohemorum dicentium solum bonos & justos esse de ecclesia, nullumque de ecclesia esse, Cin quo aliqua macula peccati mortalis inesset.

#### Articulus C.

*Ex Cap. 79. dicit baptizatos a non sacerdote credito tali, in fide parentum salvari.*

Pro declaratione hujus articuli primo ponitur articulus in forma quod mendose & infideliter extractus. Secundo ostenditur quomodo verus est juxta sanctorum doctrinam: articulus autem sic est in forma; *fides parentum proficit baptizatis ab eo: quia fides ex charitate operum qui credit digna est de Deo, non erit sine remuneratione, nec fraudabitur a desiderio suo; ita est articulus.* Iste articulus non dicit baptizatos taliter salvari in fide parentum; sed dicit quod fides parentum proficit baptizatis. Iste articulus est verus, quem S. Thomas ponit in 3. parte sua ex dictis Augustini. Pro cujus declaratione est primo notandum, quod S. Thomas in 3. par. q. 68. a. 9. ubi querit utrum pueri sint baptizandi, arguit in 2. articulo sic: baptizatus est fidei sacramentum; sed pueri non habent fidem, quæ constituit in credentium voluntate, ut dicit Augustinus supra Joh. 2. Etiam potest dici quod salvantur in fide parentum; quia quanquam parentes sint infideles, & sic magis per infidelitatem eorum dampnentur. Ergo videtur quod pueri non possint baptizari. Quod articulo solvit sic dicens: dicendum est quod sicut Augustinus scribens Bonifatio dicit, quod in ecclesia Salvatoris parvuli per alios credunt; sicut ex aliis, quæ in baptismo remittuntur peccata traxerunt: nec impeditur eorum salus si pa-

parentes sint infideles, quia sicut August. dicit eidem Bonifacio scribens: offeruntur par-

A

uli ad perficiendam spiritualem gratiam non tam ab eis, quorum gestantur manibus, quamvis & ab ipsis, si & ipsi boni fideles sunt; quam ab universitate sanctorum, atque fidelium; ab omnibus namque offerri recte intelliguntur, quibus placet quod offeruntur, & quorum charitati sancti spiritus adjunguntur: & concludit in fine: fides autem unus, imo totius ecclesie parvulo prodest per operationem Spiritus S. qui unit ecclesiam, & bona unus alteri communicat. Hæc ille. Ecce qualiter prodest fides unus sive parentis, sive alterius existentis in ecclesia parvulis baptizandis. Præterea mirum esset quod fides parentum nunc baptizandis in nullo proficeret: quæ tamen proficiebat parvulis ante circumcissionem, & baptismum, ut ad remissionem originalis peccati valeret eis, dicente B. Gregorio in 4. moral. & deducit Magister in 1. dist. 4. quod apud nos valet aqua baptismi: hoc egit apud veteres vel pro parvulis sola fides; dicit Magister; Parentum, vel pro majoribus ritus sacrificiorum, vel pro his, qui ex Abrahæ stirpe prodierunt ministerium circumcissionis. Ergo & nunc alicui fides credenda est proficere: clarum ergo est, quod iustitia baptizantis sæpe proficit quoad aliquid ipsis baptizatis: ergo etiam fides parentum, dilectionem operans ipsis proficere poterit; consequentia patet; antecedens est Thoma in 4. dist. 5. nam quærens utrum principaliter baptismus datus per meliorem ministrum meliorem habeat effectum: respondet quod aliquid dicitur effectus alicujus rei dupliciter; per se & per accidens; per se quando effectus est alicujus quod per ipsum ad hoc ordinatum producit; sicut domus est effectus ædificatoris: per accidens vero dicitur effectus alicujus quod conjungitur ei quod est effectus per se; sicut si inhabitatio domus dicatur effectus ædificationis; sic ergo dico quod effectus per se baptismi æqualis est a quocumque detur vel a malo, vel a bono cæteris paribus aperte baptizatis; & ita dicit Magister in eadem dist. quod nondum est melior baptismus per meliorem ministrum; sed per minitros impares Dei munus est æquale; sed cum effectu baptismi potest aliquid baptizando conferri sive pertineat ad salutem corporis sive animi ex merito baptizantis. Hæc ille. Et ita proficere potest baptizatis & fides, & devotio tam ministri, quam parentum, quod sic potest confirmari: baptismus magis est ordinatus ad spiritualem salutem, quam ad corporalem; sed aliquis baptizatus a sancto homine, meritis & intercessionem baptizantis, salutem corporalem consequitur, quod non est ex opere operato, quia baptismus ad hoc efficaciam non habet: sicut patet de Constantino, quem Silvester baptizavit. Ergo quantum ad spiritualem salutem baptismus a bono ministro ministratus potest ampliorem effectum facere spiritualis profectus; & ita proficere intelligitur baptizato: & pariter arguitur de meritis parentum, quæ adjuncta efficaciam baptismi, aliquis profectus spiritualis ultra effectum communem & per se, inhabitantem sequitur. Et hoc de isto articulo.

Concilior. Supplem. Tom. IV.

# Articulus CI.

Ex cap. 79. quod non consecratus celebrans missas, si deprehensus fuerit, & per judicem combustus, salvabitur per contritionem quam habuit in supplicio, & populus ejus missas audiens excusatur ab idololatria, & peccato mortali propter fidem, qua credit eum consecratum, & consecrationem.

B Ille articulus ita habet claram evidentiam veritatis, quod mirum est quod a catholico suspectus habeatur de errore. Prima pars, quæ dicit quod talis sic reus deprehensus, & igni adjudicatus, per contritionem, quam habuit in supplicio sit salvatus, catholica est. Si enim in supplicio, & ita conversus fuerit ad Deum, clarum est quod salvatus est, dicente Domino: convertimini ad me & salvi eritis Joel. 2. & Ez. 18. Si conversus fuerit impius ab impietate sua, omnium iniquitatum suarum non recordabor. Et Chrysostomus: si quis ad summam venerat malorum, & inde velit divertit, suscipiet libenter & amplectetur eum Deus. Secunda vero pars, quæ dicit quod populus excusatur propter fidem, & intentionem suam, quam habet ad Christum, patet etiam: dicit enim S. Doctor in 3. in materia de oratione dist. 9. quod qui adorat hostiam non consecratam, adorare eam cum conditione debet si est consecrata; non tamen oportet quod hæc conditio semper sit in actu explicata; sed sufficit si in habitu teneat eam. Unde non peccat adorans eam, quia non adorat puram creaturam sed Christum secundum intentionem suam. Sacerdos autem talis, quantum in se est, facit populum idololatrare, quia offert ei puram creaturam ad adorandum. Hæc ille. Et hæc de isto articulo.

# Articulus CII.

Ex cap. 81. quod puer per vetulas baptizatus, debeat rebaptizari.

Pro declaratione hujus solum hoc sufficit apud aures christianas, ut ostendatur quod mendose & infideliter est extractus; & ponatur sicut jacet in veritate in originali quia nullus esset, qui de eo dubium habeat ullum. Textus enim de quodam puero loquens a Dæmone vexato, ita dicit: Diabolus in eo potestatem habet, quia baptizatus vero renatus non est; sed eo modo baptizatus, quo mulieres ignorantes verba Trinitatis baptizare solent; ideo puer baptizetur in nomine Patris, Filii, & Spiritus S. Hæc ibi; quid magis catholicum dici potest quamquod puer baptizatus per mulierem ignorantem verba Trinitatis, & per consequens formam baptismi, quæ in eis essentialiter consistit, rebaptizetur? vel ut melius dicam, & dicit

Ses ar-



ANNO  
CHRISTI  
1433.

articulus baptizetur, quia prima vice potius est dicendus aqua infusus, aut aspersus, quam baptizatus; unde S. Thomas in 4. dist. 8. dicit: *si inveniat pro certo aliquis defectus fuisse in baptismo eorum, quæ sunt de essentia Sacramenti, debet absolute iterum baptizari sub hac forma: baptizo te, si non es baptizatus, in nomine Patris, Filii, & Spiritus S. Et hæc est sententia omnium SS. Doctorum in 4. dist. 6. & hæc de isto articulo.*

#### Articulus CIII.

*Ex cap. LXXXVIII. in quo dicitur quod B. Birgitta in natiuitate Domini sensit motum sensibilem, ac si puer unus vivens volens & revolvens esset in ea; & hoc ostendit patri suo spirituali.*

Pro declaratione præsentis articuli, primo ponetur articulus in forma, quia extractor non integre nec plene fideliter ponit eum; Dimitte enim aliqua, ex quibus dependet intellectus ejus: secundo mutat verba; secundo ostenditur possibilitas veritatis ejus. Articulus autem est in textu isto modo originaliter. *Nocte natalis Domini tam mirabilis, & magna advenit sponsæ Christi exultatio cordis, ut vix pro lætitiâ tenere posset; & in eodem momento sensit in corde motum sensibilem, quasi in corde esset puer vivens, volvens, & revolvens: cumque motus iste durasset, ostendit patri suo spirituali, & aliquibus amicis spiritualibus, ne forte esset illuso, qui visu & tactu probanter veritatem admirabantur. Hæc ibi. Pro ostensione possibilitatis veritatis hujus est notandum, quod juxta sententiam Aristotelis lib. de motu cordis, duplex est motus ejus, qui communiter vocatur dyastoles idest motus dilationis, & systoles idest motus constrictionis: primus motus ascribitur gaudio, secundus tristitiæ: gaudium enim, ut dicit Albertus Magnus super Luc. 1. cap. super illud: *repleta est Spiritu S. cum subito prorumpitur in actum spiritus diffanditur in corde simul & corpore, & replet pectus & coraciat ut ordinate possit propalari. Et hoc quidem licet faciat anxietas; sed impetuosius id facit gaudium: anxietas quidem facit sicut Baruc. 4. dicitur: & nunc, Domine Deus Israel, anima mea in angustiis est & spiritus anxius clamat ad te; & Jer. 4. dicitur: ventrem meum doleo; ubi Nicolaus de Lira dicit: ecce hic ponitur dolor prophete in corpore: vehemens enim motus mentis gaudii vel doloris redundat ad corpus, ideo dicit ventrem meum &c. quasi ita affligor in corpore sicut mulier parturiens, vel sicut vir tortiones horribiles sentiens: gaudium autem hoc facit impetuosius, ita ut ad motum jubili prorumpat in vocem, 11. lib. 4. decanta laudem quæ non parturiebas; & in psalmis dicitur: cor meum & caro mea exultaverunt in Deum vivum; extra se saltaverunt signis exterioribus interiorem mentis jucun-**

ditatem demonstrantes: non ergo mirum si mentis exultatio, infusa B. Birgittæ in nocte Nativitatis nostri Salvatoris, in qua Angeli annuntiaverunt gaudium universo mundo, in motum cordis sensibilem proruperit. Secundo notandum quod, ut tangit Doctor in 2. 2. & quærit de veritate, revelatio divinitus facta potest esse in triplici differentiâ; ut per formas sensibiles, ut puta quando menti prophetæ mediante sensu exterius quædam reputantur formæ sensibiles; sicut Daniel vidit scripturam parietis V. quandoque autem per formas imaginarias; sicut Jeremias vidit ollam succensam a facie aquilonis; tertio per intellectus species impressas ipsi menti; sicut in Apostolis recipientibus sapientiam infusam. Ad primum genus revelationis reduci videtur omnis revelatio facta de rebus divinis per quamcumque rem corporalem; & hoc modo motus aliquando sensibilis fit divina virtute in hominibus, etiam ad ostensionem alicujus rei spiritualis, & divinæ; sicut patet in motu exultationis S. Johannis Baptiste in ventre Elisabeth, de qua dicitur Luc. 1. *factum est, ut audiret salutationem Mariæ Elisabeth, exultavit infans in utero ejus; super quo August. dicit, ut dicit Nicolaus de Lira, quod motio illa pueri & exultatio facta est ad declarationem sanctitatis Virginis & prolis in ea existentis; sicut de B. Francisco legitur, inquit B. Nicolaus de Lira, quod avas ratione carentes prædicationem ejus attente audiebant, ac si verba ejus intelligerent; quod factum est a Deo ad probationem prædicationis viri sancti. Hæc ille. Quid ergo si ad ostensionem tam lætitiæ grandissimæ, & exultationis virginis gloriose in conceptione Salvatoris quam unius instantaneæ mutationis unionis humanitatis assumptæ cum divinitate, in devotæ sponsæ Christi corde Birgittæ divina virtute talis motus sensibilis formatus est? cum multa majora mirabilia in dilectis suis faciat Dominus; licet animalis homo horum non habeat experimentum: unde legitur de B. Bernardo in legend. SS. quod cum in sacratissima Nativitatis Christi nocte matutinale officium in ecclesia expectaret, & qua hora noctis Christus natus esset scire cuperet, apparuit ei puerulus Jesus, quasi iterum ante oculos ejus ex utero matris nascentis, &c. & ideo hujusmodi non suspecta habenda sunt; sed glorificandus est Deus, qui talia ostendit & communicat devotis suis ad eorum consolationem & aliorum instructionem, & magnificationem sapientiæ & misericordiæ Dei; unde B. Birgittæ admiranti de tam inusitato motu cordis, dicitur B. Virgo apparuisse, & dixisse: *filia, miraris de motu, quem sentis in corde? scias, quod non est illuso, sed ostensio quædam dulcedinis meæ, & misericordiæ: mihi factæ in conceptione Filii Dei. Et tantum sit de præfati articulo, in quo magis admirandus est Deus & laudandus in sanctis suis, quam articulus disputandus.**

ANNO  
CHRISTI  
1433.

## Articulus CIV.

Ex cap. 89. in quo inducitur Johannes Evangelista certificans se scripsisse Apocalypsim: & quod Magister Mathias confessor ejus eodem spiritu intelligit & scribit spiritua-  
lem veritatem sacre scripturae; & quod Christus fecit cum magistrum, & quod Christus ostenderet sibi quomodo, & quando veniet Antichristus.

Pro declaratione præsentis articuli est sciendum quod, ut dicitur in principio capituli, ex quo excerptur præfens articulus, tempore quo Magister Mathias de regno Sueciæ glossator bibliæ, glossavit super Apocalypsim, rogavit quadam die (ponfam, scilicet S. Brigitam, cujus erat confessor, & pater spiritualis, ut oraret Dominum ut revelare dignaretur de tempore antichristi; & an a B. Johanne Evangelista Apocalypsis esset conscripta, quia multi contrarium sentiebant; ipsa vero super hoc orans fuit tracta in spiritu; & tunc vidit personam splendens fulgore magno, cui loquens Christus dixit: *dic testimonium quis composuit Apocalypsim*; tunc sequitur articulus positus, in quo possunt distingui quatuor partes. In prima parte ponitur certificatio B. Johannis quod scripserat apocalypsim; hoc enim est valde possibile quod B. Johannes testimonium dedit operis suis. Et ideo non oportet insistere, & in rebus tam parvis superfluere, verbis: legitur enim in historia B. Thomæ de Aquino, qualiter Christus dedit sibi testimonium bene de eo scripsisse. Secunda autem pars, quæ dicit: quod magister Mathias præfatus in exponendo sacram scripturam eodem spiritu intellexerit, & scripserit, nullo modo est habenda suspecta. Cum enim Christus S. magister sit & doctor veritatis, Jo. 6. & omne verum, a quocumque dicatur, a Spiritu S. sit, ut dicit Ambrosius; non est dubium omnes expositores sacre scripturæ in his, quæ bene dixerunt, eodem spiritu intellexisse, quo ipsa sacra scriptura dictata est. Hinc propheta regius David inquit: *lingua mea calamus scribæ velociter scribens*; glossa: scilicet Spiritus S. & B. Petrus inquit: *Spiritu S. loquuti sunt homines Dei*. Et Dominus etiam, inquit in Luca: *non estis vos qui loquimini, sed spiritus Patris vestri, qui loquitur in vobis*: quare pars illa est vera. Tertia vero pars, quæ dicit quod Christus magistrum Mathiam magistrum fecit, non habet causam suspicionis, sed evidentissimæ veritatis; cum enim omne quod est per participationem sit ab eo quod est per naturam sive essentiam tale; & Christus sit primus magister, sicut & patet auctoritate Mat. 23. *Unus est magister vestester Christus*; sed quod quicumque alii magistri sunt ministerio docendi, hoc habent ex participatione aliqua veri magistri Christi, quod expresse habet

tur in glossa Mat. 23. super illud: *unus est magister vestester*: ubi sic dicitur: *Deus dicitur pater, & magister naturaliter; homo indulgentia: pater, ut honor ætati deferatur, non ut auctor vitæ habeatur; magister ex consortio veri magisterii, tanquam ejus nuncius, & pro reverentia ejus, a quo mittitur, honoratur*. Hac ibi. Hac ratione dicit Apostolus 2. Thim. 1. *in quo positus sum ego prædicator & magister*; itaque ergo quicumque a Christo, teste Augustino lib. de magisterio, cathedram habente in coelis, veritatem docet homines in terris, ut est lux, quæ illuminat omnem hominem venientem in hunc mundum, Jo. 10. suscipit lumen sapientiæ, & doctrinæ ministerium, magister potest dici factus a Christo. Quarta autem pars, quæ dicit quod ostenderit illi quomodo, aut quando venerit antichristus, bene intellecta, sicut hic habet intelligi, nullam habet suspicionem. Pro quo notandum, quod revelatio temporis antichristi, vel finis mundi potest fieri dupliciter; uno modo cum expressione certi temporis, ut puta centum annorum, aut hujusmodi; & hoc non creditur revelatum alicui puro homini, quod a carissimis suis Apostolis abscondit, quibus inquit: *non est vestrum nosse tempora vel momenta, quæ Pater posuit in potestate sua*; cujus rationem scribit S. Thomas in questionibus de potentia Dei; & pariformiter inter alias rationes in 4. est ista, quia cum finis mundi non sit futurus nisi completo numero electorum, cujus completio est quasi quædam executio totius divinæ prædestinationis; unde non competit fieri revelationem de fine mundi, nisi ei, cui sit revelatio de tota prædestinatione divina, scilicet homini Christo, per quem tota divina prædestinationis humani generis quodammodo impletur; unde dicitur Joh. 7. *Pater diligit Filium, & omnia demonstrat ei, quæ ipse fecit*. Alio modo potest haberi cognitio sive revelatio ejus indeterminate, ut puta, dicendo quando talia fient, aut alia contingent, veniet antichristus, vel finis erit mundi; & talis modus est possibilis, sicut Dominus ait in Evangelio positus multis signis adventus ejus dicit: *cum videbitis hæc fieri, scitote quoniam prope est regnum Dei*. Luc. 21. Et quod hoc modo fuerit revelatio ista, patet ex textu... filius Dei loquens de tempore antichristi lib. 6. cap. 67. ubi sic dixisse legitur: *in tempore mibi cognito, quoniam iniquitas ultra modum abundaverit, & impietas excreverit in immensum, christianis inter se disgentibus hæreses, & iniquis conculantibus clerum & justitiam, signum evidens est, quod cito veniet antichristus*: hæc ibi. Patet quod articulus in nulla sui parte a bene, & sancte intelligentibus est suspectus habendus; sed verus est. Et hoc de isto articulo.



ANNO  
CHRISTI  
1433.

Articulus CV.

Ex cap. C. dicit, quod ista verba  
non possint infirmari ab in-  
vidis.

Pro declaratione presentis articuli notan-  
dum primo, quod si forma articuli sicut ja-  
cet fuisset posita, dignus suspitione fuisset  
qui eum suspectum haberet; nam verba ex  
persona Christi talia sunt: *noli timere, quia  
nullus poterit infirmare verba mea*. Non du-  
bium, quod si verba sunt Christi quod in-  
firmari non possunt. In aeternum enim per-  
manet verbum Dei, psal. & Dominus inquit  
in Evangelio: *coelum & terra transibunt, ver-  
ba autem mea non transibunt*. Præterea si  
respicitur rubrica cap. in ea sic dicitur:  
*Christus confirmat sponsum, quod non timeat,  
quod verba ei divinitus revelata in istis li-  
bris contenta, non possint infirmari*: verum,  
enim est, & nulli catholico dubium, quod  
revelata a Deo, cum sint immutabilis veri-  
tatis, infirmari non possunt; ita enim Do-  
minus ait Luc. 21. *Ego dabo vobis & sa-  
pientiam cui non poterunt contradicere omnes  
adversarii vestri*; & Act. 6. dicitur de B.  
Stephano, quod non poterant resistere sa-  
pientiæ, & spiritui, qui loquebatur per os  
ejus. Et hoc de isto articulo, quia super-  
fluum videtur in eo longius protrahere ver-  
bum.

Articulus CVI.

Ex cap. 101. dicit indulgentias esse Ro-  
mæ majores apud Deum quam so-  
nant, & valere ad remissio-  
nem peccatorum & gloriam  
aeternam.

Pro declaratione hujus articuli ponetur in  
forma, ut scribitur in originali, quia minus  
bene extractus est. Secundo ostendetur veri-  
tas ejus: articulus autem sic ponitur in tex-  
tu. *Indulgentiæ ecclesiarum urbis Romæ ma-  
jores sunt apud Deum quam sonant; si qui  
perfecto corde veniunt ad istas indulgentias  
non solum remissionem peccatorum habebunt  
&c.* Quis enim dubitat, quod si quis vadit  
corde perfecto, quod non est nisi per chari-  
tatem, ad habendum indulgentias urbis vel  
alibi, quod non solum consequitur remissio-  
nem peccatorum, idest poenarum debitum  
pro peccatis, quæ remanent complendæ post  
contritionem & absolutionem, ut formæ in-  
dulgentiarum communiter sonant? Sed &  
vitam æternam meretur, cum id sit opus  
bonum charitate informatum; quod quia  
planissimum est, supersedeo ab alia superflui-  
tate verborum. Et hoc de isto articulo.

A

Articulus CVII.

Ex cap. 109. in quo dicit sanguinem ef-  
fusum de vulneribus Christi datum  
Jobanni Evangelionis, cum mem-  
brana circumcisionis, & illa  
abscondisse sub terra, do-  
nec angelus revelavit  
amicis Dei.

Pro declaratione presentis articuli, qui  
prima facie videtur difficilis, primo ponitur  
in forma, ut jacet in originali, quia men-  
dose & infideliter extractus est. Nunquam  
enim in originali lectum est quod B. Joannes  
absconderit sub terra Christi sanguinem. Se-  
cundo declarabitur veritas articuli. Propri-  
mo sciendum est, quod ex Virg. nis gloriæ  
(revelatione) sic dicitur: *cum Filius meus  
circumcideretur, ego membranam illam in ma-  
ximo bonore servabam*. Sequitur post: *cum  
que vocationis meæ tempus de hoc mundo in-  
staret; ego ipsam commendavi S. Jobanni cu-  
stodi meo, cum sanguine illo benedicto, qui  
remanet in vulneribus ejus, quando depo-  
suerunt eum de cruce: post hæc S. Joanne &  
successoribus ejus sublatis de mundo, crescen-  
te malitia & perfidia, fideles, qui tunc erant,  
absconderunt illa in loco mundissimo sub  
terra, & diu fuerunt incognita, donec an-  
gelus Dei illa amicis Dei revelavit*. Hæc ibi;  
ex quorum tenore apparet infidelitatis trans-  
latoris. Circa secundum, notandum, quod  
S. Thomas in quolibeto 5. art. 5. querit  
utrum sanguis Christi, qui est in passione ejus  
effusus, ad corpus ejus in resurrectione re-  
dierit; & in responsione dicit sic, quod in  
resurrectione tamen, Christi quidem natu-  
ra totum quod fuit de veritate naturæ hu-  
manæ reparavit: non autem illa quæ de veri-  
tate naturæ humanæ non fuerunt; quam-  
vis circa ea quæ sunt de veritate humanæ  
naturæ sit diversa diversorum opinio; secun-  
dum quamlibet opinionem non totus sanguis  
nutrimentalis; idest, qui ex cibis generatur,  
pertinet ad veritatem humanæ naturæ: cum  
ergo Christus ante passionem suam comederit,  
& biberit, nihil prohibet in eo fuisse  
sanguinem nutrimentalem aliquem, qui ad  
humanæ naturæ veritatem non pertineret,  
& quem non oportet ad corpus ejus in re-  
surrectione redire. Sed quia fit specialis men-  
tio de sanguine in passione effuso pro re-  
demptione humani generis, de hoc magis  
dicendum videtur, quod totus sanguis ad  
corpus ejus redierit; quoniam sanguis in pas-  
sione effusus, qui maxime fuit sanctorum, fuit  
divinitati unitus; & ideo oportuit quod in re-  
surrectione jungeretur aliis humanitatis par-  
tibus; & consequenter dicit: sanguis autem  
qui in quibusdam ecclesiis ostenditur, dicitur  
ex quadam imagine Christi percussa mi-  
raculose fluxisse; vel etiam alias ex corpo-  
re Christi: hæc ibi. Ex quibus dictis satis  
apparet probabile quod articulus dicit de  
illo sanguine, qui tempore passionis non fuit  
effusus, sed ut dicit articulus, remansit in  
vulneribus quando deposuerunt eum de cruce.  
De membrana vero circumcisionis dicitur  
in legend. SS. per Fratrem Jacobum de  
vo-

ANNO  
CHRISTI  
1433

Voragine, quod Angelus eam Carolo magno attulisset; & ipse eam Aquisgrani in ecclesia S. Mariæ honorifice collocavit; Carolus vero illam postea fertur transtulisse in Carosium; nunc dici esse Romæ in ecclesia, quæ dicitur, Sancta Sanctorum, unde & ibidem scriptum legitur: *circumcisa caro Christi, sandalia clara, ac umbelici veget hac præcisio clara.* Hæc sufficiant de articulo.

### Articulus CVIII.

*Ex lib. 7. cap. 1. in quo dicitur quod fides catholica est vera, quod papa est plenaria potestatis quibuscumque quantiscumque peccatis fuerit irretitus, nisi sit hæreticus.*

Sed quia forma articuli, ut jacet in originali, est modestior, quam calupniator extraxit; primo illam ponam; secundo probabitur veritas ejus: Textus autem ita dixit: *vera & catholica fides est, quod papa qui est sine hæresi; quantuncumque aliis peccatis sit irretitus; nunquam tamen est ita malus ex illis peccatis, & ex aliis suis malis operibus, quin semper sit in eo plena auctoritas, & perfecta potestas ligandi, & solvendi animas.* Hæc ibi: Qui hunc articulum suspectum habet, suspectus merito esset habendus, an sit de numero illorum hæreticorum, qui potestatem clavium ad merita vitæ referebant, dicentes ad eorum mutationem clavium potestatem ministris ecclesiæ variari: contra quos est fides catholica tenens, malos sacerdotes aut prælatos ex ratione malorum non perdere potestatem, nec potestatis usum. Pro cujus declaratione notandum cum B. Thoma in 4. dist. 19. quærens an mali Sacerdotes habeant potestatem clavium; ita dicit: quod sicut participatio formæ, quæ inducenda in effectum non facit instrumentum; ita nec subtractio talis formæ tollit usum instrumenti; & ideo cum homo sit tantum instrumentum agens in usum clavium, quantumcumque per peccatum sit gratia privatus, per quam sit remissio peccatorum, nullo tamen modo privatur usu clavium: hæc ille. Alias, ut idem dicit, nulla haberetur certitudo de absolutione cujuscunque. Si ergo ita verum est dicere sacerdotem etiam quomodo libet malum, quod nullo modo privatur usu potestatis sibi datæ; quanto verius dicendum erit papa, de quo Bonifacius Martyr, ut habetur 43. dist. si papa, dicit, quod papa si suæ & æternæ salutis negligens deprehendatur, a nemine est judicandus, nisi deprehendatur a fide devius: & cum dicit calupniator quod iste articulus remittitur sacro concilio praticanti ipsum, dicitur quod placet. Nam istam fidem professum est eorum Bohemis, quod propter hoc prælati ecclesiæ non perdunt potestatem suam; nec de papa unquam praticavit contrarium articuli; videlicet quod propter quæcumque peccata alia ab hæresi papa ipso facto perderet plenitudinem potestatis. Et hæc de isto articulo.

### Articulus CIX.

*Ex cap. 10. lib. 7. in quo dicitur de ordinatione Dei, & suo judicio iuste ordinatum esse, quod sacerdotes, qui non vivunt in castitate & continentia carnis sunt maledicti, & excommunicati apud Deum, & digni carere sacerdotali officio; & quod si S. Gregorius hoc statuisset, nunquam in prædicta sententia veniam obtinisset a Deo; ita quod negat ullo modo dispensationem fieri.*

Calupniator præsentis articuli, si bene legisset, aut decreta SS. conciliorum, aut SS. PP. in decreto posita dist. 31. & 32. aut Magistrum sententiarum in 4. dist. 37. & DD. super hoc, digitum ori imposuisset, & præsentem articulum minime habuisset suspectum. Dicitur enim ibi ex conc. Carthaginensi, episcopos, presbyteros (ita placuit & decet sacrosanctorum antistites, aut sacerdotes, aut levitas, vel qui sacramentis divinis inseruiunt) continenter decet esse in omnibus; & dist. 32. ex conc. Carthaginensi; placuit episcopos, presbyteros, diaconos, subdiaconos secundum priora statuta abstinere ab uxoribus; quod nisi fecerint removeantur ab officio ecclesiastico; & plura ibidem decet namque eos, qui in sacris ordinibus constituti sunt, quia sacramenta & sacra vasa tractare habent, ut munditiam corporalem per continentiam servent; & ideo Innocentius II. ait; cum ipsi sint templum Dei, & vasa Domini, sacramentum Spiritus S. esse debeant, & ideo indignum est eos cubilibus & immunditiis deservire; merito ergo debuit eis continentia indici; Et ideo illa. 3. dicitur: mundanini qui ferunt vasa Domini. Credendum ergo est fide certa, & non habendum suspensum a catholico quod ordinatione Dei, cujus Spiritu S. patres afflati condiderunt decreta ordinatum esse, quod sacerdotes viverent in castitate, & qui non viverent ab officio removerentur ecclesiastico. Præterea cum tales non viventes in castitate faciant & contra votum castitatis, quod est annexum ordini sacro, secundum illud Gregorii: nullum facere presumant diaconum episcopos, nisi primo se caste vitæ promiserint; tum, quia transgrediuntur decretum universalis ecclesiæ, non dubium tales apud Deum excommunicatos esse, & maledictos, cum hoc faciat peccatum quodlibet mortale, quod se parat a Deo. Quod vero dicitur confiteri, quod si Gregorius statuisset &c. idem verum esse videtur; derogasset enim honestati quam in ecclesiæ ministris petunt ipsa celeberrima sacramenta, & alia divina mysteria; derogasset insuper decretis SS. PP. supradictis sine rationabili causa. Quod vero consequenter in articulo dicitur supra, quod negat ullo modo dispensationem fieri, dicendum quod verba sua sunt ita quod puniretur spiritualiter papa, qui talem licentiam contrahendi matrimonium concederet sacerdotibus contra præfatam ordinationem, & voluntatem Dei. Ex quibus verbis considerando cum B. Bernardo quod dispensatio non solum respicit potestatem in dispensante; sed etiam congruitatem, & necessitatem.



ANNO  
CHRISTI  
1433

cessitatem in eo, cui fit; rursum quod dispensatio non est credita in destructionem ecclesie, sed in ædificationem, non in corruptionem, sed in sanctificationem, potest rationabiliter dici quod non cadit sub dispensatione nunc, quod omnes sacerdotes sacris altaribus servientes matrimonium carnale contraherent, & hoc de illo articulo.

#### Articulus CX.

*Ex cap. 13. ejusd. lib. dicit Dæmonem scripsisse omnia peccata cujusdam militis in illa sapientia, quam habuit in creatione, in illa malitia, quam habuit quando cecidit de Cælo.*

Pro declaratione hujus articuli, primo additur quod subtraxit translator de originali, ut articulus, arbitror, videretur gravior. Secundo, manifestabitur veritas articuli. Articulus sic est in originali: *dicit diabolus Deo: in illa sapientia, quam habui, quando me creasti, scripseram omnia peccata ipsius; custodiv-ram etiam.* Hæc dimisit translator: *omnia peccata ejus in illa malitia mea, quam habui quando cecidi de coelo.* Pro declaratione articuli notandum est, quod scribere sibi capitur metaphorice pro eo quod est firmiter in mente retinere, secundum illud Jer. 31. *legem meam scribam in visceribus eorum.* Secundo, sciendum est quod sapientia in qua creatus est Diabolus, est cognitio naturalis, quam habuit. Unde Magister sententiarum in 2. dist. 3. dicit quod triplex fuit in Angelis sapientia ante casum per confirmationem, quam triplicem dicit esse cognitionem naturalem scilicet, qua sciebant quod facti erant, & a quo facti erant, & cum quo factierant, & habebant aliquam boni & mali notitiam, intelligentes quid petendum vel respondendum illis foret: hæc ille. Hoc est ergo cum dicitur Dæmonem scripta habere peccata, id est in memoria sua illa per species intelligibiles a creatione sibi impressas, quibus omnis sapientia ejus persequitur, firmiter habere. Et quod dicitur insuper, quod prædicta peccata custodiverat in malitia sua, & sic intelligitur quod ea custodiverat ad opponendum contra hominem & ad accusandum eum ex cujus malitia procedit, quam habuit, quando cecidit de coelo, per cujus invidiam mors intravit in orbem terrarum. Sap. 2. & quia hæc satis plana sunt, superfluum videretur ampliora addere, quæ de cognitione Dæmonum, & eorum malitia possint faciliter occurrere calamo. Et ideo de isto articulo ista sufficiant.

#### Articulus CXI.

*Ex cap. 25. lib. 7. est quod Virgo Maria quindecim diebus jacuit in sepulchro, post quos resuscitata assumpta est. Concluditur quod nullum corpus humanum est in celo nisi Filii Dei, & B. Virginis.*

Istius articuli pars prima non videtur ulla

ratione habenda suspecta, cum nec deroget dignitati gloriose Dei matris Virginis Mariæ; nec obliiceret authoritati cujuscumque scripturæ approbatæ vel merito in reverentia habenda; immo nec videtur carere præsumptione, dictum tam gloriose ancillæ Christi sine rationis evidentia aut authoritatis testimonio notare suspectum. Secunda etiam pars pari modo non habet causam suspicionis, præsertim cum ecclesia universalis de Filio & Matre solum prædiceret fide indubitata eorum corpora esse in coelo, juxta vaticinium prophetæ dicentis in psal. *exurge, Domine, in requiem tuam tu, & arca sanctificationis tuæ.* Arca autem sanctificationis dicitur ipsa Virgo B. in qua sanctificata ipse Sanctus Sanctorum mansionem fecit. Habet insuper magnam apparentiam veritatis & congruitatis, quod soli Virgini Beatæ, de cujus purissimis sanguinibus Christi corpus formatum est, concessum sit hoc speciale privilegium, videlicet ante resurrectionem generalem resurrexisset; & sic gloriose cum corpore super omnes coelos exaltata, suo Filio, neut carne, & amoris, & sanctitatis luce vicinior, ita integritate naturæ, & plenitudine beatitudinis conformior haberetur. Nec obstat illud quod scribitur Matt. 20. quod multa corpora mortuorum surrexerunt; quoniam, ut inquit August. in epistola ad Ennecium, secundum quod recitat S. Thomas in 3. par. q. 53. a. 3. illi non sunt assumpti cum corporibus, sed surrexerunt iterum morituri. Et hoc de isto articulo sufficiat.

#### Articulus CXII.

*Ex cap. 22. eiusd. lib. est, quod peccatum veniale, in quo perseverat homo cum delectatione, efficitur mortale.*

Pro declaratione præsentis articuli primo ponitur articulus ut jacet in forma, quia non utquam ut jacet est extractus. Secundo ostenditur veritas ejus. Articulus autem sic ponitur in originali: *veniale peccatum, si homo delectatur in eo cum voluntate perseverandi, efficitur mortale.* Cæterum pro ostensione veritatis ejus adducam primo dicta SS. quæ dicunt idem; secundo dabitur intellectus verus articuli. Circa primum est norandum cum S. Thoma in 1. 2. q. 88. a. 4. quod peccatum veniale fieri mortale potest intelligi dupliciter, uno modo quod idem actus numero, primo sit peccatum veniale & postea mortale; & hoc esse non potest, quia principaliter peccatum consistit in actu voluntatis, sicut & quilibet actus moralis. Unde non dicitur unus actus moralis si voluntas mutetur, licet actio secundum naturam sive materiam sit continua. Si autem voluntas non mutetur, non potest esse quod de veniali fiat mortale. Alio modo potest intelligi, ut id, quod est veniale ex genere, fiat mortale, & hoc quidem est possibile in quantum in eo constituitur finis ultimus, & in quantum disponit ad mortale. Tercio modo potest intelligi ita quod multa venialia peccata constituant unum peccatum mortale.

ANNO  
CHRISTI  
1433

tale; quod si sic intelligatur quod ex multis venialibus peccatis integraliter constituitur unum integrale peccatum mortale, falsum est: non enim omnia peccata venialia possunt habere tantum de reatu, quantum unum mortale. Si vero intelligatur quod multa peccata venialia faciunt unum mortale dispositive, verum est: hæc ille. Ex quibus potest haberi duplex modus veritatis præsentis articuli, videlicet quod peccatum veniale si homo &c. Uno modo, videlicet quod homo delectetur in eo sicut in fine ultimo sive in eo constituitur finis: & ad hunc modum dicit B. Augustinus super psal. *Beati quorum &c.* quod nihil adeo veniale quin possit fieri mortale, dum placet; non quocumque modo, sed quando placet sicut finis. Secundo propositio illa vera est intelligendo dispositive, ita ut intelligatur, *efficitur mortale*, idest disponit ad mortale. Unde Ecc. 18. *qui spernit minima paulatim defluit*. Item August. super illud Joh. 3. *qui incredulus est filio non videbit vitam*; dicens, *peccata minima, idest venialia, si negliguntur, occidunt*. Et tantum sit de præsentis articulo.

#### Articulus CXIII.

*Ex cap. 9. 8. lib. est quod nunquam ex semine provocantis Deum ad iram, venit populo salus & fructus.*

Præsentis articulus si habuisset bonum inspectorem non fuisset habitus suspectus, sed fuisset eo intellectu vitus sanus, quo sana & verissima sunt alia pariformiter dicta in sacra scriptura. Pro cuius ergo declaratione primo adducentur dicta sacre scripture pro dicto articulo. Secundo dabitur ejus intellectus verus. Circa primum scribitur Sapient. 3. *filii adulterorum in consummatione erunt*; glossa idest: *æterna consummatione*, & ab iniquo toro, semine scilicet productum, exterminabitur; & si quidem longæ vitæ erunt; scilicet in hoc mundo, in nihilum computabuntur; & sine honore erit novissima fœdesta illorum. Item Sapient. 4. *adulterina plantationes non dantur radices altas, nec stabile fundamentum collocabunt*; sequitur post: *fructus eorum inutilis*. Item ibid. articulus quasi in forma. *Ex iniquis enim omnes filii, qui nascuntur, testes sunt nequitie adversus parentes in interrogatione sua*; ubi Nicolaus de Lira dicit, quia ex hoc quod sunt imitatores paternorum scelerum testificabuntur malitiam ipsorum: cum enim interrogantur cuius sunt filii, respondent se esse filios illorum, de quibus notum est quod fuerunt iniqui. Circa secundum, notandum, quod potest dari intellectus verus hujus articuli intelligendo eum sicut est communis expositio omnium DD. qui præfatos sacre scripture textus exponunt, quod videlicet intelligatur de semine aut filijs paternorum scelerum imitatoribus. Tales enim, qui non solum sunt filii iniquorum nativitate propagationis, sed etiam mutationis mala prædicta incurrunt, quorum memoria benedictione caret: vel dicendum quod articulus intelligitur, ut communiter accidit a sæpe,

& communiter, quod vel quia Deus vindicare, & punire disponit peccata parentum in generationibus suis sive similibus, sicut dicitur Exod. 20. *Ego sum Deus tuus fortis, & zelotes, visitans iniquitates patrum in filiis in tertiam, & quartam generationem eorum, qui oderunt me*. Et quod dicit calumniator, quod Christus descendit secundum carnem, ex semine multorum provocantium Deum ad iram, dicendum quod triplici ratione nihil valet quod arguit; primo quia proximi parentes ejus non fuerunt tales; secundo quia non fuit imitator malorum; tertio quia non est intelligendus textus iste ita universaliter, sed modo, quo dictum est. Et tantum de isto articulo.

#### Articulus CXIV.

*Ex cap. 11. lib. 8. ad reges, in quo consulit regi, & reginæ conjugibus rumpere votum continentie, non faciendo mentionem de dispensatione.*

Pro declaratione præsentis articuli hoc sufficiat dixisse, quod salva reverentia translatoris, si bene fecisset consideratum illud quod in fine capituli dicitur, videlicet quod faciant isti, scilicet rex, & regina, secundum consilium sapientum: quia non est peccatum retractare sapienter quod indistincte inchoatum & attemptatum est, non fuisset articulus tanquam suspectus habitus: cum in consilio sapientum, cum quo dissolvi votum mandabat, satis aperte præsupponi videbatur quod prima dispensatio interveniret apostolicæ autoritatis, aut alterius, ad quem spectare possit hujusmodi dispensatio. Et hæc sufficiant de hoc articulo.

#### Articulus CXV.

*Ex cap. 47. in quo videtur ponere quamdam incircumcessionem Patris, Filii, & Spiritus S. & B. Virginis: dicit enim: ubicumque ingreditur Spiritus Dei, ingreditur Pater, Filius, & Spiritus S. & mater cum Filio: ego quippe habeo Filium Dei in me cum deitate, & humanitate sua; ideo Deus Pater habet me in Deitate sua; & est vinculum dilectionis & nostri spiritus illo qui est in Patre, & ipse est in me, & nunquam possumus separari.*

Pro declaratione præsentis articuli, qui videtur in cortice mirabilis, & ab usitatis loquutionibus Theologiæ peregrinus, talis tenebitur ordo. Primo quidem integraliter ponetur articulus, ut jacet in originali, quod non facit translator; immo tetigit obscura, & dimisit illa quæ faciebant ad intellectum eorum. Secundo ostendetur veritas articuli. Forma autem articuli hæc est. *Ego vero, regina cæli, tui ad regem separans eum ab amore mundi; per gressum a quo tui ad regem intelligo introitum Spiritus S. in cor ejus, quia ubicumque ingreditur spiritus Dei, ibi intrat Pater cum Spiritu S. et Filius cum Patre & Spiritu, & Mater cum Filio: quia omnis homo, qui ha-*



bet Deum in corde suo habet & me: nam si-  
cut impossibile est quod tres persone in Tri-  
nitate separari possint; sic impossibile est stan-  
te lego corrente quod ego, quæ sum mater  
Dei separari possim a Deo. Ego quippe habui  
filium Dei in me cum deitate, & humani-  
tate: ideo Deus Pater habet me in deitate  
sua, & vinculum dilectionis Spiritus S. qui  
est in Patre, & Filio, & ipse est in me, &  
nunquam possumus separari. Isto ergo modo  
quando ivi ad regem, Deus dedit cordi ejus  
contritionem, & oculis ejus lacrymas spiri-  
tuales, quas nullus potest obtinere nisi ex di-  
vina gratia ejus; hæc ibi. Circa secundum,  
scilicet pro declaratione articuli secundum  
ordinem partium ejus notanda sunt aliqua.  
Primo quod inter aliquas prærogativas, quas  
B. Virgo sortita est, est ista, quod sicut fuit  
mediatrix nostræ salvationis pariendo nobis  
salvatorem mundi Dei Filium Dominum no-  
strum, ita est mediatrix reconciliationis &  
justificationis peccatorum pro eis apud om-  
nipotentem Deum, intercedendo meritis suis,  
ad poenitentiam revocando & advocacioni-  
bus suis potentissimis Patri reconciliando  
æterno. Et ut omnia brevi comprehendam  
sermone, ita mediatrix nomen & digni-  
tatem obtinet B. Virgo Maria, ut teste Ber-  
nardo, nihil Deus nos habere voluit quod  
non per manum Mariæ transiret: qua ratione  
ecclesia cantat de ea: *Spes nostra, salve.*  
Ex quibus manifeste patet prima pars arti-  
culi vera, quod ubi intrat Deus per influen-  
tiam gratiæ justificantis in cor peccatorum,  
ibi intrat Virgo Maria per affluentiam sus-  
fragantis pietatis: ubi spiritus Dei influen-  
do, ipsa intercedendo; Deus donando, ipsa  
impetrando. Et iterum quicumque habens  
Deum in corde per inhabitantem gratiam,  
habet & Mariam per suffragantem clemen-  
tiam. Item qui habet Deum per amorem,  
ita & Mariam per dilectionem. Non enim  
potest diligere Filius sine Matre. Et ideo di-  
cit Bernardus: *queramus gratiam & spiri-  
tualem apud Mariam: ipsa enim invenit gra-  
tiam, & quicumque amiserit ab ipsa querat,  
quoniam ipsa invenit eam.* Secundo notan-  
dum, quod sicut duplex dicitur unitas; una  
naturæ de qua Jo. 10. Ego & Pater unum  
sumus; & alia amoris, de qua Apostolus Cor.  
6. qui adhaeret Deo, scilicet per amorem,  
unus spiritus est cum Deo; ita duplex potest  
distingui circumscriptio, quæ ratione unitatis  
inter aliqua confurgit; una est quæ surgit  
ex unitate naturæ, & unius essentiæ, de qua  
dicitur Jo. 14. ego in Patre, & Pater in me  
est, quia una natura divinitatis est in Pa-  
tre, Filio, & Spiritu Si & talis non po-  
test esse inter Deum & quantacumque  
creaturam. Secunda dicitur quæ confurgit  
ex unitate affectus & dilectionis, de qua di-  
cit Jo. 4. qui manet in charitate, in Deo ma-  
net, & Deus in eo: & talis est communi-  
cabilis, & communicatur creaturis ratio-  
nabilibus diligentibus Deum; unde de disci-  
pulis Christus ad Patrem dicebat Jo. 17. sicut  
tu Pater in me, & ego in te, scilicet  
per amorem, quia incircumscriptio inter per-  
sonas divinas non tantum attenditur ratio-  
ne sed amoris. Sequitur: & ipsi discipuli  
sunt unum in nobis; per amorem scilicet:

A charitas enim facit esse unum cum Deo.  
Ex quibus patet veritas sequentis partis ar-  
ticuli, ubi dicitur quod videtur ponere,  
quandam incircumscriptionem Patris, & Filii  
& Spiritus S. & B. Virginis, capiendū in-  
ter personas divinas & B. Virginem circum-  
scriptionem. amoris, quæ tanto major & in-  
separabilior est lege stante currentis dispo-  
sitionis divinæ sapientiæ, quanto ipsa Deo  
charitate magis conjuncta est, & in ipso  
Deo fonte interminabilis vitæ excellentiæ  
ac sublimis æternitatem degustans supernæ  
beatitudinis, in ipsa divinitate ab isto ab-  
soluta feticus requiescit. Et de isto articulo  
ista sufficiant, quia clarissimus est articulus  
viro litterato, & ipsum plene legenti sin-  
gula singulis adaptando; & ad argumenta  
calumniatorum patet solutio ex declaratione  
articuli, qualiter specialiter per excellentiæ  
cujusdam & universalitatis singularitatem.  
convenit modus intrandi non per illapsum:  
quia hoc soli divinitati, convenit: sed mo-  
do assignato dicente Angelico in oratione:  
*Deus est Pater rerum creaturarum: Maria  
vero Mater rerum recreatarum; Deus est  
Pater constitutionis omnium; Maria Mater  
restitutionis omnium;* & nec ponitur ex isto  
quod ipsa sit ubique, aut quod illabatur men-  
tibus humanis, sicut arguit calumniator, cum  
non capiat univoce esse.... Præterea  
nec capitur per incorporationem & unionem per  
gratiam præcise, sed modis assignatis, &  
declaratīs propriis Virginī B. Et tantum de  
præsentī articulo.

Articulus CXVI.

Ex cap. penult. videtur sentire transsubstantia-  
tionem in sacramento Euchar. terminari  
ad Virginem Mariam sicut ad corpus  
Christi: dicit enim se vidisse manu Sa-  
cerdotis hostiam, in qua fuit agnus  
& in agno facies hominis, &  
Virgo coronata sedebat in  
agno.

Pro istius articuli declaratione sufficit di-  
cere non esse verum quod B. Birgitta senti-  
ret transsubstantiationem in sacramento ter-  
minari ad Virginem Mariam sicut ad corpus  
Christi; cujus probatio manifeste col-  
ligitur ex articulo ipso quem incompletum  
infideliter calumniator extraxit. Articulus  
autem dicit sic: *prolati verbis Dei a sa-  
cerdote super panem; videbatur mihi quod  
idem panis erat in sede majestatis in tribus  
figuris; nihilominus manens in manu sacer-  
dotis fiebat agnus vivens; ecce non dicit  
fiebat B. Virgo. Sequitur: & in agno ap-  
parebat facies una hominis & ardens flamma  
videbatur intra & extra agnum & faciem;  
Ecumque diligenter intuitum figerem in aspi-  
ciendo faciem, videbam agnum in ea; aspi-  
ciens vero agnum, videbam faciem ipsam in  
eo, & virgo coronata confedebat agno.* Ecce  
quod male transulit translator articuli di-  
cens sedebat in agno: Sequitur: & omnes  
angeli serviebant ei; qui tantæ multitudi-  
nis erant sicut albi in sole. Non valet  
ista consequentia: apparuerunt in sacra-  
mento Eucharistiæ Virgo Maria & angeli ejus;  
et.

ergo sequitur deberi intelligi quod transubstantiatio terminatur ad omnes. Sciunt enim theologi quod quamquam in sacramento Eucharistiæ sit corpus Christi & divinitas, tamen transubstantiatio non dicitur terminari ad animam, nec ad divinitatem, sed ad corpus Christi, quod est in vi sacramenti. Multo ergo minus sequitur aut cogitandum erit sequi de his, quæ esse natura & personalitate distincta sunt ab ipso corpore Christi. Et quia vanum videtur in rebus tam claris multos addere sermones, ideo finis sit articuli.

### Articulus CXVII.

*Ex sermonibus angelicis in prima lectio-  
ne secundæ sermone, dicit, angelos in  
eodem puncto quo fuerunt crea-  
ti plus letatos fuisse in Dei  
visione, quia Mariam Deus  
creare volebat, quam  
quod eos crea-  
verat.*

Hic articulus ascribitur B. Birgittæ, aut libris suis mendaciter, quoniam in toto illo capi. non habetur angelos in eodem puncto, quo fuerunt creati, plus letatos &c. Immo ex sententia text. capitur contrarium, cum hoc dicatur fuisse quando consequuti sunt gloriam, quod non dicit fuisse in eodem puncto creationis eorum. Pro declaratione ergo articuli ponitur primo articulus in forma; secundo dabitur intellectus verus ejusdem. Dicitur enim ibi quod angeli boni in gloria præparata remanentes inter alia intuebantur in illo benedicto speculo, scilicet Deo creatore suo, sedem quandam reverendam, ipsi Deo ita propinquam, quod impossibile videbatur aliquam aliam sedem fieri propinquiorem. Et hoc tamen increatum adhuc esse invenerunt, cui ab æterno sedes illa extitit præparata; & intuitu etiam claritatis Dei omnes eos sine dubio in uno puncto divina inflammabat; ita quod quilibet alius sic seipsum diligebat, veruntamen Deum maxime & super omnia, ac illud increatum plus seipsis amabant, quod in sede Deo propinquiori erat locandum, videbant. Namque Deum illud increatum summe diligere, ac de illo permaxime gratulari. Sequitur: omnium consolatio, Virgo Maria, hoc ipsum tu es, ad quod Angeli a principio suæ creationis tanta arserunt charitate, quod licet ex sua virtute & claritate, quam ipsi in Dei vigore, & appropriatione habebant ineffabiliter letabantur plurimum: Tamen ex eo gavisissimi sunt quod tu ipsi Deo propinquior esse debeas; & tandem correlative ex aliquibus dictis elicit, dicens: Et ideo ipsi Angeli de hoc magis exultabant, quod te; scilicet B. Virginem; creare volebat, quam ex eo quod ipsos creaverat. Hæc ibi. Nec valet, quod quis dicat quod ibi dicitur quod a principio creationis ad B. Virginem arserunt charitate &c. quia cum Angeli non sunt creati beati, exponendum est, juxta SS. DD. expositiones a principio creationis, id est statim post principium creationis; quia etenim quod mo-

dicum distat, nihil distare videtur: quoniam tam scriptura S. quam DD. sancti utuntur uno pro alio, ut in sequenti articulo plenius dicitur. Pro declaratione articuli notandum cum S. Thoma in 3. sententiarum dist. 31. qui querens utrum in Beatis maneat ordo charitatis, dicit quod circa hoc duplex est opinio. Quidam enim dicunt quod Deus erit omnia in omnibus, & mens tota in Deo quiescens, totam rationem dilectionis habebit Deum; & ideo Deum super omnia diligit, & alios tanto plus, quanto Deo propinquiore, & alios etiam plus se, si sint meliores. Et istam opinionem, secundum quam articulus, de quo sermo, videtur prima facie intelligendus, non reprobatur tanquam erroneam, licet dicat opinionem probabilem magis esse dicentium, quod in patria quilibet plus diligit se quam proximum. Veruntamen pro harum opinionum concordia & verificatione præsentis articuli est notandum, quod cum diligere aliquid sit velle ei bonum; gradus dilectionis potest accipi vel secundum gradum boni voliti, vel secundum intentionem volendi. Si primo modo, sic Angeli beati dicuntur diligere beatam Virginem plus seipsis, volentes eidem juxta prædilectionem divinæ voluntatis, cui per omnia se conformant, honores & excellentiæ plus & magis quam aliqua quævis creatura post Christi humanitatem habeat; & de hoc modo diligendi videtur dicere August.

de ver. relig. perfecta charitas est ut plus potiora bona, & minora diligamus. Alio modo potest considerari gradus charitatis secundum intentionem volendi; & hoc modo non videtur intelligendus articulus; hoc enim modo unusquisque plus diligit seipsum etiam ex charitate quam proximum. Cum enim gloria perficiatur naturam, & ordo talis a natura hominis progrediatur ut homo se plus altero diligat in statu gloriæ. Ille ordo impermutatus manebit. Præterea tertio potest declarari articulus esse verus. Pro quo sciendum quod de B. Virgine possumus loqui dupliciter. Uno modo ut est quædam particularis persona, sanctitate tamen præclara & meritis locupletissima: Alio modo in quantum, communitate quadam redundantis ministerii effecta est universalis quædam causa reparationis totius mundi; quo modo loquens de ea B. Bernardus, ait ad ipsam: sicut ad medium, sicut ad arcanum Dei, sicut ad causam rerum omnium, sic ad negotium singulorum respiciunt ad te, & qui habitant in cælo, & qui in inferno, & qui nos præcesserunt, & nos qui sumus, & qui nos sequuntur, & nati natorum, & qui ab illis nascuntur, qui in cælo sunt, ut ressurentur, qui in inferno, ut eriperentur, qui præcesserunt prophetæ ut fideles inveniantur, & qui sequuntur, ut glorificentur. Tunc dicendum videtur quod loquendo de beatissima Virgine hoc secundo modo, non debet videri inconueniens, aut irrationabile, ut ab Angelis, & hominibus plus se ipsis diligatur. Quod sic probatur. Unaquæque res plus amat bonum aliquod totius, quam particulare bonum proprium: quod apparet in naturalibus, ubi quælibet pars habet inclinationem principalem ad actionem, & utilitatem totius, & hoc

T t t

quan-



ANNO  
CHRISTI  
1433.

quando est magis sibi amabile bonum totius quam bonum partiale sui ipsius: hoc etiam apparet in politicis virtutibus, secundum quas cives pro bono communi & dispendio propriarum rerum & personarum interdum sustinent, quod non minus sed magis verificatum reperitur in amicitia charitatis, quæ fundatur super communicatione bonorum, gratiæ, & gloriæ. Unde August. exponens illud: *charitas non querit ea, quæ sunt sua*, sic intelligendum dicit: *idest communia propria anteponit*. Et ideo videtur quod Angeli beati considerantes B. Virginem matrem Dei creatoris, & Regis eorum esse veluti quoddam universale bonum ministerialiter, suo modo, ut dictum est, ex charitate diligant eam plusquam seipsos: & de ejus creatione plus letatos fuisse quam de sua. Ex dictis ergo clare patet quod impugnatio calupniatoris nulla redditur: quoniam autem falsum præsupponit, aut non intelligit articulum, aut male argumentat. Et hæc de isto articulo sufficiant.

#### Articulus CXVIII.

*Ex eod. cap. dicit, eodem puncto sua creationis suo creatori invidisse; & protinus de felicitate æterna in æternam miseriam cecidisse, & quod novem Mariam majorem charitati reservari.*

Antequam accedam ad declarationem articuli, primo ponetur forma articuli, ut jacet in textu, ut clarius videatur veritas. Unde textus habet sic: *in eodem denique puncto, quo fuerunt creati, quidam ipsorum liberi arbitris gratissimo dono pessime abutentes, ceperunt malitiose creatori suo invidere; & sequitur: unde protinus de felicitate æterna in miseriam interminabilem cum sua malitia merito corruerunt*. Pro declaratione articuli duo sunt facienda. Primo ponendæ sunt aliquæ propositiones sub brevitate. Secundo tandem dabitur intellectus articuli: Prima propositio est, juxta omnium SS. DD. sententiam, & Theologorum, quod Angeli omnes creati sunt boni; dicitur enim Gen. 1. *vidit enim Deus cuncta quæ fecerat, & erant valde bona*. Dicit etiam August. quod Angeli mox ut facti sunt, lux facta est. Secundo, quod Angeli in eodem puncto sive instanti, quo creati sunt, non peccaverunt. In primo enim instanti bonum actum habuerunt, quod patet ex illo Isaia 14. *quomodo cecidisti lucifer, qui mane oriebaris?* Ecce quod mane suæ creationis intelligitur lucem habuisse, & ita non peccasse. Et August. eandem sententiam colligit XI. de civ. Dei Ex. 28. quod de Diabolo exponitur: *ambulasti perfectus in viis tuis a diebus conditionis tuæ, donec inventa est in te iniquitas*. Ex quibus manifeste habetur, quod in primo instanti non peccavit; unde August. ponit hanc litteram sic: *ambulasti in viis tuis sine vitio*. Tertia propositio est, quod statim post instantem suæ creationis Diabolus peccaverit, Unde S. Thom. in 1. par. q. 63. a. 6. dicit, quod duplex est opinio in ista materia; sed probabilior & SS. dictis magis consona opi-

nio reputatur quod statim post instantem suæ creationis Diabolus peccaverit. Ista eadem est sententia Magistris sententiarum in 2. dif. 3. ut infra patebit. Circa secundum, in quo dandus est intellectus articuli & veritas ostendenda ejus, quæ videtur latuisse eos, qui hunc articulum suspectum habent. Notandum est primo, quod punctus capitur multipliciter. Uno modo dicitur quid simplex & indivisibile, sicut capiunt Geometri, & tunc definitur sic ab Euclide in principio suæ geometriæ: *punctus est cuius pars non est*; & hoc modo punctus in tempore dicitur instantis temporis. Alio modo capitur punctus pro parva qualitate sive morula divisibili. Tamen sic apud computistas punctus dicitur quarta horæ; & apud Astrologos mille octingenta puncta faciunt horam unam. Quo notato dicendum est, quod B. Birgitta cum dicit quod in eodem puncto, quo creati sunt &c. non capit ibi punctum indivisibiliter pro instanti, sed pro morula temporis discreti mensurantis actus & operationes Angelorum, in quo plura instantia possunt assignari; & ita stat quod non in eodem instanti, quo creati sunt, item peccaverunt; sed bene in eodem puncto, & ideo bene ad denotandum hoc usæ est nomine instantis. Simili modo sacra scriptura usæ videtur nomine puncti, ubi dicitur Job. 21. *ducunt in bonis dies suos, & in puncto ad infernum descendunt*; dicit S. Thom. *idest quasi in puncto*; alius doctor *idest subito*. Et ita patet quod in tempore parvo conclusum est, dicitur in puncto factum; & ita est hic intelligendum. Præterea etiam, posito quod accepisset punctum pro instanti, credenda est fuisse loquuta ad modum, quo Christus dicit Jo. 8. de Diabolo loquens, *quod ab initio in veritate stetit*. Item conformiter ad sensum Apostoli dicentis: *ab initio Diabolus peccat*. 1. Jo. 3. ubi glossa interlinealis ait: *ab initio creationis suæ incipiens peccare, continuo peccat usque ad præsentem diem*; quæ verba ita Magister sententiarum ex dictis August. & aliorum DD. in 2. dif. 3. dicit esse intelligenda, homicida erat ab initio, vel mendax; idest statim post initium ab initio temporis peccat; idest statim ab initio temporis apostatavit. Conformiter Alexander de Ales in 2. exponens illam glossæ allegatam *ab initio creationis suæ*, dicit esse intelligendam exclusive, idest post initium, non inclusive: ita in proposito videtur dicendum, quia quod parum distat, videtur nihil distare, ideo B. Birgitta dixit *in eodem puncto, quo creati sunt &c.* idest immediate post, sicut supra dictum est; ab initio peccavit, idest statim post initium. Et tantum sit de ista parte. Quod autem dicit consequenter in eodem articulo de felicitate æterna eos cecidisse in æternam miseriam, exponendum & declarandum est juxta dicta Magistris sententiarum loco præallegato. Uno modo sic protinus de felicitate æterna, quam, supple, fuerant habituri si persistissent, in miseriam interminabilem corruerunt. Vel sic intelligendo per felicitatem æternam, non illam, quam in futuro speramus, quæ supergreditur omnem sensum, & omnem intellectum creatum; sed natu-

ANNO  
CHRISTI  
1433.

ANNO  
CHRISTI  
1433.

ralem eorum beatitudinem, siue felicitatem statum, in quo creati sunt multis virtutibus & donis splendidi. Unde Ezech. 28 dicitur: *in deliciis paradisi fuistis*, a quo per peccatum ceciderunt. August. 11. de civ. Dei dicit, cap. 11. quod tam homines quam Angeli ante lapsum quamdam felicitatem, & beatitudinem habuerunt, quæ æterna fuisset, si nullatenus peccassent, de qua in lib. de eccl. & dogmat. dicitur quod Angeli in illa, qua creati sunt, beatitudine perseverant, quod S. Thom. in 1. par. q. 62. a. 1. dicit intelligendum de beatitudine prout accipitur pro perfectione naturali, quam habuit in statu innocentie: & ita patet quod articulus est catholicus conformiter ad dicta SS. DD. intellectus. Quod vero sequitur in eodem cap. videlicet quod Angeli beati cognoverint in speculo divinitatis maiorem charitatem, maioremque suavitatem, quam ipsi habebant, B. Virgini præservari; ita pie credendum est, quod in hac parte oppositum sentiens suspectus merito habendus esset. Et ideo superfluo ab ulterioris probationis processu, & hoc de isto articulo.

## Articulus CXIX.

*Ex lectionibus 2. & 3. feria dicit credibile fore Abraham de hac futura filia Maria magis, quam de Isaac filio suo exulasse.*

Pro declaratione præsentis articuli notandum est, ut dicit in eodem articulo Birgitta, credibile est Abraham divinitus esse ostensum quod una filiarum suarum stirpis, immaculata Virgo, Dei Filium parturiet, quod ex illo loco Jo. 8. videtur esse manifestum, ubi Christus ait. *Abraham vidit diem meum; vidit & gavisus est.* Super quo Aug. ait: non timuit, sed exultavit, sperando ut videret; credens utique exultavit sperando ut videret intelligendo diem meum. Incertum autem potest esse utrum dixerit temporalem diem Domini, quo erat venturus in carne, an diem Domini, qui nescit ortum, nescit occasum. Sed ego non dubito patrem Abraham totum scivisse; ait enim servo suo, quem mittebat: pone manum tuam sub fumore meo, & iura mihi per Deum celi; hæc ille. Cum ergo Abraham, ut colligitur ex prædictorum sententia, illuminatus Spiritu S. sciret B. Virginem de stirpe sua descensuram & parituram semen, in quo benedicendæ essent omnes gentes; quis catholicus dubitasset, aut suspectum habet eum plus exultasse de hac futura filia sua B. Virgine Maria matre Salvatoris, quam de filio suo Isaac? Et ideo de hoc articulo ista sufficiant.

## Articulus CXX.

*Ex prima lect. hujus ferie IV. dicit, bene conveniens, & dignum esse illam diem in magna reverentia haberi, qua materia illa in utero Annæ concepta & collecta fuit, ex qua benedictum corpus Maris Dei formari debebat.*

Pro declaratione hujus articuli notandum, quod Doctor insignis Magister Nicolaus Trenech in quodlibeto 2. monet. Utrum sine errore, & superstitione potest fieri quod celebraretur festum conceptionis, relationem habendo ad conceptionem naturæ; & dicitur quod videtur, sine præjudicio melioris sententiæ, quod sic, quia in conceptione considero duo, videlicet actionem parentum, idest ipsum concubitum, & ipsum conceptum ex tali concubitu determinatum, ut in corpore proles formetur. Ipse autem concubitus potest dupliciter considerari; vel in quantum est actio personarum; & sic creditur realiter quod fuerit a parte utriusque parentis meritorius: quia simpliciter ad bonum prolis ordinatus, præcipue cum tali actu operam darent divino oraculo per Angelum admoniti: sicut invenitur in quodam libello de nativitate B. Virginis: erat nihilominus actus ille miraculosus, eo quod parentes steriles erant, ut in libello dicto: vel potest considerari in quantum est actus naturæ corruptæ, & sic est culpabilis, non quod ei culpa actui inest, sed quia est causa quodammodo peccati originalis in prole; non quidem causa in actu, quia causa in actu ponit effectum in actu. Sed tunc non potest esse effectus in actu, quia non potest aliquid prius esse subiectum culpæ, quam gratiæ; sed non potest esse subiectum gratiæ ante animationem; & ideo nec culpæ; & ideo fuit causa in potentia. Cum ergo pro tempore conceptionis, quantum apparet, a parte parentum sit actuale meritum in actione, divinum miraculum in effectu; quam merito sunt honore & celebratione digna? nec fuerint effectus originalis peccati in actu, non secundum illud, quod est in potentia, cum frequenter potentia impediatur a suo actu; non mihi apparet a parte ista, scilicet a parte concubitus parentum, aliquid per quod debeat celebrari pro die primo conceptus naturalis impediri. Hæc ille. cuius doctrinæ sententiam impediret sufficiat pro nunc pro probatione præsentis articuli. Et ad id quod dicit adversarius, dicendum videtur secundum sententiam hujus, quod ipse arguit de illa die per comparisonem ad conceptionem materiæ, in quantum erat actio naturæ corruptæ, ex qua parte verum dicit: Sed articulus declaratus est habita relatione ad alia, quæ tacta sunt, quæ meritum honoris importare videntur. Et tantum de isto articulo.

ANNO  
CHRISTI  
1433.



Articulus CXXI.

Ex secunda lectione ejusdem ferie dicit Filium Dei non magis a Patre separatam quando Virgo corporaliter eum peperit, quam quando Pater sine corpore intemporaliter genuit.

Iste articulus est ita catholicus, & indubius, ut merito tanquam suspectus de fide incarnationis Filii Dei habendus est, qui huic articulum suspectum habet. Filius quidem Dei in eadem manet unitate nature, & perfecta plenitudine majestatis incarnatus, & de Virgine natus, qua fuit a Patre æternaliter genitus, qui unus Deus, unus Dominus cum Patre & Spiritu S. individuus existit. Ita enim, ut dicit Isidorus in ferm. de nat. Domini, assumpsit humanitatem, quod non amisit divinitatem; manens quod erat, suscipiens, quod non erat, ut liberaret quod fecerat. Et ideo cantat universalis ecclesia in die Circumcisionis dominicæ: *mirabile mysterium declaratur bodie, innovantur nature; Deus homo factus est, id quod fuit permansit, & quod non erat assumpsit, non commixtionem, nec divisionem passus.* Argumentum autem adversarii procedit ex suppositione falsa, aut ex textu corrupto. Et ideo illum relinquentes, finem damus præfenti articulo.

Articulus CXXII.

Ex lectione I. ferie VI. dicit Virginem expirasse in affatu Angeli, non propter metum, aut periculum sui corporis; sed quia inimici fraudulentiam ad animæ suæ nocumentum adesse formidavit.

Pro cujus articuli declaratione notandum est, quod Gregorius super illo verbo Luc. 2. *quæ cum audisset, turbata est in sermone ejus*, dicit ut S. Thomas recitat in glossa continua: cum autem assueta fuerit his visionibus, non visioni sed zelatibus turbationem attribuit; dicens turbata est in sermone ejus. Attende autem Virginis & pudicam, & prudentem animam simul & vocem; audita lætitia dictum examinat; & nec manifeste obstat per incredulitatem, nec statim patet ex levitate, Evæ levitatem evitans & duritiam Zachariæ. Idem super illud: & ait Angelus ei: ne timeas Maria, ita prosequitur, quasi dicat: non accessi decepturus, immo deceptionis absolutionem depromere; non veni prædaturus inviolabilem tuam virginitatem, sed conditoris puritatem & custodis contubernia referare: non sum serpentis minister, sed perimentis serpentem legatur; sponsalium traſſator, non insidiarum molitor. Sic ergo nequaquam contrahentibus ipsam considerationibus vexari permisti, ne disjicaretur insidus minister negotii. Hæc ille; ex quibus manifeste patet, quod in primis motibus aut prima consideratione poterat in eam, sicut iste doctor innuit, talis causa inter alias accedere pavoris, aut turbationis ejus; unde

A glossa interlinearis ita habet, Luc. 2. super illud: turbata est: more humane fragilitatis de angelica visione & insolita salutatione. Et hæc pro præfenti articulo.

Articulus CXXIII.

Ex secunda lectione Sabbati dicit Dæmones potius velle pati omnes poenas inferni, quam contradicere aliquibus præceptis Virginis; & quando aliquis homo auxilium Virginis ex charitate implorat, illico pavidi diffidunt, malientes poenas & miseras sibi multiplicari, quam Virginem talem super se dominari.

B Pro declaratione præfentis articuli duo sunt facienda; primo ponenda est vera forma articuli, quia translator mendaciter & infideliter tranſtulit articulum quoad primam partem ejus; quia quod dictum est de Angelis bonis, ipse dicit assertum esse de Dæmonibus. Secundo ostenditur veritas articuli quoad omnes ejus partes. Quoad primam; articulus jacet sic loquendo de B. Virgine: „Angelor. Dominam ipsam æternaliter constituit: Qui quidem angeli ita postmodum „obedientes Virgini effecti sunt, quod omnes „inferni poenas libentius subſtinerent, quam „aliquibus suis præceptis in aliquo contradicerent; super omnes etiam malignos (spiritus „ipsam Deum potentem facit, quod quotiescumque ipsi aliquem hominem Virginis auxilium ex charitate implorantem expugnaverint, ad ipsius Virginis vultum illico pavidi procul diffugiunt, volentes potius poenas suas & miseras sibi multiplicari, quam ejusdem Virginis potentiam super se taliter dominari. Circa secundum; prima pars articuli, quæ dicit angelos libentius velle subſtinere omnes inferni poenas quam præceptis Virginis contradicere. patet, & nulli catholico debet esse dubia, cum talis contradictio præceptis B. Virginis non possit esse sine offensa Dei, cujus ipsa mater est, & qui libet charitatem habens debet præſeligere omnem poenam sensibilem, quam offendere Deum: cujus ratio a S. Thoma quodlibet. 4. a. 7. talis assignatur: ex charitate plus debet homo Deum diligere, quam seipsum; peccare autem est facere contra Deum; puniri autem est aliquid pati contra seipsum. Charitas ergo hoc requirit, ut quamlibet poenam habens charitatem præſeligat culpæ. Et ideo Anselmus lib. de dissimilitudinibus ait, quod aliquis debet magis eligere esse in inferno sine culpa, quam in paradiso cum culpa. Secunda vero pars, quæ dicit quod Dæmones quotiescumque aliquem hominem Virginis auxilium ex charitate implorantem &c. Epate ex illo Can. 7. ubi Virgo B. dicitur, *terribilis ut caſtrorum acies ordinata*; scilicet Doemonibus ipsis, protegens & defensus peccatores. Unde Bernardus: nullus sic instantiam timer hostium, quam Doemones Mariæ vocabulum; non sic timent hostes visibiles quamlibet multitudinem caſtrorum copiosam; sicut timent acce potestates Mariæ vocabulum, patrocinium, & exemplum; sicut & pereunt sicut cera a facie ignis, ubicumque

ANNO  
CHRISTI  
1433.

que invenerint hujus nominis crebram recordationem, devotam invocationem, sollicitam imitationem. Unde sicut DD. expositio habet in præfato loco; sicut fluit cera a facie ignis, & sicut fumus ad ventum spargitur, sic ad adventum B. Virginis totus malignorum spirituum exercitus dissipatur; quæ cum sit hominum advocata, eum devote invoceatur, creditur semper adesse. Præterea qui hanc partem articuli suspectam habent, non videntur ad plenum sentire magnitudinem misericordiæ, & potentie celsitudinem Beatissimæ Virginis matris Dei. Et ideo consideret talis quid pro veritate articuli dicat Bernardus in sermone: *ille solus, o Virgo beata, tuas laudes sileat, qui te fideliter invocatum sentit nusquam in suis necessitatibus sibi defuisse. Et quid mirum si invocata adest, quæ etiam non vocata præsto est?* Præterea idem dicit: *sicut a te despectus & aversus, necesse est quod pereat; sic ad te reversus, & a te respectus impossibile est quod pereat. Filioles, hæc peccatorum scala, hæc mea maxima fiducia, hæc tota ratio spei meæ: hæc ille. Præterea qui suspectum habet quod Daemones vellent sibi plus miseria multiplicari, quam subici inferiori naturæ, & præsertim muliebri sexui; præsertim etiam Virgini Mariæ, ad quam propter hoc, quod hominum est advocata, & ipsa est, cui concessum est conterere caput ejus, odium habent prægrande. Quis ducit in dubium Daemones ex superbia sua & perversissima voluntate desiderasse sibi poenas alias multiplicari; quam aspectum dominantis Virginis benedictæ fuisse? qui sicut beatis amabilis, & delectabilissimus est, ita Daemonibus terribilis, & gravissimus esse creditur. Sicut de aspectu Christi dicitur a DD. de quo dicit Joannes Chrysostomus, intolerabilis est ihenna; verum mille ihennas ponat quis, nihil tale dicit, quale est excidere a gloria, & odio haberi a Christo. Pro fine articuli audiat verbum Richardi super psalm. 2. *de nullo magis dolet Diabolus, quam de bono, & profectu nostro; pene plus odiunt bona nostra, quam tormenta sua; imo malunt* D *quotidie tormenta sua augeri, quam bona nostra & merita non minui;* hæc ille. Ex quibus manifesta apparent mendacia calupniatorum. Falsum enim est quod iste articulus contradictoria contineat; immo veritates, quæ simul sunt in animo cujuscunque veri catholici, ut patet ex dictis. Et tantum de præfati articulo, et per consequens de omnibus articulis mihi in codicello præsentatis. Quibus omnibus consideratis, & conformatis ad dicta S. Scripturæ & SS. DD. & etiam scholæ bonorum theologorum intellectus, non apparet mihi, quod liber iste, aut doctrina ejus sit suspecta habenda, nec in qualitate, nec in figura, nec in pondere E *ut verbis utar adversarii. Non in qualitate sive specie, cum in ea sit autum verum doctrinæ sanæ; non in figura, quia conformis est tam sacræ scripturæ quam SS. DD. sicut patet ex suprapositis. Tercio in pondere gravitatis, cum tota referatur ad gloriam Dei & reformationem populi christiani. Pondus enim, ut dicit Augustinus, amor est: pon-**

& majoris ponderis doctrina aliqua dicitur, quanto magis ordinatur ad amorem Dei nutriendum, fovendumque in cordibus fidelium. Sed calupniator dicit, quod potissime in figura ista doctrina videtur suspecta, quia amodo visionum & Doctrinæ SS. Patrum aliena videtur, sicut in una visionum, ubi dicit quod Deum vidit in specie Dei, & in alio loco submittit visiones suas examini; hæc ille. Quanquam locum invenire in revelationibus prædictis non potuerim, ubi verba ista ponantur; & per consequens de eis sicut in multis merito dicere convenit, tanquam minus fideliter allegatis, posse superferri. Tamen ad ea, plenitudinis hujus tractatus gratia, duxi etiam respondendum: dico enim quod tam apud philosophos, quam apud Theologos species rei dicitur similitudo rei; & cum visio Dei in via sive revelationes fiant per aliquas similitudines representativas Dei, aut eorum, de quibus sit revelatio, dicente Augustino 14. de Trinitate: *cum Deum cognoscimus, sit aliqua similitudo in nobis; non est alienum a veritate quod dicit B. Birgitta, quod scilicet vidit Deum per speciem Dei, id est similitudinem aliquam Dei ejus intellectui divinitus impressam: non autem per speciem, quæ dicitur ipsa essentia nuda Deitatis: hæc quippe specie visio perficitur beata, in qua idem est objectum beatificans & species intelligibilis, ad quam se perducit exorat ecclesia militans in oratione solemnitate currentis Epiphaniæ, scilicet ita dicens. Deus, qui hodierna die Unigenitum tuum gentibus, stella duce, revelasti, concede propitius, ut, qui jam te ex fide cognovimus, usque ad contemplandum speciem tue celsitudinis perducamur.* Et ita pater quod calupniator in hac parte non habet causam calupniandi. Ecce, Patres venerabiles, quæ parvitati ingenio mei, nihil temere asserendo, dicendum occurrit circa singulos articulos, super quibus vigilanter intenderem, & juxta mihi traditam a Deo gratiam, scribere. Rogatis plane omnes & singulos accurato satis studio juxta vires meas examinari, & nullum eorum pie, & modestè intellectum reperiens sacræ scripturæ aut SS. Patrum adversum sententiis; sed consonum, & conforme satis reputo unumquemque & omnes eorum, eos juxta eorum modestiam, & piam eorum intelligentiam esse admittendos & posse legi in ecclesia S. Dei, & eo modo, quo multorum aliorum DD. libri, & SS. historiæ, & legendæ licentiantur legendi fidelibus. Sed si forsitan, aut propter ignorantiam meam, aut parvitatē ingenii, aut accommodati temporis angustiam præfati studio minus complete satisfecerim votis vestris, & tam gloriose sanctæ honoris, veniam peto. Pro his autem, quæ tam sincera devotione, & inflammato animo pro defensione sanctitatis B. Birgitte & vestri celeberrimi instituti vestris precibus invitatus peregi, fororum vestri ordinis, atque fratrum orationibus rogo me recom-mendatum facere velitis; ut hujus devotissimæ Christi ancillæ patrocinio fretus a Domino amoris gratiam consequi merear in præfati & gloriam in futuro. Amen.

CON-

ANNO  
CHRISTI  
1433.



ANNO  
CHRISTI  
1433.

## CONSILIUM D. JOANNIS DE MILLIS

*Super decreto frequens, edito in Concilio  
Constantiensi, & incipit cum per  
C. frequens, in quo continen-  
tur hæc infra-scripta.*

*Quo tempore debet dictum concilium inchoari. Secundo quo tempore debeat, vel debuit finire.*

*Si non fuerit inchoatum a tempore statuto; an postea per intervallum plurium mensium poterit inchoari.*

*An dictum concilium inchoatum ex causis in dicto concilio expressis, possit dissolvi per papam contra voluntatem concilii, vel locum mutare ut civitatem Bononiensem pro loco concilii deputaret.*

*An concilium sic congregatum poterit papam monere quod dictam dissolutionem revocet.*

*Consilium D. Joannis de Millis*

*De Brissa, advocati Consistorialis, re-  
pertum post mortem suam inter li-  
bros suos sua manu scriptum.*

Ex MS.  
Cod. Felin.  
in bibliot.  
Canonic.  
Major.  
Ecl. Luc.

Cum per C. frequens, in concilio Constantiensis editum, statuatur, quod a modo generalia concilia celebrentur; ita quod primum a fine dicti concilii in quinquennium immediate sequens, secundum vero sequens a fine illius primi in septennium; deinceps vero in decennium perpetuo celebrentur, ut sic per quandam continuationem semper, aut concilium vigeat, aut per termini penditiam spectetur &c.

Occurrunt contra intelligentiam dicti cap. dubia infra-scripta.

Primo quo tempore debuerit dictum concilium inchoari.

Secundo, quo tempore debeat, vel debuit finire.

Tertio, si non fuit inchoatum tempore statuto, an postea per intervallum plurium mensium poterit inchoari &c.

Quarto, an dictum concilium debite inchoatum, ex causis in dicto concilio expressis, possit dissolvi per papam contra voluntatem concilii, vel locum mutare & civitatem Bononiensem pro loco concilii deputare.

Quinto, an dictum concilium sic congregatum poterit papam monere quod dictam dissolutionem revocet, & revocationem publicet, & concilio Basileensi per se vel alium assintat.

Circa primum dubium, dico, quod secundum concilium debuit inchoari immediate, post septennium completum, computandum a fine primi concilii. Et hoc patet ex verbis dicti C. frequens, quæ celebrationem secundi concilii dirigunt, & protrahunt in septennium a fine primi. Nam illud verbum septennium, intelligitur scilicet finitum, quia obligatio ad aliquod faciendum tempore, non ardetur illud facere nisi in fine illius temporis, ut ff. de condi. & demo. l. non putabam, & l. si in annos, ut notat Bar. in

l. quod hoc anno, de verb. oblig. & Bal. in l. pri. C. quando dies, l. cedat, & propriis terminis hoc no. Jo. An. in C. in sing. de major. & obed. ubi dicit quod si concilium debet celebrari e triennio in triennium, intelligitur quod secundum concilium distet a fine primi per triennium; ita quod secundum concilium non poterit celebrari ante completum triennium, computandum a fine primi concilii; & ita tenet D. Antonius de Butrio in dicto C. singulis; & hunc intellectum approbarunt papa & concilium celebrationi primi concilii inchoati in civitate Papie, & finito in civitate Senensi, quod inchoatum est post quinquennium completum a fine concilii Constantiensis. Ergo talis intellectus est servandus, quem papa, facto approbavit, X. ar. C. quod dilecto de Consang. & affin. & quod ibi notatur per Jo. And. & D. Ant. de Butrio, ubi ponunt alium casum similem de statuto Paduano disponenti, quod de male ablati fieret concilium singulis quatuor mensibus. Nam ex mente statuentium debet tale statutum intelligi quod post lapsum quatuor mensium, a fine primi concilii computandorum, & non antea, fiat secundum concilium. Et hoc efficaciter probatur ex textu dicti C. frequens, cum dicit quod sic, per quandam continuationem semper concilium vigeat, aut per termini penditiam spectetur &c. per quæ verba probatur quod terminum assignatum ad concilium celebrandum voluit concilium pendere & expectari debere; nec penderet; ergo nec expectaretur, si illo durante secundum concilium inchoaretur. Ergo clare patet quod ante septennium completum a fine primi concilii non potuit concilium inchoari. Est ergo mens dicti concilii, C. frequens, quod continuative semper sit alterum ex duobus; unum tamen post reliquum, videlicet quod concilium actu vigeat, vel quod ad certum terminum spectetur. Vigeat quando celebrabitur; expectabitur quando illo celebrato, & finito pendebit terminus ad aliud celebrandum. Et licet verba dicti C. frequens sint alternative concepta; tamen dicunt: aut concilium vigeat, aut spectetur. Et in alternativa sufficit alteram partem esse veram leg. si is, qui ducenta, §. utrum &c. ff. de rebus dub. per quod forte quibusdam videtur quod statim post primum concilium finitum possit secundum inchoari; & finito secundo tertium, & sic de singulis; ita quod semper concilium vigeat. Dico quod iste intellectus stare non potest; quod si prælati debentes concilium celebrare possent alteram partem dictæ alternative, quam vellet, eligere, tunc possent vel semper concilium tenere, vel concilium expectare, quod esset ridiculum dicere & contra verba illa dicti C. frequens, quod vult plura concilia celebrari debere, & inter illa concilia esse diversa temporum intervalla, cum primum concilium voluit in quinquennium celebrari, secundum in septennium a fine primi concilii, & reliqua concilia de decennio in decennium celebrari. Dicta ergo alternativa resolvitur in conjunctam quoad utramque partem, successive, non eodem tempore implendam, ut fit

ANNO  
CHRISTI  
1433.

ANNO  
CHRIST.  
1433.

fit sensus quod prælati celebrent primum concilium in quinquennio, & illo finito expectetur secundum usque ad septennium; & illo secundo finito expectetur tertium usque ad decennium &c. Nec est absolum quod alternativa & disjunctiva resolvatur in conjunctam, cum hoc sæpe fiat, ut l. *sæpe ff. de verb. signif. & l. cum quadam*, eo tit. Maxime hoc fit quando potest conjecturari mentem disponentis fuisse, quod voluerit utramque partem alternative debere sortiri effectum, ar. l. *generaliter* in 1. C. de instit. & subst. sub conditione factis. Sic in proposito conjecturari potest ex dictis verbis dicti C. *frequens*; præsertim cum dicit. *per quamdam continuationem &c.* Ex quibus verbis patet quod voluit utramque partem sortiri effectum alternative per continuationem successivam utriusque partis ad alterum. Prima pars est, quod concilium vigeat. Secunda pars est, quod primo concilio finito, aliud concilium expectetur ad tempus.

Ad secundum dubium breviter dico, quod cum in c. *frequens*, non assignetur certum tempus, in quo vel in quod concilium finiri & perfici debeat, hoc relinquatur arbitrio boni viri, qui arbitrari debet tantum temporis infra quod secundum exigentiam causarum propter quas fuit concilium inchoatum, possit ipsum concilium compleri. Nam ubi quis tenetur ad aliquid faciendum, quod non potest in momento expediri, sed requirit temporis intervallum, intelligitur a jure tantum temporis assignatum, in quod secundum qualitatem ipsius facti possit ipsum factum commodè perfici, ut est casus in l. *continuus*, §. *Item qui insulam*, de ver. ob. & facit ff. cum ita in ea. l. *continuus*, & ff. de eo quod ca. le. l. non utique, ff. si quis ita, 11. ff. si quis cau. l. 11. §. si quis. Per hoc facit quia ubi tempus in lege non exprimitur, tunc arbitrio tempus statuitur, l. 1. in fi. ff. de jur. delib. Debet ergo tantum tempus censeri statutum ad dictum consilium faciendum, quod arbitrio judicis, & boni viri necessarium videatur ad expediendum causas, propter quas concilium fuit congregatum, ut dicitur in iuribus prædictis.

Ad tertium dubium dicendum videtur, quod licet in termino pro principio concilii celebrandi assignato prælati non venerint; tamen postea venientes potuerunt concilium celebrare absque nova auctoritate papæ; quia (in) c. *frequens*, quod statuit prælatos debere secundum concilium a fine primi in septennium celebrare, duo sunt, scilicet quod prælati concilium celebrent, & quod in tempore assignato celebrent. Cum enim mandatur aliquid fieri in tempus, duo sunt mandata; unum quod fiat, & aliud quod in tempore fiat. De do. & contu. cum dilecti, ff. de arbitris l. *Celsus*, ff. mandati 11. §. *Paulus*, ..... consequenter auctoritas papæ & canonis procedens ex dicto c. *frequens*, representatur in utroque mandato. Ex quo sequitur quod, si concilium fuerit celebratum in tempore assignato, siue post tempus, antequam papa maraverit voluntatem, debet dici celebratum auctoritate papæ. Et in c. cum dilecti, quod proprie loquitur in manda-

to papæ; et facit quod ibi notatur per Innocentium mo. super verbo *presentare*. Etiam rub. *nemo potest impossibile*, in VI. in glo. ordi. Præterea, licet prælati non venerint ad locum concilii in die assignata, habuerunt iusta impedimenta, & notoria guerrarum vigentium in Francia, in Alemania, in Hispania, in Italia; fuit enim intemperies aeris propter magnas pluvias & intensam frigora; propter quam excusari debent si in termino non venerint, ut ff. si quis cau. l. 11. §. si quis in iudicio, & §. quod diximus. Sed etsi nullum impedimentum habuissent, quilibet eorum potuit moram purgare, quia debitor obligatus ad aliquid faciendum in favorem creditoris, potest quocunque volente creditore moram purgare, ut ff. de le. commissi. l. post diem, de eo quod certo l. 1. fi. & ff. si quis cau. l. 11. in pr. & articulo l. *Celsus* ff. de arbi. Quod enim prælati deberent concilium celebrare in termino assignato hoc fuit statutum favore universalis ecclesiæ, ut patet in exordio hujus canonis *frequens*. Universalis autem ecclesia representatur per prælatos simul congregatos ad hæresim extirpandam, & ad alia statum universalis ecclesiæ concernentia; ergo ipsa ecclesia universalis potuit purgationem moræ cujuscunque prælati admittere, & celebrare concilium. Nec potest dici, quod in hac purgatione moræ non adfuerit consensus papæ; quia immo affuit per modum legati de latere ibi presentis & consentientis, qui ad dictum concilium celebrandum fuit per papam Martinum missus, & per hodiernum papam in dictis terminis confirmatus. Auctoritate enim talis legati potuit concilium congregari, ut in d. §. porro, in tex. & glo. & notat glo. & Archidiacon. XVII. di. in summa. Sed etsi auctoritas papæ non intervenisset, tamen cum papa fuerit publice requisitus, ut consentire vellet quod ejus auctoritate concilium fieret, & consentire noluit; & legitimæ causæ adfuerunt, propter quas concilium celebrari debeat, ut statim dicitur in quarto dubio, potuit concilium celebrari, maxime instante Imperatore, sicut instat qui est advocatus & defensor ecclesiæ, de electione, *venabilem*; & ex tunc quicquid in eodem concilio factum est, & fiet, valet ac valebit, tanquam in generali concilio factum; ne alias in potestate summi Pontificis sit impedire bonum & statum generalem ecclesiæ & universi orbis. Et ita tenent D. Franciscus de Zabarellis in c. licet, de electione, & D. Antonius de Butrio in tractatu suo de schismate; & præterea ex his, quæ dicuntur in sequenti dubio.

Ad quartum dubium, videtur quod papa potuit concilium dissolvere. Quia papa est supra concilium, & potest revocare statuta concilii, ut patet ex iuribus supra in fine proximi dubii allegatis. Sed contrarium est verum in casu nostro, quia illud concilium fuit firmatum ob tres causas principaliter. Primo, propter hæresim extirpandam. Secundo, ad reformationem morum in capite & in membris. Tertio, ad pacem ponendam inter principes & omnes Christianos; quæ causæ concernunt stabilitatem & augmentum fidei Catholicæ, & pacem & felicem statum

ANNO  
CHRIST.  
1433.



ANNO  
CHRISTI  
1433.

ecclesiæ & universi orbis. Et licet papa sit major, de jurisdictione c. *significasti*, & c. ti. c. *ubi periculum* in VI. in glo. super verbo: *concilium*; & propterea posset mutare & corrigere statuta concilii ut notat, Joannes Andr. in c. *significasti*, & d. c. *ubi periculum*; hoc est verum regulariter. Sed excipiuntur tres casus quibus papa non est obediendum, & sententia concilii prævalet sententiæ papæ. Primus, quando agitur de hæresi; & hic est casus, noster, quia concilium agit extirpare hæresim Bohemorum, & papa, dissolvendo concilium, impedivit dictam hæresim extirpari; & consequenter hæresim fovet. Hoc ergo casu concilium est super papam XL. d. *si papa*, in tex. & glo. facit quod notat Joannes Andreas in c. *propositum*, de concess. preben. & de hæreticis in *fidei favorem*, in VI. in novella. Et potest hoc casu papa per concilium judicari per tex. d. c. *si papa* in fin. Et XVII. dist. §. *hinc etiam v. ad hæc*; & V. q. VII. §. *Item cum Balaam*, in fi. Et notat Archidiaconus & Joannes Andr. in c. *in fidei favorem* in VI. de hæreticis. Nec cum excusare videtur, quod dicit velle consentire ut prælati in Basilea tradent dictæ hæresis extirpationem; sed de reformatione ecclesiæ se non impediunt; immo illam finendam reservent per concilium in civitate Bononiæ indictum, quasi tractatus extirpandi hæresim prædictam, antequam fortiretur effectum, posset durare usque ad tempus quo concilium Bononiense est indictum, & tunc non esset possibile prælatos in eodem tempore adesse in utroque concilio. Item, quia reformatio ecclesiæ est de pertinentibus ad dictam extirpandam; quia videntes hæretici clerum catholicum informatum, & ad bonos mores deductum, citius se reducerent ad fidem. Differre ergo reformationem ecclesiæ est differre hæresis extirpationem. Secundus casus est, quando ex facto non percepto papæ vehementer præsumeretur turbari status ecclesiæ. Et hoc est casus noster, quia concilium tractat reformare ecclesiam in capite & in membris, & pacem ponere inter reges & omnes christianos: papa autem, dissolvendo concilium prædictum, nedum turbat ecclesiam, sed universi orbis statum; quia in toto orbe sunt discordiæ & guerræ, scilicet inter regem Franciæ & regem Angliæ, inter regem Castellæ & regem Aragonum, inter regem Poloniæ & magistrum Lituanie, ac magistrum & ordinem Prutenorum, inter regem Aragonum & reginam Apuliæ; inter ducem Mediolani, Senenses, & Januenses ex una, & Venetos ac Florentinos ex altera partibus. Impedire ergo vel differre reformationem prædictam & pacem, est turbare bonum statum ecclesiæ et totius orbis, quod papa non potest de jure facere; & si facit non est ei obediendum, ut eleganter notat Innocentius post Hosti. cum Joanne Andrea in c. *inquisitioni*, de sent. excom. Et facit quod notatur per eundem Innocentium in c. *iii. de consue.* Et idem tradit Archi. XL. dist. *si papa*, in fine, & dist. *sicut*, & notat glo. l. X. q. III. per principalem, q. VIII. q. i. §. *his omnibus auctoribus*; immo plus dicit Archidiaconus, quod ubicunque discoloratur sta-

tus ecclesiæ, papa non potest id facere, ut ipse notat XXV. q. i. *sunt quidam*. Sed statum per malos mores est discoloratus; ergo non potest papa impedire reformationem morum, per quam discoloratio removeatur; quia impediendo reformationem fovet discolorationem; sicut impediendo extirpationem hæresim foveret hæresim. Tertius casus est, quando papa aliquid facit; ex quo vehementer præsumitur magna mala ventura; tunc hoc non potest papa facere de jure, & si facit, non est obediendum, ut notat Innocentius & post Hosti. cum Joanne Andrea in dicto c. *inquisitioni*, de sent. excom. Et hoc est casus noster; quia Concilium tractat ponere pacem inter dominos prædictos, & ex dissolutione concilii dicta pax impeditur, vel saltem differtur; ex cujus impedimento vel dilatione, nemo dubitat, multa & magna mala ventura. Ergo dicta dissolutio concilii facta per papam non est servanda, nec ei obediendum. Et sic concludendum videtur, quod his tribus casibus concilium est super papam. Quia in casibus, in quibus papa non potest jure prohibente disponere, prævalet sententia concilii sententiæ papæ, & concilium est iudex competens ad reformandum male gesta per papam juxta theoreticam Archidiaconi & Joannis Andreæ in d. c. *in fidei favorem*, de heres. in VI. Et licet loquantur ibi in primo casu, scilicet quando agitur de hæresi; tamen idem est in aliis casibus, scilicet quando agitur deurbatione status ecclesiæ, & quando agitur de alia re, ex qua præsumitur multa & magna mala ventura, cum hos tres casus parificent Innocentius & Joannes Andreas in d. c. *inquisitioni* in fi. Cum Innocentius fuerit papa, & in jure peritus, ac plures decretales ediderit, valde credendum est. Glossa etiam in d. c. *Si papa*, quæ magnæ auctoritatis est, & quam nullus reprobat, prædicta confirmat; licet in casu quo ex facto papæ turbatur vel scandalizatur status ecclesiæ duo alia requiratur, de quibus nihil dixit Innocentius, videlicet quod illud factum notorium sit, & quod papa sit incorrigibilis, qui duo dicuntur in proposito esse, quando dissolutio conc. est notoria & publice facta. Et dicitur incorrigibilis, quia publice requisitus per oratores concilii & per oratores regis Romanorum & per litterarum sæpe & sæpius ut dictam dissolutionem revocet, & id non facit. Et si quis dicat, quod ex dissolutione prædicta & loci mutatione non est visibile nunc nec præsumendum scandalizari eccles. nec turbari statum ejusdem; & communiter in hoc non habet locum prædicta Innocentii nec prædicta Joannis nec glossa prædicta. Advertatur, si quis sic dicat, ne erret: quia communis fama & vox populi est in oppositum, & habent famam & vocem populi verisimiliter contrarium amplectitur.

Sit ergo ista conclusio; quod si ex mutatione loci & dissolutione prædictis communiter præsumitur extirpationem hæresis impediri, seu differri; aut ecclesiam debere aliter scandalizari vel statum ejus turbari, aut alia mala mala ventura, non tenet mutatio nec dissolutio, nec in hoc est obediendum.

ANNO  
CHRISTI  
1433.

locus turbatus.

ANNO  
CHRISTI  
1433.

diendum papæ, immo concilium est super papam. Ubi autem non esset præsumptio quod aliquid prædictorum contingeret; tunc mutatio loci & dissolutio teneret. Cum in aliis casibus, quam prædictis, papa sit maior concilio, & possit statuta concilii revocare. Nec est vera conclusio quam quidam faciunt, quod papa non potest c. *frequens* revocare, quia expresse dicitur in eodem, quod quilibet, etiam si papalis dignitatis fuerit, teneatur statuto & præceptis cujuscunque concilii generalis obedire. Nam si ista ratio esset vera, sequeretur quod concilium posset papæ omnem aufferre potestatem, statuendo expresse quod papa non posset aliqua beneficia reservare. Illa ergo statuta concilii ligant papam, ex quorum revocatione sequeretur hæresis, vel præsumeretur ecclesiam aliter scandalizari, aut ejus statum mutari, vel mala ventura.

Et ex his primum responsum ad obiectum factum in fine dubii proxime præcedenter legendi.

Ad quantum dubium suadet in paucis verbis. Nam si ex dissolutione prædicta præsumitur hæresim foveri, seu extirpationem ejusdem differri, vel ecclesiam aliter scandalizari, aut ejus statum turbari, vel multa magna mala ventura, potuit dictum concilium monere papam, ut dictam dissolutionem revocet, & ipsam revocationem publicare, & concilio Basileensi per se, aut per alium assistat; quia his casibus concilium est supra papam. Ubi autem aliquid prædictorum non præsumeretur, monitio non teneret; quia tunc papa est supra concilium. Et ultra prædictos casus, licet papa aliquid injuste ageret, contra tamen a nemine judicaretur. Et ita debet intelligi ca. si papa XL. dist. & §. *hinc*, & v. ad hoc XVII. dist. 3. & q. VII. §. *item cum Balaam*, in fine. Hoc scriptissimus, salva semper correctione melius sentientis, profitentes nos tenere quod tenet S. Mater ecclesia. Nec obest quod universitas non repræsentetur, nisi saltem ad sint duæ partes universitatis, ut ff. *quod cujuscunque juris*, ut l. *nulli*, quia illud est verum in universitatibus laicorum, secus in collegiis & capitulis ecclesiarum, ut notat Innocentius in c. *cum nobis*. Item secus in conciliis generalibus, in quibus non requiritur quod duæ partes totius mundi conveniant: immo sufficit quod aliqui, licet numero pauci, adsint, aliis non convenientibus in termino; & qui venerunt absentes reprehendant. Et sic compertum est multa generalia concilia fuisse celebrata & expedita per XVI. episcopos; qui tamen sunt minima pars respectu episcoporum totius mundi, ut patet XVI. dist. VI. *Synodus*. Nec papa potuit illum locum mutare, & civitatem Bononiæ pro loco concilii deputare.

ANNO  
CHRISTI  
1433.

A Quia c. *frequens*, prohibet mutationem loci, nisi evidens necessitas adsit; puta obsidionis, guerrarum, aut pestis, aut similibus. In Basilea autem pro veritate asseritur non fore obsidionem, nec pestem, nec guerrarum impedimenta, ex quibus impedietur concursus prælatorum ibidem; & hoc experientia docet, quia jam sunt ibi congregati. Non etiam reductio Græcorum est justa causa mutandi loci, cum eadem reductio possit in Basilea tractari. Et licet respectu Græcorum in Bononia tanquam loco eis viciniore commodius tractaretur, ista non est infra causam mutationis; quia c. *frequens* requirit causam necessitatis, non simpliciter commoditatis; et quia sicut si locus Bononiæ est commodior Græcis, est incommodior Gallis & aliis ultramontanis. Nec etiam potest dici quod infirmitas D. N. Eugenii, per quam impeditur ire Basileam, sed non Bononiam, sit juxta causa mutandi locum; cum, & sine ejus præsentia possit celebrari concilium per legatum, sicut factum fuit in concilio Papiensi, & Senensi, ut patet in dicto §. *porro* in textu & glossa; & notatur per glossam et Archidiaconum XXII. in summa. Item quia D. N. Eugenius papa sanus existens, confirmando legatum missum per D. Martinum voluit concilium celebrari per legatum. Si hoc voluit cum esset sanus; fortius debet velle cum est infirmus. Dicta ergo infirmitas non est necessaria causa mutationis loci. Et licet utilissima fuerit præsentia papæ, tamen non est necessaria, et c. *frequens*, ad mutationem loci requirit causam necessitatis. Præterea, et si causa necessitatis adesset deputandi locum extra Alemanniam; non potuit locus mutari de Basilea ad Bononiam, quia c. *frequens*, requirit, quod si oporteat locum mutare, mutetur ad locum aptum viciniorem nationi, in qua erat locus prius deputatus. Tria autem sunt loca viciniore Basileæ, quam Bononia; scilicet civitas Placentina, Veronenfis, et Mantuana, quarum quilibet est locus aptus pro concilio, cum unaquæque dictarum civitatum habeat portum et abundantiam domorum, et victualium. Et si dicas, papa est supra concilium; et major concilio, cum concilium ab eo recipiat auctoritatem, de electo significasti, et notat glossa in c. *periculum est* eo ti. li. VI. et cap. 10. *ex parte*; ideo potest papa statuta concilii corrigere et mutare, ut notat Joannes Andreas in dicto c. *significasti*, et c. *ubi periculum*, ergo papa potuit mutare locum contra formam dicti c. *frequens*. Respondendo, ut statim dicam, in sequenti dubio.

Cetera desunt in MS. C.



ANNO  
CHRISTI  
1434.

Documenta anni

1434.

ANNO  
CHRISTI  
1434.

LITTERA CREDENTIALIS

Bobemorum.

Ex Mart.  
Vet. Mon.  
t. VIII.  
p. 704.  
cum seq.

**R**everendissimis in Christo patribus & dominis, dominis cardinalibus, patriarchis, archiepiscopis, episcopis, venerabilibus patribus, praelatis, magistris & doctoribus, illa tribus principibus, & ducibus magnificis, nobilibus & spectabilibus oratoribus & legatis regum, & principum, singulis quoque qualicumque titulo insignitis, Alfso de Ryssburg, alias de Wrzeslciow gubernator supremus regni Bohemie & marchionatus Moravie, barones, civitas major Pragenfis, nobiles, milites, civitates, & communitates prefatorum regni Bohemie & marchionatus Moravie ac nobis adhaerentes, debita reverentia cum quovis genere complacendi praporreris. Ad vestrarum paternitatum, dignitatum & dominationum celebrem presentiam, honorandum & bene meritum nobisque acceptum & fidelem virum Martinum presbyterum de Chrudin exhibitorum presentium, de nostro proposito sufficienter eruditum destinamus, quanto humiliter valemus postulantes, quatenus paternitatum & dominationum dignitas vestrarum nuncio nostro predicto in omnibus & singulis relationibus vestris dignitatibus & dominationibus ex parte nostra referendis, plenitudinem fidei adhibere dignetur, tamquam vestro assistentes conspectui propriis loqueremur in personis. Datum Pragae anno Domini MCCCCXXXIV. die X. mensis januarii.

*Credentia hujus litterae fuit quod regnum Bohemia, &c. supplicabat sacro concilio, quatenus propter pacem conservandam in dicto regno, sacrum concilium vellet inducere omnes incolas regni ad communicandum sub utraque specie & adhaerentes eisdem; sed nihil obitum fuit, prout in littera sequenti apparet.*

RESPONSIO SACRI CONCILII

*Ad litteram credentialem Bobemorum immediate precedentem.*

Ibid.

**S**acrofancta, &c. auditis & intellectis quae dilectus ecclesiae filius magister Martinus Beruerii, decanus ecclesiae Turonensis, unus de oratoribus nostris ad vos destinatis, nobis retulit, qualiter exhibita per eum capitula inter vos & legatos nostros concordata, & manu mutua praestatione firmata fuerunt; quodque vos pacis & concordiae avidos ostendentes, hujusmodi capitulis concordatis contenti, promiseratis amplius nullas difficultates injicere, sed velle concordare

ta executioni debite demandare, ingenti gaudio exultavimus, gratias magnas pro his agentes omnipotenti Deo, qui est pacis & unitatis amator. Cumque illis diebus illud jocundum & cunctis desideratum advenit de plena adhesionem summi pontificis huic sacro concilio facta, ac etiam quod Graeci parati sunt ad hoc sacrum concilium destinare legationem solemnem, prout oratores nostri illuc transmissi nobis rescripserunt, gaudia fuere gaudiis cumulata. Post haec vero ipsorum nostrorum legatorum ab ipso regno audito discessu, plurimum admirati fuimus. Ipsis quoque legatis nostris venientibus, tam ipsorum, quam etiam presbyteri Martini de Chrudin oratoris vestri, capitula ipsa coram nobis legentes, relatione ipsorum capitulorum firmam utrimque conclusionem omniaque alia hinc inde agitata, necnon impedimenta executionis eorum, quae concordata & firmata fuerunt, intelleximus luculenter. Ea propter decrevimus vos requirere & admonere, sicut & praesentium serie admonemus, requirimus, & exhortamur, quatenus promissionibus vestris satisfaciendes, in praedictis concordatis & firmatis capitulis velitis persistere, & ea exequi omnidilatione cuncta. Alioquin Deum omnium cognitorem invocamus in iudicem, caelum & terra sint testes, quod omnia mala quae ex discessione & ruptura sequuntur, culpa vestrae penitus imputentur. Ad id vero, quod per dictum vestrum ambassiatorem extitit vestro nomine postulatum, ita duximus respondendum, quod hiis quae concordata & firmata sunt non implemus; neque signis aliquibus affectus pacis & unitatis in effectu a vobis ostentis; quin immo hostili persecutione fervente, praesertim contra Pilznenfes, aliquid aliud quod in praefatis capitulis contentum non est, per vos postulati a nobis satis videtur indecens. Sed ea quae jam concordata & firmata sunt ad executionem deducite, ut tenemini; & ut tunc cum veram, puram, & sinceram unitatem & pacem vos amplecti noverimus, & habere realiter & cum effectu, & alia in ipsis concordatis capitulis contenta efficaciter impleveritis, si quid pro salute animarum vestrarum & bono statu patriae vestrae, postulabitis, hoc sacrum concilium Spiritu sancto dirigente deliberabit & faciet, quod pro salute animarum vestrarum bonoque statu terrae ipsius cognoverit melius expedire. Datum Basileae die XXVI. Februarii MCC-CCXXXIV.

## LITTERA CONTRA MENDICANTES

*Afferentes quosdam articulos prout  
in littera.*

**S**acrofanta, &c. Venerabilibus Ypore-  
yensi & Auguſtensi episcopis, salutem,  
&c.

Inter alias, quas ad eliminationes errorum  
& hæresum, instantias impendimus, illa vi-  
detur præcipua, ut cum aliquam doctrinam  
suboriri senserimus, quæ oculos divinæ ma-  
jestatis offendat, & grave in se periculum  
animarum contineat, eam, ne propagetur  
ulterius, & mentes fidelium damnabiliter  
rapiat, mox studeamus extirpare. Frequen-  
tes dilectorum filiorum tuorum, episcopo  
Yporeyensis, civitatis & diocesis parrochia-  
lium ecclesiarum rectorum querelæ nostrum,  
excitarunt auditum, afferentes quod nonnul-  
li de ordinibus mendicantium suis præten-  
sionibus Christianum populum seducendo,  
errores infraſcriptos asserere, & in illis par-  
tibus predicare non verentur; videlicet  
quod nulla juris dispositione parrochiani te-  
nentur diebus dominicis & solemnibus mis-  
sas in propriis ecclesiis parrochialibus au-  
dire, sed ubicumque fuerit eorum ma-  
ior devotio, ibi possint audire, suis etiam  
prætermisſis propriis parrochiis; & audire  
missam illis diebus, adeo liberum est, quod  
confutatio ſynodalis super hoc disponens,  
& Christi fideles ad id artans, illos non li-  
gat, & quod parrochiani suis curatis ad  
oblationem illis diebus præstandam minime  
tenentur; sed in voluntate dantis erit, cui  
oblatio veniat distribuenda: quod si quis ad  
onus celebrare faciendi missas pro vivis aut  
defunctis teneatur, quod illud solvi non  
potest per aliquem sacerdotem curatum,  
cum ratione beneficiorum suorum ad id te-  
neatur, & si decimarum solutio sit de præ-  
cepto in solvendo, nihilominus in cui sol-  
vendo non est de præcepto; sed debitor pro  
libito voluntatis illas expendere potest in  
opera pietatis. Præterea quod omnes &  
singuli qui in aliqua ex regulis B. Francisci  
habitu receperint & professionem fecerint,  
morientes, ultra annum itare non poterint  
in pœnis purgatorii, cum ex divino indulto  
B. Franciscus quolibet anno semel descen-  
dat in purgatorio, & quotquot ibidem ani-  
mas reperiat de huiusmodi professoribus, se-  
cum ducat ad gaudia æternæ vitæ: nec non  
quod tanta est fratribus mendicantibus, et-  
iam locorum ordinariis debere non præ-  
sentatis, libera audiendi confessiones indulta  
facultas, quod Christi fideles volentes cum  
ipsis confiteri etiam semel in anno, cum pro-  
prio sacerdote confiteri non tenentur, nec ab  
ipso confitendi petere licentiam. Ceterum  
quod diocessani etiam cum suis ſynodis  
absolutionem particularium delictorum ultra  
casus expressos in iure sibi specialiter refer-  
vare non possunt in eorum præjudicium, quo-  
minus ab illis absolvi possint. Nos itaque  
dogmata prædicta veluti erronea, &  
canonicis sanctionibus ac sanctæ matris ec-  
clesiæ traditionibus & præceptis enormiter  
Concilior. Supplem. Tom. IV.

obstantia prospicientes, illisque ne in Chri-  
sti fidelium animarum dispendium latius ef-  
fundantur, ac per eorum tolerantiam asse-  
verantium grex fidelis peramplius inficia-  
tur, totis viribus obviare cupientes, vobis  
& vestrum cuilibet sub interminatione divi-  
ni iudicii, auctoritate universalis ecclesiæ  
tenore præsentium committimus & manda-  
mus, quatenus vos & vestrum quilibet, per  
vos vel per vestros in spiritualibus vicarios  
generales, in civitate & diocesi prædictis  
Yporienſi, contra prædictos dogmatizantes,  
illorum defensores, inquisitionis officium ead-  
em auctoritate exercentes, in eo procedatis  
etiam summarie & de plano absque stre-  
pitu & forma iudicii usque ad definitivam  
sententiam, prout juris fuerit & rationis,  
eos quos per inquisitionem huiusmodi præ-  
dictos errores dogmatizasse & docuisse inve-  
neritis, & quæ dogmatizabunt & docuerint  
in futurum, eorumque defensores ac culpa-  
biles in præmissis, juxta quorumcumque de-  
linquentium excessus & demerita, auctori-  
tate nostra prædicta per censuram ecclesia-  
sticam & alia juris remedia, compescendo  
& coercendo, invocato ad hoc, si opus  
fuerit, auxilio brachii secularis, non ob-  
stante, si præfatis ordinibus communiter &  
divisim a sede apostolica sit indultum, quod  
personæ eorumdem ordinum ad iudicium  
trahi aut suspendi vel excommunicari, seu  
Cipſi & dictorum ordinum loca interdicti non  
possint per litteras apostolicas non facientes  
plenam & expressam, ac de verbo ad  
verbum, de indulto huiusmodi mentionem,  
& quibuslibet aliis privilegiis, indulgentiis  
& litteris apostolicis generalibus vel ſpe-  
cialibus quorumcumque tenorum existant,  
per quæ præsentibus non expressa vel tota-  
liter non inserta vestræ jurisdictionis expli-  
catio in hac parte valeat quomodolibet im-  
pediri, & de quibus quorumcumque totis  
tenoribus de verbo ad verbum debeat in no-  
stris litteris fieri mentio specialis. Nos eni-  
m omnibus & singulis fidelibus per civi-  
tatem & diocesim huiusmodi constitutis si-  
mili interminatione iudicii districtè præci-  
piendo mandamus, quatenus vobis & ve-  
strum cuilibet in huiusmodi inquisitionis of-  
ficio contra assertores & dogmatizantes præ-  
dictos, auxilium præbeant & favorem, si  
indignationem omnipotentis Dei & nostram  
ac alias juris pœnas voluerint evitare. Da-  
tum Basileæ II. idus Februarii MCCC.  
XXXIV.

## COPIA CUJUSDAM BULLE

Domini nostri Papæ

*Super remissione cause ecclesiæ Magda-  
burgensis ad sacrum concilium.*

**E**ugenius episcopus servus servorum Dei  
ad futuram rei memoriam.  
Super gregem dominicum nostræ divini-  
tus vigilantie creditum speculatoris inten-  
ti, prout nobis desuper conceditur, exer-  
centes officium, curis efficere perurgemur  
assiduus, ut inter Christi fideles quoslibet  
optatæ tranquillitatis fervor exuberet, ac  
V v v 2 ec-

lb. p. 708.



ANNO  
CHRISTI  
1434.

ecclesiarum, quarum nostris incumbit humeris sollicitudo cunctarum, nec non earum di-  
cti gregis personarum status feliciter prosperetur, & succisus iurgiorum litiumque strep-  
tibus, ecclesiarum & personarum ipsarum per iusti-  
tiae gressus ad acceptabiles excitentur ac  
dirigantur eventus. Gravem venerabilis fra-  
tris nostri Guntheri archiepiscopi Magde-  
burgensis querelam accepimus continentem,  
quod cum olim inter ipsum ex una, nec  
non cives antiquae civitatis Magdeburgensis  
ex altera partibus, occasione iurium & li-  
bertatum ejusdem ecclesiae, cui tunc etiam  
dictus archiepiscopus praesuit, discordia su-  
scitata fuisset, generalis synodus Basileensis  
pro tractandis & habendis inter partes ipsas  
pace & concordia, quosdam non modice  
auctoritatis viros ad eandem civitatem de-  
stinavit, & per illos qui pacem & concor-  
diam hujusmodi firmare non poterant, ipsis  
partibus ad dictam synodum legitime cita-  
tis, & eis ne via facti sub excommunicationis  
in cives praedictos, & interdicti in  
universitatem civitatis ejusdem sententiae ali-  
quid attentarent injuncto, synodus praefata  
causas omnes & singulas, quae praemissorum  
occasione dictas partes contingere poterant,  
quibusdam tunc ibi residentibus audiendas  
commisit iudicibus, & sine debito terminan-  
das. Et quia cives ipsi nihilominus in censu-  
rarum vilipendium & liti penditiae huius-  
modi praedictum, reprobis inconsultisque  
motibus nonnulla dictae ecclesiae castra & op-  
pida de facto occupare, nec non alia gravia  
contra hujusmodi jura & libertates attenta-  
re praesumerunt, ipse archiepiscopus, pro-  
ut ordo juris fuisset, duas ibidem contra di-  
ctos cives, per quas inter alia cives excom-  
municationis, & universitatis hujusmodi inter-  
dicti sententiae praefatis subjacere declarati  
fuerunt, sententias, ac super illarum execu-  
tione dictae synodi litteras reportavit; &  
licet synodus ipsa, propter rerum desuper  
subsistentium notorietatem & evidentiam,  
super praemissis aliquas ulterius appellationes  
admittere pro parte dictorum civium penitus  
recusasset, & super eo quod hujusmodi fie-  
ret executio, carissimi in Christo filii nostri  
Sigismundi Romanorum Imperatoris semper  
augusti, nec non aliorum principum & prae-  
latorum patrocinia decrevisset invocari: ci-  
ves tamen praedicti, qui etiam adhuc praemi-  
ssa, quibus ipsum archiepiscopum spoliave-  
runt, castra oppidaque detinent, & eum  
necnon sibi adherentem clerum a dicta ci-  
vitate per triennium detestabiliter exsulati,  
suisque fructibus, redditibus & proventibus  
destitui fecerunt, protrahioribus ipsos archie-  
piscopum, ecclesiam & clerum dispen-  
dis afficere molientes, ab altera sententia-  
rum declarationis hujusmodi ad sedem apo-  
stolicam, ut dicitur, appellarunt; nosque de  
praemissis plene tunc nullatenus informati,  
causam appellationis hujusmodi & negotii  
principalis, dilectis filiis nostris magistris Jo-  
de Walingu & Jo. Lohier capellanis nostris  
& auditoribus causarum palatii apostolici,  
audiendam commisimus & sine debito ter-  
minandam; qui & ipsa etiam in forma so-  
lita inhibendo, ad aliquos actus inter eas-  
dem partes dicuntur processisse. Cum autem

nos interim etiam per ipsius synodi litteras  
de praemissorum circumstantiis, quodque  
dicti cives in his iniquas & injustas omnino  
causas foveant, sumus certiores effecti, per  
nos commissarum hujusmodi, & quae inter  
dictos filios praepositum, decanum & capi-  
tulum dictae ecclesiae, nec non eosdem cives  
etiam ex commissionibus nostris in Romana  
curia pendere astruunt indecisa, & qua-  
rumlibet aliarum dictas partes praemissa oc-  
casione tangentium status causarum praesen-  
tibus habentes pro sufficienter expressis,  
omnia & singula, quae in vim nostrarum  
commissionum hujusmodi in dictis causis huc-  
usque quomodolibet facta fuerunt, auctori-  
te apostolica revocamus, cassamus, irrita-  
mus, ac nullius volumus existere firmitatis;  
nec non ipsas per nos commissas causas ad  
nos advocantes, illas ad praefatum synodum  
remittimus per praesentes. Nulli ergo om-  
nino hominum liceat hanc paginam nostrae  
revocationis, cassationis, irritationis, vol-  
untatis, advocacy & remissionis infringere,  
vel ei ausu temerario contraire. Si  
quis aurem hoc attentare praesumpserit, in-  
dignationem omnipotentis Dei, & beato-  
rum apostolorum ejus Petri & Pauli se no-  
verit incursum. Datum Florentiae anno  
incarnationis dominicae MCCCCXXXIV.  
XV. kalendas Aprilis, pontificatus nostri an-  
no quinto.

N. Cuper.  
L. de Camenies.  
Antelmus.

A. Fidelis.  
T. Katensoen.

#### LITTERAE CAPITULI BAJOCENSIS

Ad concilium Basileense.

Commendant Zanone de Castillione epi-  
scopum Bajocensem.

Sacrofanctae synodo Basileae in Spiritu-  
sancto legitime congregata, universalem  
ecclesiam representanti.

Reverendissimi in Christo patres, domini  
metuendissimi, ac magistri praclarissimi, in  
Spiritu-sancto legitime congregati, ac uni-  
versalem ecclesiam representantes, praemi-  
ssis recommendationibus humillimis, obse-  
quiosis ac devotis cum promittuntur famu-  
latus.

Veritatis testimonium perhibemus, quod  
postquam placuit omnipotenti Deo ac san-  
ctissimo domino nostro domino Eugenio ce-  
lesti providentia papae IV. providere eccle-  
siae nostrae Bajocensi de dignissimo pastore  
ac sponso ejusdem, videlicet de reverendo  
in Christo patre ac domino nostro metuendo  
domino Zanone de Castillione, tunc tempo-  
ris Dei gratia Lexoviensi episcopo, man-  
datis apostolicis obedire cupientes, ut tene-  
mur, tamquam veri filii obedientiae, in co-  
mitiva praetorum, baronum, militum, no-  
bi-

ANNO  
CHRISTI  
1434.

bilium domini nostri regis officiariorum, civium Bajocensium, ac cleri et populi civitatis et dioecesis Bajocensis multitudinem copiosa, propter hoc processionaliter, ut moris est, congregata, ipsum reverendum in Christo patrem et dominum nostrum metuendum in pastorem et episcopum animarum nostrarum coelesti et apostolica provisione nobis concessum, reverenter, ut de cuit, secundum formam et tenorem statutorum ecclesie predictae recepimus letantes, ipsumque continue postmodum reputavimus, prout reputamus, verum et indubitatum ecclesie nostrae sponsum, cujus vitam et conversationem laudabilem visu et auditu et famulatu et domestica experientia novimus, ipsumque generis nobilitate praesignem, litterali scientia praeditum, et virtute, morem gravitate, vite mundicia nitidum, experta industria, in spiritualibus et temporalibus circumspexit; veridico testimonio asserentes et firmiter credentes, quod sane de eodem potest dici, quod omnipotens Deus fructuose visitavit plebem suam in dioecesi Bajocensi, qui tantum dignissimum pastorem, gratum clero et populo civitatis et dioecesis Bajocensis ibidem destinavit. Praemissis igitur meritis attentis, dictum reverendum in Christo patrem et ecclesiam praedictam cum suppositis ejusdem humillime supplicamus in visceribus misericordiae semper habere re-commisso: offerentes nos postea paratos <sup>C</sup> semper obedire et servare metuendissimis dominationibus vestris, quas conservare dignetur ad augmentum fidei catholicae et optatae pacis omnipotens Deus cum felicibus incrementis gratiae et honorum. Scriptum Bajocis anno Domini 1434.

Vestrae sanctissimae congregationis humiles, devoti et seduli oratores, decanus et capitulum ecclesiae Bajocensis.

#### EPISTOLA MAGISTRI CIVIUM

Et consulum Pilznensium ad concilium Basileense.

*Significant se ab hostibus liberatos in magna penuria versari.*

Reverendis in Christo patribus & dominis, &c.

*Acta in congregatione generali XXI. Maii*

MCCCCXXXIV.

p. 716. <sup>S</sup> Acrofancta generali synodo Basileensi in Spiritu sancto legitime congregata, ecclesiam universalem representanti, magister civium, consules et jurati, totaque communitas civitatis novae Pilzinae, paratam in singulis obedientiam, humilemque subjectionem debita cum reverentia et condigna.

Patres reverendissimi dominique gloriosissimi, ante omnia omnipotenti Deo, qui est protector et salus in se sperantium, demumque paternitatis et dominationibus vestris devotas et innumerabiles gratiarum referimus actiones. Ipso enim omnipotente Deo

<sup>A</sup> auxiliante, vestroque subsidio et beneficio suffragante, ab inimicis crudelissimis sumus liberati. Hodie namque, die solis, quae fuit dies IX. mensis Maii, hora quasi prima ipsius diei, succensis omnibus tentoriis, stationibus, tuguriis, ceterisque aedificiis omnium exercituum suorum a nobis cum confusione recesserunt. Patres igitur reverendissimi et domini gloriosissimi, dominationibus vestris humiliter supplicamus et attente, quatenus dominatio vestra defectus nostros misericorditer dignetur respicere. Nam propter praedictos inimicos nostros et haereticos ad finalem devenimus penuriam, et maximis debitis sumus involuti, immo totus districtus noster per praefatos haereticos est desolatus et totaliter devastatus. Speramus itaque indubitanter, quod dominatio vestra nos non derelinquet, sed nostros sublevarit defectus, et nobis subveniet gratiose. Personas vestras sanas et incolames omnipotens Deus nobis totique fidei catholicae dignetur conservare in longeva sanitate. Datum novae Pilzinae, Dominico die post ascensionem Domini, anno MCCCCXXXIV.

Magister civium, consules et jurati, totaque communitas civitatis Pilzinae.

#### LITTERA MAGISTRI JOHANNIS

*De Polemar auditoris et ambasciatoris sacri concilii versus Bohemiam.*

Sacrofanctae generali synodo Basileensi, &c.

*De victoria super Taboritas reportata.*

<sup>S</sup> Acrofancta synodus, si omnes corporis mei artus dissolvere, et separatis ab invicem articulis singulis possem linguae officium commodare, et universum discurrerent per orbem, illius fidelissimae civitatis Pilzinae laudes promere, principum, dominorum et universi populi Christiani possem favores et auxilia procurare, id libenti animo <sup>D</sup> facerem, me hujusmodi existimans debitorem. Quis Christianus homo, quis fidei Christianae zelator non arbitrabitur, se debere illis Christi fidelibus, qui pro fide catholica tam duram obidionem constantissime passi sunt? qui etsi nullum affuisset eis liberationis auxilium, decreverant, et repetitis liberationibus firmaverant pro Christo mortem subire. Proinde meruerunt ab exercituum Domino, a Deo Sabaorth mirabiliter liberari. Jam igitur cum reperire valeam universam Christianitatem in unam pariter congregatam, et quod natura negavit efficere, hoc auctoris naturae mira dispositio intulerit, faciliter exequor desiderium cordis. <sup>E</sup> Te ergo, sancta synodus, quae universalem matrem fidelium ecclesiam representas, vosque reverendissimos ac reverendos patres et dominos eam in Spiritu sancto celebrantes, humillima supplicatione, totaque cordis affectione deposco, quatenus dictam fidelissimam civitatem benigno sinu favoris et gratiae, ut dignum est, infixam habentes, auxiliis, gratis et favoribus attollatis, ut et magnitudo sublevetur, et honoris titulus eluce-

ib. p. 717.

ce-



ANNO  
CHRISTI  
1434

1051

BASILEENSE G. CONCILIUM.

1052

ANNO  
CHRISTI  
1434

cescat. Supplicationis meæ replicarem instantiam, nisi me a paternitatis vestris arbitrare affectus magnitudine superari. Opto, sacratissima synodus, ut ad tria sancta opera, pro quibus instituta es, morum præcipue reformationem, sine qua, si fiant, cetera non subsistent, te dirigat clementia summi Patris. Scriptum Ratisponæ, XIII. Maii MCCCCXXXIV.

A Et cum istis vos Deo recommendamus. Orate ipsam pro nobis, & nos pro vobis. Datum inter Brodam & Gursum, statim post conflictum factum in sero, Dominica post festum Corporis Christi.

Sdenko de Drusicka residens in Tyno  
Horswienii.

Ejusdem sanctissimæ synodi humillimus et indignus nuncius gratiam et benedictionem exoptans Johannes de Polemar.

LITTERA SIGISMUDDI

imperatoris, ad concilium Basileense.

De victoria reportata de Taboritis.

Ibid.

R Everendissimi in Christo patres, &c. Hodie hora vespærarum, &c. Extat apud Bzovium ad annum 1434.

COPIA LITTERARUM INCLUSARUM.

in epistola imperatoris.

Ib. p. 718.

N Obili ac strenuo militi domino Kolvino de Briska fratri meo dilecto.

Obsequiis præmissis, frater carissime, notifico vobis, quod regramantes Deo bene valemus, & Thaboritas hodie, cum Dei adjutorio & meritis S. Venceslai, prostravimus, & damnum modicum de parte nostra percepimus, & de Thaboritis magna multitudo interfecta est; sed illorum numerum quot in loco remanserint, nescimus, quia a loco conflictus statim ulterius recessimus, & captivos plures adduximus, & de equestribus aliqui majores, sed tamen pauci fugerunt & evaserunt, & illa strages facta est inter oppidum Gursum & inter Brodam in illa planitie. Et Pilzenenses aciem duxerunt, & primi aggressi sunt eos, & directo tramite præcesserunt cum curribus & familia mea, sicut boni & probi, sine intermissione & retrocessione. Propterea, dilecte frater, istis auditis, hanc stragem principibus notificetis, & si aliquem mittere poteritis ad Cæsaream maiestatem, illa serenitati suæ significetis, & etiam si juvenis ille nuncius Capunko venerit, mittatis eum in Karlesin, & abinde requirens ubi fuerimus, veniet ad me, ubi campum vel castra posuerimus. Etiam ulterius noveritis, quod nuncium ad vos misissemus, sed expectavimus, & nuncium retinimus, volentes videre quem finem sequeremur. Idcirco credimus & confidimus, illud quod in primis post cænam scripsimus, E quod hoc facietis. Et insuper sinceriter rogo, si aliqui de familiaribus meis furtive a me recedentes ad domum venerint, quod ipsos castigetis, sicut in prima littera scriptum est vobis. De gentibus armorum vere copiam habemus, & validam multitudinem, & plures de die in diem conveniunt. Et aliud nihil intelligimus, nec speramus, nisi quod in brevi omnes civitates nobis subjicientur.

R Reverendissimo in Christo patri domino domino Juliano miseratione divina S. Angeli cardinali diacono, domino meo singularissimo.

B Reverendissime in Christo pater & gloriosissime domine, exultet sacrosancta synodus, gaudeat cunctus populus Christianus, lætetur & præcipue animus vester de tam celebri & felici victoria, quam Dominus Deus exercituum suis Christicolis contra hostes benedicti nominis sui misericorditer concedere dignatus est. Noverit ergo V. R. P. quod die Dominica post festum Corporis Christi barones regni Bohemiæ, civitatis antiquæ Pragenis, & aliorum fidelium fulciti prælium cum Thaboritis & Orphanis campestribus in virtute Altissimi bellum animose aggressi sunt, & per totam Dominicam prædictam & noctem sequentem prælia continuando certarunt, & die lunæ hora diei tertia bellum pro parte nostra, auctore Domino, feliciter terminatum esse dignoscitur. Et ceciderunt de parte Hussitarum universi campitres XIII. millia, inter quos interempti sunt ille Zapko capitaneus, & Procopius & Lupus presbyteri seductores nequam, & septingenti capti exiunt, & carceribus mancipati. Et de parte nostra, quam Altissimus protegere dignatus est, perierunt dumtaxat ducenti, quibus clementia Salvatoris misereri dignetur. Ceterum R. P. dirigo magnificentie vestræ copias duarum litterarum wigariarum materiam belli prædicti continentium, ut in illis magnificentie vestræ nedom dulciter recitetur; sed et hæc nova verissima intimet domino meo singularissimo domino auditori, ut & sinceritatis suæ integritas gaudeat feliciter in Domino, cui honor et gloria in sæcula sæculorum. Amen. Scriptum Nurembergæ in octava Corporis Christi, anno, &c. MCCCCXXXIV.

Sigismundus Stroumer servitor vestæ  
humilis.

EPISTOLA CAROLI VII.

Regis Francorum ad concilium Basileense.

Significat se ad pacem paratum.

S Acrosanctæ generali synodo Basileensi in Spiritu sancto legitime congregata, Carolus Dei gratia Francorum rex, in agendis ipsius Sancti Spiritus assidentiam & jugem directionem.

Gratas plurimum vestræ sacrosanctæ congregationis litteras libenti affectu, corde & ani-

Ibid.

Ib. p. 719.

ANNO  
CHRISTI  
1434.

animo per carissimum consanguineum nostrum cardinalem de Cipro, ac etiam per dilectum ac fidelem nostrum consiliarium archiepiscopum (a) Auxitanum, episcopum Glascensem, abbatem (b) S. Honorati & decanum Cameracensem (c) suscepimus, quos apud nos tamquam vestros nuncios, et ambassiatores solemnes, una cum prefato cardinali consanguineo nostro, quem veluti pacis angelum vestra sacrosancta congregatio destinavit, qua in re vestro sancto ac salubri voto & proposito quod nobis vestri parte in publica audientia & alias elegantissime referavit, ad pacificationem desideratissimam Christianissimi regni nostri, longa nimium, pro dolor! bellorum agitatione, sicut divina placuit maiestati, lamentabiliter afflicti, vobis uberimas grates referimus: certam reddentes vestram sacrosanctam congregationem, quod ob Dei reverentiam & debitum sibi honorem, desiderium ardentissimum tranquillitatis populi nostri, bellica strage gravissime super vires oppressi, super quo coelum & terram testes invocamus, semper volumus, egimus nunc, & in futurum volumus, & totis vigiliis instabimus ad pacis tantopere desideratam prosecutionem, consummationem & inviolabilem conservationem, numquam subterfugiendo opus adeo bonum concordiae, & plane necessariae, media omnia opportuna querendo, pulsando omnes, & proseguendo sic & tam volenti animo, quod apud Deum, cui omnia patent, & homines recto oculo pervidentes nullatenus poterimus, prout nec usque meruimus, reprehendi. Quae omnia latius & ad plenum memorato dilecto consanguineo nostro & ceteris jam satis nunciis & oratoribus zelantissimis concordiae & pacis, vestrae sincerissimae caritati referenda commisimus. Vestram sacrosanctam congregationem Sancti Spiritus gratia jugiter ac perseveranter accendat & dirigat ad omne opus bonum, & qui incepti confirmet solidetque, prout totis praecordiorum affectibus exoptamus et desideramus. Scriptum in castro nostro S. Symphoriani Auzonis, die X. D. mensis Junii MCCCCXXIV.

Carolus,

Saugny.

## LITTERA DOMINI IMPERATORIS

Concernens factum domini cardinalis Rothomagensis & capituli Bambergensis.

p. 720.

Reverendissimis ac venerabilibus in Christo patribus & dominis sacrosanctae generali synodo Basileensi amicis; &c.

Reverendissimi in Christo patres, etc. Scripsimus his proximis diebus ex *Scauffusen* reverendissimis dominis praesidentibus in sacro concilio, quemadmodum apud serenitatem nostram lamentationes fierent per principes, communitates, et alias singulares personas sacri Romani imperii, quod traherentur minus debite, et in causis mere prophanis ab ecclesiasticis personis, tam in Romana curia et sacro concilio, quam extra, coram aliis iudicibus ecclesiasticis, et specialem mentionem fecimus de causa vertente inter reverendissimum dominum cardinalem (d) Rothomagensis contra cives Bisuntinos, et alia vertente inter venerabilem episcopum Bambergensem et capitulum ecclesiae Bambergensis contra cives suos, qui gravi cum lamentatione maiestati nostrae proposuerant, quod tracti essent et litigare cogerentur coram iudicibus aliquibus a sacro concilio deputatis, in causis quarum cognitio non ad forum ecclesiasticum, sed ad nostram imperialem maiestatem dinoscebatur pertinere. Unde requisivimus praefatos dominos praesidentes, quatenus operam darent, ut in his causis superederetur, quoad ex Ulma ambassiatores nostros solemnes, quos cum principum nostrorum consilio apud sacrum concilium transmittere habebamus, nedum ex his causis, sed aliis etiam maioribus illuc advenirent. Responsum a praefatis dominis praesidentibus suscepimus, quo nobis in summa responderetur, quod praefatus dominus Rothomagensis episcopus, & capitulum Bambergense, quos audire vulerant, dixerunt certos esse casus in iure, prout suos esse affirmarunt, pro quibus recursus haberi potest ad forum ecclesiasticum contra quoscunque, maxime sedente concilio generali, ad quod quicumque oppressus contra quemcumque recursus habere potest, et quod aliquis illud declinare non potest, subiungendo quemadmodum idem dominus Rothomagensis assererat, litum cum civibus Bisuntinis moram esse in curia Romana usque tempus praedecessoris sui, in qua procurator maiestatis nostrae pro interesse imperiali se adunxerat, et quod Bisuntinenses episcopi venerant ad causam, et libellum receperunt. Deinde in Basilea diem coram iudice acceperunt, et sic praerogativa est, iurisdictio &c. In causa vero Bambergensi asseruerant episcopus et capitulum huiusmodi suae causae post diversas altercationes apud concilium remanere debere declaratum esse, a qua declaratione non licet episcopis discedere, &c. Nihilominus quod ipse dominus Rothomagensis contentaretur, quod ex parte sacri concilii & ex parte serenitatis nostrae aliquibus volentibus viris committeretur causa inter ipsum & cives Bisuntinos, tam in principali, quam super omnibus dependentibus cum potestate decidendi auctoritate utriusque cum clausulis, &c. Aliter utrum-

ANNO  
CHRISTI  
1434.

(a) Philippum de Levis qui postea fuit cardinalis & archiepiscopus Arelatenfis.

(b) Gaufridum de Monte clelio.

(c) Egidium Carctii.

(d) Is est Johannes de Rupefissa Gallice de *Rochebaillee* a natali solo, viculo apud Lugdunum fito, obscuro loco natus, qui tamen episcopus Gebemensis, archiepiscopus Rothomagensis & Bisuntinus, ac cardinalis extitit atque legatus Bononiae, ubi diem clausit extremum 9. cal. Apr. 1437.



ANNO  
CHRISTII  
1434

1055

BASILEENSE G. CONCILIUM.

1056

ANNO  
CHRISTII  
1434

utrumque non posse desistere a prosecutione litium ac sine offensa libertatis ecclesiasticæ, nec salvis eorum conscientis, ac sine nota perjurii per ipsorum quemlibet præstiti iuramenti ecclesiæ suæ, sicuti latius in litteris ipsorum præfidentium continetur. Non potuimus respectu ipsorum domini Rothomagensis ac etiam episcopi & capituli Bambergensis pro huiusmodi responso nobis facto non admirari; quia prius illis offerri fecimus, & specialiter domino Rothomagensi, non advertendo excessus quos in maiestatem nostram commiserat, quod eligerentur pro parte nostra aliqui honesti viri, & totidem ex parte eorum, qui cognoscerent, si ea pro quibus impetebantur cives Bisuntini & cives Bambergenses, spectarent ad forum ecclesiasticum vel imperiale. Et casu quo cognoscerentur petitiones huiusmodi ad cognitionem ecclesiasticam pertinere, placeret nobis ut petitiones ipsæ cognitioni ecclesiasticæ relinquerentur. Sin autem ad imperiale forum cognoscerentur pertinere, cognitioni nostræ similiter relinquantur, ut sic reddantur Deo quæ Dei sunt, & Cæsari quæ Cæsaris sunt. Quæ nostra oblatio repudiata est: quod non intelligimus ex alio processisse, quam propter favores plurimos, quos præfati dominus Rothomagensis & capitulum Bambergense in sacro concilio contra ipsos cives Bisuntinos & Bambergenses assequi multimode arbitrantur. Nec huic nostræ oblationi intelligimus quidquam derogare, quod præfati dominus Rothomagensis episcopus & capitulum asserant casus petitionum suarum ex illis esse, pro quibus recursus haberi potest ad forum ecclesiasticum, quia hoc non consentimus; & si assertioni laicorum credendum foret, plurimæ etiam causæ ecclesiasticæ tamquam prophanæ ad temporalia traherentur iudicia. Et si ipsi dominus Rothomagensis episcopus & capitulum ita pro certo crederent, ut asserunt, & non ipsi sperarent in favoribus quam in iustitia, non recusassent per honestos viros iuxta oblationem nostram hoc cognosci. Nequaquam etiam acceptamus oblationem maiestati nostræ factam de eligendis viris pro parte sacri concilii & nostra, quibus committentur causæ ipse cum potestate decidendi, &c. ex eo quod si ipsarum causarum cognitio ad forum pertinet ecclesiasticum, non intendimus cognitioni illarum tamquam de re ad cognitionem nostram minime pertinente aliquem vel aliquos deputare. Pari ratione, si ipsarum causarum cognitio ad imperiale forum pertinet, non arbitramur honoris nostri & sacri Imperii; ut in cognitionem ipsarum causarum etiam aliquem admittamus. Nam falcem in alienam messem imponere non curamus, nec pati volumus, ut in nostram imponatur, qui non minori iuramento astricti sumus sacro Romano imperio pro illius iurum conservatione, quam dominus Rothomagensis & capitulum Bambergense ecclesiis suis astringantur. Volumus, reverendissimi patres, hæc sacro concilio nota fieri, ut R. V. P. super huiusmodi lamentationibus sæpius nobis, ut supra, factis provideant, ut futuris scandalis, quæ multimode accidere possent occurratur, & ut si for-

asse provisio negligatur huiusmodi; simus Deo & mundo excusati, convenientibus & honestis modis, qui nobis non deerunt honori nostro & conversationi iurum sacri Romani imperii provideamus. Nolumus etiam silentio præterire quod frequenter & novissime plures ex laicis qui in sacro concilio tracti sunt, aut coram iudicibus per sacrum concilium deputatis, nobis lamentati sunt gravi cum querela, quod in eorum iustitia nedum male tractantur, quin immo, si aliquando eis expediat, in sacris deputationibus, aut generalibus congregationibus comparere non audiuntur. Sed cum sibilationibus & clamoribus ad rumorem populi, ut ita lequamur, non auditi recedere compelluntur. Non conveniunt hæc, si vera sint, honori sacri concilii. Rogamus igitur p. V. ex debito vestro ac honore sacri concilii & maiestatis nostræ, ut huiusmodi inconvenientia non sustineantur. Sed sicuti a levibus personis hæc procedere credendum est; ita prudentia & gravitate bonorum virorum, corrigantur. Datum Ulme die XXI. mensis Junii regnorum nostrorum anno Hungariæ, &c. XLVIII. Romanorum XXIV. Bohemiæ XIV. imperii vero II.

Sigismundus Dei gratia Romanorum imperator semper augustus, ac Hungariæ, Bohemiæ, &c. rex.

Ad mandatum domini imperatoris, Gaspar Sligk miles cancellarius.

LITTERA AMBASSIATORIS.

Sacri concilii, qui in Græcia remanserat, lecta in congregatione die tertia Julii anno Domini MCCCCXXXIV.

Qua sibi in itinere contigerint enarrat.

Sacro sanctæ generali Basileensi synodo in Ioh. p. 72. Spiritu sancto legitime congregatæ. Reverendissimi reverendique patres et domini præcellentissimi sacre pagine magistri intigniti, doctoresque egregii sacrosanctam synodum Basileensem celebrantes, cum humiliter recommendatione præmissa. Quamquam die XVIII. Januarii multa passi fuerimus, iter nostrum peragendo in mari majore, procedendo per Walachiam Moldavienem, succedendo utrique in itinere nostro et cum contramite Tyciam ante forum qui dicitur *Abbad* in regno Hungariæ, ex casu inopinato, confidentes per famam publicam, ac per personas fide dignas nullam diffidentiam habere, immo tuti et securi, absque ullo dubio iter nostrum progredere, ibique invasi per spoliatores sive per armigeros Johannis Banni de Marot totaliter spoliati fuimus in rebus et in bonis nostris, ita et totaliter, simpliciter et absolute, quod LXXXVI. equi et currus denudati nobis remanserunt, & sicut in puris naturalibus nati reducti fuimus. Attramen divina favente clementia, Budam pervenimus in vigilia festi Pentecostes. Itaque querela posita coram domino archiepiscopo Strigonicensi & aliis episcopis, præ-

ANNO  
CHRIST  
1434nobis  
nibus.

prælatique, & baronibus; itaque operatus fui, quod provisio facta est ambaffiatoribus, non \* omnibus deducendis ducatis, pro itinere nostro perficiendo usque Basileam. Et sic propter hanc rem, moram ibidem Budæ per XVII. dies & per plures traximus. Tandem die XXIV. mensis hujus pervenimus Ulmam, ibidemque domini ambaffiatores domini imperatoris Græcorum, ex sibi injuncto visitaverunt dominum nostrum cæsarem. Saniori consilio æstimo, prout sapientia vestra determinabit, prælibato domino nostro imperatori scribere pro expeditione celeri, ac personam venerabilem, idoneam, & sufficientem, si opus sit, usque ad præfatum locum Ulmæ obviam nobis dare; multa siquidem forent & alia stylo insinuare, quæ obmitto causa brevitatis in condigna relatione semper & feliciter ac prospere in virtute cujus uniti estis ac congregati pro ipsa sancta unione valete. Amen. Datum Ulmæ die XXV. Junii anno Domini MCCCCXXXIV.

Vester minimus ambaffiator Frater Albertus de Crispis.

## EPISTOLA HENRICI REGIS

Angliæ ad concilium Basileense.

*Graviter fert quod ad concilium non admittantur sui oratores nisi prævio juramento, improbatque acta in papam.*

P. 724.

SANCTISSIMÆ generali Basileensi synodo legitime congregatæ universalem ecclesiam representanti.

Sanctissime cœtus, cedrique Libani, lampades divine legis fumigantes, in monte præsentis viæ duces, animarumque lucernæ, devotissima recommendatio præmissa. Gaudet fluctu noster procellarum agitati fluctibus, cum aura vigore sui resolvens intemperiem, tranquillitatis vulum effingere protendunt, incedentes in tenebris cordis, asfurgunt in solatium; cum orientis solis splendor itineris eorum faciem desideratis incipit salutare fulgoribus. Lætantur agricolæ cum transactis sterilitatis annis uberis fertilitatis desideratus succedit autumnus. Sic dum & post cleri sanctitatem magna quidem ex parte vanæ voluptatis . . . . . solitam gravitatem in . . . . . multifariæ cæcitatibus caligo procul obdormit, & reliqui plures cultum & obsequium erga Deum & majoris elationis et ignaviæ tumor furripuit et subtraxit, cunctis tam divine quam humanæ legis zelatoribus ex nunc jocunditatis et lætitiæ tunc dies illuxit, quando quidem sacro Basileensi concilio præstolatum exilium dabatur, ubi sperabatur, quod evangelicam juxta figuram, Christus excitatus a somno, ventis hærelum et errorum imperasset & mari, qui gravissime perturbarent & perturbant huc usque naviculam Petri, quod insuper ab ipso sole justitiæ, reformationis optatæ fulgor ad deviantium in manibus reductionem universum intulisset in orbem. Et postremo quod in mentium humanarum, coagente jam dextera cœlestis

Concilior. Supplem. Tom. IV.

ANNO  
CHRIST  
1434

agricolæ, pacis, tranquillitatis & omnium virtutum seges coalesceret copiosa: qua de spe vox erupit lætitiæ exultationisque percelebris in tabernaculis iustorum. Gaudebant inde principes omnes catholici, gaudebant magnates, gaudebant divites, gaudebant pauperes, juvenes, & virgines, senes cum junioribus, & omnes status hominis laudabant nomen Domini, sperantes, utinam quod succedat, quod in hoc sacro concilio exaltandum esset non ejus solius, quæ res ut votivum & eo promptiorem fortiretur effectum, quo plurimi in hoc sacro concilio convenirent, quosdam ambaffiatores nostros Basileam destinavimus, ut cum ceteris illic ad præmissa conantibus, suos simul impenderent sollicitudines & labores, præstolantes adventum aliorum ambaffiatorum nostrorum, quos de utroque regno nostro in numero condecenci decrevimus destinare, quorum tamen certis rationabilibus de causis suspendimus ad tempus dispositam missionem. Ea quidem inter alias unaque certa relatione cognovimus ambaffiatores nostros, quos primo Basileam transmisimus, illic in foro stantes uti spretos & otiosos, & ut aliquorum utamur termino, per incorporationis titulum in Basileensi concilio decretos non admitti, ut in vinea Domini ceteris collaborarent, nisi prius quoddam præstiterint juramentum, a nobis non cogitatum, quod principibus vel aliis temporibus retroactis, in synodis aut conciliis exactum non audivimus; sed nec ipsum didicimus patrum decretis inferri, vel præcedentium conciliorum geitis aut annalibus exemplari, cujus inconvenerit juramenti requisitio & principum iudices vehementer duxerit in stuporem, non est mirandum, tum propter inexpertæ rei novitatem, tum propter eventus dubii vitandam prolixitatem, & dispendium quod eorum libertati inde videretur inferri. Quid enim rationis lumine præditus, non dubitaret fidei suæ signaculo immunire scriptum, cujus nec seriem novit nec tenorem? Quis sapiens religionis cujusque jugo se supponet, cujus instituta non viderit, & regulam penitus ignoraverit? quæ vel rationis instinctu principum circumspicienda prudentia se juramento legum laqueis innodaret, quas necdum legis editio protulit, nec sequentis publicationis auctoritas comprobavit? præcipuus legislator cujus actio nostra est instructio, & cujus jugum suave legitur & onus ejus leve, neminem suæ legis artandum decrevit habentis, donec insinuationis publicæ mysterio fidelium auribus innotesceret. Si non venissem, inquit, & loquutus non fuisset eis, peccatum non haberent. Quo quoniam divino scilicet & humano fideles princeps non a suo, nec ab exigentium malo principis cum inobedientiæ macula non resperlit, nec suspicio quælibet eosdem annotavit, juramentum præstare constringi doceat ad observandas sanctiones necdum lætas non perpendimus. Quid ecclesiæ conferat juramenti talis exactio, profecto, dignissimi patres, ipsi non videmus. Nam ecclesiæ Christi sponsa censurarum gladium super omnia formidandum recepit a Christo, quo juramenti qualibet exactio prætermissa, compellat

X x x in-



ANNO  
CHRISTI  
1434.

intrare declinantes, quos invenerit a convivio dominico, eorumque fomites submittat, sicut hactenus, saluberrimis institutis & cuilibet legi iustæ, non hoc modo, patres dignissimi, reverentia tanto cætui debita semper salva, credimus eatenus prosperandum sacrum Basileense concilium, ut optamus, neque talium inventis novitatum corda regum vel principum concilio Basileæ congregato conjunget, sed abscondet, nam prælatorum multitudinem illic non colliget sed disperdet, ut formidari possit quod reclamante notabili parte nationum orbis, tam in principibus quam prælatis non valentibus illuc incorporari sine præstatione, juramenti, præsens Basileense concilium apud nonnullos, ut sperabatur, universale, reputetur, nec universalis ecclesiæ pro reformandis statibus simul & moribus leges acceptabiles percurrat & decreta. Vestrarum igitur paternitatum cœtum celeberrimum, cum omni filialis devotionis humilitate duximus exorandum, quatenus in modo procedendi, præcedentium synodorum, præsertim Constantiensis, cui præsens concilium innititur tamquam basi, sacra concilia prosequentes, velitis, exactione qualibet juramenti prætermissa, nostros ambassiatores admittere, & de eo quod in ea re faciendum decreveritis nos dignissimarum paternitatum vestrarum litteris certiorare. Ceterum patres conscripti, præcipuæ devotionis integritas, qua complectimur sacram Basileensem synodum, id videlicet quod conceptæ spei felicem exitum fortiatur, non permittit, quod dissimulationis forsan damnosæ clamide transeamus rem ecclesiastici status honori, pro quo zelamus, derogantem, rem non minimi discriminis & exempli periculosa, quo devotis fidelium mentibus mœroris acerbiter inquit, & earum filiali devotioni profecto, sicut creditur, non applaudit, videlicet quod in præfata sancta synodo nonnulli modestiæ totius obliiti, effrenis & indomtæ linguæ laxatis habentis, beatissimum patrem dominum Eugenium universalis ecclesiæ summum pontificem; verborum indecenti lascivia procacitateque laceant, quod oves in pastorem irreverenter irruunt, quod filii contra patrem cervices erigunt, quod in majorem subditi sæviunt contumeliis & insurgunt, et quod neglecta, de quo miramur, spe, licet vicina, satis optatæ pacis & concordie inter ipsum dominum Eugenium et concilium componendæ, pro qua carissimus confrater noster imperator, et alii pacis amatores non desinunt, nec desistent, dummodo tempus detur, totis desudatis conatibus, multifarie comminationis actus in eundem patrem tenditur & rigidi processus austeritas ut gladius vibratur, ex causis quæ Christianæ religionis statum prosperum aut tranquillum non adeo propiciunt aut contingunt, quod mox expediat vel oporteat tam rigidi processus aculeis, eosdem prosequi, plecti, vel feriri, sed quæ negotiorum aliorum præcedente tractu poterunt, si modo aliter merito provium extiterit, suo tempore discuti oportune satis trutinari, cujus caput processus vel saltem ad tempus retrahi deposcimus

A ex præcordiis & intimis quantum valemus, ut ad exortæ discordie sedandas tempestates possimus, ut intendimus, cum aliis principibus & ecclesiæ pacis zelatoribus ipsi collaborare; quod si non fiat, creditur quod nolit Deus, pestiferi schismatis incendium in foribus jam existeret, quo materia domus Dei desolationis verget in opprobrium & dispergentur lapides sanctuarii in omni capite platearum, quod Basileensis concilii famam non attollet; quin potius admiranda pax bellicera, reformatio reformanda, lucrumque damnosum prædicabitur in sæculo Basileensis de concilii sudoribus effluxisse: quorum malorum non facile peccando turbines nostris in diebus ecclesiam non submerserent; suis vos dignetur illustrare consiliis magni consilii magister, sicque dirigere singulis in agendis, ut ipsius sacri concilii gloriosos per labores extirpentur ab ecclesia hæreses & errores, eradicentur vitia, plantenturque virtutes, vigeat & floreat inter ipsos Christi fideles pax nullis concludenda temporum compendiis, & unitas sit ovilis, cui præsit unus pastor. Datum sub privato sigillo in palatio nostro Westmonasterii XVII. mensis Julii.

Sanctæ matris ecclesiæ devotus filius  
Henricus Dei gratia rex Angliæ &  
Franciæ, &c.

#### EPISTOLA PRÆLATORUM

& capitulorum quinque Trajectensium,  
&c. ad concilium Basileense.

Scribitur in gratiam Rodulphi ad-  
versus VValarrannum.

R E verendissimis reverendisque in Christo patribus & dominis sacrosanctum concilium Basileæ in Spiritu-sancto congregatum representantibus, dominis meis metuendissimis, humili tam debita quam devota nostri recommendatione cum omni reverentia prævia. Ib. p. 718.

Reverendissimi patres & domini, si Deus in cordibus vestris inspiravit, ut pro cuncto populo Christiano laborandum atque insudandum sit diligentius, sitisque lucerna super candelabrum omnibus, qui in domo Domini conversantur, & in muro dominico gestetis angularis lapidis effigiem; id præcipuum & inconcussum studium vestris humeris incumbit, ut opere compleatis quod ipsa vestra sancta professio præsignare videtur. Nihil enim beatum atque præclarum dici potest, quod non ex omnibus partibus suis bonum constet, potissime ex fine. Enimvero & si principum rerum difficilior pars existat, finis beatorum & perfectior esse censetur. Sane existimant omnes, ut cum vexillum pacis gesseris, & ad eam undique conficiendam, quantum vires, conatus & vestra studia valent, operaturos vos esse promiseritis, hujusmodi pace in his temporibus anxietate, turbine, procellisque plenis, Deo auctore, vestrisque sacris diligentis & excubiis posse potiri sperandum est. Hæc igitur spes multorum animos

mos, quos bellorum vorago & insaufa tyrannides diu ac diu oppressit, recreat, & tanta temporum iniquitate suspendit. Maxime autem credendum est pontificum, diu impietate, insolentia & abusu corruptum & depravatum, ad frugem & cultum debitum reditum, quod si fiat, nullum Deo holocaustum gratius, nullum sacrificium acceptius fieri poterit. Videte igitur, reverendissimi patres, quid qualeve pondus ex humeris vestris pendeat, quanta qual sive cogitatio esse debeat, ne simul gesta vestra a tam sancta sollicitudine exeant, & totus populus Christianus huiusmodi spe frustretur: esset enim profecto, si eo labefactarentur conatus vestri, ut nihil quod ad pacem & mores pertineat, præclarum & magnificum ageretur; auctoritas ex tunc totius ecclesie confusa atque obscurata, & vulgare mordacitatis circumducta deiceretur. Sicque obsecramus & hortamur sacratissimum coetum vestrum, ut postquam militiam huiusmodi ad depellendos humani generis hostis insultus suscepistis, eam feliciter finiat, caven-tes summopere, ne vos vincat ita credulitas, impatientie affectio. He sunt enim victoriæ hostis invisibilis & horrendi, a quibus sæpe clarissimi viatores turpissime victi sunt. Porro & hæc rem si cunctæ ecclesie concupiscant, nostra maxime tam gloriosa, quæ quia iusta bella suscepit, fructus victoriæ & quasi pacis, Deo favente, reportavit; ea summo desiderio gaudere concupiscit. Fuit enim non nostra, sed aliorum, pro dolor! incuria, qui nondum superstitibus iustitiam loqui sinunt, ob pontificatus discordiam variis bellis & angustis agitata; nec sine maximo dolore memorare possumus cædes, incendia & depopulationes agrorum quæ emerferunt, cum civitas hæc nostra, gloriosissimo Deo, ut speramus, accepto cle- ro, nobilium armigerorum & civium patriæ multitudine maxima & populosissima stipata, sub reverendi patris Rodolphi episcopi nostri pontificatu cuperet post tot flagitia in pace requiescere. Cumque diu ac diu huiusmodi controversia durasset, tandem placuit sanctissimo domino nostro summo pontifici moderno, habita ex solemnibus inquisitione notitia, huic rei dare pacem, & de persona ejusdem domini Rodolphi ipsi ecclesie cum consensu dominorum sanctæ Romanæ ecclesie cardinalium providere. Et hæc provisi- pro singulari devotione, quam ad apostoli- cam sedem cunctis populis reverendam, hæc patria specialiter habere consuevit, & summa dilectione, quam ad eam exhibuit cum maximo applausu & congratulatione ad- cumulum pacis, quam ipse efficaciter appor- tabat, & continuo ob egregias ejusdem do- mini Rodolphi virtutes, ingentiaque merita, quibus suorum magnitudine natalium il- lustrissimus haberetur, qui non sibi, sed rei- publicæ tamquam idoneus Deoque gratus & acceptus natus est, in dies magis gratum effici debere confidimus. Quid est ergo quod ad jam sepultam discordiam prisca iræ bel- la redire cogi debeamus? Quis tam crudelis est, ut devotum & tranquillum populum jam pace fruente, cuius animus jam arma deposuit, ad recidivas bellorum procel-

las & tempestates retrahere voluit? Crude- litatis nempe habitus, nisi contrariis fuerit frenis revocatus, seipsum cum reipublicæ iactura demergit. Non sine magna admira- tione audivimus venerabilem virum dominum Walrannum se postulatam ad ipsam nostram ecclesiam post mortem quondam reverendi patris domini Swideri archiepiscopi Cæsa- rienfis, super eadem ecclesia contententis, pendentem apud sacrum vestrum coetum una cum complicitibus suis nobis & paci infestis, qui in sui pudorem iustitia victi sunt; & si demum inciperent noscere fortunam, Deum- que timerent, animo, sine fallo, vincerentur, multa cum instantia procurasse, & vestras reverendissimas paternitates calumnio- sis & subdolis suggestionibus induxisse, ut finiat, ad veniendum ad eandem synodum reverendus præful noster personaliter voca- retur; quodque ex officio sacrum concilium super iuribus partium inquireret, ac judica- ret; miranda quippe res & penitus stupenda. Quis enim color mentes vestrarum pa- ternitatum arripere potuit, ut tam exan- guibus suasionibus aures præberetis. Nonne autem reverendissimus archiepiscopus Colo- nienfis frater suus postulationem illam con- fectam minime admisit; aut admittere mini- me potuit, cum & ea res ex mera sedis apo- stolicæ auctoritate penderet? Quid autem aliud est huiusmodi rei ac insolentie aures præbere, quam auctoritatem sanctissimam & irrefragabilem apostolici throni in dubium revocare? Quanta enim admissio prædicte, si quæ appareat, quæ potius ex carne quam ex spiritu processisse videri potest, cum se amore fraterno pertrahent, sit præbenda auctoritas, quis intelligere potest? Res est procul dubio pessimi exempli; dum negotium huiusmodi ambitione et avaritia latentium indagatrix lucrorum, manifestæ prædæ ava- rissima vorago, neque habendi fructu felix, et cupiditate quærendi miserrima, suspensi- simum intra sacra vestra gesta comprobari videtur, quod mox ut redargutione maxima dignum reprimi debuisset. Quis hoc non vi- deat? quis non stomachetur? quis non com- patriatur, et indignatione quadam, immo nausea obducatur? Poritur Theodericus Colo- nienfis ecclesia tam magnifica atque opu- lenta; sed dum hoc non satis, Paderbur- nensem etiam non sibi metropolitico jure, subiectam habere voluit. Res penitus inau- dita. Monasteriensis excellenti ecclesie Hen- ricus frater præfectus est; nunc autem alter frater Walrannus non per osium ecclesiam Traiectensem minime vacantem, nec voca- tus exposcit. Hæc nimis dura est ingluvies, nimis horrenda carybdis. Solent divitiæ mul- tæ pios animos facere insolentes, quid tan- dem ubi insolentibus animis opulencia rerum offertur, quæ mortem multis attulere, re- quem fere omnibus abstulere. Non sunt hæc, reverendi patres, argumenta et signa mode- stitiæ, quandoque reintegranda, dum alimo- nia præbetur luxuriæ. Credidimus postquam innouit post obitum dicti domini Swideri, quod sacra synodus, ut nihil per illos ino- bedientes, et apostatas, non habentes, etiam vacationis tempore, eligendi potesta- tem, sacro concilio inconsulto aliquid fie-



ANNO  
CHRISTI  
1434

ret novitatis, id aut servari debere, aut contra gestum mox irritari et annullari. Nunc autem, quod grave est audire, gravius etiam pati, tam arroganter impieque attentata recipiuntur, & pro his locus in concilio datur. Quid ergo aliud hoc indicat, nisi ut passim & sine delectu omnibus rescindendi decreta vestra licentia præbeatur? Si enim foveatis abrogationes iussionum vestrarum, et illos honoribus extollitis, ergo idem faciendialis audaciam præbetis. Dolemus & non dolere non possumus, ut plus a vobis qui pestem & bella patriæ excitant, quam qui pacem eglescunt; impetrant & gratius audiantur. Scimus id vobis insinatum extitisse, quod idem Walrannus patriæ hujus existeret notorius inimicus. Scimus etiam apud omnes exploratissimum esse, nullo pacto hostem patriæ antistitem designari, tolerari, revererique debere. Ceterum intelleximus eandem vestras paternitates probationes nostras paratissimas super rerum gestarum veritate, quæ vos merito movere debuissent, minime audire voluisse, nostrasque defensiones contempsisse. Nos quidem cum iussiones vestras decretaque minime contemnimus, immo cum maxima, ut decet, reverentia suscipiamus, cur non allegationes nostras mitibus & patientibus auribus auditis? An horrenda & infausta vox nostra est; dum pacem quærimus, & pro illa pias preces apud sacros vestros conspectus porrigimus? Denique vobis satis innotescere credimus, omnem hanc causam per appellationis injectionem, etiam antequam apud tribunal vestrum aliquid ordiretur, fuisse devolutam. Nam id vos a nostris sæpissime audivisse minime dubitamus. Quid ergo cum graviore nos premunt, et pro quibus excubiæ quantæcumque vix sufficiant, vos monent ut in derogationem appellationis hujusmodi his jurgiis implicare animos diligatis? Non ergo importunius vos seducat precator injustus, neque vestra sancta studia cupidine alienæ ambitionis involvat. Sinite obsecramus, & supplices exoramus in pace nobis desuper data, quos belli perniciës tanto tempore fatigavit, velit hoc vestro in tempore jactata tranquillitatis semina coalescant, & disjectæ bellorum rabiei radices exsiccentur; proinde cum dominum reverendum patrem dominum Ro. nostrum antistitem personaliter comparitum, ut famatur, apud vestrum coetum sanctissimum ex officio moneri jussis, ut hujusmodi jussio, si qua appareat facta, revocetur quantiscumque possumus precibus obsecramus: non potest enim sine evidenti periculo totius patriæ personæque suæ, immo futuræ calamitatis suspitione hujusmodi adventus existere. Conatus enim dicti domini Walranni, & ut putandum est, etiam fratrum suorum, sine maxima formidine patriam stare non sinunt. Dum ergo instat lupo, ut assist pastor oportet, ne enim illi gregi, cujus in tempore oppressionis pastor adesse non potest, malignus noceat, non credidimus tam adeo ejus necessarium adventum, etiam si tutus itinerare posset, existere, ut prædiligant vestræ paternitates ipsum venire, quam patriam in sua tutela permanere, & ostium malignantibus posse patere. Denique & alia

sunt impedimenta urgentia, quæ sui nuncii referabunt. Sit ergo in cordibus vestris justitiæ & clementiæ zelus, & dum maxime efflagitamus & indigemus pacem nostram, servare atque tueri, pro vestra dignemini pietate congruenter honori nostro totam in sermone ducere diem. Sed veremur ne vestris eminentiis sit oneri multitudo verborum; sique stylus prolixus in fastidium emergerit, necessitati nobis semper loquendi adscribatis. Concludimus igitur cum Apostolo, gratia & pax vobis in Christo Jesu, quam nobis estis daturi. Ex urbe Trajectensis anno Domini MCCCXXXIV. mensis julii die xxv. sub sigillis majorum ecclesiæ Trajectensis & nobilium virorum Raynaldi domini dominiorem de Bredrode, de Gheux, &c. Ludovici de Montforde, necnon civitatis Trajectensis, quibus nos infra scripti utimur pro præsentii.

V. R. P. humiles & devoti prælati & capitula quinque ecclesiarum Trajectensium, barones, milites & militares ac burgimagistri, scabini & rectores civitatis & oppidorum patriæ Trajectensis.

#### Superscriptio.

Reverendissimis reverendisq; in Christo patribus & dominis, dominis sacrosanctæ Romanæ ecclesiæ cardinalibus, patriarchis, archiepiscopis, episcopis, ceterisque prælatis, doctoribus sacrum generale Basileense concilium facientibus, dominis & præceptoribus suis metuendissimis.

#### LITTERA SACRI CONCILII

Responsiva litteræ domini imperatoris Romanorum superscriptæ.

Sacrosancta, &c. carissimo ecclesiæ filio Sigismundo Romanorum imperatori semper augusto, Hungariæ & Bohemiæ, &c. regi illustri, salutem & Dei omnipotentis benedictionem.

Accepimus nuper a serenissima majestate tua litteras, quarum tenorem, quia videbantur æstimationem & libertatem ecclesiasticam tangere, admirati fuimus. Exordio enim hoc in effectu significant, multas multorum querelas & principum & civitatum, ac privatarum personarum crebro auribus cæsareis insönare, quod cum imperio subiciantur, in causis mere prophanis ad judicia ecclesiastica injuste atque indebite a personis ecclesiasticis traherentur, non minus in Romana curia, quam hic in sacro concilio, & coram aliis judicibus ecclesiasticis. Huic generalitati, serenissime princeps, responderi neque apte neque bene composite posse videtur, nisi casus particulatim specificarentur. Nullus tamen dubitat omnibus in quacumque actione licitum esse, si justitiam consequi non possint, ad judicium ecclesiæ recurrere. Quod si de justitia negata constiterit, iudex ecclesiasticus iuste, & ut

Ib. p. 73a.

de

de jure & consuetudine est, de causa cognoscit. Et clericorum optio est, si quam spoliacionem vel oppressionem in persona vel rebus a secularibus patiantur, illos in jus vocare vel coram ecclesiastico vel coram iudice seculari. Postulat præterea majestas tua, ut in causis civium Bisuntinensium & Bambergensium, quæ coram deputatis sacri concilii aguntur supersedeatur, quousque quidam a majestate tua electi, & alii a sacro concilio deputati viderint, quæ partes ipsarum causarum ad imperium vel ad ecclesiasticum judicium pertineant. Super hoc partes non parum conquestæ sunt se nimium gravari, asserentes si hujusmodi fieret temporis dilatio, quæ sub tali incertitudine cui judicii hæ causæ committi debeant, magnum ipsis partibus præjudicium afferret agentibus pro recuperatione jurium ecclesiarum suarum, per prædictos, ut dicunt, cives manifeste oppressarum. Præsertim cum evidens privilegium sit, quo cautum est, ut quicumque spoliens aut opprimit, seu jura prælatorum aut ecclesiarum usurpet, possint coram ecclesiastico iudice conveniri, & per censuram ecclesiasticam compesci. Quo jure ab antiquissimis temporibus ecclesia usa est quingentis annis citra. Illud vero sine admiratione non legimus, quod serenitas tua scribit non consentire, ut tale privilegium exerceat ecclesia, eoque gaudeat et utatur, præcipue quia sub protectione majestatis tuæ, et hoc et aliis privilegiis gaudeat et utatur, cum videatur unus ex articulis jurium, quos Romanus imperator confirmat in ejus nova coronatione, quod esse verum tenore Clementinæ fatis apparet. Satis etiam constat Cæsareæ majestati ex relatu commissariorum et tenore processuum causas prælatorum contra nominatos cives in foro ecclesiastico legitime induci, continuari, atque terminari posse; quin si introducere non essent, et de novo introducere vellent, in hujusmodi casibus liceret illis et liberum esset: quicumque vero tale judicium talemque judicii continuationem vexat aut conturbat, ad Deo ab ejus ecclesia quod suum est aufert. Nec putandum est, ut in litteris ejusdem majestatis scribitur, dictos prælatos ea ratione in forum ecclesiasticum causas suas introduxisse, ut favoribus aliquo modo justitiam intervertere possent. Nam in foro ecclesiastico non secundum favorem, sed secundum allegata et probata judicatur. Distant præterea eadem litteræ, eadem de causa sacro concilio prædicta significasse, ut ea corrigantur & provideantur, aliter apud Deum & homines ipsam majestatem excusatam esse, si honestis modis, qui eidem serenitati non deerunt, & honori & juribus sacri Romani imperii succurratis. Hic scribendi modus admirari nos cogit, cum omnino alienus ab eo qui semper per antecessores tuos & reges & principes omnes alios, ac per serenitatem tuam hætenus servari consuevit in scribendo sacris generalibus conciliis; qua in re nisi magis specificè scriberetur, aliter responderi convenienter non posset. Credimus tamen, & ea de re certiores sumus, id enim potissimum Cæsaris

officium est, omne justum, omne rationabile eamdem majestatem ante omnia servatam; favores vero ecclesiæ secundum privilegia & usus antiquos omni pacto observatam. Postremo taceri ab eadem serenitate non potuisse in eisdem litteris significabat, quod plures ex laicis, quorum causæ in sacro concilio aut coram iudicibus a sacro concilio deputatis aguntur, serenitati vestræ conquesti sunt, non modo eis justitiam negari, quin neque in deputationibus, neque in congregationibus generalibus audiuntur, sed sibilatu & clamore & tumultu non auditi discedere compelluntur. Hæc præter veritatem suggesta sunt. Nam in deputationibus & in congregatione generali non clamore aut sibilatu, aut tumultu veræ sententiæ, & quid fieri oporteat invenitur, sed magno ordine, rationibus & votis singulorum exquisitis. Quare omnes quicumque sunt; qui talia de sacro concilio serenissimæ majestati tuæ referunt, leves debent & vani ab eadem majestate reputari. Nam & perverte de hac sacra synodo loquuntur & injuriose. Neque eis aliquo modo credi debet; nam non modo falsa, sed nec similia quidem veris loquuntur. Quicquid autem sit quæcumque pro statu, gloria & honore Romani imperii & tuæ majestatis nobis possibilia sunt, sicut semper libenter fecimus, ita in futurum facere intendimus. Datum Basileæ 11. idus Augusti, anno MCCCCXXXIV.

## SUPPLICATIO OBLATA

*In singulis deputationibus, per dominos generales Prædicatorum, Carmelitarum, Augustinenſium, ac vicarium Minorum, nomine religionum suarum, die sabbati XIV. Augusti MCCCCXXXIV.*

**D**Udam, patres reverendissimi, litteræ quædam sub bulla hujus sacri concilii expeditæ repertæ sunt, per quas nonnulli articuli, qui in se errorem continere dicuntur, velut prædicati & dogmatizati per nonnullos de ordine Mendicantium, inde sumta occasione, quod de his clamores venerunt ad concilium, nullo ramen assertore, condemnantur. Cedunt hæ prætensæ litteræ in maximam infamiam, denigrationem & scandalum ipsorum ordinum & patrum ac religiosorum in eisdem professorum, modicumque honorem hujus sacri concilii. Nam posset ob id in Christianissimo populo & catholica fide adhuc majora scandala suscitari & errores suboriri. Et quamquam pro parte reverendorum patrum dominorum generalium, & procuratorum, ac provincialium ipsorum ordinum, apud aliquos de sacro concilio de his rebus querela exposita fuerit, ac petitus, ut super inde humiliter provideretur, ac famæ ipsorum confunderetur, & scandalis obviaretur: attento maxime, quod dictæ prætensæ litteræ absque scitu & consensu patrum de sacris deputationibus, & absque eo quod ulla umquam facta fuerit quer-



ANNO  
CHRISTI  
1434.

rela de contentis in ipsis litteris, & contra ordinationes concilii expeditæ repellantur; quas etiam reverendissimus pater dominus cardinalis Rothomagensis vicecancellarius expediri non debuisse attestatus est; nihilominus usque adhuc nullus his rebus modus appositus est, neque famæ & integritati ipsorum ordinum provifum vel aliter consultum, in maximam infamiam, & denigrationem ipsorum religiosorum, et scandalum populi Christiani, ac catholice fidei non mediocre discrimen, hoc potissime attento, quod in dictis prætenfis litteris verba ita per expressum sonant, ac si dicti articuli prorsus hæretici & jam damnati essent pro hæreticis: quin immo aliud, quod est etiam inusitatum, ipsos dominos religiosos & eorum ordines adhuc magis aggravantes, tentare, nonnulli velle videntur, ut videlicet nonnullos ex articulis in dictis prætenfis litteris comprehensos absque ullo assertore, & illis prius non defensis condemnent, quod est prorsus inconsumetum & inusitatum, & in generalibus conciliis minime fieri solitum, cum talia nonnisi per iudicia præstantissimorum patrum in theologia magistrorum & doctorum, habendo per prius super talibus articulis disputationes solemnes, ut ex omni parte veritas inquiratur & eluceat, fieri debeant. Ne igitur quod usque modo neglectum est, iterum in futurum negligi contingat, atque ut ipsorum religiosorum et ordinum famæ ac integritati consulatur, et scandalis et periculis et nascituris erroribus obviatur, et honori sacri concilii provideatur; Supplicatur pro parte ipsorum patrum et religiosorum ordinum prædictorum, ut V. R. P. dignentur in ipsis rebus providere, revocando dictas prætenfas litteras, quæ absque scitu et deliberatione sacrarum deputationum, ut præmittitur, extortæ sunt sub bulla ipsius sacri concilii, per quam ipsum sacrum concilium attestetur, dictas priores litteras absque scitu et deliberatione patrum de sacris deputationibus et alias falsæ extortas fuisse, inferendo in ipsis litteris secundis de verbo ad verbum tenorem, et ulterius mandando, ne ipsis primis litteris, ubicumque reperirentur, ulla fides adhiberetur, ubi ante per prædictum modum aut alias congrue eisdem minime in præmissis præiudicaretur, protestantur, quod huiusmodi rem prosequi volunt et intendunt suis loco et tempore opportunis, et ubi, ac quando melius poterunt, et secundum quod Spiritus sanctus eos edocuerit, et ordo melius distaverit rationis et juris. Et nihilominus etiam quoniam ad condemnationem articulorum per nonnullos procurari et intentari velle videtur, ne per novam praticam et contra consuetum modum in similibus observari solitum, ad aliorum articulorum condemnationem procedatur, maxime nullo existente assertore. Supplicant ut ad nonnullorum articulorum condemnationem, maxime eorum, qui in dicta prætenfa bulla contineri dicuntur, nisi assertor existat, & servato more qui in talibus observari solitus est, & nisi etiam exa-

minentur, discutiantur, ac condemnentur articuli numero LX. vel circa, qui huiusmodi materiam ut plurimum tangunt, quos certum est nonnullos asseruisse, procedatur. Et quod priusquam aliud attentetur in præmissis articulis, plures audiantur doctores & magistri solemnes, qui circa ipsos articulos publice disputando audiri volunt & intendunt, tam pro interesse & favore fidei catholice & Christiani populi, quam etiam pro interesse ipsorum religiosorum, atque ut veritas eluceat: ita quod doctoribus & magistris auditis; & re discussa, fiat per sacrum concilium quod fieri debuerit. Quod si in his rebus tractandis & articulis aliquibus condemnandis aliter processum fuerit, quam fieri debeat & solitum sit, ipsique doctores & magistri minime fuerint auditi, protestantur quod quantum in eis erit, inflabunt & procurabunt, ut talia etiam alibi & alio tempore videantur. Et quod ex tunc de ipsorum consilio aut consensu non fiet ipsorum articulorum condemnatio, & quod tali, si fieret, condemnationi non consentiant. Volunt tamen semper & intendunt ipsi omnes & eorum quilibet, & ita in his scriptis etiam protestantur quicquid catholicorum fuerit tenere & imitari, & e contrario quicquid erroneum fuerit, & a fide & moribus devium evitare.

#### EPISTOLA EUGENII PAPÆ IV.

Ad concilium Basileense.

*Gratias agit concilio de his quæ præliterat ad libertatem procurandam cardinali S. Clementis & archiepiscopo Tarentasiensi.*

Eugenius episcopus servus servorum Dei, Ib. p. 736.  
venerabilibus fratribus ac dilectis filiis in sacro Basileensi concilio congregatis, salutem & apostolicam benedictionem.

Adventibus ad nos venerabili fratre Francisco Brixienfi episcopo & dilecto filio magistro Petro de Monte oratoribus vestris, intelleximus quanto moerore ex his quæ adversum nos concitata dicebantur affecti fueritis, quanta postmodum lætitia exultaveritis, cum nos sanos & incolumes ex Urbe in civitatem Pisanam venisse audistis. Postremo, quid favoris & operæ in liberationem dilecti filii nostri Francisci tituli S. Clementis S. R. E. presbyteri cardinalis & camerarii nostri, ac venerabilis fratris Marci (a) archiepiscopi Tarentasiensis per ipsos oratores impendi statueritis, plane cognovimus; pro qua devotiones vestras in Domino commendamus, vobisque pro devotione & caritate huiusmodi multas gratias agimus. Esperantes ut si pro liberatione cardinalis præfati majorem operam dare oporteat, id libenti animo facietis, nec illo pacto tantum sacrilegium amplius extendi patiemini. De Tarentasiensi autem archiepiscopo, quia liber est, præter gratias quas pro eo vobis agimus, amplius non dicimus. Hos autem oratores

(a) De Condelmeris dicti, Veneti ex familia ipsius Eugenii papæ IV. antea episcopi Avenionensis.

tores tum pro vestra contemplatione, tum pro re ipsa ad quam destinati sunt, quia pia est, libenter vidimus, ac grato animo & condigno honore suscepimus. Deinde cum a nobis discederent pro eorum tutela usque ad Urbem plene provideri mandavimus. Ceterum cum audiamus oratores carissimi in Christo filii Johannis Palæologi Romeorum imperatoris, apud vos esse, ac pro occidentalis et orientalis ecclesiæ unionem nonnulla tractare; nos qui superiori tempore in negotio hujusmodi plurimum laboravimus, quod in ea re tandem egerimus, præsentibus nostris satis plane explicamus. Vos autem ex eis quæ ad eos scribimus pro sapientia vestra recte arbitrari poteritis, quid cum præfatis oratoribus apud vos agentibus tractare et prædicare debeat. Datum Florentiæ, anno Incarnationis MCCCCXXXIV. III. calendas Septembris.

Ja de Viterbio.

#### EPISTOLA

Ducis Mediolanensis, ad concilium Basileense.

*De victoria ab eo reportata.*

*Leffa 8. die Septembris MCCCCXXXIV.*

p. 737. S Acrofasio generali concilio Basileensi universalem ecclesiam representanti.

Reverendissimi in Christo patres & domini præstantissimi, respexit omnipotens Deus meus oculo pietatis et gratiæ in me suæ felicem exercitum meum in partibus Romanolæ militantem. Sicut enim ex litteris meorum avifatus fui, magnanimus et semper invictissimus, victoriosissimus vir Nicolaus de Persio locum tenens et capitaneus generalis meus dilectissimus, qui ipsum meum ducebat et regebat exercitum, fregit et ex toto conflixit exercitum, qui meo adversabatur, et remanserunt in hujusmodi confictu captivi multi viri notabiles et præstantes, cum maxima gentium tam equestrum quam pedestrium quantitate. Et inter alios nominantur Nicolaus de Tolentino, Petrus Jampaulus de Urbinis, et Cæsar de Martinengo, ac plerique alii, de quorum nominibus adhuc aliam certitudinem non habeo. Hanc igitur felicitatem et victoriam statim duxi vestris præstantissimis dominationibus intimandam. Nam cum omnis mea prosperitas vestra sit et ecclesiæ sanctæ Dei, merito debeo omnes rerum mearum felices eventus participare vobiscum. Reverendissimi patres, post scripta habui litteras a præfato locum tenente, quibus mihi enuntiat, quod ultra alios supranominatos capti sunt magnificus Aithorgius dominus Faventie, Guerrezius de Marciano, Johannes de Malavoltis, conductores nobiles, et ut verbis ejusdem capitanei mei utar, capta sunt centenaria viro- rum præstantium, equitum vero millaria cum vexillis, carriagiis et rebus omnibus hostilis exercitus. Quare adhuc major est

habenda lætitia, majoresque sunt Deo nostro gratiæ referendæ. Datum Mediolani die XXX. Augusti.

Ejusdem ecclesiæ sanctæ Dei devotus servitor dux Mediolani.

#### LITTERA DOMINI NOSTRI PAPÆ

missa suis oratoribus et præsentibus sacro concilio Basileensi.

*De his quæ pro unionem cum Græcis egerit.*

Dilectis filiis Nicolao tituli S. Crucis in Ib. p. 738. Jerusalem, et Juliano S. Angeli apostolicæ sedis legatis, necnon venerabilibus fratribus Johanni archiepiscopo Tarentino, et Petro episcopo Paduano in sacro concilio Basileensi præsentibus nostris.

#### EUGENIUS PAPA IV.

Dilecti filii et venerabiles fratres, S. et A. B.

Intelleximus oratores carissimi in Christo filii Johannis Palæologi Romeorum imperatoris venisse ad sacrum generale Basileense concilium, atque apud nonnullos de ipso sacro concilio super modo unionis occidentalis et orientalis ecclesiæ aliqua tractare. Cum autem pro ipsa unionem, ad quam plurimum affecti sumus, et nos dudum aliqua tractaverimus, dignum duximus ea vobis nota facere, ut quid cum ipsis oratoribus agendum videatur plenius cognoscatis. Anno præterito super hujusmodi negotio cum oratoribus præfati Johannis imperatoris, qui Romam ad nos venerunt, una cum fratribus, assistente etiam carissimo in Christo filio nostro Sigismundo Romanorum imperatore semper augusto, plura prædicavimus. Tandem cum in hoc viderentur persistere, ut in civitate Anconæ prælati & alii in numero copioso ex utraque ecclesia convenirent, inter quos præfatus Johannes adesset, & nos cognosceremus rem hanc, prout petebatur, & difficultates & expensas maximas parere, & forsitan sine fructu aliquo, pro tunc nihil conclusum extitit. Sed ad ipsum Johannem aliquem mittere deliberavimus, qui negotium hujusmodi cum ipso & venerabili fratre Joseph patriarcha Constantinopolitano plene tractaret, & super eo finalem Johannem & Joseph præfatorum ac aliorum, intelligeret conclusionem. Mifimus itaque mense Julio, anni præteriti dilectum filium magistrum Christophorum Biratonum secretarium nostrum, Græcæ & Latine lingue peritum, qui post multos sermones, cum præfatis Johanne imperatore & Joseph patriarcha & multis aliis ex majoribus habitos, tandem comperit ipsos omnes id eligere, ut unus legatus a sede apostolica cum prælati & aliis viris doctissimis ad urbem Constantinopolitanam transmittatur, ubi & prælati & alii majores una cum ipso Johanne imperatore pariter conveniant, ibique per viam disputationis veritate patefacta, utra-



ANNO  
CHRISTI  
1434

utraque ecclesia optatum unionis & pacis consequatur effectum, & super his litteras dictorum Johannis imperatoris & Joseph patriarchæ etiam recepimus id clare continentes, & quod plus est, carissimus in Christo filius imperator Trapezenus, & plurimi ei adherentes, in hoc pari voto conveniunt, quæ cum per præfatum Christophorum ad nos revertentem delata essent, parato animo acceptavimus. Nam & id nos plurimum optabamus, quoniam per hunc modum de ipsa unione & concordia bona spes redditur, & multo minori impensa opus erit. Accedit ad hoc, quod venerabilis patriarcha Armenorum eo tempore etiam Constantinopolim venturus sit. Et in hanc unionem pariter consensimus, ut in Domino speramus. Propterea mense Julii præterito ipsum Christophorum Constantinopolim iterum misimus cum nonnullis capitulis, quæ menti utriusque partis plane satisfacere videntur. Ipsique injunximus; ut secundum ipsorum tenorem cum præfatis Johanne imperatore, Joseph patriarcha, & aliis supradictis concludat. Super quo sibi plenum mandatum dedimus. Horum quidem capitulorum copiam ad vos misimus, & iterum mittimus. Vestræ itaque circumspectiones ex his arbitrari poterunt, quid cum præfatis oratoribus apud ipsum sacrum concilium agentibus tractare & praticare debeatis. Datum Florentiæ sub annulo nostro secreto die ultima Augusti pontificatus nostri anno XV.

A. de Florentia.

#### SEQUITUR COPIA LITTERARUM

Missarum domino legato ex parte cujusdam provincialis Saxonum.

*Contra concilii dissolutionem & simoniacas promotiones.*

Ib. p. 749.

Cum humillima sui recommendatione, filiale obsequium, immo se totum ad vestra vota paterna paratum. Reverendissima paternitas vestra pro domo ecclesiæ, præsertim Germanicæ, in qua officio legationis fungitur, dignissime zelare amplissima experientia didicisti. Idcirco pro hujus excitatione zeli, in paucis eandem reverendam paternitatem vestram avizare non inutile putavi. Pertransiens enim Hassiam, Thuringiam, Saxoniam, partes maritimas, Slesiam, Lufaciam, Missiam indifferenter coram omnibus tarditatem sacri concilii in materia reformationis redargutam, ea pietate & congruentia, quibus efficacius potui, excusavi; mea tamen excusatio fluctuationem naviculæ tollere non potuit in illis partibus: quinimmo nisi reformatio rationabilis & humana in clero illarum partium appareat, numquam sedabitur; sed amplius navicula ipsa operietur (fluctibus) Contigit, existente in Lufacia, circa montes Bohemorum, quod una mulier obfessa a diabolo, de domo mariti sui raperetur in desertum a spi-

ritu iniquo, ubi per aliquot dies cunctis hominibus incognita permanit; rediens, per exorcistas adjurata, dixit se fuisse in nemoribus Bohemorum, ubi concilium innumerao ilium demoniorum fuisset celebratum, & conclusum in eodem, quod omnes & singuli pro concilii Basileensis dissolutione omnem posse tenus facultatem (adhiberent). Nam si processum haberet, præfentes & magis futuri incommoda sentirent. Ceterum inter reformanda necessarium esse cogitare super scandalosa promotione ad episcopatus thematicos vel titulares, quorum magnus numerus est in dictis partibus, qui spoliatis suis monasteriis, ad Romanam curiam cum summa pecuniarum accesserunt, pro titulo pecunia expensa, redeunt ad partes, de consecrationibus & ordinationibus simoniacis misere victuri. Inter quos unus est famosus, malæ utique famæ, religione Minor, malitia maximus: alius reverendissimi domini archiepiscopi Bremensis in spiritualibus vicarius, nomine Thidericus Berthoner, cui non sufficit dudum simoniaca vita continuata mala fama gradientibus per terram probata, quin immo turpitudinem suæ matris, scilicet religionis fratrum Minorum, revelare satagens, fratres illius ordinis puniendos in suam defensionem ac ignominie confortium asseruit, eosque ad diversas partes mittit, ut turpe lucrum pro suæ iniquitatis fomento faciant, & sic disciplinas sui ordinis evadant. In his & aliis de rebus medio opportuno dignetur cogitare, prout ex dictæ legationis officio tenetur. Vestram reverendam paternitatem conservare dignetur Altissimus feliciter & longæve. Ex Wratilavo MCCCCXXXIV. secunda Septembris mei officii sub sigillo. Subscriptio.

Vestræ reverendissimæ paternitatis humillimus, utinam utilis filius Fr. Mathæus provincialis Saxonie, ordinis Minorum.

#### EPISTOLA CAPITULI ALBIENSIS

Ad concilium Basileense.

*Petit confirmari electionem Bernardi de Cassilaco in episcopum Albiensem.*

Sacrofanctæ synodo Basileensi in Spiritu sancto congregatæ orthodoxam & catholicam ecclesiam representanti. Ib. p. 749.

Reverendissimi in Christo patres & domini nostri quam plurimam metuendissimi, ad sacrosanctam generalem synodum in civitate Basileensi Spiritus sancti suggestionem congregati, post recommendationem humillimam, cum promissis animis tamquam filii catholicæ ecclesiæ matris unicæ vestris sacris præceptis obedire. Albiensis ecclesia nuper per obitum bonæ memoriæ reverendi

patris in Christo domini P. Nepotis (a) ultimi præfatus nostri pastore fuisse orbatam noveritis, nosque considerantes verbum evangelicum dicens: *percutiam pastorem & dispergentur oves gregis*; & quod propter defectum pastoris, tamquam oves errantes a grege cunctis separari, volentesque præfate ecclesiæ incommodis obviare, servatis solemnitatibus in talibus de jure servari consuetis, instinctu Spiritus sancti per majorem capituli nostri partem canonice fuit electus reverendus pater & egregius vir dominus Bernardus de Cassiliaco in decretis licentiat, præpositus & canonicus ecclesiæ nostræ, de nobili et militari genere procreatus, scientia et morum venustate decoratus. Cumque secundum decreta antiqua sanctorum patrum, et etiam secundum decretum per memoratam sacrosanctam synodum Basileensem editum, electiones canonice per superiorem debeant confirmari (b). Vestris igitur R. P. humiliter et cum devotis animis supplicamus, ut pro bono iustitiæ et ecclesiæ præfate Albiensis nos humiles filios sanctæ ecclesiæ & servitores vestros, ac ecclesiæ præfate Albiensis, cum oculis generosæ iustitiæ inspicere dignemini saliter, quod nos nec dominus electus in iuribus nostris non privemur, secundum quæ ipse dominus electus tamquam rite & canonice electus in episcopum debeat assumi. Deum enim pro vestris R. P. humiliter rogare festinabimus pro statu prospero dictarum V. R. P. quas in sua sancta ecclesia conservare dignetur Altissimus per tempora longiora cum augmento gratiæ & honoris.

Sacrosanctæ ecclesiæ filii humillimi  
Dei otatores capitulum ecclesiæ  
Albiensis.

## LITTERA CONSULUM CIVITATIS

Albiensis missa sacro concilio in favorem electi Albiensis, &c.

**S**acrosanctæ synodo generali Basileensi universalem ecclesiam representanti, &c. Reverendissimi in Christo patres & domini nostri præmetuendissimi, post humillimam recommendationem ac animos ad quæque præcepta, ut humiles ecclesiæ filii fore paratos. Nuper Albiensis ecclesia per defectum bonæ memoriæ reverendi in Christo patris domini Petri Nepotis ultimi episcopi fuit viduata: post cujus excessum hoarabile capitulum ecclesiæ Albiensis, infra juris terminum, ac servata juris solemnitate, quæ

Concilio. Supplem. Tom. IV.

in talibus servari debet, ad electionem processit, & licet pro parte domini Carnotensis (c) dicto capitulo fuerint directæ litteræ precum per illustres principes, rogando dominos dicti capituli, ut prædictum dominum Carnotensem eligerent in pastorem ecclesiæ prædictæ, verum tamen quia ubi Spiritus sanctus vult spirare, inspiravit igitur in cordibus majoris & sanioris partis dominorum de capitulo, qui instinctu Sancti Spiritus elegerunt in pastorem nobilem & egregium virum dominum Bernardum de Cassiliaco, præpositum ecclesiæ prædictæ, in decretis licentiatum. Porro publicata electione, magnum gaudium civitati Albiensi fuit ortum, nam totus populus unanimiter vehementi gaudio exultando cum stribus gratias Deo retulit, nec sine causa, quia benignitatem & clementiam dicti domini electi per experientiam cognovit. Nam cum biennio elapso raritas bladorum esset in præfata patria, essentque quamplurimum gentes quæ non habebant quid comederent, idem dominus electus præceptum evangelicum in pectore habens, oculis pietatis misericorditer egenos respiciebat, et compassionem motus, ob Dei reverentiam elemosinas largitus dabat; nedum semel in septimana, vel semel in die, sed assidue, a mane usque ad vespæram ad ipsius hospitium pauperes defluebant. Nimirum si sic operatus esset, quia ex nobili et antiquissima prosapia et ex genere militari trahit ortum, et quia arbor bona bonos fructus facit, merito sic operatus est, et stirpes sui generis nedum virgam domini electi protulit, cum alias episcopos protulerit et cardinales et etiam milites strenuos in religione S. Johannis Hierosolymitani, qui zelo fidei Christi calicem bibere cupierunt; et cum dicti cives et incolæ civitatis Albiensis ipsum sciverint electum, nec sine causa exultarunt, quia ipsum expectant firmiter esse bonum pastorem, et ipse cognoscet oves suas et oves suæ cognoscent ipsum; et sic expectamus, quod cum Deo erimus et exemplis et doctrinis suis proficiamus. Verum tamen audivimus dominum nostrum summum pontificem, non expectata dicta electione, dicto domino Carnotensi bullas translationis ad episcopatum Albiensem concessisse, quod fuit nobis durum audire, cum bonitatem dicti domini electi sciamus; dictus autem dominus Carnotensis est totaliter nobis ignotus. Verum quia secundum decretum dictæ sacrosanctæ synodi electiones debent per superiores confirmari, processusque electionis dicti domini electi dictæ sacrosanctæ synodo sit præsentatus, vobis reverendissimis in Christo Patribus dictam sanctam synodum universalem ecclesiam representantem celebrantibus, et in Spiritu-

Y y fan-

(a) Obiit anno 1433. mense septembri.

(b) Ejus electionem confirmavit concilium Basileense 19. decembris 1434. cujus auctoritate confirmatus est Basileus in ecclesia Minorum ab episcopo Lectorensi 12. februarii 1435. possessionem iniit .j. idus Martii 1436.

(c) Roberti Delphini, filii Beraldi M. Arvernæ Delphini & comitis Claromontani & baronis de Mercorio, atque Margarete de Sacro Cæsare, qui præter Carnotensem episcopatum plures abbatias habuit, quibus non contentus, pinguiorem episcopatum ambivit, nullumque non movit lapidem ut cum per fas & nefas obtineret.



ANNO  
CHRISTI  
1434

sancto congregatis, cum vehemēti studio et affectione cordiali humillime et cum magna devotione supplicamus, ut ob Dei reverentiam et intuitu pietatis, oculos vestre clementiæ erga nos convertere dignemini, et prædictum dominum electum in iustitia sua velitis habere commendatum, cum apud sacrosanctam synodum non sit acceptio personarum. Supplicando Deum devote, ut ipsam sacrosanctam synodum et omnes inibi congregatos Altissimus in sua sancta ecclesia conservare dignetur cum augmento gratiæ et honoris, ac per tempora longiora. Scriptum Albiæ VIII. mensis Septembris.

Sanctissimæ catholicæ ecclesiæ humilissimi filii & servitores consules civitatis Albiæ.

LITTERA DOMINI EUGENII PAPÆ

*Missæ sacro concilio super factio ecclesiæ S. Audoeni Rothomagensis & Trajectensis.*

1b. p. 743.

Venerabilibus fratribus ac dilectis filiis sacrosanctæ synodo Basileensi.

Eugenius episcopus servus servorum Dei venerabilibus fratribus ac dilectis filiis, sacrosanctæ synodo Basileensi salutem & apostolicam benedictionem.

Placuit nobis plurimum pius affectus, quem habere videmini erga monasterium S. Audoeni Rothomagensis, in pace, & quiete, sublati litigiorum sumptibus, conservandum; & propterea per vestras litteras cum magna instantia nos rogatis, ut cum prædictum monasterium dudum propter duorum super eod contentendum litigia, dissipatum, nunc in pace requiescat, & reformari in melius speretur, in dies salubriter, gubernante dilecto filio Johanne Richardi monasterii ipsius abbate, & quondam Willermo de Melle ejus adversario, sicut Deo placuit, nunc vita fundo, eidem abbati non velimus novum adversarium subrogare, nec per provisionem aliquam aliud innovare, ne oriantur nova litigia abbatem & monasterium consumptura; quibus precibus vestris benigne exauditis, in eadem sententia vobiscum simili caritate concurrimus, & libenti animo requisitioni vestre honestæ & justæ dispositi sumus annuere, & insuper abbatem eundem cum ejus monasterio suscipere favorabiliter commendatum. Ceterum vos vice versa rogamus, ut habeatis similem caritatem erga alias ecclesias & pia loca quæ videbitis pati similia detrimenta discordiæ, & præsertim erga Trajectensem ecclesiam, quæ cum in nostræ assumptionis initio gravibus & cruentis dissensionibus cum civitate & patria Trajectensi laboraret, scientiam nostram movit, ut eam de tantis afflictionibus & periculis paternæ sollicitudine reducere curaremus ad statum pacis & quietis: quod ut

melius perficere possemus, missus ad eas partes venerabilem fratrem Johannem (a) Ambianensem, tunc Mariscensem episcopum referendarium nostrum, cui dedimus in mandatis, ut statum & voluntates hominum atque rerum inspiceret, renunciaturus nobis modis & vias, quibus per nos possent dissidia tanta componi; quo reverso & audito primam in secreto, deinde in publico consistorio, præsentibus procuratoribus seu excusatoribus bonæ memoriæ Suederi tunc episcopi Trajectensis, sicut procuratores ipsi petierunt, tandem ad id devenimus, quod erat unicum necessarium & salutare remedium pacis hujusmodi; & de consilio fratrum nostrorum sanctæ Romanæ ecclesiæ cardinalium translatio ad ecclesiam, Cæsariensem præfatum gyvedero, reservata sibi pensione condigna super fructibus & proventibus ipsius ecclesiæ Trajectensis, venerabilem fratrem nostrum Rodulfum episcopum Trajectensem, ad eandem ecclesiam Trajectensem promovimus in episcopum & pastorem; quæ quidem nostra provisio propter tantum et tam commune bonum facta solemniter et mature, grata fuit omnibus, qui bonum publicum propriis et privatis passionibus anteposunt. Et tamen pauci quidam scandalosi homines, asserti canonici Trajectensium ecclesiarum, contra eam contendere præsumserunt; quod videntes, et eorum temeritatem et audaciam cum omni ratione frangeremus et comprimeremus loquacitatem, postquam Deus Suederum episcopum misericorditer secum agens, pro animæ suæ salute ab hac contentione subtraxit, licet opus non esset de eadem Rodulfi persona de novo providimus ecclesiæ memoratæ, facientes provisioni hujusmodi fundamentum, non ex translatio, sed ex vacatione per obitum, et nihilominus non quiescent, sicut accepimus, homines memorati indurati in scandalis, et litigiis, sed postulatione quadam inani, quæ penitus nulla est, postularunt ad ecclesiam non vacantem quemdam laicum, et laicalibus exercitiis deditum, germanum venerabilis fratris nostri Theoderici archiepiscopi Colonienis, cupientes ipsum involvere in hac causa, ejusque favore turbare pacem, quam fecimus ecclesiæ et patriæ Trajectensi, ac bella extincta et sopita scandala suscitare. Quare devotionem vestram requirimus et hortamur, ut quantum in nobis est, proinde consulentes præfatæ ecclesiæ, suscitatores et persecutores hujusmodi scandalorum a vestra audientia repellatis, et auctoritate vestra bonum pacis quod fecimus defendatis, ac moveatis præfatum archiepiscopum et germanum ejus, ut se abtineant a prosecutione postulationis hujusmodi: quæ cum, ut diximus, de jure sit nulla, etiam injuriosa est, plena scandalis et periculis, et quam nemo vir bonus, et præsertim ecclesiasticus sequi debet. Datum Florentiæ anno incarnationis Dominicæ MCCCXXXIV. duodecimo calendis Octobris pontificatus nostri anno IV.

Jo de Nursia.

EPI-

(a) Hujus episcopi locus extat vacuus in serie episcoporum Ambianensium apud Sammarthanos in Gallia Christiana.

ANNO  
CHRISTI  
1434

## EPISTOLA FRIDERICI

Lantgravii Thuringiæ, ad concilium  
Basileense.

*Petit ut causa Frederici ducis Saxo-  
niæ cum Erico duce de Lanwen-  
burg ad forum seculare re-  
mittatur.*

P. 744. **S** Ac præ generali synodo in civitate Basi-  
leæ congregatæ, ecclesiam universalem  
repræsentanti, sibi gratiosissimæ, recommen-  
dationem humillimam, et ad quæque prom-  
tissimum famulatam.

Notis, patres et domini clarissimi, nec  
non humiliter profiteor, quod disponente  
Domino, cui obediunt universa, quod Ro-  
mana ecclesia supra reges et regna, tam-  
quam mater et magistra, supremum obti-  
net principatum, et per ejus ministerium re-  
gitur et dirigitur catholicæ fidei firmamen-  
tum. Hæc autem sicut mater alma, fidelis  
nutrix, et provida dispensatrix, in profe-  
quendis et discernendis iuribus cum ea cir-  
cumspeditionis maturitate procedere consue-  
vit, quod nulli præjudicat dum cuique gra-  
tiam impertitur, et singulorum iura non mi-  
nus in aliis quam in seipso conservat, nec  
in aliquos manus injuriosas extendit, a qua  
doctrina iustitiæ recipitur et habetur. Pro-  
fecto fervens zelus ejus non tepuit, nec te-  
pescit, quin suos devotos et humiles filios  
non solum lædere, vel injuriis provocare,  
sed potius intendat favoribus & gratiis præ-  
venire. Cum autem ipsa eadem mater eccle-  
sia progenitores meos, meque quos inter  
principes orbis terræ catholicos exhibentes  
ei omni reverentia semper filiales affectus,  
intra suæ dilectionis brachia collocaverit,  
ac in gratiis petitis repulsam non dederit,  
nec in iuribus aut privilegiis aliquatenus  
non læserit; mirari et comprehendere non  
sufficio, quomodo vos universali ecclesiæ,  
Romano pontifice superflite, præfidentes,  
jus fori secularis inter sæculares, & in cau-  
sa seculari, sæpe licet petiitum, impedire  
voluistis patruo meo Frederico Saxonie duci,  
contra quemdam Ericum ducem de Lan-  
wenburg, cum super eodem ducatu injuste  
turbantem et inquietantem, de quo rite et  
realiter per gloriosissimum principem et do-  
minum meum dominum Sigismundum impe-  
ratorem modernum, ad quem spectabat et  
spectat, insecudatus et possessionatus ipse et  
suus bonæ memoriæ progenitor dominus Fri-  
dericus dum vixeret, dudum extiterunt. Cum  
etiam coram eodem domino imperatore per  
me ad iudicium imperiale suum evocatus et  
citatus in certum diem existit canonice et  
legitime, ubi quodammodo causa pendet  
indecisa, cum dicto duce de Lanwenburg  
de jure sibi competentem decertaturus; inde-  
cens quidem est, ut inde sequantur injuriæ,  
unde jura nascuntur; et illi de paterna ma-  
nu umquam nocumenta sentiant, qui per eam  
attolli meruerunt. Quomodo reddetur pro  
bono malum eidem patruo meo atque mihi,  
Conc. Supplem. Tom. IV.

in eo qui pro fide orthodoxa contra hæreti-  
cos totum orbem de præsentī infestantes et  
conturbantes, bellando et pugnando a vi-  
ginti annis citra, sine intermissione, extre-  
mis periculis, res et vitas proprias, extre-  
mos et personas comitum, baronum, mili-  
tum et armigerorum suorum atque vulga-  
rium hominum sine numero et modo im-  
pendit, visus est perdere lætus? Quapropter  
peto ex animo tam supplici quam confiden-  
ti, quatenus ad præfatum dominum meum  
patrum atque me paternum convertentes  
intuitum, ac desiderantes talem fidei propa-  
gnatorem in tranquillitate prospera ducatus  
prædicti permanere, non solum ad forum  
suum secularem remittere, sed in iuribus  
B ipsius cum defendere liberaliter & effectua-  
liter præsidia favoris vestri sibi impendatis,  
facturi ut ipse & ego majoris devotionis de-  
bito teneamur, utilitatibusque ac commodis  
& honoribus specialioribus obligationum ob-  
sequiis astringamur, tam universali ecclesiæ  
quam P. V. quas universorum idem Domi-  
nus magni concilii angelus in hoc sacro con-  
cilio dirigat & conservet, pro reformatio-  
ne unionis & pacis ejusdem ecclesiæ suæ  
sanctæ. Scripta anno Domini MCCCCXX-  
XIV. &c.

Earumdem paternitatum pronus & fidelis  
vernaculus Fredericus Dei gratia Thu-  
ringiæ Lantgravius & marchio Mis-  
nenis.

## EJUSDEM EPISTOLA

Ad concilium Basileense,

*Petit in gratiam curatorum corrigi non-  
nullos abusos.*

R Everendissimis reverendisque patribus  
ac dominis cardinalibus, archiepisco-  
pis, episcopis in sancta Basileensi synodo  
constitutis, universam ecclesiam repræsen-  
tantibus, nobis in Christo venerandis om-  
nem promptitudinem pro salubri erectione  
status universalis ecclesiæ.

Reverendissimi reverendique patres ac do-  
mini, pro laude Dei & suæ ecclesiæ in Spi-  
ritu sancto legitime congregati, ex quo cla-  
ret vestris apicibus dignissimis, synodalibusque  
epistolis jucundissimis universum per orbem  
diffusis, omnium laborum conatuumque so-  
lertiam vestrorum circa reformationem abu-  
sum & erratum, necnon eorum que ec-  
clesiam Dei scandalizant remotionem potis-  
sime atque piissime intendere atque versari.  
Hinc R. P. pro eodem salubri statu eccle-  
siarum districtum nostrorum, salute popu-  
lorum, & præcipue indemnitate curatorum  
& ecclesiarum curatarum, quarum jus pa-  
tronatus in potiori parte ad nos inibi spe-  
tare dignoscitur, V. P. proponimus, inti-  
mantes quod nonnullus abusus præfatis ec-  
clesiis parochialibus maxime onerosus, im-  
mo ut dictum exprimitur, finaliter extermi-  
nativus per commissarios domini archiepi-  
sco-



ANNO  
CHRISTI  
1434.

scopi Moguntini extitit introductus. Dum enim ipſus vel auctoritate apoſtolica vel noſtra præſentatione legitima rectores præficiuntur, continuo nec expectato quartæ partis anni lapſu, monentur ad ſolutionem fructuum biennialium ſub graviffimis poenis, quam ſi non infra breviffimi temporis ſpatium expediant ad natum eorum, ipſos rectores excommunicant, præſatas eccleſias in divini cultui diminutionem, damnum parochianorum in hoc non delinquentium, eccleſiaſtico interdicto ſupponunt, & quod eſt gravius, plerique in primo anno vacationis quadruplices fructus ſublevant. Immo ſi acciderit caſus, ſextuplices fructus tribus rectoribus ſibi invicem eodem anno ſuccedentibus expeterent; quos tamen natura eodem anno denegat germinare. Quibus exactionibus eccleſiæ terrarum noſtrarum adeo gravantur, quod interdum veris & utilibus rectoribus tanta gravamina ſubire timentibus, defraudantur interdum, & prohi dolor! nimis crebre negligenter reguntur, interdum ex toto viduatæ deſeruntur ſicuti plures hæc occaſione in præſentiarum viduatæ reperiuntur, & populus negligitur, quod dolenter referendo denuntiamus, cum potius paſtores omni cura ſtudere deberent, ut animarum ſaluti, quæ non modicum in curaris reſidet, prævideretur; quam ſtatim curatorem in nihilum redigere, immo juris naturalis tramitem excedunt congrua portione, ubi fructus expenſarum deductionem non tranſcendunt, eosdem expoliant. Quæ inconſuetudine ex præmiſſis gravaminibus ſequuntur V. P. perſpicuis indiſciſ luculenter elicere poterunt & penſare. Inſuper aliud mirandum genus gravaminis in terris noſtris agitur, quod nullis tam clericis quam laicis litteris apoſtolicis, immo ſacri veſtri concilii, uti licuerit, niſi prius pro littera nuncupata vidimus certis pecuniis datis & ſolutis, & plerique in duplo plus quam in Romana curia, vel ſacra veſtra Baſileenſi ſynodo pro eiſdem expoſitum fuerit. Hæc, certis motivis noſtros animos pulſantibus, obſistere nequivimus; immo ex præmiſſis gravaminibus pejora veriſimiliter inter ſtatim ſpiritualium & ſecularium emergi nobis timentibus, cum ex nimia compunctione etiam ſanguis manſuetorum commoveri conſuevit. V. P. R. celeri remedio, ut ſperamus, ſuccurrentibus, non noſtri commodi, quin potius profectus eccleſiarum, ſalutis animarum; & debiti regimini eccleſiarum zelo, confidentia etiam veſtri celeberrimi coetus ad præmiſſa juxta epistoſarum continentiam nobis directarum intenti duximus proponenda, quem divina gratia fovere & felici fine mancipare dignetur, in eccleſiæ & ſui benedicti nominis gloriam & honorem præmiſſorum, ſolariolum, benivolam, ac generoſum reſponſum affectantes. Datum anno Domini MCCCXXXIV. VII. calend. Octobris, noſtri principatus ſub ſigillo quo omnes utimur.

Veſtrarum reverendarum paternitatum devoti filii Fredericus Thuringiæ Lantgravius & marchio Miſnenſis, ceteri comites, barones, milites, &c. per Thuringiam conſtituti.

ANNO  
CHRISTI  
1434.

## LITTERA DOMINI IMPERATORIS

*Miſſa ſacro concilio ſuper cauſa domini Rothomagenſis & aliis concernentibus forum imperiale.*

Ibid.

Reverendiſſimis, reverendis, ac venerabilibus in Chriſto patribus, ſacroſanctæ generali Baſileenſi ſynodo, &c.

Reverendiſſimi, &c. Sicut nobis ſemper jucundiſſimæ atque acceptæ ſunt litteræ veſtrarum paternitatum, quæ ad nos deferuntur, ſic etiam pridie gratanter ultra modum accepimus litteram bullatam ſacroſancti concilii, in qua poſt reſumptionem exhortationum noſtrarum, quam egregii oratores noſtri ad reformationem in eccleſia ſancta Dei, quam ſpeciali aviditate majeſtas noſtra deſiderat, fecerunt; nobis inſinuat ſimile habere deſiderium, et quod datus ſit ordo, qui hæſenus commode dari non potuit, pro executione præmiſſorum, & quod in brevi res acceptas a veſtra paternitate præſentire habebimus. Nos poſſemus edicere, reverendiſſimi patres, quantum res illa cor noſtrum lætificaverit atque extulerit, multum in Domino commendantes ſanctam intentionem atque exactam veſtram ſolertiam, quam in proſecutione ipſius neceſſariæ reformationis hætenus aliis incumbentibus prætermiſſæ, extendere diſponitis. Et ſic rogamus Altiffimam, ut deſideria et ſanctum veſtrum propoſitum ad laudem Dei et fructum eccleſiæ ſuæ votive dirigat, et coeptis felicem conſummationem concedat. De reductione autem Græcorum habuimus alias per ſcripta veſtra decretum ſuper factis ipſorum publicatum, et tandem ex informatione certorum oratorum fratris noſtri imperatoris Græcorum, qui ad nos hac venerant, ſatis intelleximus ordinationem ipſam, quæ nobis ſumme placet, et mox præſato fratri noſtro imperatori ſcripſimus, et cum adhortati ſumus ſummopere, ut iſtud ſanctum negotium amplectatur, quemadmodum ex litteris noſtris alias V. P. miſſis pariter concipere potuiſtis. Hæc enim res inter ceteras peragendas non eſt mediocris, ſed in proſecutione ſua omnibus Chriſtianis præcipua eſſe debet. Præterea R. P. unum adjiciunt V. P. de cauſis Biſuntinenſi & Bambergenti, quas prætenditis coram V. P. & foro eccleſiaſtico legitime introductas, & videmini nos adhortari ad protectionem & tuitionem perſonarum eccleſiaſticarum & bonorum eccleſiæ, &c. Non erat opus, reverendiſſimi patres, adhortatione hujusmodi, quoniam nihil ita cordi habemus, uti miniſtros Dei omni honore, omnique conſervatione venerari, & ita a juventutis noſtræ primordiis, antequam officium imperialis dignitatis humeris noſtris incumberet, ſolenter ſectus, & in futurum omni ſtudio faciemus. Vellemus tamen, & ſic dignum arbitramur, ut & ipſi vice reciproca erga nos & imperium facerent debitum, & quicquid eſſet de foro noſtro nobis dimitterent, & res imperii juridiſſioni eccleſiaſticæ non intricarent; ſed uſque modo illud obtinere non potuimus, quin & juſtiſſimæ

simæ oblationes parvipenduntur, & proceditur in rebus imperialibus, ac si iurisdic-  
tio nostra non superesset. Si pro eo turbatum  
gerimus animum, si iurisdictionem nostram  
manutene- & conservare disponimus, cre-  
dimus per hoc non molestare facta ecclesiæ,  
quæ uti pupillam oculi protegere atque de-  
fendere intendimus. Sed quod vocaverimus  
dominum cardinalem Rothomagensem, hoc  
nobis profecto licuit, quia pro regalibus hoc  
fecimus, quæ ipse tamquam vassallus noster  
a nobis & sacro recognovit imperio, præ-  
stito fidelitatis & obedientiæ debito jura-  
mento, & in illa causa iuridice procedere  
intendimus, non tamquam contra præla-  
tum, sed & imperialem vassallum, qui forte  
debiti sui immemor esse disponit, sperantes  
quod sacrum concilium, pro cuius stabili-  
mento tanta subivimus, nobis in iurisdic-  
tione & iustitia nostra favebit; quoniam nul-  
latenus patiemur res mere imperium con-  
cernentes per adversantes nobis ad libitum  
hinc inde trahi, ac si potestas imperii pen-  
itus videretur extincta: rogantes vestras  
paternitates ex intimis cordis nostri affectibus,  
quatenus nos & facta nostra velit recom-  
missa suscipere, & in iuribus & iurisdic-  
tione sua favorabiliter conservare. Cete-  
rum occurrentia nobis crebris nunciis atque  
litteris vestris paternitatibus significabimus.  
Et vice versa cum desiderio deprecamur,  
quatenus & vos de his quæ egeritis sapif-  
sime visitare velitis pro consolatione nostra  
speciali. Et si quid per nos fieri possit, quod  
ad honorem, promotionem & commodum,  
cum ad beneplacitum V. P. definire con-  
spexerimus, gratissimo animo faciemus. Datum  
Ratisb. die 1. mensis Oct. MCCCCXXXIV.  
regnorum nostrorum &c.

Sigismundus Dei gratia Romanorum  
imperator semper augustus, ac  
Hungariæ, &c. rex

Ad mandatum domini imperatoris in  
suo sacro consilio, &c.

#### LITTERA DOMINI IMPERATORIS

super materiam Græcorum.

P. 750. **R**everendissimis reverendisque ac venerabilibus in Christo patribus & dominis sacrosanctæ generali Basileensi synodo &c. Reverendissimi reverendique in Christo patres, amici ac venerabiles & egregii, sincere græteque dilecti, recepimus pridem litteram P. V. cum incluso decreto super factis Græcorum in sessione proxima publicato. Audivimus tandem certos ex venerandis ambasiatoribus fratris nostri Johannis imperatoris Græcorum, qui ad nos huc venerant, visisse & auditis singulis, summam in Domino nostro Jesu Christo pacis & unitatis auctore accepimus jucunditatem atque lætitiā, & conclusa hujusmodi extollimus valde atque laudamus, nec aliud nobis posset incumbere, nisi Deo nostro ingentes porrigere gratias, & divinam maiestatem suam

obnixius implorare, ut hanc rem pie & bene conceptam sua misericordia bono exitu, uti indubitanter confidimus, felicitare dignetur, ad augmentum & utilitatem ecclesiæ suæ sanctæ. Itaque mox præfato fratri nostro Johanni imperatori Græcorum scripta & hortamenta nostra transmisimus, ut omnes conatus exciter, & executioni tantarum rerum solers intendat, & sic ipsum facturum speramus. Restat nunc, reverendissimi patres, ut sacrosancta synodus, quæ huic divino negotio laudabile dedit exordium, illud omni posse ad effectum felicem perducatur. Et nos quoque, qui inter cetera vota nostra ad hanc unitatem semper summum direximus desiderium, prout præfato imperatori, qui super re illa nobiscum crebris scriptis & avisationibus usus est, constat; etiam omnes favores præstabimus, nec per nos parceretur laboribus, nec fatigis. Clare namque R. P. nos, qui cum orientalibus confinamur, cognoscimus quantum unitas hujusmodi ad augmentum ecclesiæ Dei & terrore gentium barbararum profutura sit; & tanto eam plus magnipendimus, & ad omnem operam & prosecutionem nobis possibilem nos promptos offerimus. Datum Ratisponæ die 1. mensis Octobris MCCCCXXXIV. regnorum nostrorum, &c.

Sigismundus Dei gratia Romanorum  
imperator &c.

#### SEQUUNTUR LITTERÆ

Ducis Britannicæ ad concilium.

Guillelmum abbatem Belli loci electum  
Macloviensem ei commendat.

**S**acrosanctæ synodo generali Basileensi in Spiritu sancto legitime congregatæ, sacrosanctam universalem ecclesiam representanti, canonica reverentia & obedientia, tam debitis quam devotis.

Nuper Maclovienſi ecclesia pastoris officio destituta per obitum bonæ memoriæ Amaurici ultimi ejusdem episcopi, capitulum dicti loci, vocatis vecandis, cupientes eidem ecclesiæ de idoneo pastore providere, unanimiter, nemine discrepante, vota sua direxerunt in venerabilem patrem Guillelmum abbatem B. Mariæ de Bello loco, elee-  
mofynarium ac consiliarium meum fidelissimum, ipsumque in dictæ ecclesiæ spon-  
sum rite & canonice elegerunt, & electio-  
nem hujusmodi solito more publicaverunt. Quæ quidem electio, consideratis virtutum meritis, quibus ipsius electi personam gratiarum largitor Dominus abunde insignivit, cum idem electus sit scientia eminens, moribus clarus, fidei orthodoxæ pugil, zelator iustitiæ, atque totius bonitatis cultor, ex utroque parente de nobili prosapia, majoribus atque potentioribus & in legalioribus totius ejusdem diocesis ortus; in clero & populo dictæ diocesis ingentem lætitiā & ineffabile gaudium in Domino contulit. Et  
li.



ANNO  
CHRIST.  
1434

licet sanctissimum dominum nostrum precibus humilibus, litteris, & oratoribus iteratis rogaverim, humiliter supplicando, ut de dicta ecclesia nullatenus disponderet, aut aliquem eidem præficeret præfulem præter sacrorum canonum, & præsertim saluberrimi vestri decreti censuram; nihilominus sua sanctitas sinistra, ut creditur, informata, præpropere aliter disposuisse dicitur. Cum igitur, reverendissimi reverendique patres, frustra foret jura condere, nisi executionem haberent, vestras reverendas paternitates ea qua possum ampliori affectione supplico, quatenus Dei & sacrosanctæ matris ecclesiæ intuitu ac mei contemplatione, dictum electum in sua iustitia dignemini favorabiliter habere recommissum, mihi grata quoque significantes obedire paratissimo, auxiliante Domino nostro Jesu Christo, qui vestras reverendas paternitates ad ea feliciter peragenda conservare dignetur & dirigere, ob quæ in Spiritu sancto estis legitime congregati. Scriptum Nanneti septima Octobris.

Humilis & devotus sanctæ matris ecclesiæ filius Johannes dux Britanniarum, Montis fortis & Richemondiarum comes.

## LITTERA DOMINI IMPERATORIS C

Romanorum, missa imperatori Græcorum, super reductione ecclesiæ orientalis, &c.

1b. p. 75a.

**S**igismundus, &c. Serenissimo principi domino Johanni Palæologo in Christo Dei fidei imperatori, & moderatori Romanorum, fratri nostro carissimo, salutem, & felicem perpetuamque consequi unitatem.

Serenissime princeps, frater noster carissime, inter alia desideria, quibus cor nostrum ad augmentum ecclesiæ sanctæ Dei ferventissime astuavit, semper nobis præcipua cura fuit, omnes vires laboreque accuratos extendere, quo orientalis ecclesia, quæ numero hominum atque gentium copiosissima esse constat, in eadem nobiscum fidei jungeretur unitate. Et licet retroactis temporibus super re illa multa perquisiverimus, & per alios amatores fidei sit questum, tamen visum est illam unitatem nullatenus procurari, ac fieri posse, nisi in synodo generali. Itaque sicut vestra fraternitas novissime per venerandos ambassiatores vestros ad sacrum concilium missos, nobis super ea materia scripsit, & nos hortata est ad executionem unitatis hujusmodi favores nostros exhibere, de qua multum lætati atque jucundati sumus; sic etiam quicquid potuimus ad prosperitatem illius sancti negotii applicavimus. Unde, frater carissime, sacrum concilium Basileense in Spiritu sancto congregatum, quod ad omnem unitatem & pacem intendit, nobis scripsit; sic etiam egregii duo ex ambassiatoribus vestris ad nos redeuntes majestati nostræ ex-

posuerunt, qualiter ipsa sancta synodus cum ipsis certa conclusit capitula, quæ vidimus. Et de illis, quoniam de felici exitu unionis hujusmodi firmam fiduciam cupimus, in Domino nostro Jesu Christo jucundamur, illaque firmata laudamus & extollimus, quoniam ex hac futura, Deo auspice, unione summam Christianæ reipublice utilitatem speramus accrescere. Quid restat, carissime frater, nisi ut vestra fraternitas jam omnes cordatus exciter, vires animet, & illa quæ cæpta sunt forti in Christo assumpta fiducia prosequatur. \* Quid enim fructuosius atque honorificentius imperio vestro atque orientali genti esse poterit, & apud Deum commendabilis, quam scissuram veterem caritate & mansuetudine taliter reparare? Et ad hoc fraternitatem vestram accuratissime adhortamur. Quicquid enim majestas nostra ad hanc rem divinam facere debet & poterit, ita nobis gratum & acceptum erit, ut nihil gratius, & sic nos offerimus omni alacritate paratos. Datum, &c.

## LITTERA DOMINI DUCIS

Britanniæ

Missæ concilio super facto ecclesiæ Macloviensis, &c.

**S**acrosanctæ synodo generali Basileensi in 1b. p. 75b. Spiritu sancto legitime congregatæ, universalem ecclesiam representanti.

Reverendissimi patres ac domini, & amici confidentissimi, carioris recommendationis alloquio tam humilis quam devotæ. Nuper & novissime cathedrali ecclesiæ Macloviensi per bonæ memoriæ Amaurici illius tunc episcopi, obitum vacante, capitulum & canonici ejusdem zelantes dictæ providendi pontificis celebrandam electionem die adveniente, venerabilem in Christo patrem, Guillelmum abbatem monasterii B. Mariæ de Bello loco ordinis canonicorum regularium sancti Augustini, dictæ dioecesis, de baronum & militari ex utroque parente procreatum genere, moribus comprobatum, nemine deficiente, elegerunt. Nihilominus tamen post electionem hujusmodi, sanctissimus dominus noster papa de dicta dicitur providisse ecclesiæ, & per translationis viam providisse episcopo Trecorensi, contra sacrosancti Basileensis concilii decreta laudabilia, & in electionis præmissæ præjudicium. A qua non immerito ad dictum sacrosanctum Basileense concilium, uti iustitiæ matrem, duxi appellandum, intentione incommutabili sussultus, in Deo fides, electionem hujusmodi propriis prosequi expensis, quoniam mea quamplurimum interest, maxime cum dicta civitas Macloviensis sit portus, protectio, & pene pugil totius ducatus mei, resque oppido opportuna sit, quod præfatus inibi præficiendus sit generosus, potens & strenuus ad hujusmodi civitatem, quæ est in maris angulo versus Angliæ & Normanniæ partes circumsepta, tuendam, clero &

ANNO  
CHRIST.  
1434

\* al. prosequatur

ANNO  
CHRISTI  
1434.

populo ac patriae notabilis & gratus existat; quoniam quamvis hactenus inibi semper extiterint episcopi notabiles, potentes, litteratique viri, vix illam civitatem a populi rumore protegere valere; ac incunctanter si translatus memoratus ad dictae civitatis possessionem appulerit, informatus existo, grande praepjudicium inde mihi posset generari, irreparabileque dispendium, cum prorsus patriae nobilibus, canonicisque ecclesiae antedictae ac civitatis civibus exosus existat, certis existentibus causis in causae deductione promendis, nisi ab hujusmodi cœpto desectatur negotio. Quapropter V. R. paternitatibus vicibus geminatis intimis ac sinceris affectibus ad excitandum scandala, quae ex praemissis pullulare possent, irreparabilia, humiliter quam possum supplico, quatenus dictam electionem approbare dignemini, perpetuum translato imponendo silentium, ne pariat mihi stimulus, quod absit, a sanctae matris ecclesiae obedientia per iustitiam mihi adentam recedere. Semper quippe per Dei gratiam mei progenitores reges & duces Britanniae, & ego modernus eorum inhaerendo vestigiis, ecclesiae ac sanctae sedis apostolicae zelatores extitimus. Et quia praefens negotium, causis sinceriter inspectis, adeo cordi adscripti, V. R. paternitates non tarbentur sic me fari, cum primogenitores mei illius ecclesiae & aliarum ducatus sinus fundatores; quodque translatus antedictum ante dispositionem praefatae ecclesiae Macloviensis exhortaverim, ne illam quovis quaesito colore peteret; cum scirem patule ipsum eam in suis libertatibus, ipsius ignobilitate & potentia pensatis, non posse defendere. Et quia reor quod V. R. P. sinistram referatur, nusquam fidem adhibeatis; sentientes quod numquam meum intendo aliter commutare propositum. Et licet ipsum in ambaxiatam ad dictum sacrosanctum transmiserim concilium, intentionis meae, quod aliam haberet ecclesiam, praefertim tantam, tantae potentiae, tantae custodiae, tantique periculi, ubi nervus totius mei ducatus solidatur, nullatenus extitit, nec erit umquam. Quare iterum eisdem V. R. P. supplico, quatenus rectiorem quam poteritis dicto electo iustitiam dignemini ministrare, & bene advertere, ut firmiter credo, egeritis, & mihi patriaeque meae pro utilitate reipublicae complacere, taliter quod humiles preces sentiam profuturas; & sanctitati domini nostri scribere, ut translationem hujusmodi dignetur suppressere, & teneat, prout teneor, ad gratiarum actiones. Insuper sanctitati domini nostri papae ante dispositionem ecclesiae, certos meos ambaxiatores transmiseram, ad supplicandum humiliter, quod electionem expectaret juxta decretum concilii, quos sinistre informatus, neglectus extitit exaudire. Unde non sufficio admirari, quod sic de levi non expectata electione processit. Proluxis verbis existo; hoc enim me adigit negotium quod partim statum totius mei ducatus concernit. Reverendissimi patres & domini & amici confidentissimi, si qua possum tam in spiritali quam in universalis significando posse-

tenus facturum. Et conservet vos Altissimus longævos per successus cum honoris & gratiae incremento. Scriptum Veneti XVI. id. Aprilis MCCCCXXIV.

Humilis & devotus sanctae matris ecclesiae filius Johannes dux Britanniae, Monis fortis & Richemondiae comes.

## LITTERA DOMINI NOSTRI PAPAE

Missâ concilio super materia Graecorum.

ANNO  
CHRISTI  
1434.

Eugenius episcopus servus servorum Dei venerabilibus fratribus & dilectis filiis in sacro generali Basileensi concilio congregatis salutem, &c.

His proximis diebus tum per litteras vestras, tum etiam per dilectum filium magistrum Simonem Freron, nuncium ad nos destinatum, satis cognovimus, quae inter vos & carissimi filii in Christo Johannis Palaeologi Romeorum imperatoris, ac venerabilis fratris Joseph Constantinopolitani patriarchae oratores super unione orientalis ecclesiae tractata & conclusa sunt. Credimus plurimos ex vobis non latere, quanto cordis desiderio ad eam sanctissimam unionem semper affecti fuerimus. Primum namque apud felicis recordationis Martinum papam V. praedecessorem nostrum, pro viribus nostris laboravimus. Iterum post ejus obitum quicumque ipse praedecessor noster promoverat, fuimus diligenter executi. Invenimus multa valde bona, & ad ipsam unionem commodissima, quae etiam praefato Johanni imperatori & Joseph patriarchae multum consona videntur, quemadmodum ex litteris ipsorum plane intelleximus. Ob quam rem exultantes in Domino eique offerentes hostiam jubilationis & laudis, oratorem nostrum ad eos iterum destinavimus, qui, veluti convenire videmur, praemissa concludent, sicut alias per venerabiles fratres praesidentes nostros latius insinuavimus vobis. Cum itaque in unum hujus sanctae unionis & pacis finem conveniamus, speramus rem hanc juxta utriusque nostrum desideria esse successuram; ad quam quidem omne ingenium & posse nostrum, prout necessarium & utile fuerit, iterum inpraesentiarum offerimus. Verum enim dilecti filii nostri Nicolaus tituli S. Crucis Jerusalem, & Jo. tituli S. Petri ad vincula S. R. E. presbyteri cardinales ad nos ex sacro concilio proficiscentes, apud nos in proximo \* exituri sint, paulisper responsioni vobis faciendae super sedemus, ut enim ad consequendum integrum consummatumque hujus negotii finem, nihil deesse videatur, nobis & venerabilibus fratribus nostris visum est de materia hujusmodi prius cum praefatis Nicolao & Johanne conferre, quos veluti plene informatos & ipsi unitati valde affectos non dubitamus multum esse valituros. Itaque, cum primum venerint, curae nostrae erit una cum eis & aliis fratribus nostris, ut ante promissum, quantum res exegerit, juxta omnium nostrum desideria plene respondere, sicut

-Ib. p. 755.

\* f. exituri.



ANNO  
CHRISTI  
1434.

sicut in domino, qui bonus est in se sperantibus, indubie confidimus. Datum Florentiæ anno incarnationis Dominicæ MCC-CCXXXIV. XIII. cal. Novembris pontificatus nostri anno IV.

A. de Palazago.

LITTERA MAGISTRI SIMONIS

Freron oratoris concilii apud dominum nostrum papam super facto Græcorum.

1b. p. 736.

**E**cclésiæ sanctæ in Spiritu sancto Basileæ congregatæ.  
Reverendissimi reverendique patres, filii. B  
li recommendatione præmissa. Convenerunt Græci, qui in curia SS. domini nostri papæ morantur, frequentius mecum, conferentes plurima verba super reductione ecclesiæ orientalis ad unitatem fidei cum ecclesiâ occidentali; videntesque decretum sacri concilii super hac re factum, laudaverunt, & glorificaverunt Deum, qui talem inspiravit paternitatibus vestris voluntatem, asserentes nullum alium modum ad finem unionis congruentiorem inveniri posse præter illum, quem sacrum concilium juxta tenorem decreti intendit praticare; frustra que eniti Romanam ecclesiam per alium modum pervenire ad præstatam unionem, quos interrogavi inter cetera, si missi essent ex parte imperatoris ad sanctitatem domini nostri. Responderunt se non esse missos a quocunque, sed Græciam fugisse propter æmulum suorum prosecutionem. Quæ scribo paternitatibus vestris, ne quis vos seducat inanibus verbis, adjecerunt præfati Græci, quod sicut causa dissidii ecclesiæ orientalis ab ecclesiâ occidentali fuit ex eo quod post antiqua septem universalia concilia, in octavo concilio Græci non interfuerunt: in quo tamen fides processionis Spiritus sancti a Patre & Filio fuit sine ipsis declarata: ita necesse est ad unionem componendam fieri concilium universale, in quo Græci super D hac doctrina licet catholica audiantur. Video sanctitatem domini nostri huc usque bene dispositam ad exaltationem fidei & honorificentiam nominis Christiani. Sed ut res maturius fiat, adventum expectat reverendissimorum dominorum cardinalium domini S. Crucis & domini S. Petri ad vincula, qui cito sunt venturi Florentiam. Unde habito responso a sua sanctitate, revertar ad concilium sine dilatione. Ecclesiam suam in Basileâ congregatam miseratio Dei omnipotentis continuo mundet & muniat, qui vestras reverendas paternitates pro suis laboribus perenni felicitate compenset. Datum Florentiæ die XX. Octobris MCCCCXXXIV. E

Vestrarum R. P. fervitor  
Simon Freron.

LITTERA ISAÏÆ EPISCOPI

Jerosolymitani super materia unionis Græcorum transmissa domino papæ.

ANNO  
CHRISTI  
1434.

S. Andissimo ac beatissimo domino nostro 1b. p. 736.  
domino Eugenio papæ.

Beatissime in Christo pater & sanctissime domine, post debitam devotam ac humilem recommendationem ad devota pedum oscula beatorum. Brevia sanctitatis vestræ humiliter suscepi circa materiam sanctissimæ unionis Armenorum gentis cum Romana ecclesiâ, communi omnium matre, cujus throno beatitudo vestra annuente Domino, dedicata est; quibus reverenter respondeo, quod sicut anno præterito contuli cum venerabili viro Christophoro Gazatono secretario & nuntio sanctitatis vestræ, nihil mihi dulcius esse posset, quam diebus meis tam singularem rem Deoque gratissimam intueri posse, cum ad salutem animarum commune bonum nostrum pertineat. Et ita etiam nunc præfato Christophoro in materia prædicta id dixi, sicut ipse pedibus sanctitatis vestræ diffusius narrare poterit. Verum, ut ipse, scit, litteras beatitudinis vestræ directivas, reverendissimo patri catholico patriarchæ nostro per sufficientem nuntium misi, easque de Latino in Armenum transferri feci, ut ipsi reverendissimo patriarchæ clarius quæ antea eidem scripserim innoscere possint. C  
Spero enim, favente Domino & omnibus sanctis ejus, quod celerime responsum suscipiam, cum optima ejus dispositione ad tam singulare Dei opus, cum vera cognoscant bonitate, clementia & munere sanctitatis vestræ erga genus nostrum rem ipsam, quæ tanto tempore silentio deducta est, facile ad opus finem deduci posse. Venit nunc hujus imperatoris ordine ipse Christophorus ad conspectum beatitudinis vestræ, cui nonnulla vestræ sanctitati significanda imposui. Verum, ut existimo, cito rediturus est, pro apparatu unionis sanctissimæ, quæ cum hoc imperatore noviter per eum vestræ beatitudinis nomine conclusa est. Cum enim redierit; poterit versus reverendissimum patriarcham nostrum, sicut ordo datus est, accedere, & ego secum unum de presbyteris meis mittam, cum quo poterit omnia diligenter circa unionis materiam tractare atque perficere, secundum quod a beatitudine vestra habuerit in mandatis, nosque omnes semper bene dispositi erimus, ut tam utilissimum Dei opus finem fortiri valeat. Sanctitati vestræ me & meos humiliter commendo. Ex Constantinopoli die 1. Novembris MCCCCXXXIV.

Beatitudinis vestræ filius Isaïas episcopus Jerosolymitanus.

## EPISTOLA PROVISORUM

Et decanorum foraneorum dioecesis  
Trajectensis ad concilium Basileense.

*Scribunt in gratiam Vostramni de Moirsa adversus Rodolphum de Diepolt.*

p. 758. **R**everendissimis reverendisque in Christo patribus & dominis, dominis sacrosanctae Romanae ecclesiae cardinalibus, patriarchis, archiepiscopis, episcopis, praelatis, doctoribus, sacrum generale Basileense concilium facientibus, dominis & praepositoribus suis metuendissimis, ad dignissimos V. R. P. pedes, subiectionem omnimodam.

Nuper nova nobilisque vox auctoritate sacri Basileensis concilii nostris in conspectibus promulgata, qua videlicet nobiles & illustres viri, dissimiles tamen & dissimiliter de ecclesia Trajectensi contententes, omnesque & singuli quorum interest, ad comparandum coram vestris reverendissimis dignissimisque paternitatibus peremptorie citati sunt, quae nimium exhilarant & gaudium perfundunt totum partium nostrarum populum Christianum, jam diu satis tenebrosis ac tortuosis errorum laqueis involutum, nunc tandem ab eisdem in serenam justitiae lucem V. R. P. aequissima sententia deducendum, infirmos nos pusilloque & indignos nimis vestris dignissimis paternitatibus cum venia quam precamur, scribere compellit, eo quod nostra vel modicum interesse videtur, utpote qui jurisdictionem spirituales ipsius Trajectensis ecclesiae in nostris terminis bonae memoriae domini Svvederi de Culenbourg quondam episcopi Trajectensis, ipso vivente, fere septem annis primum, deinde post ejus obitum ex obedientis & exultantis ejusdem ecclesiae vicarii generalis fere tribus mensibus secundo, & demum ex sui successoris illustris Walramni de Moirsa jam fere octo mensibus, commissionibus, auctore Deo, licet immeriti rexinus quantum potuimus minus male; totius certe populi nobis licet indignis commissi subiectionem & obedientiam ipsi sacro concilio Basileensi etiam in periculo dissensionum praeterite devotissime applicando, cujus est non parva multitudo. Assunt enim plane in nostro districtu oppida murata circiter quinquaginta, & multa millia hominum adulatorum, qui semper sedi apostolicae & nunc sacrosancto generali concilio fuisse devotissime obediens, aliis ex adverso se gerentibus, ipsi sacro concilio nunc, sicut prius duobus summis pontificibus, renitentibus ac rebellantibus manifeste.

Nam sicut ab initio provisionis dicto domino Svvedero quondam Trajectensi episcopo per sedem apostolicam factae, quidam generosus dominus Rodulfus de Diepolt violentius contra mandata apostolica de praedicta

*Concilior. Supplem. Tom. IV.*

**A** ecclesia se intromississe dignoscitur, rebelliter cum suis complicitibus agendo, in tantum ut iniquitatis filius diabolico spiritu ductus, de haeresi suspectus, tamquam membrum putridum iusto iudicio ab ecclesia praecisus, cum quo Christi fidelibus communicare non licet, ac alias multipliciter nobis vitandus & pro tali habendus ab eisdem duobus summis pontificibus per septem annos & ultra, nobis & subditis nostris fuerit denuntiatus, ipsumque ut talem publicare & denuntiare cum maledictione consueta, candelis accensis, campanis pulsatis & singulis diebus festis in nostris fere mille ecclesiis accepimus in mandatis, perfecimusque in singulis festis, donec & quousque quidam dominus (a) Johannes Matifconensis episcopus, incomprehensibili modo totum mundum relinquens implicitum, ipsum cum suis complicitibus, sine poenitentia, sine restitutione, sine etiam satisfactione quacumque saltem apparente, de innumeris violentiis, rapinis, exactionibus, oppressionibus utriusque status & sexus hominibus crudeliter & dire satis illatis, dicebatur taliter qualiter absolvisse. Propter quod praescriptus recolenda memoriae dominus Svvederus nunc Trajectensis episcopus ab ejusdem domini Matifconensis episcopi in injustis processibus sive actibus ad sacrum generale Basileense concilium appellavit; cujus etiam appellationi nos tamquam vere obediens filii, nostri ac subditorum nostrorum nomine adhaesimus, & hodie adheremus.

Medio vero tempore, dum non ad summum pontificem, sed ad sacrum concilium, ad quod etiam personaliter contulit, appellasse repertus est, fama in nostris finibus pervenit, qualiter summus pontifex ad suggestionem dicti episcopi Matifconensis, ipsum a sua ecclesia Trajectensi ad quamdam Caesarensem in Graecia crudeliter satis transulerit, ipsique Rodulfus de ecclesia Trajectensi providerit. Quod dum omnes audientes nimium mirarentur, nec verum arbitrantur aut possibile, talem hominem, tanto tempore rebellem, ad illam ecclesiam, quam tot annis violenter occupaverat, posse a summo pontifice promoveri. Certe idem Rodulfus nullam potuit a nobis aut subditis nostris obedientiam aut subiectionem quomodolibet extorquere, licet diversis persecutionum generibus nos vexare non desist, nec desinit pro praesenti; per hoc manifeste inobediens sacro generali Basileensi concilio, nobis sub bulla plumbea sic praecipienti, prout in eis quas vestris conspectibus recognoscendas transmittimus, plenius continetur. Ipso vero Svvedero de medio sublato, procedentibusque praelatis & canonicis ecclesiarum Trajectensium ad electionem illustri domini Walramni de Moirsa, aliis praelatis & canonicis in civitate Trajectensi sub umbra illius domini Rodulphi residentibus, manifeste excommunicatis, & ad eligendum minus idoneis, postquam secundum ordinationes decretorum sacri Basileensis concilii

Z z z

po-

(a) Ejus prudentiam supra laudabat Philippus dux Burgundiae in epistola data ad concilium 13. Januarii 1433.



ANNO  
CHRISTI  
1434.

postulatio five electio de persona domini Wal-  
ranni legitime fuerat per dominum metro-  
politani confirmata, ipsi domino postulato  
prædicto devote hucusque parvum & pa-  
remus; impossibile existimantes, quod atten-  
tis vestrarum reverendarum paternitatum  
æquissimis præceptis, earumdemque iustissi-  
mis & divino spiritu conditis decretis, tali  
homini umquam tamquam episcopo anima-  
rum nostrarum obedire deberemus: quippe  
qui tot millia animarum laqueo suæ inobe-  
dientiæ ac pestiferæ rebellionis tanto tem-  
pore continuatæ damnabiliter peremit & pe-  
rimit in dies. Sed potius eligere cupientes  
perpetuo exsulare, quam tali taliter obedi-  
re & flectere genua ante Baal. Quid enim  
insolentius, quidve indignius in ecclesia esse  
potest, quam ut sibi ipsi homo talis eccle-  
siasticam vindicet dignitatem feritate armo-  
rum & violentiis multis contra duorum sum-  
morum pontificum primo, & demum contra  
generalis sacri concilii auctoritatem? Quid  
censuris ecclesiasticis, quid Christianæ legi  
& disciplinæ, quid reverentiæ sacerdotali,  
quid denique divino timori relinqueretur, si  
non æquissima vestrarum paternitatum sen-  
tentia tot malis debitum finem imponeret?  
Quamobrem reverendissimi metuendissimique  
patres & viri percelebres, qui positi estis  
regere ecclesiam Dei catholicam, quam ac-  
quisivit sanguine suo; vera utique mundi lu-  
mina, iudices orbis ad faciendam vindictam  
in nationibus, increpationes in populis, ad  
alligandos reges in compedibus, & nobiles  
in manibus ferreis, ad faciendum iudicium  
conscriptum; quorum certe iudicium tam-  
quam non hominum, sed Dei, totus mun-  
dus anhelo spiritu desideranter expectat.  
Expectamus & nos humiles servuli V. R. P.  
una cum multarum millium animarum sub-  
jectis populis.

Dignentur itaque dignissimæ vestræ domi-  
nationes antichristianæ huic prosecutioni tor-  
tuosissimisque errorum nexibus, quibus pre-  
mimur, iustum ac celerem finem imponere,  
totique populo Christiano inobedientium ac  
rebellium errorem pestiferum cum correctio-  
ne debita. Obedientium vero virtutem ac  
fidem e vicino eum præmio & honore con-  
digno declarare, quatenus in similibus even-  
tibus huius rei exemplo singuli Christi fide-  
les ad veram & firmam obedientiam ani-  
mentur, ceterique ad rebellionem cito pa-  
rati terreantur, ut sic consulatur ecclesiæ,  
salusque verorum fidelium per V. R. P. pro-  
curanda transfundatur in posteros, ut co-  
gnoscat generatio altera non solum quid a  
rebellibus istis temere fuerit præsumtum,  
sed etiam qualiter auctoritate sacri concilii  
fuerit iuste punitum; alioquin si conniven-  
tibus oculis pertranseat, serpatque hoc ve-  
nenum ulterius, & non sequatur antidotum,  
absque dubio multas animas Christi sangui-  
ne redemptas habebunt perimere, peribitque  
de populo nostro jus, fas, lex, decus, & ho-  
nor ecclesiarum, libertas quoque & censura

earumdem irrecuperabiliter destruentur, quod  
avertere dignetur & velit Dominus Iesus  
Christus sponsus ecclesiæ, suo Sancto Spi-  
ritu a vestro celeberrimo coetu, ipsumque  
dirigere ad illa sacra opera feliciter con-  
summanda, quæ eodem Spiritu agente glo-  
riose incœpistis; qui olim Simonem non ad  
alta tendere prohibuit, sed in alto jam lo-  
catum gloriosius deiecit, Ananiamque & Sa-  
phiram se decipere volentes, ad aliorum  
terrorem iuste prostravit. Scriptum anno  
Domini MCCCCXXXIV. mensis Novembris  
die IV.

Humillimi & indigni provisores ac decani  
foranei in iurisdictione spiritali Wala-  
triæ, Scaldie, Suitbruclandiæ, Suithol-  
landiæ, Boeræ, Puttæ, Strelandiæ, Del-  
landiæ, Rimlandiæ, Kevenarum & Am-  
strelandiæ, comitatum Hollandiæ et Ze-  
landiæ ac Valvæ, ducatus Gelriæ diœ-  
cesis Traiectensis V. P. R. devoti servuli.

#### EPISTOLA JOHANNIS

Ducis Britanniæ, ad concilium Basi-  
lense.

*Scribit in gratiam Guillelmi abba-  
tis Belli-loci, electi Maclo-  
viensis.*

Sacrofanctæ synodo Basileensi in Spiritu. **1b. p. 762.**  
sancto legitime congregatæ, orthodoxam  
& universalem ecclesiam repræsentanti.

Reverendissimi atque reverendi patres, et  
amici specialissimi, cordiali recommendatione  
præmissa R. P. V. innotescat, quod du-  
dum ecclesiæ Macloviensis pastoris solatio  
destituta, per recolendæ memoriæ domini  
(a) G. cardinalis de Monte forti obitum, ec-  
clesiam ipsam, dum vivebat, obtinentis, de-  
canus et canonici ipsius utilitatem et bonum  
universale præcipue patriæ meæ pensantes,  
civitatisque Macloviensis, quæ in extrema-  
tibus mei ducatus, in maris insula, versus An-  
glia et Normanniæ partes circumsepta no-  
scitur, in qua variarum conditionum gentes  
per maris et terræ semitas affluunt, quam  
decuris temporibus ipsius diœcesis nobiles,  
aliive ejusdem vicini ab inimicis et piratis,  
in diestæ ecclesiæ prælatorum favorem, qui  
de nobili genere germinarunt, sæpissime de-  
fendere consuevere, sine quibus accommo-  
de aliter defendi non valuisset; et si contin-  
geret eam ab inimicis occupari, quod absit,  
inde toties mei ducatus consequi posset per-  
ditio, guerrarum hostilitatibus, quæ diu par-  
tibus in illis vigerunt, obviare, periculis  
etiam, quæ ex defectu tuitionis civitatis me-  
moratæ insequi formidabant, pro parte sua  
providere cupientes; certificati de moribus,  
scientia, probitate, et legalitate dilectissimi  
& fidelissimi consilarii mei ac elemosynarii  
G. abbatis monasterii B. Mariæ de Bello-  
loco Macloviensis diœcesis, ecclesiæ prædi-  
ctæ

(a) Guillelmi de Monte-forti cardinalis, qui Roma rediens obiit Senis in Hetruria 27. Septem-  
bris 1432.

fr̃ filii et ipsi immediate subiecti, qui de nobilioribus & potentioribus totius dioecesis & locorum inde proximorum existit, & omnium baronum dictæ dioecesis, et aliorum ducatus mei nobilium consanguineus, ipsum electum in ecclesiæ prædictæ pastorem elegerunt, et ipsius electionem inde sanctissimo domino nostro papæ moderno præsentari fecerunt, qui ipsa nullatenus expectata, de eadem prout sibi placuit, contra juris communis & sacrorum conciliorum statuta disposuit. Denuo ecclesia præfata per bonæ memoriæ (a) A. præsulis obitus pastoris solatio orbata, ad ecclesiam ipsam fuit iterato concorditer electus, & veluti Aaron bis, ut verisimiliter speratur, a Deo vocatus; nec minus præfatus dominus noster simili modo, electione, minime expectata, neque trutinata, de eadem providit, dictum electum a jure sibi quæsito, ante provisionem aliter factam lædendo; quod rationi consentaneum non inspicitur, quin inimo etiam unicuique asperum audire proditur, vestri decreti nervum prorsus supprimendo. Et ideo quod decretum non foveri, ridiculum foret a quoquam foveri, nec patiari; præsertim cum dicta civitas sit clavis totius mei ducatus, & indigeat homine opere & sermone potente, & nobilibus confederato. Eapropter, reverendissimi reverendique patres, affectuose, quantum possum, V. R. exoro paternitates, quatenus decretum prout decet exequendo, electionem prædictam confirmare dignentur. Nam alias læderentur ecclesiarum capitula, si suæ non valerent electiones, frustra que conderentur decreta, si non invenirentur qui ea tenerent, essetque fabricandi materia totius desolationis electorum, & lites generare pestiferas suadereque ecclesiarum invasiones pariter & mortes inter electos, & per summum pontificem taliter præficiendos; ad quæ concilium in Spiritu sancto congregatum pro tam præmissorum, quam rerum exorbitantium reformatione, excusso negligentia somno, extemplo advertere circumstrepitur. Reverendissimi atque reverendi patres, si quæ sint V. R. P. grata, mihi curetis intimare, & ea possetenus adimplere, favente sacro Pneumate, qui E. V. P. in felici prosperitate conservet & dirigat in agendis. Scriptum in villa mea Veneti die v. novembris.

Humilis et devotus ecclesiæ sanctæ filius  
dux Britanniae.

Jehan, propria manu.

Concilior. Supplem. Tom. IV.

(b) Amalrici de la Motte antea episcopi Venetensis defuncti 1434.

# SEQUUNTUR AVISAMENTA

*Dominorum deputatorum in facto pecuniarum rependiendarum pro adventu Græcorum ad hoc sacrum generale concilium Basileense, &c.*

ANNO  
CHRISTI  
1434.

1. **I**N primis, quod hæc sacrosancta synodus scribat dominis episcopis & capitulis, aliis quoque prælati & ecclesiis, ac secularibus principibus Christianis, eorum subsidium implorando, quatenus scilicet ad hoc sanctissimum opus habeant contribuere, etiam cum largissimis oblationibus & donis.

2. Item, quod fiant & concedantur indulgentiæ ex parte & auctoritate hujus sacrosanctæ synodi generalis & sanctissimi domini nostri papæ, contribuentibus, ad istud sanctissimum opus plenariæ, sicuti conceduntur pro passagio Terræ sanctæ, & etiam contribuentibus ad reparationem ecclesiarum, pontium & aliorum operum, cum in hoc sanctissimo opere jaceat lucrum quasi inestimabile animarum; & aviseretur de modo congruo levationis & receptionis pecuniarum hujusmodi subventionis, ne ipsas pecunias in levatione & receptione contingat diminui.

3. Item, fiat exacta diligentia, etiam cum monitorio debito, tam in genere, quam in specie & particulari, super recuperatione pecuniarum alias levatarum.... pro opere reductionis Bohemorum, tam per dominos ecclesiasticos quam seculares in quibuscumque mundi partibus; & moneantur omnes & singuli cujuscumque conditionis existant, quatenus loca & personas in quibus & penes quas hujusmodi pecunias noverint consistere aut manere habeant his qui super hoc deputabuntur fideliter revelare.

4. Item, si aliquæ personæ ecclesiasticæ vel seculares, vel collegia, aut conventus cujuscumque status, dignitatis, aut religionis existant, teneant res quasque, quas conscientis eorum non videntur de jure posse licite tenere, vel quæ de jure deberent exponi ad pias causas per ecclesiam; quod domini deputati possint committere duobus vel tribus, quatenus prædictas res, ubicumque fuerint, faciant vendi, & pretium committi ad istam piam causam.

5. Item, quod deputentur a sacro concilio aliqui executores, qui habeant componere cum usurariis super usuris incertis, quatenus illæ usuræ ad hoc sanctum opus applicentur, & cum quibuscumque aliis qui illicite aliquid detinent vel alienum, & non extat persona certa cui esset restitutio facienda. Similiter etiam super incertis legatis ad pias causas.

6. Item, advertendum est de dispensatione trium principalium votorum, peregrinationis scilicet ad sanctum sepulcrum, sanctum Petrum, S. Jacobum, & aliorum etiam, matrimoniorumque principum & aliorum.

Z z z 2

7. Item

Ibid.



ANNO  
CHRISTI  
1434

7. Item, si qui ex dignitatibus, beneficiis, vel officiis simoniace vel qualitercumque, acquisitis fructus quoscumque & ex quacumque causa indebite perceperunt, solvendo medietatem unius anni ad hoc opus, intelligantur liberati de residuo quod perceperunt.

8. Item, dispensetur cum illis qui alias arma seu alia de jure prohibita portaverunt ad terras infidelium, si manus suas ad expensas Græcorum præfatas porrexerint adjutrices.

9. Item, attendendum est de prælatis, qui ad hoc sacrum generale concilium vocati non venerunt, nec miserunt, & præcipue de his qui a subditis pro hac accedendo pecunias acceperunt, & venire neglexerunt.

10. Item, quod domini vicarii, civitates quoque, & terræ ecclesiæ habeant in isto sancto opere præstare subsidium.

\* f. collegium.

11. Item, quod sacrum concilium reverendissimorum dominorum cardinalium faciat in præmissis suum posse.

12. Item, habeatur recursus ad reverendissimum dominum cardinalem Angliæ, quatenus nunc pro hoc sanctissimo instanti opere velit, vel dono, vel mutuo concurrere super semidecimam vel aliis juribus universalis ecclesiæ, vel ratione; & super hoc habeatur tractatus cum reverendo patre domino episcopo Londoniensi, & aliis dominis ambassiatoribus regni Angliæ.

13. Item, advertatur de pecuniis debitis in regno Portugalliae, &c.

14. Item, quod reperiat modus aliquis, per quem etiam Judæi ad hoc tam pium opus contribuunt.

15. Item, quod videatur de testamentis, & præcipue prælatorum, qui in hoc sacro concilio decesserunt.

16. Item, videtur quod instanti expeditione ambassiatorum ad Græciam, quod committatur deputatis, ut componant super semidecimam cum illo principe vel prælatis suæ ditionis, de quo alias fuit facta mentio in sacris deputationibus.

17. Item, requiratur serenissimus princeps dominus rex Poloniæ pro pecuniis super semidecimam & aliis juribus ecclesiæ mutuandis.

18. Item, requiratur serenissimus dominus rex Aragonum, quatenus commode galeas munitas.

19. Item, requiratur domina regina Siciliæ, quatenus etiam galeas munitas commode, & præstet subsidium saltem de his in quibus tenetur ecclesiæ.

20. Item, requiratur illustris dominus Fredericus dux Austriæ, quatenus velit aliquod subsidium facere, aut saltem mutuare.

21. Item, requirantur domini Veneti quatenus dent modum in civitate Constantinopolitana, quod casu quo serenissimus imperator Romeorum & alii domini Constantinopolitani ad hoc sacrum concilium veniant, & infideles attentarent ipsam civitatem. Constantinopolitanam invadere, repariant ibidem decem millia florenorum auri de camera pro illius civitatis defensione, & detur de huiusmodi decem millium florenorum, in casum & eventum quod præmissa exponantur, eisdem dominis Venetis

per ecclesiam debita securitas.

22. Item, prædicetur cum dictis dominis Venetis, quod mutuent ecclesiæ duas galeas suarum bene & decenter munitas pro dominis Græcis conducendis.

23. Item, petantur galeae commodatae a Januentibus, & super hoc requiratur illustris dominus Mediolanensis.

24. Item, requiratur communitas Florentina, quatenus etiam impendat caritativum subsidium, & mutuet super semidecima & aliis juribus ecclesiæ in suis territoriis debitis.

25. Item, similiter communitas Senarum, & præcipue administratores hospitalis Scale ejusdem civitatis.

26. Item, requiratur magnus magister Prusiæ, ut etiam det aut mutuet pecunias super præmissis.

27. Item, ad idem requiratur magnus magister S. Johanni-Jerosolymitani, quatenus habeat tradere duas galeas munitas pro custodia civitatis Constantinopolitanæ.

28. Item, etiam detur modus quod magistri S. Jacobi de Calcia & de Alcantara contribuant etiam & mutuent. Similiter illi militares de Montofia, & si qui alii sunt in Christianitate religiosi militares.

29. Item, de domino episcopo Taurinensi super mutuo.

30. Item, videatur si aliquid de semidecima jam imposita nunc haberi possit.

31. Item, placeat sacris deputationibus super prædictis celeriter deliberare & committere executionem prædictorum modorum dominis deputatis, qui eosdem modos excogitaverunt, vel aliis, prout sacris deputationibus videbitur expedire.

#### BULLA DOMINI NOSTRI PAPÆ

De assensu præstito in materia Græcorum.

Eugenius episcopus servus servorum Dei, ib. p. 766.  
venerabilibus fratribus, & dilectis filiis in sacro Basileensi concilio congregatis, S. & A. B.

Existimantes olim, etiam dum eramus in minoribus constituti, quantum esset grata & accepta Deo nostro reductio omnium nostrum, qui sub nomine Christiano censentur, ad unum ovile, & unicum pastorem, ut vera fides in omnibus eluceret semper & verbo & opere, juxta possibilitatem nostræ infirmitatis egimus, ut Græci ad unitatem Romanæ atque catholicæ ecclesiæ reducerentur. Itaque ante annos plurimos rem hanc multa cum diligentia promovere curavimus, inter cetera quantum in nobis fuit apud felicis recordationis Martinum papam V. prædecessorem nostrum operam dedimus. Et ut oratores suos ad carissimum filium nostrum Romeorum imperatorem & episcoporum Græcorum patriarcham Constantinopolim destinaret, qui cum diversis suis oratores ad ipsum prædecessorem misissent, continuata cura solliciti fuimus, ut res ipsa finem optatum fortiretur. Denuo post assumptionem nostram ad summum apostolatus apicem, eadem renovantes, ut alia prætereamus, anno præterito cum oratoribus præ-

ANNO  
CHRISTI  
1434

\* f. Calatrava.

fatorum imperatoris & patriarchae, qui Romam ad nos venerunt, una cum venerabilibus fratribus nostris, assistente etiam carissimo in Christo filio Sigismundo Romanorum imperatore semper augusto, multa praeficavimus. Cumque hi oratores in hoc viderentur persistere, ut in civitate Anchona praelati & alii in numero copioso ex utraque ecclesia convenirent, inter quos & praefatus Romeorum imperator adesset; & nos cognosceremus rem hanc, prout petebatur, expensas maximas & difficultates inextricabiles parere, & forsitan sine fructu aliquo; pro tunc cum eis nihil conclusimus, sed ad praefatos imperatorem & patriarcham aliquem mittere deliberavimus, qui negotium huiusmodi cum ipsis plene tractaret, & super eo finale responsum ipsorum imperatorum & patriarchae, ac aliorum suorum intelligeret. Misimus itaque mense Julio anni praeteriti dilectum filium magistrum Christophorum Garatorium secretarium nostrum, graecae linguae peritum: qui post multos sermones cum praefatis imperatore & patriarcha ac multis aliis ex Graecorum maioribus habitos, tandem comperit ipsos omnes id eligere, ut legatus sedis apostolicae cum praelatis & aliis ex nostris doctissimis viris ad urbem Constantinopolim transmittatur, ubi & praelati & alii majores ex ipsis Graecis una cum praefatis imperatore & patriarcha parimodo conveniant; ibique per viam dispositionis, sicuti & alias in sexta synodo factum fuit, veritate patefacta, utraque ecclesia optatum unionis & pacis consequatur effectum. Sic tam ex ipso Christophoro, quam ex litteris imperatoris & patriarchae praedictorum id continentibus plane percipimus. Quodque magis est, carissimus in Christo filius imperator Trapezuntis & plurimi ei adherentes, in hoc etiam pari voto conveniunt. Quae cum per praefatum Christophorum ad nos revertentem delata essent, parato animo acceptavimus. Nam & id plurimum optabamus, quoniam per hunc modum de ipsa unione & concordia bona spes redditur, & multo minori impensa, & D quae tolerabilis sit, opus erit. Accedit ad hoc quod patriarcha Armeniorum, veluti per litteras certas nobis constitit, eo tempore etiam Constantinopolim venturus sit, & in hanc rem pariter consensurus, sicut in Domino bene speramus. Propterea mense Julii praeterito ipsum Christophorum Constantinopolim iterum destinavimus cum nonnullis capitulis, quae menti utriusque partis plane satisfacere videntur; ipsique injunximus, ut secundum ipsorum tenorem cum imperatore & patriarcha ac aliis supradictis omnino concludat: super quo sibi plenum mandatum dedimus, quod pro Dei miseratione amodo factum esse existimamus. Horum siquidem capitulorum copiam dudum per nostros praesidentes ad vos deferri iussimus. Post haec vero dilectus filius Simon Freon nuncius vester, cum vestris litteris conclusa quadam inter vos & oratores ipsorum imperatoris & patriarchae continentibus, ad nos venit, quae legimus diligenter, vestramque affectionem circa tam pium opus in Domino commendavimus. Verum hoc paulum

A admirari cogimur, quod in re tanta & tam gravi, tamque diu desiderata & a nobis tractata, aliud per vos conclusum sit, non solum nobis inconsultis, verum etiam irregularis & in seipsis; praesertim cum ea sint conclusa & promissa quae ex pluribus causis non tantum difficilia, sed etiam impossibilia multis esse videantur; & quae non spem rei conficiendae, sed desperationem potius afferant menti nostrae. Affectionem tamen vestram, ut praemisimus, meritis laudibus commendamus: ex quibus fit, ut ad eam rem diligentius animadvertendum esse videatur. A vobis namque uno modo conclusum est, orator noster forsitan & verisimiliter alio modo conclusit. Quid si uno tempore de eadem re duae variae & diversae fiant conclusiones? Profecto ridiculum erit, & quod magis est, forte ex hac dissentione scandalum pariturum, saltem non parvum dedecus nobis omnibus allaturum. Quid praeterea, si iuxta modum conclusionis vestrae ad eam unionem pertingere, veluti expertissimi viri autumant, impossibile esse contingat, nonne ad pudorem & confusionem cedet totius catholicae militantis ecclesiae? quae ne accidant summo opere cavendum est. Illa igitur media nobis & venerabilibus fratribus nostris S. R. E. cardinalibus eligenda videntur, quae breviora atque expedientiora sunt, & ad ejus sanctissimae unionis finem consequendum magis verisimilia. Haec non ad obvian- dum rebus per vos gestis scribimus, cum & ad eundem finem quem vos optatis nostra tendit intentio; & idcirco nostra parum referat, qua via aut quo medio is finis sequatur. Sed haec ad plenioram informationem vestram: verumtamen ut nostram sinceram & puram voluntatem plane prospiciatis, si omnibus quae supra diximus, per eum modum, quo cum praefatis oratoribus conclusistis, rem ipsam tandem prosequi intenditis, ex nunc pure & libere nostrum, prout petitis, praebemus assensum. Datum Florentiae, anno Incarnat. Dominicae MCCCCXXXIV. XVII. calendas Decembris, pontificatus nostri anno quarto.

## LITTERA DOMINI CARDINALIS

de Urbinis, super materia Graecorum.

R everendissimis reverendisque patribus dominis cardinalibus, patriarchis, archiepiscopis, episcopis, abbatibus, doctoribus & magistris in sacro generali Basileensi concilio congregatis, dominis nostris praestantissimis.

Reverendissimi reverendique patres &c. post recommendationem. Et litteras vestras cum desiderio magno legi, & laetatus sum in his quae dicta sunt mihi per virum utique venerandum magistrum Simonem oratorem vestrum. Nam quid possit esse desideratius, quid optabilius omni Christiano, quam audire atque sperare reductionem orientalis ecclesiae, quae tot jam annorum curricula ab integritate catholicae fidei deviauit? O rem sanctissimam! o factum omni commendatione dignum! o denique piissimum opus, at-



ANNO  
CHRISTI  
1434

atque a patribus nostris per tot saecula expectatum! Profecto multi reges & praefides voluerunt videre quae nos videmus, & non potuerunt. Sed quis dabit mihi ut videam fratres meos sugentes ubera matris meae? Utinam videam hoc antequam moriar! Sed benedixi vos a domino Deo nostro; qui ita fideliter ac attente laboratis in vinea Domini fabaoth, ut vulpeculas demolientes vineam capiat is oratione atque doctrina: qui propterea congregati estis, ut dispersos filios ad gremium communis matris nostrae ecclesiae revocetis. Vere a Domino factum est istud, & est mirabile in oculis nostris. Quod si opera ac diligentia vestra, qui portatis pondus diei & aestus, oves illae deperditae, populus ille Graecorum ad ovile Dominicum revertentur, plane verum illum evangelicum decantabimus, *Mortuus erat & resurrexit, perierat & inventus est*. Ceterum orator vester, homo sine dubitatione honorandus, & prudenter perfecit legationem, & benigne a domino nostro papa extitit auditus. Verum intellecto jam pridem adventu dominorum meorum cardinalium S. Crucis & S. Petri, visum perutile fuit nobis eorum prius praesentiam expectare, quam vestrum ad vos remittere oratorem. Sed quemadmodum tam ex ejus relatione, quam ex litteris apostolicis intueri potestis, dominus noster papa cum maximo religionis favore assensum praebeuit sanctissimae voluntati vestrae. Neque ullis ego possem litteris explicare, quantum cepit gaudium beatitudo sua atque omnis Ierosolyma cum eo, quia talentum dominicum vobis creditum non absconditis in terram ligatum in sudario, sed satagitis cum usura universorum Domino resignare. Sed quid mirum est, si vestrum sanctissimum propositum dominus noster papa litteris suis adjuvat, qui humeris, si posset propriis, oves illas perditas ad ovile catholicum reportaret, boni Pastoris secutus exemplum, cujus ipse vicem gerit, qui animam suam posuit pro ovibus suis. Vos igitur, optimi patres, qui positi estis dare pacem gentibus & illuminare populum Domini, pergite sicut coepistis ad perficiendum tam pium, tamque religiosum negotium, quo nullum majus neque melius excogitari potest. Rogate quae ad pacem sunt Ierusalem, atque laborate, quantum cum Dei adjutorio potestis, qui non derelinquit perantes in se; ut Græcas illas oves jam diu errantes, aliquando reducat is domum, ut tandem unum fiat ovile, quandoquidem unus est pastor. Ego vero ejusdem matris filius, si qua possum vel dicere vel facere pro universalis ecclesiae pace, pro Christianorum salute, pro domini nostri papae honore, numquam laborem ullum, numquam periculum recusabo. Valet in domino Deo omnipotenti, qui mittat vobis auxilium de Sancto & de Sion tueatur vos. Ex Florentia ad diem XVI. Novembris.

Vestrarum paternitatum servitor humilis  
Jordanus de Ursinis episcopus Sabi-  
nenis S. R. E. cardinalis.

## LITTERA QUORUNDAM

Canonorum Albienſium directa ſacro  
concilio, contra electum ejusdem ec-  
clesiæ, &c.

Sacroſanctæ ſynodo Baſileenſi in Spiritu ſancto congregatæ univerſalem eccleſiam repræſentanti.

Reverendiſſimi in Chriſto patres & domini noſtri metuendiſſimi, ſacroſanctam ſynodum in Spiritu ſancto Baſilicæ congregatam repræſentantes, humillima ac devota recommendatione præmiſſa. Cum navis eccleſiæ Albienſis diverſorum temporum curiculis, variis fuerit æmulorum inſultibus agitata, & quaſi, proſe dolor! nunc in præcipitum demergatur, tam priſcorum paſtorum impotentia, quam eorum improvida, taciturnitate, qui ſervili timore perterriti, luporum mortis formidantes, nitidiori eccleſiæ calumniam inferentibus obviare, dominorumque temporalium audaciam compeſcere non auſi ſunt; prope jam ut, niſi divina virtute provideatur, ſileatica ingluvie brevi eam fore demergendam formidamus. Idcirco præſatæ eccleſiæ utilitatem, atrendentes & jaſuram, ad vos, reverendiſſimi patres, in quorum anchora noſtræ ſpei fiducia præſigimus, tamquam ad ſingulare refugium noſtrum, & juſtæ rectitudinis ſtateram conſugimus, ea, qua poſſumus, humilitate ſupplicando, quatenus inſtanti ſi non provideritis, eccleſiæ noſtræ ruinæ ac deſolationi compatiētes, de tali nobis dignemini providere paſtore, qui æmulorum eccleſiæ nitibus rabiſſique tyrannorum moribus contraire ſimul & ſerpentis antiquum venenum peſſiferum, quod jam, per totam quaſi dioceſim Albienſem diſfuſum, populum ſere cunctum porcionibus diſſentionis ac lethalis diſiſionis intoxicavit, propellere audeat pariter & valeat. Et quoniam reverendus pater dominus Robertus Dalphini, qui de regio Francorum genere oriundus, ac illuſtriſſimi principis Karoli Borbonii & Arvernae ducis exiſtit, talis eſt adeoque potens, & tanta tamque egregia virtute præditus, ut ſub ejus clypeo eccleſiæ præſatæ juridiſiionem & libertates valido vigore deſendi, oppreſſamque relevari merito ſperare debeamus. Iterum cum præmiſſa ſemper qua poſſumus humilitate ſupplicamus V. R. P. ut quemadmodum dominus noſter ſummus pontifex, ubi tamquam nullam cujuſdam de Caſſillac electionem juſte caſſavit, divino, ut credimus ſuggerente conſilio, de perſona nobis præſati reverendi patris domini Roberti Dalphini pro paſtore providere dignatus eſt: ita quoque & vos eccleſiæ ſæpeditæ deſolationem, necnon miſerabilem & irreparabilem, quam præſens hæc tempeſtas ei minatur, jaſuram miſericorditer intuentes, ipſum itidem nobis talem hunc virum dignemini concedere in paſtorem. Et quamvis, reverendiſſimi patres, nonnullos nuperime acceperimus de noſtri collegii numero ad ſacroſanctam Baſileenſem ſynodum, ( vos ipſos loquimur R. P. ) ex par-

ANNO  
CHRISTI  
1434

1b. p. 779

ANNO  
CHRIST  
1434

parte totius collegii prædicti litteras destinaſſe ſuper præſentæ antediſti de Caſſillac, quæ nulla fuit, confirmatione electionis, præſentique ipſius mira recommendatione: de mente tamen præſati collegii, quocumque ſint huiusmodi litteræ nomine commentatæ numquam proceſſerunt, ſed temeraria atque affectata nimis paucorum inſolentia, qui quatenus utcumque vora aſſequerentur, nihil ſunt veriti, quæ collegii non erant, collegio aſcribere, & falſo pro vero titulo fucata, veſtris coram reverendiſſimis paternitatibus præſentare. Qua autem audacia, immo potius dementia ac temeritate, ut de prædictis taceamus, præſumerſint, qui dicunt prædictæ Albienſis eccleſiæ, ſi præſenti huiusmodi fides ea comitatur, utilitatem ſuadere, virtutesque, ſanctitatem ac innumeras bonas artes ipſius fingeré, & ad cœlum utque extollere: quem tamen ſæpeditæ bonorum dilapidatorem atque plane alienatorem, & illi ipſi certius ſciunt & nullum, later, qui illum noverit, ſatis mirari non valemus. Quia vero, reverendiſſimi patres, o pudibunda conditio & cæca atque ambitioſa præſidendi cupido! præſentis noſter, tam enim ſitienti pectore pontificales ardebat honores, litteras precibus præcariffimis & precibus ex circumvicinis communitatibus emit: quæ veſtris coram paternitatibus prædicantes, devotionem, caritatem, & pias ejus in pauperes eleemoſynas jaſtarent, hoc unum de hac ipſa ſua miranda devotione duximus exponendum, quod ſpiritus, qui ubi vult ſpirat, illam tunc, & non ante ejus cordi ſpiravit devotionem, poſtquam bonæ memoriæ dominum Petrum nepotis, noviffimum noſtrum paſtorem, mors ipſa vita privavit, & antea uſque duravit & non ultra huiusmodi devotio, donec ipſam talem qualem quæ dicta eſt electionem adeptus eſt. Et tunc, ſicut propter electionem habendam, cœpit iſta devotio, ita quoque ea adepta, ceſſavit: nec tandem verum eſſe quæſumus in mentes cadat V. R. P. quod commentatores iſti tam inverecunde fabricarunt, præſatum de Caſſillac per majorem fuiſſe capituli partem electum, quoniam de univerſo, qui tredecim erant, ipſa die electionis canonicorum numero, niſi quinque, quorum etiam quatuor voces habere prohibebantur, nulli illum de Caſſillac elegerunt quæ omnia etſi clara ſint, & in partibus in ore jam omni populo, ut ea tamen V. R. P. clariſſe vera eſſe conſtet, nos noſtra fratrumque noſtorum, qui præſentium ſcripturæ conſenſerunt, nomina præſentibus ſubſcripſimus ordinate. Supplices humillime & cum intima cordis devotione, ut præſentibus tamquam veriſſimis fidem adhibentes prædictam humillimam ſupplicationem noſtram habere dignemini recommiſſam, & Altiſſimum ipſi devotius rogabimus per dies noſtros pro feliciffimo R. V. P. ſtatu, quas ille conſervare dignetur feliciter & longæve. Scriptum Albiæ XVI. Novembris.

Sacroſanctæ eccleſiæ devoti filii & V. R. P. oratores humillimi, Johannes de Geyo, Raimundus de Balma, Hugo David, Marcus de Fu-

mello, Hugo de Choulaquet, Petrus d' Anglars, Petrus Bechebion, Johannes Banes, Petrus Scay eccleſiæ Albienſis canonici.

ANNO  
CHRIST  
1434

## EPISTOLA CAROLI VII.

Regis Francorum ad concilium Baſileenſe.

*Scribit in gratiam Roberti Dalphini  
translati per papam ad Albiensem  
episcopatum.*

**S**acroſanctæ ſynodo Baſileenſi in ſpiritu ſancto congregatæ Karolus Dei gratia Francorum rex, ſalutem in eo qui eſt omnium vera ſalus.

Cum ſanctiſſimus pater noſter papa modernus dilectum & fidelem conſanguineum noſtrum Robertum Dalphini, tunc episcopum Carnotenſem, ad eccleſiam tranſtulit Albiensem, tam intuitu meritum, quibus novit ipſius noſtri conſanguinei perſonam adornari, quam ad requæſtam noſtram, noſtrique contemplatione: de qua quidem tranſlatione prædictus noſter conſanguineus nos per bullas ipſius ſummi pontificis informavit, & conſtare fecit; quarum virtute, ut moris eſt, recepimus ſacramentum fidelitatis, ad quod nobis tenetur ratione temporalitatis ſui prædicti Albienſis episcopatus, & eodem poſtmodum noſtras contulimus regias litteras ſuper hoc neceſſarias & opportunas; feceritque inſuper ipſe Albienſis episcopus per certos ſuos officiarios ad hoc expreſſe per ipſum deputatos, bullas apotolicas capitulo & habitantibus ipſius Albienſis civitatis præſentari, requirentes admitti ad episcopatum ipſum & paſtorale officium exercendum: quod ſibi fuit denegatum per dictum capitulum, prætextu cujuſdam electionis in diſcordia, ut fertur, factæ de perſona cujuſdam B. de Caſſillaco ad obtinendum provisionem: ſuper qua provisione & contradictione ipſe noſter conſanguineus ſuos deſtinavit nuncios tam apud prædictum ſumum pontificem, quam nos; quam provisionem ex noſtri parte eidem in forma juſtitie conceſſimus, ad informationes fiendas ſuper inobedienciis & rebellionibus contra noſtra mandata & litteras factis. Etiam ſibi providit ſæpeditus ſummus pontifex, ex parte cujus de Caſſillaco contra executores ipſius provisionis tam ſummi pontificis quam noſtra, fuit via facti proceſſum, taliter & in tantum, quod per quosdam complices ipſius de Caſſillaco executor litterarum ſummi pontificis, captus fuit & carceribus mancipatus, prout adhuc eſt, in maximum dedecus eccleſiæ & vituperium; & quidam noſter ſerviens executor litterarum dictæ provisionis, interſectus, in noſtri contentum & læſionem juſtitie: de cujus quidem ſervientis morte intendimus reparationem facere fieri prout caſus exigit. Et quia noſtra intereſt ipſam Albiensem eccleſiam ſub manu potenti & nobis fida, prout eſt ipſe noſter conſanguineus, cujus factum habemus non im-

15. p. 772.

me-



ANNO  
CHRISTI  
1434.

merito specialiter recommissum, quia ex nostri processit genere, regi & gubernari; vos toto cordis affectu requirimus, quatenus nostri consanguinei velitis habere specialiter recommissam, impedimentum illud quod occasione electionis ipsius de Cassiliaco, aut alias in sua praedicta translatione foret appositum, penitus tollendo: ut inconvenientibus, quae ex praedictorum impedimentorum causa seu occasione evenire possent, ecclesiae & patriae Albiensis occurratur, in praemissis debitum vestram exercentes, & nos singularem complacentiam facientes, prout vobis enarrare poterunt dilecti consilarii nostri & ambasciatores nostri parte, quibus super his scripsimus, &c. Datum Pisavis die XXIV. Novembris.

Karolus.

EPISTOLA EPISCOPORUM

Provinciae Narbonensis ad concilium Basileense.

*Scribunt in gratiam translati a sede Apamensis ad ecclesiam S. Pontii Thomeriarum.*

ib. p. 774.

**R**everendissimis in Christo patribus & dominis, dominis in sacro generali concilio Basileensi existentibus, universalem ecclesiam representantibus, dominis nostris metuendissimis.

Reverendissimi in Christo patres & domini metuendissimi, humillima & devota commendatione praemissa attendentes, reverendissimi patres, quantum omnium interest circa conservationem tranquillitatemque publicae rei intendere, qua nihil utilius fore majoribus recta existimatione visum est, nobis ex ipsis moveretur (neque amplius nostros affectus continere possumus) ad declarandum V. R. P. ea quae forsitan sibi usquequaque nota non sunt: quae si prius animadvertissent, nullo pacto ambigimus, quin rerum damnanda novitas jam pridem sepulta fuisset; sed cum nihil effici potuit, quod posthac adhuc expleri non queat. Quippe si fero queramus, non tamen omnis remedii spes in nobis moritur. Novimus itaque, reverendissimi patres, multis ab annis ecclesiam S. Pontii Thomeriarum provinciae Narbonensis, apostolicae sedis multifarie reservatam, per felices & bonae memoriae dominorum tum cardinalis S. Marci, tum patriarchae Alexandrini obitus, qui ipsius ecclesiae administrationem tenuerunt in commendam, nuper reverendo in Christo patri & domino G. tunc episcopo Apamiarum patri, quem quidem ampla litterarum cognitio, morum gravis honestas, clarique ingenuitas sanguinis pastoralis cathedra dignum esse comprobant, a sanctis-

imo domino nostro summo pontifice motu proprio fuisse collatam: itaque ut singulis perquisitis hujusmodi de eo factam translationem irrefragabile opinemur, si potuit apostolica sedes de ad eam spectantibus disponere. Verum profecto comperimus, unde incolumitatis provinciae bonique communis contemplatione gravissime conturbantur, impedimenta quae nonnulli (a) religiosi ipsius ecclesiae, sub ejusdam praesentis electionis colore, in dispositionem & voluntatem apostolicam inicere moliti sunt, prout & quotidie opponere attentant: quae certe aequioribus animis ferenda forent, nisi acrioribus detrimentis resecta essent, atque tolerabilibus permittenda, si commoditati quaeque rei utilia viderentur. Si quae, qualia, quantaque sint animadvertant V. R. P. circa apponenda matura remedia vigilare minime gravabuntur. Hi quippe, qui praefato reverendo patri adversari nituntur, ubi potuerunt, ubi pro tota facultate valuerunt, diversis ex generibus hominum armatos congesserunt, qui viis exquisitis & quibus potuerunt viribus, villas, castra & oppida praefatae dioecesis S. Pontii hostiliter ingressi sunt, pene vel nullam quam restauranda, damnis partes affliciendo finitimas, indigenas etiam & incolas truculentis gladiis occidendo: quo quid impius, quidque remedio iustitiae dignius vestris cum sapientis judicate, reverendissimi patres. Ibi quidem, ut breviter res gestas exponamus, ne magis accusatores infesti videamur, quam provisionis iustitiae zelatores, tanta fuit immanitas, quod nisi succurrente iustitia mitigetur, haesitamus ne vindicem defensorem, qui vim vi repellat, & armis arma retundat, exurgere oporteat. Ut igitur diutissime inusuetis & nimis atrocibus tyrannis non modo praefata S. Pontii, sed & nostrae dioecesis ipsaque patria multis in modis affecte liberentur, tranquillaeque pax incolas fugitivos & peregrinos formidolosos contineat, faciat atque securos, pio intuitu dignentur V. R. P. remedia mandare opportuna: quoniam quidem nisi iustitiae virtus hujusmodi ausus temerarios molificet, verisimiliter dubitamus, ne praefatus dominus episcopus, quem & sensu & consilio, viribus & amicis, dominisque complurimis strenua & altissima vi valentibus, non minus validum & potentem, dum non amplius in perniciem sui totiusque provinciae patientiam longiorem ferre poterit, valida virtute resistendo impugnet, quo magis verendum sit, ne dolor toti provinciae acerbior accrescat: & jam fortasse ad ulteriora processissent, nisi sperata V. R. P. deberent praeter antidota. Quae enim difficultas rerum est, quam non putemus V. R. P. dissolvere posse? Omnia certe vestras penes sapientias sunt, quibus opportunitati regum consulendum est. His igitur rebus lassus & tristibus finem vestris providentiis imponite, & id causae quod tractandum superest inter vestra altissima & rectissima iudicia pia cura celeriter absolvide, ut sic diu quaesitus terminus ju-

(a) Quippe ecclesiam cathedralem obtinebant monachi Benedictini, etiam post erectam abbatiam a Johanne XXII. in episcopalem sedem.

ANNO  
CHRISTI  
1434.

ANNO CHRISTI 1434. iustitiæ appareat. In hoc etenim, reverendissimi patres in Christo & domini metuentissimi, aggravata provincia & desolata ecclesiæ maxima in parte succurrent V. R. P. ad quarum iussa & beneplacita exequenda, pro tota hominis facultate nos præsto paratos sincera devotione offerimus; quas Altissimus felices, prosperas & longævas ad sanctissimâ cœpta perficienda dirigere & conservare dignetur. Ex Narbona (a) XXVI. mensis Novembris.

Jacobus de Gaudiaco vicarius Narbonensis.

G. episcopus Carcassonenfis.

P. episcopus Electensis.

G. episcopus Biterrensis.

Jo. episcopus Agathensis.

L. Nemausensis episcopus.

P. episcopus Lodovenfis.

Jo. de Grangia vicarius Magalonenfis.

G. vicarius Uticensis.

### PETITIONES SERENISSIMI

Domini imperatoris supprime . . . . .  
congregationem ad deliberationem  
sacrarum deputatorum desin-  
nata sequuntur.

P. 776. **P**rimo serenissimus dominus imperator a V. R. P. instantissime petit, quatenus sic agatur, ut particularibus negotiis præmissis, quæ hoc sacrum concilium jam pluribus annis tenuerunt occupatum, ad generalem tam in capite quam in membris reformationem, pro Dei reverentia amodo sine ulteriori dispendio & mora in hoc sacro concilio procedatur.

2. Item, ut provideatur ne dissolutio sacri concilii vel etiam ipsius loci translatio, etiam propter Græcos, quovis modo admittatur, nisi ea propter quæ concilium ipsum est congregatum fuerint convenienter prius expedita. Hujus enim concilii dissolutio totius status ecclesiastici erit destructio, nisi dissolutio hujusmodi dissolutionem præcedat morum reformatio.

3. Item, ut sanctissimus dominus noster papa, qui omnia quæ sacrum concilium voluerat fecit obedienter & devote, in cunctis plus solito veneretur; & quod summa diligentia fiat, etiam cum censuris ecclesiasticis, si necesse fuerit, pro recuperatione dominiorum terrarum & bonorum sanctæ Romanæ ecclesiæ sibi ablatorum.

4. Item, quod cum illi duo gladii, de quibus in evangelio: *Eccæ duo gladii*, secundum sacros canones sibi invicem auxiliari teneantur; & sicut gladius temporalis, videlicet auxilium brachii secularis invocati, gladio spirituali, censuris videlicet ecclesiasticis, sine difficultate semper succurrere solet: ita etiam hic provideatur,

Concilior. Supplem. Tom. IV.

A quod gladio imperiali vel temporali spiritualis gladius quandoque vice versa succurrat; & hoc merito fieri debet, quia invocatio brachii spiritualis est rarissima, sed temporalis quotidiana. Per hujusmodi invocationem brachii spiritualis censura ecclesiasticæ, quæ hodie in Christiano populo satis sunt vilipensæ, & ubique non timentur, maximam in populo auctoritatem & vigorem utique ex hujusmodi imperiali vel temporali invocatione resumunt. Statui ergo ecclesiastico bene convenit, ut auctoritas ecclesiæ universalis suum gladium sine difficultate in adiutorium temporali vel imperiali gladio jungat. Et hoc firmabit inter sacerdotium & imperium indissolubile vinculum unionis & caritatis.

5. Item, ut causæ profanæ ad forum ecclesiasticum non pertinentes, quæ per simplicem querelam vel appellationes ad concilium vel iudicem ecclesiasticum passim introducuntur, in foro ecclesiastico non tractentur, sed ad domini imperatoris vel alterius temporalis iudicii sine difficultate remittantur, ne exinde magna inter ecclesiasticum statum & sæcularem suspicata turbatio surgat.

6. Item, ut hoc sacrum concilium Basileense procedat in antea per nationes ad instar concilii Constantiensis, a quo dependet concilium præsens, vel ad instar conciliorum antiquorum instaretur. Laudabilis enim finis horum omnium, propter quæ concilium præsens est congregatum, citius per processum nationum, quam aliter & sine consuetis his discordiis, propter rationes in sequenti carta informationis ipsius domini imperatoris contentas, summiter speratur haberi. Talis igitur hic processus est merito institutus.

### IMPERATOR AUGUSTUS

Per nos nuncios sue majestatis pro nationibus sepe sacrum concilium alloquutus, ut omnem diligentiam faciat, nihil omitiendo, singulas exhortatur deputationes, ut suis consendant precibus, eas humiliter alloquitur ut sequitur.

**P**ostquam divina dispensatione ad generalem universi Romani regni curam præfissi sumus, animum ac diligentem operam continue ad hoc convertimus, ut quantum possemus, ministerio nostro, quo in primis obligamur, religioni nostræ & universali ecclesiæ Christi satisfaceremus, pro quo diligenter impendendo merito cuncta terrena parvipendimus. Et hæc vobis spatribus, nota sunt. Nunc vero licet post inutiles labores fervor tepescat, plerumque tamen in nobis eo plus ardet ad sanctam ecclesiam devotio, quo cognoscimus ex senio sui propin-

Ibid.

A 222

(a) Quo anno scripta fuerit hæc epistola non indicant hic episcopi, at scriptam fuisse anno 1434. probat Godefridus de Pompadour episcopi Carcassonenfis ipsi subscribentis obitus, qui anno 1435. 2. januarii contigisse dicitur. Et tamen Gerardus Appamæ adhuc sedebat anno 1436. Tomerlensem autem cathedram obtinebat 1438.



ANNO  
CHRISTI  
1434

1107

BASILENSE G. CONCILIUM.

1108

ANNO  
CHRISTI  
1434

pinquando, præmium summæ gloriæ abundantiore gradu illum adepturum, qui reipublicæ Christianæ seipsum perseveranter impertitur. Vestigia sanctorum imperatorum, insequentes, vestro sacro conventui, ut promotor publici boni & ministerialis sollicitator ecclesiasticarum rerum aliquandiu interfuisimus, egimus nobis possibilia, & ea fidelitate qua ecclesiæ & sacerdotio verus adlocutus sumus, pericula, quæ ecclesiæ vocatus obligatur: pericula, quæ ecclesiæ statum ruiturum brevi pronunciant, aliquotiens per nos & nostros aperuimus, ac causam ejus, pura morum foeditatibus deformitatem tolli suppliciter pro vestra ac Christiani populi salute sumus deprecati; & postquam plerosque Deo devotos patres adeo affectos invenimus, quod suæ salutis & nostris instantissimis exhortationibus studium diligens adhiberent, nihilque proficerent; causam impediendi sciscitantes, compertum ordinem deputationum concilii pro expediendis tractandis, fini reformationis non recte servire, cum regionum & pariarum diversitas sit causa rationabilis, & iusta canonem morales immutandi aut mitigandi; ita raro posset consultatio introduci in tollendis deformitatibus, quæ ex concordia voto variatum deliberationum conclusionem caperet, & si quid displiceret, maxime directibus primis, facile suffocatur; & ita dum quisque, ut est loquitur, Italus ut Italus, Germanus ut Germanus, Gallicus ut talis, & sic deinceps, non potest una communis educi sententia, in rebus illis, quæ in particulari per omnes exequi debet in persona: de rebus vero quæ ad communem omnium nationum partem aut ad omnem fidem, quæ in animo est, pertinerent, possibile foret, per deputationes optime tractari posse nonnulla, quæ particularem vivendi extrinsecum modum respiciunt; quoniam sicut ille ex loco varius est, ita sub una generali concordia regula includi nequit. Et hoc nos, dum in medio paternitatum vestrarum essemus, per multa media curavimus aperire, ne dies vestros inutiles & animos Christiani populi suspensos deperatioribus faceretis. Admiramur admodum quod illa nostra monita, quæ clare pro publica omnium salute fini vestro ob quem in Christo convenistis servire conspici poteratis, non tunc acceptastis: fortassis iudicabant, cuncta tamen majori pace ex instituto vestro ordine dependere. Habebatis enim paratam responsum, quod in causa minime foret ordinis per deputationes ad finem reformationis proportio, sed ob innumeras turbationes, quæ in præterito patres occupatos tenebant, nihil in hoc reformationis negotio actum esse, ac sponte palam asseruistis, nostram maiestatem quam cito reformationis magnam partem audiret. Cogitavimus tunc, quod si hoc accideret, melius eos moveri qui ordinem deputationum ad reformationem conferre dicerent, quam nos expectamus. Itaque non sine maximo tædio, ut is qui in spe apprehendendi desideratum persistit, & pro dolor! nihil tale ad nos delatum est: ex quo conspiciere aliud valeamus, quam quod ex vestro ordine potius major deformatio & turbatio quam spe-

ratus finis sequetur. Si non movent paternitates vestras rationes illæ, quibus nisi fuimus persuadere utile & conveniens fore per nationes progredi ex exemplo venerandorum conciliorum Constantiensis & Senensis, quibus illud vestrum ita sustinuitur est, ut illa censeatur esse in complendo obmissa ibidem, ac aliis multis allegantibus satis aperte utilitatem nationalis processus, & difficultatem alterius ostendentibus, moveamini nunc saltem ex tam diuturna rerum experientia, qua apud unumquemque compertum est: quamvis omnium animus sit promptissimus ad reformationem, ut hoc clamores vestri & protestationes nationum & statuum attestantur, quod nihilominus ex communi impedimento nihil perfici potest. Et hoc quidem impedimentum cum lateat & commune existat, alibi quam in ordine communi nequit inveniri. Cum autem utique nostræ religioni & propriæ vestræ salutis aliquando consulere intendatis, mirandum est in quo hæsteris ista per nationes quaerere, quæ per deputationes nullo pacto post longissimam probam invenire potuistis. Timetis fortassis leves iudicari, si institutum mutaveritis processum? Non est, partes, vitium, si per ingressam viam terminus attingi nequit, per aliam attentare. Non enim ex causa bene necessaria a principio inchoatum continuandum est, si melius pro adipiscendo fine occurrat; dum in exordio ob adversantes se concilium unire & munire vellent, ut persistere & resistere posset, valebat pro hoc sine hic ordo, ut nulla concilii portio intermixta omnibus nationibus quicquam tractaret. Et quoniam iste non est finis concilii, ut semper persistat Basileæ, sed ut operetur mundo promissa, pro illo quidem necesse est media adaptare convenientiora. Si semper Basileæ morari libet, ordinem habetis. Si aliquando promissa cupitis implere & finem dare, docti experientia estis alia via incedendum. Nec vos movere debet quod fortassis divisio in certis nationibus ob temporalem principatum exitit, quia non decet ut spirituales patres hanc causam pro impedienda reformatione adducant. Memoria tenemus dixisse in ultimo conventu P. V. pacem ante reformationem procurari non posse: quia si quis guerram habens viam ad reformationem refutat, pacem, qua dignus non exitit, numquam consequetur. Nec est efficax argumentum; ideo per nationes non est procedendum, quia in prælatis & populo impares numero, æquales in vocibus esse non deberent. Hoc enim argumentum in re communi procederet; ubi autem pro particulari omnium salute agitur, quælibet provincia merito voto suo gaudet; nec est difficultas, si recte inspiceretur. Sunt canonibus in catholica ecclesia, qui sufficienter de omnium moribus disponunt; quod si isti aliquo casu in Britannia potius quam in Gallia sunt mitigandi, ob regionum disparitatem: non deberet pro gratia reputari, quod jam de iure permittitur. Si enim in pleno concilio proponeretur, ita præcipit Nicænum concilium vivendum, & ita Calchedonense, &c. Et hæc est poena canones non servanti; contrahat se quælibet natio & a-

ANNO  
CHRISTI  
1434

& aviset, an canon ad unguem servari possit, vel ne; & an poena sufficiens existat, aut si gravior non servanti infligenda est, & quomodo exsequetur. Certe, si quælibet natio magna aut parva juxta præstitum juramentum secundum Deum & conscientiam, expeditius pro loco & tempore avisaret, sacrum concilium fragilitati unius & fortitudini alterius omnibus consideratis merito condescenderet. Quare cum nunc a deputationibus per nostros legatos omnium salutem imploremus, non debent deputationes pro seipsis, ut deputationes remaneant sententiam dare, sed potius pati, ut in nationes transferantur. Et sic finem propter quem concilium est congregatum, deputationes, seipsas adnihilando, promoveant, ut teneantur. Provisio quod hæc nostra sollicitatio executionis dono & affectione summa, quam ad publicum bonum gerimus, multis est fulta rationibus, speramus indubie non denegabit & nobis complacere, & vobis ipsis subvenire.

Oblata per deputationes IV. Decembris  
MCCCCXXXIV.

## EPISTOLA JOHANNIS

Armeniæ comitis, ad concilium Basileense.

Scribit in gratiam Petri electi abbatiss Bonæ-cumbæ.

**R**everendissimis ac reverendis in Christo patribus in sacro Basileensi concilio existentibus, &c.

Reverendissimi, &c. præambula recommendatione debita cum prompto famulatu vestris parendi mandatis. Memori mente gero qualiter, Spiritu sancto cooperante, vestra intervenierit congregatio in sacrosancta synodo Basileensi ad hæresim extirpationem, reformationem in Dei ecclesia tam in capite quam in membris fiendam, pacem inter principes Christianitatis procurandam. Quam quidem reformationem cupientes, & ad illam anhelantes religiosi et Dei oratores devoti monachi monasterii Bonæcumbæ ordinis Cisterciensis, quod quidem monasterium per prædecessores abbates multipliciter fuit tam in vita quam moribus et regulæ observantia difformatum, dicto monasterio pastoris solatio, desolato, oculos mentis direxerunt in devotum religiosum dominum (a) Petrum de la Combe ejusdem monasterii pro tunc monachum, nunc abbatem per eos regulariter & canonicè in eorum pastorem electum, vita honesta, devota & religiosa, & quamplurimis virtutibus insignitum, et per patrem abbatem confirmatum. Quibus congratulatus insuper fui, respectu præsertim reformationis illi monasterio necessaria; quod incunctanter per domum meam, memoria in contrarium postposita, fuit conservatum et defensum. Percepi ta-

Concilior. Supplem. Tom. IV.

(a) Petrus de la Combe diu contendit cum Astorgio de Savareto, qui cum excommunicari curavit, sed excommunicationem solvit concilium Basileense.

men, ut reor. V. R. P. certiores existere favorem præstare domino Astorgio, provissum se assenti de dignitate abbatiæ dicti monasterii, adversus et contra dictum electum et confirmatum; quod cordi displicenter gessi, formidans dictum monasterium in deformationem reduci solitam, cum jam ad bonam, perfectam et debitam per istum electum et confirmatum pervenerit reformationem; fiduciam tamen gerens firmam V. R. P. animadvertere justum et sanctum propositum reformationis per eandem V. R. P. supplices porrigendo preces et plus quam cariores, quatenus præmissorum intuitu causam dicti electi et confirmati recommissam habere dignemini favorabiliter, ut mei ex parte R. P. V. latius referabitur per dilectum et fidelem consiliarium meum dominum Raymundum Darens decretorum doctorem, Priorem B. Mariæ Deauratæ Tolosanæ, harum exhibitorum, ejus relictibus fidem adhibere dignemini indubiam, ac si in vestrorum conspectu personaliter adesset: mandantes et præcipientes cuncta grata V. R. P. quæ adimplere non differam possit, auxiliium præstante Altissimo, qui V. R. P. incolumes continue reddat. Scriptum Insulæ Jordani, die IV. mensis Decembris MCCCCXXXIV.

Vestris paratus mandatis Johannes, Dei gratia, comes Armaniæ.

C

## EPISTOLA BURGI MAGISTRO RUM

et consulum Leodensis civitatis, ad concilium Basileense.

Adversus Lambertum Datin canonicum Leodiensem.

**R**everendis in Christo patribus et dominis sacrosancto concilio Basileensi præsidentibus, etc.

Reverendissimi patres, pacis Christicolarum fiendæ zelatores, nostris pro posse obsequiis in pacis tranquillitate pro illius amore libatis. Multum erraret a tramite rationis, et viam non cognosceret æquitatis, qui credere præsumeret, quod SS. dominus noster papa modernus vos suos constituisse vicarios ac præsidentes in sacrosancto concilio Basileensi, nisi firmiter præcivisset, quod in vobis vigeret sapientia, regnaret justitia, et consisteret pietas cum plenitudine caritatis. Sane, execrabilis horribilium scelerum \* et multa præsumptio impunitatis \* f. fama. licentiam cuidam Lamberto Datin prætenso canonico ecclesiæ Leodiensis, præstiterunt, ut idem contra fidelem populum eorumque gubernatores civitatis Leodiensis pro fratribus Belial, qui obstinatis animis & colligatis, causis ad exsequenda quæque nefaria velociter currere sunt edocti, neque ad illam crudelitatis facitiam verentur manus extendere, quam politici & justitiæ zelatores timerent incipere vel audire. Verum, quod quandoque pavidi & vecordes redditi,

A a a 2

red-

ANNO  
CHRISTI  
1434

Ibid.

\*supple  
coram vo-  
bis ageret.





ANNO CHRISTI 1434. audiant per tuam sanctitatem confirmari. A  
Quare dignetur tua sanctitas mandare, ut domus congrua pro prædictis parari debeat. Sunt enim episcopi, & qui cum eis veniunt numero forte XVI. Ego, beatissime pater, ut humiliter opinionem meam referam, laudo quam maxime, ut dicti oratores honorifice suscipiantur. Juvabit enim non parum omnis humanitas, quæ juxta morem liberalitatis sanctitatis tuæ erga illos exhibita fuerit. Ab illis equidem non discedam, donec eos Florentiam vel prope conduxero; quandoquidem prior per dietam ad tuam sanctitatem veniam, cujus pedibus me humillime ac devotissime commendo. Ex Venetiis die XXI. Decembris MCCCCXXXIV.

COPIA LITTERÆ AMBASSIATORUM

*Græcorum transcurrentium ad SS. dominum nostrum papam, missæ aliis ambassiatoribus Græcorum in concilio Basiliensi existentibus.*

Ibid. D Omini & fratres nostri. Quando venimus Venetias, invenimus in manibus Filomati litteras vestras, ad quas bis respondimus. Modo reperimus istam personam in Alpibus euntem Florentiam. Iterum scribimus dominationibus vestris cum isto; & sicut scripsimus vobis tunc late propter quid venimus, nunc secundum tempus & locum scribimus vobis breviter. Noveritis igitur qualiter synodus debet Constantinopoli celebrari, prout dominus noster imperator & sanctissimus patriarcha firmiter concluderunt: quæ res redit ad magnam felicitatem nostram; & ad faciendum aliter videmus magnam difficultatem. Fecit ambassiator beatissimi patris litteras notarii cum testibus, & juravit ille quod voluntatis erat papæ & cardinalium, ut fiat concilium in Constantinopoli. Erant autem testes bajulus et doctus et majores Peræ, Anconitani et Calthani; et coram eis juravit dominus imperator et patriarcha secundum consuetudinem suam. Quapropter et nos vadimus ad papam, ut confirmet ea quæ facta sunt juxta commissionem nobis factam. Est autem necessarium, ut super prædictis omnibus habeatur voluntas illius concilii. Vult papa mittere ad concilium, et tunc mittemus D. V. mandatum domini nostri imperatoris, qui præcipit, ut si fecistis, ut fiat concilium in Francia, cum tamen nostræ felicitatis sit ut fiat in Constantinopoli, quatenus festinetis ad rescindendum ea quæ facta sunt, quia totus mundus habet quod concilium in Constantinopoli celebrabitur. Dominationes vestre antequam veniat homo de papa ad concilium, faciant prout scribimus, videlicet ut rumpatur id quod per vos factum est; quia etiam concilium habet difficultatem et impossibilitatem super expensas quas promissit; et ut fiat illud quod desiderant et amant omnes nostri, prout et vos bene nostis. Scribatis nobis ad Florentiam citius quam potestis, ut sciamus omnia. De Florentia scribemus vobis clarius, ut sciatis quæ ibi et nos faciemus. Valet, &c.

COPIA PROCURATORII

*domini ducis Burgundiæ pro pace regni Franciæ.*

ANNO CHRISTI 1434.

P HILIPPUS Dei gratia Burgundiæ, Lotharingiæ, Brabantæ, et Limburgiæ dux, ibid. Flandriæ, Arthesii, Burgundiæ Palatinus, Hannoniæ, Hollandiæ, Zelandiæ et Namurci comes, sacri imperii marchio, et dominus Frisiæ, de Salinis & Machliniæ: universis præsentibus litteras inspecturis, salutem. Notum facimus, quod nos de fidelitate, legalitate & industria dilectorum & fidelium consiliatorum nostrorum reverendissimorum reverendorumque in Christo patrum archiepiscoporum & episcoporum, Constantiensis, Cabilonensis & Nivernensis, ac abbatibus Cisterciensis, necnon domini Johannis comitis Friburgensis & Novi-castri consanguinei nostri, Guillelmi domini de Hooleberg marchionis de Retheling & de Zuffernberg, & magistris Johannis de Fruyno decani ecclesiæ Bisuntinæ, ad plenum confidentes, ipsos consiliarios nostros aut septem, sex, quinque, quatuor, vel tres eorundem commissimus, ordinavimus, & deputavimus committimusque, ordinamus & deputamus per præsentibus, procuratores et ambassiatores nostros speciales & generales; dantes eisdem seu ipsorum septem, sex, quinque, quatuor, aut tribus, quorum tamen alter præfatorum episcoporum Cabilonensis & Nivernensis & comitis Friburgensis, sit semper unus, omnimodam & plenariam potestatem auctoritatem atque mandatum speciale & generale præsentium tenore, vice & nomine nostris ac pro nobis conveniendi & congregandi cum ambaxiatoribus seu deputatis Delphini adversarii nostri, tam coram sacrosancto concilio Basiliensi, quam alibi in loco Basiliensi, ubi avistatum fuerit, super materia pacis universalis totius regni Franciæ, audiendi & nobis referendi ea quæ pro parte adversa ad finem & pro bono pacis hujusmodi aperta, prolocuta & declarata fuerint. Et nihilominus tractandi & concludendi nomine nostro & pro nobis, dum & quando opus fuerit, & eis expedire videbitur, in & super facto dictæ pacis generalis; & intimandi & notificandi pro parte nostra, nos pacem ipsam generalem semper desiderasse atque desiderare, eidemque semper fuisse & adhuc esse intendere paratos; & ad nos non tenuisse, tenere, neque tenturum; quin ipsa pax generalis eveniat. Diem quoque & locum apertos & congruos ad materiæ pacis generalis prædictæ intendendum, & in ea ulterius procedendum, si expediens visum fuerit, & res id exegerit, avisandi, captandi, acceptandi, determinandi, & concludendi abinentias, necnon cessationes guerræ generales totius regni Franciæ, seu particulares de patriis & dominiis nostris cum dicto adversario nostro & dominiis & patriis suæ obedientiæ, tales quales congruere videbuntur, ac eis modo & forma quibus melius, tutius, efficacius, & decentius fieri poterunt, componendi, firmandi, tractandi & concludendi; & nos abinentias ipsas sic con-



ANNO  
CHRISTI  
1435.

conclusas & firmatas approbaturas, tenturos & observaturos promittendi, & de hoc pro nobis se fortes faciendi, ac litteras suas desuper conscribendi & tradendi, & partis adversæ litteras sufficientes, bonas & validas sibi dari et tradi postulandi & obtinendi; promittendi bona fide ac in verbo principis nos rata, grata, stabilia atque firma habere & habituros quæcumque per dictos nostros consiliarios, aut per septem, sex, quinque, quatuor, vel tres eorundem, dummodo tamen alter episcoporum Cabilonenfis & Nivernensis ac comitis Friburgensis prædictorum fuerit semper unus, ut præmittitur, in præmissis quæ nostro nomine & pro nobis intimata, insinuata, avisata, determinata et conclusa fuerint. In cujus rei testimonium præfentes litteras sigilli nostri fecimus munimine roborari. Datum in villa mea de Divione, mensis Decembris die XXVII. anno Domini MCCCCXXXIV.

Per dominum ducem,  
T. Bonessiau.

EPISTOLA AMEDEI

Ducis Sabaudie, ad concilium Basileense.

*De causa ecclesie Lausanenſis.*

Sacroſancto concilio Basileensi, &c.

Ib. p. 787.

**R**everendissimi reverendique patres, domini & amici præcarissimi, devota recommendatione præmissa cum promptitudine filialiter obsequendi.

Nunc reversus de conspectu vestro sacri concilii, dilectus, fidelis consiliarius & orator meus, magister Nicodorus Felti, mihi sua relatione monstravit, qualiter V. P. R. sibi credentiam ei commissam per lectionem litterarum mearum plenarie exponenti liberam audientiam præbuerunt eisdem paternitatibus impertior. Subjungens idem orator, quod per sacras deputationes prædictæ litteræ meæ, prout se dixit intellexisse, debebant avitari una cum debita provisione,

super supplicatis ibidem ac responsione litterali mihi quantocius facienda, quas propter festivitatem modernarum propinquitatem expedire non potuit. Et quia R. P. res, de qua in dictis litteris meis agebatur, videlicet causa ecclesie Lausanenſis, est mihi peculiaris, meque continue stimulant synderesis ac republicæ illius ecclesie & patriæ evidens utilitas, ut ipsam causam non relinquam indefensam, sed potius eam cum omni studio prosequar pro meo & subditorum meorum interesse. Timens igitur ne, sicut jam per partem adversam, & dominos commissarios ac etiam promotores partem facientes, cum omni reverentia loquendo, a tramite iustitiæ in modo procedendi contra mentem sacri concilii, ut verisimiliter credendum est, plerumque deviatum est; interim quicquam inordinatum attentetur, non expectata responsione prædicta, quam de die in diem præstolor: supplicationem meam præfatam prosequens, iterum V. R. P. duxi in his scriptis supplicandum, ut super petitis in eadem, videlicet ne causa prædicta una suspicionum & scandalorum, cum causa mea particulari quam adversus partem prædictam movere intendo, per viam distortam, sed via recta & ordinaria secundum morem Romanæ curiæ in causis beneficialibus observatum, coram uno vel duobus aut pluribus auditoribus ius & iustitiam non ignorantibus, sed scientibus & zelantibus, partibus non suspectis, qui ipsas causas modo præmissis audiant pariter & diffiniant, petens humiliter ita fieri; & si iniuste peto, mihi provisio denegetur. Si autem iuste & honeste, non sum mihi conscius erga sacrum concilium quicquam demeruisse, ut iustitia mihi debeat denegari per paternitates vestras, quarum virtutibus summe confido, quæ, ut spero, super his taliter mihi providebunt, quod non erit opus aliud querere juris remedium. Easdem paternitates vestras reverendas dirigere & conservare dignetur omnipotens ac exaltationem status ecclesie suæ sanctæ. Scriptum, Rippaliæ die XXVIII, decembris anno MCCCCXXXV. a Nativitate Domini sumto.

Devotus & humilis ecclesie  
filius Amedeus dux Sa-  
baudie.

Documenta anni

1435.

EPISTOLA PHILIPPI

Ducis Burgundiæ, ad concilium Basileense.

*Mittit ad concilium novos oratores.*

Ibid.

**R**everendissimis reverendisq; in Christo patribus ac ceteris spectabilibus viris in sacro generali concilio Basileensi existentibus.

Reverendissimi reverendique &c. Post amplissimas & vobis gratissimas exsolutas gratiarum actiones, quod tam cebras & pijs ad ea quæ pacis forent, per honorandos viros magistrum Nicolaum Amici consiliarium nostrum, & fratrem Albertum monasterii Viziliacensis, exhortationes demandatis, vestra monita tamquam dignissimorum ac uti universalis ecclesie mandata devotius amplexati, ad V. R. P. transmittimus dilectos consiliarios nostros & fideles, reverendos in  
Chri-

ANNO CHRISTI 1435. Christo patres episcopos Cabilonensem & Nivernensem, Jo. de Fruyno decanum Bisuntinum in legibus licentiatum, magistrum requestarum hospitii nostri, Jo. Lavantage præpositum Insulensem, & magistrum Eustachium Calculi in medicina doctorem, pro operibus tam sanctis & a nobis omni desiderio aspiratis, perficiendis, omni auctoritate & potestate communitos. Supplicando V. R. P. devotius exoramus, quatenus in tam Deo placentibus materiis vestros labores impendentes, nos nostrosque præfatos demissos ambaxiatores simul & nostra agenda habere recommissos, in tantum nobis intimantes, quæcumque accepta, quæ totis conatibus accuratius perficere curabimus, ut novit Deus, qui vestram sanctam congregationem pro utilitate ecclesiæ suæ sanctæ conservare dignetur. Scriptum in villa nostra Divionensi die prima Januarii.

Humilis & devotus ecclesiæ filius  
Philippus Burgundiæ, Brabantæ  
& Lymburgiæ dux, Flandriæ,  
Arthesii, &c. comes.

## LITTERA SERENISSIMI

Domini imperatoris, missa concilio,  
& lecta in congregatione generali,  
die Veneris XVII. Febr.  
MCCCXXXV.

Mittit ad concilium Conradum de Winsperg tractaturum de rebus Bohemicis.

Reverendissimis, reverendis ac venerabilibus & egregiis in Christo patribus & dominis, sacrosanctæ synodo Basileensi &c. Reverendissimi reverendique in Christo patres, amici & domini, ac venerabiles & egregii, sincere græteque nobis dilecti. Prædictis sacris litteris nostris significavimus vestris reverendis paternitatibus conditiones rerum Bohemiæ, & maxime ea quæ nostræ majestati proxime per Bohemos sunt reportata: quæ quidem, laus Deo, bonum cœperunt principium, cum non mediocri spe votivæ & desideratæ consummationis. Verum quia nonnulli pacis & quietis æmuli forsitan hoc opus bonum conabuntur turbare, ita ut rigore gladii & subsidio illorum, qui se retraxerunt ab eis, venient reprimendi, quibus ut propter extenuationem eorum, subveniantur necesse erit; idcirco, habendo super re illa cogitationes diversas, commissimus nobili Conrado domino de Winsperg nostro & imperii sacri hereditario camerario, fidei & dilecto consiliario nostro, ut V. R. P. in his & nonnullis aliis rebus Bohemicis mentem & desiderium nostrum aperiat. Cui vestræ reverendæ paternitates in dicendis adhibere velint tamquam nobis credentiæ plenam fidem. Datum Posomi die VI. Januarii, regnorum nostrorum anno Hungariæ &c. XLVIII. &c.

Sigismundus Dei gratia Romanorum imperator semper augustus, ac Hungariæ, Bohemiæ, &c. rex.

Ad mandatum domini imperatoris,

Gaspar Sligk cancellarius.

## EPISTOLA CAPITULI

Et canonicorum ecclesiæ Tridentinæ, ad concilium Basileense.

*Causantur de capitaneo Frederici ducis Austria, quod ecclesiasticam libertatem violando, eos ad forum seculare traheret.*

Sacrosanctæ Basileensi synodo, in Spiritu ibid. sancto legitime congregatæ, militantem ecclesiam representanti, &c.

Reverendissimi celeberrimique patres & domini, militantem Christi ecclesiam in sacrosanctæ Basileensi synodo representantes. Quoniam firmiter speramus, & a certo tenemus, quod vester sacratissimus cœtus inter cetera principaliter ad statum ecclesiasticum reformandum, tenendum & defendendum, ipsumque ab oppressionibus & laicorum insolentis & moribus relevandum extiterit institutus. Hinc, viri ecclesiæ sanctæ bases & præsidēs, nos devoti servi vestri capitulum & canonici ecclesiæ vestræ Tridentinæ, ex intimis ad sinum vestrum, velut domum refugii deplorando recurrimus, supplicando, ut tu sacratissime cœtus, sis protectio nostra, locus refugii, & salvos facias nos. Licet enim divina & humana lex, sacer & ecclesiasticus ordo, ab omni jurisdictione seculari, omni laicali potestate nos ceterosque ecclesiastico titulo insignitos constituat liberos & immunes; nihilominus tamen quidam capitaneus generalis in Longo Acheri, illustrissimi principis domini ducis Frederici Austriæ, ad certorum aliorum laicorum instantiam, ad ejus forum suumque vetitum tribunal nos invitos excipientes, appellantes & reclamantes trahere, citando, monendo, pignorando, omni-que auctoritate ecclesiastica, immo imperiali penitus sprete, conatur; licet ad sedem apostolicam & successive ad hoc sacrum fuerit concilium appellatum; licet etiam fuerit apostolica auctoritate & per invictissimum imperatorem tam dicto capitaneo, quam duci Frederico inhibuit, ne nos in alio quam foro ecclesiastico trahi & conveniri permitteret, libertatem ecclesiasticam violando. Attramen non solum continuo nos citare, monere, quin immo post & contra omnes inhibitionem apostolicam & imperialem idem capitaneus non est, veritus nos condemnare & judicare; & quod detestabilius est, in vim iudicii nos & bona nostra hostiliter invadere, & sacrilege rapere.



ANNO  
CHRISTI  
1435.

perce, domos nostras, earumque ostia frangendo, decimas nostras vinorum & aliorum reddituum nostrorum, quæ in villa Terrania R. P. domino episcopo Tridentino pleno jure tam in spiritualibus quam temporalibus est subiecta. Quare pro Dei misericordia, pro auctoritate apostolica & spirituali conservanda, pro tutela & defensione libertatis ecclesiasticæ, quæ iis in partibus, nisi in præmissis debite succurratur, omnino supprimitur, & clerus ecclesiasticusque status ibidem concutatur; quatenus præfato domino duci Frederico ejusque capitaneo scribere, & in virtute Dei & ecclesiæ suæ sanctæ, quam in Spiritu sancto legitime congregari representatis, mandare dignemini, ut dictum suum capitaneum ceterosque suos officiales ab hujusmodi tractionibus ad dictum eorum forum vetitum, bonorum usurpationibus, & hostilibus invasionibus, sacrilegiis, prophaniæque ausibus cohibeat, nosque viros ecclesiasticos sic indebite trahi, molestari, vexari, invadi, & injuriari de cetero non sinat neque permittat: quin immo illa sic attentata revocet & revocari faciat, nobisque rapta et ablata restitui faciat; cum parati simus omnibus, si qui sint qui nos eis prætendant obnoxios et obligatos, coram quocumque competenti iudice aut foro, sancitorum juri, et omne genus cautionis tam de iudicio fidei, quam iudicato solvendo juxta juris exigentiam plenissime satis dare atque præstare, prout etiam dudum pluries nos paratos obtulimus. Datum Tridenti XX. Januarii anno MCCCCXXXV.

Humiles ac devoti servitores vestri capitulum et canonici ecclesiæ Tridentinæ.

#### LITTERA DOMINI DUCIS

*Britanniæ in vulgari suo super factio  
episcopatus Maclovienfis.*

Ib. p. 78r.

**A** Tres reverends peres en dieu, tres chiers et grans amis, les prelatz, et autres tenants le concile a Basle.

Tres reverens peres en Dieu, tres chiers et grans amis. J'escrit presentement a nostre saint pere le pape en faveur de mes chiers bien aimez et seaulx conseillers P. naguerres evesque de Treguier translate a l'evesque de Saint Malo, et Guillaume abbe de Beaulieu mon aumonier en la forme qui s'ensuit: Tres saint pere et mon redoubte seigneur, en me recommandant a votre B. S. tres humblement; vous plaist scavoir, que de present on ma rapporte que votre ditte saintete a puis naguerres translate mon tres chier et bien ame et seel conseiller P. evesque de Trefguier a l'evesche de Saint Malo en mon pais, qui estoit va. E cant par le deceix de feu Amauri precedent evesque dudit lieu de Saint Malo, auquel evesche avoit este eslu mon chier et bien ame conseiller Guillaume abbe de Beau-

lieu mon aumosnier; & ay entendu que vous dire saintete a pourvu a messire (a) Raoul Roland, qui de tous tamps a este serviteur conseiller et allie de ceulx de Blois mes anemis anchiens, qui autrefois me prindrent en trayson, comme assez vostre ditte saintete a peu oir et scavoir, d'iceluy evesche de Trefguier. Si supplie a ycelle vostre saintete, que en considerant la division et inconvenient, qui par le moyen dudit Roland porroit venir en mon pays a grans peril et dangier de moy et de mes subjez, il plaist a vostre ditte saintete pourveoir desdis deux eveschies a mesdits deux conseillers et non a autres, pour quelconques lettres, que par inadvertence je vous puisse ou pouroit escrire au contraire, et ycelui Roland pourveoir d'autres evesche ou benefice hors de mon pays. Car pour nulle rien je porroit souffrir ne endurer, que en mon pays il ait benefice d'eveschie pour les causes dessus touchees, et croys que vostre ditte saintete bien avisee de ceste matiere ne le voudroit faire. Si supplie a vostre ditte saintete que ainsi luy plaist le vouloir, et ne m'en faillir, et ce faisant, elle me fera tres singulier plaisir, dont a tousiours je luy feray tres oblige et attenu. Tres saint pere, etc. si vous prie tant et si affectueusement comme plus puis, qu'il vous plaist aviser et conseiller nostredit saint pere de descendre et obtemperer a ma supplication et requeste, pour les causes contenues es lettres de nostre saint pere, qui concernent le bien et tranquillite de moy et de mon pays, et ne m'en faillir ainsi que j'en ay en vous tres entieres seurte et confidence. En me signifiant toutes choses a vous agreables et a moy possible pour les accomplir de tres boin cuer a l'aide de nostre Seigneur, qui, tres reverends peres en Dieu, vous ait en sa sainte garde. Escrit en ma ville de Vennes le XXVI. jour de Janvier l'an (b) MCCCCXXXIV.

Le vostre le duc de Bretagne, conte de Monfort et de Richemont.

Jehan manu propria.

Godart.

#### SEQUITUR LITTERA

*communitatis Leodiensis missa concilio  
contra quosdam ciues suos, qui se-  
cerant causam suam committi  
in dicto concilio super con-  
spirationibus, &c.*

**R**everendissimi in Christo patribus et dominis suis sacrosanctæ generali concilio Baileensi præsentibus et sedentibus dignissimis. Ibid.

Reverendissimi patres, justitiæ zelatores, et reipublicæ protectores, humilibus nostris ob-

(a) Hæc epistola nullum sortita est effectum, nam Radulfus Treconensem obtinuit episcopatum quem ad annum 1440.

(b) Incipiendo annum in paschate, alioquin anno 1435.

ANNO  
CHRISTI  
1435.ANNO  
CHRISTI  
1435.

obsequiis cum reverentia debita praelibatis. Prudenter praevidenda sunt mala, ut salubriter bona succedant, offendiculo quoque sublato nocendi, cuius occurrat facilior aditus ad optata. Sane cum dominus noster Eugenius papa modernus, salutis amator, ad ea vos, ut firmiter speramus, duxerit deputandos, quæ sunt honoris Dei, ecclesiæ, imperii, statûque prosperi Christianorum, nec in his vestra, quod absit, neque vestrorum, ut credimus, quæratis commoda, sed dumtaxat piacula Jesu Christi, præsertim præsentī considerato tempore civitatis et patriæ Leodiensis, ne inibi seditiosorum et conspiratorum machinationes dolosæ, quæ sicut nefandum in ipsa civitate alias periculum, et in totius civitatis eversionem nequiter conceperunt, conentur, si facultas assit, ac in ipsum foventur nequitia, nequius consummare. Quippe iniquitas habens arma magis periculi comminatur. Idcirco credimus quod quemdam Lambertum Datyn, ut asseritur in legibus graduatum, machinationis complicem, novarumque malitiarum persecutorem, in ipsum versuti processu versipellem clypeum receperunt; qui nec huiusmodi periculis, neque venerabilis ecclesiæ Leodiensis dominæ fundi, cuius præsentis canonici existit, ingenti status dissipatione penfatis, non cessat callide pro dictis iniquitatis filius arma pollutis digitis, infruniquæ fronte, in fomentum malitiæ præparare: super quibus eisdem paternitatibus per alias nostras litteras, etiam scripsimus. Advertatis igitur, patres pii, si non irascatur per singulos dies dominus, si in grandi sævitia diutius sustinet peccatores, et tandem in eos sævius gladium vibrat ultionis. Quid igitur de conspiratoribus maleficis antedictis, quorum etiam nomina naribus fœrent probis, quique humanæ pietatis impudenter sprete modestia, satagunt apud eandem paternitates malitiæ fomentum atque falsitatis numismata thesaurizare, in hoc se Deo et iustitiæ damnabiliter opposcentes? Et quamvis inspexeritis eos nidum dudum proprium, et ipsis propter eorum malitias alienum, foedo rostro, non sine fallaciis, defœdare; ipsos tamen, quo medio ignoramus, videmus apud easdem paternitates in ipsum dolosis machinationibus injustum, auxilium adipisci. Adverteite, patres, advertite, si hi fines concilii Basileensis sint receptare tales, quos iusta sententia, cuius etiam executio præterquam in certis casibus non differtur, extremo supplicio deputavit. Hoc abhorret sinceritas innocentum, iustorum simplicitas et formidat. Ne igitur eandem paternitatum manus merito inamulatae tactu picis enormis maculentur, supplicamus eisdom quibus valemus precibus sedulis et devotis, quatenus huiusmodi exacerbatum periculorum eventus prudenter et diligenter attento, dictos detestabiles maleficos et conspiratores, super ipsum perniciosis mendacis, veluti de re per iustitiam jam finita iusteque iudicata, et cuius iterum Concilior. Supplem. Tom. IV.

ta examinatio, quin immo sententiæ mutatio adeo foret sanguinolenta, ut unquam bellum in eadem civitate commissum, placeat penitus refutare, ipsis audientiam, qua indigni sunt, salubriter denegando. Ha Deus, quæ spes per tales relinquitur civitati et patriæ antedictis? quæ flamma ex latente scintilla, quantus ex furoris camino fumus surgeret noxie, si prædictorum malitiæ ad votum callidum progredierentur? quin immo tota Europa ex his in admirationem persisteret, omnesque communitates ammirarentur habendo respectum, quantum in hoc sacrosancta Romana ecclesiæ, imperiique celsitudo, dictæ civitatis nobilis ejusdem Europæ partis nomen tam levibus et mendacibus suggestionibus infirmarent, dicerentque quid quærunt malefici, vel cur ad ipsum instantias adeo enormibus consentitur? Verum si, quod absit, preces nostræ per eandem paternitates, prout hætenus, obaudiuntur, ex tunc opus erit, nobisque urgens necessitas cunctis vicinis principibus, communitatibus et universitatibus dictos conspiratores, ipsumque fautores, qualisque fides eis adhibenda sit, elucidare, ut cognoscatur ab ipsis singulisque ipsum suppositis, quo animo, quo zelo, quo liberamine, qua dissimulatione ipsum versutia ponderentur, quodque hi fraudu pacis oppresso, vineam domini fabaoth contendunt, ut neque vulpecula devastare, adeo ut quæ uvæ ferre consuevit gratissimas, labruscas ferat, pro dolor! coecitatis ineptæ: quam speramus, concedente Altissimo, ejus spiramine sanis averti mentibus, qui easdem paternitates dirigit ad lumen veritatis, et prout Christianis convenit et non sinit. Scriptum Leodii XXVIII. Januar. &c. MCCCCXXXV.

Devoti et humiles vestri burgimagistri,  
jurati, et consules civitatis Leodiensis.

## LITTERA DOMINI DUCIS

Sabaudia lecta in congregatione generali die Mercurii IX. Februarii  
MCCCCXXXV.

*Adversus Ludovicum de Paludo episcopum Avenionensem.*

S Acrosancta synodo generali Basileensi in Ibiâ. Spiritu-sancto congregatæ.

Reverendissimi patres domini et amici specialissimi devota recommendatione premiffa. Quia fallacias et injurias domini Ludovici de Palude episcopi (a) Avenionensis nedum suspecti, verum etiam hostis mei notorii, et fautorum suorum diu supportatas, deinceps tolerare mihi non licet, si de crudelitate notari non vellem, sibi dirigo litteras opportunas, quarum tenorem V. R. P. notum esse cupiens, copiam earum coram V. R. P. publicandam feci præsentibus intercludi ad vestra obsequia propolitus et paratus.

B b b b

(a) Hujus episcopi nulla extat mentio in vulgatis indicibus episcoporum Avenionensium, sed neque in novissima Gallia Christiana editione.



ANNO  
CHRISTI  
1435.

tus. Easdem V. R. P. conservare dignetur omnipotens ad dirigendos gressus fidelium et infidelium per viam pacis et salutis, prout ad hæc vocati estis. Scriptum Rippaliæ die 1. Februarii MCCCCXXXV.

Humilis et devotus ecclesiæ filius  
Amedeus dux Sabaudia, &c.

Ravoire.

COPIA LITTERÆ INTERCLUSÆ.

1b. p. 798.

Notum fecit nobis duci Sabaudia ex Basilea relatio certa, quod die Veneris vigesima prima mensis januarii anno præsentis, tam promotores sacri concilii, quam reverendus in Christo pater episcopus Lubicensis, serenissimi principis & domini, domini Sigismundi Dei gratia Romanorum imperatoris semper augusti, Hungariae, Bohemiae, Dalmatiae, Croatiae, &c. regis, domini mei metuendissimi, orator, in publica congregatione proposuerunt ecclesiam & civitatem Lausanensem esse mere imperiales; ex hoc consequentiam, sicut eis placuit, inferentes, quod nullum interesse in causa ipsius ecclesiæ nobis supererat, de quo satis miraremur, si in sacro concilio præsentialiter non essetis. Sed ubi vos & fautores vestros plerumque nobis notos adesse novimus, de præmissis & similibus adinventionibus non miramur, deteriora enim contra statum & honorem nostrum tacita veritate vos & ipsi hætenus fabricastis, tam in conspectu SS. domini nostri papæ ac sacri concilii, pro honoris nostri tuitione per oratores nostros propalata, verum de præmissa nuperima propositione præfatos episcopum Lubicensem & promotores habentes competenter excusatos, ex eo quia non spiritu suo, sed alieno fallaci loquuti sunt, totam culpam super vos culpabilem merito & iuste retorquemus, qui huc usque ad nostrorum statum & honorum ac patrimonii depressionem, quantum in vobis fuit & est, laborastis & continue laboratis. Unde nedum vos jam suspectum habemus, sed inimicum notorium reputamus, & ut sacrum concilium & præfatus dominus orator Cæsareus deinceps vestris clandestinis susurrationibus, qui sub agni specie lupum geritis, non credant, sed veritati. Suis R. P. præsentium copiam mittimus aliis nostris litteris interclusam. Est enim verum & sine quacunque tergiversatione manifestum, quod ecclesia & civitas Lausanensis ac omnia ejus castra, oppida & dominia temporalia atque diocesis citra patriam & terras honorabilium confederatorum & amicorum nostrorum carissimorum Bernensium, Friburgensium, & Solodorensium, intra patriam nostram consistunt; quodque in civitate Lausanensi nos & patres nostri inelyti habuimus, habemus & habebimus, Deo auctore, præter vestrum beneplacitum protectionem conventionalem, jure patrimoniali, supremumque judicium & tribunal appellatum, quæ a iudicibus temporalibus episcopi Lausanensis emittuntur. Quod quidem jus, prout & cetera do-

minia nostra, pro majori parte ab imperiali majestate tenemus, cui & subijcimus, ut sacri Romani imperii princeps & vassallus, erga quam & quod debitam & incontaminatam fidelitatem semper exsequemur, nec erit in facultate vestra, licet ad hoc operam dederitis & detis vestris suggestionibus, inter imperialem celsitudinem & me interponere excogitatum zizaniam, quin in sua gratia continue maneamus. Difficile etiam, erit vobis patrimonium nostrum talibus fabulis nobis minuire, vel auferre, sicut moliti estis, & quia non est parcendum humilitati, quæ ad libitum non potest superbiere, vobis tamquam suspectissimo & hosti notorio, per præsentem ingressum patriæ nostræ prohibemus. Significantes quod si contra hujusmodi prohibitionem ipsam patriam nostram, & maxime Wandî; in qua ecclesia, civitas & cetera dominia ipsius ecclesiæ sunt, vos intrare contigerit, experiemini an ipsa patria Wandî sit in Sabaudia vel Samaria, de quibus præsentem nostras litteras fieri fecimus per subscriptum notarium & secretarium nostrum, penesque nos ad futuram memoriam registrari. Datum Rippaliæ die 1. Februarii MCCCCXXXV.

Hæ litteræ fuerunt præsentata per bisfrionem domini ducis Sabaudia, in plena congregatione inducunt, prout, &c.

LITTERA COMITIS ARMANIACI

Ad concilium Basileense.

Scribit in gratiam electi S. Pontii  
Thomeriarum.

Reverendissimis reverendisque in Christo patribus dominis cardinalibus patriarchis archiepiscopis, &c. in sacro concilio Basileensi existentibus dominis meis præcipuis.

Reverendissimi reverendique in Christo patres.... præponendo recommissionem vestris parendi mandatis cum promptitudine. Satis dominationes vestras hætenus intelligere potuerunt, quanta cum devotione, quantoque sincero affectu semper illud sacrum concilium fuerim amplexatus, quodque ejus decreta atque mandata, ut unumquemque catholicum decet, summa cum veneratione susceperim, eis obsequendo, obediendo, illaque executioni demandando, quantum per me fieri potuit: quæ etiam in futurum firma atque illibata fovere atque conservare intendo, & quantum in me erit ab aliis facere observari. Reverendissimi ac reverendi in Christo patres & domini præcipui, cum pridem ecclesia S. Pontii Thomeriarum Narbonensis provinciae, quæ dominiis meis confinis est, pastoris solatio desolata fuisset, & capitulum diocesis ecclesiæ innitens decretis ipsius sacre synodi, ad electionem futuri pontificis rite & canonicè processisset, per quam electionem salubriter eidem ecclesiæ de idoneo & insuper utili pastore provisum est, & plerique magnates etiam, prælati magis de eorum potentia con-

ANNO  
CHRISTI  
1435.

1b. p. 799.

ANNO  
CHRIST  
1435.

confidentes, quam de bono iure suffulti,  
volentes nervum & auctoritatem decreto-  
rum dictæ synodi infringere ac pessumdare,  
nisi fuerint dictæ electioni, non quidem ju-  
ribus, sed præcipue, quod in viris eccle-  
siasticis detestabilis est, se armis opponere,  
in maximum dictæ ecclesiæ exterminium, &  
totius patriæ grande dispendium, quæ ego  
perpendens, nec ullo modo tolerare valens,  
quod decreta illius sacri concilii aliquorum  
potentia supprimerentur & fierent irrita,  
juxta posse meum, ad defensionem atque  
præsidium dictæ electionis totis viribus oc-  
currere procuravi, quo factum est, ut per  
eos qui dictam electionem eorum potentia  
tyrannica conantur evertere, aliquorum præ-  
latorum de provincia eisdem colligatorum,  
qui cum clericis & prælati sint, & decreta  
sacrorum conciliorum deberent venerari, ip-  
si minus bene de concilio illo sentientes,  
magis favores temporales sequuntur, quam  
ad bonum ecclesiarum intendant; testimo-  
nio minus vero attendentes, sacro coetui  
vestro intimare non erubuerint, quod per  
hujusmodi electionem ecclesia ipsa & patria  
maximis dispendiis & cladibus affecta fuerit  
& afflicta; falsè subicientes, quod his tan-  
tis malis tyrannides se opponentium dictæ  
electioni occasionem præbuerint, non au-  
tem ipsa electio. Mirandum est profecto,  
quod per viros ecclesiasticos ita irritari ve-  
lint sacrorum conciliorum decreta sanctissi-  
ma, in quibus ecclesiarum reformatio &  
status consistit. Sed longe magis admiratio-  
ne dignum est, quod nedum extra concilium  
ipsum, sed etiam intra concilium decreta  
vestra maximos habeant persecutores; quo-  
niam etiam in ipso concilio electio ipsa,  
quam utique decuit, maxime cum iusta sit  
atque canonica, confoveri turpiter & per  
fordem nolint confirmari, per aliquos pro-  
pria sectantes, non autem iustitiæ zelato-  
res; quodque si dominationes vestræ ad ob-  
servationem decretorum vestrorum promptis  
animis & omni studio non assurgunt, quis  
de illis bene sentiet, aut quis de illorum  
observatione curabit? Quod enim ab aliis  
vultis observari, decet primum vosmet ob-  
servare quantum in vobis est. Dignentur  
itaque dominationes vestræ pro Dei reve-  
rentia & pro proprio honore dominationum  
vestrarum, taliter ad causam hujusmodi e-  
lectionis animadvertere, quod hi qui sub con-  
fidentia decretorum vestrorum ad provisio-  
nem saluberrimam dictæ ecclesiæ induti  
sunt, eorum spe & fiducia non fraudentur,  
& de decretis ipsius sacri concilii, ac de his  
quæ contra ipsa decreta in ipso concilio fa-  
cta sunt, turpiter & per fordem patria ipsa  
non scandalizetur: Ego tamen decreta ipsa  
quantum in me erit intendo usque ad api-  
cem observare et facere observari, etsi per  
per aliquos turpiter et iniuste irrita fieri  
vellent, nisi per totum sacrum concilium  
aliter fuero certioratus, præcipiendo cuncta  
beneplacita mihi vestris parato obsequiis,  
quæ adimplere juxta posse non desinam,  
auxiliante Altissimo, qui vos incolumes red-  
dere dignetur assidue. Scriptum Insulæ Jor-  
dani die VIII. mensis Februarii MCCCC.  
XXXV.

Concilior. Supplem. Tom. IV.

Vestris paratus mandatis Jo-  
hannes Dei gratia comes  
Armaniaci, etc.ANNO  
CHRIST  
1435.

## PROTESTATIO FACTA

Per inclytam nationem Germanicam super  
materia indulgentiarum in factio  
Græcorum, in generali con-  
gregatione, die Veneris  
XI. Februarii MC.  
CCCXXXV.

**C**irca medium indulgentiarum pro sancta  
Græcorum reductione arreptum, ut pro-  
fit proposito, et non obstit potius, fidei et  
statui ecclesiastico, Germanica natio neces-  
saria existimat infra scripta, quibus intendit  
firmiter inherere.

Primo, cum catholicæ fidei causa com-  
munis sit, et onera grandia, oportet per  
universas nationes quæstum liberaliter et  
efficaciter admitti, pro colligenda diffinita  
necessaria summa pecuniæ, subiacis omni-  
bus impedimentis, et suspensis quibuscum-  
que aliis publicis plenariis indulgentiis, ista  
durante.

Secundo, ne timor fraudis impediat exe-  
cutionem, oportet Germanicæ nationi po-  
testatem dari de ordinandis quæstoribus per  
suas provincias, et conservanda pecunia re-  
collecta.

Tertio, ne adventibus Græcis, una na-  
tio se per aliam de comportando excusare  
possit, oportet servari ordinem et æqualita-  
tem: sic quod primo prior in ordine natio  
teneatur secundum ratam contribuere; se-  
cundo loco secunda natio, et sic deinceps  
quælibet natio secundum ratam immediate  
post illam quæ eam ordine præcedit.

Quarto, ne populus sub nomine redutio-  
nis Græcorum decipi per clerum opinetur,  
oportet Germanicæ nationi dari potestatem,  
si non venerint, quæ soluta rata superest  
convextendi in pios, utiles ac necessarios  
publicos usus nationis et locorum ubi fue-  
rint recollecta.

Quinto, ne suspicetur populus inscripta  
infringi, oportet antequam bullæ indulgen-  
tiarum per nationes mittantur, omnia an-  
tedicta solemniter et synodice decerni cum  
decreto irritanti omnes alias ordinationes et  
concessionibus indulgentiarum, mandata et pro-  
cessus etiam apostolicos, præterquam pro  
executione prælatorum; quæ cum sint iusta  
et rationabilia, et ad profectum rei neces-  
saria, natio Germanica non solum consentit  
quod fiant, sed etiam P. V. obnixè de-  
precatur.

Quibus peractis et non alias, natio ipsa  
Germanica, licet pro catholica fide ad de-  
struendam Bohemorum perniciem in retroac-  
tis temporibus multa damna in corporibus  
et rebus passa sit, et pluries maximas sum-  
mas contribuerint tam clerum quam popu-  
lus, adhuc liberali animo pro tam salubri  
augmento catholicæ ecclesiæ se offert ad di-  
ligenter perficiendum debitum suum. Quod  
si hæc fiant, non fiant, cum non videant,  
Bbbb 2  
quin



ANNO  
CHRISTI  
1435.

quin hujusmodi via indulgentiarum potius reductioni Græcorum ac fidei, quoad efficaciam indulgentiarum; et ecclesiastico statui, quoad detractioes popularium, valde obstit, ac etiam cum nullo jure plus astringatur ad admittendum quæstum hujusmodi, quam aliæ nationes, palam suam intentionem insinuat P. V. et protestatur per eam non stare, quominus per viam indulgentiarum satisfaciatur ordinationi sacri concilii pro reductione Græcorum, quam summe fieri optat præmissis observatis.

## LITTERA ALIA

Ejusdem domini ducis, super eadem materia.

Supercriptio ut in alia littera.

De diætâ Attrebatenſi ab ambaffiatoribus regis acceptanda.

ib. p. 300.

**R**everendissimi, &c. Post ultimarum litterarum mearum scripturam, quas nuperime, die videlicet XVI. mensis hujus, paternitatibus vestris scribendas duxi, inter cetera paternitates easdem deprecando, ut ad effectum in regno Franciæ pacis consequendæ, dominum meum regem monere, hortari & inducere dignarentur, & vellent ad diætâ super hoc avifata teneri in villa mea Attrebatenſi acceptionem & receptionem. Post ambaffiatorum meorum ad sacram vestram synodum per medestinatorum scripta, redditus sum avifatus ambaffiatores ejusdem domini mei regis Basileæ præfentialiter existentes, eb eodem domino rege potestatem habere, & expressam in eorum instructionibus facultatem, diætâ hujusmodi pro et nomine dicti domini mei regis acceptandi, si tamen de hoc faciendo per sacrosanctum generale concilium requirantur. Ex qua causa, reverendissimi reverendique in Christo patres & egregii viri, paternitates vestras easdem deprecor, ut prius, affectu, quatenus ad rei tam laudatæ tamque felicitis optatum successum, dignentur eosdem domini mei regis ambaffiatores solemniter requirere, aut requiri facere pro parte vestræ sanctæ congregationis, ut diætâ ipsam dicti domini mei regis nomine recipiant & acceptent. Et nihilominus, sicut per easdem meas litteras vestris paternitatibus requirebam, litteratorie aut per solennes nuncios hortari dignentur & inducere dictum dominum regem, ut ad diætâ ipsam suos ambaffiatores cum requisita potestate solemniter transmittere non postponat: quatenus exinde ad ipsius Deo & hominibus tam placitæ rei celerorem effectum congruentius intendatur. Celebrem cœtum vestrum, reverendissimi reverendique in Christo patres & decoratissimi viri, feliciter & prospere dirigere & conservare dignetur, in cujus estis nomine congregati. Scriptum in villa mea Divionensi die XVIII. Martii.

Ecclesiæ sanctæ devotus filius Philippus Burgundiæ, Brabantiæ & Lymburgiæ dux, &c.

Philippe.

Tronſon.

## BULLA LEGATIONIS

Cardinalium S. Crucis & S. Petri ad vincula.

Eor creat Eugenius legator a latere ad sacrum concilium.

**E**ugenius episcopus servus servorum Dei dilectis filiis Nicolao tituli S. Crucis in Jerusalem, & Johanni tituli S. Petri ad vincula S. R. E. presbyteris cardinalibus, apostolicæ sedis legatis S. & A. B. Dum onus universalis gregis Domini superna dispositione nobis injunctum diligenter attendimus, & quod singulis Christianæ reipublicæ maxime nunc in sacro Basileensi concilio occurrentibus, per nos ipsos debitum apostolicæ servitutis exequi non valeamus, animo revolvimus, nonnumquam viros fide ferventes, dignitate & scientia præditos, & rerum agendarum experientia conspicuos in partem nostrorum & ecclesiæ Romanæ negotiorum assumimus, ut dum tempus postulat, eorum operationibus vires nostras suppletes, ministerium nobis commissum, divina assistente gratia, juxta vires nobis ex alto concessas, executioni mandare possimus. Cumque in sacro Basileensi concilio nonnulla ardua negotia Dei honorem, statum ecclesiæ, & bonum totius reipublicæ Christianæ concernentia, agenda & expedienda incumbant. Igitur vos vitæ integritate & sapientia præclaros, magnitudine, consilii conspicuos, ac in maximis nostris & diætæ ecclesiæ negotiis diuturna experientia comprobatos, legatos de latere cum plena & omnimoda potestate legatis concedi solita, de venerabilium fratrum nostrorum Jordani Sabinensis, Brandæ Portuensis episcoporum, Johannis tituli S. Laurentii in Lucina, Antonii S. Marcelli, Johannis tituli S. Sixti, Francisci tituli S. Clementis, Angeloti tituli S. Marci presbyterorum, Lucidi S. Mariæ in Cosmedim, Prosperi S. Georgii ad velum aureum, & Domini S. Mariæ in via lata, diaconorum præfate ecclesiæ cardinalium consilio, auctoritate apostolica, tenore præsentium facimus, constituimus, & etiam deputamus, vosque ad præfatum concilium pro prædictorum expeditione negotiorum tamquam pacis angelos providimus destinandos. Quocirca circumspeditioni vestræ per apostolica scripta mandamus, quatenus injunctum vobis ministerium hujusmodi pro divina, diætæ sedis ac nostræ reverentia, ad honorem Dei, ecclesiæ, & nostrum, salutem quoque & pacem totius populi Christiani, juxta datam vobis a Domino prudentiam, laudabiliter exequamini, quod ex vestris operibus fructus operari proveniant quos speramus, vosque deinde illam quæ pias causas agentibus su-

ANNO  
CHRISTI  
1435.

ibid.

ANNO 1435. perna retributione impenditur, gloriam consequi mereamini felicitatis æternæ. Datum Florentiæ, anno Incarnationis Dominicæ MCCCCXXXV. XIII. calendas martii, pontificatus nostri anno V. *Subscripta per omnes dictos cardinales prænominationis propriis manibus.*

ANNO 1435. minicæ MCCCCXXXV. XIII. calendas martii, pontificatus nostri anno V.

De curia,

A. Ferrarii.

EUGENII PAPÆ IV. BULLA

Ad concilii Basilijs præfides.

*Ut possint lites componere ortas occasiones electionum & nominationum ad beneficia.*

b. p. 803. **E**ugenius, &c. dilectis filiis Nicolao tituli S. Crucis in Jerusalem, Johanni tituli S. Petri ad Vincula, & Juliano tituli S. Sabinae presbyteris cardinalibus apostolicæ sedis legatis, ac venerabilibus fratribus Jo. archiepiscopo Tarentino, & Petro Paduano pro nobis in sacro Basileensi concilio præfidentibus, S. & A. B.

Cum intellexerimus nonnullos veluti affectantes se electos seu postulatos ad quasdam cathedrales ecclesias... monasteria, vel alias in eis jus competere, alios per nos de consensu fratrum nostrorum S. R. E. cardinalium promotos, ad sacrum Basileense concilium in judicium trahere, ex quibus graves inter eos lites & ipsarum ecclesiarum seu monasteriorum tam in spiritualibus quam temporalibus multa & varia incommoda oriuntur. Nos veluti pacis & concordie inter se dissidentium & utilitatis ecclesiarum ac monasteriorum amatores, volentes his discordiis & dispendiis opportune consulere, vestris circumspiciendis, de quibus plurimam in Domino fiduciam obtinemus, omnes & singulas differentias inter præfatos affectantes se electos aut postulatos, & per nos promotos & alios quoscunque... prædictis sua interesse purantes comple... concordandi, componendi, sopiendi & statuendi, disponendi, obligationes quasque etiam per pensionum impositionem hinc inde communiter & divisim faciendi, ac omnia & singula gerendi ac faciendi quæ ad plenam concordiam necessaria videbuntur aut quomodolibet opportuna, de consilio venerabilium fratrum nostrorum Jordani Sabinenfis, Brandæ Portuensis episcoporum, Jo. tituli S. Laurentii in Lucina, Antonii tituli S. Marcelli, Jo. tituli S. Sixti, Francisci tituli Clementis, Angeloti tituli S. Marci presbyterorum, Lucidi S. Mariæ in Cosmedim, Prosperi S. Georgii ad velum aureum, & Dominici S. Mariæ in Valata, diaconorum S. R. E. cardinalium plenam & integram tenore præsentium concedimus facultatem: ratum & gratum habitari quicquid per vos in præmissis ordinatum, concordatum fuerit & conclusum, idque faciemus, auctore Domino, inviolabiliter observari. Datum Florentiæ, anno incarnationis Do-

Ego Jordanus episcopus Sabinenfis SS.  
Ego Branda episcopus Portuensis SS.  
Ego Johannes tituli S. Laurentii in Lucina presbyter cardinalis SS.  
Ego Antonius tituli S. Marcelli presbyter cardinalis SS.  
Ego Johannes tituli S. Sixti presbyter cardinalis SS.  
Ego Franciscus tituli S. Clementis presbyter cardinalis SS.  
Ego A. tituli S. Marci presbyter cardinalis SS.  
Ego Lucidus S. Mariæ in Cosmedim diaconus cardinalis SS.  
Ego Prosper S. Georgii ad Velum aureum diaconus cardinalis SS.  
Dominicus S. Mariæ in Via lata diaconus cardinalis SS.

# COPIA LITTERÆ

regis Jacobi, &c.

*Adversus electum S. Pontii Thomeriarum.*

**R**everendis in Christo patribus et aliis amicis nostris carissimis in sacrosancta synodo Basileæ congregatis.

Reverendissimi in Christo patres & domini honorandi, devota recommendatione præmissa. Sæpe & nimium R. P. fuimus persuasi errores iniquorum patienti sub taciturnitate pertranhite, ea spe freti, quod reducere ratione, suos animos ad meliora converterent. Sed nobis cernentibus, quantum in dies accrescat malignandi affectus, nedum in privati, sed communis boni multiplici detrimenta, visum est preces nostras diutissime nos penes otiosas in præfentiarum ad V. R. P. emittere debere, tanto profecto exaudiendas facilius, quanto plus pro integritate publicæ rei intercedunt. Quas ut aliquando aperiamus, a quo primum exorte sunt eadem paternitates advertant. Nuper siquidem ecclesiam S. Pontii Thomeriarum, provincie Narbonensis multis ab annis apostolicæ sedi specialiter reservatam, cum per felicis memorie dominorum tum cardinalis sancti Marci, tum patriarchæ Alexandrini obitus, qui ipsius ecclesiæ administrationem tenuerunt in commendam, nuper reverendo in Christo patri domino G. (a) tunc episcopo Appamiarum, patri quidem, quem morum probata honestas, sanguinis claritas, litterarum cognitio cathedra pastoralis dignum comprobans, SS. dominus noster papa motu proprio contulit eodem modo, ut singulis districte examinatis hujusmodi de eo factam translationem irrefragabilem putemus, si potuerit apostolica sedes de ad eam spectantibus disponere. Verum profecto compertimus, unde incolunitatis provincie bonique contemplatione communis vehementer conturbamur, impedimenta quæ nonnulli præfatæ ecclesiæ S. Pontii monachi, subculdam præsentis electionis umbra, in disposi-

1b. p. 803.

(a) Gerardo, qui tamen adhuc anno 1436. Appamiensem obtinebat episcopatum.



ANNO  
CHRISTI  
1435.

sitionem & voluntatem apostolicam injicere moliti sunt, prout & quotidie opponere nituntur, æquioribus quidem ferenda animis, nisi acerrimis præjudiciis referta forent. Si quæ, qualia, quantaque sint animadvertant V. R. P. circa apponenda matura remedia parumper invigilare minime gravabuntur. Hi quippe collectis sanguinum viris in villas castra & oppida præfatæ dioeceseos S. Pontii hostiliter congressi sunt, pene vel numquam reparandis damnis partes afficiendo finitimas, indigenas pariter & incolas truculentis gladiis occidendo; quo quid inhumanius, quid impius, quid justitiæ remedio dignius vestræ prudentiæ recenseant. Ibi enim, ut brevius res gestas exprimamus, ne magis infecti accusatores, quam providentis justitiæ zelatores videamur, tanta fuit effrenata immanitas, quod nisi succurrente justitiâ perdometur, necesse videmus vindicem defensores, qui arma armis repellat, vim vique retundat, exurgere oportere. Ut igitur infestis atrocibusque nimium tyrannis, non modo præfatæ dioeceseos S. Pontii, sed & circumjacentes partes multis affectæ incommodis liberentur, tranquillaque pax incolæ fugitivos & peregrinos formidolosos contineat faciatque securos, nostræ quoque terræ contiguæ quietiori pace congaudeant, pio & æquo intuitu eadem vestræ reverendæ paternitates remedia mandare festinent opportuna; quoniam quidem nisi justitiæ vestræ virtus hujuscemodi ausus temerarios coerceat, verisimilimum est præfatum dominum episcopum, quem & sensu & viribus & amicis dominisque complurimis grandi virtute valentibus potentem novimus, dum non amplius in perniciem sui totiusque provincie longiorem patientiam sustinere poterit, pro tota facultate resistendo impugnare. Certissimum quoque est nos ob nostrarum conservationem terrarum damnatissimos hostes profigare debere, quod fortassis jam pridem effectum foret, nisi expectata V. R. P. dispositio retardasset. Sed constantissima spes consuluit, & recte, ut ad hæcine sananda vulnera V. R. P. deberent præire antidota. Quæ enim rerum difficultas est, quam non noscimus V. R. P. dissolvere posse? omnia quippe eas penes sunt, quibus rerum opportunitati consulitur. His igitur rebus lassis & tristibus, reverendissimi patres, vestris prudentiis finem imponite, & id causæ quod tractandum superest, inter altissima & reatissima vestra consilia pia cura celeriter absoluite, ut sic quæsitus terminus justitiæ appareat. In hoc etenim & aggravatæ provincie, & desolatæ ecclesiæ magna in parte V. R. P. succurrent, ad quarum beneplacita nos præsto paratissimos sincere caritate offerimus, quas Altissimus felices, prosperas & longavas ad sanctissimam complenda coepta dirigere & conservare dignetur. Ex Biterris XX. Februarii.

Jacobus rex Hungariæ, Jerusalem & Siciliæ, &c.

Jaques.

Bourserii.

# BULLA PAPÆ

missa concilio Basileensi in maneria reductionis Græcorum.

Venerabilibus fratribus & dilectis in Christo filiis in sacro Basileensi concilio congregatis.

Acta in congregatione generali v. Aprilis MCCCCXXXV.

Eugenius, &c. Venerabilibus fratribus, Ibid: &c. Salutem; &c.

Jam pridem orator noster, quem, ut alias scripimus, mense Julio præterito Constantinopolim missimus, ad nos reversus est. Cum eo venerunt duo oratores carissimi in Christo filii Johannis Palæologi Romanorum imperatoris illustris, & venerabilis fratris Joseph Constantinopolitani patriarchæ, videlicet dilecti filii nobiles viri Georgius & Emanuel Dissipato germani fratres ad nos destinati. Ex his plane intelleximus, quicquid inter præfatos imperatorem & patriarcham & ipsam oratorum nostrum in re sanctissimæ unionis consequenda actum fuerit. Audivimus inter cetera quanto amore & reverentia imperator ipse sanctam Romanam ecclesiam complectatur, ac dignitatem sedis apostolicæ veneretur. Ex qua re de conficienda illa unionem sanctissimam optimam spem non indigne concepimus. Horum oratorum opera apud nos fuit, ut capitula quæ ultimo Constantinopolim missimus a nobis peterent confirmari, paucis tamen additis, quæ ad rem facere videbantur, assentes nullo pacto ad ipsam unionem deveniri posse per eum modum, quem alias oratores, qui ex Constantinopoli ad nos venerant, vobiscum conclusisse intelligunt. Nos vero, quantum ad ipsa capitula pertinebat, plene respondimus, ostendimusque nullius adjectionis opus esse. Sed capitula illa juxta plenum intellectum ad eam rem conficiendam integre satisfacere; quo factum est, ut præfati oratores in eum modum, quo ex ipsis capitulis declaravimus consentire decreverint, dicentes se ab imperatore & patriarcha præfatis hoc in mandatis habere, ut declarationi & modificationi nostræ, si quam facere nos contingeret, suum præstarent assensum, ob quam rem petierunt iterum præfata capitula sic declarata a nobis confirmari. Nos autem etiam hic modus ad consequendam ipsam unionem melior & aptior immo ferme solus videtur, horum tamen postulationi continuo non acquievimus, obstantibus his quæ per alios oratores apud vos aliter & longe diverso modo conclusa sunt, utpote qui ex omni parte pacem, unitatem, concordiam quærimus. Decrevimus itaque consilio venerabilium fratrum nostrorum S. R. E. cardinalium oratores istos ad vos remittere, & ut circumspeditiones vestræ quæcumque a præfatis imperatore & patriarcha ad nos detulerunt ad liquidum intelligant, ac tandem id possint eligere, quod ad conficiendam servandamque illam sanctissimam unionem melius et commodius accedere videatur, si auditis re-

ANNO  
CHRISTI  
1435.

ANNO  
CHRISTI  
1435.

centisque omnibus quæ hii oratores ad nos attulerint, eorum postulationi juxta modum capitulorum, de quibus supra diximus, annuere censueritis, et nos parati erimus vobis annuentibus consentire, & juxta modum prædictum, qui ut præmisimus, eligibilior et aptior nobis semper visus est, causam suscipere. Si vero juxta modum inter vos et alios oratores conclusum causam hanc prosequi statueritis, nec nos intendimus dissentire, quamvis modus ipse a multis pene impossibilis judicetur. Rogantes omnipotentem Deum, ut quod hominibus impossibile videtur, pro sua misericordia reddatur facile. Ut enim alias scripsimus, nostra parum refert, qua via, aut quo medio is finis sequatur, dum tamen sequatur. Ille autem divinus Spiritus, in cujus nomine omnis sancta synodus congregatur, det vobis id ipsum sapere secundum Jesum Christum, quo æterno Patri gratum reddatis servitium, semenque vestrum cadens in terram bonam, fructum centuplum afferat in patientia. Datum Florentiæ anno incarnationis Dominicæ MCCCXXXV. octavo calendæ Martii pontificatus nostri anno IV.

Jo: de Steccatis.

## ALIA BULLA PATENS DOMINI

nostri pape in qua inferuntur capitula concordata cum Græcis, &c.

p. 866.

Eugenius, &c. dilecto filio Julianò tituli S. Sabine S. R. E. presbytero cardinali apostolicæ sedis legato, ac venerabilibus fratribus Johanni Tarentino archiepiscopo et Petro Paduano episcopo nostro et apostolicæ sedis nomine in sacro generali concilio Basileensi præsentibus, S. et A. B.

Mense præterito dilecti filii nobiles viri Georgius et Emanuel Dissipato una cum oratore nostro, quem Constantinopolim miseramus, ad nos venerunt, per carissimum filium Johannem Palæologum Romeorum imperatorem illustrem, ac venerabilem fratrem D. Joseph patriarcham Constantinopolitanum ad nos destinati, qui nobis quæcumque inter præfatos imperatorem et patriarcham ac ipsum oratorem nostrum acta sunt serio retulerunt; ex quibus tum pro affectione et reverentia, quam ipsum oratorem huic sanctæ apostolicæ sedi deferre percepimus, tum pro modo qui in prædicta venit veluti imperatori grato et toti fere Græciæ accommo de consequenda sanctissima unione spem bonam concepimus; horum oratorum operam fuit, et quidem cum multa instantia, ut capitula quæ ultimo loco Constantinopolim misimus, et quæ infra sequuntur, aliquibus additis, confirmare vellemus: assentes nullo pacto ex modo per alios oratores apud sacrum concilium Basileense conclusio, ad optatam unionem deveniri posse. Nos autem quantum ad ipsa capitula pertinet plene respondimus, ostendimusque alia adjectione, opus non esse; sed capitula illa plene intellecta ad complendam materiam hujus sanctæ unionis plene sufficere. Quo factum est, ut præfati oratores in eum modum, quem ex

didis capitulis declaravimus, assentire decreverint: dicentes se ab ipsis imperatore et patriarcha in mandatis habere, ut declarationi et modificationi nostræ, si quam facere contingeret, suum darent assensum. Et hac de causa petierunt iterum ipsa capitula sic declarata confirmari. Nos vero, etsi modus iste juxta ipsa capitula ad consequendum optatum finem, melior et aptior videatur, non tamen petitioni ipsorum acquievimus, obstantibus his quæ per alios oratores cum ipso sacro concilio aliter et longe diverso modo conclusa sunt. Quamobrem de consilio venerabilium fratrum nostrorum S. R. E. cardinalium, oratores ipsos ad præfatum concilium remittere decrevimus, qui quæ acta sunt referent, ac præfati imperatoris mentem, postulationem, et quæcumque ad rem pertinentia nota facient, ut ipsum sacrum concilium ea omnia intelligens, ad liquidum id possit eligere, quod ad hujusmodi unionem consequendam propius accedere videatur. Si itaque auditis et recentitis omnibus, præfatum sacrum concilium eorum postulationi juxta formam capitulorum, de quibus supra diximus, annuere statuerit, et nos etiam parati sumus assentire, atque in hujus rei eventum vobis de quibus specialem in domino fiduciam obtinemus, cum præfatis oratoribus et aliis, quos pro parte dictorum imperatoris et patriarchæ communiter vel divisim forsitan intervenire contigerit, nostro et apostolicæ sedis nomine promovendi, tractandi, concludendi, et firmandi, ac disponendi et ordinandi juxta ipsorum capitulorum continentiam de prædictorum fratrum nostrorum consilio, auctoritate, apostolica, plenam & liberam tenore præsentim concedimus facultatem. *Tenor capitulorum in forma talis est.*

Sanctissimus dominus noster Eugenius divina providentia papa IV. pro gerenda sanctissima unione, ut supra præmittitur, mittet ad partes orientales, præsertim ad civitatem Constantinopolitanam unum ex reverendissimis patribus S. R. E. cardinalibus legatum de latere, cum prælatis, doctoribus, magistris, & aliis, ut sibi opus esse videbitur, cum ampla facultate agendi & faciendi omnia & singula, per quæ præfata unio & caritas inter orientalem & occidentalem ecclesias prædictas suum plenum consequatur effectum.

Item, quod præfatus legatus cum prædictis prælatis etiam hinc iter arripiet cum galais versus civitatem Constantinopolitanam infra annum, postquam hæc capitula per ipsum dominum papam fuerint confirmata, & iter suum continuabit juxta posse, quamdiu perveniat ad dictam civitatem Constantinopolitanam.

Item, quod serenissimus dominus Johannes imperator, & reverendissimus dominus Joseph patriarcha prædicti interim operam dabunt cum effectu suis propriis expensis, ut qui pro parte sua fuerint evocandi evocentur. Et placet sanctissimo domino nostro quod fiat synodus generalis ex parte ecclesiæ orientalis ex omnibus nationibus ipsi ecclesiæ subjectis seu adherentibus, ita ut infra mensem a die adventus dicti legati ad

ANNO  
CHRISTI  
1435.



ANNO  
CHRISTI  
1435.

civitatem Constantinopolitanam prædictam, omnes qui venturi sunt venient, & præsertim reverendi patres domini patriarchæ, Antiochenfis & Jerosolymitanus, &c. Et statim finito illo mense, procedatur ad proponendum, disputandum, discutiendum & concordandum super differentiis inter utramque ecclesiam.

Item, quod præfatus legatus tamquam legatus sedis apostolicæ suscipietur, tractabitur & honorabitur per dictum serenissimum imperatorem & reverendissimum dominum patriarcham & suos, sicut legati sedis apostolicæ de latere solent suscipi, tractari & honorari. Similiter omnes prælati, doctores, magistri, & alii, qui cum eo venient, tractabuntur & honorabuntur, ut tales tractari & honorari solent.

Item, quod præfatus legatus gaudebit plena securitate & libertate: ita quod libere poterit ad præfatam civitatem Constantinopolitanam venire, stare, redire, quodcumque sibi videbitur & placebit sine ulla molestia, injuria, vel offensa, juxta omnem possibilitatem prædictorum dominorum imperatoris & patriarchæ & suorum, etiam si contingat dictam unionem, quod absit, non sequi; & idem per omnia de omnibus & singulis prælati, & doctoribus, magistris, & aliis qui venient, stabunt & redibunt cum dicto legato, vel separatim ab eo. Inter cetera quod in disputationibus quæ fient, licebit præfatis dominis legato, prælati, doctoribus, magistris & aliis libere proponere, promovere, arguere, respondere, replicare & dicere, quantum & quotiens eis videbitur opportunum, pro intelligenda, declaranda, & consequenda veritate, ut decens est. Et similiter liceat omnibus, qui ex parte ecclesiæ orientalis prædictæ ad disputandum deputati fuerint: ita quod in ipsis disputationibus, propositionibus, & dictis, utraque pars se invicem benigne supportet, & honoret, verbis indecentibus omnino cessantibus, & omnia cum pace & caritate fiant. Nam alias ad ipsam veritatem pervenire impossibile esset.

Item, quod congregatis prælati et aliis ex utraque parte, ut supra præmittitur, procedatur per viam disputationis arguendo & respondendo, ut supra, & ut disputantium moris est, interponendo pro argumentorum dispositione auctoritates evangeliorum & aliarum sanctarum scripturarum atque etiam sanctorum patrum & doctorum.

Item, quod quicquid super differentiis inter utramque ecclesiam existentibus ex communi concordia utriusque partis concludetur & ordinabitur, inviolabiliter servari debeat per utramque partem, & mandetur sub poenis & censuris debitis per omnes subditos utriusque ecclesiæ tam occidentalis quam orientalis inviolabiliter servari & illibate custodiri, sicque ut idem velle & sapere omnes hujusce sanctæ religionis auctori Christo deserviant, & in unitate Spiritus sancti pariter intendant. Datum Florentiæ anno incarnationis Dominice MCCCCXXV. VIII. calendas Martii, pontificatus nostri anno IV.

Ego Jordanus episcopus Sabinensis manu propria subscripsi.

Ego Antonius tituli S. Marcelli presbyter cardinalis propria manu subscripsi.

Ego N. tituli Sanctæ Crucis presbyter cardinalis manu propria subscripsi.

Ego Jo. cardinalis S. Petri ad vincula manu propria subscripsi.

Ego Jo. cardinalis S. Sixti manu propria subscripsi.

Ego F. tituli S. Clementis presbyter cardinalis manu propria subscripsi.

Ego Lucidus S. Mariæ in Cosmedim diaconus cardinalis manu propria subscripsi.

A. de Palazago.

A. de Florentia.

LITTERA DOMINI DUCIS BARRENSIS

ad concilium Basileense.

*Scribit in gratiam Guillelmi electi  
Macloviensis.*

Sacrofanctæ synodo Basileensi dominis & amicis meis confidentissimis. 1b. p. 209

Reverendissimi reverendique in Christo patres & domini amici confidentissimi, cordiali recommendatione præmissa. Jam pridem vestris reverendis paternitatibus innouit, quantum electionis negotium Macloviensis ecclesiæ de persona reverendi patris abbatis de Bello-loco, elemosynarii dilectissimi consanguinei mei ducis Britannicæ, præ cunctis sui ducatus fidelissimi & approbati factæ, cordi habuerit et habeat dictus consanguineus, non ob ipsius electi personam, quin immo etiam propter utilitatem ecclesiæ, ac loci et ducatus sui inimicorum extirpationem, tum etiam cum alias eadem ecclesiâ vacante, in episcopum ejusdem electus unanimiter exiit, nunc siquidem vero secundo videlicet ad eandem ecclesiam per similem electionis viam vocatus existat, negotio hujusmodi non expectato, per dominum nostrum papam levissime repulsam habuit; qua de re ut hujusmodi electionis negotium recensendo juxta vestri sacri concilii decretum, queat accipere libramentum, corde & animo quantum possum affectione cariori deprecor, quatenus laborare placeat, ut dictum decretum per vos celebratum observetur, & suum consequatur effectum, ne tanta dispendia electis et in futurum eligendis filiis de decreto hujusmodi præstentur, & ne occasio amplior pluribus præbeatur, spe amicorum circumquaque dictum dominum nostrum papam circumpositorum per pecuniam preces et munera in vineam Domini obrepere, nec ad personæ delectum attendere (hoc enim ab omni ratione alienum censetur,) si quod in reipublicâ utilitatem editum est, in privarum subverteretur, vigilantissime, si placet, instando apud dictum sanctissimum dominum nostrum papam, postquam sacro concilio statutisque et decretis in eo editis adhæsit, ut non vituperetur opus per eum semel approbatum, ut scandala tollantur, dissensiones, mortes, depræ-

da.

ANNO  
CHRISTI  
1435.

dationes, destructiones et ecclesiarum invasiones vitentur, quæ et quas inde oriri possent, quibus obviare tenemini. Reverendissimi reverendique patres et domini vestra beneplacita mihi significetis, quæ juxta posse, perficere curabo. Eisdem paternitates vestras conservet Altissimus, etc. Scriptum apud Caynonem XXVI. Februarii.

Sanctæ matris ecclesiæ devotus filius dux Andegaviæ, Calabriæ, Barri et Lotharingiæ marchio, etc. comes Provinciæ & Forcalquerii.

Renè.

## EPISTOLA CAROLI REGIS

Francorum ad concilium Basileense.

In gratiam Guillelmi abbatis Belle-loci electi Macloviensis.

b. p. 210.

**S** Acrofanctæ synodo generali Basileensi in Spiritu-sancto legitime congregatæ. Karolus Dei gratia Francorum rex. Amici carissimi et specialissimi, novimus pridem qualiter vacante ecclesia Macloviensi, sub cujus uberibus Altissimo famulando clerus et populus ibi commorantes alliciuntur, per defuncti Amaurici ipsius ultimi pastoris obitum, dilectum nostrum Guillelmum abbatem B. Mariæ de Bello-loco per canonicos illius loci cum ingenti solertia, excusso quocumque negligentia somno, ad eandem, veluti alias, ipsa etiam vacante, infusa Spiritus sancti gratia electus extiterat, ipsum, ad ipsam utique dignum fore electum, de quo suscepimus jocunditatem. Ipse enim est vir utique generosus, vitæ venerabilis, sanctæ religionis, justitiæ zelator, hujus Macloviensis diocesis genitus de majoribus viris, quem præcipue optamus & desideramus in dicta ecclesia præesse, pro felici hominum quiete ac incolarum sicuti pugilem indefectum amplecti. Nam prædecessores & progenitores sui, signanter ille famosissimus strenuus miles Bertrandus connestabulus tempore quo vivebat in humanis regni Franciæ, qui inimicos nostros extirpavit, & tanta bona in dicto regno nostro procuravit, quod perpetuis temporibus, ut ad memoriam redeant (a) servitia sua ad recognitionem erga suos successores tenemus nos obligatos, cujus Bertrandi dictus electus est proprius nepos, hujusmodi auctoritate, electione non expectata, neque examinata, dignovimus episcopum Trecorensis ad eandem ecclesiam Macloviensem per sanctissimum patrem nostrum papam sinistre informatum fuisse translatum, in decreti sacrosancti concilii ludibrium, & ipsius electi excessivam iuramentum, locique ac diocesis antedicti subannationem: quoniam ipse episcopus Trecorensis a tempore quo sedit in dicta ecclesia Trecorensi, ut cunctis hominibus

Concilior. Supplem. Tom. IV.

(a) Ut ea servitia aliquo modo rex compensaret, honorifica eum inter reges Francorum donavit sepultura in celeberrimo S. Dionysii templo, & quidem in eadem qua ipse Carolus humatus jacet capella.

ANNO  
CHRISTI  
1435.

bus totius patriæ innotuit, non profuit, sed præfuit. Quapropter agnoscetes ipsum episcopum Trecorensis nec sibi nec patriæ Macloviensi prodesse posse, rogamus vos quo possumus modo, quatenus dicto elemosynario justitiam ministrari facientes, ipsum in dicta Macloviensi ecclesia velitis facere pacificum, dicto Predru penitus rejecto, & sibi imposito silentio, in quo nobis summe complacebitis. Datum Caynonis die XXVII. mensis Februarii MCCCCXXV.

Karolus.

## EPISTOLA CARDINALIUM

B S. Crucis &amp; S. Petri ad concilium Basileense.

De actis a se & aliis in Italia pro pace.

**R** Everendissimis reverendisque in Christo patribus & dominis, dominis S. R. E. cardinalibus, prælatibus, doctoribus, ceterisque venerabilibus viris in sacro generali concilio Basileensi residentibus dominis merito venerandis.

b. p. 211.

Si jam diu, reverendissimi reverendique, in Christo patres, ceterique venerabiles viri, nullas ad vestras reverendas paternitates nostras dedimus litteras super negotio pacis Italici componendæ, ac super recuperatione terrarum ecclesiæ prædictarum, per alterum ex nobis, qui ad eas partes legatus mitteretur, iusta & optima ratione nobis visum est. Potuissimus enim frequenter errare scribendo, jugiter variato successu emergentium negotiorum, quem nullo certo iudicio vel firmatione comprehendere valebamus. Cœpimus enim post nostrum & Basileæ discessum, apud sanctissimum dominum nostrum de pace agere, quam singulari a vobis mandato prosequendam accepimus. Superioribus diebus paucula quidem de eavestris reverendis paternitatibus scripsimus, spe accenti felicissimorum successuum. Videlicet, ut sæpe assolet, expectavimus pacem desideratam, ab omnibus gratam, jucundam, amabilem: tenemus in manibus, & ecce dum stringimus, elabitur ut murænula, ac si, ut nobis votivum erat, pacem, auxiliante Domino, dedissemus rebus, scripsissemus ordine successive quæ principia, quæ media, qui finis nostrorum tractatum. Sed cum absoluto negotio, post multos labores, spes omnis evanuerit consociendæ pacis, ingrata videtur hora, quæ nihil jocunditatis afferret aut commodi. Unum sane prætereundum non putamus, quod propter regnum Siciliæ, de quo illustris dux Mediolani sedisponit intronizzare in favorem illustris domini ducis Barrensis, non annuente domino nostro, pax ista non potuit consummari. Allegat ipse dominus dux Mediolani, quod hoc facit pro suo honore conservando, propter

Cccc. pter



ANNO  
CHRISTI  
1435.

\* f. pace

pter quasdam conventiones, quas habet cum præfato domino duce Barrensi. Replicat sanctissimus dominus noster, quod sine suo mandato & iussu, nemo debet de terris ecclesiæ ullo pacto se emparare, quovis captato colore vel causa. His postremo hoc sine statuto, venit dominus marchio Eitenis visere sanctissimum dominum nostrum, eique pollicitus est pacem se daturum sibi cum eodem domino duce Mediolani, jamque confestim accedit Mediolanum experturus vires suas, industriam & diligentiam pro hac parte \* firmanda. Illi Deus annuat & dextre assistat. Nobis autem propter peccata nostra hoc explere pro voto non est concessum. De legato autem mittendo altero ex nobis, pro recuperandis terris ecclesiæ, non est visum sanctissimo domino nostro. Sperat enim aliis modis succurrere rebus: quod præster Omnipotens, qui in agendis ad sui honorem vestras dignetur dirigere paternitates. Sanctissimus dominus noster me cardinalem S. Crucis mittit in Gallias, pro pace firmanda. Ego autem cardinalis S. Petri hic remaneo, pro certis bonis causis, statum & honorem ecclesiæ concertantibus, desiderando mandatis R. V. libenter obsequi & parere, quibus nos pariter humiles commendamus. Ex Florentia die XI. Maii.

C. R. P. vestrarum humiles servitores.

#### EPISTOLA ORATORUM

Concilii Basileensis ad imperatorem ad concilium Basileense.

De negotio episcopi Tridentini, Bohemorum, & reformationis ecclesiæ.

1b. p. 813.

I. SACROSANCTÆ, &c. Reverendissimi & reverendi in Christo patres & venerabiles domini, litteram sacrosanctæ vestræ in Spiritu sancto congregationis recepimus, per quam in negotio reverendi in Christo patris & domini episcopi Tridentini injungebatur nobis sollicitudinis studium adhibere. Cui siquidem iussioni, sicut & omnibus per vos præceptis, promptum in nobis fuit obediendi propositum. Sed eo tempore, quo littera nobis oblata est, jam concordiam initam esse communi colloquio ferebatur. Nihilominus eidem domino episcopo in hac civitate præfenti per unum ex nobis vice, omnium dictum est, quale a sacro concilio recepissimus mandatum, & licet, ut dicebatur, jam concordia facta esset, si quid tamen necessarii operis sui negotiis putaret accommodum, significaret hoc nobis; quoniam parati eramus juxta mandatum ipsius sacri concilii apponere partes nostras.

2. De negotiis Bohemiæ, sicut vestris paternitatibus notum fecimus, ad Dominicam in Albis apud Bruinam fuit conducta diæta. Postmodum scriptis nobis serenissimus princeps dominus imperator, quod ad octo dies fuerat prorogata, hortans nos illo ibi adesse tempore, quo & ipse infallibiliter non deesset: quo termino pendente, misit unum baronem Bohemiæ de familia sua nomine Po-

ta, petens illustrem principem dominum ducem Albertum, & nos ad eas accedere majestatem. Nos mox ivimus, dominus vero dux se ire non posse, causis urgentibus impeditum, litteris excusavit. Nobis itaque apud ipsius imperialem serenitatem in Posonio constitutis, de constituendo terminum seu diem conventionis Bruinæ consultationem proposuit, & cum nos pro celeritate fecerimus exactam instantiam, dominus imperator imminere sibi pro negotiis regni Hungariæ impedimenta exposuit. Unde non absque difficultate ad hoc devenum est, quod ad Dominicam ante festum Ascensionis fuit apud Bruinam terminus præfinitus, ad quam nos cum domino duce prædicto ire, dante Domino, prompti sumus. Concedat clementissimus Deus illo in tempore ac loco hæc negotia seicæ sine concludi, pro quo a paternitatibus vestris fieri & mandari fieri orationum suffragia humiliter supplicamus. Inter hæc per Dei gratiam undique audivimus in melius facta disponi. Nam in Moravia duæ obidiones ad evellendum reliquias positæ sunt, & infra Bornuam contra Thaboritas quatuor a baronibus & duæ in proximo fiendæ sunt, aut secundum prædicta nobis forsitan jam sunt factæ: ita quod qui obidebant, obidentur; & qui calcare se posse orbem pedibus præsumebant, nunc vix reclusi fortalitiis sicut securi. Hæc mutatio dextra Excelli. Ipse qui cæperit perficiet, quia Omnipotens nomen ejus.

3. Ceterum illi officio explicari non posset, quanta lætitia resectæ sunt mentes devotorum filiorum; qui ecclesiæ Dei obstant, & ipsi sacro concilio detrahentium opilatæ sunt linguæ, cum diversorum fuit relatione vulgatum, reformationis operi, post antrastus varios cum ordinem datum esse, quo felix conclusio absque moræ dispendio expectatur. Cum pridem apud imperialem majestatem essemus, & relata disposito & scriptaria particio reformationis fuisset (exposita), ipsius serenissimi domini imperatoris, & circumstantium prælatorum, baronum ac ceterorum exhilarata sunt corda, prudentibus vultibus vocibusque, plurimi hoc testati sunt, & spem bonam se ex eodem reformationis opere habere dixerunt. Ideoque paternitates vestras supplicum precum instante cunctorum fidelium voto deposcimus, quatenus opus hoc tam salutare felici consummatione donetis, & orbis Christiani salutem, quæ in manibus vestris est sita, languenti & exoptanti præbete, ne hujus expectationis gaudium evanescat, & opilatæ linguæ, superveniente exiccatione, solutæ acrius inferveant, & auctoritas, & quod lugubrius foret, mala quæ nos gravant, speratis remediis deficientibus, invalescant, & desperata salute, proximum interitum comminentur, quod abesse miseratione divina concedat, atque sacrum dissolvi concilium, nisi terminato negotio Bohemorum in articulis pacis & reformationis facto notabili fructu. Spiritus almus, in cujus nomine congregatum, sicut diversitatem linguarum in unitatem fidei adunavit; ita expositis diversitatibus & differentis cunctis, vos in unum sanctum & Christianum populo uti-

ANNO  
CHRISTI  
1435.

ANNO  
CHRISTII  
1435.

utile propositum firma stabilitate constituat, & ad effectum pro gloria suae majestatis perducatur. Scriptum Viennae, XI. Maii anno MCCCXXXV.

## PETRI FUXENSIS CARDINALIS

*epistola continens concilii Basileensis litteras pro habendis informationibus de vita & sanctitate ac miraculis Petri de Luxemburgo.*

ib. p. 815.

**P**etrus miseratione divina episcopus Albanensis S. R. E. cardinalis de Fuxo nuncupatus, in civitate Avenionensi & comitatu Venasini pro domino nostro papa et S. Romana ecclesia in temporalibus vicarius generalis, necnon in Arelatenſi, Aqnenſi, et nonnullis aliis provinciis, civitatibus et dioecesebus apostolica sedis a latere legatus, venerabili domino Andreae Sanctii decretorum doctori, canonico et sacristae Lombariensis, curiae nostrae causarum auditori, salutem in Domino sempiternam.

Per religiosum virum fratrem Bartholomeum Rubei sadicum conventus Caelestinorum civitatis Avenionensis fuerunt nobis die datae praesentium ex parte sacri Basileensis concilii exhibita litterae tenoris sequentis.

Venerabili Petro episcopo Albanensi, S. R. E. cardinali de Fuxo, apostolicae sedis legato.

Sacrofancta, etc. Venerabili Petro episcopo Albanensi, S. R. E. cardinali, etc. salutem et omnipotenti Dei benedictionem.

Dudum nonnullos cardinales et praelatos alios in sacro concilio existentes deputavimus, qui se informarent de sanctitate vitae ac miraculis, quibus claruisse fertur bonae memoriae Petrus de Luxemburgo olim cardinalis, ut de his probata veritate, sanctorum catalogo annumeraretur. Et quia, ut intelleximus, nonnullae in resita olim habitae informationes in civitate illa Avenionensi esse debent, quae adhibita diligentia facilliter reperiri poterunt: ideo devotionem tuam rogamus et hortamur, ut cum diligentia partes tuas ita interponere velis, quod per opera tua dictae informationes et alia legitima testimonia, quibus comprobari possit vitae sanctitas dicti Petri, recolligantur, et recollecta ad nos transmittantur, ut ea, quae circa praemissa intendimus ad effectum deducere valeamus. Et si in his illam quam confidimus diligentiam adhibueris, nobis certe, ultra meritum quod inde consequeris, rem gratissimam facies. Datum Basileae, XII. Junii MCCCXXXV.

## TENOR LITTERAE REGIS ANGLIAE.

id.

**S**acrofanctae Basileensis synodo in Spiritu sancto legitime congregatae universalem ecclesiam representanti, Henricus Dei gratia rex Angliae &c. & dominus Hiberniae salutem, & votivis in Domino successibus aggressa feliciter consummare.

Praestantissimi patres, sanctae matris ecclesiae pugiles & columna, visis & intellectis vestrae concionis sacratissime litteris credentialibus, quas pridem honorabiles & discreti Concilior. Supplem. Tom. IV.

ti viri magistri Jo. Pulchripatriſ in theologia, & Stephanus de Novaria legum doctores eximii, vestri coetus almiſſici oratores, nobis praesentantur, ac credentia eis desuper commissa, nostrae majestatis in conspectu elegantissime styloque disertissimo seriosius explicata, post deliberationem cum nostris consiliariis exinde habitam, responsiones super avistatis eis tam verbo, quam in scriptis ministrari fecimus, de quibus iidem oratores vestram congregationem sacrosanc-tam plenius informare noverunt: quos tamquam personas multimoda laude dignas, apud vestras sanctitates internis affectibus recommittere precamur, quarum corda omnis gratiae influentiam operans illustrare dignetur Spiritus ille sanctus, cujus intuitu a diu fuistis & citis congregati. Scriptum in palatio nostro apud Westmonasterium, mensis Junii die XIV.

## TENOR LITTERAE DUCIS GLOCESTRIAE.

**R**euerendissimis reverendisque in Christo patribus in sacro concilio Basileensi congregatis.

ib. p. 816.

Sacrofanctae synodo Basileensi, &c. devotissimas filiales suscipere recommendationes & felicissimas gerendarum semper rerum reportare successus.

**C** Sanctis his studiis, quibus, o patres conscripti, sollicitè infudatis, adeo quidem adhuc adhæretque anima mea, ut permaxime velim ea omnia, quae quoquo modo ad promotionem eorum tendere queant, tam celerem, quam salubrem sortiri bonae expeditionis fructum, & ad id studium omne meum, ac operas indefessas ardenti nimis desiderio impartiri. Hujus siquidem continui & immobilis voti mei, ex plerisque rerum indiciiis, quas ante gesserim, vestras, uti reor, paternitates argumenta non latent; sed & ipsius fixi firmique propositi recens satis experientia testis est, dum nuper partes meas non segniter quidem apposui, ut solemnes disertissimique ambassiatores vestri magistri Johannes Pulchripatriſ sacrae theologiae & Stephani de Novaria civilis scientiae professores egregii, ad istud inclytum regnum, transmissi, apud sacram regiam majestatem, benignam utique celeriter, immo citissime audientiam obtinuerunt, qui revera divinas sancti concilii adhortationes sacraque vota excellenti facundoque stylo edisserentes, plurimum apud Deum & homines laudis & honoris & praemii meruere. Hos igitur, amabiles Deo patres, suscipere dignemini, pro meritis recommissos, & quam gratis gratiosaeque invenerint celsitudinem regiam sanctissimis sacri concilii desideriis inclinatam, ipsi pro summa eorum prudentia auctoritateque permaxima, fidem praebere indubiam paternitatibus vestris fas erit, quas ad sanctae matris ecclesiae & suppositorum ejusdem directionem & reformationem felicem inspiret, quaeſo, Spiritus ille sanctus, incujus estis nomine congregati, necnon ut possitis & capitis & membrorum conficere unitatem, sua in vos carissimum dona largiri dignetur. Scriptum Londoniis, sub signo meo IV. Julii. Cccc 2 De-



ANNO  
CHRISTI  
1435.

Devotus ecclesiae filius Humefridus dux  
Glocestriae, comes Pembrochii, ma-  
gnus camerarius Angliae.

RESPONSIONES DATÆ

*Ad mandatum excellentissimi ac Christianis-  
simi principis Henrici Dei gratia regis An-  
glie & domini Hibernia, per avifamentum  
consilii sui, honorabilibus & discretis viris  
magistris Johanni Pulcris in theolo-  
gia, & Stephano de Novaria in iure ci-  
vili doctoribus egregiis, ambassiatoribus  
ad celsissimam suam regiam a sacro Bas-  
ileensi concilio destinatis.*

1b. p. 817. **A**D ea quae pro parte dicti concilii per  
eosdem oratores postulata & petita fu-  
ere, videlicet quod cum ipsum sacrum con-  
cilium novissime fuerit avifatum per illustrem  
principem regiae celsitudinis avunculum ca-  
rissimum ducem Burgundiae, quod ipse exis-  
tens in civitate Nivernensi fuerat requisitus  
per ducem Borbonii & certos alios, ut  
vellet intendere ad generalem pacem regni  
Franciae, & quod tandem praelocutum fue-  
rit de dieta una sive conventionione tenenda  
in villa Attrebatensi prima die iulii proxi-  
me futura: quae dieta & conventio quantum  
ad locum & tempus per ipsum ducem Bur-  
gundiae & partem alteram regiae sublimitati  
adversantem, fuerat acceptata, cum firma  
intentione ad dictam conventionem sive dia-  
tam de principalioribus sui sanguinis & aliis  
suis consiliariis, cum plenissima potestate,  
ad effectum dictae pacis habendae, transmittendis.

Intendatque ipsum sacrum concilium so-  
lemnem ambassiatam ad dictam conventio-  
nem sive dietam aliquos de maioribus trans-  
mittere dicto tempore, & ita concluderit  
in sua congregatione generali.

Quamobrem iidem oratores celsitudinem  
regiam exhortabantur & rogabant in visce-  
ribus caritatis ex parte sacri concilii, ut sua  
maiestas regia dictam conventionem locum-  
que & tempus acceptare velit, ad eamque  
de suis parentibus & consiliariis cum plenissi-  
ma potestate dictam pacem perficiendi mittere;  
atque ubi ex bona dispositione parti-  
tium res solito se gratiorem offert, & sa-  
crum concilium potest opus Deo adeo accep-  
tum efficere, cupit ut maiestate regia sin-  
cerum votum quod hactenus in pectore ges-  
sit, in acceptance dictae conventionis &  
ceteris rei accommodis ostendat.

RESPONSIO AD PRÆDICTA.

1b. p. 818. **S**ublimitas regia sua constanter tenet in  
mente, quod ipsum sacrum concilium  
minime latet, neque latere potest, cujus &  
qualis dispositionis eadem omni tempore,  
fuerit & sit erga ipsum pacis bonum. Ipsam  
namque sui animi dispositionem ad tantae  
rei utilitatem flexam & inclinatam, primo  
beatissimae memoriae papae Martino V. qui  
per medium reverendissimi P. Angliae car-  
dinalis suam fereveritatem ad ipsam pacem  
crebro hortatus est, aperuit & demum eam-

dem repetitis vicibus tam litteris quam etiam  
oratorum suorum Basileam transmissorum,  
ad tractandum, appunctuandum & invenien-  
dum pacem ipsam, plenam potestatem hinc  
inde voce viva eidem sacro concilio inti-  
mavit; patere etiam nihilominus potuit haec  
suae dispositionis inclinatio per reverendissi-  
mum dominum cardinalem S. Crucis, a sede  
apostolica in regnum Franciae ea de causa  
legati transmissi, relationem; qui quantas  
solicitudines et diligencias pro ipsius pacis  
compendio rationabilibus mediis obtinendo,  
regia sublimitas ante haec tempora fieri fe-  
cerat, bene noyit; has quoque sollicitudi-  
num & laborum diligencias ac regiae cel-  
situdinis animi ad pacis bonum inclinationem  
serenissimo principi Sigismundo Dei gratia  
imperatoris Romanorum, & etiam fratri suo  
praeclearissimo, ad idem ab eo postulanti,  
responsiones & scripta regia pluries sibi trans-  
missa, ac etiam duae variae conventiones in-  
ter partes dissidentes appunctuatae, primo  
scilicet apud Aurissiodorum, deinde apud  
Corbolum, quibus idem dominus cardinalis  
intererat plenius testantur.

Praemissis itaque pro regii culminis dispo-  
sitione optima erga pacem huiusmodi haben-  
dam peroratis, sua celsitudo inclytissimorum  
progenitorum suorum, qui pacis et unitatis  
intimi dilectores semper extiterunt, vestigiis  
inherendo, ad Dei omnipotentis laudem et  
honorem, et ad vitandum Christiani sangui-  
nis effusionem, immo pro quiete ac tranqui-  
litate subditorum suorum, ipsum regnum,  
Franciae inhabitantium, et praesertim con-  
templatione et ob reverentiam hortamen-  
torum et rogationum tam sanctissimi patris  
domini Eugenii jam summi pontificis, sub  
eadem re maiestati regiae scribentis, quam  
etiam concilii memorati; et ut realiter fictio-  
ne quavis explosa, ejusdem sublimitas cunctis  
insinuet ea quae omni tempore erga ipsum pa-  
cis bonum gessit, et suo gerit in pectore de  
praesenti, ad locum memoratum suam am-  
bassiatam solemnem, cum potestate plena-  
ria dictam pacem assequendi, effectualiter de-  
stinabit.

Verum quia prout in credentia praebatis  
oratoribus commissa plenius continetur, sa-  
crum concilium ad dictam conventionem sive  
dietam suam intendit solemnem ambassiatam,  
et praesertim aliquos de ipsius concilii coe-  
tus maioribus destinare, maiestas regia sup-  
plicat, quod ipsum sacrum concilium tales  
in hac parte personas illic mittere debeat,  
quae pacis amatores sint, et quae absque par-  
tialitate quacumque circa ipsius pacis bo-  
num suas operas efficaces interponere, et  
indifferentem partes ipsas ea quae pacis sunt  
velint effectualiter procurare.

## LITTERA CREDENTIALIS

*Ambassiatorum domini nostri papæ, venientium ad concilium pro responsione facienda ad proposita per oratores concilii, &c.*

1b. p. 319.

**E**ugenius episcopus servus servorum Dei, venerabilibus fratribus ac dilectis in Christo filiis in sacro Basileensi concilio generali congregatis, salutem, etc.

Mittimus ad sacrum concilium Basileense pro nonnullis arduis negotiis, nostrum et Romanæ ecclesiæ ac sedis apostolicæ statum et honorem concernentibus, dilectos filios Ambrosium ordinis Camaldulensis generalem et magistrum Antonium de S. Vito, causarum palatii apostolici auditorem, oratores nostros ad pacem ecclesiæ sincera voluntate dispositos, et nonnulla alia nostro nomine prudentiæ vestræ exposituros, quibus sive alteri eorum in his quæ referent, fidem indubiam adhibere velitis. Datum Florentiæ anno incarnationis dominicæ MCCCCXXV. X. calendas Augusti pontificatus nostri anno V.

G. de Ymola.

## LITTERA CREDENTIALIS

collegii dominorum cardinalium.

**S**acrofanctæ synodo Basileensi, episcopi, presbyteri, et diaconi S. R. E. cardinales recommendationem et votivam in Domino caritatem.

Ex parte SS. domini nostri summi pontificis præsentium latores domini Ambrosius prior generalis ordinis Camaldulensis, et Antonius de S. Vito palatii apostolici causarum auditor, ad præsentiam P. V. in præsentiam accedunt, quibus nonnulla commissus P. V. nostri parte referenda colloquia. Precamur igitur, ut placeat relatibus eorum tantam nostris fidem per omnia tradere creditivam, ad cuncta semper vestra mandata parati. Scriptum Florentiæ die XXII. Julii MCCCCXXV.

## LITTERÆ AMBASSIATORUM

*sacri concilii qui ioverunt ad Graciam.*

p. 320.

**S**acrofanctæ generali synodo Basileensi in Spiritu sancto legitime congregatæ, universalem ecclesiam representanti, suis dominis metuendissimis.

Reverendissimi reverendique patres, et doctores, et magistri, ceterique domini nostri præstantissimi, debita ac devota recommendatione præmissa. Licet post accessum nostrum ad Venetias opportunitatem habuerimus scribendi; quia tamen propter pestem maxime ibidem urgentem, in maximis perplexitatibus fuimus, de itinere nostro prosequendo non scripsimus. Nunc autem ad alteram partem determinati, notificamus dominationibus vestris, quomodo post multas deliberationes et consilia, deliberavimus ire

**A** cum galeis, non attendentes infectionem, quæ posset, sicut et de facto timetur, contingere in eisdem, Deo nos et iter nostrum committendo. Maluimus enim cum periculo personarum nostrarum, negotia ecclesiæ et vestra secure agere, quam salvis corporibus nostris, aliud querere, per quod impediri aut retardari quoquo modo posset nobis per vos inunctum negotium. Solvimus pro naulo galearum, pro nobis omnibus centum quadraginta septem ducatos; pro expensis vero per diem solvemus ad minus duos ducatos. Omnes autem sumus in galea divi Zachariæ Donati consanguinei reverendissimi domini episcopi Paduani; per illos de banero de medicis fuimus optime tractati. Tam in facto cambii principalis pecuniæ, quam secute per viam Januæ in pera deposuerunt; quam in pecuniis expensarum nostrarum, quas ad omnem requisitionem nostram habuimus et præter votivam expeditionem in facto cambii.... ut præmittitur. Honoraverunt nos ob reverentiam sacri concilii et paternitatum vestrarum, sicera, confessionibus et vinis quantum decuit valde abundanter et honorabiliter; quare rogamus dominationes vestras, ut Roberto et illis de dicto bancho debite regantur, quia absque dubio humane in omnibus negotiis nostris se habuerunt nobiscum; quam potuerunt, et quam nos exprimere possumus. Postquam convenimus de naulo et expensis cum galeis, de consilio multorum quam citius potuimus de Venetiis recessimus propter pestem, et venimus ad manendum Polæ, in loco utique sceleri

ANNO  
CHRISTI  
1435.

**B** \* f. celebri valde et fabricitanti, ubi quam medietas nostrum febribus decubuit; gratia Dei tamen sine periculo, et ubi jam galeæ cum quibus ituri sumus convenerunt. Speramus autem quod die lunæ futuræ, scilicet octava presentis (mensis) iter accipiemus cum eisdem. Quotidie sumus et conversamur cum dominis ambassiatoribus Græcorum in magna caritate, et quantum est ad conclusionem sacri concilii in materia ipsorum, reputant jam quantum ad eos pertinet jam positam in executione, et licet ex una parte de bona dispositione ipsorum gaudeamus et sumus lætantes; tamen ex parte altera semper cor nostrum ardet in nobis, ne ex parte ecclesiæ aliquo modo contingat defectus: quare rogamus dominationes vestras, et in Domino obsecramus, quatenus alia negotia ecclesiæ prosequenda, hoc præcipue ab oculis vestris non recedat, quia hoc feliciter peracto, alia succedent prospere et votive. Dominus Christophorus Garontonus est hic cum galeis, et venit Constantinopolim; nescimus propter quod, nondum locuti fuimus secum. Altissimus reverendissimas dominationes et paternitates vestras conservare, resque suæ ecclesiæ sanctæ in manibus vestris dirigere dignetur feliciter. et longæve. Amen. Scriptum Polæ, die VI. Augusti. MCCCCXXV.

Subscriptio.

Ea-



ANNO  
CHRISTI  
1435.

1147

Earumdem vestrarum reverendissimarum paternitatum humiles et devoti oratores.

Frater Johannes de Ragusio.  
Henricus Virginer.  
Si Frecon.

B U L L A

Per quam mandantur moneri domini archiepiscopus Tarentinus & episcopus Paduanus presidentes domini papae.

1b. p. 82r.

**S**acrofancta, etc. venerabilibus Johanni Antiocheni, Ludovico Aquilegensi patriarchis, Amedeo Lugdunensi, Henrico Bitoricensi archiepiscopis, Johanni Aurelianensi, Bernardo Avenensi, Martino Lectorensi episcopis, et dilectis ecclesiae filiis Johanni vicario Frisingensi decretorum, Dionysio Sabrenoyis Theologiae rectoribus, salutem et omnipotentis Dei benedictionem.

Cum per decretum sacri generalis concilii Constantiensis, cum magna maturitate et deliberatione editum, declaratum extiterit, ipsum concilium Constantiense et alia concilia generalia potestatem immediate recipere a Christo, cui quilibet catholicus cuiuscumque status aut conditionis existat, etiam si sit Romanus pontifex, in pertinentibus ad reformationem generalem in capite et in membris faciendam, et aliis in ipso decreto expressis et comprehensis obedire tenetur; et si non fecerit, subiaci debet condignae poenitentiae, et ad alia remedia contra talem procedi: venerabilisque Johannes archiepiscopus Tarentinus, Petrus Paduanus episcopus, pro sanctissimo domino Eugenio papa IV. in nostra generali synodo Basileensi compraesidentes, decretum praedictum sacri concilii Constantiensis, & contenta in eo servare, necnon decretum nostrae sacrae synodi super annatis seu vacantibus ecclesiarum, monasteriorum, & aliorum ecclesiasticorum beneficiorum de cetero non solvendis, reformando ecclesiam in capite & in membris editum, ac solemniter in nostra publica sessione decretatum & publicatum, nonnullas protestationes nominibus suis & aliorum eis adherere volentium, palam & publice fecerint, in illisque velle perseverare se publice iactaverint, in scandalum non modicum universalis ecclesiae per nostram Basileensem synodum representatae, iuramentumque per eos, ut praemittitur, praestiti violationem, poenis in decreto concilii Tolentani contra tales protestantes edito se reos faciendo. Cupientes praemissis in perniciem & scandalum universalis ecclesiae, reformationisque generalis ecclesiae impedimentum, praesumptis obviare, vobis tenore praesentium committimus & mandamus, quatenus Johannem archiepiscopum Tarentinum & Petrum Paduanum episcopum praedictos, auctoritate nostra canonice & peremptorie requiratis, & moneatis, ut infra certum terminum per vos eis assignandum, iuramentum per eos, ut praemittitur, praestitum inviolabiliter observent; & in vim observan-

BASILEENSE G. CONCILIUM.

1148

ANNO  
CHRISTI  
1435.

tiae huiusmodi, protestationes praedictas & alia quaecumque per eos adversus iuramentum huiusmodi & decreta conciliorum generalium Constantiensis & nostrae synodi attentata & praesumpta cassent, revocent, annullent, quas & quae nos etiam tenore praesentium revocamus, cassamus, & annullamus, didistisque protestationibus palam & publice renuncient cum effectu; quibus peractis, nobiscum in vinca Domini, in his pro quibus ipsa synodus congregata est, efficaciter, quantum in eis est & erit laborent. Quod si praemissae monitioni non paruerint cum effectu, ad deputationes, congregationes, sessiones, & alios actus publicos dictae nostrae synodi eos non esse admitte decernatis, prout & decernimus; et nihilominus ad alia contra ipsos procedaris, prout iustitia & decreta conciliorum Constantiensis, Tolentani, & huius, ac aliorum generalium conciliorum postulant & requirunt. Datum Basileae in congregatione nostra generali, in majori ecclesia celebrata VIII. idus Augusti anno a nativitate Domini MCCCXXXV.

Jo. Gauffridi.

Virtute supra scripti mandati fuerunt moneri praedicti reverendissimi patres archiepiscopus Tarentinus & episcopus Paduanus in forma juris per supra nominatos commissarios, prout immediate sequitur.

#### MONITIO CONTRA PRÆSIDENTES

Papa, pro revocatione cuiusdam protestationis per eos factae.

**M**iseratione divina Johannes Antiochenus, Ludovicus Aquilegensis patriarcha, Amedeus Lugdunensis, Henricus Bitoricensis archiepiscopi, Bernardus Avenensis & Martinus Lectorensis episcopi, Jo. canonicus & vicarius Frisingensis decretorum doctor, & Dionysius de Samblovoys magister in Theologia, executores ad infra scripta a sacrosancta Basileensi synodo in Spiritu sancto legitime congregata, universalem ecclesiam representante, specialiter deputati, reverendissimo ac reverendo in Christo patribus & dominis, dominis Johanni miseratione divina archiepiscopo Tarentino, & Petro episcopo Paduano, pro sanctissimo domino nostro papa Eugenio in dicta synodo compraesidentibus, & vestrum cuilibet, salutem in Domino, & nostris huiusmodi, immo verius ejusdem sacrosanctae synodi firmiter obedire mandatis.

Litteras ipsius bulla plumbea & cordula canapis, more ipsius synodi, impendente bullatas, sanas & integras, non vitiatas, nec cancellatas, sed omni prius vitio & suspitione carentes, ut prima facie apparebat, nobis per honorabilem & discretum virum magistrum Johannem Epallieri, in legibus baccalaureum, procuratorem fiscalem praedictae sanctae synodi, coram notario & testibus praesentatas, nos cum ea reverentia recepisse noveritis, quarum tenor talis est: *Sacrosancta, &c.* Post quarum quidem lit-

1b. p. 82v.

ANNO  
CHRISTI  
1435.

terarum præinsertarum dictæ sacrosanctæ synodi Basileensis præsentationem & receptionem nobis & per nos sic, ut præmittitur, factas, constitutus coram nobis dictus procurator fiscalis, nobis exposuit, quod alias non ex parte dictæ sacrosanctæ synodi Basileensis formam evangelicam sequentes, vos nonnullis diebus proxime lapsis cum caritate, benignitate, humanitate, mansuetudine, & honestate quibus potuimus generose requisivimus, rogavimus, & hortati fuimus, ut iuramentum per vos præstitum observaretis, & protestationes per vos factas, de quibus in præinsertis litteris fit mentio, & quæcumque alia adversus decreta sacrorum Constantiensis & Basileensis conciliorum prædictorum per vos attentata & præsumpta cassaretis, & revocaretis, & annullaretis, ac eisdem renunciaretis cum effectu; & deinde cum partibus ipsius sacri concilii Basileensis, quantum in vobis erat & esset, laboraretis prout nos, vel saltem major pars nostrum numero septem, ita fecimus: quibus exhortationibus & requisitionibus obtemperare, & annuere huc usque distulistis & omisitistis, unde fuimus per ipsum procuratorem fiscalem debita cum instantia requisiti, quatenus ad executionem ipsarum litterarum & contentorum in eisdem procedere curaremus juxta traditam, seu directam per eandem litteras ab eadem synodo nobis formam. Nos igitur Johannes Antiochenus, Ludovicus Aquilegiensis patriarchæ, Amedeus Lugdunensis, Henricus Bituricensis archiepiscopi, Bernardus Aquisgranensis, & Martinus Lectorensis episcopi, Jo. vicarius Frisingensis, & Dionysius de Sambrois, executores præfati, præmissis attentis, volentes mandatum prædictæ sacrosanctæ synodi nobis in hac parte directum, reverenter exequi, & ejus mandatis obedire, ut tenemur: idcirco auctoritate prædictæ sacrosanctæ synodi generalis Basileensis nobis concessa, qua fungimur in hac parte, vobis reverendissimo ac reverendo in Christo patribus & dominis Jo. archiepiscopo Tarantino, & Petro episcopo Paduano præfatis, & vestrum cuilibet præinsertas dictæ sacrosanctæ synodi, & has nostras litteras, ac omnia & singula in eis contenta intimamus & innuamus, ac ad vestram & cujuslibet vestrum notitiam deducimus, & deduci volumus per præsentis, vosque nihilominus & vestrum quemlibet primo, secundo & tertio canonice & peremptorie earumdem præsentium tenore requirimus & monemus, quatenus infra sex dierum spatium post requisitionem & monitionem nostras, seu notificationem hujusmodi, immo verius dictæ sacrosanctæ synodi vobis & vestrum cuilibet factas, proxime & immediate sequentium; quorum dierum duos pro primo, duos pro secundo, & reliquos duos dies pro tertio & peremptorio termino ac monitione canonica assignamus, iuramentum per vos præstitum, de quo in præinsertis litteris fit mentio, inviolabiliter observetis, & quilibet vestrum observet. Et in vim observantiae hujusmodi protestationes prædictas, & alia quæcumque per vos adversus iuramentum hujusmodi, & decreta sacrorum

conciliorum generalium Constantiensis & Basileensis prædictorum attentata cassatis, revocetis & annulleris, & quilibet vestrum casset, revocet, & annullet, quas & quæ prædictæ sacrosanctæ synodus callavit, revocavit & annullavit, didistisque protestationibus palam & publice renunciatis cum effectu, & quilibet vestrum renunciaret. Quibus peractis, in dicta sacrosancta synodo Basileensi, in vinea Domini, in his pro quibus ipsa sacrosancta synodus congregata est, efficaciter, quantum in vobis est & erit, laboretis, juxta dictarum litterarum formam, seriem & tenorem. Quia si monitionibus & mandatis nostris hujusmodi, immo verius dictæ sacrosanctæ synodi Basileensis non parueritis cum effectu, ad deputationes, congregationes, sessiones, & alios actus publicos ejusdem sacrosanctæ synodi vos non esse admittendos, lapso dicto termino decernemus, & nihilominus ad ulteriora contra vos procedemus, prout iustitia & decreta conciliorum Constantiensis, Toletani, & Basileensis prædictorum, & aliorum generalium conciliorum postulant & requirunt, juxta commissionem præinsertam nobis factam. Præinsertas vero dictæ sacrosanctæ synodi Basileensis, & nostras hujusmodi litteras, ac omnia & singula in eis contenta vobis & cuilibet vestrum per quemcumque dominum abbatem, priorem, præpositum, Decanum, archidiaconum, cantorem & canonicum cujuscumque cathedralis aut collegiatae ecclesiæ, & aliam ecclesiasticam personam, clericum, notarium, & tabellionem publicum, atque dictæ sacrosanctæ synodi cursores super hoc pro parte dicti procuratoris fiscalis requirendum notificari & intimari, & nos seu dictam sacrosanctam synodum per instrumentum publicum, vel alias sufficienter de eis certificari volumus & mandamus, in quorum omnium & singulorum fidem & testimonium præmissorum, præsentis litteras nostras, seu præsentis publicum instrumentum, monitionem hujusmodi nostram in se continentem seu continens deinde fieri, & per notarium publicum infra scriptum subscribi & publicari, sigillorumque nostrorum Johannis Antiocheni, Ludovici Aquilegiensis patriarcharum, ac Amedei Lugdunensis archiepiscopi, Bernardi episcopi Aquisgranensis, de consensu aliorum nostrorum coexecutorum prædictorum fecimus & mandavimus appensione communiri. Datum & actum Basileæ in ecclesia majori Basileensi sub anno a nativitate Domini MCCCXXXV. Indictione XIII. & die Jovis XI. mensis augusti, nobis inibi hora sexta post meridiem vel circa quoad hoc pro tribunali sedentibus, pontificatus SS. in Christo patris & domini nostri, domini Eugenii divini providentia papæ IV. anno V. præsentibus ibidem venerabili ac discreto viro domino Hugone Pellicerii baccalaureo in decretis canonico Lectorensi, Caspar Figedolfer, Faventino, Jacobo Hermann de Kamburga Aquilegiensi, et Mathia de Vilhornez Paraviensis diocesis clericis testibus ad hoc vocatis specialiter et rogatis, et me, Michaele Galteri clerico Constantiensis provincie Rothomagensis publico, apostolica et im-

ANNO  
CHRISTI  
1435.



ANNO  
CHRISTI  
1435

et imperiali auctoritate notariis, qui in præmissis omnibus et singulis, etc.

### INQUISITIO DE POTESTATE PAPÆ.

1b. p. 816.

**Q**Uæritur utrum papa vel ejus legatide necessitate juris divini debeant admitti ad præsidendum in concilio generali. Et arguitur quod sic, primo, quia papa est caput totius ecclesiæ Joh. 1. *Dixit Dominus Petro, tu vocaberis Cephas.* Sed capitis est regere et dirigere omnia membra, et movere ea. Ergo pars assertiva vera.

Secundo, arguitur: Dignioris est minus dignum regere, et ei præsidere, sicut sponsus dignior est & perfectior quam sit sponsa; & ideo sponsa debet sponso subijci, & ab eo regi. Sed papa est sponsus ecclesiæ universalis, sicut & quilibet episcopus suæ ecclesiæ specialis. Ergo debet eidem auctoritative in concilio generali præsidere.

Tertio, arguitur: Papa est monarcha respectu totius ecclesiæ universalis, quia non recognoscit superiorem in terris; sed de ratione monarchici principatus est non subijci legibus communibus, & a nullo puniri, cum omnis punitio fieri debeat per superiorem. Sed verus monarcha non habet superiorem; ergo papa cum non habeat superiorem in terris, a nullo poterit puniri: sed ipse omnes alios & regere & corripere habet. Ergo auctoritative & jurisdictionaliter præsidere per se vel suos legatos licet in concilio generali.

In oppositum arguitur: Sacrum concilium Constantiense habet contrarium, ubi dicitur quod in his quæ ad hæresim & schismatis pertinent extirpationem, et generalem ecclesiæ in capite et in membris reformationem, omnis homo cujuscumque status aut præminentie, etiam si papalis existat, generali concilio teneatur obedire. Quod si non fecerit, nisi resipuerit, condignæ poenitentiae subijciatur, et debite puniatur, ad ecclesiæ et alia juris subsidia, si opus fuerit, recurrendo. Manifestum est autem, quod nemo tenetur obedire, nisi suo superiori, nec etiam potest judicare quis auctoritative in foro ubi judicandus venit, cum nemo in propria causa debet esse iudex et recom...

Pro responsione ad istam questionem notanda sunt aliqua, primo, quod multiplex est præsentia, nam quædam est honoraria, alia est jurisdictionalis et coercitiva, qua iudices præsent in suis foris; et proportionalis, intelligenda est de capite, nam caput quandoque dicitur ille qui habet honorabilem alicubi locum, sicut primi regum IX. cap. dicitur, quod *Samuel dedit Saul locum in capite eorum qui fuerant invitati.* Et Job. 24. *Si voluisssem, inquit, ire ad eos, sedebam primus.* Alio modo ille qui est in aliqua dignitate constitutus, dicitur caput; secundum illud Isaïæ 9. *Longævus & honoratus est ipse caput.* Tertio modo dicitur ille caput, qui habet directionem et jurisdictionem coercitivam in alios, ut 1. Reg. 15. ad Saul dicitur: *Cum esses parvulus in oculis tuis, caput in tribubus Israel factus es,*

*unusque se in regem, &c.* Quarto, dicitur caput ille qui ad similitudinem capitis naturalis habet corpori mystico conjungere, et per omnia membra et singula viva sensum et motum, et nutrimentum spiritualiter ministrat. Et isto modo solus Christus, et nemo alius dicitur esse caput ecclesiæ universalis, secundum illud ad Ephes. 1. *Ipsam dedit caput super omnem ecclesiæ, quæ est corpus ipsius & plenitudo ejus, qui omnia in omnibus adimplevit.*

Rursus etiam notandum quod ecclesiæ multipliciter sumitur in sacra scriptura; quandoque namque dicitur ecclesiæ universalis multitudo omnium fidelium per totum orbem dispersorum, et ita sumitur in auctoritate modo allegata ad Ephes. 1. Secundo modo sumitur pro aliqua multitudine particulari fidelium alicubi degentium, ut 1. Pet. 5. *Salutat vos ecclesiæ, quæ est in Babylone.* Tertio modo pro templo materiali, in quo sacramenta sumuntur 1. ad Cor. Numquid domos non habetis ad manducandum & bibendum, aut ecclesiæ Dei contemnitis? Quarto modo pro coetu virorum ecclesiasticorum, ut Act. 20. *Posuit ipsam regere ecclesiæ Dei.* Quinto, pro multitudine eorumdem virorum ecclesiasticorum, et aliorum in unum conciliariter congregatorum ad decernendum et definiendum de aliquibus rebus fidem, vel mores, vel bonum totius populi concernentibus, ut Mach. 5. *Convenit ecclesiæ magna cogitare de fratribus suis, qui in tribulatione erant.* Sexto, sumitur etiam quandoque pro congregatione perverforum aliquod malum machinantium, ut in Psalmo. *Odio ecclesiæ malignantium.*

Postremo sciendum, quod multiplex principatus reperitur; primus monarchicus, qui superiorem in terris non recognoscit, nec subijciatur legibus, sic videlicet, ut si contra aliquas leges fecerit, ab aliquo non puniatur. Talem principatum habebat David super toto populo Israel, qui postquam peccavit in Bersabee, et occidi scripsit virum ejus, unum penitus dixit Domino: *Tibi soli peccavi;* id est a nullo habeo puniri, nisi a te. Secundus principatus est aristocraticus, qui per paucos bonos exercetur, qui et optimates solebant nominari, quia de toto populo ad regendum et judicandum optimi, id est meliores ad hoc eligebantur; et isti legibus politiæ subijciuntur: ita ut si contra fecerint, a populo puniantur. Et de isto principatu habetur Daniel. ult. de duobus iudicibus, qui postquam reperti sunt perversum iudicium in Susannam protulisse, interfecti sunt a populo. Tertius est politicus, qui per multos bonos exercetur, qui et consules nominantur, ut in multis civitatibus; et isti etiam similiter legibus politiæ subijciuntur. Quartus ex utroque aliquid habet. Ex monarchico quidem, quia unus est super tota multitudine constitutus ad regendum eam. Ex politico vero, quia secundum leges et statuta sive decreta per multitudinem sapientium facta et condita, necesse habet illam multitudinem regere, ita ut, si contra fecerit, deiciatur. De tribus præscriptis principatibus habetur Politica.

ANNO  
CHRISTI  
1435

ANNO  
CHRIST.  
1435.

tic. 3. De isto quarto habetur 1. Mach. 8. ubi dicitur quod Romani tunc curiam sibi fecerant, & quotidie consulebant CCCXX. viros, concilium semper agentes de multitudine, ut quæ digna sunt gerant. Et in omnibus istis nemo portabat diademata, nec induebatur purpura, ut magnificaretur in ea: sed committebant uni homini magistrum suum per singulos annos dominari universæ terræ suæ, & omnes obediebant uni. Et si quandoque contingebat illum deviare, & contra leges & decreta senatus facere, deiciebatur, sicut Domitianus a senatu interfectus fuit, & omnia ejus gesta irrita & revocata sunt ab eodem senatu, ut patet in legenda B. Johannis evangelistæ. Hac enim de causa ab exilio in quo relegaverat eundem Domitianus, revocatus fuit.

His prænotatis, ponendæ sunt conclusiones. Prima est ista. Papa non est caput ecclesiæ quarto modo superius expresso. Patet, quia sic solummodo convenit Christo, qui in omnia & singula membra suum sensum et motum gratiæ justificantis et in bonum promoventis, insuit, in quibus omnibus et singulis per idem habitat, et per caritatem conjungitur, secundum illud Apostoli: *Habitare Christum per fidem in cordibus vestris*, et illud Johan. 3. *Qui manet in caritate, in Deo manet, & Deus in eo*. Et quia caput istud omnibus et singulis membris conjungere habet, hoc impossibile est de papa.

Papa est caput et monarcha ecclesiæ universalis dispersæ, accipiendo caput tertio modo, pro habendo jurisdictionem spirituales super singulas ecclesias et singulas personas fideles totius orbis. Patet, quia ipsum præfecit Dominus toti ecclesiæ, ubi dicit Joh. ultimo: *Pasce oves meas*, id est, esto pastor generalis omnium ovium meorum. Manifestum est autem, quia pastoris est et regere et deviantes corrigere; et quia generalis pastor est, ideo nullus eximitur ab ejus jurisdictione.

Papa non est caput jurisdictionale et directivum sive correctivum ecclesiæ conciliariter congregatæ, id est concilii generalis legitime congregati. Probat istud, quia ille non potest esse caput directivum sive correctivum illorum, a quibus dirigi et corrigi habet. Sed sic est de papa respectu concilii generalis, ut patebit in conclusione sequenti. Ergo etc.

Principatus papalis respectu ecclesiæ congregatæ, sive concilii generalis, non est monarchicus. Patet, quia necessario subjicitur legibus politiæ Christianæ, quod est contra propriam conditionem monarchici principatus. Quod autem papa subjiciatur legibus politiæ Christianæ, sunt in duplici differentia. Nam quædam pertinent ad fidem catholicam; aliæ vero ad mores. Quod autem papa subjiciatur legibus fidei et ab ecclesiâ sit corripiendus et deiciendus, si in his deviaverit, nemo umquam quantumcumque sibi faventium negavit, et habetur hoc etiam expresse in caput 81 papa XL. dies. Sed quod etiam legibus morum subjiciatur, et ab ecclesiâ sit puniendus, si deformis reperiatur fuerit, probatur sic. Et primo per

Concilior. Supplem. Tom. IV.

glossam ordinariam præfati capituli *Si papa*; quæ dicit. Quod si notorium est crimen ejus quodcumque et inde scandalizatur ecclesiâ, et incorrigibilis est, certe credo quod inde possit accusari, hæc glossa prædicta. Certum est autem, quod effectus accusationis est depositio, ut in cap. *qualiter & quando* de accusat. Sed apud quem accusabitur vel judicabitur? non apud ecclesiâ dispersam: ergo apud ecclesiâ congregatam, quæ est concilium generale. Ergo concilium generale iudex est papæ. Nemo autem potest esse iudex & reus in eodem exteriori foro. Quod autem ecclesiâ congregata lege & ordinatione divina iudex sit papæ, & auctoritatem habeat super eum, etiam in his

quæ ad mores pertinent, evidenter apparet per illud supremi & nostri monarchæ Christi Matth. 18. dicentis: *Si peccaverit, inquit, in te frater tuus, vade & corripue eum inter te & ipsum solum, &c. Si non audierit, dic ecclesiæ*, congregatæ scilicet; quod patet per illud quod sequitur: *Ubi enim, inquit, duo vel tres sunt in nomine meo congregati, ibi sum ego in medio eorum. Quod si ecclesiâ non audierit, sit tibi sicut ethnici & publicanus*, id est excommunicatus. Et ibi fundatur auctoritas & jurisdictio ecclesiæ congregatæ, id est concilii generalis, super omnem hominem, qui nomine Christiano censetur. Sequitur enim: *Amen dico*

*vobis, quæcumque alligaveritis super terram, erunt ligata & in cælis*. Quod autem nomine fratris omnis Christianus, cujuscumque præminentia exultat, intelligitur, patet per illud quod habetur 11. q. 3. c. *Ad mensam*; & sunt verba Chrysostomi, illud Apostoli 1. ad Cor. 5. recitantis: *Si is qui frater nominatur inter vos, est fornicator aut avarus, &c. Fratrem, inquit, in hoc loco fidelem intellige simpliciter. Ergo etiam papa intelligendus est frater. Nempe sicut omnis fidelis Deum habet patrem, sic etiam sanctam ecclesiâ habet matrem, quæ eum spiritualiter genuit. Si ergo papa Deum habet patrem, ecclesiâ sanctam debet recognoscere matrem, quæ eum spiritualiter genuit, & a qua sacramenta purgativa & sanctificativa, sicut unus aliorum filiorum, necessario sumit; nec propter officium solius vicariatus patris quod exercet, desinit aliorum esse frater. Nam & ipse Deus & Pater, cujus solummodo ministerialis vicarius est, non dedignatus est se nominare aliorum fratrem, Johan. 20. Dicit Salvator noster B. Mariæ Magdalene: *Vade ad fratres meos & dic eis: Ascendo ad Patrem meum & Patrem vestrum, Deum meum & Deum vestrum*. Si ergo verus Deus & homo propter assumptam humanitatem se nominat aliorum fratrem; quanto magis purus homo peccator, sicut unus aliorum, quamvis vicarius ministerialis sit, se debet recognoscere aliorum fratrem, & ecclesiâ matrem & non filiam; quia non ipse eam, sed ipsa ipsum spiritualiter genuit. Quia ergo frater est, ab ipsa matre dirigendus, & si opus sit corripiendus venit. Et hoc ipsum ab ipsis apostolis Spiritus sancti primitias habentibus prædicatum reperimus. Cum enim Petrus papa primus, non in fide, sed in moribus*

D d d d

qua-

ANNO  
CHRIST.  
1435.



ANNO  
CHRISTI  
1435.

quadam simulatione irrationabili erraret, Paulus restitit ei in faciem, ad Galat. 2. cum tamen ipse Paulus dicat ad Romanos 13. quod qui potestati resistit, Dei ordinationi resistit, & damnationem acquirit. Et tamen Petrus papa erat, cui resistebat. Non autem dicendum est quod peccaverit, immo potius bene egerit: alioquin non toti mundo in epistola sua notificasset. Ergo licet ecclesie similiter agere secundum ejusdem Pauli dictum: *Imitatores mei estote*. Ne enim Petrus ejusque successores super ecclesia Dei superbe niterentur dominari, & illam pro libito voluntatis regere, eterna Dei sapientia Christus omnia praevidens & providens, sic illam a principio instituit, & ordinavit, ut ceteri apostoli nullam a Petro acciperent potestatem; sed & potestatem ordinis & potestatem jurisdictionis immediate a Christo acceperunt. Potestatem quidem ordinis in ultima coena, ubi omnes ordinavit sacerdotibus: potestatem vero jurisdictionis in foro conscientiae Joh. 20. ubi insufflans in eos dixit omnibus simul: *Accipite Spiritum sanctum, quorum remiseritis peccata, remittuntur eis*: Potestatem legationis per mundum, Math. & Marci ultimo, *Euntes in mundum universum predicate evangelium omni creaturae, &c.* Nam & cum in ultima coena audientes apostoli Dominum velle ab ipsis recedere, facta fuisset inter ipsos contentio, id est inquisitio, quis eorum videretur esse major, Luc. 22. id est praesulatus ipsorum, non respondit Dominus: Ego constitui, aut institui Petrum vicarium meum, & volo ut obediat ei, sicut mihi. Et hoc ne occasionem dominandi super ecclesia sibi aut successoribus suis praeberet, sicut, prohi dolor! nunc videmus; sed respondit: *Reges gentium dominantur eis, & quasi potestatem habent super eos; vos autem non sic; sed qui major est in vobis, fiat sicut minor, & qui praecessor, sicut qui ministrat*. Et propter hoc in conciliis primitivae ecclesiae nullam jurisdictionem aut auctoritatem sibi vindicabat B. Petrus; sed omnia nomine concilii diffiniebantur & mandabantur, ut supra A. 15. *Apostoli, inquit, & seniores his qui sunt Antiochie & Syriae, salutem, &c.* Immo etiam ipse B. Petrus papa ab ipsis in legationem mittebatur, ut patet A. 8. qualiter apostoli miserunt Petrum & Johannem Samaritiam. Et cum papa modernus non habeat majorem potestatem quam sanctus Petrus, manifestum ex praedictis rationibus & auctoritatibus existit, quod nullam jurisdictionem aut potestatem aut auctoritatem coercitivam habet super ecclesiam congregatam, quae est concilium generale, immo potius aliquantibus ipsa ecclesia congregata, quae est regina a regendo dicta: *Astitit, inquit, regina a dextris tuis, & Christi sponsa, Joh. 3. Qui habet sponsum, sponsus est*. Ipse papa per amplius ut minuit, habet leges fidei & morum suscipere & servare, & si opus fuerit, reformari & corripi ab ipsa; quam si non audierit, secundum mandatum Domini nostri Jesu Christi, ejus veri regis & sponsi, tamquam ethnicus & publicanus debet haberi, ut ex superioribus dictis patet.

Ad solam personam summi pontificis non pertinet articulo rum fidei declaratio, aut symboli editio. Probat hoc, quia saepe contingit papam esse simplicem & minus literatum; & sic impossibile esset, per se praedicta facere, aut si facere per se praesumeret, totam ecclesiam posset in fide corrumpere. Unde nec S. Petrus praesumit per se symbolum fidei edere, sed omnes apostoli simul illud composuerunt: propter hoc enim & symbolum dicitur, id est plurimorum simul in unum convenientium sententiae. Nec valet illud, quod Deus non permitteret eum deficere; quia hoc attentare esset tentare Deum; & praecipue cum nonnulli summi pontifices reperiantur in fide errasse. Et huic obviat quod ait Thomas 2. 2. q. 1. a. ultimo, quod ad auctoritatem summi pontificis pertinet sententialiter determinare ea quae sunt fidei, ut ab omnibus inconcussa fide teneantur; quoniam aliud est persona summi pontificis, aliud auctoritas ejus, id est quae est in eo. Unum est separabile ab altero. Auctoritas enim summi pontificis, id est, quae est in summo pontifice, auctoritas ecclesiae, est: quia & ecclesiae datur, & propter ecclesiam, secundum illud Apostoli: *Omnia pontifex ex hominibus assumuntur, pro hominibus constituitur in his quae sunt ad Deum*. Quod autem haec auctoritas sive potestas ecclesiae detur, & in ecclesia sit, patet, quia mortuo vel depositio summo pontifice, eadem potestas sive auctoritas in ecclesia semper manet. Non enim revocat illam Christus Dominus noster, aut de novo creat in electione novi papae. Ad auctoritatem autem summi pontificis secundum Thomam pertinet symboli editio, id est ad auctoritatem ecclesiae, quae est in summo pontifice, prout est unicuique ecclesiae pastor; & ideo non dicit ad summum pontificem, sed ad ejus auctoritatem, quae est ecclesia. Non enim extra ecclesiam est, sed de corpore ecclesiae nobile membrum ejus: etiam tamen auctoritas, sive potestas major est in ecclesia congregata, id est indeviabilior & durabilior, quippe quae ipsum minister suae potestatis, scilicet papam habet corrigere & deponere, dum opus est & ratio exigit, secundum illud: non habebis jugiter potestatem. Et haec est potestas in ecclesia dispersa nostri habitus, in papam vero ab ipsa ecclesia ad hoc electum & assumptum, ut in actu, ut patet per illud dictum Salvatoris Matth. 18. *Quaecumque alligaveritis super terram, erunt ligata & in caelis*, & quod ecclesiae congregatae loquatur, patet per illud quod sequitur: *Ubi enim duo vel tres congregati sunt in nomine meo, ibi sum in medio eorum*.

In quolibet generali concilio rite congregato & celebrato Christus, sive Spiritus sanctus verus perfectus Deus, proprius, invisibilis, & indeviabilis praesidens est per auctoritatem superius immediate allegatam. Inde est quod apostoli & seniores conciliariter congregati, super his quae fidei erant & morum dixerunt A. 15. *Visum est Spiritui sancto & nobis sic & sic agendum, &c.* Unde & per prophetam Dominus dicit Mich. 2. *Congregatione congregabo Jacob, pariter* po-

ANNO  
CHRISTI  
1435.

ANNO  
CHRISTI  
1435.ANNO  
CHRISTI  
1435.

ponam illum quasi gregem in ovili, & quasi pecus in medio caularum tumultuabuntur a multitudinem hominum; & Dominus in capite eorum. Ex quibus patet qualiter vetus & novum testamentum in unam sententiam conveniunt de praesidentia Spiritus-sancti in ecclesia legitime congregata, & in concilio generali papa per se aut suos legitimos, nec de jure divino, nec humano potest aut debet in concilio generali propterea auctoritate sive potestate jurisdictionali aut coercitiva praesidere. Quod non jure divino, patet per praecedentia: quia si quid propria potestate aut voluntate vellet diffinire aut statuere, quod non esset per concilium, cui praestit Spiritus, et sancitum et approbatum, aut etiam aliquid quod per idem concilium esset statutum et deliberatum, nollet diffinire aut concludere; manifestum est quod injuriam Spiritui sancto faceret, qui jure divino per praedicta monstratus est in concilio praesidere. Sed nec jure humano praedicto modo praesidere potest, quoniam cum omni jure humano cautum sit, neminem in propria causa judicem esse, nec quempiam judicem et reum in eodem foro posse esse, et in quarta superius quaestione late monstratum sit, summum pontificem subijci concilio generali, et per ipsum concilium eum debere reformari, evidenter patet, quia iuridice nec potest nec debet in eodem concilio, a quo judicari debet, auctoritative et potestative praesidere.

Rationabile est jure divino et humano consonum, ut papa vel sui legati praesidentia honoraria in concilio generali, nisi aliud obstat, debeat praesidere, seu ad praesidentiam admitti. Probatum, quia cum ipse sit iudex supremus totius ecclesiae per orbem dispersae, et supremam in ea obtineat dignitatem, ad generale concilium per se vel suos veniens, dignum et iustum est, ut a cunctis prae universis honoretur, secundum illud Apostoli: *Reddite omnis debita, cui honorem, &c.* Sed si per se vel suos velit esse organum concilii et Spiritus-sancti, per quod unanimiter diffinita debeant concludi sine aliqua conditione \* aut repugnantia, non est respuendus, cum ipse sit caput dignificativum et honorificativum etiam concilii, quamvis non directivum aut potestativum jurisdictionaliter, ut dictum est superius. Ex quibus omnibus patet responsio ad rationes, quae sunt in oppositum, videlicet qualiter sit caput vel monarcha vel sponfus. Non enim est sponfus nisi figurative et ministerialiter, cum non sibi, sed Christo desponsata sit ecclesia, secundum illud Apostoli: *Desponsa vos uni viro virginem castam*, id est in fide incorruptam, exhibere Christo. Et rursum alibi: *Sacramentum magnum est, conjugii scilicet spiritualis, ego et ecclesia, quae duo sponfos non habet.* Est ergo proprie, ut ait Bernardus ad Eugenium, paranymphus sponsae et minister ejus.

## ALIA PROPOSITIO CORAM SUMMO

Pontifice in materia unionis Graecorum.

SI in medio magnatorum loqui praesumendum non sit, pater beatissime, in conspectu Sanctitatis vestrae mihi tacendum esset, nisi ecclesiae mandasset auctoritas, causae pro qua iussi sumus exposceret aequitas, & in vestrae beatitudinis clementiam mentis oculos defigerem, quae exemplo illius, cuius vices gerit, misericorditer parvulus ad se venire sinat, et cunctis pium praebet auditum. Qua de re apud S. V. speramus audientiae patientiam, et votivum consequi exauditionem. Misit nos ad S. V. sacrosancta generalis Basileensis synodus universalem representans ecclesiam, ejusdem sanctitatis nomine et auctoritate convocata, ac in Spiritu-sancto legitime congregata, ad explicandum eidem sanctitati aliqua quae concernunt ecclesiae orientalis reductionem, fidei unitatem, et sanctitatis vestrae cum sacro concilio plenam et perfectam unitatem.

Nec judicavit opus fore majores mittere, pro causa ejus, tantus est favor, ut nihil gratius soleat audiri, desiderabilius concipisci, meliusque inveniri, ad quam vestra beatitudo promptissimum semper animum et zelum ferventissimum habuit: adeo ut omnem viam reductioni Graecorum accommodam optioni sacri concilii reliquerit, majoribus etiam ipsis arduissimis intentis negotiis; quorum quidam ex multo tempore missi sunt Bohemiam, aliqui nunc vadunt Graeciam, alii numero equorum ducentorum profecti sunt Franciam, nonnulli Angliam, et frequentius multi ad diversas partes Almanniae, ceteris in Basilea residentibus pro continuanda reformatione ecclesiae, ut in omnibus pro quibus congregata est debitum, et promissum persolvat officium, omnesque lucrifaciat, quosdam ab erroribus revocando, alios ad pacem reducendo, universisque vitae ordinem et morum tribuendo disciplinam.

Si igitur paternitatis vestrae dignitati ut nostrae non respondeamus, praemissorum tamen intuitu confidenter ipsam exoramus, eique offerimus verba quae Salvatorem nostrum ad patrem orasse meminimus *Pater, unum sint, sicut & nos unum sumus.* Ut autem P. B. rei attinet, de qua nunc loquuturi sumus, duplex occurrit unitas, fidei et religionis Christianae, qua Christus ecclesiam suam fundavit, ut esset unum corpus, unus spiritus, una fides, unum baptisma, unus dominus, quam unitatem inviolabiliter semper servavit Romana ecclesia, quae per Dei omnipotentis gratiam, a recta fide et tramite traditionis apostolicae nunquam errasse probatur, nec haereticis novitatibus depravata succubuit. Sed ut in exordio norma religionis Christianae percepit ab auctoribus suis, apostolorum Christi principibus, illibata fide haecenus manet; non sic orientalis populus, sed olim lares exiens paternos, profectus est in regionem longinquam, se separando ab unitate ecclesiae, et obe-

Ib. p. 833.

\* f. decet



ANNO  
CHRIST.  
1435.

dientia sedis apostolicæ. Ideo ut oves quæ tanto tempore errantes fuerunt convertantur, ad S. V. tamquam ad pastorem et episcopum animarum suarum, pater oramus, ut sint unum sicut et nos unum sumus. Iste est, pater beatissime, finis in quem fertur omnium intentio, quod parum est, nisi in medio esset concursus. Quid prodesset plures velle navem trahere, nisi in tractu esset concursus; milites velle victoriam obtinere, si non esset unanimitas congressus. Ideo necessaria est alia unitas, caritatis et consentaneæ voluntatis, in his quæ agenda sunt, sicut in primitiva ecclesia omnium fidelium fuit cor unum et anima una, per quod decrevit fides, et religio Christiana observatur et augetur. Omnis politia hæc meretur divinam præsentiam, rei concupitæ affectionem, gratiæ plenitudinem per continuum influxum carismatum a Christo capite in congregatione fidelium. Illis dat Deus benedictionem et vitam usque in sæculum: quam unitatem etsi omnes fideles teneantur habere, maxime illi qui auctoritate funguntur apostolica, quorum non solum est inter se unum esse, sed alios ad unitatem reducere. Ideo salvator noster suos præficiens in dignitate apostolica convocavit in unum, transiens de mundo ad patrem pro ipsis oravit, ut diximus, pater unum sint sicut et nos unum sumus. Et hæc unitas, pater beatissime, est necessaria inter sacrum concilium et sanctitatem vestram, sicut causa et exemplar unitatis totius populi Christiani in his, propter quæ sacrum concilium est congregatum. Quid enim pareret divisio, nisi ecclesiæ scissuram, ipsius miserabilem servitutem, ruinam, et subversionem, contemptum et opprobrium totius status ecclesiastici? Ideo summopere cavendum est, ne sint schismata, contentiones, divisiones, ne dicat unus: ego Cepha; alius: ego sum Pauli; sed omnium sit cor unum et anima una, fiantque omnia in unitate et caritate, ut sint Deo grata et ad finem reformationis locuturus est collega meus.

Nunc vero aliqua dicturus sum de concursu quoad reductionem Græcorum, quam semper ipsi offerunt, adjecto, quod in omnibus interveniat concilii & S. V. consensus, sicut propter schismata præterita dicunt multis temporibus suam distulisse reductionem. Deliberavit autem sacrum concilium ad hæc necessaria, super quibus petiit S. V. unanimitatem & consentaneam voluntatem. Nam post decretatam viam reductionis Græcorum in sacro concilio sub forma certorum capitulorum per ambassiatore, acceptatam & juramento firmatam, ac per diversas partes publicatam, cui sanctitas vestra purum & liberum præbuit assensum, advenit ad sacrum concilium sanctitatis vestre orator & secretarius dominus Christophorus, qui in congregatione generali multum seriose narravit, diligentiam quam sanctitas vestra fecit post ejus assumptionem in materia reductionis Græcorum, ipsumque litteris Græcis peritum misit Constantinopolim, ubi cum imperatore & patriarcha nomine sanctitatis vestre, con-

venit in unam viam sub certis capitulis, quæ in longum recitavit, quam viam quibusdam rationibus conatus est ostendere faciliorem & durabiliorem ipsa via conventa in concilio, tam ex parte imperatoris, cujus præsentia esset necessaria in re ista, quia noscens morem suorum, posset eos facile ad conclusionem rei ducere & difficultates tollere.

Allegabat patriarchæ ægritudinem, gravitatem metropolitanorum, & Caligerorum ecclesiæ orientalis in tanta itineris longitudine, periculum civitatis Constantinopolitane, absente imperatore, illius viæ publicationem per totum orientem, & quod si hæc unio in Constantinopoli fieret, tamquam in finibus propriis, non posset ullo tempore, quavis occasione ab ipsis Græcis impugnari. Ex parte nostra allegabat sumtum magnitudinem, & tandem subdebat, quod licet sanctitas vestra illam viam faciliorem existimaret, nihilominus prout etiam in litteris S. V. latius continebatur, totum optioni sacri concilii, ut quam mallet viam eligeret, relinquebat; quod pro magno munere suscepit, & gratias Deo & S. V. egit, quibus omnibus intellectis ac plene per sacras deputationes discussis, visum est sacro concilio, quod via prima omnino esset amplectenda tamquam efficacior & securior: quoniam ipsi Græci sæpe & expresse asseruerunt istam unionem fieri posse nisi in synodo universali utriusque ecclesiæ, quæ tamen secundum illam viam non esset universalis, sed particularis, & regionalis. Esset etiam valde periculosum nostram fidem ponere in manibus paucorum, taliter quod quicquid per eos concluderetur, ratum haberetur per totam ecclesiæ, & cum ipsi essent multo plures nostris, aliquid concludere possent, quod esset in læsionem fidei nostræ. Videntes autem ipsi ambassiatore Græcorum tam primi quam secundi non posse obtinere viam secundam a concilio, contenti fuerunt stare in prima, et produxerunt unam litteram domini imperatoris directam primis ambassiatoribus, in qua continebatur, quod adhiberent diligentiam, ut capitula conclusa Constantinopoli acceptarentur; & si hoc obtinere non possent, manerent in primis conclusis in concilio, in quo & dominus Georgius antiquior frater in generali congregatione recitavit, qualiter patriarcha dixerit sibi, quod si concilium non vellet assentire illis capitulis conclusis Constantinopoli, tunc si deberet se facere ferri per humeros alicujus, ipse veniret ad terras latinorum, juxta conclusionem factam per primos ambassiatore, qui potestatem habuerunt ipsum obligandi. Quare, beatissime pater, cum capitula viam primam continentia, facta sint per universalem ecclesiæ decretata, per Græcos recepta, ac juramento firmata, vestraque sanctitas ipsis assensum præbuerit per bullam datam domino Simoni Freron & per dominum Christophorum, ac per litteras apostolicas S. V. se obtulerit velle stare illi viæ, quam sacrum concilium eligeret; Rogat, exhortatur, & requirit S. V. ipsum sacrum concilium, ut dignetur hoc sanctum opus totis viribus prosequi, & bonam voluntatem quam semper habuit ad rem istam opere-

ANNO  
CHRIST.  
1435.

ad-

adimplere, sicut firmiter sperat sacrum concilium, quoniam istud est tantæ pietatis & utilitatis opus, quod pro eo omnia alia essent postponenda, sicut proprium pastoris est officium dimittere omnia alia, et querere ovem errantem, & ipsam suis humeris ad ovile reducere, multo magis unam totam gentem, quæ tot millia animarum sub se continet. Si enim pastor propter ovem centesimam perditam, & mulier propter ovem centesimam perditam, et mulier propter decimam dragmam, tantam curam habuerunt, aliis omnibus omisis, quanto magis pastor universi populi Christiani, ipsaque sancta mater ecclesia non propter minorem partem totius gregis dominici, ut reducatur ad ovile Christi. Si principes catholici suam potestatem divinæ majestati famulari fecerunt ad defensionem et augmentationem fidei et religionis catholicæ; tanto magis summi pontifices, quibus major cunctis Christianæ religionis zelus incumbit; nec eis aliud licet, nisi omnes conatus suos impendere, his quæ statum universalis ecclesiæ concernunt, et maxime omnem operam dare, ut increduli ad fidem convertantur, conversi non avertantur, aversi revertantur, subversi ad veritatem revocentur, revocati junctis rationibus convertantur, quod nunc requirit obligationis debitum propter generale decretum super hoc factum, cui S. V. præbuit assensum a quo sine nota non licet resilire, nec irritum facere, per quod decretum est filio revertenti, cui oblatum est osculum patris, dari stolam primam unitatis ecclesiæ, anulum integritatis fidei, calcamenta in pedibus ejus, hoc est testimonia sacre scripturæ et sanctorum patrum, quibus fide declarata ad ipsam sit affectus; & occidi vitulum saginatum, ut simul manducemus per uniformem sacrorum comitacionem rituum, & observantiam. Et ne illa via tamquam impossibilis deseratur, propter magnitudinem summu, deliberavit sacrum concilium plenarias indulgentias dandas esse omnibus contribuentibus ad tam pium opus, prout conceduntur proficiscentibus in subsidium terræ sanctæ; quoniam si majorum revolvantur annales, numquam fuit causa iustior, quam ista est concedendi indulgentias, nec pro qua Christicolæ omnes se et sua libentius exponere deberent, cognita maxima utilitate, quæ inde provenitura est; quid ecclesiæ catholicæ felicius gloriosiusque umquam contingere possit, quam ut orientales populi, occidentalibus non pauciores, in eadem nobiscum fidei unitate conjungantur? Quid utilius et fructuosius extirpatione tam diuturni et inveterati schismatis, quod ferme a quintæ gentis annis ortum habuit? sic gloriosa mater ecclesia suis in unum convenientibus accingeret se fortitudine, et hostes fidei reprimeret, aut de suis sinibus ejiceret, si per conversionem non vellent unum esse, sicut unum sumus; quis enim catholicus pro tanto nominis Christiani & orthodoxæ fidei incremento, non modo caducam substantiam, sed corpus et animam exponere deberet, & maxime cum per hoc viderit se plenariam percipere omnium peccatorum remissionem. Et si interdum pro rebus minus necessariis

et utilibus reperitur et exponatur major pecunia, multo magis poterit fieri pro hac causa, qua nulla potest esse salubrior.

Quare, pater beatissime, cum per concessionem hujusmodi indulgentiarum possit haberi subsidium, saltem in parte, pro hac re necessarium, et contribuentes suorum consequantur remissionem peccatorum, omnesque eo libentius contribuent, quo viderint istas indulgentias procedere a tota ecclesia, scilicet sacro concilio et S. V. dignetur eadem S. V. in hujusmodi concessione indulgentiarum concurrere cum ipso sacro concilio, et alias indulgentias similes durante hac prosecutione Graecorum suspendere; quoniam per has indulgentias petitur mediocre subsidium, quod nullum gravabit, et quilibet solvere valebit. Insuper, pater beatissime, cum error Graecorum sit multum inveteratus, et in cordibus eorum radicans per plurimos articulos et differentias multiplicatus, sintque ipsi paratissimi suos errores defendere, cum quibus habendum est certamen fortissimum, dignetur S. V. aliquos ex reverendissimis patribus dominis cardinalibus, aliosque praeclaros et doctores, de quibus viderit eadem S. V. mittere ad sacrum concilium, ut ante adventum ipsorum Graecorum plene discutiantur hujusmodi errores, possintque in eorum præsentia confutari, et ea quæ in nobis est fide perfecte possint rationem reddere; nosque in omnibus unum simus in potentia operante, bonitate remittente, et sapientia declarante, habeatque in nobis efficaciam oratio Salvatoris, quam præmissimus, *Pater unum sint, sicut & nos unum sumus*. Quam felix et efficax erit iste concursus ad suscitationem puellæ defunctæ propter defectum unitatis fidei, qua iustus vivit, convenientibus patre et matre cum plenitudine potestatis apostolicæ, reiectis omnibus impediens et turbulentibus, unoque eodem concursu populus Christianus plenariam recipiet peccatorum remissionem, et Christiani fines unitatis fidei vinculo fraternoque foedere sociabuntur, eritque annus jubilæus remissionis debitorum et unionis universalis ecclesiæ, in fide, moribus, et temporali pace; eritque S. V. lapis angularis conjungens duos parietes in domo Domini, pax populi Christiani, faciens utraque unum, populum Deo reconcilians per plenariam indulgentiam, populos per fidei unitatem, leges, ritus et observantias per veram et spirituales intelligentiam; et clarificabit beatitudo vestra filium suum orientalem populum, et iade nomen sanctitatis vestræ celebre erit apud Deum et homines, cognosceret universus orbis zelum S. V. pro domo domini. Et cum venerit summus pastor, ante cujus conspectum apparebunt cuncti pastores cum grege sibi commisso, Petrus cum Judæa, Paulus cum gentium multitudine copiosa, Johannes cum Asia, Andreas cum Achaia, Thomas cum India, ceteri cum aliis quos ad fidem converterunt aut reduxerunt, & vos beatissime pater, quasi alter magnus patriarcha Jacob transacto Jordane cum baculo pastoralis officii, apparebitis cum duabus turmis ecclesiæ orientalis & occidentalis, recipientisque



ANNO  
CHRISTI  
1435.

in unitate perfecta coronam immarcescibilem, quam sanctitati vestre et nobis omnibus concedat ille qui est trinus et unus benedictus Deus in sæcula. Amen.

### PROPOSITIO FACTA

*Coram summo pontifice per ambassatores  
sacri concilii Basileensis super ob-  
servantia decretorum.*

1b. p. 839.

**B**eatissime pater, exigeret præsentia vestrae sanctitatis in primo dicendorum, alloquio orationem ornatè compositam matureque digestam, quæ S. V. dignitatem, clementiam, aliasque virtutes et dotes summas in medium adduceret, et rem ipsam Deo gratissimam et hominibus salutiferam, de qua paulo post dicturus sum, peroraret. Quis autem eloquentiæ princeps, aut Tullianæ sapientiæ præsul supremi vicarii Jesu Christi excellentiam modico et inculto sermone ad plenum explicare poterit? Profecto mearum virium, sed et sublimioris ingenii transcendit facultatem. Rem insuper illico subijciant veritatis nitore submissam video, ratus non sum eam verborum, lenocinio indigere. Canon mihi locupletissimus testis est, eum supervacuis laborare impendiis, qui solem certat facibus adjuvare. Quoniam igitur gratiæ plenitudo adjectione non indiget, nec ulla requirit commendationis argumenta, commorari in ea re verborum fuscatis coloribus amplius non putamus. Ne autem usque ad fastidium necessitatem mea se extendat præfatio, ad conceptam materiam orationem converto: non tamen de propria virtute, sed de munere largitoris illius qui dat omnibus affluenter et non improperat, confidens. Verum, beatissime pater, cum parens ille solus et unus Deus gloriosus confingeret animal rationale, ipsum ex humo sublevatum ad contemplationem sui artificis erexit, et solus homo est, qui res coelestes accepit, spectare eum Deus coelum voluit, ut religionem ibi quærat. Apparet non esse rationis humanæ, ut postpositis divinis ac humanis præceptis, opes terreas, quæ plerumque corruant, animal rationale venari tentet. Cum autem, pater beatissime, gloriosissimi pontifices antecessores vestrae sanctitatis, magni, iusti, in coelestibus rebus experti, summa religione Deum adorabant, iustitiæ cultum colebant, in omnibus Deum præsentem esse putabant, decreta sacrorum conciliorum in summa reverentia ac veneratione habere solebant, & a suis subditis observari faciebant, adeo etiam ut B. Gregorius, tantæ beatitudinis & scientiæ pontifex, quatuor

actionis norma existit; & cum universali sint consensu constituta, se & non illa destruit, quisquis præsumserit abolvere, quos ligant, aut ligare quos absolvunt. Clarum autem est, juxta Gelasii papæ sententiam, quod eadem veneratione decreta aliorum conciliorum custodienda & recipienda sunt. Nedum autem dicta quatuor generalia concilia cum suis sequentibus solummodo quoad fidem B. Gregorius se venerari fatetur, sed etiam quoad reformationem, quando subiungit dicens: quia in his cujuslibet vitæ atque communis actionis norma existit. Constat autem & luce clarius apparere potest, juxta sacri Constantiensis concilii decretum, quemlibet, etiam si papali dignitate præfulgeat, decretis sacrorum conciliorum obedire debere in his quæ pertinent ad fidem, extinctionem schismatis, & reformationem ecclesiæ in capite & in membris, & pertinentibus ad ea. Et si gloriosissimi pontifices ea destruere quæ antecessores sui statuerunt, erubuerunt; multo magis decet & expedit, quin immo summe necessarium foret sanctitatem vestram eorum vestigiis inhærendo, decreta sacrorum conciliorum summa cum veneratione observare & observari facere & custodire. Sicque, beatissime pater, si priscorum sacrorum pontificum magnifica opera sanctitas vestra attendit, summo studio conabitur gloriam suam triumphalem suis posteris & universo orbi relinquere profuturam. Neque sanctitatem vestram retrahat levis occasio, quin immo divinæ necessitudinis satisfaciatur, si grato studio sua adminicula nunc petenda ecclesiæ Dei feliciter condonabit. Non iniustum petimus, non sanctitatem vestram maximis præliis aut certaminibus consilgere rogamus, non insuperabiles montes transire, non ampla terrarum spatia vasti orbis lustrare, sed ut sancta catholica ecclesia favoribus benignis participata, bonos felicitatis suæ eventus in perpetuum memorabiles conquirit gloriose. Nunc autem, pater beatissime, de vestrae sanctitatis benedictione ad rem specialius descendam, alia injuncta posteris temporibus explicaturus.

Considerans itaque sancta ecclesia catholica per sacram synodum Basileensem representata, reformationem Dei in capite & in membris universo orbi esse summe necessariam, & ad eam perficiendam creberrimis litteris sanctitatem vestram magna cum caritate & solertia propulsatam fuisse, in nomine Spiritus Paracliti, magnis & variis impedimentis intervenientibus, sua saluberrima promulgavit decreta. Cum autem, pater beatissime, ob eorundem transgressionem, magna scandala in ecclesia Dei præteritis temporibus exorta sint, & nisi accuratius provideatur, rimendum foret, maiora scandala intolerabilia ac schismata graviora suboriri: maxime autem propter non observantiam decreti de electionibus, ob quam transgressionem paucis temporibus elapsis, sequi poterit perniciosissimum schisma in ecclesia Dei periculosius quidem quam fuerit aliud

ANNO  
CHRISTI  
1435.

\*al. con-  
ventus.

no-

ANNO  
CHRISTIANI  
1435.

noviter extinctum. Illud namque dividebat ecclesiam Dei in duas partes; sed si sanctitas vestra non servaret decretum de electionibus per sacrum concilium promulgatum, timendum foret, quod infra decem aut quindecim annos sancta catholica ecclesia divisa reperitur in tot partes quot sunt dioeceses. Proximis insuper diebus cum ambasciatores sacri concilii Francofordiæ in solemnem conventionem sacri Romani imperii electorum & principum Almanniæ essent constituti, audierunt gravissimas querelas, maximae scandala exinde evenire. Ad statim vero exposit Colonienfis & Moguntinus archiepiscopi querulosas litteras de novo sacro concilio transmiserunt, postulantes humiliter & devote, quatenus sacrum concilium observantiae decreti de electionibus ante sui dissolutionem dignaretur apponere remedium opportunum. Quamvis autem, pater beatissime, superioribus temporibus sacrum concilium per honorabilem dominum abbatem S. Justiniæ & demum per duos reverendissimos S. R. E. cardinales pro observandis decretis editis & edendis S. V. requisiverit, nunc vero per nos humiles dictæ sanctæ synodi oratores rogat, petit, hortatur, & per viscera misericordiæ Dei nostri Jesu Christi obsecrat & amplius requirit; quatenus sanctitas vestra deinceps cum effectum servare & servari facere velit decreta edita & edenda per sacrum concilium Basileense, & in contrarium attentata revocare, alioquin P. B. dicta sacra synodus multiplicibus jargiorum ac scandalorum crebris propulsa opprobriis, intendit dare operam efficacem, per quam decreta sua ab omnibus inviolabiliter observentur, etiam quacumque præfugeant dignitate, prout impossibile erit: unde jam tot scandala & schismata in populo Christiano suborta existunt, & per amplius sequi verisimiliter timeantur, quod sacro concilio non expedit conventibus oculis pertransire. Et si sacrum concilium non foret congregatum ad obviandum dictis scandalis, de novo deberet congregari. Numquam autem sacrum concilium patietur se dissolvi, nisi primitus adhibito sufficienti remedio modo possibili, pro observandis decretis ejusdem. Quid namque prodesset condere decreta & leges, si non observarentur? Quails insuper futuris temporibus spes generalia concilia congregandi haberi poterit, si decreta sacri concilii Basileensis tot laboribus & expensis condita & promulgata, tam de facili violari, ac etiam retractari, irritari a quocumque tolerarentur? Et profecto nisi diligentius provideatur super observantia decretorum, paucis temporibus elapsis, omnis auctoritas sacrorum conciliorum enervabitur, & disciplina ecclesiastica peribit. Vulgaris namque inolevit vox populi, si durante concilio hæc sunt in viridi, quid eo dissoluto sperandum foret in arido?

Præterea, pater beatissime, ad dictam observantiam decretorum ex suscepti regiminis officio S. V. stricta est. Unde juxta \* Juliani papæ sententiam, officii nostri consideratio non est nobis dissimulare, non est tacere libertas, quibus major cunctis Christia-

næ religionis zelus incumbit, & per consequens ferventiori desiderio ea quæ sunt Christianæ religionis decreta Romanos pontifices servare oportet. Neque aliquam aliam sedem, secundum Gelasium, uniuscujusque synodi constitutum, quod universalis assensus probavit, magis exequi præceteris oportet quam primam; quæ & unamquamque synodum sua auctoritate confirmat, & continua moderatione custodit. Nedom autem verbo aut scripto ea amplecti, sed etiam usque ad animam & sanguinem ea quæ Spiritu sancto dicant patres diffinierunt, præcipua virtute defendere & servare, ab aliis observari facere & custodire. Quod si sanctitas vestra fecerit, profecto sancta catholica ecclesia immensam gloriam honoremque suscipiet pariter & decorem. Sacrum quoque concilium Basileense in Spiritu sancto legitime congregatum, & sanctitas vestra vinculo caritatis indissolubili erant unum, sicut & nos unum sumus.

Insuper, pater beatissime, quot & qualia scandala præteritis temporibus provenerunt, ex eo quod sententiæ etiam tres conformes latæ in sacro concilio, in curia Romana refricantur, retractantur & revocantur, ad plene explicandum non sufficeret dies, neque mensis. Patres autem sacri concilii & etiam cuncti principes sæculi de hac re non solum adjurantur, \* sed & gravissimè scandalizantur, cum hoc cedat in maximum scandalum & perturbationem ecclesiæ universalis. Fiant namque diversi processus in diversis partibus; unus excommunicat, & alius absolvit; unus obedit, & alius contemnit. Quanta autem mala & contentus ecclesiastici status hinc proveniant, lingua nostra mortalis ad plenum explicare non poterit. Et quod gravius est, sunt processus in curia Romana, per quos monentur supposita concilii, signanter autem scriptores & abbreviatores, cum tamen ita necessaria negotia ibidem tractentur, quod non solum non deberent vocari, quin immo & alii mitti. Eapropter, pater beatissime, dicta sacra synodus vestram sanctitatem rogat, petit, hortatur, & insuper per viscera misericordiæ Dei nostri Jesu Christi obsecrat & requirit, quatenus sanctitas vestra deinceps taliter velit providere, quod ista aut consimilia de cetero non fiant, & præsertim mandare domino patriarchæ Hierosolymitano, a quo dicitur illud monitorium emanasse, ut illud revocet, & de cetero similia non attentet.

Peramplius autem sanctitas vestra dignetur fovere & habere recommissa supposita sacri concilii, prout in decreto adhesionis pollicita fuit sanctitas vestra facere. In omnibus autem sanctitas vestra velit sic agere, quod patres in sacro concilio concipere valeant sanctitatem vestram manutenere sacrum concilium, & non per indirectum dissolvere. Quod si sanctitas vestra fecerit, totus insuper orbis universus exinde magnam suscipiet consolationem & quietem. Sacrum insuper concilium & sanctitas vestra erunt unum, sicut & nos unum sumus.

ANNO  
CHRISTIANI  
1435.\* al. admiran-  
tur



ANNO  
CHRISTI  
1435.

Postremo, pater beatissime, sacrum concilium volens ea significare sanctitati vestre, quæ proximis diebus in sacrosancto opere reformationis dudum universo orbi per suas litteras promissio fecit & ordinavit, in præsentiarum in signum participationis tot & tantorum bonorum operum, transmittit sanctitati vestre decretum de annatis, vacantibus, & communibus servitiis tollendis, prout in ipso decreto statim præsentando clarius continetur. Et dicta sacra synodus hortatur & requirit sanctitatem vestram, quatenus velit ipsum decretum in sua curia servare, & alibi observari facere & custodire, quod ipsum est conforme legi divinæ & canonicis sanctorum patrum, & digne ipsum benigne suscipere tamquam opus quod principaliter reformandum erat. Quamvis autem, pater beatissime, istæ annatæ introductæ fuerint in causa passagii terræ sanctæ, nunc autem cessante causa cessare poterit & effectus, etiam dictæ annatæ hæcenus levatæ non sunt conversæ in eum usum & finem, propter quem annatæ adinventæ fuerunt, maxime quia superioribus temporibus in sublevatione dictarum annatarum tantus rigor, totque exorbitantiæ, tot insuper destructiones & orationes ingnium ecclesiarum, provenerunt: adeo etiam quod in multis ecclesiis cultus divinus, nedum diminutus, sed etiam in totum collapsus existit. Multi etiam nobiles prælati ob non solutionem annatarum, innodati censuris ecclesiasticis, multis annis a divinis abstinentes, & tandem plurimi in ipsi sic mortui in terra prophana inhumati sunt; alii vero coacti sunt vendere libros, calices, capas reliquiarum, & ornamenta ecclesiarum. Alia autem innumerabilia mala, quæ exinde subsecuta sunt, in longum enarrare supersedeo de præsentibus. Quibus singulis attentis, per amplius non expediebat sacro concilio conviventibus oculis pertransire. Unde pater beatissime, si Alexander S. R. E. & apostolica sedis episcopus scribens Lucensi (a) ecclesiæ constituit & decreverit, quod nullus cujuscunque gradus clericus pro ecclesiastico beneficio audeat aliquid conferre, etiam si fabricæ ecclesiæ, vel in denariis, seu etiam in usus pauperum donatum tribuendum foret; multo magis decuit sacrum concilium, quod est speculum & norma cujuslibet vitæ atque communis actionis, decretare & ordinare, quatenus amplius in collatione beneficiorum, confirmationibus electionum, admissione postulationum, tam in Romana curia, quam alibi, nihil penitus ante vel post exigatur, directe & indirecte, prætextu etiam cujuscumque consuetudinis, privilegii & statuti, aut alias quacumque recepta occasione. Sacrum namque concilium nihil novissimum videtur, sed antiquissima jura sanctorum Romanorum pontificum innovavit.

Nihilominus, pater beatissime, sacrum concilium omnino dispositum est, & jam laborat per aliquem alium modum honestiorem

sanctitati vestre & dominis cardinalibus, ralem facere provisionem, de qua sanctitas vestra & domini cardinales merito poterunt contentari: præsertim autem si sacrum concilium informatum fuerit realiter & cum effectu sanctitatem vestram decreta sacri concilii Basileensis servare, ab aliisque observari (b) facere, & in contrarium attentata revocare. Has preces, pater beatissime, nos humiles & tantilli dictæ sacrosanctæ synodi oratores, sanctitati vestre magna cum instantia offerimus, rogantes sanctitatem vestram humiliter & devote, quod si nobis iniuncta non tam mature aut eleganti stylo quo decuisset, exposuerimus, id non sacro concilio, sed nostræ imperitiæ sanctitas vestra adscribere dignetur. Finaliter, pater beatissime, optat ipsa sacra synodus, ut Deus gloriosus vota & agenda V. S. feliciter dirigat, & celesti dono prosequatur, ut per hæc & per alia meliora, quæ, Domino inspicante, V. S. in posterum fecerit, immarcescibilem vitæ æternæ coronam & triumphalem gloriam consequi mereatur, quam S. V. & nobis omnibus concedat Jesus Christus benedictus in sæcula. Amen.

#### INSTRUMENTUM REQUISITIONIS

*Papæ super observatione decretorum.*

**I**N nomine Domini, tenore præsentis publici instrumenti cunctis fiat manifestum, quod anno a Nativitate Domini MCCCXXXV. indictione XIII. die vero XII. mensis Augusti, pontificatus etiam domini Eugenii anno V. in domo fratrum Predicatorum Florentiæ, in dominorum testium nostrorumque notariorum, &c. præsentia, venerabiles viri Jo. de Buikenen decretorum doctor, & Matthæus Mesnage baccalaureus formatus in theologia, sanctæ generalis synodi Basileensis oratores & ambasciatores, coram reverendissimis reverendisque patribus dominis episcopo Ilerdenti, archiepiscopo Spalatensi, episcopo Cervienfi, Jo. de Meila protonotario, & quamplurimis aliis doctoribus, &c. personaliter constituti, exposuerunt qualiter nuper videlicet XIV. Julii, præfati domini, aut major pars eorum, in audientia publica, & coram sanctitate domini nostri papæ præfati, reverendissimi quoque dominis cardinalibus, præfati domini ambasciatores & oratores ex parte sacrosanctæ synodi generalis Basileensis supplicarunt, rogarunt & requisierunt eandem sanctitatem ad observantiam decretorum ejusdem sanctæ synodi, & in contrarium attentatorum revocationem, necnon pro reductione Græcorum, indulgentiarum cum eodem concursu, prout & quemadmodum in propositionibus & collationibus eorundem ambasciatorum, coram eodem domino sanctissimo factis & pronuntiatis continetur, quas pro

lib. p. 845.

ANNO  
CHRISTI  
1435.

(a) Apud Bzovium Livensi ecclesiæ.  
(b) Apud Bzovium omisiss his verbis: Et in contrarium attentata revocare; Additur: Et cujodiviri, sicut & prout S. V. in bulla sua adhesionis pollicita est servare.

repetitis habere voluerunt, & quia super omnibus supradictis præfatus SS. dominus noster papa in præsentiarum dicto sacro concilio in eorumdem dominorum oratorum personas dederat responsum, per quamdam cedula papyream eisdem dominis ambasciatoribus per dictum Poggium præsentatam & per eos receptam, quam de mandato præfati SS. domini nostri papæ asserebat scripsisse: non videbatur eisdem dominis oratoribus pro honore sacri concilii, domini nostri papæ, ac ipsorum dominorum oratorum sufficere, immo magis visum fuit expedire, quod huiusmodi responso sub bulla ipsius domini nostri, necnon expressione nominum sæpeditorum dominorum ambasciatorum sacro concilio transmitti deberet, licet ipsam cedula offerrebat se velle ipsi sacro concilio cum omni honore & reverentia repræsentare. Et nihilominus ex superabundanti cautela, iterum de novo supplicarunt & requisiverunt SS. dominum nostrum, quatenus vellet servare & servari facere decreta sacri concilii Basileensis, & in contrarium attentata revocare, ac alia facere & adimplere, prout & quemadmodum in propositionibus eorum & collationibus fuerat & erat expressum. Id & super quibus omnibus & singulis sæpediti domini oratores sibi fieri petierunt instrumentum & instrumenta, &c.

Et ego Desiderius Barardi de Forcellis Tullensis diocesis clericus, publicus imperiali auctoritate notarius, dum hæc agerentur, &c. præfens fui, &c. Quare &c.

## RESPONSIO FACTA

Per reverendissimum dominum legatum oratoribus domini papæ super propositis per eisdem in generali congregatione.

DECERET huius sacri concilii dignitatem, ut cum SS. domini papæ oratoribus nunc respondendum sit, tali viro hoc onus injungeretur, qui et sacro concilio et ipsi summo pontifici dignam orationem faceret; sed cum loco tantum et non meritis hoc respondendi officium tribui hæcenus solitum sit, excusabit consuetudo, si vestris ornatissimis orationibus par aut similis non reddatur oratio. Excusari et ego jure debeo, qui hunc primum locum non ambitu aliquo, sed superioris iussu, contra meum instinctum consecutus sum: quem etiam non voluntas, sed necessitas ad respondendum coegit. Semper ergo familiariter, quemadmodum apud vos domi. soleo, nunc vobiscum colloquens magis quam perorans, principales vestrarum orationum assumam partes, quibus nomine sacri concilii respondebo. Et a vobis initium dicendi faciens, venerabilis domine generalis, qui primum Lactantij ac Ciceronis stylo hic perorastis, quatuor ex vestra oratione principaliter colligo. Primo hanc sanctam synodum ad caritatem, pacemque & Concision. Supplem. Tom. IV.

unitatem cum domino nostro conservandam exhortati estis. Secundo sanctum piumpque ejus propositum ac desiderium explicastis, ad hæc tria opera, quibus sacrum concilium intendit. Terrio quod sedem apostolicam potentem esse & opibus abundare necesse sit, ut oppressos relevet, & indigentibus subveniat. Postulastis demum loco annatarum, quas decretum nostrum proxime editum abstulit, provisionem sedi apostolicæ sufficientem fieri. Vos autem, domine Antonine Auditor, duo præcipue apud fratres Minores etiam discretissime complexi estis. Primo quod hæc annatæ jure naturali divino & humano tolerari poterant. Secundo quod aut suspendatur decretum, aut debita sedi apostolicæ fiat provisio. Exhortatio, quam primo loco, domine generalis, ad pacem caritatemque & unitatem fecistis, sancta quidem est & salubris, & omni receptione digna, quam quilibet Christianus utraque manu amplecti debet, quæ quam sit necessaria & utilis in se quilibet palam experitur. Quantumlibet enim homo sit dives ac potens, omnia habens nature & fortunæ bona, si pace & unitate cum proximis careat, nihil jucunditatis, nihil lætitiæ sentire umquam poterit, sed plurimas animi molestias, atque angustias secum ubique deferet. Nos etiam non passi sumus hoc munere pacis ab ipso summo pontifice præveniri. Nam & sæpe numero ac per nostros oratores novissime

Florentiam destinatos, id ipsum suæ sanctitati nunciavimus, optantes ut unum effemus caritate ipse & nos, sicut Christus orans pro discipulis dicebat: Oro, pater, ut unum sint, sicut & nos unum sumus. Ipse igitur summus pontifex pacem & unitatem nobiscum habere desiderat, & nos secum: ipse illam nobis nunciat, & nos sibi, quid ergo restat quod ipso & nobis pacem & unitatem optantibus invicemque nunciantibus, pax ipsa non sit? An quia sic alter alteri pacem optamus & nunciamus, pacifici dicendi sumus? An etiam quia inter dissidentes, ut modo in Christianissimo regno Franciæ factum est, pacem componere satagimus, filii

Dei vocabimur, si pacem inter nos invicem non habemus? Non quidem. Inquit enim B. Hieronymus super Mattheo in verbo illo *Beati pacifici*, ille vero pacificus est, qui prius in seipso, deinde inter alios pacem querit. Ipse & nos unum corpus ecclesiæ sumus, qui regimur sub uno Christo capite nostro, ipse & nos civitas Dei sumus, ipse & nos una domus Domini sumus. Si in hoc corpore, si intra ejus civitatis ecclesiasticæ mœnia, si intra hujus domus parietes dissensionum, æmulationum, odiorumque bella versentur, quis ipsum & nos pacificos recte nuncupabit, etiam si in toto terrarum orbe pacem effecerimus? Quid ergo cause est, cum uterque tam bonam & sinceram ad pacem se voluntatem habere dicat, quod inter nos & ipsum non mediocres dissensionum, scintillæ apparent, quæ nisi caute extinguantur, verendum est, ne in maximam erumpant flammam? Quid opus est indicis aut conjecturis hujus discordiæ causas investigare? Audiamus quid in nobis loquatur Dominus Deus noster, quoniam loquatur pater, Eccc



ANNO  
CHRISTI  
1435.

com in plebem suam, inquit Deus per os psalmistæ, misericordia & veritas obviaverunt sibi, iustitia & pax osculate sunt. Demonstrat nobis profecto Dominus Deus noster, quod pax sine iustitia esse non possit, immo ut illa sit, iustitiam præcedere oportere. Cum ergo ita sit, aliter esse non potest, cum veritas attestetur. Necessarium est, si Dominus noster veram pacem & unitatem inter nos & ipsum fore desiderat, ut ea quæ ad iustitiam spectant, prius ipse præmittat, hoc est ut ecclesiæ universali jus suum tribuat. Quid est illud ecclesiæ jus? quæ sunt illæ iustitiæ partes, quæ veram pacem præcedere debent? Non certe aliæ, nisi cum ecclesiæ universalis Spiritu sancto dirigatur, & eam universale concilium repræsentat, ut decreta synodalia diligenter servet, & per alios suo exemplo & iussu servari faciat. Ita & sui antecessores sancti Romani pontifices, quorum vitam in testimonium sanctitatis etiam miraculis illustravit Deus, fecerunt, cum summa veneratione universalem conciliorum canones suscipientes, & per eos inviolabiliter servari facientes, qui sine maxima & urgentissima causa adversus ea non disponebant quicquam, nec ab aliis aliter fieri patiebantur. Inquit enim B. Damasus, abist a me, ut SS. Patrum canones absque inevitabili causa umquam transgrediar. Et magnus ille Gregorius, ut sancta evangelia, concilia universalis se venerari affirmat, & non solum quatuor illa primæva, sed & omnia, dum ea ratione utitur, quæ omnibus universalibus synodis communis est. Beatus quoque Gelasius universalis ecclesiæ statuta asseverat, nullam esse sedem quam magis exsequi oporteat, quam primam. Non satis mihi esset usque in crastinum, si singulos tam summos pontifices, quam sanctos doctores recensere pergam, qui saluberrimam conciliorum doctrinam super ceteras alias efferebant, venerabantur & observabant. Nec sic faciendo quicquam Romani pontificis auctoritati deperit aut detrahitur, immo adjicitur, immo accrescit. Quicquid enim in sacris statuitur conciliis, sua etiam auctoritate statuitur, quæ semper ibidem refulget, ut prima & præcipua, præ omnibus caput & directrix; & cum aut personaliter aut auctoritative semper in synodis universalibus interfit, ipseque sit ecclesiæ rector & pastor, decreta conciliorum & sua, & sedis apostolicæ dici non immerito possunt. Nos enim, ut dixi, unum ecclesiæ corpus sumus, & ipse hujus corporis caput sub capite Christo. Quicquid igitur sit ab hoc corpore ecclesiastico, etiamsi omnia membra in idem concurrant, sicut in corpore naturali accidit, magis tamen & præcipue operatio quævis capiti appropriatur & ascribitur, ab ipsoque magis quam ab alio corporis membro procedere censetur. Itaque non secus synodalia decreta pro suo debito & honore & exsequi debet, ac per alios servari facere, quam si ab ore proprio dictata & promulgata essent. Dum enim, ipse præsens est, ipse concludit, ipse statuit, & sub nomine suo & persona ejus omnia decernuntur: dum abest, sui præsententes, qui vice ejus funguntur, locumque

apostolicum tenent, ac personam pontificis repræsentant, per sacrum concilium deliberata concludunt. Per concilii autem statuta in nullo suæ derogatur potestati, quin pro tempore, loco, causisque & personis, utilitate vel necessitate suadente, moderari, dispensari possit, atque uti summi principis epicheia, quæ ab eo auferri nequit. Hæc ergo sancta synodus non opes, non quid aliud ab eo postulat, sed hoc dumtaxat, ut quemadmodum sui egerunt antecessores circa decretorum synodaliū observantiam; ita & ipse facere dignetur. Quod si fecerit, prout putamus, & ex toto corde obsecramus, tunc præeunte iustitia, mox læta fronte soror ejus jocundissima succedet pax, quæ sine iustitia germana sua antiquiore intercedere non consuevit. Quod si forsitan & ipse summus pontifex dicat, quemadmodum & vos in cordibus vestris nunc dicere suspicor, etiam ex parte hujus sacri concilii, præcedere oportere iustitiam, sibi que jus suum per nos tribui debere. Nemo nostrum ita irrationabilis est aut esse debet, quod alio jure in se, alio in aliis uti contendat, & ab alio sibi fieri iustitiam petat, ipse alteri denegat. Videamus, & inter nos discutiamus, si quid est in quo concilium jus sedis apostolicæ gravet, lædat & offendat, minuat; & ecce nulla erit, ut spero, difficultas, quin omnia ad justitiæ rectitudinem & ecclesiæ normam redigantur. Sic igitur utrumque faciendo, tunc rei evidenti animo utriusque ad unitatem paratum demonstrabit, & tunc veri pacifici erimus, ac filii Dei vocabimur.

Hinc ad secundam vestræ orationis partem se mihi competens responsum offert. Sic enim, ut prædictum est, faciendo, tunc evidenter cognoscemus, & ubique palam faciemur sanctitatem suam ad hæc sancta opera, propter quæ convenimus, veram perfectamque voluntatem gerere; tunc nos super omnes præcipui laudatores ac præcones erimus. Tertio loco, dicitis oportere sedem apostolicam abundare ac potentem esse, exemplo illorum Romanorum pontificum, qui B. Anastasio, \* B. Johanni Chrysostomo, \* f. Athanasio, ac B. Thomæ Cantuariensi de sedibus pulsus, opem, subsidiaque necessaria contulerunt; B. quoque Gregorii, qui usque Jerusalem indigentibus vitæ necessaria ministrabat. Nos nec re, nec verbo contradicimus in hoc: immo non est illa sedes, nec esse posset tam potens ac locuplex; quin eam pro utilitate ecclesiæ locupletiore, potentiorque esse vellemus, quamquam affirmemus, & in illa, & in aliis episcopalibus sedibus desiderari magis copiam abundantiamque virtutum & meritum, quam opum & divitiarum. Nec certe fecimus, aut quicquam facere intendimus, per quod illa sancta sedes jacturam seu diminutionem aliquam auctoritatis vel facultatis pati possit. Quod si recte cuncta animadvertantur, atque omni passione sopita, judicent omnia, nemo asserere cum ratione poterit, quicquam per hoc nostrum decretum in diminutionem, derogationem, seu præjudicium illius sedis fore attentatum. Et quamquam multæ ad id rationes suppetant, tres nunc satis esse

judico. Primo, cum nemo inficietur multos in exactione harum annatarum solitos fieri abusus, cum etiam hinc multi scandalum paterentur, & scrupulum in conscientiis, ac modus ipse exigendi onerosus esset ecclesiis, & apud multos speciem mali continere videretur; nos his omnibus hoc decreto providimus, sequentes doctrinam Christi mandantis, nemini incutiendum esse scandalum, & apostoli Pauli præcipientis ab omni specie mali abstinendum. Regulas quoque canonicas ac legales, quæ nonnulla prohibent, licet in se non mala, ab hoc tantum quod vel speciem mali continent, vel occasionem delinquendi nonne & gratis offerre, & elemosynam dare pium est caritatis opus? Sed quoniam tempore baptismi nummos projicere in concham, speciem protendebat mali, emendari, & aboleri talem consuetudinem jussit ecclesia. Nihil quidem novitatis per hoc decretum in ecclesia introductum est, sed præcepta & exempla Christi exsecuti sumus, ac sanctorum patrum renovavimus instituta. Quid fecimus? audite & considerate, quæto, diligenter. Statuimus quod beneficia & ordines ecclesiastici gratis conferantur; numquid est scelus aliquod aut sacrilegium? nonne Salvator noster hanc ipsam nobis necessitatem imponit, dicens: *gratis accepistis, gratis date*? Quid fecimus? Statuimus quod spiritualia pacto, conventionione, seu contractu, aut operamumulariorum non distribuantur. Sed & Christus Deus noster in domo Domini hoc fieri videns, flagello de funiculis factio, zelo justitiæ succensus, expulit inde omnes vendentes & ementes, & mensas nummulariorum evertit. Et cum ipse cetera crimina verbo tantum detestatus sit, hoc unum manu propria terribili punitione correxit. Quid fecimus? decrevimus quod res spirituales sine pecuniæ interventu ministrantur. At B. Petrus primus Christi vicarius, dum mentem quotidiana conversatione optime intelligens, cum Simon Magus pro gratia spirituali pecuniam offerret, eum abhorruit, maledixit, & repulit, dicens: *Pecunia tua tecum sit in perditione*. Nonne sacrorum conciliorum, sanctorum Romanorum pontificum, probatorumque doctorum codices his prohibitionibus pleni sunt, ut videlicet pro rebus spiritualibus & ecclesiasticis nihil ante vel post ab invito exigatur? Hæc fecimus, hæc statuimus. Conqueratur ergo qui vult, si tamen iuste id possit, de illis qui talem nobis legem dederunt, quorum decreta renovavimus, non nostra fecimus. Quis ergo jam dicere: audebit sedem apostolicam aut alias per hoc tam salubre & necessarium statutum depauperatas aut læsas fore? Immo rectius dicit, qui ratione utitur, honestas, expoliataque, & ad decorem pristinae formæ reducat. Secunda vero ab omni calumnia nostrum decretum evidenter defendit. Per ipsum non interdicatur, quin pro vitæ sustentatione aliisque ecclesiæ necessitatibus summus pontifex aliarumque ecclesiarum episcopi caritativum subsidium indicare, decimam seu aliam quotam imponere, fructusque aliquorum beneficiorum ad tempus reservare, vel alias subventionum species per-

tere possit. Satis ista esset, nisi & tertiam reddere promississem, quamquam autem sic decretum sit & bene decretum, non tamen adhuc auditum est, quod hæc sancta synodus nolit sedi apostolicæ dignam ac competentem provisionem facere, immo hoc per suos oratores jam pridem nunciavit & pollicita est, si tamen observantiæ decretorum synodaliū, ut dignum est, rationem habuerit. Et veluti in corpore naturali reliquæ membra suo capiti necessaria provident, ut vitæ & sustentationis influxus ab illo in ipsa descendat; sic quidem æquum est & rationi consonum, ut ecclesiæ per orbem diffusæ, summo pontifici, suisque pastoribus indigentibus, ut ab his salubriter regantur, & gubernentur, necessariam subventionem portigant. Nihil autem ad bene regendam conservandamque ecclesiam æque utile ac necessarium est, quam ut synodales canones, quos a Spiritu sancto dictatos credimus, non negligantur aut contemnantur. Illud autem silentio prætereundum non est, quod nec B. Athanasio, nec S. Johanni Chrysostomo, nec B. Thomæ Cantuariensi per Romanos pontifices, nec pauperibus Ierosolymitanis per B. Gregorium de his subventum est. Neque enim adhuc hæc vocabula in ecclesia Dei audiebantur, neque etiam alii episcopi præclara caritatis & pietatis opera de emolumentis sigillorum explere consueverant.

Ex his facile responsum patet ad ea quæ primo loco vos, domine Antonine explicastis: quoniam etsi pro vitæ sustentatione & aliis iustis necessitatibus pastoribus ecclesiæ jas naturale, divinum atque humanum provisionem facere jubeant, modum tamen istum vel illum saltem pro semper non præcipiunt. Illud autem constat, quod quanto exactio aliqua plus habet abusus, seu oneris, aut scandali, vel majorem speciem mali; tanto amplius a jure naturali & divino discrepat, quæ his diebus nostris usitato modo exigendi annatas admixto esse, nec vos, nec quisquam veritatis amicus inficiari poterit. Quamquam autem modus aliquis exigendi usitatus sit in ecclesia, si tamen onerosus aut abusivus esse incipiat, nulli negare fas est, quin modum illum ecclesia possit in alium leviores vel honestiores convertere. Ea, autem quæ pertinent ad vitæ sustentationem seu utilitatem aut necessitatem ecclesiæ, quæ quidem de jure naturali & divino esse færemur, neque abolimus, neque auferre licitum videtur; immo, ut plus dicam, etiam præter multos sustentandi modos, qui in jure statuti sunt, hæc sancta synodus, ut prædictum est, summo pontifici provisionem facere obtulit, si & ipse circa synodaliū decretorum observantiam animum, ut decet, inclinaverit. Quod vero de suspensione decreti postulastis, nulla ratione decere videtur, ut tam salubre decretum conformemque per omnia legi evangelicæ & sanctorum patrum institutis, suspendi aut irritari debeat. Postremo uterque vestrum provisionem sufficientem sedi apostolicæ faciendam poposcit, ad quod sancta synodus respondet, se circa hoc id deliberaturam quod secundum Deum & rationem viderit expedire, taliterque facturam,



ANNO  
CHRISTIANI  
1435.

quod nemo de ipsa synodo poterit cum ratione conuenire.

## COPIA LITTERÆ MISSÆ

Regi Angliæ pro parte domini cardinalis de Cypro & oratorum concilii in Attrebatu existentium.

Ib. p. 86r.

**S**erenissime princeps & excellentissime domine, cum superioribus diebus regia maiestas vestra ad villam Attrebatensem suos destinaverit oratores, ad conventionem habendam pro pace componenda inter hæc potissime regna Franciæ & Angliæ, ibi eis cum oratoribus serenissimi regis Karoli & nobiscum, una cum reverendissimo domino S. Crucis, domini nostri papæ, ac aliis reverendis ejusdem sacri concilii oratoribus, ad eam conventionem specialiter destinatis, convenientibus, & de dicta pace tractantibus, tandem post plura colloquia diversis diebus habita super dicta pace, & multis ac variis hinc inde factis oblationibus, ad unum terminum certarum oblationum præfati oratores Gallici immutabiliter se firmaverunt, quæ oblationes nobis visæ sunt magnæ, rationabiles, & merito acceptandæ per vestram regiam maiestatem. Tandem præfati oratores ejusdem maiestatis, nullatenus se eas acceptare velle expresse testati sunt, nec ad respondendum super eis ullum voluerunt terminum acceptare, etiam postquam de eis vestram certiorassent maiestatem. Quamobrem, ut illis prædiximus, sequentes qui nos miserant præcepta mandatum, illustrissimum principem ducem Burgundiæ induximus omni studio & diligentia ad pacem habendam cum præfato rege Karolo, ut Christianissimum regnum Franciæ aliquando a tantis calamitatibus & pressuris redderetur immune. Acquievit sua humanitate & innata bonitate consiliis & mandatis sanctæ matris ecclesiæ, pacemque quantum in se fuit, præfato regno dedit. Insuper & avidissimus, sicut fuit semper, pacis generalis dictorum regnorum, quam & nos omnes summo desiderio prosequimur & optamus, operatus est summa diligentia cum præfatis oratoribus præfati regis Karoli, ut oblationes antedictas in publica forma & authentica sub forma *Vidimus* ad maiestatem vestram mitterent, offerentes, quæ per nuncium præsentium latorem eidem maiestati præsentabuntur. Supplicamus itaque vestræ celsitudini & in Christi visceribus obsecramus, ut super illis dignetur advertere diligenter, & pia mentis devotione revolvare, secumque reputare harum oblationum uberrimum plissimum, atque suavissimum fructum, si eas vestra maiestas duxerit acceptandas. Dabuntur etiam ex hoc Deo laudes maximæ; habebit populus Christianus omnis summam lætitiæ; habebit ecclesia universalis plenam exultationem & gaudium; habebunt etiam duo regna præcipua tranquillam pacem, dulce refrigerium, vestre quoque excellentissimæ maiestati honor maximus dabitur & æternus. Nos postremo universalis ecclesiæ legatus & oratores cla-

rissimi nominis vestri & incredibilis gloriæ, illud summa cum laude extollemus & prædicabimus. Verum ut de sua intentione super his quæ scripsimus, vestra maiestas nos certiores faciat, dignetur eadem maiestas affectuosissime, supplicamus, nobis & illustrissimo duci Burgundiæ suis litteris intimare, quid super his decreverit faciendum. Datum Attrebatæ die XXVI. septembris MCCCCXXXV.

Hugo cardinalis de Cypro legatus & alii ambasciatores sacri Basileensis concilii.

## COPIA LITTERÆ MISSÆ

Cardinali Angliæ, ut supra.

**R**euerendissimo in Christo patri domino cardinali Angliæ, ac aliis ambasciatoribus de Anglia ad dietam Attrebatensem. Reverendissime in Christo pater & domine, vosque ceteri præstantissimi patres & domini, noverunt dominationes vestras quomodo superioribus diebus in villa Attrebatenti vestre dominationes dum convenirent, dum dominis oratoribus Franciæ super pace componenda inter regna Franciæ & Angliæ, nulla potuerit haberi concordia pacis inter præfatos oratores & dominationes vestras, sicut plenissime estis informati. Quamobrem nos avidissimi generalis pacis semper habendæ inter hæc præfata regna exoramus affectuosissime dominationes vestras, ut regiæ maiestati suggerere velitis & consulere, quod oblationes, quas per præsentium exhibitorem mittimus eidem maiestati, & illustrissimus dux Burgundiæ, horum regnorum pacis generalis indefessus persecutor, dignetur acceptare; quia enim omnium nostrum iudicio & exultatione rationabiles sunt & merito acceptandæ; ad has enim faciendas summa diligentia & instantia præfati domini ducis induci sunt, immo pene coacti. Tandemque assenserunt & grato animo obtulerunt. Igitur obsecramus iterum easdem vestras dominationes, & in Domino deprecamur, ut tam salubri tamque necessario bono manum extremam digentur apponere, & tanti boni fieri velle participes. Ex Attrebatæ, die XXVI. Sept. MCCCCXXXV.

Hugo cardinalis de Cypro legatus & ceteri oratores sacri concilii Basileensis.

## COPIA LITTERÆ DOMINI DUCIS

Burgundiæ, missa regi Angliæ.

**I**llustrissimo ac potentissimo principi & consanguineo nostro Henrico regi Angliæ. Illustrissime potentissimeque princeps, & carissime consanguinee, recommendatione præmissa. Scite dignemini, quod post vestrorum ambasciatorum ad dietam Attrebatensem parte vestra missorum recessum, quamvis absque eo quod acceptare voluerint oblationes eis factas in finem pacis generalis in regno Franciæ prosequendæ, recesserint; quæ ob-

ANNO  
CHRISTIANI  
1435.

Ib. p. 86r.

ANNO  
CHRISTI  
1435.

oblationes reverendissimis in Christo patri-  
bus cardinalibus & legatis de Cypro & S.  
Crucis, & aliis ambassiatoribus sacri Basi-  
lensis concilii visæ sunt iustæ & rationa-  
biles, etiam absque concordando in diætam  
certam pro acceptatione aut refutatione di-  
ctarum oblationum: nihilominus dicti domi-  
ni cardinales legati ambassiatores, & ego  
cum ipsis desiderio pacis in hoc regno, quod  
semper habui, obtinendæ, integro animo  
apud dictos domini mei regis ambassiatores  
laboravimus, quod in dictas oblationes, &  
sub ampliori forma concordarent, & in il-  
las consenserunt sub hac conditione, quod  
infra primam diem Januarii proximo ventu-  
ri per vos acceptentur, quemadmodum vobis  
constare poterit ex *Vidimus* factum cum  
vero originali, quod vobis portat Vellus-  
aureum heraldus meus & rex armorum præ-  
sentium lator, hac sola de causa vobis par-  
te mea missus. Propterea, illustrissime & po-  
tentissime princeps & consanguine, rogo  
vos quantum affectuosius efficere valeo, qua-  
tenus circa oblationes in dicto *Vidimus* con-  
tentis habere dignemini avasementum & consi-  
limum, & corde tangere hanc rem, & di-  
ctas oblationes, quæ, ut dictum est, visæ  
sunt & videntur legatis domini reverendis-  
simis cardinalibus legatis ac ambassiatoribus  
sacri concilii iustæ & rationabiles, accepta-  
re; in qua re, ut puto, rem Deo placen-  
tem, Christianitati perutilem, vestrisque sub-  
jectis desideratam facietis, eritisque causa  
totalis habendæ pacis in dicto regno, & re-  
levationis perpetuæ populi, qui usque ad  
finale exitum violentias guerræ pertulit,  
qua de re vos iterum, ut hanc rem facere  
velitis, ex intimis precor, & mihi per di-  
ctum Vellus-aureum heraldum meum signifi-  
care quid super his agere duxeritis. Illustris-  
sime ac potentissime princeps & consanguine,  
dominus noster Jesus Christus vos con-  
servare dignetur. Scriptum in Attrebatō  
XXVI. Septembris MCCCCXXXV.

Philippus Burgundiæ, Brabantie, &c.  
dux Flandriæ, Arthesii, Burgundiæ,  
&c. comes.

## OBLATIONES FACTÆ

Pro parte regis Franciæ, & missæ in An-  
gliam per legatos & ambassiatores sacri  
concilii & SS. domini nostri papæ & il-  
lustrissimi domini ducis Burgundiæ, lecta  
in congregatione generali, &c.

b. p. 264.

f. Vindo-  
incensis.

Karolus Borbonii & Alverniæ dux Cla-  
remontis & Forezii comes, par & ca-  
merarius Franciæ; Arthurus filius ducis Bri-  
tanniæ, Richemundiæ comes, dominus de  
Partheneyo & connestabulus Franciæ Ludo-  
vicus de Borbonio comes Vicedonensis; \*  
Reginaldus archiepiscopus dux Remensis can-  
cellarius Franciæ, Christophorus de Hari-  
curia, Gilbertus dominus de Faleta mare-  
scallus Franciæ, Adam de Cameraco consi-  
liarius domini nostri regis prælidens in suo  
parlamento; Johannes Tuder decanus Pari-  
sienis, consiliarius & magister requestarum

hospitii regis, Guillelmus Chartier & Sre-  
phanus Morelli consiliarii, Johannes Cha-  
stelier, & Rabertus Mailleres dicti domini  
regis secretarii, omnes sui ambassiatores,  
habentes ab eo sufficiens mandatum in hac  
parte, sicut patere potest per litteras suas  
patentes, quarum tenor sequitur, &c.

Scite facimus omnibus præsentibus litteras  
inspecturis, quod cum per ordinationem di-  
cti domini nostri regis venerimus ad civita-  
tem Attrebatensem, ad conventionem ordi-  
natam pro facto generalis pacis hujus re-  
gni, & ibi comparuerimus, pro & nomine  
dicti regis, coram reverendissimis & reve-  
rendis in Christo patribus ac venerabilibus  
personis, cardinali S. Crucis SS. domini no-  
stri papæ legato, cardinali de Cypro lega-  
to, episcopo Albiganensi, præposito Craco-  
vienti, archidiacono Metensi, ambassiatoribus  
sacri concilii Basiliensis pro pacificatione re-  
gni, coram quibus etiam comparuerunt am-  
bassiatores pro parte Angliæ. Comparuit in-  
super in persona, quotiescumque expediens  
fuit, illustrissimus ac potens princeps domi-  
nus dux Burgundiæ; & in tantum proces-  
sum est, quod plures oblationes & aperturæ  
factæ sunt in præsentia dictorum legatorum  
& ambassiatorum, tam per nos de parte di-  
cti regis, quam per ambassiatores pro par-  
te Angliæ, ad finem deveniendi ad genera-  
lem & finalem pacem dicti regni. In spe-  
ciali per nos de parte regis finaliter pro bo-  
no pacis certas oblationes et aperturas sub  
certis protestationibus, conditionibus, &  
modificationibus, iustas & rationabiles fe-  
cimus ad finem dictæ pacis, quas illi de par-  
te Angliæ refutarunt, nec acceptaverunt,  
quamvis per dictos legatos & ambassiatores  
SS. domini nostri papæ & sacri concilii fu-  
erint de easdem acceptando instantissime re-  
quisiti & exhortati: quin immo dicti am-  
bassiatores Angliæ de dicta conventione &  
villa Attrebatensi recesserunt absque ulterio-  
ri intentione intendendi ad dictam pacem,  
et absque præfixione dilationis & termini

rationabilis et certi revertendi ad acceptan-  
dum aut refutandum dictas aperturas et obla-  
tiones, postquam tempore pendente habuis-  
sent consilium cum illis de Anglia, et solum  
se onerare voluerunt de referendo ad An-  
gliam prædictas oblationes et aperturas eis  
in scriptis tradendas, ad finem faciendi re-  
sponsum per regem tale et quando sibi pla-  
ceret, se in hac parte puros solum relato-  
res et nuncios constituendo: quæ omnia sa-  
tis irrationabilia et voluntaria pro parte sua  
visa sunt. Et nihilominus post dictum eorum  
recessum per dictos legatos et ambassiatores  
et dictum dominum Burgundiæ ducem in-  
stantissime fuimus requisiti, quod non ob-  
stantibus prædictis, et recessu dictorum am-  
bassiatorum Angliæ, vellemus nomine do-  
mini nostri regis rursus consentire et con-  
cordare dictas oblationes et aperturas per  
nos alias factas et ampliandas quantum pos-  
semus, cum facultate competenti acceptan-  
di dictas oblationes et aperturas per illos de  
parte Angliæ usque ad tempus competens.  
Inde est quod nos desiderantes bonum effe-  
ctum pacis generalis, ad requestam et pre-  
ces supradictorum et singulariter dicti illu-  
stris-

ANNO  
CHRISTI  
1435.



ANNO  
CHRISTI  
1435.

Arissimi domini ducis Burgundiæ, et in favorem ipsius, ipsi dominis legatis et ambasiatoribus domini papæ et sacri concilii et domino duci Burgundiæ accordavimus et consentimus pro et nomine regis in vim mandati nobis præstiti, et consentimus per præsentem in his quæ sequuntur, et sub protestationibus, conditionibus, et modificationibus quæ sequuntur.

Quarum prima est quod de parte Angliæ sufficienter et pro semper renuntietur juri et titulo præsentis ad coronam Franciæ.

Secundo, quod relinquent regi omnes civitates, villas, castra, terras et dominia, in quibus prætendunt jus et occupant in regno Franciæ, exceptis illis de quibus in sequentibus agetur.

Tertio, quod terras illas, de quibus agitur posterius, sumus contenti nomine regis dimittere eis sub homagio et fidelitate, restituti et superioritate coronæ Franciæ, sicut alii antiqui pares Franciæ.

Quarto, quod omnes viri ecclesiastici & sæculares revertantur & recipiantur ad sua beneficia, castra, villas, civitates, terras, dominia, possessiones immobiles quascunque; ita quod in terris quas dimissuri sumus, illi de Anglia illis gaudeant.

Quinto, quod dominus dux Aurelianensis captivus dictorum de Anglia, ponatur ad financiam & redemptionem competentem & rationabilem, & sic maneat quitus de fide sua & captivitate. Et mediantibus dictis conditionibus, nomine regis in vim mandati concessi, consentimus, quod dictis de Anglia maneat in hereditate perpetua omne illud quod tenent & occupant in Aquitania. Item, ducatus Normanniæ, cum omnibus suis pertinentiis, appenditiis, honoribus, prærogativis & emolumentis quibuscunque, secundum modum & formam quibus felicis memorie Johannes & Karolus V. filius ejus tamquam duces tenuerunt. Item, jus tale quale regi spectat in villis, castris & locis, quas dicti de Anglia in partibus Picardiæ ante novissimas guerras, servato regi homagio & restituti et superioritate, tenuerunt, sine præjudicio tamen juris alterius.

Item, sumus contenti nomine quo supra intendere cum dictis de Anglia matrimonio per eos requisito pro rege cum altera filiarum domini nostri regis, absque tamen alia dote.

Item, sumus contenti nomine quo supra, mediantibus tribus conditionibus supradictis, ita quod primo reddant realiter & de facto omnia castra villas, &c. quæ jam occupant in regno ultra prædicta concessa dominia. Secundo, quod omnes ecclesiastici & sæculares, cujuscunque status existant, revertantur ad sua beneficia, civitates, villas, castra, & cetera; & tertio, quod dictus dominus Aurelianensis ponatur redemptioni rationabili; quod alia conditiones, scilicet renuntiatio & jus præsentem ad coronam Franciæ, recognitio superioritatis restitutum, fidelitas, homagium regi Franciæ & coronæ, & matrimonium præscriptum maneat & sint in statu usque ad septennium sequens pendente, quo pro parte dictorum de Anglia rex, qui tunc erit in ætate, po-

terit ad plenum deliberare super dictis renuntiatione, recognitione & matrimonio. Quod si tunc aut citius fuerit deliberatus et contentus facere & complere dictam renuntiationem, recognitionem, & matrimonium, rex intendet cum effectu.

Item, de homagio rex erit contentus quod fiat sibi et suis successoribus regibus Franciæ, per unum de legitimis filiis regis, in quem tunc transferet dicta dominia, aut per alium ducem, in quem transfulerit dicta dominia, et his mediantibus, erit inter eos et regna pax finalis et certa; aliter autem quælibet pars manebit in talibus juribus et querelis, quibus de præsentibus; et nihilominus dicto septennio pendente erit inter dictas partes bona pax et firma, et erit quælibet pars contenta possidere et tenere, scilicet de parte Angliæ illud quod tenent in Aquitania et Normannia, et tenuerunt in Picardia sub conditionibus supradictis, et totum residuum regi: ita tamen quod omnia supradicta modis quibus infra primam diem Januarii proximo venturi pro parte illorum de Anglia sint acceptata et concordata, et quod de consensu suo certificent debite et sufficienter dictos dominos cardinales et dominum ducem Burgundiæ, si tunc fuerint in partibus propinquis, aut saltem dictum dominum ducem ubicunque fuerit: quibus dominis cardinalibus et domino duci Burgundiæ, et cuilibet ipsorum damus potestatem et auctoritatem pro et nomine regis, recipiendi dicta concordata et certificata, et super istis capiendi et indicendi diatam cum dictis de Anglia infra pascha proxime sequens in dicto loco Attrebatensi, Cameracensi, aut Valencianis, ad concludendum finaliter in rebus supradictis, et venire in effectum et executionem rerum supradictarum, et quod dicta diata significetur regi, ut pro parte sua mittat et satisfaciatur sine defectu, consentiat et tradat omnes securitates rationabiles avisdandas in dicta diata pro solida executione omnium supradictorum, protestando per nos de parte regis, quod si infra prædictam primam diem Januarii proxime venturi dictæ oblationes et aperture non fuerint acceptatæ per illos de Anglia, aut sua voluntas super his intimata dominis nostris cardinalibus et duci Burgundiæ, aut alteri ipsorum, ut præmissum est, quod illæ præscriptæ oblationes et aperture sint nullæ et nullius effectus, et reputatæ quasi non dictæ per nos pro parte regis. Omnia igitur supradicta et declarata nos et quilibet nostrum, quantum nos tangere potest, in vim mandati et potestatis nobis datæ, promissimus et promittimus bona fide facere teneri et adimpleri de parte regis et nostræ, sine fraude, deceptione et dolo quibuscunque. Obligamus regem, nos et omnia bona sua et nostræ, et nullo modo convenire promittimus, et quilibet nostrum promittit omnia contenta in præsentibus litteris facere ratificare, approbari, confirmari per regem, et dari litteras suas parentes in forma debita dictis dominis cardinalibus et duci Burgundiæ aut alteri ipsorum, renuntiando omnibus tam juris quam facti, quæ possent dici et allegari contra prædicta, et singulariter illi

ANNO  
CHRISTI  
1435.

ANNO illi clausule, quod generalis renunciatio non  
CHRISTI valet, nisi specialis præciserit. In quorum  
1435. testimonium præsentis litteras nostris signis  
manualibus signavimus, ac sigillis nostris  
fecimus communiri. Datum Attrebatu VII.  
die Septembris, anno Dom. MCCCCXXXV.

## BULLA

*Per quam sacrum concilium mandat do-  
mino archiepiscopo Lugdunensi pri-  
mati Galliarum pallium domi-  
no archiepiscopo Rothoma-  
gensis impendi.*

1b. p. 368. SACROSANCTA, etc. venerabili Amedeo archie-  
piscopo Lugdunensi, Galliarum pri-  
mati, Basileæ commoranti, salutem, etc.

Exposuit nobis venerabilis Hugo archie-  
piscopus Rothomagensis, quod olim post-  
quam ipse tunc episcopus Cabilonensis, a  
vinculo, quo ecclesiæ Cabilonensi astrin-  
gebatur, absolutus, ad ecclesiam Rothomagen-  
sem tunc vacantem, a Romana curia abfens,  
per sedem apostolicam et ejus auctoritate  
translatus fuerit, et ratione translationis hu-  
jusmodi et provisionis de persona sua eccle-  
siæ Rothomagensi factæ, magnæ partis an-  
natæ in camera apostolica recipi solitæ so-  
lutionem fecerat, pallium ab eadem sede  
sibi tradi cum debita instantia postulavit;  
sed pro eo quod integra annata hujusmodi  
non soluta, et ratione pallii alia summæ pe-  
titæ fuerint, quas dari deinceps per decre-  
tum nostrum districtius prohibuimus; ipse archie-  
piscopus, pro quo etiam ut sibi pallium  
traderetur, per nostros nuncios SS. Eugenio  
papæ IV. per nos ex certis causis missos,  
eidem duximus deprecandum, illud ab eo-  
dem obtinere nequivit, nobisque humiliter  
supplicavit, ut sibi, qui propterea asseritur  
illaqueatus censuris, et nobiscum in vinea  
Domini per aliquot annos assidue gravibus  
expensis laboravit, prout laborat in dies,  
et ecclesiæ Rothomagensi, quæ propter guer-  
rarum turbines, et alias varias calamitates,  
quibus diutius est prægravata, in suis pro-  
ventibus plurimum destituta existit, in præ-  
missis succurrere, et pallium hujusmodi sibi  
assignare, et eum de solutione residui anna-  
tæ prædictæ ac censuris præfatis, si illis la-  
queatus existit, absolvere dignaremur. Nos  
igitur decreto nostro hujusmodi inhærere,  
necnon archiepiscopo et sponse suæ eccle-  
siæ Rothomagensi providere volentes, de  
præmissis minus sufficienter informati, et  
hujusmodi supplicationibus inclinati, tibi qui  
palliatu existis, et Galliarum primas, cum  
patriarchis eandem formam tenens, nomine  
differens, ut sicut illis palliatis ex Latera-  
nensis concilii permissione suos licet metro-  
politanos palliare, hac vice ad te ex causis  
prædictis extendentes, committimus et man-  
damus, quatenus confito tibi summarie de  
præmissis, ac venerabilibus Johanni archie-  
piscopo Tarentino et Petro episcopo Padua-  
no pro eodem Eugenio papæ IV. in congrega-  
tione nostra præsentibus, ac Andreæ epi-  
scopo Auxitano Basileæ commorantibus ipsa  
intimatis, præfatum archiepiscopum in quan-  
tum censuris ecclesiasticis occaleone non fo-

lutionis hujusmodi quomodolibet involutus  
A fuerit, ab illis auctoritate nostra absolvas,  
et si opus fuerit rehabilites, ac secum su-  
per irregularitate dispenses, necnon ad so-  
lutionem residui cameræ apostolicæ facien-  
dam, quod auctoritate universalis ecclesiæ  
penitus remittimus, decernas eum penitus  
non teneri seu fore obligatum; necnon pal-  
lium insigne videlicet plenitudinis pontifica-  
lis officii, de corpore B. Petri sumtum, ad  
honorem omnipotentis Dei et B. Mariæ Vir-  
ginis, ac B. Petri et Pauli apostolorum, uni-  
versalis necnon Rothomagensis sibi commis-  
sæ ecclesiæ, ei tradas, ut eo utatur in-  
fra ecclesiam suam, certis diebus, qui ex-  
primuntur in privilegiis a sede prædicta illi  
concessis, et alia in his et circa ea facias,  
quæ noveris facienda. Datum Basileæ 11.  
idus Octobris, anno a Nativitate Domini  
MCCCCXXXV.

Jo. Gaufridi.

## COPIA LITTERÆ REGIS ANGLIÆ.

*Misse domino cardinali de Cypro, le-  
cta in congregatione generali.*

HENRICUS Dei gratia rex Angliæ et Fran-  
ciæ, et dominus Hiberniæ, reverendi-  
simo in Christo patri N. cardinali Cyprî, sa-  
lute.

Litteras quas per fratrem Nicolaum Jac-  
queti ordinis fratrum Prædicatorum præsen-  
tium portitorem nobis transmittere curavi-  
stis, legimus, continentes nonnulla quæ re-  
putamus admiratione digna, eisdem vestris  
litteris nos variis suasionibus et motivis ad-  
hortantes, quatenus oblationes, quas dicitis  
magnas et rationabiles per ambassiato-  
res partis in regno Franciæ nobis adversæ  
nuper in Attrebatu pro consequenda pace  
factas admittere curemus et acceptare. Ha-  
bentes igitur jam convocatos tres regni sta-  
tus, avilabimus eis super his cum ea dili-  
gentia qua valebimus, subsequenter trans-  
missuri responsa, quæ receptis eorum sanis  
deliberationibus et consiliis, divinæ pietati  
complacitum erit nobis super his aspirare.  
Datum sub privato sigillo nostro apud pala-  
tium nostrum Westmonasterii XXVI. die  
octobris, anno regni nostri XIV.

Henricus, &c.

## BULLA CONTRA APPELLANTES

*a consilio.*

SACROSANCTA &c. ad perpetuam rei memo-  
riam.

Ut pax, quam summa prosequimur dili-  
gentia post lites moras & controversias juris  
diffinitione mature sopitas, et quies succe-  
dat fidelibus, convenit frivolis interjectis pro  
tempore appellationibus, et adversus per nos  
seu ex commissione nostra latas sententias  
alienis restitutionibus, congruis obviare re-  
mediis; et sic appellantes et restitutiones  
obstantes graviter punire, quod alii metu  
poenarum eorum exemplo pexterriti, ad fi-  
mi.

ANNO  
CHRISTI  
1435.

1b. p. 369.

1b. p. 370.



ANNO  
CHRISTI  
1435.

milia proflire merito pertimescant. Sane cum nonnulli perverse præsumptionis audacia a diffinitivis, maturis, præviis deliberationibus, ac datis partibus pro defensionibus suorum iurium sufficientibus dilationibus, in congregatione nostra generali per nos a quibus appellare illicitum est, vel commissarios et iudices pro causis decidendis Basileæ deputatos, pro tempore latis sententiis, seu alias quibuscumque quæsitis coloribus et confectis gravaminibus a nobis seu iudicibus præfatis, ut partes fatigent laboribus et expensis, litetque faciant immortales, ad sedem apostolicam appellare præsumserunt, aut se adversus sententias huiusmodi audiri vel ad appellandum restitui ab eadem sede procuraverint, in dictarum sententiarum ludibrium, litium fomentum, et execrabile scandalum plurimorum, nos finem litibus imponi et calumniæ materiam amputare cupientes, omnes et singulas appellaciones ad sedem apostolicam quomodolibet interjectas huiusmodi, et si quæ similes interponantur in futurum, necnon repositiones adversus dictas sententias ac commissiones et processus super illis et illarum occasione per quoscunque iudices sive commissarios habitos pro tempore, ac illorum prætextu latas et ferendas sententias, et super illarum executione decretos et decernendos processus, quasvis etiam in se poenas et censuras continentes, et quæcumque inde secuta auctoritate universalis ecclesiæ tenore præsentium ex certa scientia tamquam frivola cassamus, irritamus, annullamus, et pro infectis habere volumus, illaque decernimus nullius fore roboris vel momenti: et nihilominus venerabilibus Ludovico patriarchæ Aquilegensis, et Martino episcopo Leodorense, ac dilectis filiis Johanni episcopo Frisingensis vicario generali, ac Predeswegie proposito ecclesiæ Sancerensis, Basileæ commorantibus, per hæc scripta committimus et mandamus, quatinus ipsi omnes et singulos, qui ab huiusmodi sententiis appellaverint et appellabunt, ac restitutionem huiusmodi obtinuerint et obtinebunt, ut præfertur, ipsasque appellaciones formantes & conceipientes, deferentes & insinuantes, ac notarios publicos super his instrumenta publica conficientes, necnon iudices & commissarios causas appellacionum seu repositionum aut restitutionum huiusmodi audientes, seu in illis procedentes, litteras & instrumenta contra incorporatos congregationi nostræ præmissorum occasione, seu alias quomodolibet confecta exsequentes aut prosequentes, auctoritate nostra sub inobedientiæ necnon excommunicationis latæ sententiæ, aliisque poenis, quas possent merito formidare, moneant & requirant; ac personaliter citari faciant, etiam per edictum publicum, majori ecclesiæ Basileensi & aliis locis publicis affigendum, ita quod verisimiliter ad eorum notitiam citatio & monitio pervenire valeat, ac a præmissis desistant, sed ipsi sententiis adqueant cum effectu: alioquin ad diriores poenas procedentes, summarie, simpliciter, & de plano illos beneficiis, dignitatibus & officiis ecclesiasticis, quæ obtinent eadem auctoritate privent, & ad obtinenda

ecclesiastica beneficia & dignitates ac officia in futurum inhabilitent, & inhabiles declarent; aliaque in his & circa ea faciant & prosequantur, quæ in his & circa ea pro firmitate sententiarum prædictarum noverint opportuna. Præterea, ne quis per sententias iudicum & commissariorum nostrorum huiusmodi se gravari prætendat, & ad fidem appellandi prædictam, seu ab ea restitutionem adversus ipsas sententias obtinendi occasionem habeat, volumus & etiam pollicemur unicuique post latas ipsorum iudicum & commissariorum nostrorum sententias, etiam si in rem transiverint quomodolibet iudicatum, de gravamine querulanti gratiam vel iustitiam promptissime ministrare, quodque unus ex patriarcha, episcopo, vicario, seu præposito prædictas causas in præmissis occurrentes usque ad diffinitivas sententias exclusive audire & in illis procedere possit, prout videbitur expedire. Darum Basileæ III. nonas Novembris, anno a nativitate Domini MCCCXXXV.

*Sio signata N. Bovis.*

**COPIA LITTERÆ DOMINI DUCIS**

*Burgundiæ missæ domino cardinali de Cipro & lecta in congregatione generali.*

**R**everendissimo in Christo patri consanguineo nostro præclarissimo cardinali Cypri.

Reverendissime in Christo pater consanguine mi præclarissime, a paucis diebus applicuerunt apud me in hoc castro meo Hildini, venerabilis religiosus dominus Nicolaus pro parte vestra, & meus rex heraldus armorum. Vellus aureum nuncupatus, pro parte mea ad carissimum consanguineum meum Angliæ regem destinati; quorum audita relatione, litteras quæ ex parte ejusdem Angliæ regis vestræ paternitati diriguntur, mihi præsentavit idem religiosus, id habere se dicens in mandatis a paternitate vestra, ut ipsis a me apertis, de responso ejusdem regis & earundem vestrarum litterarum tenore fierem certioratus, sicut & feci, ipsas easdem litteras vestræ paternitati per eundem religiosum remittens eidem vestræ paternitati, de bona confidentia & huiusmodi vestro avasamento regravians. Quia vero sicut ab eodem meo heraldo armorum concepi, proponit idem rex Angliæ per multas orbis partes, & quam plurimos principes epistolas suas dirigere, factorum & tractatorum paternitatis vestræ bono medio in villa Attrebatensi conquestivas, & vestri detraCTORIAS honoris & mei; rogo paternitatem vestram, & seriose deprecor, quatenus si ad vestræ paternitatis manus aliquæ tales devenierint epistolæ, earundem mihi copiam quantocius vestra paternitas transmittere dignetur, & manum vestram adiutricem semper adhibere, & sic laudabiliter acta cum honore vestro & meo semper immaculata perseverent. Mihi equidem sua grata rogo intimare velit confiden-

ANNO  
CHRISTI  
1435.

Ib. p. 871.

ter

ANNO  
CHRISTII  
1435.  
ter paternitas vestra, quæ libenter adimple-  
bo, & bono corde, scit Altissimus, qui, re-  
verendissimam paternitatem vestram adop-  
rata conservare dignetur, ut opto, feliciter  
in longævum. Scriptum in dicto castro  
meo Hisdini die XII. Novembris.

Confanguineus vester dux Burgun-  
diæ, Brabantæ, &c. comes Flan-  
driæ, &c.

Tronson.

### COPIA SENTENTIÆ LATÆ

In causa ecclesiæ Trevirensis in congrega-  
tione generali.

b. p. 872. **S**acrosancta, &c. Jesu Christi nomine in-  
vocato, solum Deum, de cujus vultu  
judicium prodiit, & cujus oculi æquitatem  
vident, præ oculos habens, per hanc sen-  
tentiam diffinitivam, quam profert in his  
scriptis, diffinit, pronuntiat, & declarat,  
venerabilem Rabanum olim episcopum Spi-  
rensem, habuisse & habere plenum & ca-  
nonicum jus in & ad ecclesiam Treveren-  
sem, ipsumque Rabanum verum & indubi-  
tatum ipsius ecclesiæ Trevirensis fuisse &  
esse archiepiscopum & pastorem, ac insuper  
Ulrico de Manderstede in dicta eccle-  
sia Trevirensi, seu ad eandem nullum jus  
competiisse, neque competere, eundemque  
ab occupatione & intrusione in dicta ec-  
clesia, ac terrarum, castorum, oppidorum,  
juriumque ac pertinentium omnium eorum-  
dem amovendum esse & amovet, præfatum-  
que Rabanum in & ad corporalem & real-  
lem possessionem dictæ ecclesiæ castorum,  
oppidorum juriumque omnium prædictorum  
inducendum esse & inducit, regalia alio-  
que honores archiepiscopis Treverensibus  
pro tempore existentibus, per carissimos ec-  
clesiæ filios Romanorum imperatores sive  
reges impendi consueti seu consuetos, per  
carissimum ipsius ecclesiæ filium Sigismun-  
dum Romanorum imperatorem illustrissimum,  
eidem Rabano impendenda esse & debere,  
de quibus & auxilio brachii sui imperialis,  
quantum opus erit impendendo, sancta syn-  
odus eundem exhortatur, requirit, admo-  
net, & eidem mandat, litteras & proces-  
sus cum ceteris ad præmissorum executionem  
consuetis, necessariis & opportunis ple-  
narie decernens.

### SENTENTIA LATÆ

Pro electo Albienſi in generali congregatio-  
ne contra episcopum Carnotensem promo-  
tum ad dictam ecclesiam per se-  
dem apostolicam XIX. No-  
vembris MCCCXXXV.

b. p. 873. **P**ræsidente rectæ rationis imperio in ani-  
mo judicantis, sedet in examine verita-  
tis pro tribunali justitia, & quasi rex in so-  
llo iudicii rectitudo, de cujus ore procedit  
gladius bifidus, cujus aspectu terribili prop-  
riæ voluntatis dissipatur arbitrium, repro-  
Concilior. Supplem. Tom. IV.

borumque appetitus noxius virga rectæ cor-  
rectionis refrenatur. Hæc enim fuit æterni  
providentia iudicis, de cujus vultu recte  
procedunt iudicia, ut iudices recti eligeren-  
tur in orbe, qui terram iudicent, & iusti-  
tiam diligant, & ejus metas non declinan-  
tes in partem, æquo libramine custodiant,  
illas a quacumque personarum affectione præ-  
servantes. Hæc igitur sacrosancta generalis  
synodus Basileensis in Spiritu sancto iustissi-  
mo iudice, cujus oculi vident æquitatem,  
de cujus etiam vultu iudicia prodeunt incor-  
rupta, legitime congregata, sanctam Dei  
ecclesiam catholicam representans, de me-  
ritis causæ quæ vertitur coram eadem inter  
dilectum ecclesiæ filium Bernardum, electum  
confirmatum ad ecclesiam Albienſem ex una,  
& Robertum episcopum Carnotensem, de  
& super dicta ecclesia Albienſi & illius oc-  
casionē, partibus ex altera, ad plenum in-  
formata, ejus directoris Spiritus sancti in-  
hærens vestigiis, volens personarum affectio-  
ne non habita, sed iustitia directrice unicui-  
que reddere quod suum est, per hanc suam  
sententiam sive ordinationem, quam, eo, in  
cujus nomine congregata existit, invocato,  
profert in scriptis pronuntiat, decernit &  
declarat, spoliaciones, ejectiones, intrusio-  
nes, occupationes & detentiones, & quæ-  
cumque attentata & innovata per ipsum  
Robertum episcopum Carnotensem a tem-  
pore motæ litis citra, fuisse & esse teme-  
rarias, illicitas, indebitas & injustas, tem-  
erariæque, illicita, indebita & injusta, ac  
de facto præsumtas & præsumta; ipsique  
Roberto episcopo prædicto prædicta facere  
minime licuisse, neque licere, spoliacione-  
que, ejectiones, intrusiones, occupationes,  
detentiones tamquam lite pendente in dicta  
sacra synodi & mandatorum, ac inhibiti-  
onum ejusdem contemptum per vim attentato-  
rum & innovatorum, cassandas, revocan-  
das & annullandas, cassandaque, revocan-  
da, & annullanda, ac cassat, revocat, ir-  
ritat & annullat, parique sua necnon diffi-  
nitiva sententia pronuntiat, decernit & de-  
clarat, per reverendos patres ac venerabi-  
les & dilectos Johannem episcopum Lubi-  
centem, Alexandrum abbatem Vitziliacen-  
sem, Nicolaum præpositum Cracovienſem,  
& Rudolphum de Rudeſhem canonicum Wor-  
macienſem iudices & commissarios ipsius sa-  
cræ synodi auctoritate, & per illam in hac  
causa Albienſis ecclesiæ alias datos seu de-  
putatos; in causa quæ tunc coram eis inter  
præfatum Bernardum electum ex una, & di-  
ctum Robertum Carnotensem episcopum de  
& super dicta Albienſi ecclesia & illius oc-  
casionē, partibus ex altera, in prima ver-  
tebatur instantia, bene fuisse & esse pro-  
cessum, sententiatum & diffinitum, ipsorum-  
que episcopi, abbatis & præpositi & cano-  
nici diffinitione sententiam hujusmodi con-  
firmendam fore & confirmat, atque pro  
parte dicti Roberti episcopi Carnotensis, ab  
eisdem dominis iudicibus, eorumque diffini-  
tiva sententia prædicta mala fuisse & esse  
provocatum & appellatum: necnon eum-  
dem Robertum episcopum Carnotensem a  
possessione, seu verius occupatione & de-  
tentione dictæ Albienſis ecclesiæ, necnon  
Ffff civi

ANNO  
CHRISTII  
1435.



ANNO  
CHRISTI  
1435.

civitatis, palatii episcopalis, villarum, castrorum, decimarum, & aliorum bonorum tam spiritualium quam temporalium ad ipsam spectantium, iurumque ac pertinentiarum omnium ejusdem tollendum & amovendum; præfatumque Bernardum in & ad corporalem, realem & actualem possessionem ecclesiæ, civitatis, palatii, villarum, castrorum, decimarum, juriurum & pertinentiarum omnium eorundem ponendum & inducendum; atque eidem Roberto inde, & super intrusionibus, occupationibus & detentionibus, & impedimentis prædictis silentium perpetuum imponendum; ac eundem Robertum tam in fructibus a tempore notæ litis citra ex dictis ecclesiæ, civitate, villis, castris, decimis, ceterisque possessionibus ejusdem, seu alias quomodolibet perceptis, quam etiam in expensis causæ hujusmodi legitime factis condemnandum fore, ac tollit, amovet, inducit, imponit, ac condemnat eorundem expensarum taxationem sibi in posterum reservando, &c.

## SENTENTIA LATA

In causa ecclesiæ Lausanensis.

1b. p. 875.

Christi nomine invocato, de cujus ore gladius bisacutus prodit, & in cujus nomine hæc sacrosancta synodus Basileensis est legitime congregata. Post digestam in sacris deputacionibus longam deliberationem diffinit, pronuntiat, decernit & declarat eadem, per hanc diffinitivam sententiam, præfatum dominum Ludovicum episcopum habuisse & habere plenum & canonicum jus ad dictam ecclesiam Lausanensem, ipsamque dominum Ludovicum ejusdem ecclesiæ Lausanensis fuisse & esse verum episcopum, præfulem & pastorem, ipsamque ecclesiam Lausanensem ad præfatum dominum Ludovicum spectasse & pertinuisse, spectare et pertinere de jure, illamque sibi cum illius in spiritualibus et temporalibus totali administratione et regimine, omnibusque iuribus et pertinentiis suis adjudicandam fore et adjudicat; ac domino Johanne de Brangino nullum in eadem ecclesiæ Lausanensi seu ad eam jus competisse, neque competere, eumque ab occupatione et detentione ecclesiæ Lausanensis, ac ejus terrarum, castrorum, et oppidorum, juriurumque et pertinentiarum eorundem amovendum fore, et amovet; præfatumque dominum Ludovicum episcopum in et ad corporalem, realem et actualem possessionem ecclesiæ Lausanensis terrarum, castrorum, et oppidorum, juriurumque et pertinentiarum prædictorum ponendum et inducendum fore, ac ponit et inducit; occupationesque, intrusiones, molestaciones, et impedimenta per dictum dominum Joh. præfato domino Ludovico de, et super dicta ecclesiæ Lausanensi, et ejus occupatione præstita et facta, fuisse et esse temeraria, illicita, iniqua et injusta, et de facto præsumta; dictoque domino Johanne super illis atque ecclesiæ prædictæ perpetuum silentium imponendum fore, et imponit, ipsamque dominum Johannem in fructibus, introitibus, proventibus ex dicta ec-

clesia a tempore intrusionis hujusmodi ac citra perceptis, et in expensis in hujusmodi causa legitime factis, condemnandum fore, et condemnat, quarum expensarum taxationem sibi in posterum reservat.

## PROMISSIO ORATORUM SACRI

Concilii Basileensis super correctione problemis decreti facti pro reductione Græcorum, &c.

NOS frater Johannes de Ragusio ordinis fratrum Prædicatorum, professor in sacra pagina, magister Henricus Menger decretorum doctor, canonicus Constantiensis, et Simon Ereron in sacra theologia bacchalaureus, canonicus Aurelianensis, sacrosanctæ synodi Basileensis in Spiritu sancto legitime congregatæ, universalem ecclesiam representantis, ad serenissimum imperatorem Romeorum et reverendissimum patriarcham Constantinopolitanum ambassiatores et nuncii, ad ea quæ in dicta synodo pro unione ecclesiarum Christi perficienda conclusa sunt, exequendum specialiter destinati, ejusdem sanctæ synodi ad ea quæ pacti sunt et unitatis firmum et sanctum propositum cognoscentes, vice et nomine ejusdem, tenore præsentium litterarum promittimus dare cum effectu exhibere quantocius fieri poterit, vel saltem per galeas quæ venturæ sunt ad suscipiendum ad concilium venientes, serenissimo imperatori et reverendissimo patriarchæ præfatis, capitula quæ in eadem Basileensi sancta synodo pro universali et oecumenica synodo celebranda hinc et inde conclusa sunt et confirmata sub consueta bulla plumbea dictæ sanctæ synodi, et sub tenore de verbo ad verbum qui sequitur.

Sacrosancta, &c., Quia ambassiatores nostri ad Constantinopolim transmissi vice et nomine hujus sanctæ synodi serenissimo imperatori Romeorum & reverendissimo patriarchæ Constantinopolitano, propter nullas causas promiserunt capitula alias in hac sancta synodo super modo universalis et oecumenici utriusque ecclesiæ concilii celebrandi, hinc inde conclusa et firmata dare, et cum effectu exhibere sub consueta hujus sanctæ synodi bulla plumbea, data præfenti et sub tenore de verbo ad verbum subsequenti; nolens hæc sancta synodus omittere aliquid eorum quæ pro unione ecclesiarum Christi fieri possunt, dictam suorum ambassiatorum promissionem præfenti decreto acceptat, approbat, ratificat et confirmat, et præfata capitula de verbo ad verbum, prout per præfatos ambassiatores promissum est, præfatis inserit sub tenore qui sequitur.

Sacrosancta, etc. ad perpetuum rei memoriam. Cum inter cetera toti populo Christiano necessaria propter quæ hoc præfens sanctum concilium extitit congregatum, unio occidentalis et orientalis ecclesiarum Christi præcipuum et maximum sit, merito pro hac perficienda ab

ANNO  
CHRISTI  
1435.

1b. p. 875.

ini.

ANNO  
CHRISTI  
1435.

ANNO  
CHRISTI  
1435.

initio suæ congregationis omni conatu laboravit. Etenim quamprimum potuit ad serenissimum imperatorem Græcorum & reverendissimum patriarcham Constantinopolitanum cum literis suos transmisit ambassiatores, ad ipsos cum omni caritate & instantia exhortandum, quatenus & ipsi cum plena potestate mitterent aliquos, qui nobiscum tractarent de modo dictam sanctam unionem consequendi. Qui mox ut requisiti fuerunt, tres insignes viros de his, qui apud eos magnæ videntur auctoritatis, quorum primum ipsum imperatorem consanguinitate attinet, ad hanc sanctam synodum destinaverunt, sufficienti ipsius imperatoris mandato cum bulla aurea et ejus manu propria subscripto ac patriarchæ litteris munitis; quitam in generali congregatione, quam coram commissariis nostris ferventissimum ipsius imperatoris ac patriarchæ totiusque ecclesiæ orientalis ad hanc unionem desiderium exponentes, nos mirum in modum ad tam sancti operis prosecutionem pulsant, ac quotidie excitant, duo inter alia firmiter constanterque afferentes, unionem ipsam nisi in synodo universali, in qua tam ecclesia occidentalis quam orientalis conveniat, fieri nullatenus posse, & in ea synodo, si fiat, ut infra conventum est, ipsam unionem sequuturam sperari.

His auditis summa nobis lætitia & jucunditas nimirum accessit. Quamobrem omnem cogitationem nostram iactantes in Deum, qui facit mirabilia magna solus, venerabiles S. R. E. cardinales præfidentes sedis apostolicæ, patriarcham Antiochenum, archiepiscopos, episcopos, aboates, magistrisque & doctores in numero competenti deputavimus, ut una cum ipsis Græcorum ambassiatoribus rem istam tractare, & quo ordine ad executionem deducenda esset prospicere deberent; qui tam inter se quam cum ipsis oratoribus sæpe numero convenientes, habito inter se maturo & digesto consilio ad infra scripta cum ipsis devenerunt capitula, quæ postea secundum morem hujus sacri concilii per sacras disputationes mature deliberata, ac deinde per generalem congregationem conclusa firmataque solemniter extiterunt; quorum tenor una cum mandato ipsius domini imperatoris sub bulla aurea sequitur, et est talis:

Ambassiatores serenissimi domini imperatoris Græcorum, etc. ut in decreto concilii latius continetur. Et quia tempus superius expressum, infra quod prædicta debebant adimpleri, effluxit; non propter defectum alicujus partium, sed quia ita contigit variis intervenientibus tractatibus hæc sacrosancta synodus tempus præfatis serenissimum imperatorem Græcorum & reverendissimum patriarcham Constantinopolitanum parte una, & ambassiatores hujus sanctæ synodi parte ex altera, statutum & firmatum quod est a mense Maio immediate sequenti ad annum, ita quod per totum mensem Maii ad annum sequentem utraque partium sit parata ad exequendum supradicta, quantum

tum ad quamlibet partium attinet, ac ceptat, & promittit se impleturam, quantum ad ipsam pertinet, infra dictum tempus quicquid in supradictis capitulis continetur. Datum Basileæ, &c. In quorum omnium testimonium & robur præfentes litteras fieri jussimus, manibusque subscriptis propriis, necnon sigillorum nostrorum quibus pro nunc utimur appensione roboravimus. Datum Constantinopoli, in monasterio S. Georgii pro tunc habitationis nostræ, XXV. Novembris, anno a Nativitate Domini MCCCCXXXV.

Ego Fr. Jo. de Ragusio propria manu subscripsi.

Ego Henricus Menger propria manu subscripsi.

Ego Simon Freron propria manu subscripsi.

#### FORMA SALVI CONDUCTUS.

NOS frater Jo. de Ragusio ordinis fratrum Prædicatorum, professor in sacra pagina, magister Henricus Menger decretorum doctor, canonicus Constantiensis, & Simon Freron in sacra pagina baccalaureus canonicus Aurelianensis, sacrosanctæ generalis synodi Basileensis in Spiritu sancto legitime congregatæ, universalem ecclesiam, representantis, ad serenissimum imperatorem Romeorum & reverendissimum patriarcham Constantinopolitanum ambassiatores & nuncii, ad ea quæ in dicta synodo pro unionem ecclesiarum Christi perficienda conclusa sunt exequendum specialiter destinati, ejusdem sanctæ synodi ad ea quæ pacis sunt & unitatis firmum & sanctum propositum, cognoscentes, vice & nomine ejusdem tenore præsentium litterarum promittimus dare & cum effectu exhibere, quancitius fieri poterit, vel saltem per galeas quæ venturæ sunt ad suscipiendum venientes ad concilium, præfatis serenissimo imperatori & reverendissimo patriarchæ saluum conductum sub consueta bulla plumbea dictæ Synodi & sub tenore de verbo ad verbum qui sequitur:

Sacrosancta, &c. Quia auctore Domino, &c. ut in concilio Basileensi, Sessione 24.

Item, promittimus quod dicta sancta synodus Basileensis habebit & accipiet salvos conductus similiter per galeas destinandos præfatis serenissimo imperatori, reverendissimo patriarchæ & ceteris a dominio civitatibus & etiam patriæ, in quibus futura universalis & oecumenica synodus, Deo auctore, celebrabitur, & similiter ab omnibus dominis, civitatibus & territoriis obedientiæ ecclesiæ nostræ occidentalis, per quæ si ve cundo si ve redeundo transiuri sunt, munitos & roboratos more consueto provinciarum & dominiorum firmiori modo quo fieri poterit. In quorum omnium testimonium & robur præfentes litteras fieri jussimus, manibusque subscriptis propriis, necnon sigillorum nostrorum, quibus pro nunc utimur, appensione roboravimus. Datum Con-

Ffff 2 stan-



ANNO  
CHRISTI  
1435.

Constantinopoli in monasterio S. Georgii pro tunc habitationis nostræ, XXV. Novembris, anno a Nativitate Domini MCCCXXXV.

Ego frater Johannes de Ragusio propria manu subscripsi.

Ego Henricus Menger propria manu subscripsi.

Ego Simon Freron propria manu subscripsi.

### LITTERA CREDENTIALIS

Oratorum sacri concilii transmissorum ad imperatorem Constantinopolim & patriarcham, &c. pro reductione & unionis, &c.

1b. p. 879. **S**acrosanctæ generali synodo Basileensi in Spiritu sancto legitime congregatæ, universalem ecclesiam representanti.

Reverendissimi, &c. post humiles & devotas commendationes, de consensu & voluntate omnium nostrum trium revertitur venerabilis magister Henricus Menger confocius noster, ad præsentiam dominationum vestrarum, relaturus ea, quæ per nos in materia Græcorum gesta sunt. Rogamus igitur, V. R. dominationes, ut relationi & dictis suis, tamquam si effemus omnes tres præfentes, dignemini fidem plenam & indubiam adhibere. Easdem paternitates vestras Altissimus in fidei catholicæ & Christianæ religionis augmentum conservare dignetur feliciter & per tempora longiora. Ex Constantinopoli die XXIX. Novembris.

Vestri humiles servuli & oratores devoti Fr. Jo. de Ragusio & Symon Freron.

### REGRATIATIO DOMINI LEGATI

*super (a) pace Franciæ.*

1b. p. 882.

**Q**uædam in rebus humanis, reverendissimi patres accidere nonnumquam solent, tam grandia, & supra spem, ut de his loqui aliquid volens, stupore quodam mentis alligatus, unde exordiat, quidve dicendum sit fere ipse nesciat. Cujus rei exemplum & in me & in his desideratissimis nobis, quæ cum summa alacritate nos omnes per hos oratores nostros enarrari audivimus circa sacratissimam hanc pacem, nuper inter Christianissimum regem Franciæ & illustrissimum ducem Burgundiæ initam, palam videre est; cum enim mecum ipse considero hoc non tam humanum, quam divinum pacis opus in Christianissima Francorum domo integre, & in præclarissimo regno Franciæ maxima ex parte opera nostri reverendissimi domini legati & nostrorum oratorum, una cum reverendissimo apostolico legato; Deo assistente, confectum esse, sive lætitiæ immensitate, sive rei ipsius magnitudine, sive ob sacri concilii gloriam, quasi attonitus stupere magis quam loqui possum. Quomodo enim enarrare umquam possem ingentia illa pericula, & imminencia bellimania, calamitatesque guerrarum intolerabiles, quas sancta ista pax extinxit jam, & futu-

ris temporibus, Deo propitio & protegente, exstinguet? cades videlicet nobilium, strages populorum, depopulationes urbium, vastationes agrorum, incendia sacrarum ac privatarum ædium, cultus divini destitutionem, raptus virginum, sacrilegia, rapinas, exsilia, carceres, & extremam usque ad mendicitatem inopiam, & cetera plurima, quæ a lacrymis nescio quis referens temperare se posset. Quomodo item satis explicabo dulcissima & amoenissima bona illa omnia contraria his quæ ex bellis nasci jam commemoravi? Neque in Franciam solum oritura sunt hæc ipsa pacis bona, sed inde in reliquis transitura longinquas etiam Christianitatis regiones. Nam sicuti omnes affirmant, execrabilis guerra quæ tandem in Gallis viguit, non solum Franciæ regnum nimis, proh dolor! attrivit, ac pene destruxit, sed & ceteris fere regnis plurima intulit incommoda ac detrimenta. Qualiter etiam sine summo mentis excessu referere poteram gloriam, decus, honorem, exaltationem, quæ huic sacro redundant concilio ex hac felicissima pace, quam hujus concilii ministerio manibusque nostrorum oratorum consummatam esse videmus? Et quidem plurimum a nobis gratulandum est, quod tam Christianissima gens tamque devotus populus & religiosus paci & tranquillitati restituti sunt. Bona enim proximorum nostrorum nostra esse juxta Christianam professionem existimanda sunt. Sed certe propter hujus sacri concilii decus mirum in modum & gaudere & gratias Deo agere debemus, non propter nos ipsos atque humanam gloriam, sed quia in dominum nostrum Jesum Christum hæc omnia referenda sunt, hujus ipsam sanctam ecclesiam hodie usque adeo exaltatam & honoratam conspiciamus.

Latrent jam ut libet hujus sacri concilii detractores, & non tam famam nostram, quam seipsum lacerent, & dicant jam si possint, quid fecit concilium Basileense? Ut quid jam quadriennio congregatum manet? Nunquam, o impudentissimi homines, si vos matris vestræ ecclesiæ reverentia non cohibet, saltem hæc gloriosa opera, quæ nisi oculos auresque claudatis, per sacrum concilium fieri videtis & auditis, vos jam continere debebunt. Num frustra tempus hoc & inutiliter expostum esse jam judicabitis? Quid egit, dicitis, Basileense concilium? Pacem fecit in Francia. Numquid hoc modicum est, etiam si per viginti annos steterit? Stetit quadriennio, dicitis: sed per viginti annos et amplius, quibus hoc pestiferum duravit bellum, quid reliquum fecit Christianitatis? Si ergo hoc quadriennio plus divina propitiatione hoc egit concilium, quam residuum Christiani orbis per viginti, cur veritatem recognoscentes, saltem detractio- nibus modum non imponitis? Quamquam & per hoc modicum temporis pusillus iste dominicus grex, quem hic in nomine domini congregatum videtis, circa extirpationem hæresis Bohemicæ longe amplius fecerit quam reliqui omnes reges & principes, populi et sex aut octo maximi exercitus, qui in Bo-

(a) Hujusce pacis tractatus Attrebat in S. Vedasti monasterio ordinis S. Benedicti tandem perfectus est die 5. mensis Novembris 1435.

ANNO  
CHRISTI  
1435.

A percipiendæ operam feliciter dedit, dignis laudum attollamus præconiis, utrique prout æquum est maximas gratias referentes. Vobis autem reverendissime pater domine cardinalis de Cypro legate nosfer, vobis quoque o oratores nostri dignissimi, qui tantum et tam desideratum nobis attulistis triumphum, sic amplas magnæque gratias referimus, ut post Deum nulli hominum majores amplioremque referre possemus, rogantes omnipotentem Deum, ut pro vestris glorioſis operibus in hoc et alio sæculo vobis dignè retribuat.

ANNO  
CHRISTI  
1435.

Sed et hos prætereamus detractores, ut  
scilicet propriaque mordant rodantque con-  
scientias: quippe digni non sunt, de quibus  
in tanto ecclesiæ coetu & in tanta jucundi-  
tate mentio habeatur. Ad vos autem me  
convertens, o reverendissime legatè, ac ro-  
liqui nostri oratores, quo diendi genere  
vestra merita extollam? quibus verbis ve-  
stras ornabo laudes? quantam illam opor-  
tet esse facundiam que digne virtutes ve-  
stras, diligentiam, prudentiam, circumspè-  
ctionem, labores, quibus in hoc sancto pa-  
cis opere gloriose defudatis, recensere um-  
quam possit? Sed quid vobis aliud attribuum  
majoris gloriæ ac præmii non habeo, nec  
falso, nec certe speciosius aliquid dici pos-  
set, nisi quod vos felices ac beatos nomi-  
no, vos filios Dei appello: que tam supre-  
ma vocabula non auderem cuiquam mortali-  
um adscribere, nisi Salvator noster ore suo  
benedixit id ipsum dixisset, ac spondidisset  
his qui pacem inter dissidentes querunt, di-  
cens *Beati pacifici, quoniam filii Dei vocabun-  
tur*? Quod ita illa expectant qui qui quæ-  
lescumque etiam duos puillos homines, (non  
enim inter magnos ac parvos, multos pau-  
cosve distinxit Deus) ad concordiam revo-  
cant, quanto excellentius ac singularius hæc  
laus, hoc præmium vobis debetur, qui in  
tanto regno, interque tam potentissimos prin-  
cipes pacem suavissimam seminatis, ex qua  
salus pendet & quies multarum gentium ac  
populorum.

Quas autem gratias et quanta humilitate ac devotione Deo omnipotenti referemus, qui pro sua ineffabili clementia ultra quidem merita nostra tanto gaudio universam replevit ecclesiam & omnem populum Christianum hac jucundissima pace diebus nostris consolari dignatus est? Tibi igitur, o sancte et benedicta Trinitas, Pater et Fili et Spiritus sancte, una Deus, nos servi tui & filii ancille tue, pro hoc preciosissimo pacis munere, tales tantaque gratias agimus, quales quantaque humanus capere intellectus & mortalis lingua exprimere umquam potest, magnificamus nomen sanctum tuum, et benedicimus te in æternum et in sæculum sæculi, suppliciter tuam exorantes coelestem majestatem, ut sicut pacem istam facere dignatus es, ita eam perpetua firmitate stabilire et ...., ut plenum fit gaudium nostrum consummare digneris. Et sicut fratres patruales, Christianissimum videlicet Francorum regem & illustrissimum Burgundiae ducem pacis federe copulasti, ita etiam, clementissime Domine, avunculum et nepotem, præfatum scilicet Christianissimum Franciæ regem, et serenissimum et excellentissimum Regem Angliæ concordare unanimesque facere digneris, qui facis concordiam in sublimibus. Sanctissimum tandem dominum nostrum summum pontificem, qui ut primum rogatus exitit, mox ad hanc componendam pacem reverendissimum dominum cardinalem S. Crucis, virum magnæ sanctitatis ac sapientiæ destinavit, ipsi quæ apostolicum legatum, qui vigilantissime ac totis viribus hanc paci

prælatorum.

Scrofula, &c. ad futuram rei memo-  
riam. Ib. p. 384.

*Emergentibus in dies universalis ecclesiae negotiis praefertendis, confidentia nos tenet in mora, praefertim, ut, Bohemorum jam ferè sepultis erroribus, evacuetur quod superest, et sub spe misericordiae Jesu Christi cum tempus reductionis Graecorum advenerit, sinque unum ovile Domini, & unus pastor Latinorum et Graecorum in unitate fidei orthodoxae, quam ex reductione Graecorum provenire speramus indubie, et quae anno disueto firmavit in abusus, ac successivis temporibus, cum generalia non sint frequentata concilia, in singulos status auctor malitiae propagavit, parva mora non evellit, nec ab omnibus qui ante tempus judicant et morae ac continuationis nostris detrahunt, illius causa potest comprehendi. Ut tamen exspiratio haecum, unio Graecorum, reformatio cleri, pax & tranquillitas accideant universis, nostros labores opportuna diligentia fideliter convertimus et constanter, prout in regno Franciae ac plerisque Alamanniae & Italiae partibus, ut pax sequeretur optata, per nostros legatos, ambasciatores et nuncios vices nostras adhibere curavimus diligenter: quoniam plures ex praelatis, qui per annos assidue nobiscum in vinea domini laboraverunt, vacuatis errariis, de nostra licentia ad ecclesias, monasteria ac beneficia propria remeant; et diversos in ipsius ecclesiae negotiis expediti ad Graeciam, Bohemiam, ac regna et loca varia destinaverimus; quorum vices in prosecutione praemissorum agendorum incumbendum, gravitate pensata, alii ecclesiastici praelati, et viri litterarum studio eruditi, qui interim vacaverunt, quorum nonnulli venientes seu aliquos mittentes, a suis subsidiis horum occasione subsidia receperunt, obnoxios affringunt. Quocirca venerabiles S. R. E. cardinales, patriarchas, archiepiscopos, episcopos, abbates et ceteros ecclesiarum praelatos, et capitula ac universitates, qui nondum ad nos venerunt, aut suos nobiscum continuo frequentes et laborantes non destinarunt, per hac scripta hortamur, requirimus et monemus, ac in virtute praedicti juramenti et sanctae obedientiae mandamus eisdem, quatenus personaliter, et si legitime praepediti, causa praepeditionis nobis legitime intimata, personaliter non possint, per*



ANNO  
CHRISTI  
1435.

per solemnes ac doctos viros, infra mensem post insinuationem praesentium, a nostris ad hoc deputatis nunciis eis faciendam, versus nos iter arripiant, et tractandis ecclesiae necessitatibus interfint, ut sic congregata praetorum et doctorum virorum multitudine copiosa, auctore domino, singula et salubrius ordinentur. Alioquin contra ipsos absque alia vocatione facienda, per nostros ad hoc deputatos commissarios procedi volumus ad poenas graviores; nulli ergo omnino hominum liceat hanc paginam nostrae exhortationis, requisitionis, monitionis et mandati infringere, vel ei ausu temerario contraire. Si quis autem hoc attentare praesumerit indignationem omnipotentis Dei et universalis ecclesiae se noverit incursum. Datum Basileae XII. calendas Januarii, anno a nativitate Domini MCCCXXXV.

AMBROSII CAMALDULENSIS

Oratio coram Sigisfredo Caesare Alba  
eodem anno habita, cum ad eum quo-  
que venisset orator V. Kal. Jan.

1b. p. 836.

**S**I quem forte movet ex hoc celeberrimo summorum virorum et sublimium principum ornatissimoque conventu, imperator eximie, quod Romanus pontifex Eugenius beatissimus inpraesentiarum ad tuam maiestatem non magnum aliquem virum et sapientia, atque facundia singulariter praedicatum, oris praeterca gratia et splendore apparatus illustrem, cuiusmodi plures suo scilicet inhaerent lateri: sed exiguum portus et inferioris meriti atque ordinis hominem miscuit; is paucis videtur admonendus; solent conjunctissimos atque amicissimos principes, quando serium interest aliquod atque arduum tractant, non semper summos viros adhibere medios, verum interdum, immo etiam saepius famulorum quoque fidelium uti ministerio. Eam modo regulam secutus pontifex noster, me humilem suae sanctitatis servulum, tanto huic muneri destinare voluit; non quidem electum ex omnibus, qui commodius et melius quod injunctum est exequi, sed fortasse qui levius et expeditius exercere possem. Nam de amoris vestri gratia, et observatione mutua quid attinet dicere? Sunt enim adeo illustria indicia, tam praecleara documenta, ut res probatione non egeat. Namque ut omittam interim quanta fuerit de illo semper, et quam excellens tuae serenitatis opinio, quam constans iudicium, quam intemerata sententia, quis item vicissim illius in te animus, quam singularis effectus: hic enim omnia, verum ipsa consequentia, atque exitus docet. Vobis id certe constatum est, quod multis retro saeculis ante vos paucis. Nam cum translato ex Italia ante septingentos ferme annos ad Gallos primum, deinde diuturniore forte etiam ad Germanos imperio: raro istiusmodi pariter Romanorum pontificum atque imperatorum in Urbe convenerint, tibi auguste piissime comae ante paucos annos placuit Italiam peragere tuam, illud quoque simul obvenit, Urbem ipsam orbis dominam, atque ipsam sedem adire, ibique summo pontifici

nostro Eugenio congregi, deque sanctissimis illius manibus sacrum imperii diademata suscipere. Quo in tempore cum aliquandiu simul et memorabili cum benevolentiae suavitate vixeritis, quis explicare queat quam multa, quam digne, quam utiliter, quam necessaria tam de ecclesiastica rei, quam de totius orbis dispositione contulistis? Adum profecto credimus divinae providentiae nutu, ut vos gemina orbis atque clarissima lumina in unum tum conveneritis. Nam quam multos, quam laetos, quam uberes fructus tulerit vestra ista conjunctio, nullus adeo rationis expertus, ac iudicii ignarus est, quin intelligat quantos in te paritura sit, nemo ita obtrusus atque hebes quin perspiciat. Dilexit in te semper, princeps gloriosissime, summeque veneratus est pontifex noster, non exteriora ista tua, five fortunae, ut quidam appellant, five naturae dona: quae tamen et ipsa ad auctorem suum, atque ad primam referunt originem; non altissimum sanguinem, celsumque genus, et longa regum atque imperatorum serie ductum; non praestantiam formae, qua ipsa oris ac totius corporis lineamenta non modo gratiam et venustatem atque dignitatem; verum maiestatem quoque ista praesentunt, ut quod vel de Octavio Augusto, a quo primo augustorum nomen accepit; vel de Salomone nostro scribitur, in te impleatur, ad quorum contuendam speciem plerisque reges, et principes certatim concurrere solitos legimus; non magnitudinem animi qua ita excellis, ut neque Iulium illum Caesarem domitore orbis, plura aut maiora juvenem concepisse existimemus, quam tua hac aetate mente & cogitatione complecteris. Non variarum linguarum peritiam, qua ferme nobis Mithridatem illum refers Asiae regem, quem legatis omnium gentium numquam per interpretem, sed per se ipsum semper respondere solitum accepimus; non laborum tolerantiam mirabilem illam quidem & pene incredibilem, qua ista etiam aetate, quae fractior annis videtur, ita eminet, ut hanc neque robustissimi juvenes, neque laboriosissimi adolecentes consequi possint; non munificentiam illam principalem plane tuam, quanta semper usus es, ut profusioni, quam liberali largitati propinquior sit. Non istiusmodi plurima, quae vel enumerare, vel explicare, vel laudare pro meritis vix oratoris ingenia summa sufficerent.

Haec, inquam, omnia praecleara licet & multum illustria negligens pontifex noster, solum in te suspicit, amplectiturque roris ulnis pietatem. Vero, non vulgari consuetudine affectam ad clementiam intelligi volumus, cuiusmodi etiam in te magna cum laude semper eluxit, sed rem quamdam singularem prorsusque divinam, cui ut studium omne accommodaret, discipulum carissimum hortatur apostolus Paulus, O Timothee, in-  
quiens, *exerce te ad pietatem. Nam corporalis exercitatio ad modicum utilis est: pietas autem ad omnia valet*: hanc Graeci signanter & decentissimo vocabulo theosebiam vocant, nos vel Dei cultum, vel Dei venerationem dicere possumus; denique five timorem Dei, five singularem divini amoris affectum, five fervorem fidei, five religionis

ANNO  
CHRISTI  
1435.

zelum, sive aliud quodlibet divinæ rei appellare voluerimus, hoc unico sanctissimo, & gravissimo pietatis vocabulo veluti thesauro habetur inclusum. Hæc augustorum coronas etiam purpuras clarius gemmis cunctis irradiat, ineffabile & immarcescibili atque proprio decore collustrat. Nihil denique vel Constantinum magnum, vel cæteros subinde reges ita facit illustres, ut timoris divini, & Christiani nominis titulus. Et nescio quo pacto suavius ac gratius afficimur, cum de seniore Theodosio legimus, qui a sancto sacerdote Christi Ambrosio reprehensus, patientissime tulerit, illius sacris obtemperans monitis; quam quod vel barbarorum strages innumerabiles dederit, vel quod de crudelissimo tyranno Eugenio victoriam reportarit. Hæc ipsa pietas in te, & de te effecit, augustissime princeps, ut nihil umquam utilitatis propriæ communibus anteferre volueris: immo in ea re summa emolumenta reposueris, si incommoda ipse iacturas, atque pericula pro Christiani orbis quiete & tranquillitate perferes. Hac prævia & duce, ut ab ipsis tui regni prioris auspiciis orientes summam perfiringamus omnia, cum feri illi atque immanissimi barbari, sive eos gentiles, sive verius fortassis hæreticos appellare velimus, Turcos vulgo vocant, multarum gentium victoria feroces, regni tui fines, & claustra obstinatissime irrumpere pergerent, ut inde, sibi ad anteriora aditum panderent, & si fieri posset, universo Christiano orbi sese penitus insinuant, ferro & igni ex instituto suo cuncta vastantes; tu, imperator inclyte, nequaquam contentus vallo, fossa, aggere, munimentis, castris atque prædiis, & parva militum manu, quod quidem factu facillimum fuit, illorum arcere discursus, & cohibere impetus, atque ipsos conatus eludere; tanta eos constantia insecutus es, tanta virtute impulsisti, domuisti, fregisti, tam multas, tam magnas, tam varias strages, ut historiæ laetiori campum perlata aperueris & materiam vel aberrantem dederis: Pulsavit sæpe animum acriter ea cogitatio, immo ad id nervos omnes intendisti, ut eos non modo propinquioribus locis arcere, verum in tuis invaderes sedibus, & illorum arce expugnata Gallipoli, non solum ea Europæ, quam occupaverant partem, verum si fieri posset, illos omnes omni quoque Asia deturbares. Id quod quandoque affuturum per tuam maxime industriam, Deo auspice ac duce, speramus, auguste piissime. Compositis externis rebus, & barbaris varia ac multiplici victoria domitis, atque intra limites suos manere compulsi, intestinum ecclesiæ bellum, et exitiale malum, ac perniciosissimum virus ejusdem pietatis intuitu ferre non valens, clementissimi principis animum ad expurgandum atque debellandum terribiliter inveterati schismatis monstrum, quod ambitio invexerat sola, solum contentions studium animaverat, accenderat, foverat, omnes ingenii vires exacuit, universaque arma corripuit, neque prius desistit, omnia gerens, omnia tentans, quam pacem rebus & ecclesiæ unitatem redditam gauderemus.

Quantos ille labores subit, quam gloriosa cerramina pertulit, quam multos, quam varios discursus obire, ut instar volucris totum ferme Christianum orbem peragraverit, quam ingentes thesauros effuderit, non est nostræ facultatis evolvere. Tibi, auguste, debemus, tuo nomini, tuis laboribus, tuæ vigilantia, tuæ industria, tuo infatigabili studio acceptum referimus, quod pace, quod tranquillitate, quod unitate ecclesiæ fruimur, quod pace, quod pulsis densissimis tenebris, & atra erroris nebula profligata, omnique discussa ac disiecta caligine, lumen hausimus, & suavissimum æterni solis jubar aspeximus. Tuum istud factum adeo præclarum, tuum hoc opus tam illustre, tam singulare, tam divinum & præsens ætas admiratur, suscipit, fovet, amplectitur, & posteritas omnis prædicabit, dignisque attollet laudibus ac perpetuis præconiis celebrabit, numquamque Sigismundi piissimi imperatoris, et religiosissimi principis nomen non erit in deliciis, non erit in admiratione, non erit in honoribus, non erit in laude. Sed enim non est, neque propositi nostri, neque hujus temporis, neque otii, neque virium, laudes explicare tuas, imperator inclyte, facient hæc excellentiora ingenia, ut tanti principis memoriam ulla umquam interrumpere, aut abolere possit oblivio.

Non stetit hæcenus religiosissimi principis studium; immo qui antiquum schisma viribus omnibus ut tolleretur effecerat, novum itidem ne oriretur, immo ne vetustum resurgeret emortuumque revivisceret malum, simili studio, et pari pietate contendit. Ac nisi ipsius prudentia, vigilantia, studiumque obtulisset, actum esset denuo de ecclesiæ pace ac unitate, jamque innovatum schisma haberemus, & quidem priore deterius. Sed paucis res exponenda et explicanda est.

Cum desiderio componendi cleri, et in antiquam, si fieri posset, et sperari liceat, faciem restituendi, pontifex noster Basileæ synodum conflare iussisset, concurrerentque admodum pauci: ipse moratur impatiens, simul & a sacro collegio inductus atque impulsus, Bononiam concilium ipsum transferre instituit: locum scilicet idoneum, et ad quem facilius omni ex parte convenire possent. Verum ubi promulgatis ipsius translationis edictis, confluere certatim plurimos, rem tacitus admirans exitum operiebatur. Non desuere tum de primoribus quidam, qui antiqua innovare vulnera schismatique denuo inferre tentarunt: hoc comperito, exhorruit religiosissimi principis animus, & antiquos labores suos irritos fieri, ut par erat, egerime tolerans, quod reliquum erat itineris, nam redibat ex Italia, tanta pernicitate egit, ut non venisse, sed putasset evolare, atque intra præscriptum diem, semet concilio insinuans, improbos quorundam conatus digna infectione coarguit, eosque religiosæ gravitatis admonens, ut eis potius rebus quarum gratia convenerant peragendis insisterent, monuit, neque scandala ultra suscitare vellent. Quo in tempore pontifex noster, clementissime Cæsar, concilii sacri suæque serenitatis votis obtemperans, retractatis prioris translationis edictis, conc-



ANNO  
CHRISTI  
1435.

cilium iterate approbavit: atque ita approbavit, ut ab se postulari nihil ultra poterit. Maluit enim mitissimus pontifex, de suo aliquid, immo vero multum jure depone-  
re, quam scandalo patefieri aditum. Decreta concilii admisit omnia, eaque se, vel quæ facta eatenus, vel quæ facienda essent, pro ratis habiturum, servaturumque promissit. Sed & sacra synodus vicin illi est pollicita, se illum ut vicarium Christi Petrique successorem habituram, iussuque sanctæ sedis & apostolicæ in nullo violaturam. Exstant literæ tunc ad pontificem a tua serenitate directæ id attestantes, sed & instrumenta publica inde confecta hoc ipsum pollicentur.

Quiescente pontifice, neque tale quicquam tunc forte opinante, repentinus rumor increbuit, annatas fuisse sublatas, & reliqua minuta servitia, quibus tam pontifex ipse quam sacrum collegium, & omnia curiæ officia solerent subtentari. Admiratus est pontifex, obstititque sacrum omne collegium, eo potissimum tempore sublata fuisse sibi stipendia videns, quo pontifex Roma clam fugiens, vix impas se insequentium manus effugerat, nudusque ac profugus Florentiam venerat, quo ecclesia bonis omnibus omni-  
que substantia nudata per quorundam intemperantiam fuerat. Omnibus vero curiæ ordinibus aperte protestantibus se decretum illud numquam admissuros, atque pontificem orantibus, ut opem ferret, & de curiam deferere necessitate cogerentur, opportuna adhiberet remedia. Compulsus est oratores ad concilium mittere, qui decreti illius suspensionem postularent quoad maturior fieret deliberatio, seu aliter apostolicæ sedi commodè provideretur. Missi sumus tam a pontifice, quam a sacro collegio, venerabilis atque integerrimus vir Antoninus auditor causarum sacri palatii, et ego, cum instructionibus debitis, quibus id cavebatur, ut modestia in omnibus summa uteremur, & in nullo irritare concilii patres. Egi-  
mus id, Deo duce, pro viribus. Namque alter ex nobis communes tantum ferme at-  
tigit locos, quæ ad pacem & tranquillitatem, atque unitatem in Christi corpore, sancta videlicet ecclesia, servandam pertinere viderentur, leniter ac rationabiliter sugges-  
rens: & optimam tum pontificis, tum sacri collegii voluntatem ac dispositionem ad suscipiendam omnem reformationem honestam atque congruam pandens. Orabat item ne sedem illam mendicare vellent, quæ abundare necessario variis ex causis semper consuevisset, & a qua egenis opem sibi postulare moris esset. Alter coram deputatis magno numero viris apertius quod pontifex postularet exposuit lenissima oratione, & nihil irritante, aut scilicet suspendi decre-  
tum, aut provideri. Auditi quidem attente sumus: sed nihil tamen ex iis impetrare potuimus quæ perebamus. Namque id tandem nobis pro responso datum est, sacrum concilium decretum nolle suspendere, provisio-  
nem vero ante concilii terminationem faciendam, adjectis conditionibus certis. Tuum itaque præsidium occupare instituit neces-  
sario, princeps Christianissime, tuamque im-

plorare opem pontifex noster, nempe enim si cui ex Romanis pontificibus licitum fuit augustorum in rebus dubiis implorare opem; licuit autem semper omnibus: hic ille jure suo speciali quodam privilegio vindicat.

Neque vero si Innocentio tertio \* honestum fuit, Lotharii piissimi imperatoris auxilium querere, ut in Urbem, unde Petri Leonis infidiis fuerat eiectus, remeare posset; inhonestum est pontifici nostro, si postulet possessioni suæ, qua deturbatus videtur, tua ope restitui? Orat itaque primo, ut antiquum pietatis institutum constantissime teneas, quamvis opus non est sponte currenti admoveere calcaria: pacemque & unitatem ecclesiæ, quam tanto labore ac studio prius reddidisti, partaque ne denuo laberetur effecisti: immo jamjam labentem tenuisti, commendatam tecum habebas, neque patiaris ulla ratione rursus ecclesiam scindi. Deinde ne sanctam Romanam ecclesiam sedemque apostolicam, ita sæde nudam relinqui velis: verum tuas interponas partes. Nempe enim Christum Jesum Dominum nostrum, neque gentilis qui expoliaverat miles nudum reliquit; & de alio Jesu sacerdote magistro legimus, qui nostri figura fuit, quod exutum prioribus indumentis, vestiri novis jussit Dominus.

Jam vero quoniam non avaritiæ consulens, aut propriis indulgens commodis, decreti illius suspensionem postulet pontifex noster, nemo qui illum novit ignorat: quippe ab ipso adolescentiæ flore, amplissimo distracto patrimonio, & pauperibus atque aliis pietatis operibus impenso, Christum Dominum levis atque expeditus sequi delegit. Et cum succrescentibus meritis per gradus ascendens divinæ providentiæ nutu ad summum quoque apostolatus apicem pervectus esset, numquam pietatis, & miserationis ingenitæ exuit viscera: immo qui auctus est meritis, benignitate quoque in dies auctior fit: ita ut nunc quoque quando ita nudatus est, nihil antiqui instituti relaxarit: sed egenis quotidie larga subveniat manu. Non ergo, ut diximus, avaritiæ studens, vel privatis commodis consulens, sanctissimus pontifex, vel decretum suspendi postulat: sed honoris, & gravitatis atque dignitatis ecclesiæ, cujus sponsus est divinitus datus, rationem habens, non auferri decretum, sed suspendi iterum postulat, donec an expediat, maturius omnium deliberetur assensu: ne quid ecclesia, cujus ille caput est, inconsiderate, seu precipitanter egisse possit umquam ulla ratione deprehendi, cum debeant ecclesiæ judicia considerata esse semper atque gravissima & irreprehensibilia. Novit enim profecto, & memoria tenet istiusmodi rem in duobus ante conciliis, Viennensi scilicet & Constantiensi fuisse discussam diligentissime, & diutius ventilatam: semperque annatas tolerabiliores judicatas, abusiones tollendas, usque reservandos necessarios saniora ferme omnium judicia censent: ne per novitates scandalis aditus pateat, quam vel non oriantur caute prospicere ecclesia debet, vel si orta fuerint, ut mature tollantur, studiosissime providere. Intelligit profecto pietas tua, imperator clementissime & Chris-

ANNO  
CHRISTI  
1435.

\* 1. Secundo

stia.

stianissime princeps, quam iusta, quam rationabilia postulet pontifex noster, & quid factu sit opus non ignoras. Jus jam sapientiae, tuae providentiae, tuae benignitati, totum ille relinquit. Deus autem noster omnipotens, in cujus manu juxta scripturam sacrae testimonium, cor regis est, tuae serenitatis gressus dirigere dignetur in laudem & gloriam suam, ut ecclesiae unitate per te tuisque laboribus parta, & tua pietate servata, & quiete ipse regnare in hoc saeculo, universis subactis hostibus, possis, & cum sanctis fidelissimisque principibus aeternis atque coelestibus regnis, post felicem vitae praesentis excessum, merearis inscribi, gratia & misericordia Domini nostri Jesu Christi, cui est cum Patre & Spiritu sancto honor, decus, & imperium in saecula saeculorum. Amen.

*Explicit feliciter.*

LITTERA DOMINI DUCIS BRITANNIAE

*Missi concilio, in favorem electi  
Macloviensis.*

SAcrofancta synodo Basileensi in Spiritu sancto congregatae, orthodoxam & catholicam ecclesiam representanti.

Reverendissimi patres & domini, ac amici confidentissimi, sincero tam humilis quam devote recommendationis affectu. Cum pridem translationis R. P. episcopi Trecorensis litterae ad ecclesiam Macloviensem, tunc pastoris gaudio alienam, per SS. dominum nostrum, dominum Eugenium papam moderatum, ad perperam informationem intentionis meae ejus auribus allatam, factae in alterius jurs quaesiti subannationem, mihi extiteret praesentatae; & tunc temporis per illos qui litteras translationis hujusmodi praesentarent, relatum extitisset, vestrum sacrum concilium dissolutum seu in dissolutione esse, quodque concilium nullum vellet dedisse suffragium electo ejusdem ecclesiae, nec mihi mendaciter, ut inde accepi, me circumveniendo fraudibus similibus, resiliere: tamen quamplurimum mirabar & miratus extiti, quod exterminata perfectione tam, saluberrimi operis, ad quod dictum sacrosanctum concilium adunatum extiterat, de quo ecclesia sancta Dei variis respectibus non mediocriter indiget, tamquam Levitaram filii similia proferre non sunt veriti, ita exemplo dissolvi deberet. Hoc enim percepi machinatum, ut perverteret contra reverendum patrem dominum Guillelmum abbatem B. Mariae de Bello loco, pro quo & iustitia saepius scripseram, & ab interesse meum allegando quiescerem, & in annum submergerer, licet ad eandem ecclesiam de persona dicti abbatis electione facta, non visa, nec expectata, ut per varias litteras V. R. P. e quibus patule innotescere posuit intentio mea consentanea rationi, quam nusquam aliter mutare nec variare intendo, fusus in vestra sacrosancta synodo, in SS. Pneumate legitime Basileae congregata, quod per de-

*Concilior. Supplem. Tom. IV.*

cretum in eadem editum & canonizatum, ac in variis climitis orbis diffusum, per Romanum pontificem de cetero metropolitana, cathedralium, collegiatorum, monasteriorum, & dignitatum electivarum reservationem fieri, vel facta uti non debere, in suo nervi perduret robore, hujusmodi electionis causa foret levius in eadem sacrosancta synodo & citius commissa; sed eximius importunitatibus praetorum optata praemissa de concilio promentium, & translationem hujusmodi contra totam veritatem mihi gratam extitisse, non possi recisus committi, per dilatatos incurfus australes ventos flavere, adeo ut accepi, judices antequam praetorum translationis praesentationem litterarum, sine tamen mandato saltem tunc dato obscurare extitissent, litteras citatorias & inhibitorias protractaverunt concedere, ut ipsa pars praefati translati me valeret interim precibus subvertere, obrepenterque distrahere, & possessionem festinatam adire, quidam falsi ingenio concepto furtim machinavit mei parte litteras decano & capitulo Macloviensi pro ipsius translati receptione, quae nunquam de meo processerant sensu, quem dirigente Domino, tamquam falsarium punire conabor: ita, quod singuli similia deinceps in terra mea, in aevum fabricare pavebunt. Illius tamen qui mari & ventis imperat gratia, cursum per fidos nostros certiorati de praemissa machinatione, per fidelia mandata ei merito obviare, mandare, & prout antea temporalitas in meis susebat metata pugillis, bajulare modo disposui, cum mea interstis patriam hujusmodi, quae mihi a Deo per generis lineam donata, ab aemulis invadere, ambientibus, in suis protegere libertatibus, & vestrae sacrosanctae synodi decretum effectualiter supportare, quod quamplurimum dignum, sanctum, aequum & justum existimo. Et ut aliqua, quae non modicum animum meum exasperant, referam, emerito referenda, & exasperent cujuslibet principis spiritum habentis Dominum, a paucis citra fatalibus de episcoporum translationibus in fodro vacationum mei ducatus, demptis aliis vacationibus de translatis hujusmodi non contentis primo conjugio, exilitate fructuum ad supportandum matrimonium forsan concepta, uti philomena saltat de branca ad alterum inhiantes corporum, amoenitate, quorum nonnulli qui fuere translati, cum translati fuerant ad exiguissimam ecclesiam mei ducatus, ut ipsorum didici relatione, felices se existimabant, qui forsan in scholis vix de millo saturari poterant, & cum infelicibus illis pollebant temporibus successivis, ambitione non saturati, ad empireum coelum, ut ita fatear, cum evanitate convolare efficientes, de ducatu meo exhausta fuere sexaginta millia scuta auri; & quod de ista distractione pecuniarum per tales translationes conqueri non debeam, judicet sacrosancta synodus, nam certus existo, quod nonnulli principes non sinunt sic suam patriam pecuniis nudari. Et nunquam pars translati antedicti contra sacrosancti concilii decretum ac vestras reverendas paternitates exhortatorias, neque

Gggg re-



ANNO  
CHRISTI  
1435.

recommendaris valuit obtinere litteras, cum in appellatione existam, & dicta civitas Macloviensis sit clavis totius mei ducatus, in maris angulo situata, a qua appellatione minime resiliam. Precor itaque, sacrosancta synodus advertat, populus clamat, & propter clamorem & gemitum pauperum exsurgit Dominus; ita archiepiscopi laudantur, qui nullam confirmationem habere possunt, pretextu talium translationum, & quod dici possit deinceps.

Quod tibi vis fieri, mihi fac: quod non tibi, noli.

Sic potes in terris vivere jure poli.

Et sic tot lites & dissidia non impedirent ecclesiam Dei; ea propter electionem hujusmodi & interesse meum suppliciter recommitto, ac personam electi praefati, qui non ex modica populi concordia & mei assensu bina vice (a) successive electus, & eidem ecclesiae & patriae quamplurimum profuturus est, eundem in eadem in episcopum & pastorem praeficiendo ecclesia, prout geminatis vicibus supplicare litteris curavi, quas & eorum tenores per praesentes approbo, nullaque parti transiati deinceps adhibeatur fides. Et si quae, reverendissimi patres, grata & possibilia existant, tam in universali, quam in spirituali, mihi curetis significare, & ea possit effectui mancipabo, favente sacro Pneumate, qui easdem reverendas paternitates conservet & dirigat. Scriptum in villa mea Veneti die penultima Decembris.

Humilis & devotus ecclesiae sanctae filius dux Britanniae, & comes Riche-mondiae.

Johan.

#### REPETITIONES QUEDAM CARDINALIS

Johannis de Turcremata cum esset in minoribus constitutus Basileae super quibusdam propositionibus Augustini de Roma.

Ex MS.  
Cod. Luc.

Reverendissimi reverendique Patres, ceterique doctores & magistri egregii intellectus rationis Italiae. Audito pridem quod quidam libellus magistri Augustini de Roma, nunc autem D. archiepiscopi Nazareni, intitulatus: *de sacramento unitatis Christi, & ecclesiae*, reverendissimo patri D. cardinali Arelensi, judici fidei, tanquam suspectus in certis conclusionibus fuerit per promotorem fidei praesentatus; quodque in ejus examine, tam ratione opinionum, quam ratione difficultatis originalium librorum, unde

suae rationis fundamenta somnare visus est, multiplex inter magistros orta est perplexitas; placuit vestrae reverendae paternitati, causa fidei, veritatis zelo, quam amore delatae personae: cujus apud inclytam nationem vestram, integra semper splendida fama fuit; certis injungere in sacra pagina professoribus praedictarum propositionum indaginem, & examen, qui iisdem accurata diligentia examinatis, & originalibus libris vestris visis, paternitatibus vestris responderent, quid fidei nostrae integritate & nostri Salvatoris reverentia semper salvis, de praedictis propositionibus videbatur sentiendum, aut judicandum. Est verum, PP. RR. quod praefati reverendi magistri postquam, R. P. V. iussu aliquot diebus super conclusionibus praedictis congregati fuerint, disposuerunt mihi inter eos minime injungere, ut brevibus ab solverem in scriptis, quid circa delatas conclusiones saepe nominati magistri, & maxime pro nunc primi tractatus, cujus tantum apud nos copia erat, fide semper integra, cujus & zelatores, & amatores, & defensores praecipuos se profitebantur; respondendum foret. Et si profecto res ista gravissima mihi fuit, supra vires plane ingenio mei est propositiones sancti sacramenti, quod Apostolus sacramentum magnum vocat in Christo & in ecclesia, doctissimis Patribus visas obscuras, immo a multis estimatas minus sanas ponderare, & judicare; eorum tamen injuncta reverenter suscipiens ea parte, ut dubietate repulsa caligine veritatis lumine clarius eluceat. Cum omni humilitate, & reverentia, & sub omnimoda correctione, & supportatione benigna V. R. dominationum, et paternitatum, quod circa conclusiones praefati libelli, juxta creditam mihi virtutem, visis et examinatis fundamentis earum, atque intentione auctoris censendam, salvo tamen meliori judicio occurreret, praesenti codicillo breviter inscribere curavi; protestans pro me, et universis in hanc mecum sententiam venientibus, quod nihil in dicendis temere, seu pertinaciter intendo afferere; imo intendo, et protestor nihil dicere quod sit contra fidem catholicam, contra bonos mores vel quovis modo offendere valeat pias aures. Quod si contingeret lapsu linguae vel ex ignorantia mea, quod absit, id immediate revoco, et habeo pro non dicto; omnia et singula, quae dicturus sum, V. R. P. correctioni et determinationi per omnia submitto. Aggressus ergo materiam sub illius magistri spe, et confidentia, qui cathedram habens in caelis, hominum corda docet in terris; talem in dicendis ordinem institui. Partiar quidem in partes tres praesentis actus studium; prima quidem pars respiciet materiam quatuor conclusionum primarum; secunda vero quintam conclusionem cunctis asperiores ad audiendum; tertia vero propositiones ultimas, quae coinciderent

(a) Quippe electus fuit Guillelmus abbas Belli-loci post mortem Guillelmi de Monfort, anno 1432. defuncti, & iterum post mortem Amalrici, qui biennio post diem suum clausit extremum, quae quidem electiones, per summi pontificis in gratiam aliorum nominationes, effectum caruerunt.

ANNO  
CHRISTI  
1435.

dere visæ sunt cum articulis in conc. Constant. condemnatis. Circa partem vero primam primo præmittam quandam regulam magistrale, quæ observanda est, meo iudicio, in examinandis, iudicandisque dictis Doctorum. Secundo ponentur certæ considerationes circa terminos positos in conclusionibus quatuor primis; tertio ponentur *correla*, quæ satisfacere curabo in iuncta mihi obedientia. Regula autem magistralis, quæ observanda est in examinandis dictis doctorum est ista: quod dicta DD. non sint iudicanda principaliter juxta sonum aut corticem literæ, sed ex intentione dicendi, sive ex spiritu intelligentiæ, quem in illis censentur habuisse. Sicut enim principalis fides est in corde, secundario vero in ore juxta illud Apostoli: *corde creditur ad justitiam, confesso autem oris fit ad salutem*; ita error, sive hæresis principaliter est in corde, et non in verbis; et ideo iudicium principaliter capitur ex intentione dicendi: quoniam, ut inquit Hilarius 4. de Trin. *disc. int. hæresis*, non de scriptura intellecta hæresis; ad quod facit illud Hilarii 4. de Tri. quod Magister sententiarum frequenter reperit ad sane intelligendum dicta DD. qui in cortice literæ quandoque aliqua a veritate aliena astruere visi sunt; quod scilicet intelligentia doctorum ex causis fumenda est dicendi; quia non sermoni res, sed sermo rei subiectus est. Unde Angelinus lib. de Corp. et Sang. Domin. .... ei consuluit SS. PP. libros cum omni diligentia, et reverentia perquirendos, ita dicens: *qui recte*, inquit, *libros ecclesiastici doctoris legens quod in eo quasi dubium & scrupulosum invenerit, non statim exoraneo invadit; sed inspicit & discernit & retractat, & circumstantiis, & scriptis ejusdem auctoris, & ad ultimum plus eligat confiteri se ignorasse vel non intelligere, quam erroris illius notam impingere*. Hæc ille. Ex hujus auctoris regulæ non observatione multas hæreses natas esse cognovimus, sicut de prima hæresi in discipulis Christi dicit Augustinus super psal. & habetur de consecratione dist. 2. Prima quidem hæresis in discipulis Christi velut ad duritiam sermonis ejus facta est. Cum enim diceret: *nisi manducaveritis &c.* illi non intelligentes dixerunt ad invicem: *durus est sermo hic*; & separaverunt se ab illo. Remanens autem Christus cum duodecim instruxit eos dicens: *spiritus est qui vivificat, caro nihil prodest; verba quæ loquutus sum ad vos, spiritus sunt & vita*; intellexit spiritualiter: *spiritus & vita sunt*. Hæc ibi; & sicut prædicta hæresis ex carnali sensu, & consideratione solum corticis literæ videtur ortum habuisse; ita multæ aliæ hæreses, & errores, & perversa iudicia ex eadem radice processerunt. Propter quod apostolus 2. Cor. 3. ait: *littera occidit, spiritus autem vivificat*; idest spiritualis intelligentia. Ex quo manifeste primo apparet, quod tunc debito ordine currit examen in iudicio fidei, cum non principaliter certus literæ, sed maxime spiritus intelligentiæ inspicitur, quem scriptor in littera habuisse cognoscitur. Quod videtur Deuter. 17. notari, ubi facta accusatione criminis dicitur: *& hoc tibi nuntiabo*.

Concilio. Supplem. Tom. IV.

*siatum fuerit, audiensque inquisieris diligenter, & verum esse reperieris &c.* Notanter inquisieris, dicit, diligenter, idest intus causam & intentionem dicti, aut facti considerando, non contentus exteriori superficie consideratione et examine: quoniam, ut Dominus ait Jo. 7. *non est iudicandum secundum faciem*. Quippe stat bene aliquem habere verba erronea, considerata facie literæ, non tamen sentum erroris habere in fide: quoniam, ut Hilarius ait supra de Trin. *intelligentia sensus in crimine est*, sicut S. Thomas dicit in 3. par. q. 52. a. 4. de magistro Hugone, de S. Victore, & de Magistro sententiarum, ubi quaerens utrum Christus in triduo fuerit homo, postquam dixit quod dicens Christum in triduo fuisse hominem simpliciter, & absolute loquendo est erroneum: *Quidam tamen confessi sunt in triduo hominem fuisse, dicentes quidem verba erronea, sed sensum erroris non habentes in fide*: sicut Hugo de S. Victore & Magister sententiarum: Hæc ille; ex quibus palam sequitur tunc recto ordine examen fidei procedere, cum iudicium literæ a spiritu, quod scriptor habuit, trahitur, & non e converso quemadmodum enim corpus animalis cuius sit speciei, ad inclusio spiritui, a quo speciem sumit, iudicatur; ita literæ iudicium a spiritu fumendum videtur. Unde Hugo de S. Victore lib. de sacra. loquens de persona Christi contra quosdam, verborum magis quam sententiarum ponderatores, ita dicit: *in moneta verborum positi sunt, & currit multitudo magna sermonum, & infinita perplexio; quia iudicium spiritus a littera trahere volunt non iudicium litteræ a spiritu, sicut scriptum est: spiritualis iudicat omnia, & ipse a nemine iudicatur*. Laborant ergo in iudicio dicendi, quoniam spiritum non habent intelligendi; volunt habere iudicium, & spiritum habere nolunt; sine quod recte iudicare non possunt. Hæc ille. Sequitur ex dictis correlative, quod stat quandoque conclusionem alicuius doctoris esse veram causâ & intentione dicendi consideratis; & tamen doctorem venire reprehendendum; & e contrario conclusionem simpliciter dictam non esse acceptandam, vel quia minus propriis verbis utitur, aut quia minus moderate ultra solitum usum scholasticæ disciplinæ extendendo sermonem, aut alias, sicut de magistro Hugone, & Magistro sententiarum dicit S. Thomas in opinione supradicta; de quo in 2. sententiarum dist. 21. a. 1. dicit, quod ex opinione Magistri non sequitur ali-quod inconveniens secundum rem; quia secundum philosophum 2. Metaphysicorum: *non est inconveniens ut quod dicimus hominem, alii dicant non hominem, quantum ad convenientiam hominis*. Sed solum est improprietas in modo loquendi; quia non est in usu hujus nominis homo, quod significet animam & corpus divisam. Dixi namque reprehendendum talem venire, quamquam ejus conclusio, & propositio, causâ & intentione dicendi consideratis, sit vera; quia ut dicit Hieronymus, ex verbis inordinate prolatis incurritur faciliter hæresis, præsertim apud parum intelligentes: non, ut inquit S. Thomas in 4. dist. 13. quod hæresis per se in verbis consistit, sed quia sunt occasio erroris; & ideo

Gggg 2 ad



ANNO  
CHRISTI  
1435.

ad reglam secundum mensuram loquendum est. Et tantum sit de regula proponenda.

Prima consideratio sequitur, quæ materiam propositi negotii respicit, & præsertim terminum positum in prima conclusione prænominati libelli, videlicet, homo, cum dicitur: omnes nos cum capite nostro, quod est Christus Jesus, sumus unus homo. Circa quod notandum quod homo dupliciter potest sumi; uno modo physice, alio modo mystice. Physice quidem sumptus homo dicitur juxta definitionem philosophicam; secundo metaphorice quid constitutum ex eo quod habet similitudinem & figuram corporis physici, organici, humani. Et ex eo quod habet similitudinem animæ rationalis animantis & regentis totum corpus; juxta cujus acceptionem, ut dicit S. Thomas in. 1.2. q. 81. a. 1. omnes, qui sunt unius communitalis sunt unum corpus, & tota communitas quasi unus homo. Quo etiam modo scriptura videtur loqui cum de populo Israel quasi de uno homine loquens, ait Exod. 4. Israel, inquit Dominus, filius meus primogenitus. Pariformiter B. Augustinus exponens, & ponitur in glossa ordinaria, illud psal. si irruitis in hominem, interficitis vos, totam ecclesiam hominem quemdam vocat generalem. Unde glossa sic inquit: pertinebant utique illi ad hunc hominem generalem, idest ecclesiam, quæ hæc dicit. Item super psalmos cap. 22. inquit B. Augustinus: unus homo maxime ille hic loquitur, qui etiam diffusus est toto orbe terrarum. unus ille loquitur, qui alibi dicit: a finibus terræ ad te clamavi; quatenus unus homo diffusus est usque ad fines terræ: respondet hereditas illa Christi, de qua dictum est: dabo tibi gentes hereditatem tuam, & possessionem tuam terminos terræ; ipsa clamat, & dicit: ad te clamavi dum anxietur cor meum. Hæc ille. Hoc autem, quod non possit verificari de homine uno physice considerationis nullus ambigit. Oportet ergo illud in mystica significatione suscipere. Pariformiter reperimus partes humanæ naturæ, scilicet animam & carnem, distinguere. Caro quidem a B. Hieronymo in epistola ad Ephe. dupliciter distinguitur: illa Christi, quæ crucifixa, & sepulta fuit; alia vero spiritualis, & divina, de qua ipse Dominus ait: caro mea vere est cibus &c. quam Magister sententiarum in 10. dist. scilicet mysticam carnem assumens vel appellans, dicit esse unitatem ecclesiæ. De anima vero dicit B. Augustinus super psal. 62. super illo versu: sicut anima mea; ait: omnes dicamus: quia in concordia Christi omnes una anima sumus. Secunda consideratio sequitur circa terminum secundum positum in secunda conclusione, scilicet persona. Ubi considerandum quod persona dupliciter a DD. SS. accipitur: uno modo proprie, pro uno scilicet singulari individuo, sive supposito rationalis naturæ, prout Boetius de duabus naturis, et una persona Christi accipit dicens: persona est rationalis naturæ individua substantia; quo etiam modo accipit eam Richardus de S. Victore patenter dicens: persona intellectualis naturæ incommunicabilis existentia. Alio modo persona accipitur, non proprie a proprietate naturali unius

individui rationalis substantiæ; sed mystice a quadam analogica similitudine, sive resonantia; & hoc modo sæpe de toto corpore mystico ecclesiæ loquitur scriptura, sicut de una persona; immo sæpius a DD. sicut unus homo dicitur, ita una persona. Unde Augustinus super psal. 61. super illo versu: irruitis in hominem &c. dicit: debemus intelligere personam nostram, personam ecclesiæ nostræ, personam corporis Christi. Tertia consideratio sequitur circa significationem hujus termini mysticum; cujus notitia non parum accommodata est præsentī negotio. Notandum ergo, quod mysticum, ut dicit Catholicon, dicitur a mysterio. Mysticon enim Græce, Latine dicitur secretum; unde mysticus, mystica, mysticum, idest facer, divinus, occultus & significativus. Et quoniam ab omnibus his acceptionibus possit sumi ratio hujus vocabuli mysticum, cum de ecclesia dicimus quod est corpus mysticum: tum primo quia sacra, sicut sancta est quoad primam interpretationem, secundum illud, quod in symbolo canitur: sanctam ecclesiam catholicam; & illud 1. ad Cor. 3. templum. Dei sanctum est, quod estis vos; tum quia divina quoad secundam: consors quippe facta est divinæ naturæ, secundum illud quod de ejus membris dicitur in psal. Si ego dixi; dū esis, & filii excelsi omnes; & 2. Petri 1. divine consortes naturæ: tum quia occulta quoad tertiam significationem. Occultum enim nobis est in hac peregrinatione constitutis quis simpliciter & veraciter actu pertineat ad unitatem hujus corporis, dicente B. Bernardo: quis potest dicere ego de electis sum: ego de prædestinatis ad vitam, ego de numero filiorum; reclamante nimirum scriptura: nescit homo an sit odio, vel amore dignus? Communis tamen ecclesiæ corpus nominatur mysticum a quarta significatione, videlicet quia figurativum, sive per figuram aut similitudinem dictum, sicut ex apostolo colligitur, qui de ecclesia sæpe loquitur ad similitudinem corporis naturalis hominis, sicut infra videbitur. Ubi notandum quod ratio hujus mysticæ significationis colligitur inter alia præcipue ex quatuor. Primum est multiplicitas membrorum officialium concurrentium ad compositionem corporis. Sicut enim naturale corpus humanum ex multis membris conformibus in natura & variis deputatis adibus compaginatur: ita ecclesiæ corpus ex multis fidelibus variis deputatis officiis constitutum consurgit; unde apostolus 1. ad Cor. unus panis & unum corpus multi sumus; super quo dicit Augustinus: typice, idest figurative, unus panis & unum corpus ecclesia dicitur, pro eo quod sicut unus panis ex multis granis, & unum corpus ex multis membris componitur; ita ecclesia ex multis fidelibus charitate copulante connequitur; & ad Rom. 12. dicitur: sicut enim in uno corpore multa membra habemus; omnia autem membra non eundem actum habent; ita multi unum corpus sumus in Christo. Singuli autem alter alterius membra, habentes donationes secundum gratiam quæ data est nobis differenter &c. Secundum autem, a quo sumitur similitudo, est conformitas, & unitas membrorum ad caput. Plane quemadmodum

ANNO  
CHRISTI  
1435.

Catholic.  
inferbebat  
lexicon  
linguæ  
Latine  
Joan.  
de Babil.  
Genueus  
sæpius  
excusum.

dum in corpore naturali hominis caput con-  
naturale est residuo corpori & per collum  
ei coniungitur, a quo, sicut a perfectiori,  
utpote in quo omnes resideant sensus, secun-  
dum plenitudinem sensus & motus in totum  
corpus diffunditur; ita in corpore ecclesie  
caput, quod est Christus secundum illud ad  
Eph. 1. *ipsum dedit caput super omnem eccle-  
siam*, quæ est corpus ejus per assumptam na-  
turam, est residuo corpori connaturale; &  
per fidem, quæ intelligitur per collum Cant.  
4. *sicut turris David collum tuum*, nos ei  
unimur, ad Eph. 4. *caput Christus*, ex quo  
totum corpus, scilicet ecclesia, compactum,  
& connexum per omnem juncturam admini-  
strationis; glossa, idest per fidem & chari-  
tatem, quæ conjungunt & faciunt membra  
Christi, & adinvicem ministrare. Tertium  
vero, a quo accipitur ratio mysticæ loquuti-  
onis, est unitas spiritus: quemadmodum qui-  
dem corpus naturale hominis unum habet  
spiritum vivificantem totum corpus, & uni-  
versa membra regentem; ita in toto corpo-  
re ecclesie unus est spiritus vivificans & re-  
gens qui est spiritus S. de quo 1. ad Cor. 12.  
*Etenim in uno spiritu omnes nos in unum cor-  
pus baptizati sumus*; cujus sensus est secun-  
dum glossam: quia baptizati, idest abluti su-  
mus, uno spiritu ducti sumus in unam cor-  
pus. Unde glossa dicit: *quemadmodum totum  
corpus una anima vegetatur; ita unus spiri-  
tus facit omnia in membris Christi*: & ita  
ad Eph. 4. dicitur: *unum corpus, unus spiritus*.  
Quartum vero, in quo mystica similitudo at-  
tenditur, est quod sicut in corpore humano  
caput, & membra dicantur constituere unam  
personam, ut dicatur unus homo, ut dicit  
August. super Jo. hom. 21. ita suo modo in  
corpore ecclesie. Unde idem August. *unus  
enim homo cum capite & corpore suo, Jesus  
Christus Salvator corporis*; & membra corpo-  
ris duo in carne una, & vocet una, & in pas-  
sione una; & cum transferret iniquitas in re-  
que una. Hæc ille, de quibus in sequenti-  
bus amplius erit tractatus. Quarta conside-  
ratio sequitur circa hoc nomen *Christus*:  
commune nomen est, nulli autem proprium;  
unde August. super canonicam Joannis. *Je-  
sus proprium nomen est Salvatori, quomodo  
Moyses proprio nomine appellatus est, quomo-  
do Elias; Christus vero nomen sacramenti,  
quomodo sacerdos*; & Ildorus lib. 7. Ethymol.  
cap. 2. dicit: *Christus a chrismate est appel-  
latus*; & consequenter non est Salvatoris  
proprium nomen Christus, sed communis nuncupatio  
potestatis. Dum enim dicitur Chris-  
tus commune est dignitatis nomen, dum di-  
citur Christus Jesus proprium est vocabulum  
Salvatoris. Secundo notandum, quod, ut  
DD. distinguunt antiqui capientes ab Augu-  
stino, hoc nomen Christus dupliciter accipit-  
ur, & ut verbis utar Alaisiodorensis in tract.  
de Christo capite in summa sua super illud  
apost. 1. ad Cor. 12. *vos estis membra de mem-  
bro*: quandoque dicitur filius B. Virginis quan-  
doque autem dicitur Christus integer scilicet  
caput cum membris. Eodem modo a S. Tho-  
ma & Alberto in 4. dist. 13. distinguitur de  
corpore mystico, quod quandoque dicitur mem-  
bra tantum; quandoque autem membra cum  
capite ipso. Ultima consideratio respicit illam

A terminum *unus*, cum dicitur, quod nos om-  
nes capite nostro, quod est Christus Jesus,  
sumus unus homo, aut una persona. Ubi no-  
tandum, quod cum unum sequatur ens, &  
conditio unitatis conditionem entis, 4. Me-  
taph. sicut duplex est modus considerationis,  
aut loquutionis de homine, de persona, &  
Christo; ita etiam duplex modus loquendi  
erit de unitate: aut enim accipitur unitas  
personalis, quæ respondet primæ acceptio-  
ni personæ; aut unitas, quæ respondet ac-  
ceptioni secundæ, scilicet mysticæ. Primo enim  
modo quæ sunt unum in persona, aut sunt  
unus homo singularis non sunt plura sup-  
posita, ut patet ex Boetii, & Richardi di-  
finitione personæ supra posita. Quæ autem  
sunt unum in persona, aut una persona se-  
cundo modo, sunt distincta bene suppositis  
& personalitatibus propriis naturalibus, ut  
dicitur infra. Dicitur autem unitas mystica,  
sive figurativa, quoniam sicut cogitantur cor-  
pus naturale hominis & caput conjuncta,  
necesse est intelligere quoddam integrum,  
scilicet hominem, & personam naturalem,  
in qua uniantur corpus, & caput; ita in  
proposito, considerando Christum caput &  
ecclesie corpus simul uno spiritu copulata,  
& compaginata, necesse videtur intelligere  
unam mysticam resultare personam. Unde  
Augustinus tractans illud ad Eph. 5. *erunt duo  
in carne una* &c. dicit: *Jesus ita & ecclesia  
duo in carne una*; sit ergo tanquam ex duo-  
bus una quedam persona ex capite, et ex  
corpore. Notandum autem quod hæc unitas  
mystica strictè capta principaliter ex duobus  
conspicitur, videlicet ex conformitate unius  
naturæ inter caput & membra ad invicem,  
de qua radice unitatis dicit Hugo de S. Vi-  
ctore lib. de Sacra. cap. penult. 1. par. ubi  
rubrica talis est: *per hominem verbo unitum  
Deo, uniantur omnes qui sunt membra ejus*;  
ita dicit: *assumpsit ex nobis nostram naturam*;  
ut eam sibi sociaret in persona per unionem;  
qua societas non erat per unitatem in natu-  
ra; ut per id, quod de nostro unum secum  
fecerat, nos sibi uniret, ut cum ipso unum es-  
semus per id quod nostrum sibi unitum erat.  
Hec ille, & ex hac radice dicit S. Thomas  
in 4. dist. 49. quod angelus, quamvis pertine-  
ant ad unitatem eccl. non tamen sunt membra  
ecclesie secundum quod ecclesia dicitur spon-  
sa propter conformitatem, quam dicit ejus-  
dem speciei requiri inter sponsum, & spon-  
sam. Secundo vero, ex quo consurgit præ-  
dicta unitas mystica, & quod est quasi com-  
pletivum ejus, est unitas spiritus S. univer-  
sum ecclesie corpus vivificantis, unde aposto-  
lus ad Ephel. 4. *soliciti servare unitatem spi-  
ritus in vinculo pacis, unum corpus, & unus  
spiritus* idest: *si vultis*, inquit glossa, *esse unum  
corpus, servate unitatem spiritus, quia Spiritus  
S. est, quo unum corpus efficiatur*.  
Cum enim ipse sit Patris, & Filii amor, &  
connexio, ad ipsum pertinet societas, qua effi-  
citur unum corpus; hæc glossa. Idem glossa  
Rom. 8. De istis duabus radicibus unitatis  
similiter glossa super illud ad Eph. 1. *dedit  
eum caput super omnem ecclesiam*, dicit: *di-  
citur proprie caput secundum humanitatem,  
secundum quam conjungitur ei ecclesia, &  
natura, & gratia*. Est consequenter notan-  
dum



ANNO  
CHRIST  
1435.

dum quod non sine causa dixi quod unitas personalis mystica prælibata stricte sumpta ex duobus confurgit, videlicet ex conformitate unius naturæ in specie, & ex unitate spiritus totum corpus ecclesiæ inhabitantis: quoniam magis large capiendo unitatem talem mysticam, ad eam sola unitas spiritus aut effectus sufficere videtur, dicit Gregorius lib. 4. moral. cap. 9. *sicut autem idem redemptor noster una persona est cum congregatione bonorum, ipse namque caput est corporis, & nos hujus capitis corpus: ita antiquus hostis una persona est conjuncta collectione reproborum, quia ipse eis ad iniquitatem quasi caput præeminet; illi autem, dum ad perversa deserunt, velut subiectum capitis corpus inbarent.* Hæc ille. Patet autem inter diabolum et perversos homines non esse conformitatem naturæ unius speciei, sed effectus unitatis. Cæterum notandum quod unitas ista personalis mystica, qua totum corpus mysticum ecclesiæ dicitur una persona, non confundit distinctionem personalem naturalem membrorum, quia istæ personalitates sunt alterius & alterius rationis. Et ideo cum unitate unius fiat pluralitas & alterius personalitatis. Patet, quoniam omnes fideles juxta apostoli sententiam ad Rom. xv. & ad Cor. sunt unum corpus, & tamen distinguuntur suppositis, & propriis personalitatibus; quot enim fideles sunt, tot personæ sunt. Unde Augustinus supra psal. 127. tractans verbum illum: *Beati omnes, qui timent Dominum, & sequitur in singulari: laborem fructuum tuorum manducabis* &c. dicit: *o vos, o tu, vos multi, qui unus estis:* Hæc ille. Nihil enim prohibet aliqua, quæ uno modo sunt multa, alio modo unum esse, & indivisa; sicut quæ sunt distincta numero esse unum genere; immo ut dicit Dionysius lib. de div. nom. nihil est existentium, non participantium uno: quæ enim sunt multa partibus, sunt unum toto, & quæ sunt multa accidentibus, sunt unum subiecto, et quæ sunt multa numero sunt unum specie, et quæ sunt multa specie, sunt unum genere, et quæ sunt multa processibus sunt unum principio; ita D in proposito, qui multa sumus in nobis unum sumus in Christo. Gala. *omnes unum estis in Christo.* His considerationibus pro aliquali notitia terminorum prælibatis, sequuntur aliqua correlaria, per quæ satisfieri existimo propositionibus primis.

Primum correlarium, acceptis terminis expositis secundum primas exceptiones eorum omnes quatuor propositiones sæpe nominati libelli falsæ sunt, quarum falsitas supra dicta acceptione terminorum, et unitate correspondente ita manifesta est, ut omnino arbitrer superfluum ad hoc ostendendum rationes adducere; ubi cum etiam non videam possibile quod aliquis, nisi omnino privatus sensu, talem assertionem faceret, quia et naturam orbat, et fidem tollit. Quia autem sensum perversum doctor iste non habuit in prænominatis propositionibus, ut manifestum videtur, ex dictis ejus; non est opus plura dicere circa hoc correlarium. Acceptis terminis ante expositis in secunda acceptione mysticæ significationis propositiones prænominatæ veræ videntur; quod discurrendo

per singulas variis autoritatibus comprobabitur, quas in originalibus conspexi: ad quem intellectum iste doctor eas intellexisse, et scripto suo demandasse ostendit in multis locis. Primo enim ex hoc quod hoc tractatu sæpe corpus ecclesiæ corpus mysticum vocat; et per consequens unitatem intelligit mysticam inter membra illa cum capite. Item dicit in alio codicillo, quod in his omnibus de sacramento unitatis & ecclesiæ spiritualis intellectus querendus est, carnalis vero abjiciendus. Præterea patet ex hoc quod dicit in epistola responsoria certis articulis, in quibus in Romana curia fuit delatus, quam P. R. Martino V. scripsit, ubi in secundo fundamento post introductionem illius dicti Apostolici ad Gal. 3. *Abrabæ data sunt repromissiones & semini ejus* &c. ita profequitur: *perfecto Apostolus in præmissis verbis notificare voluit multitudinem electorum cum capite, quod est Christus, reducendam ad quandam mysticam unitatem corporis & membrorum ut caput & membra unum intelligantur semen Abrahæ.* Hæc ille. Item in 6. ait, quod fideles, secundum esse naturale, quod habent in seipsis, non sunt unus homo nec unus Christus; sed secundum esse sacramentale, & mysticum. Ecce quod unitas illa, quam intelligit in propositionibus illis, & quam per autoritates multas nititur probare, ex sua confessione quam summo pontifici fecit, est unitas mystica. Cum autem mysticum sive figurativum distinguatur contra reale, sicut figura contra cujus est figura; non videtur pro nunc, quantumcumque peregrinis utatur quandoque sermonibus, quod unitatem realem hypoteticam inter caput & membra ponere voluerit: quoniam sicut unionem naturalem mysticam non nominat fed realem; ita istam non mysticam, fed realem appellasset. Prima conclusio, quæ est quod omnes nos cum Christo capite nostro, quod est Christus Jesus, sumus unus homo, probatur primo per glossam super psal. 18. omnibus enim linguis primos doctores loqui fecit Spiritus S., qui omnes gentes in unum erat congregaturus; & sicut unus homo tunc omnibus linguis loquebatur, sic & modo unus homo, scilicet totus, scilicet caput & corpus, omnibus loquitur, ex omnibus gentibus una & sancta constat ecclesia. Item per Augustinum super psal. 85. dicentem: *nullum majus donum præstare posset Deus hominibus quam ut verbum suum, per quod condidit omnia, faretur illis caput, & illos ei tanquam membra coaptaret, ut esset filius Dei, & filius hominis, & unus Deus cum Patre, unus homo cum hominibus.* Idem super psal. 19. ait: *omnes Sancti unus homo in Christo, quia unitas facta est, ipse unus homo dicit: a finibus terræ ad te clamavi cum anxietate cor meum.* Item glossa super ps. 122. super illo: *nisi quia Dominus erat in nobis;* dicit: *notandum, aliquando unum, aliquando dicit plures; unum tamen est ecclesia, quæ in omnibus membris est unitas, per quam multi homines est unus homo.* Item August. super psal. 127. super illo ver. *ecce sic benedicitur homo, qui timet Dominum. Est enim quidam homo, qui sic benedicitur;* &

ANNO  
CHRIST  
1435.

ANNO  
CHRISTI  
1435.

nemo timet Deum, nisi qui est in membris ipsius hominis; & multi homines sunt, & unus homo est; unus ergo homo, Christus caput, & corpus; & infra: intelligamus ergo vocem hujus nominis, hominis, in cuius corpore unus homo sumus. Item glossa quæ Augustinus dicitur esse super psalm. 131. per David scripte significatur unus homo, cuius vox sepe in psalmis auditur, scilicet totus Christus caput & corpus; hæc ibi. Et istæ autoritates causa brevitatis sufficient pro prima conclusione.

Secunda vero conclusio, quæ est, quod Christus caput nostrum & nos corpus ejus sumus una persona, (sub intelligentia data sit vera, patet autoritatibus multiplicibus. Primo Aug. super psalm. 30. qui sic ait, & etiam in glossa ordinaria adducitur, ubi Augustinus sic dicit: & ut noveritis quod unus dicitur Christus caput, & corpus suum, ipse dicit, cum de conjugio loqueretur: erunt duo in carne una. Igitur jam non duo, sed una caro; sed forte hoc discat de quocunque conjugio. Audi Apostolum Paulum: & erunt, inquit, duo in carne una; sacramentum hoc magnum est: ego autem dico in Christo, & in ecclesia. Est igitur tanquam ex duobus una quadam persona, ex capite, & sponso & sponsa. Nam unitatem persona hujus miram & excellentem commendat etiam Ipsi Propheta, loquens etiam in eo Christus in Propheta ut: sicut sponsum alligavit mihi mitram, & sicut sponsum ornavit me ornamento; se dicit sponsum, se sponsam, quare se sponsum, se sponsam, nisi quia erunt duo in carne? Hæc ille. Secundo autoritate B. Gregorii, dicit enim in lib. 19. moral. cap. 9. Christum & ecclesiam unam esse personam crebro jam dicimus. Item lib. 35. cap. 9. inquit: quia Christus & ecclesia, id est caput, & corpus, una persona est secundum B. Job, dicimus, modo capitis, modo figuram corporis designari. Ubi notandum quod Gulielmus Antiochodensis in summa sua in materia unitatis capitis & membrorum querit propter illud dictum Isa. & glossæ Augusti. utrum sit verum quod sponsum sit sponsa. Et respondens dicit inquit, quod duplex est forma sive perfectio ecclesiæ; similiter & Christi: est enim perfectio Christi naturalis ecclesiæ quæ est humanitas; & quantum ad hanc perfectionem sponsum est alius quam sponsa, scilicet Christus quam ecclesia. Est autem alia perfectio Christi & ecclesiæ scilicet gratuita, scilicet perfectio, quæ est Spiritus S. et secundum hanc perfectionem sponsum est sponsa; quia eadem est perfectio Christi & ecclesiæ, scilicet Spiritus S. & per hanc unitatem dictum est: multitudinis credentium erat cor unum, & anima una; & quod omnes unus sumus in Christo. Propter istam unitatem Christus quandoque in persona sua, quandoque in persona ecclesiæ non mutata persona loquitur; quæ est prima regula Ticonii. Hæc ille.

Ticonii  
Africani  
regula  
VII. ad  
investigan-  
dum sen-  
tentiam  
scripturæ  
ab eis in  
bibliothecæ  
patrum  
superius ex-  
positas.

Tertia vero conclusio, quæ est quod totus integer Christus, caput & corpus, cum Christo capite non faciant numerum; & e converso ipsum caput cum ipso integro quod est caput & corpus non faciant numerum; probat per hoc, quia non sunt plures Chri-

sti, sed unus & idem Christus, manifesta videtur. Et primo, quoad hoc quod inducitur pro fundamento probationis conclusionis vim, quod omnes nos cum nostro capite sumus unus & idem Christus; dicit enim B. Augustinus super Jo. serm. 27. unitas nos compaginat, & tanta ei unitate confringimur, quod ipse & nos sumus unus & integer Christus. Quod etiam patere videtur ex illo Apostoli 1. Cor. 12. dicentis: Sicut enim corpus unum est, & membra habet multa, omnia autem membra corporis cum sunt multa, unum corpus sunt; ita & Christus. Super quo B. Augustinus super Psal. 30. ita ait: loquens de membris Christi Apostolis, hoc est fidelibus, non ait sic, & membra Christi, sed totum hoc, quod dicit Christum appellavit; & super psalm. Hier. non ait, ita & Christi, sed corpus unum sunt membra multa; ita & Christus; totum ergo Christus, & quia totus Christus ideo caput de celo: Saul, inquit, Saul, quid me persequeris? Tenete hoc, & fixum omnino commendate memorie, tanquam filii ecclesiæ crudiitionis & fidei catholice, ut agnoscat Christum, & caput & corpus, eundemque Christum Verbum Dei unigenitum æquale Patri; & inde videatis quanta gratia pertingatis ad Deum, ut ipse voluerit esse vobiscum unus, qui est cum Patre unus: Ego & Pater unum sumus; quomodo vobiscum unus? non dicitur, inquit, & seminibus tanquam in multis, sed tanquam in uno; & semine tuo, quod est Christus. Nempe semen. Abrahæ Christus: nec contradici potest apostolicis apertissimis verbis ex semine tuo, quod est Christus. Item idem Augustinus super psalm. 100. idem dicit, inquit ita: Christum enim induit, Christus sumus cum capite nostro, quia atque Abrahæ semen sumus; hæc ille. Quæ propositio clarior reddetur, si memorati velimus eorum, quæ superius posita sunt, videlicet quod Christus unctus interpretetur. Christum enim Græce iunctio Latine dicitur. Secundo, quod Christus caput ejus quod est ecclesia, iuxta supra assignatam intelligentiam unus homo, una persona, unum corpus sunt, in quo sunt; sicut unus spiritus intelligitur, ita una intelligitur unctio a capite in totum corpus defluere secundum illud Psal. sicut unguentum a capite, quod descendit in barbam Aaron, quod descendit in oram vestimenti ejus, sicut ros Hermon, quod descendit in montem Sion. Super quo Augustinus inquit: in capite ipsius unguentum; & glossa super Psal. 103. tractans illud: ut extolleret faciem in oleo, dicit: oleum dicitur hic gratia, quæ excellentius fuit in Christo, unde excellentius unctus, unde dicitur Christus id est unctus. Ecce Christus totus unctus in se & in membris, a quo ceteri accipiunt. Hæc ibi. Ex quibus facilius videri potest, quod omnes fideles cum Christo capite sunt unus Christus. Ex quibus omnibus simul collectis, & bene intellectis, patet conclusio tertia quoad omnes ejus partes. Cum enim nos omnes cum capite nostro, quod est Christus Jesus, modo & intelligentia datis, sumus unus homo, una persona, & unus Christus, ut ex dictis patet; clarum est, quod totus integer Christus cum Christo capite, & e converso, facit nu-

ANNO  
CHRISTI  
1435.



ANNO  
CHRIST.  
1435.

numerus. Cum enim, teste Damasceno, numerus sit nudus memineris, id est divisionis; in eo in quo inter aliqua non est divisio, non potest numerus poni. Unde Augustinus super psal. 127. ait: multi enim Christiani, & unus Christus: ipsi enim Christiani cum capite suo ascendant in celo: unus est Christus; non ille unus & nos multi; sed & nos multi in illo uno unum; unus ergo homo Christus caput. Hæc ille. Iste vero intellectus conclusionis videtur esse doctoris libelli dicens: Christus integer cum capite Christo non facit numerum, quia non sunt plures homines aut plures persone, aut plures Christi, & in quo sunt unus, numerum non faciunt. Præterea aliis rationibus posset hoc ostendi; sed quia propoful nihil ex propriis loqui, sed tantum sententias DD. ponere, supercedeo ab aliis. Verumtamen circa prædictam propositionem videlicet: Christus caput, & nos sumus unus Christus, quod author libelli dicit quod dupliciter venit intelligenda; uno modo copulative, ut sit sensus; non solum ipsum caput est Christus; & iste intellectus multoties reperitur, inquit, ab Augustino, qui est tertius modus, quo intelligimus Christum, ut non solum caput sit Christus; & totum integrum caput & corpus simul sumpta stat Christus, & idem Christus; verum etiam & ipsum corpus, & quodlibet membrum corporis est Christus, qui est caput, & qui est totum integrum caput & corpus. Alio modo intelligitur copulato extremo ut sit sensus: totum integrum, scilicet caput & corpus, unus est Christus. Et iste sensus, inquit, innuitur frequenter apud Augustino. Juxta primum modum intelligendi, scilicet copulative, qui videtur minus communis scholæ, & durior ad capiendum duo faciam; primo adducam autoritates, quæ videntur exprimere intellectum prædictum; secundo dicam sub qua intelligentia capienda sunt illa verba hujus doctoris. Primo quidem glossa super illud Apost. 1. Cor. 12. unus corpus & multa membra &c. dicit ita: omnes fideles sunt Christus, ut non dicam corpus Christi, quia ipse Christus sunt tamdum minores, quam majores. Caput & corpus dicitur Christus propter ineffabilem unitatem capitis, & membrorum: hæc ibi. Item Augustinus supra hom. 21. gratulemur, & gratias agamus, non solum nos christianos factos esse; sed Christum. Intelligitis, fratres, gratiam Dei super nos capitis, admiramini, gaudete: Christus facti sumus. Si enim caput nos membra, totus homo ille & nos. Et infra. Cum ergo ostendit Pater membris Christi, Christo ostendit, sit quoddam miraculum magnum; tamen verum; ostenditur Christo per Christum. Res mira est, & magna; sed & scriptura sic loquitur. Contradicturi sumus divinis eloquiis, & non potius intellecturi ex ipsis dono, ei qui donavit gratias acturi. Quid est quod dixi: demonstratur Christus per Christum, demonstratur membris; Hæc ille. Ecce quod utrumque Christum appellat. Item Augustinus super Psal. 58. tractans illud: de viris sanguinum cruentur Christus, non solum caput, sed etiam corpus; a viris sanguinum cruentur Christus, & eis, qui

fuerunt, & eis, qui sunt, & eis, qui futuri sunt cruentur Christus, & qui præcessit, & qui est, & qui venturus est. Christus enim est totum corpus Christi, & quicumque nunc Christiani boni, & qui ante nos, & qui post nos futuri sunt, totus Christus cruentur a viris sanguinum. Hæc ille. Ecce idem, quod prius. Item Augustinus super psal. 122. scilicet: ad te levavi oculos meos. Nemo ascendit in celum, nisi qui descendit, filius hominis, qui est in celo; tanquam se solum videtur dixisse; ergo ceteri remanserunt, quia solus ascendit, qui solus descendit. Quid debent facere ceteri? uniri corpori ipsius, ut sit unus Christus, qui ascendit, & descendit, caput ascendit cum corpore vestitus ecclesia sua, quam sibi exhibuit sine macula, & ruga. Solus ergo ascendit. Sed & nos quando cum illo sumus, ut in illo membra ejus sumus, & nobiscum solus est; & ideo unus & semper unus. Unitas nos compaginat; & illi soli cum illo non ascendunt, qui cum illo unus esse noluerunt. Et infra: ascendit ergo iste cantor, sed in unoquoque nostrum cantet hic homo, & unusquisque sit iste homo. Cum enim dicitur illud singuli, quia unum es in Christo, unus homo illud dicit; hæc ille. Ecce idem, quod prius. Item Augustinus de verbis Domini in hom. 51. tractans illud Jo. nemo ascendit in celum, nisi &c. ita dicit: quomodo ille solus; an ideo solus, quia Christus unus est cum omnibus membris suis, tanquam caput cum corpore suo? Quid autem corpus ejus, nisi ecclesia? sicut dicit idem doctor: vos autem esis corpus Christi, & membra ex parte: cum ergo cecidimus & propter vos ipse descendit, quod est nemo ascendit, nisi qui descendit, nisi quia nemo ascendit, nisi cum eo factus, & tanquam membrum compactus in ejus corpore, qui descendit, sic & dicit: sine me nihil potestis facere; aliter enim unum cum Patre, aliter unum nobiscum; unum cum Patre est quia una substantia est Patris & Filii; unum cum Patre, quia cum in forma Dei esset non rapinam arbitratu esse æqualis Deo. Unus autem nobiscum factus est secundum semen Abrabæ, in quo benedicerent omnes gentes. Quod cum Apostolus commemorasset, non dixit in seminibus, tanquam in multis, sed tanquam in uno: ex semine tuo, quod est Christus. Et quia nos ad idem pertinemus, quod est Christus, nobis simul incorporatis, & illi capiti adherentibus unus est Christus, quia nobis dicit: ergo semen Abrabæ est secundum promissionem. Si enim est semen Abrabæ non intelligitur nisi Christus; hoc autem semen etiam & nos sumus. Hoc ergo totum, id est caput, & corpus unus est Christus. Et infra: cum Christo & nos resurreximus, & nos cum capite nostro Christus sumus &c. Ergo quemadmodum nobiscum idem est cum corpore suo, unus est Christus: sic cum omnibus impiis, quibus caput est, cum quodam corpore suo unus est Diabolus. Quapropter sicut nos non separamur a justitia, de qua Deus dixit ad Patrem: vado; sic impij non separantur ab illo judicio, de quo dixit: quia princeps hujus mundi jam judicatus est. Item B. Gregorius in morali tractans illud Jo. nemo ascendit in celum, & ponitur in Glossa continua, di-

ANNO  
CHRIST.  
1435.

dicat sic: quia enim nos unum in illo jam facti sumus: unde solus venit in se illuc; solus rediit etiam in nobis, & is, qui in cælo semper est, ad cælum quotidie ascendit, quia quod in divinitate, super omnia permanet, humanitatis suæ compage sese quotidie ad cælos trahit; hæc ille. Ex quibus apparet & argui videtur quod prius. Item B. Isidorus super Pentateu. in lib. suo de mist. intellig. sacræ scripturæ tractans illud Gen. 2. Erunt duo in carne una, dicit: unusquisque Christianus non incongrue gestat personam Christi, dicente ipso Domino: quæ fecistis uni ex minimis meis, mihi fecistis; hæc ille. Idem videtur sequi quod Gregorius lib. 13. moral. cap. 10., de corpore malorum loquens, ita dicit: quippe unum corpus sunt Diabolus & omnes iniqui, ut plerumque nomine capitis censatur corpus, cum de perverso homine dicit: ex vobis unus Diabolus est. Et rursus nomine corporis appellatur caput cum de ipso apostata angelo dicitur: inimicus homo hoc fecit.

Circa vero secundum, in quo dixi dicendum esse & exponendum eadem intelligentia quæ prædictæ autoritates, aut similes quæ sonare videntur, quod ipsum corpus Christi sit Christus, videtur mihi omnes illas ita moderate esse accipiendas, ut semper subintelligatur clausula ista: cum Christo capite, sive in Christo capite; cum corpus istud semper suo capiti copulatum intelligatur. Immo non habet rationem corporis, aut membri, nisi illi unitum intelligatur, ut sit sensus: corpus Christi est Christus; idest corpus Christi cum Christo capite est unus Christus. Et eodem modo videtur accipiendum, ubi de aliquibus fidelibus, aut de uno reperitur dictum, quod isti sint Christus. Et ad istum sensum ait: quoniam eadem ratio videtur currere in sensu dato de uno & de pluribus, sicut de istis: qui adheret Deo unus spiritus sunt cum Deo, & qui adheret Deo unus spiritus est cum Deo. Et ad istum sensum videntur finaliter resolvi omnes autoritates Augustini, quæ loquuntur de ista materia; unde illa clausula sæpe repetitur ab Augustino; unde super Jo. hom. 12. tractans illud: nemo ascendit in cælum, nisi qui descendit de cælo; ita dicit: Si ergo nemo nisi ille descendit, & ascendit; ea spes cæteris est; quia ille propterea descendit, ut in illo, & cum illo unus essent, ut per illum ascensuri essent; non dicit ex seminibus, ait: Apostolus, tanquam in multis; sed tanquam in uno: & semini tuo, quod est Christus: Hæc ibi; & hom. 12. super illud Joan. pro eis sanctifico meipsum, ut sint & ipsi sanctificati in veritate. Quid est, inquit Augustinus, pro eis sanctifico meipsum; nisi eos in me ipso sanctifico, cum & ipsi sint ego? Et infra declarare videtur quo sensu accipiendum sit illud: cum & ipsi sunt ego, dicit: quoniam in me etiam sunt ipsi ego; Hæc ille. Et ita patet resolutio autoritatum dicentium membra Christi esse Christum, cui simile est quod membra Christi in Christo, & cum Christo sunt Christus. Cui sensui conformari videtur imaginatio quod doctor libelli deducit in quodam responsorio ad prædictas responsiones, quæ est ista: quod

Concilior. Supplem. Tom. IV.

sicut creaturæ secundum illud esse, quod habent in Deo, sunt unum in Deo, & sunt unus & idem Deus, dicente Anselmo, quod creatura in creatore est creatrix essentia; conformiter suo modo dicit in membris Christi corporis mystici esse attendendum; secundum enim illud esse naturale, quod habent in seipsis, per quod inter se differunt, ut Petrus, & Joannes, & Martinus, non sunt, inquit, unus homo, & unus Christus; sed secundum aliud esse, scilicet sacramentale & mysticum, per quod pertinet ad Christum; quod quis, ut dicit, consequitur per sacramentum baptismi, per quod incorporatur Christo, & membrum fit corporis mystici: per hoc enim esse, inquit, omnes baptizati in Christo Jesu Christum induunt, Christo incorporantur: & sic ei identificantur in unam personam, & unum hominem, quia fuerit cum eo unus Christus. Hæc ille. Ex quibus dictis patet, qualiter doctor intelligit quod membra Christi sunt Christus: videlicet quia cum Christo sunt unus Christus. Secundo; qualiter accipiat in istis propositionibus terminum identificare, cum ait membra Christi identificari, pro eo scilicet quod est secundum esse mysticum effici unam personam cum eo.

Quarta conclusio, quæ est quod neque nos sumus Christus cum nostro capite facimus numerum, ad intellectum positum sumptum ex allegatis autoritatibus, in præcedenti immediate conclusione patet. Quam conclusionem doctor sæpe nominatus in præallegata epistola responsiva ad papam Martinum ita dicit esse intelligendam. Nos cum nostro capite non facimus numerum; idest non sumus plures Christi, & ut membra ejus non sumus plures homines, & plures personæ, sed unus homo, & una persona; hæc ille. Et hæc sufficiant pro explanatione sensus, & intellectus primarum quatuor conclusionum, sive propositionum cum annexis.

Sequitur secunda pars præsentis codicilli, in qua videndum est de quinta conclusione, quæ præ cæteris minus grata audientium animis est, quæ est ista: quod Christus quotidie peccat, ex quo fuit Christus continus peccator. In cujus explanatione hunc ordinem concepimus tenendum; ut primo per declarationem materiæ & intentionis prædictæ magistri præfati ponam circa ordinem observatum in prima parte aliquas considerationes in manifestis sacræ scripturæ, aut SS. DD. autoritatibus fundatas; secundo quid circa præfatam conclusionem tenendum explanabo. Prima consideratio, duas unitates personales, alterius tamen & alterius rationis, est intelligere in Christo secundum quas duplex modus prædicandi de Christo accipitur, unus secundum unam, & alius secundum aliam. Prima, quidem unitas realis, & juxta verbum Damascei naturalis, & substantialis sive hypostatica est, qua humanitas assumpta a Verbo dicitur personaliter uniri sibi; cum ad idem esse reale, hypostaticum, & personale assumpta est. De qua Jo. 1. dicitur: Verbum caro factum est. Alia vero, quæ mystica est, dicitur qua corpus mysticum ecclesiæ cum Christo hominē

H h h h dicitur



ANNO  
CHRISTI  
1435.

Damasc.  
habet  
diversos  
proprieta-  
tis.

diversitas

dicitur una persona & unus homo, & unus  
Christus, de qua dicitur Gal. 3. omnes unum  
estis in Christo. Has vero duas unitates  
expresse tangit Augustinus lib. de baptismo  
parvulor. & deducitur a S. Thoma in glos-  
sa continuata, ita dicens: si enim divina sub-  
stantia longe distantiore, potuit propter nos  
ita suscipere humanam substantiam, ut una  
persona fieret. Ecce primam unitatem. Se-  
quitur: quanto credibilis alii Sancti sunt  
cum homine Christo unus Christus? Ecce se-  
cundam. Item, istas duas unitates, & duos  
modos predicandi aliquid de Christo expre-  
sse ponit Damascenus lib. 3. cap. 25. ubi ita  
inquit: oportet scire quod dua ypotheser sunt,  
id est proprietates vel familiaritates, una  
naturalis, & substantialis; altera persona-  
lis & habitualis. Naturalis quidem est  
substantialis est, secundum quam propter  
philanthropiam, id est amorem, clementiam,  
Dominus, & naturam, & naturalia omnia  
assumpsit; natura et veritate factus homo,  
& naturalium in experientia factus. Person-  
alis autem, quandoquidem alterius subia-  
dit personam, propter habilem propitiationem  
nimiam, vel amorem; & pro ipso eos  
in ipso facit sermones, vel ei pertinentes;  
secundum quam ex maledictionem, & dere-  
lictionem nostram nos entia naturalia ykiao-  
r, id est propria facit, non ipse hoc ens vel  
factus, sed nostram assumens personam &  
nobiscum ordinatus. Tale autem est factus  
pro nobis maledictio; hæc ille. Secundum  
autem has duas unitates, ut dixi, duplex di-  
stinguitur modus predicandi aliqua de Chri-  
sto. Ratione primæ unitatis predicantur de  
Christo ydionatas id est proprietates utrius-  
que naturæ, sive nominetur nomine alterius  
naturæ, ut cum dicitur: hic est Deus, vel  
Deus est homo. Et ita dicendum est de pro-  
prietatibus naturarum dicendo: hic homo  
creavit coelos, est æternus, incircumscrit-  
tus, & creator omnium, & similia. Et e-  
converso dicendo de Dei filio proprietates  
naturæ humanæ, ut quod passibilis est, mor-  
tuus, sepultus &c. Juxta secundam unita-  
tem, quæ est inter caput, & membra cor-  
poris sui predicantur multa de Christo in  
persona membrorum, quæ sibi, secundum  
se nullo modo conveniant. Utrumque mo-  
dum prædicationis innuit B. Augustinus super  
Psalm. 101. quod est: Domine exaudi oratio-  
nem meam; ubi postquam dixit Christum esse  
hominem pauperem, qui orabat, fundat ratio-  
nem duplicem, quia pauper nominatur su-  
per duplicem prædictam unitatem, ita dicens:  
sibi enim accepit pauperitatem nostram, ubi  
forma servi indutus semetipsum exinans ne  
divitias ejus expavescent, & ad eum acce-  
dere cum tua mendicitate non auderes. Et in-  
frā: addat pauperitatem pauperitati, & trans-  
figuret in se corpus humilitatis nostræ; sic  
caput nostrum sinus membra ejus, & sunt duo  
in carne una; Et post infert: vox ergo una  
quia caro una. Istum etiam modum prædi-  
candi duplicem tangit S. Thomas in 3. p. q.  
5. a. 1. accipiens a Damasceno lib. 3. loco  
supra allegato, & lib. 10. cap. 10. ubi mul-  
tos modos ponit aliquid predicandi de Chri-  
sto, cujus verba S. Thomas sub compendio  
ponens, ita dicit; sicut Damascenus dicit &c.

dicitur aliquid de Christo. Uno modo secun-  
dum proprietatem naturalem, & ypostaticam,  
sicut dicitur quod factus est homo, & quod  
pro nobis passus est. Alio modo secundum  
proprietatem personalem & habitualement, pro-  
ut scilicet aliqua dicuntur de ipso in perso-  
na nostra, quæ sibi secundum se nullo modo  
conveniunt. Unde & inter regulas Ticonii,  
quas ponit Augustinus in 3. de doctr. Christi.  
prima ponitur de Domino, & ejus corpore,  
cum scilicet Christi & ecclesiæ una persona  
æstimatur. Secundum hoc Christus ex perso-  
na membrorum loquens dicit &c. hæc ille.  
Ubi notandum, quod sicut propter unita-  
tem naturalem corporis naturalis, & capiti-  
tis in homine, caput non solum loquitur  
pro se, sed etiam assumit in loquendo perso-  
nam membrorum; & ita in præsentī pro-  
pter dictam unitatem mysticam, sive spiri-  
tualem Christi capitis & membrorum suorum,  
Christus non solum reperitur loqui in  
persona sua, sed in persona membrorum suorum.  
Unde glossa Magistri super Psalm. 14.  
Domine clamavi ad te; ita inquit: hæc autem  
charitas nos Christo compaginatur, per  
charitatem namque quasi unus homo est caput  
& corpus. Capitis vero proprium est lo-  
qui pro membris, sicut lingua nostra personam  
omnium membrorum suscipit; ipsa enim  
pro omnibus verbo fungitur dicens pro pede:  
calcar; & pro manu: vulnerasti me; & ita.  
Christus, qui est caput, pro multis loquitur  
cum quibus est unum: charitas enim unum.  
facit nos cum Christo. Sive ergo caput lo-  
quitur, sive membra, sive quod dicitur capiti  
conveniat sive membris, Christus lo-  
quitur. Sed in voce ejus quisque agnoscat  
suam tanquam inherens in Christi corpore.  
Aliquando enim dicit, quod sibi soli competit,  
non tamen separat se a verbis nostris, sed a  
suis propriis, ad nostra rediit, & a nostris  
interdum ad sua propria transit: hæc ibi. Ista  
est sententia & sermo quasi in forma Augu-  
stini in multis passibus super Psalm. 2. super  
Jo. Bapt. & Gregorius XX. lib. moral.  
cap. 2. tractans illud Job. quando ridebam  
ad eos; non credebant unam esse personam  
Christum & ecclesiam; Plerumque jam dixi-  
mus, & sæpe vox capitis ad vocem corporis,  
sæpe vox corporis ad vocem capitis transit:  
qui enim sunt in carne una, nihil obstat ut  
convenient in voce una; & hæc ille. De isto  
celeri transitu loquutionis a voce capitis ad  
vocem membrorum, & e converso, unum  
exemplum sufficiat de multis. Dicitur enim  
Psalm. 30. in v. illo, in manus tuas commendo  
spiritum meum; redemisti me, Domine Deus  
veritatis, cujus prima pars est vox capitis,  
ut Augustinus dicit, & Magister in glossa;  
secunda vero pars est vox membrorum, sive  
populi, qui redemptus est; cujus rei causa,  
inquit Augustinus super Psalm. 101. Nec ibi  
erres quando audieris aliquid, quod coaptari  
capiti illi non possit; idco prelocutus sum,  
ut quod tale audiens ex infirmitate corporis  
adverteras sonare; & vocem membrorum agnos-  
cas in capite. Secunda consideratio est quod  
quamquam varientur membra multipliciter,  
& diversificentur attributa membrorum, non  
variatur tamen vox loquentis, sed in tanta  
diversitate tam membrorum quam attributo-  
rum.

ANNO  
CHRISTI  
1435.

torum una vox est, & semper una persona loqui videtur. Quæ consideratio capitur ex glossa Magistri super psal. 17. dicentis: attende regulam unitatis capitis, & membrorum, idest Christi, & ecclesie, quasi enim una persona est caput, & corpus; ideoque una voce utitur caput cum membris, licet ea quæ dicuntur ad diversos referantur. Quædam enim soli capiti conveniunt; quædam solis membris; quædam capiti, & membris. Item quæ membris conveniunt quædam præteritis, quædam præsentibus, quædam futuris; quædam perfectis, quædam imperfectis conveniunt; & tamen in tanta diversitate, una vox est, ut quasi una persona videatur loqui, ut sicut duo sunt in carne una, scilicet sponsus, & sponsa, ita sunt & in voce una: hæc ibi. Ad idem similiter est glossa ordinaria Magistri super psal. 20. collecta ex dictis August. in qua ita dicitur: sciendum est quod verba psalmi quædam capiti, quædam membris, quædam prophetæ conveniunt. In hac tamen veritate non mentitur vox, scilicet caput & membra eadem voce utuntur, dicendo: ego me tibi, quod sit propter nimiam unitatem capitis & corporis Christi, idest Christi, & ecclesie, sponsi, & sponse, quam facit caritas; sicut enim lingua omnium membrorum suscipit vocem, dicens pro pede: calcas me; non dicit calcas pedem; & pro manu: vulneras me; non ait: vulneras manum meam; sic Christus membrorum utitur verbis non incongrue, non se dividens a verbis nostris; quoniam enim dignatus est pro nobis homo fieri, & forma servi vestiri, non designatur nos transfigurare in se. Quod utique facit multipliciter, scilicet dum aliquid dicit, vel facit ad informationem membrorum, ut quando vigilavit, & oravit, & tentatus est, vel quando in persona membrorum loquitur, vel de membris in sua persona ait: Saule, Saule quare me persequeris? vel quando aliquid ostendit in se esse, quod non habet ex natura sua conditionis, sed misericorditer assumpsit de corruptione nostre infirmitatis; ut cum dicit se trisari, vel pavere, & huiusmodi. Qui ergo sic nos transfigurat in se, non designatur loqui verbis nostris, ut nos loquamur suis. Hæc est divina commutatio, & divina hæc commercia celebrata sunt in hoc mundo a negotiatore celestis. Hæc ibi. Eadem sententiam ponit August. in Psal. 56. & longo sermone. Tertia consideratio respicit ipsa membrorum attributa, quæ sibi adscribit, & attribuit Christus. Ubi considerandum est primo, quod ratione sæpe nominata unitatis capitis, & membrorum, de Christo passiones membrorum sæpissime in sacra scriptura prædicari leguntur. Hæc consideratio colligitur primo ex illo Matt. 25. quod Christus in iudicio dicitur: exurui, & dedisti mihi manducare, & situi, & dedisti mihi &c. Ecce quod ipse impassibilis factus, exurire, & sitire, & alia pati dicit se ratione membrorum suorum. Unde August. super Psal. 85. adhuc Christus hic est, Christus hic peregrinatur, Christus hic agrotat, Christus in carcere includitur; injuriam ei facimus si non ipse diceret: esurui & dedisti mihi manducare, sitiui, & potastis me, hospes & colle-

Concilio. Supplem. Tom. IV.

gistis, nudus & vestistis me, ager & vestistis me. Et illi: quando te vidimus hæc patientem, & administravimus tibi? Et ille: cum uni ex minimis istis fecistis mihi fecistis &c. Secundo intelligitur ista consideratio ex illo Act. 9. ubi Saulo inquit Christus: Saule, Saule, quid me persequeris? Ecce quod patientibus & laborantibus Christi membris, Christus, qui in se impassibilis est, in membris laborare dicitur, & pati; unde glossa ordinaria, quæ Bedæ adscribitur, dicit: ibi non ait membra, sed me; quia ipse adhuc in membris inimicor patitur, & beneficia membris collata sibi facta denuntiat, cum ait: esuristi, & dedisti mihi manducare. Hæc ille. Et ut de istis similibus attributis compendium faciam, audiamus August. super psal. 62. ubi postquam dixit, quod tota ecclesia, quæ ubique diffusa est, corpus Christi est, cujus ipse Christus corpus est: Nunc quidquid patitur ecclesia ipsius in tribulationibus hujus sæculi, in tentationibus, in necessitatibus, in angustiis, quia sic illam oportet erudiri, ut igne tanquam aurum purgetur; ipse patitur. Hæc ille.

Quarta consideratio, quæ ex ista prædicatione passionum membrorum Christi de Christo, nullus passionis, corruptionis, mutationis deficiat in ipso nostro capite Christo suspicandus est: quoniam ista de Christo dicuntur, non ideo quod ejus persona æterna, aut etiam natura assumpta in eo talibus nunc aut informetur aut (subiiciatur passionibus; sed quia membra ejus, quæ cum eo sunt una persona & unus homo miscet, ut supra dictum est, talibus subijciuntur, & informantur. Solet namque adscribere sibi quæ membris sibi conjunctis contingunt, ut sæpissime ex dictis Augustini superius deductum est; secundum quem modum prædicationis opera prædicari de eodem, scilicet Christo secundum diversa membra, nullum, inconveniens sequitur; sicut nec cum de eo ratione diversarum naturarum operata earum prædicantur proprietates. Quæ consideratio, quanquam ex dictis Augustini sæpe habeatur, colligitur tamen nunc specialiter ex glossa Origenis, quæ ponitur in glossa continua super illud Matt. 25. esurivi, & dedisti mihi manducare; ita dicentis: scriptum est ad fideles: vos estis corpus Christi. Sicut ergo anima habitans in corpore cum non esuriat, quantum ad suam substantiam spirituales, esurit tamen corporis cibum, quia copulata est corpori suo; sic & salvator patitur quæ patitur ejus ecclesia, cum sit ipse impassibilis. Hæc ille. Item patet ex illo Augustini super psal. 141. patitur, inquit, adhuc Christus pressuram non in carne sua, in qua ascendit in celum; sed in carne mea, quæ adhuc laborat in terra. Nisi ergo Christus & in membris, hoc est fidelibus suis pressuram ipse pateretur, Saulus in terra, Christum in celo sedentem non persequeretur; Hæc ille.

Quinta consideratio, quod licet ea, quæ prædicantur de filio hominis ratione assumptæ naturæ, prædicari oporteat de filio Dei, cum ad personam filii Dei assumpta sit natura humana. Suscepit quidem,



ANNO  
CHRIST  
1435.

inquit Damascenus lib. 3. ea quæ sunt carni s  
idiomata, & proprietates, dum Deus passibilis  
nominatur, & Dominus gloriæ crucifixus;  
non tamen, videtur, salvo tamen meliori  
iudicio, prædicari de filio Dei, quæ  
prædicantur de filio hominis sive de Christo  
in persona membrorum. Non enim videtur  
congrue dici quod Deus hic eget, Deus hic  
peregrinatur, Deus hic ægrotat, Deus in  
carcere includitur, & similia, talia fidelibus  
patientibus. Sic Augustinus talia supra prædicavit  
de Christo; licet eadem & similia poterunt  
de eo prædicari illa patiente humanitate  
assumpta; cuius ratio videtur esse, quia  
unio ista mistica membrorum cum capite,  
super quam talis prædicatio fundatur, ipsam  
Christi carnem, sive humanitatem respicit,  
secundum quam caput corporis mistici  
proprie dicitur; quæ consideratio ex illo  
August. colligitur, qui super psal. 142. tra-  
dians illud Apostoli: erunt duo in carne una;  
inquit: Apostolus dicit sacramentum hoc ma-  
gnum est; ego autem dico in Christo in ec-  
clesia duo in carne una; refert ad distantiam  
majestatis. Duo plane; non enim & nos, ille,  
per quem facta sunt omnia; venit ad carnem,  
& ibi ille & nos. Et per istam considerationem  
tolluntur multa argumenta sophistica,  
quæ fieri possent super hoc, quod Christus  
continue dicitur pati, esurire, & sitire,  
ligari, & in carcere includi, & similia,  
iisquis vellet ea de filio Dei ratione  
identitatis personæ prædicare.

Sexta consideratio, quod ratione prædicæ  
unitatis mysticæ membrorum Christi cum  
capite Christo, non solum passionibus poenales  
membrorum suorum legitur in sacra scriptura,  
secundum expositionem DD. sibi attribui,  
verum etiam culpabiles defectus; ita ut  
quemadmodum membrorum suorum, passionibus  
dicat suas, & eis patientibus, pati; ita  
& eorumdem membrorum suorum peccata  
dicat sua, & ex eis peccantibus, dicatur  
peccasse. Prima pars hujus considerationis  
patet ex quarta; secunda vero colligitur  
ex multis locis approbatæ autoritatis.

Primo in forma colligitur expresse ex glossa  
interlineali, quæ ponitur super illud Levit. 4.  
si sacerdos qui est unctus, peccaverit; quæ  
in forma ita dicit: Christus dicitur peccare,  
cum peccamus, qui membra ejus sumus: Hæc  
ibi. Item possillator quidam, cuius nomen  
non ponitur in libro, qui est in bibliotheca  
hujus conventus scilicet Minorum, exponendo  
illud verbum: si sacerdos peccaverit, dicit:  
deliquit iste sacerdos, non in se, sed in  
membris: Hæc ille. Secundo colligitur ex  
psal. 17. diligam te; in quo Pl. secundum  
glossam, & Augustinum totus Christus loquitur;  
ubi glossa Magistri postquam dicit: attende  
regulam unitatis capitis, & corporis, idest  
Christi, & ecclesiæ; quasi enim una persona  
est caput & corpus; idcirco una voce utitur  
caput cum membris. Licet ea, quæ dicuntur  
ad diversas referantur expositiones; verbum  
illud: circumdederunt me dolores mortis;  
glossa, idest Diabolus; per quem mors; mors  
enim idest Diabolus, ut ait Apostolus ante  
Christi adventum ubique, & in omnibus  
pene regnabat, inter

A quos vari erant iusti, qui rapidis iniquitatibus  
conturbati sunt; unde subdit: & torrentes  
iniquitatis, idest iniquitates abundantes  
rapide ut torrens, conturbaverunt me.  
Et sequitur: dolores inferni circumdederunt  
me; præoccupaverunt me laquei mortis; glossa,  
idest gentiles in inferno debito dolore tor-  
quendi circumdederunt me; & propter hoc  
præoccupaverunt me laquei mortis, idest pec-  
catum originale, unde est mors, ante liga-  
vit me quam ex propria virtute peccarem:  
Hæc ibi. Item ex psal. 21. in quo, ut dicit  
Augustinus, & glossa Magistri loquitur  
Christus, ubi dicitur: Deus, Deus meus;  
quare me dereliquisti; glossa Magistri, idest  
pena, & culpa expositi me. Et sequitur in  
glossa Magistri: mirum est quomodo dicit:  
dereliquisti me; cum & Deus esset. Non enim  
dereliquerat illum Deus cum esset Verbum  
Dei Deus; sed pro nobis hoc dicit, qui in eo  
sumus unum ut membra, & sumus corpus  
ejus: corpus enim Christi est ecclesiæ, de qua  
& verbum caro factum est, & habitavit in  
nobis. Et Augustinus in eodem loco: cum  
verbum Dei factum esset, caro pendebat in  
cruce, & dicebat: Deus Deus meus respice in  
me, quare me dereliquisti? quare dicitur,  
nisi quia nos ibi eramus? nisi quia corpus  
Christi ecclesiæ? Hæc ille. Sequitur in ver-  
su: longe a peccatoribus salus; glossa, idest  
ecce quare; ideo scilicet quia longe a pecca-  
toribus salus; & hæc verba, scilicet dereli-  
quisti me, & longe, & quare, non sunt ius-  
titie, sed delictorum meorum; & ostenditur,  
idest ostendunt me non esse iustum sed pecca-  
torem. Et infra: Deus Deus meus clamabo  
per diem, & non exaudies; glossa idest, cla-  
mantem sic, quia verbis delictorum clamo.  
Quomodo hoc dicit qui peccatum non fecit,  
nec inventus est dolus in ore ejus? sed de  
nobis corpore suo dicit hoc, scilicet de me,  
de te, de illo enim corporis sui idest eccle-  
siæ gerebat personam: Hæc ibi. Sed ut non  
solum antiquos DD. sed etiam modernos du-  
camus in medium, ad idem est expositio Ni-  
colai de Lyra, qui exponens præfatum ver-  
bum dupliciter, ita dicit: verba delictorum  
meorum; delicta populi dicit sua tum pro-  
pter membrorum, & capitis affinitatem, tum  
quia fecit ea sua quodammodo sustinendo pro  
eis penam. Item Nicolaus Gorani in expo-  
sitione prædicti versus, ita dicit: exponitur  
versus in glossa dupliciter, vel in persona  
membrorum, vel capitis. In persona ecclesiæ  
sic: quare dereliquisti me, idest ecclesiam  
meam, scilicet non personam exponendo malis  
culpa, & pena; longe a salute mea &c. id-  
est, ideo dereliquisti me, quia cum sim in pec-  
catis, longe es a salute mea psal. longe a  
peccatoribus salus: Verba delictorum meo-  
rum, idest mea imperfectiones, vel verba deli-  
ctorum meorum, in quibus delinquit, sunt  
longe; idest me faciunt longe a salute mea.  
Hæc ille. Item ad idem S. Thomas in 3.  
par. q. 15. a. 1. dicit secundum quod Chri-  
sti & ecclesiæ una persona æstimatur, se-  
cundum hoc Christus ex persona membro-  
rum suorum loquens dicit: verba delictorum  
meorum; non quod in ipso capite delicta  
fuerunt. Item tertia prædicta conside-  
ratio tollitur ex illo psal. 37. non est pax in

ANNO  
CHRIST  
1435.

Nicolaus  
Gorani  
Gallus ord.  
Præf. flo-  
ruis circa  
an. 1405.  
scripsitque  
in plures  
S. Scrip-  
lib. com-  
mentarios.

offibus meis a facie peccatorum; ubi Augustinus ita dicit: *quæri solet cuius sit vox, & aliqui accipiunt propter quædam, quæ hic dicuntur, de passione Christi; sed: non est pax offibus meis a facie peccatorum meorum, quomodo diceret qui nullum peccatum habebat? Coarctat nos ergo intelligendi necessitas ad cognoscendum tanquam plenum & totum Christum, idest caput & corpus; cum enim Christus loquitur, aliquando ex persona solius capitis loquitur, quod est ipse salvator natus ex Maria Virgine; aliquando ex persona corporis sui, quod est sancta ecclesia diffusa toto orbe terrarum; & nos in corpore ipsius sumus, si tamen fides nostra sincera sit in illo, & spes nostra certa, & charitas accensa, & ita non est dubium quia vox ipsius Christi est. Unde ergo peccata nisi de corpore, quod est ecclesia, quia loquitur corpus Christi, & caput? quare tanquam unus sequitur, quia erunt duo in carne una: sacramentum hoc magnum, ut ait Apostolus, ego autem dico in Christo & in ecclesia. Et ideo si ipse dicit jam non duo sed una caro est; quid mirum si una caro, una lingua, eadem verba tanquam unius capitis, & corporis, sic audiamus tanquam unum? Sed tamen caput tanquam caput & corpus tanquam corpus; non dividuntur personæ, sed distinguitur dignitas, quia caput salvat, corpus salvatur; caput exhibeat misericordiam, corpus deest miseriam, caput est ad purganda peccata; una tamen vox; non scribitur quando dicat corpus quando caput. Sed nos in audiendo distinguimus. Ille autem tanquam unus loquitur. Quare enim non dicat: peccatorum meorum, qui dicit e-furivi, & non dedisti mihi potum; hostes fui, & non receperis me; infirmus, & in carcere, & non visitasti me. Certe te Dominus non fuit in carcere; quare non hoc diceret, cui cum dictum esset: quando te vidimus esurientem, aut in carcere, & non ministravimus tibi? sic respondet ex persona corporis sui indicans se dixisse: cum uni ex minimis meis non fecistis, nec mihi fecistis. Quare non dicat a facie peccatorum meorum qui dicit: Saule, quid me persequeris? qui utique in coelo neminem persequutorem patiebatur; sed quoniam ibi caput loquebatur pro corpore; sic & hic caput dicit corporis vices, cum & capitis vices auditis. Sed neque cum corporis vices audieritis separetis caput; neque cum capitis vices audieritis separetis corpus; quia jam non duo sed una caro. Item infra super versu: „ amici mei, & proximi mei adversum me appropinquareunt, & steterunt; „ dicit sic; „ jam intelligamus capitis voces; „ quia incipit diluiscere caput nostrum in passione; sed rursus cum coeperit caput, noli inde separare corpus. Si caput noluisset se separare a vobis corporis; corpus se audeat separare a passionibus capitis? patere in Christo, quia tanquam peccavit in infirmitate tua Christus; enim non peccata tua tanquam ex ore suo dicebat, & ea dicebat sua; dicebat enim:*

a facie peccatorum meorum, quæ non erant ipsius; quomodo ergo peccata nostra sua esse voluit propter corpus suum; sic & nos passionibus ejus nostras esse velimus propter caput nostrum. Item, quarto, hæc prædicta consideratio colligitur ex Ps. 39, qui de Christo exponitur, in quo dicitur: „ circumdederunt me mala, quorum non est numerus; comprehenderunt me iniquitates meæ, & non potui ut viderem. „ Ubi Chrysostomus exponens hoc de Christo ita ait: „ hæc mala, idest peccata, quorum non est numerus circumdederunt me, idest eos, quibus annuntio, qui mei futuri sunt; comprehenderunt me, idest ad actum perduxerunt hi, qui mei erunt; & non potui ut viderem; & sic oppresserunt me, idest eos illarum iniquitatum, quæ non potuerunt habere usum rationis; „ Hæc ibi. Ex quo manifeste colligitur, quod Christus, quandoque videtur sibi attribueret peccata eorum, qui non actu et futuri erant sui. Item quinto, colligitur prædicta consideratio ex Psal. 40. ubi versus ille: „ ego dixi: Domine, miserere mei quia peccavi tibi; „ dicitur vox Christi; unde Augustinus super eodem dicit ita: „ nunquid hic Christus, nunquid hoc caput illud nostrum sine peccato, nunquid ille, qui quæ non rapuit exolvebat, nunquid ille solus in mortuis liber? liber enim in mortuis quia sine peccato; quoniam omnibus, qui faciunt peccatum servus est peccatorum. Nunquid ergo ipse? immo ipse ex membris his, quia vox membrorum ipsius quia & vox capitis nostri vox nostra. Item glossa Magistri habet sic: ego dixi Domine &c. se dicit Christus caput in membris: miserere, idest sana per flagella animam meam, quoniam nullo modo excuso peccatum, sed acculo. Idest quia peccavi tibi. „ Super eodem usum Nicolaus Gorran, qui sequitur in exponendo psalterium maxime gloriam, dicit: „ hic loquitur Christus non pro se, sed pro membris, dicens quod hic provocat suo exemplo ad confitendum ore; unde primo innuit se confitentem, secundo subdit confessionis materiam ibi: Domine miserere. „ Sexto colligitur ex Psal. 138. ubi versus ille: „ imperfectum meum viderunt oculi tui, „ dicitur vox Christi ab Augustino; unde Augustinus super eodem, videlicet quod de illis, qui scilicet tempore sue passionis fortes non erant, neque huiusmodi dicat patri: „ imperfectum meum viderunt oculi tui; imperfectum meum, Petrum meum, pollicentem, & negantem, præsumentem, & deficientem, viderunt tamen cum oculi tui; hæc ille, ubi personam Petri assumens dixit imperfectum meum &c. Septimo colligitur ex Psal. 140. ubi versus ille: „ pone, Domine, custodiam ori meo, & ostium circumstantiæ labiis meis, ut non declines cor meum in verba malitiæ ad excusandas excusationes in peccatis, „ vox Christi dicitur. Unde Augustinus super eodem dicit: „ qualis hic modo orat, & quis iste sit, cito dixerimus, Christus est. Audituri autem estis verba, quæ de Domino nostro Jesu Christo



ANNO  
CHRISTI  
1431.

» sto indigne accipiuntur, & putabit pa-  
» rum intelligens temere me dixisse Christi  
» esse personam in hoc Psalmo. Quomodo  
» enim potest de D. J. C. de illo agnoim-  
» maculato, de illo, in quo solum non est  
» inventum peccatum, qui solus verissime  
» dicere potuit: ecce venit princeps mun-  
» di hujus, & in me nihil inveniet, idest  
» nullam culpam, nullum peccatum; qui  
» solus quod non rapuit exolvebat, qui so-  
» lus innocentem sanguinem fudit, filius  
» Dei unicus, carnem accipiens, non qua  
» ipse minueretur, sed qua nos augetet.  
» Quomodo ergo de ista persona recte ac-  
» cipitur? pone Domine custodiam ori meo,  
» & ostium continentie circa labia mea,  
» ut non declines cor meum in verba ma-  
» ligna ad excusandas excusationes in pec-  
» catis? Manifestissime quod proprie iste  
» sensus est: custodi Domine os meum  
» annua quadam, & ostio precepti tui, ut  
» in verba maligna non declinet cor meum;  
» nostra ista verba sunt; certe Christus  
» loquitur, si nostra verba sunt: quomodo  
» Christus loquitur, & ubi est charitas, de  
» qua loquebatur: nescitis quia ipsa unum  
» nos fecit in Christo? charitas clamabat  
» ad Christum de vobis; quomodo charitas  
» ad Christum de nobis? etenim omnis, qui  
» invocaverit nomen Domini salvus erit;  
» quomodo charitas in Christo pro nobis?  
» Saule, Saule, quid me persequeris? vos,  
» inquit Apostolus, estis, corpus Christi, &  
» membra. Si ergo ille caput, nos corpus;  
» unus homo loquitur, sive caput loquitur,  
» sive membra, unus homo loquitur, & ca-  
» pitis est proprium loqui etiam in persona  
» membrorum; ideo: non declines cor meum  
» in verba maligna ad excusandas excusa-  
» tiones in peccatis. Quare sic oras, Domi-  
» ne, quæ peccata tua excusatus es?  
» respondit, cum unus ex membris meis  
» sic orat; ego sic oro sicut ibi respondi:  
» cum uni ex minimis meis fecistis, mihi fe-  
» cistis. Cum autem non declinatum fuerit  
» cor tuum, o membrum Christi, cum cor tuum  
» non fuerit declinatum in verba maligna  
» ad excusandas excusationes in peccatis,  
» cum hominibus operantibus iniquitatem  
» non communicabis cum electis eorum.  
» Qui sunt electi eorum, qui seipsos iusti-  
» cant; qui sunt electi eorum, qui sibi ju-  
» sti videntur, & contempnunt ceteros; sic  
» Phariseus ille in templo dicit: Deus, gra-  
» tias ago tibi, quia non sum sicut ceteri  
» homines. » Hæc ille. Multa alia adduci  
» possunt in hujus rei testimonium, sed ista  
» pro nunc ad præsens sufficere visa sunt.

» Septima consideratio, quod hujusmodi at-  
» tributio, quæ fit Christo actionum & pas-  
» sionum membrorum ejus, ex duabus rationi-  
» bus colligitur secundum doctrinam Augusti-  
» ni. Primo quidem propter unitatem perso-  
» næ; secundo propter charitatem, & affe-  
» ctionem, quam habet ad membra. Prima ra-  
» tio ab Augustino tangitur in multis locis su-  
» pra allegatis, ubi dicit quod quia una per-  
» sona est caput & corpus; ideo una voce  
» utitur caput cum membris, licet ea, quæ  
» dicuntur, ad diversos referentur. Secunda  
» vero ratio tangitur ab eodem in exposi-

» Psal. 85. ubi ita dicit: adhuc Christus hic  
» laborat, & Christus hic patiebatur a Sau-  
» lo, quando audivit Saulus: Saule, Saule,  
» quid me persequeris? quomodo solet lingua  
» dicere calcato pede: calcas me. Linguam nul-  
» lus tangit, compassione clamat, non attritione.  
» Et glossa Magistri super psal. 40. ubi ita  
» dicit: ex magna affectione, quam habet Chri-  
» stus ad suos, adscribit sibi peccata suorum.

» Octava consideratio, quæ ex isto modo  
» attributionis, qua Christus membrorum suorum  
» peccata adscribit sibi, nulla in eo im-  
» perfectio arguenda suspicandaque, cum istam  
» non attribuat sibi tanquam sceleris commis-  
» sori, sed transfiguratione membrorum suorum  
» in se, quam charitas facit, quæ mem-  
» bra ipsa ipsi capiti ineffabiliter compaginat,  
» & connectit; patet ex superius positis. Ex  
» quibus omnibus sequuntur aliqua correlaria.  
» Primo, quod multum differt genus prædica-  
» tionis, quo aliqua prædicantur de Christo ra-  
» tione assumptæ humanitatis, & genus præ-  
» dicationis, quo aliqua in scriptura sacra di-  
» cuntur de Christo ratione militæ unionis  
» membrorum cum capite; patet ex suppo-  
» sitis & ex distinctione Damasceni supra po-  
» sita distinguuntur hoc duplex genus prædica-  
» tionis. Secundo, quod aliqua dicuntur ve-  
» re de Christo secundo genere prædicationis  
» eo modo, quo scriptura loquitur; quoniam  
» prædicari de eo primo modo prædicationis  
» esset blasphemia: patet in exemplis positis  
» supra. Tercio, quod scriptura dicit Chri-  
» stum nunquam peccasse; & scriptura dicens  
» Christum peccasse non repugnat; cum di-  
» versimode de Christo loquatur. Primo qui-  
» dem loco loquitur de Christo ratione capitis  
» tatis; secundo vero loco ratione membrorum;  
» cujus distinctionis ignorantia periculosa est  
» legentibus dicta scripturæ; unde August. super  
» Psalmos dicit: aliqua verba inveniens, quæ  
» non congruunt capiti, & nisi ea coaptaveris  
» corpori, nutabit intellectus tuus. Rursus in-  
» venis verba, quæ non apta sunt corpori, &  
» sed Christo: tamen loquitur, ubi non timen-  
» dum est, ne erret quisquam, cito enim pergit ut  
» capiti aptet quod videt corpori non conveni-  
» re: hæc ille. Quarto, quod argumenta, quæ  
» fierent contra attributionem peccatorum  
» Christo, modo supradicto, ex hoc quod ver-  
» bum Dei juxta Damascenum lib. 3. sentent.  
» suar. assumpsisse dicitur tantum naturales  
» passiones, & indetractabiles, idest non vi-  
» tuperabiles; sicut ignorantia & peccata hu-  
» jusmodi. Item quod Christus est agnus inno-  
» centissimus, quod est comprehensor, quod  
» est primum metrum, & prima regula, quam  
» necesse est esse impecabilem, & similia, in  
» nullo militat, quoniam ista, quando Chri-  
» sto attribui leguntur, non per modum as-  
» sumptionis, aut informationis Christo adscri-  
» bi accipienda sunt, ita quod Christus in  
» natura humanitatis, quam habet, hujusmo-  
» di defectus assumpsit, aut tales actus de-  
» formes in se commiserit: absit hoc ab ani-  
» mo cujuscumque christiani; hoc enim esset  
» maculare sanctitatem & deprimere majesta-  
» tem ipsius. Sed per modum transfiguratio-  
» nis personæ membrorum in se, cujusmodi  
» attributio nullam indecentiam, nullam ma-  
» culam, nullamque deprecationem sanctitatis,  
» di-

ANNO  
CHRISTI  
1435.

luxata le-  
dio.

dignitatis, & authoritatis ponit in Christi persona, aut natura ejus.

Nona consideratio; non videtur quod in hujusmodi attributis peccatorum, quæ sibi Christi ratione membrorum adscribit, fiat prædicationis, aut attributionis communicatio filio Dei, itaut sicut de Christo dictæ sunt aliquæ propositiones, ita dicantur de filio Dei, hoc est de eodem supposito significato nomine divinæ naturæ: plane aliquid sacramenti importatur nomine Christi, quod non nomine Dei, cujus ratione suscipitur una propositio & non alia. Cujus ratio in quinta consideratione superius assignata est. Neque in isto genere prædicationis videtur currere regula Theologorum de communicatione idiomatum, cum hæc prædicata non attribuantur Christo ratione cujuscumque naturæ existentis in eo. Ex ista consideratione sequitur correlarie non militare argumenta, quæ sunt contra attributionem peccatorum, quam sibi Christus in ratione membrorum adscribit, dicentium quod si Christo attribuitur, pari ratione & Deo attribuerentur vel adscriberentur, quod inconvenientissimum plerisque videtur. Patet ex dictis.

Decima consideratio est, quod circa propositionem illam quintam: Christus peccat: tria veniunt consideranda, an forma propositionis, sit scandalosa sacræ scripturæ lectionibus; an non, sed conformis sit. Secundo, an intentio, qua motus fuit doctor prænotatus, fuerit sana, an malitiosa ad dicendum & exponendum eam. Tertio, de intelligentia, quam habuit in illa, an scilicet sit hæretica, an catholica. Forma vero propositionis vel considerationis in respectu ad modum loquendi sacræ scripturæ juxta expositiones, & glossas SS. DD. vel in respectu ad solitum loquendi usum de nomine Christi, & prædicationem ejusdem, quem nunc tam schola Theologorum quam populus christianus observat. Primomodo, scilicet in respectu ad modum loquendi sacræ scripturæ juxta expositiones & glossas SS. DD. dico, salvo semper vestrarum Dominationum & paternitatum judicio, quod illa in illo respectu conformitatem habent in cortice literæ ad sacram scripturam; cum eadem forma sæpe utatur sacra scriptura juxta expositionem ejus; & patet ex sanctorum allegatis autoritatibus, in quibus visum est quod in persona membrorum vox Christi est: *torrentes iniquitatis conturbaverunt me*; vox Christi est: *longe a salute mea verba delictorum meorum*; vox Christi est: *circumdederunt me mala*, idest peccata, quorum non est numerus; vox Christi: *Domine, miserere mei, sana animam meam, quia peccavi tibi*; vox Christi est: *non declinet cor meum in verba malitiæ ad excusandas excusationes*, neque peccata; glossa autem Biblicæ est in forma Levit. 4. *Christus peccare dicitur, dum peccamus qui membra ejus sumus*. Secundo autem modo, considerando formam propositionis & comparando eam ad modum solitum loquendi nunc, tam inter DD. quam inter populares fideles, quam ab ipso nativitatis exordio nomine Christi tantummodo personam nostri Salvatoris in-

telligere docti sunt, & nihil de eo confueverunt prædicare, nec ei attribuere, nisi quæ ei secundum aliquam naturam in eo existentium competere cognoscerent. Et hoc modo propositionis forma, meo judicio, scandalosa est, & piarum aurium plurimum offensiva. Secundum vero, quod considerandum est circa propositionem illam, erat intentio motiva doctoris ponendi, & asserendi talem propositionem, an scilicet esset sana, vel malitiosa: & dico quod intentio magistri ponentis, & asserentis videtur non fuisse malitiosa, causa scilicet detrahendi sanctitati nostri Salvatoris, sive causa declarandi sacramentum unitatis Christi & ecclesiæ; unde ipse immediate post conclusionem dicit sic: *hec conclusio non ponitur, ut aperiatur via sophisticandi; sed ut sacramentum unitatis, quod est magnum in Christo, & ecclesiæ, cum magna intentione notetur*. Tertio, videndum est, quæ fuit intelligentia sua, quam habuit de præterita propositione; an scilicet sit catholica vel hæretica. Ubi sciendum est, quod, quantum possum, colligere ex dictis suis, intellectus, quem habuit in illa propositione, est intellectus quem habuit Augustinus in autoritatibus sacræ scripturæ præallegatis. In multis enim illarum se fundat sicut in illa: *Saul, Saul, quid me persequeris?* & in illa: *Longe a salute mea verba &c.* & in illa: *Non est pax ossibus meis a facie &c.* & juxta Augustinum dicit ipse de conclusione sua cuiuslibet legenti eam: *cavendum est ne tu intelligas de capite*; de quo supra dixerat, quod nec in anima, nec in corpore unquam fuit peccatum; sed intelligentia vigilanter veritatur ad membra. Servant enim in Christo & membra sua distinctiones: Hæc ille. Intelligit ergo doctor iste propositionem illam esse veram: Christus peccat, ad sensum illum, quo Augustinus intelligit illam, quam vocem Christi dicit esse: *ego dixi, Domine, miserere mei, sana animam meam, quia peccavi tibi*; & alia supposita, videlicet non commissione peccatorum, quia impeccabilis est D. N. J. C. ut dicit Damascenus, sed transfiguratione actione membrorum personæ in se, quæ continue peccant: *quoniam septies in die cadit justus*, Prover. 24. & glossa Augustini super illud psal. 24. *propter nomen tuum propitiaberis peccato meo: multum est enim, dicit: multum est enim, quia in via non deest offensus*; & glossa Magistri: *multum est enim, quod continue fit*. His itaque considerationibus pro aliquali tam propositionis, quam intentionis magistri explanatione in medium expostis, vestris illuminatissimis paternitatibus his auditis iudicium relinquo.

Venio ad correlarium ultimum, in quo votum meum exprimo, & declaro quod etiam si judicetur quod propositio illa, causa & intentione dicendi considerata, sit vera, sicut videtur auctori ejus juxta dicta DD. supraposita; meo tantum judicio nullo modo videtur simpliciter sicut jacet admitenda, nec supportanda, minusque praticanda, sed aut totaliter tollenda, aut ita moderanda, ut nullum valeat apud audientes gignere scrupulum difficultatis. Quod correlarium ostendo rationabile ex quatuor



ANNO  
CHRIST.  
1435.

1231

BASILENSE G. CONCILIUM.

1232

ANNO  
CHRIST.  
1435.

propter quæ propositiones veræ magnorum doctorum non admittuntur; aut si admittuntur, nonnisi cum moderatione & determinatione addita, quæ velut regulæ theologice disciplinæ accipiendæ sunt. Prima est ne in terminis convenientibus hæreticis favere videantur eorum erroribus. Hac ratione Damascenus 3. lib. sentent. suar. cap. 12. & etiam recitat S. Thomas in 3. dis. 4. quod licet vere B. Maria sit mater Christi, non tamen eam Christotocon, idest Christi genitricem dicimus; quia hoc nomen inventum est a Nestorio ad abolendum nomen Theotocon; idest Dei genitricem: cum hæreticis autem nec nomina debemus habere communia. Ita proposito videtur quod etiam si judicaretur in consensu qui dictus est esse veram, ne tamen conveniremus cum blasphemis, ut sunt Judæi, & hæretici, ut Thomas hæreticus de Scotia, ut recitat Alverus de Hispania in tractatu intit; (a) *Calamum fidei*, qui Christum tanquam peccatorem, & malefactorum blasphemabant; communem habeamus propositionem; nullo modo videtur simpliciter, sicut jacet, admittenda; sed aut eradicetur totaliter, aut moderetur juxta sapientiam vestram, aut, ut aliquibus videbatur, resolvatur in mentem doctoris hoc modo; idest membra, quæ cum Christo sunt unus Christus, peccant; sicut illa consuevit exponi: *essentia generat*, idest Pater, qui est essentia divina generat.

Secunda ratio five regula est, quando illa, quæ dicuntur de Christo. habent dubitorem respectu cujus naturæ existentis in eo prædicentur; tunc absque determinatione talis prædicatio non est simpliciter & absolute admittenda; sicut ista. Christus est creatura; licet eam multi DD. simpliciter posuerunt absque determinatione expressa, sicut Leo papa, inquiens: *nova & inaudita conventio, Deus qui est, & erat, fit creatura*. Quia autem Ariani Christum dixerunt creaturam & minorem Patre: non solum ratione naturæ, sed etiam personæ, a nobis non admittitur sine determinatione expressa, ut dicamus; Christus est creatura, secundum humanam naturam: eadem ratio currit in propositione nostra; dicendo enim Christus peccat, dubitaretur a multis an ratione capitis, an ratione membrorum hoc sibi attribueretur; quo circa dico idem, quod prius.

Tertia ratio, five regula videlicet, causa vitandi scandali & ne offenderentur piæ aures. Cum enim fides sit scientia pietatis, ad Tit. 1. sermo Doctorum in his quæ fidei sunt tanta pietate, & modestia condiri debet, ut nullus fidelis animus in ejus auditu offendatur. Unde August. 10. de Civ. Dei ait: *liberis enim verbis loquuntur philosophi, nec in rebus ad intelligendum difficillimis offensionem religiosarum aurium pertimescunt*: E nobis autem ad certam regulam loqui fas est: ne verborum licentia, etiam de rebus quæ his si-

gnificansur, impiam signat opinionem: hac ratione propositioni, de qua sermo, dico id quod prius.

Quarta ratio five regula est, quando amplius non est apud homines & DD. talis usus terminorum multæ propositiones sanctorum DD. quanquam sint catholice in sensu ad quem prolata sunt, non tamen convenire admittuntur. Consuetudo autem generalis utendi terminis in scholis, quam rationabilis causa introduxit, & temporis prolixitas roboravit, magnæ autoritatis est in judicio, & gratia propositionum; & ideo Aristoteles inquit sentiendum esse ut pauci, loquendum vero ut plures. Exemplum vero hujus regulæ possumus dare in multis; & primo in nomine causæ, quo usi sunt in divinis multo SS. DD. ut Athanasius, Basilus, Theodorus, dicentes, causa filii Pater est; usus vero latinorum non recipit hoc nomen in divinis; sed ejus loco habet nomen principii; & deducit S. Thomas in 1. p. & in tractatu contra Græcos. Item antiqui, & maxime Græci, utentes nomine substantiæ, asserbant tres personas, pro supposito tres substantias esse dicente Hilario lib. 1. de synod. *Pater quidem, & Filius, & Spiritus S. sunt per substantiam tria, per consonantiam vero unum*; cujus usum nostri DD. non admittentes refugunt propositionem illam; immo dicunt tres personas esse unam substantiam, sicut unam essentiam. Cum autem nostris diebus & patrum nostrorum usus hujusmodi nominis, Christus, non sit nisi ad significandum Salvatorem; & pariformiter nihil ei solitum sit attribui, nisi quod sibi in se aliquo modo competere veraciter agnoscamus; non videtur talis propositio esse admittenda, aut praticanda ita simpliciter sicut jacet; etiam si in sensu dato DD. judicaretur aliquid veritatis continere. Ubi considerandum finaliter, PP. RR. quod non moveri debeamus ad utendum talibus propositionibus ex hoc quod sacra scriptura utitur eis, aut SS. DD. Non enim valet ratio ista: Sacra scriptura, aut aliquis doctor hoc dicit sub tali forma aut ita absolute, & simpliciter; ergo debemus nos ita loqui. Multa enim scripta sunt hujusmodi, quæ aut nonnisi cum additione, & moderatione dicenda, de quibus exempla proposui in triplici genere in medium asserre. Primo de sacra scriptura. Secundo de eis, quæ in Conc. Niceno prædicata esse dicuntur. Tercio de SS. approbatissimis DD. & ne videar in longum ire, unum tantum exemplum de quolibet horum in medium adducere contentabor. De sacra vero scriptura illud occurrat, primo, quod dicitur in Psalmo: *Beatus homo, quem elegisti, & assumpsisti*, & in Te Deum cantamus: *tu suscepturus hominem &c.* Hanc tamen propositionem non suscipit schola theologorum in usu, & pratica loquendi. Unde S. Thomas in 3. dis. 4. dicit nullo-

(a) Lege *Collyrium fidei*, quod inter opera Alvari Pelagii episcopi Cordubensis, necdum edita; recenset Nicolaus Antonius Bibl. Hispan. vet. to. II. pag. 102. qui hæc pariter adnotat in rem præsentem: In his præcipue tractat & refutat errores Thomæ Scoti cujusdam, qui Olyssipone docuit, & apprehensus hæresisque postulatus in carcerem detrusus est, & adhuc detinebatur, cum hæc Alvarus scribebat.

ANNO  
CHRISTI  
1435.

modo esse concedendum quod homo sit assumptus, & quod autoritates omnes dicentes, hominem assumptum, exponendæ sunt, ut ponantur concreta pro abstractis, scilicet homo pro humanitate. Exemplum secundum est de propositione, quam ponit Athanasius in serm. actor. Nicæni conc. ex persona Filii loquens, ubi ait: *ex tua essentia, quam in me, genuisti Spiritus S. de eis*. Clarum autem est quod nostra schola non recipit propositionem istam: essentia generatur, ut patet per Magistrum in 1. dist. 5. sed exponitur sic, idest: Filius, qui est, generatur essentia; vel sic: Pater Filio generando essentiam, sive naturam dedit ei. Exemplum tertium est in dicto ejusdem Athanasii in epistola ad Serapionem dicentis: *Deitas est homo facta*. Quam tamen non accipimus in schola. Unde Magister sententiarum in 3. dist. 5. dicit quod non debet dici divina natura est caro facta, sicut dicitur verbum caro factum est. Sed exponenda est sic: divinitas facta est homo, idest naturam humanam assumpsit in una persona. Multa alia exempla etiam de Augustino, & de aliis multis DD. præsto sunt, quæ, ne amplius fatigem aures VV. PP. pertranseo. Non ergo valet hoc: sic dicitur in sacra scriptura, aut per DD. SS. ergo debemus nos sic dicere, sic prædicare. Non enim licentiam illam habemus nos loquendi in materia fidei, quam Spiritus S. in scriptura S. aut SS. DD. habuerunt; nec regulæ illæ Titoni, quæ claves vocantur scripturæ, quia eis, ut inquit August. lib. de doctr. Christ. divinarum scripturarum aperiuntur occulta, non sunt datæ ad utendum, sed ad exponendum, non ad extendendum modum loquendi scripturæ, quem non sine magno misero & divinæ sapientiæ profundissima dispositione credimus SS. prophetas tenuisse; sed ad intelligendum obscuros & difficiles ejusdem pasci omni integritate fidei & sinceritate. Hæc sunt, quæ ingenii mei parvitati occurrunt dicenda circa materiam præfatæ conclusionis, quæ omnia VV. PP. RR. iudicio, & correctioni submitto. Et tantum de secunda parte intentionis præsentis; & hoc pro audientia ista sufficiat.

Jam superest, PP. RR. & eximii DD. de tertia parte, quæ sequentes ejusdem tractatus conclusiones respicit, quæ a nonnullis coincidere judicantur cum articulis in concilio Constantiensi condemnatis; de qua disturus, sub eisdem semper protestationibus, correctione, reverentia, ac supplicatione humanitatum VV. RR. PP. talem ordinem tenendum mihi constituit. Primo, quidem ponentur aliqua notabilia, quæ, ut regulæ observanda sunt in iudicio fidei. Secundo, juxta principalia puncta, in quibus multorum DD. iudicio visum est pater ille reverendus auctor libelli coincidere cum articulis condepnatis in concilio Constantiensi, aliquas ponam consideraciones cum quibusdam correlariis adjuncendis, quibus veritas tenendæ fidei cunctis manifesta erit. Et in ultimo semper correlario cujuslibet considerationis sententiam ejus, votum, & intellectum meum exprimam juxta mihi creditam desuper gratiam. Primo ergo notandum.

Consilior. Supplem. Tom. IV.

ANNO  
CHRISTI  
1435.

quod circa ea, quæ fidei sunt, vel etiam morum, quorum notitia necessaria est ad salutem, ista tria se habent per ordinem, scilicet temerarium, erroneum, & hæreticum. Non enim omne, quod est temerarium, est erroneum; nec omne, quod erroneum, est hæreticum. Sed contra videtur, quod est erroneum, necesse est, esse temerarium; & quod est hæreticum est erroneum & temerarium. Temerarium autem est asserere in talibus tanquam certum id, quod non potest efficaciter probari auctoritate vel ratione: sicut asserere quod mundus finietur infra centum, vel ducentos annos: dato enim quod hoc possit esse verum, tamen hoc asserere, tanquam certum, est temerarium, quia ad hoc nec auctoritas, nec ratio efficax haberi potest. Erroneum autem addit super temerarium assertionem alicujus falsitatis; quia autem errare est declinare a via recta; & habere veritatem in talibus necessariis ad salutem pertinet ad viam ducentem ad beatitudinem. Omnis autem assertio falsa recedit a rectitudine veritatis; ideo omnis falsa assertio in talibus dicitur error. Hæresis autem videtur super simplicem errorem addere, quod falsitas illa sit notoria, vel quia in sacra scriptura expresse ponitur, aut evidenter elicitor; aut jam per ecclesiam, tanquam talis reprobata, judicata invenitur: & ad hoc quod assertorem ejus constituat hæreticum, addit secundo pertinationem adhesionis; sicut enim non omnis error est hæresis, ita nec omnis errans est hæreticus; aliter non dixisset Augustinus: *errare potero; hæreticus non ero*. Ex quo notabili inferitur, quod non omnia quæ in iudicio fidei veniunt, tandem formam iudicii iudiciorum sunt; sed quædam ut hæretica; quædam ut erronea; quædam ut temeraria, aut ut disponentia (ad) ista: hoc enim ipsa rectitudo iudicii expostulat; ut quemadmodum non est idem plagarum modus apud iudices malorum operum, propter inæqualitatem malignitatis in reis; ita non est idem tenor reprobationis verborum indisciplinatorum, ubi cum teste Aristotele primo lib. Prior. ea quæ sunt in voce notæ sunt eorum passionum, quæ sunt in anima; & Damascenus dicat, quod verbum exterius, angelus, idest nuntius, est intelligentiæ; maxime consideranda est intentio & intelligentia dicentis; hoc maxime quando expressa reperitur: quoniam, ut dicit Hilarius, & quod pluries repetitum est, integritas doctoris ex causis sumenda est dicendi. Nec hæc autoritas tantum est intelligenda de dictis DD. SS. ut aliquibus placet dicere: credo enim omnes juristas contrariæ esse opinionis, qui sciunt hanc auctoritatem poni expresse extrav. de verb. signif. c. *interea*; & similiter in frequentibus capitibus in his applicari, & referri tam in textu, quam in glossa ad aliorum dicta quam sanctorum. Unde Gregorius, & ponitur ibid. cap. *præterea*, ita dicit: *si prolixam meam epistolam ad interpretandum accipere me fortassis contigerit; rogo, non verbum ex verbo, sed sensum ex sensu transferri: quia plerumque dum proprietates verborum attenditur, sensus veraciter amittitur*. Et Augustinus de verbis Domini serm.

Iiii

28.



ANNO  
CHRISTI  
1435.

28. *interest quemadmodum procedit ex animo. Ream enim linguam non facit, nisi rea mens.* Nec ista dico, PP. RR. ut velim non cogi eos, qui in materia fidei indisciplinate loquuntur; immo id volo, sciens istud pernecessarium meis temporibus, tanto amplius scilicet, quanto fini mundi appropinquamus; unde id totius cordis mei affectibus concupisco; immo istud pro zelo meo apud PP. VV. RR. in quibus iudicii auctoritas residet, requiro & exoptulo. Sed pro tanto ista loquor, ut nedum iustum iudicium iudicetis; sed recte, & iuste, ne juxta Augustinum, quis faciat trabem de festuca, aut contra; fed omnia juxta mensuram excessus disciplinam suscipiat correctionis. Et hoc de primo notabili.

Secundo notabile est, quod coincidere in doctrinam condemnatam contigit, uno modo verbo aut litera tantum. Secundo modo litera & sensu; exempla de hoc plurima posset venire in medium. Sed ut familiaris loquar, exempla de beatissimo Augustino contra articulos condepnatos in Constantia ponam, ubi inter alios articulos est ille IV. in ordine articulorum Joannis, quod duæ naturæ, scilicet divinitas & humanitas, sunt unus Christus; cui coincidere litera & verbis expresse videtur Augustinus in multis locis, secundum quod Magister sententiarum in 3. dist. 6. & 7. profuse tractat; unde super Jo. idem Augustinus: *agnoscamus geminam substantiam Christi, scilicet divinam, quæ æqualis est Patri; & humanam, quæ minor est Patri, utrumque autem simul non duo, sed unus est Christus.* Item 1. de Trinit. forma Dei formam servati accipit utrumque Deus, utrumque homo; utrumque Deus propter accipientem Deum, utrumque homo propter accipitum hominem. Item etiam: *utraq; substantia, scilicet divina & humana filius Dei, unicuique Dei Patris omnipotentis; & multa alia similia, quæ omnia dicit Magister, adduci per eos, qui fuerunt de prima opinione circa modum incarnationis, qui dicebant quod assumens erat assumptum.* Augustinus tamen, licet his verbis videatur in cortice coincidere in articulum illum, sensu tamen, & intellectu non coincidit, ut patet in intellectu, quem tangit Magister sententiarum, quem scilicet Alexander de Ales, & Bonaventura dicunt B. Augustini esse in illis propositionibus; quos si bene respexisset author libelli, aut eorum iudicio caput suum captivasset, non credo cum fundasse ita indisciplinatas conclusiones super dictis Augustini, & aliorum antiquorum, quorum dicta pari regula veniunt exponenda, ut videlicet, ubi reperitur quod utrumque Christus, utrumque una persona & similia, sub tali sensu accipiantur, ut dicit Magister, in utroque; ut rectus exponatur in obliquo: *unus Christus, & una persona subsistit.* Sed quoniam dicit Hilarius, sensus, non in sermone in crimine est; ideo talis coincidentia dictorum non habet crimen hæresis in locutionibus, nec reprehensionis in SS. DD. In aliis autem sequentibus & scholasticis DD. non sic, quoniam in illis dictis coincidentia literalis, aut communicatio terminorum non

est admittenda cum hæreticis, etiam utendo propositionibus in forma SS. DD. immo & quandoque scripturæ sanctæ. Sed dicit quis: nunquid (non) licet verba sacra scripturæ & SS. DD. dicta loqui & in medium proferri? dicendum quod sic. Sed proferenda sunt ante verba sacra scripturæ & SS. DD. ut illorum sunt, non ut ea feceris tua, quorum patres sancti non semper imitandi sunt in verbis, quia pares gratias non habemus. Unde August. 4. de doct. Christi. cap. 3. dicit: *ita nos, etsi de literis illorum canonicorum, idest auctorum & DD. quæ sine difficultate intelliguntur, nonnulla suminus elocutionis exempla; nequaquam tamen mutare debemus: imitandos eos nobis in his, quæ ad exercendas, & alleviandas quodammodo mentes legentium, & ad impendenda fastidia, ac acuenda studia discere volumus, celandos quoque ut sine ad pietatem convertantur, sive ut a ministeriis seculandantur, animos impiorum utili ac salubri obscuritate dixerunt.* Sic quippe illi loquuti sunt, ut posteriores, qui eos intelligerent recte, & exponerent, alteram gratiam, disparem quidem, verum tamen subsequentem in Dei ecclesia reperirent. Non expostiores eorum, ita loqui debent, tanquam seipsi hoc exponendos simili auctoritate exponant. Sed in omnibus sermonibus suis primitus & maxime ut intelligantur elaborant. Hæc Augustinus. Ecce manifesta & utilissima regula Augustini, quæ velut speculum discipline laudanda venit merito in postibus cathedræ theologorum. Secundo, modus coincidendi in doctrinam dampnatam est non solum litera, sed intelligentia; & tunc fit, quando non tantum quis cum hæreticis convenit in sermone indisciplinato, sed etiam in perversitate sensus, unam habens intelligentiam corruptam cum eis; sic ut apparet mihi de doctore libelli in articulo præmissio, videlicet quod humanitas est Christus, & est persona divina, est & Deus naturalis; quantum iudicio meo & rationibus, & fundamentis ejus cum zelo fidei & amore ordinato personæ valui colligere; & hæc de prima parte intentionis præsentis.

Superest secundam exequi partem, in qua juxta puncta, in quibus visus est author libelli coincidere cum articulis condemnatis, aliquas ponam considerationes. Primus punctus est circa quid ecclesiæ, in quo dicens quod soli electi, cum Christo finaliter in perpetuum regnaturi sunt, membra Christi; coincidere videtur cum primo condepnato articulo in Constantiensi concilio, in quo ita dicitur: *unica est sancta universalis ecclesia, quæ est prædestinata omnium universitas; & quia universalis ecclesia sancta tantum est una, sic tantum est unus numerus prædestinatorum omnium.* Circa quod punctum, ut levius me absolvam, erit prima consideratio, in qua de ecclesia loquutus loquar de ea secundum conditionem status præsentis, & non futuri; conditio quippe status futuri de ecclesia & membris ejus omnem supergreditur nostri intellectus virtutem; soli quippe Deo cognitus est numerus electorum in superna felicitate locandos, ut dicit B. Gregorius.

ANNO  
CHRISTI  
1435.

Hunc ergo modum loquendi de ecclesia observabo, qui nobis in hac caliginosa valle constitutus concessus est, & qui tam sacræ scripturæ quam DD. catholicis magis communis est. Pro cuius sermonis exordio sic ista prima consideratio de quid nominis ecclesiæ, & quid rei. Primo considerandum venit quod ecclesiæ nomen Græcum est, quod apud nos convocatō dicitur; & quia voces, & convocationes rationabilium tantum sunt animalium, ut 2. de anima habetur; & inter homines rationales non sunt nisi fideles verbum rationale fidei audientes, & intus percipientes; ideo quid nominis ecclesiæ congruenter describitur cum dicitur: ecclesiā est catholicorum collectio, ut de consec. dist. 1. ecclesiā, idest, congregatio, sive universitas fidelium, qui in unius veri Dei cultu professione fidei, & sacramentis congregati sunt, de qua in psal. dicitur 34. confitebor tibi in ecclesiā magna, & in populo gravi laudabo te. Magna dicitur, quia ex omnibus gentibus collecta est; populus gravis dicitur maturitate virtutis, & illi soli sunt, qui rationem colunt & rationales Dei voces intelligunt; & audiunt vocationem ejus, de qua Petrus Apostolus quibusdam ex gentibus ad fidem conversis ait: vos estis genus electum, scilicet per baptismum, in quo facti estis filii Dei adoptivi, & per consequens de genere ejus Act. 17. genus sumus Dei, regale sacerdotium, unionis scilicet dignitate, & excellentia; gens sancta, idest a peccatis mundata; populus acquisitionis, quia Christi pretioso sanguine redemptus; ut au. muntis virtutes ejus, idest Christi, qui vocavit vos scilicet de tenebris infidelitatis in admirabile lumen suum, scilicet fidei; quod plane admirabile est, quia ad mirabilia credenda & videnda mentem elevat; quia aliquando non populus Dei, scilicet ante conversionem; nunc autem populus Dei, scilicet fide suscepta. Ex his autem licet statim colligi possit, quid etiam rei ipsius ecclesiæ, cum forma, & materia satis in superioribus sint expressa: materia scilicet ipse fidelium populus; forma vero ipsa veritas luminis fidei Christiane unitas, in qua universitas fidelium continetur; tamen quia tunc solum unumquodque plena notitia arbitramur cognoscere, cum omnes ejus causas cognoscimus; pro integra intelligentia ipsius quid nominis, & quid rei ecclesiæ, parum dicendum venit de causa ejus efficiente, & de causa finali, quæ bene considerata non parum accommodata erunt dicendis. Ubi notandum quod causa efficiens ecclesiæ duplex distinguitur, una principalis, & alia instrumentalis: Principalis autem est ipse Christus, qui plantator est, & fundator ecclesiæ; ut enim Jer. 2. ego te plantavi vineam electam, omne semen verum. Et Dominus ait Petro: super hanc petram, idest fidei hanc confessionem, edificabo ecclesiam meam. Causa vero instrumentalis dicuntur ipsa sacramenta, quæ a Christi passione trahentia virtutem, ad ea instrumentaliter operantur & disponunt, quibus formatur ecclesiā; unde August. super Psal. 20. dicit: quando dormivi in cruce Christi signum gestabat, imo implebat, quod si.

Concilio. S. applem. Tom. IV.

gnificatum est in Adam, quia cum dormiret Adam coram illi detracta est & Eva facta. Sic & Deus cum dormiret in cruce, laus ejus percussus est, & sacramenta fluxerunt; unde facta est ecclesiā: hæc ille. Et ad idem glossa super Gen. cap. 2. ita dicit: formata est ecclesiā de latere Christi, idest fide passionis ejus & baptismi; quia de latere ejus exiit sanguis, & aqua. Baptismus autem præcipue ponitur ad hoc operari inter alia sacramenta, quia basis est aliorum sacramentorum, & ostium quo quis Christo incorporandus ecclesiam ingreditur; unde glossa super illud Gen. 6. ostium autem arce ponet in latere dorsum, dicit: nemo intrat ecclesiam nisi per sacramentum remissionis peccatorum, quod de latere aperti emanavit. Item Augustinus de baptismo parvulorum dicit: quia de ovibus ejus esse non incipiunt parvuli, nisi per baptismum; profecto, si hoc non accipiunt, peribunt: vitam enim æternam, quam suis dabit ovibus, non habebunt. Finis autem ecclesiæ duplex est, unus in vita præsentis scilicet sanctitas animarum; alius, scilicet ultimus, est futuræ gloriæ adeptio. Hæc autem IV. genera causarum videtur tangere Apostolus Paulus ad Eph. in 4. capitulo, ubi sic dicit: Christus est caput ecclesiæ & salvator corporis ejus. Recedat in Christo causa efficiens principalis tangitur; ubi enim ibi dicit glossa: Christus est rector, & author ecclesiæ; sive corporis, causa exprimitur materialis. Sequitur: Christus dilexit ecclesiam, & tradidit semetipsum pro ea; ut ipsam sanctificaret; glossa iustitia bonæ vitæ, in quo causa finalis tangitur ecclesiæ, quæ in vita attingitur. Sequitur: mundans eam lavacro aquæ in verbo vitæ, idest, ut dicit glossa: sanctificare in verbo vitæ, idest in quo datur vita, quo accedente ad elementum sit sacramentum. In quo tangitur causa efficiens instrumentalis. Sequitur: ut exhiberet eam sibi gloriosam, glossa: idest in futuro, in corpore, & anima rutilante, gemina stola decoratam; ubi causa finalis designatur, sive finis ultimus, ad quem ecclesiā S. ordinata est, & producenda; de quo istud accipitur: ad dextris regni tui dextris, idest ecclesiā a dextris tuis, in vestitu decorato; idest gloriæ circumdata varietate. Paululum autem infra prosequens Apostolus: Christi amorem ad sponsam suam ecclesiam, ita dicit: eratis duo in carne una; sacramentum hoc magnum in Christo, & ecclesiā; glossa Augustini: idest accipite hoc quod dictum est in Christo & in ecclesiā: sit enim tanquam ex duobus una quedam persona, scilicet ex corpore, & capite, & ex sponso, & sponsa; in quo aperte causa formalis exprimitur ecclesiæ, scilicet unitas, qua continuatur corpus ecclesiæ ipsius capiti Christo. Et tantum ut de quid nominis & rei ipsius ecclesiæ. Ex ista conclusionē eliciuntur quatuor correlaria. Primum est, quod S. universalis ecclesiā una est: una enim est columna, perfecta mea; inquit Christus.

Secundum vero correlarium ex consideratione præmissa ita deducitur: illis rebus est una quibus constituitur in esse; sed totius ecclesiæ una est tantum causa efficiens principalis scilicet Christus, una instrumentalis præ-



ANNO  
CHRISTI  
1435.

ANNO  
CHRISTI  
1435.

præcipua, scilicet baptismus, una quoque materialis, scilicet conformitas unius naturæ in tota universitate ecclesiæ, una quoque forma prima, scilicet fides, una perfectio ultima, scilicet completiva, scilicet Spiritus S. unus finis proximus, scilicet sanctitas vitæ, unus finis ultimus, idest consequutio beatitudinis superne; ergo una erit universalis S. mater ecclesiæ. Consequentia est pernota; antecedens autem, etsi ex consideratione præmissa fiat manifestum; tollitur tamen ex Apostolo ad Eph. 4. ubi expresse illud videtur exprimere, ita dicens: *solusque servare unitatem spiritus in vinculo pacis, unum corpus ecclesiæ, quod universitatem materiam, unus spiritus ecclesiæ, unitatem perfectionis ultimæ, una spes vocationis nostræ; ecce unitatem finis separari qui est beatitudo æterna ad quam vocati sumus: unus Deus, unus Dominus; ecce una causa principalis efficiens; una fides; ecce unitatem primam, quæ apparet in membris ecclesiæ; ut enim dicit S. Thom. super ep. ad Gal. tractans istud Rom. *jusus ex fide vivit*, dicit quod sicut anima vegetativa est quæ primo advenit generato, ut dicit Apostolus, & cujus operatio primo apparet in operationibus animæ; ita virtus fidei est primum, quo Deus est in anima. Est enim prima pars ædificii spiritualis; & ideo Deum oportet concedere. Sequitur in auctoritate Apostoli: *unum baptismum*; ecce unitatem in causa instrumentali præcipua. Ecce ergo omni ex parte manifestum unam esse ecclesiam sanctam catholicam; & ideo Gregorius in regis. exponens symbolum dicit: *confiteor unam fidem, unum baptismum, unam apostolicam universalem ecclesiam, in qua solum possunt relaxari peccata in nomine Patris, Filii, & Spiritus S.* Hæc ille.*

f. Aristoteles.

Correlarium secundum: una sancta & universalis ecclesia universitatem fidelium continet, tam bonorum, quam malorum, tam prædestinatorum, quam præcisorum. Quod correlarium licet manifestum sit ex ipso quid nominis ecclesiæ in superiori consideratione signata, ubi ecclesiæ dicta est esse vocatio non prædestinatorum tantum, aut in gratia existentium; sed universaliter cunctorum, qui in catholica societate conveniunt; multiplices tamen auctoritate sacræ scripturæ tam novi, quam veteris testamenti, istud deducitur. Primo enim habetur, scilicet 1. Reg. 8. quod omnis ecclesiæ Israel stabat. Item ibid. *benedixit omni ecclesiæ*. Item 1. Par. 29. *benedixit omnis ecclesiæ Deo Domino*. Item in psal. in medio ecclesiæ *laudabo eum*. Item Ecc. 25. *in medio ecclesiæ aperuit os ejus*. Nulli dubium est, quin ecclesiæ his in locis scripturæ non aliquam universitatem prædestinatorum, aut eorum, qui ad Deo conjuncti essent, cum de his notitiam habere non sit nostrum; sed multitudinem sive congregationem eorum, qui in uno cultu unius veri Dei sociabantur, designet; inter quos non dubium quoniam multi præcisi sint & prædestinati, & de utrisque multi peccatores continebantur; unde gloss. super psal. 134. super versu: *omnia quæcumque Deus fecit in cælo, & in terra*, dicit: *capite hoc in hominibus possum agno-*

*scere; cælum sunt spirituales, terra carnales*. Ex his duobus, tanquam cælo & terra constat ecclesiæ Dei. Hanc etiam permixtionem ipsa fatetur universalis ecclesiæ, in cuius persona dicitur Cant. 1. *fusca sum, nigra; sed formosa*; quod verbum tractans Augustinus lib. 3. de doct. Christi. inquit: *ad hoc, inquit, pertinet illud in Cant. Cantic. fusca sum ut tabernacula Cedar, speciosa sum ut pelles Salomonis*. Non enim fusca sunt ut tabernacula Cedar, & speciosa ut pelles Salomonis; sed utcumque se esse dixit propter unitatem temporalem, intra una retia piscium bonorum, & malorum; tabernacula enim Cedar ad Ismaelem pertinent, qui non erit heres cum filio liberæ; hæc ille. Ecce qualiter præcisi, per tabernacula Cedar designati, cum prædestinati simul colliguntur infra ambitum unius retis, idest ecclesiæ. De Evangelio vero apertissima est auctoritas nostri Salvatoris & ipsius ecclesiæ capituli, qui in apertissimum argumentum veritatis positæ, ecclesiam sanctam, regni sub appellatione designatam, diversis assimilat rebus, quæ in se misuram patiuntur bonorum & malorum: assimilat quasi sagenæ missæ in mare, & ex omni genere piscium congreganti, Matt. 13. ubi non tota universitas piscium prædestinabatur ad vasa; sed missi sunt foras mali. Super quo verbo Gregorius in hom. ita dicit: *sancta ecclesiæ comparatur sagena missæ in mari, & ex omni genere piscium congreganti; quia nunc bonos malosque communiter quasi permixtos pisces fidei sagena continet; sed litus sanctæ ecclesiæ, idest finis, indicat sagena quid trahat*. Alias pertransseo similitudines evangelicas, sicut de agro, in quo cum tritico zizania mista reperta sunt, brevitatis causa. Quibus omnibus manifestum sit, universalem ecclesiam universalem fidelium multitudinem ambitu continere utilitatis suæ, & non tantum hos vel illos. Quo circa B. Augustinus 2. de Civ. Dei cap. 21. inquit: *modo intelligendum est regnum cælorum, ubi ambo sunt; & ille scilicet, qui solvit quod docet, & ille qui facit; sed ille minimus, & iste magnus*. Alio autem modo regnum cælorum dicitur, quo non intrat nisi ille qui facit; ac per hoc ubi utrumque genus est, ecclesiæ est qualis nunc est, ubi autem illud solum erit ecclesiæ est, qualis tunc erit, quando malus in ea non erit. Ergo & tunc ecclesiæ est regnum Christi, est regnum cælorum: hæc ille. Item Gregorius in hom. prima secundæ par. homeliar. boni soli nunquam sunt, nisi in cælo; & mali nunquam soli sunt, nisi in inferno; hæc autem vita est ita, utrarumque partium civis communiter recipit, quos tamen sancta ecclesiæ & tunc indistricte recipit, quos tamen ecclesiæ suscipit, & postmodum in egressionem discernit: hæc ille.

Correlarium tertium: est falsum & insupportabile in christiana disciplina, quod una & universalis sancta ecclesiæ sit tantum prædestinatorum universitas; patet: cum apertissime sacræ scripturæ repugnet, ut ex superius adductis manifestum est. Unde Augustinus lib. de fide ad Petrum cap. 4. *firmissime tene, & nullatenus dubites, arcam Dei esse ecclesiam catholicam, & intra eam*

u.

usque ad finem sæculi frumento mixtas paleas, hoc, est bonis malos sacramentorum communione misceri, & in omni professione, sive clericorum, sive monachorum, sive laicorum esse bonos simul & malos. Hæc ille. Ex quo palam fit, quod rationabiliter in concilio Constantiensi condemnatus fuit articulus ille Joannis, in quo dicebat, quod universalis sancta ecclesia est unita, quæ est tantum prædestinatorum universitas. Item, quod universalis sancta ecclesia tantum una est: sicut enim tantum unus est numerus omnium prædestinatorum.

Correlatium IV. quod propositiones magistri Augustini, D. archiepiscopi Nazarenî, aliquæ, videlicet quod soli electi in perpetuum regnaturi sunt cum Christo, sunt membra Christi; item quod ad corpus Christi mysticum soli electi pertinent; in literali sono & in cortice vocis coincidunt in articulo condepnato supranominato; sed in sensu plene non videtur mihi. Prima pars patet; scilicet quod litera quasi videtur eadem. Secunda vero pars, quod in sententia, sive in sensu non plene coincidat, ex sequenti consideratione manifesta fiet; & hæc de primo puncto.

Secundus autem punctus, circa quem secunda formanda venit consideratio, partes respicit ecclesiæ. In quo difficultatis puncto author libelli dicit homines omnes fideles iustificatos membra Christi esse, & Judam tempore, quo iustificatus sequebatur cum aliis Apostolis Christum, non esse ovem Christi, nec membrum ejus; coincidere visus est in articulum illum dapnatum Constantiæ, qui præcitos assererat non esse partem ecclesiæ. Pro quo sit ista secunda consideratio: sicut apud civilitatem sæcularem infra ambitum totius Reipublicæ una multitudo pars alterius est; sicut multitudo domestica pars multitudinis civilis, ut i. Polit. deducitur; & civilis multitudo pars multitudinis regni, cujus ambitu omnia includuntur; ita apud publicam rem religionis christianæ considerandum venit. Nominatur enim ecclesia quandoque domus, juxta illud Baruc. 30. *Israel, quam magna est domus Domini, & ingens locus possessionis ejus?* Quandoque autem civitas secundum illud Psal. 86. *gloriosa dicta sunt de te, civitas Dei.* Nominatur insuper sæpenumero regnum ab ipso rege, & pastore ecclesiæ, Matt. 13. *simile est regnum cœlorum &c.* Et pariformiter in multis aliis sacra scripturæ locis; secundum quam considerationem tripliciter reperitur accipi ecclesia inter sermones DD. Quandoque autem accipitur in larghissima sua universalitate, ut videlicet universitatem dicat omnium, qui catholica fide & sacramentorum societate conveniunt, sive præsciti sint, sive prædestinati, sive splendentes moribus, sive vitiosi deformes; quomodo de ecclesia communiter loquitur sacra scriptura locis prænominatis, & SS. DD. De quo modo accipiendi ecclesiam dicit Raban in ist. Cleric. cap. 1. *ecclesia Dei catholica, quæ per totum orbem dilatata diffunditur, Christi nominis nobilitate glorificatur. Omnis enim homo, qui rectæ fidei existit particeps & sacro baptismo regeneratur, a Christo chri-*

*stianus vocatur, & Dei Patri; ac ecclesiæ matris esse noscitur filius. Ecclesia græcum est, quæ in latinum vertitur vocatio, sive conventus, eo quod omnes ad se vocat. Catholica autem dicitur universalis, quia in toto mundo una est ecclesia Christi, quæ & sponsa, & corpus ejus est.* Hæc Rabanus. Ratione hujus universalis ambitus ecclesiæ, de ea sub nomine regni loquitur Christus, dicens Matt. 25. *simile est regnum cœlorum decem virginibus, quarum quinque erant fatuæ, & quinque prudentes; super quo ait Gregorius: præsens ecclesia regnum cœlorum dicitur, & quia ex utroque sexu multipliciter colligitur sancta ecclesia: decem virginibus similis denunciatur, in qua quia mali cum bonis & reprobi cum electis sunt admixti recte similis virginibus prudentibus & fatuis similis perhibetur: hæc Gregorius. Hæc insuper ratione significanda venit per arcam Noe, in qua immixta mitibus, & munda cum immundis locata simul sunt; ubi glossa super Gen. cap. 8. ita inquit: quod cuncta animalium genera includuntur in arca; significat, quod ex omnibus gentibus & nationibus congregatur ecclesia, sicut in disce Petri munda, & immunda locata simul sunt, & sic in ecclesiæ sacramentis versantur boni & mali. Et super illo verbo: *emisit columbam; post eam corvum*, scilicet persequitur ita dicens: *arca continet corvum, & columbam, ita ecclesia bonos & malos; Hæc ibi. Sed alio modo accipitur ecclesia, videlicet minus universaliter, tantum existentium in gratia sive charitate; de quo acceptionis modo istud videtur intelligi Eccl. 3. *filii sapientiæ. ecclesia iustorum.* Item istud Cantic. 4. *hortus conclusus, fons signatus, puteus aquarum viventium*; quod verbum August. dicit lib. 5. contra Donatis. *Intelligere non audeo, nisi in sanctis & iustis, non in avaris non in fraudulentibus, raptoribus, & ebriis;* De qua sub nomine civitatis potest accipi illud psal. *Jerusalem, quæ edificatur ut civitas, cujus participatio ejus in idipsum; in quo unio charitatis designari videtur, quo universos hujus civitatis cives sancta societas, & amore connectit.* Augustinus, ut deducit Magister sententiarum in 4. dist. 8. de hoc modo acceptionis ecclesiæ, de unitate ecclesiasticæ loquens, ita dicit: *hujus, scilicet unitatis, sacramentum est corpus Christi proprium de Virgine sumptum; quia ut corpus Christi, ex multis membris purissimis, & immaculatis constat; ita societas ecclesiastica ex multis personis a criminalibus maculis liberis consistit. In cujus rei typo facta est arca Domini de lignis Setbin, quæ sunt imputribilia, & albæ spinæ similia: hæc Augustinus.* De istis autem duobus simul videtur loqui Hieronymus super ep. ad Galat. ita dicens: „noscendum, sive sciendum ecclesiam dupliciter posse dici, & eam, quæ non habet maculam, aut rugam, & vere corpus Christi, sive & eam, quæ in Christi nomine absque plenis perfectisque virtutibus congregetur; quomodo sapientes bifarie tam ii, qui sunt plenæ, perfectæque virtutis; quam illi qui incipiunt & in profectu positi sunt. De perfectis dicitur mitam in vos sapientes; de incipientibus au-**



ANNO  
CHRIST.  
1435.

Definit  
quendam.

tem: aque sapientem, diliget te: „hæc Hieronymus. Tertio autem modo reperitur ecclesia accipi adhuc minus universaliter pro se dicit universitatem, quæ velut domestica semper futura est, cum Christo, electorum scilicet, sive prædestinatorum, ejus acceptionis modo alludere videtur illud Augustini 3. de doct. Christi. dicentis: „non enim revera corpus Christi est, quod cum illo non erit in æternum. „Item glossa super illud 2. Tim. 2. „novit Dominus qui sunt ejus; ita dicens: „quos præcivit futuros con- „formes fieri filii sui, idest prædestinavit „vocavit, justificavit, & glorificavit. „Sequitur: „numerus talium est est hortus con- „clusus, fons signatus, puteus aque vi- „væ, paradysus cum pomorum fructibus. „Præ- „terea huic acceptioni adaptat doctor libelli illud Apostoli apud Ephes. 5. „Christus ca- „put est ecclesiæ, Salvator corporis ejus; „sequitur: „Christus dilexit ecclesiam, & „credidit seipsum pro ea, ut illam sancti- „ficaret, mundans eam lavacro aque vi- „væ, in verbo vitæ, ut exhibeat eam sibi glo- „riosam, non habentem maculam, nec ru- „gam, nec aliquid hujusmodi. „Ex ista „authoritate argumentatur sic: Christus so- „lum electorum Salvator inquit, secundum „essentiam; & illi soli glorificandi sunt, & „absque omni macula & ruga futuri: ergo „videtur quod hoc in loco Apostolus univer- „sitatem tantum prædestinatorum ecclesiam „voluerit designare. Notandum autem circa „istorum modorum differentiam, quod secun- „dus modus supra primum, qui solum fun- „dari videtur in adhesionem rectæ fidei, & so- „cietate sanctorum, addit adhesionem cha- „ritatis ad Christum; quoniam ad hoc quod „aliquis sit de ecclesia, primo modo capta, „sufficit, ut sæpe dictum est, fides etiam in- „formis, dum tamen sit recta; ad hoc tamen „quod quis sit de ecclesia secundo modo ca- „pta requiritur fides formata; hæc autem „differentia consuevit ab aliis doctoribus aliis „nominibus designari, dicentibus aliquos „esse de ecclesia numero solum; alios ve- „ro numero & merito. Unde Augustinus „supra Joannem hom. 61. de Juda loquens: „unus ex vobis; numero non merito; „unus spiritu non virtute commissionis „corporali; non vinculo spirituali; car- „nis adiunctione, non cordis totius uni- „tate: Hæc ille. Et glossa Magistri psal. „25. inquit, de malis, & si de nobis sunt „corpore, non mente, numero non me- „rito, nomine non numine. „Tertius au- „tem modus acceptionis ecclesiæ, super se- „cundum, qui adhesionem ad Christum dicit „fidei formatæ, tantum addit infallibilitatem „divinæ præscientiæ, quod cum Christo in „æternum sint de ecclesiæ corpore. Hoc mo- „do triplicem istam acceptionem videtur di- „stinguere doctor libelli, ita dicens: eccle- „siam primo modo sumptam in sua univer- „sitate, ut comprehendit omnes fideles, esse „Christi ecclesiam, & sanctam, & corpus „Christi, & regnum cælorum; ad cujus uni- „tatem, dicit, omnes catholica societate „conjunctos pertinere; non autem ad eccle- „siam sequentibus modis acceptam. Et ita „sensu non videtur coincidere cum articulo

A condepnato, cum ecclesiam universaliter di- „ctam non limitet ad numerum tantum præ- „destinatorum, sicut faciebat Joannes Hus. „Sed notandum quod inter istos modos acce- „ptionis ecclesiæ, primus modus communior „est, & qui magis convenit universalis, & „catholicæ descriptionibus, ut patet cum de „ambitu universalitatis sive plures quam cæ- „teri contineat; quam in... alii sunt „partes & ipsius primi modi, ideo in hoc de- „finit præfatus doctor libelli, quod licet præ- „dicti dicerentur non pertinere ad ecclesiam, „ut tantum nominat universitatem electorum, „non tamen sequebatur, quod simpliciter ad „ecclesiam non pertinerent. Immo ista falsa „consequentia fuit deceptionis per totum „librum suum, ubi cæterum considerandum „B plenius auribus venit, quod hoc, quod uni- „versalis ecclesia non est nuncupata univer- „sitas tantum electorum aut existentium in „charitate Christi tantum, sed universaliter „omnium fidelium; quos tamen pastoris eccle- „siastici censura a corpore non præcudit: non „caret misterio; immo sapientissimis ratio- „nibus actum esse scimus: de quo quatuor ra- „tionibus nobis perfunctorie rem consideranti- „bus..... Primo quidem quoniam ex hoc „universaliter & extensior manifestatur esse „populus Dei; quod in gloriam ipsius Dei „cedit, secundum illud Prov. 19. „In mul- „titudine populi dignitas regum, & in pau- „C citate plebis ignominia principis „; de „qua extensione universalitatis Gen. 12. cap. „ubi Dominus Abraham dicit: „faciam semen „tuum sicut pulverem terræ; „& in cap. „15. dicit: „suscipe coelum, & numera stel- „las coeli, si potes; & dixit ei: sic erit „semen tuum; „glossa, idest populus Chri- „stianus, cujus pater futurus es in fide; ubi „semen Abraham comparatur nunc arenæ ma- „ris propter carnales, & aridos & a bonis „operibus infecundos, nunc autem stellis „cæli propter eos, qui velut stellæ virtuti- „bus fulgent, ut dicit glossa. Hæc autem chri- „stiani populi universalitas manifesta ita esse „non potest, si ecclesia Dei universalitas tan- „tum prædestinatorum, aut tantum in chari- „tate existentium diceretur, sive dicta esset. „Cultus namque christianæ religionis & ipsius „fidei sacramentum, in quo catholica socie- „tas convenit, plus habet notitiæ, & expe- „rientiæ apud nos, quam scriptura prædesti- „nationis, & etiam quam status charitatis. „Non enim nobis ita datum est agnoscere ali- „quem esse prædestinatum, aut charitate Chri- „sto conjunctum, sicut videtur nobis concessum „conjecturas apertissimas habere, si sit de „religione christiana; unde Augustinus lib. de „bapt. & habetur de cons. dist. 4. „est uni- „tas ecclesiæ quæ late patet, in sacramen- „torum videlicet societate & communione, „quæ amplectitur cum granis & paleas; „ubi glossa inquit: „est unitas, quæ late „patet; sed ecclesiæ unitas, quæ est in fidei „charitate, non ita late patet. Sed hoc am- „plectitur solos bonos. Sed secundum uni- „tatem sacramentorum etiam malos: „hæc „ibi. Secunda ratio quoniam per hoc cognos- „cit unusquisque si ad ecclesiam pertineat an „non, in quo non parum consolationis ac- „crevit fidelibus, posse habere notitiam apud

ANNO  
CHRIST.  
1435.

Locus non  
purne.

se unusquisque si ad ecclesiam Christi pertineat. Scit enim unusquisque, & cognoscit veraciter si fidem habeat, an non, quo de prædestinatione aut charitatis statu minime concessum est cognoscere: dicit enim August. „ Nil est homini certius sua fide, quæ creditur quod longissimum est a sensu. „ Item August. in lib. de Trin. & ponitur a magistro in 3. sentent. dist. 23. „ fidem, inquit, suam videt quisque in corde suo esse si credit, vel non esse si non credit. Non sicut corpora, quæ videmus oculis corporis, vel per ipsorum imagines; nec sic animam quandoque convincimus ex motibus corporeis; non sic videtur fides in corde, in quo est, ab eo, cujus est. Sed ea, tenetur certissima scientia, hæc ille. Et sic S. Thom. in lib. 3. suo super eodem passu dicit, aliud esse de charitate & de fide, quoniam homo fidem scire potest se habere illam; quod non convenit de charitate. Quia ex re notum, & perspicuum fit unicuique, si ipse ad ecclesiam universalem pertineat, quod ad prægrandem & dignitatem & gratiam habendum est a fidelibus. Tertia ratio quoniam per hoc pax et concordia major servatur in ecclesia Dei. Si enim soli prædestinati & in Christi charitate existentes ad ecclesiam pertinere dicerentur; cum ignotum esset qui tales essent; non dubium quoniam inter fideles multa scismata, & scissuræ plurimæ orirentur, sicut experientia cognoscimus eo tempore hereticorum, quo dogma hoc pestiferum d. currebat. Et ideo Dominus ait discipulis suis, non esse eradicanda zizanias, sed usque ad messis tempus cum tritico supportanda. Matt. 13. & August. super psalmos, tractans illud: „ cum his, qui odierant pacem; eram pacificus; inquit: fructu mentorum vox est inter paleas gementium; hoc loquitur illis, qui oderunt pacem, & dicimus: cum his qui oderant pacem eram pacificus; qui condescendunt unitatem. Si enim pacem non odissent, in unitate permansissent. Et Catholica vox dicit: non est dimittenda veritas; non est præscindenda ecclesia Dei; iudicabit Dominus de malis & bonis postea; si nunc mali a bonis separari non possunt, ferendi sunt ad tempus; in area nobiscum esse possunt, & forte qui hodie mali apparent, cras boni erunt, & qui hodie de bonitate superbiunt, cras mali invenientur; hæc ille.

Quarta ratio est, quoniam ex hoc principatus ecclesiæ firmatur magis in mentibus fidelium et roboratur: si enim soli prædestinati, aut in charitate existentes de ecclesia dicerentur esse; credentibus hominibus principatum ecclesiæ tantum his, qui de ecclesia sunt convenire; nulla haberetur apud fideles certitudo prælationis, nisi super hoc revelatio fieret singularis: quæ incertitudo, et dubietas nullo modo habenda est circa principatum, & potestatem ecclesiæ, ut melius finis huius audientie notum faceret, quæ veluti clarissima civitas supra montem posita refulget universis. Matt. 5. Ad quod optime facere videtur illud Hieronymi quod habetur 24. q. 1. „ omni; ubi sic dicitur: „ omnibus consideratis, puto me non temere dicere alios ita esse in domo Dei, ut ip-

si etiam sint domus Dei, quæ dicitur ædificari supra firmam petram, quæ unica columba appellatur, quæ sponsa pulchra sine ruga, & macula, hortus conclusus & fos signatus, & puteus aquæ vivæ, & paradysus cum fructu pomorum, quæ domus etiam claves accepit & potestatem solvendi, ac ligandi. Hæc ille. Si autem ecclesia in solis prædestinatis consisteret, eadem incertitudine vacillaret pontificium clavium ecclesiæ, quia apud nos infirma est certitudo prædestinatorum. Merito ergo universalitas fidelium sine alia limitatione, & specificatione nomen & rationem obtinuit universalis ecclesiæ; licet & aliis modis, ut dictum est, minus tamen universaliter, ecclesia accipitur. Secundo notandum cum Alexandro de Alis in 3. doctore irrefragabili, quod refert dicere unitatem ecclesiæ, et unitatem corporis ecclesiæ. In unitate enim, inquit, ecclesiæ sunt boni, & mali; dum tamen habeant fidem; & hoc est quod habetur, Matt. 13. quod ipsi tritico adjuncta est zizanias, id est mali simul cum bonis; tamen in fine separabuntur. Unitas vero corporis ecclesiæ non est nisi per idem formatum charitate: hæc ille. Ex quibus omnibus, tam scilicet ex consideratione præmissa, in qua triplicem acceptionis nominis ecclesiæ modum audimus, et ex vocalibus adjunctis, quatuor eliciuntur correlaria.

Primum, fiat aliquos dici de ecclesia uno modo accepta; qui tamen negantur esse de ecclesia sub alio acceptionis modo considerata: quanquam illi, qui sunt de ecclesia secundo modo accepta sunt, de ecclesia sub primo considerationis modo capta; sed non e contra. Patet manifeste ex dictis, quoniam fideles, & in peccato mortali existentes, de ecclesia sunt primo modo, & communiori modo accepta, ad quam sufficit cum susceptione sacramenti baptismi recta fides, quæ recte Chrysostomo in tract. de symbolo est religionis catholicæ lumen, ostium vitæ, & fundamentum salutis æternæ. Non autem sunt de ecclesia secundo modo capta, ad quam cum recta fide vinculum charitatis exigitur; quod ex sanctorum dictis manifeste colligitur. Dicit enim Hieronymus in commentario suo super epistolam Pauli ad Eph. tractans illud: *ecclesia subiecta est Christo*; dicit: *ecclesia gloriosa Christi est, non habens maculam nec rugam, nec quid istiusmodi: qui ergo peccator est, & aliqua sordis maculatur, de ecclesia Christi non potest appellari, nec Christo subiectus dici*. Item Augustinus lib. 4. contra Donatistas de malis loquens, qui seculo verbis, & non factis renuntiant, inquit: *nec isti ecclesiæ devoti sunt, qui videntur esse intus, & contra Christum vivunt, id est contra mandata Christi faciunt; nec omnino ad illam ecclesiam pertinere iudicandi sunt, quam sit mundat lavacro aquæ vitæ in verbo, ut exhibeat sibi gloriosam, nec habentem maculam aut rugam, aut aliquid huiusmodi*. Hec ibi. Et tamen secundum DD. SS. quorum dicta superius audita sunt, tales fideles, etsi contra mandata Christi vivant, de ecclesia tamen esse dicuntur juxta primam acceptionem ecclesiæ; quot



ANNO  
CHRISTI  
1435.

quot enim in Christo baptizati sunt. Christum induerunt, Gal. 2. super quo Augustinus: induunt autem homines Christum, aliquando & usque ad perceptionem sacramenti; & illud primum bonis & malis est commune; hoc autem alterum proprium est bonorum; hæc Augustinus. Et ita ex ista distinctione reducuntur ad concordiam discordes sermones loquentium de partibus ecclesiæ. Unde 1. q. 1. c. responsum, super illo verbo: sive aperte foris sit, sive interius esse videatur; dicit glossa: si intelligas caput de tolerantis, dic foris, idest extra ecclesiam, quæ complectitur tantum grana; si de præcisiis, dic foris, idest extra ecclesiam, quæ complectitur grana cum paleis.

Correlarium secundum juxta notabile Alexandri de Alis, cum quo concurrere in sententiam arbitror, & sic Albertum, Ulricum, & Bonaventuram, & Richardum, immo universos famosos Theologiæ Scholæ DD. quod fideles peccatores, idest in peccato mortali existentes, & si sunt de ecclesia simpliciter loquendo, non tamen de corpore ecclesiæ; istud secundum propriam rationem corporis accipiendo. Idem correlarium expresse ponit prædictus Alexander, ubi superius est allegatum, ita dicens: non sunt secundum propriam rationem corporis de corpore ecclesiæ mali quamvis sunt de ecclesia. Prædictum etiam correlarium ponit in 3. sententiarum ita dicens: quod fideles peccatores non possunt dici membra proprie, sicut nec membrum mortuum nisi æquivoce. Hæc etiam correlarium est expresse August. super Psal. 123. „Nisi quia Dominus erat in &c. ita dicentis: „in corpus ecclesiæ nemo intrat, nisi prius occisus moritur, quod fuit, vel sit, quod non fuit, alioquin non occiditur & non manducatur ab ecclesiâ: „loquitur: „venit paganus, adhuc in idololatria vivit; inferendus est membris Christi, ut inferatur necesse est ut manducetur. Sed non potest manducari ab ecclesia, nisi primo mactatus renuntiet sæculo; tunc mactatus credat in Deum, tunc mactatus &c. „Hæc Augustinus. Item idem 4. lib. contra Donatistas: „una est columba mea; „sequitur: „asserat qui potest hujus columbæ membra esse qui sæculo verbis, non factis renuntiavit. „Idem August. & deducit Magister in 4. dist. 4. loquens de unitate corporis mystici, ita inquit: „hujus unitatis sacramentum est corpus Christi proprium de Virgine sumptum; quia „ut corpus Christi ex multis membris purissimis, & immaculatis constet; ita societas ecclesiastica ex multis personis a criminali macula liberis consistit; in cuius rei typo facta est arca Domini de lignis Sethin, quæ sunt imputribilia, & alibi spinæ similia. „Hæc Augustinus. Dixi tamen, illuminatissimi PP. non esse fideles peccatores de corpore ecclesiæ proprie loquendo; quamquam in ecclesia, & de ecclesia esse dicantur; quoniam, ut præfatus doctor Alexander allegat in sui dicti confirmationem Hugo de S. Victore lib. de Sacramento dicit, „nihil in corpore mortuum, „nec extra corpus vivum. „Membra au-

tem per charitatem justificationem recipiunt, dicente eodem Hugone: „per fidem accipimus unionem, per charitatem vivificationem. Quemadmodum ergo manus mortua æquivoce manus est, cum manus vivat; ita dicendum venit de his, qui in charitate sunt, & de his, qui fidem infirmam, quam sine operibus mortuam beatus Jacobus nominat, tantum habent. Si tamen ultra proprietatem nominis loqui velimus, idest imperfecte & secundum quid, dicit S. Thom. in 3. par. tales membra corporis appellanda esse, ut inferius veniet declarandum. Tertium correlarium: omnes fideles justificati universaliter, sive præciti, sive prædestinati, & etiam Judas, tempore quo Christum fide integra cum aliis Apostolis sequebatur, veraciter erat partes ecclesiæ & membra corporis Christi simpliciter. Patet ex dictis, quia ad esse membrum Christi fidei forma sufficit, quæ in membris istis creditur esse. Unde August. super psal. 85. „si enim christiani omnes, & fideles baptizati in primo ipsum Christum induerunt, sicut ut Apostolus ait: quotquot baptizati sunt Christum induistis; si membra sunt ista corpori ejus, & dicunt se sancta non esse, capiti ipsi faciunt injuriam: hæc Augustinus. Et de Juda in expositione psal. 41. qui inscriptus est: persecutori Absalono filio David in patrem suum; ita dicit: agnoscamus, „inquit, „quemadmodum & filium persequabatur filius suus; habebit enim alios, de quibus dicebat non jejunant filii, quamdiu in illis est sponsus. Cum autem ab eis ablatus fuerit sponsus, tunc jejunabunt filii sponsi; ergo filii sponsi Apostoli, & inter eos persequutor Judas, & ipse Judas filius sponsi persequens sponsum: hæc ibi. Ecce qualiter præcitus Judas pro tempore justificationis filius sponsi dictus est; & per consequens Christi membrum. Et ideo merito condemnandus venit articulus ille, scilicet quod præciti justificati non erant partes ecclesiæ.

Correlarium quartum, author libelli, licet indisciplinate & conformiter & in voce ad articulum condemnatum loquutus fuerit, dicens: non omnes fideles justificatos esse membra Christi; tamen sensum videtur habere sanum, dicens, intelligere se hoc de ecclesia, non universaliter capta, scilicet primo modo, & secundo.... quarum constituitur eos membra esse Christi. Sed intelligere & accipere secundum tertium acceptionis modum ecclesiæ, videlicet pro congregatione electorum. Et hæc de secundo puncto.

Tertius punctus, circa quem tertia erit consideratio, tangit ea, quibus ecclesia Christi capiti uniri dicitur. In quo puncto author libelli dicens, Judam pro tempore justificationis non esse membrum Christi, visus coincidere in illum articulum condemnatum Constantia, videlicet: gratia prædestinationis est vinculum, quo corpus ecclesiæ, & quodlibet ejus membrum conjungitur Christo capiti indissolubiliter. Pro quo sit ista consideratio, quæ est S. Thomæ in 3. dist. 13. q. 2. unitas quadruplex reperitur in cor-

ANNO  
CHRISTI  
1435.

corpore naturali, quarum prima est secundum conformitatem naturæ, quia omnia membra constant ex similibus partibus & sunt unius rationis, sicut pes, & manus ex carne & ossa; & sic dicuntur membra unum genere vel specie. Secunda est per colligationem eorum ad invicem per nervos & juncturas, & sic dicuntur unum per continuationem. Tertia est, secundum quam diffunditur vitalis spiritus, & vires animæ per totum corpus. Quarta est, secundum quam omnia membra perficiuntur per animam, quæ est una numero in omnibus membris; ad quorum similitudinem quatuor uniones repetiuntur in corpore mystico. Prima est, secundum quam omnia membra sunt unius naturæ, vel specie, vel genere. Secunda est in quantum colligata sunt ad invicem per fidem, quia sic continentur in uno credito. Tertia est, secundum quam vivificantur per gratiam & charitatem. Quarta secundum quam in eis est Spiritus S. qui est ultima perfectio principalis totius corporis mystici. Animæ in corpore naturali, quæ est prima dictarum unionum, non est unio unum numero, sicut est in tribus consequentibus, quia per fidem, & charitatem in uno uniuntur credito secundum numerum; & similiter Spiritus S. unus numero omnes replet. Ex ista consideratione eliciuntur correlaria.

Deest ali-  
quid.

Primum est; sicut omnes iustificati, sive præciti, sive prædestinati sunt membra Christi veraciter; ita prædestinati & maxime negantur esse membra Christi infideles existentes simpliciter sive actualiter. Prima pars patet ex primis dictis, & ex proxima consideratione; sic omnes fideles Christi iustificati habent conformitatem in natura cum Christo capite. Ecce primum unionem. Habent insuper fidem, secundum quam attenditur secunda unio; habent cæterum charitatem, secundum quam tertia unificatio membri consideratur. Participant insuper cum Christo eundem spiritum divinum, & vivificantem, a quo Christo actualiter suscipiunt fructum gratiæ; ergo tales veraciter, & simpliciter sunt membra Christi dicendi. Consequentia patet: quoniam esse membrum corporis mystici, sive Christi, sicut esse corporis naturalis, non ponit aliud nisi prædicta. Unde apostolus Corinthiis scribens, qui tamen non omnes prædestinati fore creduntur, dicit: *vos estis corpus Christi, & membra de membro*. Secunda vero pars eadem radice manifesta fit: prædestinati enim infideles cum nulla unione simpliciter Christo uniuntur; sola quidem conformitas naturæ communis est eis cum Christo capite, quæ non est unio simpliciter, ut dictum est; ergo nulli tales habent unde simpliciter nominentur aut esse de ecclesia, & multo minus de unitate corporis Christi. De prædestinatis, & non iustificatis; quod non actualiter simpliciter membra Christi appellandi sint, patet per illud Augustini in ep. ad Dardanum. Proinde, inquit, *in compage tanquam in vivam structuram templi Dei, quæ est ecclesia, nati homines, non ex operibus iustitiæ, quæ fecerint, sed renascendo per gratiam transferuntur tanquam de massa ru-*

Concilior. Supplem. Tom. IV.

*inæ ad ædifici firmamentum: hæc Augustinus. Item manifestatur hæc propositio ratione Apostoli, quam ad Romanos format, dicentis: qui spiritum Dei non habet, non est ejus, glossa; idest membrum. Si prædestinati non iustificati non habent spiritum Dei, qui cum charitate infunditur; ergo correlarium, Paulus, cæterique sancti persequutionis tempore non erant membra Christi, sed Diaboli. Patet ex illo Job de Diabolo loquens, ait: *ipse est rex super universos filios superbiæ*; cuius omnes iniqui dicti sunt corpus & membra, de quo Job. 41. *corpus ejus, quasi stritta fucilla*; ubi glossa inquit: *corpus Leviat han omnes iniqui*; & iterum super illud: *membra carniem ejus*, dicit: *carnes Leviat han sunt omnes reprobi, qui ad intellectum spiritualis patriæ per desiderium non assurgunt: membra vero carniem ejus sunt hi, qui eisdem perverse agentibus, & se ad iniquitatem præcedentibus, conjunguntur*: hæc ibi. Et ideo Augustinus de conversione Pauli loquens: *elusus est lupus, & factus est agnus; elusus est persequutor, & factus est prædicator; elusus est filius perditionis, & electus est vas electionis*: hæc ille. Merito ergo condemnatus est in conc. Constant. articulus ille in quo dicitur: *Paulus nunquam fuit membrum Diaboli, licet fecerat quorundam actus actibus ecclesiæ malignantium consimiles*.*

Correlarium tertium, præciti iustificati ita ad corpus Christi pertinent, & tanta unitate conjunguntur, ut quemadmodum prædestinati iustificati sunt unus homo, unus Christus, una persona, sub illa mystica intelligentia superius data cum Christo capite; sunt ita membra personalia; ita & ipsi; cuius contrarium videtur doctor innuere; & patet correlarium ex consideratione. Ratione autem sic deducitur: non alia ratione aut unitate omnes fideles cum Christo dicuntur unus homo, unus Christus, una persona mystice, quæ dicuntur unum corpus, scilicet mysticum, ab Apostolo; patet ex dictis in superiore relatione. Sed nihil habent in se prædestinati iustificati faciens unionem cum Christo, quod non habent præciti iustificati; ergo non magis illi dicendi sunt membra personalia Christi, quam præciti iustificati: consequentia videtur manifesta, & patet breviter ex consideratione præmissa, in qua ad plus quatuor unitates in corpore mystico describuntur, quæ ita communes sunt præcitis iustificatis, sicut prædestinatorum; & quodcumque aliud singatur venit probandum. Hoc etiam correlarium patet ex multis autoritatibus, alias in medium deductis, quæ cunctos fideles in gratia existentes indifferenter dicebant esse unam personam & unum hominem cum Christo; quæ non ita veniunt intelligenda, ut quidam volunt, ut unitas speciei importetur tantum; quoniam ista tam infidelibus, quam fidelibus communis est, nec, ut alii volunt dicere, intelligendæ solum ad unitatem vocis referendo, sub hoc sensu sunt una persona, idest in voce habent unitatem: quoniam tam Augustinus quam Gregorius in autoritatibus supra adductis dicunt, quod quia sunt duo in carne una, quia sunt una

Kkkk

per-



ANNO  
CHRISTI  
1435.

persona, mystice scilicet, sunt in voce una; ita quod ratio unitatis in voce secundum eos sumitur ex unitate mystica unius corporis sive personæ. Non ergo resolvenda sunt autoritates tam admirandæ sanctorum DD. qui ita accurato studio locuti sunt de unitate corporis mystici pro qua ad gratitudinem donationis Deo impendendam fideles invitant universos; resolvenda sunt, inquam ad unitatem vocis. Sed ad ipsam unitatem unius spiritus S. qui in capite ex membris ejusdem naturæ unus existens unitatem istam mysticam, de qua sermo sanctorum decurrit, efficit, & constituit. Unde Apostolus ad Eph. 4. unus spiritus & unum corpus; glossa: Spiritus S. est, quo efficiuntur unum corpus. Quartum correlarium, author libelli dicens Judam, & alios præcitos, tempore quo iustificati Christum sequebantur, non esse membra Christi, verbis coincidere videtur cum articulo condemnato. Utrum autem sensu coincidat ex sequenti consideratione clarius elucescet.

Quartus punctus, circa quem erit quarta consideratio, tanget mensuram durationis, sive permanentiam membrorum in corpore Christi, in quo author libelli dicit, quod Judas pro tempore quo iustificatus sequebatur cum aliis Apostolis Christum, non erat ovis Christi, nec membrum Christi, quia non inherebat Christo tali in herentia indissolubili, quæ sibi hærent membra Christi. Item dicens, quod cum aliqui iustificantur, non incipiunt esse membra Christi, qui ante non erant; nec etiam cum cadunt a iustificatione per culpam mortalem desinunt esse membra Christi; visus est coincidere cum articulo condemnato, qui ita dicit: quod prædestinatus semper manet membrum ecclesiæ, licet aliquando excidat a gratia adventitia, sed non a gratia prædestinationis. Circa quem punctum sit ista consideratio quarta, quæ est S. Thomæ in 2. p. q. 8. a. 3. quod hæc est differentia inter corpus hominis & ecclesiæ corpus mysticum; quod membra corporis naturalis sunt omnia simul; membra autem corporis mystici non sunt omnia nec quantum ad coexistentiam naturæ, quæ corpus ecclesiæ constituitur ab hominibus, qui fuerunt a principio mundi usque ad finem ejus; nec quantum ad esse gratiæ; quia eorum qui etiam sunt uno tempore quidam carent gratia, postmodum habituri, aliis eam jam habentibus; sic ergo membra corporis Christi mystici non solum accipiuntur secundum quod sunt in actu, sed secundum quod sunt in potentia; hæc S. Thom. Ex ista consideratione quatuor eliciuntur correlaria.

Primum est.... ad esse membrum Christi permanere semper membrum, vel ad tempus tantum. Pater: non minus est actu membrum corporis manus quæ cras præscindenda est, quam quæ nunquam separanda esset; & ideo dicit S. Thomas in 3. & etiam hic in præsentiarum audistis quod membrum non judicatur, secundum illud quod de eo potest fieri, sed secundum illud quod est. Secundum correlarium: non omnis, qui est membrum Christi, fuit membrum semper, aut semper erit: patet manifeste. Tertium

correlarium: membra Christi in hac vita præsentia nulla indissolubili in herentia in herent Crisito de lege communi; quod dico propter eos, qui confirmationis gratia essent privilegiati: patet ex dictis. Ex quo rationalis ostenditur condepnatio illius articuli in conc. Const. Jo. Husi, dicentis, quod prædestinatus semper manet membrum ecclesiæ; licet aliquando exciderat a gratia adventitia; sed non a gratia prædestinationis. Clare apparet ex dictis. Correlarium quartum: propositio illa authoris libelli de in herentia indissolubili, quæ prædestinati semper in herent Christo, per aliquam scilicet actuale in herentiam, alias mihi est intelligibilis, aut, salva reverentia tanti patris, quem libentius audissem declarantem, se, quam impugnarem, coincidit cum prædicta positione.

Quintus punctus, circa quem erit declaratio quinta, tangit rationem, secundum quam accipienda est denominatio simpliciter membrorum corporis Christi, in quo author libelli dicens secundum dispositionem divinæ electionis dicens esse membra Christi, principaliter & simpliciter videtur fundare rationem & fundamentum, ejus causa visus est coincidere cum positione Joannis Husi in materia de ecclesiæ; pro qua sit ista consideratio. Aliquis dicitur membrum Christi esse, aut ovis ejus sive filius Dei dupliciter in sacra scriptura, & inter S. Doctores. Uno modo secundum prædestinationem tantum; alio modo secundum præsentem iustitiam. De primo modo habetur Jo. 2. ex nobis prodierunt, sed non erant ex nobis; permansissent usque nobiscum. Unde sub nomine ovium de istis duobus modis expressa in evangelio exempla colligimus: Jo. 10. De eis autem, quæ secundum præsentem iustitiam oves erant, dicit ibidem Dominus: oves meæ vocem meam audiunt, & sequuntur me. Ecce secundum præsentem iustitiam oves istæ sunt, quæ actu pastorem vocem doctrinæ audiunt, & mandatorum obedientia pastorem sequuntur. De iis autem, qui solum secundum prædestinationem æternam oves appellati sunt, dicitur ibidem: oves habeo, quæ non sunt ex hoc ovili; unde Augustinus in lib. de verbis Domini, & deducitur a S. Thoma in glossa continua, ita dicit: loquebatur enim primo de ovili de genere carnis Israël erant autem alii de genere fidei ipsius Israël.... erant adhuc in gentibus, prædestinati, nondum congregati. Hæc Augustinus. Item idem August. super Jo. Hom. 45. processu longo tractat questionem istam, quomodo dicendæ sunt oves, qui in errore sunt; & finaliter dicit sic: secundum præsentiam Dei & prædestinationem, quam multæ oves foris, quam multi lupi intus: quid est quod dixi: quam multæ oves foris? propterea quod multi modo luxuriantur, casti futuri; quam multi blasphemant Christum, credituri in Christum & similia. Eo modo videtur distinguendum de membris. Cum idem August. dicit hom. super Jo. 43. illi sunt unus pastorem membra, ejus sunt oves. De filiis Dei eadem divisio ponitur ab Augustino, lib. de cor. & grat. & per longum tractatum recitatur de poenit. dist. 4. cap. si ex bono; ubi sic dicitur

ANNO  
CHRISTI  
1435.

tur: sunt enim filii Dei qui nondum sunt nobis, & sunt jam Deo. De quibus evangelista ait: quia Christus erat moriturus pro gente; & non tantum pro gente, sed etiam ut filios Dei dispersos congregaret in unum; qui utique credendo erant futuri per evangelii predicationem; & tamen antequam esset factum, jam filii Dei erant qui in memoria patris sui inconcussa stabilitate conscripti sunt; & sunt rursus quidam, qui filii Dei propter susceptam temporalem gratiam dicuntur a nobis. Sed notandum omnem istam distinctionem, in qua erat magna pars difficultatis, quod ista est differentia inter ista membra distinctionis: quoniam esse ovem aut membrum Christi, aut filium Dei secundum predestinationem, solum est esse membrum aut esse ovem, aut filium tantum in potentia, & non in actu: quia predestinatio cum sit species dictæ præscientiæ, ut deducit Magister in pri. dist. 40. nihil ponit in predestinato, per quod actu sit & nominatur id, ad quod predestinatus dicitur; unde in glossa continua ita habetur super illud: ut filios dispersos congregaret in unum &c. hæc secundum predestinationem dicta sunt: nam nec oves erant nec filii adhuc erant; & conformiter S. Thomas in postilla super Jo. quæ originaliter sibi attribuitur super illud Jo. 11. ut filios Dei congregaret in unum, ita dicit: non est intelligendum quod jam accepissent adoptionis spiritum, quia, ut dicit Gregorius, nec oves, nec filii ejus adhuc erant per adoptionem. Item Nicolaus de Lira conformiter ita dicit: non quia adhuc essent filii Dei actu, sed potentia ad actum reducenda, quia erant predestinati. Esse autem membrum secundum præsentem justificationem est esse actu simpliciter, & actu membrum: patet, quia actu habet spiritum adoptionis, actu conjungitur capiti Christo per fidei conjunctionem & per vinculum charitatis, a Christo capite actu gratiæ influxum recipit. Ex qua consideratione quatuor eliciuntur correlaria, more solito.

Primum: non sunt dicendi actu membra, nisi qui actu sunt justificati; patet ex dictis. Sed quia dicta Augustini, cum non bene intelliguntur, commovent animos nostros; notandum quod. Antiodorensis movet questionem super octavam distinctionem in 4. quomodo intelligam illud Augustini, & Magistri sententiarum, quod unitas significata & non contenta in sacramento est unitas in predestinatis justificatis, & glorificatis; & querit an intelligatur conjunctum an divisim: si conjunctim, arguo sic: ergo præciti licet sint justificati, non erunt de corpore mystico: si divisim, tunc predestinati mali erunt de corpore Christi mystico respondet, quod divisim debet intelligi dictum Augustini, sed de justificatis in presenti & glorificatis simpliciter; de aliis autem secundum quid. Hæc ille. Nec mirandum est, PP. RR. si scriptura simpliciter loquatur de talibus tanquam simpliciter membris, aut ovibus Christi; quoniam hoc fit, non ideo quoniam actu sint membra Christi, ab eo influxum recipientia; sed talis in scriptura usus est propter infallibilem certitudinem divinæ providentiæ; hæc quippe

Concilior. Supplem. Tom. IV.

A ratione simpliciter loquitur. Scriptura de eis quæ solum in potentia sunt, immo quoniam per verbum de præterito loquitur de eo quod in longissimum tempus expectatur; cujus exempla multa sunt & vobis sapientissimis communia; sicut de incarnatione & aliis prophetis patet. Pariformiter est in materia præsentis B. Augustini testimonium in lib. de corr. & grat. ubi tractans illud Apostoli Rom. 8. quos predestinavit, hos & vocavit: & quos vocavit, hos & justificavit &c. dicit: adhuc usque in finem sæculi multi vocandi, & justificandi sunt; & tamen verba præteriti temporis posuit de rebus etiam futuris, tanquam jam fecerit Deus, quæ ut jam fierent ex charitate disposuit; ideo de illo dixit propheta: qui fecit quæ ventura sunt: hæc Augustinus. Correlarium secundum: predestinatio non est aliquod vinculum denominans actu aliquem esse membrum; patet ex dictis: quamquam enim predestinatio dicatur aliquem filium Dei aut Christi membrum reputatum esse, & infallibiliter; non tamen sufficit denominare esse aut justum, aut Christi membrum, aut hujusmodi, cum nihil ponat in predestinatis: membrum autem actuale alicujus corporis, cum ponat unionem ejus ad corpus, necessario ponit ea quibus unitur corpori; ea autem, quibus fidelis unitur corpori Christi sunt fides, spes, charitas. Cui sæpe reperitum est. Non ergo predestinationis vinculo, sed charitatis nexu quis Christi membrum venit actualiter, & simpliciter nominandus. Unde August. hom. ul. in expositione canonice Jo. tractans illud: in hoc cognoscimus quia diligimus filios Dei; dicit: Qui diligit filium Dei, diligit; quos filios Dei? membra filii Dei; & diligendo sit ipse membrum, & sit per distinctionem in compage corporis Christi. Hæc Augustinus. Ecce ergo quod diligendo Christum Christi membra efficiuntur, & in compage corporis, non autem per predestinationem, tanquam per vinculum unitivum. Quare rationabiliter multum condepnatus est articulus ille Joanni Hus, dicens: gratia predestinationis est vinculum, quo corpus ecclesie, & qualibet ejus membrum jungitur Christo capiti indissolubiliter.

Tertium correlarium: per justificationem incipiunt actu esse membra Christi quæ non erant; & è contrario per casum a justificatione per culpam mortalem desinunt esse membra, qui justificationis tempore membra Christi erant. Licet autem manifeste pateat ex dictis; confirmatur tamen autoritate Augustini lib. 3. contra Donatistas: isti, inquit, idest mali, qui intus cum gemitu tolerantur, quamvis ad eandem columbæ unitatem, & illam gloriosam ecclesiam non habentem maculam aut rugam aut aliquid hujusmodi, non pertinent; tamen si corrigantur & se ipsos ad baptismum accessisse fateantur, non rebaptizantur, sed incipiunt pertinere ad columbæ pacem, a cujus genitum omnia peccata solvantur, per cujus pacem alienati tenebantur; hæc August. Idem lib. 2. contra Grisostimum cap. 21. damnati a Christo jam in corpore Christi non sunt, iconium. quod est ecclesia; quoniam non potest Christus habere membra dampnata; proinde & ipsi extra ecclesiam baptizant; omnia quippe ista

Kkkk 2

mon-



ANNO  
CHRISTI  
1435.

*monstra, absit, ut omnia in membris illius columba unita computentur; absit, ut intrare possint limites hortus conclusi, cujus ille cultor est; qui non potest falli: qui tamen, si constentur, & corrigantur, tunc intrant, tunc mundantur, tunc in arboribus hortus conclusi, tunc in membris unitate numerantur. Hæc Augustinus. Ecce quod mali baptizati quousque corrigantur ad ecclesiam pertinere non videntur scilicet, merito & numero simul; correcti vero statim incipiunt pertinere. Corrigi autem dicitur fidelis in justificatione qua, per poenitentiam emendantur errata, & ordo ipse virium animæ inferiorum & superiorum ad Deum, qui per peccatum peruersus erat, reparatur. Quartum correlarium: propositio illa videlicet, quod secundum dispositionem divinæ electionis sint nominandi fideles actu & simpliciter membra corporis Christi, & non secundum præsentem iustitiam, sicut jacet, non est vera.*

Septimus punctus, circa quem formanda est consideratio VI. tangit declarationem auctoritatum aliquarum, a quibus occasionem maximam videtur recepisse author libelli suæ positionis: pro quo fit ista quarta consideratio, quæ multum accommodata est ad intelligendum aliquos passus sacræ scripturæ, & concordandum ad invicem multa dicta DD. videlicet quod veritas multipliciter capitur: est enim veritas essentiæ, quæ secundum rationem speciei consideratur, de qua potest capi illud Augustini in lib. soliloquiorum dicentis; *verum est illud est*. Secundo modo dicitur veritas permanentiæ, scilicet continuationis vite perseverantiæ: hoc modo non dicitur verum, quod cito desinit esse, sive quod permanentium non est, cui potest convenire illud Senecæ in lib. de clementia: *cito in naturam suam recidunt, quibus veritas non subest; quæ autem ex soliditasunt, tempore in melius proficiunt*. Tertio modo dicitur veritas perfectionis, sive consummationis, de qua dicitur & potest accipi illud Lucæ 23. *vere hic homo iustus est*, quia consummata iustitiæ, & ita perfectio nis fuit. Matt. 23. *sic decet nos omnem adimplere iustitiam*. Istam triplicem distinctionem veritatis format cancellarius Parisiensis antequam in summa sua super illo verbo Augustini ad Julianum comitem: *Charitas, quæ deferri potest, nunquam vera fuit*. Hæc insuper distinctio originaliter tangitur super eodem verbo a Magistro sententiarum in 3. dist. 31. ubi querit, utrum sit vera charitas, quæ amittitur; qui respondens ad præallegatam auctoritatem, videlicet: *charitas, quæ deferri potest, nunquam vera fuit*; dicit quod dictum Augustini non ad ecclesiam charitatis refertur; sed ad efficientiam, quia non efficit charitas, quæ deseritur, hominem vere beatum, non enim perducit eum ad verum bonum. Item ad illud Augustini super psal. 103. *charitas est fons proprius & singularis bonorum, cui non communicat alienus. Alieni autem sunt qui audituri sunt a Domino: non novi vos; & sic alieni, idest dapnandi, non communicant, scilicet in fine, quia non perseverant*. Possunt autem & hæc, quæ de charitate dicta sunt, intelligi de charitate perfecta, quam soli electi habent, quæ sola ha-

bita non amittitur. Hæc Magister sententiarum. Ex quibus verbis clara fit nobis illa triplicis veritatis distinctio: cum dicit charitatem, quæ desinit esse vera veritate ecclesiæ, sed non permanentiæ aut perfectionis. Et quoniam, ut sæpe dictum est, & habetur in glossa. Ro. 8. societas, & unitas, qua compaginamur & efficiamur unum corpus unici filii Dei, ipsa charitate efficitur, & conficimur. Eadem videtur currere distinctio veritatis de membris Christi, quæ currit de triplici veritate charitatis. Præterea notandum est, quod inter inter istos acceptionis modos veritatis talis ordo est: quoniam secundus præsupponit primum necessario, & addit super ipsum; & tertius super secundum: veritas enim perseverantiæ præsupponit utramque, & addit consummationem. Ex quibus manifeste colligimus, primo, quod omne quod est verum veritate aut perseverantiæ, aut perfectionis necessario est verum veritate essentiæ; & non e converso. Secundo modo, quod non esse verum aut veritate perseverantiæ, aut perfectionis, non elicit non esse verum simpliciter, immo sic arguendo committerem falsam consequentiam ab inferiori ad superius negatur. Quibus habitis, ex consideratione præmissa quatuor eliciuntur correlaria.

Primum est: prædicti iustificati sunt vera membra Christi veritate essentiæ. Patet correlarium; quoniam tales vera charitate eodem genere veritatis Christo conjunguntur: ergo correlarium verum. Præterea tales sunt vere filii Dei. Jo. 1. *dedit potestatem filios Dei fieri*. Quod Augustinus pertrahens super psal. 122. *ad te levavi*; dicit: *si credis, ipsa potestas tibi data est ut sis inter filios Dei*. hoc est ad dexteram pertinere. Si filius; ergo membrum verum, si conformitas necessaria concurrat.

Secundum correlarium: prædicti iustificati non sunt membra vera Christi veritate perseverantiæ, sive continuationis. Patet correlarium, quoniam charitas, qua tales efficiuntur membra Christi, non est vera charitas veritate perseverantiæ, ut dictum est ex dicto Augustini, & sententiarum Magistri in locis supranominatis. In quo genere veritatis dicit Dominus, Jo. 8. *si manseritis in sermone meo, veri discipuli mei eritis*. Item glossa super illud 1. Jo. 2. *ex vobis prodierunt, qui non erant ex nobis*; dicit: *si exierunt ex nobis; tamen non erunt ex nobis*; dicit veraciter: hoc modo dicit Augustinus lib. de corrept. & grat. & ponitur de poenit. dist. 4. c. *ex bono*, trahens illud Jo. jam proxime allegatum: videlicet *ex nobis prodierunt, qui ex nobis non erant*: inquit: *quid aliud dicunt, nisi non erant filii Dei? & quando erant in professione & nomine filiorum; non quia iustitiam simularent; sed quia in ea non permanferunt*. Hæc Augustinus. Ecce qualiter Augustinus tales dicit fuisse filios Dei veros veritate ecclesiæ, in hoc quod dicit eos veram & non simulatam habuisse iustitiam, sed non veros veritate perseverantiæ. Unde sequitur in verbis Augustini, *non erant ex numero filiorum etiam quando erant in numero filiorum*: quoniam qui vere sunt filii prædestinati sunt conformes fieri imaginis filii sui: non

ANNO  
CHRISTI  
1435.

non enim perit filius promissionis, sed filius perditionis: hæc ibi. Ad quem sensum potest venire intelligendum illud Augustini dictum lib. 3. de doct. Christi. in quo author libelli videtur potissime se fundasse, videlicet: non est revera corpus Christi, quod cum illo non erit in æternum, ut de veritate continuationis perseverantiæ, aut perfectionis accipiat. Quod quidem Richardus in 3. sententiarum dicit illud sic exponendum, non pertinerent illi ad corpus Christi, qui non habent unde cum Christo possint in æternum permanere, quod omnes iusti habere nascuntur.

Correlarium tertium: quanquam præsciti iustificati dicantur non esse membra Christi veritate perseverantiæ, sicut videtur author libelli intelligere; nequaquam tamen propter hoc neganda sunt simpliciter esse vera membra Christi: patet ex dictis manifeste.

Correlarium quartum: author libelli dicens, fideles iustificatos præscitos non esse vera membra ecclesiæ sive Christi, de veritate perseverantiæ intelligatur, sicut videtur innuere, non concordat cum articulo vero de veritate ecclesiæ, quam non diversificent accidentia temporis, nec loci, deficit & coincident videtur cum propositione Hussi, quod ita nota sunt ex consideratione antecedentium, ut non sit opus plura dicere.

Ultimus punctus, circa quem currit ultima consideratio, respicit apicem pontificatus, in quo author libelli dicens, accipiendo ecclesiā ut est corpus, papa non est caput ecclesiæ; sed solus Christus est caput eius; nec in hoc potest habere vicarium; coincidere visus est cum illo articulo condemnato Constantiæ Johannis Hus, in quo dicitur: Petrus non est, nec tuit caput ecclesiæ sanctæ catholicæ. Item dicit, quod præscitus, quantumcumque iustificatus, non est membrum ecclesiæ; coincidere videtur cum illo articulo condemnato Jo. Hus, in quo dicitur, quod si papa est malus, & præsertim præscitus, tunc ut Judas Apostolus est Diabolus, fur, filius perditionis, & non est caput sanctæ militantis ecclesiæ, cum nec sit membrum eius; sic ista consideratio potestatis ecclesiasticæ ministerialiter pontificis non fundatur super prædestinationem æternam, aut in gratiam satisfaciendam; ita ut nulli in ecclesia conveniat præsidere, qui non, aut prædestinatus sit, aut vitæ sanctitatis Deo gratus. Quæ consideratio ita exemplariter patet in multis, qui tam in veteris legis quam novæ temporibus, & præsciti, & peccatores præfulatus pontificium possederunt: ut non sit opus testimonia in medium afferre. In cujus tamen rei manifestum argumentum inquit Dominus Mat. 23. *super cathedram Moysi sederunt scribæ, & Pharisæi; omnia ergo quaecumque dixerunt vobis, servate; & facite, secundum autem opera eorum nolite facere.* Malis autem ministris præstandam obedientiam nequaquam ipsa veritas innoxisset, nisi ordinis potestas, & dignitatis autoritas in ipsis peccantibus, aut præscitis plena consisteret. Ratio autem qua nostra consideratio manifesta sit, ut non tantum autoritate firmetur, in promptu est, quoniam si ecclesiasti-

cus principatus ministerialis pontificis fundaretur super prædestinationem, aut vitæ meritum, cum soli Deo cognitus sit numerus obsectorum in superna felicitate locandus, & eorum, qui virtutibus veraciter florent, aut sordent vitis; nulla apud nos ecclesiasticæ potestatis certitudo, nulla rata sacrificia, nulla indubitata apud homines esset fides sanctorum. Qua certitudine sublata omnis spes & robur nostræ salutis deperiet. Quia ergo decebat firmatum esse robur ecclesiastici principatus, & non incertitudinis fallibilitatisve confusione jactari, divina sapientia non fundavit illum, super rebus incertis.

Secundo notandum est cum S. Toma in 3. parte quæstione supranominata, ubi quærens an proprium sit Christo esse caput ecclesiæ, dicit, quod caput inter alia membra dupliciter insluit; uno modo quodam intrinseco influxu, prout virtus motiva & sensitiva a capite derivantur ad cætera membra. Alio modo secundum exteriorem quandam gubernationem, prout scilicet secundum visum & alios sensus, qui in capite radicanter, dirigitur homo in exterioribus actibus. Tercio notandum est, juxta notabilia authoris libelli, quod corpus mysticum & corpus politicum non usquequaque idem sunt, secundum rationem præsertim, ut de mystico corpore ecclesiæ loquimur juxta rationes mysticas super in audientia prima in præsentiarum explicitas. Sed in aliquo conveniunt, & in aliquo differunt; conveniunt quidem quoniam utrumque ex pluribus hominibus tanquam membris officialibus constituitur. Differunt autem, quoniam omnia membra corporis Christi mystici tanta unitate conjunguntur capiti suo Christo, ut una persona, & unus Christus mystice dicantur esse juxta superius allegata, et exposita. Membra autem corporis politici non sic; non enim in eis unus spiritus omnia membra vivificans & regens communis est capiti, & membris, sicut in corpore ecclesiæ; & ideo non possunt habere talem unitatem, quam membra corporis habent cum Christo. Quibus nominatis sequuntur quatuor correlaria more solito.

Primum est, non super eodem fundatur esse proprie, sive perfecte membrum Christi, & esse ministeriale caput ecclesiæ. Patet manifeste; quoniam ut ex superioribus tenemus, esse aliquod membrum perfecta ratione Christi, fundatur singulariter in virtute charitatis, cujus est membra Christo unire & ad invicem compaginare; esse autem caput ministeriale ecclesiæ fundatur super dono potestatis concessæ. Ad cujus potestatis susceptionem, habilitatem qui & possibilitatem suscipit in susceptione sacramenti baptismi, in quo indelebile imprimitur signaculum Christianitatis, per quod introitum habet ad susceptionem reliquorum sacramentorum. Dico tamen notanter, esse ministeriale caput ecclesiæ, quoniam esse caput principale fundatur super plenitudinem gloriæ; cujus ratio a S. Thoma in quæstione ultima de veritate art. 50. datur sub hac forma: minister ecclesiæ non agit in sacramentis, idest propria virtute, sed ex virtute alterius scilicet Christi; & ideo



ANNO  
CHRISTI  
1436

1259

ideo non requiritur gratia personalis in eo, sed solum cum auctore conjunctio scilicet cum Christo; ordinis autoritas per quam Christi vicarius constituitur. Christus autem operatur nostram salutem propria virtute; & ideo oportuit quod in eo esset plenitudo gratiæ. Hæc ille; & ideo de capite principali ecclesiæ dicitur, Jo. 1. *vidimus plenam gratia & veritatis*; Et consequenter adjecit: *de cujus plenitudine omnes accepimus*. De capite vero ministeriali dicit Augustinus lib. 3. contra Petilianum: *minister, idest dispensator verbi & sacramenti evangelici si bonus, sonus est evangelii; si malus est, non ideo dispensator non est evangelii*: hæc ille.

Correlarium secundum: stat aliquem esse peccatorem, & per consequens simpliciter sive propria aut perfecta ratione non esse membrum ecclesiæ, sed imitatione membrum Diaboli; & tamen esse verum caput ministeriale ecclesiæ. Patet correlarium ex antepositis, cum super eodem non fundetur esse membrum Christi sive corporis mistici, & esse ministeriale caput ecclesiæ, ut ad mutationem alterius nulla mutatio aut diminutio aut augmentum fiat in alio: ex quo patet rationabiliter fuisse condepnatum illum articulum Jo. Hus, in quo dicebat, quod si papa est malus, & præsertim præscitus, non est caput ecclesiæ, cum nec sit membrum ecclesiæ; patet ex dictis.

Correlarium tertium, quod si auctor libelli capiat rationem significationis mysticæ, ut distinguit contra rationem politici corporis; cum ecclesiam dicat corpus mysticum, & distinguit, ut sit contra politicum ex parte interioris influxus capitis in cæte-

BASILEENSE G. CONCILIUM:

1260

ANNO  
CHRISTI  
1436.

ra membra; tunc videtur mihi conclusio sua vera: quoniam ut sic per eum non intelligit papam non esse caput mystici corporis ecclesiæ simpliciter; cum dicat eum caput militantis ecclesiæ; sed tantum quantum ad hanc rationem mysticæ significationis, videlicet non influere interiori influxu corpori ipsius ecclesiæ: hoc enim verum est. Solius quippe Christi proprium hoc est, cuius humanitas, ex hoc quod divinitati conjuncta est, virtutem habet influendi in totum corpus ipsius interiori etiam influxu. Bene autem papæ convenit influxus in ecclesiam, quantum ad exteriorem gubernationem; cum ei tanquam pastori cura & regnum commissum sit & inuncta gubernationis & directionis sollicitudo. Si autem iste, ut mihi apparet prima facie, sit intellectus auctoris libelli, non coincidet cum articulo condemnato. Sed aut aliter sapiat, aut eum non intelligo, aut coincadat, aut male sapiat. Hæc sunt autem, PP. RR. quæ mihi occurrunt de toto tractatu primo, in eo nihil asserendo, nisi quod asserenda vestræ sapientissimæ, ac illuminatissimæ paternitates decreverint affirmanda, & tenenda, quibus humiliter me recomendo.

Explicit votum magistri Joannis de Turremata, Apostolici palatii magistri, super primo tractatu magistri Augustini de Roma, relatum coram iudice fidei & aliorum Reverendissimorum, Reverendorum quoque patrum, & eorum utriusque juris Doctorum multitudine copiosa in domo fratrum minorum; ita compilatum & scriptum redactum ad mandatum inclitæ nationis Italianæ, anno Domini millesimo quadringentesimo trigésimo quinto, in mense Julii.

Documenta anni

1436.

AVIS AMENT A PRO FACTO GRÆCORUM.

Maximene  
Vet. Mon.  
To. VIII.  
pag. 895.

Primo, ea quæ sunt promissa Græcis per sacrum concilium. 2. Quot pecuniæ erunt necessariae in toto isto negotio. 3. Unde inveniuntur; & quia indulgentiæ non sufficiunt, per quem alium modum reperientur. 4. De galeis quatuor, duæ pro eundo, & duæ pro manendo ibidem, quamdiu imperator & patriarcha erunt abeuntes a Constantinopoli, unde reperientur. 5. Quod magna copia episcoporum & aliorum prælatorum intersit per annum in concilio, ad minus oportebit esse CL. episcopi, saltem centum. 6. De discussione interim materialium & articulorum tractandorum cum Græcis, videtur ascendere ad XL. articulos vel circa l. 7. De magistris in sacra pagina. Item de jurisperitis, item de libris. 8. De loco eligendo & nominando imperatori per galeas juxta capitula, & de securitate ipsius loci, & de conventionibus tam in visualibus & domibus, quam de exercenda jurisdictione per concilium. Item de mutuo pecuniarum nobis faciendo ab hujusmodi loco, tam in isto principio, quam si aliquando per annum con-

tingeret aliqua necessitas; quia quolibet mense pro victu septingentarum personarum, & pensione domorum oportebit habere bene quinque millia ducatorum, vel circa. 9. De salvis conductibus terrarum & dominiorum, per quæ Græci transiunt sunt similiter mittendis per dictas galeas.

Quoad Primum.

Primo, promissum est quod mittatur unus vel plures oratores Constantinopolim ex parte sacri concilii, cum octo millibus ducatorum, pro facienda conventionione prælatorum in Constantinopoli, ut postea inde veniant hic. Hoc per Dei gratiam factum est. Secundo, promissum est quod sacrum concilium debet facere expensas quatuor galearum grossarum, quarum duæ mittantur per nos, duæ alie sunt de Constantinopoli. Tertio, promissum est, quod cum prædictis debent mitti XV. millia ducatorum pro expensis imperatoris & patriarchæ; & aliorum a Constantinopoli usque ad portum. Quarto, promissum est provideri expensis septingentis personis a portu ultimo usque ad locum concilii. Item, expensis pro toto tempore quo

quo manebunt in concilio. Item, pro redeundo Constantinopolim. Quinto, concilium debet mittere duas galeas subtiles Constantinopolim cum CCC. balistariis, & pro ipsis facere expensas usque ad reditum domini imperatoris in Constantinopolim. Sexto, cum dictis galeis debent mitti decem millia ducatorum, quæ stabunt in deposito in Constantinopoli, si aliqua necessitas immineret civitati absente imperatore. Septimo, gentes istarum galearum & CCC. balistarii jurabunt in manibus domini imperatoris fideliter se habere, & patroni galearum erunt quos imperator instituerit. Octavo, ambassiatores nostri ituri cum galeis, nominabunt imperatori portum, ad quem ultimo debet applicare, & unum locum de quatuor nominatis in decreto, in quo debet celebrari universalis synodus, videlicet Italiam, Viennam in Austria, Budam in Hungaria, & Sabaudiam. Laborabunt tamen, quod Basilea eligatur; concilium stabit hic usque adventum domini imperatoris ad portum ultimum, & in casu quo dominus imperator nolit huc venire, debet concilium infra mensem se transferre ad unum de prædictis locis.

*Prædicta fuerunt promissa in prædictis capitulis factis Basilea, ratificatis postea Constantinopoli, & iterum hic in sessione.*

Nono vero oratores nostri in Constantinopoli promiserunt per litteras eorum sigillatas, quod concilium mitteret Imperatori & patriarchæ per dictas galeas saluum conductum civitatis & patriæ, in quibus celebrandum est tale concilium; & similiter saluum conductum dominiorum, comitatum, & terrarum obedientiæ ecclesiæ Romanæ, per quæ Græci veniendo & redeundo sunt transituri cum sigillis & in plena forma. Decimo per totum mensem Maii futurum nostræ quatuor galeæ & CCC. balistarii cum nostris ambassiatoribus ferentibus secum prædictos denarios, videlicet XXV. millia ducatorum, debent esse in civitate Constantinopolitana, et dominus imperator cum patriarcha et aliis septingentis debent in principio mensis Junii ascendere galeas causa veniendi ad locum concilii. Undecimo nostri oratores promiserunt dictis imperatori et patriarchæ, quod concilium faciet prædictis Græcis saluum conductum in plena forma pro omnibus de obedientia ecclesiæ legitimæ, et hoc facto in sessione, debemus hunc saluum conductum una cum aliis eis mittere. Item, aliquibus notabilibus ambassiatoribus, quorum aliquem oportebit pro honestate esse episcopum, ad conducendum imperatorem & patriarcham, & portandum prædictas pecunias, & ad disponendum necessario faciendam duo millia pro dictis galeis & balistariis ibidem manentibus, etiam oportebit, pro equis & expensis abhinc usque ad portum ad minus erunt XX. dies. Item, de portu usque ad Constantinopolim, & antequam recedat de Constantinopoli, stabunt ibi per aliquot dies ad ordinandum, &c. Item, de Constantinopoli usque ad ultimum portum, &

A de portu usque ad locum concilii erunt forte per sex menses vel circa, erunt circiter duo millia ducatorum.

Quoad secundum principale, videlicet quot pecuniæ sunt necessariae in isto negotio. Primo pro principio sunt necessaria XV. millia ducatorum pro expensis domini imperatoris usque ad ultimum portum, ut supra dictum est. Item, decem millia ducatorum pro tuitione civitatis, absente imperatore. Item, pro expensis duarum galearum in eundo Constantinopolim, per duos menses, quolibet vult quolibet mense mille ducatos, faciunt quatuor millia. Item, prædictæ duæ in veniendo de Constantinopoli cum imperatore, & duæ aliæ galeæ accipiendæ de Constantinopoli pro veniendo ad ultimum portum sunt quatuor galeæ, pro duobus mensibus faciunt VIII. millia ducatorum. Item, pro custodia civitatis duæ aliæ galeæ subtiles, per duos menses in eundo Constantinopolim sunt quatuor millia. Item, trecenti balistarii ituri cum prædictis duabus galeis, mansuri ad custodiam civitatis per duos menses, in eundo pro nautico & expensis ad minus duo millia ducatorum. Item, postquam istæ duæ galeæ subtiles, prædicti CCC. balistarii applicuerint Constantinopolim, ad minus oportebit eis solvere stipendium pro sex mensibus, expensæ galearum duarum pro sex mensibus, ascendant ad XII. millia, & CCC. balistariorum ad sex millia ducatorum. Item, infra XV. dies oportet mittere ad minus mille ducatos magistro Johanni de Ragusio & magistro Simoni stantibus Constantinopolim. Item, quia oportebit eos stare ibidem per annum, & postea venire de Constantinopoli usque ad concilium, & pro nuncio vel nunciis mittendis ad eos, uno per aquam, alio per terram ad significandam ratificationem hic faciendam. Item, postquam imperator erit in portu, oportebit, quod remittat prædictas galeas suas Constantinopolim: alioquin si oporteret illas in portu nostro stare, quamdiu imperator est in concilio, oportebit stare expensis nostris, & esset nobis valde grave; unde pro reditu ipsius pro duobus mensibus quatuor millia ducatorum. Item, pro ambassiatoribus mittendis pro conducendis galeis. Item, pro loco concilii. Item, pro procurandis salvis conductibus. Item, pro convocandis prælatis. Item, pro executionibus indulgentiarum. Item, pro Græcis qui stabunt hic. Item, pro multis extraordinariis duo millia ducatorum. Item, pro expensis domini imperatoris de portu ad locum ubi erit celebrandum concilium. Et quia adhuc incertum est locus, non possunt taxari adhuc huiusmodi expensæ; sed eo erunt majores vel minores, prout locus concilii distabit longe vel prope. Et si oporteat ad locum concilii venire per terram, oportebit habere septingentos equos, & poterit talis expensæ ascendere ad magnam summam. In summa sunt LXXI. millia.

*Sequuntur expensæ pro tempore quo manebunt Græci in Concilio.*

Considerata multiplicitate materiarum & arti-



ANNO  
CHRISTI  
1436.

articularum tractandorum inter nos & Græcos in concilio, & attentā diuturnitate schismatis; attento etiam, quod, ut dicitur, sunt prolixī in negotiis suis, & quod talia negotia oportet transire per interpretes, verisimiliter existimari potest, quod minus quam per annum in loco concilii non possunt manere: oportebit imperatori, patriarchæ & aliquibus principibus facere lautiores expensas, dare eis magnificas domos; etiam quod imperatori & suis nobilibus demus equos, & expensas pro ipsis, dum sunt in concilio, in totum sunt septem personæ. Item, oportebit eis aliqua donaria facere. Item, expensæ interpretum, unde pro visu eorum & pensionibus domorum erunt quolibet mense circiter V. millia ducatorum. Item, oportebit aliquos Græcos pauperes sustentare.

*Sequuntur expensæ pro reditu Imperatoris.*

Finito concilio, primo de loco concilii ad portum, & istæ sunt incertæ nunc, quia nescitur locus concilii: unde poterunt esse majores vel minores juxta distantiam, ut supra. Item, de portu ad Constantinopolim verisimiliter pro expensis septingentarum personarum erunt quindecim millia ducatorum, prout fuerunt in veniendo. Item, pro quatuor galeis grossis, duobus mensibus in conducendo usque ad Constantinopolim erunt octo millia. Item, pro reditu ipsarum quatuor galearum credo quod toridem. Item, illæ duæ galeæ subtiles & CCC. balistarii, de quibus dictum est supra, pro aliis sex mensibus usque ad annum pro custodia civitatis deberet habere XVIII. millia, prout habuerunt pro aliis sex mensibus. Item, pro duobus aliis mensibus ad minus quibus stabant ultra annum, ex quo imperator recedet de loco concilii usque Constantinopolim sunt sex millia. Summa in totum de certis CLXXXVI. millia ducatorum. Item, circa XII. millia vel XIV. millia, quæ mutata sunt per patres concilii & per mercatores usque nunc, summa summarum de certis ducatis CC. millia.

Restant expensæ illæ, quas facient septingentæ personæ veniendo de portu usque ad locum concilii, & redeundo de concilio usque ad portum finito concilio. Si oportet ire per terram, & longe usque ad locum concilii venire, pro eundo & redeundo cum septingentis equis, esset valde magna expensæ.

Quoad tertium unde invenientur; hic est diligenter cogitandum & laborandum & prætermittenda sunt omnia alia. Hic enim agitur de re, qua nulla forte est in ecclesia major. Si enim hoc concilium perfici potest, resultat infinita utilitas Christianitati. Unde laborandum est, ne per nos permaneat; alioquin, si per nos deficeret, primo maximum peccatum incurreremus omnes; deinde confunderemus ecclesiam nostram, necnon in perpetuum effemus fabula & opprobrium apud omnes gentes.

Timendum, est quod ex indulgentiis non colligatur mediocris istarum pecuniarum,

immo nec forte minor quota. Item, non colligetur in tempore. Cogitandum est de aliis modis. Aliqui dicant de decima universalis, sed alii timent quod unum impediatur aliud. Item, timendum, est quod non omnes obedient rebus sic factis inter nos & papam, attentā etiam paupertate beneficiorum; attento etiam quod clerus ubique est gravatus; & experientia nos docet, quanta difficultas extitit pro colligenda semidecima nuper imposita, quæ tam in paucis partibus collecta est, nec in illis integre: bonum & necessarium foret convenire simul, & per aliquot dies non cogitare nisi super hoc.

Item, circa indulgentiarum executionem, oportet adhibere majorem diligentiam, quod infra paucos dies, omnes qui sunt deputati ad sollicitandum recedent, & quod mittatur ad reges & principes, quia sine favore illorum modicus fiet fructus.

Quoad quartum de galeis duabus grossis, videlicet pro eundo, & duabus subtilibus pro manendo in Constantinopoli, & CCC. balistariis, quamdiu imperator erit extra Constantinopolim. Istas galeas de propinquo non video posse alibi reperire, quam apud Venetias, vel Januam, vel Florentiam. Possent etiam requiri istæ galeæ a domino rege Aragonum, & a domino duce Sabaudia, in Nicia, vel in Provincia. Essent aliqui infra X. dies ad plus mittendi ad ista loca, ut quærent has galeas, & similiter CCC. balistarios, ne sit aliquis defectus in tempore. Infra autem mensem martii oportet prædictas galeas recedere versus Constantinopolim. Hic videtur difficultas, quia nullus volit se obligare ad dandum dictas galeas, & fulcire eas, & facere præparatoria, & stare obligatus ad hoc, nisi habeat aliquam præstantiam vel sibi suffragium, &c. unde oportebit quod ille qui mittetur ad conducendum galeas, non vadat manibus vacuis.

Ad quintum, de magna copia episcoporum, oportet procul dubio adesse ad minus de nostris episcopis CL. vel saltem C. Si enim Græci numero episcoporum superarent nos, esset dedecus ecclesiæ legitimæ, præsertim cum in obedientia nostra celebraretur synodus. Item, quanto pauciores videbunt in concilio de nostris, tanto minorem extimationem facient de ecclesia Latina, & eo minus curabunt reduci ad nos. Isti Græci in conciliis universalibus non solent facere æstimationem nisi de episcopis. Oportebit nostros episcopos, qui ad concilium venerint, permanere continue per annum. Oportebit etiam quod a principio inceptionis sint ibidem; quia, mox ut Græci ad concilium applicabunt, incipient velle materiam istam tractare, nec esset honor noster, quod nos in domo nostra non effemus parati, & illi venientes de longinquis parati. Cogitandum est igitur an debeant vocari nominatim prædicti nostri episcopi & valentiores. Sed timendum est, quod dicant nominatim vocati: Quare nos debemus ire & stare extra domum tanto tempore expensis nostris? cur non vocantur & alii? vel cur non confluant? Item, forsitan nonnulli de vocatis vel impediti, vel alias, se excusabunt, & non venient. Unde forsitan tutius foret scribere archiepiscopis, quod

ANNO  
CHRISTI  
1436.

quod convocarent concilia provincialia, & ibi ordinarent quod saltem tertia pars episcoporum singularum provinciarum valentiorum & aptiorum eligerentur ad hoc expensis totius provinciae, & in dictis conciliis posset etiam provideri de aliquibus abbatibus, & etiam de magistris & doctoribus in societate praedictorum episcoporum, expensis provinciae, ut supra. In dictis enim provinciis melius cognoscerentur magistri & doctores apti ad hoc, quam hic in concilio. Item, attendendum est, quod in multis regionibus forsitan non obediunt archiepiscopi & episcopi litteris concilii mandantibus eos congregari & venire, nisi etiam requirantur per papam. Et in hoc adhibenda est non parva diligentia, & cum gravibus poenis. Eset enim magna confusio ecclesiae nostrae, si pauci episcopi ibidem adessent.

Quoad sextum & septimum de discussione articulorum, & etiam animadvertendum est, quod dicuntur esse circiter XL articuli, in quibus est discrepantia inter nos & Graecos. Sciendum est quod cum circiter quingentos annos hoc schisma duraverit, ipsi Graeci habent multos tractatus circa has materias. Sunt etiam sagaces & astuti viri, & in hac re debent verisimiliter esse multum certi. Debemus etiam reminisci, quod cum Bohemis nonnisi quatuor articuli fuerant disputati & nihilominus vero per annum ante articuli illi quatuor fuerunt hic quatuor magistris seu doctoribus distributi, & habitae sunt per annum hic publicae disputationes inter nos, & collationes continuae, ita quod materia fuit valde bene discussa; adeo quod adventibus Bohemis, nostri per Dei gratiam reperti sunt bene instructi & provisi. Sic & multo amplius agendum est nunc, unde jam sine ulteriori dilatione eligendi essent XX. magistri, quibus cuilibet distribuerentur duo articuli, injungendo eis, quod omnis omnibus aliis, studeant in illis, & visa per quemlibet materia sua infra duos menses ad plus, quilibet haberet unam hebdomadam, in qua publice vel saltem in praesentia majorum de concilio disputerent materiam, tenendo videlicet partem illam quam ecclesia tenet. Item, bonum foret mandare ex parte sacri concilii, quod quicumque hic in concilio haberet aliquos tractatus in hac materia Graecorum, produceret infra X. dies, & quod magistri convenirent, & examinerentur omnes, & illos qui viderentur utiles facerent scribi. Item, quia oportebit illos conducere, seu persuadere eis ex doctoribus eorum, expediret habere originalia, tam Graecorum quam Latinorum doctorum, qui per concilia ultima approbati sunt. Expediret etiam scribere oratoribus nostris, qui sunt Constantinopoli, ut facerent diligentiam in habendo originalia dictorum Graecorum, tractantium super his articulis, & ut possint illos emere, mitterentur eis pecunie; & si necesse esset, unus eorum iret ad Montem sanctum, ubi est magna copia librorum. Necesse est etiam habere non paucos interpretes de fide nostra, qui sint in litteris graecis bene periti. Quapropter providendum foret, ut tam in Italia, ubi sunt aliqui, quam de aliis partibus, advocaren-

Concilior. Supplem. Tom. IV.

tur hic, promissa eis competenti mercede. Et quia nemo bene interpretatur materiam, si terminos ignorat; quanto citius possent huc accedere, utilius foret, ut cum magistris, quibus materiae istae distribuendae sunt, saepe convenirent, & discerent & erudirentur super materiis illis, quas interpretati sunt. Expediret etiam scribere praedictis oratoribus nostris, ut quocumque in Graecia possent tales utraque lingua peritos reperire; conducerent ipsos, ut adessent in futuro concilio; & inter alios scriberetur domino archiepiscopo Colonien. Scribamus etiam universitatibus nostris, intimando eis quae concilium egit cum Graecis, et exhortabimur eos, ut eligant aliquos magistros de peritioribus, quos ad concilium mittant pro discussione hujus materiae, aut saltem quod non deficerent in adventu Graecorum, sed longe utilius quod ante venirent. Si hi domini qui sunt hic, habent notitiam aliquorum insignium magistrorum in partibus, bonum foret nominare illos, & eis scribere nominatim, quod venirent huc tempore Bohemorum. sic factum extitit, immo pauperibus & in magistris, qui venirent ad \* f. Theo. concilium, promissa fuerunt expensae trium logia. mensium spatii. Mandandum foret domino Cisterciensi, & abbati Cluniacensi, & aliis capitibus ordinum, ut ordinarent quatenus de ordinibus eorum in numero qui dominis deputatis videbitur competens, mitterent tunc temporis vel ante aliquos, tam abbates quam priores & insignes viros huic operi idoneos. Similiter mandandum foret generalibus quatuor ordinum Mendicantium. Efficacius fierent, si cum mandato concilii, concurrerent mandatum summi pontificis. Mandarent etiam eisdem generalibus, quod ipsi personaliter usque ad concilium venirent.

Circa octavum, de loco eligendo & nominando domino imperatori per oratores nostros ituros cum galeis juxta capitula & securitatem, & conventionem in victualibus, & de exercenda jurisdictione, supra dictum est. Graeci non obligantur venire, nisi ad unum de his quatuor locis, per nos eligendis, videlicet Italiam, Viennam in Austria, Budam in Hungaria, & Sabaudiam. Nos autem obligati sumus unum de praedictis locis eligere, & in tempore ad illum locum transferre concilium. Quapropter providendum est, ne deficiamus in praemissis. Si autem vel concilium vel alius quacumque de causa oportet concilium fieri hic, vel in alio loco a nominatis, non prohibetur quominus hoc procuret, sed taliter, ut non committatur negligentia in eo; ad quod concilium tam solemniter se obligavit. Et quamquam sacrum concilium diligenter laboraverit per oratores suos, ut traheret Graecos ad hanc civitatem vel ad loca vicina, & hic verisimiliter non sit quod trahi possunt. Nihilominus si vult ulterius instare instet in nomine Domini, sed non propterea negligat, quominus interim perquiri faciant, vel examinari unum de praedictis quatuor locis, ut si dominus imperator nolit huc, vel ad proximiora loca venire, habeamus unum de praedictis locis paratum, quem possumus per galeas



ANNO  
CHRISTI  
1436.

leas nominare, juxta compundata. Et sciendum, ut supradictum est, quod per totum mensem Martii oportet esse paratas galeas, & trecentos balistarios, & ambasciatores nostros, & habere in promptu circa LXXI. millia ducatorum, quia oportet per totum mensem Maii esse ibidem. Unde non computato isto mense, qui verisimiliter transibit antequam incipiamus exsequi, non habemus nisi decem menses, in quibus prædicta oportet esse parata. Item, computando tempus quo se parabunt de equis & aliis necessariis, & tempus quo ibunt usque ad portum, & antequam intrent galeas, forte erunt duo menses, vel ad minus faciendo exactam diligentiam, erit mensis cum dimidio, & sic restant octo menses vel octo cum dimidio. Item, ad minus oportet per duos menses ante habere certitudinem tam de loco quam de pecuniis, quam de galeis, ut aliis, ut si forte una via nobis desit, possimus aliam querere, & sic remanent sex menses, infra quos debemus certi (esse) de his omnibus.

Sciendum autem, quod secundum dictamen providentiæ, quæ considerat, quidquid potest contingere, ad minus deberet poni unus mensis vel plus inter impedimenta & casus fortuitos, & etiam negligentiam, quæ utinam non sit major quam expediat. Et sic vix habemus sex menses, infra quos oportet habere certitudinem de his. Considerandum, etiam est tempus antequam eligantur personæ ad accedendum ad prædicta quatuor loca. Item, postquam electæ fuerint, antequam parent se; item, antequam applicent ad dicta loca. Item, tempus infra quod cum civitate vel domino civitatis conveniant de securitate, de conventionibus domorum & victualium, de mutuo pecuniarum, & aliis requiritis. Item, tempus infra quod huc revertentur omnes qui iverint ad videndum dicta quatuor loca, & si aliqui volunt quod etiam alia loca perquirantur, fiat, ut dictum est.

Primo ergo concipiatur forma secundum quam nos volumus habere securitatem in loco concilii pro nobis & pro Græcis, & oportet quod sit bene ampla propter multas causas, & quod de negotiis & personis concilii nullus possit se intromittere, nisi concilium, & quod dicta civitas in omnibus pertinentibus ad negotia & personas concilii parebunt ordinationibus & mandatis concilii. Similiter de personis laicalibus sequentibus concilium. Item, convenient de pensionibus domorum & preliis victualium, prout duo, aut tres de civitate & totidem de concilio arbitrati fuerint. Item, de mutuo alicujus notabilis summe pecuniarum pro isto principio, videlicet L. millia ducatorum vel plus, & hoc est nobis super omnia necessarium: ideo opus est cito mittere ad dicta loca, & videre quis magis nobis offeret. Item erit opus habere spem, quod si tempore, quo Græci erunt in concilio, indigebimus aliquando de quinque millibus vel de decem millibus, si poterunt nobis mutare. Sed in hoc statit difficultas, quia si quis offerret mutuum, vellet habere cautionem certam de restitutione facienda: nescio an vellet stare promissioni totius concilii,

vel vellet habere certas idoneas personas, quæ fidejubeant. Erit difficile reperire tales fidejussores. Eligatur autem aliqui sine mora qui vadat ad Sabaudiam, alius vel alii, ad duo vel tria loca Italie; alius ad Viennam, alius ad Budam, vel ad alia loca, ac a dominio civitatum insit conditionaliter, videlicet in casu, quo sacrum concilium usque annum vel XIV. menses vellet se transferre illuc, quid vellet facere super prædictis, & præsertim de mutuo faciendo certitudinaliter infra VII. vel VIII. menses. Ne autem vagemur sub incerto, illi qui mittentur ad talia procuranda, reportent voluntatem dominorum vel civitatum prædictarum, scriptam in forma authentica & sub sigillis eorum. Imminet enim nobis magnum discrimen ne deficiamus in præmissis. Item, etiam nos ad statum \* sciamus a conspectu Basileensi, & etiam Constantiensi & Argentinensi, & habeamus certitudinem per sigilla ipsorum, quid volunt facere nobiscum super prædicto mutuo, tam pro isto principio, quam post adventum Græcorum, & si volunt aliquas domos dare nobis gratis pro gratis.

Quoad nonum & salvos conductus dominorum, per quorum territoria sunt venturi & redituri Græci, videtur quod ad cautelam incontinenti debeant procurari dicti salvi conductus ab omnibus, videlicet in Alemania ab imperatore, a ducibus Austrie, a dominis & civitatibus, per quas venit Constantiam, Argentinam, & Basileam. Item, pro Sabaudia a domino duce Sabaudie & marchione Montisferrati. Item, a domino rege Renato, si forte transirent per provinciam Provincie. Item, pro Italia a papa, a domino duce Mediolanensi. Oportet etiam habere salvum conductum a rege Aragonum, & a Januensibus, ac domino Venetorum, & similiter mittere per galeas infra decem menses; mittere etiam cum illis salvis conductibus oportebit etiam salvum conductum civitatis, ubi celebrandum est concilium. Item, salvum conductum concilii.

DSequuntur ea, quæ facere possunt ad plenam concordiam inter sacrum concilium & papam. Et primo ea quæ facienda erunt ex parte papæ.

In primis sanctitas domini nostri papæ dabit bullas suas in forma advsanda, de observatione decretorum, de electionibus & annatis, & aliorum sine fraude & dolo. Item, dabit bullas suas de concessione indulgentiarum in forma debita pro materia Græcorum, & cum illis scribet regibus & principibus & communicatibus ad effectum promovendi factum reductionis Græcorum. Item, in posterum idem dominus noster post sententias datas sive in materia fidei, sive in aliis conciliariter, terminum in curia sua non admittat. Item, quantum ad attempta contra aliqua supposita concilii, dabit bullam suam reverendissimis patribus & dominis, legato cardinali S. Angeli & cardinali S. Petri, cum potestate prædicandi plenam concordiam per translationes seu pensiones & aliis modis quibuscumque. Item, idem sanctissimus dominus noster vocabit prælatos & doctores, ut

ANNO  
CHRISTI  
1436.

f. statim.

ANNO  
CHRISTI  
1436.

ut conveniant ad concilium pro dicta materia Græcorum. Item, quod in eventum quod sacrum concilium ad subsidium ponendum in ecclesia pro dicta reductione Græcorum, ut reservationem quotæ fructuum omnium beneficiorum, vel beneficiorum vacaturorum, vel decimarum & similia, quod sanctitas sua auctoritate sedis apostolicæ idem subsidium imponet per bullas suas. Item, quod de consensu & beneplacito papæ concilium persistat in isto loco Basileensi usque ad terminum assignatum in decreto, nec aliquo modo transferetur ad locum eligendum ante dictum tempus, nisi ex causa legitima & beneplacito sacri concilii. Item, in casu quod sacrum concilium consentiret in alium, in quem concordaret cum sanctissimo domino nostro, quod papa dabit bullas suas de securitate personarum & suppositorum concilii. Item, de non immutatione aut variatione quacunque decretorum in sacro concilio Basileensi, & pro securitate amplius consentiet per litteras suas concilium futurum esse solum ad materiam reductionis Græcorum & pertinentium ad illam, & non ad aliud, nisi de beneplacito patrum concilii. Item, casu quod eligeretur locus in terris papæ, ipsæ papa dabit civitatem & oppida in ea, vel proxima in manibus concilii & deputandorum per eum. Item, de cautione omnium prædictorum dabit prædictas bullas suas sacro concilio; & nihilominus ultra illas dabit imperatori, regibus Franciæ & Castellæ easdem bullas. Item, in eventum quod eligeretur locus in concordia cum papa, papa dabit seu præstabit infra sex menses summam LX. milium ducatorum. Item, provideat papa de quatuor galeis, & mandet pro interpretibus.

*Ea que adimplenda forent pro parte concilii.*

Primo, sacrum concilium infra festum S. Johannis, vel alium terminum sic advisabiliter concludetur, & decretabit, & approbabit faciet per singulas deputaciones & nationes in concilio Basileensi existentes, provisionem rationabilem & effectivalem juxta avilamentum domini legati vel aliud opportunum. Item, in casu quod papa complebit supradicta capitula, sacrum concilium intendit efficaciter his propter quæ est congregatum, seque exonerabit, neque se intromittere de his quæ administrari solent per papam, tam in poenitentiaria, quam alias. Item, in casu prædicto quod concilium sit contentum, tam pecuniæ levandæ per indulgentias, quam alias ante omnia obligationes dicti concilii adimplendæ veniant in manus papæ. Item, ob contemplationem dicti sanctissimi domini nostri, & in casu adimplentionis omnium prædictorum capitulorum, & quod Græci non erunt contenti venire ad locum Basileæ, concilium sit contentum recipere locum, quem nominabit sua sanctitas in Italia vel extra Italiam contentum. Item, per alium modum erit concilium contentum recipere locum quem nominabunt reverendissimus legatus, & dominus Arclatenfis, & in casu quod prædicti non essent conciliorum. Supplem. Tom. IV.

cordes, quem nominabit rex Franciæ. Item, quod sacrum concilium faciet omnem assensum summo pontifici pro recuperatione libertatum ecclesiæ Romanæ & aliorum, tam in temporalibus quam in spiritualibus, & communiter intendent ad regimen populi Christiani, & bonum religionis Christianæ. Item, in eventum concordie, quod duo domini cardinales sanctæ Crucis & S. Petri ad Vincula transferent se ad papam, aut alter ipsorum, ad prædicandum supradicta, duobus tamen dominis præsentibus remanentibus in concilio & frequentantibus actus concilii sicut prius. Item, si expediret, mittatur una ambasciata concilii ad papam, ad istum solum actum concordie procurandæ.

MONITIO AD REGES

& principes &c.

Sacro sancta generalis synodus, &c. Salvator noster Jesus Christus per suam ineffabilem deitatem, nobis, qui ecclesiam sanctam, cujus caput existit, repræsentamus, gratiam impetravit, per quam conatus nostri ad delendas hæreses & pacem in Christiano populo faciendam feliciter processerunt. Nam cum annis jam quatuor confederimus ad diluendam Bohemicam pestem, quæ tam grandem exitum peperit, tantamque flammam evomit, ut non potentissimi exercitus & qualescunque bellorum æstus, non serenissimi Sigismundi imperatoris & aliorum ducum & principum illustrium, totius immo Germaniæ vires, non summa apostolicæ sedis diligentia illam extinguere potuerint; adeo profecimus orationibus & lucubrationibus nostris, ut mox ad ecclesiasticam unitatem Bohemos redituros esse teneamus. Jam enim pridem Pragæ cum oratoribus synodi hujus firmata novissime in eorum generali congregatione se impleverunt, & leges ac ritus ecclesiasticos juxta concordie metas suscepturos, condixerunt. Legimus per sacratissimas generales synodos sæpe hæreses condemnatas, sed ad usque eradicarentur, tanto maximo tempore excessisse non novimus, nempe bellicosa gens illa & plena victoriis, adeo nos compescuerat & oppresserat, & jam per Hungariam aliasque partes remotas alas iniquitatis extenderat, ut si infectis omnibus, hæc sancta congregatio abiisset, omnem Germaniam & pleraque alias partes armis subduci oportuisset, crevissetque errores in fide & novi ritus omnem religionis ordinem subvertissent.

Gaudeat ergo Christianus populus, cui misertus est Deus, dum effrata corda placavit, & aspera consilia mitia facta sunt, dumque conculcavit impios, & restrinxit superbiam malignantium, contemplerur itaque mirabilia Dei, & veneremur opera ejus. Nonne stupendum est dum solum orationibus atque monitis, nobis illorum obtusas antea aures vindicavimus, dumque pridem abhorrentes ecclesiasticas doctrinas, catholicorumque commercia fugientes, a nobis magna cum modestia scripturarum testimonia auscultarunt, posteaque eorum con-

ANNO  
CHRISTI  
1436.

Ibid.



ANNO  
CHRISTI  
1436.

futatis erroribus, veritatis sunt lumen com-  
plexi. Denique & memorare juvat, quid  
ad pacem Christianorum principum procu-  
randam egerit sacratissimus ille cœtus. Spi-  
ritus Sancti dona omnes intelligant. Non  
enim divina beneficia tacenda, sed litteris  
conferenda, & semper in omni memoria  
retinenda sunt. Vigilavit siquidem hæc san-  
cta synodus modis omnibus, immo curis  
& studiis insudavit, ut opulentissima Gal-  
liæ tum diuturno bello vexatæ pace opti-  
ma lætarentur, proinde Christianissimum  
Carolus Franciæ & serenissimum Angliæ  
reges, illustrissimumque Burgundiæ ducem  
nunc solemnibus legatis, nunc litteris sepe  
pulsavit, ut pacem, quam Christus Salva-  
tor noster in signum perfectissimæ caritatis  
reliquit apostolis, quo exemplo & princi-  
pes terræ suis subditis relinquere obligavit,  
eorundem principum pietas concedere non  
differret, dum a modo afflictis attritisque  
populis non modo utilis, sed pernecessaria  
videretur; jamque eo res perducta esset, ut  
non de regnis contentio foret, si illa rui-  
næ penitus subducere oporteret. Valuerunt  
itaque hujusmodi concilia, & nostra, im-  
mo Spiritus sancti monita impleta sunt. Jam  
enim Deo gratias agimus immortal.

Attributi per hujus beatissimi cœtus in-  
tercessionem inter Gallorum principes fir-  
matam pacem videmus, qua Gallias orna-  
tissimas ad frugem & vires pristinas redi-  
tissimas esse speramus. Germania etiam, quæ  
pridem undique bellis agitabatur, & dis-  
cordiis plena erat, nunc assiduis nostris va-  
cavit studiis, dummodo nunquam hæc  
sancta synodus nunciis litterarum & aliis  
remediis vacavit, quoad odiorum flamma  
cessarent, optima quiete potitur. Telles si-  
quidem tunc potentissimi duces Bavarie,  
inter se simularibus collidentes, Austriæ  
etiam principes, nec non Treverenses con-  
tendentes ecclesiæ, & Maguntini, Magde-  
burgenses, Bambergenses, Herbipolensis,  
cum quibus ad quorum discordias sedandas  
omnimodam diligentiam posuimus. Neque  
sic minus Italia testis, dum pridem armis  
tota nutabat. Nam partium exercitibus, ad  
belli flammam properantibus, mediis reve-  
rendissimorum S. Crucis & S. Petri ad Vin-  
cula S. R. E. cardinalium, per hanc syno-  
dum pro componenda pace destinatorum,  
concordia facta extitit. Unde & terræ Ro-  
manæ ecclesiæ alias undique vexatæ quies-  
cunt, & Bononia aliæque plures civitates  
& oppida in ditionem ejusdem Romanæ ec-  
clesiæ reverfa sunt. Denique & Poloni Pra-  
tenive testimonium conferant, ad quorum  
partes ad antiquas discordias terminandas  
bis legatos direximus. Unde, Deo propi-  
tio, cessant bellicosi conatus, & injuriarum  
aculei non paventur. Hæc autem recen-  
se volumus, dilecte fili, ut noscas nobiscum  
esse Spiritum sanctum, & nos ejus nomine  
cuncta facere, proinde victoriam expectare  
posse nostrorum operum. Urque detractorem  
ora claudantur, qui pollutis sermonibus coin-  
quicare satagunt veritatem; auscultet, ob-  
secramus, & amplius tua pietas, an præter  
hæc segnes & socordes fuerimus in refor-  
mationem ecclesiæ sanctæ Dei, & quod no-

Locus tur-  
batus.

stris imminet conciliis, quidve opus est, ut  
non corruat templum Dei, intelliges. Vi-  
dit hæc sancta synodus nihil melius atque  
præstantius ad solidandum populi Christiani  
salutem, & reprimendos Romanorum pon-  
tificum aliorumque abusus, qui diuturno tem-  
pore sacerdotium denigrant, quam ut ge-  
nerales synodi frequententur. Per eas enim  
sunt jactata fidei catholice fundamenta, sub-  
motæ hæreses, innumeraque flagitia expiata,  
ritusve ecclesiastici inventi sunt. Quamobrem  
Constantiensis concilium . . . . . sa-  
luberrime providit deinceps de decennio in  
decennium concilia generalia, statutus etiam  
temporibus provincialia tenenda esse, mul-  
tis opportune adjectis, quæ accommoda ju-  
dicantur, ut per illa ab omni forde atque  
pressura liberari possit ecclesiæ, tantique fu-  
turi hæc sanctio occurrat periculis, ut hoc  
solo non frustra pro reformatione convenisse  
cœtum hunc valeat æstimari. Postea vero  
alia duo edidimus sanctissima decreta, de ele-  
ctionibus scilicet & annatis, quorum unum  
ad relevandas ecclesias in moribus ac disci-  
plinis, alterum in opulentis necessariis sup-  
peditare videtur. Experti sumus diuturnis  
temporibus in tantum Romanos pontifices  
eorum voluptatibus inhæsisse, ut non im-  
becillitatem ætatis, non imperitiæ pericu-  
lum, non talium sordem, non lasciviam  
quamquam veriti sunt: sed pro eorum arbi-  
trio personas erexerunt, & agrum domini-  
cum palmitibus infructuosius propagarunt; &  
quod gravius exiit, inde symoniaca labe  
adeo avaritiæ subministrasse cernitur; ut  
non facile eradicare possumus. Neque mi-  
nus intelligere fas est, quam ecclesiis jactu-  
ram, immo ruinam congesterint apostolici  
æarii tributa, annatæ appellata. Ex illis  
profecto venundata ecclesiastica prædia &  
pretiosa mobilia, contracta etiam voracissi-  
ma fenora; propter illa ædificia collapsa,  
divinaque miciliteria diminuta undique vide-  
ri potest. Vidimus ecclesiam sanctam, quam  
Deus liberam esse voluit, tributariam effe-  
ctam. Sed o urinam in piis erogationibus  
ea onera destruxissent! quin immo hospitali-  
tibus pauperumve elemosynis, ecclesia-  
rum foundationibus, reparationibus, & ad  
populorum quietem procurandam dicata, in  
bellorum voragine, affectum, largitionum  
arcumque inutili fabrica exposita vidimus.  
An hæc talia sunt, ut ea conniventibus ocu-  
lis transire debeamus? At qui pro his fun-  
ditus evertendis leges . . . . . insurgunt, vo-  
ces hominum conclamant, mores disciplinæ  
que vigent. Pro his insuper, etsi alia non  
instarent incommoda reipublicæ, congrega-  
ri synodus decuisset. Non abs re igitur sa-  
cratissimus ille cœtus, sacerdotio, immo toti  
Christianæ religioni compatiens, tales abu-  
sus diluere extirpareque voluit. Sed ecce  
dominus Eugenius papa IV. modernus, ejus  
quamquam studium esse deberet, ut tam op-  
portune ordinata effectui mandarentur, illa  
impedit irritaque facere studet. Nam & ab  
iporum exordio in præsentem usque diem,  
spretis electionibus, immo ne fieri possent,  
reservationibus utendo consuetis, ecclesiis  
cathedralibus monasterisque providit, & alio-  
rum electivorum beneficiorum collationes  
pro

ANNO  
CHRISTI  
1436.

pro suo arbitrio fecit: res penitus inaudita. Non legimus enim ex Romanis pontificibus quemquam sacrae synodi leges eo pacto irritas fecisse, contentuique habuisse: quin immo omnes maxima illas veneratione coluisse patet. Neque aliquis est sacrorum conciliorum canon, quem hodiernis temporibus ecclesia non recipiat, præter eos quos aut ipsa ecclesia, temporum spectata conditione, vel sedes apostolica iustis innixa causis temperaverit. Profecto gravius nihil esse in republica potest, quam proprio sensui inhere legesque evertere, quarum usus tranquillitatem parit, iustitiam sustinet, & religionis maximum robur existit. Unde & B. Gregorius inquit: nimis est asperum & præcipue bonis sacerdotum moribus & iuri inimicum, quæpiam quæcumque rationis executione, quæ bene sunt ordinata rescindere; & exemplo docere sua quandoque posse decreta dissolveri. Nihil aliud autem domini Eugenii papæ conatus efficiunt, nisi ut supremum tribunal immobileque ecclesie universalis refugium in dubium ponat, & cunctos fideles erroribus execrabilibus involvat. Pridem hanc sanctam synodum, immo totam ecclesiam, sua præterita dissolutione ejusdem duobus annis fatigavit. Nunc violatis sanctionibus nostris pro universali salute editis, iterum duobus annis inextricabiles alias difficultates ingessit, quasi pontificatus sui præcipua cura fuerit, ut vel hoc concilium non existeret, vel vires aliquas non haberet. Jam quarta decima laborat legatio per nos ad eum destinata, quo suum animum modestiæ limitibus temperare velit, & quod sui prædecessores pie egerunt, ante oculos habere deberet. Intendimus autem non amplius tantam injuriam noxamque universali illatam ecclesie tolerare, & post multam ac multam & iterum multam adhibitam mansuetudinem, juxta sanctorum instituta patrum & sacrorum conciliorum imitationem, severitatem exercere; ne si hujusmodi sustineremus errores, approbare videremur, atque futurorum conciliorum læderetur enormiter auctoritas. Memores enim sumus sententiæ Augustini inquisitis: Si ea de quibus Deus vehementer offenditur, insequi vel ulcisci differimus, ad irascendum utique divinitatis passionem provocamus. Non enim Christus ut ecclesiam contemneret, sed ut ædificaret, in ea Petrum suum successorem constituit. Qui ergo non ædificat, sed pro voluntatis libito administrat, sese extra ecclesiam ponit, & pastoris officium dimittit, juxta Gregorii sententiam in homeliis suis inquisientis: Ipse ligandi atque solvendi potestate se privat, qui hanc pro suis voluntatibus & non subditorum moribus exercet. Nunc ergo ad tuam celsitudinem sermonem nostrum convertimus. Dum enim tuam pietatem horum reddere volumus certiore, ut illam in tempore exerceas opportuno cunctis obsecramus affectibus. Memento siquidem quoniam omnis potestas a Deo est, & quæ a Deo beneficia conceduntur, ad ipsum utique referenda sunt. Memineris, quæsumus, nullum esse majus bonum quam quod universo cœtui impenditur, & illud esse præstantius ac beatius sacrificium, quo plebs cuncta depa-

scitur. Adit potentia tua in tempore opportuno, ut benedictionem recipias ab operum tuorum (meritis). Adhibe tecum consilia Deum timentium, ut segreges ab auribus tuis qui seminant zizantias. Non querit hæc sancta synodus thesauros terræ, non scabellum inhiantium potestates; sed leges sanctissimas & sanctos mores efflagitat observari. Sint igitur oculi tui inter luminaria terræ, neque irriterentur tormentis malitiæ, ut sic sancta Dei ecclesia tuis & aliorum principum suffragiis ab instantibus procellis valeat liberari.

## PROPOSITIO DOMINI JO.

abbatis de Buxato oratoris domini  
duci Britannie.

Majores mei potioresque legationis hujus, qua nunc fungimur, ad clariora futuris diebus sese reservantes, hunc mihi quoque immerito dedere sermonem. Sed quis sum ego, latitans sub modio, ingenio nullus, alii poque pectore frigans, ut tenebras meas etiam occiduas hic ante subar mundi, cardines orbis, lucernaque militantis ecclesie supra candelabra positas, indigne coner ostendere? Melius tibi fuisset, indolisime claustralis, intra domesticos parietes noxas flevisse proprias, quam tam hic tantis coram dignissimis conspectibus ingessere barbariem. Obedientia tamen tractus & illectus, confususque in eo, qui mutorum fauces referat, balbutientium quoque linguas facit disertas, sperans insuper quod vos, clarissimi patres, dabitis veniam, aggrediar propositum. Quod si stilus vestris delicatis auribus aliquid sonare durius solito videatur, parcite, quæso, claustrali, numquam Tulliano fonte delibuto. Inter enim cotidianas delicias cibi grossiores nonnumquam capiuntur, ut dum inter edendum velut pro fastidio degustantur, ad subtiliores epulas redeatur avidius. Venisti, creator Spiritus, mentesque replesti firmitate tuorum, ut in hac urbe clarissima tuas oves gregemque tuum sanctissimum, desolationes sanctæ matris ecclesie consolando, stabilires. Non animalis homo, non qui terrena sapiunt hanc dedere constantiam; sed Altissimus qui renes scrutatur & corda, hoc inspiravit, hoc inchoavit, & conclusit feliciter. Non rerum prolixitas gerendarum, non concordia mentium, non denique dilationes temporum potuerunt vos ab incœptis divellere. Hoc Spiritus altus, hoc sacra fides, hoc sanctum reformationis ecclesie propositum condonarunt. Quamobrem quod stipiti rami, quod radii soli, quod fonti rivuli, hoc tibi, sacratissima synode, debent omnes principes & prælati, quos ubique terrarum religio Christiana solidavit. Qua in re dominus Joannes illustrissimus dux Britonum, clarus fide, religionis cultor, sectator æqui, conversatione cælestis, quamquam peregrinetur, ingenio fulgens, fervens affectu, mulcebris eloquio, cujus innocentiam fraternus zelus non infecit, cujus modestiam blanda prosperitas non illexit, cujus constantiam fortunæ ferocitas non confregit. Hæc, inquam



ANNO  
CHRISTI  
1436.

1275

BASILEENSE G. CONCILIUM.

1276

ANNO  
CHRISTI  
1436.

quam, considerans suos hic cum ecclesia sua Britannica nunc mittit ambassiatores ad assistendum huic sacratissimo cœtui, ejusque censuras audiendum. Secundo ad se fortunas quoque suas eidem liberaliter offerendum, demum ad ejus decreta pacifica ordinationesque sanctissimas suscipiendum devotissime & opere complendum. Qui citius præfatos inibi misisset ambassiatores, nisi carissima necnon clarissima suæ sponse lugubris supervenisset interitus, & nisi variamaris tellurisq; obstitissent incommoda. Qui quidem princeps cunctis aspirabat votis, si Deus & fortuna dedissent, hic præfentialiter assistere.

Exactis igitur taliter qualiter his ambagibus morem servando canonicum, a sanctis seu sacris litteris exordia sumendo, illud Matth. 24. pro fundamento præmittam, videlicet: *Ubi cumque fuerit corpus, ibi congregabuntur & aquilæ.* Corpus Christi mysticum adinstar naturalis aut humani conflatum designatur. Constat quidem quod corpus humanum variis ex membris diversa ad officia pertinentibus est constitutum, sic quod si uno careret membro, jam non completum aut perfectum, sed potius defectuosum aut orbatum vacaret; contra vero, si cuncta sua membra complexa locis suis & ordinibus possideat, completum illico videbitur & perfectum. Et ubicumque fuerit corpus, ibi erunt & ejus membra connexa naturali complexa, quæ illud componant pariter & compleant. Sic mysticum corpus ecclesiæ diversis ex membris fidelibus est a Christo suo capite constitutum. Quidam enim sunt oculi, quidam pedes, quidam manus & brachia, & universi ad edificationem instituti. Et ubicumque fuerit corpus ecclesiæ, ibi erunt & ejus membra, cum nexibus Spiritus sancti sint conjuncta. Cum vero per aquilas propter limpiditatem visus fumentur hujus mystici corporis oculi recti scilicet: ubicumque igitur fuerit corpus, ibi congregabuntur & aquilæ. In hac gloriosissima synodo ejus palam ostenditur integritas, quamquam non singula supposita, sed ibi potiora convenerint. Ubi enim duo vel tres convenerint vel congregati fuerint in nomine meo, in medio eorum sum, dicit Dominus. Vos, patres præstantissimi, hujus mystici corporis instar aquilarum fulgentium, estis oculi, principes manus & brachia, plebs quoque solutenus calcata pedum vices obtinet. Igitur quod debent oculi corpori, præsent, præbeant & brachia, pedesque ad idem suo sustentent solatio. Si enim oculi cuncta suo lustrarent officio, nihilque manus efficerent & brachia, non tuta certe, maneret, nec diu corporis compago; quod si denique dirigerent oculi, manusque protegerent, & pedum planta non tangere-tur pavimento, manus directio vanaque protectio videretur. Igitur in unum offerendo conveniant hæc præcipua corporis membra, ut corpus sanent, sanatum dirigant, directum protegant, protectum quoque in prosperitate sustentent. Languet mater ecclesiæ, languet corpus, languent membra, & si verbis utar Virgilianis, *Ubique luctus, abique timor, & plurima mortis imago.* Ad

vos jugiter clamando, suas vobis exponit angustias, & in remedium sui doloris postulat filiales affectus. Quia igitur filii estis & oculi, dolores maternos excipite, & juxta Isaiam, *tristitiam cum Jerusalem & dolete cum ea omnes qui diligitis eam.* Ubi enim publica jactura est & commune dispendium, sicut dolor in universitatem se porrigit, ita omnium consilium captandum est & auxilium. Ad tanta languoris juvamina vos totus instituit orbis. Igitur, clarissimi patres, componatis emplastra, pharmacias detis, si opus est. Scindite membra, diartas imponite, & quæque relevamina hujus mystici corporis opere complete. Si ad mentem nascentis ecclesiæ reducantur exordia, sicut inter credentes erat unitas in fide, spiritu & baptismo; sicut facultatibus contributis unum erat omnibus votum pauperum sublevare miseras, cunctorum quoque necessitates tamquam proprias reputare. Una siquidem & indivisa est tunica, nec unquam passa est divortium spona Christi, nec pellicis alienæ quandoque sustinuit compagine injurias. Quamquam enim plures sunt ecclesiæ hinc inde per orbem diffuse, sic tamen una corpori junguntur, ut sicut unius membri læsione membra corporis omnia quodam compassionis participio molestantur; sic unus fidelis desolatio in communem corporis mystici gemitum deduci necesse est. Igitur clarissimi patres, quia ejus rectores estis & oculi, discretas consolendo pellite, quidquid ad intermissionem ductum est, & toxica nocumenta possitenuis pellite. Sic uti membra vitalia sacro corpori jungimini. Sic aquilino more cuncta clare videbitis, tractabitis, sanabitisque commorosa, & sic ubicumque fuerit corpus ibi congregabuntur & aquilæ. Sane ut materiales oculi ad defectus corporis morbosque pellendos fument efficaciam, prius a lavis terrenisque debent expiari pulveribus, sic aquilæ mysticæ & oculi militantis ecclesiæ, ut clarius videant, sariisque ferant opem, prius a vitiorum maculis sum-mopere sunt purgandi. Sicut enim ceteros præcellunt status dignitate, sic quoque morum sanctitate præminere debent. Nam, ut beatus ait Gregorius, moribus & vita debet esse conspicuus, qui ceteris præponitur imitandus. Audi canticum minus, sed salubre, inquit devotissimus Bernardus ad Eugenium, monstruosa res est, gradus summus & animus infimus, sedes prima & vita ima, lingua magniloqua & manus oriosa, sermo multus & fructus nullus. Ob hæc Constantinus Helenæ filie regis Britonum matri suæ, nonnulla sibi demandanti, sic legitur scripsisse: Quanto, inquit, altiore gradum inter homines tenemus, tanto omnium patrum aspectibus; omnium itaque mortalium oculi, omnia judicia, omnium quoque vota nostros actus considerant. Scopulus enim de monte corruens, multos sibi subiectos trahit lapides in ruinam. Sic cum speculatores oculi, mystici corporis labuntur in delicta, exemplo suo multos trahunt ad interitum. Pastor, inquit Gregorius, cum per abrupta vitiorum graditur, necesse est ut ad precipitium grex inde trahatur; quia enim in alto sunt positi, debent pro se ceterisque non im-

immerito vereri ruina. Considero gradum, inquit devotissimus Bernardus, & timeo casum; fastigia dignitatis attendo, & e vicino periculum formido. Pensandum enim est, quod quanto gradus altior, tanto casus gravior. Jam non ad culmen rerum, inquit Martialis Capella, injustos crevisse queror: tolluntur in altum ut lapsu graviore ruant. Sic Occosias per cancellos oraculi quos fecerat in Samaria cecidit & mortuus est, 4. Reg. 1. A vitiorum igitur maculis mystici mudentur. oculi, lumineque divino perfundantur. Et sic corpori debitum præstabit, eidemque jungentur sanctissime. Igitur, *ubicumque fuerit corpus, ibi congregabuntur & aquila.*

Amplius, humano corpore senescente, oculos videmus illico pati caliginem. Sic certe vergente mundi vespere, oculos Christi mysticos a pristini status perfectione plus quam laicos cecidisse comperimus. Ob hoc status militantis ecclesiæ per statum, quam legimus Nabuchodonosor somniasse, congrue figurari possit; ejus nempe caput ex auro, pectus & brachia ex argento, ex ære venter & femora, pedum vero pars ferrea, quædam altera quoque fæstilis videbatur. Olim enim corpus Christi mysticum in primis rectoribus fuit per sapientiam aureum, argenteum per vitæ meritum & munditiam, sonorum quoque & æneum per clarum eloquentiam. Hæc enim tria fulgor sapientiæ, mandicia vitæ, eloquentiæque clara sonitas rectoribus ecclesiæ necessaria dinoctantur. Sed pedum, hoc est ultimorum rectorum, modernorum loquar, pars quædam ferrea est per cordis duritiam, altera quoque fæstilis per carnis lasciviam. Cum enim quidam bonæ memoriæ Senonensium antistes quondam cœnobium adiisset Clarevallensium, ut quemdam hujus loci visitaret conversum, qui raptus divinas nonnunquam patiebatur extases, cum secum loqueretur, postulo, inquit, ut mihi visionem aliquam enarres. Vidi, inquit conversus, nuper dominam quandam vultu speciosissimam, auro gemmisque decoratam, dixitque mihi stupenti & ejus ornatum ac vultus pulchritudinem admiranti: Quænam sum ego? Cui respondi: Mihi videris B. Dei genitrix virgo. At illa. Terga mea respicias. Cumque dorsum ejus respicerem, putridam eam comperi, vermibusque scatulentem. Nunc, inquit, pendere potes, non esse me Virginem gloriosam. Non enim sum Virgo Maria, sed mater ecclesiæ, quæ in anteriori mei parte in apollolis, martyribus scilicet & confessoribus sui pulcherrima, decentissimeque ornata: sed in dorso, hoc est ultimo tempore, ut in modernis rectoribus, sum putrida, variisque respersa foetoribus, & sic argentum meum versum est in scoria. Isaia 1.

Apud Valerium lib. 8. cum omnes optarent mortem Dionysii, tamquam tyranni crudelissimi, quædam mulier ætatis provectissimæ debebat Syraculis, quæ sola quotidie matutino tempore, ut Dionysius viveret, devotissime exorabat; quod ut Dionysius tantam mulieris erga se benevolentiam agnovit, ad se protinus advocavit, & quare

hoc, vel quo suo merito hoc faceret inquisivit. Cum essem inquit, puella, tyrannum crudelem habebamus, eoque carere multum optabamus, quo defuncto crudelior ei successit: cujus etiam mors nobis amplius quam prioris in desiderio fuit; postremo tertium superioribus importuniorem coepimus habere rectorem. Sic igitur, si tu nobis fueris per mortem sublatu, succedet alius omnium nequissimus. Idcirco consuevi deos quotidie pro tua longitudine & longanimitate rogare. Hoc peracto, si quis priora tempora modernaque consideret, prohi dolor! incedit ecclesiæ; olim enim faciem suam velabat Moyles, cum propter vultus ejus gloriam in eum filii Israel intendere non poterant, nunc vero noster Moyles, sacerdotes loquor moderni temporis, ob confusionem faciem suam velare possunt. Jam enim in eos filii Israel intendere non dignantur, sed tristes noxas eorum potius gemunt & erubescunt. Hanc differentiam rectorum militantis ecclesiæ B. Gregorius considerans ait: In judicio quid unusquisque lucratus erit palam ostendetur. Ibi Petrus cum Juda, Paulus cum gentibus conversis ad fidem, ibi Andreas post se Achiam dicens, Johannes Asiam, Thomas Indiam. Cum autem tot pastores cum gregibus ante judicem venerint, quid nos miseri disturi sumus, qui ad Dominum post negotium vacui redimus, qui pastoris nomen habemus & oves quas ex nutrimento debemus ostendere non habemus? Qui nomen igitur rectoris accipit, virtutibus polleat, justique gregem suum possideat, regat & pascat, ut sibi rectoris magnalia vindictæ ac merita iustissime, & sic, *ubicumque fuerit corpus, ibi congregabuntur & aquila.*

Tandem, clarissimi patres & domini plurimum recolendi, qui tamquam cives & domesticus Dei, clero dare formam vitæ populoque pacem a diversis orbis climatibus feliciter his diebus advenistis, multa est messis, quæ vobis commissa est, nosque palmites latius extendit vinea Domini sabaoth, cujus vos dispensatores constituit circumspicius providere. Agite igitur, agite, ne degenerent vineæ propagines in lambruscum, frumentum in lolium, aurum in scoriam, oleum in lamurcam; ager sanctæ matris ecclesiæ nunc colendus vobis committitur, solvite fasciculos scandalorum, deprimites, necnon opprimentes sponfam Christi speciosam; ab ea, quæso, tollite, quem passim suis paritur in rectoribus contentum. Cribrate lolium a tritico, semen scilicet hæresis pessimum. Vestris enim his diebus falsorum surrexere cultores dogmatum, doctores mendacii, hostes veritatis, fideique subversores, blandi & simplices ut agni, sed vulpes astutia sunt & rapaces ut lupi. Hi sunt qui in vestimentis ovium veniunt. Isti sunt vulpes, de quibus sponsa in canticis dixit: *Capite mihi vulpeculas quæ demoluntur.* Quia igitur successores estis apostolorum, aquileque ecclesiæ militantis, qui oves domini custodiendas susceperunt & pascendas, plurimum interest prævidere illorum versutias, qui legem domini prævaricantur occulte, qui laqueos jugiter tendunt, & pedicas in capturam simplicium. Zelus itaque do-



ANNO  
CHRISTI  
1436.

domus Domini accendatur in vobis. Ascendite ex adverso opposcentes vos murum contra inimicos fidei. Reddite testimonium vestrae... .. Hoc lex proximi, hoc censura canonum, hoc ipsa hominum conditio, hoc lex denique naturalis dictavit; vos ista complete. Sperant omnes populi in eo qui spes omnium cognoscitur, quod non deficiet in hac ecclesiae discretia, exuberans gratiae plenitudo vestra, quae se impertitur afflictis, lapsos erigit, laesos raparat, & ut paucis plura concludam, quae sese communicat universis.

Sane cum in discretione vestra ecclesiae pendear dispositio, cum in manu vestra corda sint regum & ducum, ad vestraeque ordinationis arbitrium inclinentur populi, vobis incumbit quae ad pacem sunt quaerere. Facite igitur animabus salutem, quietem populis, ecclesiaeque libertatem, atque ab erroribus malos ad viam veritatis reducite. Non barbaras impugnabitis acies, sed familiares & domesticas, non exterarum nationes, non hostiles munitiones invadetis, sed proprie corpus intectum, populum non rebellem, non hostem, sed vicinum. Igitur clarissimi patres, quae ad pacem possitenuis quaerite. Cum enim pax sit concordantium animorum ordinata tranquillitas, quid est quod pacis dulcissima monumenta non alliciant vehementer? in rebus nempe creatis nihil gratiosius solet audiri, nihil delectabilius concupisci, nihil quoque utilius possideri. Pax similitates tollit, bella compescit, comprimit iras, superbos calcat, diligit humiles, discordias sedat, omnibus est placita, nescit extolli, inflari contemnit. Pax universis est utilis & fructuosa, cunctis quoque delectabilis & generosa. Quamdiu enim elementa invicem conciliata resident in mixto, ipsum solent continuare. Pace vero primarum procul pulsa qualitaturn, confestim mixti complexio dissipatur. In ligno nempe putrido, in quo vix elementorum conjunctio deficit, haec liquido comprobamus. Sic certe sine pace nec regna, nec civitates, nec collegia, nec communitates bene possunt aut diu consistere: in syderibus caelisque, perpetuae pacis foedere junctis, nihil dissonum penitus reperitur aut adversum. Nam sydera pace vigent, inquit Prudentius, & cum nihil placitum sit tunc pace Deo, ipse cum angelis & sanctis suis pace fruitur perpetua, aeternaque concordia jocundatur. Sic clarissimi patres, & domini plurimum recolendi, pacem habete, cunctisque Christi fidelibus pro modulo procurare debetis. Sicut enim discipuli mandata doctorum, pupilli tutorum, liberi genitorum, haeredesque testatorum illa sa fervare tenentur, sic cuncti Christicolae & oculi militantis ecclesiae sui mandata legislatoris, doctrinam & imperium salvatoris complere necesse est. Pacem enim tenuit, pacem docuit, pacem praebuit. Pacem ergo turbatorum saeculorum Salvatoris sectando vestigia solerter componite. Ad hanc omnino procurandam manus quidem iustitiae vires dabunt adiutrices, pedesque ibidem suo profrequentur munimine. Hoc jugiter deprecatur praefatus dominus Johannes illustrissimus dux Britonum, devotissime in orationibus to-

at corde usitat. Sic opere complendo corpus mysticum veri Christi corporis ambulabit per semitas, tandemque cum aquilis suis conjungetur felicissime: quia ubicumque fuerit corpus, ibi congregabuntur & aquilae, quod praestare dignetur ille qui est benedictus in saecula Amen.

# PROTESTATIO FACTA PER

*inclytam nationem Gallicanam in sacro concilio Basileensi.*

Quamquam in proxima sancta synodo Constantiensis, a qua hoc praesens sacrum Basileense concilium per continuationem dependet, fuerit Spiritu sancto afflante solemniter decretum sub hac forma verborum, videlicet: Sacrosancta Constantiensis synodus, &c. statuit & decernit, quod futurus Romanus pontifex per Dei gratiam de proximo assumendus, cum hoc sacro concilio vel deputandis per singulas nationes debeat reformare ecclesiam in capite, & curiam Romanam secundum aequitatem & bonum regimen ecclesiae; antequam hoc sacrum concilium dissolvatur super materiis articulo- rum alias per nationes in reformatorio oblatorum, qui sequitur.

Primo, de numero, qualitate, & natione dominorum cardinalium.

Item, de reformationibus sedis apostolicae.

Item, de annatis & communibus servitiis & minutis.

Item, de collationibus beneficiorum & gratis expectativis.

Item, de confirmationibus electionum.

Item, de causis in curia Romana tractandis vel non.

Item, de appellationibus ad curiam Romanam.

Item, de officiis cancellariae, & poenitentiariae.

Item, de exemptionibus & incorporationibus tempore schismatis factis.

Item, de commendis.

Item, de fructibus medii temporis.

Item, de non alienandis bonis Romanae ecclesiae.

Item, propter quae & quomodo papa possit corrigi & deponi.

Item, de extirpatione simoniae.

Item, de dispensationibus.

Item, de provisione papae & cardinalium.

Item, de indulgentiis.

Item, de decimis.

Hoc adjecto, quod facta per nationes deputacione, liceat aliis de licentia papae libere ad propria remeare. Quamvis etiam, circa articulos supradictos de hujusmodi reformatione faciendâ tam eidem concilio Constantiensis, quam etiam serenissimo principi & domino, domino Sigismundo tunc regi Romanorum, nunc imperatori, expressa promissio facta fuerit; electo tamen & assumpto felicis recordationis domino Martino papa V. hujusmodi reformationis executio, pro dolor! haecenus omisa est, cum dicti etiam solenni non observatione promissi. Dissolutione etenim dicti concilii humanis ingenis

ANNO  
CHRISTI  
1436.

Ibid.

ANNO  
CHRISTI  
1436.ANNO  
CHRISTI  
1436.

occasione adinventā; fidei causa in Germania circa reductionem Bohemorum neglecta, pace in guerris tunc Galliarum invalescentibus non tentata, ulterius in Constantia de reformatione hujusmodi nihil actum est; quin immo ad alia loca conciliis assignatis, dum illa ordinentur, succisa sunt. Quantis autem incommodis hoc sacrum Basileense concilium quadriennio, & ultra, cum grandi personarum & rerum iactura, nonnullis etiam illorum, quibus tutela credita sperabatur, obstitentibus, perduraverit, orbi patet universo. Nihilominus tamen in præfatorum reductione Bohemorum, & paceque populorum, ac reformatione morum in hoc concilio actum est utiliter, quantum concessum est ab Alto, repugnantibus etiam multis; nonnullorum etenim, quorum status & negotia reformatio ipsa concernebat, adventionibus & studiis tot & tanta adhibita sunt difficultates, quod in ipsa reformatione vix quicquam solemniter & perfecte decretari potuit, quod ecclesie universalis aliquem posset salubrem fructum asserere. Et quod gravius est, SS. dominus noster papa modernus, cum reverentia virtutisque loquendo, suam propriam de adherendo huic sacro concilio, ejusque decreta manu tenendo & approbando promissionem dā, licet nimis in-gravo præjudicium ecclesie dilatare, in suis litteris apostolicis in generali congregatione hic publice lectis, factam & contentam non attendens, nonnullique alibi in hac parte voluntarie plus quam expeditis adherentes, quam plurima contra hoc concilium sacrum ejusque decreta ea multipliciter tam palam quam secreta impugnando fecerunt, prout & dictum facere non cessant. Insuper, quod valde molestant est, idem dominus noster papa nedom contra decreta de electionibus aliisque rite & canonice electis, providendo seipsum fecit, propter quod scismatica & divisiones in ecclesia diversarum nationum, non sine maximo scandalo perpetuamque quasi diversarum ecclesiarum dissolutione orta & seuta sunt; quin etiam decretum de sublatione amatarum ex eo factum & conclusum, quod annate hujusmodi nullo jure debebantur, per easque ecclesie ecclesiasticæque persone damnum sine gravabantur, per se reverendissimosque patres dominos cardinales ac suos officiales secum Florentie existentes, aliosque ex suis in hoc sacro concilio prædicatoribus, contradictionibus, protestationibus, aliisque diversis modis quotidie impugnare & transigere non veretur; nec, ut asserit, in sublatione amatarum hujusmodi, que etiam pro ecclesiis Gallicæ ad instantiam prælatorum & ecclesiasticorum ecclesie Gallicanæ, tam per inclytæ memorie dominum Karolum regem Francorum novissime defunctum ejusque regium parlamentum, ac suam pragmaticam sanctionem, que ex post in præfato sacro Constantiensis concilio per ipsam nationem Gallicanam rite dudum facta est, consentire intendit, nisi loco annatarum hujusmodi, abundans sibi proviso fiat, quam idem dominus noster papa, cardinalesque, prædicates, ac officiales antedicti, sibi pro eorum statu fo-

Conciliar. Supplem. Tom. IV.

vendo, nomine ecclesie universalis per hoc dictum concilium fieri provideant, si regna, principatus & dominia, quibus ecclesiam Romanam amplissime dotatam pariter & ditatam esse constat, ad vitam eorum sustentationem eis non sufficienter instantissime & importune procurarunt & procurant; videtur quod pro annatis hujusmodi, nullo tamen eis jure debitis, super provisione quam petunt, quodammodo vellent pacisci, tantaque desuper sollicitudine instant, ut omnia alia hujus concilii peragenda, quantumcumque utilia omnimode videantur, huic faciendæ provisioni vellent postponi, quod animos plurimorum non immerito turbat, & in grandem admirationem adducit: fuitque ob id per hoc dictum concilium venerando patri Domino Ludovico abbati monasterii S. Justine Paduæ, dicti domini nostri papæ familiari, hocque onus ipse suscipiens, commissum & impositum, quatenus ex parte dicti concilii cum omni reverentia requirere haberet ipsum dominum nostram papam, qui & iterum ex post per reverendissimos patres & dominos, dominos Nicolaum tituli S. Crucis in Jerusalem, & Johannem tituli S. Petri ad Vincula presbyteros cardinales, legatos ad ipsum ab ipso sacro concilio destinatos, & novissime per honorabiles viros dominos Johannem de Banchensten decretorum doctorem, & Mattheum Mesnage bachelatorem formatum in theologia, ipsius concilii oratores & nuncios, propterea etiam ad eum missos, fuit omni humilitate inter alia requisitus, quatenus ab impugnatione concilii & decretorum hujusmodi novitatibusque circa ea inane desistere: quin immo ea manu tenere & defendere, suaque promissa, in contrarium attentata reparari ordinando, dignaretur. Sed in his hujus sacri concilii desideris & regulis nullus exauditionis secutus est effectus.

Nec est silentio prætereundum, quod præfati etiam domini legati cardinales pro recuperatione patrimonii & dominiorum apostolicæ sedis, quæ de manibus domini nostri papæ, non culpa quidem hujus sacri concilii, sed eorum qui gubernacula possidere videbantur, revenerunt & ablata sunt, diligenter media ad hoc apparentia, ex parte concilii aperiendo, insisterunt, sed tandem apud sedem apostolicam eandem responsum acceperunt, quod meliora de aptiora media ad hujusmodi recuperationem patrimonii facientia haberentur. Præterea molestius censetur, quod idem dominus noster papa hujus sacri concilii auctoritatem piamque & devotam intentionem non mediocriter parvipendisse videtur, in eo quod litteris suis in generali congregatione publice lectis, responsum super indulgentiis pro facto reductionis Græcorum concedendis, & aliis quibusdam arduis per præfatos etiam dominos Jo. de Banchensten, & Mattheum Mesnage à sua sanctitate in Florentia petitis & postulatis, se de proximo per nuncios & oratores daturum promiserit, modicoque de post transacto tempore ad hoc dictum concilium venerandos patres fratrem Ambrosium ordinis Camaldulensis generalem

M m m m &amp;



ANNO  
CHRISTI  
1436.

& Antoninum de S. Vito sacri palatii causarum auditorem, suos nuncios & oratores transmissit: qui tamen post eorum adventum, audientiaque quas habere voluerunt, eis plenarie datas, sæpius per concilium ipsum requisiti diutius steterunt, asserendo se a domino nostro papa huiusmodi responsum non recepisse, nec habere. Tandem iterato requisiti responsum ex parte dicti domini nostri papæ dederunt insufficiens & inefficax. Demum quibus ac qualibus ac quantis mediis compactata de consensu etiam domini nostri papæ inter sacrum concilium & oratores serenissimi domini imperatoris Græcorum, ac R. P. dominum patriarcham Constantinopolitanum causa illius felicissimæ unionis & reductionis eorum, qua re major in orbe terrarum vix esse potest, habita & conclusa impugnari seu reprobari, aut quod verius est, impediri visa sunt, non ignoratur, nec, ut effectus docuit, curavit ipsa Romana curia attendere, quod maiores, mediciores, & minores huius concilii, huiusmodi compactorum occasione, ob spem dictæ unionis fervensque desiderium; summam ferme XV. millium ducatorum auri de suo proprio exposuerunt absque dictæ curiæ contributione aut subventionem tantilla. Ille etiam Christophorus Garatonus secretarius apostolicus, qui ad Græciam alias infelicio concilio missus fuerat, & de particulari synodo in Constantinopoli celebranda, non sine grandi fidei periculo, gravique totius ecclesiæ Latine nota, cum Græcis ipsi se etiam illud de huius dicti concilii consensu & auctoritate facere asserere non verendo; iterum ad Græciam, etiam infelicio concilio, novissime est reversus, ad quos fines Deus ipse novit, & per literas a reverendo domino Cervienti episcopo ex Florentia missas, in plena congregatione generali per reverendum dominum Tarentinum, unum ex dicti domini nostri papæ præsentibus, lectas, concilio apparuit, ad hoc concilium ad aliena loca transferendum. Quanta insuper circa ecclesiasticorum distributionem beneficiorum, ac concessionem gratiarum, aliaque spiritualia per nonnullos etiam quasi impudenter quotidie fieri fama cordis amaritudine recenseri, nec modicam circa hæc præter cetera attulit hic causam scandalum, quod pallium pro quodam hic præsentem prælatum, ipso pallio jam fere quinquennio, multas licet de habendo supplicationes & instantias fecerit, destitutum, reverenter & instantem ex parte huius concilii postulatam sine pecuniarum solutione vel obligatione haberi non potuit. Sicque, prohi dolor! non adhuc, quicquid aliqui iactant, videtur ab eadem curia propulsa simoniaca labes, decreta licet solemnia de ipsa simonia vitanda per hoc concilium edita sint. Laceratur nihilominus & infamatur apud reges & principes per speciales & sumtuosas ambassiatas hoc sacrum concilium de tam longa duratione sui, nulla, ut dicitur, reformatione secuta, aliisque multis pro libito adinventis, quod valde mirum ac grave est, ut illi ipsi de tarditate reformationis con-

cilium culpæ sitagant, & conantur, qui ipsam reformationem nonnullarumque aliarum iustissimarum rerum executionem multipliciter impediunt, dietisque impediunt, oculosque suos statuentes declinare in terram, ostendere cupiunt veritatem. Sed quia vaniloquia malorum bonis detrahere consueverunt, bonorum vero est per infamiam & bonam famam veritatem sectari, consuetasque obloquutiones despiciere, omnia pro Christi nomine patienter tolerantur. O utinam illa veneranda sedes, quam nonnullis annatis spoliata & denudata acclamant, de suorum ministrorum actibus inquireret, talibus sordibus infectos denudare & spoliare, deformatosque reformare solita esset! nullus quippe sanæ mentis, statibus sic de reformatione infamatis ac vehementer notatis, provisionem faciendam iudicaret, nisi prius eorundem debita reformatio præcederet. Aliter enim facere nihil aliud esset, quam status tales in suis vitiis & deformitatibus confovere, seque insuper similis periculo deceptionis subintrare, distique salubris decreti Constantiensis intentionem frustrare, qua patres sacri concilii Constantiensis, præfatus Romanorum imperator, ad præmissa & omnia reformatione fuerunt & sunt frustrati, quæ omnia & diu inclyta natio Gallicana debite considerans, irrationabile valdeque præposterum æstimat, ut domino nostro papæ aliisque, qui sua interest putant, provideatur, nisi primitus pro aliquali reformatione decreta super articulis infra scriptis antecendant. Et deinde de statu numero & qualitate eorum, quibus providendum est, de eis etiam quæ agenda incumbunt, ac de eis etiam quæ aliunde habere & reperire possunt, habeatur quantum erit notitia vera, ut quanto plures extiterint, ampliusque & in utilioribus pro ecclesiæ Dei se implicaverint, quantumcumque minus aliunde habuerint, eis amplius & uberius provideatur. Hæc igitur dicta inclyta natio Gallicana sincerum & devotum propositum, quod quidem semper circa hæc habuit, prout & habet, cunctis significare volens & intendens, & præcipue contra obloquutiones nonnullorum, qui frequenter, non bene consideratis seu ponderatis circumstantiis negotiorum, leviter conqueri & obloqui auditi sunt, conqueri & obloqui possent, protestatur, primo, quod ipsa per sua supposita parata est, prout & semper fuit, toto suo posse ad dictam reformationem juxta huius sacri concilii ordinationem, cum suppositis aliarum inclytarum nationum intendere, vacare & laborare. Protestatur insuper se etiam paratam esse ad provisionem huiusmodi rationabiliter faciendam, se etiam & in quantum ante omnia saltem per decreta certa, clara ac solemniter conclusa & decreta vel ad decretandum parata, debita reformatio & limitatio eorum statuum quibus provideri petitur, antecedant, & specialiter super principalioribus materiis & magis necessariis, videlicet de forma electionis & iuramenti papæ.

De numero, qualitate, natione, officio, & iuramento cardinalium.

De reparatione efficaci decreti de electionibus.

ANNO  
CHRISTI  
1436.

ANNO  
CHRISTI  
1436.

Decreti etiam de causis.

Decreti de intrusis.

De qualitatibus beneficiandorum &amp; dispensandorum beneficiorum.

De modo &amp; securitate provisionis universitatum &amp; studiorum.

De gratiis expectativis &amp; collationibus beneficiorum.

De modo &amp; limitatione reservationum.

Decretis, inquam, super istis materiis, quæ omnino necessariæ sunt, & super quarum aliquibus jam plura decreta, paucis restantibus, concepta sunt, conclusis, factis & solemniter decretatis, vel ut jam tactum est, ad decretandum paratis, habitaque ex parte ipsius domini nostri papæ sufficienti certitudine, quod ipse dominus noster papa directe vel indirecte, ad dissolutionem aut translationem, aut impedimentum processus hujus sacri concilii, nisi in quantum, & prout ad hoc ipsius concilii consensus expressus, juxta formam super hoc solemniter dictatam, accederet, non nitetur aut laborabit; quodque in concessione indulgentiarum pro ipsorum Græcorum reductione, cum hoc sacro concilio ad ejus intentionem realiter concurret; quod etiam prædicta & alia hujus dicti concilii decreta solemniter decretata & decretanda tenebit & manutenebit, defendabit & inviolabiliter observabit, per universos quantum omnino poterit, teneri, manuteneri, defendari & inviolabiliter observari faciet. Hæc dicta inclyta natio Gallicana, licet in sua plenaria libertate quoad hoc realiter existat, seque veraciter teneat & reputet, ad dictam tamen provisionem tam ipsi domino nostro papæ, quam aliis quorum interest rationabiliter faciendam, ex sua gratuita liberalitate diligenter & sine ulteriori dilatione cum aliis intendere, ac etiam realiter & cum effectu secundum suam possibilitatem, & ratam, facere devoto & sincero animo se offert. Si autem fecus per quemcumque aut quoscumque attentaretur sive fieret, ut hujusmodi scilicet reformatio impediretur, plusve debito differretur, ac eidem provisioni, quod abest, postponeretur, sæpèdicta natio Gallicana pro se & suis, rege, principibus, prælati & membris, aliisque quibuscumque sibi quoad hæc coadherentibus & adherere volentibus, in quantum potest & eam concernit, se opponit & contradicit, protestaturque quod per eam non stetit, nec fiat, neque stabit, quominus bona & effectualis reformatio in ecclesia Dei, exindeque iusta & rationabilis provisio ipsi domino nostro papæ & aliis quorum interest, fiant, omniaque & singula præmissa ad laudem Dei & ecclesiæ suæ profectum salubriter & caritative ordinentur & perficiantur. Postremo contra impediētes ac impedire conantes fidei, unionis, & pacis causas, reformationemque hujusmodi, necnon etiam præsentem protestationem, universis Christi fidelibus pro sua dumtaxat justificatione & innocentia tuenda, jurisque sui conservatione non animo seu intentione aliquem injuriandi, intimidando & insinuando hæc sæpèdicta Gallicana natio solemniter etiam ac publice protestatur.

Concilior. Suppl. Tom. IV.

A

## EPISTOLA PRÆLATORUM

&amp; aliorum nationis Germanicæ ad archiepiscopum Moguntinum.

*Hortantur eum ut personaliter accedat ad concilium.*

**R**everendissimo in Christo patri & domino domino archiepiscopo Moguntino, domino nostro gratiosissimo, vestræ reverendissimæ paternitatis intimi præfules & prælati, doctores & magistri, in sacro concilio Basileensi inclytam nationem Germanicam representantes.

**B**Humili & sincera salutatione præmissa, reverendissime pater, notum sit dominationi vestræ, quod ad nostrum & aliorum zelum Dei habentium preces, patres de concilio sanctis operibus, propter quæ ipsum concilium hic est congregatum, & præsertim pro reformatione universalis ecclesiæ perficienda, plus solito nunc insistant, & amplius insistere certissime volunt. Et quia nos præcipue ad eandem dominationem vestram, tamquam unum ex principalioribus nostræ inclytæ nationis Germanicæ dominum & prælatum, dirigimus oculos nostræ considerationis, quo plene cernimus personalem dictæ vestræ dominationis præsentiam, hic nobis cum multis respectibus summe necessariam & perutilem pro hujusmodi reformatione, & horum quæ epistola præsentibus interclusa recitat, & aliorum multorum sacrum Romanum imperium & salutem dictæ nationis respicientium expeditione salutari. Quapropter humiliter & instantissime rogamus magna cum fiducia, quatenus eadem D. V. dignetur, omni seposita mora, festinare, & ad nos venire personaliter, & solum ad aliquod modicum tempus manere nobiscum pro rebus tam sanctis & utilibus expediendis, ad laudem Dei & gloriam nominis vestri. Demum ultra præmissa nonnulla alia discreti viro Jo. Turrisiæ præsentium ostensori, committimus referenda eidem dominationi vestræ. Velit igitur eadem D. V. præfato Jo. in hujusmodi referendis credentiæ plenariam fidem adhibere, & nos clementer exaudire: pro quo eidem dominationi vestræ ultra divinæ remunerationis præmium exinde sibi assuturum, libenter & semper reddamus servitialis gratitudinis vicem. Datum Basileæ, anno Domini MCCCCXXXVI. decima die mensis Januarii, subreverendi patris & domini, domini Conradi episcopi Metensis, dictæ nationis nostræ præfidentis, sigillo.

## PROTESTATIO FACTA

*per præfidentem domini nostri papæ in generali congregatione XIII. Januarii MCCCCXXXVI. ne papa moneretur.*

**I**ntelleximus, reverendissimi in Christo patres & domini, quod in sacris depurationibus, quedam supplicatio ex parte consilii serenissimi regis Renati, Aquis residentis, nuper portecta est; in qua narratum

Mmum 2 tis

ANNO  
CHRISTI  
1436.

Ibid.

Ibid. p. 1  
925.



ANNO  
CHRIST.  
1436.

tis primo nonnullis gravaminibus, quæ quidam exsecutor apostolicus in causa Grassensis ecclesiæ inferre conabatur, ipsi domini de dicto consilio se gravatos prætendentes, ad hoc sacrum concilium appellabant, causamque appellationis ipsorum in partibus committi supplicabant. Unde hinc sumta occasione, quod SS. dominus noster papa de hujusmodi causa contra hujus sacri concilii decreta se intromississet, deliberaverunt quod sanctitas sua solemniter moneatur, ut infra certum terminum ei præsigendum, revocet omnia & singula per ipsam & suam sanctitatis nomine attentata, contra generalem reformationem ecclesiæ in capite & in membris, & maxime in causa ecclesiæ Grassensis; alioquin sacrum concilium contra ipsum procedet, juxta contenta in decreto concilii Constantiensis.

Et cum etiam ad nostram notitiam pervenerit, quod in hac sacra congregatione debeat hodie super hoc avisamento & deliberatione concludi; propterea nos Johannes archiepiscopus Tarentinus, & Petrus episcopus Paduanus, ejusdem SS. domini nostri papæ in hoc sacro concilio, licet immeriti, prædentes, tenentes a certo quod sacre deputationes in tam dura & insperata deliberatione fuerint circumventæ, pro interesse publico & pro honore tam hujus sacri concilii, quam sanctissimi domini nostri, opponimus, & dicimus, quod super tali deliberatione concludi non debet. Nam primo, recte intuenti, per omnia & singula munimenta per nuncios dictorum de consilio dicti regis portata, nunquam apparere poterit, quod SS. dominus noster aliquid mandaverit per quod videretur velle contravenire decretis & ordinationibus hujus sacri concilii. Quod si ipse exsecutor modum fortasse exceperit in exsequendo, hoc nequaquam imputari debet SS. domino nostro, sed ipsi potius exsecutori. Et si dicta munimenta in sacris deputationibus producta & lecta fuissent, nunquam, ut credendum est, ad talem deliberationem processissent. Præterea non est verisimile, quod sacre deputationes, nisi circumventæ, talem deliberationem acceptassent, ex qua verisimiliter scandala multa in ecclesia Dei provenire possent, potissime occasione sumta ex uno particulari negotio, nondum plene discussio aut deducto.

Item, etiam nunquam, ut a certo teneamus, constare poterit quod SS. dominus noster . . . . . aut ex contemptu venerit contra decreta hujus sacri concilii, vel eo saltem animo & intentione, ut sacrum concilium negligeret aut scandalizaret, propter quod sua sanctitas ita requiri aut moneri deberet. Quod si aliquando forte, ratione suadente, & pro temporis & rei qualitate, super aliquo ex decretis hujus sacri concilii sua sanctitas dispensaverit, aut aliquod illorum relaxaverit, non propterea contravenisse dici debet decretis prædictis, cum id fecerit subsistente causa, & per illud arbitrium, quod nullum unquam jus divinum aut humanum summis pontificibus & Christi vicariis denegavit. Si tamen ex suggestionem vel importunitate quadam a sua san-

ctitate exorta fuerint, quæ gravia aut dura patribus hujus sacri concilii prima facie videantur, illis primo & antea specificatis & plene discussis, debuit sua sanctitas reddi attentata, & non sic statim ad tam inauditas & insolitas monitiones contra Christi vicarium & caput ecclesiæ procedere. Et si dicatur dominum nostrum alias avisatum, ut servaret decreta, semper tamen per suam sanctitatem est responsum, quod decreta servavit, nisi forte necessitas ipsa suam sanctitatem & sacrum collegium dominorum cardinalium compulerit decretum de annatis non recipere, expectando provisionem totiens repromissam. Sed sua sanctitas magis forte causari posset, quod in hoc sacro concilio aliquando facta sunt aliqua, quæ a consuetudine & observantia aliorum sacrorum conciliorum videntur aliena, & quæ non modicum ejus jurisdictionem aut potestatem lædere censentur; quæ tamen sanctissimus dominus noster, tamquam pius pater, & ut unitatem & pacem servaret, & majora vitet scandala, omnia tolerat & sustinet patienter.

Dicimus etiam, quod hac deliberatione concludi non debet, quia ex illa conclusione multa scandala oriri possunt in ecclesia & populo Christiano. Nam per talem conclusionem ex illo avisamento tam celeriter conclusio, contra solum morem & ordinationem concilii, non tamen aliquo præcedente tractatu cum patribus & majoribus hujus sacri cætus, nostro judicio læditur non parum honor & existimatio hujus sacri concilii, ad cujus honorem plurimum pertinet facta, & quæ ardua præcipue sunt, cuiusmodi ista est, matura deliberatione terminare; ut sic populus Christianus, qui a nobis expectat aliquem fructum laborum nostrorum in vinea Domini videat & intelligat nos nihil agere, quod sanctorum patrum canonibus obviet, & quod postea fecisse nullo unquam tempore nos poenitere possit.

Quid enim, patres reverendissimi, dicent Græci, de quorum nunc reductione solliciti sumus, si sentiant nos, qui ad schisma illud antiquatum extirpandum jam manum apposuimus, nunc cum summo pontifice & capite totius ecclesiæ diffidere, & contendere, & modo novum processum, novam rupturam, ut multi dicent sapienter, inchoare? Quid etiam Bohemi facient, hoc diffidium intelligentes? Nonne vel ex hoc solum fortasse ab eorum reductione se retrahent, & occasionem quærent? Quomodo etiam de reformatione totiens mundo repromissa sperare fas erit, si certamen hoc cum patre & capite nostro ingrediemur, qui cum forte se gravatum putabit, defensionis viam inveniet, & iustitiam toti mundo palam facere curabit: & ita cum medico fructu, immo cum maximo forte ecclesiæ dispendio, omnis reformatione, certabimus?

Veremur etiam; domini & patres honoratissimi, ne rem inchoemus primo quidem aspectu facilem multis, sed exitu, nostro iudicio, valde difficilem & periculosam. Recogitent vestra dominationes quot annis Dei ecclesiam inveteratum schisma afflixerit, quot incommotis & cladibus innumeris Christiana.

ANNO  
CHRIST.  
1436.

ANNO  
CHRISTI  
1436.ANNO  
CHRISTI  
1436.

flanium populum vexaverit, quot laboribus & quanto sudore principum Christianorum, potissime invictissimi domini Sigismundi imperatoris, in sacro Constantiensi concilio sublatum fuerit. Nostri enim officii est, qui reformationem morum profitemur, qui pacem aliis repromittimus, qui errores e medio tollere velle prædicamus, ut omnia nostra tali modestia, tali patientia peragamus, ut nihil in nobis inveniri possit, quod professioni nostræ universo orbi totiens promissæ, obviare videatur.

Ex his ergo & multis aliis, quæ in medium adduci possent, dicimus, nostro iudicio, nihil debere concludi in tali materia. Si quid autem est, quod vestrarum dominationum animos sollicitet, quia forte vestris dominationibus suggeritur, quod SS. dominus noster huius sacri concilii decreta non servet, humiliter petimus, requirimus & supplicamus, ut nobis tamquam locum tenentibus suæ sanctitatis in hoc sacro concilio, illa seriose intimentur & monstrantur; quoniam offerimus nos, & ita spondemus ubi opus sit, non solum suam sanctitatem de omnibus attentam reddere per nuncium & per litteras, & supplicare, ut si quid est dignum reparatione reparetur; sed etiam in propria persona, ubi expediet, pro hac eadem re ad pedes suæ sanctitatis nos conferre, eritque hac via pacis, & quæ cunctos Christiani nominis principes edificabit, huiusque sacri concilii nomen reddet immortale.

Quod si tandem hoc impetrare nequimus a vestris dominationibus, ne officium nobis creditum a SS. domino nostro in vacuum recepisse videamur, utque honorem huius sacri concilii non negligamus, & ut nullo umquam tempore, si quid scandalum ex hac forte conclusione facienda sequeretur, nobis possit imputari, protestamur quod talis conclusio non fiat, & in dictam forte conclusionem faciendam non solum non consentimus, sed expresse contradicimus, petimusque a vobis domino prothonotario apostolico, & a vobis notariis huius sacri concilii, & aliis notariis hic existentibus, ut de huiusmodi per nos dictis, lectis, oblatis, petitis, conficiatis nobis unam vel plura documenta ad perpetuam rei memoriam.

## SEQUUNTUR AVISAMENTA

*Concernentia monitorium domini nostri papæ, cum conditionibus & etiam conclusa in generali congregatione die Veneris XX. Jan. MCCCCXXXVI.*

Ibid. 928.

**D**eputabuntur duo aut tres notabiles ambassiatores ituri ad SS. dominum nostrum pro infrascriptis; & ad hoc fuerunt deputati dominus Arelatenfis, dominus archiepiscopus Lugdunensis, & episcopus Lubicensis, ut providcant de personis & expensis.

2. Recedent hinc prædicti ambassiatores infra decem vel duodecim dies, & jurent in congregatione generali facere & dicere quicquid per sacrum concilium fuerit eis injunctum, & non stare Florentiæ ultra mensem,

**A** nec acceptare beneficium, dignitatem, aut quicquid aliud, etiamsi motu proprio conferatur.

3. Postquam fuerint Florentiæ, infra tres aut quatuor dies procurent habere audientiam publicam in consistorio generali in præsentia domini nostri & totius curiæ. Quod si forte papa esset infirmus, procurent habere audientiam coram ipso & in præsentia cardinalium; & nihilominus in casu infirmitatis procurent teneri consistorium publicum in præsentia omnium cardinalium & totius curiæ, ubi oratores nostri pacifice exponant ambassiatam suam, rogantes & requirentes dominos cardinales & alios, ut inducant dominum nostrum ad ea quæ sacrum concilium petit.

**B** Ducant dicti oratores ad huiusmodi unum notarium, qui erit rogatus de omnibus, & quod incontinenti facta propositione coram domino nostro & consistorio, tradant propositionem suam in scriptis.

5. Quod si forte non poterunt habere audientiam coram domino nostro, nec consistorium publicum coram dominis cardinalibus & tota curia, tunc cuilibet cardinali intiment prædictam ambassiatam, requirendo quemlibet, quod velint ista intimare domino nostro, & protestentur, quod non potuerunt habere audientiam, &c. Et nihilominus ante portam ferream palatii apostolici in præsentia eorum quos habere poterunt, ac notarii prædicti alta voce legent propositionem eorum, protestando, quod non potuerunt habere audientiam, &c.

6. Accedent etiam ad rectores superiores civitatis Florentiæ cum litteris credentialibus sacri concilii, & exponant illis effectum ambassiatæ suæ, rogando ipsos quod velint ista intimare domino nostro. Et postea si factis istis diligentibus, infra tres alios dies non potuerint habere prædictum consistorium, vel audientiam domini nostri in casu infirmitatis, revertantur ad concilium.

## EFFECTUS PROPOSITIONIS

erit iste.

**P**rimo, exponant quanta patientia & modestia sacrum concilium usum est post dissolutionem prætentam, factam per dominum nostrum, requirendo ipsum per tres notabiles ambassiatas & multas citationes & monitiones ac prorogationes, & demum expectando per duos integros annos, ex quo toto orbi constare potest, quod mens sacri concilii semper fuit ad unitatem & pacem ecclesiæ, & quod nihil magis abhorruit ac abhorret, quam scissuram ecclesiæ, & quod si voluisset rigide procedere, non erant necessariæ secundum doctrinam evangelicam tot requisitiones & citationes, & tanta temporis expectatio.

2. Narrabunt postea de adhesionem & tenore ipsius, de his quæ post dictam adhesionem attentata sunt per sanctitatem suam, contra honorem, & decreta & supposita ipsius sacri concilii, contraque tenorem ipsius adhesionis.

3. Item



ANNO  
CHRISTI  
1436.

1291

BASILEENSE G. CONCILIUM.

1292

ANNO  
CHRISTI  
1436.

3. Item, quomodo per dominum episcopum Cervientem primo, deinde per dominum abbatem S. Justinae, tertio per dominos cardinales S. Crucis & S. Petri, legatos, fuit rogatus & requisitus ad observantiam decretorum sacri concilii, &c. & deinde per dominum Jo. de Hungaria & magistrum Matthaeum Mesnage, & praesertim super observantia decreti de electionibus & de annatis &c. & nihilominus non obstantibus tot & tantis ambassatis & exhortationibus adhuc quotidie multa attentantur contra decreta & supposita sacri concilii; quod nihil aliud esse videtur, quam inducere mundum in transgressionem vel errorem, ut ipse qui caput est transgrediatur ita, & alii suo exemplo vel transgrediantur, vel existiment concilia nullam habere potestatem.

4. Narrabunt quanta scandala intolerabilia ex hoc in Christianitate nasci poterunt, & praesertim si ista duo decreta de electionibus & de annatis non sortiantur effectum, addendo quod patres hic existentes parati sunt potius mori, quam pati auctoritatem ecclesiae sic conculcari.

5. Et ista poterunt extendi per instructiones latius dandas.

6. Postremo concludunt, quod sacrum concilium non valens amplius ista tolerare, mittit dictos oratores, per quos sacrum concilium rogat ipsum dominum nostrum, deprecatur et obsecrat, ac solemniter et peremptorie requirit, et monet, ut ob reverentiam Jesu Christi sponsi et capitis ecclesiae sanctae suae, ac pacem et unitatem populi Christiani, honoremque suae sanctitatis, velit a talibus penitus abstinere, ac efficaciter servare decreta istius sacri concilii, et tenorem adhaesionis suae; et quod in testimonium hujus, infra XXV. dies a die hujusmodi monitionis publicae ac solemniter in consistorio publico debeat facere legi litteras more curiae Romanae bullatas infra scripti tenoris, mittendas infra XXV. dies ad sacrum concilium, in generali congregatione seu sessione legendas. Quod si infra praedictos XXV. dies praedicta non fecerit, & alios XXV. sacro concilio non destinaverit, ipsum sacrum concilium protestatur coram Deo & hominibus, & quod sine alia dilatione & citatione, immediate post ultimos XXV. dies, quem terminum pro canonica & peremptoria monitione statuit, procedet contra ipsum, juxta decretum concilii Constantiensis.

SEQUITUR TENOR LITTERARUM  
apostolicarum, de quibus immediate  
supra fit mentio.

**E**ugenius, &c. ad perpetuam rei memoriam.

Omnes appellationes interpositas vel interponendas ad nos a sententiis latis per sacrum concilium, vel commissarios aut iudices ejusdem, ipso durante, annullamus & irritamus, mandantes sub poena excommunicationis latae sententiae, omnibus iudicibus &

commissariis auctoritate nostra deputatis, ne super illis procedere audeant. Revocamus etiam omnia gravamina, & quicquid factum est dicta auctoritate nostra, contra tenorem nostrae adhaesionis, ac contra decreta ipsius sacri concilii Basileensis: ratificamus & approbamus omnia decreta ipsius sacri concilii Basileensis, & praesertim de electionibus & de annatis. Pollicemur, quod sine dolo & fraude illa manu tenere & servare, &c.

MONITORIUM (a) CONTRA

dominum Eugenium.

**S**acro sancta, &c. In throno militantis ecclesiae sedent iusti, iudicaturi magnos sicut parvos juxta merita sua, cum apud Deum non sit acceptatio personarum. Tales autem intelligimus, esse qui generalem synodum constituunt quibus, dictum est. *Si duo aut tres convenerint in nomine meo, in medio illorum sum ego.* Unusquisque igitur generali synodo, etiam si papali praesulgeat dignitate, juxta decretum sacri Constantiensis concilii renovatum, in isto obedire tenetur, quoad exstirpationem haereseum & schismatis submotionem, ac generalem reformationem in capite & in membris, pertinentibusque ad ea.

**C** Sane haec amentissime credidimus quod D. Eugen. pap. IV. cum pridem post factam per eum dissolutionem illam scandalosam, hujus sacri concilii, duorum generalium, conciliorum Constantiensis scilicet & Senensis, necnon duorum Romanorum pontificum felices recordationis domini Martini papae V. ac sua auctoritate convocati, quae mentes hominum irritavit, persuasus a multis regum & principum oratoribus revocavit eandem, huic synodo verbaliter adhaerendo, decernendoque & declarando ipsam sanctam synodum a tempore suae inchoationis legitime continuatam fuisse & esse; prosecutionemque habere debere ad praedicta, pertinentiaque ad ipsa, perinde ac si nulla dissolutio facta extitisset: quin immo praefatam dissolutionem irritam & inanem declarans, ipsam sanctam synodum pure, simpliciter & cum effectu, ut dicebatur in litteris suis, omni devotione & favore prosequeretur, & prosequi intendebat; & quicquid per ipsum, aut nomine ipsius in praedictum aut derogationem dictae sanctae synodi, seu contra ejus auctoritatem, necnon contra supposita ipsius factum & attentum erat, revocaverit & cassaverit, ac deinceps ab omnibus novitatibus in praedictum synodi ejusdem & suorum suppositorum abstinere promiserit.

**E** Sed quis hoc non credidisset, dum tot tantisque praesentibus pro pace totius populi Christiani ipse dominus Eugenius talia spondidisset, & inviolabiliter servaturum se dixisset? Sed ecce quod mentes nostras pressus angit, nihil servatum est. Duo namque saluberrima decreta ab hac sancta synodo

(a) Praeter hoc monitorium extat in actis concilii Basileensis editis sessione XXVI. citatio ejusdem Eugenii papae, quae vulgo monitorium appellatur, cum tamen distincta duo sint acta, monitorium & citatio.

ANNO 1436. **CHRISTI**  
 modo inter cetera sunt promulgata, quæ si debite fervarentur, maximum robur ecclesiæ præstaretur, in quibus maximam reformationis partem redundare non esset ambiguum: unum scilicet de electionibus certo modo faciendis, aliud super tollendis annatis. Ex primo ecclesiarum pax & caritas oriri dinoscitur.

Nam ad illa parandum atque firmandum potissimum videtur, ut ecclesiæ gratus sit qui præficitur ad eandem. Cum & apostoli Petrum jam a Christo potestatem habentem, in ceterorum exemplum de novo eorum principem esse voluerunt in signum perfectissimæ unitatis. Nemo etiam eligi potest, qui iuxta canonicas sanctiones dignus iudicari non debeat, dum maxime Christus per crucis passionem copulavit ecclesiam: ita ut vices ejus gerens in terris, inconcussa stabilitique profusus mente, illam per qualemcumque vitæ asperitatem in firmamento pacis profectui teneatur. Quæ cum ita sint, quod modo ad tollendos abusus, præcipue Romanorum pontificum, tam opportune tunc sanctum exiit, circa electiones canonicas conservandas & certo modo faciendas, ex quo maximæ quietis ecclesiæ munimentum oriri necesse est, dominus Eugenius pro voluntatis libito violavit. Non enim ut de bono in melius procederetur, in qua specie liberior Romani pontificis est potestas, hæc acta sunt; sed ut prohibeatur malum imminens, quod notorie ecclesiam affligebat, illud decretum exiit promulgatum. Qui ergo illi resistit, salutem abnegat, malumque defendit in perniciem manifestam populi Christiani. Advertere debuisset & deberet idem dominus Eugenius ne illorum in littera *Deus novit* intulitula comprehensorum se auctorem fuisse fateatur, quamquam enim in sua, licet verbali, adhesionem, illam revocaverit, & quod de sua mente processit fuerit attestatus; cum opere contrarium asseveret, dum pro voluntatis libito, spretis sacre synodi institutis & monitis, cuncta facit. Pariter namque annatas solitas recipit, & eisdem ærarii apostolici ordinibus utitur, ut antea faciebat; adeo ut post tot tantasque requisitiones, quod a prædictis abstineret abusus, sibi factas, nunc pertinax & incorrigibilis videri possit, ecclesiæ perturbator, ac de ecclesiæ & sacrorum conciliorum auctoritate male sentire dignoscatur. Non enim qui proficitur publice, abjurat hæreses, aut male sonantes & piarum aurium offensivas sententias, satisfacit ecclesiæ, & vulnera illata medetur; sed qui operibus catholicis sanitatem mentis manifestat. Si ergo opera (non) sint contra dicta priorum errorum, malitiam, continuasse videtur. Quamobrem idem dominus Eugenius contentus in littera illa *Deus novit*, quam per suos oratores & nuncios, videlicet dominum Antonium de Rosellis advocatum consiliarium, & dominum Petrum de Monte cubicularium ejusdem in diversis mundi partibus, necnon suo mandato in Romana curia in valvis certarum ecclesiarum publicatam fuisse, certissima fama, quod approbaverit aut dogmatizaverit & tenuerit, liquido manifestat. Et cum, prout hæc

A sancta synodus per multos solemnes magistratos in sacra pagina ac doctores examinari fecit, nonnulli sunt in ea errores in fide, aliqua sunt etiam piarum aurium offensiva, aliqua scandalosa, super quibus dictus dominus Eugenius merito est suspectissimus iudicandus. Et maxime dictam exaggerat suspicionem, quoniam de auctoritate sacri concilii generalis declarata per sacrum Constantiense concilium male sentire videtur, eadem decreta circa generalem reformationem ecclesiæ edita, notorie & incorrigibiliter violando. Super quibus hæc sancta synodus necessario procedere compellitur & arduatur, qua enim ratione decreta hujusmodi per Romanum pontificem revocantur in dubium, possent & per alios & per ipsum alia revocari, cum eadem sit sacrorum omnium conciliorum auctoritas, per consequens omnia militantis ecclesiæ fundamenta venire penitus in ruinam.

Et ecce nunc in istorum comprobatione; ad nos gravis querela venerabilis antistitis Grassensis episcopi delata est, quotidie etiam nostræ a diversis personis ac pro variis causis aures pulsantur, propter importabilia gravamina eis illata, in derogationem per nos nostraque auctoritate gestorum; potissime quod adversum sententias hic latas, quæ in rem transiverint iudicatam, adversum ipsam etiam causarum pendentiam in hoc sacro concilio, rescripta concesserit quotidie concedat, appellationes etiam a sententiis per hanc synodum seu ejusdem commissarios latas in curia, extra commiserit & committat, lites propter hoc faciendo immortales, & divisiones quam plurimas seminando, nec non varia supposita ab hoc sacro concilio avocando, qui in agendo pro universalis ecclesiæ plurimum conferebant. Et super his hæc sancta synodus est a pluribus fide dignis personis edocta. Nam inter alia, fama publica est, quod idem dominus Eugenius quamdam appellationem interpositam per magistrum Augustinum de Roma, generalem olim ordinis Eremitarum, adversum sententiam hic per sacrum concilium latam super certo libello in fide erroneo, & male in fide sonante, per eum edito, admisserit, & super ea iudices dederit, contra sacros canones & sanctorum patrum instituta, secundum quæ in materia fidei debet papa sentire, & generalis synodi sententiæ inhærere. Admisisse etiam dicitur publice appellationem interpositam a domino Johanne de Prangino adversum sententiam per hanc synodum contra eum latam; pro reverendo patre domino Ludovico de Palude Lausannensi episcopo, super ecclesia Lausannensi, nec non absolvisse asseveratur certos laicos Januenses condemnatos per certos iudices, ab eadem synodo damnatos, ad restitutionem certi castri de Antipoli ecclesiæ Grassensis, a censuris, in quas incurrerant, non parendo sententiæ, quæ in rem transiverat iudicatam, executionem illius impediendo. Similiter etiam in pluribus aliis attentando in grave scandalum & iacturam suppositorum concilii antedicti, quodque in iuramentis quæ misit ipsis promotis consecrandis inferi facit, ut jurent expresse favere refer-

ANNO 1436. **CHRISTI**

vatio-



ANNO  
CHRIST.  
1436.

variationibus apostolicis jam sublati. Ac pridem repulit nec voluit confirmare. quamdam electionem factam de persona, &c. ad decanatum Rothomagensis, juxta decretum de electionibus hujus sacri concilii, dicens illam fuisse de facto attentatam, obstante sua praesentia reservatione. Præterea annata non solum juxta morem solitum exiguntur, sed ut accepimus a promotis, de illis solvendis & manu tenendis juramenta illicita extorquentur.

Nec advertit dominus Eugenius, quod illos in prælatis intulit, qui titulis profus carent, quo hæreses venire continget, & inextricabiles divisiones, aliis concilii auctoritatem, aliis papæ anteposentibus, semper autem talium promotorum gesta necne valeant remanere in dubium periculosum est valde, & jam in plerisque mundi partibus ob præmissa, gravia scandala sunt suborta, & hujus sacri concilii & aliorum, omnium offenditur auctoritas. Intellexit autem a fide dignis plurimis sancta synodus eundem dominum Eugenium ad diversos reges & principes suos nuncios dedit, ut in eandem annatarum perseverantia sibi admitterent, utque hoc sanctum decretum violarent: quæ res veluti discordiæ & damnatæ cupiditatis nuncia, nostris auribus gravius est, dum abutidissimum putamus, eo pacto sacras hujusmodi ordinationes, per illum, qui ad ipsarum tuitionem propensius obligatur, infringi procurari, ut etiam secularium potestates in everisionem vocentur earundem. Deberent ipsi idem domini temporales a præfatis ecclesiasticis de unitate ac mutua dilectione deque iustarum legum ac morum observantia edoceri. Nonne puter quisque hanc sanctam synodum neglegentem, quominus apostolicæ cameræ conveniens & honesta provisio fiat, ad onera universalis ecclesiæ supportanda. Immo illud quotidie imminet incogitationibus nostris: sed dum multa instant pro reformatione ejusdem ecclesiæ, pro quibus continuo laboramus, & circa eandem provisionem statuendam poterit opportunius sanisque decerni, ideo differendum delegimus; absque etiam putantes, quasi ebullientia ad hoc videretur universalis ecclesiæ, ut non aliter hanc annatarum molem importabilem submoveremus, nisi prius re compensatio facta esset. Non enim a malo solum, sed ab omni est mali specie juxta dictum apostoli abstinendum. Et si hæc & similia convenientibus oculis pertraherent, procul dubio universalis ecclesiæ læderetur. Non valens igitur hæc sancta synodus tam graves offensas amplius tolerare. Ex quo igitur idem dominus Eugenius animo pertinaci, Spiritui sancto & nobis, cujus ministri sumus, temerarie resistit; etiam Spiritus idem sanctus per organa nostra statuit & decrevit, iustitia mediante, vestigiis aliorum factorum conciliorum inherendo, qui Romanorum pontificum excessus in scandalum universalis ecclesiæ perpetratos debite punierunt, cum ipsorum potentie militantis ecclesiæ animadvertere in eundem, nisi celeriter, ut res exigit, respiceret. Propter præfata sancta synodus indecesse &

intrepide agens pro omnium salute, & ut murum se obiciens pro impugnantibus illam, habita peripus super præmissis omnibus & singulis pluribusque aliis per fide dignos plures testes omni exceptione majores, & per acta hujus sacri concilii & alia jura, informatione sufficienti constitutaque sibi per hujusmodi summariam informationem, receptam auctoritate dicte synodi, per deputatos specialiter ad informationes hujusmodi recipiendas, ac de notorietate violatorum dictorum decretorum, ac de aliis supra narratis & quampluribus aliis, per viscera misericordie domini nostri Jesu Christi dictum dominum Eugenium instantissime rogat, obsecrat, & hortatur, monet ac solemniter requirit, & ex parte omnipotentis Dei sibi mandat & præcipit, quatenus infra XXV. dies a die presentis publicationis immediate numerandos & finiendo, quicquid contra decreta dicte sanctæ synodi, præsertim illa duo de electionibus & de annatis, fecit & attentavit, casset, revocet, annulet, quin immo irrita ac nulla, & pro infectis haberi decernat, promittatque in futurum eadem fideliter observare & manutene. Et propterea omnes & singulas provisiones cathedralium ecclesiarum, & monasteriorum, necnon collationes quorumcumque beneficiorum ecclesiasticorum electivorum, prætextu quorumcumque reservationum, factas, per quos electionibus ad illam vel ad illa præjudicari seu impedimentum præstari possit, nunciet & declaret irritas & inanes; necnon omnes annatas seu vacantias & alia contra decretum annatarum recepta, illis restituet, a quibus indebite sunt receptæ, ac per camerarium apostolicæ sedis restitut mandet realiter & cum effectu, pastesque omnes prædictas lesas, in pristinum statum reponat. Omnes insuper appellationes ad ipsum, & sanctam sedem apostolicam, sententias per sacrum concilium vel sua auctoritate latis interpositas, cum processibus in eunda vel extra factis, revocet, & annulet; & dictas causas pro quibus est appellatus, ad sacrum litum concilium decidentias remittat, cum intendat sacrum concilium cum omni humanitate ad ipsum recurrentibus iustitiam ministrare. Et insuper iudicibus omnibus etiam S. R. E. cardinalium sub excommunicationis, & appellantis prædictis sub perditionis juris poenis, quas contra faciendo incurrant, ipso facto, mandet, ne super dictis causis appellationum quoquomodo procedant. Mandet etiam per suas litteras apostolicas omnibus ordinariis locorum & auditoribus, seu aliis commissariis in Romana curia aut extra impetratis, quatenus in causis agitandis quibuscumque decreta hujus sacri concilii solemniter edita debeant observare, omnesque sententias in eodem concilio ejus auctoritate latis, quæ in rem transierunt judicatam, exsequantur, ac si auctoritate dicti domini Eugenii late essent, etiam cameram concernent apostolicam, omniaque rescripta & concessionis in contrarium per ipsum factas & facta revocet & annulet, & insuper cum ad dictam sanctam synodum frequentes querelæ deferantur a multis, quos dicunt eundem dom. Eu-

ANNO  
CHRIST.  
1436.

ANNO  
CHRISTI  
1436.

genium vel subs. officiales sua auctoritate, causa non cognita, & eis non citatis ac defensis, sed penitus de facto suis bonis spoliasset, seu alias eorumdem bona quibus spoliati fuerunt retinuisse, ipsumque vel ea in ararium dictæ cameræ non reposuisse, & nonnullos incarcerasse, et variis injuriis affectisse: requirit etiam et monet eadem S. synodus, quatenus omnibus et singulis sic expressis infra duos menses a die notificate liquidationis dictorum bonorum seu damnorum, præfato camerario, etiam per edictum publicum in loco vicino curiæ Romanæ, si non pateret tutus accessus, per sententiam definitivam, quæ transierit in rem judicatam, in hoc sacro concilio latam vel ferendam, intimandam, ablata restituat, ac de his omnibus, necnon de observatione omnium aliorum decretorum factorum et faciendorum pro generali reformatione ecclesiæ in capite et in membris, infra dictum terminum, hanc sanctam synodum per suas litteras more Romanæ curiæ plumbatas, in suo consistorio publico perprius lectas, certificet. Insuper pari modo veritatem per ecclesiam in decreto Constantiensis concilii determinatam, certa auctoritate sacrorum conciliorum se fideliter credere profiteatur expresse, ad tollendam omnem ambiguitatem, & multorum animos sedandos, qui propter præmissa dictum dominum Eugenium, ne non recte opinetur, habent valde suspectum, de hujusmodique facta professione infra eundem terminum pari modo reddat hanc synodum certiorum. Cujus quidem decreti tenor talis est: *Frequent, &c.* necnon infra alios XXV. dies post dictos XXV. immediate sequentes, hanc sanctam synodum per dictas suas litteras, more Romanæ curiæ plumbatas, in generali congregatione vel sessione solemniter legendas, de præmissorum observatione certificet. Quod si infra eundem terminum præmissa omnia et singula realiter et cum effectu minime adimpleverit, ipsis diebus elapsis, ex nunc prout ex tunc, et ex tunc prout ex nunc, dicta sancta synodus decreto sacri concilii Constantiensis inherendo, ad poenas canonicas procedet, prout ei secundum juris dispositionem & canonicas traditiones pro salute Christiani populi, alia citatione non facta, videbitur faciendum; et ideo eundem dominum Eugenium monet et requirit, quatenus dicat et alleget coram dicta synodo infra eundem terminum, quatenus notorius et incorrigibilis, turbator reformationis generalis ecclesiæ universalis, et pacis ac quietis ejusdem, ob non observationem decretorum hujusmodi, dici & declarari non debeat; necnon dicat & obiciat quicquid velit, quare ad poenas prædictas devenire non debeat, coram dicta synodo justitiam recepturus. Datum, &c.

## CONCILII BASILEENSIS EPISTOLA

Ad capitulum Trecentis ecclesiæ, exhibita capitulo. XI. Julii MCCCCXXXVI. per Johannem Blanche saccentorem.

*Ut Stephanus Callean canonicus Trecentis existens in concilio, sua præbenda canonicali gaudeat.*

ANNO  
CHRISTI  
1436.Ibid. pag.  
937.

**S**acro sancta generalis synodus Basileensis in Spiritu sancto legitime congregata, universalem ecclesiam representans, dilectis filiis decano & capitulo ecclesiæ Trecentis, ac omnibus aliis & singulis quorum interest, & quos infra scriptum tangit negotium, seu tangere poterit quomodo libet in futurum, salutem et Dei omnipotentis benedictionem.

Quia pium æstimamus & rationi consonum fore, veritati testimonium perhibere; hinc est, quod dilectus ecclesiæ filius Stephanus Callean presbyter, magister in artibus Parisiensis, & baccalaureus in sacra pagina, canonicus vester, ad hoc sacrum concilium Basileense pro extirpandis hæresibus, moribusque reformandis, & pace inter Christianos congregatam, dudum accessit, & eidem incorporatus exiit: quodque ne propter hujusmodi accessum ad dictum concilium quis detrimentum suorum beneficiorum patiatur, hæc sacrosancta synodus statuit & decrevit, ut qui in eadem synodo causa concilii præsentem fuerint & incorporati, sicut ipse Stephanus actu præfatus exiit, fructus & proventus suorum beneficiorum percipiant & eisdem gaudeant, prout & quemadmodum in decreto super hoc in prima hujus sacre synodi publica sessione edito, hæc et alia continentur; cujus decreti tenor sequitur & est talis, *Cum hi qui interfunt, &c.* Quapropter decanum et capitulum et alios et singulos supradictos hortamur, requirimus, & monemus, et nihilominus in virtute sanctæ obedientiæ districte præcipiendo, mandamus, quatenus ipsum Stephanum canonicum vestrum, fructibus et proventibus suorum canonicatus et præbendæ dictæ ecclesiæ Trecentis, sine difficultate et contradictione quibilibet, juxta præferti decreti tenorem atque formam, uti & gaudere permittatis, sibi que vel suo procuratori in hac parte deputato, de eisdem respondeatis, et faciatis ab aliis quorum interest responderi. Datum Basileæ, idus Junii, a. nat. Dom. MCCCCXXXVI.



ANNO  
CHRISTI  
1436.

## TRACTATUS FACTUS

Contra avifamentum quoddam Basiliensium, quod non liceat appellare a concilio ad papam.

Auctore Joanne de Turrecremata S. T. M. ordinis Prædicatorum.

EX M. S.  
Cod. Feli.  
ni.

Sic.

Sancta Synodus Basiliensis etc. ordinat et statuit, diffinit, et declarat, quod nulli simplici personæ, collegio, communitati, universitati cujuscumque dignitatis, gradus, status, ordinis, aut conditionis, etiam si papalis aut imperialis existeret, fas est aut fuerit decretis et sententiis generalis concilii quocumque appellationis, aut alterius remedii prætextu, conjunctim, aut divisim contravenire, aut non obedire, aut præcedenti se alicujus eorum occasione læsum; apud alium, quam generale ipsum concilium, ipso vigente, auxilium desuper implorare &c. & infra. Nec alicui prædictorum fas sit a quacumque sive quibuscumque sententiis, seu decretis auctoritate sacri concilii emanatis, aut promulgatis conjunctim vel divisim ad tribunal etiam apostolicum fuerit, quam generalis concilii pro tempore existentis, et eo durante, nec a re auctoritate sedis apostolicæ judicata ad tribunal sacri concilii donec integraliter paritum et de læsione doctum fuerit. Et infra. Et nihilominus si contra decretum vel sententiam sacri generalis concilii taliter attemptatur, infra mensem quartum singulis hujusmodi attemptaverit, deprecis, seu sententiis non obedierit, aut aliquam ex aliis attemptatis prosequutus fuerit, tam ille, quam iudex, advocatus, procurator, notarius etc. ad quæcumque beneficia obtenta, vel obtinenda sit inhabilis, et de facto privatus, et quilibet ex ipsis infamia perpetua innodatus.

Sequitur votum in contrarium.

Circa hoc avifamentum, pace et gratia semper integris patrum avifantium illud, et sub correctione, et emendatione vestrarum paternitatum, duo facere intui. Primo, assignabo rationes quibus visum est mihi hoc avifamentum nullo modo suscipiendum esse. Secundo, dabo consilium pro voto meo pro firmitate, et robore tam decretorum, fiendorum hic, quam sententiarum datarum in concilio. Circa primum, quia de duobus fit mentio, scilicet de decretis, et de sententiis; (instar aliquorum dominorum qui prolucuti sunt) primo loquar breviter cum decretis conciliorum universalium; secundo de sententiis datis in eisdem. In primis, notandum quod canones, vel statuta SS. Patrum in conciliis universalibus, sunt in duplici generi; ut ait S. Thomas, in quolibet quodam, loquens de statutis apostolorum; et in Tract. contra impugnantes religionem de statutis conciliorum universalium. Primum genus est quo eorum statuta sunt de jure divino, sicut sunt pertinentia aut ad articulos fidei, aut ad substantiam sacramen-

terum, aut quæ manifestam habent connectionem ad legem divinam pertinentia ad bonos mores. Et de talibus, ut ait S. Thomas, intelligitur c. contra, et c. prima salus, XXV. q. de talibus etiam canonibus maxime intelligitur c. violatores: eisdem causa, et q. Ex quibus consequitur, quod contraditores institutioni canonum hujus generis, habita notitia quod ad jus divinum pertinent, audiendi non sunt, sed magis puniendi tanquam suspecti, et adversarii fidei, et religionis christianæ. Secundum genus canonum est eorum, quos instituerunt SS. Patres in conciliis universalibus de jure positivi; licet enim canones omnes a SS. Patribus unanimi sensu constituti dicantur conditi a Spiritu S. non tamen omnes dicuntur pertinere aut ad legem naturæ, aut ad jus divinum, sicut aliqui domini visi sunt dicere in hac deputatione reformatorii; sed aliqui dicuntur pertinere ad jus positivum: licet enim omnis veritas a quocumque dicatur, teste B. Ambrosio, a Spiritu S. sit; non tamen omnis veritas dicitur, aut theologica, aut juris divini, aut fidei, aut ad divinam legem pertinere; sed erit alterius inferioris generis. Præterea si canones omnes quia a Spiritu S. sunt conditi pertinere ideo dicentur ad legem naturæ, aut ad jus divinum, indispensabiles essent; et ita ecclesia errasset in dispensando canonibus factis a SS. patribus. Item nec mutari possent qui semel essent constituti, et multa alia sequerentur, quæ omnia absurda sunt. Loquendo autem de isto genere canonum, de quo principalis est inter nos disceptatio et deliberatio, dico quod aut canones, sive decreta facta in concilio sunt unanimi consensu papæ, aut suorum præfidentium conclusa; aut non: Si primo modo, sit ista conclusio: canones tales sunt ab omnibus custodiendi, et peccant qui canones prædictos præceptores; maxime in casu non concessio, transgrediuntur; Probat per illud Rom. 13. omnis auctoritas subdita sit potestatibus sublimioribus. Item ibidem: omnis potestas a Deo est; De qui potestati resistit Dei ordinationi resistit; sed resistere Dei ordinationi est peccatum; ergo &c. De quibus canonibus intelligendum etiam venit c. illud, Violatores, quando quis ex contemptu potestatis ecclesiasticæ, aut præsumptione contra canones ageret. Unde ibidem in prædicto c. dicitur sic: talis enim presumptio manifeste unum genus est blasphemantium Spiritum Sanctum. Unde Archid. in gloss. prædicti c. violatores, ita dicit in Rosario: Fateor, quando sic cupiditate vel sine causa, vel in casu, non concessio secundum Innoc. Dic ergo quod non obedire vel venire contra canones, ex certa scientia mortale peccatum est, cum talis possit excommunicari, l. q. 1. si quis. Et hoc intellige quoad statuta præceptoria, et in eodem casu quo obediendum est secundum Oñen. qui hoc notat ex de mayo. et obedi. cap. 2. si Jo. de Deo dicit quod hoc quod hic dicitur intelligendum est quando ex contemptu hoc sit, scilicet contra sacros canones, 19. dist. Nulli. Alias falsum esset; quotidie enim facimus contra honestatem, et moderamen-

ANNO  
CHRISTI  
1436.

ANNO  
CHRISTI  
1436.

ANNO  
CHRISTI  
1436.

canonum, et est veniale in quibusdam, 23. diff. 5. nunc autem. Item idem in c. pri-  
ma salus, in verbo nullatenus deviare; di-  
cit: hoc intellige ex contemptu; alias  
continue facinus contra canones, sicut  
continetur supra, Violatores. Hæc ille. Ex  
qua conclusione cum notatis sequitur pri-  
mum correlarium, quod non omnis transgres-  
sio sacrorum canonum etiam mortalis est pec-  
catum in Spiritum Sanctum, aut blasphemia  
in Spiritum S. ut quidam dominus videbatur  
nuper dicere; proprie capiendū blasphemiam  
in Spiritum Sanctum, et peccatum in Spi-  
ritum S. prout Hieronymus, Augustinus, et  
magister sententiarum in 2. diff. 53. accipiunt.  
Patet ex dictis.

Secunda conclusio est huiusmodi. Canoni-  
bus non pari, nec eodem genere obligatio-  
nis universaliter subicitur papa, & reliquus  
populus christianus. Probatur quoniam prin-  
ceps aliter subicitur legi, & aliter popu-  
lus: pro quo notandum quod, prout dicit  
S. Thomas in 1. 2. q. XCVI. art. 4. quæ-  
rens utrum subiciantur omnes legi humanæ:  
duo habet lex de sui ratione, primo quod-  
dum, quod est regula humanorum actuum;  
secundo quod habet vim coactivam. Quan-  
tum ad primum, videlicet quantum ad vim  
directivam, omnes obligantur & etiam prin-  
cipes, quoniam iustum est, ut dicitur extrav.  
de constitutionibus, quo quisque iure in al-  
tero utitur, ipse eodem iure uti debeat;  
Sapiens ait: *patere legem quam tu ipse tu-  
leris*. Quantum vero ad secundum, scilicet  
vim coactivam, princeps non subditur legi,  
inquit sic S. Thomas. Ratio quoniam nul-  
lus proprie cogitur à se ipso; lex autem  
non habet vim coactivam, nisi ex principis  
potestate: hinc legis peritus, ait quod prin-  
ceps solutus est legibus, quia nullus in ipsum  
potest iudicium damnationis ferre, si contra  
legem agat. Unde super illud psalm. *Tibi  
soli peccavi*, habet gloss. sic: *Rex est omni-  
bus superior; & ideo a Deo tantum, qui est  
maior puniendus est. Si vero quis de popu-  
lo peccat, & Deo peccat & regi. Rex ve-  
rò non habet hominem qui sua facta diju-  
dicet; & ideo dicit: tibi soli peccavi*. Quod  
verò summus pontifex princeps ecclesiæ hoc  
modo sit & ecclesiasticis, live canonicis le-  
gibus absolutus, habemus in cap. X. ideo  
XXV. q. 1. ubi ita dicitur: *his itaque res-  
pondetur, videlicet c. confidimus, & c. que  
ad perpetuam, & c. violatores, & c. con-  
tra, & c. prima salus*, quibus arguebatur;  
quod papa seu summi pontifices etiam im-  
permutabiliter observare tenerentur. cano-  
nes: *sacrosancta R. E. jus, & auctorita-  
tem sacris canonibus impartitur; sed non eis  
obligatur; habet enim jus condendi cano-  
nes, utpote quæ est caput, & cardo omnium  
Ecclesiarum, à cuius regula nemini dissen-  
tire licet; ita ergo canonibus auctoritatem  
præstat, ut seipsam non subiciat*. Hæc ibi,  
& multa alia, per quæ patet veraciter; ergo  
nec contra hoc militat decretum concilii  
Constantiensis. Non enim creditur quod  
præfatum concilium volverit ecclesiæ prin-  
cipem aliter adduxisse ad observantiam  
canonum huius generis, quàm princeps so-  
let & valet attringi. Unde in c. significa-  
Concilior. Supplem. Tom. IV.

si, extra l. de electio: dicitur quod, *conci-  
lia legem non præfixerunt ecclesiæ Romanæ;  
cum omnia concilia per ecclesiæ Romanæ au-  
thoritatem & facta sint, & robur acceperint,  
& in eorum statutis Romana patenter exci-  
piatur auctoritas*, glos. Otiens: tanquam su-  
perior, 9. q. 3. *cuncta per mundum*; ergo in-  
ferior non potest ei legem imponere, 1. de  
major. & obed. cum inferior. Hæc ille.

Præterea cum papa subijci, sicut cæteri  
subijciuntur legibus positivis conciliorum non  
videatur pertinere ad reformationem; im-  
mo hoc deformationem & deordinationem  
faciat in Republica, non est credendum pa-  
tres illius concilii Constantiensis talem ha-  
buisse intelligentiam ab omni ordine & ra-  
tione alienam. Correlarium primum est,  
quod licet residuus populus christianus obli-  
gentur ad observantiam canonum utroque  
modo; poena tamen in avilamento, si ad  
transgressores canonum se extendat, sicut  
ad appellantes, ut mihi visum est nimis  
dura & periculosa; tum primo, quoniam  
hoc esset magis zelare leges humanas, &  
instituta hominum, quàm Christi legem,  
cujus transgressoribus nulla poena par im-  
ponitur. Tum secundo, quia ex hoc sepe-  
numero apud multos fideles multorum præ-  
latorum ecclesiæ, immo etiam papæ ponti-  
ficium dubium redderetur; & ita sæpe per  
aliquos exhibita profana aut irrita cense-  
rentur. Ex quibus majus vulnus oriretur  
in ecclesiis, quàm mala sint, quæ ex trans-  
gressoribus canonum juris positivi possent  
provenire. Tum tertio, quoniam videretur  
poena non commensurari delicto, contra il-  
lud scilicet Deuter. XXV. *secundum deli-  
ctum erit plagarum modus*; & ita injusta  
esset talis poena. Correlarium secundum;  
canones huius generis, scilicet pertinentes  
ad jus positivum, non possunt institui im-  
mutabiles; patet de se, quoniam materia  
eorum est mutabilis juxta varietatem tem-  
porum, locorum, personarum, aliorumque  
accidentium, quorum varietas nulla mensu-  
ra, nulla certitudine plena potest cognosci  
& prævideri. Correlarium tertium; ne-  
cessè est apud summum pontificem relidere  
auctoritatem dispensandi, & mutandi, prout  
casus necessitatis, & communis utilitas ex-  
poperit; nequaquam enim, ut ait Aymarus  
in lib. Concilior. cap. 39. *ecclesiastica dis-  
ciplina sufficere posset, si non præsul aposto-  
licus illam auctoritatem haberet de canoni-  
bus, quàm supra retulimus*. Nam præceden-  
tium patrum statuta ecclesiasticam discipli-  
nam aliquando non tam inflexuenter quàm  
conferrent, si nulla ratione a successoribus  
eorum mutari possent. Et infra: Si B. Gela-  
sius numerum annorum, quos sui anteces-  
sores singulis annis præfixerunt, minuire non  
posset; penuria clericorum sui temporis per  
presbyteros ex laicis infra annum maturatos  
nullo modo succurrisset. Item si moderni pon-  
tifices antiquorum rigorem canonum per la-  
icos sacerdotes remittere, nequiverent; ipsa  
christiana religio destituta sacerdotali officio  
penitus stare non posset; cum jam peno nulli  
sacerdotes, nisi criminaliter lapsi, reperian-  
tur, quos antiqui canones deposuisse legun-  
tur. Hæc ille. Ideo dicit Innocentius III.



ANNO  
CHRISTI  
1436.

& habetur extr. de præben. c. *proposuit*: secundum plenitudinem potestatis de iure possumus supra ius dispensare. Et dicit O. Hen. q. d. nullo iure astringimur, immo sumus positi supra iura omnia, atque concilia, S. de elect. c. *significasti*. Hæc ibi. Sed dicit aliquis: nullus contrarium dicit; omnes enim in hanc sententiam convenire videntur, quod occurrente causa necessitatis, ac evidentis utilitatis papa possit, & debeat dispensare; sed quod non dispense sine causa, & indifferenter non violet canones conciliorum. Ego tali respondeo quod affectus iste sanctus est, & zelus bonus; sed videat, & provideat bene talis, ut ad custodiam canonum fervetzelum hac discretione salitum, quem non habere videbitur, si tum necessitatis aut mensura utilitatis punctualiter designetur, aut alterius iudicio quam principis ecclesiæ huiusmodi taxatio, & commendatio committatur; aut quod magis alienum a tramite rationis videtur, si irritare, sive annullare temptaret, quod absque legitima causa factum esse diceretur. Hæc enim esset orbem implere litibus, hominum conscientias scrupulosas reddere, sæpenumero de sacramentorum virtute dubios facere christianos. Quibusdam namque dicentibus, legitima causa fuit dispensationis, aliis vero e contra asserentibus; sæpe veri pastores redderentur non esse, ut eorum sacrificia æstimarentur profana, quæ maiora mala parturirent, quam ea quæ levibus ex dispensationibus nostris temporibus oriuntur. Videamus insuper, patres, qualiter in dispensationibus, quæ sunt in hoc concilio, a quo orbis & curia Romana reformationem expectat, ponderemus necessitatem, aut evidentem utilitatem, super qua se ad honorem nostrum nolo plus loqui. Id tantum sit dictum de canonibus constitutis universali consensu a papa vel presidentibus ejus, concilio pariter conclusis, sive a summo pontifice confirmatis. Sequitur dicendum de institutis decretis a solo concilio. Pro quo notandum, quod si sint aliqua instituta ab aliquo concilio, papa ibidem non existente aut non consentiente, sed contradicente per se, aut suos presidentes, videtur mihi quod sit Doctorum conclusio cum correctione, dicendo, quod tales canones pertinentes ad jus positivum nullum robur habent obligandi quemquam ad eorum observantiam antequam per papam roborentur, & confirmantur, quod ratione, & auctoritate multiplici probatur. Ratione sic. Nulla lex habet virtutem obligandi aliquem, nisi roborata & confirmata fuerit principis auctoritate; princeps vero roborans & confirmans legem canonicam est papa, qui juxta c. *Idem* 25. q. 1. ius & auctoritatem imperitur canonibus; & ita ubi non concurrat ejus auctoritas, leges non videntur adstringere, nec ligare. Auctoritate vero patet concilii Chalcedonensis, in cuius actione fec. dicitur: in omnibus synodis apocritas apostolici decretas sententias primi, propter summam auctoritatem ejusdem sedis, confirmabant & subscribebant; quia aliter nullum habebant robur. Item in c. *Bene quidem*, dist. 96. in synodo, in qua Symmachus præsidebat, ita

Implexa  
hic sunt  
multa.

Sic.

ANNO  
CHRISTI  
1436.

dicitur: *si cujuslibet provincie sacerdotes inter suos terminos concilio habito, quidquid sine sui Metropolitani auctoritate tractaverint, irritum esse debere* SS. Patres sanxerunt; quanto magis, quod in Apostolica sede non extante præfule, qui merito B. Petri Apostoli per universum orbem principatum obtinens Sacerdotii, statutis synodalibus consuevit, tribuit facultatem, & firmitatem? Item tertio, hoc ostenditur ex practica omnium conciliorum, quorum cura semper fuit canones constitutos ad papam mittere confirmandos, & roborandos ejus auctoritate; sicut patet de primis conciliis universalibus, de quibus alias duxi in medium apostolicas confirmationes. Hoc præterea in concilio Constantensi factum esse legitur, papa Martino creato. Nec valet, si dicatur, quod præfatum concilium Constantiense instituit, quod quilibet fidelis teneatur obedire decretis, ordinationibus &c. universali concilio; quoniam non creditur hoc intellexisse, nisi de eis quæ universali consensu conclusæ essent in concilio, quod non videtur esse, quando papa, aut princeps, aut presidentes ejus non concurrunt; quia in tali casu, cum decreta non essent universali consensu conclusa, non essent valida.

Corelarium primum. Contradictentes talibus canonibus condendis, sive constituendis legibus, antequam fiant, intentione impediendi reformationem ecclesiæ in se, vel in aliis, aut alicujus cupiditatis gratia, hostis censendus est reipublicæ, & non curandus, sive non audiendus, maxime, cum manifestum esset talem hac laborare perveritate animi.

Corelarium secundum. Opponentem se, avvisamentum quorundam conceptorum doctorum, sive legum condendarum, quia expresse sedi apostolicæ dimineant, aut infringunt privilegia, & auctoritatem, non sunt iudicandi impediendos reformationis, aut male agere; sed laudandi, & prædicandi de fidelitate ad itam sedem sanctam, in qua, teste B. Gregorio, Deus noiter Iesus Christus totius Ecclesiæ principatum & primum collocavit. Tum præterea, quia nulla decreta possunt ad reformationem ecclesiæ pertinere, quæ privilegia illius sanctæ sedis infringant & enervent, ac dirimant auctoritatem.

Corelarium tertium. Opponentem prædictis canonibus ante eorum conclusionem, quia videlicet videntur improporcionabiles regionibus aut laudabilibus & veteribus consuetudinibus terrarum, non sunt reprehendendi, aut iudicandi male agere; quoniam hoc iuste agere possunt, cum leges commendandæ sint politis, & non e converso; & glo. in c. *in his* 4. div. ita dicit: cum papa vult condere canones, episcopi possunt contradicere & dicere: canon iste non convenit consuetudini regionis nostræ. Hæc ibi.

Corelarium quartum. Contradictentes avvisamentum, porrectum per aliquos in medium, propter hoc quod videntur, & sunt nuda a conditionibus bonæ legis, ut puta quia non videntur esse honesta auxilia, aut possibilia, aut secundum consuetudinem patriæ,

ANNO  
CHRISTI  
1436.ANNO  
CHRISTI  
1436.

trix, loco, & temporis convenientia, aut non necessaria, nec utilia, aut non clara, aut communi utilitati servientia; sed magis privatis commodis, magnum servitium faciunt universali ecclesie, & grandem meritum cumulum promerentur apud Deum; horum enim studium est ne fiant leges iniquæ. Isti videntur esse illi milites, de quibus Deus per prophetam Zachariam dicit: *circumdabo domum meam*; glos. idest ecclesiam; ex his qui militant mihi. Et Cant. 3. dicitur de eisdem; *en lectulum Salomonis LXX, fortes ambiant ex fortissimis Israel, qui sunt omnes tenentes gladios, & ad bella doctissimi*. Et ex istis supradictis satis aperte respondetur quibusdam dominis dicentibus & arguentibus sic: Regulare sedem apostolicam, ita ut non possit peccare, & ut bene & laudabiliter regat ad utilitatem ecclesie, est bonum, & hoc etiam respicit reformationem capituli, ad quod reformandum sicut & cetera membra sacrum concilium convenit; ergo non prohibere, aut contradicere ne hoc fiat, est magnum peccatum. Iste sic dicentibus conceditur hoc totum; solum restat; si aliquid volunt ad propositum loqui; ut ostendant quod avia-menta sua sint huiusmodi, & non cedant plus in destructionem ecclesie, quam reformationem. In hoc enim est disceptatio nostra, non in voto reformandi. In hac enim re intervenit diversitas opinionum, contrarias votorum; dicentibus quibusdam hunc tenebras; aliis vero tenebras lucem.

Corelarius quintum. Licet canones conciliorum universalium non suscipientes ex contemptu gravissime peccarent; tamen qui sic non suscipiunt eos, aut quia consuetudini terre, aut moribus hominum sine magno scandalo non conveniunt, aut quia impedirentur majora bona, & majora mala sequerentur, peccare non videntur; dum tamen prius prelato totius ecclesie, videlicet papæ causa huiusmodi non observantia nota fieret, sicut de Anglicis legimus, quibus B. Gregorius permittit agere contra canones multorum conciliorum in gradibus prohibitis matrimonii, sicut habetur 35. q. 3. ca. *Quadam*. Et tantum sit dictum, & persunderie de primo puncto, scilicet de canonibus concilii universalis, de qua materia loquutus sum ea, quæ supra dixi, ratione aliquorum dictorum per aliquos dominos meos, qui preloquuti sunt, ut hi, qui inter nos minus intelligunt, informetur de veritate.

Circa materiam sententiarum quæ date sunt, aut dantur in concilio, & de appellatione non scienda ab eis, jam restat aliquid dicere. In qua re est primo notandum, quod de concilio universali possumus loqui dupliciter; & ita de sententiis datis in eo. Aut eorum in concilio prædicitur papa ut prælatus & caput concilii, & ab eo, & concilio, unanimi consensu, emanat sententia; & hoc modo loquendo sit ista conclusio. Non potest in hoc casu appellari, nec a concilio ad papam, nec a papa ad concilium. Patet conclusio; quoniam unum & idem est tribunal & consistorium, & idem iudex. Modo ab eodem ad eundem iudicem

non est appellatio facienda per c. non putamus, de consuetudi. li. 6. Tum secundo, quia nullus est superior iudex in terris ad quem appellatio devolvi possit: & hoc modo currit argumentum dicti cap. a collatione de appellat. lib. 6. Hoc modo currit illud de Chalcedonensi concilio, quod ab electa synodo non liceat appellari, cum in eo dicatur quod papa confirmat sententias concilii. Pari etiam intelligentia accipienda est constitutio Toletani concilii, ut ex serie textus ejus patet. Nam ut verbis ejus utar, loquitur de his quæ fuerint descripta distinctione universalis auctoritatis \*, quando non concurrat assensus papæ, qui totius orbis episcopus est & pastor; & in quo universalis potestatis ecclesie residet plenitudo. Alio modo loqui possumus de concilio universali, in quo papa non est præsent, vel si est per præsidentes suos, non prædicit concilio universali ut prælatus concilii, sed ut alterum membrum concilii, sicut de episcopo dicitur in cap. prælegato in collatione, qui aliquando non ut prælatus in capitulo, sed ut canonicus interest; quod tum contingit quando vox sua non valet plusquam vox alterius canonici, quo dicitur tantum capitulum, & non commune episcopi & canonicorum; & tunc ad eundem tanquam ad superiorem, cum aliud non diffiniat, sed capitulum, quamvis intersit tanquam canonicus, appellabitur. Verba sunt cum tex. Domini Archidiaconi in loco prædicto. Et ita videtur esse de papa; videlicet quod non præsideat in hoc concilio ut prælatus & caput concilii, sed ut alter canonicus, cum vox papæ non habeatur major quam minimi de concilio, cum pari honore & pondere currant vota, & numerentur cum votis præsidentium. Et si dicatur quod legati ejus præsent loco papæ, & habent superiorem locum, & concludunt; dico quod nihil est, quia non valeat vox eorum plusquam eujuscumque alterius membri. Non præsent præsentia auctoritatis, sed nominis, aut honoraria locali. Præterea, si concludant vota, concilii auctoritate dicuntur concludere; & si concludere nolunt, sequens potest concludere ex ordinatione concilii; & ita papa in eis prædicit concilio non ut prælatus, & caput & episcopus capituli, & in hoc casu cum sententia quandoque non emanet unanimi universali consensu, quia non communiter a papa & concilio, sed solum est sententia concilii aut patris concilii, videtur aliquibus esse dicendum, in hoc casu de appellatione a concilio ad papam, sicut de appellatione a concilio ad episcopum, quando non prædicit ut prælatus capituli in capitulo, juxta c. præfatum a collatione. Immo necessario ita videtur esse dicendum, si argumentum dominorum, qui ex illo c. arguunt pro parte contraria aliquas vires habeat. Quia ergo præfatum avilamentum, salva tamen semper reverentia constituentium illud, minus digestum videtur esse, cum non faciat distinctionem de conciliis, nec de materia causarum, nec quando intervenit consensus papæ, qui juxta concilium Chalcedonense habet confirmare sententias concilii, at non intervenit. Item nec

\* Deest  
aliquid.



ANNO  
CHRISTI  
1436.

nec distinguit de sententiis conciliariter datis, aut per particulares iudices; & ita de aliis, quæ merito consideranda veniebant; videtur mihi quod ita universaliter & indifferenter instituire, quod a sententiis concilii universalis appellari non possit etiam ad papam, sicut innuit avasamentum, sit inconvenientissimum, quod ex multiplici patebit ratione, cum exorbitantiam præfati avasamenti manifestam fecero.

Avasamentum autem illud non admittendum videtur decem rationibus. Primo, quia multipliciter videtur sapere non sanam doctrinam. Secundo, quia periculosum fidei. Tertio, reprobat approbata per sanctos DD. & ecclesiam universalem. Quarto, quia est contra determinationem sacrorum conciliorum universalium. V. quia est contra rationem naturalem etiam. VI. quia est contra multos canones. VII. quia est contra privilegia sedis apostolicæ. VIII. quia est præjudiciale honoribus ecclesiarum, & principum. IX. quia maxime est præjudiciale honoribus & prerogativis episcoporum. X. quia videtur præsumptuosum.

Primum patet, tum quia avasamentum videtur innuere quod suprema potestas coactiva non sit in papa, quod est error condemnatus in concilio Constatientiensi, super quo heretici præcipiuntur examinari. Hoc autem etiam habetur in c. *pater*, 9. q. 3. ubi sic dicitur. *Pater profecto sedis apostolicæ, cuius auctoritate majus non est, iudicium a nemine fore retrahendum; nec de ejus liceat cuiquam judicare iudicio.* Item Beda super illud Evangelii: *venit Jesus Matth. 16. & habetur 24. q. 1. quicumque.* Ideo B. Petrus, qui Christum vera fide confessus est, & vero amore secutus, specialiter claves regni celorum, & principatum judicariæ potestatis accepit, ut omnes per orbem credentes intelligant, quia quicumque ab unitate fidei, vel societate ejus quomodolibet semetipsum segregant, tales nec vinculus peccatorum absolvi, nec janua possunt regni celestis ingredi. Nec valet quod dictum est a quodam Domino nuper, quod decretum concilii Constantiensis dicens supremam potestatem ecclesiæ esse in papa, non procedit quando contrarium reperitur in jure, aut absurditas aliqua sequitur; quia posito quod hæc solutio locum haberet in statutis, aut decretis concernentibus purum jus positivum; non tamen habet locum in decretis concernentibus determinationem, & distinctionem fidei catholicæ, cujusmodi est illud decretum; quoniam si ex decreto fidei concilii Constantiensis sequitur absurditas aliqua aut repugnantia ad jus, & maxime divinum, oportet dicere, quod istud concilium erraverit in fide; quod ipse Deus non concederet. Falsum etiam est, quod alicui juri, aut canoni contradicat; cum omnes clament principatum ecclesiæ in sede apostolica collocatum. Et ad hoc ratio etiam militat principatus regalis, cujusmodi est ecclesiasticus principatus. Præterea etiam nihil valet quod ab aliis dicitur; videlicet quod suprema potestas sit in papa respectu particularium personarum; sed respectu totius ecclesiæ universalis non. Tamen quia tales

non videntur intelligere quod dicunt; si enim papa respectu omnium ecclesiarum particularium habeat supremam potestatem; & cum totalitas ecclesiæ nihil aliud dicat, sive importet, nisi omnes particulares ecclesias; necesse erit dicere, quod si respectu omnium particularium, quod etiam respectu totius congregationis ex illis partibus confurgentis. Item dicit Chrysostomus super act. Apostolor. *Petrus a filio Dei super omne quod filii est accepit potestatem, non ut Moyses in gente una, sed in universo orbe;* quæ auctoritas verificari non potest, si respectu congregatæ ecclesiæ summus pontifex non haberet potestatem; immo concilium dicens se non habere papam supra se, est dicere se ad filium Dei non pertinere, aut filio Dei non esse subiectum.

Præterea contra dicta taliter dicentium sunt decreta SS. Patrum. Dicit enim S. Gelasius, ut habetur 11. dist. c. *nolite*: *multum convenit, ut totum corpus ecclesiæ in hac sibiimet observatione concordet, quam illic videri videt, ubi Deus totius ecclesiæ posuit principatum.* Eadem etiam sunt verba Julii papæ. Ad idem est c. *Basilicas*, de consecr. dist. 1. Ad idem est S. Thomas, qui in tractatu contra Græcorum errores dicit in c. 32. quod similis est error dicentium Christi vicarium, Romanæ ecclesiæ pontificem, non habere universalis ecclesiæ primatum, error dicentium Spiritum S. non procedere a Filio. Hæc ille. Ex quibus verbis apparet, quod periculose sit dictum papam, non habere primatum universalis ecclesiæ, sed tantum respectu particularium personarum ecclesiarum.

Secundo, avasamentum illud videtur quodammodo sapere contra fidem, quia contra articulum: *unam sanctam ecclesiam catholicam & apostolicam.* Quod probatur sic; quoniam ponendo duo tribunalia suprema in ecclesia, unum apostolicum, et aliud concilii universalis, ut in avasamento supponi videtur, non potest unitas ecclesiæ servari, quæ attenditur per ordinem totius corporis ad unum caput, nedom Christum, sed ejus vicarium. Unde schismatici dicuntur, qui sedi apostolicæ non coherent, ut dicit S. Thomas in 2. 2. q. 39. art. 1. et Alexander de Ales in 2. et ideo dicit gloss. super illud Matth. 16. *Tibi dabo claves regni celorum. Specialiter potestatem Petro concessit, ut ad unitatem nos invitaret; Ideo unum principem constituit, ut ecclesia unum principalem Christi haberet vicarium, ad quem diversa membra recurrerent, si forte inter se dissentirent. Quod si diversa capita essent in ecclesia, unitatis vinculum rumpere.* Et B. Cyprianus in c. loquitur Dominus, 24. q. 1. Loquitur Dominus ad Petrum: ego dico tibi, quia tu es Petrus &c. super unum ecclesiam edificavit Et infra: *ab unitate exordium proficitur, ut ecclesia una Christi monstratur.* Hæc ille. Ergo ex ista dualitate cathedræ et tribunalium, quæ præsupponuntur in avasamento, et utrumque dicitur supremum, ecclesia duplex et non una monstrabitur.

Tertio, idem ostenditur quod videtur sapere contra fidem, sic: idem censendum est esse tribunal Christi et papæ in terris cum

ANNO  
CHRISTI  
1436.

ANNO  
CHRISTI  
1436.

ANNO  
CHRISTI  
1436.

cum ejus sit vicarius, et ejus vices gerat in terris. Unde Chrysostomus super illud: *pasce oves meas; id est loco mei propositus esto; & caput fratrum tuorum, ut ipsi loco mei te assumentes, ubique terrarum te in throno tuo sedentem predicent & confirmant.* Et hoc pariter colligitur ex illo c. non putamus, de consuetudi. lib. 6. sed ponere quod a tribunali papæ possit appellari ad aliud in terris, aut per aliud ab alio ad tribunal papæ non possit appellari, est ponere, primo, quod a tribunali Christi possit appellari; secundo, quod aliquod aliud tribunal sit majus tribunali vicarii episcopi et majus tribunali episcopi, cujus est vicarius, cum sit unus et idem; quorum utrumque videtur erroneum manifeste. Ex quo patenter contrarie colligitur non esse dicendum universali, et ita indifferenter, quod tribunal universalis concilii est majus tribunali papæ, sicut avasementum supponere videtur, et multi etiam de presentibus audacter, licet non, ut videtur, veraciter dicunt. Patet correlarium. Tum primo quia, ut dictum est, nullum majus esse potest tribunali Christi, quod etiam est ipsius papæ Christi vices gerentis, sicut unus et idem episcopi et vicarii censetur esse tribunal, et consistorium et ita Augustinus dicit super illud Matth. 16. *quicumque ligaveris &c. Vide quantum potestatem habet petra, super quam edificatur ecclesia, ut etiam iudicia ejus maneant firma, quasi Deo judicante per eam.* Tum secundo, quia, ut Hieronymus, et Augustinus dicunt, ecclesia suscepit claves in Petro; ergo ecclesia non habet ampliorem potestatem, quam Petrus figurans ecclesiam suscepit. Item tertio, id dicere est contra decreta sacrorum conciliorum universalium et dicta SS. Patrum, & DD. glossatores canonum; unde ext. de elect. in c. *significasti*, dicitur, quod Romanæ ecclesiæ legem concilia non præfixerunt, cum omnia concilia per ecclesiæ Romanæ auctoritatem & facta sint, & robur acceperint. Ubi gloss. Host. ita habet, tanquam superior g. 3. *cuncta per mundum*, ergo inferior non potest ei legem imponere; idem de major. & obediens. cum inferior. & Jo. Andreas super verbo *robur*, dicit: videtur ergo standum papæ, si contradicat concilio. De hoc dist. 3. in istis. Hæc ille. Sed ad hoc dicunt aliqui, quod hoc dictum intelligatur de conciliis generalibus patriarchalibus, & de non universalibus simpliciter. Sed horum dictum est valde alienum a textu et glossis Sanctorum ibidem. Nullus enim dubitavit, quod concilia patriarchalia, sive provincialia non possent legem ponere papæ. De generalibus ergo simpliciter intelligitur; et ideo eorum dictum non curandum, quod patet etiam ex 17. dist. per totum. Præterea probatur quod dicere, quod tribunal concilii sit majus tribunali papæ, dicit contra determinationem conciliorum. Dicitur enim in c. *ne Romani*, ex. de electio. in Clem. quod fuit in Concilio Vienne, dicitur, lex superioris per inferiores tolli non potest; glo. Jo. Andree dicit: et hoc maxime cum inferior ab illo superiore recipit potestatem; ut in casu nostro coetus Cardinalium; et sequitur per quod idem vi-

detur de concilio secundum supra eo. ca. signanter g. 3. *cuncta*. Hæc ille. Item Alexander III. concilio universali c. *licet*, de elect. dicit, *In ecclesia Romana aliquid speciale constituitur, quia non potest ad superiorem haberi recursus*; glo. Host. quia nulla superior, sed ista super omnes est. Idem dicit Jo. Andreas et addit: *ideo iudicio Dei relinquitur*, g. 3. *aliorum*: Nec valet quod dicitur a quibusdam, quod hoc intelligitur quando non est congregatum concilium; tum quia non simpliciter dixisset: *non potest ad superiorem haberi recursus*; posset quidem ad concilium haberi recursus; ergo ex modo loquendi etiam universaliter loquitur, quod nullo modo in terris regulariter potest haberi superior papa. Præterea Doctores allegati etiam intelligunt respectu universalis concilii, ut patet ex allegatis. Et si dicatur quod oppositum dicit decretum Constantiensis concilii; dico, quod salva reverentia, quoniam illud concilium diffinit tanquam ad fidem pertinens, quod suprema potestas ecclesiæ est in papa: si ergo suprema; ergo impossibile est quod aliud tribunal sit majus in terra, aut æquale. Ceterum idem ratione ostenditur: papa est caput ecclesiæ universalis, ut per multos DD. sanctos habemus. Constat autem quod corpus, licet sit majus ipso capite magnitudine materiali, non tamen est majus nec præstantius magnitudine virtutis & potestatis; sed e contra. Et si quis vellet dicere, quod papa non esset caput universalis ecclesiæ, sed solus Christus, attendat, & caveat, ne incidat in errores illos condemnatos in concilio Constantiensis Jo. Hus scilicet, quorum unus in ordine septimus est, quod Petrus non est, nec fuit caput ecclesiæ catholicæ, catholicum autem universale dicitur. Alius verò in ordine 27. est: *non est scintilla apparentia, quod oporteat esse unum caput in spiritualibus, regens ecclesiam, quod semper cum illa militante ecclesia conversetur.* Nec eorum motivum est alicujus roboris, quo arguant in oppositum, dicentes: Si papa esset caput universalis ecclesiæ, sequeretur quod essent duo capita; quoniam jam ista consequentia est deleta in extrav. Bonifacii unam sanctum, ubi ita dicitur; ergo ecclesiæ unus & unica unum corpus & unum caput, non duo capita, Christus: Christusque Vicarius, Petrique successor. Ex qua determinatione duo colligimus; primo quod corporis mystici est unum unius & unice ecclesiæ; et ita universalis papa est caput. Secundo quod papa est, cum Christo unum caput ecclesiæ universalis; sicut episcopus & vicarius, non duo capita, sed unum dicitur totius diocesis. Præterea quod dicitur ab illis, videlicet quod si papa esset caput universalis ecclesiæ, quod universalis dici posset, quod videtur esse contra c. *ecce*, dist. 99. in nullo militat. Dico enim quod papa universalis dici possit veraciter, cum sit episcopus totius; & ita in Chalcedonensi concilio acclamatum est Leoni papæ: *sanctissimus, apostolicus, ycomenicus*; id est universalis, ut exponit S. Th. in tract. contra errores Græcorum, & Gregorius in registro idem asserit. Sed summi pontifices humilita-



ANNO  
CHRISTI  
1436.

tis causa noluerunt uti hoc vocabulo, ut dicit S. Thomas; videbatur enim in cortice suo verbum superbie appellationis; ut ait Gregorius in præallegato c. *ecce*; sed humilitatis titulus usus est B. Gregorius nominando se servum servorum. Ceterum non videtur habere apparentiam quod dicitur ab aliis, quod bene papa est caput ecclesiæ dispersæ, idest particularium ecclesiarum; sed non universalis ut collecta est maxime, secundum illud Ecclesiast. 4. *Quanto major es humilia te in omnibus*. Hoc autem non est admittendum; immo videtur esse periculosum in fide sic dicere, quod sic ostenditur: ad unitatem capituli oportet assignare unitatem corporis. Corpus ergo, cuius papa caput est, oportet quod sit unum, & quod papa ratione corporis respiciat illud corpus ea ratione qua unum; sed hoc non est nisi corpus collectum ex universis partibus suis, quod est ipsa ecclesia universalis, juxta illud apostoli Col. 1. *corpus ejus, quod est ecclesia*; ergo universalis ecclesiæ, ut est collecta, & ut unita, immo unitissima consideratur papa est caput & rector. Præterea episcopus nedum est caput ecclesiarum particularium sive dioecesis, sed totius est simul junctæ & collectæ. Collectio enim & dispersio plebis non immutat auctoritatem capituli, nec obviat quod episcopus dicatur membrum & pars dioecesis suæ quoad personale esse suum; ergo similiter papa totius ecclesiæ collectivæ sumptæ erit caput. Ceterum si ita esset, sicut aliqui dicunt, quomodo una sponsa responderet uni sponso? scilicet una ecclesia uni prælato, si non ecclesiæ totius simul collectæ, & conjunctæ esset sponsus papa suo modo, sicut prælati cæteri dicuntur sponsi ecclesiarum suarum, ut habetur 7. q. 1. *sicut alterius uxor*, ubi dicitur Callistus papa: *sponsa uxorque episcopi dicitur ejus ecclesia*. Sicut enim in electione fit matrimonium inter particularem ecclesiam & episcopum, ita in electione summi pontificis per cardinales vice totius universalis ecclesiæ fit matrimonium spirituale inter papam & universalem ecclesiam; & ideo si papa non esset nisi particularium ecclesiarum caput & sponsus, jam non unus corporis esset caput, contra articulum: *Credo in unam sanctam ecclesiam*, nec unus uxoris vir, contra apostolum 1. Thimot. 3. Et ideo illa solutio per aliquos Dominos ad fugiendam vivacitatem rationum, & claritatem veritatis nullo modo admittenda est; quæ revera non solum potest esse principium schismatis pestiferi in ecclesia, sed periculosa in fide catholica. Quod etiam ex illo manifestum habemus, quod in ecclesia cantatur de B. Petro: *Symon Petre, antequam de navi vocarem te, novi te, & super plebem meam principem te constitui*. Non dicit in plebe, sed super; plebs vero collectivum est, sicut & ecclesia. Præterea idem ostendit illud quod in oratione ecclesia orans dum fit pro papa dicit: *familium tuum, quem ecclesiæ tuæ præesse voluisti*. Non dicit præesse in ecclesia, aut particularibus ecclesiis, sed ecclesiæ præesse. Item ad idem est B. Gregorius, & ponitur dist. 50. c. *considerandum*. *Considerandum nobis est, cur omnipotens Deus, quem cunctæ*

*ecclesiæ præferre disposuerat &c.* Nec motivum illorum negantium, papam totius ecclesiæ universalis caput esse, debet nos in aliquo movere ad pariformiter dicendum cum eis, qui dicunt, quod quia universalis ecclesia, vel concilium universale errare non possit, aut deficere, quod ideo respectu illius non est aliquis homo, qui errare & deficere possit, caput dicendus. Ista enim tanquam erronea jam videntur esse in articulo 2. Jo. Hus in concilio Constantiensis, ubi sic dicitur: *si papa est malus, non est caput ecclesiæ militantis*. Error dicit concilium. Non ergo ideo, quia ecclesia universalis militans tota non potest deficere in fide, aut in moribus, sequitur, quod ideo non possit esse illius caput ministeriale; potest enim quilibet de ecclesia deficere. Præterea ista ratio ostenditur nulla ex eo quod, præter actus jurisdictionis & potestatis ecclesiasticæ, qui sunt corrigere delinquentes, disciplinare errantes, sunt multi alii qui possunt in ecclesiam universalem simul etiam collectam cadere, qui sunt actus hyerararchici, respectu quorum papa potest capituli actum exercere. Nisi quis vellet ita derisorie de universalis ecclesia, sive concilio loqui, quod simul aggregata non indigeret operatione aliqua hyerararchica. Præterea tertio sequeretur ex illa ratione, quod confirmatis apostolis, ut amplius peccare non possent, Petrus respectu illorum, prælationem amississet, & quod etiam nunc papa, & alii prælati respectu eorum, qui divina gratia confirmati essent ut mortaliter non peccarent, sicut pluribus legitimis esse donatum divinitus, auctoritatem prælationis idest rationem capituli amitterent. Immo Deus & quilibet hyerararcha coelestium Hyerarcharum, quæ peccare jam non possunt, nec deficere, jam, si illa ratio esset valida, desinerent esse prælati, quod absurdissimum esset cogitare. Sciant ergo tales, quod sicut lex non solum habet actum corrigendi delinquentes, ut dicit Isidorus ethymol. sed alios actus, scilicet præcipere, vetare, permittere & hujusmodi; ita potestas ecclesiastica habet alios actus, præter actum actualis correctionis delinquentium, quos ad ipsam universalem ecclesiam, vel concilium universale extendere potest papa, & non solum ad particulares ecclesias; & ideo non solum respectu particularium ecclesiarum caput dicendus est, sed etiam respectu totius ecclesiæ universalis, etiam simul congregatæ. Aliter capiendum est cum una persona vel unus homo in persona alterius dicitur aliud recipere; aliud est cum una multitudo aut corpus dicitur recipere in persona alterius membri aliquam dignitatem. Pro qua veritate multa decreta SS. Patrum cum suis etiam glossis apertissime faciunt. Unde Calixtus papa in. c. *non decet*, dist. 12. ita inter cætera ait: *oportet implere voluntatem matris nostræ, quæ est ecclesia, cuius caput est Romana ecclesia*. Quid clarius? non enim inquit particularium, sed ejus quæ est mater nostra; quæ universalis mater non est nisi ecclesia; & per consequens universalem conciliorum illam representantium. Demum non militat pro parte alter dicentium illud Matth. 16. *Dic ecclesiæ*. Tum primo, quia

ANNO  
CHRISTI  
1436.

ANNO  
CHRISTI  
1436.

ANNO  
CHRISTI  
1436.

ibi ecclesiam accipiunt Doctores communitatem non pro aliqua congregatione fidelium, sed pro praelatis ecclesiarum. Unde B. Chrysostomus exponit sic: *dic ecclesie; id est his qui presunt ecclesie*. Tum secundo, quia posito auctoritas illa de congregatione aliqua synodali reponenda veniret, & applicanda Romano pontifici, intelligenda tantum esset in crimine haresis, juxta *c. Si papa*, dist. 40. Præterea si illud, *dic ecclesie*, velit quis extendere ad omnes sententias per appellationem hic in concilio susceptas, observet primo, quod procedit de admonitione caritativa. Admoneri quidem primo deberet papa, ut si quem injuraverit, aut sententias aliquas male dederit, & præjudiciales justitiae, ut illas corrigat, & emendari faciat; alias concilium suscipiet causas illas emendandas & corrigendas: quo ordine prætermisso non videtur honestum quod concilium se debeat introumittere de susceptioni causarum expediarum per sedem apostolicam; immo nec inchoatarum. Et hoc manifeste ostendit B. Augustinus in epistola ad Glorium, Elenium, Felicemque grammaticum, in qua quibusdam Donatistis facientibus schisma provocatum ex quadam sententia data contra eos per quosdam episcopos deputatos Romæ per papam Melchiam, ita inquit: *Putemus illos episcopos, qui Romæ judicant non bonos iudices fuisse; restabat adhuc plenarium ecclesie universæ concilium, ubi etiam cum ipse iudicibus causa posset agitari, ut si male judicasse convicerentur, eorum sententia solveretur*. Hæc ille. Ecce dicit: *cum ipse iudicibus causa posset agitari*. Videamus autem si doctrinam angelicam & B. Augustini servamus in susceptione appellationum a papa. Cæterum non parum videntur errare qui sic arguunt. Concilium potest in tribus supra papam; ergo tribunal concilii est majus tribunali sedis apostolicæ. Quare cum illa tria non respiciant sedem, sed personam deficientem in aliquo illorum trium, respectu sedis nulla arguitur superioritas. Hæc tamen supponitur in avasamento, super quo currunt nunc vota nostra. Deum pro avasamento non militat illud argumentum quorundam patrum, qui sic arguunt: Petrus accepit claves nomine ecclesie, ut minister ejus, ut patet per Augustinum, & habetur 24. q. 1. *Quodcumque*; & cum ad ministrum ab eo cujus est minister non sit appellandum; patet quod a concilio in nulla causa est appellandum ad papam. Hoc autem argumentum pro tanto in nullo militat, quia fundatur super falsa allegatione. II. super falsa intelligentia. Super falsa allegatione patet, quia textus ille non habet quod Petrus suscepit claves nomine ecclesie, ut minister ejus, nec in rubrica talia verba sunt; sed rubrica habet oppositum modum loquendi eorum. Ipsi dicunt in persona ecclesie Petrus suscepit claves; rubrica habet oppositum ita dicens: in persona Petri ligandi & solvendi potestatem ecclesia accepit; & textus ita dicit: Petrus, quando claves accepit, ecclesiam sanctam significavit. In persona Petri significati sunt in ecclesia boni. In judæ persona significati sunt mali in ecclesia. Significare autem ecclesiam.

Concilior. Supplem. Tom. IV.

hic ecclesiam hoc modo, sicut Augustinus ait, non est idem, quod accipere nomine ecclesie potestatem, sicut procurator, aut syndicus, aut servus vice aut nomine Domini suscipit aliquid ab aliquo; cum Petrus caput, & rector loco Christi constitutus sit ecclesie, & illum locum habet quem Christus habebat; clarum est quod Christus non erat syndicus & servus ecclesie. Et si dicatur, ut dicitur ab illis, quod Archidiaconus in Rosario exponens illum locum dicit sic. *Significavit; id est sub signo & nomine ecclesie accepit; aliter capiendum est cum una persona, unus homo in persona alterius dicitur aliquid recipere; aliud est cum una multitudo, aut corpus dicitur recipere in persona alicujus membri aliquam dignitatem*. Hæc ille. Dico quod per hoc nihil arguitur. Primo, quia etiam Archidiaconus sic exponat, non est tamen textus Augustini sicut in argumento prætendebatur. Secundo posito quod glossa Archidiaconi esset tante auctoritatis, ut admittenda sit, non dicit nomine ecclesie, ut minister Petrus ejus accepit, sicut in argumento addebatur. Tertio, non capit ita illud nomine ecclesie, sicut opponens accepit, ut ita dicatur accepisse nomine ecclesie, sicut procurator alicujus Domini accipit vice, & nomine Domini sui aliquam dignitatem a rege. Præterea secundum, argumentum illud peccat, quia fundatur in mala intelligentia dicti Augustini; quoniam Augustinus non ita accipit significare ecclesiam, nec Archidiaconus nomine ecclesie, sicut ipsi prætendunt; quod patet ex ipsa glossa ordinaria; unde glossa in illud decreti ita dicit: argumentum quod sententia totius ecclesie præferenda est Romanæ, si in aliquo sibi contradicant, arg. 93. dist. legimus; sed contrarium credo arg. idem eodem. *Hæc est fides, papa beatissime*. nisi erraret Romana ecclesia, quod non credo posse, quia Deus non permetteret. Hæc illa glossa. Nec est verum, quod dicitur ab illis, quod hæc glossa sit retractata, quoniam ipse Archidiaconus videtur approbare eam in c. Anastasius, dist. 19. & in c. quodcumque præallegato, nihil aliud dicit, nisi sic: *super argumentum quod præferenda est &c.* adde, super hoc. Vide quod legitur, & notatur 19. dist. c. placet. Sensus ergo verus est: Petrus quando suscepit claves ecclesiam significavit, quia non solum pro persona sua suscepit claves; sed pro suis successoribus in ecclesia. Unde quod talis sit intellectus probatur per Archidiaconum, qui allegatur ab aliter opinantibus; nam cum dicit textus ille: *quodcumque ligaveris super terram, erit ligatum & in cælis*, si hoc Petro tantum dictum est, non hoc facit ecclesia &c. super verbo tantum dicit sic, ut ejus personam non transgrediatur ecclesia, id est ejus auctoritas. Hæc ille. Certe hoc est argumentum bonum, & ita voluit Augustinus arguere, sicut iste exponit, videlicet si tantum dictum fuisset Petro: *Quodcumque &c.* ita tantum illi, ut auctoritas ei data ejus personam non transgrederetur, jam ecclesia non faceret, id est auctoritas illa defecisset. Cum ergo credamus quod in ecclesia sit absolutio & ligatio; concluditur, quod

Oooo quan-



ANNO  
CHRISTI  
1436.

quando Petrus claves suscepit non pro se solo sed ecclesiam significavit; quia nomine suo & omnium succedentium ei in ecclesia suscepit; sicut cum unus rex, aut unus prælati suscipit a papa unum privilegium, non solum nomine suo, sed nomine omnium prælatorum aut principum throno suo futurorum. Et sic patet, quod intelligentia sic arguentium est minus recta; sed consequenter aliqui videntes periculosum esse asserere duas potestates supremas, scilicet in papa & in concilio, dicunt, quod licet sit una potestas papæ & concilii universalis, est tamen excellentius in concilio, quia datur concilio cum regula, papæ aut non, cum contingat eum deviare a regula. Hoc non videtur aliquo modo stare nec in se, nec in ratione. Non in se, quoniam papæ data est potestas sicut duci, & capiti, & principi; unde cantatur in ecclesia de eo: ecce constitui te principem super plebem meam. Apertissimum est, quod excellentius datur potestas capiti quam corpori, duci quam exercitui, & pastori quam ovibus, & rectori quam familie. Præterea ratio nulla est; tum primo quia est petitio principii, et ita præsupponitur quod erat probandum. Si enim comparamus personas concilii ad personam papæ, non dubium quod æque possunt istæ errare sicut papa; & forte plus: cum papa credatur singulariori providentia, & altiori angelo præmunitum esse quam concilio in concilio existens. Si vero fiat relatio concilii ad sedem apostolicam, canones SS. Patrum & dicta sanctorum DD. probant quod fundamentum est falsum; scilicet quod sedes papali non sit data potestas cum regula. Secundo falsum est, quod a regula deviare possit; immo quod de concilio universaliter hoc asserendum sit, forte nulla est auctoritas. Primum patet; dicit enim S. Calixtus papa scribens omnibus episcopis, & habetur in c. non deest: Non enim deest membra a capite discedere; sed juxta scripturæ testimonia, omnia membra caput sequantur. Nalli enim dubium est, quod Apostolica ecclesia mater sit omnium ecclesiarum, a cujus regulis nullatenus nos convenit deviare. Et ad idem est Gregorius in c. sequenti, apostolicis præceptis: Ad idem S. Cyprianus in c. qui cathedram ita dicens: Qui cathedram Petri, super quam ecclesia fundata est deserat, in ecclesia se esse non confidat. Item secundo, falsum est quod sedes apostolica a regula fidei deficere possit, habet enim privilegium non errandi in fide sedes illa apostolica; unde Dominus ait Petro Luc. 22. Ego rogaui pro te, ut non deficiat fides tua. Quod de firmitate fidei sedis apostolicæ, in qua fides universalis ecclesiæ semper fuit, & semper mansura est inviolata usque ad consummationem sæculi SS. Doctores exponunt. Unde in c. quamvis, dist. 21. dicitur: prima apostoli sedes Romana ecclesia, glos. prima dignitate, quia Antiochea tempore præcessit; ista non habet maculam, neque rugam, nec aliquid hujusmodi. Hac etiam ratione in c. omnis, 22. di. dicitur, mater fidei. Et ad idem sunt capitula multa in decreto, sicut c. a recta. Item c. memor, ubi dicit Eusebius: in sede

apostolica extra maculam semper catholica servata est religio; & in c. quotiens, & est Hieronymi 24. q. 1. Ad idem est Cyrillus libro Theutorum, & multi alii, & præsertim Bernardus, cujus ad longum audiamus verba ad propositum optime dicentia, in quadam epistola ad papam Innocentium, in qua ita loquitur: Amantissimo patri & Domino Innocentio, summo pontifici. Frater Bernardus Clarevalensis vocatus abbas, modicum id quod est. Opus est ad vestrum referri apostolatui pericula quæque & scandala emergentia in regno Dei, ea præsertim quæ de fide contingunt. Dignum namque arbitror ibi potissimum refarciri damna fidei, ubi fides defectum non possit sentire. Hæc quippe prerogativa hujus sedis est; cui enim alteri aliquando dictum est: Ego pro te rogaui, Petre, ut non deficiat fides tua; ergo quod sequitur a Petri successore exigitur: & tu aliquando conversus confirma fratres tuos. Hæc ille. Ex quibus patet aperte, quod potestas data est sedi Apostolicæ cum regula etiam inoblignabili, in his quæ sunt necessaria fidei christiane. Aliter non video quomodo non existentibus conciliiis universalibus ecclesiæ esset provium sufficienter.

Præterea, revertendo ad argumentum istorum, dico, quod posito quod illud esset verum; non tamen sequitur quod intendunt; quoniam licet ecclesia universalis habeat privilegium non errandi in actu, & exercitio ecclesiasticæ potestatis, de qua loquimur; sepius enim errat in iudicando. Et ideo dicit Magister sententiarum, ex dictis Hieronymi in 4. sententiarum dist. 18. quod non semper Deus sequitur iudicium ecclesiæ, quæ per surreptionem, & ignorantiam interdum iudicat. Deus autem semper iudicat solum, veritatem. Et idem colligitur ex c. capissi, g. q. 3. Præterea privilegium de non errando in fide licet sit universalis ecclesiæ, non tamen semper universalium conciliorum, nisi solum illa dicatur. . . . universalis concilii, in qua sedes apostolica venit diffiniens. Quoniam concilia aliqua leguntur errasse. Unde Dominus Cameracensis in Tractatu suo de ecclesiastica potestate, ita dicit: Secundum aliquos speciale privilegium est universalis ecclesiæ; quod non potest errare in fide, licet hoc idem pie creditur de concilio generali, videlicet quando iunittur divina scriptura, vel auctoritati quæ a Spiritu S. inspirata est, alias sepe errasse legitur. Hæc ille, cujus sententiæ alludere videtur glo. in c. Libellus, dist. 20. ubi super verbo illorum, scilicet Doctorem, dicit ne: videtur quod potius iudicandum sit secundum illud, qui utitur auctoritate Hieronymi vel Augustini, quod verum est, inquit, nisi Augustinus juretur auctoritate veteris vel novi Testamenti, vel alto canone. Nam licet concilium universale statuerit, quod raptor non posset matrimonialiter conjugii iam raptæ, ut 26. q. 5. placuit; tamen contrarium statuit, & ei statuit ut 26. q. 2. tria. Hæc ibi, & in c. placuit, in quo dicitur quod auctoritas concilii non præjudicat auctoritati Hieronymi, dicit glos. Hoc idem est, quia roboratur auctoritate Veteris testamenti. & au-

ANNO  
CHRISTI  
1436.

ANNO  
CHRISTI  
1436.

*auctoritate Meldenſis concilii.* Et hæc ſufficiant pro primo argumento principali, in quo volui offendere aviſamentum non eſſe admittendum, quia videbatur minus bene ſapere conformiter fidei doctrinæ per ſanctos DD. & canones nobis explicatæ.

Secundo, principaliter idem arguitur, ex eo quod præſatum aviſamentum videtur periculofum pro fide chriſtiana; quia aufert ei protectionem & deſenſionem, ubi propter impreſſionem, aut aliqua alia cauſa in alio concilio imminet periculum fidei; ſicut expreſſe apparet de concilio Ephēſino univerſali. Secundo; in quo ſicut in ſuperioribus Reverendiſſimus Tarentinus tangebatur; *Appellatio & proteſtatio fuerunt proteſtio fidei noſtræ.* Nec valet quod dicitur per quosdam, quod illud non fuit concilium. Immo quoniam veraciter fuit concilium in principio ſui, auctoritate apoſtolica inchoatum, quod patet, tum quia præſidentes papæ in eo fuerunt, qui tandem ſidem periclitari proteſtati ſunt, & appellaverunt, & dicunt fuſſe Julius Epicoſopus, Renatus præbyter, & Hilarius Diaconus. Tum ſecundo, patet manifeſte, quoniam Leo papa ſcribens præſatæ ſynodo ita loquitur: *Leo papa ſanctæ ſynodo, quæ apud Ephēſum convenit, religioſa clementiſſimi principis fide &c.* Ecce ſynodum vocat & ſanctam, quam tamen poſtmodum ſcandalofam dicit & infelicem. Sed dicunt aliqui, quod licet fuerit concilium, non tamen fuit univerſale. Sed hoc iterum nihil eſt. Tum quoniam Leo papa ſcribens eidem ſynodo dicit ſic: *Chriſtiſſimus imperator habere voluit epicoſopale concilium, ut pleniori judicio omnis poſſit error aboleri.* Conſtat autem concilium epicoſopale, in quo plenius pro extirpandis erroribus celebratur, non niſi univerſale dici, ſicut Auguſtinus uſus eſt nomine plenarium conciliorum. Præterea hoc patet ex eo quod ad hoc invitatus eſt Leo papa, ut veniret, ab ipſo Imperatore; quod non fuiſſet factum ſi non univerſale fuiſſet. Tertio, patet ex eo quod connumeratur primo univerſali concilio Ephēſino cum dicitur ſecundum; primum autem non dicitur reſpectu aliquoſ particularis, ſed reſpectu univerſalis ſequentis ſecundi. Sed non debet aliquis ea de cauſa credere quod non fuerit univerſale, quia dicitur fuiſſe epicoſopale concilium, quia pari modo Nicænum I. univerſale inter quatuor principalia vocatur epicoſopale concilium, ut patet in primo cap. decimi libri hiſtoriæ eccleſiaſticæ, ubi Euſebius ita loquitur de Conſtantino: *ille princeps ex ſententia ſacerdotum apud Nicæam epicoſopale concilium convocavit, ibique Arrium, & ut XVIII. epicoſis reſidentibus adſeſſe jubet, ac de ejus propoſitionibus & quaſtionibus judicari.* Hæc ibi. Epicoſopale enim concilium dicitur concilium ex epicoſis electum. Si vero dicatur, & bene, ut aliqui viſi ſunt dicere, quod illud concilium licet fuerit bene inchoatum, non tamen bene continuatum; & ideo perdidit nomen concilii, ſicut videtur inſinuari ex geſtis Chalcedonenſis concilii; hoc enim ego judico melius dictum & verum eſſe. Sed ex hoc tria ſequuntur corollaria. Primum

Supplem. Concilior. Tom. IV.

erit, quod non eſt de eſſentia concilii univerſalis, quod ſi bene incipiat, & cum legitima poteſtate, habere bonam proſecutionem, ideſt terminationem ſanctam. Secundum eſt, quod non eſt privilegium generale conciliorum univerſalium non errare in fide. Tertium eſt, quod periculofum eſt dare itam prærogativam ita univerſaliter, & indifferenter conciliis univerſalibus, & eſt ponere ſcandalum in Eccleſia Dei.

Tertio, aviſamentum præſatum non videtur mihi admittendum, eo quod reprobare videtur approbata per SS. Doctores, immo per concilium Chalcedonenſe; dicens enim, quod nulli fas fuerit decretis, & ſententiis Generalis concilii, cujuſcumque appellationis, aut alterius remedii prætextu contravenire, aut non obedire, reprobat appellationem factam in concilio II. Ephēſino per Flavianum, & approbatam per Chalcedonenſe concilium; immo videtur condemnare univerſam eccleſiam, quæ ſententias erroneas illius concilii non ſuſcepit. Item condemnat multos, qui præteritis temporibus rationalibus cauſis non ſuſceperunt canones multos aliquorum conciliorum etiam univerſalium; de quo ſupra dictum eſt in primo puncto.

Item quarto, hoc aviſamentum eſt contra determinationem ſacrorum conciliorum; unde de Chalcedonenſi concilio S. Thomas in quaſt. de poten. q. 10. art. 4. in ſolutione XIII. argumenti dicit inter alia ſic: *Ex geſtis Chalcedonenſis concilii patet primo, quod ſententia ſynodi a papa confirmatur; ſecundo quod ad ipſum a ſynodo appellatur. Præterea quod a papa non appellatur, habetur ex geſtis concilii Ephēſini, in quo conſtitutum eſt, quod a ſententia ſedis apoſtolice nulli liceat appellare.*

Item quinto, contra rationem naturalem videtur eſſe prohibere univerſaliter & indifferenter a concilio ad papam non poſſe appellare, quod probatur ſic. Contra rationem naturalem eſt, ut non poſſit appellari a concilio ad eum qui ſententias concilii communiter habet roborare, confirmare, & validare; ſed papa eſt huiusmodi, unde in concilio Chalcedonenſi, ut dicit S. Thomas in allegato loco, habetur, quod papa confirmat ſententias concilii. Item in actione ſuperiori dicitur ejuſdem concilii. Item habetur de præſidentibus papæ, ut deducum eſt ſupra; quod etiam deducitur auctoritate multorum ſanctorum, quos adducit Aymarus Remenſis epicoſopus in lib. de ſynod. de quo habetur in cap. excellentiſſimus, II. q. 3. qui ita ait in c. 18. *Ne mireris, quod ipſorum conciliorum auctoritatem Romano pontifici adſcribamus; nam nulla concilia rata leguntur, quæ apoſtolica auctoritate ſulta non fuerunt, ut B. Damajuſ papa in decretis ſuis c. 9. aſſerit; cui S. Anaſtaſius, & Julius papa; Nicænum quoque concilium, & reliqui SS. Patres adſcripſerunt. S. quoque Marcellus papa & martyr in decretis ſuis c. 5. Ipſi quoque apoſtoli, eorumque ſucceſſores, Domino inſpirante, conſtituerunt, ut nulla fieret ſynodus præter Romane ſedis auctoritatem; nam illius ſedis Epicoſopus iudex eſt totius eccleſiæ, nec*

O o o o 2 ali-

ANNO  
CHRISTI  
1436.



ANNO  
CHRISTI  
1436.

*aliquod iudicium valet absque legitimo iudice.* Hæc ille. Item idem habetur ex c. *significasti*, extrav. de elect. cum glo. Ostien. & Joan. quæ superius allegata sunt. Quod verò dicunt aliqui hoc solum verum esse quoad inchoationem sive congregationem conciliorum, quoad solum concilia communi lege dependent ab auctoritate papæ; non autem quoad robur, & confirmationem decretorum, & canonum, & sententiarum eorum: nihil militat, cum falsum dicant, ut patet ex serie textus, auctoritatum & ex superiori actione Chalcedonenſis concilii, ubi inchoato, & progrediente in actibus suis concilio dicit quod apocriſari primo confirmabant sententias, quia aliter nullum robur habebant. Item ex practica

ecclesiæ, quæ semper canones factos misit papæ absenti à concilio ad confirmandum, sicut omnibus legentibus gesta universalium conciliorum notum est, & practicum fuit in concilio Constantienſi.

Item sexto, arguitur idem, quoniam hoc avifamentum videtur esse contra canones multos à Spiritu S. dictatos, contra quos præsumere agere nimium est periculosum, secundum quod dicitur in c. *violatores*, supra allegato. Canones autem supra notati sunt multi, et etiam notantur plures 2. q. 6. per multa capita, in quibus tam episcopis, quam aliis oppressis libera datur facultas appellandi ad sedem apostolicam, ut in c. *Si quis vestrum*, & in c. *ad Romanam*; item contra canonem totius ecclesiæ ad huius S. sedis examen voluerunt deferre; ab ipsa vero nusquam prorsus appellare sanxerunt; ac per hoc illam totam ecclesiam iudicare; ipsam autem ad nullius commicare iudicium, nec de ejus unquam præceperunt iudicio iudicare, sententiamque ejus constituerunt non oportere dissolvi ab aliquo, cujus potius sequenda decreta mandaverunt. Idem in c. *patet*, §. *Nemo*. Idem in c. *cuncta*, ea causa & q. Nec valet si dicatur, quod intelligitur de particulari aliquo, non de concilio universalis; quoniam concilium dicit contrarium in c. *nunc autem*, ubi concilium dicit Marcellino: *ex ore te iudica*, prima enim sedes non iudicatur a quoquam. Item, non valet quod dicitur ab illis, quod canones veteres debent iudicari per canones concilii Constantienſis, & Basiliensis; quoniam sacra scriptura dicit: non transgrediaris terminos, quos posuerunt &c. Unde non videntur canones à Spiritu S. qui contradicunt canonibus antiquorum conciliorum, aut decretorum summorum pontificum, aut decretorum Sanctorum.

Septimo, idem arguitur, quia est contra privilegia sedis apostolicæ, contra quam venire periculosissimum est, juxta c. *omnes*, dist. 22. Dicitur autem 2. q. 6. in c. *ideo post*, c. *ad Romanam*. Huic sanctæ sedi præfata privilegia specialiter sunt concessa, tam de congregandis conciliis, & iudiciis, & restitutionibus episcoporum, quam etiam de summis ecclesiæ negotiis, ut ab ea omnes oppressi auxilium, & iniuste damnati restitutionem sumant, & talia ab impiis non præsumantur absque sua damnatione. Hæc ille.

Ostavo idem arguitur, quia præfatum privilegium est præjudiciale honoribus ecclesiæ, & principum propter favores inordinatos, qui haberi possunt in conciliis universalibus, cujus exempla habemus de Chalcedonenſi concilio, in quo facta fuit contradictio per præsidentes papæ Anatholio Constantinopolitano episcopo, qui cum favore multitudinis præfati concilii habuit ut Alexandrinam, & Nicenam ecclesias sibi subiceret, de quo Leo papa facit mentionem, nec illud unquam voluit habere gratum, aut confirmare, nec ad rogatum concilii, nec ad preces imperatoris, ut patet in epistolis suis; solum quippe ea quæ fidei erant ibidem diffinita approbavit. Hæc omnia patent in epistolis suis.

Nono, idem arguitur, quantum hoc avifamentum maxime præjudiciale videtur esse honoribus & prærogativis episcoporum, quorum privilegium est, ut in Chalcedonenſi reperitur sancitum, quod si episcopus prædicatur infamis, liberam habet licentiam appellandi ad beatissimum antistitem Romanæ, quem habemus petram refugium, & ipsi soli libera potestate loco Dei sit ius discernendi crimen sic infamati secundum claves a Domino sibi datas; & ideo dicit glossa in c. *episcopus* XI. q. 3. quod hodie concilium non deponit episcopum, sed solus papa nec concilium restituit episcopum, sed solus papa. Et allegat. c. ro. 2. q. 6. & manifestius ponitur in c. *cuncta per mundum*, II. q. 3. ubi dicitur: *nec illa præterimus, quod apostolica sedes sine ulla præcedenti synodo, & solvendi quos synodus inique damnaverat, et damnandi nulla existente synodo quos oportuerit facultatem (habet).* Quod vero dicitur ab aliquibus, quod ista duo capitula intelligantur de provincialibus conciliis non generalibus, non videtur esse verum, tum ex serie ipsa capitulorum dictorum, & modo loquendi universaliter; secundo eo quod sequitur in auctoritate illa: *cuncta per mundum*, quam adducit Aynarus, ita dicens in libro de synodis: *sancta quippe memorie Anastasii synodus Orientalis edixerat, quem tamen exceptum sedes apostolica, qui damnationi Græcorum non consensit, absoluit; sanctæ memorie Joannem Constantinopolitanum, synodus catholicorum præsulum damnaverat, quem simili modo sedes apostolica, quia non consensit, absoluit. Itaque S. Flavianum pontificem, Græcorum condemnatione damnatum, pari tenore quoniam sola sedes apostolica non consensit potius qui illic receptus fuerat Dioscorus ejusdem sedis præsulum sua auctoritate damnavit, & impiam synodum non consentiendo sola submovit, & auctoritate sua ut synodus fieret Chalcedonenſis sola decrevit.* Hæc ille. Ex quibus verbis aperte colligitur, quod etiam de generalibus loquatur. Flavianus enim in concilio generali Ephesino II. damnatus fuit, ratione cujus Chalcedonenſis synodus generalis ad corrigendum illam synodum instituta est.

Item decimo, arguitur contra præfatum avifamentum, quia videtur præsumptuosum, cum ultra vires potestatis se extendat; quis enim dedit potestatem concilio, ut si papa quancumque appellationem a concilio su-

ANNO  
CHRISTI  
1436.

\* ad tuo.

ANNO  
CHRISTI  
1436.ANNO  
CHRISTI  
1436.

seperit, sit ipso facto privatus & infamia perpetua innodatus? quod innuitur cum dicitur in avifamento: *nihilominus si contra decretum &c.* et infra, *tam ille, quam iudex &c.* Istæ sunt ad præsens rationes, quibus mihi visum est avifamentum propositum nullo modo fore suscipiendum. Et tantum de primo puncto.

Sequitur secundus punctus, in quo debeo exprimere votum meum, dando & consulendo modum tenendum, ut appellationes non fiant ita communiter, & ut decretis obediatur præsentis concilii. Circa vero decreta, si volumus illa ab omnibus recipi, studemus talia facere, quæ iusta sint & honesta ac possibilia, sicut prædecessores nostri fecerunt; & non dubium, quod, si decreta nostra honestatem, iustitiam, & possibilitatem contineant, quin ab omnibus suscipiantur reverenter. Deprecemur, & oremus SS. nostrum, instat aliorum famulissimorum conciliorum, & Sanctorum, ut ore suo roborer illa, & mandet observari, cum ipse sit executor canonum. Circa sententias vero dico duo pariformiter ad jam dicta: primo, quod omni studio curemus sententias nostras cum gravitate expedire, & cum pondere virium, non per placet aut multitudinem votorum. Secundo, quod mittamus ad SS. D. nostrum, sicut fecerunt Patres in concilio Chartaginensi Africano, scribentes super simili materia papæ Coelestino, rogantes, & deprecantes, ut deinceps ad aures ejus a concilio venientes cum appellationibus, aut querelis, non facilius & indifferenter admitteret, quoniam hoc iustum est, nisi causa esset ita aperte rationabilis admittendi, utpote quia aut favore alicujus aut timore aut alia quavis inordinata affectione non posset rectitudo iustitiæ sperari in concilio; & credo quod cum ita deprecari fuerimus Dominum nostrum, & nos sententiis curiæ suæ pacem reverentiam exhibuerimus, indubie omnes præsentis concilii sententiæ in suo robore & virtute manebunt. Et hæc cum omni reverentia & correctione sunt, quæ mihi occurrunt pro voto meo circa hoc avifamentum appellationum.

*Explicit votum magistri Joannis de Turrescremata in materia appellationum in deputatione reformatorii, IX. Martii An. Domini MCCCXXXVI.*

## EPISTOLA CONCILII

*Ad legatos suos in Bohemiam directos.*

S Acra generalis Synodus Basileensis in Spiritu S. legitime congregata, universalem ecclesiam representans, venerabili Philiberto, episcopo Constantiensi, & dilectis ecclesiæ filiis, Joanni de Polmar, &c. salutem & omnipotentis Dei benedictionem.

Cum vos ad partes Bohemiarum, & Moraviæ legatos nostros duxerimus destinandos cum plenaria potestate, prout in aliis nostris inde literis continetur, in quibus cum dicatur, quod omnem vobis in dictis partibus potestatem & jurisdictionem ecclesiasticam concesserimus, ne generalitas hæc ambiguitatem valeat generare, harum serie declaramus prædicta vobis seu tribus, aut duobus con-

cessa, causas omnes & lites, civiles, criminales & spirituales ad forum ecclesiasticum pertinentes per vos, aut alios audiendi, discernendi, seu de delictis inquirendi, seu delinquentes puniendi, vel cum eis (si vobis visum fuerit) dispensandi, quæcunque beneficia conferendi, etiam si forent ad sedem apostolicam devoluta, & generaliter omnem jurisdictionem voluntariam & contentiosam & potestatem ecclesiasticam exercendi, in toto regno Bohemiarum & Marchionatu Moraviæ, quam habent & habere solent legati cardinales a latere summi pontificis destinati; volentes & decernentes, quod facultates in prædictis nostris literis vobis datæ non censeantur per hanc aliquo diminutæ, sed illas simul & intactas volumus in pleno robore permanere. Datum Basileæ III. Martii anno Domini M. CCCXXXVI.

## ORATIO ÆNEÆ SILVII

*Piccolomini Senensis, habita Basileæ pro loco deligendo pro oecumenico concilio cum Gracis celebrando.*

A Udivi, patres optimi atque sanctissimi, quæ superioribus diebus viri cum eloquentia, cum etiam bonitate præstantes, Gaipar Perulinus, seu Florentinus, quod illa sit civitate donatus, ac Simon Venetus de suis legationibus referebant, quorum (si rite iudico) eo penitus tendebat oratio, ut ad se quique concilium traheret; hic Venetias, ille Florentiam. Adivi etiam Ildorum Raymundumque suam, ut quique existimavit, legationem anteferebant, & alios esse dicturos propediem non dubito. Itaque ut varia sunt loca, sic variae sunt affectiones, concilium hoc sacratissimum diverse trahentes, quod præter modum patriæ suæ quique favet, ut magnopere formidandum sit, ne privatorum affectibus concilium pessunderetur. Quibus de rebus maxima mecum cogitatione ipse contendi, facturusque verba in publico essem, an tacitus permitterem suo labi flumina impetu. Videbatur homini privato, atque inerudito tacendum fore in eruditissimorum coetu viro- rum, quales hinc atque hinc video, quorum consilio & auctoritate universus orbis recte regi, gubernarique possit. Neque dignum existimabam, ut ego homuncio os aperirem, ubi non doctores modo scientiarum, sed patres omnium facultatum adessent. Cæterum cum me vestro astridum consortio meminissem, cum iurijurandi a me suscepti verba repeterem; loquendum penitus existimavi oportere, si iuramento vellem satisfacere, cujus ante hæc nunquam contempni religionem; namque & ubi potui, & ubi licuit semper huic concilio favi, vestraque opera ubique gentium publicavi, atque ubi verbis esse non potui, scriptis interfui. Namque (ita me Deus amet) semper hoc concilium magnificeci, semper esse salutem Christianorum putavi necessarium; atque ideo magno affectu erga ipsum semper extitit accensus, cui me ita dedi, ut corpus, & quidquid extra corpus habeo, libenter pro eo sim expositurus. Indignum

Ex M. S.  
Cod. Luc.Extat in  
Lung.  
Specul. Ec-  
clesiæ in  
Constanti-  
ensi pag.  
160.



ANNO  
CHRISTI  
1436.

gnum igitur itaque, atque absurdum putabam, verba pro eo non effundere, pro quo sententia sit neque corpori pascere. Quod si quis patriæ obnoxius est vitam expone- re; quanto magis concilio? at si nullum discrimen concilii causa fugiendum est; quis verba inanemque linguæ sonum retineat? quis taciturnitatem laudet, ubi usui futurus est sermo? *Mulier*, ut inquit Homerus, *ta- curnitas decus affert; sed non item viro*. Judicavi ergo non solum decere me loqui; sed oportere in tanto hujus sacri concilii periculo, quando nullum adhuc audivi, qui ea dixerit, quæ a me in præsentiarum (si placuerit) audietis. Et quoniam jam vos video paratos & promptos ad audiendum, utinam mihi illa dicendi vis esset, eaque per- suadendi afortitas, qua olim in Atheniensium senatu adversus Æschinem pro Ctesiphonte usum ajunt fuisse Demosthenem. Neque enim ego dicendi artem facundiamque contemno, quemadmodum plerosque in hac congrega- tione perspexi, qui eam magnopere dete- stantes, nullam omnino se habere, aut habere se velle dixerint eloquentiam. Ego enim ita sentio, & sic testem habeo Ciceronem, *rerum dominam esse vim eloquendi, quæ sola facit, ut ea quæ ignoramus discere, & quæ scimus alios docere possimus*. Quæ quantum mihi modo esset opportuna nemo me melius novit; multa enim scio, et mentis video lu- minibus, quæ non ut vellem possum vobis insinuare, quando enim nihil video deesse, cui soli & orandi, & exorandi attributum sit munus. At tu, Deus, oro, qui templa coeli summa sonitu concutis, qui genus hu- manum benigne curas, qui et hoc concilium congregare voluisti, & rem Græcam in me- dium adduxisti, jam mihi & recte consulendi facultatem, ex his bene atque utiliter de- liberandi mentem concedito. Tuam est hoc negotium, tuæque sunt opera; in te omnium sit spes, in te converſi omnium oculi sunt. Neque putamus tuam nobis opem negari, quam nemo petens unquam non impetravit. Quod nisi putarem, nunquam hodie hoc loci ratiocinaturus accessissem. Spero enim, Patres humanissimi, & daturum mihi Deum quod loquar, cum de suis rebus agatur, & ve- stras mentes ad partem per eum flecti duci- que meliorem. Sed jam quid mea velit ora- tio in medium proferamus.

Tempus, ut scitis, prope est, quod de reductione Græcorum naviumque missione a vobis agendam est; & quoniam multæ il- lis pecuniæ sunt promissæ, quibus & duci possint & alii, nonnulli a vobis excogitati sunt modi, quibus hanc summam in tempo- re possitis habere paratam. Nullam tamen expeditiorem viam censuisti, quam ex lo- co pecunias quærere, ubi futurum esset concilium; ut si qui essent, qui sanctam hanc synodum in terris suis habere cupe- rent, mutuum hanc summam concederent. Misisti qui diversorum principum, ac com- munitatum animos persentirent. Hinc illa Venerorum oblatio, nec vobis, nec illo il- lustri dominio indigna; hinc Florentinorum promissiones, promissiones ab exuberanti qua- dam magnificentia procedentes; hinc Ave- nionensis populi non magna solum sed am-

plissima sollicitatio, quæ illam urbem non minus fidelem, quam devotam ecclesiæ si- liam manifestat; hinc principis potentissi- mi Philippi Mariæ ducis Mediolani mirifi- ca regalique concessio, cui semper animo fuit nec vestris deesse mandatis, nec peti- tionibus adversari; hinc aliorum neque vi- les, neque contemnendæ spositiones. Hinc jam certi estis ea servare Græcis posse, quæ vestra decreta decantant. Socratis ta- men verba non absurde vobis insinuave- rim, qui cum videret hominem divitiis af- fluentem, eaque de causa fastidio gloria- bundum; non prius, inquit, *te admirabor, quam mihi notum fuerit quo pacto scias uti fortunis tuis*. Magno nempe atque admi- rabili immortalis Dei beneficio uti estis, qui ea vobis facilia fecerit, quæ non solum dif- ficilia, sed impossibilia videbantur. Ob quam rem magnas Deo habendas gratias cenſeo, qui talem de vobis curam gesserit, qui na- viculam suam ex altissimis fluctibus ad por- tum salutis deduxit, ut navigare deinceps in portu videamini. Quod quanquam ita est, non tamen dimitendum esse clavam arbitror, neque abjiciendam gubernaculi cu- ram. Vidimus enim sæpe nautas cum sum- mo gaudio, atque ingenti lætitia portum suscepisse, & in ipso, seu magistri negli- gentia, seu maris violentia fecisse naufragium. Quocirca etsi nobis pene in tuto res est, nolite tamen clausis oculis ad ea quæ restant accedere. Adhuc enim vitandi sunt scopuli, adhuc prævidenda tempestas, & ven- denda est nobis. Neque enim quocumque, pergitis tutum esse. Sed in ipsa electione difficultas laborque versatur, ut si bene eli- gatis, bene succedat; si male, eveniat ma- le. De hujuscemodi ergo electione loquen- dum mihi statui, cujus & opinor, verba minime contemneris. Nec quis dicat, sed quæ dicantur trutinabitur. Notam siquidem vobis illam Ciceronis de natura Deorum, *sententiam puto, qui ait, non tam auctores in disputando, quam rationis momenta quæ- rendæ esse*. Quod si quid inepte dixerò, re- pudiate; si quid cum ratione attulero, sus- cipite. Atque utinam ea nobis modo con- venirent, quæ apud Salustium Cæsar in con- sulendo requirit: *Omnes homines, inquit il- le, P. C. qui de rebus dubiis consultant, ab odio, inimicitia, ira, atque misericordia va- cuos esse decet*. Quod si cernerem, nihil mali suspicaret. Nec enim loquens aliquis Du- calem, aut Venetum, aut Florentinum se jactaret; sed conciliarem; sed mundanum, ut inquit Socrates, sese exhiberet; cuncta- que ad utilitatem concilii, mundi que com- moda referret, nec suæ affectioni publicam postponeret utilitatem. Hinc namque (ni fallor) totius Christianitatis salus dependet, ut si locus aptus deligatur, & Argolicis er- roribus mederi, & multis Latine linguæ de- formatibus providere possitis. Quod si du- bium insecureque acceptare contingat, dis- spectur concilium, & prælati in prædam, ultionemque dentur; quod sine magno Chri- stiani populi malo fieri non potest. Hic igitur aperiendi sunt oculi, hic summis di- gitis suspendendæ oculorum palpebræ, ne- quid perperam, aut temere incipiatis; sed

ANNO  
CHRISTI  
1436.

Cicero.

imit-

ANNO  
CHRISTI  
1436.

imitemini sapientem, cuius proprium est, ut a Cicerone dicitur, *nihil facere quod punire possit*. Fingamus igitur concilii personam, & quid illam facere deceat examine-  
mus. Eam, si cujatem se dicat, interroges, neque Italicam, neque Gallicam, neque Germanicam, aut Hispanicam se vocitabit; sed Christianam se asseverabit, solumque illud se quaerere dicet, quod nomini Christiano condecet; hujus erit sentes ex agro Dominico, idest hæreses eradicare, mores reformare, pacemque ubique statuere. Cavebit ne quid agat injuste, præceptumque illud Pythagoricum conservabit, quo præcepit: *jugum frateramque ne transcendere*; standebit ne adversus quempiam reperiatur ingratus; in libertate se bene vivendi & recta statuendi conservabit. Delinquentes non ita ad desperationem persequetur, neque, ita patietur, ut provocet. Deponite igitur hæc nationum nomina, patres, exuite quique provinciarum affectiones, & in medium consulite quid huic concilio, & quid fidei christianæ credatis expedire; eoque vela tendamus, quo melius res geri verisimilius existimatis. Multa de Foro Julii ubertate, Venetorumque potentia, ac magnificentia Simon Venetus peroravit, ac meo iudicio, non minus vere, quam eleganter. De Florentinorum vero commoditatibus Gaspar explicuit. De urbe vero illa Avinionensi pulcherrima atque optima, & hujus sacri concilii devotissima, Raymundum bellissime perorantem accepistis; atque, ut existimo, nihil est ab eis prætermisum, quod trahere concilium ad eorum valeat civitates. De duce vero Mediolani, quamvis multa sùdor, orator vester diligentissimus, explicaverit, neque sufficienter mea sententia dictum videtur; neque admiratione dignum est, si ducales oratores viri gravissimi *episcopus Albigenensis*, & Christophorus de Velate cætera subituerunt; satis namque duxerunt ad illum principem pertinere, si requisitus responderit, si petita concesserit, si se ipsum & quidquid habet obtulerit; locorum vero comparisonem facere vestrum esse dixerunt. Certi enim sunt illum ducem, quidquid eligatis, contentum fore; cupere tamen, ut bene vobis concilioque succedat. Vestrum esset igitur, P. R. ducalium terrarum investigare commoditates, quodonus, postquam alii rejiciunt, ego non minus vestra quam ducis causa suscipio.

De Venetorum, Florentinorumque terris omnino silens, quos adeo promptos paratosque in necessitatibus ecce comperitis, ut laudare ipsos & amplissimis commendare testimoniis teneamini; de oblatione ducali pergo discutere, quæ meo iudicio nulli est inferior, & quæ, si verum fateri volumus, omnium est aliarum causa, nobisque ad optimam optionem permaxime necessaria; hujus enim oblationis locus unus est (ni fallor) ubi ex sententia terminari res possit. Et ut quod dicimus luce clarius ostendamus, quæ requirat bona electio inquirendum est. Ealicer alii multifariam diverferint, mihi tamen quatuor dumtaxat desideranda videntur; quorum si aliquod desit, recte eligere nullatenus valeamus; illis autem concurrentibus nihil

periculi sit, acceptareque sine controversia debeamus, quicumque ille concedat. Ea sunt, ut locum eligatis, in quo Græcis satisfacere possit; ut commode papa concilio convenire queat; ut domus vicualique suppetant; ut securitatem libertatemque in loco habeatis electo. Quæ omnia, si quis sine passione consideret, in urbe Papiensi, ducalique territorio suscipiet. Prioremque rem, si placet, examinemus, cujstri sunt membra, ut locus in decreto aut nominetur, aut comprehendatur; ut pecuniæ necessariæ præsto sint; ut trieræ grossæ subtilesque habeantur, trecentique arcitenes, sive, ut vos dicere soletis, balistarii. Contineri vero Papiam in decreto nemo ambigit, cum omnes fere Italiae urbes sint eligibiles, nisi quas Græci expresse repudiarent. Atque ut clarius differamus, difficultatem istam locorum, nonnulli Græcorum causa facimus, ut illum eligamus locum, quem repudiare Græci non debeant. Sed ipsi jam terras ducis suis literis petierunt; ergo nihil est cur Papiam in hac parte contemnamus, Græcisque debemus non parum auscultare, neque enim sine ratione moventur, scientes ducem cum Turcis, unde vetustissimam trahit originem, hæreditariam, habere familiaritatem, quod, salva fide, vituperari non potest. Idcirco timens Romeorum imperator, ne, se absente, Constantinopolim Turci obsideant, credit Ducem unis literis periculo obviaturum, si Turcorum principi scripserit, Græcos non alia quam fidei causa Italiam petiisse, de qua ille, salvo imperio, non curat; crederetque duci ista scribenti. Aliis forte non item, a quibus tanquam hostibus sibi verba dari existimaret, & se dolis circumventum opinaretur. Nec illud est non considerandum, Græcos fere omnes imperio Turcorum esse subiectos, casareque nequam rebellionis suspicionem ingerant dominis, a quibus profecto impedirentur. Nec invitis Turcis deducere Græcos quicumque poterit. Magnum est imperium Turcorum, ingentes Asiaticorum vires, & opes ipsæ florentissimæ, qui ex Asia in Europa imperium prorogant, totamque Græciam occupant tanquam Trojanæ cultores ruinæ, quos Græcia pellere non unius civitatis aut domus, sed totius esset Christianitatis opus. Nonvis, sed gratia det nobis Græcos oportet, Ferunt Turci, ut de fide, ut liber Argolici sentiant; ideoque fidei causa patientur ad concilium proficisci, si nihil contra se machinari; nullasque ordiri sibi fraudes suspicentur. Ad fugiendas ergo suspensiones ducis efflagitant urbes, quem sibi nullo pacto suspectum Turci arbitrentur. Nec Constantinopolitanos, invito Turco, venire posse negaverim; sed aliorum etiam habenda est ratio parentum Turcis, quos secum trahendos patriarcha confidit. Quo fit, ut Græcorum causa Papia sit maxime accommoda. Nonnulli tamen, ad terras, inquirunt, si ducis eatur, non permisso Venetos Græcis transitum, Genuensesque obstituros garrunt, quod de florentibus illi civitatibus, duobus, [ut ita dixerim] Christianitatis luminibus, nefas est, non solum dicere, sed suspi-

ANNO  
CHRISTI  
1436.

Matthews  
de Care-  
cto.



ANNO  
CHRISTI  
1436.

susplicari, quæ solæ nos ab oriente defendunt, quæ barbaricos reprimant impetus, quæ terras Christianorum ab incurfione tutantur, infideliumque plurimas, non dico urbes, sed provincias in media Barbaria bello armisque tenent. Has ne igitur civitates, arma assidue pro fide gestantes, venientibus ad unionem Græcis putabimus obfuturas? Nec bonus est qui ista dicit, neque prudens qui illa credit. Ego tam Venetos, quam Genuenses omnia porrecturos opinor auxilia, quibus rem hanc conficiatis, quocumque concilium transferatis. Nec de Venetis ambigo, quorum saluum conductum habetis. Genuenses vero brevi missuros se, dixere; interim devotas & benevolentiae plenas miserunt epistolas, vestris sese iussibus committentes, qui etiam magna classe, quando oporteret, huic se rei propriis cum corporibus exhiberent. Nihil itaque timeo obstaculi, nihil violentiae Græcis fieri, nisi Turci, ut jam prædixi, molesti sint. Christianorum vero neminem neque scio neque puto ita sceleratum, ita iniquum, ita bonorum omnium perversorem, ut huic se negotio opponat. Et quoniam aliqua de propinquitate maris, & itineris brevitate etiam alii dixerunt, non ab re erit de hoc quoque me pauca disputasse. Namque, ut arbitror utque scio, ex locis, qui hodie nominantur, nullus est Græcis quam Papia accessu facilior, nisi terrestre iter facturi sint, quo casu longe proximius habent Urinum. Mari autem venientes, Papiam habent propiorem; siue enim Utinum, siue Papiam possulent, Ravennæ prius fretum secaturi sunt, quod non magis Papia, quam Urino abest. Græcis vero Papiam petentibus Padus occurrit flumen, ut noitis, ob suam amplitudinem & poetarum carminibus & historiarum scriptis illustre. Ex Pado in Tinum ascendente, qui ad portas urbis navigium vestitabit. Porus vero Pisanus longe remotior est, Carybdim namque Scyllamque, per quas dabiis est transitus, evitantibus Græcis, totus Sicaniæ circumcumeundus est orbis; cuius, si qua veteribus fides; non minus quingentis millibus passuum clauditur ambitus. Neque mihi ob hanc rem Florentinus quispiam succenseat; neque enim hoc ideo dico, quod illi amplissimæ urbi memorabilique populo concilium auferre velim, cuius tanta erga concilium est cognita caritas, ut nullius magis stupream oblationes; qui prima requisitione tantam pecuniarum summam tam effuse promiserit, ut illius etiam populi majora in posterum sperare beneficia debeatis; sed ne cœci omnino, & rerum videamur ignari; hoc enim quod dico charta illa edocet, qua uti nautæ consueverunt. Hæc tamen semper ego parvifeci; iter namque duorum triumve dierum nulli dare, aut auferre concilium debet. Illud vero cavendum est, illudque prospiciendum, ne repudiari a Græcis locus possit. Nec ineleganter homo prudentissimus Gaspar dicebat: quæ Græcis promissis diligentissime adimplenda, qui vel si unum jota diminutum invenerint, licitam se indicarent excusationem habere; sed illud præcipue ponderat, ut pecuniæ habeantur

ac navigia, quas res utrum ex duce obtineritis, lûdorus ipse plenissime demonstravit, quo ex Mediolano reverso, expendite quæso, an diminutas habueritis responso-  
nes, an aliquid non obtinueritis, an ulla in re difficilem principem experti fueritis? Quinque & octuaginta millia ducatorum mutuo flagitastis, bono vultu, bonoque animo annuit; terras vobis arcisque consignari requiritis; nulla sit resistèntia: duas de quadraginta domos sine pensione petitis; concedit facile quod fuerat sine petitione facturus. Taxationes domorum victualiumque postularis; respondet non minus græte quam liberaliter. Quidquid denique vultis publico ille solemnique chyrographo completurum se obligat. O regalem animum, o liberalem principem, o inauditam magnificentiam! Hic est quem requiritis, Enni: *amicus certus in re incerta cernitur*. Talis certe ducalis responsio fuit, ut nulla suppletione indigeret, nullo adjumento, nulla rescriptio-  
ne; cuius locum, si statim elegissetis, statim erant parata omnia. Utrum alii sic fecerint, vos videritis. Unumque obsecror hic advertite, an cautio subdificilis, an gravia postulentur assignamenta. Non essem, hercule, increpandus, si hunc principem nullam petere cautionem dixerim; huiusmodi enim, quæ petitur, cautio, non est cautio, sed magis appellanda donatio. Ex indulgentiis petit sibi mutuum reddi, ut si nihil indulgentiæ reddant, nihil recuperet. Hic est verus filius, verus servitor, verus amicus vester; hæc est illa, quam quaerit multis in locis Tullius amicitia: *amor*, inquit ille, *ex quo amicitia nominata est, princeps est ad benevolentiam conjungenda*. In amicitia autem nihil est fictum, nihil simulatum; sed quidquid id est verum, & voluntarium, quemadmodum in hac ducis cernimus benevolentia, quem si quis vobis neget amicum, cunctos quippe faciat inimicos. Cujus tanta est affectio, tantaque in hunc cœtum caritas, ut vestrarum nullam petitionem abnuat, pecuniisque magis donec, quam mutuo dedat. Jamque propter pecunias nihil est quod Papiæ obijciatis. Nec illos audio, qui se aureos affirmantes, omnibus se Christianicis jactitant ditiores, magnumque auri & argenti pondus se habere gloriantur. Quorum enim illa dicuntur? Forsitan quia vendi concilium putant, ut plus offerenti veneat? Quod probri loco vitandum detestandumque est, ne venditum vulgo concilium dicant. Unum tamen persuasum volo, ducem scilicet ipsum, ubicumque sit opus, quascumque petieritis daturum esse pecunias, neque necessitatibus vestris unquam defuturum: Namque, ut volet, sic etiam poterit invenire pecunias; habet enim, ut scitis, urbem Mediolanum non solum populosissimam, verum etiam pecuniosissimam, ubi totius Galliæ togatæ cumulatæ thesauri sint, ex qua nulla non possit haberi summa pecuniarum. At si de populo illo Mediolanensi volumus verum dicere, nullum ego devotiorum vidi, nullum fidiorem, nullum suo principi obediëntiorem, nullum denique meliorem, ob cuius, ut arbitror, bonitatem ac sanctimoniam divino munere actum

ANNO  
CHRISTI  
1436.

ANNO  
CHRISTI  
1436.ANNO  
CHRISTI  
1436.

adum est, ne illam urbem nostris diebus pestifera lues invaserit. Cui populo nihil erit gratius, quam in sanctissimum usum effundere pecunias. Nec credite illum munificentissimum principem ob defectum pecuniarum rem dimissurum, qui non habendi concilii cupiditate argentum modo pollicetur, sed ne quod caritate pecuniæ in dedecus prolaberemini. Dat ergo, quod satis est Papia pecuniarum. De navigio non magnam vim facio. Vestro enim, ut scitis, sumptu conducendæ armandæque sunt triremes, nec dissimiliter balistarii, neque tam grandis pecuniarum quantitas petitur, nisi ut navigio balistariorum sufficiat. Depositis enim decem millibus apud Constantinopolim, Græcisque datis XV. millibus, viatico quoque oratoribus concilii præstito, quod superest in navibus longas, balistarioque dispensabitur, quos conducere ubique poteritis; habentibusque pecunias neque balistarii deerunt, neque navigia. Jamque illum Sabaudiensem spectata virtute militem vobis navigia offerentem vidistis, suosque labores promittentem, cujus nobilitas, animique perspicua generositas, non est huic inepta negotio. Quare siue istas, siue alias multis in locis conducere naves poteritis. Placet tamen duci, ne qua in parte deficiat, triremes etiam reperire, quas unde habeat, aut quomodo habeat, indignum est quod vestigemus. Ratum est enim quodcumque promittit. Hoc tamen non tacebo, navium scilicet illi concessionem non esse difficilem. Si quidem magna cum serenissimo ac magnanimo rege Aragonum amicitia est, qui suum, quemadmodum facundissime dixit orator, promptus est tam concilii quam ducis gratia præstare navigium. Et cui, obsecro, melius hæc committi res potest quam regi Aragonum? Quis eo diligentius rem fidei pertractet? qui dum adversus infideles bella gessit. An ignoratis regem illum catholicum, & fidei zelatorem, magna sæpe manu, magnaque classe adversus Afros, Christiani nominis inimicissimos, decertasse? Illa profecto laus, illaque huic gloria tribuatur, Mediterraneum mare sua diligentia ab infidelibus pyratibus esse custoditum, & quod magno Pompejo decori fuit, ejus concedamus honori, cujus frequenter nisi in pelago classica insonaret tuba, ad ipsum usque littus Etruscum Lybiæ naves, hostilesque classes infidelium grassarentur. Sed tamen præstantissimum regem, Jonii, Thyræniæque maris custodem, qui Sardiniam, Corsicam, Siciliam, Baleares ac Vulcanias insulas, ab omni Saracenorum impetu liberavit, cui magis erit molestum in tanta re fidei non requiri, quam si totam ejus classem dira tempestas absorpserit. Aut igitur regis naves compræstabantur, aut marina aliunde vasa compentierunt. Ac de primo principalique membro satis sit dictum.

Transco ad secundum, ubi dicebam talem esse locum oportere, ad quem papa commode cum concilio conveniret; nec irratiabiliter. Nam cum Græcos ad unionem sitis vocaturi, dignum est vos prius esse unitos, ne quod scissura, ne quam divisionem, ne quam inter vos controversiam Græci re-

periant. Verisimile etenim est, facilius reduci Græcos, si vos unanimes, quam si vos disjunctos agnoscant. Neque ob hanc solum causam, sed ut multa scandala infinitaque mala cessent, quæ nostra divisio suscitavit, quam scissura non injuria vocitabimus. Hoc est quod regius orator Simon Caroli, vir non sapientia solum, sed eloquentia singularis, hoc in loco flagitabat enixe; cujus verba, patres amplissimi, cum locum eligetis, vestris debebunt insidere pectoribus, ut summe curetis posse papam interesse. Nec etiam sanctissimam illam sedem, Petrique verissimum successorem ac Christi vicarium debetis contemnere. Hoc est quidem caput nostrum, quod separatum esse nequaquam convenit; quod nullum sine capite corpus potest esse perfectum. Hic est sponsus ecclesiæ, hic magister navis, hic (ut vulgo dicunt) in terris Deus, cui claves regni coelorum per Petrum, aliosque Petri successores Christus redemptor noster contulit. Quamquam ecclesiæ quoque non inficior datas. Hujus tanta est auctoritas, tanta potestas, tanta divinorum concessa mysteriorum cognitio, ut omni honore, omni que veneratione sit dignus; tantæque reverentiæ papalis est dignitas, ut papam, vel malum, honorare venerarique teneamur. Nec temere papam quisquam debet, quamcumque libidinem, quodcumque nefas mutaverit, nisi prius ecclesia judicavit. Quid de præsentī summo dicemus pontifice? Ellet mihi de sua nunc sanctimonia sermo, nisi magnifice oratores regis de ipsius pietate, mansuetudine, æquitate, justitia, & bonitate dixissent. Nos illud nequaquam inficiamur, SS. D. nostrum in futuro concilio fore necessarium, ut non auctoritate solum, sed etiam morum honestate proficiat. Nunc videndum commodam ne sibi Papiam censeamus. Et quemadmodum mea fert opinio, nihil est, quod hic locus papæ displiceat, siue commoditatem viarum, siue securitatem, percipiat. Ex Bononia usque Papiam parum itineris interjacet, via tuta & plana, siue terra, siue aqua aptissimum iter. Neque locus est aliquis eligibilis, ad quem papæ facilior sit accessus. Tatus præterea ibi locus est, quod neque cum civibus, neque cum principe aliqua sibi lis est. Multumque demittor nonnullorum temeritatem inter papam ducemque esse contententium inimicitias. Unde enim hoc dicant, nescio; forsitan utriusque introspeciant animos, de aliena mente vaticinantes? Ego scio ducem Mediolani, nunquam inimicum appellasse papam, nunquam adversarium, nunquam contrarium, nunquam minus sobrium de summo pontifice verbum effudisse. Cæterum magna reverentia summaque veneratione semper patrem sanctissimum semperque dominum clementissimum vocasse; ut si qua unquam indignatio fuerit, victus ducali patientia summus postfex, nil aliud duci posset dicere, nisi quod solus adversus iram vera arma, veræque vires, quibus se tutaretur, invenisset. Sicut in Tusculano senatu dixisse Caninium Livius refert. Nunquid præterea novimus inimicitias, si quæ fuerant, exacto jam anno per pacem sopitas? cujus mediatores

P p p

fue-



fuerunt viri optimi, atque rarissimi cardinales, Sanctæ Crucis, & Sancti Petri a vestro facerrimo coetu ob eam rem Florentiam destinati. Conditiones pacis secundum papam distæ; post eam nihil unquam odiosum inter eos contigit. Sed ut videatis manifestissima benevolentie indicia hic animum paulisper intendite. Defecerunt a duce Genuenses, qui cum bello undique premerentur, libertatis servandæ gratia cum Venetis, ac Florentinis foedera percusserunt. Tum papa ingens duci bellum imminere cognoscens imparemque tantis viribus cum existimans, ne periculo nimis prælio urgeretur, auctorem se pacis obulit, virumque omnium opinione probatissimum cardinalem S. Crucis misit, qui ducem de pace requireret, ipse alias flexurus. Quo inspecto animo, omnem dux ipse litem, omnemque controversiam sanctissimo D. nostro commisit, arbitrumque & amicabilem compositorem inter se atque hostes papam elegit. Cujus rei veritatem, nisi agnitam omnibus scirem, Roberti Florentini, novitatum diligentissimi exactoris, testimonium implorarem, apud quem non una literæ reperirentur. Vidi ego hæc oculis apostolicas literas paternæ charitatis, & exuberantis plenæ dilectionis quæ duci directæ fuerant, ut nihil filiis parentes solent scribere dulcius. Sed ponamus fore inimicitias. Nunquid terram inimici Papiam diceret, quæ cum in vestra futura sit manu, inimici reputari non potest, nisi concilium existimet inimicum. Libere namque in manibus vestris daturum se urbem dux pollicetur. Quo facto nihil erit quod papæ timendum sit; ac si quid securius papa exigit, nihil est quod illum principem negaturum rear. Adest orator suus, vir clarus atque facundus, Christophorus de Velate: Expetite securitates; an adeo difficilis res ista censetur, ut inveniri modus nequeat? Certe non video cur magis alii, quam dux, dare papæ securitatem valeant. Sunt in hoc concilio cardinales, alique prælati quamplures; sunt etiam in Romana curia, quorum neque vobis, neque papæ suspecta est fides. Committite his gubernaculum civitatis; jurent in manibus horum officiales, civesque; si oporteat, fidelitatis exhibeant juramentum. Quo tunc jure aut urbem papa contemnat in manibus suorum positam amicorum; aut quo ibit, si huc non veniat? quod si iste modus non placet, excogitate alios, nihil negare ducem invenietis, quod rationi consentaneum judicabitis. Cæterum, si nihil horum recipitis, ostendam vobis denique, cum requiretis, etiam in civitate Papiensi summi pontificis non abesse consensum. Nunc istud prætereamus. Satis namque mihi fuerit ei locum recusandi abstulisse, quem venire nolentem cogere non possemus. Sat fuerit si venire eum commode posse ostensum est. Restat concilium quoque cum papa illic commode monstrare futurum, quoniam licet cuncti ad reductionem Græcorum papam clamitent necessarium; ego non minus puto concilium opportunum. Concilium namque rem inchoavit; concilium, si omittatur, dedecus; si perficiatur, laus sit sequutura. Concilium eligere locum debet. Concilium pecunias inve-

nire, ac triremes oportet mittere; concilium denique totius rei consummationi supereminet. Exigit ergo res ista non minus concilii, quam papæ præsentiam; ideoque locum utrique aptum debetis eligere. Hanc esse christianissimi regis Francorum, ejusque oratorum arbitror intentionem. Quis enim non sanctissimum illius gloriosissimi regis propositum interpretetur? quis de tali tantoque rege non caste, atque oprime suspicetur? Etenim si anteceßorum ejus gesta consideramus, si vitam ipsius ante oculos proponamus, regnum illud amplissimum, longe lateque parens, semper fuisse tutamen & ornamentum fidei cognoscemus. De qua re si dicere velim, prius dies quam verba deficiant. Pleni namque sunt ced'ces historiarumque libri, majorumque regum clarissima gesta divinis quas; laudibus ubique gentium celebrantur; totque fuerunt illius regni egregia pro fide facinora, ut non solum inter regna principatum obtinuerit, sed christianissimum, quadam ultra cætera excellentia, meruerit appellari. Sed quid ego ista commemoro, quæ meis dictis facio viliora? Taceo de illo gymnasio memorabili, & famosa schola Parisiensi, cujus doctrinæ, incredibile dictum est, quantum fidei præstiterit incrementum; quam vereres reges singulari semper reverentia prosequuti dicuntur. Neque a prædecessoribus suis modernum regem degenerantem cernimus; sed regibus quibusque superioribus belli pacisque artibus, & gloria parem. De cujus inclyta iustitia, ac religione, quamvis multa possumus ordiri, illud præ cæteris adnotemus, quod erga universalem ecclesiam sacrosanctumque concilium facilitavit. Inter papam & vos olim illa prior dissensio fuit, quod hic vos concilium diceret, ille negare. Ecclesiæ Gallicanæ rex consuluit, qua concilium hic esse declarante, omni vos favore juvandos statuit. Missi e vestigio oratores, viri ex archiepiscopali episcopali que dignitate, tum doctrina, tum etiam bonitate præstantes, qui jam quintum vobiscum annum in agro Dominico laborantes ducunt. Pecuniæ ex regno ad utilitatem concilii detrahi permixta. Mandatum, ut prælati proficiscantur ad concilium; auxilium datum quodcumque petitam a vobis est. Et quid aliud de ipso dixerim rege? Nisi quod inter alios sibi præcipue teneatur, cujus auxilio defensi servatique sumus. Et quæ melior est, inquit Cicero, in hominum genere natura, quam eorum, qui se natos ad homines juvandos, tutandos, conservandos arbitrantur? O regem ergo gloriosissimum, o principem excellentissimum, o vere christianissimum fidei defensorem! Tu ecclesiam defendis; tu fidei consulis; tu concilium veneraris; tu es quem merito honorare, perpetuisque præconiis debemus extollere. Hic cum crebras inter nos, ac summum pontificem dissensiones cerneret, sæpenumero ad pacem laboravit, nunc vobis, nunc summo pontifici supplicans tolli dissidium. Nec aliud Symon, collegæque rogant, nisi ut concilium cum papa conveniat, omnesque discordiarum fomites amputentur. Quis hic, obsecro, irascatur? Num rectæ, sanctæque illæ sunt voces? num omnes idem cupitis?

ANNO  
CHRISTI  
1436.

ANNO  
CHRISTI  
1436.

Turbata  
oratio.

Juven. Sat.  
vi. v. 19.  
Satyrarum  
scriptores  
Satyros  
appella-  
bant ve-  
teres.  
Archiepif.  
Mediol.  
Bartho-  
lom. Ca-  
pra.

Joannes  
Galeatius  
vicecomes.

ego sane, nisi aliud sentio, non possum militarem illum virum non laudare. Rem namque optimam, & concessu dignissimam petit. Commonet schismatis evitare causas, communem papæ locum petit, neque specialius quicquam dicit, neque locum aliquem nominatim repudiat. Cujus (nisi fallor) verba Papiam nobis suadent. Vult enim papam, & concilium simul esse, concordiamque utrimque fieri, cujus nonnisi tres esse vias considero: ut vel papæ omnino mos geratur, vel vobis, aut transactio quedam litigiorum fiat. Sperare superiora vanum reor. Ad tertiam rem misus est Symon ut communis utriusque locus eligatur. Et quis, obsecro, Papia communior, aut aptior, atque utrique commodior? Gravior forsitan alius papæ locus esset, qui tamen vobis non esset tutus. Sed nondum Symonem audivi dicentem, ut in securum eligatis locum, quod nec ipse diceret, nec suo regi in mentem caderet; cujus ea semper consuetudo fuit, ut prius consuleret, deinde concilio judicium dimitteret, sive quæ sensum universalis ecclesiæ postponeret opinioni. Quamquam, si licet dicere, nimium vos hodie, patres, desertis principibus, nec quidquam audeis agere quod principibus non libuerit. Quod ego sane non laudo, quoniam non sic majores nostros invenio fecisse, nec sic se apostolos habuisse, qui licet totum contra se mundum haberent, veritatem tamen ubique prædicabant, neque minas, neque mortem, aut terribiles cruciatus pro veritate diffugebant. Quibus rebus factum est, ut totum orbem Christianum nomen impleverit. Ubi vero mortis timor invasit, & divitiarum cupiditas supervenit, deserta veritas & incognita justitia jacet. Aut verius cum Satyro dixerimus. Jamdudum ad superos. *Altra recessit; hac comite atque duo pariter fugere sorores.* Hinc diminutus populus Christianus, & aucta infidelium secta. Vere ille riteque olim dicebat archiepiscopus Mediolanensis, quem hoc in templo sepultum habetis; vere multi alii. *Agamus, inquit, ille, quod nobis & justitia dignum est; Dnus frumentum, Falernus vinum, Casinas oleum, Tusculanus ficum, mel Tarentinus, piscem Tyberis.* Hæc suo forsitan tempore ita erant; modo hæc omnia Papientes habent, cæterique Longobardorum populi. Fœnet bladi plus legunt quam ipsi cupiant cives; omnis pomi copia est ingens. Quidquid abest, Tieni flumen advehere potest. Sed quid immoror? Insuadet, ut scitis, populi nunquam externo tritico victitant; sed suum ipsi cæteris provinciis subministrant. Quo fit, ut summam semper in Papia victualium copiam sitis habituri. Nec aliquis Italus vobis minori pretio victum dabit. Nolo probare quod per se patet. Sed quarite alias urbes, & rerum pretia investigate. Quod tribus denariis alibi emetis, quorum hic denariorum pretium habebit. Neque disputatione res indiget. Quare taxationem rerum vestro judicio dux committit; frustra de fertilitate patriæ urbisque commoditate sermonem facio, quod omnia illa majora esse cognoscitis, quam ego dicam. Illa vero parvipendo, quæ dicuntur, oportere Græcos Latinam ecclesiam magnificam invenire;

A aut quis regionem illam cum aliis equiparet agris? Cum hujus tanta ubertas, tantaque feracitas sit, ut semper abunde suppleverit, quamvis jam multis, non dico annis, sed sæculis continuo fit bello agitata. Alibi vero nonnullæ provinciæ sunt adeo steriles, adeo infœcundæ, ut non suscepto bello, sed audito belli nomine exharantur. Hic vero plurimæ sunt urbes recipiendo concilio & alendo sufficientes. Nam, ut Mediolanum taceamus urbem populosissimam, quæ, ut semper fuit, sic modo est caput Iulubrium. Quid de Papia, Placentia, Parma, Cremona dixerimus? Omnis aliis Papiam expendamus. Est profecto illa urbs splendidissimis commodissimisque ornata domibus. Testes voco ex hac concione quamplurimos, qui me, si mentiar, reprehendant: notam namque rem dico. Hic moderni genitor ducis cohabitavit, princeps omnium sua ætate consultius; hic curiam continuo tenuit, quam magni domini, omni que fere nobilitas Italiæ sequebantur. Ob quam rem multa ingentia palatia & amplissime sunt ædes ædificatæ. Curiales namque, ut sit, certatim sibi magnificas construebant domos, quod quisque ditior, quod quisque, mundior videri volebat. Illic palatium est, quod castellum appellant, ingenti fossa circumdarum, de cujus amplitudine illud retulisse sufficiat, quod augustalis, pontificalisque curiæ capax existimetur, cujus pulchritudinem ac commoditatem omnis oratio comminueri videatur; hinc urbi adjacet; illinc ducali viridario superem net, operi omnium maximo atque excellentissimo, cui parco est nomen, venationibus piscationibusque constructo, ubi feras innumerabiles viginti milia passuum complexus murus observat. De cuius rei amoenitate ac voluptate nonnulla differerem, nisi omnem a vobis contemni voluptatem deliciasque omnes parvi existimari cognossem. Vino præterea, cunctisque edulis, adjacens patria maxime abundat. Nec Varronem in illa audio prorumpentem verba optima ad victum fert ager, *Campagnus frumentum, Falernus vinum, Casinas oleum, Tusculanus ficum, mel Tarentinus, piscem Tyberis.* Hæc suo forsitan tempore ita erant; modo hæc omnia Papientes habent, cæterique Longobardorum populi. Fœnet bladi plus legunt quam ipsi cupiant cives; omnis pomi copia est ingens. Quidquid abest, Tieni flumen advehere potest. Sed quid immoror? Insuadet, ut scitis, populi nunquam externo tritico victitant; sed suum ipsi cæteris provinciis subministrant. Quo fit, ut summam semper in Papia victualium copiam sitis habituri. Nec aliquis Italus vobis minori pretio victum dabit. Nolo probare quod per se patet. Sed quarite alias urbes, & rerum pretia investigate. Quod tribus denariis alibi emetis, quorum hic denariorum pretium habebit. Neque disputatione res indiget. Quare taxationem rerum vestro judicio dux committit; frustra de fertilitate patriæ urbisque commoditate sermonem facio, quod omnia illa majora esse cognoscitis, quam ego dicam. Illa vero parvipendo, quæ dicuntur, oportere Græcos Latinam ecclesiam magnificam invenire;

Concilior. Supplem. Tom. IV.

P p p 2

quod



ANNO  
CHRISTI  
1436.

quod tamen, si quid habet momenti, ubi melius quam in Papiâ invenietis? quo enim honore, qua magnificentia, qua pompa, quo sumptu Constantinopolitanum imperatorem ab duce recipi aestimatis? An quisquam vivit hoc duce ad sumptum effasior, aut ad magnificentiam animatior? De cujus largitionibus stupenda magis quam credibilis narratio videretur. Cui liberalitatem aliquam exercenti sua solum voluntas sufficit. Videbunt hujus principis excellentiam Græci singulâ quadam admiratione ac stupore, idque oculis perspicient quod auribus aliquando cognoverant, verumque illud Homeri experientur dicentis, famam nunquam penitus vanam esse quam populi decantant. Immo & rem fama majorem invenient. Ibunt nonnumquam Mediolanum, ubi populum numerosum, ubi opulentissimos cives, ubi florentissimas opes agnoscant; ubi alterum pene orbem videre videbuntur. Tot artifices tot pompas nunquam satis spectasse dicent. Quod si magnificentia venerabilem reddit ecclesiam, illa est potissime civitas eligenda. Sed vana sunt hæc, mihi credite, anilesque delirationes. Non sunt Græci extra orbem positi, qui Latini genus, Latinaque vires ignorent. Mediterranei sunt populi, Jonio brevi freto ab Italia discreti. Quatuor namque & viginti horis secundum pelagus secundus facit ventus. Quod a Brundisio in Epirum pergit, Siciliamque olim Græciam fuisse, totamque Calabriam magnam Græciam appellatam, nemo qui veteres lætat, ignorabit. Romanæque tantum fuisse Græcorum multitudine, ut in illa Juvenalis verba proruperit: *Non possum ferre, Quirites, Græcam urbem.* Sed ne longius a proposito divertamus. Illud mihi satis probatum videtur, quod de rerum copia, domorumque commoditate requireretur. De postremo jam membro tempus admonet disputare; de securitate scilicet, libertateque loci quæ duplici a nobis modo consideranda videntur, ut tuti in loco simus, & ad locum tuti eamus.

Refero de secundo, in quo illud non est ignorandum, quod huic urbi nullum propiorum locum nominavimus. Septem dierum iter, de cujus securitate, ut opinor, nulla est ambiguitas. Jacent mediis Svitenfium campi, sive ut verius dicamus, alpes; hominum cum bellicosissimorum, tum etiam pacis, & iustitiæ tenacissimorum, quorum terras percurrentibus vobis nulla latronum violentia sit timenda. Montem vero S. Bernardi transiturus religiosissimi principis ducis Sabaudie occurrit territorium, qui pacis semper amator, cultorque tranquillitatis est habitus; quem religiosissimamque iustitiâ cunctis subditis miro modo colendum, divini quoque quodammodo laudibus celebrandum efficit; cujus terras nemo non secure percurrit. Ex his duobus territoriis, nullo intersecante domino, in terras ipsius Philippi descenderis, vobis non modo tutas sed amicissimas. Ac si cultumendum videtur, offerrentur a principe arces singulæ, quas vestrum iter securius aestimabit esse facturos. En cernitis ducale territorium in faucibus Galliarum & Alamanie constitutum, ut quam primum intretis Italiam ducales arces occurrant; nec pro-

cul ab alpihus Papiam inveniatis jacentem. Quæ res faciunt, ut securitatem ad locum tutissimam habeatis, qualem si qui alii præstent, ipsi iudicetis. In loco jam restat securitatem, ac libertatem ostendere, quas esse Papiæ confitebimini, si vestra esse in manu civitatem ostendero, si quieros placidosque cives monstravero, si salubrem aërem docuero; et si vos de principe commovero posse confidere. Futuram in manu vestra civitatem jam supra doctum est; nec solum urbem, sed adjacentia simul oppida, arcesque daturum se ducem intellexistis. Nec dubium est, quin de se quisque magis quam de altero confidat, cum vix aliqui dicant non esse prælatos ad regendas urbes accomodos, dominiaque civitatum male a sacerdotibus regi contendant. Quod a Bohemica dementia tabiticoque Usitarum errore non multum abest, qui omni, ut scitis, dominio spoliandos sacerdotes asseverabant. Et quis, oro, melius aut rectius urbes gubernavit Martino V.? Nolo alios numerare, pontifices: longus ordo sese prælatorum offerret qui magnis præsidentes urbibus subditos in pace ac iustitia pulcherrime tenebant. Dicere vero ineptos fore ad regimen sacerdotes, nihil est aliud quam vos omnes contemnere, Constantinumque Cæsarem reprehendere, cujus munere civitatum dominia suscepistis. Sileant ergo qui talia submurmurant, neque vos condemnent, qui petendas arces oratoribus commisit. In potestate igitur civitatem habebitis, custodes arcibus imponentis, officiales quolibet ordinabitis, juramentum fidelitatis recipietis; & ubi, obsecro, liberius esse potestis? ubi tutius? Aliam quoque securitatem, si quam petieritis, facile impetratur erit. Civium modo naturam examinemus, quæ pro vestra securitate non est parum considerare. Plenum namque periculi est inter cives vivere, qui ipsi inter se divisi discordiosque sint, qui nullo inter se pacto cohæreant. Talibus enim in civitatibus necesse est sæpe immutari regimina, nunc unum esse, nunc alium principatum, neque innovari sine discrimine res possunt; & quemadmodum ait Comicus; *non fit sine periculo magnum facinus & memorabile.* Quod intelligo non solum eorum qui agunt, sed spectantium etiam. Sed nihil horum in urbe Papiensi trepidabitur. Est enim populus placidus, qui et orio deditus, cives perurbani, non belli aut intestinarum avidi discordiarum; sed suis occupati possessionibus, plurimum tempus in agricultura consumunt; & juxta Græcum proverbium, quam quisque artem novit in hac se exercet. Nec vano libertatis nomine gloriantur, quemadmodum aliqui, qui tum se liberos vocant cum maxime serviunt, & subesse quampluribus liberum fore dicunt. Ego vero quietiorem populo Papiensi nullum adhuc reperi, qui & suo semper principi obedivit, & devotissimus ecclesiæ fuit. Aeris nunc salubritas pernoctatur, quem purissimum esse apud Ticinum reperietis. Nulla ibi foeda paludes exhalant; non maritima stagna putredinem suggerunt; non crebræ pestes invadunt; non æstus immensi, intemperatæ solares radii, aut mon-

ANNO  
CHRISTI  
1436.

montani venti officium sanitati. Quod si Basileæ similem querimus civitatem, Papiæ profecto est, quæ Basiliensem nobis & libertatem & sanitatem præstet, quam hic permaximam sumus experti. Nam siue aeris salubritas fuit, siue miraculosa magni Dei bonitas id concessit, sextum hic jam trahentes annum, incredibili omnes sanitate præstitimus. Nec de libertate expedit disputare; libere enim hic loqui, libereque facere quodcumque libuit, nunquam estis prohibiti; nec cives vestris se unquam actionibus opposuerunt, ut qui Germanicam nobilitatem redolent. De Germanorum namque fide, gravitate, constantia nihil satis explicare possem. Non sunt ad promittendum faciles; sed promissa inconcussè inviolareque custodiunt. Emori malunt, quam juramento defecere; apud quos facile, sit multos Attilio Regulo similes invenire, qui primo Punico bello fidem hostibus servare voluit, quam mortem & foedum corporis effugere lanatum. Hæc profecto constantia Germanorum, hæc fides, hæc gravitas Alamannia, ut tenacissime fidem servant. Cujus rei memores Basilienses nihil vobis promissum commutarent; apud quos utinam quod restat negotii consummare possemus, ne aliorum fidem probaturi effemus. Si tamen pericula volumus evitare, Papiensis est nobis civitas adenda, ubi quemadmodum dixi, & civium grata conversatio est, & aeris perpetua salubritas. Si quando tamen locum mutare oporteret, non desunt in territorio principis commodissimæ civitates, quarum, sicut de Papiæ est dictum, dominium haberetis. Neque enim futuri casus sunt a nobis non cogitandi; sed sicut apud Euripidem Theæus facere nos docet, cujus illa sunt verba a Cicerone in Latinum conversa: *Nam qui hæc audita a docto meminisse viro futuras mecum commentabar miseras, aut mortem acerbam, aut exilii moestam fugam, aut semper aliquam molem meditabar mali, ut si qua injecta diritas casu foret, ne me imparatum cura laceraret repens.* Quæ non ideo solum dicta confirmo, ut malum fiat præmeditatione levius; sed ut prævidentes mala diffugiamus. Et quantum ad nos attinet, illud in eligendo loco desideremus, ut venientem pestem, aliamve mali molem possimus evitare; sicut in urbe cernimus Papiensi, qua seu peste, seu alia causa dimittenda, aliam e vestigio urbem inveniamus concillii capacem & rerum abundantem omnium. Ac de aeris salubritate sufficiat.

Principis vero fides quanti a vobis, celeberrimi patres, sit habenda, extremo præsentique loco retinui. De qua re abunde putavero dictum, cum ejus principis erga ecclesiam devotionem, erga vos ipsos sacrumque concilium dilectionem, erga subditos justitiam & æquitatem, erga hostes clementiam & mansuetudinem, erga omnes magnificentiam & benignitatem ostendero. Quibus absolutis, quis neget summam in hoc principe fidem habendam? Quas res me, nunc peroraturum utinam digna rebus sequeretur facundia. Meritis es namque, videris, clarissime princeps, de quo summi oratores, & clarissima poetarum ingenia fatigan-

tur. Sed dabis Æneæ veniam, si non ut vellet, sed ut potest tuam causam perorabit. Vos quoque, patres amplissimi, desinite admirationem audietis; tot sunt enim illius stupendæ virtutes, tot miranda gesta, tot pacis & belli incredibiles artes, ut inferior omnis oratio videri debeat. Sed pergo ut in buccam venit, ac de sua erga ecclesiam devotione duo quam brevissime absolvam. Braccius hostis ecclesiæ immanissimus, cum multa Romanæ sedis oppida, urbesque invasisset, ac multas provincias vi occupasset, urbem insignem Aquilam eo animo obsedit, ut ea capta bellum urbi, obsidionemque ad-moveret, tantisque in urbe metus & trepidatio fuit, ut non urbis defendendæ, sed faciendæ fugæ consilium esse putarent. Nec minor agitatio Romæ tumultusque fuit, victore apud Cannas Annibale omnique Romanorum prostrato exercitu, cum perditam spem fore, desperatam comploratamque rempublicam nonnulli juvenes de asugio cogitabant. Tum papæ auxilia dux misit, pecuniisque copiasque papam juvit. Cumque ad manum devenire ducales copię plurimum valuerunt, eoque prælio victoriam pepererunt, ut victum Braccium duci adscriberent. Omitto classem ingentem rogatu papæ Martini in Apuliam destinatam, Cajeamque receptam, & alla classis illius spectata facinorosa. Illud quis non summe collaudet, Æmiliam, quam modo Romandiolam dicimus, ex manibus tyrannorum vi captam papæ sine contradictione esse? Nunquam hic princeps summus pontificibus adversatus est, nunquam ecclesiæ defuit auxilio, nunquam apostolica mandata contempsit, modernoque pontifici ut patri, ut domino, ut Christi vicario semper obtemperavit, primisque omnium principum præstitit obedientiam. Si quid postea dissidii fuit, hinc processit origo. Ipse tamen nunquam papæ famulatum negavit, quod illa in sede sedentem, nunquam contemnendum censuit. Qualis vero erga concilium fuerit, vestram neminem arbitror præterire; nec me aliquis reprehendat, si hunc defensores concillii nominaverim, quem non ignoratur cum magno suorum sumptu semper hic prælatorum frequentiam tenuisse citasseque, ne defectu suppositorum concilium deperiret. Cumque requirendi principes in adhesionem essent, hujus prælati præsto fuere, qui suis sumptibus obirent munera legationum, quorum nullus aut labori pepercit, aut sumptui; atque ut sciam quid magna cum diligentia in hoc concilio, et extra concilium ab episcopo Albigamensi est gestum, viro non solum genere, sed animi virtute nobilissimo; quid de aliis dicam? Hinc episcopus Novariensis ad regem Franciæ destinatus; hinc Laudensis in Angliam missus. In remotissimam usque Poloniam Parmensis episcopus iussus est ire. Quo tempore ille vivebat, cujus modo insignia viduis depicta tapetibus cernitis ante oculos, moderni genitor regis, cui Deus adversus infidelium impetus omnes conatus fecundos efficiat. Ad regem vero Aragonum Riccius abbas S. Ambrosii in Siciliam usque perrexit



ANNO  
CHRISTI  
1436.

1339

BASILENSE G. CONCILIUM.

1340

ANNO  
CHRISTI  
1436.

xit. Nec tu, potentissime princeps Burgundorum, ab Longobardis praelatis fuisse praetermissus. Abbati namque de Cereto patri integerrimo, ea legatio obvenit, quem tu propter patriam, propterque Dominum laeto vultu & gratissimo animo recepisti, non ignarus quantum tibi dux ille Mediolanensis afficiatur, qui nihil magis exoptat quam tuum morem gerere voluntati. Apostolorum mihi illa tempora videbantur, cum orbis provincias inter se sortiti, suam quisque legationem suscepit Evangelium praedicaturus. Cujus rei non absimilem curam, ducales praelati receperunt, quoniam tunc alii aberant. Repetite beneficia in vos collata, obsecro, considerate si jamdiu hinc abissetis, nisi ipse favisset; videte si quid est unquam peritum, quod non sit impetratum. Videte si hujus concilii bene gesta semper collaudarit, observarique jussit; videte si gentes armorum, si pedites, si equites, si pecuniam, si terras, si seipsum vobis obtulerit. Videte si quid promiserit quod non impleverit; videte si vos semper magna dilectione fuerit prosequutus. Hic cardinalibus ad concilium venientibus naves dedit; hic securum transitum omnibus praestitit; hic omnibus modis nos juvit, qui non modo hoc, modo illud, (ut plerique) sed semper idem dixit, fecitque. Neque ut exprobrem ista dico, sed ut ejus erga vos fidem recognoscentes, de ipso potius, quam de alio confidatis, caveatisque ne quam ingratitude ostendatis; quam rem in divina mente, almoque illo Spiritu, qui praesidere in concilio creditur, nefas est nominare. Illudque evitate, ne vobis dici possit, quod dictum esse quondam Cicero narrat. Nam cum C. Laelio (bono & spectato viro consolatum petenti) non mos gestus, magis populus a bono consule, quam a bono populo repulsus consul dicebatur. Pergo ad alia, justitiae erga subditos ministrandae, aequitatisque servandae ducalium studium vel in eo potest comprehendere, quod ab omnibus subditis peraeque diliguntur. Percurrite ejus territorium, omnes uno ore videbitis de suo principe bene dicere, sibi bene optare, superosque rogare ut superstes ac longaevis fiat. Nullum principi maledicere; nullum nisi magnifice amplissimeque de suo sentientes principe invenieris. Quam rem nemo ex justitia natam negaverit. Eo pertinet quod de Sperone aliique plerisque factam est, quos cum ipse in subditos graves, acerbos, contumeliososque reperisset, ab se penitus abdicavit, omnique magistratu dejecit. Ex quo fit, ut ejus dominatus altissimis deus radicebus existat; est enim in amore, ac caritate fundatus, non in timore, qui, ut dicit orator, non est diuturnus magister officii. Nec illud quoque praeterire, quod nemo magis mortem hominis abhorret; nemo magis invitatus torqueri homines audit. Sed de sua in hostes mansuetudine jam sermo desideratur, in qua re non erit absurdum si ea de hoc principe dixerimus, quae de senatu populoque Romano Scipio dixit, quem beneficio, quam metu obligare homines malle, exterisque gentes fide ac societate junctas ha-

bere, quam tristi subiectas servitio afferebat. Qua laude hunc esse dignum ducem paucis colligemus exemplis. Videtur adverso praelio Carolus Malatesta captivus duci deditur. Expectatis necem aut carceres? nullo receptus supercilio, fortunatus sibi fuisse vinci quam vicisse expertus est. Quid alios exercituum duces commemorem, qui in hujus deducti potestate tantam clementiam invenerunt, ut jam plerique didicerint, tutius esse huic principi adversari quam favere. Sunt enim quidam homines, qui velut equi quanto magis illis indulgetur, tanto majori perulantia sunt. Franciscus Carmignola sub hoc principe militavit, divitiisque, honoreque ausus ad hostes confugit, magna clade veterem saepe dominum affecit. Hujus apud hostes defuncti filias suscepit, egregioque matrimonio copulavit, uxori Carmignolae bona omnia restituit. Qualem vero serenissimis se Aragoniae Navarraeque regibus exhibuerit, nulla terrarum portio non audit; hoc omnem exsuperat magnificentiam. En dux ipse, cum alibi alios, hic se ipsum magnificentia superavit. O genus egregium! O proles verissima Galeatis! Est ne hominum ulla conditio, quae non te diligat? Est ne gens ulla tam barbara, tam effera, tam ab omni humanitate alienata, quae tuo nomini non afficiatur? Hic est quem colere omnes debent; cum propter virtutem & probitatem, sicut Cicero credit, etiam eos quos nunquam vidimus, diligamus; quem hostes, sicut ego puto, talia in dies audientes non possunt non laudare. Hunc ergo quis neget erga omnes esse benignum, cum benignissimum semper in hostes reperimus? Quis unquam ad eum venit non benigne magnificeque receptus? Incredibile, vobis videretur, si pecuniarum illam explicarem summam, quae quotannis transeunt dominos & ad se venientes honorat oratores. Cujus rei, si Papiam elegeritis, experimentum principum oratores, praelatique videbunt, quorum nemo in donatus abiit. Estet mihi magna copia memorandi plurimos, qui domo extorres, patriaeque puli, ducali pecunia vitam agunt. Sed jam si nem nostrae poscit oratio. Quare ea quae ab initio fumos polliciti non probasse solum, sed ostendisse planius opinamur. Quare cum hujus principis devotionem erga vos & ecclesiam non minimam neque vulgarem dignoscatis; cum pium, cum justum, cum clementem, cum magnificentissimum ducem videatis, quid est quod ejus vobis suspectam fidem faciat? Quis timor, quae dubitatio, quae suspicio de ipso potest concipi duce? Nihil profecto est quod Papiam repudiatis. Hic quae ad Gracos opus sunt haberis; hic papa cum concilio potest convenire; hic domos egregias; hic victualium inventis complam; hic securitas, hic libertas ostenditur; hic principem nati estis, cuius vetus & probata est amicitia, quem si novis postpositis amicis, a Ciceronis consilio recederetis, cuius haec de amicitia verba leguntur: *Existit autem hoc loco quadam quaestio subtilis, nunquid amici novi digni amicitia veteribus amicis sint anteponendi. Homine indigna dubitatio. Non enim debet esse amicitia-*

ANNO  
CHRISTI  
1436.

ANNO  
CHRISTI  
1436.

*citiarum, sicut aliarum rerum societas; vettissima quæque ut ea vana quæ vetustatem ferunt, esse debent suavissima. Verum illud est quod dicitur, modios multos salis simul edendos esse, ut amicitia munus expletum sit. Pythagoras vero haud injiciendam unicuique dexteram dicebat, idest non prompte, aut inconsulto conciliari oportere, sicut Plutarchus interpretatur. Idem quoque ait, quæ nigrantes habent caudas, gustari non oportere; quæ ideo dicta sunt, ut in rebus agendis illorum condiciones diligenter investigemus, cum quibus contrahimus; hoc etiam facit, ut intentiones eorum considerare debeatis quæ concilium petunt. In qua re de aliis vos iudicetis. Ego de duce dicam, quem tres causæ potissimum movent, ut requisitus satisfaciatur, ut in re fidei præfio sit, ut ab omni vos periculo subtrahat. Versarus namque in rebus arduis princeps, multorum dominorum diversarumque communiatum, per exploratores secreta cognoscit, timeat ne locum eligatis, qui vobis perditioni fiet. Caput ab omni vos fraude omnique periculo eripere. In qua re, patres optimi, sic precor excubetis, ut nihil improvisum accidere possit, nihil inopinatum, nihil omnino novum; atque ita accerrimam in omnes partes aciem intendatis, ne qua fraude capiāmini. Hic, te precor, humanissime pater cardinalis S. Sabinae, intendas, ne quam, pluribus annis, summo labore, summaque vigilantia famam perquisivisti, unus dies eripiat. Quamquam, quidquid eveniat, Bohemica reductionis te laus assequatur. Sed maiorem tibi Græcia laudem attulerit, si locum periculosum effugiens, in eo consenties, in eoque alios animabis, ubi sine periculo maturari negotium possit. Nec te inoratum, integerrime pater, relinquam cardinalis S. Petri, qui non solum tuo hic nomine, sed populi, regioque hic præfides; aspice quod de te dignum est, quod summo pontifici conveniat, quod regi illi potentissimo victoriosissimoque consentaneum existimas. Neque te hic, neque tuum regem passio ducit; ille pro fide in patria pugnat, de cuius laudibus bellicisque triumphis non nihil explicuissim; nisi oratores ejus, viros literatissimos atque ornatissimos patres, Conchensem, Burgensemque præfulem ante oculos cernerem, qui & ornatus & melius rem valeant absolvere. Tu hic rei fidei curam adhibes; nunc opus, nunc labor est, nunc tua industria viderit, ne loco inepto consentiamus. At te, præstantissime pater cardinalis Arelatenus, tanto minus oraverō, quanto magis ad rem ipsam te video animatum. Quod si unquam invigilasti, si semper constans firmusque fuisti, si semper concilii profectum desiderasti, hic aures, hic mentem arripe; nunc tua probitas, nunc tua diligentia pateat. Idcirco namque cardinales vocamini, quia quasi cardines ecclesiam sustinetis. Sic vos alios prælatos oro, ac obtestor. Sic vos omnes precor ecclesiasticos: aspice quæ fidei, quæ justitiæ sunt; abjice passionēs; regem illum christianissimum imitemini, qui nullum vitium cupiditate ibi locum eligi rogat, ubi geri negotium melius existimetis; ubi quæ*

A fidei & quæ concordia sunt valeant testimoniari. Quæ secundum alios alibi, secundum me tutius in Papia conficiantur. Nec enim video quo commodius, aut liberius esse possitis. Itur namque ad principem benignum & vestri cætus amantissimum, qui fraudes, non modo non instruit, sed prorsus ignorat; cujus animus nihil nisi altum ac magnificum cogitat. Consultius est principi te nobili, & nihil præter honorem cupienti committere, quam vulgo, quod est plerumque ingenio mobili, seditiosum atque discordiosum, cupidum novarum rerum, quieti & otio adversum, de quo Virgilius:

*Scinditur incertum studia in contraria vulgus.*

B Et cujus vobis fides, quam ipsius principis potest esse securior? Noti sunt vobis mores ejus, neque concipere metum potestis aliquem. Non hic vindictæ exactor, non contumeliæ illator, non injuriæ prosequutor, cujus rei nemo magis didicit oblivisci; qui cum sæpe ulcisci potuerit, vindictam tamen semper abhorruit. Hic animum vincere, iram cohibere, victoriam temperare, adversariosque nobilitate, ingenio & virtute præstantes non modo extollere jacentes, sed etiam amplificare eorum pristinam dignitatem exemplo Cæsaris consuevit. Huc ergo ite, C huc animos intendite. Securitatem utilitatemque vestram cognoscite, discrimina non rerum solum, sed personarum etiam evadite. Accedite huc qui semper vobis benefecit; ostendite gratitudinem, & memoriam beneficiorum. Sicubi tamen utilis aut melius esse potestis, vestri iudicii sit; nihil erit duci molestum, si bene succedere intellexerit, cumque quocumque pergitis obedientem habebitis. Vestrum tamen est cavere, ne periculosum eligentes locum, & iurjurandi neglectores suscepti videamini, & qua nunc apud omnes estis, clarissimam famam amittatis, quo bono nihil est humano generi aut acceptabilius a superis, aut præstantius concessum, cujus contemptores haud scio utrum numero sint habendi aliquo; siquidem famæ contemptor suæ ab eo prodigus appellatur, quem non Apollinis oraculum, sed sacræ literæ judicant sapientem.

#### ANONIMI CARDINALIS CONSULTATIO,

*num concilium papæ superius habendum sit.*

Q Uæstio est, utrum Papa subist judicio Concilii generalis; & supponitur quod ipsum Concilium sit legitime aggregatum. Argumentatur primo, quod non, quia Papæ subest ipsum Concilium generale; dicit enim Christus super Math. Quod Filius, quod Patris est, & ipsius Filii, potestatem Petro ubique terrarum concessit, & homini mortali omnium, quæ in Cælo sunt dedit auctoritatis, dando ei claves ad hoc, ut Ecclesiam ubique terrarum amplificet. Sed eadem est auctoritas Papæ cujuslibet quæ fuit Petri, cum sit Petrus successor, atque vicarius Christi.

Ex M. S. cod. Florent. eruit & misit Cl. Laurent. Mechus.

Item



ANNO  
CHRISTI  
1436.

Item quoniam Cyrillus in libro thesaurorum dicit, quod sicut Christus accepit a Patre sceptrum Ecclesie gentium, ex Israel egrediens, super omnem principatum, & potestatem, & super omne quodcumque est, ut ei genua cuncta curventur, plenissimam potestatem; sic & Petro, & eius successoribus plenissime commisit; & ita nulli alii quam Petro Christus quod suum est plenum, sed ipsi soli, dedit. Si igitur nulli alii quam Petro Christus quod suum est plenum dedit, sed soli Petro hoc dedit; sequitur, quod plenitudo potestatis Ecclesiasticæ non residet in Concilio generali, sed in solo Papa Petri successore, cum Concilium non sit Papa, & ita Papa non subest iudicio Concilii generalis, sed potius e contra. In oppositum argumentatur. Si auctoritas queritur, orbis maior est urbe, ut dicit Jeronymus, & recitatur &c. Hinc sequitur argumentum, quod statutum Concilii præjudicat statuto Papæ. Si igitur statutum Concilii præjudicat statuto Papæ, sequitur auctoritatem Papæ non esse præferendam auctoritati Concilii, sed esse inferiore, cum par esse non possit.

Ad questionem, salva semper Ecclesie determinatione, ac sententia cujuslibet melius sentientis, responderetur sub duplici questione. Prima sit ista, quod si Papa deprehendatur a Fide devius, & admonitus non sit corrigi; potest per generale Concilium judicari; & si Concilium aggregare ipse renueret, tunc posset absque ejus auctoritate se ipsam Ecclesiam congregare, & Papam a Fide devium judicare. Hec ergo quo ad primam partem non indiget magnis probationibus, quia communiter tenetur, & ponitur a doctoribus nedum canonistis, sed etiam theologis; videlicet per Petrum de Palude, Hericum, Augustinum de Anchona, & alios; immo addit Augustinus de Anchona dicens, quod in præmissis casu, quo videlicet Papa deprehenderetur a Fide devius, & nollet corrigi, non indiget judicari, seu deponi de jure, cum jam de jure divino judicatus sit, juxta illud Johannis 3. *Qui non credit, jam judicatus est.* Sed tamen de facto, ut videlicet hujusmodi iudicium executioni demandaretur per ejectionem ejus a summo sacerdotio, seu papatu, facit ad hoc cap. *Si Papa*, 40. 84. alia multa ca. & potest hæc pars questionis in sacra scriptura evidenter fundari. Cum enim una sit Christi Ecclesia, juxta illud: *una est columna mea.* Cant. VI. hæc autem unitas sit præfens unitas Fidei, juxta illud: *unus Dominus, una Fides, &c.* . . . Constat, quod qui est a Fide devius pertinaciter, ipse est a corpore Ecclesie præclusus & separatus; & ita jam non est de corpore Christi mystico, nec est illius corporis pars, sive membrum, aut caput: membrum enim, sive caput a naturali corpore separatum jam non est illius corporis membrum, sive caput. Unde dicit Philosophus, quod oculus a capite separatus non est oculus nisi æquivoce: & ita consequenter Papa a corpore Ecclesie per hæresim separatus, jam non est Papa, quia jam non est caput Ecclesie, neque membrum ejusdem. Secunda etiam

Locus  
mendosus.

pars probatur: quia in tali casu, quo Papa esset a Fide devius, & corrigi nollet, nec concilium congregare vellet, manifeste esset pertinax, & hæreticus continenter, & ita sedes vacaret; quia Papa hæreticus definit esse Papa; & sic nihil prohibere videtur in hoc casu, quin Ecclesia posset semet congregare: cum etiam capitulares unus particularis Ecclesie, immo & religiosi unius monasterii in casu, quo Episcopus, vel Abbas eorum decesserit, possunt insimul convenire, & sibi de capite providere, & mortui Episcopi, vel Abbatis corpus sepelire.

Secunda questio: Si Papa in Fide repariatur catholicus, schismaticus tamen, aut alias depravatus, corruptis moribus, ac scandalizator Ecclesie, & admonitus nollet corrigi, potest per generale Concilium judicari, etiam per depositionem, si videatur expediens. Hæc questio non ponitur affirmative, sed raturum disputative, & probabiliter; & ad eam adduco aliquas rationes, quas non reputo necessario concludentes, sed ut valeant quantum valere possunt iudicio melius sentientis. Et primo probatur dicta questio sic. Quilibet tenetur ad præceptum de correptione fraterna, de quo Matthæus 18. *Si peccaverit in te &c. unicuique enim mandavit Deus de proximo suo, Eccl. 12. & ut dicit Sanctus Thomas 3. 4. ar. 19.* Hæc correptio etiam ad prælatos se extendit, hoc est, quod possunt a subditis corripere juxta formam a Christo traditam in dicto præcepto. Et ratio est, quia, ut dicit S. Thomas, prælati ex hoc, quod est persona publica, non amittit ea, quæ sunt propria singularis personæ. Sed in ipso præcepto ponitur, quod si ille, qui peccat in te, non te audiet corrigentem, nec etiam testes aperte adhibitos, quod debes ipsum denunciare Ecclesie, quæ denunciatio manifeste esset vana, nisi ille posset per Ecclesiam judicari. Ergo videtur, quia Papa, non obstante quod sit summus prælatus in Ecclesia, in casu, quo nollet corrigi, potest Ecclesie denunciari, & consequenter judicari ab Ecclesia. Et notandum, quod dicitur: *Si peccaverit in te*; id est, te sciente, ut Sancti exponunt. Secus si peccaverit in Deum, hoc est, quod peccatum ejus non scandalizet proximum, sed soli Deo sit notum; unde glossa ibidem super verbum vitæ dicit. Si enim in Deum peccaverit, non est nostri arbitrii &c. quia tunc hujus peccatum divino iudicio retervatur. Ex quo videtur secundum intentionem dictæ glossæ, quod qualescunque sit peccatum aliquis, sive contra Fidem, sive contra mores; dummodo scandalizet proximum; potest, in no debet ipse proximus sic peccantem, præmissa fraterna correptione, & testium admonitione, denunciare Ecclesie, & consequenter Ecclesia potest illum judicare. Et ita, cum Papa sit frater, & proximus, Ecclesia ipsum peccantem potest, & debet dicta forma correctionis judicare. Et dicatur, quod dictum præceptum intelligitur de peccato, quod non est notorium; dico quod si peccatum sit notorium, non minus potest corripere, & argui peccator, quam si esset secretum;

ANNO  
CHRISTI  
1436.

ANNO  
CHRISTI  
1436.ANNO  
CHRISTI  
1436.

tum; immo amplius, juxta illud &c. . . .  
Peccantem coram omnibus argue; & consequenter multo melius potest, & debet denunciari Ecclesie. Cum igitur Concilium generale nihil aliud sit quam Ecclesia legitime congregata; sequitur, quod Papa peccans contra bonos mores, & fideles scandalizans, si nolit corrigi, per Concilium generale potest judicari; Unde in eodem Math. Cap. dicit Christus de quolibet scandaloso generaliter loquens; *qui autem scandalizaverit unum de pusillis istis minimis, qui in me credunt, expedit ei, ut suspendatur mola asinaria in collo ejus, & demergatur in profundum maris.*

Sed obijceret aliquis contra prædictam conclusionem, quare major non judicatur a minori, nec superior ab inferiori, unde S. Thomas dicit in 2. 2. quod si prælatus peccans non habet superiorem, cui fiat denunciatio, recurrendum est ad Deum, ut eum emendet, vel de medio tollat. Sed Papa major est Concilio, quia est caput Ecclesie, juxta illud Jo. 1. *Tu vocaberis caput*, &c. Confirmatur per Cap. Aliorum, 9. 3. ubi dicitur, quod aliorum hominum causas Deus voluit per homines tractari; sed sedis Apostolicæ Præfulem, suo tunc questione reservavit arbitrio. Item per cap. Nemo, eadem questione, & causa, ubi dicitur, quod nemo judicabit primum Sedem (iustitiam) temperare desiderantem; & neque ab Augustino, neque ab omni Clero, neque a regibus, neque a populo Judæe, idem, Papa, judicabitur. Unde glo. super verbo *Neque a toto Clero*, dicit, quod hinc est argumentum, quod Concilium non potest judicare Papam, ut ext. de cler. Significasti. Unde si totus sententiarum in aliquo negotio contra Papam videtur, quod sententia Papæ standum esset, ut 24. q. 1. *Hac est fides*. Et ad idem possunt adduci alia multa capita ad idem tendentia.

Ad quæ respondetur, unde ad primum, cum dicitur in majori propositione, quod major non judicatur a minori; conceditur ista ad bonum sensum, licet posset calumniari in aliquibus casibus, aut saltem indigeret declarari. Sed ulterius cum dicitur, quod Papa est major Concilio, quare est caput Ecclesie; hoc dicitur primo, quod non est omnino verum, quod Papa sit major Concilio; Concilium enim, ut fuit præmissum, intelligitur esse congregatum auctoritate Papæ; quare alias non videtur legitime congregatum Sede non vacante; & sic auctoritas Papæ intelligitur in auctoritate Concilii inclusa, & Papa comparatur ad ipsum, sicut pars principalis ad totum: omne autem totum major est qualibet ejus parte; & sicut fuit alegatum, Orbis est major urbe. Item quod simpliciter loquendo Papa non sit major Concilio probatur per cap. Anastasius, 19. Distin. ubi dicitur quod multi clerici se abegerunt a communione Anastasii Papæ, eo quod communicasset sine Concilio episcoporum, vel presbyterorum, & clericorum cunctæ Ecclesie Catholicæ Fotino diacono &c. Et ibi dicit glossa; quod ubi de Fide agitur, tunc syn-

Concilior. Supplem. Tom. IV.

nodus major est Papa. Item 15. dist. in ca. *Sicut*, in fine dicit glossa super verbo *presumit*; videtur quod Papa non possit destruere statuta Concilii, quia orbis est major urbe. Idem probatur in Scriptura Sacra novi, ac veteris Testamenti: Ut enim legitur in actibus Apostolorum cap. XV. Jacobus Episcopus Hierosolymorum, & non Petrus protulit sententiam in questione, sive causa; quæ tunc agitabatur super observatione legalium; quam sententiam tulit auctoritate, & nomine totius Concilii, & non nomine, vel auctoritate solius Petri &c. Propter quod ego judico non inquietari &c. innuens Concilium esse majus Papa. Si dicatur, sicut aliqui expositores dicunt, quod hujusmodi sententiam Petrus dictavit, sed Jacobus eam promulgavit nomine, & auctoritate Petri, vel ut alii dicunt, quod Petrus voluit in hoc deferre Jacobo, quare erat ordinarius loci; respondeo, quod ista non habentur ex textu, sed majus oppositum, hoc est, quod sententia fuit lata nomine, & auctoritate totius Concilii; unde ibidem scribitur epistola hujusmodi sententiam continens, cujus initium est: *Apostoli, & seniores fratres his qui sunt Antiochie &c.* & sequitur: *Visum est Spiritui Sancto, & nobis collectis in unum &c.* Ex quibus videtur, quod auctoritas diffiniendi, seu determinandi ibi in Concilio non tribuitur Petro ibidem præfenti, quamquam esset caput Ecclesie, sed toti Concilio Apostolorum, & Seniorum. Item in Ver. Test. legimus enim in Esdra Concilium generale fuisse congregatum in Hierusalem, ut provideretur super transgressionem filiorum Israel, qui duxerant uxores alienigenas. Ubi scribitur, quod missa fuit vox, scilicet communis citationis in Judæa, & Hierusalem omnibus filiis ut congregarentur in Hierusalem, & omnis, qui non venerit in tribus diebus juxta concilium principum, & seniorum, auferetur substantia ejus, & ipse abjiceretur, scilicet per excommunicationem de cetis transmigrationis. Et ibidem subditur; quomodo Esdras nomine totius concilii dedit sententiam in prædicta causa; & tamen constat, licet Esdras esset sacerdos, & doctor legis, non tamen erat Summus Sacerdos, sed Jesus filius Josedech erat Summus Sacerdos. Item patet, quod puni- tio temporalis, & spiritualis inferenda contumacibus, seu non venientibus ad prædictam concilium fuit reservata auctoritati concilii, & non Summi Pontificis. Ex quibus patet, quod licet auctoritas Summi Pontificis sit major auctoritate cujuscumque alterius viatoris comparando primum ad primum; tamen major est, saltem in aliquo, auctoritas universæ Ecclesie legitime con-

gregatæ, quam auctoritas solius Summi Pontificis. Ad confirmationem, cum dicitur: Quod Sedis Apostolicæ Præfulem Deus suo reservavit arbitrio, respondetur, quod hoc decretum intelligitur, quando Papa vult corrigere se ipsum; tunc enim in causa sua Papa ipsemet erit iudex, nec habebit extra se alium iudicem nisi Deum: Secus si nolit corrigi, & crimen suum sit Christianitati scandalizativum, quod satis aper-

Q999 te



ANNO  
CHRISTI  
1436.

te innuitur in alio cap. allato in alia confirmatione, scilicet, *Nemo*, ubi non tantum dicitur, quod primam Sedem temperare desiderantem &c. Ex quo sequitur argumentum per contrarium, scilicet, quod prima sedes obtemperare nolens possit iudicari &c. aliter in vanum adiecisset illam determinacionem, vel conditionem *temperare desiderantem*, ubi dicitur, quod debent illa decreta sic intelligi. Quod nemo, idest nullus particularis homo, iudicabit primam Sedem, nec etiam totus clerus, idest, cœtus cardinalium, vel totus clerus, scilicet Romanus; vel dicitur, quod cum Papa iudicatur a Concilio legitime congregato, potius iudicatur a se, quam ab alio; quare huiusmodi Concilium sumit auctoritatem ab ipso, in quantum per ipsam est congregatum. Secunda probatur quæstio sic. Sicut in Novo Testamento potestas Summi Pontificis dependet immediate a Deo; sic & in veteri Testamento præminencia Summi Sacerdotis fuit a Deo instituta: sic Ex. 28. Sed non obstante dicta præminencia Summus Sacerdos in Veteri Testamento potuit ab homine iudicari, immo & deponi, sicut patet de Abiathar, qui erat verus, & legitimus Summus Sacerdos; & tamen fuit depositus; & eiectus de Summo Sacerdotio per Salomonem, non propter crimen hæresis, sed quia conspiraverat cum Adonia ut 3. 4. primo, & secundo cap. agitur &c. Sed dicitur, quod maior est præminencia Summi Sacerdotis in novo Testamento, quam fuit in Veteri, licet utcumque Sacerdotium fuerit a Deo immediate institutum; quod conceditur. Secundo dicitur etiam, quod maior est auctoritas totius Ecclesiæ Christianæ simul adunatæ in generali Concilio, quam fuerit auctoritas Salomonis; Tertio, probatur eadem quæstio per glo. Cap. si Papa; ubi dicit glossa, quod si Papa deprehendatur in quocunque alio crimine ab hæresi, & admonitus non corrigitur, ac inde scandalizatur Ecclesiæ, quod inde potest accusari: Sed sit mentio de hæresi in dicto capitulo, quare si occulta esset hæresis, de illa posset accusari; sed de alio crimine occulto accusari non posset: Facit ad hoc, quod Johannes Papa XVII. quia erat lubricus fuit depositus; ut dicitur in Cronica Martiniana.

Quarto fundari potest prædicta quæstio ex dictis S. Thomæ in tract. de regimine regni: ubi quæritur, quid agendum sit a subditis, si rex ipsorum degeneret in tyrannidem; & ibidem respondendo ponit duas quæstiones: prima est quod non pertinet ad aliquem subditum, particulariter consideratum, huiusmodi dominum suum in tyrannidem degenerantem occidere: unde & in veteri testamento leguntur ocelli fuisse, qui regem Joa, quanvis a Deicultu recedentem interfecerant. Secunda est quod, procedendum est a subditis contra huiusmodi dominum proprium in tyrannidem versus publica auctoritate: & circa modum procedendi in huiusmodi causa ponitur quæstio dicta. Primum, quod si ad ius alicujus multitudinis pertinet providere sibi de rege, ab eadem rex institutus, potest destitui, vel refrenari ejus

potestas, si potestate regia tyrannice abutatur &c. Secundum quod non est putanda talis multitudo infideliter agere tyrannum destituens, etiam si ei se in perpetuum ante subjecerat: quoniam hoc ipse innuit in multitudinis regimine se non fideliter gerens, ut exigit regis officium, quod ei pactum a subditis non servetur; & exemplificat de Tarquino rege per Romanos de regno ejecto, & de Domiciano ab eisdem Romanis propter tyrannidem interempto. Tertium, quod si ad ius superioris pertineat multitudini providere de rege, expectandum est ab eo remedium contra tyrannum; & ponit exemplum de Archelao rege Judææ accusato a Judæis apud Cæsarem, & punito. Quartum, quod si omnino contra tyrannum humanum auxilium non possit haberi, recurrendum est tunc ad regem omnium Deum per orationes &c. Et dat exemplum de Nabuchodonosor, & Pharaone. Ex quibus videtur posse fundari dicta quæstio; sed applicationem dimitto intelligenti.

Et si amplius objiciatur contra prædictam secundam quæstionem, quod multa iura clamant Papam non posse nisi a Deo iudicari, præter prædictas solutiones est una solutio generalis, videlicet quod stat, aliquem non posse ab aliquo iudicari de jure communi, & tamen posse ab illo iudicari, si ejus iudicio se submisit; & dicitur, quod superior bene potest se subijcere iudicio alicujus sibi equalis, vel se inferioris, sicut Christus se submisit iudicio Pilati, de cujus tamen foro non erat; cum dixit ei, non habet in me potestatem, nisi tibi datum &c. Joh. 19. & Pharisæorum iudicio se submisit, dum dixit; Quis ex vobis arguet me de peccato? Joh. cap. 9. Facio vos iudices &c. Et didragma, seu statuerem solvit pro se, & Petro, ut Math. 18. licet aliter non teneretur, ut ipse Christus declarat ibidem: facit ad hoc. Nos si incompetenter, 2. q. 7. ubi loquitur Leo papa Ludovico imperatori dicens: Nos si incompetenter aliquid agimus & in subditos iuste legis tramitem non servavimus, vestro ac missorum vestrorum cuncta volumus emendare iudicio. Et ibidem circa finem cap. dicitur, quod sicut Hieronymus refert in libro virorum illustrium Damasus Papa a subditis de adulterio accusatus cum 42. episcopis se purgavit. Et glo. in ca. Si papa, super allato superius verbo, a nemine, dicit, quod papa a nemine est iudicandus, nisi se subiciat alii, ut n. q. 7. Nos si competenter &c. Hec dicta glossa. Ex quibus patet, quod Papa bene potest se subijcere iudicio alterius, sicut imperatoris in aliqua certa causa, & etiam multo magis iudicio Concilii generalis, etiam si alias de jure non esset dicto iudicio subiectus; & tunc ulterius dicitur, veniendo magis ad propositum, quod a tempore concilii Constantiensis, in quo fuerunt facta duo decreta, per quæ declaratur, vel statuitur papam esse subiectum concilio, & posse iudicari per concilium; eo facto, quo Papa vocat, seu convocabit generale concilium, statibus dictis decretis, ipsemet se submittit, aut submittit convocandum concilium iudicio ipsius concilii, & videtur quod facta sit (s. sic) dicta submissio, quousque sit

ANNO  
CHRISTI  
1436.

1349

## BASILEENSE G. CONCILIUM.

1350

ANNO  
CHRISTI  
1436.ANNO  
CHRISTI  
1436.

fit factum huiusmodi iudicium, ipse non possit, nec concilium dissolvere, nec a dicta submissione se absolvere, nec iudicium concilii recusare. Constat enim, quod quid in aliquem compromisit dando sibi potestatem in se, vel rebus suis, quam alias non habebat, non potest dictam potestatem concessam arbitrio revocare, sed inest illi dicta potestas, quousque iudicium factum fuerit. Et idem videtur in proposito dicendum. Quinto probatur eadem questio ex prædictis duobus decretis, scilicet primo, & secundo factis in concilio Constanti. & ex gestis, seu actis in eodem concilio. Dicunt enim; concilium iudicavit, ac deposuit per sententiam dominum Johannem 23. & dominum Benedictum, & eorum quilibet reputabatur Papa in sua obedientia, & deposuissent, non dubium est, Gregorium, si non ipse papatu resignasset. Facta autem prædicti concilii, maxime prædicta, in dubium revocari non debent; & prædicti duo non fuerunt depositi propter hæresim, sed propter schisma unius ipsorum, alter propter corruptos mores, ut fertur; unde pro concordantia dictorum decretorum, & aliorum, quorum aliqua dicunt, Papam non posse ab hominibus iudicari, & alia dicunt oppositum, ut fuit visum, oportet distinguere etiam tempora juxta illud dictum Hieronymi. *Distingue tempora, & concordabis scripturas*; dicta enim decreta pertinent ad jus positivum, quod suscipit mutationem; & ideo dicendum, quod quando fuit statutum, quod papa non possit deponi, nisi propter hæresim, utique non potuit propter aliud crimen deponi stante dicto statuto; alio tamen tempore fuit statutum oppositum, videlicet quod propter

alia etiam crimina scandalizantia ecclesiam posset deponi, ut superius visum est: & tunc juxta formam hujus statuti potuit deponi. Et ita fuit ille Johannes, de quo in Chronica Martiniana, ut superius dictum est, legitime depositus propter fornicationem; quod statutum fuit innovatum in concilio Constantensi; unde nunc ne dum propter hæresim, sed etiam propter schisma, ac etiam propter pravos mores, & scandalosos, Papa potest iudicari a generali concilio, ac deponi. Isti enim tres casus nunc iverunt de pari, & fuerunt parificati in dicto concilio per universalem ecclesiam in unum congregatam. Ad articula in oppositum respondeo, ad primum dubium. Quod eadem est potestas clavium in quolibet summo Pontifice, quæ fuit in Petro; tamen hanc potestatem Petrus accepit a Christo absque hominum electione; & ideo non potuisset per homines dicta potestas ab eo auferri, & alteri per homines committi. Secus de aliis, ut ex prædictis &c.

Ad secundum dicitur, quod licet Christus nulli homini particulari alteri a Petro commiserit plene quod suum erat, commisit tamen universali ecclesiæ Petri auctoritate congregatæ, ut patet ex verbis sententiæ per Jacobum apostolum latæ, vice & auctoritate totius ecclesiæ auctoritatem iudicandi & diffiniendi in iis, quæ pertinent ad communem statum totius ecclesiæ, ut ex præmissis patet; & hæc ad præsens sufficiunt de proposita questione &c. Amen.

Non obstantibus superscriptis per dictum cardinalem, questionis decisio remittitur determinationi ecclesiæ sacrosanctæ.



## CEDULA

*Decretata per sacrum Concilium circa  
expeditionem legatorum in Græciam  
destinatorum die XXXIII. Fe-  
bruarii anno 1437.*

*Afferit Ab-  
bas in opu-  
sculo de  
Conc. Ba-  
sil.*

**P**RO felici expeditione domjnorum amba-  
siatorum in Græciam iturorum visa sunt  
dominis deputatis in materia Græcorum in-  
frascripta.

Primo, quod domini ambasiatores hujus sa-  
cri concilii in Græciam ituri recedant de Ba-  
sileâ versus Avinionem citius quam fieri pos-  
sit, nulla decretatione de præsentis expedi-  
tione; sed deferant secum bullam, in qua  
sacrum concilium polliceatur in hunc mo-  
dum. In quantum domini Avinionenses aut  
alter ipsorum loco pro Basileâ, Avenione,  
vel Sabaudia infra triginta dierum spatium  
a die exitus dictorum domjnorum ambasiato-  
rum de Basileâ computandorum capitaneo  
Galearum satisfecerint de eo, quod a sacro  
concilio debet habere, videlicet 30000. &  
800. florenorum de camera, & residuum pecu-  
niarum usque ad summam 70000. florenorum  
de camera, realiter tradiderint in nu-  
merata pecunia mutui nomine juxta concor-  
data ambasiatoribus prædictis; ex tunc cer-  
tificato de his per literas ambasiatorum eo-  
rundem sacro concilio, & per literas Capi-  
tanei, vel ejus procuratoris literarum, ipsum  
concilium infra octo dies a receptione di-  
ctarum literarum immediate sequentium so-  
lemni sessione decretabit infrascripta.

Primo decretabit conclusionem de loco fu-  
turi oecumenici concilii, vel Basileâ, Ave-  
nionem, & Sabaudia factam in suis terminis  
prout jacet. Secundo decretabit decimam  
jam in prædicta materia Græcorum in gene-  
rali congregatione conclusam. Terrio decre-  
tabit qualiter dicti domini ambasiatores in Græ-  
ciam ituri habeant, ac eis, & eorum majori  
parti data sit plena potestas eligendi, & no-  
minandi, & juxta decretum in dicta mate-  
ria Græcorum factum, portum dictis locis  
electis aptiorem, & propinquiorem, ad quem  
domini Græci debent ultimo, applicare. Præ-  
ter hæc super cautionem per dominos ab-  
bates Bonevallis, & Raymondum Talon di-  
ctis dominis Avinionensibus nomine concilii  
oblatam, & circa illa dabit dictum sacrum  
concilium literas opportunas. Porro dicti  
Domini ambasiatores nostri & Avinionenses  
teneantur infra 12. dies post lapsum 20. die-  
rum immediate sequentium certificare legiti-  
ma dictum sacrum concilium de dicta nu-  
meratione, satisfactione; alioquin ex tunc ip-  
sum sacrum concilium possit, & teneatur ad  
electionem alterius loci pro oecumenico con-  
cilio celebrando procedere, & sibi ac uni-

versali ecclesiæ aliunde providere. Insuper  
dicti domini ambasiatores sacri concilii, &  
capitaneus per se, vel procuratorem præ-  
dictum debeant promittere conjunctim, vel  
divisim nomine ipsius sacri concilii dominis  
Avenionensibus quod casu quod abijt, quo  
B Græci nolent recedere de terris suis, juxta  
decretata, & decretanda de locis, & por-  
tu; ex tunc dicti ambasiatores, & Capita-  
neus restituent dictis dominis Avenionensibus  
15m. pro expensis, & xm. pro custodia ci-  
vitatibus Constantinopolitanæ, ac 6m. pro dua-  
bus grossis galeis Græcorum deputatis flore-  
norum, & omnem aliam pecuniam restan-  
tem, quam receperunt; & etiam sacrum  
concilium transferet eo casu omnem actionem,  
& omnem obligationem, quas habent  
contra dictum dominum Capitaneum, & ip-  
sius hæredes & fidejussores in dictis dominis  
Avenionensibus pro prædictis. Postremo quod  
de omnibus prædictis, & aliis circa rem ac-  
commodis concessis, & concedendis, qui-  
buscunque debeant fieri sub Bulla sacri con-  
cilii literæ opportuna.

## LONGUS ET VERBOSUS

*Sermo domini Nicolai Siculi archiepiscopi  
Panormitani, habitus in concilio per eum  
Basiliensē pro honore & conservatione  
concilii, ad probandum quod congre-  
gatio ipsa dissolvi non deberet, in-  
fectis arduis incumbitibus; non  
obstantibus rationibus legatis  
pape Eugenii IV. desideran-  
tis, & petentis concilium  
jussu suo dissolvi.*

**M**AXIMUM onus, & humeris meis impor-  
tabile, reverendissimi reverendique pa-  
tres, hodierna die mihi delatum esse censeo,  
verendumque est ne cum ipso, & sub ipso  
onere ruam. Quamobrem cuperem, ut hoc  
dicendi, & respondendi munus provectiori,  
doctiori, facundiori, & secundum hujus rei  
majestatem aptiori potius, quam mihi in-  
junctum extitisset. Summe namque, & non  
ab re, vereor in vestram committere majes-  
tatem, cum fere impossibile censeam cuiusque  
vestrum desiderio, quod conjectare oportet,  
me satisfacere posse, nisi divinitus mihi in-  
dulgeretur, sicut in manna conigit, ut in  
orē cuiusque secundum proprium appetitum  
saperet, ut narrat Augustinus in cap. *quo-  
tidie*, de cons. dist. 2. Nam si singuli ve-  
strum diligenter interrogarentur super hac  
responsione fienda, tot diversitates opinio-  
num fortassis invenirentur, quot in homines  
numerantur, ut in alia materia inquit August.  
in cap. *sicut*, de cons. dist. 4. Nec ab re,  
quoniam, ut alibi inquit canon, diversitatem  
corpo-

Ex M. S.  
Cod. Lu-  
censi.

ANNO  
CHRISTI  
1437.

corporum diversitas sequitur animorum. Hinc illi versus: *Velle suum cuique est, nec voto vivitur uno: pectoribus mentes tot sunt, quot in orbe figura.* Unde Apostolus: *si omnibus complacerem, Christi servus non essem.* Non minus me terret, si huic muneri, etsi non ut deceret, saltem mediocriter satisfacere voluero, reverendissimi patres, domini mei legati, cujus dictis in præsentiarum respondendum incumbit, utcumque opinionem seu desiderium lædere, quem profecto ex animo non lædam, & si rerum gestarum veritatem pro viribus perstringam.

Exordiar namque, hujus sanctissimi coetus & domini mei legati venia postulat, si aliter quam rei dignitas, vel ejusdem reverendissimi patris desiderium exposulat edisseram, cum propheta prius ad Deum dicendo: iustitiam tuam & veritatem tuam non abscondi, & salutare tuum dixi. Non abscondi veritatem tuam a concilio multo. Tu autem, Domine, ne longe facias miserationes tuas a me; sed da mihi intellectum ut discam mandata tua. Nomine autem huius sacratissimæ synodi, cujus vice responso hæc agetur, submittito illud Psalms. Domine illuminatio mea, & salus mea, quem timebo. Domine protector vitæ meæ, a quo trepidabo. Dum approperant super me nocentes ut edant carnes meas, qui tribulant me inimici mei, ipsi firmati sunt & ceciderunt. Si constant adversum me castra, non timebit cor meum. Si exurgat adversum me prælium, in hoc ego sperabo; unam petii a domino, requiram ut inhabitem in domo domini omnibus diebus vitæ meæ. Ipse autem Salvator in novo testamento exaudiendo ecclesiæ suæ per hoc sacrum concilium representare videtur. Ego ero vobiscum usque ad consummationem sæculi. Sed ne longius quam insisteram, hæc progrediar oratio, rem ipsam, ob quam in hoc sanctissimum domicilium convenimus, aggrediar.

Inquit namque in primis is pater reverendissimus in scripto per eum huic sacre concioni tradito, quod diu, ac sæpe & in scriptis, & in verbis, tam ipse quam reverendissimus cardinalis dominus meus cardinalis S. Petri magna cum humilitate, & ipsi etiam seorsum deprecari sunt, ut ad ea quæ pacis sunt concordie vos descedentes, cogitaretis in pace, & unitate ea sancta opera consummare, ob quæ hoc in loco convenisse toti mundo professi estis. Ad hanc particulam, antequam ad ulteriora progrediar, responsum faciam; quoniam mihi mens est ut nil nota dignum responsione prætereatur, totam suam propositionem in plurimas constringere particulas; & ad quamlibet in suo loco responsum singillatim impendere, ne Dei ecclesiæ ex responsionis defectu apud nonnullos decolorata, & obnubilata remaneat; cum ipsa ecclesiæ, sacra testante scriptura, Christi sponsa pulchra sine ruga & macula nuncupetur. Hæc enim sanctissima synodus ad hanc prolocutionem per me ita respondet, quod hæc exhortatione apud eam opus non erat, etsi benignissime prima vice, qua cum domino meo reverendissimo cardinali S. Petri locutus est, utrumque audivit: non enim in suis actibus, præsertim

erga summum pontificem dominum Eugenium IV. pacem violavit aut unitatem vulneravit. Sed jugiter imitata est apostolum, qui cum ad pacem admoneret, inquit: *si fieri potest, quod ex vobis est, cum omnibus hominibus pacem habeamus.* Dicturus enim apostolus: *cum omnibus pacem habeamus, hoc difficile esse prospiciens, præmisit, si fieri potest.* Et subiunxit quod potest fieri, cum dicit, *quod ex vobis est;* quoniam si nos in mente caritatem erga odientes servamus, & quos corrigere volumus, & si illi nobiscum pacem non habeant, nos tamen cum illis pacem, & charitatem habeamus, ut inquit Gregorius in ca. *inter verba*, XI. q. 3. Hinc Augustinus ait: *ea vindicta, quæ valet ad correctionem, non prohibetur, quæ etiam ad medicinam pertinet, nec impedit id propositum, quo quisque paratus est, ab eo, quem correptum esse vult.* Plura proferam, sed huic inferendæ non est idoneus, nisi qui odium, quo flagrare solent qui se vindicare desiderant, dilectionis mansuetudine superaverint, ut habetur plenius in cap. *ea vindicta*, 23. q. 4. Et alibi idem Augustinus: *multa bona præstantur invitæ, quando eorum consilium utilitati, non voluntati; quæ ipsi sibi inveniuntur inimici esse,* 45. dist. & qui emendat. Nunquid idem Apostolus, exhortator pacis, pacem, unitatem, ac charitatem perdidit cum dixit: *paratus sum ulcisci omnem inobedientiam, cum completa fuerit obedientia vestra?* Quæ verba satis ad propositum exponit Augustinus in cap. 1. 23. q. 6. Aut perdidit, cum alibi dixit: *tradidi, huiusmodi hominem sathana in interitum carnis, ut spiritus ejus salvus sit in die domini;* aut cum Petrum apostolorum principem gentiles scandalizantem in legalium observatione reprehendit? Aut hæc violavit cum alibi dixit: *si quis frater nominatur aut fornicator, aut idolis serviens, aut avarus, aut maledicus, aut ebriosus, aut rapax, cum huiusmodi nec cibum sumere?* Quid enim de his quæ foris sunt judicare; nonne de his, quæ intus sunt vos judicatis? De his autem, quæ foris sunt judicabit Deus, auferre malum de vobis ipsis; quibus verbis, ut inquit Augustinus, satis Apostolus ostendit non temere, aut quomodolibet, sed per iudicium auferendos esse malos ab ecclesiæ communione, ut legitur, 2. q. 1. multi, & 11. q. 3. ad mensam. Nunquid præterea & Christus paucis author pacem perdidit, aut unitatem & charitatem violavit, cum Petro, viam salutis impediendi, dixit: *vade retro, Sathanas; scandalum mihi es, non sapis quæ Dei sunt?* Aut cum flagello de funiculis facto eiecit violentes ementes, & vendentes de templo, & cathedras vendentium columbas evertit, nummulariorum effudit æs, dicens:  *nolite facere domum Patris mei domum negotiationis?* Ex quo factum sollicitè considerandum est, quod per totum textum evangelii non legitur Dominum tanta severitate tam stricta iustitia censuræ peccatores corripuisse; cum non solum eloquio increpans, verum etiam factu flagello de funiculis accelerans omnes eliminavit de templo, aperte demonstrans quod tales negotiatores non sunt sicut ceteri peccatores corripiendi, sed a templo

ANNO  
CHRISTI  
1437.

Legendum  
infirmis.

Caput I.



ANNO  
CHRISTI  
1437.

plo Dei ideo a sancta ecclesia longius sunt  
prociendi, non autem tolerandi. Et quem-  
admodum per columbarum venditores illi  
denotantur qui sacras manuum impositionem  
vendere conantur; sic per nummularios ec-  
clesiastici beneficii venditores designantur,  
qui domum Dei, evangelio teste, spelun-  
cam latronum efficiunt, & pari severitate  
compefci debent, ut elegantissime evangelii  
verba in Christi sententia interpretantur ma-  
gna synodus Chalcedonenfis, una de qua-  
tuor evangelia veneratur, & colit, ut nar-  
rat & sequitur Alexander papa in ca. ex  
multis, l. q. 111. Nonne & primo Saulum,  
postea Paulum, ad veritatem cognoscendam  
& tenendam magna Christi violentia  
legimus fuisse compulsum? Denique si com-  
pulsione ad bonum dicimus pacem frangi;  
cur de Deo dicitur per prophetam.  
*Quem diligit Dominus corrigit; flagellat au-  
tem omnem filium quem recipit.* Quid etiam  
ait ipse Dominus. *Servus qui nescit volun-  
tatem Domini sui & facit non digna, plagis  
vapulabit paucis.* Servus autem qui scit  
voluntatem Domini sui & facit non digna,  
plagis vapulabit multis. Hic ex paucis  
Augustinus. Non ergo nisi ipse vindicet, cui  
rerum ordine potestas est data, & ea vo-  
luntate vindicet, qua pater filium parvum  
flagellat, quem tamen per aetatem non  
potest odisse. Ex quo exemplo apertissime  
inest Augustinus in capite ea vindicta, a,  
peccatum amore potius vindicari, quam im-  
punitum relinqui, ut illum quem vindicat  
non pœna miserum sed a correctione beatum  
esse velit. Eandem procedendi & ulciscen-  
di modum edocuit nos Dominus, pœna au-  
dior, in similitudine sui magni convivii. Nam  
prius convivas adduci jubet; postea cogi.  
Cum enim servi ei respondissent: Domine,  
factum est quod iussisti, & adhuc locus est:  
exite, inquit, in vias, & sepes, & quor-  
cumque inveneritis cogite intrare. In his au-  
tem, qui primario leniter adducti sunt,  
completa est prior obedientia; in his, qui  
coguntur inobedientia coercerentur juxta psal-  
miste sententiam. Apostoli, ut Augustinus  
attestatur in cap. 1. 23. q. 6. In his autem,  
qui in viis & sepibus, ideo in hæretibus &  
schismatibus inveniuntur, & coguntur in-  
trare, attendamus quod non diligenter cum  
pace ipsorum & consensu, sed ad pacem,  
& contra eorum consensum coguntur in-  
trare. Hic idem dominus noster in suo evan-  
gelio: non putetis quod venerim pacem mi-  
tere in terram, sed gladium; veni enim se-  
parare hominem adversus patrem suum, &  
filium adversus matrem suam; innuens quod  
cum lædatur fides, seu periculum imminet  
salutis, parentum reverentia velut inutilis,  
& periculosa despicitur, & amor erga fi-  
lios, fratresque vitatur. Hoc ergo sacrum  
concilium his, & aliis hujusmodi, quod, ut  
brevitati indulgeatur, in præsentiarum præ-  
terito, motum summum pontificem domi-  
num Eugenium, nunc literis lenibus, nunc  
nunciis hinc, inde missis, sæpe numero mon-  
uit, ut ea ageret quæ ad salutem sui &  
aliorum tendere viderentur; præsertim ut  
inveteratos abusus curiæ Romanæ, quæ o-

Sic.

mnium virtutum & laudabilium operum de-  
bet esse exemplar, præsertim quæ simonia-  
cam hæresim aperte sapiunt; tolleretur, pon-  
tificabiliterque viveretur, & decreta salubria  
hujus sacri concilii velut unguenta quadam  
optima reciperet. Sed cum monitus non  
proficeret; oportuit ex præcepto dominico,  
cui contravenire periculosum est, retenta  
semper; quantum in se est pace & charita-  
te; quinimmo ex charitate, & ecclesiæ pa-  
ce morum, coactione aliquali, de qua in  
monitorio, uti. Nonne præcepit dominus  
quod si quis corrigenstem, corripientemque  
ecclesiam contempserit, sit tibi sicut ethni-  
cus, & publicanus? neminem enim ad ec-  
clesiæ judicio excepti, præsertim cum tunc  
Petro loqueretur. Nec obstat quod sub no-  
mine fratris hoc dixerit; quoniam, ut ali-  
bi idem Dominus dixit Apostolis, vos au-  
tem omnes fratres estis; unus autem est pa-  
ter vester, qui in cælis est. Et quod nomi-  
ne Ecclesiæ intellexerit de universali con-  
gregatione ecclesiæ, claves habente, & Chri-  
sti Ecclesiam faciente, seu representante, a-  
pertissime inquit Hieronymus, cujus verba  
formalia ad propositum sunt hæc; videlicet:  
omnibus consideratis puto me non temere di-  
cere alios ita esse in domo Dei, ut ipsi sine  
etiam eadem d. mus Dei, quæ dicitur adifi-  
cari super petram, quæ unica columba appel-  
latur, quæ sponsa pulchra sine ruga, & ma-  
cula, & horus conclusus, & fons signatus,  
& pulcus aque vivæ, & paradysus cum fru-  
ctu pomorum, quæ domus etiam claves accep-  
pit, ac potestatem ligandi & solvendi, hanc  
domum si quis corrigenstem, corripientemque  
contempserit sit is, inquit, ethnicus, &  
publicanus. De hac domo dicitur: Domine,  
dilexi decorem domus tuæ, & locum habi-  
tationis gloriæ tuæ. Et qui habitare facit  
unanimis in dono. Et jucundatus sum in eis  
quæ dicta sunt mihi, in domum Domini ibi-  
mus. Et beati qui habitant in domo tua,  
Domine, in sæcula sæculorum laudabunt te.  
Quæ verba ad literam habentur in c. omni-  
bus, 24. q. 1. cui quidem Hieronymo satis  
concordat Augustinus super Joannem, et  
transumptive habetur in cap. quodcumque  
ea causa & quæ. ubi inter cætera sic ait:  
cum excommunicat in ecclesia, & intra & in  
cælo ligatur excommunicatus; cum ecclesia  
reconciliat, manet jam in cælo reconcilia-  
tus. Si ergo hoc in ecclesia fit, Petrus, qui  
claves accepit, ecclesiam sanctam significa-  
vit. Hæc Augustinus ubi supra. Quinim-  
mo hoc aperte inquit Dominus Jesus qui  
cum præmisset: si peccaverit in te frater  
tuus, dic ecclesia &c. statim subjunxit: Amen  
dico vobis, quæcumque alligaveritis super ter-  
ram, erunt alligata & in cælis &c. Matt.  
18. Et sic retulit se ad omnes apostolos,  
quorum collegium representat hodie con-  
gregatio episcoporum in concilio generali.  
Unde Cyprianus episcopus, martyr, & vir  
utique clarissimus: meminisse autem diaconi  
debent, quoniam Apostolos, ideo episcopos,  
& presbyteros Dominus elegit, ut haberet in  
c. Dominus noster, 93. dist. Et Augustinus  
in cap. quorum vices, 68. dist. Sed ne illis,  
qui non advertunt, quod uno peccante ira  
Dei super omnes populos venit, quod ac-  
cidit

ANNO  
CHRISTI  
1437.

ANNO  
CHRISTI  
1437.

ANNO  
CHRISTI  
1437.

f. conven-  
tio.

cidit testante Hieronymo in c. *Sed illud*, 45. dist. quando Sacerdotes, qui populo præ-  
sunt, erga delinquentes benivoli videri vo-  
luerunt, & verentium peccantium linguas,  
ne forte malum de eis loquantur, sacerdo-  
talis severitatis immemores, nolunt comple-  
re, quod scriptum est: *peccantem coram o-*  
*mnibus argue*, ut ceteri metum habeant.  
Et iterum: *auferite malum de vobis ipsis*;  
nec zelo Dei succensu imitantur apostolum  
dicentem: *tradidi hujusmodi hominem sa-*  
*banam in interitum carnis*, ut spiritus salvus  
fiat; nec illud evangelicum implere student,  
ut si viderint peccantes, primo secrete con-  
veniant, post etiam adhibitis duobus aut  
tribus testibus; qui si contempserint, & post  
ecclesiæ correctionem non fuerit emendatus,  
de ecclesiâ expulsus velut gentilem habeant  
& publicanum. Et dum parent uni, uni-  
versæ ecclesiæ moluntur interitum. Quæ  
ista bonitas, quæ ista misericordia, uni par-  
cere, & omnes indiscere in discrimen ad-  
ducere? Polluitur enim ex uno peccatore  
populus, sicut ex una ove morbida univer-  
sus grex inficitur. Sicut etiam uno vel for-  
nicante vel aliud quodcumque scelus com-  
mittente universa plebs polluitur; verba  
elegantissima sunt Hieronymi in cap. *Sed*  
*illud*. Nec otiose transcendum est quid de  
Deo, cujus adio nostra dicitur esse instru-  
ctio, propheta dicat. *Deus iustus iudex*,  
*fortis & patiens*; nunquid irascitur per sin-  
gulos dies? *Nisi conversi fueritis*, gladium  
suum vibrabit, arcum suum tendit & pa-  
rauit illum. Et paravit in eo vasa mor-  
tis, fugittas suas ardentibus effecit. Deli-  
nat ergo, pro Deo, vestra dominatio rever-  
rendissima hoc sacratissimum eum de  
pacis aut unitatis non observatione nota-  
re. Nam ille alienus est, profanus est, ho-  
stis est, habere non potest Deum patrem,  
qui universalis ecclesiæ, per hoc sacrum con-  
cilium representatæ, non tenet universalitatem.  
Ite est qui pacem habere non potest; quo-  
modo enim potest is cum aliquo convenire,  
qui cum correptione ipsius Ecclesiæ & cum  
universa fraternitate non convenit, ut in-  
quit rex. nota dignus, in cap. *alienus est*,  
XXIII. ques. 1. Sacrum enim concilium  
invitat & cogere intendit summum ponti-  
ficem ad pacem veram; non illam quam mun-  
dus dat, sed Dei, juxta salutem animarum  
suarum & gregis sibi commissi, juxta verba sal-  
vatoris: *Pacem meam do vobis, pacem relin-*  
*quo vobis*; non quomodo mundus dat, ego do  
vobis. Quam nunquam habere poterit, ni-  
si cum corpore ipsius ecclesiæ & universa  
fraternitate in fide perfecta, caritate non  
ficta, & aliis bonis operibus conveniat, di-  
cto cap. *alienus*. Non velit ergo, vestra  
paternitas, hoc sacrum concilium amplius  
contristare, & ita nempe injuste, ut aliis  
forte morem gerat, adversus hanc synodum  
sacratissimam invehere. Satis enim fuit ejus-  
dem S. synodi grandem patientiam compro-  
basse, cum alias per alterius cedule por-  
rectionem in eandem, proh dolor? invehe-  
retur, & quidem minus iuste ipsam in hac  
eadem materia de charitatis, boni publici,  
pacis ecclesiæ, justitiæ, & sacrorum cano-  
num violatione sub verborum compendio

notando; quæ non modo tam celebre con-  
cilium, sed quemcumque singularem exacer-  
barent. Et quod magis dolendum est, in-  
fra non minus amara recensentur, ut in  
his locis dicitur, & debita constitutio fiet.  
Et attendat diligenter vestra dominatio ad  
ea, quæ ille vic, non modo pacificus, sed  
sanctimonia, scientia, & facundia mirabi-  
lis, Leo papa inter cætera dixit, videlicet:  
*his, quibus prodesse non poterit correctio*,  
*non parcat abscissio*. Oportet enim nos evan-  
gelici meminisse mandati, ut si nos oculus,  
aut pes, aut dextera scandalizaverit, manus  
a compage corporis auferatur; quia melius  
sit his in seculo carere membris, quam cum  
ipsis in æterna ire supplicia. Superflue  
enim extra ecclesiam pastis restimus, si ab  
his, qui intus sunt, vulneramur: Et subji-  
cit notabile verbum: *abicienda prorsus*  
*pestifera hæc a sacerdotali vigore patientia*,  
*quæ sibi met, peccatis aliorum parcendo, non*  
*parcit*; ut hæc habeantur in ca. illud 24. q.  
3. Et alibi legitur: *melius est cum severi-*  
*tate delinquere, quam cum lenitate decipere*;  
ut hæc, & pleraque similia bellissime ha-  
bentur per Augustinum 23. q. 4. *nimum*.  
Consideret paternitas vestra reverendissima  
non minus Hieronymi sanctissimi, & do-  
ctissimi verba ad Heliodorum, & transum-  
ptive habentur ad nostrum propositum 2. q.  
7. *Non omnes episcopi sunt episcopi*; atten-  
dens Petrum & Judam, considera, Step-  
hanum suscipe, Nicolaum respice. Non fa-  
cit ecclesiastica dignitas Christianum; Cor-  
nelius centurio adhuc ethnicus dono S. Spi-  
ritus mundatur; presbyteros Daniel puer ju-  
dicat. Non est facile stare in loco Petri  
& Pauli, scilicet tenere locum jam cum Chri-  
sto regnantium. Infatutum sal ad nihil al-  
iud prodest, nisi ut projiciatur foras, &  
conculcetur a porcis. Hæc sunt verba for-  
malia Hieronymi, per quæ non modo in-  
feriorem, sed etiam ipsum Petri successo-  
rem illi sententiæ infatuati salis subijci ju-  
dicat, ut exigentibus ejus demeritis projici-  
atur foras; idest deponatur, secundum  
Dglossam ibidem. Et illud verum est, juxta  
sententiam glossatoris in c. *sicut*, 2. q. 7. Et  
in c. *si duo contra fas*, 79. dist. quod concilium  
judicat de papa in his, in quibus ipse  
potest judicari. Et Dominus corripit, per  
prophetas negligentes pastores dicens; *qua-*  
*re errantem non revocastis*; *perditum non re-*  
*quististis*? ut inquit S. Augustinus in c. *dis-*  
*plicet*, 23. q. 4. Non ergo debet concilio  
ad peccatum & pacis transgressionem ad-  
scribi, si legis autoritate, quinimmo legis  
imperio facit, quia qui peccat legis autho-  
ritate non peccat, sed contra legis autho-  
ritatem, ut dicit Augustinus in cap. *qui pec-*  
*cat*, 23. q. 4. Et hæc de prima propositio-  
nis Domini mei legati particula.

Secundo dixit vestra reverendissima pater-  
nitas se multa & honesta, ac rationabilia  
concordiæ media sacro concilio obtulisse,  
quæ si acceptata fuissent cum magna qui-  
dem gloria & honore ejusdem sacri con-  
cillii, summaque totius Christiani populi læ-  
ticia eramus ipsorum sanctorum operum con-  
summationi viciniore. Pro Deo reverendis-  
sime pater, cur ita sacrum concilium de-  
ob-

Cap. 11.



ANNO  
CHRISTI  
1437

obstinatione quadam notare minus iuste, ut pace vestra dicam, conamini? quæ enim illa pacis media per vos oblata, & per nos sprete fuerunt unquam? nisi modum unum sapenumero in medium obtulistis, qui evidentissimis & iustis causis a patribus confutatus exiit, quem etiam in præsentiarum recenferi in fine propositionis vestræ curastis; qui etsi antea non sine ecclesiæ confusione admitti potuit; nunc autem longè minus, ut in dicto pacis medio suo in loco ostendatur?

Cap. III.

Dixit tertio eadem paternitas vestra, quod usque nunc permisit Dominus majores in diem oriri agitationes; ut forsitan patres intuentes imminens ac proximum ruinæ vestræ periculum ad ipsam pacem, necessitate nos instruente, tandem libentius flecteremur. Et quoniam toties apud nos in cassum de concordia verbum feceritis, decessistis vobis ipsis silentium indicere, ne forte vel imprudentia, vel peccatis vestris obstinentibus, dum persuadere, ac proficere loquendo enteremini, dissuaderetis, atque officeretis magis. Fatetur sacrum concilium majores agitationes exortas, non quidem sui culpa, sed ob non parentis, Dei ac mandatis ecclesiæ duritiam. Nec hoc novum, & in iudice damnabile censi debet. Sæpe enim ipse Deus permittit homines obstinatione quadam elata ad malum & inobedientiam indurari, quorum quidam inter flagella a Deo illata correcti sunt; nonnulli vero ad interitum adducti. Nabuchodonosor post innumeras impietates a Deo flagellatus poenituit, poenitentiam meruit, & regimen, quod perdidit, rursus accepit. Pharaon autem, cujus cor ad Deo obediendum induratum exiit, in ipsis flagellis adhuc durior effectus est, & perit. Cur tam varie ut unius medicamentum medici confectum, aliis ad interitum, aliis ad salutem valuerit; nisi quia, ut Augustinus inquit, Christi bonus odor aliis odor est vitæ in vitam, aliis odor est mortis in mortem? Quantum ad naturam ambo homines erant; quantum ad dignitatem ambo reges; quantum ad causam ambo captivum Dei populum possidebant; quantum ad poenam ambo flagellis clementer admoniti. Quid enim fines eorum fecit esse diversos? nisi quod unus manus Dei sentiens, in recordationem propriæ iniquitatis ingemuit; alter libero contra Dei medicinam arbitrio veritatem impugnavit, ut bellissime habetur in cap. Nabuchodonosor, XXI. II. q. 4. Nunquid dicemus Deum utrumque, seu alterum iniuste flagellasse? quamvis præceiret, illum inter flagella duriores efficiendum, & demum periturum; an non magis laudandus sit, qui suis flagellis primum ad poenitentiam perduxit? Habet summus pontifex, qui monitis ecclesiæ contemptis, quandam acquiescere noluit; imo more aspidis suas obturavit aures, ecclesiæ monita, despiciendo, quem expendens regibus sequi debeant. Caveat Pharaonis duritiam, ne ejusdem involvatur sententia. Sacrum autem Dei concilium imitatur est in hoc exemplum Dei, cum post paternam monita, ad duriora processit remedia; quoniam, teste

Decet ali-  
quid.

ANNO  
CHRISTI  
1437

Prospero, quæcumque crimina non fuerint levi medicamento sanata, velut igne quodam piæ increpationis urenda sunt, & curanda, ut legitur in c. ecce, 24. q. 3. Quod autem, Pater reverendissime, silentium vobis indixeritis, huic sacro concilio ingratisimum est, quod jam a pluribus diebus citra a vinea Domini personam vestram duxeritis submovendam, non sine omnium fere patrum scandalo. Nam, quemadmodum vestra dominatio hujus navis concilii hætenus projectæ officium exercuit, libertatem & jurisdictionem sibi divinitus delatam toto nisu, ad instar proni pastoris lupi dentes non verendo, promovit, ac defendit; non debuit nunc, morem alteri fortassis gerendo, vel quodam forte conscientie remorsus fervore, attamen deesse non debuit rationis judicio navim hanc sanctam deferere.

Nam, ut inquit canon in c. *seiscituris*, 7. q. 1. *Si pernitiosum est proreum in tranquillitate navim deferere; quanto magis in fluctibus?* Non enim, ut alibi legitur, decet eum, qui militare jam cepit, ante militie cingulum solvere, quam cedat victoriæ præliorum adversitas, in c. 1. de rer. permut. Et alibi: *incassum quippe erit, qui ante desinit, quam ad metas perveniat*, de pœ. dis. 3. *incassum*. Et magis delinquit qui causam interruptam dimittit, quam si ad eam nunquam pervenit in auc. de litig. ois. c. *Omne*. Et Dominus in evangelio de vito magne; nemo mittens manum ad aratrum, & respiciens retro, aptus est regno Dei. Et minus malum est viam Domini non agnoscere, quam post agnitam retroire. De Apost. cap. penult. Et 12. q. 1. *firmus*. Ad quid enim, pater reverendissime, sentitur hoc sacrum concilium; nisi ut vitia corrigantur, extirpentur abusus inveterati Christianorum animas absorbentes, suscipiantur decreta, velut animarum remedia salubria, quorum nos non sumus inventores, sed Dei, & SS. Patrum imitatores? Subsistat & non eludatur, aut confundatur ecclesiæ sanctæ potestas sibi divinitus delata, & per sancta concilia recenita & declarata. An hæc aliena sint ab his sanctissimis operibus, ob quæ hoc sanctum concilium collocatum extitit? an extranea ab his, quibus vestra paternitas tanto insudavit tempore? Dicit fortassis dominatio vestra: propter citatorium præsentem in tempore non approbo. Consideret pro Deo paternitas vestra, an ibidem contenta a prædictis aliena sint; an vero prædictorum executio manifesta? Quoniam pacto prædicta sient, nisi in manu forti, & valido brachio, ex quo benignitas, & crebra monitio non profuit? nam, ut ille inquit Leo, *non ille parcat abjectio, cui non prodest correctio*. Ad quod Christus dixit, *Infatuatum sal ad nihilum ultra valere, de apostolis omnibus & successores eorum loquens, nisi ut mittatur foras & conculcetur ab hominibus*. Et alibi canon: *quæ est ista justitia inimica bonitas, palpate criminosos, & vulnera eorum usque in diem iudicis incurata servare?* 50. *dis. si quis diaconus*. Et quoniam hanc materiam reassumpturus in aliis vestræ propositionis particulis sum, hic finem faciam. Cum vestræ domi-

f. coactum.

ANNO  
CHRISTI  
1437.ANNO  
CHRISTI  
1437.

nationi persuasum esse intellexero, omnes vos, præ aliis tanquam ecclesiastici exercitus principes, atque duces per ipsam ecclesiam supra terram constitutos, ad ipsam sanctam ecclesiam & Christi ejus sponsi mandata, atque disposita eniti & bellare debere, & murum vos pro ecclesie defensione opponere, atque constituere. Nunquid propheta hoc voluit cum in psalmis dixit: pro patribus tuis nati sunt tibi filii; constitues eos principes super omnem terram? Unde elegantissime Urbanus papa, Augustinum ad præmissa inducendo, inquit: quorum vices in ecclesia episcopi habent; & quibus episcopus hanc dignitatem dare debeat, sanctus Augustinus ostendit dicens: pro patribus tuis nati sunt tibi filii. Patres missi sunt apostoli, pro apostolis filii nati sunt, & constituti sunt episcopi, hodie enim episcopi, qui sunt per totum mundum, inde nati sunt, ipsa ecclesia patres illos appellat, ipsa illos genuit, & ipsa illos constituit in sedibus patrum. Non te ergo putes desertam, quia non vides Petrum, quia non vides Paulum, quia non vides illos, per quos nata es; de prole tua crevit tibi paternitas. Pro patribus nati sunt tibi filii &c. filios genuit ecclesia, & constituit eos pro patribus suis principes super omnem terram. Hæc ille. Hinc Hieronymus, de prælatis loquens dicit; ecclesiarum principes &c. 35. dist. ecclesiarum; & subiicit: si in apostolorum loco sumus, non solum sermonem eorum imitemur; sed & conversationem: hi enim pro ecclesie salute injurias, contumelias, verbera, & tandem mortem contempserunt, & in passionibus gaudebant, quia digni habitus erant pro ecclesia & ejus sponso Christo Jesu pater. Habemus denique duos insignes præduces, & præmonstrantes hujus ecclesiastici exercitus, Thomam Cantuariensem archiepiscopum, qui pro iuribus & libertatibus ecclesie sue particularis non timuit impiorum gladiis occumbere. Beatissimum denique Ambrosium, qui iussus ab imperatore ut usam spirituales sibi traderet ecclesiam, respondit: scimus Nabuth, sanctum virum, possessorem vineæ suæ petitione regia interpellatum, ut vineam suam daret, ubi rex succissis vitibus olera insereret, eumque respondisse: absit ut ego patrum meorum hæreditatem tradam; & illam tandem proprio cruore defendam. Si ille vineam non tradidit suam, nris trademus ecclesiam Christi? Absit, inquit, ut tradam Christi hæreditatem. Ego faciam quod sacerdotis est; quod imperatoris est faciat imperator. Imperator esset animam mihi quam fidem auferat; ut latius hæc leguntur, 23. q. 8. *convenio*. Quid ergo, reverendissime pater, nos pro ecclesie universalis defensione & animarum salvatione facere debemus, si pro ecclesiarum particularium defensione hi præclarissimi sancti & pontifices mortem subire minime dubitarunt; imperatori, & regi iniusta præcipientibus toto resistentes nisu? Incidemus in illam Isaie inreparationem ut appellemur canes muti non valentes latrare. Diceturque nobis, id quod habet in Ezechiele: cur non ascendistis ex adverso; neque posuistis vos murum pro domo Israel, ut staretis in prælio in die Domini?

Concilior. Supplem. Tom. IV.

mini? Ex adverso quippe ascendere, est, ut beatus inquit Gregorius, 43. dist. *Sit rector*; pro defensione gregis voce libera hujus mundi potestatibus contraire, & in die domini in prælio stare, pravis decertantibus ex justitie amore resistere: pastori enim recta timuisse dicere, quid est aliud quam tacendo terga præbuisse, & non veri pastoris, sed mercenarii vices imitari, qui vidit lupum venientem & dimittit oves & fugit? Et hæc de tertia particula.

Quarto, vestra honoranda paternitas submisit, quod ardens ad fidem Christi & ecclesie pacem charitas non patitur in vobis diuturnum fore silentium; sed vim quandam infert, ut importunus fiat, præsertim hoc tempore. Ecce, ut asseritis, ex Constantinopoli proxime nunciatum est, dominos imperatorem Græcorum & patriarcham Constantinopolitanum ad navigium se accingere, & infra paucos dies, ut verbis vestris utar, descendere ad Venetiarum portum; veniant, ut fide digni referunt, optimum ad unionem habentes animum, & ita dispositi, ut admodum verisimile sit sine unionem in ecclesia nostra in patriam non reverentur. Quam sanctum autem hoc opus sit ad memoriam nostram reducant verba præclarissima in litteris indulgentiarum, et decreto primo cum Græcis convento, ex visceribus pietatis tunc prolata, contenta in effectum continentia hujus sanctissime unionis effectus mirabiles et Deo gratos, & quod quisque catholicus pro tanto nominis christiani & orthodoxæ fidei incremento, non modo caducam hujus vite substantiam, sed & corpus, & animam exponere deberet. Adducitis etiam ad memoriam illud lætitiæ canticum, quod hoc sacrum concilium cecinit: *Te Deum laudamus*; illam campanarum amonem sonum, cum dominus Henricus M. *ngor* orator noster de Constantinopoli reverteretur; illam denique mentuam processionem pro felici hujus rei exitu indictam. Unde hortamini sanctissimi cætos patres, ut illa gloriosa et magnifica verba nunc exequantur, si ex corde illa dicebant, si in veritate, et propter Christum; non autem ad humanam gloriam illa loquebantur. En aquivit, ut inquit, Dominus precos eorum, jam Græci appropinquant; quid differtis? quid occasionem nescio quam queritis? cur quosdam ex vobis jam video tristes? ut verbis vestris utar; & multa similia persuasiva inducitis. Et justificando prædicta, atque patres reverendo, adducitis primo illam dominicam auctoritatem: *servus sciens voluntatem domini sui, & non faciens illam, plagis vapulabit multis*. Voluntas autem Domini hæc est; ut animam nostram pro fratribus nostris ponere debeamus. Secundo, pro hac Domini voluntate adducitis hanc dominicam parabolam de novaginta novem ovibus; quas pastor bonus in deserto reliquit propter unam solam errantem, ad quam rapiendam profectus est; & operam dedit donec illam reperit & ad ovile super humeros reduxit. Quod si pro unius oviculæ salute tanta bono pastori cura est; quanto major cura pastori inesse debet pro tot millibus? Adducitis & tertio il-

RIT lam

Cap. IV.



ANNO  
CHRISTI  
1437.

lam aliam parabolam evangelicam de patre illo, qui dum filium suum juniorem redeuntem a longe perspexisset, non expectavit ut usque ad se pergeret, sed occurrit, & cadens supra collum ejus oscularus est eum. Et nos pro tanta fratrum nostrorum multitudine ad nos venientium, & si aliter fieri non potest, etiam hinc surgamus, & occurramus illis, eos jucundis osculis, & amplexibus suscipientes; & sicut pater hic vere piissimam Christi nostri personam gerens propter rancorem majoris fratris susceptionem filii non dimisit; ita & nos, si forte cum aliqua persona quacunque ex causa discordiam habeamus, hæc ad susceptionem fratrum nostrorum nullum nobis afferat impedimentum; immo ut quemadmodum ille minorem filium suscepit, majoremque pacavit; ita & nos tempore propter Christum & ecclesiam grate occurramus Græcis tam procul venientibus; sed alios nostros pacificemus, concordemus, consolemur, ut simul omnes in eadem ecclesiæ domo vitulum saginatum epulemur. Hæc omnia sub quarta propositionis vestræ particula contrinxi; etsi primo aspectu aures demulceant, multa tamen in eis latent grandia miseria. Quod autem, reverendissime pater, Græci ad Venerabilium portum ex proximo adventuri sint, ut asseritis, hæc S. Synodus miratur tam propter nova contraria quæ nonnulli ex patribus receperunt; tum quia credere non valemus quod illi, præsertim dominus Imperator Romanorum & Patriarcha Constantinopolitanus, fidem eorum per suos solemnes oratores & literas authenticas huic sacro concilio tempore compactatorum datas, ita turpiter violare voluerint, ecclesiam nostram universalem per hoc sacrum concilium reprehensatam eludendo, contemnendo. Non enim conversionis, sed deceptionis, & prave intentionis hæc forent evidentissima argumenta; præsertim quia fides, ut inquit S. Augustinus in c. *noli existimare*, 22. quæ promittitur, etiam hosti servanda est contra quem bellum geritur, quanto magis ecclesiæ sanctæ, cujus unionem, ex dictis, verisimiliter suscepturi sint. Effet ne ista conversionis, aut perseverantiæ in unitate verisimilitudo? si enim hanc pactionis legem contempserunt, præsertim in limine contractus, cum tanto ecclesiæ damno, & confusione, & illam unionem contemnunt, juxta dictum Hieronymi in c. *scribam*, de præsumpt., & juxta concilii Africani sententiam in c. *i. de pact.*, aut pacta inita suam obineant firmitatem, aut conventus sese non cohibebit quin ecclesiasticam sentiat disciplinam; nihilque ita societati humanæ competit, quam quod ea, quæ convenerunt, servantur. *i. si de pactis*. Et si ita (quod absit) sit, ut asseritis; licet neminem hic tristem videam, deberemus tamen omnes contristari, & dominatio vera ita nobiscum, quoniam video illum ingentem jubileum, illam immensam lætitiā, per vos supra commemoratam, in luctum merito converti. Video namque in vobis illud propheticum verificari: *deficit gaudium cordis vestri; versus est in luctum*

*chorus vester; expectavimus bonum, & ecce non venit; tempus curatonis, & ecce turbatio*. Qualis, pro Deo! erit ista futura unio in ipso suo initio tanto dissidio & scandalo ecclesiæ Latinæ referta? Nonne ex hac separata unione major inter nos imminet divisio? Enitmur alienum schisma tollere, & nobis ipsis manus indicimus. Responderent, si ita est ut asseritis; nobis digne vicem gratitudinis. Eos hoc sacrum concilium magnis sumptibus magnisque laboribus ad unitatis bonum invitavit; galeas cum magno thesauro ad eos misit; & ipsi nobis illam rependerent gratitudinem quam mus in pera, serpens in gremio, ignis in sinu suis consueverunt hospitibus exhibere. Et pro unionis bono nobis asserent divisionem. Si per manus summi pontificis redire volunt, gaudemus; sed quod sub nomine concilii universalis ad alienum locum se conferant, contristamur; cum non concilium sed schismaticorum conventiculum sit censendum, quodcunque aliud, isto durante concilio, ut in nostro decreto luce clarius continetur. Nam sicut duæ ecclesiæ esse non possunt; sed unica est Dei ecclesiā, Christi sponsa, & virgo immaculata, XXIII. q. *i. schisma*, & cap. *didicimus*, & c. *Novatianus*, VII. q. *i.* Ita impossibile est quod sint duo concilia universalia ecclesiam unicam representantia. Offenditur enim ille articulus fidei. *Et unam sanctam ecclesiam*, sicuti offenderetur si præsupponeremus duo esse ecclesiæ universales pastores, ut dicit glo. in cap. *non autem*, VII. q. *i.* Sed dicit aliquis: ad eos pergite more pii pastoris & omnia pacata erunt. Later sub eisca venenum. Et fide, perfidiæ fumuntur arma. Et dum plerique unionis negotium æmulantur ecclesiæ, latius reformationis ecclesiæ, summi pontifici correctionis inchoatæ, & conciliorum auctoritatis interitum moliantur. Nemo est qui has artes non videat. Adum enim est de prædictis, si ad locum per papam electum ad quem ut dicitis Græci se conferunt pergeremus. Violarentur pariter decreta Constantiensis & Basileensis contra translationem concilii edita. Cujus transgressio ecclesiæ Dei & posteris maximam posset pestilentiam afferre. Assumet semper summus pontifex, cui & aliorum correctionem vitare cupiens, hoc dissolvendi concilium exemplar, quo nil gravius, nil periculosius in Dei ecclesiā accidere possit. Cum enim prædicta verissima sint, maxime urgent per dominationem vestram in contrariam sententiam indulta. Non enim est Dei voluntas, ut sub bonæ sperati imagine, tanta mala perpetrentur. Non enim talem compensationem exposcit Deus; sub obtentu enim boni aut ejus compensatione non est malum committendum. Nam, ut inquit Gregorius, non est putanda elemosina, si pauperibus dispensetur, quod ex illicitis rebus acquiritur. Qui in hac intentione male accipit, ut bene dispenset, gravatur potius quam juvetur. Ne ergo sub obtentu elemosinæ cum peccato aliquid studeamus accipere prohibet scriptura dicens: *hostiæ impiorum abominabiles*

ANNO  
CHRISTI  
1437.

biles sunt quia offeruntur ex scelere. Quidquid ergo ex scelere offertur, omnipotentis Dei non placat iracundiam, sed irrat, i. q. r. non est putanda. Nec illa nonaginta novem ovium in deserto relictarum propter unam perditam parabola huic nostrae rei convenit, si illius intrinseca sententia ponderetur. Ille enim bonus pastor propter unam oberantem & perditam non vulneravit, non dispersit non luporum moribus relinquit nonagintanovem, sed eas in deserto, id est in coelo, in loco tutissimo relinquit. Designatur enim per illas novem angelorum ordines, quos Dei filius in coelo dimisit & in terram descendit, ut hominem oberantem & perditum recuperaret, ut notat glossa in cap. quia sanitas tua, L. dist. illam exponendo parabolam. Non enim fuisse ille pius pastor sibi contrarius, qui dixerat alio in loco non esse bonum filiorum panem sumere & dare canibus. Et iterum: non sum missus nisi ad oves, quae perierunt, domus Israel. Ordinavit enim, inquit scriptura, in me caritatem. Nam primo parentibus & filiis; demum extraneis pietatis opera iubemur impendere. Est ne ista caritas suos occidere ut alienos foveat? Et utinam foveat & non fovere dissimulet. Dixitne, aut sic fecit ille pius pater familias, quem vestra dominatio innoxii? Cum enim filius major ex fratris reconciliatione indignatus domum nonnulli intrare, pater illius domum egressus coepit rogare illum ut intraret. At cum ille rediens dixisset patri. *Ecco tot annis servio tibi, & nunquam dedisti badum ut cum amicus meis convulsar. Sed postquam filius tuus hic, qui devoravit substantiam suam cum meretricibus, venit, occidisti illi vitulum saginatum; meruit a patre audire: fili, tu semper mecum es, & omnia mea tua sunt.* Res exemplo inimitando, reconciliavit enim filium poenitentem; alium tamen non vulneravit, non sprexit, non a cura sua abiecit, non scandalizavit; sed verbis benignissimis ad eum exeundo placavit, inquit: *fili, tu semper mecum es, & omnia mea tua sunt.* Cur ita non facit summus pontifex? cur eum iuste non pulsatis, ut pius & summus pastorem & sollemnissimum patrem familias opere imitetur, cujus vices se agere gaudet? vult Græcos reconciliare a longe redeuntes, non scandalizet & suos qui Romanæ ecclesiæ jugiter obedientie bonum impenderunt. Non schisma inter suos faciat, ut alienos sibi reconciliet. Non contemnat ecclesiam, quæ ipsum primo per generationis lavacrum genuit; & postea in magnum & altum fastigium collocavit, & filium loco patris constituit. Non usurpet illius auctoritatem, non impediat ecclesiæ reformationem. Sanctas ecclesiæ leges suscipiat. Egrediatur foras ad filios & confratres & coepiscopos suos, sicut pater fecit ad filium. Dicat eis: vos mecum semper estis; & omnia mea vestra sunt. Veniat ad loca per sacrum concilium catholicam ecclesiam representans electa una cum Græcis; & omnia erunt peracta; reconciliabit filium minorem, & majorem pacabit. Evitabit omnino schisma; ecclesiæ Dei sanctæ debitum impendat. Erit tunc geminata læticia. Habebimus Græcorum re-

Concilior. Supplem. Tom. IV.

ductionem & ecclesiæ reformationem, & sic erit perfecta unio, nedum in corporibus & sacramentis; sed in plena caritate. Quid agebat, quod pro Græcorum reductione non modo substantiam caducam, sed propriam vitam cupiebat morti exponere. Si hæc ex corde dixit, ita facere debet more veri pastoris. Cur nunc pro tam immenso & multiplicato bono aliquibus viarum fortassis discriminiibus, salutiferis tamen, se non exponit? Cur ad loca electa non venit? sed dabit totam ecclesiæ scandalum, exaltabit fidem catholicam, mores reformabit; & sic omnia ad pacem & tranquillum portum reducet. Nam si Christus, cujus vices agit, pro nobis mori dignatus est; cur & ipse pro Christo parvissima discrimina subire contemnit? Cur Christus dixit Petro: *Tu me sequere*; & ipse Petri successor non modo mortem, sed modicos labores refugit. Recordetur illius evangelici: *qui non bajulat crucem & sequitur me, non est me dignus.* Potest enim hoc ipse absque alicujus scandalulo, absque ecclesiæ consensione facere. Utinam eadem nobis adest libertas, eadem opportunitas; nostra enim sponte hoc iter sumeremus. Vult ergo, vestra dominatio, hæc persuadere Romano pontifici, ipsum pulsare, obrundere, coram clamare, & nobis, Dei ecclesiæ utilitatem evidentissimam sectantibus, nullam amplius molestiam afferre. Contristatis enim, ut ita dixerim, contra apostolicum totiens vos a bonis operibus avertendo, Spiritum Sanctum. Quis enim recte potest hoc sacrum concilium de negligentia aut caritatis remissione in factis Græcorum inculpate? Nil enim de contingentiis omittit; oratores ad eos ultimo destinavit; multa florenorum milia, ut apud Constantinopolim Græci venturi ad nos convenirent, postea transmisit, quæ ad illum usum consumpta inter eos & per eos fuere, Galeas cum longe majori quantitate novissime nullas fecit ut vestris impensis ad nos juxta compactata adducantur. Quos ad nos adventuros speramus, si fidem, si religionem, si omnem humanitatem infringere noluerint. Dolebimus, si contrarium fecerint. Quid enim prodest, ut inquit Gregorius, triticum seminare, & fructum illius non colligere? Aut domum construere, & illic non habitare? L. dist. quod tua. Sed prohi dolor? Nos plantavimus vineam; & summus pontifex nititur ejus fructus edere, nostro & totius ecclesiæ cum scandalulo. Præcepit Dominus Moyli ut nemo mitteret falcem suam in messem. Hæc messis nostra est, & ipse in eam falcem mittit. Oportebit enim juxta apostoli sententiam laborantem agricolam prius suscipere, de fructibus suis. O quanta iniquitas! quis pascit gregem & de lacte ejus non comedit? Nos militavimus; & ipse militiæ nostræ stipendia & gloriam, tum nostræ ecclesiæ schisma sibi quaerit. Si autem ad nos dicti Græci, ut nempe ex fide data & pecuniis nostris primo loco receptis tenentur, adventaverint, honorifice & cum gaudio magno recipiemus. Non quidem primo affectu ut fratres, & dulcissimis oculis & amplexibus, ut dicitis, nisi firma sit nobis certa de ipsorum unitate opinio; ante enim

Ad. alie.  
nav.



ANNO  
CHRISTI  
1437.

vere fratres dici non possint. Quia, ut inquit textus, alienus est, profanus est, *bo-*  
*stus est, Deum patrem habere non potest, qui*  
*universali ecclesie non tenet unitatem, XXIII.*  
*q. 1. alienus.* Nam et si per creationem di-  
ci valeant fratres, quia qui creavit bovem  
creavit & culicem, XXIII. q. III. *qui sim*;  
et eadem terra nos omnes genuit, XXXII.  
q. III. *recurrat.* Tamen ratione caritatis  
et unitate sancte ecclesie non dici possunt  
adhuc fratres; præsertim ut dulcissimis oscu-  
lis et amplexibus per nos recipi prima fron-  
te debeant, XI. q. III. *ad mensam*; ubi di-  
citur quod regenerationis lavacrum facit nos  
omnes fratres; quia loquitur de eo qui per-  
severat in ecclesie unitate. Non nego quin  
omnis humilitas exhibenda sit; et cum uni-  
tatem nostram receperint, aut de illa certa  
habeatur opinio, nostri verissimi fratres exi-  
stiant. Nam, ut inquit Hieronymus: *non fa-*  
*ciunt ecclesiastica dignitas christianum. Corne-*  
*lius Centurio adhuc ethnicus dono sancti spi-*  
*ritus mundatur; & hoc propter rectam fidem*  
*quam mente susceperat.* Et hæc de ista quar-  
ta particula.

Cap. v.

Quinto loco dixit paternitas vestra, quod  
si propter nostras domesticas discordias tan-  
tum bonum, quo fere majus cogitari ne-  
quit, dissipari, quod Deus avertat, con-  
tingit; qualis luctus erit totius ecclesie;  
quanta desolatio christianitatis, quanta exul-  
tatio Turcorum & infidelium; qualis infa-  
mia apud homines; & quæ apud Deum,  
non manebit condemnatio? Si scandalizanti  
unum de pupillis ecclesie comminatur Do-  
minus expedire, ut mola asinaria suspenda-  
tur ad collum suum & demergatur in pro-  
fundum, quid putandum est fieri nobis si  
tot milia scandalizemus fratrum nobiscum  
uniri querentium; item si scandalizemus  
universum populum christianum, quem pau-  
lo ante sermonibus, prædicationibus, in-  
dulgentiis & ad cooperandum huic sancte  
unioni invitabamus & ad lætitiā provoca-  
bamus? Ad hanc particulam quintam hæc  
sancta concio respondet, quod vehementer  
dolet quod vestra paternitas ita finire de-  
tam sancta concione concionetur. Quæ, pro  
Deo? illæ sunt aut dici possunt discordiæ  
domesticæ, quibus ipsa concio detinetur? An  
fortassis pro rebus domesticis & privatis ad-  
versus papam insurrexerit? An forte dica-  
tur discordias fovere, quia summum ponti-  
ficem ad bonum reformationis invitat, hor-  
tatur, & requirit? Rem enim publicam &  
religionem christianam promovet; rem qui-  
dem Deo gratam, nobis suo imperio de-  
mandatam; & veh. nobis si illam silentio  
præterierimus, ut supra in aliis particulis  
exstitit demonstratum. Non enim discordiam  
facit, sed eleemosinam dat, medicinam præ-  
stat, qui retenta in corde caritate ubere  
emendat, aliqua disciplina in quem da-  
tur potestas, ut inquit Augustinus in cap. &  
*qui emendat, 45. dis.* Tria enim, ut ipse  
idem Augustinus ait, sunt eleemosinarum  
genera; una corporalis, egenti dare quid-  
quid poteris; altera spiritalis, dimittere  
a quo læsus fueris; tertia delinquentem cor-  
rigere & errantem reducere in viam veri-  
tatis, ut habetur 45. dis. *tria sunt genera.*

Et alibi canon: *inter opera caritatis non*  
*minimum est errantem ab erroris sui semita*  
*revocare, de sponsal. inter opera.* Quinim-  
mo facinorosis quis dicitur sociari, non so-  
lum si aliquid cum eis committit, aut com-  
mittentibus favet; sed etiam si sit in judi-  
cando piger, ut ait textus, in cap. *ita pla-*  
*ne, XXIII. q. 1111.* Nam & bellum cor-  
porale geri potest, ut pax acquiratur. Nec  
talis belliger definit esse pacificus, qui ideo  
bellat ut eos, quos expugnat, ad pacis utili-  
tatem vincendo perducatur. Ita Augustinus  
tales & beatos & pacificos appellat, juxta  
dominican sententiam: *Beati pacifici quia*  
*ipsi filii Dei vocabuntur, ut in cap. noli,*  
*XXIII. q. 1.* Si ergo pro temporali salute  
& pace mortalium pugnare liceat & expedi-  
dit, ac nonnunquam oportet; quanto for-  
tius pugnare licet armis spiritalibus pro  
æterna salute, & ut vera pax Christi & ec-  
clesie, quam mundus iste dare non potest,  
habeatur? Quid denique, pater reverendis-  
sime, in eadem particulas nobis intulisti  
evangelicas adversus pusillum scandalizan-  
tem emissas; quasi nos Græcos seu alios ex  
eorum scandalizemus facto? Vera profecto  
hæc non sunt, sed vehementer miranda. In  
quo enim, pro Deo? Græcos aut alios scan-  
dalizamus; nisi scandalizantes eos appella-  
re velitis, qui ad sanctum unionis negotium  
ut illos invitarent oratores magnis cum sum-  
ptibus ad eos miserunt, & eosdem ad hos  
usque dies ut res facilius consequeretur ef-  
fectum, ibidem tenuerunt. Qui ultra octo  
aut decem milia ducatorum ut ipsi in Con-  
stantinopoli se congregarent realiter & cum  
effectu ad eos miserunt, & per eosdem  
ad illum usum consumpta sunt. Et novissi-  
me solemnem patres cum galeis & longe  
majori pecuniarum summa ut eos ipsos Græ-  
cos ad nos juxta mutuas conventiones felici-  
ter adducerent direxerunt, qui iudices fi-  
dei & cujuslibet religionis fructores esse,  
ut merito credendum est, noluerunt, ut ad  
loca conventa & per nos electa conveniant,  
præstolamur. Sunt ne hæc scandali aut ma-  
ximæ dilectionis aut caritatis evidentissima  
argumenta? Si autem, ut firmatis, ad nos  
non venerint, nempe non nos eos, sed per  
eos scandalizabuntur, & non immerito, om-  
nes non modo de pecuniis nostris in prin-  
cipio per eos receptis, & maxime novissi-  
me, qui cum galeris sumptibus qui LXXX.  
ducatorum milium summam excedent. Sed  
quod magis dolendum est, de fidei, reli-  
gionis, & cujuslibet humanitatis violatio-  
ne sinistraque de ipsorum suspitione unio-  
ne. Nam, ut ait in homeliis Gregorius, &  
transumptive in cap. *mandata, de præsum-*  
*ptione. Ex transumpta rite vita didicimus*  
*quid de subsequenti tua conversatione præsu-*  
*mamur.* Et Hieronymus super Osee. *scri-*  
*bam eis multiplices leges meas; ex prius*  
*datis & neglectis apparet quod has negli-*  
*gent.* Et hæc de ista particula.

ANNO  
CHRISTI  
1437.

Locus tur-  
batus.

Multa hic  
sunt luxa-  
ta.

Cap. vi.

Inquit VI. vestra paternitas: Dicit ali-  
quis: veniant Græci Basileam, Avinionem,  
vel Sabaudiam; aliquin impediamus potius,  
quam alibi fiat eorum redemptio. Contra  
quem sic fortassis dicentem exclamat domi-  
natio vestra. O perditum & desperatum ho-  
minem

ANNO  
CHRISTI  
1437ANNO  
CHRISTI  
1437

minem qui talia non modo dixerit, sed vel leviter cogitaverit? Potest ne in mentem cujuspiam christiani cadere execrabile verbum hoc? an ne bonum se arbitrabitur christianum, qui tot gentium & populorum unionem fieri nolit nisi certo fiat loco? Numquid ille pastor evangelicus qui nonaginta novem relinquit, dixit: nolo ovem illam centesimam, nisi hoc vel illo loco perquire; & nisi eam ibi reperero, alibi non quaeram. Non mulier illa, quæ dragmam perdidit, quaerere ipsam contenta fuit in uno loco domus tantum seu angulo; nonne accendit lucernam & totam domum evertit? Advertantur preterea verba memorati decreti primario conventi cum Græcis; unde deputati sacri concilii cognoscunt sanctam & perfectam illius concilii intentionem quæ est ut pro honore Dei & profectu fidei catholice nullis parcatur laboribus & expensis, judicant non expedire ut propter locum dumtaxat hoc tantum bonum negligatur. Fiat ergo omnis diligentia ut veniant quocunque optatis; sed si obtineri nequeat; quaeramus eos in fines mundi, si necesse est. In nulla enim alia re melius peregrinari possumus. Nam & apostoli, nec Æthiopiæ neque Indiam aut extrema exasperant penetrare Orientis & Occidentis, ut animas Christo lucrificarent; qui & ipse de cælo descendit peregrinatus in terris formam servi accipiens, usque ad mortem crucis progressus est, ut nos salvos faceret. Et subiungitis: quo ad id quod de loco dicitur, multa tam pet Græcos quam alios dici possent; & interdum disputatio oblata est & nunc, si expediret, offerretur. Nihilominus quia verborum contentiones animos plerumque irritant, id consultius prætereunt, solum de concordia & pace fraternæ colloquamur. Hæc sunt verba formalia in hac sexta particula.

Ad quam hæc sancta respondet Synodus, vehementer admirando quod cum D. V. tri- te omnia suscepit atque intellexerit, nunc sub verborum generalitate & involucto, prætereundo magis, quam vera & notissima tangendo vulnera, ac si ignem per aliquos jam accensum sicuti in stipula super prunas transeundo non senserit. Quem pro Deo! sentit seu vidit D. V. ex memoris seu suppositis hujus sacri concilii illam Græcorum unionem impedire? Quinimmo eos ingenti desiderio, ut polliciti sunt, postulamus, & quam diligentissimam & exactissimam curam pro hujus rei felici consummatione exhibuimus, ut supra demonstratum est. Quid denique nobis de loci affectione aut execratione injustissime insultatur? Ad auctorem respondeant, tela quæ sine bellandi arte mittuntur. Nonne hæc res inter omnes undique scita est, quod quæ ex sacri concilii dispositione in tuto sita res erat, eorum studio qui loca per sacrum concilium electa, quo spiritu, quo timore, quo aut aliorum locorum amore, nescio, abhorruerunt, detestati sunt, annihilare conati sunt, fere aut in desperatione aut in bellum intestinum, diuidium maximum & schisma execrabile conversa videtur? Quis ignorat, aut recte & iuste ignorare potest, quod

si studia illorum non fuissent, aut saltem, galeæ in oppositum sacri concilii missæ non fuissent, ad nos indilate, omnium cessante repugnantia, summo cum jubilo Græci profecti fuissent? Hæc jam apud Græciam notissima sunt, & apud nos per literas inde etiam ab æmulis scripta, sparsa, & divulgata adeo existunt, ut alia demonstratione opus non sit. Cur ergo nobis tam inique, tam injuste opponitur loci affectio, aut execratio, ut maledicta, quæ alios afficere debent, in nos resellantur? Sed si verborum lenocinium deest, veritas tali *f. adju- mento* non indiget; saltem unumquemque conscientia sua conveniat. Multi multa abhorrent in propatulo, quæ laudant, & magnificant intra cordis arcana. Quod insuper nobis pii pastoris & mulieris dramam quaerentis parabolam commemoravit, bona, iusta & sancta est. Sed cui magis quam summo pontifici convenit, ut supra feriosius ostensum est? Is enim, qui illius pii pastoris pro cunctis vices agit, & cui in personam Petri per pium pastorem dictum extitit, non tantum semel, sed usque ad contristationem: *si diligis me, pascite oves meas*; & qui est Petri successor, cui pastor summus dixit: *sequere me*; cur non illius vestigia sequitur? cur non pascit omnes oves sicut indefinite sibi præceptum est? cur oves in ovili existentes quaerit perdere, ut alios introducat? Cur non illos supra humeros ponens ad nos & loca legitime, suo etiam intercedente consensu, electa, proficiscitur? illos lucrabitur; nos iuste placabit; reformatio admodum necessaria sequetur. Conciliorum, & ecclesiarum sanctæ Dei autoritas non confundetur; remanebunt intacta sacrorum conciliorum Constantiensis, Basiliensis decreta, evitabitur execrabile schisma, & tandem in portu tutissimo omnes in Petri navi navigabimus. Idem nos faceremus, si sine ecclesiæ confusione opportunitas adesset. Sibi autem; nisi animarum fortassis discrimen nihil est impedimento; imitetur Christum, qui ut dicitis, & est verum, ut perditum hominem salvaret, formam servi suscepit; peregrinationem longinquam aut præsepe non abhorruit, passionem omnes sustulit, & tandem diræ morti non pepercit. Cur ipse summus pontifex, vicarius præcipuus, ut ecclesiam Dei, cuius curam præ omnibus sustinere debet, tueatur, defendat, & in unitate conservet; ad loca per concilium electa descendere non destinat? Neminem latet, quod si ipse voluerit, Græci illa loca prius non recusabunt; quinimmo ad illa venissent, nisi magis suggestiones per suos & sibi adherentes factæ fuissent. Submisit in hac particula ultimo dominatio vestra, quod circa loca jam electa multa dici possent, & interdum oblata fuit disputatio, & nunc si expediret offerretur. Ad quod respondeo fatendo quod multa, non modo dicta sed facta fuere, quæ si fuissent consulte, ut profecto debuissent, ommissa, tantus ignis non esset in Dei ecclesia accensus; nam ex illis dictis, & factis schisma tunc fuisse factum modo dubitari non potest. Schisma enim Græcum nomen est, & nihil aliud quam scis-

f. redeant.



ANNO  
CHRISTI  
1437.

scissuram significat, ut dicit tex. in c. *scissura*, 24. q. 1. Conati enim fuimus tunc unam ecclesiam seu universale concilium illam representans in duo dividere. Utinam tunc prævidissemus futura mala nunc imminentia; & pro dolor! in futurum graviora. Et non fuisset nunc opus hæc remedia quærere. Potuisset tunc modica aqua illa ignis scintilla extingui, quæ nunc adeo crevit, adeo invaluit, ut vix Rhæni fluvius ad extinguendum sufficiat. Necessè est, juxta verbum Salvatoris, ut veniant scandala; sed vix illi homini, per quem scandalum venit. Fatemur insuper quod circa illam concertationem nobis injustissime factam, sæpe fuit oblata disputatio; sed a sacro concilio justissime spreta, quia non erat nisi quædam prætensi juris ostentatio. Sacri enim concilii justitia adeo fulgentissima erat, ut de illa disputare fuisset aliud nihil, nisi in medio, & perspicuo die lumen commentitium quærere. Quis enim, pro Deo! dixit quod non modo sacrum concilium totam sanctam ecclesiam repræsentans; sed ipse papa vel princeps inferior aliquod collegium seu privata persona possit sibi ipsi legem imponere ex suis verbis cum alio minore contrahendo, a qua recedere sibi non liceat? nempe nemo mentis compos & juris omnino non ignarus. Offenderet enim in primis ipsum jus naturale; denique canonicum, & civile, & orbis totius communem observantiam cum jureconsulto restante: nihil tam naturale, quam ut unumquodque eo dissolvatur vinculo, quo ligatum est, ut in l. *nihil tam naturale*, ff. de orig. juris. Et canon hanc naturalem regulam sequens, dicit, quod omnis res per quamcumque causas nascitur, per easdem dissolvitur, ut in regula I. de orig. juris. Licet ergo concilium in confederatione cujusdam cedulæ vel in nomine tunc contrahendo, sed per se ipsum disponendo dixerit, quod si Avinionenses infra XXX. dies a tempore recessus oratorum ad eos sacri concilii realiter & cum effectu septuaginta millia florenorum mutui nomine non exhorarent, & nostris traderent oratoribus, & galearum capitaneo, pro parte saltem, illi satisfaciendo, quod sacrum concilium possit, debeat ad alterius loci electionem procedere. Quare contrario sensu præsupposito quod Avinionenses integraliter, & cum effectu illi cedulæ ita repente non satisfecerint, non valuerit ab illis verbis recedere, & aliquid majus tempus ad tantam rem explicandam indulgere? præsertim cum Avinionenses omni satisfaciendi cautione pro tanta summa destituti, solum replicando petierunt ut prius locus & decima decretaentur, ut de tanta re aliqualem haberent tutelam, & cautelam. Et nonne omnium lege scripta cessante, lege naturali receptum est, & communi per totum orbem observantia, quod licet quis sibi ipsi aut procuratori suo dicat: si talis venditor noluerit talem rem mihi tradere pro tali pretio, hodie ego nunquam emam, & ita dicas sibi; vel si dixerit, volo quod non liceat nec possum ipsam rem amplius emere. Nihilominus his verbis non obstantibus potest

contrario sensu eandem rem, quantumcumque etiam majori pretio, emere ratione prædicta naturali. Et quia, ut dicit jurisconsultus, nemo potest sibi imponere legem, a qua non liceat recedere, ut in l. *Siquis*, in princ. ff. de leg. 3. Quinimo dicit notanter Innocentius in c. *dilecto*, de præben. quod si quis juravit etiam non vendere librum, seu alium contractum facere; attamen si postea contra juramentum contrahit, tenet contractus, licet ipse sit perjurius; quia non potuit juramento etiam seipsum ligare, ut ab ipso vinculo retrocedere non valeat. Idem dicit Jo. Andr. eadem ratione super regula quod semel placuit, & de regu. juris lib. VI. in quaestione mercu-  
B riali, in eo, qui juravit non mutare testamentum per se semel conditum. Dicit enim quod si mutaverit, tenet testamentum secundum, licet ipse sit perjurius. Quinimo plus dicit Bar. in l. *Sesur*, & Augerius ff. ad l. fal. Quod talis non est perjurius, & valet secundum testamentum, quia tale juramentum fuit contra bonos mores, per quod voluit sibi restringere voluntatem supremi judicii. Et idem, saltem quoad actus validitatem, tenere videtur glossa in c. *ultima voluntas*, 22. q. 2. Movetur illa generali ratione, quia nemo potest sibi imponere legem, ut non liceat sibi recedere a priori voluntate, allata d. l. *Siquis*, in princ. ff. de lege 3. Et libertatem supremi  
C judicii nemo potest contrahere, ff. pro socio, l. cum duobus, §. Papinianus in fi. Præterea de hoc est tex. nobilis in c. fi. juncti glo. in V. temporibus, de rescript. lib. VI. ubi videtur in casu de hac quaestione. Nam ibi papa revocans indulgentias super fructibus in absentia percipiendis concessas, submittit hæc verba videlicet, & earum concessionem nostris volumus exulare temporibus; & quod nobis licere non patimur, nostris successoribus indicamus. Per quæ verba visus est velle a se abdicare omnem potestatem ulterius tales indulgentias concedendi. Et tamen glossa præallegata ibi  
D quærit quid si verbis prædictis non obstantibus tales indulgentias idemmet papa vel successor suus de novo concederet? Respondet, quod talis valeret concessio; reddidit pro ratione, quia non potuit legem imponere, a qua non liceret recedere, allata præallegata l. *Siquis*, in princ. Et d. l. cum duobus §. Papinianus, in fi. Et quia primam constitutionem tollit per secundam, licet de illa non faciat mentionem, de consti. c. l. li. VI. Respectu autem successoris allegat, quia non potuit legem suo successoris imponere; quia par in parem non habet imperium, de elec. *innovat*, cum suis concor. Idem ergo, & fortius hoc dicendum est in sacro generali concilio totam ecclesiam catholicam repræsentante, cui omnis lex humana in fidei materia, extirpatione schismatis, & morum reformatione & pertinentibus ad illa justissime est subjecta; nec ipsum cuique legi positivæ in his subjectum est, ut per illa generalia verba ex se ipso prolata non potuerit sibi necessitatem, & legem imponere; a qua  
E sibi non liceret recedere; præsertim æquitate

ANNO  
CHRISTI  
1437.

ANNO  
CHRISTI  
1437ANNO  
CHRISTI  
1437

tate suggerente, sicut supervenit in casu isto, cum illi Avinionenses non peterent aliud, nisi ut prius decretaretur locus electus cum decima. Nonne, iniquum fuisset pro tam levi dilatione iusta ex causa petita ad aliam procedere loci electionem? Erant ne illi obligati ad tantam pecuniarum summam mutuandam? certe non erant, nec eorum irrationabilis petitio, praesertim cum illico in bona quantitate satisfacerint. Iniquum profecto est non fallere, . . . ubi aequitas fugerit, ut dicitur tex. iuncta glo. in authentica *ut matres*, debi. aut credi. Quinimmo intentio sacri concilii non fuit nec esse potuit alia in illius cedule confessione, nisi quatenus Avinionenses repeterentur in exburando pecunias contumaces, seu ultra debitum differentes; ac allegantes iustam causam non dicuntur contumaces, nec differre, ut est tex. iuncta glo. in cap. *quam sit*, de electione lib. VI. in v. *disfulerit*. Nam tex. ibi in principio dicit, quod si clericus disfulerit ultra mensuram suae electioni praestare consensum, omni iure, quod per electionem ei fuerit acquisitum, ex tunc se noverit eo ipso privatum; glo. autem in v. *disfulerit* dicit, per illud verbum patere, quod si impeditus fuerit, non currit ei tempus, quia impeditus non differt; allegat de concessione praebendae, quia *diversitates*, & quod habetur in dicto cap. *quam sit*, in fine, ubi in alio casu excipitur casus iusti impedimenti a cursu temporis. Ita dicatur in proposito, quod cum dicti Avinionenses habent iustam causam & iustum impedimentum, non comprestandi tantam summam, videlicet LXXX. Florinorum saltem ante decretationem decimarum, quae eis pro illa summa decretabantur, non potuerunt dici differre; praesertim cum ipsi illius cedulae confessioni non consenserint, nec ad illam requisiti fuerunt; sed sacrum concilium ex se ipso illam confecerit; unde non debent condemnari sine culpa sua. Praesertim iniqua allata conditione, ut in cap. *omnia*, III. q. IX. ubi dicitur, quod omnia quae adversus absentes in omni negotio aut loco aguntur aut iudicantur, omnino evacuantur; quoniam absentem nullus addicit, id est punit; secundum glo. ibi; nec ulla lex damnat, quae verba sunt notanda. Et facit l. 2. § *si quis a principio*, ff. nequid in loco pub. Et c. *super eo*, de off. deleg. cum sim. Quinimmo posset satis probabiliter dici, quod sacrum concilium non potuerit illam cedulam conficere, arctando ita acerbè dominos Avinionenses. Nam, ex quo eorum civitatem elegerant pro futuro Oecumenico concilio, & electio fuerat eis intimata; & per eos acceptata, & illius vigore ad multa se paraverant; non potuit concilium illam electionem revocare, seu illos Avinionenses ita infra angustum terminum ad solutionem tantarum pecuniarum sine quacunque competenti cautela constringere; fuit enim eis ex tali electione jus acquisitum, facta intimatione, ad hoc quod notat Bart. in l. *qui absenti*, ff. de aeq. poss. Et facit c. 1. de concessione praeben. li. VI. Praeterea ex alio etiam capite non licuit sacro concilio recedere a

prima electione, quia cum illa loci electio competere sacro concilio non proprio iure videtur, sed ex compactatis initis cum Graecis, facultas eligendi locum pro concilio concessa debuit intelligi de prima electione, & non de ulteriori, ut in l. *hoves*, § *hoc sermone*, ff. de verborum signif. et l. *haec conditio*, ff. de cond. & demon. ubi apparet quod si aliquid alicui relinquitur cum nuptias contraxerit, intelligitur de primis nuptiis. Ad idem, quod habetur in c. *non potest*, de praeben. li. VI. ubi dicitur quod si cum aliquo dispensatur, ut duo curata possit recipere, & simul retinere, si alias canonice conferantur eidem, intelligi debet de duobus primis beneficiis sibi conferendis; facit etiam textus in l. *cum qui Kalendis*, ff. de verb. oblig. Per primam enim electionem fuit sacrum concilium potestate sibi concessa functum; nec licuit variare, ad hoc quod notat Bar. in dicta l. *absenti*. Et facit c. *si tibi absenti*, de praeben. lib. VI. ubi patet quod si episcopus contulit beneficium absenti, non potest amplius variare, donec ille collationem sibi factam duxerit recusandam. Praeterea praesupposito quod sine veritatis praedicio quod variare potuisset; attamen contra illa verba in cedula contenta non potuit venire ex duplici capite ultra praedicta; primo quia, illa fuerint quaedam verba comminatoria contra Avinionenses, solutiones facere differentes. Comminationem autem etiam ipse Deus ex iusta causa revocat, ut in c. *quam obrem*; in cap. *praedixerat* de pe. dif. 1. notat glossa in cap. *incommutabiliter*, 22. q. 4. Hinc dicimus quod comminatorio iudicio non habet vim irrevocabilis sententiae. Item quia cum in cedula contenta disposuerit solo suo consensu; ita potuit contrario imperio & statuto illa revocare l. *quod iussit*, *vetuitque praetor*, ff. de re jud. & cap. *cum cessante*, de appell. Et videtur de hoc casus in strictioribus adhuc terminis in c. *in nostra*, de iniuriis, ubi probatur secundum secundam lectionem Innocentii, quae communiter a doctoribus approbatur, quod licet aliqua universitas per statutum aliqua disponat in favorem singulorum & in damnum sui; nihilominus potest per contrarium statutum se liberare, & primum statutum in totum tollere. Et sicut singulariter ibi probatur, licet primum statutum veniret in aliquorum favorem, ex quo tamen cum illis non contraxit, nec praecessit aliqua obligatio: potest tamen idem collegium, seu universitas illud statutum revocare, & etiam ne illorum consensu, in quorum favorem statutum emanaverat. Fortius ergo hoc idem in casu nostro dicendum, in quo nulla obligatio praecesserat ad disponendum contenta in illa cedula, nec cum aliquo contraxit, nec in aliquorum favorem illa disposuerat nisi ipsius concilii, ut citius illa expedirentur negotia. Et praesupposito quod fecisset in favorem quorundam de concilio, qui illi electioni opponebant, ut ab aliquibus allegatur; nihilominus idem esset dicendum, ex quo cum illis singulis non contraxit, sed simpliciter per suam provisionem ita disposuit, ut notatur



ANNO  
CHRISTI  
1437.

in dicto c. *in nostra*; & hoc per illam regulam, quam ibi allegat Innocentius. Omnes res per quasque causas nascitur, per easdem dissolvitur, ut in regula *omnis*, de reg. juris. Nec illi singuli poterant prætere speciale interesse, quia totum erat negotium ecclesiæ universalis & sacri concilii.

Nec obstat, si dicatur quod ex quo in primam illam cedulam omnes de universitate consenserant, non potuit contrarium statui, nisi pari modo omnes de concilio consentirent. Allegantur ad hoc aliqua jura, quæ aut hoc nullo modo probant, ut loquuntur in casibus specialibus. Nam de jure communi valet regulariter quod sit a majori parte universitatis congregatæ, ut in c. *r.* de his quæ fi. a ma. par. ca. Et in c. *ecclesia*, de elect. l. *quod major* ff. ad mu. Unde lex dicit quod referatur ad omnes quod sit a majori parte, ut in l. *nemo*, §. *refertur*, de regul. & in dicto ca. *r.* quæ regula locum sibi vendicat etiam in dispositionibus sacri concilii universalis; ut patet ex statuto Nicæni concilii, ubi inter cætera sic disponitur. *Sane si communi omnium consensu rationabiliter probato secundum ecclesiasticam regulam, duo vel tres animositate ducti per contentionem dicant contra, obtineat plurimorum sententia sacerdotum, ut habetur in c. *sane* 65, dist. Et quod regula debeat habere locum indifferenter etiam si in priori dispositione contraria omnes unanimiter de universitate consenserint, allato primo præallegato c. *r.* de his, quæ sunt a majori parte ca. in triplici loco. Nam in primo ibi dicitur quod in cunctis ecclesiis, quod pluribus et sanioribus fratribus visum fuerit *incunctanter* debet observari. Noto illud verbum *incunctanter*, id est sine percontatione, seu distinctione. Non ergo debet distinguere utrum prius omnes in contrarium consenserint, vel non: esset enim violare illum textum, qui non solum generaliter loquitur, sed etiam apponit illud verbum *incunctanter*. Solum ergo debet inspicere an minor pars habeat justam causam contradicendi, ut ibi dicitur in verbo: *quo circa*. Secundo hoc probat ille textus in dicto verbo *quo circa*; ubi sic dicitur: *presenti decreto statuimus, ut nisi a paucioribus & inferioribus aliquid rationabiliter obiectum fuerit & ostensum, appellatione remota prævaleat semper & suum consequatur effectum quod a majori & saniori parte capituli fuerit constitutum*. Unde pondero illa verba: *prævaleat semper*; cum enim dicat semper ridiculosum est addere ad legem; nisi primario omnes in contrarium consenserint; scivisset enim hoc dicere si voluisset legislator. Ut in simili dicitur in cap. *ad audientiam* de decimis. Et qui omnia dicit, nihil excludit XIX. dist. *si Romanorum*, et cap. *soluta* de major. & obed. Tertio adhuc clarius hoc probat ille text. in eo quod subjicit postmodum ibi: *ne constitutionem vestram impediat, si forte aliquis ad observandam ecclesiæ suæ consuetudinem se juramento dicat ascriptum*. Non enim juramenta, sed potius perjurium sunt dicenda quæ contra utilitatem ecclesiasticam & sanctorum patrum veniunt instituta. Ecce ergo casus expressissimus contra istorum assertionem.*

Nam canonici volebant ibi disponere contra antiquam consuetudinem, in qua non solum singuli omnes consenserant, sed etiam ad illius observantiam obligaverant se juramento; et tamen ibi dicitur, quod debeat statui in hac contraria dispositione iudicio majoris partis ex quo hoc suggerit necessitas vel utilitas ecclesiæ, non obstante consuetudine contraria consensu singulorum etiam jurato. Fortius hoc dicendum in casu nostro, in quo non solum in contraria dispositione concurrerat consensus singulorum; non ex sensu autem erat talis dispositio fulcita consuetudine, nec etiam corroborata juramento. Propterea, si diceremus contrarium, sequeretur magna absurditas; nam unus solus contradicere posset impedire maximam et evidentissimam utilitatem ecclesiæ, quæ plerumque exposcit ut antiquum statutum communi consensu editum tollatur, seu in parte mutetur, quod est apertissime contra mentem et verba illius cap. *r.* de his quæ sunt a ma. Nam, ut inquit canon, non debet reprehensibile judicari, si secundum varietatem temporum statuta mutantur humana in cap. *non debet*, de consanguinitate et affinitate. Posset enim sequi et aliud absurdissimum, cum enim statuta antiquorum conciliorum expediat quotidie innovare, irritare, seu mutare, et ignoremus an omnes de illo concilio tunc consenserint, quotidie enim posset nulla fieri mutatio uno solo de concilio contradicente. Abire enim illa maledicta glossa quæ destruit omnes infinitus textus, et absurditates secum adducit periculi plenas; præsertim cum virtus universalitatis consistat penes majorem partem, ut in prælegatis juribus, et plene notatur per glossam et Bartholum in l. *nullus*, ff. quæ cuiusque univ. notatur et per Innocentium et alios in cap. *cum dilecta*, de elect. et in cap. *cum omnis*, de constitut. Nec obstat si dicatur quod in illa dispositione contra illam cedulam non imminet necessitas vel utilitas ecclesiæ aut sacri concilii, quo casu debet intercedere omnium consensus, nec sufficit iudicium majoris partis, ut notat glossa, et Innocentius in cap. *cum omnis*, de const. Nam præsupposito adhuc quod illa theoria sit vera, quam tamen nonnulli improbant, de quo in dicto cap. *cum omnes*; et Joannes Andreas in regula *quod omnes tangit*, de reg. juris in VI. in quæst. mercuriali; dicendum tamen quod in hoc facto magna versabatur necessitas et utilitas ecclesiæ universalis, quia cum pecuniis Avenionensium essent paratæ galæ, et fere omnia necessaria, et oratores sacri concilii qui debebant ire ad Græciam essent ibi, et pecuniæ fere omnes paratæ, ingentissimum fuisset damnum, si propter illa minima per Avenionenses postolata debuisset locus de novo eligi, et omnia de novo parari; ad quod vix sufficeret annus, si debuissent omnia per totum concilium iterum explicari. Fuit ergo utilissimum et necessarium ut fieret illa modica dilatio pro decretatione loci & decimarum fienda. Ad prædicta enim facit cap. final. de his quæ sunt a major. par. cap. ubi valet dispositio majoris partis, etiam in his quæ competunt singulis canonicis, iuris tamen ecclesiæ, videlicet.

ANNO  
CHRISTI  
1437.

Illud non  
ex sensu  
authoris  
abundat.

par. cap.

delicet ut quilibet canonicorum teneatur aliquid de suis redditibus ad fabricam ecclesie conferre. Et tamen communi consensu fuerunt prius praebeandae singulariter singulis, et ad eorum (usus) distributae. Item faciunt notata per doct. in cap. cum omnes, de elect. ubi dicitur quod licet omnes canonici praefixerint terminum ad electionem celebrandam; nihilominus potest major pars expresse vel tacite illum terminum revocare, non obstante minoris partis dissensu. Haec autem verissima sunt; nec ullum periculum in casu nostro imminet minori parti; quia non privabatur per lapsum illius temporis totum concilium jure eligendi, quo casu potuisset unus solus in termino eligere, non obstante negligentia majoris partis, ne jus suum pereat; quo casu procedunt notata in dicto cap. cum dilecti. Et tunc universitas (jus) redidit in uno. In casu autem nostro non imminet ista necessitas; immo periculum fuisset omnia de novo per totum concilium intentari. Praeterea in cedula dicebatur quod tunc posset et deberet concilium alium locum eligere. Debent enim illa verba, cum non contingeret quid facti sed juris, verificari in toto concilio seu duabus partibus, in quibus est virtus concilii, et juxta notata per Innocentium in cap. 11. de nov. op. nun. et in l. nulli, praellegata; ad hoc quod notat Innocentius in cap. eam te, de rescriptis, ubi dicit, quod si papa mandat capitulo, quae sunt juris, puta ut aliquem eligant vel alicui praebeandam conferant, non potest unus vel duo contradicente capitulo mandatum apostolicum adimplere; quia videtur mandatum capitulo ut capitulo, non ut singulis. Secus si papa mandaret capitulo ea quae sunt facti, utpote ut mittant aliquem in possessionem vel ut provisum per papam recipiant; tunc enim posset quilibet adimplere, etiam contradicente capitulo seu majori parte, quia videtur mandatum capitulo ut singulis. Et idem videtur sentire idem Innocentius in cap. dilectus, de praebendis. Ita in proposito nostro punctualiter et fortius dicendum est. Cum enim fuerit dictum quod Avenionensibus in termino eis praefixo non satisfaciens concilium posset et deberet alium locum eligere, reservatio fuit facta concilio tanquam concilio. Non ergo contradicente concilio seu majori parte licuit longe minori alium locum eligere, cum concilium representatum per duas partes voluit persistere in priori electione supplendo omnem defectum etc. Non obstat si dicatur, quod ex quo minor pars voluit eligere, juxta dispositionem cedulae licuit majori parti, etiam uni, de novo eligere; quia totum jus devolvebatur ad minorem partem ex neglectu majoris partis. Certe ista ratio nihil valet, quia non reperitur quod major pars privetur potestate eligendi, seu aliter disponendi. Et quod talis potestas devolvatur ad minores, nisi quando major pars elegit scienter indignum in praetatum, ut c. cum tu cunctis, et c. cum Vintonen. et c. congregato, cum multis similibus de el. vel quando major pars negligit eligere in termino universitati praefixo, per cujus termini lapsum tota universitas privaretur ipso jure po-

Concilior. Supplem. Tom. IV.

testate sibi competenti et ad alium devolveretur: nam tunc minor pars, ne privetur jure suo sine culpa, potest in termino eligere, juxta no. in ca. cum nobis, de electione, et in c. ne pro defectu: Nos autem sumus penitus extra istos duos casus. Certum est enim, quod non sumus in primo, quia concilium non elegit hic aliquem praetatum indignum. Item non erat hic ab aliquo praefixus terminus concilio ad eligendum alium locum de novo, ita ut eo non eligente in termino, devolveretur eligendi potestas ad alium, quo casu potuisset minor pars sibi providere. Sed ipsum concilium dixit simpliciter, quod post illum terminum concilium posset, et deberet alium locum eligere. Non enim sibi privationis poenam imposuit si non faceret, nec etiam potuisset sibi imponere, quia nemo potest sibi ipsi imperare, l. penult. ff. de arbit. nec sibi ipsi legem imponere, a qua non liceat sibi recedere, ut in iuribus superius allegatis; nec majoris partis potestas devolvitur ad minorem partem, nisi in casibus jure expressis, quamtuncumque major pars peccet in disponendo seu eligendo; et legitur et notatur in c. bona, de elect. at in casu nostro nullibi reperitur hoc, praesertim in universali concilio, quod obtinet supremam potestatem, et nulli humanae legi iuste subicitur. Praeterea et eleganter, cum concilium non potuerit sibi ipsi legem necessitatis imponere, ut supra saepe numerum est dictum, illud verbum debeat non potest importare necessitatem, sed honestatem. Nam ubicumque aliquo respectu verbum debet non potest importare necessitatem, tunc inducit honestatem, ut est glossa rotab. in c. attendentes, de sta. regul. Et per Bar. in l. creditores l. c. de pigno. est tex. melior quam alibi, juncta glo. si. in c. 1. de spon. in pub. lib. VI. ubi tex. ultra verbum debet, addit verbum, omnino. Et nihilominus, si importaret necessitatem, sequeretur inconveniens seu absurditas, videlicet dispositio contra legem, exponitur ibi illud verbum debet in debito honestatis. Ita punctualiter et fortius dicendum est in casu nostro, si volumus quod illud verbum aliquid operetur, importare enim non potest necessitatem ratione praedicta. Item praesupposito, quod tamen nullo modo est verum, quod importaret necessitatem; attamen non imminet privationis poena, si non fiat toti concilio. Et sic non poterat minor pars tentare, quod potestas esset ad eam devoluta, si major pars nollet eligere; alias sequerentur magna inconvenientia. Certum est quod concilium, ne dum a lege humana, sed etiam divina tenetur providere salutem animarum omnium populorum. Quod si moveretur aliqua via salutis, major pars non vult super illa statuere; dicemus ne, quod minor pars hoc possit, praetendendo negligentiam majoris partis. Si ratio contraria esset vera, profecto minor pars posset, quia magis necessitat lex Dei quam lex ipsiusmet concilii; quod tamen est falsum etiam universitatibus inferioribus, quae subiciuntur legi humane. Nam ad hoc ut valeat quod fit ab universitate, oportet quod fiat a saniori et majori parte; non enim sufficit quod fit sanior quia

S s s s

debi-



ANNO  
CHRISTI  
1437.

deficit potestas universitatis, ut in dicto c. 1. de his quæ sunt a majori parte ca. et c. h. co. ti. et de elect. quia propter. Et l. Quia major ad muni. Et l. nulli, ff. quod cuiusculque uniu. cum. sim. Item sequeretur quod unus solus de capitulo posset alienare bona capitularia, prætendendo necessitatem vel utilitatem; namque capitulum debet hoc facere, XII. q. 11. aurum, et c. sine exceptione, cum sim. Si non adimplet legis præceptum major pars, posset facere minor pars; quod tamen est falsissimum asserere et periculosissimum, quia etiam in necessitatis causis debet intervenire consensus majoris partis, ut est tex. X. q. 11. ius portectum. Item adhuc pro majori evidentia posset etiam dici quod in illius cedulæ confessione non intercessit omnium consensus, quia V. R. D. protestata fuit in contrarium; et idem credo fecisse dominum meum cardinalem S. Petri. Et quamquam D. V. alias dixerit se contradixisse solum respectum civitatis Avinionensis, et non respectum alioeum ibidem contentorum, hoc (salva reverentia non relevat, primo quia primario illa cedula conscribatur propter Avinionenses, ut omnium consensu transiret illa electio, ipsis pecuniam in termino illo compræstantibus; et tamen dominatio vestra dixit nullo modo velle se consentire in Avinionem. Præterea non potest quis partem unius scripturæ approbare pro se, et partem retinere, ut ex textu no. in l. publica, ff. de liber. lega. Et in c. cum olim, de censu. Unde non potest dici quod illa cedula transivit omnium consensu; licet in hoc ego difficultatem non faciam, quia idem (valeret) si omnium consensu tamen fuisset per ea, quæ supra dicta sunt. Et quidquid sit in hac re, forte aliquibus dubitabili, concilium habens supremam potestatem ita declaravit, cui standum est, quia ejus est interpretari, cujus est condere ut in c. inter, de sen. exco. Et l. si. C. de legi. Et præsertim quia longe ultra duas partes in illa priori electione de Avinione et aliis locis tunc expressis remansit. Et ubi duæ partes concurrunt in materia, in qua non potest ad superiorem haberi recursus, præsumitur pro illa dispositione, ut nulla debeat exceptio in contrarium admitti, ad hoc in simili textu no. in c. licet in fin. de elect. facit c. si quando, eo tit. li. VI. Et c. indemnitate, eo. ti. li. Et hic sit finis de ista particula: fateor quod prolixius quam instituerim, non scripsi hic incidere; sed continere calumum exuberante in hoc materia cum iustitia non valui.

Cap. vii.

Nunc ad particulam VII. nostræ propositionis condescendo, in qua vestra dominatio invehit contra eos, qui fortassis dicunt: cur versus eos transibimus, cum in nostras non ascenderint galeas? Quid, quæso, dicitis (cum) vocabula ista nostrum et vestrum in medium afferuntur? Nonne galeæ summi pontificis galeæ ecclesiæ sunt? si ecclesiæ; cur non nostræ? Ad horum justificationem quandam adducitis similitudinem; quis enim hominum filium habens apud hostes captivum, si ad eum redimendum ac reducendum pecunias atque equum mittat,

et ille alienis pecuniis redimatur, alieno quoque equo revertatur ad patrem; num desideratum, ac diu quæsitum filium bonus repudiabit pater, quia alienis pecuniis, alieno quoque equo postliminio reductum videt? Hæc, reverendissime pater, ut reliqua ignorantium radicibus demulcent aures; omnes nempe nos reos facerent. Sed si vulnera latentia parum detegantur, apparebit delinquentium improbitas, et omnium nostrum summa iustitia, atque innocentia. Quid dulcissime pater, ecclesiæ galeas appellatis? an sunt ecclesiæ, quod ad ecclesiæ ipsius confusionem destinatae sunt? an ecclesiæ dici debent, quod in ipso suo transitu ecclesiæ divisionem, & execrabile schisma effecerunt? nonne schismaticum, & ut rectius dicam, hæreticum est, dicere duas esse ecclesiæ; unam apud aliquos, alteram apud reliquos; cum catholica ecclesiæ in symbolo confiteatur: unam sanctam catholicam ecclesiam? Pari modo detestabile est dicere, duo esse universalia concilia ipsam ecclesiam representantia; cum, representans representato, & signo signato convenire debeat juxta glo. præallegatam c. non autem, 7. q. 1. quod lucidius in hujus sancti concilii decreto cavetur. Ex quo sacrum concilium suas galeas nomine ecclesiæ universalis & hujus sacri concilii omnibus cum necessariis direxerat, ut ad certa adducerentur ipsi Græci loca per sacrum concilium legitime electa; cur nomine alterius concilii, alterius, ut ita dixerim, ecclesiæ cum oratoribus electis elandefine, potius ut officerent quam proficerent, potius ad destruendum quam ad construendum, potius ad schisma faciendum, quam unitatem procurandam, missæ sunt? Quid enim per Moysen Dominus præcepit: *separemini*, inquit, *a tabernaculis hominum istorum durissimorum*; de schismaticis ab unitate ecclesiæ se separantibus loquens; & nolite tangere de omnibus, quæ sunt eorum, ne simul percat in peccatis eorum. Et quod comminatus per Moysen Dominus fuerat implevit, ut quis se a Chore, & Datan, & Abiron non separasset, poenas statim pro impia communione persolveret. Quo exemplo, ut ait Cyprianus in c. didicimus, 24. q. 1. ostenditur & probatur compotes omnes culpæ & pænæ futuros, qui se schismaticis contra præpositos, & sacerdotes irreligiosa temeritate miscuerint. Non ergo galeæ nuncupandæ sunt ecclesiæ, quæ ecclesiæ moluntur unitatem, & auctoritatem (subvertere); & si ecclesiæ pecuniis paratæ fuerint, prohi dolor! ut ecclesiæ rescinderent unitatem. Nam & Judæi cum essent filii Abraham carne, quia non fuerunt filii ejus imitatione, non deputantur filii Abraham; sed dicuntur filii diaboli, cujus filii sunt non nascendo, sed imitando; unde a Domino audire meruerunt: *si filii Abraham estis, Abraham facite; nunc autem queritis me interficere hominem, qui veritatem loquutus sum vobis; hoc Abraham non fecit. Vos ex patre diabolo estis, & desideria patris vestri facere vultis*. Imitatio enim operis præfertur origini rei. Ex quibus satis luculenter apparet, quod illa similitudo captivi filii ex alienis pecuniis redempti

ANNO  
CHRISTI  
1437.

ANNO  
CHRISTI  
1437.

pti nostræ rei minime consentanea existit. Nam si extraneus sua pecunia filium redemisset, suo equo illum adduxisset, ut patrem perderet aut confunderet, vel sub hac imagine boni mala plurima perpetrasset, voluisset pater potius filium in captivitate fuisse relictum, suis postea sumptibus redimendum. Deus enim respicit non bonum quod fit, sed quod bene fit. Quia ut dicit Ambrosius; Non satis est bonum facere, nisi id ex bono fonte, idest ex bona voluntate proficiatur, LXXXVI. dicit non satis. Hinc dicit glossator in capitulo de collatio. *Deus est remunerator adverbiorum & non nominum*. Si enim illarum galearum missio ad bonum unionis Græcorum duntaxat tendebat; cur, quæso, a schismate habuit ortum? Cur nomen alterius concilii: cur cum litteris utcumque confectis? cur bullatio falsa adhibita? cur Avinionensibus inhibebat fuit sæpe numero ut pecunias ad galearum nostrarum expeditionem non concederent? cur salvis conductus denegatus, ab omnibus fere principibus concessus? Cur ad indulgentias noluit nobiscum Romanus Pontifex concurrere; quinimmo per vias indirectas & obliquas illas impedire visus est? Sunt ne hæc caritatis & unitatis signa? Si propter Deum & ecclesiæ suam fecit; veniat nunc, cum Græcis ad loca per concilium electa; & omnia parata erunt. Nos autem ad eum sine ecclesiæ confusione, ut supra monstratum est, accedere non valemus. Et hæc de ista VII. particula.

Cap. VIII.

Octavo inquit paternitas vestra, quod cum hii patres ex præmissis multa bona, & promovere, & impedire facile possint; caveant ne supra memoratæ sententiæ divinæ rei sint, dicentis. *Servus sciens voluntatem domini sui, & non faciens, vapulabit multis plagis*. Quantum autem datur intelligi, hæc Græcorum unio ex diffidio inter nos & summum pontificem suscitato impediri potest. Cogitemus etiam quomodo & hoc sedare valeamus; ut scilicet conservemus unitatem, ecclesiæ nostræ, & unionem perficiamus ecclesiæ orientalis. Etenim Dei voluntas maxima & præcipua, ut super omnia caritatem, pacemque, & unitatem inter se homines custodiant. Ita quidem ut nec orationes, nec elemosinæ Deo gratæ sint illorum, qui adversus fratres rancoris aliquid habent, & eis reconciliantur. Adducitis etiam literas hujus sacri concilii, ubique diffusas ad pacis persuasionem emissas. Unde dicitis cavendum ne nobis dicatur: *medice, cura te ipsum*. Et illud: *quid vides in fratris oculo festucam, & in tuo cur non vides trabem?* neque enim gentes existimabunt istos patres recto animo, sed magis ad inanem gloriam, captandosque hominum favores inter extraneos pacem quaesivisse; quod quidem, quæ est inter nos, & inter caput, & membra, discordiam non extinguimus. Et subditis hæc verba: *feminavit ille dolosus Sathan inter summum pontificem, & vos quædam incentiva diffidii, quæ usque adeo processerunt, ut nos quædam contra ipsum: ipse adversus nos fecerimus ac fecerint*. Ad hanc particulam primo, reverendissime pater, respondeo quod

Concilior. Supplem. Tom. IV.

isti reverendissimi, reverendique patres hujus sacri concilii non intendunt aliquid bonum, & præsertim reductionis Græcorum impedire, cum illam indefessis vigiliis, laboribus, & magnis sumptibus procurare ad hanc usque diem nisi sunt. Sed Deus illi vel illis parcat, qui excogitata impedimenta, & notoria introduxerunt, eligendo loca diversa, mittendo schismaticas ambasias, varia & gravia illis persuadendo. Cur, proh Deo! si tam ardentissimum erat unitatis desiderium cum tanto ecclesiæ nostræ Latine diffidio galeæ aliæ ut ad alia loca accederent eo missæ sunt? Nunquid est caritatis, & unitatis argumentum bellum domesticum, & intestinum accendere ut forissecum extinguatur? Nemo est qui non intelligat quare illæ missæ fuerunt; proh dolor! ex fide perfidiæ arma sumpta sunt. Sic Herodes dixit Magis; *ite, & investigate diligenter de puero, ut & ego veniens adorem eum*; quærens sub orationis & fidei imagine Christum natum & veritatem perdere. Hujus enim sacri concilii sub Græcorum velamine interitus queritur, ut evitetur correctio, & reformatio, & sacrorum conciliorum deinceps sepeliatur auctoritas, ut supra late satis deductum est. Quare, pater reverendissime, prima autoritas per vos allata: *servus sciens voluntatem, &c.* non nobis sed illi, vel illis commemoranda est, qui contra Domini voluntatem cum schismate, & scandalo hujus sacri concilii impedimenta varia procurarunt. Et qui faciliter ecclesiæ auctoritate salva omnia, sedare illico, si cuperent, possent. Ad id quod D. V. dixit de diffidio inter summum pontificem & sacrum concilium pace procuranda, satis supra in prima particula responsum extitit; nec opus est illa repetere. Ad ea quæ subjunxit P. V. de rancore, & de illa parabola: *Medice, cura te ipsum*, & illa de trabem in oculis. Item quod Sathanas quædam incentiva diffidii feminavit inter summum pontificem, & sacrum concilium &c. Vehementer miratur hæc sancta synodus de istis verbis, quia nullo modo convenit præstari per D. V. RR. quæ auctoritatem & sanctimoniam sacrorum conciliorum tantopere alias, verbis quidem & factis authenticis & inexpugnabilibus scripturis testimoniisque extulerit. Omnia enim hæc inserunt, quod sacrum concilium, portæ inferi subiciatur; cum illa inferant peccata mortalia, & quædam gravissima, ad quæ extirpanda radicibus ab aliorum, cordibus toto nisu laborat. Unde debuissent & potuissent per P. V. subtrahere; ac etiam deberent ex scripto revocari; illud præcipue de Sathanæ insidiis dictum, in eo quod nedum papam, sed totum concilium sacrum præsuppositum in certamine temptationis Sathanæ succubuisse, & superatos fuisse, verbum quidem in tota ecclesia durissimum nullatenus admittendum. Nam, & si humanum sit in corde temptationem petiti, juxta illud Apostoli ad Cor. *Tentatio vos non apprehendat, nisi humana*. Demoniacum vero est in temptationis certamine & in operatione superari, ut firmat B. Gregorius in ca. 1. dist. XLIX. Malignus.

S s s s 2 au-

ANNO  
CHRISTI  
1437.



ANNO  
CHRIST.  
1437.

autem spiritus solum potest peccatum in-  
mente suggerere; & si nulla peccati de-  
claratio sequatur, peccatum omnino per-  
petratum non est. Cum vero delectari ca-  
ro ceperit; tunc peccatum incipit nasci. Si  
autem ad consensum ex deliberatione con-  
sentit, tunc peccatum cognoscitur perfici.  
Unde in suggestione peccatum est semen;  
in delectatione fit nutrimentum; in consen-  
su perfectio, ut dicit textus in palea, *sed*  
*pensandum*, VI. dist. D. autem V. non solum  
dixit quod Sathanas seminavit quædam in-  
centiva dissidii inter summum Pontificem &  
sacrum concilium; sed adiecit, quod a De-  
mone illa incentiva dissidii seminata proces-  
serunt, ut nos quædam contra ipsum, & ipse  
nonnulla adversus nos feceritis & fecerit.  
Et sic apertissime demonstratur, quod illa  
Sathanæ tentatio non solum fuit semen; sed  
quod processit ad consensum & consumma-  
tionem per operis perpetrationem. Ergo  
Sathan in hoc certamine prævaluit; si præ-  
valuit, fugit a concilio Spiritus Sanctus.  
Nam, ut inquit Hieronymus contra Jovi-  
niam, peccare non possunt qui in generatione  
Domini perseverant; sicut enim dicit & nos  
miseri nequeant, sic iustitia & iniquitas;  
peccatum & bona opera, Christus & Antichri-  
stus. Si suscepimus Christum in hospitio  
peccatoris nostri, illico fugamus Diabolum.  
Si peccaverimus & per peccati januam in-  
gressus fuerit Diabolus, protinus Christus  
recedit. Unde David post peccatum: Red-  
de mihi letitiam salutaris tui, idest Spiritus  
Sancti, quem scilicet peccando amiserat,  
ut habetur transumptive in ca. si enim,  
de poenit. dist. 11. Quid ergo tibi voluit il-  
le auctoritates per P. V. & alios hujus sa-  
cra concilii patres in illa responsione: *Co-*  
*gitanti &c.* magnopere allegatæ? Et pri-  
mo illa Cælestini papæ, qui scribens ad syn-  
odum Ephesinam, ut inferri Ildorus in li.  
concilior. inter cetera dixit: Spiritus San-  
ctus testatur præsentiam congregationi sacer-  
dorum. Certum est quod legimus, quia nec  
potest veritas ipsa mentiri, cujus in Evan-  
gelio ista est sententia: *Ubi duo vel tres*  
*congregati fuerint in nomine meo, ibi &*  
*ego sum in medio eorum.* Quod cum ita sit;  
nam nec huic brevi numero Spiritus San-  
ctus deest; quanto magis interesse creda-  
mus in unum conventum, turbæ sanctorum?  
Sanctum namque concilium est pro debita  
veneratione collectum; in quo nunc Apo-  
stolorum frequentissime illius, quam legimus,  
congregationis aspicienda reverentia est.  
Et idem Ildorus in eodem lib. in gestis 111.  
synodi Toletanæ inquit: *Unde valde neces-*  
*sarium esse prospexit nostram in unum conve-*  
*nire multitudinem, habens fidem quæ dicit:*  
*Ubi fuerint duo vel tres collecti in nomine*  
*meo, ibi ero in medio eorum.* Credo enim bea-  
tam Sanctæ Trinitatis divinitatem huic sa-  
cro interesse concilio; & ita ante conspectum  
Dei in medio vestri fidem meam peruli.  
Ecce, dicebatis, beatus papa Cælestinus  
eam reverentiam habendam esse dictæ con-  
gregationi concilii, quæ debetur collectioni  
Apostolorum, utpote in cujus medio ipse  
Christus assistit, Spiritus S. & ipsa Trini-  
tas; quandoquidem Spiritus S. in conciliis

judicet, & propterea errare concilia ne-  
queant. Dicebatis testem esse scripturam  
actum apostolorum, quæ dicit: *visum est*  
*Spiritui S. & nobis.* Etiam B. Hieronymus  
comparat concilii auctoritatem soli, ut sicut  
sol suo ardore humores rivulorum desic-  
cat, ita concilium sua auctoritate omnem  
contrariam superat argumentationem; in-  
quit enim in fine disputationis contra Lu-  
ciferianum. *Poteram omnium tuarum dispu-*  
*tationum rivulos uno ecclesiæ sole siccare,*  
de auctoritate concilii generalis loquens.  
Et post multa elegantissima ibidem, subde-  
batis hæc verba: nec quisque dicere illud  
presumat, quod aliquod generale concilium  
legitime congregatum invalidum sit, aut  
errare possit; quia si hic perniciosus error  
admitteretur, tota fides catholica vaci-  
laret, nec aliquid certi in ecclesiâ haberemus;  
quia quâ ratione errare possit in reliquum,  
quoniam, ut inquit B. Augustinus, si ad  
scripturas sanctas admixta fuerint vel of-  
ficiofa mendacia, quid in eis remanebit au-  
thoritaris? quæ tandem de scripturis illis  
sententia profertur, cujus pondere conten-  
tiosæ salutaris obrectatur improbitas. Item  
post multa alia saluberrima subijungebatis  
hæc verba. Si hereticus est qui Romanæ  
ecclesiæ primatum aufert; quanto major  
hereticus ille erit, qui eam ecclesiam, in  
qua Romana continetur, super omnes eccle-  
sias, & omnes homines potestatem habere  
negat? Item & hereticum illum fateri de-  
bemus, ut dicebatis, qui putat concilium  
generale, & specialiter Constantinense ec-  
clesiam catholicam non representare, aut  
in iis, quæ ad fidem, seu ad bonos mo-  
res pertinent, posse errare. Quomodo ergo  
nunc ita paternitas vestra conciliorum au-  
thoritatem, majestatem, atque presumptionem  
ut errare non possit vehementer confun-  
dere nititur? Num de fide nunc non agi-  
tur, cum de potestate ecclesiæ conficta-  
tur? Numquid de morum reformatione, &  
de scelerum correctione, & animarum sa-  
lute nunc non agitur? quomodo ergo er-  
rare potest, quomodo Sathanæ insidius, &  
suo certamini succumbit, & hæc omnino  
credenda ab illius scriptura forent? Adver-  
tat etiam ad alia, quæ tunc omnes pari-  
ter dicebamus ad ambasiatores summi pon-  
tificis, cum vos, ut Bononiam accederetis  
pro concilio celebrando post suam præten-  
sam solutionem, seu translationem, dice-  
batis necessarium esse tam salutis animæ suæ,  
quam utilitati ecclesiæ, ut sua sanctitas dis-  
solutionem prætenfam tollat simpliciter,  
recognoscat concilium, & illi tota mento  
adnæreat; hoc enim nullatenus permitti po-  
test, tum quia fieri non potuit, tum quia  
notorie scandalizat ecclesiam, tum ne fu-  
turi temporibus detur occasio abolendi ca-  
pitulum frequens, quod ita in Dei ecclesiâ  
est necessarium, sicut oculus in capite, ut  
sine Dei & totius ecclesiæ gravi offensa,  
dissolutioni prætenfæ consentire non possi-  
mus. Nam præter alia mala, quæ dicta sunt,  
inde hoc sequeretur, quia fateremur eccle-  
siam errasse, quæ hic judicavit dissolutio-  
nem fieri non potuisse. Abrogaremus etiam  
decretum Constantinensis concilii non solum  
de

ANNO  
CHRIST.  
1437.

ANNO  
CHRISTI  
1437ANNO  
CHRISTI  
1437

de modo celebrandi concilia, sed etiam de conciliorum potestate. Ex eo enim decreto, ut sæpe dictum est, papa concilio, non concilium papæ subijcitur. Si hæc & multa alia elegantissime tunc dicebantur; cur nunc ubi majora imminet mala, major ecclesiæ, & hujus sacri concilii confusio, reformationis in capite, & in membris exulatio, conciliorum sacrorum autoritatis extinctio, & ecclesiæ unicæ execrabilis divisio, nobiscum, nobis adversantibus, non resistitis? cur nobis tam injustissime insultatur? Et ut pene infinita, quæ ecclesiæ sanctæ, & sacrorum conciliorum illam repræsentantium auctoritatem clarissime probant, missa brevitate causa faciam, quia illa scio dominationem vestram non justificaturam; attendere libeat ad dicta Ennodii Sacræ Romanæ ecclesiæ diaconi contra obreptatores sacrorum conciliorum edita, ubi inter cætera sic cavetur: *Cur in perniciem vestram laceratis sacerdotale concilium? Cur laceratis sententiam, in qua, inspirante Christo, oracula superna patuerunt, & inter Deum, atque homines interpres extitit lingua pontificum? Quid generali ecclesiæ dolorem facitis? Quid pastoris gregem lacessere præsumitis? contra quos propheta invehit inquit: filios enutriti, & exaltati, ipsi autem spreverunt me: & Dominus de Apollolis: qui vos spernit, me spernit; quos episcopos propheta fuisse dicens, de Juda dicendo: & episcopatum ejus accipiat alter. Ad idem tex. in c. suggestum, 7. q. 1. allegans illud Apostoli dictum: attendite vobis & omni gregi, in quo vos spiritus constituit episcopos regere ecclesiam Dei quam acquisivit proprio sanguine. Et in c. non liceat, 3. q. 6. ibi: Dei ecclesiæ nutu divino gubernant; de episcopis loquens. Et idem Cyprianus in c. Dominus, 18. dis. Meminisse autem diaconi debeant, quia apostolos, id est episcopos ac presbyteros dominus elegit. Diaconos autem post ascensionem Domini in celum apostoli sibi constituerunt, episcopatus sui & ecclesiæ ministros. Et idem apertissime voluit B. Clemens in epistola tua. Hoc idem B. Petrum apostolorum principem asseverasse, dicens, licet glossa de hoc disputet in c. porro, LXVI. dis. Paulus quoque Apostolus hic proclamat dicens: obedite prepositis vestris, quoniam exorabant pro vobis. Extat pariter edictum Martiani imperatoris in confirmatione concilii Chalcedonenis, in quo inter multa principia verba hæc continentur: *vere impius ac sacrilegus est, qui post tot sacerdotum sententiam opinioni suæ aliquid tractandum reliquit. Extremæ quoque demeritæ est in medio & perspicuo die commenticium lumen querere. Quisquis enim post veritatem repertam aliquid ulterius discutit, mendacium querit. Nam injuriam facit judicio religiosissimæ synodi si quis semel judicata recte disposita revolvere & disputare publice contendit. Hæc ad hanc particulam dixisse sufficiat.**

ruinam cleri cum perpetuo omnium qui hic fuerunt dedecore convertetur; & illa proinde, ob quæ concilium convocatum, est tria sancta opera imperfecta omnino dimittentur. Sed utinam in hoc insisteret infelicitatis nostre finis, ut illa tantum infecta remanerent & alia multa deteriora non succederent. Nam si negotia successerint, prout videntur initium habere, habebimus pro reformatione deformationes, quia tempore diffidii & divisionis non poterunt vitia corrigi; pro extirpatione hæresum hæreses pullulabunt & schismata, ut alter alterum vicissim appellet hæreticum; & unus dicit: hic esse ecclesiam, alius illic; pro pace magna dissidia etiam inter principes ponemus; & pro libertate ecclesiastica recuperanda in Pharaonicam a nobis ipsis forte dabimus servitutem. Hoc in effectu vult hæc particula, licet pleraque alia similia ad prædictionem verificationem sint expressa. Ad hoc RR. P. tatis supra in bona parte responsum, extitit. Fatemur namque quod multis malis potest adhuc in præsentiarum occurrere; sed nemo facilius summo pontifice adhibere potest remedium. Ipse enim, qui est præcunctis, ut supra dictum est, vices Christi agit, veniat cum Græcis ad loca per concilium electa; omnia erunt in portu tranquillo. Quid enim, pro Deo? obstat ne veniat? Si nos autem hinc ad eum extremus Romanæ curiæ abutivi, in primis remanerent incorrecti, ex quibus infinita pene animæ in animo perirent. Ponderet, quæso, P. V. quid Gregorius Theodorico, & Berto Francorum olim Regibus scribit: fertur simoniacæ heresis, quæ prima circa Dei ecclesiam diabolica supplantatione surrexit, & ipso in ortu suo zelo apostolica ultionis percussa, atque damnata est, in regni vestri finibus dominari, cum in sacerdotibus fides sit eligenda cum vita. Si enim vita deest, fides meritum non habet, B. Job attestante, qui ait: fides sine operibus mortua est. Quæ enim opera esse valeant Sacerdotis, qui honores tanti sacramenti convincitur, obtinere per premium? Et post pauca: Hic igitur non solum in ordinatoris, & ordinari animam lethale vulnus infligitur; verum etiam excellentia vestre regnum vestrorum Episcoporum culpa, quorum magis intercessionibus adjuvari debuerat, prægravatur. Si enim is dignus Sacerdotis ereditur, cui non actionis merita, sed præmiorum copia suffragatur, restat ut nihil sibi defendat industria, sed totum auri profanus amor obtineat; & dum vitia honor remunerat, in locum ultoris is, qui fortassis fuerat ulciscendus, adducitur; atque hinc Sacerdotes non proficere, sed perire potius judicantur. Habentur hæc verba, 1. q. 1. fertur. Et idem Gregorius de eodem facto. Vulnerato Pastore, quis curandis ovibus adhibet medicinam; aut quomodo populum orationis clypeo tueatur, qui faculis hostium sese ferendum exponit? aut qualem fructum de se producturus est, ejus gravi peste radix infecta est? Major ergo metuenda est locis illis calamitas, ubi tales intercessores ad locum regiminis adducuntur, qui Dei in se iracundiam provocent, quam per semetipsos placare debuerant, ut

ha-

S. dubites.

Sic.

Cap. xx.



ANNO  
CHRISTI  
1437.

habetur in cap. *Vulnerando*, ea causa, & quæst. Quæ verba quam sint periculis plena, abulibus Curie Romanæ inveteratis & qui in dies jugiter invalescunt attentis, nemo mentis compos ignorare potest. Hi enim, qui laicorum oculi esse debent, qui populi peccata eorum suffragis delere debent, qui pro plebe intercessoris officium sumunt, ipso suo ortu simoniaca hæresi adeo vulnerantur, ut eorum benedictiones in maledictiones convertantur, & orationes eorum in peccatum, testante Domino per prophetam: *maledicam*, inquit, *benedictionibus vestris*, ut transumptive habetur in c. *si qui*, LXXXII. dis. & in cap. *maledicam*, q. 1. & locorum regimini atque plebibus magnam calamitatem adducunt. Compelluntur enim ex curiæ Romanæ abulibus non modo annatam suo tempore, sed ipso initio ante possessionem habitam de proprio patrimonio, & sæpenumero ex pecuniis per usurariam pravitatem receptis, non solum valorem annuum, sed longe majorem quantitatem exsolvere. Et adeo iste morbus simoniacus irrepsit illa in curia, ut omnia fere spiritualia, sive sint beneficiorum inferiorum collationes, sive dispensationes quæcunque, velut vilissimæ merces venalitatæ vitio exponantur. Quantæque animæ tum ex ipso mortifero vitio, tum ex Pastorum defectu jugiter pereant æstimare posset nemo. Quam iniquissimam pravitatem non modo Chalcedonense, & Constantinopolitanum Concilia duo ex illis quatuor, quæ Ecclesia universalis velut quatuor evangelia veneratur, detestantur, atque gravissimis prosequuntur poenis, ut in cap. *si quis ommem*, 1. quæst. 7. & cap. *Ex multis*, ea causa, quæst. 3. sed ipse Dominus Christus Jesus eos de Templo verberibus in figuram columbas vendentium, & nummulariorum, ejecit, denotans per tam grande mysterium, quod tales peccatores non sunt in ecclesia aliquatenus tolerandi. Contra quos terribiliter Paschasius Papa in suo canone invenit, dicens: *Patet simoniacos veluti primarios, & præcipuos Hæreticos ab omnibus fidelibus respuendos; & si admoniti non respuerint, exteris etiam potestatibus opprimendos*. Omnia etiam crimina ad comparationem simoniacæ hæresis, quasi pro nihilo reputantur. Hoc ille, ut habetur 1. quæst. 7. patet. Debemus ne aliquorum resistentiæ prætextu his non obviare malis, ac infinitis aliis imminentiis, quæ supra commemoravimus satis? Non arbitramur, quod dum his sanctis operibus operam cum effectu damus, malorum, quæ memorastis, oriatur incurfus, præsertim propter Spiritus Sancti assidentiam. Ait enim Dominus noster episcopis in personis Apostolorum: *Rogabo Patrem, & alium Paraclitum dabit vobis, ut maneat vobiscum in æternum*. Si autem multorum demeritis exigentibus ob eorum cordis duritiam aliqua provenerint mala, non illa nobis erunt imputanda. Absit enim, ut Augustinus dicit, ut ea, quæ propter bonum, ac licitum facimus aut habemus, si quid per hæc præter nostram voluntatem cuiquam acciderit, nobis imputetur, 23. quæst. 5. de occidendis. Præsertim cum

propter corporum strages seu discrimina, non est animarum periculum omitendum, cum ipsæ animæ in perpetuum viaturæ ipsis caducis, & mortalibus corporibus, ac cunctis rebus, quæ in hac vita haberi possint, pretiosiores existant, 12. quæst. 1. præcipimus. Et hæc de ista particula.

Decimo, D. V. tollere nititur aliquorum motivam, qui forte dicere possent: Nunquam talia permittet Deus. Sed Deus, inquit: *Ego cogito cogitationes pacis, & non afflictionis*; & prosperari volumus eadem, quæ Deus, & nos cogitamus. Nam qui noluerit benedictionem, prolongabitur ab eo; Adversusque eos, qui fortassis dicunt: Faciamus debitum nostrum, Deus non derelinquet nos; dicitis quod debitum est prius reconciliari fratri suo; alioquin non est Deo acceptum, quod putatur bonum, nisi illud quoque consulte fiat. Invehitur etiam, contra eos, qui dicerent: Si fiat schisma, & alius pontifex, convocabitur Concilium aliud, & ibi remedium dabitur juxta decretum frequens; hæc enim dicitis. Non est bona circumspèctio, percutiamus, & vulneremus invicem, & postea ibimus ad medicum. Quid si pereat vulneratus antequam veniat medicus? quid si postquam venerit est facta incurabilis? & quedam alia similia ad hæc adducitis. Ad hæc tria in hac particula contenta RR. P. dicitur, quoad primum, satis fuit in præcedenti particula responsum; nec est quoque modo dicendum, quod sacrum concilium cogitet cogitationes afflictionis, nisi D. V. intelligere velit de ea afflictione, qua mali ad bonum redire nolentes affligendi sunt; juxta illud propheticum: *Et affligentes te affligam*. Tales enim afflictiones cogitantes, pacem etiam in consequentiam cogitant; quinimmo misericordiam, & elemosinam implere dicuntur, ut inquit Augustinus in dicto cap. & qui emendat, 45. dist. Nunquid Dominus tales afflictionis cogitationes non habebat, cum dixit per Prophetam: *Persequar inimicos meos, & comprehendam illos, & non convertar, donec deficient*. Et alibi: *destrabentem secreto proximo suo hunc persequer*? Audite Augustinum, qui contra Petilianum inter cætera sic inquit: *De persecutione vestra querela sedabitur, si cogitetis prius, & intelligatis, non omnem persecutionem esse culpabilem; alioquin vero non laudabiliter diceretur; destrabentem secreto proximo suo, hunc persequer*. Nam quotidie videmus & filium de patre tamquam de persecutore suo conquiri, & conjugem de marito, & servum de Domino, & colonum de possessore, & reum de iudice, & militem, vel provincialem de Duce, vel Rege, cum illi plerumque ordinatissima potestate homines sibi subditos per zervores levium penarum a gravioribus malis prohibeant, atque compescant; plerumque autem a bona vita, & a bonis factis minando, & seviendo deterreant. Sed cum a malo, & illicito prohibent, correctores, & consultores sunt; cum autem a bono, & licito, persecutores, & oppresores sunt. Hæc Augustinus, ut habetur in cap. qui peccat, 24. quæst. 4. Videat ergo P. V. an a bono, & licito, an vero a malo, & illi.

ANNO  
CHRISTI  
1437.

Cap. x.

ANNO  
CHRISTI  
1437.

ANNO  
CHRISTI  
1437.

illicito sacrum Concilium Papam abstinere jubeat. Consecendi ergo sunt hujus sacri Concilii Patres in hoc correctores, & consultores; non autem pacis violatores, nec odio aut rancore duci, licet fortassis aliud Romano Pontifici videatur. Nam ut idem ait Augustinus ad Bonifacium, & transumptive in cap. ipsa pietas, ea caus. & quæst. *Molestus est medicus furenti frenetico, & pater indisciplinato filio; ille ligando, iste cadendo, sed ambo diligendo. Si autem illos negligant, & perire permittant, ista potius falsa mansuetudo est crudelitas.* Ad secundum dicimus, quod illorum spes non respuenda, sed laudanda est, qui dicunt, quod faciendo debitum nostrum, Deus non derelinquet nos. Imitantur enim Prophetam dicentem: *Multa tribulationes iustorum; & de omnibus liberabit eos Dominus.* Et alibi. *In te Domine speravi, non confundar in æternum.* Sed cum subiecit debitum esse reconciliari fratri suo; dictum supra, & sæpius est, quod hæc verba non conveniunt presenti materię, quia sacrum Concilium non habet odium privatum cum Papa; quin immo omni in mente servata caritate solum querit, ut ea quæ summo Pontifici conveniunt, faciat; curiamque suam, quæ totam ecclesiam scandalizat, corrigat, & cætera agat, quæ in citatione continerentur; quæ cum iustissima sint, magis convenit pluribus illud Propheta: *Beatus, qui facit iustitiam omni tempore; & quod statim dictum est de Principe, & patre.* Ad tertium de remedio decreti frequens schismate intercedente; respondeo quod sacrum concilium non querit, maxime sub spe illius remedii frequens schisma, facere; quin immo intendit tollere schisma quod est inter Deum & infinitas animas, propter multorum deformitatum vulnera, ac etiam in ecclesia sua, ut quisque faciendo debitum, recognoscat unitatem ecclesiæ & ejus auctoritatem. Et hæc monitorii verba sonant si bene penderentur.

Undecimo, D. V. R. invehendo contra illos qui forte obijciendo dicunt: patiemur ne violari decreta nostra; contemnī auctoritatem concilii; continuari abusivis; infringi sententias hic latas; ne pari supposita concilii; non fervari pollicitationes in adhæsione summi pontificis factas, & multa hujusmodi dicitis. Quod si per processus qui incepti sunt, his omnibus provideretur, esset forsitan tolerandum; sed cum hæc cum ecclesiæ dissidio non emendentur, sed deteriora fiant; & exigat prudentia, ut aliud adhibeatur remedium, per quod, si hoc quod cupimus assequi in pace valeamus; quid nos pugnare & aliis dare pugne causam opus est? Nec dicitis obitare si forsitan dicatur: ergo nunquam fiet reformatio, nunquam fiet iustitia; semper enim similis obijcietur schismatis metus. Distinguenda enim sunt tempora & omnia cum prudentia & moderatissime faciendā; ne quod sit ad tollendum malum, aliud inducat majus. Canonum enim & doctorum una est sententia; & ratio naturalis id suadet; ubi timor est schismatis, ibi majora timeantur scandala, a correctione & executione iustitiæ est abstinendum.

Ad ista, P. R. dicitur, quod omnia mala nunc, pro dolor! ecclesiæ Dei imminetia sub verborum compendio in genere contemperaſtis; sed utinam illis remediare alia & non quædam verbalia intellexissetis. Dixistis enim in primis, quod in pace poterimus adipisci quæ pugnando obtinere nitimur. Sæpe talia verba minanter nobis data sunt, nec effectum vidimus unquam. Ad aliud enim nihil, nisi ut in pace omnia completerentur, sacrum concilium a plurimis fere annis elaboravit; sed cum monitis non proficeret, manum ad alia, non equidem gravia sed satis levia, apposuit remedia, quibus leviora tunc occurrere nequiverunt, ut scilicet, cur decreta salubria non susceperet, cur abusivos suæ curiæ non corrigeret; cur alia faceret quæ totam ecclesiam scandalizarent; excusationes si posset per se aut alium faceret in medium afferre. Potuisset ne sacrum concilium a leviori remedio inchoare; præsertim cum illa in monitorio expressa notoria esse dicantur? Quid autem ipse summus pontifex fecerit, nemo est qui nesciat. Nam pro obedientia, quam ex lege divina, a sacro concilio Constantiensi declarata, ecclesiæ sanctæ Dei exhibere debuit, saltem illa sibi imposita confutando, rebellionem contulit, jurisdictionem denegavit, dicendo, quod sacrum concilium in hoc sibi jurisdictionem usurpaverat. Dissolvit sub poenis multarum centurarum, quanto in eo fuit, hoc sacrum concilium. Sunt ne hæc toleranda? Nunquid Dei ecclesia, si silentio hæc præterirentur, non confunderetur? præsertim cum in sua adhæsione, quam huic sacro concilio solemniter fecerat, palam & rotundo ore sacrum concilium dissolvere (se) non potuisse professus est, ac debere prosequi in illis sanctis operibus, pro quibus congregatum exiit; præsertim in capite, & in membris, reformationem. Per litteras quoque suas, ut V. P. infra attestatur, sacrum concilium ad reformationem, hortatus est; primumque seipsum, ajbat, in quibus necessarium est reformari cupere, Domnesque auferre abusus. Cur nunc reformationem sui ejusque curiæ fugit? Cur jurisdictionem negat? cur ob hoc concilium nixus est dissolvere? & res pessimi exempli & nullatenus toleranda! ut citatus papa per concilium (illud) dissolvat, jurisdictionem neget. Quæ sacris conciliis relinquere-tur auctoritas? quanta male & pessime vivendi summis pontificibus tribueretur auctoritas? & quomodo impleretur Christi dictum: infatuatum sal, de omnibus apostolis & successoribus loquens, *ad nihilum valet ultra, nisi ut mittatur foras, & conculcetur ab hominibus?* Et dum subiungit D. V. ob majora & schismatis periculum a correctione ne et executione iustitiæ desistendum fore; fatemur quidem hoc, & verba sunt Augustini contra Parmenianum, ut clare habetur in cap. *quisquis*, XXIII. q. 4. ubi sic dicit: *quando cujuscumque crimen notum, & omnibus execrabile apparet, ut vel nullo proſus vel tales habent defensores, per quos possit schisma contingere, non dormiat severitas discipline.* Et idem Augustinus super Joannem sic ad propositum bellissime inquit, quid

Cap. xx.

f. negligi.



ANNO  
CHRISTI  
1437.

quid ergo voluit dominus noster Iesus Christus admonere ecclesiam, quando unum perditum inter XII. habere voluit; nisi ut malos toleremus, nec corpus Christi dividamus? & habentur hæc verba in can. quid ergo, XXIII. q. 4. Et alibi idem Augustinus ait, ut & canes in ecclesia propter pacem ecclesie toleremus; & canibus sanctum, ubi est pax ecclesie tuta, non demus, in c. quidam, ea. c. & q. Dicitur tamen nos ad schisma extirpandum, non ad illud inducendum tendere; sed si multorum improbitas, Dei iustitiam agnoscere nolens, a nobis, recte & sancte agentibus, discedere aut nobiscum esse (non) velint, schisma contra nos fecerint, ut jamdiu vidimus initium, illorum profecto duritiae non autem nostris sanctis operibus improperandum erit. Tunc enim malorum schisma præcavendum, est & a bono desistendum, cum unius vel aliquorum imminet correctio & multorum populorum strages jacet; secus si major morbus imminet curandus, quam ex scandalo timeatur... Unde Augustinus ad Bonifacium sic inter alia inquit: *verum in huiusmodi causis, ubi per graves dissensionum scissuras, non huius vel illius hominis est periculum, sed populorum strages jacet; detrahendum est aliquid severitatis, ut maioribus malis sanandis sincera charitas subveniat; quæ verba habentur in c. ipsa pietas, XXIII. q. 4. Et repetuntur in c. ut constitueretur, l. dist. Gravioribus ergo malis prius indulgere oportet. Nonne si ecclesie reformationem timore scandali contemnemus, penè animarum innumerabilem jacebit interitus? videmus enim, proh dolor! illud propheticum nostris temporibus penè verificatum: omnes declinaverunt, simul inutilis facti sunt, non est qui faciat bonum, non est usque ad unum. Omnis quippe caro pastorem defectu corrupti viam suam in genere suo. Ut enim ait Gregorius in alia particula allegatus, vulnerato pastore quis curandis ovibus adhibebit medicinam? Et idem Gregorius alibi: sicut est laudabile reverentiam & honorem exhibere prioribus; ita rectitudinis & timor Dei est, si qua in eis sint, quæ indigent correctione, nulla dissimulatione postponere, ne totum, quod abfit, corpus morbus invadat, si languor non fuerit curatus in capite, 2. q. 7. sicut. Inquit hinc alibi canon: ex merito plebis nonnunquam depravantur episcopi, quatenus proclivius cadant qui sequuntur. Capite languescente cætera corporis membra inficiuntur, 6. q. 1. ex merito. Et c. deteriores. Et propheta, si is, qui est unctus peccaverit faciet populum delinquere. Et quod fit a prælatis, facile trahitur a subditis, in ex. de voto, magna. Quid quoque Leo papa sanctissimus, & facundissimus sentiat audiamus. Miramur, inquit ipse, cur apud vos per occasionem temporis impatiati aut ambientium presumptione, aut tumultum invaluisse popularem, ut indignis quibusque & longe extra sacerdotale meritum constitutis pastorale fastigium & gubernatio ecclesie crederetur. Non enim est hoc consulere populo, sed nocere, nec præstare regimen sed augere discrimen. Integritas enim præsentium salus est subditorum, & ubi est incolumitas obedientia, ibi sana est forma*

doctrina. Et post pauca: *si in quibuslibet ecclesie gradibus providenter, scienterque curandum est, ut in domo Domini nihil spordinatum sit, nihilque præposterum; quanto magis elaborandum est, ut in eo qui supra omnes gradus constituitur, non erigeretur; nam totius familie Domini status & ordo mutabitur, si quod requiritur in membris, non inveniat in capite. Hæc ille. Unde propheta in pl. obscurentur oculi eorum, ne videant, & dorsum eorum semper incurva. Cum enim, ut testatur Gratianus in S. ut itaque, XXXVII. dist. obscurentur illi ad ferenda onera peccatorum; scilicet prælati qui debent eorum intercessionibus populorum peccata delere facile sequentes inclinantur, quia si cæco cæcus ducatur præfret, aut dominus, ambo in foveam cadunt. Hæc enim omnia mala, & utinam non deteriora, superius in aliis particulis per exorata ex curia Romanæ abutibus & malorum pastorum regimine prodire nemo ignorat. Patiemur ne tantam innumerabilem animarum stragem propter scandali periculum jacere? Quis enim major possit imminere interitus? Hic indeversiones crescunt, pullulant hæreses, frigidescit caritas, irritatur Deus; ita ut dicat quod habetur per prophetam Amos: odi & projecisti festivas vestras, & non capiam odorem cæturum vestrorum; quod si obtuleritis, in holocaustum & munera vestra non capiam, & vota pinguum vestrorum respiciam. Quæ verba exponit ibidem Hieronymus & habetur expositum XXIV. q. 1. odi & projecisti. Si quis autem sunt qui aut humana gratia, aut metu rerum perdendarum, aut inani quodam metu trepidantes, ubi trepidandum non est, ab his gravissimis & formidabilibus periculis erui, & in locum tutum reponi volunt; an eos vel reliquos salvare & eripere desistimus? Enim vero Augustinum imitari debemus, qui sic ait ad Bonifacium contra hereticos, qui dicebant se ad bonum cogi non deberi. Si enim duo aliqui in una domo simul habitarent, quam certissime sciremus rusturam, nobisque id pronuntiantibus nolent credere, datque in ea manere persisterent; si eos inde possemus erucere vel invitare, quibus imminenti illarum ruinam præmonstravimus, ut alterius redire sub ejus periculo non audent, puto, nisi faceremus, non immerito crudeles judicaretur. Porro si unus illorum nobis diceret: quando intraveritis erucere nos, me ipsum continuo trucidabo; alter autem nec exire quidem inde nec erui vellet; sed nec negare se auderet; quid elegerimus; utrum ambos ruinæ opprimendos relinquere; aut uno saltem per nostra opera liberato; alterum non nostra culpa sed sua potius interire permittemus? Nemo est tam infelix qui non quid in talibus rebus fieri oporteat facillime judicet. Item quid si plurimi essent in domo ruitura, & inde saltem unus liberari posset, atque cum facere id conaretur, alii semet ipsos præcipitio necarent; doleremus de cæteris, utrum de unius saltem salute consolaremur; non tamen ne se ipsos alii perderent, perire universos, liberato nullo, permitteremus. Quid igitur de opere misericordie, quid pro vita eterna adipiscenda & poena eterna vitanda hominibus deberemus impendere judi-*

ANNO  
CHRISTI  
1437.

Textus  
corruptus.

Sic.

Sic:

t. sentire.

judicandum est? Si pro salute ista, non solum temporali, sed etiam brevi & ad tempus exiguum liberanda nos subvenire hominibus ratio vera & benigna compellit? Hæc ille, ut habetur in cap. ipsa pietas, XXIII. q. IV. Hæc quidem per se, ut non curetur futuri periculi timor, & fortassis inanis, sufficere deberent. Sed attendite, quæso, ad alia non quidem minora. Negavit Romanus pontifex concilio ipsum citanti jurisdictionem competere; immo inquit illam sacrum concilium usurpasse. An desistendum est propter scandala, quin dicamus & defendamus usque ad sanguinem justitiæ divinæ veritatem, concilio quidem Constantiensis primario, & successore Senensi, & demum nostro Basiliensi manifestam, Dominum nostrum Jesum Christum imitando, qui discipulis dicentibus: nonne scis, quod Pharisei audito hoc verbo scandalizati sunt? inquit: finitæ, cæci sunt, duces cæcorum? Non enim curavit de scandalo pro justitiæ divinæ declaratione & defensione. Dixerat enim primario dominus: non quod intrat os, coquinat hominem, sed quod procedit ab ore, de vultu magis, & XI. q. III. inter verba. Quanto magis nos pro lege Dei & ecclesiæ universalis defensione debemus omni timore postposito murum ex adverso nos opponere. Non enim alicujus prælati persona, sed tota ecclesia lædi & confundi quivit, VII. q. 1. §. cum vero. Et quod etiam vehementer detestandum est, pro obedientia concilium sacrum, ut correctionem & reformationem effugeret, ad lares proprios transferre visus est, hæresis speciem in prædiciis versari hæsitandum non est. Nam ut Hieronymus inquit: Quicumque aliter Scripturam intelligit, quam sensus Spiritus Sancti flagitat, a quo scripta est, licet ab ecclesia non recesserit; tamen hæreticus appellari potest, ut habetur, XXIII. q. III. hæresis. Sed jam sacrum & universale Constantiense concilium declarando sacram scripturam censuit papam concilio in his quæ ad reformationem etiam ejus pertinent subiacere; cui in his quæ fidei sunt standum est, etiam si papa aliter sentiat, ut in cap. Anastasius juncta glossa, XIX. dif. & cap. sicut XV. dif. & XXIV. q. 1. §. 1. & cap. seq. Vos quoque. Idem & clara una cum aliis patribus hujus sacri concilii in illa cogitanti asseruistis. Inter cætera dixistis quod si hæreticus est qui Romanæ ecclesiæ primatum aufert, ut probatur cap. 1. dif. XXII. & in cap. nulli fas dif. XIX. quanto major ille hæreticus qui eam ecclesiam, in qua Romana continetur, supra omnes ecclesias & omnes homines habere potestatem negat? Eodem modo convincitur in non recipiendo salubria circa ecclesiæ reformationem hujus sacri concilii decreta jam edita. Videtur enim male de ecclesiæ potestate dicto capite nulli fas XIX. dif. Hinc glossa singularis dixit quod ab episcopo non servante canones potest sine alia sententia recedi, & sibi obedientia subtrahi, & hæc ratione præsumpta hæresis. Et tali præsumptione etiam facilius recessum fuit olim a papa Anastasio, ut in dicto cap. Anastasius. Unde Damasus Papa bellissime contra tales violatores sic inquit, Violatores canonum vo-

Conclitor. Supplem. Tom. IV.

luntarie graviter a sanctis patribus judicantur, & a sancto Spiritu cujus instinctu ac dono dictati sunt damnantur. Quoniam blasphemare Spiritum Sanctum non incongrue videtur, qui contra sacros canones non necessitate compulsi sed libenter, ut præmissum est, aliquid aut proterve agunt, aut loqui præsumunt, aut facere volentibus sponte consentiunt; talis enim præsumptio manifeste unum genus est blasphemantium Spiritum Sanctum; quoniam ut jam prælibatum est, contra eum agit cujus jussu & gratia sacri canones editi sunt. Hæc ille. Non pigeat contra illam hæresis speciem epistolam Tharapii Constantinopolitani episcopi ad Adrianum papam contra simoniacos destinatam audire: eos, inquit, qui per pecunias manus imposuerunt Petrus dionis apostolus cujus cathedram sortita est sanctitas tua tanquam Simonem magum deponit; tolerabilior enim est Macedoni & eorum qui circa ipsum sunt Sancti Spiritus impugnatores impia hæresis. Illi enim creaturam & servum Dei Patris & Filii idest Spiritum Sanctum delirando fatentur. Ipsi vero eandem Spiritum Sanctum efficiunt servum suum. Omnis enim Dominus quod habet, si vult vendit, sive servum suum aut aliquid eorum quæ possidet. Similiter & qui emit Dominus ejus volens esse quod emerit pretio pecunie illud accipit. Ita & qui hanc iniquam actionem operantur, detrabunt Spiritui Sancto aequaliter peccantes his qui blasphemaverint dicentes Christum in Belzeub egerere demonia. Atque verius dicamus, Judæa comparatur proditori qui Judæis Dei occisores Christum vendidit. Et infra ut plenius habetur in c. eos, 1. q. 1. Omitto brevitatis causa dicta B. Ambrosii in c. recipiunt, Gregorii in c. fertur, & in c. vulnerato, 1. q. 1. Augustini in c. vendentes, & in c. in templo, Bedæ in c. non solum, 1. q. 3. concilii Constantinopolitani in c. si quis omnem ea ca. & q. 7. Et Chalcedonenensis in c. ex multa, ea. ca. q. 3. quæ duo concilia ecclesia veneratur, & colit sicut quatuor evangelia in c. sicut, XV. dif. Et in ca. sancta 16. dif. Unum breve præfati Gregorii alibi dictum præterire sub generalitate non censui: inquit enim in regesto suo sic inter cætera: cum omnis avaritia idolorum sit servitus, quisquis hanc, & maxime in dandis ecclesiasticis honoribus vigilanter non præcaverit, infidelitatis perditioni subijcitur, et si tenere fidem, quam negligit, videatur. Habetur hoc transumptive 1. q. 1. cum omnis. Nonne ut hæc præcaveant nefandissima mala, cessentque inania pericula, tolerabilis est in cortice arboris ecclesiæ aliquid fieri contra suam integritatem vulnus; ad instar arboris, in qua contra sui integritatem ut per xam infertionem alicujus bonum producat fructum, levissimum sit vulnus, qui si non coalerit, ille quidem arefcet, sed vita arboris permanebit? Hanc enim in simili materia similitudinem induct Augustinus respectu integritatis ecclesiæ in dicto capite ipsa pietas, XXIII. q. 4. sic pro pro salute totius corporis sit nonnunquam vulnus cum alicujus membri præcisione. Et hæc de ista particula.

XII. Dominatio vestra ad Romani pontificis excusationem, ipsius tamen allegando

Cap. XII.

T t t

ver-



ANNO  
CHRIST.  
1437.

verba, dixit, quod ipse Romanus pontifex pro pace, & charitate nobiscum habenda destinavit hic duos Romanos dominos cardinales legatos, S. Crucis, & S. Petri, & per hos, ait ipse summus pontifex, obtulisse observantiam decretorum de electionibus, & annatis, de quibus tunc agebatur potissime. Petebat ut quæ pro necessaria sedis apostolicæ aliarumque sedium substitutione Synodus pollicita fuerat, & æquitati consentanea secundum dominationem vestram erant, per sacrum concilium implerentur. Alia etiam omnia per eodem obtulisse dicit, quæ honori, utilitatique huius sacri concilii, ac suppositorum ejus conveniebant, & præsertim omnem substitutionem, ac facultatem Romanæ ecclesiæ exponere, ut negotium Græcorum, juxta promissionem vestram, feliciter consummari posset. His adjecit, ut dicitis, quod ad reformationem per suas literas nos aliquando hortatus fuerat; primumque se esse qui, in quibus necessarium erat, reformari cupiebat, omnesque auferri abusus satis rectis, & licitis verbis a SS. PP. traditis & observatis; salva etiam sedis Apostolicæ autoritate, quam dolet nimium hic contemni. Conqueritur enim, ut dicitis, quod quæ summi pontifices soli exercere solebant; immo quæ defunctis pontificibus concilium non tangebant, sed referabant successoribus; hic passim, & sine delectu, tanquam autoritas papalis in ecclesia non esset, expediuntur. Hæc formaliter dixit paternitas vestra in hac particula. Ad primum respondeo, quod Romanus pontifex nunquam se obrulit servaturum decreta de electionibus, & annatis; quinimo circa decretum de electionibus per eodem reverendissimos DD. cardinales ambigue. Circa vero decretum de annatis respondit sub tali conditione, quæ ita difficilis erat, ut pene tunc impossibilis fuerat judicata: in decreto enim de electionibus dicebat se velle expectare electiones, & nil aliud: non enim apparebat quid sentiret si proximum superior illas, juxta decreti tenorem confirmaret, quinimo negare illam partem videbatur, per c. *nonne*, de præsumpt. & 25. dis. *qualis*, quam negationem tacitam factio comprobavit, cum non modo ordinariorum confirmationem, immo nec ipsas electiones debito tempore expectavit; sed repente, vacatione percepta, per viam reservationum ecclesiis illis duxerit providendum; & nonnunquam illis ecclesiis, in quibus sciebat electionem esse factam, alios per viam provisionis intrusit. Quantum vero ad decretum de annatis respondit se illud velle servare; dummodo prius per concilium fieret sibi provisio, quæ per omnes nationes & provincias cum effectu acceptaretur. Res mira? quid enim si una minima provincia deficeret, quæ huic nolle assensum præstare? an deberet rotius ecclesiæ salubris impediri provisio? Præterea quam difficillimum foret, & minus honestum, quod sacrum concilium mitteret per omnes nationes & provincias ad exquirendum consensum, ac si non haberet facultatem & necessitatem imponendi, nemo est qui neficiat. Non enim defecissent juris remedia

ad eorum, qui tunc resistissent, compulsionem. Et si dici posset, quod hæc provisionis petitio, quanto ab omni jure & observantia incognita est, minus justa foret; nunquid Christus ecclesiæ sanctæ caput & sponsus habuit ab apostolis loculos separatim? num constituit sibi aliquos censuarios præsertim suos apostolos? Legimus enim, ut inquit Augustinus, Dominum loculos habuisse; a fidelibus oblata & suorum necessitatibus, & aliis indigentibus tribuebat, XII. q. 1. *habebat*. Num aliud fecit Petrus primus Christi vicarius sanctitate mira refulgens? Nam ut attestatur B. Clemens in epistola, & habetur XII. q. 1. *dilectissimis*. Erat multitudinis creditum cor unum, & anima una, nec quicumque eorum de his quæ postidebat aliquid suum esse dicebat, sed omnia illis erant communia. Omnes vero, qui domos, aut agros possidebant eos, vendebant, & pretia eorum, & reliquas res quas habebant offerebant, ponentes ante pedes apostolorum, & apostoli dividebant linguis, prout cuique opus erat. Anne tunc erat aliqua in sumptibus inter illos apostolos & sanctos viros discretio? Anne Petrus tanquam Cephas & caput vindicabat sibi plurimas præ aliis portiones? Nonne, ut cæteri Apostoli, processu temporis, in suam sortem lapsi Antiochiam, demum & justificatione Domini urbem Romanam? num de aliis ecclesiis reliquis Apostolis assignatis exlegebat centum, aut provisionem nunc per modernum pontificem postulabat? Videat sua sanctitas an quod SS. PP. statuerunt ut bona per fideles oblata non sicut prius venderentur, sed ecclesiis matricibus conferrentur. Non enim ad ditandum quemcumque, sed ad subveniendum egentibus, XII. q. 1. *videntes*. Hinc Apostolus dixit: *vestro, & vestri bis contenti sumus*. Non pigeat recentere quod illud saluberrimum Antiochenum concilium c. XXXV. statuit super reddituum ecclesiæ dispensatione, quod ad propositum habetur in c. *episcopi ecclesiarum*, XII. q. 1. Demum successivis temporibus sacri canones, tota ecclesia approbante, saluberrime statuerunt, ut de cuiusque matricis ecclesiæ redditibus quatuor fierent portiones; una videlicet episcopo, & familie ejus, propter hospitalitatem, atque susceptionem. Alia clero. Tertia vero pauperibus. Quarta ecclesiis reparandis, ut legitur in c. *concesso*, c. *quatuor*, c. *de redditibus*, c. *cognovimus*, c. *mos*, c. *scimus*, cum aliis similibus XII. q. 2. Num fuit statuta quinta portio, quæ deberet Romano pontifici assignari? minime. Et si tum deficerent ecclesiæ Romanæ bona temporalia, non fuit hæc provisio ab aliis ecclesiis facta. Numquid hodie faciemus; quandoquidem non solum magna spiritualitate, sed etiam ingenti temporalitate abundat? Subjiciemus ne omnes orbis ecclesias huic servituti, ut Romanæ ecclesiæ censuarie atque tributarie existant? Nonne hoc esset ecclesiæ universalis statum deformare, sicut in simili dicit glossa in c. *dilectissimis*, XII. q. 1. Advertat summus pontifex ad dicta Prosperi in lib. de vita contemplativa, ubi inter alia sic ad nostrum propositum ait:

ANNO  
CHRIST.  
1437.

Adversus  
has calum-  
nias Pon-  
tif. Rom.  
egregie  
vindicat  
Æneas  
Sylvius in  
Dial. de  
Constant.  
Donat. cu-  
jus frag-  
mentum in  
Appen ad  
hanc ora-  
tionem da-  
bo.

ANNO CHRISTI 1437.

ANNO CHRISTI 1437.

pastor ecclesie his, quibus sua sufficiunt, non debet aliquid erogare; quandoquidem nihil aliud sit habentibus dare, quam perdere, nec illi, qui sua possidenter dari sibi aliquid volunt, sine grandi suo peccato, unde pauper victurus erat, accipiunt. De clericis quidem Spiritus S. dicit: peccata populi mei comedunt; sed sicut nihil habentes proprium, non peccata sed alimenta, quibus indigere videntur, accipiunt; ita possessores non alimenta, quibus abundant, sed aliena peccata suscipiunt; hæc ille. Quæ verba habentur 1. q. 3. pastor. Imitetur denique apostolum, qui, ut pseudoapostolis malignandi occasionem tolleret, a sumptibus ecclesie etiam licitis abstinebat. Et si quo tempore aliqua necessitas sibi immineret, non deerunt juris remedia, quibus & decimas, et alia subsidia imponere poterit, ut in cle. 2. de deci. Et in c. cum secundum Apostolum, de præben. Ex quibus patet quod Romani pontificis petitiō nulli æquitati, aut rationi consentanea fuit. Debuisset saltem prius recipere sacri concilii decreta, & postea præstolari provisionem quamcumque, sacri concilii; quod profecto, si ejus bonam vidisset intentionem, in nullo sibi defuisset; quia præsentibus necessitatibus extantibus satis atque abunde occurrisset. Illæ enim annatæ instante tunc temporis necessitate indicæ extra omnem juris dispositionem fuisse; quia omnino nunc cessante cessare utique debent. Ut enim suis decretis Innocentius ait, quod pro remedio ac necessitate temporis statutum est, prius constat non fuisse; quod ergo necessitas pro remedio reperit, cessante utique necessitate cessare debet pariter quod urgebat; quia aliud est ordo legitimus, aliud usurpatio, ut habetur 1. q. VII. quod pro remedio. Et nunc præsertim revocandæ & extinguendæ sunt, cum in majorem abusum illas vergere conspiciamus: cum non modo suis temporibus exiguntur, scilicet post habitam possessionem provisi & certis temporis infra annum; sed in ipso initio antequam literæ haberi possint; & sic promotionis tempore, ut potius pro ipsa promotione, quam pro subsidio aliquo exigi videantur. Consideret Romanus Pontifex, quod olim summi pontificis electio præsentabatur Imperatori, & cum ejus conscientia & jussu consecrabatur electus; & tempore ipsius præsentatæ electionis ipsi Imperatori, juxta antiquam consuetudinem, certa pecuniæ summa per ipsum electum seu ejus nomine dabatur, ut est textus cum glossa in cap. Agatbo, & cap. quia sancta, LXIII. dis. Equum enim videbatur, ut aliqua Imperatori beneficiorum reciprocatio fieret. Dabatur enim ille non pro consensu habendo, sed in recognitionem beneficiorum Romanæ ecclesie a principibus collatorum. Quod quidem nullo alio tempore congruentius fieri videbatur, quam cum electio pontificis confirmari debebat. Sed cum postea temporibus depravatis cœpisset illud importune & tamquam debitum erigi; ita ut videretur potius pro ordinatione, quam in beneficiorum compensationem dari; peroptimum visum fuit papæ & tunc temporis imperatori ut

Concilior. Supplem. Tom. IV.

illa retributio amplius non ferret, ut notat Archidiaconus in dicto c. Agatbo. Si ergo Imperator a jure suo recessit, ne quispiam sinistri in datione & collatione spiritualium præsumeret; quanto fortius debet hoc ipse summus pontifex facere, qui bonorum omnium debet esse speculum atque exemplar? Hinc concilium Eliberitanum: emendari placuit, ut qui baptizantur, ut fieri solebat, nummos in concam non mittant; ne sacerdos quod gratis accepit, pretio distrabere videatur, 1. q. 1. emendari. Ratione etiam temporis id quod alias licitum erat reprobatum, ut ibi notat glossa. Et hoc de prima parte hujus particulæ.

Aliud autem quod P. V. connectit Romanum Pontificem per eosdem RR. DD. Card. multa alia quæ honori & utilitati hujus sacri concilii conveniebant obtulisse; quandoquidem omnem substantiam & facultatem Romanæ ecclesie pro negotio Græcorum paratus erat exponere, ut juxta sacri concilii promissionem valerent negocium consummari feliciter. Vellet quidem sancta synodus quod sua verba operibus comprobasset; sed rerum exitus edocuit, quod illa, si qua dixit, & sincero & puro corde minime processerunt. Nam illam sacri concilii promissionem Græcis factam vitius est semper infringere, prohibendo ne Avinionenses pecuniam compræstarent, denegando saluum conductum & in indulgentiis concurrendum; & tandem misit galeas ut ad se illos adducerent, ut illorum colore hoc sacrum concilium dissolveret, correctionem & reformationem evitaret, & conciliorum auctoritatem totaliter intrinqueret. Hæc eadem ita nota sunt, ut nulla hominis persuasionem indigeant.

Quod autem adnectitis tercio, quod sacrum concilium hortatum fuit ad ecclesie reformationem, & seipsum primum exhibuit reformandum, & tollerentur curiæ Romanæ abusus. Pro Deo d. si hoc ex corde dixit, cur illico cum sacrum concilium ipsum & ejus curiam tergit refogit, recalcitravit, & omnem sacro concilio jurisdictionem denegavit, quam primo in sua adhæsione, & in sua obligatione per vos allegata apertore professus est? Nemo est, qui has artes non cognoscat; verbis quidem rudes decipiuntur, sed intelligentibus non leve est dare verba. Nam etiam ex corde loquebatur, cur ipse tanquam summus pontifex & vicarius Jesu Christi seipsum non corrigit, suæ curiæ abusus non extirpat, & non præstolatur ut ab aliis reformetur? Non pigeat proprios errores corrigere, qui positus est ut aliorum corrigat errores, vel saltem patienter, toleret ut a S. synodo, ut par est, & ipsemet pollicitus est, corrigatur.

In ultima parte hujus particulæ dixit dominatio vestra, quod summus pontifex dolet & conqueritur quod ad multa hoc sacrum concilium manus apposuit, solita per concilia etiam vacante papatu summis pontificibus futuris reservari. Ad hoc enim respondet, quod omnia hæc attentata & horum majora legimus & aliqua vidimus per sacra concilia explicari & agitari. Vidimus enim & legimus summos pontifices in causa hæresis, schismatis & alterius crimi-

T t t t 2 nis



ANNO  
CHRIST.  
1437.

nis ad generalia concilia evocari, & ibidem aliquando se purgasse; nonnunquam absolutos fuisse. Aliquando autem, & saepenumero etiam diebus nostris, vidimus deponi, ut in cap. *si papa*, cum glossa XL. dis. in §. *nunc autem*, cum glossa sua. XXI. dis. XVII. Hinc colligitur, & II. q. XII. §. Item cum Balaam V. Item Hieronymus refert. Et II. q. v. *mandastis*. Et cap. *audirum*. Et LXXIX. dis. *si duo contra jus*, iuncta glossa per Archi. in cap. *In fidei favorem*, de hære. l. VI. cum sim. Ac etiam obedientiam sibi fuisse subtractam, ut in cap. *Anastasius* XIX. dis. Et hodie ultra prædicta jura habemus saluberrimum decretum concilii Constantiensis. Legimus insuper Cardinales fuisse in synodo depositos a patribus de concilio, ut papamet refert in cap. *ex gestis*, de cleri. non resid. Insuper patriarcham absque restitutione etiam legimus a Synodo Chalcedonensi fuisse damnatum, ut in cap. *in tantum*, XX. dis. & cum damnarunt sancti patres concilii, ut ibi. Episcopos multos legimus & damnatos & repositos per sacra concilia, ut in cap. *Joannes Chrysostomus*. Et in aliquibus libris est palca L. dis. & XII. q. III. *Si quis episcopus*, & V. q. IV. nullus episcopus. Item Synodus excommunicat, & sic exercet censuram ecclesiasticam, XI. q. III. *certum*, & in cap. *si quis episcopus*, & cap. *sicut*, de hæretic. Et Gregorius vir sanctissimus & doctissimus dixit: cunctas vero, quas præfata veneranda concilia personarum respuunt, respuo, & quæ venerantur amplector, quia dum universali sunt consensu constituta, se & non illa destrui quisquis præsumpserit abolere quos ligant, aut ligare quos absolunt. Quæ verba tamquam multum generalia satis notanda sunt. Apostoli quoque simul, non tantum Petrus, primum episcopum post Domini resurrectionem elegerunt, videlicet Matthiam in locum Judæ, ut patet in Apostolorum actibus, & in capite, clericos in princ. 21. distin. ubi dicitur quod Cleros, & Clericos hinc appellatos concedimus, quia Matthias electus est, quem primum per Apostolos legimus ordinatum &c. Quod autem Matthias fuerit in episcopum ordinatus patet per illa Psalmistæ verba: Et Episcopatum ejus accipiat alior. De episcopatu Judæ loquens, ut interpretatur scriptura in Actibus Apostolorum, & supra latius dixi. Deum successive in singulis civitatibus Episcopos, & presbyteros Apostoli ordinarunt. Levitas etiam per eosdem Apostolos ordinatos legimus, quorum maximus fuerit B. Stephanus. Subdiaconos quoque, & Acolytos Ecclesia procedente tempore sibi constituit. Hoc legitur 21. dist. §. primo in fin. Certum quidem est, quod Episcoporum coetus in locum Apostolorum surrogatus est, ut in cap. *In novo*, 21. dist. & in cap. *Quorum vices*, 69. dist. & in cap. *Dominus*, 93. dist. & in c. *Manus quoque*, de consec. dist. 5. cum sim. Eadem ergo potestate funguntur, ut inquit Augustinus in dicto capite, *Quorum vices*, & textus in dicto capite Magistr. & in aliis proxime allegatis. Hinc dicit textus notabilis in cap. *Urbes*, 80. dist. quod urbes &

loca in quibus Primates præsidere debent non a modernis sed multis ante adventum Christi sint statuta temporibus, quorum primates gentiles etiam pro majoribus negotiis appellabant. In ipsis vero urbibus post adventum Christi Apostoli, & eorum successores patriarchas & primates instituerunt. Ad idem vide alium textum notabilem in cap. *Nulli*, 99. dist. Non ergo hæc potestas a sacris Conciliis aliena est, quam Sanctos Apostolos, & successores exercuisse legitur, qui hoc non fecissent, si potestas eis non adfuisset, ut in simili dicit textus in cap. *Lugdunensis*, IX. quæst. 2. & non mirum, nam & ipsa Summi Pontificis electio ipsi Sacro Concilio delata est, ut in cap. fin. 79. dist. & in cap. *Quia Sancta*, 63. dist. & alibi dicit textus notabilis, quod dispositione Apostolorum ordinante Domino primitus Episcopi sunt constituti, ut habetur in cap. *Uno*, VIII. quæst. 5. Præterea sacra Synodus nomine ipsius Synodi canones edit ad correctionem Ecclesiæ; dicit enim textus in cap. *Habeo librum*, 16. dist. quod Synodus divinitus inspirata verum Constantinopoli congregata est, & canones novum. C. III. \* ad correctionem Ecclesiæ promulgavit, & loquitur de Concilio Constantino-politano, quod est unum de illis quod Ecclesia, ut sancta Evangelia, veneratur & colit, ut in cap. *Sicut*, 40. dist. & in cap. *Sancta octo*, 16. dist. Quinimmo videtur vel textus Gregorii in dicto cap. *Sicut*, & professio, quam solebat facere Romanus Pontifex, ut habetur in dicto cap. *Sancta*, 16. dist. quod Papa non possit in aliquo mutare, violare, seu mutare statuta universalium Conciliorum. Archidiaconus tamen post Hagonem in dicto cap. *Sicut*, illum textum in hoc restringit in his, quæ ad fidem pertinent, & salutem, & generale statum Ecclesiæ. Et hoc dicit per illa verba ibi, *fidei structura confurgit, & cujuslibet vitæ actionis norma consistit &c.* Optime ad prædicta faciunt verba Leonis Papæ in cap. *Requiritis*, 1. quæst. 7. ibi: quod jam multis est damnatum conciliis nulla, possumus penitentia subvertere, & tot spiritualibus patribus obviare; sed in illorum patrum sententia me invenire. Nec ibi agebatur de illis tribus, ad quæ Archidiaconus restringit illum textum in dicto cap. *Sicut*. Ad idem cap. post translationem, de renun. Item alibi Leo Papa: *Privilegia ecclesiarum, & monasteriorum, Sanctorum patrum auctoritate instituta nulla possunt auctoritate convelli*, nulla novitate mutari; in quo opere auxiliante Christo fideliter exequendo hujus S. Sedis Pontificibus necesse est perseverantem exhibere summatum, quæ verba sunt valde notanda. Nam etiam fateat, quod ultra illos tres casus, per Archidiaconum supra narratos, possit Papa venire contra Conciliorum statuta; non tamen potest hoc sine causa rationabili facere, ut notanter dicit Gratianus §. *Hic ita* l. XXV. quæst. 1. ibi, *valet ergo, ut ex præmissis, colligitur sancta Romana ecclesia quolibet suis privilegiis munire, & extra generalia decreta quædam speciali beneficio indulgere, considerata tamen rationis æquitate, ut quæ mater ju-*

ANNO  
CHRIST.  
1437.

\* Capita ista CCI. non quidem a Constantinopolitana Synodo, quæ ecclesia ut sacra Dei evangelia veneratur condita sunt, sed in alia synodo, quam latina ecclesia respuit, & sub nomine Quinifexte innotescit. Quare hic alteram pro altera synodo accepisse Patrum notat. Hinc quæ res sit in scientia canonica historiam ecclesiasticam recte calere.

ju-

ANNO  
CHRISTI  
1437.

ANNO  
CHRISTI  
1437.

Vitiata le-  
dio.

*bitia est, in nullo ab ea dissentire invenia-*  
tur: Hæc ille. Videatur etiam in cap. *Ni-*  
*cæna*, XXXI. dist. ubi dicit textus, quod Ni-  
cæna Synodus volens corrigere vitam ho-  
minum in Ecclesiis commorantium leges e-  
didit; & infra: Hinc Papa Concilia appel-  
lat sancta tum propter auctoritatem, tum  
propter Spiritus S. assistentiam, XVI. quæst.  
2. *Vitis*; & in dicto cap. *Sancta*, & XCVI.  
dist. *bene quidem*, cum multis similibus. Item  
Chalcedonense, & Constantinopolitanum.  
Concilia fecerunt statuta supra simoniam, 1.  
quæst. 111. *Ex multis*, in textum, & in cap.  
*Si quis omnem*, 1. quæst. 7. Item super Mo-  
nialibus XX. quæst. 3. *Virgines*, & ut to-  
tum complectar, etiam super universali Ec-  
clesiæ statutis, ut in cap. *Quæ ad perpetu-*  
*tum*, & in cap. *sunt quedam*, XXV. quæst.  
1. Potest etiam immutare formam Sacra-  
mentorum etiam vacante sede apostolica, de  
qua per Archid. in cap. *porro*, XVI. dis.  
Audit causas speciales, & etiam matrimo-  
niales, & eas decedit, & debitam poenam  
transgressoribus imponit, ut in cap. 1. de  
sponsal. & cap. *certum*, XI. q. 111. ibi l. *si*  
*ante finita cause sue examinationem a Syno-*  
*do abire præsumit*, ut in cap. *in loco*, V. q.  
IV. & in cap. *Quisquis*, IV. q. V. in ver-  
bo *si autem*, ubi patet quod etiam quilibet  
episcopus, etiam criminaliter potest ad u-  
niversalem Synodum evocari, ut ibidem cau-  
sa terminetur. Et videtur ibidem innuere  
textus quod major sit contumacia in non  
comparendo ad citationem universalis Sy-  
nodi, quam alterius tribunalis. Et sic vi-  
detur quod indifferenter possunt causæ agi-  
tari in Synodo. Et non mirum; nam sicut  
ad concilia provincialia omnes deferuntur  
indifferenter cujuslibet provinciæ causæ, ut  
in cap. *Scito*, VI. quæst. 3. eodem modo  
& fortius in Concilio universali totius uni-  
versi causæ deferri possunt, ut patet in ju-  
ribus superius allegatis; & in dicto Cap.  
Joannes, L. dist. Nam & Christus suæ Ecclæ-  
tiæ, per generale Concilium representatæ,  
universaliter jurisdictionem tribuit per illa  
verba: *si peccaverit in te &c. dic Eccle-*  
*sia. Qui autem Ecclesiam non audierit, sit*  
*tibi sicut Ethnicus, & Publicanus*, Matth.  
XVIII. ubi submitit Christus: *Amen amen*  
*dico vobis quæcumque alligaveritis super ter-*  
*ram, erunt alligata in celo, &c.* Per quæ  
verba patet, quod sacris Conciliis compe-  
tit etiam jurisdictio coercitiva. Quod illa  
auctoritas non loquatur de solo Papa, pa-  
tet ex illis verbis quæ immediate submitit  
Christus: *Amen amen dico vobis &c.* Et a-  
perite voluit Hieronymus in cap. *Omnibus*,  
XXIV. quæst. 1. Quinimmo dico, quod  
non legitur in aliqua parte Evangeliorum,  
quod Christus ita aperte dedit potestatem  
coercitivam Petro, sicut dedit ipsi per Epi-  
scopos, representatæ, ut supra dixi. Ex  
quibus patet, quod Sacrum Concilium po-  
test in suis gestis exercere potestatem coer-  
citivam. Ad idem XI. quæst. 111. *certum*,  
ubi excommunicantur non venientes ad sy-  
nodum, & sacerdotalibus respuens præcep-  
tis obedire. Statuit insuper concilium su-  
per electionibus, ut in cap. *Ofus*, & in  
cap. *cum in cunctis*, de elect. Item super päl-

lendi modum in ecclesia, ut in cap. *De his*,  
XII. quæst. & cap. *Placuit*, VIII. dist. Et  
leges Concilii dicuntur leges Ecclesiæ, ut  
in cap. *Leges*, 111. quæst. VI. ubi dicit Pa-  
pa: *leges Ecclesiæ Apostolica firmamus au-*  
*thoritate*. Hoc potest intelligi secundum ver-  
ba cap. *Significasti*, de elect. Quod au-  
thoritas, quam Papa præstat Conciliis il-  
la confirmat illis, & constitutam Con-  
cilio; non autem per illa verba proba-  
ta videtur concilium generale absque pa-  
pæ auctoritate possit illis facere; sed at-  
tentis capitulis præcedentibus, illud cap.  
*legens*, & cap. seq. quæ tractant, & inhi-  
bent referre ad judicia peregrina. Dicit e-  
tiam Gratianus, allegando verba Sixti Pa-  
pæ, quod illud Apostolica auctoritate con-  
firmat, & peregrinas, idest alias, quæ non  
sunt ecclesiasticæ, seu per Ecclesiæ factæ  
submovere, nec forte sufficere pro auctorum  
Concilio firmitate sola convocatio Con-  
cilio facta per Papam, cum sola congregatio  
non videatur sufficere. Ad quod faciunt ver-  
ba cap. *Synodum*, ubi cum dicit facere r.  
... ibi cum dicitur adum est. Et ibi cum  
dicitur interfuit, & ibi cum dicitur fultum,  
& cap. *multis*, ubi cum dicitur celebrari;  
& ibi cum dicitur talia, quod vult dicere,  
idest celebrare Concilium, quod dixit su-  
pra consummatum. Et in cap. *Concilia*, ibid.  
cum dicitur præsentiam papæ non habue-  
runt, quæ verba suprasignata demonstrant,  
quod papa nedum habet congregare Con-  
cilium, sed etiam facere, agere, interesse,  
fulcire, celebrare, præsidere Concilium, &  
in ipso Concilio; cum certum sit quod pro-  
prie, significatione verborum prædictorum in-  
specta, facere Concilium non est congrega-  
re. Et sic nec agere non est congregare,  
nec interesse non est congregare, nec ful-  
cire non est congregare, nec celebrare non  
est congregare, nec præsidere non est con-  
gregare, quæ ita capita sunt XVII. dist. Pro-  
pter quod dubito, quod etiamsi Concilium  
fuerit congregatum auctoritate papæ, quod  
ipsum Concilium absque papæ voluntate ta-  
cite, vel expresse possit illis condere, &  
per maxime ipsius potestatem, nec præmi-  
nentiam restringentes. Facit ad prædicta c.  
*dudum ut*, VIII. quæst. VI. ubi celebrari &c.  
Et sic videtur etiam quod sine Papa possit  
Concilium leges condere; dommodo sit le-  
gitime congregatum. Non enim ad validi-  
tatem, & robur eorum, quæ in Concilio a-  
guntur requiritur præsentia Papæ, aut suo-  
rum legatorum; sed satis est Concilium esse  
auctoritate Romani Pontificis congrega-  
tum, ut dicto cap. *leges*. Ad idem cap. 1.  
& 11, & cap. *multis*, XVII. dist. & cap.  
*dudum*, 111. quæst. VI. & in c. *nullas*, VI.  
quæst. 111. Quinimmo & Sacrorum Con-  
ciliorum auctoritate, & statuto processit, ut  
sine Romani Pontificis auctoritate Concilia  
minime congregentur, ne fortassis quilibet  
pro suo libro auderet Concilia congregare,  
quorum exitus scandala generare potuissent,  
ut patet in dictis cap. *multis*, & *dudum*,  
ubi dicitur quod tam a SS. Apostolis, quam  
aliis SS. Patribus institutum fuit, ut non  
congregetur Concilium generale sine au-  
thoritate Romani Pontificis. Et si bene præ-  
dicta



ANNO  
CHRISTI  
1437.

dicta ponderentur, nil jurisdictionis in Ecclesia Dei est, quod per sancta Concilia legitime congregata exerceri non possit. Quinimmo Papa per se in Concilio praesidens allegat non solum in agendis consilium, sed etiam consensum, & auctoritatem Concilii. Ad hoc XXXIII. dist. in cap. *In nomine Domini, V. quod si quis*, ubi inter alia haec verba dicit Papa. *Si quis contra hoc nostrum decretum Synodali sententia promulgatum &c.* Item in depositione duorum Episcoporum his verbis usus est. Igitur decernente nobiscum sacra Synodo in praesentia depositi, & ab officio sacerdotali excommunicati, atque a regimine Episcopatus alienati indubitanter exsistant, ut habetur II. quest. I. *Sclerus*. Ad idem cap. *nimis*, de iurejurando, ubi Papa dicit: *auctoritate Concilii prohibemus, &c.* & in cap. *bene quidem*, XCVI. dist. ubi Papa in Concilio existens sic ad Concilium inquit: *Potest nostrum judicare Concilium*, post principium. Et sic etiam in Papae praesentia potest Concilium judicare. \* Ad idem ibi sancta Synodus, ubi congregatio praetoratorum sine Papa, ejus tamen auctoritate inita appellatur Synodus. His etiam addenda sunt, quae in simili notat Archidiaconus in § I. dist. XVII. ubi dicit quod aliud est statutum Concilii de consensu Fratrum nostrorum; secus si dicat de consilio Fratrum nostrorum; nam tunc statutum refertur ad ipsum Archiepiscopum, quia consilium non necessitat, ut in cap. *cum olim*, de arbitris, & cap. *cum in veteri*, de electione. Ita dicendum in simili, quod ubi Papa dicit: *statuimus de consensu Concilii, vel nobiscum decernente concilio*, vel per verba similia, quod statutum illud est potius Concilii, quam ipsius Papae. Ex quibus patet, quod Papa non dolere, aut conqueri de hoc Sacro Concilio debet, sed gratias agere, cum multa alia grandia agere potuerit, a quibus tamen abstinuit.

Et si dicatur, quod indulgentias concesserit plenarie, quas Papa dumtaxat indulgere consuevit; responderetur primo & concilium Senense jam fere similes indulgentias concessit, sub his verbis: *Sacrosancta generalis Synodus Senensis, in Spiritu S. legitime congregata, universalem ecclesiam representans &c.* statuit, quod quicumque capientes haereticos, & in potestatem ordinariorum vel inquisitorum haeretice pravitatis effectualiter ponentes, vel eos, quos retinere, seu capere non possent, de eorum territoriis omnino expellentes, aut bannentes, seu etiam requisitis brachium seculare contra tales praestantes, eam indulgentiam consequantur, quae dari consuevit proficiscentibus in subsidium Terrae Sanctae. Haec autem, quae in subsidium Terrae Sanctae dari consuevit, plenariam fore nemo est qui nesciat, ut aperte notatur in cap. *ad liberandam*, de haereticis. Et erat illa Senensis Synodus in foribus, ut ita dixerim, Romanae Urbis, in qua tunc Martinus Papa residebat, nec clamasse apparet. Praeterea satis jure defendi potest has indulgentias sacra concilia concedere posse. Primo per ea, quae notat Innoc. in cap. *quod autem* de poenit. & remis. ubi tractans de his indulgentiis etiam plenariis inter caetera quae

rit, unde habetur, quod papa vel alii praetati has indulgentias concedere possint; & dicit, quod e speciali privilegio Christi per illa verba concessio: *quodcumque ligaveris super terram*. Sicut enim potest ecclesia facere statuta ligando eos, qui alias non essent ligati, nisi constitutio esset; sic potest facere constitutiones absolviendo. Et subiicit: *& non mireris, quod in veteri testamento has indulgentias non concedebant*, quia apud illos Sacerdotes non erat potestas clavium, nec ligandi, aut solvendi: Et sufficere nobis debet, quod ecclesia sic consuevit facere; & licet non habeamus ita manifesta testimonia ante tempora Gregorii, tamen credendum est secundum eum quod & ante concedebantur, licet non ita frequenter. Ante enim tempus Gregorii omnes christiani qui erant catholici, erant ita perfecti quod raro his indigebant. Item addunt pro ista potestate concedendi has indulgentias, quia apostoli majora his conferrebant suis, quia sanabant infirmos secundum eum. Et submittit septem necessaria ad hoc ut valeant huiusmodi indulgentia. Et ponit pro primo potestatem ligandi atque solvendi, quam dicit esse apud praetatum etiam malum. Ex quibus verbis Innocentii satis potest elici, quod sacrum concilium, ecclesiam totam representans, potest indubie tales etiam indulgentias plenarie concedere. Primo, quia dicit, harum virtutem prodire ex illo privilegio ligandi & solvendi per Christum tributo. Certum autem quod illud privilegium fuit principaliter ecclesiae, licet in persona beati Petri collatum, ut firmat Augustinus in ca. *quodcumque*, XXXIV. q. I. Et non solum in habitu, sed etiam in actu & exercitio, ut voluit aperte Hieronymus in ca. *omnibus*, eodem cap. & quest. Et supra ex multis monstratum est. Et hoc idem aperte sentire videtur Beatus Cyprianus episcopus & martyr, & scientia doctissimus, ut colligitur ex suis dictis relatis in c. *loquitur* 24. q. I. ubi inter caetera sic dicit: *loquitur Dominus ad Petrum: ego dico tibi, quia tu es Petrus, & super hanc petram aedificabo Declesiam meam. Super unum aedificabo ecclesiam, & quamvis Apostolis omnibus post resurrectionem suam parem potestatem tribuat, & dicat: sicut me misit Pater, & ego mitto vos: accipite Spiritum S.; tamen ut unitatem manifestaret, unitatis ejusdem originem ab uno incipiente sua auctoritate disposuit. Hoc erant utique Apostoli, quod Petrus fuit, pari consortio praediti, & honoris & potestatis. Sed ab unitate exordium proficiscitur, ut ecclesia Christi una monstraretur. Quam unam ecclesiam in cantico quarto Canticorum, Spiritus S. ex persona Christi designat, dicens: una est columba mea, perfecta mea, & una est matris suae electae genitricis &c.* Haec Bille. Ad idem tex. in c. *in novo*, 16. dist. Tanto fortius haec vera sunt, quanto etiam specifico apostolis omnibus, qui per episcopos representantur, hanc potestatem contulit ipse idem Christus dicens: *Amen amen dico vobis, quaecumque ligaveritis super terram, erunt ligata & in coelo, & quaecumque solveritis super terram, erunt soluta & in coelo*. Nec quisquam dicat hanc auctoritatem Domini debere ad forum poenitentiale restringi; sed indul-

\* Utique, cum papa se concilio subiecit sponte, ut Symmachus in didacopite.

ANNO  
CHRISTI  
1437.

ANNO  
CHRISTI  
1437.

ANNO  
CHRISTI  
1437.

indulgentiæ publicæ referuntur ad forum jurisdictionis, ut Innocentius, hoc ultimum sentit in dicto c. *quod autem*, & c. *cum ex eo*, de poen. & re. Quia dico quod verba præcedentia in illa auctoritate inveniunt aperte contrarium, dum loquuntur de correctione per ecclesiam fienda, quæ est publica, & jurisdictionis non poenitentialis: verba enim præcedentia sequentia declarant, ut in l. *si servus plurium*, ff. de leg. 1. Et in c. *solitaria*, de mayo. & obedi. cum similibus. Secundo hoc idem quod ecclesia possit, sentit idem Innocentius in præmissis verbis ex sua illatione, quam facit de potestate condendi constitutionem, seu ligandi per eam, ad potestatem solvendi per hujusmodi indulgentias. Nam illa auctoritas *quodcumque ligaveritis &c.* debet exponi scilicet per statuta vel præcepta, ut notat idem Innocentius in c. *quanto*, de consue. et in dicto c. *quando autem*. Certumque est quod sacra concilia illarum auctoritatum vigore valent quæcumque statuta quantumcumque super rebus gravibus edere, ligando ubi opus est, ut supra ex plurimis probavi. Ergo & statuere absolvendo per viam indulgentiarum. Tertio, hoc idem sentit ex præmissis Innocentius; dum ex potestate apostolorum voluit inferre ad potestatem ecclesiæ. Si ergo apostoli illa, & majora facere poterant; ergo & episcoporum concilia, quæ successerunt in locum collegii Apostolorum, ut supra monstratum est. Quarto, hoc idem sentit Innocentius dum dicit, quod in iis indulgentiis concedendis requiritur potestas ligandi & solvendi, quæ est etiam apud prælatum malum. Sed hæc potestas indubia est apud sacrum concilium, ut supra multis modis multisque modis monstratum. Ergo &c. Et apertius hanc & solvendi potestatem sacro concilio competere ultra prædicta, quæ tamen hoc satis probant, ostenditur, quia sancto die Pentecostes Siritus S. descendit nonnisi super congregatos in unum, ad ostendendum quod ipsius virtus fortius operatur in congregatione plurium episcoporum seu sacerdotum, quam in dispersis. Unde Christus post resurrectionem dicturus apostolis: *quorum remiseritis peccata, remittentur eis*; præmiit Spiritum S. unde contulit omnibus simul existentibus potestatem remittendi peccata una cum Spiritu S. quod non legitur sic fecisse eis disgregatis. Nec in hoc majorem potestatem dedit Petro quam cæteris apostolis simul. Item eisdem apostolis, & per consequens episcopis dixit: *si duo ex vobis consenserint super terram de omni re, quam poterint, fiet eis a Patre meo*: Et iterum: *ubique duo vel tres congregati sunt in nomine meo, ibi ego sum in medio eorum*. Nimirum, ut inquit Gratianus 24. q. 1. S. Si autem &c. *Cunctis ostendens se non habitare in Eccordiis eorum, qui superbe singularitatem sequuntur, a corporis Christi compage semetipsos abrumunt*. Non ergo negare possumus, quin episcopi concilium facientes, hinc potestatem indulgentias concedendi habeant; alias ecclesia non haberet, quæ per ipsos sic congregatos representatur, ut in c. 1. 25. q. 1. Et in c. *leges* q. 6. præsertim cum Christus omnibus apostolis dixerit: *sicut misit me pa-*

*ter, & ego mitto vos*; suam per hæc verba transferens in eos potestatem, ut ait Cyprianus in dicto c. *loquitur*. Unde quemadmodum Christus potestatem in terra dimittendi peccata habuit, & sic facto exercuit, dum Mariæ Magdalene dixit, ac etiam paralitico: *dimittuntur tibi peccata*; Ita et apostolis eandem potestatem tribuit. Hinc Clemens beatus in sua epistola dixit inter alia, quod beatus apostolus Petrus aiebat episcopos vices a postolorum gerere Dominum edocuisse, & reliquorum discipulorum vicem tenere. Et si quis aliquem ex his scandalizaret, gravissimam sibi poenam inferri debere prædicabat. Et post quædam, refert eundem B. Petrum evangelizasse sanctam ecclesiam immaculatam omnes servare debere, cujus claves episcopos esse dicebat. Ipsi enim habent potestatem claudere coelum, & aperire portas ejus, quia claves coeli facti sunt, & qui eos tangit tangit pupillam ejus. Quæ verba valde in materia nostra notanda sunt; inferunt enim clarissime ad hanc potestatem, indulgentias etiam plenarias concedendi. Præterea, si episcopi prius habebant indifferenter hanc potestatem, dummodo discrete ea usi fuissent, ut in c. *accidentibus*, de excessu prælato. Et c. *quod autem*, de poen. & rem. sed postmodum quia ea abutebantur indiscrete illas concedendo, per quas poenitentialis enervabatur satisfactio, in c. *Innocentius III.* in concilio generali ipsorum potestatem restrinxit, ut habetur in c. *cum ex eo*, de poen. & re. Unde cum hæc potestas non fuerit restricta, nisi episcopis singulariter consideratis; non autem concilio generali; dicendum restat necessario quod illa potestate concilia generalia uti possunt; quia quod non mutatur quare stare prohibetur, l. *sanctimus*, de testa. Et ab antiqua dispositione tantum concessum est, quantum in novo jure reperitur mutatum, l. *præcipuus*, C. de app. & l. *commodissime*, C. de libe. & pos. Præterea, videmus, quod etiam presbyteri possunt in foro animæ indulgere plurimum ipsis poenitentibus, licet non possint dare literas indulgentiarum, quia hoc ultimum est jurisdictionis, quam ipsi non habent; sed providere possunt in absolutione poenitentis diversos modos liberandi spiritum a peccatis, quod est tantum officium sacerdotale secundum Innocentium in dicto c. *quod autem*. Ego autem ad hoc allego notabile dictum Augustini in libro de poenit. cujus verba ad propositum sunt per Gratianum translata in c. *quem poenitet*, dist. 11. ubi sic inquit: *ipsi enim sacerdotes jam plus possunt proficere plus contentibus parcere; quibus enim remittunt remittit Deus. Lazarum enim de monumento jam suscitatum obtulit Deus discipulis solvendum, per hoc ostendens potestatem solvendi concessam sacerdoti*. Dixit enim: *quodcumque solveritis super terram, solvetur & in coelum*. Hoc est ego Dominus & omnes Angeli sancti mei laudant nobiscum, & confirmant, quos ligatis & solvitis super terram. Non dixit; quos putatis ligare, & solvere; sed in quos exercetis opus justitiæ, aut misericordiæ. Alia autem opera vestra in peccatores non cognosco. Hæc Augustinus, ubi supra.

Quæ



ANNO  
CHRIST.  
1437.

Quæ verba sunt in materia nostra plurimum notanda. Hinc glossa in cap. *mensuram*, de poeni. dist. 1. quærit: Quid si sacerdos minorem poenam imponat, quam debeat? & respondet, quod si est ordinarius ejus judex, sive sacerdos, & dispensandi animo hoc faciat, sufficit illa licet modica ad delendum peccatum. Et sic proprius judex sive sacerdos potest dispensare cum peccatore circa quantitatem poenæ. Quanto ergo fortius concilium generale episcoporum totam ecclesiam, cui potestas ligandi & solvendi collata est, repræsentans, hoc poterit? Et hoc de ista particula duodecima.

Cap. xiii.

Nunc ad particulam XIII. condescendo, in qua D. V. dicit, quod quantum ad observantiam decretorum sacri concilii atinet, asserit ipse Summus Pontifex nusquam minus quam hic, ubi facta sunt, nec in aliquo loco ita sæpe violari, sicut in propria officina. Et quod nos dicimus de sententiis nostris, idem dicit ipse & amplius de sententiis in curia legitime latis, quæ hic passim in dubium refricantur. Id ipsum, quod de violatione promissionis in adhesionem factæ conquerimur; conqueritur & ipse de non servatis quibusdam promissionibus synodali-bus sibi factis. Ad hoc respondendo, miratur S. Synodus sua decreta, præsertim indispen-sabilia, ut de annatis non recipiendis violari. Nunc reliqua. Dispensavit forte aliquando in aliquibus in quibus boni mores minime deseruntur, necessitate, vel utilitate dispensationem suadente. Sed pro-holus ipse summus Pontifex, qui præ aliis debet esse decretorum illorum executor, ea semper contempsit, posthabuit, & respuit, ecclesiæ autoritatem, cui parere debebat, contemnendo. Advertisset ad illud Damasi papæ inquitentis, quod violatores canonum voluntarie graviter a SS. Patribus judican-tur; & a Spiritu Sancto, cujus instinctu ac dono dictati sunt; damnantur, quoniam blasphemare Spiritum Sanctum non incongrue videntur, qui contra eosdem sacros cano-nes, non necessitate compulsi, sed libenter, ut præmissum est, aliquid aut proterve agant, aut loqui præsumunt, aut facere volentibus sponte consentiunt. Talis enim præsumptio manifeste unum genus est blasphemantium Spiritum Sanctum. Quoniam, ut jam prælibatum est, contra eum agit, cujus jussu, & gratia sacri canones editi sunt. Hæc ille XXV. quæst. 1. violatores. Ponderet ergo ex præmissis quantum Romanus deliquerit Pontifex sacri concilii decreta nullo modo recipiendo. Circa sententias vero debuisset il-lum virum sanctissimum, ac doctissimum Gre-gorium Papam imitari inter alia sic inquitentem: *Cunctas vero personas, quas veneranda concilia respuunt, respuo; quas venerantur, amplector; quia dum universali sunt consensu constituta, se & non illa destruit quisquis præsumpsit absolvere quos ligant, aut ligare quos absolvent; XV. dist. Sicut.* Hæc de sententiis papæ erga sacrum concilium non legimus; cum ipse papa facili-ter errare tamquam homo possit. Sacrum autem concilium minime, in his saltem quæ fidem, & ecclesiæ reformationem, & ani-marum salutem, & universalis ecclesiæ sta-

tum concernunt. Non ergo inter sacrum concilium & papam, quoad eorum senten-tias, recta & sana comparatio, & præsertim propter illos Romanæ curiæ abusus, qui a vero sæpe judicem deviare compellunt. De-nique cunctis liquet, ut ultimum attingam, Romanum pontificem suam adhesionem solem-nem, & publicam, non modo violasse, sed nunquam tenuisse, cujus verbum aut sa-crum aut sacrilegum est. Sacrum autem con-cilium nil suæ sanctitati conciliariter promi-serit, quin illud executioni mandaverit; nec contrarium huic doceri poterit. Sed ne as-sumentis excusationem in peccatis; in illis enim, ut inquit canon magis plebilis est offensa per quos ad excusandas excusatio-nes in peccatis deliquendi usurpatur auctori-tas, ut in cap. *inter dilectos*, de eccl. Prælat. Et hæc de ista particula.

ANNO  
CHRISTE  
1437.

Sic.

Cap. xiv.

In decimaquarta particula, præmissis qui-busdam ad pacem exhortationibus, quibus supra satis responsum fuit, subjicit domina-tio vestra unum pacis medium: dicitis enim, quod pridem serenissimus dominus imperator Romanorum suis nuntiavit oratoribus, sum-mum pontificem omnium controversiarum, quas cum hujus sacri concilii patribus ha-bet, velle suam imperialem majestatem judi-cem, & arbitrum facere, si patres hujus sacri concilii idipsum agere decreverint, si-cut, ut dicitis, certe tenentur. Si etenim summus pontifex id egit; magis hoc concilium facere debere eximat unusquisque. Plurima enim in hoc sacrum concilium exhi-buit ipse imperator dilectionis testimonia. Scimus omnes quanta fecerit, quantoque se submisit laboribus, ac periculis, ut nos protegeret, concilium fundaret, stabiliret, & augeret; & aliqua alia redditus que ipsius serenissimi domini nostri Imperatoris affectio-nis erga sacrum concilium sunt evidenti-sima argumenta. Quod si tale compromissum in sua serenitate sacrum concilium tanquam omnino sequuturam; quinimo dici pax facta poterit. Ad hanc particulam respondendo, non negamus, imo firmiter asserimus præfa-tum dominum imperatorem ecclesiæ sanctæ Dei, & huic sacro concilio ipsam repræ-sentanti plurimum, ut deceat catholicam principem, & ecclesiæ advocatum & defen-sorem, affectum, ac per suam majestatem ecclesiæ pacem, & unitatem in concilio Con-stantiensis fuisse redditam, & ibidem, & hic, & ecclesiæ & sanctorum conciliorum autho-ritatem mira devotione, & sedulitate fuisse conservatam & defensam. Quamobrem in sua serenitate sacrum concilium tanquam in catholico principe plurimum, & quan-tum dici potest, confidit. Sed ex alio capite locum, & effectum quod proposuistis habe-re non potest. Est ne ecclesiæ sanctæ Dei conveniens, ut tunc fidei & potestatis fun-damentalis ecclesiæ, de qua principaliter agitur, in aliquem, præsertim laycum, quam-tumcumque religiosum, & catholicum com-promittatur, cum in causis fidei ipse papa teneatur universale congregare concilium, ut est tex. juncta glo. in c. *Anastasio*, 19. dist. & in c. *cum quibus*, 24. q. 3. & c. *Acacius*, ea ca. q. 1. Compromittetur ne an sa-cri concilii decreta sint per papam recipien-da;

da; an citari per sacrum concilium poterit; an papa dissolvere concilium valuerit; an reformatio ecclesie fieri debeat; an per concilium papa puniri possit? Sunt ne hæc compromissibilia? certe minime, tanquam indispensabilia, ut in c. fi. de transac. Et si in causis matrimonialibus, liberali, & criminali tanquam majoribus compromitti non potest, quia in eo exigitur majoris iudicis autoritas, ut in c. pen. de resti. in integ. Et l. non distinguens, §. Julianus, & §. de liberali, ff. de arbit. Quanto fortius nec in causis præscriptis longe majoribus & gravioribus compromissum admitti non debet? Quis præterea in præscriptis articulis de iure dubitare potest; nisi in hæresim incidere, cum omnia prædicta per sacra concilia declarationem certam, & definitionem acceperunt? Nonne hæreticum esset aliter tenere quam ecclesia determinaverit? De hæreticis, ad abolendam; Et 14. q. 2. hæresis, in c. 1. & 2. de S. Tri. cum infinitis similibus. Potest ne super re clara, & decisa fieri compromissum? cum transactio solum fiat super re dubia, & lite incerta ut in l. 1. & l. post rem iudicatam ff. de transac. & l. in sua de condi. indebi. et in c. exposita, cum sua glo. de arbit. Attendite præterea, si exemplum querimus, quæso, quid imperator Constantinus divina clementia inspiratus patribus Nicæni concilii diversos accusationis libellos contra se invicem eidem imperatori porrigentibus egit: suscepit quidem a singulis libellos, quos simul omnes in sinu suo continens, nec in eis quid contineretur aperiens, ait ad episcopos: *Deus vos constituit sacerdotes, & potestatem vobis dedit de nobis quodummodo iudicandi, & ideo nos a vobis recte iudicamur; vos autem non potestis ab hominibus iudicari; propter quod Dei solius inter vos expectate iudicium, & vestra iurgia, quæcumque sunt, ad illud diuinum referentur examen. Vos enim nobis a Deo dati estis dii; conveniens non est, ut homo iudicet Deos, sed ille solus, de quo scriptum est: Deus stetit in synagoga Deorum, in medio autem deos discernit.* Et cum hæc dixisset omnes querimoniarum libellos, iussit exuri, ne innotesceret illi odium, et fugilatio sacerdotum. Hæc in lib. conciliorum leguntur, & in parte posuit Gregorius in suo canone II. q. 1. sacerdotibus. Theodoricus quoque rex ex diversis provinciis ad urbem Romanam sacerdotes convenire constituit, ut sacrum concilium iudicaret de his, quæ venerabili papæ Simmacho præfati apostolicæ sedis ab adversariis ipsius impingi dicebantur: tandem congregato synodo serenissimus ille rex, Deo inspirante, ait synodalis esse arbitrii in tanto negotio sequenda præscribere, nec aliquid ad se præter reverentiam de ecclesiasticis negotiis pertinere, committens etiam potestati pontificum, ut si præpositum vellet audire negotium, sive noller, quod magis putarent utile deliberarent, ut habetur in §. hinc etiam 17. dist. Consideratis & bene præmissis digestis admiranda satis est petitio vestra, & præfertim dum dicitis sacrum concilium ad hoc teneri. Cum nos in sacrum concilium in præmissis gravissimis, & liquidissimis causis, sed

Concilior. Supplem. Tom. IV.

nec quolibet privata persona etiam in privatis causis suum compromittere teneatur. Est enim hæc res compromissi liberæ voluntatis, et nullo modo necessitatis. Et si fortassis dicere velletis sacrum concilium ex honestatis debito tenere, impropere verba vestra; nec quidem hoc admitti potest, quia nulla honestas patitur, obstantibus prædictis, ut compromissum super præscriptis articulis fiat. Quinimmo super causis etiam minimis indecens esse dignoscitur laicum arbitrari, ut dicit text. in cap. contingit, de arbit. Opponeret fortassis quis de exemplo Leonis IV. qui se Ludovici Augusti emendandum iudicio supposuit, ut legitur 11. quæst. VII. nos si incompetenter. Dissimilis omnino profecto casus; ibi enim de crimine solius papæ, non autem de causa fidei, & fundamento potestatis ecclesie, aut decretorum validitate, & aliis præmissis agebatur. Ibi causa dubia; hic manifesta, et declarata per sacra concilia; ibi de præiudicio personæ solius Papæ; hic de totali ecclesie potestate; ibi causa non erat cum synodo, nec sancta synodus congregata; hic synodus est congregata, et tamquam iure indubitata. Ibi, ut dicit Vincencius, et refert Joannes Andreas in cap. Ecclesie sanctæ Mariæ, de constit.; et Archidiaconus in dicto cap. Nos si incompetenter, licet ex humilitate illud Leo Papa fecerit, de iure tamen nullo modo se laicorum iudicio submittere valuit. Exponitur autem secundum eos illa litera iudicio idest discretioni. Sed, ut totum complectar, potest ne sine ecclesie universalis confusione, et posterorum periculosissimo exemplo tale fieri compromissum? Diceretur enim, et allegaretur in posterum sacrum concilium papam citare, aut punire non posse, nec eum archari ad sacri concilii decreta suscipienda, ipsumque posse concilium dissolvere, et tandem in ipsa concertatione cum imperatore peteretur compromissum ad imperatorem, vel alios principes sæculares, quæ res quot sit plena periculis nemo mentis compos ignorare debet. Et hæc de ista particula.

Ad XV. et ultimam particulam, in qua D. V. R. R. dicit, quod et si expeditor viæ præmissa sit, nihilominus tamen more periti medici, qui uni morbo pluribus providet medicinis, aliud pacis medium ducitis apertendum, videlicet monitorium sacri concilii gravat papam; papæ translatio turbat nos; translationem, dicit ipse fecisse propter monitorium nostrum; vos autem monitorium propter non observantiam decretorum. Tolerantur pariter monitorium, et translatio; et summus pontifex certificet nos modis convenientibus de observandis decretis, quæ talia fiant, ut et simul reformationi, et honori sanctæ sedis Apostolicæ provideant; et sic cum pace, et honore habeat sacrum concilium optatum, quod quidem per contentionem nunquam poterit consequi. Adjectis, quod cum Græci jam sint in foribus, ne tantum bonum periclitetur, consultis, ut pergant ad portum aliqui præstantiores ex Patribus, qui ipsi Græcis omni conatu suadeant ut huc vel Avinionem, vel Sabaudiam proficiantur, fiatque in hoc

V v v exa-



ANNO  
CHRISTI  
1437.

exacta, et extrema diligentia; si obtineri possit, in nomine Domini contentemur omnes, et illuc accedamus. Si vero adhibita omni cura fieri nequeat, cum eis de aliquo loco disponatur, nobis tamen tuto, et accommodo Græcis ac summo Pontifici; sine enim Græcis unio fieri non potest. Ipsi autem præsentiam papæ in concilio illo omnino exposcunt; et in ipso præsertim concilio ycumenico omnium præteritarum dissensionum obli- ti cum caritate, et unanimitate pro unio- ne Orientalis ecclesiæ, et morum reforma- tione totis intendamus viribus. Interim vero, dum ista peraguntur, quiescant hinc inde pro- cessus, et agitationes. Expensæ autem hæc- nus factæ pro negotiis Græcorum in omnem eventum his qui eas fecerunt restituantur om- nes. Et ut hæc pacis media acceptentur multis exhortationibus inflat hæc eadem V. P.

Circa primam particulæ partem, ut pariter monitorium Sacri Concilii, & Summi Pontificis translatio pariter auferantur; res- pondet S. Synodus, ut supra in præcedenti particula responsum fuit, quod sine Eccle- siæ confusione, & jurisdictionis Sacrorum Conciliorum offuscatione, & denigra- tione, ac decretorum Sacri Concilii salubriorum vacillatione, posterorumque pernicioso, & periculossimo exemplo hoc pacis medium, si sic nuncupari mereatur, admitti non po- test. Et mirandum quod maxima ex illo im- minentia pericula percunctata non fuerit prudentia vestra. Si enim per compositionis viam nunc apertam tollantur monito- rium, seu citatorium, & papæ præsentia translatio; an non revocamus, & ponimus in dubium totam Ecclesiæ universalem, & sacrorum conciliorum auctoritatem; dabimus summis pro tempore existentibus pontifici- bus ex hac facilitate incensivum, & ma- teriam dissolvendi, & transferendi genera- lia pro eorum libito concilia? Dicitur e- nim, quod oportuit sacrum concilium cita- torium revocare, si voluit concilii transla- tionem, & dissolutionem obtinere. O res utique detestanda, & exemplo pernicio- sa, & totius status ecclesiastici in futurum per- turbativa? Nam citatus super suis excessi- bus notoriis, & totam ecclesiam sanctam scandalizantibus summus pontifex, illico ad miserabile, & detestabile dissolvendi, & trans- ferendi concilium confugiet refugium, al- legabitur quod oporteat citatorium tollere, ut translatio auferatur, negabitur ecclesiæ jurisdictio. Dicitur enim quod si illa huic sacro concilio competisset, citatorium nun- quam per translationem revocasset. Nun- quid insuper non tacite fateremur illam suam dissolutionem, seu translationem valuisse? Nunquid, quod deterius est, aperte non confiteremur sacrum concilium in illo ci- tatorio errasse? quod sentire catholicum non est; præsertim in iis, quæ ad ecclesiæ re- formationem pertinent, ut supra in aliis particulis latis osensum fuit, et per hoc sacrum concilium, vobis præidente, orato- ribus summi pontificis in illa responsione cogitanti allegatum. Nunquid dimittemus cum Dei offensâ omnia illa in citatorio con- tenta facinora incorrecta? Si enim hoc sa- crum concilium, alias V. R. D. præiden-

te media pacis præsentia super primaria præ- sentia dissolutione admittit, propter ali- quam ex præmissis causis voluit, etiam in eum acerrimo animadvertisset, nisi illam præsentiam dissolutionem irritam, & inanem declarasset; quoniam pacto potest nunc idem sacrum concilium cum de rebus eisdem, & gravius agatur, hæc, quæ pacis media appellatis, cum tanta ecclesiæ confusione, & periculo admittit? Si autem tantopere, ut certe debetis, Ecclesiæ Sanctæ Dei veram pacem cupitis, non pigeat Romani pontificis aures indefectè pulsare, ut ecclesiæ Dei, a qua ipsi ecclesiæ præfatus est, se humil- let, jurisdictionem ipsius recognoscat, tol- lat de facto suam iniquam & notorie in- justam præsentiam dissolutionem, seu concilii translationem; definat schismaticorum con- venticula congregare, de se & suis ad- bus non sinat Dei Ecclesiam scandalizari, corrigat, & tollat nefarios, & damna- biles suæ curiæ abusus, animarum laqueum miserabiliter tendentes; vivat, ut decet Petri successor, & Jesu Christi vicarius, sa- cri concilii decreta reverenter ut eum de- cet, & oportet, suscipiat, quæ suæ salutis, & totius Christiani populi sunt medica- menta salubria, & si qua in suæ animæ salu- tis & subditorum scandalum, & interitum contra illa contemptu, aut facilitate qua- dam aptentavit, revocare non procrastinet.

Tunc omnia erunt pacata, & Dei pace vera referta; tunc omnes sibi ultra etiam quam expedit humiliabimur, recipiemus eum omni, qua decet, reverentia. Si hæc iusta, & sancta sint, quæ sacra synodus postulat, & nullo modo prætereunda iudicet unus- quisque. Si autem iustam aliquam adver- sus eam excusationem præterdit, in medium ecclesiæ per se, aut alium ejus nomine pro- ducat; si iusta erunt, non hesitet quin ad- mittantur, & circa illas opportune appo- netur remedium. Sin autem nullas habet iustas, se corrigat modo prædicto, & om- nia futura cessabunt discrimina; alias fa- cilis nasci scandalum permittitur, quam- vis iustitiae veritas, & animarum tantarum in- teritus damnabiliter admittatur, ut supra satis deductum est. Quod autem hæc fa- ciendi potestas sacro concilio competat, etsi nemo hesitare debeat, V. tamen D. R. fir- milime, ut arbitramur, tenet. Extat cla- rissime magni, & universalis synodi Con- stantientis censura, cujus verba sunt hæc. Et primo declarat, quod ipsa synodus in Spiritu S. legitime congregata generale con- cilium faciens, & ecclesiam militante re- præsentans, potestatem a Christo immediate habet, cui quilibet, cujuscumque status, vel dignitatis, etiam si papalis exiit, obedire teneretur in his, quæ pertinent ad fidem, & extirpationem dicti schismatis, & ad ge- neralem reformationem ecclesiæ Dei in mem-bris. Item declarat, quod quicumque, cu- jusque status, vel dignitatis, etiam si pa- palis exiit, qui mandatis, statutis, seu ordinationibus, aut præceptis hujus sacræ synodi, & cujuslibet alterius legitime con- gregatæ super præmissis, seu ad eam per- tinentibus factis, vel faciendis obedire con- tumaciter contempserit, nisi respuerit, con- dignæ

ANNO  
CHRISTI  
1437.

dignæ poenæ subijciatur, & debite puniatur, etiam ad alia juris subsidia, si opus fuerit, recurrendo. Videat, pro Deo, P. V. an iurisdic-  
 tum sacrum Concilium in præmissis comitetur. Hæc autem Constantiensis synodi censura per sacra Concilia Senensem, & Basiliensem subsequenter renovata, confirmata, & recensita extitit. Nec hoc D. V. in prædictis tunc astricere laret; nam etsi per prius hinc inde magistrorum & doctorum opiniones versarentur, nonnulli pro papa, alii vero pro sacris conciliis conscribentes, & asserentes; hodierno autem tempore omnis debet cessare in hoc ambiguitas, & disputatio. Nulla enim potest esse tanta magistrorum, & doctorum auctoritas, ut tot, & tantis synodis non succumbat; quin immo hereticum foret hodie asserere contrarium, cum in scripturis sanctis, & evangelicis interpretandis, & fide elucidanda etiam Romanus Pontifex sacrorum Conciliorum sequi determinationem omnino oportet, & ea usque ad unam apicem immutata servare, ut in cap. *sicut*, XV. dist. ubi textus beatissimi Gregorii hoc docet clare. Et professio per Romanos Pontifices olim fieri solita, ut habetur in cap. *sancta ovis*, XVI. dist. & text. cum glo. in cap. *Anastasius* XIX. dist. & in cap. 1. iuncto, § *precedenti* XXIII. quæst. 1. & cap. *hæresis autem*, & cap. *inter scribisma*, & cap. *hæreticus*, XXIV. quæst. 111. Hinc dicit glo. ordinaria in Cle. unica de usuris, super V. *hereticum*, quod non solum est hereticus male sentiens de articulis fidei, vel sacramentis Ecclesiæ, ut in c. *ad abolendum*, in principio de hereticis; sed etiam qui perversum habet dogma, vel falsas, vel novas gignit, aut sequitur contra Ecclesiæ doctrinam, ut in iuribus præallegatis, & in præallegata Cle. unica in fi. Statuta enim Sacrorum Conciliorum sacrarum scripturarum auctoritatibus secundum Augustinum, comparantur, ut in cap. *omnia*, XII. dist. Tanta denique est huius Sanctæ Ecclesiæ auctoritas, ut illa sola Christi evangelia, & approbata, & indubitata documenta, & authentice scriptura, & sacra dicantur, quæ, & quas ecclesia recipit, ut in cap. S. *Romana Ecclesia*, XVI. dist. Hinc Augustinus in plerisque locis asserit: *Evangelio non crederem, nisi me ecclesiæ auctoritas commoveret*. Et Hieronymus, ut supra deductum fuit, comparat concilii auctoritatem soli, ut sicut sol suo ardore humores rivulorum desiccet; ita Concilium sua auctoritate omnem argumentationem. Inquit enim in fine disputationis contra Luciferianum: *Poteram omnes disputationum tuarum rivulos uno Ecclesiæ sole siccare*; de auctoritate concilii generali loquens. Hinc glo. ordin. in præallegato cap. *Anastasius*, dicit, quod ubi de fide agitur, tenetur Papa congregare Episcoporum Concilium; & tunc synodus major est Papa, allato præallegat. sicut XV. distin. Hinc bellissime Augustinus de fide catholica: firmissime tene, & nullatenus dubitare omnem hæreticum vel schismaticum cum diabolo, & angelis ejus æterni ignis incendio participandum, nisi ante finem vitæ catholicæ fuerit incorporatus, & reintegratus.

Concilior. Supplem. Tom. IV.

tus ecclesiæ. Et post pauca: *Omni homini, qui ecclesiæ catholice non tenet unitatem, neque baptismus, neque elemosina, quantumcumque copiosa, neque mors pro nomine Christi suscepta proficere poterit ad salutem*. Quæ verba habentur in cap. 111. de hære. cui concordat dictum cap. *alienus*, XIV. quæst. 1. & notabile dictum Hieronymi, ead. caus. & quæst. Hinc hæc Ecclesiæ juxta Hieronymum in cap. *omnibus*, dicitur sponsa Christi pulchra sine ruga & macula, & hortus conclusus, & fons signatus, & puteus aquæ vivæ, & paradus cum fructu pomorum. Hæc est illa, quæ domus Dei appellatur; quoniam juxta suam promissionem in ea habitat. Inquit enim Christus: *Et ero vobiscum usque ad consummationem sæculi*. Et alio: *Ego rogabo Patrem, & alium Paraclitum dabit vobis, ut maneat vobiscum in æternum*. Hæc est illa domus secundum eundem dictum Hieronymi, quæ etiam claves accipit, atque potestatem ligandi, & solvendi. Hanc domum si quis corrigentem corripientemque contempserit, *sit tibi*, inquit Dominus, *sicut Ethnicus, & publicanus*. De hac domo dicitur, *Domine, dilexi decorem domus tue, & locum habitationis gloriæ tue*. Et qui habitare facit unanimes in domo, sicut inquit Hieronymus in dicto cap. *omnibus*. Nunquid finem mihi facerem, si omnem Ecclesiæ auctoritatem mea vellem oratione perstringere? Sufficere enim tantæ præfate auctoritates cuicque debent. Dicit fortassis quispiam, Papa hoc jam dissolvit Concilium. Quærit & iste miserabile refugium, sicut Dominus Eugenius papa dissolvendo quæsit. Illa enim dissolutio satis damnata est per Concilium Constantiense; & clarius per hujus sacri Concilii decretum diu editum, & præsertim in casu nostro dicta præfata dissolutio, iuribus non sussistit. Si enim in concernentibus Ecclesiæ reformationem in capite, & in membris Papa concilio sacro obedire tenetur, quomodo valet citatus ut se corrigat concilium dissolvere, & ad se advocare? an in eodem facto superior erit, & inferior? Et si talis admitteretur dissolutio, nunquid posset unquam haberi Papæ correctio? certe minime. Non enim haberet nisi post citationem concilium dissolvere, vel ad se pro libito transferre. Ex quo tota posset periclitari Ecclesia. Hinc glo. notab. in c. *si Papa*, XL. dist. quærit, nunquid papa possit statuere ut non possit accusari de hæresi: & respondet quod non; quia ex hoc periclitaretur rota Ecclesiæ. Et si alius forte diceret: expressa in citatorio vera non sunt, sicut & ipse summus Pontifex inficiatur; profecto negari saltem non potest, quin in eo tales qualitates expressæ sint, quæ sacri concilii jurisdictionem fundant. Et hoc sufficit ad jurisdictionem fundandam, ut citatus comparere, saltem ad se excusandum, teneatur, ut in l. *cum quadam puella*, de jurisdictione o. ju. & l. *si quis ex aliena*, ff. de judic. plenius per Bartholum in lege 11. ff. *si quis in jus vo.* & per Innocentium in cap. 11. de dilac. & in c. *cæterorum*, de judi. & c. *cum sit generale*, de fo. competen. Quamquam ea, quæ in citatorio expressa sunt, notoria esse videantur.

V v v v z dean-



ANNO  
CHRIST.  
1437.

deantur in se, & si aliquas excusationes recipere possint, eas tamen ipsas in medium deducat, si quas habet. Allegatur per D. V. crebro scandalum, ut processus iste fideat; nempe tale scandalum non est timendum, nec existens sacri Concilii jurisdictionem inficit, quin ipsius gesta teneant. Nam ubi jurisdictioni competit, licet certa debeat haberi in procedendo consideratio, seu modificatio, processus tamen tenet illa non habita. Ad hoc glo. notab. in Clementina 1. de jurisdictione papali in V. inibentes. Ad idem alia glo. notab. in c. quia Pontificalli, de offi. deleg. li. VI. in V. aliter, ubi dicitur deferendum dignitati pontificali in cohercitione contumaciæ, ut primo ipius Ecclesiæ vel sacerdotale ministerium interdicatur, ac deinde a beneficio suspendatur, ac subsequenter aggravetur censura ecclesiastica, nisi forte aliter suaserit nimia contumaciæ protervitas, seu culpa. Quærit ibi glo. si. quid si Iudex non servata forma illius decreti statim excommunicet, vel suspendat Episcopum, vel superiorem; tenet ne sententia? Et dicit, quod sic, licet Iudex male faciat, quia hanc modestiam non servavit; allegat XI. q. III. Et de sen. ex. sacro, ubi patet, quod tenet censura sententiæ etiam injusta. Quamquam in casu nostro firmandum sit, ut in nullo hic processus injustitiæ notari possit, tum propter prædicta, tum quia concilium in his errare, Deo assistente, & direttore, non possit, qui Ecclesiæ suæ promittit jugem assistentiam.

Quoad Græcos autem, ut de præstantioribus Patriis aliqui mittantur Oratores ad Venetiarum urbem; responderet S. Synodus se propediem prætolari suos Oratores, qui ad Constantinopolim pro Græcis adducendis profecti fuere. Talia quidem sacro Concilio referre potuerunt, quod solemnissima ad eos ordinabitur legatio. Possent etiam, quod non credimus, taliter desperare ipsorum ad nos adventum, seu concordiam, quod aut tenuis, aut nulla mitteretur, ne cum Ecclesiæ confusione iterum vacui redirent, sicut de galeis contigit. Scriptum est enim: non defendas improbum, & sancta indigno committenda non arbitreris, ut Ambrosius refert, & firmat in cap. si quis vero, XI. quæst. III. Et cum vir ecclesiasticus, atque prudens, & intelligens videt non posse proficere, tacere ex Hieronymi consilio debet illo tempore, ne det sanctum canibus, & mittat margaritas ante porcos, & conversi conculcent eas. Imitetur tunc Hieronymum dicentem: solus se debam, quia amaritudine repletus eram, XI. quæst. III. quando. Velit ergo R. P. V. tamquam columna, basis, & cardo Ecclesiæ universalis, hanc ipsam Ecclesiam una nobiscum protegere, defendere, & uti par est, exaltare, ne luporum incuribus & moribus laceretur. Nunc enim illud profecto tempus adventit, quo aut denigrabitur, decolorabitur, seu conculcabitur; aut certe, quod verisimilius arbitramur, ex Christi misericordia, ut sponfam suam pulchram, sine ruga, & macula non deferret, decorabitur, & super columnas tenacissimas col-

locatam esse videbimus. Si enim his, qui Republicam mundanam juverint, observaverint, auxerint, certus in cælo constitutus est locus, attestante Cicerone in libello de somnio Scipionis, ubi beati perpetuo ævo fruuntur; quid arbitrandum est contingere illis, qui pro Christo, & ejus dilectissima sponsa, pro qua descendit de altis cælorum ad ima mundi, effectualiter elaboraverint? Audient enim, non hæsito, illam dominicam vocem: venite ad me omnes, qui laborastis, & onerati estis; & ego reficiam vos. Omnes enim Dominus ad vineam suam, ut ibidem elaborent, destinavit, promittens quod iustum fuerit se daturum, quod omnibus nobis sic laborantibus Altissimus donare, & concedere dignetur. Amen.

Hic est finis responsionis factæ cuidam propositioni in scriptis porrectæ in S. Synodo per R. D. Legatum per organum Archiepiscopi Panormitani enunciata, & successore in his scriptis per eundem Archiepiscopum reductæ in honorem Dei, & justificationem, & defensionem Ecclesiæ suæ sanctæ, & hujus sacri Basiliensis concilii illam repræsentantis.

Ad orationem Nicolai Panormitani Archiepiscopi pro conservatione Concilii Basiliensis habitam.

#### APPENDIX.

Altera hæc est oratio Panormitani Archiepiscopi ab ea plane diversa, quam pro defendendo concilio Basiliensis jure in exhortatione Eugenii papæ dixit coram. Sigismundo imperatore, dum legatione pro concilio & Felice papa V. fungeretur ad diætam Francofurtem an. 1442. mense Junio. Posteriores hanc, utpote alibi quam in concilio habitam, & sæpius recusam, omittebam hic censui; præsentem vero ut edere & rei novitas ipsa, & instituti mei ratio, omnia dandi quæ conciliaria essent, postulabat. Ne tamen veneni suspicio letores ab illa removeat, monitos eos volo (ne sibi imponi a viri auctoritate permittant) hanc opinionem ætate illa obtinuisse de Panormitano; eum scilicet ita defendisse concilium, ut facile contrariam etiam sententiam pari ardore defendisset; siquidem id fore commodum rebus suis intellexisset. Ita enim testatus de illo est Oliverius Carafa S. R. E. Cardinalis Neapolitanus, cuius hoc dictum refert Felinus Sandæus, vir mihi sæpe alias celebratus, in nota ad scriptum istud Abbatis. Improbabat Cardinalis ille (Oliverius) factum Eugenii IV. qui cum aliis, qui concilio Basiliensi interfuerant, eas dignitates indulsisset, quas a concilio obtinuerant; rogatur tamen pro Panormitano in cæterum Cardinalium adfectio a Felice antipapa, inexorabilem se præbuit; & male secundum præfatum D. Neapolitanum (verba sunt Felini hæc narrantis) quoniam debuisset eum reponere ad Cardinalatum, & hac omnia correxisset. Illa igitur de Panormitano tunc opinio sapientibus viris infederat; scribere nempe illum non ad

ANNO  
CHRIST.  
1437.

Hic epilogus additur in calce hujus orationis in M. S. Cod. Lucensi unde extracta est.

veritatem quidem, sed ad compendium suum, ut pro animi affectu sententiam mutaret, fortunæque aura nunc hac nunc illac aspirante trahi se in diversa ac plane contraria permitteret. Quis ergo certo affirmaverit hanc, illamve Panormitani sententiam esse; cui perinde fuit sive id dicere quod sentiebat sive id affirmare quod expediebat? Cæterum si quid conjectura valuerit, plus Pontifici contra concilium quam concilio in pontificem fuisse Panormitanum cum mentem ab affectibus liberam gerebat, ex iis intelligo, quæ de ipso inferius promam.

At enim, si viri auctoritas ad persuadendum errorem valuerit, adductæ fortasse ab eo rationes id extorserunt. Nihil profecto minus; non enim defuerunt concilio viri doctissimi pontificiarum partium assertores qui pro vindicando pontificis Romani iure ori & calamo nequaquam pepercerunt. Panormitani rationes omnes refellit Cardinalis Turrecremata, non unico ille quidem scripto; nam in primis dedit *Apologiam Eugenii* recusam apud Labbeum tom. XVIII. pag. 1427. quam orationi huic Panormitani oppositam esse monet Felinus in adnotatione ad hanc ipsam orationem his verbis: *specialiter contra omnia contenta in hoc sermone est tractatus Cardinalis S. Sixti incipiens. Notatis &c. maxime in versiculo Patrefacto, &c.* Iterum quoque Turrecremata orationis hujus momenta expendit arguitque levitatis in scripto illo suo in conventu Bituricensi recitato, & a me primum hic vulgandum. Adversarium alterum in Panormitanum statuit Felinus ibid. S. Antonium in summa par. 2. tit. 3. cap. 11. § 14. Tertius pro Eugenio est Petrus de Monte (Felinio monente) in lucubratione sua inscripta: *De summi pontificis, generalis concilii, & imperatoria majestatis origine, & potestate.* Ex hoc opere, quod Felinianæ M. SS. schedæ nobis servarunt, caput illud Panormitani rationes impugnans, a Felino indicatum, hic orationi ejusdem Panormitani subjiciam. Scriptum vero istud Petri de Monte ex M. S. codice Felini hic trado; vulgatum est tamen Lugduni an. 1512. sub hoc titulo: *Petri de monte Episc. Brixienfis Monarchia, in qua generalium conciliorum materia, de potestate, præsentia, & excellentia Romani Pontif. & Imper. discutitur; ex proprio originali Felini Sandæi transcripta.*

Alterum, qui peculiari scripto hanc ipsam orationem exagitavit, Antonium de Cannario indicat Felinus his verbis: *Pro Eugenio contra gesta concilii Basileensis est tractatus Antonii de Cannario quem direxit Domino meo episcopo Racanateni & Maccarenensi; & est ille tractatus insertus in fine voluminis concilii Basileensis quod habet Reverendissimus Card. Beneventanus.* Author ipse & scriptum æque me hucusque fugerunt.

Verum nemo melius Panormitanum refutat ac idem ipse Panormitanus in consilio ex schedis M. S. Felinianis mihi noto; an vero illud inter ejus edita prodierit, ignoro. Ex eodem M. S. codice dandum consilium istud censo; non quidem integrum,

sed eam tantum illius portionem excubam, quæ auctoritatem Romani pontificis supra concilium verbis & rationibus adstruit; quo in loco adnotationem hanc opportune adjecit Felinus. *Vide tamen istum in sermone: quoniam veritas &c. Sed quæ ibi dixit propter in suis conatibus contra Eugenium; hic loquitur disputando & decidendo sine passionis.* Indicata a Felino oratio illa est quam ab hac diversam & sæpius excusam dixi; sed cum utrimque eadem sint probationes, qui sermonem illum suum ibi redarguit Panormitanus, nostrum hunc pariter damnat. Porro consilii hujus Panormitani exordium est: *Episcopus quidam &c.* In fine vero eadem manu ac reliqua hæc adnotata leguntur: *Disputata fuerunt hæc dubia per me Nicolaum de Sicilia Abbatem Montacensem, & decretorum doctorem minimum Senis ætate legentem A. D. MCCCCXXXI. in die S. Marci, & ad utramque partem dubiorum sub me respondit nobilis & magna scientia D. Robertus de Cavalcantibus de Florentia, auditor meus benevolus.* In hoc igitur consilio illa quæ statim dabo habentur in rem nostram.

## NICOLAI PANORMITANI

## Archiepiscopi

*De suprema papæ auctoritate supra concilium ex quidam ejus consilio in M. S. Codice, servato fragmentum.*

**P**ER prædicta etiam dico glossam non simpliciter verum dixisse in cap. *Anastasius*, XIX. dist. quæ dicit papam arctari ad requirendum concilium, ubi de fide agitur; et tunc synodus est major papa. Quod ego simpliciter non fateor, quia expressè hoc videtur contra ca. *maiores*, de bapt. ubi patet quod majores quæstiones, maxime fidei, debent referri ad sedem Petri, et sic ad papam. Vide notabilem textum Hieronymi in ca. *Hec est fides*, 24. q. 1. ubi patet quod papa potest solus corrigere errores circa fidem. Sic in nulla parte novi Testamenti legitur quod concilium, papa extante, sit supra papam in causa fidei, vel quod concilium necessario sit vocandum. Fateor tamen quod ubi dubium esset maximum; ita quod etiam papa dubitaret, tunc deberet convocare concilium, quia tota ecclesia errare non potest. Pro ea enim in persona Petri oravit Christus, ut est glossa notabilis in ca. *arrepta*, XXIV. q. 1. et notatur in dicto ca. *maiores*. Et in hoc casu dubio facta fuit illa convocatio in Hierusalem super circumscriptione fienda, Act. XV. Nec per hoc minuitur potestas papæ, quia ipsius potestas includitur in concilio: quia, ut supra dixi, tota potestas est apud ecclesiam; sed papa est caput ipsius corporis, et per eum explicatur nomine ecclesiæ juxta illud Dominicum: *dic ecclesiæ &c.* Matth. XVIII. Ad ca. *Anastasius*, quod videtur innuere contrarium, dico quod debet intelligi quando papa vellet aliquid statuere contra jam statuta per con-



ANNO  
CHRISTI  
1437.

concilium in causa fidei. Nam doctrina illius Acacii fuerat damnata XXIV. q. 1. c. 1. Hoc enim casu quando papa vellet statuere in causa fidei contra statuta per concilium, videretur errare, quia ipse posset hæreticus esse et insufficiens, ut in c. si papa, XI. et c. 5. de renuntiatio. lib. VI. sed tota ecclesia non: et hoc casu posset intelligi quod synodus est maior papa; alias secus. Dico etiam unum, quod videbitur magis novum, quod si papa etiam in facto fidei moveretur melioribus rationibus & auctoritatibus, quam concilium, standum esset distinctioni papæ. Nam concilium posse errare, sicut erravit, quando disposuit ut inter raptam & raptorem non posset esse matrimonium; & tamen Hieronymus dixit contrarium, motus rationibus & auctoritatibus juris divini; & dictum ejus fuit prælatum dispositioni totius concilii, ut XXXV. q. 11. ca. tria; juncto ca. placuit, & ibi Glossam meliorem in ca. 1. dist. XX. v. illorum. Nec obstat si dicatur quod tota ecclesia non potest errare, cum Christus pro ejus fide oraverit, ut supra dixi. Dico enim quod concilium generale, licet repræsentet totam ecclesiam, non est tamen tota ecclesia; nam fides potest remanere, nedum in papa solo, sed in una vetula, & sic fides conservaretur: sicut accidit post passionem Christi, quod remansit solum apud beatam Virginem, ut communiter dicunt Theologi; & tamen jam Christus oraverat, ut non deficeret fides ante passionem. Sed nunc dixit non deficit ex quo servatur saltem in uno quicunque sit ille. Et hac forte ratione dixit glossa in ca. quamvis; XXI. dist. per illum textum, quod ubicunque sunt boni, ibi est Romana ecclesia. Nam ecclesia nullam dicitur habere maculam vel rugam. Ex his ergo concludo; quod papa solus, tanquam caput ecclesiæ, potest exercere omnimodam jurisdictionem exposcente causa rationabili. Nec est opus necessario alios convocare pro consensu habendo. Alii vero prælati exercent, sed non sine dispositione capituli, scilicet papæ; habent enim potestatem a Deo, sed in illa subsunt papæ tanquam capiti. Et forte ad hoc designandum Petro dixit multa separatim, sed aliis amplius locutus est conjunctim & generaliter. Unde Petro dixit, *tu es Petrus, & super hanc petram &c.* Eidem quoque dixit: *pascere oves meas.* Et non tantum semel; sed tertio pro sua fide oravit specialiter; et eum admonuit ut fratres suos in fide confirmaret; dum dixit: *ego pro te oravi, Petre, ut non deficeret fides tua, & tu aliquando conversus confirma fratres tuos.* Item considera quod in singulari dixit Christus: *fiet unum ovile & unus pastor.* Et sic voluit unum esse pastorem, non plures; sed hanc potestatem pascendi contulit soli Petro, dum dixit: *pascere oves meas.* Et fecit eum pastorem loco sui. Ipse enim erat & est verus pastor & pontifex, ut de se ipso dixit: *ego sum pastor bonus &c.* Alii namque apostoli fuerunt coadiuvantes & cooperantes; ideo recte dicitur quod papa fuit assumptus in plenitudinem potestatis; alii in partem sollicitudinis, dicto cap. ad honorem, de auctoritate & usu pallii &c.

## EXCERPTUM

Ex opere inscripto: de summi pontificis & universalis concilii, nec non de imperatoris majestatis origine & potestate, auctore Petro de Monte.

Tertia conclusio (a) est: papa pro nullo alio crimine (hæresi excepta) etiam si incorrigibiliter, & notorie scandalizaret ecclesiam potest per concilium quovis modo deponi. Ista conclusio probatur, primo jure positivo; deinde jure divino; quamvis apud quosdam minime bene scientes in hac materia respuantur sacri canones summorum pontificum, & epistolæ decretales, quæ tamen sunt ab ecclesia approbate, ut habetur 15. dist. c. *jam nunc* §. *item decretales*. Unde non debet quis ausu temerario eas abicere, aut eis fidem non adhibere; quia hoc non esset sapere ad saturitatem, sed sapere plusquam oportet, quod est contra Apostolum ad Rom. XII. & habetur transumptive de renunc. c. 1. l. VI. XLIII. dist. *fit rector*. Ideo; incipiendo a jure positivo, clare, ut spero, deducam potestatem Papæ esse supra concilia generalia, excepto casu hæresis; & per consequens in nullo alio casu Papam posse per generalia concilia deponi. Primo itaque probatur hoc (b) XXIV. quæst. 1. *quodcumque*, in glo. quod sententia Romanæ sedis præferenda est sententiæ totius ecclesiæ (c). Clarum est autem, quod per sententiam Romanæ sedis debemus intelligere sententiam papæ, qui sedet in cathedra Petri: ipsa enim sedes non loquitur nisi per papam, qui est in ea, ut de se patet. Et sic illa glo. optime probat, quod papa est supra concilium. Secundo, idem clare probatur, IX. quæst. 111. *cuncta per mundum*, & 11. quæst. VI. *placuit*, ubi a sententia Papæ non appellatur ad aliquem; ergo Papa in terra non habet superiorem. Si enim diceremus concilium esse super Papam, sicut quidam pervertentes omnia jura dicere audent; certe licitum esset a sententiis summorum Pontificum ad ipsum concilium appellare; ex quo datur secundum eos superior, & appellatio est ab inferiori ad superiorem judicem, ut notat Bartolus de appella. l. 1. *facit*, de consuet. c. 11. l. VI. Immo, quod plus est, & pauci advertunt, text. præallegatum c. *cuncta per mundum*, qui notabiliter probat, quod Papa est superior per jura supra inducenda, & quos synodus ligat, Papa absolvit. Et dicit iste textus, qui, ut ibi dicit glo. debet intelligi de synodo universali, & generali. Tertio, ad idem facit 11. quæst. VI. *ad Romanam*, ubi ab aliis omnibus appellandum est ad Romanam sedem, quasi ad matrem, ut ejus uberibus nutriantur, auctoritate defendantur, & a suis oppressoribus releventur. Quarto, pro hoc est optimus text. cui indubitanter responderi non potest, IX. quæst. 111. *ipsi sicut*, ubi text. dicit, quod appellationes totius ecclesiæ deferuntur ad Papam; sed clarum est quod concilium est tota ecclesia repræsentative; ergo a concilio

ad

ANNO  
CHRISTI  
1437.

ANNO  
CHRISTI  
1437.

ad Papam appellabitur. Ex quo sequitur, quod cum appellatio fiat ad superiorem, ut dixi supra, papa est supra concilium. Subdit etiam ille tex. quod a sententia papæ nunquam prorsus appellatur. Notandum verbum *nunquam prorsus*, quasi sentiat, quod nullo modo, & nullo casu appellatur. Ex quo inferitur, quod in terris non habet superiorem. Ideo male faciunt qui a sententia Romani pontificis appellant ad concilium. Credo enim per præmissa, quod talis appellatio sit funditus nulla; quia non fit ad superiorem. Et sic deficit unum de substantialibus appellationis, ut patet ex supra deductis.

Quinto pro ista superioritate papæ est bona glo. in præallegato c. *cuncta per mundum*, quæ vult, quod si concilium cum cardinalibus esset pro una parte, et solus papa pro alia, prævaleret id quod papa disponderet. Sexto, facit ratio: illud, quod alteri præstat robur, essentiam, & auctoritatem, & sine quo illud non potest in esse subsistere, est superius illo cui præstat robur, & esse, ut de se est notum. Sed Romanus pontifex sua auctoritate dat esse, & robur conciliis generalibus; ergo illis est superior. Aliam non video rationem, quare iura omnia ita exacte & diligenter ad validitatem generalium conciliorum auctoritatem papæ requirerent, ut patet XVII. per totum; adeo quod aliter facta non dicantur concilia, sed conciliabula, ut dicit tex. XVII. dist. *multis*. Septimo, videtur expressum de elec. *significasti*, ubi tex. clare dicit, quod concilia non possunt perfingere legem Romanæ ecclesiæ; immo dicens contrarium videtur resiliere ab unitate ecclesiæ, & a sedis obedientia. Nam in omnibus conciliis Romanæ ecclesiæ semper intelligitur excepta auctoritas, ut ibi dicit tex. Ex quo videtur denotari superioritas Romanæ ecclesiæ ad concilia generalia. Octavo, est tex. expressus, qui non potest cavillari in cap. *licet*, in si. de elec. ubi tex. dicit, quod in Romana ecclesia spirituale aliquid constituitur, quia non potest haberi recursus ad superiorem. Certe si concilium esset supra papam, & Romanam ecclesiam, male diceret ille tex. quod non possit habere recursus ad superiorem, concilium generale. Nono, hæc pars probatur tali ratione: sicut se habet pontifex inferior ad suam ecclesiam inferiorem; ita se habet summus pontifex ad ecclesiam universalem, cui præest auctoritate Dei, ut supra deduxi in prima conclusione. Hoc patet, quia quid juris est de toto quoad totum, idem de parte quoad partem, & contra, ff. de rei vendi. l. *quæ de tota*, de offi. dele. *pastoralis*, §. *Item cum non totum*. Sicut ergo in uno speciali populo Christi, & ecclesia requiritur unus episcopus, qui sit superior in illo populo christiano; & in universali Christi ecclesia oportet, quod sit unum totius ecclesiæ caput superueniens toti ecclesiæ; aliter Christus defecisset ecclesiæ suæ, quod dicere videtur absurdum, & contra id, quod habet I. VI. *Quid ultra facere debui vinctus meos, & non feci* ? XI. valet argumentum in iure ca. VI. *vocabuli*, XXI. dist. *cleros*, de præen. cum secundum, ff.

si cer. peta. l. §. *appellata*; sed papa dicitur summus, ut patet intelligenti. Quod enim per abundantiam dicitur uni soli competere, ut dicit ar. *facti*. ff. de in lite iuran. l. *cum furti*, & ff. de verbo, obli. l. *ubi autem non apparet*. XI. facit quod potestas, quam habent Concilia generalia faciendi constitutiones, & decreta, est illis data per papam glo. esse valde notanda, L. dist. *Domino sancto* in v. *conciliorum*. Ergo papa est supra concilium: nam & ad eum pertinet interpretatio, & declaratio decretorum, & constitutionum factarum in conciliis, ut notat glo. XVII. dist. *nec licet*; sed quoties ad aliquem recurritur, videtur superior l. ar. C. de legi. le. i. de iudi. cum *venissent*; ergo l. XII. pro hac superioritate facit ratio. Si enim diceremus, sicut multi (pace eorum) minime bene intelligentes dicere voluerunt, quod papa habet potestatem ab ecclesia, cum ejusdem sit tollere, cujus est condere, ut in præall. l. i. C. de legi. cum sim. sequeretur quod ecclesia posset supereminere mundo tollere. Hoc autem qui dixerit, maxime convincitur errare, quia ecclesia non potest id facere, per quod unitas ecclesiæ destruitur. Nam talis unitas est a Deo instituta, ut pulchre habetur, XXIV. quæst. i. *loquitur*; & Jo. X. *Erit unus ovile, & unus Pastor*, quasi dicat: aliter non esset unum ovile, nisi esset unus Pastor. Immo dicere contrarium, esset hæreticum cum per gl. præalleg. Clem. ad nostrum. Non ergo posset facere ecclesia, quod in ea non esset papa; idest aliquis, qui esset omnibus superior, & qui esset Christi vicarius, & Petri successor. Quod tum videretur posse facere, si hanc præminentiam ecclesia constitisset per præmissa. XIII. si papa haberet auctoritatem ab ecclesia, hoc esset per aliquod concilium generale, quod repræsenteret totam ecclesiam; sed hoc non potest esse, quia concilia generalia a papa recipiunt auctoritatem, ut clamant iura omnia, ut supra sæpius dixi; ergo non potest ei dare auctoritatem a quo recipit, alias esset perplexitas non intelligibilis. Et quod Papa non habuerit potestatem a conciliis est tex. expressus XX. dist. *quamvis*, cui non potest responderi. XIV. quod papa sit supra concilium tenent multæ glossæ quas hic allego. Una est in cap. pen. de capel. mona. Alia est in Clem. *ne Romani*, de elec. Alia, quæ est valde notabilis in cap. *periculum* de elec. l. VI. XV. facit, nam non est dubitandum regimen ecclesiæ esse dispositum per eum, per quem reges regnant, & legum conditores iusta determinant, Pro. VIII. Optimum regimen multitudinis est, quod regatur per unum, qui omnibus præsit, ut dicit Arist. XI. Metaph. E. & probatur VII. quæst. i. in *apibus*. Hic autem est Romanus pontifex regens, & gubernans ecclesiam, cui soli dictum est: *Tu aliquando conversus confirma fratres tuos*; & habetur Luc. XXII. Et hanc partem tenuit Beatus Thomas in lib. contra gentilib. IV. c. 76. XVI. de hac superioritate est pulcher tex. XIX. dist. *ita Dominus*, ubi dicitur, quod Christus in beatissimo Petro, apostolorum omnium summo, principatum,

eccle-

ANNO  
CHRISTI  
1437.



ANNO  
CHRISTI  
1437

ecclesiæ collocavit, ut ab ipso quasi quodam capite dona sua velut in corpus disunderet. Petrum autem ibi appellat caput; apostolos autem vocat corpus, & sic ecclesiā, quæ est quoddam corpus significat. Cum itaque Petrus fuerit summus omnium Apostolorum, ut supra colligitur, ut ibi dicitur, & per apostolos significatur corpus ecclesiæ; sequitur manifeste quod Papa, qui est successor Petri, est super ecclesiā. Et bene advertant ad illum textum, qui de trahunt auctoritati sedis apostolicæ; nam tex. in si. dicit. *Verum hanc petra istius firmitatem sacratissimam, Deo, ut diximus, edificante, constructam, nimis impia vult præsumptione violare, quisquis ejus potestatem tentat infringere, favendo cupiditatibus suis* &c. Pro hoc etiam allego alium tex. junctā glo. XXIV. quæst. 1. *audivimus*, ubi tex. dicit, quod Petrus pro omnibus accepit potestatem; exponit glo. pro omnibus, ad denotandum unitatem; præ omnibus ad denotandum prælationem, & præminentiam. Et quod papa sit superior, tener B. Thomas 2. 2. quæst. CV. art. 1. ubi format subtilerationem, quam vide ibi per eum, & per glo. in Clem. *ad nostrum*, de hæretic.

Plura alia ad convincendam hanc superioritatem adduci possunt; sed non est necesse solem facibus adjuvare, ut eleganter dicit Hostiensis in c. *per venerabilem*, qui si. sint legi. neque adjunctione indiget plenitudo, VI. quæst. 1. *si omnia*, XXV. dist. *bene quidem*. Ideo ista sufficiant. Ex quibus satis patet probatam esse hanc conclusionem. Si enim papa habet majorem, & pleniorē potestatem supra conciliū, non potest (conciliū) sua sententia (illum) deponere, quia sententia inferioris non tollit jus superioris; de major. & obed. cum inferior, si. de major. l. *major*. Sed omīssa etiam hac superioritate aliis modis etiam convincitur veritas conclusionis, videlicet per c. *nemo*, & per cap. *aliorum*, IX. quæst. III. ubi sunt tex. expressi, quod papa omnes judicat, & nemo potest eum judicare. Quibus in hoc concilio Basiliensi respondebat unus ex reverendissimis dominis cardinalibus dicens, quod illa jura prohibent papam ab uno solo judicari, ex quo loquuntur in singulari cum dicunt: *nemo primam sedem* &c. sed certe parcat mihi reverentia sua; ille tex. præallegatus cap. *nemo*, non solum singulariter, sed etiam collective prohibet papam judicari, dum subdit: *neque ab omni clero, neque a populo*. Clarum autem est, quod clerus, & populus sunt nomina collectivā significantia totum populum christianū, qui in duo genera hominum dividitur, videlicet in clerum, & populum XXVI. dist. *delicet* in clerum, & populum XXVI. dist. *delicet* in clerum. Et sic ille tex. clare probat, quod nec a concilio potest judicari. Ad idem facit XXI. dist. *nunc autem*, ubi licet Marcellinus scandalizasset ecclesiā, ex eo quia summus pontifex existens sacrificiis Pagano- rum se immiscuerat; tamen a concilio non fuit depositus. Sed huic facile posset responderi secundum glo. ibi, quod illud ideo fuit, quia paratus erat corrigi. Ideo ad veritatem ille tex. non multum probat. Ad idem 11. quæst. V. *mandastis*, ubi tex. clare pro-

bat papam accusatum non debere de necessitate stare judicio concilii, licet posset, si vellet, se purgare coram concilio. Nec propterea quod aliquis Pontifex se purgaverit, sicut Marcellinus in præallegato cap. *nunc*, & tex. in præallegato cap. *mandastis*, per hoc videtur imponi necessitas aliis Pontificibus hoc faciendi si noluerit, sicut dicit. tex. præallegato cap. *mandastis*. Ad idem facit quod legitur in veteri testamento, 1. Reg. XIV. & XVI. ubi habetur, quod licet Saul Rex esset jam factus indignus regno propter notorias iniquitates suas; David tamen noluit eum capere, aut interficere, cum tamen facere potuisset, ut patet legenti historiam; dixitque David: *nisi Dominus Deus percussisset eum, aut dies ejus venerit, non morietur; aut descendens in prælio perierit, propitius sit mihi Dominus, ut non mittam manum meam in christum Domini*. Item: *non extendam manum meam in dominum meum, quia christus domini est*. Ecce ergo quod quantumcumque Saul rex esset iniquissimus, & David persequeretur; tamen noluit David in eum insurgere, appellans eum improbissimum hominem christum domini, sed potius eum judicio Dei reliquit dum dixit: *judicet Dominus inter me & te; ulciscatur Dominus me, & te*. Quid ergo latrabunt, & adversus hoc exemplum clamabunt, hi, qui ex quolibet notorio crimine volunt papam, qui est christus Domini, a sede deponere?

Ad idem facit: clarum est quod papa habet potestatem a Deo, ut supra plenissime in prima quæstione deductum est; & sic papa est a Deo; sed quod a Deo est homines non possunt dissolvere, ne videantur Deo repugnare, ut habetur Act. VI. ergo &c. Ad idem facit quod habetur ad Galatas VII. transumptive 11. q. VII. *Paulus*, videlicet Petro Apostolo notorie scandalizanti ecclesiā, & cogenti homines judaizare, ut dicunt illi tex. nam Barnabam & alios multos ad hoc Petrus induxerat, ut comederent cum Judæis; Paulus resistit in faciem, & ejus morem impugnavit, secundum quod ibi plene legitur. Quæ est ratio, quare ibi Paulus, convocato concilio apostolorum, & aliorum Petrum cogentem homines judaizare non deposuit? Certe nulla alia urgens ratio potest assignari, nisi illi, qui Spiritu S. non virtualiter, sed effectualiter ducebantur, sciebant se non posse, quod a Christo institutum fuerat, quovis modo immutare. Ex hoc ergo dico quod ubicumque papa tale crimen committit, propter quod ipse non sit alienus ab ecclesiā, nec extra ecclesiā constituitur, sicut est omne aliud crimen præter hæresim, non potest etiam a toto mundo deponi. Potest tamen exemplo Pauli papæ turbanti ecclesiā resisti, & obviari ne contamine, seu scandalizet ecclesiā. Et hoc est, quod singulariter voluerunt Innocentius, & Joannes Andr. in cap. *Inquisitioni*, de sen. excom. ubi dicunt quod si papa præciperet aliquid quod esset contra universalem statum ecclesiæ; non esset illi obediendum, imo resistendum. Et sic notandum, quia non dicit eum propter hoc deponendum. Quod tum

Validiori-  
bus plane  
argumen-  
tis, quam  
quæ ex  
ista Romani  
con-  
fessionis  
auctoritate  
confiscantur  
summi  
Romani  
pontificis  
potestas  
adstruitur.  
Nul-  
lam enim  
apud do-  
ctos vim  
facit ad  
probandum  
concilium  
plane apo-  
cryphum.

ANNO  
CHRISTI  
1437

tum intelligo quando sine causa illud præciperet; si autem subsistente magna causa hoc faceret, tunc non esset ei resistendum; immo obediendum. Ita notat idem Innocentius in cap. quanto de consuet. ubi ad litteram dicit quod subsistente magna causa & aliis nota papa potest contra universalem statum ecclesiæ. Pro his allego bonum tex. XIX. distin. in memoria, qui est perpetuo menti tenendum; ubi textus sic dicit ad litteram: In memoria B. Petri Apostoli honoremus sanctam Romanam ecclesiam & apostolorum sedem; ut quæ nobis sacerdotalis mater est dignitatis, esse debeat ecclesiasticæ rationis magistra. Quare servanda est cum mansuetudine humilitatis; & licet minime ferendum ab illa sede imponatur jugum; tamen feramus, & pia devotione toleremus &c. Erubescant itaque & seipsis confundantur, qui propter crimen aut errorem Romani pontificis, ipsum aut ejus sanctissimam sedem volunt deponere; ferantque humiliter quod ab eo præcipitur, licet grave videatur. De cujus humilitatis virtute & merito ego allego bonam gloriam in Cle. l. de reli. domi. quæ est omnino videnda contra istos, qui adversus stimulos calces volentes erigere, tantum bonum perdunt humilitatis. Qualiter autem, aut quibus modis papæ scandalizanti, & turbanti sine causa statum ecclesiæ resistendum sit, infra subiiciam. Nunc vero prosequendo adhuc istam materiam probō eandem conclusionem aliter, pro qua bene facit I. q. 7. oves, ubi textus dicit quod oves subjectæ pastori non possunt eum accusare, nisi deviet a fide; possunt tamen eum reprehendere, & ei resistere, quod de papa & concilio recte verificatur. Ipse enim est pastor; concilium autem est ovile juxta illud Joannis IX. erit unum ovile, & unus pastor. Ad idem eodem c. & q. Petrus, ubi licet querimoniam multæ fierent contra Petrum apostolum, & ipse se excusaret, hoc fecit ex humilitate; potuisset enim, ut ibi habetur, ex potestate sibi commissi officii dicere: oves pastorem suum non accusent. Sic cum papa loco Petri successerit, potest concilio dicere: Oves pastorem suum non accusent, & per consequens multo minus deponant. Fateor tamen quod bene faceret papa, & esset laudandus, si se de objectis purgaret, & concilii iudiciis se subiceret ex humilitate, ut dicitur II. q. VII. nos si competeret. Si autem hoc non vult, hoc facere certe non adstringitur, ut in præallegato c. Petrus, & II. q. 3. mandasti. Pro hac parte est optimus text. II. q. 3. his ita. Ubi textus dicit, quod subditi tenentur humiliter reniti, & obviare prælatis suis, si forte volunt eos cogere ad malum. Et si hoc est inferioribus prælatis; quanto magis debet esse in Romano pontifice, supremo omnium, cujus potestas a Deo est? Probat ex exemplo David, qui cum homicidium, & adulterium commisisset, non est illico a Deo damnatus aut depositus, sed missus est propheta Nathan, qui illum argueret, ut habetur II. q. VII. §. Item cum David. Item pro hoc, quod concilium non possit papam deponere ad-

Concilior. Supplem. Tom. IV.

A duco hanc rationem, quæ est nona, & fortis iudicio meo. Clarum est quod papa non habet auctoritatem, & potestatem a concilio, sed a Deo; vel si potius volumus dicere quod papa habet auctoritatem a concilio, dicendum est quod illam habet iustu & auctoritate Dei, ut est textus, qui in hoc videtur singularis, XVII. di. §. hinc etiam. Si sic est, ergo non debet esse in potestate concilii seu ecclesiæ hanc auctoritatem ab eo tollere; sicut in simili dicimus, quod papa habet duplicem gladium; spirituales, & temporales, spirituales in habitu & exercitio; temporales vero in solo habitu. Exercitium autem est collatum etiam in Imperatorem iussu Dei, secundum quod notatur de iudic. novit, ubi hæc est communis opinio canonistarum. Et hoc sequitur quod papa non potest tollere exercitium jurisdictionis temporalis ab imperatore, quod exercitium in eum contulit iussu Dei, ut notatur per DD. in præalleg. cap. novit. Simile est quod dicimus in delegato: nam si episcopus mandante superiore causam delegat alicui, non est in potestate sua quodcumque voluerit talem delegationem revocare, quod tamen esset, si auctoritate superioris non delegasset, ut ff. de iud. l. iudicium solvitur, quæ hoc modo singulariter limitatur per doctorem præalleg. c. novit. Ex his clare patet, quod concilium non potest papam suspendere ab administratione papatus in casu, quo sic facit, ut patet ex superioribus. Inferitur etiam quod concilium generale per decreta sua non potest subicere sibi papam, & multo minus sedem apostolicam, quia hoc esset auferre sibi illam superioritatem, quam Deus Petro, & ejus successoribus, nec non ecclesiæ Romanæ concessit, secundum quod plene supra deductum est. Verum quia supra deductum est, quod papæ turbanti statum ecclesiæ potest, & debet resisti, dubitatur de modis resistendi. Ad quod respondeo, quod primo exemplo Pauli Apostoli resistendum est papæ in faciem exprobando & rationibus convincendo illius prava opera. Secundus modus resistendi colligitur ex exemplo Hylarii, qui contra Leonem papam prævaluit orationibus. Unde datis istis excessibus in Romano pontifice tota Italia deberet cum lacrymis, & jejuniis orationes ad Deum porrigere, ut ipsum corrigat vel de hac vita subtraheret, aut ejus mentem immutaret, vel alio modo ecclesiæ suæ provideret. Hinc legitur, quod Anastasius papa scelere proprio periit, & orationibus iustorum percussus est, XIX. di. Pie autem credendum est, nisi peccata nostra propter quod descendit ira Dei in filios diffidentia, aliud efficere, quod Deus preces ecclesiæ suæ non despiceret, neque pateretur eam ab iniquo pontifice periclitari; quia ipse oravit pro ea, ne illius fides deficeret. Verum ecclesia non potest esse nulla, XXIII. q. 1. loquitur, Et c. Arresta. Est enim fundata supra solidam petram, quæ ruere non potest; & navicula Petri licet fluctuare possit, perire tamen non potest, XXIII. q. 1. non turbatur.

Tertius modus est, ut congregetur contra talem pontificem concilium generale.

xxxx per



per collegium cardinalium, vel, ipsis negligentibus, per alios, de quibus plene dixi supra; non ad finem deponendi ipsum pontificem, ut quidam erronee existimant, sed ad finem, ut concilium moneat papam, & per viscera misericordiae Christi illum exoret, ut a talibus desistat, & se corrigat, & emendet; potestque concilium invocare auxilium brachii secularis, puta imperatoris, vel aliorum principum, qui papae ecclesiam scandalizanti resistent; pro hoc LXXIX. dis. *si quis pecunia*, LXIII. dis. *Adrianus*. Et c. in synodo. Unde tali pontifici volenti destruere ecclesiam, resistere debent omnes Christiani XXVIII. q. 1. *memor* XLIII. dis. *sic rector* VII. q. 1. §. cum vero cum si. Hinc dico, quod si papa totum thesaurum ecclesiae, qui est distribuendus pauperibus XII. q. 1. *antum habet ecclesia*, notabilis glo. in Clement. *ne Romani*, de elec. daret parentibus suis, aut propinquis, aut ecclesiae priori indebite alienaret, non est permittendus talia facere, sed est ei resistendum, ad ejus tamen depositionem propter hoc minime debet procedi, ut ex superioribus clare patet intelligenti. Pro hoc est una bona glossa in c. 1. de renu. lib. VI. ubi notat, quod papa solum propter haerese deponitur, non autem propter insufficienciam. Constat autem scienti jura, quod praetatus dicitur infra insufficiens; quando dilapidat bona ecclesiae, ut habetur de Sta. mo. c. 11. §. si. Item si vivit incontinentes, de quibus notat de supple. neg. praela. *Grandi*, lib. VI. Et hanc opinionem invenio tenuisse D. Petrum de Palude patriarcham Antiochenum, licet multa ex his, quae supra dixi, omittat.

Nec obstant, quae in contrarium allegantur pro superioritate concilii; primo illud Evangelii: *si peccaverit in te frater tuus &c.* transumptive 1. q. 1. *si peccaverit de Judi. novit*. Respondeo autem, quod dum Christus ultimo loco dicit, dicendum esse ecclesiae, per hoc non denotatur superioritas; sed intelligo dicendum esse ecclesiae, idest declarandum esse coetui fidelium illum esse incorrigibilem, ut, quod Petrus occultum sciverat, modo ab omnibus cognoscatur. Ideo bene sequitur in tex. *Et sic tibi sicut eribneus & publicanus*, per hoc sentiens illum in facie ecclesiae posse excommunicari, & deberi ab omnibus vitari; delictum enim occultum non est ante omnia propalandum, ut patet exemplo Christi, qui licet sciret Judam se proditurum, tamen celavit, ut notat glo. de offi. ordi. *si sacerdos* 1. q. 1. *Christus*, nisi subesset incorrigibilitas, quae deprehenditur, quando monitus non desistit ac. de sen. excom. *contingit*, et c. *sacro*. Nec obstat illud (d), quod habetur in actibus Apostolorum: *cum audissent Apostoli, qui erant Hierosolymis, quia recepit Samaria verbum Dei, miserunt ad eam Petrum, & Joannem, &c.* Ex quo colligunt quidam, quod ecclesia fuit major Petro, postquam eum misit. Respondeo istam esse satis levem argumentationem: nam cum tunc inciperetur fides publicari, magis inducebantur gentes ad fidem opere, & exemplo, quam verbo. Idcirco propter vitae san-

ctitatem, & miraculorum potestatem (nam ad ejus umbram sanabantur infirmi, Act. V.) missus fuit Petrus, qui exemplo Christi seipsum humiliavit, tenens illud praeceptum. mente: *qui major est inter vos, fiat sicut minor*. Simile est quod idem Petrus alibi facit, submittendo se ex humilitate judicio ecclesiae, quod tum declinare potuisset, II. q. VII. *Petrus*. Cujus exemplo etiam Leo papa submisit se imperatoris judicio, II. q. VII. *nos si incompetenter*. Per hoc tamen non inferitur vera superioritas, vel inferioritas, ut de se patet. Ad illud, quod allegatur Act. XVI. ubi orta questione, an conversi ad fidem debeant circumcidi, recurritur ad Apostolos, & presbyteros &c. Respondeo quod licet in illa congregatione Jacobus (e) fuerit loquutus, per hoc non inferitur, quin Petrus inter eos fuisset caput, & principalior. Quis enim est ita factus, qui diceret regem consilio suo esse inferiorem, si aliquid per consilium suum determinaretur, vel si aliquis contra suam sententiam diceret, quae ipsius regis, & omnium consensu approbaretur? Approbata est igitur sententia Jacobi, tamquam recte, & bene sentientis. Pro hoc bonus text. XXXI. dist. *Nicena*, uti in concilio unus dixit sententiam suam, quae a tota Synodo fuit laudata, ex quo non sequitur illum fuisse principaliorum. Omnia itaque ista solum probant hoc, scilicet in Ecclesia esse potestatem clavium. Et hoc fateor, ut deduxi in prima quaest. sed non probant superioritatem Ecclesiae super Papam (f), immo ratio naturalis dicitur contrarium. Sicut enim in vita monstruosum esset & impossibile quod corpus praesent capiti; ita cum Ecclesia sit quoddam corpus institutum, cujus caput saltem ministeriale est Papa, ut dixi supra III. quaest. 11. Satis videtur monstruosum, ipsam Ecclesiam praesent capiti suo; et contra autem sicut naturale est, caput praesent toti corpori, ita Papa debet praesent toti Ecclesiae. Ad cap. *legimus*, XCIII. dist. ubi Hieronymus dicit, *quod orbis est major urbe*; dico, quod si diligenter ponderentur praecedentia, & sequentia illa verba, nihil faciunt ad propositum; quia dum dicit: orbis est major urbe, vult dicere, quod non tantum est inspicienda consuetudo Romanae Ecclesiae, sed etiam aliarum Ecclesiarum, quae sunt dispersae per orbem, quae est major urbe. Nec est credendum, quod altera sit Ecclesia Urbis, idest Romana, & altera totius orbis. Nam omnes Ecclesiae sunt una Ecclesia, ex quo unam servant regulam veritatis, ut ibi dicitur, quasi dicat: non ex loco metimur consuetudinem Ecclesiae. Nam cum Orbis sit major urbe, potest ipse Episcopus alibi esse, quam in urbe; & quicumque fuerit, ejusdem est meriti, ejusdem sacerdotii, & intendit servare illam consuetudinem, quam servant omnes Ecclesiae, licet alius sit in urbe. Et hunc intellectum sentit ibi glo. in V. *altera*, & in V. *major*. Ad cap. *manet*, & cap. *memor*, XXIV. quaest. 1. in quibus videtur probari, quod contra universalem statum Ecclesiae Papa non possit facere, quia tunc ejus judicium non procedit ex aequitate; unde non

ANNO  
CHRISTI  
1437.

non manet eo casu Petri privilegium. Respondeo, quod Petri privilegium fuit: quodcumque ligaveris super terram &c. modo si ligat inique, & injuste, & sic non procedit ejus judicium ex equitate, cessat tale privilegium, primo quia talis non est ligatus in celo, & sic quoad Deum, ut dicit glo. in præallegato cap. manet. Item non licet Papæ turbare statum Ecclesiæ, ut dicit cap. memor. Tamen ibi non dicitur, quod ista sit iusta causa depositionis; unde fateor, quod male facit, graviter peccat, eique est resistendum secundum eam, quæ dixi supra. Simili modo respondeo ad glo. in cap. proposuit, de concess. præben. quæ videtur dicere, quod Papa non potest mutare universalem statum ecclesiæ, quod exponitur, non potest, id est non debet. Similibus expósito habetur de statu mon. Cum ad monasterium, in glo. pro quo facit, quia non videtur posse, quod non possumus commode, ff. de condi. iusti. l. filius, ff. de verbo. signif. l. nepos Proculo. Et dato etiam, quod vere non posset ex hoc non sequitur, quod illud, quod faceret, esset ipso jure nullum tamquam factum lege prohibente; quia non procedit ultra poenam imponendo secundum theoricam legistarum C. de legibus l. non dubium, per Bart. ff. de nov. op. nunti. l. prætor, §. 1. per Cardin. Florentinum in cap. fin. de postula. prælat. Nullo enim jure divino vel humano, cujus meminerim, decretum invenitur, quod Papa faciens quod non debet, etiam si notorie scandalizet ecclesiam, debeat deponi in causa hæresis; ergo nec nos debemus inniti sapientiæ propriæ. Et hoc dicitur de consil. ne inuitatis. Erubescimus enim cum sine lege loquimur, C. de colla. l. illam, cum vulga. Et præsertim in tam arduo negotio, in quo profecto valde admirandum est, quod si talis poena depositionis posset imponi, alicubi & per sanctos patres, aut sacra concilia hoc decissum non sit. Solum hæc falsa opinio pullulavit ex illa maledicta glo. quæ est XL. di. si papa; (g) quæ tamen nihil dicit de poena depositionis, sed solum dicit, quod de alio crimine, quam de hæresi papa potest accusari. Non tamen dicit, quod ex illa accusatione sequatur depositio. Immo tex. in præall. c. & si papa, id agat, per quod innumerabiles populos inducat ad perditionem, quod satis est turbare statum ecclesiæ, a nemine est iudicandus, excepto casu hæresis, ut ibi subiungitur. Unde non video hunc errorem aliunde processisse, quam a radice ambitionis, & cupiditatis regnandi. Ad c. Et si illa, t. q. VII. XXV. q. 1. Quæ ad perpetuam, & c. Sunt quidam, respondeo concedendo, quod contra statum universalis ecclesiæ papa non potest dispensare, & si dispensat, convincitur errare, & male facere. Quod intelligo, quando sine causa facit; non tamen probant illa jura, quod si faciat, possit contra eam procedi, quia ejus delicta solius Dei judicio sunt reservata; IX. q. IV. nemo, et c. aliorum. Immo posset dici, quod etiam contra universalem statum ecclesiæ, papa potest dispensare, dummodo non concernant fidem, (b).

Concil. tor. Supplem. Tom. IV.

ANNO  
CHRISTI  
1437.

legio vi.  
tiata.

Pro hoc allego glossam, quæ ita intellecta est valde notabilis in c. proposuit, de concess. præben. intendo, quod ista verba ibi posita quædam intelligo in hiis referantur ad omnia præcedentia, quod patet ar. de appell. Secundo requiritur, & c. inquisitioni per Bartolum ff. de privil. l. talis scriptura. Et hæc sufficiant de ista conclusione, in qua multa notabilia dicta sunt.

Quarta conclusio (i) est: papa potest de plenitudine potestatis concilium legitime congregatum iusta causa subsistente dissolvere. Ista conclusio multipliciter deducitur; primo sic. Concilium generale sumit robur, & auctoritatem a papa, XVII. dis. per totum, de elec. significasti, & sæpius probatum est. Ergo ab eodem potest dissolvi, ipso submovente suam impetiri auctoritatem, quia ejusdem est dissolvere & destruere, cujus est condere, c. de legit. l. prima de judi. cum venissent, cum sim. Item papa tollit jus divinum dispensando contra evangelium, ut notat glo. XXX. q. 1. Sunt quidam, l. di. ex penitentibus, in tex. & glo. Nam ordinare bigamum est contra Apostolum, de biga. Super eo. Et c. a nobis; habetur ad Thimo. 3. & tamen papa contrarium facit. Item papa dispensat contra universalem statum ecclesiæ, de consan. & c. affi. non debet; XXXV. q. V. ad sedem, & quod ibi notat LXVIII. di. Cor. Christi. Item dispensat contra vetus testamentum in decimis dandis; de deci. Ex parte, q. 1. in tex. & glo. de concess. præben. proposuit in glo. Et tamen præceptum decimarum est de jure divino, XVI. q. 1. Revertimini ad me, & c. omnes, de decim. Tua nobis. Item in voto papa dispensat, de voto c. 1. & cap. magnæ, cum sequentibus, quod tamen est de jure divino, juxta illud Evangelii, & vota reddite, ut habetur in præallegato c. magna. Idem in juramento; & tamen scriptum est: redde Domino juramenta tua, ut legitur in Deuter. V. Matt. X. de jure jura. Et si Christus. Item dispensat contra multa capitula quatuor conciliorum, ut habetur in tex. & glo. XV. dis. sicut sancti; notat glo. de statu monachorum cum ad monasterium. Item dispensat in secundo gradu affinitatis collateralium æqualis lineæ, de concess. præben. proposuit, in glo. de retri. spo. literis in glo. & ibi per doctores. Item cum monacho dispensat contra votum castitatis, & aliorum substantialium regulæ, notat glo. in præall. c. cum ad monasterium, per Joan. de re jur. semel dicto li. VI. Item dispensat cum subdiacono, ut contrahat matrimonium, qui tamen ex voto tenetur ad castitatem, tex. est XXXII. di. de illo, licet glo. ibi. dicat contrarium, & in c. Cum ad monasterium, præall. Item dissolvit matrimonium non consummatum, de conver. conjug. ex publico, & tamen matrimonium est de jure divino, quia fuit institutum in paradiso, de biga. debitum: et, ibi notat Joannes de fugi. c. fi. Ex tex. de voto c. 1. lib. VI. & habetur Gen. 1. Item solus papa ex causa deponit imperatorem, licet de honestate requirit concilium, de re judi. ad apostolicæ §. nos itaque lib. VI. & ibi notatur in glo. Item deponit

XXX x 2

re-



ANNO  
CHRISTI  
1437.

regem XV. q. VI. *alius*. Ex quibus autem causis Imperator, vel rex possit deponi notatur per Hosti. & Joan. in præall. c. *ad apostolicæ*. Credo etiam ad hoc notandum in c. *grandi* de supp. neglig. prælat. lib. VI. Item solus papa ex causa potest deponere cardinales, nec habet necessitatem convocare concilium: glo. est valde notabilis de cle. non resi. *Ex gestis*, & ibi per Joan. Mo. de schisma. c. 1. lib. VI. licet papa de honestate bene faciat in his arduis requirere concilium cardinalium, ut notatur in dicto capit. 1. de schisma per Jo. Mo. in ca. *super eo*, de hæret. lib. VI. probatur.

Respondendo itaque ad propositum dico, quod si papa potest facere omnia illa, de quibus supra, & plura alia, quæ causa brevitas omitto, quæ videntur esse graviora, multo fortius poterit dissolvere concilium generale, quod ab eo recepti potestatem, & auctoritatem. Pro hoc facit, quod papa potest in totum tollere statuta conciliorum etiam corpore juris clausa, quod patet. Nam quod inferior annis XX. posset fieri subdiaconus, aut XXV. diaconus vel XXX. sacerdos, erat expresse prohibitorum per concilia generalia, ut habetur, LXXXVII. dis. *Subdiaconus*, c. *placuit*, c. *episcopis benedictionem*, &c. in *veteri*. Quæ omnia sunt statuta conciliorum generalium, ut patet in supradictis. Et tamen papa illa omnia subtulit, ut patet in Clem. *generalem*, de æt. et qual. et ibi not. glo. nec mirum, quia non debet reprehensibile iudicari, si secundum varietatem temporum statuta variantur humana, ut dixit text. de constan. et affin. *non debet*. Novis enim morbis nova convenit antidota præparare; de jura. calumn. *cæteris*. Pro hoc facit, quod notat Innoc. de consue. *Quanto*, qui dicit, quod Papa subsistente magna causa, et aliis nota potest facere contra universalem statum ecclesiæ; et verba Christi intelliguntur, quodcum. ligaveris, scilicet per constitutiones, vel præcepta, quia ei est in omnibus obediendum, nisi sint contra fidem, vel ei specialiter prohibita. Verba sunt Innocentii ad litteram. Quid plura? de hoc est glo. multum singulariter notanda in cap. *ubi periculum*, de elect. lib. 6. in v. *concilio*, quæ tenet quod Papa de plenitudine potestatis potest dissolvere concilium, quia nulli concilio est subiectus. Ubi ergo habemus glo. fulcitam auctoritatibus, quibus supra, certe temerarium videtur esse ab ea recedere; nec videtur in tali materia posse melius reparari, quam accedere ad hos sanctos Patres, et devotissimos meos, qui tex. et glo. composuerunt, qui nec odio, nec gratiæ, seu alio animi morbo subiecti nobis veritatem ediderunt; absque ab hominum mentibus eorum doctrinam non continere veritatem. Non prætereamus ergo terminos, quos posuerunt Patres nostri, XXV. quæst. 1. *quæ ad perpetuam*, ne in nobis illud evangelicum impleatur; *væ vobis, qui dicitis malum bonum, & bonum malum, ponentes lucem tenebras, & tenebras lucem*. XI. quæst. 1. *væ vobis*. Neque afferamus novas et dolosas stateras, ubi appendamus, quod vo-

luntus arbitrio nostro dicentes, hoc grave est, hoc leve, XXIV. quæst. 1. *non asseramus*. Hoc dico pro his, qui sacros canones damnare ausu temerario non verentur, quibus ..... in evangelio dicendum est: *finite illos; cæci enim sunt, & ducet cæcorum*, transumptive de voto *magne*, XI. quæst. 111. inter verba. Ex præmissis infero, quod cum subsistente iusta causa dissolutionis præceptum papæ satis æquum videatur, ei ab omnibus est obediendum per supradicta, & præsertim per illum tex. qui iudicio meo in hoc est multum singularis, XIX. dis. in memoria, adeo ut putem non obediens tali præcepto peccare mortaliter; quia qui non obederit principi morte morietur, de mayo. et obed. c. 11. XI. q. *resistit*. Nec dicitur tali præcepto papam evertere, aut decolorare statum ecclesiæ, ut quidam putant: tunc enim bene diceretur facere hoc, quando prohiberet in perpetuum fieri concilia generalia, aut totis viribus impediret quodcumque generale concilium fieri. Nam si hoc faceret, non esset ei obediendum; imo totis viribus resistendum, ut plene deduxi supra in tertia conclusione. Sed si ex causa unum concilium semel dissolvit ..... intentionis quod alibi, et alio tempore aliud celebretur, in quo eadem veniant discutienda, quæ in primo, non video quia istis revelavit, istud esse subvertente statum ecclesiæ. Ad quod probandum adduco tria similia: primum est, papa non potest deponere omnes ... mundi; ut notat glof. IX. q. 3. *per principalem*, quia hoc bene esset decolorare statum ecclesiæ. Unum, duos, vel plures, nemo sanæ mentis dubitabit ipsum posse deponere, ut in c. *veritatis*, de dol. et cont. cum si. Secundum simile est, papa non potest sua constitutione, aut præcepto inducere, ne quis contrahat amplius matrimonium, aut contrahat omnia dissolvat; quia hoc esset contra præceptum divinum, 11. *crecite, & multiplicate, & replete terram*, ac esset perturbare statum generis humani. Quis autem negabit ipsum posse unum duo vel plura matrimonia dissolvere, non secuta carnali copula, vel contrahenda impedire, seu prohibere, ut patet de mar. contra interdic. ecclesiæ per totum? Tertium simile habetur in glo. quam ad hoc ego reputo valde notabilem in c. *a nobis*, de decim. ubi glo. tenet, quod papa potest speciali ex privilegio concedere, ne teneatur ad decimas solvendas; quia hoc non est facere contra jus divinum; non tamen posset facere præceptum, aut constitutionem, quæ omnino tolleretur obligationem præstandi decimas. Licet enim jus naturale, aut divinum non possit per papam omnino tolli; potest tamen quibuscumque specialiter remitti; ut notabiliter dicit illa glo. Sic etiam est in proposito nostro; licet omnia concilia generalia et omni tempore celebranda non possit papa dissolvere, aut præcipere, ne fiant, quia convinceretur errare, XXV. q. 1. *sunt quidam*; unum tamen subsistente causa poterit ipse dissolvere, et multo magis de loco ad locum commutare, quia illa non sit tantum nisi quædam transmutatio. Neque debet ecclesia Dei, quæ in Spiritu S. est legitime congregata, propter hoc insurgere contra

ANNO  
CHRISTI  
1437.

tra Romanum pontificem, aut ejus sacratissimam sedem, neque debet curare magis de uno loco, quam de alio; sed attendere illud verbum, dicens: *ubicumque fuerint duo vel tres in nomine meo congregati, ego in me-*

*dio illorum sum.* Nota dictionem *ubicumque*, ex qua colligitur, quod non debet haberi consideratio magis istius loci, quam illius; dummodo ipsa ecclesia capiti suo uniatur, et in Spiritu S. legitime congregetur.

## FELINI SANDEI LUCENSIS

*Episcopi adnotationes quedam in hoc excerptum Petri de Monte.*

(a) **T**ertia conclusio. Papa pro nullo alio crimine, etiam si incorrigibiliter, & notorie scandalizaret ecclesiam, potest per concilium quovis modo deponi; & hanc conclusionem probat per XXVII. motiva, dans postea remedia resistendi periculosis erroribus Papae. Et in hac materia pondera textum in Gloss. *etiam cum Balaam.* Ad finem 11. quæst. VII.

(b) Probatur hoc XXIV. quæst. x. quodcumque in Glossa. Ad ea jura hic allegata respondet Abbas in sermone. *Quoniam veritas;* (sæpius evulgato typis) & ubi iste sentit de aliquo male, secundum eum vult dicere de abbate duce Basilienium.

(c) *Sententia Romana sedet præferenda est sententia totius ecclesie.* Addo Gloss. in cap. *in istis.*

(d) *Nec obstat illud quod habetur in Actibus Apostolorum; cum audissent Gre.* Ego melius respondeo ad hoc, quod missio, quæ fit per auctoritatem, utique est a Superiore, sicut Papa mittit legatum & rex Basilium. Sed missio, quæ fit per consilium & suasionem, potest esse ab inferiore; & sic consiliiarii dicuntur mittere regem quando vadit alicubi de consilio subditorum, quia per consilium movent eum ad illud faciendum; & apostoli, & seniores miserunt Petrum, & Joannem, persuadendo, & consulendo pro salute populi. Ista est responsio archiepiscopi Florentini.

(e) *Licet illa congregatione Jacobus Gre.* Aliter respondeo, primo quia Jacobus judicavit ut iudex illius loci specialiter; non quasi Petrus non potuisset judicare; sed quia voluit illi deferre in loco suo. Sicut papa quando est in aliqua Civitate potest omnia audire, & judicare; sed in multis non facit, ut deferat episcopo. Secundo respondeitur, quod Jacobus ipse non dedit senten-

tiam in illa materia legalium; sed Petrus qui prius locutus fuerat quid agendum esset. Postmodum autem Jacobus addidit sententiam suam, non quasi autorizans, sed ut assentiens confirmans Petro pro parte omnium; sicut fit in conciliis, in quibus formatis decretis (per) Papam responderetur ab omnibus praelatis per placet; ut sunt multa jura in decreto; & ista est responsio archiepiscopi.

(f) *Non probans superioritatem ecclesie super Papam.* Posset etiam his opponi de cap. in novo, XXI. dist. ubi dicitur, quod apostoli voluerunt Petrum esse suum Principem; per consequens totius ecclesie; & sic non a Christo sed ab apostolis videtur Petrus habuisse primatum. Respondetur quod apostoli hoc voluntate consequenti, & acceptanti Dei ordinationem, non autem voluntate antecedente, seu causante ipsius auctoritatem, nam hanc habuit a Christo.

(g) *Hac falsa opinio pullulavit ex illa maledicta Glossa in cap. si Papa.* Contra glossam cap. si Papa, addo ex Glossa statim contrarium in cap. si quis, LXXIX. dum dicit, quod etiam pro hæresi non deponitur ut pro simonia; & tamen scandalizat ecclesiam, & ita Archiepiscopus in summa ut pro consilio pro Eugenio.

(h) *Dummodo non concernans fidei.* Quod papam hæreticum incorrigibilem concilium possit deponere firmat Dominus post Joannem Andream habentem hoc pro indubitato in cap. in fidei, de hæret. in VI. & in cap. nunc autem, XXI. dist.

(i) *Quarta conclusio Gre.* De plenitudine potestatis potest papa concilium legitime congregatum iusta causa subsistente dissolvere. Adde B. Thomam in tract. de potentia Dei, quæst. X. art. 4. in responsione ad XIV. argumentum, ubi tradens utrum Spiritus Sanctus procedat a Filio, dicit quod solus Papa habet auctoritatem congregandi Synodum, & ad ipsum pertinet confirmare sententias Synodi, & a Synodo pertinet confirmare Papam, & non habet necesse convocare appellatur ad Papam, & quoties occurrit dubitare de fide. Vide dicta cardinalis S. Sixti (cardinalis Turrecrematæ) in suo libello de papa quæst. IV.



ANNO  
CHRISTI  
1437.

## EX DIALOGO

*Aeneas Silvii de Constantini donatione*

Fragmentum.

UT fragmentum istud dialogi Aeneas Silvii Piccolomini Severis hic darem plura susceperunt; rei novitas: novum enim prodit, quomodo eius meminerant quidam; Concilii Basileensis commemorationis; & quod plus est ea fere refutat hic Aeneas, quae Panormitanus in oratione hac sua adversus clericos bona temporalis affectum possidentes urgebat.

## DIALOGUS AENEAS.

**P**etrus. Taceo jam de translatione Imperii, & donata ecclesiae dominia quae dicis non inficio: Verum etsi laudo zelum donantis; consilium tamen accipiant probo. Nam secularia iudicia & gladii potestatem & belli curam, sine quibus dominia civitatum retineri non possunt, quis nescit Dominum sacerdotibus interdixisse? Nemo inquit ad Titum Paulus, Deo militans implicat se negotiis secularibus. Cumque successorem sibi Clementem Petrus assumeret; neque enim, inquit, iudicem neque cognitorem secularium negotiorum te hodie vult ordinare Christus. Inter canones apostolorum huiusmodi verba legimus: *episcopus aut sacerdos aut diaconus nequaquam seculares curas assumat; si secus egerit, deiciatur.* Quis utrum gladii Romanis pontificibus puraverit esse permissum, cum Petro dixerit Dominus: *mitte gladium in locum suum, & apud Lucam?* cum vellet Jacobus & Joannes in Samaritanos ulcisci, quamvis essent illi digni, quod Dominum contemperant. Nescitis, inquit Salvator, *cujus spiritus estis: filius hominis non venit animas perdere, sed salvare.* Quid quod in civili dominio servi & domini sunt; & alter excellit alterum? Quo pacto Romanus pontifex regnum teneat, cum dicat apud Matthaeum veritas: *Scitis quia principes gentium dominantur eorum, & qui majores sunt, potestatem exercent in eos: non ita erit inter vos, sed quicumque voluerit inter vos major fieri, sit vester minister?* Intellexerat magistrum Petrus; atque ideo factus pontifex: *non dominantes in cleris, sed formam facti gregis;* inquit. Quibus verbis, nisi, me melius instruis, & regnum & omne civile dominium prohibitum clero putaverim. Aeneas. Basilea tibi haec arma ministravit. Audivisti Petrum Anglicum, neque oblitus es verborum, quae protulit in disputatione quam habuit adversus Joannem Palomarium, cum alter Uffitarum, alter concilii partes tueretur. Petrus. Non me poenitet in Synodo Basiliensi fuisse, in qua lumina nostrae urbis excellentiora fuerunt. Multa illic didici, quae adhuc meminisse juvat. Joannes ille, Catholonia oriundus, vir fuit multarum litterarum & ingenii sublimioris, vita quoque & laudabili & munda: et Petrus nihil praeter Sophismata novit: nihil in eo solidi, nihil quod imitetur comperi, quem sola verbositas & inanis garrulitas Uffitarum ducibus commendaverit. Anglicum tanquam delirantem & blasphemum domo pepulerunt. Sed ignarus apud

ignaros locum reperit. Nihil ego ex eo didici; nam quid ille, quod memoria mandandum videretur, non protulit unquam. At cum audirem Joannem respondentem, inter caetera notavi quae modo retuli, Aeneas. Cur non etiam quae in aliam partem dicta sunt meminisse? haec omnia Joannes diluit. Bernardinus. Tenacius memoriae haerere solent, quae noxia sunt. Quae diligunt homines ea causa discunt. Pet. Opinor ita esse ut ais, sed aufer mihi, si potes hanc ex mente molestiam, sacerdotibus credam negatum esse civile dominium. Bern. Facio libens, si te modo ratio magis, quam pertinacia duxerit: Illud igitur in primis expeditum est nobis in veteri lege, sacerdotes temporalia dominia possedisse, rexisse civitates, fuisse iudices, populis jura dixisse, adeoque magnum imperium sacerdotale fuisse, ut morte plebendum dicerent eum, qui dicto summi sacerdotis non parvisset. Non est igitur quod nobis ex veteri testamento objicias. Petrus. Non utique; memini enim dixisse Palomarium, cum Petrum argueret, pro quovis testimonio veteris legis, in quo potestas secularis interdicta sacerdotibus videretur, quiddecim e regione mox sese dicta reperturum, quae contra suaderent. Bern. Bene est: minus tecum negotii erit. Ad legem Christi veniendum est, sanctam & mundissimam; nihil carpitudinis, nihil admittit mali, neque clericos solum, sed laicos quoque sine labe, sine macula nitidos cupit: mundiores tamen desiderat qui ministerio sacri altaris insunt. Sint igitur sacerdotes quales esse divina praecipio jubet, doctrina & sapientia praediti, fortes in adversis, in secundis rebus humiles, benigni, misericordes, boni & aequitantes, casti & honoris Dei elatores. Quid tum, nunquid horum imperio gubernari civitates & pulchrum & utile dices? Pet. Dicerem nisi me Christi verba prohiberent; nam quo melior quisque est et eo melius gubernat, eaque rerum natura est. Apud Lucam cum rogetur inter duos fratres iudicium facere super vos; et apud Joannem legimus. Cum cognovissent, quid venturi erant ut eum raperent & facerent regem; fuit iterum in monte. Quibus exemplis discipulos instruebat no iudicium aut regnum assumerent. Inter caeteros autem christianos imitatio Salvatoris praecipue sacerdotibus convenit. Bern. Si regnare coepisset dominus, neque crucis mysterium, neque redemptionis nostrae praemia vidissemus. Adde quia minus efficax dictum est. Si omnia sacerdotibus recufanda credideris,

ANNO  
CHRISTI  
1437.

Desunt  
plura.

deris, quæ Salvator declinaffer, neque omnia quæ fecit dominus facienda sunt: neque vitanda omnia quæ vitavit. Jussiones ejus, sive mandant, sive prohibeant, exacte servari debent; si quis contra nititur reus est mortis. Sed existimas ex verbis Matthæi quæ paulo ante retulisti, prohibitum clero regnum; neque male sentis, si regnum interdixit apostolis suis veritas. Sed regnum quo utebantur. Est enim regnandum duplex forma; sunt reges qui ad suum commodum omnia referunt, superbi atque inflati opinione, suis voluptatibus dediti, qui cives loco servorum habent, judicia vendunt, pecunias cumulant, legibus nullis teneri volunt, nec amari magis quam metui cupiunt, atque cum Oedipo dicunt. *Odia qui nimium timet, regnare nescit: regna custodis metus.* Et iterum: *qui vult amari, languida regnet manu.* Hujuscemodi reges apud Assyrios, Medos, Perlas, Ægyptos et in omnibus fere gentibus erant; cum Salvator inter homines conversatus est; neque hodie defuncti hujus regni vestigia. Quidam vero sunt reges, sed admodum pauci, qui Reipublicæ præfidentes omnia, quæcunque agunt, ad eorum qui sibi commissi sunt utilitatem referunt, soliti commodorum suorum, qui cives veluti filios amant, et tanquam ministri Dei multitudinem sibi creditam iustis legibus et optimis moribus regunt. Dominus igitur primam regnandi formam damnavit; cum ait: *Principes gentium dominantur eorum.* Nam et alibi dixit. *In viam gentium ne abieritis.* Secundam vero amplexus est, dicens: *sed quicumque voluerit inter vos magister fieri, sit vestier minister.* Neque enim bonus et verus rex aliud est quam populi minister et reipublicæ servus, quem dies noctesque sollicitum esse oportet, nequid civitati desit, ne rixentur subditi, ne cui fiat injuria, nequid detrimenti regnum patiatur; ut vigeant leges, religio floreat, pacis dulcedo in omnes æque releat. Atque hoc est quod Petrus ait. *Pascite quod est in vobis gregem Dei, providentes non coacte sed spontanee secundum Deum: neque turpis lucri gratia, sed voluntarie.* Deinde subjunxit, quod a terlatum est: *neque ut dominantes in clericis.* Sciens enim magnus apostolus quia non placisset magistro violenta dominio, neque turpe lucrum, regendi normam præbens, eos qui præfunt prudenter admonet, ut ita se habeant tanquam subditi. Neque tam dominos subditorum, quam se fratres existiment. Oportet eum qui regnum administrat eorum meminisse verborum, quæ pulchre apud Senecam in Thyeste leguntur, *Vos, inquit ille, quibus rector maris atque terræ jus dedit magnam necis atque vitæ: ponte inflator tumidosque vultus: quicquid a vobis minor exitumescit, major hoc vobis dominus minatur.* Non igitur omne regnum Petrus ab ecclesia removit, qui prius dixerat: *Vos autem estis genus electum, regale sacerdotium, gens sancta, populus acquisitionis.* Et Paulus: *fecit vos, inquit, regnum sacerdotale; regnum illud ecclesiæ, recusandum est.* Dominatio regalis, quæ filiorum loco subiectos habet, neque Salvatoris jussu neque apostolorum monitis arceatur ab ecclesia. Neque

tu mihi apponas apostolicas voces, quibus Deo militantes secularia tractare negotia prohibentur, quod tunc demum verum est, cum turpe lucrum aut indigna voluptas sive inanis rumor quæritur. At si honor Dei, si pax populi, si salus animarum ex tractatu secularis negotii resultat; quis dicat Christi militem expertem ejus esse debere? Aut nulla igitur dici debent secularia negotia, ex quibus utilitas surgit animarum; aut dicenda sunt & permittenda sacerdotibus. Petrus, & Andream scimus in apostolatu piscatos esse, sanctos Patres ædificasse domos, coluisse vineas, agros sevisse, armenta pavisse; quæ tamen secularia negotia nemo qui sapiat inficias ibit. Et quæ vinea pulchrior est? quis ager feracior? quam populus bene cultus, aut justiciæ sarculo mundata civitas? Nihil est, inquit ille tuus Cicerone, quod illi principio Deo qui omnem mundum regit, quod quidem in terris fiat acceptius, quam concilia coetusque hominum jure sociati, quæ civitates appellantur, horum rectores & conservatores hinc profecti huc revertuntur. Crassa proculdubio & supina nimis ignorancia est eorum qui tanti boni, quantum in administrandis civitatibus acquiritur, sacerdotes Expertes ajunt. Cum dixerit discipulis suis Dominus: *venite post me, & faciam vos piscatores hominum.* Neque enim alii verius piscantur homines, quam qui civitatibus præfidentes exemplo et verbo populos instruunt, et in sagenam mittunt salutis æternæ. Beatas hinc Reipublicas fore dicebat Plato, si rectores eorum studere sapientiæ contigisset. Quod si contenderis satis esse sacerdotibus si divinam rem agant, sacra ministrent, sermonem populo faciant, fitebor & ego sufficere sacerdotibus implere suum officium; populis autem dicam multum deesse quibus expedit ab optimo rectore gubernari. Cumque tales esse soleant subditi, quales reges, parum valebit sacerdotis instructio, si contra regis inabit præceptio. Nam & nobis prædicantibus sæpe contigit adversus ea, quæ nos sermoneando ex divina lege suavimus, civitatum rectores decreta fecisse. Multo igitur et melius et sanctius regitur populus, qui sub bono sacerdote, quam qui suo bono laico gubernatur. Potest enim hic alioquin sacerdotibus adversari, qui non sunt ei circa sacra subiecti. Ille qui præest omnibus, a se ipso dissentire non potest. Neque illud impedimento est, quod bellum gerere aut sententiam sanguinis dicere sacerdotes prohibitos asseris; hoc enim possunt per alios exercere, quemadmodum nec reges per se omnia gerunt. Sed alia belli ducibus, alia rectoribus provinciarum, alia magistratibus urbium committantur. Atque hoc est quod Nicolaus Romanus pontifex ait. Cum ad verum ventum esset, ultra nec imperator jura pontificatus arripuit, nec pontifex nomen imperatoris usurpavit. Quoniam idem mediator Dei & hominum, homo Christus Jesus, altibus & propriis & dignitatibus distinctis distincta officia potestatis discrevit. Quia sicut imperatori, cuius est arma gestare, hostem ferire, noxium sanguinem fundere, non licet altari ministrare; sic & illa pontifici

Locus tur.  
batus.



ANNO  
CHRISTI  
1437.

*fieri negatum est exercere.* Assunt tamen imperatori sacerdotes qui divina cum illi placeat sacrificia celebrant. Neque summo pontifici defunt laici, qui jus dicunt, malefactores plebunt, ac bello propulsant hostes. Quod si pleræque civitates subjectæ sacerdotibus ad exterminium quodammodo deductæ videntur, quemadmodum in patrimonio ecclesiæ non paucas novimus; id accidit vel quia subditi parum fideles fuerunt, novitibus ac seditionibus gaudentes, vel quia summi pontifices, abusi potestate regum, imperium in tyrannidem converterunt. Quamquam vastitas illa terrarum ecclesiæ Romanæ magna ex parte prius facta est quam sedi apostolicæ subjicerentur, suntque civitates illæ, ut nostri, veteres, et ut est vitium B senectutis suapte natura collabuntur. Sic omnia verti cernimus, atque alias assumere robora gentes. Non est igitur, Petre, cur sacerdotes insecteris, qui civile dominium dono datum acceperint, si modo subditorum salutem consulentes, neque divina officia

negligunt, neque humana confidunt, atque ut verbo dicunt, et sic opere servorum Dei sese servos esse ostendunt. *Petrus.* Satisfeciisti abunde menti meæ. Consentio quia non civitates possidendo: sed male regendo legem Christi sacerdotes impugnant, do manus, tuisque monitis acquiesco. *Aeneas.* Libentius te hodie Bernardine adivi, quam Joannem Paulomarium quondam Basileæ. Nam tum laicus eram et communi laicorum livore cum Petro nostro adversus ecclesiam sentiebam, neque tam veritati, quam propriæ cupiditati auscultabam. Nunc sive altius sentio, sive mutatis affectionibus ea probo quæ cupio. Miro me modo tua traxit oratio, neque sentire aliter possum, quam quod tua disputatio suadet. Nam et quamplures fuisse viros sanctos et miraculis coruscantes tradit antiquitas, qui simul et sacerdotio et dominio temporali satisfecerunt. Quamvis et olim fuisset, et nunc esse non dubitem pene innumerales utriusque regiminis neglectores &c.

ANNO  
CHRISTI  
1437.

F I N I S.





f

93-B1603A







